







162  
H  
54.













# BREVIARIUM ROMANUM

EX DECRETO

## SS. CONCILII TRIDENTINI

RESTITUTUM

### S. PII V. PONTIFICIS MAXIMI

JUSSU EDITUM

### CLEMENTIS VIII. ET URBANI VIII.

AUCTORITATE RECOGNITUM

EDITIO POSTREMA NEAPOLITANA

**Aucta Officiis Sanctorum Novissime per Summos Pontifices  
usque ad hanc diem concessis.**



**NEAPOLI**  
**TRAMATER EXCUDEBAT**  
**MDCCCLVI.**







# SUMMA BULLARUM SUMMORUM PONTIFICUM

## PRO EDITIONE HUIUS BREVIARII.

**PIUS V.** Bulla, quæ incipit, *Quod a nobis*, data Romæ septimo Idus Julii anno 1558, significat causam edendi hujus Breviarii, nempe ad tollendam orandi varietatem.

Enarrat ea, quæ in hac re præstiteret Paulus et Pius nomine Quarti, et quam ipse adhiberi operam curavit, ex Decreto Concilii Tridentini.

Tollit et abolet omnino Breviarium a Cardinale Sanctæ Crucis compositum, quod erat brevissimum. Item alia Breviaria Romana, et alia, quæ ex institutione vel consuetudine legitima non superant ducentos annos.

Permittit tamen ut antiquiora ducentis annis possint mutari in hoc Breviarium, iis omissis, si Episcopus et universum Capitulum consentiant.

Revocat omnes permissiones, consuetudines, statuta, privilegia, licentias, et indulta precandi et psallendi more et ritu prædictorum Breviariorum suppressorum.

Præcipit observari hoc Breviarium in toto orbe, cum exceptione 200 annorum, de qua supra.

Statuit in eo nihil mutandum, addendum, et detrahendum.

Obligat quosque, qui tenentur Horas Canonicas recitare, ut hoc utantur Breviario, alias non satisfaciant muneri suo.

Jubet omnibus Prælati, ut hoc introducant tam in Choro, quam extra Chorum.

Tollit peccati obligationem, quæ erat recitandi in Choro Officium parvum beatæ Mariæ Virginis et Defunctorum, Psalmos Pœnitentiales, et Graduales, justa Rubricas Breviarii.

Hortatur ut recitentur eadem, propositis Indulgentiis dierum centum recitantibus Officium parvum beatæ Mariæ Virginis et Defunctorum: quinquaginta recitantibus Psalmos Pœnitentiales et Graduales, quando Rubricæ ea præscribant.

Non tamen tollit laudabilem consuetudinem, ubi est, recitandi Officium parvum beatæ Mariæ Virginis in Choro, imo eandem confirmat, et tandem tempus decernit obligationis ad usum Breviarii post ejusdem publicationem.

**CLEMENS VIII.** Bulla, quæ incipit *Cum in Ecclesia*, data Romæ die 10 Maii anno 1620, declarat se per viros pios et eruditos Breviarium Romanum a Pio V. editum, et progressu temporis in multis depravatum, examinasse, et in statum pristinum restituisse, illudque sic restitutum in Typographia Vaticana imprimi et divulgari jussisse.

Prohibet ne alibi imprimatur nisi juxta exemplar Vaticanum, et habita Ordinariorum licentia, sub pœna excommunicationis latæ sententiæ. Interdicit sub iisdem pœnis usum Breviariorum impressorum absque tali Ordinariorum licentia in scriptis, quæ fidem faciat de collatione facta prædictorum Breviariorum cum Originali Romano: cujus etiam licentiæ copia initio vel in calce cujusque Breviarii semper imprimatur. Prædictis Ordinariis prohibet ne aliquid addi, vel detrahi permittant; et hoc sub pœna excommunicationis, suspensionis a divinis, ac interdicti ab ingressu Ecclesiæ. Verumtamen in gratiam pauperum, Breviaria hactenus impressa vendere, apud se retinere, ac illis uti permittit.

**URBANUS VIII.** Bulla, quæ incipit *Divinam Psalmodyam*, data Romæ die 25 Januarii anno 1631, declarat se, piorum doctorumque virorum adhibita cura, Breviarium a Pio V. editum, et a Clemente VIII. recognitum, a pluribus mendis expurgasse: Hymnos ad metri et latinitatis regulas revocasse: in Psalmis et Canticis interpunctionem editionis vulgatæ restituisse: Sermones, Homilias et Sanctorum historias, collatis veteribus manuscriptis, recognovisse. Quamobrem jubet ut juxta hanc correctionem Romæ imprimatur, alibi juxta Romanum exemplar excudatur, servatis conditionibus in suprascripta Clementis Bulla enumeratis, quas fere iisdem verbis repetit, adiungens easdem condiciones servandas in impressione eorum, quæ a Breviario Romano ortum habent, cujusmodi sunt Missalia, Diurnalialia, Officia parva beatæ Mariæ Virginis, Officia majoris Hebdomadæ, et alia id genus.

***Ex Decretorum Registro S. Rituum Congregationis hæc ad Breviarium Romanum allinent.***

**SACRA** Rituum Congregatio declaravit et decrevit non potuisse post Bullam S. Pii V. de Breviario Romano, neque posse locorum Ordinarios, tam Sæculares quam Regulares, addere Kalendariis, etiam propriis Sanctorum Officia, nisi ea duntaxat, quæ Breviarii Romani Rubricis, vel sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum, qui habetur in Kalendario Romano seu Rubricis Breviarii, in altiore ritum: neque extendere concessa Officia de loco ad locum.

Item vetuit et prohibuit celebrari per totam civitatem vel Diocesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia; sed tantum in ipsius Sancti Ecclesia titulari, seu ubi asservatur corpus, aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis, in qua passus est Martyr, modo sit integra et non parva, et legitime ab Ordinariis approbata.



v

De sanctis Episcopis locorum, Martyribus, civibus, et aliis Festis, de quibus in Kalendario Romano, seu Rubricis Breviarii nihil habetur, uti etiam de Beatis nondum canonizatis, nihil propria auctoritate constitutur, sed omnino consulatur sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum sanctissimo D. N. Urbano Papæ VIII, ea laudavit et approbavit, atque ab omnibus ubique sub prædictis pœnis servari præcepit, nec non in novis Breviariis de mandato Sanctitatis suæ imprimendis apponi jussit.

Loco † Sigilli.

T. TEGRIMIUS.

Episc. Assiens. Secretarius.

***Eadem pro Sanctis ad libitum.***

**E**ADEM Sacra Rituum Congregatio, habita die 2 Decembris 1673, statuit ex mandato Clementis X Festa Sanctorum ad libitum in posterum esse transferenda, si eorum festivitas incidat in Diem Dominicam, vel aliquam diem Festorum mobilium; sed tunc illo anno eorum Officia esse omittenda. Quod ipsum postea Innocentius Papa XI. in Congregatione habita 24 Januarii 1682 generali Decreto confirmavit, et extendit insuper etiam ad Octavas et Natilitia Sanctorum, de præcepto in aliqua Religione vel Diæcesi, ex indulto Apostolico recitanda. Ita ut ne quidem dictis Festis vel Octavis Festa ad libitum tunc incidentia possint recitari, sed omitti prorsus debeant.

Permisit tamen ut Festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

***Eadem pro Sanctis in martyrologio non descriptis.***

**O**FFICIA Sanctorum ratione Corporis, seu insignis Reliquiæ recitanda ex Decr. Sac. Rit. Cong. 11 Augusti 1691, intelligi debere de Sanctis duntaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus; de cæteris autem Sanctis in prædicto Martyrologio non descriptis, aut quibus a S. Sede non fuerit specialiter concessum, Officia recitari, et Missas celebrari vetuerunt, non obstante quod ipsorum Corpora vel insignes reliquiæ in Ecclesiis asserventur, quibus tamen ab Ordinariis locorum approbatis debitam Fi-

14  
delium venerationem ( prout hactenus servatum est ) exhibendam esse censuerunt , sed absque Officio et Missa sub pœnis de non satisfaciendo præcepto recitandi Officium, aliisque in Constitutione S. Pii V. contentis.

Die 11 Augusti 1691, et Sanctissimus approbavit die 19 Octobris ejusdem anni 1691.

Loco † Sigilli.

J. VALLEMANNUS.

Sac. Rit. Cong. Secretarius.

### ***Decreta generalia circa Rubricas.***

**CUM** sacrorum Rituum Congregationi demisse supplicatum fuerit sequentia dubia declarare:

*Primum.* An, cum multis Congregationibus, Religionibus, sive Ecclesiis, vel Nationibus concessum sit a S. Sede Apostolica, ut semel vel pluries in singulis Hebdomadis vel mensibus celebrentur varia Officia per annum, verbi gratia, de SS. Sacramento, vel de Sanctis, in diebus non impeditis aliquo Festo Duplici vel semiduplici, liceat ejusmodi Officia facere etiam in diebus sanctæ Quadragesimæ, Adventus, Vigiliarum et Quatuor Temporum, etiam si de his diebus nulla sit facta specialis mentio in aliquibus Officiorum concessionibus.

*Secundum.* An dies impeditus Festo Duplici vel Semiduplici pro dictis Officiis recitandis, intelligantur etiam dies, in quibus ponendum est Officium de Festo Duplici, vel Semiduplici translato, quemadmodum dicitur responsum fuisse olim a Sacra Congregatione: Quod scilicet Festum Duplex, vel Semiduplex etiam translatum, nec non dies Octavæ sit dies impeditus respectu talium Officiorum.

*Tertium.* An Regulares absque speciali privilegio, sed sola communicatione privilegiorum aliarum Religionum possint addere nomen Sancti Fundatoris in Litaniis et Confiteor, itemque recitare Officia et Missas concessas aliis Religionibus.

Sacrorum Rituum eadem Congregatio ad relationem Eminentissimi et Reverendissimi Domini Cardinalis Colloredo respondit.

*Ad Primum* Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum sive cum jejunio, sive absque jejunio, nec in Feria secunda Rogationum, nec in illa Feria, in qua secundum Rubricas sit reponendum Officium Dominicæ.

*Ad Secundum.* Affirmative.

*Ad Tertium.* Negative in omnibus.

Et ita declaravit, ac servari voluit, ac insuper ut Declarationes seu Decreta prædicta omnibus innotescant, typis ea imprimi mandavit, die 20 Martii 1706.

Loco † Sigilli.

D. CARD. CARPINEUS.

B. INGHIRAMI.

Sac. Rit. Cong. Secretarius.



# DE ANNO ET EJUS PARTIBUS.

**A**NNUS menses habet duodecim, hebdomadas duas et quinquaginta, et diem unum, dies vero trecentos sexaginta quinque, et fere sex horas: tanto enim temporis intervallo sol Zodiacum perlustrat. Quater autem sex horae singulis quaternis annis diem constituunt: hinc annus ille intercalaris, Bisextus, vel Bissextilis dicitur.

De Anni correctione, ejusque necessitate, ac Calendario Gregoriano.

**Q**UOD dictum est, annum continere trecentos et sexaginta quinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minutorum neglectu progressum est, ac si annus ultra dies 365 contineret integras sex horas, et factum est, ut minuta, quas ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt, ut Aequinoctium vernum sedem suam mutaverit.

Cui malo occurrens Gregorius XIII, non solum Aequinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582 procedendo recesserat, quod a Concilio ad xij Kalendas Aprilis fuerat constitutum, et xiv Lunam Paschalem suo in loco reposuit; sed viam quoque tradidit, et rationem, qua cavetur, ut in posterum et Aequinoctium vernum, et xiv Luna Paschalis a propriis sedibus nunquam removerentur.

Ut enim Aequinoctium vernum ad xij Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto

Francisco sacram sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xij Kalendas Aprilis Aequinoctium vernum recederet, statuit idem Gregorius, Bisextum quarto quoque anno (uti mos est) continuari debere, præterquam in centesimis annis, qui quamvis Bissextilis antea semper fuerint, qualem etiam esse voluit annum 1600. anno correctionis proximum, post eum tamen, qui deinceps consequantur centesimi, non omnes Bissextilis essent, sed in quadringentis quibusque annis primi quique tres centesimi sine Bissexto transigerentur, quartus vero quisque centesimus esset Bissextilis: ita ut anni 1700, 1800, 1900. Bissextilis non sint, anno vero 2000, more consueto, dies Bisextus intercalatur, Febuario dies 29 continente; idemque ordo intermittendi intercalandique Bisextum diem in quadringentis quibusque annis perpetuo conservaretur.

Quatuor tempora.

**Q**UATUOR tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

Nuptiæ quando celebrari non possint juxta decretum Concilii Tridentini.

**A**DOMINICA prima Adventus usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus solemnitates nuptiarum prohibet; in aliis vero temporibus nuptias solemniter celebrari permittit.

1 his.

## De Cyclo decennovennali Aurei numeri.

**CYCLUS** decennovennalis Aurei numeri est revolutio numeri 19 annorum ab 1 usque ad 19, qua revolutione peracta, iterum ad unitatem reditur. Verbi gratia: Anno 1577, numerus Cycli decennovennalis, qui dicitur Aureus, est 1., anno sequenti 1578 est 2, et ita deinceps insequentibus annis, uno semper amplius usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596, Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582, reperietur hoc modo.

6.	7.	8.	9.	10.	11.	12.	13.	14.	
15.	16.	17.	18.	19.	1.	2.	3.	4.	5.

Anno 1582 tribuatur primus numerus tabellæ, qui est 6; secundus autem qui est 7, sequenti anno 1583, et ita deinceps in infinitum, donec ad annum, cujus Aureum numerum quaeris, perveniatur, redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum numerum quæsitum.

Modus brevis agnoscendi Aureum numerum cujusque anni.

**NUMERO** anni, de quo quaeris, adde unicam unitatem 1. Exempli gratia: Anno 1833, adde 1; summam inde conflata divide per 19, quod superest erit Aureus numerus ipsius anni; si nihil superest, erit Aureus numerus 19.

## De Epactis et Novilaniis.

**EPACTA** nihil aliud est quam numerus dierum, quibus annus Solaris communis dierum 365 annum communem Lunarem dierum 354 su-

perat, ita ut Epacta primi anni sit 11, cum hoc numero annus Solaris communis Lunarem annum communem excedat, atque adeo sequenti anno Novilunia contingant 11 diebus prius, quam anno primo. Ex quo fit Epactam secundi anni esse 22, cum eo anno rursus annus Solaris Lunarem annum superet 11 diebus, qui additi ad 11 dies primi anni, efficiunt 22, ac proinde, finito hoc anno, Novilunia contingere 22 diebus prius, quam primo anno: Epactam autem tertii anni esse 3, quia si rursus 11 dies ad 22 adjiciantur, efficietur numerus 33; a quo si rejiciantur 30 dies, qui unam Lunationem Embolismalem constituunt, relinquentur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quæ est 29, addentur 12, ut, abjectis 30 ex composito numero 41, habeatur rursus Epacta 11, ut in principio. Quod ideo fit, ut ultima Lunatio Embolismica, currente Aureo numero 19, sit tantum 29 dierum. Si enim 30 dies contineret, ut aliæ sex Lunationes Embolismicæ, non redirent Novilunia post 19 annos Solares ad eosdem dies, sed versus calcem mensium prolaberentur, contingerentque uno die tardius, quam ante 19 annos: de qua re plura invenies in libro novæ rationis restituendi Kalendarii romani. Sunt autem novemdecim Epactæ, quot et Aurei numeri, respondebantque ipsis Aureis numeris ante Kalendarii correctionem eo modo, quo in hac tabella dispositæ sunt.

Tabella Epactarum respondentium Aureis numeris ante Kalendarii correctionem.

Aur. num.	1.	2.	3.	4.	5.	6.
Epact.	xj.	xxij.	ij.	xiv.	xxv.	vj.
7.	8.	9.	10.	11.	12.	13.
xvij.	xxvij.	ix	xx.	j.	xij.	xxij.
14.	15.	16.	17.	18.	19.	
iv.	xv.	xxvj.	vij.	xxij.	xxix.	

Quia vero cyclus decennovennalis Aurei numeri imperfectus est, cum Novilunia post 19 annos Solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quæ ordine est trigesima, notata numero non sit, sed signo  $\circ$ . Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout Solaris anni, ac Lunaris æquatio exposcit: quæ quidem decem et novem Epactæ progrediuntur, ut olim, per eundem numerum 11, addunturque semper 12 illi Epactæ, quæ respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quæ continet Aureos numeros, et Epactas inter se respondentes ab anno correctionis 1582, post deductionem x dierum, usque ad annum 1700 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt, una cum Aureo numero, in cuius locum hæ nostræ Epactæ succedunt.

Tabella Epactarum respondentium Aureis numeris ab Idibus Octobris anni correctionis 1582 (deductis prius x diebus) usque ad annum 1700 exclusive.

Aur. num.	6.	7.	8.	9.	10.	11.
Epactæ.	xxvj.	vij.	xvij.	xxix.	x.	xxi.
	12.	13.	14.	15.	16.	17.
	ij.	xij.	xxiv.	v.	xvj.	xxvij.
	18.	19.	1.	2.	3.	4.
	vij.	xix.	j.	xij.	xxij.	iv.
						xv.

Itaque si Epacta quocumque anno proposito incruenda sit, querendus est Aureus numerus illius anni in superiori ordine illius tabellæ, quæ illi tempore, in quo propositus annus con-

tinetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum  $\circ$ . Ubi ergo illa Epacta vel signum  $\circ$  in Kalendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito tempore congruente, tribuendo primum Aureum numerum illius tabellæ illi anno a quo usus tabellæ incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellæ tribuatur illi anno, a quo ejus usus incipit, et secunda Epacta sequenti anno, etc.

Exemplum. Anno correctionis 1582, Aureus numerus est 6; nempe primus primæ tabellæ, cujus usus incipit ab Idibus Octobris dicti anni 1582, deductis prius x diebus. Erit ergo tunc Epacta xxvj, quæ sub Aureo numero 6 collocatur; fietque Novilunium die 27 Octobris, et 26 Novembris et 25 Decembris. Item anno 1583 jam correcto, Aureus numerus est 7, cui in eadem tabella supposita est Epacta vij, quæ toto eo anno in Kalendario Novilunia indicabit, ut in Januario die 24, in Febuario die 22, in Martio die 24, etc.

Tabella litterarum Dominicalium ab Idibus Octobris anni correctionis 1582 (deductis prius x diebus) usque ad annum 1700 exclusive.

c	b	A	f	e	d	c	A	g	f	e	c	b	A
		g				b				d			
g	e	d	c	b	g	f	e	d	b	A	g	f	d
f			A				c				e		

Usus hujus tabellæ hic est. Anno correctionis 1582 post Idus Octobris (deductis prius x diebus) tribuatur littera c primæ cellulae, et sequenti anno 1583 littera b secundæ, et anno 1584 dentur litteræ A, g tertiæ cellulae, et sic deinceps aliis annis ordine aliæ cellulae tribuantur, donec ad annum propositum perventum sit, redeundo ad principium tabellæ, quotiescumque eam



percurreris. Nam cellula, in quam annus propositus cadit, dummodo minor sit quam annus 1700, dabit litteram Dominicalem propositi anni: quæ si unica occurrerit annus erit communis; si vero duplex, Bissextilis; et tunc superior littera Dominicam diem ostendet in Kalendario a principio anni usque ad festum sancti Mathiæ Apostoli; inferior autem ab hoc festo usque ad finem anni. Exempli gratia: Sit inveniendæ littera Dominicalis anno 1587; numera ab anno 1582, quem tribue primæ litteræ c, usque ad annum 1587, tribuendo singulis cellulis singulos annos (computando geminas litteras quascumque, superiorem, et inferiorem, pro una cellula) cadetque annus 1587 in litteram d, quæ sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus, sit investigandæ littera Dominicalis anno 1616; numera ab anno 1582, ut dictum est, usque ad annum 1616, redeundo ad principium tabellæ postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad Festum sancti Mathiæ, inferior autem b in reliqua parte anni.

Alia Tabella Epactarum respondentium Aureis numeris ab anno 1833 inclusive, usque ad annum 1900 exclusive.

Aur. num.	10.	11.	12.	13.	14.	15.
Epactæ.	ix.	xx.	j.	xij.	xxij.	in.
	16.	17.	18.	19.	1.	2.
	xv.	xxvj.	vij.	xvij.	xj.	xxij.
	4.	5.	6.	7.	8.	9.
	iiij.	xiv.	xxv.	vj.	xvij.	xxviij.

Ad tollendam dubitationem de usu hujus novæ Tabellæ Epactarum, ostendemus rem exemplis. Anno 1833 tribuatur Epacta ix, quæ sub Aureo numero 10 collocatur, fientque Novilu-

nia 23 Januarii, 20 Februarii et 22 Martii. Item anno 1834 tribuatur Epacta xx sub Aureo numero 11 collocata; quæ toto eo anno in Kalendario Novilunia monstrabit, ut in Januario die 11, in Februario die 9, in Martio die 11. Et sic deinceps per ordinem annis progredientibus, redeundo ad principium Tabellæ, quotiescumque eam percurreris. Rursus anno 1862 Epacta non signatur numero, sed hoc signo \* quod collocatur sub Aureo numero 1, et in Kalendario toto eo anno Novilunia indicabit; nimirum in Januario die 1 et 31, in Martio (nam in Februario nullum tunc Novilunium, cum in eo signum hoc \* non reperiatur) die 1 et 31, in Aprili die 29, etc.

Tabella litterarum Dominicalium ab anno 1833 usque ad annum 900 exclusive

f	e	d	c	A	g	f	e	c	b	A	g	e	d	c
			b				d			f				
b	g	f	e	d	b	A	g	f	d	c	b	A		
A			c				e				g			

Usus autem hujus Tabellæ hic est. Anno 1833 tribuatur littera f primæ cellulæ et sequenti anno 1834 littera e, et sic deinceps ceteris annis ordine aliæ cellulæ tribuantur, donec ad annum propositum perventum sit, redeundo ad principium Tabellæ, quotiescumque eam percurreris. Nam cellula, in quam annus propositus cadit, dabit Litteram Dominicalem propositi anni. Quæ si unica occurrat, annus erit communis; si vero duplex, Bissextilis, et tunc superior littera Dominicalem diem ostendet in Kalendario a principio anni usque ad Festum sancti Mathiæ Apostoli, inferior autem ab hoc Festo usque ad finem anni.

De indictione.

**I**NDICTIO est revolutio 15 annorum ab 1 usque ad 15, qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis pontificiis. Et quoniam indictionum fre-

quens usus est in Diplomatis et Scripturis publicis, facile annum Indictionis currentem quolibet anno proposito inveniemus ex sequenti Tabella, cujus usus perpetuus est: initium tamen sumit ab anno correctionis 1582.

Tabella Indictionis ab anno correctionis 1582.

10.	11.	12.	13.	14.	15.	1.	2.
3.	4.	5.	6.	7.	8.	9.	

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem, quæ quæritur.

#### De Festis Mobilibus.

**Q**UONIAM ex decreto sacri Concilii Nicæni Pascha, ex quo reliqua Festa Mobilia pendent, celebrari debet die Dominico, qui proxime succedit xiv Lunæ primi mensis (is vero apud Hebræos vocatur primus mensis, cujus xiv Luna vel cadit in diem verni Equinoctii, quod die 21 mensis Martii contingit, vel propius ipsum sequitur) efficitur, ut si Epacta cujusvis anni inveniat, et ab ea in Calendario notata inter diem octavarum Martii inclusive, et quintum Aprilis inclusive (hujus enim Epactæ xiv Luna cadit vel in diem Equinoctii verni, id est, in diem 21 Martii, vel eum propius sequitur) numerentur inclusive deorsum versus dies quatuordecim, proximus dies Dominicus diem hunc xiv sequens (ne cum Judæis conveniamus, si forte dies xiv Lunæ caderet in diem Dominicum) sit dies Paschæ.

Exemplum. Anno 1605 Epacta est 7, et littera Dominicalis b. Et quoniam invenimus Epactam 7 inter diem 8 Martii et 5 Aprilis inclusive positam esse à regione diei 21 Martii, a quo inclusive si deorsum versus numerentur 14 dies, inveniemus xiv Lunam die 5 Aprilis, quæ est Dominica, cum

è regione illius sit littera Dominicalis b.: ne igitur cum Judæis conveniamus, qui Pascha celebrant die xiv Lunæ, sumenda est littera Dominicalis b, quæ sequitur xiv Lunam, nempe ea quæ è regione diei 10 Aprilis collocatur, atque eo anno Pascha celebrandum erit die 10 Aprilis. Item anno 1604 Epacta est xxix, et duplex littera Dominicalis d c, cum annus ille sit Bissextilis. Si igitur ab Epacta xxix, quæ è regione diei 1 Aprilis ponitur inter diem 8 Martii et 5 Aprilis inclusive, numerentur dies 14, cadet xiv Luna in diem 14 Aprilis. Et quia tunc currit posterior littera Dominicalis, nempe c, quæ post diem 14 Aprilis, id est, post xiv Lunam collocata est è regione diei 18 Aprilis, celebrabitur eo anno Pascha die 18 Aprilis.

Cæterum ut facilius omnia Festa Mobilia inveniantur, compositæ sunt duæ sequentes tabulæ Paschales, una antiqua, et nova altera. Ex antiqua ita Festa Mobilia reperientur. In latere sinistro tabulæ accipiatur Epacta currentis, et in linea litterarum Dominicalium sumatur littera Dominicalis currentis, infra tamen Epactam currentem; ita ut si littera Dominicalis currentis reperiat, et regione Epactæ currentis, assumenda sit eadem littera Dominicalis proximo inferior. Nam è regione hujus litteræ Dominicalis omnia Festa Mobilia continentur.

Exemplum. Anno 1606 Epacta est xxj et littera Dominicalis A. Si igitur in tabula antiqua sumatur littera Dominicalis A, quæ primo infra Epactam xxj occurrit, reperietur è regione hujus litteræ Dominica Septuagesimæ die 22 Januarii, dies Cinerum 8 Februarii. Pascha 26 Martii, Ascensio Domini 4 Maii, Pentecostes 14 Maii, et Festum Corporis Christi 25 Maii. Dominica autem inter Pentecosten et Adventum eo anno erunt 28, et Adventus celebrabitur die 3 Decembris: et sic de ceteris. Item anno 1605 Epacta est x, et littera Dominicalis b, quæ in tabula reperitur è regione Epactæ x. Quare sumenda est alia littera b, quæ proxi-

me infra Epactam invenitur, e regione cujus invenies Septuagesimam die 6 Februarii, diem Cinerum 23 Februarii, Pascha 10 Aprilis; etc.

Notandum autem est quod, quemadmodum in anno communi, cadente littera Dominicali e regione Epactæ in tabula antiqua, sumitur eadem littera proxima infra Epactam, ut diximus; ita quoque in anno Bissextili, si alterutra duarum litterarum Dominicalium tunc currentium e regione Epactæ reperiatur, assumendæ sunt aliæ duæ similes litteræ proxime inferiores, ut Festa Mobilia inveniantur.

Ex tabula vero Paschali nova ita eadem Festa Mobilia reperientur. In cellula litteræ Dominicalis currentis quæritur Epacta currens. Nam e directo omnia Festa Mobilia deprehenduntur. Ut anno 1609 in cellula litteræ Dominicalis d, tunc currentis, e regione Epactæ xxiv, quæ eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis etc.

Sed sive antiqua, sive nova tabula Paschali utamur, inventienda sunt omnia Festa Mobilia in annis Bissextilibus per litteram Dominicalem posteriorem, quæ nimirum currit post Festum sancti Mathiæ Apostoli, ne scilicet ambigamus, utra duarum litterarum pro hoc aut illo Festo indagando accipienda sit: ita tamen, ut Septuagesimæ et diei Cinerum inventæ in Januario aut Februario addatur unus dies. Quod ideo fit, quia ante diem sancti Mathiæ currit prior littera Dominicalis, quæ in Kalendario posteriorem semper sequitur; post Festum autem sancti Mathiæ in Februario, licet posterior littera currat, additur tamen tunc dies intercalaris, ita ut dies 24 Februarii dicatur 25, et dies 25 dicatur 26, etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Februario sit additus. Imo nisi per posteriorem litteram investigarentur, non inven-

retur recte Septuagesima in anno Bissextili currente Epacta xiv vel xv, et littera Dominicali d c, ut in secundo ac tertio exemplo perspicuum fiet pro annis 4088 et 3784. Exempli gratia: anno 2096 Bissextili, Epacta erit v et litteræ Dominicales A g. Si igitur per posteriorem litteram, quæ est g, Festa Mobilia investigentur, reperietur Septuagesima die 14 Februarii, et dies Cinerum 28 Februarii. Si autem addatur unus dies, cadet Septuagesima in diem 12 Februarii, quæ est Dominica, et dies Cinerum in diem 29 Februarii, quæ est Feria quarta. Pascha autem et reliqua Festa in eos dies cadent, qui in tabula expressi sunt. Item anno 4088 Bissextili, Epacta erit xxiv, et litteræ Dominicales d c. Si igitur per litteram c, quæ posterior est, inquirentur Festa Mobilia, invenietur Septuagesima die 21 Februarii, et si addatur unus dies, cadet in diem 22 Februarii, quæ est Dominica. Dies autem Cinerum cadet in diem 10 Martii: quare nihil additur, etc. Rursus anno 3784 Bissextili, Epacta erit xv, et litteræ Dominicales d c. Ergo iterum per posteriorem c reperietur Septuagesima die 21 Februarii, hoc est, addita 1 die, 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv, et xv littera d indicet Septuagesimam die 15 Februarii, quod falsum esset, cum eo anno posterior littera c Pascha offerat die 23 Aprilis, ac proinde Septuagesima die 22 Februarii celebranda sit; ut liquido constat, si, a die Paschæ, Dominicæ retro numerentur usque ad Septuagesimam.

In priori porro tabula Paschali antiqua reformata, Epactis ad sinistram præposuimus Aureos numeros eodem ordine, quo ante emendationem Kalendarii collocari solebant, ut ex iis Festa Mobilia invenirentur. Hoc autem idcirco a nobis factum est, ut Pascha, cæteraque Festa Mobilia, a Concilio Nicæno usque ad annum 1582 quilibet indagare possit. Eodem autem



prorsus artificio ex Aureis numeris ita distributis Festa Mobilia eruuntur, quo ex Epactis. Sit enim explorandum, exempli causa, quando Festa hæc celebrata fuerint anno 1450. Quoniam eo anno Aureus numerus fuit 7, et littera Dominicalis d, si Aureus numerus 7 in sinistro latere accipiatur et prima littera d infra eum occurrens, reperietur e regione hujus litteræ d, Septuagesima die 4 Februarii, dies Cinerum 18 Februarii, Pascha die 3 Aprilis etc..

Adventus Domini celebratur semper die Dominico, qui propinquior est Festo sancti Andreæ Apostoli, nempe a die 27 Norembris inclusive ad diem

3 Decembris inclusive: ita ut littera Dominicalis currens, quæ reperitur in Kalendario a die 27 Novembris usque ad diem 3 Decembris, indicet Dominicam Adventus. Ut verbi gratia, si littera Dominicalis est g, Dominica Adventus cadet in diem 2 Decembris, quia ibi est littera g in Kalendario, etc.

Ad finem tandem tabularum Paschalium apposita est tabula temporaria multorum annorum, e regione quorum omnia Festa Mobilia inveniuntur: quæ quidem tabula ex tabulis Paschalibus excerpta est, ex quibus infinitæ aliæ erui possunt pro quibuscumque annis.



# Tabula Paschalis

ANTIQUA REFORMATA.

A. N.	Cyclus Epact.	L. D.	Sep- tuag.	Dies Cin.	Pas- cha.	As- cens.	Pen- tec.	Cor. Chr.	D. ce post Pen.	D. nica prima Adv.
16 5	XXIII	d	Jan.	Feb.	Mar.	Apr.	May	May		
13 2	XXII	e	18	4	22	30	10	21	28	29 N.
	XXI	f	19	5	23	1 Ma.	11	22	28	30
	XX	g	20	6	24	2	12	23	28	1 D.
	XIX	A	21	7	25	3	13	24	28	2
10	XVIII	b	22	8	26	4	14	25	28	3
18 7	XVII	c	23	9	27	5	15	26	27	27 N.
	XVI	d	24	10	28	6	16	27	27	28
	XV	e	25	11	29	7	17	28	27	29
	XIV	f	26	12	30	8	18	29	27	30
15 4	XIII	g	27	13	31	9	19	30	27	1 D.
	XII	A	28	14	1 Apr.	10	20	31	27	2
	XI	b	29	15	2	11	21	1 Jun.	27	3
12	X	c	30	16	3	12	22	2	26	27 N.
	IX	d	31	17	4	13	23	3	26	28
1	VIII	e	1 Fe.	18	5	14	24	4	26	29
9	VII	f	2	19	6	15	25	5	26	30
17	VI	g	3	20	7	16	26	6	26	1 D.
	V	A	4	21	8	17	27	7	26	2
	IV	b	5	22	9	18	28	8	26	3
6	III	c	6	23	10	19	29	9	25	27 N.
14 3	II	d	7	24	11	20	30	10	25	28
	I	e	8	25	12	21	31	11	25	29
		f	9	26	13	22	1 Jun.	12	25	30
11	XXX	g	10	27	14	23	2	13	25	1 D.
19 8	XXVIII	A	11	28	15	24	3	14	25	2
	XXVII	b	12	1 Ma	16	25	4	15	25	3
	XXVI	c	13	2	17	26	5	16	24	27 N.
	XXIV	d	14	3	18	27	6	17	24	28
		e	15	4	19	28	7	18	24	29
		f	16	5	20	29	8	19	24	30
		g	17	6	21	30	9	20	24	1 D.
		A	18	7	22	31	10	21	24	2
		b	19	8	23	1 Jun.	11	22	24	3
		c	20	9	24	2	12	23	23	27 N.
		d	21	10	25	3	13	24	23	28



# TABULA PASCHALIS

<i>Litteræ Dominic.</i>	<i>Cyclus Epactarum.</i>	<i>Septuage- sima.</i>	<i>Dies Cinerum.</i>	<i>Pascha.</i>
<b>D</b>	23. 22.21.20.19.18.17.16. 15.14.13.12.11.10.9 8.7.6.5.4.3.2. 1.*.29.28.27.26.xxv.25.24.	18 Jan. 25 Jan. 1 Febr. 8 Febr. 15 Febr.	4 Febr. 11 Febr. 18 Febr. 25 Febr. 4 Mart.	22 Mart. 29 Mart. 5 Apr. 12 Apr. 19 Apr.
<b>E</b>	23.22. 21.20.19.18.17.16.15. 14.13.12.11.10.9.8. 7.6.5.4.3.2.1. *.29.28.27.26.xxv.25.24.	19 Jan. 26 Jan. 2 Febr. 8 Febr. 16 Febr.	5 Febr. 12 Febr. 19 Febr. 26 Febr. 5 Mart.	23 Mart. 30 Mart. 6 Apr. 13 Apr. 20 Apr.
<b>F</b>	23.22.21. 20.19.18.17.16.15.14. 13.12.11.10.9.8.7. 6.5.4.3.2.1.*. 29.28.27.26.xxv.25.24.	20 Jan. 27 Jan. 3 Febr. 10 Febr. 17 Febr.	6 Febr. 13 Febr. 20 Febr. 27 Febr. 6 Mart.	24 Mart. 31 Mart. 7 Apr. 14 Apr. 21 Apr.
<b>G</b>	23.22.21.20. 19.18.17.16.15.14.13. 12.11.10.9.8.7.6. 5.4.3.2.1.*.29. 28.27.26.xxv.25.24.	21 Jan. 28 Jan. 4 Febr. 17 Febr. 18 Febr.	7 Febr. 14 Febr. 21 Febr. 28 Febr. 7 Mart.	15 Mart. 1 Apr. 8 Apr. 15 Apr. 22 Apr.
<b>A</b>	23.22.21.20.19. 18.17.16.15.14.13.12. 11.10.9.8.7.6.5. 4.3.2.1.*.29.28. 27.26.xxv.25.24.	22 Jan. 29 Jan. 5 Febr. 12 Febr. 19 Febr.	8 Febr. 15 Febr. 22 Febr. 1 Mart. 8 Mart.	26 Mart. 2 Apr. 9 Apr. 16 Apr. 23 Apr.
<b>B</b>	23.22.21.20.19.18. 17.16.15.14.13.12.11. 10.9.8.7.6.5.4. 3.2.1.*.29.28.27. 26.xxv.25.24.	23 Jan. 30 Jan. 6 Febr. 13 Febr. 20 Febr.	9 Febr. 16 Febr. 23 Febr. 2 Mart. 9 Mart.	27 Mart. 3 Apr. 10 Apr. 17 Apr. 24 Apr.
<b>C</b>	23.22.21.20.19.18.17. 16.15.14.13.12.11.10. 9.8.7.6.5.4.3. 2.1.*.29.28.27.26.xxv. 25.24.	24 Jan. 31 Jan. 7 Febr. 14 Febr. 21 Febr.	10 Febr. 17 Febr. 24 Febr. 3 Mart. 10 Mart.	28 Mart. 4 Apr. 11 Apr. 18 Apr. 25 Apr.

# Nova Reformata

<i>Ascensio.</i>	<i>Pentecostes.</i>	<i>Corpus Christi.</i>	<i>Dominica post Pentecosten.</i>	<i>prima Dominica Adventus.</i>
30 Aprilis. 7 Maii. 14 Maii. 21 Maii. 28 Maii.	10 Maii. 17 Maii. 24 Maii. 31 Maii. 7 Junii.	21 Maii. 28 Maii. 4 Junii. 11 Junii. 18 Junii.	28 27 26 25 24	29 Novembris. 29 29 29 29
1 Maii. 8 Maii. 15 Maii. 22 Maii. 29 Maii.	11 Maii. 18 Maii. 25 Maii. 1 Junii. 8 Junii.	22 Maii. 29 Maii. 5 Junii. 12 Junii. 19 Junii.	28 27 26 25 24	30 Novembris. 30 30 30 30
2 Maii. 9 Maii. 16 Maii. 23 Maii. 30 Maii.	12 Maii. 19 Maii. 26 Maii. 2 Junii. 9 Junii.	23 Maii. 30 Maii. 6 Junii. 13 Junii. 20 Junii.	28 27 26 25 24	1 Decembris. 1 1 1 1
3 Maii. 10 Maii. 17 Maii. 24 Maii. 31 Maii.	13 Maii. 20 Maii. 27 Maii. 3 Junii. 10 Junii.	24 Maii. 31 Maii. 7 Junii. 14 Junii. 21 Junii.	28 27 26 25 24	2 Decembris. 2 2 2 2
4 Maii. 11 Maii. 18 Maii. 25 Maii. 1 Junii.	14 Maii. 21 Maii. 28 Maii. 4 Junii. 11 Junii.	25 Maii. 1 Junii. 8 Junii. 15 Junii. 22 Junii.	28 27 26 25 24	3 Decembris. 3 3 3 3
5 Maii. 12 Maii. 19 Maii. 26 Maii. 2 Junii.	15 Maii. 22 Maii. 29 Maii. 5 Junii. 12 Junii.	26 Maii. 2 Junii. 9 Junii. 16 Junii. 23 Junii.	27 26 25 24 23	27 Novembris. 27 27 27 27
6 Maii. 13 Maii. 20 Maii. 27 Maii. 3 Junii.	16 Maii. 23 Maii. 30 Maii. 6 Junii. 13 Junii.	27 Maii. 3 Junii. 10 Junii. 17 Junii. 24 Junii.	27 26 25 24 23	28 Novembris. 28 28 28 28

## Tabula Temporaria

Anni D.ni	Litter. Dom.	Aur. numer.	Epact.	Septuag.	Dies Cin.	Pascha.
1846	d	4	III	8 Febr.	25 Febr.	12 Apr.
1847	c	5	XIV	31 Jan.	17 Febr.	4 Apr.
1848	b A	6	XXV	20 Febr.	8 Mart.	23 Apr.
1849	g	7	VI	4 Febr.	21 Febr.	8 Apr.
1850	f	8	XVII	27 Jan.	13 Febr.	31 Mart.
1851	e	9	XXVIII	16 Febr.	5 Mart.	20 Apr.
1852	d c	10	IX	8 Febr.	25 Febr.	11 Apr.
1853	b	11	XX	23 Jan.	9 Febr.	27 Mart.
1854	A	12	I	12 Febr.	1 Mart.	16 Apr.
1855	g	13	XII	4 Febr.	21 Febr.	8 Apr.
1856	f c	14	XXIII	20 Jan.	6 Febr.	23 Mart.
1857	d	15	IV	8 Febr.	25 Febr.	12 Apr.
1858	c	16	XV	31 Jan.	17 Febr.	4 Apr.
1859	b	17	XXVI	20 Febr.	9 Mart.	24 Apr.
1860	A g	18	VII	8 Febr.	22 Febr.	8 Apr.
1861	f	19	XVIII	27 Jan.	13 Febr.	31 Mart.
1862	e	1	*	16 Febr.	5 Mart.	20 Apr.
1863	d	2	XI	1 Febr.	18 Febr.	5 Apr.
1864	c b	3	XXII	24 Jan.	10 Febr.	27 Mart.
1865	A	4	III	12 Febr.	1 Mart.	16 Apr.
1866	g	5	XIV	28 Jan.	14 Febr.	1 Apr.
1867	f	6	XXV	17 Febr.	6 Mart.	21 Apr.
1868	e d	7	VI	9 Febr.	26 Febr.	12 Apr.
1869	c	8	XVII	24 Jan.	10 Febr.	28 Mart.
1870	b	9	XXVIII	13 Febr.	2 Mart.	17 Apr.
1871	A	10	IX	5 Febr.	22 Febr.	9 Apr.
1872	g f	11	XX	28 Jan.	14 Febr.	31 Mart.
1873	e	12	I	9 Febr.	26 Febr.	13 Apr.
1874	d	13	XII	1 Febr.	18 Febr.	5 Apr.
1875	c	14	XXIII	24 Jan.	10 Febr.	28 Mart.
1876	b. A.	15	IV	6 Febr.	23 Febr.	9 Apr.
1877	g	16	XV	28 Jan.	14 Febr.	1 Apr.
1878	f	17	XXVI	17 Febr.	6 Mart.	21 Apr.
1879	e	18	VII	9 Febr.	26 Febr.	13 Apr.
1880	d. c.	19	XVIII	25 Jan.	11 Febr.	28 Mart.



## Festorum Mobilium

Anni D.ni	Ascens.	Pentecostes.	Corp. Ch.	Indi- ctio.	D. ca post Pent.	Dominica prima Advent.
1846	21 Maii.	31 Maii.	11 Junii.	4	25	29 Nov.
1847	13 Maii.	23 Maii.	3 Junii.	5	26	28 Nov.
1848	1 Junii.	11 Junii.	22 Junii.	6	24	3 Dec.
1849	17 Maii.	27 Maii.	7 Junii?	7	26	2 Dec.
1850	9 Maii.	19 Maii.	30 Maii.	8	27	1 Dec.
1851	29 Maii.	8 Junii.	19 Junii.	9	24	30 Nov.
1852	20 Maii.	30 Maii.	10 Junii.	10	25	28 Nov.
1853	8 Maii.	15 Maii.	25 Maii.	11	27	27 Nov.
1854	25 Maii.	4 Junii.	15 Junii.	12	25	3 Dec.
1855	17 Maii.	27 Maii.	7 Junii.	13	26	2 Dec.
1856	1 Maii.	11 Maii.	22 Maii.	14	28	30 Nov.
1857	21 Maii.	31 Maii.	11 Junii.	15	25	29 Nov.
1858	13 Maii.	23 Maii.	3 Junii.	1	26	28 Nov.
1859	2 Junii.	12 Junii.	23 Junii.	2	23	27 Nov.
1860	17 Maii.	27 Maii.	7 Junii.	3	26	2 Dec.
1861	9 Maii.	19 Maii.	30 Maii.	4	27	1 Dec.
1862	29 Maii.	8 Maii.	19 Junii.	5	24	30 Nov.
1863	14 Maii.	24 Maii.	4 Junii.	6	26	29 Nov.
1864	5 Maii.	15 Maii.	26 Maii.	7	27	27 Nov.
1865	25 Maii.	4 Junii.	15 Junii.	8	25	3 Dec.
1866	10 Maii.	20 Maii.	31 Maii.	9	27	2 Dec.
1867	30 Maii.	9 Junii.	20 Junii.	10	24	1 Dec.
1868	21 Maii.	31 Maii.	11 Junii.	11	25	29 Nov.
1869	6 Maii.	16 Maii.	27 Maii.	12	27	28 Nov.
1870	26 Maii.	5 Junii.	16 Junii.	13	24	27 Nov.
1871	18 Maii.	28 Maii.	8 Junii.	14	26	3 Dec.
1872	9 Maii.	19 Maii.	30 Maii.	15	27	1 Dec.
1873	22 Maii.	1 Junii.	12 Junii.	1	25	30 Nov.
1874	14 Maii.	24 Maii.	4 Junii.	2	26	29 Nov.
1875	6 Maii.	16 Maii.	27 Maii.	3	27	28 Nov.
1876	18 Maii.	28 Maii.	8 Junii.	4	25	3 Dec.
1877	10 Maii.	20 Maii.	31 Maii.	5	27	2 Dec.
1878	30 Maii.	9 Junii.	20 Junii.	6	24	1 Dec.
1879	22 Maii.	1 Junii.	12 Junii.	7	25	30 Nov.
1880	6 Maii.	16 Maii.	27 Maii.	8	27	28 Nov.

# KALENDARIUM

## JANUARIUS.

*Cyclus Litteræ Dies*  
*Epact. Domin. mensis.*

	A	Kal.	1	<i>Circumcisio Domini</i> , Duplex 2. Classis.
29	b	iv	2	Octava S. Stephani, Duplex.
28	c	iii	3	Octava S. Joannis Apostoli, Duplex.
27	d	<i>Prid.</i>	4	Octava SS. Innocentium, Duplex.
26	e	<i>Non.</i>	5	Vigilia Epiphaniae, Semiduplex. Comm. S. Telesphori. Papae et Martyris.
xxv 25	f	viii	6	Epiphania Domini, Duplex 1. Classis.
24	g	vii	7	De Octava Epiphaniae.
23	A	vi	8	De Octava.
22	b	v	9	De Octava.
21	c	iv	10	De Octava.
20	d	iii	11	De Octava. Comm. S. Hygini, Papae et Martyris.
19	e	<i>Prid.</i>	12	De octava.
18	f	<i>Idib.</i>	13	Octava Epiphaniae, Duplex. • Dominica II. Post Epiphaniam, Festum SS. No- minis Jesu, Duplex 2. Classis.
17	g	xix	14	Hilarii, Episc. et Conf. Semiduplex. Comm. S. Felicis, Presbyteri et Martyris.
16	A	xviii	15	Pauli, primi Eremitae, Duplex. Comm. S. Mauri Abb.
15	b	xvii	16	Marcelli, Papae et Martyris, Semiduplex.
14	c	xvi	17	Antonii, Abbatis, Duplex.
13	d	xv	18	Cathedra S. Petri Romae, Duplex majus. Commemor. S. Priscae, Virginis et Martyris.
12	e	xiv	19	Canuti, Regis et Mart., Sem. ad libitum. Commemor. SS. Marii, etc. Martyrum.
11	f	xiii	20	Fabiani et Sebastiani, Martyrum. Duplex.
10	g	xii	21	Agnetae, Virginis et Martyris, Duplex.
9	A	xi	22	Vincentii et Anastasii, Martyrum, Semiduplex.
8	b	x	23	Raymundi de Pegnafort, Confessoris, Semid. Com. S. Emerentianae, Virginis et Martyris.
7	c	ix	24	Timothei, Episcopi et Martyris, Semiduplex.
6	d	viii	25	Conversio S. Pauli Apostoli, Duplex majus.
5	e	vii	26	Polycarpi, Episcopi et Martyris, Semiduplex.
4	f	vi	27	Joannis Chrysostomi, Episc., Conf. et Doct. Dupl.
3	g	v	28	Agnetae secundo.
2	A	iv	29	Francisci Salesii Episcopi et Confessoris. Duplex.
1	b	iii	30	Martinae, Virginis et Martyris, Semiduplex.
	c	<i>Prid.</i>	31	Petri Nolasci, Confessoris, Duplex.

# FEBRUARIUS

XIII

**Cyclus**    **Litterae**    **Dies**  
**Epact.**    **Domin.**    **mensis.**

29	d	Kal.	1	Ignatii, Episcopi et Martyris, <i>Semiduplex.</i>
28	e	iv	2	Purificatio beatæ Mariæ Virginis, Duplex 2. Classis.
27	f	iii	3	Blasii, Episcopi et Martyris.
xxv 26	g	Prid.	4	Andreas Corsini, Episcopi et Confessoris, <i>Duplex.</i>
25 24	A	Non.	5	Agathæ, Virginis et Martyris, <i>Duplex.</i>
23	b	viii	6	Dorotheæ, Virginis et Martyris.
22	c	vii	7	Romualdi Abbatis, <i>Duplex.</i>
21	d	vi	8	Joannis de Matha, Confessoris, <i>Duplex.</i>
20	e	v	9	Apolloniæ, Virginis et Martyris.
19	f	iv	10	Scholasticæ, Virginis, <i>Duplex.</i>
18	g	iii	11	
17	A	Prid.	12	
16	b	Idib.	13	
15	c	xvi	14	Valentini, Presbyteri et Martyris.
14	d	xv	15	Faustini et Jovitæ, Martyrum.
13	e	xiv	16	
12	f	xiii	17	
11	g	xii	18	Simeonis, Episcopi et Martyris.
10	A	xi	19	
9	b	x	20	
8	c	ix	21	
7	d	viii	22	Cathedra S. Petri Antiochiæ, Duplex majus
6	e	vii	23	Petri Damiani, Episcopi, Confessoris et Ecclesiæ Do- ctoris, <i>Duplex.</i> Comm. Vigiliæ
5	f	vi	24	Mathiæ, Apostoli, Duplex 2. Classis.
4	g	v	25	
3	A	iv	26	
2	b	iii	27	
1	c	Prid.	28	

In anno Bisextili Februarius est dierum 29, et Festum S. Mathiæ celebratur 25 Februarii: et bis dicitur *Sexto Kalendas*, id est, die 24 et die 25, et littera Dominicalis, quæ assumpta fuit in mense Januario, mutatur in præcedentem: ut si in Januario littera Dominicalis fuerit A, mutatur in præcedentem, quæ est g, etc., et littera f bis servit 24, 25.



## MARTIUS.

*Cyclus*    *Litteræ*    *Dies*  
*Epact.*    *Domin.*    *mensis.*

	*	d	<i>Kal.</i>	1	
	29	e	vj	2	
	28	f	v	3	
	27	g	iv	4	Casimiri, Conf., <i>Semid.</i> Comm. S. Lucii, Papae et Mart.
	26	A	iiij	5	
xv	25	b	<i>Prid.</i>	6	
	24	c	<i>Non.</i>	7	Thomae de Aquino, Confess. et Eccl. Doct., <i>Duplex.</i> Comm. SS. Perpetuae et Felicitatis, Martyrum.
	23	d	viiij	8	Joannis de Deo, Confessoris, <i>Duplex.</i>
	22	e	vij	9	Franciscae, Viduae, <i>Duplex.</i>
	21	f	vj	10	Quadragesima Martyrum, <i>Semiduplex.</i>
	20	g	v	11	
	19	A	iv	12	Gregorii, Papae, Conf. et Eccl. Doct., <i>Duplex.</i> * Feria vj post Dominicam Passionis Officium septimum Dolorum beatæ Mariæ Virginis, <i>Duplex.</i>
	18			13	
	17	b	iiij	14	
	16	c	<i>Prid.</i>	15	
	15	d	<i>Idib.</i>	16	
	14	e	xvij	17	Patritii, Episcopi et Confessoris, <i>Semiduplex.</i>
	13	f	xvj	18	
	12	g	xv	19	Joseph, Sponsi B. Mariæ V., Conf., <i>Duplex 2. Class.</i>
	11	A	xiv	20	
	10	b	xiiij	21	Benedicti Abbatis, <i>Duplex.</i>
	9	c	xij	22	
	8	d	xj	23	Annuntiatio B. Mariæ V., <i>Duplex 2. Classis,</i>
	7	e	x	24	
	6	f	ix	25	
	5	g	viiij	26	
	4	A	vij	27	
	3	b	vj	28	
	2	c	v	29	
	1	d	iv	30	
	*	e	iiij	31	
		f	<i>Prid.</i>		

## APRILIS.

*Cyclus*    *Litteræ*    *Dies.*  
*Epact.*    *Domin. mensis.*

29	g	Kal.	1	
28	A	iv	2	Francisci de Paula, Confessoris, <i>Duplex.</i>
27	b	iii	3	
xkv 26	c	<i>Prid</i>	4	Isidori, Episcopi et Confessoris, <i>Duplex</i>
2524	d	<i>Non.</i>	5	Vincentii Ferreri, Confessoris, <i>Duplex.</i>
23	e	viii	6	
22	f	vii	7	
21	g	vi	8	
20	A	v	9	
19	b	iv	10	
18	c	iii	11	Leonis, Papae, Confess. et Eccl. Doct. <i>Duplex.</i>
17	d	<i>Prid.</i>	12	
16	e	<i>Idib.</i>	13	Hermenegildi, Martyris, <i>Semiduplex.</i>
15	f	xviii	14	Tiburtii, Valeriani et Maximi, Martyrum.
14	g	xvii	15	
13	A	xvi	16	
12	b	xv	17	Aniceti, Papae et Martyris.
11	c	xiv	18	
10	d	xiii	19	
9	e	xii	20	
8	f	xi	21	Anselmi, Episc. Confess. et Eccl. Doct. <i>Duplex.</i>
7	g	x	22	Soteris et Caii, Pontificum et Martyrum, <i>Semiduplex.</i>
6	A	ix	23	Georgii, Martyris, <i>Semiduplex.</i>
5	b	viii	24	Fidelis a Sigmaringa, Martyris, <i>Duplex.</i>
4	c	vii	25	Marci, Evangelistae, <i>Duplex</i> 2. Classis.
3	d	vi	26	Cleti et Marcellini, Pont. et Mart., <i>Semiduplex.</i>
2	e	v	27	
1	f	iv	28	Vitalis, Martyris.
.	g	iii	29	Petri, Martyris, <i>Duplex.</i>
20	A	<i>Prid.</i>	30	Catharinae Senensis, Virginis, <i>Duplex.</i>

## MAJUS.

**Cyclus**    **Litteræ**    **Dies.**  
**Epact.**    **Domin.**    **mensis.**

	28	b	Kal.	1	Philippi et Jacobi, Apostolorum, Duplex 2. Classis
	27	c	vj	2	Athanasii, Episcopi Confessoris et Doctoris, Duplex.
	26	d	v	3	Inventio S. Crucis, Duplex 2. Classis. Comm. SS. Alexandri, etc., Mart., ac Juvenalis, Episc. et Conf.
XXV	25	e	iv	4	Monicae, Viduae, Duplex.
	24	f	iiij	5	Pii V, Papae et Confessoris, Duplex.
	23	g	Prid.	6	Joannis ante portam latinam, Duplex majus.
	22	A	Non.	7	Stanislai, Episcopi et Martyris, Duplex.
	21	b	viiij	8	Apparitio S. Michaelis Archangeli, Duplex minus.
	20	c	vij	9	Gregorii Nazianzeni, Episc., Conf. et Doct., Duplex.
	19	d	vj	10	Antonini, Episcopi et Confessoris duplex. Com. SS. Gordiani et Epimachi, Martyrum.
	18	e	v	11	
	17	f	iv	12	Nerei, Achillei, Domitillae, Virginis atque Pancratii, Martyrum, Semiduplex.
	16	g	iiij	13	
	15	A	Prid.	14	Bonifacii, Martyris.
	14	b	Idib.	15	
	13	c	xvij	16	Ubaldi, Episcopi et Confessoris, Semiduplex
	12	d	xvj	17	Paschalis Baylon, Confessoris, Duplex.
	11	e	xv	18	Venantii, Martyris, Duplex.
	10	f	xiv	19	Petri Coelestini, Papae et Confessoris, Duplex Com. S. Pudentianae Virginis.
	9	g	xiiij	20	Bernardini Senensis, Confessoris, Semiduplex.
	8	A	xij	21	
	7	b	xj	22	
	6	c	x	23	
	5	d	ix	24	
	4	e	viiij	25	Gregorii VII, Papae et Confessoris Duplex. Comm. S. Urbani, Papae et Martyris.
	3	f	vij	26	Philippi Neri, Confessoris, Duplex. Comm. S. Eleutherii, Papae et Martyris.
	2	g	vj	27	Mariae Magdalenae de Pazzis, Virginis, Semiduplex. Comm. S. Joannis, Papae et Martyris.
	1	A	v	28	
	.	b	iv	29	
	29	c	iiij	30	Felicis, Papae et Martyris.
	28	d	Prid.	31	Petronillae Virginis.



# JUNIUS.

xvii

**Cyclus**      **Litteræ Dies.**  
**Epact.**      **Domin. mensis.**

	27	e	Kal.	1	
xv	26	f	iv	2	Marcellini, Petri atque Erasmi, Martyrum.
25	24	g	iii	3	
	23	A	Prid.	4	Francisci Caracciolo, Confessoris. <i>Duplex.</i>
	22	b	Non.	5	
	21	c	viii	6	Norberti Episcopi et Confessoris. <i>Duplex.</i>
	20	d	vii	7	
	19	e	vi	8	
	18	f	v	9	Pimi et Feliciani, Martyrum.
	17	g	iv	10	Margaritæ, Reginae Scotiae. <i>Semiduplex</i>
	16	A	iii	11	Barnabæ Apostoli. <i>Duplex majus.</i>
	15	b	Prid.	12	Joannis a S. Facundo Confessoris. <i>Duplex. Comm.</i> SS. Basilidis, etc. Martyrum.
	14	c	Idib.	13	Antonii de Padua, Confessoris. <i>Duplex.</i>
	13	d	xviii	14	Basilii Magni, Episc. Conf. et Eccl. Doct. <i>Duplex.</i>
	12	e	xvii	15	Viti, Modesti atque Crescentiæ, Martyrum.
	11	f	xvi	16	
	10	g	xv	17	
	9	A	xiv	18	Marci et Marcelliani, Martyrum.
	8	b	xiii	19	Julianæ de Falconeriis, Virginis. <i>Duplex. Commem.</i> SS. Gervasii et Protasii, Martyrum.
	7	c	xii	20	Silverii Papæ et Martyris.
	6	d	xi	21	
	5	e	x	22	Paulini Episcopi et Confessoris.
	4	f	ix	23	Vigilia.
	3	g	viii	24	Nativitas S. Joannis Baptistæ. <i>Duplex i Classis.</i>
	2	A	vii	25	Gulielmi Abbatis. <i>Duplex. Comm. Oct. S. Joannis.</i>
	1	b	vi	26	Joannis et Pauli, Martyrum. <i>Duplex. Comm. Oct.</i>
	.	c	v	27	De Octava Nativitatis S. Joannis.
28		d	iv	28	Leonis Papæ et Conf. <i>Semid. Comm. Oct. et Vigil.</i>
29		e	iii	29	Petri et Pauli, Apostolorum. <i>Duplex i Classis.</i>
27		f	Prid.	30	Commemoratio S. Pauli Apostoli. <i>Duplex. Comm.</i> Octavæ S. Joannis.

*Cyclus*    *Litteræ*    *Dies.*  
*Epact.*    *Domin.*    *mensis.*

26	g	Kal.	1	Octava S. Joannis Baptistae. <i>Duplex</i> . Comm. Octavae SS. Apostolorum Petri et Pauli.
xxv 25	A	vj	2	Visitatio B. Mariae V. <i>Duplex majus</i> . Comm. Octavae Apost. et SS. Processi et Martiniani, Mart.
24	b	v	3	De Octava.
23	c	iv	4	De Octava.
22	d	iii	5	De Octava.
21	e	Prid.	6	Octava SS. Apostolorum Petri et Pauli. <i>Duplex</i> .
20	f	Non.	7	
19	g	viii	8	Elisabeth Reginae Portugalliae. <i>Semiduplex</i> .
18	A	vij	9	
17	b	vj	10	Septem Fratrum Martyrum, et SS. Rufinae ac Secundae, Martyrum. <i>Semiduplex</i> .
16	c	v	11	Pii Papae et Martyris
15	d	iv	12	Joannis Gualberti Abbatis. <i>Duplex</i> Comm. SS. Naboris et Felicis Martyrum.
14	e	iii	13	Anacleti Papae et Martyris. <i>Semiduplex</i> .
13	f	Prid.	14	Bonaventurae, Episc. Conf. et Eccl. Doct. <i>Duplex</i> .
12	g	Ibid.	15	Henrici Imperatoris, Confessoris. <i>Semiduplex</i> .
11	A	xvij	16	B. Mariae V. de Monte Carmelo. <i>Duplex majus</i> .
10	b	xvj	17	Alexii Confessoris. <i>Semiduplex</i> .
9	c	xv	18	Camilli de Lellis, Confessoris. <i>Duplex</i> . Comm. S. Symphorosae et septem filiorum, Martyrum.
8	d	xiv	19	Vincentii a Paulo, Confessoris. <i>Duplex</i> .
7	e	xiii	20	Hieronymi Æmiliani, Confessoris. <i>Duplex</i> . Comm. S. Margaritae, Virginis et Martyris.
6	f	xij	21	Praxedis, Virginis.
5	g	xi	22	Mariae Magdaleneae. <i>Duplex</i> .
4	A	x	23	Apollinaris, Episcopi et Martyris. <i>Duplex</i> . Comm. S. Liborii, Episcopi et Confessoris.
3	b	ix	24	Vigilia, et comm. S. Christinae, Virg. et Mart.
2	c	viii	25	Jacobi, Apost. Dupl. 2. Class. Comm. S. Christophori.
2	d	vij	26	Annae, matris beatæ Mariae. <i>Duplex majus</i> .
.	e	vj	27	Pantaleonis, Martyris.
29	f	v	28	Nazarii, Celsi et Victoris, Martyrum, ac Innocentii Papae et Confessoris. <i>Semiduplex</i> .
28	g	iv	29	Marthae, Virginis. <i>Semiduplex</i> . Comm. SS. Felicis, Simplicii, etc. Martyrum.
27	A	iii	30	Abdon et Sennen, Martyrum.
xxv 26	b	Prid.	31	Ignatii Confessoris. <i>Duplex</i> .

# AUGUSTUS.

XIX

<i>Cyclus</i> <i>Epact.</i>	<i>Litteræ</i> <i>Domin.</i>	<i>Dies.</i> <i>mensis.</i>	
25 24	c	<i>Kal.</i>	1 Petri ad vincula. <i>Duplex majus.</i> Comm. SS. Macha- baeorum, Martyrum.
23	d	iv	2 Stephani, Papae et Martyris.
22	e	iii	3 Inventio S. Stephani, Protomartyris. <i>Semiduplex.</i>
21	f	<i>Prid.</i>	4 Dominici Confessoris. <i>Duplex.</i>
20	g	<i>Non.</i>	5 Dedicatio S. Mariae ad Nives. <i>Duplex majus.</i>
19	A	viii	6 Transfiguratio Domini nostri Jesu Christi. <i>Dupl. maj.</i> Comm. S. Xysti, Papae et Martyris.
18	b	vii	7 Cajetani Thienaci, Confessoris. <i>Duplex.</i> Commemor. S. Donati, Episcopi et Martyris.
17	c	vi	8 Cyriaci, Largi et Smaragdi, Martyrum. <i>Semiduplex.</i>
16	d	v	9 Vigilia. Comm. S. Romani, Martyris.
15	e	iv	10 Laurentii, Martyris. <i>Duplex 2. Classis.</i>
14	f	iii	11 De Octava. Comm. SS. Tiburtii et Susannae, Mart.
13	g	<i>Prid.</i>	12 Clarae, Virginis. <i>Duplex.</i> Comm. Octavae.
12	A	<i>Idib.</i>	13 De Octava. Comm. SS. Hippolyti et Cassiani, Mart.
11	B	xix	14 De Octava. Comm. Vigiliae, et S. Eusebii, Confessoris.
10	c	xviii	15 <i>Assumptio B. Mariae Virginis.</i> <i>Duplex 2. Classis.</i> * Dominica infra Octavam Assumptionis, Festum S. Jo- achim, Confessoris. <i>Duplex Majus.</i>
9	d	xvii	16 Hyacinthi, Confessoris. <i>Duplex.</i> Comm. Octavar.
8	e	xvi	17 Octava S. Laurentii. <i>Duplex.</i> Comm. Octavae.
7	f	xv	18 De Octava. Comm. S. Agapiti Martyris.
6	g	xiv	19 De Octava.
5	A	xiii	20 Bernardi, Abbatis et Doctoris. <i>Duplex.</i> Comm. Oct.
4	b	xii	21 Joannae Franciscæ de Chaptal. <i>Duplex.</i> Comm. Oct.
3	c	xi	22 Octava Assumptionis beatæ Mariae. <i>Duplex.</i> Comm. SS. Timothei, etc. Martyrum.
2	d	x	23 Philippi Beniti, Confessoris. <i>Duplex.</i> Comm. Vigiliae.
1	e	ix	24 Bartholomaei Apostoli. <i>Duplex 2. Classis.</i>
.	f	viii	25 Ludovici, Regis Franciæ, Confessoris. <i>Semiduplex.</i>
29	g	vii	26 Zephyrini Papae et Martyris.
28	A	vi	27 Josephi Calasancii, Confessoris. <i>Duplex.</i>
27	b	v	28 Augustini, Episcopi, Confessoris et Ecclesiæ Docto- ris. <i>Duplex.</i> Comm. S. Hermetis Martyris.
26	c	iv	29 Decollatio S. Joannis Baptistæ. <i>Duplex majus.</i> Com. S. Sabinae, Martyris.
xxv 25	d	iii	30 Rosæ, Virginis Limanae. <i>Duplex.</i> Comm. SS. Feli- cis et Adaucti, Martyrum.
24	e	<i>Prid.</i>	31 Raymundi Nonnati, Confessoris. <i>Duplex.</i>



## SEPTEMBER.

*Cyclus*     *Litteræ* · *Dies*  
*Epact.*     *Domin. mensis.*

23	f	Kal.	1	Aegidii, Abb Comm. SS. duodecim Fratrum, Mart.
22	g	iv	2	Stephani, Regis Hungariae, Confessoris. <i>Semiduplex.</i>
21	A	iii	3	
20	b	Prid.	4	
19	c	Non.	5	Laurentii Justiniani, Episcopi et Confessoris. <i>Semid.</i>
18	d	viii	6	
17	e	vii	7	
16	f	vi	8	Nativitas B. Mariae Virginis. Dupl. 2. Classis. Comm. S. Adriani, Martyris. *Dominica infra Octavam, SS. Nominis beatæ Mariæ. <i>Duplex majus.</i>
15	g	v	9	De octava. Comm S. Gorgonii, Martyris.
14	A	iv	10	Nicolai de Tolentino, Conf. <i>Duplex.</i> Comm. Oct.
13	b	iii	11	De Octava. Comm. SS. Proti, etc. Martyrum.
12	c	Prid.	12	De Octava.
11	d	Id. b.	13	De Octava.
10	e	xviii	14	Exaltatio S. Crucis. Duplex majus. Comm. Octavæ.
9	f	xvii	15	Octava Nativitatis beatæ Mariæ. <i>Duplex.</i> Commem. S. Nicomedis, Martyris.
8	g	xvi	16	Cornelii et Cypriani, Pont. et Mart. <i>Semiduplex.</i> Comm. SS. Euphemiae, etc., Martyrum.
7	A	xv	17	Impressio Stigmatum S. Francisci. <i>Duplex.</i>
6	b	xiv	18	Josephi a Cupertino, Confessoris. <i>Duplex.</i>
5	c	xiii	19	Januarii, Episcopi, et soc., Martyrum. <i>Duplex.</i>
4	d	xii	20	Eustachii et soc., Mart. <i>Duplex.</i> Comm. Vigiliæ.
3	e	xi	21	Matthæi, Apostoli et Evangelistæ. Duplex. 2. Classis.
2	f	x	22	Thomæ a Villanova, Episcopi et Confessoris. <i>Dupl.</i> Comm. SS. Mauriti et soc. Martyrum.
1	g	ix	23	Lini, Papæ et Martyris. <i>Semiduplex.</i> Comm. S. Theclæ, Virginis et Martyris.
	A	viii	24	Beatæ Mariæ de Mercede. <i>Duplex majus.</i>
29	b	vii	25	
28	c	vi	26	Cypriani et Justinæ, Martyrum.
27	d	v	27	Cosmæ et Damiani, Martyrum. <i>Semiduplex.</i>
xxv 26	e	iv	28	Wenceslai, Ducis et Martyris. <i>Semiduplex.</i>
25 24	f	iii	29	Dedicatio S. Michaelis Archangeli. <i>Duplex</i> 2. Classis.
23	g	Prid.	30	Hieronymi, Presbyteri, Conf. et Eccl. Doct. <i>Duplex.</i> * Dominica III. Festum septem Dolorum. <i>Dupl. maj.</i>

# OCTOBER.

XXI

*Cyclus*    *Litteræ*    *Dies*  
*Epact.*    *Domin.*    *mensis.*

22	A	Kal.	1	Dom. I. SS. Rosarii B. Mariae V. <i>Duplex inaj.</i>
			1	Remigii, Episcopi et Confessoris. <i>Semiduplex ad li-</i>
21	b	vj	2	bitum. <i>Simplex de praecepto.</i>
20	c	v	2	Angelorum Custodum. <i>Duplex.</i>
19	d	iv	3	
18	e	iiij	4	Francisci, Confessoris. <i>Duplex.</i>
17	f	Prid.	5	Placidi et soc., Martyrum.
16	g	Non.	6	Brunonis, Confessoris. <i>Duplex.</i>
			7	Marci, Papae et Confessoris. Comm. SS. Sergii, Bac-
15	A	viiij	7	chi, etc. Martyrum.
14	b	vij	8	Birgittae, Viduae. <i>Duplex.</i>
13	c	vj	9	Dionysii, Rustici et Eleutherii, Martyrum. <i>Semidupl.</i>
12	d	v	10	Francisci de Borgia, Confessoris. <i>Semiduplex.</i>
11	e	iv	11	
10	f	iiij	12	
9	g	Prid.	13	Eduardi, Regis, Confessoris. <i>Semiduplex.</i>
8	A	Idib.	14	Callisti, Papae et Martyris. <i>Duplex.</i>
7	b	xvij	15	Teresiae, Virginis. <i>Duplex.</i>
6	c	xvj	16	
5	d	xv	17	Hedwigis, Viduae. <i>Semiduplex.</i>
4	e	xiv	18	Lucæ Evangelistae. <i>Duplex 2. Classis,</i>
3	f	xiiij	19	Petri de Alcantara. Confessoris, <i>Duplex</i>
2	g	xij	20	Joannis Cantii, Confessoris. <i>Duplex.</i>
1	A	xj	21	Hilarionis, Abbatis. Commem. SS. Ursulae et soc.
	b	x	21	Virginum et Martyrum.
29	c	ix	22	
28	d	viiij	23	
27	e	vij	24	
26	f	vj	25	Chrysanthi et Dariae, Martyrum.
xxv 25	g	v	26	Evaristi, Papae et Martyris.
24	A	iv	27	Vigilia.
23	b	iiij	28	Simonis et Judae, Apostolorum. <i>Duplex 2. Classis.</i>
22	c	Prid.	29	
			30	
			31	Vigilia.

## NOVEMBER.

*Cyclur*    *Litteræ*    *Dies*  
*Epact.*    *Domin.*    *mensis.*

21	d	Kal.	1	<i>Festum omnium Sanctorum. Duplex 1. Classis</i>
20	c	iv	2	<i>Comm. omnium Fidelium Defunctorum. Duplex, et de Octava omnium Sanctorum.</i>
19	f	iii	3	<i>De Octava.</i>
18	g	<i>Prid.</i>	4	<i>Caroli, Episcopi et Confessoris. Duplex. Comm. Octavae et SS. Vitalis, etc., Martyrum.</i>
17	A	<i>Non.</i>	5	<i>De Octava.</i>
16	b	viii	6	<i>De Octava.</i>
15	c	vii	7	<i>De Octava.</i>
14	d	vi	8	<i>Octava omnium Sanctorum. Duplex. Commemoratio SS. Quatuor Coronatorum, Martyrum.</i>
13	e	v	9	<i>Dedicatio Basilicae Salvatoris, Duplex. Commem. S. Theodori, Martyris.</i>
12	f	iv	10	<i>Andreae Avellini, Confessoris. Duplex. Commemoratio SS. Tryphonis, etc. Martyrum.</i>
11	g	iii	11	<i>Martini, Episc. et Conf. Dupl. Comm. S. Meunae, M.</i>
10	A	<i>Prid.</i>	12	<i>Martini, Papae et Martyris. Semiduplex.</i>
9	b	<i>Idib.</i>	13	<i>Didaci, Confessoris. Semiduplex.</i>
8	c	xviii	14	
7	d	xvii	15	<i>Gertrudis, Virginis. Duplex.</i>
6	e	xvi	16	
5	f	xv	17	<i>Gregorii Thaumaturgi, Episc. et Conf. Semiduplex.</i>
4	g	xiv	18	<i>Dedicatio Basilicarum SS. Petri et Pauli. Duplex.</i>
3	A	xiii	19	<i>Elisabeth, Viduae. Duplex. Comm. S. Pontiani, Papae et Martyris.</i>
2	b	xii	20	<i>Felicis de Valois, Confessoris. Duplex.</i>
1	c	xi	21	<i>Praesentatio beatæ Mariae Virginis. Duplex majus.</i>
	d	x	22	<i>Caeciliae, Virginis et Martyris. Duplex.</i>
29	e	ix	23	<i>Clementis, Papae et Martyris. Duplex. Comm. S. Felicitatis, Martyris.</i>
28	f	xiii	24	<i>Joannis a Cruce, Confessoris. Duplex. Commemor. S. Chrysogoni, Martyris.</i>
27	g	vii	25	<i>Catharinae, Virginis et Martyris. Duplex.</i>
xxv 26	A	vi	26	<i>Petri Alexandrini, Episcopi et Martyris.</i>
25 24	b	v	27	
23	c	iv	28	
22	d	iii	29	<i>Vigilia. Comm. S. Saturnini, Martyris.</i>
21	e	<i>Prid.</i>	30	<i>Andreae Apostoli. Duplex 2. Classis.</i>

# DECEMBER.

XXIII

Cyclus Epact.	Litteræ Domin.	Dies mensis.	
20	f	Kal.	1
19	g	iv	2 Bibianæ, Virginis et Martyris. <i>Semiduplex.</i>
18	A	iii	3 Francisci Xaverii, Confessoris. <i>Duplex.</i>
17	B	Prid.	4 Petri Chrysologi, Episcopi, Confessoris et Doctoris. <i>Duplex.</i> Comm. S. Barbaræ, Virginis et Martyris.
16	c	Non.	5 Commemoratio S. Sabbae, Abbatis.
15	d	viii.	6 Nicolai, Episcopi et Confessoris. <i>Duplex.</i>
14	e	vii	7 Ambrosii, Episcopi, Confessoris et Doctoris. <i>Duplex.</i>
13	f	vi	8 Conceptio beatæ Mariæ Virginis. <i>Duplex.</i> 2. Classis.
12	g	v	9 De Octava.
11	A	iv	10 De Octava. Comm. S. Melchiadis, Papæ et Martyris.
10	b	iii	11 Damasi, Papæ et Confessoris. <i>Semid.</i> Comm. Oct.
9	c	Prid.	12 De Octava.
8	d	Idib.	13 Luciae, Virginis et Martyris. <i>Duplex.</i> Comm. Oct.
7	e	xix	14 De Octava
6	f	xviii	15 Octava Conceptionis. <i>Duplex.</i>
5	g	xvii	16 Eusebii, Episcopi et Martyris. <i>Semiduplex.</i>
4	A	xvi	17
3	b	xv	18
2	c	xiv	19
1	d	xiii	20 Vigilia.
	e	xii	21 Thomæ Apostoli. <i>Duplex</i> 2. Classis.
20	f	xi	22
19	g	x	23
18	A	ix	24 Vigilia.
17	b	viii	25 Nativitas D. N. J. C. <i>Duplex</i> 1. Classis.
16	c	vii	26 Stephani Protomartyris. <i>Dupl.</i> 2. Classis. Comm. Oct.
15	d	vi	27 Joannis Apost. et Evang. <i>Dupl.</i> 2. Class. Comm. Oct.
14	e	v	28 SS. Innocentium. <i>Duplex</i> 2. Class. Comm. Octavar.
13	f	iv	29 Thomæ Cantuariensis, Ep. et M. <i>Sem.</i> Comm. oct.
12	g	iii	30 De Dominica infra Oct. Nativitatis, vel de Oct. cum comm. aliarum Octavarum.
11	A	Prid.	31 Silvestri, Papæ et Conf. <i>Duplex.</i> Comm. Octavarum.

Hæc Epacta xix nunquam est in usu, nisi quando eodem anno concurrat cum Aureo numero xix.



## RUBRICÆ GENERALES

### BREVIARII

Officium quotidie fit aut Duplex, aut Semiduplex, aut Simplex.

#### *De Officio Duplici. I.*

**O**FFICIUM fit Duplex in diebus a Feria quinta in Cæna Domini, usque ad Feriam tertiam Paschæ inclusive, in Dominica in Albis, in Ascensione Domini, in Dominica Pentecostes, et duobus diebus sequentibus, in Festo Trinitatis, Corporis Christi, et Dedicationis propriæ Ecclesiæ; in Festis quibus in Calendario apponitur hæc vox, *duplex*; in die Octava Festi habentis Octavam: in Festo Patroni unius vel plurium alicujus loci vel Titularis Ecclesiæ; et in Festis Sanctorum, qui apud quasdam Ecclesias, Religiones vel Congregationes consueverunt solemniter celebrari, cum Officiis propriis, a Sede Apostolica approbatis, aut ex ejusdem Sedis auctoritate receptis vel recipiendis (servata tamen forma hujus Breviarii) alioquin de Comuni, etiamsi prædicta Festa in hoc Calendario non sint descripta. Præterea Officium fit Duplex pro Defunctis in Commemoratione omnium fidelium Defunctorum, et in die obitus, seu depositionis Defuncti, ut in eodem Officio dicitur, circa finem Breviarii.

2. Festum duplex celebratur eo die quo cadit, nisi illud contingat transferri, ut dicitur in Rubrica de Translatione Festorum.

3. Habet primas et secundas Vesperas integras, nisi cum alio simili concurrat, ut dicitur in Rubrica de concurrentia Officii, et totum Officium fit de Duplici, incipiendo a primis Vesperis, usque ad Completorium sequentis diei inclusive: nisi aliter in propriis locis assignetur. Officium autem Defunctorum habet tantum primas Vesperas, Matutinum et Laudes, ut circa finem Breviarii ponitur.

4. In utrisque Vesperis, Matutino

et Laudibus tantum, non autem in aliis Horis, duplicantur Antiphonæ, id est, integræ dicuntur in principio et in fine Psalmorum.

5. Ad Matutinum regulariter dicuntur tres Nocturni, cum novem Psalmis, et totidem Lectionibus, hoc est, in unoquoque Nocturno tres Psalmi, et tres Lectiones, præterquam in Paschate Resurrectionis et Pentecostes cum duobus sequentibus diebus, in quibus dicitur unum tantum Nocturnum cum tribus Psalmis, et totidem Lectionibus, ut ibidem ponitur.

6. Preces ad Primam et Completorium, et Suffragia de sancta Maria, Apostolis, et Pace ad Vesperas et Laudes, non dicuntur in Officio duplici, ut etiam in propriis eorum Rubricis dicitur.

7. Quomodo sit ordinandum Officium duplex in Vesperis, Matutino et cæteris Horis, similiter et de Antiphonis, Responsoriis, Versibus, Capitulis et aliis in eo dicendis, habentur inferius de singulis propriæ Rubricæ.

#### *De Officio Semiduplici. II.*

**O**FFICIUM fit Semiduplex diebus Dominicis (excepta Dominica in Albis, in qua fit Duplex); et diebus infra Octavas: item in Festis, quibus in Calendario apponitur hæc vox, *Semiduplex*, et in Festis propriis quorundam locorum, seu Congregationum, quæ solemnius apud illas, quam Simplicita, consueverunt celebrari.

2. De festo semiduplici fit eo die quo cadit, nisi contingat transferri, ut dicitur in Rubrica de translatione Festorum.

3. Habet totum Officium integrum, sicut Duplex, sed non duplicantur Antiphonæ.

4. Ad Matutinum dicuntur tres Nocturni, præterquam infra Octavas Pa-

schæ et Pentecostes, in quibus dicitur unum Nocturnum cum tribus Psalmis et totidem Lectionibus. Et regulariter quando dicuntur tres Nocturni, dicuntur novem Psalmi et totidem Lectiones, exceptis iis Dominicis, in quibus fit Officium ut in Psalterio, quæ habent xvij Psalmos, ut ibi.

5. Quomodo sit ordinandum Officium semiduplex tam in Festis, quam in Dominicis, et infra Octavas, item et de Antiphonis, Versibus, Responsoriis et hujusmodi aliis, et quando in Semiduplici dicantur Preces ad Primam et Completorium, et Suffragia de Sanctis ad Vesperas et Laudes, habentur inferius de singulis propriæ Rubricæ.

*De Officio simplici. III.*

**O**FFICIUM fit simplex in diebus ferialibus, quando occurrit fieri de Feria; item in Festis, quibus in Kalendario non apponitur hæc vox, *Duplex*, vel *Semiduplex*, vel de *Octava*; item quando fit de beata Maria in Sabbato, ut in ejus Rubrica dicitur.

2. De Festo simplici fit eo die quocadit; nisi eodem die occurrat fieri Officium novem Lectionum, vel de sancta Maria in Sabbato, vel de aliquibus Feriis, quibus festum simplex cedit, ut dicitur in Rubricis de Feriis et Commemorationibus.

3. Habet tantum primas Vesperas, in quibus dicuntur Psalmi Ferialles, et a Capitulo fit de Festo, nisi cum concurrat Officium novem Lectionum, quia tunc de eo fit sola Commemoratio, ut dicitur in Rubrica de Concurrentia Officii, et ejus Officium terminatur ad Nonam, et nihil amplius fit de eo, nec Commemoratio.

4. Ad Matutinum post invitorium et hymnum de Festo, dicitur unum tantum Nocturnum cum duodecim Psalmis, ut in Psalterio, secundum Feriam quæ occurrit; et tres Lectiones leguntur, ut infra in Rubrica de Lectionibus habetur.

5. Quomodo sit ordinandum Officium simplex ad Vesperas, Matutinum et alias horas; item et de Antiphonis, Ver-

sibus, Responsoriis et aliis, ac quando Preces, et Suffragia de Sanctis dicenda sint, habentur inferius propriæ Rubricæ.

*De Dominicis. IV.*

**D**E Dominica semper fit Officium in Dominicis Adventus, et in Dominicis a Septuagesima usque ad Dominicam in Albis inclusive, quocumque Festo duplici, vel semiduplici adveniente, quia tunc Festum transfertur (ut in Rubrica de Translatione Festorum dicitur), nisi illud Festum sit de principali Titulo, vel Patrono alicujus Ecclesiæ vel loci, aut Dedicatione propriæ Ecclesiæ: quia tunc de hujusmodi Festo fit tantum in Ecclesia, vel loco, ejus est Titulus, vel Patronus, vel Dedicatio, cum commemoratione Dominicæ, quibusdam Dominicis exceptis, ut dicitur in Rubrica de Commemorationibus. In aliis Dominicis per annum fit de Dominica, quando in eis non occurrit Festum duplex, quia tunc fit de Duplici cum commemoratione Dominicæ in utrisque Vesperis et Laudibus, et ad Matutinum legitur nona Lectio de Homilia Dominicæ, ut dicitur in Rubrica de Commemorationibus. Si Semiduplex eodem die occurrat, transfertur, ut dicitur in Rubrica de Translatione Festorum.

2. De Dominicis infra Octavam Nativitatis, Epiphaniæ, Ascensionis et Corporis Christi occurrentibus, Officium fit sicut infra Octavam, et in Proprio de Tempore, cum Commemoratione Octavæ et sine Precibus et Suffragiis Sanctorum; in Dominicis vero, quæ occurrunt infra alias Octavas, totum Officium fit de Dominica, ut in Psalterio et in Proprio de Tempore, cum Commemoratione Octavæ, omittis etiam dictis Precibus et Suffragiis, ut supra. De Dominica occurrente in die Octava fit Commemoratio, sicut dictum est, quando in ea fit de Festo duplici, præterquam in die Octava Epiphaniæ, in qua nihil fit de Dominica, quia ejus Officium ponitur in Sabbato præcedenti.

3. Positum est autem Officium sex Dominicarum post Epiphaniam, et viginti quatuor post Pentecosten, ut compleatur numerus triginta Dominicarum, quæ esse possunt ab Epiphania usque ad Septuagesimam, et a Pentecoste usque ad Adventum, ne ulla ex his Dominicis vacet, quin saltem de ea fiat commemoratio. Nam quæ aliquando supersunt post Epiphaniam ante Septuagesimam, ponuntur post xiiij à Pentecoste, hoc ordine.

4. Si Dominicæ post Pentecosten fuerint xxv. Dominica xxiv post Pentecosten erit quæ est vj post Epiphaniam. Si fuerint xxvj, Dominica xxiv erit quæ est v; et xxv, quæ est vj. Si fuerint xxvij, Dominica xxiv erit quæ est iv; et xxv, quæ est v, et xxvj erit vj. Si fuerint xxviii, Dominica xxiv erit iiij, et xxv erit iv, et xxvj erit v, et xxvij erit vj; et ultimo loco semper ponitur, quæ in ordine est xxiv post Pentecosten, etiamsi post Pentecosten aliquando non sint nisi xxiiij Dominicæ. Tunc enim xxiv ponitur loco xliij, et Officium xxiiij ponitur in præcedenti Sabbato, quod non sit impeditum Festo novem Lectionum, alioquin in alia præcedenti die similiter non impedita, in qua fiat Officium de Feria, cum commemoratione festi simplicis, si occurrat; et in ea leguntur tres Lectiones de Homilia Dominicæ, omissis Lectionibus Scripturæ illius Feriæ, et in Laudibus dicatur Antiphona ad *Benedictus*, et Oratio de Dominica xxiiij. Quod si tota Hebdomada impedita sit festis ix Lectionum, etiam translatis, vel aliqua Octava, tunc in Sabbato legatur ix Lectio de Homilia Dominicæ xxiiij, et de ea fiat commemoratio in Laudibus tantum, cum Antiphona et Oratione propria.

5. Cum vero interdum contingat, ut Dominica iiij, vel iv, vel v, vel vj post Epiphaniam supersit, nec possit poni etiam post xxiiij à Pentecoste, tunc de ea fit Officium in Sabbato ante Dominicam Septuagesimæ, ut dictum est supra. numero præcedenti.

6. De Dominica ii post Epiphaniam, quando Septuagesima venerit immediate post Octavam Epiphaniæ, quomodo agendum sit Officium, habetur in propria Rubrica ante Dominicam j post Epiphaniam.

7. Cum autem in Proprio de Tempore dicitur aliqua Dominica esse prima mensis, in qua primo ponitur initium libri de Scriptura cum sua historia, id est, cum Responsoriis; animadvertendum est, cum dici primam Dominicam mensis, quæ venit in Kalendis illius mensis, vel est proximior Kalendis, hoc modo. Si Kalendæ venerint in ij, et iiij et iv Feria, Dominica prima mensis erit quæ præcedit Kalendas, licet veniat in præcedenti mense: si autem Kalendæ venerint in v et vj Feria et in Sabbato, prima Dominica erit quæ sequitur post ipsas Kalendas. Dominica autem prima Adventus non sumitur ea, quæ est proximior Kalendis Decembris, sed Festo sancti Andreæ, vel quæ venerit in ipso festo.

8. Officium Dominicæ fit semiduplex, et incipit a primis Vesperis in Sabbato, et habet totum Officium integrum usque ad Completorium Dominicæ inclusive, nisi cum aliquo concurrat, ut dicitur in Rubrica de Concurrentia Officii.

9. Ad Matutinum dicantur tres Nocturni cum Psalmis, ut in Psalterio, et leguntur novem Lectiones, ut in Proprio de Tempore.

10. Quomodo autem sit ordinandum ejus Officium, insuper et de Lectionibus, Responsoriis et aliis, et quomodo initia librorum Scripturæ cum sua historia sint ponenda, habentur de singulis inferius propriæ Rubricæ.

*De Fertis. V.*

**O**FFICIUM feriale, hoc est, simplex de Tempore occurrenti, prout in Psalterio et Proprio de Tempore habetur, fit semper in Feriis Adventus, Quadragesimæ, Quatuor Temporum, Vigiliarum, et in Feria secunda Rogationum, quando infra Hebdoma-



dam non occurrit Festum duplex, vel semiduplex, vel de Octava, quia tunc de hujusmodi Feriis fit commemoratio, ut dicetur in Rubrica de Commemorationibus. Si vero in eis occurrat Festum simplex, de eo fit tantum commemoratio. Item per annum fit Officium de Feria illis diebus, quibus infra Hebdomadam in Calendario non ponitur aliquod Festum duplex, semiduplex, vel simplex, et non occurrit aliqua Octava, vel Officium sanctæ Mariæ in Sabbato, vel aliquod Festum solemne, aut consuetum in aliqua Ecclesia celebrari, quamvis in Calendario hujus Breviarii non sit descriptum.

2. Officium Feriæ in Adventu, Quadragesima, Quatuor Temporibus, Vigiliis et prima die Rogationum, incipit à Matutino: in aliis vero Feriis per annum, inde fit de Feria, ubi desinit Officium præcedentis diei, ita ut si præcedenti die fuerit Duplex, vel Semiduplex, Officium Feriæ incipiat sequenti die à Matutino: si præcedenti die fuerit Festum simplex, de Feria fiat à Vesperis illius præcedentis diei inclusive. Similiter et quando in Feria iv et vj Quatuor Temporum Septembris, et in Feria iv Cinerum, ac in Vigiliis occurrit aliquod Festum simplex, de quo fieri debet commemoratio, tunc præcedenti die, nisi fuerit Festum novem Lectionum, in Vesperis fit de Feria, ut in Psalterio, sine Precibus, cum Oratione Dominicæ præcedentis, et cum commemoratione Festi trium Lectionum in sequenti Feria occurrentis, ut dicetur infra in Rubrica de Concurrentia. Terminatur autem Officium de Feria subsequente duplici, vel semiduplici, ad Nonam; subsequente vero Simplici, de quo fieri debeat Officium, ad Capitulum Vesperarum, quia inde fit de Festo simplici absque ulla deinceps commemoratione Feriæ.

3. Ad Matutinum dicitur unum tantum Nocturnum cum xij Psalmis, secundum ordinem Feriarum in Psalterio, et tribus Lectionibus, ut in Proprio de Tempore.

4. Excipiuntur ab hoc ordinario Officii ferialis tres Feriæ majores Hebdomadæ sanctæ, et Feriæ Octavarum Paschæ et Pentecostes, in quibus fit Officium, ut in propriis locis ponitur.

5. Quomodo ordinandum sit Officium de Feria ad Matutinum et alias Horas, item de Lectionibus et Responderiis, et quando dicendæ sint Preces feriales, ac de aliis, quæ ad Officium Feriæ pertinent, habentur inferius de singulis propriæ Rubricæ.

#### De Vigiliis VI.

**D**E Vigilia fit Officium in omnibus Vigiliis per annum quæ jejunantur, ubi in Calendario annotatur hæc vox *Vigilia*, nisi in die Vigiliæ occurrat festum novem Lectionum, vel Octava: tunc enim in Officio novem Lectionum legitur nona Lectio de Homilia Vigiliæ, et fit commemoratio de ea ad Landes tantum, cum Antiphona ad *Benedictus*, et y. Feriæ occurrentis de Psalterio, et Oratione Vigiliæ, præterquam in illis Festis majoribus, quæ inferius excipiuntur.

2. Si Vigilia occurrat in Dominica, de ea fit Officium in Sabbato, quod non sit impeditum Officio novem Lectionum, quia tunc de Vigilia fit tantum commemoratio, ut dictum est. Excipitur ab hac regula Vigilia Nativitatis et Epiphaniæ Domini: quæ si venerint in Dominica, fit de illis, ut in propriis Rubricis dicitur. Si autem in Vigilia occurrat Festum solemne alicujus loci, vel ex solemnioribus infra annum, quæ inferius in Rubrica de Commemorationibus numerantur (veluti si in Vigilia sancti Joannis Baptistæ venerit Festum Corporis Christi), nihil tunc prorsus, nec commemoratio fit de Vigilia Epiphaniæ. Idem servetur quando aliqua Vigilia venerit in Adventu, Quadragesima et quatuor Temporibus: nulla enim in his Feriis de Vigilia fit commemoratio.

3. Officium Vigiliæ incipit ad Matutinum, sicut dictum est in superiori Rubrica de Feriis; terminatur autem in



ad Nonam, quia Vesperæ sunt de sequenti Festo.

4. Officium Vigilæ totum fit de Feria occurrenti, ut in Psalterio, et tres Lectiones leguntur de Homilia in Evangelium Vigilæ, ut in propriis locis assignatur, cum tribus Responsoriis de feria occurrenti, ordine in Rubrica de Responsoriis descripto. Dicuntur Preces feriales, et commemorationes communes, aliaque omnia sicut in Feriis Adventus, Quadragesimæ et Quatuor Temporum, de quibus et de aliis circa ordinandum ejus Officium habentur inferius propriæ Rubricæ.

5. Excipitur ab hoc ordinario Vigiliarum, quæ jejunantur, Vigilia Pentecostes, quæ cum tribus Nocturnis sub Officio semiduplici celebratur, ut ibi; et Vigilia Nativitatis Domini, quæ. Nocturno feriæ excepto, in Laudibus et Horis habet reliquum Officium duplex. In Vigiliis vero Epiphaniæ et Ascensionis, quæ non jejunantur, fit Officium, ut in propriis locis notatur.

#### *De Octavis VII.*

**D**E Octava fit Officium, vel saltem commemoratio (quando aliquo festo, vel Dominica impeditur) per octo dies continuos. Fit de Octava in Paschate Resurrectionis, in Ascensione Domini, in Pentecoste, in Festo Corporis Christi, in Festis quibus in Calendario apponitur Octava, item in Festo Dedicationis propriæ Ecclesiæ, et in Festo principalis Patroni et Titularis loci, vel Ecclesiæ, et in festis aliorum Sanctorum, quæ apud quasdam Ecclesias, Congregationes et Religionem consueverunt solemniter cum Octava celebrari, nisi illa Festa venerint in Quadragesima, quo tempore omititur Officium cujuscunque Octavæ. Quod si aliquod Festum, quod celebrari solet cum Octava, paulo ante Quadragesimam venerit, et jam per aliquot dies factum sit Officium de ejus Octava, adveniente Quadragesima, nihil amplius fit de ea, nec commemoratio. Et idem servetur de Octavis nondum absolutis, quando superv-

nit Festum Pentecostes, et dies xvij Decembris.

2. In Pascha Resurrectionis et Pentecostes Officium Octavæ terminatur in Sabbato sequenti ad Nonam.

3. Infra Octavas fit de Festis duplicibus et semiduplicibus occurrentibus, ac etiam translatis, ut dicetur infra de Translatione Festorum, n. 5, cum commemoratione Octavæ, nisi illa festa sint de solemnioribus enumeratis in sequenti Rubrica de commemorationibus, in quibus nulla fit commemoratio de Octava, exceptis Octavis Nativitatis, Epiphaniæ et Corporis Christi, de quibus fit semper commemoratio, quocunque Festo in illis occurrente. Infra Octavas autem Paschæ et Pentecostes non fit de Festo aliquo, etiam principali Patrono, vel Titulari Ecclesiæ, vel Dedicatione ejusdem; sed transfertur post Octavam. Infra Octavam Epiphaniæ fit tantum de Patrono, vel Titulari Ecclesiæ et Dedicatione ejusdem (non tamen in die Octava), cum commemoratione Octavæ. Infra Octavam Corporis Christi fit tantum de Duplicibus non tamen translatis, cum commemoratione Octavæ; de Semiduplicibus vero infra eam non fit, sed transferuntur post Octavam, ut dicetur in Rubrica de Translatione Festorum. De Simplicibus infra quascunque Octavas occurrentibus, fit tantum commemoratio, præterquam in duobus diebus post Pascha et Pentecosten, ut dicetur sequenti Rubrica de Commemorationibus. De Dominicis infra Octavas occurrentibus fit Officium, ut dictum est supra in Rubrica de Dominicis. Si duæ Octavæ simul occurrant, ut Octava sancti Joannis Baptistæ, et Octava Corporis Christi, vel Octava patroni vel Titularis Ecclesiæ cum alia Octava, quando non erunt celebranda festa novem Lectionum, vel dies Dominicus, fiet Officium de digniori, cum commemoratione alterius. De die autem Octava cujuscunque Festi fit totum Officium duplex, cum commemoratione diei infra aliam Octavam. De Festis occurrentibus in die Octava ser-

vetur quod dicitur in Rubrica de Translatione Festorum.

4. Officium de Octava fit cum tribus Nocturnis, novem scilicet Psalmis et novem Lectionibus (exceptis Octavis Paschæ et Pentecostes, in quibus fit cum uno Nocturno, ut suis locis ponitur), et omnia dicuntur sicut in die Festi, præter Lectiones quarum primæ tres semper sunt de Scriptura occurrente in Officio de Tempore, præterquam infra Octavam Assumptionis beatæ Mariæ, in qua singulis diebus posita sunt Lectiones propriæ de Canticis Canticorum; aliæ Lectiones secundi et tertii Nocturni dicuntur quæ infra Octavam posita sunt. Infra Octavam vero Patroni vel titularis Ecclesiæ aut alterius Festi, quod in aliquibus Ecclesiis consuevit cum Octava celebrari, si apud illas Ecclesias non habentur propriæ et approbatæ Lectiones pro secundo et tertio Nocturno, infra Octavam repetantur Lectiones posita in Communi Sanctorum, si de Sanctis fiat Octava, alioquin Lectiones diei Festi.

5. Infra Octavam Officium fit semiduplex, in die Octava duplex. In Vesperis infra Octavam omnia dicuntur sicut in secundis Vesperis Festi; et in primis Vesperis diei Octavæ omnia sicut in primis Vesperis Festi, nisi aliter in propriis locis notetur.

6. Infra Octavas non fiunt Suffragia consueta de Sanctis, nec dicuntur Preces ad Primam et Completorium, etiam si fiat Officium de Dominica, vel Festo semiduplici. In aliis quomodo sit ordinandum Officium de Octava, habentur inferius propriæ Rubricæ.

*De Officio sanctæ Mariæ in Sabbato. VIII.*

**I**n omnibus Sabbatis per annum extra Adventum et Quadragesimam, ac nisi Quatuor Tempora aut Vigiliæ occurrant, vel nisi fieri debeat de Feria propter Officium alicujus Dominicæ aliquando infra Hebdomadam ponendum, ut in Rubrica de Dominicis dictum est, et nisi fiat Officium novem Lectionum, vel de Octava Paschæ et Pentecostes,

**XXIX**

semper fit Officium de sancta Maria, eo modo quo fit de Festo simplici, quemadmodum circa finem Breviarii disponitur. De festo autem simplici, in Sabbato occurrente, fit tantum commemoratio.

2. Cum vero supradictis diebus fieri non potest Officium de sancta Maria, nulla etiam fit commemoratio de ea propter Sabbatum, sed tantum in Semiduplicibus (quando ejus Officium parvum non dicitur) fit consueta ejus commemoratio per annum cum aliis Suffragiis positis in Psalterio post Vesperas Sabbati.

3. Ejus Officium in Sabbato incipit Feria vj, ad modum Festi simplici, a Capitulo, et terminatur ad Nonam Sabbati. Si autem Feria vj occurrat Officium novem Lectionum, in Vesperis fit tantum commemoratio de sancta Maria, cum Antiphona, Versu et Oratione, quæ habentur in Officio ejus in Sabbato, nisi illud Officium novem Lectionum sit de eadem beata Maria, quia tunc nulla alia commemoratio de ea facienda est.

4. Ad Matutinum, post Invitatorium et Hymnum de sancta Maria, dicitur unum Nocturnum cum duodecim Psalmis ferialibus, ut in Psalterio. Versus de sancta Maria, prima et secunda Lectio ex Scriptura de Tempore occurrente; tertia Lectio et alia omnia tam in Matutino quam in Laudibus et Horis ut in Officio sanctæ Mariæ in Sabbato assignatur.

5. Dicuntur Preces Dominicales ad Primam et Completorium, et fiunt Suffragia consueta de Apostolis et Pace, et tempore Paschali sola commemoratio de Cruce, ut in secunda Feria post Octavam Paschæ. Post Nonam nihil fit de ea, nisi consueta ejus commemoratio cum aliis Suffragiis, quando dicenda sunt in Officio de Dominica.

*De Commemorationibus IX.*

**C**OMMEMORATIONES fiunt de Festis simplicibus, quando in eorum diebus incidit Festum novem Lectionum etiam translatum, vel Domi-

nica, vel Octava, vel Sabbatum, et quando fieri debet de Feria, ut ponatur Officium alicujus Dominicæ, quæ eo anno supersit.

2. De Feriis Adventus, Quadragesimæ, Quatuor Temporum, Vigiliarum, et secunda Rogationum fit commemoratio, quando Festum novem Lectionum in illis Feriis occurrit. Si simplex Festum in eisdem Feriis occurrat, Officium fit de Feria et commemoratio de Festo simplici.

3. Præterea fit commemoratio de Dominicis a Pentecoste usque ad Adventum, et ab Epiphania usque ad Septuagesimam, et a Dominica in Albis usque ad Pentecosten exclusive, quando Festo duplici impediuntur. De alijs Dominicis nulla fit commemoratio, occurrente Festo duplici, quia Festum in illis occurrens transfertur, nisi illud Festum fuerit principalis Patroni, vel Tituli, aut Dedicationis ipsius Ecclesiæ, non autem alicujus Capellæ, vel Altaris ejusdem Ecclesiæ; et tunc de hujusmodi principali Festo fit tantum in eo loco, vel Ecclesia cujus est Patronus, vel Titulus, aut Dedictio, cum commemoratione Dominicæ: excepta Dominica prima Adventus, Dominica prima Quadragesimæ, Dominica Passionis, Dominica Palmarum, Dominica Paschæ, Dominica in Albis, ac Dominica Pentecostes et Trinitatis: in quibus hujusmodi occurrens Festum transfertur in sequentem diem similiter non impeditam, dummodo non fuerit infra majorem Hebdomadam et per Octavam Paschæ et Pentecostes, quibus diebus non fit de aliquo Festo duplici occurrente.

4. De Octava etiam, quando Festo novem Lectionum, vel Dominica impeditur, fit commemoratio, nisi illud Festum novem Lectionum fuerit solemnne principale alicujus loci, ut supra. Nam in primis Vesperis et Laudibus hujusmodi Festi nulla fit commemoratio Festi simplicis occurrentis, nec alicujus Vigiliæ, excepta Vigilia Epiphaniæ, nec alicujus diei infra Octavam, nec alicujus præcedentis Festi

novem Lectionum (nisi id Festum fuerit ex iis quæ infra in hac eadem Rubrica enumerantur), nec diei Octavæ, nec Dominicæ, si Festum illud solemnne celebretur Feria secunda: exceptis Dominicis Adventus, et Dominicis a Septuagesima usque ad Octavam Paschæ inclusive: de quibus Dominicis, sicut etiam de Feriis Adventus, Quadragesimæ, Quatuor temporum, et secunda Rogationum semper fit commemoratio, quocumque Festo adveniente. Quod si hujusmodi Festum solemnne venerit in quacumque Dominica, fit commemoratio de ea in utrisque Vesperis et Laudibus. Et similiter si occurrat in die Octava alicujus Festi habentis Octavam, de ea fit commemoratio etiam in utrisque Vesperis et Laudibus. In secundis autem Vesperis Festi prædicti fit commemoratio de Duplici, Semiduplici, et Dominica sequentibus, et non de alijs.

5. Idem servatur in quibusdam Festis majoribus per annum, scilicet in Nativitate Domini (in cujus Officio nulla fit commemoratio de sancta Anastasia, sed in secunda tantum missa), in Epiphania, in Pascha resurrectionis cum tribus proxime antecedentibus, et duobus sequentibus diebus, in Ascensione Domini, in Pentecoste cum duobus sequentibus diebus, in Festo Corporis Christi, in Festis Nativitatis sancti Joannis Baptistæ, sanctorum Apostolorum Petri et Pauli, et Assumptionis beatæ Mariæ, in Festo omnium Sanctorum, et in festo Dedicationis propriæ Ecclesiæ: in quibus Festis fiunt commemorationes eo modo tantum, quo dictum est supra de Festo solemnne alicujus loci.

6. In Festis autem secundi ordinis, videlicet, Circumcisionis, Trinitatis, Purificationis, Annuntiationis et Nativitatis beatæ Mariæ, in Natalitijs xij Apostolorum et Evangelistarum, in Festo sancti Joseph, Inventionis sanctæ Crucis, et in Festo sancti Laurentii, et Dedicationis sancti Michaelis Archangeli, in primis Vesperis fit commemoratio Festi duplicis eo die celebrati,



nisi aliter in propriis locis notetur : de Dominica vero, de die infra Octavam, et de Festis semiduplicibus non fit commemoratio, eo modo, quo nec in Festo solenni alicujus loci, ut dictum est supra. De Simplicibus et Vigiliis in his Festis occurrentibus legitur nona Lectio, et fit commemoratio in Laudibus tantum. In secundis autem Vesperis fit commemoratio de quocumque sequenti Festo, etiam simplici, et de die infra Octavam, si de ea fieri debeat Officium die sequenti. De Octavis Nativitatis Domini, Epiphaniæ et Corporis Christi, semper fit commemoratio in utrisque Vesperis et Laudibus, quodcumque contigerit infra illas de aliquo alio Festo Officium celebrari juxta Rubricam de Octavis, num. 3.

7. De Dominicis et Feriis Adventus et Quadragesimæ commemoratio fit in utrisque Vesperis et Laudibus De feriis Quatuor Temporum, Vigiliarum et secunda Rogationum, quando de illis commemoratio fieri debet, fit in Laudibus tantum. De Festis autem simplicibus (nisi in diebus supradictis occurrant) commemoratio fit in primis Vesperis et Laudibus eo die quo in Calendario assignantur. De aliis vero Dominicis per annum et Octavis commemoratio fit in utrisque Vesperis et Laudibus, nisi concurrant cum supra enumeratis Festis.

8. Commemorationes fiunt hoc modo : post orationem diei, in primis Vesperis dicitur Antiphona quæ posita est ad *Magnificat*, et in Laudibus, quæ posita est ad *Benedictus* in Comuni (si propriam non habuerit) conveniens ejus Officio cujus fit commemoratio. Post Antiphonam dicitur versus, inde sumendus, unde sumpta est Antiphona, scilicet post Hymnum Vesperarum et Laudum, deinde dicitur Oratio. Si antiphona et Versus Festi de quo fit commemoratio, sumenda essent ex eodem Comuni, unde sumpta sunt in Officio diei, in Festo commemorationes variantur, ita ut in Vesperis sumantur ex Laudibus, et in Laudibus ex primis Vesperis ejusdem

Communis, nisi aliter signetur. Et similiter si in secundis Vesperis sanctæ Agathæ, aut alterius sanctæ novem Lectionum fieri debeat commemoratio beatæ Mariæ, pro ejus Officio in sequenti Sabbato celebrando, ne repetatur *Ÿ. Diffusa est gratia*, dicatur *Ÿ. Benedicta tu*, ex Laudibus. Si item occurrat, ut eadem sit oratio Festi de quo fit commemoratio, mutetur oratio pro commemoratione in aliam de Comuni. Si de Tempore fiat commemoratio, de Dominica scilicet vel Feria, Antiphona et versus ante orationem eodem modo sumantur ex Proprio de Tempore, si habuerit proprium; alioquin de Psalterio, Oratio vero ex Proprio de Tempore.

9. Quando fit commemoratio de Dominica, vel Feria, quæ habent propriam Homiliam, nona Lectio in Officio diei novem Lectionum legitur de Homilia Dominicæ, vel feriæ; quæ erit vel prima de Homilia, vel tres simul in una Lectione conjunctæ.

10. Si in die, in quo fit Officium novem Lectionum, fiat commemoratio de Festo trium Lectionum, nona Lectio legitur de Festo trium Lectionum, si propriam habuerit; si duas, ex duabus fiat una Lectio, quæ sit nona in Officio novem Lectionum. Quæ Lectio de Sancto non legitur, quando de eo fit commemoratio in Dominicis, quæ habent novum Responsorium, nec quando nona Lectio legenda est de Homilia Dominicæ vel feriæ, ut supra; nec in Feriis et aliis diebus, quando in Officio diei leguntur tantum tres Lectiones, nec etiam nona Lectio legitur de die infra Octavam, quando de ea fit commemoratio in Dominica vel aliquo Festo, licet habeat Evangelium proprium et Homiliam.

11. Quando contingit fieri plures commemorationes, servetur hic ordo : De Duplici fiat ante Dominicam, de Dominica ante Festum semiduplex, de Semiduplici ante diem infra Octavam, de die infra Octavam ante Ferias Adventus, Quatuor Temporum, Vigiliarum et Rogationum, et de dictis Fe-



iris ante Festum simplex. De sancta Maria ( quando in secundis Vesperis Festi novem Lectionum , quod Feria vj celebratum sit , de ea fieri debet commemoratio pro Officio sequentis Sabbati ) fiat ante Festum simplex in Sabbato occurrens. De Festo simplici sit commemoratio ante Suffragia , seu communes commemorationes de Cruce, sancta Maria , Apostolis et de Pace , et ante commemorationem cujuscunque Tituli , vel Patroni Ecclesie , quæ etiam pro sui dignitate aliis Suffragiis prædictis præponeretur. De quibus Suffragiis , quomodo et quando facienda sint, habetur inferius propria Rubrica.

*De Translatione Festorum X.*

**S**i aliquod Festum duplex occurrat in Dominicis Adventus , et in Dominicis a Septuagesima usque ad Dominicam in Albis inclusive , in Vigilia Nativitatis Domini , in die Circumcisionis , in tota Octava Epiphaniæ , in Feria quarta Cinerum , in tota majori Hebdomada, et infra Octavam Paschæ , in Ascensione Domini , in diebus a Vigilia Pentecostes usque ad Festum Trinitatis inclusive, in Festo Corporis Christi et ejus die Octava , in Festo Assumptionis beatæ Virginis et omnium Sanctorum, transfertur in primam diem Festo duplici vel semiduplici non impeditam , exceptis tamen Festis Nativitatis sancti Joannis Baptistæ, et sanctorum Apostolorum Petri et Pauli , quæ in die Octava Corporis Christi celebrantur, excepto quoque Festo quocunque solemniori alicujus loci , quod in propria tantum Ecclesia , etiam in aliquibus ex supradictis diebus occurrens, scilicet in Dominicis ij , iij et iv Adventus et Quadragesimæ , Dominica Septuagesimæ , Sexagesimæ et Quinquagesimæ, et diebus infra Octavam Epiphaniæ ( ut in Rubrica de Commemorationibus dictum est ) celebratur. Si autem Festum Purificationis B. Mariæ venerit in aliqua Dominica ij classis, transfertur in feriam sequentem , quamvis impeditam; idemque est de Annuntiatione B. Ma-

riæ. Item si Festum Nativitatis sancti Joannis Baptistæ venerit in die Corporis Christi , transfertur in sequentem diem , cum commemoratione Octavæ, et in secundis Vesperis Corporis Christi sit tantum commemoratio sancti Joannis : sequentibus autem diebus sit Officium de eadem Octava Corporis Christi cum commemoratione Octavæ sancti Joannis. Dies autem Octava sancti Joannis tunc veniens in die Octava Corporis Christi , non transfertur , sed de illa eo anno sit tantum commemoratio in utrisque Vesperis et Laudibus diei Octavæ Corporis Christi ; et id semper servetur , quando festum habens Octavam transfertur ; ut non ideo dies Octava transferatur , sed ipsa die de ea fiat commemoratio , quæ alias erat Octava , si festum non fuisset translatum. Quod si Festum post totam suam Octavam transferri contigerit , illo anno celebratur sine Octava , nisi Titularis Ecclesiæ privilegio aliter fieri oporteat.

2. Si in die Octava alicujus Festi habentis Octavam occurrat aliquod Festum duplex ex majoribus supra in Rubrica de Commemorationibus enumeratis , fiat de Festo cum commemoratione diei Octavæ , excepta die Octava Nativitatis Domini et Epiphaniæ, in quibus non sit de aliquo Festo, sed transfertur in primam diem similiter non impeditam. Si autem non fuerit ex prædictis Festis , fiat de Octava , et Festum transferatur , ut supra.

3. Si aliquod Festum duplex infra Octavam occurrens alio majori Festo duplici impediatur, transferatur in primam diem similiter non impeditam , et in eo fiat commemoratio de Octava.

4. Si in aliis Dominicis per annum a supradictis occurrat Festum duplex, non transfertur, ut dictum est in Rubrica de Commemorationibus.

5. Festum semiduplex occurrens diebus supradictis, et infra Octavam Corporis Christi et aliis Dominicis per annum , transfertur in primam diem simili Officio non impeditam: occurrens vero in Dominicis infra illas Octavas,

in quibus fit de Festis occurrentibus ( ut dictum est in Rubricis de Octavis ), transfertur in sequentem diem, cum commemoratione Octavæ, quæ, si fuerit alio Festo duplici vel semiduplici impedita, prædictum Festum semiduplex veniens in Dominica, transfertur post Octavam, ita ut Festum semiduplex infra Octavam non transferatur, nisi in proxime sequentem diem.

6. Si duo vel plura Festa novem Lectionum simul eodem die veniant, fiat Officium de majori, id est, de duplici, et semiduplicia transferantur. At si omnia fuerint duplicia, vel omnia semiduplicia, fiat de digniori, seu solemniori, et quæ minoris solemnitatis sunt, transferantur.

7. Sed si plura Festa novem Lectionum transferenda sint, prius transferatur duplex quam semiduplex, et inter plura duplicia, quod est magis solemne semper prius transferatur, et prius celebretur: alioquin si sunt æqualia, unum ante aliud transferatur eo ordine, quo erant celebranda in propriis diebus.

8. Festum simplex nunquam transfertur; sed si de eo fieri non potest Officium, fiat commemoratio, ut dictum est in Rubrica de Commemorationibus; si autem venerit in illis diebus, in quibus de simplici nulla fit commemoratio, eo anno non fit de eo amplius.

9. Si aliquod Festum novem Lectionum, in quo annotatum est fieri commemorationem alicujus Sancti, transferatur propter advenientem Dominicam, vel aliud Festum majus, non tamen transfertur cum illo commemoratio illius Sancti in eo assignata; sed dicta commemoratio fit die suo in Dominica, vel alio Festo, in quo fieri possit, cum nona Lectione ejusdem, si propriam de vita Sancti habuerit: Festum vero novem Lectionum transfertur siue ulla amplius commemoratione Festi simplicis prædicti. Quod etiam servatur in commemorationibus occurrentibus in Vigiliis, cum de Vigilia veniente in Dominica fit in

Sabbato præcedenti: tunc enim commemoratio Festi simplicis non fit in Officio Vigiliæ, sed in Dominica.

*De Concurrentia Officii. XI.*

**C**ONCURRENTIA Officii attendenda est semper in secundis Vesperis quomodo sit ordinandum Officium cum sequenti die. Itaque cum dicitur Officium aliquod cum alio concurrere, intelligitur de præcedenti in secundis Vesperis, cum sequenti in primis Vesperis.

2. Duplici ergo in secundis Vesperis concurrente cum alio sequenti duplici in primis, si utraque sint ejusdem solemnitatis, regulariter a Capitulo fit de sequenti cum commemoratione præcedentis, nisi aliter in propriis locis annotetur. Si vero non sint ejusdem solemnitatis, servetur differentia in Rubrica de Commemorationibus et Translatione Festorum assignata: ut scilicet Festa majora habeant primas et secundas Vesperas integras, cum commemoratione minorum, quando de eis fieri debet. Si autem post aliquod Festum ex iis quæ in secundo ordine posita sunt in Rubrica de Commemorationibus, sequatur immediate aliud ex solemnibus majoribus, Vesperæ erunt de sequenti cum commemoratione præcedentis. Inter Festa æqualis solemnitatis servetur hic ordo, ut Festa Domini præferantur omnibus aliis, et habeant utrasque Vesperas integras: sicuti Festa beatæ Mariæ, Festis Sanctorum; item Festa Angelorum, sancti Joseph sponsi beatæ Mariæ Virginis, et Apostolorum, cæteris aliis; et Festa illorum Sanctorum, qui in propriis locis vel Ecclesiis solemniter celebrantur, aliis in Calendario descriptis.

3. Duplici vero concurrente cum Festo semiduplici, cum Dominica, cum die infra Octavam, cum Festo simplici, et cum Officio beatæ Mariæ in Sabbato, omnia in secundis Vesperis de Duplici cum commemoratione illorum; nisi illud Duplex fuerit de iis, quæ exiipiuntur in Rubrica de Commemo-

rationibus, in quibus aliqua commemorationes omittuntur. Duplici etiam, et quocumque Officio novem Lectionum concurrente cum Feria, vel potius sequente Feria, omnia de Duplici, et nihil de Feria sequente. Sed si Festum celebretur in Adventu et Quadragesima, fit semper commemoratio de Feria, ut infra dicetur. Idem dicendum de Festis simplicibus venientibus cum sequenti Festo novem Lectionum, de quibus etiam commemoratio fit, non ratione concursus, sed quia eodem die occurrunt, ut dictum est in Rubrica de Commemorationibus.

4. Semiduplici Festo, Dominica et die infra Octavam concurrentibus cum sequenti Duplici, omnia de Duplici cum commemoratione illorum, nisi Duplex fuerit ex numero majorum, quæ supra in Rubrica de Commemorationibus numerata sunt, in quibus nulla fit commemoratio præcedentis. Semiduplici Festo concurrente cum sequenti alio semiduplici, cum Dominica, vel cum die infra Octavam, a Capitulo fit de sequenti, et commemoratio præcedentis, nisi aliter signetur. Semiduplici autem concurrente cum sequenti Festo simplici, vel cum Officio beatæ Mariæ in Sabbato, omnia de Semiduplici, cum commemoratione sequentis.

5. Dominica concurrente cum sequenti Festo semiduplici et cum die infra Octavam, vel cum Festo simplici, omnia de Dominica cum commemoratione sequentis.

6. Die infra Octavam concurrente cum sequenti Dominica, vel Semiduplici, a Capitulo fit de sequenti, cum commemoratione Octavæ. Dies infra Octavam cum Simplici proprie non habet concursus, quia in sequenti die infra Octavam non fit de Simplici, nisi commemoratio, quæ et eadem ratione in præcedenti die infra Octavam fieri debet.

7. Die Octava concurrente cum alia die Octava, a Capitulo fit de sequenti, cum commemoratione præcedentis, excepta Octava Corporis Christi concurrente cum Octava sancti Joannis Baptistæ, in qua de sequenti fit tan-

tum commemoratio, et quando aliter in propriis locis notatur. Die Octava concurrente cum sequenti Duplici minori, etiam translato, a Capitulo fit de sequenti, cum commemoratione Octavæ (exceptis diebus Octavis Festivatum beatæ Mariæ Virginis, etiam particularibus alicujus Religionis, in quibus de sequenti fit tantum commemoratio). Concurrente vero cum sequenti Duplici majori, etiam translato, totum Officium fit de sequenti, cum commemoratione Octavæ, excepta die Octava Epiphaniæ, Paschæ, Ascensionis et Corporis Christi, in quibus de sequenti fit tantum commemoratio. Si autem sequens Festum etiam translatum fuerit ex solemnioribus supra enumeratis in Rubrica de Commemorationibus, in secundo ordine numeri 6, totum Officium fit de sequenti cum commemoratione Octavæ.

8. Simplex cum alio non potest concurrere in secundis Vesperis (licet cum ipso possit esse concursus in primis Vesperis), quia non habet secundas Vesperas, sed ejus Officium terminatur ad Nonam, et deinceps nihil fit de eo, nec commemoratio. Si sequatur aliud Simplex, Psalmi erunt de Feria occurrente in Psalterio ad Vesperas, et a Capitulo fit de sequenti Simplici sine ulla commemoratione præcedentis. Si sequatur Officium novem Lectionum, Vesperæ totæ erunt de eo sine ulla similiter commemoratione Simplicis præcedentis. Si nullum Festum sequatur, subintrat Officium de Tempore, et Vesperæ totæ erunt de Feria.

9. Feria non potest concurrere cum alio Officio in secundis Vesperis, neque cum ipsa potest esse concursus in primis Vesperis, quia ejus Officium incipit et desinit, ubi desinit et incipit quodcumque aliud Officium. Quamvis proprie (si ei dandum est principium) sequente Feria post aliam Feriam, ejus Officium incipiat a Matutino, et terminetur sequente alia Feria ad Completorium; et ideo si Feria sequatur aliam Feriam, in Vesperis præcedentis Feriæ nihil fit de se-



quenti, quoad ea quæ in sequenti Feria sunt propria; Verbi gratia, si in Vesperis Feriæ tertiæ ante Feriam quartam Cinerum fiat de Feria, dicitur oratio Dominicæ præcedentis, non autem ea quæ est propria in sequenti Feria quarta Cinerum, nec ante Orationem dicuntur Preces, quæ dicendæ sunt in dicta Feria quarta Cinerum. Quod etiam fit quando Feria per annum præcedit Feriam Quatuor Temporum, vel Vigillarum. Hac etiam ratione superius dictum est in concurrentia aliorum Officiorum, cum Feria nullum Officium concurrere, et nihil fieri de Feria præcedenti, adveniente alio Officio. Si autem de ea aliquando fieri debeat commemoratio in Vesperis, non fit ratione concursus, sed quia eo die, quo Officium Feriarum Adventus et Quadragesimæ impeditur, illarum commemoratio ratione temporis ex præcepto Ecclesiæ prætermitti non debet.

10. Cum vero occurrit, ut Festum simplex veniat in Feria quarta et sexta Quatuor Temporum, in Feria quarta Cinerum, et in Vigiliis quæ jejuntur, Vesperæ antecedentes (nisi eandem die celebratum sit Festum novem Lectionum) erunt de Feria communi per annum, non autem de sequenti, ut dictum est, cum commemoratione Festi simplicis in sequenti Feria occurrentis. Quod non ideo fit, quia sequens Feria habet primas Vesperas; sed quia cum Festum simplex in sequenti die non habeat Officium propter Feriam prædictam in eo occurrentem, nec etiam convenit illud habere primas Vesperas in præcedenti die. Et eadem ratione si Festum simplex occurrat Feria quinta in Cæna Domini, in qua de eo non debet fieri commemoratio, nulla etiam fiet commemoratio in Vesperis Feriæ quartæ præcedentis.

*De ordinando Officio ex prædictis Rubricis. XII.*

**S**I quis velit ex supradictis Rubricis ordinare Officium occurrentis diei, videat in Calendario et in Ta-

bula Festorum mobilium, de quo fiat Officium sequenti die, et ut inveniat esse faciendum, sic ordinabit illud in Vesperis et aliis Horis nocturnis et diurnis.

2. Si ordinandum sit Officium de Tempore, id est, de Dominica vel Feria, recurrendum est semper ad Psalterium, ubi ordinate ponitur quod est commune Officii de Tempore, cum distributione Psalmorum, et ad Proprium de Tempore, ubi Lectiones et Responsoria, quædam Antiphonæ et Orationes ponuntur, quæ desunt in Psalterio. Invitatorium, Hymni, Capitula, Versus, Responsoria brevia et Antiphonæ, quæ diversis temporibus ponuntur in Proprio, dicuntur loco eorum quæ sunt in Psalterio: cum vero propria non fuerint, dicuntur ut in Psalterio.

3. Si Officium sit ordinandum de Sancto, recurrendum est semper ad Commune Sanctorum, nisi proprium habeat in Proprio Sanctorum, ubi pro qualitate Festi, si novem Lectionum, id est, duplex, vel semiduplex fuerit, omnia ordinate ponuntur, illis exceptis, quæ propria suis locis habentur. Si Festum fuerit trium Lectionum (Nocturno Feriæ et Lectionibus exceptis) omnia sumuntur de eodem Communi. Tres Lectiones primi Nocturni in Officio novem Lectionum, et prima et secunda Lectio, vel prima tantum in Festis trium Lectionum, sumuntur de Scriptura in Officio de Tempore, nisi aliæ in propriis locis ponantur.

4. In majoribus Solemnitatibus et Festis per annum, totum Officium ordinatur ut in propriis locis ponitur.

5. In Festis beatæ Mariæ (missis iis, quæ propria in illis habentur) Hymni, novem Psalmi et alia quædam requirenda sunt ex Communi eius Officii parvo, circa finem Breviarii.

6. Modus inchoandi Officium, dicendi Invitatorium, Hymnos, Antiphonas et Versus, habetur in principio Psalterii. Cum vero Antiphonæ duplicandæ sunt, dicuntur integræ ante Psalmos, sicut in fine Psalterii.



# XXXVI

7. Modus dicendi Absolutiones et Benedictiones ante Lectiones, legendi et terminandi Lectiones, dicendi Responsoria post Lectiones, ac Responsoria brevia post Capitula, habetur in prima Dominica de Adventu.

8. Quomodo sit inchoandum et terminandum Officium per Horas, habetur in Psalterio: quomodo terminandum per Antiphonas beatæ Mariæ, habetur in fine Completorii.

9. Sed ut hæc omnia facilius habeantur, positæ sunt sequentes Rubricæ de singulis Horis, earumque partibus distincto cognoscendis.

## De Matutino XIII.

**A**D Matutinum hæc per ordinem regulariter dicuntur, secundum diversitatem Officii, nisi aliter in quibusdam diebus annotetur: *Pater noster*, *Ave Maria*, *Credo*, omnia secreto: deinde clara voce Hebdomadarius dicit *Domine labia mea*, etc., pollice signando sibi os signo Crucis, *Deus in Adjutorium*, etc. manu extensa signando se signo Crucis a fronte ad pectus, et a sinistro humero usque ad dexterum (quod servatur in principio omnium Horarum, cum dicitur *Deus in adjutorium*) cum *Gloria Patri* et aliis, ut in principio Psalterii. Deinde dicitur Invitatorium conveniens Officio de Tempore, vel de Sancto, quod dicitur cum Psalmo *Veni exultemus*, eo modo quo in principio Psalterii describitur. Dicto Psalmo et repetito Invitatorio, dicitur Hymnus, qui Officio de Tempore, vel de Sancto convenit.

2. Postea in Duplicibus et Semiduplicibus dicuntur novem Psalmi (sed in Dominicis plures, ut in Psalterio) cum suis Antiphonis et Versibus, quæ Tempori vel Festo conveniunt, et totidem Lectiones cum octo Responsoriis, aliquando cum novem, ut suis locis ponitur, per tres Nocturnos distinctos, hoc modo.

3. In primo Nocturno dicuntur tres Psalmi cum tribus Antiphonis, post singulos Psalmos una Antiphona: sed

tempore Paschali, id est, a Dominica in Albis usque ad Pentecosten (præterquam in Officio Ascensionis Domini) tres Psalmi cujusque Nocturni dicuntur sub una Antiphona: et in fine Psalmorum post ultimam Antiphonam cujusque Nocturni dicitur Versus, postea *Pater noster*, et ne nos. Absolutio *Exaudi*, Benedictio *Benedictione perpetua*, et aliæ ad singulas Lectiones, ut in prima Dominica de Adventu ordinantur. Deinde leguntur tres Lectiones de Scriptura, quæ per ordinem in Officio de Tempore occurrunt (nisi aliæ assignentur), et ad singulas Lectiones dicitur unum Responsorium conveniens Officio: si de Tempore, ut in Proprio Temporis; si de Sancto, ut in Proprio Sanctorum; alioquin ut in Communi, etiamsi Lectiones primi Nocturni sint de Scriptura Officii de Tempore.

4. In fine ultimi Responsorii cujusque Nocturni dicitur *Gloria Patri*, cum repetitione partis Responsorii, eo modo quo notatur in tertio Responsorio primæ Dominicæ de Adventu, nisi aliter in propriis locis signetur.

5. In secundo Nocturno dicuntur alii tres Psalmi, Antiphonæ, Versus, *Pater noster*, Absolutio *Ipsius pietas*, et ei consequentes Benedictiones, ut in dicta Dominica prima de Adventu: tres Lectiones de aliquo Sermone, aut de vita illius Sancti, de quo sit Officium, et ad quamlibet Lectionem unum Responsorium.

6. In tertio Nocturno alii tres Psalmi cum Antiphonis, ut supra: post tertiam Antiphonam, Versus, *Pater noster*, Absolutio *A vinculis*, et Benedictiones consequentes ad singulas Lectiones, quæ erunt de Homilia Evangelii de Tempore, vel de Festo, secundum qualitatem Officii, ut in eadem prima Dominica de Adventu ponuntur. Post septimam et octavam Lectionem dicitur Responsorium Officio conveniens, id est, post quamlibet unum: aliquando autem dicitur etiam post nonam Lectionem, ut suis locis notatur: in fine ultimi Responsorii.

aut octavi, aut noni dicitur *Gloria Patri*, ut supra, nisi aliter signetur. Si non dicitur nonum Responsorium, post ultimam Lectionem dicitur Hymnus *Te Deum*.

7. In Officio trium Lectionum ad Matutinum, *Pater noster*, *Ave Maria*, *Credo*, *Domine labia*, etc. Invitatorium et Hymnus in seriali Officio de Feria, si non sint in Proprio de Tempore, dicuntur ut in Psalterio: in Festis, de Festo, ut in Communi Sanctorum: deinde Nocturnum Feriæ, ut in Psalterio, id est, duodecim Psalmi cum sex Antiphonis, et tempore Paschali cum una Antiphona *Alleluia*: qui dicuntur tam in Officio seriali, quam in Festis simplicibus.

8. Post Psalmos et Antiphonas dicitur Versus, in seriali Officio, ut in Psalterio: in Festis, ut in Communi Sanctorum: qui in Festis sumitur secundum Ferias ex Nocturno Communis, unde sumuntur Responsoria, ut dicetur infra in Rubricis de Versibus et Responsoriis. Post Versum dicitur *Pater Noster*, Absolutio et Benedictiones, ut habetur infra in Rubrica de Absolutionibus et Benedictionibus. Tres Lectiones (si non adsit Homilia) singulæ in Officio seriali dicuntur de Scriptura, quæ eo die occurrit in Proprio de Tempore: si adsit Homilia, singulæ tres de Homilia. In Festis, prima et secunda de eadem Scriptura, tertia de Sancto. Si fuerint duæ Lectiones de Sancto, prima tantum erit de Scriptura, reliquæ de Sancto.

9. Post singulas Lectiones in Feriis extra tempus Paschale dicitur unum Responsorium, ita ut dicantur tria Responsoria; tempore vero Paschali, et in Festis, duo tantum Responsoria dicuntur, scilicet post primam et secundam Lectionem tantum. In fine ultimi Responsorii, secundi scilicet, aut tertii, dicitur *Gloria Patri*, cum repetitione partis Responsorii, nisi aliud notetur. Quæ Responsoria in Officio de Sanctis sumuntur ex Communi Sanctorum; in seriali Officio ex Dominicis, quando propria per Ferias non distri-

buuntur, ordine descripto in Rubrica de Responsoriis. Quando non dicitur tertium Responsorium, post tertiam Lectionem, dicitur Hymnus *Te Deum*.

#### *De Laudibus XIV.*

**A**d Laudes, dicto Hymno *Te Deum* vel ultimo Responsorio, Hebdomadarius absolute dicit *Deus in adiutorium*, etc. ut supra, et dicuntur Psalmi, et Canticum *Benedicite*, vel aliud, ut habetur in seriali Officio extra tempus Paschale, cum Antiphonis Officio convenientibus. Qui Psalmi et Canticum in Dominicis per annum (exceptis Dominicis a Septuagesima usque ad Dominicam Palmarum inclusive) et in seriali Officio temporis Paschalis, ac in Festis tam novem, quam trium Lectionum, dicuntur de Dominica, ut in Psalterio. In prædictis vero Dominicis a Septuagesima usque ad Dominicam Palmarum inclusive, dicuntur ut suis locis ponitur. In seriali Officio per annum, extra tempus Paschale, dicuntur ut in Psalterio.

2. Antiphonæ in Dominicis, quando propriæ non assignantur, dicuntur ut in Psalterio. In Festis novem et trium Lectionum, si non adsint propriæ, dicuntur de Communi. Post Psalmos dicitur Capitulum, Hymnus, Versus, Antiphona ad Canticum *Benedictus* cum eodem Cantico, et Oratio: omnia pro qualitate Officii de Tempore, vel de Festo.

3. Preces, quando dicendæ sunt, dicuntur ante primam Orationem; commemorationes vero de Cruce, de sancta Maria, de Apostolis, de Patrono, et de Pace similiter, quando dicendæ sunt, dicuntur post Orationem; nisi alia commemoratio Festi simplicis occurrat, quæ semper prædictas commemorationes præcedit, de quibus in propriis Rubricis dicitur.

4. Ante Orationem dicitur *Dominus vobiscum*, et *Oremus*: post ultimam Orationem repetitur *Dominus vobiscum*; deinde, *Benedicamus Domino*, et *¶ Fidelium animæ, Pater noster, Dominus det nobis suam pacem*, et

Antiphona beatæ Mariæ, ut habetur in fine Completorii, si tunc discedendum sit a Choro: alioquin in fine ultimæ Horæ, nisi sequatur Missa, vel Officium Defunctorum, vel Psalmi Pœnitentiales, aut Litanïæ, ut in propria Rubrica dicetur.

*De Prima XV.*

**A**D Primam, *Pater noster*, *Ave Maria*, *Credo*, secreto: *Deus in Adjutorium*, etc. Hymnus *Jam Lucis orto sidere*. Deinde, inchoatur Antiphona, quæ convenit. Sumuntur autem Antiphonæ in Festis ad omnes Horas ex Laudibus per ordinem, quarta prætermissa, ut dicetur infra in Rubrica de Antiphonis. Postea dicuntur Psalmi, qui in Dominicis et Feriis dicuntur, ut in Psalterio. In Festis autem, et tempore Paschali, tres tantum, ut etiam ibi annotatur.

2. Post Antiphonam dicitur Capitulum, *Regi sæculorum*. In feriali Officio extra tempus Paschale dicitur Capitulum *Pacem*, deinde Responsorium breve *Christe Fili Dei vivi*, etc. Post Responsorium breve in Officio duplici, et infra Octavas statim dicitur Oratio *Domine Deus omnipotens*. In alio Officio dicitur *Kyrie eleison* cum reliquis Precibus: omnia ut in Psalterio. Ad versum autem *Adjutorium*, Hebdomadarius signat se signo Crucis a fronte ad pectus. Quando aliquis solus recitat Officium, semel tantum dicit *Confiteor*, omissis illis verbis *tibi pater*, vel *vobis fratres*, et similiter dicit *Misereatur nostri* . . . . *peccatis nostris*, *perducat nos*, quod etiam servatur ad Completorium. In feriali Officio, quando dictæ sunt Preces ad Laudes, adduntur aliæ Preces, ut ibidem in Psalterio.

3. Post Orationem Primæ, vel, si dicatur Officium beatæ Mariæ, post illius Orationem, dicto *Benedicamus*, in Choro legitur Martyrologium: deinde dicitur *Pretiosa* cum reliquis, quæ etiam dicuntur ab iis, qui extra Chorum non legerint Martyrologium. In fine ad Absolutionem Capituli, in Fe-

stis et aliquibus diebus, pro Lectione brevi dicitur Capitulum Nonæ, si adsit proprium, alioquin de Communi: alio tempore, tam in Dominicis, quam Feriis, Lectio brevis Officio illius temporis in Psalterio assignata.

*De Horis Tertia, Sexta et Nona. XVI.*

**A**D Tertiam, Sextam et Nonam ante singulas Horas dicitur *Pater noster*, *Ave Maria*, *Deus in adjutorium*, Hymnus, et Psalmi ut in Psalterio: Antiphonæ secundum Officii qualitatem, ordine quo supra. Dictis Psalmis et Antiphona, dicitur Capitulum et Responsorium breve pro qualitate Officii; quæ in Dominicis et Feriis; quando non habentur propria in Proprio de Tempore, dicuntur ut in Psalterio: in Festis, si in Proprio Sanctorum non sint propria, sumuntur de Communi. Post Responsorium breve dicitur *Domine vobiscum*, et Oratio quæ habetur in proprio de Tempore: si autem sit de Sancto, ut in Proprio Sanctorum; alioquin ut in Communi.

2. Post Orationem repetitur *Domine vobiscum*, et dicitur *Benedicamus Domino*, *Fidelium animæ*, et *Pater noster*, secreto, ut infra in Rubrica de Oratione Dominica explicatur.

*De Vesperis XVII.*

**A**D Vesperas, *Pater noster*, *Ave Maria*, *Deus in adjutorium*, etc. Deinde dicuntur quinque Psalmi cum quinque Antiphonis, ut in Proprio aut Communi Sanctorum signatur. In Dominicis autem et Feriis Antiphonæ et Psalmi semper dicuntur ut in Psalterio, ubi etiam tempore Paschali Psalmi dicuntur sub una Antiphona *Alleluia*, nisi aliæ propriæ Antiphonæ vel Psalmi (ut in Dominicis Adventus et triduo ante Pascha) assignentur.

2. Post Psalmos et Antiphonas dicitur Capitulum, Hymnus, Versus, Antiphona ad *Magnificat* cum eodem Cantico, et Oratio; omnia de Tempore vel de Sancto, pro qualitate Officii.

3. Preces, quando dicendæ sunt, dicuntur ante Orationem; Commemo-



rationes vero de Cruce , sancta Maria, Apostolis, Patrono et Pace, post Orationem, ut in propriis Rubricis habetur. Terminatur autem Officium Vesperarum ut in aliis Horis.

#### De Completorio XVIII.

**A**D Completorium absolute dicitur Lectio brevis , ut in Psalterio ; deinde *Pater noster* , *Confiteor* , *Miserereatur* , *Indulgentiam* , *Converte* , *Deus in adjutorium* , Antiphona , Psalmi , Hymnus , Capitulum , Responsorium breve , Canticum cum Antiphona ; omnia ut in fine Psalterii ; et post Antiphonam in Duplicibus et infra Octavas dicitur Oratio ; in alio autem Officio ante Orationem dicitur *Kyrie eleison* cum reliquis precibus , ut ibidem in Psalterio.

2. Post Versum *Benedicat et custodiat nos*, etc. dicitur una ex Antiphonis beatæ Mariæ cum Versiculo et Oratione, ut ibidem ; et dicto Versu *Divinum auxilium*, dicitur secreto *Pater noster* , *Ave Maria* , et *Credo*.

#### De Invitatorio XIX.

**I**NVITATORIUM semper dicitur in omni Officio ad Matutinum cum Psalmo *Venite exultemus* , ordine in principio Psalterii descripto : sed variatur pro Officii qualitate, ut in Psalterio et Proprio de Tempore , ac in Proprio et Communi Sanctorum.

2. Non dicitur in die Epiphaniæ , nec in triduo ante Pascha , ut suis locis notatur ; nec in Officio Defunctorum per annum, excepto die Commemorationis omnium Fidelium defunctorum , ac in die obitus seu depositionis Defuncti , et quodcumque dicuntur tres Nocturni.

#### De Hymnis XX.

**H**YMNUS semper dicuntur in qualibet Hora, præterquam a triduo ante Pascha usque ad Vesperas Sabbati in Albis exclusive, et præterquam in Officio Defunctorum.

2. Ad Matutinum Hymnus dicitur post Psalmum *Venite*, repetito Invita-

#### XXXIX

torio , præterquam in die Epiphaniæ. Ad Laudes et Vesperas dicitur post Capitulum ; ad Horas , ante Psalmos ; ad Completorium, post Psalmos et Antiphonam.

3. Dicuntur autem in Officio de Tempore ut in Psalterio , quando proprii Hymni in Proprio de Tempore non adsunt ; qui Hymni de Psalterio in Dominicis et Feriis assignati , dicuntur ab Octava Pentecostes usque ad Adventum (Dominica infra Octavam Corporis Christi excepta) et ab Octava Epiphaniæ usque ad Dominicam primam Quadragesimæ exclusive. In Officio de Sanctis, dicuntur ut in Communi Sanctorum , nisi proprii in Proprio Sanctorum habeantur.

4. In Nativitate Domini usque ad Epiphaniam , in Festo Corporis Christi, et per Octavam , et quodcumque sit Officium beatæ Mariæ tam novem quam trium Lectionum, etiam tempore Paschali, in fine omnium Hymnorum (præterquam in fine Hymni *Ave maris Stella*, et Hymni ad Laudes in Festo Corporis Christi, qui habet ultimum versum proprium) dicitur *Jesu , tibi sit gloria*, *Qui natus es de Virgine*, ut in ejus Officio parvo, etiam si dicantur Hymni de Sanctis , qui infra Octavas prædictas celebrantur , dummodo Hymni illi sint ejusdem metri, nec habeant ultimum versum proprium , ut Hymnus sanctæ Crucis ad Vesperas, et plurimorum Martyrum ad Matutinum.

5. In Epiphania Domini, et per Octavam , in fine omnium Hymnorum dicitur *Jesu , tibi sit gloria* , *Qui apparuisti Gentibus*.

6. A Dominica in Albis usque ad Ascensionem, in Pentecoste, et per Octavam , in fine omnium Hymnorum dicitur *Deo Patri sit gloria*, *Et Filio* , *qui a mortuis* ; etiam in Festis Sanctorum eodem tempore Paschali occurrentium, dummodo Hymni sint ejusdem metri, nec habeant ultimum Versum proprium, qui non mutatur , ut supra.

7. In Ascensione autem usque ad



Pentecosten, præterquam in Hymno *Salutis humanæ Sator*, dicitur *Jesu, tibi sit gloria, Qui victor in Cælum redis*; similiter etiam in Festis tunc occurrentibus.

8. In Transfiguratione Domini dicitur *Jesu, tibi sit gloria, Qui te revelas parvulis*. Aliis temporibus terminantur Hymni, ut suis locis ponitur.

*De Antiphonis XXI.*

**A**d omnes Horas nocturnas et diurnas semper cum Psalmis dicuntur Antiphonæ, vel una, vel plures, pro diversitate Officii et Horarum.

2. Si de tempore fiat Officium, id est, de Dominica aut Feria, dicuntur Antiphonæ ut in Psalterio, quæ cum Psalmis positæ in Vesperis Dominicæ et Feriarum, in Completorio, et in Nocturnis (etiam quando sit Officium de Festo trium Lectionum, id est, Simplici), nunquam mutantur, nisi tempore Paschali, in quo dicitur una tantum Antiphona *Alleluia*; excepto etiam tempore Adventus, in quo ad Vesperas et Nocturnos Dominicæ ponuntur Antiphonæ propriæ. In Laudibus et aliis Horis mutantur pro diversitate temporum, ut in Proprio de Tempore habentur: cum vero non assignantur propriæ, semper dicuntur quæ positæ sunt in Psalterio.

3. Antiphonæ, quæ in proprio de Tempore in Sabbatis ponuntur ad *Magnificat* pro prima Dominica alicujus mensis, sumendæ sunt ex ea Dominica, quæ est proximior Kalendis, vel est in Kalendis illius mensis, ut dictum est supra in Rubrica de Dominicis, ac etiam in Rubrica mensis Augusti; et semper in Sabbato ponitur Antiphona ad *Magnificat*, quæ contigua est libro Scripturæ in Dominica ponendo.

4. In Festis novem Lectionum ad Vesperas dicantur Antiphonæ de Laudibus, nisi propriæ in Vesperis assignentur. Ad Horas similiter, tam in Officio de Tempore, quam de Sanctis, quando habentur propriæ in Laudibus,

et aliæ propriæ non fuerint ad Horas, sumuntur ex Laudibus, quarta prætermissa, hoc ordine: Ad Primam, prima; ad Tertiam secunda; ad Sextam, tertia; ad Nonam, quinta.

5. In Feriis Adventus, quæ non habent in Laudibus Antiphonas proprias sumuntur ad Horas ex Laudibus Dominicæ præcedentis. Ubi vero in Laudibus feriarum fuerint propriæ, sumuntur ex ipsis Laudibus.

6. Tempore Paschali, in Officio tam novem, quam trium Lectionum, Psalmi cujuslibet Nocturni dicuntur sub unica Antiphona, quæ Officio convenit, ut suis locis ponitur; et in fine omnium Antiphonarum additur *Alleluia*, quando in illis non habetur. A Septuagesima usque ad Pascha, ubi habetur *Alleluia*, tacetur; neque aliud ejus loco dicitur.

7. In Duplicibus ad Vesperas, Matutinum et Laudes tantum, Antiphonæ dicuntur ante Psalmos vel Cantica integræ, et post Psalmos et Cantica integræ repetuntur: in aliis Horis, et in Officio non duplici, in principio Psalmi vel Cantici inchoatur tantum Antiphona, deinde in fine integra dicitur. Et quando Antiphona sumitur ex principio Psalmi vel Cantici, et incipit sicut Psalmus vel Canticum, post Antiphonam non repetitur principium Psalmi vel Cantici, sed continuatur, quod sequitur in Psalmo vel Cantico, ab eo loco, ubi secundum ritum diei desiit Antiphona, nisi discontinuetur per *Alleluia*.

8. Antiphonis propriis, tam in Officio de Tempore, quam de Sanctis, semper cedunt quæ habentur in Psalterio et in Communi Sanctorum.

9. Quando fit aliqua commemoratio, semper dicitur Antiphona ante Orationem cum Versu, quæ sumitur ex Officio, quod convenit ei, de quo fit commemoratio: ita ut in Vesperis sumatur Antiphona, quæ assignatur ad *Magnificat*, in Laudibus, quæ ad *Benedictus*, cum Versibus qui habentur post Hymnum.

10. Antiphonæ sanctæ Mariæ posi-

te in fine Completorii, dicuntur ut inferius in propria Rubrica disponitur.

*De Psalmis XXII.*

**PSALMI** in Officio de Tempore per omnes Horas in Dominicis et Feriis dicuntur eo modo, quo distributi sunt in Psalterio, nisi aliquando aliter in Proprio de Tempore signentur. In Festis autem dicuntur ut in propriis locis signantur: alioquin, ut in Comuni Sanctorum.

2. Psalmi ad Laudes de Dominica, cum Cantico *Benedicite*, dicuntur in omnibus Festis per annum, et in Feriis temporis Paschalis.

3. Psalmus *Confitemini* dicitur ad Primam cum aliis Psalmis in Psalterio assignatis, in omnibus Dominicis (quando Officium fit de Dominica, ut in Psalterio; etiam in Dominicis quæ occurrunt infra Octavas Sanctorum) a tertia Dominica post Pentecosten inclusive, usque ad Nativitatem Domini exclusive, et a secunda Dominica post Epiphaniam inclusive, usque ad Septuagesimam exclusive; a Septuagesima autem usque ad Pascha, ejus loco dicitur Psalmus *Dominus regnavit*, quia Psalmus *Confitemini* tunc dicitur ad Laudes post Psalmum *Miserere*, ut suo loco ponitur. In Dominicis vero temporis Paschalis, a Dominica in Albis inclusive, usque ad Ascensionem exclusive, dicuntur tantum tres Psalmi sicut in Festis, addito Symbolo sancti Athanasii. Alii Psalmi per singulas Feras distributi ad Primam, dicuntur singuli loco Psalmi *Confitemini* in feriali tantum Officio, quando de Feria agitur extra tempus Paschale. In Feriis vero temporis Paschalis, in Festis per annum, et in Sabato, sive de sancta Maria, sive de Feria fiat Officium, dicuntur tantum tres Psalmi, scilicet *Deus in nomine tuo*, *Beati immaculati*, et *Retribue*; etiam si Festum duplex celebretur in Dominica.

4. In Dominicis autem, quando Officium fit de Dominica ut in Psalterio, post Psalmos additur semper Symbo-

lum sancti Athanasii *Quicumque*, ut infra in propria Rubrica dicitur.

5. Psalmi Horarum, scilicet ad Tertiam, Sextam et Nonam, et ad Completorium, nunquam mutantur, ut in Psalterio, sive de Sanctis, sive de Tempore fiat Officium.

6. Psalmi de Dominica ad Vesperas, ut plurimum dicuntur in Vesperis Festorum, excepto ultimo, qui mutatur; cum vero aliter fieri debet, suis locis notatur. In Vesperis infra Octavam dicuntur Psalmi ut in secundis Vesperis Festi; sed in primis Vesperis diei Octavæ dicuntur ut in primis Vesperis Festi, nisi aliter notetur.

7. In fine Psalmorum semper dicitur *Gloria Patri*, præterquam in Psalmo *Deus Deus meus ad te de luce vigilo*, et in Psalmo *Laudate Dominum de cælis*, qui conjunguntur cum aliis Psalmis, et in fine ultimi tantum dicitur *Gloria*, ut suis locis notatur. Præterea non dicitur in triduo majoris Hebdomadæ ante Pascha, nec in Officio Defunctorum, cujus loco pro Defunctis dicitur *Requiem æternam dona eis, Domine*, etiamsi fiat Officium pro uno tantum.

8. Ut sacræ Vulgatæ editionis puritas inconfusa et illibata servetur, etiam quoad interpunctiones et distinctiones in sacris Bibliis appositæ, additus est Asteriscus \*, ut sit nota musicæ partitionis in medio Versu.

*De Canticis XXIII.*

**CANTICA** dicuntur in Officio de Tempore, tam de Dominicis, quam Feriis, ad Laudes, Vesperas et Completorium, ut in Psalterio distribuuntur.

2. In Festis et tempore Paschali ad Laudes semper dicitur Canticum *Benedicite*, ut in Dominica, et in fine ejus non dicitur *Gloria Patri*, sicut in aliis Canticis dicitur, nec respondetur *Amen*. Alia Cantica ferialia, ut in Psalterio ad Laudes, non dicuntur, nisi quando fit Officium de Feria extra tempus Paschale.

3. Cantica *Benedictus*, *Magnificat*

et *Nunc dimittis* semper dicuntur suo loco, ut in Psalterio.

*De Versibus. XXIV.*

**V**ERSUS semper dicuntur ad Matutinum post ultimum Psalmum et Antiphonam Nocturnorum, sive in Officio dicantur tres Nocturni, sive unus. Ad Laudes et Vesperas Versus dicitur post Hymnum: ad Horas dicitur in Responsorio brevi post repetitionem partitis Responsorii, dicto *Gloria Patri*.

2. In Pascha Resurrectionis et per Octavam usque ad Vesperas Sabbati in Albis exclusive, in Nocturno tantum dicitur Versus; in aliis Horis non dicitur, ut ibidem.

3. Quando fit aliqua commemoratio, semper post Antiphonam ejus, de quo fit commemoratio, dicitur Versus, qui in ejus Officio ponitur post Hymnum Vesperarum et Laudum, nisi aliter notetur.

4. Versibus prædictis tempore Paschali semper additur *Alleluja*; non autem Versibus Precum, nec in *Preterita* ad Primam, neque in Versibus Responsoriorum Matutini.

5. In Officio Festi trium Lectionum, post omnes Psalmos feriales cum Antiphonis, dicitur Versus de Communi Sanctorum, hoc ordine: Feria secunda et quinta, Versus primi Nocturni; Feria tertia et sexta, Versus secundi Nocturni; Feria quarta, Versus tertii Nocturni.

6. Versus positi in Psalterio ad Laudes et Vesperas semper dicuntur, quando alii proprii non assignantur in Proprio de Tempore.

*De Absolutionibus et Benedictionibus ante Lectiones. XXV.*

**A**BSOLUTIONES et Benedictiones dicuntur per ordinem in Officio novem Lectionum ante Lectiones, ut in prima Dominica de Adventu ponuntur, scilicet post Versum, dicto *Pater noster*, et *ne nos*, dicitur Absolutio et Benedictiones, ut ibi: præterquam in Matutinis Tenebrarum majoris Hebdomadæ, et in Officio Defun-

ctorum, in quibus Absolutio et Benedictiones non dicuntur.

2. Si fiat Officium trium Lectionum, et sit de Feria, in qua singulæ tres Lectiones sunt de Scriptura, Absolutio et Benedictiones sumuntur ex prima Dominica de Adventu, hoc ordine: Feria secunda et quinta dicuntur Absolutio et Benedictiones primi Nocturni; Feria tertia et sexta, secundi Nocturni; Feria quarta et Sabbato, tertii Nocturni.

3. Si autem singulæ tres Lectiones sint de Homilia super Evangelium, Absolutio dicitur secundum Ferias, ut supra: Benedictiones vero semper dicuntur ut in tertio Nocturno, scilicet, prima Benedictio erit *Evangelica Lectio*; secunda, *Divinum auxilium*; tertia, *Ad societatem*. Si fit de Sancto trium Lectionum, Absolutio dicitur secundum Ferias, ut supra: Benedictiones vero semper dicuntur ut in tertio Nocturno, hoc modo: prima, *Ille nos benedicat*; secunda, *Cujus*, vel *Quorum*, vel *Quarum Festum colimus*; tertia, *Ad societatem*.

4. Quando fit Officium sanctæ Mariæ in Sabbato, Absolutio et Benedictiones dicuntur ut habentur in ejus Officio parvo circa finem Breviarii.

*De Lectionibus. XXVI.*

**L**ECTIONES leguntur ad Matutinum dictis Psalmis Nocturnorum cum Antiphonis, Versibus, Absolutionibus quoque et benedictionibus, ut supra. In duplicibus et Semiduplicibus dicuntur novem Lectiones, id est, in quolibet Nocturno tres; in Feriis et in Festis simplicibus leguntur tantum tres Lectiones.

2. In Officio novem Lectionum dicuntur hoc modo. In primo Nocturno semper leguntur tres Lectiones de Scriptura: quæ, quando suis locis propriæ aut de Communi Sanctorum non assignantur, semper leguntur ut in Officio de Tempore sua quaque die occurrunt legendæ. In secundo Nocturno, si fit de Sancto, tres Lectiones leguntur de vita Sancti, vel de aliquo Ser-



mone aut Tractatu, qui ei convenit: quæ, si non adsint propriæ, leguntur ex Communi Sanctorum. Ex quo etiam Communi completur numerus trium Lectionum, quando Officium sit novem Lectionum de aliquo Sancto, qui habet tantum unam vel duas Lectiones proprias. Si sit de Dominica vel de alio Officio novem Lectionum per annum, etiam de Octava, leguntur tres Lectiones de Sermone aut Tractatu, qui in illis ponitur. In tertio Nocturno semper leguntur tres Lectiones de Homilia in Evangelium, positæ in Proprio, aut ex Communi assignatæ; et primæ Lectioni de Homilia semper præponitur principium Evangelii, de quo est Homilia, etiam infra Octavas. Excipiuntur ab hoc ordinario Lectionum Matutina Tenebrarum ante Pascha, et Defunctorum, ut in suis Officiis ponitur.

3. Si in Officio novem Lectionum, in quo non dicitur novum Responsorium, contingat fieri commemoratio-nem de aliquo Sancto, qui propriam habet Lectionem, nona Lectio legitur de Sancto: si habuerit duas Lectiones, ex duabus fiat una Lectio, ommissa nona Lectione in dicto Officio novem Lectionum, vel octavæ Lectioni adjuncta. Quod si eodem die occurrat Dominica, vel Feria, quæ habeat Homiliam, nona Lectio Sancti omittitur, et ejus loco legitur Homilia Dominicæ vel Feriæ, scilicet vel prima Lectio de Homilia, vel tres simul in unam Lectionem conjunctæ.

4. In Officio trium Lectionum, si sit de Feria, tres Lectiones leguntur de Scriptura, nisi tres sint de Homilia, quia tunc omissis Lectionibus de Scriptura, leguntur de Homilia. Si sit de Sancto, qui habeat duas Lectiones, prima tantum erit de Scriptura, ut vel legatur una, vel ex tribus simul junctis fiat una; secunda et tertia de Sancto. Si unam tantum habuerit, vel propriam, vel ex Communi assignatam, prima et secunda erunt de Scriptura, tertia de Sancto: quod etiam servatur in Officio beatæ Mariæ in Sabbato.

5. Lectiones autem de Scriptura in

Officio de Tempore sic distributæ sunt per annum, ut quotidie aliquid ex ea legatur, etiam in Officio de Sanctis, quando aliæ (ut dictum est) non assignantur.

6. Initia librorum sacræ Scripturæ (qui fere semper in dominicis inchoantur) eo die ponuntur, quo notata sunt, etiam si fiat Officium de Sancto, nisi in Festo aliæ propriæ Lectiones de Scriptura, vel de Communi assignentur: tunc enim initium lectionis de Scriptura transfertur in sequentem diem similiter non impeditam; et Lectiones illi diei de eadem Scriptura assignatæ vel cum superioribus Lectionibus legantur, vel omittantur; ita ut non oporteat eas amplius in alio sequenti die resumere, sed illæ legantur, quæ sua quaque die occurrunt, aut cum eisdem jungantur. Quod semper servetur, quando Lectiones occurrentes de Scriptura aliquo die omittuntur.

7. Cum autem initium alicujus Epistolæ Catholicæ tempore Paschali, aut alicujus Prophetæ minoris mense Novembri, infra Hebdomadam illorum Temporum impeditur aliquo Festo novem Lectionum habente proprias Lectiones de Scriptura, dictum initium Epistolæ et Prophetæ, quoad commodum fieri poterit, ponatur in sequenti Feria, alio simili initio Scripturæ ponendo, vel Festo non impedita; alioquin in præcedenti similiter non impedita, ita ut aliquo modo ponatur, etiam si plura initia eodem die poni oporteat.

8. De Scriptura quoque tantum est positum, quantum satis videtur pro numero Hebdomadarum, quæ esse possunt inter Epiphaniam et Septuagesimam, et inter Pentecosten et Adventum. Ubi vero contingit minui numerum Dominicarum et Hebdomadarum post Epiphaniam, adveniente Dominica Septuagesimæ, quod superest de Epistolis beati Pauli, quæ distributæ sunt pro numero dictarum Dominicarum et Hebdomadarum, eo anno omittitur, quamvis de aliquibus Epistolis



nihil sit lectum. Quod etiam fit de Scriptura ex libris Regum. ( de quibus legitur ab Octava Pentecostes usque ad Dominicam primam Augusti ), cum non expletur numerus Dominicarum post Pentecosten de eis libris annotatus usque ad mensem Augusti ; quia tunc , Lectionibus de his libris omis- sis , legitur de Scriptura , quæ ponitur mense Augusti. Quod si fiat de aliqua Dominica post Epiphaniam anticipata in Feria , eo modo quo dictum est de Dominicis num. 4. et 8. ; tunc post Officium Dominicæ anticipatæ in sequentibus diebus legatur de Epistolis sancti Pauli assignatis Dominicæ anticipatæ et sequentibus Feriis, omis- sis aliis , quæ sunt assignatæ præcedenti Hebdomadæ. Quid autem observandum sit, cum mensis, cui quinque Dominicæ assignantur , non habuerit nisi quatuor, in propriis locis notatur.

9. Lektionen de Scriptura positæ in Communi Sanctorum leguntur in Festis , ubi assignantur in proprio Sanctorum per annum. Rursus , quando aliquod Festum in propria Ecclesia celebratur ; item, quando aliquod Festum novem Lectionum occurrit in Quadragesima et Quatuor Temporibus, in secunda Feria Rogationum, et in Vigilia Ascensionis, in quibus Feriis in Officio de Tempore non assignantur Lektionen de Scriptura , sed de Homilia : tunc enim in Festis recurrendum est ad Lektionen de Scriptura positas in Communi Sanctorum. Quod si in aliquibus ex supradictis Feriis occurrat dies Octava alicujus Festi habentis Octavam, tunc in primo Nocturno diei Octavæ repetantur Lektionen , quæ in primo Nocturno Festi lectæ fuerunt : si vero occurrat dies infra Octavam , tunc sumantur de Communi. Aliæ Lektionen secundi et tertii Nocturni positæ in Communi Sanctorum similiter leguntur , quando in Proprio Sanctorum assignantur , et quando in aliqua Ecclesia aliquod Festum celebratur cum novem Lectionibus ( quia in ea est solemne, aut consuetum in ea celebra-

ri ) quod proprias et approbatas de Festo Lektionen non habuerit.

10. Lektionen primi Nocturni leguntur cum titulo libri ex quo sumuntur, nisi aliter in propriis locis notetur. Lektionen etiam secundi Nocturni, quando sunt ex aliquo Sermone vel Tractatu, leguntur cum titulo et nomine Auctoris : alias minime. Et similiter in tertio Nocturno præponitur titulus Auctoris , cujus est Homilia.

11. In fine cujusque Lektionis dicitur *Tu autem Domine miserere nobis*, et respondetur *Deo gratias*. Quod etiam fit in Lectionibus brevibus in principio Completorii, et in fine Primæ post *Pretiosa*; præterquam in triduo majoris Hebdomadæ ante Pascha, et in Officio Defunctorum, ut suis locis ponitur.

*De Responsoriis post Lektionen.*

XXVII.

**R**ESPONSORIA dicuntur ad Matutinum post Lektionen , id est, post quamlibet Lektionem dicitur unum Responsorium , ut infra.

2. In Festis novem Lectionum ( præterquam in Festo sanctorum Innocentium , quando non venerit in Dominica ), et in Dominicis ab Octava Paschæ inclusive usque ad Adventum exclusive , et a Dominica infra Octavam Nativitatis inclusive usque ad Septuagesimam exclusive , dicuntur octo tantum Responsoria ; et in fine tertii, et sexti, et octavi, dicitur *Gloria Patri* cum repetitione partis Responsorii : quod regulare est in fine ultimi Responsorii cujuslibet Nocturni, tam in Officio novem quam trium Lectionum, excepto tempore Passionis : quo tempore loco *Gloria Patri* repetitur Responsorium a principio: excepto etiam Officio Defunctorum , in quo illius loco dicitur *Requiem æternam*, etc. Qui Versus *Gloria Patri* quibusdam diebus dicitur in primo Responsorio, ut in propriis locis annotatur. Post novam Lektionem prædictis diebus , quando octo tantum dicuntur Responsoria, immediate dicitur Hymnus *Te Deum*.

3. In Dominicis Adventus, et in Dominicis a Septuagesima usque ad Do-

minicam Palmarum inclusive , et in triduo ante Pascha , dicuntur novem Responsoria , quia tunc non dicitur *Te Deum*.

4. In Officio autem trium Lectionum, quando fit de Festo, et in Feriis temporis Paschalis, quod est inter Dominicam in Albis et Ascensionem (excepta Feria secunda Rogationum, in qua ponitur tertium Responsorium) dicuntur duo Responsoria, quia post tertiam Lectionem dicitur *Te Deum*. Quæ Responsoria in Festis sumuntur de Comuni Sanctorum : et in dictis Feriis temporis Paschalis, quando alia propria non assignantur, sumuntur de Dominica, in qua primo sunt posita, hoc ordine : secunda et quinta Feria, primum et secundum Responsorium primi Nocturni ; Feria tertia et sexta, primum et secundum Responsorium secundi Nocturni ; Feria quarta, primum et secundum Responsorium tertii Nocturni.

5. In aliis Feriis extra tempus Paschale dicuntur tria Responsoria (quia in illis non dicitur *Te Deum*) hoc ordine : Feria secunda et quinta, tria Responsoria primi Nocturni ; Feria tertia et sexta, tria Responsoria secundi Nocturni ; Feria quarta et Sabbato, quando in eo fit de Feria, tria Responsoria tertii Nocturni Dominicæ præcedentis, in qua primo sunt posita. Verum quia in tertio Nocturno Dominicarum a tertia post Pentecosten inclusive usque ad Adventum exclusive, non habetur nisi unum Responsorium dicendum infra Hebdomadam, quod est septimum in Dominica (propterea quod Responsorium *Duo Seraphim*, non dicitur, nisi in prædictis Dominicis) ideo Feria quarta et Sabbato, quando Responsoria sumenda erunt ex tertio Nocturno, primum Responsorium erit quod est septimum Dominicæ ; secundo et tertio loco dicitur secundum et tertium sequentis Feriæ, id est post secundam et tertiam Lectionem dicitur secundum et tertium Responsorium, quod est secundum et tertium secundæ sequentis Feriæ si pro-

pria Responsoria habuerit ; alioquin si non habuerit propria, dicitur secundum et tertium Responsorium primi Nocturni ejusdem Dominicæ. Ab Octava Epiphaniæ usque ad Septuagesimam habentur Responsoria propria in singulis Feriis, excepto Sabbato, in quo, quando fit de Feria, dicuntur Responsoria Feriæ quartæ.

6. Sumuntur autem Responsoria ex eo loco, ubi primo sunt posita, in principio mensis vel libri, et repetuntur in aliis sequentibus Dominicis illius mensis, in quibus alia non assignantur, vel donec de illo libro legitur, unde sumpta sunt Responsoria. Quæ autem in prima Hebdomada mensis posita sunt per Ferias, repetuntur eodem ordine in eisdem Feriis per sequentes Hebdomadas, donec alia ponantur. Ubi vero non adsunt propria, semper ex Nocturnis Dominicæ sumuntur dicto ordine.

7. Si Responsoria primi Nocturni ejus Dominicæ, in qua primo ponuntur, propter Festum duplex in ea occurrens, in ipsa Dominica poni non possint, ponantur prima die ejus Hebdomadæ, in qua occurrit fieri de Feria, et omittantur alia, quæ forte in illa Feria propria haberentur. Si vero in tota Hebdomada non occurrat dies, in quo fiat de Feria, illa Responsoria ponantur in sequenti Hebdomada, vel Dominica similiter non impedita, et dummodo in ea alia Responsoria non sint primo ponenda ; alioquin eo anno omittantur. Responsoria etiam, quæ in aliquibus Feriis per Hebdomadam habentur, si eo die quo posita sunt, non possunt dici propter Festum occurrens, non sunt transferenda in aliam diem, sed omittuntur.

8. Tempore Paschali in fine Responsorii ante Versum additur *Alleluja*.

*De Responsoriis brevibus Horarum.*

XXVIII.

**R**ESPONSORIA brevia dicuntur post Capitulum ad Primam, Tertiam, Sextam et Nonam, et ad Completorium, præterquam in triduo ante Pascha usque ad Nonam Sabbati in

Albis inclusive, quibus diebus non dicuntur. Ad Primam et Completorium semper dicuntur eodem modo, ut in Psalterio: in aliis Horis, quando fit Officium de Dominica vel Feria per annum, dicuntur ut habentur in Psalterio. In Adventu autem, Quadragesima, tempore Passionis et Paschali, ut suis locis habentur propria. In Festis similiter, quando non habentur propria, dicuntur ut in Communi Sanctorum.

2. In fine Responsorii brevis dicitur *Gloria Patri* cum repetitione Responsorii, eo modo quo ordinatur ad Primam in Psalterio, præterquam tempore Passionis: tunc enim non dicitur *Gloria Patri* in Officio de Tempore, sed solum repetitur Responsorium breve a principio.

3. In Responsorio brevi ad Primam loco Versus *Qui sedes*, etc. in Adventu dicitur *Qui venturus es in mundum*, tam in Dominicis et Feriis, quam in Festis; excepto Festo Conceptionis B. Mariæ et per Octavam. In Nativitate Domini usque ad Epiphaniam, etiam in Festis occurrentibus: in Festo Corporis Christi et per Octavam, et in omni Officio beatæ Mariæ, tam novem quam trium Lectionum, etiam si infra ejusdem Octavas fiat de Festo vel de Dominica, dicitur *Qui natus es de Maria Virgine*. In Epiphania et per Octavam, et in Festo Transfigurationis, dicitur *Qui apparuisti hodie*. A Dominica in Albis inclusive usque ad Ascensionem exclusive, tam in Officio de Tempore quam de Sanctis (excepto Officio beatæ Mariæ) semper dicitur *Qui surrexisti a mortuis*. In Ascensione usque ad Pentecosten exclusive dicitur *Qui scandis super sidera*. In Pentecoste et reliquo anni tempore, tam in Officio de Tempore quam de Sanctis, dicitur *Qui sedes ad dexteram Patris*, ut in Psalterio.

4. Responsoria brevia aliarum Horarum, quæ ponuntur in prima Dominica de Adventu, dicuntur per totum Adventum, quando fit Officium de Tempore. Similiter quæ ponuntur

in prima Dominica Quadragesimæ, dicuntur usque ad Dominicam Passionis exclusive. Et quæ ponuntur in Dominica Passionis, dicuntur usque ad Feriam quintam in Cœna Domini exclusive. Item quæ ponuntur in Dominica in Albis, dicuntur usque ad Ascensionem exclusive. Quæ vero ponuntur in aliquo Festo habente Octavam, dicuntur per totam octavam, quando fit de Octava. In Officio autem beatæ Mariæ tam novem quam trium Lectionum (excepto Festo Assumptionis ejusdem) dicuntur semper Responsoria brevia de Communi Virginum.

5. Tempore Paschali, a Dominica in Octava Paschæ usque ad Sabbatum post Pentecosten inclusive, in fine Responsorii brevis ante primum Versum dicuntur duo *Alleluia*, quæ etiam post dictum primum Versum repetuntur pro parte Responsorii, et in fine secundi Versus unum tantum *Alleluia*, tam in Officio de Tempore quam de Sanctis, ut dicitur in Rubrica, quæ est in Sabbato in Albis. Extra tempus Paschale, quamvis in aliquibus Festis ad Tertiam, Sextam et Nonam, Responsoriis brevibus addantur *Alleluia*, non ideo adduntur ad Primam et Completorium.

#### De Capitulis XXIX.

**C**APITULA semper dicuntur (præterquam a Feria quinta in Cœna Domini usque ad Vesperas Sabbati in Albis exclusive, et præterquam in Officio Defunctorum) ad Vesperas, Laudes et alias Horas, dictis Psalmis et Antiphonis; ad Completorium vero, dicto etiam Hymno.

2. Capitula Dominicalia posita in Psalterio in primis et secundis Vesperis, in Laudibus et Horis, dicuntur a tertia Dominica post Pentecosten usque ad Adventum, et a secunda post Epiphaniam usque ad Septuagesimam. Capitula autem ferialia dicuntur post Octavam Pentecostes usque ad Adventum, et ab Octava Epiphaniæ usque ad Dominicam primam Quadragesimæ. Aliis temporibus dicuntur ut in pro-



prio de Tempore : si fit de Sanctis , ut in Proprio de Sanctis , cum propria adsunt ; alioquin de Communi Sanctorum. Capitulum Primæ et Completorii ( quando Capitula dicuntur ) nunquam mutatur , ut in Psalterio.

8. In Dominicis ab Adventu usque ad Octavam Epiphaniæ , et a Septuagesima usque ad tertiam post Pentecosten , et in Feriis temporis Paschalis , et in omnibus Festis regulariter Capitulum positum in primis Vesperis dicitur in Laudibus , ad Tertiam et in secundis Vesperis , quibusdam exceptis , quæ suis locis assignantur.

4. In Feriis tempore Paschali ad Primam dicitur Capitulum *Regi sæculorum* , sicut in Dominicis et Festis. Post Capitulum semper respondetur *Deo gratias*.

#### De oratione XXX.

**ORATIO** in Vesperis et Laudibus dicitur post Antiphonas ad *Magnificat* et *Benedictus* immediate , nisi quando dicendæ sunt *Preces* : quæ dicuntur post Antiphonam , et in fine illarum Oratio. Ad Primam et alias Horas Oratio dicitur post Responsorium breve , nisi dicendæ sint *Preces* : Ad Completorium Oratio dicitur post Antiphonam *Salva nos* , nisi dicendæ sint *Preces* ; et tunc dicitur post illas.

2. Ad Primam et Completorium nunquam mutantur Orationes quæ habentur in Psalterio , præterquam in triduo ante Pascha : in quo triduo ad omnes Horas usque ad Nonam Sabbati sancti inclusive post Psalmum *Miserere* , dicitur Oratio diei ut suo loco ponitur. In aliis Horis regulariter dicitur Oratio , quæ dicta est in primis Vesperis. In Quadragesima autem , Quatuor Temporibus , Vigiliis et Feria secunda Rogationum , Oratio , quæ dicta est in Laudibus , dicitur tantum ad Tertiam , Sextam et Nonam. In Vesperis autem sequentibus , si fit de Feria , dicitur vel alia propria , ut in Quadragesima , vel Dominicæ præcedentis ut in aliis Feriis. Quæ Oratio præcedentis Dominicæ semper dicitur in feriali Officio per Hebdomadam ,

quando propria non assignatur. Infra Octavas dicitur Oratio ut in die Festi ; similiter et in die Octava , nisi alia propria assignetur.

3. Ante Orationem , etiam quando aliquis solus recitat Officium , semper dicitur Versus *Dominus vobiscum* , respondetur *Et cum spiritu tuo*. Qui versus non dicitur ab eo , qui non est saltem in ordine Diaconatus , nec a Diacono , præsentem Sacerdote , nisi de illius licentia. Si quis autem ad Diaconatus ordinem non pervenerit , ejus loco dicat *Domine exaudi orationem meam* ; respondetur *Et clamor meus ad te veniat*. Deinde dicitur *Oremus* , postea Oratio ; quæ si unica tantum dicatur , Versus *Dominus vobiscum* , vel *Domine exaudi* repetitur finita Oratione , postquam fuerit responsum *Amen*. Sin autem plures Orationes dicendæ sint , ante quamlibet Orationem dicitur Antiphona et Versus , deinde *Oremus* ; et post ultimam Orationem repetitur *Dominus vobiscum* ; postea dicitur *Benedicamus Domino* , respondetur *Deo gratias*. Deinde dicitur Versus *Fidelium animæ* : qui Versus non dicitur post *Benedicamus Domino* ad Primam ante *Pretiosa* , neque ad Completorium ante Versum *Benedicat* , nec quando post aliquam Horam immediate sequitur Officium parvum beatæ Mariæ vel Officium Defunctorum , aut septem Psalmi Pœnitentiales , vel solæ Litanie.

4. Si Oratio dirigatur ad Patrem , concluditur *Per Dominum* ; si ad Filium , *Qui vivis et regnas*. Si in principio Orationis fiat mentio Filii , dicatur *Per eundem* ; si in fine Orationis , dicatur *Qui tecum vivit et regnat*. Si fiat mentio Spiritus sancti , dicatur *In unitate ejusdem Spiritus sancti* , etc.

5. Quando plures Orationes dicuntur , prima tantum dicitur sub sua conclusione *Per Dominum* , vel aliter , ut supra : aliæ non concluduntur , nisi in ultima Oratione ; sed unicuique Orationi semper præponitur *Oremus* , præterquam in Officio Defunctorum , in quo , alio modo quam ut supra , Orationes dicuntur : item in Litanis Ora-



tiones omnes dicuntur conjunctim sub uno *Oremus*, ut suis locis habetur.

*De Hymno Te Deum. XXXI.*

**H**YMNUS *Te Deum* dicitur in omnibus Festis per annum, tam trium quam novem Lectionum, et per eorum Octavas, excepto Festo sanctorum Innocentium, nisi venerit in Dominica; dicitur tamen in ejus die Octava. Dicitur etiam in omnibus Dominicis, à Pascha Resurrectionis inclusive usque ad Adventum exclusive, et a Nativitate Domini inclusive usque ad Septuagesimam exclusive, et in omnibus Feriis temporis Paschalis, scilicet a Dominica in Albis usque ad Ascensionem, excepta Feria secunda Rogationum, in qua non dicitur.

2. Non dicitur autem in Dominicis Adventus, et a Septuagesima usque ad Dominicam Palmarum inclusive, neque in Feriis extra tempus Paschale.

3. Cum dicitur, omittitur semper nonum vel tertium Responsorium, et statim dicitur post ultimam Lectionem.

4. Cum non dicitur, ejus loco ponitur nonum vel tertium Responsorium, quo dicto statim inchoantur Laudes. Similiter quando dicitur *Te Deum*, eo Hymno dicto, statim inchoantur Laudes, præterquam in nocte Nativitatis Domini; quia tunc dicitur Oratio, postea celebratur Missa; ut suo loco notatur.

*De Oratione Dominica et Salutatione Angelica XXXII.*

**O**RATIO Dominica *Pater noster*, et Salutatio Angelica *Ave Maria*, semper dicuntur secreto ante omnes Horas, præterquam ad Completorium, in cujus principio post Lectionem brevem *Fratres sobrii*, dicto Versu *Adjutorium nostrum*, dicitur tantum *Pater noster* secreto; et in fine Completorii, statim post Orationem beatæ Mariæ dicitur *Pater noster*, *Ave Maria*, et *Credo*, totum similiter secreto. Finitis Horis, et dicto Versu *Fidelium animæ*, dicitur similiter secreto *Pater noster* tantum, nisi sequatur Officium beatæ Mariæ, quia tunc post illud dicitur *Pater noster*, ut supra,

et nisi alia Hora subsequatur: tunc enim dicitur semel tantum *Pater noster* cum *Ave Maria* pro principio sequentis Horæ; qua finita, dicitur *Pater noster*, ita ut semper dicatur in fine ultimæ Horæ. Si autem post Vesperas immediate sequatur Completorium, dicto *Fidelium animæ*, incipitur Versus *Jube domne*.

2. Quando in fine Orationis Dominicæ proferendum est clara voce *Et ne nos inducas*, semper in principio eadem voce proferuntur hæc duo verba *Pater noster*, ut in Precibus, et similibus; alias nunquam proferuntur, sed dicitur totum secreto. Ad Laudes vero et Vesperas, quando in seriali Officio dicuntur Preces, totum dicitur clara voce ab Hebdomadario.

3. Salutatio Angelica semper dicitur ante Officium beatæ Mariæ, quando non conjungitur cum Officio Domini; quia tunc sufficit dixisse eam in principio cum Oratione Dominica.

*De Symbolo Apostolorum et Symbolo sancti Athanasii. XXXIII.*

**S**YMBOLUM Apostolorum semper dicitur ante Matutinum et Primam et finito Completorio post Salutationem Angelicam, totum secreto: etiam si ad Primam et Completorium iterum dicendum sit cum Precibus. Quando vero dicitur cum Precibus ad Primam et Completorium, clara voce profertur *Credo in Deum*, et in fine, *Carnis resurrectionem*; reliquum dicitur secreto: alias totum secreto dicitur, ut supra.

2. Symbolum sancti Athanasii dicitur ad Primam post Psalmum *Retribue*, in omnibus Dominicis per annum, quando Officium sit de Dominica, exceptis Dominicis infra Octavas Nativitatis Domini, Epiphaniæ, Ascensionis et Corporis Christi, ac Dominica Resurrectionis et Pentecostes, in quibus dicuntur tantum tres Psalmi consueti ut in Festis. In Dominicis infra alias Octavas, et in Dominica Trinitatis dicitur; alias nunquam, neque si aliquod Festum duplex celebretur in Dominica. Et in fine illius dicitur *Gloria Patri*.

**P**RECES sunt aliquot Versus, qui aliquando dicuntur ante Orationem, incipientes a *Kyrie eleison*, vel a *Pater noster*.

2. Preces Dominicales ad Primam et Completorium, ut in Psalterio, non dicuntur in Duplicibus, nec infra Octavas, nec in Vigilia Epiphaniæ, et Feria sexta et Sabbato post Octavam Ascensionis, etiam si infra Octavam fiat Officium de Dominica vel alio Festo Semiduplici, quia tunc ratione Octavæ non dicuntur: alias autem semper dicuntur.

3. Preces feriales ad Laudes et per Horas distinctæ, ut in Psalterio, dicuntur tantum in Feriis Adventus, Quadragesimæ, Quatuor Temporum et Vigiliarum quæ jejunantur (exceptis Vigilia Nativitatis Domini ac Vigilia et Quatuor Temporibus Pentecostes) et tunc dicuntur flexis genibus. In aliis Feriis per annum, nunquam dicuntur nisi Dominicales, et in illis non flectuntur genua.

4. In Feriis Adventus, Quadragesimæ, et Quatuor Temporum, dicuntur Preces feriales etiam ad Vesperas, si non sequatur Festum: ad Completorium dicuntur consuetæ de Dominica, sed flexis genibus. Dicuntur autem Preces flexis genibus, ab Hebdomadario usque ad Versum *Dominus robiscum* ante primam Orationem: a circumstantibus autem, usque ad Versum *Benedicamus Domino* post ultimam Orationem.

5. In Vigiliis Preces feriales dicuntur tantum ad Matutinum, et per Horas: ad Vesperas vero sequentes non dicuntur, quia inde fit de Festo. Quod si post Vigiliam sancti Mathiæ sequatur primus dies Quadragesimæ, in Vesperis dicuntur Preces feriales, quamvis dicenda sit Oratio Dominicæ præcedentis, et non Vigiliæ. Quod etiam servatur quando in Feria sexta et sabbato Quatuor Temporum Septembris fit Officium de Feria, cum in eis non occurrat Festum novem Lectionum:

tunc enim in Vesperis Feriæ sextæ dicuntur Preces, quamvis dicenda sit Oratio Dominicæ præcedentis, non autem Feriæ Quatuor Temporum.

6. Psalmus *Miserere* dicitur cum Precibus ad Vesperas tantum, et Psalmus *De profundis* ad Laudes. In Officio Defunctorum dicuntur Psalmi, qui in eo Officio designantur.

De Commemorationibus communibus, seu Suffragiis Sanctorum XXXV.

**C**OMMEMORATIONES communes, seu Suffragia de Sanctis quæ habentur in Psalterio post vespervas Sabbati, dicuntur in fine Vesperarum et Laudum ab Octava Epiphaniæ usque ad Dominicam Passionis exclusive, et ab Octava Pentecostes usque ad Adventum exclusive in Dominicis, Feriis et Festis (nisi Officium sit duplex, vel infra Octavas, etiam si de Dominica vel Semiduplici infra eas fiat) et illis adjungitur commemoratio de Patrono vel Titulo Ecclesiæ, ante vel post Commemorationem de sancta Maria, et de Apostolis, pro dignitate illius; ita tamen, ut semper ultimo loco ponatur commemoratio de Pace. Et ante illas in seriali Officio fit commemoratio de Cruce, quæ habetur in Psalterio post Laudes Feriæ secundæ.

2. Tempore Paschali fit alia commemoratio de Cruce, ut ibi ponitur in Laudibus Feriæ secundæ post Dominicam in Albis, et ea solum tunc dicitur; non tamen in Duplicibus, neque infra Octavas.

3. Si facienda sit commemoratio alicujus Festi occurrentis, semper fit ante ipsa Suffragia consuetæ, etiam ante commemorationem de Cruce.

4. Commemoratio de sancta Maria non fit cum aliis, quando dicitur ejus Officium parvum, nec quodcumque sit Officium de ea.

De Antiphonis beatæ Mariæ in fine Officii. XXXVI.

**A**NTIPHONÆ beatæ Mariæ positæ in fine Psalterii post Completorium, singulæ dicuntur pro tempo-

ris diversitate, ut ibi annotatur, præterquam in triduo majoris Hebdomadæ ante Pascha.

2. Dicuntur autem extra Chorum tantum in fine Completorii, et in fine Matutini, dictis Laudibus, si tunc terminandum sit Officium; alioquin, si alia subsequatur Hora, in fine ultimæ Horæ. In Choro autem semper dicuntur, quodcumque terminata aliqua Hora discedendum est a Choro.

3. Nunquam vero dicuntur post aliquam Horam, quando subsequitur cum Officio diei Officium Defunctorum, vel septem Psalmi Pœnitentiales, aut Litanie, præterquam post Completorium in quo semper dicuntur, etiam si prædicta subsequantur: neque etiam dicuntur, quando post aliquam Horam immediate subsequitur Missa. Dicun-

tur autem flexis genibus (præterquam in diebus Dominicis, a primis Vesperis Sabbati et toto tempore Paschali) Hebdomadario tamen ad Orationem surgente.

*De officio parvo beatæ Mariæ et aliis. XXXVII.*

**D**E Officio parvo beatæ Mariæ, de Officio Defunctorum, de septem Psalmis Pœnitentialibus et Litiis, et de Psalmis Gradualibus, quando et quomodo, tam in Choro quam extra Chorum dicenda sint, habentur suis locis propriæ Rubricæ circa finem Breviarii.

2. Tempore Paschali, in Officio parvo beatæ Mariæ, quod dicitur in Choro; non additur *Alleluia* Antiphonis, neque Versibus, neque Responsoriis.



## DUÆ TABELLÆ EX RUBRICIS GENERALIBUS

### EXCERPTÆ.

*In quarum prima statim videri poterit, quomodo Officium præcedens concurrat in Vesperis cum Officio sequentis diei.*

*In secunda vero, de quo celebrandum erit Officium, si plura eodem die Festa occurrant.*

*Ex utraque Tabella hoc ordine reperiatur quod queritur.*

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt: deinde legatur Regula juxta dictum numerum descripta, et ex ea clare videbitur quid sit agendum.

Exempli gratia: Quadrangulus, in quo sibi invicem occurrunt Duplex 1. Classis, et Dominica 1. Classis, erit qui est in angulo superiori secundæ Tabellæ, in quo signatus est numerus 1, quia si adeum tam Duplex, quam Dom. prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita, sic habet: 1 *Translatio de primo, Officium de secundo.* Id est, Dupl. 1. Clasis prædictum transferatur, et Offic. fiat de Dom. 1. Classis; quia cum in his Regulis dicitur, De primo, seu præcedenti, intelligitur de Festo in superiori parte Tabellæ apposito, ut Duplex prædictum; cum de secundo vel sequenti, de Festo in inferiori parte sub numeris apposito, ut Dom. prædicta.

In aliquibus autem quadrangulis nullus appositus est numerus, vel quia nullus occursus, neque concursus esse potest, vel quia in propriis locis annotatur in Breviario quid sit agendum.

Scire tamen oportet, quæ sint Duplicia 1. et 2. Classis, et majora per annum, et quæ Dominicæ et Feriæ majores dicantur.

### DUPLICIA 1. CLASSIS,

*In quibus nulla fit commemoratio quorumcumque Festorum occurrentium, nisi prout in Rubricis.*

Nativitas Domini.

Epiphania Domini.

Pascha Resurrectionis, cum 3. anteced. et 2. seq. diebus.

Ascensio Domini.

Pentecostes, cum 2. seq. diebus.

Festum Corporis Christi.

Nativitas S. Joannis Baptistæ.

Festum SS. Apost. Petri et Pauli.

Assumptio beatæ Mariæ Virginis.

Festum omnium Sanctorum.

Dedicatio propriæ Ecclesiæ.

### DUPLICIA 2. CLASSIS,

*In quibus de Simplicibus fit commemoratio in Laudibus tantum.*

Circumcisio Domini.

Festum SS. Nominis Jesu.

Festum SS. Trinitatis.

Purificatio,

Annuntiatio,

Nativitas,

Conceptio,

Natalitia duodecim Apostolorum.

Festa Evangelistarum.

Festa S. Stephani Protomartyris, et SS. Innocentium.

Festa S. Joseph et S. Laurentii.

Inventio S. Crucis.

Dedicatio S. Michaelis Archangeli.

### DOMINICÆ MAJORES

*Dividuntur in duas Classes.*

#### DOMINICÆ 1. CLASSIS,

*Quæ nunquam omittuntur.*

Prima Adv.

Prima Quadr.

Passionis.

Palmarum.

Paschæ.

In Albis.

Pentecostes.

Trinitatis

**DOMINICÆ 2. CLASSIS,**

*Quæ non omittuntur, nisi occurrente Patrono vel Titulari Ecclesiæ, et ejusdem Dedicatione; et tunc de iis fit semper commemoratio in utrisque Vesper. et Laudibus.*

Secunda	}	Adventus.
Tertia		
Quarta		
Dominicæ	}	Septuagesimæ.
		Sexagesimæ.
		Quinquagesimæ.
Secunda	}	Quadragesimæ.
Tertia		
Quarta		

**DUPLICIA MAJORA**

**PER ANNUM**

*Quæ aliis Duplicibus minoribus præferuntur.*

Transfiguratio Domini.  
Exaltatio S. Crucis.  
Festum B. Mariæ ad Nives.

Visitatio

Præsentatio

Festum SS. Nominis

Festum de Mercede

Festum SS. Rosarii

Festum de Monte Carmelo

Festum 7. Dolorum.

Conversio S. Pauli Apostoli.

Cathedra S. Petri utraque.

Festum S. Joannis ante portam Latinam.

Apparitio S. Michaëlis.

Festum S. Barnabæ Apostoli.

Festum S. Annæ.

Festum S. Petri ad vincula.

Festum S. Joachim Confessoris.

Decollatio S. Joannis Baptistæ.

Festum Patronorum minus principium.

B. Mariæ

**FERIÆ MAJORES,**

*De quibus semper fit commemoratio.*

Adventus.

Quadragesimæ.

Quatuor Temporum.

Secunda Rogationum.

## QUANDO CONCURRIT

Dom. major, seu 1. et 2. Class. cum	0	4	3	4	4	3	3	3	3	3	0
Dom. minor, seu per annum	0	4	3	4	4	3	3	1	1	1	0
Duplex 1. Classis	2	2	4	2	4	4	4	0	4	6	4
Duplex 2. Classis	4	4	4	4	4	4	4	3	6	3	4
Patronus seu Titulus Ecclesiae	2	2	4	2	4	4	4	0	4	0	4
Duplex per annum majus	4	4	4	4	4	4	6	1	3	1	4
Duplex per annum minus	4	4	5	4	4	5	3	1	3	1	4
Semiduplex	4	5	3	4	5	3	3	1	1	1	5
Dies Octava	4	4	5	4	4	5	3	1	3	1	4
Dies infra Octavam	0	0	3	4	5	3	3	1	1	1	5
1 Totum de sequenti, nihil de praecedenti.	S. Maria in Sabbato.	Die infra Octavam.	Die Octava.	Simplex.	Semiduplex.	Duplici per ann. minore	Duplici per ann. majore	Patrono seu Titulo Eccl.	Duplici 2. Classis.	Duplici 1. Classis.	Uomine quacunque
2 Totum de praeced. nihil de seq.											
3 Totum de seq., comm. de Praec.											
4 Totum de praec., comm. de seq.											
5 Capitulum de seq. comm., de praeced.											
6 Totum de digniori, comm. de minus digno.											
Simplex, et S. Maria in Sabbato, Feria et Vigilia non concurrunt.											

Notandum, quod in I. Vesp. diei Oct. Ascensionis et Corporis Christi, totum Offic. fit de Oct. cum comm. praecedentis Festi Dupl., nisi fuerit Festum solemne principale, vel 1. vel 2. Classis: quia tunc de Festo fieret Offic. et comm. de Octava.

In II. Vesp. diei Oct. Epiphaniae, Paschae, Ascensionis et Corporis Christi, de sequenti Dupl. fit tantum comm., nisi illud fuerit 1. vel 2. Classis, seu Patronus vel Titulus, aut Dedicatio Ecclesiae: quia tunc de Festo fieret Offic. et de Oct. comm. Et similiter die

Oct. Corporis Christi in II. Vesp. concurrente cum die Oct. S. Joannis Baptistae, Vesp. erunt de Oct. Corporis Christi cum commem. Octavae S. Joannis.

In II. Vesp. Duplicis 2. Classis non fit comm. de die infra Octavam, nisi quando de ea fieri debeat Officium de sequenti.

Cum plures sunt comm., servetur hic ordo: De Dupl. de Dom., de Semid., de die infra Oct., de Feria majore seu Vigilia, de S. Maria in Sabbato, de Simplicio.



## SI OCCURRAT EODEM DIE

Duplex primæ Classis et	6	4	0	6	2	4	6	2	2	8	4	4	1
Duplex secundæ Classis	4	4	0	4	2	4	6	2	8	1	4	1	1
Duplex per annum	4	4	0	4	2	1	4	8	1	1	4	1	1
Dies infra Octavam	4	4	0	4	3	3	7	3	3	3	3	3	3
Dies Octava	4	4	0	4	2	7	4	2	3	3	4	3	3
Semiduplex	4	4	0	4	8	1	4	1	1	1	1	1	1
Simplex	3	3	3	0	3	3	3	3	3	3	3	3	3
S. Maria in Sabbato	5	5	0	4	0	0	0	0	0	0	0	0	0
Feria major	6	0	6	4	3	3	3	3	3	3	0	0	0
Vigilia	0	5	6	4	3	3	3	3	3	3	0	0	0
1 Translatio de primo, Offic. de secundo.	Vigilia. Feria major. S. Maria in Sabbato. Simplex. Semiduplex. Dies Octava. Dies infra Octavam. Duplex per annum. Duplex secundæ Classis. Duplex primæ Classis. Dominica per annum Dominica secundæ Classis. Dominica primæ Classis.												
2 Offic. de primo, Translatio de secundo.													
3 Comm. de primo, Offic. de secundo.													
4 Offic. de primo, Comm. de secundo.													
5 Nihil de primo, Offic. de secundo.													
6 Offic. de primo, nihil de secundo.													
7 Offic. de digniori, Commem. de minus digno.													
8 Offic. de digniori, translatio de minus digno.													

Notandum, quod Duplex quodcumque, etiam Patroni et Tituli Ecclesiæ, vel Dedicationis ejusdem, occurrens in Vigiliis Nativitatis Domini et Pentecostes, in die Circumcisionis, in die Oct. Epiphanie, in Feria iv. Cinerum, ac in tota majori Hebdomanda, et infra Oct. Paschæ et Pentecostes, in Ascensione Domini, in Festo Corporis Christi, in Festo Assumptionis beatæ Vir-

ginis, et Omnium Sanctorum, transferuntur.

Infra Oct. Epiphanie fit tantum de Patrono vel Titulari Ecclesiæ, et ejusdem Dedicatione, cum comm. Oct.: alia Festa transferuntur post Octavam.

Infra Oct. Corporis Christi, Semiduplex transferuntur, neque fit de Duplici translato: et de ea, quocumque adveniente Duplici, fit comm.

Infra illas Octav., in quibus fit de Festis occurrentibus, Semiduplex occurrens in Dominica transfertur in proxime sequentem diem: quæ si fuerit impedita alio simili Festo, transfertur post Octavam.

De Oct. Nativitatis Domini, Epiphaniæ et Corporis Christi, semper fit comm. quocumque Festo in illis occurrente.

De aliis Oct., quæ non sunt in Kalendario, nihil fit a FERIA IV. Cinerum usque ad Festum Trinitatis inclusive, et a die 17 Decembris usque ad Epiphaniam.

Dies Oct. nunquam transfertur; ideo quanquam Nativitas S. Joannis Baptistæ, occurrens in die Corporis Christi, transferatur in diem sequentem, non tamen transfertur Octava; sed de ea fit tantum comm. in Offic. de Octava Corporis Christi.

Si occurrat, ut Patronus vel Titulus Eccl. descriptus sit eodem die in Kalendario cum aliis Sanctis, in ea Ec-

clesia fit tantum de Patrono, vel Titulari absque comm. aliorum. Qui si in dicto Kalendario descripti sint sub Offic. Dupl. vel Semid., transferuntur in primam diem simili Offic. non impeditam, et de eis fiat Offic. Semid., nisi tamen sint de majoribus Festis, quia tunc de translato quoque fiet Offic. Dupl., ac si proprio die celebraretur. Si vero in Kalendario omnes sint tanquam Festum Simplex, de aliis nihil fit.

De Feriis Adv. et Quadrag. quando de eis non fit Offic. fit comm. in utrisque Vesp. et Laud. cujuscumque Festi: de quatuor Temp. et FERIA II. Rogationum ac Vigiliis, in Laud. tantum. Si vero aliqua Vigilia occurrat in Adv., Quadrages., et Quatuor Temp., vel in diebus Festorum Dupl. 1. Classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.

## ORATIO

### DICENDA ANTE DIVINUM OFFICIUM.

**A**PERI, Domine, os meum ad benedicendum nomen sanctum tuum: munda quoque cor meum ab omnibus vanis, perversis et alienis cogitationibus: intellectum illumina, affectum inflamma, ut digne, attente ac devote hoc Officium recitare valeam, et exaudiri merear ante conspectum divinæ Majestatis tuæ. Per Christum Dominum nostrum. Amen.

Domine, in unione illius divinæ intentionis, qua ipse in terris laudes Deo persolvisti, has tibi Horas persolvo.

*Orationem sequentem devote post Officium recitantibus Leo Papa X. defectus et culpas in eo persolvendo ex humana fragilitate contractas indulgit.*

**S**ACROSANCTÆ et individue Trinitati, crucifixi Domini nostri Jesu Christi humanitati, beatissimæ et gloriosissimæ, semperque Virginis Mariæ fecundæ integritati, et omnium Sanctorum universitati sit sempiterna laus, honor, virtus et gloria ab omni creatura, nobisque remissio omnium peccatorum, per infinita sæcula sæculorum. Amen.

Beata viscera Mariæ Virginis, quæ portaverunt æterni Patris Filium.

Et beata ubera, quæ lactaverunt Christum Dominum.

Pater noster. Ave Maria.

## ABSOLUTIONES ET BENEDICTIONES

DICESSE ANTE LECTIONES IN OFFICIO NOVEN ET TRIUM LECTIONUM.

*In I. Nocturno , et pro ij et v Feria.***ABSOLUTIO.**

**E**XAUDI , Domine Jesu Christe, preces servorum tuorum, et miserere nobis, qui cum Patre et Spiritu sancto vivis et regnas in sæcula sæculorum. R). Amen.

**BENEDICTIONES.**

- 1 Benedictione perpetua benedicat nos Pater æternus. R). Amen.
- 2 Unigenitus Dei Filius nos benedicere et adjuvare dignetur.
- 3 Spiritus sancti gratia illuminet sensus et corda nostra.

*In II. Noct. et pro iij. et vi. Feria.***ABSOLUTIO.**

**I**PSIUS pietas et misericordia nos adjuvet, qui cum Patre et Spiritu sancto vivit et regnat in sæcula sæculorum. R). Amen.

**BENEDICTIONES.**

- 4 Deus Pater omnipotens sit nobis propitius et clemens. R). Amen.
- 5 Christus perpetuæ det nobis gaudia vitæ.
- 6 Ignem sui amoris accendat Deus in cordibus nostris.

*In III. Noct., et pro Feria iv. et Sabbato.***ABSOLUTIO.**

**A**VINCULIS peccatorum nostrorum absolvat nos omnipotens et misericors Dominus. R). Amen.

**BENEDICTIONES.**

- 7 Evangelica lectio sit nobis salus et protectio. R). Amen.
- 8 Divinum auxilium maneat semper nobiscum.
- 9 Ad societatem civium supernorum perducatur nos Rex Angelorum.

*Si Officium sit de Sancto novem Lectionum , octava Benedictio erit :*

Cujus Festum colimus ; ipse vel ipsa intercedat pro nobis ad Dominum.

*Quando sunt plures , dicitur :*

Quorum vel Quarum Festum colimus, ipsi vel ipsæ intercedant pro nobis ad Dominum.

*Si Officium sit de S. Maria , octava Benedictio erit :*

Cujus Festum colimus, ipsa Virgo virginum intercedat pro nobis ad Dominum.

*Si in ultima Lectione legendum sit aliud Evangelium cum Homilia, nona Benedictio erit.*

Per Evangelica dicta deleantur nostra delicta.

*In Offic. iij. Lect. dicuntur Absolutiones et Benedictiones prædictæ, ordine in Rubricis generalibus descripto; et in eo, quando non legitur Homilia cum Evangelio et Benedictiones sumendæ sunt ex III. Noct. , prima Benedictio erit :*

- 1 Ille nos benedicat , qui sine fine vivit et regnat.
- 2 Divinum auxilium.
- 3 Ad societatem.

*In Offic. iij. Lect., quando legitur Homilia cum Evangelio , prima Benedictio erit :*

- 1 Evangelica lectio.
- 2 Divinum Auxilium.
- 3 Ad societatem.

*Si Offic. sit de Sancto iij. Lectionum, prima Benedictio erit :*

- 1 Ille nos benedicat , qui sine fine vivit et regnat.
- 2 Cujus vel Quorum.
- 3 Ad societatem.

*In Officio de S. Maria in Sabbato, Absolutio et Benedictiones quæ ibidem ponuntur.*



# PSALTERIUM

## DISPOSITUM

### PER HEBDOMADAM,

CUM ORDINARIO OFFICII DE TEMPORE.

#### DOMINICA AD MATUTINUM.

*Ante Matutinum et omnes Horas, præterquam ad Completorium, dicitur secreto :*

**P**ATER noster, qui es in cœlis, sanctificetur nomen tuum : adveniat regnum tuum : fiat voluntas tua, sicut in cœlo et in terra. Panem nostrum quotidianum da nobis hodie : et dimitte nobis debita nostra, sicut et nos dimittimus debitoribus nostris. Et ne nos inducas in tentationem : sed libera nos a malo. Amen.

**A**VE, Maria, gratia plena, Dominus tecum : benedicta tu in mulieribus, et benedictus fructus ventris tui Jesus. Sancta Maria, Mater Dei, ora pro nobis peccatoribus, nunc et in hora mortis nostræ. Amen.

*In principio Matutini, et Primæ, ac in fine Completorii, dicitur etiam Symbolum Apostolorum.*

**C**REDO in Deum Patrem omnipotentem, Creatorem cœli et terræ. Et in Jesum Christum, Filium ejus unicum, Dominum nostrum : qui conceptus est de Spiritu sancto, natus ex Maria Virgine, passus sub Pontio Pilato, crucifixus, mortuus et sepultus : descendit ad inferos : tertia die resurrexit a mortuis : ascendit ad cœlos, sedet ad dexteram Dei Patris omnipotentis : inde venturus est judicare vivos et mortuos. Credo in Spiritum sanctum, sanctam Ecclesiam catholicam, Sanctorum communionem, remissionem peccatorum, carnis resurrectionem, vitam eternam. Amen.

*Deinde clara voce dicitur :*

ŷ. Domine, labia mea aperies.

ŷ. Et os meum annuntiabit laudem tuam. ŷ. Deus, in adjutorium meum intende. ŷ. Domine, ad adjuvandum me festina. Gloria Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen. Alleluia.

*Sic dicitur Alleluja, ad omnes Horas, per totum Annum, præterquam a Domin. in Septuag. usque ad Fer. v. in Cæna Domini : tunc enim dicitur Laus tibi Domine, Rex æternæ gloriæ.*

*Invitat. sequens dicitur ab Octava Epiph. usque ad Domin. Septuag. et ab Oct. Pentec. usque ad Adv.*

*Invit. Adoremus Dominum, \* Qui fecit nos. Repetitur Adoremus Dominum, qui fecit nos.*

#### Psalmus 94.

**V**ENITE, exultemus Domino, jubilemus Deo salutari nostro : præoccupemus faciem ejus in confessione, et in psalmis jubilemus ei. Adoremus Dominum, qui fecit nos.

Quoniam Deus magnus Dominus, et Rex magnus super omnes deos : quoniam non repellet Dominus plebem suam quia in manu ejus sunt omnes fines terræ, et altitudines montium ipse conspiciat. Qui fecit nos.

Quoniam ipsius est mare, et ipse fecit illud, et aridam fundaverunt ipsa-

mus ejus : Venite , adoremus , et pro-  
eidamus ante Deum : ploremus coram  
Domino , qui fecit nos ; quia ipse est  
Dominus Deus noster , nos autem po-  
pulus ejus , et oves pascuæ ejus. Ado-  
remus Dominum , qui fecit nos.

Modie si vocem ejus audieritis , no-  
lite obdurare corda vestra , sicut in exa-  
cerbatione secundum diem tentationis  
in deserto : ubi tentaverunt me patres  
vestri , probaverunt et viderunt opera  
mea. Qui fecit nos.

Quadráginta annis proximus fui ge-  
nerationi huic , et dixi : Semper hi er-  
rant corde : ipsi vero non cognoverunt  
vias meas , quibus juravi in ira mea ,  
si introibunt in requiem meam. Ado-  
remus Dominum , qui fecit nos.

Gloria Patri , et Filio , et Spiritui  
Sancto. Sicut erat in principio , et nunc ,  
et semper , et in sæcula sæculorum.  
Amen. Qui fecit nos. Adoremus Do-  
minum , qui fecit nos.

*Sequens Hymnus dicitur ab Octava  
Epiph. usque ad Domin. I. Quadrag.  
et a Domin. proximiori Kal. Octobris,  
usque ad Adv.*

#### HYMNUS.

**P**RIMO die, quo Trinitas  
Beata mundum condidit ,  
Vel quo resurgens Conditor ,  
Nos morte victa liberat :

Pulsis procul torporibus  
Surgamus omnes ocyus ,  
Et nocte quæramus Deum ,  
Propheta sicut præcipit.

Nostras preces ut audiat ,  
Suamque dextram porrigat ,  
Et expiatis sordibus  
Reddat polorum sedibus.

Ut , quique sacratissimo  
Hujus diei tempore  
Horis quietis psallimus ,  
Donis beatis muneret.

Jam nunc , Paterna claritas ,  
Te postulamus affatim ,  
Absint faces libidinis ,  
Et omnis actus noxius.

Ne fœda sit , vel lubrica  
Compago nostri corporis ,  
Ob cujus ignes ignibus

Avernus urat ærius.

Mundi Redemptor , quæsumus  
Tu probra nostra diluas :  
Nobisque largus commoda  
Vitæ perennis conferas.

Præsta , Pater piissime ,  
Patrique compar Unica ,  
Cum Spiritu Paraclito  
Regnans per omne sæculum. Amen.

*Sequens Hymnus dicitur ab Oct.  
Pentec. usque ad Domin. proximiorum  
Kal. Octobris.*

#### HYMNUS.

**N**OCTE surgentes vigilemus o-  
mnes,

Semper in psalmis meditemur , atque  
Voce concordi Domino canamus

Dulciter hymnos.

Ut pio Regi pariter canentes ,  
Cum suis Sanctis mereamur aulam  
Ingredi cœli , simul et perennem  
Ducere vitam.

Præstet hoc nobis Deitas beata  
Patris , ac Nati , pariterque sancti  
Spiritus , cujus resonat per omnem  
Gloria mundum. Amen.

*Aliis temporibus a supradictis , in-  
vit. et Hymnus dicuntur , quæ habentur  
in Proprio de Tempore , pro Of-  
ficii varietate : quod et in Capit. et  
Hymnis ad Laudes , et in aliis simi-  
libus servetur.*

#### IN I. NOCTURNO.

*In Adv. Ant. Veniet ecce Rex.*

*Per Ann. Ant. Servite Domino.*

*Temp. Pasch. Ant. Alleluja.*

*Asteriscus \* notat pausam cantus  
in choro.*

#### Psalmus 1.

**B**EATUS vir qui non abiit in con-  
silio impiorum , et in via pec-  
catorum non stetit , \* et in cathedra  
pestilentie non sedit :

Sed in lege Domini voluntas ejus , \*  
et in lege ejus meditabitur die ac nocte .

Et erit tanquam lignum , quod plan-  
tatum est secus decursus aquarum , \*  
quod fructum suum dabit in tempo-  
re suo :

Et solium ejus non desinet: et omnia quaecumque faciet, prosperabuntur.

Non sic impii, non sic: sed tanquam pulvis, quem projicit ventus a facie terræ.

Ideo non resurgent impii in iudicio: neque peccatores in concilio justorum.

Quoniam novit Dominus viam justorum: et iter impiorum peribit.

Gloria Patri, et Filio, et Spiritui sancto.

Sicut erat in principio, etc.

*Hic versus Gloria semper dicitur in fine omnium Psalmorum, nisi aliter notetur.*

### Psalmus 2.

**Q**UARE fremuerunt gentes, et populi meditati sunt inania?

astiterunt reges terræ, et principes convenerunt in unum adversus Dominum, et adversus Christum ejus.

Dirumpamus vincula eorum: et projiciamus a nobis jugum ipsorum.

Qui habitat in cælis, iridebit eos: et Dominus subsannabit eos.

Tunc loquetur ad eos in ira sua: et in furore suo conturbabit eos.

Ego autem constitutus sum Rex ab eo super Sion montem sanctum ejus: prædicans præceptum ejus.

Dominus dixit ad me: Filius meus es tu, ego hodie genui te.

Postula a me, et dabo tibi gentes hereditatem tuam, et possessionem tuam terminos terræ.

Reges eos in virga ferrea, et tanquam vas figuli confringes eos.

Et nunc, reges, intelligite: erudimini, qui iudicatis terram.

Servite Domino in timore: et exultate ei cum tremore.

Apprehendite disciplinam, nequando irascatur Dominus, et pereatis de via justa.

Cum exarserit in brevi ira ejus, beati omnes qui confidunt in eo.

### Psalmus 3.

**D**OMINE, quid multiplicati sunt qui tribulant me? multi insurgunt adversum me.

Multi dicunt animæ meæ: Non est salus ipsi in Deo ejus.

Tu autem, Domine, susceptor meus es, gloria mea, et exaltans caput meum.

Voce mea ad Dominum clamavi: et exaudivit me de monte sancto suo.

Ego dormivi, et soporatus sum: et exurrexi, quia Dominus suscepit me.

Non timebo millia populi circumdantis me: exurge, Domine, salvum me fac, Deus meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus: et super populum tuum benedictio tua.

### Psalmus 4.

**D**OMINE, ne in furore tuo arguas me: neque in ira tua corripias me.

Miserere mei, Domine, quoniam infirmus sum: sana me, Domine, quoniam conturbata sunt ossa mea.

Et anima mea turbata est valde: sed tu, Domine, usquequo?

Convertere, Domine, et eripe animam meam: salvum me fac propter misericordiam tuam.

Quoniam non est in morte qui memor sit tui: in inferno autem quis confitebitur tibi?

Laboravi in gemitu meo, lavabo per singulas noctes lectum meum: lacrymis meis stratum meum rigabo.

Turbatus est a furore oculus meus: inveteravi inter omnes inimicos meos.

Discedite a me omnes, qui operamini iniquitatem: quoniam exaudivit Dominus vocem fletus mei.

Exaudivit Dominus deprecationem meam: Dominus orationem meam suscepit.

Erubescant et conturbentur vehementer omnes inimici mei: convertantur, et erubescant valde velociter.

*In Adv. Ant.* Veniet ecce Rex excelsus cum potestate magna ad salvandas gentes. Alleluia.

*Ant.* Confortate.



*Per Ann. Ant. Servite Domino in timore, et exultate ei cum tremore.*

*Ant. Deus iudex justus.*

### Psalmus 7.

**D**OMINE Deus meus, in te speravi: \* saluum me fac ex omnibus persequentibus me, et libera me.

Nequando rapiat ut leo animam meam: \* dum non est qui redimat, neque qui saluum faciat.

Domine Deus meus, si feci istud, \* si est iniquitas in manibus meis:

Si reddidi retribuētibus mihi mala, \* decidam merito ab inimicis meis inanis.

Persequatur inimicus animam meam, et comprehendat, et conculcet in terra vitam meam, \* et gloriam meam in pulverem deducat.

Exurge, Domine, in ira tua: \* et exaltare in finibus inimicorum meorum.

Et exurge, Domine Deus meus, in præcepto quod mandasti: \* et synagoga populorum circumdabit te.

Et propter hanc in altum regredere: \* Dominus iudicat populos.

Judica me, Domine, secundum iustitiam meam, \* et secundum innocentiam meam super me.

Consumetur nequitia peccatorum, et diriges justum, \* scrutans corda et renes Deus.

Iustum adiutorium meum a Domino, \* qui salvos facit rectos corde.

Deus iudex justus, fortis et patiens: \* numquid irascitur per singulos dies?

Nisi conversi fueritis, gladium suum vibrabit: \* arcum suum tetendit, et paravit illum.

Et in eo paravit vasa mortis, \* sagittas suas ardentibus effecit.

Ecce parturit iniquitatem: \* concepit dolorem, et peperit iniquitatem.

Lacum aperuit, et effodit eum: \* et incidit in foveam, quam fecit.

Convertetur dolor ejus in caput ejus: \* et in verticem ipsius iniquitas ejus descendet.

Confitebor Domino secundum iusti-

tiam ejus: \* et psallam nomini Domini Altissimi.

### Psalmus 8.

**D**OMINE Dominus noster, \* quam admirabile est nomen tuum in universa terra!

Quoniam elevata est magnificentia tua \* super cœlos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quoniam videbo cœlos tuos, opera digitorum tuorum: \* lunam et stellas, quæ tu fundasti.

Quid est homo, quod memor es ejus? \* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum, \* et constituisti eum super opera manuum tuarum.

Omnia subiecisti sub pedibus ejus, \* oves et boves universas, insuper et pecora campi.

Volucres cœli, et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

### Psalmus 9.

**C**ONFITEBOR tibi, Domine, in toto corde meo: \* narrabo omnia mirabilia tua.

Lætabor et exultabo in te: \* psallam nomini tuo, Altissime.

In convertendo inimicum meum retrorsum: \* infirmabuntur, et peribunt a facie tua.

Quoniam fecisti iudicium meum et causam meam: \* sedisti super thronum, qui iudicas iustitiam.

Increpasti Gentes, et periit impius: \* nomen eorum delesti in æternum, et in sæculum sæculi.

Inimici defecerunt frameæ in finem: \* et civitates eorum destruxisti.

Periit memoria eorum cum sonitu: \* et Dominus in æternum permanet.

Paravit in iudicio thronum suum: \* et ipse iudicabit orbem terræ in æ-

gnitate, judicabit populos in justitia.

Et factus est Dominus refugium pauperi: \* adjutor in opportunitatibus, in tribulatione.

Et sperent in te, qui noverunt nomen tuum: \* quoniam non dereliquisti quærentes te Domine.

Psallite Domino, qui habitat in Sion: \* annuntiate inter Gentes studia ejus:

Quoniam requirens sanguinem eorum recordatus est: \* non est oblitus clamorem pauperum.

Miserere mei, Domine: \* vide humilitatem meam de inimicis meis.

Qui exaltas me de portis mortis, ut annuntiem omnes laudationes tuas in portis filiae Sion.

Exultabo in salutari tuo: \* infixæ sunt Gentes in interitu, quem fecerunt.

In laqueo isto, quem absconderunt, \* comprehensus est pes eorum.

Cognoscetur Dominus judicia faciens: \* in operibus manuum suarum comprehensus est peccator.

Convertantur peccatores in infernum: \* omnes Gentes, quæ obliviscuntur Deum.

Quoniam non in finem oblivio erit pauperis: \* patientia pauperum non peribit in finem.

Exurge, Domine, non confortetur homo: \* judicentur Gentes in conspectu tuo.

Constitue, Domine, legislatorem super eos: \* ut sciant Gentes quoniam homines sunt.

Ut quid, Domine, recessisti longe, \* despicias in opportunitatibus, in tribulatione?

Dum superbit impius, incenditur pauper: \* comprehenduntur in consiliis, quibus cogitant.

Quoniam laudatur peccator in desideriis animæ suæ: \* et iniquus benedicitur.

Exacerbavit Dominum peccator, \* secundum multitudinem iræ suæ non quæret.

Non est Deus in conspectu ejus: \* inquinatæ sunt viæ illius in omni tempore.

Auferuntur judicia tua a facie ejus:

omnium inimicorum suorum dominabitur.

Dixit enim in corde suo: \* Non movebor a generatione in generationem sine malo.

Cujus maledictione os plenum est, et amaritudine, et dolo: \* sub lingua ejus labor et dolor.

Sedet in insidiis cum divitibus in occultis, \* ut interficiat innocentem.

Oculi ejus in pauperem respiciunt: \* insidiatur in abscondito, quasi leo in spelunca sua.

Insidiatur ut rapiat pauperem: \* rapere pauperem, dum attrahit eum.

In laqueo suo humiliabit eum: \* inclinabit se, et cadet, cum dominatus fuerit pauperum.

Dixit enim in corde suo: Oblitus est Deus: \* avertit faciem suam, ne videat in finem.

Exurge, Domine Deus, exaltet manus tua: \* ne obliviscaris pauperum.

Propter quid irritavit impius Deum? \* dixit enim in corde suo: Non requireret.

Vides, quoniam tu laborem et dolorem consideras: \* ut tradas eos in manus tuas.

Tibi derelictus est pauper: \* orphano tu eris adjutor.

Contere brachium peccatoris et maligni: \* quæretur peccatum illius, et non inveniatur.

Dominus regnabit in æternum, et in sæculum sæculi: \* peribitis, Gentes, de terra illius.

Desiderium pauperum exaudivit Dominus: \* præparationem cordis eorum audivit auris tua.

Judicare pupillo et humili, \* ut non apponat ultra magnificare se homo super terram.

### Psalmus 10.

**I**N Domino confido; quomodo dicitis animæ meæ: \* Transmigre in montem sicut passer?

Quoniam ecce peccatores intendunt arcum, paraverunt sagittas suas in pharetra, \* ut sagittent in obscuro rectos corde.

Quoniam quæ perfecisti, destruxerunt: \* justus autem quid fecit?

Dominus in templo sancto suo: \* Dominus in cælo sedes ejus.

Oculi ejus in pauperem respiciunt: \* palpebræ ejus interrogant filios hominum.

Dominus interrogat justum et impium: \* qui autem diligit iniquitatem, odit animam suam.

Pluet super peccatores laqueos: \* ignis, et sulphur, et spiritus procellarum pars calicis eorum.

Quoniam justus Dominus, et justitias dilexit: \* æquitatem vidit vultus ejus.

*In Adv. Ant.* Confortate manus dissolutas: confortamini, dicite: Ecce Deus noster veniet, et salvabit nos, alleluia.

*Ant.* Gaudete omnes.

*Per Ann. Ant.* Deus iudex justus, fortis et longanimis: numquid irascetur per singulos dies?

*Ant.* Tu, Domine.

### Psalmus 11.

**S**ALVUM me fac, Domine, quoniam defecit sanctus: \* quoniam diminutæ sunt veritates a filiis hominum.

Vana locuti sunt unusquisque ad proximum suum: \* labia dolosa, in corde et corde locuti sunt.

Disperdat Dominus universa labia dolosa: \* et linguam magniloquam.

Qui dixerunt: Linguam nostram magnificabimus, labia nostra a nobis sunt: \* quis noster Dominus est?

Propter miseriam inopum, et gemitum pauperum \* nunc exurgam, dicit Dominus.

Ponam in salutari: \* fiducialiter agam in eo.

Eloquia Domini, eloquia casta: \* argentum igne examinatum, probatum terræ, purgatum septuplum.

Tu, Domine, servabis nos, et custodies nos \* a generatione hac in æternum.

In circuitu impii ambulant: \* secundum altitudinem tuam multiplicasti filios hominum.

### Psalmus 12.

**U**SQUEQUO, Domine, oblivisceris me in finem? \* usquequo avertis faciem tuam a me?

Quamdiu ponam consilia in anima mea, \* dolorem in corde meo per diem?

Usquequo exaltabitur inimicus meus super me? \* respice, et exaudi me, Domine Deus meus.

Illumina oculos meos, ne unquam obdormiam in morte: \* nequando dicat inimicus meus: Prævalui adversus eum.

Qui tribulant me, exultabunt si motus fuero: \* ego autem in misericordia tua speravi.

Exultabit cor meum in salutari tuo: cantabo Domino, qui bona tribuit mihi: \* et psallam nomini Domini altissimi.

### Psalmus 13.

**D**IXIT insipiens in corde suo: \* Non est Deus.

Corrupti sunt et abominabiles facti sunt in studiis suis: \* non est qui faciat bonum, non est usque ad unum.

Dominus de cælo prospexit super filios hominum: \* ut videat si est intelligens, aut requirens Deum.

Omnes declinaverunt, simul inutiles facti sunt: \* non est qui faciat bonum, non est usque ad unum.

Sepulchrum patens est guttur eorum: linguis suis dolose agebant: \* venenum aspidum sub labiis eorum.

Quorum os maledictione et amaritudine plenum est: \* veloces pedes eorum ad effundendum sanguinem.

Contritio et infelicitas in viis eorum, et viam pacis non cognoverunt: \* non est timor Dei ante oculos eorum.

Nonne cognoscent omnes, qui operantur iniquitatem, \* qui devorant plebem meam sicut escam panis?

Dominum non invocaverunt: \* illic trepidaverunt timore, ubi non erat timor.

Quoniam Dominus in generatione justa est, consilium inopis confudistis: \* quoniam Dominus spes ejus est.

Quis dabit ex Sion salutare Israel?



cum averterit Dominus captivitatem plebis suæ exultabit Jacob, et lætabitur Israel.

### Psalmus 14.

**D**OMINE, quis habitabit in tabernaculo tuo? aut quis requiescet in monte sancto tuo?

Qui ingreditur sine macula, et operatur justitiam:

Qui loquitur veritatem in corde suo, qui non egit dolum in lingua sua:

Nec fecit proximo suo malum, et opprobrium non accepit adversus proximos suos.

Ad nihilum deductus est in conspectu ejus malignus: timentes autem Dominum glorificat:

Qui jurat proximo suo, et non decipit, qui pecuniam suam non dedit ad usuram, et munera super innocentem non accepit.

Qui facit hæc, non movebitur in æternum.

*In Adv. Ant.* Gaudete omnes, et lætamini: ecce quia veniet Dominus ultionis, adducet retributionem: ipse veniet, et salvabit nos.

†. *Ex Sion species decoris ejus.*  
A. Deus noster manifeste veniet.

*Per Ann. Ant.* Tu, Domine servabis nos, et custodies nos.

†. Memor fui nocte nominis tui, Domine. A. Et custodivi legem tuam.

*In Quadrag.* †. Ipse liberavit me de laqueo venantium A. Et a verbo aspero.

*Temp. pass.* †. Erue a framea, Deus, animam meam. A. Et de manu canis unicam meam.

*Temp. Pasch. Ant.* Alleluia. Lapis revolutus est, allel. ab ostio monumenti, allel. allel.

†. Surrexit Dominus de sepulchro, alleluia. A. Qui pro nobis peependit in ligno, alleluia.

*Post †. cujuslibet Noct. dicitur.*

*Pater noster secreto.* †. Et ne nos inducas in tentationem. A. Sed libera nos a malo.

### Absolutio.

**E**XAUDI, Domine Jesu Christe, preces servorum tuorum, et miserere nobis, qui cum Patre et Spiritu sancto vivis et regnas in sæcula sæculorum. A. Amen.

†. Jube domne benedicere.

*Benedictio.* Benedictione perpetua benedicat nos Pater æternus A. Amen.

*Deinde leguntur Lectiones cum Responsoriis; ut in Proprio de Tempore assignantur.*

*Pro ij. Lect. Bened.* Unigenitus Dei Filius nos benedicere et adjuvare dignetur A. Amen.

*Pro iij. Lect. Bened.* Spiritus sancti gratia illuminet sensus et corda nostra. A. Amen.

### IN II. NOCTURNO.

*In Adv. Ant.* Gaude et lætare.

*Per Ann. Ant.* Bonorum meorum.  
*Temp. Pasch. Ant.* Alleluia.

### Psalmus 13.

**C**ONSERVA me, Domine, quoniam speravi in te. Dixi Domino: Deus meus es tu, quoniam bonorum meorum non eges.

Sanctis, qui sunt in terra ejus, mirificavit omnes voluntates meas in eis.

Multiplicate sunt infirmitates eorum: postea acceleraverunt.

Non congregabo conventicula eorum de sanguinibus: nec memor ero nominum eorum per labia mea.

Dominus pars hereditatis meæ, et calicis mei: tu es qui restitues hereditatem meam mihi.

Funes ceciderunt mihi in præclaris: etenim hereditas mea præclara est mihi.

Benedicam Dominum, qui tribuit mihi intellectum: insuper et usque ad noctem increpuerunt me renes mei.

Providebam Dominum in conspectu meo semper: quoniam a dextris est mihi, ne commovear.

Propter hoc lætatum est cor meum, et exultavit lingua mea: insuper et caro mea requiescet in spe.

Quoniam non derelinques animam

meam in inferno : \* nec dabis sanctum tuum videre corruptionem.

Notas mihi fecisti vias vitæ , adimplebis me lætitia cum vultu tuo : \* delectationes in dextera tua usque in finem.

*In Adv. Ant.* Gaude et lætare filia Jerusalem : ecce Rex tuus veniet tibi : Sion , noli timere , quia cito veniet salus tua.

*Ant.* Rex noster.

*Per Ann. Ant.* Bonorum meorum non indiges , in te speravi , conserva me , Domine.

*Ant.* Propter verba.

### Psalmus 16.

**E**XAUDI, Domine, justitiam meam : \* intende deprecationem meam.

Auribus percipe orationem meam , \* non in labiis dolosis.

De vultu tuo iudicium meum prodeat : \* oculi tui videant æquitates.

Probasti cor meum , et visitasti nocte : \* igne me examinasti , et non est inventa in me iniquitas.

Ut non loquatur os meum opera hominum : \* propter verba labiorum tuorum ego custodivi vias duras.

Perfice gressus meos in semitis tuis , \* ut non moveantur vestigia mea.

Ego clamavi , quoniam exaudisti me , Deus : \* inclina aurem tuam mihi , et exaudi verba mea.

Mirifica misericordias tuas , \* qui salvos facis sperantes in te.

A resistentibus dexteræ tuæ custodi me , \* ut pupillam oculi.

Sub umbra alarum tuarum protege me : \* a facie impiorum , qui me afflixerunt.

Inimici mei animam meam circumdederunt , adipem suum concluserunt : \* os eorum locutum est superbiam.

Projicientes me nunc circumdederunt me : \* oculos suos statuerunt declinare in terram.

Susceperunt me sicut leo paratus ad prædam : et sicut catulus leonis habitans in abditis.

Exurge , Domine , præveni eum , et supplanta eum : \* eripe animam meam ab impio , frameam tuam ab inimicis manus tuæ.

Domine , a paucis de terra divide eos in vita eorum : \* de absconditis tuis adimpletus est venter eorum.

Saturati sunt filii : \* et dimiserunt reliquias suas parvulis suis.

Ego autem in justitia apparebo conspectui tuo : \* satiabor cum apparuerit gloria tua.

*In Adv. Ant.* Rex noster adveniet Christus , quem Joannes prædicavit Agnum esse venturum.

*Ant.* Ecce venio.

*Per Ann. Ant.* Propter verba labiorum tuorum ego custodivi vias duras.

*Ant.* Diligam te.

*Et non repetitur in Psalmo : quod semper fit, quando Ant. incipit a j. versu Psalmi, et Psalmus tunc incipitur ab eo verbo, in quo desinit Ant. sive integra dicatur, sive tantum inchoata, si tamen eadem sint verba, et continuetur Ant. cum Psalmo.*

### Psalmus 17.

**D**ILIGAM te, Domine , fortitudo mea : \* Dominus firmamentum meum , et refugium meum , et liberator meus.

Deus meus adjutor meus , \* et sperabo in eum.

Protector meus , et cornu salutis meæ , \* et susceptor meus.

Laudans invocabo Dominum , \* et ab inimicis meis salvus ero.

Circumdederunt me dolores mortis , \* et torrentes iniquitatis conturbaverunt me.

Dolores inferni circumdederunt me : \* præoccupaverunt me laquei mortis.

In tribulatione mea invocavi Dominum , \* et ad Deum meum clamavi.

Et exaudivit de templo sancto suo vocem meam : \* et clamor meus in conspectu ejus introivit in aures ejus.

Commota est , et contremuit terra : \* fundamenta montium conturbata sunt ,

et commota sunt, quoniam iratus est eis.

Ascendit fumus in ira ejus, et ignis a facie ejus exarsit: \* carbones succensi sunt ab eo.

Inclinavit celos, et descendit: \* et caligo sub pedibus ejus.

Et ascendit super Cherubim, et volavit: \* volavit super pennas ventorum.

Et posuit tenebras latibulum suum, in circuitu ejus tabernaculum ejus: tenebrosa aqua in nubibus aeris.

Præ fulgore in conspectu ejus nubes transierunt, \* grando et carbones ignis.

Et in tonuit de cælo Dominus, et Altissimus dedit vocem suam: \* grando et carbones ignis.

Et misit sagittas suas, et dissipavit eos: \* fulgura multiplicavit, et conturbavit eos.

Et apparuerunt fontes aquarum, \* et revelata sunt fundamenta orbis terrarum:

Ab increpatione tua, Domine, \* ab inspiratione spiritus iræ tuæ.

Misit de summo, et accepit me: \* et assumpsit me de aquis multis.

Eripuit me de inimicis meis fortissimis, et ab iis qui oderunt me: \* quoniam confortati sunt super me.

Prævenierunt me in die afflictionis meæ: \* et factus est Dominus protector meus.

Et eduxit me in latitudinem: \* saluum me fecit, quoniam voluit me.

Et retribuet mihi Dominus secundum justitiam meam, \* et secundum puritatem manuum mearum retribuet mihi:

Quia custodivi vias Domini, \* nec impie gessi a Deo meo.

Quoniam omnia judicia ejus in conspectu meo: \* et justitias ejus non repuli a me.

Et ero immaculatus cum eo: \* et observabo me ab iniquitate mea.

Et retribuet mihi Dominus secundum justitiam meam, \* et secundum puritatem manuum mearum in conspectu oculorum ejus.

Cum sancto sanctus eris, \* et cum viro innocente innocens eris:

Et cum electo electus eris, \* et cum perverso perverteris.

Quoniam tu populum humilem salvum facies, \* et oculos superborum humiliabis.

Quoniam tu illuminas lucernam meam, Domine: \* Deus meus, illumina tenebras meas.

Quoniam in te eripiar a tentatione, \* et in Deo meo transgrediar murum.

Deus meus impolluta via ejus; eloquia Domini igne examinata: \* protector est omnium sperantium in se.

Quoniam quis Deus præter Dominum? \* aut quis Deus præter Deum nostrum?

Deus qui præcinxit me virtute: \* et posuit immaculatam viam meam.

Qui perfecit pedes meos tanquam cervorum: \* et super excelsa statuens me.

Qui docet manus meas ad prælium: \* et posuisti, ut arcum æreum, brachia mea.

Et dedisti mihi protectionem salutis tuæ: \* et dextera tua suscepit me.

Et disciplina tua correxit me in finem: \* et disciplina tua ipsa me docebit.

Dilatasti gressus meos subtus me: \* et non sunt infirmata vestigia mea.

Persequar inimicos meos, et comprehendam illos: \* et non convertar donec deficiant.

Confringam illos, nec poterunt stare: \* cadent subtus pedes meos.

Et præcinxisti me virtute ad bellum: \* et supplantasti insurgentes in me subtus me.

Et inimicos meos dedisti mihi dorsum, \* et odientes me disperdidisti.

Clamaverunt, nec erat qui salvos faceret, ad Dominum; \* nec exaudivit eos.

Et comminuam eos ut pulverem ante faciem venti: \* ut lutum platearum delebo eos.

Eripies me de contradictionibus populi: \* constitues me in caput Gentium.



**Populus**, quem non cognovi, servivit mihi: \* in auditu auris obedivit mihi.

**Filii** alieni mentiti sunt mihi \* filii alieni inveterati sunt, et claudicaverunt a semitis suis.

**Vivit Dominus**, et benedictus Deus meus, \* et exaltetur Deus salutis meæ.

**Deus**, qui das vindictas mihi, et subdis populos sub me; \* liberator meus de inimicis meis iracundis.

**Et ab insurgentibus in me exaltabis me**: \* a viro iniquo eripies me.

**Propterea confitebor tibi in nationibus, Domine**: \* et nomini tuo psalmum dicam.

**Magnificans salutes regis ejus**, et faciens misericordiam Christo suo David, \* et semini ejus usque in sæculum.

*In Adv. Ant.* **Ecce venio cito**, et merces mea mecum est, dicit Dominus, dare unicuique secundum opera sua.

*ŷ.* **Emitte Agnum, Domine, dominatorem terræ.** *ŷ.* **De petra deserti ad montem filiae Sion.**

*Per Ann. Ant.* **Diligam te, Domine**, virtus mea.

*ŷ.* **Quoniam tu illuminas lucernam meam, Domine.** *ŷ.* **Deus meus, illumina tenebras meas.**

*In Quadrag. ŷ.* **Scapulis suis obumbrabit tibi.** *ŷ.* **Et sub pennis ejus sperabis.**

*Tempore Pass. ŷ.* **De ore leonis libera me, Domine.** *ŷ.* **Et a cornibus unicornium humilitatem meam.**

*Temp. Pasch. Ant.* **Alleluia.** **Quem quæris, mulier?** *ŷ.* **Viventem cum mortuis, allel. allel.**

*ŷ.* **Surrexit Dominus vere, alleluia.** *ŷ.* **Et apparuit Simoni, allel.**

**Pater noster, secreto. ŷ.** **Et ne nos inducas in tentationem.** *ŷ.* **Sed libera nos a malo.**

### Absolutio.

**IPSUS** pietas et misericordia nos adjuvet, qui cum Patre et Spiritu sancto vivit et regnat in sæcula sæculorum. *ŷ.* **Amen.**

*ŷ.* **Jube, domne, benedicere.**

*Bened.* **Deus Pater omnipotens sit nobis propitius et clemens.** *ŷ.* **Amen.**

*Pro v. Lect. Bened.* **Christus perpetuæ det nobis gaudia vitæ.** *ŷ.* **Amen.**

*Pro vj. Lect. Bened.* **Ignem sui amoris accendat Deus in cordibus nostris.** *ŷ.* **Amen.**

### IN III. NOCTURNO.

*In Adv. Ant.* **Gabriel Angelus.**

*Per Ann. Ant.* **Non sunt loquelæ.**

*Temp. Pasch. Ant.* **Alleluia.**

### Psalmus 18.

**CÆLI** enarrant gloriam Dei, \* et opera manuum ejus annuntiat firmamentum.

**Dies diei eructat verbum**, \* et nox nocti indicat scientiam.

**Non sunt loquelæ**, neque sermones, \* quorum non audiantur voces eorum.

**In omnem terram exiit sonus eorum**: \* et in fines orbis terræ verba eorum.

**In sole posuit tabernaculum suum**: \* et ipse tanquam sponsus procedens de thalamo suo.

**Exultavit ut gigas ad currendam viam**: \* a summo cælo egressio ejus.

**Et occursum ejus usque ad summum ejus**: \* nec est qui se abscondat a calore ejus.

**Lex Domini immaculata convertens animas**: \* testimonium Domini fidele, sapientiam præstans parvulis.

**Justitiæ Domini rectæ, lætificantes corda**: \* præceptum Domini lucidum, illuminans oculos.

**Timor Domini sanctus, permanens in sæculum sæculi**: \* judicia Domini vera, justificata in semetipsa.

**Desiderabilia super aurum et lapidem pretiosum multum**: \* et dulciora super mel et favum.

**Etenim servus tuus custodit ea**: \* in custodiendis illis retributio multa.

**Delicta quis intelligit?** Ab occultis meis munda me: \* et ab alienis parce servo tuo.

Si mei non fuerint dominati tunc immaculatus ero : \* et emundabor a delicto maximo.

Et erunt ut complacent eloquia oris mei : \* et meditatio cordis mei in conspectu tuo semper.

Domine , adjutor meus , \* et redemptor meus.

*In Adv. Ant.* Gabriel Angelus locutus est Mariæ , dicens : Ave gratia plena , Dominus tecum : benedicta tu inter mulieres.

*Ant.* Maria dixit.

*Per Ann. Ant.* Non sunt loquelæ , neque sermones , quorum non audiantur voces eorum.

*Ant.* Exaudiat.

### Psalmus 19.

**E**XAUDIAT te Dominus in die tribulationis : \* protegat te nomen Dei Jacob.

Mittat tibi auxilium de sancto : \* et de Sion tueatur te.

Memor sit omnis sacrificii tui : \* et holocaustum tuum pingue fiat.

Tribuat tibi secundum cor tuum : \* et omne consilium tuum confirmet.

Lætabimur in salutaris tuo : \* et in nomine Dei nostri magnificabimur.

Impleat Dominus omnes petitiones tuas . \* nunc cognovi quoniam salvum fecit Dominus christum suum.

Exaudiet illum de cælo sancto suo : \* in potentatibus salus dexteræ ejus.

Hi in curribus , et hi in equis : \* nos autem in nomine Domini Dei nostri invocabimus.

Ipsi obligati sunt , et ceciderunt : \* nos autem surreximus , et erecti sumus.

Domine , salvum fac regem : \* et exaudi nos in die , qua invocaverimus te.

*In Adv. Ant.* Maria dixit : Putas qualis est ista salutatio , quia conturbata est anima mea , et quia paritura sum Regem , qui claustrum virginitalis meæ non violabit ?

*Ant.* In adventu.

*Per Ann. Ant.* Exaudiat te Dominus in die tribulationis.

*Ant.* Domine.

### Psalmus 20.

**D**OMINE , in virtute tua lætabitur rex : \* et super salutare tuum exultabit vehementer.

Desiderium cordis ejus tribuisti ei : \* et voluntate labiorum ejus non fraudasti eum.

Quoniam prævenisti eum in benedictionibus dulcedinis : \* posuisti in capite ejus coronam de lapide pretioso.

Vitam petiit a te , \* et tribuisti ei longitudinem dierum in sæculum , et in sæculum sæculi.

Magna est gloria ejus in salutaris tuo : \* gloriam et magnum decorem impones super eum.

Quoniam dabis eum in benedictionem in sæculum sæculi : \* lætificabis eum in gaudio cum vultu tuo.

Quoniam rex sperat in Domino , \* et in misericordia Altissimi , non commovebitur.

Inveniatur manus tua omnibus inimicis tuis : \* dextera tua inveniat omnes , qui te oderunt.

Pones eos ut clibanum ignis in tempore vultus tui : \* Dominus in ira sua conturbabit eos , et devorabit eos ignis.

Fructum eorum de terra perdes , \* et semen eorum a filiis hominum.

Quoniam declinaverunt in te mala : \* cogitaverunt consilia , quæ non poterunt stabilire.

Quoniam pones eos dorsum : \* in reliquiis tuis præparabis vultum eorum.

Exaltare , Domine , in virtute tua : \* cantabimus et psallemus virtutes tuas.

*In Adv. Ant.* In adventu summi Regis mudentur corda hominum , ut digne ambulemus in occursum illius : quia ecce veniet , et non tardabit.

¶ Egre dietur Dominus de loco sancto suo. ¶ Veniet ut salvet populum suum.

*Per Ann. Ant.* Domine , in virtute tua lætabitur rex.

*ŷ.* Exaltare, Domine, in virtute tua. *ŷ.* Cantabimus et psallemus virtutes tuas.

*In Quadrag.* *ŷ.* Scuto circumdabit te veritas ejus. *ŷ.* Non timebis a timore nocturno.

*Temp. Pass.* *ŷ.* Ne perdas cum impiis, Deus, animam meam. *ŷ.* Et cum viris sanguinum vitam meam.

*Temp. Pasch. Ant.* Alleluia. Noli flere, Maria, alleluja: resurrexit Dominus, alleluia, allel.

*ŷ.* Gavisī sunt discipuli, alleluia. *ŷ.* Viso Domino, alleluia.

*Pater noster, secreto.* *ŷ.* Et ne nos inducas in tentationem. *ŷ.* Sed libera nos a malo.

### Absolutio.

**A** VINCULIS peccatorum nostrorum absolvat nos omnipotens et misericors Dominus. *ŷ.* Amen.

*ŷ.* Jube, domne, benedicere.

*Bened.* Evangelica lectio sit nobis salus et protectio. *ŷ.* Amen.

*Pro viij. Lect. Bened.* Divinum auxilium maneat semper nobiscum. *ŷ.* Amen.

*Pro ix. Lect. Bened.* Ad societatem civium supernorum perducatur nos Rex Angelorum.

*ŷ.* Amen.

*Sequens Hymnus semper dicitur post ultimam Lect. in omnibus Dom. et Festis tantum (excepto Festo SS. Innocentium, quando non venit in Domin.) a Pasch. usque ad Adv. et a Nativ. Domini usque ad Septuag. In Adv. autem, et a Septuag. usque ad Pasch. non dicitur, nisi in Festis; a Pasch. vero usque ad Pentecost. dicitur etiam in seriali Officio, excepta Feria ij. Rogation. Alio temp. nunquam dicitur in fer. Offic. Quando vero non dicitur, ejus loco ponitur ix. aut iij. Respons.*

### HYMNUS

SS. AMBROSII ET AUGUSTINI.

**T**E DEUM laudamus: te Dominum confitemur.

Te æternum Patrem omnis terra veneratur.

Tibi omnes Angeli, tibi cœli, et universæ potestates.

Tibi Cherubim et Seraphim incessabili voce proclamant:

Sanctus, Sanctus, Sanctus Dominus Deus Sabaoth.

Pleni sunt cœli et terra majestatis gloriæ tuæ.

Te gloriosus Apostolorum chorus, Te Prophetarum laudabilis numerus:

Te Martyrum candidatus laudat exercitus.

Te per orbem terrarum sancta confitetur Ecclesia.

Patrem immensæ majestatis.

Venerandum tuum verum et unicum Filium.

Sanctum quoque Paraclitum Spiritum.

Tu Rex gloriæ, Christe.

Tu Patris sempiternus es Filius.

Tu ad liberandum suscepturus hominem, non horruisti Virginis uterum.

Tu, devicto mortis aculeo, aperuisti credentibus regna cœlorum.

Tu, ad dexteram Dei sedes, in gloria Patris.

Judex crederis esse venturus.

Te ergo quæsumus, tuis famulis subveni, quos pretioso sanguine redemisti.

Æterna fac cum Sanctis tuis in gloria numerari.

Salvum fac populum tuum, Domine, et benedic hæreditati tuæ.

Et rege eos, et extolle illos usque in æternum.

Per singulos dies benedicimus te.

Et laudamus nomen tuum in sæculum, et in sæculum sæculi.

Dignare, Domine, die isto sine peccato nos custodire.

Miserere nostri, Domine, misere-re nostri.

Fiat misericordia tua, Domine, super nos, quemadmodum speravimus in te.

In te, Domine, speravi: non confundar in æternum.



## AD LAUDES.

**DEUS**, in adjutorium meum intende. *ā.* Domine, ad adjuvandum me festina.

Gloria Patri, et Filio et Spiritui sancto. Sicut erat in principio, et nunc, et semper, et in sæcula sæculorum. Amen. *Allel. vel Laus tibi, Domine, Rex æternæ gloriæ pro temp. diversitate.*

*A Dom. post Oct. Epiph. usque ad Septuag., et ab Oct. Pent. usque ad Adv. et temp. Pasch. Ant. Alleluia.*

**Psalmus 93.**

**DOMINUS** regnavit, decorem indutus est: \* indutus est Dominus fortitudinem, et præcinxit se.

Etenim firmavit orbem terræ, \* qui non commovebitur.

Parata sedes tua ex tunc: \* a sæculo tu es.

Elevaverunt flumina, Domine, \* elevaverunt flumina vocem suam.

Elevaverunt flumina fluctus suos, \* a vocibus aquarum multarum.

Mirabiles elationes maris, \* mirabilis in altis Dominus.

Testimonia tua credibilia facta sunt nimis: \* domum tuam decet sanctitudo, Domine, in longitudinem dierum.

**Psalmus 99.**

**JUBILATE** Deo, omnis terra: \* servite Domino in lætitia.

Introite in conspectu ejus, \* in exultatione.

Scitote quoniam Dominus ipse est Deus: \* ipse fecit nos, et non ipsi nos.

Populus ejus, et oves pascuæ ejus, \* introite portas ejus in confessione, atria ejus in hymnis: confitemini illi.

Laudate nomen ejus, quoniam suavis est Dominus, in æternum misericordia ejus, \* et usque in generationem et generationem veritas ejus.

**Psalmus 132.**

**DEUS**, Deus meus, \* ad te de luce vigilo.

Sitivit in te anima mea, quam multipliciter tibi caro mea.

In terra deserta, et invia, et inaquosa: \* sic in sancto apparui tibi, ut viderem virtutem tuam et gloriam tuam.

Quoniam melior est misericordia tua super vitas: \* labia mea laudabunt te.

Sic benedicam te in vita mea: \* et in nomine tuo levabo manus meas.

Sicut adipe et pinguedine repleatur anima mea, \* et labiis exultationis laudabit os meum.

Si memor fui tui super stratum meum, in matutinis meditabor in te: \* quia fuisti adjutor meus.

Et in velamento alarum tuarum exultabo, adhæsit anima mea post te: \* me suscepit dextera tua.

Ipsi vero in vanum quæsierunt animam meam, introibunt in inferiora terræ: \* tradentur in manus gladii, partes vulpium erunt.

Rex vero lætabitur in Deo, laudabuntur omnes qui jurant in eo: \* quia obstructum est os loquentium iniqua.

*Hic non dicitur Gloria Patri.*

**Psalmus 136.**

**DEUS** misereatur nostri, et benedicat nobis: \* illuminet vultum suum super nos, et misereatur nostri.

Ut cognoscamus in terra viam tuam \* in omnibus gentibus salutare tuum.

Confiteantur tibi populi, Deus: \* confiteantur tibi populi omnes.

Lætentur et exultent gentes: \* quoniam judicas populos in æquitate, et gentes in terra dirigis.

Confiteantur tibi populi, Deus, confiteantur tibi populi omnes: \* terra dedit fructum suum.

Benedicat nos Deus, Deus noster, benedicat nos Deus: \* et metuant eum omnes fines terræ.

Gloria Patri.

*Temp. Pasch. Ant. Alleluia, alleluia, alleluia, alleluia, alleluia, alleluia, alleluia.*

*Ant. Surrexit Christus.*

*Per Ann. Ant. Alleluia, alleluia.*

*Ant. Tres pueri*

## CANTICUM TRIUM PUERORUM.

Dan. 3.

**BENEDICITE** omnia opera Domini Domino: \* laudate et superexaltate eum in sæcula.

**Benedicite** Angeli Domini Domino: \* benedicite cœli Domino.

**Benedicite** aquæ omnes, quæ super cœlos sunt, Domino: \* benedicite omnes virtutes Domini Domino.

**Benedicite** sol et luna Domino: \* benedicite stellæ cœli Domino.

**Benedicite** omnis imber et ros Domino: \* benedicite omnes spiritus Dei Domino.

**Benedicite** ignis et æstus Domino: \* benedicite frigus et æstus Domino.

**Benedicite** rores et pruina Domino: \* benedicite gelu et frigus Domino.

**Benedicite** glacies et nives Domino: \* benedicite noctes et dies Domino.

**Benedicite** lux et tenebræ Domino: \* benedicite fulgura et nubes Domino.

**Benedicat** terra Dominum: \* laudet et superexaltet eum in sæcula.

**Benedicite** montes et colles Domino: \* benedicite universæ germinantia in terra Domino.

**Benedicite** fontes Domino: \* benedicite maria et flumina Domino.

**Benedicite** cete et omnia, quæ moventur in aquis, Domino: \* benedicite omnes volucres cœli Domino.

**Benedicite** omnes bestię et pecora Domino: \* benedicite filii hominum Domino.

**Benedicat** Israel Dominum: \* laudet et superexaltet eum in sæcula.

**Benedicite** sacerdotes Domini Domino: \* benedicite servi Domini Domino.

**Benedicite** spiritus, et animæ justorum Domino: \* benedicite sancti, et humiles corde Domino.

**Benedicite** Anania, Azaria, Misael Domino: \* laudate et superexaltate eum in sæcula.

**Benedicamus** Patrem et Filium cum sancto Spiritu: \* laudemus, et superexaltemus eum in sæcula.

**Benedictus** es, Domine, in firma-

mento cœli: \* et laudabilis, et gloriosus, et superexaltatus in sæcula.

*Hic non dicitur Gloria, neque Amen; in aliis Cant. dicuntur.*

*Temp. Pasch. Ant. Surrexit Christus de sepulchro, qui liberavit tres pueros de camino ignis ardentis allel.*

*Ant. Alleluia.*

*Per Ann. Ant. Tres pueri iussu regis in fornacem missi sunt, non timentes flammam ignis, dicentes: Benedictus Deus.*

*Ant. Alleluia.*

**Psalmus 118.**

**LAUDATE** Dominum de cœlis: \* laudate eum in excelsis.

**Laudate** eum omnes Angeli ejus: \* laudate eum omnes virtutes ejus.

**Laudate** eum sol et luna: \* laudate eum omnes stellæ et lumen.

**Laudate** eum cœli cœlorum: \* et aquæ omnes, quæ super cœlos sunt, laudent nomen Domini.

**Quia** ipse dixit, et facta sunt: \* ipse mandavit, et creata sunt.

**Statuit** ea in æternum, et in sæculum sæculi: \* præceptum posuit, et non præteribit.

**Laudate** Dominum de terra, \* dracones et omnes abyssi:

**Ignis, grando, nix, glacies, spiritus procellarum:** \* quæ faciunt verbum ejus:

**Montes et omnes colles:** \* ligna fructifera, et omnes cedri:

**Bestiæ et universa pecora:** \* serpentes et volucres pennatæ:

**Reges terræ et omnes populi:** \* principes et omnes iudices terræ.

**Juvenes et virgines, senes cum junioribus** laudent nomen Domini: \* quia exaltatum est nomen ejus solius.

**Confessio** ejus super cœlum et terram: \* et exaltavit cornu populi sui.

**Hymnus** omnibus sanctis ejus: \* filiis Israel, populo appropinquanti sibi.

*Hic non dicitur Gloria.*

**Psalmus 148.**

**CANTATE** Domino canticum novum: \* laus ejus in ecclesia sanctorum.

**L**ætetur Israel in eo, qui fecit eum: \*  
et filii Sion exultent in rege suo.

Laudent nomen ejus in choro: \* in  
tympano et psalterio psallant ei.

Quia beneplacitum est Domino in  
populo suo: \* et exaltabit mansuetos  
in salutem.

Exultabunt sancti in gloria: \* læ-  
tabuntur in cubilibus suis.

Exaltationes Dei in gutture eorum: \*  
et gladii ancipites in manibus eorum:

Ad faciendam vindictam in nationi-  
bus, \* increpationes in populis:

Ad alligandos reges eorum in com-  
pedibus, \* et nobiles eorum in mani-  
cis ferreis:

Ut faciant in eis iudicium conscrip-  
tum: \* gloria hæc est omnibus san-  
ctis ejus.

*Hic non dicitur Gloria.*

### Psalmus 150.

**L**AUDATE Dominum in sanctis  
ejus: \* laudate eum in firmamen-  
to virtutis ejus.

Laudate eum in virtutibus ejus: \*  
laudate eum secundum multitudinem  
magnitudinis ejus.

Laudate eum in sono tubæ: \* lau-  
date eum in psalterio et cithara. \*

Laudate eum in tympano et choro: \*  
laudate eum in chordis et organo.

Laudate eum in cymbalis beneso-  
nantibus, laudate eum in cymbalis ju-  
bilationis: omnis spiritus laudet Do-  
minum.

*Gloria Patri, etc.*

*Temp. Pasch. et per Ann. Ant. Al-  
leluia, alleluia, alleluia.*

*Sequens Capit. dicitur in Domini-  
cis, a II. post Epiph. usque ad Septuag.,  
et a Dom. III. post Pentec. usque ad  
Adv.*

### Capitulum Apoc. 7.

**B**ENEDICTIO, et claritas et sa-  
plentia, et gratiarum actio, honor,  
virtus et fortitudo Deo nostro in sæ-  
cula sæculorum. Amen. *q. Deo gra-  
tias.*

*Sic respond. in fine omn. Capit.*

*Ab oct. Epiph. usque ad Dom. I.  
Quadr. et a Dom. proximiori Kal.  
Octobr. usque ad Adv. dicitur sequens  
Hymnus.*

**Æ**TERNE rerum Conditor,  
Noctem diemque qui regis,  
Ut temporum das tempora,  
Ut alleves fastidium.

Nocturna lux vianibus  
A nocte noctem segregans,  
Præco diei iam sonat,  
Jubarque solis evocat.

Hoc excitatus Lucifer  
Solvit polum caligine;  
Hoc omnis erronum cohors  
Viam nocendi deserit.

Hoc nauta vires colligit;  
Pontique mitescunt freta:  
Hoc, ipsa petra Ecclesie,  
Canente, culpam diluit.

Surgamus ergo strenue,  
Gallus jacentes excitat,  
Et somnolentos increpat,  
Gallus negantes arguit.

Gallo canente spes redit,  
Ægris salus refunditur,  
Mucro latronis conditur,  
Lapsis fides revertitur.

Jesu, labantes respice,  
Et nos videndo corrige:  
Si respicis, labes cadunt,  
Fletuque culpa solvitur.

Tu lux refulge sensibus,  
Mentisque somnum discute:  
Te nostra vox primum sonet,  
Et vota solvamus tibi.

Deo Patri sit gloria,  
Ejusque soli Filio,  
Cum Spiritu Paraclito,  
Nunc et per omne sæculum. Amen.

*†. ut infra.*

*Quando ad Nocturnum dicitur Hy-  
mnus Nocte surgentes, ad Laudes di-  
citur Hymnus.*

**E**CCE jam noctis tennatur umbra,  
Lux et auroræ rutilans coruscat:  
Supplices rerum Dominum caورا  
Voce precemur:

Ut reos culpæ miseratus, omnem  
Pellat angorem, tribuat salutem,  
Donet et nobis bona sempiternæ



Munera pacis.

**Præstet** hoc nobis Deitas beata  
Patris, ac Nati, pariterque sancti  
Spiritus, cujus resonat per omnem  
Gloria mundum. Amen.

*Per Ann. ̃. Dominus regnavit, de-  
corem induit.*

**̃.** Induit Dominus fortitudinem, et  
præcinxit se virtute.

*A Septuag. usque ad Quadrag. ̃.  
tantum; in Adv. autem, in Quadrag.,  
temp. Pass. et Pasch. Hymnus et ̃.  
habentur proprii in Proprio de Tem.*

CANTICUM ZACHARIÆ Lucæ 1.

**BENEDICTUS** Dominus Deus Is-  
rael, \* quia visitavit, et fecit  
redemptionem plebis suæ.

Et erexit cornu salutis nobis, \* in  
domo David pueri sui.

Sicut locutus est per ossanctorum, \*  
quia sæculo sunt, Prophetarum ejus:

Salutem ex inimicis nostris, \* et  
de manu omnium, qui oderunt nos:

Ad faciendam misericordiam cum  
patribus nostris: \* et memorari testa-  
menti sui sancti.

Jusjurandum, quod juravit ad A-  
braham patrem nostrum, \* daturum se  
nobis:

Ut sine timore, de manu inimicorum  
nostrorum liberati, \* serviamus illi;

In sanctitate et justitia coram ipso, \*  
omnibus diebus nostris.

Et tu, puer, Propheta Altissimi vo-  
caberis: \* præibis enim ante faciem  
Domini parare vias ejus:

Ad dandam scientiam salutis plebi  
ejus: \* in remissionem peccatorum  
eorum:

Per viscera misericordiæ Dei nostri: \*  
in quibus visitavit nos, oriens ex alto:

Illuminare his, qui in tenebris, et  
in umbra mortis sedent: \* ad dirigen-  
dos pedes nostros in viam pacis.

Gloria Patri, etc.

*Deinde dicitur Ant. et Oratio pro-  
pria, et post eam, si occurrat ea die  
aliquod Fest. simpl., fit de eo comm.  
Postremo ( si id tempus requirit )  
fiunt comm. de S. Maria, de Apost.*

*et de Patrono Ecclesiæ in ordine a-  
liarum comm. secundum illius digni-  
tatem, et ultimo loco de Pace, ut in-  
fra in Vesperis Sabbati.*

*In fine, si discedendum sit a Cho-  
ro, dicitur una ex Ant. B. M., ut ha-  
betur infra post Completorium.*

## DOMINICA

AD PRIMAM.

**Pater noster. Ave Maria. Credo.**  
**̃. Deus** in adjutorium, ut supra.

## HYMNUS.

**JAM** lucis orto sidere  
Deum precemur supplices,  
Ut in diurnis actibus  
Nos servet a nocentibus.

Linguam refrænans temperet,  
Ne litis horror insonet:  
Visum fovendo contegat,  
Ne vanitates hauriat.

Sint pura cordis intima,  
Absistat et vecordia:  
Carnis terat superbiam  
Potus cibique parcitas.

Ut, cum dies abscesserit,  
Noctemque sors reduxerit,  
Mundi per abstinenciam  
Ipsi canamus gloriam.

Deo Patri sit gloria,  
Ejusque soli Filio,  
Cum spiritu Paraclito,  
Nunc et per omne sæculum. Amen.

*In Dom. per Ann. ̃ et temp. Pasch.  
Ant. Alleluia.*

## Psalmus 53.

**DEUS**, in nomine tuo salvum me  
fac: \* et in virtute tua judica me.

Deus exaudi orationem meam: \*  
auribus percipe verba oris mei.

Quoniam alieni insurrexerunt adver-  
sum me, et fortes quæsierunt animam  
meam: \* et non proposuerunt Deum  
ante conspectum suum.

Ecce enim Deus adjuvat me: \* et  
Dominus susceptor est animæ meæ.

Averte mala inimicis meis: \* et in  
veritate tua disperde illos.

Voluntarie sacrificabo tibi, \* et con-

sitebor nomini tuo, Domine, quoniam bonum est.

Quoniam ex omni tribulatione eripuisti me : \* et super inimicos meos despexit oculus meus.

*Sequens Psalm.* Confitemini Domino dicitur tantum in Dom., quando fit Offic. de Dom., ut in Psalt., præterquam in Dom. a Pascha usque ad Pent. A Septuag. vero usque ad Pascha ejus loco dicitur Psalm. Dominus regnavit, ut supra in Laud.

### Psalmus 117.

**C**ONFITEMINI Domino quoniam bonus : \* quoniam in sæculum misericordia ejus.

Dicat nunc Israel quoniam bonus : \* quoniam in sæculum misericordia ejus.

Dicat nunc domus Aaron : \* quoniam in sæculum misericordia ejus.

Dicant nunc qui timent Dominum : \* quoniam in sæculum misericordia ejus.

De tribulatione invocavi Dominum : \* et exaudivit me in latitudine Domini.

Dominus mihi adjutor : \* non timebo quid faciat mihi homo.

Dominus mihi adjutor : \* et ego despiciam inimicos meos.

Bonum est confidere in Domino, \* quam confidere in homine.

Bonum est sperare in Domino, \* quam sperare in principibus.

Omnes gentes circulerunt me : \* et in nomine Domini quia ultus sum in eos.

Circumdantes circumdederunt me : \* et in nomine Domini quia ultus sum in eos.

Circumdederunt me sicut apes, et exarserunt sicut ignis in spinis : \* et in nomine Domini quia ultus sum in eos.

Impulsus eversus sum ut caderem : \* et Dominus suscepit me.

Fortitudo mea, et laus mea Dominus : \* et factus est mihi in salutem.

Vox exultationis et salutis \* in tabernaculis justorum.

Dextera Domini fecit virtutem, dex-

tera Domini exaltavit me : \* dextera Domini fecit virtutem.

Non moriar, sed vivam : \* et narabo opera Domini.

Castigans castigavit me Dominus : \* et morti non tradidit me.

Aperite mihi portas justitiæ ; ingressus in eas confitebor Domino : \* hæc porta Domini, justi intrabunt in eam.

Confitebor tibi quoniam exaudisti me : \* et factus es mihi in salutem.

Lapidem, quem reprobaverunt ædificantes, \* hic factus est in caput anguli.

A Domino factum est istud, \* et est mirabile in oculis nostris.

Hæc est dies, quam fecit Dominus : \* exultemus, et lætemur in ea.

O Domine, salvum me fac, o Domine, bene prosperare : \* benedictus qui venit in nomine Domini.

Benediximus vobis de domo Domini : \* Deus Dominus, et illuxit nobis.

Constituete diem solemnem in condensis, \* usque ad cornu altaris.

Deus meus es tu, et confitebor tibi : \* Deus meus es tu, et exaltabo te.

Confitebor tibi quoniam exaudisti me : \* et factus es mihi in salutem.

Confitemini Domino quoniam bonus : \* quoniam in sæculum misericordia ejus.

### Psalmus 118.

**B**EATI immaculati in via, \* qui ambulant in lege Domini.

Beati, qui scrutantur testimonia ejus : \* in toto corde exquirunt eum.

Non enim qui operantur iniquitatem, \* in viis ejus ambulaverunt.

Tu mandasti \* mandata tua custodiri nimis.

Utinam dirigantur viæ meæ, \* ad custodiendas justificationes tuas !

Tunc non confundar, \* cum perspexero in omnibus mandatis tuis.

Confitebor tibi in directione cordis. \* in eo quod didici judicia justitiæ tuæ.

Justificationes tuas custodiam : \* non me derelinquas usquequaque.

In quo corrigit adolescentior viam suam? \* in custodiendo sermones tuos.

In toto corde meo exquisivi te: \* ne repellas me a mandatis tuis.

In corde meo abscondi eloquia tua; \* ut non peccem tibi.

Benedictus es, Domine: \* doce me justificationes tuas.

In labiis meis \* pronuntiavi omnia judicia oris tui.

In via testimoniorum tuorum delectatus sum, \* sicut in omnibus divitiis.

In mandatis tuis exercebor: \* et considerabo vias tuas.

In justificationibus tuis meditabor: \* non obliviscar sermones tuos.

**RETRIBUE** servo tuo, vivifica me: \* et custodiam sermones tuos.

Revela oculos meos, \* et considerabo mirabilia de lege tua.

Incola ego sum in terra: \* non abscondas a me mandata tua.

Concupivit anima mea desiderare justificationes tuas \* in omni tempore.

Increpasti superbos: \* maledicti qui declinant a mandatis tuis.

Aufer a me opprobrium et contemptum: \* quia testimonia tua exquisivi.

Etenim sederunt principes, et adversum me loquebantur: \* servus autem tuus exercebatur in justificationibus tuis.

Nam et testimonia tua meditatio mea est: \* et consilium meum justificationes tuæ.

Adhæsit pavimento anima mea: \* vivifica me secundum verbum tuum.

Vias meas enuntiavi, et exaudisti me: \* doce me justificationes tuas.

Viam justificationum tuarum instrue me: \* et exercebor in mirabilibus tuis.

Dormitavit anima mea præ tædio: \* confirma me in verbis tuis.

Viam iniquitatis amove a me: \* et de lege tua miserere mei.

Viam veritatis elegi: \* judicia tua non sum oblitus.

Adhæsi testimoniis tuis, Domine: \* noli me confundere.

Viam mandatorum tuorum cucurri, \* cum dilatasti cor meum.

*Sequens Symbolum dicitur in Dom. tantum, quando fit Off. de Dom. ut in Psalt. et in Festo SS. Trinitatis.*

#### SYMBOLUM S. ATHANASII.

**QUICUMQUE** vult salvus esse, \* autem omnia opus est ut teneat Catholicam fidem.

Quam nisi quisque integram inviolatamque servaverit, \* absque dubio in æternum peribit.

Fides autem Catholica hæc est, \* ut unum Deum in Trinitate, et Trinitatem in unitate veneremur.

Neque confundentes personas, \* neque substantiam separantes. \*

Alia est enim persona Patris, alia Filii, \* alia Spiritus sancti.

Sed Patris, et Filii, et Spiritus sancti una est divinitas, \* æqualis gloria, cœterna majestas.

Qualis Pater, talis Filius, \* talis Spiritus sanctus.

Increatus Pater, increatus Filius, \* increatus Spiritus sanctus.

Immensus Pater, immensus Filius, \* immensus Spiritus sanctus.

Æternus Pater, æternus Filius, \* æternus Spiritus sanctus.

Et tamen non tres æterni, \* sed unus æternus.

Sicut non tres increati, nec tres immensi, \* sed unus increatus, et unus immensus.

Similiter omnipotens Pater, omnipotens Filius, \* omnipotens Spiritus sanctus.

Et tamen non tres omnipotentes, \* sed unus omnipotens.

Ita Deus Pater, Deus Filius, Deus Spiritus sanctus.

Et tamen non tres Dii, \* sed unus est Deus.

Ita Dominus Pater, Dominus Filius, Dominus Spiritus sanctus.

Et tamen non tres Domini, \* sed unus est Dominus.

Quia, sicut singillatim unamquamque personam Deum ac Dominum confiteri Christiana veritate compellimur: \*



ita tres Deos aut Dominos dicere Catholica religione prohibemur.

Pater a nullo est factus, \* nec creatus, nec genitus.

Filius a Patre solo est: \* non factus, nec creatus, sed genitus.

Spiritus sanctus a Patre et Filio: \* non factus, nec creatus, nec genitus, sed procedens.

Unus ergo Pater, non tres Patres; unus Filius, non tres Filii; \* unus Spiritus sanctus, non tres Spiritus sancti.

Et in hac Trinitate nihil majus aut minus; \* sed totæ tres personæ cœternæ sibi sunt, et cœquales.

Ita ut per omnia, sicut jam supra dictum est, \* et unitas in Trinitate, et Trinitas in unitate veneranda sit.

Qui vult ergo salvus esse, \* ita de Trinitate sentiat.

Sed necessarium est ad æternam salutem, \* ut incarnationem quoque Domini nostri Jesu Christi fideliter credat.

Est ergo fides recta, ut credamus et confiteamur, \* quia Dominus noster Jesus Christus Dei Filius, Deus et homo est.

Deus est ex substantia Patris ante sæcula genitus: \* et homo est ex substantia matris in sæculo natus.

Perfectus Deus, perfectus homo, \* ex anima rationali, et humana carne subsistens.

Æqualis Patri secundum divinitatem: \* minor Patre secundum humanitatem.

Qui, licet Deus sit et homo; \* non duo tamen, sed unus est Christus.

Unus autem non conversione divinitatis in carnem, \* sed assumptione humanitatis in Deum.

Unus omnino non confusione substantiæ, \* sed unitate personæ.

Nam sicut anima rationalis et caro unus est homo: \* ita Deus et homo unus est Christus.

Qui passus est pro salute nostra, descendit ad inferos: \* tertia die resurrexit a mortuis.

Ascendit ad cælos, sedet ad dexteram Dei Patris omnipotentis: \* inde

venturus est judicare vivos et mortuos.

Ad cujus adventum omnes homines resurgere habent cum corporibus suis: \* et reddituri sunt de factis propriis rationem.

Et qui bona egerunt, ibunt in vitam æternam: \* qui vero mala, in ignem æternum.

Hæc est fides Catholica, \* quam nisi quisque fideliter firmiterque crediderit, salvus esse non poterit. Gloria Patri, etc.

*Ant. Alleluia, alleluia, alleluia.*

*Temp. Pasch. additur aliud Alleluia.*

*Capitulum. I. Tim. I.*

**R**EGI sæculorum immortalis et invisibili, soli Deo honor et gloria in sæcula sæculorum. Amen.

â. Deo gratias.

â. br. Christe, Fili Dei vivi, \* Miserere nobis. *Et repetitur: Christe, Fili Dei vivi, miserere nobis.* †. Qui sedes ad dexteram Patris. â. Miserere nobis. †. Gloria Patri, et Filio, et Spiritui sancto. â. Christe, Fili Dei vivi, miserere nobis †. Exurge, Christe, adjuva nos. â. Et libera nos propter nomen tuum.

*Sequentes preces non dicuntur in Dupl. nec infra Oct., sed tunc dicto. â. brevi, dicitur Dominus vobiscum, et Oratio, Domine, Deus omnipotens, ut infra p. 20.*

**K**YRIE eleison. Christe eleison. Kyrie eleison. Pater noster, *secreto usque ad †.* Et ne nos inducas in tentationem. â. Sed libera nos a malo. Credo, *secreto usque ad †.* Carnis resurrectionem. â. Vitam æternam. Amen. †. Et ego ad te, Domine, clamavi. â. Et mane oratio mea præveniet te. †. Repleatur os meum laude. â. Ut cantem gloriam tuam, tota die magnitudinem tuam. †. Domine, averte faciem tuam a peccatis meis. â. Et omnes iniquitates meas dele. †. Cor mundum crea in me, Deus. â. Et spiritum rectum innova in visceribus meis. †. Ne proijcias me a facie tua. â. Et Spiritum

sanctum tuum ne auferas a me. *ŷ.*  
 Redde mihi lætitiā salutaris tui. *ŷ.*  
 Et spiritu principali confirma me. *ŷ.*  
 Adjutorium nostrum in nomine Domini.  
*ŷ.* Qui fecit cælum et terram.

*Deinde Hebdomadarius facit  
 confessionem.*

**C**ONFITEOR Deo omnipotenti, beatae Mariæ semper virgini, beato Michaeli Archangelo, beato Joanni Baptistæ, sanctis Apostolis Petro et Paulo, omnibus Sanctis, et vobis, fratres, quia peccavi nimis cogitatione, verbo et opere, mea culpa, mea culpa, mea maxima culpa. Ideo precor beatam Mariam semper virginem, beatum Michaëlem Archangelum, beatum Joannem Baptistam, sanctos Apostolos Petrum et Paulum, omnes Sanctos, et vos, fratres, orare pro me ad Dominum Deum nostrum.

*Chorus respondet:*

**M**ISEREATUR tui omnipotens Deus, et dimissis peccatis tuis, perducatur te ad vitam æternam.  
*ŷ.* Amen.

*Deinde repetit confessionem, et ubi dicitur vobis fratres, et vos fratres, dicitur tibi pater, et te pater.*

*Facta confessione a Choro, Hebdomadarius dicit:*

**M**ISEREATUR vestri omnipotens Deus, et dimissis peccatis vestris, perducatur vos ad vitam æternam. *ŷ.* Amen.

**I**NDULGENTIAM, absolutionem et remissionem peccatorum nostrorum tribuat nobis omnipotens et misericors Dominus. *ŷ.* Amen.

*Et prosequitur. ŷ.* Dignare, Domine, die isto. *ŷ.* Sine peccato nos custodire. *ŷ.* Miserere nostri, Domine. *ŷ.* Miserere nostri. *ŷ.* Fiat misericordia tua, Domine, super nos. *ŷ.* Quemadmodum speravimus in te. *ŷ.* Domine, exaudi orationem meam. *ŷ.* Et clamor meus ad te veniat.

*ŷ.* Dominus vobiscum.

*ŷ.* Et cum spiritu tuo.

Oremus. *Oratio.*

**D**OMINE, Deus omnipotens, qui ad principium hujus diei nos pervenire fecisti, tua nos hodie salva virtute: ut in hac die ad nullum declinemus peccatum, sed semper ad tuam justitiam faciendam nostra procedant eloquia, dirigantur cogitationes et opera. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum.

*ŷ.* Amen.

*ŷ.* Dominus vobiscum.

*ŷ.* Et cum spiritu tuo.

*ŷ.* Benedicamus Domino.

*ŷ.* Deo gratias.

*Deinde in Choro legitur Martyrologium. Et quando dicenda est Prima de B. M., præponitur lectioni Martyrol. Postea Hebdom. dicit. ŷ.* Pretiosa in conspectu Domini. *ŷ.* Mors Sanctorum ejus. *Et absolute sine Oremus.*

*Oratio.*

**S**ANCTA Maria, et omnes Sancti intercedant pro nobis ad Dominum, ut nos mereamur ab eo adjuvari et salvari, qui vivit et regnat in sæcula sæculorum.

*ŷ.* Amen.

*ŷ.* Deus, in adjutorium meum intende. *ŷ.* Domine, ad adjuvandum me festina. *Et dicitur ter: ultimo additur. Gloria Patri. Sicut erat. Kyrie eleison. Christe eleison. Kyrie eleison. Pater noster, secreto. ŷ.* Et ne nos inducas in tentationem. *ŷ.* Sed libera nos a malo. *ŷ.* Respice in servos tuos, Domine, et in opera tua, et dirige filios eorum. *ŷ.* Et sit splendor Domini Dei nostri super nos, et opera manuum nostrarum dirige super nos, et opus manuum nostrarum dirige. *ŷ.* Gloria Patri. *ŷ.* Sicut erat.

Oremus. *Oratio.*

**D**IRIGERE et santificare, regere et gubernare dignare, Domine Deus, Rex cœli et terræ, hodie corda et corpora nostra, sensus, sermo-

nes et actus nostros in lege tua, et in operibus mandatorum tuorum, ut hic, et in æternum, te auxiliante, salvi et liberi esse mereamur, Salvator mundi: Qui vivis et regnas in sæcula sæculorum. *ñ. Amen.*

*ŷ. Jube, domne, benedicere.*

*Bened.* Dies et actus nostros in sua pace disponat Dominus omnipotens. *ñ. Amen.*

*Ad Absolut. Capit. in Dom. et Fer. per Ann., ab Oct. Epiph. usque ad Dom. I. Quadrag. et ab Oct. Pent. usque ad Adv. exclusive.*

*Lectio brevis. II. Thess. 3.*

**D**OMINUS autem dirigat corda et corpora nostra in charitate Dei, et patientia Christi. Tu autem, Domine, miserere nobis.

*ñ. Deo gratias.*

*A Dom. I. Adv. usque ad Vigil. Nativ. Domini exclusive.*

*Isaie 33.*

**D**OMINE, miserere nostri: te enim expectavimus: esto brachium nostrum in mane, et salus nostra in tempore tribulationis. Tu autem.

*A Dom. I. Quadrag. usque ad Dom. Pass. exclusive.*

*Isaie 55.*

**Q**UERITE Dominum, dum inveniri potest: invocate eum dum prope est. Tu autem.

*A Dom. Pass. usque ad Fer. v. in Cæna Domini exclusive.*

*Isaie 50.*

**F**ACIEM meam non averti ab increpantibus et conspuentibus in me. Dominus Deus auxiliator meus, et ideo non sum confusus. Tu autem.

*A Dom. Resurr. usque ad Ascens. exclusive. Coloss. 3.*

**S**I consurrexistis cum Christo, quæ sursum sunt quærite, ubi Christus est in dextera Dei sedens: quæ sursum sunt sapite, non quæ super terram. Tu autem.

*Post Lect. brev. dicitur ŷ. Adjutorium nostrum in nomine Domini ñ. Qui fecit cælum et terram. ŷ. Benedicite: ñ. Deus. Bened.* Dominus nos benedicat, et ab omni malo defendat, et ad vitam perducatur æternam; et fidelium animæ per misericordiam Dei requiescant in pace. *ñ. Amen.*

## IN FERIALI OFFICIO

*extra tempus Paschale.*

*AD PRIMAM.*

*Pater noster. Ave Maria. Credo. ŷ. Deus in adjutorium, ut supra. Hymnus Jam lucis orto sidere, ut supra, p. 16.*

*Per Ann. Ant. Beati qui ambulant.*

*Tem. Adv. Ant. de Laud. Dom. aut ex propriis Laud.*

*Temp. Quadrag. Ant. Vivo ego.*

*Temp. Pass. Ant. Libera me, Domine.*

*Psalm. 53. Deus, in domine tuo.*

*Dein loco Psalmi Confitemini, dicitur unus ex infrascriptis Psalm. secundum Fer. distinctis; Sabbato autem dicuntur tantum tres Psalmi sicut in Festis.*

## FERIA SECUNDA

*Psalmus 23.*

**D**OMINI est terra, et plenitudo ejus: \* orbis terrarum et universi qui habitant in eo.

*Quia ipse super maria fundavit eum: \* et super flumina præparavit eum.*

*Quis ascendet in montem Domini? \* aut quis stabit in loco sancto ejus?*

*Innocens manibus, et mundo corde, \* qui non accepit in vano animam suam, nec juravit in dolo proximo suo.*

*Hic accipiet benedictionem a Domino, \* et misericordiam a Deo salutaris suo.*

*Hæc est generatio quærentium eum, \* quærentium faciem Dei Jacob.*

*Attollite portas, principes, vestras, et elevamini, portæ æternales: \* et introibit Rex gloriæ.*

*Quis est iste Rex gloriæ? \* Domi-*



us fortis et potens, Dominus potens, in prælio.

Attollite portas, principes, vestras, et elevamini, portæ æternales; et introibit Rex gloriæ.

Quis est iste Rex gloriæ? Dominus virtutum ipse est rex gloriæ.

### FERIA TERTIA

#### Psalmus 24.

**A**d te, Domine, levavi animam meam: Deus meus, in te confido, non erubescam.

Neque irrideant me inimici mei: etenim universi, qui sustinent te, non confundentur.

Confundantur omnes iniqua agentes supervacue.

Vias tuas, Domine, demonstra mihi: et semitas tuas edoce me.

Dirige me in veritate tua, et doce me: quia tu es Deus salvator meus et te sustinui tota die.

Reminiscere miserationum tuarum, Domine, et misericordiarum tuarum, quæ a sæculo sunt.

Delicta juventutis meæ, et ignorantias meas ne memineris.

Secundum misericordiam tuam memento mei tu, propter bonitatem tuam, Domine.

Dulcis et rectus Dominus: propter hoc legem dabit delinquentibus in via.

Diriget mansuetos in iudicio: docebit mites vias suas.

Universæ viæ Domini misericordia et veritas, requirentibus testamentum ejus et testimonia ejus.

Propter nomen tuum, Domine, propitiaberis peccato meo: multum est enim.

Quis est homo qui timet Dominum? legem statuit ei in via, quam elegit.

Anima ejus in bonis demorabitur: et semen ejus hæreditabit terram.

Firmamentum est Dominus timentibus eum: et testamentum ipsius ut manifestetur illis.

Oculi mei semper ad Dominum: quoniam ipse evellet de laqueo pedes meos.

Respire in me, et miserere mei: quia unicus et pauper sum ego.

Tribulationes cordis mei multiplicatæ sunt: de necessitatibus meis erue me.

Vide humilitatem meam et laborem meum: et dimitte universa delicta mea.

Respice inimicos meos quoniam multiplicati sunt, et odio iniquo oderunt me.

Custodi animam meam, et erue me: non erubescam, quoniam speravi in te.

Innocentes et recti adhæserunt mihi: quia sustinui te.

Libera, Deus, Israel, ex omnibus tribulationibus suis.

### FERIA QUARTA

#### Psalmus 25.

**J**UDICA me, Domine, quoniam ego in innocentia mea ingressus sum: et in Domino sperans non infirmabor.

Proba me, Domine, et tenta me: ure renes meos, et cor meum.

Quoniam misericordia tua ante oculos meos est: et complacui in veritate tua.

Non sedi cum concilio vanitatis: et cum iniqua gerentibus non introibo.

Odivi ecclesiam malignantium: et cum impiis non sedebo.

Lavabo inter innocentes manus meas: et circumdabo altare tuum, Domine.

Ut audiam vocem laudis, et clarrem universa mirabilia tua.

Domine, dilexi decorem domus tuæ, et locum habitationis gloriæ tuæ.

Ne perdas cum impiis, Deus, animam meam, et cum viris sanguinum vitam meam.

In quorum manibus iniquitates sunt: dextera eorum repleta est muneribus.

Ego autem in innocentia mea ingressus sum: redime me, et miserere mei.

Pes meus stetit in directo: in ecclesiis benedicam te, Domine.

### FERIA QUINTA

#### Psalmus 22.

**D**OMINUS regit me, et nihil mihi deerit: in loco pascuæ ibi me collocavit.

Super aquam refectionis educavit me: \* animam meam convertit.

Deduxit me super semitas justitiæ, \* propter nomen suum.

Nam etsi ambulavero in medio umbræ mortis, non timebo mala: \* quoniam tu mecum es.

Virga tua, et baculus tuus: \* ipsa me consolata sunt.

Parasti in conspectu meo mensam, \* adversus eos qui tribulant me.

Impinguasti in oleo caput meum: \* et calix meus inebrians quam præclarus est!

Et misericordia tua subsequetur me \* omnibus diebus vitæ meæ:

Et ut inhabitem in domo Domini, \* in longitudinem dierum.

## FERIA SEXTA

### Psalmus 31.

**D**EUS, Deus meus, respice in me: quare me dereliquisti? \* longe a salute mea verba delictorum meorum.

Deus meus, clamabo per diem, et non exaudies: \* et nocte, et non ad insipientiam mihi.

Tu autem in sancto habitas, \* Laus Israel.

In te speraverunt patres nostri: \* speraverunt, et liberasti eos.

Ad te clamaverunt, et salvi facti sunt: in te speraverunt, et non sunt confusi.

Ego autem sum vermis, et non homo: \* opprobrium hominum, et abjectio plebis.

Omnes videntes me deriserunt me: \* locuti sunt labiis, et moverunt caput:

Speravit in Domino, eripiat eum, \* salvum faciat eum, quoniam vult eum.

Quoniam tu es, qui extraxisti me de ventre: \* spes mea ab uberibus matris meæ. In te projectus sum ex utero:

De ventre matris meæ Deus meus es tu, \* ne discesseris a me.

Quoniam tribulatio proxima est; \* quoniam non est qui adjuvet.

Circumdederunt me vituli multi: \* tauri pingues obsederunt me.

Aperuerunt super me os suum, \* sicut leo rapiens et rugiens.

Sicut aqua effusus sum, \* et dispersa sunt omnia ossa mea.

Factum est cor meum tanquam cera liquescens \* in medio ventris mei.

Aruit tanquam testa virtus mea, et lingua mea adhæsit faucibus meis: \* et in pulverem mortis deduxisti me.

Quoniam circumdederunt me canes multi: \* concilium malignantium obsedit me.

Foderunt manus meas et pedes meos: \* dinumeraverunt omnia ossa mea.

Ipsi vero consideraverunt et inspexerunt me: \* diviserunt sibi vestimenta mea, et super vestem meam miserunt sortem.

Tu autem, Domine, ne elongaveris auxilium tuum a me: \* ad defensionem meam conspice.

Erue a framea, Deus, animam meam: \* et de manu canis uncam meam.

Salva me ex ore leonis: \* et a cornibus unicornium humilitatem meam.

Narrabo nomen tuum fratribus meis: \* in medio ecclesiæ laudabo te.

Qui timetis Dominum, laudate eum: \* universum semen Jacob, glorificate eum.

Timeat eum omne semen Israel: quoniam non sprexit, neque despexit deprecationem pauperis:

Nec avertit faciem suam a me: \* et cum clamarem ad eum, exaudivit me.

Apud te laus mea in ecclesia magna: \* vota mea reddam in conspectu timentium eum.

Edent pauperes, et saturabuntur, et laudabunt Dominum, qui requirunt eum: \* vivent corda eorum in sæculum sæculi.

Reminiscentur, et convertentur ad Dominum \* universi fines terræ.

Et adorabunt in conspectu ejus \* universæ familiæ Gentium.

Quoniam Domini est regnum, \* et ipse dominabitur Gentium.

Manducaverunt, et adoraverunt omnes pingues terræ: \* in conspectu ejus cadent omnes, qui descendunt in terram.

Et anima mea illi vivet : \* et semen meum serviet ipsi.

Annuntiabitur Domino generatio ventura : \* et annuntiabunt cæli justitiam ejus populo qui nascetur, quem fecit Dominus.

*Sabbato nihil additur, ut supra in Rubrica, p. xli.*

*Deinde dicitur Psalm. Beati immaculati, ut supra, p. 17.*

*Per Ann. Ant. Beati qui ambulant in lege tua, Domine.*

*Temp. Adv. Ant. ex Laud. Dom. aut ex propriis Laud.*

*Temp. Quadrag. Ant. Vivo ego, dicit Dominus: nolo mortem peccatoris, sed ut magis convertatur, et vivat.*

*Temp. Pass. Ant. Libera me, Domine, et pono me juxta te: et cujusvis manus pugnet contra me.*

*Capitulum. Zachariæ 8.*

**P**ACEM et veritatem diligite, ait Dominus omnipotens.

ñ. Deo gratias.

ñ. br. Christe, Fili Dei vivi, \* Miserere nobis. Et repet. Christe, Fili Dei vivi, miserere nobis. ŷ. Qui sedes ad dexteram Patris. ñ. Miserere nobis. ŷ. Gloria Patri, et Filio, et Spiritui sancto. ñ. Christe, Fili Dei vivi, miserere nobis. ŷ. Exurge, Christe, adjuva nos. ñ. Et libera nos propter nomen tuum.

**K**YRIE eleison. Christe eleison. Kyrie eleison. Pater noster, secreto usque ad ŷ. Et ne nos inducas in tentationem. ñ. Sed libera nos a malo.

*Credo in Deum, secreto usque ad ŷ. Carnis resurrectionem.*

κ. Vitam æternam. Amen.

ŷ. Et ego ad te, Domine, clama- vi. ñ. Et mane oratio mea præveniet te. ŷ. Repleatur os meum laude. ñ. Ut cantem gloriam tuam, tota die magnitudinem tuam. ŷ. Domine, averte faciem tuam a peccatis meis. ñ. Et omnes iniquitates meas dele. ŷ. Cor mundum crea in me, Deus ñ. Et spiritum rectum innova in visceribus meis.

ŷ. Ne projicias me a facie tua. ñ. Et Spiritum sanctum tuum ne auferas a me. ŷ. Redde mihi lætitiā salutaris tui. ñ. Et spiritu principali confirma me.

*Quando ad Laud. non sunt dictæ Preces feriales, statim dicitur Adjutorium nostrum, et Confiteor Deo, ut in dom. ad Primam, p. 20.*

*Quando autem ad Laud. dictæ sunt Preces feriales inferius positæ post Laud. Fer. ij, tunc ad Primam prædictæ Preces et seq. dicuntur flexis genibus.*

ŷ. Eripe me, Domine, ab homine malo. ñ. A viro iniquo eripe me. ŷ. Eripe me de inimicis meis, Deus meus. ñ. Et ab insurgentibus in me libera me. ŷ. Eripe me de operantibus iniquitatem. ñ. Et de viris sanguinum salva me. ŷ. Sic psalmum dicam nomini tuo in sæculum sæculi. ñ. Ut reddam vota mea de die in diem. ŷ. Exaudi nos, Deus salutaris noster. ñ. Spes omnium finium terræ, et in mari longe. ŷ. Deus, in adjutorium meum intende. ñ. Domine, ad adjuvandum me festina. ŷ. Sanctus Deus, sanctus fortis, sanctus immortalis. ñ. Miserere nobis. ŷ. Benedic, anima mea, Domino. ñ. Et omnia quæ intra me sunt, nomini sancto ejus. ŷ. Benedic, anima mea, Domino. ñ. Et noli oblivisci omnes retributiones ejus. ŷ. Qui propitiatur omnibus iniquitatibus tuis. ñ. Qui sanat omnes infirmitates tuas. ŷ. Qui redimit de interitu vitam tuam. ñ. Qui coronat te in misericordia et miserationibus. ŷ. Qui replet in bonis desiderium tuum. ñ. Renovabitur, ut aquilæ, juvenus tua. ŷ. Adjutorium nostrum in nomine Domini. ñ. Qui fecit cælum et terram.

*Deinde Hebdom. facit Confess. Confiteor Deo. Reliqua ut in Dom. ad Primam, p. 20.*

## IN FIERIALI OFFICIO.

*tempore Paschali, et in Festis per Annum.*

*Post Psalm Deus in nomine tuo,*



*dicitur tantum Psalm. Beati immaculati et Retribue.*

*Deinde Ant. competens et reliq. ut supra in Dom., sed in Duplicibus et infra Oct. non dicuntur Preces. Dicto Benedicamus Domino, dicitur Prima de B. M., si dicenda est; postea legitur Martyrol. in Choro. Deinde dicitur y. Pretiosa, cum reliquis ut supra.*

*Ad Absolutionem. Capituli in Festis dicitur Capitulum Nonæ.*

## AD TERTIAM.

**Pater noster. Ave Maria. Deus in adjutorium.**

## HYMNUS.

**N**UNC sancte nobis Spiritus,  
Unum Patri cum Filio,  
Dignare promptus ingeri  
Nostro refusus pectori.

Os, lingua, mens, sensus, vigor,  
Confessionem personent,  
Flammescat igne charitas  
Accendat ardor proximos.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum Amen.

*In Dom. per Ann., et temp. Pasch. Ant. Alleluia.*

*In feriali Offic. per Ann. Ant. Deduc me.*

*Temp. Adv. Ant. de Laud. Dom. aut ex propriis Laud.*

*Temp. Quadrag. Ant. Advenerunt nobis.*

*Temp. Pass. Ant. Judicasti, Domine.*

## Psalmus.

**L**EGEM pone mihi, Domine, viam  
justificationum tuarum: et exquiram eam semper.

Da mihi intellectum, et scrutabor  
legem tuam: et custodiam illam in  
toto corde meo.

Deduc me in semitam mandatorum  
tuorum: quia ipsam volui.

Inclina cor meum in testimonia tua:  
et non in avaritiam.

Averte oculos meos ne videant vanitatem: in via tua vivifica me.

Statue servo tuo eloquium tuum, in timore tuo.

Amputa opprobrium meum, quod suspicatus sum: quia judicia tua jucunda.

Ecce concupivi mandata tua in æquitate tua vivifica me.

Et veniat super me misericordia tua, Domine: salutare tuum secundum eloquium tuum.

Et respondebo exprobrantibus mihi verbum: quia speravi in sermonibus tuis.

Et ne auferas de ore meo verbum veritatis usquequaque: quia in judiciis tuis supersperavi.

Et custodiam legem tuam semper: in sæculum et in sæculum sæculi.

Et ambulabam in latitudine: quia mandata tua exquisivi.

Et loquebar de testimoniis tuis in conspectu regum: et non confundebar.

Et meditabar in mandatis tuis, quæ dilexi.

Et levavi manus meas ad mandata tua, quæ dilexi: et exercebar in justificationibus tuis.

**M**EMOR esto verbi tui servo tuo, in quo mihi spem dedisti.

Hæc me consolata est in humilitate mea: quia eloquium tuum vivificavit me.

Superbi inique agebant usquequaque: a lege autem tua non declinavi.

Memor fui judiciorum tuorum a sæculo, Domine: et consolatus sum.

Defectio tenuit me, pro peccatoribus derelinentibus legem tuam.

Cantabiles mihi erant justificationes tuæ, in loco peregrinationis meæ.

Memor fui nocte nominis tui, Domine: et custodivi legem tuam.

Hæc facta est mihi: quia justificationes tuas exquisivi.

Portio mea, Domine, dixi, custodire legem tuam.

Deprecatus sum faciem tuam in toto corde meo: miserere mei secundum eloquium tuum.

Cogitavi vias meas : \* et converti pedes meos in testimonia tua.

Paratus sum , et non sum turbatus : \* ut custodiam mandata tua.

Funes peccatorum circumplexi sunt me , \* et legem tuam non sum oblitus.

Media nocte surgebam ad confitendum tibi , \* super iudicia justificationis tuæ.

Particeps ego sum omnium timentium te , \* et custodientium mandata tua.

Misericordia tua , Domine , plena est terra : \* justificationes tuas doce me.

**B**ONITATEM fecisti cum servo tuo, Domine, \* secundum verbum tuum.

Bonitatem, et disciplinam, et scientiam doce me : \* quia mandatis tuis credidi.

Priusquam humiliarer, ego deliqui : \* propterea eloquium tuum custodivi.

Bonus es tu : \* et in bonitate tua doce me justificationes tuas.

Multiplicata est super me iniquitas superbiorum : \* ego autem in toto corde meo scrutabor mandata tua.

Coagulatum est sicut lac cor eorum : \* ego vero legem tuam meditatus sum.

Bonum mihi quia humiliasti me , \* ut discam justificationes tuas.

Bonum mihi lex oris tui , \* super millia auri et argenti.

Manus tuæ fecerunt me , et plasmaverunt me : \* da mihi intellectum, et discam mandata tua.

Qui timent te , videbunt me , et lætabuntur : \* quia in verba tua super speravi.

Cognovi , Domine , quia æquitas iudicia tua : \* et in veritate tua humiliasti me.

Fiat misericordia tua ut consoletur me , \* secundum eloquium tuum servo tuo.

Veniant mihi miserationes tuæ , et vivam : \* quia lex tua meditatio mea est.

Confundantur superbi , quia injuste iniquitatem fecerunt in me : \* ego autem exercebor in mandatis tuis.

Convertantur mihi timentes te : \* et qui noverunt testimonia tua.

Fiat cor meum immaculatum in justificationibus tuis , \* ut non confundar.

*Ant. Alleluia , alleluia , alleluia.*

*Temp. Pasch. additur aliud Alleluia.*

*Sequens Capit. et alia in aliis Horis dicuntur in Dom. a II. post Epiph. usque ad Septuag., et a III. post Pentec. usque ad Adv. Responsoria breviter etiam usque ad Dom. I. Quadrag.: similiter et quæ sequuntur in ser. Offic.*

*Capitulum. I. Joan. 4.*

**D**EUS charitas est : et qui manet in charitate , in Deo manet, et Deus in eo.

*â. br. Inclina cor meum , Deus , \* In testimonia tua. Inclina. y. Averte oculos meos , ne videant vanitatem : in via tua vivifica me. In testimonia tua. Gloria. Inclina cor. y. Ego dixi, Domine , miserere mei. â. Sana animam meam , quia peccavi tibi.*

*In ser. Offic. per Ann. Ant. Deduc me , Domine , in semitam mandatorum tuorum.*

*Capitulum. Jerem. 17.*

**S**ANA me , Domine , et sanabor : salvum me fac , et salvus ero : quoniam laus mea tu es.

*â. br. Sana animam meam , \* Quia peccavi tibi. Sana. y. Ego dixi, Domine , miserere mei. Quia. Gloria. Sana. y. Adjutor meus esto , ne derelinquas me. â. Neque despicias me , Deus , salutaris meus.*

*Quando ad Matut. dictæ sunt Preces , ad Tertiam, Sextam et Nonam flexis genibus dicitur.*

Kyrie eleison. Christe eleison. Kyrie eleison. Pater noster , *secreto. y. Et ne nos inducas in tentationem. â. Sed libera nos a malo. y. Domine , Deus virtutum , converte nos. Et ostende faciem tuam , et salvi erimus. y. Exurge , Christe , adjuva nos. â. Et libera nos propter nomen tuum. y. Domine , exaudi orationem meam.*

â. Et clamor meus ad te veniat. ŷ. Dominus vobiscum. â. Et cum spiritu tuo.

*Oratio conveniens.*

*Temp. Adv. in ser. Offic. Ant. de Laud. Dom. aut ex propriis Laud.*

*Capitulum. Jerem. 23.*

**ECC**E dies veniunt, dicit Dominus, et suscitabo David germen justum: et regnabit Rex, et sapiens erit, et faciet judicium et justitiam in terra. â. Deo gratias.

â. br. Veni ad liberandum nos Domine Deus virtutum. Veni ŷ. Ostende faciem tuam, et salvi erimus. Domine. Gloria. Veni. ŷ. Timebunt Gentis nomen tuum, Domine. â. Et omnes reges terræ gloriam tuam. Kyrie eleison, ut supra.

*Oratio conveniens.*

*Temp. Quadrag. in ser. Offic. Ant. Advenerunt nobis dies pœnitentiæ, ad redimenda peccata, ad salvandas animas.*

*Capitulum. Joëlis 2.*

**C**ONVERTIMINI ad me in toto corde vestro, in jejunio, et fletu et planctu. Et scindite corda vestra, et non vestimenta vestra, ait Dominus omnipotens.

â. br. Ipse liberavit me. \* De laqueo venantium. Ipse. ŷ. Et a verbo aspero. De laqueo. Gloria. Ipse liberavit. ŷ. Scapulis suis obumbrabit tibi â. Et sub pennis ejus sperabis. Kyrie eleison, ut supr.

*Oratio conveniens.*

*Temp. Pass. in ser. Offic. Ant. Judicasti, Domine, causam animæ meæ, defensor vitæ meæ; Domine Deus meus.*

*Capitulum Jerem. 17.*

**D**OMINE, omnes qui te derelinquant, confundentur: recedentes a te, in terra scribentur: quoniam dereliquerunt venam aquarum viventium Dominum.

â. br. Erue a framea, \* Deus, animam meam. Erue. ŷ. Et de manu canis unicam meam. Deus. Erue a framea. ŷ. De ore leonis libera me, Domine. â. Et a cornibus unicornium humilitatem meam. Kyrie eleison, p. 26.

*Oratio conveniens.*

*Temp. Pasch. in ser. Offic. Ant. Alleluia, allel. allel. allel.*

*Capitulum Rom. 6.*

**C**HRISTUS resurgens ex mortuis, jam non moritur, mors illi ultra non dominabitur. Quod enim mortuus est peccato, mortuus est semel; quod autem vivit, vivit Deo.

â. br. Surrexit Dominus de sepulchro, \* Alleluia, allel. Surrexit. ŷ. Qui pro nobis pependit in ligno. Alleluia. allel. Gloria. Surrexit. ŷ. Surrexit Dominus vere, allel. â. Et apparuit Simoni, alleluia.

*Oratio conveniens.*

AD SEXTAM

Pater noster. Ave Maria. Deus in adjutorium.

HYMNUS

**R**ECTOR potens, verax Deus, Qui temperas rerum vices, Splendore mane illuminas, Et ignibus meridiem:

Extingue flammam litium, Aufer calorem noxium, Confer salutem corporum, Veramque pacem cordium.

Pœsta, Pater piissime, Patrique compar Unice, Cum Spiritu Paraclito Regnans per omne sæculum. Amen.

*In Dom. per Ann. et temp. Pasch. Ant. Alleluia.*

*In ser. Offic. per Ann. Ant. Adjuva me.*

*Temp. Adv. Ant. de Laud. Dom. aut ex propriis Laud.*

*Temp. Quadrag. Ant. Commendemus nosmetipsos.*

*Temp. Pass. Ant. Popule meus.*

Psalmus.

**D**EFECIT in salutare tuum anima mea: \* et in verbum tuum supersperavi.

Defecerunt oculi mei in eloquium tuum, \* dicentes: Quando consolaberis me?



Quia factus sum sicut uter in pruína : \* justificationes tuas non sum oblitus.

Quot sunt dies servi tui : \* quando facies de persequentibus me iudicium ?

Narraverunt mihi iniqui fabulationes : \* sed non ut lex tua.

Omnia mandata tua veritas : \* inique persecuti sunt me , adjuva me.

Paulo minus consumaverunt me in terra : \* ego autem non dereliqui mandata tua.

Secundum misericordiam tuam vivifica me : \* et custodiam testimonia oris tui.

In æternum , Domine , \* verbum tuum permanet in cælo.

In generationem et generationem veritas tua : \* fundasti terram , et permanet.

Ordinatione tua perseverat dies : \* quoniam omnia serviunt tibi.

Nisi quod lex tua meditatio mea est , \* tunc forte periissem in humilitate mea.

In æternum non obliviscar justificationes tuas : \* quia in ipsis vivificasti me.

Tuus sum ego , salvum me fac : \* quoniam justificationes tuas exquisivi.

Me expectaverunt peccatores ut perderent me : \* testimonia tua intellexi.

Omnis consummationis vidi finem : \* latum mandatum tuum nimis.

**QUOMODO** dilexi legem tuam , Domine ? \* tota die meditatio mea est.

Super inimicos meos prudentem me fecisti mandato tuo : \* quia in æternum mihi est.

Super omnes docentes me intellexi : \* quia testimonia tua meditatio mea est.

Super senes intellexi : \* quia mandata tua quæsivi

Ab omni via mala prohibui pedes meos : \* ut custodiam verba tua.

A iudiciis tuis non declinavi : \* quia tu legem posuisti mihi.

Quam dulcia faucibus meis eloquia tua ! \* super mel ori meo.

A mandatis tuis intellexi : \* propterea odivi omnem viam iniquitatis.

Lucerna pedibus meis verbum tuum , \* et lumen semitis meis.

Juravi et statui \* custodire iudicia justitiæ tuæ.

Humiliatus sum usquequaque , Domine : \* vivifica me secundum verbum tuum.

Voluntaria oris mei beneplacita fac , Domine : \* et iudicia tua doce me.

Anima mea in manibus meis semper : \* et legem tuam non sum oblitus.

Posuerunt peccatores laqueum mihi : et de mandatis tuis non erravi.

Hereditate acquisivi testimonia tua in æternum : quia exultatio cordis mei sunt.

Inclinavi cor meum ad faciendas justificationes tuas in æternum , \* propter retributionem.

**INIQUOS** odio habui : \* et legem tuam dilexi

Adjutor et susceptor meus es tu : et in verbum tuum supersperavi.

Declinate a me , maligni : \* et scrutabor mandata Dei mei.

Suscipe me secundum eloquium tuum et vivam : \* et non confundas me ab expectatione mea.

Adjuva me , et salvus ero : \* et meditabor in justificationibus tuis semper.

Sprevisti omnes discedentes a iudiciis tuis : \* quia injusta cogitatio eorum.

Prævaricantes reputavi omnes peccatores terræ : \* ideo dilexi testimonia tua.

Confige timore tuo carnes meas : \* a iudiciis enim tuis timui.

Feci iudicium et justitiam : \* non tradas me calumniantibus me.

Suscipe servum tuum in bonum : \* non calunnientur me superbi.

Oculi mei defecerunt in salutare tuum : \* et in eloquium justitiæ tuæ.

Fac cum servo tuo secundum misericordiam tuam : \* et justificationes tuas doce me.

Servus tuus sum ego : \* da mihi intellectum , ut sciam testimonia tua.

Tempus faciendi , Domine : \* dissipaverunt legem tuam.

Ideo dilexi mandata tua , \* super aurum et topation.

Propterea ad omnia mandata tua dirigebar : \* omnem viam iniquam odio habui.

Ant. Alleluia , allel. allel.

Temp. Pasch. additur aliud. Alleluia.

Capitulum. Galat. 6.

**ALTER** alterius onera portate , et sic adimplebitis legem Christi.

ñ. br. In æternum , Domine , \* Permanet verbum tuum. In æternum. ÿ. In sæculum sæculi veritas tua. Permanet. Gloria. In æternum. ÿ. Dominus regit me , et nihil mihi deerit. ñ. In loco pascuæ ibi me collocavit.

In fer. Offic. per Ann. Ant. Adjuya me , et salvus ero , Domine.

Capit. Alter alterius.

ñ. br. Benedicam Dominum , \* In omni tempore. Benedicam. ÿ. Semper laus ejus in ore meo. In omni. Gloria. Benedicam. ÿ. Dominus regit me , et nihil mihi deerit. ñ. In loco pascuæ ibi me collocavit. Kyrie eleison , etc. , si dicendum sit , ut supra ad Tertiam , p. 26.

Temp. Adv. in fer. Offic. Ant. de Laud. Dom. aut ex propriis Laud.

Capitulum. Jerem. 33.

**IN** diebus illis salvabitur Juda , et Israel habitabit confidenter : et hoc est nomen , quod vocabunt eum , Dominus justus noster.

ñ. br. Ostende nobis , Domine , \* Misericordiam tuam. Ostende. ÿ. Et salutare tuum da nobis. Misericordiam. Gloria. Ostende. ÿ. Memento nostri , Domine , in beneplacito populi tui. ñ. Visita nos in salutari tuo. Kyrie eleison , p. 26.

Oratio conveniens.

Temp. Quadrag. in fer. Offic. Ant. Commendemus nosmetipsos in multa patientia , in jejuniis multis , per arma justitiæ.

Capitulum. Isaie 55.

**DERELINQUAT** impius viam suam , et vir iniquus cogitatio-

nes suas , et revertatur ad Dominum , et miserebitur ejus ; et ad Deum nostrum , quoniam multus est ad ignoscendum.

ñ. br. Scapulis suis , \* Obumbrabit tibi. Scapulis. ÿ. Et sub pennis ejus sperabis. Obumbrabit tibi. Gloria. Scapulis. ÿ. Scuto circumdabit te veritas ejus. ñ. Non timebis a timore nocturno. Kyrie eleison , p. 26.

Oratio conveniens.

Temp. Pass. in fer. Offic. Ant. Popule meus , quid feci tibi , aut quid molestus fui ? Responde mihi.

Capitulum. Jerem. 17.

**CONFUNDANTUR** qui me persequuntur , et non confundar ego ; paveant illi , et non paveam ego : induc super eos diem afflictionis , et duplici contritione contere eos , Domine Deus noster.

ñ. br. De ore leonis , \* Libera me. Domine. De ore. ÿ. Et a cornibus unicornium humilitatem meam. Libera. De ore. ÿ. Ne perdas cum impiis , Deus , animam meam. ñ. Et cum viris sanguinum vitam meam. Kyrie eleison , p. 26.

Oratio conveniens.

Temp. Pasch. in fer. Offic. Ant. Alleluia , allel. allel. allel.

Capitulum. I Cor. 15.

**CHRISTUS** resurrexit a mortuis , primitiæ dormientium : quoniam quidem per hominem mors , et per hominem resurrectio mortuorum. Et sicut in Adam omnes moriuntur , ita et in Christo omnes vivificabuntur.

ñ. br. Surrexit Dominus vere , \* Alleluia , allel. Surrexit. ÿ. Et apparuit Simoni. Alleluia , allel. Gloria. Surrexit. ÿ. Gavisus sunt discipuli , alleluia. ñ. Viso Domino , alleluia.

Oratio conveniens.

AD NONAM.

Pater noster. Ave Maria. Deus in adjutorium.

HYMNUS.

**RERUM** Deus tenax vigor ,  
Immotus in te permanens.

Lucis diurnæ tempora  
Successibus determinans :

Largire lumen vespere ,  
Quo vita nusquam decidat  
Sed præmium mortis sacræ  
Perennis instet gloria.

Præsta , Pater piissime ,  
Patrique compar Unice ,  
Cum Spiritu Paraclito  
Regnans per omne sæculum. Amen.

*In Dom. per Ann. et temp. Pasch.*  
*Ant. Alleluia.*

*In ser. Offic. per Ann. Ant. Aspi-*  
*ce in me.*

*Temp. Adv. Ant. de Laud. Dom.*  
*aut ex propriis Laud.*

*Temp. Quadrag. Ant. Per arma ju-*  
*stitiæ.*

*Temp. Pass. Ant. Numquid red-*  
*ditur.*

### Psalmus.

**M**IRABILIA testimonia tua : \*  
ideo scrutata est ea anima mea.

Declaratio sermonum tuorum illumi-  
nat : et intellectum dat parvulis.

Os meum aperui, et attraxi spiritum : \*  
quia mandata tua desiderabam.

Aspice in me, et miserere mei : \* se-  
cundum judicium diligentium nomen  
tuum.

Gressus meos dirige secundum elo-  
quium tuum : \* et non dominetur mei  
omnis injustitia.

Redime me a calumniis hominum : \*  
ut custodiam mandata tua.

Faciem tuam illumina super servum  
tuum : \* et doce me justificationes tuas.

Exitus aquarum deduxerunt oculi  
mei : \* quia non custodierunt legem  
tuam.

Justus es, Domine : \* et rectum ju-  
dicium tuum.

Mandasti justitiam testimonia tua : \*  
et veritatem tuam nimis.

Tabescere me fecit zelus meus : \*  
quia obliti sunt verba tua inimici mei.

Ignitum eloquium tuum vehemen-  
ter : \* et servus tuus dilexit illud.

Adolescentulus sum ego, et contem-  
ptus : \* justificationes tuas non sum  
oblitus.

### AD NONAM.

Justitia tua, justitia in æternum : \*  
et lex tua veritas.

Tribulatio et angustia invenerunt  
me : \* mandata tua meditatio mea est.

Æquitas testimonia tua in æternum : \*  
intellectum da mihi, et vivam.

**C**LAMAVI in toto corde meo, exau-  
di me, Domine : \* justificationes  
tuas requiram.

Clamavi ad te, salvum me fac : \* ut  
custodiam mandata tua.

Præveni in maturitate, et clamavi : \*  
quia in verba tua supersperavi.

Prævenierunt oculi mei ad te dilu-  
culo : \* ut meditarer eloquia tua.

Vocem meam audi secundum mise-  
ricordiam tuam, Domine : \* et secun-  
dum judicium tuum vivifica me.

Appropinquaverunt persequentes me  
iniquitati : \* a lege autem tua longè facti  
sunt.

Prope es tu, Domine : \* et omnes  
viæ tuæ veritas.

Initio cognovi de testimoniis tuis : \*  
quia in æternum fundasti ea.

Vide humilitatem meam, et eripe  
me : \* quia legem tuam non sum o-  
blitus.

Judica judicium meum, et redime  
me : \* propter eloquium tuum vivifi-  
ca me.

Longe a peccatoribus salus : \* quia  
justificationes tuas non exquisierunt.

Misericordiæ tuæ multæ, Domine : \*  
secundum judicium tuum vivifica me.

Multi qui persequuntur me, et tri-  
bulant me : \* a testimoniis tuis non  
declinavi.

Vidi prævaricantes, et tabescebam : \*  
quia eloquia tua non custodierunt.

Vide quoniam mandata tua dilexi,  
Domine : \* in misericordia tua vivifi-  
ca me.

Principium verborum tuorum veri-  
tas : \* in æternum omnia judicia ju-  
stitiæ tuæ.

**P**RINCIPES persecuti sunt me  
gratis : \* et a verbis tuis formi-  
davit cor meum.

Lætabor ego super eloquia tua, \*  
sicut qui invenit spolia multa.



Iniquitatem odio habui, et abominatus sum: legem autem tuam dilexi.

Septies in die laudem dixi tibi, \* super judicia justitiæ tuæ.

Pax multa diligentibus legem tuam: \* et non est illis scandalum.

Expectabam salutare tuum, Domine: \* et mandata tua dilexi.

Custodivit anima mea testimonia tua \* et dilexit ea vehementer.

Servavi mandata tua et testimonia tua: \* quia omnes viæ meæ in conspectu tuo.

Appropinquet deprecatio mea in conspectu tuo, Domine: \* juxta eloquium tuum da mihi intellectum.

Intret postulatio mea in conspectu tuo: \* secundum eloquium tuum eripe me.

Eructabunt labia mea hymnum, \* cum docueris me justificationes tuas.

Pronuntiabit lingua mea eloquium tuum: \* quia omnia mandata tua æquitas.

Fiat manus tua, ut salvet me: \* quoniam mandata tua elegi.

Concupivi salutare tuum, Domine: \* et lex tua meditatio mea est.

Vivet anima mea, et laudabit te: \* et judicia tua adjuvabunt me.

Erravi sicut ovis quæ periit: \* quare servum tuum, quia mandata tua non sum oblitus.

*Ant. Alleluia, allel. allel.*

*Temp. Pasch. additur aliud. Allel.*

*Capitulum. I. Cor. 6.*

**E**MPTI enim estis pretio magno. Glorificate et portate Deum in corpore vestro.

ñ. br. Clamavi in toto corde meo, \* Exaudi me Domine. Clamavi. ÿ. Justificationes tuas requiram. Exaudi. Gloria. Clamavi. ÿ. Ab occultis meis munda me, Domine. ñ. Et ab alienis parce servo tuo.

*In fer. Offic. per Ann. Ant. Aspice in me, et miserere mei, Domine.*

*Capit. Empti enim estis.*

ñ. br. Redime me, Domine, \* Et miserere mei. Redime. ÿ. Pes enim meus stetit in via recta. Et miserere.

Gloria. Redime. ÿ. Ab occultis meis munda me, Domine. ñ. Et ab alienis parce servo tuo. Kyrie eleison, etc., si dicendum sit, ut supra ad Tertiam, p. 26.

*Temp. Adv. in fer. Offic. Ant. ex Laud. Dom. aut ex propriis Laud.*

*Capitulum. Isaïæ 14.*

**P**ROPE est ut veniat tempus ejus, et dies ejus non elongabuntur. Miserebitur enim Dominus Jacob, et Israel salvabitur.

ñ. br. Super te, Jerusalem, \* Orietur Dominus. Super te. ÿ. Et gloria ejus in te videbitur. Orietur. Gloria. Super te. ÿ. Veni, Domine, et noli tardare. ñ. Relaxa facinora plebi tuæ. Kyrie eleison, p. 26.

*Oratio conveniens.*

*Temp. Quadrag. in fer. Offic. Ant. Per arma justitiæ virtutis Dei commendemus nosmetipsos in multa patientia.*

*Capitulum. Isaïæ 38.*

**F**RANGE esurienti panem tuum, et egenos vagosque induc in domum tuam: cum videris nudum, operi eum, et carnem tuam ne despexeris.

ñ. br. Scuto circumdabit te, \* Veritas ejus. Scuto. ÿ. Non timebis a timore nocturno. Veritas ejus. Gloria. Scuto. ÿ. Angelis suis Deus mandavit de te. ñ. Ut custodiant te in omnibus viis tuis. Kyrie eleison, p. 26.

*Oratio conveniens.*

*Temp. Pass. in fer. Offic. Ant. Numquid redditur pro bono malum, quia foderunt foveam animæ meæ?*

*Capitulum. Jerem. 18.*

**R**ECONDARE quod steterim in conspectu tuo, ut loquerer pro eis bonum, et averterem indignationem tuam ab eis.

ñ. br. Ne perdas cum impiis, \* Deus, animam meam. Ne perdas. ÿ. Et cum viris sanguinum vitam meam. Deus. Ne perdas. ÿ. Eripe me, Domine, ab homine malo. ñ. A viro iniquo eripe me. Kyrie eleison, p. 26.

*Oratio conveniens.*

*Temp. Pasch. in ser. Offic. Ant. Alleluia, allel. allel. allel.*

*Capitulum. I. Patri 3.*

**CHRISTUS** semel pro peccatis nostris mortuus est, justus pro injustis, ut nos offerret Deo, mortificatus quidem carne, vivificatus autem spiritu.

ñ. *br.* Gavisi sunt discipuli, \* Alleluia, allel. Gavisi. ŷ. Viso Domino. Alleluia, alleluia Gloria. Gavisi sunt. ŷ. Mane nobiscum, Domine, alleluia. ñ. Quoniam advesperascit, alleluia.

*Oratio conveniens.*

*Vesperæ in Dom. et in Feriis habentur inferius post Laudes Sabbati.*

## FERIA SECUNDA

### AD MATUTINUM

*Pater noster, Ave Maria, Credo. ŷ. Domine labia mea aperies, ut supra, p. 1.*

*Invit. Venite, \* exultemus Domino.*

*Psalm. Jubilemus Deo salutari nostro, ut supra, p. 1.*

### HYMNUS

**SOMNO** relectis artubus,  
Spreto cubili surgimus;  
Nobis, Pater, canentibus  
Adesse te deprecimur.

Te lingua primum concinat,  
Te mentis ardor ambiat:  
Ut actuum sequentium  
Tu, Sancte, sis exordium.

Cedant tenèbræ lumini,  
Et nox diurno sideri:  
Ut culpa, quam nox intulit,  
Lucis labascet munere.

Precamur iidem supplices,  
Noxas ut omnes amputes,  
Ex ore te canentium,  
Lauderis in perpetuum.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum. Amen.

*Invit. per Fer. dicuntur in ser. Offic. ab Oct. Epiph. usque ad Dom. Pass., et ab Oct. Pentec. usque ad Adv. Hymni vero tam ad Matut. quam ad Laud.*

*et Vesp. usque ad Dom. I. Quadrag. Ant. autem Noct. per totum Ann., ut infra.*

*Ant. Dominus defensor. \**

*Temp. Pasch. Ant. Alleluia. Sub qua una Ant. dicuntur omnes Psalmi Noct.*

### Psalmus 26.

**DOMINUS** illuminatio mea et salus mea, \* quem timebo?

Dominus protector vitæ meæ: \* a quo trepidabo?

Dum appropiant super me nocentes, \* ut edant carnes meas.

Qui tribulant me inimici mei, \* ipsi infirmati sunt, et ceciderunt.

Si consistent adversum me castra, \* non timebit cor meum.

Si exurgat adversum me prælium, \* in hoc ego sperabo.

Unam petii a Domino, hanc requiram, \* ut inhabitem in domo Domini omnibus diebus vitæ meæ.

Ut videam voluptatem Domini, \* et visitem templum ejus.

Quoniam abscondit me in tabernaculo suo: \* in die malorum protexit me in abscondito tabernaculi sui.

In petra exaltavit me: \* et nunc exaltavit caput meum super inimicos meos.

Circuivi, et immolavi in tabernaculo ejus hostiam vociferationis: \* cantabo, et psalmum dicam Domino.

Exaudi, Domine, vocem meam, qua clamavi ad te: \* miserere mei, et exaudi me.

Tibi dixit cor meum, exquisivit te facies mea: \* faciem tuam, Domine, requiram.

Ne avertas faciem tuam a me: \* ne declines in ira a servo tuo.

Adjutor meus esto: \* ne derelinquas me, neque despicias me, Deus salutaris meus.

Quoniam pater meus et mater mea dereliquerunt me: \* Dominus autem assumpsit me.

Legem pone mihi, Domine, in via tua: \* et dirige me in semitam rectam propter inimicos meos.

Ne tradideris me in animas tribu-

lantium me : \* quoniam insurrexerunt in me testes iniqui, et mentita est iniquitas sibi.

Credo videre bona Domini \* in terra viventium.

Expecta Dominum, viriliter age : \* et confortetur cor tuum, et sustine Dominum.

### Psalmus 37.

**A**d te, Domine, clamabo; Deus meus, ne sileas a me : \* nequando taceas a me, et assimilabor descendentibus in lacum.

Exaudi, Domine, vocem deprecationis meæ, dum oro ad te : \* dum extollo manus meas ad templum sanctum tuum.

Ne simul trahas me cum peccatoribus : \* et cum operantibus iniquitatem ne perdas me.

Qui loquuntur pacem cum proximo suo : \* mala autem in cordibus eorum.

Da illis secundum opera eorum : \* et secundum nequitiam adinventio-  
num ipsorum.

Secundum opera manuum eorum tribue illis : \* redde retributionem eorum ipsis.

Quoniam non intellexerunt opera Domini, et in opera manuum ejus destrues illos, et non ædificabis eos.

Benedictus Dominus : \* quoniam exaudivit vocem deprecationis meæ.

Dominus adjutor meus et protector meus : \* in ipso speravit cor meum, et adjutus sum.

Et resloruit caro mea : \* et ex voluntate mea confitebor ei.

Dominus fortitudo plebis suæ : \* et protector salvationum Christi qui est.

Salvum fac populum tuum, Domine, et benedic hæreditati tuæ : \* et rege eos, et extolle illos usque in æternum.

*Ant.* Dominus defensor vitæ meæ.

*Ant.* Adorate.

### Psalmus 38.

**A**ffer te, Domine, filii Dei : \* affer te Domino filios arietum.

Affer te Domino gloriam et honorem,

affer te Domino gloriam nomini ejus : \* adorate Dominum in atrio sancto ejus.

Vox Domini super aquas, Deus majestatis intonuit : \* Dominus super aquas multas.

Vox Domini in virtute : \* vox Domini in magnificentia.

Vox Domini confringentis cedros : \* et confringet Dominus cedros Libani : \* et dilectus quemadmodum filius unicornium.

Vox Domini intercidentis flammam ignis : \* vox Domini concutientis desertum, et commovebit Dominus desertum Cades.

Vox Domini præparantis cervos, et revelabit condensa : \* et in templo ejus omnes dicent gloriam.

Dominus diluvium inhabitare facit : \* et sedebit Dominus Rex in æternum.

Dominus virtutem populo suo dabit : \* Dominus benedicet populo suo in pace.

### Psalmus 39.

**E**xaltabo te, Domine, quoniam suscepisti me : \* nec delectasti inimicos meos super me.

Domine, Deus meus, clamavi ad te, \* et sanasti me.

Domine, eduxisti ab inferno animam meam : \* salvasti me a descendentibus in lacum.

Psallite Domino sancti ejus : \* et confitemini memoriæ sanctitatis ejus.

Quoniam ira in indignatione ejus : \* et vita in voluntate ejus.

Ad vesperum demorabitur fletus : \* et ad matutinum lætitia.

Ego autem dixi in abundantia mea : \* Non movebor in æternum.

Domine, in voluntate tua, \* præstitisti decori meo virtutem.

Avertisti faciem tuam a me, \* et factus sum conturbatus.

Ad te, Domine, clamabo : \* et ad Deum meum deprecabor.

Quæ utilitas in sanguine meo, \* dum descendo in corruptionem?

Numquid confitebitur tibi pulvis, \* aut annuntiabit veritatem tuam?



Audivit Dominus, et misertus est mei: \* Dominus factus est adjutor meus.

Convertisti planctum meum in gaudium mihi: \* conscidisti saccum meum, et circumdediti me lætitia:

Ut cantet tibi gloria mea; et non compungar: \* Domine, Deus meus, in æternum confitebor tibi.

*Ant.* Adorate Dominum in aula sancta ejus.

*Ans.* In tua justitia.

### Psalmus 30.

**I**N te, Domine, speravi, non confundar in æternum: \* in justitia tua libera me.

Inclina ad me aurem tuam: \* accelera ut eruas me.

Esto mihi in Deum protectorem, et in domum refugii, \* ut salvum me facias.

Quoniam fortitudo mea, et refugium meum es tu: \* et propter nomen tuum deduces me, et enutries me.

Educes me de laqueo hoc, quem absconderunt mihi: \* quoniam tu es protector meus.

In manus tuas commendo spiritum meum: \* redemisti me, Domine, Deus veritatis

Odisti observantes vanitates \* supervacue.

Ego autem in Domino speravi: \* exultabo, et lætabor in misericordia tua.

Quoniam respexisti humilitatem meam: \* salvasti de necessitatibus animam meam.

Nec conclusisti me in manibus inimici: \* statuisti in loco spatioso pedes meos.

Miserere mei, Domine, quoniam tribulor: \* conturbatus est in ira oculus meus, anima mea, et venter meus.

Quoniam defecit in dolore vita mea: \* et anni mei in gemitibus.

Infirmata est in paupertate virtus mea: \* et ossa mea conturbata sunt.

Super omnes inimicos meos factus sum opprobrium et vicinis meis valde, \* et timor notis meis.

Qui videbant me, foras fugerunt a me: \* oblivioni datus sum, tamquam mortuus a corde.

Factus sum tamquam vas perditum: \* quoniam audiivi vituperationem multorum commorantium in circuitu:

In eo dum convenirent simul adversum me, \* accipere animam meam consiliati sunt.

Ego autem in te speravi, Domine: \* dixi: Deus meus es tu; in manibus tuis sortes meæ.

Eripe me de manu inimicorum meorum, \* et a persequentibus me.

Illustra faciem tuam super servum tuum, salvum me fac in misericordia tua: \* Domine, non confundar, quoniam invocavi te.

Erubescant impii, et deducantur in infernum: \* muta fiant labia dolosa:

Quæ loquuntur adversus justum iniquitatem, \* in superbia, et in abusione.

Quam magna multitudo dulcedinis tuæ, Domine, \* quam abscondisti timentibus te!

Perfecisti eis, qui sperant in te, \* in conspectu filiorum hominum.

Abscondes eos in abscondito faciei tuæ \* a conturbatione hominum.

Proteges eos in tabernaculo tuo \* a contradictione linguarum.

Benedictus Dominus: \* quoniam mirificavit misericordiam suam mihi in civitate munita.

Ego autem dixi in excessu mentis meæ: \* Projectus sum a facie oculorum tuorum.

Ideo exaudisti vocem orationis meæ, \* dum clamarem ad te.

Diligite Dominum omnes sancti ejus: \* quoniam veritatem requirit Dominus, et retribuet abundanter facientibus superbiam.

Viriliter agite, et confortetur cor vestrum, \* omnes qui speratis in Domino.

### Psalmus 31.

**B**EATI, quorum remissæ sunt iniquitates: \* et quorum tecta sunt peccata.

Beatus vir, cui non imputavit Dominus peccatum, \* nec est in spiritu ejus dolus.

Quoniam tacui, inveteraverunt ossa mea, \* dum clamarem tota die.

Quoniam die ac nocte gravata est super me manus tua: \* conversus sum in ærumna mea, dum configitur spina.

Delictum meum cognitum tibi feci: \* et injustitiam meam non abscondi.

Dixi: Confitebor adversum me injustitiam meam Domino: \* et tu remisisti impietatem peccati mei.

Pro hac orabit ad te omnis sanctus \* in tempore opportuno.

Verumtamen in diluvio aquarum multarum, \* ad eum non approximabunt.

Tu es refugium meum a tribulatione, quæ circumdedit me: \* exultatio mea, erue me a circumdantibus me.

Intellectum tibi dabo, et instruam te in via hac, qua gradieris: \* firmabo super te oculos meos.

Nolite fieri sicut equus et mulus, \* quibus non est intellectus.

In camo et freno maxillas eorum constringe, \* qui non approximant ad te.

Multa flagella peccatoris: \* sperantem autem in Domino misericordia circumdabit.

Lætamini in Domino et exultate, justi: \* et gloriamini omnes recti corde.

*Ant.* In tua justitia libera me Domine.

*Ant.* Rectos decet.

### Psalmus 33.

**EXULTATE**, justi, in Domino: \* rectos decet collaudatio.

Confitemini Domino in cithara: \* in psalterio decem chordarum psallite illi.

Cantate ei canticum novum: \* bene psallite ei in vociferatione.

Quia rectum est verbum Domini: \* et omnia opera ejus in fide.

Diligit misericordiam et judicium: \* misericordia Domini plena est terra.

Verbo Domini cæli firmati sunt: \*

et spiritu oris ejus omnis virtus eorum.

Congregans sicut in utre aquas maris: \* ponens in thesauris abyssos.

Timeat Dominum omnis terra: \* ab eo autem commoveantur omnes inhabitantes orbem.

Quoniam ipse dixit, et facta sunt: \* ipse mandavit, et creata sunt.

Dominus dissipat consilia Gentium: \* reprobat autem cogitationes populorum, et reprobat consilia principum.

Consilium autem Domini in æternum manet: \* cogitationes cordis ejus in generatione et generationem.

Beata gens, cujus est Dominus Deus ejus: \* populus, quem elegit in hæreditatem sibi.

De cælo respexit Dominus: \* vidit omnes filios hominum.

De præparato habitaculo suo \* respexit super omnes, qui habitant terram.

Qui finxit singillatim corda eorum: \* qui intelligit omnia opera eorum.

Non salvatur rex per multam virtutem: \* et gigas non salvabitur in multitudine virtutis suæ.

Fallax equus ad salutem: \* in abundantia autem virtutis suæ non salvabitur.

Ecce oculi Domini super metuentes eum: \* et in eis, qui sperant super misericordia ejus:

Ut eruat a morte animas eorum, \* et alat eos in fame.

Anima nostra sustinet Dominum: \* quoniam adjutor et protector noster est.

Quia in eo lætabitur cor nostrum: \* et in nomine sancto ejus speravimus.

Fiat misericordia tua, Domine, super nos, \* quemadmodum speravimus in te.

### Psalmus 33.

**BENEDICAM** Dominum in omni tempore: \* semper laus ejus in ore meo.

In Domino laudabitur anima mea: \* audiant mansueti, et lætentur.

Magnificate Dominum mecum: \* et exaltemus nomen ejus in idipsum.

**Exquisivi Dominum, et exaudivit me:** \* et ex omnibus tribulationibus meis eripuit me.

**Accedite ad eum, et illuminamini,** \* et facies vestrae non confundentur.

**Iste pauper clamavit, et Dominus exaudivit eum:** \* et de omnibus tribulationibus ejus salvavit eum.

**Immittet angelus Domini in circuitu timentium eum:** \* et eripiet eos.

**Gustate, et videte quoniam suavis est Dominus:** \* beatus vir qui sperat in eo.

**Timete Dominum, omnes sancti ejus:** \* quoniam non est inopia timentibus eum.

**Divites egruerunt et esurierunt:** \* inquirentes autem Dominum non minuentur omni bono.

**Venite, filii, audite me:** \* timorem Domini docebo vos.

**Quis est homo qui vult vitam:** \* diligit dies videre bonos?

**Prohibe linguam tuam a malo:** \* et labia tua ne loquantur dolum.

**Diverte a malo, et fac bonum:** \* inquire pacem, et persequere eam.

**Oculi Domini super justos:** \* et aures ejus in preces eorum.

**Vultus autem Domini super facientes mala:** \* ut perdat de terra memoriam eorum.

**Clamaverunt justi, et Dominus exaudivit eos:** \* et ex omnibus tribulationibus eorum liberavit eos.

**Juxta est Dominus iis, qui tribulati sunt corde:** \* et humiles spiritu salvabit.

**Multae tribulationes justorum:** \* et de omnibus his liberabit eos Dominus.

**Custodit Dominus omnia ossa eorum:** \* unum ex his non conteretur.

**Mors peccatorum pessima:** \* et qui oderunt justum, delinquent.

**Redimet Dominus animas servorum suorum:** \* et non delinquent omnes qui sperant in eo.

*Ant. Rectos decet collaudatio.*

*Ant. Expugna.*

### **Psalmus 34.**

**JUDICA, Domine, nocentes me:** \* expugna impugnantes me.

**Apprehende arma et scutum:** \* et exurge in adjutorium mihi.

**Effunde frameam, et conlude adversus eos, qui persequuntur me:** \* dic animae meae: Salus tua ego sum.

**Confundantur et revereantur,** \* quærentes animam meam.

**Avertantur retrorsum, et confundantur,** \* cogitantes mihi mala.

**Fiant tamquam pulvis ante faciem venti:** \* et Angelus Domini coarctans eos.

**Fiat via illorum tenebrae et lubricum:** \* et Angelus Domini persequens eos.

**Quoniam gratis absconderunt mihi interitum laquei sui:** \* supervacuo exprobraverunt animam meam.

**Veniat illi laqueus, quem ignorat, et captio, quam abscondit, apprehendat eum:** \* et in laqueum cadat in ipsum.

**Anima autem mea exultabit in Domino:** \* et delectabitur super salutari suo.

**Omnia ossa mea dicent:** \* Domine, quis similis tibi?

**Eripiens inopem de manu fortiorum ejus:** \* egenum et pauperem a diripientibus eum.

**Surgentes testes iniqui:** \* quæ ignorabam, interrogabant me.

**Retribuebant mihi mala pro bonis:** \* sterilitatem animae meae.

**Ego autem, cum mihi molesti essent,** \* induebar cilicio.

**Humiliabam in jejunio animam meam:** \* et oratio mea in sinu meo convertetur.

**Quasi proximum, et quasi fratrem nostrum, sic complacebam:** \* quasi lugens et contristatus sic humiliabar.

**Et adversum me lætati sunt, et convenerunt:** \* congregata sunt super me flagella, et ignoravi.

**Dissipati sunt, nec compuncti, tentaverunt me, subsannaverunt me subsannatione:** \* frenduerunt super me dentibus suis.

**Domine, quando respicies?** \* restitue animam meam a malignitate eorum, a leonibus unicam meam.



**Confitebor tibi in ecclesia magna:** \* in populo gravi laudabo te.

**Non supergaudeant mihi,** qui adversantur mihi inique: \* qui oderunt me gratis, et annuunt oculis.

**Quoniam mihi quidem pacifice loquebantur:** \* et in iracundia terræ loquentes, dolos cogitabant.

**Et dilataverunt super me os suum:** \* dixerunt: Euge, euge, viderunt oculi nostri.

**Vidisti, Domine, ne sileas:** \* Domine, ne discedas a me.

**Exurge, et intende iudicio meo:** \* Deus meus et Dominus meus in causam meam.

**Judica me secundum iustitiam tuam,** Domine Deus meus, \* et non supergaudeant mihi.

**Non dicant in cordibus suis:** Euge, euge animæ nostræ; \* nec dicant: Devoravimus eum.

**Erubescant et revereantur simul,** qui gratulantur malis meis.

**Induantur confusione et reverentia,** qui magna loquuntur super me.

**Exultent et lætentur, qui volunt iustitiam meam,** \* et dicant semper: Magnificetur Dominus, qui volunt pacem servi ejus.

**Et lingua mea meditabitur iustitiam tuam,** \* tota die laudem tuam.

### Psalmus 35.

**DIXIT** injustus, ut delinquat in semetipso: \* non est timor Dei ante oculos ejus.

**Quoniam dolose egit in conspectu ejus:** \* ut inveniatur iniquitas ejus ad odium.

**Verba oris ejus iniquitas et dolus:** \* noluit intelligere, ut bene ageret.

**Iniquitatem meditatus est in cubili suo:** \* astitit omni viæ non bonæ, malitiam autem non odivit.

**Domine, in cælo misericordia tua:** \* et veritas tua usque ad nubes.

**Iustitia tua sicut montes Dei:** \* iudicia tua abyssus multa.

**Homines et jumenta salvabis, Domine:** \* quemadmodum multiplicasti misericordiam tuam, Deus.

**Filii autem hominum** \* in tegmine alarum tuarum sperabunt.

**Inebriabuntur ab ubertate domus tuæ:** \* et torrente voluptatis tuæ potabis eos.

**Quoniam apud te est fons vitæ:** \* et in lumine tuo videbimus lumen.

**Prætede misericordiam tuam scientibus te:** \* et iustitiam tuam his qui recto sunt corde.

**Non veniat mihi pes superbiæ:** \* et manus peccatoris non moveat me.

**Ibi ceciderunt qui operantur iniquitatem:** \* expulsi sunt, nec potuerunt stare.

*Ant. Expugna impugnantes me.*

*Ant. Revela.*

### Psalmus 36.

**NOLI** æmulari in malignantibus: \* neque zelaveris facientes iniquitatem.

**Quoniam tanquam scænum velociter arescent:** \* et quemadmodum vlera herbarum cito decident.

**Spera in Domino, et fac bonitatem,** \* et inhabita terram, et pasceris in divitiis ejus.

**Delectare in Domino:** \* et dabit tibi petitiones cordis tui.

**Revela Domino viam tuam, et spera in eo,** \* et ipse faciet.

**Et educet quasi lumen iustitiam tuam, et iudicium tuum tanquam meridiem:** \* subditus esto Domino, et ora eum.

**Noli æmulari in eo, qui prosperatur in via sua:** \* in homine faciente injustitias.

**Desine ab ira, et derelinque furorem:** \* noli æmulari ut maligneris.

**Quoniam qui malignantur, exterminabuntur:** \* sustinentes autem Dominum, ipsi hæreditabunt terram.

**Et adhuc pusillum, et non erit peccator:** \* et quæres locum ejus, et non invenies.

**Mansueti autem hæreditabunt terram:** \* et delectabuntur in multitudine pacis.

**Observabit peccator justum,** \* et stridebit super eum dentibus suis.

**Dominus** autem irridebit eum : \* quoniam prospicit quod veniet dies ejus.

**Gladium** evaginaverunt peccatores : \* intenderunt arcum suum.

**Ut** dejiciant pauperem et inopem : \* ut trucident rectos corde.

**Gladius** eorum intret in corda ipsorum : \* et arcus eorum confringatur.

**Melius** est modicum justo , \* super divitias peccatorum multas.

**Quoniam** brachia peccatorum conterentur ; \* confirmat autem justos Dominus.

**Novit** Dominus dies immaculatorum : \* et hæreditas eorum in æternum erit.

**Non** confundentur in tempore malo , et in diebus famis saturabuntur : \* quia peccatores peribunt.

**Inimici** vero Domini , mox ut honorificati fuerint et exaltati , \* deficientes quemadmodum fumus deficient.

**Mutuabitur** peccator , et non solvet : \* justus autem miseretur , et tribuet.

**Quia** benedicentes ei hæreditabunt terram : \* maledicentes autem ei disperibunt.

**Apud** Dominum gressus hominis dirigentur : \* et viam ejus volet.

**Cum** ceciderit , non collidetur : \* quia Dominus supponit manum suam.

**Junior** fui , etenim senui , \* et non vidi justum derelictum , nec semen ejus quærens panem.

**Tota** die miseretur , et commodat : \* et semen illius in benedictione erit.

**Declina** a malo , et fac bonum : \* et inhabita in sæculum sæculi.

**Quia** Dominus amat judicium , et non derelinquet sanctos suos : \* in æternum conservabuntur.

**Injusti** punientur : \* et semen impiorum peribit.

**Justi** autem hæreditabunt terram : \* et inhabitabunt in sæculum sæculi super eam.

**Os** justum meditabitur sapientiam , \* et lingua ejus loquetur judicium.

**Lex** Dei ejus in corde ipsius : \* et non supplantabuntur gressus ejus.

**Considerat** peccator justum , \* et quærit mortificare eum.

**Dominus** autem non derelinquet eum

in manibus ejus : \* nec dampnabit eum , cum judicabitur illi.

**Expecta** Dominum , et custodi viam ejus , et exaltabit te , ut hæreditate capias terram : \* cum perierint peccatores , videbis.

**Vidi** impium superexaltatum : \* et elevatum sicut cedros Libani.

**Et** transivi , et ecce non erat : \* et quæsi eum , et non est inventus locus ejus.

**Custodi** innocentiam , et vide æquitatem : \* quoniam sunt reliquæ homini pacifico.

**Injusti** autem disperibunt simul : \* reliquæ impiorum interibunt.

**Salus** autem justorum a Domino : \* et protector eorum in tempore tribulationis.

**Et** adjuvabit eos Dominus , et liberabit eos : \* et eruet eos a peccatoribus , et salvabit eos , quia speraverunt in eo.

### Psalmus 37.

**DOMINE** , ne in furore tuo arguas me , \* neque in ira tua corripas me.

**Quoniam** sagittæ tuæ infixæ sunt mihi : \* et confirmasti super me manum tuam.

**Non** est sanitas in carne mea a facie iræ tuæ : \* non est pax ossibus meis a facie peccatorum meorum.

**Quoniam** iniquitates meæ supergressæ sunt caput meum : \* et sicut onus grave gravatæ sunt super me.

**Putruerunt** , et corruptæ sunt cicatrices meæ , \* a facie insipientiæ meæ.

**Miser** factus sum , et curvatus sum usque in finem : \* tota die contristatus ingrediebar.

**Quoniam** lumbi mei impleti sunt illusionibus : \* et non est sanitas in carne mea.

**Afflictus** sum , et humiliatus sum nimis : \* rugiebam a gemitu cordis mei.

**Domine** , ante te omne desiderium meum : \* et gemitus meus a te non est absconditus.

**Cor** meum conturbatum est , dereliquit me virtus mea : \* et lumen ocu-

lorum meorum, et ipsum non est mecum.

Amici mei, et proximi mei\* adversum me appropinquaverunt, et steterunt.

Et qui juxta me erant, de longe steterunt: \* et vim faciebant, qui quærebant animam meam.

Et qui inquirebant mala mihi, locuti sunt vanitates: \* et dolos tota die meditabantur.

Ego autem tamquam surdus non audiebam: \* et sicut mutus non operiens os suum.

Et factus sum sicut homo non audiens: \* et non habens in ore suo redargutiones.

Quoniam in te, Domine, speravi: \* tu exaudies me, Domine Deus meus.

Quia dixi: ne quando supergaudeant mihi inimici mei: \* et dum commoventur pedes mei, super me magna locuti sunt.

Quoniam ego in flagella paratus sum: \* et dolor meus in conspectu meo semper.

Quoniam iniquitatem meam annuntiabo: \* et cogitabo pro peccato meo.

Inimici autem mei vivunt, et confirmati sunt super me; \* et multiplicati sunt qui oderunt me inique.

Qui retribuunt mala pro bonis, detrahebant mihi: \* quoniam sequebar bonitatem.

Ne derelinquas me, Domine Deus meus: \* ne discesseris a me.

Intende in adjutorium meum, \* Domine, Deus salutis meæ.

*Ant. Revela Domino viam tuam.*

*Per Ann. ŷ. Domine, in cælo misericordia tua. ♫. Et veritas tua usque ad nubes.*

*In Adv. ŷ. Ex Sion species decoris ejus. ♫. Deus noster manifeste veniet.*

*In Quadrag. ŷ. Ipse liberavit me de laqueo venantium. ♫. Et a verbo aspero.*

*Temp. Pass. ŷ. Erue a framea, Deus, animam meam. ♫. Et de manu canis unicam meam.*

*Temp. Pasch. Ant. Alleluia, alleluia, alleluia.*

*ŷ. Surrexit Dominus de sepulchro, alleluia. ♫. Qui pro nobis pependit in ligno, alleluia.*

*Pro uno, vel plur. Mart. Temp. Pasch. ŷ. Sancti et just, in Domino gaudete, alleluia. ♫. Vos elegit Deus in hæreditatem sibi, alleluia.*

*Pro uno Mart. extra tempus Pasch. ŷ. Gloria et honore coronasti eum, Domine. ♫. Et constituisti eum super opera manuum tuarum.*

*Pro plur. Mart. ŷ. Lætamini in Domino, et exultate, just. ♫. Et gloriamini, omnes recti corde.*

*Pro Confess. Pont. et non Pont. ŷ. Amavit eum Dominus, et ornavit eum. ♫. Stulam gloriæ induit eum.*

*Pro una Sancta. ŷ. Specie tua, et pulchritudine tua. ♫. Intende, prospere procede, et regna.*

### AD LAUDES.

*ŷ. Deus in adjutorium meum intende, ut supra, p. 13.*

*Temp. Pasch. dicuntur Psalmi et Ant. de Dom., p. 13. Capit. vero, Hymnus, ŷ. et Ant. ad Benedictus, ut in Proprio de temp.*

*Aliis temp. per Ann. quando non assignantur propriæ Ant. dicitur Ant. Miserere.*

### Psalmus 50.

**MISERERE** mei, Deus, \* secundum magnam misericordiam tuam.

Et secundum multitudinem miserationum tuarum \* dele iniquitatem meam.

Amplius lava me ab iniquitate mea: \* et a peccato meo munda me.

Quoniam iniquitatem meam ego cognosco: \* et peccatum meum contra me est semper.

Tibi soli peccavi, et malum coram te feci: \* ut justificeris in sermonibus tuis, et vincas cum judicaris.

Ecce enim in iniquitatibus conceptus sum: \* et in peccatis concepit me mater mea.

Ecce enim veritatem dilexisti: \* incerta et occulta sapientiæ tuæ manifestasti mihi.

Asperges me hyssopo, et munda-



bor: \* lavabis me, et super nivem dealbabor.

Auditui meo dabis gaudium et lætitiā: \* et exultabunt ossa humiliata.

Averte faciem tuam a peccatis meis: \* et omnes iniquitates meas dele.

Cor mundum crea in me, Deus: \* et spiritum rectum innova in visceribus meis.

Ne projicias me a facie tua: \* et Spiritum sanctum tuum ne auferas a me.

Redde mihi lætitiā salutaris tui: \* et spiritu principali confirma me.

Docebo iniquos vias tuas: \* et impii ad te convertentur.

Libera me de sanguinibus, Deus, Deus salutis meæ: \* et exultabit lingua mea justitiā tuam.

Domine, labia mea aperies, \* et os meum annuntiabit laudem tuam.

Quoniam si voluisses sacrificium, dedissem utique: \* holocaustis non delectaberis.

Sacrificium Deo spiritus contribulatus: \* cor contritum et humiliatum, Deus, non despicies.

Benigne fac, Domine, in bonā voluntate tua Sion: \* ut ædificentur muri Jerusalem.

Tunc acceptabis sacrificium justitiæ, oblationes, et holocausta: \* tunc imponent super altare tuum vitulos.

*Ant. Miserere mei, Deus.*

*Ant. Intellige.*

### Psalmus 5.

**V**ERBA mea auribus percipe, Domine, \* intellige clamorem meum.

Intende voci orationis meæ, \* Rex meus, et Deus meus.

Quoniam ad te orabo, \* Domine, mane exaudies vocem meam.

Mane astabo tibi, et videbo: \* quoniam non Deus volens iniquitatem tu es.

Neque habitabit juxta te malignus: \* neque permanebunt iniusti ante oculos tuos.

Odisti omnes, qui operantur iniquitatem: \* perdes omnes, qui loquuntur mendacium.

Virum sanguinum et dolosum abo-

minabitur Dominus: \* ego autem in multitudine misericordiæ tuæ.

Introibo in domum tuam: \* adorabo ad templum sanctum tuum in timore tuo.

Domine, deduc me in justitia tua: \* propter inimicos meos dirige in conspectu tuo viam meam.

Quoniam non est in ore eorum veritas: \* cor eorum vanum est.

Sepulchrum patens est guttur eorum: linguis suis dolose agebant: \* judica illos, Deus.

Decidant a cogitationibus suis, secundum multitudinem impietatum eorum expelle eos: \* quoniam irritaverunt te, Domine.

Et lætentur omnes, qui sperant in te: \* in æternum exultabunt, et habitabis in eis.

Et gloriabuntur in te omnes, qui diligunt nomen tuum: \* quoniam tu benedices justo.

Domine, ut scuto bonæ voluntatis tuæ \* coronasti nos.

*Ant. Intellige clamorem meum, Domine.*

*Ant. Deus, Deus meus, ad te de luce vigilo. Psalmus idem, ut supra p. 13.*

*Ant. Conversus est.*

### CANTICUM ISAIE PROPHETÆ.

#### Cap. 12.

**C**ONFITEBOR tibi, Domine quoniam iratus es mihi: \* conversus est furor tuus, et consolatus es me.

Ecce Deus salvator meus: \* fiducialiter agam, et non timebo.

Quia fortitudo mea, et laus mea Dominus: \* et factus est mihi in salutem.

Haurietis aquas in gaudio de fontibus Salvatoris: \* et dicetis in illa die: Confitemini Domino, et invocate nomen ejus.

Notas facite in populis adinventiones ejus: \* mementote quoniam excelsum est nomen ejus.

Cantate Domino, quoniam magnifice fecit: \* annuntiate hoc in universa terra.

Exulta et lauda, habitatio Sion: \*

quia magnus in medio tui Sanctus Israel.

*Ant.* Conversus est furor tuus, Domine, et consolatus es me.

*Ant.* Laudate Dominum de cœlis. *Psalmus idem, p. 14.*

*Capit. sequens dicitur in ser. Offic. ab Oct. Pentec. usque ad Adv., et ab Oct. Epiph. usque ad Dom. I. Quadrag. Aliis temp. habentur propria.*

*Capitulum. Rom. 13.*

**N**OX præcessit, dies autem appropinquavit: abjiciamus ergo opera tenebrarum, et induamur arma lucis; sicut in die honeste ambulemus.

### HYMNUS.

**S**PLENDOR paternæ gloriæ,  
De luce lucem proferens,  
Lux lucis, et fons luminis,  
Diem dies illuminans:

Verusque sol illabere,  
Micans nitore perpeti:  
Jubarque sancti Spiritus  
Infunde nostris sensibus.

Votis vocemus et Patrem,  
Patrem potentis gratiæ,  
Patrem perennis gloriæ,  
Culpam releget lubricam.

Confirmet actus strenuos,  
Dentes retundat invidi,  
Causas secundet asperos,  
Agenda recte dirigat.

Mentem gubernet et regat,  
Sit pura nobis castitas:  
Fides calore ferveat,  
Fraudis venena nesciat.

Christusque nobis sit cibus,  
Potusque noster sit fides:  
Læti bibamus sobriam  
Profusionem Spiritus.

Latus dies hic transeat,  
Pudor sit ut diluculum,  
Fides velut meridies,  
Crepusculum mens nesciat.

Aurora lucem provehit,  
Cum luce nobis prodeat  
In Patre totus Filius  
Et totus in Verbo Pater.

Deo Patri sit gloria,  
Ejusque soli Filio,

Cum Spiritu Paraclito,  
Nunc et per omne sæculum. Amen.

*Per Ann. y.* Repleti sumus mane misericordia tua.

*ñ.* Exultavimus, et delectati sumus.

*Ad Bened. Ant.* Benedictus Dominus Deus Israel.

*In Feriis Adventus, Quadragesimæ, Quatuor Temporum et Vigiliarum quæ jejunantur (excepta Vigilia Nativitatis Domini, et Vigilia ac Quatuor Temporibus Pentecostes) post Ant. ad Benedictus, et in Vesperis ad Magnificat, dicuntur sequentes Preces flexis genibus. Aliis temporibus non dicuntur.*

**K**YRIE eleison. Chiste eleison. Kyrie eleison. Pater noster totum dicitur clara voce, etiam in Vesperis.

*y.* Et ne nos inducas in tentationem.  
*ñ.* Sed libera nos a malo. *y.* Ego dixi, Domine, miserere mei. *ñ.* Sana animam meam, quia peccavi tibi. *y.* Convertere, Domine, usquequo. *ñ.* Et deprecabilis esto super servos tuos. *y.* Fiat misericordia tua, Domine, super nos. *ñ.* Quemadmodum speravimus in te. *y.* Sacerdotes tui induantur justitiam. *ñ.* Et sancti tui exultent. *y.* Domine, salvum fac regem. *ñ.* Et exaudi nos in die, qua invocaverimus te. *y.* Salvum fac populum tuum, Domine, et benedic hæreditati tuæ. *ñ.* Et rege eos, et extolle illos usque in æternum. *y.* Memento congregationis tuæ. *ñ.* Quam possedisti ab initio. *y.* Fiat pax in virtute tua. *ñ.* Et abundantia in turribus tuis. *ñ.* Oremus pro fidelibus defunctis. *ñ.* Requiem æternam dona eis Domine, et lux perpetua luceat eis. *y.* Requiescant in pace. *ñ.* Amen. *y.* Pro fratribus nostris absentibus. *ñ.* Salvos fac servos tuos, Deus meus, sperantes in te. *y.* Pro afflictis et captivis. *ñ.* Libera eos, Deus Israel, ex omnibus tribulationibus suis. *y.* Mitte eis, Domine, auxilium de sancto. *ñ.* Et de Sion tuere eos. *y.* Domine, exaudi orationem meam. *ñ.* Et clamor meus ad te veniat.

*Deinde dicitur Psalm. De profundis, qui infra habetur in Vesp. Fer. iv., et in fine Gloria Patri. In Vesperis ejus loco dicitur Psalm. Misere, p. 39. Finito Psalmo, dicitur.*

†. Domine Deus virtutum, converte nos. ♫. Et ostende faciem tuam, et salvi erimus. †. Exurge, Christe, adjuva nos. ♫. Et libera nos propter nomen tuum. †. Domine, exaudi orationem meam. ♫. Et clamor meus ad te veniat. †. Dominus vobiscum. †. Et cum spiritu tuo.

*Oratio propria.*

*Deinde, quando in fer. Offic. fiunt Suffragia Sanctorum, præmittitur Comm. de Cruce, ut infra post Vesp. Sabbati.*

## FERIA TERTIA

### AD MATUTINUM

*Invit. Jubilemus Deo, \* Salutari nostro.*

*Psalm. Venite, exultemus, ut supra, p. 1.*

### HYMNUS.

**C**ONSORS paterni luminis,  
Lux ipse lucis et dies,  
Noctem canendo rumpimus,  
Assiste postulantis.

Aufer tenebras mentium,  
Fuga catervas dæmonum,  
Expelle somnolentiam,  
Ne pigritantes obruat.

Sic, Christe, nobis omnibus  
Indulgeas credentibus,  
Ut prosit exorantibus,  
Quod præcinentes psallimus.

Præsta, Pater piissime,  
Patrique compar Unice,  
Cum Spiritu Paraclito,  
Regnans per omne sæculum. Amen.

. Ant. Ut non delinquam.

Temp. Pasch. Ant. Alleluia.

### Psalmus 38.

**D**IXI: Custodiam vias meas, \* ut non delinquam in lingua mea.

Posui ori meo custodiam, \* cum consisteret peccator adversum me.

Obmutui, et humiliatus sum, et silui a bonis: \* et dolor meus renovatus est.

Concaluit cor meum intra me: \* et in meditatione mea exardescet ignis.

Locutus sum in lingua mea: \* Notum fac mihi, Domine, finem meum:

Et numerum dierum meorum quis est: \* ut sciam quid desit mihi.

Ecce mensurabiles posuisti dies meos: \* et substantia mea tanquam nihilum ante te.

Verumtamen universa vanitas \* omnis homo vivens.

Verumtamen in imagine pertransit homo: \* sed et frustra conturbatur.

Thesaurizat, \* et ignorat cui congregabit ea.

Et nunc quæ est expectatio mea? nonne Dominus? \* et substantia mea apud te est.

Ab omnibus iniquitatibus meis erue me: \* opprobrium insipienti dedisti me.

Obmutui, et non aperui os meum, quoniam tu fecisti: \* amove a me plagas tuas.

A fortitudine manus tuæ ego defeci in increpationibus: \* propter iniquitatem corripuisti hominem.

Et tabescere fecisti sicut araneam animam ejus: \* verumtamen vane conturbatur omnis homo.

Exaudi orationem meam, Domine, et deprecationem meam. \* auribus percipe lacrymas meas.

Ne sileas: quoniam advena ego sum apud te, et peregrinus, \* sicut omnes patres mei.

Remitte mihi, ut refrigerer priusquam abeam, \* et amplius non ero.

### Psalmus 39.

**E**XPECTANS expectavi Dominum, \* et intendit mihi.

Et exaudivit preces meas: \* et eduxit me de lacu miseriæ, et de luto facis.

Et statuit super petram pedes meos: \* et direxit gressus meos.

Et immisit in os meum canticum novum, \* carmen Deo nostro.

Videbunt multi, et timebunt: \* et sperabunt in Domino.



Beatus vir, cujus est nomen Domini spes ejus: \* et non respexit in vanitates, et insanias falsas.

Multa fecisti tu, Domine Deus meus, mirabilia tua: \* et cogitationibus tuis non est qui similis sit tibi.

Annuntiavi, et locutus sum: \* multiplicati sunt super numerum.

Sacrificium et oblationem noluisti: \* aures autem perfecisti mihi.

Molocaustum et pro peccato non postulasti: \* tunc dixi: Ecce venio.

In capite libri scriptum est de me, ut facerem voluntatem tuam: \* Deus meus, volui, et legem tuam in medio cordis mei.

Annuntiavi justitiam tuam in ecclesia magna: \* ecce labia mea non prohibebo: Domine, tu scisti.

Justitiam tuam non abscondi in corde meo: \* veritatem tuam, et salutare tuum dixi.

Non abscondi misericordiam tuam, et veritatem tuam \* a concilio multo.

Tu autem, Domine, ne longe facias miserationes tuas a me: \* misericordia tua et veritas tua semper susceperunt me.

Quoniam circumdederunt me mala, quorum non est numerus: \* comprehenderunt me iniquitates meae, et non potui ut viderem.

Multiplicatae sunt super capillos capitis mei: \* et cor meum dereliquit me.

Complaceat tibi, Domine, ut eruas me: \* Domine, ad adjuvandum me respice.

Confundantur et reveantur simul, qui quaerunt animam meam, \* ut auferant eam.

Convertantur retrorsum, et reveantur, \* qui volunt mihi mala.

Ferant confestim confusionem suam, \* qui dicunt mihi: Euge, euge.

Exultent, et lætentur super te omnes quaerentes te: \* et dicant semper: Magnificetur Dominus: qui diligunt salutare tuum.

Ego autem mendicus sum, et pauper: \* Dominus sollicitus est mei.

Adjutor meus, et protector meus

tu es: \* Deus meus, ne tardaveris.

Ant. Ut non delinquam in lingua mea.

Ant. Sana.

### Psalmus 40.

**BEATUS** qui intelligit super egenum et pauperem: \* in die mala liberabit eum Dominus.

Dominus conservet eum, et vivificet eum, et beatum faciat eum in terra. \* et non tradat eum in animam inimicorum ejus.

Dominus opem ferat illi super lectum doloris ejus: \* universum stratum ejus versasti in infirmitate ejus.

Ego dixi: Domine, miserere mei: \* sana animam meam, quia peccavi tibi.

Inimici mei dixerunt mala mihi: \* Quando morietur, et peribit nomen ejus?

Et si ingrediebatur ut videret, vana loquebatur: \* cor ejus congregavit iniquitatem sibi.

Egrediebatur foras, \* et loquebatur in idipsum.

Adversum me susurrabant omnes inimici mei: \* adversum me cogitabant mala mihi.

Verbum iniquum constituerunt adversum me: \* Numquid qui dormit, non adjiciet ut resurgat.

Etenim homo pacis meae, in quo speravi: \* qui edebat panes meos, magnificavit super me supplantationem.

Tu autem, Domine, miserere mei, et resuscita me: \* et retribuam eis.

In hoc cognovi, quoniam voluisti me: \* quoniam non gaudebit inimicus meus super me.

Me autem propter innocentiam suscepisti: \* et confirmasti me in conspectu tuo in æternum.

Benedictus Dominus Deus Israel a sæculo, et usque in sæculum: \* fiat, fiat.

### Psalmus 41.

**QUEMADMODUM** desiderat cervus ad fontes aquarum: \* ita desiderat anima mea ad te, Deus.

Sitivit anima mea ad Deum fortem vivum: \* Quando veniam, et apparebo ante faciem Dei?

Fuerunt mihi lacrymæ meæ panes die ac nocte, \* dum dicitur mihi quotidie: Ubi est Deus tuus?

Hæc recordatus sum, et effudi in me animam meam: \* quoniam transibo in locum tabernaculi admirabilis, usque ad domum Dei.

In voce exultationis, et confessionis, \* sonus epulantis.

Quare tristis es, anima mea, \* et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

Ad me ipsum anima mea conturbata est: \* propterea memor ero tui de terra Jordanis, et Hermonium a monte modico.

Abyssus abyssum invocat, \* in voce cataractarum tuarum.

Omnia excelsa tua, et fluctus tui \* super me transierunt.

In die mandavit Dominus misericordiam suam, \* et nocte canticum ejus.

Apud me oratio Deo vitæ meæ, \* dicam Deo: Susceptor meus es.

Quare oblitus es mei? \* et quare contristatus incedo, dum affligit me inimicus?

Dum confringuntur ossa mea, \* exprobraverunt mihi, qui tribulant me, inimici mei.

Dum dicunt mihi per singulos dies: Ubi est Deus tuus? \* quare tristis es, anima mea, et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

Ant. Sana, Domine, animam meam, quia peccavi tibi.

Ant. Eructavit.

### Psalmus 43.

**D**EUS; auribus nostris audivimus: \* patres nostri annuntiaverunt nobis

Opus, quod operatus es in diebus eorum, \* et in diebus antiquis.

Manus tua Gentes disperdidit, et plantasti eos: \* afflixisti populos, et expulisti eos.

Nec enim in gladio suo possederunt terram: \* et brachium eorum non salvavit eos.

### AD MATUTINUM.

Sed dextera tua et brachium tuum et illuminatio vultus tui: \* quoniam complacuisti in eis.

Tu es ipse Rex meus, et Deus meus: \* qui mandas salutes Jacob.

In te inimicos nostros ventilabimus cornu, \* et in nomine tuo spernemus insurgentes in nobis.

Non enim in arcu meo sperabo: \* et gladius meus non salvabit me.

Salvast enim nos de affligentibus nos: \* et odientes nos confudisti.

In Deo laudabimur tota die: \* et in nomine tuo confitebimur in sæculum.

Nunc autem repulisti, et confudisti nos: \* et non egredieris, Deus, in virtutibus nostris.

Avertisti nos retrorsum post inimicos nostros: \* et qui oderunt nos, diripiebant sibi.

Dedisti nos tanquam oves escarum: \* et in Gentibus dispersisti nos.

Vendidisti populum tuum sine pretio: \* et non fuit multitudo in commutationibus eorum.

Posuisti nos opprobrium vicinis nostris, \* subsannationem et derisum his, qui sunt in circuitu nostro.

Posuisti nos in similitudinem Gentibus: \* commotionem capitis in populis.

Tota die verecundia mea contra me est, \* et confusio faciei meæ cooperuit me.

A voce exprobrantis et obloquentis: \* a facie inimici et persequentis.

Hæc omnia venerunt super nos, nec obliti sumus te: \* et inique non egimus in testamento tuo.

Et non recessit retro cor nostrum: \* et declinasti semitas nostras a via tua:

Quoniam humiliasti nos in loco afflictionis, \* et cooperuit nos umbra mortis.

Si obliti sumus nomen Dei nostri, \* et si expandimus manus nostras ad deum alienum:

Nonne Deus requireret ista? \* ipse enim novit abscondita cordis.

Quoniam propter te mortificamur tota die: \* æstimati sumus sicut oves occisionis.

**Exurge, quare obdormis, Domine? \***  
exurge, et ne repellas in finem.

**Quare faciem tuam avertis, \***  
oblivisceris inopiæ nostræ, et tribulationis nostræ?

**Quoniam humiliata est in pulvere**  
anima nostra: \* conglutinatus est in terra venter noster.

**Exurge, Domine, adjuva nos: \***  
redime nos propter nomen tuum.

**Psalmus 44.**

**ERUCTAVIT** cor meum verbum  
bonum: \* dico ego opera mea Regi.

**Lingua mea calamus scribe \***  
velociter scribentis.

**Speciosus forma præ filiis hominum,**  
diffusa est gratia in labiis tuis: \* pro-  
pterea benedixit te Deus in æternum.

**Accingere gladio tuo super femur**  
tuum, \* potentissime.

**Specie tua, et pulchritudine tua \***  
intende, prospere procede, et regna.

**Propter veritatem, et mansuetudi-**  
nem, et justitiam: \* et deducet te  
mirabiliter dextera tua.

**Sagittæ tuæ acutæ, populi sub te**  
cadent; \* in corda inimicorum regis.

**Sedes tua, Deus, in sæculum sæcu-**  
li: \* virga directionis, virga regni tui.

**Dilexisti justitiam, et odisti iniqui-**  
tatem; \* propterea iuxit te Deus,  
Deus tuus oleo lætitiæ præ consorti-  
bus tuis.

**Myrrha, et gutta, et casia a vesti-**  
mentis tuis, a domibus eburneis: \* ex  
quibus delectaverunt te filię regum  
in honore tuo.

**Astitit regina a dextris tuis in ve-**  
stitu deaurato, \* circumdata varietate.

**Audi, filia, et vide, et inclina aurem**  
tuam: \* et obliviscere populum tuum,  
et domum patris tui.

**Et concupiscet Rex decorem tuum: \***  
quoniam ipse est Dominus Deus tuus,  
et adorabunt eum.

**Et filię Tyri in muneribus \***  
vultum tuum deprecabuntur: omnes di-  
vites plebis.

**Omnis gloria ejus filię Regis ab-**  
soluta: \* in fimbriis aureis circumamicta  
varietatibus.

**Adducentur Regi virgines post eam: \***  
proximæ ejus afferentur tibi.

**Afferentur in lætitia et exultatione: \***  
adducentur in templum Regis.

**Pro patribus tuis nati sunt tibi fi-**  
lij: \* constitues eos principes super  
omnem terram.

**Memores erunt nominis tui, \***  
in omni generatione et generationem.

**Propterea populi constitebuntur tibi**  
in æternum, \* et in sæculum sæculi.

**Ant. Eructavit cor meum verbum**  
bonum.

**Ant. Adjutor.**

**Psalmus 45.**

**DEUS** noster refugium et virtus: \*  
adjutor in tribulationibus, quæ  
invenerunt nos nimis.

**Propterea non timebimus dum tur-**  
babitur terra, \* et transferentur mon-  
tes in cor maris.

**Sonuerunt, et turbatæ sunt aquæ**  
eorum: \* conturbati sunt montes in  
fortitudine ejus.

**Fluminis impetus lætificat civitatem**  
Dei: \* sanctificavit tabernaculum suum  
Altissimus.

**Deus in medio ejus, non commo-**  
vebitur: \* adjuvabit eam Deus mano  
diluculo.

**Conturbatæ sunt gentes, et incli-**  
nata sunt regna: \* dedit vocem suam,  
mota est terra.

**Dominus virtutum nobiscum: \***  
susceptor noster Deus Jacob.

**Venite, et videte opera Domini,**  
quæ posuit prodigia super terram: \*  
auferens bella usque ad finem terræ.

**Arcum conteret, et confringet ar-**  
ma: \* et scuta comburet igni.

**Vacate, et videte quoniam ego sum**  
Deus: \* exaltabor in Gentibus, et exal-  
tabor in terra.

**Dominus virtutum nobiscum: \***  
susceptor noster Deus Jacob.

**Psalmus 46.**

**OMNES** Gentes, plaudite manibus: \*  
jubilate Deo in voce exultationis.

**Quoniam Dominus excelsus, terribi-**  
lis: \* Rex magnus super omnem terram.



Subjecit populos nobis , \* et Gentes sub pedibus nostris.

Elegit nobis hæreditatem suam , \* speciem Jacob , quam dilexit.

Ascendit Deus in jubilo , \* et Dominus in voce tubæ.

Psallite Deo nostro , psallite : \* psallite Regi nostro , psallite.

Quoniam Rex omnis terræ Deus : \* psallite sapienter.

Regnabit Deus super Gentes : \* Deus sedet super sedem sanctam suam.

Principes populorum congregati sunt cum Deo Abraham : \* quoniam dii fortes terræ vehementer elevati sunt.

*Ant.* Adjutor in tribulationibus.

*Ant.* Magnus Dominus.

### Psalmus 47.

**M**AGNUS Dominus , et laudabilis nimis \* in civitate Dei nostri , in monte sancto ejus.

Fundatur exultatione universæ terræ mons Sion , \* latera Aquilonis , civitas Regis magni.

Deus in domibus ejus cognoscetur , \* cum suscipiet eam.

Quoniam ecce reges terræ congregati sunt : \* convenerunt in unum.

Ipsi videntes sic admirati sunt , conturbati sunt , commoti sunt \* tremor apprehendit eos.

Ibi dolores ut parturientis : \* in spiritu vehementi conteres naves Tharsis.

Sicut audivimus , sic vidimus in civitate Domini virtutem , in civitate Dei nostri : \* Deus fundavit eam in æternum.

Suscepimus , Deus , misericordiam tuam , \* in medio templi tui.

Secundum nomen tuum , Deus , sic et laus tua in fines terræ : \* justitia plena est dextera tua.

Lætetur mons Sion , et exultent filiae Judæ , \* propter judicia tua , Domine.

Circumdate Sion , et complectimini eam : \* narrate in turribus ejus.

Ponite corda vestra in virtute ejus : \* et distribuite domos ejus , ut enarretis in progenie altera.

Quoniam hic est Deus , Deus noster

in æternum , et in sæculum sæculi : \* ipse reget nos in sæcula.

### Psalmus 48.

**A**UDITE hæc , omnes Gentes : \* auribus percipite , omnes qui habitatis orbem :

Quique terrigenæ , et filii hominum : \* simul in unum dives et pauper.

Os meum loquetur sapientiam : \* et meditatio cordis mei prudentiam.

Inclinabo in parabolam aurem meam : \* aperiam in psalterio propositionem meam.

Cur timebo in die mala ? \* iniquitas calcanei mei circumdabit me.

Qui confidunt in virtute sua , \* et in multitudine divitiarum suarum gloriantur.

Frater non redimit , redimet homo ? \* non dabit Deo placationem suam.

Et pretium redemptionis animæ suæ : \* et laborabit in æternum , et vivet adhuc in finem.

Non videbit interitum , cum viderit sapientes morientes : \* simul insipiens et stultus peribunt.

Et relinquent alienis divitias suas : \* et sepulchra eorum domus illorum in æternum.

Tabernacula eorum in progenie et progenie : \* vocaverunt nomina sua in terris suis.

Et homo , cum in honore esset , non intellexit : \* comparatus est jumentis insipientibus , et similis factus est illis.

Hæc via illorum scandalum ipsis : \* et postea in ore suo complacebunt.

Sicut oves in inferno positi sunt : \* mors depascet eos.

Et dominabuntur eorum justi in matutino : \* et auxilium eorum veterascet in inferno a gloria eorum.

Verumtamen Deus redimet animam meam de manu inferi , \* cum acceperit me.

Ne timueris cum dives factus fuerit homo : \* et cum multiplicata fuerit gloria domus ejus.

Quoniam cum interierit , non sumet omnia : \* neque descendet cum eo gloria ejus.

**Q**uia anima ejus in vita ipsius benedicetur : \* confitebitur tibi cum benefeceris ei.

Introibit usque in progenies patrum suorum : \* et usque in æternum non videbit lumen.

Homo , cum in honore esset , non intellexit : \* comparatus est jumentis insipientibus , et similis factus est illis.

*Ant.* Magnus Dominus , et laudabilis nimis.

*Ant.* Deus deorum.

### Psalmus 49.

**D**EUS deorum Dominus locutus est , \* et vocavit terram.

A solis ortu usque ad occasum : \* ex Sion species decoris ejus.

Deus manifeste veniet : \* Deus noster , et non silebit.

Ignis in conspectu ejus exardescet : \* et in circuitu ejus tempestas valida.

Advocabit cælum desursum , \* et terram discernere populum suum.

Congregate illi sanctos ejus : \* qui ordinant testamentum ejus super sacrificia.

Et annuntiabunt cæli justitiam ejus , \* quoniam Deus judex est.

Audi , populus meus , et loquar : Israel , et testificabor tibi : \* Deus , Deus tuus ego sum.

Non in sacrificiis tuis arguam te ; \* holocausta autem tua in conspectu meo sunt semper.

Non accipiam de domo tua vitulos ; \* neque de gregibus tuis hircos.

Quoniam meæ sunt omnes feræ silvarum , \* jumenta in montibus et boves.

Cognovi omnia volatilia cæli : \* et pulchritudo agri mecum est.

Si esuriero , non dicam tibi : \* meus est enim orbis terræ , et plenitudo ejus.

Numquid manducabo carnes tauro- rum ? aut sanguinem hircorum potabo ?

Immola Deo sacrificium laudis : \* et redde Altissimo vota tua.

Et invoca me in die tribulationis : \* eruam te , et honorificabis me.

Peccatori autem dixit Deus : \* Quare tu enarras justitias meas , et assumis testamentum meum per os tuum ?

Tu vero odisti disciplinam : \* et projecisti sermones meos retrorsum.

Si videbas furem , currebas cum eo : \* et cum adulteris portionem tuam ponebas.

Os tuum abundavit malitia : \* et lingua tua concinnabat dolos.

Sedens adversus fratrem tuum loquebaris , et adversus filium matris tuæ ponebas scandalum : \* hæc fecisti , et tacui.

Existimasti inique quod ero tui similis : \* arguam te , et statuam contra faciem tuam.

Intelligite hæc , qui obliviscimini Deum : \* nequando rapiat , et non sit qui eripiat.

Sacrificium laudis honorificabit me : \* et illic iter , quo ostendam illi salutare Dei.

### Psalmus 51.

**Q**UID gloriaris in malitia , \* qui potens es in iniquitate ?

Tota die injustitiam cogitavit lingua tua : \* sicut novacula acuta fecisti dolum.

Dilexisti malitiam super benignitatem : \* iniquitatem magis , quam loqui æquitatem.

Dilexisti omnia verba præcipitationis , \* lingua dolosa.

Propterea Deus destruet te in finem : \* evellet te , et emigrabit te de tabernaculo tuo , et radicem tuam de terro viventium.

Videbunt justi , et timebunt , et super eum ridebunt , et dicent : \* Ecce homo , qui non posuit Deum adiutorem suum.

Sed speravit in multitudine divitiarum suarum : \* et prævaluit in vanitate sua.

Ego autem sicut oliva fructifera in domo Dei , \* speravi in misericordia Dei in æternum , et in sæculum sæculi.

Confitebor tibi in sæculum , quia fecisti : \* et expectabo nomen tuum , quoniam bonum est in conspectu sanctorum tuorum.

*Ant.* Deus deorum Dominus locutus est.

*Per Ann. ꝑ.* Immola Deo sacrificium laudis. *ā.* Et redde Altissimo vota tua.

*In Adv. ꝑ.* Emitte agnum, Domine, Dominatorem terræ. *ā.* De petra deserti ad montem filiæ Sion.

*In Quadrag. ꝑ.* Scapulis suis obumbrabit tibi. *ā.* Et sub pennis ejus sperabis.

*Temp. Pass. ꝑ.* De ore leonis libera me, Domine. *ā.* Et a cornibus unicornium humilitatem meam.

*Temp. Pasch. Ant.* Alleluia, alleluia, alleluia.

*ꝑ.* Surrexit Dominus vere, alleluia. *ā.* Et apparuit Simoni, alleluia.

*Pro uno vel plur. Mart. temp. Pasch. ꝑ.* Lux perpetua lucebit sanctis tuis, Domine, alleluia. *ā.* Et æternitas temporum, allel.

*Pro uno Mart. extra temp. Pasch. ꝑ.* Posuisti, Domine, super caput ejus *ā.* Coronam de lapide pretioso.

*Pro plur. Mart. ꝑ.* Exultent justi in conspectu Dei *ā.* Et delectentur in lætitia.

*Pro Confess. Pont. ꝑ.* Elegit eum Dominus sacerdotem sibi. *ā.* Ad sacrificandum ei hostiam laudis.

*Pro Conf. non Pont. ꝑ.* Os justi meditabitur sapientiam. *ā.* Et lingua ejus loquetur judicium.

*Pro una Sancta. ꝑ.* Adjuvabit eam Deus vultu suo. *ā.* Deus in medio ejus, non commovebitur.

#### AD LAUDES.

*Ant.* Dele, Domine, iniquitatem meam.

*Psalm.* Miserere, ut supra, p. 39.

*Ant.* Salutare.

#### Psalmus 42.

**J**UDICA me, Deus, et discerne causam meam de gente non sancta; \* ab homine iniquo et doloso erue me.

Quia tu es, Deus, fortitudo mea: \* quare me repulisti? et quare tristis incedo, dum affligit me inimicus?

Emitte lucem tuam, et veritatem

tuam: \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei: \* ad Deum, qui lætificat juventutem meam.

Confitebor tibi in cithara, Deus, Deus meus: \* quare tristis es, anima mea? et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

*Ant.* Salutare vultus mei, et Deus meus.

*Ant.* Ad te de luce vigilo, Deus.

*Psalm.* Deus Deus meus, ut supra, p. 13.

*Ant.* Cunctis diebus.

#### CANTICUM EZECHIE.

Isaiæ 38.

**E**GO dixi: In dimidio dierum meorum, vadam ad portas inferi.

Quæsi residuum annorum meorum, \* dixi: Non videbo Dominum Deum in terra viventium.

Non aspiciam hominem ultra, \* et habitatorem quietis.

Generatio mea ablata est, et convoluta est a me, \* quasi tabernaculum pastorum.

Præcisa est velut a texente vita mea; dum adhuc ordirem, succidit me: \* de mane usque ad vesperam finies mea.

Sperabam usque ad mane, \* quasi leo sic contrivit omnia ossa mea:

De mane usque ad vesperam finies me: \* sicut pullus hirundinis sic clamabo, meditabor ut columba.

Attenuati sunt oculi mei, \* suspicientes in excelsum.

Domine, vim patior, responde pro me. \* Quid dicam, aut quid respondebit mihi, cum ipse fecerit?

Recogitabo tibi omnes annos meos. \* in amaritudine animæ meæ.

Domine, si sic vivitur, et in talibus vita spiritus mei, corripies me, et vivificabis me. \* Ecce in pace amaritudo mea amarissima.

Tu autem eruisti animam meam, ut non periret: \* projecisti post tergum tuum omnia peccata mea.



Quia non infernus confitebitur tibi,  
neque mors laudabit te : \* non expe-  
ctabunt , qui descendunt in lacum ,  
veritatem tuam.

Vivens vivens ipse confitebitur tibi,  
sicut et ego hodie : \* pater filiis no-  
tam faciet veritatem tuam..

Domine, salvum me fac, \* et psal-  
mos nostros cantabimus cunctis die-  
bus vitæ nostræ in domo Domini.

Ant. Cunctis diebus vitæ nostræ sal-  
vos nos fac, Domine.

Ant. Omnes Angeli ejus, laudate  
Dominum de cælis.

Psalm. Laudate Dominum de cæ-  
lis, p. 14.

Capitulum. Rom. 13.

**N**OX præcessit, dies autem appro-  
pinquavit : abjiciamus ergo opera  
tenebrarum, et induamur arma lucis :  
sicut in die honeste ambulemus.

#### HYMNUS.

**A**LES diei nuntius  
Lucem propinquam præcinit:  
Nos excitator mentium  
Jam Christus ad vitam vocat.

Auferte, clamat, lectulos,  
Ægro sopore desides :  
Castique, recti, ac sobrii  
Vigilate, jam sum proximus.

Jesum ciamus vocibus,  
Flentes, precantes, sobrii :  
Intenta supplicatio  
Dormire cor mundum vetat.

Tu, Christe, somnum discute :  
Tu rumpe noctis vincula :  
Tu solve peccatum vetus,  
Novumque lumen ingere.

Deo Patri sit gloria,  
Ejusque soli Filio,  
Cum Spiritu Paraclito  
Nunc et per omne sæculum. Amen.

ÿ. Repleti sumus mane misericor-  
dia tua. ñ. Exultavimus, et delectati  
sumus.

Ad Bened. Ant. Erexit nobis Domi-  
nus cornu salutis in domo David pue-  
ri sui.

Preces quando dicuntur, habentur  
supra in Fer. ij, p. 41.

## FERIA QUARTA

AD MATUTINUM.

Invit. In manu tua, Domine, \* (o-  
mnes fines terræ.

Psalm. Venite exultemus, p. 1.

#### HYMNUS.

**R**ERUM Creator optime,  
Rectorque noster, aspice :  
Nos a quiete noxia  
Mersos sopore libera.

Te, sancte Christe, poscimus,  
Ignosce culpis omnibus :  
Ad confitendum surgimus,  
Morasque noctis rumpimus.

Mentes manusque tollimus,  
Propheta sicut noctibus  
Nobis gerendum præcipit,  
Paulusque gestis censuit.

Vides malum, quod fecimus :  
Occulta nostra pandimus :  
Preces gementes fundimus,  
Dimitte quod peccavimus.

Præsta, Pater piissime  
Patrique compar Unice,  
Cum Spiritu Paraclito  
Regnans per omne sæculum. Amen.

Ant. Avertit Dominus.

Temp. Pasch. Ant. Alleluia.

#### Psalmus 52.

**D**IXIT insipiens in corde suo : \*  
Non est Deus.

Corrupti sunt, et abominabiles facti  
sunt in iniquitatibus : \* non est qui  
faciat bonum.

Deus de cælo prospexit super filios  
hominum, \* ut videat si est intelli-  
gens, aut requirens Deum.

Omnes declinaverunt, simul inuti-  
les facti sunt : \* non est qui faciat  
bonum, non est usque ad unum.

Nunc scient omnes qui operantur  
iniquitatem, \* qui devorant plebem  
meam ut cibum panis?

Deum non invocaverunt : \* illic tre-  
pidaverunt timore, ubi non erat timor.

Quoniam Deus dissipavit ossa eorum,  
qui hominibus placent : \* confusi sunt,  
quoniam Deus sprevit eos.

Quis dabit ex Sion salutare Israel ?

cum converterit Deus captivitatem plebis suæ, exultabit Jacob, et lætabitur Israel.

**Psalmus 54.**

**EXAUDI**, Deus, orationem meam, et ne despexeris deprecationem meam: \* intende mihi et exaudi me.

Contristatus sum in exercitatione mea: \* et conturbatus sum a voce inimici, et a tribulatione peccatoris.

Quoniam declinaverunt in me iniquitates: \* et in ira molesti erant mihi.

Cor meum conturbatum est in me: \* et formido mortis cecidit super me.

Timor et tremor venerunt super me: \* et contexerunt me tenebræ.

Et dixi: Quis dabit mihi pennas sicut columbæ, \* et volabo et requiescam?

Ecce elongavi fugiens, \* et mansi in solitudine.

Expectabam eum, qui salvum me fecit \* a pusillanimitate spiritus et tempestate.

Præcipita, Domine; divide linguas eorum: \* quoniam vidi iniquitatem et contradictionem in civitate.

Die ac nocte circumdabit eam super muros ejus iniquitas: \* et labor in medio ejus, et injustitia.

Et non defecit de plateis ejus \* usura et dolus.

Quoniam si inimicus meus maledixisset mihi, \* sustinuissem utique.

Et si is, qui oderat me, super me magna locutus fuisset, \* abscondissem me forsitan ab eo.

Tu vero, homo unanimis, \* dux meus et notus meus:

Qui simul mecum dulces capiebas cibos: \* in domo Dei ambulavimus cum consensu.

Veniat mors super illos: \* et descendant in infernum viventes.

Quoniam nequitie in habitaculis eorum, \* in medio eorum.

Ego autem ad Deum clamavi: \* et Dominus salvabit me.

Vespere, et mane, et meridie narrabo et annuntiabo: \* et exaudiet vocem meam.

AD MATUTINUM.

Redimet in pace animam meam ab his, qui appropinquant mihi: \* quoniam inter multos erant mecum.

Exaudiet Deus, et humiliabit illos: \* qui est ante sæcula.

Non enim est illis commutatio, et non timuerunt Deum: \* extendit manum suam in retribuendo.

Contaminaverunt testamentum ejus, divisi sunt ab ira vultus ejus, \* et appropinquavit cor illius.

Molliti sunt sermones ejus super oleum: \* et ipsi sunt jacula.

Jacta super Dominum curam tuam, et ipse te enutriet: \* non dabit in æternum fluctuationem justo.

Tu vero, Deus, deduces eos \* in puteum interitus.

Viri sanguinum et dolosi non dimidiabunt dies suos: \* ego autem sperabo in te, Domine.

*Ant.* Avertit Dominus captivitatem plebis suæ.

*Ant.* Quoniam.

**Psalmus 55.**

**MISERERE** mei, Deus, quoniam conculcavit me homo: \* tota die impugnans tribulavit me.

Conculcaverunt me inimici mei tota die: \* quoniam multi bellantes adversum me.

Ab altitudine diei timebo: \* ego vero in te sperabo.

In Deo laudabo sermones meos, in Deo speravi: \* non timebo quid faciat mihi caro.

Tota die verba mea execrabantur: \* adversum me omnes cogitationes eorum in malum.

Inhabitabunt et abscondent: \* ipsi calcaneum meum observabunt.

Sicut sustinuerunt animam meam, pro nihilo salvos facies illos: \* in ira populos confringes.

Deus, vitam meam annuntiavi tibi, \* posuisti lacrymas meas in conspectu tuo.

Sicut et in promissione tua: \* tunc convertentur inimici mei retrorsum.

In quacumque die invocavero te: \* ecce cognovi quoniam Deus meus es.

In Deo laudabo verbum, in Domino laudabo sermonem : \* in Deo speravi, non timebo quid faciat mihi homo.

In me sunt, Deus, vota tua, \* quæ reddam, laudationes tibi.

Quoniam eripuisti animam meam de morte, et pedes meos de lapsu : \* ut placeam coram Deo in lumine viventium.

**Psalmus 56.**

**MISERERE** mei, Deus, miserere mei : \* quoniam in te confidit anima mea.

Et in umbra alarum tuarum sperabo, \* donec transeat iniquitas.

Clamabo ad Deum altissimum : \* Deum, qui benefecit mihi.

Misit de cælo, et liberavit me : \* dedit in opprobrium conculcantes me.

Misit Deus misericordiam suam, et veritatem suam : \* et eripuit animam meam de medio catulorum leonum : dormivi conturbatus.

Filii hominum dentes eorum arma et sagittæ : \* et lingua eorum gladius acutus.

Exaltare super cælos, Deus : \* et in omnem terram gloria tua.

Laqueum paraverunt pedibus meis : \* et incurvaverunt animam meam.

Foderunt ante faciem meam foveam : \* et inciderunt in eam.

Paratum cor meum, Deus, paratum cor meum : \* cantabo, et psalmum dicam.

Exurge, gloria mea, exurge, psalterium et cithara : \* exurgam diluculo.

Confitebor tibi in populis, Domine : \* et psalmum dicam tibi in gentibus.

Quoniam magnificata est usque ad cælos misericordia tua, \* et usque ad nubes veritas tua.

Exaltare super cælos, Deus : \* et super omnem terram gloria tua.

*Ant.* Quoniam in te confidit anima mea.

*Ant.* Justa judicate.

**Psalmus 57.**

**SI** vero utique justitiam loquimini, \* recta judicate, filii hominum.

Etenim in corde iniquitates operamini : \* in terra injustitias manus vestra concinnant.

Alienati sunt peccatores a vulva, erraverunt ab utero : \* locuti sunt falsa.

Furor illis secundum similitudinem serpentis : \* sicut aspidis surdæ, et obturantibus aures suas :

Quæ non exaudiet vocem incantantium : \* et venefici incantantis sapienter.

Deus conteret dentes eorum in ore ipsorum : \* molas leonum confringet Dominus.

Ad nihilum devenient tanquam aqua decurrens : \* intendit arcum suum donec infirmantur.

Sicut cera, quæ fluit, auferentur : \* supercecidit ignis, et non viderunt solem.

Priusquam intelligerent spinæ vestra rhamnum : \* sicut viventes, sic in ira absorbet eos.

Lætabitur justus cum viderit vindictam : \* manus suas lavabit in sanguine peccatoris.

Et dicet homo : Si utique est fructus justo : \* utique est Deus judicans eos in terra.

**Psalmus 58.**

**ERIPE** me de inimicis meis, Deus meus : \* et ab insurgentibus in me libera me.

Eripe me de operantibus iniquitatem : \* et de viris sanguinum salva me.

Quia ecce ceperunt animam meam : \* irruerunt in me fortes.

Neque iniquitas mea, neque peccatum meum, Domine : \* sine iniquitate cucurri, et direxi.

Exurge in occursum meum, et vide : \* et tu, Domine Deus virtutum, Deus Israel.

Intende ad visitandas omnes Gentes : \* non miserearis omnibus, qui operantur iniquitatem.

Convertentur ad vesperam, et famem patientur ut canes : \* et circuibunt civitatem.

Ecce loquuntur in ore suo, et gladius in labiis eorum : \* quoniam quis audivit ?



Et tu, Domine, deridebis eos : \* ad nihilum deduces omnes Gentes.

Fortitudinem meam ad te custodiam quia Deus susceptor meus es : \* Deus meus misericordia ejus præveniet me.

Deus ostendet mihi super inimicos meos, ne occidas eos : \* nequando obliviscantur populi mei.

Disperge illos in virtute tua : \* et depone eos, protector meus Domine :

Delictum oris eorum, sermonem labiorum ipsorum : \* et comprehendantur in superbia sua.

Et de execratione et mendacio annuntiabuntur in consummatione : \* in ira consummationis et non erunt.

Et scient quia Deus dominabitur Jacob, \* et finium terræ.

Convertentur ad vesperam, et famem patientur ut canes : \* et circuibunt civitatem.

Ipsi dispergentur ad manducandum : \* si vero non fuerint saturati, et murmurabunt.

Ego autem cantabo fortitudinem tuam : \* et exultabo mane misericordiam tuam.

Quia factus es susceptor meus, \* et refugium meum in die tribulationis meæ.

Adjutor meus, tibi psallam, quia Deus susceptor meus es : \* Deus meus, misericordia mea.

*Ant.* Justa judicate, filii hominum.

*Ant.* Da nobis.

### Psalmus 59.

**D**EUS, repulisti nos, et destruxisti nos : \* iratus es, et misertus es nobis.

Commovisti terram, et conturbasti eam : \* sana contritiones ejus, quia commota est.

Ostendisti populo tuo dura : \* potasti nos vino compunctionis.

Dedisti metuentibus te significationem, \* ut fugiant a facie arcus :

Ut liberentur dilecti tui : \* salvum fac dextera tua, et exaudi me.

Deus locutus est in sancto suo : \* Letabor, et partabor Sichimam, et convallum tabernaculorum metibor.

Meus est Galaad, et meus est Manasses : \* et Ephraim fortitudo capitulis mei.

Juda rex meus : \* Moab olla spei meæ.

In Idumæam extendam calceamentum meum : \* mihi alienigenæ subditi sunt.

Quis deducet me in civitatem munitam ? \* quis deducet me usque in Idumæam ?

Nonne tu, Deus, qui repulisti nos : \* et non egredieris, Deus, in virtutibus nostris ?

Da nobis auxilium de tribulatione : \* quia vana salus hominis.

In Deo faciemus virtutem : \* et ipse ad nihilum deducet tribulantes nos.

### Psalmus 60.

**E**XAUDI, Deus, deprecationem meam : \* intende orationi meæ.

A sinibus terræ ad te clamavi : \* dum anxietur cor meum, in petra exaltasti me.

Deduxisti me, quia factus es spes mea : \* turris fortitudinis a facie inimici.

Inhabitabo in tabernaculo tuo in sæcula : \* protegar in velamento alarum tuarum.

Quoniam tu, Deus meus, exaudisti orationem meam : \* dedisti hæreditatem timentibus nomen tuum.

Dies super dies regis adjicies : \* annos ejus usque in diem generationis et generationis.

Permanet in æternum in conspectu Dei : \* misericordiam et veritatem ejus quis requireret ?

Sic psalmum dicam nomini tuo in sæculum sæculi : \* ut reddam vota mea de die in diem.

*Ant.* Da nobis, domine, auxilium de tribulatione.

*Ant.* Nonne Deo.

### Psalmus 61.

**N**ONNE Deo subjecta erit anima mea ? \* ab ipso enim salutare meum.

Nam et ipse Deus meus, et salutaris meus,\* non movebor amplius.

Quousque irrumpitis in hominem? \* interficitis, universi vos, tamquam parieti inclinato et maceris depulsæ?

Verumtamen pretium meum cogitaverunt repellere, cucurri in siti: \* ore suo benedicebant, et corde suo maledicebant.

Verumtamen Deo subjecta esto, anima mea: \* quoniam ab ipso patientia mea.

Quia ipse Deus meus et salvator meus: \* adjutor meus, non emigrabo.

In Deo salutare meum, et gloria mea: \* Deus auxilii mei, et spes mea in Deo est.

Sperate in eo, omnis congregatio populi, effundite coram illo corda vestra: \* Deus adjutor noster in æternum.

Verumtamen vani filii hominum, mendaces filii hominum in stateris: \* ut decipiant ipsi de vanitate in idipsum.

Nolite sperare in iniquitate, et rapinas nolite concupiscere: \* divitiæ si affluant, nolite cor apponere.

Semel locutus est Deus, duo hæc audi, quia potestas Dei est, et tibi, Domine, misericordia: \* quia tu reddes unicuique juxta opera sua.

### Psalmus 63.

**E**XAUDI, Deus, orationem meam cum deprecor: \* a timore inimici eripe animam meam.

Protexisti me a conventu malignantium, \* a multitudine operantium iniquitatem.

Quia exacuerunt ut gladium linguas suas: \* intenderunt arcum rem amarum, ut sagittent in occultis immaculatum.

Subito sagittabunt eum, et non timebunt: \* firmaverunt sibi sermonem nequam.

Narraverunt ut absconderent laqueos: \* dixerunt: Quis videbit eos?

Scrutati sunt iniquitates: \* defecerunt scrutantes scrutinio.

Accedet homo ad cor altum: \* et exaltabitur Deus.

Sagittæ parvulorum factæ sunt

plagæ eorum: \* et infirmatæ sunt contra eos linguæ eorum.

Conturbati sunt omnes qui videbant eos: \* et timuit omnis homo.

Et annuntiaverunt opera Dei, et facta ejus intellexerunt.

Lætabitur justus in Domino, et sperabit in eo: \* et laudabuntur omnes recti corde.

*Ant.* Nonne Deo subjecta erit anima mea?

*Ant.* Benedicite.

### Psalmus 65.

**J**UBILATE Deo, omnis terra, psalmum dicite nomini ejus: \* date gloriam laudi ejus.

Dicite Deo: Quam terribilia sunt opera tua Domine! \* in multitudine virtutis tuæ mentientur tibi inimici tui.

Omnis terra adoret te, et psallat tibi: \* psalmum dicat nomini tuo.

Venite et videte opera Dei, \* terribilis in consiliis super filios hominum.

Qui convertit mare in aridam, in flumine pertransibunt pede: \* ibi lætabimur in ipso.

Qui dominatur in virtute sua in æternum, oculi ejus super Gentes respiciunt: \* qui exasperant, non exaltentur in semetipsis.

Benedicite, Gentes, Deum nostrum: \* et auditam facite vocem laudis ejus.

Qui posuit animam meam ad vitam: \* et non dedit in commotionem pedes meos.

Quoniam probasti nos, Deus: \* igno nos examinasti, sicut examinatur argentum.

Induxisti nos in laqueum, posuisti tribulationes in dorso nostro: \* imposuisti homines super capita nostra.

Transivimus per ignem et aquam: \* et eduxisti nos in refrigerium.

Introibo in domum tuam in holocaustis: \* reddam tibi vota mea, quæ distinxerunt labia mea,

Et locutum est os meum, \* in tribulatione mea.

Molocausta medullata offeram tibi

cum incenso arietum : \* offeram tibi boves cum hircis.

Venite , audite , et narrabo , omnes qui timetis Deum , \* quanta fecit animæ meæ.

Ad ipsum ore meo clamavi : \* et exaltavi sub lingua mea.

Iniquitatem si aspexi in corde meo , \* non exaudiet Dominus.

Propterea exaudivit Deus , \* et attendit voci deprecationis meæ.

Benedictus Deus , \* qui non amovit orationem meam , et misericordiam suam a me.

### Psalmus. 67.

**EXURGAT** Deus , et dissipentur inimici ejus : \* et fugiant , qui oderunt eum , a facie ejus.

Sicut deficit fumus , deficiant : \* sicut fluit cera a facie ignis , sic pereant peccatores a facie Dei.

Et justi epulentur , et exultent in conspectu Dei : \* et delectentur in lætitia.

Cantate Deo , psalmum dicite nomini ejus : \* iter facite ei qui ascendit super occasum : Dominus nomen illi.

Exultate in conspectu ejus : \* turbabuntur a facie ejus , patris orphanorum , et iudicis viduarum.

Deus in loco sancto suo : \* Deus , qui inhabitare facit unius moris in domo :

Qui educit victos in fortitudine , \* similiter eos qui exasperant , qui habitant in sepulchris.

Deus , cum egredereris in conspectu populi tui , \* cum pertransires in deserto ,

Terra mota est ; etenim cœli distillaverunt a facie Dei Sinai , \* a facie Dei Israel.

Pluviam voluntariam segregabis , Deus , hæreditati tuæ : \* et infirmata est , tu vero perfecisti eam.

Animalia tua habitabunt in ea : \* parasti in dulcedine tua pauperi , Deus.

Dominus dabit verbum evangelizantibus , \* virtute multa :

Rex virtutum , dilecti , dilecti : \* et speciei domus dividere spolia.

Si dormiatis inter medios cleros , pennæ columbæ deargentatæ , \* et posteriora dorsi ejus in pallore auri.

Dum discernit cœlestis reges super eam , nive dealbabuntur in Selmon : \* mons Dei , mons pinguis.

Mons coagulatus , mons pinguis : \* ut quid suspicamini montes coagulatos ?

Mons , in quo beneplacitum est Deo habitare in eo : \* etenim Dominus habitabit in finem.

Currus Dei decem millibus multiplex , millia lætantium : \* Dominus in eis in Sina in sancto.

Ascendisti in altum , cepisti captivitatem : \* accepisti dona in hominibus.

Etenim non credentes , \* inhabitare Dominum Deum.

Benedictus Dominus die quotidie : \* prosperum iter faciet nobis Deus salutarium nostrorum.

Deus noster , Deus salvos faciendi : \* et Domini Domini exitus mortis

Verumtamen Deus confringet capita inimicorum suorum : \* verticem capilli perambulantium in delictis suis.

Dixit Dominus : Ex Basan convertam : \* convertam in profundum maris.

Ut intingatur pes tuus in sanguine : \* lingua canum tuorum ex inimicis , ab ipso.

Viderunt ingressus tuos , Deus : \* ingressus Dei mei , Regis mei , qui est in sancto.

Prævenierunt principes conjuncti psallentibus , \* in medio juvenularum tympanistriarum.

In ecclesiis benedicite Deo Domino , \* de fontibus Israel.

Ibi Benjamin adolescentulus , \* in mentis excessu.

Principes Juda , duces eorum : \* principes Zabulon , principes Nephthali.

Manda , Deus , virtuti tuæ : \* confirma hoc , Deus , quod operatus es in nobis.

A templo tuo in Jerusalem , \* tibi offerent reges munera.

Increpa feras arundinis , congregatio taurorum in vaccis populorum : \*



ut excludant eos, qui probati sunt argento.

**Dissipa gentes**, quæ bella volunt: venient legati ex Ægypto: \* Æthiopia præveniet manus ejus Deo.

**Regna terræ**, cantate Deo: \* psallite Domino.

**Psallite Deo**, qui ascendit super cælum cæli, \* ad Orientem.

**Ecce dabit voci suæ vocem virtutis**, date gloriam Deo super Israel, \* magnificentia ejus, et virtus ejus in nubibus.

**Mirabilis Deus in sanctis suis**; Deus Israel ipse dabit virtutem et fortitudinem plebi suæ: \* benedictus Deus.

**Ant. Benedicite, Gentes, Deum nostrum.**

**Per Ann. y.** Deus, vitam meam annuntiavi tibi q̃. Posuisti lacrymas meas in conspectu tuo.

**In Adv. y.** Egredietur Dominus de loco sancto suo. q̃. Veniet ut salvet populum suum.

**In Quadrag. y.** Scuto circumdabit te veritas ejus. q̃. Non timebis a timore nocturno.

**Temp. pass. y.** Ne perdas cum impiis, Deus, animam meam. q̃. Et cum viris sanguinum vitam meam.

**Temp. Pasch. Ant. Alleluia, alleluia, alleluia.**

**y. Gavisī sunt discipuli, alleluia. q̃. Viso Domino, alleluia.**

**Pro uno, vel plur. Mart. temp. Pasch. y.** Lætitia sempiterna super capita eorum, alleluia. q̃. Gaudium et exultationem obtinebunt, alleluia.

**Pro uno Mart. extra temp. Pasch. y.** Magna est gloria ejus in salutari tuo. q̃. Gloriam et magnum decorem impones super eum.

**Pro plur. Mart. y.** Justi autem in perpetuum vivent. q̃. Et apud Dominum est merces eorum.

**Pro Conf. Pont. y.** Tu es sacerdos in æternum. q̃. Secundum ordinem Melchisedech.

**Pro Conf. non Pont. y.** Lex Dei

ejus in corde ipsius. q̃. Et non supplantabuntur gressus ejus.

**Pro una Sancta y.** Elegit eam Deus, et prælegit eam. q̃. In tabernaculo suo habitare facit eam.

### AD LAUDES.

**Ant. Amplius lava me, Domine, ab injustitia mea.**

**Psalm. Miserere, ut supra, p. 39.**

**Ant. Te decet.**

### Psalmus 64.

**TE decet hymnus, Deus, in Sion: \* et tibi reddetur votum in Jerusalem.**

**Exaudi orationem meam: \* ad te omnis caro veniet.**

**Verba iniquorum prævaluerunt super nos: \* et impietatibus nostris tu propitiaberis.**

**Beatus quem elegisti, et assumpsisti: \* inhabitabit in atriis tuis.**

**Replebimur in bonis domus tuæ: \* sanctum est templum tuum, mirabile in æquitate.**

**Exaudi nos, Deus salutaris noster, \* spes omnium finium terræ, et in mari longe.**

**Præparans montes in virtute tua, accinctus potentia, \* qui conturbas profundum maris, sonum fluctuum ejus.**

**Turbabuntur Gentes, et timebunt qui habitant terminos a signis tuis: \* exitus matutini, et vespere delectabis.**

**Visitasti terram et inebriasti eam: \* multiplicasti locupletare eam.**

**Flumen Dei repletum est aquis, parasti cibum illorum: \* quoniam ita est præparatio ejus.**

**Rivos ejus inebria, multiplica gemitum ejus: \* in stillicidiis ejus lætabitur germinans.**

**Benedices coronæ anni benignitatis tuæ: \* et campi tui replebuntur uberitate.**

**Pinguescent speciosa deserti: \* et exultatione colles accingentur.**

**Induti sunt arietes ovium, et valles abundabunt frumento: \* clamabunt, etenim hymnum dicent.**

*Ant.* Te decet hymnus, Deus, in Sion.

*Ant.* Labia mea laudabunt te in vita mea, Deus meus.

*Psalm.* Deus Deus meus, ut supra, p. 13.

*Ant.* Dominus judicabit.

CANTICUM ANNÆ. I Reg. 2.

**EXULTAVIT** cor meum in Domino: \* et exaltatum est cornu meum in Deo meo.

Dilatatum est os meum super inimicos meos: \* quia lætata sum in salutare tuo.

Non est sanctus, ut est Dominus; neque enim est alius extra te, \* et non est fortis sicut Deus noster.

Nolite multiplicare loqui sublimia, \* gloriantes.

Recedant vetera de ore vestro, quia Deus scientiarum Dominus est, \* et ipsi præparantur cogitationes.

Arcus fortium superatus est: \* et infirmi accincti sunt robore.

Repleti prius, pro panibus se locaverunt: \* et famelici saturati sunt.

Donec sterilis peperit plurimos: \* et quæ multos habebat filios, infirmata est.

Dominus mortificat et vivificat: \* deducit ad inferos, et reducit.

Dominus pauperem facit, et ditat: \* humiliat et sublevat.

Suscitat de pulvere egenum: \* et de stercore elevat pauperem.

Ut sedeat cum principibus, \* et solium gloriæ teneat.

Domini enim sunt cardines terræ, \* et posuit super eos orbem.

Pedes sanctorum suorum servabit, et impii in tenebris conticescent: \* quia non in fortitudine sua roborabitur vir.

Dominum formidabunt adversarii ejus: \* et super ipsos in cælis tonabit.

Dominus judicabit fines terræ, et dabit imperium regi suo: \* et sublimabit cornu Christi sui.

*Ant.* Dominus judicabit fines terræ.

*Ant.* Cæli cælorum, laudate Deum.

*Psalm.* Laudate Dominum de cælis, ut supra, p. 14.

*Capitulum.* Rom. 13.

**NOX** præcessit, dies autem appropinquavit: abjiciamus ergo opera tenebrarum, et induamur arma lucis: sicut in die honeste ambulemus.

**HYMNUS.**

**NOX** et tenebræ et nubila,  
Confusa mundi et turbida,  
Lux intrat, albescit polus,  
Christus venit, discedite.

Caligo terræ scinditur  
Percussa solis spiculo,  
Rebusque jam color redit,  
Vultu nitentis sideris.

Te, Christe, solum novimus:  
Te mente pura et simplici,  
Flendo et canendo quæsumus,  
Intende nostris sensibus.

Sunt multa fucis illita,  
Quæ luce purgentur tua:  
Tu vera lux cælestium  
Vultu sereno illumina.

Deo Patri sit gloria,  
Ejusque soli Filio,  
Cum Spiritu Paraclito,  
Nunc et per omne sæculum. Amen.

℣. Repleti sumus mane misericordia tua. ℟. Exultavimus, et delectati sumus.

*Ad Bened. Ant.* De manu omnium, qui oderunt nos, libera nos, Domine.

*Preces, quando dicuntur, habentur supra in Fer. ij. p. 41.*

**FERIA QUINTA**

**AD MATUTINUM.**

*Inrit.* Dominum qui fecit nos, \* Venite, adoremus.

*Psalm.* Venite exultemus, p. 1.

**HYMNUS.**

**NOX** atra rerum contegit  
Terræ colores omnium:  
Nos confitentes poscimus  
Te, juste iudex cordium

Ut auferas piacula,  
Sordesque mentis abluas:  
Donesque, Christe, gratiam,  
Ut arceantur crimina.

Mens ecce torpet impia,  
Quam culpa mordet noxia:  
Obscura gestit tollere,  
Et te, Redemptor, quærere.

Repelle tu caliginem  
Intriussecus quam maxime:  
Ut in beato gaudeat  
Se collocari lumine.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum. Amen.

*Ant. Domine Deus.*

*Temp. Pasch. Ant. Alleluia.*

### Psalmus 68.

**S**ALVUM me fac, Deus: \* quoniam intraverunt aquæ usque ad animam meam.

Infixus sum in limo profundi, \* et non est substantia.

Veni in altitudinem maris, \* et tempestas demersit me.

Laboravi clamans, raucae factæ sunt fauces meæ: \* defecerunt oculi mei, dum spero in Deum meum.

Multiplicati sunt super capillos capitis mei, \* qui oderunt me gratis.

Confortati sunt qui persecuti sunt me inimici mei injuste: \* quæ non rapui, tunc exolvebam.

Deus, tu scis insipientiam meam: \* et delicta mea a te non sunt abscondita.

Non erubescant in me, qui expectant te, Domine, \* Domine virtutum.

Non confundantur super me \* qui quærunt te, Deus Israel.

Quoniam propter te sustinui opprobrium: \* operuit confusio faciem meam.

Extraneus factus sum fratribus meis, \* et peregrinus filiis matris meæ.

Quoniam zelus domus tuæ comedit me: \* et opprobria exprobrantium tibi ceciderunt super me.

Et operui in jejuniis animam meam; \* et factum est in opprobrium mihi.

Et posui vestimentum meum cilicium: \* et factus sum illis in probolam.

Adversum me loquebantur qui sedebant in porta: \* et in me psallebant qui bibebant vinum.

Ego vero orationem meam ad te, Domine: \* tempus beneplaciti, Deus.

In multitudine misericordiæ tuæ exaudi me, \* in veritate salutis tuæ:

Eripe me de luto, ut non infingar: \* libera me ab iis qui oderunt me, et de profundis aquarum.

Non me demergat tempestas aquæ; neque absorbeat me profundum: \* neque urgeat super me puteus os suum.

Exaudi me, Domine, quoniam benigna est misericordia tua: \* secundum multitudinem miserationum tuarum respice in me.

Et ne avertas faciem tuam a puero tuo: \* quoniam tribulor, velociter exaudi me.

Intende animæ meæ, et libera eam: \* propter inimicos meos eripe me.

Tu scis improprium meum, et confusionem meam, \* et reverentiam meam.

In conspectu tuo sunt omnes qui tribulant me: \* improprium expectavit cor meum et miseriam.

Et sustinui qui simul contristaretur, et non fuit: \* et qui consolaretur, et non inveni.

Et dederunt in escam meam fel: \* et in siti mea potaverunt me aceto.

Fiat mensa eorum coram ipsis in laqueum, \* et in retributiones, et in scandalum.

Obscurentur oculi eorum ne videant: \* et dorsum eorum semper incurva.

Effunde super eos iram tuam: \* et furor iræ tuæ comprehendat eos.

Fiat habitatio eorum deserta: \* et in tabernaculis eorum non sit qui inhabitet.

Quoniam quem tu percussisti, persecuti sunt: \* et super dolorem vulnorum meorum addiderunt.

Appone iniquitatem super iniquitatem eorum: \* et non intrent in justitiam tuam.

Deleantur de libro viventium: \* et cum justis non scribantur.

Ego sum pauper et dolens: \* salus tua, Deus, suscepit me.

Laudabo nomen Dei cum cantico: \* et magnificabo eum in laude:



Et placebit Deo super vitulum novellum, \* cornua producentem et ungulas.

Videant pauperes, et laetentur : \* quærite Deum, et vivet anima vestra.

Quoniam exaudivit pauperes Dominus : \* et vinctos suos non despexit.

Laudent illum cæli et terra, \* mare, et omnia reptilia in eis.

Quoniam Deus salvum faciet Sion : \* et ædificabuntur civitates Juda.

Et inhabitabunt ibi, \* et hæreditate acquirant eam.

Et semen servorum ejus possidebit eam : \* et qui diligunt nomen ejus habitabunt in ea.

### Psalmus 69.

**D**EUS, in adjutorium meum intende : \* Domine, ad adjuvandum me festina.

Confundantur et reveantur, \* qui quærent animam meam.

Avertantur retrorsum, et erubescant, \* qui volunt mihi mala.

Avertantur statim erubescences, \* qui dicunt mihi: Euge, euge.

Exultent et lætentur in te omnes qui quærent te, \* et dicant semper : Magnificetur Dominus : qui diligunt salutare tuum.

Ego vero egenus et pauper sum : \* Deus, adjuva me.

Adjutor meus, et liberator meus, es tu : \* Domine, ne moreris.

Ant, Domine Deus, in adjutorium meum intende.

Ant. Esto mihi.

### Psalmus 70.

**I**N te, Domine, speravi, non confundar in æternum : \* in justitia tua libera me, et eripe me.

Inclina ad me aurem tuam, \* et salva me.

Esto mihi in Deum protectorem et in locum munitum, \* ut salvum me facias.

Quoniam firmamentum meum, \* et refugium meum es tu.

Deus meus, eripe me de manu pec-

catoris, \* et de manu contra legem agentis, et iniqui.

Quoniam tu es patientia mea, Domine : \* Domine, spes mea a juventute mea.

In te confirmatus sum ex utero : \* de ventre matris meæ tu es protector meus.

In te cantatio mea semper : \* tanquam prodigium factus sum multis ; et tu adjutor fortis.

Repleatur os meum laude, ut cantem gloriam tuam, \* tota die magnitudinem tuam.

Ne projicias me in tempore senectutis : \* cum defecerit virtus mea, ne derelinquas me.

Quia dixerunt inimici mei mihi : \* et qui custodiebant animam meam, consilium fecerunt in unum.

Dicentes : Deus dereliquit eum : persequimini, et comprehendite eum : \* quia non est qui eripiat.

Deus, ne elongeris a me : \* Deus meus, in auxilium meum respice.

Confundantur et deficiant detrahentes animæ meæ : \* operiantur confusione et pudore, qui quærent mala mihi.

Ego autem semper sperabo : \* et adjiciam super omnem laudem tuam.

Os meum annuntiabit justitiam tuam, \* tota die salutare tuum.

Quoniam non cognovi litteraturam, introibo in potentias Domini : \* Domine memorabor justitiæ tuæ solius.

Deus, docuisti me a juventute mea : \* et usque nunc pronuntiabo mirabilia tua :

Et usque in senectam et senium : \* Deus ne derelinquas me.

Donec annuntiem brachium tuum \* generationi omni, quæ ventura est :

Potentiam tuam, et justitiam tuam, Deus, usque in altissima, quæ fecisti magnalia : \* Deus, quis similis tibi ?

Quantas ostendisti mihi tribulationes multas et malas : et conversus vivificasti me : \* et de abyssi terræ iterum reduxisti me.

Multiplicasti magnificentiam tuam : \* et conversus consolatus es me.

Nam et ego confitebor tibi in vasis psalmi veritatem tuam: \* Deus, psallam tibi in cithara, Sanctus Israel.

Exultabunt labia mea cum cantavero tibi, \* et anima mea, quam redemisti.

Sed et lingua mea tota die meditabitur justitiam tuam: \* cum confusi et revertiti fuerint, qui quaerunt mala mihi.

### Psalmus 71.

**D**EUS, iudicium tuum regi da, \* et justitiam tuam filio regis:

Judicare populum tuum in justitia, \* et pauperes tuos in iudicio.

Suscipiant montes pacem populo, \* et colles justitiam.

Judicabit pauperes populi, et salvos faciet filios pauperum: \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus, \* et sicut stillicidia stillantia super terram.

Orietur in diebus ejus justitia, et abundantia pacis, \* donec auferatur luna.

Et dominabitur a mari usque ad mare: \* et a flumine usque ad terminos orbis terrarum.

Coram illo procident *Aethiopes*: \* et inimici ejus terram lingent.

Reges *Tharsis*, et insulae munera offerent: \* reges *Arabum* et *Saba* dona adduecent,

Et adorabunt eum omnes reges terrae: \* omnes gentes servient ei:

Quia liberabit pauperem a potente, \* et pauperem cui non erat adiutor.

Parcet pauperi et inopi: \* et animas pauperum salvas faciet.

Ex usuris et iniquitate redimet animas eorum: \* et honorabile nomen eorum coram illo.

Et vivet, et dabitur ei de auro *Arabie*, et adorabunt de ipso semper: \* tota die benedicent ei.

Et erit firmamentum in terra in summis montium, superextolletur super Libanum fructus ejus: \* et florebunt de civitate sicut fœnum terrae.

Sit nomen ejus benedictum in saecula: \* ante solem permanet nomen ejus.

Et benedicentur in ipso omnes tribus terrae: \* omnes Gentes magnificabunt eum.

Benedictus Dominus Deus Israel, \* qui facit mirabilia solus:

Et benedictum nomen majestatis ejus in æternum: \* et replebitur majestate ejus omnis terra: fiat, fiat.

*Ant.* Esto mihi, Domine, in Deum protectorem.

*Ant.* Liberasti virgam.

### Psalmus 72.

**Q**UAM bonus Israel Deus \* his, qui recto sunt corde!

Mei autem pene moti sunt pedes: \* pene effusi sunt gressus mei.

Quia zelavi super iniquos, \* pacem peccatorum viciens.

Quia non est respectus morti eorum: \* et firmamentum in plaga eorum.

In labore hominum non sunt, \* et cum hominibus non flagellabuntur.

Ideo tenuit eos superbia, \* operti sunt iniquitate et impietate sua.

Prodiit quasi ex adipe iniquitas eorum: \* transierunt in affectum cordis.

Cogitaverunt et locuti sunt nequitiam: \* iniquitatem in excelso locuti sunt.

Posuerunt in cœlum os suum: \* et lingua eorum transivit in terra.

Ideo convertetur populus meus hic: \* et dies pleni invenientur in eis.

Et dixerunt: Quomodo scit Deus, \* et si est scientia in excelso?

Ecce ipsi peccatores, et abundantes in saeculo \* obtinuerunt divitias.

Et dixi: Ergo sine causa justificavi cor meum, \* et lavi inter innocentes manus meas:

Et fui flagellatus tota die, \* et castigatio mea in matutinis.

Si dicebam: Narrabo sic: \* ecce nationem filiorum tuorum reprobavi.

Existimabam ut cognoscerem hoc, \* labor est ante me:

Donec intrem in Sanctuarium Dei, \*

et intelligam in novissimis eorum

Veruntamen propter dolos posuisti eis: \* deiecisti eos, dum allevarentur.

Quomodo facti sunt in desolationem? subito defecerunt: \* perierunt propter iniquitatem suam.

Velut somnium surgentium, Domine, \* in civitate tua imaginem ipsorum ad nihilum rediges.

Quia inflammatum est cor meum, et renes mei commutati sunt: \* et ego ad nihilum redactus sum, et nescivi.

Ut jumentum factus sum apud te: \* et ego semper tecum.

Tenuisti manum dexteram meam, et in voluntate tua deduxisti me, \* et cum gloria suscepisti me.

Quid enim mihi est in cœlo: \* et a te quid volui super terram?

Defecit caro mea, et cor meum: \* Deus cordis mei, et pars mea Deus in æternum.

Quia ecce, qui elongant se a te, peribunt: \* perdidisti omnes, qui fornicantur abs te.

Mihi autem adhærere Deo bonum est: \* ponere in Domino Deo spem meam:

Ut annuntiem omnes prædicationes tuas \* in portis filiæ Sion.

### Psalmus 73.

**U**T quid, Deus, repulisti in finem: \* iratus est furor tuus super oves pascuæ tuæ?

Memor esto congregationis tuæ, \* quam possedisti ab initio.

Redemisti virgam hæreditatis tuæ: \* mons Sion, in quo habitasti in eo.

Leva manus tuas in superbias eorum in finem: \* quanta malignatus est inimicus in sancto!

Et gloriati sunt qui oderunt te, \* in medio solemnitatis tuæ.

Posuerunt signa sua, signa: \* et non cognoverunt sicut in exitu super summum.

Quasi in silva lignorum securibus exciderunt januas ejus in idipsum: \* in securi et ascia dejecerunt eam.

Incenderunt igni Sanctuarium tuum: \* in terra polluerunt tabernaculum nominis tui.

Dixerunt in corde suo cognatio eorum simul: \* Quiescere faciamus omnes dies festos Dei a terra.

Signa nostra non vidimus, jam non est Propheta: \* et nos non cognoscebat amplius.

Usquequo, Deus, improperebit inimicus? \* irritat adversarius nomen tuum in finem?

Ut quid avertis manum tuam et dexteram tuam, \* de medio sinu tuo in finem?

Deus autem Rex noster ante sæcula, \* operatus est salutem in medio terræ.

Tu confirmasti in virtute tua mare: \* contribulasti capita draconum in aquis.

Tu confregisti capita draconis: \* dedisti eum escam populis Æthiopum.

Tu dirupisti fontes et torrentes: \* tu siccasti fluvios Ethan.

Tuus est dies, et tua est nox: \* tu fabricatus es auroram et solem.

Tu fecisti omnes terminos terræ: \* æstatem et ver tu plasmasti ea.

Memor esto hujus, inimicus impropereavit Domino: \* et populus insipiens incitavit nomen tuum.

Ne tradas bestiis animas confitentes tibi: \* et animas pauperum tuorum ne obliviscaris in finem.

Respice in testamentum tuum: \* quia repleti sunt, qui obscurati sunt terræ domibus iniquitatum.

Ne avertatur humilis factus confusus: \* pauper et inops laudabunt nomen tuum.

Exurge, Deus, judica causam tuam: \* memor esto impropriorum tuorum, eorum quæ ab insipiente sunt tota die.

Ne obliviscaris voces inimicorum tuorum: \* superbia eorum, qui te oderunt, ascendit semper.

Ant. Liberasti virgam hæreditatis tuæ.

Ant. Et invocabimus.



**Psalmus 74.**

**CONFITEBIMUR** tibi, Deus: \*  
confitebimur, et invocabimus no-  
men tuum.

Narrabimus mirabilia tua. \* cum  
accepero tempus, ego justitias judi-  
cabo.

Liquefacta est terra, et omnes qui  
habitant in ea: \* ego confirmavi co-  
lumnas ejus.

Dixi iniquis: Nolite inique agere: \* et  
delinquentibus: Nolite exaltare cornu.

Nolite extollere in altum cornu ve-  
strum: \* nolite loqui adversus Deum  
iniquitatem.

Quia neque ab Oriente, neque ab  
Occidente, neque a desertis montibus: \*  
quoniam Deus iudex est.

Nunc humiliat, et hunc exaltat: \*  
quia calix in manu Domini vini meri  
plenus misto.

Et inclinavit ex hoc in hoc: verum-  
tamen fœx ejus non est exinanita: \*  
bibent omnes peccatores terræ.

Ego autem annuntiabo in sæculum: \*  
cantabo Deo Jacob.

Et omnia cornua peccatorum con-  
fringam: \* et exaltabuntur cornua  
justi.

**Psalmus 75.**

**NOTUS** in Judæa Deus: \* in Israel  
magnum nomen ejus.

Et factus est in pace locus ejus: \*  
et habitatio ejus in Sion.

Ibi confregit potentias arcuum, \*  
scutum, gladium, et bellum.

Illuminans tu mirabiliter a monti-  
bus æternis: \* turbati sunt omnes in-  
sipientes corde.

Dormierunt somnum suum: \* et ni-  
hil invenerunt omnes viri divitiarum  
in manibus suis.

Ab increpatione tua, Deus Jacob, \*  
dormitaverunt qui ascenderunt equos.

Tu terribilis es, et quis resistet ti-  
bi? \* ex tunc ira tua.

De cœlo auditum fecisti judicium: \*  
terra tremuit, et quievit,

Cum exurgeret in judicium Deus, \* ut  
salvos faceret omnes mansuetos terræ.

Quoniam cogitatio hominis confite-  
bitur tibi: \* et reliquæ cogitationis  
diem festum agent tibi.

Vovete, et reddite Domino Deo ve-  
stro, \* omnes qui in circuitu ejus af-  
fertis munera,

Terribili, et ei qui aufert spiritum  
principum, \* terribili apud reges terræ.

*Ant.* Et invocabimus nomen tuum,  
Domine.

*Ant.* Tu es Deus.

**Psalmus 76.**

**VOCE** mea ad Dominum clamavi: \*  
voce mea ad Deum, et intendit  
mibi.

In die tribulationis meæ Deum ex-  
quisivi, manibus meis nocte contra  
eum: \* et non sum deceptus.

Requievit consolari anima mea: \* me-  
mor fui Dei, et delectatus sum, et  
exercitatus sum, et defecit spiritus  
meus.

Anticipaverunt vigilias oculi mei: \*  
turbatus sum, et non sum locutus.

Cogitavi dies antiquos: \* et annos  
æternos in mente habui.

Et meditatus sum nocte cum cor-  
de meo: \* et exercitabar, et scope-  
bam spiritum meum.

Numquid in æternum projiciet De-  
us? \* aut non apponet ut complaci-  
tior sit adhuc?

Aut in finem misericordiam suam  
abscindet, \* a generatione in genera-  
tionem?

Aut obliviscetur misereri Deus? \*  
aut continebit in ira sua misericordias  
suas?

Et dixi: Nunc cœpi: \* hæc muta-  
tio dexteræ Excelsi.

Memor fui operum Domini: \* quia  
memor ero ab initio mirabilium tuo-  
rum.

Et meditabor in omnibus operibus  
tuis: \* et in adinventionibus tuis  
exercebor.

Deus, in sancto via tua: quis Deus  
magnus sicut Deus noster? \* tu es  
Deus, qui facis mirabilia.

Notam fecisti in populis virtutem  
tuam: \* redemisti in brachio tuo po-

pulum tuum, filios Jacob et Joseph.

Viderunt te aquæ, Deus, viderunt te aquæ: \* et timuerunt, et turbatae sunt abyssi.

Multitudo sonitus aquarum, \* vocem dederunt nubes.

Etenim sagittæ tuæ transeunt: \* vox tonitruui tui in rota.

Illuxerunt coruscationes tuæ orbi terræ: \* commota est, et contremuit terra.

In mari via tua, et semitæ tuæ in aquis multis: \* et vestigia tua non cognoscentur.

Deduxistisicut oves populum tuum, \* in manu Moysi et Aaron.

### Psalmus 77.

**A**TTENDITE, popule meus, legem meam: \* inclinate aurem vestram in verba oris mei.

Aperiam in parabolis os meum: \* loquar propositiones ab initio.

Quanta audivimus, et cognovimus ea: \* et patres nostri narraverunt nobis.

Non sunt occulta a filiis eorum, \* in generatione altera.

Narrantes laudes Domini, et virtutes ejus: \* et mirabilia ejus quæ fecit.

Et suscitavit testimonium in Jacob: \* et legem posuit in Israel.

Quanta mandavit patribus nostris nota facere ea filiis suis, \* ut cognoscat generatio altera.

Filii qui nascentur, et exurgent, \* et narrabunt filiis suis.

Ut ponant in Deo spem suam, et non obliviscantur operum Dei: \* et mandata ejus exquirant.

Ne fiant sicut patres eorum, \* generatio prava et exasperans.

Generatio, quæ non direxit cor suum: \* et non est creditus cum Deo spiritus ejus.

Filii Ephrem intendentes et mittentes arcum, \* conversi sunt in die belli.

Non custodierunt testamentum Dei: \* et in lege ejus noluerunt ambulare.

Et obliti sunt benefactorum ejus: \* et mirabilium ejus, quæ ostendit eis.

Coram patribus eorum fecit mirabilia in terra Ægypti, \* in campo Taneos.

Interrupit mare, et perduxit eos: \* et statuit aquas quasi in utre.

Et deduxit eos in nube diei: \* et tota nocte in illuminatione ignis.

Interrupit petram in cremo: \* et adaquavit eos velut in abyssio multa.

Et eduxit aquam de petra: \* et deduxit tamquam flumina aquas.

Et apposuerunt adhuc peccare ei: \* in iram excitaverunt Excelsum in iniquoso.

Et tentaverunt Deum in cordibus suis, \* ut peterent escas animabus suis.

Et male locuti sunt de Deo: \* dixerunt: Numquid poterit Deus parare mensam in deserto?

Quoniam percussit petram, et fluxerunt aquæ, \* et torrentes inundaverunt.

Numquid et panem poterit dare, \* aut parare mensam populo suo?

Ideo audivit Dominus, et distulit: \* et ignis accensus est in Jacob, et ira ascendit in Israel.

Quia non crediderunt in Deo, \* nec speraverunt in salutari ejus:

Et mandavit nubibus desuper, \* et januas cœli aperuit.

Et pluit illis manna ad manducandum, \* et panem cœli dedit eis.

Panem Angelorum manducavit homo: \* cibaria misit eis in abundantia.

Transtulit Austrum de cœlo: \* et induxit in virtute sua Africum.

Et pluit super eos sicut pulverem carnes: \* et sicut arenam maris volatilia pennata.

Et ceciderunt in medio castrorum eorum, \* circa tabernacula eorum.

Et manducaverunt, et saturati sunt nimis, et desiderium eorum attulit eis: \* non sunt fraudati a desiderio suo.

Adhuc escæ eorum erant in ore ipsorum: \* et ira Dei ascendit super eos.

Et occidit pingues eorum: \* et electos Israel impedivit.

In omnibus his peccaverunt adhuc: \* et non crediderunt in mirabilibus ejus.

Et defecerunt in vanitate dies eorum : \* et anni eorum cum festinatione.

Cum occideret eos, querebant eum : \* et revertebantur, et diluculo veniebant ad eum.

Et rememorati sunt quia Deus adiutor est eorum : \* et Deus excelsus redemptor eorum est.

Et dilexerunt eum in ore suo, \* et lingua sua mentiti sunt ei.

Cor autem eorum non erat rectum cum eo : \* nec fideles habiti sunt in testamento ejus.

Ipsa autem est misericors, et propitius fiet peccatis eorum, \* et non disperdet eos.

Et abundavit ut averteret iram suam : \* et non accendit omnem iram suam.

Et recordatus est quia caro sunt : \* spiritus vadiens, et non rediens.

Quoties exacerbaverunt eum in deserto ? \* in iram concitaverunt eum in iniquo ?

Et conversi sunt, et tentaverunt Deum : \* et Sanctum Israel exacerbaverunt.

Non sunt recordati manus ejus, \* die qua redemit eos de manu tribulantis.

Sicut posuit in Aegypto signa sua : \* et prodigia sua in campo Thaneos.

Et convertit in sanguinem flumina eorum : \* et imbres eorum, ne biberent.

Misit in eos conomyam et comedit eos : \* et ranam, et disperdidit eos.

Et dedit ærugini fructus eorum, \* et labores eorum locustæ.

Et occidit in grandine vineas eorum, \* et moros eorum in pruina.

Et tradidit grandini jumenta eorum, \* et possessionem eorum igni.

Misit in eos iram indignationis suæ : \* indignationem, et iram, et tribulationem, immissiones per angelos malos.

Viam fecit semitæ iræ suæ, non pepercit a morte animabus eorum, \* et jumenta eorum in morte conclusit.

Et percussit omne primogenitum in

terra Aegypti : \* primitias omnis laboris eorum in tabernaculis Cham.

Et abstulit sicut oves populum suum : \* et perduxit eos tanquam gregem in deserto.

Et deduxit eos in spe, et non timuerunt : \* et inimicos eorum operuit mare.

Et induxit eos in montem sanctificationis suæ : \* montem, quem acquisivit dextera ejus.

Ejecit a facie eorum Gentes : \* et sorte divisit eis terram in funiculo distributionis.

Et habitare fecit in tabernaculis eorum \* tribus Israel.

Et tentaverunt, et exacerbaverunt Deum excelsum : \* et testimonia ejus, non custodierunt.

Et averterunt se, et non servaverunt pactum : \* quemadmodum patres eorum, conversi sunt in arcum pravam.

In iram concitaverunt eum in collibus suis : \* et in sculptilibus suis ad emulationem eum provocaverunt.

Audivit Deus et sprexit : \* et ad nihilum redegit valde Israel.

Et repulit tabernaculum Silo, \* tabernaculum suum, ubi habitavit in hominibus.

Et tradidit in captivitatem virtutem eorum : \* et pulchritudinem eorum in manus inimici.

Et conclusit in gladio populum suum : \* et hereditatem suam sprexit.

Juvenes eorum comedit ignis : \* et virgines eorum non sunt lamentatæ.

Sacerdotes eorum in gladio ceciderunt : \* et viduæ eorum non plorabantur.

Et excitatus est tanquam dormiens Dominus, \* tanquam potens crapulatus a vino.

Et percussit inimicos suos in posteriora : \* opprobrium sempiternum dedit illis.

Et repulit tabernaculum Joseph : \* et tribum Ephraim non elegit :

Sed elegit tribum Juda, \* montem Sion, quem dilexit.

Et ædificavit sicut unicornium san-



ctificium suum in terra, \* quam fundavit in sæcula.

Et elegit David servum suum, et sustulit eum de gregibus ovium: \* de post fortantes accepit eum,

Pascere Jacob servum suum, \* et Israel hæreditatem suam.

Et pavit eos in innocentia cordis sui: \* et in intellectibus manuum suarum deduxit eos.

*Ant.* Tu es Deus, qui facis mirabilia.

*Ant.* Propitius esto.

### Psalmus 73.

**D**EUS, venerunt Gentes in hæreditatem tuam, polluerunt templum sanctum tuum: \* posuerunt Jerusalem in pomorum custodiam.

Posuerunt morticina servorum tuorum escas volatilibus cæli: \* carnes sanctorum tuorum bestiis terræ.

Effuderunt sanguinem eorum tanquam aquam in circuitu Jerusalem: \* et non erat qui sepeliret.

Facti sumus opprobrium vicinis nostris: \* subsannatio et illusio his, qui in circuitu nostro sunt.

Usquequo, Domine, irasceris in finem? \* accendetur velut ignis zelus tuus?

Effunde iram tuam in Gentes, quæ te non noverunt: \* et in regna, quæ nomen tuum non invocaverunt:

Quia comederunt Jacob: \* et locum ejus desolaverunt.

Ne memineris iniquitatum nostrarum antiquarum, cito anticipent nos misericordiæ tuæ: \* quia pauperes facti sumus nimis.

Adjuva nos, Deus salutaris noster, et propter gloriam nominis tui, Domine, libera nos: \* et propitius esto peccatis nostris propter nomen tuum.

Ne forte dicant in Gentibus: Ubi est Deus eorum? \* et innotescat in nationibus coram oculis nostris.

Ultio sanguinis servorum tuorum, qui effusus est: \* introeat in conspectu tuo gemitus compeditorum.

Secundum magnitudinem brachii tui, \* posside filios mortificatorum.

Et redde vicinis nostris septuplum

in sinu eorum: \* improprium ipsorum, quod exprobraverunt tibi, Domine.

Nos autem populus tuus, et oves pascuæ tuæ, \* confitebimur tibi in sæculum:

In generationem et generationem \* annuntiabimus laudem tuam.

### Psalmus 79.

**Q**UI regis Israel, intende: \* qui deducis velut ovem Joseph.

Qui sedes super Cherubim, \* manifestare coram Ephraim, Benjamin, et Manasse.

Excita potentiam tuam, et veni, \* ut salvos facias nos.

Deus converte nos: \* et ostende faciem tuam, et salvi erimus.

Domine Deus virtutum, \* quousque irasceris super orationem servi tui?

Cibabis nos pane lacrymarum, \* et potum dabis nobis in lacrymis in mensura?

Posuisti nos in contradictionem vicinis nostris: \* et inimici nostri subsannaverunt nos.

Deus virtutum, converte nos: \* et ostende faciem tuam, et salvi erimus.

Vineam de Ægypto transtulisti: \* eiecisti Gentes, et plantasti eam.

Dux itineris fuisti in conspectu ejus: \* plantasti radices ejus, et implevit terram.

Operuit montes umbra ejus: \* et arbusta ejus cedros Dei.

Extendit palmites suos usque ad mare: \* et usque ad flumen propagines ejus.

Ut quid destruxisti maceriam ejus? \* et vindemiant eam omnes, qui prætergrediuntur viam?

Exterminavit eam aper de silva: \* et singularis ferus depastus est eam.

Deus virtutum, convertere: \* respice de cælo, et vide, et visita vineam istam.

Et perlice eam, quam plantavit dextera tua: \* et super filium hominis, quem confirmasti tibi.

Incensa igni, et suffossa \* ab increpatione vultus tui peribant.

**F**iat manus tua super virum dexterae tuae ; \* et super filium hominis , quem confirmasti tibi.

**E**t non discedimus a te , vivificabis nos : \* et nomen tuum invocabimus.

**Domine Deus virtutum ,** converte nos : \* et ostende faciem tuam , et salvi erimus.

**Ant. Propitius esto peccatis nostris, Domine.**

**Per Ann. y. Gaudebunt labia mea,** cum cantavero tibi. **q. Et anima mea,** quam redemisti.

**In Adv. y. Ex Sion species decoris** ejus. **q. Deus noster manifeste veniet.**

**In Quadrag. y. Ipse liberavit me de** laqueo venantium. **q. Et a verbo aspero.**

**Tem. Pass. y. Erue a framea, Deus,** animam meam. **q. Et de manu canis** unicam meam.

**Temp. Pasch. Ant. Alleluia, alle-**luia, alleluia.

**y. Surrexit Dominus de sepulchro,** alleluia. **q. Qui pro nobis pendit in** ligno , alleluia.

**Pro uno , vel plur. Mart. temp. Pasch. y. Sancti et just , in Domino** gaudete , alleluia. **q. Vos elegit Deus** in hereditatem sibi , alleluia.

**Pro uno Mart. extra temp. Pasch. q. Gloria et honore coronasti eum,** Domine **q. Et constituisti eum super** opera manuum tuarum.

**Pro plur. Mart. y. Lætamini in** Domino , et exultate just . **q. Et gloriamini omnes recti corde.**

**Pro Conf. Pont. et non Pont. y. Amavit eum Dominus , et ornavit** eum. **q. Stulam gloriæ induit eum.**

**Pro una Sancta. y. Specie tua, et** pulchritudine tua. **q. Intende , pro-**spere procede , et regna.

#### AD LAUDES.

**Ant. Tibi soli peccavi , Domine,** miserere mei.

**Psalm. Miserere , p. 39.**

**Ant. Domine.**

#### Psalmus 89

**D**OMINE , refugium factus es nobis , \* a generatione in generationem.

**Priusquam montes fierent, aut formaretur terra et orbis , \* a sæculo et usque in sæculum tu es Deus.**

**Ne avertas hominem in humilitatem : \* et dixisti : Convertimini , filii hominum.**

**Quoniam mille anni ante oculos tuos\* tanquam dies hesternæ præterit ,**

**Et custodia in nocte , \* quæ pro nihilo habentur, eorum anni erunt.**

**Mane sicut herba transeat , mane floreat, et transeat : \* vespere decidat, induret , et arescat.**

**Quia defecimus in ira tua : \* et in furore tuo turbati sumus.**

**Posuisti iniquitates nostras in conspectu tuo, \* sæculum nostrum in illuminatione vultus tui.**

**Quoniam omnes dies nostri defecerunt : \* et in ira tua defecimus.**

**Anni nostri sicut aranea meditabuntur : \* dies annorum nostrorum in ipsis septuaginta anni.**

**Si autem in potentatibus octoginta anni : \* et amplius eorum labor et dolor.**

**Quoniam supervenit mansuetudo , \* et corripiemur.**

**Quis novit potestatem iræ tuæ , \* et præ timore tuo iram tuam dinumerare?**

**Dexteram tuam sic notam fac , \* et eruditos corde in sapientia.**

**Convertere , Domine ; usquequo ? \* et deprecabilis esto super servos tuos.**

**Repleti sumus mane misericordia tua, \* et exultavimus, et delectati sumus omnibus diebus nostris.**

**Lætati sumus pro diebus , quibus nos humiliasti : \* annis , quibus vidimus mala.**

**Respice in servos tuos, et in opera tua : \* et dirige filios eorum.**

**Et sit splendor Domini Dei nostri super nos, et opera manuum nostrarum dirige super nos : \* et opus manuum nostrarum dirige.**

*Ant.* Domine, refugium factus es nobis.

*Ant.* In matutinis meditabor in te.

*Psalm.* Deus Deus meus, p. 13.

*Ant.* Cantemus.

CANTICUM MOYSI *Exod.* 15.

**C**ANTEMUS Domino: gloriose enim magnificatus est; \* equum et ascensorem dejecit in mare.

Fortitudo mea, et laus mea Dominus, \* et factus est mihi in salutem.

Iste Deus meus, et glorificabo eum: \* Deus patris mei, et exaltabo eum.

Dominus quasi vir pugnator, omnipotens nomen ejus. \* Currus Pharaonis et exercitum ejus projecit in mare.

Electi principes ejus submersi sunt in mari Rubro \* Abyssi operuerunt eos, descenderunt in profundum quasi lapis.

Dextera tua, Domine, magnificata est in fortitudine, dextera tua, Domine, percussit inimicum. \* Et in multitudine gloriæ tuæ deposuisti adversarios tuos.

Misisti iram tuam, quæ devoravit eos sicut stipulam. \* Et in spiritu furoris tui congregatæ sunt aquæ:

Stetit unda fluens, \* congregatæ sunt abyssi in medio mari.

Dixit inimicus: Persequar et comprehendam: \* dividam spolia, implebitur anima mea.

Evaginabo gladium meum, \* interficiet eos manus mea.

Flavit spiritus tuus, et operuit eos mare: \* submersi sunt quasi plumbum in aquis vehementibus.

Quis similis tui in fortibus, Domine? \* quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. \* Dux fuisti in misericordia tua populo, quem redemisti:

Et portasti eum in fortitudine tua, \* ad habitaculum sanctum tuum.

Ascenderunt populi, et irati sunt: \* dolores obtinuerunt habitatores Philistinim.

Tunc conturbati sunt principes Edom, robustos Moab obtinuit tremor: \* obriguerunt omnes habitatores Chanaan.

Irruat super eos formido et pavor, \* in magnitudine brachii tui.

Fiant immobiles quasi lapis, donec pertranseat populus tuus, Domine: \* donec pertranseat populus tuus iste, quem possedisti.

Introduces eos, et plantabis in monte hereditatis tuæ, \* firmissimo habitaculo tuo, quod operatus es Domine:

Sanctuarium tuum, Domine, quod firmaverunt manus tuæ. \* Dominus regnabit in æternum et ultra.

Ingressus est enim eques Pharaon cum curribus et equitibus ejus in mare: \* et reduxit super eos Dominus aquas maris.

Filii autem Israel ambulaverunt per siccum \* in medio ejus.

*Ant.* Cantemus Domino gloriose.

*Ant.* In sanctis ejus laudate Deum.

*Psalm.* Laudate Dominum de cœlis, p. 14.

Capitulum. Rom. 13.

**N**OX præcessit, dies autem appropinquavit: abjiciamus ergo opera tenebrarum; et induamur arma lucis: sicut in die honeste ambulemus.

HYMNUS.

**L**UX ecce surgit aurea,  
Pallens facessat cæcitas,  
Quæ nosmet in præceps diu  
Errore traxit devio.

Hæc lux serenum conferat,  
Purosque nos præstet sibi:  
Nihil loquamur subdolum,  
Volvamus obscurum nihil.

Sic tota decurrat dies,  
Ne lingua mendax, ne manus  
Oculive peccent lubrici,  
Ne noxa corpus inquinet.

Speculator adstat desuper,  
Qui nos diebus omnibus  
Actusque nostros prospicit  
A luce prima in vespertum.

Deo patri sit gloria,  
Ejusque soli Filio,



Cum Spiritu Paraclito,  
Nunc et per omne sæculum. Amen.

Ÿ. Repleti sumus mane misericordia tua. A. Exultavimus, et delectati sumus.

*Ad Bened. Ant.* In sanctitate serviamus Domino, et liberabit nos ab inimicis nostris.

*Preces quando dicendæ sunt, habentur supra in Fer. ij. p. 41.*

## FERIA SEXTA

### AD MATUTINUM.

*Invit.* Adoremus Dominum, \* Quoniam ipse fecit nos.

*Psalm.* Venite exultemus, p. 1.

### HYMNUS.

**T**U, Trinitatis Unitas,  
Orbem potenter quæ regis,  
Attende laudis canticum  
Quod excubantes psallimus.

Nam lectulo consurgimus  
Noctis quieto tempore,  
Ut flagitemus omnium  
A te medelam vulnerum.

Quo fraude quidquid dæmonum  
In noctibus deliquimus,  
Abstergat illud cœlitus  
Tux potestas gloriæ.

Ne corpus adstet sordidum,  
Nec torpor instet cordium,  
Nec criminis contagio  
Tepescat ardor spiritus.

Ob hoc, Redemptor, quæsumus,  
Reple tuo nos lumine.  
Per quod dierum circulis,  
Nullis roamus actibus.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum. Amen.

*Ant.* Exultate.

*Temp. Pasch. Ant.* Alleluia.

### Psalmus 80.

**E**XULTATE Deo adjutori nostro: \*  
jubilare Deo Jacob.

Sumite psalmum, et date tympanum, \* psalterium jucundum cum ci-thara.

Buccinate in Neomenia tuba. \* in insigni die solemnitatis vestræ.

Quia præceptum in Israel est: \* et judicium Deo Jacob.

Testimonium in Joseph posuit illud, cum exiret de terra Egypti: \* linguam, quam non noverat, audivit.

Divertit ab oneribus dorsum ejus: \* manus ejus in cophino servierunt.

In tribulatione invocasti me, et liberavi te: \* exaudivi te in abscondito tempestatis: probavi te apud aquam contradictionis.

Audi, populus meus, et contesta-bor te: \* Israel, si audieris me, non erit in te Deus recens, neque adora-bis Deum alienum.

Ego enim sum Dominus Deus tuus, qui eduxi te de terra Egypti: \* di-lata os tuum, et implebo illud.

Et non audivit populus meus vocem meam: \* et Israel non intendit mihi.

Et dimisi eos secundum desideria cordis eorum: \* ibunt in adinventio-nibus suis.

Si populus meus audisset me: \* Israel si in viis meis ambulasset:

Pro nihilo forsitan inimicos eorum humiliassem: \* et super tribulantes eos misissem manum meam.

Inimici Domini mentiti sunt ei: \* et erit tempus eorum in sæcula.

Et cibavit eos ex adipe frumenti: \* et de petra, melle saturavit eos.

### Psalmus 81.

**D**EUS stetit in synagoga deorum: \* in medio autem deos dijudicat.

Usquequo judicatis iniquitatem, \* et facies peccatorum sumitis?

Judicate egeno et pupillo: \* humi-lem et pauperem justifyate.

Eripite pauperem: \* et egenum de manu peccatoris liberate.

Nescierunt, neque intellexerunt, in tenebris ambulant: \* movebuntur omnia fundamenta terræ.

Ego dixi: Dii estis, \* et filii Excel-si omnes.

Vos autem sicut homines moriemini: \* et sicut unus de principibus cadetis.

**Surge, Deus, iudica terram: \* quoniam tu hæreditabis in omnibus gentibus.**

*Ant. Exultate Deo adjutori nostro.*

*Ant. Tu solus.*

**Psalmus 82.**

**DEUS**, quis similis erit tibi? \* ne taceas, neque compescaris Deus:

**Quoniam ecce inimici tui sonuerunt: \* et qui oderunt te, extulerunt caput.**

**Super populum tuum malignaverunt consilium: \* et cogitaverunt adversus sanctos tuos.**

**Dixerunt: Venite, et disperdamus eos de gente: \* et non memoretur nomen Israel ultra.**

**Quoniam cogitaverunt unanimiter: \* simul adversum te testamentum disposuerunt, tabernacula Idumæorum et Israhelitarum:**

**Moab et Agareni, Gebal et Ammon, et Amalec: \* alienigenæ cum habitantibus Tyrum.**

**Etenim Assur venit cum illis: \* facti sunt in adiutorium filiis Lot.**

**Fac illis sicut Madian, Sisaræ: \* sicut Jabin in torrente Cisson.**

**Disperierunt in Endor: \* facti sunt ut stercus terræ.**

**Pone principes eorum sicut Oreb et Zeb, \* et Zebæ et Salmana:**

**Omnes principes eorum, \* qui dixerunt: Hæreditate possideamus Sanctuarium Dei.**

**Deus meus, pone illos ut rotam: \* et sicut stipulam ante faciem venti.**

**Sicut ignis qui comburit silvam: \* et sicut flamma comburens montes:**

**Ita persequeris illos in tempestate tua: \* et in ira tua turbabis eos.**

**Imple facies eorum ignominia: \* et quærent nomen tuum, Domine.**

**Erubescant et conturbentur in sæculum sæculi: \* et confundantur et pereant.**

**Et cognoscant quia nomen tibi Dominus: \* tu solus Altissimus in omni terra.**

**Psalmus 83.**

**QUAM** dilecta tabernacula tua, Domine virtutum! \* concupiscit

et deficit anima mea in atria Domini.

**Cor meum et caro mea \* exultaverunt in Deum vivum.**

**Etenim passer invenit sibi domum: \* et turtur nidum sibi, ubi ponat pullos suos.**

**Altaria tua, Domine virtutum, \* Rex meus et Deus meus.**

**Beati, qui habitant in domo tua, Domine: \* in sæcula sæculorum laudabunt te.**

**Beatus vir, cujus est auxilium abs te: \* ascensiones in corde suo disposuit, in valle lacrymarum, in loco quem posuit.**

**Etenim benedictionem dabit legislator, ibunt de virtute in virtutem: \* videbitur Deus deorum in Sion.**

**Domine Deus virtutum, exaudi orationem meam: \* auribus percipe, Deus Jacob.**

**Protector noster aspice, Deus: \* et respice in faciem Christi tui.**

**Quia melior est dies una in atriis tuis \* super millia.**

**Elegi abjectus esse in domo Dei mei, \* magis quam habitare in tabernaculis peccatorum.**

**Quia misericordiam et veritatem diligit Deus: \* gratiam et gloriam dabit Dominus.**

**Non privabit bonis eos, qui ambulant in innocentia. \* Domine virtutum, beatus homo, qui sperat in te.**

*Ant. Tu solus Altissimus super omnem terram.*

*Ant. Benedixisti.*

**Psalmus 84.**

**BENEDIXISTI**, Domine, terram tuam: \* avertisti captivitatem Jacob.

**Remisisti iniquitatem plebis tuæ: \* operuisti omnia peccata eorum.**

**Mitigasti omnem iram tuam: \* avertisti ab ira indignationis tuæ.**

**Converte nos, Deus salutaris noster: \* et averte iram tuam a nobis.**

**Numquid in æternum irasceris nobis? \* aut extends iram tuam a generatione in generationem?**

**Deus**, tu conversus vivificabis nos: \*  
et plebs tua lætabitur in te.

**Ostende** nobis, Domine, misericordiam tuam: \* et salutare tuum da nobis.

**Audiam** quid loquatur in me Dominus Deus: \* quoniam loquetur pacem in plebem suam:

**Et super sanctos suos**, \* et in eos, qui convertuntur ad cor.

**Verumtamen prope timentes eum** salutare ipsius: \* ut inhabitet gloria in terra nostra.

**Misericordia et veritas obviaverunt** sibi: \* justitia et pax osculatæ sunt.

**Veritas de terra orta est**: \* et justitia de cælo prosperit.

**Etenim Dominus dabit benignitatem**: \* et terra nostra dabit fructum suum.

**Justitia ante eum ambulabit**: \* et ponet in via gressus suos.

### Psalmus 85.

**INCLINA**, Domine, aurem tuam, et exaudi me: \* quoniam inops et pauper sum ego.

**Custodi animam meam**, quoniam sanctus sum: \* salvum fac servum tuum, Deus meus, sperantem in te.

**Miserere mei**, Domine, quoniam ad te clamavi tota die: \* lætifica animam servi tui, quoniam ad te, Domine, animam meam levavi.

**Quoniam tu**, Domine, suavis et mitis, \* et multæ misericordiæ omnibus invocantibus te.

**Auribus percipe**, Domine, orationem meam: \* et intende voci deprecationis meæ.

**In die tribulationis meæ clamavi** ad te, \* quia exaudisti me.

**Non est similis tui in diis**, Domine: \* et non est secundum opera tua.

**Omnes gentes quascumque fecisti**, venient, et adorabunt coram te, Domine: \* et glorificabunt nomen tuum.

**Quoniam magnus es tu**, et faciens mirabilia: \* tu es Deus solus.

**Deduc me**, Domine, in via tua, et ingrediar in veritate tua: \* lætetur cor meum, ut timeat nomen tuum.

**Confitebor tibi**, Domine Deus meus, in toto corde meo, \* et glorificabo nomen tuum in æternum.

**Quia misericordia tua magna est super me**: \* et eruisti animam meam ex inferno inferiori.

**Deus**, iniqui insurrexerunt super me, et synagoga potentium quæsierunt animam meam: \* et non proposuerunt te in conspectu suo.

**Et tu**, Domine, Deus miserator et misericors, \* patiens, et multæ misericordiæ, et verax.

**Respice in me**, et miserere mei: \* da imperium tuum puero tuo, et salvum fac filium ancillæ tuæ.

**Fac mecum signum in bonum**, ut videant qui oderunt me, et confundantur: \* quoniam tu, Domine, adjuvisti me, et consolatus es me.

*Ant. Benedixisti, Domine, terram tuam.*

*Ant. Fundamenta ejus.*

### Psalmus 86.

**FUNDAMENTA** ejus in montibus sanctis: \* diligit Dominus portas Sion super omnia tabernacula Jacob.

**Gloriosa dicta sunt de te**, \* civitas Dei.

**Memor ero Rahab et Babylonis** \* scientium me.

**Ecce alienigenæ**, et Tyrus, et populus Æthiopum, \* hi fuerunt illic.

**Numquid Sion dicet**: Homo, et homo natus est in ea, \* et ipse fundavit eam Altissimus?

**Dominus narrabit in scripturis** populorum et principum: \* horum, qui fuerunt in ea.

**Sicut lætantium omnium** \* habitatio est in te.

### Psalmus 87.

**DOMINE**, Deus salutis meæ, \* in die clamavi et nocte coram te.

**Intret in conspectu tuo oratio mea**: \* inclina aurem tuam ad precem meam:

**Quia repleta est malis anima mea**: \* et vita mea inferno appropinquavit.

**Æstimatus sum cum descendentibus in lacum**: \* factus sum sicut homo



sine adjutorio, inter mortuos liber.

Sicut vulnerati dormientes in sepulchris, quorum non es memor amplius: \* et ipsi de manu tua repulsi sunt.

Posuerunt me in lacu inferiori: \* in tenebrosis et in umbra mortis.

Super me confirmatus est furor tuus: \* et omnes fluctus tuos induxisti super me.

Longe fecisti notos meos a me: \* posuerunt me abominationem sibi.

Traditus sum, et non egrediebar. \* oculi mei languerunt præ inopia.

Clamavi ad te, Domine, tota die: \* expandi ad te manus meas.

Numquid mortuis facies mirabilia? \* aut medici suscitabunt, et confitebuntur tibi?

Numquid narrabit aliquis in sepulchro misericordiam tuam, \* et veritatem tuam in perditione?

Numquid cognoscentur in tenebris mirabilia tua, \* et justitia tua in terra oblivionis?

Et ego ad te, Domine, clamavi: \* et mane oratio mea præveniet te.

Ut quid, Domine, repellis orationem meam, \* avertis faciem tuam a me?

Pauper sum ego, et in laboribus a juventute mea: \* exaltatus autem, humiliatus sum et conturbatus.

In me transierunt iræ tuæ: \* et terrores tui conturbaverunt me.

Circumdederunt me sicut aqua tota die: \* circumdederunt me simul.

Elongasti a me amicum et proximum, \* et notos meos a miseria.

*Ant.* Fundamenta ejus in montibus sanctis.

*Ant.* Benedictus.

### Psalmus 88.

**M**ISERICORDIAS Domini \* in æternum cantabo.

In generationem et generationem \* annuntiabo veritatem tuam in ore meo.

Quoniam dixisti: In æternum misericordia ædificabitur in cœlis: \* præparabitur veritas tua in eis.

Disposui testamentum electis meis,

juravi David servo meo: \* Usque in æternum præparabo semen tuum.

Et ædificabo in generationem et generationem \* sedem tuam.

Confitebuntur cœli mirabilia tua. Domine: \* etenim veritatem tuam in ecclesia sanctorum.

Quoniam quis in nubibus æquabitur Domino, \* similis erit Deo in filiis Dei?

Deus, qui glorificatur in consilio sanctorum: \* magnus et terribilis super omnes, qui in circuitu ejus sunt.

Domine Deus virtutum, quis similis tibi? \* potens es, Domine, et veritas tua in circuitu tuo.

Tu dominaris potestati maris: \* motum autem fluctuum ejus tu mitigas.

Tu humiliasti, sicut vulneratum, superbum: \* in brachio virtutis tuæ dispersisti inimicos tuos.

Tui sunt cœli, et tua est terra, orbem terræ et plenitudinem ejus tu fundasti: \* Aquilonem et mare tu creasti.

Thabor et Hermon in nomine tuo exultabunt: tuum brachium cum potentia.

Firmetur manus tua, et exaltetur dextera tua: \* justitia et judicium præparatio sedis tuæ.

Misericordia et veritas præcedent faciem tuam: \* beatus populus, qui scit jubilationem.

Domine, in lumine vultus tui ambulabunt, et in nomine tuo exultabunt tota die: \* et in justitia tua exultabuntur.

Quoniam gloria virtutis eorum tu es: \* et in beneplacito tuo exaltabitur cornu nostrum.

Quia Domini est assumptio nostra, \* et Sancti Israel Regis nostri.

Nunc locutus es in visione sanctis tuis, et dixisti: \* Posui adjutorium in potente, et exaltavi electum de plebe mea.

Inveni David servum meum: \* oleo sancto meo unxi eum.

Manus enim mea auxiliabitur ei: \* et brachium meum confortabit eum.

Nihil proficiet inimicus in eo: \* et filius iniquitatis non apponet nocere ei.

Et concidam a facie ipsius inimicos ejus : \* et odientes eum in fugam convertam.

Et veritas mea , et misericordia mea cum ipso : et in nomine meo exaltabitur cornu ejus.

Et ponam in mari manum ejus , \* et in fluminibus dexteram ejus.

Ipse invocabit me : Pater meus es tu : \* Deus meus , et susceptor salutis meæ.

Et ego primogenitum ponam illum \* excelsum præ regibus terræ.

In æternum servabo illi misericordiam meam , \* et testamentum meum fidele ipsi.

Et ponam in sæculum sæculi semen ejus , \* et thronum ejus sicut dies cæli.

Si autem dereliquerint filii ejus legem meam , \* et in judiciis meis non ambulaverint :

Si justitias meas profanaverint , \* et mandata mea non custodierint :

Visitabo in virga iniquitates eorum , \* et in verberibus peccata eorum.

Misericordiam autem meam non dispergam ab eo : \* neque nocebo in veritate mea.

Neque profanabo testamentum meum : \* et quæ procedunt de labiis meis , non faciam irrita.

Semel juravi in sancto meo , si David mentiar : \* semen ejus in æternum manebit.

Et thronus ejus sicut sol in conspectu meo , \* et sicut luna perfecta in æternum , et testis in cælo fidelis.

Tu vero repulisti et despexisti : \* distulisti Christum tuum.

Avertisti testamentum servi tui : \* profanasti in terra Sanctuarium ejus.

Destruxisti omnes sepes ejus : \* posuisti firmamentum ejus formidinem.

Diripuerunt eum omnes transeuntes viam : \* factus est opprobrium vicinis suis.

Exaltasti dexteram deprimentium eum : \* lætificasti omnes inimicos ejus.

Avertisti adjutorium gladii ejus : \* et non es auxiliatus ei in bello.

Destruxisti eum ab emundatione : \*

et sedem ejus in terram collisisti.

Minorasti dies temporis ejus : \* perfudisti eum confusione.

Usquequo , Domine , avertis in finem , \* exardescet sicut ignis ira tua ?

Memorare quæ mea substantia : \* numquid enim vane constituisti omnes filios hominum ?

Quis est homo qui vivet , et non videbit mortem : \* eruet animam suam de manu inferi ?

Ubi sunt misericordiæ tuæ antiquæ , Domine , \* sicut jurasti David in veritate tua ?

Memor esto , Domine , opprobrii servorum tuorum , \* ( quod continui in sinu meo ) multarum gentium :

Quod exprobraverunt inimici tui , Domine : \* quod exprobraverunt commutationem Christi tui.

Benedictus Dominus in æternum : \* fiat , fiat.

### Psalmus 95.

**D**EUS ultionum Dominus , \* Deus ultionum libere egit.

Exaltare , qui judicas terram : \* redde retributionem superbis.

Usquequo peccatores , Domine , \* usquequo peccatores gloriabuntur ?

Effabuntur , et loquentur iniquitatem : \* loquentur omnes , qui operantur injustitiam ?

Populum tuum , Domine , humiliaverunt : \* et hæreditatem tuam vexaverunt.

Widuam et advenam interfecerunt : \* et pupillos occiderunt.

Et dixerunt : Non videbit Dominus , \* nec intelliget Deus Jacob.

Intelligite , insipientes in populo : \* et stulti , aliquando sapite.

Qui plantavit aurem , non audiet ? \* aut qui finxit oculum , non considerat ?

Qui corripit gentes , non arguet : \* qui docet hominem scientiam ?

Dominus scit cogitationes hominum , \* quoniam vanæ sunt.

Beatus homo , quem tu erudieris , Domine , \* et de lege tua docueris eum.

Ut mitiges ei a diebus malis , \* donec fodiat peccatori fovea.

Quia non repellet Dominus plebem suam : \* hereditatem suam non derelinquet.

Quoadusque justitia convertatur in judicium : \* et qui juxta illam, omnes qui recto sunt corde.

Quis consurget mihi adversus malignantes ? \* aut quis stabit mecum adversus operantes iniquitatem ?

Nisi quia Dominus adjuvit me , \* paulo minus habitasset in inferno anima mea.

Si dicebam : Motus est pes meus : \* misericordia tua , Domine , adjuvabat me.

Secundum multitudinem dolorum meorum in corde meo , \* consolationes tuæ lætificaverunt animam meam.

Numquid adhæret tibi sedes iniquitatis , \* qui fingis laborem in præcepto ?

Captabunt in animam justī : \* et sanguinem innocentem condemnabunt.

Et factus est mihi Dominus in refugium , \* et Deus meus in adjutorium spei meæ.

Et reddet illis iniquitatem ipsorum, et in malitia eorum disperdet eos : \* disperdet illos Dominus Deus noster.

*Ant.* Benedictus Dominus in æternum.

*Ant.* Cantate.

### Psalmus 93.

**C**ANTATE Domino canticum novum : \* cantate Domino , omnis terra.

Cantate Domino , et benedicite nomini ejus : \* annuntiate de die in diem salutare ejus.

Annuntiate inter Gentes gloriam ejus , \* in omnibus populis mirabilia ejus.

Quoniam magnus Dominus, et laudabilis nimis : \* terribilis est super omnes deos.

Quoniam omnes dii Gentium demonia : \* Dominus autem cælos fecit.

Confessio et pulchritudo in conspectu ejus : \* sanctimonia et magnificentia in sanctificatione ejus.

Afferte Domino , patriæ gentium , afferte Domino gloriam et honorem : \*

afferte Domino gloriam nomini ejus.

Tollite hostias , et introite in atria ejus : \* adorete Dominum in atrio sancto ejus.

Commoveatur a facie ejus universa terra : \* dicite in Gentibus , quia Dominus regnavit.

Etenim correxit orbem terræ , qui non commovebitur : \* judicabit populos in æquitate.

Lætentur cæli , et exultet terra , commoveatur mare, et plenitudo ejus : \* gaudebunt campi , et omnia quæ in eis sunt.

Tunc exultabunt omnia ligna silvarum a facie Domini , quia venit : \* quoniam venit judicare terram.

Judicabit orbem terræ in æquitate , \* et populos in veritate sua.

### Psalmus 96.

**D**OMINUS regnavit , exultet terra : \* lætentur insulæ multæ.

Nubes et caligo in circuitu ejus : \* justitia et judicium correctio sedis ejus.

Ignis ante ipsum præcedet , \* et inflammabit in circuitu inimicos ejus.

Illuxerunt fulgura ejus orbi terræ : \* vidit , et commota est terra.

Montes sicut cera fluxerunt a facie Domini , \* a facie Domini omnis terra.

Annuntiaverunt cæli justitiam ejus : \* et viderunt omnes populi gloriam ejus.

Confundantur omnes qui adorant sculptilia : \* et qui gloriantur in simulacris suis.

Adorate eum , omnes Angeli ejus : \* audivit , et lætata est Sion.

Et exultaverunt filiæ Judæ , \* propter judicia tua , Domine.

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum , odite malum , \* custodit Dominus animas sanctorum suorum , de manu peccatoris liberabit eos.

Lux orta est justo , \* et rectis corde lætitia.

Lætamini , justī , in Domino : \* et confitemini memoriæ sanctificationis ejus.



*Ant.* Cantate Domino, et benedicite nomini ejus.

*Per Ann. y.* Intret oratio mea in conspectu tuo, Domine. *ñ.* Inclina aurem tuam ad precem meam.

*In Adv. y.* Emitte Aguum, Domine, dominatorem terræ. *ñ.* De petra deserti ad montem filiae Sion.

*In Quadrag... y.* Scapulis suis obumbrabit tibi. *ñ.* Et sub pennis ejus sperabis.

*Temp. Pass. y.* De ore leonis libera me, Domine. *ñ.* Et a cornibus unicornium humilitatem meam.

*Temp. Pasch. Ant.* Alleluia, alleluia, alleluia.

*y.* Surrexit Dominus vere, alleluia. *ñ.* Et apparuit Simoni, alleluia.

*Pro uno vel plur. Mart. temp. Pasch. y.* Lux perpetua lucebit sanctis tuis, Domine, alleluia. *ñ.* Et æternitas temporum, alleluia.

*Pro uno Mart. extra temp. Pasch. y.* Posuisti, Domine, super caput ejus. *ñ.* Coronam de lapide pretioso.

*Pro plur. Mart. y.* Exultent justi in conspectu Dei. *ñ.* Et delectentur in letitia.

*Pro Conf. Pont. y.* Elegit eum Dominus Sacerdotem sibi. *ñ.* Ad sacrificandum ei hostiam laudis.

*Pro Conf. non Pont. y.* Os justi meditabitur sapientiam. *ñ.* Et lingua ejus loquetur judicium.

*Pro una Sancta. y.* Adjuvabit eam Deus vultu suo. *ñ.* Deus in medio ejus, non commovebitur.

#### AD LAUDES.

*Ant.* Spiritu principali confirma cor meum, Deus.

*Psalm. Miserere, p. 39.*

*Ant.* In veritate.

#### Psalmus 142.

**D**OMINE, exaudi orationem meam, auribus percipe obsecrationem meam in veritate tua: \* exaudi me in tua justitia.

Et non intres in judicium cum ser-

vo tuo; \* quia non justificabitur in conspectu tuo omnis vivens.

Quia persecutus est inimicus animam meam: \* humiliavit in terra vitam meam.

Collocavit me in obscuris sicut mortuos sæculi: \* et anxius est super me spiritus meus: in me turbatum est cor meum.

Memor fui dierum antiquorum, meditatus sum in omnibus operibus tuis: \* in factis manuum tuarum meditabar.

Expandi manus meas ad te: \* anima mea sicut terra sine aqua tibi.

Velociter exaudi me, Domine \* defecit spiritus meus.

Non avertas faciem tuam a me: \* et similis ero descendentibus in lacum.

Auditam fac mihi mane misericordiam tuam: \* quia in te speravi.

Notam fac mihi viam, in qua ambulem: \* quia ad te levavi animam meam.

Eripe me de inimicis meis, Domine, ad te confugi: \* doce me facere voluntatem tuam, quia Deus meus es tu.

Spiritus tuus bonus deducet me in terram rectam: \* propter nomen tuum, Domine, vivificabis me in æquitate tua.

Educes de tribulatione animam meam: \* et in misericordia tua disperdes inimicos meos.

Et perdes omnes, qui tribulant animam meam: \* quoniam ego servus tuus sum.

*Ant.* In veritate tua exaudi me, Domine.

*Ant.* Illumina, Domine, vultum tuum super nos.

*Psalm. Deus Deus meus, p. 13.*

*Ant.* Domine.

#### CANTICUM HABACUC. Cap. 3.

**D**OMINE, audiavi auditionem tuam, \* et timui.

Domine, opus tuum \* in medio annorum vivifica illud.

In medio annorum notum facies: \* cum iratus fueris, misericordiae recordaberis.

Deus ab Austro veniet, \* et Sanctus de monte Pharan :

Operuit cœlos gloria ejus : \* et laudis ejus plena est terra.

Splendor ejus ut lux erit : \* cornua in manibus ejus :

Ibi abscondita est fortitudo ejus : \* ante faciem ejus ibit mors.

Et egredietur diabolus ante pedes ejus. \* Stetit, et mensus est terram.

Aspexit, et dissolvit Gentes : \* et contriti sunt montes sæculi.

Incurvati sunt colles mundi, \* ab itineribus æternitatis ejus.

Pro iniquitate vidi tentoria Æthiopie : \* turbabuntur pelles terræ Madian.

Numquid in fluminibus iratus es, Domine ? \* aut in fluminibus furor tuus, vel in mari indignatio tua ?

Qui ascendes super equos tuos : \* et quadrigæ tuæ salvatio.

Suscitans suscitabis arcum tuum : \* juramenta tribubus, quæ locutus es :

Fluvios scindes terræ : viderunt te, et doluerunt montes : \* gurges aquarum transiit.

Dedit abyssus vocem suam : \* altitudo manus suas levavit

Sol et luna steterunt in habitaculo suo, \* in luce sagittarum tuarum, ibunt in splendore fulgurantis hastæ tuæ.

In fremitu conculcabis terram : \* et in furore obstupescies Gentes.

Egressus es in salutem populi tui : \* in salutem cum Christo tuo :

Percussisti caput de domo impii : \* denudasti fundamentum ejus usque ad collum.

Maledixisti sceptris ejus capiti bel-latorum ejus, \* venientibus ut turbo ad dispergendum me.

Exultatio eorum, \* sicut ejus, qui devorat pauperem in abscondito.

Viam fecisti in mari equis tuis, \* in luto aquarum multarum.

Audivi, et conturbatus est venter meus : \* a voce contremuerunt labia mea.

Ingrediatur putredo in ossibus meis, \* et subter me scateat.

Ut requiescam in die tribulationis : \* ut ascendam ad populum accinctum nostrum,

Ficus enim non florebit : \* et non erit germen in vineis.

Mentietur opus olivæ : \* et arva non afferent cibum.

Abscindetur de ovili pecus : \* et non erit armentum in præsepibus.

Ego autem in Domino gaudebo : \* et exultabo in Deo Jesu meo.

Deus Dominus fortitudo mea : \* et ponet pedes meos quasi cervorum.

Et super excelsa mea deducet me victor \* in psalmis canentem.

*Ant.* Domine, audivi auditum tuum, et timui.

*Ant.* In tympano et choro, in chor-dis et organo laudate Deum.

*Psalm.* Laudate Dominum de cœ-lis, p. 14.

*Capitulum.* Rom. 13.

**N**OX præcessit, dies autem appropinquavit : abjiciamus ergo opera tenebrarum, et induamur arma lucis : sicut in die honeste ambulemus.

#### HYMNUS.

**Æ**TERNA cœli gloria,  
Beata spes mortalium,  
Summi Tonantis Unice,  
Castæque proles Virginis :

Da dexteram surgentibus,  
Exurgat et mens sobria,  
Flagrans et in laudem Dei  
Grates rependat debitas.

Ortus refulget lucifer,  
Præitque solem nuntius :  
Cadunt tenebræ noctium :  
Lux sancta nos illuminet.

Manensque nostris sensibus,  
Noctem repellat sæculi ;  
Omni que fine temporis  
Purgata servet pectora.

Quæsita jam primum Fides,  
In corde radices agat,  
Secunda Spes congaudeat,  
Qua major extat Charitas.

Deo Patri sit gloria,  
Ejusque soli Filio,  
Cum Spiritu Paracrito,

Nunc et per omne sæculum. Amen.

†. Repleti sumus mane misericordia tua. ⁊. Exultavimus, et delectati sumus.

*Ad Bened. Ant.* Per viscera misericordiae Dei nostri visitavit nos Oriens ex alto.

*Preces quando dicendæ sunt, habentur supra in Feria ij. p. 41.*

## SABATO

### AD MATUTINUM.

*Invit.* Dominum Deum nostrum, ⁊ Venite, adoremus.

*Psalm.* Venite exultemus, p. 1.

### HYMNUS.

**S**UMMÆ Parens clementiæ,  
Mundi regis qui machinam,  
Unius et substantiæ,  
Triusque personis Deus:

Nostros pius cum canticis  
Fletus benigne suscipe,  
Ut corde puro sordium  
Te perfruamur largius.

Lumbos, jecurque morbidum  
Flammis adure congruis,  
Accincti ut artus excubent,  
Luxu remoto pessimo.

Quicumque ut horas noctium  
Nunc concinendo rumpimus,  
Ditemur omnes affatim  
Donis beatæ patriæ.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum. Amen;

*Ant.* Quia mirabilia.

*Temp. Pasch. Ant.* Alleluia.

### Psalmus. 97.

**C**ANTATE Domino canticum novum: ⁊ quia mirabilia fecit.

Salvavit sibi dextera ejus, ⁊ et brachium sanctum ejus.

Notum fecit Dominus salutare suum: ⁊ in conspectu Gentium revelavit justitiam suam.

Recordatus est misericordiae suæ, ⁊ et veritatis suæ domui Israel.

Viderunt omnes termini terræ, ⁊ salutare Dei nostri.

Jubilate Deo, omnis terra, ⁊ cantate, et exultate, et psallite.

Psallite Domino in cithara, in cithara et voce psalmi: ⁊ in tubis ductilibus, et voce tubæ corneæ.

Jubilate in conspectu Regis Domini: ⁊ moveatur mare et plenitudo ejus, orbis terrarum et universi qui habitant in eo.

Flumina plaudent manu simul montes exultabunt a conspectu Domini: ⁊ quoniam venit judicare terram.

Judicabit orbem terrarum in justitia, et populos in æquitate.

### Psalmus 98.

**D**OMINUS regnavit irascantur populi: ⁊ qui sedet super Cherubim, moveatur terra.

Dominus in Sion magnus: ⁊ et excelsus super omnes populos.

Confiteantur nomini tuo magno, quoniam terribile et sanctum est: ⁊ et honor regis judicium diligit.

Tu parasti directiones: ⁊ judicium et justitiam in Jacob tu fecisti.

Exaltate Dominum Deum nostrum, et adorate scabellum pedum ejus: ⁊ quoniam sanctum est.

Moses et Aaron in sacerdotibus ejus: ⁊ et Samuel inter eos, qui invocant nomen ejus.

Invocabant Dominum, et ipse exaudivat eos: ⁊ in columna nubis loquebatur ad eos.

Custodiebant testimonia ejus, ⁊ et præceptum quod dedit illis.

Domine Deus noster, tu exaudiebas eos: ⁊ Deus, tu propitius fuisti eis, et ulciscens in omnes adinventiones eorum.

Exaltate Dominum Deum nostrum, et adorate in monte sancto ejus: ⁊ quoniam sanctus Dominus Deus noster.

*Ant.* Quia mirabilia fecit Dominus.

*Sequens Ant. et Psalm.* Jubilare, hic prætermittitur quando dicitur in Laud. ut in Sabbatis in quibus fit offic. de S. Maria, et in Vig. Nativ. Domini in Sabbato occurrente, et ejus



loco dicitur *Ant. et Psalm.* Bonum est confiteri Domino, ut *infra*.

*Ant. Jubilate.*

**Psalmus 99.**

**JUBILATE** Deo, omnis terra: \* servite Domino in lætitia.

Introite in conspectu ejus, \* in exultatione.

Scitote quoniam Dominus ipse est Deus: \* ipse fecit nos, et non ipsi nos.

Populus ejus, et oves pascuæ ejus, \* introite portas ejus in confessione, atria ejus in hymnis: confitemini illi.

Laudate nomen ejus, quoniam suavis est Dominus, in æternum misericordia ejus, \* et usque in generationem et generationem veritas ejus.

*Vel Ant. Bonum est confiteri Domino. Idem Psalm. ut infra ad Laudes, pag. 83.*

**Psalmus 100.**

**MISERICORDIAM** et judicium \* cantabo tibi, Domine:

Psallam, et intelligam in via immaculata, \* quando venies ad me.

Perambulabam in innocentia cordis mei, \* in medio domus meæ.

Non proponebam ante oculos meos rem injustam: \* facientes prævaricationes odivi.

Non adhæsit mihi cor pravum: \* declinantem a me malignum non cognoscebam.

Detrahentem secreto proximo suo, \* hunc persequabar.

Superbo oculo, et insatiabili corde, \* cum hoc non edebam.

Oculi mei ad fideles terræ, ut sedeant mecum: \* ambulans in via immaculata, hic mihi ministrabat.

Non habitabit in medio domus meæ qui facit superbiam: \* qui loquitur iniqua, non direxit in conspectu oculorum meorum.

In matutino interficiebam omnes peccatores terræ: \* ut disperderem de civitate Domini omnes operantes iniquitatem.

*Ant. Jubilate. Deo, omnis terra. Vel Bonum est confiteri Domino.*

*Ant. Clamor meus.*

**Psalmus 101.**

**DOMINE**, exaudi orationem meam, \* et clamor meus ad te veniat.

Non avertas faciem tuam a me: \* in quacumque die tribulor, inclina ad me aurem tuam.

In quacumque die invocavero te, \* velociter exaudi me:

Quia defecerunt sicut fumus dies mei: \* et ossa mea sicut cremium aruerunt.

Percussus sum ut fœnum, et aruit cor meum: \* quia oblitus sum comedere panem meum.

A voce gemitus mei, \* adhæsit os meum carni meæ.

Similis factus sum pellicano solitudinis: \* factus sum sicut nycticorax in domicilio.

Vigilavi, \* et factus sum sicut passer solitarius in tecto.

Tota die exprobrabant mihi inimici mei: \* et qui laudabant me, adversum me jurabant.

Quia cinerem tamquam panem manducabam, \* et potum meum cum fletu miscebam.

A facie iræ et indignationis tuæ: \* quia elevans allisisti me.

Dies mei sicut umbra declinaverunt: \* et ego sicut fœnum arui.

Tu autem, Domine, in æternum permanes: \* et memoriale tuum in generationem et generationem.

Tu exurgens misereberis Sion: \* quia tempus miserendi ejus quia venit tempus.

Quoniam placuerunt servis tuis lapides ejus: \* et terræ ejus miserebuntur.

Et timebunt Gentes nomen tuum, Domine, \* et omnes reges terræ gloriam tuam.

Quia ædificavit Dominus Sion, \* et videbitur in gloria sua.

Respexit in orationem humilium: \* et non sprexit precem eorum.

Scribantur hæc in generatione alte-

ra : \* et populus, qui creabitur, laudabit Dominum.

Quia prospexit de excelso sancto suo : \* Dominus de cœlo in terram aspexit.

Ut audiret gemitus compeditorum : \* ut solveret filios interemptorum.

Ut annuntient in Sion nomen Domini , \* et laudem ejus in Jerusalem.

In conveniendo populos in unum , \* et reges ut serviant Domino.

Respondit ei in via virtutis suæ : \* Paucitatem dierum meorum nuntia mihi.

Ne revoces me in dimidio dierum meorum : \* in generationem et generationem anni tui.

Initio tu, Domine, terram fundasti : \* et opera manuum tuarum sunt cœli.

Ipsi peribunt , tu autem permanes : \* et omnes sicut vestimentum veterascent.

Et sicut opertorium mutabis eos , et mutabuntur : \* tu autem idem ipse es, et anni tui non deficient.

Filii servorum tuorum habitabunt : \* et semen eorum in sæculum dirigetur.

### Psalmus 102.

**B**ENEDIC, anima mea, Domino : \* et omnia, quæ intra me sunt, nomini sancto ejus.

Benedic , anima mea, Domino : \* et noli oblivisci omnes retributiones ejus.

Qui propitiatur omnibus iniquitatibus tuis : \* qui sanat omnes infirmitates tuas.

Qui redimit de interitu vitam tuam : \* qui coronat te in misericordia et miserationibus.

Qui replet in bonis desiderium tuum : \* renovabitur ut aquilæ juvenis tua.

Faciens misericordias Dominus : \* et iudicium omnibus injuriam patientibus.

Notas fecit vias suas Moysi , \* filiis Israel voluntates tuas.

Miserator, et misericors Dominus : \* longanimis et multum misericors.

Non in perpetuum irascetur : \* neque in æternum comminabitur.

Non secundum peccata nostra fecit nobis : \* neque secundum iniquitates nostras retribuit nobis.

Quoniam secundum altitudinem cœli a terra , \* corroboravit misericordiam suam super timentes se.

Quantum distat ortus ab occidente : \* longe fecit a nobis iniquitates nostras.

Quomodo miseretur pater filiorum, misertus est Dominus timentibus se : \* quoniam ipse cognovit figmentum nostrum.

Recordatus est quoniam pulvis sumus : \* homo sicut scænum dies ejus, tamquam flos agri, sic efflorescit.

Quoniam spiritus pertransibit in illo, et non subsistet : \* et non cognoscet amplius locum suum.

Misericordia autem Domini ab æterno , \* et usque in æternum super timentes eum.

Et justitia illius in filios filiorum , \* his qui servant testamentum ejus :

Et memores sunt mandatorum ipsius , \* ad faciendum ea.

Dominus in cœlo paravit sedem suam , \* et regnum ipsius omnibus dominabitur.

Benedicite Domino , omnes Angeli ejus : \* potentes virtute, facientes verbum illius, ad audiendam vocem sermonum ejus.

Benedicite Domino , omnes virtutes ejus : \* ministri ejus, qui facitis voluntatem ejus.

Benedicite Domino , omnia opera ejus : \* in omni loco dominationis ejus benedic, anima mea, Domino.

*Ant.* Clamor meus ad te veniat , Deus.

*Ant.* Benedic.

### Psalmus 103.

**B**ENEDIC, anima mea, Domino : \* Domine Deus meus , magnificatus es vehementer.

Confessionem et decorem induisti , \* amictus lumine sicut vestimento :

Extendens cœlum sicut pellem , \* qui legis aquis superiora ejus.

Qui ponis nubem ascensum tuum , \*

qui ambulas super pennas ventorum.

Qui facis angelos tuos, spiritus : \*  
et ministros tuos, ignem urentem.

Qui fundasti terram super stabilitatem suam : \* non inclinabitur in sæculum sæculi.

Abyssus, sicut vestimentum, amictus ejus : \* super montes stabunt aquæ.

Ab increpatione tua fugient : \* a voce tonitru tui formidabunt.

Ascendunt montes, et descendunt campi : \* in locum, quem fundasti eis.

Terminum posuisti, quem non transgredientur : \* neque convertentur operire terram.

Qui emittis fontes in convallibus : \* inter medium montium pertransibunt aquæ.

Potabunt omnes bestię agri : \* expectabunt onagri in siti sua.

Super ea volucres cœli habitabunt : \* de medio petrarum dabunt voces.

Rigans montes de superioribus suis : \* de fructu operum tuorum satiabitur terra.

Producens fœnum jumentis, \* et herbam servituti hominum :

Ut educas panem de terra, \* et vinum lætificet cor hominis :

Ut exhilaret faciem in oleo, \* et panis cor hominis confirmet.

Saturabuntur ligna campi, et cedri Libani, quas plantavit : \* illic passer nidificabit.

Merodii domus dux est eorum : \* montes excelsi cervis, petra refugium herinacis.

Fecit lunam in tempora : \* sol cognovit occasum suum.

Posuisti tenebras, et facta est nox : \* in ipsa pertransibunt omnes bestię silvæ.

Catuli leonum rugientes, ut rapiant, \* et quærant a Deo escam sibi.

Ortus est sol, et congregati sunt : \* et in cubilibus suis collocabuntur.

Exibit homo ad opus suum : \* et ad operationem suam usque ad vesperum.

Quam magnificata sunt opera tua, Domine : \* omnia in sapientia fecisti : impleta est terra possessione tua.

Hoc mare magnum, et spatiosum manibus : \* illic reptilia, quorum non est numerus.

Animalia pusilla cum magnis : \* illic naves pertransibunt.

Draco iste, quem formasti ad illudendum ei : \* omnia a te expectant, ut des illis escam in tempore.

Dante te illis, colligent : \* aperiente te manum tuam, omnia implebuntur bonitate.

Avertente autem te faciem, turbabuntur : \* auferes spiritum eorum, et deficient, et in pulverem suum revertentur.

Emittes spiritum tuum, et creabuntur : \* et renovabis faciem terræ.

Sit gloria Domini in sæculum : \* lætabitur Dominus in operibus suis.

Qui respicit terram, et facit eam tremere : \* qui tangit montes, et fumigant.

Cantabo Domino in vita mea : \* psallam Deo meo quamdiu sum.

Jucundum sit ei eloquium meum : \* ego vero delectabor in Domino.

Deficiant peccatores a terra, et iniqui ita ut non sint : \* benedic anima mea, Domino.

### Psalmus 104.

**C**ONFITEMINI Domino, et invocate nomen ejus : annuntiate inter Gentes opera ejus.

Cantate ei, et psallite ei : \* narrate omnia mirabilia ejus.

Laudamini in nomine sancto ejus : \* lætetur cor quærentium Dominum.

Quærite Dominum, et confirmamini : \* quærite faciem ejus semper.

Mementote mirabilium ejus, quæ fecit, \* prodigia ejus, et judicia oris ejus.

Semen Abraham, servi ejus : \* filii Jacob, electi ejus.

Ipsa Dominus Deus noster : \* in universa terra judicia ejus.

Memor fuit in sæculum testamenti sui : \* verbi, quod mandavit in mille generationes :

Quod disposuit ad Abraham : \* et juramenti sui ad Isaac :



Et statuit illud Jacob in præceptum : \* et Israël in testamentum æternum :

Dicens: Tibi dabo terram Chanaan, \* funiculum hæreditatis vestræ.

Cum essent numero brevi, \* paucissimi et incolæ ejus :

Et pertransierunt de gente in gentem, \* et de regno ad populum alterum.

Non reliquit hominem nocere eis : \* et corripuit pro eis reges.

Nolite tangere christos meos : \* et in prophetis meis nolite malignari.

Et vocavit famem super terram : \* et omne firmamentum panis contrivit.

Misit ante eos virum : \* in servum venundatus est Joseph.

Mumiliaverunt in compedibus pedes ejus, ferrum pertransiit animam ejus, \* donec veniret verbum ejus.

Eloquium Domini inflammavit eum : \* misit rex, et solvit eum ; princeps populorum, et dimisit eum.

Constituit eum dominum domus suæ : \* et principem omnis possessionis suæ.

Ut erudiret principes ejus sicut semetipsum : \* et senes ejus prudentiam doceret.

Et intravit Israel in Ægyptum : \* et Jacob accola fuit in terra Cham.

Et auxit populum suum vehementer : \* et firmavit eum super inimicos ejus.

Convertit cor eorum ut odirent populum ejus : \* et dolum facerent in servos ejus.

Misit Moysen servum suum : \* Aaron quem elegit ipsum.

Posuit in eis verba signorum suorum, \* et prodigiorum in terra Cham.

Misit tenebras, et obscuravit : \* et non exacerbavit sermones suos.

Convertit aquas eorum in sanguinem : \* et occidit pisces eorum.

Edidit terra eorum ranas \* in penetralibus regum ipsorum.

Dixit, et venit cænomya, \* et cinifes in omnibus finibus eorum.

Posuit pluvias eorum grandinem, \* ignem comburentem in terra ipsorum,

Et percussit vineas eorum, et ficulneas eorum : et contrivit lignum finium eorum.

Dixit, et venit locusta, et bruchus, \* cujus non erat numerus :

Et comedit omne scenum in terra eorum : et comedit omnem fructum terræ eorum.

Et percussit omne primogenitum in terra eorum : \* primitias omnis laboris eorum.

Et eduxit eos cum argento et auro : \* et non erat in tribubus eorum infirmus.

Lætata est Ægyptus in profectione eorum : \* quia incubuit timor eorum super eos.

Expandit nubem in protectionem eorum, \* et ignem ut luceret eis per noctem.

Petierunt, et venit coturnix : \* et pane cæli saturavit eos.

Dirupit petram, et fluxerunt aquæ : \* abierunt in sicco flumina :

Quoniam memor fuit verbi sancti sui, \* quod habuit ad Abraham puerum suum.

Et eduxit populum suum in exultatione, \* et electos suos in lætitia.

Et dedit illis regiones Gentium : \* et labores populorum possederunt :

Ut custodiant justificationes ejus, \* et legem ejus requirant.

*Ant. Benedic, anima mea. Domino.*

*Ant. Visita nos.*

### Psalmus 105.

**CONFITEMINI** Domino quoniam bonus : \* quoniam in sæculum misericordia ejus.

Quis loquetur potentias Domini, \* auditas faciet omnes laudes ejus ?

Beati qui custodiunt judicium : \* et faciunt justitiam in omni tempore.

Memento nostri, Domine, in beneplacito populi tui : \* visita nos in salutare tuo :

Ad videndum in bonitate electorum tuorum, ad lætandum in lætitia gentis tuæ : \* ut lauderis cum hæreditate tua.

Peccavimus cum patribus nostris : \* injuste egimus, iniquitatem fecimus.

**Patres nostri in Ægypto non intellexerunt mirabilia tua : \* non fuerunt memores multitudinis misericordiæ tuæ**

**Et irritaverunt ascendentes in mare , \* mare Rubrum.**

**Et salvavit eos propter nomen suum , \* ut notam faceret potentiam suam.**

**Et increpuit mare Rubrum , et exsiccatum est : \* et deduxit eos in abyssis sicut in deserto.**

**Et salvavit eos de manu odientium : \* et redemit eos de manu inimici.**

**Et operuit aqua tribulantes eos : \* unus ex eis non remansit.**

**Et crediderunt verbis ejus : \* et laudaverunt laudem ejus.**

**Cito fecerunt , obliti sunt operum ejus : \* et non sustinuerunt consilium ejus.**

**Et concupierunt concupiscentiam in deserto : \* et tentaverunt Deum in iniquo.**

**Et dedit eis petitionem ipsorum : \* et misit saturitatem in animas eorum.**

**Et irritaverunt Moysen in castris , \* Aaron sanctum Domini.**

**Aperta est terra , et deglutivit Dathan : \* et operuit super congregationem Abiron.**

**Et exarsit ignis in synagoga eorum : \* flamma combussit peccatores.**

**Et fecerunt vitulum in Horeb : \* et adoraverunt sculptile.**

**Et mutaverunt gloriam suam \* in similitudinem vituli comedentis fœnum**

**Obliti sunt Deum , qui salvavit eos , \* qui fecit magnalia in Ægypto , mirabilia in terra Cham , terribilia in mari Rubro.**

**Et dixit , ut disperderet eos : \* si non Moyses electus ejus stetisset in contradictione in conspectu ejus :**

**Ut averteret iram ejus , ne disperderet eos : \* et pro nihilo habuerunt terram desiderabilem.**

**Non crediderunt verbo ejus , et murmuraverunt in tabernaculis suis : \* non exaudierunt vocem Domini.**

**Et elevavit manum suam super eos : \* ut prosterneret eos in deserto :**

**Et ut dejiceret semen eorum in na-**

**tionibus : \* et dispergeret eos in regionibus.**

**Et initiati sunt Beelphegor : \* et comederunt sacrificia mortuorum.**

**Et irritaverunt eum in adinventionibus suis : \* et multiplicata est in eis ruina.**

**Et stetit Phinees , et placavit : \* et cessavit quassatio.**

**Et reputatum est ei in justitiam , \* in generationem et generationem usque in sempiternum.**

**Et irritaverunt eum ad aquas contradictionis : \* et vexatus est Moyses propter eos , quia exacerbaverunt spiritum ejus.**

**Et distinxit in labiis suis : \* non disperdiderunt Gentes , quas dixit Dominus illis.**

**Et commixti sunt inter Gentes , et didicerunt opera eorum , et servierunt sculptilibus eorum : \* et factum est illis in scandalum.**

**Et immolaverunt filios suos , \* et filias suas dæmoniis.**

**Et effuderunt sanguinem innocentem , \* sanguinem filiorum suorum et filiarum suarum , quas sacrificaverunt sculptilibus Chanaan.**

**Et infecta est terra in sanguinibus , et contaminata est in operibus eorum : \* et fornicati sunt in adinventionibus suis.**

**Et iratus est furore Dominus in populum suum : \* et abominatus est hæreditatem suam.**

**Et tradidit eos in manus Gentium : \* et dominati sunt eorum , qui oderunt eos.**

**Et tribulaverunt eos inimici eorum , et humiliati sunt sub manibus eorum : \* sæpe liberavit eos.**

**Ipsi autem exacerbaverunt eum in consilio suo : \* et humiliati sunt in iniquitatibus suis.**

**Et vidit cum tribularentur : \* et audivit orationem eorum.**

**Et memor fuit testamenti sui : \* et pœnituit eum secundum multitudinem misericordiæ suæ.**

**Et dedit eos in misericordias , \* in conspectu omnium , qui ceperant eos.**

**Salvos nos fac , Domine Deus no-**

ster : \* et congrega nos de nationibus,  
Ut confiteamur nomini sancto tuo : \*  
et gloriemur in laude tua.

Benedictus Dominus Deus Israel a  
seculo et usque in seculum : \* et di-  
cet omnis populus : Fiat , fiat.

### Psalmus 106.

**CONFITEMINI** Domino, quoniam  
bonus : \* quoniam in seculum mi-  
sericordia ejus.

Dicant qui redempti sunt a Domi-  
no, quos redemit de manu inimici : \*  
et de regionibus congregavit eos.

A solis ortu et occasu : \* ab Aquilone et mari.

Erraverunt in solitudine in inaquoso : \* viam civitatis habitaculi non invenerunt.

Esurientes et sitientes, \* anima eorum in ipsis defecit.

Et clamaverunt ad Dominum cum tribularentur , \* et de necessitatibus eorum eripuit eos.

Et deduxit eos in viam rectam : \* ut irent in civitatem habitationis.

Confiteantur Domino misericordiae ejus : \* et mirabilia ejus filiis hominum.

Quia satiavit animam inanem : \* et animam esurientem satiavit bonis :

Sedentes in tenebris et umbra mortis : \* victos in mendicitate et ferro.

Quia exacerbaverunt eloquia Dei : \* et consilium Altissimi irritaverunt.

Et humiliatum est in laboribus cor eorum : \* infirmati sunt , nec fuit qui adjuvaret.

Et clamaverunt ad Dominum cum tribularentur , \* et de necessitatibus eorum liberavit eos.

Et eduxit eos de tenebris , et umbra mortis : \* et vincula eorum dirupit.

Confiteantur Domino misericordiae ejus : \* et mirabilia ejus filiis hominum.

Quia contrivit portas aereas : \* et vectes ferreos confregit.

Suscepit eos de via iniquitatis eorum : \* propter injustitias enim suas humiliati sunt.

Omniem escam abominata est anima

eorum : \* et appropinquaverunt usque ad portas mortis.

Et clamaverunt ad Dominum cum tribularentur , \* et de necessitatibus eorum liberavit eos.

Misit verbum suum, et sanavit eos : \* et eripuit eos de interitionibus eorum.

Confiteantur Domino misericordiae ejus : \* et mirabilia ejus filiis hominum.

Et sacrificent sacrificium laudis : \* et annuntient opera ejus in exultatione.

Qui descendunt mare in navibus, \* facientes operationem in aquis multis :

Ipsi viderunt opera Domini , \* et mirabilia ejus in profundo.

Dixit, et stetit spiritus procellae : \* et exaltati sunt fluctus ejus.

Ascendunt usque ad caelos, et descendunt usque ad abyssos : \* anima eorum in malis labescebat.

Turbati sunt, et moti sunt sicut ebrius : \* et omnis sapientia eorum devorata est.

Et clamaverunt ad Dominum cum tribularentur , \* et de necessitatibus eorum eduxit eos.

Et statuit procellam ejus in auram : \* et siluerunt fluctus ejus.

Et laetati sunt quia siluerunt : \* et deduxit eos in portum voluntatis eorum .

Confiteantur Domino misericordiae ejus : \* et mirabilia ejus filiis hominum.

Et exaltent eum in ecclesia plebis : \* et in cathedra seniorum laudent eum.

Posuit flumina in desertum , \* et exitus aquarum in sitim :

Terram fructiferam in salsuginem , \* a malitia inhabitantium in ea.

Posuit desertum in stagna aquarum : \* et terram sine aqua in exitus aquarum.

Et collocavit illic esurientes : \* et constituerunt civitatem habitationis.

Et seminaverunt agros , et plantaverunt vineas : \* et fecerunt fructum nativitatis.

Et benedixit eis, et multiplicati sunt nimis : \* et jumenta eorum non minoravit.

Et pauci facti sunt : \* et vexati sunt a tribulatione malorum et dolore.



Effusa est contemptio super principes : \* et errare fecit eos in invio, et non in via.

Et adjuvit pauperem de inopia : \* et posuit sicut oves familias.

Videbunt recti, et lætabuntur : \* et omnis iniquitas oppilabit os suum.

Quis sapiens? et custodiet hæc, \* et intelliget misericordias Domini.

*Ant.* Visita nos, Domine, in salutari tuo.

*Ant.* Confitebor Domino.

### Psalmus 107.

**P**ARATUM cor meum, Deus, paratum cor meum : \* cantabo et psallam in gloria mea.

Exurge, gloria mea, exurge, psalterium et cithara : \* exurgam diluculo.

Confitebor tibi in populis, Domine : \* et psallam tibi in nationibus.

Quia magna est super cælos misericordia tua : \* et usque ad nubes veritas tua.

Exaltare super cælos, Deus, et super omnem terram gloria tua : \* ut liberentur dilecti tui.

Salvum fac dextera tua, et exaudi me : \* Deus locutus est in sancto suo :

Exultabo, et dividam Sichimam, \* et convallem tabernaculorum dime-tiar.

Meus est Galaad, et meus est Manasses : \* et Ephraim susceptio capitis mei.

Juda Rex meus : \* Moab lebes spei meæ.

In Idumæam extendam calceamentum meum : \* mihi alienigenæ amici facti sunt.

Quis deducet me in civitatem munitam? \* quis deducet me usque in Idumæam?

Nonne tu, Deus, qui repulisti nos, \* et non exhibis, Deus, in virtutibus nostris?

Da nobis auxilium de tribulatione : \* quia vana salus hominis.

In Deo faciemus virtutem : \* et ipse ad nihilum deducet inimicos nostros.

### Psalmus 108.

**D**EUS, laudem meam ne tacueris : \* quia os peccatoris, et os dolosi super me apertum est.

Locuti sunt adversum me lingua dolosa, et sermonibus odii circumdederunt me : \* et expugnaverunt me gratis.

Pro eo ut me diligerent, detrahebant mihi : \* ego autem orabam.

Et posuerunt adversum me mala pro bonis, \* et odium pro dilectione mea.

Constituæ super eum peccatorem : \* et diabolus stet a dextris ejus.

Cum judicatur, exeat condemnatus : \* et oratio ejus fiat in peccatum.

Fiant dies ejus pauci, et episcopatum ejus accipiat alter.

Fiant filii ejus orphani, \* et uxor ejus vidua.

Nutantes transferantur filii ejus, et mendicent : \* et ejiciantur de habitationibus suis.

Scrutetur scelerator omnem substantiam ejus : \* et diripiant alieni labores ejus.

Non sit illi adjutor : \* nec sit qui misereatur pupillis ejus.

Fiant nati ejus in interitum : \* in generatione una deleatur nomen ejus.

In memoriam redeat iniquitas patrum ejus in conspectu Domini : \* et peccatum matris ejus non deleatur.

Fiant contra Dominum semper, et dispereat de terra memoria eorum : \* pro eo quod non est recordatus facere misericordiam.

Et persecutus est hominem inopem et mendicum, \* et compunctum corde mortificare.

Et dilexit maledictionem, et veniet ei : \* et noluit benedictionem, et elongabitur ab eo.

Et induit maledictionem sicut vestimentum, \* et intravit sicut aqua in interiora ejus, et sicut oleum in ossibus ejus.

Fiat ei sicut vestimentum, quo operitur : \* et sicut zona, qua semper præciugitur.

**Hoc opus eorum**, qui detrahunt mihi apud Dominum: \* et qui loquuntur mala adversus animam meam.

**Et tu, Domine, Domine, fac mecum propter nomen tuum**: \* quia suavis est misericordia tua.

**Libera me**, quia egenus et pauper ego sum: \* et cor meum conturbatum est intra me.

**Sicut umbra cum declinat**, ablatum sum: \* et excussus sum sicut locustæ.

**Genua mea infirmata sunt a jejuniis**: \* et caro mea immutata est propter oleum.

**Et ego factus sum opprobrium illis**: \* viderunt me, et moverunt capita sua.

**Adjuva me, Domine Deus meus**: \* saluum me fac secundum misericordiam tuam.

**Et sciant quia manus tua hæc**: \* et tu, Domine, fecisti eam.

**Maledicent illi, et tu benedices**: \* qui insurgunt in me confundantur: servus autem tuus lætabitur.

**Induantur, qui detrahunt mihi, pudore**: \* et operiantur sicut diploide confusione sua.

**Confitebor Domino nimis in ore meo**: \* et in medio multorum laudabo eum.

**Quia astitit a dextris pauperis**, \* ut salvam faceret a persequentibus animam meam.

*Ant.* Confitebor Domino nimis in ore meo.

*Per Ann. 7.* Domine, exaudi orationem meam. *8.* Et clamor meus ad te veniat.

*In Adv. 7.* Egredietur Dominus de loco sancto suo. *8.* Veniet ut salvet populum suum.

*In Quadrag. 7.* Scuto circumdabit te veritas ejus. *8.* Non timebis a timore nocturno.

*Temp. Pass. 7.* Ne perdas cum impiis, Deus, animam meam. *8.* Et cum viris sanguinum vitam meam.

*Temp. Pasch. Ant.* Alleluia, alleluia, alleluia.

*7.* Gavisī sunt discipuli, alleluia.

*8.* Viso Domino, alleluia.

*Pro B. Maria. 7.* Diffusa est gratia in labiis tuis. *8.* Propterea benedixit te Deus in æternum.

### AD LAUDES.

*Ant.* Benigne fac in bona voluntate tua, Domine.

*Psalm. Miserere, p. 39.*

*Ant.* Bonum est.

### Psalmus 91.

**BONUM** est confiteri Domino, \* et psallere nomini tuo, Altissime.

**Ad annuntiandum mane misericordiam tuam**, \* et veritatem tuam per noctem:

**In decachordo psalterio** \* cum cantico in cithara.

**Quia delectasti me, Domine, in factura tua**: \* et in operibus manuum tuarum exultabo.

**Quam magnificata sunt opera tua, Domine!** \* nimis profundæ factæ sunt cogitationes tuæ.

**Vir insipiens non cognoscel**: \* et stultus non intelliget hæc.

**Cum exorti fuerint peccatores sicut scœnum**: \* et apparuerint omnes, qui operantur iniquitatem:

**Ut intereant in sæculum sæculi**: \* tu autem Altissimus in æternum, Domine.

**Quoniam ecce inimici tui, Domine, quoniam ecce inimici tui peribunt**: \* et dispergentur omnes, qui operantur iniquitatem.

**Et exaltabitur sicut unicornis cornu meum**: \* et senectus mea in misericordia uberi.

**Et despexit oculus meus inimicos meos**: \* et in insurgentibus in me malignantibus audiet auris mea:

**Iustus ut palma florebit**: \* sicut cedrus Libani multiplicabitur.

**Plantati in domo Domini**, \* in atriiis domus Dei nostri florebut.

**Adhuc multiplicabuntur in senecta uberi**: \* et bene patientes erunt, ut annuntient:

**Quoniam rectus Dominus Deus noster**: \* et non est iniquitas in eo.

*Ant.* Bonum est confiteri Domino.

*Ant.* Metuant Dominum omnes fines terræ.

*Psalm.* Deus Deus meus , p. 13.

*Ant.* Date magnitudinem.

CANTICUM MOYSI. *Deut.* 32.

**A**UDITE , cœli , quæ loquor ; \*  
audiat terra verba oris mei.

Concrescat ut pluvia doctrina mea ; \*  
fluat ut ros eloquium meum ,

Quasi imber super herbam , et quasi  
stillæ super gramina . \* Quia nomen  
Domini invocabo :

Date magnificentiam Deo nostro . \*  
Dei perfecta sunt opera , et omnes  
viæ ejus judicia.

Deus fidelis , et absque ulla iniqui-  
tate , justus et rectus . \* Peccaverunt  
ei , et non filii ejus in sordibus :

Generatio prava atque perversa . \*  
Hæcine reddis Domino , popule stulte  
et insipiens ?

Numquid non ipse est pater tuus , \*  
qui possedit te , et fecit , et creavit te ?

Memento dierum antiquorum , \* co-  
gita generationes singulas :

Interroga patrem tuum , et annun-  
tiabit tibi ; \* majores tuos , et dicent  
tibi.

Quando dividebat Altissimus gen-  
tes : \* quando separabat filios Adam ,

Constituit terminos populorum , \*  
juxta numerum filiorum Israel.

Pars autem Domini populus ejus : \*  
Jacob funiculus hæreditatis ejus.

Invenit eum in terra deserta , \* in  
loco horroris , et vastæ solitudinis :

Circumduxit eum , et docuit : \* et  
custodivit quasi pupillam oculi sui.

Sicut aquila provocans ad volandum  
pullos suos , \* et super eos volitans ,

Expandit alas suas , et assumpsit  
eum , \* atque portavit in humeris suis.

Dominus solus dux ejus fuit : \* et  
non erat cum eo deus alienus.

Constituit eum super excelsam ter-  
ram , \* ut comederet fructus agrorum.

Ut sugeret mel de petra , \* oleum-  
que de saxo durissimo :

Butyrum de armento , et lac de o-

vibus \* cum adipe agnorum et arie-  
tum filiorum Basan :

Et hircos cum medulla tritici , \* et  
sanguinem uvæ biberet meracissimum.

Incrassatus est dilectus , et recal-  
citavit : \* incrassatus , impinguatus ,  
dilatatus ,

Dereliquit Deum factorem suum : \*  
et recessit a Deo salutari suo.

Provocaverunt eum in diis alienis , \*  
et in abominationibus ad iracundiam  
concitaverunt.

Immolaverunt dæmoniis , et non Deo : \*  
diis , quos ignorabant :

Novi recentesque venerunt , \* quos  
non coluerunt patres eorum.

Deum , qui te genuit , dereliquisti , \*  
et oblitus es Domini creatoris tui.

Vidit Dominus , et ad iracundiam  
concitatus est : \* quia provocaverunt  
eum filii sui et filiæ.

Et ait : Abscondam faciem meam ab  
eis , \* et considerabo novissima eorum :

Generatio enim perversa est , \* et  
infideles filii.

Ipsi me provocaverunt in eo , qui  
non erat deus , \* et irritaverunt in va-  
nitatibus suis :

Et ego provocabo eos in eo , qui  
non est populus , \* et in gente stulta  
irritabo illos.

Ignis succensus est in furore meo , \*  
et ardebit usque ad inferni novissima.

Devorabitque terram cum germine  
suo , \* et montium fundamenta com-  
buret.

Congregabo super eos mala : \* et  
sagittas meas complebo in eis.

Consumentur fame , \* et devora-  
bunt eos aves morsu amarissimo.

Dentes bestiarum immittam in eos \*  
cum furore trahentium super terram ,  
atque serpentium.

Foris vastabit eos gladius , et in-  
tus pavor , \* juvenem simul ac vir-  
ginem , lactentem cum homine sene.

Dixi : Ubinam sunt ? \* cessare faciam  
ex hominibus memoriam eorum.

Sed propter iram inimicorum di-  
stuli : \* ne forte superbirent hostes  
eorum.

Et dicerent : Manus nostra excel-



sa, et non Dominus, \* fecit hæc omnia.

Gens absque consilio est, et sine prudentia. \* Utinam saperent et intelligerent, ac novissima providerent!

Quomodo persequatur unus mille, \* et duo fugent decem millia?

Nonne ideo, quia Deus suus vendidit eos, \* et Dominus conclusit illos?

Non enim est Deus noster. ut dil eorum: \* et inimici nostri sunt iudices.

De vinea Sodomorum, vinea eorum, \* et de suburbanis Gomorrhæ:

Uva eorum uva fellis, \* et botri amarissimi.

Fel draconum vinum eorum, \* et venenum aspidum insanabile.

Nonne hæc condita sunt apud me, \* et signata in thesauris meis?

Mea est ultio, et ego retribuam in tempore, \* ut labatur pes eorum.

Juxta est dies perditionis, \* et adesse festinant tempora.

Judicabit Dominus populum suum \* et in servis suis miserebitur.

Widebit quod infirmata sit manus: \* et clausi quoque defecerunt, residuique consumpti sunt.

Et dicet: Ubi sunt dii eorum, \* in quibus habebant fiduciam?

De quorum victimis comedebant adipem, \* et bibebant vinum libaminum:

Surgant, et opulentur vobis, \* et in necessitate vos protegant.

Videte quod ego sim solus: \* et non sit alius deus præter me:

Ego occidam, et ego vivere faciam: percutiam, et ego sanabo, \* et non est qui de manu mea possit eruere.

Levabo ad cælum manum meam, et dicam: \* Vivo ego in æternum.

Si acuero ut fulgur gladium meum, \* et arripuerit iudicium manus mea:

Reddam ultionem hostibus meis, \* et his, qui oderunt me, retribuam.

Inebriabo sagittas meas sanguine, \* et gladius meus devorabit carnes.

De cruore occisorum, \* et de captivitate, nudati inimicorum capitis.

Laudate, Gentes, populum ejus: \* quia sanguinem servorum suorum ulciscetur:

Et vindictam retribuet in hostes eorum, \* et propitius erit terræ populi sui.

*Ant.* Date magnitudinem Deo nostro.

*Ant.* In cymbalis bene sonantibus laudate Deum.

*Psalm.* Laudate Dominum de cælis, p. 14.

*Capitulum.* Rom. 13.

**N**OX præcessit, dies autem appropinquavit: abjiciamus ergo opera tenebrarum, et induamur arma lucis: sicut in die honeste ambulemus.

### HYMNUS.

**A**URORA jam spargit polum,  
Terris dies illabitur,  
Lucis resultat spiculum,  
Discedat omne lubricum.

Phantasma noctis exulet,  
Mentis reatus corruat:  
Quidquid tenebris horridum  
Nox attulit culpæ, cadat.

Et mane, quod nos ultimum  
Hic deprecamur cernui,  
Cum luce nobis effluat,  
Hoc dum canore concrepat.

Deo Patri sit gloria,  
Ejusque soli Filio,  
Cum Spiritu Paraclito,  
Nunc et per omne sæculum. Amen.

†. Repleti sumus mane misericordia tua. ♯. Exultavimus, et delectati sumus.

*Ad Bened. Ant.* Illuminare, Domine, his qui in tenebris sedent, et dirige pedes nostros in viam pacis, Deus Israel.

*Proces quando dicendæ sunt, habentur supra in Feria ij, p. 41.*

### DOMINICA

#### AD VESPERAS.

*Pater noster.* Ave Maria. ♯. Deus in adjutorium.

*Ant.* Dixit Dominus.

*Temp. Pasch. Ant. Alleluia, sub qua sola Ant. dicuntur omnes Psalm. Vesp., tam in Dom., quam in Fer.*

**Psalmus 109.**

**D**IXIT Dominus Domino meo : \*  
Sede a dextris meis :

Donec ponam inimicos tuos , \* scabellum pedum tuorum.

Virgam virtutis tuæ emittet Dominus ex Sion : \* dominare in medio inimicorum tuorum.

Tecum principium in die virtutis tuæ in splendoribus sanctorum : \* ex utero ante luciferum genui te.

Juravit Dominus et non pœnitebit eum : \* Tu es sacerdos in æternum secundum ordinem Melchisedech.

Dominus a dextris tuis , \* confregit in die iræ suæ reges.

Judicabit in nationibus , implebit ruinas : \* conquassabit capita in terra multorum.

De torrente in via bibet : \* propterea exaltabit caput.

*Ant. Dixit Dominus Domino meo : Sede a dextris meis.*

*Ant. Fidelia.*

**Psalmus 110.**

**C**ONFITEBOR tibi , Domine , in toto corde meo : \* in consilio justorum , et congregatione.

Magna opera Domini : \* exquisita in omnes voluntates ejus.

Confessio et magnificentia opus ejus : \* et justitia ejus manet in sæculum sæculi.

Memoriam fecit mirabilium suorum misericors et miserator Dominus : \* escam dedit timentibus se.

Memor erit in sæculum testamenti sui : \* virtutem operum suorum annuntiabit populo suo :

Ut det illis hæreditatem Gentium : \* opera manuum ejus veritas et judicium.

Fidelia omnia mandata ejus , confirmata in sæculum sæculi , \* facta in veritate et æquitate.

Redemptionem misit populo suo : \* mandavit in æternum testamentum suum.

Sanctum et terribile nomen ejus : \* initium sapientiæ timor Domini.

Intellectus bonus omnibus facientibus eum : \* laudatio ejus manet in sæculum sæculi.

*Ant. Fidelia omnia mandata ejus , confirmata in sæculum sæculi.*

*Ant. In mandatis.*

**Psalmus 111.**

**B**EATUS vir , qui timet Dominum : \* in mandatis ejus volet nimis.

Potens in terra erit semen ejus , \* generatio rectorum benedicetur.

Gloria et divitiæ in domo ejus , \* et justitia ejus manet in sæculum sæculi.

Exortum est in tenebris lumen rectis : \* misericors , et miserator , et justus.

Jucundus homo , qui miseretur et commodat , disponet sermones suos in judicio : \* quia in æternum non commovebitur.

In memoria æterna erit justus : \* ab auditione mala non timebit.

Paratum cor ejus sperare in Domino , confirmatum est cor ejus : \* non commovebitur donec despiciat inimicos suos.

Dispersit , dedit pauperibus : justitia ejus manet in sæculum sæculi : \* cornu ejus exaltabitur in gloria.

Peccator videbit , et irascetur , dentibus suis fremet et tabescet : \* desiderium peccatorum peribit.

*Ant. In mandatis ejus cupit nimis.*

*Ant. Sit nomen Domini.*

**Psalmus 112.**

**L**AUDATE , pueri , Dominum : \* laudate nomen Domini.

Sit nomen Domini benedictum , \* ex hoc nunc et usque in sæculum.

A solis ortu usque ad occasum , \* laudabile nomen Domini.

Excelsus super omnes gentes dominus , \* et super cælos gloria ejus.

Quis sicut Dominus Deus noster , qui in altis habitat , \* et humilia respicit in cælo et in terra ?

**M**uscitans a terra inopem , \* et de stercore erigens pauperem :

**U**t collocet eum cum principibus , \* cum principibus populi sui.

**Q**ui habitare facit sterilem in domo , \* matrem filiorum lætantem.

*Ant.* Sit nomen Domini benedictum in sæcula.

*Ant.* Nos , qui vivimus.

### Psalmus 115.

**I**N exitu Israel de Ægypto , domus Jacob de populo barbaro :

**F**acta est Judæa sanctificatio ejus , \* Israel potestas ejus.

**M**are vidit , et fugit : \* Jordanis conversus est retrorsum.

**M**ontes exultaverunt ut arietes : \* et colles sicut agni ovium.

**Q**uid est tibi , mare , quod fugisti ? \* et tu , Jordanis , quia conversus es retrorsum ?

**M**ontes , exultastis sicut arietes ? \* et colles , sicut agni ovium ?

**A** facie Domini mota est terra , \* a facie Dei jacob :

**Q**ui convertit petram in stagna aquarum , \* et rupem in fontes aquarum.

**N**on nobis , Domine , non nobis , \* sed nomini tuo da gloriam :

**S**uper misericordia tua , et veritate tua : \* ne quando dicant Gentes : Ubi est Deus eorum ?

**D**eus autem noster in cælo : \* omnia quæcumque voluit , fecit.

**S**imulacra Gentium argentum et aurum , \* opera manuum hominum.

**O**s habent , et non loquentur : \* oculos habent , et non videbunt.

**A**ures habent , et non audient : \* nares habent , et non odorabunt.

**M**anus habent , et non palpabunt : pedes habent , et non ambulabunt : \* non clamabunt in gutture suo.

**S**imiles illis fiant qui faciunt ea : \* et omnes qui confidunt in eis .

**D**omus Israel speravit in Domino : \* adjutor eorum , et protector eorum est.

**D**omus Aaron speravit in Domino : \* adjutor eorum , et protector eorum est.

**Q**ui timent Dominum , speraverunt

in Domino : \* adjutor eorum , et protector eorum est.

**D**ominus memor fuit nostri , \* et benedixit nobis.

**B**enedixit domui Israel : \* benedixit domui Aaron.

**B**enedixit omnibus , qui timent Dominum , \* pusillis cum majoribus

**A**djiciat Dominus super vos : \* super vos , et super filios vestros.

**B**enedicti vos a Domino , \* qui fecit cælum et terram.

**C**ælum cæli Domino : \* terram autem dedit filiis hominum.

**N**on mortui laudabunt te , Domine : \* neque omnes , qui descendunt in infernum ,

**S**ed nos , qui vivimus , benedicimus Domino , \* ex hoc nunc et usque in sæculum.

*Ant.* Nos , qui vivimus , benedicimus Domino.

*Temp. Pasch. Ant.* Alleluia , alleluia , alleluia.

*Capitulum.* 2. Cor. I.

**B**ENEDICTUS Deus , et Pater Domini nostri Jesu Christi , Pater misericordiarum , et Deus totius consolationis , qui consolatur nos in omni tribulatione nostra.

### HYMNUS.

**L**UCIS Creator optime  
Lucem dierum proferens ,  
Primordiis lucis novæ ,  
Mundi parans originem.

**Q**ui mane junctum vesperi  
Diem vocari præcipis ,  
Illabitur tetrum chaos ,  
Audi preces cum fletibus.

**N**e mens gravata crimine ,  
Vitæ sit exul munere ,  
Dum nil perenne cogitat ,  
Seseque culpis illigat.

**C**erleste pulset ostium ,  
Vitale tollat præmium ,  
Vitemus omne noxium ,  
Purgemus omne pessimum.

**P**ræsta , Pater piissime ,  
Patrique compar Unice ,  
Cum Spiritu Paraclito  
Regnans per omne sæculum. Amen.



Y. Dirigatur, Domine, oratio mea.  
 R. Sicut incensum in conspectu tuo.

*Prædictus Hymnus cum suo Y. dicitur a Dom. II. post Epiph. usque ad Dom. I. Quadrag., et a Dom. III. post Pentec. usque ad Adv. Capit. vero prædictum dicitur in eisdem Dom. post Pentec. et Epiph. usque ad Septuag. tantum. Dicitur etiam in fer. Offic. ab Oct. Pentec. usque ad Adv. et ab Oct. Epiph. usque ad Dom. I. Quadrag. Similiter et Y. Ant. autem cum Psalmis semper dicuntur ut supra, quando fit Offic. de Dom. exceptis Dom. Adv., quæ habent Ant. proprias.*

CANTICUM B. M. VIRGINIS.  
 Luc. I.

**M**AGNIFICAT \* anima mea Dominum:

Et exultavit spiritus meus \* in Deo salutari meo.

Quia respexit humilitatem ancillæ suæ: \* ecce enim ex hoc beatam me dicent omnes generationes.

Quia fecit mihi magna qui potens est: \* et sanctum nomen ejus.

Et misericordia ejus a progenie in progenies \* timentibus eum.

Fecit potentiam in brachio suo: \* dispersit superbos mente cordis sui.

Deposuit potentes de sede, \* et exaltavit humiles.

Esurientes implevit bonis, \* et divites dimisit inanes.

Suscepit Israel puerum suum, \* recordatus misericordiæ suæ.

Sicut locutus est ad patres nostros, \* Abraham, et semini ejus in sæcula.

Gloria Patri, et Filio.

Deinde dicitur Ant. et Oratio propria.

## FERIA SECUNDA

### AD VESPERAS

Ant. Inclinauit.

Temp. Pasch. Ant. Alleluia.

### Psalmus 114.

**D**ILEXI, quoniam exaudiet Dominus \* vocem orationis meæ.

Quia inclinavit aurem suam mihi: \* et in diebus meis invocabo.

Circumdederunt me dolores mortis: \* et pericula inferni invenerunt me.

Tribulationem et dolorem inveni: \* et nomen Domini invocavi.

Domine, libera animam meam: \* misericors Dominus et justus, et Deus noster miseretur.

Custodiens parvulos Dominus: \* humiliatus sum, et liberavit me.

Convertere, anima mea, in requiem tuam: \* quia Dominus benefecit tibi.

Quia eripuit animam meam de morte, \* oculos meos a lacrymis, pedes meos a lapsu.

Placebo Domino \* in regione vivorum.

Ant. Inclinauit Dominus aurem suam mihi.

Ant. Credidi.

### Psalmus 115.

**C**REDIDI, propter quod locutus sum: \* ego autem humiliatus sum nimis.

Ego dixi in excessu meo: \* Omnis homo mendax.

Quid retribuam Domino, \* pro omnibus quæ retribuit mihi?

Calicem salutaris accipiam, \* et nomen Domini invocabo.

Vota mea Domino reddam coram omni populo ejus: \* pretiosa in conspectu Domini mors sanctorum ejus.

Domine, quia ego servus tuus: \* ego servus tuus, et filius ancillæ tuæ.

Dirupisti vincula mea: \* tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus: \* in atriis domus Domini, in medio tui, Jerusalem.

Ant. Credidi, propter quod locutus sum.

Ant. Laudate.

### Psalmus 116.

**L**AUDATE Domine, omnes gentes: \* laudate eum, omnes populi:

Quoniam confirmata est super nos misericordia ejus: \* et veritas Domini manet in æternum.

*Ant.* Laudate Dominum, omnes gentes.

*Ant.* Clamavi.

**Psalmus 110.**

**A**D Dominum, cum tribularer, clamavi: \* et exaudivit me.

Domine, libera animam meam a labiis iniquis, \* et a lingua dolosa.

Quid detur tibi, aut quid apponatur tibi, \* ad linguam dolosam?

Sagittæ potentis acutæ, \* cum carbonibus desolatoriis.

Neu mihi! quia incolatus meus prolongatus est: habitavi cum habitantibus Cedar: \* multum incola fuit anima mea.

Cum his, qui oderunt pacem, eram pacificus: \* cum loquebar illis, impugnabant me gratis.

*Ant.* Clamavi, et exaudivit me.

*Ant.* Unde veniet.

**Psalmus 120.**

**L**EVAVI oculos meos in montes, \* unde veniet auxilium mihi.

Auxilium meum a Domino, \* qui fecit cælum et terram.

Non det in commotionem pedem tuum: \* neque dormitet qui custodit te.

Ecce non dormitabit, neque dormiet, \* qui custodit Israel.

Dominus custodit te, Dominus protectio tua \* super manum dexteram tuam.

Per diem sol non uret te, \* neque luna per noctem.

Dominus custodit te ab omni malo: \* custodiat animam tuam Dominus.

Dominus custodiat introitum tuum, et exitum tuum, \* ex hoc nunc et usque in sæculum.

*Ant.* Unde veniet auxilium mihi.

*Temp. Pasch. Ant.* Alleluia, alleluia, alleluia.

*Capitulum.* 2. Cor. I.

**B**ENEDICTUS Deus, et Pater Domini nostri Jesu Christi, Pater

misericordiarum, et Deus totius consolationis, qui consolatur nos in omni tribulatione nostra.

**HYMNUS.**

**I**MMENSE cæli Conditor,  
Qui mixta ne confunderent,  
Aquæ fluente dividens,  
Cælum dedisti limitem:

Firmans locum cælestibus,  
Simulque terræ rivulis,  
Ut unda flammæ temperet,  
Terræ solum ne dissipent.

Infunde nunc, piissime,  
Donum perennis gratiæ,  
Fraudis novæ ne casibus  
Nos error atterat vetus.

Lucem Fides adaugeat,  
Sic luminis jubar ferat:  
Hæc vana cuncta proterat,  
Hanc falsa nulla comprimant.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum. Amen.

γ. Dirigatur, Domine, oratio mea.  
η. Sicut incensum in conspectu tuo.

*Ad Magnif. Ant.* Magnificat anima mea Dominum, quia respexit Deus humilitatem meam.

*Preces, si dicendæ sint, habentur supra in Laud. Fer. ij. p. 41.*

*Oratio, quando propria non assignatur, dicitur de Dom. præcedenti, ut habetur in Proprio de Temp.*

*Ant. cum Psalmis semper dicuntur ad Vesp. in Offic. fer. ut hic in Psalt. Hymni vero ab Oct. Pentec. usque ad Adv., et ab Oct. Epiph. usque ad Dom. I. Quadrag. Ant. autem ad Magnificat, eisdem temp. usque ad Septuag.*

**FERIA TERTIA**

**AD VESPERAS.**

*Ant.* In domum Domini.

*Temp. Pasch. Ant.* Alleluia.

**Psalmus 121.**

**L**ÆTATUS sum in his, quæ dicta sunt mihi: \* in domum Domini ibimus.

Stantes erant pedes nostri , \* in atriis tuis , Jerusalem.

Jerusalem , quæ ædificatur ut civitas : \* cujus participatio ejus in idipsum.

Illuc enim ascenderunt tribus , tribus Domini , \* testimonium Israel , ad confitendum nomini Domini.

Quia illic sederunt sedes in judicio , \* sedes super domum David.

Rogate quæ ad pacem sunt Jerusalem , \* et abundantia diligentibus te.

Fiat pax in virtute tua : \* et abundantia in turribus tuis.

Propter fratres meos , et proximos meos , \* loquebar pacem de te.

Propter domum Domini Dei nostri , \* quæsi vi bona tibi.

Ant. In domum Domini lætantes ibimus.

Ant. Qui habitas.

### Psalmus 122.

**A**d te levavi oculos meos , \* qui habitas in cælis.

Ecce sicut oculi servorum , \* in manibus dominorum suorum.

Sicut oculi ancillæ in manibus dominæ suæ : \* ita oculi nostri ad Dominum Deum nostrum , donec misereatur nostri.

Miserere nostri , Domine , miserere nostri , \* quia multum repleti sumus despectione :

Quia multum repleta est anima nostra : \* opprobrium abundantibus , et despectio superbis.

Ant. Qui habitas in cælis , miserere nobis.

Ant. Adjutorium.

### Psalmus 123.

**N**isi quia Dominus erat in nobis , dicat nunc Israel : \* nisi quia Dominus erat in nobis ,

Cum exurgerent homines in nos , \* forte vivos deglutissent nos.

Cum irasceretur furor eorum in nos , \* forsitan aqua absorbuisset nos.

Torrentem pertransivi anima nostra : \* forsitan pertransisset anima nostra aquam intolerabilem.

Benedictus Dominus , \* qui non dedit nos in captionem dentibus eorum.

Anima nostra sicut passer erepta est \* de laqueo venantium.

Laqueus contritus est , \* et nos liberati sumus.

Adjutorium nostrum in nomine Domini , \* qui fecit cælum et terram.

Ant. Adjutorium nostrum in nomine Domini.

Ant. Benefac.

### Psalmus 124.

**Q**ui confidunt in Domino , sicut mons Sion : \* non commovebitur in æternum , qui habitat in Jerusalem.

Montes in circuitu ejus : \* et Dominus in circuitu populi sui , ex hoc nunc , et usque in sæculum.

Quia non relinquet Dominus virgam peccatorum super sortem justorum : \* ut non extendant justi ad iniquitatem manus suas.

Benefac , Domine , bonis , \* et rectis corde.

Declinantes autem in obligationes adducet Dominus cum operantibus iniquitatem : \* pax super Israel.

Ant. Benefac , Domine , bonis et rectis corde.

Ant. Facti sumus.

### Psalmus 125.

**I**n convertendo Dominus captivitatem Sion , \* facti sumus sicut consolati.

Tunc repletum est gaudio os nostrum , \* et lingua nostra exultatione.

Tunc dicent inter Gentes : \* Magnificavit Dominus facere cum eis.

Magnificavit Dominus facere nobiscum : \* facti sumus lætantes.

Converte , Domine , captivitatem nostram , \* sicut torrens in Austro.

Qui seminant in lacrymis , \* in exultatione metent.

Euntes ibant et flebant , \* mittentes semina sua.

Venientes autem venient cum exultatione , \* portantes manipulos suos.

Ant. Facti sumus sicut consolati.



*Temp. Pasch. Ant. Alleluia, alleluia, alleluia.*

*Capitulum. 2. Cor. 1.*

**BENEDICTUS** Deus, et Pater Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra.

### HYMNUS.

**TELLURIS** alme Conditor,  
Mundi solum qui separans  
Pulsis aquæ molestiis,  
Terram dedisti immobilem.

Ut germen aptum proferens,  
Fulvis decora floribus,  
Pœcunda fructu sisteret,  
Pastumque gratum redderet.

Mentis perustæ vulnera  
Munda virore gratiæ  
Ut facta fletu diluat,  
Motusque pravos atterat.

Jussis tuis obtemperet,  
Nullis malis approximet,  
Bonis repleti gaudeat  
Et mortis ictum nesciat.

Præsta, Pater piissime,  
Patrique compar Unice,  
Cum Spiritu Paraclito  
Regnans per omne sæculum. Amen.

Ÿ. Dirigatur, Domine, oratio mea.  
A. Sicut incensum in conspectu tuo.

*Ad Magnif. Ant. Exultet spiritus meus in Deo salutari meo.*

*Preces, si dicendæ sint, habentur supra in Laud. Fer. ij. p. 41.*

### FERIA QUARTA.

#### AD VESPERAS.

*Ant. Non confundetur.*

*Temp. Pasch. Ant. Alleluia.*

#### Psalmus 126.

**NISI** Dominus ædificaverit domum, in vanum laboraverunt qui ædificant eam.

Nisi Dominus custodierit civitatem, frustra vigilat qui custodit eam.

Vanum est vobis ante lucem sur-

gere? \* surgite postquam sederitis, qui manducatis panem doloris...

Cum dederit dilectis suis somnum: \* ecce hæreditas Domini, filii: merces, fructus ventris.

Sicut sagittæ in manu potentis, \* ita filii excussorum.

Beatus vir qui implevit desiderium suum ex ipsis; \* non confundetur cum loquetur inimicis suis in porta.

*Ant. Non confundetur cum loquetur inimicis suis in porta.*

*Ant. Beati.*

#### Psalmus 127.

**BEATI** omnes qui timent Dominum, \* qui ambulant in viis ejus.

Labores manuum tuarum quia manducabis: \* beatus es, et bene tibi erit.

Uxor tua sicut vitis abundans, \* in lateribus domus tuæ.

Filii tui sicut novellæ olivarum, \* in circuitu mensæ tuæ.

Ecce sic benedicetur homo, \* qui timet Dominum.

Benedicat tibi Dominus ex Sion: \* et videas bona Jerusalem omnibus diebus vitæ tuæ.

Et videas filios filiorum tuorum, \* pacem super Israel.

*Ant. Beati omnes qui timent Dominum.*

*Ant. Sæpe.*

#### Psalmus 128.

**SÆPE** expugnaverunt me a juventute mea, \* dicat nunc Israel:

Sæpe expugnaverunt me a juventute mea: \* etenim non potuerunt mihi.

Supra dorsum meum fabricaverunt peccatores: \* prolongaverunt iniquitatem suam.

Dominus justus concidit cervices peccatorum: \* confundantur et convertantur retrorsum omnes, qui oderunt Sion.

Fiant sicut fœnum tectorum, \* quod priusquam evellatur exaruit.

De quo non implevit manum suam qui metit, \* et sinum suum qui manipulos colligit.

Et non dixerunt, qui præteribant:

Benedictio Domini super vos : \* benediximus vobis in nomine Domini.

*Ant.* Sape expugnaverunt me a juventute mea.

*Ant.* De profundis.

**Psalmus 129.**

**D**E profundis clamavi ad te, Domine : \* Domine, exaudi vocem meam.

Fiant aures tuæ intendentes , \* in vocem deprecationis meæ.

Si iniquitates observaveris , Domine : \* Domine , quis sustinebit ?

Quia apud te propitiatio est : \* et propter legem tuam sustinui te, Domine.

Sustinuit anima mea in verbo ejus : \* speravit anima mea in Domino.

A custodia matutina usque ad noctem \* speret Israel in Domino.

Quia apud Dominum misericordia , \* et copiosa apud eum redemptio.

Et ipse redimet Israel , \* ex omnibus iniquitatibus ejus.

*Ant.* De profundis clamavi ad te , Domine.

*Ant.* Speret.

**Psalmus 130.**

**D**OMINE , non est exaltatum cor meum : \* neque elati sunt oculi mei.

Neque ambulavi in magnis , \* neque in mirabilibus super me :

Si non humiliter sentiebam : \* sed exaltavi animam meam.

Sicut ablactatus est super matrem suam , \* ita retributio in anima mea.

Speret Israel in Domino , \* ex hoc nunc , et usque in sæculum.

*Ant.* Speret Israel in Domino.

*Temp. Pasch. Ant.* Alleluia, alleluia, alleluia.

*Capitulum.* 2 Cor. 1.

**B**ENEDICTUS Deus, et Pater Domini nostri Jesu Christi , Pater misericordiarum, et Deus totius consolationis, qui consolatur nos in omni tribulatione nostra.

**HYMNUS.**

**C**ÆLI Deus sanctissime ,  
Qui lucidas mundi plagas  
Candore pingis igneo ,  
Augens decoro lumine.

Quarto die qui flammeam  
Dum solis accendis rotam ,  
Lunæ ministras ordinem ,  
Vagosque cursus siderum.

Ut noctibus , vel lumini  
Diremptionis terminum ,  
Primordiis et mensium  
Signum dares notissimum.

Expelle noctem cordium ,  
Absterge sordes mentium ,  
Resolve culpæ vinculum ,  
Everte moles criminum.

Præsta , Pater piissime ,  
Patrique compar Unice ,  
Cum Spiritu Paraclito  
Regnas per omne sæculum. Amen.

℣. Dirigatur, Domine, oratio mea.

℟. Sicut incensum in conspectu tuo.

*Ad Magnif. Ant.* Respexit Dominus  
humilitatem meam, et fecit in me magna , qui potens est.

*Proces , si dicendæ sint , habentur  
supra in Laud. Fer. ij , p. 41.*

**FERIA QUINTA**

**AD VESPERAS.**

*Ant.* Et omnis.

*Temp. Pasch. Ant.* Alleluia.

**Psalmus 131.**

**M**EMENTO , Domine , David , \*  
et omnis mansuetudinis ejus :  
Sicut juravit Domino , \* votum  
vovit Deo Jacob :

Si introiero in tabernaculum domus  
meæ , \* si ascendero in lectum strati  
mei :

Si dederò somnum oculis meis , \*  
et palpebris meis dormitationem ,

Et requiem temporibus meis , donec  
inveniam locum Domino , \* tabernaculum  
Deo Jacob.

Ecce audivimus eam in Ephrata : \*  
invenimus eam in campis silvæ.

Introibimus in tabernaculum ejus : \*

adorabimus in loco, ubi steterunt pedes ejus.

Surge, Domine, in requiem tuam, tu et arca sanctificationis tuæ.

Sacerdotes tui induantur justitiam: et sancti tui exultent.

Propter David servum tuum, non avertas faciem Christi tui.

Juravit Dominus David veritatem, et non frustrabitur eam: De fructu ventris tui ponam super sedem tuam.

Si custodierint filii tui testamentum meum, et testimonia mea hæc, quæ docebo eos:

Et filii eorum usque in sæculum: sedebunt super sedem tuam.

Quoniam elegit Dominus Sion: elegit eam in habitationem sibi.

Hæc requies mea in sæculum sæculi: hic habitabo, quoniam elegi eam.

Viduam ejus benedicens benedicam: pauperes ejus saturabo panibus.

Sacerdotes ejus induam salutari: et sancti ejus exultatione exultabunt.

Illuc producam cornu David: paravi lucernam Christo meo.

Inimicos ejus induam confusione: super ipsam autem efflorebit sanctificatio mea.

Ant. Et omnis mansuetudinis ejus.

Ant. Ecce.

### Psalmus 133.

**ECCE** quam bonum, et quam jucundum habitare fratres in unum.

Sicut unguentum in capite, quod descendit in barbam, barbam Aaron.

Quod descendit in oram vestimenti ejus: sicut ros Hermon, qui descendit in montem Sion.

Quoniam illic mandavit Dominus benedictionem, et vitam usque in sæculum.

Ant. Ecce quam bonum, et quam jucundum habitare fratres in unum.

Ant. Omnia.

### Psalmus 134.

**LAUDATE** nomen Domini, laudate, servi Dominum.

Qui statis in domo Domini: in atriis domus Dei nostri.

Laudate Dominum, quia bonus Dominus: psallite nomini ejus, quoniam suave.

Quoniam Jacob elegit sibi Dominus, Israel in possessionem sibi.

Quia ego cognovi quod magnus est Dominus, et Deus noster præ omnibus diis.

Omnia quæcumque voluit, Dominus fecit in cælo et in terra, in mari et in omnibus abyssis.

Educens nubes ab extremo terræ: fulgura in pluviam fecit.

Qui producit ventos de thesauris suis: qui percussit primo genita Ægypti ab homine usque ad pecus.

Et misit signa et prodigia in medio tui, Ægypte, in Pharaonem et in omnes servos ejus.

Qui percussit gentes multas: et occidit reges fortes:

Sehon regem Amorrhæorum, et Og regem Basan, et omnia regna Chanaan.

Et dedit terram eorum hæreditatem, hæreditatem Israel populo suo.

Domine, nomen tuum in æternum: Domine, memoriale tuum in generationem et generationem.

Quia judicabit Dominus populum suum: et in servis suis deprecabitur.

Simulacra Gentium argentum et aurum, opera manuum hominum.

Oculos habent, et non loquentur: oculos habent et non videbunt.

Aures habent, et non audient: neque enim est spiritus in ore ipsorum.

Similes illis fiant qui faciunt ea, omnes qui confidunt in eis.

Domus Israel, benedicite Domino: domus Aaron, benedicite Domino.

Domus Levi, benedicite Domino: qui timetis Dominum, benedicite Domino.

Benedictus Dominus ex Sion, qui habitat in Jerusalem.

Ant. Omnia quæcumque voluit, Dominus fecit.

Ant. Quoniam in æternum.



**Psalmus 135.**

**CONFITEMINI** Domino quoniam bonus : \* quoniam in æternum misericordia ejus.

Confitemini Deo deorum : \* quoniam in æternum misericordia ejus.

Confitemini Domino dominorum : \* quoniam in æternum misericordia ejus.

Qui facit mirabilia magna solus : \* quoniam in æternum misericordia ejus.

Qui fecit cœlos in intellectu : \* quoniam in æternum misericordia ejus.

Qui firmavit terram super aquas : \* quoniam in æternum misericordia ejus.

Qui fecit luminaria magna : \* quoniam in æternum misericordia ejus.

Solem in potestatem diei : \* quoniam in æternum misericordia ejus.

Lunam et stellas in potestatem noctis : \* quoniam in æternum misericordia ejus.

Qui percussit Ægyptum cum primogenitis eorum : \* quoniam in æternum misericordia ejus.

Qui eduxit Israel de medio eorum : \* quoniam in æternum misericordia ejus.

In manu potenti, et brachio excelso : \* quoniam in æternum misericordia ejus.

Qui divisit mare Rubrum in divisiones : \* quoniam in æternum misericordia ejus.

Et eduxit Israel per medium ejus : \* quoniam in æternum misericordia ejus.

Et excussit Pharaonem, et virtutem ejus in mari Rubro : \* quoniam in æternum misericordia ejus.

Qui traduxit populum suum per desertum : \* quoniam in æternum misericordia ejus.

Qui percussit reges magnos : \* quoniam in æternum misericordia ejus.

Et occidit reges fortes : \* quoniam in æternum misericordia ejus.

Sehon regem Amorrhæorum : \* quoniam in æternum misericordia ejus.

Et Og regem Basan : \* quoniam in æternum misericordia ejus.

Et dedit terram eorum hæreditatem : \* quoniam in æternum misericordia ejus.

Hæreditatem Israel servo suo : \* quoniam in æternum misericordia ejus.

Quia in humilitate nostra memor fuit nostri : \* quoniam in æternum misericordia ejus.

Et redemit nos ab inimicis nostris : \* quoniam in æternum misericordia ejus.

Qui dat escam omni carni : \* quoniam in æternum misericordia ejus.

Confitemini Deo cœli : \* quoniam in æternum misericordia ejus.

Confitemini Domino dominorum : \* quoniam in æternum misericordia ejus.

*Ant.* Quoniam in æternum misericordia ejus.

*Ant.* Hymnum cantate.

**Psalmus 136.**

**SUPER** flumina Babilonis, illic sedimus et flevimus, \* cum recorderemur Sion.

In salicibus in medio ejus, \* suspendimus organa nostra.

Quia illic interrogaverunt nos, qui captivos duxerunt nos, \* verba cationum :

Et qui abduxerunt nos : \* Hymnum cantate nobis de canticis Sion.

Quomodo cantabimus canticum Domini \* in terra aliena ?

Si oblitus fuero tui, Jerusalem, \* oblivioni detur dextera mea.

Adhæreat lingua mea faucibus meis, \* si non meminero tui :

Si non proposuero Jerusalem \* in principio lætitiæ meæ.

Memor esto, Domine, filiorum Edom, \* in die Jerusalem :

Qui dicunt : Exinanite, exinanite \* usque ad fundamentum in ea.

Filia Babilonis misera, \* beatus qui retribuet tibi retributionem tuam, quam retribuisti nobis.

Beatus qui tenebit, \* et allidet parvulos tuos ad petram.

*Ant.* Hymnum cantate nobis de canticis Sion.

*Temp. Psch. Ant.* Alleluia, alleluia, alleluia.

*Capitulum.* 2 Cor. 1.

**BENEDICTVS** Deus et Pater Domini nostri Jesu Christi, Pater

misericordiarum, et Deus totius consolationis, qui consolatur nos in omni tribulatione nostra.

## HYMNUS.

**M**AGNÆ Deus potentia,  
Qui fertili natos aqua  
Partim relinquis gurgiti,  
Partim levas in aera:

Demersa lymphis imprimens,  
Subvecta cœlis erigens,  
Ut stirpe ab una prodita  
Diversa repleant loca:

Largire cunctis servulis,  
Quos mundat unda sanguinis,  
Nescire lapsus criminum,  
Nec ferre mortis tædium.

Ut culpa nullum deprimat,  
Nullum efferat jactantia;  
Elisa mens ne concidat,  
Elata mens ne corruat.

Præsta, Pater piissime.  
Patrique compar Unice,  
Cum Spiritu Paraclito  
Regnas per omne sæculum. Amen.

Ÿ. Dirigatur, Domine, oratio mea.  
A. Sicut incensum in conspectu tuo.

*Ad Magnif. Ant.* Fac, Deus, potentiam in brachio tuo: disperde superbos, et exalta humiles.

*Preces, si dicendæ sint, habentur supra in Laud. Fer. ij. p. 41.*

## FERIA SEXTA.

## AD VESPERAS.

*Ant.* In conspectu.

*Tem. Pasch. Ant.* Alleluia.

## Psalmus 137.

**C**ONFITEBOR tibi, Domine, in toto corde meo: \* quoniam audisti verba oris mei.

In conspectu Angelorum psallam tibi: \* adorabo ad templum sanctum tuum, et confitebor nomini tuo:

Super misericordia tua, et veritate tua: \* quoniam magnificasti super omne nomen sanctum tuum

In quacumque die invocavero te, exaudi me: \* multiplicabis in anima mea virtutem.

Confiteantur tibi, Domine, omnes

reges terræ: \* quia audierunt omnia verba oris tui.

Et cantent in viis Domini: \* quoniam magna est gloria Domini.

Quoniam excelsus Dominus, et humilia respicit: \* et alta a longe cognoscit.

Si ambulavero in medio tribulationis, vivificabis me: \* et super iram inimicorum meorum extendisti manum tuam, et salvum me fecit dextera tua.

Dominus retribuet pro me: \* Domine, misericordia tua in sæculum: opera manuum tuarum ne despicias.

*Ant.* In conspectu Angelorum psallam tibi, Deus meus,

*Ant.* Domine.

## Psalmus 138.

**D**OMINE, probasti me et cognovisti me: \* tu cognovisti sessionem meam, et resurrectionem meam.

Intellexisti cogitationes meas de longe: \* semitam meam, et funiculum meum investigasti.

Et omnes vias meas prævidisti: \* quia non est sermo in lingua mea.

Ecce, Domine, tu cognovisti omnia novissima et antiqua: \* tu formasti me, et posuisti super me manum tuam.

Mirabilis facta est scientia tua ex me: \* confortata est, et non potero ad eam.

Quo ibo a spiritu tuo? \* et quo a facie tua fugiam?

Si ascendero in cœlum, tu illic es: \* si descendero in infernum, ades.

Si sumpsero pennas meas diluculo, \* et habitavero in extremis maris:

Etenim illuc manus tua deducet me: \* et tenebit me dextera tua.

Et dixi: Forsitan tenebræ conculcabunt me, \* et nox illuminatio mea in deliciis meis.

Quia tenebræ non obscurabuntur a te, et nox sicut dies illuminabitur: \* sicut tenebræ ejus, ita et lumen ejus.

Quia tu possedisti renes meos: \* suscepisti me de utero matris mee.

Confitebor tibi quia terribiliter magnificatus es, \* mirabilia opera tua, et anima mea cognoscit nimis.

Non est occultatum os meum a te,  
quod fecisti in occulto: \* et substan-  
tia mea in inferioribus terræ,

Imperfectum meum viderunt oculi  
tui, et in libro tuo omnes scriben-  
tur: \* dies formabuntur, et nemo in eis.

Mihi autem nimis honorificati sunt  
amici tui, Deus: \* nimis confortatus  
est principatus eorum.

Dinumerabo eos, et super arenam  
multiplicabuntur; \* exurrexi, et ad-  
huc sum tecum.

Si occideris, Deus, peccatores: \*  
viri sanguinum, declinate a me:

Quia dicitis in cogitatione: \* Acci-  
pient in vanitate civitates tuas.

Nonne qui oderunt te, Domine,  
oderam? \* et super inimicos tuos ta-  
bescebam?

Perfecto odio oderam illos: \* et  
inimici facti sunt mihi.

Proba me, Deus, et scito cor me-  
um: \* interroga me, et cognosce se-  
mitas meas.

Et vide si via iniquitatis in me est: \*  
et deduc me in via æterna.

*Ant. Domine, probasti me et co-  
gnovisti me.*

*Ant. A viro iniquo.*

### Psalmus 139.

**E**RIPE me, Domine, ab homine  
malo: \* a viro iniquo eripe me.

Qui cogitaverunt iniquitates in cor-  
de: \* tota die constituebant prælia.

Acuerunt linguas suas sicut serpen-  
tis: \* venenum aspidum sub labiis  
eorum.

Custodi me, Domine, de manu  
peccatoris: \* et ab hominibus iniquis  
eripe me.

Qui cogitaverunt supplantare gres-  
sus meos: \* absconderunt superbi la-  
queum mihi:

Et funes extenderunt in laqueum: \*  
juxta iter scandalum posuerunt mihi.

Dixi Domino: Deus meus es tu: \*  
exaudi, Domine, vocem deprecationis  
meæ.

Domine, Domine, virtus salutis  
meæ, \* obumbrasti super caput me-  
um in die belli.

Ne tradas me, Domine, a deside-  
rio meo peccatori: \* cogitaverunt con-  
tra me, ne derelinquas me, ne forte  
exaltentur.

Caput circuitus eorum: \* labor la-  
biorum ipsorum operiet eos.

Cadent super eos carbones, in ignem  
dejicies eos: \* in miseriis non sub-  
sistent.

Vir linguosus non dirigetur in ter-  
ra: \* virum injustum mala capient  
in interitu.

Cognovi quia faciet Dominus judi-  
cium inopis, \* et vindictam pauperum.

Verumtamen justi confitebuntur no-  
mini tuo: \* et habitabunt recti cum  
vultu tuo.

*Ant. A viro iniquo libera me, Do-  
mine.*

*Ant. Domine.*

### Psalmus 140.

**D**OMINE, clamavi ad te, exau-  
di me: \* intende voci meæ, cum  
clamavero ad te.

Dirigatur oratio mea, sicut incen-  
sum in conspectu tuo: \* elevatio ma-  
nuum mearum sacrificium vesperti-  
num.

Pone, Domine, custodiam ori meo, \*  
et ostium circumstantiæ labiis meis.

Non declines cor meum in verba  
malitiæ, \* ad excusandas excusationes  
in peccatis.

Cum hominibus operantibus iniqui-  
tatem: \* et non communicabo cum ele-  
ctis eorum.

Corripiet me justus in misericor-  
dia, et increpabit me: \* oleum au-  
tem peccatoris non impinguet caput  
meum.

Quoniam adhuc et oratio mea in  
beneplacitis eorum: \* absorpti sunt  
juncti petrae judices eorum.

Audient verba mea, quoniam po-  
tuerunt: \* sicut crassitudo terræ eru-  
pta est super terram.

Dissipata sunt ossa nostra secus in-  
fernum: \* quia ad te, Domine, Do-  
mine, oculi mei: in te speravi, non  
auferas animam meam.

Custodi me a laqueo, quem statue-



runt mihi, \* et a scandalis operantium iniquitatem.

Cadent in retiaculo ejus peccatores: \* singulariter sum ego, donec transeam.

*Ant.* Domine, clamavi ad te, exaudi me.

*Ant.* Portio mea.

### Psalmus 141.

**V**OCE mea ad Dominum clamavi: \* voce mea ad Dominum deprecatus sum:

Effundo in conspectu ejus orationem meam, \* et tribulationem meam ante ipsum pronuntio.

In deficiendo ex me spiritum meum, \* et tu cognovisti semitas meas.

In via hac, qua ambulabam, \* absconderunt laqueum mihi.

Considerabam ad dexteram, et videbam: \* et non erat qui cognosceret me.

Periit fuga a me, \* et non est qui requirat animam meam.

Clamavi ad te, Domine; \* dixi: Tu es spes mea, portio mea in terra viventium.

Intende ad deprecationem meam: \* quia humiliatus sum nimis.

Libera me a persequentibus me: \* quia confortati sunt super me.

Educ de custodia animam meam ad confitendum nomini tuo: \* me expectant justi, donec retribuas mihi.

*Ant.* Portio mea, Domine, sit in terra viventium.

*Temp. Pasch. Ant.* Alleluia, alleluia, alleluia.

*Capitulum.* 2. Cor. 1.

**B**ENEDICTUS Deus, et Pater Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra.

### HYMNUS.

**H**OMINIS superne Conditor,  
Qui cuncta solus ordinans,  
Humum jubet producere  
Replantis et feræ genus;

Et magna rerum corpora,  
Dictu jubentis vivida,

Per temporum certas vices  
Obtemperare servulis:

Repelle quod, cupidinis  
Ciente vi, nos impetit.

Aut moribus se suggerit,  
Aut actibus se interserit.

Da gaudiorum præmia,  
Da gratiarum munera,

Dissolve litis vincula:

Adstringe pacis fœdera.

Præsta, Pater piissime,

Patrique compar Unice,

Cum Spiritu Paraclito

Regnans per omne sæculum. Amen.

†. Dirigatur, Domine, oratio mea.

¶. Sicut incensum in conspectu tuo.

*Ad Magnif. Ant.* Deposuit potentes,

sanctos persequentes: et exaltavit humiles, Christum confitentes.

*Proces, si dicenda sint, habentur supra in Laud. Fer. ij. p. 41.*

### SABBATO.

#### AD VESPERAS.

*Ant.* Benedictus.

*Temp. Pasch. Ant.* Alleluia.

### Psalmus 143.

**B**ENEDICTUS Dominus Deus meus, qui docet manus meas ad prælium, \* et digitos meos ad bellum.

Misericordia mea, et refugium meum: \* susceptor meus, et liberator meus:

Protector meus et in ipso speravi: \* qui subdit populum meum sub me.

Domine, quid est homo, quia innotuisti ei? \* aut filius hominis, quia reputas eum?

Homo vanitati similis factus est: \* dies ejus sicut umbra prætereunt.

Domine, inclina cœlos tuos, et descende: \* tange montes, et fumigabunt.

Fulgura coruscationem, et dissipabis eos: \* emitte sagittas tuas, et conturbabis eos.

Emitte manum tuam de alto, eripo me et libera me de aquis multis, \* de manu filiorum alienorum.

Quorum os locutum est vanitatem: \*

et dextera eorum , dextera iniquitatis.

**Deus**, canticum novum cantabo tibi : \* in psalterio decachordo psallam tibi.

**Qui** das salutem regibus, \* qui redemisti David servum tuum de gladio maligno, eripe me.

**Et** erue me de manu filiorum alienorum , quorum os locutum est vanitatem : \* et dextera eorum, dextera iniquitatis :

**Quorum** filii sicut novellæ plantationes \* in juventute sua.

**Filiæ** eorum compositæ : \* circumornatæ ut similitudo templi.

**Promptuaria** eorum plena , \* eructantia ex hoc in illud.

**Oves** eorum fortosæ, abundantes in egressibus suis : \* boves eorum crassæ.

**Non** est ruina maceriæ, neque transitus . \* neque clamor in plateis eorum.

**Beatum** dixerunt populum, cui hæc sunt : \* beatus populus , cujus Dominus Deus ejus.

*Ant.* **Benedictus** Dominus Deus meus.

*Ant.* **Per** singulos dies.

### **Psalmus 144.**

**EXALTABO** te, Deus meus Rex : \* et benedicam nomini tuo in sæculum , et in sæculum sæculi.

**Per** singulos dies benedicam tibi : \* et laudabo nomen tuum in sæculum , et in sæculum sæculi.

**Magnus** Dominus et laudabilis nimis : \* et magnitudinis ejus non est finis.

**Generatio** et generatio laudabit opera tua : \* et potentiam tuam pronuntiabunt.

**Magnificentiam** gloriæ sanctitatis tuæ loquentur : \* et mirabilia tua narabunt.

**Et** virtutem terribilium tuorum dicent : \* et magnitudinem tuam narabunt.

**Memoriam** abundantiae suavitatis tuæ eructabunt : \* et justitia tua exultabunt.

**Miserator** et misericors Dominus , \* patiens , et multum misericors.

**Suavis** Dominus universis : \* et miserationes ejus super omnia opera ejus.

**Confiteantur** tibi , Domine , omnia opera tua : \* et sancti tui benedicant tibi.

**Gloriam** regni tui dicent : \* et potentiam tuam loquentur.

**Ut** notam faciant filiis hominum potentiam tuam : \* et gloriam magnificentiae regni tui.

**Regnum** tuum , regnum omnium sæculorum : et dominatio tua in omni generatione , et generationem.

**Fidelis** Dominus in omnibus verbis suis : \* et sanctus in omnibus operibus suis.

**Allevat** Dominus omnes qui corrunt : \* et erigit omnes elisos.

**Oculi** omnium in te sperant , Domine : \* et tu das escam illorum in tempore opportuno.

**Aperis** tu manum tuam , \* et imples omne animal benedictione.

**Justus** Dominus in omnibus viis suis ; \* et sanctus in omnia operibus suis.

**Prope** est Dominus omnibus invocantibus eum : \* omnibus invocantibus eum in veritate.

**Voluntatem** timentium se faciet , \* et deprecationem eorum exaudiet , et salvos faciet eos.

**Custodit** Dominus omnes diligentes se : \* et omnes peccatores disperdet.

**Laudationem** Domini loquetur os meum : \* et benedicat omnis caro nomini sancto ejus in sæculum , et in sæculum sæculi.

*Ant.* **Per** singulos dies benedicam te, Domine.

*Ant.* **Laudabo.**

### **Psalmus 145.**

**LAUDA** , anima mea, Dominum , laudabo Dominum in vita mea : \* psallam Deo meo quamdiu fuero.

**Nolite** confidere in principibus : \* in filiis hominum , in quibus non est salus.

**Exibit** spiritus ejus , et revertetur in terram suam : \* in illa die peribunt omnes cogitationes eorum.

Beatus cujus Deus Jacob adjutor ejus, spes ejus in Domino Deo ipsius: qui fecit cœlum et terram, mare, et omnia, quæ in eis sunt.

Qui custodit veritatem in sæculum, facit judicium injuriarum patientibus: dat escam esurientibus.

Dominus solvit compeditos: Dominus illuminat cæcos.

Dominus erigit elisos: Dominus diligit justos.

Dominus custodit advenas, pupillum et viduam suscipiet: et vias peccatorum disperdet.

Regnabit Dominus in sæcula: Deus tuus, Sion, in generationem et generationem.

*Ant. Laudabo Deum meum in vita mea.*

*Ant. Deo nostro.*

### Psalmus 146.

**L**AUDATE Dominum, quoniam bonus est psalmus: Deo nostro sit jucunda, decoraque laudatio.

Ædificans Jerusalem Dominus, dispersiones Israelis congregabit.

Qui sanat contritos corde, et alligat contritiones eorum.

Qui numerat multitudinem stellarum, et omnibus eis nomina vocat.

Magnus Dominus noster, et magna virtus ejus: et sapientiæ ejus non est numerus.

Suscipiens mansuetos Dominus, humilians autem peccatores usque ad terram.

Præcinite Domino in confessione: psallite Deo nostro in cithara.

Qui operit cœlum nubibus: et parat terræ pluviam.

Qui producit in montibus fœnum, et herbam servituti hominum.

Qui dat jumentis escam ipsorum, et pullis corvorum invocantibus eum.

Non in fortitudine equi voluntatem habebit: nec in tibiis viri beneplacitum erit ei.

Beneplacitum est Domino super timentes eum: et in eis qui sperant super misericordia ejus.

*Ant. Deo nostro jucunda sit laudatio.*

*Ant. Lauda.*

### Psalmus 147.

**L**AUDA, Jerusalem, Dominum: lauda Deum tuum, Sion.

Quoniam confortavit seras portarum tuarum: benedixit filiis tuis in te.

Qui posuit fines tuos pacem: et adipe frumenti satiat te.

Qui emittit eloquium suum terræ: velociter currit sermo ejus.

Qui dat nivem sicut lanam: nebulam sicut cinerem spargit.

Mittit crystallum suam sicut buccellas: ante faciem frigoris ejus quis sustinebit?

Emittet verbum suum, et liquefaciet ea: stabit spiritus ejus, et fluent aquæ.

Qui annuntiat verbum suum Jacob, justitias et judicia sua Israel.

Non fecit taliter omni nationi: et judicia sua non manifestavit eis.

*Ant. Lauda, Jerusalem, Dominum.*

*Temp. Pasch. Ant. Alleluia, alleluia, alleluia.*

### Capitulum. Rom. II.

**O** altitudo divitiarum sapientiæ et scientiæ Dei: quam incomprehensibilia sunt judicia ejus, et investigabiles viæ ejus?

### HYMNUS

**J**AM sol recedit igneus;  
Tu lux perennis, Unitas  
Nostris, beata Trinitas,  
Infunde lumen cordibus.

Te mane laudum carmine,  
Te deprecamur vespere;  
Digneris ut te supplices  
Laudemus inter Cœlites.

Patri, simulque Filio,  
Tibique, sancte Spiritus,  
Sicut fuit, sit jugiter  
Sæculum per omne gloria, Amen.

Ÿ. Vespertina oratio ascendat ad te, Domine. Æ. Et descendat super nos misericordia tua.

*Ad Magnif. Ant. Suscepit Deus Israel puerum suum: sicut locutus est ad Abraham, et semen ejus: exaltare humiles usque in sæculum.*



*Capit. ① altitudo dicitur in Vesp. Sabb. ab Oct. Pentec. usque ad Adv., et ab Oct. Epiph. usque ad Septuag. Hymnus et ̃. etiam usque ad Quadrag. Ant. ad Magnificat ab Oct. Epiph. usque ad Septuag. tantum. Post Ant. dicitur Oratio propria.*

*Deinde sunt suffragia Sanctorum, quibus præmittitur.*

### COMMEMORATIO DE CRUCE.

*In fer. tantum Offic., etiam quando non dicuntur Preces.*

*Ad Vesp. et Laud. Ant. Per signum Crucis de inimicis nostris libera nos, Deus noster.*

*̃. Omnis terra adoret te, et psallat tibi. ̃. Psalmum dicat nomini tuo, Domine.*

Oremus. Oratio.

**P**ERPETUA nos, quæsumus, Domine, pace custodi, quos per lignum sanctæ Crucis redimere dignatus es.

*Temp. autem Pasch. a Feria ij. post Dom. I. Paschæ usque ad Ascens. tam in Offic. de Temp. quam de Sanctis, nisi sit Duplex, aut infra Octavas, fit sequens:*

*Ad Vesp. Ant. Crucem sanctam subiit qui infernum confregit, accinctus est potentia, surrexit die tertia, alleluia.*

*Ad Laud. Ant. Crucifixus surrexit a mortuis, et redemit nos, alleluia,*

*̃. Dicite in nationibus, alleluia. ̃. Quia Dominus regnavit a ligno, alleluia.*

Oremus. Oratio.

**D**EUS, qui pro nobis Filium tuum crucis patibulum subire voluisti, ut inimici a nobis expelleres potestatem: concede nobis famulis tuis, ut resurrectionis gratiam consequamur. Per eundem Dominum nostrum.

*Aliæ comm. de Sanctis non sunt temp. Pasch.*

### COMMEMORATIONES

#### COMMUNES, SEU SUPPLAGIA SANCTORUM.

*De S. Maria, quando non dicitur ejus Offic. parvum.*

*Ad Vesp. et Laud. Ant. Sancta Maria, succurre miseris, juva pusillanimes, resove flebiles, ora pro populo, interveni pro clero, intercede pro devoto semineo sexu: sentiant omnes tuum juvamen, quicumque celebrant tuam sanctam commemorationem.*

*̃. Ora pro nobis, sancta Dei genitrix. ̃. Ut digni efficiamur promissionibus Christi.*

Oremus. Oratio.

**C**ONCEDE nos famulos tuos, quæsumus, Domine Deus, perpetua mentis et corporis sanitate gaudere, et gloriosa beatæ Mariæ semper virginis intercessionem, a presenti liberari tristitia, et æterna perfrui lætitia.

*Ab Oct. Epiph. usque ad Purif. dicitur. ̃. Post partum, Virgo, inviolata permansisti. ̃. Dei genitrix, intercede pro nobis.*

Oremus. Oratio.

**D**EUS, qui salutis æternæ, beatæ Mariæ virginitate sæcunda, humano generi præmia præstitisti: tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum Filium tuum.

*De Apostolis. Ad Vesp. Ant. Petrus Apostolus, et Paulus Doctor Gentium, ipsi nos docuerunt legem tuam, Domine.*

*̃. Constitues eos principes super omnem terram. ̃. Memores erunt nominis tui, Domine.*

*Ad Laud. Ant. Gloriosi principes terræ, quomodo in vita sua dilexerunt se, ita et in morte non sunt separati.*

*̃. In omnem terram exivit sonus eorum. ̃. Et in fines orbis terræ verba eorum.*

Oremus.

Oratio.

**D**EUS, cujus dextera beatum Petrum ambulanti in fluctibus, ne mergeretur, erexit, et Coapostolum ejus Paulum tertio naufraganti, de profundo pelagi liberavit: exaudi nos propitius, et concede, ut amborum meritis, æternitatis gloriam consequamur.

*De Patrono vel Titulari Ecclesiæ fiat Comm. consueta ante vel post Comm. præd. pro dignitate illius, et ultimo loco de Pace.*

*Ad Vesp. et Laud. Ant. Da pacem Domine, in diebus nostris, quia non est alius, qui pugnet pro nobis, nisi tu, Deus noster.*

*℣. Fiat pax in virtute tua. ℟. Et abundantia in turribus tuis.*

Oremus.

Oratio.

**D**EUS, a quo sancta desideria, recta consilia et justa sunt opera, da servis tuis illam, quam mundus dare non potest, pacem, ut et corda nostra mandatis tuis dedita, et hostium sublata formidine, tempora sint tua protectione tranquilla. Per Dominum.

*℣. Dominus vobiscum.*

*℟. Et cum spiritu tuo.*

*℣. Benedicamus Domino.*

*℟. Deo gratias.*

*℣. Fidelium animæ per misericordiam Dei requiescant in pace.*

*℟. Amen.*

*Deinde dicitur secr. Pater noster.*

*Sic terminatur Offic., ubi alia non sequatur Hora.*

*Dictæ comm. seu suffragia dicuntur ab Oct. Pentec. usque ad Adv., et ab Oct. Epiph. usque ad Dom. Pass. exceptis Duplic. et infra Octav.*

*Quando dicitur Offic. B. Mariæ, non sit alia commemor. de ea.*

## AD COMPLETORIUM.

*Lector incipit. ℣. Jube, domne, benedicere.*

*Benad. Noctem quietam, et finem*

perfectum concedat nobis Dominus Omnipotens. ℟. Amen.

*Lectio brevis. I. Petri 3.*

**F**RATRES, Sobrii estote et vigilate: quia adversarius vester diabolus, tamquam leo rugiens, circuit quærens quem devoret, cui resistite fortes in fide. Tu autem, Domine, miserere nobis.

*℟. Deo gratias.*

*℣. Adjutorium nostrum in nomine Domini. ℟. Qui fecit cælum et terram.*

*Pater, dicitur totum secreto.*

*Deinde sit Confessio communis alternatim, ut supra ad Primam, p. 20.*

*Et facta Absolutione dicitur ℣.*

**C**ONVERTE nos, Deus, salutaris noster. ℟. Et averte iram tuam a nobis.

*℣. Deus, in adjutorium meum intende. ℟. Domine, ad adjuvandum me festina. Gloria Patri, et Filio, etc. Sicut erat, etc.*

*Ant. Miserere.*

*Temp. Pasch. Ant. Alleluia.*

## Psalmus 4.

**C**UM invocarem, exaudivit me Deus justitiæ meæ: \* in tribulatione dilatasti mihi.

Miserere mei, \* et exaudi orationem meam.

Filii hominum, usquequo gravi corde? \* ut quid diligitis vanitatem, et quæritis mendacium?

Et scitote quoniam mirificavit Dominus sanctum suum: \* Dominus exaudiet me, cum clamavero ad eum.

Trascimini, et nolite peccare: \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. \* Multi dicunt: Quis ostendit nobis bona?

Signatum est super nos lumen vultus tui, Domine: \* dedisti latitiam in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam , et requiescam.

Quoniam tu , Domine , singulariter in spe \* constituisti me.

### Psalmus 30.

**I**N te , Domine , speravi , non confundar in æternum : \* in justitia tua libera me.

Inclina ad me aurem tuam : \* accelera ut eruas me.

Esto mihi in Deum protectorem , et in domum refugii , \* ut salvum me facias.

Quoniam fortitudo mea , et refugium meum es tu : \* et propter nomen tuum deduces me , et enutries me.

Educes me de laqueo hoc , quem absconderunt mihi : \* quoniam tu es protector meus.

In manus tuas commendo spiritum meum : \* redemisti me , Domine , Deus veritatis.

### Psalmus 90.

**Q**UI habitat in adjutorio Altissimi , \* in protectione Dei cœli commorabitur.

Dicet Domino : Susceptor meus es tu , et refugium meum : \* Deus meus sperabo in eum.

Quoniam ipse liberavit me de laqueo venantium , \* et a verbo aspero.

Scapulis suis obumbrabit tibi : \* et sub pennis ejus sperabis.

Scuto circumdabit te veritas ejus : \* non timebis a timore nocturno .

A sagitta volante in die , a negotio perambulante in tenebris : \* ab incursu , et dæmonio meridiano.

Cadent a latere tuo mille , et decem millia a dextris tuis : \* ad te autem non appropinquabit.

Verumtamen oculis tuis considera- bis : \* et retributionem peccatorum videbis.

Quoniam tu es , Domine , spes mea : \* Altissimum posuisti refugium tuum.

Non accedet ad te malum : \* et flagellum non appropinquabit tabernaculo tuo.

Quoniam Angelis suis mandavit de-

te : \* ut custodiant te in omnibus viis tuis.

In manibus portabunt te , \* ne forte offendas ad lapidem pedem tuum.

Super aspidem et basiliscum ambulabis : \* et conculcabis leonem et draconem.

Quoniam in me speravit , liberabo eum : \* protegam eum , quoniam cognovit nomen meum.

Clamabit ad me , et ego exaudiam eum : \* cum ipso sum in tribulatione : eripiam eum , et glorificabo eum.

Longitudine dierum replebo eum : \* et ostendam illi salutare meum.

### Psalmus 133.

**E**CCE nunc benedicite Dominum . \* omnes servi Domini.

Qui statis in domo Domini , \* in atriis domus Dei nostri ,

In noctibus extollite manus vestras in sancta , \* et benedicite Dominum.

Benedicat te Dominus ex Sion . \* qui fecit cœlum et terram.

*Ant. Miserere mihi , Domine , et exaudi orationem meam.*

*Temp. Pasch. Ant. Alleluia , alleluia , alleluia.*

### HYMNUS.

**T**U lucis ante terminum ,  
Rerum Creator , poscimus ,  
Ut pro tua clementia  
Sis præsul et custodia.

Procul recedant somnia ,  
Et noctium phantasmata ;  
Hostemque nostrum comprime ,  
Ne polluantur corpora.

Præsta , Pater piissime ,  
Patrique compar Unice ,  
Cum Spiritu Paraclito  
Regnans per omne sæculum. Am en

*Capitulum. Jerem. 14.*

**T**U autem in nobis es , Domine ,  
et nomen sanctum tuum invocatum est super nos : ne derelinquas nos ,  
Domine Deus noster. *ñ. Deo gratias.*

*ñ. br. In manus tuas , Domine , Commendo spiritum meum. In manus-  
ñ. Redemisti nos , Domine Deus ve.*



ritatis. Commendo. Gloria. In manus.  
 y. Custodi nos, Domine, ut pupil-  
 lam oculi. a. Sub umbra alarum tua-  
 rum protege nos.

*Ant. Salva nos.*

CANTICUM SIMEONIS. LUC. 2.

**N**UNC dimittis servum tuum, Do-  
 mine, \* secundum verbum tuum  
 in pace:

Quia viderunt oculi mei \* salutare  
 tuum,

Quod parasti \* ante faciem omnium  
 populorum:

Lumen ad revelationem Gentium, \*  
 et gloriam plebis tuæ Israel.

Gloria Patri, etc.

*Ant. Salva nos, Domine, vigilan-  
 tes, custodi nos dormientes; ut vi-  
 gilemus cum Christo, et requiesca-  
 mus in pace.*

*Sequentes Preces semper dicuntur,  
 præterquam in Offic. Dupl. et infra  
 Oct. In ser. Offic. temp. Adv. et  
 Quadrag. et in Quat. Temp., quando  
 dictæ sunt Preces in Vesp., dicun-  
 tur flexis genibus.*

**K**YRIE eleison. Christe eleison.  
 Kyrie eleison. Pater noster,  
*secreto.* y. Et ne nos inducas in ten-  
 tationem. a. Sed libera nos a malo.  
 Credo in Deum. *secreto.* y. Carnis  
 resurrectionem. a. Vitam æternam  
 Amen.

y. Benedictus es, Domine, Deus  
 patrum nostrorum. a. Et laudabilis  
 et gloriosus in sæcula. y. Benedica-  
 mus Patrem et Filium cum sancto  
 Spiritu. a. Laudemus, et superexal-  
 temus eum in sæcula. y. Benedictus  
 es, Domine, in firmamento cæli. a.  
 Et laudabilis, et gloriosus, et su-  
 perexaltatus in sæcula. y. Benedicat  
 et custodiat nos omnipotens et mise-  
 ricors Dominus. a. Amen. y. Digna-  
 re, Domine, nocte ista. a. Sine pec-  
 cato nos custodire. y. Miserere nostri,  
 Domine. a. Miserere nostri. y. Fiat  
 misericordia tua, Domine, super nos.  
 a. Quemadmodum speravimus in te.  
 y. Domine, exaudi orationem meam.

a. Et clamor meus ad te veniat. y.  
 Dominus vobiscum a. Et cum spiri-  
 tu tuo.

Oremus. Oratio

**V**ISITA, quæsumus, Domine,  
 habitationem istam, et omnes  
 insidias inimici ab ea longe repelle:  
 Angeli tui sancti habitent in ea,  
 qui nos in pace custodiant, et bene-  
 dictio tua sit super nos semper. Per  
 Dominum.

y. Dominus vobiscum. a. Et cum  
 spiritu tuo. y. Benedicamus Domino.  
 a. Deo gratias.

*Bened.* Benedicat, et custodiat nos  
 omnipotens et misericors Dominus,  
 Pater, et Filius, et Spiritus sanctus.  
 a. Amen.

*Et non dicitur Fidelium animæ.  
 sed immediate dicitur una ex infra-  
 scriptis Ant. pro temp.*

*A Vesp. Sabbati. ante Dom. I. Adv.  
 usque ad Purif. inclusive, Ant.*

**A**LMA Redemptoris Mater, quæ  
 pervia cæli.

Porta manes, et stella maris, suc-  
 curre cadenti,  
 Surgere qui curat, populo: tu quæ  
 genuisti,  
 Natura mirante, tuum sanctum Ge-  
 nitorem,  
 Virgo prius ac posterius, Gabrieli  
 ab ore  
 Sumens illud Ave, peccatorum mi-  
 serere.

*In Adv. y. Angelus Domini nun-  
 tiavit Mariam. a. Et concepit de Spi-  
 ritu sancto.*

Oremus. Oratio.

**G**RATIAM tuam, quæsumus,  
 Domine, mentibus nostris infun-  
 de, ut qui, Angelo nuntiante, Christi  
 Filii tui Incarnationem cognovimus,  
 per passionem ejus et crucem, ad  
 resurrectionis gloriam perducamur. Per  
 eundem Christum Dominum nostrum.  
 a. Amen.

*A I. Vesp. Nativ. et deinceps,  
 y. Post partum, Virgo, inviolata per-*

mansisti. *q.* Dei genitrix, intercede pro nobis.

Oremus.

Oratio.

**D**EUS, qui salutis æternæ, beatæ Mariæ virginitate fecunda, humano generi præmia præstitisti, tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum Filium tuum.

ñ. Amen.

*Post Purif., id est, a fine Complet. illius diei inclusive, usque ad Fer. v. in Cæna Domini exclusive, Ant.*

**A**VE, Regina cælorum,  
Ave, Domina Angelorum:  
Salve, radix, salve, porta,  
Ex qua mundo lux est orta.

Gaude, Virgo gloriosa,  
Super omnes speciosa:  
Vale, o valde decora,  
Et pro nobis Christum exora.

ŷ. Dignare me laudare te, Virgo sacrata. ñ. Da mihi virtutem contra hostes tuos.

Oremus.

Oratio.

**C**ONCEDE, misericors Deus, fragilitati nostræ præsidium, ut qui sanctæ Dei Genitricis memoriam agimus, intercessionis ejus auxilio, a nostris iniquitatibus resurgamus. Per eundem Christum Dominum nostrum. ñ. Amen.

*A Complet. Sabbati sancti usque ad Nonam Sabbati post Pentec. inclusive, Ant.*

**R**EGINA cæli, lætare, alleluia,  
Quia quem meruisti portare, alleluia,

Resurrexit sicut dixit, alleluia;

Ora pro nobis Deum, alleluia.

ŷ. Gaude et lætare, virgo Maria, alleluia. ŷ. Quia surrexit Dominus vere, alleluia.

Oremus.

Oratio.

**D**EUS, qui per resurrectionem Filii tui Domini nostri Jesu Chri-

sti mundum lætificare dignatus es, præsta, quæsumus, ut per ejus genitricem virginem Mariam perpetuæ capiamus gaudia vitæ. Per eundem Christum Dominum nostrum. ñ. Amen.

*A I. Vesp. fest. Trinit. usque ad Nonam Sabbati ante Adv., Ant.*

**S**ALVE, Regina, mater misericordiæ, vita, dulcedo et spes nostra, salve. Ad te clamamus exiles filii Evæ. Ad te suspiramus gementes et flentes in hac lacrymarum valle. Eia ergo, advocata nostra, illos tuos misericordes oculos ad nos converte. Et Jesum benedictum fructum ventris tui nobis post hoc exilium ostende. O clemens, o pia, o dulcis virgo Maria!

ŷ. Ora pro nobis, sancta Dei Genitrix. ñ. Ut digni efficiamur promissionibus Christi.

Oremus.

Oratio.

**O**MNIPOTENS sempiterne Deus, qui gloriosæ virginis matris Mariæ corpus et animam, ut dignum Filii tui habitaculum effici mereretur, Spiritu sancto cooperante, præparasti, da, ut cujus commemoratione lætatur, ejus pia intercessione ab instantibus malis, et a morte perpetua liberemur. Per eundem Christum Dominum nostrum. ñ. Amen.

ŷ. Divinum auxilium maneat semper nobiscum. ñ. Amen.

*Deinde dicitur secreto Pater noster Ave Maria, et Credo.*

*Sic dicitur Complet. per totum annum, præterquam in triduo majoris Hebdom., et per Oct. Paschæ, ut suo loco dicetur.*

*Si post. Complet. immediate sequatur Matut., tunc bis dicatur Pater noster, Ave Maria, et Credo: quia Complet., quod est finis Offic., sic terminari debet; et ante Matut. iterum repetitur pro principio Offic. sequentis diei.*

*Ant. prædictæ dicuntur etiam in fine Laud., quando discedendum est a Choro: sed si immediate post Ma-*

tut. subsequatur Prima, vel alia Hora dicuntur in fine ultimæ Horæ, ita ut dicantur semper, quando, terminata aliqua Hora, discedendum est a Choro, et tunc post. *ŷ. Fidelium animæ, et Pater noster secreto, dicitur ŷ. Dominus det nobis suam pacem. ŷ. Et vitam æternam. Amen.*

*Deinde una ex prædictis Ant. et in*

*fine Divinum auxilium maneat semper nobiscum. ŷ. Amen.*

*Extra Chorum autem dicuntur in fine Laud., si tunc terminandum sit Offic.; alioquin in fine ultimæ Horæ. Post alias vero Horas, quando terminatur Offic., dicitur tantum Pater noster secreto.*

## PRO COMMEMORATIONE FERIARUM.

### *In Adventu.*

#### AD VESPERAS

*ŷ. Morate, corli desuper, et nubes pluant justum. ŷ. Aperiat terra et germinet Salvatorem.*

#### IN LAUDIBUS.

*ŷ. Vox clamantis in deserto: Parate viam Domini. ŷ. Rectas facite semitas ejus.*

### *In Quadragesima.*

#### AD VESP. ET IN LAUD.

*ŷ. Angelis suis Deus mandavit de te. ŷ. Ut custodiant te in omnibus viis tuis.*

### *Tempore Passionis.*

#### AD VESPERAS.

*ŷ. Eripe me, Domine, ab homine malo. ŷ. A viro iniquo eripe me.*

#### IN LAUDIBUS.

*ŷ. Eripe me de inimicis meis, Deus meus. ŷ. Et ab insurgentibus in me libera me.*

### *Per Annum.*

#### IN LAUDIBUS.

*Feria ij.*

*Ant. Benedictus Dominus Deus Israel.*

*ŷ. Repleti sumus mane misericordia tua. ŷ. Exultavimus, et delectati sumus.*

*Feria iij.*

*Ant. Erexit nobis Dominus cornu salutis in domo David pueri sui.*

*ŷ. et ŷ. ut supra, et sic in seq.*

*Feria iv.*

*Ant. De manu omnium qui oderunt nos, libera nos, Domine.*

*Feria v.*

*Ant. In sanctitate serviamus Domino, et liberabit nos ab inimicis nostris.*

*Feria vj.*

*Ant. Per viscera misericordiæ Dei nostri visitavit nos Oriens ex alto.*

*Sabbato.*

*Ant. Illuminare, Domine, his qui in tenebris sedent, et dirige pedes nostros in viam pacis, Deus Israel.*

#### AD VESPERAS.

*ŷ. Vespertina oratio ascendat ad te, Domine. ŷ. Et descendat super nos misericordia tua.*



# PROPRIUM DE TEMPORE.

## SABBATO

*ante Dominicam I. Adventus.*

### *Ad Vesperas.*

*Capitulum. Rom. 13.*

**F**RATRES, Hora est jam nos de somno surgere. Nunc enim propior est nostra salus, quam cum credidimus. *ñ. Deo gratias.*

### HYMNUS.

**C**REATOR alme siderum,  
Æterna lux credentium,  
Jesu Redemptor omnium,  
Intende votis supplicum.

Qui dæmonis ne fraudibus  
Periret orbis, impetu  
Amoris actus, languidi  
Mundi medela factus es.

Commune qui mundi nefas  
Ut explares, ad Crucem  
E Virginis Sacrario  
Intacta prodixisti victimam.

Cujus potestas gloriæ,  
Nomenque cum primum sonat:  
Et Cælites et inferi  
Tremante curvantur genu.

Te deprecamur ultimæ  
Magnum diei Judicem,  
Armis supernæ gratiæ  
Defende nos ab hostibus.

Virtus, honor, laus, gloria  
Deo Patri cum Filio,  
Sancto simul Paraclito,  
In sæculorum sæcula. Amen.

✠. *Rorate, cæli, desuper, et nubes pluant justum. ñ. Aperiat terra, et germinet Salvatorem.*

*Ad Magnif. Ant. Ecce nomen Domini venit de longinquo, et claritas ejus replet orbem terrarum.*

### *Oratio.*

**E**XCITA, quæsumus, Domine, potentiam tuam, et veni; ut ab imminentibus peccatorum nostrorum

periculis, te mereamur protegente eripi, te liberante salvari. Qui vivis.

*Comm. seu Suffr. Sanctorum non fiunt per totum Adv., etiam in Offic. de sanctis, nec de Cruce in ser. Offic.*

*In Adv. non fit de Festo, nisi fuerit Duplex, vel Semiduplex: quod si occurrat in Dom., transfertur in j. diem simili Festo non impeditam. De Simplici vero fit tantum comm.*

## DOM. I. ADVENTUS.

### *Ad Matutinum.*

*Invit. Regem venturum Dominum, Venite, adoremus. Et dicitur etiam in Feriis usque ad Dom. 3. Adv. Psalm. Venite, p. I.*

### HYMNUS.

**V**ERBUM supernum prodicens  
E Patris æterui sinu,  
Qui natus orbi subvenis,  
Labente cursu temporis.

Illumina nunc pectora,  
Tuoque amore concrema,  
Ut cor caduca deserens  
Cæli voluptas impleat.

Ut, cum tribunal Judicis  
Damnabit igni noxios,  
Et vox amica debitum  
Vocabit ad cælum pios,

Non esca flammarum nigros  
Volvamur inter turbines;  
Vultu Dei sed compotes  
Cæli fruamur gaudiis.

Patri, simulque Filio,  
Tibique, sancte Spiritus,  
Sicut fuit, sit jugiter  
Sæculum per omne gloria. Amen.

## IN I. NOCTURNO.

*Ant. et Psalmi ut in Psalt.*

*Post ✠. in quolibet Noct. dicitur Pater noster. Deinde Benedictio et Absolutiones ut in Psalt.*

*Benedictiones vero in Offic. de San-*

elis, de S. Maria, vel trium Lect. habentur sub initium Psalt.

Inclpit liber Isaie Prophetæ.

Lectio j. Cap. i.

**V**ISIO Isaie filii Amos, quam vidit super Judam et Jerusalem in diebus Ozie, Joathan, Achaz, et Ezechie, regum Juda. Audite, cœli, et auribus percipe, terra, quoniam Dominus locutus est: Filios enutrivit, et exaltavi; ipsi autem spreverunt me. Cognovit bos possessorem suum, et asinus præsepe domini sui: Israel autem me non cognovit, et populus meus non intellexit. Tu autem, Domine, miserere nobis. *ñ. Deo gratias.*

*Sic semper terminantur Lectiones, nisi aliter signetur.*

*ñ. Aspiciens a longe, ecce video Dei potentiam venientem, et nebulam totam terram tegentem.\** Ite obviam ei, et dicite: *\* Nuntia nobis si tu es ipse,\** Qui regnaturus es in populo Israel. *ŷ. Quique terrigenæ et filii hominum, simul in unum dives et pauper. Ite obviam ei, et dicite: ŷ. Qui regis Israel, intende, qui deducis velut ovem Joseph: Nuntia nobis si tu es ipse. ŷ. Tollite portas, principes, vestras, et elevamini, portæ æternales, et introibit Rex gloriæ. Qui regnaturus es in populo Israel.*

*ŷ. Gloria Patri, et Filio, et Spiritui sancto. Deinde repetitur ñ. Aspiciens a longe, usque ad ŷ. Quique terrigenæ.*

*Hoc ñ. non dicitur per Hebd., sed ejus loco dicitur ñ. j. Ferie ij. sequentis.*

Lectio ij.

**V**Æ genti peccatrici, populo gravi iniquitate, semini nequam, filiis sceleratis: dereliquerunt Dominum, blasphemaverunt Sanctum Israel: abalienati sunt retrorsum. Super quo percutiam vos ultra, addentes prævaricationem? Omne caput languidum, et omne cor mœrens. A planta pedis usque ad verticem non est in eo sanitas; vulnus, et livor, et plaga

lumens non est circumligata, nec curata medicamine, neque fota oleo.

*ñ. Aspiciebam in visu noctis, et ecce in nubibus cœli Filius hominis veniebat: et datum est ei regnum et honor: \* Et omnis populus, tribus, et linguæ servient ei. ŷ. Potestas ejus potestas æterna, quæ non auferetur: et regnum ejus, quod non corrumpetur. Et omnis.*

Lectio iij.

**T**ERRA vestra deserta, civitates vestræ succensæ igni: regionem vestram coram vobis alieni devorant, et desolabitur sicut in vastitate hostili. Et derelinquetur filia Sion ut umbraculum in vinea, et sicut tugurium in cucumerario, et sicut civitas quæ vastatur. Nisi Dominus exercituum reliquisset nobis semen, quasi Sodoma fuissemus, et quasi Gomorrha similes essemus.

*ñ. Missus est Gabriel Angelus ad Mariam virginem desponsatam Joseph, nuntians ei verbum: et expavescit Virgo de lumine. Ne timeas, Maria, invenisti gratiam apud Dominum: \* Ecce concipies, et paries, et vocabitur Altissimi Filius. ŷ. Dabit ei Dominus Deus sedem David patris ejus, et regnabit in domo Jacob in æternum. Ecce. Gloria. Ecce.*

*Sic semper dicitur Gloria Patri, in fine ultimi ñ. cujuslibet Nocturni, nisi aliter notetur.*

IN II. NOCTURNO.

Sermo sancti Leonis Papæ.

Serm. 8 de jejuniis decimi mensis et eleemosynis.

Lectio iv.

**C**UM de adventu regni Dei, et de mundi fine ac temporum discipulos suos Salvator instrueret, totamque Ecclesiam suam in Apostolis erudit: Cavete, inquit, ne forte graventur corda vestra in crapula, et ebrietate, et cogitationibus sæcularibus. Quod utique præceptum, dilectissimi, ad nos specialius pertinere cognoscimus, quibus denuntiatus dies,

etiamsi est occultus, non dubitatur esse vicinus.

**A.** Ave, Maria, gratia plena, Dominus tecum: \* Spiritus sanctus superveniet in te, et virtus Altissimi obumbrabit tibi: quod enim ex te nascetur Sanctum, vocabitur Filius Dei. **Ÿ.** Quomodo fiet istud, quoniam virum non cognosco? Et respondens Angelus, dixit ei. Spiritus sanctus.

*Lectio v.*

**A**d cujus adventum omnem hominem convenit præparari: ne quem aut ventri deditum, aut curis sæcularibus inveniat implicatum. Quotidiano enim, dilectissimi, experimento probatur potus satietate aciem mentis obtundi, et ciborum nimietate vigorem cordis hebetari: ita ut delectatio edendi etiam corporum contraria sit saluti; nisi ratio temperantiæ obsistat illecebræ, et quod futurum est oneri, subtrahat voluptati.

**A.** Salvatorem expectamus Dominum Jesum Christum: \* Qui reformabit corpus humilitatis nostræ, configuratum corpori claritatis suæ. **Ÿ.** Sobrie, et juste, et pie vivamus in hoc sæculo, expectantes beatam spem, et adventum gloriæ magni Dei. **Qui.**

*Lectio vj.*

**Q**UAMVIS enim sine anima nihil caro desideret, et inde accipiat sensus, unde sumit et motus: ejusdem tamen est animæ quædam sibi subditæ negare substantiæ, et interiori judicio ab inconvenientibus exteriora frænare; ut a corporeis cupiditatibus sæpius libera, in aula mentis possit divinæ vacare sapientiæ: ubi omni strepitu terrenarum silente curarum, in meditationibus sanctis, et in deliciis lætetur æternis.

**A.** Obsecro, Domine, mitte quem missurus es: vide afflictionem populi tui: \* Sicut locutus es, veni \* Et libera nos. **Ÿ.** Qui regis Israel, intende, qui deducis velut ovem Joseph, qui sedes super Cherubim. **Sicut.** Gloria. Et libera.

### IN III. NOCTURNO.

Lectio sancti Evangelii secundum Lucam.

*Sic semper præponitur Lectio sancti Evangelii ante j. Lect. de Homilia.*

*Lectio vij. Cap. 21.*

**I**n illo tempore: Dixit Jesus discipulis suis: Erunt signa in sole, et luna, et stellis, et in terris pressura gentium. Et reliqua.

Homilia sancti Gregorii Papæ.

*Homilia I. in Evangelia.*

**D**OMINUS ac Redemptor noster paratos nos invenire desiderans, senescentem mundum quæ mala sequantur denuntiat, ut nos ab ejus amore compescat. Appropinquantem ejus terminum quantæ percussiones præveniant, innotescit: ut si Deum metuere in tranquillitate nolumus, saltem vicinum ejus judicium vel percussionibus attriti timeamus.

**A.** Ecce virgo concipiet, et pariet filium, dicit Dominus. \* Et vocabitur nomen ejus Admirabilis, Deus, Fortis. **Ÿ.** Super solium David, et super regnum ejus sedebit in æternum. **Et.**

*Lectio viij.*

**H**UIC etenim lectioni sancti Evangelii, quam modo vestra fraternitas audivit, paulo superius Dominus præmisit, dicens: Exurget gens contra gentem, et regnum adversus regnum, et erunt terræmotus magni per loca, et pestilentiæ, et fames. Et quibusdam interpositis, hoc, quod modo audistis, adjunxit: Erunt signa in sole et luna et stellis, et in terris pressura gentium præ confusione sonitus maris, et fluctuum. Ex quibus profecto omnibus alia jam facta cernimus, alia in proximo ventura formidamus.

**A.** Audite verbum Domini. gentes, et annuntiate illud in finibus terræ: \* Et iusulis quæ procul sunt, dicite: Salvator noster adveniet. **Ÿ.** Annuntiate, et auditum facite: loquimini et clamate. **Et.**



*Lectio ix.***HYMNUS.**

**N**AM gentem contra gentem exurgere, earumque pressuram terris insistere, plus jam in nostris temporibus cernimus, quam in codicibus legimus. Quod terræmotus urbes innumeras obruat, ex aliis mundi partibus scitis quam frequenter audivimus. Pestilentias sine cessatione patimur. Signa vero in sole, et luna, et stellis adhuc aperte minime vidimus: sed quia et hæc non longe sint, ex ipsa jam aeris immutatione colligimus.

¶. Ecce dies veniunt, dicit Dominus, et suscitabo David germen justum: et regnabit Rex, et sapiens erit, et faciet judicium et justitiam in terra: \* Et hoc est nomen quod vocabunt eum: \* Dominus justus noster. ¶. In diebus illis salvabitur Juda, et Israel habitabit confidenter. Et hoc. Gloria. Dominus.

*Ab hac Dom. usque ad Nativ. Domini, et a Dom. Septuag. usque ad Pascha, Dominicis diebus dicitur ix. ¶. quia Te Deum non dicitur, nisi in Festis.*

**Ad Laudes.**

*et per Horas, Antiphonæ.*

1. In illa die stillabunt montes dulcedinem, et colles fluent lac et mel, alleluia.

*Psalmi de Laud. Dom. p. 13.*

2. Jucundare, filia Sion, et exulta satis, filia Jerusalem, alleluia.

3. Ecce Dominus veniet, et omnes Sancti ejus cum eo: et erit in die illa lux magna, alleluia.

4. Omnes sitientes, venite ad aquas: quærite Dominum, dum inveniri potest, alleluia.

5. Ecce veniet Propheta magnus, et ipse renovabit Jerusalem, alleluia.

*Capitulum. Rom. 13.*

**F**RATRES, Hora est jam nos de somno surgere. Nunc enim propior est nostra salus, quam cum credidimus.

**E**N clara vox redarguit  
Obscura quæque personans:  
Procul fugentur somnia,  
Ab alto Jesus promicat.

Mens jam resurgat torpida,  
Non amplius jacens humi:  
Sidus refulget jam novum,  
Ut tollat omne noxium.

En Agnus ad nos mittitur  
Laxare gratis debitum:  
Omnes simul cum lacrymis  
Precemur indulgentiam:

Ut, cum secundo fulserit,  
Metuque mundum cinxerit,  
Non pro reatu puniat,  
Sed nos pius tunc protegat.

Virtus, honor, laus, gloria  
Deo Patri cum Filio,  
Sancto simul Paraclito,  
In sæculorum sæcula. Amen.

¶. Vox clamantis in deserto: Parate viam Domini. ¶. Rectas facite semitas ejus.

*Ad Bened. Ant. Spiritus sanctus in te descendet, Maria: ne timeas, habebis in utero Filium Dei, alleluia.*

*Oratio.*

**E**XCITA, quæsumus, Domine, potentiam tuam, et veni, ut ab imminuentibus peccatorum nostrorum periculis, te mereamur protegente eripi, te liberante salvari. Quis vivis.

*Ad Primam, Tertiam, Sextam, et Nonam, Ant. de Laud. dicuntur per ordinem, quarta prætermissa. Quod etiam servatur in aliis Dom. Adv. .*

*In ¶. br. ad primam, loco Qui sedes, dicitur Qui venturus es in mundum.*

*Sic dicitur quotidie usque ad Nativ. Domini, etiam in Offic. de Sanctis, præterquam in die et infra Oct. Conceptionis B. M.*

*Deinde Kyrie eleison cum reliquis, ut in Psalt., p. 19.*

*Ab Absol. Capit. Lectio br. Domine miserere, p. 21. quæ dicitur in Dom. et Feriis usque ad Vigil. Nativ. Domini exclusive.*

**Ad Tertiam.***Capit. Fratres Hora est.*

*ā. br. Veni ad liberandum nos , \* Domine Deus virtutum. Et repetitur Veni ŷ. Ostende faciem tuam, et salvi erimus. Domine Deus virtutum. ŷ. Gloria Patri, et Filio, et Spiritui sancto. Veni. ŷ. Timebunt Gentes nomen tuum, Domine. ā. Et omnes reges terræ gloriam tuam.*

*Sic repetuntur ŷŷ. in omnibus āā. br. Horarum.*

**Ad Sextam.***Capitulum. Rom. 13.*

**N**OX præcessit, dies autem appropinquavit: abjiciamus ergo opera tenebrarum, et induamur arma lucis.

*ā. br. Ostende nobis, Domine, \* Misericordiam tuam. Ostende. ŷ. Et salutare tuum da nobis. Misericordiam. Gloria. Ostende. ŷ. Memento nostri, Domine, in beneplacito populi tui. ā. Visita nos in salutari tuo.*

**Ad Nonam.***Capitulum. Rom. 13.*

**S**ICUT in die honeste ambulemus, non in commensationibus et ebrietatibus, non in cubilibus et impudiciis, non in contentione et æmulatione, sed induimini Dominum Jesum Christum.

*ā. br. Super te Jerusalem, \* Orietur Dominus. Super. ŷ. Et gloria ejus in te videbitur. Orietur. Gloria. Super ŷ. Domine Deus virtutum, converte nos. ā. Et ostende faciem tuam, et salvi erimus.*

**Ad Vesperas***Ant. de Laud. Psalmi de Dom.**Capit. Hymn. et ŷ. ut sup. p. 106.*

*Ad Magnif. Ant. Ne timeas, Maria, invenisti enim gratiam apud Dominum: ecce concipies. et paries filium, alleluia.*

*Hymni, ŷŷ. et āā. br. hujus Dom. dicuntur in aliis Dom. et Feriis Adv.*

*Post Vesp. diei Vesp. Defunct.***FERIA SECUNDA.****Ad Matutinum,**

*Invit. et Hymnus, ut in Dom. I. Adv., p. 106.*

*Ant. et Psalmi Ferie ij, p. 32.**De Isaia Propheta.**Lectio j. Cap. i.*

**L**AVAMINI, mundi estote, auferite malum cogitationum vestrarum ab oculis meis: quiescite agere perverse, discite benefacere: quærite judicium, subvenite oppresso, judicate pupillo, defendite viduam. Et venite, et arguite me, dicit Dominus. Si fuerint peccata vestra ut coccinum, quasi nix dealbabuntur: et si fuerint rubra quasi vermiculus, velut lana alba erunt.

*ā. Suscipe verbum, Virgo Maria, quod tibi a Domino per Angelum transmissum est: concipies et paries Deum pariter et hominem, \* Ut benedicta dicaris inter omnes mulieres. ŷ. Paries quidem filium, et virginitatis non patieris detrimentum: efficieris gravis, et eris mater semper intacta. Ut benedicta.*

*Lectio ij.*

**S**I volueritis, et audieritis me, bona terræ comedetis. Quod si nolueritis, et me ad iracundiam provocaveritis, gladius devorabit vos, quia os Domini locutum est. Quomodo facta est meretrix civitas fidelis, plena judicii? justitia habitavit in ea, nunc autem homicidæ, Argentum tuum versum est in scoriam; vinum tuum mixtum est aqua. Principes tui infideles, socii furum: omnes diligunt munera, sequuntur retributiones. Pupillo non judicant, et causa viduæ non ingreditur ad illos.

*ā. Lætentur cæli, et exultet terra; jubilate, montes, laudem, quia Dominus noster veniet: \* Et pauperum suorum miserebitur. ŷ. Orietur in diebus ejus justitia, et abundantia pacis. Et pauperum.*

*Lectio iij.*

**PROPTER** hoc ait Dominus Deus exercituum fortis Israel: Heu, consolabor super hostibus meis, et vindicabor de inimicis meis. Et convertam manum meam ad te, et excoquam ad purum scoriā tuam, et auferam omne stannum tuum. Et restituiam iudices tuos ut fuerunt prius: et consiliarios tuos sicut antiquitus, post hæc vocaberis civitas justi, urbs fidelis. Sion in iudicio redimetur, et reducent eam in iustitia: et conteret scelestos, et peccatores simul: et qui dereliquerunt Dominum, consumentur.

ñ. Alieni non transibunt per Jerusalem amplius: \* Nam in illa die stillabunt montes dulcedinem, et colles fluent lac et mel, dicit Dominus. ŷ. Deus a libano veniet, et Sanctus de monte umbroso et condenso. Nam. Gloria. Nam.

**Ad Laudes.**

*Ant. et Psalmi Feriæ ij, p. 39.*

*Capitulum. Isaia 2.*

**VENITE**, et ascendamus ad montem Domini, et ad domum Dei Jacob; et docebit nos vias suas, et ambulabimus in semitis ejus, quia de Sion exhibit lex, et verbum Domini de Jerusalem.

*Hymn. et ŷ. ut supra, p. 109.*

*Ad Bened. Ant. Angelus Domini nuntiavit Mariæ, et concepit de Spiritu sancto, alleluia.*

*In fer. Offic. per Adv. dicuntur Preces ut in Psalt, p. 41.*

*Orat. Excita quæsumus, p. 109.*

*Oratio Dom. præteritæ semper dicitur per Hebd. in fer. Officio, quando propria non assignatur.*

*Hodie dicitur Offic. Defunct.*

*Ad Horas, Ant. de Laud. Dom. præced. Capit. ññ. br. et alia ut in Psalt, nisi quod in ñ. br. ad Primam, loco ŷ. Qui sedes dicitur. ŷ. Qui venturus es in mundum.*

**Ad Vesperas.**

*Ant. et Psalmi de Psalt., p. 88.*

*Capitulum. Genes. 49.*

**NON** auferetur sceptrum de Juda, et dux de femore ejus, donec veniat qui mittendus est: et ipse erit expectatio gentium.

*Hymnus et ŷ. ut supra, p. 109.*

*Ad Magnif. Ant. Leva, Jerusalem, oculos tuos, et vide potentiam Regis: ecce Salvator venit solvere te a vinculo.*

*Deinde Preces ut in Psalt., p. 41. et Orat. Dom. præced., p. 108.*

*Capit. prædicta dicuntur in fer. Offic. usque ad Vigil. Nativ. Domini exclusive.*

**FERIA TERTIA.**

*De Isaia Propheta.*

*Lectio j.*

*Cap. 1.*

**VERBUM**, quod vidit Isaïas filius Amos, super Juda et Jerusalem. Et erit in novissimis diebus præparatus mons domus Domini in vertice montium, et elevabitur super colles; et fluent ad eum omnes gentes. Et ibunt populi multi, et dicent: Venite, et ascendamus ad montem Domini, et ad domum Dei Jacob; et docebit nos vias suas, et ambulabimus in semitis ejus, quia de Sion exhibit lex, et verbum Domini de Jerusalem.

ñ. Montes Israel, ramos vestros expandite, et florete, et fructus facite: \* Prope est ut veniat dies Domini. ŷ. Rorate cœli, desuper, et nubes pluant justum: aperiatur terra, et germinet Salvatorem. Prope.

*Lectio ij.*

**ET** judicabit gentes, et arguet populos multos: et conflabunt gladios suos in vomeres, et lanceas suas in falces: non levabit gens contra gentem gladium, nec exercebuntur ultra ad prælium. Domus Jacob, venite, et ambulemus in lumine Domini. Projecisti enim populum tuum, domum Jacob: quia repleti sunt ut



olim, et augures habuerunt ut Philisthiim, et pueris alienis adhæserunt.

â. Erumpant gentes jucunditatem, et colles justitiam: \* Quia lux mundi Dominus cum potentia venit. †. De Sion exhibit lex, et verbum Domini de Jerusalem. Quia.

*Lectio iij.*

**R**EPLETA est terra argento et auro, et non est finis thesaurorum ejus: et repleta est terra ejus equis, et innumerabiles quadrigæ ejus. Et repleta est terra ejus idolis: opus manuum suarum adoraverunt, quod fecerunt digiti eorum. Et incurvavit se homo, et humiliatus est vir: ne ergo dimittas eis.

â. Ecce ab Austro venio ego Dominus Deus vester, \* Visitare vos in pace. †. Aspiciam vos, et crescere faciam; multiplicabimini, et firmabo pactum meum vobiscum. Visitare. Gloria. Visitare.

*Ad Bened. Ant.* Antequam convenirent, inventa est Maria habens in utero de Spiritu sancto, alleluia.

*Ad Magnif. Ant.* Quærite Dominum, dum inveniri potest: invocate eum, dum prope est, alleluia.

## FERIA QUARTA.

De Isaia Propheta.

*Lectio j. Cap. 3.*

**E**CCE enim dominator Dominus exercituum auferet a Jerusalem et a Juda validum et fortem, omne robur panis, et omne robur aquæ: fortem; et virum bellatorem: judicem, et Prophetam, et ariolum, et senem: principem super quinquaginta, et honorabilem vultu, et consiliarium, et sapientem de architectis, et prudentem eloquii mystici. Et dabo pueros principes eorum: et effeminati dominabuntur eis.

â. Rex noster adveniet Christus, \* Quem Joannes prædicavit Agnum esse venturum. †. Super ipsum continebunt reges os suum, ipsum gentes deprecabuntur. Quem.

*Lectio ij.*

**E**X irruet populus, vir ad virum, et unusquisque ad proximum suum: tumultuabitur puer contra senem, et ignobilis contra nobilem. Apprehendet enim vir fratrem suum domesticum patris sui. Vestimentum tibi est, princeps esto noster: ruina autem hæc sub manu tua. Respondebit in die illa, dicens: Non sum medicus, et in domo mea non est panis, neque vestimentum: nolite constituere me principem populi.

â. Ante multum tempus prophetauit Ezechiel: Vidi portam clausam: ecce Deus ante sæcula ex ea procedebat pro salute mundi. \* Et erat iterum clausa, demonstrans virginem, quia post partum permansit virgo. †. Porta quam vidisti, Dominus solus transibit per illam. Et erat.

*Lectio iij.*

**R**UIT enim Jerusalem, et Judas concidit: quia lingua eorum et adinventiones eorum contra Dominum, ut provocarent oculos majestatis ejus. Agnitio vultus eorum respondit eis; et peccatum suum quasi Sodoma prædicaverunt, nec absconderunt. Væ animæ eorum, quoniam reddita sunt eis mala. Dicite justo quoniam bene, quoniam fructum adinventionum suarum comedet. Væ impio in malum: retributio enim manuum ejus fiet ei.

â. Ecce dies veniunt, dicit Dominus, et suscitabo David germen justum: et regnabit Rex, et sapiens erit, et faciet judicium et justitiam in terra: \* Et hoc est nomen quod vocabunt eum: \* Dominus justus noster. †. In diebus illis salvabitur Juda, et Israel habitabit confidenter. Et hoc. Gloria. Dominus.

*Ad Bened. Ant.* De Sion exhibit lex, et verbum Domini de Jerusalem.

*Ad Magnif. Ant.* Veniet fortior me post me, cujus non sum dignus solvere corrigiam calceamentorum.

**FERIA QUINTA**

De Isaia Propheta.

*Lectio j. Cap. 4.*

**ET** apprehendent septem mulieres virum unum in die illa, dicentes: Panem nostrum comedemus, et vestimentis nostris operiemur; tantummodo invoceetur nomen tuum super nos, aufer opprobrium nostrum. In die illa erit germen Domini in magnificientia et gloria, et fructus terræ sublimis, et exultatio his qui salvati fuerint de Israel. Et erit: Omnis qui relictus fuerit in Sion, et residuus in Jerusalem, sanctus vocabitur, omnis qui scriptus est in vita in Jerusalem.

A. Mucipe verbum, p. 110.

*Lectio ij. Cap. 5.*

**CANTABO** dilecto meo canticum patruelis mei vineæ suæ. Vineæ facta est dilecto meo in cornu filio olei. Et sepivit eam, et lapides elegit ex illa, et plantavit eam electam, et edificavit turrin in medio ejus, et torcular extruxit in ea: et expectavit ut faceret uvas, et fecit labruscas. Nunc ergo, habitatores Jerusalem, et viri Juda, judicate inter me et vineam meam. Quid est quod debui ultra facere vineæ meæ, et non feci ei? an quod expectavi ut faceret uvas, et fecit labruscas?

A. Aspiciebam in visu, p. 107.

*Lectio iij.*

**ET** nunc ostendam vobis quid ego faciam vineæ meæ: auferam sepepem ejus, et erit in direptionem: diruam maceriam ejus, et erit in conculeationem. Et ponam eam desertam: non habitabitur, et non fodietur, et ascendent vepres et spinæ: et nubibus mandabo ne pluant super eam imbrem. Vineæ enim Domini exercituum domus Israel est: et vir Juda germen ejus delectabile: et expectavi ut faceret judicium, et ecce iniquitas: et justitiam, et ecce clamor.

A. Missus est Gabriel, p. 107.

*Ad Bened. Ant.* Benedicta tu in mulieribus, et benedictus fructus ventris tui.

*Ad Magnif. Ant.* Expectabo Dominum Salvatorem meum, et præstolabor eum dum prope est, alleluia.

**FERIA SEXTA.**

De Isaia Propheta.

*Lectio j. Cap. 6.*

**IN** anno, quo mortuus est rex Ozias, vidi Dominum sedentem super solium excelsum et elevatum; et ea quæ sub ipso erant, replebant templum. Seraphim stabant super illud: sex alæ uni, et sex alæ alteri: duabus velabant faciem ejus, et duabus velabant pedes ejus, et duabus volabant. Et clamabant alter ad alterum, et dicebant: Sanctus, sanctus, sanctus, Dominus Deus exercituum; plena est omnis terra gloria ejus.

A. Ave Maria, p. 108.

*Lectio ij.*

**ET** commota sunt superthiminaria cardinum a voce clamantis, et domus repleta est fumo. Et dixi: Væ mihi, quia tacui, quia vir pollutus labiis ego sum, et in medio populi polluta labia habentis ego habito, et Regem Dominum exercituum vidi oculis meis. Et volavit ad me unus de Seraphim, et in manu ejus calculus, quem forcipe tulerat de altari. Et tetigit os meum, et dixit: Ecce tetigit hoc labia tua, et auferetur iniquitas tua, et peccatum tuum mundabitur.

A. Salvatorem, p. 108.

*Lectio iij.*

**ET** audiui vocem Domini descendentis: Quam mittam? et quis ibit nobis? Et dixi: Ecce ego, mitte me. Et dixit: Vade, et dices populo huic: Audite audientes, et nolite intelligere: et videte visiohem, et nolite cognoscere. Exæca cor populi hujus, et aures ejus aggrava, et oculos ejus clauda: ne forte videat oculis suis, et auribus suis audiat, et corde suo intelligat, et convertatur, et sanem eum.

A. Obsecro Domine, p. 108.

*An Bened. Ant.* Ecce veniet Deus et homo de domo David sedere in throno, alleluia.

*Ad Magnif. Ant.* Ex Ægypto vocavi Filium meum : veniet ut salvet populum suum.

### SABBATO.

De Isaia propheta. :

*Lectio j. Cap. 7.*

**ET** factum est in diebus Achaz filii Joathan, filii Ozia regis Juda, ascendit Rasin rex Syriæ, et Phacee filius Romeliæ rex Israel, in Jerusalem, ad præliandum contra eam : et non potuerunt debellare eam. Et nuntiaverunt domui David, dicentes: Requievit Syria super Ephraim, et commotum est cor ejus, et cor populi ejus, sicut moventur ligna silvarum a facie venti. Et dixit Dominus ad Isaiam : Egredere in occursum Achaz, tu et qui derelictus est Jasub filius tuus, ad extremum aquæductus piscine superioris in via agri fullonis.

q. Ecce Virgo, p. 108.

*Lectio ij.*

**ET** dices ad eum : Vide ut sileas: noli timere; et cor tuum ne formidet a duabus caudis titionum fumigantium istorum in ira furoris Rasin regis Syriæ, et filii Romeliæ: eo quod consilium inierit contra te Syria in malum, Ephraim, et filius Romeliæ, dicentes : Ascendamus ad Judam, et suscitemus eum, et avellamus eum ad nos, et ponamus regem in medio ejus filium Tabeel.

q. Audite verbum, p. 108.

*Lectio iij.*

**ET** adjecit Dominus loqui ad Achaz, dicens : Pete tibi signum a Domino. Deo tuo in profundum inferni, sive in excelsum supra. Et dixit Achaz: Non petam, et non tentabo Dominum. Et dixit: Audite ergo, domus David: Numquid parum vobis est molestos esse hominibus, quia molesti estis et Deo meo? Propter hoc dabit Dominus ipse vobis signum. Ecce virgo concipiet, et pariet filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum.

q. Ecce dies veniunt, p. 109.

*Ad Bened. Ant.* Sion, noli timere, ecce Deus tuus veniet, alleluia.

### *Ad Vesperas.*

*Capitulum.* Rom. 15.

**FRATRES**, Quaecumque scripta sunt, ad nostram doctrinam scripta sunt : ut per patientiam, et consolationem Scripturarum spem habeamus.

*Hymnus et y. ut supra, p. 105.*

*Ad Magnif. Ant.* Veni, Domine, visitare nos in pace, ut lætemur coram te corde perfecto.

*Oratio*

**EXCITA**, Domine, corda nostra ad præparandas Unigeniti tui vias, ut per eius adventum purificatis tibi mentibus servire mereamur : Qui tecum vivit.

### DOM. II. ADVENTUS.

#### *Ad Manifestationem.*

*Invit. et Hymnus ut in Dom. I. Adv., p. 105.*

IN I. NOCTURNO.

De Isaia Propheta.

*Lectio j. Cap. II.*

**ET** egredietur virga de radice Jesse, et flos de radice ejus ascendet. Et requiescet super eum Spiritus Domini: spiritus sapientiæ et intellectus, spiritus consilii et fortitudinis, spiritus scientiæ et pietatis: et replebit eum spiritus timoris Domini. Non secundum visionem oculorum judicabit, neque secundum auditum aurium arguet: sed judicabit in justitia pauperes, et arguet in æquitate pro mansuetis terræ.

q. Jerusalem, cito veniet salus tua: quare mœrore consumeris? numquid consiliarius non est tibi, quia innovavit te dolor? Salvabo te, et liberabo te, noli timere. y. Ego enim sum Dominus Deus tuus, Sanctus Israel Redemptor tuus. Salvabo te.

*Lectio ij.*

**ET** percutiet terram virga oris sui, et spiritu labiorum suorum inter-



fiat impium. Et erit iustitia cingulum lumborum ejus, et fides cinetorium renum ejus. Habitabit lupo cum agno, et pardus cum hirculo accubabit: vitulus et leo et ovis simul morabuntur, et puer parvulus minabit eos, Vitulus et ursus pascentur: simul requiescent catuli eorum, et leo quasi bos comedet paleas.

¶. Ecce Dominus veniet, et omnes sancti ejus cum eo, et erit in die illa lux magna: et exhibunt de Jerusalem sicut aqua munda; et regnabit Dominus in æternum, Super omnes gentes. ¶. Ecce Dominus cum virtute veniet; et regnum in manu ejus, et potestas, et imperium. Super.

*Lectio. iij.*

**E**T delectabitur infans ab ubere super foramine aspidis: et in caverna reguli, qui ablactatus fuerit, manum suam mittet. Non nocebunt, et non occident in universo monte sancto meo, quia repleta est terra scientia Domini, sicut aquæ maris operientes. In die illa radix Jesse, qui stat in signum populorum, ipsum gentes deprecabuntur: et erit sepulchrum ejus gloriosum.

¶. Civitas Jerusalem, noli flere: quoniam doluit Dominus super te: Et auferet a te omnem tribulationem. ¶. Ecce Dominus in fortitudine veniet: et brachium ejus dominabitur. Et. Gloria. Et.

## IN II. NOCTURNO.

De Expositione S. Hieronymi Presbyteri in Isaiam Prophetam.

Lib. 4. in cap. 2. Isaiæ,

*Lectio ix.*

**E**T egrediatur virga de radice Jesse. Usque ad principium visionis, vel ponderis Babylonis, quod vidit Isaias filius Amos, omnis hæc prophetia de Christo est, quam per partes volumus explanare, ne simul proposita atque disserta, lectoris confundat memoriam, Virgam et florem

de radice Jesse ipsum Dominum Judæi interpretantur: quod scilicet in virga regnantis potentia, in flore pulchritudo monstratur.

¶. Ecce veniet Dominus protector noster, Sanctus Israel, Coronam regni habens in capite suo. ¶. Et dominabitur a mari usque ad mare, et a flumine usque ad terminos orbis terrarum. Coronam.

*Lectio. v.*

**N**os autem virgam de radice Jesse sanctam Mariam virginem intelligamus, quæ nullum habuit sibi fruticem coherentem, de qua et supra legimus: Ecce virgo concipiet, et pariet filium. Et florem, Dominum Salvatorem, qui dicit in Canticis canticorum: Ego flos campi, et lili-um convallium.

¶. Sicut mater consolatur filios suos, ita consolabor vos, dicit Dominus: et de Jerusalem civitate quam elegi, veniet vobis auxilium: Et videbitis, et gaudebit cor vestrum. ¶. Dabo in Sion salutem, et in Jerusalem gloriam meam. Et videbitis.

*Lectio. vi.*

**S**UPER hunc igitur florem, qui de trunco et radice Jesse per Mariam virginem repente consurget, requiescet Spiritus Domini: quia in ipso complacuit omnem plenitudinem divinitatis habitare corporaliter: nequaquam per partes, ut in cæteris Sanctis: sed iuxta Evangelium eorum. quod Hebræo sermone conscriptum legunt Nazaræi: Descendet super eum omnis fons Spiritus sancti: Dominus autem spiritus est; et ubi Spiritus Domini, ibi libertas.

¶. Jerusalem, plantabis vineam in montibus tuis: exultabis, quoniam dies Domini veniet: surge, Sion, convertere ad Dominum Deum tuum: gaude et lætare, Jacob, Quia de medio gentium Salvator tuus veniet. ¶. Exulta satis, filia Sion: jubila, filia Jerusalem. Quia. Gloria. Quia.

## IN III. NOCTURNO.

Lectio sancti Evangelii secundum  
Matthæum.

Lectio vij. Cap. 2.

**I**N illo tempore: Cum audisset Joannes in vinculis opera Christi, mittens duos de discipulis suis, ait illi: Tu es qui venturus es, an alium expectamus? Et reliqua.

Homilia S. Gregorii Papæ.

Homil. 6. in Evang. post init.

**V**ISIS tot signis, tantisque virtutibus, non scandalizari quisque potuit, sed admirari. Sed infidelium mens grave in illo scandalum pertulit, cum eum post tot miracula morientem vidit. Unde et Paulus dicit: Nos autem prædicamus Christum crucifixum, Judæis quidem scandalum, Gentibus autem stultitiam. Stultum quippe hominibus visum est, ut pro hominibus auctor vitæ moreretur: et inde contra eum homo scandalum sumpsit, unde ei amplius debitor fieri debuit. Nam tanto Deus ab hominibus dignius honorandus est, quanto pro hominibus et indigna suscepit.

¶ Egredietur Dominus de Samaria ad portam, quæ respicit ad Orientem: et veniet in Bethleem, ambulans super aquas redemptionis Judæ: \* Tunc salvus erit omnis homo: quia ecce veniet. †. Et præparabitur in misericordia solium ejus, et sedebit super illud in veritate. Tunc.

Lectio viij.

**Q**UID est ergo dicere, Beatus qui non fuerit scandalizatus in me, nisi aperta voce abjectionem mortis suæ humilitatemque signare? Ac si patenter dicat: Mira quidem facio, sed abjecta perpeti non dedignor. Quia ergo moriendo te subsequor, cavendum valde est hominibus, ne in me mortem despiciant, qui signa venerantur.

¶ Festina, ne tardaveris, Domine: \* Et libera populum tuum. †.

Veni, Domine, et noli tardare: relaxa facinora plebi tuæ. Et.

Lectio ix.

**S**ED dimissis Joannis discipulis, quid de eodem Joanne turbis dicat, audiamus. Quid existis in desertum videre? Arundinem vento agitatam? Quod videlicet non asserendo, sed negando intulit. Arundinem quippe mox ut aura contigerit, in partem alteram inflectit. Et quid per arundinem, nisi carnalis animus designatur, qui mox ut favore, vel detractatione tangitur, statim in partem quamlibet inclinatur?

¶. Ecce Dominus veniet cum splendore descendens, et virtus ejus cum eo, \* Visitare populum suum in pace, et constituere super eum vitam sempiternam. †. Ecce Dominus noster cum virtute veniet. Visitare. Gloria. Visitare.

### Ad Laudes

et per Horas, Antiphonæ.

1. **ECCE** in nubibus cæli Dominus veniet cum potestate magna, alleluia.

2. **URBS** fortitudinis nostræ Sion, Salvator ponetur in ea murus et antemurale: aperite portas, quia nobiscum Deus, alleluia.

3. **ECCE** apparebit Dominus, et non mentietur: si moram fecerit, expecta eum, quia veniet, et non tardabit, alleluia.

4. **MONTES** et colles cantabunt coram Deo laudem, et omnia ligna silvarum plaudent manibus: quoniam veniet dominator Dominus in regnum æternum, alleluia, alleluia.

5. **ECCE** Dominus noster cum virtute veniet, et illuminabit oculos servorum suorum, alleluia.

Capitulum. Rom. 15.

**F**RATRES, Quæcumque scripta sunt, ad nostram doctrinam scripta sunt: ut per patientiam, et consolationem Scripturarum spem habeamus.

Hymnus et †. ut supra p. 109.

*Ad Bened. Ant.* Joannes autem cum audisset in vinculis opera Christi, mittens duos ex discipulis suis, ait illi: Tu es qui venturus es, an alium expectamus?

*Oratio.*

**EXCITA**, Domine, corda nostra ad præparandas Unigeniti tui vias, ut per ejus adventum purificatis tibi mentibus servire mereamur: Qui tecum vivit.

*Ad Horas qq. br. ut in Dom. I.*

*Ad Tertiam.*

*Capit. Fratres Quæcumque.*

*Ad Sextam.*

*Capitulum. Rom. 15.*

**DEUS** autem patientiæ et solatii det vobis idipsum sapere in alterutrum secundum Jesum Christum: ut unanimes uno ore honorificetis Deum, et Patrem Domini nostri Jesu Christi.

*Ad Nonam.*

*Capitulum. Rom. 15.*

**DEUS** autem spei repleat vos omni gaudio et pace in credendo: ut abundetis in spe, et in virtute Spiritus sancti.

*Ad Vesperas.*

*Ant. de Laud. Psalmi de Dom. Capit. Fratres Quæcumque.*

*Hymnus et y. ut supra, p. 106.*

*Ad Magnif. Ant.* Tu es qui venturus es, an alium expectamus? Dicit Joanni quæ vidistis: Ad lumen redeunt cæci, mortui resurgunt, pauperes evangelizantur, alleluia.

*Post Vesp. diei Vesp. Defunct.*

**FERIA SECUNDA.**

*De Isaia Propheta.*

*Lectio. j. Cap. 13*

**ONUS** Babylonis, quod vidit Isaïas Filius Amos. Super montem caliginosum levate signum, exaltate vocem, levate manum, et ingrediau-

tur portas duces. Ego mandavi sanctificatis meis, et vocavi fortes meos in ira mea, exultantes in gloria mea. Vox multitudinis in montibus, quasi populorum frequentium: vox sonitus regum, gentium congregatarum.

*q. Suscipe verbum, p. 110.*

*Lectio ij.*

**DOMINUS** exercituum præcepit militiæ belli, venientibus de terra procul a summitate cæli: Dominus et vasa furoris ejus, ut disperdat omnem terram. Ululate, quia prope est dies Domini: quasi vastitas a Domino veniet. Propter hoc omnes manus dissolventur, et omne cor hominis contabescet, et conteretur. Torsiones et dolores tenebunt, quasi parturiens dolebunt: unusquisque ad proximum suum stupebit, facies combustæ vultus eorum.

*q. Latentur cæli, p. 110.*

*Lectio iij.*

**ECCE** dies Domini veniet crudelis, et indignationis plenus, et iræ furorisque, ad ponendam terram in solitudinem, et peccatores ejus conterendos de ea. Quoniam stellæ cæli, et splendor earum non expandent lumen suum: obtenebratus est sol in ortu suo, et luna non splendet in lumine suo. Et visitabo super orbis mala, et contra impios iniquitatem eorum: et quiescere faciam superbiam infidelium, et arrogantiam fortium humiliabo.

*q. Alieni non transibunt, p. 111.*

*Ad Bened. Ant.* De cælo veniet dominator Dominus, et in manu ejus honor et imperium.

*Hodie dicitur Offic. Defunct.*

*Ad Magnif. Ant.* Ecce veniet Rex Dominus terræ, et ipse auferet jugum captivitatis nostræ.

**FERIA TERTIA.**

*De Isaia Propheta.*

*Lectio j. Cap. 14.*

**PROPE** est ut veniat tempus ejus, et dies ejus non elongabuntur.



Miserebitur enim Dominus Jacob, et eliget adhuc de Israel, et requiescere eos faciet super humum suam: adjungetur advena ad eos, et adhærebit domui Jacob. Et tenebunt eos populi, et adducent eos in locum suum: et possidebit eos domus Israel super terram Domini in servos et ancillas: et erunt capientes eos qui se ceperant, et subjicient exactores suos.

q. Montes Israel, p. 110.

Lectio ij.

**ET** erit in die illa, cum requiem dederit tibi Deus a labore tuo, et a concussione tua, et a servitute dura, qua ante servisti: sumes parabolam istam contra regem Babilonis, et dices: Quomodo cessavit exactor, quievit tributum? Contrivit Dominus baculum impiorum, virgam dominatum, cadentem populos in indignatione, plaga insanabili, subjicientem in furore gentes, persequentem crudeliter.

q. Erumpant, p. 112.

Lectio iij.

**QUOMODO** cecidisti de cælo, Lucifer, qui mane oriebaris, corruisti in terram, qui vulnerabas gentes? qui dicebas in corde tuo: In sculum concendam, super astra Dei exaltabo solium meum, sedebo in monte testamenti, in lateribus Aquilonis: ascendam super altitudinem nubium, similis ero Altissimæ. Verumtamen ad infernum detraheris in profundum lacu.

q. Ecce ab Austro, p. 110.

Ad Bened. Ant. Super te, Jerusalem, orietur Dominus, et gloria ejus in te videbitur.

Ad Magnif. Ant. Vox clamantis in deserto: Parate viam Domini, rectas facite semitas Dei nostri.

#### FERIA QUARTA.

De Isaia Propheta.

Lectio j. Cap. 16.

**EMITTE** Agnum, Domine, dominatorem terræ, de petra deserti ad montem filie Sion. Et erit: sicut avis fugiens, et pulli de nido avolantes, sic erunt filie Moab in transcensu

Arnon. In consilium, cogit concilium: pone quasi noctem umbram tuam in meridie: absconde fugientes, et vagos ne prodas. Habitabunt apud te profugi mei: Moab esto latibulum eorum a facie vastatoris.

q. Rex noster adveniet, p. 112.

Lectio ij.

**FINITUS** est enim pulvis, consummatus est miser, defecit qui conculcabat terram. Et præparabitur in misericordia solium, et sedebit super illud in veritate in tabernaculo David, judicans et querens judicium, et velociter reddens quod justum est. Audivimus superbiam Moab, superbus est valde: superbia ejus, et arrogantia ejus, et indignatio ejus plus quam fortitudo ejus.

q. Ante multum, p. 112.

Lectio iij.

**IDCIRCO** ululabit Moab ad Moab, universus ululabit: his, qui lætantur super muros cocti lateris, loquimini plagas suas. Quoniam suburbana Hesebon deserta sunt, et vineam Sabama domini gentium exciderunt: flagella ejus usque ad Jaser pervenerunt, erraverunt in deserto, propaggines ejus collectæ sunt, transierunt in mare.

q. Ecce dies, p. 112.

Ad Bened. Ant. Ecce ego mitto Angelum meum, qui præparabit viam meam ante faciem tuam.

Ad Magnif. Ant. Sion renovaberis, et videbis justum tuum, qui venturus est in te.

#### FERIA QUINTA.

De Isaia Propheta.

Lectio j. Cap. 19.

**ONUS** Ægypti. Ecce Dominus ascendet super nubem levem, et ingreditur Ægyptum, et commovebuntur simulacra Ægypti a facie ejus, et cor Ægypti tabescet in medio ejus. Et concurrere faciam Ægyptios adversus Ægyptios: et pugnabit vir contra fratrem suum, et

vir contra amicum suum, civitas adversus civitatem, regnum adversus regnum.

¶. *Jerusalem cito*, p. 113.

*Lectio ij.*

**ET** dirumpetur spiritus Ægypti in visceribus ejus, et consilium ejus præcipitabo; et interrogabunt simulacra sua, et divinos suos, et pythones, et ariolos. Et tradam Ægyptum in manu dominorum crudelium: et rex fortis dominabitur eorum, ait Dominus Deus exercituum. Et arescet aqua de mari, et fluvius desolabitur, atque siccabitur. Et deficient flumina: attenuabuntur et siccabuntur rivi aggerum.

¶. *Ecce Dominus*, p. 113.

*Lectio iij.*

**STULTI** principes Taneos, sapientes consilarii Pharaonis dederunt consilium insipiens. Quomodo dicetis Pharaoni: Filius sapientium ego, filius regum antiquorum? Ubi nunc sunt sapientes tui? Annuntient tibi, et indicent quid cogitaverit Dominus exercituum super Ægyptum. Stulti facti sunt principes Taneos, emarcuerunt principes Mempheos; deceperunt Ægyptum, angulum populorum ejus.

¶. *Civitas Jerusalem*, p. 113.

*Ad Bened. Ant.* Tu es qui venturus es, Domine, quem expectamus, ut salvum facias populum tuum.

*Ad Magnif. Ant.* Qui post me veniet, ante me factus est: ejus non sum dignus calceamenta solvere.

## FERIA SEXTA.

De Isaia Propheta.

*Lectio j.* Cap. 34.

**ECCE** Dominus dissipabit terram, et nudabit eam, et affliget faciem ejus, et disperget habitatores ejus. Et erit sicut populus, sic sacerdos: et sicut servus, sic dominus ejus: sicut ancilla, sic domina ejus: sicut emens, sic ille qui ven-

dit: sicut fœnerator, sic is qui mutuum accipit: sicut qui repetit, sic qui debet. Dissipatione dissipabitur terra, et direptione prædabitur. Dominus enim locutus est verbum hoc.

¶. *Ecce veniet*, p. 115.

*Lectio ij.*

**LUXIT**, et defluxit terra, et infirmata est; defluxit orbis, infirmata est altitudo populi terræ. Et terra infecta est ab habitatoribus suis: quia transgressi sunt leges, mutaverunt jus, dissipaverunt sædus sempiternum. Propter hoc maledictio vorabit terram, et peccabunt habitatores ejus: ideoque insanient cultores ejus, et relinquentur homines pauci.

¶. *Sicut mater*, p. 115.

*Lectio iij.*

**LUXIT** vindemia, infirmata est vitis, ingemuerunt omnes qui lætabantur corde. Cessavit gaudium tympanorum, quievit sonitus lætantium, conticuit dulcedo citharæ. Cum cantico non bibent vinum: amara erit potio bibentibus illam. Attrita est civitas vanitatis, clausa est omnis domus nullo introeunte. Clamor erit super vino in plateis: deserta est omnis lætitia, translatus est gaudium terræ. Relicta est in urbe solitudo, et calamitas opprimit portas. Quia hæc erunt in medio terræ, in medio populorum; quomodo si paucæ olivæ, quæ remanserunt, excutiantur ex olea: et racemi, cum fuerit finita vindemia. Hi levabunt vocem suam, atque laudabunt: cum glorificatus fuerit Dominus, binnient de mari. Propter hoc in doctrinis glorificate Dominum, in insulis maris nomen Domini Dei Israel. A finibus terræ laudes andivimus, gloriam justii.

¶. *Jerusalem plantabis*, p. 115.

*Ad Bened. Ant.* Dicite: Pusillanimes, confortamini: Ecce Dominus Deus noster veniet.

*Ad Magnif. Ant.* Cantate Domi-

no canticum novum : laus ejus ab extremis terræ.

### SABBATO.

De Isaia Propheta.

*Lectio j.*

*Cap. 25.*

**D**OMINE, Deus meus es tu, exaltabo te, et confitebor nomini tuo, quoniam fecisti mirabilia, cogitationes antiquas fideles, amen. Quia posuisti civitatem in tumulum, urbem fortem in ruinam, domum alienorum: ut non sit civitas, et in sempiternum non ædificetur. Super hoc laudabit te populus fortis; civitas gentium robustarum timebit te. Quia factus es fortitudo pauperi, fortitudo egeno in tribulatione sua: spes a turbine, umbraculum ab æstu.

ñ. Egredietur, p. 116.

*Lectio ij.*

**S**PIRITUS enim robustorum quasi turbo impellens parietem. Sicut æstus in siti, tumultum alienorum humiliabis: et quasi calore sub nube torrente propaginem fortium marcescere facies. Et faciet Dominus exercituum omnibus populis in monte hoc convivium pinguium; convivium vindemiæ, pinguium medullatorum, vindemiæ defæcatæ. Et præcipitabit in monte isto faciem vinculi colligati super omnes populos, et telam quam orditus est super omnes nationes.

ñ. Festina, p. 116.

*Lectio iij.*

**P**RÆCIPITABIT mortem in sempiternum: et auferet Dominus Deus lacrymam ab omni facie, et opprobrium populi sui auferet de universa terra: quia Dominus locutus est. Et dicet in die illa: Ecce Deus noster iste, expectavimus eum, et salvabit nos: iste Dominus, sustinimus eum, exultavimus et lætābimur in salutari ejus. Quia requiescet manus Domini in monte isto, et triturbabitur Moab sub eo, sicuti

teruntur palmæ in plaustro. Et extendet manus suas sub eo, sicut extendit natans ad natandum: et humiliabit gloriam ejus cum allisione manuum ejus. Et munimenta sublimium murorum tuorum concident, et humiliabuntur, et detraherentur in terram usque ad pulverem.

ñ. Ecce Dominus veniet, p. 116.

*Ad Bened. Ant.* Levabit Dominus signum in nationibus, et congregabit dispersos Israël.

### Ad Vesperas.

*Capitulum.*

*Philip. 4.*

**F**RATRES, Gaudete in Domino semper: iterum dico gaudete. Modestia vestra nota sit omnibus hominibus: Dominus enim prope est.

*Hymnus et ñ. ut supra, p. 106.*

*Ad Magnif. Ant.* Ante me non est formatus Deus, et post me non erit: quia mihi curvabitur omne genu, et confitebitur omnis lingua.

*Oratio.*

**A**UREM tuam, quæsumus, Domine, precibus nostris accommoda, et mentis nostræ tenebras gratia tuæ visitationis illustra: Qui vivis.

### DOM. III. ADVENTUS.

#### Ad Matutinum.

*Invit.* Prope est jam Dominus: Venite, adoremus.

*Et dicitur quotidie usque ad Vigil. Nativ. Domini exclusive.*

*Psalm. Venite, p. 1.*

*Hymnus ut supra p. 106.*

#### IN I. NOCTURNO.

De Isaia Propheta.

*Lectio j.*

*Cap. 25.*

**I**n die illa cantabitur canticum istud in terra Juda: Urbs fortitudinis nostræ Sion, Salvator ponetur in ea murus et antemurale. Aperite portas, et ingrediatur gens justa, custodiens veritatem. Vetus error abiit: servabis pacem: pacem, quia in te spe-



ravimus. Sperastis in Domino in saeculis æternis, in Domino Deo forti in perpetuum. Quia incurvabit habitantes in excelsis, civitatem sublimem humiliabit: humiliabit eam usque ad terram, detrahet eam usque ad pulverem. Conculcabit eam pes, pedes pauperis, gressus egenorum.

ñ. Ecce apparebit Dominus super nubem candidam, \* Et cum eo Sanctorum millia: et habebit in vestimento, et in femore suo scriptum: Rex regum, et Dominus dominantium. ý. Apparebit in finem, et non mentietur: si moram fecerit, expecta eum, quia veniens veniet. Et cum eo.

*Lectio ij.*

**S**EMITA justis recta est, rectus callis justis ad ambulandum. Et in semita judiciorum tuorum, Domine, sustinimus te: nomen tuum, et memoriale tuum in desiderio animæ. Anima mea desideravit te in nocte; sed et spiritu meo in præcordiis meis de mane vigilabo ad te. Cum feceris judicia tua in terra, justitiam discent habitatores orbis. Misereamur impio, et non discet justitiam: in terra sanctorum iniqua gessit, et non videbit gloriam Domini.

ñ. Bethlehem civitas Dei summi, ex te exiet dominator Israel; et egressus ejus sicut a principio dierum æternitatis, et magnificabitur in medio universæ terræ: \* Et pax erit in terra nostra, cum venerit. ý. Loquetur pacem in gentibus, et potestas ejus a mari usque ad mare. Et pax.

*Lectio iij.*

**D**OMINE, exaltet manus tua, et non videant: videant et confundantur zelantes populi: et ignis hostes tuos devoret. Domine, dabis pacem nobis: omnia enim opera nostra operatus es nobis. Domine Deus noster, pesserunt nos domini absque te: tantum in te recordemur nominis tui. Morientes non vivant, gigantes non resurgant. Propterea visitasti et con-

trivisti eos, et perdidisti omnem memoriam eorum.

ñ. Qui venturus est, veniat, et non tardabit: et jam non erit timor in finibus nostris: \* Quoniam ipse est Salvator noster. ý. Deponet omnes iniquitates nostras, et projiciet in profundum maris omnia peccata nostra. Quoniam. Gloria. Quoniam.

IN II. NOCTURNO.

Sermo sancti Leonis Papæ.

Serm. 2. de jejunio decimi mensis et collecta.

*Lectio iv.*

**Q**UOD temporis ratio, et devotio- nis nostræ admonet consuetudo, pastoralis vobis, dilectissimi, sollicitudine prædicamus, decimi mensis celebrandum esse jejunium, quo pro consummata perceptione omnium fructuum, dignoissime largitori eorum Deo continentia libamen offertur. Quid enim potest efficacius esse jejunio, cujus observantia appropinquamus Deo, et resistentes Diabolo, vitia blanda superamus?

ñ. Ægypte, noli flere, quis dominator tuus veniet tibi, ante cujus conspectum movebuntur abyssi, \* Liberare populum suum de manu potentia. ý. Ecce veniet Dominus, exercituum, Deus tuus cum potestate magna. Liberare.

*Lectio v.*

**S**EMPER enim virtuti cibus jejunium fuit. De abstinentia denique prodeunt castæ cogitationes, rationabiles voluntates, salubria consilia: et per voluntarias afflictiones caro concupiscentiis moritur, virtutibus spiritus innovatur. Sed quia non solo jejunio animarum nostrarum salus acquiritur, jejunium nostrum misericordiis pauperum suppleamus. Impendamus virtuti, quod subtrahimus voluptati. Fiat refectio pauperis abstinentia jejunantis.

ñ. Prope est ut veniat tempus ejus, et dies ejus non elongabuntur: \* Miserebitur Dominus Jacob, et Israel.

salvabitur. *ŷ.* Revertere, virgo Israel, revertere ad civitates tuas. Miserabitur.

*Lectio vi.*

**STUDEAMUS** viduarum defensionem, pupillorum utilitati, lugentium consolationi, dissidentium paci. Suscipiatur peregrinus, adjuvetur oppressus, vestiatur nudus, foveatur aegrotus: ut quicumque nostrum de justis laboribus auctori bonorum omnium Deo sacrificium hujus pietatis obtulerit, ab eodem regni cœlestis præmium percipere mereatur. Quarta igitur et sexta feria jejunemus. Sabbato autem apud beatum Petrum Apostolum pariter vigilemus, cujus suffragantibus meritis, quæ poscimus, impetrare possimus, per Dominum nostrum Jesum Christum, qui cum Patre et sancto Spiritu vivit et regnat in sæcula sæculorum. Amen.

*ŷ.* Descendet Dominus sicut pluvia in vellus: \* Orietur in diebus ejus justitia et abundantia pacis. *ŷ.* Et adorabunt eum omnes reges, omnes Gentes servient ei. Orietur. Gloria. Orietur.

IN III. NOCTURNO.

Lectio sancti Evangelii secundum Joannem.

*Lectio vij. Cap. 1.*

**I**N illo tempore: Miserunt Judæi ab Jerosolymis Sacerdotes et Levitas ad Joannem, ut interrogarent eum: Tu quis es? Et reliqua.

Homilia sancti Gregorii Papæ.

*Homil. 7. in Evangelia.*

**EX** hujus nobis lectionis verbis, fratres charissimi, Joannis humilitas commendatur: qui cum tantæ virtutis esset, ut Christus credi potuisset, elegit solide subsistere in se, ne humana opinione raperetur inani-ter super se. Nam confessus est, et non negavit: et confessus est, Quia non sum ego Christus. Sed qui dixit, Non sum; negavit plane quod non erat, sed non negavit quod erat; ut

veritatem loquens, ejus membrum fieret, cujus sibi nomen fallaciter non usurparet. Cum ergo non vult appetere nomen Christi, factus est membrum Christi: quia dum infirmitatem suam studuit humiliter agnoscere, illius celsitudinem meruit veraciter obtinere.

*ŷ.* Veni, Domine, et noli tardare: relaxa facinora plebi tuæ, \* Et revoca dispersos in terram suam. *ŷ.* Excita, Domine, potentiam tuam, et veni, ut salvos facias nos. Et revoca.

*Lectio viij.*

**SED** cum ex lectione alia, Redemptoris nostri sententia ad mentem reducit, ex hujus lectionis verbis nobis quæstio valde implexa generatur. Alio quippe in loco inquisitus a discipulis Dominus de Eliæ adventu, respondit: Elias jam venit et non cognoverunt eum, sed fecerunt in eum quæcumque voluerunt: et, si vultis scire, Joannes ipse est Elias. Requisitus autem Joannes dicit: Non sum Elias. Quid est hoc, fratres charissimi, quia quod Veritas affirmat, hoc Propheta Veritatis negat? Valde namque inter se diversa sunt. Ipse est: et, Non sum. Quomodo ergo Propheta Veritatis est, si ejusdem Veritatis sermonibus concors non est?

*ŷ.* Ecce radix Jesse descendet in salutem populorum, ipsum gentes deprecabuntur: \* Et erit nomen ejus gloriosum. *ŷ.* Dabit ei Dominus Deus sedem David patris ejus, et regnabit in domo Jacob in æternum. Et erit.

*Lectio vij.*

**SED** si subtiliter veritas ipsa requiratur, hoc quod inter se contrarium sonat, quomodo contrarium non sit, invenitur. Ad Zachariam namque de Joanne Angelus dicit: Ipse præcedet ante illum in spiritu et virtute Eliæ. Qui ideo venturus in spiritu et virtute Eliæ dicitur, quia sicut Elias secundum Domini adventum præveniet, ita Joannes prævenit primum. Sicut ille præcursor

venturus est Judicis, ita iste præcursor factus est Redemptoris. Joannes igitur in spiritu Elias erat, in persona Elias non erat. Quod ergo Dominus fatetur de spiritu, hoc Joannes denegat de persona.

¶ Docebit nos Dominus vias suas, at ambulabimus in semitis ejus: \* Quia de Sion exhibit lex, et verbum Domini de Jerusalem. ¶ Venite, ascendamus ad montem Domini, et ad domum Dei Jacob. Quia. Gloria. Quia.

### *Ad Laudes*

*et per Horas, Antiphonæ.*

1. VENIET Dominus, et non tardabit, et illuminabit abscondita tenebrarum, et manifestabit se ad omnes gentes, alleluia.

2. Jerusalem, gaude gaudio magno, quia veniet tibi Salvator, alleluia.

3. Dabo in Sion salutem, et in Jerusalem gloriam meam, alleluia.

4. Montes et omnes colles humiliabuntur: et erunt prava in directa, et aspera in vias planas: veni, Domine, et noli tardare, alleluia.

5. Juste et pie vivamus, expectantes beatam spem, et adventum Domini.

*Capitulum. Philip. 4.*

**F**RATRES, Gaudete in Domino semper: iterum dico, gaudete. Modestia vestra nota sit omnibus hominibus: Dominus enim prope est.

*Hymnus et ¶. ut supra, p. 109.*

*Ad Bened. Ant.* Super solium David, et super regnum ejus sedebit in æternum, alleluia.

*Oratio.*

**A**UREM tuam, quæsumus, Domine, precibus nostris accommoda, et mentis nostræ tenebras gratia tuæ visitationis illustra: Qui vivis.

*Ad Horas qq. br. ut in Dom I.*

### *Ad Tertiam.*

*Capit. Fratres, Gaudete, ut sup.*

### *Ad Sextam.*

*Capitulum. Philip. 4.*

**N**IHIL solliciti sitis, sed in omni oratione et obsecratione cum gratiarum actione, petitiones vestræ innotescant apud Deum.

### *Ad Nonam.*

*Capitulum. Philip. 4.*

**E**T pax Dei, quæ exsuperat omnem sensum, custodiat corda vestra, et intelligentias vestras, in Christo Jesu Domino nostro.

### *Ad Vesperas.*

*Ant. de Laud. Psalmi de Dom.*

*Capit. Fratres Gaudete, ut sup.*

*Hymnus et ¶. ut supra, p. 106.*

*Ad Magnif. Ant.* Beata es, Maria, quæ credidisti Domino: perficientur in te, quæ dicta sunt tibi a Domino, alleluia.

*Post Vesp. diei Vesp. Defunct.*

*Ant. Beata es prætermittitur, si hodie ejus loco ponenda sit una ex Ant. majoribus, ut infra: quibus semper cedunt Ant. propriae aliis diebus ad Magnificat assignatae.*

*Sequentes Ant. majores ad Magnificat inchoantur die xvij Decembris, et singulae ante et post Magnificat integre sicut in Dupl. dicuntur per ordinem usque ad diem ante Vigil. Nativ. Si vero festum fuerit, dicuntur post Orationem Festi pro comm. Adv.*

*Die 17. Dec. Ant. O Sapientia, quæ ex ore Altissimi prodisti, attingens a fine usque ad finem fortiter, suaviterque disponens omnia: veni ad docendum nos viam prudentiæ.*

*18. Ant. O Adonai, et dux domus Israel, qui Moysi in igne flammæ rubi apparuisti, et ei in Sina legem dedisti: veni ad redimendum nos in brachio extenso.*

*19. Ant. O radix Jesse, qui stas in signum populorum, super quem continebunt reges os suum, quem gentes deprecabuntur: veni ad liberandum nos, jam noli tardare.*

*20. Ant. O clavis David, et scep-*



trum domus Israel : qui aperis , et nemo claudit ; claudis , et nemo aperit : veni , et educ viuctum de domo carceris , sedentem in tenebris , et umbra mortis.

21. *Ant.* **O** oriens , splendor lucis eternæ , et sol justitiæ : veni , et lumina sedentes in tenebris , et umbra mortis.

22. *Ant.* **O** Rex gentium , et desideratus earum , lapisque angularis , qui facis utraque unum : veni , et salva hominem , quem de limo formasti.

23. *Ant.* **O** Emmanuel , Rex et legifer noster , expectatio gentium , et Salvator earum : veni ad salvandum nos , Domine Deus noster.

*Sequentes Ant. ad Laud. et per Horas dicuntur in sex Feriis ante Vigil. Nativ. , incipiendo die xvij Decembris , ab Ant. quæ Feriæ illius diei assignantur. Similiter et aliæ dicuntur in propriis Feriis.*

*Quod si dies xvij fuerit Dom. , Ant. inchoantur seq. FERIA IJ , quæ erit dies xvij Quæ autem dicendæ essent die , in quo occurrit festum S. Thomæ , dicuntur in Sabbato cum Psalmis Sabbati , iv Ant. prætermis-  
sa: cujus loco dicitur Ant. Expectetur , nisi Vigil. Nativ. venerit in Dom. : tunc enim in Sabbato dicuntur Ant. de Laud. Dom. , iv prætermis-  
sa ; cujus loco dicitur Ant. Expectetur. Ant. ad Benedictus , et Oratio dicitur ut in Sabbato quatuor Temp. ponitur. Ant. vero de Laud. quæ occurrunt in die S. Thomæ , eo anno prætermittuntur : et in Dom. tunc dicuntur Ant. de Vigil. Similiter omittitur Ant. Expectetur , quando illud Festum in Sabbato venerit.*

## FERIA SECUNDA.

### *Ad Laudes*

*et per Horas , Antiphonæ.*

1. **ECCE** veniet Dominus , princeps regum terræ : beati qui parati sunt occurrere illi.

2. Cum venerit Filius hominis , putas inveniet fidem super terram ?

3. **Ecce** jam venit plenitudo temporis , in quo misit Deus Filium suum in terras.

4. **Maurietis** aquas in gaudio de fontibus Salvatoris.

5. **Egredietur** Dominus de loco sancto suo : veniet ut salvet populum suum.

## FERIA TERTIA.

### *Ad Laudes*

*et per Horas , Antiphonæ.*

1. **RODATE** , cæli , desuper , et nubes pluant justum : aperiatur terra , et germinet Salvatorem.

2. **Emitte** Agnum , Domine , dominatorem terræ , de petra deserti ad montem filiæ Sion.

3. **Ut** cognoscamus , Domine , in terra viam tuam , in omnibus gentibus salutare tuum.

4. **Da** mercedem , Domine , sustentibus te , ut Prophetæ tui fideles inveniantur.

5. **Lex** per Moysen data est , gratia et veritas per Jesum Christum facta est.

## FERIA QUARTA.

### *Ad Laudes*

*et per Horas , Antiphonæ.*

1. **PROPHETÆ** prædicaverunt nasci Salvatorem de Virgine Maria.

2. **Spiritus** Domini super me , evangelizare pauperibus misit me.

3. **Propter** Sion non tacebo , donec egredietur ut splendor justus ejus.

4. **Ecce** veniet Dominus , ut sedeat cum principibus , et solium gloriæ teneat.

5. **Annuntiate** populis , et dicite : Ecce Deus Salvator noster veniet.

## FERIA QUINTA.

### *Ad Laudes*

*et per Horas , Antiphonæ.*

1. **DE** Sion veniet Dominus omnipotens , ut salvum faciat populum suum.

2. **Converte** , Domine , aliquantu-

lum, et ne tardes venire ad servos tuos.

3. De Sion veniet, qui regnaturus est Dominus, Emmanuel magnum nomen ejus.

4. Ecce Deus meus, et honorabo eum: Deus patris mei, et exaltabo eum.

5. Dominus legifer noster, Dominus Rex noster, ipse veniet, et salvabit nos.

## FERIA SEXTA.

### Ad Laudes.

et per Horas, Antiphonæ.

1. **CONSTANTES** estote, videbitis auxilium Domini super vos.

2. Ad te, Domine, levavi animam meam: veni, et eripe me, Domine, ad te confugi.

3. Veni, Domine, et noli tardare: relaxa facinora plebi tuæ Israel.

4. Deus a Libano veniet, et splendor ejus sicut lumen erit.

5. Ego autem ad Dominum aspiciam, et expectabo Deum Salvatorem meum.

## SABBATO.

*Antiphonæ secundum superiorem Rubricam, p. 124.*

Ad Canticum vero, *Ant.* Expectetur sicut pluvia eloquium meum: et descendat super nos sicut ros Deus noster.

In Festo S. Thomæ pro comm. Adv., ad Benedictus, *Ant.* Nolite timere; quinta enim die veniet ad vos Dominus noster.

Si vero contingat Festum S. Thomæ transferri in ij Feriam, *Ant.* prædicta dicitur ad Benedictus, in Dom., loco *Ant.* Ave Maria.

Ultimo die ante Vigil. Nativ., ad Benedictus, *Ant.* Ecce completa sunt omnia, quæ dicta sunt per Angelum de Virgine Maria.

Quibus *Ant.* cedunt aliæ *Ant.* in propriis locis ad Benedictus assignatæ.

## FERIA SECUNDA.

De Isaia Propheta.

*Lectio j. Cap. 28.*

**V**æ corona superbiæ, ebriis Ephraim, et flori decidenti, gloriæ exultationis ejus, qui erant in vertice vallis pinguiissimæ, errantes a vino. Ecce validus et fortis Dominus sicut impetus grandinis, turbo confringens, sicut impetus aquarum multarum inundantium, et emissarum super terram spatiosam. Pedibus concutabitur corona superbiæ ebriorum Ephraim.

¶. Ecce apparebit, p. 121.

*Lectio ij.*

**E**t erit flos decidens gloriæ exultationis ejus, qui est super verticem vallis pinguium, quasi temporaneum ante maturitatem autumnal: quod cum aspexerit videns, statim ut manu tenuerit, devorabit illud. In die illa erit Dominus exercituum corona gloriæ, et sertum exultationis residuo populi sui: et spiritus judicii sedenti super judicium, et fortitudo revertentibus de bello ad portam. Verum hi quoque præ vino nescierunt, et præ ebrietate erraverunt: sacerdos et propheta nescierunt præ ebrietate, absorpti sunt a vino.

¶. Bethlehem civitas Dei, p. 121.

*Lectio iij.*

**I**DCIRCO hæc dicit Dominus Deus: Ecce ego mittam in fundamentis Sion lapidem, lapidem probatum, angularem, pretiosum, in fundamento fundatum. Qui crediderit, non festinet. Et ponam in pondere judicium, et justitiam in mensura: et subvertet grando spem mendacii, et protectionem aquæ inundabunt. Et delebitur scædus vestrum cum morte, et pactum vestrum cum inferno non stabit.

¶. Qui venturus es, p. 121.

Ad Laudes *Ant.* de Psall., nisi dicendæ sint *Ant.* secundum superiorem Rubricam, p. 124.

Ad Bened. *Ant.* Egredietur virga de

radice Jesse, et replebitur omnis terra gloria Domini: et videbit omnis caro salutare Dei.

*Oratio. Aurem tuam, p. 123.*

*Hodie dicitur offic. Defunt.*

*Ad Magnif. Ant. Beatam me dicent omnes generationes, quia ancillam humilem respexit Deus.*

*Nisi dicenda sit Ant. O.*

### FERIA TERTIA.

De Isaia Propheta.

*Lectio j. Cap. 30.*

**EXPECTAT** Dominus ut misereatur vestri: et ideo exaltabitur parcens vobis, quia Deus iudicii Dominus: beati omnes qui expectant eum. Populus enim Sion habitabit in Jerusalem: plorans nequaquam plorabis, miserans miserebitur tui: ad vocem clamoris tui statim ut audierit, respondebit tibi. Et dabit vobis Dominus panem arctum, et aquam brevem: et non faciet avolare a te ultra doctorem tuum: et erunt oculi tui videntes præceptorem tuum.

*q. Ægypte noli flere, p. 121.*

*Lectio ij.*

**EGREDERE**, dices ei, et dabitur pluvia semini tuo, ubicumque seminaveris in terra: et panis frugum terræ erit uberrimus et pinguis. Pascetur in possessione tua in die illo agnus spatioso: et tauri tui, et pulli asinorum, qui operantur terram, commixtum migma comedent sicut in area ventilatum est. Et erunt super omnem montem excelsum, et super omnem collem elevatum rivi currentium aquarum, in die interfectionis multorum, cum ceciderint turres.

*q. Prope est, p. 121.*

*Lectio iij.*

**ET** erit lux lunæ sicut lux solis, et lux solis erit septemplex sicut lux septem dierum, in die qua alligaverit Dominus vulnus populi sui, et percussuram plagæ ejus sanaverit. Ecce nomen Domini venit de longinquo, ardens furor ejus; et gravis ad

portandum: labia ejus repleta sunt indignatione, et lingua ejus quasi ignis devorans. Spiritus ejus velut torrens inundans usque ad medium colli ad perdendas gentes in nihilum, et frænum erroris quod erat in maxillis populorum.

*q. Descendet Dominus, p. 122.*

*Ad Bened. Ant. Tu Bethlechem, terra Juda, non eris minima: ex te enim exiet Dux, qui regat populum meum Israel.*

*Ad Magnif. Ant. Elevare, elevare, consurge, Jerusalem: solve vincula colli tui, captiva filia Sion.*

*Nisi dicenda sit Ant. O.*

### FERIA QUARTA.

*Quatuor Temporum.*

*Lectio sancti Evangelii secundum Lucam.*

*Lectio j. Cap. I.*

**IN** illo tempore: Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David: et nomen virginis Maria. Et reliqua.

*Homilia sancti Ambrosii Episcopi.*

*Lib. 2. in Lucam.*

**L**ATENT quidem divina mysteria, nec facile, juxta propheticum dictum, quisquam hominum potest scire consilium Dei. Sed tamen ex cæteris factis atque præceptis Domini Salvatoris possumus intelligere et hoc propensioris fuisse consilii, quod ea potissimum electa est ut Dominum pareret, quæ erat desponsata viro. Cur autem non antequam desponsaretur, impleta est? Fortasse ne diceretur, quod conceperat ex adulterio.

*q. Clama in fortitudine, qui annuntias pacem in Jerusalem: Dic civitatibus Judæ, et habitatoribus Sion: Ecce Deus noster, quem expectabamus, adveniet. y. Supra montem excelsum ascende tu, qui evangelizas Sion, exalta in fortitudine vocem tuam, Dic.*



*Lectio ij.*

**ET** ingressus ad eam Angelus. Disce virginem moribus, disce virginem verecundia, disce oraculo, disce mysterio. Trepidare virginum est, et ad omnes viri ingressus pavere, omnes viri affatus vereri. Discant mulieres propositum pudoris imitari. Sola in penetralibus, quam nemo virorum viderit, solus Angelus repererit: sola sine comite, sola sine teste, ne quo degenerare depravaretur affatu ab Angelo salutatur.

¶. Orietur stella ex Jacob, et exurget homo de Israel, et confringet omnes duces alienigenarum: \* Et erit omnis terra possessio ejus. †. Adorabunt eum omnes reges terræ, omnes gentes servient ei. Et erit.

*Lectio iij.*

**TANTI** namque mandati mysterium non hominis fuit, sed Angeli ore promendum. Hodie primum auditur: Spiritus sanctus superveniet in te. Et auditur, et creditur. Denique, Ecce, inquit, ancilla Domini: contingat mihi secundum verbum tuum. Vide humilitatem, vide devotionem. Ancillam se dicit Domini, quæ mater eligitur, nec repentino exaltata premissio est.

¶. Modo veniet dominator Dominus: \* Et nomen ejus Emmanuel vocabitur. †. Orietur in diebus ejus justitia, et abundantia pacis. Et. Gloria. Et.

*Ad Bened. Ant.* Missus est Gabriel Angelus ad Mariam virginem desponsatam Joseph.

*Oratio.*

**PRÆSTA**, quæsumus, omnipotens Deus, ut redemptionis nostræ ventura solemunitas et præsentis nobis vitæ subsidia conferat, et æternæ beatitudinis præmia largiatur. Per Dominum.

*Et dicitur ad omnes Horas, præterquam in Vesp.*

*Ad Magnif. Ant.* Ecce ancilla Do-

mini: fiat mihi secundum verbum tuum.

*Nisi dicenda sit Ant. O.*

*Post Preces dicitur Oratio Dom. præced. Aurem tuam, p. 123.*

*Feria quinta.*

*De Isaia propheta.*

*Lectio j. Cap. 33.*

**VÆ** qui prædaris, nonne et ipso prædaberis? et qui spernis, nonne et ipse sperneris? cum consummaveris deprædationem, deprædaberis: cum fatigatus desieris contemnere, contemneris. Domine, miserere nostri: te enim expectavimus: esto brachium nostrum in mane, et salus nostra in tempore tribulationis.

¶. Egredietur Dominus, et præliabitur contra Gentes: \* Et stabunt pedes ejus supra montes Olivarum ad Orientem. †. Et elevabitur supra omnes colles, et fluent ad eum omnes gentes. Et.

*Lectio ij.*

**A** voce Angeli fugerunt populi, et ab exaltatione tua dispersæ sunt Gentes. Et congregabuntur spolia vestra sicut colligitur bruchus, velut cum fossæ plenæ fuerint de eo. Magnificatus est Dominus, quoniam habitavit in excelso: implevit Sion judicio et justitia. Et erit fides in temporibus tuis: divitiæ salutis, sapientia et scientia: timor Domini ipse est thesaurus ejus.

¶. Præcursor pro nobis ingreditur Agnus sine macula, \* Secundum ordinem Melchisedech Pontifex factus in æternum, et in sæculum sæculi. †. Ipse est Rex justitiæ, cujus generatio non habet finem. Secundum.

*Lectio iij.*

**CONTRITITI** sunt in Sion peccatores, possedit tremor hypocritas. Quis poterit habitare de vobis cum igne devorante? quis habitabit ex vobis cum ardoribus sempiternis? Qui ambulat in justitiis, et loquitur veritatem, qui projicit avaritiam ex ci-

lumnia, et exentit manus suas ab omni munere, qui obturat aures suas ne audiat sanguinem, et claudit oculos suos ne videat malum. Iste in excelsis habitabit, munimenta saxorum sublimitas ejus: panis ei datus est, aquæ ejus fideles sunt. Regem in decore suo videbunt oculi ejus, cernent terram de longe.

ñ. Videbunt gentes justum tuum, et cuncti reges inclytum tuum: \* Et vocabitur tibi nomen novum, quod os Domini nominavit. †. Et eris corona gloriæ in manu Domini, et diadema regni in manu Dei tui. Et. Gloria. Et.

*Ad Bened. Ant.* Vigilate animo, in proximo est Dominus Deus noster.

*Nisi occurrat Festum S. Thomæ: quia tunc ea prætermissa, dicitur Ant.* Nolite timere, p. 123, quod etiam servatur in seq. diebus, quando illud Festum occurrit.

*Ad Magnif. Ant.* Letamini cum Jerusalem, et exultate in ea, omnes qui diligitis eam in æternum.

*Nisi dicenda sit Ant. O.*

## FERIA SEXTA

*Quatuor Temporum.*

Lectio sancti Evangelii secundum Lucam.

*Lectio j. Cap. i.*

**I**N illo tempore: Exurgens Maria abiit in montana cum festinatione in civitatem Juda, et intravit in domum Zachariæ, et salutavit Elisabeth. Et reliqua.

Homilia S. Ambrosii Episcopi.

*Lib. 2. in Luc. cap. I. post initium.*

**M**ORALE est omnibus, ut qui fidem exigunt, fidem astruant. Et ideo Angelus, cum abscondita nuntiaret, ut fidem astrueret exemplo, senioris femine sterilisque conceptum virgini Mariæ nuntiavit, ut possibile Deo omne quod ei placuerit, assereret. Ubi audivit hoc Maria, non quasi incredula de oraculo, nec quasi incerta de nuntio, nec quasi dubitans de exemplo, sed quasi læta pro voto, religiosa pro officio, festina pro gau-

dio, in montana perrexit. Quo enim jam Deo plena, nisi ad superiora cum festinatione contenderet? Nescit tarda molimina sancti Spiritus gratia.

ñ. Emitte Agnum, Domine, dominatorem terræ, \* De petra deserti ad montem filiæ Sion. †. Ostende nobis, Domine, misericordiam tuam, et salutare tuum da nobis. De petra.

*Lectio ij.*

**D**ISCITE et vos, sanctæ mulieres, sedulitatem, quam prægnantibus debeatis exhibere cognatis. Mariam, quæ ante sola in intimis penetralibus versabatur, non a publico virginitatis pudor, non ab studio asperitas montium, non ab officio prolixitas itineris retardavit. In montana virgo cum festinatione, virgo officij memor, injuriæ immemor, affectu urgente, non sexu, relicta perrexit domo. Discite, virgines, non circumcursare per alienas ædes, non demorari in plateis, non aliquos in publico miscere sermones. Maria in domo se-ra, festina in publico, mansit apud cognatam suam tribus mensibus.

ñ. Rorate, cœli, desuper, et nubes pluant justum: \* Aperiatur terra, et germinet Salvatorem. †. Emitte Agnum, Domine, dominatorem terræ, de petra deserti ad montem filiæ Sion. Aperiatur.

*Lectio iij.*

**D**IDICISTIS, virgines. pudorem Mariæ, discite humilitatem. Venit propinqua ad proximam, junior ad seniore: nec solum venit, sed etiam prior salutavit. Decet enim, ut quanto castior virgo, tanto humilior sit. Noverit deferre senioribus. Sit magistra humilitatis, in qua est professio castitatis. Est et causa pietatis, est etiam norma doctrinæ. Contuendum est enim quia superior venit ad inferiorem, ut inferior adjuvetur: Maria ad Elisabeth, Christus ad Joannem.

ñ. Germinaverunt campi eremi germen odoris Israel: quia ecce Deus noster cum virtute veniet; \* Et splendor ejus cum eo. †. Ex Sion species

decoris ejus: Deus noster manifeste veniet. Et splendor. Gloria. Et splendor.

*Ad Bened. Ant.* Ex quo facta est vox salutationis tuæ in auribus meis, exultavit in gaudio infans in utero meo, alleluia.

*Oratio.*

**EXCITA**, quæsumus, Domine, potentiam tuam, et veni: ut hi, qui in tua pietate confidunt, ab omni citius adversitate liberentur: Qui vivis.

*Et dicitur ad omnes Horas, præterquam in Vesp.*

*Ad Magnif. Ant.* Hoc est testimonium, quod perhibuit Joannes: Qui post me venit, ante me factus est.

*Nisi dicenda sit Ant. O.*

*Oratio Dom. præced., p. 123.*

### SABBATO.

*Quatuor Temporum.*

*Lectio sancti Evangelii secundum Lucam.*

*Lectio j. Cap. 3.*

**ANNO** quintodecimo imperii Tiberii Caesaris, procurante Pontio Pilato Judæam. Et reliqua.

*Homilia S. Gregorii Papæ.*

*Homil. 20. in Evang.*

**REDEMPTORIS** nostri Præcursor, quo tempore prædicationis officium acceperit, memorato Romanæ Reipublicæ principe, et Judææ regibus, designatur. Quia enim illum prædicare veniebat, qui et ex Judæa quosdam, et multos ex Gentibus redempturus erat: per regem Gentium et principes Judæorum, prædicationis ejus tempora designantur. Quia autem Gentilitas colligenda erat, et Judæa pro culpa perfidiæ dispergenda, ipsa quoque descriptio terreni principatus ostendit: quoniam et in Romana Republica unus præfuisse describitur, et in Judææ regno per quartam partem plurimi principabantur.

¶ Egre dietur virga de radice Jesse, et flos de radice ejus ascendet:\*

Et erit justitia cingulum lumborum ejus, et fides cinctorium renum ejus. ¶ Et requiescet super eum Spiritus Domini: spiritus sapientiæ, et intellectus: spiritus consilii, et fortitudinis. Et.

*Lectio ij.*

**VOCE** etenim nostri Redemptoris dicitur: Omne regnum in seipsum divisum desolabitur. Liquet ergo quod ad finem regni Judæa pervenerat, quæ tot regibus divisa subjacebat. Aptè quoque non solum quibus regibus, sed etiam quibus sacerdotibus actum sit, demonstratur: et quia illum Joannes Baptista prædicaret, qui simul rex et sacerdos existeret, Lucas Evangelista prædicationis ejus tempora per regnum et sacerdotium designavit.

¶ Radix Jesse qui exurget judicare gentes, in eum gentes sperabunt: \* Et erit nomen ejus benedictum in sæcula. ¶ Super ipsum continebunt rages os suum, ipsum gentes deprecabuntur. Et.

*Lectio iij.*

**ET** venit in omnem regionem Jordanis, prædicans baptismum pœnitentiæ in remissionem peccatorum. Cunctis legentibus liquet quia Joannes non solum baptismum pœnitentiæ prædicavit, verum etiam quibusdam dedit: sed tamen baptismum suum in remissionem peccatorum dare non potuit. Remissio etenim peccatorum in solo nobis baptismo Christi tribuitur. Notandum itaque quod dicitur, Prædicans baptismum pœnitentiæ in remissionem peccatorum: quoniam baptismum, quod peccata solveret, quia dare non poterat, prædicabat: ut sicut incarnatum Verbum Patris præcurrerat verbo prædicationis, ita baptismum pœnitentiæ, quo peccata solvantur, præcurreret suo baptismate, quo peccata solvi non possunt.

¶ Veni, Domine, et noli tardare: relaxa facinora plebi tuæ: \* Et revoca dispersos in terram suam. ¶ Excita,



Domine , potentiam tuam , et veni , ut salvos facias nos. Et revoca. Gloria. Et revoca.

*Ad Bened. Ant.* Quomodo fiet istud, Angele Dei , quoniam virum non cognosco ? Audi , Maria virgo: Spiritus sanctus superveniet in te, et virtus Altissimi obumbrabit tibi.

*Nisi dicenda sit Ant.* Nolite timere , p. 123 , et nisi hæc fuerit dies ante Vigil. Nativitatis : quia tunc ea prætermissa , dicitur Ant. Ecce completa , p. 123. Quod etiam servatur ( si idem contingat ) in sequentibus diebus.

*Oratio.*

**DEUS** , qui conspicias quia ex nostra pravitate affligimur, concede propitius , ut ex tua visitatione consolemur : Qui vivis et regnas.

*Et dicitur per omnes Horas.*

*Ad Vesperas.*

*Capitulum. I. Cor. 4.*

**FRATRES** , Sic nos existimet homo ut ministros Christi , et dispensatores mysteriorum Dei. Hic jam quæritur inter dispensatores, ut fidelis quis inveniatur.

*Hymnus et y. ut supra , p. 106.*

*Ant. ad Magnif. , una ex majoribus .*

*Oratio.*

**EXCITA** , quæsumus , Domine , potentiam tuam , et veni , et magna nobis virtute succure, ut per auxilium gratiæ tuæ , quod nostra peccata præpediunt, indulgentia tuæ propitiationis acceleret : Qui vivis.

**DOM. IV. ADVENTUS.**

*Ad Matutinum.*

*Invit, et Hymnus, ut in Dom. præced. , p. 120.*

**IN I. NOCTURNO.**

*De Isaia Propheta.*

*Lectio j. Cap. 35.*

**LETABITUR** deserta et invia , et exultabit solitudo , et flore-

bit quasi lilium. Germinans germinabit , et exultabit lætabunda et laudans. Gloria Libani data est ei , decor Carmeli et Saron : ipsi videbunt gloriam Domini, et decorem Dei nostri. Confortate manus dissolutas , et genua debilia roborate. Dicite pusillanimis : Confortamini , et nolite timere, ecce Deus vester ultionem adducet retributionis : Deus ipse veniet , et salvabit vos. Tunc aperientur oculi cæcorum , et aures surdorum patebunt. Tunc saliet sicut cervus claudus, et aperta erit lingua mutorum : quia scissæ sunt in deserto aquæ , et torrentes in solitudine. Et quæ erat arida , erit in stagnum , et sitiens in fontes aquarum.

*ñ.* Canite tuba in Sion , vocate gentes, annuntiate populis, et dicite : " Ecce Deus Salvator noster adveniet. *y.* Annuntiate , et auditum facite ; loquimini , et clamate. Ecce.

*Lectio ij.*

**IN** cubilibus, in quibus prius dracones habitabant , orietur viror calami et junci. Et erit ibi semita et via , et via sancta vocabitur : non transibit per eam pollutus , et hæc erit vobis directa via , ita ut stulti non errent per eam. Non erit ibi leo, et mala bestia non ascendet per eam, nec inveniatur ibi : et ambulabunt qui liberati fuerint. Et redempti a Domino convertentur , et venient in Sion cum laude : et lætitia sempiterna super caput eorum ; gaudium et lætitiā obtinebunt, et fugiet dolor et gemitus.

*ñ.* Non auferetur sceptrum de Juda , et dux de femore ejus , donec veniat qui mittendus est : " Et ipse erit expectatio gentium. *y.* Pulchriores sunt oculi ejus vino , et dentes ejus lacte candidiores. Et.

*Lectio iij. Cap. 41.*

**TACEANT** ad me insulæ, et gentes mutent fortitudinem : accedant , et tunc loquantur , simul ad judicium propinquemus. Quis suscita-

vit ab Oriente justam, vocavit eum ut sequeretur se? Dabit in conspectu ejus gentes, et reges obtinebit: dabit quasi pulverem gladio ejus, sicut stipulam vento raptam arcui ejus. Persequetur eos, transibit in pace, semita in pedibus ejus non apparebit. Quis hæc operatus est, et fecit, vocans generationes ab exordio? Ego Dominus, primus et novissimus ego sum.

*A.* Me oportet minui, illum autem crescere: qui autem post me venit, ante me factus est: \* Cujus non sum dignus corrigiam calceamentorum solve. *Ÿ.* Ego baptizavi vos aqua: ille autem baptizabit vos Spiritu sancto. *Cujus. Gloria. Cujus.*

## IN II. NOCTURNO.

Sermo sancti Leonis Papæ.

*Sermo I. de jejuniis decimi mensis, et collectis.*

*Lectio iv.*

**S**I fideliter, dilectissimi, atque sapienter creationis nostræ intelligamus exordium, inveniemus hominem ideo ad imaginem Dei conditum, ut imitator sui esset auctoris et hanc esse naturalem nostri generis dignitatem, si in nobis, quasi in quodam speculo, divinæ benignitatis forma resplendeat. Ad quam quotidie nos utique reparat gratia Salvatoris, dum quod cecidit in Adam primo, erigitur in secundo.

*A.* Nascetur nobis parvulus, et vocabitur Deus, Fortis: \* Ipse sedebit super thronum David patris sui, et imperabit: cujus potestas super humerum ejus. *Ÿ.* In ipso benedicentur omnes tribus terræ, omnes gentes servient ei. *Ipse.*

*Lectio v.*

**C**AUSA autem reparationis nostræ non est, nisi misericordia Dei: quem non diligeremus, nisi prius nos ipse diligeret, et tenebras ignorantiae nostræ, suæ veritatis luce discuteret. Quod per sanctum Isaiam

Dominus denuntiavit, ait: Adducam cæcos in viam quam ignorabant, et semitas quas nesciebant, faciam illos calcare: faciam illis tenebras in lucem, et prava in directa. Hæc verba faciam illis, et non relinquam eos. Et iterum: Inventus sum, inquit, a non quærentibus me, et palam apparui iis qui me non interrogabant.

*A.* Ecce jam venit plenitudo temporis, in quo misit Deus Filium suum in terras, natum de Virgine, factum sub lege: \* Ut eos qui sub lege erant, redimeret. *Ÿ.* Propter nimiam charitatem suam, qua dilexit nos Deus, Filium suum misit in similitudinem carnis peccati. Ut eos.

*Lectio vj.*

**Q**UOD quomodo impletum sit, Joannes Apostolus docet, dicens: Scimus quoniam Filius Dei venit, et dedit nobis sensum, ut cognoscamus verum, et simus in vero Filio ejus. Et iterum: Nos ergo diligamus Deum, quoniam ipse prior dilexit nos. Diligendo itaque nos Deus, ad imaginem suam nos reparat: et ut in nobis formam suæ bonitatis inveniat, dat unde ipsi quoque quod operatur, operemur, accendens scilicet mentium nostrarum lucernas, et igne nos suæ charitatis inflammans, ut non solum ipsum, sed etiam quidquid diligit, diligamus.

*A.* Virgo Israel, revertere ad civitates tuas: \* Usquequo dolens averteris? generabis Dominum Salvatorem, oblationem novam in terra: \* Ambulabunt homines in salvationem. *Ÿ.* In charitate perpetua dilexi te: ideo attraxi te miserans tui. Usquequo. *Gloria. Ambulabunt.*

## IN III. NOCTURNO.

*Lectio sancti Evangelii secundum Lucam.*

*Lectio vij. Cap. 3.*

**A**NNO quintodecimo imperi Tiberii Cæsaris, procurante Pontio Pilato Judæam. Et reliqua.

De Homilia 9. Gregorii Papæ.

*Ex Homil. 20. in Evang. ante med.*

**D**ICEBAT Ioannes ad turbas, quæ exhibant ut baptizarentur ab eo: Genimina viperarum, quis ostendit vobis fugere a ventura ira? Ventura enim ira est animadversio ultionis extremæ: quam tunc fugere peccator non valet, qui nunc ad lamenta pœnitentiæ non recurrit. Et notandum quod malæ soboles, malorum parentum actionem imitantes, genimina viperarum vocantur: quia per hoc quod bonis invident, eosque persequuntur, quod quibusdam mala retribuunt, quod læsiones proximis exquirunt, quoniam in his omnibus patrum suorum carnalium vias sequuntur, quasi venenati filii de venenatis parentibus nati sunt.

¶ Juravi, dicit Dominus, ut ultra jam non irascar super terram: montes enim et colles suscipient justitiam meam, \* Et testamentum pacis erit in Jerusalem. † Juxta est salus mea, ut veniat: et justitia mea ut reveletur. Et.

*Lectio viij.*

**S**ED quia jam peccavimus, quia usu malæ consuetudinis involuti sumus: dicat quid nobis faciendum sit, ut fugere a ventura ira valeamus. Sequitur: Facite ergo fructus dignos pœnitentiæ. In quibus verbis notandum est quod amicus sponsi non solum fructus pœnitentiæ, sed dignos pœnitentiæ admonet esse faciendos. Aliud namque est fructum facere pœnitentiæ, aliud dignum pœnitentiæ fructum facere. Ut enim secundum dignos pœnitentiæ fructus loquamur, sciendum est quia quisquis illicita nulla commisit, huic jure conceditur, ut licitis utatur: sicque pietatis opera faciat, ut tamen si voluerit, ea quæ mundi sunt, non relinquat.

¶ Non discedimus a te, vivificabis nos, Domine, et nomen tuum invocabimus: \* Ostende nobis faciem tuam, et salvi erimus.

† Memento nostri, Domine, in

beneplacito populi tui: visita nos in salutari tuo. Ostende.

*Lectio ix.*

**A**T si quis in fornicationis culpam, vel fortasse, quod est gravius, in adulterium lapsus est, tanto a se licita debet abscindere, quanto se meminit et illicita perpetrasse. Neque enim par fructus boni operis esse debet ejus qui minus, et ejus qui amplius deliquit: aut ejus qui in nullis, et ejus qui in quibusdam facinoribus cecidit, et ejus qui in multis est lapsus. Per hoc ergo quod dicitur: Facite fructus dignos pœnitentiæ: uniuscujusque conscientia convenitur, ut tanto majora acquirat bonorum operum lucra per pœnitentiam, quanto graviora sibi intulit damna per culpam.

¶ Intuemini quantus sit iste, qui ingreditur ad salvandas gentes: ipse est Rex justitiæ, \* Cujus generatio non habet finem. † Præcursor pro nobis ingreditur, secundum ordinem Melchisedech Pontifex factus in æternum. Cujus. Gloria. Cujus.

### *Ad Laudes*

*et per Horas, Antiphonæ.*

1. **CANITE** tuba in Sion, quia prope est dies Domini: ecce veniet, ad salvandum nos, alleluia, alleluia

2. Ecce veniet desideratus cunctis gentibus: et replebitur gloria domus Domini, alleluia.

3. Erunt prava in directa, et aspera in vias planas. Veni, Domine, et noli tardare, alleluia.

4. Dominus venit, occurrere illi, dicentes: Magnum principium, et regni ejus non erit finis: Deus, Fortis, Dominator, Princeps pacis alleluia, alleluia.

5. Omnipotens sermo tuus, Domine, a regalibus sedibus veniet, alleluia.

*Capitulum . I. Cor. 4.*

**F**RATRES, Sic nos existimet homo ut ministros Christi, et dispensatores mysteriorum Dei. Hic jam



quæritur inter dispensatores, ut fidelis quis inveniatur.

*Hymnus et y. ut supra, p. 109.*

*Ad Bened. Ant.* Ave, Maria, gratia plena: Dominus tecum: Benedicta tu in mulieribus, alleluia.

*Nisi dicenda sit Ant.* Nolite timere, *vel Ant.* Ecce completa, p. 123.

*Oratio.*

**EXCITA**, quæsumus, Domine, potentiam tuam, et veni, et magna nobis virtute succurre, ut per auxilium gratiæ tuæ, quod nostra peccata præpediunt, indulgentia tuæ propitiationis acceleret: Qui vivis.

*Ad horas qq. br. ut in Dom. I.*

*Ad Tertiam.*

*Capit. Fratres Sic nos, ut sup.*

*Ad Sextam.*

*Capitulum. I. Cor. 4.*

**MINI** autem pro minimo est, ut Ma vobis judicer, aut ab humano die: sed neque meipsum judico.

*Ad Nonam.*

*Capitulum. I. Cor. 4.*

**ITAQUE** nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium: et tunc laus erit unicuique a Deo.

*Ad Vesperas.*

*Ant. de Laud. Psalmi de Dom.*

*Capit. Fratres. Sic nos. Hymnus et y. ut supra, p. 106.*

*Ad Magnif. Ant. O.*

*Post Vesp. diei Vesp. Defunct.*

**FERIA SECUNDA.**

*De Isaia Propheta.*

*Lectio j. Cap. 41. 6.*

**ET** tu, Israel serve meus, Jacob, quem elegi, semen Abraham amici mei: in quo apprehendi te ab extremis terræ, et a longinquis ejus vocavi te, et dixi tibi: Servus meus es tu, elegi te, et non abjeci te. Ne timeas, quia ego tecum sum: ne

declines, quia ego Deus tuus: confortavi te, et auxiliatus sum tibi, et suscepit te dextera justi mei.

*q. Canite tuba in Sion, p. 130.*

*Lectio ij.*

**ECCE** confundentur et erubescunt omnes, qui pugnant adversum te: erunt quasi non sint, et peribunt viri, qui contradicunt tibi. Quæres eos, et non invenies viros rebelles tuos: erunt quasi non sint; et veluti consumptio homines bellantes adversum te. Quia ego Dominus Deus tuus apprehendens manum tuam, dicensque tibi: Ne timeas, ego adjuvi te.

*q. Non auferetur, p. 130.*

*Lectio iij.*

**NOLI** timere, vermis Jacob, qui mortui estis ex Israel: ego auxiliatus sum tibi, dicit Dominus, et Redemptor tuus sanctus Israel. Ego posui te quasi plaustrum trituranus novum, habens rostra serrantia; triturabis montes, et comminues, et colles quasi pulverem pones. Ventilabis eos, et ventus tollet, et turbo disperget eos: et tu exultabis in Domino, in sancto Israel lætaberis.

*y. Me oportet minui, p. 131.*

*Ad Laudes Ant. Secundum superiorem Rubricam, p. 124.*

*Ad Bened. Ant.* Dicit Dominus: Pœnitentiam agite: appropinquavit enim regnum cœlorum, allel.

*Hodie dicitur Offic. Defunct.*

*Ad Magnif. Ant. O.*

**FERIA TERTIA.**

*De Isaia Propheta.*

*Lectio j. Cap. 41.*

**ECCE** servus meus, suscipiam eum: electus meus, complacuit sibi in illo anima mea: dedi spiritum meum super eum, iudicium gentibus proferet. Non clamabit, neque accipiet personam, nec audietur vox ejus foris. Calamum quassatum non conteret, et linum fumigans non extinguet: in veritate educet iudicium. Non erit tristis, neque turbulentus,

donec ponat in terra iudicium : et legem ejus insulæ expectabunt.

â. Nascetur nobis , p. 131.

*Lectio ij.*

**H**ÆC dicit Dominus Deus creans cœlos , et extendens eos , firmans terram , et quæ germinant ex ea : dans statum populo , qui est super eam , et spiritum calcantibus eam. Ego Dominus vocavi te in justitia ; et apprehendi manum tuam , et servavi te. Et dedi te in scædus populi , in lucem gentium : ut aperires oculos cæcorum , et educeres de conclusione vinctum , de domo carceris sedentes in tenebris.

â. Ecce jam venit , p. 131.

*Lectio iij.*

**C**ANTATE Domino canticum novum , laus ejus ab extremis terræ : qui descenditis in mare , et plenitudo ejus , insulæ , et habitatores earum. Sublevetur desertum , et civitates ejus : in domibus habitabit Cedar ; laudate habitatores petræ , de vertice montium clamabunt. Ponent Domino gloriam , et laudem ejus in insulis nuntiabunt. Dominus sicut fortis egredietur : sicut vir præliator suscitabit zelum : vociferabitur , et clamabit : super inimicos suos confortabitur.

â. Virgo Israel , p. 131.

*Ad Bened. Ant.* Consurge , consurge : induere fortitudinem brachium Domini.

*Nisi dicenda sit Ant.* Noli timere , vel *Ant.* Ecce completa , p. 125.

*Ad Magnif. Ant.* O.

## FERIA QUARTA.

De Isaia Propheta.

*Lectio j. Cap. 51.*

**A**UDITE me , qui sequimini quod justum est , et quæritis Dominum : attendite ad petram unde excisi estis , et ad cavernam laci , de qua præcisi estis. Attendite ad Abraham patrem vestrum , et ad Saram quæ peperit vos : quia unum vocavi

eum , et benedixi ei , et multiplicavi eum. Consolabitur ergo Dominus Sion , et consolabitur omnes ruinas ejus : et ponet desertum ejus quasi delicias , et solitudinem ejus quasi hortum Domini. Gaudium et lætitia invenietur in ea , gratiarum actio , et vox laudis.

â. Juravi dicit Dominus , p. 132.

*Lectio ij.*

**A**TTENDITE ad me , popule meus , et tribus mea , me audite : quia lex a me exiet , et iudicium meum in lucem populorum requiescet. Prope est justus meus , egressus est Salvator meus , et brachia mea populos judicabunt : me insulæ expectabunt , et brachium meum sustinebunt. Levate in cœlum oculos vestros , et videte sub terra deorsum : quia cœli sicut fumus liquescent , et terra sicut vestimentum atteretur , et habitatores ejus sicut hæc interibunt : salus autem mea in sempiternum erit , et justitia mea non deficiet.

â. Non discedimus , p. 132.

*Lectio iij.*

**A**UDITE me , qui scitis justum , populus meus , lex mea in corde eorum : nolite timere opprobrium hominum , et blasphemias eorum ne metuatis. Sicut enim vestimentum , sic comedet eos vermis : et sicut lanam , sic devorabit eos tinea : salus autem mea in sempiternum erit , et justitia mea in generationes generationum.

â. Intuemini quantus , p. 132.

*Ad Bened. Ant.* Ponam in Sion salutem , et in Jerusalem gloriam meam , alleluia.

*Nisi dicenda sit Ant.* Nolite timere , vel *Ant.* Ecce completa , p. 125.

*Ad Magnif. Ant.* O.

## FERIA QUINTA.

De Isaia Propheta.

*Lectio j. Cap. 64.*

**U**TINAM dirumperes cœlos , et descenderes : a facie tua montes

defluerent. Sicut exustio ignis tabescerent, aquæ arderent igni, ut notum fieret nomen tuum inimicis tuis: a facie tua gentes turbarentur. Cum feceris mirabilia, non sustinebimus: descendisti, et a facie tua montes defluerunt. A sæculo non audierunt, neque auribus perceperunt: oculus non vidit, Deus, absque te, quæ præparasti expectantibus te.

¶. Canite tuba in Sion, p. 130.

*Lectio li.*

**O**CCURRISTI lætanti, et facienti justitiam: in viis tuis recordabuntur tui: ecce tu iratus es, et peccavimus: in ipsis fuimus semper, et salvabimur. Et facti sumus ut immundus omnes nos, et quasi pannus menstruatæ universæ justitiæ nostræ: et cecidimus quasi folium universi, et iniquitates nostræ quasi ventus abstulerunt nos. Non est qui invocet nomen tuum, qui consurgat, et teneat te: abscondisti faciem tuam a nobis, et allisisti nos in manu iniquitatis nostræ.

¶. Non auferetur, p. 130.

*Lectio lii.*

**E**T nunc, Domine, pater noster es tu, nos vero lutum: et fictor noster tu, et opera manuum tuarum omnes nos. Ne irascaris, Domine, satis, et ne ultra memineris iniquitatis nostræ: ecce respice, populus tuus omnes nos. Civitas sancti tui facta est deserta, Sion deserta facta est, Jerusalem desolata est. Domus sanctificationis nostræ, et gloriæ nostræ, ubi laudaverunt te patres nostri, facta est in exustionem ignis, et omnia desiderabilia nostra versa sunt in ruinas.

¶. Me oportet minui, p. 131.

*Ad Bened. Ant.* Consolamini, consolamini, popule meus, dicit Dominus Deus vester.

*Nisi dicenda sit Ant.* Ecce completa, p. 123.

*Ad Magnif. Ant.* ☉.

## FERIA SEXTA.

De Isala Propheta.

*Lectio j.*

Cap. 66.

**A**UDITE verbum Domini, qui tremittis ad verbum ejus: dixerunt fratres vestri odientes vos, et abjicientes propter nomen meum: Glorificetur Dominus, et videbimus in lætitia vestra: ipsi autem confundentur. Vox populi de civitate, vox de templo, vox Domini reddentis retributionem inimicis suis. Antequam parturiret, peperit: antequam veniret partus ejus, peperit masculum. Quis audivit unquam tale? et quis vidit huic simile? Numquid parturiet terra in die una? aut parietur gens simul, quia parturivit et peperit Sion filios suos?

¶. Nascetur nobis, p. 131.

*Lectio ij.*

**N**UMQUID ego, qui alios parere facio, ipse non pariam, dicit Dominus? Si ego, qui generationem cæteris tribuo, sterilis ero, ait Dominus Deus tuus? Lætamini cum Jerusalem, et exultate in ea, omnes qui diligitis eam: gaudete cum ea gaudio, universi qui lugetis super eam, ut sugatis, et repleamini ab ubere consolationis ejus: ut mulgeatis, et deliciis affluatis ab omnimoda gloria ejus. Quia hæc dicit Dominus: Ecce ego declinabo super eam quasi fluvium pacis, et quasi torrentem inundantem gloriam gentium, quam sugetis: ad ubera portabimini, et super genua blandientur vobis.

¶. Ecce jam venit, p. 131.

*Lectio iij.*

**Q**UOMODO si cui mater blanditur, ita ego consolabor vos, et in Jerusalem consolabimini. Videbitis, et gaudebit cor vestrum, et ossa vestra quasi herba germinabunt: et cognoscetur manus Domini servis ejus, et indignabitur inimicis suis. Quia ecce Dominus in igne veniet, et quasi turbo quadrigæ ejus: reddere in in-



dignatione furorem suum, et increpationem suam in flamma ignis: quia in igne Dominus dijudicabit, et in gladio suo ad omnem carnem, et multiplicabuntur interfecti a Domino.

¶. Virgo Israel, p. 131.

*Ad Bened. Ant.* Ecce completa sunt omnia, quæ dicta sunt per Angelum de Virgine Maria.

*Ad Magnif. Ant.* O Emmanuel, ut supra, p. 124.

*Si Vigil. Nativ. Domini venerit in Dominica, Offic. fit hoc modo.*

*Ad Matut. Invit. de Vigil.* Hodie scietis. ut infra.

*Hymn. de Adv. Verbum p. 106. Ant. Psalmi, ¶. Lect. et ¶. in j et ij Noct. dicuntur de Dom. iv. In iij Noct. Ant. et Psalmi de Dom., ¶. de Vigil., tres Lect. de Homil. Vigil. cum suis ¶. et non legitur Homil. Dom. pro ultima Lect. Laudes de Vigil. cum comm. de Dom. Similiter et per Horas celebratur Offic. de Vigilia.*

## IN VIGILIA NATIVITATIS

DOMINI.

### *Ad Matut. Invit.*

*Invit.* Hodie scietis quia veniet Dominus: \* Et mane videbitis gloriam ejus.

*Hymnus. Verbum, p. 106 Ant. et Psalmi de Feria occurrente.*

¶. Hodie scietis, quia veniet Dominus. ¶. Et mane videbitis gloriam ejus.

*Lectio sancti Evangelii secundum Matthæum.*

*Lectio i. Cap. I.*

**C**UM esset desponsata mater Jesu Maria Joseph, antequam convenirent, inventa est in utero habens de Spiritu sancto. Et reliqua.

*Homilia S. Hieronymi Presbyteri.*

*Libro 1. Comment. in cap. 1, Matthæi.*

**Q**UARE non de simplici virgine, sed de desponsata concipitur? Primum, ut per generationem Joseph

origo Mariæ monstraretur: secundo, ne lapidaretur a Judæis ut adultera: tertio, ut in Ægyptum fugiens haberet solatium. Martyr Ignatius etiam quartam addidit causam, cur a desponsata conceptus sit: Ut partus, inquit, ejus celaretur diabolo, dum eum putat non de virgine, sed de uxore generatum.

¶. Sanctificamini hodie, et estote parati: quia die crastina videbitis Majestatem Dei in vobis. ¶. Hodie scietis, quia veniet Dominus, et mane videbitis Majestatem.

*Lectio ij.*

**A**NTEQUAM convenirent, inventa est in utero habens de Spiritu sancto. Non ab alio inventa est, nisi a Joseph, qui pene licentia maritali futuræ uxoris omnia noverat. Quod autem dicitur, Antequam convenirent, non sequitur ut postea convenirent: sed Scriptura quod factum non sit, ostendit.

¶. Constantes estote, videbitis auxilium Domini super vos: Judæa et Jerusalem, nolite timere: \* Cras egrediemini, et Dominus erit vobiscum. ¶. Sanctificamini, filii Israel, et estote parati. Cras.

*Lectio iii.*

**J**OSEPH autem vir ejus cum esset justus, et nollet eam traducere, voluit occulte dimittere eam. Si quis fornicariæ conjungitur, unum corpus efficitur: et in lege præceptum est non solum reos, sed et conscios criminum obnoxios esse peccati: quomodo Joseph, cum crimen celaret uxoris, justus scribitur? Sed hoc testimonium Mariæ est, quod Joseph sciens illius castitatem, et admirans quod evenerat, celat silentio, cujus mysterium nesciebat.

¶. Sanctificamini, filii Israel, dicit Dominus: die enim crastina descendet Dominus, \* Et auferet a vobis omnem languorem.

¶. Crastina die delebitur iniquitas terræ, et regnabit super nos Salva-

tor mundi. Et auferet. Gloria. Et auferet.

*Deinceps Officium fit duplex.*

### **Ad Laudes**

*et per Horas, Antiphonæ.*

1. **JUDÆA** et Jerusalem, nolite timere: cras egrediemini, et Dominus erit vobiscum, alleluia.

*Psalm. de Laud. Dom., p. 13.*

2. Hodie scietis quia veniet Dominus, et mane videbitis gloriam ejus.

3. Crastina die delebitur iniquitas terræ, et regnabit super nos Salvator mundi.

4. Dominus veniet, occurrite illi, dicentes: Magnum principium, et regni ejus non erit finis: Deus, Fortis, Dominator, Princeps pacis, alleluia.

5. Crastina erit vobis salus, dicit Dominus Deus exercituum.

*Capitulum. Rom. I.*

**PAULUS** servus Jesu Christi, vocatus Apostolus, segregatus in Evangelium Dei, quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem.

*Hymnus En clara vox, p. 109.*

ŷ. Crastina die delebitur iniquitas terræ. ā. Et regnabit super nos Salvator mundi.

*Ad Bened. Ant.* Orietur sicut sol Salvator mundi, et descendet in uterum Virginis sicut imber super gramen, alleluia.

*Oratio.*

**DEUS**, qui nos redemptionis nostræ annua expectatione lætificas, presta, ut Unigenitum tuum, quem Redemptorem læti suscipimus,

venientem quoque judicem securi videamus, Dominum nostrum Jesum Christum Filium tuum, qui tecum vivit et regnat.

*Et dicitur per Horas diei.*

*Prima dicitur, sicut in Dupl. et ad Absol. Capit. dicitur Capit. Nonæ.*

### **Ad Tertiam.**

*Capit. Paulus servus.*

ā. br. Hodie scietis: Quia veniet Dominus. Hodie. ŷ. Et mane videbitis gloriam ejus. Gloria. Hodie. ŷ. Constantes estote. ā. Videbitis auxilium Domini super vos.

### **Ad Sextam.**

*Capitulum. Rom. I.*

**QUI** prædestinatus est Filius Dei in virtute secundum Spiritum sanctificationis, ex resurrectione mortuorum Jesu Christi Domini nostri.

ā. br. Crastina die Delebitur iniquitas terræ. Crastina. ŷ. Et regnabit super nos Salvator mundi. Delebitur. Gloria. Crastina. ŷ. Crastina erit vobis salus. ā. Dicit Dominus Deus exercituum.

### **Ad Nonam.**

*Capitulum. Rom. I.*

**PER** quem accepimus gratiam et Apostolatam ad obediendum fidei in omnibus gentibus pro nomine ejus, in quibus estis et vos vocati Jesu Christi Domini nostri.

ā. br. Crastina Erit vobis solus. Crastina. ŷ. Dicit Dominus Deus exercituum. Erit. Gloria. Crastina. ŷ. Crastina die delebitur iniquitas terræ. ā. Et regnabit super nos Salvator mundi.

---

## IN NATIVITATE DOMINI.

---

### *In I. Vespertis.*

**Ant. I. REX** pacificus magnificatus est, cujus vultum desiderat universa terra.

*Psalmi de Dom. loco ult. Laudate Dominum omnes gentes.*

**2. Magnificatus** est Rex pacificus super omnes reges universæ terræ.

**3. Completi** sunt dies Mariæ, ut pareret filium suum primogenitum.

**4. Scitote** quia prope est regnum Dei: amen dico vobis, quia non tardabit.

**5. Levate** capita vestra: ecce appropinquat redemptio vestra.

*Capitulum. Tit. 3.*

**APPARUIT** benignitas et humanitas Salvatoris nostri Dei, non ex operibus justitiæ, quæ fecimus nos, sed secundum suam misericordiam salvos nos fecit.

### **HYMNUS.**

**JESU** Redemptor omnium,  
Quem lucis ante originem  
Parem Paternæ gloriæ  
Pater supremus edidit.

Tu lumen et splendor Patris,  
Tu spes perennis omnium,  
Intende quas fundunt preces  
Tui per orbem servuli.

Memento, rerum Conditor,  
Nostri quod olim corporis,  
Sacrata ab alvo Virginis  
Nascendo, formam sumpseris.

Testatur hoc præsens dies  
Currrens per anni circulum,  
Quod solus è sinu Patris  
Mundi salus adveneris.

Hunc astra, tellus, æquora,  
Hunc omne, quod cælo subest,  
Salutis auctorem novæ  
Novo salutat cantico.

Et nos beata quos sacri  
Rigavit unda Sanguinis,  
Natalis ob diem tui  
Hymni tributum solvimus.

Jesu, tibi sit gloria,  
Qui natus es de Virgine,  
Cum Patre et almo Spiritu,  
In sempiterna sæcula. Amen.

*Sic terminantur omnes Hymni ejusdem metri, usque ad Epiph.*

**†. Crastina** die delebitur iniquitas terræ. **¶. Et** regnabit super nos Salvator mundi.

*Ad Magnif. Ant.* Cum ortus fuerit sol de cælo, videbitis Regem regum procedentem a Patre, tanquam sponsum de thalamo suo.

### *Oratio.*

**CONCEDE**, quæsumus, omnipotens Deus, ut nos Unigeniti tui nova per carnem nativitas liberet, quos sub peccati jugo vetusta servitus tenet. Per eundem.

### *Ad Matutinum.*

*Invit.* Christus natus est nobis: Venite, adoremus.

*Hymnus Jesu Redemptor.*

### **IN I. NOCTURNO.**

*Ant.* Dominus dixit ad me: Filius meus es tu, ego hodie genui te.

### **Psalmus 2.**

**QUARE** fremuerunt gentes, et populi meditati sunt inania?

† Astiterunt reges terræ, et principes convenerunt in unum † adversus Dominum, et adversus Christum ejus.

‡ Dirumpamus vincula eorum: † et projiciamus a nobis jugum ipsorum.

¶ Qui habitat in cælis, irridebit eos: † et Dominus subsannabit eos.



Tunc loquetur ad eos in ira sua: et in furore suo conturbabit eos.

Ego autem constitutus sum Rex ab eo super Sion montem sanctum ejus: prædicans præceptum ejus.

Dominus dixit ad me: Filius meus es tu, ego hodie genui te.

Postula a me, et dabo tibi gentes hereditatem tuam, et possessionem tuam terminos terræ.

Reges eos in virga ferrea, et tamquam vas figuli confringes eos.

Et nunc, reges, intelligite: erudimini, qui judicatis terram.

Servite Domino in timore: et exultate ei cum tremore.

Apprehendite disciplinam, ne quando irascatur Dominus, et pereatis de via justa.

Cum exarserit in brevi ira ejus, beati omnes qui confidunt in eo.

*Ant.* Dominus dixit ad me: Filius meus es tu, ego hodie genui te.

*Ant.* Tamquam sponsus Dominus procedens de thalamo suo.

### Psalmus 18.

**C**ELI enarrant gloriam Dei, et opera manuum ejus annuntiat firmamentum.

Dies diei enunciat verbum, et nox nocti indicat scientiam.

Non sunt loquelæ, neque sermones, quorum non audiantur voces eorum.

In omnem terram exivit sonus eorum: et in fines orbis terræ verba eorum.

In sole posuit tabernaculum suum: et ipse tamquam sponsus procedens de thalamo suo.

Exultavit ut gigas ad currendam viam: a summo cælo egressio ejus.

Et occursum ejus usque ad summum ejus: nec est qui se abscondat a calore ejus.

Lex Domini immaculata, convertens animas: testimonium Domini fidele, sapientiam præstans parvulis.

Justitiæ Domini rectæ, lætificantes

corda: præceptum Domini lucidum, illuminans oculos.

Timor Domini sanctus, permanens in sæculum sæculi: judicia Domini vera, justificata in semetipsa.

Desiderabilia super aurum et lapidem pretiosum multum: et dulciora super mel et favum.

Etenim servus tuus custodit ea: in custodiendis illis retributio multa.

Delicta quis intelligit? Ab occultis meis munda me: et ab alienis parco servo tuo.

Si mei non fuerint dominati, tunc immaculatus ero: et emundabor a delicto maximo.

Et erunt ut complacent eloquia oris mei: et meditatio cordis mei in conspectu tuo semper.

Domine adjutor meus, et redemptor meus.

*Ant.* Tamquam sponsus Dominus procedens de thalamo suo.

*Ant.* Diffusa est gratia in labiis: propterea benedixit te Deus in æternum.

### Psalmus 44.

**E**RUCTIONE cor meum verbum bonum: dico ego opera mea Regi.

Lingua mea calamus scribæ: velociter scribentis.

Speciosus forma præ filiis hominum, diffusa est gratia in labiis tuis: propterea benedixit te Deus in æternum.

Accingere gladio tuo super femur tuum, potentissime.

Specie tua, et pulchritudine tua intende, prospere procede, et regna.

Propter veritatem, et mansuetudinem, et justitiam: et deducet te mirabiliter dextera tua.

Sagittæ tuæ acutæ, populi sub te cadent: in corda inimicorum regis.

Sedes tua, Deus, in sæculum sæculi: virga directionis, virga regni tui.

Dilexisti justitiam, et odisti iniquitatem: propterea unxit te, Deus, Deus tuus oleo lætitiæ præ consortibus tuis.

Myrrha, et gutta, et casia a vestimentis tuis, a domibus eburneis: ex

quibus delectaverunt te filiae regum in honore tuo.

Astitit regina a dextris tuis in vestitu deaurato, \* circumdata varietate.

Audi, filia, et vide, et inclina aurem tuam: \* et obliviscere populum tuum, et domum patris tui.

Et concupiscet Rex decorem tuum: \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur: omnes divites plebis.

Omnis gloria ejus filiae Regis ab intus, \* in fimbriis aureis circumamicta varietatibus.

Adducentur Regi virgines post eam: \* proximae ejus afferentur tibi.

Afferentur in lætitia et exultatione: \* adducentur in templum Regis.

Pro patribus tuis nati sunt tibi filii: \* constitues eos principes super omnem terram.

Memores erunt nominis tui, \* in omni generatione et generationem.

Propterea populi confitebuntur tibi in æternum, \* et in sæculum sæculi.

*Ant.* Diffusa est gratia in labiis tui: propterea benedixit te Deus in æternum.

℣. Tanquam sponsus. ℑ. Dominus procedens de thalamo suo.

*Tres seq. Lect. Isaiae leguntur sine titulo.*

*Lectio j. Cap. 9.*

**P**RIMO tempore alleviata est terra Zabulon, et terra Nephthali: et novissimo aggravata est via maris trans Jordanem Galilæe gentium. Populus, qui ambulabat in tenebris, vidit lucem magnam: habitantibus in regione umbræ mortis, lux orta est eis. Multiplicasti gentem, et non magnificasti lætitiā. Lætabuntur coram te, sicut qui lætantur in messe, sicut exultant victores capta præda, quando dividunt spolia. Jugum enim oneris ejus, et virgam humeri ejus, et sceptrum exactoris ejus superasti sicut in die Madian. Quia

omnis violenta prædatio cum tumultu, et vestimentum mixtum sanguine erit in combustionem, et cibus ignis. Parvulus enim natus est nobis, et filius datus est nobis: et factus est principatus super humerum ejus, et vocabitur nomen ejus Admirabilis, Consiliarius, Deus, Fortis, Pater futuri sæculi, princeps pacis.

ℑ. Hodie nobis cælorum Rex de Virgine nasci dignatus est, ut hominem perditum ad cælestia regna revocaret. \* Gaudet exercitus Angelorum, quia salus æterna humano generi apparuit. ℑ. Gloria in excelsis Deo, et in terra pax hominibus bonæ voluntatis. Gaudet. Gloria. *Et repetitur* ℑ. Hodie nobis, usque ad ℣. Gloria in excelsis.

*Lectio ij.*

*Cap. 40.*

**C**ONSOLAMINI, consolamini, popule meus, dicit Deus vester. Loquimini ad cor Jerusalem, et advocate eam, quoniam completa est malitia ejus, dimissa est iniquitas illius: suscepit de manu Domini duplicia pro omnibus peccatis suis. Vox clamantis in deserto: Parate viam Domini, rectas facite in solitudine semitas Dei nostri. Omnis vallis exaltabitur, et omnis mons et collis humiliabitur: et erunt prava in directa, et aspera in vias planas. Et revelabitur gloria Domini, et videbit omnis caro pariter quod os Domini locutum est. Vox dicentis, Clama. Et dixi: Quid clamabo? Omnis caro fœnum, et omnis gloria ejus quasi flos agri. Exsiccatum est fœnum, et cecidit flos, quia spiritus Domini sufflavit in eo. Vere fœnum est populus; exsiccatum est fœnum, et cecidit flos. Verbum autem Domini nostri manet in æternum.

ℑ. Hodie nobis de cælo pax vera descendit: \* Hodie per totum mundum melliflui facti sunt cæli. ℣. Hodie illuxit nobis dies redemptionis nostræ, reparationis antiquæ, felicitatis æternæ. Hodie.

Lectio iii. Cap. 52.

**CONSURGE**, consurge, induere fortitudine tua, Sion: induere vestimentis gloriæ tuæ, Jerusalem civitas sancti: quia non adjiciet ultra, ut pertranseat per te incircumciscus et immundus. Excutere de pulvere, consurge, sede, Jerusalem: solve vincula colli tui, captiva filia Sion. Quia hæc dicit Dominus: Grátis venundati estis, et sine argento redimemini. Quia hæc dicit Dominus Deus: In Ægyptum descendit populus meus in principio, ut colonus esset ibi: et Assur absque ulla causa calumniatus est eum. Et nunc quid mihi est hic, dicit Dominus, quoniam ablati sunt populus meus gratis? Dominatores ejus inique agunt, dicit Dominus, et jugiter tota die nomen meum blasphematur. Propter hoc sciet populus meus nomen meum in die illa: quia ego ipse, qui loquebar, ecce adsum.

¶. Quem vidistis pastores, dicite, annuntiate nobis, in terris quis apparuit? \* Natum vidimus, et choros Angelorum collaudantes Dominum. ¶. Dicite, quidnam vidistis? et annuntiate Christi nativitatem. Natum. Gloria. Natum.

## IN II. NOCTURNO.

*Ant.* Suscepimus Deus misericordiam tuam in medio templi tui.

**Psalmus 47.**

**MAGNUS**, Dominus, et laudabilis nimis \* in civitate Dei nostri, in monte sancto ejus.

Fundatur exultatione universæ terræ mons Sion, \* latera Aquilonis, civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terræ congregati sunt: \* convenerunt in unum.

Ipsi videntes sic admirati sunt, conturbati sunt, commoti sunt: \* tremor apprehendit eos.

Ibi dolores ut parturientis: \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: \* Deus fundavit eam in æternum.

Suscepimus, Deus, misericordiam tuam, \* in medio templi tui.

Secundum nomen tuum, Deus, sic et laus tua in fines terræ: \* justitia plena est dextera tua.

Lætetur mons Sion, et exultent filiae Judæ, \* propter judicia tua, Domine.

Circumdate Sion, et complectimini eam: \* narrate in turribus ejus.

Ponite corda vestra in virtute ejus: \* et distribuite domos ejus, ut enarretis in progenie altera.

Quoniam hic est Deus, Deus noster in æternum, et in sæculum sæculi: \* ipse reget nos in sæcula.

*Ant.* Suscepimus Deus misericordiam tuam in medio templi tui.

*Ant.* Orietur in diebus Domini abundantia pacis, et dominabitur.

**Psalmus 71.**

**DEUS**, judicium tuum regi da, \* et justitiam tuam filio regis:

Judicare populum tuum in justitia, \* et pauperes tuos in iudicio.

Suscipiant montes pacem populo, \* et colles justitiam.

Judicabit pauperes populi, et salvos faciet filios pauperum: \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus, \* et sicut stillicidia stillantia super terram.

Orietur in diebus ejus justitia, et abundantia pacis, \* donec auferatur luna.

Et dominabitur a mari usque ad mare: \* et a flumine usque ad terminos orbis terrarum.

Coram illo procident Æthiopes: \* et inimici ejus terram lingent.

Reges Tharsis, et insulæ munera offerent: \* reges Arabum et Saba dona adducent,

Et adorabunt eum omnes reges terræ: \* omnes gentes servient ei:



Quia liberabit pauperem a potente, \*  
et pauperem cui non erat adiutor.

Parcet pauperi et inopi : \* et animas pauperum salvas faciet.

Ex usuris et iniquitate redimet animas eorum : et honorabile nomen eorum coram illo.

Et vivet, et dabitur ei de auro Arabiæ, et adorabunt de ipso semper : \* tota die benedicent ei.

Et erit firmamentum in terra insummis montium, superextolletur super Libanum fructus ejus : \* et florebunt de civitate sicut scenum terræ.

Sit nomen ejus benedictum in sæcula : \* ante solem permanet nomen ejus.

Et benedicentur in ipso omnes tribus terræ : \* omnes Gentes magnificabunt eum.

Benedictus Dominus Deus Israel, \* qui facit mirabilia solus :

Et benedictum nomen majestatis ejus in æternum : \* et replebitur majestatis ejus omnis terra : fiat, fiat.

*Ant.* Orietur in diebus Domini abundantia pacis, et dominabitur.

*Ant.* Veritas de terra orta est, et justitia de cælo prospexit.

#### Psalmus 84.

**B**ENEDIXISTI, Domine, terram tuam : \* avertisti captivitatem Jacob.

Remisisti iniquitatem plebis tuæ : \* operuisti omnia peccata eorum.

Mitigasti omnem iram tuam : \* avertisti ab ira indignationis tuæ.

Converte nos, Deus salutaris noster : \* et averte iram tuam a nobis.

Numquid in æternum irasceris nobis ? \* aut extends iram tuam a generatione in generationem ?

Deus, tu conversus vivificabis nos : \* et plebs tua lætabitur in te.

Ostende nobis, Domine, misericordiam tuam : \* et salutare tuum da nobis.

Audiam quid loquatur in me Dominus Deus : \* quoniam loquetur pacem in plebem suam :

Et super sanctos suos, \* et in eos, qui convertuntur ad cor.

Verumtamen prope timentes eam salutare ipsius : ut inhabitet gloria in terra nostra.

Misericordia et veritas obviaverunt sibi : \* justitia et pax osculatæ sunt.

Veritas de terra orta est : \* et justitia de cælo prospexit.

Etenim Dominus dabit benignitatem : \* et terra nostra dabit fructum suum.

Justitia ante eum ambulabit : \* et ponet in via gressus suos.

*Ant.* Veritas de terra orta est, et justitia de cælo prospexit.

*Y.* Speciosus forma præ filiis hominum. *A.* Diffusa est gratia in labiis tuis.

Sermo sancti Leonis Papæ.

*Serm. I. de Nativitate Domini.*

*Lectio iv.*

**S**ALVATOR noster, dilectissimi hodie natus est, gaudeamus. Neque enim fas est locum esse tristitiæ, ubi natalis est vitæ: quæ consumpto mortalitatis timore, nobis ingerit de promissa æternitate lætitiā. Nemo ab hujus alacritatis participatione secevit. Una cunctis lætitiæ communis est ratio, quia Dominus noster peccati mortisque destructor, sicut nullum a reatu liberum reperit, ita liberandis omnibus venit. Exultet sanctus, quia appropinquat ad palmam: gaudeat peccator, quia invitatur ad veniam: animetur Gentilis, quia vocatur ad vitam. Dei namque Filius secundum plenitudinem temporis, quam divini consilii inscrutabilis altitudo disposuit, reconciliandam auctori suo naturam generis assumpsit humani, ut inventor mortis diabolus, per ipsam, quam vicerat, vinceretur.

*A.* O magnum mysterium, et admirabile sacramentum, ut animalia viderent Dominum natum, jacentem in præsepio ! \* Beata Virgo, cujus viscera meruerunt portare Dominum

Christum. *ŷ.* Ave, Maria, plena : Dominus tecum. Beata.

*Lectio v.*

**I**N quo conflictu pro nobis inito, magno et mirabili æquitatis jure certatum est, dum omnipotens Dominus cum sævissimo hoste non in sua majestate, sed in nostra congruitur humilitate : obiciens ei eandem formam, eandemque naturam, mortalitatis quidem nostræ participem, sed peccati totius expertem. Alienum quippe ab hac nativitate est, quod de omnibus legitur: Nemo mundus a sorde, nec infans cujus est unius diei vita super terram. Nihil ergo in istam singularem nativitatem de carnis concupiscentia transivit, nihil de peccati lege manavit. Virgo regia Davidicæ stirpis eligitur, quæ sacro gravidanda foetu, divinam humanamque prolem prius conciperet mento, quam corpore. Et ne superni ignara consilii ad inusitados paveret affatus, quod in ea operandum erat a Spiritu sancto, colloquio discit Angelico : nec damnum credit pudoris, Dei genetrix mox futura.

*ŷ.* Beata Dei genitrix Maria; cujus viscera intacta permanent : \* Hodie genuit Salvatorem sæculi. *ŷ.* Beata quæ credidit; quoniam perfecta sunt omnia, quæ dicta sunt ei a Domino. Modio.

*Lectio vi.*

**A**GANUS ergo, dilectissimi, gratias Deo Patri per Filium ejus in Spiritu sancto : qui propter multam charitatem suam, qua dilexit nos, misertus est nostri : et cum essemus mortui peccatis, convivificavit nos Christo, ut essemus in ipso nova creatura, novumque figmentum. Depouamus ergo veterem hominem cum actibus suis : et adepti participationem generationis Christi, carnis renuntiemus operibus. Agnosce, o Christiane, dignitatem tuam, et divinæ consors factus naturæ, noli in veterem vilitatem degeneri conversatione redire. Memento cujus capitis

et cujus corporis sis membrum. Reminiscere quia erutus de potestate tenebrarum, translatus es in Dei lumen et regnum.

*ŷ.* Sancta et immaculata virginitas; quibus te laudibus efferam nescio : Quia quem cæli capere non poterant, tuo gremio contulisti. *ŷ.* Benedicta tu in mulieribus, et benedictus fructus ventris tui. Quia. Gloria. Quia.

IN III. NOCTURNO.

*Ant.* Ipse invocabit me, alleluia : Pater meus es tu, alleluia.

**Psalmus 88.**

**M**ISERICORDIAS Domini \* in æternum cantabo.

In generationem et generationem \* annuntiabo veritatem tuam in ore meo.

Quoniam dixisti : In æternum misericordia ædificabitur in cælis : \* præparabitur veritas tua in eis.

Disposui testamentum electis meis, juravi David servo meo : \* Usque in æternum præparabo semen tuum.

Et ædificabo in generationem et generationem \* sedem tuam.

Confitebuntur cæli mirabilia tua, Domine : \* etenim veritatem tuam in ecclesia sanctorum.

Quoniam quis in nubibus æquabitur Domino, \* similis erit Deo in filiis Dei ?

Deus, qui glorificatur in consilio sanctorum : \* magnus et terribilis super omnes, qui in circuitu ejus sunt.

Domine Deus virtutum, quis similis tibi ? \* potens es, Domine, et veritas tua in circuitu tuo.

Tu dominaris potestati maris : \* motum autem fluctuum ejus tu mitigas.

Tu humiliasti, sicut vulneratum, superbum : \* in brachio virtutis tuæ dispersisti inimicos tuos.

Tui sunt cæli, et tua est terra, orbem terræ et plenitudinem ejus tu fundasti : \* Aquilonem et mare tu creasti.

Thabor et Hermon in nomine tuo exultabunt : tuum brachium cum potentia.

Firmetur manus tua, et exaltetur

dextera tua : \* justitia et judicium præparatio sedis tuæ.

Misericordia et veritas præcedent faciem tuam : \* beatus populus, qui scit jubilationem.

Domine, in lumine vultus tui ambulabunt, et in nomine tuo exultabunt tota die : \* et in justitia tua exultabuntur.

Quoniam gloria virtutis eorum tu es : \* et in beneplacito tuo exaltabitur cornu nostrum.

Quia Domini est assumptio nostra, \* et Sancti Israel Regis nostri.

Tunc locutus es in visione sanctis tuis, et dixisti : \* Posui adjutorium in potente, et exaltavi electum de plebe mea.

Inveni David servum meum : \* oleo sancto meo unxi eum.

Manus enim mea auxiliabitur ei : \* et brachium meum confortabit eum.

Nihil proficiet inimicus in eo : \* et filius iniquitatis non apponet nocere ei.

Et concidam a facie ipsius inimicos ejus : \* et odientes eum in fugam convertam.

Et veritas mea, et misericordia mea cum ipso : et in nomine meo exaltabitur cornu ejus.

Et ponam in mari manum ejus, \* et in fluminibus dexteram ejus.

Ipsa invocabit me : Pater meus es tu : \* Deus meus, et susceptor salutis meæ.

Et ego primogenitum ponam illum \* excelsum præ regibus terræ.

In æternum servabo illi misericordiam meam, \* et testamentum meum fidele ipsi.

Et ponam in sæculum sæculi semen ejus, \* et thronum ejus sicut dies cæli.

Si autem dereliquerint filii ejus legem meam, \* et in judiciis meis non ambulaverint :

Si justitias meas profanaverint, \* et mandata mea non custodierint :

Visitabo in virga iniquitates eorum, \* et in verberibus peccata eorum.

Misericordiam autem meam non di-

spergam ab eo : \* neque nocebo in veritate mea.

Neque profanabo testamentum meum : \* et quæ procedunt de labiis meis, non faciam irrita.

Semel juravi in sancto meo, si David mentiar : \* semen ejus in æternum manebit.

Et thronus ejus sicut sol in conspectu meo, \* et sicut luna perfecta in æternum, et testis in cælo fidelis.

Tu vero repulisti et despexisti : \* distulisti Christum tuum.

Avertisti testamentum servi tui : \* profanasti in terra Sanctuarium ejus.

Destruxisti omnes sepes ejus : \* posuisti firmamentum ejus formidinem.

Diripuerunt eum omnes transeuntes viam : \* factus est opprobrium vicinis suis.

Exaltasti dexteram deprimentium eum : \* lætificasti omnes inimicos ejus.

Avertisti adjutorium gladii ejus : \* et non es auxiliatus ei in bello.

Destruxisti eum ab emundatione : \* et sedem ejus in terram collisisti.

Minorasti dies temporis ejus : \* perfudisti eum confusione.

Usquequo, Domine, avertis in finem, \* exardescat sicut ignis ira tua?

Memorare quæ mea substantia : \* numquid enim vane constituisti omnes filios hominum?

Quis est homo qui vivet, et non videbit mortem : \* eruet animam suam de manu inferi?

Ubi sunt misericordiæ tuæ antiquæ, Domine, \* sicut jurasti David in veritate tua?

Memor esto, Domine, opprobrii servorum tuorum, \* ( quod continui in sinu meo ) multarum gentium :

Quod exprobraverunt inimici tui, Domine : \* quod exprobraverunt commutationem Christi tui.

Benedictus Dominus in æternum : \* fiat, fiat.

Ant. Ipse invocabit me, alleluia : Pater meus es tu, alleluia.

Ant. Lætentur cæli, et exultet



terra ante faciem Domini, quoniam venit.

### Psalmus 95.

**CANTATE** Domino canticum novum: \* cantate Domino, omnis terra.

Cantate Domino, et benedicite nomini ejus: \* annuntiate de die in diem salutare ejus.

Annuntiate inter Gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis: \* terribilis est super omnes deos.

Quoniam omnes dii Gentium demonia: \* Dominus autem cœlos fecit.

Confessio et pulchritudo in conspectu ejus: \* sanctimonia et magnificentia in sanctificatione ejus.

Afferte Domino, patriæ gentium, afferte Domino gloriam et honorem: \* afferte Domino gloriam nomini ejus.

Tollite hostias, et introite in atria ejus: \* adorate Dominum in atrio sancto ejus.

Commoveatur a facie ejus universa terra: \* dicite in Gentibus, quia Dominus regnavit.

Etenim correxit orbem terræ, qui non commovebitur: \* judicabit populos in æquitate.

Latentur cœli, et exultet terra, commoveatur mare, et plenitudo ejus: \* gaudebunt campi, et omnia quæ in eis sunt.

Tunc exultabunt omnia ligna silvarum a facie Domini, quia venit: \* quoniam venit judicare terram.

Judicabit orbem terræ in æquitate, \* et populos in veritate sua.

*Ant.* Latentur cœli, et exultet terra ante faciem Domini, quoniam venit.

*Ant.* Notum fecit Dominus, alleluia, salutare suum, alleluia.

### Psalmus 97.

**CANTATE** Domino canticum novum: \* quia mirabilia fecit.

Salvabit sibi dextera ejus, \* et brachium sanctum ejus.

Notum fecit Dominus salutare suum: \* in conspectu Gentium revelavit justitiam suam.

Recordatus est misericordiæ suæ, \* et veritatis suæ domui Israel.

Viderunt omnes termini terræ salutare Dei nostri.

Jubilare Deo, omnis terra, \* cantate, et exultate, et psallite.

Psallite Domino in cithara, in cithara et voce psalmi: \* in tubis ductilibus, et voce tubæ cornæ.

Jubilare in conspectu Regis Domini: \* moveatur mare et plenitudo ejus: orbis terrarum, et qui habitant in eo.

Flumina plaudent manu, simul montes exultabunt a conspectu Domini, \* quoniam venit judicare terram.

Judicabit orbem terrarum in justitia, \* et populos in æquitate.

*Ant.* Notum fecit Dominus, alleluia, salutare suum, alleluia.

*Ps.* Ipse invocabit me, alleluia.

*q.* Pater meus es tu, alleluia.

Lectio sancti Evangelii secundum Lucam.

*Lectio vii. Cap. 2.*

**I**n illo tempore: Exiit edictum a Cæsare Augusto, ut describeretur universus orbis. Et reliqua.

Homilia sancti Gregorii Papæ.

*Homilia 8. in Evangelio.*

**Q**uia, largiente Domino, Missarum solemnia ter hodie celebraturi sumus, loqui diu de Evangelica lectione non possumus: sed nos aliquid vel breviter dicere, Redemptoris nostri nativitas ipsa compellit. Quid est enim quod nascituro Domino mundus describitur, nisi hoc quod aperte monstratur, quia ille apparebat in carne, qui electos suos adscriberet in æternitate? Quo contra de reprobis per Prophetam dicitur: Deleantur de libro viventium, et cum justis non scribantur. Qui bene etiam in Bethlehem nascitur. Bethlehem quippe do-

mus panis interpretatur. Ipse namque est qui ait : Ego sum panis vivus qui de cælo descendi. Locus ergo, in quo Dominus nascitur, domus panis antea vocatus est : quia futurum profecto erat, ut ille ibi per materiam carnis appareret, qui electorum mentes interua satietate reficeret. Qui non in parentum domo, sed in via nascitur : ut profecto ostenderet, quia per humanitatem suam, quam assumpserat, quasi in alieno nascebatur.

â. Beata viscera Mariæ virginis, quæ portaverunt æterni Patris Filium: et beata ubera, quæ lactaverunt Christum Dominum : \* Qui hodie pro salute mundi de Virgine nasci dignatus est. y. Dies sanctificatus illuxit nobis: venite, Gentes, et adorete Dominum. —Qui.

*Bened.* Per Evangelica dicta deleantur nostra delicta. â. Amen.

Lectio sancti Evangelii secundum Lucam.

*Lectio viij. Cap. 2.*

**I**N illo tempore : Pastores loquebantur ad invicem : Transeamus usque Bethlehem, et videamus hoc verbum quod factum est, quod Dominus ostendit nobis. Et reliqua.

Homilia S. Ambrosii Episcopi.

*Lib. 2. in cap. 2. Lucæ, circa med.*

**V**IDETE Ecclesiæ surgentis exordium. Christus nascitur, et pastores vigilare cœperunt : qui Gentium greges, pecudum modo ante viventes, in caulam Domini congregarent, ne quos spiritualium bestiarum, per offusas noctium tenebras paterentur incursus. Et bene pastores vigilant, quos bonus pastor informat. Grex igitur populus, nox sæculum, pastores sunt sacerdotes. Aut fortasse etiam ille sit pastor, cui dicitur : Esto vigilans, et confirma. Quia non solum Episcopos ad tuendum gregem Dominus ordinavit, sed etiam Angelos destinavit.

â. Verbum caro factum est, et habitavit in nobis : \* Et vidimus glo-

riam ejus, gloriam quasi Unigeniti a Patre, plenum gratiæ et veritatis. y. Omnia per ipsum facta sunt, et sine ipso factum est nihil. Et. Gloria. Et.

*Bened.* Verba sancti Evangelii doceat nos Christus Filius Dei. â. Amen.

Lectio sancti Evangelii secundum Joannem.

*Lectio ix. Cap. I.*

**I**N principio erat Verbum, et Verbum erat apud Deum, et Deus erat Verbum. Et reliqua.

Homilia S. Augustini Episcopi.

*Tract. I. in Joann. circa med.*

**N**E vile aliquid putares, quale consuevisti cogitare, cum verba humana soleres audire, audi quid cogites. Deus erat Verbum. Exeat nunc nescio quis infidelis Arianus, et dicat, quia Verbum Dei factum est. Quomodo potest fieri ut Verbum Dei factum sit, quando Deus per Verbum fecit omnia? Si et Verbum Dei ipsum factum est, per quod aliud verbum factum est? Si hoc dicis, quia hoc est verbum Verbi, per quod factum est illud : ipsum dico ego unicum Filium Dei. Si autem non dicis verbum Verbi, concede non factum, per quod facta sunt omnia. Non enim per seipsum fieri potuit, per quod facta sunt omnia. Crede ergo Evangelistæ.

Deinde dicitur Hymn. Te Deum. p. 12., quo finito dicitur y. Dominus vobiscum. â. Et cum spiritu tuo. Oratio Concede, ut infra ad Laud. Et dicto Benedicamus Domino, celebratur prima Missa post mediam noctem, ut in Ordinario : qua finita, dicuntur Laud.

**Ad Laudes**

et per Horas, Antiphonæ.

1. **QUEM** vidistis, pastores, dicite, annuntiate nobis, in terris quis apparuit? Natum vidimus, et choros Angelorum collaudantes Dominum, alleluia, alleluia.

2. Genuit puerpera Regem, cui nomen æternum, et gaudia matris habens cum virginitatis honore nec pri-

nam similem visa est, nec habere sequentem, alleluia.

3. Angelus ad pastores ait: Annuntio vobis gaudium magnum: quia natus est vobis hodie Salvator mundi, alleluia.

4. Facta est cum Angelo multitudo cœlestis exercitus laudantium Deum, et dicentium: Gloria in excelsis Deo, et in terra pax hominibus bonæ voluntatis, alleluia.

5. Parvulus Filius hodie natus est nobis, et vocabitur Deus, Fortis, alleluia, alleluia.

*Capitulum.*

Heb. I.

**M**ULTIFARIAM, multisque modis olim Deus loquens patribus in Prophetis: novissime diebus istis locutus est nobis in Filio, quem constituit hæredem universorum, per quem fecit et sæcula.

#### HYMNUS.

**A**SOLIS ortus cardine  
Ad usque terræ limitem,  
Christum canamus Principem  
Natum Maria virgine.

Beatus auctor sæculi  
Servile corpus induit:  
Ut carne carnem liberans,  
Ne perderet quos condidit.

Castæ Parentis viscera  
Cœlestis intrat gratia:  
Venter Puellæ bajulat  
Secreta, quæ non noverat.

Domus pudici pectoris  
Templum repente fit Dei:  
Intacta nesciens virum,  
Concepit alvo Filium.

Enititur puerpera,  
Quem Gabriel prædixerat,  
Quem ventre Matris gestiens  
Baptista clausum senserat.

Fœno jacere pertulit:  
Præsepe non abhorruit:  
Et lacte modico pastus est  
Per quem nec ales esurit.

Gaudet chorus cœlestium,  
Et Angeli canunt Deo:  
Palamque fit Pastoribus  
Pastor, Creator omnium.

Jesu, tibi sit gloria,  
Qui natus es de Virgine,  
Cum Patre et almo Spiritu,  
In sempiterna sæcula. Amen.

†. Notum fecit Dominus, alleluia.

¶. Salutare suum, alleluia.

*Ad Bened. Ant.* Gloria in excelsis Deo, et in terra pax hominibus bonæ voluntatis, alleluia, alleluia.

*Oratio.*

**C**ONCEDE, quæsumus, omnipotens Deus, ut nos Unigeniti tui nova per carnem nativitas liberet, quos sub peccati iugo vetusta servitus tenet. Per eundem.

*Summo mane dicitur Prima, qua finita, celebratur 2. Missa in auro-  
ra, et in ea fit comm. de S. Anastasia Mart.*

*Ad Primam in 2. br. †. Qui natus es de Maria Virgine. Et sic dicitur quotidie usque ad Epiph.*

*Tertia dicitur hora sua, qua finita celebratur tertia Missa de die Nativ.*

#### *Ad Tertiam.*

*Capit. Multifariam.*

¶. br. Verbum caro factum est. \* Alleluia, alleluia. Verbum. †. Et habitavit in nobis. Alleluia, allel. Gloria. Verbum. †. Ipse invocabit me, alleluia. ¶. Pater meus es tu, allel.

#### *Ad Sextam.*

*Capitulum.*

Hebr. I.

**E**T: Tu in principio, Domine, terram fundasti, et opera manuum tuarum sunt cœli.

¶. br. Notum fecit Dominus, \* Alleluia, alleluia. Notum. †. Salutare suum. Alleluia, alleluia. Gloria. Notum. †. Viderunt omnes fines terræ, alleluia. ¶. Salutare Dei nostri, allel.

#### *Ad Nonam.*

*Capitulum.*

Hebr. I.

**I**PSI peribunt, tu autem permanebis, et omnes sicut vestimentum veterascent, et velut amictum mutabis eos, et mutabuntur: tu autem i-



dem ipse es , et anni tui non deficiant.

â. br. Viderunt omnes fines terræ,  
\* Alleluia , alleluia. Viderunt. ŷ. Salutare Dei nostri. Alleluia , alleluia. Gloria. Viderunt. ŷ. Verbum caro factum est , allel. â. Et habitavit in nobis , allel.

### In II. Vesperts.

Ant. 1. **TECUM** principium in die virtutis tuæ, in splendoribus sanctorum : ex utero ante luciferum genui te.

*Psalmi de Dom. loco quarti. De profundis , p. 92. et ult. Memento Domine David , p. 92.*

2. Redemptionem misit Dominus populo suo , mandavit in æternum testamentum suum.

3. Exortum est in tenebris lumen rectis corde : misericors, et miserator , et justus Dominus.

4. Apud Dominum misericordia , et copiosa apud eum redemptio.

5. De fructu ventris tui ponam super sedem tuam.

*Capit. Multifariam , ut supra.*

*Hymn. Jesu Redemptor , p. 138.*

ŷ. Notum fecit Dominus , alleluia. â. Salutare suum , alleluia.

*Ad Magnif. Ant. Hodie Christus natus est : hodie Salvator apparuit : hodie in terra canunt Angeli, lætantur Archangeli : hodie exultant iusti, dicentes: Gloria in excelsis Deo, alleluia.*

### Deinde pro S. Stephano.

Ant. Stephanus autem plenus gratia et fortitudine, faciebat signa magna in populo.

ŷ. Gloria et honore coronasti eum, Domine. â. Et constituisti eum super opera manuum tuarum.

### Oratio.

**D**A nobis , quæsumus , Domine , imitari quod colimus, ut discamus et inimicos diligere : quia ejus natalitia celebramus , qui novit etiam pro persecutoribus exorare Dominum nostrum Jesum Chri-

stum Filium tuum : Qui tecum vivit et regnat.

IN FESTO S. STEPHANI,  
*Protomart. Dupl. 2. class.*

### Ad Matutinum.

*Invit. Christum natum , qui beatum hodie coronavit Stephanum , Venite , adoremus.*

*Hymnus, Ant. Psalmi et ŷŷ. de Com. unius Martyris.*

### IN I. NOCTURNO.

De Actibus Apostolorum.

*Lectio j. Cap. 6.*

**I**N diebus illis , crescente numero discipulorum, factum est murmur Græcorum adversus Hebræos , eo quod despicerentur in ministerio quotidiano viduæ eorum. Convocantes autem duodecim multitudinem discipulorum , dixerunt : Non est æquum nos derelinquere verbum Dei, et ministrare mensis. Considerate ergo , fratres , viros ex vobis boni testimonii septem , plenos Spiritu sancto et sapientia , quos constituamus super hoc opus. Nos vero orationi, et ministerio verbi instantes erimus.

â. Stephanus autem plenus gratia et fortitudine , \* Faciebat prodigia et signa magna in populo. ŷ. Surrexerunt quidam de synagoga disputantes cum Stephano , et non poterant resistere sapientiæ, et spiritui qui loquebatur. Faciebat.

*Lectio ij.*

**E**T placuit sermo coram omni multitudine. Et elegerunt Stephanum , virum plenum fide et Spiritu sancto , et Philippum , et Prochorum , et Nicanorem , et Timonem, et Parmenam , et Nicolaum advenam Antiochenum. Hos statuerunt ante conspectum Apostolorum : et orantes imposuerunt eis manus. Et verbum Domini crescebat, et multiplicabatur numerus discipulorum in Jerusalem valde : multa etiam turba sacerdotum obediebat fidei. Stephanus au-

tem plenus gratia et fortitudine, faciebat prodigia et signa magna in populo.

¶. Videbant omnes Stephanum, qui erant in concilio. \* Et intuebantur vultum ejus tamquam vultum Angeli stantis inter illos. ¶. Plenus gratia et fortitudine faciebat prodigia et signa magna in populo. Et.

*Lectio iij.*

**SURREXERUNT** autem quidam de synagoga, quæ appellatur Libertinorum, et Cyrenensium, et Alexandrinorum, et eorum qui erant a Cilicia et Asia, disputantes cum Stephano: et non poterant resistere sapientiæ, et Spiritui qui loquebatur. Tunc submiserunt viros, qui dicerent se audivisse eum dicentem verba blasphemiarum in Moysen, et in Deum. Commoverunt itaque plebem, et seniores, et Scribas; et concurrentes rapuerunt eum, et adduxerunt in concilium, et statuerunt falsos testes, qui dicerent: Homo iste non cessat loqui verba adversus locum sanctum, et legem.

¶. Intuens in cælum beatus Stephanus vidit gloriam Dei, et ait: \* Ecce video cælos apertos, et Filium hominis stantem a dextris virtutis Dei. ¶. Cum autem esset Stephanus plenus Spiritu sancto, intendens in cælum vidit gloriam Dei, et ait: Ecce. Gloria. Ecce.

## IN II. NOCTURNO.

Sermo S. Fulgentii Episcopi.

Serm. de S. Steph. circa init.

*Lectio iv.*

**HERI** celebravimus temporalem sempiterni Regis nostri natalem: hodie celebramus triumphalem militis passionem. Heri enim Rex noster trabea carnis indutus, de aula uteri virginalis egrediens, visitare dignatus est mundum; hodie miles de tabernaculo corporis exiens, triumphator migravit ad cælum. Ille, sempiternæ Deitatis maiestate servata, ser-

vile cinctorium carnis assumens, in hujus sæculi campum pugnaturus intravit: Iste, depositis corruptibilibus corporis indumentis, ad cæli palatium perenniter regnaturus ascendit. Ille descendit carne velatus, iste ascendit sanguine laureatus.

¶. Lapidabant Stephanum invocantem et dicentem: \* Domine Jesu Christe, accipe spiritum meum; et ne statuas illis hoc peccatum. ¶. Positis autem genibus clamavit voce magna, dicens. Domine.

*Lectio v.*

**ASCENDIT** iste lapidantibus Judæis, quia ille descendit lætantibus Angelis. Gloria in excelsis Deo, heri sancti Angeli exultantes cantaverunt: hodie Stephanum lætantes in suum consortium susceperunt. Heri Dominus exivit de utero Virginis: hodie miles egressus est de ergastulo carnis. Heri Christus pro nobis pannis est involutus: hodie Stephanus stola est ab eo immortalitatis indutus. Heri præsepis angustia Christum portavit infantem: hodie immensitas cæli suscepit Stephanum triumphantem. Solus Dominus descendit, ut multos elevaret: humiliavit se Rex noster, ut suos milites exaltaret.

¶. Impetum fecerunt unanimiter in eum, et ejecerunt eum extra civitatem, invocantem et dicentem: \* Domine Jesu, accipe spiritum meum. ¶. Et testes deposuerunt vestimenta sua secus pedes adolescentis, qui vocabatur Saulus: et lapidabant Stephanum invocantem et dicentem. Domine.

*Lectio vi.*

**NECESSARIUM** tamen nobis est, fratres, agnoscere quibus armis præcinctus Stephanus sævitiam Judæorum potuit superare, ut ita meruisset feliciter triumphare. Stephanus ergo, ut nominis sui coronam meruisset accipere, charitatem pro armis habebat, et per ipsam utique

vincebat. Per charitatem Dei, sœvientibus Judæis non cessit: per charitatem proximi, pro lapidantibus intercessit. Per charitatem arguebat errantes, ut corrigerentur: per charitatem pro lapidantibus orabat, ne punirentur. Charitatis virtute subnixus vicit Saulum crudeliter sœvientem: et quem habuit in terra persecutorem, in cœlo meruit habere consortem.

¶ Impii super justum jacturam fecerunt, ut eum morti traderent: \* At ille gaudens suscepit lapides, ut mereretur accipere coronam gloriæ. † Continuerunt aures suas, et impetum fecerunt unanimiter in eum. At. Gloria. At.

### IN III. NOCTURNO.

Lectio sancti Evangelii secundum Matthæum.

Lectio vii. Cap. 13.

**I**N illo tempore: Dicebat Jesus Scribis et Pharisæis: Ecce ego mitto ad vos Prophetas, et sapientes, et Scribas: et ex illis occidetis, et crucifigetis. Et reliqua.

Homilia S. Hieronymi Presbyteri.

Lib. 4. Comment. in cap. 13.

Matthæi.

**H**OC quod antea dixeramus, Implete mensuram patrum vestrorum, ad personam Domini pertinere, eo quod occidendus esset ab eis, potest et ad discipulos ejus referri, de quibus nunc dicit: Ecce ego mitto ad vos Prophetas, et Sapientes, et Scribas. Simulque observa, juxta Apostolum scribentem ad Corinthios, varia esse dona discipulorum Christi: alios Prophetas, qui ventura prædicent; alios sapientes, qui noverunt quando debeant proferre sermonem: alios Scribas in lege doctissimos, ex quibus lapidatus est Stephanus, Paulus occisus, crucifixus Petrus, flagellati in Actibus Apostolorum discipuli.

¶ Stephanus servus Dei, quem lapidabant Judæi, vidit cœlos apertos; vidit et introivit: \* Beatus homo, cui cœli patebant. † Cum igitur saxorum crepitantium turbine quateretur, inter æthereos aula cœlestis sinus divina ei claritas fulsit. Beatus.

Lectio viij.

**Q**UÆRIMUS quis iste sit Zacharias filius Barachiae: quia multos legimus Zacharias. Et ne libera nobis tribueretur erroris facultas, additum est: Quem occidistis inter templum et altare. In diversis diversa legi, et de eo singulorum opiniones ponere. Alii Zachariam filium Barachiae dicunt, qui in duodecim Prophetis undecimus est; patrisque in eo nomen consentit: sed ubi occisus sit inter templum et altare, Scriptura non loquitur: maxime cum temporibus ejus vix ruinæ templi fuerint. Alii Zachariam patrem Joannis intelligi volunt, ex quibusdam apocryphorum somniis approbantes, quod propterea occisus sit, quia Salvatoris prædica-verit adventum.

¶ Patefactæ sunt janne cœli Christi martyri beato Stephano, qui in numero martyrum inventus est primus: \* Et ideo triumphat in cœlis coronatus. † Mortem enim, quam Salvator noster dignatus est pro nobis pati, hanc ille primus reddidit Salvatori. Et. Gloria. Et.

Lectio ix.

**A**LII istum volunt esse Zachariam, qui occisus est a Joas rege Judæ inter templum et altare, sicut Regum narrat historia. Sed observandum quod ille Zacharias non sit filius Barachiae, sed filius Joiadæ sacerdotis: unde et Scriptura refert: Non fuit recordatus Joas patris ejus Joiadæ, quia sibi fecisset bona. Cum ergo et Zachariam teneamus, et occisionis consentiat locus: quærimus quare Barachiae dicatur filius, et non Joiadæ? Barachia lingua nostra Benedictus Domini dicitur, et sacerdo-



tis Joiadæ justitia Hebræo nomine demonstratur. In Evangelio quo utuntur Nazareni, pro filio Barachis, filium Joiadæ reperimus scriptum.

Te Deum laudamus, p. 12.

### **Ad Laudes**

et per Horas, Antiphonæ.

**1. LAPIDAVERUNT** Stephanum, et ipse invocabat Dominum, dicens: Ne statuas illis hoc peccatum.

**2. Lapidēs** torrentis illi dulces fuerunt: ipsum sequuntur omnes animæ justæ.

**3. Adhæsit** anima mea post te, quia caro mea lapidata est pro te, Deus meus.

**4. Stephanus** vidit cœlos apertos; vidit et introivit: beatus homo cui cœli patebant.

**5. Ecce** video cœlos apertos, et Jesum stantem a dextris virtutis Dei.

*Capitulum. Act. 6.*

**STEPHANUS** autem plenus gratia et fortitudine, faciebat prodigia et signa magna in populo.

*Hymn. Invicte Martyr, de Com.*

Ÿ. Sepelierunt Stephanum viri timorati. â. Et fecerunt planctum magnum super eum.

*Ad Bened. Ant. Stephanus* autem plenus gratia et fortitudine, faciebat signa magna in populo.

*Oratio.*

**DA** nobis, quæsumus, Domine, imitari quod colimus, ut discamus et inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum Qui tecum.

*Deinde fit comm. de Nativ.*

### **Ad Tertiam.**

*Capit. Stephanus* nitem, ut sup.

â. br. Gloria et honore. Ÿ. Posuisti, Domine.

### **Ad Sextam.**

*Capitulum. Act. 6.*

**SURREXERUNT** autem quidam de Synagoga, quæ appellatur Libertinorum, et Cyrenensium, et Alexandrinorum, et eorum qui erant a Cilicia et Asia, disputantes cum Stephano, et non poterant resistere sapientiæ, et Spiritui qui loquebatur.

â. br. Posuisti, Domine. Ÿ. Magna est gloria.

### **Ad Nonam.**

*Capitulum. Act. 7.*

**POSITIS** autem genibus, clamavit voce magna, dicens: Domine, ne statuas illis hoc peccatum. Et cum hoc dixisset, obdormivit in Domino.

â. br. Magna est gloria. Ÿ. Justus ut palma.

### **Ad Vesperas.**

*Ant. et Psalmi de Nativ., p. 148.*

*Capit. Stephanus* autem.

*Hymn. Deus tuorum, de Com.*

Ÿ. Stephanus vidit cœlos apertos.

â. Vidit et introivit: beatus homo, cui cœli patebant.

*Ad Magnif. Ant. Sepelierunt* Stephanum viri timorati, et fecerunt planctum magnum super eum.

*Deinde pro S. Joanne.*

*Ant. Iste est Joannes*, qui supra pectus Domini in cœna recubuit: beatus Apostolus, cui revelata sunt secreta cœlestia.

Ÿ. Valde honorandus est beatus Joannes. â. Qui supra pectus Domini in cœna recubuit.

*Oratio.*

**ECCLESIAM** tuam, Domine, benignus illustra: ut beati Joannis Apostoli tui et Evangelistæ illuminata doctrinis, ad dona perveniat sempiterna.

*Postea fit comm. de Nativ.*

IN FESTO S. JOANNIS,

*Apostoli et Evangel. Duplex.*

### **Ad Matutinum.**

*Invit. Hymnus, Ant. Psalmi, et ŸŸ. de Com. Apostolorum.*

## IN I. NOCTURNO.

Incipit Epistola prima beati Joannis Apostoli.

*Lectio j. Cap. 1.*

**Q**UOD fuit ab initio, quod audivimus, quod vidimus oculis nostris, quod perspeximus, et manus nostræ contrectaverunt de verbo vitæ: et vita manifestata est, et vidimus, et testamur, et annuntiamus vobis vitam æternam, quæ erat apud Patrem, et apparuit nobis: quod vidimus et audivimus, annuntiamus vobis, ut et vos societatem habeatis nobiscum, et societas nostra sit cum Patre, et cum Filio ejus Jesu Christo. Et hæc scribimus vobis, ut gaudeatis, et gaudium vestrum sit plenum. Et hæc est annuntiatio, quam audivimus ab eo, et annuntiamus vobis: Quoniam Deus lux est, et tenebræ in eo non sunt ullæ.

ñ. Valde honorandus est beatus Joannes, qui supra pectus Domini in cœna recubuit: \* Cui Christus in cruce matrem virginem virgini commendavit. ⁊. Virgo est electus a Domino, atque inter cæteros magis dilectus. Cui.

*Lectio ij.*

**S**I dixerimus quoniam societatem habemus cum eo, et in tenebris ambulamus, mentimur, et veritatem non facimus. Si autem in luce ambulamus, sicut et ipse est in luce: societatem habemus ad invicem, et sanguis Jesu Christi Filii ejus emundat nos ab omni peccato. Si dixerimus quoniam peccatum non habemus, ipsi nos seducimus, et veritas in nobis non est. Si confiteamur peccata nostra, fidelis est et justus, ut remittat nobis peccata nostra, et emundet nos ab omni iniquitate. Si dixerimus quoniam non peccavimus, mendacem facimus eum, et verbum ejus non est in nobis.

ñ. Hic est discipulus ille, qui testimonium perhibet de his, et scripsit hæc: \* Et scimus quia verum est testimonium ejus. ⁊. Fluente Evan-

gelii de ipso sacro Domini pectoris fonte potavit. Et.

*Lectio viij.*

*Cap. 2.*

**F**ILIOLI mei, hæc scribo vobis, ut non peccetis. Sed et si quis peccaverit, advocatum habemus apud Patrem Jesum Christum justum: et ipse est propitiatio pro peccatis nostris: non pro nostris autem tantum, sed etiam pro totius mundi. Et in hoc scimus, quoniam cognovimuseum, si mandata ejus observemus. Qui dicit se nosse eum, et mandata ejus non custodit, mendax est, et in hoc veritas non est. Qui autem servat verbum ejus, vere in hoc charitas Dei perfecta est.

ñ. Hic est beatissimus Evangelista et Apostolus Joannes, \* Qui privilegio amoris præcipui, cæteris altius a Domino meruit honorari. ⁊. Hic est discipulus ille, quem diligebat Jesus, qui supra pectus Domini in cœna recubuit. Qui. Gloria. Qui.

## IN II. NOCTURNO.

Ex libro S. Hieronymi Presbyteri de Scriptoribus Ecclesiasticis.

*Lectio iv.*

**J**OANNES Apostolus, quem Jesus amavit plurimum, filius Zebedæi frater Jacobi Apostoli, quem Herodes post passionem Domini decollavit, novissimus omnium scripsit Evangelium, rogatus ab Asiæ Episcopis, adversus Cerinthum, aliosque hæreticos, et maxime tunc Ebionitarum dogma consurgens, qui asserunt Christum ante Mariam non fuisse: unde et compulsus est divinam ejus nativitatem edicere.

ñ. Qui vicerit, faciam illum columnam in templo meo, dicit Dominus: \* Et scribam super eum nomen meum, et nomen civitatis novæ Jerusalem. ⁊. Viventi dabo edere de ligno vitæ, quod est in paradiso Dei mei. Et.

*Lectio v.*

**Q**UARTODECIMO igitur anno, secundam post Neronem perse-

cutionem movente Domitiano, in Patmos insulam relegatus, scripsit Apocalypsim, quam interpretatur Justinus martyr, et Irenæus. Interfecto autem Domitiano, et actis ejus ob nimiam crudelitatem a Senatu rescissis, sub Nerva principe rediit Ephesum: ibique usque ad Trajanum principem perseverans, totas Asiæ fundavit rexitque Ecclesias. Et confectus senio, sexagesimo octavo post passionem Domini anno mortuus, juxta eandem urbem sepultus est.

¶ Diligebat autem eum Jesus, quoniam specialis prærogativa castitatis, ampliori dilectione fecerat dignum: \* Quia virgo electus ab ipso, virgo in ævum permansit. ¶ In cruce denique moriturus, huic matrem suam virginem virgini commendavit. Quia.

**Ex** Commentariis ejusdem in Epistolam ad Galatas.

*Lectio vj. Lib 3. cap. 6.*

**BEATUS** Joannes Evangelista, cum Ephesi moraretur usque ad ultimam senectutem, et vix inter discipulorum manus ad Ecclesiam deferretur, nec posset in plura verba vocem contexere; nihil aliud per singulas solebat proferre collectas, nisi hoc: Filioli, diligite alterutrum. Tandem discipuli, et fratres, qui aderant, tædio affecti quod eadem semper audirent, dixerunt: Magister, quare semper hoc loqueris? Qui respondit dignam Joanne sententiam: Quia præceptum Domini est, et si solum fiat, sufficit.

¶ In medio Ecclesiæ aperuit os ejus, \* Et implevit eum Dominus spiritu sapientiæ et intellectus. ¶ Jucunditatem et exultationem thesaurizavit super eum. Et. Gloria. Et.

IN III. NOCTURNO.

**Lectio** sancti Evangelii secundum Joannem.

*Lectio vij. Cap. 21.*

**I**n illo tempore: Dixit Jesus Petro: Sequere me. Conversus Petrus vi-

dit illum discipulum, quem diligebat Jesus, sequentem. Et reliqua.

**Homilia** S. Augustini Episcopi.

*Tract. 124. in Ioan. post med.*

**D**UAS vitas sibi divinitus prædicatas et commendatas novit Ecclesia: quarum una est in fide, altera in specie: una in tempore peregrinationis, altera in æternitate mansionis: una in labore, altera in requie: una in via, altera in patria: una in opere actionis, altera in mercede contemplationis. Una declinat a malo, et facit bonum: altera nullum habet, a quo declinet, malum; et magnum habet, quo fruatur, bonum. Una cum hoste pugnat, altera sine hoste regnat.

¶ In illum diem suscipiam te servum meum, et ponam te sicut signaculum in conspectu meo: \* Quoniam ego elegi te, dicit Dominus. ¶ Esto fidelis usque ad mortem, et dabo tibi coronam vitæ. Quoniam.

*Lectio viij.*

**U**NA subvenit indigenti, altera ibi est, ubi nullum invenit indigentem. Una aliena peccata, ut sua sibi ignoscantur, ignoscit: altera nec patitur quod ignoscat, nec facit quod sibi poscat ignosci. Una flagellatur malis, ne extollatur in bonis: altera tanta plenitudine gratiæ caret omni malo, ut sine ulla tentatione superbiæ cohæreat summo bono.

¶ Iste est Joannes qui supra pectus Domini in cæna recubuit: \* Beatus Apostolus, cui revelata sunt secreta cœlestia ¶ Fluente Evangelii de ipso sacro Dominici pectoris fonte potavit. Beatus. Gloria. Beatus.

*Lectio ix.*

**ERGO** una bona est, sed adhuc misera: altera melior, et beata. Ista significata est per Apostolum Petrum, illa per Joannem. Tota hic agitur ista usque in hujus sæculi finem, et illic invenit finem: differtur illa complenda post hujus sæculi finem, sed in futuro sæculo non ha-



bet finem. Ideo dicitur huic: Sequere me. De illo autem: Sic eum volo manere, donec veniam: quid ad te? tu me sequere. Quid enim est hoc? Quantum sapio, quantum capio, quid est hoc? nisi tu me sequere per imitationem perferendi temporalia mala: ille maneat, donec sempiterna venio redditurus bona.

Te Deum laudamus, p. 12.

### *Ad Laudes*

et per Horas, Antiphonæ.

1. **VALDE** honorandus est beatus Joannes, qui supra pectus Domini in cœna recubuit.

2. **Hic** est discipulus ille, qui testimonium perhibet de his, et scimus quia verum est testimonium ejus.

3. **Hic** est discipulus meus: sic eum volo manere, donec veniam.

4. **Sunt** de hic stantibus, qui non gustabunt mortem, donec videant Filium hominis in regno suo.

5. **Ecce** puer meus electus, quem elegi, posui super eum spiritum meum.

*Capitulum.* Eccli. 13.

**QUI** timet Deum, faciet bona: et qui continens est justitiæ, apprehendet illam, et obviabit illi quasi mater honorificata.

*Hymn.* Exultet, de Com. Apost.

¶ **Hic** est discipulus ille, qui testimonium perhibet de his. ¶. Et scimus quia verum est testimonium ejus.

*Ad Bened. Ant.* Iste est Joannes, qui supra pectus Domini in cœna recubuit: beatus Apostolus, cui revelata sunt secreta cœlestia.

*Oratio.*

**ECCLESIAM** tuam, Domine, benignus illustra, ut beati Joannis Apostoli tui et Evangelistæ illuminata doctrinis, ad dona perveniat sempiterna. Per Dominum.

*Deinde fit comm. de Nativ. et S. Stephano, ut infra, p. 138.*

### *Ad Tertiam.*

*Capit.* Qui timet Deum.

¶. *br.* In omnem terram. ¶. Constitues eos.

### *Ad Sextam.*

*Capitulum.* Eccli. 13.

**CIBAVIT** illum pane vitæ et intellectus, et aqua sapientiæ salutaris potavit illum Dominus Deus noster.

¶. *br.* Constitues eos. ¶. Nimis honorati sunt.

### *Ad Nonam.*

*Capitulum.* Eccli. 13.

**IN** medio Ecclesiæ aperuit os ejus, et implevit illum Dominus spiritus sapientiæ et intellectus, et stolam gloriæ induit eum.

¶. *br.* Nimis honorati sunt. ¶. Annuntiaverunt opera.

### *Ad Vesperas.*

*Ant. et Psalmi de Nativ., p. 148.*

*Capit.* Qui timet Deum.

*Hymn.* Exultet, de Com. Apost.

¶. Valde honorandus est beatus Joannes. ¶. Qui supra pectus Domini in cœna recubuit.

*Ant. Magnif. Ant.* Exiit sermo inter fratres quod discipulus ille non moritur: et non dixit Jesus, Non moritur; sed, Sic eum volo manere, donec veniam.

*Deinde pro SS. Innocentibus.*

*Ant.* Hi sunt. ¶. Herodes iratus. *Oratio* Deus cujus, ut infra in Laud., p. 138.

*Postea fit comm. de Nativ. et S. Stephano, ut infra, p. 138.*

IN FESTO SS. INNOCENTIIUM.

*Duplex.*

### *Ad Matutinum.*

*Invit. Ant. Psalmi et ¶¶. de Com. plur. Martyrum.*

**HYMNUS.**

**AUDIT** tyrannus anxius  
Adesse regum Principem

Qui nomen Israel regat,  
Teneatque David regiam.

Exclamat amens nuntio:  
Successor instat, pellimur;  
Satelles, i, ferrum rape:  
Perfunde cunas sanguine.

Quid proficit tantum nefas?  
Quid crimen Herodem juvat?  
Unus tot inter funera  
Impune Christus tollitur.

Jesu, tibi sit gloria,  
Qui natus es de Virgine,  
Cum Patre et almo Spiritu,  
In sempiterna sæcula. Amen.

## IN I. NOCTURNO.

De Jeremia Propheta.

Lectio j. Cap. 31.

**H**ÆC dicit Dominus: Vox in excelsis audita est lamentationis, luctus, et fletus Rachel plorantis filios suos, et nolentis consolari super eis, quia non sunt. Hæc dicit Dominus: quiescat vox tua a ploratu, et oculi tui a lacrymis: quia est merces operi tuo, ait Dominus, et revertentur de terra inimici. Et est spes novissimis tuis, ait Dominus: et revertentur filii ad terminos suos.

¶ Centum quadraginta quatuor milia, qui empti sunt de terra, hi sunt qui cum mulieribus non sunt coinquinati: \* Virgines enim permanserunt, ideo regnant cum Deo, et Agnus Dei cum illis. ¶ Isti sunt qui venerunt ex magna tribulatione, et laverunt stolae suas in sanguine Agni. Virgines.

Lectio ij.

**A**UDIENS audiivi Ephraim trans-  
migrantem: Castigasti me, et eruditus sum, quasi juvenculus indomitus. Converte me, et convertar: quia tu Dominus Deus meus. Postquam enim convertisti me, egi penitentiam: et postquam ostendisti mihi, percussi femur meum. Confusus sum, et erubui: quoniam sustinui opprobrium adolescentiæ meæ. Si filius honorabilis mihi Ephraim, si puer delicatus: quia ex quo locutus sum de eo, adhuc recordabor ejus.

¶ Sub altare Dei audiivi voces occisorum dicentium: \* Quare non defendis sanguinem nostrum? Et acceperunt divinum responsum: Adhuc sustinete modicum tempus, donec impleatur numerus fratrum vestrorum. ¶ Vidi sub altare Dei animas intersectorum propter verbum Dei, et propter testimonium quod habebant, et clamabant voce magna, dicentes. Quare.

Lectio iij.

**S**TATUE tibi speculam, pone tibi amaritudines, dirige cor tuum in viam rectam, in qua ambulasti: revertere, virgo Israel, revertere ad civitates tuas istas. Usquequo deliciis dissolveris, filia vaga? quia creavit Dominus novum super terram: Femina circumdabit virum. Hæc dicit Dominus exercituum, Deus Israel: Adhuc dicent verbum istud in terra Juda, et in urbibus ejus, cum convertero captivitatem eorum: Benedicat tibi Dominus, pulchritudo justitiæ, mons sanctus.

¶ Adoraverunt viventem in sæcula sæculorum, \* Mittentes coronas suas ante thronum Domini Dei sui. ¶ Et ceciderunt in conspectu throni in facies suas, et benedixerunt viventem in sæcula sæculorum. Mittentes. Gloria. Mittentes.

## IN II. NOCTURNO.

Sermo sancti Augustini Episcopi.

Sermo 10. de Sanctis.

Lectio iv.

**H**ODIE, fratres charissimi, natalem illorum infantium colimus, quos ab Herode crudelissimo rege interfectos esse Evangelii textus eloquitur. Et ideo cum summa exultatione gaudeat terra, cœlestium militum, et tantarum parens sæcunda virtutum. Ecce profanus hostis nunquam beatis parvulis tantum prodesse potuisset obsequio, quantum profuit odio. Nam sicut sacratissimum præsentis diei festum manifestat, quantum in beatos parvulos iniquitas abundavit, tantum

in eis gratia benedictionis refudit.

*℟.* Effuderunt sanguinem sanctorum velut aquam in circuitu Jerusalem: *℣.* Et non erat qui sepeliret. *℣.* Posuerunt mortalia servorum tuorum escas volatilibus cœli, carnes sanctorum tuorum bestiis terræ. Et non.

*Lectio v.*

**B**EATA es, o Bethlehem terra Juda, quæ Herodis regis immanitatem in puerorum extinctione perperessa es: quæ sub uno tempore candidatam plebem imbellis infantis Deo offerre meruisti. Digne tamen natalem illorum colimus, quos beatus æternæ vitæ mundus edidit, quam quos maternorum viscerum partus effudit. Siquidem ante vitæ perpetuæ adepti sunt dignitatem, quam usuram præsentis acceperint.

*℟.* Isti sunt sancti qui passi sunt propter te, Domine, vindica eos, *℣.* Quia clamant ad te quotidie. *℣.* Vindica, Domine, sanguinem sanctorum tuorum, qui effusus est. Quia.

*Lectio vj.*

**A**LIORUM quidem pretiosa mors martyrum laudem in confessione promeruit: horum in consummatione complacuit. Quia incipientis vitæ primordis ipse eis occasus initium gloriæ dedit, qui præsentis terminum imposuit. Quos Herodis impietas lactentes matrum uberibus abstraxit, qui jure dicuntur Martyrum flores, quos in medio frigore infidelitatis exortos, velut primas erumpentes Ecclesiæ gemmas, quædam persecutionis pruina decoxit.

*℟.* Isti sunt qui non inquinaverunt vestimenta sua: *℣.* Ambulabunt mecum in albis, quia digni sunt. *℣.* Hi sunt qui cum mulieribus non sunt coinquinati: virgines enim sunt. Ambulabunt. Gloria. Ambulabunt.

IN III. NOCTURNO.

*Loco ij Ant. de Com. dicitur seq.*

*Ant.* Isti sunt, qui venerunt ex magna tribulatione, et laverunt stolas suas in sanguine Agni.

Lectio sancti Evangelii secundum Matthæum.

*Lectio vij. Cap. 2.*

**I**N illo tempore: Angelus Domini apparuit in somnis Joseph, dicens: surge, et accipe puerum et matrem ejus, et fuge in Ægyptum: et esto ibi usque dum dicam tibi. Et reliqua.

Homilia S. Hieronymi Presbyteri.

*Lib. I. Comm. in cap. 2. Matth.*

**Q**UANDO tulit puerum, et matrem ejus, ut in Ægyptum transeat, nocte tulit, et in tenebris: quia noctem ignorantis his, a quibus ipse recessit, reliquit incredulis. Quando vero revertitur in Judæam, nec nox, nec tenebræ ponuntur in Evangelio: quia in fine mundi Judæi fidem, tanquam Christum ab Ægypto revertentem suscipientes, illuminabuntur.

*℟.* Cantabant Sancti canticum novum ante sedem Dei et Agni: *℣.* Et resonabat terra in voces eorum. *℣.* Hi empti sunt ex hominibus primitiæ Deo et Agno, et in ore ipsorum non est inventum mendacium. Et.

*Lectio viij.*

**U**T adimpleretur quod dictum est a Domino per Prophetam, dicentem: Ex Ægypto vocavi filium meum. Respondeant, qui Hebræorum voluminum denegant veritatem, ubi hoc in Septuaginta legatur interpretibus. Quod cum non invenerint, nos eis dicemus, in Osee Propheta scriptum, sicut et exemplaria probare possunt, quæ nuper edidimus.

*℟.* Vidi sub altare Dei animas interfectorum propter verbum Dei quod habebant, et clara voce dicebant: *℣.* Vindica, Domine, Sanguinem sanctorum tuorum, qui effusus est. *℣.* Sub throno Dei omnes Sancti clamant. Vindica.

*Si hoc Festum venerit in Dom. additur Gloria. Vindica. Et post Lect. ix dicitur Te Deum. Aliis diebus, ut infra.*



## Lectio ix.

## HYMNUS.

**T**UNC adimpletum est, quod dictum est per Jeremiam Prophetam, dicentem: Vox in Rama audita est, ploratus et ululatus multus, Rachel plorans filios suos. De Rachel natus est Benjamin, in cujus tribu non est Bethlehem. Quæritur ergo quomodo Rachel filios Judæ, id est Bethlehem, quasi suos ploret. Respondimus breviter quia sepulta sit juxta Bethlehem in Ephrata: et ex materno corpusculi hospitio matris nomen acceperit. Sive quoniam Juda et Benjamin duæ tribus junctæ erant: et Herodes præceperat non solum in Bethlehem interfici pueros, sed et in omnibus finibus ejus.

¶ Isti qui amicti sunt stolis albis, qui sunt, et unde venerunt? Et dixit mihi: \* Hi sunt, qui venerunt de tribulatione magna, et laverunt stolas suas, et dealbaverunt eas in sanguine Agni. ¶ Vidi sub altare Dei animas interfectorum propter verbum Dei, et propter testimonium quod habebant. Hi sunt. Gloria. Hi sunt.

**Ad Laudes**

et per Horas, Antiphonæ.

1. **HERODES** iratus occidit multos pueros in Bethlehem Judæ civitate David.

2. **A** bimatu et infra occidit multos pueros Herodes propter Dominum.

3. **Angeli** eorum semper vident faciem Patris.

4. **Vox** in Rama audita est, ploratus et ululatus, Rachel plorans filios suos.

5. **Sub throno** Dei omnes sancti clamant: Vindica sanguinem nostrum, Deus noster.

Capitulum. Apoc. 14.

**V**IDI supra montem Sion Agnum stantem, et cum eo centum quadraginta quatuor millia, habentes nomen ejus, et nomen Patris ejus scriptum in frontibus suis.

**S**ALVETE, flores Martyrum,  
Quos lucis ipso in limine  
Christi insecutor sustulit,  
Ceu turbo nascentes rosas.

Vos prima Christi victima,  
Grex immolatorum tener,  
Aram sub ipsam simplices  
Palma et coronis luditis.

Jesu, tibi sit gloria,  
Qui ratus es de Virgine,  
Cum Patre et almo Spiritu,  
In sempiterna sæcula. Amen.

¶ Herodes iratus occidit multos pueros. ¶ In Bethlehem Judæ, civitate David.

*Ad Bened. Ant.* Hi sunt, qui cum mulieribus non sunt coinquinati: virgines enim sunt, et sequuntur Agnum quocumque ierit.

*Oratio.*

**D**EUS, cujus hodierna die præconium innocentes martyres non loquendo, sed moriendo confessi sunt omnia in nobis vitiorum mala mortifica, ut fidem tuam, quam lingua nostra loquitur, etiam moribus vita fateatur. Per Dominum.

*Et fit comm. de Nativ., S. Stephano, et S. Joanne ut infra.*

**Ad Tertiam.**

*Capit. Vidi supra montem.*

¶ *br. Lætamini. ¶ Exultent just.*

**Ad Sextam.**

*Capitulum. Apoc. 14.*

**H**I sunt qui cum mulieribus non sunt coinquinati: virgines enim sunt. Hi sequuntur Agnum quocumque ierit.

¶ *br. Exultent just. ¶ Justi autem.*

**Ad Nonam.**

*Capitulum. Apoc. 14.*

**H**I empti sunt ex hominibus primitiæ Deo et Agno, et in ore ipsorum non est inventum menda-

cium : sine macula enim sunt ante thronum Dei.

¶ *br.* **Iusti autem. ¶. Exultabunt sancti.**

### *Ad Vesperas.*

*Ant. et Psalmi de Nativ., p. 148. Capit. et Hymnus, ut in Laud.*

¶. Sub throno Dei omnes sancti clamant. ¶. Vindica sanguinem nostrum, Deus noster.

*Ad Magnif. Ant.* Innocentes pro Christo infantes occisi sunt, ab iniquo rege lactentes interfecti sunt : ipsum sequuntur Agnum sine macula, et dicunt semper : Gloria tibi, Domine.

*Et fit commem. S. Thomæ, nisi fuerit Sabbatum. Ant.* Iste sanctus. ¶. Gloria et honore. *Oratio* Deus pro cujus, p. 159. *Postea*

#### *De Nativitate.*

*Ad Vesp. Ant.* Hodie Christus natus est : hodie Salvator apparuit, hodie in terra canunt Angeli, lætantur Archangeli : hodie exultant iusti, dicentes : Gloria in excelsis Deo, alleluia.

¶. Notum fecit Dominus, alleluia. ¶. Salutare suum, alleluia.

*Ad Laud. Ant.* Gloria in excelsis Deo, et in terra pax hominibus bonæ voluntatis, alleluia, allel.

¶. Notum fecit Dominus, alleluia. ¶. Salutare suum, alleluia.

#### *Oratio.*

**CONCEDE**, quæsumus, omnipotens Deus, ut nos Unigeniti tui nova per carnem nativitas liberet, quos sub peccati iugo vetusta servitus tenet.

#### *De Sancto Stephano.*

*Ad Vesp. Ant.* Sepelierunt Stephanum viri timorati, et fecerunt planctum magnum super eum.

¶. Stephanus vidit cælos apertos. ¶. Vidit et introivit : beatus homo, cui cæli patebant.

*Ad Laud. Ant.* Stephanus autem

plenus gratia et fortitudine, faciebat signa magna in populo.

¶. Sepelierunt Stephanum viri timorati. ¶. Et fecerunt planctum magnum super eum.

#### *Oratio.*

**D**A nobis, quæsumus, Domine, imitari quod colimus, ut discamus et inimicos diligere, quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum.

#### *De Sancto Joanne.*

*Ad Vesp. Ant.* Exiit sermo inter fratres quod discipulus ille non moritur : et non dixit Jesus, non moritur : sed, Sic eum volo manere, donec veniam.

¶. Valde honorandus est beatus Joannes. ¶. Qui supra pectus Domini in cæna recubuit.

*Ad Laud. Ant.* Iste est Joannes, qui supra pectus Domini in cæna recubuit : beatus Apostolus, cui revelata sunt secreta cœlestia.

¶. Hic est discipulus ille, qui testimonium perhibet de his. ¶. Et scimus quia verum est testimonium ejus.

#### *Oratio.*

**ECCLESIAM** tuam, Domine, benignus illustra : ut beati Joannis Apostoli tui et Evangelistæ illuminata doctrinis, ad dona perveniat sempiterna. Per Dominum.

#### *Infra Oct. SS. Innocentium.*

*Ad Vesp. Ant.* Innocentes pro Christo infantes occisi sunt, ab iniquo rege lactentes interfecti sunt : ipsum sequuntur Agnum sine macula, et dicunt semper : Gloria tibi, Domine.

¶. Sub throno Dei omnes sancti clamant. ¶. Vindica sanguinem nostrum, Deus noster.

*Ad Laud. Ant.* Hi sunt qui cum mulieribus non sunt coinquinati : virgines enim sunt, et sequuntur Agnum quocumque ierit.

¶. Herodes iratus occidit multos pueros. ¶. In Bethlehem Judæ, civitate David.

*Oratio.*

**D**EUS, cujus hodierna die præconium innocentes martyres non loquendo, sed moriendo confessi sunt, omnia in nobis vitiorum mala mortifica, ut fidem tuam, quam lingua nostra loquitur, etiam moribus vita fateatur. Per.

*Si Festum Nativ. Domini, S. Stephani, S. Joannis Evang., SS. Innocentium, et eorum dies Octavæ venerint in Dom., ipso die nihil fit de Dom., sed die proximo post Festum S. Thomæ, fit de ea, ut infra.*

*Si Festum S. Thomæ venerit in Dom., transfertur in ij. Feriam; et in Sabbato post Orationem SS. Innocentium dicitur Ant. y. et Oratio Dominicæ, quæ paulo infra habetur; deinde fit comm. Octavar., et in j Vesp. Dom. fit commem. S. Thomæ, et Octavar. In ij Vesp. S. Thomæ, Ant. et Psalmi de Nativ., p. 148. quæ duplicantur: Capit. et alia de S. Silvestro, cum comm. S. Thomæ et Octavarum.*

IN FESTO S. THOMÆ,  
Episcopi et Martyris. Semiduplex.  
*Oratio.*

**D**EUS, pro cujus Ecclesia gloriosus pontifex Thomas gladiis impiorum occubuit, præsta, quæsumus, ut omnes, qui ejus implorant auxilium, petitionis suæ salutarem consequantur effectum. Per Dominum.

*Lect. I. Noct. A Mileto.*

IN II. NOCTURNO.

*Lectio iv.*

**T**HOMAS, Londini in Anglia natus, Theobaldo successit Cantuariensi Episcopo: et qui antea in administrando Cancellariæ munere præclare se gesserat, in Episcopali officio fortis et invictus fuit. Cum enim Henricus Secundus Angliæ Rex, convocatis ad se Episcopis et proceribus regni, leges ferret utilitati ac dignitati Ecclesiasticæ repugantes, adeo

constanter obstitit regiæ cupiditati, ut neque pollicitationibus, neque terroribus de sententia decedens, proxime conjiciendus in carcerem clam recesserit. Inde propinqui ejus omnis ætatis ejecti, amici, fautores omnes, iis, quibus per ætatem liceret, jurjurando adstrictis, universos Thomam adituros, si fortasse miserabili suorum calamitatis aspectu moveretur, qui a sancto proposito privatis incommodis deterreri minime potuisset. Non respexit carnem aut sanguinem, neque ullus in eo humanitatis sensus pastoralis officii constantiam labefactavit.

*Lectio v.*

**C**ONTULIT igitur se ad Alexandrum Tertium Pontificem, a quo benigne acceptus est: et inde profectus, monachis Pontiniacensis monasterii, Cisterciensis Ordinis, ab eodem commendatus. Quod ut cognovit Henricus, missis ad Conventum Fratrum Cisterciensium minacibus litteris, Thomam e Pontiniaco manasterio exturbare conatur. Quare vir sanctus, veritus ne sua causa mali aliquid Cisterciensis familia pateretur, sponte discessit, et Ludovicum Galliarum regem, ejus invitatu convenit; ubi tamdiu fuit, quoad Pontifice Maximo, et ipso rege agentibus, ab exilio summa totius regni gratulatione revocatur. Qui dum boni pastoris officium securus exequitur, ecce calumniatores ad regem deferunt, eum multa contra regnum et publicam quietem moliri, ut propterea sæpius conquereretur rex, se in suo regno cum uno sacerdote pacem habere non posse.

*Lectio vj.*

**E**X qua regis voce nefarii satellites, sperantes gratum se regi facturos, si Thomam e medio tollerent, clam convenientes Cantuariam, Episcopum in templo Vespertinis horis operam dantem aggrediuntur. Qui clericis templi aditus præcludere conantibus accurrens, ostium aperuit,



illis usus verbis ad suos : Non est Dei Ecclesia custodienda more castrorum, et ego pro Ecclesia Dei libenter mortem subibo. Tum ad milites : Vos Dei jussu cavete ne cuiusdam meorum nocentis. Deinde flexis genibus, Deo, beatæ Mariæ, sancto Dionisio, et reliquis Sanctis ejus Ecclesiæ Patronis, Ecclesiam et seipsum commendans, sacrum caput eadem constantia, qua iniquissimi regis legibus restiterat, impio ferro præcidendum obtulit, quarto Kalendas Januarii, anno Domini millesimo centesimo septuagesimo primo : cujus cerebro respersum est totius templi pavementum. Quem multis postea illustrem miraculis idem Alexander Pontifex retulit in Sanctorum numerum.

## IN III. NOCTURNO.

Lectio sancti Evangelii secundum Joannem.

Lectio vij. Cap. 10.

**I**N illo tempore : Dixit Jesus Pharisæis : Ego sum pastor bonus. Bonus pastor animam suam dat pro ovibus suis. Et reliqua.

Homilia S. Joannis Chrysostomi.

Homilia 59. in Joannem.

**M**AGNUM quiddam, dilectissimi, magnum, inquam, est Ecclesiæ prælatio, et quæ multa indiget sapientia et fortitudine, qualem Christus proposuit : ut animam pro ovibus ponamus, et nunquam illas deseramus : ut lupo generose resistamus. Hæc enim inter pastorem et mercenarium est differentia. Alter propriæ, contemptis ovibus, alter sua contempta, ovium semper saluti invigilat. Pastoris ergo exemplo demonstrato, deceptores duos meminit ; furem mactantem et rapientem oves, et mercenarium permittentem, neque defendentem commissas.

Lectio viij.

**Q**UOD superiori tempore Ezechiel his verbis insectatus est : Væ pastoribus Israel : nonne pascebant se-

metipsos ? nonne greges pascentur a pastoribus ? sed illi contrarium faciebant, quod maximæ malitiæ genus est, et plurimorum causa malorum. Idcirco, inquit, neque quod abjectum erat, reducebant : neque quod perierat, quærebant : neque confractum alligabant, neque infirmum consolidabant : quoniam se, non gregem, pascebant. Idem et Paulus aliis verbis significat : Omnes quæ sua sunt, quærunt, non quæ Jesu Christi.

Lectio ix.

**V**ERUM ab utroque se dissidere ostendit Christus : ab illis quidem, qui in aliorum perniciem veniunt cum dicat, se propterea venisse, ut vitam haberent, et abundantius haberent : ab his autem, qui oves a lupis rapi negligebant, dicendo se propter eas animam ponere, ne oves perirent. Nam cum Judæi ipsum interimere vellent, non propterea destitit a doctrina, neque credentes tradidit, sed perstitit, et pertulit mortem : ideo frequenter inquit : Ego sum pastor bonus. Quæ cum nullo niti testimonio viderentur (quod enim poneret animam suam, non multo post remonstratum est : quod autem vitam haberent, et abundantius haberent, eventurum erat in futuro sæculo) alterum ab altero confirmat.

In Laud. fit comm. de Nativ. et aliis Octavis, ut supra, p. 158.

Si Festum S. Thomæ non venerit in Dom., Offic. Dominicæ fit die immediate sequenti Festum ipsius, nisi fuerit Sabbatum : quia tunc de Dom. fit tantum comm. in die S. Silvestri ; et in Sabbato fit Offic. de Oct. Nativ., ut inferius ponitur.

## DOM. INFRA OCTAVAM NATIVITATIS.

In ij Vesp. S. Thomæ, quando non venerit in Dom., Ant. et Psalmi de Nativ., p. 148.

Capit. Fratres Quanto, de Laud. Hymn. Jesu Redemptor, p. 138.

Vers. Verbum caro. Ant. ad Ma-

*gnif. Dum medium et Oratio, ut infra in Laud.*

*Deinde fit comm. S. Thomæ. Ant. Qui vult. y. Justus. Oratio Deus pro cuius, ut supra; p. 139.*

*Postea Octavar., ut sup.; p. 138.*

*Ad Matut. omnia dicuntur sicut in die Nativitatis, præter sequentia.*

*Hac nocte ponitur Epistola B. Pauli ad Romanos, et de ea, et aliis ejus Epistolis legitur usque ad Sept.*

#### IN I. NOCTURNO.

Incipit Epistola beati Pauli Apostoli ad Romanos.

*Lectio j. Cap. I.*

**PAULUS** servus Jesu Christi, vocatus Apostolus, segregatus in Evangelium Dei, quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem, qui prædestinatus est Filius Dei in virtute secundum spiritum sanctificationis, ex resurrectione mortuorum Jesu Christi Domini nostri: per quem accepimus gratiam et Apostolatam, ad obediendum fidei in omnibus gentibus pro nomine ejus, in quibus estis et vos vocati Jesu Christi: omnibus qui sunt Romæ, dilectis Dei, vocatis sanctis. Gratia vobis et pax a Deo Patre nostro, et Domino Jesu Christo.

*q. Hodie nobis de cælo pax vera descendit: \* Hodie per totum mundum melliflui facti sunt cæli. y. Hodie illuxit nobis dies redemptionis novæ, reparationis antiquæ, felicitatis æternæ. Hodie.*

*Lectio ij.*

**PRIMUM** quidem gratias ago Deo meo per Jesum Christum pro omnibus vobis, quia fides vestra annuntiatur in universo mundo. Testis enim mihi est Deus, cui servio in spiritu meo in Evangelio Filii ejus, quod sine intermissione memoriam vestri facio semper in orationibus meis: obsecrans, si quomodo tandem aliquando prosperum iter habeam in voluntate Dei veniendi ad vos. Desidero e-

nim videre vos, ut aliquid impertiar vobis gratiæ spiritualis ad confirmandos vos: id est simul consolari in vobis per eam, quæ invicem est, fidem vestram, atque meam.

*q. Quem vidistis, pastores, dicite, annuntiate nobis, in terris quis apparuit? \* Natum vidimus, et choros Angelorum collaudantes Dominum. y. Dicite quidnam vidistis? et annuntiate Christi nativitatem. Natum.*

*Lectio iij.*

**NOLO** autem vos ignorare, fratres: quia sæpe proposui venire ad vos (et prohibitus sum usque adhuc) ut aliquem fructum habeam et in vobis, sicut et in cæteris gentibus. Græcis ac Barbaris, sapientibus, et insipientibus debitor sum: ita (quod in me) promptum est et vobis, qui Romæ estis, evangelizare. Non enim erubescō Evangelium. Virtus enim Dei est in salutem omni credenti, Judæo primum, et Græco. Justitia enim Dei in eo revelatur ex fide in fidem, sicut scriptum est: Justus autem ex fide vivit. Revelatur enim ira Dei de cælo super omnem impietatem et injustitiam hominum eorum, qui veritatem Dei in justitia detinent: quia quod notum est Dei, manifestum est in illis. Deus enim illis manifestavit.

*q. O magnum mysterium, et admirabile sacramentum, ut animalia viderent Dominum natum, jacentem in præsepio! \* Beata Virgo, cujus viscera meruerunt portare Dominum Christum. y. Ave, Maria, gratia plena: Dominus tecum. Beata. Gloria. Beata.*

#### IN II. NOCTURNO.

Sermo sancti Leonis Papæ.

Sermo 9. de Nativitate Domini.

*Lectio iv.*

**EXCEDIT** quidem, dilectissimi, multumque supereminet humani eloquii facultatem divini operis magnitudo: et inde oritur difficultas sandi, unde adest ratio non tacendi. Quia in Christo Jesu Filio Dei non solum

ad divinam essentiam, sed etiam ad humanam spectat naturam, quod dictum est per Prophetam: Generationem ejus quis enarrabit? Utramque enim substantiam in unam convenisse personam, nisi fides credat, sermo non explicat. Et ideo nunquam materia deficit laudis, quia nunquam sufficit copia laudatoris.

*¶* Beata Dei genitrix Maria, cujus viscera intacta permanent: \* Hodie genuit Salvatorem sæculi. *¶* Beata quæ credidit, quoniam perfecta sunt omnia quæ dicta sunt ei a Domino. *Hodie.*

*Lectio v.*

**G**AUDEAMUS igitur, quod ad eloquendum tantæ misericordiæ sacramentum impares sumus: et cum salutis nostræ altitudinem promere non valeamus, sentiamus nobis bonum esse, quod vincimur. Nemo enim ad cognitionem veritatis magis propinquat, quam qui intelligit, in rebus divinis, etiam si multum proficiat, semper sibi superesse quod quærat. Nam qui se ad id, in quod tendit, pervenisse præsumit, non quæsitâ reperit, sed in inquisitione deficit.

*¶* Sancta et immaculata virginitas, quibus te laudibus efferam nescio: \* Quia quem cœli capere non poterant, tuo gremio contulisti. *¶* Benedicta tu in mulieribus, et benedictus fructus ventris tui. *Quia.*

*Lectio vj.*

**N**E autem infirmitatis nostræ perturbemur angustiis, Evangelicæ nos et Propheticæ adjuvant voces: quibus ita accendimur et docemur, ut nos Nativitatem Domini, qua Verbum caro factum est, non tam præteritam recolere, quam præsentem videamur inspicere. Quod enim pastoribus pro gregum suorum custodiâ vigilantibus nuntiavit Angelus, etiam nostrum implevit auditum: et ideo Dominicis ovibus præsumus, quia verba divinitus edita cordis aure servamus: tanquam et in hodierna festivitate dicatur: Evangelizo vobis gau-

dium magnum, quod erit omni populo, quia natus est vobis hodie Salvator, qui est Christus Dominus, in civitate David.

*¶* Beata viscera Mariæ virginis, quæ portaverunt æterni Patris Filium: et beata ubera, quæ lactaverunt Christum Dominum: \* Qui hodie pro salute mundi de Virgine nasci dignatus est. *¶* Dies sanctificatus illuxit nobis: venite, Gentes, et adorate Dominum. *Qui. Gloria. Qui.*

IN III. NOCTURNO.

Lectio sancti Evangelii secundum Lucam.

*Lectio vij. Cap. 2.*

**I**N illo tempore: Erat Joseph, et Maria mater Jesu, mirantes super his quæ dicebantur de illo: Et reliqua.

Homilia sancti Ambrosii Episcopi.

*Lib. 2. in cap. 2. Luc. prope fin.*

**V**IDES uberem in omnes gratiam Domini generatione diffusam, et prophetiam incredulis negatam esse non justis. Ecce et Simeon prophetat, in ruinam et resurrectionem plurimorum venisse Dominum Jesum Christum, ut justorum iniquorumque merita discernat, et pro nostrorum qualitate factorum, judex verus et justus aut supplicia decernat, aut præmia.

*¶* Verbum caro factum est, et habitavit in nobis: \* Et vidimus gloriam ejus, gloriam quasi Unigeniti a Patre, plenum gratiæ et veritatis. *¶* Omnia per ipsum facta sunt, et sine ipso factum est nihil. *Et.*

*Lectio viij.*

**E**T tuam ipsius animam pertransibit gladius. Nec littera, nec historia docet ex hac vita Mariam corporalis necis passione migrasse. Non enim anima, sed corpus materiali gladio transverberatur. Et ideo prudentiam Mariæ haud ignaram mysterii cœlestis ostendit. Vivum enim



verbum Dei, et validum, et acutius omni gladio acutissimo, penetrans usque ad divisionem animæ et spiritus, artuum quoque et medullarum, cogitationes cordis, et secreta scrutatur animorum: quia nuda et aperta sunt omnia Dei Filio, quem conscientie secreta non fallunt.

**A.** *Regem cæli, cui talia famulantur obsequia stabulo ponitur, qui continet mundum: Jacet in præsepio, et in cælis regnat. V.* Natus est nobis hodie Salvator, qui est Christus Dominus, in civitate David. **Jacet.** Gloria. **Jacet.**

*Lectio ix.*

**PROPHETAVIT** itaque Simeon, prophetaverat virgo, prophetaverat copulata conjugio: prophetare debuit etiam vidua, ne qua aut professio deesset, aut sexus. Et ideo Anna et stipendiis viduitatis, et moribus talis inducitur, ut digna plane fuisse credatur, quæ Redemptorem omnium venisse nuntiaret. Cujus merita cum alibi descripserimus, cum viduas hortaremur, hoc loco, quoniam ad alia properamus, non putamus iteranda.

**Te Deum laudamus, p. 12.**

**Ad Laudes**

*et per Horas, Antiphonæ.*

1. **QUEM** vidistis, pastores, dicite, annuntiate nobis, in terris quis apparuit? Natum vidimus, et choros Angelorum collaudantes Dominum, alleluia, alleluia.

2. **Genuit** puerpera Regem, cui nomen æternum, et gaudia matris habens cum virginitatis honore: nec primam similem visa est, nec habere sequentem, alleluia.

3. **Angelus** ad pastores ait: Annuntio vobis gaudium magnum: quia natus est vobis hodie Salvator mundi, alleluia.

4. **Facta** est cum Angelo multitudo cælestis exercitus laudantium Deum, et dicentium: Gloria in excelsis Deo, et in terra pax hominibus bonæ voluntatis alleluia.

5. **Parvulus** filius hodie natus est nobis, et vocabitur Deus, Fortis, alleluia, alleluia.

**Capitulum.** Galat. 4.

**FRATRES**, Quanto tempore hæres parvulus est, nihil differt a servo, cum sit dominus omnium: sed sub tutoribus et actoribus est usque ad præfinitum tempus a patre.

*Hymnus A solis ortus, p. 147.*

*V.* Verbum caro factum est, allel.

*â.* Et habitavit in nobis, alleluia.

*Ad Bened. Ant.* Dum medium silentium tenerent omnia, et nox in suo cursu medium iter perageret, omnipotens sermo tuus, Domine, a regalibus sedibus venit, alleluia.

*Oratio.*

**OMNIPOTENS** sempiterne Deus, dirige actus nostros in beneplacito tuo, ut in nomine dilecti Filii tui mereamur bonis operibus abundare: Qui tecum.

*Et sit comm. de Nativ., et aliis Oct. ut supra, p. 158.*

**Ad Tertium.**

*Capit. Fratres, Quanto, ut sup.*

*â. br.* Verbum caro factum est, \* Alleluia, alleluia Verbum. *V.* Et habitavit in nobis. Alleluia, allel. Gloria. Verbum. *V.* Ipse invocabit me, alleluia. *â.* Pater meus es tu, alleluia.

**Ad Sextum.**

**Capitulum.** Galat. 4.

**AT** ubi venit plenitudo temporis, misit Deus Filium suum factum ex muliere, factum sub lege, ut eos qui sub lege erant, redimeret, ut adoptionem filiorum reciperemus.

*â. br.* Notum fecit Dominus, \* Alleluia, alleluia. Notum. *V.* Salutare suum. Alleluia, alleluia. Gloria. Notum. *V.* Viderunt omnes fines terræ, alleluia. *â.* Salutare Dei nostri, alleluia.

**Ad Nonum.**

**Capitulum.** Galat. 4.

**ITAQUE** jam non est servus, sed filius. Quod si filius, et hæres per Deum.

ñ. br. Viderunt omnes fines terræ, Alleluia, alleluia. Viderunt. ÿ. Salutare Dei nostri. Alleluia, alleluia. Gloria. Viderunt. ÿ. Verbum caro factum est, alleluia. ñ. Et habitavit in nobis, alleluia.

### *Ad Vesperas.*

*Ant. et Psalmi de Nativ., p. 148. Capit. de Laud. Hymn. Jesu Redemptor, p. 138.*

ÿ. Verbum caro factum est, allel. ñ. Et habitavit in nobis, alleluia.

*Ad Magnif. Ant. Puer Jesus proficiebat ætate et sapientia coram Deo et hominibus.*

*Si dies post Festum S. Thomæ fuerit Sabbatum, Offic. fit de Oct. Nativit. hoc modo. In II. Vesp. S. Thomæ omnia dicuntur sicut in II. Vesp. Nativ., sed non duplicantur Ant. et post Orationem Nativ. fit comm. S. Thomæ, deinde S. Stephani, et aliarum Oct. ut supra, p. 138. Ad Matut. omnia dicuntur sicut in die Nativ., præter Lect. j. et ij. Noct., et ññ. quæ dicuntur ut supra in Dom., et Lect. iij. Noct. quæ dicuntur ut infra.*

*Lectio sancti Evangelii secundum Lucam.*

*Lectio vij. Cap. 2.*

**I**N illo tempore: Pastores loquebantur ad invicem: Transeamus usque Bethlehem, et videamus hoc verbum quod factum est, quod Dominus ostendit nobis. Et venerunt festinantes. Et reliqua.

*Homilia S. Ambrosii Episcopi.*

*Lib. 2. in cap. 2. Lucæ, circa med.*

**V**IDES festinare pastores. Nemo enim cum desidâ Christum requirit. Vides pastores Angelo credidisse: et tu Patri, Filio, et Spiritui sancto, Angelis, Prophetis, et Apostolis credere non vis? Vide quam signanter Scriptura singulorum libet

momenta verborum. Festinant, inquit, Verbum videre. Etenim cum caro Domini videtur, Verbum videtur, quod est Filius.

ñ. Verbum caro, p. 162.

*Lectio. viij.*

**N**ON mediocre fidei tibi hoc videatur exemplum, quod vilis sit persona pastorum. Certe quo vilior ad prudentiam, eo pretiosior ad fidem. Non gymnasia choris referta sapientum, sed plebem Dominus simplicem requisivit, quæ phalerare audita, et fucare nesciret. Simplicitas enim quæritur, non ambitio desideratur.

ñ. O Regem cæli, p. 163.

*Lectio ix.*

**N**EC contemnenda putes quasi vilia verba pastorum. A pastoribus enim Maria fidem colligit: a pastoribus populus ad Dei reverentiam congregatur. Mirati etiam sunt omnes qui audierunt, de iis quæ dicebantur a pastoribus ad ipsos. Maria autem conservabat omnia verba hæc, conferens in corde suo. Discamus sanctæ Virginis in omnibus castitatem, quæ non minus ore pudica, quam corpore, argumenta fidei conferebat in corde.

*Te Deum laudamus, p. 12.*

*Ad Laudes omnia dicuntur sicut in Nativ., p. 146. Et post Orationem fit comm. de S. Stephano, et reliq. Oct., ut supra, p. 138.*

*Ad Horas omnia dicuntur sicut in Nativitate Domini, p. 147.*

*Ad Vesp., Ant. et Psalmi de Nativitate, p. 148. et Ant. duplicantur. Capit. et reliqua de S. Silvestro.*

*Si Festum S. Silvestri venerit in Dom., agitur de Festo cum comm. Dominicæ in I. Vesp., et Laud. ante comm. omnium Octavar., et ix. Lectio erit de Homilia Dom.*

**IN FESTO S. SYLVESTRI,**

*Papæ et Confess. Duplex.*

*A Capit. omnia de Communi.*

*Oratio.*

**D**A, quæsumus, omnipotens Deus, ut B. Silvestri Confessoris tui atque Pontificis veneranda solemnitas, et devotionem nobis augeat, et salutem. Per Dominum.

*Et sit comm. de Octavis, p. 138.*

## IN I. NOCTURNO.

De Epistola ad Romanos.

*Lectio j.*

Cap. 2.

**P**ROPTER quod inexcusabilis es, o homo omnis, qui judicas. In quo enim judicas alterum, te ipsum condemnas: eadem enim agis quæ judicas. Scimus enim quoniam iudicium Dei est secundum veritatem in eos qui talia agunt. Existimas autem hoc, o homo, qui judicas eos qui talia agunt, et facis ea, quia tu effugies iudicium Dei? An divitias bonitatis ejus, et patientiæ, et longanimitatis contempnis? ignoras quoniam benignitas Dei ad poenitentiam te adducit?

*Lectio ij.*

**S**ECUNDUM autem duritiam tuam, et impœnitens cor, thesaurizas tibi iram in die iræ, et revelationis justi iudicii Dei, qui reddet unicuique secundum opera ejus: iis quidem, qui secundum patientiam boni operis, gloriam et honorem et incorruptionem quærunt, vitam æternam: iis autem, qui sunt ex contentione, et qui non acquiescunt veritati, credunt autem iniquitati, ira et indignatio.

*Lectio iij.*

**T**RIBULATIO et angustia in omnem animam hominis operantis malum, Judæi primum, et Græci: gloria autem et honor et pax omni operanti bonum, Judæo primum, et Græco: non enim est acceptio personarum apud Deum. Quicumque enim sine lege peccaverunt, sine lege peribunt: et quicumque in lege peccaverunt, per legem judicabuntur. Non enim auditores legis justi sunt apud

Deum, sed factores legis justificabuntur.

## IN II. NOCTURNO.

*Lectio iv.*

**S**ILVESTER Romanus, patre Rufino, a prima ætate operam dedit Cyrino presbytero: cujus doctrinam et mores egregie imitatus, trigessimum annum agens, presbyter sanctæ Romanæ Ecclesiæ a Marcellino Pontifice creatur. Quo in munere, cum omni laude clericis aliis antecelleret, in Melchiadis postea locum successit, Imperatore Constantino. Cui Imperatori, cum lepræ curandæ causa, sibi ex infantum sanguine, medicorum consilio, balneum parari jussisset, sancti Apostoli Petrus et Paulus in quiete apparuerunt, præcipientes ei, ut si ex lepra liberari vellet, omissa impii balnei immanitate, Silvestrum in Soracte monte latitantem accerseret: a quo salutari lavacro recreatus, in omni ditione Romani Imperii templa Christiano more ædificari imperaret, sublatisque inanum deorum simulacris, vero Deo cultum adhiberet. Constantinus igitur, cælestibus monitis obtemperans: Silvestrum diligentissime conquisitum vocat: a quo, Apostolorum imagines recognoscens, baptismo sanatur, et ad tuendam propagandamque Christi religionem inflammatur.

*Lectio v.*

**I**TAQUE auctore Silvestro multas Basilicas ædificavit, quas sacris imaginibus, donisque ac muneribus magnificentissimis exornavit: facultate etiam data Christianis, quod antea negatum erat, publice templa extruendi. Hoc Pontifice habita sunt duo Concilia; Nicænum, ubi præsidentibus ejus legatis, præsentique Constantino, et trecentis decem et octo Episcopis; sancta et Catholica Fides explicata est, Ario, ejusque sectatoribus condemnatis; quam etiam Synodum confirmavit, petentibus Concilii Patribus universis: et Romanum,



in quo interfuerunt ducenti octoginta quatuor Episcopi, ubi iterum Arius condemnatus est.

*Lectia vj.*

**M**ULTA item decreta fecit Ecclesiae Dei utilia: in his, Ut a solo Episcopo Chrisma conficeretur: Ut presbyter chrismate baptizati summum liniret verticem: Ut Diaconi dalmaticis in Ecclesia, et palla linostima ad laevam uterentur: Ut in lineo tantum velo sacrificium altaris conficeretur. Praescripsit tempus omnibus, qui Ordinibus initiati essent, exercendi singulos Ordines in Ecclesia, antequam quisque ad altiorem gradum ascenderet: Ut laicus clerico non inferret crimen: Ne clericus apud profanum iudicem causam diceret. Sabbati et Dominici diei nomine retento, reliquos hebdomadae dies Feriarum nomine distinctos, ut jam ante in Ecclesia vocari coeperant, appellari voluit: quo significaretur, quotidie clericos, abjecta caeterarum rerum cura, uni Deo prorsus vacare debere. Huic celesti prudentiae, qua Ecclesiam administrabat, insignis vitae sanctitas, et benignitas in pauperes perpetuo respondit. Quo in genere providit, ut clericis copiosis egentes conjungeret, et sacris virginibus quae ad victum necessaria essent, suppeditarentur. Vixit in Pontificatu annos viginti unum, menses decem, diem unum. Sepultus est in coemeterio Pri cillae, via Salaria. Fecit Ordinationes septem mense Decembri, quibus creavit Presbyteros quadraginta duos, Diaconos viginti quinque, Episcopos per diversa loca sexaginta quinque.

*In iij. Noct. Homilia Sancti Evangelii fratres de Com. Conf. non Pontif. l. loco, cum R. de Com. Conf. Pont.*

*Reliqua omnia usque ad Vesp. sumuntur de Com. Conf. Pont. Et in fine Laud. fit comm. de Octavis, ut supra, p. 168.*

## IN CIRCUMCISIONE

### D O M I N I

*e Octava Nativitatis.*

*In I. Vespertis.*

*Ant. et Capit. de Laud. Psalmi ut in Festis B. M. V., p. 92.*

*Hymnus Jesu Redemptor, p. 138.*

*Y. Verbum caro factum est, allel.*

*A. Et habitavit in nobis, allel.*

*Ad Magnif. Ant. Propter nimiam charitatem suam; qua dilexit nos Deus, Filium suum misit in similitudinem carnis peccati, alleluia.*

*Oratio ut infra in Laudibus.*

*Et nulla fit commemoratio.*

*Ad Matut. Invit. et Hymnus ut in Nativ., p. 138.*

### IN I. NOCTURNO.

*Ant. Dominus dixit ad me: Filius meus es tu, ego hodie genui te.*

#### Psalmus 2.

**Q**UARE fremuerunt gentes, et populi meditati sunt inania?

Asiterunt reges terrae, et principes convenerunt in unum adversus Dominum, et adversus Christum ejus.

Dirumpamus vincula eorum: et projiciamus a nobis jugum ipsorum.

Qui habitat in caelis, irridebit eos: et Dominus subsannabit eos.

Tunc loquetur ad eos in ira sua: et in furore suo conturbabit eos.

Ego autem constitutus sum Rex ab eo super Sion montem sanctum ejus, praedicans praeceptum ejus.

Dominus dixit ad me: Filius meus es tu, ego hodie genui te.

Postula a me, et dabo tibi gentes hereditatem tuam, et possessionem tuam terminos terrae.

Reges eos in virga ferrea, et tamquam vas figuli confringes eos.

Et nunc, reges, intelligite: erudimini, qui judicatis terram.

Servite Domino in timore: et exultate ei cum tremore.

Apprehendite disciplinam, ne quando irascatur Dominus, et perentis de via justa.

Cum exarserit in brevi ira ejus,\*  
beati omnes qui confidunt in eo.

*Ant.* Dominus dixit ad me; Filius  
meus es tu, ego hodie genui te.

*Ant.* In sole posuit tabernaculum  
suum: et ipse tamquam sponsus pro-  
cedens de thalamo suo.

### Psalmus 18.

**C**ÆLI enarrant gloriam Dei,\* et  
opera manuum ejus annuntiat fir-  
mamentum.

Dies diei eructat verbum,\* et nox  
nocti indicat scientiam.

Non sunt loquelæ, neque sermo-  
nes,\* quorum non audiantur voces  
eorum.

In omnem terram exivit sonus eo-  
rum:\* et in fines orbis terræ verba  
eorum.

In sole posuit tabernaculum suum:\*  
et ipse tamquam sponsus procedens  
de thalamo suo.

Exultavit ut gigas ad currendam  
viam;\* a summo cælo egressio ejus.

Et occursum ejus usque ad summum  
ejus:\* nec est qui se abscondat a ca-  
lore ejus.

Lex Domini immaculata, conver-  
tens animas:\* testimonium Domini si-  
dele, sapientiam præstans parvulis.

Justitiæ Domini rectæ, lætificantes  
corda:\* præceptum Domini lucidum,  
illuminans oculos.

Timor Domini sanctus, permanens  
in sæculum sæculi:\* judicia Domini  
vera, justificata in semetipsa.

Desiderabilia super aurum et la-  
pidem pretiosum multum:\* et dul-  
ciora super mel et favum.

Etenim servus tuus custodit ea:\*  
in custodiendis illis retributio multa.

Delicta quis intelligit? Ab occultis  
meis munda me:\* et ab alienis parce  
servo tuo.

Si mei non fuerint dominati, tunc  
immaculatus ero:\* et emundabor a  
delicto maximo.

Et erunt ut complacent eloquia  
oris mei:\* et meditatio cordis mei  
in conspectu tuo semper.

Domine adjutor meus,\* et redem-  
ptor meus.

*Ant.* In sole posuit tabernaculum  
suum: et ipse tamquam sponsus pro-  
cedens de thalamo suo.

*Ant.* Elevamini, portæ æternales,  
et introibit Rex gloriæ.

### Psalmus 23.

**D**OMINI est terra, et plenitudo  
ejus:\* orbis terrarum et universi  
qui habitant in eo.

Quia ipse super maria fundavit eum:\*  
et super flumina præparavit eum.

Quis ascendet in montem Domini? aut  
quis stabit in loco sancto ejus?

Innocens manibus, et mundo cor-  
de,\* qui non accepit in vano ani-  
mam suam, nec juravit in dolo proxi-  
mo suo.

Hic accipiet benedictionem a Domi-  
no,\* et misericordiam a Deo saluta-  
ri suo.

Hæc est generatio quærentium eum,\*  
quærentium faciem Dei Jacob.

Attollite portas, principes, vestras,  
et elevamini, portæ æternales:\* et  
introibit Rex gloriæ.

Quis est iste Rex gloriæ?\* Domi-  
nus fortis et potens, Dominus potens  
in prælio.

Attollite portas, principes, vestras,  
et elevamini, portæ æternales:\* et  
introibit Rex gloriæ.

Quis est iste Rex gloriæ?\* Domi-  
nus virtutum ipse est rex gloriæ.

*Ant.* Elevamini, portæ æternales,  
et introibit Rex gloriæ.

ÿ. Tamquam sponsus. â. Domi-  
nus procedens de thalamo suo.

De Epistoli beati Pauli Apostoli  
ad Romanos.

Lectio j. Cap. 3. et 4.

**Q**UID ergo amplius Judæo est?  
aut quæ utilitas circumcisionis?  
Multum per omnem modum. Primum  
quidem, quia credita sunt illis elo-  
quia Dei. Quid enim si quidam il-  
lorum non crediderunt? Numquid in-  
credulitas illorum fidem Dei evacua-  
bit? Absit. Est autem Deus verax:

omnis autem homo mendax, sicut scriptum est : Ut justificeris in sermonibus tuis, et vincas cum iudicaris. Si autem iniquitas nostra justitiam Dei commendat, quid dicemus? Numquid iniquus est Deus, qui infert iram? ( secundum hominem dico. ) Absit. Alioquin quomodo iudicabit Deus hunc mundum?

ā. Ecce Agnus Dei, ecce qui tollit peccata mundi: ecce de quo dicebam vobis: Qui post me venit, ante me factus est: \* Cujus non sum dignus corrigiam calceamenti solvere. ŷ. Qui de terra est, de terra loquitur: qui de cœlo venit, super omnes est. Cujus.

*Lectio ij.*

**A**N Judæorum Deus tantum? Nonne et Gentium? Imo et Gentium. Quoniam quidem unus est Deus qui justificat circumcisionem ex fide, et præputium per fidem. Legem ergo destruimus per fidem? Absit: sed legem statuimus. Quid ergo dicemus invenisse Abraham patrem nostrum secundum carnem? Si enim Abraham ex operibus justificatus est, habet gloriam, sed non apud Deum. Quid enim dicit Scriptura? Credidit Abraham Deo, et reputatum est illi ad justitiam. Ei autem qui operatur, merces non imputatur secundum gratiam, sed secundum debitum. Ei vero qui non operatur, credenti autem in eum qui justificat impium, reputatur fides ejus ad justitiam secundum propositum gratiæ Dei. Sicut et David dicit beatitudinem hominis, cui Deus accepto fert justitiam sine operibus. Beati quorum remissæ sunt iniquitates, et quorum tecta sunt peccata:

ā. Dies sanctificatus illuxit nobis: venite, gentes, et adorate Dominum: \* Quia hodie descendit lux magna in terris. ŷ. Hæc dies quam fecit Dominus, exulemus et lætemur in ea. Quia.

*Lectio iij.*

**B**EATITUDO ergo hæc in circumcisione tantum manet, an

etiam in præputio? Dicimus enim quia reputata est Abraham fides ad justitiam. Quomodo ergo reputata est? In circumcisione, an in præputio? Non in circumcisione, sed in præputio. Et signum accepit circumcisionis, signaculum justitiæ fidei, quæ est in præputio: ut sit pater omnium credentium per præputium, ut reputetur et illis ad justitiam: et sit pater circumcisionis, non iis tantum qui sunt ex circumcisione, sed et iis qui sectantur vestigia fidei, quæ est in præputio patris nostri Abraham.

ā. Benedictus qui venit in nomine Domini: Deus Dominus, et illuxit nobis. \* Alleluia, alleluia. ŷ. Hæc dies quam fecit Dominus, exulemus in lætemur in ea. Alleluia. Gloria. Alleluia.

IN II. NOCTURNO.

*Ant.* Speciosus forma præ filiis hominum, diffusa est gratia in labiis tuis.

**Psalmus 44.**

**E**RUCTAVIT cor meum verbum bonum: \* dico ego opera mea Regi.

Lingua mea calamus scribæ \* velociter scribentis.

Speciosus forma præ filiis hominum, diffusa est gratia in labiis tuis: \* propterea benedixit te Deus in æternum.

Accingere gladio tuo super femur tuum, \* potentissime,

Specie tua, et pulchritudine tua \* intende, prospere procede, et regna.

Propter veritatem, et mansuetudinem, et justitiam: \* et deducet te mirabiliter dextera tua.

Sagittæ tuæ acutæ, populi sub te cadent: \* in corda inimicorum regis.

Sedes tua, Deus, in sæculum sæculi: \* virga directionis, virga regni tui.

Dilexisti justitiam, et odisti iniquitatem: \* propterea unxit, te, Deus, Deus tuus oleo lætiæ præ consortibus tuis.

Myrrha, et gutta, et casia a vesti-



mentis tuis, a domibus eburneis: \* ex quibus delectaverunt te filiae regum in honore tuo.

Astitit regina a dextris tuis in vestitu deaurato, \* circumdata varietate.

Audi, filia, et vide, et inclina aurem tuam: \* et obliviscere populum tuum, et domum patris tui.

Et concupiscet Rex decorem tuum: \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur: omnes divites plebis.

Omnis gloria ejus filiae Regis ab intus: \* in fimbriis aureis circumamicta varietatibus.

Adducentur Regi virgines post eam: \* proximæ ejus afferentur tibi.

Afferentur in lætitia et exultatione: \* adducentur in Templum Regis.

Pro patribus tuis nati sunt tibi filii: \* constitues eos principes super omnem terram.

Memores erunt nominis tui, \* in omni generatione et generationem.

Propterea populi confitebuntur tibi in æternum, et in sæculum sæculi.

*Ant.* Speciosus forma præ filiis hominum, diffusa est gratia in labiis tuis.

*Ant.* Homo natus est in ea, et ipse fundavit eam Altissimus.

### Psalmus 86.

**F**UNDAMENTA ejus in montibus sanctis: \* diligit Dominus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab et Babylonis \* scientium me.

Ecce alienigenæ, et Tyrus, et populus Æthiopum, \* hi fuerunt illic.

Numquid Sion dicet: Homo, et homo natus est in ea, \* et ipse fundavit eam Altissimus?

Dominus narrabit in scripturis populorum et principum: \* horum, qui fuerunt in ea.

Sicut latantium omnium \* habitatio est in te.

*Ant.* Homo natus est in ea, ei ipse fundavit eam Altissimus.

*Ant.* Exultabunt omnia ligna silvarum ante faciem Domini, quoniam venit.

### Psalmus 95.

**C**ANTATE Domino canticum novum: \* cantate Domino, omnis terra.

Cantate Domino, et benedicite nomini ejus: \* annuntiate de die in diem salutare ejus.

Annuntiate inter Gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis: \* terribilis est super omnes deos.

Quoniam omnes dii Gentium demonia: \* Dominus autem celos ferit.

Confessio et pulchritudo in conspectu ejus: \* sanctimonia et magnificentia in sanctificatione ejus.

Afferre Domino, patriæ gentium, afferre Domino gloriam et honorem: \* afferre Domino gloriam nomini ejus.

Tollite hostias, et introite in atria ejus: \* adorate Dominum in atrio sancto ejus.

Commoveatur a facie ejus universa terra: \* dicite in Gentibus, quia Dominus regnavit.

Etenim correxit orbem terræ, qui non commovebitur: \* judicabit populos in æquitate.

Lætentur cæli, et exultet terra, commoveatur mare, et plenitudo ejus: \* gaudebunt campi, et omnia quæ in eis sunt.

Tunc exultabunt omnia ligna silvarum a facie Domini, quia venit: \* quoniam venit judicare terram.

Judicabit orbem terræ in æquitate, \* et populos in veritate sua.

*Ant.* Exultabunt omnia ligna silvarum ante faciem Domini, quoniam venit.

*γ.* Speciosus forma præ filiis hominum. *α.* Diffusa est gratia in labiis tuis.

Sermo sancti Leonis Papæ.

Sermo 7. de Nativitate Domini.

Lectio iv.

**F**ESTIVITATIS hodiernæ, dilectissimi, verus venerator est, et plus cultor, qui nec de incarnatione Domini aliquid falsum, nec de Deitate aliquid sentit indignum. Paris enim periculi malum est; si illi aut naturæ nostræ veritas, aut paternæ gloriæ negatur æqualitas. Cum ergo ad intelligendum sacramentum nativitatis Christi, qua de matre virgine est ortus, accedimus, abigatur procul terrenarum caligo rationum, et ab illuminatæ fidei oculo mundanæ sapientiæ fumus abscedat.

¶. Congratulamini mihi, omnes qui diligitis Dominum: \* Quia cum essem parvula, placui Altissimo, et de meis visceribus genui Deum et hominem. †. Beatam me dicent omnes generationes, quia ancillam humilem respexit Deus. Quia.

Lectio v.

**D**IVINA est enim auctoritas cui credimus: divina est doctrina quam sequimur. Quoniam sive legis testificationi, sive oraculis Prophetarum, sive Evangelicæ tubæ interioriorem admoveamus auditum, verum est quod Joannes plenus Spiritu sancto intonuit: In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil. Et similiter verum est quod idem prædicator adjecit: Verbum caro factum est, et habitavit in nobis: et vidimus gloriam ejus, gloriam quasi unigeniti a Patre.

¶. Confirmatum est cor Virginis, in quo divina mysteria Angelo nuntiante concepit: tunc speciosum forma præ filiis hominum castis suscepit visceribus: \* Et benedicta in æternum Deum nobis protulit et hominem. †. Domus pudici pectoris

templum repente fit Dei: intacta nesciens virum, verbo concepit filium. Et.

Lectio vi.

**I**N utraque ergo natura idem est Dei Filius, nostra suscipiens, et propria non amittens: in homine hominem renovans, in se incommutabilis perseverans. Deitas enim quæ illi cum Patre communis est, nullum detrimentum omnipotentiae subiit, nec Dei formam servi forma violavit, quia summa et sempiterna essentia, quæ se ad humani generis inclinavit salutem, nos quidem in suam gloriam transtulit, sed quod erat, esse non destitit. Unde cum Unigenitus Dei minorem se Patre confitetur, cui se dicit æqualem, veritatem in se formæ utriusque demonstrat, ut et humanam probet imparilitas, et divinam declaret æqualitas.

¶. Benedicta et venerabilis es, Virgo Maria, quæ sine tactu pudoris inventa es mater Salvatoris: \* Jacebat in præsepio, et fulgebat in cælo. †. Domine, audiavi auditum tuum, et timui: consideravi opera tua, et expavi: in medio duorum animalium. Jacebat. Gloria. Jacebat.

IN III. NOCTURNO.

Ant. In principio, et ante sæcula Deus erat Verbum, et ipse natus est hodie Salvator mundi.

Psalmus 96.

**D**OMINUS regnavit, exaltet terra: \* lætentur insulæ multæ.

Nubes et caligo in circuitu ejus: \* justitia et judicium correctio sedis ejus.

Ignis ante ipsum præcedet, \* et inflammabit in circuitu inimicos ejus.

Illuxerunt fulgura ejus orbi terræ: \* vidit, et commota est terra.

Montes sicut cera fluxerunt a facie Domini, \* a facie Domini omnis terra.

Annuntiaverunt cæli justitiam ejus: \* et viderunt omnes populi gloriam ejus.

Confundantur omnes qui adorant sculptilia : \* et qui gloriantur in simulacris suis.

Adorate eum , omnes Angeli ejus : \* audivit , et lætata est Sion.

Et exultaverunt filie Judæ , \* propter judicia tua , Domine.

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum , odite malum , \* custodit Dominus animas sanctorum suorum , de manu peccatoris liberabit eos.

Lux orta est justo , \* et rectis corde lætitia.

Lætamini , justī , in Domino : \* et confitemini memoriæ sanctificationis ejus.

*Ant.* In principio , et ante sæcula Deus erat Verbum , et ipse natus est hodie Salvator mundi.

*Ant.* Ante luciferum genitus , et ante sæcula , Dominus Salvator noster hodie nasci dignatus est.

### Psalmus 97.

**C**ANTATE Domino canticum novum : \* quia mirabilia fecit.

Salvavit sibi dextera ejus , \* et brachium sanctum ejus.

Notum fecit Dominus salutare suum : \* in conspectu Gentium revelavit justitiam suam.

Recordatus est misericordiæ suæ , \* et veritatis suæ domui Israel.

Viderunt omnes termini terræ \* salutare Dei nostri.

Jubilare Deo , omnis terra , \* cantate , et exultate , et psallite.

Psallite Domino in cithara , in cithara et voce psalmi : \* in tubis ductilibus , et voce tubæ cornæ.

Jubilare in conspectu Regis Domini : \* moveatur mare et plenitudo ejus , orbis terrarum , et qui habitant in eo.

Flumina plaudent manu , simul montes exultabunt a conspectu Domini : \* quoniam venit judicare terram.

Judicabit orbem terrarum in justitia , \* et populos in æquitate.

*Ant.* Ante luciferum genitus , et ante sæcula , Dominus Salvator noster hodie nasci dignatus est.

*Ant.* Nato Domino Angelorum chorus canebat , dicens : Salus Deo nostro , sedenti super thronum , et Agno.

### Psalmus 98.

**D**OMINUS regnavit , irascantur populi : \* qui sedet super Cherubim , moveatur terra.

Dominus in Sion magnus : \* et excelsus super omnes populos.

Confiteantur nomini tuo magno , quoniam terribile , et sanctum est : \* et honor regis judicium diligit.

Tu parasti directiones : \* judicium et justitiam in Jacob tu fecisti.

Exaltate Dominum Deum nostrum : et adorate scabellum pedum ejus : \* quoniam sanctum est.

Moses et Aaron in sacerdotibus ejus , \* et Samuel inter eos , qui invocant nomen ejus.

Invocabant Dominum , et ipse exaudiebat eos : \* in columna nubis loquebatur ad eos.

Custodiebant testimonia ejus : et præceptum quod dedit illis.

Domine Deus noster , tu exaudiebat eos . \* Deus tu propitius fuisti eis , et ulciscens in omnes adinventiones eorum.

Exaltate Dominum Deum nostrum et adorate in monte sancto ejus : \* quoniam sanctus Dominus Deus noster.

*Ant.* Nato Domino Angelorum chorus canebat , dicens : Salus Deo nostro , sedenti super thronum , et Agno.

℟. Notum fecit Dominus , alleluia.  
℞. Salutare suum , alleluia.

Lectio sancti Evangelii secundum Lucam.

Lectio vij. Cap. 2.

**I**n illo tempore: Postquam consummati sunt dies octo , ut circumcideretur puer , vocatum est nomen ejus Jesus. Et reliqua.



Homilia S. Ambrosii Episc.

Lib. 2. in cap. 2. Lucæ, circa med.

**CIRCUMCIDITUR** itaque puer. Quis est iste puer, nisi ille de quo dictum est: Puer natus est nobis, filius datus est nobis? Factus est enim sub lege, ut eos qui sub lege essent, lucrifaceret. Ut sisterent eum Domino. Quid sit autem in Jerusalem sisti Domino dicerem, nisi in Isaïæ commentis ante dixissem. Circumcisis enim vitiis Dominico dignus judicatur obtutu: quia oculi Domini super justos. Vides omnem legis veteris seriem fuisse typum futuri: nam et circumcisio purgationem significat delictorum.

ñ. Sancta et immaculata virginitas, quibus te laudibus efferam, nescio: Quia quem cœli capere non poterant, tuo gremio contulisti. ý. Benedicta tu in mulieribus, et benedictus fructus ventris tui. Quia.

Benedictio. Divinum auxilium.

Lectio viij.

**SED** quoniam prona quadam cupiditate peccandi, humanæ carnis et mentis fragilitas inextricabilibus vitiis implicatur, eo per octavum circumcisionis diem, culpæ totius futura purgatio resurrectionis præfigurabatur ætate. Hoc est enim illud: Quia omne masculinum adaperiens vulvam, sanctum Domino vocabitur. Verbis enim legis promittebatur Virginis partus. Et vere sanctus, quia immaculatus. Denique ipsum esse, qui lege signetur, in eundem modum ab Angelo repetita verba declarant: Quod nascetur, inquit, Sanctum, vocabitur Filius Dei:

ñ. Nesciens mater virgo virum peperit sine dolore: Salvatorem sæculorum, ipsum Regem Angelorum sola virgo lactabat ubere de cælo pleno. ý. Domus pudici pectoris templum repente fit Dei: intacta nesciens virum, verbo concepit filium. Salvatorem. Gloria. Salvatorem.

Lectio ix.

**SOLUS** enim per omnia ex natis de femina sanctus Dominus Jesus, qui terrenæ contagia corruptelæ, immaculati partus novitate non senserit, et cœlesti majestate depulerit. Nam si litteram sequamur: quomodo sanctus omnis masculus, cum multos sceleratissimos fuisse non lateat? Numquid sanctus Achab? numquid sancti Pseudoprophetæ, quos ad Eliæ preces ultor cœlestis injuriæ ignis absumpsit? Sed ille sanctus, quem in figura futuri mysterii pia legis divinæ præscripta signabant: eo quod solus sanctæ Ecclesiæ virginis ad generandos populos Dei, immaculatæ fecunditatis aperiret genitale secretum.

Te Deum laudamus, p. 12.

Ad Laudes

et per Horas Antiphonæ.

1. O admirabile commercium! Creator generis humani, animatum corpus sumens de Virgine nasci dignatus est: et procedens homo sine semine, largitus est nobis suam Deitatem.

2. Quando natus es ineffabiliter ex Virgine, tunc impletæ sunt Scripturæ: sicut pluvia in vellus descendisti, ut salvum faceres genus humanum: te laudamus, Deus noster.

3. Rubum quem viderat Moyses incombustum, conservatam agnovimus tuam laudabilem virginitatem: Dei genitrix, intercede pro nobis.

4. Germinavit radix Jesse: orta est stella ex Jacob; Virgo peperit Salvatorem: te laudamus, Deus noster.

5. Ecce Maria genuit nobis Salvatorem, quem Joannes videas exclamavit, dicens: Ecce Agnus Dei, ecce qui tollit peccata mundi, alleluia.

Capitulum.

Tit. 2.

**APPARUIT** gratia Dei Salvatoris nostri omnibus hominibus, erudiens nos, ut abnegantes impietatem, et sæcularia desideria, sobrie, et juste, et pie vivamus in hoc sæculo.

Hymnus A solis ortus, p. 147.

ŷ. Verbum caro factum est, alleluia. â. Et habitavit in nobis, alleluia.

*Ad Bened. Ant.* Mirabile mysterium declaratur hodie: innovantur naturæ, Deus homo factus est: id quod fuit permansit, et quod non erat assumpsit, non commixtionem passus, neque divisionem.

*Oratio.*

**D**EUS, qui salutis æternæ, beatæ Mariæ virginitate sæcunda, humano generi præmia præstitisti: tribue; quæsumus, ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum: Qui tecum.

*Ad Tertiam.*

*Capit. Apparuit gratia.*

â. br. Verbum caro factum est, Alleluia, alleluia. Verbum. ŷ. Et habitavit in nobis. Alleluia, alleluia. Gloria. Verbum. ŷ. Ipse invocabit me. alleluia. â. Pater meus es tu, alleluia.

*Ad Sextam.*

*Capitulum. Heb. I.*

**E**T: Tu in principio, Domine, terram fundasti, et opera manuum tuarum sunt cæli.

â. br. Notum fecit Dominus, Alleluia, alleluia. Notum. ŷ. Salutare suum. Alleluia, alleluia. Gloria. Notum. ŷ. Viderunt omnes fines terræ, alleluia. â. Salutare Dei nostri, alleluia.

*Ad Nonam.*

*Capitulum. Hebr. I.*

**I**PSI peribunt: tu autem permanebis: et omnes sicut vestimentum veterascent, et velut amictum mutabis eos, et mutabuntur: tu autem idem ipse es, et anni tui non deficient.

â. br. Viderunt omnes fines terræ, Alleluia, alleluia. Viderunt. ŷ. Salutare Dei nostri. Alleluia, al-

leluia. Gloria. Viderunt. ŷ. Verbum caro factum est, alleluia. â. Et habitavit in nobis, alleluia.

*In III. Vesperis.*

*Omnia dicuntur ut in I. præter*

ŷ. Notum fecit Dominus, alleluia. â. Salutare suum, alleluia.

*Ad Magnif. Ant.* Magnum hæreditatis mysterium: templum Dei factus est uterus nescientis virum; non est pollutus ex ea carnem assumens: omnes Gentes veniant, dicentes: Gloria tibi, Domine.

*Deinde pro S. Stephano.*

*Ant.* Stephanus autem plenus gratia et fortitudine, faciebat signa magna in populo. ŷ. Stephanus vidit cælos apertos. â. Vidit et introivit: beatus homo, cui cæli patebant.

*Oratio.*

**O**MNIPOTENS sempiternæ Deus, qui primitias martyrum in beati Levitæ Stephani sanguine dedicasti, tribue, quæsumus, ut pro nobis intercessor existat, qui pro suis etiam persecutoribus exoravit Dominum nostrum Jesum Christum Filium tuum: Qui tecum.

*De aliis octavis nihil fit.*

IN OCTAVA SANCTI STEPHANI.

*Duplex.*

*Omnia dicuntur ut in die Festi, p. 148, præter Lect. et Orationem.*

IN I. NOCTURNO.

*De Actibus Apostolorum.*

*Lectio j. Cap. 7. et 8.*

**D**URA cervice, et incircumcisis cordibus et auribus, vos semper Spiritui sancto resistitis, sicut patres vestri, ita et vos. Quem Prophetarum non sunt persecuti patres vestri? Et occiderunt eos, qui prænuntiabant de adventu Justi, cujus vos nunc proditores et homicidæ fuistis: qui accepistis legem in dispositione Angelorum, et non custodistis. Audientes autem hæc, dissecabantur cordibus suis, et stridebant dentibus in eum.

**A.** Stephanus autem plenus gratia et fortitudine, \* Faciebat prodigia et signa magna in populo. **Ÿ.** Surrexerunt quidam de synagoga disputantes cum Stephano, et non poterant resistere sapientiæ, et spiritui qui loquebatur. Faciebat.

*Lectio ij.*

**CUM** autem esset plenus Spiritu sancto, intendens in cælum vidit gloriam Dei, et Jesum stantem a dextris Dei. Et ait: Ecce video cælos apertos, et Filium hominis stantem a dextris Dei. Exclamantes autem voce magna, continuerunt aures suas, et impetum fecerunt unanimiter in eum. Et ejicientes eum extra civitatem lapidabant: et testes deposuerunt vestimenta sua secus pedes adolescentis, qui vocabatur Saulus. Et lapidabant Stephanum invocantem, et dicentem: Domine Jesu, suscipe spiritum meum.

**A.** Videbant omnes Stephanum, qui erant in concilio: \* Et intuebantur vultum ejus tanquam vultum Angeli stantis inter illos. **Ÿ.** Plenus gratia et fortitudine, faciebat prodigia et signa magna in populo. Et.

*Lectio iij.*

**POSITIS** autem genibus, clamavit voce magna, dicens: Domine, ne statuas illis hoc peccatum. Et cum hoc dixisset, obdormivit in Domino. Saulus autem erat consentiens neci ejus. Facta est autem in illa die persecutio magna in Ecclesia, quæ erat Jerosolymis: et omnes dispersi sunt per regiones Judææ et Samariæ, præter Apostolos. Curaverunt autem Stephanum viri timorati, et fecerunt planctum magnum super eum.

**A.** Intuens in cælum beatus Stephanus vidit gloriam Dei, et ait: \* Ecce video cælos apertos, et Filium hominis stantem a dextris virtutis Dei. **Ÿ.** Cum autem esset Stephanus plenus Spiritu sancto, intendens in cælum vidit gloriam Dei, et ait. Ecce. Gloria. Ecce.

IN II. NOCTURNO.

Sermo S. Augustini Episcopi.

Serm. 2. de S. Stephano.

*Lectio iv.*

**POST** hesternum festivissimum diem, quo Salvatoris nostri Christi nobis nativitas illuxit, etiam hodiernus dies beati martyris Stephani corona illustratur. Martyris illius merita nulla pars orbis ignorat: passus enim est in ipso principio Ecclesiæ, id est, in ipsa urbe Jerosolyma. **Ib.** enim Diaconus ministravit: et in ipso juventutis flore decorem ætatis suæ sanguine purpuravit. Passio ejus insignis est, multumque mirabilis. Hanc modo de libro Actuum Apostolorum, cum legeretur, non solum audivimus, sed etiam oculis spectavimus.

*Lectio v.*

**CHRISTUS** ergo caput Martyrum prior passus est pro nobis, relinquens vobis exemplum, ut sequamini vestigia ejus. Cujus passionis vestigia persecutus beatissimus Stephanus, confitendo Christum lapidatus a Judæis, coronam meruit tanquam suo sibi nomine positam. Stephanus enim græce, latine corona appellatur. Jam corona nomen habebat, et ideo palmam martyrii suo nomine præferebat.

*Lectio vj.*

**QUI** cum lapidaretur, non solum non expectabat de persecutoribus reportare vindictam, sed eis potius a Deo veniam postulabat. Meminerat enim dixisse Dominum: Mihi vindicta, ego retribuam, dicit Dominus. Et iterum: Ne dixeris, Ulciscar me de inimicis meis; sed expecta Dominum, ut tibi auxilio sit. Expectare nos jubet Dominus Deus, ut in die futuræ retributionis cum sanctis Martyribus vindicemur.

IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 23.

**I**n illo tempore: Dicebat Jesus Scribis et Pharisæis: Ecce ego mit-



to ad vos Prophetas, et sapientes, et Scribas: et ex illis occidetis, et crucifigetis. Et reliqua.

Homilia S. Hieronymi Presbyteri.

Lib. 4. Comm. in cap. 23. Matth.

**JERUSALEM**, Jerusalem, quam occidis Prophetas. Jerusalem, non saxa et ædificia civitatis, sed habitatores vocat: quam plangit patris affectu, sicut et in alio loco legimus quod videns eam, fleverit. In eo autem quod dicit: Quoties volui congregare filios tuos, omnes retro Prophetas a se missos esse testatur. Gallinæ quoque similitudinem congregantis sub alas pullos suos, in cantico Deuteronomii legimus: Sicut aquila protegit nidum suum, et super pullos suos desideravit. expandens alas suas, suscepit eos, et tulit super pennas suas.

Lectio viij.

**ECCE** relinquetur vobis domus vestra deserta. Hoc ipsum ex persona Jeremiæ jam ante dixerat: Reliqui domum meam, dimisi hæreditatem meam: facta est mihi hæreditas mea quasi spelunca hyænæ. Desertam Judæorum domum, id est, templum illud, quod fulgebat augustius, oculis comprobamus, quia habitatorem Christum perdidit, et hæreditatem præripere gestiens occidit hæredem.

Lectio ix.

**DICO** enim vobis, Non me videbitis amodo, donec dicatis: Benedictus qui venit in nomine Domini. Ad Jerusalem loquitur, et ad populum Judæorum. Versiculum autem istum (quo et parvuli atque lactentes in ingressu Jerusalem Domini Salvatoris usi sunt, quando dixerunt: Benedictus qui venit in nomine Domini, hosanna in excelsis) sumpsit de centesimo decimo septimo psalmo, qui manifeste de adventu Domini scriptus est.

Te Deum laudamus, p. 12.

In Laud. fit comm. S. Joannis et

SS. Innocentium ut supra, p. 158.

In II. Vesp. Ant. de Laud., p. 151. Psalmi de Dom. loco ult. Credidi, p. 88.

Deinde fit de sancto Joanne.

Capitulum. Eccli. 13.

**QUI** timet Deum, faciet bona et qui continens est justitiæ, apprehendet illam, et obviabit illi quasi mater honorificata.

Hymn. Exultet, de Com. Apost.

γ. Valde honorandus est beatus Joannes. α. Qui supra pectus Domini in cœna recubuit.

Ad Magnif. Ant. Isto et Joannes, qui supra pectus Domini in cœna recubuit: beatus Apostolus, cui revelata sunt secreta cœlestia.

Oratio. Ecclesiam tuam, p. 151.

Pro S. Stephano.

Ant. Sepelierunt Stephanum viri timorati, et fecerunt planctum magnum super eum.

γ. Stephanus vidit cœlos apertos. α. Vidit et introivit: beatus homo, cui cœli patebant.

Oratio Omnipotens, p. 173.

Pro SS. Innocentibus, ut supra, p. 158.

IN OCTAVA SANCTI JOANNIS.

Duplex.

Omnia dicuntur ut in die Festi, p. 151, præter Lectiones.

IN I. NOCTURNO.

De libro Apocalypsis beati Joannis Apostoli.

Lectio j. Cap. 4.

**POST** hæc vidi: et ecce ostium apertum in cœlo; et vox prima quam audiui, tanquam tubæ loquentis mecum, dicens: Ascende huc, et ostendam tibi quæ oportet fieri post hæc. Et statim fui in spiritu: et ecce sedes posita erat in cœlo, et supra sedem sedens. Et qui sedebat, similis erat aspectui lapidis jaspidis et sardinis: et iris erat in circuitu sedis, similis visioni smaragdinae. Et in

circultu sedis sedilia viginti quatuor : et super thronos viginti quatuor seniores sedentes , circumamicti vestimentis albis , et in capitibus eorum coronæ auræ.

*Lectio ij.*

**ET** de throno procedebant fulgura, et voces , et tonitrua : et septem lampades ardentes ante thronum, qui sunt septem spiritus Dei. Et in conspectu sedis tanquam mare vitreum simile crystallo : et in medio sedis , et in circultu sedis, quatuor animalia plena oculis ante et retro. Et animal primum simile leoni , et secundum animal simile vitulo , et tertium animal habens faciem quasi hominis, et quartum animal simile aquilæ volanti. Et quatuor animalia , singula eorum habebant alas senas : et in circultu , et intus plena sunt oculis.

*Lectio iij.*

**ET** requiem non habebant die ac nocte , dicentia : Sanctus , Sanctus, Sanctus Dominus Deus omnipotens, qui erat, et qui est, et qui venturus est. Et cum darent illa animalia gloriam , et honorem , et benedictionem sedenti super thronum , viventi in sæcula sæculorum , procidebant viginti quatuor seniores ante sedentem in throno , et adorabant viventem in sæcula sæculorum , et mittebant coronas suas ante thronum, dicentes : Dignus es , Domine Deus noster , accipere gloriam , et honorem, et virtutem : quia tu creasti omnia , et propter voluntatem tuam erant, et creata sunt.

IN II. NOCTURNO.

Ex Tractatu sancti Augustini Episcopi in Joannem.

*Lectio iv. Tract. 36.*

**I**N quatuor Evangelis , vel potius quatuor libris unius Evangelii, sanctus Joannes Apostolus non immerito secundum intelligentiam spiritalem aquilæ comparatus , altius multoque sublimius aliis tribus erexit prædicationem suam : et in ejus erectione o-

tiam corda nostra erigi voluit. Nam cæteri tres Evangelistæ tanquam cum homine Domino in terra ambulant, et de divinitate ejus pauca dixerunt : istum autem quasi piguerit in terra ambulare , sicut ipso exordio sui sermonis intonuit , erexit se non solum super terram. et super omnem ambitum aeris et cœli , sed super omnem etiam exercitum Angelorum , omnemque constitutionem invisibilium potestatum : et pervenit ad eum per quem facta sunt omnia , dicendo : In principio erat Verbum , et Verbum erat apud Deum , et Deus erat Verbum.

*Lectio v.*

**H**UIC tantæ sublimitati principii etiam cætera congrua prædicavit, et de Domini divinitate, quomodo nullus alius est locutus : hoc ructabat , quod biberat. Non enim sine causa de illo in isto ipso Evangelio narratur , quia et in convivio super pectus Domini discumbebat. De illo ergo pectore in secreto bibeat ; sed quod in secreto bibit , in manifesto eructavit : ut perveniat ad omnes gentes non solum incarnatio Filii Dei , passio , et resurrectio , sed etiam quod erat ante incarnationem unicus Patri, Verbum Patris , cœternus generanti , æqualis ei a quo missus est.

*Lectio vj.*

**A**QUILA ipse est Joannes, sublimium prædicator , et lucis internæ atque æternæ fixis oculis contemplator. Dicuntur enim et pulli aquilarum a parentibus sic probari, patris scilicet ungue suspendi, et radiis solis opponi. Qui firme contemplatus fuerit , filius agnoscitur : si acie palpiterit , tanquam adulterius ab ungue dimittitur. Jam ergo videte , quam sublimia loqui debuit , qui est aquilæ comparatus : et tamen etiam nos humi repentes , infirmi , et vix ullius momenti inter homines , audemus tractare ista , et ista exponere : et putamus nos aut capere posse cum cogitamus , aut capi dum dicimus.

## IN III. NOCTURNO.

Lectio sancti Evangelii secundum  
Joannem.

Lectio vij. Cap. 21.

**I**N illo tempore : Dixit Jesus Petro :  
Sequere me. Conversus Petrus vi-  
dit illum discipulum, quem diligebat  
Jesus, sequentem. Et reliqua.

Homilia S. Joannis Chrysost.

Homil. 87. in Joannem, circa med.

**C**UM magna Christus Petro com-  
municasset, orbis terrarum cu-  
ram demandasset, martyrium prædi-  
xisset, et maiorem erga eum dilectio-  
nem testatus esset : cum vellet Petrus  
Joannem socium et collegam, inquit :  
Hic autem quid ? Numquid eandem  
viam aggredietur ? Et quemadmodum  
in cœna interrogare non ausus, Joan-  
nem suffecit ; ita nunc vicem reddit,  
arbitratus eum velle, sed non aude-  
re de se sciscitari. Tum Christus : Si  
eum volo manere donec veniam, quid  
ad te ?

Lectio viij.

**N**AM cum nimia id charitate dice-  
ret Petrus, nec ab eo dividi vel-  
let, ostendens Christus, quod quan-  
tavis eum dilectione prosequeretur,  
suam assequi non posset, inquit : Si  
eum volo manere, quid ad te ? His  
verbis nos erudiens, neque dolendum,  
neque curiosius præter divinam volun-  
tatem investigandum. Nam cum Petrus  
semper in huiusmodi interrogationes  
serventius prosiliret, iterum ejus fer-  
vorem retundens, quod non sit ulte-  
rius inquirendum, in hunc modum  
respondit.

Lectio ix.

**E**XIT ergo sermo iste inter fra-  
tres, quod discipulus ille non  
moritur : et non dixit ei Jesus, quia  
non moritur ; sed, Si eum volo ma-  
nere donec veniam, quid ad te ? Noli  
arbitrari, inquit, eodem modo me de  
vobis disposuisse. Hoc autem dixit,  
ut intempestivum affectum, et con-  
suetudinis desiderium tolleret. Cum

enim essent orbis terrarum curam su-  
scepturi, simul amplius esse non o-  
portebat : magnum enim fuisset mun-  
do detrimentum. Idcirco, inquit : O-  
pus suscepisti, id considera, perfice,  
labora, et te certaminibus expone.  
Quid ad te, si volo eum manere hic ?  
Tu officium tuum cura, et exequere.

Te Deum laudamus, p. 12.

In Laud. comm. SS. Innocentium,  
ut supra, p. 138.

Ad Vesp. Ant. de Laud., p. 134.  
Psalmi ut in II. Vesp. Apost.

Capit. et alia ut in die, p. 134.

Et sit comm. SS. Innocentium.  
Ant. Mi sunt. 7. Herodes, ut ad Lau-  
des, p. 138.

## IN OCTAVA SS. INNOCENTII.

Duplex.

Omnia ut in Festo, p. 134, præ-  
ter Lect. et omittitur 8. ix, cujus loco  
dicitur Te Deum.

## IN I. NOCTURNO.

De Epistola ad Romanos.

Lectio j. Cap. 5.

**J**USTIFICATI ergo ex fide, pacem  
habeamus ad Deum per Dominum  
nostrum Jesum Christum : per quem  
et habemus accessum per fidem in  
gratiam istam, in qua stamus, et  
gloriamur in spe gloriæ filiorum Dei.  
Non solum autem, sed et gloriamur  
in tribulationibus : scientes quod tri-  
bulatio patientiam operatur, patien-  
tia autem probationem, probatio vero  
spem ; spes autem non confundit : quia  
charitas Dei diffusa est in cordibus  
nostris per Spiritum sanctum, qui  
datus est nobis.

Lectio. ii.

**U**T quid enim Christus, cum ad-  
huc infirmi essemus, secundum  
tempus pro impiis mortuus est ? Vix  
enim pro justo quis moritur : nam  
pro bono forsitan quis audeat mori.  
Commendat autem charitatem suam  
Deus in nobis : quoniam cum adhuc  
peccatores essemus, secundum tem-  
pus Christus pro nobis mortuus est.



multo igitur magis nunc justificati in sanguine ipsius, salvi erimus ab ira per ipsum.

*Lectio iij.*

**S**I enim cum inimici essemus, reconciliati sumus Deo per mortem Filii ejus: multo magis reconciliati, salvi erimus in vita ipsius. Non solum autem, sed et gloriamur in Deo per Dominum nostrum Jesum Christum, per quem nunc reconciliationem accepimus. Propterea sicut per unum hominem peccatum in hunc mundum intravit, et per peccatum mors, et ita in omnes homines mors pertransiit, in quo omnes peccaverunt.

IN II. NOCTURNO.

Sermo S. Augustini Episcopi.

Sermo I. de Innocentibus.

*Lectio iv.*

**N**ASCENTE Domino luctus coepit, non cœlo, sed mundo: indicitur matribus lamentatio, Angelis exultatio, infantibus transmigratio. Deus est, qui natus est: Innocentes illi debentur victima, qui venit damnare mundi malitiam. Agnelli debent immolari, quia Agnus futurus est crucifigi, qui tollit peccata mundi. Sed oves ululant matres, quia agnos perdunt sine voce balantes. Grande martyrium, crudele spectaculum! Eximitur machæra, et nulla intervenit causa: sola stridet invidia, cum qui natus est nulli faciat violentiam. Sed oves cernimus matres, quæ super agnos lugent. Vox in Rama audita est, ploratus et ululatus magnus. Pignora sunt, non credita, sed creata: non deposita, sed exposita.

*Lectio v.*

**T**ESTIS est ipsa natura, quæ pugnabat in martyres, cum tyrannus jactaret infantes. Mater crines capitis dissipabat, quæ ornamentum capitis amittebat. Quantis modis infantem volebat abscondere, et ipse se infantulus publicabat! Nesciebat tacere, quia necdum didicerat formidare. Pugnabat mater, et carnifex: ille

trahebat, illa tenebat. Ad carnificem mater clamabat: Quid separas a me, quem genui ex me? Uterus genuit, non mansit ille, cum vixit, ubera mea frustra lacte contorquens. Cautè portavi, quem a te video manu crudeli jactari. Modo eum effuderunt viscera mea et tu elidis ad terram.

*Lectio. vj.*

**A**LIA acclamabat mater, cum exactor latro non compelleret simul occidi cum parvulo matrem: Ut quid me dimittis inanem? Si culpa est, mea est: si non est crimen, junge mortem, et libera matrem. Alia dicebat: Quid quæritis? Unum quæritis, et multos occiditis; et ad unum, qui unus est, attingere non potestis. Alia contra clamabat: Veni jam, veni, Salvator mundi; quamdiu quæreris? Nullum times: videat te miles, et nostros non occidat infantes. Miscebatur lamentatio matrum, et ad cœlum transibat oblatio parvulorum.

IN III. NOCTURNO.

Lectio sancti Evangelii secundum Matthæum.

*Lectio vij. Cap. 2.*

**I**N illo tempore: Angelus Domini apparuit in somnis Joseph, dicens: Surge, et accipe puerum, et matrem ejus, et fuge in Ægyptum: et esto ibi, usque dum dicam tibi. Et reliqua.

Homilia S. Joannis Chrysostomi.

*Ex Homil. 8. in Matth. ante med.*

**Q**UÆ cum audisset Joseph, nequaquam passus est scandalum, neque dixit. Incerta ista res est, ac prorsus ambigua. Tu paulo ante dicebas, quia salvabit populum suum, et nunc seipsum quidem non potest de periculis liberare; sed fuga nobis est necessaria, et peregrinatio, ac transmigratio longinqua. Contraria omnino sunt facta promissis. Sed horum nihil prorsus opponit: vir enim erat fidelis; neque reversionis tempus curiose inquit, quod utique

ab Angelo non signate fuerat expressum: sed, Esto ibi, inquit, usquequo dicam tibi.

*Lectio viij.*

**V**ERUM ille nec per ista quidem factus est segnior, sed obedivit libenter et credidit, omnes prorsus tribulationes cum gaudio sustinendo. Enimvero misericors Deus mæstis rebus quædam etiam jucunda permiscuit. Quod certe in sanctis omnibus facit, quos neque tribulationes, neque jucunditates sinit habere continuas: sed tum de adversis, tum ex prosperis justorum vitam quasi admirabili varietate contextit. Quod hic quoque eum fecisse considera.

*Lectio ix.*

**V**IDENDO quippe sanctus Joseph gravidam Virginem, in conturbationem incidit maximam: sed adfuit repente Angelus timorem prorsus extinguens. Deinde videns puerum natum, maxima exultatione repletus est: sed rursus huic etiam gaudio periculum grande successit, cum tota utique civitas turbaretur, ipse rex fureret, et ad necem puerum quæreret. Sed et hunc mœrorem alia rursus lætitia subsecuta est, apparitio videlicet stellæ, et adoratio Magorum. Post hanc quoque jucunditatem iterum periculum, iterumque formido. Quærit, inquit, Herodes animam pueri, et fugere necesse est, et in longinqua transire.

Te Deum laudamus, p. 12.

In II. Vesp. Ant. de Laud., p. 187. Psalmi de Dom. loco ult. Credi di, p. 88, et reliqua ut in die.

Post Orat. SS. Innocentium fit comm. de Vigil. Epiph. Ant. Puer Jesus proficiebat ætate et sapientia coram Deo et hominibus.

γ. Notum fecit Dominus, allel.

α. Salutare suum, alleluia.

*Oratio.*

**O**MNIPOTENS sempiternæ Deus, dirige actus nostros in beneplacito tuo, ut in nomine dilecti Filii

tui mereamur bonis operibus abundare.

Deinde S. Telesphori, Papæ et Mart. Ant. Iste sanctus. γ. Gloria et honore.

*Oratio.* Deus, qui nos beati, de Communi unius Martyris.

IN VIGILIA EPIPHANIE.

*Officium fit semiduplex.*

Ad Matut. Invit. Hymn. Ant. et Psalmi dicuntur ut in Oct. Nativ. p. 166. Lect. vero ut infra.

IN I. NOCTURNO.

De Epistola ad Romanos.

*Lectio j.*

*Cap. 7.*

**A**N ignoratis, fratres, (scientibus enim legem loquor) quia lex in homine dominatur quanto tempore vivit? Nam quæ sub viro est mulier, vivente viro, alligata est legi: si autem mortuus fuerit vir ejus, soluta est a lege viri. Igitur, vivente viro, vocabitur adultera, si fuerit cum alio viro: si autem mortuus fuerit vir ejus, liberata est a lege viri: ut non sit adultera, si fuerit cum alio viro.

*Lectio ij.*

**I**TAQUE, fratres mei, et vos mortificati estis legi per corpus Christi: ut sitis alterius, qui ex mortuis resurrexit, ut fructificemus Deo. Cum enim essemus in carne, passionibus peccatorum, quæ per legem erant, operabantur in membris nostris, ut fructificarent morti. Nunc autem soluti sumus a lege mortis, in qua detinebamur, ita ut serviamus in novitate spiritus, et non in vetustate litteræ.

*Lectio iij.*

**Q**UID ergo dicemus? Lex peccatum est? Absit. Sed peccatum non eognovi, nisi per legem. Nam concupiscentiam nesciebam, nisi lex diceret: Non concupisces. Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat. Ego autem vi-

vebam sine lege aliquando : sed cum venisset mandatum , peccatum revixit.

## IN II. NOCTURNO.

Sermo S. Augustini Episcopi.

Sermo 13. de Tempore.

Lectio iv.

**D**OMINUS noster Jesus Christus, fratres charissimi, qui in æternum est cunctorum creator, hodie de matre nascendo factus est nobis Salvator. Natus est nobis hodie in tempore per voluntatem, ut nos perducatur ad Patris æternitatem. Factus est Deus homo, ut homo fieret Deus: ut panem Angelorum manducaret homo, Dominus Angelorum hodie factus est homo.

Lectio v.

**H**ODIE impleta est prophetia illa, quæ dicit: Rorate, cæli, desuper, et nubes pluant justum: aperiatur terra, et germinet Salvatorem. Factus est igitur qui fecerat, ut inveniretur qui perierat. Sic enim in psalmis homo confitetur: Priusquam humiliarer, ego peccavi. Peccavit homo, et factus est reus: natus est homo Deus, ut liberaretur reus. Homo igitur cecidit, sed Deus descendit. Cecidit homo miserabiliter, descendit Deus misericorditer. Cecidit homo per superbiam, descendit Deus cum gratia.

Lectio vj.

**O**MIRACULA, o prodigia, fratres mei! Naturæ jura mutantur in homine: Deus nascitur; virgo sine viro gravidatur; viri nesciam sermo Dei maritat: simul facta est mater et virgo; mater facta, sed incorrupta; virgo habens filium, nesciens virum: semper clausa, sed non infœcunda. Solus enim sine peccato est natus, quem sine virili complexu non concupiscentia carnis, sed obedientia genuit mentis.

## IN III. NOCTURNO.

Lectio sancti Evangelii secundum Matthæum.

Lectio vij. Cap. 1.

**I**N illo tempore: Defuncto Herode, ecce Angelus Domini apparuit in somnis Joseph in Ægypto, dicens: Surge, et accipe puerum, et matrem ejus, et vade in terram Israel. Et reliqua.

Homilia S. Hieronymi Presbyteri.

Lib. 1. Comment. in cap. 2. Matth.

**E**X hoc loco intelligimus, non solum Herodem, sed et sacerdotes et Scribas eodem tempore necem Domini fuisse meditato. Qui surgens accepit puerum, et matrem ejus. Non dixit, Accepit filium suum, et uxorem suam: sed puerum, et matrem ejus; quasi nutritius, non maritus.

Lectio viij.

**A**UDIENS autem quod Archelaus regnaret in Judæa pro Herode patre suo, timuit illo ire. Multi labuntur errore propter ignorantiam historiæ, putantes eundem esse Herodem, a quo in passione sua Dominus irridetur, et qui nunc mortuus esse referatur. Ergo Herodes ille, qui cum Pilato postea amicitias fecit, hujus Herodis filius est, frater Archelai.

Lectio ix.

**Q**UONIAM Nazaræus vocabitur. Si fixum de Scripturis posuisset exemplum, numquam diceret, Quod dictum est per Prophetas; sed simpliciter, Quod dictum est per Prophetam; nunc autem pluraliter Prophetas vocans, ostendit se non verba de Scripturis sumpsisse, sed sensum. Nazaræus sanctus interpretatur: Sanctum autem Dominum futurum omnis Scriptura commemorat.

Te Deum laudamus, p. 12.

## Ad Laudes

et per Horas, Antiphonæ.

1. O Admirabile commercium! Creator generis humani, animatum corpus sumens de Virgine nasci di-



gnatus est : et procedens homo sine semine, largitus est nobis suam Deitatem.

2. Quando natus es ineffabiliter ex Virgine, tunc impletæ sunt Scripturæ : sicut pluvia in vellus descendisti, ut salvum faceres genus humanum : te laudamus, Deus noster.

3. Rubum quem viderat Moyses incombustum, conservatam agnovimus tuam laudabilem virginitatem : Dei genitrix, intercede pro nobis.

4. Germinavit radix Jesse : orta est stella ex Jacob ; Virgo peperit

Salvatorem : te laudamus, Deus noster.

5. Ecce Maria genuit nobis Salvatorem, quem Joannes videns exclamavit, dicens : Ecce Agnus Dei, ecce qui tollit peccata mundi, alleluia.

*Capit. Hymnus. ʒ. Ant. ad Bened. et Oratio, ut in Laud. Dom. infra Oct. Nativ., p. 163.*

*Et fit comm. S. Telesphori.*

*Ad Horas Ant. ut supra in Laud. Capit. autem et ʒʒ. br. ut in dicta Dom., p. 163.*

*Vesperæ de Epiphania. Duplex.*

## IN EPIPHANIA DOMINI.

### In I. Vesperis.

*Ant. de Laud. Psalmi de Dom. loco ult. Laudate Dominum omnes gentes.*

*Capitulum. Isaie 60.*

**SURGE**, illuminare, Jerusalem, quia venit lumen tuum, et gloria Domini super te orta est.

#### HYMNUS.

**CRUDELIS** Herodes, Deum Regem venire quid times ? Non eripit mortalia, Qui regna dat cœlestia :

Ibant Magi, quam viderant, Stellam sequentes præviam : Lumen requirunt lumine : Deum fatentur munere.

Lavacra puri gurgitis Cœlestis Agnus attigit : Peccata, quæ non detulit, Nos ablundo sustulit.

Novum genus potentia : Aquæ rubescunt hydræ, Vinumque jussa fundere, Mutavit unda originem.

Jesu, tibi sit gloria, Qui apparuisti Gentibus, Cum Patre et almo Spiritu, In sempiterna sæcula. Amen.

*Sic terminantur Hymni per totam Oct.*

ʒ. Reges Tharsis et insulæ munera offerent. ʒ. Reges Arabum et Saba dona adducent.

*Ad Magnif. Ant. Magi videntes stellam, dixerunt ad invicem : Hoc signum magni Regis est ; eamus et inquiramus eum, et offeramus ei munera, aurum, thus, et myrrham. alleluia.*

#### Oratio.

**DEUS**, qui hodierna die Unigenitum tuum Gentibus stella duce revelasti, concede propitius, ut qui jam te ex fide cognovimus, usque ad contemplandam speciem tuæ celsitudinis perducamur. Per eundem Dominum.

#### Ad Matutinos.

*Dicto Pater noster, Ave Maria, et Credo, omissis ʒ. Domine labia, Inrit. cum Psalmo Venite et Hymno, incipitur ab Ant. Afferte Domino.*

*Infra Oct. vero dicitur ʒ. Domine labia.*

*Inrit. Christus apparuit nobis, Venite, adoremus.*

*Psalm. Venite exultemus, p. 1.*

*Hymnus Crudelis Herodes.*

## IN I. NOCTURNO.

*Ant.* Afferte Domino, filii Dei; adorete Dominum in aula sancta ejus.

**Psalmus 98.**

**A**FFERTE Domino, filii Dei: \* afferte Domino filios arietum.

Afferte Domino gloriam et honorem, afferte Domino gloriam nomini ejus: \* adorete Dominum in atrio sancto ejus.

Vox Domini super aquas, Deus majestatis intonuit: \* Dominus super aquas multas.

Vox Domini in virtute: \* vox Domini in magnificentia.

Vox Domini confringentis cedros: \* et confringet Dominus cedros Libani:

Et comminuet eas tanquam vitulum Libani: \* et dilectus quemadmodum filius unicornium.

Vox Domini intercidentis flammam ignis: \* vox Domini concutientis desertum, et commovebit Dominus desertum Cades.

Vox Domini præparantis cervos, et revelabit condensa: \* et in templo ejus omnes dicent gloriam.

Dominus diluvium inhabitare facit: \* et sedebit Dominus Rex in æternum.

Dominus virtutem populo suo dabit: \* Dominus benedicet populo suo in pace.

*Ant.* Afferte Domino, filii Dei; adorete Dominum in aula sancta ejus.

*Ant.* Fluminis impetus lætificat, alleluia: civitatem Dei, alleluia.

**Psalmus 43.**

**D**EUS noster refugium et virtus: \* adjutor in tribulationibus, quæ invenerunt nos nimis.

Propterea non timebimus dum turbabitur terra: \* et transferentur montes in cor maris.

Nonuerunt, et turbatae sunt aquæ eorum: \* conturbati sunt montes in fortitudine ejus.

Fluminis impetus lætificat civitatem Dei: \* sanctificavit tabernaculum suum Altissimus.

Deus in medio ejus, non commo-

vebitur: \* adjuvabit eam Deus mane diluculo.

Conturbatae sunt gentes, et inclinata sunt regna: \* dedit vocem suam, mota est terra.

Dominus virtutum nobiscum: \* susceptor noster Deus Jacob.

Venite, et videte opera Domini, quæ posuit prodigia super terram: \* auferens bella usque ad finem terræ.

Arcum conteret, et confringet arma: \* et scuta comburet igni.

Vacate, et videte quoniam ego sum Deus: \* exaltabor in Gentibus, et exaltabor in terra.

Dominus virtutum nobiscum: \* susceptor noster Deus Jacob.

*Ant.* Fluminis impetus lætificat, alleluia: civitatem Dei, alleluia.

*Ant.* Psallite Deo nostro, psallite: psallite Regi nostro, psallite sapienter.

**Psalmus 46.**

**O**MNES gentes, plaudite manibus: \* jubilate Deo in voce exultationis.

Quoniam Dominus ex'elsus, terribilis: \* Rex magnus super omnem terram.

Subiecit populos nobis, \* et gentes sub pedibus nostris.

Elegit nobis hæreditatem suam, \* speciem Jacob, quam dilexit.

Ascendit Deus in jubilo, \* et Dominus in voce tubæ.

Psallite Deo nostro, psallite: \* psallite Regi nostro, psallite.

Quoniam Rex omnis terræ Deus: \* psallite sapienter.

Regnabit Deus super Gentes: \* Deus sedet super sedem sanctam suam.

Principes populorum congregati sunt cum Deo Abraham: \* quoniam dii fortes terræ vehementer elevati sunt.

*Ant.* Psallite Deo nostro, psallite: psallite Regi nostro, psallite sapienter.

¶. Omnis terra adoret te, et psallat tibi. ¶. Psalmum dicat nomini tuo, Domine.

## De Isaia Propheta.

*Lectio j. Isaiae 55.*

**O**MNES sitientes, venite ad aquas; et qui non habetis argentum, properate, emite, et comedite: vendite, emite absque argento et absque ulla commutatione vinum et lac. Quare appenditis argentum non in panibus, et laborem vestrum non in saturitate? Audite audientes me, et comedite bonum, et delectabitur in crassitudine anima vestra. Inclinate aurem vestram, et venite ad me: audite, et vivet anima vestra: et feriam vobiscum pactum sempiternum, misericordias David fideles. Ecce testem populis dedi eum, ducem ac præceptorem Gentibus.

*ñ. Modie in Jordane baptizato Domino, aperti sunt cæli, et sicut columba super eum Spiritus mansit, et vox Patris intonuit: \* Hic est filius meus dilectus, in quo mihi bene complacui. ⁊. Descendit Spiritus sanctus corporali specie sicut columba in ipsum, et vox de cælo facta est. Hic est.*

*Prædictum ñ. dicitur hac die, et in Dom. infra Oct. et in die Oct. tantum: aliis vero diebus infra Oct. ejus loco dicitur sequens*

*ñ. Tria sunt munera pretiosa, quæ obtulerunt Magi Domino in die ista, et habent in se divina mysteria: \* In auro, ut ostendatur Regis potentia; in thure, Sacerdotem magnum considera, et in myrrha, Dominicam sepulturam. ⁊. Salutis nostræ auctorem Magi venerati sunt in cunabulis, et de thesauris suis mysticas ei munerum species obtulerunt. In auro.*

*Lectio ij. Isaiae 60.*

**S**URGE, illuminare, Jerusalem, quia venit lumen tuum, et gloria Domini super te orta est. Quia ecce tenebræ operient terram, et caligo populos; super te autem orietur Dominus, et gloria ejus in te videbitur. Et ambulabunt Gentes in lumine tuo, et reges in splendore ortus tui. Leva in circuitu oculos tuos, et vide: omnes isti congregati sunt, venerunt tibi;

fili tui de longe venient, et filiae tuæ de latere surgent. Tunc videbis, et afflues; et mirabitur, et dilatabitur cor tuum, quando conversa fuerit ad te multitudo maris, fortitudo Gentium venerit tibi. Inundatio camelorum operiet te, dromedarii Madian et Ephā: omnes de Saba venient, aurum et thus deferentes, et laudem Domino annuntiantes.

*ñ. In columbæ specie Spiritus sanctus visus est, Paterna vox audita est: \* Hic est Filius meus dilectus, in quo mihi bene complacui. ⁊. Cæli aperti sunt super eum, et vox Patris intonuit. Hic est.*

*Lectio iij. Isaiae 61. et 62.*

**G**AUDENS gaudebo in Domino, et exultabit anima mea in Deo meo: quia induit me vestimentis salutis, et indumento justitiæ circumdedit me, quasi sponsum decoratum corona, et quasi sponsam ornatam monilibus suis. Sicut enim terra profert germen suum, et sicut hortus semen suum germinat, sic Dominus Deus germinabit justitiam et laudem coram universis Gentibus. Propter Sion non tacebo, et propter Jerusalem non quiescam, donec egrediatur ut splendor Justus ejus, et Salvator ejus ut lampas accendatur.

*ñ. Reges Tharsis et insulæ munera offerent: \* Reges Arabum et Saba dona Domino Deo adducent. ⁊. Omnes de Saba venient, aurum et thus deferentes. Reges. Gloria. Reges.*

## IN II. NOCTURNO.

*Ant. Omnis terra adoret te, et psallat tibi: psalmum dicat nomini tuo, Domine.*

**Psalmus 65.**

**J**UBILATE Deo, omnis terra, psalmum dicite nomini ejus: \* date gloriam laudi ejus.

*Dicite Deo: Quam terribilia sunt opera tua, Domine! \* in multitudine virtutis tuæ mentientur tibi inimici tui.*

*Omnis terra adoret te, et psallat*



tibi : \* psalmum dicat nomini tuo.

Venite, et videte opera Dei, \* terribilis in consiliis super filios hominum.

Qui convertit mare in aridam, in flumine pertransibunt pede : \* ibi lætabimur in ipso.

Qui dominatur in virtute sua in æternum, oculi ejus super Gentes respiciunt : \* qui exasperant, non exallentur in semetipsis.

Benedicite, Gentes, Deum nostrum : \* et auditam facite vocem laudis ejus.

Qui posuit animam meam ad vitam : \* et non dedit in commotionem pedes meos.

Quoniam probasti nos, Deus : \* igne nos examinasti, sicut examinatur argentum.

Induxisti nos in laqueum, posuisti tribulationes in dorso nostro : \* imposuisti homines super capita nostra.

Transivimus per ignem et aquam : \* et eduxisti nos in refrigerium.

Introibo in domum tuam in holocaustis : \* reddam tibi tota mea, quæ distinxerunt labia mea,

Et locutum est os meum \* in tribulatione mea.

Holocausta medullata offeram tibi cum incenso arietum : \* offeram tibi boves cum hircis.

Venite, audite, et narrabo, omnes qui timetis Deum, \* quanta fecit animæ meæ.

Ad ipsum ore meo clamavi, \* et exaltavi sub lingua mea.

Iniquitatem si aspexi in corde meo, \* non exaudiet Dominus.

Propterea exaudivit Deus, \* et attendit voci deprecationis meæ.

Benedictus Deus, \* qui non amovit orationem meam, et misericordiam suam a me.

*Ant.* Omnis terra adoret te, et psallat tibi : psalmum dicat nomini tuo, Domine.

*Ant.* Reges Tharsis et insulæ munera offerent Regi Domino.

### Psalmus 71.

**D**EUS, judicium tuum regi da, \* et justitiam tuam filio regis :

Judicare populum tuum in justitia, \* et pauperes tuos in judicio.

Suscipiant montes pacem populo, \* et colles justitiam.

Judicabit pauperes populi, et salvos faciet filios pauperum : \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus, \* et sicut stillicidia stillantia super terram.

Orietur in diebus ejus justitia, et abundantia pacis, \* donec auferatur luna.

Et dominabitur a mari usque ad mare : \* et a flumine usque ad terminos orbis terrarum.

Coram illo procident Æthiopes : \* et inimici ejus terram lingent.

Reges Tharsis et insulæ munera offerent : \* reges Arabum et Saba dona adducent.

Et adorabunt eum omnes reges terræ : \* omnes gentes servient ei :

Quia liberabit pauperem a potente : \* et pauperem cui non erat adjutor.

Parcet pauperi et inopi : \* et animas pauperum salvas faciet.

Ex usuris et iniquitate redimet animas eorum : \* et honorabile nomen eorum coram illo.

Et vivet, et dabitur ei de auro Arabiæ, et adorabunt de ipso semper : \* tota die benedicent ei.

Et erit firmamentum in terra in summis montium, superextolletur super Libanum fructus ejus : \* et florebunt de civitate sicut fœnum terræ.

Sit nomen ejus benedictum in sæcula : \* ante solem permanet nomen ejus.

Et benedicentur in ipso omnes tribus terræ : \* omnes Gentes magnificabunt eum.

Benedictus Dominus Deus Israel, \* qui facit mirabilia solus :

Et benedictum nomen majestatis ejus in æternum : \* et replebitur majestate ejus omnis terra : fiat, fiat.

*Ant.* Reges Tharsis et insulæ munera offerent Regi Domino.

*Ant.* Omnes gentes quascumque fe-

eisti, venient, et adorabunt coram te, Domine.

**Psalmus 85.**

**I**NCLINA, Domine, aurem tuam, et exaudi me: \* quoniam inops et pauper sum ego.

Custodi animam meam, quoniam sanctus sum: \* saluum fac servum tuum, Deus meus, sperantem in te.

Miserere mei, Domine, quoniam ad te clamavi tota die: \* lætifica animam servi tui, quoniam ad te, Domine, animam meam levavi.

Quoniam tu, Domine, suavis et mitis: \* et multæ misericordiæ omnibus invocantibus te.

Auribus percipe, Domine, orationem meam: \* et intende voci deprecationis meæ.

In die tribulationis meæ clamavi ad te, \* quia exaudisti me.

Non est similis tui in diis, Domine: \* et non est secundum opera tua.

Omnes gentes quascumque fecisti, venient, et adorabunt coram te, Domine: \* et glorificabunt nomen tuum.

Quoniam magnus es tu, et faciens mirabilia: \* tu es Deus solus.

Deduc me, Domine, in via tua, et ingrediar in veritate tua: \* lætetur cor meum, ut timeat nomen tuum.

Confitebor tibi, Domine Deus meus, in toto corde meo, \* et glorificabo nomen tuum in æternum.

Quia misericordia tua magna est super me: \* et eruisti animam meam ex inferno inferiori.

Deus, iniqui insurrexerunt super me, et synagoga potentium quæsierunt animam meam: \* et non proposuerunt te in conspectu suo.

Et tu, Domine Deus, miserator et misericors, \* patiens, et multæ misericordiæ, et verax.

Respice in me, et miserere mei: \* da imperium tuum puero tuo, et saluum fac filium ancillæ tuæ.

Fac mecum signum in bonum, ut videant qui oderunt me, et confundantur: \* quoniam tu, Domine, adjuvisti me, et consolatus es me.

**Ant.** Omnes gentes quascumque fecisti, venient, et adorabunt coram te, Domine.

**Ÿ.** Reges Tharsis et insulæ munera offerent. **ἤ.** Reges Arabum et Saba dona adducent.

**Sermo sancti Leonis Papæ.**

**Serm. 1. de Epiphania.**

**Lectio iv.**

**G**AUDETE in Domino, dilectissimi; iterum dico, gaudete: quoniam brevi intervallo temporis, post solemnitatem Nativitatis Christi festivitas declarationis ejus illuxit: et quem in illo die Virgo peperit, in hoc mundus agnovit. Verbum enim caro factum sic susceptionis nostræ temperavit exordia, ut natus Jesus et credentibus manifestus, et persequentibus esset occultus. Jam tunc ergo cœli enarraverunt gloriam Dei, et in omnem terram sonus veritatis exivit, quando et pastoribus exercitus Angelorum Salvatoris editi annuntiator apparuit, et Magos ad eum adorandum prævia stella perduxit: ut a solis ortu usque ad occasum veri regis generatio coruscaret, cum rerum fidem et regna Orientis per Magos discerent, et Romanum imperium non lateret.

**ἤ.** Illuminare, illuminare, Jerusalem, quia venit lux tua: \* Et gloria Domini super te orta est. **Ÿ.** Et ambulabunt Gentes in lumine tuo, et reges in splendore ortus tui. Et.

**Lectio v.**

**N**AM et sævitia Herodis volens primordia suspecti sibi Regis extinguere, huic dispensationi nesciens serviebat: ut dum atroci intentus facinori, ignotum sibi puerum indiscreta infantium cæde persequitur, annuntiatum cœlitus dominatoris ortum insignior ubique fama loqueretur: quam promptiorem ad narrandum diligentioremque faciebat et supernæ significationis novitas, et cruentissimi persecutoris impietas. Tunc autem etiam Ægypto Salvator illatus est, ut gens antiquis erroribus dedita, jam ad vi-

cinam salutem per occultam gratiam signaretur, et quæ nondum eiecerat ab animo superstitionem, jam hospitio reciperet veritatem.

*¶.* Omnes de Saba venient, aurum et thus deferentes, et laudem Domino annuntiantes: \* Alleluia, alleluia, alleluia. *¶.* Reges Tharsis et insulæ munera offerent, reges Arabum et Saba dona adducent. Alleluia.

*Lectio vj.*

**A**GNOSCAMUS ergo, dilectissimi mi, in Magis adoratoribus Christi vocationis nostræ fideique primitias: et exultantibus animis beatæ spei initia celebremus. Exinde enim in æternam hæreditatem cœpimus introire: exinde nobis Christum loquentia Scripturarum arcana patuerunt, et veritas, quam Judæorum obcæcatio non recipit, omnibus nationibus lumen suum invexit. Honoretur itaque a nobis sacratissimus dies, in quo salutis nostræ auctor apparuit, et quem Magi infantem venerati sunt in cunabulis, nos omnipotentem adoremus in cœlis. Ac sicut illi de thesauris suis mysticas Domino munerum species obtulerunt, ita et nos de cordibus nostris, quæ Deo sunt digna, promamus.

*¶.* Magi veniunt ab Oriente Jerosolymam, quærentes et dicentes: Ubi est qui natus est, cujus stellam vidimus? Et venimus adorare Dominum. *¶.* Vidimus stellam ejus in Oriente. Et. Gloria Et.

### IN III. NOCTURNO.

*Ant.* Venite, adoremus eum: quia ipse est Dominus Deus noster.

*Hæc Ant. repetitur in psalmo ordine infrascripto.*

### Psalmus 94.

**V**ENITE, exulemus Domino: \* jubilemus Deo salutari nostro.

Præoccupemus faciem ejus in confessione,\* et in psalmis jubilemus ei.

*Ant.* Venite, adoremus eum: quia ipse est Dominus Deus noster.

Quoniam Deus magnus Dominus,\*

et Rex magnus super omnes deos, Quia in manu ejus sunt omnes fines terræ: \* et altitudines montium ipsius sunt.

*Ant.* Venite, adoremus eum: quia ipse est Dominus Deus noster.

Quoniam ipsius est mare, et ipse fecit illud, \* et siccam manus ejus formaverunt.

*Ant.* Venite, adoremus eum: quia ipse est Dominus Deus noster.

Et nos populus pascuæ ejus, et oves manus ejus. \* Hodie si vocem ejus audieritis, nolite obdurare corda vestra.

Sicut in irritatione secundum diem tentationis in deserto, \* ubi tentarunt me patres vestri, probaverunt me, et viderunt opera mea.

*Ant.* Venite, adoremus eum: quia ipse est Dominus Deus noster.

Quadraginta annis offensus fui generationi illi, \* et dixi: Semper hi errant corde.

Et isti non cognoverunt vias meas, ut juravi in ira mea: \* Si introibunt in requiem meam.

*Ant.* Venite, adoremus eum: quia ipse est Dominus Deus noster.

Gloria Patri. Sicut erat.

*Ant.* Venite, adoremus eum: quia ipse est Dominus Deus noster.

*Ant. prædicta cum suo psalmo dicitur tantum hac nocte; per Oct. vero loco hujus dicitur:*

*Ant.* Homo natus est in ea, et ipse fundavit eam Altissimus.

### Psalmus 86.

**F**UNDAMENTA ejus in montibus sanctis: \* diligit Dominus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab et Babylonis scientium me.

Ecce alienigenæ, et Tyrus, et populus Æthiopum, \* hi fuerunt illic.

Numquid Sion dicet: Homo, et homo natus est in ea, \* et ipse fundavit eam Altissimus?

Dominus narrabit in scripturis po-



pulorum et principum : \* horum , qui fuerunt in ea.

Sicut lætantium omolom \* habitatio est in te.

*Ant.* Homo natus est in ea, et ipse fundavit eam Altissimus.

*Ant.* Adorate Dominum , alleluia, in aula sancta ejus , alleluia.

**Psalmus 95.**

**CANTATE** Domino canticum novum : \* cantate Domino, omnis terra.

Cantate Domino , et benedicite nomini ejus : \* annuntiate de die in diem salutare ejus.

Annuntiate inter Gentes gloriam ejus , \* in omnibus populis mirabilia ejus.

Quoniam magnus Dominus , et laudabilis nimis : \* terribilis est super omnes deos.

Quoniam omnes dii Gentium demonia : \* Dominus autem cœlos fecit.

Confessio et pulchritudo in conspectu ejus : \* sanctimonia et magnificentia in sanctificatione ejus.

Afferte Domino , patriæ gentium , afferte Domino gloriam et honorem : \* afferte Domino gloriam nomini ejus.

Tollite hostias , et introite in atria ejus : \* adorate Dominum in atrio sancto ejus.

Commoveatur a facie ejus universa terra : \* dicite in Gentibus, quia Dominus regnavit.

Etenim correxit orbem terræ, qui non commovebitur : \* judicabit populos in æquitate.

Lætentur cœli , et exultet terra , commoveatur mare, et plenitudo ejus : \* gaudebunt campi , et omnia quæ in eis sunt.

Tunc exultabunt omnia ligna silvarum a facie Domini , quia venit : \* quoniam venit judicare terram.

Judicabit orbem terræ in æquitate , \* et populos in veritate sua.

*Ant.* Adorate Dominum , alleluia, in aula sancta ejus , alleluia.

*Ant.* Adorate Deum, alleluia, omnes Angeli ejus , alleluia.

**Psalmus 96.**

**DOMINUS** regnavit, exultet terra : \* lætentur insulæ multæ.

Nubes et caligo in circuitu ejus : \* justitia et judicium correctio sedis ejus.

Ignis ante ipsum præcedet , \* et inflammabit in circuitu inimicos ejus.

Illuxerunt fulgura ejus orbi terræ : \* vidit , et commota est terra.

Montes sicut cera fluxerunt a facie Domini , \* a facie Domini omnis terra.

Annuntiaverunt cœli justitiam ejus : \* et viderunt omnes populi gloriam ejus.

Confundantur omnes qui adorant sculptilia : \* et qui gloriantur in simulacris suis.

Adorate eum, omnes Angeli ejus : \* audivit , et lætata est Sion.

Et exultaverunt filiæ Judæ , \* propter judicia tua , Domine.

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum , odite malum : \* custodit Dominus animas sanctorum suorum , de manu peccatoris liberabit eos.

Lux orta est justo , \* et rectis corde lætitia.

Lætamini , justi , in Domino : \* et confitemini memoriæ sanctificationis ejus.

*Ant.* Adorate Deum , alleluia, omnes Angeli ejus , alleluia.

*℟.* Adorate Dominum , alleluia.

*℞.* In aula sancta ejus , alleluia.

Lectio sancti Evangelii secundum Matthæum.

*Lectio vij. Cap. 2.*

**CUM** natus esset Jesus in Bethlehem Juda in diebus Herodis regis , ecce Magi ab Oriente venerunt Jerosolymam , dicentes : Ubi est qui natus est Rex Judæorum ? Et reliqua.

Homilia sancti Gregorii Papæ.

*Homilia 10. in Evangelia.*

**S**ICUT in lectione Evangelica, fratres charissimi, audistis, cœli Rege nato, rex terræ turbatus est: quia nimirum terrena altitudo confunditur, cum celsitudo cœlestis aperitur. Sed quærendum nobis est quidnam sit, quod, Redemptore nato, pastoribus in Judœa Angelus apparuit, atque ad adorandum hunc ab Oriente Magos non Angelus, sed stella perduxit. Quia videlicet Judæis, tanquam ratione utentibus, rationale animal, id est, Angelus, prædicare debuit: Gentiles vero, quia uti ratione nesciebant, ad cognoscendum Dominum non per vocem, sed per signa perducuntur. Unde etiam per Paulum dicitur: Prophetiæ fidelibus datæ sunt, non infidelibus: signa autem infidelibus, non fidelibus. Quia et illis prophetiæ tanquam fidelibus, non infidelibus: et istis signa tanquam infidelibus, non fidelibus data sunt.

*¶* Stella, quam viderant Magi in Oriente, antecedebat eos, donec venirent ad locum, ubi puer erat. \* Videntes autem eam, gavisii sunt gaudio magno. *¶* Et intrantes domum, invenerunt puerum cum Maria matre ejus, et procidentes adoraverunt eum. Videntes.

*Bened. Divinum auxilium.*

*Lectio viij.*

**E**T notandum quod Redemptorem nostrum, cum jam perfectæ esset ætatis, eisdem Gentilibus Apostoli prædicant, eumque parvulum, et necdum per humani corporis officium loquentem, stella Gentibus denuntiat: quia nimirum rationis ordo poscebat, ut et loquentem jam Dominum loquentes nobis prædicatores innotescerent, et necdum loquentem elementa muta prædicarent. Sed in omnibus signis, quæ, vel nascente Domino, vel moriente eo, monstrata sunt, considerandum nobis est, quanta fuerit in quorundam Judæorum corde duritia, qui hunc nec per prophetiæ donum, nec per miracula agnoverunt.

*¶* Videntes stellam Magi, gavisii sunt gaudio magno: \* Et intrantes domum invenerunt puerum cum Maria matre ejus, et procidentes adoraverunt eum: \* Et apertis thesauris suis, obtulerunt ei munera, aurum, thus, et myrrham. *¶* Stella, quam viderant Magi in Oriente, antecedebat eos, usque dum veniens staret supra ubi erat puer. Et intrantes. Gloria. Et apertis.

*Lectio ix.*

**O**MNIA quippe elementa auctorem suum venisse testata sunt. Ut enim de eis quiddam usu humano loquar, Deum hunc cœli esse cognoverunt, quia protinus stellam miserunt. Mare cognovit, quia sub plantis ejus se calcabile præbuit. Terra cognovit, quia eo moriente contremuit. Sol cognovit, quia lucis suæ radios abscondit. Saxa et parietes cognoverunt, quia tempore mortis ejus scissa sunt. Infernus agnovit, quia hos, quos tenebat mortuos, reddidit. Et tamen hunc, quem Dominum omnia insensibilia elementa senserunt, adhuc infidelium Judæorum corda Deum esse minime cognoscunt, et duriora saxis sciendi ad pœnitendum nolunt.

Te Deum laudamus, p. 12.

*Ad Laudes*

*et per Horas, Antiphonæ.*

1. ANTE luciferum genitus, et ante sæcula, Dominus Salvator noster hodie mundo apparuit.

2. Venit lumen tuum, Jerusalem, et gloria Domini super te orta est, et ambulabunt Gentes in lumine tuo, alleluia.

3. Apertis thesauris suis, obtulerunt Magi Domino, aurum, thus, et myrrham, alleluia.

4. Maria et flumina, benedicite Domino: hymnum dicite, fontes, Domino, alleluia.

5. Stella ista sicut flamma coruscat, et Regem regum Deum demonstrat:

Magi eam viderunt, et magno Regi munera obtulerunt.

*Capitulum. Isaia 60.*

**SURGE**, illuminare, Jerusalem, quia venit lumen tuum, et gloria Domini super te orta est.

### HYMNUS.

**O SOLA** magnarum urbium Major Bethlem, cui contigit Ducem salutis coelitus Incorporatum gignere:

Quem stella, quæ solis rotam Vincit decore ac lumine, Venisse terris nuntiat Cum carne terrestri Deum.

Videre postquam illum Magi, Eos promunt munera, Stratique votis offerunt Thus, myrrham, et aurum regium.

Regem Deumque annuntiant Thesaurus et fragrans odor Thuris Sabæi, ac myrrheus Pulvis sepulchrum prædocet.

Jesu, tibi sit gloria, Qui apparuisti Gentibus, Cum Patre et almo Spiritu, In sempiterna sæcula. Amen.

†. Adorate Deum, alleluia.

ā. Omnes Angeli ejus, alleluia.

*Ad Bened. Ant. Modie cœlesti sponso juncta est Ecclesia, quoniam in Jordane lavit Christus ejus crimina: currunt cum muneribus Magi ad regales nuptias, et ex aqua facto vino lætantur convivæ, alleluia.*

### Oratio.

**DEUS**, qui hodierna die Unigenitum tuum Gentibus stella duce revelasti, concede propitius, ut qui jam te ex fide cognovimus, usque ad contemplandam speciem tuæ celsitudinis perducamur. Per eundem Dominum.

*Ad Primam in ā. br. †. Qui apparuisti hodie. Et sic dicitur per totam Octavam.*

### Ad Tertiam.

*Capit. Surge illuminare.*

ā. br. Reges Tharsis et insulæ mu-

nera offerent, \* Alleluia, alleluia. Reges. †. Reges Arabum et Saba dona adducent. Alleluia, alleluia. Gloria. Reges. †. Omnes de Saba venient, alleluia. ā. Aurum et thus deferentes, alleluia,

### Ad Sextam.

*Capitulum. Isaia 60.*

**LEVA** in circuitu oculos tuos, et vide: omnes isti congregati sunt, venerunt tibi: filii tui de longe venient, et filiae tuæ de latere surgent.

ā. br. Omnes de Saba venient, \* Alleluia, alleluia. Omnes. †. Aurum et thus deferentes. Alleluia, alleluia. Gloria. Omnes. †. Adorate Dominum, alleluia. ā. In aula sancta ejus, allel.

### Ad Nonam.

*Capitulum. Isaia 60.*

**OMNES** de Saba venient, aurum et thus deferentes, et laudem Domino annuntiantes.

ā. br. Adorate Dominum, \* Alleluia, alleluia. Adorate. †. In aula sancta ejus. Alleluia, alleluia. Gloria. Adorate. †. Adorate Deum, alleluia, ā. Omnes Angeli ejus, alleluia.

### In II. Vesperis.

*Ant. de Laud. Psalmi de Dom. Et sic dicitur per totam Octav. Capit. Hymn. et †. ut in I. Vesp. Ad Magnif. Ant. Tribus miraculis ornatum diem sanctum colimus: hodie stella Magos duxit ad præsepium: hodie vinum ex aqua factum est ad nuptias: hodie in Jordane a Joanne Christus baptizari voluit, ut salvaret nos, alleluia.*

*Si Epiph. venerit in Sabb., in ij. Vesp. fit comm. Dom. infra Oct. Ant. Remansit. †. Omnes de Saba.*

*Oratio. Nota, quæsumus, p. 200.*

*Infra Oct. Epiph. si occurrat Festum duplex, vel semiduplex, transfertur post Oct. nisi fuerit Patroni vel titularis Ecclesiæ, vel Dedicatio ejusdem. De Simplicibus vero fit com.*

*Ad Matut. †. Domine labia, Invit. et Hymnus, ut supra in Rubrica Festi ponitur, p. 181. Reliq. ut in die*



*Festi, præter Lect. et Ant. ad Bened. et Magnif., quæ singulis diebus habentur propriæ, ut sequitur.*

*De Dom. infra Oct., in quacumque diem Oct. inciderit, fit Offic. ut infra ordinatur, p. 198. Et in ea ponitur Epistola prima ad Corinthios, omissis Lect. de Epistola ad Romanos.*

*Post Dom. vero continuantur dies Oct. eodem numero, quo notantur, perinde ac si Dom. non intercessisset. Exempli gratia: Si Dom. venerit in tertia die infra Oct., prima die post Dom. Lect. ij. et iij. Noct. et Ant. ad Bened. et Magnif. dicentur de tertia die infra Oct. et sic deinceps de aliis. Lect. tamen I. Noct. de Epistola ad Romanos omittuntur, et pro iis sumuntur de Epistola prima ad Corinthios, quæ sequuntur post Dom., et de ea legitur etiam post Oct. usque ad Dom. seq.*

## **DIE 3. INFRA OCTAVAM.**

### **IN I. NOCTURNO.**

*De Epistola ad Romanos.*

*Lectio j. Cap. 9.*

**V**ERITATEM dico in Christo, non mentior, testimonium mihi perhibente conscientia mea in Spiritu sancto: quoniam tristitia mihi magna est, et continuus dolor cordi meo. Optabam enim ego ipse anathema esse a Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, et gloria, et testamentum, et legislatio, et obsequium, et promissa: quorum patres, et ex quibus est Christus secundum carnem, qui est super omnia Deus benedictus in sæcula. Amen.

*Lectio ij.*

**N**ON autem quod exciderit verbum Dei. Non enim omnes qui ex Israel sunt, hi sunt Israelitæ: neque qui semen sunt Abraham, omnes filii; sed in Isaac vocabitur tibi semen: id est, non qui filii carnis, hi filii Dei; sed qui filii sunt promissionis, æstimantur in

semine. Promissionis enim verbum hoc est: Secundum hoc tempus venturam, et erit Saræ filius. Non solum autem illa, sed et Rebecca ex uno concubitu habens Isaac patris nostri.

*Lectio iij.*

**C**UM enim nondum nati fuissent, aut aliquid boni egissent aut mali, (ut secundum electionem propositum Dei maneret) non ex operibus, sed ex vocante dictum est ei: Quia major serviet minori, sicut scriptum est: Jacob dilexi, Esau autem odio habui. Quid ergo dicemus? Numquid iniquitas apud Deum? Absit. Moysi enim dicit: Miserebor cujus misereor, et misericordiam præstabo, cujus miserebor. Igitur non volentis, neque currentis, sed miserentis est Dei.

### **IN II. NOCTURNO.**

*Sermo S. Augustini Episcopi.*

*Sermo 2. de Epiph. 30. de Temp.*

*Lectio iv.*

**A**D partum Virginis adorandum Magi ab Oriente venerunt. Hunc diem hodie celebramus: huic debet unum solemnitatis sermonem persolvimus. Illis dies iste primus illuxit, anniversaria nobis festivitate rediit. Illi erant primitiæ Gentium: nos populus Gentium. Nobis hoc lingua nuntiavit Apostolorum, stella illis tanquam lingua cælorum: et nobis iidem Apostoli, tanquam alii cæli, enarraverunt gloriam Dei.

*Lectio v.*

**M**AGNUM sacramentum! in præsepi jacebat, et Magos ab Oriente ducebat: abscondebatur in stabulo, et agnoscebatur in cælo: ut agnitus in cælo manifestaretur in stabulo, et appellaretur Epiphania dies iste, quod latine manifestatio dici potest: simul ejus celestitudinem humilitatemque commendans, ut qui in aperto cælo signis sidereis monstrabatur magnus, in angusto diversorio quæsitus inveniretur invalidus, infantilibus in membris natus, infantilibus

que pannis involutus, adoraretur a Magis, timeretur a malis.

*Lectio vj.*

**T**IMUIT enim eum rex Herodes, eisdem sibi Magis nuntiantibus, cum adhuc quærerent parvulum, quem cognoverant cælo teste jam natum. Quid erit tribunal judicantis, quando superbos reges cunabula terrebant infantis? Quanto consultius reges, non sicut Herodes, interficere quærant, sed sicut Magi, potius adorare delectentur, jam præsertim eum, qui et ipsam mortem, quam cupiebat inimicus inferre, etiam pro ipsis inimicis ab inimicis sustinuit, eamque in suo corpore occisus occidit! Pie timeant reges ad Patris dexteram jam sedentem, quem rex impius timuit adhuc matris ubera lambentem.

IN III. NOCTURNO.

*Lectio sancti Evangelii secundum Matthæum.*

*Lectio vij. Cap. 2.*

**C**UM natus esset Jesus in Bethlehem Juda, in diebus Herodis regis, ecce Magi ab Oriente venerunt Jerosolymam, dicentes: Ubi est qui natus est Rex Judæorum? Et reliqua.

*De Homilia S. Gregorii Papæ.*

*Ex Homil. 10. in Evangel.*

**N**ATIVITATE Regis nostri cognita, Herodes ad callida argumenta convertitur: et ne terreno regno privaretur, renuntiari sibi ubi puer inveniatur, postulat. Adorare cum velle se simulat, ut hunc, si inveniri possit, extinguat. Sed quanta est humana malitia contra consilium divinitatis? Scriptum quippe est: Non est sapientia, non est prudentia, non est consilium contra Dominum. Nam ea quæ apparuit stella, Magos perducit: natum Regem reperiunt, munera deferunt: et ne redire ad Herodem debeant, in somnis admonentur. Sicque fit, ut Jesum, quem quærit Herodes, invenire non possit. Cujus persona qui alii quam hypocritæ

designantur, qui dum fecte quærunt, invenire Dominum nunquam merentur?

*Lectio viij.*

**S**ED inter hæc sciendum quod Priscillianistæ hæretici nasci unumquemque hominem sub constitutionibus stellarum putant: et hoc in adjutorium sui erroris assumunt, quod nova stella exiit, cum Dominus in carne apparuit: cujus fuisse fatum eandem, quæ apparuit, stellam putant. Sed si Evangelii verba pensamus, quibus de eadem stella dicitur: Usque dum veniens staret supra ubi erat puer: dum non puer ad stellam, sed stella ad puerum cucurrit, si dici liceat; non stella fatum pueri, sed fatum stellæ is, qui apparuit, puer fuit.

*Lectio ix.*

**S**ED a fidelium cordibus absit, ut aliquid esse fatum dicant. Vitam quippe hominum solus hic conditor qui creavit, administrat. Neque enim propter stellas homo, sed stellæ propter hominem factæ sunt: et si stella fatum hominis dicitur, ipsis suis ministeriis subesse homo perhibetur. Certe cum Jacob de utero egrediens, prioris fratris plantam teneret manu, prior perfecte nequaquam egredi potuit, nisi subsequens inchoasset: et tamen cum uno tempore, eodemque momento utrumque mater fuderit, non una utriusque vitæ æqualitas fuit.

*Ad Bened. Ant.* Ab Oriente venerunt Magi in Bethlehem adorare Dominum: et apertis thesauris suis, pretiosa munera obtulerunt; aurum, sicut Regi magno: thus, sicut Deo vero; myrrham sepulturæ ejus, alleluia.

*Ad Magnif. Ant.* Videntes stellam Magi, gavisí sunt gaudio magno; et intrantes domum, obtulerunt Domino aurum, thus, et myrrham, alleluia.

**DIE 3. INFRA OCTAVAM.**

IN I. NOCTURNO.

*De Epistola ad Romanos.*

*Lectio j. Cap. 12.*

**O**RSECO itaque vos, fratres, per misericordiam Dei, ut exhibeatis

corpora vestra hostiam viventem, sanctam, Deo placentem, rationabile obsequium vestrum. Et nolite conformari huic sæculo, sed reformamini in novitate sensus vestri: ut probetis quæ sit voluntas Dei bona, et beneplacens, et perfecta. Dico enim per gratiam quæ data est mihi, omnibus qui sunt inter vos: Non plus sapere, quam oportet sapere, sed sapere ad sobrietatem; et unicuique sicut Deus divisit mensuram fidei.

*Lectio ij.*

**SICUT** enim in uno corpore multa membra habemus, omnia autem membra non eundem actum habent: ita multi unum corpus sumus in Christo, singuli autem alter alterius membra. Habentes autem donationes, secundum gratiam quæ data est nobis, differentes: sive prophetiam secundum rationem fidei, sive ministerium in ministrando, sive qui docet in doctrina, qui exhortatur in exhortando, qui tribuit in simplicitate, qui præest in sollicitudine, qui miseretur in hilaritate.

*Lectio iij.*

**DILECTIO** sine simulatione. Odientes malum, adhærentes bono; charitate fraternitatis invicem diligentes, honore invicem prævenientes; sollicitudine non pigri, spiritu ferventes, Domino servientes: spe gaudentes, in tribulatione patientes: orationi instantes; necessitatibus sanctorum communicantes; hospitalitatem sectantes. Benedicite persecutibus vos: benedicite, et nolite maledicere. Gaudere cum gaudentibus, flere cum flentibus: idipsum invicem sentientes; non alta sapientes, sed humilibus consentientes.

IN II. NOCTURNO.

De Sermone S. Augustini Episc.

Sermo 2. de Epiphania.

*Lectio iv.*

**CUM** tam multi jam nati, atque defuncti essent, reges Judæorum,

nunquid quemquam eorum adorandum Magi quæsierunt? Non, quia nec quemquam eorum cælo loquente didicerunt. Verumtamen, quod prætereundum non est, hæc Magorum illuminatio magnum testimonium cæcitatæ extitit Judæorum. In terra eorum isti requirebant, quem illi in sua non agnoscebant.

*Lectio v.*

**APUD** eos isti infantem invenierunt, quem illi apud se negaverunt. In his terris de longinquo isti et peregrini puerum Christum nondum verba promentem adoraverunt, ubi cives illi juvenem miracula facientem crucifixerunt. Isti in membris parvis Deum adoraverunt, illi in magnis factis nec tamquam homini pepercerunt; quasi plus fuerit videre novam stellam in ejus nativitate fulgentem, quam solem ejus in morte lugentem.

*Lectio vj.*

**JAM** vero quod eadem stella, quæ Magos perduxit ad locum ubi erat cum matre virgine Deus infans, quæ utique poterat eos ad ipsam perducere civitatem, se tamen subtraxit, nec eis prorsus apparuit donec de civitate in qua Christus nasceretur, iidem ipsi interrogarentur Judæi, et ipsi eam secundum divinæ Scripturæ testimonium nominarent, ipsi dicerent: In Bethlehem Judæ. Sic enim scriptum est: Et tu Bethlehem terra Juda, non es minima in principibus Juda; ex te enim exiet dux, qui regat populum meum Israel. Quid aliud hic significavit divina providentia, nisi apud Judæos solas divinas litteras remansuras, quibus Gentes instruerentur, illi excæcarentur?

IN III. NOCTURNO.

Lectio sancti Evangelii secundum Matthæum.

*Lectio vij. Cap. 2.*

**CUM** natus esset Jesus in Bethlehem Juda in diebus Herodis



regis ; ecce Magi ab Oriente venerunt Jerosolymam , dicentes : Ubi est qui natus est Rex Judæorum ? Et reliqua.

Homilia S. Gregorii Papæ.

*Ex Homil. 10. in Evangelia.*

**M**AGI vero aurum, thus, et myrrham deferunt. Aurum quippe Regi congruit, thus vero in Dei sacrificium ponitur, myrrha autem mortuorum corpora condiuntur. Eum ergo Magi, quem adorant, etiam mysticis muneribus prædicant: auro Regem, thure Deum, myrrha mortalem. Sunt vero nonnulli hæretici, qui hunc Deum credunt, sed ubique regnare nequaquam credunt. Hi profecto ei thus offerunt, sed offerre etiam aurum nolunt. Et sunt nonnulli, qui hunc Regem existimant, sed Deum negant. Hi videlicet ei aurum offerunt, sed offerre thus nolunt.

*Lectio viij.*

**E**T sunt nonnulli, qui hunc et Deum et Regem fatentur, sed assumpsisse carnem mortalem negant. Hi nimirum ei aurum et thus offerunt, sed offerre myrram assumptæ mortalitatis nolunt. Nos itaque nato Domino offeramus aurum, ut hunc ubique regnare fateamur: offeramus thus, ut credamus quod is qui in tempore apparuit, Deus ante tempora extitit: offeramus myrrham, ut eum, quem credimus in sua divinitate impassibilem, credamus etiam in nostra fuisse carnem mortalem.

*Lectio ix.*

**Q**UAMVIS in auro, thure, et myrrha intelligi et aliud potest. Auro namque sapientia designatur. Salomone attestante, qui ait: Thesaurus desiderabilis requiescit in ore sapientis. Thure autem, quod Deo incenditur, virtus orationis exprimitur, Psalmista testante, qui dicit: Dirigatur oratio mea sicut incensum in conspectu tuo. Per myrrham vero carnis nostræ mortificatio figuratur. Unde sancta Ecclesia de suis operariis usque ad mortem pro Deo cer-

tantibus dicit: Manus meæ distillarunt myrrham.

*Ad Bened. Ant.* Tria sunt munera, quæ obtulerunt Magi Domino, aurum, thus, et myrrham, Filio Dei, Regi magno, alleluia.

*Ad Magnif. Ant.* Lux de luce apparuisti, Christe, cui Magi munera offerunt, allel. allel. allel.

## DIE 4 INFRA OCTAVAM.

### IN I. NOCTURNO.

De Epistola ad Romanos.

*Lectio j. Cap. 13.*

**O**MNIS anima potestatibus sublimioribus subdita sit. Non est enim potestas, nisi a Deo: quæ autem sunt, a Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt: nam principes non sunt timori boni operis, sed mali. Vis autem non timere potestatem? Bonum fac, et habebis laudem ex illa: Dei enim minister est tibi in bonum.

*Lectio ij.*

**S**I autem malum feceris, time: non enim sine causa gladium portat. Dei enim minister est: vindex in iram ei, qui malum agit. Ideo necessitate subditi estote non solum propter iram, sed etiam propter conscientiam. Ideo enim et tributa præstatis: ministri enim Dei sunt, in hoc ipsum servientes. Reddite ergo omnibus debita: cui tributum, tributum: cui vectigal, vectigal: cui timorem, timorem: cui honorem, honorem.

*Lectio iij.*

**N**EMINI quidquam debeatis, nisi ut invicem diligatis: qui enim diligit proximum, legem implevit. Nam, Non adulterabis, Non occides, Non furaberis, Non falsum testimonium dices, Non concupisces; et si quod est aliud mandatum, in hoc verbo instauratur: Diliges proximum tuum sicut teipsum. Dilectio

proximi malum non operatur. Plenitudo ergo legis est dilectio.

## IN II. NOCTURNO.

Sermo sancti Leonis Papæ.

Sermo 1. de Epiphania.

*Lectio iv.*

**C**ELEBRATO proximo die, quo intemerata virginitas humani generis edidit Salvatorem, Epiphaniæ nobis, dilectissimi, veneranda festivitas dat perseverantiam gaudiorum: ut inter cognatarum solemnitatum vicina sacramenta, exultationis vigor, et fervor fidei non tepescat. Ad omnium enim hominum spectat salutem, quod infantia Mediatoris Dei et hominum, jam universo declarabatur mundo, cum adhuc exiguo detineretur oppidulo.

*Lectio v.*

**Q**UAMVIS enim Israeliticam gentem, et ipsius gentis unam familiam delegisset, de qua naturam universæ humanitatis assumeret; noluit tamen intra maternæ habitationis angustias ortus sui latere primordia: sed mox ab omnibus voluit agnosci, qui dignatus est pro omnibus nasci. Tribus igitur Magis in regione Orientis stella novæ claritatis apparuit, quæ illustrior cæteris pulchriorque sideribus, facile in se intuentium oculos animosque converteret: ut confestim adverteretur, non esse otiosum, quod tam insolitum videbatur.

*Lectio vj.*

**D**EDIT ergo aspicientibus intellectum, qui præstitit signum, et quod fecit intelligi, fecit inquiri, et se inveniendum obtulit requisitus. Sequuntur tres viri superni luminis ductum, et prævii fulgoris indicium intenta contemplatione comitantes, ad agnitionem veritatis, gratiæ splendore ducuntur: qui humano sensu significatum sibi Regis ortum æstimaverunt in civitate regia esse quærendum. Sed qui servi suscepit for-

mam, et non judicare venerat, sed judicari, Bethlehem prælegit nativitati, Jerosolymam passioni.

## IN III. NOCTURNO.

Lectio sancti Evangelii secundum Matthæum.

*Lectio vij. Cap. 1.*

**C**UM natus esset Jesus in Bethlehem Juda in diebus Herodis regis, ecce Magi ab Oriente venerunt Jerosolymam, dicentes: Ubi est qui natus est Rex Judæorum? Et reliqua.

De Homilia S. Gregorii Papæ.

*Ex Homil. 10. in Evangelia.*

**M**AGNUM vero nobis aliquid Magi innunt, quod in regionem suam per aliam viam revertuntur. In eo namque quod admoniti faciunt, nobis profecto insinuant quid faciamus. Regio quippe nostra paradysus est: ad quam, Jesu cognito, redire per viam qua venimus, prohibemur. A regione etenim nostra superbiendo, inobediendo, visibilia sequendo, cibum vetitum gustando, discessimus; sed ad eam necesse est, ut flendo, obediendo, visibilia contemnendo, atque appetitum carnis refrænando, redeamus.

*Lectio viij.*

**P**ER aliam ergo viam ad regionem nostram regredimur: quoniam qui a paradisi gaudiis per delectamenta discessimus, ad hæc per lamenta revocamur. Unde necesse est, fratres charissimi, ut semper pavidum, semperque suspectum, ponamus ante oculos cordis, hinc culpas operis, illinc iudicium extremæ districtiōnis. Pensemus quam districtus iudex veniat, qui iudicium minatur, et latet; terrores peccatoribus intentat, et tamen adhuc sustinet: et idcirco venire citius differt, ut minus inveniat quod condemnet.

*Lectio ix.*

**P**UNIAMUS fletibus culpas, et cum Psalmistæ voce, præveniamus faciem ejus in confessione. Vo-

luptatum nos ergo fallacia nulla decipiat, nulla vana lætitia seducat. In proximo namque est iudex, qui dixit: Væ vobis, qui ridetis nunc, quia lugebitis et flebitis. Hinc enim Salomon ait: Risus dolori miscebitur; et, Extrema gaudi luctus occupat. Hinc iterum dicit: Risum deputavi errorem, et gaudio dixi: quid frustra deciperis? Hinc rursus ait: Cor sapientium ubi tristitia est, et cor stultorum ubi lætitia.

*Ad Bened. Ant.* Vidimus stellam ejus in Oriente, et venimus cum muneribus adorare Dominum.

*Ad Magnif. Ant.* Interrogabat Magos Herodes: Quod signum vidistis super natum Regem? Stellam vidimus fulgentem, cujus splendor illuminat mundum.

### DIE 5. INFRA OCTAVAM.

#### IN I. NOCTURNO.

De Epistola ad Romanos.

*Lectio j. Cap. 14.*

**I**NFIRMUM autem in fide assume, non in disceptationibus cogitationum. Alius enim credit se manducare omnia: qui autem infirmus est, olus manducet. Is qui manducat, non manducantem non spernat: et qui non manducat, manducantem non judicet: Deus enim illum assumpsit. Tu quis es, qui iudicas alienum servum? Domino suo stat, aut cadit: stabit autem; potens est enim Deus statuere illum.

*Lectio ij.*

**N**AM alius iudicat diem inter diem, alius autem iudicat omnem diem: unusquisque in suo sensu abundet. Qui sapit diem, Domino sapit; et qui manducat, Domino manducat: gratias enim agit Deo. Et qui non manducat, Domino non manducat, et gratias agit Deo. Nemo enim nostrum sibi vivit, et nemo sibi moritur. Sive enim vivimus, Domino vivimus: sive morimur, Domino morimur. Sive ergo vivimus, sive morimur, Domini sumus.

*Lectio iij.*

**I**N hoc enim Christus mortuus est et resurrexit, ut et mortuorum et vivorum dominetur. Tu autem quid iudicas fratrem tuum? aut tu quare spernis fratrem tuum? Omnes enim stabimus ante tribunal Christi. Scriptum est enim: Vivo ego, dicit Dominus, quoniam mihi flectetur omne genu, et omnis lingua confitebitur Deo. Itaque unusquisque nostrum pro se rationem reddet Deo. Non ergo amplius invicem iudicemus.

#### IN II. NOCTURNO.

Sermo sancti Maximi Episcopi.

Homilia 1. de Epiphania.

*Lectio iv.*

**I**N hac, dilectissimi, celebritate, sicut relatu paternæ traditionis instruimur, multiplici nobis est festivitate lætandum. Ferunt enim hodie Christum Dominum nostrum vel stella duce a Gentibus adoratum; vel invitatum ad nuptias aquas in vina vertisse; vel suscepto a Joanne baptismo, consecrasse fluentia Jordania, suumque simul purificasse Baptistam.

*Lectio v.*

**S**ED quid potissimum præsentī hoc factum sit die, noverit ipse qui fecit; nos tamen credere, nec dubitare debemus, quidquid illud est, factum esse pro nobis. Nam quod eum fulgentioris stellæ radiis incitati adorare Chaldæi, Deum verum Gentibus spes data est adorandi. Quod atque novo sunt ordine in vina mutata, novi nobis poculi prælibatum est sacramentum. Quod autem baptizatus est Agnus Dei, regenerantis baptismi salutare nobis munus est dedicatum.

*Lectio vi.*

**O**PORTET itaque nos, fratres, ad honorem Salvatoris nostri, cujus nativitatem debita nuper cum exultatione transegimus, omni cum devotione etiam hunc virtutum ejus celebrare natalem. Et quam recte tria



hæc nobis uno acta in die mysteria prædicantur, qui ineffabilis Trinitatis arcanum uno Dei sub nomine confitemur! Per hæc ergo miracula Christus Dominus Redemptor noster oculis se voluit revelare mortalium, quatenus invisibilis ejus divinitas, quæ latebat in homine, in opere non lateret.

### IN III. NOCTURNO.

Lectio sancti Evangelii secundum Matthæum.

*Lectio vij. Cap. 2.*

**CUM** natus esset Jesus in Bethlehem Juda in diebus Herodis regis, ecce Magi ab Oriente venerunt Jerosolymam, dicentes: Ubi est qui natus est Rex Judæorum? Et reliqua.

Homilia S. Hieronymi Presbyteri.

*Lib. 1, Comm. in cap. 2. Matth.*

**VIDIMUS** enim stellam ejus in Oriente. Ad confusionem Judæorum, ut nativitatem Christi a Genti bus discerent, oritur in Oriente stella; quam futuram Balaam, cujus successores erant, vaticinio noverant. Lege Numerorum librum. Deferuntur autem Magi stellæ indicio in Judæam, ut sacerdotes a Magis interrogati ubi Christus nasceretur, inexcusabiles fierent de adventu ejus.

*Lectio viij.*

**AT** illi dixerunt ei: In Bethlehem Judææ. Librariorum hic error est. Putamus enim ab Evangelista primum editum, sicut in ipso Hebraico legimus, Judæ, non Judææ. Quæ est enim aliarum Gentium Bethlehem, ut ad distinctionem ejus, hic Judææ poneretur? Judææ autem idcirco scribitur, quia est et alia Bethlehem in Galilæa. Lege librum Jesu filii Nave. Denique et in ipso testimonio, quod de Michææ prophetia sumptum est, ita habetur: Et tu, Bethlehem, terra Juda.

*Lectio ix.*

**ET** apertis thesauris suis, obtulerunt ei munera, aurum, thus,

et myrrham. {Pulcherrime munerum sacramenta Juvencus presbyter uno versiculo comprehendit: Thus, aurum, myrrham, Regique, hominique, Deoque dona ferunt. Et responso accepto in somnis ne redirent ad Herodem, per aliam viam reversi sunt in regionem suam. Qui munera obtulerant Domino, consequenter responsum accipiunt, non per Angelum, sed per ipsum Dominum, ut meritorum Joseph privilegium demonstraretur. Revertuntur autem per aliam viam, quia infidelitati miscendi non erant Judæorum.

*Ad Bened. Ant.* Omnes nationes venient a longe, portantes munera sua, alleluia.

*Ad Magnif. Ant.* Omnes de Saba venient, aurum et thus deferentes, alleluia, alleluia.

### DIE 6 INFRA OCTAVAM.

#### IN I. NOCTURNO.

De Epistola ad Romanos.

*Lectio j. Cap. 15.*

**DEBEMUS** autem nos firmiores imbecillitates infirmorum sustinere, et non nobis placere. Unusquisque vestrum proximo suo placeat in bonum, ad ædificationem. Etenim Christus non sibi placuit, sed sicut scriptum est: Improperia improperantium tibi ceciderunt super me. Quæcumque enim scripta sunt, ad nostram doctrinam scripta sunt, ut per patientiam, et consolationem Scripturarum spem habeamus.

*Lectio ij.*

**DEUS** autem patientiæ et solatii. det vobis idipsum sapere in alterutrum secundum Jesum Christum, ut unanimes, uno ore honorificetis Deum et Patrem Domini nostri Jesu Christi. Propter quod suscipite invicem, sicut et Christus suscepit vos in honorem Dei. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum: Gentes autem super misericordia honorare De-

um, sicut scriptum est: Propterea confitebor tibi in Gentibus, Domine, et nomini tuo cantabo. Et iterum dicit: Lætamini, Gentes, cum plebe ejus. Et iterum: Laudate, omnes gentes, Dominum, et magnificate eum, omnes populi.

*Lectio iij.*

**E**T rursus Isaias ait: Erit radix Jesse, et qui exurget regere Gentes, in eum Gentes sperabunt. Deus autem spei repleat vos omni gaudio et pace in credendo, ut abundetis in spe et virtute Spiritus sancti. Certus sum autem, fratres mei, et ego ipse de vobis, quoniam et ipsi pleni estis dilectione, repleti omni scientia, ita ut possitis alterutrum monere. Audacius autem scripsi vobis, fratres, ex parte, tanquam in memoriam vos reducens: propter gratiam quæ data est mihi a Deo, ut sim minister Christi Jesu in Gentibus, sanctificans Evangelium Dei, ut fiat oblatio Gentium accepta et sanctificata in Spiritu sancto.

IN II. NOCTURNO.

Sermo sancti Fulgentii Episcopi.

*Ex Serm. 5. de Epiph. sub init.*

*Lectio iv.*

**I**PSE Deus, qui sibi in veteri testamento primitias offerri mandavit, homo natus gentium primitias suo cultui dedicavit. Pastores fuerunt primitiæ Judæorum: Magi facti sunt primitiæ Gentium. Illi de proximo adducti, isti de longinquo reducti. Ubi est, inquiunt, qui natus est Rex Judæorum? De Herode rege Judæorum filii jam fuerant nati. Archelaus natus est in palatio, Christus in diversorio. Archelaus natus, est in lecto argenteo positus; Christus autem natus, in præsepio est brevissimo collocatus: et tamen ille natus in palatio contemnitur, iste natus in diversorio quæritur: ille a Magis nullatenus nominatur, iste inventus suppliciter adoratur.

*Lectio v.*

**Q**UIS est iste Rex Judæorum? pauper et dives, humilis et sublimis. Quis est iste Rex Judæorum, qui portatur ut parvulus, adoratur ut Deus? parvus in præsepio, immensus in cælo; vilis in pannis, pretiosus in stellis. Quid est quod sic turbaris, Herodes? Rex iste qui natus est, non venit reges pugnando superare, sed moriendo mirabiliter subjugare. Nec ideo natus est ut tibi succedat, sed ut in eum mundus fideliter credat. Venit ergo non ut pugnet vivus, sed ut triumphet occisus.

*Lectio vj.*

**P**UEB iste, qui nunc a Magis dicitur Rex Judæorum, idem Creator est et Dominus Angelorum. Quapropter cujus times infantiam nascentis, magis timere debes omnipotentiam judicantis. Noli eum timere regni tui successorem, sed time infidelitatis tuæ justissimum damnatorem. Ite, inquit, et renuntiate mihi, ut et ego veniens adorem eum. O calliditas ficta, o incredulitas impia, o nequitia fraudulenta! Sanguis innocentium, quem crudeliter effudisti, attestatur quid de hoc puero voluisti.

IN III. NOCTURNO.

Lectio sancti Evangelii secundum Matthæum.

*Lectio vij. Cap. 2.*

**C**UM natus esset Jesus in Bethlehem Juda in diebus Herodis regis, ecce Magi ab Oriente venerunt Jerosolymam, dicentes: Ubi est qui natus est Rex Judæorum? Et reliqua.

Homilia S. Ambrosii Episcopi.

*Lib. 2. in Luc. cap. 2. post init.*

**Q**UÆ sunt ista veræ fidei munera? Aurum Regi, thus Deo, myrrha defuncto. Aliud enim Regis insigne, aliud divinæ sacramentum potestatis, aliud honor est sepulture, quæ non corrumpat corpus mortui, sed reservet. Nos quoque, qui hæc audimus et legimus, de thesauris nostris

taliam, fratres, munera proferamus. Habemus enim thesaurum in vasis fictilibus. Si igitur in te ipso quod es, non ex te debes æstimare, sed ex Christo; quanto magis in Christo non tua debes æstimare, sed Christi!

*Lectio viij.*

**ERGO** Magi de thesauris suis offerunt munera. Vultis scire quam bonum meritum habeant? Stella ab his videtur; et ubi Herodes est, non videtur: ubi Christus est, rursus videtur, et viam demonstrat. Ergo stella hæc via est, et via Christus: quia secundum incarnationis mysterium Christus est stella. Orietur enim stella ex Jacob, et exurget homo ex Israel. Denique ubi Christus, et stella est. Ipse enim est stella splendida, et matutina. Sua igitur ipse luce se signat.

*Lectio ix.*

**ACCIPERE** aliud documentum. Alia venerunt via Magi, alia redeunt. Qui enim Christum viderant, Christum intellexerant; meliores utique, quam venerant, revertuntur. Duæ quippe sunt viæ: una, quæ ducit ad interitum; alia quæ ducit ad regnum. Illa peccatorum est, quæ ducit ad Herodem: hæc Christus est, qua reditur ad patriam. Hic enim temporalis est incolatus, sicut scriptum est: Multum incola facta est anima mea.

*Ad Bened. Ant.* Venient ad te, qui detrahebant tibi, et adorabunt vestigia pedum tuorum.

*Ad Magnif. Ant.* Admoniti Magi in somnis, per aliam viam reversi sunt in regionem suam.

**SAB. INFRA OCTAVAM,**

*Ad Vesperas.*

*Capitulum. Rom. 12.*

**FRATRES**, Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum.

*Hymnus et y. ut in Festo, p. 181.*

*Ad Magnif. Ant. Remansit. Oratio* Vota quæsumus, ut infra in *Laudibus.*

*Deinde fit comm. Epiph. per Ant. quæ occurrit secundum ordinem dierum infra Oct.*

*y. Omnes de Saba venient, allel.*

*q. Aurum et thus deferentes, allel.*

*Nisi dicta sit Ant. Omnes de Saba, tunc enim dicitur y. Adorate Deum, alleluia. q. Omnes Angeli ejus, alleluia. Oratio Deus qui hodierna die, p. 181.*

**DOM. INFRA OCTAVAM,**

*Totum Offic. dicitur de Epiph., præter Lect. Capit. Ant. ad Bened. et ad Magnif. et Orat.*

*In I. Noct. ponitur Epistola I. ad Corinth. quæ inferius post Oct. habetur, p. 202, et legitur de ea seq. diebus. Lect. vero quæ aliquando supersunt de Epist. ad Romanos, eo anno omittuntur.*

*Quando Epiph. incidit in Dom., Sabbato seq. fit Offic. de Dom., et Feria vj. Vesp. a Capit. de Dom. cum comm. Oct. In I. Noct. leguntur Lect. de Epist. ad Romanos, ut infra. Epist. vero ad Corinth. tunc ponitur ipsa die Dom. in Offic. Oct.*

**IN I. NOCTURNO.**

*De Epistola ad Romanos.*

*Lectio j. Cap. 16.*

**COMMENDO** autem vobis Pheben sororem nostram, quæ est in ministerio Ecclesiæ quæ est in Cenchris ut eam suscipiatis in Domino digne sanctis, et assistatis ei in quocumque negotio vestri indiguerit: etenim ipsa quoque astitit multis, et mihi ipsi. Salutate Priscam et Aquilam adjutores meos in Christo Jesu (qui pro anima mea suas cervices supposuerunt: quibus non solus ego gratias ago, sed et cunctæ Ecclesiæ Gentium) et domesticam Ecclesiam eorum.

*Lectio ij.*

**ROGO** autem vos, fratres, ut observeis eos, qui dissensiones et



offendicula præter doctrinam quam vos didicistis, faciunt; et declinate ab illis. Hujusmodi enim Christo Domino nostro non servant, sed suo ventri: et per dulces sermones et benedictiones seducunt corda innocentium. Vestra enim obedientia in omnem locum divulgata est. Gaudeo igitur in vobis. Sed volo vos sapientes esse in bono, et simplices in malo.

*Lectio iij.*

**S**ALUTAT vos Timotheus adjutor meus, et Lucius, et Jason, et Sosipater, cognati mei. Saluto vos ego Tertius qui scripsi Epistolam, in Domino. Salutat vos Caius hospes meus, et universa Ecclesia. Salutat vos Erastus arcarius civitatis, et Quartus frater. Gratia Domini nostri Jesu Christi cum omnibus vobis. Amen.

IN II. NOCTURNO.

Sermo sancti Leonis Papæ.

Sermo 5. de Epiphania.

*Lectio iv.*

**J**USTUM et rationabile, dilectissimi, veræ pietatis obsequium est, in diebus qui divinæ opera misericordiæ protestantur, toto corde gaudere, et honorifice ea quæ ad salutem nostram gesta sunt celebrare, vocante nos ad hanc devotionem ipsa recurrentium temporum lege, quæ nobis post diem in quo cœternus Patri Filius Dei natus ex Virgine est, brevi intervallo Epiphaniæ intulit festum, ex apparitione Domini consecratum.

*Lectio v.*

**I**N quo fidei nostræ magnum præsidium providentia divina constituit: ut, dum solemni veneratione recolitur adorata in exordiis suis Salvatoris infantia, per ipsa originalia documenta probaretur veri hominis in Christo orta natura. Hoc enim est quod justificat impios; hoc est quod ex peccatoribus facit sanctos, si in uno eodemque Domino nostro Jesu Christo et vera Deitas, et vera credatur humanitas: Deitas, qua ante omnia sæcula in forma Dei æqualis est

Patri; humanitas, qua novissimis diebus in forma servi unitus est homini.

*Lectio vj.*

**A**D roborandum ergo hanc fidem, quæ contra omnes pronuntiabatur errores, ex magna gestum est divini pietate consilii, ut gens in longinqua Orientalis plagæ regione consistens, quæ spectandorum siderum arte pollebat, signum nati pueri, qui supra omnem Israel esset regnaturus, acciperet. Nova etenim claritas apud Magos stellæ illustrioris apparuit, et intuentium animos ita admiratione sui splendoris implevit, ut nequaquam sibi crederent negligendum, quod tanto nuntiabatur indicio.

IN III. NOCTURNO.

Lectio sancti Evangelii secundum Lucam.

*Lectio vij. Cap. 2.*

**C**UM factus esset Jesus annorum duodecim, ascendentibus illis Jerosolymam secundum consuetudinem diei festi, consummatisque diebus, cum redirent, remansit puer Jesus in Jerusalem. Et reliqua.

Homilia sancti Ambrosii Episcopi.

*Lib. 2. in cap. 2. Luc. in fin.*

**A**DUODECIMO anno, ut legimus, Dominicæ sumitur disputationis exordium. Hic enim prædicandæ fidei evangelizantium numerus debebatur. Nec otiose immemor suorum secundum carnem parentum, qui secundum carnem utique sapientia Dei implebatur et gratia, post triduum reperitur in templo: ut esset indicio, quia post triduum triumphalis illius passionis, in sede cœlesti et honore divino, fidei nostræ se suscitatus offerret, qui mortuus credebatur.

*Lectio viij.*

**Q**UID est quod me quærebatis? Dux sunt in Christo generationes: una est paterna, materna altera. Paterna illa diviniore, materna vero quæ in nostrum laborem usumque descendit. Et ideo quæ supra naturam,

supra ætatem, supra consuetudinem sunt, non humanis assignanda virtutibus, sed divinis referenda sunt potestatibus. Alibi eum ad ministerium mater impellit, hic mater arguitur, quia adhuc quæ humana sunt, exigat. Sed cum hic duodecim describatur annorum, illic discipulos habere dicatur; vides matrem didicisse a Filio, ne exigeret a validiore ministerium, quæ stupebat in juniore miraculum.

*Lectio ix.*

**ET** venit Nazareth, et erat subditus illis. Quid enim magister virtutis, nisi officium pietatis implet? Et miramur, si patri defert, qui subditur matri? Non utique infirmitatis, sed pietatis ista subjectio est: attollat licet sævis emissus latebris coluber perfidiæ caput, et serpentinis evomat venena pectoribus. Cum dicit se Filius missum, majorem hæreticus appellet Patrem, ut imperfectum Filium dicat, qui potest habere majorem, ut alienis auxiliis asserat eum, qui mittitur, indigere. Numquid et humano egebat auxilio, ut materno serviret imperio?

*Ad Laudes.*

*Ant. ut in die Festi, p. 188.*

*Capitulum. Rom. 12.*

**FRATRES**, Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum.

*Hymnus. O sola, p. 189.*

*ÿ. Adorate Deum, allel. ñ. Omnes Angeli ejus, alleluia.*

*Ad Bened. Ant. Remansit puer Jesus in Jerusalem, et non cognoverunt parentes ejus, existimantes illum esse in comitatu: et requirebant eum inter cognatos et notos.*

*Oratio.*

**VOTA**, quæsumus, Domine, supplicantis populi cælesti pietate prosequere; ut et quæ agenda sunt,

videant, et ad implenda quæ viderint convalescant. Per Dominum.

*Et fit comm. de Epiph. Ant. Hodie cælesti sponso, p. 189.*

*ÿ. Omnes de Saba venient, allel.*

*ñ. Aurum et thus deferentes, allel.*

*Orat. Deus qui hodierna, p. 189.*

*Ad Horas Ant. et ññ. br. ut in die Festi p. 189.*

*Ad Tertium.*

*Capit. Fratres Obsecro, ut sup.*

*Ad Sextam.*

*Capitulum. Rom. 12.*

**DICO** enim per gratiam quæ data est mihi, omnibus qui sunt inter vos, non plus sapere, quam oportet sapere; sed sapere ad sobrietatem.

*Ad Nonam.*

*Capitulum. Rom. 12.*

**SICUT** enim in uno corpore multa membra habemus, omnia autem membra non eundem actum habent: Ita multi unum corpus sumus in Christo, singuli autem alter alterius membra, in Christo Jesu Domino nostro.

*In II. Vesp. Ant. de Laud. Epiph., p. 188. Psalmi de Dom. Capit. Fratres Obsecro vos, ut supra. Hymn. et ÿ. ut in I. Vesp. Epiph., p. 181.*

*Ad Magnif. Ant. Filii, quid fecisti nobis sic? ego et pater tuus dolentes quærebatimus te. Quid est quod me quærebatis? nesciebatis quia in iis, quæ Patris mei sunt, oportet me esse?*

*Et fit comm. de Epiph. Ant. Tribus miraculis, p. 189.*

*ÿ. Omnes de Saba venient, allel.*

*ñ. Aurum et thus deferentes, allel.*

*Orat. Deus qui odierna, p. 189.*

*Si Oct. Epiph. venerit in Dom., nihil fit de Dom. in ipsa die Oct., sed tantum in I. Vesp. dici oct. fit comm. pro II. Vesp. Dom. infra Oct. de qua celebratum est Offic. eo die. Ant. Filii quid fecisti. ÿ. Omnes de Saba. Qui ÿ. etiam dicitur, quando*

*Oct. Epiph. venerit in Feria II. pro comm. Dom. in I. Vesp. diei Oct.*

### IN DIE OCTAVA EPIPHANIÆ.

*Duplex.*

*In I. Vesp. omnia dicuntur ut in I. Vesp. Epiph., p. 181, præter Orationem.*

*Oratio.*

**D**EUS, cujus Unigenitus in substantia nostræ carnis apparuit, præsta, quæsumus, ut per eum quem similem nobis foris agnovimus, intus reformari mereamur: Qui tecum vivit.

*Ad Matut. Invit. Hymn. et Psalmi ut infra Oct. Cætera dicuntur sicut in die Epiph. præter Lect.*

*In I. Noct. leguntur Lect. de Epistola I. ad Corinth. quæ occurrunt secundum superiorem Rubricam, p. 190.*

### IN II. NOCTURNO.

*Sermo S. Gregorii Nazianzeni.*

*Oratione in sancta lumina.*

*Lectio iv.*

**N**ON possum cohibere lætitie voluptatem, sed mente extollor et affior; et propriæ pusillitatis oblitus, officium magni Joannis, imo potius famulatum subire contendo ac gestio: et licet non sim præcursor, de cremino tamen venio. Christus ergo illuminatur, imo potius fulgore suo nos illuminat; Christus baptizatur, simul et nos descendamus, ut cum ipso pariter ascendamus.

*Lectio v.*

**J**OANNES baptizat, et accedit Jesus, sanctificans quidem et ipsum qui baptizat, præcipue tamen ut et veterem Adam sepeliat in aquis, et ante omnia, ut per hæc sanctificentur aquæ Jordanis; ut sicut erat spiritus et caro; ita et his, qui baptizandi erant, in spiritu et aqua sanctificationis successio traderetur. Non suscipit Baptista, contendit Jesus. Ego, inquit, opus habeo a te baptizari. Lucerna dicit ad Solem, et vox loquitur ad Verbum.

*Lectio vj.*

**A**SCENDIT Jesus de aqua, secum quodammodo demersum educens et elevans mundum; et vidit non dividi cælum, sed aperiri, quod sibi ac nobis post se aliquando Adam ille concluderat, sicut et igneo gladio paradisus fuerat conclusus. Spiritus sanctus testimonium perhibet: similia namque sibi ipsa concurrunt. De cælo testimonium defertur: inde enim erat ille, cui testimonium perhibetur.

### IN III. NOCTURNO.

*Lectio sancti Evangelii secundum Joannem.*

*Lectio vij. Cap. i.*

**I**N illo tempore: Vidit Joannes Jesum venientem ad se, et ait: Ecce Agnus Dei, ecce qui tollit peccatum mundi. Et reliqua.

*Homilia S. Augustini Episcopi.*

*Tract. 6. in Joan. ante medium.*

**A**NTEQUAM veniret Dominus ut baptizaretur a Joanne in Jordane, noverat eum illis vocibus, ubi ait: Tu ad me venis baptizari? ego a te debeo baptizari. Sed ecce Dominum noverat, noverat Filium Dei. Unde probamus quod jam noverat, quia ipse baptizaret in Spiritu sancto? Antequam veniret ad fluvium, cum multi ad Joannem currerent baptizari, ait illis: Ego quidem baptizo vos in aqua: qui autem post me venit, major me est; cujus non sum dignus corrigiam calceamenti solvere: ipse vos baptizabit in Spiritu sancto et igni. Jam et hoc noverat.

*Lectio viij.*

**Q**UID ergo per columbam didicit, ne mendax postea inveniatur, (quod avertat a nobis Deus opinari) nisi quamdam proprietatem in Christo talem futuram, ut quamvis multi ministri baptizaturi essent, sive justis, sive injustis, non tribueretur sanctitas baptismi, nisi illi, super quem descendit columba, de quo dictum est: Hic est qui baptizat in Spiritu san-



cto ? Petrus baptizet , hic est qui baptizat : Paulus baptizet , hic est qui baptizat : Judas baptizet , hic est qui baptizat. Nam si pro diversitate meritum baptismi sanctum est , quia diversa sunt merita , diversa erunt baptismata , et tanto quisque aliquid melius putatur accipere , quanto a meliore videtur accepisse.

*Lectio ix.*

**I**PSI sancti , ( intelligite , fratres ) boni pertinentes ad columbam , pertinentes ad fortem civitatis illius Jerusalem , ipsi boni in Ecclesia , de quibus dicit Apostolus : Novit Dominus qui sunt ejus , diversarum gratiarum sunt , non omnes paria merita habent. Sunt alii aliis sanctiores , sunt alii aliis meliores. Quare ergo si unus ab illo , verbi gratia , justo , sancto baptizetur , alius ab alio inferioris meriti apud Deum , inferioris gradus , inferioris continentiae , inferioris vitae ; unum tamen et par et æquale est quod acceperunt , nisi quia hic est qui baptizat ?

*Ad Laudes , et per Horas , et ad Vesp. omnia dicuntur sicut in die Epiph. præter Orationem.*

*Si Oct. Epiph. venerit in Sabbato in II. Vesp. Oct. fit comm. Dom. II. post Epiph. Quando autem Septuag. venerit in I. Dom. post Oct. Epiph., tunc in I. Sabbat. post Oct. non impedito Festo ix. Lect., alioquin j. die post Oct., fiat Offic. de Feria, in qua ponuntur 3. I. Noct. Dom. II. post Epiph., et tres Lect. leguntur de Homilia ejusdem Dom. cum ejus Ant. ad Bened. et Oratione. Festum vero Semiduplex in ea occurrens transferatur in j. diem similiter non impeditam.*

### DOM. I. POST. EPIPH.

*quæ est infra Oct. Epiph.*

*In I. Noct. legitur Epistola I. ad Corinth. secundum Rubr., p. 198.*

*Incipit Epistola prima B. Pauli Apostoli ad Corinthios.*

*Lectio j.*

*Cap. 1.*

**P**AULUS vocatus Apostolus Jesu Christi per voluntatem Dei , et Sosthenes frater, Ecclesiae Dei quæ est Corinthi , sanctificatis in Christo Jesu , vocatis sanctis , cum omnibus qui invocant nomen Domini nostri Jesu Christi , in omni loco ipsorum , et nostro. Gratia vobis et pax a Deo Patre nostro , et Domino Jesu Christo.

*Lectio ij.*

**G**RATIAS ago Deo meo semper pro vobis in gratia Dei , quæ data est vobis in Christo Jesu , quod in omnibus divites facti estis in illo , in omni verbo , et in omni scientia : sicut testimonium Christi confirmatum est in vobis ; ita ut nihil vobis desit in ulla gratia , expectantibus revelationem Domini nostri Jesu Christi , qui et confirmabit vos usque in finem sine crimine , in die adventus Domini nostri Jesu Christi. Fidelis Deus , per quem vocati estis in societatem Filii ejus Jesu Christi Domini nostri.

*Lectio iij.*

**O**BSEURO autem vos , fratres , per nomen Domini nostri Jesu Christi , ut idipsum dicatis omnes , et non sint in vobis schismata : sitis autem perfecti in eodem sensu , et in eadem sententia. Significatum est enim mihi de vobis , fratres mei , ab iis qui sunt Chloes , quia contentiones sunt inter vos. Hoc autem dico , quod unusquisque vestrum dicit : Ego quidem sum Pauli : ego autem Apollo , ego vero Cephæ : ego autem Christi , Divisus est Christus ? Numquid Paulus crucifixus est pro vobis ? aut in nomine Pauli baptizati estis ?

*In II. et III. Noct. leguntur Lect. Dom. infra Oct., p. 199. Si vero dies Oct. venerit in Dom. dicuntur de die Oct. p. 201.*

### FERIA SECUNDA.

*De Epistola prima ad Corinthios.*

*Lectio j.*

*Cap. 2.*

**E**T ego , cum venissem ad vos , fratres , veni non in sublimitate ser-

monis , aut sapientiæ , annuntians vobis testimonium Christi. Non enim judicavi me scire aliquid inter vos, nisi Jesum Christum , et hunc crucifixum. Et ego in infirmitate , et timore , et tremore multo fui apud vos : et sermo meus , et prædicatio mea non in persuasibilibus humanæ sapientiæ verbis , sed in ostensione spiritus et virtutis , ut fides vestra non sit in sapientia hominum , sed in virtute Dei.

*Lectio ij.*

**S**APIENTIAM autem loquimur , inter perfectos : sapientiam vero non hujus sæculi , neque principum hujus sæculi , qui destruuntur : sed loquimur Dei sapientiam in mysterio , quæ abscondita est , quam prædestinavit Deus ante sæcula in gloriam nostram , quam nemo principum hujus sæculi cognovit : si enim cognovissent , nunquam Dominum gloriæ crucifixissent. Sed sicut scriptum est. Quod oculus non vidit , nec auris audivit , nec in cor hominis ascendit , quæ preparavit Deus iis qui diligunt illum.

*Lectio iij.*

**N**OBIS autem revelavit Deus per Spiritum suum : Spiritus enim omnia scrutatur , etiam profunda Dei. Quis enim hominum scit quæ sunt hominis , nisi spiritus hominis , qui in ipso est ? Ita et quæ Dei sunt , nemo cognovit , nisi Spiritus Dei. Nos autem non spiritum hujus mundi accepimus , sed Spiritum qui ex Deo est , ut sciamus quæ a Deo donata sunt nobis : quæ et loquimur non in doctis humanæ sapientiæ verbis , sed in doctrina Spiritus , spiritualibus spiritualia comparantes.

### FERIA TERTIA.

De Epistola prima ad Corinthios.

*Lectio j. Cap. 5.*

**O**MNINO auditur inter vos fornicatio , et talis fornicatio , qualis nec inter Gentes , ita ut uxorem patris sui aliquis habeat. Et vos inflati

estis : et non magis luctum habuistis , ut tollatur de medio vestrum qui hoc opus fecit. Ego quidem absens corpore , præsens autem spiritu , jam judicavi ut præsens eum qui sic operatus est , in nomine Domini nostri Jesu Christi , congregatis vobis et meo spiritu , cum virtute Domini nostri Jesu , tradere hujusmodi satanæ in interitum carnis , ut spiritus salvus sit in die Domini nostri Jesu Christi.

*Lectio ij.*

**N**ON est bona gloriatio vestra. Nescitis quia modicum fermentum totam massam corrumpit ? Expurgate vetus fermentum , ut sitis nova conspersio , sicut estis azymi. Etenim Pascha nostrum immolatus est Christus. Itaque epulemur , non in fermento veteri , neque in fermento malitiæ et nequitiae , sed in azymis sinceritatis et veritatis.

*Lectio iij.*

**S**CRIPSI vobis in epistola : Ne commisceamini fornicariis. Non utique fornicariis hujus mundi , aut avaris , aut rapacibus , aut idolis servientibus : alioquin debueratis de hoc mundo exiisse. Nunc autem scripsi vobis , non commisceri : si is , qui frater nominatur , est fornicator , aut avarus , aut idolis serviens , aut maledicus , aut ebriosus , aut rapax : cum hujusmodi nec cibum sumere.

### FERIA QUARTA.

De Epistola prima ad Corinthios.

*Lectio j. Cap. 6.*

**A**UDET aliquis vestrum habens negotium adversus alterum , judicari apud iniquos , et non apud sanctos ? An nescitis quoniam sancti de hoc mundo judicabunt ? Et si in vobis judicabitur mundus , indigni estis qui de minimis judicetis ? Nescitis quoniam angelos judicabimus ? quanto magis sæcularia ? Sæcularia igitur judicia si habueritis , contemptibiles qui sunt in Ecclesia , illos constituite ad judicandum. Ad verecundiam vestram dico.

Sic non est inter vos sapiens quisquam, qui possit judicare inter fratrem suum? Sed frater cum fratre iudicio contendit, et hoc apud infideles.

*Lectio ij.*

**J**AM quidem omnino delictum est in vobis, quod iudicia habetis inter vos. Quare non magis injuriam accipitis? quare non magis fraudem patimini? Sed vos injuriam facitis et fraudatis, et hoc fratribus. An nescitis quia iniqui regnum Dei non possidebunt? Nolite errare: Neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt. Et hæc quidam fuistis: sed abluti estis, sed sanctificati estis, sed justificati estis in nomine Domini nostri Jesu Christi, et in Spiritu Dei nostri.

*Lectio iij.*

**O**MNIA mihi licent, sed non omnia expediunt. Omnia mihi licent, sed ego sub nullius redigar potestate. Esca ventri, et venter escis: Deus autem et hunc et has destruet. Corpus autem non fornicationi, sed Domino, et Dominus corpori. Deus vero et Dominum suscitavit: et nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis quoniam qui adhæret meretrici, unum corpus efficitur? Erunt enim, inquit, duo in carne una. Qui autem adhæret Domino, unus spiritus est. Fugite fornicationem.

### FERIA QUINTA.

De Epistola prima ad Corinthios.

*Lectio j. Cap. 7.*

**D**E quibus autem scripsistis mihi: Bonum est homini mulierem non tangere; propter fornicationem autem unusquisque suam uxorem habeat, et unaquæque suum virum habeat. Uxori vir debitum reddat: similiter autem

et uxor viro. Mulier sui corporis potestatem non habet, sed vir: similiter autem et vir sui corporis potestatem non habet, sed mulier.

*Lectio ij.*

**N**OLITE fraudare invicem, nisi forte ex consensu ad tempus ut vacetis orationi, et iterum revertimini in idipsum, ne tentet vos satanas propter incontinentiam vestram. Hoc autem dico secundum indulgentiam, non secundum imperium. Volo enim omnes vos esse sicut meipsum. Sed unusquisque proprium donum habet ex Deo: alius quidem sic, alius vero sic. Dico autem non nuptis et viduis, bonum est illis si sic permaneant sicut et ego. Quod si non se continent, nubant. Melius est enim nubere quam uri.

*Lectio iij.*

**I**S autem qui matrimonio juncti sunt, præcipio non ego, sed Dominus, uxorem a viro non discedere: quod si discesserit, manere innuptam, aut viro suo reconciliari. Et vir uxorem non dimittat. Nam cæteris ego dico, non Dominus: Si quis frater uxorem habet infidelem, et hæc consentit habitare cum illo, non dimittat illam. Et si qua mulier fidelis habet virum infidelem, et hic consentit habitare cum illa, non dimittat virum: sanctificatus est enim vir infidelis per mulierem fidelem, et sanctificata est mulier infidelis per virum fidelem; alioquin filii vestri immundi essent, nunc autem sancti sunt.

### FERIA SEXTA.

De Epistola prima ad Corinthios.

*Lectio j. Cap. 13.*

**S**I linguis hominum loquar et Angelorum, charitatem autem non habeam, factus sum velut æs sonans, aut cymbalum tinniens. Et si habuero prophetiam, et noverim mysteria omnia, et omnem scientiam; et si habuero omnem fidem, ita ut montes transferam, charitatem autem non habuero, nihil sum. Et si distribuero in



cibos pauperum omnes facultates meas, et si tradidero corpus meum, ita ut ardeam, charitatem autem non habuerō, nihil mihi prodest.

*Lectio ij.*

**CHARITAS** patiens est, benigna est: charitas non æmulator, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate, congaudet autem veritati; omnia suffert, omnia credit, omnia sperat, omnia sustinet. Charitas numquam excidit, sive prophetiæ evacuabuntur, sive linguae cessabunt, sive scientia destruetur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est.

*Lectio iij.*

**CUM** essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam sicut et cognitus sum. Nunc autem manent fides, spes, charitas, tria hæc: major autem horum est charitas.

### SABBATO.

De Epistola prima ad Corinthios.

*Lectio i. Cap. 16.*

**DE** collectis autem, quæ fiunt in sanctos, sicut ordinavi Ecclesiis Galatiæ, ita et vos facite. Per unam sabbati unusquisque vestrum apud se seponat, recondens quod ei bene placuerit, ut non, cum venero, tunc collectæ fiant. Cum autem præsens fuero, quos probaveritis per epistolas, hos mittam perferre gratiam vestram in Jerusalem. Quod si dignum fuerit ut et ego eam, mecum ibunt.

*Lectio ij.*

**VENIAM** autem ad vos, cum Macedoniam pertransiero; nam Ma-

cedoniam pertransibo. Apud vos autem forsitan manebo, vel etiam hie-mabo, ut vos me deducatis quocumque iero. Nolo enim vos modo in transitu videre; spero enim me aliquantulum temporis manere apud vos, si Dominus permiserit. Permanebo autem Ephesi usque ad Pentecosten. Ostium enim mihi apertum est magnum et evidens, et adversarii multi.

*Lectio iii.*

**SI** autem venerit Timotheus, videte ut sine timore sit apud vos: opus enim Domini operatur, sicut et ego. Ne quis ergo illum spernat, deducite autem illum in pace, ut veniat ad me: expecto enim illum cum fratribus. De Apollo autem fratre vobis notum facio, quoniam multum rogavi eum ut veniret ad vos cum fratribus; et utique non fuit voluntas ut nunc veniret: veniet autem, cum ei vacuum fuerit. Vigilate, state in fide, viriliter agite, et confortamini. Omnia vestra in charitate fiant.

### SABBATO PRIMO

*post Octavam Epiphaniæ*

*Ad Vesp. omnia præter Orationem, ut in Psalt., p. 97, quod servatur in aliis Sabbatis usque ad Septuag.*

*Oratio ut infra in Laudibus.*

*Deinde fiunt commem. ibidem posita in Psalt., p. 100.*

### DOM. II. POST EPIPH.

*Omnia ut in Psalt., præter ea quæ hic sunt propria.*

IN I. NOCTURNO.

Incipit Epistola secunda B. Pauli Apostoli ad Corinthios.

*Lectio i. Cap. I.*

**PAULUS** Apostolus Jesu Christi per voluntatem Dei, et Timotheus frater, Ecclesiæ Dei quæ est Corinthi, cum omnibus sanctis qui sunt in universa Achaia. Gratia vobis et pax a Deo Patre nostro, et Domino Jesu Christo. Benedictus Deus et

Pater Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra, ut possimus et ipsi consolari eos qui in omni pressura sunt, per exhortationem qua exhortamur et ipsi a Deo. Quoniam sicut abundant passionibus Christi in nobis: ita et per Christum abundat consolatio nostra.

ñ. Domine, ne in ira tua arguas me, neque in furore tuo corripas me: \* Miserere mei, Domine, quoniam infirmus sum. y. Timor et tremor venerunt super me, et contexerunt me tenebrae. Miserere.

*Lectio ij.*

**S**IVE autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quæ operatur tolerantiam earundem passionum, quas et nos patimur, ut spes nostra firma sit pro vobis: scientes, quod sicut socii passionum estis, sic eritis et consolationis.

ñ. Deus, qui sedes super thronum, et iudicas æquitatem, esto refugium pauperum in tribulatione: \* Quia tu solus laborem et dolorem consideras. y. Tibi enim derelictus est pauper, pupillo tu eris adiutor. Quia.

*Lectio iij.*

**N**ON enim volumus ignorare vos, fratres, de tribulatione nostra, quæ facta est in Asia, quoniam supra modum gravati sumus supra virtutem, ita ut læderet nos etiam vivere. Sed ipsi in nobismetipsis responsum mortis habuimus, ut non simus fidentes in nobis, sed in Deo, qui suscitavit mortuos, qui de tantis periculis nos eripuit, et eruit; in quem speramus quoniam et adhuc eripiet, adjuvantibus et vobis in oratione pro nobis: ut ex multorum personis, ejus quæ in nobis est donationis, per multos gratiæ agantur pro nobis.

ñ. A dextris est mihi Dominus ne commovear: \* Propter hoc dilatatum est cor meum, et exultavit lingua mea. y. Dominus pars hereditatis meæ, et calicis mei. Propter. Gloria. Propter.

IN II. NOCTURNO.

Sermo S. Joannis Chrysostomi.

Ex præfatione in Epist. B. Pauli.

*Lectio iv.*

**B**EATI Pauli Epistolarum lectionem dum assidue ausculto, perque hebdomadas singulas bis sæpe, et ter, et quater quotiescumque sanctorum Martyrum memorias celebramus, gaudio exulto, tuba illa spiritali perfruens, et excitor, ac desiderio incalesco, vocem mihi amicam agnoscens, et fere præsentem ipsum intueri, et disserentem audire videor. Sed tamen doleo et moleste fero, quod virum hunc non omnes, sicut par est, cognoscunt: verum ita illum nonnulli ignorant, ut ne Epistolarum quidem ejus numerum plane sciant. Hoc vero non imperitia facit: sed quod nolint beati hujus viri scripta assidue in manibus habere.

ñ. Notas mihi fecisti, Domine, vias vitæ: \* Adimplebis me lætitia cum vultu tuo: delectationes in dextera tua usque in finem. y. Tu es qui restitues hereditatem meam mihi. Adimplebis.

*Lectio v.*

**N**EQUE enim nos quæ scimus, si quid scimus, ab ingenii bonitate atque acumine scimus: sed quod erga hunc virum impense affecti, ab illius lectione numquam discedimus: si quidem qui amant, ii plus quam cæteri omnes eorum facta norunt, quos amant, ut qui de iis ipsis sint solliciti. Id quod beatus hic veluti ostendens, ad Philippenses ait: Sicut est mihi justum, ut hoc de vobis omnibus sentiam, eo quod habeam vos in corde, et in vinculis meis, et in defensione et confirmatione Evangelii.

**¶** Diligam te, Domine, virtus mea: Dominus firmamentum meum. Et refugium meum. **¶** Liberator meus, Deus meus, adjutor meus. Et.

*Lectio vj.*

**Q**UAPROPTER si et vos quoque lectioni diligenter attendere volueritis, nihil aliud vobis erit requirendum. Verax est enim Christi sermo dicentis: Querite, et invenietis: pulsate, et aperietur vobis. Cæterum, quandoquidem complures ex iis qui hoc nobiscum conveniunt, et liberorum educationem, et uxoris curam, et familiæ providentiam suscipere, ob idque totos sese huic labori dare non sustinent, at certe ipsi vos excitate ad ea saltem capienda, quæ alii collegerint, studii tantumdem iis, quæ dicta fuerint, auscultandis, quantum pecuniis colligendis impertientes. Nam etsi turpe sit non nisi tantum studii a vobis exigere, optabile tamen erit, si tantum saltem trihuatis.

**¶** Domini est terra, et plenitudo ejus: \* Orbis terrarum, et universi qui habitant in eo. **¶** Ipse super maria fundavit eam, et super flumina præparavit illam. Orbis. Gloria. Orbis.

IN III. NOCTURNO.

Lectio sancti Evangelii secundum Joannem.

*Lectio vij. Cap. 3.*

**I**N illo tempore: Nuptiæ factæ sunt in Cana Galiliæ, et erat mater Jesu ibi. Vocatus est autem et Jesus, et discipuli ejus ad nuptias. Et reliqua.

Homilia S. Augustini Episcopi.

*Tract. 9. in Ioan. post initium.*

**Q**UOD Dominus invitatus venit ad nuptias, etiam excepta mystica significatione, confirmare voluit quod ipse fecit nuptias. Futuri enim erant, de quibus dixit Apostolus, prohibentes nubere, et dicentes quod malum

essent nuptiæ, et quod diabolus eas fecisset: cum idem Dominus dicat in Evangelio, interrogatus utrum liceat homini dimittere uxorem suam ex qualibet causa, non licere, expecta causa fornicationis. In qua responsione, si meministis, hoc ait: Quod Deus conjunxit, homo non separet.

**¶** Ad te, Domine, levavi animam meam: \* Deus meus, in te confido, non erubescam. **¶** Custodi animam meam, et eripe me. Deus.

*Lectio viij.*

**E**T qui bene eruditi sunt in fide Catholica, noverunt quod Deus fecerit nuptias: et sicut conjunctio a Deo, ita divortium a diabolo sit. Sed propterea in causa fornicationis licet uxorem dimittere, quia ipsa esse uxor prior noluit, quæ fidem conjugalem marito non servavit. Nec illæ, quæ virginitatem Deo voverunt, quamquam ampliorum gradum honoris et sanctitatis in Ecclesia teneant, sine nuptiis sunt: nam et ipsæ pertinent ad nuptias cum tota Ecclesia, in quibus nuptiis sponsus est Christus.

**¶** Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. **¶** Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena est.

*Hoc ¶. semper dicitur post viij. Lect. ab hac Dom. usque ad Septuag., et a III. Dom. post Pentec. usque ad Adv. in Dom. tantum.*

*Lectio ix.*

**A**C per hoc ergo Dominus invitatus venit ad nuptias, ut conjugalis castitas firmaretur, et ostenderetur sacramentum nuptiarum: quia et illarum nuptiarum sponsus personam Domini figurabat, cui dictum est: Servasti vinum bonum usque adhuc. Bonum enim vinum Christus servavit usque adhuc, id est, Evangelium suum.



*Ad Laud. omnia ut in Psalt.*

*Ad Bened. Ant.* Nuptiæ factæ sunt in Cana Galilææ, et erat ibi Jesus cum Maria matre sua.

*Oratio.*

**O**MNIPOTENS sempiternæ Deus, qui cœlestia simul et terrena moderaris, supplicationes populi tui clementer exaudi, et pacem tuam nostris concede temporibus. Per Dominum.

*Deinde fiunt comm. ut supra in Vesp. Sabbati, p. 100.*

*Ad Horas et Vesp., omnia ut in Psalt. de Dom.*

*Ad Magnif. Ant.* Deficiente vino, jussit Jesus impleri hydrias aqua, quæ in vinum conversa est, alleluia.

*Deinde fiunt comm. ut supra.*

*Post Oct. Epiph. usque ad Quadrag., quando occurrit fieri de Feria, fit Offic. ut in Psalt., exceptis iis, quæ sunt propria. Oratio vero dicitur de Dom. præced.*

## FERIA SECUNDA.

De Epistola II. ad Corinthios.

*Lectio j. Cap. 3.*

**I**NCIPIMUS iterum nosmetipsos commendare? aut numquid egemus (sicut quidam) commendatiis epistolis ad vos, aut ex vobis? Epistola nostra vos estis, scripta in cordibus nostris, quæ scitur et legitur ab omnibus hominibus: manifestati quod epistola estis Christi, ministrata a nobis, et scripta non atramento, sed Spiritu Dei vivi; non in tabulis lapideis, sed in tabulis cordis carnalibus.

¶. Quam magna multitudo dulcedinis tuæ, Domine, \* Quam abscondisti timentibus te! ¶. Et perfecisti eis qui sperant in te, Domine, in conspectu filiorum hominum. Quam.

*Lectio ij.*

**F**IDUCIAM autem talem habemus per Christum ad Deum, non quod sufficientes simus cogitare

aliquid a nobis; quasi ex nobis: sed sufficientia nostra ex Deo est, qui et idoneos nos fecit ministros novi Testamenti, non littera, sed Spiritu: littera enim occidit, Spiritus autem vivificat. Quod si ministratio mortis litteris deformata in lapidibus fuit in gloria, ita ut non possent intendere filii Israel in faciem Moysi propter gloriam vultus ejus, quæ evacuatur: quomodo non magis ministratio Spiritus erit in gloria?

¶. Adjutor meus esto Deus: \* Ne derelinquas me. ¶. Neque despicias me, Deus salutaris meus. Ne.

*Lectio iij.*

**N**AM si ministratio damnationis gloria est, multo magis abundat ministerium justitiæ in gloria. Nam nec glorificatum est quod claudit in hac parte, propter excellentem gloriam. Si enim quod evacuatur, per gloriam est; multo magis quod manet, in gloria est. Habentes igitur talem spem, multa fiducia nitimur; et non sicut Moyses ponebat velamen super faciem suam; ut non intenderent filii Israel in faciem ejus, quod evacuatur, sed obtusi sunt sensus eorum. Usque in hodiernum enim diem idipsum velamen in lectione veteris Testamenti manet non revelatum, quoniam in Christo evacuatur.

¶. Benedicam Dominum in omni tempore: \* Semper laus ejus in ore meo. ¶. In Domino laudabitur anima mea; audiant mansueti, et lætentur. Semper. Gloria. Semper.

¶¶. in hac et seq. Feriis posita repetuntur in Feriis sequentium Hebd., usque ad Septuag.

## FERIA TERTIA.

De Epistola II. ad Corinthios.

*Lectio j. Cap. 5.*

**S**CIMUS enim, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cœlis. Nam et in hoc ingemiscimus, habitatio-

nem nostram, quæ de cælo est, superindui cupientes: si tamen vestiti, non nudi inveniamur. Nam et qui sumus in hoc tabernaculo, ingemiscimus gravati, eo quod nolumus expoliari, sed supervestiri, ut absorbeat quod mortale est a vita.

¶. Auribus percipe, Deus, lacrymas meas; ne sileas a me, remitte mihi: \* Quoniam incola ego sum apud te et peregrinus. †. Complacent tibi ut eripias me: Domine, ad adjuvandum me festina. Quoniam.

*Lectio ij.*

**AUDENTES** igitur semper, scientes quoniam dum sumus in corpore, peregrinamur a Domino (per fidem enim ambulamus, et non per speciem): audemus autem, et bonam voluntatem habemus magis peregrinari a corpore, et præsentem esse ad Dominum. Et ideo contendimus sive absentes, sive præsentem, placere illi. Omnes enim vos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.

¶. Statuit Dominus supra petram pedes meos, et direxit gressus meos Deus: \* Et misit in os meum canticum novum. †. Exaudivit preces meas, et eduxit me de lacu miserie. Et.

*Lectio iij.*

**SCIENTES** ergo timorem Domini hominibus suademus, Deo autem manifesti sumus. Spero autem et in conscientiis vestris manifestos nos esse. Non iterum commendamus nos vobis, sed occasionem damus vobis gloriandi pro nobis; ut habeatis ad eos qui in facie gloriantur, et non in corde. Sive enim mente excedimus, Deo: sive sobrii sumus, vobis. Caritas enim Christi urget nos; æstimantes hoc, quoniam si unus pro omnibus mortuus est, ergo omnes mortui sunt: et pro omnibus mortuus est Christus, ut et qui vivunt,

jam non sibi vivant, sed ei qui pro ipsis mortuus est et resurrexit.

¶. Ego dixi, Domine, miserere mei: \* Sana animam meam, quia peccavi tibi. †. Ab omnibus iniquitatibus meis eripe me, Domine. Na-na. Gloria. Sana.

## FERIA QUARTA.

De Epistola II. ad Corinthios.

*Lectio j.*

Cap. 7.

**HAS** ergo habentes promissiones, charissimi, mundemus nos ab omni inquinamento carnis et spiritus perficientes sanctificationem in timore Dei. Capite nos. Neminem læsimus, neminem corrupimus, neminem circumvenimus. Non ad condemnationem vestram dico: prædiximus enim quod in cordibus nostris estis, ad commoriendum et ad convivendum.

¶. Ne perdideris me cum iniquitatibus meis: \* Neque in finem iratus reserves mala mea. †. Non intres in iudicium cum servo tuo, Domine. Neque.

*Lectio ij.*

**MULTA** mihi fiducia est apud vos, multa mihi gloriatio pro vobis: repletus sum consolatione, superabundo gaudio in omni tribulatione nostra. Nam et cum venissemus in Macedoniam, nullam requiem habuit caro nostra, sed omnem tribulationem passi sumus: foris pugna, intus timores. Sed qui consolatur humiles, consolatus est nos Deus in adventu Titi. Non solum autem in adventu ejus, sed etiam in consolatione qua consolatus est in vobis, referens nobis vestrum desiderium, vestrum fletum, vestram æmulationem pro me, ita ut magis gauderem.

¶. Paratum cor meum, Deus, paratum cor meum: \* Cantabo, et psalmum dicam Domino. †. Exurge, gloria mea, exurge, psalterium et cithara: exurgam diluculo. Cantabo.

*Lectio iij.*

**Q**UONIAM etsi contristavi vos in epistola, non me poenitet: et si poeniteret, videns quod epistola illa (etsi ad horam) vos contristavit, nunc gaudeo: non quia contristati estis, sed quia, contristati estis ad poenitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, poenitentiam in salutem stabilem operatur: sæculi autem tristitia mortem operatur.

¶ Adjutor meus, tibi psallam, quia Deus susceptor meus es: \* Deus meus, misericordia mea. ¶ Lætabor et exultabo in te, psallam nomini tuo, Altissime. Deus. Gloria. Deus.

**FERIA QUINTA.**

De Epistola II. ad Corinthios.

*Lectio j.*

Cap. 10.

**I**PSE autem ego Paulus obsecro vos per mansuetudinem et modestiam Christi, qui in facie quidem humilis sum inter vos, absens autem confido in vobis. Rogo autem vos, ne præsens audeam per eam confidentiam, qua existimor andere in quosdam, qui arbitrantur nos tamquam secundum carnem ambulemus. In carne enim ambulantes, non secundum carnem militamus.

¶ Deus, in te speravi: Domine, non confundar in æternum: in justitia tua libera me: \* Et eripe me. ¶ Inclina ad me aurem tuam, et salva me. Et.

*Lectio ij.*

**N**AM arma militiæ nostræ non carnalia sunt, sed potentia Deo ad destructionem munitionum, consilia destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, et in promptu habentes ulcisci omnem inobedientiam, cum impleta fuerit vestra obedientia. Quæ secundum faciem sunt, videte. Si quis confidit

sibi Christi se esse, hoc cogitet iterum apud se, quia sicut ipse, Christi est, ita et nos.

¶ Repleatur os meum laude tua, et hymnum dicam gloriæ tuæ, tota die magnitudinem tuam: noli me projicere in tempore senectutis: \* Dum defecerit in me virtus mea, ne derelinquas me. ¶ Gaudebunt labia mea cum cantavero tibi. Dum.

*Lectio iij.*

**N**AM et si amplius aliquid gloriatus fuero de potestate nostra, quam dedit nobis Dominus in ædificationem, et non in destructionem, vestram, non erubescam. Ut autem non existimer tanquam terrere vos per epistolas, quoniam quidem epistolæ inquit, graves sunt et fortes, præsentia autem corporis infirma, et sermo contemptibilis: hoc cogitet qui ejusmodi est, quia quales sumus verbo per epistolas absentes, tales et præsentem in facto. Non enim audemus inserere, aut comparare nos quibusdam qui seipsos commendant, sed ipsi in nobis nosmetipsos metientes, et comparantes nosmetipsos nobis.

¶ Gaudebunt labia mea cum cantavero tibi: Et anima mea quam redemisti, Domine. ¶ Sed et lingua mea meditabitur justitiam tuam, tota die laudem tuam. Et. Gloria. Et.

**FERIA SEXTA.**

De Epistola II. ad Corinthios.

*Lectio j.*

Cap. 11.

**S**I gloriari oportet (non expedit quidem) veniam autem ad visiones et revelationes Domini. Scio hominem in Christo ante annos quatuordecim - (sive in corpore nescio, sive extra corpus nescio, Deus scit) raptum hujusmodi usque ad tertium cælum. Et scio hujusmodi hominem, (sive in corpore, sive extra corpus, nescio, Deus scit) quoniam raptus est in paradysum, et audivit arcana verba quæ non licet homini loqui.



¶. Confitebor tibi, Domine Deus, in toto corde meo, et honorificabo nomen tuum in æternum: \* Quia misericordia tua, Domine, magna est super me. †. Deus meus es tu, et confitebor tibi: Deus meus es tu, et exaltabo te. Quia.

Lectio ij.

**P**RO hujusmodi gloriabor: pro me autem nihil gloriabor, nisi in infirmitatibus meis. Nam et si voluero gloriari, non ero insipiens; veritatem enim dicam: parco autem, ne quis me existimet supra id quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ angelus satanæ, qui me colaphizet. Propter quod ter Dominum rogavi, ut discederet a me et dixit mihi: Sufficit tibi gratia mea: nam virtus in infirmitate perficitur.

¶. Misericordia tua, Domine, magna est super me: \* Et liberasti animam meam ex inferno inferiori. †. In die tribulationis meæ clamavi ad te, quia exaudisti me. Et.

Lectio iij.

**L**IBENTER igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Cum enim infirmor, tunc potens sum. Factus sum insipiens, vos me coegistis. Ego enim a vobis debui commendari: nihil enim minus fui ab illis qui sunt supra modum Apostoli, tametsi nihil sum.

¶. Factus est mihi Dominus in refugium: \* Et Deus meus in auxilium spei meæ. †. Eripuit me de inimicis meis fortissimis; et factus est Dominus protector meus. Et. Gloria. Et.

## SABBATO.

De Epistola II. ad Corinthios:

**E**CCE tertio hoc venio ad vos. In ore duorum vel trium testium stabit omne verbum. Prædixi, et prædico, ut præsens, et nunc absens, iis qui ante peccaverunt, et cæteris omnibus, quoniam si venero iterum, non parcam. An experimentum queritis ejus, qui in me loquitur Christus, qui in vobis non infirmatur, sed potens est in vobis? Nam et si crucifixus est ex infirmitate; sed vivit ex virtute Dei. Nam et nos infirmi sumus in illo, sed vivemus cum eo ex virtute Dei in vobis.

¶. Ne perdidieris, p. 209.

Lectio ij.

**V**OSMETIPSOS tentate si estis in fide: ipsi vos probate. An non cognoscitis vosmetipsos, quia Christus Jesus in vobis est? nisi forte reprobi estis. Spero autem quod cognoscetis, quia nos non sumus reprobi. Oramus autem Deum, ut nihil mali faciatis; non ut nos probati appareamus, sed ut vos quod bonum est faciatis; nos autem ut reprobi simus. Non enim possumus aliquid adversus veritatem, sed pro veritate. Gaudemus enim quoniam nos infirmi sumus, vos autem potentes estis. Hoc et oramus vestram consummationem.

¶. Paratum cor, p. 209.

Lectio iij.

**I**DEO hæc absens scribo, ut non præsens durius agam secundum potestatem, quam Dominus dedit mihi in ædificationem, et non in destructionem. De cætero, fratres, gaudete, perfecti estote, exhortamini, idem sapite, pacem habete, et Deus pacis et dilectionis erit vobiscum. Salutate invicem in osculo sancto. Salutant vos omnes sancti. Gratia Domini nostri Jesu Christi et charitas Dei, et communicatio sancti Spiritus sit cum omnibus vobis. Amen.

¶. Adjutor meus, p. 210.

*Ad Vesp. Orat. ut infra in Laud.*

**DOM. III. POST. EPIPH.**

*Ad Matut. omnia ut in Psalt.*

**IN I. NOCTURNO.**

Incipit Epistola B. Pauli Apostoli  
ad Galatas.

*Lectio j. Cap. 1.*

**PAULUS** Apostolus non ab hominibus, neque per hominem, sed per Jesum Christum, et Deum Patrem, qui suscitavit eum a mortuis: et qui mecum sunt omnes fratres, Ecclesiis Galatiæ. Gratia vobis et pax a Deo Patre et Domino nostro Jesu Christo, qui dedit semetipsum pro peccatis nostris, ut eriperet nos de presenti sæculo nequam, secundum voluntatem Dei et Patris nostri, cui est gloria in sæcula sæculorum. Amen.

ñ. Domine ne in ira, p. 206.

*Lectio ij,*

**MIROR** quod sic tam cito transferimini ab eo qui vos vocavit in gratiam Christi, in aliud Evangelium: quod non est aliud, nisi sunt aliqui qui vos eonturbant, et volunt convertere Evangelium Christi. Sed licet nos, aut Angelus de cælo evangelizet vobis præterquam quod evangelizavimus vobis, anathema sit. Sicut prædiximus, et nunc iterum dico: Si quis vobis evangelizaverit præter id quod accepistis, anathema sit. Modo enim hominibus suadeo, an Deo? An quæro hominibus placere? Si adhuc hominibus placerem, Christi servus non essem.

ñ. Deus qui sedes, p. 206.

*Lectio liij.*

**NOTUM** enim vobis facio, fratres, Evangelium quod evangelizatum est a me, quia non est secundum hominem: neque enim ego ab homine accepi illud, neque didici, sed per revelationem Jesu Christi. Audistis enim conversationem meam aliquando in Judaismo: quoniam supra modum persequabar Ecclesiam

Dei, et expugnabam illam, et proficiebam in Judaismo supra multos coætaneos meos genere meo, abundantius æmulator, existens paternarum mearum traditionum.

ñ. A dextris est mihi, p. 206.

**IN II. NOCTURNO.**

De expositione S. Augustini Episcopi in Epistolam ad Galatas.

In prefatione, tom. 4.

*Lectio iv.*

**CAUSA** propter quam scribit Apostolus ad Galatas, hæc est: ut intelligant gratiam Dei id secum agere, ut sub lege jam non sint. Cum enim prædicata eis esset Evangelii gratia, non defuerunt quidam ex circumcisione, quamvis Christiani nomine, nondum tamen tenentes ipsum gratiæ beneficium, et adhuc volentes esse sub oneribus legis, quæ Dominus Deus imposuerat non justitiæ servientibus; sed peccato, justam scilicet legem injustis hominibus dando ad demonstranda peccata eorum, non auferenda. Non enim aufert peccata, nisi gratia fidei, quæ per dilectionem operatur.

ñ. Notas mihi fecisti, p. 206.

*Lectio v.*

**SUB** hac ergo gratia jam Galatas constitutos illi volebant constituere sub oneribus legis, asseverantes nihil eis prodesse Evangelium, nisi circumciderentur, et cæteras carnales Judaici ritus observationes subirent. Et ideo Paulum Apostolum suspectum habere cœperant, a quo illis Evangelium prædicatum erat, tamquam non tenentem disciplinam cæterorum Apostolorum, qui Gentes cogebant judaizare.

ñ. Diligam te Domine, p. 207.

*Lectio vj.*

**TALIS** quidem quæstio est et in Epistola ad Romanos: verumtamen videtur aliquid interesse, quod ibi contentionem ipsam dirimit, li-temque componit, quæ inter eos qui

ex Judæis et eos qui ex Gentibus crediderant, orta erat: cum illi tamquam ex meritis operum legis sibi redditum Evangelii præmium arbitrarentur quod premium incircumcisis tanquam immeritis nolebant dari: illi contra Judæis se præferre gestirent tamquam intersectoribus Domini. In hac vero Epistola ad eos scribit, qui jam commoti erant auctoritate illorum qui ex Judæis erant, et ad observationes legis cogeabant.

¶. Domini est terra, p. 207.

IN III. NOCTURNO,

Lectio sancti Evangelii secundum Matthæum.

Lectio vij. Cap. 8.

**I**n illo tempore: Cum descendisset Jesus de monte, secutæ sunt eum turbæ multæ; et ecce leprosus veniens, adorabat eum. Et reliqua.

Homilia S. Hieronymi Presbyteri.

Lib. 1. Comm. in cap. 8. Matth.

**D**E monte Domino descendente, occurrunt turbæ, quia ad altiora ascendere non valuerunt. Et primus ei occurrit leprosus; necdum enim poterat cum lepra tam multiplicem in monte Salvatoris audire sermonem. Et notandum quod hic primus specialiter curatus sit: secundo, puer Centurionis: tertio, socrus Petri. febriens in Capharnaum: quarto loco, qui obliti sunt ei a demonio vexati: quorum spiritus verbo ejiciebat, quando et omnes male habentes curavit.

¶. Ad te Domine, p. 207.

Lectio viij.

**E**t ecce leprosus veniens adorabat eum, dicens. Recte post prædicationem atque doctrinam, signi offertur occasio, ut per virtutem miraculi præteritus apud audientes sermo firmetur. Domine, si vis, potes me mundare. Qui voluntatem rogat, de virtute non dubitat. Et extendens Jesus manum tetigit eum, dicens: Volo, mundare. Extendente manum Do-

mino, statim lepra fugit. Simulque considera quam humilis et sine jactantia responsio. Ille dixerat, Si vis, Dominus respondit, Volo. Ille præmiserat, Potes me mundare; Dominus jungit, et dicit, Mundare. Non ergo, ut plerique Latinorum putant, jungendum est, et legendum, Volo mundare, sed separatim, ut primum dicat, Volo; deinde imperet, Mundare.

¶. Duo Seraphim, p. 207.

Lectio ix.

**E**t ait illi Jesus: Vides, nemini dixeris. Et revera quid erat necesse ut sermone jactaret, quod corpore præferbat? Sed vade, ostende te sacerdoti. Varias ob causas mittit eum ad sacerdotem: primum propter, humilitatem, ut sacerdotibus deferre honorem videatur. Erat enim lege præceptum, ut qui mundati fuerant a lepra, offerrent munera sacerdotibus. Deinde, ut mundatum videntes leprosum, aut crederent Salvatori, aut non crederent: si crederent, salvarentur: si non crederent, inexcusabiles forent. Et simul, ne, quod in eo sæpissime criminabantur, legem videretur infringere.

Ad Laud. omnia ut in Psalt.

Ad Bened. Ant. Cum descendisset Jesus de monte, ecce leprosus veniens adorabat eum, dicens: Domine, si vis, potes me mundare: et extendens manum tetigit eum, dicens: Volo, mundare.

Oratio.

**O**MNIPOTENS sempiternæ Deus infirmitatem nostram propitius respice, atque ad protegendum nos, dexteram tuæ majestatis extende. Per Dominum.

Ad Magnif. Ant. Domine, si vis, potes me mundare: et ait Jesus: Volo, mundare.

FERIA SECUNDA.

De Epistola ad Galatas.

Lectio j. Cap. 3.

**O** INSENSATI Galatæ, quis vos fascinavit non obedire veritati,



ante quorum oculos Jesus Christus præscriptus est, in vobis crucifixus? Hoc solum a vobis volo discere: Ex operibus legis Spiritum accepistis, an ex auditu fidei? Sic stulti estis, ut cum Spiritu cœperitis, nunc carne consummemini? Tanta passi estis sine causa? si tamen sine causa. Qui ergo tribuit vobis Spiritum, et operatur virtutes in vobis; ex operibus legis, an ex auditu fidei? Sicut scriptum est: Abraham credidit Deo, et reputatum est illi ad justitiam.

¶. Quam magna, p. 208.

*Lectio ij.*

**COGNOSCITE** ergo quia qui ex fide sunt, ii sunt filii Abraham. Providens autem Scriptura, quia ex fide justificat Gentes Deus, prænuñtiavit Abraham: Quia benedicentur in te omnes Gentes. Igitur qui ex fide sunt, benedicentur cum fidei Abraham. Quicumque enim ex operibus legis sunt, sub maledicto sunt. Scriptum est enim: Maledictus omnis qui non permanserit in omnibus quæ scripta sunt in libro legis, ut faciat ea.

¶. Adjutor meus, p. 208.

*Lectio iij.*

**QUONIAM** autem in lege nemo justificatur apud Deum manifestum est, quia justus ex fide vivit. Lex autem non est ex fide; sed, Qui fecerit ea, vivet in illis. Christus nos redemit de maledicto legis, factus pro nobis maledictum, quia scriptum est: Maledictus omnis qui pendet in ligno: ut in Gentibus benedictio Abraham fieret in Christo Jesu, ut pollicitationem Spiritus accipiamus per fidem.

¶. Benedicam Dominum, p. 208.

### FERIA TERTIA.

De Epistola ad Galatas.

*Lectio j. Cap. 5.*

**STATE**, et nolite iterum iugo servitutis contineri. Ecce ego Paulus dico vobis, quoniam si circumcidamini, Christus vobis nihil proderit. Testificor autem rursus omni homini

circumcidenti se, quoniam debitor est universæ legis faciendæ. Evacuati estis a Christo, qui in lege justificamini; a gratia excidistis. Nos enim spiritu ex fide spem justitiæ expectamus.

¶. Auribus percipe, p. 209.

*Lectio ij.*

**NAM** in Christo Jesu neque circumcisio aliquid valet, neque præputium; sed fides, quæ per charitatem operatur. Currebatis bene: quis vos impedivit veritati non obedire? Persuasio hæc non est ex eo qui vocat vos. Modicum fermentum totam massam corrumpit. Ego confido in vobis in Domino, quod nihil aliud sapietis. Qui autem conturbat vos, portabit judicium, quicumque est ille.

¶. Statuit Dominus, p. 209.

*Lectio iij.*

**EGO** autem, fratres, si circumcisionem adhuc prædico, quid adhuc persecutionem patior? Ergo evacuatum est scandalum crucis. Utinam et abscindantur qui vos conturbant. Vos enim in libertatem vocati estis, fratres: tantum ne libertatem in occasionem detis carnis, sed per charitatem spiritus servite invicem. Omnis enim lex in uno sermone impletur: Diliges proximum tuum sicut teipsum. Quod si invicem mordetis et comedetis, videte ne ab invicem consumamini. Dico autem: Spiritu ambulate, et desideria carnis non perficietis. Caro enim concupiscit adversus spiritum, spiritus autem adversus carnem: hæc enim sibi invicem adversantur, ut non quæcumque vultis, illa faciatis.

¶. Ego dixi Domine, p. 209.

### FERIA QUARTA.

Incipit Epistola B. Pauli Apostoli ad Ephesios.

*Lectio j. Cap. 1.*

**PAULUS** Apostolus Jesu Christi per voluntatem Dei, omnibus sanctis qui sunt Ephesi, et fidelibus in Christo Jesu. Gratia vobis et pax

**A** Deo Patre nostro , et Domino Jesu Christo. Benedictus Deus et Pater Domini nostri Jesu Christi , qui benedixit nos in omni benedictione spirituali in cœlestibus in Christo , sicut elegit nos in ipso ante mundi constitutionem , ut essemus sancti et immaculati in conspectu ejus in charitate.

ñ. Ne perdideris , p. 209.

*Lectio ij.*

**Q**UI prædestinavit nos in adoptionem filiorum per Jesum Christum in ipsum secundum propositum voluntatis suæ , in laudem gloriæ gratiæ suæ , in qua gratificavit nos in dilecto Filio suo. In quo habemus redemptionem per sanguinem ejus , remissionem peccatorum secundum divitias gratiæ ejus , quæ superabundavit in nobis , in omni sapientia et prudentia : ut notum faceret nobis sacramentum voluntatis suæ , secundum beneplacitum ejus ; quod proposuit in eo , in dispensatione plenitudinis temporum , instaurare omnia in Christo , quæ in cœlis , et quæ in terra sunt , in ipso.

ñ. Paratum cor , p. 209.

*Lectio iij.*

**I**N quo etiam et nos sorte vocati sumus , prædestinati secundum propositum ejus , qui operatur omnia secundum consilium voluntatis suæ , ut simus in laudem gloriæ ejus nos , qui ante speravimus in Christo. In quo et vos , cum audissetis verbum veritatis (Evangelium salutis vestræ) , in quo et credentes signati estis Spiritu promissionis sancto , qui est pignus hæreditatis nostræ , in redemptionem acquisitionis , in laudem gloriæ ipsius.

ñ. Adjutor meus , p. 210.

### FERIA QUINTA.

De Epistola ad Ephesios.

*Lectio j. Cap. 4.*

**O**BSECO itaque vos ego vinculus in Domino , ut digne ambuletis vocatione qua vocati estis , cum omni humilitate et mansuetudine , cum

patientia , supportantes invicem in charitate , solliciti servare unitatem spiritus in vinculo pacis. Unum corpus et unus spiritus , sicut vocati estis in una spe vocationis vestræ. Unus Dominus , una fides , unum baptismus. Unus Deus et pater omnium , qui est super omnes , et per omnia , et in omnibus nobis.

ñ. Deus in te , p. 210.

*Lectio ij.*

**U**NICUIQUE autem nostrum data est gratia secundum mensuram donationis Christi. Propter quod dicit : Ascendens in altum , captivam duxit captivitatem , dedit dona hominibus. Quod autem ascendit , quid est , nisi quia et descendit primum in inferiores partes terræ ? Qui descendit , ipse est et qui ascendit super omnes cœlos , ut impleret omnia.

ñ. Repleatur os meum , p. 210.

*Lectio iij.*

**E**T ipso dedit quosdam quidem Apostolos , quosdam autem Prophetas , alios vero Evangelistas , alios autem pastores et doctores , ad consummationem sanctorum in opus ministerii , in ædificationem corporis Christi : donec occurramus omnes in unitatem fidei , et agnitionis Filii Dei , in virum perfectum , in mensuram ætatis plenitudinis Christi : ut jam non simus parvuli fluctuantes , et circumferamur omni vento doctrinæ in nequitia hominum , in astutia ad circumventionem erroris. Veritatem autem facientes in charitate , crescamus in illo per omnia , qui est caput Christus.

ñ. Gadebunt labia , p. 210.

### FERIA SEXTA.

De Epistola ad Ephesios.

*Lectio j. Cap. 5.*

**E**STOTE ergo imitatores Dei , sicut filii charissimi , et ambulate in dilectione , sicut et Christus dilexit nos , et tradidit semetipsum pro nobis oblationem et hostiam Deo in odorem suavitatis. Fornicatio autem ,

et omnis immunditia , aut avaritia , nec nominetur in vobis , sicut decet sanctos , aut turpitudine , aut stultiloquium , aut scurrilitas , quæ ad rem non pertinet , sed magis gratiarum actio.

℟. Confitebor tibi , p. 211.

*Lectio ij.*

**H**OC enim scitote intelligentes quod omnis fornicator , aut immundus , aut avarus , quod est idolorum servitus , non habet hereditatem in regno Christi et Dei. Nemo vos seducat inanibus verbis : propter hæc enim venit ira Dei in filios dissidentiae. Nolite ergo effici participes eorum.gratis enim aliquando tenebræ , nunc autem lux in Domino. Ut filii lucis ambulate.

℟. Misericordia tua , p. 211.

*Lectio iij.*

**F**RUCTUS enim lucis est in omni bonitate , et justitia , et veritate : probantes quid sit beneplacitum Deo. Et nolite communicare operibus infructuosis tenebrarum , magis autem redarguite. Quæ enim in occulto fiunt ab ipsis , turpe est et dicere. Omnia autem quæ arguuntur , a lumine manifestantur : omne enim quod manifestatur , lumen est. Propter quod dicit : Surge qui dormis , et exurge a mortuis , et illuminabit te Christus.

℟. Factus est mihi , p. 211.

### SABBATO.

De Epistola ad Ephesios.

*Lectio j. Cap. 6.*

**F**ILII , obedite parentibus vestris in Domino : hoc enim justum est. Honora patrem tuum et matrem tuam , quod est mandatum primum in promissione , ut bene sit tibi , et sis longævus super terram. Et vos patres , nolite ad iracundiam provocare filios vestros , sed educate illos in disciplina et correptione Domini.

℟. Ne perdidideris , p. 209.

*Lectio ij.*

**S**ERVI , obedite dominis carnalibus cum timore et tremore , in

simplicitate cordis vestri , sicut Christo : non ad oculum servientes , quasi hominibus placentes , sed ut servi Christi , facientes voluntatem Dei ex animo , cum bona voluntate servientes sicut Domino , et non hominibus : scientes quoniam unusquisque quodcumque fecerit bonum , hoc recipiet a Domino , sive servus , sive liber. Et vos domini , eadem facite illis , remittentes minas : scientes quia et illorum et vester Dominus est in cælis , et personarum acceptio non est apud eum.

℟. Paratum cor , p. 209.

*Lectio iij.*

**D**E cætero , fratres , confortamini in Domino , et in potentia virtutis ejus. Induite vos armaturam Dei , ut possitis stare adversus insidias diaboli. Quoniam non est nobis colluctatio adversus carnem et sanguinem , sed adversus principes et potestates , adversus mundi rectores tenebrarum harum , contra spiritualia nequitiae , in cælestibus. Propterea accipite armaturam Dei , ut possitis resistere in die malo , et in omnibus perfecti stare.

℟. Adjutor meus , p. 210.

*Ad Vesp. Orat. ut infra in Laud.*

### DOM. IV POST. EPIPH.

IN I. NOCTURNO.

Incipit Epistola B. Pauli Apostoli ad Philippenses.

*Lectio j. Cap. 1.*

**P**AULUS et Timotheus servi Jesu Christi , omnibus sanctis in Christo Jesu , qui sunt Philippis , cum Episcopis et Diaconibus. Gratia vobis et pax a Deo Patre nostro , et Domino Jesu Christo. Gratias ago Deo meo in omni memoria vestri , semper in cunctis orationibus meis pro omnibus vobis cum gaudio deprecationem faciens , super communicatione vestra in Evangelio Christi a prima die usque nunc. Confidens hoc ipsum , quia qui cepit in vobis opus bonum , perficiet usque in diem Christi Jesu. Sicut est mihi justum hoc sentire pro omnibus vobis , eo quod habeam vos in corde ,



et in vinculis meis, et in defensione, et confirmatione Evangelii, socios gaudii mei omnes vos esse.

¶. Domine ne in ira, p. 206.

*Lectio ij.*

**TESTIS** enim mihi est Deus, quomodo cupiam omnes vos in visceribus Jesu Christi. Et hoc oro, ut charitas vestra magis ac magis abundet in scientia, et in omni sensu: ut probetis potiora, ut sitis sinceri, et sine offensa in diem Christi, repleti fructu justitiæ per Jesum Christum, in gloriam et laudem Dei. Scire autem vos volo, fratres, quia quæ circa me sunt, magis ad profectum venerunt Evangelii; ita ut vincula mea manifesta fierent in Christo in omni prætorio et in cæteris omnibus, et plures e fratribus in Domino, confidentes vinculis meis, abundantius auderent sine timore verbum Dei loqui.

¶. Deus qui sedes, p. 206.

*Lectio iij.*

**QUIDAM** quidem et propter invidiam et contentionem, quidam autem et propter bonam voluntatem Christum prædicant, quidam ex charitate, scientes quoniam in defensionem Evangelii positus sum. Quidam autem ex contentione Christum annuntiant non sincere, existimantes pressuram se suscitare vinculis meis. Quid enim? Dum omni modo, sive per occasionem, sive per veritatem Christus annuntietur; et in hoc gaudeo, sed et gaudebo.

¶. A dextris est mihi, p. 206.

## IN II. NOCTURNO.

Ex lib. Moral. S. Gregorii Papæ.

*Lectio iv. lib. 4. Cap. 30.*

**REPLEMUS** refectionibus corpus, ne extenuatum deficiat; extenuamus abstinencia, ne nos repletum premat: vegetamus hoc motibus, ne situ immobilitatis intereat, sed citius hoc collocando sistimus, ne ipsa sua vegetatione succumbat: adjumentis hoc vestium tegimus, ne

frigus interimat; et quæsitæ adjumenta projicimus, ne calor exurat. Tot igitur diversitatibus occurrentes, quid agimus, nisi corruptibilitati servimus, ut saltem multiplicitas impensi obsequii corpus sustineat, quod anxietas infirmæ mutabilitatis gravat?

¶. Notas mihi fecisti, p. 206.

*Lectio v.*

**UNDE** bene per Paulum dicitur: Vanitati enim subjecta est creatura non volens, sed propter eum qui subjecit eam in spe: quia et ipsa creatura liberabitur a servitute corruptionis, in libertatem gloriæ filiorum Dei. Vanitati quippe creatura non volens subditur: quia homo, qui ingentis constantiæ statum volens deseruit, pressus justæ mortalitatis pondere, nolens mutabilitatis suæ corruptioni servit. Sed creatura hæc tunc a servitute corruptionis eripitur, cum ad filiorum Dei gloriam incorrupta resurgendo sublevatur.

¶. Diligam te Domine, p. 207.

*Lectio vi.*

**HIC** itaque electi molestia vincti sunt, quia adhuc corruptionis suæ poena deprimuntur: sed cum corruptibili carne exuimur, quasi ab his quibus nunc adstringimur, molestiæ vinculis relaxamur. Præsentari namque jam Deo cupimus, sed adhuc mortalis corporis obligatione præpedimur. Jure ergo vincti dicimur, quia adhuc incessum nostri desiderii ad Deum liberum non habemus. Unde bene Paulus, æterna desiderans, sed tamen adhuc corruptionis suæ sarcinam portans, vinctus clamat: Cupio dissolvi, et esse cum Christo. Dissolvi enim non quæreret, nisi se procul dubio vinctum videret.

¶. Domini est terra, p. 207.

## IN III. NOCTURNO.

Lectio sancti Evangelii secundum Matthæum.

*Lectio vij. Cap. 8.*

**IN** illo tempore: Ascendente Jesu in naviculam, secuti sunt cum di-

scipuli ejus; et ecce motus magnus factus est in mari, ita ut navicula operiretur fluctibus: ipse vero dormiebat. Et reliqua.

Homilia S. Hieronymi Presbyteri.

Lib. I. comm. in cap. 8. Matth.

**Q**UINTUM signum fecit, quando ascendens navem de Capharnaum, ventis imperavit et mari. Sextum, quando in regione Gerasenorum dedit potestatem demonibus in porcos. Septimum, quando ingrediens civitatem suam, paralyticum secundum curavit in lectulo. Primus enim paralyticus, est puer Centurionis.

¶. Ad te Domine, p. 207.

Lectio viij.

**I**PSE vero dormiebat: et accesserunt ad eum, et suscitaverunt eum, dicentes: Domine, salva nos. Hujus signi typum in Jona legimus, quando cæteris periclitantibus, ipse securus est, et dormit, et suscitatur: et imperio ac sacramento passionis suæ liberat suscitantes. Tunc surgens imperavit ventis et mari. Ex hoc loco intelligimus, quod omnes creature sentiant Creatorem. Quas enim increpavit, et quibus imperavit, sentiunt imperantem: non erere hæreticorum, qui omnia putant animantia, sed majestate Conditoris, quæ apud nos insensibilia, illi sensibilia sunt.

¶. Duo Seraphim, p. 207.

Lectio ix.

**P**ORRO homines mirati sunt, dicentes: Qualis est hic, quia venti et mare obediunt ei? Non discipuli, sed nauta: et cæteri qui in navi erant, mirabantur. Sin autem quis contentiose voluerit, eos qui mirabantur, fuisse discipulos, respondebimus, recte homines appellatos, qui necdum novérant potentiam Salvatoris.

Ad Laud. omnia ut in Psalt.

Ad Bened. Ant. Ascendente Jesu in naviculam, ecce motus magnus factus est in mari: et suscitaverunt eum discipuli ejus, dicentes: Domine, salva nos, perimus.

Oratio.

**D**EUS, qui nos in tantis periculis constitutos, pro humana acis fragilitate non posse subsistere, da nobis salutem mentis et corporis, ut ea, quæ pro peccatis nostris patimur, te adjuvante vincamus. Per Dominum.

Ad Magnif. Ant. Domine, salva nos, perimus: impera, et fac, Deus, tranquillitatem.

**FERIA SECUNDA.**

De Epistola ad Philippenses.

Lectio j. Cap. 4.

**I**TAQUE, fratres mei charissimi et desideratissimi, gaudium meum, et corona mea: sic state in Domino, charissimi. Evodiam rogo, et Syntichen deprecor idipsum sapere in Domino. Etiam rogo et te, germane compar, adjuva illas, quæ mecum laboraverunt in Evangelio, cum Clemente et cæteris adjutoribus meis, quorum nomina sunt in libro vitæ.

¶. Quam magoa, p. 208.

Lectio ij.

**G**AUDETE in Domino semper; iterum dico, gaudete. Modestia vestra nota sit omnibus hominibus: Dominus enim prope est. Nihil solliciti sitis; sed in omni oratione et obsecratione cum gratiarum actione petitiones vestræ innotescant apud Deum. Et pax Dei, quæ exuperat omnem sensum, custodiat corda vestra et intelligentias vestras in Christo Jesu.

¶. Adjutor meus, p. 208.

Lectio iij.

**D**E cætero, fratres, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ, si qua virtus, si qua laus disciplinæ, hæc cogitate. Quæ et didicistis, et accepistis, et audistis, et vidistis in me, hæc agite, et Deus pacis erit vobiscum. Gavisus sum autem in Domino vehementer, quoniam tandem aliquando refluistis pro me sentire, sicut et sentiebatis: occupati autem eratis.

¶. Benedicam Dominum, p. 208.

**FERIA TERTIA.**

Incipit Epistola B. Pauli Apostoli  
ad Colossenses.

*Lectio j. Cap. 1.*

**PAULUS** Apostolus Jesu Christi per voluntatem Dei, et Timotheus frater, eis qui sunt Colossis, sanctis et fidelibus fratribus in Christo Jesu. Gratia vobis et pax a Deo Patre nostro, et Domino Jesu Christo. Gratias agimus Deo et Patri Domini nostri Jesu Christi semper pro vobis orantes: audientes fidem vestram in Christo Jesu, et dilectionem quam habetis in sanctos omnes, propter spem quæ reposita est vobis in cœlis, quam audistis in verbo veritatis Evangelii, quod pervenit ad vos, sicut et in universo mundo est, et fructificat, et crescit sicut in vobis, ex ea die qua audistis, et cognovistis gratiam Dei in veritate, sicut didicistis ab Epaphra charissimo conservo nostro, qui est fidelis pro vobis minister Christi Jesu, qui etiam manifestavit nobis dilectionem vestram in spiritu.

¶. Auribus percipe, p. 209.

*Lectio ij.*

**IDEO** et nos ex qua die audivimus, non cessamus pro vobis orantes, et postulantes ut impleamini agnitione voluntatis ejus, in omni sapientia et intellectu spiritali: ut ambuletis digne Deo, per omnia placentes, in omni opere bono fructificantes, et crescentes in scientia Dei: in omni virtute confortati secundum potentiam claritatis ejus, in omni patientia et longanimitate, cum gaudio gratias agentes Deo Patri, qui dignos nos fecit in partem sortis sanctorum in lumine.

¶. Statuit Dominus, p. 209.

*Lectio iij.*

**QUI** eripuit nos de potestate tenebrarum, et transtulit in regnum Filii dilectionis suæ, in quo habemus redemptionem per sanguinem ejus, remissionem peccatorum: qui est imago Dei invisibilis, primogenitus omnis

creaturæ; quoniam in ipso condita sunt universa in cœlis et in terra, visibilia et invisibilia, sive Throni, sive Dominationes, sive Principatus, sive Potestates; omnia per ipsum et in ipso creata sunt, et ipse est ante omnes, et omnia in ipso constant. Et ipse est caput corporis Ecclesiæ, qui est principium, primogenitus ex mortuis.

¶. Ego dixi Domine, p. 209.

**FERIA QUARTA.**

De Epistola ad Colossenses.

*Lectio j. Cap. 3. et 4.*

**INDUITE** vos ergo sicut electi Dei, sancti et dilecti, viscera, misericordiæ, benignitatem, humilitatem, modestiam, patientiam: supportantes invicem, et donantes vobismetipsis, si quis adversus aliquem habet querelam; sicut et Dominus donavit vobis, ita et vos. Super omnia autem hæc charitatem habete, quod est vinculum perfectionis: et pax Christi exultet in cordibus vestris, in qua et vocati estis in uno corpore: et grati estote.

¶. Ne perdideris, p. 209.

*Lectio ij.*

**VERBUM** Christi habitet in vobis abundanter, in omni sapientia, docentes et commonentes vosmetipsos, psalmis, hymnis, et canticis spiritualibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini Jesu Christi, gratias agentes Deo et Patri per ipsum. Mulieres, subditæ estote viris, sicut oportet, in Domino. Viri, diligite uxores vestras, et nolite amari esse ad illas. Filii, obedite parentibus per omnia: hoc enim placitum est in Domino. Patres, nolite ad indignationem provocare filios vestros, ut non pusillo animo fiant.

¶. Paratum cor meum, p. 209.

*Lectio iij.*

**SERVI**, obedite per omnia dominis carnalibus, non ad oculum servientes, quasi hominibus placentes sed in simplicitate cordis, timentes



Deum. Quodcumque facitis, ex animo operamini sicut Domino, et non hominibus, scientes quod a Domino accipietis retributionem hæreditatis. Domino Christo servite. Qui enim injuriam facit, recipiet id quod inique gessit: et non est personarum acceptio apud Deum. Domini quod justum est et æquum, servis præstate, scientes quod et vos Dominum habetis in cælo. Orationi instate, vigilantes in ea in gratiarum actione.

ñ. *Adjutor meus, p. 210.*

### FERIA QUINTA.

*Incipit Epistola prima beati Pauli Apostoli ad Thessalonicenses.*

*Lectio j. Cap. 1.*

**PAULUS**, et Sylvanus, et Timotheus, Ecclesiæ Thessalonicensium in Deo Patre, et Domino Jesu Christo. Gratia vobis et Pax. Gratias agimus Deo semper pro omnibus vobis, memoriam vestri facientes in orationibus nostris sine intermissione, memores operis fidei vestræ, et laboris, et charitatis, et sustinentiæ spei Domini nostri Jesu Christi, ante Deum et Patrem nostrum: scientes, fratres dilecti a Deo, electionem vestram; quia Evangelium nostrum non fuit ad vos in sermone tantum, sed et in virtute, et in Spiritu sancto, et in plenitudine multa, sicut scitis quales fuerimus in vobis propter vos.

ñ. *Deus in te speravi, p. 210.*

*Lectio ij.*

**ET** vos imitatores nostri facti estis et Domini, excipientes verbum in tribulatione multa, cum gaudio Spiritus sancti: ita ut facti sitis forma omnibus credentibus in Macedonia et in Achaia. A vobis enim diffamatus est sermo Domini, non solum in Macedonia et in Achaia, sed et in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annuntiant, qualem introitum habuerimus ad vos, et quomodo conversi estis ad Deum a simulacris, ser-

vire Deo vivo et vero, et expectare Filium ejus de cælis (quem suscitavit ex mortuis) Jesum, qui eripuit nos ab ira ventura.

ñ. *Repleatur os meum, p. 210.*

*Lectio iij. Cap. 2.*

**NAM** ipsi scitis, fratres, introitum nostrum ad vos, quia non inanis fuit; sed ante passi et contumeliis affecti, sicut scitis, in Philippis, fiduciam habuimus in Deo nostro loqui ad vos Evangelium Dei in multa sollicitudine. Exhortatio enim nostra non de errore, neque de immunditia, neque in dolo: sed sicut probati sumus a Deo, ut crederetur nobis Evangelium, ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis, neque in occasione avaritiæ, Deus testis est; nec quærentes ab hominibus gloriam, neque a vobis, neque ab aliis.

ñ. *Gaudebunt labia, p. 210.*

### FERIA. SEXTA.

*De Epistola I. ad Thessalonicenses.*

*Lectio j. Cap. 4.*

**DE** cætero ergo, fratres, rogamus vos et obsecramus in Domino Jesu, ut quemadmodum accepistis a nobis, quomodo oporteat vos ambulare et placere Deo, sic et ambuletis, ut abundetis magis. Scitis enim quæ præcepta dederim vobis per Dominum Jesum. Hæc est enim voluntas Dei, sanctificatio vestra; ut abstineatis vos a fornicatione, ut sciat unusquisque vestrum vas suum possidere in sanctificatione et honore; non in passione desiderii, sicut et Gentes, quæ ignorant Deum.

ñ. *Confitebor, p. 211.*

*Lectio ij.*

**ET** ne quis supergrediatur, neque circumveniat in negotio fratrem suum, quoniam vindex est Dominus de his omnibus, sicut prædiximus vobis, et testificati sumus. Non enim vocavit nos Deus in immunditiam, sed

in sanctificationem. Itaque qui hæc spernit, non hominem spernit, sed Deum, qui etiam dedit Spiritum suum sanctum in nobis.

¶. Misericordia tua, p. 211.

*Lectio. iij.*

**D**E charitate autem fraternitatis non necesse habemus scribere vobis: ipsi enim vos a Deo didicistis, ut diligatis invicem. Etenim illud facitis in omnes fratres in universa Macedonia. Rogamus autem vos, fratres, ut abundetis magis, et operam detis, ut quieti sitis, et ut vestrum negotium agatis, et operemini manibus vestris, sicut præcepimus vobis; et ut honeste ambuletis ad eos qui foris sunt, et nullius aliquid desideretis.

¶. Factus est mihi, p. 211.

### SABBATO.

Incipit Epistola secunda ad Thessalonicenses.

*Lectio j. Cap. i.*

**PAULUS**, et Silvanus, et Timotheus, Ecclesiæ Thessalonicensium in Deo Patre nostro, et Domino Jesu Christo. Gratia vobis et pax a Deo Patre nostro, et Domino Jesu Christo. Gratias agere debemus semper Deo pro vobis, fratres, ita ut dignum est, quoniam supercrevit fides vestra, et abundat charitas uniuscujusque vestrum in invicem: ita ut et nos ipsi in vobis gloriemur in Ecclesiis Dei, pro patientia vestra et fide, et in omnibus persecutionibus vestris et tribulationibus, quas sustinetis in exemplum justi judicii Dei, ut digni habeamini in regno Dei, pro quo et patimini.

¶. Ne perdidideris, p. 209.

*Lectio ij.*

**S**I tamen justum est apud Deum retribuere tribulationem iis qui vos tribulant: et vobis, qui tribulamini, requiem nobiscum in revelatione Domini Jesu de cælo cum Angelis virtutis ejus, in flamma ignis dantis vindictam iis qui non noverunt Deum, et qui non obediunt Evangelio Domini nostri Jesu Christi. Qui poenas dabunt

in interitu æternas a facie Domini, et a gloria virtutis ejus, cum venerit glorificari in sanctis suis, et admirabilis fieri in omnibus qui crediderunt, quia creditum est testimonium nostrum super vos in die illo. In quo etiam oramus semper pro vobis, ut dignetur vos vocatione sua Deus noster, et impleat omnem voluntatem bonitatis, et opus fidei in virtute, ut clarificetur nomen Domini nostri Jesu Christi in vobis, et vos in illo, secundum gratiam Dei nostri, et Domini Jesu Christi.

¶. Paratum cor meum, p. 209.

*Lectio iij.*

*Cap. i.*

**ROGAMUS** autem vos, fratres, per adventum Domini nostri Jesu Christi, et nostræ congregationis in ipsum, ut non cito moveamini a vestro sensu, neque terreamini, neque per spiritum, neque per sermonem, neque per epistolam, tanquam per nos missam, quasi instet dies Domini. Ne quis vos seducat ullo modo: quoniam nisi venerit discessio primum, et revelatus fuerit homo peccati, filius perditionis, qui adversatur, et extollitur supra omne quod dicitur Deus, aut quod colitur, ita ut in templo Dei sedeat, ostendens se tanquam sit Deus.

¶. Adjutor meus, p. 210.

*Ad Vesp. Orat. ut infra in Laud.*

### DOM. V. POST EPIPH.

IN I. NOCTURNO.

Incipit Epistola prima B. Pauli Apostoli ad Timotheum.

*Lectio j.*

*Cap. i.*

**PAULUS** Apostolus Jesu Christi secundum imperium Dei Salvatoris nostri, et Christi Jesu spei nostræ, Timotheo dilecto filio in fide. Gratia, misericordia, et pax a Deo Patre, et Christo Jesu Domino nostro. Sicut rogavi te ut remaneres Ephesi, cum irem in Macedoniam, ut denuntiarem quibusdam ne aliter docerent, neque intenderent fabulis, et genealogiis interminatis, quæ quæstiones præstant

magis quam ædificationem Dei , quæ est in fide.

ñ. Domine ne in ira , p. 206.

*Lectio ij.*

**FINIS** autem præcepti est charitas de corde puro , et conscientia bona , et fide non ficta. A quibus quidam aberrantes , conversi sunt in vaniloquium , volentes esse legis Doctores , non intelligentes neque quæ loquuntur , neque de quibus affirmant. Scimus autem quia bona est lex , si quis ea legitime utatur : scilicet hoc , quia lex justo non est posita , sed injustis et non subditis , impiis et peccatoribus , sceleratis et contaminatis , parricidis et matricidis , homicidis , fornicariis , masculorum concubitoribus , plagiariis , mendacibus et perjuriis , et si quid aliud sanæ doctrinæ adversatur , quæ est secundum Evangelium gloriæ beati Dei , quod creditum est mihi.

ñ. Deus qui sedes , p. 206.

*Lectio iij.*

**GRATIAS** ago ei , qui me confortavit , Christo Jesu Domino nostro , quia fidelem me extimavit , ponens in ministerio : qui prius blasphemus fui , et persecutor , et contumeliosus , sed misericordiam Dei consecutus sum , quia ignorans feci in incredulitate. Superabundavit autem gratia Domini nostri cum fide et dilectione , quæ est in Christo Jesu. Fidelis sermo , et omni acceptione dignus , quod Christus Jesus venit in hunc mundum peccatores salvos facere , quorum primus ego sum. Sed ideo misericordiam consecutus sum , ut in me primo ostenderet Christus Jesus omnem patientiam , ad informationem eorum qui credituri sunt illi , in vitam æternam.

ñ. A dextris est mihi , p. 206.

IN II. NOCTURNO.

Sermo. S. Augustini Episcopi.  
De Verb. Apost. Serm. 8. sub init.

*Lectio iv.*

**HUMANUS** sermo , et omnia acceptione dignus , quia Christus

Jesus venit in hunc mundum peccatores salvos facere. Attende Evangelium : Venit enim Filius hominis quærere et salvare quod perierat. Si homo non periisset , Filius hominis non venisset. Ergo perierat homo ; venit Deus homo , et inventus est homo. Perierat homo per liberam voluntatem : venit Deus homo per gratiam liberatricem.

ñ. Notas mihi fecisti , p. 206.

*Lectio v.*

**QUÆRIS** quid valeat ad malum liberum arbitrium ? Recole hominem peccantem. Quæris quid valeat ad auxilium Deus et homo ? Attende in eo gratiam liberantem. Nusquam potuit sic ostendi quantum valeat voluntas hominis usurpata per superbiam , ad utendum sine adiutorio Dei : malum non potuit plus et manifestius exprimi , quam in homine primo. Ecce perit primus homo : et ubi esset , nisi venisset secundus homo ? quia et ille homo , ideo et iste homo , et ideo humanus sermo.

ñ. Diligam te Domine , p. 207.

*Lectio vj.*

**PRORSUS** nusquam sic apparet benignitas gratiæ , et liberalitas omnipotentiae Dei , quam in homine mediatore Dei et hominum , homine Christo Jesu. Quid enim dicimus , fratres mei ? In fide Catholica nutritis loquor , vel in pacem Catholicam lucratis. Novimus et tenemus mediatorem Dei et hominum , hominem Christum Jesum , in quantum homo erat , ejus esse naturæ cujus et nos sumus. Non enim alterius naturæ caro nostra et caro illius , nec alterius naturæ anima nostra et anima illius. Hanc suscepit naturam , quam salvandam esse judicavit.

ñ. Domini est terra , p. 207.

IN III. NOCTURNO.

Lectio sancti Evangelii secundum  
Matthæum.

*Lectio vij.*

Cap. 13.

**IN** illo tempore : Dixit Jesus turbis parabolam hanc : Simile factum est



regnum cœlorum homini qui semina-  
vit bonum semen in agro suo. Et re-  
liqua.

Homilia sancti Augustini Episcopi.

Lib. quaest. Evang. in Matth. cap. II. t. 4.

**CUM** negligentius agerent Præpo-  
siti Ecclesiæ, aut cum dormitio-  
nem mortis acciperent Apostoli, venit  
diabolus et superseminavit eos, quos  
malos filios Dominus interpretatur.  
Sed quæritur utrum hæretici sint, an  
male viventes Catholici? Possunt enim  
dici filii mali etiam hæretici, quia  
ex eodem Evangelii semine, et Chri-  
sti nomine procreati, pravis opinionibus  
ab falsa dogmata convertuntur.

¶ Ad te Domine, p. 207.

Lectio viij.

**SED** quod dicit eos in medio tri-  
stici seminatos, quasi videntur illi  
significari, qui unius communionis  
sunt. Verumtamen quoniam Dominus  
agrum ipsum, non Ecclesiam, sed  
hunc mundum interpretatus est, bene  
intelliguntur hæretici quia non socie-  
tate unius Ecclesiæ, vel unius fidei,  
sed societate solius nominis Christia-  
ni in hoc mundo permisceantur bonis.  
At illi qui in eadem fide mali sunt  
palea potius quam zizania reputantur:  
quia palea etiam fundamentum ipsum  
habet cum frumento, radicemque  
communem.

¶ Duo Seraphini; p. 207.

Lectio ix.

**IN** illa plane sagena, qua conclu-  
duntur et mali et boni pisces, non  
absurde mali Catholici intelliguntur.  
Aliud est enim mare, quod magis  
mundum istum significat: aliud sage-  
na, quæ unius fidei, vel unius Eccle-  
siæ communionem videtur ostendere.  
Inter hæreticos et malos catholicos  
hoc interest, quod hæretici falsa cre-  
dunt: illi autem vera credentes, non  
vivunt ita ut credunt.

Ad Laud. omnia ut in Psalt.

Ad Bened. Ant. Domine, nonne bo-  
num semen seminasti in agro tuo?

unde ergo habet zizania? et ait illis:  
Hoc fecit inimicus homo.

Oratio.

**FAMILIAM** tuam quæsumus. Do-  
mine, continua pietate custodi, ut  
quæ in sola spe gratiæ cœlestis inni-  
titur, tua semper protectione munia-  
tur. Per Dominum.

Ad Magnif. Ant. Colligite primum  
zizania, et alligate ea in fasciculos ad  
comburendum: triticum autem congre-  
gate in horreum meum, dicit Dominus.

### FERIA SECUNDA.

De Epistola prima ad Timotheum.

Lectio j. Cap. 3. et 4.

**FIDELIS** sermo: Si quis Episcopa-  
tum desiderat, bonum opus deside-  
rat. Oportet ergo Episcopum irrepre-  
hensibilem esse, unius uxoris virum,  
sobrium, prudentem, ornatum pudic-  
um, hospitalem, doctorem, non vi-  
olentum, non percursorem, sed mo-  
lestum: non litigiosum, non cupidum,  
sed suæ domui bene præpositum, fi-  
lios habentem subditos cum omni ca-  
stitate. Si quis autem domui suæ præ-  
esse nescit, quomodo Ecclesiæ Dei di-  
ligentiam habebit? Non neophytum, ne  
in superbiam elatus, in iudicium in-  
cidat diaboli. Oportet autem illum et  
testimonium habere bonum ab iis qui  
foris sunt, ut non in opprobrium  
incidat, et in laqueum diaboli.

¶ Quem magna, p. 208.

Lectio ij.

**DIACONOS** similiter pudicos, non  
bilingues, non multo vino dedi-  
tos, non turpe lucrum sectantes, ha-  
bentes mysterium fidei in conscientia  
pura. Et hi autem probentur primum  
et sic ministrent, nullum crimen ha-  
bentes. Mulieres similiter pudicas, non  
detrahentes, sobrias, fideles in omni-  
bus. Diaconi sint unius uxoris viri,  
qui filiis suis bene præsent, et suis  
domibus. Qui enim bene ministrave-  
rint, gradum bonum sibi acquirant,  
et multam fiduciam in fide, quæ est  
in Christo Jesu.

¶ Adjutor meus, p. 208.

*Lectio iij.*

**H**ÆC tibi scribo, sperans me ad te venire cito; si autem tardavero, ut scias quomodo oporteat te in domo Dei conversari, quæ est Ecclesia Dei vivi, columna et firmamentum veritatis. Et manifeste magnum est pietatis sacramentum, quod manifestatum est in carne, justificatum est in spiritu, apparuit Angelis, prædicatum est Gentibus, creditum est in mundo, assumptum est in gloria Spiritus autem, manifeste dicit, quia in novissimis temporibus discedent quidam a fide, attendentes spiritibus erroris, et doctrinis dæmoniorum.

¶ Benedicam Dominum, p. 208.

**FERIA TERTIA.**

Incipit Epistola II. B. Pauli Apostoli ad Timotheum.

*Lectio j. Cap. i.*

**P**AULUS Apostolus Jesu Christi per voluntatem Dei, secundum promissionem vitæ quæ est in Christo Jesu. Timotheo charissimo filio, gratia, misericordia, pax a Deo Patre, et Christo Jesu Domino nostro. Gratias ago Deo, cui servio a progenitoribus in conscientia pura, quod sine intermissione habeam tui memoriam in orationibus meis, nocte ac die desiderans te videre, memor lacrymarum tuarum, ut gaudio implear, recordationem accipiens ejus fidei quæ est in eo non ficta, quæ et habitavit primum in avia tua Loide, et matre tua Eunice; certus sum autem quod et in te.

¶ Auribus percipe, p. 209.

*Lectio ij.*

**P**ROPTER quam causam admo-  
neo te ut resuscites gratiam Dei, quæ est in te per impositionem manuum mearum. Non enim dedit nobis Deus spiritum timoris, sed virtutis, et dilectionis, et sobrietatis. Noli itaque erubescere testimonium Domini nostri, neque me vinctum ejus; sed collabora Evangelio secundum virtutem Dei, qui nos liberavit, et voca-

vit vocatione sua sancta, non secundum opera nostra, sed secundum propositum suum et gratiam quæ data est nobis in Christo Jesu ante tempora secularia.

¶ Statuit Dominus, p. 209.

*Lectio iij.*

**M**ANIFESTATA est autem nunc per illuminationem Salvatoris nostri Jesu Christi, qui destruxit quidem mortem, illuminavit autem vitam et incorruptionem per Evangelium in quo positus sum ego prædicator, et Apostolus, et magister Gentium. Ob quam causam etiam hæc patior, sed non confundor. Scio enim cui credidi, et certus sum quia potens est depositum meum servare in illum diem. Formam habeo sanorum verborum, quæ a me audisti, in fide et in dilectione in Christo Jesu.

¶ Ego dixi Domine, p. 209.

**FERIA QUARTA.**

De Epistola II. ad Timotheum.

*Lectio j. Cap. 3.*

**H**OC autem scito quod in novissimis diebus instabunt tempora periculosa: erunt homines seipsos amantes, cupidi, elati, superbi, blasphemi, parentibus non obedientes, ingrati, scelesti, sine affectione, sine pace, erimatores, incontinentes, inimici, sine benignitate, proditores, protervi, tumidi, et voluptatum amatores magis quam Dei: habentes speciem quidem pietatis, virtutem autem ejus abnegantes. Et hos evita.

¶ Ne perdideris, p. 209.

*Lectio ij.*

**E**X his enim sunt qui penetrant domos, et captivas ducunt mulierculas onoratas peccatis, quæ ducuntur variis desideriis: semper discentes, et nunquam ad scientiam veritatis pervenientes. Quemadmodum autem Joannes et Mambres restituerunt Moysi, ita et hi resistunt veritati, homines corrupti mente, reprobi circa fidem: sed ultra non proficient; insipientia enim eorum manifesta erit omnibus, sicut et illorum fuit.

¶. Paratum cor, p. 209.

*Lectio iij.*

**TU** autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem, qualia mihi facta sunt Antiochiæ, Iconii et Lystri, quales persecutiones sustinui: et ex omnibus eripuit me Dominus. Et omnes qui pie volunt vivere in Christo Jesu, persecutionem patientur. Mali autem homines et seductores proficient in pejus, errantes, et in errorem mittentes.

¶. Adjutor meus, p. 210.

### FERIA QUINTA

Incipit Epistola B. Pauli Apostoli ad Titum.

*Lectio i. Cap. I.*

**PAULUS** servus Dei, Apostolus autem Jesu Christi secundum fidem electorum Dei, et agnitionem veritatis, quæ secundum pietatem est, in spem vitæ æternæ quam promisit qui non mentitur Deus ante tempora sæcularia: manifestavit autem temporibus suis verbum suum in prædicatione, quæ credita est mihi secundum præceptum Salvatoris nostri Dei, Tito dilecto filio secundum communem fidem, gratia et pax a Deo Patre et Christo Jesu Salvatore nostro.

¶. Deus in te speravi, p. 210.

*Lectio ij.*

**HUJUS** rei gratia reliqui te Cretæ, ut ea quæ desunt corrigas, et constituas per civitates Presbyteros, sicut et ego disposui tibi. Si quis sine crimine est, unius uxoris vir, filios habens fideles, non in accusatione luxuriæ, aut non subditos. Oportet enim Episcopum sine crimine esse, sicut Dei dispensatorem: non superbum, non iracundum, non violentum, non percussorem, non turpis lucri cupidum: sed hospitalem, benignum, sobrium, justum, sanctum, continentem, amplectentem eum, qui secundum doctrinam est, fidelem sermonem: ut potens sit exhortari in doctri-

na sana, et eos, qui contradicunt, arguere.

¶. Repleatur os meum, p. 210.

*Lectio iij.*

**SUNT** enim multi etiam inobedientes, vaniloqui et seductores, maxime qui de circumcisione sunt; quos oportet redargui: qui universas domos subvertunt, docentes quæ non oportet, turpis lucri gratia. Dixit quidam ex illis, proprius ipsorum propheta: Cretenses semper mendaces, malæ bestię, ventres pigri. Testimonium hoc verum est. Quam ob causam increpa illos dure, ut sani sint in fide, non intendentes judaicis fabulis, et mandatis hominum aversantium se a veritate. Omnia munda mundis: coinquinatis autem et infidelibus nihil est mundum.

¶. Gaudebunt labia, p. 210.

### FERIA SEXTA

De Epistola ad Titum.

*Lectio j. Cap. 2. et 3.*

**HÆC** loquere, et exhortare, et argue cum omni imperio. Nemo te contemnat. Admone illos principibus et potestatibus subditos esse, dicto obedire, ad omne opus bonum paratos esse, neminem blasphemare, non litigiosos esse, sed modestos, omnem ostendentes mansuetudinem ad omnes homines.

¶. Confitebor tibi, p. 210.

*Lectio ij.*

**ERAMUS** enim aliquando et nos insipientes, increduli, errantes, servientes desideriis et voluptatibus variis, in malitia et invidia agentes, odibiles, odientes invicem. Cum autem benignitas et humanitas apparuit Salvatoris nostri Dei, non ex operibus justitiæ, quæ fecimus nos, sed secundum suam misericordiam salvos nos fecit per lavacrum regenerationis et renovationis Spiritus sancti, quem effudit in nos abunde per Jesum Christum Salvatorem nostrum: ut justificati gratia ipsius, hæredes simus secundum spem vitæ æternæ.



ñ. Misericordia tua , p. 211.

*Lectio iij.*

**FIDELIS** sermo est , et de his volo te confirmare , ut curent bonis operibus præesse qui credunt Deo. Hæc sunt bona et utilia hominibus. Stultas autem quæstiones , et genealogias , et contentiones , et pugnas legis devita : sunt enim inutiles et vanæ. Hæreticum hominem post unam et secundam correptionem devita , sciens quia subversus est qui ejusmodi est , et delinquit , cum sit proprio judicio condemnatus.

ñ. Factus est mihi , p. 211.

### SABBATO.

Incipit Epistola B. Pauli Apostoli ad Philemonem.

*Lectio j. Cap. i.*

**PAULUS** vinctus Christi Jesu , et Timotheus frater , Philemoni dilecto , et adjutori nostro , et Appiæ sorori charissimæ , et Archippo comilitoni nostro , et Ecclesiæ quæ in domo tua est. Gratia vobis , et pax a Deo patre nostro , et Domino Jesu Christo. Gratias ago Deo meo , semper memoriam tui faciens in orationibus meis , audiens charitatem tuam , et fidem quam habes in Domino Jesu , et in omnes sanctos : ut communicatio fidei tuæ evidens fiat in agnitione omnis operis boni , quod est in vobis in Christo Jesu.

ñ. Ne perdideris , p. 209.

*Lectio ij.*

**GAUDIUM** enim magnum habui et consolationem in charitate tua , quia viscera sanctorum requieverunt per te , frater. Propter quod multam fiduciam habens in Christo Jesu imperandi tibi quod ad rem pertinet ; propter charitatem magis obsecro , cum sis talis , ut Paulus senex , nunc autem et vinctus Jesu Christi : obsecro te pro meo filio , quem genui in vinculis , Onesimo , qui tibi aliquando inutilis fuit , nunc autem et mihi et tibi utilis , quem remisi tibi.

ñ. Paratum cor , p. 209.

*Lectio iij.*

**TU** autem illum ut mea viscera suscipe , quem ego volueram mecum detinere , ut pro te mihi ministraret in vinculis Evangelii : sine consilio autem tuo nihil volui facere , uti ne velut ex necessitate bonum tuum esset , sed voluntarium. Forsitan enim ideo discessit ad horam a te ut æternum illum reciperes jam non ut servum , sed pro servo charissimum fratrem , maxime mihi ; quanto autem magis tibi et in carne , et in Domino ? Si ergo habes me socium , suscipe illum sicut me. Si autem aliquid nocuit tibi , aut debet , hoc mihi imputa. Ego Paulus scripsi mea manu.

ñ. Adjutor meus , p. 210.

*Ad Vesp. Orat. ut infr. in Laud.*

### DOM. VI. POST. EPIPH.

IN I. NOCTURNO.

Incipit Epistola B. Pauli Apostoli ad Hebræos.

*Lectio j. Cap. I.*

**MULTIFARIAM** multisque modis olim Deus loquens patribus in Prophetis , novissime diebus istis locutus est nobis in Filio , quem constituit hæredem universorum , per quem fecit et sæcula. Qui cum sit splendor gloriæ , et figura substantiæ ejus , portansque omnia verbo virtutis suæ , purificationem peccatorum faciens , sedet ad dexteram majestatis in excelsis : tanto melior Angelis effectus , quanto differentius præ illis nomen hæreditavit.

ñ. Domine , ne in ira , p. 206.

*Lectio ij.*

**CUI** enim dixit aliquando Angelorum : Filius meus es tu , ego hodie genui te ? Et rursum : Ego ero illi in patrem , et ipse erit mihi in filium ? Et cum iterum introducit primogenitum in orbem terræ , dicit : Et adorent eum omnes Angeli Dei. Et ad Angelos quidem dicit : Qui facit Angelos suos spiritus , et ministros suos flammam ignis. Ad filium autem :

Thronus tuus, Deus, in sæculum sæculi: virga æquitatis, virga regni tui. Dilexisti justitiam, et odisti iniquitatem: propterea unxit te Deus, Deus tuus oleo exultationis præ participibus tuis.

¶. Deus qui sedes, p. 206.

*Lectio iij.*

**ET**: Tu in principio, Domine, terram fundasti, et opera manuum tuarum sunt cæli. Ipsi peribunt, tu autem permanebis; et omnes ut vestimentum veterascent, et velut amictum mutabis eos, et mutabuntur; tu autem idem ipse es, et anni tui non deficient. Ad quem autem Angelorum dixit aliquando: Sede a dextris meis, quoadusque ponam inimicos tuos scabellum pedum tuorum? Nonne omnes sunt administratorii spiritus, in ministerium missi propter eos qui hæreditatem capient salutis?

¶. A dextris est mihi, p. 206.

## IN II. NOCTURNO.

Sermo S. Athanasii Episcopi.

Orat. 2. contra Arianos post med.

*Lectio iv.*

**SI** personam, rem, tempus Apostolici dicti cognoscerent hæretici, nunquam humana in Deitatem transferentes, tam impie et stulte adversus Christum sese habuissent. Id intueri licebit, si initium lectionis de nouo repetitum probe excipias. Dicit enim Apostolus: Multifariam multisque modis olim Deus locutus est patribus nostris per Prophetas: ultimis autem diebus locutus est nobis in Filio. Atque ita paulo post dicit: Perfecta ab eo nostrorum peccatorum purificatione, ipsum sedere ad dexteram majestatis in excelsis, tanto meliorem Angelis factum, quanto præstantius nomen præ illis sortitus est. De eo igitur tempore, quo nobis per Filium locutus est, cum peccatorum purgatio fieret, Apostolicum dictum mentionem facit. Quando autem nobis locutus est in Filio, aut quando purgatio peccatorum facta, aut quando

natus est homo, nisi post Prophetas, idque in ultimis diebus?

¶. Notas mihi fecisti, p. 206.

*Lectio v.*

**DEINDE** cum narratio instituta esset de humana Verbi dispensatione, deque ultimis temporibus, consequenter commemoravit Deum neque superioribus ætatibus tacuisse, sed locutum esse per Prophetas: et postquam Prophetæ suo officio perfuncti sunt, et lex per Angelos pronuntiata est, et Filius etiam ad nos descendit, et ad ministrandum accessit; tunc demum necessario subintulit: Tanto melior Angelis factus: ostendere volens, quanto Filius præ servo excellit, tanto functione officioque servorum Filii administrationem meliorem fuisse.

¶. Diligam te Domine, p. 207.

*Lectio vj.*

**FUNCTIONEM** igitur discernens Apostolus tum veterem, tum novam, magna dicendi libertate utitur ad Judæos scribens et loquens. Propter hoc igitur non in universum ex propria comparationis ratione dixit quod major aut honoratior esset; ne quis quasi de ejusdem generis, et cum eo communibus rebus hæc verba intelligeret; sed ideo meliorem illum dixit, ut discrimen naturæ Filii ad res creatas indicaret.

¶. Domini est terra, p. 207.

## IN III. NOCTURNO.

Lectio sancti Evangelii secundum Matthæum.

*Lectio vij. Cap. 13.*

**IN** illo tempore: Dixit Jesus turbis parabolam hanc: Simile est regnum cælorum grano sinapis, quod accipiens homo seminavit in agro suo. Et reliqua.

Homilia S. Hieronymi Presbyteri.

Lib. 2. Comment. in cap. 13. Matth.

**REGNUM** cælorum prædicatio Evangelii est, et notitia Scripturarum, quæ ducit ad vitam, et de

qua dicitur ad Judæos: Auferetur a vobis regnum Dei, et dabitur genti facienti fructus ejus. Simile est ergo hujuscemodi regnum grano sinapis, quod accipiens homo seminavit in agro suo. Homo qui seminat in agro suo a plerisque Salvator intelligitur, quod in animis credentium seminet; ab aliis ipse homo seminans in agro suo, hoc est in semetipso et in corde suo.

ñ. Ad te Domine, p. 207.

*Lectio viij.*

**Q**UIS est iste qui seminat, nisi sensus noster et animus, qui suscipiens granum prædicationis, et fovens sementem, humore fidei facit in agro sui pectoris pullulare? Prædicatio Evangelii minima est omnibus disciplinis. Ad primam quippe doctrinam, fidem non habet veritatis, hominem Deum, Christum mortuum, et scandalum crucis prædicans. Confer hujuscemodi doctrinam dogmatibus Philosophorum, et libris eorum, et splendori eloquentiæ, et compositioni sermonum: et videbis quanto minor sit cæteris seminibus sementis Evangelii.

ñ. Duo Seraphim, p. 207.

*Lectio ix.*

**S**ED illa cum creverint, nihil mordax, nihil vividum, nihil vitale demonstrant; sed totum flaccidum marcidumque et mollitum ebullit in olera et in herbas, quæ cito arescunt et corruunt. Hæc autem prædicatio, quæ parva videbatur in principio, cum vel in anima credentis, vel in toto mundo sata fuerit, non exurgit in olera, sed crescit in arborem: ita ut volucres cæli (quas vel animas credentium vel fortitudines Dei servitio mancipatas sentire debemus) veniant et habitent in ramis ejus. Ramos puto Evangelicæ arboris, quæ de grano sinapis creverit, dogmatum esse diversitates in quibus supradictarum volucrum unaquæque requiescit.

*Ad Laud. omnia ut in Psalt.*

*Ad Bened. Ant.* Simile est regnum cælorum grano sinapis, quod minimum est omnibus seminibus, cum autem creverit, majus est omnibus oleribus.

*Oratio.*

**P**RÆSTA, quæsumus, omnipotens Deus, ut semper rationabilia meditantes, quæ tibi sunt placita et dictis exequamur, et factis. Per Dominum.

*Ad Magnif. Ant.* Simile est regnum cælorum fermento, quod acceptum mulier abscondit in farinae satis tribus, donec fermentatum est totum.

## FERIA SECUNDA.

De Epistola ad Hæbræos.

*Lectio j. Cap. 3.*

**U**NDE, fratres sancti, vocationis coelestis participes, considerate Apostolum et Pontificem confessionis nostræ Jesum, qui fidelis est ei qui fecit illum, sicut et Moyses in omni domo ejus. Amplioris enim gloriæ iste præ Moyse dignus est habitus, quanto ampliorem honorem habet domus, qui fabricavit illam. Omnis namque domus fabricatur ab aliquo: qui autem omnia creavit, Deus est.

ñ. Quam magna, p. 208.

*Lectio ij.*

**E**T Moyses quidem fidelis erat in tota domo ejus tamquam famulus, in testimonium eorum quæ dicenda erant: Christus vero tamquam Filius in domo sua; quæ domus sumus nos, si fiduciam et gloriam spei usque ad finem firmam retineamus. Quapropter sicut dicit Spiritus sanctus: Hodie si vocem ejus audieritis, nolite obdurare corda vestra, sicut in exacerbatione secundum diem tentationis in deserto.

ñ. Adjutor meus, p. 208.

*Lectio iij.*

**V**IDETE, fratres, ne forte sit in aliquo vestrum cor malum in-



credulitatis discedendi a Deo vivo; sed adhortamini vosmetipsos per singulos dies, donec Hodie cognominatur, ut non obduretur quis ex vobis fallacia peccati. Participes enim Christi effecti sumus: si tamen initium substantiæ ejus usque ad finem firmum retineamus. Dum dicitur: Hodie si vocem ejus audieritis, nolite obdurare corda vestra, quemadmodum in illa exacerbatione. Quidam enim audientes exarcebaverunt, sed non universi qui profecti sunt ex Ægypto per Moysen.

¶. Benedicam Dominum, p. 208.

### FERIA TERTIA.

De Epistola ad Hebræos.

*Lectio j.*

Cap. 4.

**T**IMEAMUS ergo ne forte relicta pollicitatione introeundi in requiem ejus, existimetur aliquis ex nobis deesse. Etenim et nobis nuntiatum est, quemadmodum et illis. Sed non proffit illis sermo auditus, non admixtus fidei ex iis quæ audierunt. Ingrediemur enim in requiem, qui credidimus, quemadmodum dixit: Sicut juravi in ira mea, si introibunt in requiem meam: et quidem operibus ab institutione mundi perfectis.

¶. Auribus percipe, p. 209.

*Lectio ij.*

**D**IXIT enim in quodam loco de die septima sic: Et requievit Deus die septima ab omnibus operibus suis. Et in isto rursum: Si introibunt in requiem meam. Quoniam ergo superest introire quosdam in illam, et ii, quibus prioribus annuntiatum est, non introierunt propter incredulitatem: iterum terminat diem quemdam, Hodie, in David dicendo, post tantum temporis, sicut supra dictum est: Hodie si vocem ejus audieritis, nolite obdurare corda vestra.

¶. Statuit Dominus, p. 209.

*Lectio iij.*

**N**AM si eis Jesus requiem præstisset, nunquam de alia loqueretur posthac die. Itaque relinquitur sabbatismus populo Dei. Qui enim ingressus est in requiem ejus, etiam ipse requievit ab operibus suis, sicut a suis Deus. Festinemus ergo ingredi in illam requiem, ut ne in idipsum quis incidat incredulitatis exemplum. Vivus est enim sermo Dei, et efficax, et penetrabilior omni gladio ancipiti; et pertingens usque ad divisionem animæ ac spiritus, compagum quoque ac medullarum, et discretor cogitationum et intentionum cordis.

¶. Ego dixi Domine, p. 209,

### FERIA QUARTA.

De Epistola ad Hebræos.

*Lectio j.*

Cap. 6.

**Q**UAPROPTER intermittentes inchoationis Christi sermonem, ad perfectiora feramur, non rursum jacentes fundamentum pœnitentiæ ab operibus mortuis, et fidei ad Deum, baptismatum doctrinæ, impositionis quoque manuum, ac resurrectionis mortuorum, et judicii æterni. Et hoc faciemus, si quidem permiserit Deus.

¶. Ne perdideris, p. 209,

*Lectio ij.*

**I**MPOSSIBILE est enim eos, qui semel sunt illuminati, gustaverunt etiam donum cœleste, et participes facti sunt Spiritus sancti, gustaverunt nihilominus bonum Dei verbum, virtutesque sæculi venturi, et prolapsi sunt, rursum renovari ad pœnitentiam, rursum crucifigentes sibi metipsis Filium Dei, et ostentui habentes.

¶. Paratum cor, p. 209.

*Lectio iij.*

**T**ERRA enim sæpe venientem super se bibens imbrem, et generans herbam opportunam iis a quibus colitur, accipit benedictionem a Deo. Proferens autem spinas ac tri-

bulos, reprobata est et maledicto proxima: cuius consummatio in combustionem. Confidimus autem de vobis, dilectissimi, meliora et viciniora salutis, tametsi ita loquimur. Non enim injustus Deus, ut obliviscatur operis vestri, et dilectionis quam ostendistis in nomine ipsius, qui ministrastis sanctis, et ministratis.

ñ. Adjutor meus, p. 208.

### FERIA QUINTA.

De Epistola ad Hebræos.

*Lectio j. Cap. 7.*

**HIC** enim Melchisedech, rex Salem, sacerdos Dei summi, qui obviavit Abraham regresso a cæde regum, et benedixit ei, cui et decimas omnium divisit Abraham: primum quidem qui interpretatur rex justitiæ; deinde autem et rex Salem, quod est, rex pacis, sine patre, sine matre, sine genealogia, neque initium dierum, neque finem vitæ habens, assimilatus autem Filio Dei, manet sacerdos in perpetuum.

ñ. Deus in te speravi, p. 210.

*Lectio ij.*

**INTUEMINI** autem quantus sit hic, cui et decimas dedit de præcipuis Abraham Patriarcha? Et quidem de filiis Levi sacerdotium accipientes, mandatum habent decimas sumere a populo secundum legem, id est, a fratribus suis, quamquam et ipsi exierunt de lumbis Abraham. Cujus autem generatio non annumeratur in eis, decimas sumpsit ab Abraham, et hunc, qui habebat repromissiones, benedixit.

ñ. Repleatur os meum, p. 210.

*Lectio iij.*

**SINE** ulla autem contradictione, quod minus est a meliore benedicatur. Et hic quidem decimas morientes homines accipiunt: ibi autem contestatur, quia vivit. Et (ut ita dictum sit) per Abraham et Levi, qui decimas accepit, decimatus est: adhuc enim in lumbis pa-

tris erat, quando obviavit ei Melchisedech. Si ergo consummatio per sacerdotium leviticum erat (populus enim sub ipso legem accepit) quid adhuc necessarium fuit secundum ordinem Melchisedech alium surgere sacerdotem, et non secundum ordinem Aaron dici? Translato enim sacerdotio, necesse est ut et legis translatio fiat.

ñ. Gaudebunt labia, p. 210.

### FERIA SEXTA

De Epistola ad Hebræos.

*Lectio j. Cap. 11.*

**EST** autem fides sperandarum substantia rerum, argumentum non apparentium. In hac enim testimonium consecuti sunt senes. Fide intelligimus aptata esse sæcula verbo Dei, ut ex invisibilibus visibilia fierent. Fide plurimam hostiam Abel, quam Cain, obtulit Deo: per quam testimonium consecutus est esse justus, testimonium perhibente muneribus ejus Deo, et per illam defunctus adhuc loquitur.

ñ. Confitebor tibi, p. 210.

*Lectio ij.*

**FIDE** Henoch translatus est ne videret mortem, et non inveniebatur, quia transtulit illum Deus: ante translationem enim testimonium habuit placuisse Deo. Sine fide autem impossibile est placere Deo. Credere enim oportet accedentem ad Deum quia est, et inquirentibus se remunerator sit. Fide Noe, responso accepto de iis quæ adhuc non videbantur, metuens aptavit arcam in salutem domus suæ, per quam damnavit mundum: et justitiæ, quæ per fidem est, hæres est institutus.

ñ. Misericordia tua, p. 211.

*Lectio iij.*

**FIDE** qui vocatur Abraham, obediit in locum exire, quem accepturus erat in hæreditatem, et exiit, nesciens quo iret. Fide demoratus est in Terra repromissionis, tanquam in aliena, in casulis habitando

cum Isaac et Jacob cohæredibus re-  
promissionis ejusdem. Expectabat e-  
nim fundamenta habentem civitatem,  
cujus artifex et conditor Deus.

â. Factus est mihi , p. 211.

### SABBATO.

De Epistola ad Hebræos.

Lectio j.

Cap. 13.

**C**HARITAS fraternitatis maneat  
in vobis. Et hospitalitatem noli-  
te oblivisci : per hanc enim latue-  
runt quidam , Angelis hospitio re-  
ceptis. Mementote victorum , tan-  
quam simul vincti : et laborantium ,  
tanquam et ipsi in corpore morantes.  
Honorabile connubium in omnibus ,  
et thorus immaculatus. Fornicatores  
enim et adulteros judicabit Deus.

â. Ne perdideris , p. 209.

Lectio ij.

**S**INT mores sine avaritia, conten-  
ti præsentibus. Ipse enim dixit :  
Non te deseram, neque derelinquam;  
ita ut confidenter dicamus : Dominus  
mibi adjutor , non timebo quid faciat  
mibi homo. Mementote præpositorum  
vestrorum , qui vobis locuti sunt ver-  
bum Dei : quorum intuentes exitum  
conversationis , imitamini fidem. Je-  
sus Christus heri et hodie : ipse et  
in sæcula.

â. Paratum cor meum, p. 209.

Lectio iij.

**D**OCTRINIS variis et peregrinis  
nolite abduci. Optimum est e-  
nim gratia stabilire cor , non escis ,  
quæ non profuerunt ambulanti-  
bus in eis. Habemus altare , de quo e-  
dere non habent potestatem qui ta-  
bernaculo deserviunt. Quorum enim  
animalium infertur sanguis pro pec-  
cato in Sancta per Pontificem , ho-  
rum corpora cremantur extra castra.  
Propter quod et Jesus , ut sanctifi-  
caret per suum sanguinem populum,  
extra portam passus est.

â. Adjutor meus , p. 210.

Si aliquod Festum Duplex cele-  
bretur in Sabbato ante Septuagesi-

mam . in II. Vesp. post Orat. Fe-  
sti , fit comm. de Dom. , et in fine  
dicitur Benedicamus Domino, allelu-  
ia , allel. , etc. ut infra.

### SABBATO

Ante Septuagesimam.

Ad Vesperas.

Capitulum.

I. Cor. 9.

**F**RATRES , Nescitis quod il, qui  
in stadio currunt , omnes qui-  
dem currunt , sed unus accipit bra-  
vium ? sic currite ut comprehenda-  
tis.

Hymnus et 7. de Psalt., p. 99.

Ad Magnif. Ant. Dixit Dominus  
ad Adam : De ligno quod est in me-  
dio paradisi , ne comedas : in qua  
hora comederis , morte merieris.

Oratio.

**P**RECES populi tui , quæsumus,  
Domine , clementer exaudi , ut  
qui juste pro peccatis nostris affli-  
gimur , pro tui nominis gloria mi-  
sericorditer liberemur. Per Dominum.  
7. Benedicamus Domino , alleluia,  
alleluia. â. Deo gratias , alleluia ,  
alleluia.

Et deinceps non dicitur Allel. u-  
sque ad Sabb. sanctum. Sed post  
Deus in adjutorium , ubi dicebatur  
Alleluia , dicitur Laus tibi Domine ,  
Rex æternæ gloriæ.

Si in Dominicis a Septuag. usque  
ad Dom. in Albis occurrat Festum  
Duplex , vel Semiduplex , transfer-  
tur in primam diem similiter non  
impeditam.

### DOM. IN SEPTUAGES.

Ad Matutinum.

Invit. Præoccupemus faciem Do-  
mini : \* Et in psalmis jubilemus ei.

Psalm. Venite exultemus , p. 1.

In j. versu Psalmi omittitur, Præ-  
occupemus faciem , etc. et ejus loco  
repetitur a Choro Invit.

Hymnus Primo die quo , p. 2.

Ant. Psalmi et 77. de Psalt.



## IN I. NOCTURNO.

Incipit liber Genesis.

*Lectio j.*

Cap. i.

**I**N principio creavit Deus cœlum et terram. Terra autem erat inanis et vacua, et tenebræ erant super faciem abyssi: et Spiritus Dei ferebatur super aquas. Dixitque Deus: Fiat lux. Ex facta est lux. Et vidit Deus lucem quod esset bona, et divisit lucem a tenebris. Appellavitque lucem Diem, et tenebras Noctem: factumque est vespere et mane, dies unus. Dixit quoque Deus: Fiat firmamentum in medio aquarum, et dividat aquas ab aquis. Et fecit Deus firmamentum, divisitque aquas quæ erant sub firmamento, ab his quæ erant super firmamentum. Et factum est ita. Vocavitque Deus firmamentum Cœlum: et factum est vespere et mane, dies secundus.

¶ In principio creavit Deus cœlum et terram, et fecit in ea hominem, \* Ad imaginem, et similitudinem suam. ¶ Formavit igitur Deus hominem de limo terræ, et inspiravit in faciem ejus spiraculum vitæ. Ad imaginem.

*Lectio ij.*

**D**IXIT vero Deus: Congregentur aquæ quæ sub cœlo sunt, in locum unum, et appareat arida. Et factum est ita. Et vocavit Deus aridam, Terram: congregationesque aquarum appellavit Maria. Et vidit Deus quod esset bonum, et ait: Germinet terra herbam virentem et facientem semen, et lignum pomiferum faciens fructum juxta genus suum, cujus semen in semetipso sit super terram. Et factum est ita. Et protulit terra herbam virentem et facientem semen juxta genus suum, lignumque faciens fructum, et habens unumquodque sementem secundum speciem suam. Et vidit Deus quod esset bonum: et factum est vespere et mane dies tertius. Dixit autem Deus:

Fiant luminaria in firmamento cœli, et dividant diem ac noctem: et sint in signa et tempora, et dies et annos, ut luceant in firmamento cœli, et illuminent terram. Et factum est ita. Fecitque Deus duo luminaria magna: luminare majus, ut præesset diei, et luminare minus, ut præesset nocti, et stellas. Et posuit eas in firmamento cœli, ut lucerent super terram, et præessent diei ac nocti, et dividerent lucem ac tenebras. Et vidit Deus quod esset bonum: et factum est vespere et mane, dies quartus.

¶ In principio creavit Deus cœlum et terram, et Spiritus Dei ferebatur super aquas: \* Et vidit Deus cuncta quæ fecerat, et erant valde bona. ¶ Igitur perfecti sunt cœli et terra, et omnis ornatus eorum. Et.

*Lectio iij.*

**D**IXIT etiam Deus: Producant aquæ reptile animæ viventis, et volatile super terram sub firmamento cœli. Creavitque Deus cete grandia, et omnem animam viventem atque motabilem, quam produserant aquæ in species suas, et omne volatile secundum genus suum. Et vidit Deus quod esset bonum: benedixitque eis, dicens: Crescite, et multiplicamini, et replete aquas maris: avesque multiplicentur super terram. Et factum est vespere et mane, dies quintus. Dixit quoque Deus: Producat terra animam viventem in genere suo, jumenta, et reptilia, et bestias terræ secundum species suas. Factumque est ita. Et fecit Deus bestias terræ juxta species suas, et jumenta, et omne reptile terræ in genere suo. Et vidit Deus quod esset bonum, et ait: Faciamus hominem ad imaginem et similitudinem nostram, et præsit piscibus maris, et volatilibus cœli, et bestiis, universæque terræ, omnique reptili quod movetur in terra.

¶ Formavit Dominus hominem de limo terræ, \* Et inspiravit in faciem ejus spiraculum vitæ, et factus est homo in animam viventem. ¶ In prin-

clipio fecit Deus cælum et terram , et  
plasmavit in ea hominem Et. Glo-  
ria. Et.

## IN II. NOCTURNO.

Ex libro Enchiridii sancti Augustini  
Episcopi.

Cap. 25. 26. et 27. tom. 5.

## Lectio iv.

**M**ORTIS supplicium Dominus ho-  
mini comminatus fuerat, si pec-  
caret , sic eum munerans libero arbi-  
trio ; ut tamen regeret imperio , ter-  
reret exitio , atque in paradisi felici-  
tate , tanquam in umbra vitæ , unde,  
justitia custodita , in meliora conscen-  
deret , collocavit. Hinc post peccatum  
exul effectus , stirpem quoque suam,  
quam peccando in se tanquam in ra-  
dice vitiaverat , pœna mortis et da-  
mnatione obstrinxit: ut quidquid prolis  
ex illo et simul damnata , per quam  
peccaverat , conjuge , per carnalem  
concupiscentiam , in qua inobedien-  
tiæ pœna similis retributa est, nasce-  
retur , traheret originale peccatum ,  
quo traheretur per errores doloresque  
diversos ad illud extremum cum de-  
sertoribus angelis , vitiatoribus et pos-  
sessoribus et consortibus suis , sine  
fine supplicium.

¶ Tulit Dominus hominem , et po-  
suit eum in paradiso voluptatis , \* Ut  
operaretur et custodiret illum. † Plan-  
taverat autem Dominus Deus paradisi  
voluptatis a principio , in quo po-  
suit hominem quem formaverat. Ut.

## Lectio v.

**S**IC per unum hominem peccatum  
intravit in mundum , et per pec-  
catum mors : et ita in omnes homi-  
nes pertransiit, in quo omnes pecca-  
verunt. Mundum quippe appellavit eo  
loco Apostolus universum genus huma-  
num. Ita ergo res se habebant. Jace-  
bat in malis vel etiamolvebatur, et  
de malis in mala præcipitabatur to-  
tius humani generis massa damnata ,  
et adjuncta parti eorum , qui pecca-  
verant , angelorum , luebat impiæ de-  
sertionis dignissimas penas.

¶ Dixit Dominus Deus : Non est  
bonum hominem esse solum : \* Facia-  
mus ei adjutorium simile sibi. † Adæ  
vero non inveniebatur adjutor similis  
sibi : dixit vero Deus. Faciamus.

## Lectio vj.

**A**D iram quippe Dei pertinet ju-  
stam, quidquid cæca et indomita  
concupiscentia faciunt libenter mali,  
et quidquid manifestis opertisque pœ-  
nis patiuntur inviti ; non sane Creato-  
ris desistente bonitate et malis angelis  
subministrare vitam , vivacemque po-  
tentiam , ( quæ subministratio si au-  
feratur , interibunt ) et hominum ,  
quamvis de propagine vitiata damna-  
taque nascentium , formare semina ,  
et animare , et ordinare membra per  
temporum ætates , per locorum spa-  
tia vegetare sensus , alimenta donare.  
Melius enim judicavit de malis bene  
facere , quam mala nulla esse per-  
mittere.

¶ Immisit Dominus soporem in A-  
dam, et tulit unam de costis ejus : \*  
Et ædificavit costam , quam tulerat  
Dominus de Adam , in mulierem , et  
adduxit eam ad Adam , ut videret  
quid vocaret eam. \* Et vocavit nomen  
ejus Virago , quia de viro sumpta est.  
† Cumque obdormisset , tulit unam  
de costis ejus, et replevit carnem pro  
ea. Et adificavit. Gloria. Et vocavit.

## IN III. NOCTURNO.

Lectio sancti Evangelii secundum  
Matthæum.

## Lectio vij.

Cap. 20.

**I**N illo tempore : Dixit Jesus disci-  
pulis suis parabolam hanc : Simi-  
le est regnum cælorum homini patri-  
familias , qui exiit primo mane con-  
ducere operarios in vineam suam. Et  
reliqua.

Homilia S. Gregorii Papæ.

Homil. 19. in Evangel. post. princip.

**R**EGNUM cælorum homini patri-  
familias simile dicitur , qui ad  
excolendam vineam suam operarios  
conducit. Quis vero patrisfamilias si-

militudinem rectius tenet, quam conditor noster, qui regit quos condidit, et electos suos sic in hoc mundo possidet, quasi subjectos dominus in domo? Qui habet vineam, universalem scilicet Ecclesiam, quæ ab Abel justo usque ad ultimum electum, qui in fine mundi nasciturus est, quot sanctos protulit, quasi tot palmites misit.

¶. Plantaverat autem Dominus Deus paradysum voluptatis a principio: \* In quo posuit hominem, quem formaverat. ¶. Produxitque Dominus Deus de humo omne lignum pulchrum visu, et ad vescendum suave; lignum etiam vitæ in medio paradisi. In quo.

*Lectio viij.*

**H**IC itaque paterfamilias ad excolendam vineam suam, mane, hora tertia, sexta, nona et undecima operarios conducit, quia a mundi huius initio usque in finem, ad erudiendam plebem fidelium prædicatores congregare non desistit. Mane etenim mundi fuit ab Adam usque ad Noe: hora vero tertia a Noe usque ad Abraham: sexta quoque ab Abraham usque ad adventum Domini: undecima vero ab adventu Domini usque ad finem mundi. In qua prædicatores sancti Apostoli missi sunt, qui mercedem plenam et tarde venientes acceperunt.

¶. Ecce Adam quasi unus ex nobis factus est, sciens bonum et malum: \* Videte ne forte sumat de ligno vitæ, et vivat in æternum. ¶. Fecit quoque Dominus Deus Adæ tunicam pelliceam, et induit eum, et dixit. Videte.

*Lectio ix.*

**A**D erudiendam ergo Dominus plebem suam, quasi ad excolendam vineam suam, nullo tempore destitit operarios mittere; quia et prius per Patres, et postmodum per legis Doctores et Prophetas, ad extremum vero per Apostolos, dum plebis suæ mores excoluit, quasi per operarios in vineæ cultura laboravit: quamvis in quolibet modulo vel mensura, quisquis cum fide recta bonæ prædicator actionis extitit, huius vineæ operarius

fuit. Operator ergo mane, hora tertia, sexta, et nona, antiquus ille Hebraicus populus designatur, qui in electis suis ac ipso mundi exordio, dum recta fide Deum studuit colere, quasi non destitit in vineæ cultura laborare. Ad undecimam vero Gentiles vocantur, quibus et dicitur: Quid hic statis tota die otiosi?

¶. Ubi est Abel frater tuus? dixit Dominus ad Cain. Nescio, Domine: numquid custos fratris mei sum ego? Et dixit ad eum: Quid fecisti? \* Ecce vox sanguinis fratris tui Abel clamat ad me de terra. ¶. Maledictus eris super terram, quæ aperuit os suum et suscepit sanguinem fratris tui de manu tua. Ecce. Gloria. Ecce.

Nonum ¶. dicitur in Dom. usque ad Pascha, loco Hymni Te Deum, qui non dicitur hoc temp. nisi in Festis.

### *Ad Laudes*

*Ant. 1. Miserere mei Deus, et a delicto meo munda me: quia tibi soli peccavi.*

*Psalm. Miserere mei, p. 39.*

*2. Confitebor tibi, quoniam exaudivisti me.*

*Psalm. Confitemini, p. 17.*

*3. Deus, Deus meus, ad te de luce vigilo, quia factus es adiutor meus.*

*Psalm. Deus Deus meus p. 13.*

*4. Benedictus es in firmamento cæli, et laudabilis in sæcula Deus noster.*

*Cant. Benedicite, p. 14.*

*5. Laudate Dominum de cælis.*

*Psalm. Laudate Dominum de cælis, p. 14.*

*Capitulum. I. Cor. 9.*

**F**RATRES, Nescitis quod ii qui in stadio currunt, omnes quidem currunt, sed unus accipit bravium? Sic currite, ut comprehendatis.

*Hymnus. Æterne rerum, p. 18.*

¶. Domine refugium factus es nobis. ¶. A generatione et progenie.

*Ad Bened. Ant. Simile est regnum cælorum homini paterfamilias, qui exiit primo mane conducere operarios in vineam suam, dicit Dominus.*



*Oratio.*

**P**RECES populi tui, quæsumus, Domine, clementer exaudi, ut qui iuste pro peccatis nostris affligimur, pro tui nominis gloria misericorditer liberemur. Per Dominum.

*Ad Primam.*

*Ant.* Conventione autem facta cum operariis ex denario diurno, misit eos in vineam suam.

*Ad Absol. Capit.* Dominus autem dirigat, p. 21.

*Ad Tertiam.*

*Ant.* Ite et vos in vineam meam, et quod justum fuerit, dabo vobis.

*Capit.* Fratres Nescitis.

*ñ. br.* Inclina cor meum, Deus, \* In testimonia tua. Inclina. *ŷ.* Averte oculos meos, ne videant vanitatem, in via tua vivifica me. In testimonia tua. Gloria. Inclina. *ŷ.* Ego dixi, Domine, miserere mei. *ñ.* Nana animam meam, quia peccavi tibi.

*Ad Sextam.*

*Ant.* Quid hic statis tota die otiosi? responderunt, et dixerunt: Quia nemo nos conduxit.

*Capitulum.* I. Cor. 9.

**O**MNIS autem qui in agone contendit, ab omnibus se abstinet: et illi quidem ut corruptibilem coronam accipiant, nos autem incorruptam.

*ñ. br.* In æternum, Domine, \* Permanet verbum tuum. In æternum. *ŷ.* In sæculum sæculi veritas tua. Permanet. Gloria. In æternum. *ŷ.* Dominus regit me, et nihil mihi deerit. *ñ.* In loco pascuæ ibi me collocavit.

*Ad Nonam.*

*Ant.* Voca operarios, et redde illis mercedem suam, dicit Dominus.

*Capitulum.* I. Cor. 10.

**B**IBEbant autem de spiritali consequente eos petra: petra autem erat Christus; sed non in pluribus eorum beneplacitum est Deo.

*ñ. br.* Clamavi in toto corde meo, \* Exaudi me, Domine. Clamavi. *ŷ.* Justificationes tuas requiram. Exaudi. Gloria. Clamavi. *ŷ.* Ab occultis meis munda me, Domine. *ñ.* Et ab alienis parce servo tuo.

*Ad Vesperas.*

*Ant. et Psalmi de Dominica.*

*Capit.* Fratres Nescitis, ut sup.

*Hymnus et ŷ. in Psalt.*

*Ad Magnif. Ant.* Dixit paterfamilias operariis suis: Quid hic statis tota die otiosi? At illi respondentes dixerunt: Quia nemo nos conduxit. Ite et vos in vineam meam, et quod justum fuerit, dabo vobis.

**FERIA SECUNDA**

De libro Genesis.

*Lectio j.* Cap. 1.

**E**T creavit Deus hominem ad imaginem suam; ad imaginem Dei creavit illum: masculum et feminam creavit eos. Benedixitque illis Deus, et ait: Crescite, et multiplicamini, et replete terram, et subijcite eam, et dominamini piscibus maris, et volatilibus cæli, et universis animantibus, quæ moventur super terram. Dixitque Deus: Ecce dedi vobis omnem herbam afferentem semen super terram, et universa ligna quæ habent in semetipsis scmentem generis sui, ut sint vobis in escam, et cunctis animantibus terræ, omnique volucri cæli, et universis quæ moventur in terra, et in quibus est anima vivens, ut habeant ad vescendum. Et factum est ita. Viditque Deus cuncta quæ fecerat, et erant valde bona. Et factum est vespere et mane, dies sextus.

*ñ.* Dum deambularet Dominus in paradiso ad auram post meridiem, clamavit et dixit: Adam ubi es? Audi vi, Domine, vocem tuam, \* Et abscondi me. *ŷ.* Vocem tuam audiavi in paradiso, et timui, eo quod nudus essem. Et.

*Lectio ij.* Cap. 2.

**I**GITUR perfecti sunt cæli et terra, et omnis ornatus eorum. Con-

plevitque Deus die septimo opus suum quod fecerat, et requievit die septimo ab universo opere quod patrarat. Et benedixit diei septimo, et sanctificavit illum, quia in ipso cessaverat ab omni opere suo, quod creavit Deus ut faceret. Istæ sunt generationes cœli et terræ, quando creata sunt, in die quo fecit Dominus Deus cœlum et terram, et omne virgultum agri antequam oriretur in terra, omnemque herbam regionis prius quam germinaret: non enim pluerat Dominus Deus super terram, et homo non erat qui operaretur terram; sed fons ascendebat e terra, irrigans universam superficiem terræ.

¶. In sudore vultus tui vivescens pane tuo, dixit Dominus ad Adam: cum operatus fueris terram, non dabit fructus suos; \* Sed spinas et tribulos germinabit tibi. ¶. Quia audisti vocem uxoris tuæ, et comedisti de ligno ex quo præceperam tibi ne comederes, maledicta terra in opere tuo. Sed.

*Lectio iij.*

**FORMAVIT** igitur Dominus Deus hominem de limo terræ, et inspiravit in faciem ejus spiraculum vitæ, et factus est homo in animam viventem. Plantaverat autem Dominus Deus paradisum voluptatis a principio, in quo posuit hominem quem formaverat. Produxitque Dominus Deus de humo omne lignum pulchrum visu, et ad vescendum suave: lignum etiam vitæ in medio paradisi, lignumque scientiæ boni et mali. Et fluvius egrediebatur de loco voluptatis ad irrigandum paradisum, qui inde dividitur in quatuor capita.

¶. Formavit Dominus hominem de limo terræ, \* Et inspiravit in faciem ejus spiraculum vitæ, et factus est homo in animam viventem. ¶. In principio fecit Deus cœlum et terram, et plasmavit in ea hominem. Et. Gloria. Et.

*Ad Magnif. Ant.* Hi novissimi una hora fecerunt, et pares illos nobis fe-

cisti, qui portavimus pondus diei et æstus.

## FERIA TERTIA.

De libro Genesis.

*Lectio j. Cap. 2.*

**TULIT** ergo Dominus Deus hominem, et posuit eum in paradiso voluptatis, ut operaretur et custodiret illum; præcepitque ei, dicens: Ex omni ligno paradisi comede; de ligno autem scientiæ boni et mali ne comedas. In quocumque enim die comederis ex eo, morte morieris. Dixit quoque Dominus Deus: Non est bonum esse hominem solum; faciamus ei adjutorium simile sibi.

¶. Tulit Dominus, p. 233.

*Lectio ij.*

**FORMATIS** igitur Dominus Deus de humo cunctis animantibus terræ, et universis volatilibus cœli, adduxit ea ad Adam, ut videret quid vocaret ea. Omne enim quod vocavit Adam animæ viventis, ipsum est nomen ejus. Appellavitque Adam nominibus suis cuncta animantia, et universa volatilia cœli, et omnes bestias terræ. Adæ vero non inveniabatur adjutor similis ejus.

¶. Dixit Dominus, p. 233.

*Lectio iij.*

**IMMISIT** ergo Dominus Deus soporem in Adam, cumque obdormisset, tulit unam de costis ejus, et replevit carnem pro ea. Et ædificavit Dominus Deus costam, quam tulerat de Adam, in mulierem, et adduxit eam ad Adam. Dixitque Adam: Ille nunc os ex ossibus meis, et caro de carne mea: hæc vocabitur Virago, quoniam de viro sumpta est. Quamobrem relinquet homo patrem suum et matrem, et adhærebit uxori suæ; et erunt duo in carne una.

¶. Immisit Dominus, p. 233.

*Ad Magnif. Ant.* Dixit autem paterfamilias: Amice, non facio tibi injuriam: nonne ex denario convenisti mecum? tolle quod tuum est, et vade.

**FERIA QUARTA.**

De libro Genesis.

*Lectio j. Cap. 3.*

**S**ED et serpens erat callidior cunctis animantibus terræ, quæ fecerat Dominus Deus. Qui dixit ad mulierem: Cur præcepit vobis Deus ut non comederetis de omni ligno paradisi? Cui respondit mulier: De fructu lignorum, quæ sunt in paradiso, vescimur: de fructu vero ligni, quod est in medio paradisi, præcepit nobis Deus ne comederemus, et ne tangeremus illud, ne forte moriamur. Dixit autem serpens ad mulierem: Nequaquam morte moriemini. Scit enim Deus quod in quocumque die comederitis ex eo, aperientur oculi vestri, et eritis sicut dii, scientes bonum et malum. Vidit igitur mulier quod bonum esset lignum ad vescendum, et pulchrum oculis, aspectuque delectabile: et tulit de fructu illius, et comedit, deditque viro suo, qui comedit. Et aperti sunt oculi amborum.

¶. Plantaverat autem, p. 234.

*Lectio ii.*

**C**UMQUE cognovissent se esse nudos, consuerunt folia ficus, et fecerunt sibi perizomata. Et cum audissent vocem Domini Dei deambulantis in paradiso ad auram post meridiem, abscondit se Adam et uxor ejus a facie Domini Dei in medio ligni paradisi. Vocavitque Dominus Deus Adam, et dixit ei: Ubi es? Qui ait: Vocem tuam audiavi in paradiso, et timui eo quod nudus essem, et abscondi me. Cui dixit: Quis enim indicavit tibi quod nudus esses, nisi quod ex ligno de quo præceperam tibi ne comederes, comedisti? Dixitque Adam: Mulier, quam dedisti mihi sociam, dedit mihi de ligno, et comedi. Et dixit Dominus Deus ad mulierem: Quare hoc fecisti? Quæ respondit: Serpens decepit me, et comedi.

¶. Ecce Adam quasi, p. 234.

*Lectio iii.*

**E**T ait Dominus Deus ad serpentem: Quia fecisti hoc, maledictus es inter omnia animantia, et bestias terræ; super pectus tuum gradieris, et terram comedes cunctis diebus vitæ tuæ. Inimicitias ponam inter te et mulierem, et semen tuum et semen illius: ipsa conteret caput tuum, et tu insidiaberis calcaneo ejus. Mulieri quoque dixit: Multiplicabo ærumnas tuas, et conceptus tuos: in dolore paries filios, et sub viri potestate eris, et ipse dominabitur tui. Adæ vero dixit: Quia audisti vocem uxoris tuæ, et comedisti de ligno ex quo præceperam tibi ne comederes, maledicta terra in opere tuo; in laboribus comedes ex ea cunctis diebus vitæ tuæ. Spinas et tribulos germinabit tibi, et comedes herbam terræ. In sudore vultus tui vesceris pane, donec revertaris in terram de qua sumptus es, quia pulvis es, et in pulverem reverteris. Et vocavit Adam nomen uxoris suæ Eva, eo quod mater esset cunctorum viventium.

¶. Ubi est Abel, p. 234.

*Ad Magnif. Ant.* Tolle quod tuum est, et vade: quia ego bonus sum, dicit dominus.

**FERIA QUINTA.**

De libro Genesis.

*Lectio j. Cap. 4.*

**A**DAM vero cognovit uxorem suam Evam, quæ concepit et peperit Cain, dicens: Possedi hominem per Deum. Rursumque peperit fratrem ejus Abel. Fuit autem Abel pastor ovium, et Cain agricola. Factum est autem post multos dies, ut offerret Cain de fructibus terræ munera Domino. Abel quoque obtulit de primogenitis gregis sui, et de adipibus eorum: et respexit Dominus ad Abel, et ad munera ejus. Ad Cain vero et ad munera illius non respexit: iratusque est Cain vehementer, et concidit vultus ejus. Dixitque Dominus ad eum: Quare iratus es? et cur con-



cidit facies tua? Nonne, si bene egeris, recipies? sin autem male, statim in foribus peccatum aderit? sed sub te erit appetitus ejus, et tu dominaberis illius.

¶. In principio, p. 232.

*Lectio ij.*

**DIXITQUE** Cain ad Abel fratrem suum: Egrediamur foras. Cumque essent in agro, consurrexit Cain adversus fratrem suum Abel, et interfecit eum. Et ait Dominus ad Cain: Ubi est Abel frater tuus? Qui respondit: Nescio; num custos fratris mei sum ego? Dixitque ad eum: Quid fecisti? Vox sanguinis fratris tui clamat ad me de terra. Nunc igitur maledictus eris super terram, quæ aperuit os suum, et suscepit sanguinem fratris tui de manu tua. Cum operatus fueris eam, non dabit tibi fructus suos: vagus et profugus eris super terram.

¶. In principio, p. 232.

*Lectio iii.*

**DIXITQUE** Cain ad Dominum: Major est iniquitas mea, quam ut veniam merear. Ecce ejicis me hodie a facie terræ, et a facie tua abscondar, et ero vagus et profugus in terra. Omnis igitur qui invenerit me, occidet me. Dixitque ei Dominus: Nequaquam ita fiet: sed omnis qui occiderit Cain, septuplum punietur. Posuitque Dominus Cain signum, ut non interficeret eum omnis qui invenisset eum. Egressusque Cain a facie Domini, habitavit profugus in terra ad orientalem plagam Eden.

¶. Formavit Dominus, p. 232.

*Ad Magnif. Ant.* Non licet mihi quod volo facere? an oculus tuus nequam est, quia ego bonus sum, dicit Dominus?

## FERIA SEXTA.

De libro Genesis.

*Lectio j.*

Cap. 4.

**COGNOVIT** autem Cain uxorem suam, quæ concepit et peperit

Enoch: et ædificavit civitatem, vocavitque nomen ejus ex nomine filii sui, Enoch. Porro Enoch genuit Irad, et Irad genuit Maviael, et Maviael genuit Mathusael, et Mathusael genuit Lamech. Qui accepit duas uxores: nomen uni Ada, et nomen alteri Sella. Genuitque Ada Jabel, qui fuit pater habitantium in tentoriis, atque pastorum. Et nomen fratris ejus Jubal; ipse fuit pater canentium cithara et organo. Sella quoque genuit Tubalcain, qui fuit malleator et faber in cuncta opera æris et ferri. Soror vero Tubalcain, Noema.

¶. Tulit Dominus, p. 233.

*Lectio ij.*

**DIXITQUE** Lamech uxoribus suis Adæ et Sellæ: Audite vocem meam, uxores Lamech, auscultate sermonem meum: quoniam occidi virum in vulnus meum, et adolescentulum in livorem meum, septuplum ultio dabitur de Cain, de Lamech vero septuagies septies. Cognovit quoque adhuc Adam uxorem suam, et peperit filium, vocavitque nomen ejus Seth, dicens: Posuit mihi Deus semen aliud pro Abel, quem occidit Cain. Sed et Seth natus est filius, quem vocavit Enos: iste cepit invocare nomen Domini.

¶. Dixit Dominus, p. 233.

*Lectio iij. Cap. 5.*

**HIC** est liber generationis Adam in die, qua creavit Deus hominem, ad similitudinem Dei fecit illum. Masculum et feminam creavit eos, et benedixit illis, et vocavit nomen eorum Adam in die quo creati sunt. Vixit autem Adam centum triginta annis, et genuit ad imaginem et similitudinem suam, vocavitque nomen ejus Seth. Et facti sunt dies Adam, postquam genuit Seth, octingenti anni, genuitque filios et filias. Et factum est omne tempus quod vixit Adam, anni nongenti triginta, et mortuus est.

¶. Immisit Dominus, p. 233.

**SABBATO.**

De libro Genesis.

*Lectio j. Cap. 5.*

**V**IXIT autem Malaleel sexaginta quinque annis, et genuit Jared. Et vixit Malaleel postquam genuit Jared, octingentis triginta annis: et genuit filios et filias. Et facti sunt omnes dies Malaleel octingenti nonaginta quinque anni, et mortuus est. Vixitque Jared centum sexaginta duobus annis, et genuit Enoch. Et vixit Jared postquam genuit Enoch, octingentis annis, et genuit filios et filias. Et facti sunt omnes dies Jared nongenti sexaginta duo anni, et mortuus est. Porro Enoch vixit sexaginta quinque annis, et genuit Mathusalam.

ñ. Plantaverat autem, p. 234.

*Lectio ij.*

**E**T ambulavit Enoch cum Deo: et vixit postquam genuit Mathusalam, trecentis annis, et genuit filios et filias. Et facti sunt omnes dies Enoch trecenti sexaginta quinque anni. Ambulavitque cum Deo, et non apparuit, quia tulit eum Deus. Vixit quoque Mathusala centum octoginta septem annis, et genuit Lamech. Et vixit Mathusala postquam genuit Lamech, septingentis octoginta duobus annis, et genuit filios et filias. Et facti sunt omnes dies Mathusala nongenti sexaginta novem anni, et mortuus est.

ñ. Ecce Adam quasi, p. 234.

*Lectio iij.*

**V**IXIT autem Lamech centum octoginta duobus annis, et genuit filium, vocavitque nomen ejus Noe, dicens: iste consolabitur nos ab operibus et laboribus manuum nostrarum in terra cui maledixit Dominus. Vixitque Lamech postquam genuit Noe, quingentis nonaginta quinque annis: et genuit filios et filias. Et facti sunt omnes dies Lamech, septingenti septuaginta septem anni, et mortuus est.

ñ. Ubi est Abel, p. 234.

**SABBATO***ante Sexagesimam.***Ad Vesperas.***Capitulum. 2. Cor. 11.*

**F**RATRES, Libenter suffertis insipientes, cum sitis ipsi sapientes: sustinetis enim si quis vos in servitutem redigit, si quis devorat, si quis accipit, si quis extollitur, si quis in faciem vos cedit.

*Hymnus et c. de Psalt., p. 99.*

*Ad Magnif. Ant.* Dixit Dominus ad Noe: Finis universæ carnis venit coram me: fac tibi arcam de lignis lævigatis, ut salvetur universum semen in ea.

*Orat. ut infra in Laudibus.***DOM. IN SEXAGES.****Ad Matutinum.**

*Invit.* Præoccupemus faciem Domini: \* Et in psalmis jubilemus ei.

*Psalm.* Venite exultemus, p. 1.

*In j. versu Psalm.* omittitur Præoccupemus faciem, etc., et ejus loco repetitur a Choro *Invit.*

*Hymnus* Primo die quo, p. 2.*Ant. Psalmi et jñ. de Psalt.***IN I. NOCTURNO.**

De libro Genesis.

*Lectio j. Cap. 5. et 6.*

**N**OE vero cum quingentorum esset annorum, genuit Sem, Cham et Japheth. Cumque cœpissent homines multiplicari super terram, et filias procreassent, videntes filii Dei filias hominum quod essent pulchræ, acceperunt sibi uxores ex omnibus quas elegerant. Dixitque Deus: Non permanebit spiritus meus in homine in æternum, quia caro est: eruntque dies illius centum viginti annorum. Gigantes autem erant super terram in diebus illis. Postquam enim ingressi sunt filii Dei ad filias hominum, illæque genuerunt, isti sunt potentes a sæculo viri famosi.

ñ. Dixit Dominus ad Noe: Finis

universæ carnis venit coram me : repleta est terra iniquitate eorum : \* Et ego disperdam eos cum terra. *ŷ.* Fac tibi arcam de lignis lævigatis , mansiunculas in ea facies. Et.

*Lectio ij.*

**V**IDENS autem Deus quod multa malitia hominum esset in terra et cuncta cogitatio cordis intenta esset ad malum omni tempore , pœnituit eum quod hominem fecisset in terra. Et tactus dolore cordis intrinsecus : Delebo , inquit , hominem quem creavi , a facie terræ , ab homine usque ad animantia , a reptili usque ad volucres cœli : pœnitet enim me fecisse eos. Noe vero invenit gratiam coram Domino.

*ŷ.* Noe vir justus atque perfectus cum Deo ambulavit : \* Et fecit omnia quæcumque præcepit ei Deus. *ŷ.* Fecit sibi arcam , ut salvaretur universum semen. Et.

*Lectio iij.*

**H**Æ sunt generationes Noe : Noe vir justus atque perfectus fuit in generationibus suis ; cum Deo ambulavit. Et genuit tres filios Sem , Cham et Japheth. Corrupta est autem terra coram Deo , et repleta est iniquitate. Cumque vidisset Deus terram esse corruptam ( omnis quippe caro corruerat viam suam super terram ) dixit ad Noe : Finis universæ carnis venit coram me : repleta est terra iniquitate a facie eorum , et ego disperdam eos cum terra. Fac tibi arcam de lignis lævigatis : mansiunculas in arca facies , et bitumine lindies intrinsecus . et extrinsecus. Et sic facies eam : Trecentorum cubitorum erit longitudo arcæ , quinquaginta cubitorum latitudo , et triginta cubitorum altitudo illius.

*ŷ.* Quadraginta dies et noctes aperti sunt cali , et ex omni carne habente spiritum vitæ ingressa sunt in arcam : \* Et clausit a foris ostium Dominus. *ŷ.* In articulo diei illius ingressus est Noe in arcam , et filii ejus , et uxor illius , et u-

xores filiorum ejus. Et. Gloria. Et.

IN II. NOCTURNO.

Ex libro sancti Ambrosii Episcopi de Noe et Arca.

Cap. 4. circa medium.

*Lectio iv.*

**H**ABES quia iratus Dominus est : quoniam quamvis cogitaret , hoc est , sciret quia homo positus in terræ regione , carnem portans , sine peccato esse non possit , ( terra enim velut quidam tentationum locus est , caroque corruptelæ illecebra ) tamen cum haberent mentem rationis capacem , virtutemque animæ infusam corpori , sine consideratione aliqua in lapsum ruerunt , ex quo revocare se nolent. Neque enim Deus cogitat sicut homines , ut aliqua ei nova succedat sententia , neque irascitur quasi mutabilis : sed ideo hæc leguntur , ut exprimatur peccatorum nostrorum acerbitas , quæ divinam meruerit offensam : tanquam eo usque increverit culpa , ut etiam Deus , qui naturaliter non movetur aut ira , aut odio , aut passione ulla , provocatus videatur ad iracundiam.

*ŷ.* Ædificavit Noe altare Domino , offerens super illud holocaustum , odoratusque est Dominus odorem suavitatis , et benedixit ei , dicens : \* Crescite , et multiplicamini , et replete terram. *ŷ.* Ecce ego statuam pactum meum vobiscum , et cum semine vestro post vos. Crescite.

*Lectio v.*

**M**INITATUS est præterea quod deleret hominem. Ab homine , inquit , usque ad pecus , et a reptilibus usque ad volatilia delebo. Quid læserant irrationabilia ? Sed quia propter hominem illa facta erant , eo utique deleto propter quem factasunt , consequens erat ut etiam illa delerentur , quia non erat qui his uteretur. Sensu autem altiore illud manifestatur , quia homo mens est , quæ est rationis capax. Homo enim definitur animal vivum , mortale , rationabile. Principali igitur extincto , e-



tiam sensus omnis extinguatur, eo quod nihil reliqui ad salutem supersit, cum salutis fundamentum virtus defecerit.

¶. Ponam arcum meum in nubibus cœli, dixit Dominus ad Noe: \* Et recordabor fœderis mei quod pepigi tecum. ¶. Cumque obduxero nubibus cœlum, apparebit arcus meus in nubibus. Et.

*Lectio vj.*

**A**d condemnationem autem cæterorum, et ad expressionem pietatis divinæ, dicitur, Noe apud Deum gratiam invenisse. Simul ostenditur quod hominem justum non obumbret aliorum offensio, quando ipse ad totius generis reservatur seminarium. Qui non generationis nobilitate, sed justitiæ et perfectionis merito laudatur. Probat enim viri genus virtutis prosapia est, quia sicut hominum genus homines, ita animarum genus virtutes sunt. Etenim familiæ hominum splendore generis nobilitantur, animarum autem clarificatur gratia splendore virtutis.

¶. Per memetipsum juravi, dicit Dominus, non adjiciam ultra aquas diluvii super terram: pacti mei recordabor, \* Ut non perdam aquis diluvii omnem carnem. ¶. Arcum meum ponam in nubibus, et erit signum fœderis inter me et inter terram. Ut. Gloria. Ut.

IN III. NOCTURNO.

Lectio sancti Evangelii secundum Lucam.

*Lectio vij. Cap. 8.*

**I**n illo tempore: Cum turba plurima convenirent, et de civitatibus properarent ad Jesum, dixit per similitudinem: Exiit qui seminat seminare semen suum. Et reliqua.

Homilia sancti Gregorii Papæ.

*Homil. 15. in Evangelia.*

**L**ECTIO sancti Evangelii, quam modo, fratres charissimi, audistis, expositione non indiget, sed admonitione. Quam enim per semet-

ipsam veritas exposuit, hanc discutere humana fragilitas non præsumat. Sed est quod sollicitè in hac ipsa expositione Dominica pensare debeamus: quia si nos vobis semen verbum, agrum mundum, volucres dæmonia, spinas divitias significare diceremus, ad credendum nobis mens forsitan vestra dubitaret. Unde et idem Dominus per semetipsum dignatus est exponere quod dicebat, ut sciatis rerum significationes quærere in illis etiam quæ per semetipsum noluit explanare.

¶. Benedixit Deus Noe et filiis ejus, et dixit ad eos. \* Crescite, et multiplicamini, et replete terram. ¶. Ecce ego statuam pactum meum vobiscum, et cum semine vestro post vos. Crescite.

*Lectio viij.*

**E**xponendo ergo quod dixit, figurate se loqui innoteat: quatenus certos nos redderet, cum vobis nostra fragilitas verborum illius figuras aperiret. Quis enim mihi unquam crederet, si spinas divitias interpretari voluissem? maxime cum illæ pungant, istæ delectent. Et tamen spinæ sunt, quia cogitationum suarum punctionibus mentem lacerant, et cum usque ad peccatum pertrahunt, quasi inflicto vulnere cruentant. Quas bene hoc in loco, alio Evangelista testante, nequaquam Dominus divitias, sed fallaces divitias appellat.

¶. Ecce ego statuam pactum meum vobiscum, et cum semine vestro post vos: \* Neque erit deinceps diluvium dissipans terram. ¶. Arcum meum ponam in nubibus, et erit signum fœderis inter me et inter terram. Neque.

*Lectio. ix.*

**F**ALLACES enim sunt, quæ nobiscum diu permanere non possunt: fallaces sunt, quæ mentis nostræ inopiam non expellunt. Solæ autem divitiæ veræ sunt, quæ nos divites virtutibus faciunt. Si ergo,

fratres charissimi, esse divites cupitis, veras divitias amate. Si culmen veri honoris quæritis, ad cœleste regnum tendite. Si gloriam dignitatum diligitis, in illa superna Angelorum curia adscribi festinate. Verba Domini quæ aure percipitis, mente retinete. Cibus enim mentis est sermo Dei: et quasi acceptus cibus stomacho languente rejicitur, quando auditus sermo in ventre memoriæ non tenetur. Sed quisquis alimenta non retinet, hujus profecto vita desperatur.

¶ Cum turba plurima convenirent ad Jesum, et de civitatibus properarent ad eum, dixit per similitudinem: Exiit qui seminat seminare semen suum. §. Et dum seminat, aliud cecidit in terram bonam, et ortum fecit fructum centuplum. Exiit. Gloria. Exiit.

*Infra Hebd. Feria iv, et Sabbato, loco hujus ¶. dicitur ¶. j. Ferie ij. seq.*

### **Ad Laudes.**

*Ant. 1. Secundum magnam misericordiam tuam miserere mei, Deus.*

*Psalm. Miserere mei Deus, p. 39.*

*2. Si mihi Dominus Salvator fuerit, non timebo quid faciat mihi homo.*

*Psalm. Confitemini, p. 17.*

*3. In velamento clamavi valde diluculo: Deus, Deus meus, ad te de luce vigilo.*

*Psalm. Deus Deus meus, p. 13.*

*4. Hymnum dicamus Domino Deo nostro.*

*Cant. Benedicite, p. 14.*

*5. In tympano et choro, in chordis et organo laudate Deum.*

*Psalm. Laudate Domino de cælis, p. 14.*

*Capitulum. 2. Cor. 11.*

**F**RATRES, Libenter suffertis insipientes, cum sitis ipsi sapientes: sustinetis enim si quis vos in servitatem redigit, si quis devorat, si quis accipit, si quis extollitur, si quis in faciem vos cædit.

*Hymnus Æterne rerum, p. 13.*

¶. Domine, refugium factus es nobis. ¶. A generatione et progenie.

*Ad Bened. Ant. Cum turba plurima convenirent ad Jesum, et de civitatibus properarent ad eum, dixit per similitudinem: Exiit qui seminat seminare semen suum.*

*Oratio.*

**D**EUS, qui conspicias quia ex nulla nostra actione confidimus, concede propitius, ut contra adversa omnia Doctoris Gentium protectione muniamur. Per Dominum.

*Ad Horas ¶¶. br. ut. in Psalt.*

### **Ad Primam.**

*Ant. Semen cecidit in terram bonam, et attulit fructum in patientia.*

### **Ad Tertiam.**

*Ant. Qui verbum Dei retinent corde perfecto et optimo, fructum afferunt in patientia.*

*Capit. Fratres Libenter.*

### **Ad Sextam.**

*Ant. Semen cecidit in terram bonam, et attulit fructum, aliud centesimum, et aliud sexagesimum.*

*Capitulum. 2. Cor. 11.*

**T**ER virgis cæsus sum, semel lapidatus sum, ter naufragium feci, nocte et die in profundo maris fui.

### **Ad Nonam.**

*Ant. Si vere, fratres, divites esse cupitis, veras divitias amate.*

*Capitulum. 2. Cor. 12.*

**L**IBENTER igitur gloriabor in infirmitatibus meis, ut inhabitet in me virtus Christi.

### **Ad Vesperas.**

*Ant. et Psalmi de Dominica.*

*Capit. Fratres Libenter, ut sup. Hymnus et ¶. ut in Psalt.*

*Ad Magnif. Ant. Vobis datum est nosse mysterium regni Dei, cæteris*

autem in parabolis, dixit Jesus discipulis suis.

## FERIA SECUNDA.

De libro Genesis.

Lectio j. Cap. 7.

**D**IXIT Dominus ad Noe: Ingredere tu, et omnis domus tua in arcam: te enim vidi justum coram me in generatione hac. Ex omnibus animantibus mundis tolles septena et septena, masculum et feminam; de animantibus vero immundis duo et duo, masculum et feminam. Sed et de volatilibus cœli, septena et septena, masculum et feminam, ut salvetur semen super faciem universæ terræ. Adhuc enim et post dies septem ego pluam super terram quadraginta diebus et quadraginta noctibus, et delebo omnem substantiam quam feci de superficie terræ.

¶ In articulo diei illius ingressus est Noe in arcam, et filii ejus, \* Uxor illius, et uxores filiorum ejus. ¶ Deleta sunt universa de terra, remansit autem solus Noe, et qui cum eo erant in arca. Uxor.

Lectio ij.

**F**ECIT ergo Noe omnia quæ mandaverat ei Dominus. Cumque transissent septem dies, aquæ diluvii inundaverunt super terram. Anno sexcentesimo vitæ Noe, mense secundo, septimo decimo die mensis, rupti sunt omnes fontes abyssi magnæ, et cataractæ cœli apertæ sunt: et facta est pluvia super terram quadraginta diebus et quadraginta noctibus.

¶ Recordatus Dominus Noe, adduxit spiritum super terram, et imminutæ sunt aquæ; \* Et prohibitæ sunt pluvie de cœlis. ¶ Reversæque sunt aquæ de terra euntes et redeuntes cœperunt minui post centum quinquaginta dies. Et.

Lectio iij.

**I**N articulo diei illius ingressus est Noe, et Sem, et Cham, et

Japheth filii ejus, uxor illius, et tres uxores filiorum ejus cum eis in arcam: ipsi et omne animal secundum genus suum, universaque jumenta in genere suo, et omne quod movetur super terram in genere suo: cunctumque volatile secundum genus suum. Factumque est diluvium quadraginta diebus super terram, et multiplicatæ sunt aquæ, et elevarunt arcam in sublime a terra.

¶ Quadraginta dies et noctes aperti sunt cœli, et ex omni carne habente spiritum vitæ ingressa sunt in arcam: \* Et clausit a foris ostium Dominus. ¶ In articulo diei illius ingressus est Noe in arcam, et filii ejus, et uxor illius, et uxores filiorum ejus. Et. Gloria. Et.

Ad Magnif. Ant. Si culmen veri honoris quæritis, ad illam cœlestem patriam quantocytus properate.

## FERIA TERTIA.

De libro Genesis.

Lectio j. Cap. 8.

**R**ECORDATUS autem Deus Noe, cunctorumque animantium, et omnium jumentorum, quæ erant cum eo in arca, adduxit spiritum super terram, et imminutæ sunt aquæ. Et clausi sunt fontes abyssi, et cataractæ cœli, et prohibitæ sunt pluvie de cœlo. Reversæque sunt aquæ de terra euntes et redeuntes, et cœperunt minui post centum quinquaginta dies. Requievitque arca mense septimo, vigesimo septimo die mensis, super montes Armeniæ.

¶ Edificavit Noe, p. 240.

Lectio ij.

**A**T vero aquæ ibant et decrecebant usque ad decimum mensem: decimo enim mense, prima die mensis, apparuerunt cacumina montium. Cumque transissent quadraginta dies, aperiens Noe fenestram arcæ quam fecerat, dimisit corvum; qui egrediebatur, et non revertebatur, donec siccarentur aquæ super terram. Dimisit quoque columbam post eum, ut



videret si jam cessassent aquæ super faciem terræ. Quæ cum non invenisset ubi requiesceret pes ejus, reversa est ad eum in arcam.

¶. Ponam arcum , p. 241.

*Lectio iij.*

**EXPECTATIS** autem ultra septem diebus aliis, rursum dimisit columbam ex arca. At illa venit ad eum ad vesperam, portans ramum olivæ virentibus foliis in ore suo. Intellexit ergo Noe quod cessassent aquæ super terram. Expectavitque nihilominus septem alios dies, et emisit columbam, quæ non est reversa ultra ad eum. Igitur sexcentesimo primo anno, primo mense, prima die mensis imminutæ sunt aquæ super terram.

¶. Per memetipsum , p. 241.

*Ad Magnif. Ant.* Semeu est verbum Dei, sator autem Christus: omnis qui invenit eum, manebit in æternum.

### FERIA QUARTA.

De libro Genesis.

*Lectio j. Cap. 9.*

**LOCUTUS** est autem Deus ad Noe, dicens: Egredere de arca tu et uxor tua, filii tui et uxores filiorum tuorum tecum. Cuncta animalia quæ sunt apud te, ex omni carne, tam in volatilibus, quam in bestiis, et universis reptilibus quæ reptant super terram, educ tecum, et ingredimini super terram; crescite et multiplicamini super eam. Egredus est ergo Noe et filii ejus, uxor illius et uxores filiorum ejus cum eo. Sed et omnia animalia, jumenta, et reptilia quæ reptant super terram secundum genus suum, egressa sunt de arca.

¶. Benedixit Deus, p. 241.

*Lectio ij.*

**ÆDIFICAVIT** autem Noe altare Domino, et tollens de cunctis pecoribus et volucribus mundis, obtulit holocausta super altare. Odora-

tusque est Dominus odorem suavitatis, et ait: Nequaquam ultra maledicam terræ propter homines: sensus enim et cogitatio humani cordis in malum prona sunt ab adolescentia sua. Non igitur ultra perentiam omnem animam viventem, sicut feci. Cunctis diebus terræ, sementis et messis, frigus et æstus, æstas et hiems, nox et dies, non requiescent.

¶. Ecce ego statuam, p. 241.

*Lectio iij. Cap. 9.*

**BENEDIXITQUE** Deus Noe et filiis ejus, et dixit ad eos: Crescite, et multiplicamini, et replete terram. Et terror vester ac tremor sit super cuncta animalia terræ, et super omnes volucres cœli, cum universis quæ moventur super terram: omnes pisces maris manui vestræ traditi sunt. Et omne quod movetur et vivit, erit vobis in cibum; quasi olera virentia tradidi vobis omnia, excepto quod carnem cum sanguine non comedetis. Sanguinem enim animarum vestrarum requiram de manu cunctarum bestiarum: et de manu hominis, de manu viri et fratris ejus, requiram animam hominis. Quicumque effuderit humanum sanguinem, fundetur sanguis illius: ad imaginem quippe Dei factus est homo.

¶. In articulo diei illius ingressus est Noe in arcam, et filii ejus, Uxor illius, et uxores filiorum ejus. ¶. Deleta sunt universa de terra, remansit autem solus Noe, et qui cum eo erant in arca. Uxor. Gloria. Uxor.

*Ad Magnif. Ant.* Quod autem cecidit in terram bonam, hi sunt qui in corde bono et optimo fructum afferunt in patientia.

*Si prædictæ Ant. ad Magnif. non potuerint dici in præced. Feriis; et in seq. Feria v. occurrat feri Offic. de Feria, dicatur ultima ex iis prætermissa: alioquin, expletis omnibus, sumantur de Psalt.*

### FERIA QUINTA.

De libro Genesis.

*Lectio j. Cap. 9.*

**D**IXITQUE Deus: Hoc signum foederis quod do inter me et vos, et ad omnem animam viventem quæ est vobiscum, in generationes sempiternas: Arcum meum ponam in nubibus, et erit signum foederis inter me et inter terram. Cumque obduxero nubibus cælum, apparebit arcus meus in nubibus; et recordabor foederis mei vobiscum, et cum omni anima vivente, quæ carnem vegetat: et non erunt ultra aquæ diluvii ad delendum universam carnem.

¶. Dixit Dominus, p. 234.

*Lectio ii.*

**C**OEPIITQUE Noe vir agricola exercere terram, et plantavit vineam. Bibensque vinum inebriatus est, et nudatus in tabernaculo suo. Quod cum vidisset Cham pater Chanaan, verenda scilicet patris sui esse nudata, nuntiavit duobus fratribus suis foras. At vero Sem et Japheth pallium imposuerunt humeris suis, et incedentes retrorsum operuerunt verenda patris sui, faciesque eorum aversæ erant, et patris virilia non viderunt.

¶. Noe vir justus, p. 240.

*Lectio iij.*

**E**VIGILANS autem Noe ex vi-  
no, cum didicisset quæ fecerat ei filius suus minor, ait: Maledictus Chanaan, servus servorum erit fratribus suis. Dixitque: Benedictus Dominus Deus Sem; sit Chanaan servus ejus. Dilatet Deus Japheth, et habitet in tabernaculis Sem, sitque Chanaan servus ejus. Vixit autem Noe post diluvium trecentis quinquaginta annis. Et impleti sunt omnes dies ejus nongentorum quinquaginta annorum, et mortuus est.

¶. Quadraginta dies, p. 240.

### FERIA SEXTA

De libro Genesis.

*Lectio j. Cap. 10.*

**H**Æ sunt generationes filiorum Noe, Sem, Cham, et Japhet:

natique sunt eis filii post diluvium. Filii Japheth Gomer, et Magog, et Madai, et Javan, et Thubal, et Mosoch, et Thiras. Porro filii Gomer Ascenez, et Riphath, et Thogorma. Filii autem Javan Elisa et Tharsis, Cethim et Dodanim. Ab his divisæ sunt insulæ gentium in regionibus suis, unusquisque secundum linguam suam, et familias suas in nationibus suis. Filii autem Cham, Chus, et Mesraim, et Phuth, et Chanaan.

¶. Ædificavit Noe, p. 240.

*Lectio ij. Cap. 11.*

**E**RAT autem terra labii unius et sermonum eorumdem. Cumque proficiscerentur de Oriente, invenerunt campum in terra Sennaar, et habitaverunt in eo. Dixitque alter ad proximum suum: Venite, faciamus lateres, et coquamus eos igni. Habueruntque lateres pro saxis, et bitumen pro cæmento, et dixerunt: Venite, faciamus nobis civitatem, et turrim, cujus culmen pertingat ad cælum: et celebremus nomen nostrum antequam dividamur in universas terras.

¶. Ponam arcum, p. 241.

*Lectio iij.*

**D**ESCENDIT autem Dominus ut videret civitatem et turrim, quam ædificabant filii Adam, et dixit: Ecce unus est populus, et unum labium omnibus, coeperuntque hoc facere nec desistent à cogitationibus suis, donec eas opere compleant. Venite igitur, descendamus, et confundamus ibi linguam eorum, ut non audiat unusquisque vocem proximi sui. Atque ita divisit eos Dominus ex illo loco in universas terras, et cessaverunt ædificare civitatem.

¶. Per memetipsum, p. 241.

### SABBATO.

De libro Genesis.

*Lectio j. Cap. 11.*

**H**Æ sunt generationes Sem. Sem erat centum annorum quando genuit Arphaxad, biennio post di-

luyum. Vixitque Sem postquam genuit Arphaxad, quingentis annis, et genuit filios et filias. Porro Arphaxad vixit triginta quinque annis, et genuit Sale. Vixitque Arphaxad postquam genuit Sale, trecentis tribus annis, et genuit filios et filias. Sale quoque vixit triginta annis, et genuit Heber. Vixitque Sale postquam genuit Heber, quadringentis tribus annis, et genuit filios et filias.

ñ. Benedixit Deus, p. 241.

*Lectio ij.*

**VIXIT** autem Heber triginta quatuor annis, et genuit Phaleg. Et vixit Heber postquam genuit Phaleg, quadringentis triginta annis, et genuit filios et filias. Vixit quoque Phaleg triginta annis, et genuit Reu. Vixitque Phaleg postquam genuit Reu, ducentis novem annis, et genuit filios et filias. Vixit autem Reu triginta duobus annis, et genuit Sarug. Vixit quoque Reu postquam genuit Sarug, ducentis septem annis, et genuit filios et filias. Vixit vero Sarug triginta annis, et genuit Nachor. Vixitque Sarug postquam genuit Nachor, ducentis annis, et genuit filios et filias.

ñ. Ecce ego statuam, p. 241.

*Lectio iij.*

**VIXIT** autem Nachor viginti novem annis, et genuit Thare. Vixitque Nachor postquam genuit Thare, centum decem et novem annis, et genuit filios et filias. Vixitque Thare septuaginta annis, et genuit Abram, et Nachor, et Aran. Hæ sunt autem generationes Thare: Thare genuit Abram, Nachor, et Aran. Porro Aran genuit Lot. Mortuusque est Aran ante Thare patrem suum, in terra nativitatis suæ in Ur Chaldæorum. Duxerunt autem Abram et Nachor uxores: nomen uxoris Abram, Sarai; et nomen uxoris Nachor, Melcha filia Aran patris Melchæ, et patris Jeschæ. Erat autem Sarai sterilis, nec habebat liberos.

ñ. In articulo diei, p. 243.

## SABBATO

ante Quinquagesimam.

Capitulum. 1. Cor. 13.

**FRATRES**, Si linguis hominum loquar et Angelorum, charitatem autem non habeam, factus sum velut æs sonans, aut cymbalum tinniens.

*Hymnus et j. de Psalt., p. 99.*

*Ad magnif. Ant. Pater fidei nostræ Abraham summus obtulit holocaustum super altare pro filio.*

*Oratio ut infra in Laudibus.*

## DOM. IN QUINQUAG.

*Ad Matutinum.*

*Invit. Præoccupemus faciem Domini: \* Et in psalmis jubilemus ei.*

*Psalm. Venite exultemus, p. 1.*

*In j versu Psalmi omittitur Præoccupemus faciem, etc. et ejus loco repetitur a Choro Invit.*

*Hymnus Primo die quo, p. 2,*

*Ant. Psalmi et xy. de Psalt.*

## IN I. NOCTURNO.

De libro Genesis.

*Lectio i. Cap. 12.*

**DIXIT** autem Dominus ad Abram: Egredere de terra tua, et de cognatione tua, et de domo patris tui et veni in terram quam monstrabo tibi: faciamque te in gentem magnam, et benedicam tibi, et magnificabo nomen tuum, erisque benedictus. Benedicam benedicientibus tibi, et maledicam maledicentibus tibi, atque in te benedicentur universæ cognationes terræ. Egressus est itaque Abram, sicut præceperat ei Dominus, et ivit cum eo Lot. Septuaginta quinque annorum erat Abram, cum egrederetur de Haran. Tulitque Sarai uxorem suam, et Lot filium fratris sui, universamque substantiam quam possederant, et animas quas fecerant in Haran; et egressi sunt ut irent in terram Chanaan. Cumque venissent in eam, pertransivit Abram terram usque ad locum Sichem, usque ad convallem il-



Iustrem : Chanaanæus autem tunc erat in terra.

¶. Locutus est Dominus ad Abram, dicens : Egredere de terra tua , et de cognatione tua , et veni in terram quam monstravero tibi : \* Et faciam te in gentem magnam. ¶. Benedicens benedicam tibi et magnificabo nomen tuum , erisque benedictus. Et.

*Lectio ij.*

**A**PPARUIT autem Dominus Abram , et dixit ei : Semini tuo dabo terram hanc. Qui ædificavit ibi altare Domino , qui apparuerat ei. Et inde transgrediens ad montem , qui erat contra orientem Bethel , tetendit ibi tabernaculum suum , ab occidente habens Bethel , et ab oriente Hai. Ædificavit quoque ibi altare Domino , et invocavit nomen ejus. Perrexitque Abram vadens , et ultra progrediens ad meridiem. Facta est autem fames in terra , descenditque Abram in Ægyptum , ut peregrinaretur ibi : prævaluerat enim fames in terra. Cumque prope esset ut ingrederetur Ægyptum , dixit Sarai uxori suæ : Novi quod pulchra sis mulier , et quod cum viderint te Ægyptii , dicturi sunt : Uxor ipsius est ; et interficient me , et te reservabunt. Dic ergo , obsecro te , quod soror mea sis , ut bene sit mihi propter te et vivat anima mea ob gratiam tui.

¶. Dum staret Abraham ad ilicem Mambre , vidit tres viros ascendentes per viam : \* Tres vidit , et unum adoravit. ¶. Ecce Sara uxor tua pariet tibi filium , et vocabis nomen ejus Isaac. Tres.

*Lectio iij.*

**C**UM itaque ingressus esset Abram Ægyptum , viderunt Ægyptii mulierem quod esset pulchra nimis. Et nuntiaverunt principes Pharaoni , et laudaverunt eam apud illum ; et sublata est mulier in domum Pharaonis. Abram vero bene usi sunt propter illam : fueruntque ei oves et boves , et asini , et servi , et famulæ , et asinæ , et cameli. Flagellavit autem

Dominus Pharaonem plagis maximis. et domum ejus , propter Sarai uxorem Abram. Vocavitque Pharaon Abram , et dixit ei : Quidnam est hoc quod fecisti mihi ? Quare non indicasti quod uxor tua esset ? Quam ob causam dixisti esse sororem tuam , ut tollerem eam mihi in uxorem ? Nunc igitur ecce conjux tua , accipe eam , et vade.

¶. Tentavit Dominus Abraham , et dixit ad eum : \* Tolle filium tuum , quem diligis , Isaac , et offer illum ibi in holocaustum super unum montem , quem dixerò tibi. ¶. Vocatus quoque a Domino , respondit , Adsum : et ait ei Dominus. Tolle. Gloria. Tolle.

IN II. NOCTURNO.

Ex libro S. Ambrosii Episcopi de Abraham Patriarcha.

*Lectio iv. Lib. I. Cap. 1.*

**M**AGNUS plane vir Abraham , et multarum virtutum clarus insignibus , quem votis suis Philosophia non potuit æquare : denique minus est quod illa fluxit , quam quod iste gessit , majorque ambizioso eloquentiæ mendacio simplex veritatis fides. Itaque cujusmodi fuerit in eo viro devotio , consideremus. Ea enim virtus ordine prima est , quæ est fundamentum cæterarum : meritoque hanc ab eo primam exegit Deus , dicens : Exi de terra tua , et de cognatione tua , et de domo patris tui. Satis fuerat dixisse , De terra tua ; ibi enim erat exire de cognatione , exire de paterna domo.

¶. Angelus Domini vocavit Abraham , dicens : \* Ne extendas manum tuam super puerum , eo quod timeas Dominum. ¶. Cumque extendisset manum ut immolaret filium , ecce Angelus Domini de cælo clamavit , dicens. Ne.

*Lectio v.*

**S**ED ideo addidit singula , ut ejus affectum probaret : ne forte aut imprudenter cœpisse videretur , aut fraus aliqua mandatis cœlestibus pareretur. Sed sicut concervanda fuerunt præcepta , ne quid lateret ; ita etiam proponenda præmia , ne forte despe-

raret. Tentatur ut fortis, incitatur ut fidelis, provocatur ut iustus, meritoque exivit, quemadmodum locutus est illi Dominus. Et exivit cum eo Lot. Hoc autem, quod pro magno inter septem Sapientum dicta celebratur, Sequere Deum, perfecit Abraham, factoque Sapientum dicta prævenit, et secutus Deum exivit de terra sua.

¶. Vocavit Angelus Domini Abraham de celo secundo, dicens: Benedicam tibi, \* Et multiplicabo te sicut stellas cæli. ¶. Possidebit semen tuum portas inimicorum tuorum, et benedicentur in semine tuo omnes tribus terræ. Et.

*Lectio vij.*

**S**ED quia ante terra ei fuerat alia, hoc est, regio Chaldæorum, de qua exivit Thare pater Abraham, et in Charran demigravit, et quia secum eduxit nepotem suum, cui dictum fuerat: Exi de cognatione tua, consideremus ne forte hoc sit exire de terra sua, de hujus terræ, hoc est, de corporis nostri quadam commoratione egredi, de qua exiit Paulus, qui dixit: Nostra autem conversatio in cælis est.

¶. Deus domini mei Abraham, dirige viam meam, \* Ut cum salute revertar in domum domini mei. ¶. Obsecro, Domine, fac misericordiam cum servo tuo, Et. Gloria. Et.

IN III. NOCTURNO.

Lectio sancti Evangelii secundum Lucam.

*Lectio vij. Cap. 18.*

**I**N illo tempore: Assumpsit Jesus duodecim, et ait illis: Ecce ascendimus Jerosolymam, et consummabuntur omnia quæ scripta sunt per Prophetas de Filio hominis. Et reliqua.

Homilia sancti Gregorii Papæ.

*Homil. 2. in Evangelia.*

**R**EDEMPTOR noster prævidens ex passione sua discipulorum animos perturbandos, eis longe ante

et ejusdem passionis pœnam, et resurrectionis suæ gloriam prædixit: ut cum morientem, sicut prædictum est, cernerent, etiam resurrectorum non dubitarent. Sed quia carnales adhuc discipuli nullo modo valebant capere verba mysterii, venit ad miraculum. Ante eorum oculos cæcus lumen recepit, ut qui cælestis mysterii verba non caperent, eos ad fidem cælestia facta solidarent.

¶. Veni hodie ad fontem aquæ, et oravi Dominum, dicens: \* Domine Deus Abraham, tu prosperum fecisti desiderium meum. ¶. Igitur puella, cui dixero: Da mihi aquam de hydra tua ut bibam, et illa dixerit: Bibe, domine, et camelis tuis potum tribuam: ipsa est quam præparavit Dominus filio domini mei. Domine.

*Lectio viij.*

**S**ED miracula Domini et Salvatoris nostri sic accipienda sunt, fratres charissimi, ut et in veritate credantur facta, et tamen per significationem nobis aliquid innuant. Opera quippe ejus et per potentiam aliud ostendunt; et per mysterium aliud loquuntur. Ecce enim quis juxta historiam cæcus iste fuerit, ignoramus: sed tamen quid per mysterium significet, novimus. Cæcum quippe est genus humanum, quod in parente primo a paradisi gaudiis expulsum, claritatem supernæ lucis ignorans damnationis suæ tenebras patitur. Sed tamen per Redemptoris sui præsentiam illuminatur, ut internæ lucis gaudia jam per desiderium videat, atque in via vitæ boni operis gressus ponat.

¶. Factus est sermo Domini ad Abram dicens: \* Noli timere, Abram: ego protector tuus sum, et merces tua magna nimis. ¶. Ego enim sum Dominus Deus tuus, qui eduxi te de Ur Chaldæorum. Noli.

*Lectio ix.*

**N**OTANDUM vero est quod cum Jesus Jericho appropinquare dicitur, cæcus illuminatur. Jericho quippe luna interpretatur: luna autem in

sacro eloquio pro defectu carnis ponitur, quia dum menstruis momentis decrescit, defectum nostræ mortalitatis designat. Dum igitur Conditor noster appropinquat Jericho, cæcus ad lumen redit: quia dum divinitas defectum nostræ carnis suscepit, humanum genus lumen, quod amiserat, recepit. Unde enim Deus humana patitur, inde homo ad divina sublevatur. Qui videlicet cæcus recte et iuxta viam sedere, et mendicans esse describitur. Ipsa enim veritas dicit: Ego sum via.

*℟.* Cæcus sedebat secus viam, transeunte Domino, et clamavit ad eum. Et ait illi Dominus: " Quid vis ut faciam tibi? " Domine, ut videam lumen. *℣.* Stans autem Jesus jussit illum duci ad se, et cum appropinquasset, interrogavit eum, dicens. Quid vis. Gloria. Domine.

*Infra Hebd. Feria iv. et Sabbato, loco hujus ℟. dicitur ℟. j. Ferie ij. seq.*

### *Ad Laudes*

*Ant. 1.* Secundum multitudinem miserationum tuarum, Domine, dele iniquitatem meam.

*Psalm.* Miserere mei, p. 39.

*2.* Deus meus es tu, et confitebor tibi: Deus meus es tu, et exaltabo te.

*Psalm.* Confitemini, p. 17.

*3.* Ad te de luce vigilo, Deus, ut videam virtutem tuam.

*Psalm.* Deus Deus meus, p. 13.

*4.* Hymnum dicite, et superexaltate eum in sæcula.

*Cant.* Benedicite, p. 14.

*5.* Omnes Angeli ejus, laudate Dominum de cælis.

*Psalm:* Laudate Dominum de cælis, p. 14.

*Capitulum.* I. Cor. 13.

**F**RATRES, Si linguis hominum loquar et Angelorum, charitatem autem non habeam, factus sum velut æs sonans, aut cymbalum tinniens.

*Hymnus Æterne rerum p. 15.*

*℣.* Domine refugium factus es nobis. *℟.* A generatione et progenie.

*Ad Bened. Ant.* Ecce ascendimus Jerosolymam, et consummabuntur omnia quæ scripta sunt de Filio hominis: tradetur enim Gentibus, et illudetur, et conspuetur; et postquam flagellaverint, occident eum, et tertia die resurget.

*Oratio.*

**P**RECES nostras, quæsumus, Domine, clementer exaudi, atque a peccatorum vinculis absolutos ab omni nos adversitate custodi. Per Dominum.

*Ad Horas ℟℟. br. ut in Psalt.*

### *Ad Primam.*

*Ant.* Iter faciente Jesu, dum appropinquaret Jericho, cæcus clamabat ad eum, ut lumen recipere mereretur.

### *Ad Tertiam.*

*Ant.* Transeunte Domino, clamabat cæcus ad eum: Miserere mei fili David.

*Capit.* Fratres si linguis.

### *Ad Sextam.*

*Ant.* Et qui præibant, increpabant eum ut taceret: ipse vero multo magis clamabat: Miserere mei, fili David.

*Capitulum.* I. Cor. 13.

**C**HARITAS nunquam excidit; si ve prophetiæ evacuabuntur, sive linguæ cessabunt, sive scientia destruetur. Ex parte enim cognoscimus, et ex parte prophetamus.

### *Ad Nonam.*

*Ant.* Cæcus magis ac magis clamabat, ut eum Dominus illuminaret.

*Capitulum.* I. Cor. 13.

**N**UNC autem manent fides, spes, charitas, tria hæc: major autem horum est charitas.

### *Ad Vesperas.*

*Ant. et Psalmi de Dominica.*

*Capit.* Fratres si linguis.



*Hymnus et ꝑ. ut in Psalt.*

*Ad Magnif. Ant.* Stans autem Jesus jussit cæcum adduci ad se, et ait illi: Quid vis ut faciam tibi? Domine, ut videam. Et Jesus ait illi: Respice, fides tua te salvum fecit. Et confestim vidit, et sequebatur illum, magnificans Deum.

## FERIA SECUNDA.

De libro Genesis.

*Lectio j. Cap. 13.*

**A**SCENDIT ergo Abram de Ægypto ipse et uxor ejus, et omnia quæ habebat, et Lot cum eo, ad australem plagam. Erat autem dives valde in possessione auri et argenti. Reversusque est per iter quo venerat, a Meridie in Bethel, usque ad locum ubi prius fixerat tabernaculum inter Bethel et Hai, in loco altaris quod fecerat prius, et invocavit ibi nomen Domini. Sed et Lot, qui erat cum Abram, fuerunt greges ovium, et armenta, et tabernacula. Nec poterat eos capere terra, ut habitarent simul: erat quippe substantia eorum multa, et nequibant habitare communiter.

¶. Movens Abram tabernaculum suum, venit et habitavit juxta convallem Mambre: \* Ædificavitque ibi altare Domino. ꝑ. Dixit autem Dominus ad eum: Leva oculos tuos, et vide: omnem terram quam conspicias, tibi dabo, et semini tuo in sempiternum. Ædificavitque.

*Lectio ij.*

**U**NDE et facta est rixa inter pastores gregum Abram et Lot. Eo autem tempore Chananæus et Phereæus habitabant in terra illa. Dixit ergo Abram ad Lot: Ne, quæso, sit jurgium inter me et te, et inter pastores meos et pastores tuos; fratres enim sumus. Ecce universa terra coram te est; recede a me obsecro. Si ad sinistram ieris, ego dexteram tenebo: si tu dexteram elegeris, ego ad sinistram pergam. Elevatis itaque Lot oculis, vidit omnem circa regionem Jordanis, quæ universa irrigabatur, au-

tequam subverteret Dominus Sodomam et Gomorrhæam, sicut paradisus Domini et sicut Ægyptus venientibus in Segor. Elegitque sibi Lot regionem circa Jordanem, et recessit ab Oriente.

¶. Credidit Abram Deo, et reputatum est ei ad justitiam: \* Et ideo amicus Dei factus est. ꝑ. Fuit autem justus coram Domino, et ambulavit in viis ejus. Et.

*Lectio iij.*

**D**IVISIQUE sunt alterutrum a fratre suo. Abram habitavit in terra Chanaan; Lot vero moratus est in oppidis quæ erant circa Jordanem, et habitavit in Sodomis. Homines autem Sodomitæ pessimi erant, et peccatores coram Domino nimis. Dixitque Dominus ad Abram postquam divisus est ab eo Lot: Leva oculos tuos, et vide a loco in quo nunc es, ad Aquilonem et Meridiem, ad Orientem et Occidentem: omnem terram quam conspicias, tibi dabo, et semini tuo usque in sempiternum. Faciamque semen tuum sicut pulverem terræ.

¶. Tentavit Dominus Abraham, et dixit ad eum: \* Tolle filium tuum, quem diligis, Isaac, et offer illum ibi in holocaustum super unum montium, quem dixerò tibi. ꝑ. Vocatus quoque a Domino, respondit, Adsum: et ait ei Dominus. Tolle. Gloria. Tolle.

*Ad Magnif. Ant.* Et qui præibant, increpabant eum ut taceret; ipse vero multo magis clamabat: Miserere mei, fili David.

## FERIA TERTIA.

De libro Genesis.

*Lectio j. Cap. 14.*

**E**T egressi sunt rex Sodomorum, et rex Gomorrhæ, rexque Adamæ, et rex Seboim, nec non et rex Balæ, quæ est Segor: et direxerunt aciem contra eos in valle silvestri, scilicet adversus Chodorlahomor regem Elamitarum, et Thadal regem Gentium, et Amraphel regem Sennaar, et Arioch regem Ponti: qua-

## FERIA QUARTA

CINERUM.

*Si hac die et in Dom. Quadrag., occurrat Festum Duplex, transferatur in seq. diem similiter non impeditam. Aliis diebus Quadrag. usque ad majorem Hebd., si occurrat Festum Duplex vel Semidupl., fit de eo cum comm. et ix Lect. de Homilia Ferie. De simplicibus fit tantum comm.*

*Per totam Quadrag. in Feriali Offic., Feria ij. dicitur Offic. Defunctor. Feria iv. dicuntur Psalmi Graduales. Feria vj. septem Psalmi Penit. cum Litanis, præterquam in Feriali majoris Hebd.: quæ omnia habentur in fine Breviarii.*

*In hac et sequentibus Feriali usque ad Vesp. Sabbat., Hymni, Capitula et alia omnia dicuntur ut in Psalt. per Annum, exceptis Ant. ad Bened. et Magnif., et post Laudes, Horas, Vesp. et Complet. dicuntur Preces flexis genibus, ut ibidem in Psalt.*

*Hodie ante Matut. in Choro dicuntur Psalmi Graduales.*

*Lectio sancti Evangelii secundum Matthæum.*

*Lectio j. Cap. 6.*

**I**n illo tempore: Dixit Jesus discipulis suis: Cum jejunatis, nolite fieri sicut hypocritæ tristes. Et reliqua.

*Homilia sancti Augustini Episcopi.*

*Lib. 2. de Serm. Domini in monte cap. 12. tom. 4.*

**M**ANIFESTUM est his præceptis omnem nostram intentionem in interiora gaudia dirigi, ne foris quærentes mercedem, huic sæculo conformemur, et amittamus promissionem tanto solidioris atque firmiteris, quanto interioris beatitudinis, qua nos elegit Deus conformes fieri imagini Filii sui. In hoc autem capitulo maxime advertendum est, non in solo rerum corporearum

tuor reges adversus quinque. Vallis autem silvestris habebat puteos multos bituminis. Itaque rex Sodomorum et Gomorrhæ terga verterunt, cecideruntque ibi: et qui remanserant, fugerunt ad montem. Tulerunt autem omnem substantiam Sodomorum et Gomorrhæ, et universa quæ ad cibum pertinent, et abierunt; nec non et Lot, et substantiam ejus, filium fratris Abram, qui habitabat in Sodomis.

*q. Angelus Domini, p. 247.*

*Lectio ij.*

**E**t ecce unus qui evaserat, nuntiavit Abram Hebræo, qui habitabat in convalle Mambre Amorrhæi fratris Escol, et fratris Aner; hi enim pepigerant fœdus cum Abram. Quod cum audisset Abram, captum videlicet Lot fratrem suum, numeravit expeditos vernaculos suos trecentos decem et octo, et persecutus est usque Dan. Et divisis sociis, irruit super eos nocte, percussitque eos, et persecutus est eos usque Hoba quæ est ad lævam Damasci. Reduxitque omnem substantiam, et Lot fratrem suum cum substantia illius; mulieres quoque et populum.

*q. Vocavit Angelus, p. 248.*

*Lectio iij.*

**E**GRESSUS est autem rex Sodomorum in occursum ejus, postquam reversus est a cæde Chodorlahomor, et regum qui cum eo erant in valle Save, quæ est vallis regis. At vero Melchisedech rex Salem, proferens panem et vinum, erat enim sacerdos Dei altissimi, benedixit ei, et ait: Benedictus Abram Deo excelsio, qui creavit cælum et terram; et benedictus Deus excelsus, quo protegente, hostes in manibus tuis sunt. Et dedit ei decimas ex omnibus.

*q. Deus domini mei, p. 248.*

*Ad Magnif. Ant. Miserere mei, fili David. Quid vis ut faciam tibi? Domine, ut videam.*

nitore atque pompa, sed etiam in ipsis sordibus luctuosus esse posse jactantiam; et eo periculosiorem, quo sub nomine servitutis Dei decipit.

ñ. Veni hodie, p. 248.

*Lectio ij.*

**Q**UI ergo immoderato cultu corporis atque vestitu, vel cæterarum rerum nitore præfulget, facile convincitur rebus ipsis pompæ sæculi esse sectator, nec quemquam fallit dolosa imagine sanctitatis. Qui autem in professione Christianatis, inusitato squalore ac sordibus intentos in se oculos hominum facit, cum id voluntate faciat, non necessitate patiatur, ex cæteris ejus operibus potest conjici utrum hoc contemptu superflui cultus, an ambitione aliqua faciat: quia et sub ovina pelle cavendos lupos Dominus præcepit: sed ex fructibus, inquit, eorum cognoscetis eos.

ñ. Factus est sermo, p. 248.

*Lectio iij.*

**C**UM enim cæperint aliquibus tentationibus ea ipsa scilicet illis subtrahi vel negari, quæ isto velamine vel consecuti sunt vel consequi cupiunt, tunc necesse est ut appareat utrum lusus in ovina pelle sit, an ovis in sua. Non tamen propterea ornatu superfluo debet aspectus hominum mulcere Christianus, quia illum parum habitum ac necessarium etiam simulatores sæpius usurpant, ut incautos decipiant: quia et illæ oves non debent pelles suas deponere, si aliquando eis lupi se contegant.

ñ. Movens Abram: tabernaculum suum, venit et habitavit juxta convallem Mambre: \* Ædificavitque ibi altare Domino: y. Dixit autem Dominus ad eum: Leva oculos tuos, et vide: omnem terram quam conspicias, tibi dabo, et semini tuo in sempiternum. Ædificavitque. Gloria. Ædificavitque.

*Ad Laud. et Horas, ut in Psalt.*

*Ad Bened. Ant. Cum jejunatis,*

nolite fieri sicut hypocritæ tristes.

*Ante Orat. in seriali Offic. per Quadrag. dicuntur Preces flexis genibus, ut in Psalt., p. 41,*

*Oratio.*

**P**RÆSTA, Domine, fidelibus tuis ut jejuniorum veneranda solemnia et congrua pietate suscipiant, et secunda devotione percurrant. Per Dominum.

*Hodie et duobus seq. diebus dicuntur Vesp. hora consueta, Sabbato vero et deinceps usque ad Pascha dicuntur ante comestionem, tam in Festis quam in Feriis, exceptis Dom. in quibus dicuntur hora consueta.*

*Ad Magnif. Ant. Thesaurizate vobis thesauros in cælo, ubi nec ærugo nec tinea demolitur,*

*Ante Orat. in seriali Offic. per Quadrag. dicuntur Preces flexis genibus, ut in Psalt., P. 41.*

*Oratio.*

**I**NCLINANTES se, Domine, majestati tuæ propitiatus intende, ut qui divino munere sunt resecti, cælestibus semper nutriantur auxiliis. Per Dominum.

## FERIA QUINTA.

*Lectio sancti Evangelii secundum Matthæum.*

*Lectio j. Cap. 4.*

**I**N illo tempore: Cum introisset Jesus Capharnaum, accessit ad eum Centurio, rogans eum et dicens: Domine, puer meus jacet in domo paralyticus, et male torquetur. Et reliqua.

*Homilia S. Augustini Episc.*

*Lib. 3. de cons. Evang. c. 30. t. I.*

**V**IDEAMUS utrum sibi de hoc servo Centurionis Matthæus Lucasque consentiant. Matthæus enim dicit: Accessit ad eum Centurio, rogans eum et dicens: Puer meus jacet in domo paralyticus. Cui videtur repugnare quod ait Lucas: Et cum audisset de Jesu, misit ad eum se-



niores Judæorum, rogans eum ut veniret, et sanaret servum ejus. At illi cum venissent ad Jesum, rogabant eum sollicitè, dicentes ei: Quia dignus est ut hoc illi præstes; diligit enim gentem nostram, et synagogam ipse ædificavit nobis, Jesus autem habet cum illis, et cum jam non longe esset a domo, misit ad eum Centurio amicos, dicens: Domine, noli vexari: non enim dignus sum ut sub tectum meum intres.

¶ Domine: puer meus jacet paralyticus in domo; et male torquetur. \* Amen dico tibi, ego veniam, et curabo eum. ¶ Domine, non sum dignus ut intres sub tectum meum: sed tantum dic verbo et sanabitur puer meus. Amen.

*Lectio ij.*

**S**I enim hoc ita gestum est, quomodo erit verum quod Matthæus narrat, Accessit ad eum quidam Centurio, cum ipse non accesserit, sed amicos miserit: nisi diligenter advertentes intelligamus, Matthæum non omnimodo deseruisse usitatum morem loquendi? Non solum enim dicere solemus accessisse aliquem, etiam antequam perveniat illuc quo dicitur accessisse: unde etiam dicimus, parum accessit, vel multum accessit eo, quo appetit pervenire: verum etiam ipsam perventionem, cujus adipiscendi causa acceditur, dicimus plerumque factam: etsi eum, ad quem pervenit, non videat ille qui pervenit, cum per amicum pervenit ad aliquem, cujus ei favor est necessarius. Quod ita tenuit consuetudo, ut jam etiam vulgo perventores appellantur, qui potentium quorumlibet tanquam inaccessibiles animos, per convenientium personarum interpositionem, ambitionis arte pertingunt.

¶ Dum staret Abraham, p. 247.

*Lectio iij.*

**N**ON ergo absurde Matthæus, etiam quod vulgo possit intelligi, per alios facto accessu Centurionis ad Dominum, compendio dicere voluit:

Accessit ad eum Centurio. Verumtamen non negligenter intuenda est etiam sancti Evangelistæ altitudo mysticæ locutionis, secundum quam scriptum est in psalmo: Accedite ad eum, et illuminamini. Proinde quia fidem Centurionis, qua vere acceditur ad Jesum, ipse ita laudavit ut diceret, Non inveni tantam fidem in Israel: ipsum potius accessisse ad Christum dicere voluit prudens Evangelista, quam illos per quos verba sua miserat.

¶ Tentavit Dominus, p. 247.

*Ad Bened. Ant.* Domine, puer meus jacet paralyticus in domo, et male torquetur. Amen dico tibi, ego veniam, et curabo eum.

*Oratio.*

**D**EUS, qui culpa offenderis, penitentia placaris, preces populi tui supplicantis propitius respice et flagella tuæ iracundiæ, quæ pro peccatis nostris meremur, averte. Per Dominum.

*Ad Magnif. Ant.* Domine, non sum dignus ut intres sub tectum meum; sed tantum dic verbo, et sanabitur puer meus.

*Oratio.*

**P**ARCE, Domine, parce populo tuo, ut dignis flagellationibus castigatus, in tua miseratione respiciat. Per Dominum.

## FERIA SEXTA.

Lectio sancti Evangelii secundum Matthæum.

*Lectio j. Cap. 5.*

**I**N illo tempore: Dixit Jesus discipulis suis: Audistis quia dictum est: Diliges proximum tuum, et odio habebis inimicum tuum. Et reliqua.

Homilia S. Hieronymi Presbyteri.

*Lib. 1. Comment. in cap. 5. et 6. Matth.*

**E**GO autem dico vobis: Diligite inimicos vestros, benefacite his qui oderunt vos. Multi præcepta Dei imbecillitate sua, non sanctorum vi-

ribus æstimantes, putant esse impossibilia quæ præcepta sunt, et dicunt sufficere virtutibus non odisse inimicos, cæterum diligere, plus præcipi, quam humana natura patiatur. Sciendum est ergo Christum non impossibilia præcipere, sed perfecta. Quæ fecit David in Saul, et in Absalom Stephanus quoque martyr pro inimicis lapidantibus deprecatus est, et Paulus anathema cupit esse pro persecutoribus suis. Hæc autem Jesus et docuit et fecit, dicens: Pater, ignosce illis: quod enim faciunt, nesciunt.

¶. Angelus Domini, p. 247.

*Lectio ij.*

**U**T sitis filii Patris vestri qui in cœlis est. Si Dei præcepta custodiens, filius quis efficitur Dei, ergo non est natura filius, sed arbitrio suo. Cum ergo facis eleemosynam, noli tuba canere ante te, sicut hypocritæ faciunt in synagogis et in vicis, ut honorificentur ab hominibus. Qui tuba canit eleemosynam faciens, hypocrita est. Qui jejunans demolitur faciem suam, ut ventris inanitatem monstret in vultu, et hic hypocrita est. Qui in synagogis et in angulis platearum orat, ut videatur ab hominibus, hypocrita est.

¶. Vocavit Angelus, p. 248.

*Lectio iij.*

**E**X quibus omnibus colligitur hypocritas esse, qui quodlibet faciunt, ut ab hominibus glorificentur. Mibi videtur et ille, qui dicit fratri suo: Dimitte ut tollam festucam de oculo tuo: nam propter gloriam hoc facere videtur, ut ipso justus esse videatur. Unde dicitur ei a Domino: Hypocrita, ejice primum trabem de oculo tuo. Non itaque virtus, sed causa virtutis, apud Deum mercedem habet: et si a recta via paululum declinaveris, non interest utrum ad dexteram vadas, an ad sinistram, cum verum iter amiseris.

¶. Deus Domini mei, p. 248.

*Ad Bened. Ant. Cum facis ele-*

mosynam, nesciat sinistra tua quid faciat dextera tua.

*Oratio.*

**I**NCHOATA jejunia, quæsumus, Domine, benigno favore proseguere, ut observantiam, quam corporaliter exhibemus, mentibus etiam sinceris exercere valeamus. Per Dominum.

*Hodie post Laudes dicuntur Psalmi Pœnitentiales.*

*Ad Magnif. Ant. Tu autem cum oraveris, intra in cubiculum tuum: et clauso ostio ora Patrem tuum.*

*Oratio.*

**T**UERE, Domine, populum tuum, et ab omnibus peccatis clementer emunda, quia nulla ei nocbit adversitas, si nulla ei dominetur iniquitas. Per Dominum.

## SABBATO

*Lectio sancti Evangelii secundum Marcum.*

*Lectio j. Cap. 6.*

**I**N illo tempore: Cum sero esset, erat navis in medio mari, et Jesus solus in terra. Et reliqua.

*Homilia ven. Bedæ Presbyteri.*

*Lib. 1. c. 28. in c. 6. Marci, t. 5.*

**L**ABOR discipulorum in remigando, et contrarius eis ventus, labores sanctæ Ecclesiæ varios designat, quæ inter undas sæculi adversantis, et immundorum flatus spirituum, ad quietem patriæ cœlestis, quasi ad fidam littoris stationem, pervenire conatur. Ubi bene dicitur quia navis erat in medio mari, et ipse solus in terra: quia nonnunquam Ecclesia tantis Gentilium pressuris non solum afflicta, sed et sædata est, ut, si fieri posset, Redemptor ipsius eam prorsus deseruisse ad tempus videretur.

¶. Veni hodie, p. 248.

*Lectio ij.*

**U**NDE est illa vox ejus inter undas procellasque tentationum

irruentium deprehensæ, atque auxilium protectionis illius gembundo clamore quærentis: Ut quid, Domine, recessisti longe, despicias in opportunitatibus, in tribulatione? Quæ pariter vocem inimici persequentis exponit in sequentibus psalmis, subiciens: Dixit enim in corde suo: Oblitus est Deus: avertit faciem suam, ne videat usque in finem.

¶. Factus est sermo, p. 248.

*Lectio liij.*

**V**ERUM ille non obliviscitur orationem pauperum, neque avertit faciem suam a sperantibus in se: quin potius et certantes cum hostibus, ut vincant, adjuvat, et victores in æternum coronat. Unde hic quoque aperte dicitur, quia vidit eos laborantes in remigando. Videt quippe Dominus laborantes in mari, quamvis ipse positus in terra: quia etsi ad horam differre videatur auxilium tribulatis impendere, nihilominus eos, ne in tribulationibus deficient, suæ respectu pietatis corroborat: et aliquando etiam manifesto adjutorio, victis adversitatibus, quasi calcatis sedatisque fluctuum voluminibus, liberat.

¶. Movens Abram, p. 250.

*Ad Bened. Ant.* Me etenim de die in diem quærent, et scire vias meas volunt.

*Oratio*

**A**DESTO, Domine, supplicationibus nostris: et concede ut hoc solemne jejunium, quod animabus corporibusque curandis salubriter institutum est, devoto servitio celebremus. Per Dominum.

**SABBATO PRIMO**

*Quadragesima.*

*Ad Vesperas.*

*Capitulum.* 2. Cor. 6.

**F**RATRES: Hortamur vos ne in vacuum gratiam Dei recipiatis. Ait enim: Tempore accepto exaudivi te, et in die salutis adjuvi te.

**HYMNUS.**

**A**UDI, benigne Conditor,  
Nostras preces cum fletibus  
In hoc sacro jejunio  
Fusas quadragenario.

Scrutator alme cordium,  
Infirma tu scis virium:  
Ad te reversis exhibe  
Remissionis gratiam.

Multum quidem peccavimus;  
Sed parce confitentibus:  
Ad nominis laudem tui  
Confer medelam languidis.

Concede nostrum conteri  
Corpus per abstinentiam,  
Culpæ ut relinquunt pabulum  
Jejuna corda criminum.

Præsta, beata Trinitas,  
Concede, simplex Unitas,  
Ut fructuosa sint tuis  
Jeiuniorum munera. Amen.

¶. Angelis suis Deus mandavit de te. ¶. Ut custodiant te in omnibus viis tuis.

*Ad Magnif. Ant.* Tunc invocabis, et Dominus exaudiet: clamabis, et dicet, Ecce adsum.

*Oratio ut infra in Laudibus.*

**DOM. I. QUADRAG.**

*Ad Matutinum.*

*Invit.* Non sit vobis vanum mane surgere ante lucem: \* Quia promissit Dominus coronam vigilantibus.

*Psalm.* Venite exultemus, p. I.

**HYMNUS.**

**E**X more docti mystico  
Servemus hoc jejunium,  
Deno dierum circulo  
Ducto quater notissimo.

Lex et Prophetæ primitus  
Hoc prætulerunt, postmodum  
Christus sacravit, omnium  
Rex atque Factor temporum.

Utamur ergo parcius  
Verbis, cibis, et potibus,  
Somno, jocis, et arctius  
Perstemus in Custodia.

Vitemus autem noxia,  
Quæ subruunt mentes vagas,  
Nullumque demus callidi



Hostis locum tyrannidi.

Flectamus iram vindicem,  
Ploremus ante Judicem,  
Clamemus ore supplici,  
Dicamus omnes cernui:

Nostris malis offendimus  
Tuam, Deus, clementiam:  
Effunde nobis desuper  
Remissor indulgentiam.

Memento quod sumus tui,  
Licet caduci, plasmatis:  
Ne des honorem nominis  
Tui, precamur, alteri.

Laxa malum quod fecimus,  
Auge bonum quod poscimus;  
Placere quo tandem tibi  
Possimus hic et perpetim.

Præsta, beata Trinitas,  
Concede, simplex Unitas,  
Ut fructuosa sint tuis  
Jejuniorum munera. Amen.

*Ant. Psalmi et 77. de Psalt.*

#### IN I. NOCTURNO.

De Epistola II. B. Pauli Apostoli  
ad Corinthios.

*Lectio j. Cap. 6.*

**A**DJUVANTES autem exhortamur, ne in vacuum gratiam Dei recipiatis. Ait enim: Tempore accepto exaudivi te, et in die salutis adjuvi te, Ecce nunc tempus acceptabile, ecce nunc dies salutis. Neminis dantes ullam offensionem, ut non vituperetur ministerium nostrum sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus: in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei: per arma justitiæ a dextris et a sinistris, per gloriam et ignobilitatem: per infamiam et bonam famam: ut seductores, et veraces: sicut qui ignoti, et cogniti: quasi morientes, et ecce vivimus, ut castigati, et non mortificati: quasi tristes, semper autem

gaudentes: sicut egentes, multos autem locupletantes, tanquam nihil habentes, et omnia possidentes.

¶. Ecce nunc tempus acceptabile, ecce nunc dies salutis: commendemus nosmetipsos in multa patientia, in jejuniis multis: \* Per arma justitiæ virtutis Dei. 7. In omnibus exhibeamus nosmetipsos sicut Dei ministros, in multa patientia, in jejuniis multis. Per.

*Lectio ij.*

**O**S nostrum patet ad vos, o Corinthii, cor nostrum dilatatum est. Non angustiamini in nobis; angustiamini autem in visceribus vestris, eandem autem habentes remunerationem, tanquam filiis dico, dilatamini et vos. Nolite jugum ducere cum infidelibus. Quæ enim participatio justitiæ cum iniquitate? aut quæ societas lucis ad tenebras? quæ autem conventio Christi ad Belial? aut quæ pars fidei cum infidei? Qui autem consensus templo Dei cum idolis? Vos enim estis templum Dei vivi, sicut dicit Deus: Quoniam inhabitabo in illis, et inambulabo inter eos, et ero illorum Deus, et ipsi erunt mihi populus.

¶. In omnibus exhibeamus nosmetipsos sicut Dei ministros, in multa patientia: \* Ut non vituperetur ministerium nostrum. 7. Ecce nunc tempus acceptabile, ecce nunc dies salutis: commendemus nosmetipsos in multa patientia. Ut.

*Lectio iij. Cap. 7.*

**R**EPLETUS sum consolatione, superabundo gaudio in omni tribulatione nostra. Nam et cum venissemus in Macedoniam, nullam requiem habuit caro nostra, sed omnem tribulationem passi sumus: foris pugnae, intus timores. Sed qui consolatur humiles, consolatus est nos Deus in adventu Titi. Non solum autem in adventu ejus, sed etiam in consolatione, qua consolatus est in vobis, referens nobis vestrum desiderium, vestrum fletum, vestram

emulationem pro me, ita ut magis gauderem. Quoniam etsi contristavi vos in epistola, non me poenitet: et si poeniteret, videns quod epistola illa (etsi ad horam) vos contristavit, nunc gaudeo: non quia contristati estis, sed quia contristati estis ad poenitentiam.

¶. In jejunio et fletu orabunt sacerdotes, dicentes: \* *Parce, Domine, parce populo tuo: et ne des hereditatem tuam in perditionem.* †. Inter vestibulum et altare plorabunt sacerdotes, dicentes. *Parce. Gloria. Parce.*

## IN II. NOCTURNO.

Sermo sancti Leonis Papæ.

Serm. 4. de Quadragesima.

*Lectio iv.*

**P**RÆDICATURUS vobis, dilectissimi, sacratissimum maximumque jejunium, quo aptius utar exordio, quam ut verbis Apostoli, in quo Christus loquebatur, incipiam, dicamque quod lectum est: Ecce nunc tempus acceptabile, ecce nunc dies salutis? Quamvis enim nulla sint tempora, quæ divinis non sint plena muneribus, et semper nobis ad misericordiam Dei per ipsius gratiam præstetur accessus, nunc tamen omnium mentes majori studio ad spiritales profectus moveri, et ampliori fiducia oportet animari, quando ad universa pietatis officia, illius nos diei in quo redempti sumus, recursus invitat, ut excellens super omnia passionis Dominicæ sacramentum purificatis et corporibus et animis celebremus.

¶. Emendemus in melius quæ ignoranter peccavimus, ne subito præoccupati die mortis, quæramus spatium poenitentiae, et invenire non possimus. \* *Attende, Domine, et miserere, quia peccavimus tibi.* †. *Adjuva nos, Deus salutaris noster, et propter honorem nominis tui, Domine, libera nos. Attende.*

*Lectio v.*

**D**EBEBATUR quidem tantismysteriis ita incessabilis devotio et continuata reverentia, ut tales permaneremus in conspectu Dei, quales nos in ipso Paschali festo dignum est inveniri. Sed quia hæc fortitudo paucorum est, et dum carnis fragilitate austerior observantia relaxatur, dumque per varias actiones vitæ hujus sollicitudo distenditur, necesse est de mundano pulvere etiam religiosa corda sordescere; magna divinæ institutionis salubritate provisum est, ut ad reparandam mentium ritatem quadraginta nobis dierum exercitatio mederetur, in quibus aliorum temporum culpas et pia opera redimerent, et jejunia casta decoquerent.

¶. Derelinquat impius viam suam, et vir iniquus cogitationes suas, et revertatur ad Dominum, et miserebitur ejus: \* *Quia benignus et misericors est, et præstabilis super malitia Dominus Deus noster.* †. *Non vult Dominus mortem peccatoris, sed ut convertatur et vivat. Quia.*

*Lectio vj.*

**I**NGRESSURI igitur, dilectissimi, dies mysticos, et purificandis animis atque corporibus sacratius institutos, præceptis Apostolicis obedire curemus, emundantes nos ab omni inquinamento carnis ac spiritus; ut castigatis colluctationibus quæ sunt inter utramque substantiam, animus, quem sub Dei gubernaculis constitutum corporis sui decet esse rectorem, dominationis suæ obtineat dignitatem: ut nemini dantes ullam offensionem vituperationibus obloquentium non simus obnoxii. Digna enim ab infidelibus reprehensione carpemur, et nostro vitio linguæ impiæ in injuriam. se religionis armabunt, si jejunantium mores a puritate perfectæ continentis discreparint. Non enim in sola abstinentia cibi stat nostri summa jejunii, aut fructuose corpori esca sub-

trahitur, nisi mens ab iniquitate revocetur.

¶. Paradisi portas aperuit nobis jejunii tempus: suscipiamus illud orantes et deprecantes, \* Ut in die resurrectionis cum Domino gloriemur. †. In omnibus exhibeamus nosmetipsos sicut Dei ministros in multa patientia. Ut. Gloria. Ut.

### IN III. NOCTURNO.

Lectio sancti Evangelii secundum Matthæum.

Lectio vij. Cap. 4.

**I**n illo tempore: Ductus est Jesus in desertum a Spiritu, ut tentaretur a diabolo; et cum jejunasset quadraginta diebus et quadraginta noctibus, postea esuriit. Et reliqua.

Homilia S. Gregorii Papæ.

Homil. 16. in Evangelia.

**D**UBITARI a quibusdam solet a quo spiritu sit Jesus ductus in desertum, propter hoc quod subditur, Assumpsit eum diabolus in sanctam civitatem; et rursum, Assumpsit eum in montem excelsum valde. Sed vere et absque ulla questione convenienter accipitur, ut a sancto Spiritu in desertum ductus credatur: ut illuc eum suus Spiritus duceret, ubi hunc ad tentandum malignus spiritus inveniret. Sed ecce, cum dicitur Deus homo vel in excelsum montem, vel in sanctam civitatem a diabolo assumptus, mens refugit credere, humanæ hoc audire aures expavescunt. Qui tamen non esse incredibilia ista cognoscimus, si in illo et alia facta pensamus.

¶. Scindite corda vestra, et non vestimenta vestra; et convertimini ad Dominum Deum vestrum: \* Quia benignus et misericors est. †. Derelinquat impius viam suam, et vir iniquus cogitationes suas, et revertatur ad Dominum, et miserebitur ejus. Quia.

Lectio viij.

**C**ERTE iniquorum omnium caput diabolus est, et hujus ca-

pitis membra sunt omnes iniqui. An non diaboli membrum fuit Pilatus? an non diaboli membra Judæi persequentes, et milites crucifigentes Christum fuerunt? Quid ergo mirum si se ab illo permisit in montem duci, qui se pertulit etiam a membris illius crucifigi? Non est ergo indignum Redemptori nostro quod tentari voluit, qui venerat occidi. Justum quippe erat ut sic tentationes nostras suis tentationibus vinceret, sicut mortem nostram venerat sua morte superare.

¶. Frange esurienti panem tuum, et egenos vagosque induc in domum tuam: \* Tunc erumpet quasi mane lumen tuum, et anteibit faciem tuam justitia tua. †. Cum videris nudum, operi eum, et carnem tuam ne despexeris. Tunc.

Lectio ix.

**S**ED sciendum nobis est quia tribus modis tentatio agitur, suggestionem, delectationem et consensu. Et nos cum tentamur, plerumque in delectationem aut etiam in consensum labimur, quia de carnis peccato propagati, in nobis ipsis etiam gerimus unde certamina toleramus. Deus vero, qui in utero Virginis incarnatus in mundum sine peccato venerat, nihil contradictionis in semetipso tolerabat. Tentari ergo per suggestionem potuit, sed ejus mentem peccati delectatio non momordit. Atque ideo omnis diabolica illa tentatio foris, non intus fuit.

¶. Angelis suis Deus mandavit de te, ut custodiant te in omnibus viis tuis. \* In manibus portabunt te, ne unquam offendas ad lapidem pedem tuum. †. Super aspidem et basiliscum ambulabis, et conculabis leonem et draconem. In. Gloria. In.

Per Hebd. ejus loco dicitur:

¶. Abscondite eleemosynam in sinu pauperum, et ipsa orabit pro vobis ad Dominum: \* Quia sicut aqua extinguit ignem, ita eleemosyna extinguit peccatum. †. Date eleemosynam,



et ecce omnia munda sunt vobis. Quia.  
Gloria. Quia.

### *Ad Laudes.*

*Ant.* 1. Cor mundum crea in me,  
Deus, et spiritum rectum innova in  
visceribus meis.

*Psalm.* Miserere mei, p. 39.

2. **Domine**, salvum me fac : o  
Domine, bene prosperare.

*Psalm.* Confitemini, p. 17.

3. Sic benedicam te in vita mea,  
Domine : et in nomine tuo levabo ma-  
nus meas.

*Psalm.* Deus Deus meus, p. 13.

4. In spiritu humilitatis, et in  
animo contrito suscipiamur, Domine,  
a te : et sic fiat sacrificium nostrum,  
ut a te suscipiatur hodie, et placeat  
tibi, Domine Deus.

*Cant.* Benedicite, p. 14.

5. Laudate Deum cœli cœlorum et  
aquæ omnes.

*Psalm.* Laudate Dominum de cœlis,  
p. 14.

*Capitulum.* 2. Cor. 6.

**FRATRES**, Hortamur vos ne in  
vacuum gratiam Dei recipiatis. Ait  
enim : Tempore accepto exaudivi te,  
et in die salutis adjuvi te.

### **HYMNUS.**

**O** SOL salutis, intimis,  
Jesu, refulge mentibus,  
Dum nocte pulsa gratior  
Orbi dies renascitur.

Dans tempus acceptabile,  
Da lacrymarum rivulis  
Lavare cordis victimam,  
Quam læta adurat charitas.

Quo fonte manavit nefas,  
Fluent perennes lacrymæ,  
Si virga poenitentiae  
Cordis rigorem conterat.

Dies venit, dies tua,  
In qua reflorent omnia :  
Lætetur et nos in viam  
Tua reducti dextera.

Te prona mundi machina,  
Clemens, adoret, Trinitas,  
Et nos novi per gratiam  
Novum canamus canticum. Amen.

ŷ. Angelis suis Deus mandavit de  
te ŷ. Ut custodiant te in omnibus  
viis tuis.

*Ad Bened. Ant.* Ductus est Jesus  
in desertum a Spiritu, ut tentaretur  
a diabolo : et cum jejunasset quadra-  
ginta diebus et quadraginta noctibus,  
postea esuriit.

### *Oratio.*

**DEUS**, qui Ecclesiam tuam annua  
Quadragesimali observatione pu-  
rificas, præsta familiæ tuæ, ut quod  
a te obtinere abstinendo nititur, hoc  
bonis operibus exequatur. Per Domi-  
num.

### *Ad Primam*

*Ant.* Jesus autem cum jejunasset  
quadraginta diebus et quadraginta no-  
ctibus, postea esuriit.

*Lectio br.* Quærite Dominum, ut in  
*Psalt.*, p. 21.

Et dicitur in Dom. et Feriis usque  
ad Dom. Pass. exclusive.

### *Ad Tertiam.*

*Ant.* Tunc assumpsit eum diabolus  
in sanctam civitatem, et statuit eum  
supra pinnaculum templi, et dixit ei:  
Si Filius Dei es, mitte te deorsum.

*Capit.* Fratres Hortamur.

ŷ. br. Ipse liberavit me \* De la-  
queo venantium. Ipse. ŷ. Et a verbo  
aspero. De laqueo. Gloria. Ipse. ŷ.  
Scapulis suis obumbrabit tibi. ŷ. Et  
sub pennis ejus sperabis.

### *Ad Sextam.*

*Ant.* Non in solo pane vivit homo,  
sed in omni verbo quod procedit de  
ore Dei.

*Capitulum.* 2. Cor. 6.

**ECCE** nunc tempus acceptabile,  
ecce nunc dies salutis : nemini  
dantes ullam offensionem, ut non vi-  
tuperetur ministerium nostrum.

ŷ. br. Scapulis suis \* Obumbrabit  
tibi. Scapulis. ŷ. Et sub pennis ejus  
sperabis. Obumbrabit tibi. Gloria.  
Scapulis. ŷ. Scuto circumdabit te ve-  
ritas ejus. ŷ. Non timebis a timore  
nocturno.

**Ad Nonam.**

*Ant.* Dominum Deum tuum adorabis, et illi soli servies.

*Capitulum* 2. Cor. 6.

**U**T castigati, et non mortificati: quasi tristes, semper autem gaudentes: sicut egentes, multos autem locupletantes: tanquam nihil habentes, et omnia possidentes.

*ā. br.* Scuto circumdabit te \* Veritas ejus. *ŷ.* Non timebis a timore nocturno. Veritas ejus. Gloria. *Scuto. ŷ.* Angelis suis Deus mandavit de te. *ā.* Ut custodiant te in omnibus viis tuis.

**Ad Vesperas**

*Ant. et Psalmi de Dominica.*

*Capit.* Fratres Hortamur.

*Hymnus ŷ.* ut supra, p. 255.

*Ad Magnif. Ant.* Ecce nunc tempus acceptabile, ecce nunc dies salutis, in his ergo diebus exhibeamus nosmetipsos sicut Dei ministros, in multa patientia, in jejuniis, in vigiliis et in charitate non ficta.

*Post Vesp. diei Vesp. Defunct.*

**FERIA SECUNDA.**

*Ad Matut. Inuit. de Psalt., p. 32.*

*Hymnus* Ex more, p. 255.

*Ant. Psalmi et. ŷ. de Psalt.*

*Lectio sancti Evangelii secundum Matthæum.*

*Lectio j. Cap. 15.*

**I**N illo tempore: Dixit Jesus discipulis suis. Cum venerit Filius hominis in maiestate sua, et omnes Angeli cum eo, tunc sedebit super sedem maiestatis suæ, et congregabuntur ante eum omnes gentes. Et reliqua.

*Homilia S. Augustini Episcopi.*

*Lib. de fide et operib. c. 25. tom. 4.*

**S**I mandatis non servatis, ad vitam venire potest per solam fidem, quæ sine operibus mortua est, illud deinde quomodo verum erit quod eis, quos ad sinistram positurus est,

dicet: Ite in ignem æternum qui paratus est diabolo, et angelis ejus? Nec increpat quia in eum non crediderunt, sed quia bona opera non fecerunt. Nam profecto ne sibi quisquam de fide, quæ sine operibus mortua est, promittat æternam vitam, propterea omnes gentes segregaturum se dixit, quæ permixtæ eisdem pascuis utebantur: ut appareat eos illi dicturos; Domine, quando te vidimus illa et illa patientem, et non ministravimus tibi? qui in eum crediderant, sed bona operari non curaverant, tanquam de ipsa fide mortua ad vitam perveniretur æternam.

*ā.* Ecce nunc tempus, p. 256.

*Lectio ij.*

**A**N forte ibuat in ignem æternum qui opera misericordiæ non fecerunt, et non ibunt qui aliena rapuerunt? vel corrumpendo in se templum Dei, in se ipsos immisericordes fuerunt: quasi opera misericordiæ pro sint aliquid sine dilectione, dicente Apostolo: Si distribuam omnia mea pauperibus, charitatem autem non habeam, nihil mihi prodest? Aut diligat quisquam proximum sicut seipsum, qui non diligit seipsum? Qui enim diligit iniquitatem, odit animam suam.

*ā.* In omnibus, p. 256.

*Lectio iij.*

**N**EQVE illud dici hic poterit, in quo nonnulli seipsos sedueunt, ignem æternum dictum, non ipsam combustionem æternam. Per ignem quippe, qui æternus erit, transituros arbitrantur eos quibus propter fidem mortuam per ignem promittunt salutem: ut videlicet ipse ignis æternus sit, combustio vero eorum, hoc est, operatio ignis, non sit in eos æterna: cum et hoc prævidens Dominus sententiam suam conclusit, ita dicens: Sic ibunt illi in combustionem æternam, justi autem in vitam æternam. Erit ergo æterna combustio sicut ignis, et eos in illam ituros Veritas dicit,

quorum non fidem, sed bona opera defuisse declaravit.

¶. In jejuniis et fletu, p. 237.

### **Ad Laudes**

*Ant. et Psalmi de Psalt.*, p. 39.

*Capitulum.* Isaie 58.

**CLAMA**, ne cesses? quasi tuba exalta vocem tuam, et annuntia populo meo scelera eorum, et domui Jacob peccata eorum.

*Hymnus et y. ut supra*, p. 239.

*Ad Bened. Ant.* Venite, benedicti Patris mei, percipite regnum quod vobis paratum est ab origine mundi.

*Oratio.*

**CONVERTE** nos, Deus salutaris noster, et ut nobis jejunium Quadragesimale proficiat, mentes nostras cœlestibus instrue disciplinis. Per Dominum.

*Post Laud. dicitur Offic. Def.*

*Ad Horas, Ant. Capit. qq. br. Preces, ut in Psalt.*

### **Ad Vesperas.**

*Ant. et Psalmi de Psalt.*, p. 88.

*Capitulum.* Joel. 2.

**INTER** vestibulum et altare plorabunt sacerdotes ministri Domini, et dicent: Parce, Domine, parce populo tuo; et ne des hæreditatem tuam in opprobrium, ut dominantur eis nationes.

*Hymnus et y. ut supra*, p. 233.

*Capit. supradicta in Laud. et Vesp. dicuntur in ser. Offic. usque ad Dom. Pass.*

*Ad Magnif. Ant.* Quod uni ex minimis meis fecistis, mihi fecistis, dicit Dominus.

*Oratio.*

**ABSOLVE**, quæsumus, Domine, nostrorum vincula peccatorum, et quidquid pro eis meremur, propitiatus averte. Per Dominum.

### **FERIA TERTIA.**

*Lectio sancti Evangelii secundum Matthæum.*

*Lectio j.*

*Cap. 11.*

**IN** illo tempore: Cum intrasset Jesus Jerosolymam, commota est universa civitas, dicens: Quis est hic? Et reliqua.

*Homilia ven. Bedæ Presbyteri.*

*Hom. 7. in Quadragesim. tom. 7.*

**QUOD** maledicendo ficum infructuosam per figuram fecit Dominus, hoc idem mox apertius ostendit, ejiciendo improbos e templo. Neque enim aliquid peccavit arbor, quod esuriante Domino poma non habuit, quorum necdum tempus advenerat; sed peccavere sacerdotes, qui in domo Domini negotia sæcularia gerebant, et fructum pietatis, quem debuerant, quemque in eis Dominus esuriebat; ferre supersederant. Arefecit Dominus arborem maledicto, ut homines hæc videntes, sive audientes, multo magis intelligerent sese divino condemnandos esse iudicio, si absque operum fructu de plausu tantum sibi religiosi sermonis, velut de sonitu et tegumento blandirentur viridantium foliorum.

¶. Emendemus, p. 237.

*Lectio ij.*

**VERUM** quia non intellexerunt, in ipsos consequenter districtiorem meritæ ultionis exercuit, et eiecit commercia rerum humanarum de domo illa, in qua divinas tantum res agi, hostias et orationes Deo offerri, verbum Dei legi, audiri et decantari præceptum erat. Et quidem credendum est, quia ea tantum vendi vel emi repererit in templo, quæ ad ministerium necessaria essent ejusdem templi, juxta hoc quod alias factum legimus, cum idem templum ingrediens, invenit in eo vendentes et ementes oves, et boves, et columbas: quia nimirum hæc omnia, non nisi ut offerrentur in domo Domini, eos qui de longe venerant, ab indigenis comparare credendum est.

¶. Derelinquat impius, p. 237.



*Lectio iij.*

**S**I ergo Dominus nec ea volebat venditari in templo, quæ in templo volebat offerri, videlicet propter studium avaritiæ, sive fraudis, quod proprium solet esse negotiantium facinus; quanta, putas, animadversione puniret, si invenisset ibi aliquos risui vel vaniloquio vacantes, aut alii cuilibet vitio mancipatos? Si enim ea quæ alibi libere geri poterant, Dominus in domo sua temporalia negotia geri non patitur, quanto magis ea quæ nusquam fieri licet, plus cœlestis iræ merentur, si in ædibus Deo sacratiss aguntur? Verum quia Spiritus sanctus in columba super Dominum apparuit, recte per columbas sancti Spiritus charismata signantur. Qui autem sunt in templo Dei hodie qui columbas vendunt, nisi qui in Ecclesia pretium de impositione manus accipiunt, per quam videlicet impositionem Spiritus sanctus cœlitus datur?

℟. Paradisi portas, p. 258.

*Ad Bened. Ant.* Intravit Jesus in templum Dei, et ejiciebat omnes vendentes et ementes; et mensas nummulariorum, et cathedras vendentium columbas evertit.

*Oratio.*

**R**ESPICE, Domine, familiam tuam, et præsta ut apud te mens nostra tuo desiderio fulgeat, quæ se carnis maceratione castigat. Per Dominum.

*Ad Magnif. Ant.* Scriptum est enim quia domus mea domus orationis est cunctis gentibus; vos autem fecistis illam speluncam latronum: et erat quotidie docens in templo.

*Oratio.*

**A**SCENDANT ad te, Domine, preces nostræ, et ab Ecclesia tua cunctam repelle nequitiam. Per Dominum.

## FERIA QUARTA

*Quatuor Temporum.*

*Hodie dicuntur Psalmi Gradual*

*Lectio sancti Evangelii secundum Matthæum.*

*Lectio j. Cap. 12.*

**I**N illo tempore: Responderunt Jesus quidam de Scribis et Phariseis, dicentes: Magister, volumus a te signum videre. Et reliqua.

*Homilia sancti Ambrosii Episcopi.*

*Lib. 7. in Luc. cap. 12.*

**J**UDÆORUM plebe dampnata, Ecclesiæ mysterium evidenter exprimitur, quæ in Ninivitis per pœnitentiam, et in Regina Austri per studium percipiendæ sapientiæ, de totius orbis finibus congregatur, ut pacifici Salomonis verba cognoscat. Regina plane, cujus regnum est indivisum, de diversis et distantibus populis in unum corpus assurgens.

℟. Scindite corda, p. 258.

*Lectio. ij.*

**I**TAQUE sacramentum illud magnum est de Christo et Ecclesia. Sed tamen hoc majus est, quia illud in figura ante præcessit, nunc autem plenum in veritate mysterium est. Illic enim Salamon typus, hic autem Christus in suo corpore est. Ex duobus igitur constat Ecclesia: ut aut peccare nesciat, aut peccare desinat. Pœnitentia enim delictum abolet, sapientia cavet.

℟. Frange esurienti, p. 258.

*Lectio iij.*

**C**ÆTERUM Jonæ signum, ut typus Dominicæ passionis, ita etiam gravium, quæ Judæi commiserint, testificatio peccatorum est. Simul advertere licet et majestatis oraculum, et pietatis iudicium. Namque Ninivitarum exemplo et denuntiatur supplicium, et remedium demonstratur. Unde etiam Judæi debent non desperare indulgentiam, si velint agere pœnitentiam.

℟. Abscondite, p. 258.

*Ad Bened. Ant.* Generatio hæc prava et perversa signum quærit et signum non dabitur ei, nisi signum Jonæ Prophetæ.

*Oratio.*

**P**RECES nostras, quæsumus, Domine clementer exaudi, et contra cuncta nobis adversantia, dexteram tuæ majestatis extende. Per Dominum.

*Ad Magnif. Ant.* Sicut fuit Jonas in ventre ceti tribus diebus et tribus noctibus, ita erit filius hominis in corde terræ.

*Oratio.*

**M**ENTES nostras, quæsumus, Domine, lumine tuæ claritatis illustra, ut videre possimus quæ agenda sunt; et quæ recta sunt, agere valeamus. Per Dominum.

**FERIA QUINTA.**

Lectio sancti Evangelii secundum Matthæum.

*Lectio j. Cap. 15.*

**I**N illo tempore: Egressus Jesus secessit in partes Tyri et Sidonis. Et reliqua.

Homilia S. Hieronymi Presbyteri.  
*Lib. 2. Comm. in cap. 15. Matth.*

**S**CRIBIS et Pharisæis calumniatoribus derelictis, transgreditur in partes Tyri et Sidonis, ut Tyrios Sidoniosque curaret. Mulier autem Chananæa egreditur de finibus pristinis, ut clamans filiæ impetret sanitatem. Observa quod in quintodecimo loco filia Chananæa sanetur. Miserere mei, Domine, fili David. Inde novit vocare filium David, quia egressa jam fuerat de finibus suis, et errorem Tyrionum ac Sidoniorum loci ac fidei commutatione dimiserat.

¶ Tribularer, si nescirem misericordias tuas, Domine: tu dixisti, Nolo mortem peccatoris, sed ut magis convertatur et vivat: \* Qui Chananæam et Publicanum vocasti ad pœnitentiam. ¶ Secundum multitudinem dolorum meorum in corde meo, consolationes tuæ lætificaverunt animam meam. Qui.

*Lectio ij.*

**F**ILIA mea male a dæmonio vexatur. Ego filiam Chananæam pu-

to animas esse credentium, quæ male a dæmonio vexabantur, ignorantes Creatorem, et adorantes lapidem. Qui non respondit ei verbum, non de superbia pharisaica, nec de Scribarum supercilio; sed ne ipse sententiæ suæ videretur esse contrarius, per quam jusserat: in viam Gentium ne abieritis, et in civitates Samaritanorum ne intraveritis. Nolebat enim occasionem calumniatoribus dare, perfectamque salutem Gentium passionis et resurrectionis tempori reservabat.

¶ In omnibus, p. 236.

*Lectio iij.*

**E**T accedentes discipuli ejus rogabant eum, dicentes: Dimitte eam, quia clamat post nos. Discipuli illo adhuc tempore mysteria Domini nescientes, vel misericordia commoti, rogabant pro Chananæa muliere, quam alter Evangelista Syrophœnissam appellat: vel importunitate ejus carere cupientes, quia non ut clementem, sed ut durum medicum crebrius inclamaret. Ipse autem respondens ait: Non sum missus, nisi ad oves quæ perierunt domus Israel. Non quod et ad Gentes non missus sit, sed quod primum missus sit ad Israel; ut illis non recipientibus Evangelium, justa fieret ad Gentes transmigratio.

¶ In jejunio et fletu, p. 237.

*Ad Bened. Ant.* Egressus Jesus secessit in partes Tyri et Sidonis. Et ecce mulier Chananæa a finibus illis egressa clamabat dicens: miserere mei, fili David.

*Oratio.*

**D**EVOTIONEM populi tui, quæsumus, Domine, benignus intende, ut qui per abstinentiam macerantur in corpore, per fructum boni operis reficiantur in mente. Per Dominum.

*Ad Magnif. Ant.* O mulier, magna est fides tua: fiat tibi sicut petisti.

*Oratio.*

**D**A quæsumus, Domine, populis Christianis et quæ profitentur.

agnoscere, et cœleste munus diligere, quod frequentant. Per Dominum.

## FERIA SEXTA

*Quatuor Temporum.*

Lectio sancti Evangelii secundum Joannem.

*Lectio j. Cap. 5.*

**I**N illo tempore: Erat dies festus Judæorum: et ascendit Jesus Jerosolymam. Et reliqua.

Homilia sancti Augustini Episcopi.

*Tract. 17. in Joann. post. init.*

**V**IDEAMUS quid voluerit significare in illo uno, quem etiam ipse servans unitatis mysterium, de tot languentibus unum sanare dignatus est. Invenit in annis ejus numerum quemdam languoris. Triginta et octo annos habebat in infirmitate. Hic numerus quomodo magis ad languorem pertineat, quam ad sanitatem, paulo diligentius exponendum est. Intentos vos volo: aderit Dominus, ut congrue loquar, et sufficienter audiat. Quadragenarius numerus sacratus nobis in quadam perfectione commendatur; notum esse arbitror charitati vestræ: testantur sæpissime divinæ Scripturæ: jejunium hoc numero consecratum esse bene nostis. Nam et Moyses quadraginta diebus jejunavit, et Elias totidem: et ipse Dominus noster et Salvator Jesus Christus hunc jejunii numerum implevit. Per Moysen significatur Lex, per Eliam significantur Prophetæ, per Dominum significatur Evangelium. Ideo in illo monte tres apparuerunt, ubi se discipulis ostendit in claritate vultus et vestis suæ: apparuit enim medius inter Moysen et Eliam, tanquam Evangelium testimonium haberet a lege et Prophetis.

¶. Emendemus, p. 257.

*Lectio ij.*

**S**IVE ergo in Lege, sive in Prophetis, sive in Evangelio, quadragenarius numerus nobis in jejunio commendatur. Jejunium autem ma-

gnum et generale est, abstinere ab iniquitatibus et illicitis voluptatibus sæculi, quod est perfectum jejunium: ut abnegantes impietatem et sæculares cupiditates, temperanter, et justo, et pie vivamus in hoc sæculo. Huic jejunio quam mercedem addit Apostolus? Sequitur, et dicit: Expectantes illam beatam spem, et manifestationem gloriæ beati Dei et Salvatoris nostri Jesu Christi. In hoc ergo sæculo quasi Quadragesimam abstinentiæ celebramus, cum bene vivimus, cum ab iniquitatibus et ab illicitis voluptatibus abstinemus: sed quia hæc abstinentia sine mercede non erit, expectamus beatam illam spem, et revelationem gloriæ magni Dei et Salvatoris nostri Jesu Christi. In illa spe, cum fuerit de spe facta res, accepturi sumus mercedem denarium. Ipsa enim merces redditur operariis in vinea laborantibus, secundum Evangelium, quod vos credo reminisci; neque enim omnia commemoranda sunt, tanquam rudibus et imperitis. Denarius ergo, qui accepit nomen a numero decem, redditur, et conjunctus quadragenario fit quinquagenarius: unde cum labore celebramus Quadragesimam ante Pascha; cum lætitia vero, tanquam accepta mercede, Quinquagesimam post Pascha.

¶. Derelinquat impius, p. 237.

*Lectio iij.*

**M**EMENTOTE quod proposuerim numerum triginta octo annorum in illo languido. Volo exponere quare numerus ille trigesimus et octavus languoris sit potius quam sanitatis. Ergo, ut dicebam, charitas implet legem: ad plenitudinem legis in omnibus operibus pertinet quadragenarius numerus. In charitate autem duo præcepta nobis commendantur: Diliges Dominum Deum tuum ex toto corde tuo, et ex tota anima tua et ex tota mente tua: et, Diliges proximum tuum sicut te ipsum. In his duobus præceptis tota lex pendet, et Prophetæ. Merito et illa vidua omnes facul-



tates suas, duo minuta misit in dona Dei: merito et pro illo languido a latronibus sauciato stabularius duos nummos accepit unde sanaretur: merito apud Samaritanos biduum fecit Jesus, ut eos charitate firmaret. Binario ergo isto numero cum aliquid boni significatur, maxime bipartita charitas commendatur. Si ergo quadragenarius numerus habet perfectionem legis, et lex non impletur nisi in gemino præcepto charitatis: quid miraris quia languebat, qui ad quadraginta duo minus habebat?

¶. *Paradisi portas, p. 258.*

*Ad Bened. Ant.* Angelus Domini descendebat de cælo, et movebatur aqua, et sanabatur unus.

*Oratio.*

**ESTO**, Domine, propitius plebi tuæ, et quam tibi facis esse devotam, benigno refove miseratus auxilio. Per Dominum.

*Hodie dicuntur Psalmi Pœnit.*

*Ad Magnif. Ant.* Qui me sanum fecit, ille mihi præcepit: Tolle grabatum tuum, et ambula in pace.

*Oratio.*

**EXAUDI** nos, misericors Deus, et mentibus nostris gratiæ tuæ lumen ostende. Per Dominum.

## SABBATO

*Quatuor Temporum.*

Lectio sancti Evangelii secundum Matthæum.

*Lectio j Cap. 17.*

**I**N illo tempore: Assumpsit Jesus Petrum, et Jacobum et Joannem fratrem ejus, et duxit illos in montem excelsum seorsum, et transfiguratus est ante eos. Et reliqua.

Homilia S. Leonis Papæ.

*Homil. de Transfig. Domini.*

**EVANGELICA** lectio, dilectissimi, quæ per aures corporis interiorum nostrarum pulsavit auditum ad magni sacramenti nos intelligentiam vocat; quam, aspirante gratia Dei,

facilius assequemur, si considerationem nostram ad ea, quæ paulo superius sunt narrata, referamus. Salvator enim humani generis Jesus Christus, condens eam fidem quæ et impios ad justitiam, et mortuos revocat ad vitam, ad hoc discipulos suos doctrinæ monitis et operum miraculis imbuebat, ut idem Christus et Unigenitus Dei, et hominis filius crederetur. Nam unum horum sine altero non proderat ad salutem, et æqualis erat periculi Dominum Jesum Christum aut Deum tantummodo sine homine, aut sine Deo solum hominem credidisse, cum utrumque esset pariter confitendum; quia sicut Deo vera humanitas, ita homini inerat vera divinitas.

¶. *Scindite corda, p. 258.*

*Lectio ij.*

**A**D confirmandam ergo hujus fidei saluberrimam cognitionem, interrogaverat discipulos suos Dominus, inter diversas aliorum opiniones quid ipsi de eo crederent, quidve sentirent. Ubi Petrus Apostolus, per revelationem summi Patris corporea sepeans, et humana transcendens, vidit mentis oculis Filium Dei vivi, et confessus est gloriam Deitatis, quia non ad solum respexit substantiam carnis et sanguinis, tantumque in hac fidei sublimitate complacuit, ut beatitudinis felicitate donatus, sacram inviolabilis petreæ acciperet firmitatem, super quam fundata Ecclesia portis inferi et mortis legibus prævaleret: nec in solvendis aut ligandis quorumcumque causis aliud ratum esset in cælis, quam quod Petri sedisset arbitrio.

¶. *Frangere esurienti, p. 258.*

*Lectio iij.*

**HÆC** autem, dilectissimi laudatæ intelligentiæ celsitudo instruenda erat de inferioris substantiæ sacramento, ne Apostolica fides ad gloriam confitendæ in Christo Deitatis evecta, infirmitatis nostræ receptionem indignam impassibili Deo atque incongruam judicaret: et ita jam in Christo humanam crederet glorificatam

esse naturam , ut nec supplicio posset affici , nec morte dissolvi. Et ideo dicente Domino quòd operteret eum ire Jerosolymam , et multa pati a senioribus , et Scribis , ac principibus sacerdotum , et occidi , et tertia die resurgere : cum beatus Petrus , qui superno illustratus lumine de ardentissima Filii Dei confessione fervebat , contumelias illusionum et crudelissimæ mortis opprobrium religioso , ut putabat , et libero fastidio respuisset , benigna a Jesu increpatione correptus , et ad cupiditatem participandæ cum eo passionis animatus est.

℞. Abscondite , p. 258.

*Ad Bened. Ant.* Assumpsit Jesus discipulos suos , et ascendit in montem , et transfiguratus est ante eos.

*Oratio.*

**POPULUM** tuum , quæsumus , Domine , propitius respice , atque ab eo flagella tuæ iracundiæ clementer averte. Per Dominum.

*ad Vesperas.*

*Capitulum. I. Thess. 4.*

**FRATRES** , Rogamus vos et obsecramus in Domino Jesu , ut quem admodum accepistis a nobis , quomodo vos oporteat ambulare et placere Deo sic et ambuletis , ut abundetis magis.

*Hymnus et ♯. ut supra , p. 253.*

*Ad Magnif. Ant.* Visionem quam vidistis nemini dixeritis , donec a mortuis resurgat filius hominis.

*Oratio ut infra in Laudibus*

**DOM. II. QUADRAG.**

*Ad Matut. Invit. Hymnus ut in Dom. I. p. 253.*

IN I. NOCTURNO.

De libro Genesis.

*Lectio j. Cap. 27.*

**SENUIT** autem Isaac , et caligaverunt oculi ejus , et videre non poterat : vocavitque Esau filium suum majorem , et dixit ei : Fili mi ? Qui respondit : Adsum. Cui pater : Vides , inquit : quod , senuerim , et ignorem

diem mortis meæ. Sume arma tua , pharetram et arcum , et egredere foras ; cùmque venatu aliquid apprehenderis , fac mihi inde pulmentum sicut velle me nosti , et affer ut comedam , et benedicat tibi anima mea antequam moriar. Quod cum audisset Rebecca , et ille abiisset in agrum ut jussionem patris impleret , dixit filio suo Jacob : Audiui patrem tuum loquentem cum Esau fratre tuo , et dicentem ei : Affer mihi de venatione tua , et fac cibos ut comedam , et benedicam tibi coram Domino antequam moriar. Nunc ergo , fili mi , acquiesce consiliis meis , et pergens ad gregem , affer mihi duos hœdos optimos , ut faciam ex eis escas patri tuo , quibus libenter vescitur : quas cum intuleris et comederit , benedicat tibi priusquam moriatur.

℞ Tolle arma tua , pharetram et arcum , et affer de venatione tua , ut comedam , \* Et benedicat tibi anima mea. ♯. Cumque venatu aliquid attuleris , fac mihi inde pulmentum , ut comedam. Et.

*Lectio ij.*

**CUI** ille respondit : Nosti quod Esau frater meus homo pilosus sit , et ego lenis ; si attrectaverit me pater meus et senserit , timeo ne putet me sibi voluisse illudere , et inducam super me maledictionem pro benedictione. Ad quem mulier : In me sit , ait , ista maledictio , fili mi : tantum audi vocem meam , et pergens affer quæ dixi. Abiit , et attulit , deditque matri. Paravit illa cibos , sicut velle noverat patrem illius. Et vestibus Esau valde bonis , quas apud se habebat dormi , induit eum : pelliculasque hœdorum circumdedit manibus , et colli nuda protexit , deditque pulmentum , et panes , quos coxerat , tradidit. Quibus illatis , dixit : pater mi ? At ille respondit : Audio. Quis es tu , fili mi ? Dixitque Jacob : Ego sum primogenitus tuus Esau ; feci sicut præcepisti mihi. Surge , sede , et comede de venatione mea , ut benedicat mihi anima tua. Rursumque Isaac ad filium

sum: quomodo, inquit, 'tam cito invenire potuisti, fili mi? Qui respondit: Voluntas Dei fuit, ut cito occurrere mihi quod volebam.

¶ Ecce odor filii mei sicut odor agri pleni, cui benedixit Dominus: cresc re te faciat Deus meus sicut arenam maris, \* Et donet tibi de rore cœli benedictionem. †. Deus autem omnipotens benedicat tibi, atque multiplicet. Et.

*Lectio iij.*

**D**IXITQUE Isaac: Accede huc ut tangam te, fili mi, et probem utrum tu sis filius meus Esau, an non. Accessit ille ad patrem, et palpato eo, dixit Isaac: Vox quidem, vox Jacob est: sed manus, manus sunt Esau. Et non cognovit eum, quia pilosæ manus similitudinem majoris expresserant. Benedicens ergo illi, ait: Tu es filius meus Esau? Respondit: Ego sum. At ille, Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit ei etiam vinum. Quo hausto, dixit ad eum: Accede ad me, et da mihi osculum, fili mi. Accessit, et osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei sicut odor agri pleni, cui benedixit Dominus. Det tibi Deus de rore cœli et de pinguedine terræ abundantiam frumenti et vini, et serviant tibi populi, et adorent te tribus: esto dominus fratrum tuorum, et incurventur ante te filii matris tuæ. Qui maledixerit tibi, sit ille maledictus, et qui benedixerit tibi, benedictionibus repleatur.

¶ Det tibi Deus de rore cœli et de pinguedine terræ abundantiam; serviant tibi tribus et populi: \* Esto dominus fratrum tuorum. †. Et incurventur ante te filii matris tuæ. Esto. Gloria. Esto.

IN II. NOCTURNO.

Ex libro sancti Augustini Episcopi contra mendacium.

*Lectio iv. Cap. 10. tom. 4.*

**J**ACOB quod matre fecit auctore, ut patrem fallere videretur, si diligenter et fideliter attendatur, non est mendacium, sed mysterium. Quæ si mendacia dixerimus, omnes etiam parabolæ ac figuræ significandarum quarumcumque rerum, quæ non ad proprietatem accipiendæ sunt, sed in eis aliud ex alio est intelligendum, dicentur esse mendacia: quod absit omnino. Nam qui hoc putat, tropicis etiam tam multis locutionibus omnibus potest hanc importare calumniam: ita ut hæc ipsa, quæ appellatur metaphora, hoc est, de re propria ad rem non propriam verbi alicujus usurpata translatio, possit ista ratione mendacium nuncupari.

¶ Dum exiret Jacob de terra sua, vidit gloriam Dei, et ait: Quam terribilis est locus iste! \* Non est hic aliud, nisi domus Dei, et porta cœli. †. Vere Deus est in loco isto, et ego nesciebam. Non.

*Lectio v.*

**Q**UÆ significantur enim, utique ipsa dicuntur: putantur autem mendacia, quoniam non ea quæ vere significantur, dicta intelliguntur, sed ea quæ falsa sunt, dicta esse creduntur. Hoc ut exemplis fiat planius, id ipsum quod Jacob fecit, attende. Hædinis certe pellibus membra contexit. Causam proximam requiramus, mentitum putabimus: hoc enim fecit, ut putaretur esse qui non erat: Si autem hoc factum ad illud propter quod significandum revera factum est, referatur, per hædinas pelles, peccata: per eum vero qui eis se operuit, ille significatus est qui non sua, sed aliena peccata portavit.

¶ Si Dominus Deus meus fuerit mecum in via ista, per quam ego ambulo, et custodierit me, et dederit mihi panem ad edendum, et vestimentum quo operiar, et revocaverit me cum salute: \* Erit mihi Dominus in refugium, et lapis iste in signum. †. Surgens ergo mane Jacob. tulit la-



pidem quem supposuerat capiti suo, et erexit in titulum, fundensque oleum desuper, dixit. Erit.

*Lectio iv.*

**V**ERAX ergo significatio nullo modo mendacium recte dici potest; ut autem in facto, ita et in verbo. Nam cum ei pater dixisset: Quis es tu, fili? Ille respondit: Ego sum Esau primogenitus tuus. Hoc si referatur ad duos illos geminos, mendacium videbitur: si autem ad illud propter quod significandum ista gesta dictaque conscripta sunt, ille est hic intelligendus in corpore suo, quod est ejus Ecclesia, qui de hac re loquens, ait: Cum videritis Abram, et Isaac, et Iacob, et omnes Prophetas in regno Dei, vos autem expelli foras. Et, Venient ab Oriente, et Occidente, et Aquilone, et Austro, et accumbent in regno Dei. Et, Ecce sunt novissimi, qui erant primi: et sunt primi, qui erant novissimi. Sic enim quodammodo minor majoris primatum frater abstulit, atque in se transtulit fratris.

ñ. Erit mihi Dominus in Deum et lapis iste quem erexi in titulum, vocabitur domus Dei: et de universis quæ dederis mihi, \* Decimas et hostias pacificas offeram tibi. ꝥ. Si reversus fuero prospere ad domum patris mei. Decimas. Gloria. Decimas.

### IN III. NOCTURNO.

Lectio sancti Evangelii secundum Matthæum.

*Lectio vij. Cap. 17.*

**I**N illo tempore: Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum, et transfiguratus est ante eos. Et reliqua.

De Homilia sancti Leonis Papæ.

*Ex Hom. de Transfig. Domini.*

**A**SSUMPSIT Jesus Petrum, et Jacobum, et fratrem ejus Joannem, et conscenso cum eis seorsum monte præcelso, claritatem suæ glo-

riæ demonstravit: quia licet intellexissent in eo majestatem Dei, ipsius tamen corporis, quo divinitas tegebatur, potentiam nesciebant. Et ideo proprie signanterque promiserat quosdam de astantibus discipulis non prius gustare mortem, quam viderent filium hominis venientem in regno suo, id est, in regia claritate, quam spiritaliter ad naturam suscepti hominis pertinentem, his tribus viris voluit esse conspiciam. Nam illam ipsius Deitatis ineffabilem et inaccessibilem visionem, quæ in æternam vitam mundis corde servatur, nullo modo mortali adhuc carne circumdati intueri poterant et videre.

ñ. Dixit Angelus ad Jacob: \* Dimitte me, aurora est. Respondit ei: Non dimittam te, nisi benedixeris mihi. Et benedixit ei in eodem loco. ꝥ. Cumque surrexisset Jacob, ecce vir luctabatur cum eo usque mane: et cum videret quod eum superare non posset, dixit ad eum. Dimitte.

*Lectio iij.*

**D**ICENTE Patre: Hic est Filius meus dilectus, in quo mihi bene complacui, ipsum audite: nonne evidenter auditum est, Hic est Filius meus, cui ex me et mecum esse sine tempore est: quia nec genitor genito prior, nec genitus est genitore posterior. Hic est Filius meus, quem a me non separat Deitas, non dividit potestas, non discernit æternitas. Hic est Filius meus, non adoptivus, sed proprius: non aliunde creatus, sed ex me genitus: nec de alia natura mihi factus comparabilis, sed de mea essentia mihi natus æqualis.

ñ. Vidi Dominum facie ad faciem; \* Et salva facta est anima mea. ꝥ. Et dixit mihi: Nequaquam vocaberis Jacob, sed Israel erit nomen tuum. Et.

*Lectio ix.*

**H**IC est Filius meus, per quem omnia facta sunt, et sine quo factum est nihil; qui omnia quæ facio, similiter facit: et quidquid operor, inseparabiliter mecum atque in-

differentiter operatur. Hic est Filius meus, qui eam quam mecum habet æqualitatem, non rapina appetiit, nec usurpatione præsumpsit: sed manens in forma gloriæ meæ ut ad reparandum genus humanum exequeretur commune consilium, usque ad formam servilem inclinavit incommutabilem Deitatem. Hunc ergo in quo mihi per omnia bene complaceo, et cujus prædicatione manifestor, cujus humilitate clarificor, incunctanter audite: quia ipse est veritas et vita; ipse virtus mea atque sapientia.

¶ Cum audisset Jacob quod Esau veniret contra eum, divisit filios suos et uxores, dicens: Si percusserit Esau unam turmam, salvabitur altera. \* Libera me, Domine, qui dixisti mihi: \* Multiplicabo semen tuum sicut stellas cæli, et sicut arenam maris, quæ præ multitudine numerari non potest. † Domine, qui dixisti mihi: Revertere in terram nativitatis tuæ: Domine, qui pascis me a juventute mea. Libera. Gloria. Multiplicabo.

### Ad Laudes

Ant. 1. Domine, labia mea aperies, et os meum annuntiabit laudem tuam.

Psalm. Miserere mei, p. 39.

2. Dextera Domini fecit virtutem: dextera Domini exaltavit me.

Psalm. Confitemini, p. 17.

3. Factus est adjutor meus Deus meus.

Psalm. Deus Deus meus, p. 13.

4. Trium puerorum cantemus hymnum, quem cantabant in camino ignis, benedicentes Dominum.

Cant. Benedicite, p. 14.

5. Statuit ea in æternum, et in sæculum sæculi: præceptum posuit, et non præteribit.

Psalm. Laudate Dominum de cælis, p. 14.

Capitulum 1. Thess. 4.

**FRATRES**, Rogamus vos et obsecramus in Domino Jesu, ut quemadmodum accepistis a nobis, quo-

modo vos oporteat ambulare et placere Deo, sic et ambuletis, ut abundetis magis.

Hymnus et †. ut supra, p. 259.

Ad Bened. Ant. Assumpsit Jesus discipulos suos, et ascendit in montem, et transfiguratus est ante eos.

Oratio.

**DEUS**, qui conspicias omni nos virtute destitui, interius exteriusque custodi, ut ab omnibus adversitatibus muniamur in corpore, et a pravis cogitationibus mundemur in mente. Per Dominum.

Ad Horas quæ. br. ut in Psalt.

### Ad Primam

Ant. Domine, bonum est nos hic esse: si vis, faciamus hic tria tabernacula, tibi unum, Moysi unum, et Eliæ unum.

### Ad Tertiam.

Ant. Domine, ut ad Primam.

Capit. Fratres Rogamus, ut sup.

### Ad Sextam.

Ant. Faciamus hic tria tabernacula, tibi unum, Moysi unum, et Eliæ unum.

Capitulum. 1. Thess. 4.

**HÆC** est enim voluntas Dei sanctificatio vestra, ut abstineatis vos a fornicatione, ut sciat unusquisque vestrum vas suum possidere in sanctificatione et honore.

### Ad Nonam.

Ant. Visionem quam vidistis nemini dixeritis, donec a mortuis resurgat filius hominis.

Capitulum. 1. Thess. 4.

**NON** enim vocavit nos Deus in immunditiam, sed in sanctificationem in Christo Iesu Domino nostro.

### Ad Vesperas.

Ant. et Psalmi de Dominica.

Capit. Fratres Rogamus.

Hymnus et †. ut supra, p. 258.

Ad Magnif. Ant. Visionem quam

vidistis nemini dixeritis, donec a mortuis resurgat filius hominis.

*Deinde dicuntur Vesp. Defunct.*

## FERIA SECUNDA.

Lectio sancti Evangelii secundum Joannem.

*Lectio j. Cap. 8.*

**I**N illo tempore : Dixit Jesus turbis Judæorum : Ego vado, et quæretis me, et in peccato vestro moriemini. Et reliqua.

Homilia S. Augustini Episcopi.

*Tract. 38. in Joan. post initium.*

**L**OCUTUS est Dominus Judæis, dicens : Ego vado. Christo enim Domino mors profectio fuit illo, unde venerat, et unde non discesserat. Ego, inquit, vado, et quæretis me, non desiderio, sed odio. Nam illum, posteaquam abscessit ab oculis hominum, inquisierunt et qui oderant, et qui amabant : illi persequendo, isti habere cupiendo. In psalmis ait ipse Dominus per Prophetam : Perit fuga a me, et non est qui requirat animam meam. Et iterum ait alio loco in psalmo : Confundantur et vereantur requirentes animam meam.

¶ Dum iret Jacob de Bersabee, et pergeret Haran, locutus est ei Dominus, dicens : \* Terram, in qua dormis, tibi dabo, et semini tuo. ¶ Ædificavit ex lapidibus altare in honorem Domini, fundens oleum desuper, et benedixit eum Deus, dicens. Terram.

*Lectio. ij.*

**C**ULPAVIT qui non requirerent, damnavit requirentes. Bonum est enim quærere animam Christi ; sed quo modo eam quæsierunt discipuli ; et malum est quærere animam Christi, sed quo modo eam Judæi quæsierunt : illi enim ut haberent, isti ut perderent. Denique istis, quia sic quærebant more malo, corde perverso, quid secutus adjunxit ? Quæretis me ; et ne putetis quia bene me quæretis, in peccato vestro moriemini.

Hoc est Christum male quærere, in peccato suo mori : hoc est illum odisse, per quem possit solum salvus esse.

¶ Apparuit Deus Jacob, et benedixit eum, et dixit : Ego sum Deus Bethel, ubi unxisti lapidem, et votum vovisti mihi : \* Crescere te faciam, et multiplicabo te. ¶ Vere Dominus est in loco isto, et ego nesciebam. Crescere.

*Lectio iij.*

**C**UM enim homines, quorum spes in Deo est, non debeant mala reddere nec pro malis, reddebant isti mala pro bonis. Prænuntiavit ergo illis Dominus, dixitque sententiam præscius quod in suo peccato morerentur. Deinde adjunxit : Quo ego vado, vos non potestis venire. Hoc et discipulis suis alio loco dixit ; nec tamen eis dixit, In peccato vestro moriemini. Quid autem dixit ? Quod et istis, Quo ego vado, vos non potestis venire. Non abstulit spem, sed prædixit dilationem. Quando enim hoc discipulis Dominus loquebatur, tunc non poterant venire quo ille ibat, sed postea venturi erant : isti autem nunquam, quibus præscius dixit : In peccato vestro moriemini.

¶ Det tibi Deus de rore cæli et de pinguedine terræ abundantiam ; serviant tibi tribus et populi : \* Esto dominus fratrum tuorum. ¶ Et incurventur ante te filii matris tuæ. Esto. Gloria. Esto.

*Ad Bened. Ant. Ego principium, qui et loquor vobis.*

*Oratio.*

**P**RÆSTA, quæsumus, omnipotens Deus, ut familia tua, quæ se, affligendo carnem, ab alimentis abstinet, sectando justitiam, a culpa jejundet. Per Dominum.

*Hodie dicitur Offic. Defunct.*

*Ad Magnif. Ant. Qui me misit, mecum est, et non reliquit me solum, quia quæ placita sunt ei, facio semper.*



*Oratio.*

**A**DESTO supplicationibus nostris, omnipotens Deus, et quibus fiduciam sperandæ pietatis indulges, consuetæ misericordiæ tribue benignus effectum. Per Domin.

**FERIA TERTIA.**

Lectio sancti Evangelii secundum Matthæum.

*Lectio j. Cap. 23.*

**I**N illo tempore: Locutus est Jesus ad turbas et ad discipulos suos, dicens: Super cathedram Moysi sederunt Scribæ et Pharisei. Omnia ergo quæcumque dixerint vobis, servate et facite; secundum opera vero eorum nolite facere. Et reliqua.

Homilia S. Hieronymi Presbyteri.

*Lib. 4. Comm. in c. 23. Matth.*

**Q**UID mansuetius, quid benignius Domino? Tentatur a Phariseis, confringuntur insidiæ eorum, et secundum Psalmistam: Sagittæ parvulorum factæ sunt plagæ eorum, et nihilominus propter sacerdotii et nominis dignitatem, hortatur populos ut subjiciantur eis, non opera, sed doctrinam considerantes. Quod autem ait: Super cathedram Moysi sederunt Scribæ et Pharisei, per cathedram, doctrinam legis ostendit. Ergo et illud quod dicitur in psalmo: In cathedra pestilentiae non sedit: et, Cathedras vendentium columbas evertit, doctrinam debemus accipere.

¶. Dum exiret Jacob, p. 267.

*Lectio ij.*

**A**LLIGANT enim onera gravia et importabilia, et imponunt in humeros hominum, digito autem suo nolunt ea movere. Hoc generaliter adversus omnes magistros, qui gravia jubent, et minora non faciunt. Notandum autem quod et humeri, et digitus, et onera, et vincula quibus alligantur onera, spiritualiter intelligenda sunt. Omnia vero opera sua faciunt, ut videantur ab hominibus. Quicumque igitur ita facit quodlibet,

ut videatur ab hominibus, Scriba et Phariseus est.

¶. Si Dominus Deus, p. 267.

*Lectio iij.*

**D**ILATANT enim phylacteria sua, et magnificant simbrias. Amant quoque primos recubitus in cœnis, et primas cathedras in synagogis, et salutationes in foro, et vocari ab hominibus Rabbi. Væ nobis miseris, ad quos Phariseorum vitia transierunt. Dominus cum dedisset mandata legis per Moysen, ad extremum intulit: Ligabis ea in manu tua, et erunt immota ante oculos tuos. Et est sensus; Præcepta mea sint in manu tua, ut opere compleantur: sint ante oculos tuos, ut die ac nocte mediteris in eis. Hoc Pharisei male interpretantes, scribebant in membranis Decalogum Moysi; id est, decem verba legis, complicantes ea, et ligantes in fronte, et quasi coronam capiti facientes, ut semper ante oculos moverentur.

¶. Erit mihi Dominus, p. 268.

*Ad Bened. Ant.* Unus est enim magister vester, qui in cœlis est, Christus Dominus.

*Oratio.*

**P**ERFICE, quæsumus, Domine, benignus in nobis observantiæ sanctæ subsidium, ut, quæ te auctore facienda cognovimus, te operante impleamus. Per Domin.

*Ad Magnif. Ant.* Omnes autem vos fratres estis, et patrem nolite vocare vobis super terram: unus est enim Pater vester, qui in cœlis est: nec vocemini magistri, quia magister vester unus est Christus.

*Oratio.*

**P**ROPITIARE, Domine, supplicationibus nostris, et animarum nostrarum medere languoribus, ut, remissione percepta, in tua semper benedictione lætemur. Per Domin.

**FERIA QUARTA.**

*Hodie dicuntur Psalmi Grad.*

Lectio sancti Evangelii secundum  
Matthæum.

Lectio j. Cap. 20.

**I**n illo tempore : Ascendens Jesus Jerosolymam, assumpsit duodecim discipulos secreto, et ait illis : Ecce ascendimus Jerosolymam, et filius hominis tradetur principibus sacerdotum et Scribis, et condemnabunt eum morte. Et reliqua.

Homilia sancti Ambrosii Episcopi.

Lib. 5. de fide ad Grattan c. 2.

**C**ONSIDERATE quæ mater filiorum Zebedæi cum filiis et pro filiis petat. Mater est utique, cui pro filiorum honore sollicitæ, immoderatio quidem, sed tamen ignoscenda mensura votorum est. Atque mater ætate longæva, studio religiosa, solatio destituta, quæ tunc temporis, quando vel juvanda, vel alenda foret validæ prolis auxilio, abesse sibi liberos patiebatur, et voluptati suæ mercedem sequentium Christum prætulerat filiorum; qui prima voce vocati a Domino (ut legimus) relictis retibus et patre, secuti sunt eum.

ñ. Dixit Angelus, p. 268.

Lectio ii.

**H**ÆC igitur studio maternæ sedulitatis indulgentior obsecrabat Salvatorem, dicens : Ut sedeant hi duo filii mei, unus ad dexteram tuam, et alter ad sinistram in regno tuo. Etsi error pietatis, tamen error est. Nesciunt enim materna viscera patientiam. Etsi voti avara, tamen veniabilis cupiditas, quæ non pecuniæ est avida, sed gratiæ : nec invecunda petitio, quæ non sibi, sed liberis consulebat. Matrem considerate, matrem cogitate.

ñ. Vidi Dominum, p. 268.

Lectio iij.

**C**ONSIDERABAT Christus matris dilectionem, quæ filiorum mercede grandævam solabatur sene-

ctam, et desideriis licet fessa maternis, charissimorum pignorum tolerabat absentiam. Considerate etiam feminam, hoc est, sexum fragiliorum, quem Dominus propria nondum confirmaverat passione. Considerate, inquam, Hevæ illius primæ mulieris hæredem, transfusa in omnes immoderatæ cupiditatis successione labentem, quam Dominus adhuc proprio sanguine non redemerat, nondum inolitam affectibus omnium immodici contra fas honoris appetentiam suo Christus cruore diluerat. Hæreditario igitur mulier delinquebat errore.

ñ. Cum audisset, p. 269.

Ad Bened. Ant. Ecce ascendimus Jerosolymam, et filius hominis tradetur ad crucifigendum.

Oratio.

**P**OPULUM tuum, quæsumus, Domine, propitius respice, et quos ab escis carnalibus præcipis abstinere, a noxiis quoque vitiis cessare concede. Per Dominum.

Ad Magnif. Ant. Tradetur enim Gentibus ad illudendum, et flagellandum, et crucifigendum.

Oratio.

**D**EUS innocentiam restitutor et amator, dirige ad te tuorum corda servorum, ut, Spiritus tui fervore concepto, et in fide inveniantur stabiles, et in opere efficaces. Per... in unitate ejusdem.

## FERIA QUINTA

Lectio sancti Evangelii secundum  
Lucam.

Lectio j. Cap. 16.

**I**n illo tempore : Dixit Jesus Pharisæis : Homo quidam erat dives, qui induebatur purpura et bysso, et epulabatur quotidie splendide. Et reliqua.

Homilia sancti Gregorii Papæ.

Homilia 40. in Evangelia.

**Q**UEM, fratres charissimi, quem dives iste, qui induebatur pur-

pura et bysso, et epulabatur quotidie splendide, nisi Judaicum populum signat, qui cultum vitæ exteriorius habuit, qui acceptæ legis deliciis ad nitorem usus est, non ad utilitatem? Quem vero Lazarus ulceribus plenus, nisi Gentilem populum figuraliter exprimit? Qui dum conversus ad Deum peccata confiteri sua non erubuit, huic vulnus in cute fuit. In cutis quippe vulnere virus a visceribus trahitur, et foras erumpit.

¶. Tolle arma tua, p. 266.

*Lectio ij.*

**Q**UID ergo est peccatorum confessio, nisi quædam vulnerum ruptio? Quia peccati virus salubriter aperitur in confessione, quod pestifere latebat in mente. Vulnera etenim cutis in superficiem trahunt humorem putredinis. Et confitendo peccata, quid aliud agimus, nisi malum quod in nobis latebat, aperimus? Sed Lazarus vulneratus cupiebat saturari de micis quæ cadebant de mensa divitis, et nemo illi dabat, quia Gentilium quemque ad cognitionem legis admittere superbus ille populus despiciebat.

¶. Ecce odor, p. 267.

*Lectio iij.*

**Q**UI dum doctrinam legis non ad charitatem habuit, sed ad elationem, quasi de acceptis opibus tumuit: et quia ei verba defluebant de scientia, quasi micæ cadebant de mensa. At contra jacentis pauperis vulnera lingebant canes. Nonnunquam solent in sacro eloquio per canes prædicatores intelligi. Canum etenim lingua, vulnus dum lingit, curat: quia et doctores sancti, dum in confessione peccati nostri nos instruunt, quasi vulnus mentis per linguam tangunt.

¶. Det tibi Deus, p. 267.

*Ad Bened. Ant.* Fili, recordare, quia recepisti bona in vita tua, et Lazarus similiter mala.

*Oratio.*

**P**RÆSTA nobis, quæsumus, Domine, auxilium gratiæ tuæ, ut jejuniis et orationibus convenienter intenti, liberemur ab hostibus mentis et corporis. Per Dominum.

*Ad Magnif. Ant.* Dives ille guttam aquæ petiit, qui micæ panis Lazaro negavit.

*Oratio.*

**A**DESTO, Domine, famulis tuis, et perpetuam benignitatem largire poscentibus, ut iis, qui te auctore et gubernatore gloriantur, et congregata restaures, et restaurata conserves. Per Dominum.

## FERIA SEXTA

Lectio sancti Evangelii secundum Matthæum.

*Lectio j.*

Cap. 21.

**I**N illo tempore: Dixit Jesus turbis Judæorum et principibus sacerdotum parabolam hanc: Homo erat paterfamilias, qui plantavit vineam, et sepem circumdedit ei. Et reliqua.

Homilia S. Ambrosii Episcopi.

Lib. 9. in cap. 20. Lucæ.

**P**LERIQUE varias significationes de vineæ appellatione derivant; sed evidenter Isaias vineam Domini Sabaoth, domum Israel esse memoravit. Hanc vineam quis alius, nisi Deus, condidit? Hic est ergo qui eam locavit colonis, et ipse peregre fuit: non quia ex loco ad locum profectus est Dominus, qui ubique semper præsens est: sed quia est præsentior diligentibus, negligentibus abest. Multis temporibus absuit, ne præpropere videretur exactio. Nam quo indulgentior liberalitas, eo inexcusabilior pervicacia.

¶. Dum exiret Jacob, p. 267.

*Lectio ij.*

**U**NDE bene secundum Matthæum habes, quia et sepem circumdedit: hoc est, divinam custodiam muni-



tione vallavit, ne facile spiritualium pateret incursum bestiarum. Et fodit in ea torcular. Quomodo intelligimus quid sit torcular, nisi forte quia psalmi pro torcularibus inscribuntur; eo quod in his mysteria Dominicæ passionis, modo musti sancto ferventis Spiritu, redundantius æstua-verint? Unde ebrii putabantur, quibus Spiritus sanctus inundabat. Ergo et hic fodit torcular, in quod uvæ rationabilis fructus interior spiritali infusione deflueret.

*A. Si Dominus Deus, p. 267.*

*Lectio iij.*

**Æ**DIFICAVIT turrin, verticem scilicet legis attollens: atque ita hanc vineam munitam, instructam, ornatam, locavit Judæis, et tempore fructuum servulos misit. Bene tempus fructuum posuit, non proventum. Nullus enim fructus extitit Judæorum, nullus vineæ hujus proventus, de qua Dominus ait: Expectavi ut faceret uvæ, fecit autem spinas. Itaque non lætitiæ vino, non spiritali musto, sed cruento Prophetarum sanguine torcularia redundarunt.

*A. Erit mihi Dominus, p. 268.*

*Ad Bened. Ant.* Malos male perdet, et vineam suam locabit aliis agricolis, qui reddant ei fructum temporibus suis.

*Oratio.*

**D**A, quæsumus, omnipotens Deus, ut sacro nos purificante jejunio, sinceris mentibus ad sancta ventura facias pervenire. Per Dominum.

*Hodie dicuntur Psalmi Penit.*

*Ad Magnif. Ant.* Quærentes eum tenere timuerunt turbam: quia sicut Prophetam eum habebant.

*Oratio.*

**D**A, quæsumus, Domine, populo tuo salutem mentis et corporis, ut bonis operibus inhærendo, tuæ semper virtutis mereatur protectione defendi. Per Dominum.

## SABBATO

Lectio sancti Evangelii secundum Lucam.

*Lectio j. Cap. 15.*

**I**N illo tempore: Dixit Jesus Pharisæis et Scribis parabolam istam: Homo quidam habuit duos filios; et dixit adolescentior ex illis patri: Pater, da mihi portionem substantiæ, quæ me contingit. Et reliqua.

Homilia sancti Ambrosii Episcopi.

*Lib. 7. Com. in. c. 15 Lucæ.*

**V**IDES quod divinum patrimonium petentibus datur. Nec putes culpam patris, quod adolescentiori dedit. Nulla Dei regno infirma ætas, nec fides gravatur annis. Ipse certe se judicavit idoneum, qui poposcit. Atque utinam non recessisset a patre! impedimentum nescisset ætatis. Sed posteaquam domum patriam derelinquens, peregre profectus est, cepit egere. Merito ergo prodegit patrimonium, qui recessit ab Ecclesia.

*A. Pater, peccavi in cælum et coram te, jam non sum dignus vocari filius tuus: \* Fac me sicut unum ex mercenariis tuis. †. Quanti mercenarii in domo patris mei abundant panibus! ego autem hic fame pereor. Surgam, et ibo ad patrem meum, et dicam ei. Fac.*

*Lectio ij.*

**P**EREGRE profectus est in regionem longinquam. Quid longinquius quam a se recedere; nec regionibus, sed moribus separari; studiis discretum esse, non terris; et quasi interfuso luxuriæ sæcularis æstu, divortia habere sanctorum? Etenim qui se a Christo separat, exul est patriæ, civis est mundi. Sed nos non sumus advenæ atque peregrini, sed cives sumus sanctorum, et domestici Dei. Qui enim eramus longe, facti sumus prope in sanguine Christi. Non invidemus de longinqua regione remeantibus, quia et nos fuimus

in regione longinqua, sicut Isaias docet. Sic enim habet: Qui sedebant in regione umbræ mortis, lux orta est illis. Regio ergo longinqua, umbra est mortis.

ñ. Vidi Dominum, p. 268.

*Lectio iij.*

**N**OS autem, quibus spiritus ante faciem Christus est Dominus, in umbra vivimus Christi. Et ideo dicit Ecclesia: In umbra ejus concupiui, et sedi. Ille igitur vivendo luxuriose, consumpsit omnia ornamenta naturæ. Unde tu qui accepisti imaginem Dei: qui habes similitudinem ejus, noli eam irrationabili fæditate consumere. Opus Dei es; noli ligno dicere. Pater meus es tu: ne accipias similitudinem ligni, quia scriptum est: Similes illis fiant qui faciunt ea.

ñ. Cum audisset, p. 269.

*Ad Bened. Ant.* Vadam ad patrem meum, et dicam ei: Pater, fac me sicut unum ex mercenariis tuis.

*Oratio.*

**D**A, quæsumus, Domine, nostris effectum jejuniis salutarem, ut castigatio carnis assumpta ad nostrarum vegetationem transeat animarum. Per Dominum.

*Ad Vesperas.*

*Capitulum.* Ephes. 5.

**F**RATRES, Estote imitatores Dei sicut filii charissimi, et ambulate in dilectione sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

*Hymn. et y. ut supra, p. 233.*

*Ad Magnif. Ant.* Dixit autem pater ad servos suos: Cito proferte stolam primam, et induite illum, et date annulum in manu ejus, et calceamenta in pedibus ejus.

*Oratio ut infra in Laudibus.*

**DOM. III. QUADRAG.**

*Ad Matut. Invit. Hymnus, ut in Dom. 1. p. 233.*

**IN I. NOCTURNO.**

De libro Genesis.

*Lectio j. Cap. 37.*

**J**OSEPH cum sexdecim esset annorum, pascebat gregem cum fratribus suis adhuc puer; et erat cum filiis Balæ et Zelphæ uxorum patris sui, accusavitque fratres suos apud patrem crimine pessimo. Israel autem diligebat Joseph super omnes filios suos, eo quod in senectute gennisset eum, fecitque ei tunicam polymitam. Videntes autem fratres ejus quod a patre plus cunctis filiis amaretur, oderant eum, nec poterant ei quidquam pacifice loqui. Accidit quoque ut visum somnium referret fratribus suis: quæ causa majoris odii seminarium fuit. Dixitque ad eos: Audite somnium meum quod vidi: Putabam nos ligare manipulos in agro, et quasi consurgere manipulum meum, et stare, vestrosque manipulos circumstantes adorare manipulum meum. Responderunt fratres ejus: Numquid rex noster eris? aut subjiciemur ditioni tuæ? Hæc ergo causa somniorum atque sermonum, invidiæ et odii fomitem ministravit. Aliud quoque vidit somnium, quod narrans fratribus, ait: Vidi per somnium quasi solem, et lunam, et stellas undecim adorare me. Quod cum patri suo et fratribus retulisset, increpavit eum pater suus, et dixit: Quid sibi vult hoc somnium quod vidisti? Num ego, et mater tua, et fratres tui adorabimus te super terram?

ñ. Videntes Joseph a longe loquebantur mutuo fratres dicentes: Ecce somniator venit: Venite, occidamus eum, et videamus si prosint illi somnia sua. y. Cumque vidissent Joseph fratres sui quod a patre cunctis fratribus plus amaretur, oderant eum, nec poterant ei quidquam pacifice loqui, unde et dicebant. Venite.

*Lectio ij.*

**I**NVIDEBANT ei igitur fratres sui; pater vero rem tacitus considera-

bat. Cumque fratres illius in pascendis gregibus patris morarentur in Sichem, dixit ad eum Israel: Fratres tui pascunt oves in Sichimis: veni, mittam te ad eos. Quo respondente, Præsto sum, ait ei: Vade, et vide si cuncta prospera sint erga fratres tuos et pecora, et renuntia mihi quid agatur. Missus de valle Hebron venit in Sichem, invenitque eum vir errantem in agro, et interrogavit quid quæreretur. At ille respondit: Fratres meos quero; indica mihi, ubi pascant greges. Dixitque ei vir: Recesserunt de loco isto: audiavi autem eos dicentes: Eamus in Dothain. Perrexit ergo Joseph post fratres suos, et invenit eos in Dothain. Qui cum vidissent eum procul, antequam accederet ad eos, cogitaverunt illum occidere; et mutuo loquebantur: Ecce somniator venit: venite, occidamus eum, et mittamus in cisternam veterem, dicemusque; Fera pessima devoravit eum; et tunc apparebit quid illi prosint somnia sua.

**A.** Dixit Judas fratribus suis: Ecce Ismahelita transeunt: venite, venundetur, et manus nostræ non polluantur: \* Caro enim et frater noster est. **†.** Quid enim prodest, si occiderimus fratrem nostrum et celaverimus sanguinem ipsius? melius est ut venundetur. **Caro.**

*Lectio iij.*

**AUDIENS** autem hoc Ruben, nitentebatur liberare eum de manibus eorum, et dicebat: Non interficiatis animam ejus, nec effundatis sanguinem, sed projicite eum in cisternam hanc quæ est in solitudine, manusque vestras servate innoxias. Hoc autem dicebat, volens eripere eum de manibus eorum, et reddere patri suo. Confestim igitur ut pervenit ad fratres suos, nudaverunt eum tunica talari et polymita, miseruntque eum in cisternam veterem, quæ non habebat aquam. Et sedentes ut comederent panem, viderunt Ismahelitas viatores venire de Galaad,

et camelos eorum portantes aromata, et resinam, et stacten in Ægyptum. Dixit ergo Judas fratribus suis: Quid nobis prodest si occiderimus fratrem nostrum, et celaverimus sanguinem ipsius? Melius est ut venundetur Ismahelitis, et manus nostræ non polluantur: frater enim et caro nostra est. Acquieverunt fratres sermonibus illius. Et præterenntibus Madianitis negotiatoribus, extrahentes eum de cisterna, vendiderunt eum Ismahelitis viginti argenteis: qui duxerunt eum in Ægyptum.

**†.** Estrahentes Joseph de lacu, vendiderunt Ismahelitis viginti argenteis: \* Reversusque Ruben ad puteum, cum non invenisset eum, scidit vestimenta sua cum fletu, et dixit: \* Puer non comparet, et ego quo ibo? **†.** At illi, intincta tunica Joseph in sanguine hœdi, miserunt qui ferret eam ad patrem, et diceret: Vide, si tunica filii tui sit, an non. Reversusque. **Gloria. Puer.**

IN II. NOCTURNO.

Ex libro sancti Ambrosii Episcopi de sancto Joseph.

*Lectio iv. Cap. i.*

**SANCTORUM** vita cæteris norma vivendi est. Ideoque digestam plenius accepimus seriem scripturarum, ut dum Abraham, Isaac, et Jacob, cæterosque justos legendo cognoscimus, velut quemdam nobis innocentie tramitem virtute eorum reseratum imitantibus vestigiis persequamur. De quibus mihi cum frequens tractatus fuerit, hodie sancti Joseph historia occurrit, in quo cum plurima fuerint genera virtutum, præcipue tamen insigne effulsit castimonie. Justum est igitur ut cum in Abraham didiceritis impigram fidei devotionem, in Isaac sinceræ mentis puritatem, in Jacob singularem animi laborumque patientiam, ex illa generalitate virtutum in ipsas species disciplinarum intendatis animum.

**A.** Videns Jacob vestimenta Joseph



scidit vestimenta sua cum fletu, et dixit: \* Fera pessima devoravit filium meum Joseph. †. Tulerunt autem fratres ejus tunicam illius, mittentes ad patrem: quam cum cognovisset pater, ait. Fera.

## Lectio v.

**S**IT igitur nobis propositus sanctus Joseph tanquam speculum castitatis. In ejus enim moribus, in ejus actibus lucet pudicitia, et quidam splendet castimonie comes nitor gratie. Unde etiam a parentibus plus quam ceteri filii diligebatur. Sed ea res invidie fuit; quod silentio pretereundum non fuit: hinc enim argumentum totius historie processit: simul ut cognoscamus perfectam virum non moveri ulciscendi doloris invidia, nec malorum rependere vicem. Unde et David ait: Si reddidi retribuentibus mihi mala.

¶. Joseph dum intraret in terram Ægypti, linguam quam non noverat, audivit: manus ejus in laboribus servierunt: \* Et lingua ejus inter principes loquebatur sapientiam. †. Humiliaverunt in compedibus pedes ejus: ferrum pertransiit animam ejus, donec veniret verbum ejus. Et.

## Lectio vj.

**Q**UID autem esset quod præferri Joseph mereretur cæteris, si aut lædentes læsisset, aut diligentes dilexisset? Hoc enim plerique faciunt. Sed illud mirabile, si diligas inimicum tuum: quod Salvator docet. Jure ergo mirandus qui hoc fecit ante Evangelium, ut læsus parceret, appetitus ignosceret, venditus non referret injuriam, sed gratiam pro contumelia solveret: quod post Evangelium omnes didicimus, et servare non possumus. Discamus ergo et sanctorum invidiam, ut imitemur patientiam: et cognoscamus illos non naturæ præstantioris fuisse, sed observantioris, nec vitia nescisse, sed emendasse. Quod si invidia etiam sanctos adussit, quanto magis cavendum est ne inflammet peccatores?

¶. Memento mei dum bene tibi fuerit: \* Ut suggeras Pharaoni, ut educat me de isto carcere, \* Quia furtim sublati sum, et hic innocens in lacum missus sum. †. Tres enim adhuc dies sunt, post quos recordabitur Pharaon ministerii tui, et restituet te in gradum pristinum: tunc memento mei. Ut. Gloria. Quia.

## IN III. NOCTURNO.

Lectio sancti Evangelii secundum Lucam.

## Lectio vij. Cap. 11.

**I**N illo tempore, Erat Jesus ejiciens dæmonium, et illud erat mutum. Et cum ejecisset dæmonium, locutus est mutus, et admiratæ sunt turbae. Et reliqua.

Homilia ven. Bedæ Presbyteri.  
Lib. 4. cap. 48. in cap. 11. Luc.

**D**ÆMONIACUS iste apud Matthæum non solum mutus, sed et cæcus fuisse narratur: curatusque dicitur a Domino, ita ut loqueretur et videret. Tria ergo signa simul in uno homine perpetrata sunt: cæcus videt, mutus loquitur, possessus a dæmone liberatur. Quod et tunc quidem carnaliter factum est, sed et quotidie completur in conversione credentium: ut expulso primum dæmone, fidei lumen aspiciant, deinde ad laudes Dei tacentia prius ora laxentur. Quidam autem ex eis dixerunt: In Beelzebub principe dæmoniorum ejicit dæmonia. Non hæc aliqui de turba, sed Pharisei calumniabantur et Scribae, sicut alii Evangelistæ testantur.

¶. Merito hæc patimur, quia peccavimus in fratrem nostrum, videntes angustias animæ ejus, dum deprecaretur nos, et non audivimus. \* Idcirco venit super nos tribulatio. †. Dixit Ruben fratribus suis: Numquid non dixi vobis: Nolite peccare in puerum: et non audistis me? Idcirco.

## Lectio viij.

**T**URBIS quippe, quæ minus eruditæ videbantur, Domini sem-

per facta mirantibus, illi contra vel negare hæc, vel quæ negare nequiverant, sinistra interpretatione pervertere laborabant: quasi non hæc divinitatis, sed immundi spiritus opera fuissent. Et alii tentantes signum de cælo quærebant ab eo: vel in morem Eliæ ignem de sublimi venire cupiebant, vel in similitudinem Samuelis tempore æstivo mugire tonitrua, coruscare fulgura, imbres ruere: quasi non possent et illa calumniari et dicere, ex occultis et variis aëris passionibus accidisse. At tu, qui calumniaris ea quæ oculis vides, manu tenes, utilitate sentis, quid feceris de iis quæ de cælo venerint? Utique respondebis et magos in Ægypto multa signa fecisse de cælo.

¶. Dixit Ruben fratribus suis: Numquid non dixi vobis, Nolite peccare in puerum, et non audistis me? En sanguis ejus exquiritur. ¶. Merito hæc patimur, quia peccavimus in fratrem nostrum, videntes angustias animæ ejus, dum deprecaretur nos, et non audivimus. En sanguis.

*Lectio 11.*

**I**PSE autem ut vidit cogitationes eorum, dixit eis: Omne regnum in seipsum divisum desolabitur, et domus supra domum cadet. Non ad dicta, sed ad cogitata respondit, ut vel sic compellerentur credere potentie ejus, qui cordis videbat occulta. Si autem omne regnum in seipsum divisum desolatur, ergo Patris et Filii et Spiritus sancti regnum non est divisum, quod sine ulla contradictione non aliquo impulsu desolandum, sed æterna est stabilitate mansurum. Si autem satanas in seipsum divisus est, quomodo stabit regnum ipsius, quia dicitis in Beelzebub ejicere me dæmonia? Hoc dicens, ex ipsorum confessione volebat intelligi, quod in eum non credendo, in regno diaboli esse elegissent, quod utique adversum se divisum stare non posset.

¶. Lamentabatur Jacob de duobus

filiis suis: Heu me, dolens sum de Joseph perduto, et tristis nimis de Benjamin ducto pro alimoniis! \* Precor cœlestem Regem, ut me dolentem nimium faciat eos cernere. ¶. Prostratus se Jacob vehementer cum lacrymis, pronus in terram et adorans, ait. Precor. Gloria. Precor.

*Ad Laudes.*

*Ant. 1.* Fac benigne in bona voluntate tua, ut ædificentur, Domine, muri Jerusalem.

*Psalm.* Miserere mei, p. 39.

*2.* Dominus mihi adjutor est, non timebo quid faciat mihi homo.

*Psalm.* Confitemini, p. 17.

*3.* Deus misereatur nostri, et benedicat nos.

*Psalm.* Deus Deus meus, p. 13.

*4.* Vim virtutis suæ oblitus est ignis, ut pueri tui liberarentur illæsi.

*Cant.* Benedicite, p. 14.

*5.* Sol et luna, laudate Deum: quia exaltatum est nomen ejus solius.

*Psalm.* Laudate Dominum de cœlis, p. 14.

*Capitulum.*

*Ephes. 5.*

**F**RATRES, Estote imitatores Dei sicut filii charissimi, et ambulate in dilectione sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

*Hymnus et ¶. ut supra, p. 289.*

*Ad Bened. Ant.* Cum fortis armatus custodit atrium suum, in pace sunt omnia quæ possidet.

*Oratio.*

**Q**UESUMUS, omnipotens Deus, vota humilium respice, atque ad defensionem nostram dexteram tuam majestatis extende. Per Dominum.

*Ad Horas q̃. br. ut in Psalt.*

*Ad Primam.*

*Ant.* Et cum ejecisset Jesus dæmonium, locutus est mutus, et admiratæ sunt turbæ.

*Ad Tertiam.*

*Ant.* Si in digito Dei ejicio dæmo-

nia, profecto pervenit in vos regnum Dei.

*Capit. Fratres, Estote.*

*Ad Sextam.*

*Ant.* Qui non colligit mecum, dispergit; et qui non est mecum, contra me est.

*Capitulum. Ephes. 5.*

**H**OC enim scitote intelligentes quod omnis fornicator, aut immundus, aut avarus, quod est idolorum servitus, non habet hæreditatem in regno Christi et Dei.

*Ad Nonam.*

*Ant.* Cum immundus spiritus exierit ab homine, ambulat per loca inaquosa, quærens requiem, et non invenit.

*Capitulum. Ephes. 5.*

**F**RATIS enim aliquando tenebræ, nunc autem lux in Domino. Ut filii lucis ambulate: fructus enim lucis est in omni bonitate, et justitia, et veritate.

*Ad Vesperas.*

*Ant. et Psalmi de Dominica.*

*Capit. Fratres Estote.*

*Hymnus et 7. ut supra, p. 233.*

*Ad Magnif. Ant.* Extollens vocem quædam mulier de turba, dixit: Beatus venter qui te portavit, et ubera quæ suxisti. At Jesus ait illi: Quinimo beati qui audiunt verbum Dei, et custodiunt illud.

*Deinde dicuntur Vesp. Defunct.*

**FERIA SECUNDA**

Lectio sancti Evangelii secundum Lucam.

*Lectio 1. Cap. 4.*

**I**N illo tempore: Dixit Jesus Pharisæis: Utique dicetis mihi hanc similitudinem: Medice, cura te ipsum: quanta audivimus facta in Capharnaum, fac et hic in patria tua. Et reliqua.

Homilia S. Ambrosii Episcopi.

*Lib. 4. in cap. 4. Lucæ, post. med.*

**N**ON mediocri invidia proditur, quæ civicæ charitatis oblita, in acerba odia causas amoris inflectit. Simul hoc exemplo pariter et oraculo declaratur quod frustra opem misericordiæ cœlestis expectas, si alienæ fructibus virtutis inideas. Aspernator enim Dominus invidorum est; et ab iis qui divina beneficia in aliis persequuntur, miracula suæ potestatis avertit. Dominicæ quippe carnis actus, divinitatis exemplum est: et invisibilia nobis ejus per ea, quæ sunt visibilia, demonstrantur.

¶ Tollite hinc vobiscum munera, et ite ad Dominum terræ; et cum inveneritis, adorare eum super terram: Deus autem meus faciat eum vobis placabilem, et remittat et hunc fratrem vestrum vobiscum, et eum quem tenet in vinculis. 7. Sumite de optimis terræ frugibus in vasis vestris, et deferite viro munera. Deus.

*Lectio ij.*

**N**ON otiose itaque Salvator excusat quod nulla in patria sua miracula virtutis operatus sit: ne fortassis aliquis viliorē patriæ nobis esse debere putaret affectum. Neque enim ci-ves poterat non amare, qui amaret omnes; sed ipsi se charitate patriæ, dum invident, abdicarunt. In veritate dico vobis: Multæ viduæ fuerunt in diebus Eliæ. Non quia Eliæ dies fuerunt, sed in quibus Elias operatus est: aut quia Elias dies faciebat illis, qui in ejus operibus lucem videbant gratiæ spiritualis, et convertebantur ad Dominum. Et ideo aperiēbatur cœlum videntibus æterna et divina mysteria: claudēbatur, et fames erat, quando nulla erat cognoscendæ divinitatis ubertas. Sed de hoc plenius diximus, cum de viduis scriberemus.

¶ Isto est frater vester minimus, de quo dixeratis mihi? Deus misereatur tibi, fili mi. \* Festinavitque in domum, et ploravit: quia erumpēbant lacrymæ, et non poterat se continere. 7. Attollens autem Joseph e-



eulos, vidit Benjamin stantem, et commota sunt omnia viscera ejus super fratre suo. Festinavitque.

*Lectio iij.*

**ET** multi leprosi erant in Judæa temporibus Elisæi Prophetæ et nemo eorum mundatus est, nisi Naaman Syrus. Evidenter hic sermo nos Domini salutaris informat, et ad studium venerandæ divinitatis hortatur, quod nemo sanatus ostenditur, et maculosi morbo corporis absolutus, nisi qui religioso officio studuit sanitati. Non enim dormientibus divina beneficia, sed observantibus deferuntur. Diximus in libro alio in vidua illa, ad quam Elias directus est, typum Ecclesiæ præmissum. Populus Ecclesiam congregavit, ut sequatur populus ille ex alienigenis congregatus. Populus ille ante leprosus, populus ille ante maculosus, priusquam mystico baptizaretur in flumine, idem post sacramenta baptismatis maculis corporis et mentis ablutus, jam non leprosa, sed immaculata virgo cœpit esse sine ruga.

✠. Dixit Joseph undecim fratribus suis: Ego sum Joseph, quem vendidistis in Ægyptum. Adhuc vivit pater noster senior, de quo dixeratis mihi? ✠. Ite, adducite eum ad me, ut possit vivere. ✠. Biennium enim est quod cœpit esse fames in terra, et adhuc restant anni quinque, quibus nec arari poterit, nec meti. Ite. Gloria. Ite.

*Ad Bened. Ant.* Amen dico vobis, quia nemo propheta acceptus est in patria sua.

*Oratio.*

**C**ORDIBUS nostris, quæsumus, Domine, gratiam tuam benignus infunde, ut sicut ab escis carnalibus abstinemus, ita sensus quoque nostros a noxiis retrahamus excessibus. Per Dominum.

*Hodie dicitur Offic. Defunct.*

*Ad Magnif. Ant.* Jesus autem transiens per medium illorum ibat.

*Oratio.*

**S**UBVENIAT nobis, Domine, misericordia tua, ut ab imminentibus peccatorum nostrorum periculis, te meramur protegente eripi, te liberante salvari. Per Dominum.

### FERIA TERTIA

*Lectio sancti Evangelii secundum Matthæum*

*Lectio j. Cap. 18.*

**I**N illo tempore: Dixit Jesus discipulis suis: Si peccaverit in te frater tuus, vade, et corripe eum inter te et ipsum solum. Et reliqua.

*Homilia S. Augustini Episcopi.*

*Serm. 16. de verbis Domini t. 10.*

**Q**UARE illum corripis? Quia tu doles quod peccaverit in te? Absit. Si amore tui id facis, nihil facis: si amore illius facis, optime facis. Denique in ipsis verbis attende, cujus amore id facere debeas, utrum tui, an illius. Si te audierit, inquit, lucratus es fratrem tuum. Ergo propter illum fac, ut lucreris illum. Sic faciendo lucraris: nisi fecisses, perierat. Quid est ergo quod plerique homines ista peccata contemnunt, et dicunt: Quid magnum feci? in hominem peccavi. Noli contemnere quod in hominem peccasti.

a. Nuntiaverunt Jacob dicentes: Joseph filius tuus vivit, et ipse dominatur in tota terra Ægypti. Quo audito revixit spiritus ejus, et dixit: Sufficit mihi, vadam, et videbo eum antequam moriar. ✠. Cumque audisset Jacob quod filius ejus viveret, quasi de gravi somno evigilans, ait. Sufficit.

*Lectio ij.*

**V**IS nosse quia in hominem peccando periisti? Si te ille, in quem peccasti, corripuerit inter te et ipsum solum, et audieris illum, lucratus est te. Quid est, Lucratus est te, nisi quia perieras, si non lucraretur te? Nam si non perieras, quomodo te lucratus est? Nemo ergo contemnat,

quando peccat in fratrem. Ait enim quodam loco Apostolus : Sic autem peccantes in fratres, et percutientes conscientiam eorum infirmam, in Christum peccatis: ideo quia membra Christi omnes facti sumus. Quomodo non peccas in Christum, qui peccas in membrum Christi?

¶ Joseph dum intraret, p. 277.

*Lectio iij.*

**N**EMO ergo dicat, quia non peccavi in Deum, sed peccavi in fratrem. In hominem peccavi, leve, vel nullum peccatum est. Forte inde dicis, Leve est, quia cito curatur. Peccasti in fratrem; fac satis, et sanatus es. Cito fecisti rem mortiferam, sed remedium cito invenisti. Quis nostrum speret regnum cælorum, fratres mei, quando dicit Evangelium: Qui dixerit fratri suo, fatue, reus erit gehennæ ignis? Magnus terror: sed vide ibi remedium. Si obtuleris munus tuum ad altare, et ibi recordatus fueris, quia frater tuus habet aliquid adversum te, relinque ibi munus tuum ante altare. Non irascitur Deus quia differs imponere munus tuum: te quærit Deus magis quam munus tuum.

¶ Memento mei, p. 277.

*Ad Bened. Ant.* Si duo ex vobis consenserint super terram de omni re quamcumque petierint, fiet illis a Patre meo, dicit Dominus.

*Oratio.*

**E**XAUDI nos, omnipotens et misericors Deus, et continentiam salutaris propitius nobis dona concede. Per Dominum.

*Ad Magnif. Ant.* Ubi duo vel tres congregati fuerint in nomine meo, in medio eorum sum, dicit Dominus.

*Oratio.*

**T**UA nos, Domine, protectione defende, et ab omni semper iniquitate custodi. Per Dominum.

**FERIA QUARTA.**

*Hodie dicuntur Psalmi Grad.*

Lectio sancti Evangelii secundum Matthæum.

*Lectio. j Cap. 15.*

**I**N illo tempore: Accesserunt ad Jesum ab Jerosolymis Scribæ et Pharisei, dicentes: Quare discipuli tui transgrediuntur traditionem seniorum? Et reliqua.

Homilia S. Hieronymi Presbyteri.

*Lib. 2. Com. in c. 15. Matth.*

**M**IRA Phariseorum Scribarumque stultitia! Dei Filium arguunt, quare hominum traditiones et præcepta non servet: Non enim lavant manus suas, cum panem manducant. Manus, id est opera, non corporis utique, sed animæ lavandæ sunt, ut fiat in illis verbum Dei. Ipse autem respondens ait illis: Quare et vos transgredimini mandatum Dei propter traditionem vestram? Falsam calumniam vera responsione confutat. Cum, inquit, vos propter traditionem hominum præcepta Domini negligatis, quare discipulos meos arguendos putatis, quod seniorum jussa parvipendant, ut Dei scita custodiant?

¶ Merito hæc, p. 277.

*Lectio ij.*

**N**AM Deus dixit, Honora patrem et matrem: et, Qui maledixerit patri vel matri, morte moriatur. Vos autem dicitis, Quicumque dixerit patri aut matri: Munus quodcumque est ex me, tibi proderit: et non honorificabit patrem suum aut matrem suam. Honor in Scripturis non tantum in salutationibus et officiis deferendis, quantum in eleemosynis ac munerum oblatione sentitur. Honora, inquit Apostolus, viduas, quæ vere viduæ sunt. Hic honor donum intelligitur. Et in alio loco: Presbyteri duplici honore honorandi sunt, maxime qui laborant in verbo et doctrina Dei. Et per hoc mandatum jubemur bovi trituranti os non claudere: et dignus sit operarius mercede sua.

¶ Dixit Ruben, p. 278.

*Lectio. iij.*

**P**RÆCEPERAT Dominus, vel imbecillitates, vel ætates, vel penurias parentum considerans, ut filii honorarent, etiam in vitæ necessariis ministrandis, parentes suos. Hanc providentissimam Dei legem volentes Scribæ et Pharisei subvertere, ut impietatem sub nomine pietatis inducerent, docuerunt pessimos filios, ut si quis ea quæ parentibus offerenda sunt, Deo vovere voluerit, qui verus est pater, oblatio Domini præponatur parentum muneribus, vel certe ipsi parentes, quæ Deo consecrata cernebant, ne sacrilegii crimen incurrerent, declinantes, egestate conficiebantur. Atque ita fiebat, ut oblatio liberorum sub occasione templi et Dei, in sacerdotum lucra cederet.

ñ. Lamentabatur. p. 278.

*Ad Bened. Ant.* Audite et intelligite traditiones, quas Dominus dedit nobis.

*Oratio.*

**P**RÆSTA nobis, quæsumus, Domine, ut salutaribus jejuniis eruditi, a noxiis quoque vitiis abstinentes, propitiationem tuam facilius impetremus. Per Dominum.

*Ad. Magnif. Ant.* Non lotis manibus manducare, non coinquinat hominem.

*Oratio.*

**C**ONCEDE, quæsumus, omnipotens Deus, ut qui protectionis tuæ gratiam quærimus, liberati a malis omnibus, secunda tibi mente serviamus. Per Dominum.

**FERIA QUINTA.**

*Lectio sancti Evangelii secundum Lucam.*

*Lectio j. Cap. 4.*

**I**N illo tempore: Surgens Jesus de synagoga, introivit in domum Simonis. Socrus autem Simonis tenebatur magnis febribus. Et reliqua.

Homilia sancti Ambrosii Episcopi.

*Lib. 4. in Lucæ cap. 4. circa fin.*

**V**IDE clementiam Domini Salvatoris. Nec indignatione commotus, nec scelere offensus, nec injuria violatus, Judæam deserit: quin etiam immemor injuriæ, memor clementiæ, nunc docendo, nunc liberando, nunc sanando, infidæ plebis corda demulcet. Et bene sanctus Lucas virum ab spiritu nequitie liberatum ante præmisit, et subdit feminae sanitatem. Utrumque enim sexum Dominus curaturus advenerat: sed prior sanari debuit, qui prior creatus est, nec prætermitti illa, quæ mobilitate magis animi, quam pravitate peccaverat.

ñ. Videntes Joseph, p. 278.

*Lectio ij.*

**S**ABBATO medicinæ Dominicæ opera cœpta significat, ut inde nova creatura cœperit, ubi vetus creatura ante desivit: nec sub lege esse Dei Filium, sed supra legem in ipso principio designaret: nec solvi legem, sed impleri. Neque enim per legem, sed verbo factus est mundus, sicut legimus: Verbo Domini cœli firmati sunt. Non solvitur ergo lex, sed impletur, ut fiat renovatio hominis jam labentis. Unde et Apostolus ait: Expoliantes vos veterem hominem, induite novum, qui secundum Deum creatus est.

ñ. Dixit Judas, p. 276.

*Lectio iij.*

**ET** bene sabbato cœpit, ut ipsum se ostenderet Creatorem, qui opera operibus intexeret, et sequeretur opus, quod ipse jam cœperat: ut si domum faber renovare disponat, non a fundamentis, sed a culminibus incipit solvere vetustatem. Itaque ibi prius manum admoveat, ubi ante desierat, deinde a minoribus incipit, ut ad majora perveniat. Liberare a dæmone et homines, sed in verbo Dei, possunt: resurrectionem mortuis imperare, divinæ solius est potestatis. Fortassis



etiam in typo mulieris illius socrus Simonis et Andreæ, variis criminum febribus caro nostra languebat, et diversarum cupiditatum immodicis æstuabat illecebris. Nec minorem febrem amoris esse dixerim, quam calor. Itaque illa animum, hæc corpus inflamat. Febris enim nostra, avaritia est: febris nostra, libido est: febris nostra, luxuria est; febris nostra, ambitio est: febris nostra, iracundia est.

¶. Extrahentes Joseph, p. 276.

*Ad Bened. Ant.* Exhibant autem dæmonia a multis clamantia, et dicentia: Quia tu es Christus Filius Dei: et increpans non sinebat ea loqui, quia sciebant ipsum esse Christum.

*Oratio.*

**M**AGNIFICET te, Domine, sanctorum tuorum Cosmæ et Damiani beata solemnitas, qua et illis gloriam sempiternam, et opem nobis ineffabili providentia contulisti. Per Dominum.

*Ad Magnif. Ant.* Omnes qui habebant infirmos, ducebant illos ad Jesum, et sanabantur.

*Oratio.*

**S**UBJECTUM tibi populum, quæsumus, Domine, propitiatio celestis amplifcet, et tuis semper faciat servire mandatis. Per Dominum nostrum.

## FERIA SEXTA

Lectio sancti Evangelii secundum Joannem.

*Lectio j. Cap. 4.*

**I**N illo tempore: Venit Jesus in civitatem Samariæ, quæ dicitur Sichar, juxta prædium, quod dedit Jacob Joseph filio suo. Et reliqua.

Homilia S. Augustini Episcopi.

*Tract. 15. in Ioan. post initium.*

**J**AM incipiunt mysteria. Non enim frustra fatigatur Jesus: non enim frustra fatigatur virtus Dei: non enim frustra fatigatur, per quem fatigati recreantur: non enim frustra

fatigatur, quo deserente fatigamur, quo præsentem firmamur. Fatigatur tamen Jesus, et fatigatur ab itinere, et sedet, et juxta puteum sedet, et hora sexta fatigatus sedet. Omnia ista innuunt aliquid, indicare volunt aliquid, intentos nos faciunt; ut pulsemus, hortantur. Ipse ergo aperiat et nobis et vobis, qui dignatus est ita hortari, ut diceret: Pulsate, et aperietur vobis.

¶. Videns Jacob, p. 276.

*Lectio ij.*

**T**IBI fatigatus est ab itinere Jesus. Invenimus virtutem Jesum, et invenimus infirmum Jesum: fortem, et infirmum. Fortem, quia in principio erat Verbum, et Verbum erat apud Deum, et Deus erat Verbum: hoc erat in principio apud Deum. Vis videre quam iste Filius Dei fortis sit? Omnia per ipsum facta sunt, et sine ipso factum est nihil; et sine labore facta sunt. Quid ergo illo fortius, per quem sine labore facta sunt omnia? Infirmum vis nosse? Verbum caro factum est, et habitavit in nobis. Fortitudo Christi te creavit, infirmitas Christi te recreavit. Fortitudo Christi fecit, ut quod nan erat, esset: infirmitas Christi fecit, ut quod erat, non periret. Condidit nos fortitudine sua, quæsit nos infirmitate sua.

¶. Joseph dum intraret, p. 277.

*Lectio iii.*

**N**UTRIT ergo ipse infirmus infirmos tanquam gallina pullos suos: huic enim se similem fecit. Quoties volui, inquit ad Jerusalem, congregare filios tuos sub alas tanquam gallina pullos suos sub alis suis, et noluisti! Videtis autem, fratres, quemadmodum gallina infirmetur cum pullis suis. Nulla enim alia avis, quod sit mater agnoscitur. Videmus nidificare passeret quoslibet ante oculos nostros: hirundines, ciconias, columbas quotidie videmus nidificare: quos, nisi quando in nidis videmus,

parentes esse non agnoscimus. Gallina vero sic infirmatur in pullis suis, ut etiamsi ipsi pulli non sequantur, filios non videas, matrem tamen intelligas.

ñ. Memento mei, p. 277.

*Ad Bened. Ant.* Aquam quam ego dederò, si quis biberit ex ea, non sitiet in æternum.

*Oratio.*

**J**EJUNIA nostra, quæsumus, Domine, benigno favore proseguere, ut sicut ab alimentis abstinemus in corpore, ita a vitiis jejunemus in mente. Per Dominum.

*Hodie dicuntur Psalmi Penit.*

*Ad Magnif. Ant.* Domine, ut video, Propheta es tu. Patres nostri in monte hoc adoraverunt.

*Oratio.*

**P**RÆSTA, quæsumus, omnipotens, Deus, ut qui in tua protectione confidimus, cuncta nobis adversantia te adjuvante vincamus. Per Dominum.

### SABBATO.

Lectio sancti Evangelii secundum Joannem.

*Lectio j. Cap. 8.*

**I**N illo tempore: Perrexit Jesus in montem Oliveti, et diluculo iterum venit in templum. Et reliqua.

Homilia S. Augustini Episcopi.

*Tract. 34. in Ioan. post initium.*

**J**ESUS perrexit in montem Oliveti, in montem fructuosum, in montem unguenti, in montem chrismatis. Ubi enim decebat docere Christum, nisi in monte Oliveti? Christi enim nomen a chrismate dictum est: chrisma autem græce, latine unctio nominatur. Ideo autem nos unxit, quia luctatores contra diabolum fecit. Et diluculo iterum venit in templum, et omnis populus venit ad eum, et sedens docebat eos, et non tenebatur, quia nondum pati dignabatur. Nunc jam attendite ubi ab inimicis tentata sit Domini mansuetudo.

ñ. Merito hæc, p. 277.

*Lectio ij.*

**A**DDUCUNT autem illi Scribæ et Pharisei mulierem in adulterio deprehensam, et statuerunt eam in medio, et dixerunt ei: Magister, hæc mulier modo deprehensa est in adulterio: in lege autem Moyses mandavit nobis hujusmodi lapidare: tu ergo quid dicis? Hæc autem dicebant, tentantes eum, ut possent accusare eum. Unde accusare? Numquid ipsum in aliquo facinore deprehenderant? aut illa mulier ad eum aliquo modo pertinuisse dicebatur?

ñ. Dixit Ruben, p. 278.

*Lectio iij.*

**I**NTELLIGAMUS, fratres, admirabilem mansuetudinem in Domino fuisse. Animadverterunt eum nimium esse mitem, nimium esse mansuetum. De illo quippe fuerat ante prædictum: Accingere gladio tuo circa femur tuum, potentissime. Specie tua et pulchritudine tua intende, prospere procede, et regna propter veritatem, et mansuetudinem, et justitiam. Ergo attulit veritatem ut doctor, mansuetudinem ut liberator, justitiam ut cognitor. Propter hæc eum esse regnaturum in Spiritu sancto Propheta prædixerat. Cum loqueretur, veritas agnoscebatur: cum adversus inimicos non moveretur, mansuetudo laudabatur. Cum ergo de duobus istis, id est, de veritate et mansuetudine ejus, inimici livore et invidia torquerentur, in tertio, id est justitia, scandalum posuerunt.

ñ. Lamentabatur, p. 278.

*Ad Bened. Ant.* Inclinavit se Jesus, et scribebat in terra: Si quis sine peccato est, mittat in eam lapidem.

*Oratio.*

**P**RÆSTA, quæsumus, omnipotens Deus, ut qui se, affligendo carnem, ab alimentis abstinent, sectando justitiam, a culpa jejument. Per Dominum.

**Ad Vesperas.***Capitulum. Galat. 4.*

**F**RATRES, Scriptum est quoniam Abraham duos filios habuit : unum de ancilla, et unum de libera. Sed qui de ancilla, secundum carnem natus est ; qui autem de libera, per repromissionem : quæ sunt per allegoriam dicta.

*Hymnus et ꝑ. ut supra, p. 238.*

*Ad Magnif. Ant.* Nemo te condemnavit, mulier ? Nemo, Domine. Nec ego te condemnabo : jam amplius noli peccare.

*Oratio ut infra in Laudibus.***DOM. IV. QUADRAG.**

*Ad Matut. Invit. et Hymnus, ut in Dom. I. p. 238.*

**IN I. NOCTURNO.**

De libro Exodi.

*Lectio j. Cap. 3.*

**MOYSES** autem pascebat oves Jethro soceri sui sacerdotis Madian ; cumque minasset gregem ad interiora deserti, venit ad montem Dei Horeb. Apparuitque ei Dominus in flamma ignis de medio rubi : et videbat quod rubus arderet, et non combureretur. Dixit ergo Moyses : Vadam, et videbo visionem hanc magnam, quare non comburatur rubus. Cernens autem Dominus quod pergeret ad videndum, vocavit eum de medio rubi : et ait : Moyses, Moyses. Qui respondit : Adsum. At ille : Ne appropies, inquit, huc : solve calceamentum de pedibus tuis : locus enim in quo stas, terra sancta est. Et ait : Ego sum Deus patris tui, Deus Abraham, Deus Isaac, et Deus Jacob. Abscondit Moyses faciem suam : non enim audebat aspicere contra Deum.

¶ Locutus est Dominus ad Moysen, dicens : Descende in Ægyptum et dic Pharaoni. \* Ut dimittat populum meum ; induratum est cor Pharaonis, non vult dimittere populum meum, nisi in manu forti. ꝑ. Cla-

mor filiorum Israel venit ad me, vidique afflictionem eorum : sed veni, mittam te ad Pharaonem. Ut.

*Lectio ij.*

**C**UI ait Dominus : Vidi afflictionem populi mei in Ægypto, et clamorem ejus audiivi propter duritiam eorum, qui præsunt operibus. Et sciens dolorem ejus, descendi ut liberem eum de manibus Ægyptiorum, et educam de terra illa in terram bonam et spatiosam, in terram quæ fluit lacte et melle, ad loca Chananei, et Hæthæi, et Amorrhæi, et Phærezæi, et Hevæi, et Jebusæi. Clamor ergo filiorum Israel venit ad me, vidique afflictionem eorum, quæ ab Ægyptiis opprimuntur. Sed veni, et mittam te ad Pharaonem, ut educaas populum meum, filios Israel de Ægypto.

¶ Stetit Moyses coram Pharaone, et dixit : Hæc dicit Dominus : \* Dimitte populum meum, ut sacrificet mihi in deserto. ꝑ. Dominus Deus Hebræorum misit me ad te, dicens. Dimitte.

*Lectio iij.*

**D**IXITQUE Moyses ad Deum : Quis sum ego, ut vadam ad Pharaonem, et educam filios Israel de Ægypto ? Qui dixit ei : Ego ero tecum ; et hoc habebis signum quod miserim te, Cum eduxeris populum meum de Ægypto, immolabis Deo super montem istum. Ait Moyses ad Deum : Ecce ego vadam ad filios Israel, et dicam eis : Deus patrum vestrorum misit me ad vos. Si dixerint mihi : Quod est nomen ejus ? quid dicam eis ? Dixit Deus ad Moysen : Ego sum qui sum. Ait : Sic dices filiis Israel : Qui est misit me ad vos. Dixitque iterum Deus ad Moysen : Hæc dices filiis Israel : Dominus Deus patrum vestrorum, Deus Abraham, Deus Isaac, et Deus Jacob, misit me ad vos. Hoc nomen mihi est in æternum, et hoc memoriale meum in generationem et generationem.

¶ Cantemus Domino : glorioso enim



honorificatus est ; equum et ascensorem projecit in mare. \* Adjutor et protector factus est mihi Dominus in salutem. †. Dominus quasi vir pugnator , omnipotens nomen ejus. Adjutor. Gloria. Adjutor.

## IN II. NOCTURNO.

Sermo sancti Basilii Magni.

*Homil 4. de jejunio ante medium.*

*Lectio jv.*

**MOYSEN** per jejunium novimus in montem ascendisse : neque enim aliter ausus esset verticem fumantem adire , atque in caliginem ingredi , nisi jejunio munitus. Per jejunium mandata digito Dei in tabulis conscripta suscepit. Item supra montem jejunium legis latæ conciliator fuit : inferius vero , gula ad idololatriam populum deduxit , ac contaminavit. Sedit , inquit , populus manducare et bibere , et sorreperunt ludere. Quadraginta dierum laborem ac perseverantiam , Dei servo continuo jejunante ac orante , una tantum populi ebrietas cassam irritamque reddidit. Quas enim tabulas Dei digito conscriptas jejunium accepit , has ebrietas contrivit , Propheta sanctissimo indignum existimante vinolentum populum a Deo legem accipere.

¶. In mari viæ tuæ , et semitæ tuæ in aquis multis : \* Deduxisti sicut oves populum tuum in manu Moysi et Aaron. †. Transtulisti illos per mare Rubrum , et transvexisti eos per aquam nimiam. Deduxisti.

*Lectio v.*

**U**NO temporis momento ob gulam populus ille per maxima prodigia Dei cultum edoctus , in Ægyptiacam idololatriam turpissime devolutus est , Ex quo si utrumque simul conferas , videre licet jejunium ad Deum ducere , delicias vero salutem perdere. Quid Esau inquinavit , servumque fratris reddidit ? nonne esca una , propter quam primogenita vendidit ? Samuelem vero nonne per jejunium

oratio largita est matri ? Quid fortissimum Samsonem inexpugnabilem reddidit ? nonne jejunium , cum quo in matris ventre conceptus est ? Jejunium concepit , jejunium nutrit , jejunium virum effecit. Quod sane Angelus matri præcepit , monens , quæcumque ex vite procederent , ne attingeret , non vinum , non siceram biberet. Jejunium Prophetas genuit , potentes confirmat atque roborat.

¶. Qui persequiebantur populum tuum , Domine , demersisti eos in profundum : \* Et in columna nubis ductor eorum fuisti. †. Deduxisti sicut oves populum tuum in manu Moysi et Aaron. Et.

*Lectio vj.*

**JEJUNIUM** legislatores sapientes facit , animæ optima custodia , corporis socius securus , fortibus viris munimentum et arma , athleticis et certantibus exercitatio. Hoc præterea tentationes propulsat , ad pietatem armat , cum sobrietate habitat , temperantiæ opifex est : in bellis fortitudinem affert , in pace quietem docet : Nazaræum sanctificat , sacerdotem perficit : neque enim fas est sine jejunio sacrificium attingere , non solum in mystica nunc et vera Dei adoratione , sed nec in illa , in qua sacrificium secundum legem in figura offerebatur. Jejunium Eliam magnæ visionis spectatorem fecit. Quadraginta namque dierum jejunio cum animam purgasset , in spelunca meruit , quantum fas est homini , Deum videre. Moyses iterum legem accipiens , iterum jejunia secutus est. Ninivitæ , nisi cum illis et bruta jejunassent , ruinæ minas nequaquam evasisissent. In deserto autem quorumnam membra ceciderunt ? nonne illorum qui carnes appetivere ?

¶. Moyses famulus Dei jejunavit quadraginta diebus et quadraginta noctibus : \* Ut legem Domini mereretur accipere. †. Ascendens Moyses in montem Sinai ad Dominum , fuit ibi

quadraginta diebus et quadraginta noctibus. Ut. Gloria. Ut.

IN III. NOCTURNO.

Lectio sancti Evangelii secundum Joannem.

Lectio vij. Cap. 6.

**I**n illo tempore : Abiit Jesus trans mare Galilææ, quod est Tyberiadis, et sequebatur eum multitudo magna, quia videbant signa quæ faciebat super his qui infirmabantur. Et reliqua.

Homilia S. Augustini Episcopi.

Tract. 24. in Joannem.

**M**IRACULA quæ fecit Dominus noster Jesus Christus, sunt quidem divina opera, et ad intelligendum Deum de visibilibus admonent humanam mentem. Quia enim ille non est talis substantia quæ videri oculis possit; et miracula ejus, quibus totum mundum regit, universamque creaturam administrat, assiduitate viluerunt, ita ut pene nemo dignetur attendere opera Dei mira et stupenda in quolibet seminis grano; secundum ipsam suam misericordiam servavit sibi quædam, quæ faceret opportuno tempore præter usitatum cursum ordinemque naturæ: ut non majora, sed insolita videndo stupeant, quibus quotidiana viluerant.

¶ Splendida facta est facies Moysi, dum respiceret in eum Dominus. \* Videntes seniores claritatem vultus ejus, admirantes timuerunt valde. ¶ Cumque descendisset de monte Sinai, portabat duas tabulas testimonii, ignorans quod cornuta esset facies ejus ex consortio sermonis Dei. Videntes.

Lectio viij.

**M**AJUS enim miraculum est gubernatio totius mundi, quam saturatio quinque millium hominum de quinque paupibus, et tamen hoc nemo miratur. Illud mirantur homines, non quia majus est, sed quia rarum est. Quis enim et nunc pascit

universum mundum, nisi ille qui de paucis granis segetes creat? Fecit ergo quo modo Deus. Unde enim multiplicat de paucis granis segetes, inde in manibus suis multiplicavit quinque panes: potestas enim erat in manibus Christi. Panes autem illi quinque quasi semina erant, non quidem terræ mandata, sed ab eo, qui terram fecit, multiplicata.

¶. Ecce mitto Angelum meum, qui præcedat te, et custodiat semper. \* Observa et audi vocem meam, et inimicus ero inimicis tuis, et affligentes te affligam: et præcedet te Angelus meus. ¶. Israel, si me audieris, non erit in te Deus recens, neque adorabis Deum alienum: ego enim Dominus. Observa.

Lectio ix.

**H**OC ergo adnotum est sensibus, quo erigeretur mens: et exhibitum oculis, ubi exerceretur intellectus: ut invisibilem Deum per visibilia opera miraremur, et erecti ad fidem et purgati per fidem, etiam ipsum invisibilem videre cuperemus, quem de rebus visibilibus invisibilem nosceremus. Nec tamen sufficit hæc intueri in miraculis Christi. Interrogemus ipsa miracula quid nobis loquantur de Christo: habent enim, si intelligantur, linguam suam. Nam quia ipse Christus Verbum Dei est, etiam factum Verbi verbum nobis est.

¶. Attendite, popule meus, legem meam: \* Inclinate aurem vestram in verba oris mei ¶. Aperiam in parabolis os meum: loquar propositiones ab initio sæculi. Inclinate. Gloria. Inclinate.

**Ad Laudes**

Ant. 1. Tunc acceptabis sacrificium justitiæ, si averteris faciem tuam a peccatis meis.

Psalm. Miserere mei, p. 39.

2. Bonum est sperare in Domino, quam sperare in principibus.

Psalm. Confitemini, p. 17.

3. Benedicat nos Deus, Deus noster, benedicat nos Deus.

*Psalm.* Deus Deus meus , p. 13.

4. Potens es , Domine , eripere nos de manu forti : libera nos , Deus noster.

*Cant.* Benedicite , p. 14.

5. Reges terræ et omnes populi , laudate Deum.

*Psalm.* Laudate Dominum de cælis , p. 14.

*Capitulum.* Galat. 4.

**FRATRES**, Scriptum est quoniam Abraham duos filios habuit: unum de ancilla , et unum de libera. Sed qui de ancilla , secundum carnem natus est ; qui autem de libera , per repromissionem: quæ sunt per allegoriam dicta.

*Hymnus et ꝑ. ut supra , p. 289.*

*Ad Bened. Ant.* Cum sublevasset oculos Jesus , et vidisset maximam multitudinem venientem ad se , dixit ad Philippum : Unde ememus panes ut manducent hi ? Hoc autem dicebat tentans eum : ipse enim sciebat quid esset facturus.

*Oratio.*

**CONCEDE**, quæsumus , omnipotens Deus , ut qui ex merito nostræ actionis affligimur , tuæ gratiæ consolatione respiremus. Per Dominum.

*Ad Horas rñ. br. ut in Psalt.*

**Ad Primam.**

*Ant.* Accepit ergo Jesus panes , et cum gratias egisset , distribuit discumbentibus.

**Ad Tertiam.**

*Ant.* De quinque panibus et duobus piscibus satiavit Dominus quinque millia hominum.

*Capit.* Fratres Scriptum est.

**Ad Sextam.**

*Ant.* Satiavit Dominus quinque millia hominum de quinque panibus et duobus piscibus.

*Capitulum.* Galat. 4.

**LETARE**, sterilis , quæ non paris ; erumpe et clama , quæ non

parturis , quia multi filii desertæ , magis quam ejus quæ habet virum.

**Ad Nonam.**

*Ant.* Illi ergo homines cum vidissent quod fecerat Jesus signum , intra se dicebant : Quia hic est vere Propheta , qui venturus est in mundum.

*Capitulum.* Galat. 4.

**ITAQUE**, fratres , non sumus ancillæ filii , sed liberæ : qua libertate Christus nos liberavit.

**Ad Vesperas.**

*Ant. et Psalmi de Dominica.*

*Capit.* Fratres Scriptum est.

*Hymnus et ꝑ. ut supra , p. 288.*

*Ad Magnif. Ant.* Subiit ergo in montem Jesus , et ibi sedebat cum discipulis suis.

*Deinde dicuntur Vesp. Defunct.*

**FERIA SECUNDA.**

Lectio sancti Evangelii secundum Joannem.

*Lectio j. Cap. 1.*

**IN** illo tempore : Prope erat Pascha Judæorum et ascendit Jesus Jerosolymam : et invenit in templo vendentes boves , et oves , et columbas. Et reliqua.

Homilia S. Augustini Episcopi.

*Tract. 10. in Ioan. post Init.*

**QUID** audivimus , fratres ? Ecce templum illud figura adhuc erat , et ejecit inde Dominus omnes qui sua quærebant , qui ad nundinas venerant. Et quæ ibi vendebant illi ? Quæ opus habebant homines in sacrificiis illius temporis. Novit enim charitas vestra quod sacrificia illi populo pro ejus carnalitate , et corde adhuc lapideo , talia data sunt , quibus teneretur , ne in idola deflueret : et immolabant ibi sacrificia , boves , oves , et columbas.

¶ Vos qui transitori estis Jordannem , ædificate altare Domino \* De lapidibus , quos ferrum non tetigit ,



et offerre super illud holocausta et hostias pacificas Deo vestro. *℣.* Cumque intraveritis terram quam Dominus daturus est vobis, ædificate ibi altare Domino. *De.*

*Lectio ij.*

**N**ON ergo magnum peccatum, si hoc vendebant in templo, quod emebatur ut offerretur in templo, et tamen eiecit inde illos. Quid si ibi ebriosos inveniret, quid faceret Dominus, si vendentes ea, quæ licita sunt, et contra justitiam non sunt (quæ enim honeste emuntur, non illicite venduntur) expulit tamen, et non est passus domum orationis fieri domum negotiationis?

*℟.* Audi, Israel, præcepta Domini, et ea in corde tuo quasi in libro scribe: *⁊* Et dabo tibi terram fluentem lac et mel. *℣.* Observa igitur et audi vocem meam, et inimicus ero inimicis tuis. *Et.*

*Lectio iij.*

**S**I negotiationis domus non debet fieri domus Dei, potationis debet fieri? Nos autem quando ista dicimus, strident dentibus suis adversus nos; et consolatur nos psalmus quem audistis: Striderunt super me dentibus suis. Novimus et nos audire unde curemur, etsi ingeminantur flagella Christo: quia flagellatur sermo ipsius. Congregata sunt, inquit, in me flagella, et nesciebant. Flagellatus est flagellis Judæorum, flagellatur blasphemis falsorum Christianorum: multiplicant flagella Domino Deo suo, et nesciunt. Faciamus nos quantum ipse adjuvat. Ego autem, cum mihi molesti essent, induebam me cilicio, et humiliabam in jejunio animam meam.

*℟.* Sicut fui cum Moyse, ita ero tecum, dicit Dominus. *⁊* Confortare, et esto robustus: introduces populum meum ad terram lacte et melle manantem. *℣.* Noli timere, quoniam tecum sum: ad quæcumque perrexeris non dimittam te, neque derelinquam. *Confortare. Gloria. Confortare.*

*Ad Bened. Ant.* Auferte sta hinc, dicit Dominus; et nolite facere domum Patris mei, domum negotiationis.

*Oratio.*

**P**RÆSTA, quæsumus, omnipotens Deus, ut observationes sacras annua devotione recolentes, et corpore tibi placeamus et mente. Per Dominum.

*Hodie dicitur Offic. Defunct.*

*Ad Magnif. Ant.* Solvite templum hoc, dicit Dominus, et post triduum reedificabo illud. Hoc autem dicebat de templo corporis sui.

*Oratio.*

**P**REPREGATIONEM nostram, quæsumus, Domine, benignus exaudi, et quibus supplicandi præstas affectum, tribue defensionis auxilium. Per Dominum.

### FERIA TERTIA.

*Lectio sancti Evangelii secundum Joannem.*

*Lectio j. Cap. 7.*

**I**N illo tempore: Jam die festo mediante, ascendit Jesus in templum, et docebat. Et mirabantur Judæi. Et reliqua.

*Homilia S. Augustini Episcopi.*

*Tract. 19. in Joan. sub init.*

**I**LLE qui latebat, docebat, et palam loquebatur, et non tenebatur. Illud enim ut lateret, erat causa exempli, hoc potestatis. Sed cum doceret, mirabantur Judæi. Omnes quidem, quantum arbitror, mirabantur, sed non omnes convertebantur. Et unde admiratio? Quia multi noveant ubi natus, quemadmodum fuerit educatus. Nunquam eum viderant litteras discentem: audiebant autem de lege disputantem, legis testimonia proferentem, quæ nemo posset proferre, nisi legisset; nemo legere, nisi litteras didicisset; et ideo mirabantur. Eorum autem admiratio magistro facta est insinuandæ altius veritatis occasio.

¶. Quid me queritis interficere, hominem qui vera locutus sum vobis? Si male locutus sum, testimonium perhibe de malo: si autem bene, cur me cædis? ¶. Multa bona opera operatus sum vobis: propter quod opus vultis me occidere? Si.

*Lectio ij.*

**E**x eorum quippe admiratione et verbis, dixit Dominus profundum aliquid, et diligentius inspicere et discuti dignum. Quid ergo Dominus respondit eis admirantibus quomodo sciret litteras, quas non didicerat? Mea, inquit, doctrina non est mea, sed ejus qui misit me. Hæc est profunditas prima; videtur enim paucis verbis quasi contraria locutus. Non enim ait: Ista doctrina non est mea: sed, Mea doctrina non est mea. Si non tua, quomodo tua? si tua, quomodo non tua? Tu enim dicis utrumque, Et mea doctrina, et non mea.

¶. Adduxi vos per desertum quadraginta annis ego Dominus, et non sunt attrita vestimenta vestra: Manna de cælo plui vobis, et obliti estis me, dicit Dominus. ¶. Ego eduxi vos de terra Ægypti, et de domo servitutis liberavi vos. Manna.

*Lectio iij.*

**S**i ergo intueamur diligenter quod ipse in exordio dicit sanctus Evangelista: In principio erat Verbum, et Verbum erat apud Deum, et Deus erat Verbum: inde pendet hujus solutio questionis. Quæ est doctrina Patris, nisi Verbum Patris? Ipse virgo Christus doctrina Patris, si Verbum Patris. Sed quia verbum non potest esse nullius, sed alicujus, et suam doctrinam dixit seipsum, et non suam, quia Patris est Verbum. Quid enim tam tuum, quam tu? et quid tam non tuum, quam tu, si alicujus est, quod es?

¶. Moyses famulus Dei jejunavit quadraginta diebus et quadraginta noctibus, Ut legem Domini mereretur

accipere. ¶. Ascendens Moyses in montem Sinai ad Dominum, fuit ibi quadraginta diebus, et quadraginta noctibus. Ut. Gloria. Ut.

*Ad Bened. Ant.* Quid me queritis interficere, hominem qui vera locutus sum vobis?

*Oratio.*

**S**ACRÆ nobis, quæsumus, Domine, observationis jejunia, et piæ conversationis augmentum, et tuæ propitiationis continuum præstent auxilium. Per Dominum.

*Ad Magnif. Ant.* Nemo in eum misit manum; quia nondum venerat hora ejus.

*Oratio.*

**M**ISERERE, Domine populo tuo, et continuis tribulationibus laborantem propitius respirare concede. Per Dominum.

## FERIA QUARTA.

*Hodie dicuntur Psalmi Grad.*

Lectio sancti Evangelii secundum Joannem.

*Lectio j. Cap. 9.*

**I**n illo tempore: Præteriens Jesus vidit hominem cæcum a nativitate. Et interrogaverunt eum discipuli ejus: Rabbi, quis peccavit hic, aut parentes ejus, ut cæcus nasceretur? Et reliqua.

Homilia S. Augustini Episcopi.

*Tract. 41. in Joan. circa init.*

**E**A quæ fecit Dominus noster Jesus Christus stupenda atque miranda, et opera et verba sunt: opera, quia facta sunt; verba, quia signa sunt. Si ergo quid significet hoc quod factum est, cogitemus, genus humanum est iste cæcus. Hæc enim cæcitas contigit in primo homine per peccatum, de quo omnes originem duximus: non solum mortis, sed etiam iniquitatis. Si enim cæcitas est infidelitas, et illuminatio fides; quem fidelem, quando venit Christus, invenit? Quandoquidem Apostolus natus

In gente Prophetarum dicit : Fuimus et nos aliquando natura filii iræ , sicut et cæteri. Si filii iræ , filii vindictæ , filii pœnæ , filii gehennæ : Quomodo natura , nisi quia peccante primo homine , vitium pro natura inolevit ? Si vitium pro natura inolevit , secundum mentem omnis homo cæcus natus est.

¶. Splendida facta , p. 287.

*Lectio ij.*

**V**ENIT Dominus : quid fecit ? Magnum mysterium commendavit. Erupit in terram , de saliva sua lutum fecit , quia Verbum caro factum est ; et inunxit oculos cæci. Inunctus erat , et nondum videbat. Misit illum ad piscinam , quæ vocatur Siloe. Pertinuit autem ad Evangelistam commendare nobis nomen hujus piscine , et ait : Quod interpretatur Missus. Jam quis sit Missus agnoscitis. Nisi enim ille fuisset missus , nemo nostrum esset ab iniquitate dimissus. Lavit ergo oculos in ea piscina quæ interpretatur Missus ; baptizatus est in Christo. Si ergo quando eum in seipso quodammodo baptizavit , tunc illuminavit : quando inunxit , fortiasse catechumenum fecit.

¶. Ecce mitto , p. 287.

*Lectio iij.*

**A**UDISTIS grande mysterium. Interroga hominem : Christianus es ? Respondet tibi : Non sum. Si paganus es aut Judæus ? Si autem dixerit , Non sum ; adhuc quæris ab eo : Catechumenus , an fidelis ? Si responderit tibi , Catechumenus : inunctus est , nondum lotus. Sed unde inunctus ? Quære , et respondet. Quære ab illo in quem credat ; eo ipso quo catechumenus est , dicit , in Christum. Ecce modo loquor et fidelibus et catechumenis. Quid dixi de sputo et luto ? Quia Verbum caro factum est , hoc catechumeni audiunt : sed non eis sufficit ad quod inuncti sunt ; festinent ad lavacrum , si lumen inquirunt.

¶. Attendite , p. 287.

*Ad Bened. Ant.* Rabbi , quid peccavit homo iste , quod cæcus natus est ? Respondit Jesus , et dixit : Neque hic peccavit , neque parentes ejus , sed ut manifestentur opera Dei in illo.

*Oratio.*

**D**EUS , qui et justis præmia meritorum , et peccatoribus per jejuniū veniam præbes , miserere supplicibus tuis , ut reatus nostri confessio indulgentiam valeat percipere delictorum. Per Dominum

*Ad Magnif. Ant.* Ille homo qui dicitur Jesus , lutum fecit ex sputo , et linivit oculos meos , et modo video.

*Oratio.*

**P**ATEANT aures misericordiae tuæ , Domine , precibus supplicantium ; et ut petentibus desiderata concedas , fac eos quæ tibi sunt placita postulare. Per Dominum.

## FERIA QUINTA

Lectio sancti Evangelii secundum Lucam.

*Lectio f. Cap. 7.*

**I**N illo tempore : Ibat Jesus in civitatem , quæ vocatur Naim : et ibant cum eo discipuli ejus , et turba copiosa. Et reliqua.

Homilia sancti Ambrosii Episcopi.

*Lit. 5. Comment. in Lucæ cap. 7.*

**E**T hic locus ad utramque redundat gratiam , et ut cito flecti divinam misericordiam matris viduæ lamentatione credamus , ejus præcipue , quæ unici filii vel labore vel morte frangatur ; cui tamen viduæ gravitatis meritum exequiarum turba conciliet : et ut hanc viduam populorum turba septam , plus videri esse quam feminam , quæ resurrectionem unici et adoloscens filii suis lacrymis moverit impetrare : eo quod sancta Ecclesia populum juniorem a pompa funeris , atque a supremis sepulchri , suarum revocet ad vitam contemplatione lacrymarum , quæ flere prohibetur eum , cui resurrectio debebatur.



¶. Locutus est Dominus , p. 286.

Lectio ij.

**Q**UI quidem mortuus in loculo materialibus quatuor ad sepulchrum ferebatur elementis ; sed spem resurgendi habebat , quia ferebatur in ligno. Quod etsi nobis ante non proderat , tamen posteaquam Jesus id tetigit , proficere cepit ad vitam , ut esset indicio salutem populo per crucis patibulum refundendam. Audito igitur Dei verbo , steterunt acerbi illi funeris portitores , qui corpus humanum lethali fluxu naturæ materialis urgebant. Quid enim aliud , nisi quasi in quodam feretro , hoc est , supremi funeris instrumento , jacemus exanimis , cum vel ignis immodicæ cupiditatis exæstuat , vel frigidus humor exundat ; vel pigra quadam terreni corporis habitudine vigor hebetatur animorum ; vel concreta noster spiritus labo , puræ lucis vacuus , mentem alit ? Hi sunt nostri funeris portitores.

¶. Stetit Moyses , p. 285.

Lectio iij.

**S**ED quamvis suprema mortis spem vitæ omnis aboleverint , et tumulto proxima corpora jaceant defunctorum ; verbo tamen Dei jam mortua resurgunt cadavera , vox redit , redditur filius matri , revocatur a tumulto , eripitur a sepulchro. Quis iste est tumulus tuus , nisi mali mores ? Tumulus tuus perfidia est , sepulchrum tuum guttur est. Sepulchrum enim patens est guttur eorum , unde verba mortua proferuntur. Ab hoc sepulchro te liberat Christus ; ab hoc tumulto surges , si audias verbum Dei. Et si grave peccatum est , quod penitentiae lacrymis ipse lavare non possis , fleat pro te mater Ecclesia , quæ pro singulis tanquam pro unicis filiis vidua mater intervenit. Compatitur enim quodam spiritali dolore naturæ , cum suos liberos lethalibus vitiis ad mortem cernit urgeri.

¶. Cantemus Domino , p. 286.

Ad Bened. Ant. Ibat Jesus in civitatem , quæ vocatur Naim ; et ecce

defunctus efferebatur , filius unicus matris suæ.

Oratio.

**P**RESTA , quæsumus , omnipotens Deus , ut quos jejunia vota castigant , ipsa quoque devotio sancta lætificet ; ut terrenis affectibus mitigatis , facilius cœlestia capiamus. Per Dominum.

Ad Magnif. Ant. Propheta magnus surrexit in nobis , et quia Deus visitavit plebem suam.

Oratio.

**P**OPULI tui , Deus , institutor et rector , peccata , quibus impugnatur , expelle ; ut semper tibi placitus , et tuo munimine sit securus. Per Dominum.

## FERIA SEXTA

Lectio sancti Evangelii secundum Joannem.

Lectio j. Cap. II.

**I**N illo tempore : Erat quidam languens Lazarus a Bethania , de castello Mariæ , et Marthæ sororis ejus. Et reliqua.

Homilia S. Augustini Episcopi.

Tract. 49. in Joan. post. init.

**I**N superiori lectione meministi quod Dominus exiit de manibus eorum qui lapidare illum voluerant , et discessit trans Jordanem , ubi Joannes baptizabat. Ibi ergo Domino constituto , infirmabatur in Bethania Lazarus : quod castellum erat proximum Jerosolymis. Maria autem erat quæ unxit Dominum unguento , et extersit pedes ejus capillis suis , cujus frater Lazarus infirmabatur. Miserunt ergo sorores ejus ad eum. Jam intelligimus quo miserunt , ubi erat Jesus : quoniam absens erat , trans Jordanem scilicet. Miserunt ad Dominum , nuntiantes quod ægrotaret frater earum , ut , si dignaretur , veniret , et eum ab ægritudine liberaret. Ille distulit sanare ut posset resuscitare.

¶. In mari viam tuam , p. 286.

*Lectio ij.*

**Q**UID ergo nuntiaverunt sorores ejus? Domine, ecce quem amas infirmatur. Non dixerunt, Veni: amanti enim tantummodo nuntiandum fuit. Non ausæ sunt dicere, Veni, et sana: non ausæ sunt dicere, Ibi jube, et hic fiet. Cur enim non et istæ, si fides illius Centurionis inde laudatur? Ait enim: Non sum dignus ut intres sub tectum meum; sed tantum dic verbo, et sanabitur puer meus. Nihil horum istæ, sed tantummodo: Domine, ecce quem amas infirmatur. Sufficit ut noveris: non enim amas, et deseris.

¶ Qui persequiebantur, p. 286.

*Lectio iij.*

**D**ICIT aliquis: Quomodo per Lazarum peccator significabatur, et a Domino sic amabatur? Audiat eum dicentem: Non veni vocare justos, sed peccatores. Si enim peccatores Deus non amaret, de cælo ad terram non descenderet. Audiens autem Jesus, dixit eis: infirmitas hæc non est ad mortem, sed pro gloria Dei, ut glorificetur Filius Dei. Talis glorificatio ipsius non ipsum auxit, sed nobis profuit. Hoc est ergo quod ait, Non est ad mortem; quia et ipsa mors non erat ad mortem, sed potius ad miraculum: quo facta crederent homines in Christum, et vitarent veram mortem. Sane videte quemadmodum tanquam ex obliquo Dominus Deum se dixit, propter quosdam qui negant Filium Dei Deum esse.

¶ Moyses famulus, p. 286.

*Ad Bened. Ant.* Lazarus amicus noster dormit: eamus, et a somno excitemus eum.

*Oratio.*

**D**EUS, qui ineffabilibus mundum renovas sacramentis, præsta, quæsumus, ut Ecclesia tua et æternis proficiat institutis, et temporalibus non destituatur auxiliis. Per Dominum.

*Hodie dicuntur Psalmi Penit.*

*Ad Magnif. Ant.* Domine, si fois-

ses hic, Lazarus non esset mortuus: ecce jam foetet quatriduarius in monumento.

*Oratio.*

**D**A nobis, quæsumus, omnipotens Deus, ut qui infirmitatis nostræ consci de tua virtute confidimus, sub tua semper pietate gaudeamus. Per Dominum.

## SABBATO.

*Lectio sancti Evangelii secundum Joannem.*

*Lectio i.*

*Cap. 8.*

**I**N illo tempore: Locutus est Jesus turbis Judæorum, dicens: Ego sum lux mundi: qui sequitur me, non ambulat in tenebris; sed habebit lumen vitæ. Et reliqua.

*Homilia S. Augustini Episcopi.*

*Tract. 34. in Joan post. init.*

**Q**UOD ait Dominus, Ego sum lux mundi, clarum puto esse eis qui habent oculos, unde hujus lucis participes fiunt: qui autem non habent oculos, nisi in sola carne mirantur quod dictum est a Domino Jesu Christo, Ego sum lux mundi. Et forte non desit qui dicat apud semetipsum: Numquid forte Dominus Christus est sol iste, qui ortu et occasu peragit diem? Non enim defuerunt hæretici, qui ista senserunt. Manichæi solem istum oculis carneis visibilem, expositum et publicum non tantum hominibus, sed etiam pecoribus, ad videndum, Christum Dominum esse putaverunt.

¶ Splendida facta, p. 287.

*Lectio ij.*

**S**ED Catholicæ Ecclesiæ recta fides improbat tale commentum, et diabolicam doctrinam esse cognoscit: nec solum agnoscit credendo, sed in quibus potest convincit etiam disputando. Improbemus itaque hujusmodi errorem, quem sancta ab initio anathematizavit Ecclesia. Non arbitremur Dominum Jesum Christum hunc esse solem quem videmus oriri ab Oriente,

occidere in Occidente: ejus cursui nox succedit, ejus radii nube obumbrantur: qui certa de loco in locum motione commigrat. Non est hoc Dominus Christus. Non est Dominus Christus sol factus, sed per quem sol factus est. Omnia enim per ipsum facta sunt, et sine ipso factum est nihil.

q. Ecce mitto, p. 287.

*Lectio iij.*

**EST** ergo lux, quæ fecit hanc lucem. Hanc amemus, hanc intelligere cupiamus, ipsam sitiamus, ut ad ipsam duce ipsa aliquando veniamus, et in illa ita vivamus, ut nunquam omnino moriamur: Ista enim lux est, de qua Prophetia olim præmissa ita in psalmo cecinit: Quoniam apud te est fons vitæ, et in lumine tuo videbimus lumen. Advertite quid de tali luce antiquus sanctorum hominum Dei sermo præmiserit: Homines inquit, et jumenta salvos facies, Domine: sicut multiplicata est misericordia tua, Deus.

q. Attendite, p. 287.

*Ad Bened. Ant.* Qui sequitur me, non ambulat in tenebris; sed habebit lumen vitæ, dicit Dominus.

*Oratio.*

**FIAT**, Domine, quæsumus, per gratiam tuam fructuosus nostræ devotionis affectus, quia tunc nobis proderunt suscepta jejuniis, si tunc sint placita pietati. Per Dominum.

*Ad Vesperas.*

*Capitulum.* Hebr. 9.

**FRATRES**, Christus assistens Pontifex futurorum bonorum, per amplius et perfectius tabernaculum non manu factum, id est non hujus creationis; neque per sanguinem hircorum aut vitulorum, sed per proprium sanguinem introivit semel in sancta, æterna redemptione inventa.

**HYMNUS.**

**VEXILLA** Regis prodeunt,  
Fulget Crucis mysterium,  
Qua vita mortem pertulit,  
Et morte vitam protulit.

Quæ vulnerata lanceæ  
Mucrone diro, criminum  
Ut nos lavaret sordibus,  
Manavit unda et sanguine.

Impleta sunt quæ concinit  
David fideli carmine,  
Dicendo nationibus;  
Regnavit a ligno Deus.

Arbor decora et fulgida,  
Ornata Regis purpura,  
Electa digno stipite  
Tam sancta membra tangere.

Beata ejus brachiis  
Pretium pependit sæculi,  
Statera facta corporis,  
Tulitque prædam tartari.

❶ Cruz, ave, spes unica,  
Hoc passionis tempore  
Piis adauge gratiam,  
Reisque dele crimina.

Te, fons salutis Trinitas,  
Collaudet omnis spiritus;  
Quibus Crucis victoriam  
Largiris, adde præmium. Amen.

γ. Eripe me, Domine, ab homine malo. q. A vira iniquo eripe me.

*Ad Magnif. Ant.* Ego sum qui testimonium perhibeo de meipso; et testimonium perhibet de me, qui misit me, Pater.

*Oratio ut infra in Laudibus.*

*Ad hoc Sabb. usque ad Feriam iij. post Oct. Pentec., non sunt comm. consueæ de Cruce, de S. Maria, et aliæ in Psalt. postæ.*

*Ad Complet. in q, br. non dicitur Gloria Patri in Offic. ser. usque ad Feriam v. in Cena Domini.*

**DOM. DE PASSIONE.**

*Ad Matutinum.*

*Invit.* Hodie si vocem Domini audieritis, \* Nolite obdurare corda vestra.

*Psalm.* Venite exultemus, p. I.

*Hoc Invit. dicitur usque ad Feriam v. in Cena Domini, etiam in ser. Offic. In Psalmo Hodie si vocem omittitur, et repetitur a Choro Invit., deinde sequitur Sicut in exacerbatione.*

*In fine hujus Psalmi non dicitur*



Gloria Patri hoc temp. Pass. nisi in Festis : sed repetitur Invit. ut alias, in fine. Quod etiam servatur in R. ad Matut. et in R. br. Horar, ubi similiter repetitur R.

## HYMNUS.

**P**INGE, lingua, gloriosi  
Lauream certaminis,  
Et super Crucis trophæo  
Dic triumphum nobilem :  
Qualiter Redemptor orbis  
Immolatus vicerit.

De parentis protoplasti  
Fraude Factor condolens,  
Quando pomi noxialis  
In necem morsu ruit :  
Ipse lignum tunc notavit,  
Damna ligni ut solveret.

Hoc opus nostræ salutis  
Ordo depoposcerat :  
Multiformis proditoris  
Ars ut artem falleret,  
Et medelam ferret inde,  
Hostis unde læserat.

Quando venit ergo sacri  
Plenitudo temporis,  
Missus est ab arce Patris  
Natus, orbis Conditor ;  
Atque ventre Virginali  
Carne amictus prodiit.

Vagit infans inter arcta  
Conditus præsepia,  
Membra pannis involuta  
Virgo Mater alligat,  
Et Dei manus pedesque  
Stricta cingit fascia.

Sempiterna sit beatæ  
Trinitati gloria,  
Æqua Patri Filioque,  
Par decus Paraclito :  
Unius Trinique nomen  
Laudet universitas. Amen.

## IN I. NOCTURNO.

Incipit liber Jeremiæ Prophetæ.

Lectio j. Cap. 1.

**V**ERBA Jeremiæ filii Helciæ, de  
sacerdotibus qui fuerunt in Ana-  
thoth, in terra Benjamin. Quod fa-  
ctum est verbum Domini ad eum in

diebus Josiæ filii Amon regis Judæ,  
in tertiodecimo anno regni ejus. Et  
factum est in diebus Joakim filii Jo-  
sias regis Judæ, usque ad consumma-  
tionem undecimi anni Sedeciæ filii Jo-  
sias regis Judæ, usque ad transmigra-  
tionem Jerusalem, in mense quinto.  
Et factum est verbum Domini ad me,  
dicens : Priusquam te formarem in u-  
tero, novi te; et antequam exires de  
vulva, sanctificavi te, et Prophetam  
in Gentibus dedi te. Et dixi, A a a,  
Domine Deus : ecce nescio loqui, quia  
puer ego sum.

R. Isti sunt dies quos observare de-  
betis temporibus suis : \* Quartadeci-  
ma die ad vespere Pascha Domini  
est, et in quintadecima solemnitatem  
celebrabitis altissimo Domino ꝑ. Lo-  
cutus est Dominus ad Moysen, dicens :  
Loquere filiis Israel, et dices ad eos.  
Quartadecima.

Hoc R. non dicitur infra Hebdomadam.

Lectio ij.

**E**T dixit Dominus ad me : Noli di-  
cere, Puer sum, quoniam ad om-  
nia quæ mittam te, ibis, et univer-  
sa quæcumque mandavero tibi, loque-  
ris. Ne timeas a facie eorum, quia te-  
cum ego sum, ut eruam te, dicit  
Dominus. Et misit Dominus manum  
suam, et tetigit os meum, et dixit  
Dominus ad me : Ecce dedi verba mea  
in ore tuo, ecce constitui te hodie su-  
per Gentes et super regna, ut evel-  
las, et destruas, et disperdas, et dis-  
sipes, et ædifices, et plantes. Et fa-  
ctum est verbum Domini ad me di-  
cens : Quid tu vides, Jeremia ? Et  
dixi : Virgam vigilantem ego video.  
Et dixit Dominus ad me : Bene vidi-  
sti, quia vigilabo ego super verbo  
meo ut faciam illud. Et factum est  
verbum Domini secundo ad me, di-  
cens : Quid tu vides ? Et dixi : Ollam  
succensam ego video, et faciem ejus  
a facie Aquilonis.

R. Multiplicati sunt qui tribulant  
me, et dicunt : Non est salus illi in  
Deo ejus. \* Exurge, Domine, salvum  
me fac, Deus meus. ꝑ. Nequando di-

cat inimicus meus, Prævalui adversus eum. Exurge.

*Lectio iij.*

**ET** dixit Dominus ad me : Ab Aquilone pandetur malum super omnes habitatores terræ. Quia ecce ego convocabo omnes cognationes regnorum Aquilonis, ait Dominus : et venient, et ponent unusquisque solium suum in introitu portarum Jerusalem, et super omnes muros ejus in circuitu, et super universas urbes Juda. Et loquar judicia mea cum eis super omnem malitiam eorum qui dereliquerunt me, et libaverunt diis alienis, et adoraverunt opus manuum suarum. Tu ergo accinge lumbos tuos, et surge, et loquere ad eos omnia quæ ego præcipio tibi. Ne formides a facie eorum; nec enim timere te faciam vultum eorum. Ego quippe dedi te hodie in civitatem munitam, et in columnam ferream, et in murum æreum super omnem terram, regibus Juda, principibus ejus, et sacerdotibus et populo terræ. Et bellabunt adversum te, et non prævalebunt; quia ego tecum sum, ait Dominus, ut liberem te.

¶. Usquequo exaltabitur inimicus meus super me? \* Respice et exaudi me, Domine, Deus meus. ¶. Qui tribulant me, exultabunt si motus fuero: ego autem in misericordia tua sperabo. Respice. Usquequo.

IN II. NOCTURNO.

Sermo sancti Leonis Papæ.

Sermo 9. de Quadrag.

*Lectio iv.*

**I**n omnibus, dilectissimi, solemnitatibus Christianis non ignoramus Paschale sacramentum esse præcipuum, cui condigne et congrue suscipiendo totius quidem nos temporis instituta reformant: sed devotionem nostram præsentis vel maxime dies exigunt: quos illi sublimissimo divinæ misericordiæ sacramento scimus esse contiguos. In quibus merito a sanctis Apostolis per doctrinam Spiritus san-

cti majora sunt ordinata jejunia, ut per commune consortium crucis Christi, etiam nos aliquid in eo quod propter nos gessit, ageremus, sicut Apostolus ait: Si compatimur, et conglorificabimur. Certa atque secunda est expectatio promissæ beatitudinis, ubi est participatio Dominicæ passionis.

¶. Deus meus es tu, ne discedas a me: \* Quoniam tribulatio proxima est, et non est qui adjuvet. ¶. Tu autem, Domine, ne elongaveris auxilium tuum a me: ad defensionem meam aspice. Quoniam.

*Lectio v.*

**N**EMO est, dilectissimi, cui per conditionem temporis societas hujus gloriæ denegetur, tanquam tranquillitas pacis vacua sit occasione virtutis. Apostolus enim prædicat, dicens: Omnes qui pie volunt vivere in Christo, persecutionem patientur: et ideo nunquam deest tribulatio persecutionis, si nunquam desit observantia pietatis. Dominus enim in exhortationibus suis dicit: Qui non accipit crucem suam, et sequitur me, non est me dignus. Nec dubitare debemus hanc vocem non solum ad discipulos Christi, sed ad cunctos fideles, totamque Ecclesiam pertinere, quæ salutare suum in his qui aderant, universaliter audiebat.

¶. In te jactatus sum ex utero, de ventre matris meæ Deus meus es tu, ne discedas a me: \* Quoniam tribulatio proxima est, et non est qui adjuvet. ¶. Salva me ex ore leonis, et a cornibus unicornium humilitatem meam. Quoniam.

*Lectio vj.*

**S**ICUT ergo totius est corporis pie vivere, ita totius est temporis crucem ferre: quæ merito ferri unicuique suadet, quia propriis modis atque mensuris ab unoquoque toleratur. Unum nomen est persecutionis, sed non una est causa certaminis; et plus plerumque periculi est in insidiatore occulto, quam in hoste manifesto. Beatus Job alternantibus bonis ac ma-

lis mundi hujus eruditus, pie veraciterque dicebat: Nonne tentatio est vita hominis super terram? Quoniam non solis doloribus corporis atque suppliciis anima fidelis impetitur, verum etiam, salva incolumitate membrorum, gravi morbo urgetur, si carnis voluptate mollitur. Sed cum caro concupiscit adversus spiritum, spiritus autem adversus carnem, praesidio crucis Christi mens rationalis instruitur, nec cupiditatibus noxiis illecta consentit, quoniam continentiae clavis et Dei timore transfigitur.

*℟.* In proximo est tribulatio mea, Domine, et non est qui adjuvet: ut fodiant manus meas et pedes meos: libera me de ore leonis, \* Ut enarrem nomen tuum fratribus meis. *℣.* Erue a framea, Deus, animam meam et de manu canis unquam meam. Ut. *In.*

## IN III. NOCTURNO.

Lectio sancti Evangelii secundum Joannem.

Lectio vij. Cap. 8.

**I**N illo tempore: Dicebat Jesus turbis Judaeorum: Quis ex vobis arguet me de peccato? Si veritatem dico vobis, quare non creditis mihi? Et reliqua.

Homilia sancti Gregorii Papae.

Homilia 18. in Evangelia.

**P**ENSATE, fratres charissimi, mansuetudinem Dei. Relaxare peccata venerat, et dicebat: Quis ex vobis arguet me de peccato? Non dedignatur ex ratione ostendere se peccatorem non esse, qui ex virtute divinitatis poterat peccatores justificare. Sed terribile est valde quod subditur, Qui ex Deo est, verba Dei audit: propterea vos non auditis, quia ex Deo non estis. Si enim ipse verba Dei audit qui ex Deo est, et audire verba ejus non potest quisquis ex illo non est, interroget se unusquisque si verba Dei in aure cordis percipit, et intelliget unde sit. Coelestem patriam desiderare Veritas jubet, carnis desi-

deria conteri, mundi gloriam declinare, aliena non appetere, propria largiri.

*℟.* Tota die contristatus ingrediebar, Domine, quoniam anima mea completa est illusionibus: \* Et vim faciebant, qui querebant animam meam. *℣.* Amici mei et proximi mei adversum me appropinquaverunt, et steterunt, et qui juxta me erant, de longe steterunt. Et.

Lectio viij.

**P**ENSET ergo apud se unusquisque vestrum si haec vox Dei in cordis ejus aure convaluit, et quia jam ex Deo sit agnoscit. Nam sunt nonnulli qui praecepta Dei nec aure corporis percipere dignantur. Et sunt nonnulli qui haec quidem corporis aure percipiunt, sed nullo ex mentis desiderio complectuntur. Et sunt nonnulli qui libenter verba Dei suscipiunt, ita ut etiam in fletibus compungantur; sed post lacrymarum tempus ad iniquitatem redeunt. Hi profecto verba Dei non audiunt, qui haec exercere in opere contemnunt. Vitam ergo vestram, fratres charissimi, ante mentis oculos revocate, et alta consideratione pertimescite hoc quod ex ore Veritatis sonat: Propterea vos non auditis, quia ex Deo non estis.

*℟.* Ne avertas faciem tuam a puero tuo, Domine: \* Quoniam tribulor, velociter exaudi me. *℣.* Intende animae meae, et libera eam: propter inimicos meos eripe me. Quoniam.

Lectio ix.

**S**ED hoc quod de reprobis Veritas loquitur, ipsi hoc de semetipsis reprobi iniquis suis operibus ostendunt. Nam sequitur: Responderunt igitur Judaei, et dixerunt ei: Nonne bene dicimus nos quia Samaritanus es tu, et daemonium habes? Accepta autem tanta contumelia, quid Dominus respondeat, audiamus. Ego daemonium non habeo, sed honorifico Patrem meum, et vos inhonorastis me. Quia enim Samaritanus interpretatur



custos, et ipse veraciter custos est, de quo Psalmista ait: Nisi Dominus custodierit civitatem, in vanum vigilant qui custodiunt eam, et cui per Isaiam dicitur: Custos quid de nocte? custos, quid de nocte? respondere noluit Dominus, Samaritanus non sum; sed, Ego dæmonium non habeo. Duo quippe ei illata fuerunt: unum negavit, aliud tacendo consensit.

¶. Quis dabit capiti meo aquam, et oculis meis fontem lacrymarum, et plorabo die ac nocte? quia frater propinquus supplantavit me, \* Et omnis amicus fraudolenter incessit in me. ¶. Piant viæ eorum tenebræ et lubricum, et Angelus Domini persequens eos. Et omnis. Quis dabit,

### *Ad Laudes*

*Ant. 1.* Vide, Domine, afflictionem meam, quoniam erectus est inimicus meus.

*Psalm.* Miserere mei, p. 39.

2. In tribulatione invocavi Dominum, et exaudivit me in latitudine.

*Psalm.* Confitemini, p. 17.

3. Judicasti, Domine, causam anime meæ, defensor vitæ meæ, Domine Deus meus.

*Psalm.* Deus Deus meus, p. 13.

4. Popule meus, quid feci tibi, aut quid molestus fui? responde mihi.

*Cant.* Benedicite, p. 14.

5. Numquid redditur pro bono malum, quia foderunt foveam animæ meæ?

*Psalm.* Laudate Dominum de cœlis, p. 14.

*Capitulum.* Hebr. 9.

**F**RATRES, Christus assistens Pontifex futurorum honorum, per amplius et perfectius tabernaculum non manu factum, id est, non hujus creationis, neque per sanguinem hircorum aut vitulorum, sed per proprium sanguinem introivit semel in sancta, æterna redemptione inventa.

### *HYMNUS.*

**L**USTRA sex qui jam peregit,  
Tempus implens corporis,

Sponte libera Redemptor  
Passioni deditus,  
Agnus in Crucis levatur  
Immolandus stipite.

Felle potus ecce languet;  
Spina, clavi, lancea  
Mite corpus perforarunt:  
Unda manat, et cruor,  
Terra, pontus, astra, mundus  
Quo lavantur flumine.

Crux fidelis, inter omnes  
Arbor una nobilis,  
Silva talem nulla profert  
Fronde, flore, germine:  
Dulce ferrum, dulce lignum,  
Dulce pondus sustinent.

Flecte ramos, arbor alta,  
Tensa laxa viscera,  
Et rigor lentescat ille,  
Quem dedit nativitas;  
Et superni membra Regis  
Tende mihi stipite.

Sola digna tu fuisti  
Ferre mundi victimam;  
Atque portum præparare  
Arca mundo naufraga,  
Quam sacer cruor perunxit,  
Fusus Agni corpore.

Sempiterna sit beata  
Trinitati gloria,  
Æqua Patri Filioque,  
Par decus Paraclito:  
Unius Trinique nomen  
Laudet universitas, Amen.

¶. Eripe me de inimicis meis Deus meus. ¶. Et ab insurgentibus in me libera me.

*Ad Bened. Ant.* Dicebat Jesus turbis Judæorum et principibus sacerdotum: Qui ex Deo est, verba Dei audit: propterea vos non auditis, quia ex Deo non estis.

### *Oratio.*

**Q**UESUMUS, omnipotens Deus, familiam tuam propitius respice, ut, te largiente regatur in corpore, et te servante custodiatur in mente. Per Dominum.

### *Ad Primam.*

*Ant.* Ego dæmonium non habeo,

sed honorifico Patrem meum, dicit Dominus.

*In a. br. omittitur Gloria Patri.*

*Lectio br. Faciem meam, p. 21.*

### *Ad Tertiam.*

*Ant. Ego gloriam meam non quero: est qui querat, et iudicet.*

*Capit. Fratres Christus.*

*a. br. Erue a framea, \* Deus, animam meam. Erue. y. Et de manu canis unicam meam. Deus. Erue. y. De ore leonis libera me, Domine. a. Et a cornibus unicornium humilitatem meam.*

### *Ad Sextam.*

*Ant. Amen, amen dico vobis: si quis sermonem meum servaverit, mortem non gustabit in æternum.*

*Capitulum Hebr. 9.*

**S**I enim sanguis hircorum et taurorum, et cinis vitulæ aspersus inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?

*a. br. De ore leonis \* Libera me, Domine. De ore. y. Et a cornibus unicornium humilitatem meam. Libera. De ore. y. Ne perdas cum impiis, Deus, animam meam. a. Et cum viris sanguinem vitam meam.*

### *Ad Nonam.*

*Ant. Tulerunt lapides Judæi, ut jacerent in eum: Jesus autem abscondit se, et exivit de templo.*

*Capitulum. Hebr. 9.*

**E**T ideo novi Testamenti mediator est, ut, morte intercedente, in redemptionem earum prævaricationum quæ erant sub priori Testamento, re-promissionem accipiant qui vocati sunt æternæ hæreditatis, in Christo Jesu Domino nostro.

*a. br. Ne perdas cum impiis, \* Deus, animam meam. Ne perdas. y. Et cum viris sanguinem vitam meam. Deus. Ne perdas. y. Eripe me, Do-*

*mine, ab homine malo. a. A viro iniquo eripe me.*

### *Ad Vesperas.*

*Ant. et Psalmi de Dominica.*

*Capit. Fratres Christus, ut sup.*

*Hymnus et y. ut supra, p. 294.*

*Ad Magnif. Ant. Abraham pater vester exultavit ut videret diem meum: vidit et gavisus est.*

*Deinde dicuntur Vesp. Defunct.*

## FERIA SECUNDA

*Invit. et Hymnus ut sup., p. 294.*

*Lectio sancti Evangelii secundum Joannem.*

*Lectio j. Cap. 7.*

**I**N illo tempore: Miserunt principes et pharisæi ministros ut apprehenderent Jesum. Et reliqua.

*Homilia S. Augustini Episcopi.*

*Tract. 13. in Joannem.*

**Q**UOMODO apprehenderent adhuc nolentem? Quia ergo non poterant apprehendere nolentem, missi sunt ut audirent docentem. Quid docentem? Dicit ergo Jesus: Adhuc modicum tempus vobiscum sum. Quod modo vultis facere, facturi estis; sed non modo, quia modo nolo. Quare adhuc modo nolo? Quia adhuc modicum tempus vobiscum sum, et tunc vado ad eum qui me misit. Implere debeo dispensationem meam, et sic pervenire ad passionem meam.

*a. Deus meus, eripe me de manu peccatoris, et de manu contra legem agentis, et iniqui: \* Quoniam tu es patientia mea. y. Deus meus, ne elongeris a me: Deus meus, in auxilium meum respice. Quoniam.*

*Lectio ij.*

**Q**UÆRETIS me, et non invenietis, et ubi sum ego, vos non potestis venire. Hic jam resurrectionem suam prædixit. Noluerunt enim eum agnoscere præsentem, et postea quæsierunt, cum viderent in eum multitudinem jam credentem. Magna enim signa facta sunt etiam cum Do-

minus resurrexit, et ascendit in cœlum. Tunc per discipulos facta sunt magna; sed ille per illos, qui et per seipsum. Ipse quippe illis dixerat: Sine me nihil potestis facere. Quando claudus ille qui sedebat ad portam, ad vocem Petri surrexit, et suis pedibus ambulavit, ita ut homines mirarentur, sic eos allocutus est Petrus, quia non in sua potestate ista fecit, sed in virtute illius, quem ipsi occiderunt. Multi compuncti dixerunt: Quid faciemus?

¶ Qui custodiebant animam meam, consilium fecerunt in unum, dicentes: Deus dereliquit eum; \* Persequimini et comprehendite eum, quia non est qui liberet eum. Deus meus, ne elongeris a me: Deus meus, in adiutorium meum intende. *ŷ.* Omnes inimici mei adversum me cogitabant mala mihi: verbum iniquum mandaverunt adversum me dicentes. Persequimini.

*Lectio iij.*

**V**IDERUNT enim se ingenti crimine impietatis astrictos, quando illum occiderunt, quem venerari et adorare debuerant: et hoc putabant esse inextinguibile. Magnum enim facinus erat, cujus consideratio illos faceret desperare. Sed non debebant desperare, pro quibus in cruce pendens Dominus est dignatus orare. Dixerat enim: Pater, ignosce illis, quia nesciunt quid faciunt. Videbat quosdam suos inter multos alienos. Illis jam petebat veniam, a quibus adhuc accipiebat injuriam. Non enim attendebat quod ab ipsis moriebatur, sed quia pro ipsis moriebatur.

¶ Pacificè loquebantur mihi inimici mei, et in ira molesti erant mihi: \* Vidisti, Domine, ne sileas: ne discedas a me. *ŷ.* Ego autem cum mihi molesti essent, induēbam me cilicio, et humiliabam in jejunio animam meam. Vidisti. Pacificè.

*Ad Laudes.*

*Ant. et Psalmi de Psalt., p. 30.*

*Capitulum.*

Jerem. 11.

**V**ENITE, mittamus lignum in panem ejus, et eradamus eum de terra viventium, et nomen ejus non memoretur amplius.

*Hymnus et ŷ. ut supra, p. 298.*

*Ad Bened. Ant.* In die magno festivitatis stabat Jesus, et clamabat, dicens: Si quis sitit, veniat ad me, et bibat.

**S**ANCTIFICA: quæsumus, Domine, nostra jejunia, et cunctarum nobis indulgentiam propitius largire culparum. Per Dominum.

*Hodie dicitur Offic. Defunct.*

*Ad Horas. Ant. Capit. ŷŷ. br. Preces, ut in Psalt.*

*Ad Vesperas.*

*Ant. et Psalmi de Psalt., p. 88.*

*Capitulum.*

Jerem. 11.

**T**U autem, Domine Sabaoth, qui judicas juste, et probas renes et corda, videam ultionem tuam ex eis: tibi enim revelavi causam meam, Domine Deus meus.

*Hymnus et ŷ. ut supra, p. 294.*

*Ad Magnif. Ant.* Si quis sitit, veniat ad me, et bibat: et de ventre ejus fluent aquæ vivæ, dicit Dominus.

*Oratio.*

**D**e, quæsumus, Domine, populo tuo salutem mentis et corporis, ut bonis operibus inhærendo, tua semper mereatur protectione defendi. Per Dominum.

*Capit. prædicta in Laud. et Vesp. dicuntur in ser. Offic. usque ad Feriam iv. majoris Hebd.*

**FERIA TERTIA.**

Lectio sancti Evangelii secundum Joannem.

*Lectio j. Cap. 7.*

**I**N illo tempore: Ambulabat Jesus in Galilæam: non enim volebat in Judæam ambulare, quia quærebant eum Judæi interficere. Et reliqua.



Homilia S. Augustini Episcopi.

Tractat. 28. in Joannem.

**I**n isto Evangelii capitulo, fratres, Dominus noster Jesus Christus secundum hominem se plurimum commendavit fidei nostræ. Etenim semper hoc egit et dictis et factis suis, ut Deus credatur et homo, Deus qui nos fecit, homo qui nos quæsit: Deus cum Patre semper, homo nobiscum ex tempore. Non enim quæreret quem fecerat, nisi fieret ipse quod fecerat. Verum hoc mementote, et de cordibus vestris nolite dimittere, sic esse Christum hominem factum ut non destiterit Deus esse. Manens Deus accepit hominem, qui fecit hominem.

¶ Adjutor et susceptor meus es tu, Domine, et in verbum tuum speravi: \* Declinate a me, maligni, et scrutabor mandata Dei mei. ¶ Iniquos odio habui, et legem tuam dilexi. Declinate.

Lectio ij.

**Q**UANDO ergo latuit ut homo, non potentiam perdidisse putandus est, sed exemplum infirmitati præbuisse. Ille enim quando voluit, detentus est: quando voluit, occisus est. Sed quoniam futura erant membra ejus, id est fideles ejus, qui non haberent illam potestatem, quam habebat ipse Deus noster: quod latebat, quod se, tamquam ne occideretur, occultabat, hoc indicabat factura esse membra sua, in quibus utique membris suis ipse erat.

¶ Docebo iniquos vias tuas, et impii ad te convertentur. \* Libera me de sanguinibus, Deus, Deus salutis meæ. ¶ Domine, labia mea aperies, et os meum annuntiabit laudem tuam. Libera.

Lectio iij.

**N**on enim Christus in capite, et non in corpore; sed Christus totus in capite, et in corpore. Quod ergo membra ejus, ipse; quod autem ipse, non continuo membra ejus.

Nam si non ipsi essent membra ejus, non diceret Saulo: Quid me persequeris? Non enim Saulus ipsum, sed membra ejus, id est, fideles ejus, in terra persequabatur. Noluit tamen dicere, sanctos meos, servos meos, posremo honorabilius, fratres meos; sed me, hoc est, membra mea, quibus ego sum caput.

¶ Ne perdas cum impiis, Deus, animam meam, et cum viris sanguinum vitam meam: \* Redime me, Domine. ¶ Eripe me, Domine, ab homine malo, a viro iniquo libera me. Redime. Ne perdas.

Ad Bened. Ant. Tempus meum nondum advenit, tempus autem vestrum semper est paratum.

Oratio.

**N**OSTRA tibi, Domine, quæsumus, sint accepta jejunia, quæ os et expiando, gratia tua dignos efficiant, et ad remedia perducant æterna. Per Dominum.

Ad Magnif. Ant. Vos ascendite ad diem festum hunc: ego autem non ascendam, quia tempus meum nondum advenit.

Oratio.

**D**A nobis, quæsumus, Domine, perseverantem in tua voluntate famulatum, ut in diebus nostris et merito et numero populus tibi serviens augeatur. Per Dominum.

**FERIA QUARTA.**

Hodie dicuntur Psalmi Grad.

Lectio sancti Evangelii secundum Joannem.

Lectio j. Cap. 10.

**I**n illo tempore: Facta sunt encænia in Jerosolymis, et hiems erat. Et ambulabat Jesus in templo, in porticu Salomonis. Et reliqua.

Homilia S. Augustini Episcopi.

Tract. 48. in Joannem.

**E**NCÆNIA festivitas erat dedicationis templi. Græce enim cænon dicitur novum. Quandocumque

novum aliquid fuerit dedicatum, encœnia vocantur. Jam et usus habet hoc verbum. Si quis nova tunica induatur, encœniare dicitur. Illum enim diem, quo templum dedicatum est, Judæi solemniter celebrabant: ipse dies festus agebatur, cum ea quæ lecta sunt, locutus est Dominus.

¶. Tota die, p. 297.

*Lectio ij.*

**HIENS** erat, et ambulabat Jesus in templo, in porticu Salomonis. Circumdederunt ergo eum Judæi, et dicebant ei: Quousque animam nostram tollis? Si tu es Christus, dic nobis palam. Non veritatem desiderabant, sed calumniam præparabant. Hiems erat, et frigidi erant: ad illum enim divinum ignem accedere pigri erant. Si accedere est credere, qui credit, accedit: qui negat, recedit. Non movetur anima pedibus, sed affectibus.

¶. Ne avertas, p. 297.

*Lectio iij.*

**FRIGUERANT** diligendi charitate, et ardebant docendi cupiditate. Longe aberant, et ibi erant: non accedebant credendo, et premebant persequendo. Quærebant audire a Domino, Ego sum Christus: et fortasse de Christo secundum hominem sapiebant. Prædicaverunt enim Prophetæ Christum: sed divinitatem Christi et in prophetis et in ipso Evangelio nec hæretici intelligunt: quanto minus Judæi, quamdiu velamen est super cor eorum?

¶. Quis dabit, p. 298.

*Ad Bened. Ant.* Oves meæ vocem meam audiunt, et ego Dominus agnosco eas.

*Oratio.*

**SANCTIFICATO** hoc jejunio, Deus, tuorum corda fidelium miserator illustra, et quibus devotionis præstas affectum, præbe supplicantiis pium benignus auditum. Per Dominum.

*Ad Magnif. Ant.* Multa bona o-

pera operatus sum vobis: propter quod opus vultis me occidere?

*Oratio.*

**ADESTO** supplicationibus nostris, omnipotens Deus, et quibus fiduciam sperandæ pietatis indulges, consuetæ misericordiæ tribue benignus effectum. Per Dominum.

## . FERIA QUINTA

Lectio sancti Evangelii secundum Lucam.

*Lectio j. Cap. 7.*

**IN** illo tempore: Rogabat Jesum quidam de Pharisæis ut manducaret cum illo. Et ingressus domum Pharisæi, discubuit. Et reliqua.

Homilia S. Gregorii Papæ.

*Homilia 33. in Evangelia.*

**COGITANTI** mihi de Mariæ Magdalenæ poenitentia, flere magis libet, quam aliquid dicere. Cujus enim vel saxæum pectus illæ hujus peccatricis lacrymæ ad exemplum poenitendi non emolliant? Consideravit namque quid fecit, et noluit moderari quid faceret. Super convivantes ingressa est, non jussa venit, inter epulas lacrymas obtulit. Discite quo dolore ardet, quæ flere et inter epulas non erubescit.

¶. Deus meus, etipe, p. 299.

*Lectio ij.*

**HANC** vero, quam Lucas peccatricem mulierem, Joannes Mariam nominat, illam esse Mariam credimus, de qua Marcus septem dæmonia ejecta fuisse testatur. Et quid per septem dæmonia, nisi universa vitia designantur? Quia enim septem diebus omne tempus comprehenditur, recte septenario numero universitas figuratur. Septem ergo dæmonia Maria habuit, quæ universis vitiis plena fuit.

¶. Multiplicati sunt, p. 295.

*Lectio iij.*

**SED** ecce quia turpitudinis suæ maculas aspexit, lavanda ad fon-

tem misericordiae cucurrit, convivantes non erubuit. Nam quia semetipsam graviter erubescerebat intus, nihil esse credit, quod verecundaretur foris. Quid ergo miramur, fratres? Mariam venientem, an Dominum susipientem? Susipientem dicam, an trahentem? Sed melius trahentem dicam et susipientem: quia nimirum ipse eam per misericordiam traxit intus, qui per mansuetudinem suscepit foris.

¶. Usquequo exaltabitur, p. 296.

*Ad Bened. Ant.* Magister dicit: Tempus meum prope est, apud te facio Pascha cum discipulis meis.

*Oratio.*

**PRÆSTA**, quæsumus, omnipotens Deus, ut dignitas conditionis humanæ per immoderantiam sauciata, medicinalis parcimoniæ studio reformetur. Per Dominum.

*Ad Magnif. Ant.* Desiderio desideravi hoc Pascha manducare vobiscum antequam patiar.

*Oratio.*

**ESTO**, quæsumus, Domine, propitius plebi tuæ, ut, quæ tibi non placent, respicientes, tuorum potius repleantur delectationibus mandatorum. Per Dominum.

## FERIA SEXTA

Lectio sancti Evangelii secundum Joannem.

*Lectio j.*

*Cap. 11.*

**IN** illo tempore: Collegerunt Pontifices et Pharisei concilium adversus Jesum, et dicebant: Quid facimus, quia hic homo multa signa facit? Et reliqua.

Homilia S. Augustini Episcopi.

*Tract. 94. in Joannem.*

**PONTIFICES** et Pharisei sibi consulebant, nec tamen dicebant, Credamus. Plus enim perdit homines cogitabant quomodo nocerent, ut perderent, quam quomodo sibi consulerent, ne perirent. Et tamen timebant, et quasi consulebant. Dicebant

enim: Quid facimus, quia hic homo multa signa facit? Si dimittimus eum sic, omnes credent in eum; et venient Romani, et tollent nostrum locum et gentem. Temporalia perdere timuerunt, et vitam æternam non cogitaverunt, ac sic utrumque amiservunt.

¶. Deus meus es tu, p. 296.

*Lectio ij.*

**NAM** et Romani post Domini passionem et glorificationem tulerunt eis et locum et gentem, expugnando et transferendo: et illud eos sequitur, quod alibi dictum est: Filii autem regni hujus ibunt in tenebras exteriores. Hoc autem timuerunt, ne, si omnes in Christum crederent, nemo remaneret qui adversus Romanos civitatem Dei templumque defenderet: quoniam contra ipsum templum, et contra suas paternas leges doctrinam Christi esse sentiebant.

¶. In te jactatus, p. 296.

*Lectio iij.*

**UNUS** autem ex ipsis Caiphas, cum esset Pontifex anni illius, dixit eis: Vos nescitis quidquam, nec cogitatis quia expedit vobis ut unus moriatur homo pro populo, et non tota gens pereat. Hoc autem a semetipso non dixit: sed cum esset Pontifex anni illius, prophetavit. Hic docemur etiam homines malos prophetiæ spiritu futura prædicere. Quod tamen Evangelista divino tribuit sacramento, quia Pontifex fuit, id est, summus sacerdos.

¶. In proximo, p. 297.

*Ad Bened. Ant.* Appropinquabat autem dies festus Judæorum, et quærebant principes sacerdotum quomodo Jesum interficerent, sed timebant plebem.

*Oratio.*

**CORDIBUS** nostris, quæsumus, Domine, gratiam tuam benignam infunde, ut peccata nostra castigatione voluntaria cohibentes, tempo-



raliter potius maceremur, quam suppliciis deputemur æternis. Per Dominum.

*Hodie dicuntur Psalmi Pœnit.*

*Ad Magnif. Ant.* Principes sacerdotum consilium fecerunt ut Jesum occiderent: dicebant autem, Non in die festo, ne forte tumultus fieret in populo.

*Oratio.*

**C**ONCEDE, quæsumus, omnipotens Deus, ut qui protectionis tuæ gratiam quærimus, liberati a malis omnibus, segura tibi mente serviamus. Per Dominum.

### SABBATO

Lectio sancti Evangelii secundum Joannem.

*Lectio j. Cap. 11.*

**I**N illo tempore: Cogitaverunt principes sacerdotum, ut et Lazarum interficerent: quia multi propter illum abibant ex Judæis, et credebant in Jesum. Et reliqua.

Homilia S. Augustini Episcopi.

*Tract. 50. in Joannem.*

**V**ISO Lazaro resuscitato, quia tantum miraculum Domini tanta erat evidentia diffamatum, tanta manifestatione declaratum, ut non possent vel occultare quod factum est, vel negare; quid invenerunt, videte. Cogitaverunt autem principes sacerdotum ut et Lazarum interficerent. O stulta cogitatio, et cæca sævitia! Dominus Christus, qui suscitare potuit mortuum, non posset occisum? Quando Lazaro inferebatis necem, numquid auferebatis Domino potestatem? Si aliud vobis videtur mortuus, aliud occisus, ecce Dominus utrumque fecit, et Lazarum mortuum, et seipsum suscitavit occisum.

¶. Tota die, p. 297.

*Lectio ij. Tract. 51.*

**I**N crastinum autem turba multa quæ venerat ad diem festum, cum audissent quia venit Jesus Jero-

solimam, acceperunt ramos palmarum: et processerunt obviam ei, et clamabant: Hosanna, benedictus qui venit in nomine Domini, rex Israel. Rami palmarum laudes sunt, significantes victoriam: quia erat Dominus mortem moriendo superaturus, et trophæo crucis de diabolo mortis principe triumphaturus. Vox autem obsecrantis est, Hosanna, sicut nonnulli dicunt: qui Hebræam linguam novērunt, magis affectum indicans, quam rem aliquam significans, sicut sunt in lingua latina, quas interjectiones vocant, velut cum dolentes dicimus, heu, vel cum delectamur, vah dicimus.

¶. Ne avertas, p. 297.

*Lectio iij.*

**H**AS ei laudes turba dicebat: Hosanna, benedictus qui venit in nomine Domini, rex Israel. Quam crucem mentis invidentia principum Judæorum perpeti potuerat, quando regem suum Christum tanta multitudo clamabat? Sed quid fuit Domino regem esse Israel? Quid magnum fuit regi sæculorum regem fieri hominum? Non enim rex Israel Christus ad exigendum tributum, vel exercitum ferro armandum, hostesque visibiliter debellandos: sed rex Israel, quod mentes regat, quod in æternum consulat, quod in regnum cælorum credentes, sperantes, amantesque perducatur.

¶. Quis dabit, p. 298.

*Ad Bened. Ant.* Clarifica me Pater apud te ipsum claritate, quam habui priusquam mundus fieret.

*Oratio.*

**P**ROFICIAT, quæsumus, Domine, plebs tibi dicata piæ devotionis affectu, ut sacris actionibus erudita, quanto majestati tuæ sit gratior, tanto donis potioribus augeatur. Per Dominum.

*Ad Vesperas.*

*Capitulum. Philip. 2.*

**FRATRES**, Hoc enim sentite in vobis quod et in Christo Jesu, qui cum in forma Dei esset, non rapinam arbitratus est esse se æqualem Deo: sed semetipsum exinanivit; formam servi accipiens, in similitudinem hominum factus, et habitu inventus ut homo.

*Hymnus et V. ut supra, p. 294.*

*Ad Magnif. Ant. Pater juste, mundus te non cognovit: ego autem novi te, quia tu me misisti.*

*Oratio ut infra in Laudibus.*

### DOM. IN PALMIS.

*Ad Matut. Invit. et Hymn. ut in Dom. Pass. p. 298.*

#### IN I. NOCTURNO.

*De Jeremia Propheta.*

*Lectio j. Cap. 2.*

**OBSTUPESCITE**, cœli, super hoc, et portæ ejus, desolamini vehementer, dicit Dominus. Duo enim mala fecit populus meus: Me dereliquerunt fontem aquæ vivæ, et foderunt sibi cisternas, cisternas dissipatas, quæ continere non valent aquas. Numquid servus est Israel, aut vernaculus? Quare ergo factus est in prædam? Super eum rugierunt leones, et dederunt vocem suam, posuerunt terram ejus in solitudinem, civitates ejus exustæ sunt, et non est qui habitet in eis. Filii quoque Memphis et Taphnes constupraverunt te usque ad verticem. Numquid non istud factum est tibi, quia dereliquisti Dominum Deum tuum eo tempore, quo ducebat te per viam?

*Ant. In die qua invocavi te, Domine, dixisti: Noli timere: \* Judicasti causam meam, et liberasti me, Domine, Deus meus. V. In die tribulationis meæ clamavi ad te, quia exaudivisti me. Judicasti.*

*Lectio ij.*

**ET** nunc quid tibi vis in via Ægypti, ut bibas aquam turbidam? Et quid tibi cum via Assyriorum, ut bibas aquam fluminis? Ar-

guet te malitia tua, et aversio tua increpabit te. Scito, et vide quia malum et amarum est reliquisse te Dominum Deum tuum, et non esse timorem mei apud te, dicit Dominus Deus exercituum. A sæculo confregisti jugum meum, rupisti vincula mea, et dixisti: Non serviam. In omni enim colle sublimi, et sub omni ligno frondoso, tu prosternebaris meretrix. Ego autem plantavi te vineam electam, omne semen verum: quomodo ergo conversa es mihi in pravum, vinea aliena? Si laveris te nitro, et multiplicaveris tibi herbam borith, maculata es in iniquitate tua coram me, dicit Dominus Deus.

*Ant. Fratres mei elongaverunt se a me: et noti mei, \* Quasi alieni recesserunt a me. V. Dereliquerunt me proximi mei, et qui me noverunt. Quasi.*

*Lectio iij.*

**QUID** vultis mecum judicio contendere? Omnes dereliquistis me, dicit Dominus. Frustra percussi filios vestros, disciplinam non receperunt, devoravit gladius vester Prophetas vestros, quasi leo vastator generatio vestra. Videte verbum Domini: Numquid solitudo factus sum Israeli, aut terra serotina? Quare ergo dixit populus meus: Recessimus, non veniemus ultra ad te? Numquid obliviscetur virgo ornamentis suis, aut sponsa fasciæ pectoralis suæ? Populus vero meus oblitus est mei diebus innumeris.

*Ant. Attende, Domine, ad me, et audi voces adversariorum meorum: \* Numquid redditur pro bono malum, quia foderunt foveam animæ meæ? V. Recordare quod steterim in conspectu tuo, ut loquerer pro eis bonum; et averterem indignationem tuam ab eis. Numquid. Attende.*

#### IN II. NOCTURNO.

*Sermo sancti Leonis Papæ.*

*Serm. II. de Passione Domini.*

*Lectio iv.*

**D**ESIDERATA nobis, dilectissimi mi, et universo optabilis mundo adest festivitas Dominicæ passionis, quæ nos inter exultationes spiritualium gaudiorum silere non patitur. Quia etsi difficile est de eadem solemnitate sæpius digne apteque disserere, non est tamen liberum sacerdoti in tanto divinæ misericordiæ sacramento fidelibus populis subtrahere sermonis officium: cum ipsa materia ex eo quod est ineffabilis, sancti tribuat facultatem, nec possit deficere quod dicatur, dum nunquam potest satis esse quod dicitur. Succumbat ergo humana infirmitas gloriæ Dei, et in explicandis operibus misericordiæ ejus, imparem se semper inveniat. Laboremus sensu, hæreamus ingenio, deficiamus eloquio: bonum est ut nobis parum sit, quod etiam recte de Domini majestate sentimus.

*℟.* Conclusit vias meas inimicus, insidiator factus est mihi sicut leo in abscondito, replevit et inebriavit me amaritudine: deduxerunt in lacum mortis vitam meam, et posuerunt lapidem contra me. \* *Vide, Domine, iniquitates illorum, et judica causam animæ meæ, defensor vitæ meæ.* *℣.* Factus sum in derisum omni populo meo, canticum eorum tota die. *Vide.*

*Lectio v.*

**D**ICENTE enim Propheta. Quærite Dominum, et confirmamini quærite faciem ejus semper, nemini præsumendum est quod totum quod quærit, invenerit, ne desinat propinquare, qui cessarit accedere. Quid autem inter omnia opera Dei, in quibus humanæ admirationis fatigatur intentio, ita contemplationem mentis nostræ et oblectat et superat, sicut passio Salvatoris? Qui ut humanum genus vinculis mortiferæ prævaricationis absolveret, et sævienti diabolo potentiam suæ majestatis occuluit, et infirmitatem nostræ humilitatis objecit. Si enim crudelis et superbus

inimicus consilium misericordiæ Dei nosse potuisset, Judæorum animos mansuetudine potius temperare, quam injustis odiis studuisset accendere; ne omnium captivorum amitteret servitutem, dum nihil sibi debentis persequitur libertatem.

*℟.* Salvum me fac, Deus, quoniam intraverunt aquæ usque ad animam meam: ne avertas faciem tuam a me: \* *Quoniam tribulor, exaudi me, Domine Deus meus.* *℣.* Intende animæ meæ, et libera eam: propter inimicos meos eripe me. *Quoniam.*

*Lectio vj.*

**F**EFELLIT ergo illum malignitas sua: intulit supplicium Filio Dei, quod cunctis filiis hominum in remedium verteretur. Fudit sanguinem justum, qui reconciliando mundo et pretium esset et poculum. Suscepit Dominus quod secundum propositum suæ voluntatis elegit. Admisit in se impias manus furentium: quæ dum proprio incumbunt sceleri famulatæ sunt Redemptori. Cujus etiam circa interfectores suos tanta erat pietatis affectio, ut de cruce supplicans Patri, non se vindicari, sed illis postularet ignosci.

*℟.* Noli esse mihi, Domine, alienus: parce mihi in die mala; confundantur omnes qui me persequuntur, \* *Et non confundar ego.* *℣.* Confundantur omnes inimici mei, qui quærunt animam meam. *Et. Noli.* i

## IN III. NOCTURNO.

Lectio sancti Evangelii secundum Matthæum.

*Lectio vij. Cap. 21.*

**I**N illo tempore: Cum appropinquasset Iesus Jerosolymis, et venisset Bethphage ad montem Oliveti, tunc misit duos discipulos, dicens eis. Et reliqua.

Homilia S. Ambrosii Episcopi.

*Lib. 9. in Lucam.*

**P**ULCHRE relictis Judæis, habitaturus in affectibus Gentium, templum Dominus ascendit. Hoc e-



nam templum est verum, in quo non in littera, sed in spiritu Dominus adoratur. Hoc Dei templum est, quod fidei series, non lapidum structura fundavit. Deseruntur ergo qui ode- rant, eliguntur qui amaturi erant. Et ideo ad montem venit Oliveti, ut novellas oleas in sublimi virtute plan- taret, quarum mater est illa, quæ sursum est, Jerusalem. In hoc mon- te est ille cœlestis agricola, ut plan- tati omnes in domo Dei possint viri- tim dicere: Ego autem sicut oliva fructifera in domo Domini.

¶. Dominus mecum est tanquam bellator fortis: propterea persecuti sunt me, et intelligere non potue- runt. Domine, probas renes et cor- da: \* Tibi revelavi causam meam. †. Vidisti, Domine, iniquitates eo- rum adversum me: judica judicium meum. Tibi.

*Lectio viij.*

**E**T fortasse ipse mons Christus est. Quis enim alius tales fru- ctus ferret olearum, non curvescen- tium ubertate baccarum, sed spiri- tus plevitudine Gentium fecundarum? Ipse est per quem ascendimus, et ad quem ascendimus: ipse est ja- nua, ipse est via, qui aperitur, et qui aperit; qui pulsatur ab in- gredientibus, et ab emeritis adoratur. Ergo in castello erat, et ligatus e- rat pullus cum asina: non poterat solvi nisi jussu Domini. Solvit eum manus Apostolica. Talis actus, talis vita, talis gratia. Esto talis et tu, ut possis ligatos solvere.

¶. Dixerunt impii apud se, non recte cogitantes: Circumveniamus ju- stum, quoniam contrarius est operi- bus nostris: promittit se scientiam Dei habere, Filium Dei se nominat, et gloriatur Patrem se habere Deum. \* Videamus si sermones illius veri sunt, et si est vere Filius Dei, libe- ret eum de manibus nostris: morte turpissima condemnemus eum. †. Tan- quam nugaces æstimati sumus ab illo et abstinet se a viis nostris tanquam

ab immunditiis, et præfert novissima justorum. Videamus.

*Lectio ii.*

**N**UNC consideremus qui fuerint illi, qui errore detecto, de pa- radiso ejecti, in castellum sint rele- gati. Et vides quemadmodum quos mors expulerat, vita revocaverit. Et ideo secundum Matthæum, et asinam et pullum legimus: ut quia in duo- bus hominibus uterque fuerat sexus expulsus, in duobus animalibus se- xus uterque revocetur. Ergo illic in asina matrem quasi Hevam figuravit erroris; hic autem in pullo generalitatem populi Gentilis expressit: et ideo pullo sedetur asinæ. Et bene, in quo nemo sedit, quia nullus, an- tequam Christus, nationum populos vocavit ad Ecclesiam. Denique secun- dum Marcum sic habes: Quem nemo adhuc sedit hominum.

¶. Circumdederunt me viri mer- daces, sine causa flagellis ceciderunt me: \* Sed tu, Domine defensor, vindica me. †. Quoniam tribulatio proxima est, et non est qui adjuvet. Sed tu. Circumdederunt.

*Ad Laudes*

*Ant.* 1. Dominus Deus auxiliator meus: et ideo non sum confusus.

*Psalm.* Miserere mei, p. 39.

2. Circumdantes circumdederunt me: et in nomine Domini vindicabor in eis.

*Psalm.* Confitemini, p. 17.

3. Judica causam meam, defende, quia potens es, Domine.

*Psalm.* Deus Deus meus, p. 13.

4. Cum Angelis et pueris fideles inveniamur, triumphatori mortis cla- mantes, Hosanna in excelsis.

*Cant.* Benedicite, p. 14.

5. Confundantur qui me perse- quuntur, et non confundar ego, Do- mine Deus meus.

*Psalm.* Laudate Dominum de cœ- lis, p. 14.

*Capitulum.* Philip. 2.

**F**RATRES, Hoc enim sentite in vobis quod et in Christo Jesu,

qui cum in forma Dei esset, non rapinam arbitratus est esse se æqualem Deo: sed semetipsum exinanivit formam servi accipiens, in similitudinem hominum factus, et habitu inventus ut homo.

*Hymnus et ḡ. ut supra, p. 298.*

*Ad Bened. Ant.* Turba multa quæ convenerat ad diem festum, clamabat Domino: Benedictus qui venit in nomine Domini, Hosanna in excelsis.

*Oratio.*

**O**MNIPOTENS sempiternæ Deus, qui humano generi ad imitandum humilitatis exemplum, Salvatorem nostrum carnem sumere et crucem subire fecisti; concede propitius, ut et patientiæ ipsius habere documenta, et resurrectionis consortia mereamur. Per eundem.

*Ad Horas q̄q. br. ut in Psalt.*

*Ad Primum.*

*Ant.* Pueri hebræorum tollentes ramos olivarum obviaverunt Domino, clamantes et dicentes: Hosanna in excelsis.

*Ad Tertium.*

*Ant.* Pueri Hebræorum vestimenta prosternebant in via, et clamabant. dicentes: Hosanna filio David, Benedictus qui venit in nomine Domini.

*Capit. Fratres:* Hoc enim.

*Ad Sextum.*

*Ant.* Tibi revelavi causam, meam defensor vitæ meæ, Domine Deus meus.

*Capitulum. Philip. 2.*

**H**UMILIAVIT semetipsum factus obediens usque ad mortem, mortem autem crucis. Propter quod et Deus exaltavit illum, et donavit illi nomen quod est super omne nomen.

*Ad Nonam.*

*Ant.* Invocabo nomen tuum, Domine: ne avertas faciem tuam a clamore meo.

*Capitulum.*

*Philip. 2.*

**I**N nomine Jesu omne genu flectatur cœlestium, terrestrium, et infernorum: et omnis lingua confiteatur, quia Dominus Jesus Christus in gloria est Dei Patris.

*Ad Vesperas*

*Ant. et Psalmi de Dominica.*

*Capit. Fratres* hoc enim.

*Hymnus et ḡ. ut supra, p. 294.*

*Ad Magnif. Ant.* Scriptum est enim: percutiam pastorem, et dispergentur oves gregis: postquam autem resurrexero, præcedam vos in Galilæam; ibi me videbitis, dicit Dominus.

*Ab hac die usque ad Oct. Paschæ, si occurrat aliquod Festum ix. Lect. transfertur post Oct.; Festi vero trium Lect. a Feria v. in Cæna Domini usque ad Feriam iij. Paschæ, nulla fit comm.*

**FERIA SECUNDA.**

*Invit. et Hymn. ut supra, 295.*

*Lectio sancti Evangelii secundum Joannem.*

*Lectio j. Cap. 12.*

**A**NTE sex dies Paschæ venit Jesus Bethaniam, ubi Lazarus fuerat mortuus, quem suscitavit Jesus. Et reliqua.

*Homilia S. Augustini Episcopi.*

*Tract. 50. in Joannem.*

**N**E putarent homines phantasma esse factum, quia mortuus resurrexit, Lazarus unus erat ex recumbentibus: vivebat, loquebatur, epulabatur; veritas ostendebatur, infidelitas Judæorum confundebatur. Discumbat ergo Jesus cum Lazaro et cæteris: ministrabat Martha, una ex sororibus Lazari. Maria vero, altera soror Lazari, accepit libram unguenti nardi pistici pretiosi, et unxit pedes Jesu, et extersit capillis suis pedes ejus, et domus impleta est ex odore unguenti. Factum audivimus: mysterium requiramus.

*q̄. Viri impii dixerunt: Opprima-*

mus virum justum injuste, et deglutiamus eum tanquam infernus vivum: auferamus memoriam illius de terra, et de spoliis ejus sortem mittamus inter nos: ipsi enim homicidæ thesaurizaverunt sibi mala. \* Insipientes et maligni oderunt sapientiam, et rei facti sunt in cogitationibus suis. †. Hæc cogitaverunt, et erraverunt, et excæcavit illos malitia eorum. Insipientes.

*Lectio ij,*

**QUÆCUMQUE** anima fidelis vis esse, cum Maria unge pedes Domini pretioso unguento. Unguentum illud justitia fuit, ideo libra fuit. Erat autem unguentum nardi pistici pretiosi. Quod ait, pistici, locum aliquem credere debemus, unde hoc erat unguentum pretiosum. Nec tamen hoc vacat, et sacramento optime consonat. Pistis græce, fides latine dicitur. Quærebas operari justitiam: Justus ex fide vivit. Unge pedes Jesu bene vivendo, Dominica sectare vestigia. Capillis terge: si habes superflua, da pauperibus, et Domini pedes tersisti: capilli enim superflua corporis videntur. Habes quod agas de superfluis tuis. Tibi superflua sunt, sed Domini pedibus necessaria sunt. Forte in terra Domini pedes indigent.

†. Opprobrium factus sum nimis inimicis meis: viderunt me, et moverunt capita sua: \* Adjuva me, Domine Deus meus. †. Locuti sunt adversum me lingua dolosa, et sermonibus, quid circumdederunt me. Adjuva.

*Lectio iij.*

**DE** quibus enim nisi de membris suis in fine dicturus est: Cum uni ex minimis meis fecistis, mihi fecistis? Superflua vestra impendistis: sed pedibus meis obsecuti estis. Domus autem impleta est odore: mundus impletus est fama bona: nam odor bonus fama bona est. Qui male vivunt, et Christiani vocantur, injuriam Christo faciunt: de qualibus dictum est, quod per eos nomen Domini blasphematur. Si per tales nomen Dei blasphe-

matur, per bonos nomen Domini laudatur. Audi Apostolum: Christi bonus odor sumus, inquit, in omni loco.

†. Insurrexerunt in me viri iniqui absque misericordia; quæsierunt me interficere, et non pepercerunt in faciem meam spuere; et lanceis suis vulneraverunt me, et concussa sunt omnia ossa mea. \* Ego autem existima- bam me tanquam mortuum super terram. †. Effuderunt furorem suum in me, fremuerunt contra me dentibus suis. Ego. Insurrexerunt.

### *Ad Laudes*

*et per Horas, Antiphonæ.*

1. Faciem meam non averti ab increpantibus, et conspuentibus in me.

*Psalm. de Laud. Ferie ij.*

2. Framea, suscitare adversus eos qui dispergunt gregem meum.

3. Appenderunt mercedem meam, triginta argenteis, quibus appretiatum sum ab eis.

4. Inundaverunt aquæ super caput meum: dixi, Perit; invocabo nomen tuum, Domine Deus.

5. Labia insurgentium, et cogitationes eorum, vide, Domine.

*Capitulum. Jerem. II:*

**VENITE**, mittamus lignum in panem ejus, et eradamus eum de terra viventium, et nomen ejus non memoretur amplius.

*Hymnus et †. ut supra, p. 298.*

*Ad Bened. Ant. Clarifica me, Pater, apud te ipsum claritate, quam habui priusquam mundus fieret.*

*Oratio.*

**DA**, quæsumus, omnipotens Deus, ut qui in tot adversis ex nostra infirmitate deficimus, intercedente unigeniti Filii tui passione, respiremus: Qui tecum vivit.

*Ad Horas Ant. de Laud. Capitulum et †. br. ut in Psalt.*

### *Ad Vesperas.*

*Ant. et Psalmi de Psalt. p. 88.*



## Capitulum.

Jer. II.

**TU** autem, Domine Sabaoth, qui judicas juste, et probas renes et corda, videam ultionem tuam ex eis: tibi enim revelavi causam meam, Domine Deus meus.

*Hymnus et y. ut supra, p. 298.*

*Ad Magnif. Ant.* Non haberes in me potestatem, nisi desuper tibi datum fuisset.

## Oratio.

**ADJUVA** nos, Deus salutaris noster, et ad beneficia recolenda, quibus nos instaurare dignatus es, tribue venire gaudentes. Per Dom.

## FERIA TERTIA.

De Jeremia Propheta.

Lectio I. Cap. 11.

**Q**UID est quod dilectus meus in domo mea fecit scelera multa? Numquid carnes sanctæ auferent a te malitias tuas, in quibus gloriata es? Olivam uberem, pulchram, fructiferam, speciosam vocavit Dominus nomen tuum, ad vocem loquelæ, grandis exarsit ignis in ea, et combusta sunt fruteta ejus. Et Dominus exercituum qui plantavit te, locutus est super te malum, pro malis domus Israel, et domus Juda, quæ fecerunt sibi ad irritandum me, libantes Baalim. Tu autem, Domine, demonstrasti mihi, et cognovi: tunc ostendisti mihi studia eorum. Et ego quasi agnus mansuetus, qui portatur ad victimam: et non cognovi, quia cogitaverunt super me consilia, dicentes: Mittamus lignum in panem ejus, et eradamus eum de terra viventium, et nomen ejus non memoretur amplius. Tu autem, Domine Sabaoth, qui judicas juste, et probas renes et corda, videam ultionem tuam ex eis: tibi enim revelavi causam meam.

¶ Contumelias et terrores passus sum ab eis, qui erant pacifici mei, et custodientes latus meum, dicentes: Decipiamus eum, et prævaleamus illi: sed tu, Domine, mecum es tan-

quam bellator fortis. \* Cadant in opprobrium sempiternum, ut videam vindictam in eis, quia tibi revelavi causam meam. y. Judica, Domine, causam animæ meæ, defensor vitæ meæ. Cadant.

Lectio ij. Cap. 12.

**J**USTUS quidem tu es, Domine, si disputem tecum; verumtamen justa loquar ad te: Quare via impiorum prosperatur; bene est omnibus qui prævaricantur et inique agunt? Plantasti eos, et radicem miserunt: proficiunt et faciunt fructum. Prope es tu ori eorum, et longe a renibus eorum. Et tu, Domine, nosti me, vidisti me, et probasti cor meum tecum. Congrega eos quasi gregem ad victimam, et sanctifica eos in die occisionis. Usquequo lugebit terra, et herba omnis regionis siccabitur propter malitiam habitantium in ea? Consumptum est animal et volucre, quoniam dixerunt: Non videbit novissima nostra.

¶ Deus Israel, propter te sustinui improperium, operuit reverentia faciem meam, extraneus factus sum fratribus meis, et hospes filiis matris meæ: \* Quoniam zelus domus tuæ comedit me. y. Intende animæ meæ, et libera eam, propter inimicos meos eripe me. Quoniam.

Lectio iij.

**R**ELIQUI domum meam, dimisi hereditatem meam, dedi dilectam animam in manu inimicorum ejus. Facta est mihi hæreditas mea quasi leo in silva: dedit contra me vocem, ideo odivi eam. Numquid avis discolor hæreditas mea mihi? numquid avis tincta per totam? Venite congregamini, omnes bestię terræ, prope- rate ad devorandum. Pastores multi demoliti sunt vineam meam, conculcaverunt partem meam, dederunt portionem meam desiderabilem in desertum solitudinis. Posuerunt eam in dissipationem, luxitque super me; desolatione desolata est omnis terra, quia nullus est qui recogitet corde.

¶ Sinagoga populorum circumde-

derunt me, et non reddidi retribu-  
tibus mihi mala. \* Consumetur, Do-  
mine, nequitia peccatorum, et diri-  
ges justum. †. Judica me, Domine,  
secundum justitiam meam, et secun-  
dum innocentiam meam super me. Con-  
sumetur. Synagoga.

### *Ad Laudes*

*et per Horas Antiphonæ.*

1. Vide, Domine, et considera quo-  
niam tribulor: velociter exaudi me.

2. Discerne causam meam, Domi-  
ne: ab homine iniquo et doloso eri-  
pe me.

3. Dum tribularer, clamavi ad Do-  
minum de ventre inferi, et exaudi-  
vit me.

4. Domine, vim patior, responde  
pro me: quia nescio quid dicam ini-  
micis meis.

5. Dixerunt impii: Opprimamus  
virum justum, quoniam contrarius  
est operibus nostris.

*Ad Bened. Ant.* Ante diem festum  
Paschæ, sciens Jesus quia venit hora  
ejus, cum dilexisset suos, in finem  
dilexit eos.

*Oratio.*

**O**MNIPOTENS sempiternæ Deus,  
da nobis ita Dominicæ passionis  
sacramenta peragere, ut indulgentiam  
percipere mereamur. Per eundem.

*Ad Magnif. Ant.* Potestatem ha-  
beo ponendi animam meam, et ite-  
rum sumendi eam.

*Oratio.*

**T**UA nos misericordia, Deus, et  
ab omni subreptione vetustatis  
expurget, et capaces sanctæ novitatis  
efficiat. Per Dominum.

### **FERIA QUARTA.**

De Jeremia Propheta.

*Lectio i. Cap. 17.*

**E**XPECTATIO Israel Domine,  
omnes qui te derelinquunt, con-  
fundentur: recedentes a te, in terra  
scribentur: quoniam dereliquerunt  
venam aquarum viventium Dominum.  
Sana me, Domine, et sanabor: sal-

vum me fac, et salvus ero, quoniam  
laus mea tu es. Ecce ipsi dicunt ad  
me: Ubi est verbum Domini? veniat.  
Et ego non sum turbatus, te pasto-  
rem sequens: et diem hominis non  
desideravi, tu scis. Quod egressum  
est de labiis meis, rectum in con-  
spectu tuo fuit. Non sis tu mihi for-  
midini, spes mea tu in die afflictio-  
nis. Confundantur qui me perso-  
quuntur, et non confundar ego:  
paveant illi, et non paveam ego:  
induc super eos diem afflictionis, et  
duplici contritione conterere eos.

†. Locuti sunt adversum me lin-  
gua dolosa, et sermonibus odii cir-  
cumdederunt me: pro eo ut me di-  
ligerent, detrahebant mihi: \* Ego  
autem orabam, et exaudisti me,  
Domine Deus meus. †. Et posuerunt  
adversum me mala pro bonis, et o-  
dium pro dilectione mea. Ego.

*Lectio ij. Cap. 18.*

**Q**UIS audivit talia horribilia, quæ  
fecit nimis virgo Israel? Numquid  
deficiet de petra agri nix Libani? aut  
evelli possunt aquæ erumpentes fri-  
gidæ, et defluentes? Quia oblitus  
est mei populus meus, frusta liban-  
tes et impingentes in viis suis, in  
semitis sæculi, ut ambularent per eas  
in itinere non trito: ut fieret terra  
eorum in desolationem, et in sibi-  
lum sempiternum. Omnis qui præte-  
rierit per eam obstupescet, et mo-  
vebit caput suum. Sicut ventus urens  
dispergam eos coram inimico: dor-  
sum, et non faciem ostendam eis  
in die perditionis eorum. Et dixerunt:  
Venite, et cogitemus contra Jeremi-  
am cogitationes: non enim peribit lex  
a sacerdote, neque consilium a sa-  
piente, nec sermo a Propheta. Veni-  
te, et percutiamus eum lingua, et  
non attendamus ad universos sermo-  
nes ejus.

†. Dixerunt impii, p. 307.

*Lectio iij.*

**A**TTENDE, Domine, ad me, et  
audi vocem adversariorum meo-  
rum. Numquid redditur pro bono

malum, quia foderunt foveam animæ meæ? Recordare quod steterim in conspectu tuo, ut loquerer pro eis bonum, et averterem indignationem tuam ab eis. Propterea da filios eorum in famem, et deduc eos in manus gladii: fiant uxores eorum absque liberis et viduæ, et viri earum interficiantur morte: juvenes eorum confodiantur gladio in prælio. Audiat clamor de domibus eorum: adduces enim super eos latronem repente, quia foderunt foveam ut caperent me, et laqueos absconderunt pedibus meis. Tu autem, Domine, scis omne consilium eorum adversum me in mortem: ne propitieris iniquitati eorum, et peccatum eorum a facie tua non deleatur: fiant corruentes in conspectu tuo, in tempore furoris tui abutere eis.

ñ. Circumdederunt me, p. 307.

### *Ad Laudes*

*et per Horas, Antiphonæ.*

1. Libera me de sanguinibus, Deus, Deus meus, et exultabit lingua mea justitiam tuam.

2. Contumelias et terrores passus sum ab eis: et Dominus mecum est tanquam bellator fortis.

3. Ipsi vero in vanum quæsierunt, animam meam, introibunt in inferiora terræ.

4. Omnes inimici mei audierunt malum meum: Domine, lætati sunt quoniam tu fecisti.

5. Alliga, Domine, in vinculis nationes gentium, et reges earum in compedibus.

*Ad Bened. Ant.* Simon, dormis? non potuisti una hora vigilare mecum?

*Oratio.*

**P**RÆSTA, quæsumus, omnipotens Deus, ut qui nostris excessibus incessanter affligimur, per unigeniti Filii tui passionem liberemur. Qui tecum vivit.

*Ad Magnif. Ant.* Ancilla dixit Petro: vere tu ex illis es; nam et loquela tua manifestum te facit.

*Oratio.*

**R**ESPICE, quæsumus, Domine, super hanc familiam tuam, pro qua Dominus noster Jesus Christus non dubitavit manibus tradi nocentium, et crucis subire tormentum. Qui tecum vivit.

*Tribus seq. diebus, dicto secreto Pater noster, Ave Maria, et ad Matut. et in principio Primæ Credo, omnibus aliis prætermisissis, absolute incipitur Offic. ad Matut. et Vesp. ab Ant. Psalmi j, et Ant. duplicantur sicut in Festo duplici. In fine Psalm. non dicitur Gloria Patri per omnes Horas, nec in R. A., et in fine cujuslibet Psalmi ad Matut. extinguatur una ex 15. candelis positae in candelabro triangulari ante Altare.*

### FERIA QUINTA.

### IN COENA DOMINI

#### *Ad Matutinum.*

#### IN I. NOCTURNO.

*Ant.* Zelus domus tuæ comedit me, et opprobria exprobrantium tibi ceciderunt super me.

#### *Psalmus 68.*

**S**ALVUM me fac, Deus: \* quoniam intraverunt aquæ usque ad animam meam.

Infixus sum in limo profundi, \* et non est substantia.

Veni in altitudinem maris, \* et tempestas demersit me.

Laboravi clamans, ræuæ factæ sunt fauces meæ: \* defecerunt oculi mei, dum spero in Deum meum.

Multiplicati sunt super capillos capitis mei, \* qui oderunt me gratis.

Confortati sunt qui persecuti sunt me inimici mei injuste: \* quæ non rapui, tunc exolvebam.

Deus, tu scis insipientiam meam: \* et delicta mea a te non sunt abscondita.

Non erubescant in me, qui expectant te, Domine, \* Domine virtutum.

Non confundantur super me \* qui quæruunt te, Deus Israel.



Quoniam propter te sustinui opprobrium: \* operuit confusio faciem meam.

Extraneus factus sum fratribus meis, \* et peregrinus filiis matris meae.

Quoniam zelus domus tuae comedit me, \* et opprobria exprobrantium tibi ceciderunt super me.

Et operui in jejuniis animam meam: \* et factum est in opprobrium mihi.

Et posui vestimentum meum cilicium: \* et factus sum illis in parabolam.

Adversum me loquebantur qui sedebant in porta: \* et in me psallebant qui bibebant vinum.

Ego vero orationem meam ad te, Domine: \* tempus beneplaciti, Deus.

In multitudine misericordiae tuae exaudi me, \* in veritate salutis tuae:

Eripe me de luto, ut non infigar: \* libera me ab iis qui oderunt me, et de profundis aquarum.

Non me demergat tempestas aquae: neque absorbeat me profundum: \* neque urgeat super me puteus os suum.

Exaudi me, Domine, quoniam benigna est misericordia tua: \* secundum multitudinem miserationum tuarum respice in me.

Et ne avertas faciem tuam a puero tuo: \* quoniam tribulor, velociter exaudi me.

Intende animae meae, et libera eam: \* propter inimicos meos eripe me.

Tu scis improperium meum, et confusionem meam, \* et reverentiam meam.

In conspectu tuo sunt omnes qui tribulant me: \* improprium expectavit cor meum et miseriam.

Et sustinui qui simul contristarentur, et non fuit: \* et qui consolarentur, et non inveni.

Et dederunt in escam meam fel: \* et in siti mea potaverunt me aceto.

Fiat mensa eorum coram ipsis in laqueum, \* et in retributiones, et in scandalum.

Obscurentur oculi eorum ne videant: \* et dorsum eorum semper incurva.

Effunde super eos iram tuam: \* et furor irae tuae comprehendat eos.

Fiat habitatio eorum deserta: \* et in tabernaculis eorum non sit qui inhabitet.

Quoniam quem tu percussisti, persecuti sunt: \* et super dolorem vulnerum meorum addiderunt.

Appone iniquitatem super iniquitatem eorum: \* et non intrent in justitiam tuam.

Deleantur de libro viventium: \* et cum justis non scribantur.

Ego sum pauper et dolens: \* salus tua, Deus, suscepit me.

Laudabo nomen Dei cum cantico: \* et magnificabo eum in laude:

Et placebit Deo super vitulum novellum, \* cornua producentem et ungulas.

Videant pauperes, et laetentur: \* quærite Deum, et vivet anima vestra.

Quoniam exaudivit pauperes Dominus: \* et vinctos suos non despexit.

Laudent illum caeli et terra, \* mare, et omnia reptilia in eis.

Quoniam Deus salvam faciet Sion: \* et ædificabuntur civitates Juda.

Et inhabitabunt ibi, \* et hæreditate acquirant eam.

Et semen servorum ejus possidebit eam: \* et qui diligunt nomen ejus habitabunt in ea.

Ant. Zelus domus tuae comedit me, et opprobria exprobrantium tibi ceciderunt super me.

Ant. Avertantur retrorsum, et erubescant, qui cogitant mihi mala.

### Psalmus 69.

**D**EUS, in adjutorium meum intende: \* Domine, ad adjuvandum me festina.

Confundantur et revercantur, \* qui quærent animam meam.

Avertantur retrorsum, et erubescant, \* qui volunt mihi mala.

Avertantur statim erubescantes, \* qui dicunt mihi: Euge, euge.

Exultent et laetentur in te omnes qui quæruunt te, \* et dicant semper: Magnificetur Dominus: qui diligunt salutare tuum.

Ego vero egenus et pauper sum :  
Deus , adjuva me.

Adjutor meus , et liberator meus  
es tu : \* Domine , ne moreris.

*Ant.* Avertantur retrorsum , et e-  
rubeſcant , qui cogitant mihi mala.

*Ant.* Deus meus , eripe me de ma-  
nu peccatoris.

### Psalmus 70.

**I**N te , Domine , speravi , non con-  
fundar in æternum : \* in justitia  
tua libera me , et eripe me.

Inclina ad me aurem tuam , \* et  
salva me.

Esto mihi in Deum protectorem et  
in locum munitum , \* ut salvum me  
facias.

Quoniam firmamentum meum , \* et  
refugium meum es tu.

Deus meus , eripe me de manu pec-  
catoris , \* et de manu contra legem  
agentis , et iniqui.

Quoniam tu es patientia mea , Do-  
mine : \* Domine , spes mea a juven-  
tute mea.

In te confirmatus sum ex utero :  
de ventre matris meæ tu es protector  
meus.

In te cantatio mea semper : \* tan-  
quam prodigium factus sum multis ;  
et tu adjutor fortis.

Repleatur os meum laude , ut can-  
tem gloriam tuam , \* tota die magni-  
tudinem tuam.

Ne projicias me in tempore sene-  
ctutis : \* cum defecerit virtus mea ,  
ne derelinquas me.

Quia dixerunt inimici mei mihi : \*  
et qui custodiebant animam meam ,  
consilium fecerunt in unum.

Dicentes : Deus dereliquit eum :  
presequimini , ut comprehendite eum :  
quia non est qui eripiat.

Deus , ne elongeris a me : \* Deus  
meus , in auxilium meum respice.

Confundantur et deficiant detrahen-  
tes animæ meæ : \* operiantur confu-  
sione et pudore , qui quærant mala  
mihi.

Ego autem semper sperabo : \* et  
adjiciam super omniem laudem tuam.

Os meum annuntiabit justitiam tu-  
am , \* tota die salutare tuum.

Quoniam non cognovi litteratu-  
ram , introibo in potentias Domini : \*  
Domine memorabor justitiæ tuæ so-  
lius.

Deus , docuisti me a juventute mea :  
et usque nunc pronuntiabo mirabilia  
tua :

Et usque in senectam et senium :  
Deus ne derelinquas me.

Donec annuntiem brachium tuum  
generationi omni , quæ ventura est :

Potentiam tuam , et justitiam tu-  
am , Deus , usque in altissima , quæ  
fecisti magna : \* Deus , quis simi-  
lis tibi.

Quantas ostendisti mihi tribulatio-  
nes multas et malas : et conversus  
vivificasti me : \* et de abyſſis terræ  
iterum reduxisti me.

Multiplicasti magnificentiam tuam :  
et conversus consolatus es me.

Nam et ego confitebor tibi in vasis  
psalmi veritatem tuam : \* Deus , psal-  
lam tibi in cithara , Sanctus Israel.

Exultabunt labia mea cum canta-  
vero tibi , \* et anima mea , quam re-  
demisti.

Sed et lingua mea tota die medita-  
bitur justitiam tuam : \* cum confusi  
et reveriti fuerint , qui quærant ma-  
la mihi.

*Ant.* Deus meus , eripe me de ma-  
nu peccatoris.

*ŷ.* Avertantur retrorsum , et eru-  
bescant , \* qui cogitant mihi mala.

*Hoc triduo post ŷ. Noct. dicitur  
secreto Pater noster , neo pronuntia-  
tur Et ne nos , nec dicitur Absol. ;  
neque dantur Bened. ante Lect. In  
fine Lect. non dicitur Tu autem , sed  
primæ tres Lect. Jeremiæ terminan-  
tur ut infra.*

Incipit Lamentatio Jeremiæ Pro-  
phetæ.

*Lectio j. Cap. i. Aleph.*

**Q**UOMODO sedet sola civitas ple-  
na populo : facta est quasi vi-  
dua domina gentium : princeps pro-  
vinciarum facta est sub tributo.

*Beth.* Plorans ploravit in nocte, et lacrymæ ejus in maxillis ejus: non est qui consoletur eam ex omnibus charis ejus: omnes amici ejus spreverunt eam, et facti sunt ei inimici.

*Ghimel.* Migravit Judas propter afflictionem, et multitudinem servitutis: habitavit inter gentes, nec invenit requiem: omnes persecutores ejus apprehenderunt eam inter angustias.

*Daleth.* Viæ Sion lugent eo quod non sint qui veniant ad solemnitatem: omnes portæ ejus destructæ, sacerdotes ejus gementes, virgines ejus squalidæ, et ipsa oppressa amaritudine.

*He.* Facti sunt hostes ejus in capite, inimici ejus locupletati sunt, quia Dominus locutus est super eam propter multitudinem iniquitatum ejus. Parvuli ejus ducti sunt in captivitatem ante faciem tribulantis.

Jerusalem, Jerusalem, convertero ad Dominum Deum tuum.

*Sic terminantur Lect. de Lamentat. in hoc triduo.*

¶. In monte Oliveti oravit ad Patrem: Pater, si fieri potest, transeat a me calix isto: \* Spiritus quidem promptus est, caro autem infirma. †. Vigilate et orate: ut non intretis in tentationem. Spiritus.

*Lectio ij. Vau.*

**E**T egressus est a filia Sion omnis decor ejus: facti sunt principes ejus velut arietes non invenientes pascua, et abierunt absque fortitudine ante faciem subsequentis.

*Zain.* Recordata est Jerusalem dierum afflictionis suæ et prævaricationis omnium desiderabilium suorum, quæ habuerat a diebus antiquis, cum caderet populus ejus in manu hostili, et non esset auxiliator: viderunt eam hostes. et deriserunt sabbata ejus.

*Heth.* Peccatum peccavit Jerusalem, propterea instabilis facta est. Omnes qui glorificabant eam, spre-

verunt illam, quia viderunt ignominiam ejus. Ipsa autem gemens conversa est retrorsum.

*Teth.* Sordes ejus in pedibus ejus, nec recordata est finis sui: deposita est vehementer, non habens consolatorem. Vide, Domine, afflictionem meam, quoniam erectus est inimicus.

Jerusalem, Jerusalem, convertere ad Dominum Deum tuum.

¶. Tristis est anima mea usque ad mortem: sustinete hic et vigilate mecum: nunc videbitis turbam, quæ circumdabit me: \* Vos fugam capietis, et ego vadam immolari pro vobis †. Ecce appropinquat hora, et filius hominis tradetur in manus peccatorum. Vos fugam.

*Lectio liij. Iod.*

**M**ANUM suam misit hostis ad omnia desiderabilia ejus: quia vidit gentes ingressas Sanctuarium suum, de quibus præceperas ne intrarent in Ecclesiam tuam.

*Caph.* Omnis populus ejus gemens, et quærens panem: dederunt pretiosa quæque pro cibo ad refocillandam animam. Vide, Domine, et considera, quoniam facta sum vilis.

*Lamed.* ¶ vos omnes, qui transitis per viam, attendite, et videte si est dolor sicut dolor meus, quoniam vindemiavit me, ut locutus est Dominus in die iræ furoris sui.

*Mem.* De excelso misit ignem in ossibus meis, et erudit me: expandit rete pedibus meis, convertit me retrorsum: posuit me desolatam, tota die mœrore confectam.

*Nun.* Vigilavit jugum iniquitatum mearum: in manu ejus convolutæ sunt, et impositæ collo meo: infirmata est virtus mea: dedit me Dominus in manu, de qua non potero surgere.

Jerusalem, Jerusalem, convertere ad Dominum Deum tuum.

¶. Ecce vidimus eum non habentem speciem: neque decorem: aspectus ejus in eo non est: hic peccata



nostra portavit, et pro nobis dolet: ipse autem vulneratus est propter iniquitates nostras,\* Cujus livore sanati sumus. y. Vere languores nostros ipse tulit, et dolores nostros ipse portavit. Cujus. Ecce.

## IN II. NOCTURNO.

*Ant.* Liberavit Dominus pauperem a potente, et inopem, cui non erat adjutor.

**Psalmus 71.**

**D**EUS, judicium tuum regi da,\* et justitiam tuam filio regis:

Judicare populum tuum in justitia,\* et pauperes tuos in iudicio.

Suscipiant montes pacem populo,\* et colles justitiam.

Judicabit pauperes populi, et salvos faciet filios pauperum:\* et humiliabit calumniatorem.

Et permanebit cum sole, et ante lunam,\* in generatione et generationem.

Descendet sicut pluvia in vellus,\* et sicut stillicidia stillantia super terram.

Orietur in diebus ejus justitia, et abundantia pacis,\* donec auferatur luna.

Et dominabitur a mari usque ad mare:\* et a flumine usque ad terminos orbis terrarum.

Coram illo procident Æthiopes:\* et inimici ejus terram lingent.

Reges Tharsis, et insulae munera offerent:\* reges Arabum et Saba dona adducent.

Et adorabunt eum omnes reges terrae:\* omnes gentes servient ei.

Quia liberabit pauperem a potente,\* et pauperem cui non erat adjutor.

Parcet pauperi et inopi:\* et animas pauperum salvas faciet.

Ex usuris et iniquitate redimet animas eorum, et honorabile nomen eorum coram illo.

Et vivet, et dabitur ei de auro Arabiae, et adorabunt de ipso semper:\* tota die benedicent ei.

Et erit firmamentum in terra in summis montium: superextolletur super Libanum fructus ejus:\* et florebunt de civitate sicut foenum terrae.

Sit nomen ejus benedictum in saecula:\* ante solem permanet nomen ejus.

Et benedicentur in ipso omnes tribus terrae:\* omnes Gentes magnificabunt eum.

Benedictus Dominus Deus Israel,\* qui facit mirabilia solus.

Et benedictum nomen majestatis ejus in aeternum:\* et replebitur majestate ejus omnis terra: fiat, fiat.

*Ant.* Liberavit Dominus pauperem a potente, et inopem, cui non erat adjutor.

*Ant.* Cogitaverunt impii, et locuti sunt nequitiam: iniquitatem in excelso locuti sunt.

**Psalmus 72.**

**Q**UAM bonus Israel Deus\* his, qui recto sunt corde!

Mei autem pene moti sunt pedes:\* pene effusi sunt gressus mei.

Quia zelavi super iniquos,\* pacem peccatorum videns.

Quia non est respectus morti eorum,\* et firmamentum in plaga eorum.

In labore hominum non sunt,\* et eum hominibus non flagellabuntur.

Ideo tenuit eos superbia,\* operti sunt iniquitate et impietate sua.

Prodiit quasi ex adipe iniquitas eorum:\* transierunt in affectum cordis.

Cogitaverunt et locuti sunt nequitiam:\* iniquitatem in excelso locuti sunt.

Posuerunt in caelum os suum:\* et lingua eorum transivit in terra.

Ideo convertetur populus meus hic:\* et dies pleni invenientur in eis.

Et dixerunt: Quomodo scit Deus,\* et si est scientia in excelso?

Ecce ipsi peccatores, et abundantes in saeculo\* obtinuerunt divitias.

Et dixi: Ergo sine causa justificavi

cor meum , \* et lavi inter innocentes manus meas :

Et fui flagellatus tota die , \* et castigatio mea in matutinis.

Si dicebam : Narrabo sic : \* ecce nationem filiorum tuorum reprobavi.

Existimabam ut cognoscerem hoc , \* labor est ante me.

Donec intrem in Sanctuarium Dei , \* et intelligam in novissimis eorum.

Verumtamen propter dolos posuisti eis : \* deiecisti eos , dum alleverentur.

Quomodo facti sunt in desolationem ? subito defecerunt : \* perierunt propter iniquitatem suam.

Velut somnium surgentium , Domine , \* in civitate tua imaginem ipsorum ad nihilum rediges.

Quia inflammatum est cor meum , et renes mei commutati sunt : \* et ego ad nihilum redactus sum , et nescivi.

Ut jumentum factus sum apud te : \* et ego semper tecum.

Tenuisti manum dexteram meam , et in voluntate tua deduxisti me , \* et cum gloria suscepisti me.

Quid enim mihi est in caelo : \* et a te quid volui super terram ?

Defecit caro mea , et cor meum : \* Deus cordis mei , et pars mea Deus in æternum.

Quia ecce , qui elongant se a te , peribunt : \* perdidisti omnes , qui fornicantur abs te.

Mihi autem adhærere Deo bonum est : \* ponere in Domino Deo spem meam.

Ut annuntiem omnes prædicationes tuas \* in portis filiæ Sion.

*Ant.* Cogitaverunt impii , et locuti sunt nequitiam : iniquitatem in excelso locuti sunt.

*Ant.* Exurge , Domine , et iudica causam meam.

### Psalmus 73.

**U**T quid , Deus , repulisti in finem : \* iratus est furor tuus super oves pascuæ tuæ ?

Memor esto congregationis tuæ , \* quam possedisti ab initio.

Redemisti virgam hæreditatis tuæ : \* mons Sion , in quo habitasti in eo.

Leva manus tuas in superbias eorum in finem : \* quanta malignatus est inimicus in sancto !

Et gloriati sunt qui oderunt te , \* in medio solemnitatis tuæ.

Posuerunt signa sua , signa : \* et non cognoverunt sicut in exitu super summum.

Quasi in silva lignorum securibus exciderunt januas ejus in idipsum : \* in securi et ascia dejecerunt eam.

Inceuderunt igni Sanctuarium tuum : \* in terra polluerunt tabernaculum nominis tui.

Dixerunt in corde suo cognatio eorum simul : \* Quiescere faciamus omnes dies festos Dei a terra.

Signa nostra non vidimus , jam non est Propheta : \* et nos non cognoscebat amplius.

Usquequo , Deus , improperebit inimicus ? \* irritat adversarius nomen tuum in finem ?

Ut quid avertis manum tuam et dexteram tuam , \* de medio sinu tuo in finem ?

Deus autem Rex noster ante sæcula , \* operatus est salutem in medio terræ.

Tu confirmasti in virtute tua mare : \* contribulasti capita draconum in aquis.

Tu confregisti capita draconis : \* dedisti eum escam populis Æthiopum.

Tu dirupisti fontes et torrentes , \* tu siccasti fluvios Ethan.

Tuus est dies , et tua ex nox : \* tu fabricatus es auroram et solem.

Tu fecisti omnes terminos terræ : \* æstatem et ver tu plasmasti ea.

Memor esto hujus , inimicus improperevit Domino : \* et populus insipiens incitavit nomen tuum.

Ne tradas bestiis animas confitentes tibi : \* et animas pauperum tuorum ne obliviscaris in finem.

Respice in testamentum tuum . \* quia repleti sunt , qui obscurati sunt terræ domibus iniquitatum.

Ne avertatur humilis factus confusus: pauper et inops laudabunt nomen tuum.

Exurge, Deus, iudica causam tuam: memor esto improperiorum tuorum: eorum quæ ab insipiente sunt tota die.

Ne obliviscaris voces inimicorum tuorum: superbia eorum, qui te oderunt, ascendit semper.

*Ant.* Exurge, Domine, et iudica causam meam.

ŷ. Deus meus, eripe me de manu peccatoris. â. Et de manu contra legem agentis et iniqui.

Ex Tractatu S. Augustini Episcopi super Psalmos.

*In Psalmum 54. ad I. vers.*

*Lectio iv.*

**E**XAUDI, Deus, orationem meam: et ne despexeris deprecationem meam: intende mihi, et exaudi me. Satagentis, solliciti, in tribulatione positi verba sunt ista. Orat multa patiens, de malo liberari desiderans. Superest ut videamus in quo malo sit, et cum dicere cœperit, agnoscamus ibi nos esse: ut communicata tribulatione jungamus orationem. Contristatus sum, inquit, in exercitatione mea, et conturbatus sum. Ubi contristatus? ubi conturbatus? in exercitatione mea, inquit. Homines malos, quos patitur, commemoratus est; eandemque passionem malorum hominum exercitationem suam dixit. Ne putetis gratis esse malos in hoc mundo, et nihil boni de illis agere Deum. Omnis malus aut ideo vivit ut corrigatur, aut ideo vivit ut per illum bonus exerceatur.

â. Amicus meus osculi me tradidit signo: Quem osculatus fuero, ipse est, tenete eum; hoc malum fecit signum, qui per osculum adimplevit homicidium. \* Infelix prætermisit pretium sanguinis, et in fine laqueo se suspendit. ŷ. Bonum erat ei, si natus non fuisset homo ille. Infelix.

*Lectio v.*

**U**TINAM ergo qui nos modo exercent, convertantur, et nobiscum exerceantur: tamen quamdiu ita sunt ut exercent nos, non eos oderimus: quia in eo quod malus est quis eorum, utrum usque in finem perseveraturus sit, ignoramus. Et plerumque cum tibi videris odisse inimicum, fratrem odisti, et nescis. Diabolus et angeli ejus in Scripturis sanctis manifestati sunt nobis, quod ad ignem æternum sunt destinati. Ipsorum tantum desperanda est correctio, contra quos habemus occultam luctam: ad quam luctam nos armat Apostolus, dicens: Non est nobis colluctatio adversus carnem et sanguinem, id est, non adversus homines quos videtis, sed adversus principes et potestates et rectores mundi, tenebrarum harum. Ne forte cum dixisset, mundi, intelligeres dæmones esse rectores cœli et terræ, mundi dixit, tenebrarum harum: mundi dixit, amatorum mundi: mundi dixit, impiorum et iniquorum: mundi dixit, de quo dicit Evangelium: Et mundus eum non cognovit.

â. Judas mercator pessimus osculo petiit Dominum: ille ut agnus innocens non negavit Judæ osculum. \* Denariorum numero Christum Judæis tradidit. ŷ. Melius illi erat, si natus non fuisset. Denariorum.

*Lectio vj.*

**Q**UONIAM vidi iniquitatem et contradictionem in civitate. Attende gloriam crucis ipsius. Jam in fronte regum crux illa fixa est, cui inimici insultaverunt. Effectus probavit virtutem: domuit orbem non ferro, sed ligno. Lignum crucis contumeliis dignum visum est inimicis, et ante ipsum lignum stantes caput agitabant, et dicebant: Si Filius Dei est, descendat de cruce. Extendebat ille manus suas ad populum non credentem et contradicentem. Si enim justus est qui ex fide vivit, iniquus est qui non habet fidem. Quod ergo hic ait iniquitatem, perfidiam intellige. Videbat ergo



Dominus in civitate iniquitatem et contradictionem, et extendebat manus suas ad populum non credentem et contradicentem; et tamen et ipsos expectans dicebat: Pater, ignosce illis, quia nesciunt quid faciunt.

¶. Unus ex discipulis meis tradet me hodie: Vae illi per quem tradar ego: \* Melius illi erat, si natus non fuisset. ¶. Qui intingit mecum manum in paropside, hic me traditurus est in manus peccatorum. Melius. Vers.

## IN III. NOCTURNO.

*Ant.* Dixi iniquis: Nolite loqui adversus Deum iniquitatem.

**Psalmus 74.**

**CONFITEBIMUR** tibi, Deus: \* confitebimur, et invocabimus nomen tuum.

Narrabimus mirabilia tua: \* cum accepero tempus, ego justitias judicabo.

Liquefacta est terra, et omnes qui habitant in ea: \* ego confirmavi columnas ejus.

Dixi iniquis: Nolite inique agere: \* et delinquentibus: Nolite exaltare cornu.

Nolite extollere in altum cornu vestrum: \* nolite loqui adversus Deum iniquitatem.

Quia neque ab Oriente, neque ab Occidente, neque a desertis montibus: \* quoniam Deus iudex est.

Nunc humiliat, et hunc exaltat: \* quia calix in manu Domini vini meri plenus misto.

Et inclinavit ex hoc in hoc: verumtamen sax ejus non est exinanita: \* bibent omnes peccatores terræ.

Ego autem annuntiabo in sæculum: \* cantabo Deo Jacob.

Et omnia cornua peccatorum confringam: \* et exaltabuntur cornua justi.

*Ant.* Dixi iniquis: Nolite loqui adversus Deum iniquitatem.

*Ant.* Terra tremuit et quievit, dum exurgeret in iudicio Deus.

**Psalmus 75.**

**NOTUS** in Judæa Deus: \* in Israel magnum nomen ejus.

Et factus est in pace locus ejus: \* et habitatio ejus in Sion.

Ibi confregit potentias arcuum, \* scutum, gladium, et bellum.

Illuminans tu mirabiliter a montibus æternis: \* turbati sunt omnes insipientes corde.

Dormierunt somnum suum: \* et nihil invenerunt omnes viri divitiarum in manibus suis.

Ab increpatione tua, Deus Jacob, \* dormitaverunt qui ascenderunt equos.

Tu terribilis es, et quis resistet tibi? \* ex tunc ira tua.

De cælo auditum seristi iudicium: \* terra tremuit, et quievit.

Cum exurgeret in iudicium Deus, \* ut salvos faceret omnes mansuetos terræ.

Quoniam cogitatio hominis confitebitur tibi: \* et reliquæ cogitationis diem festum agent tibi.

Vovete, et reddite Domino Deo vestro, \* omnes qui in circuitu ejus asferitis munera.

Terribili, et ei qui aufert spiritum principum, \* terribili apud reges terræ.

*Ant.* Terra tremuit et quievit, dum exurgeret in iudicio Deus.

*Ant.* In die tribulationis meæ Deum exquisivi manibus meis.

**Psalmus 76.**

**VOCE** mea ad Dominum clamavi; \* voce mea ad Deum, et intendit mihi.

In die tribulationis meæ Deum exquisivi, manibus meis nocte contra eum: \* et non sum deceptus.

Renuit consolari anima mea: \* memor fui Dei, et delectatus sum, et exercitatus sum, et defecit spiritus meus.

Anticipaverunt vigilias oculi mei: \* turbatus sum, et non sum locutus.

Cogitavi dies antiquos: \* et annos æternos in mente habui.

Et meditatus sum nocte cum corde meo: \* et exercitabar, et scopebam spiritum meum.

Numquid in æternum projiciet Deus? \* aut non apponet ut complacitior sit adhuc?

Aut in finem misericordiam suam abscindet, \* a generatione in generationem?

Aut obliviscetur misereri Deus? \* aut continebit in ira sua misericordias suas?

Et dixi: Nunc cœpi: \* hæc mutatio dexteræ Excelsi.

Memor sui operum Domini: \* quia memor ero ab initio mirabilium tuorum.

Et meditabor in omnibus operibus tuis: \* et in adinventionibus tuis exercebor.

Deus, in sancto via tua: quis Deus magnus sicut Deus noster? \* tu es Deus, qui facis mirabilia.

Notam fecisti in populis virtutem tuam: \* redemisti in brachio tuo populum tuum, filios Jacob et Joseph.

Viderunt te aquæ, Deus, viderunt te aquæ: \* et timuerunt, et turbatæ sunt abyssi.

Multitudo sonitus aquarum, \* vocem dederunt nubes.

Etenim sagittæ tuæ transeunt: \* vox tonitruui tui in rota.

Illuxerunt coruscationes tuæ orbi terræ: \* commota est, et contremuit terra.

In mari via tua, et semitæ tuæ in aquis multis: \* et vestigia tua non cognoscentur.

Deduxisti sicut oves populum tuum, \* in manu Moysi et Aaron.

Ant. In die tribulationis meæ Deum exquisivi manibus meis.

ÿ. Exurge, Domine. â. Et judica causam meam.

De Epistola prima B. Pauli Apostoli ad Corinthios.

Lectio vij.

Cap. 11.

**H**OC autem præcipio, non laudans quod non in melius, sed in deterius convenitis. Primum quidem convenientibus vobis in Ecclesiam, audio scissuras esse inter vos, et ex parte credo. Nam oportet et hæreses esse,

ut et qui probati sunt, manifesti fiant in vobis. Convenientibus ergo vobis in unum, jam non est Domini-cam cœnam manducare. Unusquisque enim suam cœnam præsumit ad manducandum. Et alius quidem esurit, alius autem ebrius est. Numquid domos non habetis ad manducandum et bibendum? aut Ecclesiam Dei contemnitis, et confunditis eos, qui non habent? Quid dicam vobis? Laudo vos? in hoc non laudo.

â. Eram quasi agnus innocens; ductus sum ad immolandum, et nesciebam: consilium fecerunt inimici mei adversum me dicentes: \* Venite, mittamus lignum in panem ejus, et eradamus eum de terra viventium. ÿ. Omnes inimici mei adversum me cogitabant mala mihi: verbum iniquum mandaverunt adversum me, dicentes. Venite.

Lectio viij.

**E**GO enim accepi a Domino quod et tradidi vobis, quoniam Dominus Jesus in qua nocte tradebatur, accepit panem, et gratias agens fregit et dixit: Accipite et manducate: hoc est corpus meum, quod pro vobis tradetur; hoc facite in meam commemorationem. Similiter et calicem, postquam cœnavit dicens: Hic calix novum testamentum est in meo sanguine. Hoc facite, quotiescumque bibetis, in meam commemorationem. Quotiescumque enim manducabitis panem hunc, et calicem bibetis, mortem Domini annuntiabitis donec veniat.

â. Una hora non potuistis vigilare mecum, qui exhortabamini mori pro me? \* Vel Judam non videtis, quomodo non dormit, sed festinat tradere me Judæis? ÿ. Quid dormitis? surgite et orate, ne intretis in tentationem. Vel.

Lectio ix.

**I**TAQUE quicumque manducaverit panem hunc, vel biberit calicem Domini indigne, reus erit corporis et sanguinis Domini. Probet autem se ipsum homo, et sic de pane illo edat.

et de calice bibat. Qui enim manducat et bibit indigne, iudicium sibi manducat et bibit, non dijudicans corpus Domini. Ideo inter vos multi infirmi et imbecilles, et dormiunt multi. Quod si nosmetipsos dijudicaremus, non utique iudicaremur. Dum iudicamur autem, a Domino corripiamur, ut non cum hoc mundo damnemur. Itaque, fratres mei, cum convenitis ad manducandum, invicem expectate. Si quis esurit, domi manducet, ut non in iudicium conveniatis. Cætera autem, cum venero, disponam.

*A.* Seniores populi consilium fecerunt, \* Ut Jesum dolo tenerent, et occiderent: cum gladiis et fustibus exierunt tanquam ad latronem. *Ÿ.* Collegerunt Pontifices et Pharisei concilium. *Ut.* Seniores.

#### *Ad Laudes.*

*Ant.* Justificeris, Domine, in sermonibus tuis, et vincas cum iudicaris.

*Psalm.* Miserere mei. p. 39.

*Ant.* Dominus tanquam ovis ad victimam ductus est et non aperuit os suum.

#### *Psalmus 80.*

**D**OMINE, refugium factus es nobis, \* a generatione in generationem.

Præquam montes fierent, aut formaretur terra et orbis, \* a sæculo et usque in sæculum tu es Deus.

Ne avertas hominem in humilitatem: \* et dixisti: Convertimini, filii hominum.

Quoniam mille anni ante oculos tuos \* tanquam dies hesternæ quæ præterit.

Et custodia in nocte, \* quæ pro nihilo habentur, eorum anni erunt.

Mane sicut herba transeat, mane floreat, et transeat: \* vespere decidat, induret, et arescat.

Quia defecimus in ira tua: \* et in furore tuo turbati sumus.

Posuisti iniquitates nostras in conspectu tuo, \* sæculum nostrum in illuminatione vultus tui.

Quoniam omnes dies nostri defecerunt: \* et in ira tua defecimus.

Anni nostri sicut aranea meditantur: \* dies annorum nostrorum in ipsis septuaginta anni.

Si autem in potentatibus octoginta anni: \* et amplius eorum labor et dolor.

Quoniam supervenit mansuetudo, \* et corripiemur.

Quis novit potestatem iræ tuæ, \* et præ timore tuo iram tuam dinumerare?

Dexteram tuam sic notam fac, \* et eruditos corde in sapientia.

Convertere, Domine; usquequo? \* et deprecabilis esto super servos tuos.

Repleti sumus mane misericordia tua, \* et exultavimus, et delectati sumus omnibus diebus nostris.

Latati sumus pro diebus, quibus nos humiliasti: \* annis, quibus vidimus mala.

Respice in servos tuos, et in opera tua: \* et dirige filios eorum.

Et sit splendor Domini Dei nostri super nos, et opera manuum nostrarum dirige super nos: \* et opus manuum nostrarum dirige.

*Ant.* Dominus tanquam ovis ad victimam ductus est et non aperuit os suum.

*Ant.* Contritum est cor meum in medio mei, contremuerunt omnia ossa mea.

#### *Psalmus 63.*

**D**EUS, Deus meus, ad te de luce vigilo.

Sitivit in te anima mea, quam multipliciter tibi caro mea.

In terra deserta, et invia, et iniquosa: sic in sancto apparui tibi, ut viderem virtutem tuam et gloriam tuam.

Quoniam melior est misericordia tua super vitas: \* labia me laudabunt te.

Sic benedicam te in vita mea: \* et in nomine tuo levabo manus meas.

Sicut adipe et pinguedine repleatur anima mea, \* et labiis exultationis laudabit os meum.

Si memor fui tui super stratum me-



um, in matutinis meditabor in te: \* quia fuisti adjutor meus.

Et in velamento alarum tuarum exultabo, adhæsit anima mea post te: \* me suscepit dextera tua.

Ipsi vero in vanum quæsierunt animam meam, introibunt in inferiora terræ: \* tradentur in manus gladii, partes vulpium erunt.

Rex vero lætabitur in Deo, laudabuntur omnes qui jurant in eo: \* quia obstructum est os loquentium iniqua.

### Psalmus 66.

**D**EUS misereatur nostri, et benedicat nobis: \* illuminet vultum suum super nos, et misereatur nostri.

Ut cognoscamus in terra viam tuam \* in omnibus gentibus salutare tuum.

Confiteantur tibi populi, Deus: \* confiteantur tibi populi omnes.

Lætentur et exultent gentes: \* quoniam judicas populos in æquitate, et gentes in terra dirigis.

Confiteantur tibi populi, Deus, confiteantur tibi populi omnes: \* terra dedit fructum suum.

Benedicat nos Deus, Deus noster, benedicat nos Deus: \* et metuant eum omnes fines terræ.

*Ant.* Contritum est cor meum in medio mei, contremuerunt omnia ossa mea.

*Ant.* Exhortatus es in virtute tua, et in refectione sancta tua, Domine.

### CANTICUM MOYSI Exod. 15.

**C**ANTEMUS Domino: gloriose enim magnificatus est; \* equum et ascensorem dejecit in mare.

Fortitudo mea, et laus mea Dominus, \* et factus est mihi in salutem.

Iste Deus meus, et glorificabo eum: \* Deus patris mei, et exultabo eum.

Dominus quasi vir pugnator, omnipotens nomen ejus. \* Currus Pharaonis et exercitus ejus projecit in mare.

Electi principes ejus submersi sunt in mari Rubro: \* Abyssus operuerunt

eos, descenderunt in profundum quasi lapis.

Dextera tua, Domine, magnificata est in fortitudine: dextera tua, Domine, percussit inimicum: \* Et in multitudine gloriæ tuæ deposuisti adversarios tuos.

Misisti iram tuam, quam devoravit eos sicut stipulam: \* Et in spiritu furoris tui congregatæ sunt aquæ:

Stetit unda fluens, \* congregatæ sunt abyssi in medio mari.

Dixit inimicus: persequar et comprehendam: \* dividam spolia, implebitur anima mea.

Evaginabo gladium meum, \* interficiet eos manus mea.

Flavit spiritus tuus, et operuit eos mare: \* submersi sunt quasi plumbum in aquis vehementibus.

Quis similis tui in fortibus, Domine? \* quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. \* Dux fuisti in misericordia tua populo, quem redemisti:

Et portasti eum in fortitudine tua, \* ad habitaculum sanctum tuum.

Ascenderunt populi, et irati sunt: \* dolores obtinuerunt habitatores Philisthiim.

Tunc conturbati sunt principes Edom, robustos Moab obtinuit tremor: \* obriguerunt omnes habitatores Chanaan.

Irruat super eos formido et pavor, \* in magnitudine brachii tui.

Fiant immobiles quasi lapis, donec pertranseat populus tuus, Domine: \* donec pertranseat populus tuus iste, quem possedisti.

Introduces eos, et plantabis in monte hereditatis tuæ, \* firmissimo habitaculo tuo, quod operatus es Domine:

Sanctuarium tuum, Domine, quod firmaverunt manus tuæ. \* Dominus regnabit in æternum et ultra.

Ingressus est enim eques Pharaonis cum curribus et equitibus ejus in mare: \* et reduxit super eos Dominus aquas maris.

Filii autem Israel ambulaverunt per siccum \* in medio ejus.

*Ant.* Exhortatus es in virtute tua, et in refectione sancta tua, Domine.

*Ant.* Oblatus est quia ipse voluit, et peccata nostra ipse portavit.

*Psalm.* Laudate Dominum de caelis, p. 14.

*Capit. et Hymn. non dicuntur.*

*Y.* Homo pacis meae, in quo speravi. *R.* Qui edebat panes meos, implavit adversum me supplantationem.

*Ad Bened. Ant.* Traditor autem dedit eis signum, dicens: Quem osculatus fuero, ipse est, tenete eum.

*Interim dum dicitur Cant. Benedictus, extinctis prius omnibus candelis in candelabro triangulari praeferuntur, quae posita est in summitate candelabri, extinguuntur paulatim sex candelae posita a principio supra Altare, ita ut in ultimo versu extinguantur lampades et luminaria per Ecclesiam. Cum repetitur Ant. Traditor, accipitur suprema candela ex candelabro, et absconditur sub Altari in cornu Epistolae. Repetita Ant. post Benedictus, dicitur Y. Christus factus est pro nobis obediens usque ad mortem. Secunda nocte additur mortem autem crucis. Tertia nocte additur Propter quod et Deus exaltavit illum, et dedit illi nomen, quod est super omne nomen.*

*Et sic dicitur etiam per omnes Horas diei. Cum incipitur Y. Christus factus est, omnes genuflectunt, et eo finito, dicitur Pater noster, totum sub silentio. Postea Psalm. Miserere mei, p. 39. aliquantulum altius: quo finito, sine Oremus dicitur simili voce.*

#### Oratio.

**R**ESPICE, quaesumus, Domine, super hanc familiam tuam, pro qua Dominus noster Jesus Christus non dubitavit manibus tradi nocentium, et crucis subire tormentum. Sed Qui tecum vivit, dicitur sub silentio.

*Finita Oratione, fit fragor et strorpitus aliquantulum: mox profertur candela accensa de sub Altari, et om-*

*nes surgunt, et cum silentio discedunt.*

#### AD HORAS.

*Prima, Tertia, Sexta et Nona, dictis secreto Pater noster, Ave Maria, et ad Primam Credo, absolute inchoantur a Psalmis consuetis, qui ad Primam sunt ut in Festis: quibus finitis, dicitur R. Christus factus est pro nobis, flexis genibus: et dicitur secreto Pater noster, Psalm. Misere-re, Oratio Respice quaesumus, sicut in Laudibus.*

*In hoc triduo non annuntiatur aliquid de Martyrologio, nec dicitur Prolixa.*

#### Ad Vesperas.

*Dicto secreto Pater noster, Ave Maria, Vesp. inchoantur absolute a j. Ant. sine cantu.*

*Ant. Calicem salutaris accipiam, et nomen Domini invocabo.*

#### Psalmus 115.

**C**REDIDI, propter quod locutus sum: \* ego autem humiliatus sum nimis.

*Ego dixi in excessu meo: \* Omnis homo mendax.*

*Quid retribuam Domino, \* pro omnibus quae retribuit mihi?*

*Calicem salutaris accipiam, \* et nomen Domini invocabo.*

*Vota mea Domino reddam coram omni populo ejus: \* pretiosa in conspectu Domini mors sanctorum ejus.*

*Domine, quia ego servus tuus: \* ego servus tuus, et filius ancillae tuae.*

*Dirupisti vincula mea: \* tibi sacrificabo hostiam laudis, et nomen Domini invocabo.*

*Vota mea Domino reddam in conspectu omnis populi ejus: \* in atriis domus Domini, in medio tui, Jerusalem.*

*Ant. Calicem salutaris accipiam, et nomen Domini invocabo.*

*Ant. Cum his qui oderunt pacem, eram pacificus: dum loquebar illis, impugnabant me gratis.*

**Psalmus 119.**

**A**d Dominum, cum tribularer, clamavi: \* et exaudivit me.

Domine, libera animam meam a labiis iniquis, et a lingua dolosa.

Quid detur tibi, aut quid apponatur tibi, \* ad linguam dolosam?

Sagittæ potentis acutæ, cum carbonibus desolatoriis.

Meu mihi! quia incolatus meus prolongatus est: habitavi cum habitantibus Cedar: \* multum incola fuit anima mea.

Cum his, qui oderunt pacem, eram pacificus: \* cum loquebar illis impugnabant me gratis.

*Ant.* Cum his qui oderunt pacem, eram pacificus: dum loquebar illis, impugnabant me gratis.

*Ant.* Ab hominibus iniquis libera me, Domine.

**Psalmus 139.**

**E**RIPE me, Domine, ab homine malo, \* a viro iniquo eripe me.

Qui cogitaverunt iniquitates in corde: \* tota die constituebant prælia.

Acurrunt linguas suas sicut serpentis: \* venenum aspidum sub labiis eorum.

Custodi me, Domine, de manu peccatoris: \* et ab hominibus iniquis eripe me.

Qui cogitaverunt supplantare gressus meos: \* absconderunt superbi laqueum mihi:

Et fures extenderunt in laqueum: \* juxta iter scandalum posuerunt mihi.

Dixi Domino: Deus meus es tu: \* exaudi, Domine, vocem deprecationis meæ.

Domine, Domine, virtus salutis meæ, \* obumbrasti super caput meum in die belli.

Ne tradas me, Domine, a desiderio meo peccatori: \* cogitaverunt contra me, ne derelinquas me, ne forte exultentur.

Caput circuitus eorum: \* labor laborum ipsorum operiet eos.

Cedant super eos carbones, in ignem

dejicies eos: \* in miseriis non subsistent.

Vir linguosus non dirigetur in terra: \* virum injustum mala capient in interitu.

Cognovi quia faciet Dominus judicium inopis, \* et vindictam pauperum.

Verumtamen justi confitebuntur nomini tuo: \* et habitabunt recti cum vultu tuo.

*Ant.* Ab hominibus iniquis libera me, Domine.

*Ant.* Custodi me a laqueo, quem statuerunt mihi, et a scandalis operantium iniquitatem.

**Psalmus 140.**

**D**OMINE, clamavi ad te, exaudi me: \* intende voci meæ, cum clamavero ad te.

Dirigatur oratio mea, sicut incensum in conspectu tuo: \* elevatio manuum mearum sacrificium vespertinum.

Pone, Domine, custodiam ori meo, \* et ostium circumstantiæ labiis meis.

Non declines cor meum in verba malitiæ, \* ad excusandas excusationes in peccatis.

Cum hominibus operantibus iniquitatem: \* et non communicabo cum electis eorum.

Corripiet me justus in misericordia, et increpabit me: \* oleum autem peccatoris non impinguet caput meum.

Quoniam adhuc et oratio mea in beneplacitis eorum: \* absorpti sunt juncti petreæ judices eorum.

Audient verba mea, quoniam potuerunt: \* sicut crassitudo terræ erupta est super terram.

Dissipata sunt ossa nostra secus infernum: \* quia ad te Domine, Domine, oculi mei: in te speravi, non auferas animam meam.

Custodi me a laqueo, quem statuerunt mihi, \* et a scandalis operantium iniquitatem.

Cadent in retiaculo ejus peccatores: \* singulariter sum ego, donec transeam.



*Ant.* Castodi me a laqueo, quem statuerunt mihi, et a scandalis operantium iniquitatem.

*Ant.* Considerabam ad dexteram, et videbam: et non erat qui cognosceret me.

**Psalmus 141.**

**V**oce mea ad Dominum clamavi: \* voce mea ad Dominum deprecatus sum:

Effundo in conspectu ejus orationem meam, \* et tribulationem meam ante ipsum pronuntio.

In deficiendo ex me spiritum meum, \* et tu cognovisti semitas meas.

In via hac, qua ambulabam, \* absconderunt laqueum mihi.

Considerabam ad dexteram, et videbam: \* et non erat qui cognosceret me.

Periit fuga a me, \* et non est qui requirat animam meam.

Clamavi ad te, Domine, \* dixi: Tu es spes mea, portio mea in terra viventium.

Intende ad deprecationem meam: \* quia humiliatus sum nimis.

Libera me a persecutibus me: \* quia confortati sunt super me.

Educ de custodia animam meam ad confitendum nomini tuo: \* me expectant justi, donec retribuas mihi.

*Ant.* Considerabam ad dexteram, et videbam: et non erat qui cognosceret me.

*Capit.* Hymnus et y. non dicuntur in hoc triduo.

*Ad Magnif. Ant.* Crenantibus autem illis accepit Jesus panem, et benedixit, ac fregit, deditque discipulis suis.

y. Christus factus est cum reliquis, ut supra in Laudibus.

*Ad Completorium, omissis aliis, fit confessio, et data Absol., dicuntur Psalmi consueti cum Nunc dimittis, deinde y. Christus factus est et reliqua, ut supra.*

*Sic terminantur omnes Horæ in hoc triduo, usque ad Vesp. Sabb. sancti.*

**FERIA SEXTA  
IN PARASCHEVE.**

**Ad Matutinum.**

**IN I. NOCTURNO.**

*Ant.* Astiterunt reges terræ, et principes convenerunt in unum adversus Dominum, et adversus Christum ejus.

**Psalmus 2.**

**Q**UARE fremuerunt gentes, \* et populi meditati sunt inania?

Astiterunt reges terræ, et principes convenerunt in unum \* adversus Dominum, et adversus Christum ejus.

Dirumpamus vincula eorum: \* et projiciamus a nobis jugum ipsorum.

Qui habitat in cælis, iridebit eos: \* et Dominus subsannabit eos.

Tunc loquetur ad eos in ira sua: \* et in furore suo conturbabit eos.

Ego autem constitutus sum Rex ab eo super Sion montem sanctum ejus: \* prædicans præceptum ejus.

Dominus dixit ad me: \* Filius meus es tu, ego hodie genui te.

Postula a me, et dabo tibi gentes hæreditatem tuam, \* et possessionem tuam terminos terræ.

Reges eos in virga ferrea, \* et tanquam vas figuli confringes eos.

Et nunc, reges, intelligite: \* erudimini, qui judicatis terram.

Servite Domino in timore: \* et exultate ei cum tremore.

Apprehendite disciplinam, nequando irascatur Dominus, \* et pereatis de via justa.

Cum exarserit in brevî ira ejus, \* beati omnes qui confidunt in eo.

*Ant.* Astiterunt reges terræ, et principes convenerunt in unum adversus Dominum, et adversus Christum ejus.

*Ant.* Diviserunt sibi vestimenta mea et super vestem meam miserunt sortem.

**Psalmus 31.**

**D**eus, Deus meus, respice in me: quare me dereliquisti? \* longe a salute mea verba delictorum meorum.

Deus meus, clamabo per diem, et non exaudies : \* et nocte, et non ad insipientiam mihi.

Tu autem in sancto habitas, \* Laus Israel.

In te speraverunt patres nostri : \* speraverunt, et liberasti eos.

Ad te clamaverunt, et salvi facti sunt : \* in te speraverunt, et non sunt confusi.

Ego autem sum vermis, et non homo : \* opprobrium hominum, et abjectio plebis.

Omnes videntes me deriserunt me : \* locuti sunt labiis, et moverunt caput.

Speravit in Domino, eripiat eum, \* salvum faciat eum, quoniam vult eum.

Quoniam tu es, qui extraxisti me de ventre : \* spes mea ab uberibus matris meae. In te projectus sum ex utero.

De ventre matris meae Deus meus es tu, \* ne discesseris a me.

Quoniam tribulatio proxima est ; \* quoniam non est qui adjuvet.

Circumdederunt me vituli multi : \* tauri pingues obsederunt me.

Aperuerunt super me os suum, \* sicut leo rapiens et rugiens.

Sicut aqua effusus sum : \* et dispersa sunt omnia ossa mea.

Factum est cor meum tanquam cera liquescens \* in medio ventris mei.

Aruit tanquam testa virtus mea, et lingua mea adhæsit faucibus meis : \* et in pulverem mortis deduxisti me.

Quoniam circumdederunt me canes multi : \* concilium malignantium obsedit me.

Foderunt manus meas et pedes meos : \* dinumeraverunt omnia ossa mea.

Ipsi vero consideraverunt et insperxerunt me : \* diviserunt sibi vestimenta mea, et super vestem meam miserunt sortem.

Tu autem, Domine, ne elongaveris auxilium tuum a me : \* ad defensionem meam conspice.

Erue a framea, Deus, animam meam : \* et de manu canis unicam meam.

Salva me ex ore leonis : \* et a cornibus unicornium humilitatem meam.

Narrabo nomen tuum fratribus me-

is : \* in medio ecclesie laudabo te.

Qui timetis Dominum, laudate eum : \* universum semen Jacob, glorificate eum.

Timeat eum omne semen Israel : \* quoniam non sprexit, neque despexit deprecationem pauperis :

Nec avertit faciem suam a me : \* et cum clamarem ad eum, exaudivit me.

Apud te laus mea in ecclesia magna : \* vota mea reddam in conspectu timentium eum.

Edent pauperes, et saturabuntur, et laudabunt Dominum, qui requirunt eum : \* vivent corda eorum in sæculum sæculi.

Reminiscantur, et convertentur ad Dominum \* universi fines terræ.

Et adorabunt in conspectu ejus \* universæ familiæ Gentium.

Quoniam Domini est regnum, \* et ipse dominabitur Gentium.

Manducaverunt, et adoraverunt omnes pingues terræ : \* in conspectu ejus cadent omnes, qui descendunt in terram.

Et anima mea illi vivet : \* et semen meum serviet ipsi.

Annuntiabitur Domino generatio ventura : \* et annuntiabunt cæli justitiam ejus populo qui nascetur, quem fecit Dominus.

Ant. Diviserunt sibi vestimenta mea, et super vestem meam miserunt sortem.

Ant. Insurrexerunt in me testes iniqui, et mentita est iniquitas sibi.

### Psalmus 26.

**D**OMINUS illuminatio mea et salus mea, \* quem timebo ?

Dominus protector vitæ meae : \* a quo trepidabo ?

Dum appropiant super me nocentes, \* ut edant carnes meas.

Qui tribulant me inimici mei, \* ipsi infirmati sunt et ceciderunt.

Si consistent adversum me castra, \* non timebit cor meum.

Si exurgat adversum me prælium, \* in hoc ego sperabo.

Unam petii a Domino, hanc requi-

ram , \* ut inhabitem in domo Domini omnibus diebus vite mee.

Ut videam voluptatem Domini , \* et visitem templum ejus.

Quoniam abscondit me in tabernaculo suo : \* in die malorum protexit me in abscondito tabernaculi sui.

In petra exaltavit me : \* et nunc exaltavit caput meum super inimicos meos.

Circuevi , et immolavi in tabernaculo ejus hostiam vociferationis : \* cantabo, et psalmum dicam Domino.

Exaudi, Domine, vocem meam , qua clamavi ad te : \* miserere mei , et exaudi me.

Tibi dixit cor meum , exquisivit te facies mea : \* faciem tuam , Domine, requiram.

Ne avertas faciem tuam a me : \* ne declines in ira a servo tuo.

Adjutor meus esto : \* ne derelinquas me , neque despicias me , Deus salutaris meus.

Quoniam pater meus et mater mea dereliquerunt me : \* Dominus autem assumpsit me.

Legem pone mihi , Domine , in via tua : \* et dirige me in semitam rectam propter inimicos meos.

Ne tradideris me in animas tribulantium me : \* quoniam insurrexerunt in me testes iniqui , et mentita est iniquitas sibi.

Credo videre bona Domini \* in terra viventium.

Expecta Dominum , viriliter age : \* et confortetur cor tuum , et sustine Dominum.

Ans. Insurrexerunt in me testes iniqui , et mentita est iniquitas sibi.

Ÿ. Diviserunt sibi vestimenta mea.

Ÿ. Et super vestem meam miserunt sortem.

De Lamentatione Jeremiæ Prophetæ.

Lectio j. Cap. 2. Heth.

**C**OGITAVIT Dominus dissipare murum filie Sion : tetendit funiculum suum , et non avertit manum suam a perditione ; luxitque autemurale , et murus pariter dissipatus est.

Teth. Defixæ sunt in terra portæ e-

jus : perdidit et contrivit vectes ejus ; regem ejus et principes ejus in gentibus. Non est lex , et Prophetæ ejus non invenerunt visionem a Domino.

Iod. Sederunt in terra , conticuerunt senes filie Sion : consperserunt cinere capita sua , acincti sunt cilicis : abjecerunt in terram capita sua. Virgines Jerusalem.

Caph. Defecerunt præ lacrymis oculi mei , conturbata sunt viscera mea , effusum est in terra jecur meum super contritione filie populi mei , cum deficeret parvulus et lactens in plateis oppidi.

Jerusalem , Jerusalem , convertere ad Dominum Deum tuum.

Ÿ. Omnes amici mei dereliquerunt me , et prævaluerunt insidiantes mihi : tradidit me quem diligebam , \* Et terribilibus oculis plaga crudeli petcutientes , aceto potabant me. Ÿ. Inter iniquos projecerunt me , et non pepercerunt animæ meæ. Et.

Lectio ij. Lamed.

**M**ATRIBUS suis dixerunt : Ubi est triticum et vinum , cum deficerent quasi vulnerati in plateis civitatis , cum exhalarent animas suas in sinu matrum suarum?

Mem. Cui comparabo te , vel cui assimilabo te , filia Jerusalem ? cui exæquabo te , et consolabor te , virgo filia Sion ? Magna est enim velut mare contritio tua : quis medebitur tui ?

Nun. Prophetæ tui viderunt tibi falsa et stulta , nec aperiebant iniquitatem tuam , ut te ad penitentiam provocarent. Viderunt autem tibi assumptiones falsas et ejectiones.

Samech. Plauserunt super te manibus omnes transeuntes per viam : \* sibilaverunt , et moverunt caput suum super filiam Jerusalem : Hæccine est urbs , dicentes , perfecti decoris , gaudium universæ terræ ?

Jerusalem , Jerusalem , convertere ad Dominum Deum tuum.

Ÿ. Velum templi scissum est , \* Et omnis terra tremuit : latro de cruce clamabat , dicens : Memento mei, Do-



mine, dum veneris in regnum tuum.  
 7. Petre scissæ sunt, et monumenta  
 aperta sunt, et multa corpora sancto-  
 rum, qui dormierant, surrexerunt. Et.

*Lectio iij. Cap. 3. Aleph.*

**E**GO vir videns paupertatem meam  
 in virga indignationis ejus.

*Aleph.* Me minavit, et adduxit in  
 tenebras, et non in lucem.

*Aleph.* Tantum in me vertit, et con-  
 vertit manum suam tota die.

*Beth.* Vetustam fecit pellem me-  
 am et carnem meam, contrivit ossa  
 mea.

*Beth.* Aedificavit in gyro meo, et  
 circumdedit me felle et labore.

*Beth.* In tenebrosis collocavit me,  
 quasi mortuos sempiternos.

*Ghimel.* Circumædificavit adversum  
 me, ut non egrediar: aggravavit  
 compedem meum.

*Ghimel.* Sed et cum clamavero et  
 rogavero, exclusit orationem meam.

*Ghimel.* Conclusit vias meas lapi-  
 dibus quadris, semitas meas sub-  
 vertit.

Jerusalem, Jerusalem; convertere  
 ad Dominum Deum tuum,

8. Vinea mea electa, ego te plan-  
 tavi: et quomodo conversa es in a-  
 maritudinem: ut me crucifigeres, et  
 Barabbam dimitteres? 7. Sepivi te,  
 et lapides elegi ex te, et ædificavi  
 turrim. Quomodo. Vinea.

## IN II. NOCTURNO.

*Ant.* Vim faciebant, qui quære-  
 bant animam meam.

## Psalmus 37.

**D**OMINE, ne in furore tuo arguas  
 me, et neque in ira tua corri-  
 pias me.

Quoniam sagittæ tuæ infixæ sunt  
 mihi: et confirmasti super me ma-  
 num tuam.

Non est sanitas in carne mea a fa-  
 cie iræ tuæ: et non est pax ossibus  
 meis a facie peccatorum meorum.

Quoniam iniquitates meæ supergres-  
 sæ sunt caput meum: et sicut onus  
 grave gravatæ sunt super me.

Putraverunt, et corruptæ sunt ci-  
 catrices meæ, et a facie insipientiæ  
 meæ.

Miser factus sum, et curvatus sum  
 usque in finem: et tota die contriste-  
 tus ingrediebar.

Quoniam lumbi mei impleti sunt il-  
 lusionibus: et non est sanitas in car-  
 ne mea.

Afflictus sum, et humiliatus sum  
 nimis: et rugiebam a gemitu cordis  
 mei.

Domine, ante te omne desiderium  
 meum: et gemitus meus a te non est  
 absconditus.

Cor meum conturbatum est, dere-  
 liquit me virtus mea: et lumen ocu-  
 lorum meorum, et ipsum non est me-  
 cum.

Amici mei, et proximi mei  
 adversum me appropinquaverunt, et  
 steterunt.

Et qui juxta me erant, de longe  
 steterunt: et vim faciebant, qui  
 querebant animam meam.

Et qui inquirebant mala mihi, lo-  
 cuti sunt vanitates: et dolos tota  
 die meditabantur.

Ego autem tamquam surdus non au-  
 diebam: et sicut mutus non ape-  
 riens os suum.

Et factus sum sicut homo non au-  
 diens: et non habens in ore suo re-  
 dargutiones.

Quoniam in te, Domine, speravi:  
 tu exaudies me, Domine Deus meus.

Quia dixi: ne quando supergaudeant  
 mihi inimici mei: et dum commo-  
 ventur pedes mei, super me magna  
 locuti sunt.

Quoniam ego in flagella paratus  
 sum: et dolor meus in conspectu  
 meo semper.

Quoniam iniquitatem meam an-  
 nuntiabo: et cogitabo pro peccato  
 meo.

Inimici autem mei vivunt, et con-  
 firmati sunt super me, et multipli-  
 cati sunt qui oderunt me inique.

Qui retribuunt mala pro bonis, de-  
 trahebant mihi: quoniam sequebar  
 bonitatem.

Ne derelinquas me, Domine Deus meus: \* ne discesseris a me.

Intende in adjutorium meum, \* Domine, Deus salutis meae.

Ant. Vim faciebant, qui querebant animam meam.

Ans. Confundantur et revereantur qui querebant animam meam, ut auferant eam.

**Psalmus 39.**

**E**XPECTANS expectavi Dominum, \* et intendit mihi.

Et exaudivit preces meas: \* et eduxit me de lacu miseriae, et de luto facis.

Et statuit super petram pedes meos: \* et direxit gressus meos.

Et immisit in os meum canticum novum, \* carmen Deo nostro.

Videbunt multi, et timebunt: \* et sperabunt in Domino.

Beatus vir, cujus est nomen Domini spes ejus, \* et non respexit in vanitates: et insanas falsas.

Multa fecisti tu, Domine Deus meus, mirabilia tua: \* et cogitationibus tuis non est qui similis sit tibi.

Annuntiavi, et locutus sum: \* multiplicati sunt super numerum.

Sacrificium et oblationem noluisti: \* aures autem perfecisti mihi.

Molocaustum et pro peccato non postulasti: \* tunc dixi: Ecce venio.

In capite libri scriptum est de me, ut facerem voluntatem tuam: \* Deus meus, volui, et legem tuam in medio cordis mei.

Annuntiavi justitiam tuam in ecclesia magna: \* ecce labia mea non prohibebo: Domine, tu scisti.

Justitiam tuam non abscondi in corde meo: \* veritatem tuam, et salutare tuum dixi.

Non abscondi misericordiam tuam, et veritatem tuam \* a concilio multo.

Tu autem, Domine, ne longe facias miserationes tuas a me: \* misericordia tua et veritas tua semper suscepunt me.

Quoniam circumdederunt me mala, quorum non est numerus: \* compre-

henderunt me iniquitates meae, et non potui ut viderem.

Multiplicatae sunt super capillos capitis mei: \* et cor meum dereliquit me.

Complaceat tibi, Domine, ut eruas me: \* Domine, ad adjuvandum me respice.

Confundantur et revereantur simul, qui querebant animam meam, \* ut auferant eam.

Convertantur retrorsum, et revereantur, qui volunt mihi mala.

Ferant confestim confusionem suam, \* qui dicunt mihi: Euge, euge.

Exultent, et laetentur super te omnes quærentes te: \* et dicant semper: Magnificetur Dominus: qui diligunt salutare tuum.

Ego autem mendicus sum, et pauper: \* Dominus sollicitus est mei.

Adjutor meus, et protector meus tu es: \* Deus meus, ne tardaveris.

Ans. Confundantur et revereantur qui querebant animam meam, ut auferant eam.

Ans. Alieni insurrexerunt in me, et fortes quæsierunt animam meam.

**Psalmus 43.**

**D**EUS, in nomine tuo salvum me fac: \* et in virtute tua judica me.

Deus exaudi orationem meam: \* auribus percipe verba oris mei.

Quoniam alieni insurrexerunt adversum me, et fortes quæsierunt animam meam: \* et non proposuerunt Deum ante conspectum suum.

Ecce enim Deus adjuvat me: \* et Dominus susceptor est animæ meae.

Averte mala inimicis meis: \* et in veritate tua disperde illos.

Voluntarie sacrificabo tibi, et confitebor nomini tuo, Domine: \* quoniam bonum est.

Quoniam ex omni tribulatione eripuisti me. \* et super inimicos meos desepxit oculus meus.

Ans. Alieni insurrexerunt in me, et fortes quæsierunt animam meam.

γ. Insurrexerunt in me testes ini-

qui. *A.* Et mentita est iniquitas sibi.

Ex Tractatu S. Augustini Episcopi  
super Psalmos.

*In Psalmum 63. ad 2. vers.*

*Lectio iv.*

**PROTEXISTI** me, Deus, a conventu malignantium, a multitudine operantium iniquitatem. Jam ipsum caput nostrum intueamur. Multi martyres talia passi sunt, sed nihil sic elucet quo modo caput martyrum: ibi melius intuemur quod illi experti sunt. Protectus est a multitudine malignantium, protegente se Deo, protegente carnem suam ipso Filio, et homine quem gerebat: quia filius hominis est, et Filius Dei est: Filius Dei, propter formam Dei: filius hominis, propter formam servi, habens in potestate ponere animam suam, et recipere eam. Quid ei potuerunt facere inimici? Occiderunt corpus, animam non occiderunt. Intendite. Parum ergo erat Dominum hortari martyres verbo, nisi firmaret exemplo.

*A.* Tanquam ad latronem existis cum gladiis et fustibus comprehendere me: ? Quotidie apud vos eram in templo docens, et non me tenuistis: et ecce flagellatum ducitis ad crucifigendum. *Y.* Cumque iniecissent manus in Jesum, et tenuissent eum, dixit ad eos. Quotidie.

*Lectio v.*

**NOSTIS** qui conventus erat malignantium Judaeorum, et quae multitudo erat operantium iniquitatem. Quam iniquitatem? Quia voluerunt occidere Dominum Jesum Christum. Tanta opera bona, inquit, ostendi vobis: propter quod horum me vultis occidere? Pertulit omnes infirmos eorum, curavit omnes languidos eorum, praedicavit regnum coelorum, non tacuit vitia eorum, ut ipsa potius eis displicerent, non medicus a quo sanabantur. His omnibus curationibus ejus ingrati, tanquam multa febre phrenetici, insanientes

in medicum qui venerat curare eos, excogitaverunt consilium perdendi eum, tanquam ibi volentes probare, utrum vere homo sit qui mori possit, an aliquid super homines sit, et mori se non permittat. Verbum ipsorum agnoscimus in Sapientia Salomonis: Morte turpissima, inquit, condemnemus eum. Interrogemus eum, erit enim respectus in sermonibus illius. Si enim vere Filius Dei est, liberet eum.

*A.* Tenebrae factae sunt, dum crucifixissent Jesum Judaei, et circa horam nonam exclamavit Jesus voce magna: Deus meus, ut quid me dereliquisti? \* Et inclinato capite, emisit spiritum. *Y.* Exclamans Jesus voce magna, ait: Pater, in manus tuas commendo spiritum meum. Et.

*Lectio vi.*

**EXACUERUNT** tanquam gladium linguas suas. Non dicant Judaei: non occidimus Christum. Etenim propterea eum dederunt judici Pilato, ut quasi ipsi a morte ejus viderentur immunes. Nam cum dixisset eis Pilatus, vos eum occidite, responderunt: Nobis non licet occidere quemquam. Iniquitatem facinoris sui in judicem hominem refundere volebant: sed numquid Deum Judicem fallebant? Quod fecit Pilatus, in eo ipso quod fecit, aliquantum particeps fuit, sed in comparatione illorum multo ipse innocentior. Institit enim quantum potuit, ut illum ex eorum manibus liberaret: nam propterea flagellatum produxit ad eos. Non persequendo Dominum flagellavit, sed eorum furori satisfacere volens: ut vel sic jam mitescerent, et desinerent velle occidere, cum flagellatum viderent. Fecit et hoc. At ubi perseveraverunt, nostis illum lavisse manus, et dixisse, quod ipse non fecisset, mundum se esse a morte illius. Fecit tamen. Sed si reus quia fecit vel invitus, illi innocentes qui coegerunt ut faceret? Nullo modo. Sed ille dixit in eum sententiam, et



jussit eum crucifigi, et quasi ipse occidit: et vos, o Judæi, occidistis. Unde occidistis? Gladio linguæ: acutis enim linguas vestras. Et quando percussistis, nisi quando clamastis: Crucifige, crucifige?

*℟.* Animam meam dilectam tradidi in manus iniquorum, et facta est mihi hæreditas mea sicut leo in silva: dedit contra me voces adversarius, dicens: Congregamini, et properate ad devorandum illum: posuerunt me in deserto solitudinis: et luxit super me omnis terra: \* Quia non est inventus qui me agnosceret, et faceret bene. *℣.* Insurrexerunt in me viri absque misericordia, et non pepercerunt animæ meæ. Quia. Animam.

IN III. NOCTURNO.

*Ant.* Ab insurgentibus in me libera me, Domine, quia occupaverunt animam meam.

Psalmus 58.

**E**RIPE me de inimicis meis, Deus meus: \* et ab insurgentibus in me libera me.

Eripe me de operantibus iniquitatem: \* et de viris sanguinum salva me.

Quia ecce ceperunt animam meam: \* irruerunt in me fortes.

Neque iniquitas mea, neque peccatum meum, Domine: \* sine iniquitate eucurri, et direxi.

Exurge in occursum meum, et vide: \* et tu, Domine Deus virtutum, Deus Israel.

Intende ad visitandas omnes Gentes: \* non miserearis omnibus, qui operantur iniquitatem.

Convertentur ad vesperam, et famem patientur ut canes: \* et circuibunt civitatem.

Ecce loquentur in ore suo, et gladius in labiis eorum: \* quoniam quis audivit?

Et tu, Domine, deridebis eos: \* ad nihilum deduces omnes Gentes.

Fortitudinem meam ad te custo-

diam quia Deus susceptor meus es. \* Deus meus misericordia ejus prævenerit me.

Deus ostendet mihi super inimicos meos, ne occidas eos: \* nequando obliviscantur populi mei.

Disperge illos in virtute tua: \* et depone eos, protector meus Domine.

Delictum oris eorum, sermonem labiorum ipsorum: \* et comprehendantur in superbia sua.

Et de execratione et mendacio annuntiabuntur in consummatione: \* in ira consummationis et non erunt.

Et scient quia Deus dominabitur Jacob, \* et finium terræ.

Convertentur ad vesperam, et famem patientur ut canes: \* et circuibunt civitatem.

Ipsi dispergentur ad manducandum: \* si vero non fuerint saturati, et murmurabunt.

Ego autem cantabo fortitudinem tuam: \* et exultabo mane misericordiam tuam,

Quia factus es susceptor meus, \* et refugium meum in die tribulationis meæ.

Adjutor meus, tibi psallam, quia Deus susceptor meus es: \* Deus meus, misericordia mea.

*Ant.* Ab insurgentibus in me libera me, Domine; quia occupaverunt animam meam.

*Ant.* Longe fecisti notos meos a me: traditus sum, et non egrediebar.

Psalmus 87.

**D**OMINE, Deus salutis meæ, \* in die clamavi et nocte coram te.

Intret in conspectu tuo oratio mea: \* inclina aurem tuam ad precem meam.

Quia repleta est malis anima mea: \* et vita mea inferno appropinquavit.

Æstimatus sum cum descendentibus in lacum: \* factus sum sicut homo sine adjutorio, inter mortuos liber.

Sicut vulnerati dormientes in sepulchris, quorum non es memor amicus: et ipsi de manu tua repulsi sunt.

Posuerunt me in lacu inferiori: in tenebrosis et in umbra mortis.

Super me confirmatus est furor tuus: et omnes fluctus tuos induxisti super me.

Longe fecisti notos meos a me: posuerunt me abominationem sibi.

Traditus sum, et non egrediebar, oculi mei languerunt præ inopia.

Clamavi ad te, Domine, tota die: expandi ad te manus meas.

Numquid mortuis facies mirabilia? aut medici suscitabunt, et constebuntur tibi?

Numquid narrabit aliquis in sepulchro misericordiam tuam, et veritatem tuam in perditione?

Numquid cognoscantur in tenebris mirabilia tua, et justitia tua in terra oblivionis?

Et ego ad te, Domine, clamavi: et mane oratio mea præveniet te.

Ut quid, Domine, repellis orationem meam, avertis faciem tuam a me?

Pauper sum ego, et in laboribus a juventute mea: exaltatus autem, humiliatus sum et conturbatus.

In me transierunt iræ tuæ, et terrores tui conturbaverunt me.

Circumdederunt me sicut aqua tota die: circumdederunt me simul.

Elongasti a me amicum et proximum, et notos meos a miseria.

Ans. Longe fecisti notos meos a me: traditus sum, et non egrediebar.

Ans. Captabunt in animam justī, et sanguinem innocentem condemnabunt.

### Psalmus 93.

**D**EUS ultionum Dominus, Deus ultionum libere egit.

Exaltare, qui iudicas terram: rede retributionem superbis.

Usquequo peccatores, Domine: usquequo peccatores gloriabuntur?

Effabuntur, et loquentur iniquitatem: loquentur omnes, qui operantur injustitiam?

Populum tuum Domine, humiliaverunt: et hereditatem tuam vexaverunt.

Viduam et advenam interfecerunt: et pupillos occiderunt.

Et dixerunt: Non videbit Dominus, nec intelliget Deus Jacob.

Intelligite insipientes in populo: et stulti aliquando sapite.

Qui plantavit aurem, non audiet? aut qui fluxit oculum, non considerat?

Qui corripit gentes, non arguet: qui docet hominem scientiam?

Dominus scit cogitationes hominum, quoniam vane sunt.

Beatus homo, quem tu erudieris, Domine, et de lege tua docueris eum.

Ut mitiges ei a diebus malis, donec sodiatur peccatori sora.

Quia non repellet Dominus plebem suam: et hereditatem suam non derelinquet.

Quoadusque justitia convertatur in iudicium: et qui iuxta illam, omnes qui recto sunt corde.

Quis consurget mihi adversus malignantes? aut quis stabit mecum adversus operantes iniquitatem?

Nisi quia Dominus adjuvit me, paulo minus habitasset in inferno anima mea.

Si dicebam: Motus est pes meus: misericordia tua, Domine, adjuvabat me.

Secundum multitudinem dolorum meorum in corde meo, consolationes tuæ lætificaverunt animam meam.

Numquid adhæret tibi sedes iniquitatis, qui fingis laborem in præcepto?

Captabunt in animam justī: et sanguinem innocentem condemnabunt.

Et factus est mihi Dominus in refugium: et Deus meus in adiutorium spei meæ.

Et reddet illis iniquitatem ipsorum,

et in malitia eorum disperdet eos, \* disperdet illos Dominus Deus noster.

*Ant.* Captabunt in animam justi: et sanguinem innocentem condemnabunt.

†. Locuti sunt adversum me lingua dolosa. †. Et sermonibus odii circumdederunt me, et expugnaverunt me gratis.

De Epistola beati Pauli Apostoli ad Hebræos.

*Lectio vij. Cap. 4.*

**F**ESTINEMUS ingredi in illam requiem, ut ne in idipsum quis incidat incredulitatis exemplum. Vivus est enim sermo Dei, et efficax, et penetrabilior omni gladio ancipiti, et pertingens usque ad divisionem animæ ac spiritus, compagum quoque ac medullarum, et discretor cogitationum et intentionum cordis. Et non est ulla creatura invisibilis in conspectu ejus: omnia autem nuda et aperta sunt oculis ejus, ad quem nobis sermo. Habentes ergo Pontificem magnum qui penetravit celos, Jesum Filium Dei, teneamus confessionem. Non enim habemus Pontificem qui non possit compati infirmitatibus nostris: tentatum autem per omnia pro similitudine absque peccato.

†. Tradiderunt me in manus impiorum, et inter iniquos projecerunt me, et non pepercerunt animæ meæ: congregati sunt adversum me fortes: \* Et sicut gigantes steterunt contra me. †. Alieni insurrexerunt adversum me, et fortes quæsierunt animam meam. Et.

*Lectio viij*

**A**DEAMUS ergo cum fiducia ad thronum gratiæ, ut misericordiam consequamur, et gratiam inveniamus in auxilio opportuno. Omnis namque Pontifex ex hominibus assumptus, pro hominibus constituitur in iis quæ sunt ad Deum, ut offerat dona et sacrificia pro peccatis: qui

condolere possit iis qui ignorant et errant, quoniam et ipse circumdatus est infirmitate. Et propterea debet quemadmodum pro populo, ita etiam et pro semetipso offerre pro peccatis.

†. Jesum tradidit impius summis principibus sacerdotum, et senioribus populi: \* Petrus autem sequebatur eum a longe, ut videret finem. †. Adduxerunt autem eum ad Caipham principem sacerdotum, ubi Scribæ et Pharisei convenerant. Petrus.

*Lectio. ix.*

**N**EC quisquam sumit sibi honorem, sed qui vocatur a Deo, tanquam Aaron. Sic et Christus non semetipsum clarificavit ut Pontifex fieret, sed qui locutus est ad eum, Filius meus es tu, ego hodie genui te. Quemadmodum et in alio loco dicit: Tu es sacerdos in æternum secundum ordinem Melchisedech. Qui in diebus carnis suæ preces supplicationesque ad eum, qui possit illum salvum facere a morte, cum clamore valido et lacrymis offerens, exauditus est pro sua reverentia. Et quidem cum esset Filius Dei, didicit ex iis quæ passus est, obedientiam: et consummatus, factus est omnibus obtemperantibus sibi causa salutis æternæ, appellatus a Deo Pontifex juxta ordinem Melchisedech.

†. Caligaverunt oculi mei a fletu meo, quia elongatus est a me qui consolabatur me. Videte omnes populi, \* Si est dolor similis sicut dolor meus. †. O vos omnes, qui transitis per viam, attendite et videte. Si. Caligaverunt.

*Ad Laudes.*

*Ant. 1.* Proprio Filio suo non percipit Deus, sed pro nobis omnibus tradidit illum.

*Psalm.* Miserere mei, p. 39.

*Ant.* Anxius est super me spiritus meus, in me turbatum est cor meum.



**Psalmus 143.**

**D**OMINE, exaudi orationem meam,  
auribus percipe obsecrationem  
meam in veritate tua: \* exaudi me  
in tua justitia.

Et non intres in iudicium cum ser-  
vo tuo: \* quia non justificabitur in  
conspectu tuo omnis vivens.

Quia persecutus est inimicus ani-  
mam meam: \* humiliavit in terra vitam  
meam.

Collocavit me in obscuris sicut mor-  
tuos sæculi: \* et auxiliatus est super  
me spiritus meus: in me turbatum est  
cor meum.

Memor fui dierum antiquorum,  
meditatus sum in omnibus operibus  
tuis: \* in factis manuum tuarum me-  
ditabar.

Expandi manus meas ad te: \* ani-  
ma mea sicut terra sine aqua tibi.

Velociter exaudi me, Domine \* de-  
fecit spiritus meus.

Non avertas faciem tuam a me: \*  
et similis ero descendentibus in la-  
cum.

Auditam fac mihi mane misericor-  
diam tuam: \* quia in te speravi.

Notam fac mihi viam, in qua am-  
bulam: \* quia ad te levavi animam  
meam.

Eripe me de inimicis meis, Domi-  
ne, ad te confugi: \* doce me facere  
voluntatem tuam, quia Deus meus  
es tu.

Spiritus tuus bonus deducet me in  
terram rectam: \* propter nomen tu-  
um, Domine, vivificabis me in æqui-  
tate tua.

Educes de tribulatione animam me-  
am: \* et in misericordia tua disperdes  
inimicos meos.

Et perdes omnes, qui tribulant ani-  
mam meam: \* quoniam ego servus  
tuus sum.

*Ant.* Auxiliatus est super me spiri-  
tus meus, in me turbatum est cor  
meum.

*Ant.* Ait latro ad latronem: Nos qui-  
dem digna factis recipimus, hic au-  
tem quid fecit? Memento mei, Do-

mine, dum veneris in regnum tuum.

*Psalm.* Deus Deus meus, p. 321.

*Ant.* Cum conturbata fuerit anima  
mea: Domine, misericordie memor  
eris.

**CANTICUM HABACUC. Cap. 3.**

**D**OMINE audiavi auditionem tu-  
am, \* et timui.

Domine, opus tuum \* in medio an-  
norum vivifica illud,

In medio annorum notum facies: \*  
cum iratus fueris, misericordie re-  
cordaberis,

Deus ab Austro veniet, \* et San-  
ctus de monte Pharan.

Operuit cælos gloria ejus: \* et lau-  
dis ejus plena est terra.

Splendor ejus ut lux erit: \* cornua  
in manibus ejus.

Ibi abscondita est fortitudo ejus: \*  
ante faciem ejus ibit mors.

Et egredietur diabolus ante pedes  
ejus: \* Stetit, et mensus est ter-  
ram.

Aspexit, et dissolvit Gentes: \* et  
contriti sunt montes sæculi.

Incurvati sunt colles mundi: \* ab  
itineribus æternitatis ejus.

Pro iniquitate vidi tentoria Æthio-  
piæ: \* turbabuntur pelles terræ Ma-  
dian.

Numquid in fluminibus iratus es,  
Domine? \* aut in fluminibus furor tu-  
us, vel in mari indignatio tua?

Qui ascendes super equos tuos: \*  
et quadrigæ tuæ salvatio

Suscitans suscitabis arcum tuum: \*  
juramenta tribubus, quæ locutus es.

Fluvios scindes terræ, viderunt te,  
et doluerunt montes: \* gurges aqua-  
rum transiit.

Dedit abyssus vocem suam: \* al-  
titude manus suas levavit.

Sol et luna steterunt in habitaculo  
suo, \* in luce sagittarum tuarum,  
ibunt in splendore fulgurantis hastæ  
tuæ.

In fremitu conculcabis terram: \* et  
in furore obstupescies Gentes.

Egressus es in salutem populi tui: \*  
in salutem cum Christo tuo.

**P**ercussisti caput de domo impij: denudasti fundamentum ejus usque ad collum.

**M**aledixisti sceptris ejus capiti bel-latorum ejus, \* venientibus ut turbo ad dispergendum me.

**E**xultatio eorum, \* sicut ejus, qui devorat pauperem in abscondito.

**V**iam fecisti in mari equis tuis, \* in luto aquarum multarum.

**A**udivi, et conturbatus est venter meus: \* a voce contremuerunt labia mea.

**I**ngrediatur putredo in ossibus meis, \* et subter me scateat.

**U**t requiescam in die tribulationis: \* ut ascendam ad populum accinctum nostrum.

**F**icus enim non florebit: \* et non erit germen in vineis.

**M**entietur opus olivæ: \* et arva non afferent cibum.

**A**bscindetur de ovili pecus: \* et non erit armentum in præsepibus.

**E**go autem in Domino gaudebo: \* et exultabo in Deo Jesu meo.

**D**eus Dominus fortitudo mea: \* et ponet pedes meos quasi cervorum.

**E**t super excelsa mea deducet me victor \* in psalmis canentem.

*Ant.* Cum conturbata fuerit anima mea, Domine, misericordiæ memor eris.

*Ant.* Memento mei, Domine, dum veneris in regnum tuum.

*Psalm.* Laudate Dominum de cœlis, p. 14.

*Ÿ.* Collocavit me in obscuris. *ñ.* Sicut mortuos sæculi.

*Ad Bened. Ant.* Posuerunt super caput ejus causam ipsius scriptam: Iesus Nazarenus, Rex Judæorum.

*Ÿ.* Christus factus est pro nobis obediens usque ad mortem, mortem autem crucis.

**P**ater noster. *Psalm.* Miserere. *O-rat.* Respice, ut heri in Laud.

*In Horis, quæ dicuntur ut heri, ad Ÿ.* Christus factus est additur mortem autem crucis.

### *Ad Vesperas.*

*Ant. et Psalmi ut heri, p. 323.*

*Ad Magnif. Ant.* Cum accepisset acetum, dixit: Consummatum est; et inclinato capite, emisit spiritum.

*Ÿ.* Christus factus est et alia, ut supra ad Laudes, p. 323.

## SABBATO SANCTO.

### *Ad Matutinum.*

#### IN I. NOCTURNO.

*Ant.* In pace in idipsum dormiam et requiescam.

#### **Psalmus 4.**

**C**UM invocarem, exaudivit me Deus justitiæ meæ: \* in tribulatione dilatasti mihi.

**M**iserere mei, \* et exaudi orationem meam.

**F**ilii hominum, usquequo gravi corde? \* ut quid diligitis vanitatem, et queritis mendacium?

**E**t scitote quoniam mirificavit Dominus sanctum suum: \* Dominus exaudiet me, cum clamavero ad eum.

**I**rascimini, et nolite peccare: \* quæ dicitis in cordibus vestris, in cubilibus vestris compungimini.

**S**acrificate sacrificium justitiæ, et sperate in Domino. \* Multi dicunt: Quis ostendit nobis bona?

**S**ignatum est super nos lumen vultus tui, Domine: \* dedisti lætitiā in corde meo.

**A** fructu frumenti, vini, et olei sui \* multiplicati sunt.

**I**n pace in idipsum \* dormiam, et requiescam.

**Q**uoniam tu, Domine, singulariter in spe \* constituisti me.

*Ant.* In pace in idipsum dormiam et requiescam.

*Ant.* Habitat in tabernaculo tuo, requiescet in monte sancto tuo.

#### **Psalmus 11.**

**D**OMINE, quis habitabit in tabernaculo tuo? \* aut quis requiescet in monte sancto tuo?

**Q**ui ingreditur sine macula; \* et operatur justitiā:

**Q**ui loquitur veritatem in corde

suo : \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timentes autem Dominum glorificat :

Qui jurat proximo suo, et non decipit, \* qui pecuniam suam non dedit ad usuram, et munera super innocentem non accepit.

Qui facit hæc, \* non movebitur in æternum.

*Ant.* Habitabit in tabernaculo tuo, requiescet in monte sancto tuo.

*Ant.* Caro mea requiescet in spe.

### Psalmus 15.

**C**ONSERVA me, Domine, quoniam speravi in te. \* Dixi Domino : Deus meus es tu : quoniam bonorum meorum non eges.

Sanctis, qui sunt in terra ejus : \* mirificavit omnes voluntates meas in eis.

Multiplicate sunt infirmitates eorum : \* postea acceleraverunt.

Non congregabo conventicula eorum de sanguinibus : \* nec memor ero nominum eorum per labia mea.

Dominus pars hereditatis meæ, et calicis mei : \* tu es qui restitues hereditatem meam mihi.

Funes ceciderunt mihi in præclaris : \* etenim hereditas mea præclara est mihi.

Benedicam Dominum, qui tribuit mihi intellectum : \* insuper et usque ad noctem increpauerunt me renes mei.

Providebam Dominum in conspectu meo semper : \* quoniam a dextris est mihi, ne commovear.

Propter hoc lætatum est cor meum, et exultavit lingua mea : \* insuper et caro mea requiescet in spe.

Quoniam non derelinques animam meam in inferno : \* nec dabis sanctum tuum videre corruptionem.

Notas mihi fecisti vias vitæ, adimplebis me lætitia cum vultu tuo : \* de-

lectiones in dextera tua usque in finem.

*Ant.* Caro mea requiescet in spe.

*Y.* In pace in idipsum. *ñ.* Dormiam et requiescam.

### De Lamentatione Jeremiæ Prophetæ.

*Lectio j.*

*Cap. 3. Beth.*

**M**ISERICORDIÆ Domini quia non sumus consumpti : quia non defecerunt miserationes ejus.

*Beth.* Novi diluculo, multa est fides tua.

*Beth.* Pars mea Dominus, dixit anima mea : propterea expectabo eum.

*Teth.* Bonus est Dominus sperantibus in eum, animæ querenti illum.

*Teth.* Bonum est præstolari cum silentio salutare Dei.

*Teth.* Bonum est viro, cum portaverit jugum ab adolescentia sua.

*Iod.* Sedebit solitarius et tacebit, quia levavit super se.

*Iod.* Ponet in pulvere os suum, si forte sit spes.

*Iod.* Dabit percutienti se maxillam, saturabitur opprobriis.

Jerusalem, Jerusalem, convertere ad Dominum Deum tuum.

*ñ.* Sicut ovis ad occisionem ductus est, et dum male tractaretur, non aperuit os suum : traditus est ad mortem, \* Ut vivificaret populum suum. *Y.* Tradidit in mortem animam suam, et inter sceleratos reputatus est. Ut.

*Lectio ij.* *Cap. 4. Aleph.*

**Q**UOMODO obscuratum est aurum, mutatus est color optimus ; dispersi sunt lapides Sanctuarii in capite omnium platearum !

*Beth.* Filii Sion inclyti et amicti auro primo : quomodo reputati sunt in vasa testea, opus manuum figuli !

*Ghimel.* Sed et laminae nudaverunt mammam : lactaverunt catulos suos : filia populi mei crudelis, quasi struthio in deserto.

*Daleth.* Adhæsit lingua lactentis



ad palatum ejus in siti : parvuli petierunt panem, et non erat qui frangeret eis.

*He.* Qui vescebantur voluptuose, interierunt in viis : qui nutriebantur in croceis, amplexati sunt stercorea.

*Vau.* Et major effecta est iniquitas filiae populi mei peccato Sodomorum, quae subversa est in momento, et non ceperunt in ea manus.

Jerusalem, Jerusalem, convertere ad Dominum Deum tuum.

*q.* Jerusalem, surge, et exue te vestibus jucunditatis : induere cinere et cilicio, \* Quia in te occisus est Salvator Israel. *y.* Deduc quasi torrentem lacrymas per diem et noctem, et non taceat pupilla oculi tui. Quia.

Incipit Oratio Jeremiae Prophetae.

*Lectio iij. Cap. 5.*

**RECORDARE**, Domine, quid acciderit nobis : intueri et respice opprobrium nostrum. Haereditas nostra versa est ad alienos, domus nostrae ad extraneos. Pupilli facti sumus absque patre, matres nostrae quasi viduae. Aquam nostram pecunia bibimus, ligna nostra pretio comparavimus. Cervicibus nostris minabamur, lassissimis non dabatur requies. Aegypto dedimus manum, et Assyriis, ut saturaremur pane. Patres nostri peccaverunt et non sunt, et nos iniquitates eorum portavimus. Servi dominati sunt nostri : non fuit qui redimeret de manu eorum. In animabus nostris afferebamus panem nobis, a facie gladii in deserto. Pellis nostra quasi clibanus exusta est a facie tempestatum famis. Mulieres in Sion humiliaverunt, et virgines in civitatibus Juda.

Jerusalem, Jerusalem, convertere ad Dominum Deum tuum.

*q.* Plange quasi virgo, plebs mea : ululate, pastores, in cinere et cilicio : \* Quia venit dies Domini magna et amara valde. *y.* Accingite

vos, sacerdotes, et plangite, ministri altaris, aspergite vos cinere. Quia. Plange.

## IN II. NOCTURNO.

*Ant.* Elevamini, portae aeternales, et introibit Rex gloriae.

### Psalmus 23.

**DOMINI** est terra, et plenitudo ejus : \* orbis terrarum et universi qui habitant in eo.

Quia ipse super maria fundavit eum : \* et super flumina praeparavit eum.

Quis ascendet in montem Domini ? \* aut quis stabit in loco sancto ejus ?

Innocens manibus, et mundo corde, \* qui non accepit in vano animam suam, nec juravit in dolo proximo suo.

Hic accipiet benedictionem a Domino, \* et misericordiam a Deo salutari suo.

Haec est generatio quaerentium eum, \* quaerentium faciem Dei Jacob.

Attollite portas, principes, vestras ; et elevamini, portae aeternales : \* et introibit Rex gloriae.

Quis est iste Rex gloriae ? \* Dominus fortis et potens, Dominus potens in praelio.

Attollite portas, principes, vestras, et elevamini, portae aeternales ; \* et introibit Rex gloriae.

Quis est iste Rex gloriae ? \* Dominus virtutum ipse est Rex gloriae.

*Ant.* Elevamini, portae aeternales, et introibit Rex gloriae.

*Ant.* Credo videre bona Domini in terra viventium.

### Psalmus 26.

**DOMINUS** illuminatio mea et salus mea, \* quem timebo ?

Dominus protector vitae meae : \* a quo trepidabo ?

Dum appropiant super me nocentes, \* ut edant carnes meas.

Qui tribulant me inimici mei, \* ipsi infirmati sunt, et ceciderunt.

Si consistent adversum me castra,\*  
non timebit cor meum.

Si exurgat adversum me praelium,\*  
in hoc ego sperabo.

Unam petii a Domino, hanc requiram,\*  
ut inhabitem in domo Domini  
omnibus diebus vite mee.

Ut videam voluptatem Domini,\* et  
visitem templum ejus.

Quoniam abscondit me in tabernaculo suo : \* in die malorum protexit me in abscondito tabernaculi sui.

In petra exaltavit me : \* et nunc exaltavit caput meum super inimicos meos.

Circuivi, et immolavi in tabernaculo ejus hostiam vociferationis : \* cantabo, et psalmum dicam Domino.

Exaudi, Domine, vocem meam, qua clamavi ad te : \* miserere mei, et exaudi me.

Tibi dixit cor meum, exquisivit te facies mea : \* faciem tuam, Domine, requiram.

Ne avertas faciem tuam a me : \* ne declines in ira a servo tuo.

Adjutor meus esto : \* ne derelinquas me, neque despicias me, Deus salutaris meus.

Quoniam pater meus et mater mea dereliquerunt me : \* Dominus autem assumpsit me.

Legem pone mihi, Domine, in via tua : \* et dirige me in semitam rectam propter inimicos meos.

Ne tradideris me in animas tribulantium me : \* quoniam insurrexerunt in me testes iniqui, et mentita est iniquitas sibi.

Credo videre bona Domini\* in terra viventium.

Expecta Dominum, viriliter age : \* et confortetur cor tuum : et sustine Dominum.

Ant. Credo videre bona Domini in terra viventium.

Ant. Domine, abstraxisti ab inferis animam meam.

### Psalmus 38.

**EXALTABO** te, Domine, quoniam suscepisti me : \* nec delectasti inimicos meos super me.

Domine, Deus meus, clamavi ad te, \* et sanasti me.

Domine, eduxisti ab inferno animam meam : \* salvasti me a descendentibus in lacum.

Psallite Domino sancti ejus : \* et confitemini memorie sanctitatis ejus.

Quoniam ira in indignatione ejus : \* et vita in voluntate ejus.

Ad vesperum demorabitur fletus : \* et ad matutinum lætitia.

Ego autem dixi in abundantia mea : \* Non movebor in æternum.

Domine, in voluntate tua, \* præstitisti decori meo virtutem.

Avertisti faciem tuam a me : \* et factus sum conturbatus.

Ad te, Domine, clamabo : \* et ad Deum meum deprecabor.

Quæ utilitas in sanguine meo ; \* dum descendo in corruptionem ?

Numquid confitebitur tibi pulvis ; \* aut annuntiabit veritatem tuam ?

Audivit Dominus, et misertus est mei : \* Dominus factus est adjutor meus.

Convertisti planctum meum in gaudium mihi : \* conscidisti saccum meum, et circumdediti me lætitia.

Ut cantet tibi gloria mea, et non compungar : \* Domine, Deus meus, in æternum confitebor tibi.

Ant. Domine, abstraxisti ab inferis animam meam.

ŷ. Tu autem, Domine, miserere mei. ḡ. Et resuscita me, et retribuas eis.

Ex Tractatu S. Augustini Episcopi  
super Psalmos.

In Psalm. 63 vers. 7.

Lectio iv.

**ACCEDET** homo ad cor altum, et exaltabitur Deus. Illi dixerunt: Quis nos videbit? Defecerunt scrutantes scrutationes, consilia mala. Accessit homo ad ipsa consilia, passus est se teneri ut homo. Non enim teneretur nisi homo, aut videretur nisi homo, aut crucifigeretur, aut moreretur nisi homo. Accessit ergo homo ad illas omnes passiones, quæ

in illo nihil valerent, nisi esset homo. Sed si ille non esset homo, non liberaretur homo. Accedit homo ad cor altum, id est, cor secretum, objiciens aspectibus humanis hominem, servans intus Deum: celans formam Dei, in qua æqualis est Patri, et offerens formam servi, qua minor est Patre.

¶. Necessit pastor noster, fons aquæ vivæ, ad cujus transitum sol obscuratus est. \* Nam et ille captus est, qui captivum tenebat primum hominem: hodie portas mortis et aeras pariter Salvator noster dirupit. ¶. Destruxit quidem claustra inferni, et subvertit potentias diaboli. Nam.

## Lectio v.

**Q**UO perduxerunt illas scrutationes suas, quas perscrutantes defecerunt, ut etiam mortuo Domino et sepulto, custodes ponerent ad sepulchrum? Dixerunt enim Pilato: Seductor ille. Hoc appellabatur nomine Dominus Jesus Christus, ad solatium servorum suorum, quando dicuntur seductores. Ergo illi Pilato: Seductor ille, inquiunt, dixit adhuc vivens: Post tres dies resurgam. Jube itaque custodiri sepulchrum usque in diem tertium, ne forte veniant discipuli ejus, et furentur eum, et dicant plebi, Surrexit a mortuis: et erit novissimus error peior priore. Ait illis Pilatus: Habetis custodiam, ite, custodite sicut scitis. Illi autem abeuntes, munierunt sepulchrum, signantes lapidem cum custodibus.

¶. ¶. vos omnes, qui transitis per viam, attendite et videte, \* Si est dolor similis sicut dolor meus. ¶. Attendite, universi populi, et videte dolorem meum. Si.

## Lectio vi.

**P**OSUERUNT custodes milites ad sepulchrum, Concussa terra, Dominus resurrexit: miracula facta sunt talia circa sepulchrum, ut et ipsi milites, qui custodes advenerant, testes fierent, si vellent vera nuntiare. Sed

avaritia illa quæ captivavit discipulum comitem Christi, captivavit et militem custodem sepulchri. Damus, inquiunt, vobis pecuniam, et dicite quia vobis dormientibus venerunt discipuli ejus, et abstulerunt eum. Vere defecerunt scrutantes scrutationes. Quid est quod dixisti, o infelix astutia? Tantumne deseris lucem consilii pietatis, et in profunda versutiæ demergeris, ut hoc dicas: Dicite quia vobis dormientibus venerunt discipuli ejus, et abstulerunt eum? Dormientes testes adhibes? vere tu ipse obdormisti, qui scrutando talia defecisti.

¶. Ecce quomodo moritur justus, et nemo percipit corde; et viri justi tolluntur, et nemo considerat. A facie iniquitatis sublatus est justus, \* Et erit in pace memoria ejus. ¶. Tanquam agnus coram tendente se obmutuit, et non aperuit os suum; de angustia et de judicio sublatus est. Et. Ecce.

## IN III. NOCTURNO.

*Ant.* Deus adjuvat me: et Dominus susceptor est animæ meæ.

## Psalmus 53.

**D**EUS, in nomine tuo salvum me fac: \* et in virtute tua judica me.

Deus exaudi orationem meam: \* auribus percipe verba oris mei.

Quoniam alieni insurrexerunt adversum me, et fortes quæsierunt animam meam: \* et non proposuerunt Deum ante conspectum suum.

Ecce enim Deus adjuvat me: \* et Dominus susceptor est animæ meæ.

Averte mala inimicis meis: \* et in veritate tua disperde illos.

Voluntarie sacrificabo tibi, \* et confitebor nomini tuo, Domine, quoniam bonum est.

Quoniam ex omni tribulatione, eripuisti me: \* et super inimicos meos despexit oculus meus.

*Ant.* Deus adjuvat me, et Dominus susceptor est animæ meæ.

*Ant.* In pace factus est locus ejus, et in Sion habitatio ejus.



**Psalmus 75.**

**NOTUS** in Judæa Deus: \* in Israel magnum nomen ejus.

Et factus est in pace locus ejus: \* et habitatio ejus in Sion.

Ibi confregit potentias arcuum, \* scutum, gladium, et bellum.

Illuminans tu mirabiliter a montibus æternis: \* turbati sunt omnes insipientes corde.

Dormierunt somnum suum: \* et nihil invenerunt omnes viri divitiarum in manibus suis.

Ab increpatione tua, Deus Jacob, \* dormitaverunt qui ascenderunt e- quos.

Tu terribilis es, et quis resistet ti- bi? \* ex tunc ira tua.

De celo auditum fecisti judicium: \* terra tremuit, et quievit,

Cum exurgeret in judicium Deus, \* ut salvos faceret omnes mansuetos terræ.

Quoniam cogitatio hominis confite- bitur tibi: \* et reliquæ cogitationis diem festum agent tibi.

Vovete, et reddite Domino Deo ve- stro, \* omnes qui in circuitu ejus af- fertis munera,

Terribili, et ei qui aufert spiri- tum principum, \* terribili apud re- ges terræ.

*Ant.* In pace factus est locus ejus, et in Sion habitatio ejus.

*Ant.* Factus sum sicut homo sine adjutorio, inter mortuos liber.

**Psalmus 87.**

**DOMINE**, Deus salutis meæ, \* in die clamavi et nocte coram te.

Intret in conspectu tuo oratio me- a: \* inclina aurem tuam ad precem meam.

Quia repleta est malis anima me- a: \* et vita mea inferno appropin- quavit.

Æstimatus sum cum descendentibus in lacum: \* factus sum sicut homo sine adjutorio, inter mortuos liber.

Sicut vulnerati dormientes in sepul- chris, quorum non es memor am-

plius: \* et ipsi de manu tua repulsi sunt.

Posuerunt me in lacu inferiori: \* in tenebrosis et in umbra mortis.

Super me confirmatus est furor tu- us: \* et omnes fluctus tuos induxi- sti super me.

Longe fecisti notos meos a me: \* posuerunt me abominationem sibi.

Traditus sum, et non egrediebar, \* oculi mei languerunt præ inopia.

Clamavi ad te, Domine, tota die: \* expandi ad te manus meas.

Numquid mortuis facies mirabilia? \* aut medici suscitabunt, et confitebun- tur tibi?

Numquid narrabit aliquis in sepul- chro misericordiam tuam, \* et veri- tatem tuam in perditione?

Numquid cognoscentur in tenebris mirabilia tua, \* et justitia tua in terra oblivionis?

Et ego ad te, Domine, clamavi: \* et mane oratio mea præveniet te.

Ut quid, Domine, repellis oratio- nem meam, \* avertis faciem tuam a me?

Pauper sum ego, et in laboribus a juventute mea: \* exaltatus autem, humiliatus sum et conturbatus.

In me transierunt iræ tuæ: \* et terrores tui conturbaverunt me.

Circumdederunt me sicut aqua to- ta die: \* circumdederunt me simul.

Elongasti a me amicum et proxi- mum, \* et notos meos a miseria.

*Ant.* Factus sum sicut homo sine adjutorio, inter mortuos liber.

*γ.* In pace factus est locus ejus.  
*η.* Et in Sion habitatio ejus.

De Epistola B. Pauli Apostoli ad Hebræos.

*Lectio vij.*

*Cap. 9.*

**CHRISTUS** assistens Pontifex fu- turorum bonorum, per amplius et perfectius tabernaculum non manu factum, id est, non hujus creatio- nis: neque per sanguinem hircorum aut vitulorum, sed per proprium sanguinem introivit semel in sancta, æterna redemptione inventa. Si enim

sanguis hircorum et taurorum, et cinis vitulae aspersus inquinatos sanctificat ad emundationem carnis, quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?

¶ Astiterunt reges terrae, et principes convenerunt in unum \* Adversus Dominum, et adversus Christum ejus. ¶ Quare fremuerunt gentes, et populi meditati sunt inania? Adversus.

*Lectio viij.*

**E**T ideo novi testamenti mediator est, ut, morte intercedente, in redemptionem earum praevaricationum quae erant sub priori testamento, repromissionem accipiant qui vocati sunt aeternae hereditatis. Ubi enim testamentum est, mors necesse est intercedat testatoris. Testamentum enim in mortuis confirmatum est: alioquin nondum valet, dum vivit qui testatus est. Unde nec primum quidem sine sanguine dedicatum est.

¶ Estimatus sum cum descendentibus in lacum: \* Factus sum sicut homo sine adiutorio, inter mortuos liber. ¶ Posuerunt me in lacu inferiori, in tenebrosis, et in umbra mortis. Factus.

*Lectio ix.*

**L**ECTO enim omni mandato legis a Moyse universo populo, accipiens sanguinem vitulorum et hircorum, cum aqua et lana coccinea et hyssopo, ipsum quoque librum et omnem populum aspersit, dicens: Hic sanguis testamenti, quod mandavit ad vos Deus. Etiam tabernaculum et omnia vasa ministerii sanguine similiter aspersit. Et omnia pene in sanguine secundum legem mundantur, et sine sanguinis effusione non fit remissio.

¶ Sepulto Domino, signatum est monumentum, volventes lapidem ad ostium monumenti; \* Ponentes mili-

tes, qui custodirent illum. ¶ Accedentes principes sacerdotum ad Pilatum, petierunt illum. Ponentes. Sepulto.

*Ad Laudes*

*Ant.* O mors, ero mors tua, morsus tuus ero, inferne.

*Psalm.* Misere mei, p. 39.

*Ant.* Plangent eum quasi unigenitum, quia innocens Dominus occisus est.

*Psalmus 42.*

**J**UDICA me, Deus, et discerne causam meam de gente non sancta: \* ab homine iniquo et doloso erue me.

Quia tu es, Deus, fortitudo mea: quare me repulisti? et quare tristis incedo, dum affligit me inimicus?

Emitte lucem tuam, et veritatem tuam: \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei: \* ad Deum, qui laetificat juventutem meam.

Confitebor tibi in cithara, Deus, Deus meus: \* quare tristis es, anima mea? et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

*Ant.* Plangent eum quasi unigenitum, quia innocens Dominus occisus est.

*Ant.* Attendite, universi populi, et videte dolorem meum.

*Psalm.* Deus Deus meus, p. 321.

*Ant.* A porta inferi erue, Domine, animam meam.

*CANTICUM EZECHIAE*

*Isaia 38.*

**E**GO dixi: In dimidio dierum meorum \* vadam ad portas inferi.

Quaesi, residuum annorum meorum, \* dixi: Non videbo Dominum Deum in terra viventium.

Non aspiciam hominem ultra, \* et habitatorem quietis.

Generatio me ablata est, et con-

voluta est a me, \* quasi tabernaculum pastorum.

**Præcisa** est velut a texente vita mea dum adhuc ordiret, succidit me: \* de mane usque ad vesperam finies me.

**Sperabam** usque ad mane, \* quasi leo sic contrivit omnia ossa mea:

**De mane** usque ad vesperam finies me: \* sicut pullus hirundinis sic clamabo, meditabor ut columba.

**Attenuati** sunt oculi mei, \* suspicientes in excelsum.

**Domine**, vim patior, responde pro me. \* Quid dicam, aut quid respondebit mihi, cum ipse fecerit?

**Recogitabo** tibi omnes annos meos \* in amaritudine animæ meæ.

**Domine**, si sic vivitur, et intalibus vita spiritus mei, corripies me, et vivificabis me. \* Ecce in pace amaritudo mea amarissima.

**Tu autem** eruisti animam meam, ut non periret: \* projecisti post tergum tuum omnia peccata mea.

**Quia** non infernus confitebitur tibi neque mors laudabit te: \* non expectabunt, qui descendunt in lacum, veritatem tuam.

**Vivens vivens** ipse confitebitur tibi, sicut et ego hodie: \* pater filiis notam faciet veritatem tuam.

**Domine**, salvum me fac, \* et psalmos nostros cantabimus cunctis diebus vitæ nostræ in domo Domini.

**Ant. A** porta inferi erue, Domine, animam meam.

**Ant. O** vos omnes, qui transitis per viam, attendite et videte, si est dolor sicut dolor meus.

**Psalm.** Laudate Dominum de cœlis, p. 14.

**ŷ.** Caro mea requiescet in spe. **q.** Et non dabis Sanctum tuum videre corruptionem.

**Ad Bened. Ant.** Mulieres sedentes ad monumentum lamentabuntur, flentes Dominum.

**ŷ.** Christus factus es pro nobis obediens usque ad mortem, mortem autem crucis: propter quod et Deus exaltavit illum, et dedit illi nomen, quod est super omne nomen.

**Pater noster.** *Psalm.* Miserere. **O**rat. Respice, ut supra, p. 323.

*Et sic dicitur usque ad Nonam.*

*Dictis Horis ut supra, p. 323. dicitur Missa ut in Ordinario, et facta Communionis Sacerdotis, statim pro Vesp. dicitur.*

**Ant.** Alleluia, alleluia, alleluia.

**Psalm.** Laudate Dominum omnes gentes, p. 88. cum Gloria Patri. **Et** repetitur **Ant.** Alleluia.

**Capit.** Hymnus et ŷ. non dicuntur.

**Ad Magnif. Ant.** Vespere autem sabbati, quæ lucescit in prima sabbati, venit Maria Magdalene et altera Maria videre sepulchrum, alleluia.

**Cant.** Magnificat, p. 88. cum Gloria Patri. **Et** repetitur **Ant.** Vespere autem sabbati.

*Deinde Sacerdos dicit Dominus vobiscum.*

**Oremus.** *Oratio.*

**SPIRITUM** nobis, Domine, tuæ charitatis infunde, ut quos sacramentis Paschalibus satiasti, tua facias pietate concordes. Per Dominum, in unitate ejusdem.

*Deinde. Dominus vobiscum.*

*Postea Diaconus dicit. Ite Missa est, alleluia, alleluia. q. Deo gratias, alleluia, alleluia.*

*Extra Chorum; dicto Pater noster et Ave Maria, Vesp. inchoantur absolute ab Ant. Alleluia cum reliq. ut supra; loco Ite Missa est, alleluia, alleluia, dicitur ŷ. Benedicamus Domino, allel.allel. q. Deo gratias, alleluia, allel.*

*Deinde additur Pater noster, et nihil aliud.*

**Ad Completorium ŷ.** Jube domne.

**Lectio br.** Fratres Sobrii. **ŷ.** Adjutorium nostrum. Pater noster, et facta Confess. et Absol., dicitur ŷ. Convertite nos Deus. **ŷ.** Deus in adjutorium. Gloria Patri, et amplius non dicitur Laus tibi Domine Rex æternæ gloriæ; sed ejus loco deinceps dicitur Alleluia.

*Deinde sine Ant. dicuntur Psalmi*



consueti. Capit. 7. et Hymnus non dicuntur.

Ad Nunc dimittis, Ant. Vespere autem: ut supra in Vesp. Orat. Vi-

sita, quæsumus, ut in Psalt., p. 103.

In fine Ant. Regina cœli, p. 104.

Et non flectuntur genua toto tempore Paschali.

## DOMINICA RESURRECTIONIS.

### Ad Matutinum.

Pater noster. Ave Maria. Credo.

7. Domine labia. Deus in adjutorium. Gloria Patri. Alleluia.

Invit. Surrexit Dominus vere, Alleluia.

Psalm. Venite exultemus, p. 1.

Hymni et Capit. non dicuntur in aliqua Horarum usque ad Vesp. Sab-  
bati in Albis, nec Vers. nisi in No-  
cturnis.

### AD NOCTURNUM.

Ant. Ego sum qui sum, et con-  
siliū meum non est cum impiis, sed  
in lege Domini voluntas mea est, al-  
leluia.

### Psalmus 1.

**B**EATUS vir qui non abiit in con-  
silio impiorum, et in via pec-  
catorum non stetit, et in cathedra  
pestilentie non sedit:

Sed in lege Domini voluntas ejus, et  
in lege ejus meditabitur die ac  
nocte.

Et erit tanquam lignum, quod plan-  
tatum est secus decursus aquarum, et  
quod fructum suum dabit in tempo-  
re suo.

Et folium ejus non defluet: et  
omnia quæcumque faciet, prospera-  
buntur.

Non sic impij, non sic: sed tan-  
quam pulvis, quem projicit ventus a  
facie terre.

Ideo non resurgent impij in judi-  
cia: neque peccatores in concilio  
justorum.

Quoniam novit Dominus viam ju-  
storum: et iter impiorum peribit.

Gloria Patri, et Filio, et Spiritui  
sancto.

Sicut erat in principio, etc.

Ant. Ego sum qui sum, et con-  
siliū meum non est cum impiis,  
sed in lege Domini voluntas mea est,  
alleluia.

Ant. Postulavi Patrem meum, al-  
leluia: dedit mihi Gentes, alleluia,  
in hereditatem, alleluia.

### Psalmus 2.

**Q**UARE fremuerunt gentes, et  
populi meditati sunt inania?

Aspicerunt reges terre, et prin-  
cipes convenerunt in unum adversus  
Dominum, et adversus Christum ejus.

Dirumpamus vincula eorum: et  
projiciamus a nobis jugum ipsorum.

Qui habitat in cœlis, irridebit eos,  
et Dominus subsannabit eos.

Tunc loquetur ad eos in ira sua:  
et in furore suo conturbabit eos.

Ego autem constitutus sum Rex ab  
eo super Sion montem sanctum ejus:  
predicans præceptum ejus.

Dominus dixit ad me: Filius meus  
es tu, ego hodie genui te.

Postula a me, et dabo tibi gentes  
hereditatem tuam, et possessionem  
tuam terminos terre.

Reges eos in virga ferrea, et tan-  
quam vas figuli confringes eos.

Et nunc, reges, intelligite: eru-  
dimini, qui judicatis terram.

Servite Domino in timore: et exul-  
late ei cum tremore.

Apprehendite disciplinam, nequando irascatur Dominus, \* et pereatis de via justa.

Cum exarserit in brevi ira ejus, \* beati omnes qui confidunt in eo.

*Ant.* Postulavi Patrem meum, alleluia: dedit mihi Gentes, alleluia, in hæreditatem, alleluia.

*Ant.* Ego dormivi, et somnum cœpi, et exurrexi; quoniam Dominus suscepit me, alleluia, alleluia.

### Psalmus 5.

**D**OMINE, quid multiplicati sunt qui tribulant me? \* multi insurgunt adversum me.

Multi dicunt animæ meæ: \* Non est salus ipsi in Deo ejus.

Tu autem, Domine, susceptor meus es, \* gloria mea, et exultans caput meum.

Voce mea ad Dominum clamavi: \* et exaudivit me de monte sancto suo.

Ego dormivi, et soporatus sum: \* et exurrexi, quia Dominus suscepit me.

Non timebo millia populi circumdantis me: \* exurge, Domine, salvum me fac, Deus meus.

Quoniam tu percussisti omnes adversantes mihi sine causa: \* dentes peccatorum contrivisti.

Domini est salus: \* et super populum tuum benedictio tua.

*Ant.* Ego dormivi, et somnum cœpi, et exurrexi; quoniam Dominus suscepit me, alleluia, alleluia.

†. Surrexit Dominus de sepulchro, alleluia. †. Qui pro nobis pependit in ligno, alleluia.

*Pater. Absol.* Exaudi, †. *Jube.*

*Bened.* Evangelica lectio.

Lectio sancti Evangelii secundum Marcum.

*Lectio j.* Cap. 16.

**I**N illo tempore: Maria Magdalene, et Maria Jacobi, et Salome emerunt aromata, ut venientes ungerent Jesum. Et reliqua.

Homilia S. Gregorii Papæ.

*Homil. xi. in Evangelia.*

**A**UDISTIS, fratres charissimi, quod sanctæ mulieres, quæ Dominum fuerant secutæ, cum aromatibus ad monumentum venerunt, et ei, quem viventem dilexerant, etiam mortuo, studio humanitatis obsequuntur. Sed res gesta aliquid in sancta Ecclesia signat gerendum. Sic quippe necesse est ut audiamus quæ facta sunt, quatenus cogitemus etiam quæ nobis sint ex eorum imitatione facienda. Et nos ergo in eum qui est mortuus credentes, si odore virtutum referti, cum opinione bonorum operum Dominum quærimus, ad monumentum profecto illius cum aromatibus venimus. Illæ autem mulieres Angelos vident, quæ cum aromatibus venerunt; quia videlicet illæ mentes supernos cives aspiciunt, quæ cum virtutum odoribus ad Dominum per sancta desideria proficiscuntur. Tu autem.

†. Angelus Domini descendit de cælo, et accedens revolvit lapidem, et super eum sedit, et dixit mulieribus: \* Nolite timere: scio enim quia crucifixum quæritis; jam surrexit: venite et videte locum, ubi positus erat Dominus, alleluia. †. Et introeuntes in monumentum, viderunt juvenem sedentem in dextris, coopertum stola candida, et obstupuerunt: qui dixit illis. Nolite. Gloria Patri. *Et repetitur.* †. Angelus Domini, usque ad †.

*Bened.* Divinum auxilium.

*Lectio ij.*

**N**OTANDUM vero nobis est quidnam sit, quod in dextris sedere Angelus cernitur. Quid namque per sinistram, nisi vita præsens? quid vero per dexteram, nisi perpetua vita designatur? unde in Canticis canticorum scriptum est: Laeva ejus sub capite meo, et dextera illius amplexabitur me. Quia ergo Redemptor noster jam præsentis vitæ corruptionem transierat, recte Angelus, qui nuntiare perennem ejus vitam venerat, in dextera sedebat. Qui stola candida coopertus apparuit, quia festivitatis no-

stræ gaudia nuntiavit. Candor etenim vestis splendorem nostræ denuntiat solemnitatis. Nostræ dicamus, an suæ? Sed ut fateamur verius, et suæ dicamus et nostræ. Illa quippe Redemptoris nostri resurrectio et nostra festivitas fuit, quia nos ad immortalitatem reduxit: et Angelorum festivitas extitit, quia nos revocando ad cœlestia, eorum numerum implevit.

*℟.* Cum transisset sabbatum, Maria Magdalene, et Maria Jacobi, et Salome emerunt aromata, \* Ut venientes ungerent Jesum, alleluia, alleluia. *℣.* Et valde mane una sabbatorum veniunt ad monumentum, orto jam sole. *Ut. Gloria. Ut.*

*Bened. Ad societatem.*

*Lectio iij.*

**I**N sua ergo ac nostra festivitate Angelus in albis vestibus apparuit: quia dum nos per resurrectionem Dominicam ad superna reducimur, cœlestis patriæ damna reparantur. Sed quid adventantes feminas affatur audiamus: Nolite expavescere. Ac si aperte dicat. Paveant illi qui non amant adventum supernorum civium: pertimescant qui carnalibus desideriis pressi, ad eorum se societatem pertingere posse desperant. Vos autem cur pertimescitis, quæ vestros concives videtis? Unde et Matthæus Angelum apparuisse describens, ait: Erat aspectus ejus sicut fulgur, et vestimenta ejus sicut nix. In fulgure etenim terror timoris est; in nive autem blandimentum candoris.

*Te Deum laudamus, p. 12.*

### *Ad Laudes.*

*Ant. 1.* ANGELUS autem Domini descendit de cœlo, et accedens revolvit lapidem, et sedebat super eum, alleluia, alleluia.

*2.* Et ecce terræmotus factus est magnus: Angelus enim Domini descendit de cœlo, alleluia.

*3.* Erat autem aspectus ejus sicut fulgur, vestimenta autem ejus sicut nix, alleluia, alleluia.

*4.* Præ timore autem ejus exterriti

sunt custodes, et facti sunt velut mortui, alleluia.

*5.* Respondens autem Angelus, dixit mulieribus. Nolite timere; scio enim quod Jesum quæritis, alleluia.

*Capit. Hymn. et ℣. non dicuntur; sed eorum loco Ant.*

**H**ÆC dies quam fecit Dominus: exultemus, et lætemur in ea.

*Ad Bened. Ant.* Et valde mane una sabbatorum veniunt ad monumentum, orto jam sole, allel.

*Oratio.*

**D**EUS, qui hodierna die per Unigenitum tuum æternitatis nobis aditum devicta morte reserasti, vota nostra, quæ præveniundo aspiras, etiam adjuvando proseguere. Per eundem Dominum.

*℣.* Dominus vobiscum *℟.* Et cum spiritu tuo. *℣.* Benedicamus Domino, alleluia, alleluia. *℟.* Deo gratias, alleluia, alleluia.

*Sic dicitur in Vesp. et Laud. tantum usque ad Vesp. Sabbati in Albis esclusive.*

*Ad Primam, Tertiam, Sextam et Nonam, post Deus in adjutorium et Gloria Patri dicuntur Psalmi consueti: ad Primam tamen ut in Festis: scilicet, Deus in nomine tuo, Beati immaculati, et Retribue. Quibus finitis, dicitur Ant. Hæc dies; postea Oratio, quæ ad Primam dicitur ut in Psalt Domine Deus omnipotens, p. 20. Pretiosa cum reliquis, et ad Absol. Capit. Lectio br. Si consurrexistis, ut in Psalt. p. 21.*

*Ad alias autem Horas, post Ant. Hæc dies: dicitur Oratio quæ ponitur in Laudibus.*

### *Ad Vesperas.*

*Ant. de Laud. Psalmi de Dom. Et sic dicitur usque ad Vesp. Sabb.*

*Postea Ant. Hæc dies, ut sup.*

*Ad Magnif. Ant.* Et respicientes viderunt revolutum lapidem: erat quippe magnus valde, allel.

*Ad Completorium, dicto ℣. Jube. Fratres sobrii. ℣. Adjutorium no-*



strum. Pater noster, et facta confess. et Absol., post. *ŷ.* Convertite nos. *ŷ.* Deus in adjutorium. Gloria Patri. Alleluia. dicuntur *Psalmi consueti*, quibus finitis, dicitur Alleluia, alleluia, alleluia, alleluia.

Deinde Cant. Nunc dimittis.

Postea Ant. Hæc dies. Oratio Visita quæsumus, p. 103.

Hic modus Horarum servatur usque ad Vesp. Sabb. in Albis.

### FERIA SECUNDA

Ad Matut. Invit. Ant. et Psalmi ad Noct. et Laud. dicuntur ut in die Paschæ per totam Octavam.

*ŷ.* Surrexit Dominus de sepulchro, alleluia. *ŷ.* Qui pro nobis pependit in ligno, alleluia.

In hac et seq. Feriis Absol. ut notatur sub init. Psalt. Bened. vero ut in die Festi.

Lectio sancti Evangelii secundum Lucam.

Lectio j. Cap. 24.

**I**n illo tempore: Duo ex discipulis Jesu ibant ipsa die in castellum, quod erat in spatio stadiorum sexaginta ab Jerusalem; nomine Emmaus. Et reliqua.

Homilia sancti Gregorii Papæ.

Homilia 23 in Evangelia.

**A**UDISTIS, fratres charissimi, quia duobus discipulis ambulantibus in via, non quidem credentibus, sed tamen de se loquentibus Dominus apparuit; sed eis speciem, quam recognoscerent, non ostendit. Hoc ergo egit foris Dominus in oculis corporis, quod apud ipsos agebatur intus in oculis cordis. Ipsi namque apud semetipsos intus et amabant, et dubitabant: eis autem Dominus foris et præsens aderat, et quis esset non ostendebat. De se ergo loquentibus præsentiam exhibuit: sed de se dubitantibus cognitionis suæ speciem abscondit.

*ŷ.* Maria Magdalene et altera Maria ibant diluculo ad monumentum. \* Jesum quem quæritis, non est hic; surrexit sicut locutus est, præcedet vos

in Galileam; ibi eum videbitis, alleluia, alleluia. *ŷ.* Et valde mane una sabbatorum veniunt ad monumentum, orto jam sole: et introeuntes viderunt juvenem sedentem in dextris, qui dixit illis. Jesum.

Lectio ij.

**V**ERBA quidem contulit, duritiam intellectus increpavit, sacræ Scripturæ mysteria, quæ de seipso erant, aperuit: et tamen quia adhuc in eorum cordibus peregrinus erat a fide, se ire longius finxit. Fingere namque componere dicimus: unde et compositores luti figulos vocamus. Nihil ergo simplex Veritas per duplicitatem fecit: sed talem se eis exhibuit in corpore, qualis apud illos erat in mente. Probandi autem erant, si hi qui eum etsi necdum ut Deum diligerent, saltem ut peregrinum amare potuissent.

*ŷ.* Surrexit pastor bonus, qui animam suam posuit pro ovibus suis, et pro grege suo mori dignatus est: \* Alleluia, alleluia, alleluia. *ŷ.* Etenim Pascha nostrum immolatus est Christus. Alleluia. Gloria. Alleluia.

Lectio iij.

**S**ED quia esse extranei a charitate non poterant hi, cum quibus Veritas gradiebatur, eum ad hospitium quasi peregrinum vocant. Cur autem dicimus, vocant, cum illic scriptum sit: Et coegerunt enim? Ex quo nimirum exemplo colligitur quia peregrini ad hospitium non solum invitandi sunt, sed etiam trahendi. Mensam igitur ponunt, panes, cibosque offerunt; et Deum, quem in Scripturæ sacræ expositione non cognoverant; in panis fractione cognoscunt. Audiendo ergo præcepta Dei illuminati non sunt, faciendo illuminati sunt: quia scriptum est: Non auditores legis justi sunt apud Deum, sed factores legis justificabuntur. Quisquis ergo vult audita intelligere, festinet ea quæ jam audire potuit, opere implere. Ecce Dominus non est cognitus dum loqueretur, et dignatus est cognosci dum pascitur.

Ad Bened. Ant. Jesus junxit se di-

scipulis suis in via , et ibat cum illis : oculi autem eorum tenebantur , ne eum agnoscerent ; et increpavit eos , dicens : O stulti , et tardi corde ad credendum in his , quæ locuti sunt Prophetæ ! allel.

*Oratio.*

**D**EUS , qui solemnitate Paschali mundo remedia contulisti , populum tuum , quæsumus , cœlesti dono proseguere , ut et perfectam libertatem consequi mereatur , et ad vitam proficiat sempiternam. Per Dominum.

*Ad Magnif. Ant.* Qui sunt hi sermones , quos confertis ad invicem ambulantes , et estis tristes ? alleluia.

### FERIA TERTIA.

℣. Surrexit Dominus vere , alleluia.

℣. Et apparuit Simoni , alleluia.

Lectio sancti Evangelii secundum Lucam.

*Lectio j. Cap. 24*

**I**N illo tempore : Stetit Jesus in medio discipulorum , et dixit eis : Pax vobis ; ego sum , nolite timere. Et reliqua.

Homilia S. Ambrosii Episcopi.

*Lib. 10. Comm. in Lucæ cap. 24.*

**M**IRUM quo modo se natura corporea per impenetrabile corpus infuderit invisibili aditu , visibili conspectu ; tangi facilis , difficilis æstimari. Denique conturbati discipuli æstimabant se spiritum videre. Et ideo Dominus , ut speciem nobis resurrectionis ostenderet : Palpate , inquit , et videte quia spiritus carnem et ossa non habet , sicut me videtis habere. Non ergo per incorpoream naturam sed per resurrectionis corporeæ qualitatem , impervia usu clausa penetravit. Nam quod tangitur , corpus est : quod palpatur , corpus est.

℞. Virtute magna reddebant Apostoli \* Testimonium resurrectionis Jesu Christi Domini nostri , alleluia , alleluia. ℣. Repleti quidem Spiritu sancto loquebantur cum fiducia verbum Dei. Testimonium.

*Lectio ij.*

**I**N corpore autem resurgemus. Seminatur enim corpus animale , surgit corpus spirituale : sed illud subtilius , hoc crassius , utpote adhuc terrenæ labis qualitate concretum. Nam quomodo non corpus , in quo manebant insignia vulnerum , vestigia cicatricum , quæ Dominus palpanda obtulit ? In quo non solum fidem firmat , sed etiam devotionem acuit , quod vulnera suscepta pro nobis cœlo inferre maluit , abolere noluit ; ut Deo Patri nostræ pretia libertatis ostenderet. Talem sibi Pater ad dexteram locat , trophæum nostræ salutis amplectens : tales illic martyres nobis cicatriciæ suæ corona monstravit.

℞. De ore prudentis procedit mel , alleluia : dulcedo mellis est sub lingua ejus , alleluia. \* Favus distillans labia ejus , alleluia , alleluia. ℣. Sapientia requiescit in corde ejus , et prudentia in sermone oris illius. Favus. Gloria. Favus.

*Lectio iij.*

**E**T quoniam sermo huc noster evasit , consideremus qua gratia secundum Joannem crediderint Apostoli , qui gravi sunt ; secundum Lucam quasi increduli redarguantur : ibi Spiritum sanctum acceperint , hic sedere in civitate jubeantur , quoadusque induantur virtute ex alto. Et videtur mihi ille quasi Apostolus majora et altiora tetigisse , hic sequentia et humanis proxima : hic historico usus circuitu , ille compendio : quia et de illo dubitari non potest , qui testimonium perhibet de iis quibus ipse interfuit , et verum est testimonium ejus ; et ab hoc quoque qui Evangelista esse meruit , vel negligentiae vel mendacii suspicionem æquum est propulsari. Et ideo verum putamus utrumque , non sententiarum varietate , nec personarum diversitate distinctum. Nam etsi primo Lucas eos non credidisse dicat , postea tamen credidisse demonstrat : et si prima con-

sideremus, contraria sunt, si sequentia, certum est convenire.

*Ad Bened. Ant.* Stetit Jesus in medio discipulorum suorum, et dixit eis: Pax vobis, alleluia, alleluia.

*Oratio.*

**D**EUS, qui Ecclesiam tuam novo semper foetu multiplicas, concede famulis tuis, ut sacramentum vivendo teneant, quod fide perceperunt. Per Dominum.

*Ad Magnif. Ant.* Videte manus meas et pedes meos, quia ego ipse sum, alleluia, alleluia.

### FERIA QUARTA.

†. Gavisi sunt discipuli, alleluia.

â. Viso Domino, alleluia.

Lectio sancti Evangelii secundum Joannem.

*Lectio j.*

Cap. 21.

**I**n illo tempore: Manifestavit se iterum Jesus discipulis ad mare Tiberiadis. Manifestavit autem sic: Erant simul Simon Petrus et Thomas, qui dicitur Dydimus. Et reliqua.

Homilia sancti Gregorii Papæ.

*Homil. 24. in Evangelia.*

**L**ECTIO sancti Evangelii, quæ modo in auribus vestris lecta est, fratres mei, quæstione animum pulsat, sed pulsatione suâ vim discretionis indicat. Quæri etenim potest cur Petrus, qui piscator ante conversionem fuit, post conversionem ad piscationem rediit; et cum Veritas dicat: Nemo mittens manum suam ad aratrum et aspiciens retro, aptus est regno Dei: cur repetiit quod dereliquit? Sed si virtus discretionis inspicitur, citius videtur: quia nimirum negotium, quod ante conversionem sine peccato extitit, hoc etiam post conversionem repetere culpa non fuit.

â. Ecce vicit leo de tribu Juda, radix David, aperire librum, et solvere septem signacula ejus, \* Alleluia, alleluia, alleluia. †. Dignus est Agnus qui occisus est, accipere virtutem, et divinitatem, et sapientiam, et for-

titudinem, et honorem, et gloriam, et benedictionem. Alleluia.

*Lectio ij.*

**N**AM piscatorem Petrum, Matthæum vero telonearium scimus; et post conversionem suam ad piscationem Petrus rediit, Matthæus ad telonei negotium non resedit: quia aliud est victum per piscationem quærere, aliud autem telonei lucris pecunias augere. Sunt enim pleraque negotia, quæ sine peccatis exhiberi aut vix aut nullatenus possunt. Quæ ergo ad peccatum implicant, ad hæc necesse est ut post conversionem animus non recurat.

â. Ego sum vitis vera, et vos palmites: \* Qui manet in me, et ego in eo, hic fert fructum multum, alleluia, alleluia. †. Sicut dilexit me Pater, et ego dilexi vos. Qui. Gloria. Qui.

*Lectio iij.*

**Q**UÆRI etiam potest cur, discipulis in mari laborantibus, post resurrectionem suam Dominus in littore stetit, qui ante resurrectionem suam coram discipulis in fluctibus maris ambulavit. Cujus rei ratio festine cognoscitur, si ipsa, quæ tunc inerat, causa pensetur. Quid enim mare, nisi præsens sæculum signat, quod se casuum tumultibus, et undis vitæ corruptibilis illidit? Quid per soliditatem littoris, nisi illa perpetuitas quietis æternæ figuratur? Quia ergo discipuli adhuc fluctibus mortalis vitæ inerant, in mari laborabant. Quia autem Redemptor noster jam corruptionem carnis excesserat, post resurrectionem suam in littore stabat.

*Ad Bened. Ant.* Mittite in dexteram navigii rete, et invenietis, allel.

*Oratio.*

**D**EUS, qui nos resurrectionis Dominicæ annua solemnitate lætificas, concede propitius, ut per temporalia festa quæ agimus, pervenire ad gaudia æterna mereamur. Per eundem Dominum.



*Ad Magnif. Ant.* Dixit Jesus discipulis suis : Afferte de piscibus , quos prendidistis nunc. Ascendit autem Simon Petrus , et traxit rete in terram plenum magnis piscibus, allel.

**FERIA QUINTA.**

℣. Surrexit Dominus de sepulchro, alleluia. ℞. Qui pro nobis pependit in ligno , alleluia.

Lectio sancti Evangelii secundum Joannem.

Lectio j. Cap. 20.

**I**N illo tempore : Maria stabat ad monumentum foris , plorans. Dum ergo fleret , inclinavit se et prospexit in monumentum , et vidit duos Angelos in albis , sedentes. Et reliqua.

Homilia sancti Gregorii Papæ.

Homilia 25. in Evangelia.

**M**ARIA Magdalene , quæ fuerat in civitate peccatrix , amando veritatem, lavit lacrymis maculas criminis : et vox Veritatis impletur quæ dicitur : Dimissa sunt ei peccata multa , quia dilexit multum. Quæ enim prius frigida peccando remanserat , postmodum amando fortiter ardebat. Nam postquam venit ad monumentum, ibique corpus Dominicum non invenit, sublatum credidit , atque discipulis nuntiavit : qui venientes viderunt, atque ita esse ut mulier dixerat , crediderunt. Et de eis protinus scriptum est : Abierunt ergo discipuli ad semetipsos ; ac deinde subjungitur : Maria autem stabat ad monumentum foris plorans.

℞. Tulerunt Dominum meum , et nescio ubi posuerunt eum. Dicunt ei Angeli : Mulier , quid ploras ? surrexit sicut dixit : \* Præcedet vos in Galilæam , ibi eum videbitis , alleluia , alleluia. ℣. Cum ergo fleret , inclinavit se et prospexit in monumentum , et vidit duos Angelos in albis, sedentes , qui dicunt ei. Præcedet.

Lectio ij.

**Q**UA in re pensandum est hujus mulieris mentem quanta vis a-

moris accenderat , quæ a monumento Domini, etiam discipulis recedentibus, non recedebat. Exquirebat quem non invenerat, flebat inquirendo , et amoris sui igne succensa , ejus quem ablatum credidit , ardebat desiderio. Unde contigit ut cum sola tunc videret, quæ remanserat ut quæreretur; quia nimirum virtus boni operis perseverantia est : et voce Veritatis dicitur: Qui autem perseveravit usque in finem , hic salvus erit.

℞. Congratulamini mihi, omnes qui diligitis Dominum , quia quem quærebam , apparuit mihi : \* Et dum flerem ad monumentum , vidi Dominum, alleluia, alleluia. ℣. Recedentibus discipulis , non recedebam , et amoris ejus igne succensa , ardebam desiderio. Et. Gloria. Et.

Lectio iij.

**M**ARIA ergo cum fleret , inclinavit se et prospexit in monumentum. Certe jam monumentum vacuum viderat , jam sublatum Dominum nuntiaverat : quid est quod se iterum inclinat , iterum videre desiderat ? Sed amanti semel aspexisse non sufficit : quia vis amoris intentionem multiplicat inquisitionis. Quæsivit ergo prius , et minime invenit ; perseveravit ut quæreretur , unde et contigit ut inveniret ; actumque est ut desideria dilata crescerent , et crescentia caperent quod invenissent.

*Ad Bened. Ant.* Maria stabat ad monumentum plorans , et vidit duos Angelos in albis , sedentes , et sudarium quod fuerat super caput Jesu , alleluia.

Oratio.

**D**EUS , qui diversitatem gentium in confessione tui nominis adunasti, da ut renatis fonte baptismatis una sit fides mentium et pietas actionum. Per Dominum.

*Ad Magnif. Ant.* Tulerunt Dominum meum , et nescio ubi posuerunt eum: si tu sustulisti eum, dicito mihi, alleluia , et ego eum tollam . allel.

## FERIA SEXTA

℣. Surrexit Dominus vere, alleluia.  
 ♠. Et apparuit Simoni, alleluia.

Lectio sancti Evangelii secundum  
 Matthæum.

Lectio j. Cap. 28.

**I**N illo tempore: Undecim discipuli  
 abierunt in Galilæam, in montem,  
 ubi constituerat illis Jesus. Et reliqua.

Homilia S. Hieronymi Presbyteri.

Lib. 4. Comm. in Matth. in fine.

**P**OST resurrectionem Jesus in  
 monte Galilææ conspicitur, ibi-  
 que adoratur, licet quidam dubitent,  
 et dubitatio eorum nostram augeat fi-  
 dem. Tunc manifestius ostenditur Tho-  
 mæ, et latus lancea vulneratum, et  
 manus fixas demonstrat clavis. Acce-  
 dens Jesus locutus est eis, dicens:  
 Data est mihi omnis potestas in cælo  
 et in terra. Illi potestas data est, qui  
 paulo ante crucifixus, qui sepultus in  
 tumulo, qui mortuus jacuerat, qui  
 postea resurrexit. In cælo autem et in  
 terra potestas data est, ut qui ante  
 regnabat in cælo, per fidem creden-  
 tium, regnet et in terris.

♠. Surgens Jesus Dominus noster,  
 stans in medio discipulorum suorum,  
 dixit: \* Pax vobis, alleluia: ga-  
 visi sunt discipuli viso Domino, al-  
 leluia. ℣. Una ergo sabbatorum, cum  
 fores essent clausæ, ubi erant disci-  
 puli congregati, venit Jesus. et ste-  
 tit in medio eorum, et dixit eis.  
 Pax.

Lectio ij.

**E**UNTES autem docete omnes gen-  
 tes: baptizantes eos in nomine  
 Patris, et Filii, et Spiritus sancti.  
 Primum docent omnes gentes, dein-  
 de doctas intinguunt aqua. Non enim  
 potest fieri ut corpus baptismi reci-  
 piat sacramentum, nisi ante anima  
 fidei susceperit veritatem. Baptizantur  
 autem in nomine Patris, et Filii, et  
 Spiritus sancti, ut quorum una est  
 divinitas, una sit largitio: nomenque  
 Trinitatis, unus Deus est.

♠. Expurgate vetus fermentum,  
 ut sitis nova conspersio, etenim Pa-  
 scha nostrum immolatus est Chri-  
 stus: \* Itaque epulemur in Domino,  
 alleluia. ℣. Mortuus est propter ju-  
 stificationem nostram. Itaque. Gloria.  
 Itaque.

Lectio iij.

**D**OCENTES eos servare omnia,  
 quaecumque mandavi vobis. Or-  
 do præcipuus: Jussit Apostolis ut  
 primum docerent universas gentes,  
 deinde fidei intingerent sacramento:  
 et post fidem ac baptismum, quæ es-  
 sent observanda præciperent. Ac ne  
 putemus levia esse, quæ jussa sunt,  
 et pauca, addidit: Omnia quaecum-  
 que mandavi vobis: ut quicumque  
 crediderint, qui in Trinitate fuerint  
 baptizati, omnia faciant quæ præce-  
 pta sunt. Et ecce ego vobiscum sum  
 usque ad consummationem sæculi.  
 Qui usque ad consummationem sæculi  
 cum discipulis se futurum esse pro-  
 mittit, et illos ostendit semper esse  
 victuros, et se nunquam a credenti-  
 bus recessurum.

Ad Bened. Ant. Undecim discipuli  
 in Galilæa videntes Dominum adora-  
 verunt, alleluia.

Oratio.

**O**MNIPOTENS sempiternus De-  
 us, qui Paschale sacramentum  
 in reconciliationis humanæ ferdere  
 contulisti, da mentibus nostris ut  
 quod professione celebramus, imitemur  
 effectum. Per Dominum.

Ad Magnif. Ant. Data est mihi  
 omnis potestas in cælo, et in terra,  
 alleluia.

## SABBATO IN ALBIS

℣. Gavisí sunt discipuli, alleluia  
 ♠ Viso Domino, alleluia.

Lectio sancti Evangelii secundum  
 Joannem.

Lectio j. Cap. 20.

**I**N illo tempore: Una sabbati Ma-  
 ria Magdalene venit mane, cum  
 adhuc tenebræ essent, ad monumen-  
 tum. Et reliqua.

Homilia sancti Gregorii Papæ.

*Homil. 22. in Evangelia.*

**L**ECTIO sancti Evangelii, quam modo, fratres, audistis, valde in superficie historica est aperta; sed ejus nobis sunt mysteria sub brevitate requirenda. Maria Magdalene, cum adhuc tenebræ essent, venit ad monumentum. Juxta historiam notatur hora: juxta intellectum vero mysticum, requirentis signatur intelligentia. Maria etenim auctorem omnium, quem in carne viderat mortuum, quærebat in monumento, et quia hunc minime invenit, furatum credidit. Adhuc ergo erant tenebræ, quando venit ad monumentum. Cucurrit citius, discipulis nuntiavit; sed illi præ cæteris cucurrerunt, qui præ cæteris amaverunt; videlicet Petrus et Joannes.

¶ Christus resurgens ex mortuis jam non moritur, mors illi ultra non dominatur: quod enim mortuus est peccato, mortuus est semel: \* Quod autem vivit, vivit Deo, alleluia, alleluia. ¶ Mortuus est semel propter delicta nostra, et resurrexit propter justificationem nostram. Quod.

*Lectio ij.*

**C**URREBANT autem duo simul, sed Joannes præcucurrit citius Petro. Venit prior ad monumentum, et ingredi non præsumpsit. Venit ergo posterior Petrus, et intravit. Quid, fratres, quid cursus significat? Numquid hæc tam subtilis Evangelistæ descriptio a mysteriis vacare credenda est? Minime. Neque enim se Joannes et præisse, et non intrasse diceret, si in ipsa sui trepidatione mysterium defuisse credidisset. Quid ergo per Joannem, nisi Synagoga: quid per Petrum, nisi Ecclesia designatur?

¶ Isti sunt agni novelli, qui annuntiaverunt, alleluia: modo venerunt ad fontes, \* Repleti sunt claritate, alleluia, alleluia. ¶ In conspectu Agni amicti sunt stolis albis,

et palmæ in manibus eorum. Repleti. Gloria. Repleti.

*Lectio iij.*

**N**EC mirum esse videatur quod per juniorem Synagoga, per senioremem vero Ecclesia signari perhibetur, quia etsi ad Dei cultum prior est Synagoga, quam Ecclesia Gentium, ad usum tamen sæculi prior est multitudo Gentium, quam Synagoga, Paulo attestante, qui ait: Quia non prius quod spiritale est, sed quod animale. Per senioremem ergo Petrum significatur Ecclesia Gentium: per juniorem vero Joannem Synagoga Judæorum. Currunt ambo simul: quia ab ortus sui tempore usque ad occasum, pari et communi via, etsi non pari et communi sensu, Centilitas cum Synagoga cucurrit. Venit Synagoga prior ad monumentum, sed minime intravit, quia legis quidem mandata percepit, prophetias de incarnatione ac Passione Dominica audivit, sed credere in mortuum noluit.

*Ad Bened. Ant.* Currebant duo simul, et ille alius discipulus præcucurrit citius Petro, et venit prior ad monumentum, alleluia.

*Oratio.*

**C**ONCEDE, quæsumus, omnipotens Deus, ut qui festa Paschalia venerando egimus, per hæc contingere ad gaudia æterna mereamur. Per Dominum.

*Ad Vesperas**Officium fit duplex.**Ant.* Alleluia, alleluia, alleluia.*Psalm.* Benedictus Dominus Deus, cum reliq. de Psalt. p. 97.*Capitulum.* 1. Joan. 5.

**C**HARISSIMI, Omne quod natum est ex Deo, vincit mundum: et hæc est victoria, quæ vincit mundum, fides nostra.

**HYMNUS.**

**A**D regias Agni dapes  
Stolis amicti candidis



Post transitum maris Rubri  
Christo canamus principi :

Divina cujus charitas  
Sacrum propinat sanguinem ,  
Almique membra corporis  
Amor sacerdos immolat.

Sparsum cruorem postibus  
Vastator horret Angelus ;  
Fugitque divisum mare ,  
Merguntur hostes fluctibus.

Jam Pascha nostrum Christus est ,  
Paschalis idem victima ,  
Et pura puris mentibus  
Sinceritatis azyma.

○ vera cœli victima ,  
Subjecta cui sunt tartara ,  
Soluta mortis vincula ,  
Recepta vitæ præmia.

Victor subactis inferis  
Trophæa Christus explicat ,  
Cœloque aperto subditum  
Regem tenebrarum trahit.

Ut sis perenne mentibus  
Paschale, Jesu , gaudium ,  
A morte dira criminum  
Vitæ renatos libera.

Deo Patri sit gloria ,  
Et filio , qui a mortuis  
Surrexit , ac Paraclito ,  
In sempiterna sæcula. Amen.

*Sic terminantur omnes Hymn. ejusdem metri usque ad Ascens. præterquam in Offic. B. M. et in Hymno sanctæ Crucis ad Vesp.*

℣. Mane nobiscum , Domine , alleluia. ℞. Quoniam advesperascit, alleluia.

*Ad Magnif. Ant.* Cum esset sero die illa una sabbatorum , et fores essent clausæ , ubi erant discipuli congregati in unum, stetit Jesus in medio, et dixit eis : Pax vobis , alleluia.

*Oratio.*

**P**RÆSTA , quæsumus , omnipotens Deus , ut qui Paschalia festa peregrimus , hæc , te largiente , moribus et vita teneamus. Per Dominum.

℣. Benedicamus Domino deinceps. dicitur sine alleluia.

*Complet. dicitur ut in Psalt., omis-*

*sis Prec., et loco Ant. Miserere dicitur Ant. Alleluia , allel. allel. Et in fine Ant. Salva nos additur Alleluia.*

*Sic dicitur usque ad Dom. Trinit. exclusive; et quando non est Duplex , nec infra Oct., dicuntur Preces, ut in Psalt.*

*Ad ℞℞. br. et ℣℣. per omnes Horas, jungitur Alleluia usque ad Sabb. post Pentec., præterquam in ℣℣. ad Preces Primæ et Complet. quando dicuntur. Et quandocumque Alleluia jungitur ℞. brevi, duplicatur ; sed in ℣℣. dicitur semel.*

## DOMINICA IN ALBIS

*In Octava Paschæ, Duplex.*

*Ad Matutinum.*

*Invit. Surrexit Dominus vere , Alleluia.*

## HYMNUS.

**R**EX sempiternæ Cœlitum ,  
Rerum Creator omnium ,  
Æqualis ante sæcula  
Semper Parenti Filius.

Nascente qui mundo Faber  
Imagines vultus tui  
Tradens Adamo , nobilem  
Limo jugasti spiritum.

Cum livor et fraus dæmonis  
Fœdasset humanum genus ,  
Tu carne amictus perditam  
Formam reformas Artifex.

Qui natus olim e Virgine  
Nunc e sepulchro nasceris ,  
Tecumque nos a mortuis  
Jubes sepultos surgere.

Qui pastor æternus gregem  
Aqua lavas baptismatis :  
Hæc est lavacrum mentium  
Hæc est sepulchrum criminum.

Nobis diu qui debitæ  
Redemptor affixus cruci ,  
Nostræ dedisti prodigus  
Pretium salutis sanguinem.

Ut sis perenne mentibus  
Paschale, Jesu , gaudium ,  
A morte dira criminum  
Vitæ renatos libera.

Deo Patri sit gloria ,  
Et Filio , qui a mortuis

Surrexit, ac Paraclito,  
In sempiterna secula. Amen.

In unoquoque Noct. Psalmi dicuntur sub una Ant. et y. pro temp. Pasch. ut in Psalt.

## IN I. NOCTURNO.

De Epistola B. Pauli Apostoli  
ad Colossenses.

Lectio j. Cap. 3.

**S**I consurrexistis cum Christo, quæ sursum sunt querite, ubi Christus est in dextera Dei sedens: quæ sursum sunt sapite, non quæ super terram. Mortui enim estis, et vita vestra est abscondita cum Christo in Deo. Cum Christus apparuerit vita vestra, tunc et vos apparebitis cum ipso in gloria. Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam, et avaritiam, quæ est simulacrorum servitus: propter quæ venit ira Dei super filios incredulitatis: in quibus et vos ambulastis aliquando, cum viveretis in illis.

ñ. Angelus Domini descendit de cælo, et accedens revolvit lapidem, et super eum sedit, et dixit mulieribus: "Nolite timere, scio enim quia crucifixum queritis, jam surrexit: venite, et videte locum ubi positus erat Dominus, alleluia. y. Et introeuntes in monumentum viderunt juvenem sedentem in dextris, cooperatum stola candida, et obstupuerunt, qui dixit illis. Nolite.

Lectio ij.

**N**UNC autem deponite et vos omnia: iram, indignationem, malitiam, blasphemiam, turpem sermonem de ore vestro. Nolite mentiri invicem, expoliantes vos veterem hominem cum actibus suis, et induentes novum, eum qui renovatur in agnitionem, secundum imaginem ejus, qui creavit illum: ubi non est Gentilis et Judæus, circumcisio et præputium, Barbarus et Scythæ, servus et liber; sed omnia, et in o-

mnibus Christus. Induite vos ergo sicut electi Dei, sancti et dilecti, viscera misericordiæ, benignitatem, humilitatem, modestiam, patientiam, supportantes invicem, et donantes vobismetipsis, si quis adversus aliquem habet querelam: sicut et Dominus donavit vobis, ita et vos.

ñ. Angelus Domini locutus est mulieribus, dicens: Quem queritis? An Jesum queritis? jam surrexit: Venite et videte, alleluia, alleluia. y. Jesum queritis Nazarenum crucifixum? Surrexit, non est hic. Venite.

Lectio. iij.

**S**UPER omnia autem hæc charitatem habete, quod est vinculum perfectionis; et pax Christi exaltet in cordibus vestris, in qua et vocati estis in uno corpore, et grati estote. Verbum Christi habitet in vobis abundanter, in omni sapientia, docentes et commonentes vosmetipsos psalmis, hymnis, et canticis spiritualibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini nostri Jesu Christi gratias agentes Deo et Patri per ipsum.

ñ. Cum transisset sabbatum, Maria Magdalene, et Maria Jacobi, et Salome emerunt aromata, " Ut venientes ungerent Jesum, alleluia, alleluia. y. Et valde mane una sabbatorum veniunt ad monumentum, orto jam sole. Ut. Gloria. Ut.

## IN II. NOCTURNO.

Sermo S. Augustini Episcopi.

Serm. 1. in Octava Paschæ, qui est 157. de Tempore.

Lectio jr.

**P**ASCHALIS solemnitas hodierna festivitate concluditur, et ideo hodie Neophytorum habitus commutatur: ita tamen ut candor, qui de habitu deponitur, semper in corde teneatur. In qua quidem primum nobis agendum est, ut quia Paschales dies sunt, id est, indulgentiæ ac

remissionis, ita a nobis sanctorum dierum festivitas agatur, ut relaxatione corporum puritas non offusceatur: sed potius abstinentes ab omni luxu, ebrietate, lascivia, demus operam sobriæ remissioni ac sanctæ sinceritati: ut quidquid modo corporali abstinentia non acquirimus, mentium puritate quæramus.

¶. Maria Magdalene, et altera Maria ibant diluculo ad monumentum. Jesum quem quæritis, non est hic; surrexit sicut locutus est, præcedet vos in Galilæam, ibi eum videbitis, alleluia, alleluia. ¶. Et valde mane una sabbatorum veniunt ad monumentum, orto jam sole, et introeuntes viderunt juvenem sedentem in dextris, qui dixit illis. Jesum.

*Lectio v.*

**A**D omnes quidem pertinet sermo, quos cura nostra complectitur: verumtamen hodie, terminata Sacramentorum solemnitate, vos alloquimur, novella germina sanctitatis, regenerata ex aqua et Spiritu sancto: germen pium, examen novellum, flos nostri honoris, et fructus laboris, gaudium et corona mea, omnes qui statis in Domino. Apostolicis verbis vos alloquor: Ecce nox præcessit, dies autem appropinquavit: abjicite opera tenebrarum, et induite vos arma lucis. Sicut in die honeste ambulemus, non in comensationibus, et ebrietatibus, non in cubilibus et impudiciis, non in contentione et emulatione: sed induimini Dominum Jesum Christum.

¶. Surrexit pastor bonus, qui animam suam posuit pro ovibus suis, et pro grege suo mori dignatus est: Alleluia, alleluia, alleluia. ¶. Etenim Pascha nostrum immolatus est Christus. Alleluia.

*Lectio vij.*

**H**ABEMUS, inquit, certiorum propheticum sermonem, cui bene facitis intendentes tanquam lucernæ in obscuro loco, donec dies luceat, et lucifer oriatur in cordibus vestris. Sint ergo lumbi vestri accin-

cti, et lucernæ ardentes in manibus vestris: et vos similes hominibus expectantibus dominum suum, quando revertatur a nuptiis. Ecce dies adveniunt, in quibus Dominus dicit: Pusillum, inquit, et non videbitis me: et iterum pusillum, et videbitis me. Hæc est hora de qua dixit: Vos tristes eritis, sæculum autem gaudebit: id est, vita ista tentationibus plena, in qua peregrinamur ab eo. Sed iterum, inquit, videbo vos, et gaudebit cor vestrum, et gaudium vestrum nemo tollet a vobis.

¶. Virtute magna reddebant Apostoli, Testimonium resurrectionis Jesu Christi Domini nostri, alleluia, alleluia. ¶. Repleti quidem Spiritu sancto loquebantur cum fiducia verbum Dei. Testimonium. Gloria. Testimonium.

### IN III. NOCTURNO.

Lectio sancti Evangelii secundum Joannem.

*Lectio vij. Cap. 10.*

**I**N illo tempore: Cum sero esset die illo, una sabbatorum, et fores essent clausæ, ubi erant discipuli congregati propter metum Judæorum, venit Jesus, et stetit in medio, et dixit eis: Pax vobis. Et reliqua.

Homilia sancti Gregorii Papæ.

*Homilia 26 in Evangelia.*

**P**RIMA lectionis hujus Evangelicæ quæstio animum pulsat: quomodo post resurrectionem corpus Dominicum verum fuit, quod clausis januis ad discipulos ingredi potuit? Sed sciendum nobis est quod divina operatio, si ratione comprehenditur, non est admirabilis; nec fides habet meritum, cui humana ratio præbet experimentum. Sed hæc ipsa Redemptoris nostri opera, quæ ex semet ipsis comprehendere nequaquam possunt, ex alia ejus operatione pensanda sunt: ut rebus mirabilibus fidem præbeant facta mirabiliora. Illud enim corpus Domini intravit ad discipulos clausis januis, quod videlicet ad hu-



manos oculos per nativitatem suam clauso exivit utero Virginis. Quid ergo mirum si clausis januis post resurrectionem suam in aeternum jam victurus intravit, qui moriturus veniens, non aperto Virginis utero exivit?

**A.** De ore prudentis procedit mel, alleluia, dulcedo mellis est sub lingua ejus, alleluia. \* Favus distillans labia ejus, alleluia, alleluia. †. Sapientia requiescit in corde ejus, et prudentia in sermone oris illius. Favus.

*Lectio viij.*

**S**ED quia ad illud corpus, quod videri poterat, fides intuentium dubitabat, ostendit eis protinus manus et latus: palpandam carnem præbuit, quam clausis januis introduxit. Qua in re duo mira, et juxta humanam rationem sibi valde contraria ostendit, dum post resurrectionem suam corpus suum incorruptibile, et tamen palpabile demonstravit. Nam et corrumpi necesse est quod palpatur, et palpari non potest quod non corrumpitur. Sed miro modo atque inestimabili Redemptor noster et incorruptibile post resurrectionem, et palpabile corpus exhibuit: ut monstrando incorruptibile, invitaret ad præmium; et præbendo palpabile, firmaret ad fidem. Et incorruptibilem se ergo et palpabilem demonstravit, ut profecto esse post resurrectionem ostenderet corpus suum et ejusdem naturæ, et alterius gloriæ.

**A.** Surgens Jesus Dominus noster, stans in medio discipulorum suorum, dixit: \* Pax vobis, alleluia: gavisi sunt discipuli viso Domino, alleluia.

†. Una ergo sabbatorum, cum fores essent clausæ, ubi erant discipuli congregati, venit Jesus et stetit in medio eorum, et dixit eis. Pax. Gloria. Pax.

*Lectio ix.*

**D**IXIT eis: Pax vobis. Sicut misit me Pater, et ego mitto vos: id est, sicut misit me Pater Deus

Deum, et ego mitto vos homo homines. Pater Filium misit, qui hunc pro redemptione generis humani incarnari constituit. Quem videlicet in mundum venire ad passionem voluit: sed tamen amavit Filium, quem ad passionem misit. Electos vero Apostolos Dominus non ad mundi gaudia, sed sicut ipse missus est, ad passiones in mundum mittit. Quia ergo et Filius amatur a Patre, et tamen ad passionem mittitur, ita et discipuli a Domino amantur, qui tamen ad passionem mittuntur in mundum. Itaque recte dicitur: Sicut misit me Pater, et ego mitto vos; id est, ea vos charitate diligo cum inter scandala persecutorum mitto, qua me charitate Pater diligit, quem venire ad tolerandas passiones fecit.

Te Deum laudamus. p. 12.

*Ad Laudes et Horas Ant. pro tem. Pasch. de Psalt.*

*Capitulum. I. Joan. 5.*

**C**HARRISSIMI, Omne quod natum est ex Deo, vincit mundum: et hæc est victoria, quæ vincit mundum, fides nostra.

**HYMNUS.**

**A**URORA cælum purpurat,  
Æther resultat laudibus.  
Mundus triumphans jubilat,  
Horrens avernus infremit:

Rex ille dum fortissimus  
De mortis inferno specu  
Patrum senatum liberum  
Educit ad vitæ jubar.

Cujus sepulchrum plurimo  
Custode signabat lapis,  
Victor triumphat, et suo  
Mortem sepulchro funerat.

Sat funeri, sat lacrymis,  
Sat est datum doloribus:  
Surrexit extinctor necis,  
Clamat coruscans Angelus.

Ut sis perenne mentibus  
Paschale, Jesu, gaudium,  
A morte dira criminum  
Vitæ reos libera.

Deo Patri sit gloria,

Et Filio, qui a mortuis  
Surrexit, ac Paraclito,  
In sempiterna sæcula. Amen.

ŷ. In resurrectione tua, Christe,  
alleluia. ♀. Cæli et terra lætentur,  
alleluia.

*Ad Bened. Ant.* Cum esset sero die  
illa, una sabbatorum, et fores essent  
clausæ, ubi erant discipuli congregati  
in unum, stetit Jesus in medio,  
et dixit eis: Pax vobis, alleluia.

*Oratio.*

**P**RÆSTA, quæsumus, omnipotens  
Deus, ut qui Paschalia festa  
peregimus, hæc, te largiente, moribus  
et vita teneamus. Per Dominum.

### *Ad Primam.*

*Hymnus. Jam lucis. Ant.* Alleluia.  
*Psalmi* Deus in nomine tuo. Beati  
immaculati. Retribue et Quicumque.  
*Qui dicitur in Dom. usque ad Ascens.*

♀. br. Christe fili Dei vivi, misere-  
re nobis, \* Alleluia, alleluia. Christe.  
ŷ. Qui surrexisti a mortuis. Alleluia,  
alleluia. Gloria. Christe. ŷ. Exurge,  
Christe, adjuva nos, alleluia. ♀. Et libera  
nos propter nomen tuum, alleluia.

Et sic dicitur ♀. br. usque ad Ascens.  
Et quando non est Duplex, aut infra Oct.,  
dicuntur Preces de Dom.

*Lectio br.* Si consurrexistis, p. 21.

### *Ad Tertiam.*

*Capit. Charissimi Omne.*

♀. br. Surrexit Dominus de sepulchro,  
\* Alleluia, alleluia. Surrexit. ŷ. Qui  
pro nobis pependit in ligno. Alleluia,  
alleluia. Gloria. Surrexit. ŷ. Surrexit  
Dominus vere, alleluia. ♀. Et apparuit  
Simoni, allel.

### *Ad Sextam.*

*Capitulum.* I. Joann. 8.

**Q**UIS est autem qui vincit mun-  
dum, nisi qui credit quoniam  
Jesus est Filius Dei? Hic est qui venit  
per aquam et sanguinem, Jesus Christus:  
non in aqua solum, sed in aqua et sanguine.

♀. br. Surrexit Dominus vere, \*  
Alleluia, alleluia. Surrexit. ŷ. Et ap-  
paruit Simoni. Alleluia, alleluia. Glo-  
ria. Surrexit. ŷ. Gavisi sunt discipu-  
li, alleluia. ♀. Viso Domino, allel.

### *Ad Nonam.*

*Capitulum.* I. Joan. 8.

**S**I testimonium hominum accipi-  
mus, testimonium Dei majus est:  
quoniam hoc est testimonium Dei quod  
majus est, quoniam testificatus est de  
Filio suo. Qui credit in Filium Dei,  
habet testimonium Dei in se.

♀. br. Gavisi sunt discipuli, \* Al-  
leluia, alleluia. Gavisi. ŷ. Viso Do-  
mino. Alleluia, alleluia. Gloria. Ga-  
visi. ŷ. Mane nobiscum, Domine, al-  
leluia ♀. Quoniam advesperascit,  
alleluia.

### *Ad Vesperas.*

*Ant.* Alleluia et *Psalm. de Dom.*  
*Capit. Charissimi, Omne.*

*Hymnus et ŷ. ut supra, p. 351.*

*Ad Magnif. Ant.* Post dies octo,  
januis clausis ingressus Dominus di-  
xit eis: Pax vobis, alleluia, allel.

*Hymni ŷŷ. et ♀♀. br. hujus.*  
*Dom. dicuntur usque ad Ascens. e-*  
*tiam in ser. Offic.*

## FERIA SECUNDA.

*Invit.* Alleluia, allel., \* Alleluia.

*Hymn. Rex sempiterne, p. 382.*

*Psalmi feriales sub una Ant.* Al-  
leluia et ŷ. de *Psalt. usque ad Ascens.*

*Incipit liber Actuum Aposto-*  
*lorum.*

*Lectio j. Cap. 1.*

**P**IMUM quidem sermonem feci  
de omnibus, o Theophile, quæ  
cœpit Jesus facere et docere usque in  
diem, qua præcipiens Apostolis per  
Spiritus sanctum, quos elegit, as-  
sumptus est: quibus et præbuit se-  
ipsum vivam post passionem suam in  
multis argumentis, per dies quadra-  
ginta apparens eis, et loquens de re-  
gno Dei. Et convescens præcepit eis  
ab Jerosolymis ne discederent, sed

expectarent promissionem Patrisquam. audistis, inquit, per os meum: quia Joannes quidem baptizavit aqua; vos autem baptizabimini Spiritu sancto non post multos hos dies. Igitur qui convenerant, interrogabant eum, dicentes: Domine, si in tempore hoc restitues regnum Israel? Dixit autem eis: Non est vestrum nosse tempora vel momenta, quæ Pater posuit in sua potestate: sed accipietis virtutem supervenientis Spiritus sancti in vos, et eritis mihi testes in Jerusalem, et in omni Judæa et Samaria, et usque ad ultimum terræ.

q. Virtute magna, p. 347.

Lectio ij.

**E**T cum hæc dixisset, videntibus illis elevatus est, et nubes suscepit eum ab oculis eorum. Cumque intuerentur in cælum euntem illum, ecce duo viri astiterunt juxta illos in vestibus albis, qui et dixerunt: Viri Galilæi, quid statis aspicientes in cælum? Hic Jesus qui assumptus est a vobis in cælum, sic veniet, quemadmodum vidistis eum euntem in cælum. Tunc reversi sunt Jerosolymam a monte qui vocatur Oliveti, qui est juxta Jerusalem, sabbati habens iter. Et cum introissent in cœnaculum, ascenderunt ubi manebant Petrus et Joannes, Jacobus et Andreas, Philippus et Thomas, Bartholomæus et Matthæus, Jacobus Alphæi et Simon Zelotes, et Judas Jacobi. Hi omnes erant perseverantes unanimiter in oratione cum mulieribus, et Maria matre Jesu, et fratribus ejus.

q. De ore prudentis, p. 347.

Lectio iij.

**I**N diebus illis exurgens Petrus in medio fratrum, dixit: (erat autem turba hominum simul fere centum viginti); Viri fratres, oportet impleri Scripturam quam prædixit Spiritus sanctus per os David de Juda, qui fuit dux eorum qui comprehenderunt Jesum: qui connumeratus erat in nobis, et sortitus est sortem ministerii hujus. Et hic quidem possedit

agrum de mercede iniquitatis, et suspensus crepuit medius, et diffusa sunt omnia viscera ejus. Et notum factum est omnibus habitantibus Jerusalem, ita ut appellaretur ager ille lingua eorum Haceldama, hoc est, ager sanguinis. Scriptum est enim in libro Psalmorum: Fiat commoratio eorum deserta, et non sit qui inhabitet in ea, et episcopatum ejus accipiat alter. Oportet ergo ex his viris, qui nobiscum sunt congregati in omni tempore, quo intravit et exivit inter nos Dominus Jesus, incipiens a baptismo Joannis usque in diem qua assumptus est a nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est justus, et Mathiam. Et orantes, dixerunt: Tu, Domine, qui corda nosti omnium, ostende quem elegeris ex his duobus unum accipere locum ministerii hujus, et Apostolatus, de quo prævaricatus est Judas, ut abiret in locum suum. Et dederunt sortes eis, et cecidit sors super Mathiam, et annumeratus est cum undecim Apostolis.

Temp. Pasch. non dicitur iij q. in fer. Offic. sed Hymnus Te Deum.

*Ad Laudes.*

Ant. pro temp. Pasch. et Psalmi. de Dom.

Capitulum, Rom. 6.

**C**HRISTUS resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel: quod autem vivit, vivit Deo.

Hymnus et y. ut supra, p. 338.

Ad Bened. Ant. Surgens Jesus mane prima sabbati, apparuit primo Mariæ Magdalene, de qua ejecerat septem dæmonia, allel.

Oratio Dom. præcedentis. Deinde fit comm. de Cruce, ut supra post Vesp. Sabbati, p. 100.

In fer. Offic. Prima dicitur sicut in Festis Simplicibus totq temp. Pasch.



*Ad Horas Ant. Capit. et âq. br. ut in Psalt. excepto â. br. ad Primam, quod dicitur ut heri.*

### **Ad Vesperas.**

*Psalmi Ferie sub una Ant. Alleluia.*

*Capit. Christus resurgens.*

*Hymnus et y. ut supra, p. 351.*

*Ad Magnif. Ant. Pax vobis, ego sum, alleluia: nolite timere, allel.*

*Invit. capit. et âq. prædicta dicuntur in fer. Offic. usque ad Ascens.*

### **FERIA TERTIA.**

*De Actibus Apostolorum.*

*Lectio j. Cap. 2.*

**ET** cum complerentur dies Pentecostes, erant omnes pariter in eodem loco: et factus est repente de cælo sonus, tanquam advenientis spiritus vehementis, et replevit totam domum ubi erant sedentes. Et appa-  
ruerunt illis dispersitæ linguæ tanquam ignis, seditque supra singulos eorum, et repleti sunt omnes Spiritu sancto, et cœperunt loqui variis linguis, prout Spiritus sanctus dabat e-  
loqui illis. Erant autem in Jerusalem habitantes Judæi, viri religiosi ex omni natione, quæ sub cælo est. Facta autem hac voce, convenit multitudo, et mente confusa est, quoniam audiebat unusquisque lingua sua illos loquentes. Stupebant autem omnes et mirabantur, dicentes: Nonne ecce omnes isti qui loquuntur, Galilæi sunt? et quomodo nos audivimus unusquisque linguam nostram, in qua nati sumus?

*â. Ecce vicit leo, p. 348.*

*Lectio ij.*

**STANS** autem Petrus cum undecim, levavit vocem suam, et locutus est eis: Viri Judæi, et qui habitatis Jerusalem universi, hoc vobis notum sit, et auribus percipite verba mea. Non enim sicut vos aestimatis, hi ebrii sunt, cum sit hora diei tertia, sed hoc est quod dictum est per Prophetam Joel: Et erit in

novissimis diebus, dicit Dominus, effundam de Spiritu meo super omnem carnem; et prophetabunt filii vestri et filie vestræ, et juvenes vestri visiones videbunt, et seniores vestri somnia somniabunt. Et quidem super servos meos, et super ancillas meas in diebus illis effundam de Spiritu meo, et prophetabunt: et dabo prodigia in cælo sursum, et signa in terra deorsum, sanguinem, et ignem et vaporem fumi. Sol convertetur in tenebras, et luna in sanguinem, at-  
tequam veniat dies Domini magnus et manifestus. Et erit: omnis quicumque invocaverit nomen Domini, salvus erit.

*â. Ego sum vitis vera, p. 349.*

*Lectio iij.*

**VIRI** Israelitæ, audite verba hæc: Jesum Nazarenum, virum approbatum a Deo in vobis, virtutibus, et prodigiis, et signis, quæ fecit Deus per illum in medio vestri, sicut et vos scitis: hunc definito consilio et præscientia Dei traditum, per manus iniquorum affligentes interemistis: quem Deus suscitavit, solutis doloribus inferni, juxta quod impossibile erat teneri illum ab eo. David enim dicit in eum: Providebam Dominum in conspectu meo semper, quoniam a dextris est mihi ne commovear. Propter hoc lætatum est cor meum, et exultavit lingua mea, insuper et caro mea requiescet in spe. Quoniam non derelinques animam meam in inferno, nec dabis Sanctum tuum videre corruptionem.

*Ad Bened. Ant. Præcedam vos in Galilæam, ibi me videbitis, sicut dixi vobis, alleluia, alleluia.*

*Ad Magnif. Ant. Mitte manum tuam, et cognosce loca clavorum, alleluia: et noli esse incredulus, sed fidelis, alleluia.*

### **FERIA QUARTA.**

*De Actibus Apostolorum.*

*Lectio j. Cap. 3.*

**PETRUS** autem et Joannes ascen-  
debant in templum ad horam

orationis nonam. Et quidam vir, qui erat claudus ex utero matris suæ, bajulabatur: quem ponebant quotidie ad portam templi, quæ dicitur Speciosa, ut peteret eleemosynam ab introeuntibus in templum. Is cum vidisset Petrum et Joannem incipientes introire in templum, rogabat ut eleemosynam acciperet. Intuentes autem in eum Petrus cum Joanne, dixit: Respice in nos. At ille intendebat in eos, sperans se aliquid accepturum ab eis. Petrus autem dixit: Argentum et aurum non est mihi: quod autem habeo, hoc tibi da: in nomine Jesu Christi Nazarenæ, surge, et ambula.

q. Surgens Jesus, p. 330.

Lectio. ij.

**ET** apprehensa manu ejus dextera, allevavit eum, et protinus consolidatæ sunt bases ejus et plantæ. Et exiliens stetit, et ambulabat, et intravit cum illis in templum ambulans, et exiliens, et laudans Deum. Et vidit omnis populus eum ambulantem et laudantem Deum. Cognoscebant autem illum, quod ipse erat qui ad eleemosynam sedebat ad Speciosam portam templi: et impleti sunt stupore et extasi, in eo quod contigerat illi. Cum teneret autem Petrum et Joannem, cucurrit omnis populus ad eos ad porticum quæ appellatur Salomonis, stupentes.

q. Expurgate vetus, p. 330.

Lectio. iij.

**VIDENS** autem Petrus, respondit ad populum: Viri Israelitæ, quid miramini in hoc, aut nos quid intuemini, quasi nostra virtute aut potestate fecerimus hunc ambulare? Deus Abraham, et Deus Isaac, et Deus Jacob, Deus patrum nostrorum glorificavit Filium suum Jesum, quem vos quidem tradidistis, et negastis ante faciem Pilati, judicante illo dimitti. Vos autem sanctum et justum negastis, et petistis virum homicidam donari vobis: auctorem vero vitæ interfecistis, quem Deus suscitavit a

mortuis, cujus nos testes sumus. Et in fide nominis ejus, hunc, quem vos vidistis et nostis, confirmavit nomen ejus: et fides, quæ per eum est, dedit integram sanitatem istam in conspectu omnium vestrum.

*Ad Bened. Ant.* Ego sum vitis vera, alleluia: et vos palmites veri, alleluia.

*Ad Magnif. Ant.* Quia vidisti me, Thoma, credidisti: beati qui non viderunt, et crediderunt, alleluia.

## FERIA QUINTA.

De Actibus Apostolorum.

Lectio. j.

Cap. 5.

**VIR** autem quidam nomine Ananias, cum Saphira uxore sua vendidit agrum, et fraudavit de pretio agri, conseia uxore sua: et afferens partem quamdam, ad pedes Apostolorum posuit. Dixit autem Petrus: Anania, cur tentavit satanas cor tuum mentiri te Spiritui sancto, et fraudare de pretio agri? Nonne manens tibi manebat, et venundatum in tua erat potestate? Quare posuisti in corde tuo hanc rem? Non es mentitus hominibus, sed Deo. Audiens autem Ananias hæc verba, cecidit et expiravit. Et factus est timor magnus super omnes, qui audierunt. Surgentes autem juvenes amoverunt eum, et efferentes sepelierunt.

q. Christus resurgens, p. 331.

Lectio. ij.

**FACTUM** est autem quasi horarum trium spatium, et uxor ipsius, nesciens quod factum fuerat introivit. Dixit autem ei Petrus: Dic mihi, mulier, si tanti agrum vendidisti? At illa dixit: Etiam tanti. Petrus autem ad eam: Quid utique convenit vobis tentare Spiritum Domini? Ecce pedes eorum, qui sepelierunt virum tuum, ad ostium, et efferent te. Confestim cecidit ante pedes ejus, et expiravit. Intrantes autem juvenes invenerunt illam mortuam, et extulerunt, et sepelierunt ad virum suum. Et factus est timor

magnus in universa ecclesia, et in omnes qui audierunt hæc.

¶. Surrexit pastor, p. 346.

*Lectio iij.*

**P**ER manus autem Apostolorum fiebant signa et prodigia multa in plebe. Et erant unanimiter omnes in porticu Salomonis. Cæterorum autem nemo audebat se conjungere illis; sed magnificabat eos populus. Magis autem augebatur credentium in Domino multitudo virorum ac mulierum, ita ut in plateas ejicerent infirmos, et ponerent in lectulis ac grabatis, ut, veniente Petro, saltem umbra illius obumbraret quemquam illorum, et liberarentur ab infirmitatibus suis. Concorrebat autem et multitudo vicinarum civitatum Jerusalem, afferentes ægros, et vexatos a spiritibus immundis; qui curabantur omnes.

*Ad Bened. Ant.* Ardens est cor meum desidero videre Dominum meum: quero, et non invenio ubi posuerunt eum, alleluia, alleluia.

*Ad Magnif. Ant.* Misi digitum meum in fixuras clavorum, et manum meam in latus ejus, et dixi: Dominus meus, et Deus meus, alleluia.

## FERIA SEXTA.

De Actibus Apostolorum.

*Lectio j. Cap. 8.*

**V**IR autem quidam nomine Simon, qui ante fuerat in civitate magus, seducens gentem Samariæ, dicens se esse aliquem magnum: cui auscultabant omnes a minimo usque ad maximum, dicentes: Hic est virtus Dei, quæ vocatur magna. Attendebant autem eum, propter quod multo tempore magis suis dementasset eos. Cum vero credidissent Philippo evangelizanti de regno Dei, in nomine Jesu Christi baptizabantur viri ac mulieres. Tunc Simon et ipse credidit, et cum baptizatus esset, adhærebat Philippo. Videns etiam si-

gna et virtutes maximas fieri, stupens admirabatur.

¶. Virtute magna, p. 347.

*Lectio ij.*

**C**UM autem audissent Apostoli, qui erant Jerosolymis, quod recepisset Samaria verbum Dei, miserunt ad eos Petrum et Joannem. Qui cum venissent, oraverunt pro ipsis ut acciperent Spiritum sanctum. Nondum enim in quemquam illorum venerat, sed baptizati tantum erant in nomine Domini Jesu. Tunc imponebant manus super illos, et accipiebant Spiritum sanctum. Cum vidisset autem Simon quia per impositionem manus Apostolorum daretur Spiritus sanctus, obtulit eis pecuniam, dicens: Date et mihi hanc potestatem, ut cuicumque imposuero manus, accipiat Spiritum sanctum.

¶. De ore prudentis, p. 347.

*Lectio iij.*

**P**ETRUS autem dixit ad eum: Pecunia tua tecum sit in perditionem, quoniam donum Dei existimasti pecunia possideri. Non est tibi pars, neque sors in sermone isto; cor enim tuum non est rectum coram Deo. Pœnitentiam itaque age ab hac nequitia tua, et roga Deum, si forte remittatur tibi hæc cogitatio cordis tui. In felle enim amaritudinis, et obligatione iniquitatis video te esse. Respondens autem Simon, dixit: Precamini vos pro me ad Dominum, ut nihil veniat super me horum quæ dixistis.

*Ad Bened. Ant.* Venerunt ad monumentum Maria Magdalene et altera Maria videre sepulchrum, alleluia.

*In Vesp., nisi occurrat Festum ix. Lect., a Capit. fit de S. Maria.*

## SABBATO

De Actibus Apostolorum.

*Lectio j. Cap. 10.*

**V**IR autem quidam erat in Casarea, nomine Cornelius, Centurio cohortis quæ dicitur Italica, reli-



ligiosus ac timens Deum cum omni domo sua, faciens eleemosynas multas plebi, et deprecans Deum semper. Is vidit in visu manifeste, quasi hora diei nona, Angelum Dei introeuntem ad se, et dicentem sibi: Corneli. At ille intuens eum, timore correptus, dixit: Quid est, Domine? Dixit autem illi: Orationes tuæ et eleemosynæ tuæ ascenderunt in memoriam in conspectu Dei. Et nunc mitte viros in Joppen, et accerse Simonem quemdam, qui cognominatur Petrus: hic hospitatur apud Simonem quemdam coriarium, cujus est domus juxta mare: hic dicet tibi quid te oporteat facere. Et cum discessisset Angelus qui loquebatur illi, vocavit duos domesticos suos, et militem metuentem Dominum, ex his qui illi parebant. Quibus cum narrasset omnia, misit illos in Joppen.

*Lectio ij.*

**P**OSTERA autem die iter illis facientibus, et appropinquantibus civitati, ascendit Petrus in superiora, ut oraret circa horam sextam. Et cum esuriret, voluit gustare. Parantibus autem illis, cecidit super eum mentis excessus; et vidit cælum apertum, et descendens vas quoddam, velut linteum magnum, quatuor initiis submitti de cælo in terram, in quo erant omnia quadrupedia, et serpentina terræ, et volatilia cæli. Et facta est vox ad eum: Surge, Petre, occide et manduca. Ait autem Petrus: Absit, Domine, quia nunquam manducavi omne commune et immundum: Et vox iterum secundo ad eum: Quod Deus purificavit, tu commune ne dixeris. Hoc autem factum est per ter, et statim receptum est vas in cælum. Et dum intra se hæsitaret Petrus quidnam esset visio quam vidisset, ecce viri qui missi erant a Cornelio, inquirentes domum Simonis, astiterunt ad januam.

*Lectio iij.*

**A**PERIENS autem Petrus os suum, dixit: In veritate comperi

quia non est personarum acceptor Deus, sed in omni gente, qui timet eum et operatur justitiam acceptus est illi. Verbum misit Deus filiis Israel: annuntians pacem per Jesum Christum (hic est omnium Dominus.) Vos scitis quod factum est verbum per universam Judæam: incipiens enim a Galilæa, post baptismum quod prædicavit Joannes Jesum a Nazareth: quomodo unxit eum Deus Spiritu sancto et virtute, qui pertransiit benefaciendo et sanando omnes oppressos a diabolo, quoniam Deus erat cum illo. Et nos testes sumus omnium quæ fecit in regione Judæorum et Jerusalem. Quem occiderunt suspendentes in ligno, hunc Deus suscitavit tertia die, et dedit eum manifestum fieri non omni populo, sed testibus præordinatis a Deo, nobis qui manducavimus et bibimus cum illo, postquam resurrexit a mortuis.

*Ad Vesperas.*

*Capitulum. 1. Petri 2.*

**C**HARISSIMI, Christus passus est pro nobis, vobis relinquens exemplum, ut sequamini vestigia ejus: qui peccatum non fecit, nec inventus est dolus in ore ejus.

*Hymnus et y. ut supra, p. 351.*

*Ad Magnif. Ant.* Ego sum pastor ovium: ego sum via, veritas et vita: ego sum pastor bonus, et cognosco oves meas, et cognoscunt me meæ, alleluia, alleluia.

*Oratio ut infra in Laudibus.*

*Deinde fit comm. de Cruce, ut supra, p. 100.*

**DOM. II. POST. PASCH.**

*Ad Matut. Invit. et Hymnus ut in Dom. præced. p. 352.*

**IN I. NOCTURNO.**

**De Actibus Apostolorum.**

*Lectio j. Cap. 13.*

**C**UM a Papho navigassent Paulus et qui cum eo erant, venerunt Perge Pamphiliæ. Joannes autem di-

scedens ab eis, reversus est Jerosolymam. Illi vero pertranseuntes Per-gen, venerunt Antiochiam Pisidiæ, et ingressi synagogam die sabbatorum, sederunt. Post lectionem autem legis et Prophetarum, miserunt principes synagogæ ad eos, dicentes: Viri fratres, si quis est in vobis sermo exhortationis ad plebem, dicite. Surgens autem Paulus, et manu silentium indicens, ait: Viri Israelitæ, et qui timetis Deum, audite. Deus plebis Israel elegit patres nostros, et plebem exaltavit, cum essent incolæ in terra Ægypti, et in brachio excelso eduxit eos ex ea, et per quadraginta annorum tempus mores eorum sustinuit in deserto. Et destruens gentes septem in terra Chanaan, sorte distribuit eis terram eorum, quasi post quadrigentos et quinquaginta annos: et post hæc dedit iudices, usque ad Samuel Prophetam.

ñ. Virtute magna, p. 347.

*Lectio ij.*

**ET** exinde postulaverunt regem, et dedit illis Deus Saul filium Cis, virum de Tribu Benjamin, annis quadraginta. Et, amoto illo, suscitavit illis David regem, cui testimonium perhibens, dixit: Inveni David filium Jesse: virum secundum cor meum, qui faciet omnes voluntates meas. Hujus Deus ex semine secundum promissionem eduxit Israel Salvatorem Jesum, prædicante Joanne ante faciem adventus ejus baptismum pœnitentiæ omni populo Israel. Cum impleret autem Joannes cursum suum dicebat: Quem me arbitramini esse, non sum ego: sed ecce venit post me, cujus non sum dignus calceamenta pedum solve.

ñ. De ore prudentis, p. 347.

*Lectio iij.*

**VIRI** fratres, filii generis Abraham, et qui in vobis timent Deum, vobis verbum salutis hujus missum est. Qui enim habitabant Jerusalem, et principes ejus, hunc

ignorantes, et voces Prophetarum, quæ per omne sabbatum leguntur, judicantes impleverunt: et nullam causam mortis invenientes in eo, petierunt a Pilato ut interficerent eum. Cumque consummassent omnia quæ de eo scripta erant, depouentes eum, de ligno, posuerunt eum in monumento. Deus vero suscitavit eum a mortuis tertia die; qui visus est per dies multos his qui simul ascenderant cum eo de Galilæa in Jerusalem: qui usque nunc sunt testes ejus ad plebem. Et nos vobis annuntiamus eam, quæ ad patres nostros repromissio facta est: quoniam hanc Deus adimplevit filiis nostris, resuscitans Jesum sicut et in psalmo secundo scriptum est: Filius meus es tu, ego hodie genui te.

ñ. Ecce vicit leo de tribu Juda, radix David, aperire librum, et solvere septem signacula ejus: Alleluia, alleluia, alleluia. ÿ. Dignus est Agnus qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Alleluia. Gloria. Alleluia.

IN II. NOCTURNO.

Sermo sancti Leonis Papæ.

*Serm. I. de Ascensione Domini.*

*Lectio iv.*

**HI** dies, dilectissimi, qui inter resurrectionem Domini ascensionemque fluxerunt, non otioso transire decursu, sed magna in eis confirmata sacramenta, magna sunt revelata mysteria. In iis metus diræ mortis aufertur, et non solum animæ, sed etiam carnis immortalitas declaratur. In iis per insufflationem Domini infunditur Apostolis omnibus Spiritus sanctus, et beato Apostolo Petro supra cæteros, post regni claves, ovis Dominici cura mandatur.

ñ. Ego sum vitis vera, et vos palmites. Qui manet in me, et ego in eo, hic fert fructum multum, alleluia, alleluia. ÿ. Sicut dilexit me Pater, et ego dilexi vos. Qui.

*Lectio. v.*

**I**N iis diebus, duobus discipulis tertius in via Dominus jungitur comes, et ad omnem nostræ ambiguitatis caliginem detergendam, paventium ac trepidantium tarditas increpatur. Flammam fidei illuminata corda concipiunt: et quæ erant tepida, reserante Scripturas Domino, efficiuntur ardentia. In fractione quoque panis convalescentium aperiuntur obtutus: multo felicius eorum oculis patefactis, quibus naturæ suæ manifestata est glorificatio, quam illorum generis nostri principum, quibus prævaricationis suæ est ingesta confusio.

¶. Surgens Jesus. p. 350.

*Lectio vi.*

**I**NTER hæc autem aliaque miracula, cum discipuli trepidis cogitationibus æstuant, et apparuisset in medio eorum Dominus, dixissetque Pax vobis: ne hoc remaneret in eorum opinionibus, quodolvebatur in cordibus (putabant enim se spiritum videre, non carnem) redarguit cogitationes a veritate discordes: ingerit dubitantium oculis manentia in manibus suis et pedibus crucis signa, et ut diligentius pertractetur invitat. Quia ad sananda infidelium cordium vulnera, clavorum et lanceæ erant servata vestigia: ut non dubia fide, sed constantissima scientia teneretur, eam naturam in Dei Patris concessuram throno, quæ jacuerat in sepulchro.

¶. Expurgate vetus, p. 350.

## IN III. NOCTURNO.

Lectio sancti Evangelii secundum Joannem.

*Lectio vij.*

## Cap. 10.

**I**N illo tempore: Dixit Jesus Pharisæis, Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Gregorii Papæ.

Homil. 14. in Evangelia.

**A**UDISTIS, fratres charissimi, ex lectione Evangelica eruditionem vestram: audistis et periculum nostrum. Ecce enim is qui non ex accidenti dono, sed essentialiter bonus est, dicit: Ego sum pastor bonus. Atque ejusdem bonitatis formam quam nos imitemur; adjungit, dicens: Bonus pastor animam suam ponit pro ovibus suis. Fecit quod monuit, ostendit quod jussit. Bonus pastor pro ovibus suis animam suam posuit, ut in sacramento nostro corpus suum et sanguinem verteret, et oves quas redemerat, carnis suæ alimento satia-  
ret.

¶. Christus resurgens, p. 351.

*Lectio viij.*

**O**STENSA nobis est de contemptu mortis via, quam sequamur: apposita est forma, cui imprimamur. Primum nobis est exteriora nostra misericorditer ovibus ejus impendere: postremum vero, si necesse sit, etiam mortem nostram pro eisdem ovibus ministrare. A primo autem hoc minimo pervenitur ad postremum majus. Sed cum incomparabiliter longe sit melior anima, qua vivimus, quam terrena substantia, quam exterius possidemus, qui non dat pro ovibus substantiam suam, quando pro his daturus est animam suam?

¶. Surrexit pastor bonus, p. 346.

*Lectio ix.*

**E**T sunt nonnulli, qui dum plus terrenam substantiam, quam oves diligunt, merito nomen pastoris perdunt: de quibus protinus subditur: Mercenarius autem, et qui non est pastor, cujus non sunt oves propriæ, videt lupo venientem, et dimittit oves, et fugit. Non pastor, sed mercenarius vocatur, qui non pro amore intimo oves Dominicas, sed ad temporales mercedes pascit. Mercenarius quippe est qui locum quidem pastoris tenet, sed lucra animarum non quærit: terrenis commodis inhiat,



honore prælationis gaudet, temporalibus lucris pascitur : impensa sibi ab hominibus reverentia lætatur.

*Ad Laud. et Horas Ant. de Psalt. Capitulum. I. Petri 2.*

**CHARISSIMI**, Christus passus est pro nobis, vobis relinquens exemplum, ut sequamini vestigia ejus: qui peccatum non fecit, nec inventus est dolus in ore ejus.

*Hymnus et y. ut supra, p. 355.*

*Ad Bened. Ant.* Ego sum pastor ovium, ego sum via, veritas, et vita: ego sum pastor bonus, et cognosco oves meas, et cognoscunt me meæ, alleluia, alleluia.

*Oratio.*

**DEUS**, qui in Filii tui humilitate jacentem mundum erexisti, fidelibus tuis perpetuam concede lætitiā, ut quos perpetuæ mortis eripuisti casibus, gaudiis facias perfrui sempiternis. Per eundem.

*Comm. de Cruce, ut sup., p. 100.*

*Ad Horas qq. br. ut in Psalt.*

*Ad Tertiam.*

*Capit. Charissimi, Christus.*

*Ad Sextam.*

*Capitulum. I. Petri 2.*

**TRADEBAT** autem judicanti se injuste, qui peccata nostra ipse pertulit in corpore suo super lignum, ut peccatis mortui justitiæ vivamus, cujus livore sanati sumus.

*Ad Nonam.*

*Capitulum. I. Petri 2.*

**ERATIS** enim sicut oves errantes, sed conversi estis nunc ad pastorem et episcopum animarum nostrarum.

*Ad Vesperas.*

*Ant. Alleluia et Psalmi de Dom.*

*Capit. Charissimi Christus.*

*Hymnus et y. ut supra, p. 354.*

*Ad Magnif. Ant.* Ego sum pastor bonus, qui pascio oves meas, et pro

ovibus meis pono animam meam, alleluia.

*Comm. de Cruce, ut sup., p. 100.*

**FERIA SECUNDA**

*De Actibus Apostolorum.*

*Lectio j. Cap 15.*

**SURBEXERUNT** autem quidam de hæresi Phariseorum, qui crediderunt, dicentes: Quia oportet circumcidi eos: præcipere quoque servare legem Moysi. Conveneruntque Apostoli et seniores videre de verbo hoc. Cum autem magna conquisitio fieret: surgens Petrus dixit ad eos: Viri fratres, vos scitis quoniam ab antiquis diebus Deus in nobis elegit, per os meum audire Gentes verbum Evangelii, et credere. Et qui novit corda Deus, testimonium perhibuit, dans illis Spiritum sanctum sicut et nobis: et nihil discrevit inter nos et illos, fide purificans corda eorum. Nunc ergo quid tentatis Deum, imponere jugum super cervices discipulorum, quod neque patres nostri, neque nos portare potuimus? Sed per gratiam Domini Jesu Christi credimus salvari, quemadmodum et illi. Tacuit autem omnis multitudo, et audiebat Barnabam et Paulum, narrantes quanta Deus fecisset signa et prodigia in Gentibus per eos.

*A. Virtute magna, p. 347.*

*Lectio ii.*

**ET** postquam tacuerunt, respondit Jacobus, dicens: Viri fratres, audite me. Simon narravit quemadmodum primum Deus visitavit sumere ex Gentibus populum nomini suo: Et huic concordant verba Prophetarum, sicut scriptum est. Post hæc revertar, et reædificabo tabernaculum David, quod decidit: et diruta ejus reædificabo, et erigam illud, ut requirant cæteri hominum Dominum, et omnes gentes super quas invocatum est nomen meum, dicit Dominus, faciens hæc. Notum a sæculo est Domino opus suum. Propter quod ego judico non inquietari eos, qui ex

Gentibus convertuntur ad Deum, sed scribere ad eos ut abstineant se a contaminationibus simulacrorum, et fornicatione, et suffocatis, et sanguine. Moyses enim a temporibus antiquis habet in singulis civitatibus qui eum prædicent in synagogis, ubi per omne sabbatum legitur.

¶. De ore prudentis, p. 347.

*Lectio iij.*

**T**UNC placuit Apostolis et Senioribus cum omni Ecclesia eligere viros ex eis, et mittere Antiochiam cum Paulo et Barnaba Judam, qui cognominabatur Barsabas, et Silam, viros primos in fratribus; scribentes per manus eorum. Apostoli et seniores fratres, his qui sunt Antiochiæ, et Syriæ, et Ciliciæ, fratribus ex Gentibus, salutem. Quoniam audivimus quia quidam ex nobis exeuntes, turbaverunt vos verbis, evertentes animas vestras, quibus non mandavimus, placuit nobis collectis in unum eligere viros, et mittere ad vos cum charissimis nostris Barnaba et Paulo, hominibus qui tradiderunt animas suas pro nomine Domini nostri Jesu Christi. Misimus ergo Judam et Silam, qui et ipsi vobis verbis referent eadem. Visum est enim Spiritui sancto et nobis nihil ultra imponere vobis oneris, quam hæc necessaria: ut abstinere vos ab immolatis simulacrorum, et sanguine, et suffocato, et fornicatione: a quibus custodientes vos, bene agetis. Valet.

*Ad Bened. Ant.* Euntes in mundum, alleluia, docete omnes gentes, alleluia.

*Ad Magnif. Ant.* Pastor bonus animam suam ponit pro ovibus suis, alleluia.

### FERIA TERTIA.

De Actibus Apostolorum.

*Lectio j. Cap. 17. et 18.*

**S**TANS autem Paulus in medio Areopagi, ait: Viri Athenienses, per omnia quasi supersticiosiores vos video. Præteritus enim, et videns si-

mulacra vestra, inveni et aram in qua scriptum erat: Ignoto Deo. Quod ergo ignorantes colitis, hoc ego annuntio vobis. Deus qui fecit mundum, et omnia quæ in eo sunt, hic cæli et terræ cum sit Dominus, non in manufactis templis habitat, nec manibus humanis colitur, indigens aliquo, cum ipse det omnibus vitam, et inspirationem, et omnia: fecitque ex uno omne genus hominum inhabitare super universam faciem terræ, definiens statuta tempora, et terminos habitationis eorum, quærere Deum si forte attrectent eum aut inveniant, quamvis non longe sit ab unoquoque nostrum.

*Lectio ij.*

**I**N ipso enim vivimus, et movemur, et sumus: sicut et quidam vestrorum Poetarum dixerunt: Ipsius enim et genus sumus. Genus ergo cum simus Dei, non debemus æstimare auræ, aut argento, aut lapidi, sculpturæ artis et cogitationis hominis, divinum esse simile. Et tempora quidem hujus ignorantia despiciens Deus, nunc annuntiat hominibus ut omnes ubique pœnitentiam agant, eo quod statuit diem in quo judicaturus est orbem in æquitate, in viro in quo statuit, fidem præbens omnibus, suscitans eum a mortuis. Cum audissent autem resurrectionem mortuorum, quidam iridebant, quidam vero dixerunt; Audiemus te de hoc iterum. Sic Paulus exivit de medio eorum.

¶. Ego sum vitis vera, p. 348.

*Lectio iij.*

**Q**UIDAM vero viri adhærentes ei, crediderunt: in quibus et Dionysius Areopagita, et mulier nomine Damaris, et alii cum eis. Post hæc egressus ab Athenis, venit Corinthum: et inveniens quemdam Judæum nomine Aquilam, Ponticum genere, qui nuper venerat ab Italia, et Priscillam uxorem ejus (eo quod præcepisset Claudius discedere omnes Judæos a Roma) accessit ad eos. Et quia ejusdem erat artis, manebat apud

eos, et operabatur: erant autem scenofactoriæ artis. Et disputabat in synagoga per omne sabbatum, interponens nomen Domini Jesu, suadebatque Judæis et Græcis.

*Ad Bened. Ant.* Euntes in mundum, docete omnes gentes, baptizantes eos in nomine Patris, et Filii, et Spiritus sancti, alleluia.

*Ad Magnif. Ant.* Mercenarius autem, cujus non sunt oves propriæ, videt lupum venientem, et dimittit oves, et fugit; et lupus rapit, et dispergit oves, alleluia.

### FERIA QUARTA

De Actibus Apostolorum.

*Lectio j. Cap. 20.*

**A**MILETO Paulus mittens Ephesum, vocavit majores natu Ecclesiæ. Qui cum venissent ad eum, et simul essent, dixit eis: Vos scitis a prima die, qua ingressus sum in Asiam, qualiter vobiscum per omne tempus fuerim, serviens Domino cum omni humilitate, et lacrymis, et tentationibus, quæ mihi acciderunt ex insidiis Judæorum: quomodo nihil subtraxerim utilium, quo minus annuntiarem vobis, et docerem vos publice et per domos, testificans Judæis atque Gentilibus Dei pœnitentiam, et fidem in Dominum nostrum Jesum Christum. Et nunc ecce alligatus ego Spiritu vado in Jerusalem, quæ in ea ventura sint mihi ignorans, nisi quod Spiritus sanctus per omnes civitates mihi protestatur, dicens: Quoniam vincula et tribulationes Jerosolymis me manent. Sed nihil horum vereor, nec facio animam meam pretiosiores quam me, dummodo consummem cursum meum, et ministerium verbi: quod accepi a Domino Jesu, testificari Evangelium gratiæ Dei.

ñ. Surgens Jesus, p. 350.

*Lectio iij.*

**E**T nunc ecce ego scio, quia amplius non videbitis faciem meam vos omnes, per quos transivi prædi-

cans regnum Dei. Quapropter contestor vos hodierna die, quia mundus sum a sanguine omnium. Non enim subterfugi, quo minus annuntiarem omne consilium Dei vobis. Attendite vobis et universo gregi, in quo vos Spiritus sanctus posuit Episcopos regere Ecclesiam Dei; quam acquisivit sanguine suo. Ego scio quoniam intrabunt post discessionem meam lupi rapaces in vos, non parcentes gregi, et ex vobis ipsis exurgent viri loquentes perversa, ut abducant discipulos post se. Propter quod vigilate, memoria retinentes, quoniam per triennium nocte et die non cessavi cum lacrymis monens unumquemque vestrum.

ñ. Expurgate vetus, p. 350.

*Lectio. iij.*

**E**T nunc commendo vos Deo, et verbo gratiæ ipsius, qui potens est ædificare, et dare hereditatem in sanctificatis omnibus. Argentum et aurum, aut vestem nullius concupivi, sicut ipsi scitis: quoniam ad ea, quæ mihi opus erant, et his qui mecum sunt, ministraverunt manus istæ. Omnia ostendi vobis, quoniam sic laborantes, oportet suscipere infirmos ac meminisse verbi Domini Jesu, quoniam ipse dixit: Beatius est magis dare, quam accipere. Et cum hæc dixisset, positus genibus suis oravit cum omnibus illis. Magnus autem fletus factus est omnium, et procumbentes super collum Pauli, osculabantur eum, dolentes maxime in verbo quod dixerat: quoniam amplius faciem ejus non essent visuri. Et deducebant eum ad navem.

*Ad Bened. Ant.* Ite, nuntiate fratribus meis, alleluia, ut cant in Galilæam, alleluia: ibi me videbunt, alleluia, alleluia, alleluia.

*Ad Magnif. Ant.* Sicut novit me Pater, et ego cognosco Patrem, et animam meam pono pro ovibus meis, alleluia.

### FERIA QUINTA.

De Actibus Apostolorum.



*Lectio j. Cap. 24.*

**R**ESPONDIT autem Paulus (au-  
nuente sibi Præsidi dicere): Ex  
multis annis te esse judicem genti  
huic sciens, bono animo pro me sa-  
tisfaciam. Potes enim cognoscere, quia  
non plus sunt mihi dies quam duo-  
decim, ex quo ascendi adorare in  
Jerusalem. Et neque in templo inve-  
nerunt me cum aliquo disputantem,  
aut concursus facientem turbæ, ne-  
que in synagogis, neque in civitate:  
neque probare possunt tibi de quibus  
nunc me accusant. Confiteor autem  
hoc tibi, quod secundum sectam,  
quam dicunt hæresim, sic deservio  
Patri et Deo meo, credens omnibus,  
quæ in lege et Prophetis scripta sunt:  
spem habens in Deum, quam et hi  
ipsi expectant, resurrectionem futu-  
ram justorum et iniquorum. In hoc  
et ipse studeo sine offendiculo con-  
scientiam habere ad Deum, et ad  
homines semper.

¶ Christus resurgens, p. 351.

*Lectio ij.*

**P**OST annos autem plures, eleo-  
mosynas facturus in gentem  
meam, veni, et oblationes, et vo-  
ta. In quibus invenerunt me purifi-  
catum in templo, non cum turba,  
neque cum tumultu. Quidam autem  
ex Asia Judæi, quos oportebat apud  
te præsto esse, et accusare si quid  
haberent adversum me: aut hi ipsi  
dicant, si quid invenerunt in me ini-  
quitalis, cum stem in concilio, nisi  
de una hac solummodo voce, qua  
clamavi inter eos stans: Quoniam de  
resurrectione mortuorum ego judicor  
hodie a vobis.

¶ Surrexit pastor, p. 346.

*Lectio iij.*

**D**ISTULIT autem illos Felix,  
certissime sciens de via hac di-  
cens: cum Tribunus Lysias descen-  
derit, audiam vos. Jussitque Centu-  
rioni custodire eum, et habere re-  
quiem, nec quemquam de suis pro-  
hibere ministrare ei. Post aliquot au-

tem dies veniens Felix cum Drusilla  
uxore sua, quæ erat Judæa, vocavit  
Paulum, et audivit ab eo fidem quæ  
est in Christum Jesum. Disputante  
autem illo de justitia, et castitate,  
et de judicio futuro, tremefactus Fe-  
lix respondit: Quod nunc attinet,  
vade: tempore autem opportuno ac-  
cersam te, simul et sperans, quod  
pecunia ei daretur a Paulo, propter  
quod et frequenter accersens eum, lo-  
quebatur cum eo. Biennio autem ex-  
pleto, accepit successorem Felix  
Porcium Festum. Volens autem gra-  
tiam præstare Judæis Felix, reliquit  
Paulum vinctum.

*Ad Bened. Ant.* Tu solus peregri-  
nus es, et non audisti de Jesu, quo-  
modo tradiderunt eum in damnationem  
mortis? alleluia.

*Ad Magnif. Ant.* Alias oves habeo,  
quæ non sunt ex hoc ovili: et illas  
oportet me adducere, et vocem me-  
am audient; et fiet unum ovile, et  
unus pastor, alleluia.

## FERIA SEXTA

De Actibus Apostolorum.

*Lectio j. Cap. 25.*

**F**ESTUS ergo cum venisset in pro-  
vinciam, post triduum ascendit  
Jerosolymam a Cæsarea. Adieruntque  
eum principes sacerdotum et primi  
Judæorum adversus Paulum, et ro-  
gabant eum postulantes gratiam ad-  
versus eum, ut juberet perducere eum  
in Jerusalem, insidias tendentes, ut  
interficerent eum in via. Festus au-  
tem respondit servari Paulum in Cæ-  
sarea, se autem maturius profectu-  
rum. Qui ergo in vobis, ait, po-  
tentes sunt, descendentes simul, si  
quod est in viro crimen, accusent  
eum.

¶ Virtute magna, p. 347.

*Lectio ij.*

**D**EMORATUS autem inter eos  
dies non amplius quam octo aut  
decem, descendit Cæsaream, et al-  
tera die sedit pro tribunali, et jussit  
Paulum adduci. Qui cum perductus

esset, circumsteterunt eum qui ab Jerosolyma descenderant Judæi, multas et graves causas objicientes, quas non poterant probare, Paulo rationem reddente: Quoniam neque in legem Judæorum, neque in templum, neque in Cæsarem quidquam peccavi.

q. De ore prudentis, p. 347.

*Lectio iij.*

**FESTUS** autem volens gratia præstare Judæis, respondens Paulo, dixit: Vis Jerosolymam ascendere, et ibi de his judicari apud me? Dixit autem Paulus: Ad tribunal Cæsaris sto, ibi me oportet judicari. Judæis non nocui, sicut tu melius nosti. Si enim nocui, aut dignum morte aliquid feci, non recuso mori: si vero nihil est eorum, quæ hi accusant me, nemo potest me illis donare. Cæsarem appello. Tunc festus cum concilio locutus, respondit: Cæsarem appellasti, ad Cæsarem ibis.

*Ad Bened. Ant.* Nonne sic oportuit pati Christum, et ita intrare in gloriam suam? alleluia.

### SABBATO.

De Actibus Apostolorum.

*Lectio j. Cap. 28.*

**CUM** autem venissemus Romam, permissum est Paulo manere sibi cum custodiente se milite. Post tertium autem diem convocavit primos Judæorum. Cumque convenissent, dicebat eis: Ego, viri fratres, nihil adversus plebem faciens, aut morem patrum, vinctus ab Jerosolymis traditus sum in manu Romanorum: qui cum interrogationem de me habuissent, voluerunt me dimittere, eo quod nulla esset causa mortis in me. Contradicientibus autem Judæis, coactus sum appellare Cæsarem, non quasi gentem meam habens aliquid accusare. Propter hanc igitur causam rogavi vos videre et alloqui: propter spem enim Israel catena hac circumdatus sum.

*Lectio ij.*

**AT** illi dixerunt ad eum: Nos neque litteras accepimus de te a Ju-

dæa, neque adveniens aliquis fratrum nuntiavit aut locutus est quid de te malum. Rogamus autem a te audire quæ sentis: nam de secta hac notum est nobis quia ubique ei contradicitur. Cum constituissent autem illi diem, venerunt ad eum in hospitium plurimi, quibus exponebat testificans regnum Dei, suadensque eis de Jesu ex lege Moysi et Prophetis, a mane usque ad vesperam. Et quidam credebant his quæ dicebantur: quidam vero non credebant.

*Lectio iij.*

**CUMQUE** invicem non essent consentientes, discedebant, dicente Paulo unum verbum: Quia bene Spiritus sanctus locutus est per Isaiam Prophetam ad patres nostros, dicens: Vade ad populum istum, et dic ad eos: Aure audietis, et non intelligetis; et videntes videbitis, et non perspicietis. Incrassatum est enim cor populi hujus, et auribus graviter audierunt, et oculos suos compresserunt, ne forte videant oculis, et auribus audiant, et corde intelligant, et convertantur, et sanem eos. Notum ergo sit vobis quoniam Gentibus missum est hoc salutare Dei, et ipsi audient. Et cum hæc dixisset, exierunt ab eo Judæi, multam habentes inter se questionem. Mansit autem biennio toto in suo conducto, et suscipiebat omnes qui ingrediebantur ad eum, prædicans regnum Dei, et docens quæ sunt de Domino Jesu Christo cum omni fiducia, sine prohibitione.

### Ad Vesperas.

*Capitulum. I. Petri 2.*

**CHARISSIMI**, Obsecro vos tanquam advenas et peregrinos abstinere vos a carnalibus desideriis, quæ militant adversus animam.

*Hymnus et y. ut supra, p. 351.*

*Ad Magnif. Ant.* Modicum, et non videbitis me, dicit Dominus: iterum modicum, et videbitis me, quia vado ad Patrem, allel., allel.

*Oratio ut infra in Laudibus.*

## DOM III. POST PASCH.

*Ad Matut. Invit. et Hymnus, ut  
in Dom. in Albis, p. 352.*

## IN I. NOCTURNO.

Incipit liber Apocalypsis beati  
Joannis Apostoli.

*Lectio j. Cap. i.*

**A**POCALYPSIS Jesu Christi, quam dedit illi Deus palam facere servis suis, quæ oportet fieri cito: et significavit, mittens per Angelum suum servo suo Joanni, qui testimonium perhibuit verbo Dei, et testimonium Jesu Christi, quæcumque vidit. Beatus qui legit et audit verba Prophetiæ hujus, et servat ea quæ in ea scripta sunt: tempus enim prope est. Joannes septem Ecclesiis quæ sunt in Asia. Gratia vobis et pax ab eo, qui est, et qui erat, et qui venturus est; et a septem spiritibus, qui in conspectu throni ejus sunt; et a Jesu Christo, qui est testis fidelis, primogenitus mortuorum, et princeps regum terræ, qui dilexit nos, et lavit nos a peccatis nostris in sanguine suo, et fecit nos regnum et sacerdotes Deo et Patri suo: ipsi gloria et imperium in sæcula sæculorum. Amen.

¶. Dignus es, Domine, accipere librum, et aperire signacula ejus, alleluia; quoniam occisus es, et redemisti nos Deo. \* In sanguine tuo, alleluia. ¶. Fecisti enim nos Deo nostro regnum et sacerdotium. In sanguine.

*Lectio ij.*

**E**CCE venit cum nubibus, et videbit eum omnis oculus, et qui eum pupugerunt. Et plangent se super eum omnes tribus terræ: Etiam, amen. Ego sum alpha et omega, principium et finis, dicit Dominus Deus, qui est, et qui erat, et qui venturus est, omnipotens. Ego Joannes frater vester, et particeps in tribulatione, et regno, et patientia in Christo Jesu, fui in insula quæ appellatur Patmos, propter verbum Dei et testimonium Jesu. Fui in spiritu in Domi-

nica die, et audiivi post me vocem magnam tanquam tubæ dicentis: Quod vides scribe in libro, et mitte septem Ecclesiis, quæ sunt in Asia, Epheso, et Smyrnæ, et Pergamo, et Thyati-ræ, et Sardis, et Philadelphiam, et Laodiciæ.

¶. Ego sicut vitis fructificavi suavitatem odoris, alleluia. \* Transite ad me, omnes qui concupiscitis me, et a generationibus meis adimplemini, alleluia, allel. ¶. In me omnis gratia viæ et veritatis; in me omnis spes vitæ et virtutis. Transite.

*Lectio iij.*

**E**T conversus sum ut viderem vocem quæ loquebatur mecum, et conversus vidi septem candelabra aurea, et in medio septem candelabrorum aureorum similem Filio hominis, vestitum podere, et præcinctum ad mamillas zona aurea: caput autem ejus et capilli erant candidi tanquam lana alba et tanquam nix, et oculi ejus tanquam flamma ignis, et pedes ejus similes aurichalco, sicut in camino ardenti: et vox illius tanquam vox aquarum multarum. Et habebat in dextera sua stellas septem, et de ore ejus gladius utraque parte acutus exhibat, et facies ejus sicut sol lucet in virtute sua. Et cum vidissem eum, cecidi ad pedes ejus tanquam mortuus. Et posuit dexteram suam super me, dicens: Noli timere; ego sum primus et novissimus, et vivus, et fui mortuus, et ecce sum vivens in sæcula sæculorum: et habeo claves mortis et inferni. Scribe ergo quæ vidi-sti, et quæ sunt, et quæ oportet fieri post hæc.

¶. Audiivi vocem de cælo tanquam vocem tonitruum magni, alleluia: regnabit Deus noster in æternum, alleluia: \* Quia facta est salus, et virtus, et potestas Christi ejus, alleluia, allel. ¶. Et vox de throno exivit, dicens: Laudem dicite Deo nostro, omnes sancti ejus, et qui timetis Deum, pusilli et magni. Quia. Gloria. Quia.



## IN II. NOCTURNO.

Homilia S. Augustini Episcopi.

Serm. 147. de Tempore.

Lectio iv.

**D**IEBUS his sanctis resurrectioni Domini dedicatis, quantum dominante ipso possumus, de carnis resurrectione tractemus. Hæc enim est fides nostra: hoc donum in Domini nostri Jesu Christi nobis carne promissum est, et in ipso præcessit exemplum. Voluit enim nobis quod promissit in fine, non solum prænuntiare, sed etiam demonstrare. Illi quidem, qui tunc fuerunt, cum illum viderent, et cum expavescerent, soliditatem corporis tenuerunt. Locutus est enim non solum verbis ad aures eorum, sed etiam species ad oculos eorum; parumque erat se præbere cernendum, nisi etiam offerret pertractandum, atque palpandum.

¶. Locutus est ad me unus ex septem Angelis, dicens: Veni, ostendam tibi novam nuptam, sponsam Angeli. \* Et vidi Jerusalem descendentem de cælo, ornatam monilibus suis, alleluia, allel. ¶. Et sustulit me in montem magnum et altum. Et.

Lectio v.

**A**IT enim: Quid turbati estis, et cogitationes ascendunt in cor vestrum? Putaverunt enim se spiritum videre. Quid turbati estis, inquit, et cogitationes ascendunt in cor vestrum? Videte manus meas, et pedes meos: palpate, et videte, quia spiritus ossa et carnem non habet, sicut me videtis habere. Contra istam evidentiam disputabant homines. Quid enim aliud facerent homines qui ea, quæ sunt hominum, sapiunt, quam sic disputare de Deo contra Deum? Ille enim Deus est, isti homines sunt: Sed Deus novit cogitationes hominum, quoniam vanæ sunt.

¶. Audivi vocem in cælo Angelorum multorum dicentium: \* Timete Dominum, et date claritatem illi, et adorato eum qui fecit cælum et ter-

ram, mare et fontes aquarum, alleluia, allel. ¶. Vidi Angelum Dei fortem volentem per medium cæli, voce magna clamantem et dicentem. Timete.

Lectio vj.

**I**N homine carnali tota regula intelligendi est consuetudo cernendi. Quod solent videre, credunt: quod non solent, non credunt. Præter consuetudinem fecit Deus miracula, quia Deus est. Majora quidem miracula sunt tot quotidie homines nasci qui non erant, quam paucos resurrexisse qui erant: et tamen ista miracula non consideratione comprehensa sunt, sed assiduitate viluerunt. Resurrexit Christus, absoluta est res. Corpus erat, caro erat: pependit in cruce, emisit animam, posita est caro in sepulchro. Exhibuit illam vivam, qui vivebat in illa. Quare miramur? quare non credimus? Deus est, qui fecit.

¶. Veniens a Libano quam pulchra facta est! alleluia. \* Et odor vestimentorum ejus super omnia aromata, alleluia, allel. ¶. Favus distillans labia ejus, mel et lac sub lingua ejus. Et. Gloria. Et.

## IN III. NOCTURNO.

Lectio sancti Evangelii secundum Joannem.

Lectio vij. Cap. 16.

**I**N illo tempore: Dixit Jesus discipulis suis: Modicum, et jam non videbitis me; et iterum modicum, et videbitis me, quia vado ad Patrem. Et reliqua.

Homilia S. Augustini Episcopi.

Tract. 101. in Ioan. sub finem.

**M**ODICUM est hoc totum spatium, quo præsens pervolat sæculum. Unde dicit idem ipse Evangelista in Epistola sua: Novissima ora est. Ideo namque addidit, Quia vado ad Patrem: quod ad priorem sententiam referendum est, ubi ait, Modicum, et jam non videbitis me: non ad posteriorem, ubi ait, Et iterum modicum, et videbitis me. Eundo quippe ad Pa-

trem, facturus erat ut eum non viderent. Ac per hoc non ideo dictum est, quia fuerat moriturus, et donec resurgeret, ab eorum aspectibus recessurus: sed quod esset iturus ad Patrem, quod fecit postea quam resurrexit, et cum eis per quadraginta dies conversatus, ascendit in cælum.

*¶.* Decantabat populus Israel, alleluia, et universa multitudo Jacob canebat legitime: \* Et David cum cantoribus citharam percutiebat in domo Domini, et laudes Deo canebat, alleluia, alleluia. *¶.* Sanctificati sunt ergo sacerdotes et Levitæ, et universus Israel deducebat arcam fœderis Domini in jubilo. Et.

*Lectio viij.*

**I**LLIS ergo ait: Modicum, et jam non videbitis me, qui eum corporaliter tunc videbant: quia iturus erat ad Patrem, et eum deinceps mortalem visuri non erant, qualem, cum ista loqueretur, videbant. Quod vero addidit, Et iterum modicum, et videbitis me, universæ promisit Ecclesiæ, sicut universæ promisit, Ecce ego vobiscum sum usque ad consummationem sæculi. Non tardat Dominus promissum. Modicum, et videbimus eum, ubi jam nihil rogemus, nihil interrogemus, quia nihil desiderandum remanebit, nihil quærendum latebit.

*¶.* Tristitia vestra, allel. \* Convertetur in gaudium, alleluia, alleluia. *¶.* Mundus autem gaudebit, vos vero contristabimini: sed tristitia vestra. Convertetur. Gloria. Convertetur.

*Lectio ix.*

**H**OC modicum longum nobis videtur, quoniam adhuc agitur; cum finitum fuerit, tunc sentiemus quam modicum fuerit. Non ergo sit gaudium nostrum quale habet mundus, de quo dictum est, Mundus autem gaudebit. Nec tamen in hujus desiderii parturitione sine gaudio tristes simus; sed sicut ait Apostolus, Spe gaudentes, in tribulatione patientes: quia et ipsa parturiens, cui compa-

rati sumus, plus gaudet de mox futura prole, quam tristis est de præsentis dolore. Sed hujus sermonis iste sit finis; habent enim quæstionem molestissimam quæ sequuntur: nec brevitate coarctanda sunt, ut possint commodius, si Dominus voluerit, explicari.

*Ad Laudes et Horas Ant. pro temp. pasch. de Psalt.*

*Capitulum. I. Petri 2.*

**CHARISSIMI**, Obsecro vos tanquam advenas et peregrinos abstinere vos a carnalibus desideriis, quæ militant adversus animam.

*Hymnus et ¶. ut supra p. 355.*

*Ad Bened. Ant. Modicum, et non videbitis me, dicit Dominus: iterum modicum, et videbitis me, quia vado ad Patrem, alleluia, allel.*

*Oratio.*

**DEUS**, qui errantibus, ut in viam possint redire justitiæ, veritatis tuæ lumen ostendis; da cunctis qui Christiana professione censentur, et illa respuere, quæ huic inimica sunt nomini, et ea quæ sunt apta, sectari. Per Dominum.

*Comm. de Cruce, ut supra, p. 100.*

*Ad Horas ¶. ¶. br. ut in Psalt.*

*Ad Tertiam.*

*Capit. Charissimi Obsecro.*

*Ad Sextam.*

*Capitulum. I. Petri 2.*

**SUBJECTI** igitur estote omni humanæ creaturæ propter Deum: sive regi quasi præcellenti, sive ducibus tanquam ab eo missis ad vindictam malefactorum, laudem vero bonorum.

*Ad Nonam.*

*Capitulum. I. Petri 2.*

**SERVI**, subditi estote in omni timore dominis, non tantum bonis et modestis, sed etiam dyscolis. Hæc est enim gratia in Christo Jesu Domino nostro.

*Ad Vesperas.*

*Ant. Alleluia et Psalmi de Dom. Capit. Charissimi, Obsecro.*

*Hymnus et γ. ut supra, p. 381.*

*Ad Magnif. Ant. Amen dico vobis quia plorabitis et flebitis vos: mundus autem gaudebit, vos vero contristabimini; sed tristitia vestra vertetur in gaudium, allel.*

*Comm. de Cruce ut supra, p. 100.*

## FERIA SECUNDA

De libro Apocalypsis B. Joannis Apostoli.

*Lectio j.*

*Cap. 2.*

**A**NGELO Ephesi Ecclesiae scribe: Hæc dicit qui tenet septem stellas in dextera sua, qui ambulat in medio septem candelabrorum aureorum: Scio opera tua, et laborem, et patientiam tuam, et quia non potes sustinere malos, et tentasti eos qui se dicunt Apostolos esse, et non sunt: et invenisti eos mendaces: et patientiam habes, et sustinuisti propter nomen meum, et non defecisti. Sed habeo adversum te quod charitatem tuam primam reliquisti. Memor esto itaque unde excideris, et age pœnitentiam, et prima opera fac. Sin autem venio tibi, et movebo candelabrum tuum de loco suo, nisi pœnitentiam egeris. Sed hoc habes, quia odisti facta Nicolaitarum, quæ et ego odi. Qui habet aurem, audiat quid Spiritus dicat Ecclesiis: Vincenti dabo edere de ligno vitæ, quod est in paradiso Dei mei.

¶. Vidi portam civitatis ad Orientem positam, et Apostolorum nomina et Agni super eam scripta: Et super muros ejus Angelorum custodiam, alleluia. γ. Vidi cælum novum, et terram novam, et civitatem novam descendentem de cælo. Et.

*Lectio ij.*

**E**T Angelo Smyrnæ Ecclesiae scribe: Hæc dicit primus et novissimus, qui fuit mortuus, et vivit: Scio tribulationem tuam et paupertatem tuam, sed dives es, et blasphemaris ab his, qui se dicunt Judæos esse, et

non sunt, sed sunt synagoga satanæ. Nihil horum timeas quæ passurus es. Ecce missurus est diabolus aliquos ex vobis in carcerem, ut tentemini, et habebitis tribulationem diebus decem. Esto fidelis usque ad mortem, et dabo tibi coronam vitæ. Qui habet aurem, audiat quid Spiritus dicat Ecclesiis: Qui vicerit, non lædetur a morte secunda.

¶. Ostendit mihi Angelus fontem aquæ vivæ: et dixit ad me alleluia: Hic Deum adora, alleluia, alleluia, alleluia. γ. Postquam audissem et vidissem, cecidi ut adorarem ante pedes Angeli, qui mihi hæc ostendebat, et dixit mihi. *Hic. Gloria. Hic.*

*Lectio iij.*

**E**T Angelo Pergami Ecclesiae scribe: Hæc dicit qui habet romphæam utraque parte acutam: Scio ubi habitas, ubi sedes est satanæ: et tenes nomen meum, et non negasti fidem meam. Et in diebus illis Antipas testis meus fidelis, qui occisus est apud vos, ubi satanas habitat. Sed habeo adversum te pauca: quia habes illic tenentes doctrinam Balaam, qui docebat Balac mittere scandalum eorum filiis Israel, edere, et fornicari: ita habes et tu tenentes doctrinam Nicolaitarum. Similiter pœnitentiam age: si quo minus, veniam tibi cito, et pugnabo cum illis in gladio oris mei. Qui habet aurem, audiat quid Spiritus dicat Ecclesiis: Vincenti dabo manna absconditum, et dabo illi calculum candidum, et in calculo nomen novum scriptum, quod nemo scit nisi qui accipit.

*Ad Bened. Ant. Et incipiens a Moyse et omnibus Prophetis, interpretabatur illis Scripturas, quæ de ipso erant, alleluia.*

*Ad Magnif. Ant. Tristitia vestra vertetur in gaudium, alleluia; et gaudium vestrum nemo tollet a vobis, alleluia, alleluia.*

## FERIA TERTIA

De libro Apocalypsis B. Joannis Apostoli.



*Lectio j. Cap. 4.*

**P**OST hæc vidi, et ecce ostium apertum in cælo, et vox prima quam audiui, tanquam tubæ loquentis mecum, dicens: Ascende huc, et ostendam tibi quæ oportet fieri post hæc. Et statim fui in spiritu: et ecce sedes posita erat in cælo, et supra sedem sedens. Et qui sedebat, similis erat aspectui lapidis jaspidis et sardinis: et iris erat in circuitu sedis similis visioni smaragdine. Et in circuitu sedis sedilia viginti quatuor, et super thronos viginti quatuor seniores sedentes, circumamicti vestimentis albis, et in capitibus eorum coronæ aureæ. Et de throno procedebant fulgura, et voces, et tonitrua: et septem lampades ardentes ante thronum, qui sunt septem spiritus Dei.

℟. Vidi Jerusalem descendente de cælo, ornatam auro mundo, et lapidibus pretiosis intextam: Alleluia, allel. ʒ. Et erat structura muri ejus ex lapide jaspide; ipsa vero aurum mundum, simile vitro mundo. Alleluia.

*Lectio ij.*

**E**T in conspectu sedis tanquam mare vitreum simile crystallo, et in medio sedis, et in circuitu sedis quatuor animalia plena oculis ante et retro. Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. Et quatuor animalia, singula eorum habebant alas senas, et in circuitu et intus plena sunt oculis, et requiem non habebant die ac nocte, dicentia: Sanctus, Sanctus, Sanctus Dominus Deus omnipotens, qui erat, et qui est, et qui venturus est.

℟. In diademate capitis Aaron magnificentia Domini sculpta erat, Dum perficeretur opus Dei, alleluia, alleluia, alleluia. ʒ. In veste enim poderis, quam habebat, totus erat orbis terrarum, et parentum magnalia in quatuor ordinibus lapidum scul-

pta erant. Dum. Gloria. Dum.

*Lectio iij.*

**E**T cum darent illa animalia gloriam, et honorem, et benedictionem sedenti super thronum, viventi in sæcula sæculorum, procidebant viginti quatuor seniores ante sedentem in throno, et adorabant viventem in sæcula sæculorum, et mittebant coronas suas ante thronum, dicentes: Dignus es, Domine Deus noster, accipere gloriam, et honorem, et virtutem, quia tu creasti omnia, et propter voluntatem tuam erant, et creata sunt.

*Ad Bened. Ant.* Et coegerunt illum, dicentes: Mane nobiscum, Domine, quoniam advesperascit, alleluia.

*Ad Magnif. Ant.* Tristitia implevit cor vestrum, et gaudium vestrum nemo tollet a vobis, alleluia allel.

### FERIA QUARTA.

De libro Apocalypsis B. Joannis Apostoli.

*Lectio j. Cap. 3.*

**E**T vidi in dextera sedentis super thronum librum scriptum intus et foris, signatum sigillis septem. Et vidi Angelum fortem, predicantem voce magna: Quis est dignus aperire librum, et solvere signacula ejus? Et nemo poterat neque in cælo, neque in terra, neque subter terram aperire librum, neque respicere illum. Et ego flebam multum, quoniam nemo dignus inventus est aperire librum, nec videre eum. Et unus de senioribus dixit mihi: Ne fleveris; ecce vicit leo de tribu Juda, radix David, aperire librum, et solvere septem signacula ejus. Et vidi, et ecce in medio throni et quatuor animalium, et in medio seniorum Agnum stantem tanquam occisum, habentem cornua septem et oculos septem, qui sunt septem spiritus Dei, missi in omnem terram. Et venit, et accepit de dextera sedentis in throno librum.

℟. Plateam tuam, Jerusalem, ster-

nentur anro mundo , alleluia , et cantabitur in te canticum lætitiæ , alleluia : \* Et per omnes vicos tuos ab universis dicetur , Alleluia , alleluia. *ŷ.* Luce splendida fulgebis , et omnes fines terræ adorabunt te. *Et.*

*Lectio ij.*

**ET** cum aperuisset librum , quatuor animalia et viginti quatuor seniores ceciderunt coram Agno , habentes singuli citharas et phialas aureas plenas odorum , quæ sunt orationes sanctorum : et cantabant canticum novum , dicentes : Dignus es , Domine accipere librum , et aperire signacula ejus , quoniam occisus es , et redemisti nos Deo in sanguine tuo ex omni tribu , et lingua , et populo , et natione : et fecisti nos Deo nostro regnum et sacerdotes ; et regnabimus super terram.

*ŷ.* Decantabat populus Israel , alleluia , et universa multitudo Jacob canebat legitime : \* Et David cum cantoribus citharam percutiebat in domo Domini , et laudes Deo canebat , alleluia , alleluia. *ŷ.* Sanctificati sunt ergo sacerdotes et Levitæ , et universus Israel deducebat arcam fœderis Domini in jubilo. *Et. Gloria. Et.*

*Lectio iij.*

**ET** vidi , et audivi vocem Angelorum multorum in circuitu throni , et animalium , et seniorum : et erat numerus eorum millia millium , dicentium voce magna : Dignus est Agnus , qui occisus est , accipere virtutem , et divinitatem , et sapientiam , et fortitudinem , et honorem , et gloriam , et benedictionem. Et omnem creaturam , quæ in cœlo est , et super terram , et sub terra , et quæ sunt in mari , et quæ in eo , omnes audivi dicentes : Sedit in throno et Agno benedictio , et honor , et gloria , et potestas in sæcula sæculorum ; Amen. Et viginti quatuor seniores ceciderunt in facies suas , et adoraverunt viventem in sæcula sæculorum.

*Ad Bened. Ant.* Mane nobiscum , quoniam advesperascit ; et inclinatus est jam dies , alleluia.

*Ad Magnif. Ant.* Tristitia vestra , allel. , vertetur in gaudium , allel.

**FERIA QUINTA**

De libro Apocalypsis B. Joannis Apostoli.

*Lectio j. Cap. 15.*

**ET** vidi aliud signum in cœlo magnum et mirabile , Angelos septem habentes plagas septem novissimas , quoniam in illis consummata est ira Dei. Et vidi tanquam mare vitreum mistum igne , et eos qui vicerunt bestiam , et imaginem ejus , et numerum nominis ejus , stantes super mare vitreum , habentes citharas Dei , et cantantes canticum Moysi servi Dei et canticum Agni , dicentes : Magna et mirabilia sunt opera tua , Domine Deus omnipotens : justæ et veræ sunt viæ tuæ , Rex sæculorum. Quis non timebit te , Domine , et magnificabit nomen tuum ? Quia solus pius es ; quoniam omnes gentes venient , et adorabunt in conspectu tuo , quoniam judicia tua manifesta sunt.

*ŷ.* Dignus es Domine , p. 369.

*Lectio ij.*

**ET** post hæc vidi , et ecce apertum est templum tabernaculi testimonii in cœlo , et exierunt septem Angeli habentes septem plagas de templo , vestiti lino mundo et candido , et præcincti circa pectora zonis aureis. Et unum de quatuor animalibus dedit septem Angelis septem phialas aureas , plenas iracundiæ Dei viventis in sæcula sæculorum. Et impletum est templum fumo a maiestate Dei , et de virtute ejus : et nemo poterat introire in templum , donec consummarentur septem plagæ septem Angelorum.

*ŷ.* Ego sicut vitis , cum Gloria. *Transite in fine , p. 369.*

*Lectio iij.**Cap. 16.*

**E**T audiui vocem magnam de templo dicentem septem Angelis: Ite, et effundite septem phialas iræ Dei in terram. Et abiit primus, et effudit phialam suam in terram, et factum est vulnus sævum et pessimum in homines, qui habebant characterem bestię, et in eos qui adoraverunt imaginem ejus. Et secundus Angelus effudit phialam suam in mare, et factus est sanguis tanquam mortui, et omnis anima vivens mortua est in mari. Et tertius effudit phialam suam super flumina, et super fontes aquarum, et factus est sanguis. Et audiui Angelum aquarum dicentem: Justus es, Domine, qui es, et qui eras: sanctus, qui hæc judicasti; quia sanguinem sanctorum et Prophetarum effuderunt, et sanguinem eis dedisti bibere: digni enim sunt.

*Ad Bened. Ant.* Et intravit cum illis, et factum est, dum recumberet cum illis, accepit panem, et benedixit, ac fregit, et porrigebat illis, alleluia, alleluia.

*Ad Magnif. Ant.* Amen, amen dico vobis, iterum videbo vos, et gaudium vestrum nemo tollet a vobis, alleluia.

## FERIA SEXTA

De libro Apocalypsis B. Joannis Apostoli.

*Lectio j.**Cap. 19.*

**P**OST hæc audiui quasi vocem turbarum multarum in cælo dicentium: Alleluia, salus, et gloria. et virtus Deo nostro est, quia vera et justa judicia sunt ejus, qui judicavit de meretrice magna, quæ corripuit terram in prostitutione sua, et vindicavit sanguinem servorum suorum de manibus ejus. Et iterum dixerunt: Alleluia. Et fumus ejus ascendit in sæcula sæculorum. Et ceciderunt seniores viginti quatuor et quatuor animalia, et adoraverunt

Deum sedentem super thronum, dicentes: Amen, alleluia. Et vox de throno exivit, dicens: Laudem dicite Deo nostro, omnes servi ejus, et qui timetis Deum, pusilli et magni.

¶. Locutus est ad me, p. 370.

*Lectio ij.*

**E**T audiui quasi vocem turbæ magnæ, et sicut vocem aquarum multarum, et sicut vocem tonitruorum magnorum, dicentium: Alleluia, quoniam regnavit Dominus Deus noster omnipotens. Gaudeamus, et exulemus, et demus gloriam ei, quia venerunt nuptiæ Agni, et uxor ejus præparavit se. Et datum est illi ut cooperiat se byssino splendenti et candido. Byssinum enim justificationes sunt sanctorum. Et dixit mihi, Scribe: Beati qui ad cœnam nuptiarum Agni vocati sunt. Et dixit mihi: Hæc verba Dei vera sunt. Et cecidi ante pedes ejus ut adorarem eum, et dicit mihi: Vide ne feceris, conservus tuus sum, et fratrum tuorum habentium testimonium Jesu. Deum adora. Testimonium enim Jesu est spiritus prophetiæ.

¶. Audiui vocem, cum Gloria. Timeate in fine, p. 370.

*Lectio iij.*

**E**T vidi cælum apertum, et ecco equus albus, et qui sedebat super eum, vocabatur Fidelis et Verax, et cum justitia judicat et pugnat. Oculi autem ejus sicut flamma ignis, et in capite ejus diademata multa, habens nomen scriptum, quod nemo novit nisi ipse. Et vestitus erat veste aspersa sanguine: et vocatur nomen ejus, Verbum Dei. Et exercitus qui sunt in cælo, sequebantur eum in equis albis, vestiti byssino albo et mundo. Et de ore ejus procedit gladius ex utraque parte acutus, ut in ipso percutiat Gentes. Et ipse reget eas in virga ferrea: et ipse calcet torcular vini furoris iræ Dei omnipotentis. Et habet in vestimento et in femore suo scriptum: Rex regum, et Domina dominantium.



*Ad Bened. Ant.* Cognoverunt Dominum Jesum, alleluia, in fractione panis, alleluia.

### SABBATO.

De libro Apocalypsis B. Joannis Apostoli.

*Lectio j. Cap. 22.*

**E**T ostendit mihi fluvium aquæ vitæ, splendidum tanquam crystallum, procedentem de sede Dei et Agni. In medio plateæ ejus et ex utraque parte fluminis lignum vitæ, afferens fructus duodecim, per menses singulos reddens fructum suum, et folia ligni ad sanitatem Gentium. Et omne maledictum non erit amplius: sed sedes Dei et Agni in illa erunt, et servi ejus servient illi. Et videbunt faciem ejus, et nomen ejus in frontibus eorum. Et nox ultra non erit, et non egebunt lumine lucernæ, neque lumine solis, quoniam Dominus Deus illuminabit illos, et regnabunt in sæcula sæculorum. Et dixit mihi: Hæc verba fidelissima sunt et vera. Et Dominus Deus spirituum Prophetarum misit Angelum suum ostendere servis suis quæ oportet fieri cito. Et ecce venio velociter. Beatus qui custodit verba prophetiæ libri hujus.

*Lectio ij.*

**E**T ego Joannes, qui audiivi et vidi hæc, et postquam audissem et vidissem, cecidi ut adorarem ante pedes Angeli qui mihi hæc ostendebat, et dixit mihi: Vide ne feceris; conservus enim tuus sum, et fratrum tuorum Prophetarum, et eorum qui servant verba prophetiæ libri hujus. Deum adora. Et dicit mihi: Ne signaveris verba prophetiæ libri hujus: tempus enim prope est. Qui nocet, noceat adhuc: et qui in sordibus est, sordescat adhuc, et qui justus est, justificetur adhuc: et sanctus sanctificetur adhuc. Ecce venio cito, et merces mea mecum est, reddere unicuique secundum opera sua.

*Lectio iij.*

**E**GO sum alpha et omega, primus et novissimus, principium et finis. Beati qui lavant stolas suas in sanguine Agni: ut sit potestas eorum in ligno vitæ, et per portas intrent in civitatem. Foris canes, et venefici, et impudici, et homicidæ, et idolis servientes, et omnis qui amat et facit mendacium. Ego Jesus misi Angelum meum testificari vobis hæc in Ecclesiis. Ego sum radix et genus David, stella splendida et matutina. Et spiritus et sponsa dicunt: Veni. Et qui audit, dicat: Veni. Et qui sitit, veniat: et qui vult, accipiat aquam vitæ gratis. Contestor enim omni audienti verba prophetiæ libri hujus: Si quis apposuerit ad hæc, apponet Deus super illum plagas scriptas in libro isto; et si quis diminuerit de verbis libri prophetiæ hujus, auferet Deus partem ejus de libro vitæ, et de civitate sancta, et de his quæ scripta sunt in libro isto. Dicit qui testimonium perhibet istorum: Etiam venio cito. Amen. Veni, Domine Jesu. Gratia Domini nostri Jesu Christi cum omnibus vobis. Amen.

### *Ad Vesperas.*

*Capitulum. Jac. 1.*

**C**HARISSIMI, Omne datum optimum, et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio.

*Hymnus et y. ut supra, p. 331.*

*Ad Magnif. Ant.* Vado ad eum qui misit me; et nemo ex vobis interrogat me, Quo vadis? alleluia, allel.

*Oratio ut infra in Laudibus.*

### DOM. IV. POST PASCH.

*Ad Matut. Invit. Hymnus ut in Dom. in Albis, p. 332.*

*Si Lect. j. Noct. lectæ sunt pridie, quando scilicet in Sabb. præced. occurrit Festum SS. Apost. Philippi et Jacobi, in Dom. Legantur lect. Feriæ ij sequentis.*

## IN I. NOCTURNO.

Incipit Epistola Catholica beati  
Jacobi Apostoli.

*Lectio j. Cap. i.*

**JACOBUS** Dei et Domini nostri Jesu Christi servus, duodecim tribubus, quæ sunt in dispersione, salutem. Omne gaudium existimate, fratres mei, cum in tentationes varias incideritis, scientes quod probatio fidei vestræ patientiam operatur. Patientia autem opus perfectum habet: ut sitis perfecti et integri, in nullo deficientes. Si quis autem vestrum indiget sapientia, postulet a Deo, qui dat omnibus affluenter et non impropert, et dabitur ei. Postulet autem in fide nihil hæsitans.

¶. Si oblitus fuero tui, alleluia, obliviscatur mei dextera mea: \* Adhæreat lingua mea faucibus meis, si non meminero tui, alleluia, allel. ¶. Super flumina Babylonis illic sedimus et flevimus, dum recordaremur tui, Sion. Adhæreat.

*Lectio ij.*

**QUI** enim hæsitat, similis est fluctui maris, qui a vento movetur et circumfertur. Non ergo æstimet homo ille quod accipiat aliquid a Domino. Vir duplex animo incostans est in omnibus viis suis. Glorietur autem frater humilis in exaltatione sua: dives autem in humilitate sua, quoniam sicut flos sæni transibit. Exortus est enim sol cum ardore, et arefecit sænum, et flos ejus decidit, et decor vultus ejus deperiit: ita et dives in itineribus suis marcescet.

¶. Viderunt te aquæ, Deus, viderunt te aquæ, et timuerunt: \* Multitudo sonitus aquarum, vocem dederunt nubes, alleluia, alleluia, alleluia. ¶. Illuxerunt coruscationes tuæ orbi terræ: vidit et commota est terra. Multitudo.

*Lectio iij.*

**BEATUS** vir, qui sufferet tentationem: quoniam cum probatus fuerit, accipiet coronam vitæ, quam

repromisit Deus diligentibus se. Nemo cum tentatur, dicat quoniam a Deo tentatur: Deus enim intentator malorum est: ipse autem neminem tentat. Unusquisque vero tentatur a concupiscentia sua abstractus et illectus. Deinde concupiscentia cum conceperit, parit peccatum: peccatum vero cum consummatum fuerit, generat mortem. Nolite itaque errare, fratres mei dilectissimi.

¶. Narrabo nomen tuum fratribus meis, alleluia: \* In medio ecclesiæ laudabo te, alleluia, alleluia. ¶. Confitebor tibi in populis, Domine, et psalmum dicam tibi in gentibus. In. Gloria. In.

## IN II. NOCTURNO.

Ex Tractatu S. Cypriani Episcopi  
et Martyris de bono patientiæ.

*Sermo 3. initio.*

*Lectio iv.*

**DE** patientia locuturus, fratres dilectissimi, et utilitates ejus et commoda prædicaturus, unde potius incipiam, quam quod nunc quoque ad audientiam vestram patientiam video esse necessariam: ut nec hoc ipsum quod auditis et discitis, sine patientia facere possitis? Tunc enim demum sermo et ratio salutaris efficaciter discitur, si patienter quod dicitur, audiatnr. Nec invenio, fratres dilectissimi, inter cæteras cœlestis discipline vias, quibus ad consequenda divinitus præmia spei ac fidei nostræ secta dirigitur, quid magis sit vel utilius ad vitam, vel majus ad gloriam, quam ut, qui præceptis Dominicis obsequio timoris ac devotionis innitimur, patientiam maxime tota observatione tueamur. Hanc se sectari philosophi quoque profitentur: sed tam illic patientia falsa est, quam et falsa sapientia est. Unde enim vel sapiens esse vel patiens possit, qui nec sapientiam nec patientiam Dei novit?

¶. In ecclesiis benedicite Deo, alleluia, \* Domino de fontibus Israel, alleluia, alleluia. ¶. Psalmum dicite

nomini ejus , date gloriam laudi ejus.  
Domino.

*Lectio v. Cap. 1. 3. 8.*

**N**OS autem , fratres dilectissimi , qui philosophi non verbis , sed factis sumus , nec vestitu sapientiam , sed veritate præferimus ; qui virtutum conscientiam magis , quam jactantiam novimus ; qui non loquimur magna , sed vivimus quasi servi et cultores Dei , patientiam , quam magisteris cœlestibus discimus , obsequiis spiritalibus præbeamus. Est enim nobis cum Deo virtus ista communis : inde patientia incipit , inde claritas ejus et dignitas caput sumit. Origo et magnitudo patientiæ Deo auctore procedit. Diligenda res homini , quæ Deo chara est. Bonum quod amat , majestas divina commendat. Si Dominus nobis et Pater Deus est , sectemur patientiam Domini pariter et Patris , quia et servos oportet esse obsequentes , et filios non decet esse degeneres.

¶ In toto corde meo , alleluia , exquisi vi te , alleluia : \* Ne repellas me a mandatis tuis , alleluia , allel. ¶ Benedictus es tu , Domine , doce me justificationes tuas. Ne repellas.

*Lectio vj.*

**P**ATIENTIA est quæ nos Deo et commendat et servat : ipsa est quæ iram temperat , quæ mentem gubernat , pacem custodit , disciplinam regit , libidinis impetum frangit , tumoris violentiam comprimit , incendium simultatis extinguit , coercet potentiam divitum , inopiam pauperum refovet , tuetur in virginibus beatam integritatem , in viduis laboriosam castitatem , in conjunctis et maritalis individuum charitatem : facit humiles in prosperis , in adversis fortes , contra injurias et contumelias mites : docet delinquentibus cito ignoscere : si ipse delinquas , diu et multum rogare : tentationes expugnat , persecutiones tolerat , passiones et martyria consummat. Ipsa est quæ fidei nostræ fundamenta firmiter munit.

¶ Hymnum cantate nobis , alle-

luia. \* Quomodo cantabimus canticum Domini in terra aliena ? alleluia , alleluia. ¶ Illic interrogaverunt nos , qui captivos duxerunt nos , verba cationum. Quomodo. Gloria. Quomodo.

IN III. NOCTURNO.

*Lectio sancti Evangelii secundum Joannem.*

*Lectio vij. Cap. 16.*

**I**n illo tempore : Dixit Jesus discipulis suis : Vado ad eum qui misit me ; et nemo ex vobis interrogat me , Quo vadis ? Et reliqua.

Homilia S. Augustini Episcopi.

*Tract. 94. in Joan. init.*

**C**UM Dominus Jesus prædixisset discipulis suis persecutiones , quas passuri erant post ejus abscessum , subjunxit atque ait : Hæc autem vobis ab initio non dixi , quia vobiscum eram : nunc autem vado ad eum qui me misit. Ubi primum videndum est utrum eis futuras non prædixerit ante passiones. Sed alii tres Evangelistæ satis eum prædixisse ista demonstrant , antequam ventum esset ad cœnam : qua peracta , secundum Joannem ista locutus est , ubi ait : Hæc autem vobis ab initio non dixi , quia vobiscum eram.

¶ Deus , canticum novum cantabo tibi , alleluia : \* In psalterio decem chordarum psallam tibi , alleluia , alleluia. ¶ Deus meus es tu , et confitebor tibi : Deus meus es tu , et exultabo te. In.

*Lectio viij.*

**A** forte hinc ista solvitur quæstio , quia et illi eum narrant passioni proximum fuisse cum hæc diceret ? Non ergo ab initio , quando cum illis erat : quia jam discessurus , jamque ad Patrem perrecturus hæc dixit. Et ideo etiam secundum illos Evangelistas verum est , quod hic dictum est , Hæc autem vobis ab initio non dixi. Sed quid agimus de fide Evangelii secundum Matthæum , qui hæc eis a Domino non solum cum jam Pascha esset cum discipulis cœnaturus , im-



minente passione, verum et ab initio denuuntiata esse commemorat, ubi primum nominatim duodecim exprimuntur Apostoli, et ad opera divina mittuntur?

*℟.* Bonum est confiteri Domino, alleluia, \* Et psallere, alleluia. *℣.* In dechachordo psalterio cum cantico et cithara. Et. Gloria. Et.

*Lectio ix.*

**Q**UID sibi ergo vult quod hic ait: Hæc autem vobis ab initio non dixi, quia vobiscum eram: nisi quia ea quæ hic dicit de Spiritu sancto, quod sit venturus ad eos, et testimonium perhibiturus, quando mala illa passuri sunt, hæc ab initio eis non dixit, quia cum ipsis erat? Consolator ergo ille, vel advocatus (utrumque enim interpretatur quod sit Græce Paraclitus) Christo abscedente fuerat necessarius: et ideo de illo non dixerat ab initio, quando cum illis erat, quia ejus præsentia consolabantur.

*Ad Laudes et Horas Ant. pro tem. Pasch. de Psalt.*

*Capitulum. Jac. I.*

**C**HARISSIMI, Omne datum optimum, et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio.

*Hymnus et ℣. ut supra, p. 353.*

*Ad Bened. Ant.* Vado ad eum qui misit me: et nemo ex vobis interrogat me, Quo vadis? Alleluia, alleluia.

*Oratio.*

**D**EUS, qui fidelium mentes unius efficis voluntatis, da populis tuis id amare quod præcipis, id desiderare quod promittis: ut inter mundanas varietates ibi nostra fixa sint corda, ubi vera sunt gaudia. Per Dominum.

*Comm. de Cruce, ut supra, p. 100.*

*Ad Horas ℞. ℣. br. ut in Psalt.*

*Ad Tertiam.*

*Capit. Charissimi Omne.*

*Ad Sextam.*

*Capitulum. Jac. I.*

**SCITIS**, fratres mei dilectissimi. Sit autem omnis homo velox ad audiendum, tardus autem ad loquendum, et tardus ad iram: ira enim viri justitiam Dei non operatur.

*Ad Nonam.*

*Capitulum. Jac. I.*

**PROPTER** quod abjicientes omnem immunditiam et abundantiam malitiæ, in mansuetudine suscipite insitum verbum, quod potest salvare animas vestras.

*Ad Vesperas.*

*Ant. Alleluia et Psalmi de Dom.*

*Capit. Charissimi Omne.*

*Hymnus et ℣. ut supra, p. 351.*

*Ad Magnif Ant.* Vado ad eum qui misit me: sed quia hæc locutus sum vobis, tristitia implevit cor vestrum, alleluia.

*Comm. de Cruce ut supra, p. 100.*

**FERIA SECUNDA.**

*De Epistola B. Jacobi Apostoli.*

*Lectio j. Cap. I.*

**OMNE** datum perfectum desursum est, descendens a Patre luminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus. Scitis, fratres mei dilectissimi. Sit autem omnis homo velox ad audiendum, tardus autem ad loquendum, et tardus ad iram: ira enim viri justitiam Dei non operatur.

*℟.* Dicant nunc qui redempti sunt, alleluia, \* A Domino, alleluia, alleluia. *℣.* Quos redemit de manu inimici, et de regionibus congregavit eos. A Domino.

*Lectio ij.*

**PROPTER** quod abjicientes omnem immunditiam et abundantiam malitiæ, in mansuetudine suscipite insitum verbum, quod potest salvare animas vestras. Estote autem factores verbi, et non auditores tantum.

fallentes vosmetipsos. Quia si quis auditor est verbi, et non factor, hic comparabitur viro consideranti vultum nativitatis suæ in speculo: consideravit enim se, et abiit, et statim oblitus est qualis fuerit.

℟. Cantate Domino, alleluia: \* Psalmum dicite ei, alleluia. ℣. Afferte Domino gloriam et honorem, afferte Domino gloriam nomini ejus. Psalmum. Gloria. Psalmum.

*Lectio iij.*

**Q**UI autem perspexerit in legem perfectam libertatis, et permanserit in ea, non auditor obliviosus factus, sed factor operis, hic beatus in facto suo erit. Si quis autem putat se religiosum esse, non refrænans linguam suam, sed seducens cor suum, hujus vana est religio. Religio munda et immaculata apud Deum et Patrem, hæc est: visitare pupillos et viduas in tribulatione eorum, et immaculatum se custodire ab hoc sæculo.

*Ad Bened. Ant.* Nonne cor nostrum ardens erat in nobis de Jesu, dum loqueretur nobis in via? alleluia.

*Ad Magnif. Ant.* Ego veritatem dico vobis, expedit vobis ut ego vadam: si enim non abiero, Paraclitus non veniet ad vos, alleluia.

### FERIA TERTIA.

De Epistola B. Jacobi Apostoli.

*Lectio j. Cap. 2.*

**F**RATRES mei, nolite in personarum acceptione habere fidem Domini nostri Jesu Christi gloriæ. Etenim si introierit in conventum vestrum vir aureum anulum habens, in veste candida; introierit autem et pauper in sordido habitu, et intendatis in eum qui indutus est veste præclara, et dixeritis ei: Tu sede hic bene; pauperi autem dicatis: Tu sta illic, aut sede sub scabello pedum meorum, nonne judicatis apud vosmetipsos, et facti estis iudices cogitationum iniquarum?

℟. In ecclesiis, p. 377.

*Lectio ij.*

**A**UDITE, fratres mei dilectissimi, an nonne Deus elegit pauperes in hoc mundo, divites in fide, et hæredes regni, quod repromisit Deus diligentibus se? Vos autem exhonorastis pauperem. Nonne divites per potentiam opprimunt vos, et ipsi trahunt vos ad judicia? Nonne ipsi blasphemant bonum nomen, quod invocatum est super vos? Si tamen legem perficitis regalem secundum Scripturas: Diliges proximum tuum sicut te ipsum, bene facitis. Si autem personas accipitis, peccatum operamini, redarguti a lege quasi transgressores.

℟. In toto corde, cum Gloria. Ne repellas in fine, p. 378.

*Lectio iij.*

**Q**UICUNQUE autem totam legem servaverit, offendat autem in uno, factus est omnium reus. Qui enim dixit, Non mœchaberis, dixit et, Non occides. Quod si non mœchaberis, occides autem, factus es transgressor legis. Sic loquimini, et sic facite, sicut per legem libertatis incipientes judicari. Judicium enim sine misericordia illi qui non fecit misericordiam: superexaltat autem misericordia judicium.

*Ad Bened. Ant.* Pax vobis, ego sum, alleluia: nolite timere, allel.

*Ad Magnif. Ant.* Cum venerit Paraclitus, Spiritus veritatis, ille arguet mundum de peccato, et de justitia, et de judicio, alleluia.

### FERIA QUARTA.

De Epistola B. Jacobi Apostoli.

*Lectio j. Cap. 2.*

**Q**UID proderit, fratres mei, si fidem quis dicat se habere, opera autem non habeat? Numquid poterit fides salvare eum? Si autem frater et soror nudi sint, et indigeant victu quotidiano, dicat autem aliquis ex vobis illis: Ite in pace, calefacimini et saturamini: non dederitis autem eis, quæ necessaria sunt corpori, quid proderit? Sic et fides, si non habeat o-

pera, mortua est in semetipsa.

¶. Deus canticum novum, p. 378.

*Lectio ij.*

**S**ED dicet quis: Tu fidem habes, et ego opera habeo. Ostende mihi fidem tuam sine operibus: et ego ostendam tibi ex operibus fidem meam. Tu credis quoniam unus est Deus, bene facis; et dæmones credunt, et contremiscunt. Vis autem scire, o homo inanis, quoniam fides sine operibus mortua est? Abraham pater noster nonne ex operibus justificatus est, offerens Isaac filium suum super altare? Vides quoniam fides cooperabatur operibus illius, et ex operibus fides consummata est?

¶. Bonum est confiteri, p. 379.

*Lectio iij.*

**E**T suppleta est Scriptura, dicens: Credidit Abraham Deo, et reputatum est illi ad justitiam, et amicus Dei appellatus est. Videtis quoniam ex operibus justificatur homo, et non ex fide tantum. Similiter et Rahab meretrix nonne ex operibus justificata est, suscipiens nuntios, et alia via ejiciens? Sicut enim corpus sine spiritu mortuum est, ita et fides sine operibus mortua est.

*Ad Bened. Ant.* Spiritus carnem et ossa non habet, sicut me videtis habere: jam credite, alleluia.

*Ad Magnif. Ant.* Adhuc multa habeo vobis dicere, sed non potestis portare modo: cum autem venerit ille Spiritus veritatis, docebit vos omnem veritatem, alleluia.

## FERIA QUINTA.

De Epistola B. Jacobi Apostoli.

*Lectio j. Cap. 3.*

**N**OLITE plures magistri fieri, fratres mei, scientes quoniam majus judicium sumitis. In multis enim offendimus omnes. Si quis in verbo non offendit, hic perfectus est vir. Potest etiam fræno circumducere totum corpus. Si autem equis fræna in ora mittimus ad consentiendum vobis, et

omne corpus illorum circumferimus.

¶. Si oblitus fuero, p. 377.

*Lectio ij.*

**E**CCE et naves, cum magnæ sint, et a ventis validis minentur, circumferuntur a modico gubernaculo, ubi impetus dirigentis voluerit: ita et lingua modicum quidem membrum est, et magna exaltat. Ecce quantus ignis quam magnam silvam incendit! Et lingua ignis est, universitas iniquitatis.

¶. Viderunt te aquæ, cum Gloria. Multitudo in fine, p. 377.

*Lectio iij.*

**L**INGUA constituitur in membris nostris, quæ maculat totum corpus, et inflammat rotam nativitatis nostræ, inflammata a gehenna. Omnis enim natura bestiarum, et volucrum, et serpentium, et cæterorum domantur, et domita sunt a natura humana: linguam autem nullus hominum domare potest; inquietum malum, plena veneno mortifero. In ipsa benedicimus Deum et Patrem, et in ipsa maledicimus homines, qui ad similitudinem Dei facti sunt. Ex ipso ore procedit benedictio et maledictio.

*Ad Bened. Ant.* Obtulerunt discipuli Domino, partem piscis assi, et favum mellis, alleluia, alleluia.

*Ad Magnif. Ant.* Non enim loquetur a semetipso; sed quæcumque audit, loquetur, et quæ ventura sunt annuntiabit vobis, alleluia.

## FERIA SEXTA

De Epistola B. Jacobi Apostoli.

*Lectio j. Cap. 4.*

**U**NDE bella et lites in vobis? nonne hinc? ex concupiscentiis vestris, quæ militant in membris vestris. Concupiscitis, et non habetis: occiditis, et zelatis, et non potestis adipisci: litigatis et belligeratis, et non habetis, propter quod non postulatis. Petitis, et non accipitis, eo quod male petatis: ut in concupiscentiis vestris insumatis. Adulteri, nescitis quia amicitia hujus mundi inimica est Dei? Quicumque ergo voluerit a-



micus esse sæculi hujus, inimicus Dei constituitur.

*q. In ecclesiis, p. 377.*

*Lectio ij.*

**A**N putatis quia inaniter Scriptura dicat : Ad invidiam concupiscit spiritus qui habitat in vobis ? Majorem autem dat gratiam. Propter quod dicit : Deus superbis resistit, humilibus autem dat gratiam. Subditi ergo estote Deo, resistite autem diabolo, et fugiet a vobis. Appropinquate Deo, et appropinquabit vobis. Emundate manus, peccatores; et purificate corda, duplices animo. Miseri estote, et lugete, et plorate : risus vester in luctum convertatur, et gaudium in mœrorem. Humiliamini in conspectu Domini, et exaltabit vos.

*q. In toto corde, cum Gloria. Ne repellas in fine, p. 378.*

*Lectio iij.*

**N**OLITE detrahere alterutrum, fratres. Qui detrahit fratri, aut qui judicat fratrem suum, detrahit legi, et judicat legem. Si autem judicas legem, non es factor legis, sed judex. Unus est legislator et judex, qui potest perdere et liberare. Tu autem quis es, qui judicas proximum ? Ecce nunc qui dicitis : Hodie aut crastino ibimus in illam civitatem, et faciemus ibi quidem annum, et mercabimur, et lucrum faciemus, qui ignoratis quid erit in crastino. Quæ est enim vita vestra ? Vapor est ad modicum parens, et deinceps exterminabitur. Pro eo ut dicatis : Si Dominus voluerit, et si vixerimus, faciemus hoc aut illud.

*Ad Bened. Ant. Isti sunt sermones, quos dicebam vobis, cum essem vobiscum, alleluia, allel.*

### SABBATO.

De Epistola B. Jacobi Apostoli.

*Lectio j.*

*Cap. 5.*

**A**GITE nunc, divites, plorate ululantes in miseriis vestris, quæ a venient vobis. Divitiæ vestræ putre-

factæ sunt, et vestimenta vestra a tinnis comesta sunt. Aurum et argentum vestrum æruginavit, et ærugo eorum in testimonium vobis erit, et manducabit carnes vestras sicut ignis. Theaurizatis vobis iram in novissimis diebus. Ecce merces operariorum qui messuerunt regiones vestras, quæ fraudata est a vobis, clamat : et clamor eorum in aures Domini Sabaoth introivit. Epulati estis super terram, et in luxuriis enutristis corda vestra in die occisionis. Addixistis et occidistis justum, et non restitit vobis.

*Lectio ij.*

**P**ATIENTES igitur estote, fratres, usque ad adventum Domini. Ecce agricola expectat pretiosum fructum terræ, patienter ferens donec accipiat temporaneum et serotinum. Patientes igitur estote et vos, et confirmate corda vestra, quoniam adventus Domini appropinquavit. Nolite ingemiscere, fratres, in alterutrum, ut non judicemini. Ecce judex ante januam assistit. Exemplum accipite, fratres, exitus mali; laboris, et patientiæ, Prophetas qui locuti sunt in nomine Domini. Ecce beatificamus eos qui sustinuerunt. Sufferentiam Job audistis, et finem Domini vidistis, quoniam misericors Dominus est, et miserator.

*Lectio iij.*

**A**NTE omnia autem, fratres mei, nolite jurare neque per cælum, neque per terram, neque aliud quicumque juramentum. Sit autem sermo vester, Est, est : Non, non : ut non sub judicio decidatis. Tristatur aliquis vestrum ? oret. Æquo animo est ? psallat. Infirmitur quis in vobis ? inducat presbyteros Ecclesiæ, et orent super eum, ungentes eum oleo in nomine Domini ; et oratio fidei salvabit infirmum, et alleviabit eum Dominus, et si in peccatis sit, remittentur ei. Confitemini ergo alterutrum peccata vestra, et orate pro invicem, ut salvemini : multum enim valet deprecatio justi assidua.

**Ad Vesperas.***Capitulum.* Jac. I.

**C**HARISSIMI, Estote factores verbi, et non auditores tantum, fallentes vosmetipsos: quia si quis auditor est verbi, et non factor, hic comparabitur viro consideranti vultum nativitatis suæ in speculo: consideravit enim se et abiit, et statim oblitus est qualis fuerit.

*Hymnus et y. ut supra, p. 381.*

*Ad Magnif. Ant.* Usque modo non petistis quidquam in nomine meo: petite, et accipietis, alleluia.

*Oratio ut infra in Laudibus.***DOM. V. POST PASCH.**

*Ad Matut. Invit. et Hymnus, ut in Dom. in Albis. p. 382.*

**IN I. NOCTURNO.**

Incipit Epistola prima B. Petri Apostoli.

*Lectio j. Cap. i.*

**P**ETRUS Apostolus Jesu Christi, electis advenis dispersionis Ponti, Galatiæ, Cappadociæ, Asiæ et Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi gratia vobis, et pax multiplicetur. Benedictus Deus et Pater Domini nostri Jesu Christi, qui secundum misericordiam suam magnam regeneravit nos in spem vivam: per resurrectionem Jesu Christi ex mortuis, in hæreditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo.

¶ Si oblitus fuero, p. 377.

*Lectio ij.*

**I**N quo exultabitis, modicum nunc si oportet contristari in variis temptationibus: ut probatio vestræ fidei multo pretiosior auro (quod per ignem probatur) inveniatur in laudem, et gloriam, et honorem in revelatione Jesu Christi, quem cum non vide-

ritis, diligitis; in quem nunc quoque non videntes creditis: credentes autem exultabitis lætitia inenarrabili et glorificata, reportantes finem fidei vestræ, salutem animarum. De qua salute exquisierunt atque scrutati sunt Prophetæ, qui de futura in vobis gratia prophetaverunt, scrutantes in quod vel quale tempus significaret in eis Spiritus Christi, prænuntians eas quæ in Christo sunt passionēs, et posteriores glorias. Quibus revelatum est quia non sibi metipsis, vobis autem ministrabant ea quæ nunc nuntiata sunt vobis per eos qui evangelizaverunt vobis, Spiritu sancto misso de cælo in quem desiderant Angeli prospicere.

¶ Viderunt te aquæ p. 377.

*Lectio iij.*

**P**ROPTER quod succincti lumbos mentis vestræ, sobrii perfecte sperate in eam quæ offertur vobis gratiam, in revelationem Jesu Christi quasi filii obedientiæ, non configurati prioribus ignorantiae vestræ desideriiis; sed secundum eum, qui vocavit vos, Sanctum, et ipsi in omni conversatione sancti sitis, quoniam scriptum est: Sancti eritis, quoniam ego sanctus sum. Et si patrem invocatis eum, qui sine acceptione personarum judicat secundum uniuscujusque opus, in timore incolatus vestri tempore conversamini; scientes quod non corruptibilibus auro vel argento redempti estis de vana vestra conversatione paternæ traditionis, sed pretioso sanguine, quasi agnæ immaculati Christi, et incontaminati; præcogniti quidem ante mundi constitutionem, manifestati autem novissimis temporibus propter vos, qui per ipsum fideles estis in Deo, qui suscitavit eum a mortuis, et dedit ei gloriam, ut fides vestra et spes esset in Deo.

¶ Narrabo nomen tuum, p. 377.

**IN II. NOCTURNO.**

Ex libro S. Ambrosii Episcopi de fide resurrectionis.

*Lectio iv.*

**Q**UONIAM Dei mori non poterat Sapia, resurgere autem non poterat quod mortuum non erat, assumitur caro, quæ mori posset, ut dum moritur quod solet, quod mortuum fuerat, hoc resurgeret. Neque enim poterat esse, nisi per hominem resurrectio: quoniam sicut per hominem mors, ita et per hominem resurrectio mortuorum. Ergo resurrexit homo, quoniam homo mortuus est: resuscitatus homo, sed resuscitans Deus. Tunc secundum carnem homo, nunc per omnia Deus. Nunc enim secundum carnem jam non novimus Christum, sed carnis gratiam teneamus, ut ipsum primitias quiescentium, ipsum primogenitum ex mortuis noverimus.

ñ. In ecclesiis, p. 377.

*Lectio v.*

**P**RIMITIÆ utique ejusdem sunt generis atque naturæ, cujus et reliqui fructus: quorum pro lætiore proventu primitiva Deo munera deferuntur; sacrum munus pro omnibus et quasi reparatæ quædam liba naturæ. Primitiæ ergo quiescentium Christus. Sed utrum suorum quiescentium, qui quasi mortis exortes dulci quodam sopore tenentur, an omnium mortuorum? Sed sicut in Adam omnes moriuntur, ita et in Christo omnes vivificabuntur. Itaque sicut primitiæ mortis in Adam, ita etiam primitiæ resurrectionis in Christo omnes resurgunt. Sed nemo desperet, neque justus doleat commune consortium resurgendi, cum præcipuum fructum virtutis expectet. Omnes quidem resurgent, sed unusquisque, ut ait Apostolus, in suo ordine. Communis est divinæ fructus clementiæ, sed distinctus ordo meritorum.

ñ. In toto corde meo. p. 378.

*Lectio vi.*

**A**DVERTIMUS quam grave sit sacrilegium resurrectionem non credere. Si enim non resurgemus,

ergo Christus gratis mortuus est, ergo Christus non resurrexit. Si enim nobis non resurrexit, utique non resurrexit, qui sibi cur resurgeret, non habebat. Resurrexit in eo mundus, resurrexit in eo cælum, resurrexit in eo terra: Erit enim cælum novum, et terra nova. Sibi autem non erat necessaria resurrectio, quem mortis vincula non tenebant. Nam etsi secundum hominem mortuus, in ipsis tamen erat liber infernis. Vis scire quam liber? Factus sum sicut homo sine adjutorio, inter mortuos liber. Et bene liber, qui se poterat suscitare, juxta quod scriptum est: Solvite hoc templum, et in triduo resuscitabo illud. Et bene liber, qui alios descenderat redempturus.

## IN III. NOCTURNO.

Lectio sancti Evangelii secundum Joannem.

*Lectio vij. Cap. 16.*

**I**N illo tempore: dixit Jesus discipulis suis: Amen, amen, dico vobis: si quid petieritis Patrem in nomine meo, dabit vobis. Et reliqua.

Homilia S. Augustini Episcopi

Tract. 120. in Joannem.

**D**OMINI verba nunc ista tractanda sunt, Amen, amen dico vobis: si quid petieritis Patrem in nomine meo, dabit vobis. Jam dictum est in superioribus hujus Dominici sermonis partibus, propter eos qui nonnulla petunt a Patre in Christi nomine, nec accipiunt, non peti in nomine Salvatoris quidquid petitur contra rationem salutis. Non enim sonum litterarum ac syllabarum, sed quod sonus ipse significat, et quod eo sono recte ac veraciter intelligitur hoc accipiendus est dicere, cum dicit, in nomine meo.

ñ. Deus canticum, p. 378.

*Lectio vij.*

**U**NDE qui hoc sentit de Christo, quod non est de unico Dei Fi-



lio sentiendum, non petit in ejus nomine, etiamsi non taceat littera ac syllabis Christum, quoniam in ejus nomine petit, quem cogitat cum petit. Qui vero quod est de illo sentiendum sentit, ipse in ejus nomine petit, et accipit quod petit, si non contra suam salutem sempiternam petit: accipit autem, quando debet accipere. Quædam enim non negantur, sed ut congruo dentur tempore, differuntur. Ita sane intelligendum est quod ait, Dabit vobis; ut ea beneficia significata sciantur his verbis, quæ ad eos qui petunt, proprie pertinent. Exaudiuntur quippe omnes sancti pro seipsis, non autem pro omnibus exaudiuntur vel amicis, vel inimicis suis, vel quibuslibet aliis: quia non utcumque dictum est, Dabit; sed, Dabit vobis.

*q. Bonum est confiteri, p. 379.*

*Lectio ix.*

**USQUE** modo, inquit, non petistis quidquam in nomine meo: petite, et accipietis, ut gaudium vestrum sit plenum. Hoc quod dicit, Gaudium plenum, profecto non carnale, sed spiritale gaudium est: et quando tantum erit, ut aliquid ei jam non sit addendum, procul dubio tunc erit plenum. Quidquid ergo petitur, quod pertineat ad hoc gaudium consequendum, hoc est in nomine Christi petendum, si divinam intelligimus gratiam, si vere beatam poscimus vitam. Quidquid autem aliud petitur, nihil petitur; non quia nulla omnino res est, sed quia in tantæ rei comparatione quicquid aliud concupiscitur, nihil est.

*Ad Laudes et Horas Ant. pro temp. Pasch. de Psalt.*

*Capitulum. Jac. I.*

**CHARISSIMI**, Estote factores verbi, et non auditores tantum, salientes vosmetipsos: quia si quis auditor est verbi, et non factor, hic comparabitur viro consideranti vultum nativitatis suæ in speculo: conside-

ravit enim se et abiit, et statim oblitus est qualis fuerit.

*Hymnus et y. ut supra, p. 353.*

*Ad Bened. Ant.* Usque modo non petistis quidquam in nomine meo: petite, et accipietis, allel.

*Oratio.*

**DEUS**, a quo bona cuncta procedunt, largire supplicibus tuis, ut cogitemus, te inspirante, quæ recta sunt, et, te gubernante, eadem faciamus. Per Dominum.

*Comm. de Cruce, ut sup., p. 100.*

*Ad Horas q. q. br. ut in Psalt.*

*Ad Tertiam.*

*Capit. Charissimi Estote.*

*Ad Sextam*

*Capitulum. Jac. I.*

**QUI** autem perspexerit in legem perfectam libertatis, et permanserit in ea, non auditor obliviosus factus, sed factor operis, hic beatus in facto suo erit.

*Ad Nonam.*

*Capitulum. Jac. I.*

**RELIGIO** munda et immaculata apud Deum et Patrem, hæc est: visitare pupillos et viduas in tribulatione eorum, et immaculatum se custodire ab hoc sæculo.

*Ad Vesperas.*

*Ant. Alleluia et Psalmi de Dom.*

*Capit. Charissimi Estote.*

*Hymnus et y. ut supra, p. 351.*

*Ad Magnif. Ant.* Petite, et accipietis, ut gaudium vestrum sit plenum: ipse enim Pater amat vos, quia vos me amastis et credidistis, alleluia.

*Comm. de Cruce, ut sup. p. 100.*

**FERIA SECUNDA**

*in Rogationibus.*

*Si hodie occurrat Festum ix. Lect. fit de eo cum ix. Lect. de seq. Homilia, et comm. de Feria ad Laudes tantum, ut infra. De Festo autem liij. Lect. fit tantum commem.*

Lectio sancti Evangelii secundum  
Lucam.

Lectio j. Cap. 11.

**I**N illo tempore : Dixit Jesus discipulis suis: Quis vestrum habebit amicum, et ibit ad illum media nocte, et dicet illi: Amice, commoda mihi tres panes. Et reliqua.

Homilia S. Ambrosii Episcopi.

Lib. 7. in Lucam cap. 11.

**A**LIIUS præcepti locus est, ut omnibus momentis, non solum diebus, sed etiam noctibus oratio deferatur. Vides enim quod iste qui media nocte perrexit, tres panes ab amico suo postulans, et in ipsa petendi intentione persistens, non defraudetur oratis. Qui sunt isti tres panes, nisi mysterii cœlestis alimentum? Quod si diligas Dominum Deum tuum, non solum tibi, sed etiam aliis poteris emereri. Quis autem amicior nobis quam qui pro nobis corpus suum tradidit?

ñ. Dicant nunc qui, p. 379.

Lectio ij.

**A**B hoc media nocte panes David petiit, et accepit. Pettit enim quando dicebat: Media nocte surgebam ad confitendum tibi. Ideo meruit hos panes, quos apposuit nobis edendos. Petiit cum dicit: Lavabo per singulas noctes lectum meum. Neque enim timuit, ne excitaret dormientem, quem scit semper vigilantem. Et ideo scriptorum memores, noctibus ac diebus orationi instantes, peccatis nostris veniam postulamus:

ñ. Gaudeat Domino, p. 380.

Lectio iij.

**N**AM si ille tam sanctus, et qui regni erat necessitatibus occupatus, septies in die laudem Domino dicebat, matutinis et vespertinis sacrificiis semper intentus, quid nos facere oportet, qui eo amplius rogare debemus, quo frequentius carnis ac mentis fragilitate delinquimus, ut de via lassis, et istius ævi cursu, ac vite

hujus anfractu graviter fatigatis panis refectionis deesse non possit, qui hominis corda confirmet? Nec solum media nocte Dominus, sed omnibus prope docet vigilandum esse momentis. Venit enim et vespertina, et secunda, et tertia vigilia, et pulsare consuevit. Beati itaque servi illi, quos cum venerit Dominus, invenerit vigilantes.

Hac nocte dicitur iij. ñ. quia non dicitur Te Deum. In duabus vero seq. Feriis dicitur.

ñ. Narrabo nomen tuum, p. 377.

**Ad Laudes.**

Ant. et Psalmi ut in Dominica.

Capitulum. Rom. 6.

**C**HRISTUS resurgens ex mortuis jam non moritur, mors illi ultra non dominabitur: quod enim mortuus est peccato, mortuus est semel; quod autem vivit, vivit Deo.

Hymnus et j. ut supra, p. 355.

Ad Bened. Ant. Petite, et accipietis: quærite, et invenietis: pulsate, et aperietur vobis, alleluia.

Oratio.

**P**RÆSTA, quæsumus, omnipotens Deus, ut qui in afflictione nostra de tua pietate confidimus, contra adversa omnia tua semper protectione muniamur. Per Dominum.

Hæc Oratio dicitur ad Laudes et Horas, præter Vesp. et hodie tantum. Duabus vero seq. Feriis dicitur Oratio Dom. præced. Deus a quo bona, p. 385.

Hoc triduo qui non intersunt Process. Rogationum, privatim post Laudes dicant Litanias cum suis Precibus et Orationibus sine Psalmis Penitentialibus.

Ad Horas omnia dicuntur ut in fer. Officio temp. Pasch.

Vesperæ, nisi occurrat Festum ix. Lect., dicuntur de Psalt cum Oratione Dom. præced. Si vero sequatur Festum Simplex, a Capit. fit de Festo, cum comm. de Cruce tantum. ut supra, p. 100.

*Ad Magnif. Ant.* Ipse enim Pater amat vos, quia vos me amastis, et credidistis, alleluia.

**FERIA TERTIA**

*in Rogationibus.*

*Si hodie occurrat Festum Simplex, fit de eo, sine comm. de Feria, sed tantum de Cruce.*

*De Epistola prima B. Petri. Apostoli.*

*Lectio i. Cap. 4.*

**C**HRISTO igitur passo in carne, et vos eadem cogitatione armamini: quia qui passus est in carne, desiit a peccatis, ut jam non desideris hominum, sed voluntati Dei, quod reliquum est in carne, vivat temporis. Sufficit enim præteritum tempus ad voluntatem Gentium consummandam his, qui ambulaverunt in luxuriis, desideriis, vinolentiis, comessionibus, potationibus, et illicitis idolorum cultibus. In quo admirantur non concurrentibus vobis in eandem luxuriæ confusionem, blasphemantes. Qui reddent rationem ei qui paratus est judicare vivos et mortuos. Propter hoc enim et mortuis evangelizatum est, ut judicentur quidem secundum homines in carne, vivant autem secundum Deum in spiritu. Omnium autem finis appropinquavit.

*q. In ecclesiis, p. 377.*

*Lectio ij.*

**E**STOTE itaque prudentes et vigilate in orationibus. Ante omnia autem mutuam in vobismetipsis charitatem continuam habentes, quia charitas operit multitudinem peccatorum. Hospitales invicem sine murmuratione. Unusquisque sicut accepit gratiam, in alterutrum illam administrantes, sicut boni dispensatores multiformis gratiæ Dei. Si quis loquitur, quasi sermones Dei: si quis ministrat, tanquam ex virtute, quam administrat Deus, ut in omnibus honorificetur Deus per Jesum Christum,

cui est gloria et imperium in sæcula sæculorum. Amen.

*q. In toto corde meo, p. 378, cum Gloria. Ne repellas.*

*Lectio ij.*

**C**HARRISSIMI, nolite peregrinari in fervore, qui ad tentationem vobis fit, quasi novi aliquid vobis contingat: sed communicantes Christi passionibus gaudete, ut et in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, et virtutis Dei, et qui est ejus Spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est ut incipiat judicium a domo Dei.

*Ad Bened. Ant.* Oportebat pati Christum, et resurgere a mortuis, alleluia.

**FERIA QUARTA**

*in Rogationibus.*

**VIGILIA ASCENSIONIS.**

*Si hodie occurrat Festum ix. Lect. fit de eo cum Lect. ix. de Homilia Vigiliæ, et comm. ad Laudes ut infra. De Festo autem trium Lect. fit tantum comm.*

*Lectio sancti Evangelii secundum Joannem.*

*Lectio j.*

*Cap. 17.*

**I**N illo tempore: Sublevatis Jesus oculis in cælum, dixit: Pater, venit hora, clarifica Filium tuum. Et reliqua.

*Homilia S. Augustini Episcopi.*

*Tractat. 104. in Joannem.*

**P**OTERAT Dominus noster unigenitus et coæternus Patri, in forma servi et ex forma servi, si hoc opus esset, orare silentio: sed ita se Patri exhibere voluit precatorem, ut meminisset nostrum se esse doctorem.



Proinde eam, quam fecit orationem pro nobis, notam fecit et nobis: quoniam tanti magistri non solum ad ipsos sermocinatio, sed etiam pro ipsis ad Patrem oratio, discipulorum est edificatio: et si illorum, qui hæc dicta audierant auditori, profecto et nostra, qui fueramus conscripta lecturi.

¶. Deus vultum, p. 378.

*Lectio ij.*

**Q**UAPROPTER hoc quod ait, Pater, venit hora, clarifica Filium tuum: ostendit omne tempus, et quid, et quando faceret, vel fieri sinneret, ab illo esse dispositum, qui tempori subditus non est: quoniam quæ futura erant per singula tempora, in Dei sapientia causas efficientes habent, in qua nulla sunt tempora. Non ergo credatur hæc hora fato urgente venisse, sed Deo potius ordinante. Nec sidera necessitas Christi connexuit passionem: absit enim ut sidera mori cogerent siderum Conditorum.

¶. Bonum est confiteri, p. 379.

*Lectio iij.*

**CLARIFICATUM** a Patre Filium nonnulli accipiunt in hoc, quod ei non pepercit, sed pro nobis omnibus tradidit eum. Sed si passione clarificatus dicitur, quanto magis resurrectione? Nam in passione magis ejus humilitas, quam claritas commendatur, Apostolo teste, qui dicit: Humiliavit semetipsum factus obediens usque ad mortem, mortem autem crucis. Deinde sequitur, et de ejus clarificatione jam dicit: Propter quod et Deum illum exaltavit, et donavit ei nomen quod est super omne nomen, ut in nomine Jesu omne genu flectatur cælestium, terrestrium, et infernorum; et omnis lingua confiteatur quia Dominus Jesus Christus in gloria est Dei Patris. Hæc est clarificatio Domini nostri Jesu Christi, quæ ab ejus resurrectione sumpsit exordium.

*Ad Bened. Ant.* Pater, venit hora, clarifica filium tuum claritate, quam habui priusquam mundus esset apud te, alleluia.

## IN ASCENSIONE DOMINI

### *In I. Vesperis.*

*Ant. Capit. et Hymn. de Laud. Psalmi de Dom., et loco ult. Laudate Dominum omnes gentes.*

¶. Ascendit Deus in jubilatione, alleluia. ¶. Et Dominus in voce tubæ, alleluia.

*Ad Magnif. Ant.* Patet, manifestavi nomen tuum hominibus quos dedisti mihi: nunc autem pro eis rogo, non pro mundo, quia ad te venio, alleluia.

*Oratio ut infra in Laudibus.*

*In fine Hymni ad Complet. et aliorum ejusdem metri, dicitur*

Jesu, tibi sit gloria,  
Qui victor in cælum redis.

*Ad Matutinum.*

*Invit.* Alleluia, Christum Dominum ascendentem in cælum, \* Venite, adoremus, alleluia.

### HYMNUS.

**Æ**TERNE Rex altissimo  
Redemptor et fidelium,  
Cui mors perempta detulit  
Summæ triumphum gloriæ;  
Ascendis orbes siderum,  
Quo te vocabat cælitus  
Collata, non humanitas

Rerum potestas omnium.

Ut trina rerum machina  
Cœlestium, terrestrium,  
Et inferorum condita  
Flectat genu jam subdita.

Tremunt videntes Angeli  
Versam vicem mortalium :  
Peccat caro, mundat caro;  
Regnat Deus Dei caro.

Sis ipse nostrum gaudium,  
Manens olympe præmium,  
Mundi regis qui fabricam,  
Mundana vincens gaudia.

Mine te precantes, quæsumus,  
Ignosce culpis omnibus,  
Et corda sursum subleua  
Ad te superna gratia;

Ut cum repente cœperis  
Clarere nube Judicis,  
Pœnas repellas debitas,  
Reddas coronas perditas.

Jesu, tibi sit gloria,  
Qui victor in cœlum redis,  
Cum Patre et almo Spiritu,  
In sempiterna sæcula. Amen.

#### IN I. NOCTURNO.

*Ant.* Elevata est magnificentia tua  
super cœlos, Deus, alleluia.

*Psalm.* Domine Dominus, p. 4.

*Ant.* Dominus in templo sancto, sup,  
Dominus in cœlo, alleluia.

*Psalm.* In Domino confido, p. 5.

*Ant.* A summo, cœlo, egressio ejus,  
et occurus ejus usque ad summum  
ejus, alleluia.

*Psalm.* Cœli enarrant, p. 10.

†. Ascendit Deus in jubilatione,  
alleluia. †. Et Dominus in voce tu-  
bæ, alleluia.

Incipit liber Actuum Apostolorum.

*Lectio. j.* Cap. 1.

**P**RIIMUM quidem sermonem feci  
de omnibus, o Theophile, quæ  
cœpit Jesus facere et docere usque in  
diem, quæ præcipiens Apostolis per  
Spiritus sanctum, quos elegit, as-  
sumptus est: quibus et præbuit se-  
ipsum vivum post passionem suam in  
multis argumentis, per dies quadra-  
ginta apparens eis, et loquens de re-  
gno Dei. Et convescens præcepit eis

ab Jerosolymis ne discederent, sed ex-  
pectarent promissionem Patris, quam  
audistis, inquit, per os meum: quia  
Joannes quidem baptizavit aqua, vos  
autem baptizabimini Spiritu sancto non  
post multos hos dies.

†. Post passionem suam per dies  
quadraginta apparens eis, et loquens  
de regno Dei, alleluia: †. Et viden-  
tibus illis elevatus est, alleluia, et  
nubes suscepit eum ab oculis eorum,  
alleluia. †. Et convescens præcepit  
eis ab Jerosolymis ne discederent,  
sed expectarent promissionem Patris.  
Et.

*Lectio ij,*

**I**MITUR qui convenerant, interro-  
gabant eum, dicentes: Domine,  
si in tempore hoc restitues regnum  
Israel? Dixit autem eis: non est ve-  
strum nosse tempora vel momenta,  
quæ Pater posuit in sua potestate:  
sed accipietis virtutem supervenientis  
Spiritus sancti in vos, et eritis mihi  
testes in Jerusalem, et in omni Judæa,  
et Samaria, et usque ad ultimum ter-  
ræ. Et cum hæc dixisset, videntibus  
illis, elevatus est, et nubes suscepit  
eum ab oculis eorum.

†. Omnis pulchritudo Domini exal-  
tata est super sidera: †. Species ejus  
in nubibus cœli, et nomen ejus in  
æternum permanet, alleluia. †. A  
summo cœlo egressio ejus, et occur-  
sus ejus usque ad summum ejus.  
Species.

*Lectio iij,*

**C**UMQUE intuerentur in cœlum  
euntem illum, ecce duo viri a-  
stiterunt juxta illos in vestibus al-  
bis, qui et dixerunt: Viri Galilæi,  
quid statis aspicientes in cœlum? Hic  
Jesus qui assumptus est a vobis in  
cœlum, sic veniet quemadmodum vi-  
distis eum euntem in cœlum. Tunc  
reversi sunt Jerosolymam a monte,  
qui vocatur Oliveti, qui est juxta Je-  
rusalem, sabbati habens iter. Et cum  
introissent in cœnaculum, ascende-  
runt ubi manebant Petrus et Joannes,  
Jacobus et Andreas, Philippus et Tho-

mas, Bartholomæus et Matthæus, Jacobus Alphæi, et Simon Zelotes, et Judas Jacobi. Hi omnes erant perseverantes unanimiter in oratione cum mulieribus, et Maria matre Jesu, et fratribus ejus.

*â.* Exaltare, Domine, alleluia, \* In virtute tua, alleluia. *ÿ.* Elevata est magnificentia tua super cœlos, Deus. In. Gloria. In.

#### IN II. NOCTURNO.

*Ant.* Exaltare, Domine, in virtute tua: cantabimus et psallemus, allel.

*Psalm.* Domine in virtute, p. 11.

*Ant.* Exaltabo te, Domine, quoniam suscepisti me, alleluia.

*Psalm.* Exaltabo te, p. 33.

*Ant.* Ascendit Deus in jubilatione, et Dominus in voce tubæ, allel.

*Psalm.* Omnes gentes, p. 43.

*ÿ.* Ascendens Christus in altum, alleluia, *â.* Captivam duxit captivitatem, alleluia.

Sermo sancti Leonis Papæ.

*Sermo I. de Ascensione Domini.*

#### *Lectio iv.*

**P**OST beatam et gloriosam resurrectionem Domini nostri Jesu Christi, qua verum Dei templum Judaica impietate resolutum divina in triduo potentia suscitavit, quadragenarius hodie, dilectissimi, sanctorum dierum expletus est numerus, sacramentissima ordinatione dispositus, et ad utilitatem nostræ eruditionis impensus: ut dum a Domino in hoc spatio mora præsentis corporalis extenditur, fides resurrectionis documentis necessariis muniretur. Mors enim Christi multum discipulorum corda turbaverat, et de supplicio crucis, de emissionem spiritus, de exanimati corporis sepultura gravatis mœstitudine mentibus quidam diffidentis torpor obrepserat.

*â.* Tempus est ut revertar ad eum qui me misit, dicit Dominus, nolite contristari, nec turbetur cor vestrum: \* Rogo pro vobis Patrem ut ipse vos custodiat, alleluia, alleluia. *ÿ.* Nisi

ego abiero, Paraclitus non veniet: cum assumptus fuero, mittam vobis eum. Rogo.

#### *Lectio v.*

**U**NDE beatissimi Apostoli omnesque discipuli, qui et de exitu crucis fuerant trepidi, et de fide resurrectionis ambigui, ita sunt veritate perspicua roborati, ut, Domino in cœlorum eunte sublimia, non solum nulla afficerentur tristitia, sed etiam magno gaudio replerentur. Et revera magna et ineffabilis erat causa gaudendi, cum in conspectu sanctæ multitudinis super omnium creaturarum cœlestium dignitatem humani generis natura conscenderet, supergressura Angelicos ordines, et ultra Archangelorum altitudines elevanda: nec ullis sublimitatibus modum suæ provectionis habitura, nisi æterni Patris recepta consensu, illius gloriæ sociaretur in throno, cujus naturæ copulabatur in Filio.

*â.* Non turbetur cor vestrum: ego vado ad Patrem, et cum assumptus fuero a vobis, mittam vobis, alleluia, \* Spiritum veritatis, et gaudebit cor vestrum, alleluia. *ÿ.* Ego rogabo Patrem, et alium Paraclitum dabit vobis. Spiritum.

#### *Lectio vj.*

**Q**UIA igitur Christi ascensio nostra provectio est, et quo præcessit gloria capitis, eo spes vocatur et corporis: dignis dilectissimi, exultemus gaudiis, et pia gratiarum actione lætemur. Hodie enim non solum paradisi possessores firmati sumus, sed etiam cœlorum in Christo superna penetravimus; ampliora adepti per ineffabilem Christi gratiam, quam per diaboli amiseramus invidiam. Nam quos virulentus inimicus primi habitaculi felicitate dejecit, eos sibi concorporatos Dei Filius ad dexteram Patris collocavit: cum quo vivit et regnat in unitate Spiritus sancti Deus, per omnia sæcula sæculorum. Amen.

*â.* Ascendens Christus in altum, captivam duxit captivitatem, \* Dedit



dona hominibus, alleluia, alleluia, alleluia. *ŷ.* Ascendit Deus in jubilatione, et Dominus in voce tubæ. *Dedit. Gloria. Dedit.*

## IN III. NOCTURNO.

*Ant.* Nimis exaltatus es, alleluia, super omnes deos, alleluia.

*Psal.* Dominus regnavit, p. 72.

*Ant.* Dominus in Sion, alleluia, magnus et excelsus, alleluia.

*Psal.* Dominus regnavit, p. 75.

*Ant.* Dominus in cœlo, alleluia, paravit sedem suam, alleluia.

*Psal.* Benedic anima, et omnia, p. 77.

*ŷ.* Ascendo ad Patrem meum, et Patrem vestrum, alleluia. *ŷ.* Deum meum, et Deum vestrum, alleluia.

Lectio sancti Evangelii secundum Marcum.

*Lectio vij. Cap. 16.*

**I**N illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis: quia iis qui viderant eum resurrexisse, non crediderunt. Et reliqua.

Homilia S. Gregorii Papæ.

*Homilia 19. in Evangelia.*

**Q**UOD resurrectionem Dominicam discipuli tarde crediderunt, non tam illorum infirmitas, quam nostra, ut ita dicam, futura firmitas fuit. Ipsa namque resurrectio illis dubitantibus per multa argumenta monstrata est: quæ dum nos legentes agnoscimus, quid aliud quam de illorum dubitatione solidamur? Minus enim mihi Maria Magdalene præstitit, quæ citius credidit, quam Thomas, qui diu dubitando vulnerum cicatrices tetigit, et de nostro pectore dubitationis vulnus amputavit.

*ŷ.* Ego rogabo Patrem, et alium Paracletum dabit vobis, \* Ut maneat vobiscum in æternum, Spiritum veritatis, alleluia. *ŷ.* Si enim non abiero, Paracletus non veniet ad vos: si autem abiero, mittam eum ad vos. Ut,

*Lectio viij.*

**A**D insinuandam quoque veritatem Dominicæ resurrectionis, notandum nobis est quid Lucas referat, dicens: Convalescens præcepit eis ab Hierosolymis ne discederent. Et post pauca, Videntibus illis elevatus est, et nubes suscepit eum ab oculis eorum. Notate verba, signate mysteria. Convalescens elevatus est. Comedit et ascendit: ut videlicet per effectum comestitionis, veritas pateretur carnis. Marcus vero, priusquam cœlum Dominus ascendat, eum de cordis atque infidelitatis duritia increpasse discipulos memorat. Qua in re quid considerandum est, nisi quod idcirco Dominus tunc discipulos increpavit, cum eos corporaliter reliquit, ut verba, quæ recedens diceret, in corde audientium arctius impressa remanerent?

*ŷ.* Pone nubem ascensum tuum, Domine, \* Qui ambulas super pennas ventorum, alleluia. *ŷ.* Confessionem et decorem induisti, amictus lumen sicut vestimentum. *Qui. Gloria. Qui.*

*Lectio ix.*

**I**NCREPATA igitur eorum duritia, quid admonendo dicat, audiamus. Euntes in mundum universum, prædicato Evangelium omni creaturæ. Numquid, fratres mei, sanctum Evangelium vel insensatis rebus, vel brutis animalibus fuerat prædicandum, ut de eo discipulis dicatur, Prædicato omni creaturæ? Sed omnis creaturæ nomine signatur homo. Omnis autem creaturæ aliquid habet homo. Habet namque commune esse cum lapidibus, vivere cum arboribus, sentire cum animalibus, intelligere cum Angelis. Si ergo commune habet aliquid cum omni creatura homo, juxta aliquid omnis creatura est homo. Omni ergo creaturæ prædicatur Evangelium, cum soli homini prædicatur.

*Te Deum laudamus, p. 12.*

*Ad Laudes*

*et per Horas, Antiphonæ.*

1. Viri Galilæi, quid aspicitis in cælum? Hic Jesus, qui assumptus est a vobis in cælum, sic veniet, alleluia.

2. Cumque intuerentur in cælum euntem illum, dixerunt, alleluia.

3. Elevatis manibus benedixit eis, et ferebatur in cælum, alleluia.

4. Exaltate Regem regum, et hymnum dicite Deo, alleluia.

5. Videntibus illis elevatus est, et nubes suscepit eum in cælo, allel.

*Capitulum. Act. I.*

**PRIMUM** quidem sermonem feci de omnibus, o Theophile, quæ cepit Jesus facere et docere, usque in diem, qua præcipiens Apostolis per Spiritum sanctum quos elegit, assumptus est.

#### HYMNUS.

**S**ALUTIS humanæ Sator,  
Jesu voluptas cordium,  
Orbis redempti Conditor,  
Et casta lux amantium:

Qua victus es clementia,  
Ut nostra ferres crimina,  
Mortem subires innocens,  
A morte nos ut tolleres!

Perrumpis infernum chaos,  
Vinctis catenas detrahis;  
Victor triumpho nobili  
Ad dexteram Patris sedes.

Te cogat indulgentia  
Ut damna nostra sarcias,  
Tuique vultus compotes  
Dites beato lumine.

Tu dux ad astra et semita,  
Sis meta nostris cordibus,  
Sis lacrymarum gaudium,  
Sis dulce vitæ præmium. Amen.

ŷ. Dominus in cælo, allel. â. Paravit sedem suam, alleluia.

*Ad Bened. Ant.* Ascendo ad Patrem meum, et Patrem vestrum: Deum meum, et Deum vestrum, alleluia.

#### Oratio.

**C**ONCEDE, quæsumus, omnipotens Deus, ut qui hodierna die Unigenitum tuum Redemptorem nostrum ad cælos ascendisse credimus,

ipsi quoque mente in cælestibus habitemus. Per eundem Dominum.

#### Ad Primam.

â. br. Christo, Fili Dei vivi, miserere nobis, \* Alleluia, allel. Christo, Fili. ŷ. Qui scandis super sidera. Alleluia, alleluia. Gloria. Christo, Fili. ŷ. Exurge, Christo, adjuva nos. alleluia. â. Et libera nos propter nomen tuum, allel.

*Sic dicitur quotidie usque ad Pentec.*

#### Ad Tertiam.

*Capit. Primum quidem.*

â. br. Ascendit Deus in jubilatione, \* Alleluia, alleluia. Ascendit. ŷ. Et Dominus in voce tubæ. Alleluia, alleluia. Gloria. Ascendit. ŷ. Ascendens Christus in altum, alleluia. â. Captivam duxit captivitatem, allel.

#### Ad Sextam.

*Capitulum. Act. I.*

**E**T convescens præcepit eis ab Hierosolymis ne discederent, sed expectarent promissionem Patris, quam audistis, inquit, per os meum: quia Joannes quidem baptizavit aqua, vos autem baptizabimini Spiritu sancto non post multos hos dies.

â. br. Ascendens Christus in altum, \* Alleluia, alleluia. Ascendens ŷ. Captivam duxit captivitatem. Alleluia, alleluia. Gloria. Ascendens. ŷ. Ascendo ad Patrem meum, et Patrem vestrum, alleluia. â. Deum meum, et Deum vestrum, alleluia.

#### Ad Nonam.

*Capitulum. Act. I.*

**V**IRI Galilæi, quid statis aspicientes in cælum? Hic Jesus qui assumptus est a vobis in cælum, sic venit, quemadmodum vidistis eum euntem in cælum.

â. br. Ascendo ad Patrem meum, et Patrem vestrum, \* Alleluia, alleluia. Ascendo. ŷ. Deum meum, et Deum vestrum. Alleluia, alleluia. Gloria. Ascendo. ŷ. Dominus in cælo, alleluia. â. Paravit sedem suam, alleluia.

**In II. Vespertis.**

*Ant. Capit. et Hymn. de Laud. Psalmi de Dom., et loc. ult. Laudate Dominum omnes gentes.*

*ā. Dominus in cælo, allel. ḡ. Paravit sedem suam, alleluia.*

*Ad Magnif. Ant. ① Rex gloriæ, Domine virtutum, qui triumphator hodie super omnes cælos ascendisti, ne derelinquas nos orphanos: sed mitte promissum Patris in nos Spiritum veritatis alleluia.*

*Infra Oct. Ascens. usque ad Pentes. quotidie sit Offic. de Ascens., nisi occurrat Festum ix. Lect. De Festis vero iij. Lectio sit tantum comm. cum ix. Lectione de eis.*

**FERIA SEXTA****IN I. NOCTURNO.**

*Incipit Epistola secunda B. Petri Apostoli.*

*Lectio j. Cap. 18*

**S**IMON Petrus, servus et Apostolus Jesu Christi, iis qui cœqualem nobiscum sortiti sunt fidem in iustitia Dei nostri et Salvatoris Jesu Christi. Gratia vobis et pax adimpleatur in cognitione Dei et Christi Jesu Domini nostri, quomodo omnia nobis divine virtutis sue, quæ ad vitam et pietatem donata sunt per cognitionem ejus qui vocavit nos propria gloria et virtute, per quem maxima et pretiosa nobis promissa donavit, ut per hæc efficiamini divinæ consortes naturæ, fugientes ejus quæ in mundo est, concupiscentiæ corruptionem.

*Lectio ij.*

**V**OS autem curam omnem subinferentes, ministrare in fide vestra virtutem, in virtute autem scientiam, in scientia autem abstinentiam, in abstinentia autem patientiam, in patientia autem pietatem, in pietate autem amorem fraternitatis, in amore autem fraternitatis charitatem. Hæc enim si vobiscum adsint, et superent, non vacuos nec sine fructu vos constituent in Domini nostri Jesu Christi cogni-

tione. Cui enim non præsto sunt hæc, cæcus est, et manu tentans, oblivionem accipiens purgationis veterum suorum delictorum.

*Lectio iij.*

**Q**UAPROPTER, fratres, magis, satagite, ut per bona opera certam vestram vocationem et electionem faciatis: hæc enim facientes, non peccabitis aliquando. Sic enim abundanter ministrabitur vobis introitus in æternum regnum Domini nostri et Salvatoris Jesu Christi. Propter quod incipiam vos semper commonere de his, et quidem scientes et confirmatos vos in præsentī veritate. Justum autem arbitror, quamdiu sum in hoc tabernaculo, suscitare vos in commonitione: certus quod velox est depositio tabernaculi mei, secundum quod et Dominus noster Jesus Christus significavit mihi. Dabo autem operam et frequenter habere vos post obitum meum, ut horum memoriam faciatis.

**IN II. NOCTURNO.**

*Sermo sancti Leonis Papæ.*

*Serm. 2. De Ascensione Domini.*

*Lectio iv.*

**S**ACRAMENTUM, dilectissimi, salutis nostræ, quam pretio sanguinis sui universitatis Conditor æstimavit, a die corporalis ortus usque ad exitum passionis, per dispensationem humilitatis impletum est. Et licet multa, etiam in forma servi, divinitatis signa radiaverint, proprie tamen illius temporis actio ad demonstrandam suscepti hominis pertinuit veritatem. Post passionem vero, ruptis mortis vinculis, quæ vim suam in eum, qui peccati erat nescius, incedendo perdiderat, infirmitas in virtutem, mortalitas in immortalitatem, contumelia transivit in gloriam, quam Dominus Jesus Christus in multis manifestisque documentis multorum declaravit aspectibus, donec triumphum victoriæ, quem reportarat a mortuis, inferret et cælis.



*Lectio v.*

**S**ICUT ergo in solemnitate Paschali resurrectio Domini fuit nobis causa lætandi, ita Ascensio ejus in cœlos præsentium nobis est materia gaudiorum, recolentibus illum diem et rite venerantibus, quo naturæ nostræ humilitas in Christo super omnem cœli militiam, super omnes ordines Angelorum, et ultra omnium altitudinem potestatum, ad Dei Patris est provecta consessum. Quo ordine operum divinorum nos fundati, nos ædificati sumus: ut mirabilior fieret gratia Dei, cum, remotis a conspectu hominum quæ merito reverentiam sui sentiebantur indicere, fides non dificeret, spes non fluctuaret, charitas non teperet.

*Lectio vj.*

**M**AGNARUM hic vigor est mentium, et valde fidelium lumen est animarum, incunctanter credere quæ corporeo non videntur intuitu, et ibi figere desiderium quo nequeas inferre conspectum. Hæc autem pietas unde in nostris cordibus nasceretur, aut quomodo quisquam justificaretur per fidem, si in iis tantum salus nostra consisteret, quæ obtutibus subjacerent? Unde et illi viro, qui de resurrectione Christi videbatur ambigere, nisi in ipsius carne vestigia passionis et visu explorasset et tactu: Quia vidisti me, inquit Dominus, credidisti: beati qui non viderunt, et crediderunt.

## IN III. NOCTURNO.

Lectio sancti Evangelii secundum Marcum.

*Lectio vij. Cap. 16.*

**I**N illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis: quia iis qui viderant eum resurrexisse, non crediderunt. Et reliqua.

De Homilia S. Gregorii Papæ.

*Ex eadem Homilia 19.*

**Q**UI crediderit, et baptizatus fuerit, salvus erit: qui vero non

crediderit, condemnabitur. Fortasse unusquisque apud semetipsum dicat: Ego jam credidi, salvus ero. Verum dicit, si fidem operibus tenet. Vera etenim fides est, quæ in hoc quod verbis dicit, moribus non contradicit. Hinc est enim quod de quibusdam falsis fidelibus Paulus dicit: Qui confidentur se nosse Deum, factis autem negant. Hinc Joannes ait: Qui dicit se nosse Deum, et mandata ejus non custodit, mendax est.

*Lectio viij.*

**Q**UOD cum ita sit, fidei nostræ veritatem in vitæ nostræ consideratione debemus agnoscere. Tunc enim veraciter fideles sumus, si quod verbis promittimus, operibus complemus. In die quippe baptismatis omnibus nos antiqui hostis operibus, atque omnibus pompis abrenuntiare promisimus. Itaque unusquisque vestrum ad considerationem suam mentis oculos reducat; et si servat post baptismum quod ante baptismum spondit, certus jam quia fidelis est, gaudeat.

*Lectio ix.*

**S**ED ecce si quod promisit, minime servavit, si ad exercenda prava opera, ad concupiscendas mundi pompas dilapsus est; videamus si jam scit plangere quod erravit. Apud misericordem namque judicem nec ille fallax habetur, qui ad veritatem revertitur, etiam postquam mentitur, quia omnipotens Deus dum libenter nostram penitentiam suscipit, ipse suo judicio hoc quod erravimus, abscondit.

## SABBATO.

## IN I. NOCTURNO.

De Epistola secunda B. Petri Apostoli.

*Lectio j. Cap. 3.*

**H**ANC ecce vobis, charissimi, secundam scribo Epistolam, in quibus vestram excito in commotione sinceram mentem, ut memores sitis eorum, quæ prædixi, verborum a san-

clis Prophetis, et Apostolorum vestrorum, præceptorum Domini et Salvatoris. Hoc primum scientes quod venient in novissimis diebus in deceptione illusores, juxta proprias concupiscentias ambulantes, dicentes: Ubi est promissio, aut adventus ejus? Ex quo enim patres dormierunt, omnia sic perseverant ab initio creaturæ. Latet enim eos hoc volentes, quod cæli erant prius, et terra de aqua et per aquam consistens Dei verbo; per quæ, ille tunc mundus aqua inundatus periit. Cæli autem qui nunc sunt et terra, eodem verbo repositi sunt, igni reservati in diem judicii, et perditionis impiorum hominum.

*Lectio ij.*

**U**NUM vero hoc non lateat vos, charissimi, quia unus dies apud Dominum sicut mille anni, et mille anni sicut dies unus. Non tardat Dominus promissionem suam, sicut quidam existimant: sed patienter agit propter vos, nolens aliquos perire, sed omnes ad penitentiam reverti. Adveniet autem dies Domini ut fur, in quo cæli magno impetu transient, elementa vero calore solventur; terra autem et quæ in ipsa sunt opera, exurentur. Cum igitur hæc omnia dissolvenda sint, quales oportet vos esse in sanctis conversationibus et pietatibus, expectantes et properantes in adventum diei Domini, per quem cæli ardentes solventur, et elementa ignis ardore tabescent? Novos vero cælos et novam terram secundum promissa ipsius expectamus, in quibus justitia habitat.

*Lectio iij.*

**P**ROPTER quod, charissimi, hæc expectantes, satagite immaculati et inviolati ei inveniri in pace. Et Domini nostri longanimitatem, salutem arbitremini: sicut et charissimus frater noster Paulus secundum datam sibi sapientiam scripsit vobis, sicut et in omnibus epistolis, loquens in eis de his, in quibus sunt quædam dif-

ficilia intellectu, quæ indocti et instabiles depravant, sicut et cæteras Scripturas, ad suam ipsorum perditionem. Vos igitur, fratres, præscientes custodite, ne insipientium errore traducti, excidatis a propria firmitate. Crescite vero in gratia, et in cognitione Domini nostri et Salvatoris Jesu Christi. Ipsi gloria et nunc et in diem æternitatis. Amen.

## IN II. NOCTURNO.

De Sermone S. Leonis Papæ.

*Hæc Serm. 2. de Ascens. Domini.**Lectio iv.*

**Q**UOD itaque Redemptoris nostri conspicuum fuit, in sacramenta transivit: et ut fides excellentior esset ac firmior, visioni doctrina successit, cujus auctoritatem supernis illuminata radiis credentium corda sequerentur. Hanc fidem Ascensione Domini auctam, et Spiritus sancti munere roboratam, non vincula, non carceres, non exilia, non fames, non ignis, non laniatus ferarum, nec exquisita persequentium crudelitatibus supplicia terruerunt. Pro hac fide per universum mundum non solum viri, sed etiam feminae, nec tantum impubes pueri, sed etiam teneræ virgines usque ad effusionem sui sanguinis decertarunt. Hæc fides dæmonia ejecit, ægrotudines depulit, mortuos suscitavit.

*Lectio v.*

**U**NDE et ipsi beati Apostoli, qui tot miraculis confirmati tot sermonibus eruditi, atrocitatem tamen Dominicæ Passionis expaverant, et veritatem resurrectionis ejus non sine hæsitacione susceperant, tantum de Ascensione Domini profecerunt, ut quidquid illis prius intulerat metum, verteretur in gaudium. Totam enim contemplationem animi in divinitatem ad Patris dexteram consistentis crexerant: nec jam corporeæ visionis tardabantur objectu, quo minus in id aciem mentis intenderent, quod nec a Patre descendendo abfuerat, nec a

discipulis ascendendo discesserat. Tunc igitur, dilectissimi, filius hominis, Dei Filius excellentius sacratiusque innotuit, cum in paternæ majestatis gloriam se recepit, et ineffabili modo cepit esse divinitate præsentior, qui factus est humanitate longinquior.

*Lectio vij.*

**T**UNC ad æqualem Patri Filium eruditior fides gressu mentis cœpit accedere, et contrectatione in Christo corporeæ substantiæ, quæ Patre minor est, non egere: quoniam glorificati corporis manente natura, eo fides credentium vocabatur, ubi non carnali manu, sed spiritali intellectu par Genitori Unigenitus tangeretur. Hinc illud est, quod post resurrectionem suam Dominus Mariæ Magdalene personam Ecclesiæ gerenti cum ad contactum ipsius properaret accedere, dicit: Noli me tangere: nondum enim ascendi ad Patrem meum: hoc est, Nolo ut ad me corporaliter venias, nec ut me sensu carnis agnoscas: ad sublimiora te differo, majora tibi præparo: cum ad Patrem ascendero, tunc me perfectius veriusque palpabis, apprehensura quod non tangis, et creditura quod non cernis.

IN III. NOCTURNO.

*Lectio sancti Evangelii secundum Marcum.*

*Lectio vij. Cap. 17.*

**I**N illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis: quia itz qui viderant eum resurrexisse, non crediderunt. Et reliqua.

De Homilia S. Gregorii Papæ.

*Ex eadem Homilia 19.*

**S**IGNA autem eos qui credituri sunt, hæc sequuntur: In nomine meo dæmonia ejicient, linguis loquentur novis, serpentes tollent, et si mortiferum quid biberint, non eis nocebit; super ægros manus imponent, et bene habebunt. Numquidnam, fra-

tres mei, quia ista signa non facitis, minime creditis? Sed hæc necessaria in exordio Ecclesiæ fuerunt. Ut enim ad fidem cresceret multitudo credentium, miraculis fuerat nutrienda: quia et nos, cum arbusta plantamus, tamdiu eis aquam infundimus, quousque ea in terra jam coaluisse videamus; et si semet radicem fixerint, irrigatio cessabit. Hinc enim est quod Paulus dicit: Linguae in signum sunt non fidelibus, sed infidelibus.

*Lectio viij.*

**H**AEBEMUS de his signis atque virtutibus, quæ adhuc subtilius considerare debeamus. Sancta quippe Ecclesia quotidie spiritaliter facit, quod tunc per Apostolos corporaliter faciebat. Nam sacerdotes ejus cum per exorcismi gratiam manum credentibus imponunt, et habitare malignos spiritus in eorum mente contradicunt, quid aliud faciunt, nisi dæmonia ejiciunt? Et fideles quique, qui jam vitæ veteris sæcularia verba derelinquunt, sancta autem mysteria insonant, Confitoris sui ludes et potentiam, quantum prævalent, narrant, quid aliud faciunt, nisi novis linguis loquuntur? Qui dum bonis suis exhortationibus malitiam de alienis cordibus auferunt, serpentes tollunt.

*Lectio ix.*

**E**T dum pestiferas suasiones audiunt, sed tamen ad operationem pravam minime pertrahuntur, mortiferum quidem est quod bibunt, sed non eis nocebit. Qui quoties proximos suos in bono opere infirmari conspiciunt, dum eis tota virtute concurrunt, et exemplo suæ operationis illorum vitam roborant qui in propria actione titubant, quid aliud faciunt, nisi super ægros manus imponunt, ut bene habeant? Quæ nimirum miracula tanto majora sunt, quanto spiritalia: tanto majora sunt, quanto per hæc non corpora, sed animæ suscitantur.

*Ad Vesperas.*



## Capitulum. I. Petri 4.

**C**HARISSIMI, Estote prudentes, et vigilate in orationibus. Ante omnia autem mutuam in vobismet ipsis charitatem continuam habentes, quia charitas operit multitudinem peccatorum.

*Hymn. Salutis humanæ, p. 392.*

†. Dominus in cælo, allel. ♫. Paravit sedem suam, alleluia.

*Ad Magnif. Ant. Cum venerit Paracletus, quem ego mittam vobis, Spiritum veritatis, qui a Patre procedit, ille testimonium perhibebit de me, alleluia.*

*Oratio ut infra in Laudibus.*

*Pro comm. Ascens. Ant. O Rex gloriæ, p. 393.*

†. Ascendit Deus in jubilatione, alleluia. ♫. Et Dominus in voce tubæ, alleluia.

*Oratio Concede quæsumus, ut supra, p. 392.*

## DOM. INFR. OCT. ASCEN.

*Totum Offic. fit de Ascens., exceptis his, quæ hic habentur propria.*

*Si Lect. I. Noct. lectæ sunt pridie, quando scilicet in Sabb. præced. occurrit Festum S. Joannis ante Portam Latinam, in Dom. legantur Lect. Feria ij. seq.*

## IN I. NOCTURNO.

*Incipit Epistola prima B. Joannis Apostoli.*

*Lectio j. Cap. 1.*

**Q**UOD fuit ab initio, quod audivimus, quod vidimus oculis nostris, quod perspeximus, et manus nostræ contrectaverunt de Verbo vitæ; et vita manifestata est, et vidimus, et testamur, et annuntiamus vobis vitam æternam, quæ erat apud Patrem, et apparuit nobis: quod vidimus, et audivimus, annuntiamus vobis, ut et vos societatem habeatis nobiscum, et societas nostra sit cum Patre et cum Filio ejus Jesu Christo. Et hæc scribimus vobis ut gaudeatis, et gaudium vestrum sit plenum. Et hæc est annuntiatio, quam audivimus ab eo, et

annuntiamus vobis: Quoniam Deus lux est, et tenebræ in eo non sunt ullæ.

*Lectio ij.*

**S**I dixerimus quoniam societatem habemus cum eo, et in tenebris ambulamus, mentimur, et veritatem non facimus. Si autem in luce ambulamus, sicut et ipse est in luce, societatem habemus ad invicem, et sanguis Jesu Christi Filii ejus emundat nos ab omni peccato. Si dixerimus quoniam peccatum non habemus, ipsi nos seducimus, et veritas in nobis non est. Si confiteamur peccata nostra, fidelis est et justus, ut remittat nobis peccata nostra, et emundet nos ab omni iniquitate. Si dixerimus quoniam non peccavimus, mendacem facimus eum, et verbum ejus non est in nobis.

*Lectio iij. Cap. 2.*

**F**ILIOLI mei, hæc scribo vobis, ut non peccetis. Sed et si quis peccaverit, advocatum habemus apud Patrem Jesum Christum justum: et ipse est propitiatio pro peccatis nostris; non pro nostris autem tantum, sed etiam pro totius mundi. Et in hoc scimus quoniam cognovimus eum, si mandata ejus observemus. Qui dicit se nosse eum et mandata ejus non custodit, mendax est, et in hoc veritas non est. Qui autem servat verbum ejus, vere in hoc charitas Dei perfecta est: et in hoc scimus quoniam in ipso sumus. Qui dicit se in ipso manere, debet sicut ille ambulavit, et ipse ambulare.

## IN II. NOCTURNO.

*Sermo sancti Augustini Episcopi.*

*Serm. 2. de Ascens. Domini.*

*Lectio iv.*

**S**ALVATOR noster, dilectissimi fratres, ascendit in cælum: non ergo turbemur in terra. Ibi sit mens, et hic erit requies. Ascendamus cum Christo interim corde: cum dies ejus promissus advenerit, sequemur et corpore. Scire tamen debemus, fratres, quia cum Christo non ascendit

superbia, non avaritia, non luxuria: nullum vitium nostrum ascendit cum medico nostro. Et ideo si post medicum desideramus ascendere, debemus vitia et peccata deponere. Omnes enim quasi quibusdam compedibus nos premunt, et peccatorum nos retibus ligare contendunt, et ideo cum Dei adiutorio, secundum quod ait Psalmista, Dirumpamus vincula eorum, ut securi possimus dicere Domino: Dirupisti vincula mea, tibi sacrificabo hostiam laudis.

*Lectio v.*

**R**ESURRECTIO Domini spes nostra est: Ascensio Domini gloria nostra est. Ascensionis hodie solemnia celebramus. Si ergo recte, si fideliter, si devote, si sancte, si pie Ascensionem Domini celebramus, ascendamus cum illo, et sursum corda habeamus. Ascendentes autem non extollamur, nec de nostris quasi de propriis meritis præsumamus. Sursum autem corda habere debemus ad Dominum. Sursum enim cor non ad Dominum, superbia vocatur: sursum autem cor ad Dominum, refugium vocatur. Videte, fratres, miraculum magnum. Altus est Deus; erigis te, et fugit a te: humilias te, et descendit ad te. Quare hoc? Quia excelsus est, et humilia respicit, et alta de longe cognoscit. Humilia de proximo respicit, ut attollat: alta, id est, superba, de longe cognoscit, ut deprimat.

*Lectio vj.*

**R**ESURREXIT enim Christus, ut spem nobis daret, quia surgit homo qui moritur; ne moriendo desperaremus, et vitam nostram in morte finitam putaremus, securos nos fecit. Solliciti enim eramus de ipsa anima: et ille nobis resurgendo, de carnis resurrectione fiduciam dedit. Crede ergo, ut munderis. Prius te oportet credere, ut postea per fidem Deum merearis aspicere. Deum enim videre vis? Audi ipsam: Beati mundo corde, quoniam ipsi Deum vide-

bunt. Prius ergo cogita de corde mundo; quidquid ibi vides, quod displicet Deo, tolle.

IN III. NOCTURNO.

Lectio sancti Evangelii secundum Joannem.

*Lectio vij. Cap. 15.*

**I**N illo tempore dixit Jesus discipulis suis: Cum venerit Paraclitus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me. Et reliqua.

Homilia S. Augustini Episcopi.

*Tract. 92. in Joannem.*

**D**OMINUS Jesus in sermone, quem locutus est discipulis suis post cenam, proximus passioni, tanquam iturus, et relicturus eos præsentia corporali, cum omnibus autem suis usque in consummationem sæculi futurus præsentia spiritali, exhortatus est eos ad perferendas persecutiones impiorum, quos mundi nomine nuncupavit: ex quo tamen mundo etiam ipsos discipulos se elegisse dixit, ut scirent se Dei gratia esse, quod sunt; suis autem vitis fuisse, quod fuerunt.

*Lectio viij.*

**D**EINDE persecutores, et suos et ipsorum, Judæos evidenter expressit, ut omnino appareret etiam ipsos mundi damnabili appellatione conclusos, qui persequuntur sanctos. Cumque de illis diceret, quod ignorarent eum a quo missus est, et tamen odissent et Filium et Patrem, hoc est, et eum qui missus est, et eum a quo missus est (de quibus omnibus in aliis sermonibus jam disseruimus) ad hoc pervenit, ubi ait: Ut adimpleatur sermo qui in lege eorum scriptus est! Quia odio habuerunt me gratis.

¶ Si enim non abiero, Paraclitus non veniet ad vos: si autem abiero, mittam eum ad vos: Cum autem venerit ille, docebit vos omnem veritatem, alleluia. ¶ Non enim loquetur a semetipso; sed quæcumque au-

diet, loquetur: et quæ ventura sunt, annuntiabit vobis. Cum. Gloria. Cum.

*Lectio ix.*

**D**EINDE tanquam consequenter adjunxit, unde modo disputare suscepimus: Cum autem venerit Paraclitus, quem ego mittam vobis, a Patre, Spiritum veritatis, qui a Patre procedit, ille testimonium perhibebit de me. Et vos testimonium perhibebitis, quia ab initio mecum estis. Quid hoc pertinet ad illud quod dixerat: Nunc autem et viderunt, et oderunt et me et Patrem meum; sed ut impleatur sermo, qui in lege eorum scriptus est: Quia odio habuerunt me gratis? An quia Paraclitus quando venit Spiritus veritatis, eos qui viderunt et oderunt testimonio manifestiore convicit? Imo vero etiam aliquos ex illis qui viderunt, et adhuc oderant, ad fidem, quæ per dilectionem operatur, sui manifestatione convertit.

*Ad Laudes. Ant. Hymn. et γ. ut in die Festi, p. 392.*

*Capitulum. I. Petri 4.*

**C**HARISSIMI, Estote prudentes, et vigilate in orationibus. Ante omnia autem mutuam in vobismetipsis charitatem continuam habentes, quia charitas operit multitudinem peccatorum.

*Ad Bened. Ant. Cum venerit Paraclitus, quem ego mittam vobis, Spiritum veritatis, qui a Patre procedit, ille testimonium perhibebit de me, alleluia.*

*Oratio.*

**O**MNIPOTENS sempiternus Deus, fac nos tibi semper et devotam gerere voluntatem, et majestati tuæ sincero corde servire. Per Dominum.

*Pro Comm. Ascens. Ant. Ascendo, p. 392.*

*γ. Ascendit Deus in jubilatione, alleluia. η. Et Dominus in voce tubæ, alleluia.*

*Ad Horas Ant. et ηη. br. ut in die Festi, p. 392.*

*Ad Tertiam.*

*Capit. Charissimi, Estote.*

*Ad Sextam.*

*Capitulum. I. Petri 4.*

**H**OSPITALES invicem sinemurmuratione. Unusquisque sicut accepit gratiam, in alterutrum illam administrantes, sicut boni dispensatores multiformis gratiæ Dei.

*Ad Nonam.*

*Capitulum. I. Petri 4.*

**S**I quis loquitur, quasi sermones Dei; si quis ministrat, tanquam ex virtute, quam administrat Deus: ut in omnibus honorificetur Deus per Jesum Christum Dominum nostrum.

*Ad Vesperas.*

*Omnia ut in II. Vesp. Festi, p. 393. præter*

*Capit. Charissimi Estote.*

*Ad Magnif. Ant. Hæc locutus sum vobis, ut cum venerit hora eorum, reminiscamini quia ego dixi vobis, alleluia.*

*Pro comm. Ascens. Ant. O Rex, p. 393. γ. Ascendit, ut supra.*

**FERIA SECUNDA**

*post Dom. infra Oct. Ascens.*

*De Epistola prima B. Joannis Apostoli.*

*Lectio j. Cap. 3.*

**V**IDETE qualem charitatem dedit nobis Pater, ut filii Dei nominemur et simus. Propter hoc mundus non novit nos, quia non novit eum. Charissimi, nunc filii Dei sumus, et nondum apparuit quid erimus. Scimus quoniam cum apparuerit, similes ei erimus: quoniam videbimus eum sicuti est. Et omnis qui habet hanc spem in eo, sanctificat se, sicut et ille sanctus est. Omnis qui facit peccatum, et iniquitatem facit; et peccatum est iniquitas. Et scitis quia ille apparuit ut peccata nostra tolleret, et peccatum in eo non est. Omnis qui in eo manet, non peccat; et omnis qui



peccat, non vidit eum, nec cognovit eum.

*Lectio ij.*

**FILIOLI**, nemo vos seducat. Qui facit justitiam, justus est sicut et ille justus est. Qui facit peccatum, ex diabolo est, quoniam ab initio diabolus peccat. In hoc apparuit Filius Dei, ut dissolvat opera diaboli. Omnis qui natus est ex Deo, peccatum non facit: quoniam semen ipsius in eo manet, et non potest peccare, quoniam ex Deo natus est. In hoc manifesti sunt filii Dei, et filii diaboli. Omnis qui non est justus, non est ex Deo, et qui non diligit fratrem suum: quoniam hæc est annuntiatio, quam audistis ab initio, ut diligatis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quoniam opera ejus maligna erant, fratris autem ejus justa.

*Lectio iij.*

**NOLITE** mirari, fratres, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte. Omnis qui odit fratrem suum, homicida est. Et scitis quia omnis homicida non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit: et nos debemus pro fratribus animas ponere. Qui habuerit substantiam hujus mundi, et viderit fratrem suum necessitatem habere, et clauserit viscera sua ab eo, quomodo charitas Dei manet in eo? Filioli mei, non diligamus verbo neque lingua, sed opere et veritate.

IN II. NOCTURNO.

Serm. S. Joannis Chrysostomi.

*Serm. de Ascens. Domini. tom. 3.*

*Lectio iv.*

**CHRISTUS** ascendens in cælum, nostræ naturæ primitias obtulit Patri, et oblatum donum miratus est Pater, quod et tanta dignitas offe-

rebat, et quod offerebatur, nulla macula sordabatur. Nam et suis manibus suscepit oblatum, et suæ sedis fecit esse participem, et quod plus est, ad partem suæ dexteræ collocavit. Cognoscamus quis est ille qui audivit, Sede ad dexteram meam: quæ natura est cui Deus dixit, Esto meæ particeps sedis. Illa natura est quæ audivit: Terra es, et in terram ibis.

*Lectio v.*

**NON** enim ad omnem gloriam cælos transisse suffecerat, non cum Angelis stare; sed cælos transivit, supra Cherubim ascendit, ultra Seraphim elevatur, nec ante stetit, nisi sedem Dominicam meruisset. Vide quo spatio cælum separatur a terra, imo terra quanto ab inferis abest, et ipsum cælum quanto ab altiore cælo separatur, et de altiore cælo ad Angelos quantum spatii est, ad superiores etiam potestates, ad ipsam quoque Dominicam sedem. Super hæc omnia natura nostra elevata est, ut homo, qui loco tam humili tenebatur, ut descendere non posset ulterius, ad tam excelsam sedem elevaretur, ut altius non posset ascendere.

*Lectio vj.*

**ET** hæc ostendens Paulus dicebat: Qui descendit, ipse est qui ascendit, Et iterum: Descendit ad inferiora terræ, et ascendit super omnes cælos. Discite igitur quisnam ascendit, et quæ natura elevata est. In hoc enim cupio remorari sermone, ut humani generis commemoratione, divinam clementiam cum omni admiratione discamus, quæ summum honorem magnamque gloriam nostræ naturæ largita est, quæ omnibus hodierna die meruit excelsior reperiri. Hodie Angeli atque Archangeli naturam nostram in sede Dominica immortalis gloria fulgentem viderunt.

IN III. NOCTURNO.

Lectio sancti Evangelii secundum Marcum.

*Lectio vii.**Cap. 16.*

**I**N illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis: quia iis qui viderant eum resurrexisse, non crediderunt. Et reliqua.

De Homilia S. Gregorii Papæ.

*Ex eadem Homilia 29.*

**E**T Dominus quidem Jesus, postquam locutus est eis, assumptus est in cælum, et sedet a dextris Dei. In veteri testamento cognovimus quod Elias sit raptus in cælum. Sed aliud est cælum aereum, aliud æthereum. Cælum quippe aereum terræ est proximum: unde et aves cæli dicimus, quia eas volitare in aere videmus. In cælum itaque aereum Elias sublevatus est, ut in secretam quamdam terræ regionem repente duceretur, ubi iam magna jam carnis et spiritus quiete viveret, quousque ad finem mundi redeat, et mortis debitum solvat. Ille etenim mortem distulit, non evasit: Redemptor autem noster, quia non distulit, superavit, eamque resurgendo consumpsit, et resurrectionis suæ gloriam ascendendo declaravit.

*Lectio viij.*

**N**OTANDUM quoque est quod Elias in curru legitur ascendisse, ut videlicet aperte demonstraretur, quia homo purus adjutorio indigebat alieno. Per Angelos quippe facta illa et ostensa sunt adjumenta, quia nec in cælum quidem aereum per se ascendere poterat, quem naturæ suæ infirmitas gravabat. Redemptor autem noster non curru, non Angelis sublevatus legitur, quia is qui fecerat omnia, nimirum super omnia sua virtute ferebatur. Illo etenim revertebatur, ubi erat: et inde redibat, ubi remanebat: quia cum per humanitatem ascenderet in cælum, per divinitatem suam et terram pariter continebat et cælum.

*Lectio ix.*

**S**ICUT autem Joseph a fratribus venditus venditionem Redemptoris nostri figuravit, sic Enoch translatus, atque ad cælum aereum Elias sublevatus, Ascensionem Dominicam uterque designavit. Ascensionis ergo suæ Dominus prænuntios et testes habuit, unum ante legem, alium sub lege: ut quandoque veniret ipse, qui veraciter cælos penetrare potuisset. Unde et ipse ordo in eorum quoque utrorumque sublevatione per quædam incrementa distinguitur. Nam Enoch translatus, Elias vero ad cælum subvectus esse memoratur: ut veniret postmodum qui nec translatus, nec subvectus, cælum æthereum sua virtute penetraret.

**FERIA TERTIA.****IN I. NOCTURNO.**

De Epistola prima B. Joannis Apostoli.

*Lectio j. Cap. 4.*

**C**HARISSIMI, nolite omni spiritui credere, sed probate spiritus si ex Deo sint: quoniam multi pseudoprophetae exierunt in mundum. In hoc cognoscitur spiritus Dei: omnis spiritus qui confitetur Jesum Christum in carne venisse, ex Deo est: et omnis spiritus qui solvit Jesum, ex Deo non est, et hic est antichristus, de quo audistis quoniam venit, et nunc jam in mundo est. Vos ex Deo estis, filioli, et vicistis eum, quoniam major est qui in vobis est, quam qui in mundo. Ipsi de mundo sunt: ideo de mundo loquuntur, et mundus eos audit. Nos ex Deo sumus. Qui novit Deum, audit nos; qui non est ex Deo, non audit nos. In hoc cognoscimus spiritum veritatis, et spiritum erroris.

*Lectio ij.*

**C**HARISSIMI, diligamus nos invicem, quia charitas ex Deo est. Et omnis qui diligit, ex Deo natus est, et cognoscit Deum. Qui non di-

ligit, non novit Deum : quoniam Deus charitas est. In hoc apparuit charitas Dei in nobis , quoniam Filium suum unigenitum misit Deus in mundum, ut vivamus per eum. In hoc est charitas : non quasi nos dilexerimus Deum, sed quoniam ipse prior dilexit nos, et misit Filium suum propitiationem pro peccatis nostris. Charissimi, si sic Deus dilexit nos , et nos debemus alterutrum diligere. Deum nemo vidit unquam. Si diligamus invicem , Deus in nobis manet , et charitas ejus in nobis perfecta est. In hoc cognoscimus quoniam in eo manemus, et ipse in nobis , quoniam de Spiritu suo dedit nobis. Et nos vidimus , et testificamur , quoniam Pater misit Filium suum Salvatorem mundi.

*Lectio iiij.*

**QUISQUIS** confessus fuerit quoniam Jesus est Filius Dei, Deus in eo manet , et ipse in Deo. Et nos cognovimus , et credidimus charitati, quam habet Deus in nobis. Deus charitas est ; et qui manet in charitate, in Deo manet. et Deus in eo. In hoc perfecta est charitas Dei nobiscum, ut fiduciam habeamus in die judicii, quia sicut ille est , et nos sumus in hoc mundo. Timor non est in charitate; sed perfecta charitas foras mittit timorem, quoniam timor poenam habet. Qui autem timet , non est perfectus in charitate. Nos ergo diligamus Deum, quoniam Deus prior dilexit nos. Si quis dixerit quoniam diligo Deum, et fratrem suum oderit , mendax est. Qui enim non diligit fratrem suum quem videt, Deum, quem non videt , quomodo potest diligere ? Et hoc mandatum habemus a Deo , ut qui diligit Deum , diligat et fratrem suum.

IN II. NOCTURNO.

Sermo S. Maximi Episcopi.

*Homil. 45. quæ est 2. de Pentec.*

*Lectio iv.*

**MEMINIT** sanctitas vestra quod aquilæ illi de Psalterio , cujus innovatam juventutem legimus, com-

paraverim Salvatorem. Est enim similitudo non parva. Sicut enim aquila humilia deserit , alta petit , cœlorum vicina conscendit ; ita et Salvator humilia inferni deseruit , paradisi altiora petiit , cœlorum fastigia penetravit. Et sicut aquila , relictis terrenis sordibus , sublime volans , purioris aeris salubritate perfruitur ; ita et Dominus terrenorum faciem deserens peccatorum , in sanctis suis volitans, purioris vitæ simplicitate lætatur.

*Lectio v.*

**PER** omnia igitur aquilæ comparatio convenit Salvatori. Sed quid facimus , quod aquila prædam frequenter diripit , tollit frequenter alienum ? Nec in hoc tamen dissimilis est Salvator. Prædam enim quodammodo sustulit , cum hominem quem suscepit , inferni raptum faucibus portavit ad cœlum, et alienæ dominationis, id est, diabolicæ potestatis servum de captivitate erutum duxit ad altiora captivum , sicut scriptum est in Propheta , Ascendens in altum, captivam duxit captivitatem , dedit dona hominibus.

*Lectio vj.*

**ASCENDIT** , inquit, in altum , captivam duxit captivitatem. Quam bene triumphum Domini Propheta describit ! Solebat , sicut dicunt, regum triumphantium currus captivorum pompa præcedere. Ecce Dominum euntem ad cœlos non præcedit , sed comitatur gloriosa captivitas : non ante vehiculum ducitur , sed ipsa evehit Salvatorem. Quodam enim mysterio , dum Filius Dei filium hominis sustulit ad cœlum , ipsa captivitas portatur , et portat.

IN III. NOCTURNO.

Lectio sancti Evangelii secundum Marcum.

*Lectio vij. [Cap. 16.]*

**I**N illo tempore : Recumbentibus undecim discipulis , apparuit illis Jesus , et exprobravit incredulitatem eorum, et duritiam cordis : quia iis,



qui viderant eum resurrexisse, non crediderunt. Et reliqua.

Homilia sancti Gregorii Papæ.

*Ex eadem Homil. 19.*

**C**ONSIDERANDUM vero nobis est, quid est quod Marcus ait, Sedet a dextris Dei; et Stephanus dicit, Video cœlos apertos, et filium hominis stantem a dextris Dei. Quid est quod hunc Marcus sedentem, Stephanus vero stantem se videre testatur? Sed scitis, fratres, quia sedere judicantis est, stare vero pugnantis, vel adjuvantis.

*Lectio viij.*

**Q**UIA ergo Redemptor noster assumptus in cœlum, et nunc omnia judicat, et ad extremum iudex omnium veniet; hunc post assumptionem Marcus sedere describit, quia post Ascensionis suæ gloriam iudex in fine videbitur. Stephanus vero hunc in labore certaminis positus stantem vidit, quem adiutorem habuit: quia ut iste in terra persecutorum infidelitatem vinceret, pro illo de cœlo illius gratia pugnavit.

*Lectio ix.*

**S**EQUITUR, Illi autem profecti prædicaverunt ubique, Domino cooperante, et sermonem confirmante sequentibus signis. Quid in his considerandum est, quid memoriam commendandum, nisi quod præceptum obedientia, obedientiam vero signa secuta sunt? Sed quia auctore Deo breviter lectionem Evangelicam exponendo transcurrimus, restat ut aliquid de ipsa tantæ solemnitatis consideratione dicamus.

## FERIA QUARTA.

### IN I. NOCTURNO.

Incipit Epistola secunda B. Joannis Apostoli.

*Lectio j.*

**S**ENIOR Electæ Domine, et natis ejus, quos ego diligo in veritate, et non ego solus, sed et omnes

qui cognoverunt veritatem, propter veritatem quæ permanet in nobis, et nobiscum erit in æternum. Sit vobiscum gratia, misericordia, pax a Deo Patre, et a Christo Jesu Filio Patris in veritate et charitate. Gavisus sum valde, quoniam inveni de filiis tuis ambulantes in veritate, sicut mandatum accepimus a Patre. Et nunc rogo te, Domine, non tanquam mandatum novum scribens tibi, sed quod habuimus ab initio, ut diligamus alterutrum.

*Lectio ij.*

**E**T hæc est charitas, ut ambulemus secundum mandata ejus. Hoc est enim mandatum, ut quemadmodum audistis ab initio, in eo ambuletis: quoniam multi seductores exierunt in mundum, qui non confitentur Jesum Christum venisse in carnem: hic est seductor et antichristus. Videte vosmetipsos, ne perdati quæ operati estis, sed ut mercedem plenam accipiatis. Omnis qui recedit, et non permanet in doctrina Christi, Deum non habet: qui permanet in doctrina, hic et Patrem et Filium habet.

*Lectio iij.*

**S**I quis venit ad vos, et hanc doctrinam non affert, nolite recipere eum in domum, nec Ave ei dixeritis. Qui enim dicit illi Ave, communicat operibus ejus malignis. Plura habens vobis scribere, nolui per chartam et atramentum: spero enim me futurum apud vos, et os ad os loqui, ut gaudium vestrum plenum sit. Salutant te filii sororis tuæ Electæ.

### IN II. NOCTURNO.

Sermo sancti Gregorii Nysseni.

*Orat. de Ascens. Domini.*

*Lectio iv.*

**H**ODIERNAM celebritatem satis per se magnam Propheta David majorem efficit, dum illi gaudium e psalmis adjungit. Hic enim excelsus Propheta supra seipsum egrediens, tanquam corporis onere nihil prema-

tur, infert se cœlestibus potestatibus, et voces earum nobis exponit, cum in cœlum redeuntem Dominum ipsæ comitantes, Angelis qui versantur in terris, quibusque in humanam viam ingressus commissus est, imperant ad hunc modum: Tollite portas, principes, vestras et elevamini portæ æternales, et introibit Rex gloriæ.

*Lectio v.*

**E**T quoniam ubicumque fuerit ille, qui in se ipso omnia continet, pro suscipientium captu seipsum dimittitur (neque enim solum inter homines homo fit, verum etiam dum inter Angelos versatur, ad illorum vocem sese demittit) idcirco janitores interrogant: Quis est iste Rex gloriæ? Respondent ipsis, demonstrantque fortem et potentem in prælio, qui pugnaturus erat contra illum qui naturam humanam in servitute captivam detinebat, et eversurus eum qui mortis habebat imperium; ut gravissimo hoste superato, genus hominum in libertatem et pacem vindicaret.

*Lectio vj.*

**O**Ccurrunt ei custodes, et portas jubent recludi, ut in ipsis rursum gloriam assequatur. Verum non agnoscunt eum, qui sordidam vitæ nostræ stolam indutus est: cuius rubra sunt vestimenta ex humanorum malorum torculari. Itaque rursus comites ejus vocibus illis interrogantur: Quis est iste Rex gloriæ? Respondetur autem non amplius, Fortis et potens in prælio; sed, Dominus virtutum, qui mundi principatum obtinuit, qui summam omnia in se collegit, qui pristinum in statum cuncta restituit, ipse est Rex gloriæ.

## IN III. NOCTURNO.

Lectio sancti Evangelii secundum Marcum.

*Lectio vij. Cap. 16.*

**I**N illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis: quia iis qui

viderant eum resurrexisse, non crediderunt. Et reliqua.

De Homilia S. Gregorii Papæ.

*Ex eadem Homil. 29.*

**H**OC autem nobis primum querendum est quidnam sit, quod, nato Domino, apparuerunt Angeli, et tamen non leguntur in albis vestibus apparuisse: ascendente autem Domino, missi Angeli in albis leguntur vestibus apparuisse. Sic etenim scriptum est: Videntibus illis elevatus est, et nubes suscepit eum ab oculis eorum. Cumque intuerentur in cœlum euntem illum, ecce duo viri steterunt juxta illos in vestibus albis. In albis autem vestibus gaudium et solemnitas mentis ostenditur. Quid est ergo quod, nato Domino, non in albis vestibus, ascendente autem Domino, in albis vestibus Angeli apparent, nisi quod tunc magna solemnitas Angelis facta est, cum cœlum Deus homo penetravit? Quia, nascente Domino, videbatur divinitas humiliata, ascendente vero Domino, est humanitas exaltata. Albæ etenim vestes exaltationi magis congruunt, quam humiliationi.

*Lectio viij.*

**I**N Ascensione ergo ejus Angeli in albis vestibus videri debuerunt: quia qui in nativitate sua apparuit Deus humilis, in Ascensione sua ostensus est homo sublimis. Sed hoc nobis magnopere, fratres charissimi, in hac solemnitate pensandum est, quia deletum est hodierna die chirographum damnationis nostræ, mutata est sententia corruptionis nostræ. Illa enim natura cui dictum est, Terra es, et in terram ibis, hodie in cœlum ivit. Pro hac ipsa namque carnis nostræ sublevatione, per figuram beatus Job Dominum avem vocat. Quia enim Ascensionis ejus mysterium Judæam non intelligere conspexit, de infidelitate ejus per figuram beatus Job sententiam protulit, dicens: Semitam ignoravit avis.

*Lectio ix.*

**A**VIS enim recte appellatus est Dominus, quia corpus carneum ad æthera libravit. Cujus avis semitam ignoravit quisquis eum ad cœlum ascendisse non credidit. De hac sollemnitate per Psalmistam dicitur: Elevata est magnificentia tua super cœlos. De hac rursus ait: Ascendit Deus in jubilatione, et Dominus in voce tubæ. De hac iterum dicit: Ascendens in altum, captivam duxit captivitatem, dedit dona hominibus. Ascendens quippe in altum, captivam duxit captivitatem, quia corruptionem nostram virtute sue incorruptionis absorbit. Dedit vero dona hominibus, quia misso de super Spiritu, alii sermonem sapientiæ, alii sermonem scientiæ, alii gratiam virtutum, alii gratiam curationum, alii genera linguarum, alii interpretationem tribuit sermonum.

*Ad Vesp. omnia ut in I. Vesp. Festi, p. 388. Duplex.*

## IN OCTAVA ASCENSIONIS.

## IN I. NOCTURNO.

De Epistola B. Pauli Apostoli ad Ephesios.

*Lectio j. Cap. 4.*

**O**BSECO itaque vos ego vinctus in Domino, ut digne ambuletis vocatione qua vocati estis, cum omni humilitate et mansuetudine, cum patientia, supportantes invicem in charitate, solliciti servare unitatem spiritus in vinculo pacis. Unum corpus, et unus spiritus, sicut vocati estis in una spe vocationis vestræ. Unus Dominus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis. Unicuique autem nostrum data est gratia secundum mensuram donationis Christi. Propter quod dicit: Ascendens in altum, captivam duxit captivitatem, dedit dona hominibus.

*Lectio ij.*

**Q**UOD autem ascendit, quid est, nisi quia et descendit primum

in inferiores partes terræ? Qui descendit, ipse est et qui ascendit super omnes cœlos, ut impleret omnia. Et ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores et Doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, et agnitionis Filii Dei, in virum perfectum, in mensuram ætatis plenitudinis Christi, ut jam non simus parvuli fluctuantes, et circumferamur omni vento doctrinæ in nequitia hominum, in astutia ad circumventionem erroris.

*Lectio iij.*

**V**ERITATEM autem facientes in charitate, crescamus in illo per omnia, qui est caput, Christus: ex quo totum corpus compactum, et connexum per omnem juncturam subministrationis, secundum operationem in mensuram uniuscuiusque membri, augmentum corporis facit in ædificationem sui in charitate. Hoc igitur dico, et testificor in Domino, ut jam non ambuletis sicut et Gentes ambulantes in vanitate sensus sui, tenebris obscuratum habentes intellectum, alienati a vita Dei per ignorantiam quæ est in illis, propter cæcitatem cordis ipsorum; qui desperantes, semetipsos tradiderunt impuditiæ, in operationem immunditiæ omnis, in avaritiam. Vos autem non ita didicistis Christum, si tamen illum audistis, et in ipso edocti estis.

## IN II. NOCTURNO.

Sermo S. Augustini Episcopi.

*Serm. 3. de Ascens. 176. de Temp.*

*Lectio iv.*

**O**MNIA, charissimi, quæ Dominus Jesus Christus in hoc mundo sub fragilitate nostra miracula edidit, nobis proficiunt; qui dum humanam conditionem sideribus importavit; credentibus cœlum patere posse monstravit: et dum victorem mortis



in cœlestia elevavit, victoribus quo sequantur, ostendit. Ascensio ergo Domini catholicæ fidei confirmatio fuit, ut securi in posterum crederemus miraculi illius donum, cujus jam in præsentī percepissemus effectum; et fidelis quisque cum jam tanta percepit, per ea quæ cognoscit præstita, discat sperare promissa, ac Dei sui præteritam præsentemque bonitatem quasi futurorum teneat cautionem.

*Lectio v.*

**SUPER** excelsa ergo cœli terrenum corpus imponitur: ossa intra sepulchri angustias paulo ante conclusa, Angelorum cœtibus inferuntur: in gremium immortalitatis mortalis natura transfunditur; et ideo sacra Apostolicæ lectionis testatur historia: Cum hæc dixisset, inquit, videntibus illis elevatus est. Dum audis elevatum, agnosce militiæ cœlestis obsequium: unde hodierna festivitas hominis nobis et Dei sacramenta manifestavit. Sub una eademque persona, in eo qui elevat, divinam potentiam; in eo autem qui elevatur, humanam cognosce substantiam.

*Lectio vj.*

**IDEOQUE** omnimodis detestanda sunt venena Orientalis erroris, qui impia novitate præsumit asserere Filium Dei ac filium hominis unius esse naturæ. In alterutra enim parte, vel qui solum hominem fuisse dixerit, negabit Conditoris gloriam, vel qui solum Deum, negabit misericordiam Redemptoris. Quo in genere non facile Arianus Evangelicam poterit habere veritatem, ubi Filium Dei nunc æqualem legimus, nunc minorem. Qui enim unius naturæ Salvatorem nostrum mortifera persuasionē crediderit, solum hominem, aut solum Deum cogetur dicere crucifixum. Sed non ita est. Mortem enim nec solus Deus sentire, nec solus homo superare potuisset.

## IN III. NOCTURNO.

## Lectio sancti Evangelii secundum Marcum.

*Lectio vij. Cap. 16.*

**IN** illo tempore: Recumbentibus undecim discipulis, apparuit illis Jesus, et exprobravit incredulitatem eorum, et duritiam cordis: quia illi qui viderant eum resurrexisse, non crediderunt. Et reliqua.

## Homilia sancti Gregorii Papæ.

*Ex eadem Homilia. 19.*

**DE** hac Ascensionis ejus gloria etiam Habacuc ait: Elevatus est sol, et luna stetit in ordine suo. Quis enim solis nomine, nisi Ecclesia designatur? Quousque enim Dominus ascendit ad cœlos, sancta ejus Ecclesia adversa mundi omnimodo formidavit: at postquam ejus Ascensione roborata est, aperte prædicavit, quod occulte credidit. Elevatus est ergo sol, et luna stetit in ordine suo: quia cum Dominus cœlum petiit, sancta ejus Ecclesia in auctoritate prædicationis excrevit.

*Lectio viij.*

**HINC** ejusdem Ecclesiæ voce per Salomonem dicitur: Ecce iste venit saliens in montibus, transiliens colles. Consideravit namque tantorum operum culmina, et ait: Ecce iste venit saliens in montibus. Veniendo quippe ad redemptionem nostram, quosdam, ut ita dicam, saltus dedit. Vultis, fratres charissimi, ipsos ejus saltus agnoscere? De cœlo venit in uterum, de utero venit in præsepe, de præsepe venit in crucem, de cruce venit in sepulchrum, de sepulchro rediit in cœlum. Ecce ut nos post se currere faceret, quosdam pro nobis saltus manifestata per carnem Veritas dedit, quia exultavit ut gigas ad currendam viam suam, ut nos ei diceremus ex corde: Trabe nos post te; curremus in odorem unguentorum tuorum.

*Lectio ix.*

**UNDE**, fratres charissimi, oportet ut illuc sequamur corde, ubi

eum corpore ascendisse credimus. Desideria terrena fugiamus : nihil nos jam delectet in infimis , qui Patrem habemus in cœlis. Et hoc nobis est magnopere perpendendum. quia is qui placidus ascendit , terribilis redibit ; et quidquid nobis cum mansuetudine præcepit , hoc a nobis cum districtione exigit. Nemo ergo indulta poenitentiae tempora parvipendat , nemo curam sui , dum valet , agere negligat : quia Redemptor noster tanto tunc in iudicium districtior veniet , quanto nobis ante iudicium magnam patientiam prærogavit.

*In II. Vesp. non fit comm. Officiis seq. diei.*

*Duobus seq. diebus Offic. fit sicut infra Oct. Ascens. , exceptis Lect. quæ habentur propriæ , et à. viij. Capit. Ant. ad Benedictus et Magnificat , et Oratione quæ dicuntur de Dom. infra Oct. Ascens. ut supra , p. 399. Et non dicuntur Preces ad Primam et Completorium.*

*Si vero Feria vi. occurrat Festum ix. Lect. , fit de Festo cum comm. Officii ejusdem diei , nisi illud Festum fuerit ex solemnioribus.*

## FERIA SEXTA

*post Octavam Ascensionis.*

### IN II. NOCTURNO.

Incipit Epistola tertia B. Joannis Apostoli.

*Lectio i.*

**SENIOR** Gaio charissimo , quem ego diligo in veritate. Charissime , de omnibus orationem facio prospere te ingredi , et valere , sicut prospere agit anima tua. Gavisus sum valde venientibus fratribus , et testimonium perhibentibus veritati tuæ , sicut tu in veritate ambulas. Majorem horum non habeo gratiam , quam ut audiam filios meos in veritate ambulare.

*Lectio ij.*

**CHARISSIME** , fideliter facis quidquid operaris in fratres , et hoc in peregrinos , qui testimonium redderunt charitati tuæ in conspectu Ec-

clesiæ : quos benefaciens deduces digne Deo. Pro nomine enim ejus perfecti sunt , nihil accipientes a Gentibus. Nos ergo debemus suscipere hujusmodi , ut cooperatores simus veritatis. Scripsissem forsitan Ecclesiæ : sed is qui amat primatum gerere in eis , Diotrophes , non recipit nos. Propter hoc , si venero , commonebo ejus opera quæ facit , verbis malignis garriens in nos : et quasi non ei ista sufficiant , neque ipse suscipit fratres , et eos qui suscipiunt , prohibet , et de Ecclesia ejicit.

*Lectio iij.*

**CHARISSIME** , noli imitari malum ; sed quod bonum est. Qui benefacit , ex Deo est : qui malefacit , non vidit Deum. Demetrio testimonium redditur ab omnibus , et ab ipsa veritate ; sed et nos testimonium perhibemus , et nosti quoniam testimonium nostrum verum est. Multa habui tibi scribere : sed nolui per atramentum et calamum scribere tibi. Spero autem protinus te videre , et os ad os loquemur. Pax tibi. Salutant te amici. Saluta amicos nominatim.

### IN II. NOCTURNO.

De Sermone S. Augustini Episcopi.

*Ex eodem Serm. 476 in fine.*

*Lectio iv.*

**SALVATOR** noster , charissimi , si non in nostra carne diabolum triumphavit , se exercuit , non nobis vicit. Si non in nostro corpore resurrexit , conditioni nostræ resurgendo nihil contulit. Hæc qui dicit , susceptæ et assumptæ carnis non intelligit rationem , confundit ordinem , evacuat utilitatem. Si non in nostra carne pergit medicinam solam ergo ex homine nascendi elegit injuriam. Recedat a sensibus nostris tam periculosa persuasio. De nostro est quod appendit , de suo est quod donavit. Meum testor esse quod cecidit , ut meum sit quod resurrexit. Meum testor esse quod jacuit intra tumulum , ut meum sit quod ascendit in cœlum.

*Lectio v.*

**I**N illo itaque nostri generis corpore nos Christi mors vivificavit, nos resurrectio erexit, nos Ascensio consecravit. In illo nostræ originis corpore cælestibus regnis arrham nostræ conditionis imposuit. Elaboremus ergo, charissimi, ut quemadmodum Dominus in hac die nostro cum corpore ad superna conscendit, ita nos post illum, quo modo possumus, spe ascendamus, et corde sequamur. Ipso affectu pariter et profectu ascendamus post illum, etiam per vitia ac passionem nostras. Si utique unusquisque nostrum subdere eas sibi studeat, ac super eas stare consuescat, ex ipsis sibi gradum construit, quo possit ad superiora conscendere. Elevabunt nos, si fuerint infra nos.

*Lectio vj.*

**D**E vitiis nostris scalam nobis facimus, si vitia ipsa calcamus. Nam cum bonitatis auctore non ascendit malitia, nec cum filio Virginis libido atque luxuria. Non, inquam, ascendunt vitia post virtutum parentem, nec peccata post justum, nec infirmitates ac morbi possunt ire post medicum. Igitur si intrare ipsius medici regnum volumus, prius vulnera nostra curemus. Ordinemus et custodiamus in nobis statum utriusque substantiæ, ne animam, nobiliorem utique hominis portionem, tartaro pars devolvat inferior, sed secum potius cælo sanctificatum corpus acquirat natura gloriosior, ipso adjuvante, qui vivit et regnat in sæcula sæculorum. Amen.

## IN III. NOCTURNO.

Lectio sancti Evangelii secundum Joannem.

*Lectio vij. Cap. 19.*

**I**N illo tempore: Dixit Jesus discipulis suis: Cum venerit Paraclitus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me. Et reliqua.

## Homilia S. Augustini Episcopi.

*Tract. 92. in Joannem.*

**V**ENIT die Pentecostes Spiritus sanctus in centum viginti homines congregatos, in quibus et Apostoli omnes erant: qui illo adimpleti, cum linguis omnium gentium loquerentur, plures ex iis qui aderant, tanto miraculo stupefacti (quandoquidem viderunt, loquente Petro, tam magnum atque divinum testimonium perhiberi de Christo, ut ille qui occisus ab eis inter mortuos deputabatur, resurrexisse et vivere probaretur) compuncti corde conversi sunt; et tanti sanguinis tam impie atque immaniter fusi indulgentiam perceperunt. ipso redempti sanguine quem fuderunt.

*Lectio viij.*

**C**HRISTI enim sanguis sic in remissionem peccatorum omnium fusus est, ut ipsum etiam peccatum posset delere, quo fusus est. Hoc ergo intuens Dominus dicebat: Odio habuerunt me gratis; cum autem venerit Paraclitus, ille testimonium perhibebit de me. Tanquam diceret, Odio me habuerunt, et occiderunt videntes; sed tale de me Paraclitus testimonium perhibebit, ut eos faciat in me credere non videntes. Et vos, inquit, testimonium perhibebitis, quia ab initio mecum estis. Perhibebit Spiritus sanctus, perhibebitis et vos. Quia enim ab initio mecum estis, potestis prædicare quod nostis: quod ut modo non faciatis, illius Spiritus plenitudo nondum adest vobis.

q. Si enim non abiero, p. 498.

*Lectio ix.*

**I**LLE ergo testimonium perhibebit de me, et vos testimonium perhibebitis: dabit enim vobis fiduciam testimonium perhibendi charitas Dei diffusa in cordibus vestris per Spiritum sanctum, qui dabitur vobis. Quæ utique Petro adhuc defuit, quando mulieris ancillæ interrogatione perterritus, non potuit verum testimonium perhibere, sed contra suam pollicita-



tionem timore magno compulsus est ter negare. Timor autem iste non est in charitate : sed perfecta charitas foras mittit timorem. Denique ante passionem Domini, servilis timor ejus interrogatus est a femina servitutis ; post resurrectionem vero Domini, liberalis ejus amor ab ipso principe libertatis : et ideo ibi turbabatur, hic tranquillabatur : ibi quem dilexerat, negabat : hic quem negaverat, diligebat. Sed adhuc etiam tunc amor ipse infirmus fuerat et angustus, donec eum roboraret et dilataret Spiritus sanctus.

### SABBATO.

#### IN VIGILIA PENTECOSTES.

*Ab hac die usque ad Festum Trinitatis inclusive, si occurrat Festum ix. Lect., transferetur post prædictum Festum Trinitatis.*

#### IN I. NOCTURNO.

Incipit Epistola catholica B. Judæ Apostoli.

##### Lectio i.

**JUDAS** Jesu Christi servus, frater autem Jacobi, his qui sunt in Deo Patre dilectis, et Christo Jesu conservatis et vocatis. Misericordia vobis, et pax, et charitas adimpleatur. Charissimi, omnem sollicitudinem faciens scribendi vobis de comuni vestra salute, necesse habui scribere vobis : deprecans supercertari semel traditæ sanctis fidei. Subintroierunt enim quidam homines ( qui olim præscripti sunt in hoc judicium ( impii, Dei nostri gratiam transferentes in luxuriam, et solum dominatorem et Dominum nostrum Jesum Christum negantes.

##### Lectio ij.

**COMMONERE** autem vos volo, scientes semel omnia, quoniam Jesus populum de terra Ægypti salvans, secundo eos, qui non crediderunt, perdidit : angelos vero, qui non servaverunt suum principatum, sed dereliquerunt suum domicilium, in

judicium magni diei vinculis æternis sub caligine reservavit. Sicut Sodomam, et Gomorrhā, et finitimæ civitates simili modo exfornicatæ, et abeuntes post carnem alteram, factæ sunt exemplum, ignis æterni pœnam sustinentes. Similiter et hi carnem quidem maculant, dominationem autem spernunt, majestatem autem blasphemant.

##### Lectio iij.

**CUM** Michael Archangelus cum diabolo disputans altecaretur de Moysei corpore, non est ausus judicium inferre blasphemix, sed dixit : imperet tibi Dominus. Hi autem, quæcumque quidem ignorant, blasphemant : quæcumque autem naturaliter tanquam muta animalia norunt, in his corrumpuntur. Væ illis, qui in via Cain abierunt, et errore Balaam mercede effusi sunt, et in contradictione Core perierunt. Hi sunt in epulis suis maculæ, convivantes sine timore, semetipsos pascentes, nubes sine aqua quæ a ventis circumferuntur, arbores autumnales, infructuosæ, his mortuæ, eradicatæ, fluctus feri maris, despuantes suas confusiones, sidera errantia, quibus procella tenebrarum servata est in æternum.

#### IN II. NOCTURNO.

Ex Tractatu S. Augustini Episcopi de Symbolo ad Catechumenos.

*lib. 4. cap. 1. tom. 9.*

##### Lectio iv.

**CUM** per sacrosissimum crucis signum vos suscepit in utero sancta mater Ecclesia, quæ sicut et fratres vestros, cum summa lætitia spiritaliter pariet, nova proles futura tantæ matris, quousque per lavacrum sanctum regeneratos veræ luci restituat, congruis alimentis eos quos portat, pascat in utero, et ad diem partus sui lætos læta perducatur : quoniam non tenetur hæc sententia Hevæ, quæ in tristitia et gemitu parit filios, nec ipsos gaudentes, sed po-

tius flentes. Hæc enim solvit quod illa ligaverat ; ut prolem , quam per inobedientiam sui morti donavit , hæc per obedientiam restituat vitæ. Omnia sacramenta quæ acta sunt et aguntur in vobis per ministerium servorum Dei , exorcismis , orationibus , canticis spiritalibus , insufflationibus , cilicio , inclinatione cervicum , humilitate pedum , pavor ipse omni securitate appetendus , hæc omnia , ut dixi , escæ sunt , quæ vos reficiunt in utero , ut renatos ex baptismo hilares vos pater exhibeat Christo.

*Lectio v.*

**A**CCEPISTIS et Symbolum , protectionem parturientis contra venena serpentis. In Apocalypsi Joannis Apostoli scriptum est hoc , quod staret draco in conspectu mulieris , quæ paritura erat , ut cum peperisset , natum ejus comederet. Draconem diabolum esse nullus vestrum ignorat : mulierem illam , virginem Mariam significasse , quæ caput nostrum integra integrum peperit , quæ etiam ipsa figuram in se sanctæ Ecclesiæ demonstravit ; ut quo modo filium pariens , virgo permansit , ita et hæc omni tempore membra ejus pariat , et virginitatem non amittat. Ipsas sententias sacratissimi Symboli , adjuvante Domino , exponendas suscepimus , ut quid singulæ contineant vestris sensibus intimemus. Parata sunt corda vestra , quia exclusus est inimicus de cordibus vestris.

*Lectio vj.*

**H**UIC vos renuntiare professi estis , in qua professione non hominibus , sed Deo et Angelis ejus conscribentibus dixistis , Renuntio. Renuntiate non solum vocibus , sed etiam moribus ; non tantum sono lingue , sed et actu vitæ nec tantum labiis sonantibus , sed operibus pronuntiantibus. Scitote vos cum callido , antiquo , et veteroso inimico suscepisse certamen : non in vobis post renuntiationem inveniat opera sua , non jure vos attrahat in servitutem

suam. Deprehenderis enim et detegeris , Christiane , quando aliud agis , et aliud profiteris : fidelis in nomine , aliud demonstrans in opere , non tenes promissionis tuæ fidem : modo ingrediens Ecclesiam orationes fundere , post modicum in spectaculis cum histrionibus impudice clamare. Quid tibi cum pompis diaboli , quibus renuntiasti ?

### IN III. NOCTURNO.

Lectio sancti Evangelii secundum Joannem.

*Lectio vij. Cap. 54.*

**I**N illo tempore : Dixit Jesus discipulis suis , Si diligitis me , mandata mea servate. Et ego rogabo Patrem , et alium Paraclitum dabit vobis. Et reliqua.

Homilia S. Augustini Episcopi.

*Tract. 74 in Ioan. et 75.*

**Q**UOD ait , Rogabo Patrem , et alium Paraclitum dabit vobis , ostendit et seipsum esse Paraclitum. Paraclitus enim latine dicitur advocatus , et dictum est de Christo : Advocatum habemus ad Patrem , Jesum Christum justum. Sic autem mundum dixit non posse accipere Spiritum sanctum , sicut etiam dictum est : Prudentia carnis inimica est Deo ; legi enim Dei non est subjecta , nec enim potest : velut si dicamus : Injustitia justitia esse non potest. Mundum quippe ait hoc loco , mundi significans dilectores : quæ dilectio non est a Patre. Et ideo dilectioni hujus mundi , de qua satagimus ut minuatur et consumatur in nobis , contraria est dilectio Dei , quæ diffunditur in cordibus nostris per Spiritum sanctum , qui datus est nobis.

*Lectio viij.*

**M**UNDUS ergo eum accipere non potest , quia non videt eum , neque scit eum : non enim habet invisibiles oculos mundana dilectio , per quos videri Spiritus sanctus potest , qui videri nisi invisibiliter non potest. Vos autem , inquit , cognoscetis eum ,

quia apud vos manebit, et in vobis erit. Erit in eis, ut maneat; non manebit, ut sit: prius est enim esse alicubi quam manere. Sed ne putarent quod dictum est, Apud vos manebit; ita dictum, quemadmodum apud hominem hospes visibiliter manere consuevit, exposuit quid dixerit, Apud vos manebit, cum adjunxit, et dixit: In vobis erit.

¶. Si enim non abiero, p. 357.

*Lectio ix.*

**ERGO** invisibiliter videtur. Nec, si non sit in nobis, potest esse in nobis ejus scientia: sic enim a nobis videtur in nobis et nostra conscientia. Nam faciem videmus alterius, nostram videre non possumus: conscientiam vero nostram videmus, al-

terius non videmus. Sed conscientia nunquam est nisi in nobis: Spiritus autem sanctus potest esse etiam sine nobis. Datur quippe ut sit et in nobis: sed videri et sciri, quemadmodum videndus et sciendus est, non potest a nobis, si non sit in nobis. Post promissionem Spiritus sancti, ne quisquam putaret, quod ita cum Dominus daturus fuerit velut pro seipso, ut non et ipse cum eis esset futurus, adjecit atque ait: Non relinquam vos orphanos, veniam ad vos. Quamvis ergo nos Filius Dei suo Patri adoptaverit filios, et eundem Patrem nos voluerit habere per gratiam, qui ejus Pater est per naturam: tamen etiam ipse circa nos paternum affectum quodammodo demonstrat, cum dicit: Non relinquam vos orphanos.

## IN FESTO PENTECOSTES.

### *In I. Vesperto.*

*Ant. et Capit. de Laud., Psalmi de Dom. loc. ult. Laudate Dominum omnes gentes.*

#### HYMNUS.

**V**ENI, Creator Spiritus,  
Mentes tuorum visita,  
Imple superna gratia,  
Quæ tu creasti pectora.

Qui diceris Paraclitus,  
Altissimi donum Dei,  
Fons vivus, ignis, charitas,  
Et spiritalis unctio.

Tu septiformis munere,  
Digitus Paternæ dextere,  
Tu rite promissum Patris,  
Sermone ditans guttura.

Accende lumen sensibus,  
Infunde amorem cordibus,  
Infirma nostri corporis  
Virtute firmans perpeti.

Hostem repellas longius,  
Pacemque dones protinus,

Ductore sic te prævio  
Vitemus omne noxium.

Per te sciamus da Patrem,  
Noscamus atque Filium,  
Teque utriusque Spiritum  
Credamus omni tempore.

Deo Patri sit gloria,  
Et Filio, qui a mortuis  
Surrexit, ac Paraclito,  
In sæculorum sæcula. Amen.

*Sic terminantur Hymni usque ad Vesperas Sabbati sequentis.*

¶. Repleti sunt omnes Spiritu sancto, alleluia. ¶. Et cœperunt loqui, alleluia.

*Ad Magnif. Ant.* Non vos relinquam orphanos, alleluia: vado et venio ad vos, alleluia: et gaudebit cor vestrum, alleluia.

#### Oratio.

**D**EUS, qui hodierna die corda fidelium sancti Spiritus illustratione docuisti, da nobis in eodem Spi-



ritu recta sapere, et de ejus semper consolatione gaudere. Per Dominum... in unitate ejusdem Spiritus sancti.

**DOMINICA  
PENTECOSTES.**

*Ad Matutinum.*

*Invit.* Alleluia, Spiritus Domini replevit orbem terrarum: \* Venite adoremus, alleluia.

**HYMNUS.**

**J**AM Christus astra ascenderat,  
Reversus unde venerat,  
Patris fruendum munere  
Sanctum daturus Spiritum.

Solemnis urgebat dies,  
Quo mystico septemplici  
Orbis vultus septies  
Signat beata tempora.

Cum lucis hora tertia  
Repente mundus intonat,  
Apostolis orantibus  
Deum venire nuntiat.

De Patris ergo lumine  
Decorus ignis almus est,  
Qui fida Christi pectora  
Calore Verbi compleat.

Impleta gaudent viscera,  
Afflata sancto Spiritu,  
Vocesque diversas sonant,  
Fantur Dei magnalia

Notique cunctis gentibus,  
Græcis, Latinis, Barbaris,  
Simulque demirantibus,  
Linguis loquuntur omnium.

Iudæa tunc incredula,  
Vesana torvo spiritu,  
Madere musto sobrios  
Christi fideles increpat.

Sed editis miraculis  
Occurrit, et docet Petrus,  
Falsum profari perfidos,  
Joële teste comprobans.

Deo Patri sit gloria,  
Et Filio, qui a mortuis  
Surrexit, ac Paraclito,  
In sempiterna sæcula. Amen.

**AD NOCTURNUM.**

*Ant.* Factus est repente de cælo so-

nus advenientis spiritus vehementis, alleluia, alleluia.

**Psalmus 47.**

**M**AGNUS Dominus, et laudabilis nimis, \* in civitate Dei nostri, in monte sancto ejus.

Fundatur exultatione universæ terræ mons Sion, \* latera Aquilonis, civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terræ congregati sunt: \* convenerunt in unum.

Ipsi videntes sic admirati sunt, conturbati sunt, commoti sunt: \* tremor apprehendit eos.

Ibi dolores ut parturientis: \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: \* Deus fundavit eam in æternum.

Suscepimus, Deus, misericordiam tuam, \* in medio templi tui.

Secundum nomen tuum, Deus, sio et laus tua in fines terræ: \* justitia plena est dextera tua.

Lætetur mons Sion, et exultent filiae Judæ, \* propter judicia tua, Domine.

Circumdate Sion, et complectimini eam: \* narrate in turribus ejus.

Ponite corda vestra in virtute ejus: \* et distribuite domos ejus, ut enarretis in progenie altera.

Quoniam hic est Deus, Deus noster in æternum, et in sæculum sæculi: \* ipse reget nos in sæcula.

*Ant.* Factus est repente de cælo sonus advenientis spiritus vehementis, alleluia, alleluia.

*Ant.* Confirma hoc, Deus, quod operatus es in nobis: a templo sancto tuo, quod est in Jerusalem, alleluia, alleluia.

**Psalmus 67.**

**E**XURGAT Deus, et dissipentur inimici ejus: \* et fugiant qui oderunt eum, a facie ejus.

Sicut deficit fumus, deficient: \*

sicut fluit cera a facie ignis, sic pereant peccatores a facie Dei.

Et justī epulentur, et exultent in conspectu Dei: \* et delectentur in lætitia.

Cantate Deo, psalmum dicite nomini ejus: \* iter facite ei qui ascendit super occasum: Dominus nomen illi.

Exultate in conspectu ejus: \* turbabuntur a facie ejus, patris orphanorum, et iudicis viduarum.

Deus in loco sancto suo: \* Deus qui inhabitare facit unius moris in domo:

Qui educit victos in fortitudine, \* similiter eos qui exasperant, qui habitant in sepulchris.

Deus, cum egredereris in conspectu populi tui, \* cum pertransires in deserto,

Terra mota est; etenim cœli distillaverunt a facie Dei Sinai; \* a facie Dei Israel.

Pluviam voluntariam segregabis, Deus, hæreditati tuæ, et infirmata est: \* tu vero perfecisti eam.

Animalia tua habitabunt in ea: \* parasti in dulcedine tua pauperi, Deus.

Dominus dabit verbum evangelizantibus, \* virtute multa.

Rex virtutum, dilecti, dilecti: \* et speciei domus dividere spolia.

Si dormiatis inter medios cleros, pennæ columbæ deargentatæ, \* et posteriora dorsi ejus in pallore auri.

Dum discernit cœlestis reges super eam, nive dealbabuntur in Selmon: \* mons Dei mons pinguis

Mons coagulatus, mons pinguis: \* ut quid suspicamini montes coagulatos?

Mons, in quo beneplacitum est Deo habitare in eo: \* etenim Dominus habitabit in finem.

Currus Dei decem millibus multiplex, millia lætantium: \* Dominus in eis in Sina in sancto.

Ascendisti in altum, cepisti captivitatem: \* accepisti dona in hominibus.

Etenim non credentes, \* inhabitare Dominum Deum.

Benedictus Dominus dñe quotidie: \* prosperum iter faciet nobis Deus salutarium nostrorum.

Deus noster; Deus salvos faciendi: \* et Domini Domini exitus mortis.

Verumtamen Deus confringet capita inimicorum suorum: \* verticem capilli perambulantium in delictis suis.

Dixit Dominus: Ex Basan convertam: \* convertam in profundum maris.

Ut intingatur pes tuus in sanguine: \* lingua canum tuorum ex inimicis, ab ipso.

Viderunt ingressus tuos, Deus: \* ingressus Dei mei, Regis mei, qui est in sancto.

Prævenierunt principes conjuncti psallentibus, \* in medio juvenularum tympanistriarum.

In ecclesiis benedicite Deo Domino, \* de fontibus Israel.

Ibi Benjamin adolescentulus, \* in mentis excessu.

Principes Juda, duces eorum: \* principes Zabulon, principes Nephthali.

Manda, Deus, virtuti tuæ: \* confirma hoc, Deus, quod operatus es in nobis.

A templo tuo in Jerusalem, \* tibi offerent reges munera.

Increpa feras arundinis, congregatio taurorum in vaccis populorum: \* ut excludant eos qui probati sunt argento.

Dissipa gentes, quæ bella volunt: venient legati ex Ægypto: \* Æthiopia præveniet magus ejus Deo.

Regna terræ, cantate Deo: \* psallite Domino.

Psallite Deo, qui ascendit super cœlum cœli, \* ad Orientem.

Ecce dabit voci suæ vocem virtutis, date gloriam Deo super Israel, \* magnificentia ejus, et virtus ejus in nubibus.

Mirabilis Deus in sanctis suis, Deus Israel ipse dabit virtutem et fortitudinem plebi suæ: \* benedictus Deus.

Ant. Confirma hoc, Deus, quod operatus es in nobis: a templo sancto tuo, quod est in Jerusalem, alleluia, alleluia.

*Ant.* Emitte Spiritum tuum, et creabuntur: et renovabis faciem terræ, alleluia, alleluia.

**Psalmus 103.**

**B**ENEDIC, anima mea, Domino: \* Domine Deus meus, magnificatus es vehementer.

Confessionem et decorem induisti, \* amictus lumine sicut vestimento.

Extendens cælum sicut pellem: \* qui legis aquis superiora ejus.

Qui ponis nubem ascensum tuum: \* qui ambulas super pennas ventorum.

Qui facis angelos tuos, spiritus: \* et ministros tuos, ignem urentem.

Qui fundasti terram super stabilitatem suam: \* non inclinabitur in sæculum sæculi.

Abyssus, sicut vestimentum, amictus ejus: \* super montes stabunt aquæ.

Ab increpatione tua fugient: \* a voce tonitruui tui formidabunt.

Ascendunt montes, et descendunt campi, \* in locum quem fundasti eis.

Terminum posuisti, quem non transgredientur: \* neque convertentur operire terram.

Qui emittis fontes in convallibus: \* inter medium montium pertransibunt aquæ.

Potabunt omnes bestię agri: \* expectabunt onagri in siti sua.

Super ea volucres cœli habitabunt: \* de medio petrarum dabunt voces.

Rigans montes de superioribus suis: \* de fructu operum tuorum satiabitur terra:

Producens fœnum jumentis, \* et herbam servituti hominum:

Et educaſ panem de terra, \* et vinum lætificet cor hominis:

Ut exhilaret faciem in oleo, \* et panis cor hominis confirmet.

Saturabuntur ligna campi, et cedri Libani, quas plantavit: \* illic passeret nidificabunt.

Herodii domus dux est eorum: \* montes excelsi cervis, petra refugium herinaciis.

Fecit lunam in tempora: \* sol cognovit occasum suum.

Posuisti tenebras, et facta est nox: \* in ipsa pertransibunt omnes bestię silvæ.

Catuli leonum rugientes, ut rapiant, \* et quærant a Deo escam sibi.

Ortus est sol, et congregati sunt: \* et in cubilibus suis collocabuntur.

Exibit homo ad opus suum: \* et ad operationem suam usque ad vespæram.

Quam magnificata sunt opera tua! Domine, \* omnia in sapientia fecisti: impleta est terra possessione tua.

Hoc mare magnum, et spatiosum manibus: \* illic reptilia, quorum non est numerus.

Animalia pusilla cum magnis: \* illic naues pertransibunt.

Draco iste, quem formasti ad illudendum ei: \* omnia a te expectant, ut des illis escam in tempore.

Dante te illis, colligent, \* aperi-ente te manum tuam, omnia implebuntur bonitate.

Avertente autem te faciem, turbabuntur: \* auferes spiritum eorum, et deficient, et in pulverem suum revertentur.

Emittes spiritum tuum, et creabuntur: \* et renovabis faciem terræ.

Sit gloria Domini in sæculum: \* lætabitur Dominus in operibus suis.

Qui respicit terram, et facit eam tremere: \* qui tangit montes, et fumigant.

Cantabo Domino in vita mea: \* psallam Deo meo quamdiu sum.

Jucundum sit ei eloquium meum, \* ego vero delectabor in Domino.

Deficiant peccatores a terra, et iniqui ita ut non sint: \* benedic, anima mea, Domino.

*Ant.* Emitte Spiritum tuum, et creabuntur: et renovabis faciem terræ, alleluia, alleluia.

†. Spiritus Domini replevit orbem terrarum, alleluia. †. Et hoc quod continet omnia, scientiam habet vocis, allel. Pater noster.

*Absol.* Exaudi. †. Jube domne.



*Bened. Evangelica lectio.*

*Lectio sancti Evangelii secundum Joannem.*

*Lectio j. Cap. 14.*

**I**N illo tempore : Dixit Jesus discipulis suis : Si quis diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus. Et reliqua.

*Homilia sancti Gregorii Papæ.*

*Homil 30. in Evangelia.*

**L**IBET, fratres charissimi, Evangelicæ verba lectionis sub brevitate transcurrere, ut post diutius liceat in contemplatione tantæ solemnitatis immorari. Hodie namque Spiritus sanctus repentino sonitu super discipulos venit, mentesque carnalium in sui amorem permutavit, et foris apparentibus linguis igneis, intus facta sunt corda flammantia : quia dum Deum in ignis visione susceperunt, per amorem suaviter arserunt. Ipse namque Spiritus sanctus amor est ; unde et Joannes dicit : Deus charitas est. Qui ergo mente integra Deum desiderat, profecto jam habet, quem amat. Neque enim quisquam posset Deum diligere, si eum quem diligit, non haberet.

¶ Cum complerentur dies Pentecostes, erant omnes pariter in eodem loco, alleluia : et subito factus est sonus de celo, alleluia, \* Tanquam spiritus vehementis, et replevit totam domum, alleluia, allel. γ. Dum ergo essent in unum discipuli congregati propter metum Judæorum, sonus repente de celo venit super eos. Tanquam.

*Bened. Divinum auxilium.*

*Lectio ij.*

**S**ED ecce, si unusquisque vestrum requiratur an diligit Deum, tota fiducia, et secunda mente respondet, Diligo. In ipso autem lectionis exordio audistis quid Veritas dicit : Si quis diligit me, sermonem meum servabit. Probatio ergo dilectionis, exhibitio est operis. Hinc in Epistola sua idem Jo-

annes dicit : Qui dicit, Diligo Deum, et mandata ejus non custodit mendax est. Vere etenim Deum diligimus, et mandata ejus custodimus, si nos a nostris voluptatibus coarctamus. Nam qui adhuc per illicita desideria diffuit, profecto Deum non amat : quia ei in sua voluntate contradicit.

¶ Repleti sunt omnes Spiritu sancto, et cœperunt loqui, prout Spiritus sanctus dabat eloqui illis : \* Et convenit multitudo dicentium, alleluia. γ. Loquebantur variis linguis Apostoli magnalia Dei. Et. Gloria. Et.

*Bened. Ad societatem.*

*Lectio iij.*

**E**T Pater meus diligit eum, et ad eum veniemus, et mansionem apud eum faciemus. Pensate, fratres charissimi, quanta sit ista dignitas, habere in cordis hospitio adventum Dei. Certe si domum nostram quisquam dives aut præpotens amicus intraret, omni festinantia domus tota mundaretur, ne quid fortasse esset quod oculos amici intrantis offenderet. Tergat ergo sordes pravi operis, qui Deo præparat domum mentis. Sed videte quid Veritas dicat : Veniemus, et mansionem apud eum faciemus. In quorundam etenim corda venit, et mansionem non facit : quia per compunctionem quidem Dei respectum percipiunt, sed tentationis tempore hoc ipsum quo compuncti fuerant, obliviscuntur : sicque ad perpetranda peccata redeunt, ac si hæc minime planxissent.

*Te Deum laudamus, p. 12.*

*Ad Laudes*

*et per Horas, Antiphonæ.*

1. Cum complerentur dies Pentecostes, erant omnes pariter in eodem loco, alleluia.

2. Spiritus Domini replevit orbem terrarum, alleluia.

3. Repleti sunt omnes Spiritu sancto, et cœperunt loqui, alleluia.

4. Fontes, et omnia quæ moventur in aquis, hymnum dicite Deo allel.

5. Loquebantur variis linguis Apo-

stoli magnalia Dei, alleluia, alleluia, alleluia.

minum....in unitate ejusdem Spiritus sancti.

*Capitulum. Act. 2.*

**CUM** complerentur dies Pentecostes, erant omnes discipuli pariter in eodem loco, et factus est repente de caelo sonus, tanquam advenientis spiritus vehementis, et replevit totam domum, ubi erant sedentes.

#### HYMNUS.

**BEATA** nobis gaudia  
Anni reduxit orbita,  
Cum Spiritus Paraclitus  
Illapsus est Apostolis.

Ignis, vibrante lumine,  
Linguae figuram detulit,  
Verbis ut essent proflui,  
Et charitate fervidi.

Linguis loquuntur omnium,  
Turbæ pavent Gentilium  
Musto madere deputant,  
Quos Spiritus repleverat.

Patrata sunt hæc mystice,  
Paschæ peracto tempore,  
Sacro diurni circulo,  
Quo lege fit remissio.

Te nunc, Deus piissime,  
Vultu precamur cernuo,  
Illapsa nobis cælitus  
Largire dona Spiritus.

Dudum sacrata pectora  
Tua replesti gratia:  
Dimitte nostra crimina,  
Et da quicquid tempora.

Deo Patri sit gloria,  
Et Filio, qui a mortuis  
Surrexit, ac Paraclito.  
In sæculorum sæcula. Amen.

ŷ. Repleti sunt omnes Spiritu sancto, allel. â. Et cœperunt loqui, allel.

*Ad Bened. Ant.* Accipite Spiritum sanctum: quorum remisistis peccata, remittuntur eis, alleluia.

#### Oratio.

**DEUS**, qui hodierna die corda fidelium sancti Spiritus illustratione docuisti, da nobis, in eodem Spiritu recta sapere, et de ejus semper consolatione gaudere. Per Do-

#### *Ad Primam.*

â. br. Christe, Fili Dei vivi, miserere nobis, Alleluia, allel. Christe. ŷ. Qui sedes ad dexteram Patris. Alleluia, alleluia. Gloria. Christe. ŷ. Exurge, Christe, adjuva nos, alleluia. â. Et libera nos propter nomen tuum, alleluia.

#### *Ad Tertiam.*

*Hymnus Veni Creator, ut supra in I. Vesp., qui dicitur ad Tertiam per totam Oct., loco Hymni Nunc sancte. Capit. Cum complerentur.*

â. br. Spiritus Domini replevit orbem terrarum, Alleluia, alleluia. Spiritus. ŷ. Et hoc quod continet omnia, scientiam habet vocis. Alleluia, alleluia. Gloria. Spiritus. ŷ. Spiritus Paraclitus, alleluia. â. Docebit vos omnia, alleluia.

#### *Ad Sextam.*

*Capitulum. Act. 2.*

**FACTA** autem hac voce, convenit multitudo, et mente confusa est, quoniam audiebat unusquisque lingua sua illos loquentes.

â. br. Spiritus Paraclitus, Alleluia, alleluia. Spiritus. ŷ. Docebit vos omnia. Alleluia, allel. Gloria. Spiritus. ŷ. Repleti sunt omnes Spiritu sancto, alleluia. â. Et cœperunt loqui, alleluia.

#### *Ad Nonam.*

*Capitulum. Act. 2.*

**JUDÆI** quoque, et proselyti, Cretes et Arabes, audivimus eos loquentes nostris linguis magnalia Dei.

â. br. Repleti sunt omnes Spiritu sancto, Alleluia, alleluia. Repleti. ŷ. Et cœperunt loqui. Alleluia, allel. Gloria. Repleti. ŷ. Loquebantur variis linguis Apostoli, alleluia. â. Magnalia Dei, alleluia.

#### *In II. Vesperis.*

*Ant. de Laud. Psalmi de Dom. qui dicuntur quotidie per Oct.*

*Capit. Cum complerentur.*

*Hymnus. Veni Creator, p. 411.*

*ŷ. Loquebantur variis linguis Apostoli, alleluia. ḡ. Magnalia Dei, alleluia.*

*Ad Magnif. Ant. Hodie completis sunt dies Pentecostes, alleluia: hodie Spiritus sanctus in igne discipulis apparuit, et tribuit eis charismatum dona: misit eos in universum mundum prædicare, et testificari; qui crediderit, et baptizatus fuerit, salvus erit, alleluia.*

*Infra Oct. Pentec. fit Offic. sicut in die, exceptis ŷ. ad Noct. Lect. ḡḡ., Ant. ad Benedictus et ad Magnificat, et Orat.*

*Si infra Oct. occurrat Festum ix. Lect., transfertur post Oct. De simplici autem in hoc triduo nulla fit com-*

## FERIA SECUNDA.

*ŷ. Spiritus Domini replevit orbem terrarum, alleluia. ḡ. Et hoc quod continet omnia, scientiam habet vocis, alleluia.*

*Absolutio pro qualibet Feria ut sub init. Psalt. Benedictiones vero ut in die Festi.*

*Lectio sancti Evangelii secundum Joannem.*

*Lectio j. Cap. 3.*

**I**N illo tempore: Dixit Jesus Nicodemus: Sic Deus dilexit mundum, ut Filium suum unigenitum daret: ut omnis qui credit in eum, non pereat, sed habeat vitam æternam. Et reliqua.

*Homilia S. Augustini Episcopi.*

*Tract. 12. in Joan. sub finem.*

**Q**UANTUM in medico est, sanare venit ægrotum. Ipse se interimit, qui præcepta medici observare non vult. Venit Salvator in mundum. Quare Salvator dictus est mundi, nisi ut salvet mundum, non ut judicet mundum? Salvari non vis ab ipso, ex te judicaberis. Et quid dicam, Judicaberis? Vide quid ait: Qui credit in eum, non judicatur. Qui autem non

credit, quid dicturum sperabas, nisi Judicatur? Quod addit: Jam, inquit, judicatus est: nondum apparuit iudicium, et jam factum est iudicium.

*ŷ. Jam non dicam vos servos, sed amicos meos: quia omnia cognovistis, quæ operatus sum in medio vestri, alleluia. \* Accipite Spiritum sanctum in vobis Paraclitum: ille est, quem Pater mittet vobis, alleluia. ŷ. Vos amici mei estis, si feceritis quæ ego præcipio vobis. Accipite.*

*Lectio ij.*

**N**OVIT enim Dominus, qui sunt ejus: novit qui permaneant ad coronam, qui permaneant ad flammam. Novit in area sua triticum, novit et paleam: novit segetem, novit et zizania. Jam judicatus est, qui non credit. Quare judicatus? Quia non credidit in nomine unigeniti Filii Dei. Hoc est autem iudicium: quia lux venit in mundum, et dilexerunt homines magis tenebras, quam lucem: erant enim mala opera eorum. Fratres mei, quorum opera bona invenit Dominus? Nullorum. Omnia opera mala invenit. Quomodo ergo quidam fecerunt veritatem, et venerunt ad lucem? Et hoc enim sequitur: Qui autem facit veritatem, venit ad lucem.

*ḡ. Spiritus sanctus procedens a throno, Apostolorum pectora invisibiliter penetravit novo sanctificationis signo, \* Ut in ore eorum omnium genera nascerentur linguarum, alleluia. ḡ. Advenit ignis divinus, non comburens, sed illuminans, et tribuit eis charismatum dona. — Ut. Gloria. Ut.*

*Lectio iij.*

**S**ED dilexerunt, inquit, tenebras magis quam lucem. Ibi posuit vim. Multi enim dilexerunt peccata sua; multi confessi sunt peccata sua: quia qui confitetur peccata sua, et accusat peccata sua, jam cum Deo facit. Accusat Deus peccata tua; si et tu accusas, conjungeris Deo. Quasi



duæ res sunt, homo, et peccator. Quod audis, Homo, Deus fecit: quod audis, Peccator, ipse homo fecit. Dele quod fecisti, ut Deus salvet quod fecit. Oportet ut oderis in te opus tuum, et ames in te opus Dei. Cum autem cœperit tibi displicere quod fecisti, inde incipiunt bona opera tua, quia accusas mala opera tua. Initium operum bonorum confessio est operum malorum.

*Ad Bened. Ant.* Sic Deus dilexit mundum ut Filium suum unigenitum daret: ut omnis qui credit in ipsum, non pereat, sed habeat vitam æternam, alleluia.

*Oratio.*

**D**EUS, qui Apostolis tuis sanctum dedisti Spiritum, concede plebi tuæ piæ petitionis effectum, ut quibus dedisti fidem, largiaris et pacem. Per Dominum... in unitate ejusdem.

*Ad Magnif. Ant.* Si quis diligit me, sermonem meum servabit: et Pater meus diliget eum, et ad eum veniemus, et mansionem apud eum faciemus, alleluia.

### FERIA TERTIA

℣. Spiritus Paraclitus, alleluia.

℟. Docebit vos omnia, alleluia.

Lectio sancti Evangelii secundum Joannem.

*Lectio j. Cap. 10.*

**I**N illo tempore: Dixit Jesus Phariseis: Amen, amen dico vobis, qui non intrat per ostium in ovile ovium, sed ascendit aliunde, ille fur est, et latro: qui autem intrat per ostium, pastor est ovium. Et reliqua.

Homilia S. Augustini Episcopi.

*Tract. 45 in Joann. post. intt.*

**D**OMINUS de grege suo, et de ostio quo intratur ad ovile, similitudinem proposuit in hodierna lectione. Dicant ergo Pagani: Bene vivimus. Si per ostium non intrant, quid prodest eis unde gloriantur? Ad hoc e-

nim debet unicuique prodesse bene vivere, ut detur illi semper vivere: nam cui non datur semper vivere, quid prodest bene vivere? Quia nec bene vivere dicendi sunt, qui finem bene vivendi vel cæcitate nesciunt, vel inflatione contemnunt. Non est autem cuiquam spes vera et certa semper vivendi, nisi agnoscat vitam, quod est Christus, et per januam intret in ovile.

℟. Apparuerunt Apostolis dispartitæ linguæ, tanquam ignis, alleluia: Seditque supra singulos eorum Spiritus sanctus, alleluia, allel. ℣. Et cœperunt loqui variis linguis, prout Spiritus sanctus dabat eloqui illis. Seditque.

*Lectio ij.*

**Q**UÆRUNT ergo plerumque tales homines etiam persuadere hominibus, ut bene vivant, et Christiani non snt. Per aliam partem volunt ascendere, rapere, et occidere: non ut bonus pastor, conservare atque salvare. Fuerunt ergo quidam philosophi de virtutibus et vitiis subtilia multa tractantes, dividentes, delinientes, ratiocinationes acutissimas concludentes, libros implentes, suam sapientiam buccis crepantibus ventilantes, qui etiam dicere auderent hominibus: Nos sequimini, sectam nostram tenete, si vultis beate vivere. Sed non intrabant per ostium: perdere volebant, mactare et occidere.

℟. Loquebantur variis linguis Apostoli magnalia Dei, ℣. Prout Spiritus sanctus dabat eloqui illis, alleluia. ℣. Repleti sunt omnes Spiritu sancto, et cœperunt loqui. Prout. Gloria. Prout.

*Lectio iij.*

**Q**UID de istis dicam? Ecce ipsi Pharisei legebant, et in eo quod legebant, Christum sonabant; venturum sperabant, et presentem non agnoscebant. Jactabant se etiam ipsi inter Videntes, hoc est, inter sapientes, et negabant Christum, et non intrabant per ostium. Ergo et ipsi,

si quos forte seducerent, mactandos et occidendos, non liberandos seducerent. Et hos dimittamus. Videamus illos, si forte ipsi intrant per ostium, qui ipsius Christi nomine gloriantur. Innumerabiles enim sunt, qui se Videntes non solum jactant, sed a Christo illuminatos videri volunt: sunt autem hæretici.

*Ad Bened. Ant.* Ego sum ostium, dicit Dominus: per me si quis introierit, salvabitur, et pascua inveniet, alleluia.

*Oratio.*

**A**DSIT nobis, quæsumus, Domine, virtus Spiritus sancti, quæ et corda nostra clementer expurget, et ab omnibus tueatur adversis. Per Dominum....in unitate ejusdem.

*Ad Magnif. Ant.* Pacem relinquo vobis, pacem meam do vobis: non quo modo mundus dat, ego do vobis, alleluia.

**FERIA QUARTA.**

*Quatuor Temporum.*

*℟.* Repleti sunt omnes Spiritu sancto, alleluia. *℣.* Et ceperunt loqui, alleluia.

Lectio sancti Evangelii secundum Joannem.

*Lectio j. Cap. 6.*

**I**N illo tempore: Dixit Jesus turbis Judæorum: Nemo potest venire ad me, nisi Pater, qui misit me, traxerit eum. Et reliqua.

Homilia S. Augustini Episcopi.

*Tract. 26. in Joannem.*

**N**OLI cogitare te invitum trahi: trahitur animus et amore. Nec timere debemus, ne ab hominibus, qui verba perpendunt, et a rebus maxime divinis intelligendis longe remoti sunt, in hoc Scripturarum sanctarum Evangelico verbo forsitan reprehendamus, et dicatur nobis: Quomodo voluntate credo, si trahor? Ego dico: Parum est voluntate, etiam voluptate traheris. Quid est, trahi voluptate?

Delectare in Domino, et dabit tibi petitiones cordis tui. Est quædam voluptas cordis, cui panis dulcis est ille celestis. Porro si poetæ dicere licuit: Trahit sua quemque voluptas; non necessitas, sed voluptas; non obligatio, sed delectatio: quanto fortius nos dicere debemus, trahi hominem ad Christum, qui delectatur beatitudine, delectatur justitia, delectatur sempiterna vita, quod totum Christus est? An vero habent corporis sensus voluptates suas, et animus describitur a voluptatibus suis? Si animus non habet voluptates suas, unde dicitur: Filii autem hominum sub tegmine alarum tuarum sperabunt: Inebriabuntur ab ubertate domus tuæ, et torrente voluptatis tuæ potabis eos: Quoniam apud te est fons vitæ, et in lumine tuo videbimus lumen?

*℟.* Disciplinam et sapientiam docuit eos Dominus, alleluia: firmavit in illis gratiam Spiritus sui, Et intellectu implevit corda eorum, alleluia. *v.* Repentino namque sonitu Spiritus sanctus super eos venit. Et.

*Lectio ij.*

**D**A amantem, et sentit quod dico, da desiderantem, da esurientem, da in ista solitudine peregrinantem, atque sitientem, et fontem æternæ patriæ suspirantem: da talem, et scit quid dicam. Si autem frigido loquor, nescit quid loquor. Tales erant isti, qui invicem murmurabant. Pater, inquit, quem traxerit, venit ad me. Quid est autem, Pater quem traxerit, cum ipse Christus trahat? Quare voluit dicere, Pater quem traxerit? Si trahendi sumus, ab illo trahamur cui dicit quædam, quæ diligit: Post odorem unguentorum tuorum curremus. Sed quid intelligi voluit advertamus, fratres, et quantum possumus, capiamus. Trahit Pater ad Filium eos, qui propterea credunt in Filium, quia eum cogitant Patrem habere Deum. Deus enim Pater æqualem sibi genuit Filium: et qui cogitat, atque in fide sua sentit et rumi-

nat, æqualem esse Patri eum in quem credidit, ipsum trahit Pater ad Filium.

*℟.* Ite in universum orbem, et prædicate Evangelium, alleluia. \* Qui crediderit, et baptizatus fuerit, salvus erit, alleluia, alleluia, alleluia. *℣.* In nomine meo dæmonia ejicient, linguis loquentur novis, serpentes tollent. *Qui. Gloria. Qui.*

*Lectio iij.*

**A**RIUS credidit creaturam, non eum traxit Pater; quia non considerat Patrem, qui Filium non credit æqualem. Quid dicis, o Ari? Quid dicis, hæretice? Quid loqueris? Quid est Christus? Non, inquit, Deus verus, sed quem fecit Deus verus. Non te traxit Pater: non enim intellexisti Patrem, cujus Filium negas. Aliud cogitas: Non est ipse Filius, nec a Patre traheris, nec ad Filium traheris. Aliud est enim Filius, aliud quod tu dicis. Photinus dicit: Homo solum est Christus, non est et Deus. Qui sic credit, non Pater eum traxit. Quem traxit Pater? Illum qui dicit: Tu es Christus Filius Dei vivi. Ramum viridem ostendis ovi, et trahis illam. Noces puero demonstrantur, et trahitur: et quod currit, trahitur, amando trahitur, sine læsione corporis trahitur, cordis vinculo trahitur. Si ergo ista, quam inter delicias et voluptates terrenas revelantur amantibus, trahunt, quoniam verum est. Trahit sua quemque voluptas; non trahit revelatus Christus a Patre? Quid enim fortius desiderat anima, quam veritatem.

*Ad Bened. Ant.* Ego sum panis vivus, dicit Dominus, qui de cælo descendi, alleluia, alleluia.

*Oratio.*

**M**ENTES nostras, quæsumus, Domine, Paraclitus qui a te procedit, illuminet, et inducat in omnem, sicut tunc promisit Filius, veritatem. Qui tecum... in unitate ejusdem.

*Ad Magnif. Ant.* Ego sum panis

vivus, qui de cælo descendi: si quis manducaverit ex hoc pane, vivet in æternum; et panis quem ego dabo, caro mea est pro mundi vita, alleluia.

### FERIA QUINTA.

*℣.* Spiritus Domini replevit orbem terrarum, alleluia. *℟.* Et hoc quod continet omnia, scientiam habet vocis, alleluia.

*Lectio sancti Evangelii secundum Lucam.*

*Lectio j. Cap. 9.*

**I**N illo tempore: Convocatis Jesus duodecim Apostolis, dedit illis virtutem et potestatem super omnia dæmonia, et ut languores curarent. Et reliqua.

*Homilia S. Ambrosii Episcopi.*

*Ltb. 6. in cap. 9. Luca.*

**Q**UALIS debent esse qui evangelizant regnum Dei, præceptis Evangelicis designatur; ut sine virga, sine pera, sine calceamento, sine pane, sine pecunia, hoc est, subsidii sæcularis adminicula non requirens, fideque tutus, putet sibi quo minus ea requirat, magis posse suppetere. Quæ possunt, qui volunt, ad eum derivare tractatum, ut spiritalem tantummodo locus iste formare videatur affectum: qui velut indumentum quoddam videatur corporis exuisse, non solum potestate rejecta, contemptisque divitiis, sed etiam carnis ipsius illecebris abdicatis. Quibus primo omnium datur pacis atque constantiæ generale mandatum, ut pacem ferant, constantiam servant, hospitalis necessitudinis jura custodiant: alienum a prædicatore regni cœlestis astruens curitare per domos, et inviolabilis hospitii jura mutare.

*℟.* Advenit ignis divinus, non comburens, sed illuminans; non consumens, sed lucens; et invenit corda discipulorum receptacula munda: \* Et tribuit eis charismatum dona, alleluia, alleluia. *℣.* Invenit eos concordēs charitate, et collustravit eos inundans gratia Deitatis. Et.



*Lectio ij.*

**S**ED ut hospitii gratia deferenda censetur, ita etiam, si non recipiantur, excutiendum pulverem, et egrediendum de civitate mandatur. Quo non mediocri boni remuneratio docetur hospitii, ut non solum pacem tribuamus hospitibus, verum etiam, si qua eos terrenæ obumbrant delicta levitatis, receptis Apostolicæ prædicationis vestigiis auferantur. Nec otiose secundum Matthæum, domus, quam ingrediantur Apostoli, eligenda decernitur, ut mutandi hospitii, necessitudinisque violandæ causa non suppetat. Non tamen eadem cautio receptori mandatur hospitii, ne, dum hospes eligitur, hospitalitas ipsa minuat.

¶ Spiritus sanctus replevit totam domum, ubi erant Apostoli: et apparuerunt illis dispersitæ linguæ, tanquam ignis, seditque supra singulos eorum: \* Et repleti sunt omnes Spiritu sancto, et cœperunt loqui variis linguis, prout Spiritus sanctus dabat eloqui illis, alleluia, alleluia, alleluia. ¶ Dum ergo essent in unum discipuli congregati propter metum judæorum, sonus repente de cœlo venit super eos. Et. Gloria. Et.

*Lectio iij.*

**S**ED hæc, ut secundum litteram de hospitii religione venerabilis est forma præcepti, ita etiam de mysterio sententia cœlestis arridet. Etenim cum domus eligitur, dignus hospes inquiritur. Videamus igitur ne forte Ecclesia præferenda designetur, et Christus. Quæ enim dignior domus Apostolicæ prædicationis ingressu, quam sancta Ecclesia? Aut quis præferendus magis omnibus videtur esse, quam Christus, qui pedes suis lavare consuevit hospitibus; et quoscunque sua receperit domo, pollutis non patitur habitare vestigiis, sed maculosos licet vitæ prioris, in reliquum tamen dignetur mundare processus? Hic est igitur solus, diem nemo deserere debet, nemo mutare. Cui bene dici-

tur: Domine, ad quem ibimus? verba vitæ æternæ habes, et nos credimus.

*Ad Bened. Ant.* Convocatis Jesus duodecim discipulis suis, dedit illis virtutem et potestatem super omnia dæmonia, et ut languores curarent: et misit illos prædicare regnum Dei, et sanare infirmos, alleluia.

*Oratio.*

**D**EUS, qui hodierna die corda fidelium sancti Spiritus illustratione docuisti, da nobis in eodem Spiritu recta sapere, et de ejus semper consolatione gaudere. Per Dominum in unitate ejusdem.

*Ad Magnif. Ant.* Spiritus qui a Patre procedit, alleluia: ille me clarificabit, alleluia, alleluia.

**FERIA SEITA.***Quatuor Temporum.*

¶ Spiritus Paraclitus, alleluia.  
¶ Docebit vos omnia, alleluia.

Lectio sancti Evangelii secundum Lucam.

*Lectio j. Cap. 5.*

**I**N illo tempore: Factum est in una dierum, et Jesus sedebat docens: Et erant Pharisei sedentes, et legis doctores, qui venerant ex omni castello Galilææ, et Judææ, et Jerusalem: et virtus Domini erat ad sanandum eos. Et reliqua.

Homilia S. Ambrosii Episcopi.

*Lib. 5. in cap. 5. Lucæ.*

**N**ON otiosa hujus paralytici, nec angusta medicina est, quando Dominus et orasse præmittitur: non utique propter suffragium, sed propter exemplum. Imitandi enim specimen dedit, non precandi ambitum requisivit. Et convenientibus ex omni Galilæa, et Judæa, et Jerusalem legis doctoribus, inter cæterorum remedia debiliū, paralytici istius medicina describitur. Primum omnium, quod ante diximus, unusquisque æger petendæ precatores salutis debet adhibere.

re, per quos nostræ vitæ compago resoluta, actuumque nostrorum clauda vestigia, verbi cœlestis remedio reformatur.

â. Non vos me elegistis, sed ego elegi vos, et posui vos, \* Ut eatis, et fructum afferatis, et fructus vester maneat, alleluia, alleluia. â. Sicut misit me Pater, et ego mitto vos. Ut.

*Lectio ij.*

**S**INT igitur aliqui monitores mentis, qui animum hominis, quamvis exterioris corporis debilitate torpentem, ad superiora erigent. Quorum rursus adminiculis et attollere et humiliare se facili ante Jesum locetur, Dominico videri dignus aspectu. Humilitatem enim respicit Dominus: quia respexit humilitatem ancillæ suæ. Quorum fidem ut vidit, dixit: Homo, remittuntur tibi peccata tuâ. Magnus Dominus, qui aliorum merito ignoscit aliis: et dum alios probat, aliis relaxat errata. Cur apud te, homo collega non valeat, cum apud Deum servus et interveniendi meritum, et jus habeat impetrandi.

â. Spiritus Domini replevit orbem terrarum: \* Et hoc quod continet omnia, scientiam habet vocis, alleluia, alleluia. y. Omnium est enim artifex, omnem habens virtutem, omnia prospiciens. Et. Gloria. Et.

*Lectio iij.*

**D**ISCE qui iudicas, Ignoscere: disce qui æger es, impetrare. Si gravium peccatorum diffidis veniam, adhibe precatores, adhibe Ecclesiam, quæ pro te precetur, cujus contemplatione, quod tibi Dominus negare posset, ignoscat. Et quamvis historiæ fidem non debeamus omittere, ut vere paralytici istius corpus credamus esse sanatum, cognosce tamen interioris hominis sanitatem, cui peccata donantur. Cum Judæi asserunt peccata à solo Deo posse concedi, Deum utique eum confitentur, suoque iudicio perfidiam suam produunt,

qui opus astruant, ut personam negent.

*Ad Bened. Ant.* Dixit Jesus: Ut sciatis autem quia Filius hominis habet potestatem in terra dimittendi peccata, ait paralytico: Tibi dico, surge; tolle lectum tuum, et vade in domum tuam, alleluia. \*

*Oratio.*

**D**A quæsumus, Ecclesiæ tuæ, misericors Deus, ut sancto Spiritu congregata, hostili nullatenus incursione turbetur. Per Dominum..... in unitate ejusdem.

*Ad Magnif. Ant.* Paraclitus autem Spiritus sanctus, quem mittet Pater in nomine meo, ille vos docebit omnia, et suggeret vobis omnia quæcumque dixerò vobis, alleluia.

**SABBATO.**

*Quatuor Temporum.*

y. Repleti sunt omnes Spiritu sancto, alleluia. â. Et cœperunt loqui, alleluia.

*Lectio sancti Evangelii secundum Lucam.*

*Lectio j. Cap. 4.*

**I**N illo tempore: Surgens Jesus de Synagoga, introivit in domum Simonis. Socrus autem Simonis tenebatur magnis febribus. Et reliqua.

*Homilia S. Ambrosii Episcopi.*

*Lib. 4. in cap. 4. Lucæ.*

**V**IDE clementiam Domini Salvatoris; nec indignatione commotus, nec scelere offensus, nec injuria violatus Judæam deserit: quin etiam immemor injuriæ, memor clementiæ nunc docendo, nunc liberando, nunc sanando, infidæ plebis corda demulcet. Et bene sanctus Lucas virum ab spiritu nequitie liberatum ante præmisit, et subdit feminae sanitatem. Utrumque enim sexum Dominus curaturus advenerat: sed prior sanari debuit qui prior creatus est; nec prætermitti illa, quæ mobilitate magis animi, quam pravitate peccaverat.

â. Repleti sunt omnes Spiritu san-

cto, et cœperunt loqui, prout Spiritus sanctus dabat eloqui illis: \* Et convenit multitudo dicentium, allel. *Ÿ.* Loquebantur variis linguis Apostoli magnalia Dei. Et.

*Lectio ij.*

**SABBATO** medicinæ Dominicæ opera cœpta significat, ut inde nova creatura cœperit, ubi vetus creatura ante desivit: nec sub lege esse Dei Filium, sed supra legem in ipso principio designaret: nec solvi legem, sed impleri. Neque enim per legem, sed verbo factus est mundus, sicut legimus: Verbo Domini cœli firmati sunt. Non solvitur ergo lex, sed impletur: ut fiat renovatio hominis jam labentis. Unde et Apostolus ait: Expoliantes vos veterem hominem, induite novum, qui secundum Deum creatus est.

*Ÿ.* Jam non dicam vos servos, sed amicos meos: quia omnia cognovistis, quæ operatus sum in medio vestri, alleluia: \* Accipite Spiritum sanctum in vobis Paraclitum: ille est, quem Pater mittet vobis, alleluia. *Ÿ.* Vos amici mei estis, si feceritis quæ ego præcipio vobis. Accipite. Gloria. Accipite.

*Lectio iij.*

**ET** bene sabbato cœpit, ut ipsum se ostenderet Creatorem, qui opera operibus intexeret, et prosequeretur opus, quod ipse jam cœperat:

ut si domum faber renovare disponat, non a fundamentis, sed a culminibus incipit solvere vetustatem. Itaque ibi prius manum admovet, ubi ante desierat: deinde a minoribus incipit, ut ad majora perveniat. Liberare a dæmone et homines, sed in verbo Dei, possunt: resurrectionem mortuis imperare, divinæ solius est potestatis. Fortassis etiam in typo mulieris illius socrus Simonis et Andreae, variis criminum febribus caro nostra languebat, et diversarum cupiditatum immodicis æstuabat illecebris. Nec minorem febrem amoris esse dixerim, quam calor. Itaque illa animum, hæc corpus inflamat. Febris enim nostra, avaritia est: febris nostra, libido est: febris nostra, luxuria est: febris nostra, ambitio est: febris nostra, iracundia est.

*Ad Bened. Ant.* Caritas Dei diffusa est in cordibus nostris, per inhabitantem Spiritum ejus in nobis, alleluia.

*Oratio.*

**MENTIBUS** nostris, quæsumus Domine, Spiritum sanctum benignus infunde, cujus et sapientiæ conditi sumus, et providentiæ gubernamur. Per Dominum nostrum ... in unitate ejusdem.

*Post Nonam, celebrata Missa terminatur tempus Paschale.*



## IN FESTO SS. TRINITATIS

### *In I. Vesperta.*

*Ant. et Capit. de Laud. Psalmi de Dom. loco ult. Laudato Dominum omnes gentes.*

#### HYMNUS.

**J**AM sol recedit igneus :  
Tu lux perennis Unitas ,  
Nostris , beata Trinitas ,  
Infunde amorem cordibus .

Te mane laudum carmine ,  
Te deprecamur vespero ;  
Digneris ut te supplices  
Laudemus inter Cœlites .

Patri , simulque Filio ,  
Tibique , sancte Spiritus ,  
Sicut fuit , sit jugiter  
Sæclum per omne gloria . Amen .

Ÿ. Benedicamus Patrem et Filium  
cum sancto Spiritu . ñ. Laudemus et  
superexaltemus eum in sæcula .

*Ad Magnif. Ant. Gratias tibi , Deus , gratias tibi , vera et una Trinitas , una et summa Deitas , sancta et una Unitas .*

*Oratio ut infra in Laudibus .*

*Pro comm. Dom. I. post Pentec.*

*Ant. Loquere , Domine , quia audit servus tuus .*

Ÿ. Vespertina oratio ascendat ad te ,  
Domino . Ÿ. Et descendat super nos  
misericordia tua .

*Oratio ut infra in Laudibus .*

### *Ad Matutinum*

*Invit. Deum verum , unum in Trinitate , et Trinitatem in Unitate , Venite , adoremus .*

#### HYMNUS.

**S**UMMÆ Parens clementiæ ,  
Mundi regis qui machinam ,

Unius et substantiæ ,  
Trinusque personis Deus :

Da dexteram surgentibus  
Exurgat ut mens sobria ,  
Flagrans et in laudem Dei  
Grates rependat debitas .

Deo Patri sit gloria ,  
Natoque Patris unico ,  
Cum Spiritu Paraclito  
In sempiterna sæcula . Amen .

### IN I. NOCTURNO.

*Ant. Adesto unus Deus omnipotens , Pater , Filius , et Spiritus sanctus .*

*Psalm. Domine , Dominus , p. 4.*

*Ant. Te unum in substantia , Trinitatem in personis confitemur .*

*Psalm. Cœli enarrant , p. 10.*

*Ant. Te semper idem esse , vivere , et intelligere profiteamur .*

*Psalm. Domini est terra , p. 21.*

Ÿ. Benedicamus Patrem et Filium  
cum sancto Spiritu . Ÿ. Laudemus et  
superexaltemus eum in sæcula .

De Isaia Propheta.

*Lectio j. Cap. 6.*

**I**N anno quo mortuus est rex Ozias , vidi Dominum sedentem super solium excelsum et elevatum , et ea quæ sub ipso erant , replebant templum . Seraphim stabant super illud ; sex alæ uni , et sex alæ alteri , duabus velabant faciem ejus , et duabus velabant pedes ejus , et duabus volabant . Et clamabant alter ad alterum , et dicebant : Sanctus , Sanctus , Sanctus Dominus Deus exercituum : plena est omnis terra gloria ejus . Et commota sunt superliminaria cardinum a voce clamantis , et domus repleta est fumo .

Ÿ. Vidi Dominum sedentem super solium excelsum et elevatum, et plena erat omnis terra maiestate ejus: \* Et ea quæ sub ipso erant, replebant templum. Ÿ. Seraphim stabant super illud: sex alæ uni, et sex alæ alteri. Et.

## Lectio ij.

**E**T dixi: Væ mihi, quia tacui, quia vir pollutus labiis ego sum, et in medio populi polluta labia habentis ego habito, et Regem Dominum exercituum vidi oculis meis. Et volavit ad me unus de Seraphim, et in manu ejus calculus, quem forcipe tulerat de altari. Et tetigit os meum, et dixit: Ecce tetigit hoc labia tua, et auferetur iniquitas tua, et peccatum tuum mundabitur. Et audiui vocem Domini dicentis: Quem mittam, et quis ibit nobis? Et dixi: Ecce ego, mitte me.

Ÿ. Benedictus Dominus Deus Israel, qui facit mirabilia magna solus: \* Et benedictum nomen maiestatis ejus in æternum. Ÿ. Replebitur maiestate ejus omnis terra: fiat, fiat. Et.

## Lectio iij.

**E**T dixit: Vade, et dices populo huic: Audite audientes, et nolite intelligere, et videte visionem, et nolite cognoscere. Excæca cor populi hujus, et aures ejus aggrava, et oculos ejus clande: ne forte videat oculis suis, et auribus suis audiat, et corde suo intelligat, et convertatur, et sanem eum. Et dixi: Usquequo, Domine? Et dixit: Donec desolentur civitates absque habitatore, et domus sine homine, et terra relinquetur deserta. Et longe faciet Dominus homines, et multiplicabitur quæ derelicta fuerat in medio terræ.

ñ. Benedicat nos Deus, Deus noster, benedicat nos Deus: \* Et metuant eum omnes fines terræ. Ÿ. Deus misereatur nostri, et benedicat nos Deus. Et. Gloria. Et.

## IN II. NOCTURNO.

Ant. Te invocamus, te laudamus, te adoramus, o beata Trinitas.

Psalm. Omnes gentes, p. 45.

Ant. Spes nostra, salus nostra, honor noster, o beata Trinitas.

Psalm. Magnus Dominus, p. 46.

Ant. Libera nos, salva nos, vivifica nos, o beata Trinitas.

Psalm. Deus judicium, p. 59.

Ÿ. Benedictus es, Domine, in firmamento cæli. ñ. Et laudabilis et gloriosus in sæcula.

Ex libro S. Fulgentii Episcopi, de Fide ad Petrum.

Inter Opera Augustini, tom. 3.

## Lectio iv.

**F**IDES, quam sancti Patriarchæ atque Prophetæ ante incarnationem Filii Dei divinitus acceperunt, quam etiam sancti Apostoli ab ipso Domino in carne posito audierunt, et Spiritus sancti magisterio instructi non solum sermone prædicaverunt, verum etiam ad instructionem saluberrimam posterorum scriptis suis inditam reliquerunt, unum Deum prædicat Trinitatem, id est, Patrem, et Filium, et Spiritum sanctum. Sed Trinitas vera non esset, si una eademque persona diceretur Pater, et Filius, et Spiritus sanctus.

ñ. Quis Deus magnus sicut Deus noster? \* Tu es Deus, qui facis mirabilia. Ÿ. Notam fecisti in populis virtutem tuam, redemisti in brachio tuo populum tuum. Tu.

## Lectio v.

**S**I enim, sicut est Patris et Fili et Spiritus sancti una substantia, sic esset una persona, nihil omnino esset in quo veraciter Trinitas diceretur. Rursus quidem Trinitas esset vera, sed unus Deus Trinitas ipsa non esset, si quemadmodum Pater et Filius et Spiritus sanctus personarum sunt ab invicem proprietate distincti, sic fuissent naturarum quoque diversitate discreti. Sed quia in illo uno vero Deo Trinitate non solum quod unus Deus est, sed etiam

quod Trinitas est, naturaliter verum est: propterea ipse verus Deus in personis Trinitas est, et in una natura unus est.

℟. Tibi laus, tibi gloria, tibi gratiarum actio in sæcula sempiterna, \*  
 ☉ beata Trinitas. ℣. Et benedictum nomen gloriæ tuæ sanctum et laudabile, et superexaltatum in sæcula.  
 ☉ beata.

*Lectio vj.*

**P**ER hanc unitatem naturalem totus Pater in Filio et Spiritu sancto est, totus Filius in Patre et Spiritu sancto est; totus quoque Spiritus sanctus in Patre et Filio. Nullus horum extra quemlibet ipsorum est, quia nemo alium aut præcedit æternitate, aut excedit magnitudine, aut superat potestate: quia nec Filio, nec Spiritu sancto, quantum ad naturæ divinæ unitatem pertinet, aut anterior aut major Pater est: nec Filii æternitas atque immensitas, velut anterior aut major, Spiritus sancti immensitatem æternitatemque aut præcedere, aut excedere naturaliter potest.

℟. Magnus Dominus, et laudabilis nimis: \* Et sapientiæ ejus non est numerus. ℣. Magnus Dominus, et magna virtus ejus: et sapientiæ ejus non est finis. Et. Gloria. Et.

### IN III. NOCTURNO.

*Ant.* Caritas Pater est, gratia Filius, communicatio Spiritus sanctus, o beata Trinitas.

*Psalm.* Cantate Domino, p. 72.

*Ant.* Verax est Pater, veritas Filius, veritas Spiritus sanctus, o beata Trinitas.

*Psalm.* Dominus regnavit, p. 72.

*Ant.* Pater, et Filius, et Spiritus sanctus una substantia est, o beata Trinitas.

*Psalm.* Cantate Domino, p. 73.

℣. Verbo Domini cæli firmati sunt.  
 ℟. Et spiritu oris ejus omnis virtus eorum.

Lectio sancti Evangelii secundum Matthæum.

*Lectio vij. Cap. 28.*

**I**N illo tempore: Dixit Jesus discipulis suis: Data est mihi omnis potestas in cælo et in terra. Euntes ergo docete omnes gentes, baptizantes eos in nomine Patris, et Filii, et Spiritus sancti. Et reliqua.

Homilia S. Gregorii Nazianzeni.

*In Tract. de Fide.*

**Q**UIS Catholicorum ignorat Patrem vere esse Patrem, Filium vere esse Filium, et Spiritum sanctum vere esse Spiritum sanctum, sicut ipse Dominus ad Apostolos suos dicit: Euntes baptizate omnes gentes in nomine Patris, et Filii, et Spiritus sancti? Hæc est perfecta Triunitas in unitate consistens, quam scilicet unius substantiæ profiteamur. Non enim nos secundum corporum conditionem, divisionem in Deo facinus, sed secundum divinæ naturæ potentiam, quæ in materia non est, et nominum personas vere constare credimus, et unitatem divinitatis esse testamur.

℟. Benedicamus Patrem et Filium cum sancto Spiritu: \* Laudemus et superexaltemus eum in sæcula. ℣. Benedictus es, Domine, in firmamento cæli, et laudabilis et gloriosus in sæcula. — Laudemus.

*Bened.* Divinum auxilium.

*Lectio viij.*

**N**EC extensionem partis alicujus ex parte, ut quidam putaverunt, Dei Filium dicimus: nec Verbum sine re, velut sonum vocis accipimus, sed tria nomina et tres personas unius esse essentiæ, unius majestatis atque potentiæ credimus. Et ideo unum Deum confitemur: quia unitas majestatis, plurium vocabulo deos prohibet appellari. Denique Patrem, et Filium catholice nominamus: duos autem deos dicere nec possumus, nec debemus. Non quod Filius Dei Deus non sit, imo verus Deus de Deo ve-



ro, sed quia non aliunde, quam de ipso uno Patre, Dei Filium novimus, perinde unum Deum dicimus. Hoc enim Prophetæ, hoc Apostoli tradiderunt: hoc ipse Dominus docuit, cum dicit: Ego et Pater unum sumus. Unde ad unitatem divinitatis, ut dixi, refert: Sumus autem, personis assignat.

¶ Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. ¶ Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena est.

*Bened. Per Evangelica dicta.*

Lectio sancti Evangelii secundum Lucam.

*Lectio ix.*

*Cap. 16.*

**I**N illo tempore: Dixit Jesus discipulis suis: Estote misericordes, sicut et Pater vester misericors est. Et reliqua.

Homilia S. Augustini Episcopi.

*Serm. 15. in Evang. Matthæi, de verbis Domini.*

**D**UO sunt opera misericordiæ, quæ nos liberant, quæ breviter ipse Dominus posuit in Evangelio: Dimittite, et dimittetur vobis: Date, et dabitur vobis. Dimittite, et dimittetur vobis, ad ignoscendum pertinet: Date, et dabitur vobis, ad præstandum beneficium pertinet. Quod ait de ignoscendo, et tu vis tibi ignosci quod peccas, et habes alium cui tu possis ignoscere. Rursus, quod pertinet adtribuendum beneficium, petit a te mendicus, et tu es Dei mendicus. Omnes enim quando oramus, mendici Dei sumus, ante januam magni Patristamiliæ stamus, imo et prosternimur, supplices ingemiscimus, aliquid volentes accipere: et ipsum aliquid ipse Deus est. Quid a te petit mendicus? Panem: Et tu quid petis a Deo, nisi Christum, qui dicit: Ego sum panis vivus, qui de cælo

descendi? Ignosci vobis vultis, ignoscite. Remittite, et remittetur vobis. Accipere vultis: date, et dabitur vobis.

Te Deum laudamus, p. 12.

### Ad Laudes

*et per Horas, Antiphonas.*

1. Gloria tibi, Trinitas æqualis, una Deitas, et ante omnia sæcula, et nunc et in perpetuum.

2. Laus et perennis gloria Deo Patri, et Filio, sancto simul Paraclito, in sæculorum sæcula.

3. Gloria laudis resonet in ore omnium Patri, genitæque Proli, Spiritui sancto pariter resultet laude perenni.

4. Laus Deo Patri, parilique Proli, et tibi, sancte, studio perenni, Spiritus, nostro resonet ab ore omne per ævum.

5. Ex quo omnia, per quem omnia, in quo omnia, ipsi gloria in sæcula.

*Capitulum.*

*Rom. II.*

**O** altitudo divitiarum sapientiæ et scientiæ Dei: quam incomprehensibilia sunt iudicia ejus, et investigabiles viæ ejus!

### HYMNUS.

**T**U Trinitatis Unitas,  
Orbem potenter quæ regis,  
Attende laudis canticum,  
Quod excubantes psallimus.

Ortus refulget lucifer,  
Præitque solem nuntius,  
Cadunt tenæbræ noctium,  
Lux sancta nos illuminet.

Deo Patri sit gloria,  
Ejusque soli Filio,  
Cum Spiritu Paraclito,  
Nunc et per omne sæculum. Amen.

¶ Benedicamus Patrem et Filium cum sancto Spiritu. ¶ Laudemus et superexaltemus eum in sæcula.

*Ad Bened. Ant. Benedicta sit sancta creatrix et gubernatrix omnium, sancta et individua Trinitas, nunc, et semper, et per infinita sæcula sæculorum.*

*Oratio.*

**O**MNIPOTENS sempiternæ Deus, qui dedisti famulis tuis, in confessione veræ fidei æternæ Trinitatis gloriam agnoscere, et in potentia majestatis adorare Unitatem, quæsumus ut ejusdem fidei firmitate ab omnibus semper muniamur adversis. Per Dominum.

*Pro comm. Dom. Ant.* Estote ergo misericordes, sicut et Pater vester misericors est, dicit Dominus. *V.* Dominus regnavit, decorem induit. *A.* Induit Dominus fortitudinem, et præcinxit se virtute.

*Oratio.*

**D**EUS in te sperantium fortitudo, adesto propitius invocationibus nostris, et quia sine te nihil potest mortalis infirmitas, præsta auxilium gratiæ tuæ, ut in exequendis mandatis tuis, et voluntate tibi et actione placeamus. Per Dominum.

*Ad Primam.*

*Psalmi, ut in Festo Dupl. cum Symbolo S. Athanasii.*

*Ad Tertiam.*

*Capit. O altitudo:*

*A. br.* Benedicamus Patrem et Filium, \* Cum sancto Spiritu. Benedicamus. *ψ.* Laudemus et superexaltemus eum in sæcula. *Cum. Gloria.* Benedicamus. *ψ.* Benedictus es, Domine, in firmamento cæli. *A.* Et laudabilis et gloriosus in sæcula.

*Ad Sextam.*

*Capitulum. 2. Cor. 13.*

**G**RATIA Domini nostri Jesu Christi et charitas Dei et communicatio sancti Spiritus sit cum omnibus vobis. Amen.

*A. br.* Benedictus es, Domine, \* In firmamento cæli. Benedictus. *ψ.* Et laudabilis et gloriosus in sæcula. In firmamento. *Gloria.* Benedictus. *ψ.* Verbo Domini cæli firmati sunt. *A.* Et Spiritu oris ejus omnis virtus eorum.

*Ad Nonam.*

*Capitulum. I. Joan. 8.*

**T**RES sunt qui testimonium dant in cælo, Pater, Verbum, et Spiritus sanctus: et hi tres unum sunt.

*A. br.* Verbo Domini \* Cæli firmati sunt. Verbo. *ψ.* Et Spiritu oris ejus omnis virtus eorum. *Cæli. Gloria.* Verbo. *ψ.* Sit nomen Domini benedictum. *A.* Ex hoc nunc, et usque in sæculum.

*In II. Vespertis.*

*Ant. et Capit. de Laud. Psalm. de Dom. Hymnus ut in I. Vesp.*

*ψ.* Benedictus es, Domine, in firmamento cæli. *A.* Et laudabilis et gloriosus in sæcula.

*Ad Magnif. Ant.* Te Deum Patrem ingentium, te Filium unigenitum, te Spiritum sanctum Paraclitum, sanctam et individuum Trinitatem, toto corde et ore confitemur, laudamus atque benedicimus: tibi gloria in sæcula.

*Pro comm. Dom. Ant.* Nolite judicare, ut non judicemini: in quo enim judicio judicaveritis, judicabimini, dicit Dominus.

*ψ.* Dirigatur, Domine, oratio mea. *A.* Sicut incensum in conspectu tuo.

*Oratio ut supra.*

**FERIA SECUNDA**

*Omnia dicuntur ut in Psalt. cum Oratione Dom. præced. Deus in te sperantium, ut supra.*

*Hac nocte ponuntur libri Regum, de quibus legitur usque ad Dom. I. Augusti: si quid vero de his libris supersit, adveniente dicta Dom., omititur.*

*Incipit liber primus Regum.*

*Lectio j. Cap. 1.*

**F**UIT vir unus de Ramathaim Sophim, de monte Ephraim, et nomen ejus Elcana, filius Jeroham, filii Elia, filii Thohu, filii Suph, Ephrathæus; et habuit duas uxores, nomen uni Anna, et nomen secundæ Phenenna. Fueruntque Phenennæ filii: Annæ autem non erant liberi. Et a-

ascendebat vir illo de civitate sua statutis diebus, ut adoraret et sacrificaret Domino exercituum in Silo. Erant autem ibi duo filii Heli, Ophni et Phinees, sacerdotes Domini.

¶. Præparate corda vestra Domino, et servite illi soli: \* Et liberabit vos de manu inimicorum vestrorum. †. Convertimini ad eum in toto corde vestro, et auferte deos alienos de medio vestri. Et.

*Lectio ij.*

**V**ENIT ergo dies, et immolavit Elcana, deditque Phenennæ uxori suæ, et cunctis filiis ejus et filiabus partes; Annæ autem dedit partem unam tristis, quia Annam diligebat. Dominus autem concluserat vulvam ejus. Affligebat quoque eam æmula ejus, et vehementer augebat, in tantum, ut exprobraret quod Dominus conclusisset vulvam ejus: sicque faciebat per singulos annos, cum redeunte tempore ascenderent ad templum Domini, et sic provocabat eam. Porro illa flebat, et non capiebat cibum. Dixit ergo ei Elcana vir suus: Anna, cur fles, et quare non comedis? et quamobrem affligitur cor tuum? Numquid non ego melior tibi sum, quam decem filii?

¶. Deus omnium, exauditor est: ipse misit Angelum suum, et tulit me de ovibus patris mei: \* Et unxit me unctione misericordiæ suæ. †. Dominus, qui eripuit me de ore leonis, et de manu bestię liberavit me. Et unxit.

*Lectio iij.*

**S**URREXIT autem Anna postquam comederet et biberet in Silo. Et Heli sacerdote sedente super sellam ante postes templi Domini, cum esset Anna amaro animo, oravit ad Dominum, flens largiter, et votum vovit, dicens: Domine exercituum, si respiciens videris afflictionem famulæ tuæ, et recordatus mei fueris, nec oblitus ancillæ tuæ, dederisque servum tuum sexum virilem, dabo eum Domino om-

nibus diebus vitæ ejus, et novacula non ascendet super caput ejus.

¶. Dominus qui eripuit, me de ore leonis, et de manu bestię liberavit me: \* Ipse me eripiet de manibus inimicorum meorum. †. Misit Deus misericordiam suam, et veritatem suam: animam meam eripuit de medio catulorum leonum. Ipse. Gloria. Ipse.

### FERIA TERTIA.

De libro primo Regum.

*Lectio j.*

Cap. i.

**F**ACTUM est autem; cum illa multiplicaret preces coram Domino, ut Heli observaret os ejus. Porro Anna loquebatur in corde suo, tantumque labia illius movebantur, et vox penitus non audiebatur. Estimavit ergo eam Heli temulentam, dixitque ei: Usquequo ebria eris? Digere paulisper vinum, quo mades. Respondens Anna: Nequaquam, inquit, domine mi; nam mulier infelix nimis ego sum, vinumque et omne quod inebriare potest, non bibi, sed effudi animam meam in conspectu Domini. Ne reputes ancillam tuam quasi unam de filiabus Belial, quia ex multitudine doloris et mœroris mei locuta sum usque in præsens. Tunc Heli ait ei: Vade in pace, et Deus Israel det tibi petitionem tuam, quam rogasti eum. Et illa dixit: Utinam inveniat ancilla tua gratiam in oculis tuis!

¶. Percussit Saul, mille, et David decem millia: \* Quia manus Domini erat cum illo: percussit Philisthæum et abstulit opprobrium ex Israel. †. Nonne iste est David, de quo canebant in choro, dicentes: Saul percussit mille, et David decem millia. Quia.

*Lectio ij.*

**E**T abiit mulier in viam suam, et comedit, vultusque illius non sunt amplius in diversa mutati. Et surrexerunt mane, et adoraverunt coram Domino; reversique sunt, et venerunt in domum suam Ramatha. Co-



gnovit autem Elcana Annam uxorem suam, et recordatus est ejus Dominus. Et factum est post circulum dierum, concepit Anna, et peperit filium, vocavitque nomen ejus Samuel, eo quod a Domino postulasset eum. Ascendit autem vir ejus Elcana, et omnis domus ejus, ut immolaret Domino hostiam solemnem et votum suum, et Anna non ascendit; dixit enim viro suo: Non vadam, donec ablactetur infans, et ducam eum, ut appareat ante conspectum Domini, et maneat ibi jugiter.

¶. Montes Gelboe, nec ros, nec pluvia veniant super vos: \* Ubi ceciderunt sortes Israel. †. Omnes montes, qui estis in circuitu ejus, visitet Dominus: a Gelboe autem transeat. Ubi.

*Lectio iiij.*

**E**T ait ei Elcana vir suus: Fac quod bonum tibi videtur, et mane, donec ablactes eum, precorque ut impleat Dominus verbum suum. Mansit ergo mulier, et lactavit filium suum, donec amoveret eum a lacte. Et adduxit eum secum, postquam ablactaverat, in vitulis tribus, et tribus modis farinæ, et amphora vini; et adduxit eum ad domum Domini in Silo. Puer autem erat adhuc infantulus: et immolaverunt vitulum, et obtulerunt puerum Heli. Et ait Anna: Obsecro, mi domine, vivit anima tua, domine: ego sum illa mulier, quæ steti coram te hic orans Dominum. Pro puero isto oravi, et dedit mihi Dominus petitionem meam, quam postulavi eum. Idcirco et ego commodavi eum Domino cunctis diebus, quibus fuerit commodatus Domino. Et adoraverunt ibi Dominum.

¶. Ego te tuli, de domo patris tui, dicit Dominus; et posui te pascere gregem populi mei: \* Et fui tecum in omnibus ubicumque ambulasti, firmans regnum tuum in æternum. †. Feci que tibi nomen grande, juxta nomen magnorum, qui sunt in terra:

et requiem dedi tibi ab omnibus inimicis tuis. Et. Gloria. Et.

**FERIA QUARTA**

De libro primo Regum.

*Lectio j. Cap. 2.*

**P**ONNE filii Heli, filii Belial, nescientes Dominum, neque officium sacerdotum ad populum: sed quicumque immolasset victimam, veniebat puer sacerdotis, dum coquerentur carnes, et habebat fuscinulam tridentem in manu sua, et mittebat eam in lebetem, vel in caldariam, aut in ollam, sive in cacabum; et omne quod levabat fuscinula, tollebat sacerdos sibi. Sic faciebant universo Israeli venientium in Silo.

¶. Peccavi super numerum arenæ maris, et multiplicata sunt peccata mea, et non sum dignus videre altitudinem cœli præ multitudine iniquitatis mee: quoniam irritavi iram tuam, \* Et manum coram te feci. †. Quoniam iniquitatem meam ego cognosco, et delictum meum contra me est semper, quia tibi soli peceavi. Et malum.

*Lectio ij.*

**E**TIAM antequam adolerent adipem, veniebat puer sacerdotis, et dicebat immolanti: Da mihi carnem, ut coquam sacerdoti: non enim accipiam a te carnem coctam, sed crudam. Dicebatque illi immolans: Incendatur primum juxta morem hodie adeps, et tolle tibi quantumcumque desiderat anima tua. Qui respondens aiebat ei: Nequaquam; nunc enim dabis, alioquin tollam vi. Erat ergo peccatum puerorum grande nimis coram Domino, quia retrahabant homines a sacrificio Domini.

¶. Exaudisti Domine, orationem servi tui; ut ædificarem templum nomini tuo: \* Benedic et sanctifica domum istam in sempiternum, Deus Israel. †. Domine, qui custodis pactum cum servis tuis, qui ambulant coram te in toto corde suo. Benedic.

*Lectio iij.*

**S**AMUEL autem ministrabat ante faciem Domini, puer accinctus ephod lineo. Et tunicam parvam faciebat ei mater sua, quam afferebat statutis diebus, ascendens cum viro suo, ut immolaret hostiam solemnem. Et benedixit Heli Elcanæ et uxori ejus, dixitque ei: Reddat tibi Dominus semen de muliere hac pro scenore quod commodasti Domino. Et abierunt in locum suum. Visitavit ergo Dominus Annam, et concepit, et peperit tres filios, et duas filias: et magnificatus est puer Samuel apud Dominum.

**A.** Audi Domine, hymnum, et orationem quam servus tuus orat coram te hodie: ut sint oculi tui aper-

ti, et aures tuæ intentæ, \* Super domum istam die ac nocte. *r.* Respice Domine de Sanctuario tuo, et de excelso cœlorum habitaculo. *Super.* Gloria. *Super.*

*Feria v. celebratur Festum Corporis Christi. Si ea die occurrat Festum Duplex vel Semidupl., transferatur post octavam: si Simplex, nulla fit de eo comm.*

*Infra Oct. non fit de Festo, nisi fuerit Duplex: Semiduplicia transferuntur post Oct., nec fit de Duplici translato: de simplici fit tantum comm. absque ix. Lect. de eo.*

*In die Oct. non fit, nisi de Nativ. S. Joannis et de Festo SS. Apostolorum Petri et Pauli, vel de alio ex solemnioribus, si occurrant, cum comm. Oct.*

## IN FESTO CORPORIS CHRISTI

### *In I. Vesperis.*

**Ant. I.** Sacerdos in æternum Christus Dominus secundum ordinem Melchisedech, panem et vinum obtulit.

*Psalm. Dixit Dominus, p. 85.*

**2.** Miserator Dominus escam dedit timentibus se in memoriam suorum mirabilium.

*Psalm. Confitebor tibi, p. 85.*

**3.** Calicem salutaris accipiam, et sacrificabo hostiam laudis.

*Psalm. Credidi p. 88.*

**4.** Sicut novellæ olivarum, Ecclesie filii sint in circuitu mensæ Domini.

*Psalm. Beati omnes, p. 91.*

**5.** Qui pacem ponit fines Ecclesie, frumenti adipe satiat nos Dominus.

*Psalm. Lauda Jerusalem, p. 99.*

*Capitulum. I. Cor. II.*

**F**RATRES, Ego enim accepi a Domino quod et tradidi vobis, quoniam Dominus Jesus in qua nocte tradebatur, accepit panem, et gra-

tias agens fregit, et dixit: Accipite, et manducate: hoc est corpus meum, quod pro vobis tradetur: hoc facite in meam commemorationem.

### HYMNUS.

**P**ANGE, lingua. gloriosi  
Corporis mysterium,  
Sanguinisque pretiosi  
Quem in mundi pretium  
Fructus ventris generosi  
Rex effudit Gentium.

Nobis datus, nobis natus  
Ex intacta Virgine,  
Et in mundo conversatus,  
Sparso verbi semine,  
Sui moras incolatus  
Miro clausit ordine.

In supremæ nocte cœnæ,  
Recumbens cum fratribus,  
Observata lege plene  
Cibis in legalibus,  
Cum turbæ duodenæ  
Se dat suis manibus.

Verbum caro , panem verum  
Verbo carnem efficit ,  
Fitque sanguis Christi merum ;  
Et si sensus deficit ,  
Ad firmandum cor sincerum ,  
Sola fides sufficit.

Tantum ergo Sacramentum  
Veneremur cernui ,  
Et antiquum documentum  
Novo cedat ritui :  
Præstet fides supplementum  
Sensuum defectui.

Genitori , Genitoque  
Laus et jubilatio ,  
Salus , honor , virtus quoque  
Sit et benedictio :  
Procedenti ab utroque  
Compar sit laudatio. Amen.

Ÿ. Panem de cælo præstitisti eis  
alleluia. ♯. Omne delectamentum in  
se habentem , alleluia.

*Ad Magnif. Ant.* O quam suavis  
est , Domine , spiritus tuus ! qui ut  
dulcedinem tuam in filios demonstra-  
res , pane suavissimo de cælo præsti-  
to , esurientes reple bonis , fastidio-  
sos divites dimittens inanes.

#### Oratio.

**D**EUS , qui nobis sub Sacramen-  
to mirabili passionis tuæ memoriam  
reliquisti : tribue , quæsumus , ita nos  
corporis et sanguinis tui sacra myste-  
ria venerari , ut redemptionis tuæ fru-  
ctum in nobis jugiter sentiamus : Qui  
vivis.

*Ad Complet. et per Horas , in fine  
Hymnorum dicitur Jesu tibi sit gloria,  
Qui natus es de Virgine. Et similiter  
per totam Octavam.*

#### Ad Matutinum.

*Invit.* Christum Regem adoremus  
dominantem Gentibus , \* Qui se man-  
ducantibus dat spiritus pinguedinem.

#### HYMNUS.

**S**ACRIS solemniis juncta sint gau-  
dia ,  
Et ex præcordiis sonent præconia ;  
Recedant vetera , nova sint omnia ,  
Corda , voces et opera.

Noctis recollitur cæna novissima ,  
Qua Cristus creditur agnum et azyma  
Dedisse fratribus , juxta legitima  
Priscis indulta patribus.

Post agnum typicum , expletis o-  
pulis,  
Corpus Dominicum datum discipulis  
Sic totum omnibus, quod totum sin-  
gulis ,

Ejus fatemur manibus.  
Dedit fragilibus corporis ferculum,  
Dedit et tristibus sanguinis poculum,  
Dicens : Accipite quod trado vascu-  
lum ,

Omnes ex eo bibite.  
Sic sacrificium istud instituit,  
Cujus officium committi voluit  
Solis presbyteris , quibus sic con-  
gruit ,

Ut sumant , et dent cæteris.  
Panis Angelicus fit panis hominum ;  
Dat panis cælicus figuris terminum.  
O res mirabilis ! manducat Dominum  
Pauper , servus et humilis.

Te, trina Deitas unaque, poscimus ,  
Sic nos tu visita , sicut te colimus ;  
Per tuas semitas duc nos quo tem-  
dimus ,

Ad lucem quam inhabitas.  
Amen.

#### IN I. NOCTURNO.

*Ant.* Fructum salutiferum gustan-  
dum dedit Dominus mortis suæ tem-  
pore.

#### Psalmus 1.

**B**EATUS vir , qui non abiit in  
consilio impiorum , et in via pec-  
catorum non stetit , \* et in cathedra  
pestilentiae non sedit.

Sed in lege Domini voluntas ejus : \*  
et in lege ejus meditabitur die ac  
nocte.

Et erit tanquam lignum , quod plan-  
tatum est secus decursus aquarum , \*  
quod fructum suum dabit in tempo-  
re suo.

Et folium ejus non defluet : \* et  
omnia quaecumque faciet , prospera-  
buntur.

Non sic impii, non sic : \* sed tan-



quam pulvis, quem projicit ventus a facie terræ.

Ideo non resurgent impii in iudicio: \* neque peccatores in concilio justorum.

Quoniam novit Dominus viam justorum: \* et iter impiorum peribit.

*Ant.* Fructum salutiferum gustandum dedit Dominus mortis suæ tempore.

*Ant.* A fructu frumenti et vini multiplicati fideles in pace Christi requiescunt.

#### Psalmus 4.

**CUM** invocarem, exaudivit me Deus justitiæ meæ: \* in tribulatione dilatasti mihi.

Miserere mei, \* et exaudi orationem meam.

Filii hominum, usquequo gravi corde? \* ut quid diligitis vanitatem, et queritis mendacium?

Et scitote quoniam mirificavit Dominus sanctum suum: \* Dominus exaudiet me, cum clamavero ad eum.

Irascimini, et nolite peccare: \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. \* Multi dicunt: Quis ostendit nobis bona?

Signatum est super nos lumen vultus tui, Domine: \* dedisti lætitiā in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam.

Quoniam tu, Domine, singulariter in spe \* constituisti me.

*Ant.* A fructu frumenti et vini multiplicati fideles in pace Christi requiescunt.

*Ant.* Communione calicis, quo Deus ipse sumitur, non vitulorum sanguine, congregavit nos Dominus.

#### Psalmus 13.

**CONSERVA** me, Domine, quoniam speravi in te \* Dixi Domi-

no: Deus meus es tu, quoniam honorum meorum non eges.

Sanctis, qui sunt in terra ejus, \* mirificavit omnes voluntates meas in eis.

Multiplicatæ sunt infirmitates eorum: \* postea acceleraverunt.

Non congregabo conventicula eorum de sanguinibus: \* nec memor ero nominum eorum per labia mea.

Dominus pars hæreditatis meæ, et calicis mei: \* tu es qui restitues hæreditatem meam mihi.

Funes ceciderunt mihi in præclaris: \* etenim hæreditas mea præclara est mihi.

Benedicam Dominum, qui tribuit mihi intellectum: \* insuper et usque ad noctem inereperunt me renes mei.

Providebam Dominum in conspectu meo semper: \* quoniam a dextris est mihi, ne commovear.

Propter hoc lætatum est cor meum, et exultavit lingua mea: \* insuper et caro mea requiescet in spe.

Quoniam non derelinques animam meam in inferno: \* nec dabis sanctum tuum videre corruptionem.

Notas mihi fecisti vias vitæ, adimplebis me lætitia cum vultu tuo: \* delectationes in dextera tua usque in finem.

*Ant.* Communione calicis, quo Deus ipse sumitur, non vitulorum sanguine, congregavit nos Dominus.

℣. Panem cæli dedit eis, alleluia.  
℟. Panem Angelorum manducavit homo, alleluia.

#### De Epistola I. B. Pauli Apostoli ad Corinthios.

##### Lectio j. Cap. II.

**CONVENIENTIBUS** vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alius quidem esurit, alius autem ebrius est. Numquid domos non habetis ad manducandum et bibendum? aut Ecclesiam Dei contempnitis, et confunditis eos, qui non habent?

Quid dicam vobis? laudo vos? in hoc non laudo.

*ñ.* Immolabit hædum multitudo filiorum Israel ad vesperam Paschæ: \* Et edent carnes, et azymos panes.

*ÿ.* Pascha nostrorum immolatus est Christus: itaque epulemur in azymis sinceritatis et veritatis. Et.

*Lectio ij.*

**E**GO enim accepi a Domino quod et tradidi vobis, quoniam Dominus Jesus in qua nocte tradebatur, accepit panem, et gratias agens fregit, et dixit: Accipite, et manducate: hoc est corpus meum, quod pro vobis tradetur: hoc facite in meam commemorationem. Similiter et calicem postquam cœnavit, dicens: Hic calix novum testamentum est in meo sanguine. Hoc facite, quotiescumque bibetis, in meam commemorationem. Quotiescumque enim manducabitis panem hunc, et calicem bibetis, mortem Domini annuntiabitis donec veniat.

*ñ.* Comedetis carnes, et saturabimini panibus. \* Iste est panis quem dedit vobis Dominus ad vescendum.

*ÿ.* Non Moyses dedit vobis panem de cœlo, sed Pater meus dat vobis panem de cœlo verum. Iste.

*Lectio iij.*

**I**TAQUE quicumque manducaverit panem hunc, vel biberit calicem Domini indigne, reus erit corporis et sanguinis Domini. Probet autem se ipsum homo, et sic de panis illo edat, et de calice bibat. Qui enim manducat et bibit indigne, judicium sibi manducat et bibit, non dijudicans corpus Domini. Ideo inter vos multi infirmi et imbecilles, et dormiunt multi. Quod si nosmetipsos dijudicemus, non utique judicaremur. Dum judicamur autem, a Domino corripimur, ut non cum hoc mundo damnemur.

*ñ.* Respexit Elias ad caput suum subemerit panem: qui surgens comedit et bibit, \* Et ambulavit in fortitudine cibi illius usque ad montem Dei *ÿ.* Si quis manducaverit ex

hoc pane, vivet in æternum. Et. Gloria. Et.

## IN II. NOCTURNO.

*Ant.* Memor sit Dominus sacrificii nostri, et holocaustum nostrum pingue fiat.

## Psalmus 10.

**E**XAUDIAT te Dominus in die tribulationis: \* protegat te nomen Dei Jacob.

Mittat tibi auxilium de sancto: \* et de Sion tueatur te.

Memor sit omnis sacrificii tui, \* et holocaustum tuum pingue fiat.

Tribuat tibi secundum cor tuum: \* et omne consilium tuum confirmet.

Lætabimur in salutari tuo: \* et in nomine Dei nostri magnificabimur.

Impleat Dominus omnes petitiones tuas: \* nunc cognovi quoniam salvum fecit Dominus Christum suum.

Exaudiet illum de cœlo sancto suo: \* in potentatibus salus dexteræ ejus.

Illi in curribus, et hi in equis: \* nos autem in nomine Domini Dei nostri invocabimus.

Ipsi obligati sunt, et ceciderunt: \* nos autem surreximus, et erecti sumus.

Domine, salvum fac regem: \* et exaudi nos in die, qua invocaverimus te.

*Ant.* Memor sit Dominus sacrificii nostri, et holocaustum nostrum pingue fiat.

*Ant.* Paratur nobis mensa Domini adversus omnes qui tribulant nos.

## Psalmus 23.

**D**OMINUS regit me, et nihil mihi deerit: \* in loco pascuæ ibi me collocavit.

Super aquam refectionis educavit me: \* animam meam convertit.

Deduxit me super semitas justitiæ, \* propter nomen suum.

Nam etsi ambulavero in medio umbræ mortis, non timebo mala: \* quoniam tu mecum es.

Virga tua, et baculus tuus, \* ipsa me consolata sunt.

Parasti in conspectu meo mensam, \* adversus eos qui tribulant me.

Impinguasti in oleo caput meum: \* et calix meus inebrians quam præclarus est!

Et misericordia tua subsequetur me \* omnibus diebus vitæ meæ.

Et ut inhabitem in domo Domini, \* in longitudinem dierum.

*Ant.* Paratur nobis mensa Domini adversus omnes qui tribulant nos.

*Ant.* In voce exultationis resonent epulantes in mensa Domini.

### Psalmus 41.

**Q**UEMADMODUM desiderat cervus ad fontes aquarum: \* Ita desiderat anima mea ad te, Deus.

Sitivit anima mea ad Deum fortem vivum: \* Quando veniam, et apparebo ante faciem Dei?

Fuerunt mihi lacrymæ meæ panes die ac nocte, \* dum dicitur mihi quotidie: Ubi est Deus tuus?

Hæc recordatus sum, et effudi in me animam meam: \* quoniam transibo in locum tabernaculi admirabilis, usque ad domum Dei.

In voce exultationis et confessionis, \* sonus epulantis.

Quare tristis es anima mea? \* et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

Ad me ipsum anima mea conturbata est: \* propterea memor ero tui de terra Jordanis, et Hermonium a monte modico.

Abyssus abyssum invocavit, \* in voce cataractarum tuarum.

Omnia excelsa tua, et fluctus tui \* super me transierunt.

In die mandavit Dominus misericordiam suam, \* et nocte canticum ejus.

Apud me oratio Deo vitæ meæ, \* dicam Deo: Susceptor meus es.

Quare oblitus es mei? \* et quare contristatus incedo, dum affligit me inimicus?

Dum confringuntur ossa mea, \* exprobraverunt mihi qui tribulant me inimici mei.

Dum dicunt mihi per singulos dies: Ubi est Deus tuus? \* quare tristis es anima mea? et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

*Ant.* In voce exultationis resonent epulantes in mensa Domini.

†. Cibavit illos ex adipe frumenti, alleluia. ♯. Et de petra, melle saturavit eos, alleluia.

Sermo S. Thomæ Aquinatis.

*Lectio iv In Opusc. 57.*

**I**MMENSA divine largitatis beneficia, exhibita populo Christiano, inestimabilem ei conferunt dignitatem. Neque enim est, aut fuit aliquando tam grandis natio, quæ habeat deos appropinquantes sibi, sicut adest nobis Deus noster. Unigenitus aiquidem Dei Filius, suæ divinitatis volens nos esse participes, nostram naturam assumpsit, ut homines deos faceret factus homo. Et hoc insuper quod de nostro assumpsit, totum nobis contulit ad salutem. Corpus namque suum pro nostra reconciliatione in ara crucis hostiam obtulit Deo Patri; sanguinem suum fudit in pretium simul et lavacrum, ut redempti a miserabili servitute, a peccatis omnibus mundaremur. Ut autem tanti beneficii jugis in nobis maneret memoria, corpus suum in cibum, et sanguinem suum in potum, sub specie panis et vini sumendum, fidelibus dereliquit.

¶. Cœnantibus illis accepit Jesus panem, et benedixit ac fregit, deditque discipulis suis, et ait: \* Accipite, et comedite: hoc est corpus meum. †. Dixerunt viri tabernaculi mei: Quis det de carnibus ejus ut saturemur? Accipite.

*Lectio v.*

**O** Pretiosum et admirandum convivium, salotiferum, et omni suavitate repletum! Quid enim hoc con-



vivio pretiosius esse potest? in quo non carnes vitulorum et hircorum, ut olim in lege, sed nobis Christus sumendus proponitur verus Deus. Quid hoc Sacramento mirabilius? in ipso namque panis et vinum in Christi corpus et sanguinem substantialiter convertuntur. Ideoque Christus Deus, et homo perfectus sub modici panis et vini specie continetur. Manducatur itaque a fidelibus, sed minime laceratur; quinimo, diviso Sacramento, sub qualibet divisionis particula integer perseverat. Accidentia autem sine subiecto in eodem subsistunt, ut fides locum habeat, dum invisibile visibiliter sumitur sub aliena specie occultatum, et sensus a deceptione redantur immunes, qui de accidentibus judicant sibi notis.

*℟.* Accepit Jesus calicem, postquam cenavit, dicens: Hic calix novum testamentum est in meo sanguine. \* Hoc facite in meam commemorationem. *℣.* Memoria memor ero, et tabescet in me anima mea. *Hoc.*

*Lectio vj.*

**N**ULLUM etiam Sacramentum est isto salubrius, quo purgantur peccata, virtutes augentur, et mens omnium spiritualium charismatum abundantia impinguatur. Offeritur in Ecclesia pro vivis et mortuis, ut omnibus prosit quod est pro salute omnium institutum. Suavitatem denique hujus Sacramenti nullus digue exprimere sufficit, per quod spiritualis dulcedo in suo fonte gustatur, et recolitur memoria illius, quam in sua passione Christus monstravit, excellentissimæ charitatis. Unde ut arctius hujus charitatis immensitas fidelium cordibus infingeretur, in ultima cœna, quando Pascha cum discipulis celebrato, transiturus erat de hoc mundo ad Patrem, hoc Sacramentum instituit, tanquam passionis suæ memoriale perenne, figurarum veterum impletivum, miraculorum ab ipso factorum maximum; et de sua contristationis absentia solatium singulare reliquit.

*℟.* Ego sum panis vitæ: patres vestri manducaverunt manna in deserto, et mortui sunt: \* Hic est panis de cœlo descendens, ut si quis ex ipso manducet, non moriatur. *℣.* Ego sum panis vivus, qui de cœlo descendi: si quis manducaverit ex hoc pane, vivet in æternum. — *Hic. Gloria. Hic.*

### IN III. NOCTURNO.

*Ant.* Introibo ad altare Dei: sumam Christum, qui renovat juventutem meam.

### Psalmus 43.

**J**UDICA me, Deus, et discerne causam meam de gente non sancta, \* ab homine iniquo et doloso erue me.

Quia tu es, Deus, fortitudo mea: \* quare me repulisti? et quare tristis incedo, dum affligit me inimicus?

Emitte lucem tuam, et veritatem tuam: \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei: \* ad Deum, qui lætificat juventutem meam.

Confitebor tibi in cithara, Deus, Deus meus: \* quare tristis es, anima mea, et quare conturbas me?

Spera in Deo, quoniam adhuc confitebor illi: \* salutare vultus mei, et Deus meus.

*Ant.* Introibo ad altare Dei: sumam Christum, qui renovat juventutem meam.

*Ant.* Cibavit nos Dominus ex adipe frumenti: et de petra, melle saturavit nos.

### Psalmus 80.

**E**XULTATE Deo adjutori nostro: \* jubilate Deo Jacob.

Sumite psalmum, et date tympanum, \* psalterium jucundum cum cithara.

Buccinate in Neomenia tuba: \* in insigni die solemnitatis vestræ.

Quia præceptum in Israel est: \* et iudicium Deo Jacob.

Testimonium in Joseph posuit illud, cum exiret de terra Ægypti: \* linguam quam non noverat, audivit.

Divertit ab oneribus dorsum ejus: \* manus ejus in cophino servierunt.

In tribulatione invecasti me, et liberavi te: \* exaudivi te in abscondito tempestatis: probavi te apud aquam contradictionis.

Audi, populus meus et contestabor te: \* Israel, si audieris me non erit in te Deus recens, neque adorabis Deum alienum.

Ego enim sum Dominus Deus tuus, qui eduxi te de terra Ægypti: \* dilata os tuum, et implebo illud.

Et non audivit populus meus vocem meam: \* et Israel non intendit mihi.

Et dimisi eos secundum desideria cordis eorum: \* ibunt in adinventio- nibus suis.

Si populus meus audisset me: \* Israel si in viis meis ambulasset:

Pro nihilo forsitan inimicos eorum humiliassem: \* et super tribulantes eos misissem manum meam.

Inimici Domini mentiti sunt ei: \* et erit tempus eorum in sæcula.

Et cibavit eos ex adipe frumenti: \* et de petra, melle saturavit eos.

*Ant.* Cibavit nos Dominus ex adipo frumenti: et de petra, melle satura- vit nos.

*Ant.* Ex altari tuo, Domine, Chri- stum sumimus, in quem cor et caro nostra exultant.

### Psalmus 83.

**Q**UAM dilecta tabernacula tua, Domine virtutum! \* concupiscit et deficit anima mea in atria Domini.

Cor meum et caro mea \* exultave- runt in Deum vivum.

Etenim passer invenit sibi domum: \* et turtur nidum sibi, ubi ponat pul- los suos.

Altaria tua, Domine virtutum, \* Rex meus et Deus meus.

Beati qui habitant in domo tua, Domine: \* in sæcula sæculorum lau- dabunt te.

Beatus vir cuius est auxilium abs te: \* ascensiones in corde suo dispo- suit, in valle lacrymarum, in loco quem posuit.

Etenim benedictionem dabit legis- lator, ibunt de virtute in virtutem: \* videbitur Deus deorum in Sion.

Domine Deus virtutum, exaudi o- rationem meam: \* auribus percipe, Deus Jacob.

Protektor noster apiscæ, Deus: \* et respice in faciem Christi tui.

Quia melior est dies una in atris tuis \* super millia.

Elegi abjectus esse in domo Dei mei, \* magis quam habitare in taber- naculis peccatorum.

Quia misericordiam et veritatem di- ligit Deus: \* gratiam et gloriam da- bit Dominus.

Non privabit bonis eos qui ambulant in innocentia. \* Domine virtutem, bea- tus homo qui sperat in te.

*Ant.* Ex altari tuo, Domine, Chri- stum sumimus, in quem cor et caro nostra exultant.

*γ.* Educas panem de terra, alleluia.  
*η.* Et vinum lætificet cor hominis, alleluia.

Lectio sancti Evangelii secundum Joannem.

*Lectio vij. Cap. 6.*

**I**N illo tempore: Dixit Jesus turbis Judæorum: Caro mea vere est ci- bus, et sanguis meus vere est potus. Et reliqua.

Homilia S. Augustini Episcopi.

*Tract. 26. In Joannem.*

**C**UM cibo et potu id appetant ho- mines ut neque esuriant ne- que sitiant, hoc veraciter non præ- stat, nisi iste cibus et potus, qui eos a quibus sumitur, immor- tales et incorruptibiles facit: id est, societas ipsa sanctorum, ubi pax erit, et unitas plena atque perfecta. Pro- pterea quippe, sicut etiam ante nos hoc intellexerunt homines Dei, Dominus noster Jesus Christus corpus et san- guinem suum in eis rebus commenda-

vi, quæ ad unum aliquid rediguntur ex multis. Namque aliud in unum ex multis granis conficitur, aliud in unum ex multis acinis confluit. Denique jam exponit quomodo id fiat quod loquitur, et quid sit manducare corpus ejus, et sanguinem bibere.

¶. Qui manducat meam carnem, et bibit meum sanguinem, \* In me manet, et ego in eo. ¶. Non est alia natio tam grandis, quæ habeat deos appropinquantes sibi sicut Deus noster adest nobis. In.

*Lectio viij.*

**Q**UI manducat carnem meam, et bibit meum sanguinem, in me manet, et ego in illo. Hoc est ergo manducare illam escam, et illum bibere potum, in Christo manere, et illum manentem in se habere. Ac per hoc, qui non manet in Christo, et in quo non manet Christus, procul dubio nec manducat spiritaliter carnem ejus, nec bibit ejus sanguinem, licet carnaliter et visibiliter premat dentibus sacramentum corporis et sanguinis Christi, sed magis tantæ rei sacramentum ad judicium sibi manducat et bibit, quia immundus præsumpsit ad Christi accedere sacramenta, quæ aliquis non digne sumit, nisi qui mundus est; de quibus dicitur: Beati mundo corde, quoniam ipsi Deum videbunt.

¶. Misit me vivens Pater, et ego vivo propter Patrem: \* Et qui manducat me, vivet propter me. ¶. Cibavit illum Dominus pane vitæ et intellectus. Et. Gloria Et.

*Lectio ix.*

**S**ICUT, inquit, misit me vivens Pater, et ego vivo propter Patrem: et qui manducat me, et ipse vivet propter me. Ac si diceret. Ut ego vivam propter Patrem, id est, ad illum tanquam ad majorem referam vitam meam, excautio mea fecit, in qua misit me. Ut autem quisquam vivat propter me, participatio facit, quæ manducat me. Ego itaque

humiliatus vivo propter Patrem, illa erectus vivit propter me. Si autem ita dictum est, Vivo propter Patrem, quia ipse de illo, non ille de ipso est, sine detrimento æqualitatis dictum est. Nec tamen dicendo, Et qui manducat me, et ipse vivet propter me; eandem suam, et nostram æqualitatem significavit, sed gratiam mediatoris ostendit.

Te Deum laudamus, p. 12.

*Ad Laudes.*

*et per Horas, Antiphonæ.*

1. Sapientia\* edificavit sibi domum, miscuit vinum, et posuit mensam; alleluia.

2. Angelorum esca\* nutritivisti populum tuum, et panem de cælo præstitisti eis, alleluia.

3. Pinguis est panis\* Christi, et præbebit delicias regibus, alleluia.

4. Sacerdotes sancti\* incensum et panes offerunt Deo, allel.

5. Vincenti\* dabo manna absconditum, et nomen novum, allel.

*Capitulum. I. Cor. II.*

**F**RATRES, Ego enim accepi a Domino quod et tradidi vobis quoniam Dominus Jesus in qua nocte tradebatur, accepit panem, et gratias agens fregit, et dixit: Accepite, et manducate: hoc est corpus meum, quod pro vobis tradetur: hoc facite in meam commemorationem.

**HYMNUS.**

**V**ERBUM supernum prodiens,  
Nec Patris linguens dexteram,  
Ad opus suum exiens,  
Venit ad vitæ vesperam.

In mortem a discipulo  
Suis tradendus æmulis,  
Prius in vitæ ferculo  
Se tradidit discipulis.

Quibus sub bina specie  
Carnem dedit et sanguinem,  
Ut duplicis substantiæ  
Totum cibaret hominem.

Se nascens dedit socium  
Convalescens in edulium,



Se moriens in pretium,  
Se regnans dat in premium.

● salutaris hostia,  
Quæ cœli pandis ostium,  
Bella premunt hostilia,  
Da robur, fer auxilium.

Uni trinoque Domino  
Sit sempiterna gloria,  
Qui vitam sine termino  
Nobis donet in patria. Amen.

ŷ. Posuit fines tuos pacem, alleluia.  
â. Et adipe frumenti satiat te, alleluia.

*Ad Bened. Ant.* Ego sum panis  
vivus, qui de cœlo descendi: si quis  
manducaverit ex hoc pane, vivet in  
æternum, alleluia.

*Oratio.*

**D**EUS, qui nobis sub Sacramen-  
to mirabili passionis tuæ memo-  
riam reliquisti: tribue, quæsumus,  
ita nos corporis et sanguinis tui sa-  
cra mysteria venerari, ut redemptionis  
tuæ fructum in nobis jugiter sen-  
tiamus: Qui vivis.

*Ad Primam*

*In. â. br. ŷ.* Qui natus es de Ma-  
ria virgine. *Et sic dicitur per totam*  
*Octavam.*

*In ŷŷ. Primæ et Complet. non ad-  
ditur alleluia, sed in aliis Horis.*

*Ad Tertiam.*

*Capit. Fratres* Ego enim.

â. br. Panem cœli dedit eis, \* Al-  
leluia, alleluia. Panem. ŷ. Panem  
Angelorum manducavit homo. Allelu-  
ia. Gloria. Panem. ŷ. Cibavit illos  
ex adipe frumenti, alleluia. â. Et  
de petra, melle saturavit eos, alleluia.

*Ad Sextam.*

*Capitulum.* I. Cor. II.

**Q**UOTIESCUMQUE enim man-  
ducabitis panem hunc, et cali-  
cem bibetis, mortem Domini annun-  
tiabitis, donec veniat.

â. br. Cibavit illos ex adipe fru-  
menti, \* Alleluia, alleluia. Cibavit.  
ŷ. Et de petra, melle saturavit eos.

Alleluia, alleluia. Gloria. Cibavit. ŷ.  
Educas panem de terra, alleluia. â.  
Et vinum lætificet cor hominis, al-  
leluia.

*Ad Nonam.*

*Capitulum.* I. Cor. II.

**Q**UICUMQUE manducaverit pa-  
nem hunc, vel biberit calicem  
Domini indigne, reus erit corporis  
et sanguinis Domini.

â. br. Educas panem de terra, \*  
Alleluia, alleluia. Educas. ŷ. Et vi-  
num lætificet cor hominis. Alleluia,  
alleluia. Gloria. Educas. ŷ. Posuit  
fines tuos pacem, alleluia. â. Et adi-  
pe frumenti satiat te, alleluia.

*In II. Vesperts.*

*Omnia dicuntur ut in I. Vesp.*

ŷ. Panem de cœlo præstitisti eis,  
alleluia. â. Omne delectamentum in  
se habentem, alleluia.

*Ad Magnif. Ant.* ● sacrum con-  
vivium, in quo Christus sumitur, re-  
colitur memoria passionis ejus, mens  
impletur gratia, et futuræ gloriæ no-  
bis pignus datur, allel.

**FERIA SEXTA**

**IN I. NOCTURNO.**

De libro primo Regum.

*Lectio ŷ. Cap. I.*

**V**ENIT autem vir Dei ad Heli, et  
ait ad eum: Hæc dicit Dominus:  
Namquid non aperte revelatus sum  
domui patris tui, cum essent in Æ-  
gypto in domo Pharaonis? Et elegi e-  
um ex omnibus tribubus Israel mihi  
in sacerdotem, ut ascenderet ad al-  
tare meum, et adoleret mihi incen-  
sum, et portaret ephod coram me: et  
dedi domui patris tui omnia de sacri-  
ficiis filiorum Israel. Quare calce abje-  
cistis victimam meam, et munera mea  
quæ præcepi ut offerrentur in templo,  
et magis honorasti filios tuos, quam  
me, ut comederetis primitias omnis  
sacrificii Israel populi mei?

*Lectio ij.*

**PROPTEREA** ait Dominus Deus Israel: Loquens locutus sum ut domus tua et domus patris tui ministraret in conspectu meo usque in sempiternum. Nunc autem dicit Dominus: Absit hoc a me; sed quicumque glorificaverit me, glorificabo eum: qui autem continent me, erunt ignobiles. Ecce dies ventunt, et præcidam brachium tuum, et brachium domus patris tui, ut non sit senex in domo tua. Et videbis æmulum tuum in templo, in universis prosperis Israel; et non erit senex in domo tua omnibus diebus. Verumtamen non auferam penitus virum ex te ab altari meo: sed ut deficiant oculi tui, et tabescat anima tua: et pars magna domus tuæ morietur, cum ad virilem ætatem venerit.

*Lectio iij.*

**HOC** autem erit tibi signum, quod venturum est duobus filiis tuis, Ophni et Phinees: In die uno morientur ambo. Et suscitabo mihi sacerdotem fidelem, qui juxta cor meum et animam meam faciet, et ædificabo ei domum fidelem, et ambulabit coram Christo meo cunctis diebus. Futurum est autem ut quicumque remanserit in domo tua, veniat ut oretur pro eo, et offerat nummum argenteum et tortam panis, dicatque: Dimitte me, obsecro, ad unam partem sacerdotalem, ut comedam buccellam panis.

## IN II. NOCTURNO.

De Sermone S. Thomæ Aquinatis.

*Lectio iv.**Ex Opusc. 57.*

**CONVENIT** itaque devotioni fidelium solemniter recolere institutionem tam salutiferi, tamque mirabilis Sacramenti, ut ineffabilem modum divinæ præsentiae in Sacramento visibili veneremur, et laudetur Dei potentia, quæ in Sacramento eodem tot mirabilia operatur: necnon et de tam salubri, tamque suavi beneficio exsolvantur Deo gratiarum debitæ ac-

tionones. Verum etsi in die Cœnæ, quando Sacramentum prædictum noscitur institutum, inter Missarum sollemnia de institutione ipsius specialis mentio habeatur, totum tamen residuum ejusdem diei officium ad Christi passionem pertinet, circa cujus venerationem Ecclesia illo tempore occupatur.

*Lectio v.*

**UT** autem integro celebritatis officio institutionem tanti Sacramenti recoleret plebs fidelium, Romanus Pontifex Urbanus Quartus, hujus Sacramenti devotione affectus, piè statuit præfatæ institutionis memoriam prima quinta Feria post Octavas Pentecostes a cunctis fidelibus celebrari: ut qui per totum anni circum hoc Sacramento utimur ad salutem, ejus institutionem illo tempore specialiter recolamus, quo Spiritus sanctus corda discipulorum edocuit ad plene cognoscenda hujus mysteria Sacramenti. Nam et in eodem tempore cœpit hoc Sacramentum a fidelibus frequentari.

*Lectio vj.*

**UT** autem prædicta quinta Feria, et per Octavas sequentes, ejus salutaris institutionis honorificentius agatur memoria, et solemnitas de hoc celebrior habeatur, loco distributionum materialium quæ in Ecclesiis cathedralibus largiuntur assistentibus Horis Canonicis nocturnis pariterque diurnis, præfatus Romanus Pontifex eis, qui hujusmodi Horis in hac solemnitate personaliter in Ecclesiis interfuerint, stipendia spiritualia Apostolica largitione concessit, quatenus per hæc fideles ad tanti festi celebritatem avidius et copiosius convenirent.

## IN III. NOCTURNO

Lectio sancti Evangelii secundum Ioannem.

*Lectio vij.*

Cap. 6.

**IN** illo tempore: Dixit Jesus turbis Judæorum: Caro mea vere est cibus, et sanguis meus vere est potus. Et reliqua.

Homilia S. Augustini Episcopi.

*Tract. 17. in Joannem.*

**V**ERBA Domini ex Evangelio , quæ sermonem pristinum consequuntur , audivimus. Hinc sermo debetur auribus et mentibus vestris. et hodierna die non importunus est. Est enim de corpore Domini , quod dicebat se dare ad manducandum propter æternam vitam. Exposuit autem modum attributionis hujus , et doni sui , quomodo daret carnem suam manducare , dicens : Qui manducat carnem meam , et bibit sanguinem meum , in me manet , et ego in illo. Signum quia manducavit et bibit , hoc est , si manet , et manetur ; si habitat , et inhabitatur ; si hæret , ut non deseratur.

*Lectio viij.*

**H**OC ergo nos docuit et admonuit mysticis verbis , ut simus in ejus corpore sub ipso capite in membris ejus , edentes carnem ejus , non relinquentes unitatem ejus. Sed qui aderant , plures non intelligendo scandalizati sunt : non enim cogitabant , hæc audiendo , nisi carnem , quod ipsi erant. Apostolus autem dicit , et verum dicit : Sapere secundum carnem , mors est. Carnem suam dat nobis Dominus manducare : et sapere secundum carnem , mors est , cum de carne sua dicat , quia ibi est vita æterna : ergo nec carnem debemus sapere secundum carnem , sicut in his verbis : Multi itaque audientes , non ex inimicis , sed ex discipulis ejus , dixerunt : Durus est hic sermo , et quis potest eum audire ?

*Lectio ix.*

**S**I discipuli durum habuerunt istum sermonem , quid inimici ? Et tamen sic oportebat ut diceretur , quod non ab omnibus intelligeretur. Secretum Dei intentos debet facere , non adversos : isti autem cito defecerunt , talia loquente Domino Jesu Christo. Non crediderunt aliquid magnum dicentem , et verbis illis aliquam gra-

tiam cooperientem : sed prout vulerunt , ita intellexerunt , et more hominum : quia poterat Jesus , aut hoc disponebat Jesus , carnem , qua indutum erat Verbum , veluti concisam distribuere credentibus in se. Durus est , inquit , hic sermo : quis potest eum audire ?

**SABBATO.****IN I. NOCTURNO.**

De libro primo Regum.

*Lectio j. Cap. 3.*

**P**UER autem Samuel ministrabat Domino coram Heli , et sermo Domini erat pretiosus in diebus illis , non erat visio manifesta. Factum est ergo in die quadam , Heli jacebat in loco suo , et oculi ejus caligaverant , nec poterat videre : lucerna Dei antequam extingueretur , Samuel dormiebat in templo Domini , ubi erat arca Dei. Et vocavit Dominus Samuel. Qui respondens , ait : Ecce ego. Et cucurrit ad Heli , et dixit : Ecce ego , vocasti enim me. Qui dixit : non vocavi : revertere , et dormi. Et abiit , et dormivit. Et adjecit Dominus rursum vocare Samuelem. Consurgensque Samuel abiit ad Heli , et dixit : Ecce ego , quia vocasti me. Qui respondit : Non vocavi te , fili mi , revertere , et dormi. Porro Samuel necdum sciebat Dominum , neque revelatus fuerat ei sermo Domini.

*Lectio ij.*

**E**T adjecit Dominus , et vocavit adhuc Samuelem tertio. Qui consurgens abiit ad Heli , et ait : Ecce ego , quia vocasti me. Intellexit ergo Heli quia Dominus vocaret puerum , et ait ad Samuelem : Vade , et dormi ; et si deinceps vocaverit te , dices : Loquere , Domine , quia audit servus tuus. Abiit ergo Samuel , et dormivit in loco suo. Et venit Dominus , et stetit : et vocavit , sicut vocaverat secundo , Samuel , Samuel. Et ait Samuel : Loquere , Domine , quia audit servus tuus. Et dixit Dominus ad Samuelem : Ecce ego facio verbum



Israel quod quicumque audierit ,  
 praeveniant ambae aures ejus. In die illa  
 suscitabo adversum Heli omnia quae  
 locutus sum super domum ejus : in-  
 cipiam , et complebo.

*Lectio iij.*

**DORMIVIT** autem Samuel usque  
 mane , aperuitque ostia domus  
 Domini. Et Samuel timebat indicare  
 visionem Heli. Vocavit ergo Heli Sa-  
 muelem , et dixit : Samuel fili mi ?  
 Qui respondens , ait : Praesto sum. Et  
 interrogavit eum : Quis est sermo ,  
 quem locutus est Dominus ad te ? oro  
 te ne celaveris me. Haec faciat tibi  
 Deus , et haec addat , si absconderis  
 a me sermonem ex omnibus verbis ,  
 quae dicta sunt tibi. Indicavit itaque  
 ei Samuel universos sermones , et non  
 abscondit ab eo. Et ille respondit :  
 Dominus est : quod bonum est in o-  
 culis suis faciat. Crevit autem Samuel,  
 et Dominus erat cum eo , et non ce-  
 cidit ex omnibus verbis ejus in ter-  
 ram. Et cognovit universus Israel a  
 Dan usque Bersabee , quod fidelis Sa-  
 muel Propheta esset Domini.

IN II. NOCTURNO.

Sermo S. Joannis Chrysostomi.

*Homilia 61. ad populum Antioch.*

*Lectio iv.*

**NECESSARIUM** est , dilectissi-  
 mi , mysteriorum discere miracu-  
 lum , quodnam sit , et quare sit da-  
 tum , et quae ejus rei utilitas. Unum  
 corpus efficimur : membra , inquit ex  
 carne ejus et ex ossibus ejus : sequa-  
 mur autem initiati , quae dicuntur. Ut  
 itaque non tantum per charitatem hoc  
 fiamus , verum etiam ipsa re , in il-  
 lam misceamur carnem ; hoc namque  
 per escam efficitur , quam largitus est  
 nobis , volens ostendere desiderium  
 quod erga nos habet. Propterea semet-  
 ipsum nobis immiscuit , et corpus  
 suum in nos contemperavit , ut unum  
 quid simus tanquam corpus capiti co-  
 aptatum : ardentem enim amantium  
 hoc est.

*Lectio v.*

**TANQUAM** leones igitur ignem  
 spirantes ab illa mensa receda-  
 mus , facti diabolo terribiles , et caput  
 nostrum mente revolventes , et chari-  
 tatem quam erga nos ostendit. Nam  
 parentes quidem aliis saepe filios tra-  
 dunt alendos : ego autem , inquit ,  
 non ita , sed carnibus meis alo , et  
 meipsum vobis appono , vos omnes  
 generosos esse volens , et spem bonam  
 de futuris vobis praebens : quippe qui  
 vobis hic me ipsum tradidi , multo  
 magis id in futuro faciam. Volui fra-  
 ter vester fieri , carni propter vos et  
 sanguini communicavi : vobis vicissim  
 ipsam carnem et sanguinem , per quem  
 cognatus vester factus sum , trado.

*Lectio vj.*

**ATTENDAMUS** itaque nobis i-  
 psis , dilectissimi , talibus fru-  
 tes bonis : et cum aliquid turpe di-  
 cere voluerimus , vel nos ab ira cor-  
 ripi viderimus , vel alio quopiam hu-  
 jusmodi vitio , consideremus quibus  
 facti sumus digni : talisque cogitatio  
 nobis irrationabilium motuum sit cor-  
 rectio. Quotquot igitur hujus parti-  
 cipes corporis efficimur , quotquot  
 sanguinem degustamus , cogitemus ,  
 quod illum sursum sedentem , qui ab  
 Angelis adoratur , incorruptibili vici-  
 nus virtuti , hunc degustamus. Hei  
 mihi , quot ad salutem nobis viae !  
 Nos corpus suum effecit , nobis suum  
 communicavit corpus ; et horum nos  
 nihil a malis avertit.

IN III. NOCTURNO.

Lectio sancti Evangelii secundum  
 Joannem.

*Lectio vij. Cap. 6.*

**IN** illo tempore : Dixit Jesus turbis  
 Judaeorum : Caro mea vere est ci-  
 bus , et sanguis meus vere est potus  
 Et reliqua.

Homilia S. Augustini Episcopi.

*Tract. 37. in Joannem.*

**DIXIMUS** , fratres , hoc Domi-  
 num commendasse in manduca-

tione carnis suae, et potatione sanguinis sui, ut in illo maneamus, et ipse in nobis. Maneamus autem in illo, cum sumus membra ejus: manet autem ipse in nobis, cum sumus templum ejus. Ut autem simus membra ejus, unitas nos compaginat: ut compaginet unitas, quae facit nisi charitas? Et charitas Dei unde? Apostolum interroga. Charitas, inquit, Dei diffusa est in cordibus nostris per Spiritum sanctum, qui datus est nobis.

*Lectio viij.*

**ERGO** spiritus est, qui vivificat: spiritus enim facit viva membra: nec viva membra spiritus facit, nisi quae in corpore, quod vegetat ipse spiritus, invenerit. Nam spiritus qui est in te, o homo, quo constas ut homo sis, numquid vivificat membrorum quod separatum invenerit a carne tua? Spiritum tuum dico animam tuam. Anima tua non vivificat, nisi membra quae sunt in carne tua: unum si tollas, jam non vivificatur ex anima tua, quia unitati corporis tui non copulatur.

*Lectio ix.*

**HEC** dicuntur, ut amemus unitatem, et timeamus separationem. Nihil enim sic debet formidare Christianus, quam separari a corpore Christi. Si enim separatur a corpore Christi, non est membrum ejus: si non est membrum ejus, non vegetatur Spiritus ejus. Quisquis autem, inquit Apostolus, Spiritum Christi non habet, hic non est ejus. Spiritus ergo est qui vivificat, caro autem non prodest quidquam. Verba, quae ego locutus sum vobis, spiritus et vita sunt. Quid est, Spiritus et vita sunt? Spiritualiter intelligenda sunt. Intellexisti spiritualiter? Spiritus et vita sunt. Intellexisti carnaliter? Etiam sic illa spiritus et vita sunt, sed tibi non sunt.

*Ad Vesperas.*

*Ant. Paulini ut in I. Vesp. Festi.*

*Capitulum. I. Joan. 3.*

**CHARISSIMI**, Nolite mirari, si odit vos mundus. Nos scimus quoniam translati sumus de morte ad vitam, quoniam diligimus fratres.

*Hymnus ut supra, p. 431.*

*Ps. Cibavit illos ex adipe frumenti, alleluia. Ps. Et de petra, melle saturavit eos, alleluia.*

*Ad Magnif. Ant. Puer Samuel ministrabat ante Deum coram Heli, et sermo Domini erat pretiosus cum eo.*

*Oratio ut infra in Laudibus.*

*Et sit comm. de Oct., p. 439.*

**DOM. INFRA OCTAVAM.**

*quae est II. post Pentec.*

*Omnia de Oct. praeter sequentia.*

**IN I. NOCTURNO.**

*De libro primo Regum.*

*Lectio j. Cps. 4.*

**ET** factum est in diebus illis, convenerunt Philisthim in pugnam: et egressus est Israel obviam Philisthim in praelium, et castrametatus est juxta Lapidem adjutorii. Porro Philisthim venerunt in Aphec, et instruxerunt aciem contra Israel. Inito autem certamine, terga vertit Israel Philisthaeis, et caesa sunt in illo certamine passim per agros quasi quatuor millia virorum. Et reversus est populus ad castra, dixeruntque majores natu de Israel: Quare percussit nos Dominus hodie coram Philisthim? Afferamus ad nos de Silo arcam foederis Domini, et veniat in medium nostri, ut salvet nos de manu inimicorum nostrorum.

*Lectio ij.*

**MISIT** ergo populus in Silo, et tulerunt inde arcam foederis Domini exercituum sedentis super Cherubim: erantque duo filii Heli cum arca foederis Dei, Ophni et Phinees. Cumque venisset arca foederis Domini in castra, vociferatus est omnis Israel clamore grandi et personuit terra. Et audierunt Philisthim vocem clamoris, dixeruntque: Quenam est haec vox

clamoris magni in castris Hebræorum? Et cognoverunt quod arca Domini venisset in castra.

*Lectio iij.*

**T**IMUERUNTQUE Philisthiim, dicentes: Venit Deus in castra. Et ingemuerunt, dicentes: Væ nobis; non enim fuit tanta exultatio heri et nudiustertius: vae nobis. Quis nos salvabit de manu Deorum sublimium istorum? Hi sunt Dii, qui percusserunt Ægyptum omni plaga in deserto. Confortamini, et estote viri, Philisthiim; ne serviatis Hebræis, sicut et illi servierunt vobis: confortamini, et bellate. Pugnaverunt ergo Philisthiim, et cæsus est Israel, et fugit unusquisque in tabernaculum suum; et facta est plaga magna nimis, et ceciderunt de Israel triginta millia peditum. Et arca Dei capta est: duo quoque filii Heli mortui sunt, Ophni, et Phinees.

IN II. NOCTURNO.

Serm. S. Joannis Chrysostomi.

Homilia 60. ad populum Antioch.

*Lectio iv.*

**Q**UONIAM Verbum dicit: Hoc est corpus meum, et assentiamur et credamus, et intellectualibus ipsum oculis intueamur. Nihil enim sensibile nobis Christus tradidit, sed sensibilibus quidem rebus, at omnia intelligibilia. Itidem et in baptismo: per rem nempe sensibilem aquam, donum confertur; intelligibile vero quod perficitur, generatio et renovatio. Si enim incorporeus esses, nuda et incorporea tibi dedisset ipse dona: sed quoniam anima corpori conserta est, in sensibilibus intelligibilia tibi præbet. Quot nunc dicunt: Vellem ipsius formam aspicere, figuram, vestimenta, calceamenta? Ecce eum vides, ipsum tangis, ipsum manducas. Et tu quidem vestimenta cupis videre: ipse vero tibi concedit non tantum videre, verum et manducare, et tangere, et intra te sumere.

*Lectio v.*

**I**GITUR accedat nemo cum nausea, nemo resolutus, omnes accensi,

omnes ferventes, et exultati. Nam si Judæi stantes, et calceamenta in pedibus habentes, et baculos manibus gestantes, Agnum cum festinatione comedebant, te multo magis oportet esse solertem. Nam illi quidem in Palæstinam erant profecturi, et propterea viatorum figuram habebant; tu vero debes in cælum migrare. Quapropter in omnibus oportet te vigilare: nec enim parva pœna proponitur indigne sumentibus. Cogita quantum adversus proditorem indignaris, et contra eos qui illum crucifixerunt; itaque considera, ne tu quoque sis reus corporis et sanguinis Christi. Illi sanctissimum corpus occiderunt; tu vero polluta suscipis anima, post tot beneficia. Neque enim illi satis fuit hominem fieri, colaphis cædi, et crucifigi: verum et semetipsum nobis commiscet, et non fide tantum, verum et ipsa re nos suum efficit corpus.

*Lectio vj.*

**Q**UO non oportet igitur esse puriorem, tali fruente sacrificio? quò solari radio non splendidiorem manum, carnem hanc dividente? os quod igni spiritali repletur? linguam, quæ tremendo nimis sanguine rube-scit? Cogita quali sis insignitus honore, quali mensa fruaris. Quod Angeli videntes horrescunt, neque libere audent intueri propter emicantem inde splendorem, hoc nos pascimur, huic nos unimur, et facti sumus unum Christi corpus, et una caro. Quis loquetur potentias Domini, auditas faciet omnes laudes ejus? Quis pastor oves proprio pascit cruore? Et quid dico, pastor? Matres multæ sunt quæ post partus dolores, filios aliis tradunt nutricibus. Hoc autem ipse non est passus: sed ipse nos proprio sanguine pascit, et per omnia nos sibi coagmentat.

IN III. NOCTURNO:

Lectio sancti Evangelii secundum Lucam.



*Lectio vii.*

Cap. 14.

**I**N illo tempore : Dixit Jesus Pharisæis parabolam hanc : homo quidam fecit cœnam magnam , et vocavit multos. Et reliqua.

De Homilia S. Gregorii Papæ.

*Homil. 36. in Evangelia.*

**H**OC distare , fratres charissimi , inter delicias corporis et cordis solet , quod corporales deliciæ , cum non habentur , grave in se desiderium accendunt ; cum vero avide eduntur , comedentem protinus in fastidium per satietatem vertunt. At contra spirituales deliciæ , cum non habentur , in fastidio sunt ; cum vero habentur , in desiderio : tantoque a comedente amplius esuriuntur , quanto et ab esuriente amplius comeduntur. In illis appetitus placet , experientia displicet : in istis appetitus vilis est , et experientia magis placet. In illis appetitus saturitatem , saturitas fastidium general : in istis autem appetitus saturitatem , saturitas appetitum parit.

*Lectio viij.*

**A**UGENT enim spirituales deliciæ desiderium in mente , dum satiant : quia quanto magis earum sapor percipitur , eo amplius cognoscitur quod avidius ametur ; et idcirco non habitæ amari non possunt , quia earum sapor ignoratur. Quis enim amare valeat quod ignorat ? Proinde Psalmista nos admonet , dicens : Gustate et videte , quoniam suavis est Dominus. Ac si aperte dicat : Suavitatem ejus non cognoscitis , si hanc minime gustatis : sed cibum vitæ ex palato cordis tangite , ut probantes ejus dulcedinem , amare valeatis. Has autem homo delicias tunc amisit , cum in paradiso peccavit : extra exiit , cum os a cibo æternæ dulcedinis clausit.

¶. Homo quidam fecit cœnam magnam , et misit servum suum hora cœnæ dicere invitatis ut venirent : Quis parata sunt omnia. ¶. Venite , comedite panem meum , et bibite vi-

num quod miscui vobis. **Quia. Gloria. Quia.**

*Lectio ix.*

**U**NDE nos quoque nati in hujus peregrinationis ærumna , huc fastidiosi jam venimus ; nescimus quid desiderare debeamus , tantoque se amplius fastidii nostri morbus exaggerat , quanto se magis ab esu illius dulcedinis animus elongat ; et eo jam internas delicias non appetit , quo eas comedere diu longeque desuevit. Fastidio ergo nostro tabescimus , et longa inediæ peste fatigamur. Et quia gustare intus nolumus paratam dulcedinem , amamus foris miseri famem nostram.

*Ad Laudes**Capitulum.*

I. Joan. 3.

**C**HARISSIMI , Nolite mirari , si odit vos mundus. Nos scimus quoniam translati sumus de morte ad vitam , quoniam diligimus fratres.

*Hymnus ut supra , p. 438.*

¶. Panem cœli dedit eis , alleluia.

¶. Panem Angelorum manducavit homo , alleluia.

*Ad Bened. Ant.* Homo quidam fecit cœnam magnam , et vocavit multos ; et misit servum suum hora cœnæ dicere invitatis ut venirent , quia omnia parata sunt , alleluia.

*Oratio.*

**S**ANCTI nominis tui , Domine , timorem pariter et amorem fac nos habere perpetuum , quia nunquam tua gubernatione destituis , quos in soliditate tuæ dilectionis instituis. Per Dominum.

*Et sit comm. de Oct., p. 439.*

*Ad Horas Ant. et ¶¶. br. ut supra p. 439.*

*Ad Tertiam.**Capit. Charissimi Nolite.**Ad Sextam.**Capitulum.*

I. Joan. 3.

**I**N hoc cognovimus charitatem Dei , quoniam ille animam suam pro no-

bis posuit, et nos debemus pro fratribus animas ponere.

**Ad Nonam.**

*Capitulum.* I. Joan. 3.

**FILIOI** mei, non diligamus verbo, neque lingua, sed opere et veritate.

**Ad Vesperas.**

*Ant. Psalmi et Hymnus, ut in I. Vesp. Festi, p. 431.*

*Capit. Charissimi Nolite.*

*Y.* Cibavit illos ex adipe frumenti, alleluia. *A.* Et de petra, melle saturavit eos, alleluia.

*Ad Magnif. Ant.* Exi cito in plateas et vicos civitatis, et pauperes ac debiles, cæcos et claudos compelle intrare; ut impleatur domus mea, alleluia.

*Et sit comm. de Oct., p. 439.*

**FERIA SECUNDA.**

IN I. NOCTURNO.

De libro primo Regum.

*Lectio j. Cap. 5.*

**PHILISTHIM** autem tulerunt arcam Dei, et asportaverunt eam a Lapide adjutorii in Azotum. Tuleruntque Philisthim arcam Dei, et intulerunt eam in templum Dagon, et statuerunt eam juxta Dagon. Cumque surrexissent diluculo Azotii altera die, ecce Dagon jacebat pronus in terra ante arcam Domini: et tulerunt Dagon, et restituerunt eum in locum suum. Rursumque mane die altera con-urgentes, invenerunt Dagon jacentem super faciem suam in terra coram arca Domini: caput autem Dagon, et duæ palmæ manuum ejus abscissæ erant super limen: porro Dagon solus truncus remanserat in loco suo.

*Lectio ij.*

**AGGRAVATA** est autem manus Domini super Azotios, et demolitus est eos. Et ebullierunt villæ et agri in medio regionis illius, et nati sunt mures, et facta est confusio mor-

lis magnæ in civitate. Videntes autem viri Azotii hujuscemodi plagam, dixerunt: Non maneat arca Dei Israel apud nos, quoniam dura est manus ejus super nos, et super Dagon deum nostrum. Et mittentes congregaverunt omnes satrapas Philistinorum ad se, et dixerunt: Quid faciemus de arca Dei Israel? Responderuntque Gethæi: Circumducatur arca Dei Israel.

*Lectio iij.*

**ET** circumduxerunt arcam Dei Israel. Illis autem circumducentibus eam, fiebat manus Domini per singulas civitates intersectionis magnæ nimis, et percutiebat viros uniuscujusque urbis a parvo usque ad majorem. Miserunt ergo arcam Dei in Accaron. Cumque venisset arca Dei in Accaron, exclamaverunt Accaronitæ, dicentes: Adduxerunt ad nos arcam Dei Israel, ut interficiat nos et populum nostrum. Miserunt itaque et congregaverunt omnes satrapas Philistinorum, qui dixerunt: Dimittite arcam Dei Israel, et revertatur in locum suum, et non interficiat nos cum populo nostro. Fiebat enim pavor mortis in singulis urbibus, et gravissima valde manus Dei.

IN II. NOCTURNO.

De Serm. S. Joan. Chrysostomi.

*Ex eadem Homilia 60.*

*Lectio iv.*

**UNICUIQUE** fidelium Christus semetipsum per mysteria commiscet, et quos genuit, per semetipsum enutrit, nec alteri tradit, per hoc tibi rursum persuadens quod carnem tuam assumpsit. Ne torpeamus igitur tanta digni charitate et honore putati. Nonne videtis quanta promptitudine parvuli papillas capiunt, et quanto impetu labia uberibus infigunt? Accedamus cum tanta nos quoque alacritate ad hanc mensam, et ad ubera poculi spiritalis: quinimo cum longe majori trahamus, tanquam infantes lactentes, spiritus gratiam, et unus sit nobis dolor hac æscâ privari. Non

sunt humanæ virtutis opera, hæc quæ proponuntur : qui tunc ipsa fecit in illa cœna , idem ea nunc quoque facit. Nos ministrorum tenemus locum; qui vero sanctificat ea et immutat, ipse est. Nullus itaque Judas assistat, nullus avarus ; nam tales mensa non suscipit. Si quis est discipulus, adsit. Ait enim : Cum discipulis meis facio Pascha. Hæc est illa mensa, et minus nihil habet. Non enim illam quidem Christus , hanc autem homo perficit, verum et hanc ipse quoque.

*Lectio v.*

**I**NHUMANUS accedat nemo , nemo crudelis et immisericors , nemo prorsus immundus. Hæc ad communicantes dico , et ad vos , ministrantes. Nam et ad vos sermonem convertere necessarium est , ut multo cum studio hæc dona distribuatis. Non parva vobis imminet ultio , si quemquam illius culpæ conscii , hujus mensæ participem esse concedatis. Sanguis ejus de manibus vestris exquiretur. Sive quis dux militiæ sit , sive præfectus , sive princeps diademe coronatus , indigne autem accedat , prohibe ; majorem illo potestatem habes. Propterea vos Deus hoc insignivit honore , ut talia discernatis. Hoc vestra dignitas est , hoc securitas , hoc omnis corona; non ut albam et splendens tunicam circumeatis induti. Verum et tu , laice , cum sacerdotem videris offerentem , ne ut sacerdotem esse putes hoc facientem , sed Christi manum invisibiliter extensam.

*Lectio vj.*

**A**UDIAMUS igitur et sacerdotes et subditi , quali esca facti sumus digni ; audiamus et horreamus. Sanctis carnibus suis nos dedit impleri , semetipsum apposuit immolatum. Quænam igitur erit nobis excusatio , cum talibus pasti talia peccemus , cum lupi simus Agnæ comedentes , cum tanquam oves pasti more leonum diripiamus ? Hoc enim mysterium non a rapina tantum , verum et ab omni vel tenui inimicitia purum esse penitus

jubet : est enim pacis mysterium. Judæis quidem annuatim propriorum monumenta beneficiorum solemnitates Deus alligavit , tibi vero singulis diebus per hæc mysteria. Nullus itaque Judas hanc mensam petat , nullus Simon. Hi namque duo propter avaritiam perierunt : hoc igitur barathrum fugiamus.

IN III. NOCTURNO.

Lectio sancti Evangelii secundum Joannem.

*Lectio vij. Cap. 6.*

**I**N illo tempore : Dixit Jesus turbis Judæorum : Caro mea vere est cibus , et sanguis meus vere est potus. Et reliqua.

De Homilia S. Augustini Episcopi.  
*Tractatu 26. in Joannem.*

**H**IC est panis , qui de cœlo descendit. Hunc panem significavit manna , hunc panem significavit altare Dei. Sacramenta illa fuerunt : in signis diversa sunt , sed in re quæ significatur , paria sunt. Apostolum audi : Nolo enim vos , inquit ignorare , fratres , quia patres nostri omnes sub nube fuerunt , et omnes mare transierunt , et omnes per Moysen baptizati sunt in nube et in mari , et omnes eandem escam spiritalem manducaverunt. Spiritalem utique eandem , nam corporalem alteram : quia illi manna , nos aliud : spiritalem vero , quam nos ; sed patres nostri , non patres illorum ; quibus nos similes sumus , non quibus illi similes fuerunt. Et adjungit : Et omnes eundem potum spiritalem biberunt. Aliud illi , aliud nos , sed specie visibili quidem , tamen hoc idem significante virtute spiritali. Quomodo enim eundem potum ? Bibebant , inquit , de spiritali sequente petra : petra autem erat Christus. Inde panis , inde potus. Petra Christus in signo , verus Christus in verbo et in carne. Et quomodo biberunt ? Percussa est petra de virga bis. Gemina percussio duo ligna crucis significat.



*Lectio viij.*

**N**ORUNT fideles corpus Christi, si corpus Christi non negligent esse. Fiant corpus Christi, si volunt vivere de Spiritu Christi. De Spiritu Christi non vivit, nisi corpus Christi. Intelligite, fratres mei, quid dixerim. Homo es, et spiritum habes, et corpus habes. Spiritum dico, quæ anima vocatur, qua constas quod homo es: constas enim ex anima et corpore. Habes enim spiritum invisibilem, corpus visibile. Dic mihi, quid ex quo vivat? Spiritus tuus vivit ex corpore tuo, an corpus tuum ex spiritu tuo? Respondet omnis qui vivit: qui autem hoc non potest respondere, nescio si vivit. Quid respondet omnis qui vivit? Corpus utique meum vivit de spiritu meo. Vis ergo et tu vivere de Spiritu Christi? in corpore esto Christi.

*Lectio ix.*

**N**UMQUID enim corpus meum vivit de spiritu tuo? Meum vivit de spiritu meo, et tuum de spiritu tuo. Non potest vivere corpus Christi, nisi de Spiritu Christi. Inde est quod exponens nobis Apostolus Paulus hunc panem. Unus panis, inquit, unum corpus multi sumus. O sacramentum pietatis, o signum unitatis, o vinculum charitatis! Qui vult vivere, habet ubi vivat, habet unde vivat. Accedat, credat, incorporetur, ut vivificetur: non abhorreat à compage membrorum, non sit putre membrum quod resecari mereatur, non sit distortum, de quo erubescatur. Sit pulchrum, sit aptum, sit sanum: hæreat corpori, vivat Deo de Deo: nunc laboret in terra, ut postea regnet in cælo.

**FERIA TERTIA****IN I. NOCTURNO.**

De libro primo Regum.

*Lectio j.*

## Cap. 6.

**F**UIT ergo arca Domini in regione Philistinorum septem mensibus. Et vocaverunt Philisthiim sacerdotes et divinos, dicentes: Quid faciemus

de arca Domini? indicato nobis quomodo remittamus eam in locum suum. Qui dixerunt: Si remittitis arcam Dei Israel, nolite dimittere eam vacuum; sed quod debetis, reddite ei pro peccato: et tunc curabimini, et sciatis quare non recedat manus ejus a vobis.

*Lectio ij.*

**Q**UARE aggravatis corda vestra, sicut aggravavit Ægyptus et Pharaon cor suum? Nonne postquam percussus est, tunc dimisit eos, et abierunt? Nunc ergo arripite, et facite plaustrum novum unum, et duas vaccas sætas, quibus non est impositum jugum: jungite in plastro, et recludite vitulos earum domi. Tolletisque arcam Domini, et ponetis in plastro, et vasa aurea, quæ exolvistis ei pro delicto, ponetis in capsellam ad latus ejus, et dimittite eam ut vadat. Et aspicietis, et si quidem per viam finium suorum ascenderit contra Bethsames, ipse fecit nobis hoc malum grande: sin autem, minime; sciemus quia nequaquam manus ejus tetigit nos, sed casu accidit. Fecerunt ergo illi hoc modo.

*Lectio iij.*

**I**BANT autem in directum vaccæ per viam, quæ ducit Bethsames, et itinere uno gradiebantur pergentes et mugientes, et non declinabant neque ad dexteram neque ad sinistram: sed et satrapæ Philisthiim sequebantur usque ad terminos Bethsames. Porro Bethsamitæ metebant triticum in valle, et elevantes oculos suos, viderunt arcam, et gavisii sunt cum vidissent. Et plaustrum venit in agrum Josue Bethsamitæ, et stetit ibi. Erat autem ibi lapis magnus: et conciderunt ligna plaustrum, vaccasque imposuerunt super ea, holocaustum Domino. Levitæ autem deposuerunt arcam Dei.

**IN II. NOCTURNO.**

Ex Epistola S. Cypriani Episcopi et Martyris ad Cæcilium.

Lectio iv.

Lib. 1 Epist. 3.

**I**N sacerdote Melchisedech sacrificii Dominici sacramentum præfiguratum videmus, secundum quod Scriptura divina testatur, et dicit: Et Melchisedech rex Salem protulit panem et vinum. Fuit autem sacerdos Dei summi, et benedixit Abraham. Quod autem Melchisedech typum Christi portaret, declarat in psalmis Spiritus sanctus, ex persona Patris ad Filium, dicens: Ante luciferum genui te: Tu es sacerdos in æternum secundum ordinem Melchisedech. Qui ordo utique hic est de sacrificio illo veniens, et inde descendens, quod Melchisedech sacerdos Dei summi fuit, quod panem et vinum obtulit, quod Abraham benedixit.

Lectio v.

**N**AM quis magis sacerdos Dei summi, quam Dominus noster Jesus Christus? qui sacrificium Deo Patri obtulit: et obtulit hoc idem, quod Melchisedech obtulerat, id est, panem et vinum, suum scilicet corpus et sanguinem. Et circa Abraham benedictio illa præcedens, ad nostrum populum pertinebat. Nam si Abraham Deo credidit, et deputatum est ei ad justitiam, utique quisquis Deo credit, et fide vivit, justus invenitur, et jampridem in Abraham fidei benedictus et justificatus ostenditur, sicut beatus Apostolus Paulus probat, dicens: Credidit Abraham Deo, et deputatum est ei ad justitiam. Cognoscitis ergo quia qui ex fide sunt, hi sunt filii Abraham. Providens autem Scriptura quia ex fide justificat Gentes Deus, prænuntiavit Abraham, quia benedicentur in illo omnes Gentes.

Lectio vj.

**U**T ergo in Genesi per Melchisedech sacerdotem benedictio circa Abraham posset rite celebrari, præcedit ante imago sacrificii, in pane et vino scilicet constituta. Quam rem perficiens et adimplens Dominus, panem et calicem mixtum vino obtulit: et

qui est plenitudo, veritatem præfiguratæ imaginis adimplevit. Sed et per Salomonem Spiritus sanctus typum Dominici sacrificii ante præmonstrat, immolatæ hostiæ, et panis, et vini, sed et altaris, et Apostolorum faciens mentionem: Sapientia, inquit, ædificavit sibi domum, et subdidit columnas septem; mactavit suas hostias, miscuit in cratere vinum suum, et paravit mensam suam. Et misit servos suos convocans cum excelsa prædicatione ad craterem, dicens: Qui est insipiens, declinet ad me. Et egen-tibus sensu dixit: Venite, edite de meis panibus, et bibite vinum quod miscui vobis.

IN III. NOCTURNO.

Lectio sancti Evangelii secundum Joannem.

Lectio viij.

Cap. 6.

**I**N illo tempore: Dixit Jesus tur-bis Judæorum: Caro mea vere est cibus, et sanguis meus vere est potus. Et reliqua.

De Homilia S. Augustini Episcopi.

Tract. 26. in Joannem.

**N**ON sicut manducaverunt patres vestri manna, et mortui sunt. Quare manducaverunt, et mortui sunt? Quia quod videbant, credebant: quod non videbant, non intelligebant. ideo patres vestri, quia similes estis illorum. Nam quantum pertinet, fratres mei, ad mortem istam visibilem et corporalem, numquid non morimur, qui manducamus panem de cælo descendente? Sic sunt mortui et illi, quemadmodum et nos sumus morituri, quantum attinet, ut dixi, ad mortem hujus corporis visibilem atque carnalem.

Lectio viij.

**Q**UANTUM autem pertinet ad illam mortem, de qua terret Dominus, qua mortui sunt patres istorum, manducavit manna et Moyses, manducavit manna et Aaron, manducavit manna et Phinees, mandu-

caverunt ibi multi qui Domino placuerunt, et mortui non sunt. Quare? Quia visibilem cibum spiritualiter intellexerunt, spiritualiter esurierunt, spiritualiter gustaverunt, ut spiritualiter satiarentur. Nam et nos hodie accipimus visibilem cibum, sed aliud est sacramentum, aliud virtus sacramenti.

*Lectio ix.*

**Q**UAM multi de altari accipiunt, et moriuntur, et accipiendo moriuntur! Unde dicit Apostolus: Judicium sibi manducat et bibit. Nonne buccella Dominica venenum fuit Judæ? Et tamen accepit. Et cum accepit, in eum inimicus intravit: non quia malum accepit, sed quia bonum male malus accepit. Videte ergo, fratres, panem cœlestem spiritualiter manducate, innocentiam ad altare apportate. Peccata, etsi sunt quotidiana, vel non sint mortifera. Antequam ad altare accedatis, attendite quod dicatis: Dimitte nobis debita nostra, sicut et nos dimittimus debitoribus nostris. Si dimittis, dimittetur tibi: securus accede, panis est, non venenum.

**FERIA QUARTA.****IN I. NOCTURNO.**

De libro primo Regum.

*Lectio i.**Cap. 6. et 7.*

**P**ERCUSSIT autem de viris Bethsamitibus, eo quod vidissent arcam Domini; et percussit de populo septuaginta viros, et quinquaginta millia plebis. Luxitque populus, eo quod Dominus percussisset plebem plaga magna. Et dixerunt viri Bethsamitæ: Quis poterit stare in conspectu Domini Dei sancti hujus? et ad quem ascendet a nobis? Miseruntque nuntios ad habitatores Cariathiarim, dicentes: Reduxerunt Philistiim arcam Domini; descendite, et reducite eam ad vos. Venerunt ergo viri Cariathiarim, et reduxerunt arcam Domini, et intulerunt eam in domum Abinadab in

Gabaa. Eleazarum autem filium ejus sanctificaverunt, ut custodiret arcam Domini.

*Lectio ij.*

**E**T factum est, ex qua die mansit arca Domini in Cariathiarim, multiplicati sunt dies (erat quippe jam annus vigesimus) et requievit omnis domus Israel post Dominum. Ait autem Samuel ad universam domum Israel, dicens: Si in toto corde vestro revertimini ad Dominum, auferite deos alienos de medio vestri, Baalim, et Astaroth, et præparate corda vestra Domino, et servite ei soli, et eruet vos de manu Philistiim. Abstulerunt ergo filii Israel Baalim et Astaroth, et servierunt Domino soli.

*Lectio lii.*

**D**IXIT autem Samuel: Congregate universum Israel in Masphath, ut orem pro vobis Dominum. Et convenerunt in Masphath, hauseruntque aquam, et effuderunt in conspectu Domini, et jejunaverunt in die illa, atque dixerunt ibi: Peccavimus Domino. Judicavitque Samuel filios Israel in Masphath. Et audierunt Philistiim quod congregati essent filii Israel in Masphath, et ascenderunt satrapæ Philistinorum ad Israel. Quod cum audissent filii Israel, timuerunt a facie Philistinorum. Dixeruntque ad Samuelem: Ne cesses pro nobis clamare ad Dominum Deum nostrum, ut salvet nos de manu Philistinorum.

**IN II. NOCTURNO.**

Ex libro S. Ambrosii Episcopi de Sacramentis.

*Lectio iv.**Lib. 5. cap. 4.*

**A**UCTOR Sacramentorum quis est, nisi Dominus Jesus? De cœlo ista Sacramenta venerunt: consilium enim omne de cœlo est. Vere autem magnum est et divinum miraculum, quod populo pluit Deus manna de cœlo; et non laborabat populus, et manducabat. Tu forte dicis: Meus panis est usitatus. Sed panis iste, panis



est ante verba sacramentorum : ubi accesserit consecratio, de pane fit caro Christi. Hoc igitur adstruamus. Quomodo potest, qui panis est, corpus esse Christi? Consecratione. Consecratio igitur quibus verbis est, et ejus sermonibus? Domini Jesu. Nam reliqua omnia quæ dicuntur, laudem Deo deferunt, oratio præmittitur pro populo, pro regibus, pro cæteris, ubi venit, ut conficiatur venerabile Sacramentum, jam non suis sermonibus sacerdos, sed utitur sermonibus Christi.

*Lectio v.*

**E**rgo sermo Christi hoc conficit Sacramentum. Quis sermo Christi? Nempe is quo facta sunt omnia. Jussit Dominus, et factum est cælum; jussit Dominus, et facta est terra; jussit Dominus, et facta sunt maria; jussit Dominus, et omnis creatura generata est. Vides ergo quam operatorius sit sermo Christi. Si ergo tanta vis est in sermone Domini Jesu, ut inciperent esse quæ non erant, quanto magis operatorius est, ut quæ erant, in aliud commutentur? Cælum non erat, mare non erat, terra non erat. Sed audi dicentem: Ipse dixit, et facta sunt; ipse mandavit, et creata sunt. Ergo tibi ut respondeam, non erat corpus Christi ante consecrationem, sed post consecrationem dico tibi quod jam corpus est Christi. Ipse dixit, et factum est; ipse mandavit, et creatum est.

*Lectio vj. Cap. 5.*

**J**AM redi mecum ad propositionem meam. Magnum quidem et venerabile quod manna Judæis pluit e cælo, sed intellige, quid est amplius, manna de cælo, an corpus Christi? Corpus Christi utique, qui auctor est cæli. Deinde manna qui manducavit, mortuus est, qui manducaverit hoc corpus, fiet ei remissio peccatorum, et non morietur in æternum. Ergo non otiose, cum accipis, tu dicis, Amen; jam in spiritu confitens quod accipias corpus Chri-

sti. Dicit tibi sacerdos, Corpus Christi; et tu dicis, Amen, hoc est, verum. Quod confitetur lingua, teneat affectus.

IN III. NOCTURNO.

Lectio sancti Evangelii secundum Joannem.

*Lectio vij. Cap. 6.*

**I**N illo tempore: Dixit Jesus turbis Judæorum: Caro mea vere est cibus, et sanguis meus vere est potus. Et reliqua.

Homilia S. Hilarii Episcopi.

*Lib. 8. de Trinit.*

**N**ON est humano aut sæculi sensu in Dei rebus loquendum. Quæ scripta sunt, legamus; et quæ legerimus, intelligamus; et tunc perfectæ fidei officio fungemur. De naturali enim in nobis Christi veritate quæ dicimus, nisi ab eo discimus, stulte atque impie dicimus. Ipse enim ait: Caro mea vere est esca, et sanguis meus vere est potus. Qui edit carnem meam, et bibit sanguinem meum, in me manet, et ego in eo. De veritate carnis et sanguinis non relictus est ambigendi locus.

*Lectio viij.*

**N**UNC enim et ipsius Domini professione, et fide nostra vere caro est, et vere sanguis est. Et hæc accepta atque hausta id efficiunt, ut et nos in Christo, et Christus in nobis sit. Anne hoc veritas non est? Contingat plane his verum non esse, qui Christum Jesum verum esse Deum negant. Est ergo in nobis ipse per carnem, et sumus in eo, dum secum hoc quod nos sumus, in Deo est. Quod autem in eo per sacramentum communicatæ carnis et sanguinis simus, ipse testatur, dicens: Et hic mundus jam me non videt, vos autem me videbitis; quoniam ego vivo, et vos vivetis; quoniam ego in Patre meo, et vos in me, et ego in vobis.

*Lectio ix.*

**Q**UOD autem in nobis naturalis hæc unitas sit, ipse ita testatus est:

Qui edit carnem meam, et bibit sanguinem meum, in me manet, et ego in eo. Non enim quis in eo erit, nisi in quo ipse fuerit; ejus tantum in se assumptam habens carnem, qui suam sumpserit. Perfectæ autem hujus unitatis sacramentum superius jam docuerat, dicens: Sicut me misit vivens Pater, et ego vivo per Patrem: et qui manducat meam carnem, et ipse vivet per me. Vivit ergo per Patrem: et quo modo per Patrem vivit, eodem modo nos per carnem ejus vivemus.

*Ad Vesperas, omnia ut in I. Vesp. Festi, p. 431. Et si hac die fuerit Festum Duplex, in Vesp. fit tantum comm. de eo, nisi fuerit ex solemnioribus.*

### FERIA QUINTA.

*Octava Corporis Christi.*

*Lect. I. Noct. ut in die Festi.*

#### IN II. NOCTURNO.

*Sermo B. Cyrilli Episcopi Jerosolymitani.*

*Catechesi mystagog. 4.*

*Lectio iv.*

**I**PSA beati Pauli doctrina abunde sufficere videtur, ut certam vobis de divinis mysteriis fidem faciat, quibus digni redditi, concorporei, ut ita dicam, et consanguinei Christi facti estis. Ipse enim modo clamabat, quod in nocte qua tradebatur Dominus noster Jesus Christus, accipiens panem, et gratias agens fregit, et dedit discipulis suis, dicens: Accipite, et manducate: hoc est corpus meum. Et accipiens calicem, et gratias agens, dixit: Accipite, et bibite: hic est sanguis meus. Cum igitur ipse de pane pronuntiaverit ac dixerit: Hoc est corpus meum; quis audebit deinceps apprehendere? Et cum idem ipse tem asseveranter dixit: Hic est sanguis meus; quis unquam dubitaverit, ut dicat non esse ejus sanguinem?

*Lectio v.*

**A**QUAM olim in vinum convertit in Cana Galilææ, quod habet quam-

dam cum sanguine propinquitatem: et eum parum dignum existimabimus, cui credamus quod vinum in sanguinem transmutarit? Ad eas nuptias, quibus corpora copulantur, vocatus, præter opinionem omnium hoc fecit miraculum: et non multo magis sic eum corpus et sanguinem suum fruenda nobis donasse persuasum firmiter habebimus, ut ea cum omni certitudine tanquam corpus ipsius et sanguinem sumamus? Nam in specie panis dat nobis corpus, et in specie vini dat nobis sanguinem: ut, cum sumpseris, gustes corpus et sanguinem Christi, factus ejusdem corporis et sanguinis particeps. Sic enim efficiamur Christi-feri, hoc est, Christum in corporibus nostris ferentes, cum corpus ejus et sanguinem in membra nostra recipimus: sic, secundum beatum Petrum, divinæ naturæ consortes reddimur.

*Lectio vj.*

**O**LIM cum Judæis Christus disserens: Nisi manducaveritis, inquit, carnem meam, et biberitis meum sanguinem, non habebitis vitam in vobis. Cum autem illi, quæ dicta fuerant, non spiritaliter accepissent, offensi abierunt retro: putabant enim quod eos ad manducandas carnes hortaretur. Erant et in veteri Testamento panes propositionis; verum illi cum fuerint veteris Testamenti, finem jam acceperunt. In novo vero Testamento panis est celestis, et calix salutis, qui et animam et corpus sanctificent. Quamobrem non sic hæc attendas velim, tanquam sint nudus et simplex panis, nudum et simplex vinum; corpus enim sunt et sanguis Christi. Nam etiam si sensus illud tibi renuntiat, fides tamen te confirmet. Ne judices rem ex gustu; sed te citra ullam dubitationem fides certum reddat, quod sis dignus factus, qui corporis et sanguinis Christi particeps fieres.

#### IN III. NOCTURNO.

*Lectio sancti Evangelii secundum Joannem.*

*Lectio viij.*

Cap. 6.

**I**N illo tempore : dixit Jesus turbis Iudæorum : Caro mea vere est cibus, et sanguis meus vere est potus. Et reliqua.

Homilia s. Cyrilli Episc. Alexandrini.

*Lib. 4. in Joan. cap. 17.*

**Q**UI manducat, inquit, carnem meam, et bibit sanguinem, in me manet, et ego in illo. Sicut enim si quis liquefactæ ceræ aliam ceram infuderit, alteram cum altera per totam commisceat necesse est; sic qui carnem et sanguinem Domini recipit, cum ipso ita conjungitur, ut Christus in ipso, et ipse in Christo inveniatur. Simile quodam modo apud Matthæum comperies. Simile est, inquit, regnum cælorum fermento, quod acceptum abscondit mulier in farinæ satis tribus. Sicut parum, ut Paulus ait, fermenti totam massam fermentat; sic parvula benedictio totum hominem in seipsam attrahit, et sua gratia replet: et hoc modo in nobis Christus manet, et nos in Christo.

*Lectio viij.*

**N**OS vero, si vitam æternam consequi volumus, si largitorem immortalitatis habere in nobis desideramus, ad recipiendam benedictionem libenter concurramus, caveamusque ne loco laquei damnosam religionem diabolus nobis prætendat. Recte (inquit) dicis: scriptum tamen esse non ignoramus, iudicium sibi comedere atque bibere illum, qui de pane comedit, et de calice bibit indigne. Ego igitur probo me ipsum, et indignum invenio. Quando igitur, quicumque tu es qui ista dicis, dignus eris? Quando Christo teipsum offeres? Nam si peccando indignus es, et peccare non desinis, (quis enim delicta intelligit? secundum Psalmistam) expers omnino eris vivificæ hujus sanctificationis.

*Lectio ix.*

**Q**UARE pias quæso cogitationes suscipias, studiose sancteque vi-

vas, et benedictionem participes, quæ (mihi crede) non mortem solum, verum etiam morbos omnes depellit. Sedat enim, cum in nobis maneat Christus, sævientem membrorum nostrorum legem, pietatem corroborat, perturbationes animi extinguit, ægrotos curat, collisos redintegrat: et sicut pastor bonus, qui animam suam pro ovibus posuit, ab omni nos erigit casu.

## FERIA SEXTA.

*Omnia ut in Psalt., cum Oratio-  
ne Dom. præced. Sancti dominis. tui,  
p. 448.*

De libro primo Regum.

*Lectio j. Cap. 8.*

**C**ONGREGATI ergo universi majores natu Israel venerunt ad Samuelem in Ramatha, dixerantque ei: Ecce tu senuisti, et filii tui non ambulant in viis tuis: constitue nobis regem, ut judicet nos, sicut et universæ habent nationes. Displicuit sermo in oculis Samuelis, eo quod dixissent: Da nobis regem, ut judicet nos. Et oravit Samuel ad Dominum.

q. Percussit Saul, p. 429.

*Lectio ij.*

**D**IXIT autem Dominus ad Samuelem: Audi vocem populi in omnibus quæ loquuntur tibi. Non enim te abjecerunt, sed me, ne regnem super eos. Juxta omnia opera sua quæ fecerunt a die, qua eduxi eos de Ægypto usque ad diem hanc, sicut dereliquerunt me, et servierunt diis alienis, sic faciunt etiam tibi. Nunc ergo vocem eorum audi: verumtamen contestare eos, et prædic eis jus regis, qui regnaturus est super eos.

q. Montes Gelboe, p. 456.

*Lectio iij.*

**D**IXIT itaque Samuel omnia verba Domini ad populum qui petierat a se regem, et ait: Hoc erit jus regis, qui imperaturus est vobis: Filios vestros tollet, et ponet in curribus suis, facietque sibi equites et præcur-



sores quadrigarum suarum, et constituet sibi tribunos et centuriones, et aratores agrorum suorum, et messorum segetum, et fabros armorum et currum suorum. Filias quoque vestras faciet sibi unguentarias, et focarias, et panificas. Agros quoque vestros, et vineas, et oliveta optima tollet, et dabit servis suis.

¶. Ego te tuli, p. 456.

### SABBATO.

De libro primo Regum.

Lectio j.

Cap. 9.

**ET** erat vir de Benjamin nomine Cis, filius Abiel, filii Seror, filii Aphia, filii viri Jemini, fortis robore. Et erat ei filius vocabulo Saul, electus et bonus: et non erat vir de filiis Israel melior illo. Ab humero et sursum eminebat super omnem populum. Perierant autem asinae Cis patris Saul; et dixit Cis ad Saul filium suum: Tolle tecum unum de pueris, et consurgens vade, et quære asinas. Qui cum transissent per montem Ephraim, et per terram Salisa, et non invenissent, transierunt etiam per terram Salim, et non erant: sed et per terram Jemini, et minime repereunt.

¶. Peccavi super, p. 456.

Lectio ij.

**CUM** autem venissent in terram Suph, dixit Saul ad puerum qui erat cum eo: Veni, et revertamur, ne forte dimiserit pater meus asinas, et sollicitus sit pro nobis. Qui ait ei: Ecce vir Dei est in civitate hac, vir nobilis: omne quod loquitur, sine ambiguitate venit. Nunc ergo eamus illuc, si forte indicet nobis de via nostra, propter quam venimus. Dixitque Saul ad puerum suum: Ecce ibimus; quid feremus ad virum Dei? panis defecit in sitarciis nostris, et sportulam non habemus, ut demus homini Dei, nec quidquam aliud. Rursum puer respondit Sauli, et ait: Ecce inventa est in manu mea quarta pars stateris argenti, demus ho-

mini Dei, ut indicet nobis viam nostram.

¶. Exaudisti Domine, p. 457.

Lectio iij.

**ET** ascenderunt in civitatem. Cumque illi ambularent in medio urbis, apparuit Samuel egrediens obviam eis, ut ascenderet in excelsum, Dominus autem revelaverat auriculam Samuelis, ante novam diem quam veniret Saul, dicens: Hac ipsa hora, quæ nunc est, cras mittam virum ad te de terra Benjamin, et unges eum ducem super populum meum Israel, et salvabit populum meum de manu Philistinorum; quia respexi populum meum: venit enim clamor eorum ad me. Cumque aspexisset Samuel Saul, Dominus dixit ei: Ecce vir, quem dixeram tibi; isto dominabitur populo meo.

¶. Audi Domine, p. 457.

*Ad Magnif. Ant.* Cognoverunt omnes a Dan usque Bersabee, quod fidelis Samuel Propheta esset Domini.

*Orat.* Protector in te sperantium, quæ habetur infra post Lect. ultimam Hebdom. Nov., cum aliis Orat. usque ad Adv.

### DOM. III. POST. PENT.

*Omnia de Psalt. præter seq.*

IN I. NOCTURNO.

De libro primo Regum.

Lectio j.

Cap. 9. et 10.

**ACCESSIT** autem Saul ad Samuelem in medio portæ, et ait: Indica, oro, mihi, ubi est domus Videntis. Et respondit Samuel Sauli, dicens: Ego sum Videns. Ascende ante me in excelsum, ut comedatis mecum hodie, et dimittam te mane, et omnia quæ sunt in corde tuo, indicabo tibi. Et de asinis, quas nudius tertius perdidisti, ne sollicitus sis, quia inventæ sunt. Et cujus erunt optima quæque Israel? nonne tibi, et omni domui patris tui? Respondens autem Saul, ait: Numquid non filius Jemini ego sum de minima tribu Israel, et cognatio mea novissima in-

ter omnes familias de tribu Benjamin? quare ergo locutus es mihi sermonem istum?

*q.* Præparate corda vestra Domino, et servite illi soli: \* Et liberabit vos de manibus inimicorum vestrorum. *ŷ.* Convertimini ad eum in toto corde vestro, et auferite deos alienos de medio vestri. Et.

*Lectio ij.*

**A**SSUMENS itaque Samuel Saulem et puerum ejus, introduxit eos in triclinium, et dedit eis locum in capite eorum qui fuerant invitati. Erant enim quasi triginta viri. Dixitque Samuel coco: Da partem, quam dedi tibi, et præcepi ut reponeres seorsum apud te. Levavit autem cocus armum, et posuit ante Saul. Dixitque Samuel: Ecce quod remansit, pone ante te, et comede, quia de industria servatum est tibi, quando populum vocavi. Et comedit Saul cum Samuele in die illa. Et descenderunt de excelso in oppidum, et locutus est cum Saule in solario, stravitque Saul in solario, et dormivit.

*q.* Deus omnium exauditor est: ipse misit Angelum suum, et tulit me de ovibus patris mei: \* Et unxit me unctione misericordiae suae. *ŷ.* Dominus qui eripuit me de ore leonis, et de manu bestiae liberavit me. Et.

*Lectio iij.*

**C**UMQUE mane surrexissent, et jam elucesceret, vocavit Samuel Saulem in solario, dicens: Surge, et dimittam te. Et surrexit Saul, egressique sunt ambo. ipse videlicet et Samuel. Cumque descenderent in extrema parte civitatis, Samuel dixit ad Saul: Dic puero ut antecedit nos, et transeat, tu autem subsiste paulisper, ut indicem tibi verbum Domini. Tulit autem Samuel lenticulam olei, et effudit super caput ejus, et deosculatus est eum, et ait: Ecce unxit te Dominus super hæreditatem suam in principem, et liberabis populum suum de manibus inimicorum ejus, qui in circuitu ejus sunt.

*q.* Dominus qui eripuit me de ore leonis, et de manu bestiae liberavit me, \* Ipse me eripiet de manibus inimicorum meorum. *ŷ.* Misit Deus misericordiam suam, et veritatem suam: animam meam eripuit de medio catulorum leonum. Ipse. Gloria. Ipse.

IN II. NOCTURNO.

De expositione S. Gregorii Papæ in libros Regum.

*Lib 4. cap. 5. in 1. Reg. cap. 10.*

*Lectio iv.*

**T**ULIT autem Samuel lenticulam olei, et effudit super caput ejus. Hoc profecto hac unctione exprimitur, quod in sancta Ecclesia nunc etiam materialiter exhibetur: quia qui in culmine ponitur, sacramenta suscipit unctionis. Quia vero ipsa unctio sacramentum est, is qui promovetur, bene foris ungitur, si intus virtute sacramenti roboretur. Ipsas ergo olei virtutes, prius videamus attentius. Oleum quippe liquoribus aliis superfertur oleum ignem foveat, oleum vulnera curare consuevit. Per illud ergo misericordiae bonum significat, quia scriptum est de Domino: Miserationes ejus super omnia opera ejus. Quia ignem foveat, prædicationis gratiam designat, quæ electorum mentes illuminat.

*q.* Percussit Saul millo, et David decem millia: \* Quia manus Domini erat cum illo, percussit Philisthæum, et abstulit opprobrium ex Israel. *ŷ.* Nonne iste est David, de quo canebant in choro, dicentes: Saul percussit millo, et David decem millia? Quia.

*Lectio v.*

**Q**UIA vero vulnera per oleum curantur, hoc profecto insinuat, quod detergenda sunt vulnera peccatorum. Ungatur ergo caput regis, quia spiritali gratia mens est replenda doctoris. Habeat in unctione sua oleum, habeat misericordiam abundantem, quæ sibi virtutibus aliis præferatur. Habeat oleum, ut dum ador-

regni sancti Spiritus in se nutrit, lucere vehementer aliis per verbum possit. Habeat nihilominus oleum medicine, ut sapienter disponat qualiter peccatorum foetores tergat, et aegras mentes salutis restituat.

¶. Montes Gelboe, nec ros nec pluvia veniant super vos, \* Ubi ceciderunt fortes Israel. ¶. Omnes montes, qui estis in circuitu ejus, visitet Dominus, a Gelboe autem transeat. Ubi,

*Lectio vj.*

**S**ED lenticula Saul ungitur, non pro præsiguanda doctrina, sed ad exprimenda futura. Lenticula quidem parvum est vas. Quid ergo est quod lenticula olei Saul ungitur, nisi quia in fine reprobat? Nam quia obedire Deo postea noluit, a Samuele audivit: Quia projecisti sermonem Domini, projecit te Dominus, ne sis rex. Velut enim lenticula olei parum habuit, qui spiritalem gratiam projiciendus accepit. Quod in rectoribus quoque sanctæ Ecclesiæ convenienter accipitur. Plerumque enim culmen prælationis accipiunt, qui in charitate Dei et proximi perfecti non sunt.

¶. Ego te tui de domo patris tui, dicit Dominus, et posui te pascere gregem populi mei: \* Et fui tecum in omnibus ubicumque ambulasti, firmans regnum tuum in æternum. ¶. Peci que tibi nomen grande, juxta nomen magnorum qui sunt in terra: et requiem dedi tibi ab omnibus inimicis tuis. Et fui. Gloria. Et fui.

*Lect. liij. Noct. de Homilia Dom. III. post Pentec. habentur ad finem Proprii de Temp. in ordine aliarum Dom. usque ad Adv. Similiter Ant. ad Benedictus et Magnificat, et Orationes.*

¶. vij. Peccavi super numerum arenæ maris, et multiplicata sunt peccata mea: et non sum dignus videre altitudinem cæli præ multitudinem iniquitatis meæ: quoniam irritavi iram tuam, \* Et malum coram te feci. ¶. Quoniam iniquitatem meam ego cognosco, et delictum meum contra me

est semper, quia tibi soli peccavi. — E'.

¶. viij. Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. ¶. Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. — Sanctus. Gloria. Plena.

## FERIA SECUNDA

De libro primo Regum.

*Lectio j.*

Cap. 10.

**E**T convocavit Samuel populum ad Dominum in Maspha, et ait ad filios Israel: Hæc dicit Dominus Deus Israel: Ego eduxi Israel de Ægypto, et erui vos de manu Ægyptiorum, et de manu omnium regum qui affligebant vos. Vos autem hodie projecistis Deum vestrum, qui solus salvavit vos de universis malis et tribulationibus vestris, et dixistis: Nequaquam; sed regem constitue super nos. Nunc ergo state coram Domino per tribus vestras et per familias.

¶. Recordare Domine, testamenti tui, et dic Angelo percutienti: Cesset jam manus tua, \* Ut non desoletur terra, et ne perdas omnem animam vivam. ¶. Ego sum qui peccavi, ego qui inique egi: Isti qui oves sunt, quid fecerunt? Avertatur obsecro furor tuus, Domine, a populo tuo. — Ut.

*Lectio ij.*

**E**T applicuit Samuel omnes tribus Israel, et cecidit sors tribus Benjamin. Et applicuit tribum Benjamin et cognationes ejus, et cecidit cognatio Metri, et pervenit usque ad Saul filium Cis. Quæsierunt ergo eum, et non est inventus. Et consuluerunt post hæc Dominum, utrumnam venturus esset illuc. Responditque Dominus: Ecce absconditus est domi. Cucurrerunt itaque, et tulerunt eum inde; stetitque in medio populi, et altior fuit universo populo ab humero et



sursum. Et ait Samuel ad omnem populum: Certe videtis quem elegit Dominus quoniam non sit similis illi in omni populo. Et clamavit omnis populus, et ait: Vivat rex.

¶. Exaudisti, Domine, orationem servi tui, ut ædificarem templum nomini tuo: \* Benedic, et sanctifica domum istam in sempiternum, Deus Israel. ¶. Domine, qui custodis patetum cum servis tuis, qui ambulant coram te in toto corde suo. — Benedic.

*Lectio ij.*

**L**OCUTUS est autem Samuel ad populum legem regni, et scripsit in libro, et reposuit coram Domino; et dimisit Samuel omnem populum, singulos in domum suam. Sed et Saul abiit in domum suam in Gabaa, et abiit cum eo pars exercitus, quorum tetigerat Deus corda. Filii vero Belial dixerunt: Num salvare nos poterit iste? Et despexerunt eum, et non attulerunt ei munera: ille vero dissimulabat se audire.

¶. Audi, Domine, hymnum et orationem, quam servus tuus orat coram te hodie, ut sint oculi tui aperti, et aures tuæ intentæ \* Super domum istam die ac nocte. ¶. Respice, Domine, de sanctuario tuo, et de excelso cœlorum habitaculo. — Super. Gloriar. Super.

### FERIA TERTIA

De libro primo Regum.

*Lectio j. Cap. 12.*

**D**IXIT autem Samuel ad universum Israel: Ecce audivi vocem vestram juxta omnia quæ locuti estis ad me, et constitui super vos regem. Et nunc rex graditur ante vos. Ego autem senui, et incanui; porro filii mei vobiscum sunt. Itaque conversatus coram vobis ab adolescentia mea usque ad hanc diem, ecce præsto sum. Loquimini de me coram Domino, et coram christo ejus, utrum bovem cujusquam tulerim, aut asinum: si quempiam calumniatus sum,

si oppressi aliquem, si de manu cujusquam munus accepi, et contemnammillud hodie, restituamque vobis. Et dixerunt: Non es calumniatus nos neque oppressasti, neque tulisti de manu alicujus quidpiam. Dixitque ad eos: Testis est Dominus adversum vos, et testis christus ejus in die hac quia non inveneritis in manu mea quidpiam. Et dixerunt: Testis.

¶. Domine, si conversus fuerit populus tuus, et oraverit ad sanctuarium tuum: \* Tu exaudies de cœlo, Domine, et libera eos de manibus inimicorum suorum. ¶. Si peccaverit in te populus tuus, et conversus egerit poenitentiam, veniensque oraverit in isto loco. — Tu.

*Lectio ij.*

**E**T ait Samuel ad populum: Dominus qui fecit Moysen et Aaron et eduxit patres nostros de terra Ægypti. Nunc ergo state, ut iudicio contendam adversum vos coram Domino, de omnibus misericordiis Domini, quas fecit vobiscum, et cum patribus vestris: quomodo Jacob ingressus est in Ægyptum, et clamaverunt patres vestri ad Dominum: et misit Dominus Moysen et Aaron, et eduxit patres vestros de Ægypto, et collocavit eos in loco hoc. Qui obliti sunt Domini Dei sui, et tradidit eos in manu Sisaræ magistri militiæ Hæor, et in manu Philistinorum, et in manu regis Moab, et pugnaverunt adversum eos.

¶. Factum est, dum tolleret Dominus Eliam per turbinem in cœlum, Eliseus clamabat, dicens: Pater mi, pater mi, currus Israel, et auriga ejus. ¶. Cumque pergerent, et incedentes sermocinarentur, ecce currus igneus et equi ignei diviserunt utrumque, et ascendit Elias per turbinem in cœlum. Eliseus.

*Lectio iij.*

**P**OSTEA autem clamaverunt ad Dominum, et dixerunt: Peccavimus, quia dereliquimus Dominum, e

servivimus Baalim et Astaroth : nunc ergo erue nos de manu inimicorum, et serviemus tibi. Et misit Dominus Jerobaal, et Badan, et Jephthe, et Samuel, et eruit vos de manu inimicorum vestrorum per circuitum, et habitastis confidenter. Videntes autem quod Naas rex filiorum Ammon venisset adversum vos, dixistis mihi : Nequaquam, sed rex imperabit nobis, cum Dominus Deus vester regnaret in vobis. Nunc ergo præsto est rex vester, quem elegistis et petistis : ecce dedit vobis Dominus regem. Si timueritis Dominum, et servieritis ei, et audieritis vocem ejus, et non exasperaveritis os Domini, eritis et vos, et rex qui imperat vobis, sequentes Dominum Deum vestrum.

ñ. Ego te tuli, p. 436.

### FERIA QUARTA.

De libro primo Regum.

Lectio j. Cap. 12.

**FILIUS** unius anni erat Saul, cum regnare cœpisset ; duobus autem annis regnavit super Israel. Et elegit sibi Saul tria millia de Israel : et erant cum Saul duo millia in Machmas, et in monte Bethel : mille autem cum Jonatha in Gabaa Benjamin. Porro cæterum populum remisit, unumquemque in tabernacula sua. Et percussit Jonathas stationem Philisthinorum, quæ erat in Gabaa. Quod cum audissent Philisthiim, Saul cecinit buccina in omni terra, dicens : Audiant Hebræi. Et universus Israel audivit hujuscemodi famam : Percussit Saul stationem Philisthinorum, et erexit se Israel adversus Philisthiim. Clamavit ergo populus post Saul in Galgata.

ñ. Peccavi super, p. 436.

Lectio ij.

**ET** Philisthiim congregati sunt ad præliandum contra Israel, triginta millia currum, et sex millia equitum, et reliquum vulgus, sicut arenæ quæ est in littore maris plurima. Et ascendentes castrametati sunt in Machmas ad Orientem Bethaven. Quod cum vidis-

sent viri Israel se in arcto positos, (afflictus enim erat populus) absconderunt se in speluncis, et in abditis, in petris quoque, et in antris, et in cisternis. Hebræi autem transierunt Jordanem in terram Gad et Galaad. Cumque adhuc esset Saul in Galgala, universus populus perterritus est, qui sequebatur eum. Et expectavit septem diebus juxta placitum Samuelis, et non venit Samuel in Galgala, dilapsusque est populus ab eo.

ñ. Exaudisti Domine, p. 437.

Lectio iij.

**AUT** ergo Saul : Afferte mihi holocaustum et pacifica. Et obtulit holocaustum. Cumque complisset offerens holocaustum, ecce Samuel veniebat : et egressus est Saul obviam ei, ut saluaret eum. Locutusque est ad eum Samuel : Quid fecisti ? Respondit Saul : Quia vidi quod populus dilaberetur a me, et tu non veneras juxta placitos dies, porro Philisthiim congregati fuerant in Machmas, dixi : Nunc descendent Philisthiim ad me in Galgala, et faciem Domini non placavi. Necessitate compulsus obtuli holocaustum. Dixitque Samuel ad Saul : Stulte egisti, nec custodisti mandata Domini Dei tui, quæ præcepit tibi. Quod si non fecisses, jam nunc præparasset Dominus regnum tuum super Israel in sempiternum : sed nequaquam regnum tuum ultra consurgit. Quæsivit Dominus sibi virum juxta cor suum : et præcepit ei Dominus, ut esset dux super populum suum, eo quod non servaveris quæ præcepit Dominus.

ñ. Audi Domine, p. 437.

### FERIA QUINTA.

De libro primo Regum

Lectio j. Cap. 14. b.

**DIXIT** autem Jonathas ad adolescentem armigerum suum : Veni, transeamus ad stationem incircumcisorum horum, si forte faciat Dominus pro nobis : quia non est Domino difficile salvare vel in multis, vel in paucis. Dixitque ei armiger suus : Fac omnia quæ placent animo tuo ; perge quo cupis,

et ero tecum ubicumque volueris. Et ait Jonathas: Ecce nos transimus ad viros istos, cumque apparuerimus eis, si taliter locuti fuerint ad nos, Manete, donec veniamus ad vos; stemus in loco nostro, nec ascendamus ad eos. Si autem dixerint, Ascendite ad nos, ascendemus, quia tradidit eos Dominus in manibus nostris; hoc erit nobis signum. Apparuit igitur uterque stationi Philistinorum, dixeruntque Philistiim: En Hebræi egrediuntur de cavernis, in quibus absconditi fuerant.

¶. *Præparate corda, p. 433.*

*Lectio ij.*

**ET** locuti sunt viri de statione ad Jonatham, et ad armigerum ejus, dixeruntque: Ascendite ad nos, et ostendemus vobis rem. Et ait Jonathas ad armigerum suum: Ascendamus, sequere me tradidit enim Dominus eos in manus Israel. Ascendit autem Jonathas manibus et pedibus reptans; et armiger ejus post eum. Itaque alii cadebant ante Jonatham, alios armiger ejus interficiebat sequens eum. Et facta est plaga prima, qua percussit Jonathas et armiger ejus quasi viginti virorum in media parte jugeri, quam per boum in die arare consuevit. Et factum est miraculum in castris per agros: sed et omnis populus stationis eorum qui ierant ad prædandum, obstupuit, et conturbata est terra: et accidit quasi miraculum a Deo.

¶. *Deus omnium, p. 433.*

*Lectio iij.*

**ET** respexerunt speculatores Saul, qui erant in Gabaa Benjamin, et ecce multitudo prostrata, et huc illucque diffugiens. Et ait Saul populo qui erat cum eo. Requirite, et videte quis abierit ex nobis. Cumque requisissent, repertum est non adesse Jonatham et armigerum ejus. Et ait Saul ad Achiam: Applica arcam Dei. (Erat enim ibi arca Dei in die illa cum filiis Israel). Cumque loqueretur Saul ad sacerdotem, tumultus magnus exortus est in castris Philistinorum, crescebatque

paulatim, et clarius resonabat. Et ait Saul ad sacerdotem: Contrahe manum tuam. Conclamavit ergo Saul, et omnis populus qui erat cum eo, venerunt usque ad locum certaminis; et ecce versus fuerat gladius uniuscujusque ad proximum suum, et cædes magna nimis.

¶. *Dominus qui eripuit, p. 430.*

## FERIA SEXTA

*De libro primo Regum.*

*Lectio j. Cap. 13.*

**ET** dixit Samuel ad Saul. Me misit Dominus, ut ungerem te in regem super populum ejus Israel; nunc ergo audi vocem Domini. Hæc dicit Dominus exercituum: Recensui quæcumque fecit Amalec Israeli. quomodo restitit ei in via, cum ascenderet de Ægypto. Nunc ergo vade, et percutite Amalec, et demolire universa ejus: non porcas ei: et non concupiscas ex rebus ipsius aliquid: sed interfice a viro usque ad mulierem, et parvulum atque lactentem, bovem et ovem, camelum et asinum.

¶. *Percussit Saul, p. 435.*

*Lectio ij.*

**PRÆCEPIT** itaque Saul populo, et recensuit eos quasi agnos, ducenta millia peditum, et decem millia virorum Juda. Cumque venisset Saul usque ad civitatem Amalec, tetendit insidias in torrente. Dixitque Saul Cinæo: Abite, recedite, atque descendite ab Amalec, ne forte involvam te cum eo. Tu enim fecisti misericordiam cum omnibus filiis Israel, cum ascenderent de Ægypto. Et recessit Cinæus de medio Amalec. Percussitque Saul Amalec ab Hevila, donec venias ad Sur, quæ est e regione Ægypti. Et apprehendit Agag regem Amalec vivum; omne autem vulgus interfecit in ore gladii.

¶. *Montes Gelboe, p. 436.*

*Lectio iij.*

**ET** pepercit Saul, et populus Agag, et optimis gregibus ovium



et armentorum, et vestibus, et arietibus, et universis quæ pulchra erant, nec voluerunt disperdere ea; quidquid vero vile fuit et reprobum, hoc demoliti sunt. Factum est autem verbum Domini ad Samuel, dicens: Pœnitet me quod constituerim Saul regem; quia dereliquit me, et verba mea opere non implevit. Contristatusque est Samuel, et clamavit ad Dominum tota nocte.

ñ. Ego te tuli, p. 436.

### SABBATO.

De libro primo Regum.

Lectio j.

Cap. 16.

**D**IXITQUE Dominus ad Samuelem: Usquequo tu luges Saul, cum ego projecerim eum, ne regnet super Israel? Imple cornu tuum oleo, et veni, ut mittam te ad Isai Bethlehemitem: providi enim in filiis ejus mihi regem. Et ait Samuel: Quomodo vadam? audiet enim Saul, et interficiet me. Et ait Dominus: Vitulum de armento tolles in manu tua, et dices: Ad immolandum Domino veni. Et vocabis Isai ad victimam, et ego ostendam tibi quid facias, et unges quemcumque monstravero tibi.

ñ. Peccavi super, p. 436.

Lectio ij.

**F**ECIT ergo Samuel sicut locutus est ei Dominus. Venitque in Bethlehem, et admirati sunt seniores civitatis occurrentes ei, dixeruntque: Pacificusne est ingressus tuus? Et ait: Pacificus: ad immolandum Domino veni; sanctificamini, et venite mecum ut immolem. Sanctificavit ergo Isai et filios ejus, et vocavit eos ad sacrificium. Dumque ingressi essent, vidit Eliab, et ait: Num coram Domino est christus ejus? Et dixit Dominus ad Samuelem: Ne respicias vultum ejus, neque altitudinem stature ejus, quoniam abjeci eum; nec juxta intuitum hominis ego judico: homo enim videt ea quæ parent, Dominus autem intuetur cor.

ñ. Exaudisti Domine, p. 436.

Lectio iij.

**E**T vocavit Isai Abinadab, et adduxit eum coram Samuele. Qui dixit: Nec hunc elegit Dominus. Adduxit autem Isai Samma, de quo ait: Etiam hunc non elegit Dominus. Adduxit itaque Isai septem filios suos coram Samuele, et ait Samuel ad Isai: Non elegit Dominus ex istis. Dixitque Samuel ad Isai: Numquid jam completi sunt filii? Qui respondit: Adhuc reliquus est parvulus, et pascit oves. Et ait Samuel ad Isai: Mitte, et adhuc eum.

ñ. Audi Domine, p. 437.

*Ad Magnif. Ant.* Prævaluit David in Philisthæum in funda et lapide, in nomine Domini.

### DOM. IV. POST. PENT.

IN I. NOCTURNO.

De libro primo Regum.

Lectio j. Cap. 17.

**C**ONGREGANTES autem Philisthim agmina sua in prælium, convenerunt in Socho Judæ, et castrametati sunt inter Socho et Azeca in finibus Domini. Porro Saul et filii Israel congregati venerunt in vallem Therebinthi, et direxerunt aciem ad pugnandum contra Philisthim. Et Philisthim stabant super montem ex parte hac, et Israel stabat supra montem ex altera parte, vallisque erat inter eos. Et egressus est vir spurius de castris Philistinorum, nomine Goliath, de Geth, altitudinis sex cubitorum et palmi: et cassis ærea super caput ejus, et lorica squamata induebatur. Porro pondus lorice ejus, quinque millia siclorum æris erat; et ocreas habebat in cruribus, et clypeus æreus tegebat humeros ejus. Hastile autem haste ejus erat quasi licatorium texentium. Ipsum autem ferrum haste ejus sexcentos siclos habebat ferri, et armiger ejus antecedebat eum.

ñ. Præparate corda, p. 438.

*Lectio ij.*

**STANSQUE** clamabat adversum phalanges Israel, et dicebat eis: Quare venistis parati ad prælium? Numquid ego non sum Philistæus, et vos servi Saul? Eligite ex vobis virum, et descendat ad singulare certamen. Si quiverit pugnare mecum, et percusserit me, erimus vobis servi: si autem ego prævaluerō, et percussero eum, vos servi eritis, et servietis nobis. Et aiebat Philistæus: Ego exprobravi agminibus Israel hodie: Date mihi virum, et ineat mecum singulare certamen. Audiens autem Saul et omnes Israelitæ sermones Philisthæi hujusmodi, stupebant, et metuebant nimis.

¶. Deus omnium, p. 455.

*Lectio iij.*

**DAVID** autem erat filius viri Ephrathæi, de quo supra dictum est, de Bethlehem Juda, cui nomen erat Isai, qui habebat octo filios, et erat vir in diebus Saul senex, et grandævus inter viros. Abierunt autem tres filii ejus majores post Saul in prælium: et nomina trium filiorum ejus, qui perrexerunt ad bellum, Eliab primogenitus, et secundus Abinadab, tertiusque Samma. David autem erat minimus. Tribus ergo majoribus secutis Saul, abiit David, et reversus est a Saul, ut pasceret gregem patris sui in Bethlehem. Procebat vero Philistæus mane et vespere, et stabat quadraginta diebus.

¶. Dominus qui eripuit, p. 455.

## IN II. NOCTURNO.

Sermo sancti Augustini Episcopi.

Serm. 197. de Tempore.

*Lectio iv.*

**STABANT** filii Israel contra adversarios quadraginta diebus. Quadraginta dies propter quatuor tempora et quatuor partes orbis terræ, vitam præsentem significant, in qua contra Goliath vel exercitum ejus,

id est contra diabolum et angelos ejus, Christianorum populus pugnare non desinit. Nec tamen vincere posset, nisi verus David Christus cum baculo, id est, cum crucis mysterio descendisset. Ante adventum enim Christi, solutus erat diabolum, veniens Christus fecit de eo, quod in Evangelio dictum est: Nemo potest intrare in domum fortis, et vasa ejus diripere, nisi prius alligaverit fortem. Venit ergo Christus, et alligavit diabolum.

¶. Percussit Saul, p. 455.

*Lectio v.*

**SED** dicit aliquis: Si alligatus est, quare adhuc tantum prævalet? Verum est, fratres charissimi, quia multum prævalet: sed tepidis et negligentibus, et Deum in veritate non timentibus demitur. Alligatus est enim, tanquam innexus canis catenis, et neminem potest mordere, nisi eum qui se illi mortifera securitate conjunxerit. Jam videte, fratres, quam stultus est homo ille, quem canis in catenis positus mordet. Tu te illi per voluntates et cupiditates sæculi noli conjungere, et ille ad te non præsumit accedere. Latrare potest, mordere omnino non potest, nisi volentem. Non enim cogendo, sed suadendo nocet: nec extorquet a nobis consequum, sed petit.

¶. Montes Gelboe, p. 456.

*Lectio vj.*

**VENIT** ergo David, et invenit Judæorum populum contra diabolum præliantem, et cum nullus esset, qui præsumeret ad singulare certamen accedere, ille qui figuram Christi gerebat, processit ad prælium, tulit baculum in manu sua, et exiit contra Goliath. Et in illo quidem tunc figuratum est, quod in Domino Jesu Christo completum est. Venit enim verus David Christus, qui contra spiritalem Goliath, id est, contra diabolum pugnaturus, crucem suam ipse portavit. Videte, fratres, ubi David

Goliath percusserit ; in fronte utique ubi crucis signaculum non habebat. Sicut enim baculus crucis typum habuit , ita etiam et lapis ille de quo percussus est , Christum Dominum figurabat.

¶ Ego te tuli , p. 456.

In III. Noct. ¶. vij. et viij. ut ibid.

### FERIA SECUNDA.

De libro primo Regum.

Lectio j. Cap. 17. c.

**ET** dixit unus quispiam de Israel : Num vidistis virum hunc qui ascendit ? ad exprobrandum enim Israeli ascendit. Virum ergo qui percusserit eum , ditabit rex divitiis magnis , et filiam suam dabit ei , et domum patris ejus faciet absque tributo in Israel. Et ait David ad viros qui stabant secum , dicens : Quid dabitur viro , qui percusserit Philisthæum hunc , et tulerit opprobrium de Israel ? quis enim est hic Philisthæus incircumcissus , qui exprobravit acies Dei viventis ?

¶ Recordare Domine , p. 456.

Lectio ij.

**AUDITA** sunt autem verba , quæ locutus est David , et annuntiata in conspectu Saul. Ad quem cum fuisset adductus , locutus est ei : Non concidat cor cujusquam in eo ; ego servus tuus vadam , et pugnabo adversus Philisthæum. Et ait Saul ad David : Non vales resistere Philisthæo isti , nec pugnare adversus eum , quia puer es , hic autem vir bellator est ab adolescentia sua.

¶ Exaudisti Domine , p. 457.

Lectio iij.

**DIXITQUE** David ad Saul : Paſcebat servus tuus patris sui gregem , et veniebat leo vel ursus , et tollebat arietem de medio gregis , et persequabar eos , et percutiebam , eruebamque de ore eorum : et illi consurgebant adversum me , et apprehendebam mentum eorum , et suffocabam , interficiebamque eos. Nam

et leonem et ursum interfeci ego servus tuus , erit igitur et Philisthæus hic incircumcissus , quasi unus ex eis.

¶ Audi Domine , p. 457.

### FERIA TERTIA.

De libro primo Regum.

Lectio j. Cap. 17.

**ET** induit Saul David vestimentis suis , et imposuit galeam æream super caput ejus , et vestivit eum lorica. Accinctus ergo David gladio ejus super vestem suam , cœpit tentare si armatus posset incedere : non enim habebat consuetudinem. Dixitque David ad Saul : Non possum sic incedere , quia non usum habeo. Et deposuit ea , et tulit baculum suum : quem semper habebat in manibus , et elegit sibi quinque limpidissimos lapides de torrente , et misit eos in peram pastorem quam habebat secum , et fundam manu tulit , et processit adversum Philisthæum.

¶ Domine si conversus , p. 457.

Lectio ij.

**IBAT** autem Philisthæus incedens , et appropinquans adversum David , et armiger ejus ante eum. Cumque inspexisset Philisthæus , et vidisset David , despexit eum. Erat enim adolescens , rufus , et pulcher aspectu. Et dixit Philisthæus ad David : Numquid ego canis sum , quod tu venis ad me cum baculo ? Et maledixit Philisthæus David in diis suis , dixitque ad David : Veni ad me , et dabo carnes tuas volatilibus cœli et bestiis terræ. Dixit autem David ad Philisthæum : Tu venis ad me cum gladio , et hasta , et clypeo : ego autem venio ad te in nomine Domini exercituum , Dei agminum Israel , quibus exprobrasti hodie. Et dabit te Dominus in manu mea , et percutiam te , et auferam caput tuum a te : et dabo cadavera castrorum Philisthim hodie volatilibus cœli et bestiis terræ ; ut sciat omnis terra , quia est Deus in Israel.

¶ Factum est dum , p. 457.



*Lectio iij.*

**CUM** ergo surrexisset Philisthæus, et veniret, et appropinquaret contra David, festinavit David, et cucurrit ad pugnam ex adverso Philisthæi. Et misit manum suam in peram, tulitque unum lapidem, et funda jecit, et circumducens percussit Philisthæum in fronte: et infixus est lapis in fronte ejus, et cecidit in faciem suam super terram. Prævaluitque David adversum Philisthæum in funda et lapide, percussusque Philisthæum interfecit. Cumque gladium non haberet in manu David, cucurrit, et stetit super Philisthæum, et tulit gladium ejus, et eduxit eum de vagina sua: et interfecit eum, præciditque caput ejus.

¶. Ego te tuli, p. 456.

### FERIA QUARTA.

De libro primo Regum.

*Lectio j. Cap. 18.*

**PORRO** cum reverteretur, percussio Philisthæo, David, egressæ sunt mulieres de universis urbibus Israel, cantantes, chorosque ducentes in occursum Saul regis, in tympanis lætitiæ, et in sistris. Et præcinebant mulieres ludentes atque dicentes: Percussit Saul mille, et David decem millia. Iratus est autem Saul nimis, et displicuit in oculis ejus sermo iste, dixitque: Dederunt David decem millia, et mihi mille dederunt: quid ei superest, nisi solum regnum?

¶. Peccavi super, p. 456.

*Lectio ij.*

**NON** rectis ergo oculis Saul aspicebat David a die illa, et deinceps. Post diem autem alteram, invasit spiritus Dei malus Saul, et prophetabat in medio domus suæ. David autem psallebat manu sua, sicut per singulos dies. Tenebatque Saul lanceam, et misit eam, putans quod configere posset David cum pariete, et declinavit David a facie ejus secundo. Et timuit Saul David. eo quod

Dominus esset cum eo, et a se recessisset. Amovit ergo eum Saul a se, et fecit eum tribunum super millo viros: et egrediebatur, et intrabat in conspectu populi.

¶. Exaudisti Domine, p. 457.

*Lectio iij.*

**IN** omnibus quoque viis suis David prudenter agebat, et Dominus erat cum eo. Vidit itaque Saul quod prudens esset nimis, et cepit cavere eum. Omnis autem Israel et Juda diligebat David: ipse enim egrediebatur et egrediebatur ante eos. Dixitque Saul ad David: Ecce filia mea maior Merob, ipsam dabo tibi uxorem: tantummodo esto vir fortis, et præliare bella Domini. Saul autem reputabat, dicens: Non sit manus mea in eum, sed sit super eum malus Philistinorum.

¶. Audi Domine, p. 457.

### FERIA QUINTA

De libro primo Regum.

*Lectio j. Cap. 19.*

**LOCUTUS** est autem Saul ad Jonatham filium suum et ad omnes servos suos, ut occiderent David. Porro Jonathas filius Saul diligebat David valde. Et indicavit Jonathas David, dicens: Quærit Saul pater meus occidere te: quapropter observa te, quæso, mane, et manebis clam, et absconderis. Ego autem egrediens stabo juxta patrem meum, in agro ubicumque fueris, et ego loquar de te ad patrem meum: et quodcumque videro, nuntiabo tibi.

¶. Præparate corda, p. 455.

*Lectio ij.*

**LOCUTUS** est ergo Jonathas de David bona ad Saul patrem suum, dixitque ad eum: Ne pecces, rex, in servum tuum David quia non peccavit tibi, et opera ejus bona sunt tibi valde. Et posuit animam suam in manu sua et percussit Philisthæum, et fecit Dominus salutem magnam universo Israeli: vidisti, et lætatus

es. Quare ergo peccas in sanguine innoxio, interficiens David, qui est absque culpa? Quod cum audisset Saul, placatus voce Jonathæ, juravit: Vivit Dominus, quia non occidetur,

¶. Deus omnium, p. 433.

*Lectio iiij.*

**MOTUM** est autem rursum bellum, et egressus David pugnavit adversum Philistiim, percussitque eos plaga magna, et fugerunt a facie ejus. Et factus est spiritus Domini malus in Saul. Sedebat autem in domo sua, et tenebat lanceam: porro David psallebat manu sua. Nisusque est Saul configere David lancea in pariete, et declinavit David a facie Saul; lancea autem casso vulnere perlata est in parietem, et David fugit, et salvatus est nocte illa.

¶. Dominus qui eripuit, p. 433.

### FERIA SEXTA.

De libro primo Regum.

*Lectio j. Cap. 30.*

**FUGIT** autem David de Najoth, quæ est in Ramatha, veniensque locutus est coram Jonatha: Quid feci? quæ est iniquitas mea, et quod peccatum meum in patrem tuum, quia quærit animam meam? Qui dixit ei: Absit, non morieris; neque enim faciet pater meus quidquam grande vel parvum, nisi prius indicaverit mihi: hunc ergo celavit me pater meus sermonem tantummodo? Nequaquam erit istud.

¶. Percussit Saul, p. 433.

*Lectio ij.*

**ET** juravit rursum Davidi. Et ille ait: Scit profecto pater tuus quia inveni gratiam in oculis tuis, et dicet: Nesciat hoc Jonathas, ne forte tristetur. Quinimo vivit Dominus, et vivit anima tua, quia uno tantum, ut ita dicam, gradu ego morsque dividimur. Et ait Jonathas ad David: Quodcumque dixerit mihi anima tua, faciam tibi.

¶. Montes Gelboe, p. 436.

*Lectio iiij.*

**DIXIT** autem David ad Jonatham: Ecce calendæ sunt crastino, et ego ex more sedere soleo juxta regem ad vescendum: dimitte ergo me, ut abscondar in agro usque ad vesperam diei tertiae. Si respiciens requisierit me pater tuus, respondebis ei: Rogavit me David, ut iret celeriter in Bethlehem civitatem suam, quia victimæ solemnes ibi sunt universis contribulibus suis. Si dixerit, Bene, pax erit servo tuo. Si autem fuerit iratus, scito quia completa est malitia ejus.

¶. Ego te tuli, p. 436.

### SABBATO

De libro primo Regum.

*Lectio j. Cap. 31.*

**VENIT** autem David in Nobe ad Achimelech sacerdotem, et obstupuit Achimelech eo quod venisset David. Et dixit ei: Quare tu solus, et nullus est tecum? Et ait David ad Achimelech sacerdotem: Rex præcepit mihi sermonem, et dixit: Nemo sciat rem propter quam missus es a me, et cujusmodi præcepta tibi dederim: nam et pueris condixi in illum et illum locum. Nunc ergo si quid habes ad manum, vel quinque panes, da mihi, aut quidquid inveneris.

¶. Peccavi super, p. 436.

*Lectio ij.*

**ET** respondens sacerdos ad David, ait illi: Non habeo laicos panes ad manum, sed tantum panem sanctum: si mundi sunt pueri, maxime a mulieribus? Et respondit David sacerdoti, et dixit ei: Equidem, si de mulieribus agitur, continuimus nos ab heri et nudius tertius, quando egrediebamur, et fuerunt vasa puerorum sancta. Porro via hæc polluta est, sed et ipsa hodie sanctificabitur in vasis. Dedit ergo ei sacerdos sanctificatum panem. Neque enim erat ibi panis, nisi tantum panes propositionis, qui

sublati fuerant a facie Domini, ut ponerentur panes calidi.

¶. Exaudisti Domine, p. 457.

*Lectio iij.*

**ERAT** autem ibi vir quidam de servis Saul in die illa intus in tabernaculo Domini, et nomen ejus Doeg idumæus, potentissimus pastorum Saul. Dixit autem David ad Achimelech: Si habes hic ad manum hastam, aut gladium? quia gladium meum et arma mea non tuli mecum: sermo enim regis urgebat. Et dixit sacerdos: Ecce hic gladius Goliath Philisthæi, quem percussisti in valle Terebinthi, est involutus pallio post Ephod: si istum vis tollere, tolle. Neque enim hic est alius absque eo. Et ait David: Non est huic alter similis, da mihi eum.

¶. Audi Domine, p. 457.

*Ad Magnif. Ant.* Montes Gelboe, nec ros nec pluvia veniant super vos: quia in te abjectus est clypeus fortium, clypeus Saul, quasi non esset unctus oleo. Quomodo ceciderunt fortes in bello? Jonathas in excelsis interfectus est: Saul et Jonathas amabiles, et decori valde in vita sua, in morte quoque non sunt divisi.

## DOM. V. POST PENT.

### IN I. NOCTURNO.

Incipit liber secundus Regum.

*Lectio j. Cap. i.*

**FACTUM** est autem, postquam mortuus est Saul, ut David reverteretur a cæde Amalec, et maneret in Siceleg duos dies. In die autem tertia apparuit homo veniens de castris Saul veste conscissa, et pulvere conspersus caput. Et ut venit ad David, cecidit super faciem suam, et adoravit. Dixitque ad eum David: Unde venis? Qui ait ad eum: De castris Israel fugi. Et dixit ad eum David: Quod est verbum quod factum est? indica mihi. Qui ait: Fugit populus ex prælio, et multi corruentes e populo mortui sunt: sed

et Saul, et Jonathas filius ejus interierunt.

¶. Præparate corda, p. 458.

*Lectio ij.*

**DIXITQUE** David ad adolescentem, qui nuntiabat ei: Unde scis quia mortuus est Saul, et Jonathas filius ejus? Et ait adolescens, qui nuntiabat ei: Casu veni in montem Gelboe, et Saul incumbibat super hastam suam: porro currus et equites appropinquabant ei, et conversus post tergum suum, vidensque me vocavit. Cui cum respondissem, Adsum, dixit mihi: Quisnam es tu? Et aio ad eum: Amalecites ego sum. Et locutus est mihi: Sta super me, et interfice me, quoniam tenent me angustiae, et adhuc tota anima mea in me est. Stansque super eum, occidi illum: sciebam enim quod vivere non poterat post ruinam; et tuli diadema quod erat in capite ejus, et armillam de brachio illius, et attuli ad te dominum meum huc.

¶. Deus omnium, p. 458.

*Lectio iij.*

**APPREHENDENS** autem David vestimenta sua scidit, omnesque viri qui erant cum eo, et planxerunt, et fleverunt, et jejunaverunt usque ad vesperam super Saul, et super Jonatham filium ejus, et super populum Domini, et super domum Israel, eo quod corruissent gladio. Dixitque David ad juvenem qui nuntiaverat ei: Unde es tu? Qui respondit: Filius hominis advenæ Amalecitiæ ego sum. Et ait ad eum David: Quare non timuisti mittere manum tuam ut occideres christum Domini? Vocansque David unum de pueris suis, ait: Accedens irruere in eum. Qui percussit illum, et mortuus est.

¶. Dominus qui eripuit, p. 458.

### IN II. NOCTURNO.

Ex lib. Moral. S. Gregorii Papæ.

*Lectio iv. Lib. 4. 3. et 4.*

**QUID** est quod David, qui retribuentibus sibi mala non reddidit



cum Saul et Jonathas bello occumberent, Gelboe montibus maledixit, dicens: Montes Gelboe, nec ros nec pluvia veniant super vos: neque sint agri primitiarum, quia ibi abjectus est clypeus fortium, clypeus Saul, quasi non esset unctus oleo? Quid est quod Jeremias, cum prædicationem suam cerneret audientium difficultate præpediri, maledixit dicens: Maledictus vir, qui annuntiavit patri meo, dicens: Natus est tibi puer masculus.

¶ Percussit Saul, p. 455.

*Lectio v.*

**Q**UID ergo montes Gelboe, Saul moriente, deliquerunt, quatenus in eos nec ros nec pluvia caderet, et ab omni eos viriditatis germine sententiæ sermo siccaret? Sed quia Gelboe interpretatur decursus, per Saul autem unctum et mortuum mors nostri Mediatoris exprimitur: non immerito per Gelboe montes superba Judæorum corda signantur: quæ dum in hujus mundi desideriis desluunt, in Christi, id est, uncti se morte miscuerunt: et quia in eis unctus Rex corporaliter moritur, ipsi ab omni gratiæ rore siccantur.

¶ Montes Gelboe, p. 456.

*Lectio vj.*

**D**E quibus et bene dicitur, ut agri primitiarum esse non possint. Superbæ quippe Hebræorum mentes primitivos fructus non ferunt: quia in Redemptoris adventu ex parte maxima in perfidia remanentes, primordia fidei sequi noluerunt. Sancta namque Ecclesia in primitiis suis multitudine Gentium sæcundata, vix in mundi fine Judæos quos invenerit, suscipit, et extrema colligens, eos quasi reliquias frugum ponit.

¶ Ego te tuli, p. 456.

In III. Noct. ¶ vij. et viij. ut ibid.

### FERIA SECONDA.

De libro secundo Regum.

*Lectio j. Cap. 2.*

**I**GITUR post hæc consuluit David Dominum, dicens: Num ascen-

dam in unam de civitatibus Juda? Et ait Dominus ad eum: Ascende. Dixitque David: Quo ascendam? Et respondit ei: In Hebron. Ascendit ergo David et duæ uxores ejus, Achinoam Jezrahelites, et Abigail uxor Nabat Carmeli: sed et viros quierant cum eo duxit David singulos cum domo sua, et manserunt in oppidis Hebron. Veneruntque viri Juda, et unxerunt ibi David, ut regnaret super domum Juda.

¶ Recordare Domine, p. 456.

*Lectio ij.*

**E**T nuntiatum est David quod viri Jabes Galaad sepelissent Saul. Misit ergo David nuntios ad viros Jabes Galaad, dixitque ad eos: Benedicti vos a Domino, qui fecistis misericordiam hanc cum domino vestro Saul, et sepelistis eum. Et nunc retribuet vobis quidem Dominus misericordiam et veritatem: sed et ego reddam gratiam, eo quod fecistis verbum istud. Confortentur manus vestræ, et estote filii fortitudinis: licet enim mortuus sit dominus vester Saul, tamen munxit domus Juda in regem sibi.

¶ Exaudisti Domine, p. 457.

*Lectio iij.*

**A**BNER autem filius Ner, princeps exercitus Saul, tulit Isboseth filium Saul, et circumduxit eum per castra, regemque constituit super Galaad, et super Gessuri, et super Jezrahel, et super Ephraim, et super Benjamin, et super Israel universum. Quadraginta annorum erat Isboseth filius Saul cum regnare cepisset super Israel, et duobus annis regnavit: sola autem domus Juda sequebatur David. Et fuit numerus dierum, quos commoratus est David, imperans in Hebron super domum Juda, septem annorum et sex mensium.

¶ Audi Domine, p. 457.

### FERIA TERTIA.

De libro secundo Regum.

*Lectio j. Cap. 3.*

**C**UM ergo esset prælium inter domum Saul, et domum David, Ab-

ner filius Ner regebat domum Saul. Fuerat autem Sauli concubina nomine Respha, filia Aia. Dixitque Isboseth ad Abner: Quare ingressus es ad concubinam patris mei? Qui iratus nimis propter verba Isboseth, ait: Numquid caput canis ego sum adversum Judam hodie, qui fecerim misericordiam super domum Saul patris tui, et super fratres et proximos ejus, et non tradidi te in manus David, et tu requisisti in me quod argueres pro muliere hodie? Hæc faciat Deus Abner, et hæc addat ei, nisi quomodo juravit Dominus David, sic faciam eum eo, ut transferatur regnum de domo Saul, et elevetur thronus David super Israel et super Judam a Dan usque Bersabee.

¶. Domine si conversus, p. 457.

*Lectio ij.*

**MISIT** ergo Abner nuntios ad David pro se, dicentes: Cujus est terra? Et ut loquerentur: Fac mecum amicitias, et erit manus mea tecum, et reducam ad te universum Israel. Qui ait: Optime: ego faciam tecum amicitias: sed unam rem peto a te, dicens: Non videbis faciem meam, antequam adduxeris Michol filiam Saul: et sic venies, et videbis me. Misit autem David nuntios ad Isboseth filium Saul, dicens: Redde uxorem meam Michol, quam despondi mihi centum præputiis Philisthiim. Misit ergo Isboseth, et tulit eam a viro suo Phaltiel, filio Lais. Sequebaturque eam vir suus, plorans usque Bauhrim: et dixit ad eum Abner: Vade, et revertere. Qui reversus est,

¶. Factum est dum, p. 457.

*Lectio iij.*

**SERMONEM** quoque intulit Abner ad seniores Israel, dicens: Tam heri quam nudiustertius quærebatis David ut regnaret super vos. Nunc ergo facite: quoniam Dominus locutus est ad David, dicens: In manu servi mei David salvabo populum meum Israel de manu Philisthiim, et

omnium inimicorum ejus. Locutus est autem Abner etiam ad Benjamin. Et abiit ut loqueretur ad David in Hebron omnia, quæ placuerant Israeli, et universo Benjamin. Venitque ad David in Hebron cum viginti viris, et fecit David Abner, et viris ejus qui venerant cum eo, convivium. Et dixit Abner ad David: Surgam, ut congregem ad te dominum meum regem omnem Israel.

¶. Ego te tuli, p. 456.

### FERIA QUARTA.

De libro secundo Regum.

*Lectio j.*

*Cap. 3.*

**VENIENTES** igitur filii Remmon Berothitæ, Rechab et Baana, ingressi sunt fervente die domum Isboseth: qui dormiebat super stratum suum meridie. Et ostiaria domus purgans triticum, obdormivit. Ingressi sunt autem domum latenter, assumptes spicas tritici, et percusserunt eum in inguine Rechab et Baana frater ejus, et fugerunt. Cum autem ingressi fuissent domum ille dormiebat super lectum suum in conclavi, et percutientes interfecerunt eum: sublatoque capite ejus, abierunt per viam deserti tota nocte, et attulerunt caput Isboseth ad David in Hebron, dixeruntque ad regem: Ecce caput Isboseth filii Saul inimici tui, qui quærebat animam tuam.

¶. Peccavi super, p. 456.

*Lectio ij.*

**RESPONDENS** autem David Rechab et Baana fratri ejus, filiis Remmon Berothitæ, dixit ad eos: Vivit Dominus, qui eruit animam meam de omni angustia, quoniam eum qui annuntiaverat mihi, et dixerat, Mortuus est Saul, qui putabat se prospera nuntiare, tenui, et occidi eum in Siceleg, cui oportebat mercedem dare pro nuntio. Quanto magis nunc, cum homines impii interfecerunt virum innoxium in domo sua super lectum suum, non quæram sanguinem ejus de manu vestra, et auferam vos de

terra? Præcepit itaque David pueris suis, et interfecerunt eos: præcidentesque manus et pedes eorum, suspenderunt eos super piscinam in Hebron: caput autem Isboseth tulerunt, et sepelierunt in sepulchro Abner in Hebron.

¶. Exaudisti Domine, p. 457.

Lectio iij. Cap. 5.

**ET** venerunt universæ tribus Israel ad David in Hebron, dicentes: Ecce nos, os tuum et caro tua sumus. Sed et heri et nudiustertius, cum esset Saul rex super nos, tu eras educens et reducens Israel. Dixit autem Dominus ad te: Tu pasces populum meum Israel, et tu eris dux super Israel. Venerunt quoque et seniores Israel ad regem in Hebron, et percussit cum eis David fœdus in Hebron coram Domino: unxeruntque David in regem super Israel. Filius triginta annorum erat David, cum regnare cœpisset, et quadraginta annis regnavit. In Hebron regnavit super Judam septem annis et sex mensibus: in Jerusalem autem regnavit triginta tribus annis super omnem Israel et Judam. Et abiit rex, et omnes viri qui erant cum eo, in Jerusalem, ad Jebusæum habitatorem terræ: dictumque est David ab eis: Non ingredieris huc, nisi abstuleris cæcos et claudos, dicentes: Non ingredietur David huc. Cœpit autem David arcem Sion, hæc est civitas David.

¶. Audi Domine, p. 457.

### FERIA QUINTA.

De libro secundo Regum.

Lectio j. Cap. 6.

**CONGREGAVIT** autem rursus David omnes electos ex Israel triginta millia. Surrexitque David, et abiit, et universus populus qui erat cum eo de viris Juda, ut adducerent arcam Dei, super quam invocatum est nomen Domini exercituum, sedentis in Cherubim super eam. Et imposuerunt arcam Dei super plaustrum novum: tuleruntque eam de domo Abinadab,

qui erat in Gabaa: Oza autem et Ahio filii Abinadab, minabant plaustrum novum.

¶. Præparate corda, p. 455.

Lectio iij.

**CUMQUE** tulissent eam de domo Abinadab, qui erat in Gabaa, custodiens arcam Dei, Ahio præcedebat arcam. David autem et omnis Israel ludebant coram Domino in omnibus lignis fabre factis, et citharis, et lyris, et tympanis, et sistris, et cymbalis. Postquam autem venerunt ad arcam Nachon, extendit Oza manum ad arcam Dei, et tenuit eam: quoniam calcitrabant boves, et declina-verunt eam. Iratusque est indignatione Dominus contra Ozam, et percussit eum super temeritate: qui mortuus est ibi juxta arcam Dei.

¶. Deus omnium, p. 455.

Lectio iij.

**CONTRISTATUS** est autem David eo quod percussisset Dominus Ozam, et vocatum est nomen loci illius, Percussio Ozæ, usque in diem hanc. Et extimuit David Dominum in die illa, dicens: Quomodo ingredietur ad me arca Domini? Et noluit divertere ad se arcam Domini in civitatem David: sed divertit eam in domum Obededom Gethæi. Et habitavit arca Domini in domo Obededom Gethæi tribus mensibus: et benedixit Dominus Obededom, et omnem domum ejus. Nuntiatumque est regi David quod benedixisset Dominus Obededom et omnia ejus propter arcam Dei. Abiit ergo David, et adduxit arcam Dei de domo Obededom in civitatem David cum gaudio.

¶. Dominus qui eripuit, p. 411.

### FERIA SEXTA.

De libro secundo Regum.

Lectio j. Cap. 7.

**ET** ecce sermo Domini ad Nathan, dicens: Vade et loquere ad servum meum David: Hæc dicit Dominus: Numquid tu ædificabis mihi domum ad habitandum? Neque habitavi



In domo ex die illa, quæ eduxi filios Israel de terra Ægypti usque in diem hanc; sed ambulabam in tabernaculo, et in tentorio.

¶ Percussit Saul, p. 455.

*Lectio ij.*

**P**ER cuncta loca, quæ transivi cum omnibus filiis Israel, numquid loquens locutus sum ad unam de tribubus Israel, cui præcepi, ut pasceret populum meum Israel, dicens: Quare non ædificatis mihi domum cedrinam? Et nunc hæc dices servo meo David: Hæc dicit Dominus exercituum. Ego tuli te de pascuis sequentem greges, ut esses dux super populum meum Israel, et fui tecum in omnibus ubicumque ambulasti, et interfeci universos inimicos tuos a facie tua: fecique tibi nomen grande, juxta nomen magnorum qui sunt in terra. Et ponam locum populo meo Israel, et plantabo eum, et habitabit sub eo, et non turbabitur amplius: nec addent filii iniquitatis ut affligant eum sicut prius, ex die qua constitui judices super populum meum Israel; et requiem dabo tibi ab omnibus inimicis tuis. Prædicitque tibi Dominus, quod domum faciat tibi Dominus.

¶ Montes Gelboe, p. 456.

*Lectio iij.*

**C**UMQUE completi fuerint dies tui, et dormieris cum patribus tuis, suscitabo semen tuum post te, quod egredietur de utero tuo, et firmabo regnum ejus. Ipse ædificabit domum nomini meo, et stabiliam thronum regni ejus usque in sempiternum. Ego ero ei in patrem, et ipse erit mihi in filium: qui si inique aliquid gesserit, arguam eum in virga virorum, et in plagis filiorum hominum. Misericordiam autem meam non auferam ab eo, sicut abstuli a Saul, quem amovi a facie mea. Et fidelis erit domus tua, et regnum tuum usque in æternum ante faciem tuam, et thronus tuus erit firmus jugiter. Secundum omnia verba hæc, et juxta

universam visionem istam, sic locutus est Nathan ad David.

¶ Ego te tuli, p. 456.

### SABBATO.

De libro secundo Regum.

*Lectio j. Cap. 11.*

**F**ACTUM est autem, vertente anno, eo tempore quo solent reges ad bella procedere, misit David Joab, et servos suos cum eo, et universum Israel, et vastaverunt filios Ammon, et obsederunt Rabba: David autem remansit in Jerusalem. Dum hæc agerentur, accidit ut surgeret David de strato suo post meridiem, et deambularet in solario domus regis; viditque mulierem se lavantem, ex adverso super solarium suum. Erat autem mulier pulchra valde. Misit ergo rex, et requisivit quæ esset mulier. Nuntiatumque est ei quod ipsa esset Bethsabæe filia Eliam, uxor Uriæ Hethæi. Missis itaque David nuntiis, tulit eam.

¶ Peccavi super, p. 456.

*Lectio ij.*

**E**T reversa est in domum suam, concepto foetu. Mittensque nuntiavit David, et ait: Concepi. Misit autem David ad Joab, dicens: Mitte ad me Uriam Hethæum. Misitque Joab Uriam ad David. Et venit Urias ad David. Quæsitque David quam recte ageret Joab, et populus, et quomodo administraretur bellum. Et dixit David ad Uriam: Vade in domum tuam, et lava pedes tuos. Et egressus est Urias de domo regis, secutusque est eum cibus regius. Dormivit autem Urias ante portam domus regis cum aliis servis domini sui, et non descendit ad domum suam. Nuntiatumque est David a dicentibus: Non ivit Urias in domum suam. Et ait David ad Uriam: Numquid non de via venisti? quare non descendisti in domum tuam? Et ait Urias ad David: Arca Dei, et Israel, et Juda habitant in papilionibus, et dominus meus Joab, et servi domini mei super faciem terre manent,

et ego ingrediar domum meam, ut comedam et bibam, et dormiam cum uxore mea? Per salutem tuam, et per salutem animæ tuæ non faciam rem hanc.

¶. Exaudisti Domine, p. 457.

*Lectio iij.*

**A**IT ergo David ad Uriam: Mane hic etiam hodie, et oras dimittam te. Mansit Urias in Jerusalem in die illa et altera, et vocavit eum David ut comederet coram se et biberet, et inebriavit eum. Qui egressus vespere, dormivit in strato suo cum servis domini sui, et in domum suam non descendit. Factum est ergo mane, et scripsit David epistolam ad Joab, misitque per manum Uriæ, scribens in epistola: Pone Uriam ex adverso belli, ubi fortissimum est prælium, et derelinquite eum, ut percussus intereat. Igitur cum Joab obsideret urbem, posuit Uriam in loco ubi sciebat viros esse fortissimos. Egressique viri de civitate, bellabant adversum Joab, et ceciderunt de populo servorum David, et mortuus est etiam Urias Hethæus.

¶. Audi Domine, p. 457.

*Ad Magnif. Ant.* Obsecro, Domine, aufer iniquitatem servi tui, qui insipienter egi.

## DOM. VI. POST PENT.

### IN I. NOCTURNO.

De libro secundo Regum.

*Lectio j. Cap. 12.*

**M**ISIT ergo Dominus Nathan ad David. Qui cum venisset ad eum, dixit ei: Duo viri erant in civitate una, unus dives, et alter pauper. Dives habebat oves, et boves plurimos valde: pauper autem nihil habebat omnino, præter ovem unam parvulam, quam emerat et nutrierat, et quæ creverat apud eum cum filiis ejus simul, de pane illius comedens, et de calice ejus bibens, et in sinu illius dormiens, eratque illi sicut filia. Cum autem peregrinus qui-

dam venisset ad divitem, parcens ille sumere de ovibus et de bobus suis, ut exhiberet convivium peregrino illi qui venerat ad se, tulit ovem viri pauperis, et præparavit cibos homini qui venerat ad se.

¶. Præparate corda, p. 455.

*Lectio ij.*

**I**RATUS autem indignatione David adversus hominem illum nimis, dixit ad Nathan: Vivit Dominus, quoniam filius mortis est vir qui fecit hoc. Ovem reddet in quadruplum, eo quod fecerit verbum istud, et non pepercerit. Dixit autem Nathan ad David: Tu es ille vir. Hæc dicit Dominus Deus Israel: Ego unxi te in regem super Israel, et ego erui te de manu Saul, et dedi tibi domum domini tui, et uxores domini tui in sinu tuo, dedique tibi domum Israel et Juda; et si parva sunt ista, adjiciam tibi multo majora. Quare ergo contempsisti verbum Domini, ut faceres malum in conspectu meo? Uriam Hethæum percussisti gladio, et uxorem illius accepisti in uxorem tibi, et interfecisti eum gladio filiorum Ammon.

¶. Deus omnium, p. 455.

*Lectio iij.*

**Q**UAMOBREM non recedet gladius de domo tua usque in sempiternum, eo quod despexeris me, et tuleris uxorem Uriæ Hethæi: ut esset uxor tua. Itaque hæc dicit Dominus; Ecce ego suscitabo super te malum de domo tua, et tollam uxores tuas in oculis tuis, et dabo proximo tuo, et dormiet cum uxoribus tuis in oculis solis hujus. Tu enim fecisti abscondite: ego autem faciam verbum istud in conspectu omnis Israel, et in conspectu solis. Et dixit David ad Nathan: Peccavi Domino. Dixitque Nathan ad David: Dominus quoque transtulit peccatum tuum: non morieris. Verumtamen, quoniam blasphemare fecisti inimicos Domini propter verbum hoc, filius, qui natus est tibi, morte morietur. Et reversus est Na-

than in domum suam. Percussit quoque Dominus parvulum, quem pepererat uxor Uriæ David, et desperatus est. Deprecatusque est David Dominum pro parvulo, et jejunavit David jejuniis, et ingressus seorsum, jacuit super terram.

¶ Dominus qui eripuit, p. 433.

IN II. NOCTURNO.

Ex libro sancti Ambrosii Episcopi de Apologia David.

Lectio iv.

Apolog. I. 2.

**U**NUSQUISQUE nostrum per singulas horas quam multa delinquit! nec tamen unusquisque de plebe peccatum suum confitendum putat. Ille rex tantus ac potens, ne exiguo quidem momento manere penes se delicti passus est conscientiam: sed præmatura confessione, atque immenso dolore reddidit peccatum suum Domino. Quem mihi nunc facile reperias honoratum ac divitem, qui, si arguatur alicujus culpæ reus, non moleste ferat? At ille regio clarus imperio, tot divinis probatus oraculis, cum a privato homine corripere quod graviter deliquisset, non indignatus infremuit, sed confessus ingemuit culpam dolore.

¶ Percussit Saul mille, p. 433.

Lectio v.

**D**ENIQUE Dominum dolor intimi movit affectus, ut Nathan diceret: Quoniam pœnituit te, et Dominus abstulit peccatum tuum. Maturitas itaque veniæ profundam regis fuisse pœnitentiam declaravit, quæ tanti erroris offensam traduxerit. Alii homines cum a sacerdotibus corripuntur, peccatum suum ingravant, dum negare cupiunt aut defendere, ibique eorum lapsus est major, ubi speratur correctio. Sancti autem Domini, qui consummare pium certamen gestiunt, et currere cursum salutis, sicubi forte ut homines corruerint, naturæ magis fragilitate, quam peccandi libidine, acriores ad currendum resurgunt, pudoris stimulo majora reparantes cer-

tamina: ut non solum nullum attulisse æstimetur lapsus impedimentum, sed etiam velocitatis incentiva cumulasse.

¶ Montes Gelboe, p. 436.

Lectio vj.

Cap. 4.

**P**ECCAVIT David, quod solent reges: sed pœnitentiam gessit, flevit, ingemuit, quod non solent reges. Confessus est culpam, obsecravit indulgentiam, humi stratus deploravit ærumnam, jejunavit, oravit, confessionis suæ testimonium in perpetua sæcula vulgato dolore transmisit. Quod erubescunt facere privati, rex non erubuit confiteri. Qui tenentur legibus, audent suum negare peccatum, dedignantur rogare indulgentiam, quam petebat qui nullis legibus tenebatur humanis. Quod peccavit, conditionis est; quod supplicavit, correctionis. Lapsus communis, sed specialis confessio. In culpam itaque incidisse, naturæ est; diluisse, virtutis.

¶ Ego te tuli, p. 436.

In III. Noct. ¶ vij. et viij. ut ibid.

FERIA SECUNDA.

De libro secundo Regum.

Lectio j.

Cap. 13.

**P**ORRO non est locutus Absalom ad Amnon, nec malum nec bonum: oderat enim Absalom Amnon, eo quod violasset Thamar sororem suam. Factum est autem post tempus biennii, ut tonderentur oves Absalom in Baalhasor, quæ est juxta Ephraim, et vocavit Absalom omnes filios regis, venitque ad regem, et ait ad eum: Ecce tondentur oves servi tui: veniat, oro, rex cum servis suis ad servum suum. Dixitque rex ad Absalom: Noli, fili mi, noli rogare ut veniamus omnes, et grave-mus te. Cum autem cogeret eum, et noluisset ire, benedixit ei.

¶ Recordare Domine, p. 436.

Lectio ij.

**E**T ait Absalom: Si non vis venire, veniat, obsecro, nobiscum



saltem Amnon frater meus. Dixitque ad eum rex : Non est necesse ut vadat tecum. Coegit itaque Absalom eum , et dimisit eum eo Amnon , et universos filios regis. Feceratque Absalom convivium quasi convivium regis. Præceperat autem Absalom pueris suis , dicens : Observate cum tumultuosus fuerit Amnon vino , et dixerō vobis : Percutite eum , et interficite , nolite timere : ego enim sum qui præcipio vobis : roboramini , et estote viri fortes. Fecerunt ergo pueri Absalom adversum Amnon , sicut præceperat eis Absalom. Surgentesque omnes filii regis , ascenderunt singuli mulas suas , et fugerunt.

¶. Exandisti Domine , p. 457.

*Lectio iij.*

**CUMQUE** adhuc pergerent in itinere , fama pervenit ad David , dicens : Percussit Absalom omnes filios regis , et non remansit ex eis saltem unus. Surrexit itaque rex , et scidit vestimenta sua , et cecidit super terram ; et omnes servi illius , qui assistebant ei , sciderunt vestimenta sua. Respondens autem Jonadab filius Semmaa fratris David , dixit : Ne æstimet dominus meus rex quod omnes pueri filii regis occisi sunt , Amnon solus mortuus est , quoniam in ore Absalom erat positus ex die qua oppressit Thamar sororem ejus. Nunc ergo ne ponat dominus meus rex super cor suum verbum istud , dicens : Omnes filii regis occisi sunt , quoniam Amnon solus mortuus est. Fugit autem Absalom.

¶. Audi Domine , p. 457.

### FERIA TERTIA.

De libro secundo Regum.

*Lectio j. Cap. 14.*

**CUM** ingressa fuisset mulier Thecuis ad regem , cecidit coram eo super terram , et adoravit , et dixit : Serva me , rex. Et ait ad eam rex : Quid causæ habes ? Quæ respondit : Heu , mulier vidua ego sum ; mor-

tuus est enim vir meus. Et ancillæ tuæ erant duo filii , qui rixati sunt adversum se in agro , nullusque erat qui eos prohibere posset , et percussit alter alterum , et interfecit eum. Et ecce consurgens universa cognatio adversum ancillam tuam , dicit : Trade eum , qui percussit fratrem suum , ut occidamus eum pro anima fratris sui quem interfecit , et deleamus hæredem : et quærunt extinguere scintillam meam , quæ relicta est , ut non supersit viro meo nomen , et reliquie super terram.

¶. Domine si conversus , p. 457.

*Lectio ij.*

**ET** ait rex : Qui contradixerit tibi , adduc eum ad me , et ultra non addet ut tangat te. Quæ ait : Recordetur rex Domini Dei sui , ut non multiplicentur proximi sanguinis ad ulciscendum , et nequaquam interficiant filium meum. Qui ait : Vivit Dominus , quia non cadet de capillis filii tui super terram. Dixit ergo mulier : Loquatur ancilla tua ad dominum meum regem verbum. Et ait : Loquere. Dixitque mulier : Quare cogitasti hujuscemodi rem contra populum Dei , et locutus est rex verbum istud , ut peccet , et non reducat ejectionem suam ? Omnes morimur , et quasi aquæ dilabimur in terram , quæ non revertuntur ; nec vult Deus perire animam , sed retractat cogitans ne penitus pereat qui abjectus est.

¶. Factum est dum , p. 457.

*Lectio iij.*

**ET** ait rex : Numquid manus Joab tecum est in omnibus istis ? Respondit mulier , et ait : Per salutem animæ tuæ , domine mi rex , nec ad sinistram , nec ad dexteram est ex omnibus his quæ locutus est dominus meus rex : servus enim tuus Joab ipse præcepit mihi , et ipse posuit in os ancillæ tuæ omnia verba hæc. Ut verterem figuram sermonis hujus , servus tuus Joab præcepit istud : tu autem , domine mi rex , sapiens es ,

sicut habet sapientiam Angelus Dei, ut intelligas omnia super terram. Et ait rex ad Joab : Ecce placatus feci verbum tuum : vade ergo , et revoca puerum Absalom.

ñ. Ego te tuli , p. 456.

### FERIA QUARTA

De libro secundo Regum.

Lectio j. Cap. 15.

**IGITUR** post hæc fecit sibi Absalom currus , et equites , et quinquaginta viros , qui præcederent eum. Et mane consurgens Absalom , stabat juxta introitum portæ , et omnem virum , qui habebat negotium ut veniret ad regis judicium , vocabat Absalom ad se , et dicebat : De qua civitate es tu ? Qui respondens aiebat : Ex una tribu Israel ego sum servus tuus. Respondebatque ei Absalom : Videntur mihi sermones tui boni et justis ; sed non est qui te audiat constitutus a rege.

ñ. Peccavi super , p. 456.

Lectio ij.

**DICEBATQUE** Absalom : Quis me constituat judicem super terram , ut ad me veniant omnes qui habent negotium , et juste judicem ? Sed et cum accederet ad eum homo ut saluaret illum , extendebat manum suam , et apprehendens osculabatur eum. Faciebatque hoc omni Israel venienti ad judicium ut audiretur a rege , et sollicitabat corda virorum Israel.

ñ. Exaudisti Domine , p. 457.

Lectio iij.

**POST** quadraginta autem annos dixit Absalom ad regem David : Vadam , et reddam vota mea quæ vovi Domino in Hebron. Vovens enim vovit servus tuus , cum esset in Gessur Syriæ , dicens : Si reduxerit me Dominus in Jerusalem , sacrificabo Domino. Dixitque ei rex David : Vade in pace. Et surrexit , et abiit in Hebron. Misit autem Absalom exploratores in universas tribus Israel,

dicens : Statim ut audieritis clangorem buccinæ , dicite : Regnavit Absalom in Hebron.

### FERIA QUINTA.

De libro secundo Regum.

Lectio j. Cap. 15.

**VENIT** igitur nuntius ad David , dicens : Toto corde universus Israel sequitur Absalom. Et ait David servis suis , qui erant cum eo in Jerusalem : Surgite , fugiamus ; neque enim erit nobis effugium a facie Absalom. Festinate egredi , ne forte veniens occupet nos , et impellat super nos ruinam , et percutiat civitatem in ore gladii. Dixeruntque servi regis ad eum : Omnia quæcumque præceperit dominus noster rex , libenter exequemur servi tui.

ñ. Præparate corda , p. 455.

Lectio ij.

**EGRESSUS** est ergo rex , et universa domus ejus , pedibus suis ; et dereliquit rex decem mulieres concubinas ad custodiendam domum. Egressusque rex et omnis Israel pedibus suis , stetit procul a domo ; et universi servi ejus ambulabant juxta eum , et legiones Cerethi , et Phelethi , et omnes Gethæi , pugnatores validi , sexcenti viri , qui secuti eum fuerant de Geth pedites , præcedebant regem.

ñ. Deus omnium , p. 455.

Lectio iij.

**DIXIT** autem rex ad Ethal Gethæum : Cur venis nobiscum ? revertero , et habita cum rege , quia peregrinus es , et egressus es de loco tuo. Heri venisti , et hodie compelleris nobiscum egredi ? ego autem vadam quo iturus sum : revertere , et reduc tecum fratres tuos , et Dominus faciet tecum misericordiam et veritatem , quia ostendisti gratiam et fidem.

ñ. Dominus qui eripuit , p. 455.

### FERIA SEXTA.

De libro secundo Regum.

*Lectio j. Cap. 16.*

**V**ENIT ergo rex David usque Bahurim; et ecce egrediebatur inde vir de cognatione domus Saul, nomine Semei, filius Gera, procedebatque egrediens, et maledicebat, mittebatque lapides contra David, et contra universos servos regis David. Omnis autem populus, et universi bellatores a dextro et a sinistro latere regis incedebant. Ita autem loquebatur Semei cum malediceret regi: Egredere, egredere, vir Belial. Reddidit tibi Dominus universum sanguinem domus Saul, quoniam invasisti regnum pro eo.

¶. Percussit Saul, p. 456.

*Lectio ij.*

**D**IXIT autem Abisai filius Sarviae regi: Quare maledicit canis hic mortuus domino meo regi? Vadam, et amputabo caput ejus. Et ait rex: Quid mihi et vobis est, filii Sarviae? Dimittite eum ut maledicat: Dominus enim præcepit ei ut malediceret David, et quis est qui audeat dicere, quare sic fecerit?

¶. Montes Gelboe, p. 456.

*Lectio iij.*

**E**T ait Abisai et universis servis suis: Ecce filius meus, qui egressus est de utero meo, quærit animam meam, quanto magis nunc filius Jemini? Dimittite eum ut maledicat juxta præceptum Domini, si forte respiciat Dominus afflictionem meam, et reddat mihi Dominus bonum pro maledictione hac hodierna.

¶. Ego te tuli, p. 456.

### SABBATO.

De libro secundo Regum.

*Lectio j. Cap. 18.*

**E**GRESSUS est populus in campum contra Israel, et factum est prælium in saltu Ephraim. Et cæsus est ibi populus Israel ab exercitu David, factaque est plaga magna in die illa, viginti millium. Fuit autem ibi prælium dispersum super faciem o-

mnis terræ, et multo plures erant quos saltus consumpserat de populo, quam hi quos voraverat gladius in die illa.

¶. Peccavi super, p. 456.

*Lectio ij.*

**A**CCIDIT autem ut occurreret Absalom servis David, sedens mulo; cumque ingressus fuisset mulus subter condensam quercum et magnam, adhæsit caput ejus quercui; et illo suspensio inter cælum et terram, mulus cui insederat, pertransiuit. Vidit autem hoc quispiam, et nuntiavit Joab, dicens: Vidi Absalom pendere de quercu. Et ait Joab viro qui nuntiaverat ei: Si vidisti, quare non confodisti eum cum terra, et ego dedissem tibi decem argenti siclos, et unum balteum? Qui dixit ad Joab: Si appenderes in manibus meis mille argenteos, nequaquam mitterem manum meam in filium regis: audientibus enim nobis præcepit rex tibi, et Abisai, et Ethai, dicens: Custodite mihi puerum Absalom.

¶. Exaudisti Domine, p. 457.

*Lectio iij.*

**E**T ait Joab: Non sicut tu vis, sed aggrediar eum coram te. Tulit ergo tres lanceas in manu sua, et infixit eas in corde Absalom; cumque adhuc palpitaret hærens in quercu, cucurrerunt decem juvenes armigeri Joab; et percutientes interfecerunt eum. Cecinit autem Joab buccina, et retinuit populum ne persequeretur fugientem Israel, volens parcere multitudini. Et tulerunt Absalom, et projecerunt eum in saltu in foveam grandem, et comportaverunt super eum acervum lapidum magnum nimis.

¶. Audi Domine, p. 457.

*Ad Magnif. Ant.* Unxerunt Salomonem Sadoc sacerdos, et Nathan Propheta, regem in Gihon, et ascendentes læti dixerunt: Vivat rex in æternum.

*Nisi ponenda sit Ant. pro Dom. I. Augusti: quia tunc, omissis Ant. et Lect. de libris Regum, ponuntur*



de libris Salomonis : quod etiam servatur in seq. Hebdomadis.

**DOM. VII. POST PENT.**

**IN I. NOCTURNO.**

Incepit liber tertius Regum.

*Lectio j. Cap. i.*

**ET** rex David senuerat, habebatque ætatis plurimos dies, cumque operiretur vestibus, non calefiebat. Dixerunt ergo ei servi sui: Quæramus domino nostro regi adolescentulam virginem, et stet coram rege, et foveat eum, dormiatque in sinu suo, et calefaciat dominum nostrum regem. Quæsierunt igitur adolescentulam speciosam in omnibus finibus Israel, et invenerunt Abisag Sunamitidem, et adduxerunt eam ad regem. Erat autem puella pulchra nimis, dormiebatque cum rege, et ministrabat ei: rex vero non cognovit eam.

¶. *Præparate corda, p. 433.*

*Lectio ij.*

**ADONIAS** autem filius Haggith elevabatur, dicens: Ego regnabo. Fecitque sibi currus, et equites, et quinquaginta viros, qui currerent ante eum. Nec corripuit eum pater suus aliquando, dicens: Quare hoc fecisti? Erat autem et ipse pulcher valde, secundus natus post Absalom. Et sermo ei cum Joab filio Sarviæ, et cum Abiathar sacerdote, qui adjuvabant partes Adoniæ. Sadoc vero sacerdos, et Banaias filius Joiadæ, et Nathan Propheta, et Semei, et Rei, et robur exercitus David non erat cum Adoniæ.

¶. *Deus omnium, p. 433.*

*Lectio iij.*

**DIXIT** itaque Nathan ad Bethsabee matrem Salomonis: Num audisti quod regnaverit Adonias filius Haggith, et dominus noster David hoc ignorat? Nunc ergo veni, accipe consilium a me, et salva animam tuam, filiique tui Salomonis. Vade, et ingredere ad regem David, et dic

ei: Nonne tu, domine mi rex, jurasti mihi ancillæ tuæ, dicens: Salomon filius tuus regnabit post me, et ipse sedebit in solio meo? quare ergo regnat Adonias? Et adhuc ibi te loquente cum rege, ego veniam post te, et complebo sermones tuos. Ingressa est itaque Bethsabee ad regem in cubiculum.

¶. *Dominus qui eripuit, p. 433.*

**IN II. NOCTURNO.**

Ex Epistola S. Hieronymi Presbyteri ad Nepotianum.

*Lectio iv. Epist. 2. tom. I.*

**DAVID** annos natus septuaginta, bellicosus quondam vir, senectute frigescente, non poterat calefieri. Quæritur itaque puella de universis finibus Israel Abisag Sunamitis, quæ cum rege dormiret, et senile corpus calefaceret. Quæ est ista Sunamitis, uxor et virgo, tam servens ut frigidum calefaceret, tam sancta, ut calentem ad libidinem non provocaret? Exponat sapientissimus Salomon patris sui delicias, et pacificus bellatoris viri narret amplexus. Posside sapientiam, posside intelligentiam. Ne obliviscaris, et ne declinaveris a verbis oris mei: neque derelinquas illam, et apprehendet te, ama illam, et servabit te. Principium sapientiæ, posside sapientiam; et in omni possessione tua posside intelligentiam; circumda illam, et amplexabitur te, ut det capiti tuo coronam gratiarum. Corona quoque deliciarum proteget te.

¶. *Percussit Saul, p. 433.*

*Lectio v.*

**OMNES** pene virtutes corporis mutantur in senibus, et crescente sola sapientia, decrescunt cætera: jejunia, vigiliæ, chameuniæ, id est super pavementum dormitiones, huc illicque discursus, peregrinorum susceptio, defensio pauperum, instantia orationum et perseverantia, visitatio languentium, labor manuum unde præbeantur elemosynæ. Et ne sermonem longius protraham, cuncta quæ

per corpus exercentur, fracto corpore, minora fiunt.

¶. Montes Gelboe, p. 436.

*Lectio vj.*

**N**EC hoc dico, quod in juvenibus et adhuc solidioris ætatis, his dumtaxat, qui labore et ardentissimo studio, vitæ quoque sanctimonia, et orationis ad Dominum Jesum frequentia scientiam consecuti sunt, frigeat sapientia, quæ in plerisque senibus ætate marcescit; sed quod adolescentia multa corporis bella sustineat, et inter incentiva vitiorum, et carnis titillationes, quasi ignis in lignis viridibus suffocetur, ut suum non possit explicare fulgorem. Senectus vero rursus eorum, qui adolescentiam suam honestis artibus instruxerunt, et in lege Domini meditati sunt die ac nocte, ætate fit doctior, usu tritior, processu temporis sapientior, et veterum studiorum dulcissimos fructus metit.

¶. Ego te tuli, p. 436.

*In III. Noct. ¶. vij. et viij. ut ibid.*

## FERIA SECUNDA

De libro tertio Regum.

*Lectio j. Cap. 1.*

**E**T respondit rex David, dicens: **V**ocate ad me Bethsabæ. Quæ cum fuisset ingressa coram rege, et stetisset ante eum, juravit rex, et ait: Vivit Dominus qui eruit animam meam de omni angustia, quia sicut juraui tibi per Dominum Deum Israel, dicens: Salomon filius tuus regnabit post me, et ipse sedebit super solium meum pro me, sic faciam hodie. Summissoque Bethsabæ in terram vultu, adoravit regem, dicens: Vivat dominus meus David in æternum.

¶. Recordare Domine, p. 436.

*Lectio ij.*

**D**IXIT quoque rex David: **V**ocate mihi Sadoc sacerdotem, et Nathan Prophetam, et Banaiam filium Joiadæ. Qui cum ingressi fuissent coram rege, dixit ad eos: Tollite

vobiscum servos domini vestri, et imponite Salomonem filium meum super mulam meam, et ducite eum in Gihon, et unget eum ibi Sadoc sacerdos, et Nathan Propheta, in regem super Israel; et canetis buccina, atque dicetis: Vivat rex Salomon. Et ascendetis post eum, et veniet, et sedebit super solium meum, et ipse regnabit pro me.

¶. Exaudisti Domine, p. 437.

*Lectio iij.*

**D**ESCENDIT ergo Sadoc sacerdos, et Nathan Propheta, et Banaias filius Joiadæ, et Cerethi, et Phelethi, et imposuerunt Salomonem super mulam regis David, et adduxerunt eum in Gihon. Sumpsitque Sadoc sacerdos cornu olei de tabernaculo, et unxit Salomonem, et cecinerunt buccina, et dixit omnis populus: Vivat rex Salomon. Et ascendit universa multitudo post eum, et populus canentium tibiis, et lætantium gaudio magno, et insonuit terra a clamore eorum.

¶. Audi Domine, p. 437.

## FERIA TERTIA

De libro tertio Regum.

*Lectio j. Cap. 1.*

**A**PPROPINQUAVERUNT autem dies David ut moreretur, præcepitque Salomoni filio suo, dicens: Ego ingredior viam universæ terræ; confortare, et esto vir. Et observa custodias Domini Dei tui, ut ambules in viis ejus, ut custodias cæremonias ejus, et præcepta ejus, et judicia, et testimonia, sicut scriptum est in lege Moysi: ut intelligas universa quæ facis, et quocumque te verteris, ut confirmet Dominus sermones suos, quos locutus est de me, dicens: Si custodierint filii tui vias suas, et ambulaverint coram me in veritate, in omni corde suo, et in omni anima sua, non auferetur tibi vir de solio Israel.

¶. Domine si conversus, p. 437.

*Lectio ij.*

**TU** quoque nosti quæ fecerit mihi Joab filius Sarviam, quæ fecerit duobus principibus exercitus Israel, Abner filio Ner, et Amasæ filio Jothar, quos occidit et effudit sanguinem belli in pace, et posuit cruorem prælii in balteo suo, qui erat circa lumbos ejus, et in calceamento suo, quod erat in pedibus ejus. Facies ergo juxta sapientiam tuam, et non deduces canitiem ejus pacifice ad inferos.

¶. Factum est dum, p. 457.

*Lectio iij.*

**SED** et filiis Berzellai Galaaditis reddes gratiam, eruntque comedentes in mensa tua. Occurrerunt enim mihi, quando fugiebam a facie Absalom fratris tui. Habes quoque apud te Semei filium Gera, filii Jermini de Bahorim, qui maledixit mihi maledictione pessima, quando ibam ad castra: sed quia descendit mihi in occursum cum transirem Jordanem, et juravi ei per Dominum, dicens: Non te interficiam gladio; tu noli poti eum esse innoxium.

¶. Ego te tuli, p. 456.

**FERIA QUARTA.**

De libro tertio Regum.

*Lectio j. Cap. 3.*

**APPARUIT** autem Dominus Salomoni per somnium nocte, dicens: Postula quod vis ut dem tibi. Et ait Salomon; Tu fecisti cum servo tuo David patre meo misericordiam magnam, sicut ambulavit in conspectu tuo in veritate et justitia, et recto corde tecum: custodisti ei misericordiam tuam grandem, et dedisti ei filium sedentem super thronum ejus, sicut est hodie.

¶. Peccavi super, p. 456.

*Lectio ij.*

**ET** nunc, Domine Deus, tu regnare fecisti servum tuum pro David patre meo: ego autem sum puer parvulus, et ignorans egressum

et introitum meum. Et servus tuus in medio est populi, quem elegisti, populi infiniti, qui numerari et supputari non potest pro multitudine. Dabis ergo servo tuo cor docile, ut populum tuum judicare possit, et discernere inter bonum et malum. Quis enim poterit judicare populum istum, populum tuum hunc multum?

¶. Exaudisti Domine, p. 457.

*Lectio iij.*

**PLACUIT** ergo sermo coram Domino, quod Salomon postulasset hujuscemodi rem. Et dixit Dominus Salomoni: Quia postulasti verbum hoc, et non petisti tibi dies multos nec divitias, aut animas inimicorum tuorum, sed postulasti tibi sapientiam ad discernendum judicium, ecco feci tibi secundum sermones tuos, et dedi tibi cor sapiens et intelligens, in tantum ut nullus ante te similis tui fuerit, nec post te surrecturus sit. Sed et hæc quæ non postulasti, dedi tibi; divitias scilicet, et gloriam, ut nemo fuerit similis tui in regibus cunctis retro diebus.

¶. Audi Domine, p. 457.

**FERIA QUINTA.**

De libro tertio Regum.

*Lectio j. Cap. 6.*

**SALOMON** autem erat in ditione sua habens omnia regna a flumine terræ Philistii usque ad terminum Ægypti, offerentium sibi munera, et servientium ei cunctis diebus vitæ ejus. Erat autem cibus Salomonis per dies singulos triginta cori similæ, et sexaginta cori farinæ, decem boves pingues, et viginti boves pascuales, et centum arietes, excepta venatione cervorum, caprearum, atque bubalorum, et avium altilium. Ipse enim obtinebat omnem regionem, quæ erat trans flumen a Thaphsa usque ad Gazan, et cunctos reges illarum regionum, et habebat pacem ex omni parte in circuitu.

¶. Præparate corda, p. 458.



*Lectio ij.*

**H**ABITABATQUE Juda et Israel absque timore ullo, unusquisque sub vite sua, et sub ficu sua, a Dan usque Bersabee cunctis diebus Salomonis. Et habebat Salomon quadraginta millia præsepia equorum curilium, et duodecim millia equestrium. Nutriebantque eos supradicti regis præfecti: sed et necessaria mensæ regis Salomonis cum ingenti cura præbebant in tempore suo. Hordeum quoque et paleas equorum et jumentorum deferabant in locum ubi erat rex, juxta constitutum sibi. Dedit quoque Deus sapientiam Salomoni, et prudentiam multam nimis, et latitudinem cordis quasi arenam, quæ est in littore maris.

q. Deus omnium, p. 438.

*Lectio iij.*

**E**T præcedebat sapientia Salomonis sapientiam omnium Orientalium et Ægyptiorum, et erat sapientior cunctis hominibus, sapientior Ethan Ezrahita, et Heman, et Chalcol, et Dorda, filiis Mahol; et erat nominatus in universis gentibus per circuitum. Locutus est quoque Salomon tria millia parabolas, et fuerunt carmina ejus quinque et mille. Et disputavit super lignis a cedro quæ est in Libano, usque ad byssopum quæ egreditur de pariete; et disseruit de jumentis, et volucris, et reptilibus, et piscibus. Et veniebant de cunctis populis ad audiendam sapientiam Salomonis, et ab universis regibus terræ, qui audiebant sapientiam ejus.

q. Dominus qui eripuit, p. 438.

**FERIA SEXTA**

De libro tertio Regum.

*Lectio j.*

## Cap. 5.

**M**ISIT quoque Hiram rex Tyri servos suos ad Salomonem: audivit enim quod ipsum unxissent regem pro patre ejus, quia amicus fuerat Hiram David omni tempore. Misit autem Salomon ad Hiram, dicens: Tu scis voluntatem David patris mei, et

quia non potuerit ædificare domum nomini Domini Dei sui propter bellam imminentiā per circuitum, donec daret Dominus eos sub vestigio pedum ejus. Nunc autem requiem dedit Dominus Deus meus mihi per circuitum, et non est satan, neque occursus malus.

q. Percussit Saul, p. 435.

*Lectio ij.*

**Q**UAMOBREM cogito ædificare templum nomini Domini Dei mei, sicut locutus est Dominus David patri meo, dicens: Filius tuus, quem dabo pro te super solium tuum, ipse ædificabit domum nomini meo. Præcipe igitur ut præcidant mihi servi tui cedros de Libano, et servi mei sint cum servis tuis; mercedem autem servorum tuorum dabo tibi quamcumque petieris: scis enim quomodo non est in populo meo vir qui noverit ligna cedere sicut Sidonii.

q. Montes Gelboe, p. 436.

*Lectio iij.*

**C**UM ergo audisset Hiram verba Salomonis, lætatus est valde, et ait: Benedictus Dominus Deus hodie, qui dedit David filium sapientissimum super populum hunc plurimum. Et misit Hiram ad Salomonem, dicens: Audivi quæcumque mandasti mihi: ego faciam omnem voluntatem tuam in lignis cedrinis et abiegnis. Servi mei deponent ea de Libano ad mare, et ego componam ea in ratibus in mari usque ad locum quem significaveris mihi, et applicabo ea ibi, et tu tolles ea, præbebisque necessaria mihi, ut detur cibus domui meæ.

q. Ego te tuli, p. 436.

**SABBATO.**

De libro tertio Regum.

*Lectio j.*

## Cap. 7. et 8.

**E**T perfecit omne opus, quod faciebat Salomon in domo Domini, et intulit quæ sanctificaverat David pater suus argentum et aurum et vasa, reposuitque in thesauris domus

Domini. Tunc congregati sunt omnes majores natu Israel cum principibus tribuum, et duces familiarum filiorum Israel ad regem Salomonem in Jerusalem, ut deferrent arcam fœderis Domini de civitate David, id est, de Sion. Convenitque ad regem Salomonem universus Israel in mense Ethanim, in solempni die, ipse est mensis septimus.

¶. *Peccavi super, p. 456.*

*Lectio ij.*

**V**ENERUNTQUE cuncti senes de Israel, et tulerunt arcam sacerdotes, et portaverunt arcam Domini, et tabernaculum fœderis, et omnia vasa Sanctuarii quæ erant in tabernaculo, et ferebant ea sacerdotes et Levitæ. Rex autem Salomon et omnis multitudo Israel, quæ convenerat ad eum, gradiebatur cum illo ante arcam, et immolabant oves et boves absque æstimatione et numero. Et intulerunt sacerdotes arcam fœderis Domini in locum suum, in oraculum templi, in Sanctum sanctorum, subter alas Cherubim. Siquidem Cherubim expandebant alas super locum arcæ, et protegebant arcam, et vectes ejus desuper.

¶. *Exaudisti Domine, p. 457.*

*Lectio iij.*

**I**N arca autem non erat aliud, nisi due tabulæ lapideæ, quas posuerat in ea Moyses in Horeb, quando pepigit Dominus fœdus cum filiis Israel, cum egrederentur de terra Ægypti. Factum est autem, cum essent sacerdotes de Sanctuario, nebula implevit domum Domini, et non poterant sacerdotes stare et ministrare propter nebulam: impleverat enim gloria Domini domum Domini. Tunc ait Salomon: Dominus dixit ut habitaret in nebula.

¶. *Audi Uomine, p. 457.*

*Ad Magnif. Ant.* Exaudisti, Domine, orationem servi tui, ut ædificarem templum nomini tuo.

## DOM. VIII. POST PENT.

IN I. NOCTURNO.

De libro primo Regum.

*Lectio j.*

*Cap. 9.*

**F**ACTUM est autem cum perfecisset Salomon ædificium domus Domini, et ædificium regis, et omne quod optaverat et voluerat facere, apparuit ei Dominus secundo, sicut apparuerat ei in Gabaon. Dixitque Dominus ad eum: Exaudiui orationem tuam et deprecationem tuam, quam deprecatus es coram me: sanctificavi domum hanc, quam ædificasti, ut ponerem nomen meum ibi in sempiternum, et erunt oculi mei et cor meum ibi cunctis diebus. Tu quoque si ambulaveris coram me, sicut ambulavit pater tuus, in simplicitate cordis et in æquitate, et feceris omnia quæ præcepi tibi, et legitima mea et judicia mea servaveris, ponam thronum regni tui super Israel in sempiternum, sicut locutus sum David patri tuo, dicens: Non auferetur vir de genere tuo de solio Israel.

¶. *Præparate corda, p. 455.*

*Lectio ij.*

**S**I autem aversione aversi fueritis vos et filii vestri, non sequentes me, nec custodientes mandata mea, et cæremonias meas, quas proposui vobis, sed abieritis et colueritis deos alienos, et adoraveritis eos, auferam Israel de superficie terræ, quam dedi eis: et templum, quod sanctificavi nomini meo, projiciam a conspectu meo, eritque Israel in proverbium et in fabulam cunctis populis. Et domus hæc erit in exemplum. Omnis qui transierit per eam, stupebit, et sibilabit, et dicet: Quare fecit Dominus sic terræ huic, et domui huic? Et respondebunt: Quia dereliquerunt Dominum Deum suum, qui eduxit patres eorum de terra Ægypti, et secuti sunt deos alienos, et adoraverunt eos, et coluerunt eos, idcirco induxit Dominus super eos omne malum hoc.

¶. *Deus omnium, p. 455.*

**EXPLETIS** autem annis viginti postquam ædificaverat Salomon duas domos, id est, domum Domini, et domum regis (Hiram rege Tyri præbente Salomoni ligna cedrina et abiegna, et aurum juxta omne quod opus habuerat) tunc dedit Salomon Hiram viginti oppida in terra Galilææ. Et egressus est Hiram de Tyro ut videret oppida quæ dederat ei Salomon, et non placuerunt ei, et ait: Hæccine sunt civitates, quas dedisti mihi, frater? Et appellavit eas terram Chabul, usque in diem hanc. Misit quoque Hiram ad regem Salomonem centum viginti talenta auri.

q. Dominus qui eripuit, p. 453.

#### IN II. NOCTURNO.

Ex libro sancti Augustini Episcopi de Civitate Dei.

*Lectio iv. Lib. 17. cap. 8.*

**FACTA** est quidem non nulla imago rei futuræ etiam in Salomone, in eo quod templum ædificavit, et pacem habuit secundum nomen suum (Salomon quippe pacificus est latine) et in exordio regni sui mirabiliter laudabilis fuit. Sed eadem sua persona per umbram futuri prænu- tiabat etiam ipse Christum Dominum nostrum, non exhibebat. Unde quædam de illo ita scripta sunt, quasi de ipso ista prædicta sint, dum Scriptura sancta etiam rebus gestis prophetans, quodammodo in eo figuram delineat futurorum.

q. Percussit Saul, p. 453.

*Lectio v.*

**NAM** præter libros divinæ histo- riæ, ubi regnasse narratur, psalmus etiam septuagesimus primus titulo nominis ejus inscriptus est. In quo tam multa dicuntur, quæ omni- no ei convenire non possunt, Domino autem Christo aptissima perspicuitate conveniunt, ut evidenter appareat quod in illo figura qualiscumque adumbrata sit, in isto autem, ipsa veritas præsentata.

q. Montes Gelboe, p. 456.

*Lectio vj.*

**NOTUM** est enim quibus terminis regnum conclusum fuerit Salomonis, et tamen in eo psalmo legi- tur, ut alia taceam: Dominabitur a mari usque ad mare, et a flumine usque ad terminos orbis terræ, quod in Christo videmus impleri. A flumi- ne quippe dominaudi sumpsit exor- dium, ubi baptizatus a Joanne, eo- dem monstrante, coepit agnosci a di- scipulis, qui eum non solum magi- strum, verum etiam Dominum appel- laverunt.

q. Ego te tuli, p. 456.

In III. Noct. q. vij. et. viij ut ibid.

#### FERIA SECUNDA.

De libro tertio Regum.

*Lectio j. Cap. 10.*

**SED** et regina Saba, audita fama Salomonis in nomine Domini, ve- nit tentare eum in ænigmatibus. Et ingressa Jerusalem multo cum comi- tatu et divitiis, camelis portantibus aromata, et aurum infinitum nimis, et gemmas pretiosas, venit ad regem Salomonem, et locuta est ei univer- sa quæ habebat in corde suo. Et de- cuit eam Salomon omnia verba, quæ proposuerat: non fuit sermo, qui re- gem posset latere, et non responde- ret ei.

q. Recordare Domine, p. 456.

*Lectio ij.*

**VIDENS** autem regina Saba om- nem sapientiam Salomonis, domum quam ædificaverat, et cibos mensæ ejus, et habitacula servorum, et ordines ministrantium, vestesque eorum, et pincernas, et holocausta quæ offerebat in domo Domini, non habebat ultra spiritum. Dixitque ad regem: Verus est sermo, quem au- divi in terra mea, super sermonibus tuis, et super sapientia tua, et non credebam narrantibus mihi, donec ipsa veni, et vidi oculis meis, et pro-



bavi quod media pars mihi nuntiata non fuerit; major est sapientia et opera tua, quam rumor quem audivi.

¶. *Exaudisti Domine, p. 457.*

*Lectio iij.*

**BEATI** viri tui, et beati servi tui qui stant coram te semper, et audiunt sapientiam tuam. Sit Dominus Deus tuus benedictus, cui complacuisti, et posuit te super thronum Israel, eo quod dilexerit Dominus Israel in sempiternum, et constituit te regem, ut faceres iudicium et justitiam. Dedit ergo regi centum viginti talenta auri, et aromata multa nimis, et gemmas pretiosas: non sunt allata ultra aromata tam multa, quam ea quæ dedit regina Saba regi Salomoni. Sed et classis Hiram, quæ portabat aurum de Ophir, attulit ex Ophir ligna thyina multa nimis et gemmas pretiosas.

¶. *Audi Domine, p. 457.*

### FERIA TERTIA

De libro tertio Regum.

*Lectio j. Cap. 11.*

**REX** autem Salomon adamavit mulieres alienigenas multas, filiam quoque Pharaonis, et Moabitidas, et Ammonitidas, Idumæas, et Sidonias, et Hethæas; de Gentibus super quibus dixit Dominus filiis Israel: Non ingrediemini ad eas, neque de illis ingredientur ad vestras: certissime enim avertent corda vestra, ut sequamini deos earum. His itaque copulatus est Salomon ardentissimo amore. Fueruntque ei uxores quasi reginæ septingentæ, et concubinæ trecentæ; et averterunt mulieres cor ejus. Cumque jam esset senex, depravatum est cor ejus per mulieres, ut sequeretur deos alienos, nec erat cor ejus perfectum cum Domino Deo suo, sicut cor David patris ejus.

¶. *Domine si conversus, p. 457.*

*Lectio ij.*

**SED** colebat Salomon Astarthen deam Sidoniorum, et Moloch

idolum Ammonitarum. Fecitque Salomon quod non placuerat coram Domino, et non adimplevit ut sequeretur Dominum, sicut David pater ejus. Tunc ædificavit Salomon sanum Chamos idolo Moab, in monte qui est contra Jerusalem, et Moloch idolo filiorum Ammon. Atque in hunc modum fecit universis uxoribus suis alienigenis, quæ adolebant thura, et immolabant diis suis.

¶. *Factum est dum, p. 457.*

*Lectio iij.*

**IGITUR** iratus est Dominus Salomoni, quod aversa esset mens ejus a Domino Deo Israel, qui apparuerat ei secundo, et præceperat de verbo hoc, ne sequeretur deos alienos, et non custodivit quæ mandavit ei Dominus. Dixit itaque Dominus Salomoni: Quia habuisti hoc apud te, et non custodisti pactum meum, et præcepta mea quæ mandavi tibi, disrumpe scindam regnum tuum, et dabo illud servo tuo. Verumtamen in diebus tuis non faciam propter David patrem tuum.

¶. *Ego te tuli, p. 456.*

### FERIA QUARTA.

De libro tertio Regum.

*Lectio j. Cap. 11.*

**JEROBOAM** quoque filius Nabat Ephrathæus, de Sareda, servus Salomonis, cujus mater erat nomine Sarva, mulier vidua, levavit manum contra regem. Et hæc est causa rebellionis adversus eum, quia Salomon ædificavit Mello, et coæquavit voraginem civitatis David patris sui. Erat autem Jeroboam vir fortis et potens, vidensque Salomon adolescentem bonæ indolis et industrium, constituerat eum præfectum super tributa universæ domus Joseph.

¶. *Peccavi super, p. 456.*

*Lectio ij.*

**FACTUM** est igitur in tempore illo, ut Jeroboam egrederetur de Jerusalem; et inveniret eum Abias Silonites Propheta in via, opertus pal-

lio novo : erant autem duo tantum in agro. Apprehendensque Ahias pallium suum novum , quo coopertus erat , scidit in duodecim partes , et ait ad Jeroboam : Tolle tibi decem scissuras. Hæc enim dicit Dominus Deus Israel : Ecce ego scindam regnum de manu Salomonis , et dabo tibi decem tribus.

ñ. Exaudisti Domine , p. 457.

*Lectio iij.*

**N**OLUIT ergo Salomon interficere Jeroboam , qui surrexit , et aufugit in Ægyptum , ad Sesæ regem Ægypti , et fuit in Ægypto usque ad mortem Salomonis. Reliquum autem verborum Salomonis , et omnia quæ fecit , et sapientia ejus , ecce universa scripta sunt in libro verborum dierum Salomonis. Dies autem quos regnavit Salomon in Jerusalem super omnem Israel , quadraginta anni sunt. Dormivitque Salomon cum patribus suis , et sepultus est in civitate David patris sui , regnavitque Roboam filius ejus pro eo.

ñ. Audi Domine , p. 457.

## FERIA QUINTA.

De libro tertio Regum.

*Lectio j. Cap. 12.*

**V**ENIT autem Roboam in Sichem : Illuc enim congregatus erat omnis Israel ad constituendum eum regem. At vero Jeroboam filius Nabat , cum adhuc esset in Ægypto profugus a facie regis Salomonis , audita morte ejus , reversus est de Ægypto miseruntque et vocaverunt eum. Venit ergo Jeroboam , et omnis multitudo Israel , et locuti sunt ad Roboam , dicentes : Pater tuus durissimum jugum imposuit nobis : tu itaque nunc imminue paululum de imperio patris tui durissimo quod imposuit nobis , et serviemus tibi. Qui ait eis : Ite usque ad tertium diem , et revertimini ad me.

ñ. Præparate corda , p. 455.

*Lectio ij.*

**C**UMQUE abiisset populus , inivit consilium rex Roboam cum senioribus , qui assistebant coram Salomone Patre ejus , cum adhuc viveret , et ait : Quod datis mihi consilium , ut respondeam populo huic ? Qui dixerunt ei : Si hodie obedieris populo huic , et servieris , et petitioni eorum cesseris , locutusque fueris ad eos verba lenia , erunt tibi servi cunctis diebus. Qui dereliquit consilium senum , quod dederant ei , et adhibuit adolescentes , qui nutriti fuerant cum eo , et assistebant illi.

ñ. Deus omnium , p. 455.

*Lectio iij.*

**R**ESPONDITQUE rex populo dura , derelicto consilio seniorum , quod ei dederant , et locutus est eis secundum consilium juvenum , dicens : Pater meus aggravavit jugum vestrum , ego autem addam jugo vestro : pater meus cecidit vos flagellis , ego autem cadam vos scorpionibus. Et non acquievit rex populo , quoniam aversatus fuerat eum Dominus , ut suscitarret verbum suum , quod locutus fuerat in manu Ahiaë Silonitæ , ad Jeroboam filium Nabat. Videus itaque populus quod nolisset eos audire rex , respondit ei , dicens : Quæ nobis pars in David ? vel quæ hæreditas in filio Isai ?

ñ. Dominus qui eripuit , p. 455.

## FERIA SEXTA

De libro tertio Regum.

*Lectio j. Cap. 14.*

**D**IXIT autem Dominus ad Ahiam : Ecce uxor Jeroboam ingreditur ut consulat te super filio suo qui ægrotat , hæc et hæc loqueris ei. Cum ergo illa intraret , et dissimularet se esse quæ erat , audivit Ahias sonitum pedum ejus introeuntis per ostium , et ait : Ingredere , uxor Jeroboam : quare aliam te esse simulas ? Ego autem missus sum ad te durus nuntius.

ñ. Percussit Saul , p. 455.

*Lectio ij.*

**V**ADE, et dic Jeroboam: Hæc dicit Dominus Deus Israel: Quia exaltavi te de medio populi, et dedi te ducem super populum meum Israel; et scidi regnum domus David, et dedi illud tibi, et non fuisti sicut servus meus David, qui custodivit mandata mea; et secutus est me in toto corde suo, faciens quod placitum esset in conspectu meo; sed operatus es mala super omnes qui fuerunt ante te, et fecisti tibi deos alienos et conflatiles, ut me ad iracundiam provocares; me autem projecisti post corpus tuum.

¶. Montes Gelboe, p. 457.

*Lectio iij.*

**I**DCIRCO ecce ego inducam mala super domum Jeroboam, et percutiam de Jeroboam miugentem ad parietem, et clausum, et novissimum in Israel; et mundabo reliquias domus Jeroboam, sicut mundari solet finis usque ad purum. Qui mortui fuerint de Jeroboam in civitate, comedent eos canes: qui autem mortui fuerint in agro, vorabunt eos aves cæli: quia Dominus locutus est. Tu igitur surge, et vade in domum tuam: et in ipso introitu pedum tuorum in urbem morietur puer.

¶. Ego te tuli, p. 456.

**SABBATO.**

De libro tertio Regum.

*Lectio j.*

Cap. 18.

**A**CCEDENS autem Elias ad omnem populum, ait: Usquequo claudicatis in duas partes? Si Dominus est Deus, sequimini eum: si autem Baal, sequimini illum. Et non respondit ei populus verbum. Et ait rursus Elias ad populum: Ego remansi Propheta Domini solus: prophetae autem Baal quadringenti et quinquaginta viri sunt.

¶. Peccavi super, p. 456.

*Lectio ij.*

**D**ENTUR nobis duo boves, et illi eligant sibi bovem unum, et in

frustra credentes ponant super ligna, ignem autem non supponant: et ego faciam bovem alterum, et imponam super ligna, ignem autem non supponam. Invocate nomina deorum vestrorum, et ego invocabo nomen Domini mei, et Deus qui exaudierit per ignem, ipse sit Deus. Respondens omnis populus ait: Optima propositio.

¶. Exaudisti Domine, p. 457.

*Lectio iij.*

**D**IXIT ergo Elias prophetis Baal: Eligite vobis bovem unum, et facite primi, quia vos plures estis: et invocate nomina deorum vestrorum, ignemque non supponatis. Qui cum tulissent bovem quem dederat eis, fecerunt, et invocabant nomen Baal de mane usque ad meridiem, dicentes: Baal, exaudi nos. Et non erat vox, nec qui responderet, transiliebantque altare quod fecerant. Cumque esset jam meridies, illudebat illis Elias, dicens: Clamate voce majore.

¶. Audi Domine, p. 457.

*Ad Magnif. Ant.* Dum tolleret Dominus Eliam per turbinem in cælum, Eliseus clamabat: Pater mi, currus Israel, et auriga ejus.

**DOM. IX. POST PENT.**  
IN I. NOCTURNO.

Incipit liber quartus Regum.

*Lectio j.*

Cap. 6.

**P**RÆVARICATUS est autem Moab in Israel, postquam mortuus est Achab. Ceciditque Ochozias per cancellos cœnaculi sui, quod habebat in Samaria, et ægrotavit: misitque nuntios: dicens ad eos: Ite, consulite Beelzebub deum Accaron, utrum vivere queam de infirmitate mea hac. Angelus autem Domini locutus est ad Eliam Thesbiten, dicens: Surge, et ascende in occursum nuntiorum regis Samarie, et dices ad eos: Numquid non est Deus in Israel, ut eatis ad consulendum Beelzebub deum Accaron? Quamobrem hæc dicit Dominus: De lectulo super quem ascendisti, non descendes; sed morte morieris.



¶. *Præparate corda*, p. 453.

*Lectio ij.*

**E**T abiit Elias, reversique sunt nuntii ad Ochoziam. Qui dixit eis: Quare reversi estis? At illi responderunt ei: Vir occurrit nobis, et dixit ad nos: Ite, et revertimini ad regem qui misit vos, et dicetis ei: Hæc dicit Dominus: Numquid, quia non erat Deus in Israel, mittis ut consulatur Beelzebub deus Accaron? Idcirco de lectulo super quem ascendisti, non descendes, sed morte morieris.

¶. *Deus omnium*, p. 453.

*Lectio iij.*

**Q**UI dixit eis: Cujus figure et habitus est vir ille, qui occurrit vobis, et locutus est verba hæc? At illi dixerunt: Vir pilosus, et zona pellicea accinctus renibus. Qui ait: Elias Thesbites est. Misitque ad eum quinquagenarium principem, et quinquaginta qui erant sub eo. Qui ascendit ad eum, sedentique in vertice montis ait: Homo Dei, rex præcepit ut descendas. Respondensque Elias, dixit quinquagenario: Si homo Dei sum, descendat ignis de cælo, et devoret te, et quinquaginta tuos. Descendit itaque ignis de cælo, et devoravit eum, et quinquaginta qui erant cum eo.

¶. *Dominus qui eripuit*, p. 453.

IN II. NOCTURNO.

*Sermo sancti Augustini Episcopi.*

*Serm. 204. de Tempore.*

*Lectio iv.*

**I**N lectionibus, quæ nobis diebus istis recitantur, fratres charissimi, frequenter admonui, ut non sequamur litteram occidentem, et vivificantem spiritum relinquamus. Sic enim Apostolus ait: Littera enim occidit, spiritus vivificat. Si enim hoc tantum volumus intelligere quod sonat in littera, aut parvam, aut prope nullam ædificationem de divinis lectionibus capiemus. Illa enim omnia quæ reci-

tantur, typus erant et imago futurorum. In Judæis enim figurata, in nobis, gratia Dei donante, completa sunt.

¶. *Percussit Saul*, p. 453.

*Lectio v.*

**B**EATUS enim Elias typum habuit Domini Salvatoris. Sicut enim Elias a Judæis persecutionem passus est, ita et verus Elias Dominus noster ab ipsis Judæis reprobatus est et contemptus. Elias reliquit gentem suam; et Christus deseruit synagogam. Elias abiit in desertum, et Christus venit in mundum. Elias in deserto corvis ministrantibus pascebatur, et Christus in deserto mundi hujus Gentium fide reficitur.

¶. *Montes Gelboe*, p. 456.

*Lectio vj.*

**C**ORVI enim illi qui beato Eliæ, jubente Domino, ministrabant, Gentium populum figurabant: propterea et de Gentium Ecclesia dicitur: Nigra sum et formosa, filia Jerusalem. Unde est Ecclesia nigra et formosa? Nigra per naturam, formosa per gratiam. Unde nigra? Ecce in iniquitatibus conceptus sum, et in delictis peperit me mater mea. Unde formosa? Asperges me hyssopo, et mundabor: lavabis me, et super nivem dealbabor.

¶. *Ego te tuli*, p. 456.

In III. Noct. ¶. vij. et viij. ut ibid.

**FERIA SECUNDA.**

*De libro quarto Regum.*

*Lectio j. Cap. 2.*

**A**CCESSERUNT filii Prophetarum qui erant in Jericho, ad Eliseum, et dixerunt ei: Numquid nosti quia Dominus hodie tollet dominum tuum a te? Et ait: Et ego novi: silete. Dixit autem ei Elias: Sede hic, quia Dominus misit me usque ad Jordannem. Qui ait: Vivit Dominus, et vivit anima tua, quia non derelinquam te. Ierunt igitur ambo pariter, et quinquaginta viri de filiis Prophetarum

secuti sunt eos, qui et steterunt e contra, longe: illi autem ambo stabant super Jordanem.

q. Recordare Domine, p. 456.

*Lectio ij.*

**TULITQUE** Elias pallium suum, et involvit illud, et percussit aquas, quæ divisæ sunt in utramque partem, et transierunt ambo per sicum. Cumque transissent, Elias dixit ad Eliseum: Postula quod vis ut faciam tibi, antequam tollar a te. Dixitque Eliseus: Obsecro ut fiat in me duplex spiritus tuus. Qui respondit: Rem difficilem postulasti: attamen si videris me, quando tollar a te, erit tibi quod petisti: si autem non videris: non erit.

q. Exaudisti Domine, p. 457.

*Lectio iij.*

**CUMQUE** pergerent, et incedentes sermocinarentur, ecce currus igneus, et equi ignei diviserunt utrumque, et ascendit Elias per turbinem in cælum: Eliseus autem videbat, et clamabat: Pater mi, pater mi, currus Israel, et auriga ejus. Et non vidit eum amplius, apprehenditque vestimenta sua, et scidit illa in duas partes. Et levavit pallium Eliæ, quod ceciderat ei; reversusque stetit super ripam Jordanis.

q. Audi Domine, p. 457.

### FERIA TERTIA.

De libro quarto Regum.

*Lectio j. Cap. 3.*

**EGRESSUS** est igitur rex Joram in die illa de Samaria, et recensuit universum Israel. Misitque ad Josaphat regem Juda, dicens: Rex Moab recessit a me, veni mecum contra eum ad prælium. Qui respondit: Ascendam: qui meus est, tuus est; populus meus, populus tuus; et equi mei, equi tui. Dixitque: Per quam viam ascendemus? At ille respondit: Per desertum Idumææ. Perrexerunt igitur, rex Israel, et rex Juda, et rex Edom, et circuierunt per viam septem dierum; nec erat aqua

exercitui, et jumentis quæ sequebantur eos.

q. Domine si conversus, p. 457.

*Lectio ij.*

**DIXITQUE** rex Israel: Heu heu heu, congregavit nos Dominus tres reges, ut traderet in manus Moab. Et ait Josaphat: Estne hic Propheta Domini, ut deprecemur Dominum per eum? Et respondit unus de servis regis Israel: Est hic Eliseus filius Saphat, qui fondebat aquam super manus Eliæ. Et ait Josaphat: Est apud eum sermo Domini. Descenditque ad eum rex Israel, et Josaphat rex Juda, et rex Edom. Dixit autem Eliseus ad regem Israel: Quid mihi et tibi est? Vade ad prophetas patris tui et matris tuæ.

q. Factum est dum, p. 457.

*Lectio iij.*

**ET** ait rex Israel: Quare congregavit Dominus tres reges hos, ut traderet eos in manus Moab? Dixitque ad eum Eliseus: Vivit Dominus exercituum, in cujus conspectu sto, quod si non vultum Josaphat regis Judæ erubescerem, non attendissem quidem te, nec respexissem. Nunc autem adducite mihi psalterem. Cumque caneret psalter, facta est super eum manus Domini, et ait: Hæc dicit Dominus: Facite alveum torrentis hujus fossas et fosseas. Hæc enim dicit Dominus: Non videbitis ventum neque pluviam, et alveus iste replebitur aquis, et bibetis vos, et familiæ vestræ, et jumenta vestra. Parumque est hoc in conspectu Domini; insuper tradet etiam Moab in manus vestras.

q. Ego te tuli, p. 456.

### FERIA QUARTA.

De libro quarto Regum.

*Lectio j. Cap. 4.*

**MULIER** autem quædam de uxoribus Prophetarum clamabat ad Eliseum, dicens: Servus tuus vir meus mortuus est, et tu nosti quia servus tuus fuit timens Dominum: et

ecce creditor venit ut tollat duos filios meos ad serviendum sibi. Cui dixit Eliseus: Quid vis ut faciam tibi? Dic mihi, quid habes in domo tua? At illa respondit: Non habeo ancilla tua quidquam in domo mea nisi parum olei, quo ungar. Cui ait: Vade, pete mutuo ab omnibus vicinis tuis vasa vacua non pauca. Et ingredi, et claude ostium tuum, cum intrinsecus fueris tu et filii tui, et mitte inde in omnia vasa hæc; et cum plena fuerint, tolles.

¶. Peccavi super, p. 456.

*Lectio ij.*

**V**IT itaque mulier, et clausit ostium super se, et super filios suos: illi offerebant vasa, et illa infundebat. Cumque plena fuissent vasa, dixit ad filium suum: Affer mihi adhuc vas. Et ille respondit: Non habeo. Stetitque oleum. Venit autem illa, et indicavit homini Dei. Et illo, Vade, inquit, vende oleum, et redde creditori tuo: tu autem et filii tui vivite de reliquo. Facta est autem quædam dies, et transibat Eliseus per Sunam. Erat autem ibi mulier magna, quæ tenuit eum ut comederet panem: cumque frequenter inde transiret, divertebat ad eam ut comederet panem. Quam dixit ad virum suum: Animadverto quod vir Dei sanctus est iste, qui transit per nos frequenter. Faciamus ergo ei conaculum parvum, et ponamus ei in eo lectulum, et mensam, et sellam, et candelabrum, ut cum venerit ad nos, maneat ibi.

¶. Exaudisti Domine, p. 457.

*Lectio iij.*

**F**ACTA est ergo dies quædam, et veniens divertit in conaculum, et requievit ibi. Dixitque ad Giezi puerum suum: Voca Sunamitidem istam. Qui cum vocasset eam, et illa stetisset coram eo, dixit ad puerum suum: Loquere ad eam: Ecce sedule in omnibus ministrasti nobis, quid vis ut faciam tibi? Numquid habes negotium, et vis ut loquar regi, sive principi militum? Quæ respondit: In me-

dio populi mei habito. Et ait: Quid ergo vult ut faciam ei? Dixitque Giezi: Ne quæras, filium enim non habet, et vir ejus senex est. Præcepit itaque ut vocaret eam: quæ cum vocata fuisset, et stetisset ante ostium, dixit ad eam: In tempore isto, et in hac eadem hora, si vita comes fuerit, habebis in utero filium. At illa respondit: Noli, quæso, domine mi, vir Dei, noli mentiri ancillæ tuæ. Et concepit mulier, et peperit filium in tempore, et in hora eadem qua dixerat Eliseus.

¶. Audi Domine, p. 457.

### FERIA QUINTA

De libro quarto Regum.

*Lectio j. Cap. 6. et 7.*

**C**ONGREGAVIT Benadad rex Syriæ universum exercitum suum, et ascendit, et obsidebat Samariam. Factaque est fames magna in Samaria; et tamdiu obsessa est donec venundaretur caput asini octoginta argenteis, et quarta pars cabi stercoris columbarum, quinque argenteis. Cumque rex Israel transiret per murum, mulier quædam exclamavit ad eum, dicens: Salva me, domine mi rex. Qui ait: Non te salvat Dominus: unde te possum salvare? de area, vel de torculari?

¶. Præparate corda; p. 458.

*Lectio ij.*

**D**IXITQUE ad eam rex: Quid tibi vis? Quæ respondit: Mulier ista dixit mihi: Da filium tuum, ut comedamus eum hodie, et filium meum comedemus cras. Coximus ergo filium meum, et comedimus. Dixique ei dicit altera: Da filium tuum, ut comedamus eum. Quæ abscondit filium suum. Quod cum audisset rex, scidit vestimenta sua, et transibat per murum. Viditque omnis populus cilicium, quo vestitus erat ad carnem intrinsecus. Et ait rex: Hæc mihi faciat Deus, et hæc addat, si steterit caput Elisei filii Saphat super ipsum hodie. Eliseus autem sedebat in domo sua, et seorsus sedebant cum eo.



q. Deus omnium , p. 485.

Lectio iij.

**P**RÆMISIT itaque virum, et antequam veniret nuntius ille, dixit ad senes: Numquid scitis quod miserit filius homicidæ hic, ut præcidatur caput meum? videte ergo, cum venerit nuntius, claudite ostium, et non sinatis eum introire: ecce enim sonitus pedum domiai ejus post eum est. Adhuc illo loquente eis, apparuit nuntius qui veniebat ad eum, et ait: Ecce tantum malum a Domino est: quid amplius expectabo a Domino? Dixit autem Eliseus: Audite verbum Domini: Hæc dicit Dominus: In tempore hoc cras modius similæ uno statere erit, et dno modii hordei statere uno, in porta Samariæ.

q. Dominus qui eripuit, p. 485.

### FERIA SEXTA

De libro quarto Regum

Lectio j. Cap. 8.

**E**LISEUS autem locutus est ad mulierem, cujus vivere fecerat filium, dicens: Surge, vade tu et domus tua, et peregrinare ubicunque repereris; vocavit enim Dominus famem, et veniet super terram septem annis. Quæ surrexit, et fecit juxta verbum hominis Dei: et vadens cum domo sua, peregrinata est in terra Philistiim diebus multis. Cumque finiti essent anni septem, reversa est mulier de terra Philistiim, et egressa est ut interpellaret regem pro domo sua, et pro agris suis.

q. Percussit Saul, p. 485.

Lectio ij.

**R**EX autem loquebatur cum Giezi puero viri Dei, dicens: Narra mihi omnia magna quæ fecit Eliseus. Cumque ille narraret regi quomodo mortuum suscitasset, apparuit mulier, cujus vivificaverat filium, clamans ad regem pro domo sua, et pro agris suis. Dixitque Giezi: Domine mi rex, hæc est mulier, et hic est filius ejus, quem suscitavit Eliseus. Et interrogavit rex mulierem, quæ narra-

vit ei. Deditque ei rex eunuchum unum, dicens: Restitue ei omnia quæ sua sunt, et universos redditus agrorum, a die qua reliquit terram, usque ad præsens.

q. Montes Gelboe, p. 486.

Lectio iij.

**V**ENIT quoque Eliseus Damascum, et Benadad rex Syriæ ægrotabat, nuntiaveruntque ei, dicentes: Venit vir Dei huc. Et ait rex ad Hazael: Tolle tecum munera, et vade in occursum viri Dei, et consule Dominum per eum, dicens: Si evadere potero de infirmitate mea hac? Ivit igitur Hazael in occursum ejus. Cumque stetisset coram eo, ait: Filius tuus Benadad rex Syriæ misit me ad te, dicens: Si sanari potero de infirmitate mea hac? Dixitque ei Eliseus: Vade, dic ei: Sanaberis. Porro ostendit mihi Dominus quia morte morietur.

q. Ego te tuli, p. 486.

### SABBATO.

De libro quarto Regum.

Lectio j.

Cap. 9.

**E**LISEUS autem Prophetes vocavit unum de filiis Prophetarum, et ait illi: Accinge lumbos tuos, et tolle lenticulam olei hanc in manu tua, et vade in Ramoth Galaad. Cumque veneris illuc, videbis Jehu filium Josaphat filii Namsi, et ingressus suscitabis eum de medio fratrum suorum, et introduces in interius cubiculum. Tenensque lenticulam olei, fundes super caput ejus, et dices: Hæc dicit Dominus: Unxi te regem super Israel. Aperiesque ostium et fugies, et non tibi subsistes. Abiit ergo adolescens puer Prophetæ in Ramoth Galaad, et ingressus est illuc. Ecce autem principes exercitus sedebant, et ait: Verbum mihi ad te, o princeps. Dixitque Jehu: Ad quem ex omnibus nobis? At ille dixit: Ad te, o princeps.

q. Peccavi super, p. 486.

Lectio ij.

**E**T surrexit, et ingressus est cubiculum: at ille fudit oleum su-

per caput ejus, et ait: Hæc dicit Dominus Deus Israel: Unxi te regem super populum Domini Israel, et percuties domum Achab domini tui, et ulciscar sanguinem servorum meorum Prophetarum, et sanguinem omnium servorum Domini de manu Jezabel. Perdamque omnem domum Achab, et interficiam de Achab mingentem ad parietem, et clausum, et novissimum in Israel. Et dabo domum Achab sicut domum Jeroboam filii Nabat, et sicut domum Baasa filii Abia. Jezabel quoque comedent canes in agro Jezrahel, nec erit qui sepeliat eam. Aperuitque ostium, et fugit.

¶. Exaudisti Domine, p. 457.

*Lectio iij.*

**J**EHU autem egressus est ad servos domini sui, qui dixerunt ei: Recte sunt omnia? Quid venit insanus iste ad te? Qui ait eis: Nostis hominem, et quid locutus sit. At illi responderunt: Falsum est, sed magis narra nobis. Qui ait eis: Hæc et hæc locutus est mihi, et ait: Hæc dicit Dominus: Unxi te regem super Israel. Festinaverunt itaque, et unusquisque tollens pallium suum posuerunt sub pedibus ejus in similitudinem tribunalis, et cecinerunt tuba, atque dixerunt: Regnavit Jehu.

¶. Audi Domine, p. 457.

*Ad Magnif. Ant.* Fecit Joas rectum coram Domino cunctis diebus, quibus docuit eum Joiaja sacerdos.

**DOM. X. POST. PENT.**

**IN I. NOCTURNO.**

De libro quarto Regum.

*Lectio j.*

*Cap. 9. et 10.*

**A**NNO undecimo Joram filii Achab, regnavit Ochozias super Judam, venitque Jehu in Jezrahel. Porro Jezabel, introitu ejus audito, depinxit oculos suos stibio, et ornavit caput suum, et respexit per fenestram ingredientem Jehu per portam, et ait: Numquid pax potest esse Zambri, qui interfecit dominum suum? Levavitque Jehu faciem suam ad fenestram, et

ait: Quomodo est ista? Et inclinaverunt se ad eum duo vel tres eunuchi. At ille dixit eis: Præcipitate eam deorsum. Et præcipitaverunt eam, aspersusque est sanguine paries, et equorum ungulæ conculcaverunt eam. Cumque introgressus esset, ut comederet biberetque, ait: Ite, et videte maledictam illam, et sepelite eam, quia filia regis est.

¶. Præparate corda, p. 455.

*Lectio ij.*

**C**UMQUE issent ut sepelirent eam, non invenerunt nisi calvariam, et pedes, et summas manus. Reversique nuntiaverunt ei. Et ait Jehu. Sermo Domini est, quem locutus est per servum suum Eliam Thesbiten, dicens: In agro Jezrahel comedent canes carnes Jezabel, et erunt carnes Jezabel sicut stercus super faciem terræ in agro Jezrahel, ita ut prætereuntes dicant: Hæccine est illa Jezabel? Erant autem Achab septuaginta filii in Samaria. Scripsit ergo Jehu litteras, et misit in Samariam ad optimates civitatis: et ad majores natu, et ad nutritios Achab, dicens: Statim ut acceperitis litteras has, qui habetis filios domini vestri, et currus, et equos, et civitates firmas, et arma, eligite meliorem, et eum qui vobis placuerit de filiis domini vestri, et eum ponite super solium patris sui: et pugnate pro domo domini vestri.

¶. Deus omnium, p. 455.

*Lectio iij.*

**T**IMUERUNT illi vehementer, et dixerunt: Ecce duo reges non potuerunt stare coram eo, et quomodo nos valebimus resistere? Miserunt ergo præpositi domus, et præfecti civitatis, et majores natu, et nutritii, ad Jehu, dicentes: Servi tui sumus, quæcumque jusseris faciemus, nec constituemus nobis regem: quæcumque tibi placent, fac. Rescripsit autem eis litteras secundo, dicens: Si mei estis, et obeditis mihi, tollite capita filiorum domini vestri, et ve-

nite ad me hac eadem hora cras in Jezrahel. Porro filii regis, septuaginta viri, apud optimates civitatis nutriebantur. Cumque venissent litteræ ad eos, tulerunt filios regis, et occiderunt septuaginta viros, et posuerunt capita eorum in cophinis, et miserunt ad eum in Jezrahel.

¶. Dominus qui eripuit, p. 455.

IN II. NOCTURNO.

Sermo S. Joannis Chrysostomi.

Homil. 25. in Epist. ad Rom.

Lectio iv.

**N**ON putemus nos excusationem habituros, si quando delictorum socios invenerimus: nam istud, supplicium magis augebit. Quandoquidem et serpens magis punitus est quam mulier: quemadmodum et mulier plus quam vir, et Jezabel majores pœnas dedit, quam Achab vineæ raptor. Ipsa quippe universum istud negotium texuerat, regique lapsus occasionem dederat. Igitur et tu quoque, si reliquis perditionis causa fueris, graviora patieris, quam qui per te subversi sunt. Neque enim peccare tantum in se perditionis habet, quantum quod reliqui ad peccandum inducuntur.

¶. Percussit Saul, p. 455.

Lectio v.

**I**TAQUE si quando peccantes viderimus, non solum non impellamus, sed et extrahamus ex ipso malitiæ barathro ne et alienæ perditionis pœnas demus. Recordemur quoque perpetuo terribilis illius tribunalis, fluminis ignei, vinculorum insolubiliū, profundarum tenebrarum, stridorum dentium, venenosique vermis. Sed dices: Benignus est Deus. Ergo hæc omnia verba sunt, et neque punitur dives ille Lazari contemptor, neque fatuæ virgines a sponso rejiciuntur? Ergo qui Christum non pavent, in ignem diabolo præparatum non abibunt? Ergo qui sordidis est vestibus, non peribit, manus ac pedes vinctus? Qui centum denarios a

conservō suo exegit, non tradetur tortoribus? Quod de mœchis dictum est, nimirum quod vermis eorum non morietur, et ignis eorum non extinguatur, verum non erit?

¶. Montes Gelboe, p. 456.

Lectio vj.

**S**ED minatur ista tantummodo Deus? Utiq̃ue, inquires. Et unde, dic, quæso, tantam rem audes publice loqui, atque ex te ipso ferre sententiam? Ego quippe et ex iis quæ dixit Deus, et ex iis quæ fecit, contrarium probare potero. Quod si propter futura non credis, vel saltem propter ea quæ jam facta sunt, crede. Non enim certe minæ sunt et verba tantummodo, quæ facta sunt, et in opus ipsum exierunt. Quis igitur totum orbem inducto diluvio stagnavit, ac grave illud naufragium, omnimodamque generis nostri perditionem effecit? Quis deinde fulmina illa, telaque flammantia super terram Sodomorum demisit? Quis universum Egypti exercitum in mare demersit? Quis synagogam Abiron combussit? Quis septuaginta illa millia propter Davidis peccatum uno temporis momento peste occidit? Nonne hæc omnia et alia Deus illis intulit?

¶. Ego te tuli, p. 456.

In III. Noct. ¶. vij. et viij. ut ibid.

**FERIA SECUNDA.**

De libro quarto Regum.

Lectio j.

Cap. 11.

**A**THALIA vero mater Ochoziæ, videns mortuum filium suum, surrexit, et interfecit omne semen regium. Tollens autem Josaba filia regis Joram, soror Ochoziæ, Joas filium Ochoziæ, furata est eum de medio filiorum regis, qui interficiebantur, et nutricem ejus de triclinio, et abscondit eum a facie Athaliæ, ut non interficeretur. Eratque cum ea sex annis clam in domo Domini. Porro Athalia regnavit super terram.

¶. Recordare Domine, p. 456.



*Lectio ij.*

**A**NNO autem septimo misit Joia-  
da, et assumens centuriones et  
milites, introduxit ad se in templum  
Domini, pepigitque cum eis foedus;  
et adjurans eos in domo Domini, o-  
stendit eis filium regis, et præcepit  
illis, dicens: Iste est sermo quem  
facere debetis. Tertia pars vestrum  
introeat sabbato, et observet excubias  
domus regis. Tertia autem pars sit ad  
portam Sur, et tertia pars sit ad por-  
tam, quæ est post habitaculum scu-  
tariarum; et custodietis excubias do-  
mus Messa. Duæ vero partes e vo-  
bis, omnes egredientes sabbato, cu-  
stodiant excubias domus Domini circa  
regem.

ñ. Exaudisti Domine, p. 437.

*Lectio iij.*

**E**T assumentes singuli viros suos,  
qui ingrediebantur sabbatum,  
cum his qui egrediebantur sabbato,  
venerunt ad Joiadam sacerdotem. Qui  
dedit eis hastas et arma regis David,  
quæ erant in domo Domini. Et stete-  
runt singuli habentes arma in manu  
sua, a parte templi dextera usque ad  
partem sinistram altaris et ædis, cir-  
cum regem. Produxitque filium regis,  
et posuit super eum diadema et te-  
stimonium, feceruntque eum regem,  
et unxerunt, et plaudentes manu,  
dixerunt: Vivat rex.

ñ. Audi Domine, p. 437.

**FERIA TERTIA.**

De libro quarto Regum.

*Lectio j. Cap. 12.*

**A**NNO septimo Jehu, regnavit Jo-  
as; et quadraginta annis regna-  
vit in Jerusalem. Nomen matris ejus  
Sebia de Bersabee. Fecitque Joas re-  
ctum coram Domino cunctis diebus,  
quibus docuit eum Joiada sacerdos.  
Verumtamen excelsa non abstulit:  
adhuc enim populus immolabat in ex-  
celsis incensum.

ñ. Domine si conversus, p. 437.

*Lectio ij.*

**D**IXITQUE Joas ad sacerdotes:  
Omni pecuniam sanctorum,

quæ illata fuerit in templum Domini  
a prætereuntibus, quæ offertur pro  
pretio animæ, et quam sponte et ar-  
bitrio cordis sui iuferunt in templum  
Domini, accipiant illam sacerdotes  
juxta ordinem suum, et instaurent  
sartatecta domus, si quid necessa-  
rium viderint instauratione.

ñ. Factum est dum, p. 437.

*Lectio iij.*

**I**GITUR usque ad vigesimum ter-  
tium annum regis Joas, non in-  
stauraverunt sacerdotes sartatecta tem-  
pli. Vocavitque rex Joas Joiadam pon-  
tificem et sacerdotes, dicens eis: Quare  
sartatecta non instauratis templi? No-  
lite ergo amplius accipere pecuniam  
juxta ordinem vestrum, sed ad in-  
staurationem templi reddite eam. Pro-  
hibitique sunt sacerdotes ultra acci-  
pere pecuniam a populo, et instau-  
rare sartatecta domus.

ñ. Ego te tuli, p. 436.

**FERIA QUARTA**

De libro quarto Regum.

*Lectio j. Cap. 13.*

**E**LISEUS autem ægrotabat infir-  
mitate qua et mortuus est, de-  
scenditque ad eum Joas rex Israel,  
et flebat coram eo, dicebatque: Pater  
mi, pater mi, currus Israel, et  
auriga ejus. Et ait illi Eliseus: Af-  
fer arcum et sagittas. Cumque attu-  
lisset ad eum arcum et sagittas: di-  
xit ad regem Israel: Pone manum  
tuam super arcum. Et cum po-  
suisset ille manum suam, superpo-  
suit Eliseus manus suas manibus re-  
gis, et ait: Aperi fenestram orienta-  
lem. Cumque aperuisset: dixit Eli-  
seus: Jace sagittam. Et ait Eliseus:  
Sagitta salutis Domini, et sagitta  
salutis contra Syriam, percutiesque  
Syriam in Aphec, donec consumas  
eam.

ñ. Peccavi super, p. 436.

*Lectio ij.*

**E**T ait: Tolle sagittas. Qui cum  
tulisset, rursum dixit ei: Per-  
cute jaculo terram. Et cum percussi-

et tribus vicibus, et stetit, iratus est vir Dei contra eum, et ait: Si percussisses quinquies, aut sexies, sive septies, percussisses Syriam usque ad consumptionem; nunc autem tribus vicibus percuties eam. Mortuus est ergo Eliseus, et sepelierunt eum. Latrunculi autem de Moab venerunt in terram in ipso anno.

q. Exaudisti Domine, p. 487.

Lectio iij.

**Q**UIDAM autem sepelientes hominem, viderunt latrunculos, et projecerunt cadaver in sepulchro Elisei. Quod cum tetigisset ossa Elisei, revixit homo, et stetit super pedes suos. Mortuus est autem Hazael rex Syriæ, et regnavit Benadad filius ejus pro eo. Porro Joas filius Joachaz tulit urbes de manu Benadad filii Hazael, quas tulerat de manu Joachaz patris sui jure prælii. Tribus vicibus percussit eum Joas, et reddidit civitates Israel.

q. Audi Domine, p. 487.

### FERIA QUINTA.

De libro quarto Regum.

Lectio j. Cap. 17.

**A**NNO autem nono Osee, cepit rex Assyriorum Samariam, et transtulit Israel in Assyrios, posuitque eos in Hala, et in Habor juxta fluvium Gozan, in civitatibus Medorum. Factum est enim, cum peccassent filii Israel Domino Deo suo, qui eduxerat eos de terra Ægypti, de manu Pharaonis regis Ægypti, coluerunt deos alienos. Et ambulaverunt juxta ritum Gentium, quas consumpserat Dominus in conspectu filiorum Israel, et regem Israel, quia similiter fecerant. Et offenderunt filii Israel verbis non rectis Dominum Deum suum, et ædificaverunt sibi excelsa in cunctis urbibus suis.

q. Præparate corda, p. 488.

Lectio ij.

**E**T testificatus est Dominus in Israel et in Juda, per manum o-

mnium Prophetarum et Videntium, dicens: Revertimini a viis vestris pessimis, et custodite præcepta mea, et caeremonias, juxta omnem legem quam præcepi patribus vestris, et sicut misi ad vos in manu servorum meorum Prophetarum. Qui non audierunt, sed induraverunt cervicem suam juxta cervicem patrum suorum, qui noluerunt obedire Domino Deo suo. Et abjecerunt legitima ejus, et pactum quod pepigit cum patribus eorum, et testificationes quibus constatus est eos, secutique sunt vanitates, et vane egerunt.

q. Deus omnium, p. 488.

Lectio iij.

**I**RATUSQUE est Dominus vehementer Israeli, et abstulit eos a conspectu suo, et non remansit nisi tribus Juda tantummodo. Sed nec ipse Juda custodivit mandata Domini Dei sui: verum ambulavit in erroribus Israel, quos operatus fuerat. Projecitque Dominus omne semen Israel, et afflixit eos, et tradidit eos in manus diripientium, donec projiceret eos a facie sua: eo jam tempore, quo scissus est Israel a domo David, et constituerunt sibi regem Jeroboam filium Nabat.

q. Dominus qui eripuit, p. 488.

### FERIA SEXTA.

De libro quarto Regum.

Lectio j. Cap. 17.

**S**EPARAVIT Jeroboam Israel a Domino, et peccare eos fecit peccatum magnum. Et ambulaverunt filii Israel in universis peccatis Jeroboam quæ fecerat, et non recesserunt ab eis, usquequo Dominus auferret Israel a facie sua, sicut locutus fuerat in manu omnium servorum suorum Prophetarum; translatusque est Israel de terra sua in Assyrios usque in diem hanc.

q. Percussit Saul, p. 488.

Lectio ij.

**A**DDUXIT autem rex Assyriorum de Babylono, et de Cutha, et

do Avah, et de Emath, et de Sepharvaim, et collocavit eos in civitatibus Samariæ pro filiis Israel: qui possederunt Samariam, et habitaverunt in urbibus ejus. Cumque ibi habitare cœpissent, non timebant Dominum; et immisit in eos Dominus leones, qui interficiebant eos.

¶. Montes Gelboe, p. 436.

*Lectio iij.*

**N**UNTIATUMQUE est regi Assyriorum: et dictum: Gentes, quas transtulisti, et habitare fecisti in civitatibus Samariæ, ignorant legitima Dei terræ, et immisit in eos Dominus leones, et ecce interficiunt eos, eo quod ignorent ritum Dei terræ. Præcepit autem rex Assyriorum, dicens: Ducite illuc unum de sacerdotibus, quos inde captivos adduxistis; et vadat, et abitet cum eis, et doceat eos legitima Dei terræ.

¶. Ego te tuli, p. 436.

#### SABBATO.

De libro quarto Regum.

*Lectio j. Cap. 18.*

**A**NNO tertio Osee filii Ela regis Israel, regnavit Ezechias filius Achaz regis Juda. Viginti quinque annorum erat, cum regnare cœpisset, et viginti novem annis regnavit in Jerusalem: nomen matris ejus Abi filia Zachariæ. Fecitque quod erat bonum coram Domino, juxta omnia quæ fecerat David pater ejus. Ipse dissipavit excelsa, et contrivit statuas: et succidit lucos, confregitque serpentem æneum, quem fecerat Moyses; siquidem usque ad illud tempus filii Israel adolebant ei incensum: vocavitque nomen ejus Nohestan. In Domino Deo Israel speravit.

¶. Peccavi super, p. 436.

*Lectio ij.*

**I**TAQUE post eum non fuit similis ei de cunctis regibus Juda, sed neque in his qui ante eum fuerunt; et adhæsit Domino, et non recessit a vestigiis ejus, fecitque mandata ejus: quæ præceperat Dominus Moysi. Unde et erat Dominus cum eo, et

in cunctis ad quæ procedebat, sapienter se agebat. Rebellavit quoque contra regem Assyriorum, et non servivit ei. Ipse percussit Philisthæos usque ad Gazam, et omnes terminos eorum, a Turre custodum usque ad civitatem munitam.

¶. Exaudisti Domine, p. 437.

*Lectio iij.*

**A**NNO quarto regis Ezechiae, qui erat annus septimus Osee filii Ela regis Israel, ascendit Salmanasar rex Assyriorum in Samariam, et oppugnavit eam, et cepit. Nam post annos tres, anno sexto Ezechiae, id est, nono anno Osee regis Israel, capta est Samaria. Et transtulit rex Assyriorum Israel in Assyrios, collocavitque eos in Hala, et in Habor fluviis Gozan in civitatibus Medorum; quia non audierunt vocem Domini Dei sui, sed prætergressi sunt pactum ejus: omnia, quæ præceperat Moyses servus Domini non audierunt, neque fecerunt.

¶. Audi Domine, p. 437.

*Ad Magnif. Ant.* Obsecro, Domine, memento, quæso, quomodo ambulaverim coram te in veritate et in corde perfecto, et quod placitum est coram te fecerim.

#### DOM. XI. POST PENT.

IN I. NOCTURNO.

De libro quarto Regum.

*Lectio j. Cap. 20.*

**I**N diebus illis ægrotavit Ezechias usque ad mortem, et venit ad eum Isaïas filius Amos Propheta, dixitque ei: Hæc dicit Dominus Deus: Præcipe domui tuæ; morieris enim tu, et non vives. Qui convertit faciem suam ad parietem, et oravit Dominum, dicens: Obsecro, Domine, memento, quæso, quomodo ambulaverim coram te in veritate et in corde perfecto, et quod placitum est coram te fecerim. Flevit itaque Ezechias fletu magno.

¶. Præparate corda, p. 435.

*Lectio ij.*

**E**T antequam egrederetur Isaïas mediam partem atrii, factus est



sermo Domini ad eum, dicens: Revertere, et dic Ezechiae duci populi mei: Hæc dicit Dominus Deus David patris tui: Audivi orationem tuam, et vidi lacrymas tuas; et ecce sanavi te, die tertio ascendes templum Domini. Et addam diebus tuis quindecim annos: sed et de manu regis Assyriorum liberabo te et civitatem hanc, et protegam urbem istam propter me, et propter David servum meum. Dixitque Isaias: Afferte massam ficorum. Quam cum attulissent, et posuissent super ulcus ejus, curatus est.

¶. Deus omnium, p. 455.

*Lectio iij.*

**D**IXERAT autem Ezechias ad Isaiam: Quod erit signum quia Dominus me sanabit, et quia ascensus sum die tertia templum Domini? Cui ait Isaias: Hoc erit signum a Domino, quod facturum sit Dominus sermonem quem locutus est: Vis ut ascendat umbra decem lineis, an ut revertatur totidem gradibus? Et ait Ezechias: Facile est umbram crescere decem lineis; nec hoc volo ut fiat, sed ut revertatur retrorsum decem gradibus. Invocavit itaque Isaias Prophetam Dominum, et reduxit umbram per lineas, quibus jam descenderat in horologio Achaz, retrorsum decem gradibus.

¶. Dominus qui eripuit, p. 455.

IN II. NOCTURNO.

De Expositione S. Hieronymi Presbyteri in Isaiam Prophetam.

*Lib. II. in Isaiam cap. 38.*

*Lectio iv.*

**N**E elevaretur cor Ezechiae post incredibiles triumphos, et de media captivitate victoriam, infirmitate corporis sui visitatur, et audit se esse moriturum, ut conversus ad Dominum flectat sententiam ejus. Quod quidem et in Jona Propheta legimus, et in comminationibus contra David: quæ dicuntur futura, nec facta sunt, non Deo mutante sententiam, sed provocante humanum genus ad notitiam

sui. Dominus enim poenitens est super malitiis. Convertitque Ezechias faciem suam ad parietem, quia ad templum ire non poterat. Ad parietem autem templi, juxta quod Salomon palatium extruxerat, vel absolute ad parietem, ne lacrymas suas assidentibus ostentare videretur.

¶. Percussit Saul, p. 455.

*Lectio v.*

**A**UDIENSQUE se esse moriturum, non precatur vitam et annos plurimos, sed in Dei judicio quid velit præstare, dimittit. Noverat enim idcirco Deo placuisse Salomonem, quod annos vitæ non petierit ampliores, sed iturus ad Dominum, narrat opera sua, quomodo ambulaverit coram eo in veritate et in corde perfecto. Felix conscientia, quæ afflictionis tempore bonorum operum recordatur. Beati enim mundo corde, quoniam ipsi Deum videbunt. Et quomodo alibi scribitur: Quis gloriabitur purum habere se cor? Quod ita solvitur: perfectionem cordis in eo nunc dici, quod idola destruxerit, templi valvas aperuerit, serpentem æneum comminuerit, et cætera fecerit, quæ Scriptura commemorat.

¶. Montes Gelboe, p. 456.

*Lectio vj.*

**F**LEVIT autem fletu magno, propter promissionem Domini ad David, quam videbat in sua morte perituram. Eo enim tempore Ezechias filios non habebat. Nam post mortem ejus, Manasses cum duodecim esset annorum, regnare cepit in Judæa: ex quo perspicuum est, post tertium annum concessæ vitæ, Manassen esse generatum. Ergo iste omnis est fletus, quod desperabat Christum de suo semine nasciturum. Alii asserunt, quamvis sanctos viros morte terreri, propter incertum judicii, et ignorantiam sententiæ Dei, quam sedem habituri sint.

¶. Ego te tuli, p. 456.

In III. Noct. ¶. vij. et. viij. et iñd.

**FERIA SECUNDA.**

De libro quarto Regum.

*Lectio j. Cap. 22.*

**O**CTO annorum erat Josias cum regnare cœpisset, triginta et uno anno regnavit in Jerusalem: nomen matris ejus Idida, filia Hadaia de Be-secath. Fecitque quod placitum erat coram Domino, et ambulavit per omnes vias David patris sui, non declinavit ad dexteram, sive ad sinistram. Anno autem octavo decimo regis Josiæ, misit rex Saphan filium Aslia, filii Messulam, scribam templi Domini, dicens ei: Vade ad Helciam sacerdotem magnum, ut consecretur pecunia, quæ illata est in templum Domini, quam collegerunt janitores templi a populo, deturque fabricis per præpositos domus Domini, qui et distribuunt eam his qui operantur in templo Domini.

ñ. Recordare Domine, p. 436.

*Lectio ij.*

**D**IXIT autem Helcias pontifex ad Saphan scribam: Librum legis reperi in domo Domini: deditque Helcias volumen Saphan, qui et legit illud. Venit quoque Saphan scriba ad regem, et renunciavit ei quod præceperat, et ait: Conflaverunt servi tui pecuniam, quæ reperta est in domo Domini, et dederunt ut distribueretur fabricis a præfectis operum templi Domini. Narravit quoque Saphan scriba regi, dicens: Librum dedit mihi Helcias sacerdos.

ñ. Exaudisti Domine, p. 437.

*Lectio iij.*

**Q**UEM cum legisset Saphan coram rege, et audisset rex verba libri legis Domini, scidit vestimenta sua. Et præcepit Helciæ sacerdoti, et Abicam filio Saphan, et Achobor filio Micha, et Saphan scribæ, et Asaiæ servo regis, dicens: Ite et consulite Dominum super me, et super populo, et super omni Juda, de verbis voluminis istius quod inventum est:

magna enim ira Domini succensa est contra nos, quia non audierunt patres nostri verba libri hujus, ut facerent omne quod scriptum est nobis.

ñ. Audi Domine, p. 437.

**FERIA TERTIA.**

De libro quarto Regum.

*Lectio j. Cap. 23.*

**A**SCENDITQUE rex templum Domini, et omnes viri Juda, universique qui habitabant in Jerusalem cum eo, sacerdotes et prophetae, et omnis populus a parvo usque ad magnum, legitque cunctis audientibus omnia verba libri fœderis, qui inventus est in domo Domini. Stetitquo rex super gradum, et fœdus percussit coram Domino, ut ambulaarent post Dominum, et custodirent præcepta ejus, et testimonia, et caeremonias in omni corde, et in tota anima, et suscitarent verba fœderis hujus, quæ scripta erant in libro illo, acquievitque populus pacto.

ñ. Domine si conversus, p. 437

*Lectio ij.*

**E**T præcepit rex Helciæ pontifici, et sacerdotibus secundi ordinis, et janitoribus, ut projicerent de templo Domini omnia vasa, quæ facta fuerant Baal, et in luto, et universæ militiæ cœli; et combussit ea foris Jerusalem in convalle Cedron, et tulit pulverem eorum in Bethel. Et delevit aruspices, quos posuerant reges Juda ad sacrificandum in excelsis per civitates Juda, et in circuitu Jerusalem; et eos qui adolebant incensum Baal, et soli, et lunæ, et duodecim signis, et omni militiæ cœli.

ñ. Factum est dum, p. 437.

*Lectio iij.*

**E**T efferri fecit lucum de domo Domini foras Jerusalem in convalle Cedron, et combussit eum ibi, et redegit in pulverem, et projecit super sepulchra vulgi. Destruxit quoque ædículas effeminatorum, quæ erant in domo Domini, pro quibus mulieres

texebant quasi domunculas luci. Congregavitque omnes sacerdotes de civitatibus Juda, et contaminavit excelsa, ubi sacrificabant sacerdotes, de Gabaa usque Bersabee.

ñ. Ego te tuli, p. 436.

### FERIA QUARTA.

De libro quarto Regum.

Lectio j.

Cap. 23.

**P**YTHONES, et ariolos, et figuras idolorum, et immunditias, et abominationes, quæ fuerant in terra Juda et Jerusalem, abstulit Josias; ut statueret verba legis, quæ scripta sunt in libro, quem invenit Helcias sacerdos in templo Domini. Similis illi non fuit ante eum rex, qui reverteretur ad Dominum in omni corde suo, et in tota anima sua, et in universa virtute sua, juxta omnem legem Moysi: neque post eum surrexit similis illi. Verumtamen non est aversus Dominus ab ira furoris sui magni, quo iratus est furor ejus contra Judam, propter irritationes, quibus provocaverat eum Manasses.

ñ. Peccavi super, p. 436.

Lectio ij.

**D**IXIT itaque Dominus: Etiam Judam auferam a facie mea sicut abstuli Israel, et projiciam civitatem hanc quam elegi Jerusalem, et domum de qua dixi: Erit nomen meum ibi. Reliqua autem sermonum Josiæ, et universa quæ fecit, nonne hæc scripta sunt in libro verborum dierum regum Juda? In diebus ejus ascendit Pharao Necho rex Ægypti, contra regem Assyriorum ad flumen Euphratem, et abiit Josias rex in occursum ejus, et occisus est in Mageddo, cum vidisset eum. Et portaverunt eum servi sui mortuum de Mageddo, et pertulerunt in Jerusalem, et sepelierunt eum in sepulchro suo.

ñ. Exaudisti Domine, p. 437.

Lectio iij.

**T**ULITQUE populus terræ Joachaz filium Josiæ, et unxerunt eum,

et constituerunt eum regem pro patre suo. Viginti trium annorum erat Joachaz cum regnare cœpisset, et tribus mensibus regnavit in Jerusalem: nomen matris ejus Amital, filia Jeremiæ, de Lobna. Et fecit malum coram Domino, juxta omnia quæ fecerant patres ejus. Viuxitque eum Pharao Necho in Rebla, quæ est in terra Emath, ne regnaret in Jerusalem, et imposuit mulctam terræ, centum talentis argenti, et talento auri. Regemque constituit Pharao Necho Eliacim filium Josiæ, pro Josia patre ejus, vertitque nomen ejus Joakim. Porro Joachaz tulit, et duxit in Ægyptum, et mortuus est ibi.

ñ. Audi Domine, p. 437.

### FERIA QUINTA.

De libro quarto Regum.

Lectio j.

Cap. 23. et 24.

**V**IGINTI quinque annorum erat Joakim cum regnare cœpisset, et undecim annis regnavit in Jerusalem: nomen matris ejus Zebida, filia Phadaia de Ruma. Et fecit malum coram Domino juxta omnia quæ fecerant patres ejus. In diebus ejus ascendit Nabuchodonosor rex Babylonis, et factus est ei Joakim servus tribus annis, et rursum rebellavit contra eum.

ñ. Præparate corda, p. 435.

Lectio ij.

**I**MMISITQUE ei Dominus latrunculos Chaldæorum, et latrunculos Syriæ, et latrunculos Moab, et latrunculos filiorum Ammon; et immisit eos in Judam, ut disperderent eum, juxta verbum Domini, quod locutus fuerat per servos suos Prophetas. Factum est autem hoc per verbum Domini contra Judam, ut auferret eum coram se, propter peccata Manasse universa quæ fecit, et propter sanguinem innocentium quem effudit, et implevit Jerusalem cruore innocentium, et ob hanc rem noluit Dominus propitiari.

ñ. Deus omnium, p. 441.

Lectio iij.

**R**ELIQUA autem sermonum Joakim, et universa quæ fecit, non-



ne hæc scripta sunt in libro sermonum dierum regum Juda? Et dormivit Joachim cum patribus suis, et regnavit Joachin filius ejus pro eo. Et ultra non addidit rex Ægypti, ut egrederetur de terra sua: tulerat enim rex Babylonis, a rivo Ægypti usque ad fluvium Euphraten, omnia quæ fuerant regis Ægypti.

¶ Dominus qui eripuit, p. 455.

### FERIA SEXTA.

De libro quarto Regum.

Lectio j.

Cap. 14.

**D**ECIM et octo annorum erat Joachin cum regnare cœpisset, et tribus mensibus regnavit in Jerusalem: nomen matris ejus Nohesta, filia Elnathau de Jerusalem. Et fecit malum coram Domino, juxta omnia quæ fecerat pater ejus. In tempore illo ascenderunt servi Nabuchodonosor regis Babylonis in Jerusalem, et circumdata est urbs munitionibus. Venitque Nabuchodonosor rex Babylonis ad civitatem cum servis suis, ut oppugnarent eam.

¶ Percussit Saul, p. 455.

Lectio ij.

**E**GRESSUSQUE est Joachin rex Juda ad regem Babylonis, ipse et mater ejus, et servi ejus, et principes ejus, et eunuchi ejus: et suscepit eum rex Babylonis anno octavo regni sui. Et protulit inde omnes thesauros domus Domini, et thesauros domus regis, et concidit universa vasa aurea, quæ fecerat Salomon rex Israel in templo Domini, juxta verbum Domini. Et transtulit omnem Jerusalem, et universos principes, et omnes fortes exercitus, decem millia, in captivitatem, et omnem artificem, et clusorem; nihilque relictum est, exceptis pauperibus populi terræ.

¶ Montes Gelboe, p. 456.

Lectio iij.

**T**RANSTULIT quoque Joachin in Babylonem, et matrem regis, et uxores regis, et eunuchos ejus, et judices terræ duxit in captivitatem de

Jerusalem in Babylonem, et omnes viros robustos, septem millia, et artifices, et clusores mille, omnes viros fortes et bellatores: duxitque eos rex Babylonis captivos in Babylonem. Et constituit Mathaniam patruum ejus pro eo, imposuitque nomen ei Sedeciam.

¶ Ego te tuli, p. 456.

### SABBATO

De libro quarto Regum.

Lectio j.

Cap. 14. et 15.

**V**IGINTIMUM et primum annum ætatis habebat Sedecias cum regnare cœpisset, et undecim annis regnavit in Jerusalem: nomen matris ejus erat Amital, filia Jeremiæ de Lobna. Et fecit malum coram Domino, juxta omnia quæ fecerat Joachim. Irascabatur enim Dominus contra Jerusalem et contra Judam, donec projiceret eos a facie sua: recessitque Sedecias a rege Babylonis. Factum est autem anno nono regni ejus, mense decimo, decima die mensis, venit Nabuchodonosor rex Babylonis, ipse et omnis exercitus ejus, in Jerusalem, et circumdederunt eam, et extruxerunt in circuitu ejus munitiones. Et clausa est civitas atque vallata usque ad undecimum annum regis Sedecias, nona die mensis; prævaluitque fames in civitate, nec erat panis populo terræ.

¶ Peccavi super, p. 456.

Lectio ij.

**E**T interrupta est civitas, et omnes viri bellatores nocte fugerunt per viam portæ, quæ est inter duplicem murum ad hortum regis. Porro Chaldæi obsidebant in circuitu civitatem. Fugit itaque Sedecias per viam quæ ducit ad campestria solitudinis. Et persecutus est exercitus Chaldæorum regem, comprehenditque eum in planitie Jericho; et omnes bellatores, qui erant cum eo, dispersi sunt, et reliquerunt eum. Apprehensum ergo regem duxerunt ad regem Babylonis in Reblatha: qui locutus est cum eo judicium. Filios

autem Sedeciae occidit coram eo, et oculos ejus effodit, vinxitque eum catenis, et adduxit in Babylonem.

ñ. Exaudisti Domine, p. 437.

*Lectio iij.*

**M**ENSE quinto, septima die mensis, ipse est annus nonus decimus regis Babylonis, venit Nabuzardan princeps exercitus, servus regis Babylonis, in Jerusalem. Et succendit domum Domini, et domum regis; et domos Jerusalem, omnemque domum combussit igni. Et muros Jerusalem in circuitu destruxit omnis exercitus Chaldaeorum, qui erat cum principe militum. Reliquam autem populi partem quæ remanserat in civitate, et perfugas qui transfugerant ad regem Babylonis, et reliquum vulgus transtulit Nabuzardan princeps militiae. Et de pauperibus terræ reliquit vinitores et agricolas. Columnas autem æreas, quæ erant in templo Domini, et bases, et mare æreum, quod erat in domo Domini, confregerunt Chaldaei, et transtulerunt æs omne in Babylonem.

ñ. Audi Domine, p. 437.

### SABBATO

*Ante Dominicam I. Augusti.*

*Ea autem dicitur I. Dom. mensis quæ est in Kalendis, vel proximior Kal. illius mensis: ita ut si Kal. fuerint ij., iij. et iv. Feria, tunc I. Dom. mensis, in qua liber Scripturæ inchoandus ponitur, est ea quæ præcedit Kal., sin autem v. et vj. Feria vel Sabbato, est ea quæ sequitur; et in Sabbato præced. ad Magnificat ponatur Ant. illius historiae, omissa alia, quæ forte occurreret.*

*Historia vero, id est, ññ. illius libri, si propter aliquod Festum duplex in Dom. occurrens poni non possent, primo die infra Hebd. in quo contingit fieri Offic. de Feria, ponantur ññ. I. Noct. Dom., omissis aliis ññ. si forte in illa Feria haberentur propria, servatis etiam*

*aliis quæ in Rubr. de ññ. num. XLIV. præscripta sunt.*

*Ad Magnif. Ant. Sapientia edificavit sibi domum, excidit columnas septem, subdidit sibi gentes, superbiorum et sublimium colla propria virtute calcavit.*

*Oratio quæ contingit in ordine aliarum Dominicarum, ut infra.*

### DOM. I. AUGUSTI.

*Ponuntur libri Salomonis, et legitur de eis usque ad Dom. I. Sept.*

*IN I. NOCTURNO.*

*Incipiunt Parabolæ Salomonis.*

*Lectio j.*

*Cap. I.*

**P**ARABOLÆ Salomonis, filii David, regis Israel. Ad sciendam sapientiam et disciplinam, ad intelligenda verba prudentiæ, et suscipiendam eruditionem doctrinæ, justitiam, et iudicium, et æquitatem: ut detur parvulis astutia, adolescenti scientia et intellectus. Audiens sapiens, sapientior erit; et intelligens, gubernacula possidebit. Animadvertet parabolam, et interpretationem, verba sapientum, et ænigmata eorum.

ñ. In principio Deus antequam terram faceret, priusquam abyssos constitueret, priusquam produceret fontes aquarum: \* Antequam montes collocarentur, ante omnes colles generavit me Dominus. ÿ. Quando præparabat cælos, aderam: cum eo cuncta componens. — Antequam.

*Lectio ij.*

**T**IMOR Domini principium sapientiæ. Sapientiam atque doctrinam stulti despiciunt. Audi, fili mi, disciplinam patris tui, et ne dimittas legem matris tuæ, ut addatur gratia capiti tuo, et torques collo tuo. Fili mi, si te lactaverint peccatores, ne acquiescas eis. Si dixerint: Veni nobiscum, insidiamur sanguini, abscondamus tendiculas contra insontem frustra, deglutiamus eum sicut infernus viventem, et integrum quasi descendentem in lacum. Omnem pretiosam substantiam reperiemus, implebi-

mus domos nostras spoliis. Sortem mitte nobiscum, marsupium unum sit omnium nostrum.

¶ Gyrum cœli circuivi sola, et in fluctibus maris ambulavi: in omni gente et in omni populo primatum tenui: \* Superborum et sublimium colla propria virtute calcavi. ¶ Ego in altissimis habito, et thronus meus in columna nubis. Superborum.

*Lectio iiij.*

**F**ILI mi, ne ambules cum eis, prohibe pedem tuum a semitis eorum. Pedes enim illorum ad malum currunt, et festinant ut effundant sanguinem. Frustra autem jactur rete ante oculos pennatorum. Ipsi quoque contra sanguinem suum insidiantur, et moliantur fraudes contra animas suas. Sic semitæ omnis avari, animas possidentium rapiunt.

¶ Emitte, Domine, sapientiam de sede magnitudinis tuæ, ut mecum sit, et mecum labore: \* Ut sciam quid acceptum sit coram te omni tempore. ¶ Da mihi, Domine, sedium tuarum assistricem sapientiam. Ut. Gloria. Ut.

## IN II. NOCTURNO.

Ex Tractatu S. Ambrosii Episcopi in psalmum contesimum decimum octavum.

*Lectio iv.*

*Serm. 5. v. 6.*

**I**NITIUM esse sapientiæ timorem Domini dicit Propheta. Quid est autem initium sapientiæ, nisi sæculo renuntiare? Quia sapere sæcularia, stultitia est. Denique sapientiam hujus mundi, stultitiam esse apud Deum Apostolus dicit. Sed et ipse timor Domini, nisi secundum scientiam sit, nihil prodest, imo obest plurimum. Siquidem Judæi habent zelum Dei, sed quia non habent secundum scientiam, in ipso zelo et timore majorem contrahunt divinitatis offensam. Quod circumcidunt infantulos suos, quod sabbata custodiunt, timorem Dei habent; sed quia nesciunt legem spiritalem esse, circumcidunt corpus, non cor suum.

¶ Da mihi, Domine, sedium tuarum assistricem sapientiam, et noli me reprobare a pueris tuis: \* Quoniam servus tuus sum ego, et filius ancillæ tuæ. ¶ Mitte illam de sede magnitudinis tuæ, ut mecum sit, et mecum labore. Quoniam.

*Lectio v.*

**E**T quid de Judæis dico? Sunt etiam in nobis qui habent timorem Dei, sed non secundum scientiam, statuentes duriora præcepta, quæ non possit humana conditio sustinere. Timor in eo est, quia videntur sibi consulere disciplinæ, opus virtutis exigere; sed inscitia in eo est, quia non compatiuntur naturæ, non æstimant possibilitatem. Non sit ergo irrationabilis timor. Etenim vera sapientia a timore Dei incipit, nec est sapientia spiritalis sine timore Dei: ita timor sine sapientia esse non debet.

¶ Initium sapientiæ timor Domini: Intellectus bonus omnibus facientibus eum: laudatio ejus manet in sæculum sæculi. ¶ Dilectio illius custodia legum est, quia omnis sapientia timor Domini. Intellectus.

*Lectio vj.*

**B**ASIS quædam verbi est timor sanctus. Sicut enim simulacrum aliquod in basi statuitur, et tunc majorem habet gratiam cum in basi statua fuerit collocata, standique accipit firmitatem: ita verbum Dei in timore sancto melius statuitur, fortius radicatur in pectore timentis Dominum, ne labatur verbum de corde viri, ne veniant volucres, et auferant illud de incuriosi et dissimulantis affectu.

¶ Verbum iniquum et dolosum longe fac a me, Domine: \* Divitias et paupertatem ne dederis mihi, sed tantum victui meo tribue necessaria. ¶ Duo rogavi te, ne deneges mihi antequam moriar. Divitias. Gloria. Divitias.

¶ vj. Domine Pater et Deus vi-



te meæ, ne derelinquas me in cogitatu maligno: extollentiam oculorum meorum ne dederis mihi, et desiderium malignum averte a me, Domine; aufer a me concupiscentiam, \* Et animo irreverenti et infrunito ne tradas me, Domine. †. Ne derelinquas me, Domine, ne accrescant ignorantia meæ, nec multiplicentur delicta mea. Et.

¶. viij. Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. †. Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena.

## FERIA SECUNDA.

De Parabolis Salomonis.

Lectio j. Cap. 3.

**F**ILI mi, ne obliviscaris legis meæ, et præcepta mea cor tuum custodiat: longitudinem enim dierum, et annos vitæ, et pacem apponent tibi. Misericordia et veritas te non deserant; circumda eas gutturi tuo, et describe in tabulis cordis tui, et invienes gratiam, et disciplinam bonam coram Deo et hominibus. Habe fiduciam in Domino ex toto corde tuo, et ne innitaris prudentiæ tuæ. In omnibus viis tuis cogita illum, et ipse diriget gressus tuos.

¶. Ne derelinquas me, Domine Pater, et dominator vitæ meæ, ut non corruam in conspectu adversariorum meorum: \* Ne gaudeat de me inimicus meus. †. Apprehende arma et scutum, et exurge in adjutorium mihi. Ne.

Lectio ij.

**N**E sis sapiens apud te metipsum: time Deum, et recede a malo, sanitas quippe erit umbilico tuo, et irrigatio ossium tuorum. Honora Dominum de tua substantia, et de primitiis omnium frugum tuarum da ei, et implebuntur horrea tua saturitate, et vino torcularia tua redundabunt.

¶. Magna enim sunt judicia tua, Domine, et inenarrabilia verba tua, \* Magnificasti populum tuum, et honorasti. †. Transtulisti illos per mare Rubrum, et transvexisti eos per aquam nimiam. Magnificasti.

Lectio iij.

**D**ISCIPLINAM Domini, filii mi, ne abjicias; nec deficias, cum ab eo corripieris. Quem enim diligit Dominus, corripit; et quasi pater in filio complacet sibi. Beatus homo qui invenit sapientiam, et qui affluit prudentia. Melior est acquisitio ejus negotiatione argenti, et auri primi et purissimi fructus ejus: pretiosior est cunctis opibus, et omnia quæ desiderantur, huic non valent comparari.

¶. Quæ sunt in corde hominum oculi tui vident, Domine, et in libro tuo omnia scribentur. \* Homo videt in facie; Deus autem in corde: †. Omnia enim corda scrutatur, et universas mentium cogitationes intelligit. Homo. Gloria. Homo.

## FERIA TERTIA

De Parabolis Salomonis.

Lectio j. Cap. 4.

**F**ILI mi, attende ad sapientiam meam, et prudentiæ meæ inclina aurem tuam, ut custodias cogitationes, et disciplinam labia tua conservent. Ne attendas fallaciæ mulieris. Favus enim distillans labia meretricis; et nitidius oleo guttur ejus. Novissima autem illius amara quasi absyuthium, et acuta quasi gladius biceps. Pedes ejus descendunt in mortem, et ad inferos gressus illius penetrant. Per semitam vitæ non ambulant, vagi sunt gressus ejus, et investigabiles.

¶. Præbe, fili, cor mihi, et oculi tui vias meas custodiant: \* Ut addatur gratia capiti tuo. †. Attende, fili mi, sapientiam meam, et ad eloquium meum inclina aurem tuam. Ut.

Lectio ij.

**N**UNC ergo, fili mi, audi me, et ne recedas a verbis oris mei.

Longe fac ab ea viam tuam, et ne appropinques foribus domus ejus. Ne des alienis honorem tuum, et annos tuos crudeli, ne forte impleantur extranei viribus tuis, et labores tui sint in domo aliena, et gemas in novissimis, quando consumpseris carnes tuas et corpus tuum, et dicas: Cur detestatus sum disciplinam, et increpationibus non acquievit cor meum, nec audiavi vocem docentium me, et magistris non inclinavi aurem meam?

¶. Initium sapientiæ timor Domini: \* Intellectus bonus omnibus facientibus eum: laudatio ejus manet in sæculum sæculi. ¶. Dilectio illius custodia legum est, quia omnis sapientia timor Domini. Intellectus.

*Lectio iij.*

**Q**UARE seduceris, fili mi, ab aliena, et foveris in sinu alterius? Respicit Dominus vias hominis, et omnes gressus ejus considerat. Iniquitates suæ capiunt impium, et funibus peccatorum suorum constringitur. Ipse morietur, quia non habuit disciplinam, et in multitudine stultitiæ suæ decipietur.

¶. Verbum iniquum et dolosum longe fac a me; Domine: \* Divitias et paupertatem ne dederis mihi, sed tantum victui meo tribue necessaria. ¶. Duo rogavi te, ne deneges mihi antequam moriar. Divitias. Gloria. Divitias.

### FERIA QUARTA.

1. De Parabolis Salomonis.

*Lectio j. Cap. 4.*

**N**UNQUID non sapientia clamat, et prudentia dat vocem suam? In summis excelsisque verticibus supra viam, in mediis semitis stans, juxta portas civitatis in ipsis foribus loquitur, dicens: O viri, ad vos clamo, et vox mea ad filios hominum. Intelligite, parvuli, astutiam, et insipientes, animadvertite. Audite, quoniam de rebus magnis locutura sum; et aperientur labia mea, ut recta prædicent.

¶. Domine Pater, p. 498.

*Lectio ij.*

**V**ERITATEM meditabitur guttur meum, et labia mea detestabuntur impium. Justi sunt omnes sermones mei; non est in eis pravam quid, neque perversum. Recti sunt intelligentibus, et æqui invenientibus scientiam. Accipite disciplinam meam, et non pecuniam: doctrinam magis quam aurum eligit. Melior est enim sapientia cunctis pretiosissimis, et omne desiderabile ei non potest comparari.

¶. Magna enim sunt, p. 499.

*Lectio iij.*

**E**GO sapientia habito in consilio, et eruditus intersum cogitationibus. Timor Domini odit malum: arrogantiam, et superbiam, et viam pravam, et os lingue detestor. Meum est consilium, et æquitas: mea est prudentia, mea est fortitudo. Per me reges regnant; et legum conditores justa decernunt. Per me principes imperant, et potentes decernunt justitiam. Ego diligentes me diligo: et qui mane vigilant ad me, invenient me.

¶. Quæ sunt in corde, p. 499.

### FERIA QUINTA.

De Parabolis Salomonis.

*Lectio j. Cap. 16.*

**F**ILIUS sapiens lætificat patrem: filius vero stultus mœstitia est matris suæ. Nil proderunt thesauri impietatis; justitia vero liberabit a morte. Non affliget Dominus fame animam justis, et insidias impiorum subvertet. Egestatem operata est manus remissa; manus autem fortium divitias parat. Qui nititur mendaciis, hic pascit ventos; idem autem ipse sequitur aves volantes. Qui congregat in messe, filius sapiens est: qui autem stertit æstate, filius confusio- nis.

¶. In principio Deus, p. 497.

*Lectio ij.*

**B**ENEDICTIO Domini super caput justis; os autem impiorum

operit iniquitas. Memoria justi cum laudibus : et nomen impiorum putrescet. Sapiens corde præcepta suscipit stultus cæditur labiis. Qui ambulat simpliciter , ambulat confidenter; qui autem depravat vias suas , manifestus erit. Qui annuit oculo , dabit dolorem : et stultus labiis verberabitur.

q. Gyrum cæli circuivi, p. 498.

*Lectio iij.*

**V**ENA vitæ os justi , et os impiorum operit iniquitatem. Odium suscitatur rixas , et universa delicta operit charitas. In labiis sapientis invenitur sapientia ; et virga in dorso ejus qui indiget corde. Sapientes abscondunt scientiam ; os autem stulti confusio proximum est. Substantia divitis urbs fortitudinis ejus ; pavor pauperum egestas eorum. Opus justi ad vitam ; fructus autem impii ad peccatum.

q. Emitte Domine , p. 498.

### FERIA SEXTA.

De Parabolis Salomonis.

*Lectio j. Cap. 14.*

**S**APIENS mulier ædificat domum suam ; insipiens extructam quoque manibus destruet. Ambulans recto itinere , et timens Deum , despicitur ab eo qui infami graditur via. In ore stulti virga superbiæ : labia autem sapientium custodiunt eos. Ubi non sunt boves , præsepe vacuum est ; ubi autem plurimæ segetes , ibi manifesta est fortitudo bovis. Testis fidelis non mentitur : profert autem mendacium dolosus testis.

q. Da mihi Domine , p. 498.

*Lectio ii.*

**Q**UERIT derisor sapientiam , et non invenit : doctrina prudentium facilis. Vade contra virum stultum , et nescit labia prudentiæ. Sapientia callidi est intelligere viam suam , et imprudentia stultorum errans. Stultus illudet peccatum , et inter justos morabitur gratia. Cor quod novit amaritudinem animæ suæ,

in gaudio ejus non miscebitur extraneus. Domus impiorum delebitur ; tabernacula vero justorum germinabunt.

q. Initium sapientiæ , p. 498.

*Lectio iij.*

**E**ST via quæ videtur homini justa : novissima autem ejus deducunt ad mortem. Risus dolore miscebitur , et extrema gaudii luctus occupat. Viis suis replebitur stultus , et super eum erit vir bonus. Innocens credit omni verbo ; astutus considerat gressus suos. Filio doloso nihil erit boni : servo autem sapienti prosperi erunt actus , et dirigetur via ejus. Sapiens timet , et declinet a malo ; stultus transilit , et confidit.

q. Verbum iniquum , p. 498.

### SABBATO.

De Parabolis Salomonis.

*Lectio j. Cap. 16.*

**H**OMINIS est animam præparare , et Domini gubernare linguam. Omnes viæ hominis patent oculis ejus : spirituum ponderator est Dominus. Revela Domino opera tua et dirigentur cogitationes tuæ. Universa propter semetipsum operatus est Dominus ; impium quoque ad diem malum. Abominatio Domini est omnis arrogans ; etiam si manus ad manum fuerit , non est innocens.

q. Domine Pater , p. 498.

*Lectio ij.*

**I**NITIUM viæ bonæ facere justitiam : accepta est autem apud Deum magis , quam immolare hostias. Misericordia et veritate redimitur iniquitas , et in timore Domini declinatur a malo. Cum placuerint Domino viæ hominis , inimicos quoque ejus convertet ad pacem. Melius est parum cum justitia , quam multi fructus cum iniquitate. Cor hominis disponit viam suam ; sed Domini est dirigere gressus ejus.

q. Magna enim sunt , p. 499.



*Lectio iij.*

**D**IVINATIO in lablis regis, in iudicio non errabit os ejus. Pondus et statéra judicia Domini sunt, et opera ejus omnes lapides sacculi. Abominabiles regi qui agunt impie, quoniam justitia firmatur solium. Voluntas regum labia justa; qui recta loquitur, diligitur. Indignatio regis nuntii mortis, et vir sapiens placabit eam. In hilaritate vultus regis vita, et clementiæ ejus quasi imber serotinus.

ñ. Quæ sunt in corde, p. 499.

*Ad Magnif. Ant.* Ego in altissimis habito, et thronus meus in columna nubis.

## DOM. II. AUGUSTI.

### IN I. NOCTURNO.

Incipit liber Ecclesiastes.

*Lectio j. Cap. i.*

**V**ERBA Ecclesiastæ filii David, regis Jerusalem. Vanitas vanitatum, dixit Ecclesiastes, vanitas vanitatum, et omnia vanitas. Quid habet amplius homo de universo labore suo, quo laborat sub sole? Generatio præterit, et generatio advenit: terra autem in æternum stat. Oritur sol, et occidit, et ad locum suum revertitur: ibique renascens, gyrat per meridiem, et flectitur ad Aquilonem. Lustrans universa in circuitu pergit spiritus, et in circulos suos revertitur. Omnia flumina intrant in mare, et mare non redundat: ad locum unde exeunt, flumina revertuntur, ut iterum fluant.

ñ. In principio Deus, p. 497.

*Lectio ij.*

**C**UNCTÆ res difficiles: non potest eas homo explicare sermone. Non saturatur oculus visu, nec auris audita impletur. Quid est quod fuit? ipsum quod futurum est. Quid est quod factum est? ipsum quod faciendum est. Nihil sub sole novum, nec valet quisquam dicere: Ecce hoc recens est: jam enim præcessit in sæculis, quæ fuerunt ante nos. Non est priorum memoria, sed nec eorum

quidem quæ postea futura sunt, erit recordatio apud eos qui futuri sunt in novissimo.

ñ. Gyrum cœli circuivi, p. 498.

*Lectio iij.*

**E**GO Ecclesiastes fui rex Israel in Jerusalem, et proposui in animo meo quærere et investigare sapienter de omnibus, quæ sunt sub sole. Hanc occupationem pessimam dedit Deus filiis hominum, ut occuparentur in ea. Vidi cuncta quæ sunt sub sole, et ecce universa vanitas, et afflictio spiritus. Perversi difficile corriguntur, et stultorum infinitus est numerus. Locutus sum in corde meo, dicens: Ecce magnus effectus sum, et præcessi omnes sapientia, qui fuerunt ante me in Jerusalem: et mens mea contemplata est multa sapienter, et didici. Deditque cor meum ut scirem prudentiam atque doctrinam, erroresque et stultitiam.

ñ. Emitte Domine, p. 498.

### IN II. NOCTURNO.

Sermo S. Joannis Chrysostomi.

*Serm. contra concubinar.*

*Lectio iv.*

**S**ALOMON cum sæcularium rerum concupiscentia teneretur, magnas eas et admirandas putabat, multumque in eis laboris et sollicitudinis insumebat, magnificas ædificando domos, copiosum coacervando aurum, congregando cantorum choros, varia genera ministrorum mensæ et popinæ, quærendo animæ suæ voluptatem ab hortorum et corporum formosorum gratia, et omnem, ut ita dicam, oblectationis et refrigerii viam sectando.

ñ. Da mihi Domine, p. 498.

*Lectio v.*

**A**T ubi inde ad se reversus, et quasi ex umbrosa quadam abisso ad lumen veræ sapientiæ respicere valuit, tunc sublimem illam, et cælis dignam emisit vocem: Vanitas vanitatum, dicens, et omnia vanitas. Haec et vos, et hac sublimiorem, si volueritis, elletis sententiam de intempe-

stiva hac voluptate, si aliquantisper a mala consuetudine vos sequestraveritis.

¶ Initium sapientiae, p. 498.

Lectio vj.

**Q**UAMVIS autem a Salomone oculis superioribus non tam multa sapientiae exigebatur diligentia: neque enim delicias lex vetus prohibebat, neque aliis frui supervacuis dicebat vanum: attamen et sic se habentibus rebus, in ipsis contueri licebit, quam viles, et vanitati obnoxiae res sint. Nos vero ad majorem vocati vitam, et ad excellentius fastigium ascendimus, et in majoribus exercemur palæstris: et quid aliud quam quod, sicut supernae virtutes intellectuales et incorporeae illae, vitam instituere jubemur?

¶ Verbum iniquum, p. 498.

In III. Noct. ¶ vij. et viij. ut ibid.

## FERIA SECUNDA

De libro Ecclesiastæ.

Lectio j.

Cap. 2.

**D**IXI ego in corde meo: Vadam, et affluam deliciis, et fruor bonis. Et vidi quod hoc quoque esset vanitas. Risum reputavi errorem, et gaudio dixi: Quid frustra deciperis? Cogitavi in corde meo abstrahere a vino carnem meam, ut animum meum transferrem ad sapientiam, devitaremque stultitiam, donec viderem quid esset utile filiis hominum: quo facto opus est sub sole numero dierum vitae suae. Magnificavi opera mea, ædificavi mihi domos, et plantavi vineas.

¶ Ne derelinquas, p. 499.

Lectio ij.

**P**OSSEDI servos et ancillas, multamque familiam habui, armenta quoque, et magnos ovium greges, ultra omnes qui fuerunt ante me in Jerusalem: coacervavi mihi argentum: aurum, et substantias regum ac provinciarum, feci mihi cantores et cantatrices, et delicias filiorum hominum, scyphos et urceos in mini-

sterio ad vina fundenda; et supergressus sum opibus omnes, qui ante me fuerunt in Jerusalem: sapientia quoque perseveravit mecum.

¶ Magna enim sunt, p. 499.

Lectio iij.

**E**T omnia quae desideraverunt oculi mei, non negavi eis; nec prohibui cor meum, quin omni voluptate frueretur, et oblectaret se in his quae præparaveram, et hanc ratus sum partem meam, si uterer labore meo. Cumque me convertissem ad universa opera quae fecerant manus meae, et ad labores in quibus frustra sudaveram, vidi in omnibus vanitatem, et afflictionem animi, et nihil permanere sub sole.

¶ Quae sunt in corde, p. 499.

## FERIA TERTIA.

De libro Ecclesiastæ.

Lectio j.

Cap. 3.

**O**MNIA tempus habent, et suis spatiis transeunt universa sub caelo. Tempus nascendi, et tempus moriendi. Tempus plantandi, et tempus evellendi quod plantatum est. Tempus occidendi, et tempus sanandi. Tempus destruendi, et tempus ædificandi. Tempus flendi, et tempus ridendi. Tempus plangendi, et tempus saltandi. Tempus spargendi lapides, et tempus colligendi. Tempus amplexandi, et tempus longe fieri ab amplexibus. Tempus acquirendi, et tempus perdendi. Tempus custodiendi, et tempus abjiciendi. Tempus scindendi, et tempus consuendi. Tempus tacendi, et tempus loquendi. Tempus dilectionis, et tempus odii. Tempus belli, et tempus pacis.

¶ Præbe fili cor, p. 499.

Lectio ij.

**Q**UID habet amplius homo de labore suo? Vidi afflictionem quam dedit Deus filiis hominum, ut distendantur in ea. Cuncta fecit bona in tempore suo, et mundum tradidit disputationi eorum, ut non inveniat homo opus quod operatus est Deus

ab initio usque ad finem. Et cognovi quod non esset melius, nisi lætari, et facere bene in vita sua. Omnis enim homo qui comedit et bibit, et videt bonum de labore suo, hoc donum Dei est.

¶. Initium sapientiæ, p. 498.

*Lectio iij.*

**D**IDICI quod omnia opera quæ fecit Deus, perseverent in perpetuum: non possumus eis quidquam addere, nec auferre, quæ fecit Deus ut timeatur. Quod factum est, ipsum permanet: quæ futura sunt, jam fuerunt: et Deus instaurat quod abiit. Vidi sub sole in loco iudicii impietatem, et in loco justitiæ iniquitatem. Et dixi in corde meo: Justum et impium judicabit Deus, et tempus omnis rei tunc erit.

¶. Verbum iniquum, p. 498.

#### FERIA QUARTA.

De libro Ecclesiastæ.

*Lectio j. Cap. 4.*

**V**ERTI me ad alia, et vidi calumnias quæ sub sole geruntur, et lacrymas innocentium, et neminem consolatorem: nec posse resistere eorum violentiæ, cunctorum auxilio destitutos. Et laudavi magis mortuos quam viventes, et feliciorum utroque judicavi qui necdum natus est, nec vidit mala quæ sub sole fiunt. Rursum contemplatus sum omnes labores hominum, et industrias animadverti patere invidiæ proximi; et in hoc ergo vanitas, et cura superflua est.

¶. Domine Pater, p. 498.

*Lectio ij.*

**S**TULTUS complicat manus suas. Et comedit carnes suas, dicens: Melior est pugillus cum requie, quam plena utraque manus cum labore et afflictione animi. Considerans reperi et aliam vanitatem sub sole: unus est, et secundum non habet, non filium, non fratrem, et tamen laborare non cessat, nec satiantur oculi ejus divitiis, nec recogitat, dicens: Cui laboro, et fraudo animam meam bonis?

In hoc quoque vanitas est, et afflictio pessima.

¶. Magna enim sunt, p. 499.

*Lectio iij.*

**M**ELIUS est ergo duos esse simul quam unum: habent enim emolumentum societatis suæ, si unus ceciderit, ab altero fulciatur. Væ soli, quia cum ceciderit, non habet sublevantem se. Et si dormierint duo, fovebuntur mutuo: unus quomodo calefiet? Et si quispiam prævaluerit contra unum, duo resistunt ei: funiculus triplex difficile rumpitur. Melior est pauper et sapiens rege sene et stulto, qui nescit prævidere in posterum.

¶. Quæ sunt in corde, p. 499.

#### FERIA QUINTA.

De libro Ecclesiastæ.

*Lectio j. Cap. 5.*

**N**E temere quid loquaris, neque: ortuum sit velox ad proferendum sermonem coram Deo. Deus enim in cælo, et tu super terram: idcirco sunt pauci sermones tui. Multas curas sequuntur somnia, et in multis sermonibus invenietur stultitia. Si quid vivisti Deo, ne moreris reddere: displicet enim ei infidelis et stulta promissio. Sed quodcumque voveris, redde: multoque melius est non vovere, quam post votum promissa non reddere.

¶. In principio Deus, p. 497.

*Lectio ij.*

**N**E dederis os tuum ut peccare facias carnem tuam, neque dicas coram Angelo: Non est providentia; ne forte iratus Deus contra sermones tuos, dissipet cuncta opera manuum tuarum. Ubi multa sunt somnia, plurimæ sunt vanitates, et sermones innumerari. Tu vero Deum time. Si videris calumnias egenorum, et violenta iudicia, et subverti justitiam in provincia, non mireris super hoc negotio, quia excelso excelsior est alius, et super hos quoque eminentiores sunt alii, et insuper universæ terræ rex imperat servienti.



¶. *Gyrum cœli circuivi*, p. 498:

*Lectio iij.*

**A**VARUS non implebitur pecunia; et qui amat divitias, fructum non capiet ex eis: et hoc ergo vanitas. Ubi multæ sunt opes, multi et qui comedunt eas. Et quid prodest possessori, nisi quod cernit divitias oculis suis? Dulcis est somnus operanti, sive parum, sive multum comedat: saturitas autem divitis non sinit eum dormire. Est et alia infirmitas pessima, quam vidi sub sole: divitiæ conservatæ in malum domini s. ii. Pereunt enim in afflictione pessima: generavit filium qui in summa egestate erit.

¶. *Emitte Domine* p. 498.

### FERIA SEXTA.

De libro Ecclesiastæ.

*Lectio j. Cap. 6.*

**E**ST et aliud malum quod vidi sub sole, et quidem frequens apud homines: Vir, cui dedit Deus divitias, et substantiam, et honorem, et nihil deest animæ suæ ex omnibus quæ desiderat; nec tribuit ei potestatem Deus ut comedat ex eo, sed homo extraneus vorabit illud. Hoc vanitas et miseria magna est.

¶. *Da mihi Domine*, p. 498.

*Lectio ij.*

**S**I genuerit quispiam centum liberos, et vixerit multos annos, et plures dies habuerit, et anima illius non utatur bonis substantiæ suæ, sepulturaque careat, de hoc ego pronuntio quod melior illo sit abortivus. Frustra enim venit, et pergit ad tenebras, et oblivione delebitur nomen ejus. Non vidit solem, neque cognovit distantiam boni et mali: etiam si duobus millibus annis vixerit, et non fuerit perfruitus bonis.

¶. *Initium sapientiæ*, p. 498.

*Lectio iij.*

**N**ONNE ad unum locum properant omnia? Omnis labor hominis in ore ejus, sed anima ejus non imple-

bitur. Quid habet amplius sapiens a stulto? et quid pauper, nisi ut pergat illuc ubi est vita? Melius est videre quod cupias, quam desiderare quod nescias. Sed et hoc vanitas est, et præsumptio spiritus.

¶. *Verbum ioiquum*, p. 498.

### SABBATO.

De libro Ecclesiastæ.

*Lectio j. Cap. 7.*

**Q**UID necesse est homini majora se quærere, cum ignoret quid conducat sibi in vita sua, numero dierum peregrinationis suæ, et tempore quod velut umbra præterit? Aut quis ei poterit indicare quid post eum futurum sub sole sit? Melius est nomen bonum, quam unguenta pretiosa, et dies mortis die nativitatis. Melius est ire ad domum luctus, quam ad domum convivii: in illa enim finis cunctorum admonetur hominum, et vivens cogitat quid futurum sit.

¶. *Domine Pater*, p. 498.

*Lectio ij.*

**M**ELIOR est ira risu, quia per tristitiam vultus corrigitur animus delinquentis. Cor sapientium ubi tristitia est, et cor stultorum ubi lætitia. Melius est a sapiente corripiri, quam stultorum adulatione decipi, quia sicut sonitus spinarum ardentium sub olla, sic risus stulti: sed et hoc vanitas. Calumnia conturbat sapientem, et perdet robur cordis illius. Melior est finis orationis quam principium. Melior est patiens arrogante.

¶. *Magna enim sunt*, p. 498.

*Lectio iij.*

**N**E dicas: Quid putas causæ est quod priora tempora meliora fuerint, quam nunc sunt? stulta enim est hujusmodi interrogatio. Utilior est sapientia cum divitiis, et magis prodest videntibus solem. Sicut enim protegit sapientia, sic protegit pecunia. Hoc autem plus habet eruditio et sapientia, quod vitam tribuunt possessori suo. Considera opera Dei,

quod nemo possit corrigere quem illo despexerit.

ñ. Quæ sunt in corde , p. 499.

*Ad Magnif. Ant.* Omnis sapientia a Domino Deo est , et cum illo fuit semper , et est ante ævum.

*Si sequens Dom. venerit in die Assumpt. B. Mariæ, vel S. Joachim, aut S. Hyacinthi, vel in die Oct. S. Laurentii, liber Sapientiæ ponitur in ipsa die S. Hyacinthi, vel in die Oct. S. Laurentii, et de eo legitur in festo S. Bernardi, et post Oct. Assump. B. Mariæ, si supersit dies, usque ad seq. Dom.*

### DOM. III. AUGUSTI

#### IN I. NOCTURNO.

Incipit liber Sapientiæ.

*Lectio j. Cap. i.*

**D**ILIGITE justitiam , qui iudicatis terram. Sentite de Domino in bonitate , et in simplicitate cordis quærite illum , quoniam invenitur ab his , qui non tentant illum , apparet autem eis , qui fidem habent in illum. Perversæ enim cogitationes separant a Deo ; probata autem virtus corripit insipientes. Quoniam in malevolam animam non introibit sapientia , nec habitabit in corpore subdito peccatis.

ñ. In principio Deus , p. 497.

*Lectio ij.*

**S**PIRITUS enim sanctus discipline effugiet fictum , et auferet se a cogitationibus quæ sunt sine intellectu , et corripietur a superveniente iniquitate. Benignus est enim spiritus sapientiæ , et non liberabit maledicum a labiis suis : quoniam renum illius testis est Deus , et cordis illius scrutator est verus , et linguæ ejus auditor. Quoniam Spiritus Domini replevit orbem terrarum : et hoc quod continet omnia , scientiam habet vocis. Propter hoc qui loquitur iniqua , non potest latere , nec præteriet illum corripiens iudicium.

ñ. Gyrum cæli circuivi , p. 498.

*Lectio iij.*

**I**N cogitationibus enim impii interrogatio erit : sermonum autem il-

lius auditio ad Deum veniet , ad correctionem iniquitatum illius. Quoniam auris zeli audit omnia , et tumultus murmurationum non abscondetur. custodite ergo vos a murmuratione quæ nihil prodest , et a detractatione parcite linguæ , quoniam sermo obscurus in vacuum non ibit : os autem quod mentitur , occidit animam.

ñ. Emitte Domine , p. 498.

#### IN II. NOCTURNO.

Ex libro Officiorum S. Ambrosii.  
Episcopi.

*Lectio iv.*

*Lib. 1. c. 38.*

**M**AGNUS justitiæ splendor , quæ aliis potius nata , quam sibi , communitatem et societatem nostram adjuvat , excelsitatem tenet , ut suo iudicio omnia subjecta habeat , opem aliis ferat , pecuniam conferat , officia non abnuat , pericula suscipiat aliena. Quis non cuperet hanc virtutis arcem tenere , nisi prima avaritia infirmaret atque inflecteret tantæ virtutis vigorem ? Etenim dum augere opes , aggregare pecunias , occupare terras possessionibus cupimus , præstare divitiis , justitiæ formam exuimus beneficentiam communem amittimus.

ñ. Da mihi Domine , p. 498.

*Lectio v.*

**Q**UANTA autem justitia sit , ex hoc intelligi potest quod nec locis , nec personis , nec temporibus excipitur , quæ etiam hostibus reservatur : ut si constitutus sit cum hoste aut locus , aut dies prælio , adversus justitiam putetur , aut loco prævenire aut tempore. Interest enim utrum aliquis pugna aliqua et conflictu gravi capiatur , an superiore gratia , vel aliquo eventu. Si ergo in bello justitia valet , quanto magis in pace servanda est ?

ñ. Initium sapientiæ , p. 498.

*Lectio vi.*

**F**UNDAMENTUM ergo est justitiæ fides. Justorum enim corda

meditantur fidem, et qui se justus accusat, justitiam supra fidem collocat. Nam tunc justitia ejus apparet, si vera fateatur. Denique et Dominus per Isaiam: Ecce, inquit, mitto lapidem in fundamentum Sion, id est, Christum in fundamentum Ecclesiae. Fides omnium Christus: Ecclesia autem quaedam forma justitiae est, commune jus omnium; in commune orat, in commune operatur, in commune tentatur. Denique qui seipsum sibi abnegat, ipse justus, ipse dignus Christo est. Ideo et Paulus fundamentum posuit Christum, ut supra eum opera justitiae locaremus: quia fides fundamentum est.

¶. Verbum iniquum, p. 498.

In III. Noct. ¶. vij. et viij. ut ibid.

## FERIA SECUNDA

De libro Sapientiae.

Lectio j. Cap. 3.

**J**USTORUM autem animae in manu Dei sunt, et non tanget illos tormentum mortis. Visi sunt oculis insipientium mori, et aestimata est afflictio exitus illorum; et quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam Deus tentavit eos, et invenit illos dignos se. Tanquam aurum in fornace probavit illos, et quasi holocausti hostiam accepit illos, et in tempore crit respectus illorum.

¶. Ne derelinquas, p. 499.

Lectio ij.

**F**ULGEBUNT justii, et tanquam scintillae in arundinetis discurrent. Judicabunt nationes, et dominabuntur populis, et regnabit Dominus illorum in perpetuum. Qui confidunt in illo, intelligent veritatem, et fideles in dilectione acquiescent illi: quoniam donum et pax est electis ejus. Impii autem secundum quae cogitaverunt, correptionem habebunt: qui neglexerunt justum, et a Domino recesserunt.

Sapientiam enim et disciplinam qui abjicit, infelix est: et vacua est spes illorum, et labores sine fructu, et inutilia opera eorum.

¶. Magna enim sunt, p. 499.

Lectio iij. Cap. 5.

**J**USTI autem in perpetuum vivent, et apud Dominum est merces eorum, et cogitatio illorum apud Altissimum. Ideo accipient regnum decoris, et diadema speciei de manu Domini: quoniam dextera sua teget eos, et brachio sancto suo defendet illos. Accipiet armaturam zelus illius, et armabit creaturam ad ultionem inimicorum. Induet pro thorace justitiam, et accipiet pro galea judicium certum. Sumet scutum inexpugnabile aequitatem: acuet autem duram iram in lanceam, et pugnabit cum illo orbis terrarum contra insensatos.

¶. Quae sunt in corde, p. 499.

## FERIA TERTIA

De libro Sapientiae.

Lectio j. Cap. 6.

**M**ELIOR est sapientia quam vires, et vir prudens quam fortis. Audite ergo, reges, et intelligite: discite, judices finium terrae. Praebete aures, vos, qui continetis multitudines, et placetis vobis in turbis nationum: quoniam data est a Domino potestas vobis, et virtus ab Altissimo, qui interrogabit opera vestra, et cogitationes scrutabitur: quoniam cum essetis ministri regni illius, non recte judicastis, nec custodistis legem justitiae, neque secundum voluntatem Dei ambulastis.

¶. Praebe fili cor, p. 499.

Lectio ij.

**H**ORRENDE et cito apparebit vobis: quoniam judicium durissimum his qui praesunt, fiet. Exiguo enim conceditur misericordia: potentes autem potenter tormenta patientur. Non enim subtrahet personam cujusquam Deus, nec verebitur magnitudinem cujusquam: quoniam pusillum et magnum ipse legit, et aequa-



liter cura est illi de omnibus. Fertioribus autem fortior instat cruciatio.

ñ. Initium sapientiæ, p. 498.

*Lectio iij.*

**A**D vos ergo reges, sunt hi sermones mei, ut discatis sapientiam, et non excidatis. Qui enim custodierunt iusta iuste, justificabuntur; et qui didicerint ista, invenient quid respondeant. Concupiscite ergo sermones meos, diligite illos, et habebitis disciplinam. Clara est, et quæ nunquam marcescit sapientia, et facile videtur ab his qui diligunt eam, et invenitur ab his qui quærunt illam.

ñ. Verbum iniquum, p. 498.

### FERIA QUARTA.

De libro Sapientiæ.

*Lectio j. Cap. 7.*

**S**UM quidem et ego mortalis homo, similis omnibus, et ex genere terreni illius, qui prior factus est; et in ventre matris figuratus sum caro, decem mensium tempore coagulatus sum in sanguine, ex semine hominis et delectamento somni conveniente. Et ego natus accepi communem aerem, et in similiter factam decidi terram, et primam vocem similem omnibus emisi plorans. In involumentis nutritus sum, et curis magnis. Nemo enim ex regibus aliud habuit nativitatis initium. Unus ergo introitus est omnibus ad vitam, et similis exitus.

ñ. Domine Pater, p. 498.

*Lectio ij.*

**P**ROPTER hoc optavi, et datus est mihi sensus, et invocavi, et venit in me spiritus sapientiæ; et præposui illam regnis et sedibus, et divitias nihil esse duxi in comparatione illius. Nec comparavi illi lapidem pretiosum, quoniam omne aurum in comparatione illius, arena est exigua, et tanquam lutum æstimabitur argentum in conspectu illius. Super salutem et speciem dilexi illam, et proposui pro luce habere illam,

quoniam inextinguibile est lumen illius.

ñ. Magna enim sunt, p. 499.

*Lectio ij.*

**V**ENERUNT autem mihi omnia bona pariter cum illa, et innumeralis honestas per manus illius, et lætatus sum in omnibus, quoniam antecedebat me ista sapientia, et ignorabam quoniam horum omnium mater est. Quam sine fictione didici, et sine invidia communico, et honestatem illius non abscondo. Infinitus enim thesaurus est hominibus, quo qui usi sunt, participes facti sunt amicitiae Dei propter disciplinæ dona commendati.

ñ. Quæ sunt in corde, p. 499.

### FERIA QUINTA.

De libro Sapientiæ.

*Lectio j. Cap. 9.*

**Q**UIS hominum poterit scire consilium Dei? aut quis poterit cogitare quid velit Deus? Cogitationes enim mortalium timidae, et incertae providentiæ nostræ. Corpus enim quod corrumpitur, aggravat animam, et terrena inhabitatio deprimit sensum multa cogitantem. Et difficile æstimamus, quæ in terra sunt, et quæ in prospectu sunt, invenimus cum labore. Quæ autem in cælis sunt, quis investigabit? Sensum autem tuum quis sciet, nisi tu dederis sapientiam, et miseris Spiritum sanctum tuum de altissimis, et sic correctæ sint semitæ eorum qui sunt in terris, et quæ tibi placent, didicerint homines? Nam per sapientiam sanati sunt quicumque placuerunt tibi, Domine, a principio.

ñ. In principio Deus, p. 497.

*Lectio ij. Cap. 10.*

**N**EC illum, qui primus formatus est a Deo pater orbis terrarum, cum solus esset creatus, custodivit, et eduxit illum a delicto suo, et dedit illi virtutem continendi omnia. Ab hac ut recessit injustus in ira sua, per iram homicidii fraterni deperit. Propter quem, cum aqua

deleteret terram, sanavit iterum sapientia, per contemptibile lignum, justum gubernans. Hæc et in consensu nequitiae, cum se nationes contulissent, scivit justum, et conservavit sine querela Deo, et in filii misericordia fortem custodivit.

¶. Gyrum cæli circuivi, p. 498.

*Lectio iij.*

**H**ÆC justum a pereuntibus impiis liberavit fugientem, descendente igne in Pentapolim: quibus in testimonium nequitiae fumigabunda constat deserta terra, et incerto tempore fructus habentes arbores, et incredibilis animæ memoria stans figmentum salis. Sapientiam enim prætercutes, non tantum in hoc lapsi sunt ut ignorarent bona, sed et insipientiæ suæ reliquerunt hominibus memoriam, ut in his quæ peccaverunt, nec latere potuissent. Sapientia autem hos qui se observant, a doloribus liberavit.

¶. Emitte Domine, p. 498.

### FERIA SEXTA.

De libro Sapientiæ.

*Lectio j. Cap. 13.*

**V**ANI autem sunt omnes homines, in quibus non subest scientia Dei, et de his quæ videntur bona, non potuerunt intelligere eum qui est, neque operibus attendentes agnoverunt quis esset artifex: sed aut ignem, aut spiritum, aut citatum aerem, aut gyrum stellarum, aut nimiam aquam, aut solem et lunam, rectores orbis terrarum deos putaverunt. Quorum si specie delectati, deos putaverunt: sciant quanto his dominator eorum speciosior est. Speciei enim generator hæc omnia constituit.

¶. Da mihi Domine, p. 498.

*Lectio ij.*

**A**UT si virtutem et opera eorum mirati sunt, intelligant ab illis, quoniam qui hæc fecit, fortior est illis: a magnitudine enim speciei et creaturæ, cognoscibiliter poterit Crea-

tor horum videri. Sed tamen adhuc in his minor est querela. Et hi enim fortasse errant, Deum quærentes, et volentes invenire. Etenim cum in operibus illius conversentur, inquirunt: et persuasum habent, quoniam bona sunt quæ videntur.

¶. Initium sapientiæ, p. 498.

*Lectio iij.*

**I**TERUM autem nec his debet ignosci. Si enim tantum potuerunt scire, ut possent æstimare sæculum, quomodo hujus Dominum non facilius invenerunt? Infelices autem sunt, et inter mortuos spes illorum est, qui appellaverunt deos opera manuum hominum, aurum et argentum, artis inventionem, et similitudines animalium, aut lapidem inutilem, opus manus antiquæ.

¶. Verbum iniquum, p. 498.

### SABBATO.

De libro Sapientiæ.

*Lectio j. Cap. 15.*

**T**U autem, Deus noster, suavis et verus es, patiens, et in misericordia disponens omnia. Etenim si peccaverimus, scimus quoniam apud te sumus computati. Nosse enim te, consummata justitia est: et scire justitiam et virtutem tuam, radix est immortalitatis.

¶. Domine Pater, p. 498.

*Lectio ij.*

**N**ON enim in errorem induxit nos hominum malæ artis excogitatio, nec umbra picturæ labor sine fructu, effigies sculpta per varios colores, cujus aspectus insensato dat concupiscentiam, et diligit mortuæ imaginis effigiem sine anima. Malorum amatores, digni sunt qui spem habeant in talibus, et qui faciunt illos, et qui diligunt, et qui colunt.

¶. Magna enim sunt, p. 499.

*Lectio iij.*

**S**ED et figulus mollem terram premens laboriose fingit ad usus nostros unumquodque vas; et de eodem

luto fingit quæ munda sunt in usum vasa, et similiter quæ his sunt contraria; horum autem vasorum quis sit usus, iudex est figulus. Et cum labore vano deum fingit de eodem luto, ille qui paulo ante de terra factus fuerat, et post pusillum reducit se unde acceptus est, repetitus animæ debitum quam habebat.

ñ. Quæ sunt in corde, p. 499.

*Ad Magnif. Ant.* Sapientia clamat in plateis: Si quis diligit sapientiam, ad me declinet, et eam inveniet; et cum invenerit, beatus erit si tenuerit eam.

#### DOM. IV. AUGUSTI.

##### IN I. NOCTURNO.

Incipit liber Ecclesiastici.

*Lectio j. Cap. 1.*

**O**MNIS sapientia a Domino Deo est, et cum illo fuit semper, et est ante ævum. Arenam maris, et pluvie guttas, et dies sæculi quis dinumeravit? Altitudinem cæli, et latitudinem terræ, et profundum abyssi quis dimensus est? Sapientiam Dei præcedentem omnia quis investigavit? Prior omnium creata est sapientia, et intellectus prudentiæ ab ævo. Fons sapientiæ verbum Dei in excelsis, et ingressus illius mandata æterna.

ñ. In principio Deus, p. 497.

*Lectio ij.*

**R**ADIX sapientiæ cui revelata est et astutias illius quis agnovit? Disciplina sapientiæ cui revelata est et manifestata? et multiplicationem ingressus illius quis intellexit? Unus est altissimus Creator omnipotens, et Rex potens, et metuendus nimis, sedens super thronum illius, et dominans Deus. Ipse creavit illam in Spiritu sancto, et vidit, et dinumeravit, et mensus est. Et effudit illam super omnem carnem secundum datum suum, et præbuit illam diligentibus se.

ñ. Gyrum cæli circuivi, p. 498.

*Lectio iij.*

**T**IMOR Domini gloria, et gloriatio, et lætitia, et corona exultationis. Timor Domini delectabit cor, et dabit lætitiam, et gaudium, et longitudinem dierum. Timenti Dominum bene erit in extremis, et in die defunctionis suæ benedicetur. Dilectio Dei honorabilis sapientia. Quibus autem apparuerit in visu, diligunt eam in visione, et in agnitione magnalium suorum. Initium sapientiæ timor Domini, et cum fidelibus in vulva concreatus est.

ñ. Emitte Domine, p. 498.

##### IN II. NOCTURNO.

Ex libro Moral. S. Gregorii Papæ.

*Lib. 4. cap. 10. in c. 1. Job.*

*Lectio iv.*

**S**UNT nonnulli qui vitam suam negligunt, et dum transitoria appetunt, dum æterna vel non intelligunt, vel intellecta contemnunt, nec dolorem sentiunt, nec habere consilium sciunt: cumque superna quæ amiserunt non considerant, esse se (heu miseri!) in bonis felices putant. Nequaquam enim ad veritatis lucem, cui conditi fuerant, mentis oculos erigunt: nequaquam ad contemplationem patriæ æternæ, desiderii aciem tendunt; sed semetipsos in his, ad quæ projecti sunt, deserentes, vice patriæ diligunt exilium quod patiantur: et in cæcitate quam tolerant, quasi in claritate luminis exultant.

ñ. Da mihi Domine, p. 498.

*Lectio v.*

**E**T contra electorum mentes, dum transitoria cuncta nulla esse conspiciunt, ad quæ sint conditæ, exquirunt; cumque eorum satisfactione nihil extra Deum sufficit, ipsa inquisitionis exercitatione fatigata illorum cogitatio, in Conditoris sui spe et contemplatione requiescit, supernis interseri civibus appetit; et unusquisque eorum adhuc in mundo corpore positus, mente tamen extra mundum



surgit, ærumnam exilii, quam tolerat, deplorat, et ad sublimem patriam incessantibus se amoris stimulis excitat. Cum ergo dolens videt quam sit æternum quod perdidit, invenit salubre consilium, temporale hoc despicere quod percurrit; et qui magis crescit consilii scientia ut peritura deserat, eo augetur dolor quod necdum ad mensura pertingat.

¶. Initium sapientiæ, p. 498.

*Lectio vj.*

**I**NTUENDUM quoque est quod nullus dolor mentis sit in actione præcipationis. Qui enim sine consiliis vivunt, qui seipsos rerum eventibus præcipites deserunt, nullo interim cogitationum dolore fatigantur. Nam qui solerter in vitæ consilio figit mentem, caute sese in omni actione circumspiciendo considerat; et ne ex re quæ agitur, repentinus finis adversusque surripiat, hunc prius molliter posito pede cogitationis palpat: pensat ne ab his quæ agenda sunt, præpediat formido; ne in his quæ differenda sunt, præcipitatio impellat; ne prava per concupiscentiam aperto bello superent, ne recta per inanem gloriam insidiando supplantent.

¶. Verbum iniquum, p. 498.

In III. Noct. 4. vij. et viij. ut ibid.

## FERIA SECUNDA

De libro Ecclesiastici.

*Lectio j. Cap. 2.*

**C**ORONA sapientiæ timor Domini, replens pacem, et salutis fructum, et vidit, et dinumeravit eam: utraque autem sunt dona Dei. Scientiam et intellectum prudentiæ sapientia compartietur, et gloriam tenentium se exaltat. Radix sapientiæ est timere Dominum, et rami illius longævi. In thesauris sapientiæ intellectus, et scientiæ religiositas: execratio autem peccatoribus sapientia.

¶. Ne derelinquas, p. 499.

*Lectio ij.*

**T**IMOR Domini expellit peccatum: nam qui sine timore est, non poterit justificari: iracundia enim animositatis illius, subversio illius est. Usque in tempus sustinebit patiens, et postea redditio jucunditatis. Bonus sensus usque in tempus abscondet verba illius, et labia multorum enarrabunt sensus illius. In thesauris sapientiæ significatio disciplinæ: execratio autem peccatori, cultura Dei. Fili, concupiscens sapientiam, conserva justitiam, et Deus præbebit illam tibi.

¶. Magna enim sunt, p. 499.

*Lectio iij.*

**S**APIENTIA enim et disciplina timor Domini, et quod beneplacitum est illi, fides, et mansuetudo, et adimplebit thesauros illius. Ne sis incredibilis timori Domini, et ne accesseris ad illum duplici corde. No fueris hypocrita in conspectu hominum, et non scandalizeris in labiis tuis. Attende in illis, ne forte cadas, et adducas animæ tuæ inhonorationem, et revelet Deus absconsa tua, et in medio synagogæ elidat te: quoniam accessisti maligne ad Dominum, et cor tuum plenum est dolo et lal-lacia.

¶. Quæ sunt in corde, p. 499.

## FERIA TERTIA.

De libro Ecclesiastici.

*Lectio j. Cap. 3.*

**F**ILI, accedens ad servitutem Dei, sta in justitia et timore, et præpara animam tuam ad tentationem. Deprime cor tuum, et sustine; inclina aurem tuam, et suscipe verba intellectus: et ne festines in tempore obductionis. Sustine sustentationes Dei; conjungere Deo, et sustine ut crescat in novissimo vita tua.

¶. Præbe fili cor, p. 499.

*Lectio ij.*

**O**MNE quod tibi applicitum fuerit, accipe, et in dolore sustine, et in humilitate tua patientiam habe:

quoniam in igne probatur aurum et argentum, homines vero receptibiles in camino humiliationis. Crede Deo, et recuperabit te: et dirige viam tuam, et spera in illum. Serva timorem illius, et in illo veterasce.

¶. Initium sapientiæ, p. 498.

*Lectio iij.*

**M**ETUENTES Dominum, sustinete misericordiam ejus, et non deflectatis ab illo, ne cadatis. Qui timetis Dominum, credite illi, et non evacuabitur merces vestra. Qui timetis Dominum, sperate in illum, et in oblectationem veniet vobis misericordia. Qui timetis Dominum, diligite illum, et illuminabuntur corda vestra. Respicite, filii, nationes hominum, et scitote quia nullus speravit in Domino, et confusus est. Quis enim permansit in mandatis ejus, et derelictus est? aut quis invocavit eum et despexit illum?

¶. Verbum iniquum, p. 498.

#### FERIA QUARTA.

De libro Ecclesiastici.

*Lectio i. Cap. 3.*

**F**ILII sapientiæ, Ecclesia justorum: et natio illorum, obedientia et dilectio. Judicium patris audite, filii, et sic facite, ut salvi sitis. Deus enim honoravit patrem in filiis: et judicium matris exquirens, firmavit filios. Qui diligit Deum, exorabit pro peccatis, et continebit se ab illis, et in oratione dierum exaudietur.

¶. Domine Pater, p. 499.

*Lectio iij.*

**E**T sicut qui thesaurizat, ita et qui honorificat matrem suam. Qui honorat patrem suum, jaceundabitur in filiis, et in die orationis suæ exaudietur. Qui honorat patrem suum, vita vivet longiore: et qui obedit patri, refrigerabit matrem. Qui timet Dominum, honorat parentes, et quasi dominis serviet his, qui se genuerunt.

¶. Magna enim sunt, p. 499.

*Lectio iij.*

**I**N opere, et sermone, et omni patientia honora patrem tuum, ut superveniat tibi benedictio ab eo, et benedictio illius in novissimo maneat. Benedictio patris firmat domos filiorum, maledictio autem matris eradicat fundamenta. Ne glorieris in contumelia patris tui: non enim est tibi gloria ejus confusio. Gloria enim hominis ex honore patris sui; et dedecus filii, pater sine honore.

¶. Quæ sunt in corde, p. 499.

#### FERIA QUINTA.

De libro Ecclesiastici.

*Lectio j. Cap. 3.*

**A**LTIORA te ne quæsieris, et fortiora te ne scrutatus fueris; sed quæ præcepit tibi Deus, illa cogita semper, et in pluribus operibus ejus ne fueris curiosus. Non est enim tibi necessarium, ea quæ abscondita sunt, videre oculis tuis. In supervacuis rebus noli scrutari multipliciter, et in pluribus operibus ejus non eris curiosus. Plurima enim super sensum hominum ostensa sunt tibi. Multos quoque supplantavit suspicio illorum et in vanitate detinuit sensus illorum.

¶. In principio Deus, p. 497.

*Lectio iij.*

**C**OR durum habebit male in novissimo: et qui amat periculum, in illo peribit. Cor ingrediens duas vias, non habebit successus, et pravus corde in illis scandalizabitur. Cor nequam gravabitur in doloribus, et peccator adjiciet ad peccandum. Synagogæ superborum non erit sanitas: frutex enim peccati radicabitur in illis, et non intelligetur.

¶. Gyrum cæli circuivi, p. 498.

*Lectio iij.*

**C**OR sapientis intelligitur in sapientia, et auris bona audiet cum omni concupiscentia sapientiam. Sapiens cor et intelligibile abstinebit se a peccatis, et in operibus justitiæ successus habebit. Ignem ardentem

extinguit aqua , et eleemosyna resistit peccatis : et Deus prospector est ejus , qui reddit gratiam : meminit ejus in posterum , et in tempore casus sui inveniet firmamentum.

ñ. Emitte Domine , p. 498.

### FERIA SEXTA.

De libro Ecclesiastici.

Lectio j. Cap. 4.

**FILI**, eleemosynam pauperis ne defraudes , et oculos tuos ne transvertas a paupere. Animam esurientem ne despexeris , et non exasperes pauperem in inopia sua. Cor inopis ne afflixis , et non protrahas datum angustianti. Rogationem contribulati ne abjicias , et non avertas faciem tuam ab egeno.

ñ. Da mihi Domine , p. 498.

Lectio ij.

**A** inope ne avertas oculos tuos propter iram , et non relinquo querentibus tibi retro maledicere : maledicentis enim tibi in amaritudine animæ , exaudietur deprecatio illius : exaudiet autem eum qui fecit illum. Congregationi pauperum affabilem te facito , et presbytero humilia animam tuam , et magnato humilia caput tuum.

ñ. Initium sapientiæ , p. 498.

Lectio iij.

**DECLINA** pauperi sine tristitia aurem tuam , et redde debitum tuum , et responde illi pacifica in mansuetudine. Libera eum , qui injuriam patitur , de manu superbi : et non acide feras in anima tua. In judicando esto pupillis misericors ut pater , et pro viro matri illorum , et eris tu velut filius Altissimi obediens , et miserebitur tui magis quam mater.

ñ. Verbum iniquum , p. 498.

### SABBATO.

De libro Ecclesiastici.

Lectio j. Cap. 4.

**FILI**, conserva tempus , et devota a malo. Pro anima tua ne

confundaris dicere verum. Est enim confusio adducens peccatum , et est confusio adducens gloriam et gratiam. Ne accipias faciem adversus faciem tuam , nec adversus animam tuam mendacium. Ne revearis proximum tuum in casu suo , nec retineas verbum in tempore salutis. Non abscondas sapientiam tuam in decore suo.

ñ. Domine Pater , p. 498.

Lectio ij.

**I**n lingua enim sapientia dignoscitur ; et sensus , et scientia , et doctrina in verbo sensati , et firmamentum in operibus justitiæ. Non contradicas verbo veritatis ullo modo , et de mendacio ineruditionis tuæ confundere. Non confundaris confiteri peccata tua , et ne subicias te omni homini pro peccato. Noli resistere contra faciem potentis , nec coneris contra ictum fluvii.

ñ. Magna enim sunt , p. 499.

Lectio iij.

**PRO** justitia agonizare pro anima tua , et usque ad mortem certa pro justitia , et Deus expugnabit pro te inimicos tuos. Noli citatus esse in lingua tua , et inutilis , et remissus in operibus tuis. Noli esse sicut leo in domo tua , evertens domesticos tuos , et opprimens subjectos tibi. Non sit porrecta manus tua ad accipiendum , et ad dandum collecta.

ñ. Quæ sunt in corde , p. 499.

### SABBATO

Ante Dominicam V. Augusti.

Nisi hæc fuerit propinquior Kal. Septemb., quia tunc ista cum sua Hebd. omittitur , et ponitur Ant. pro I. Dom. Septembris , ut infra.

Ad. Magnif. Ant. Observa , fili , præcepta patris tui , et ne dimittas legem matris tuæ , sed liga eam semper in corde tuo.

### DOM. V. AUGUSTI

IN I. NOCTURNO.

De libro Ecclesiastici.



*Lectio j.**Cap. 5.**Lectio iv.*

**NOLI** attendere ad possessiones iniquas, et ne dixeris : Est mihi sufficiens vita ; nihil enim proderit in tempore vindictæ et obductionis. Ne sequaris in fortitudine tua concupiscentiam cordis tui , et ne dixeris : Quomodo potui ? aut quis me subiciet propter facta mea ? Deus enim vindicans vindicabit. Ne dixeris : Peccavi , et quid mihi accidit triste ? Altissimus enim est patiens redditor. De proptiatio peccato noli esse sine metu , neque adjicias peccatum super peccatum.

¶. In principio Deus , p. 497.

*Lectio ij.*

**ET** ne dicas : Misericordia Domini magna est , multitudinis peccatorum meorum miserebitur. Misericordia enim et ira ab illo cito proximant , et in peccatores respicit ira illius. Non tardes converti ad Dominum , et ne differas de die in diem. Subito enim veniet ira illius , et in tempore vindictæ disperdet te. Noli anxius esse in divitiis injustis : non enim proderunt tibi in die obductionis et vindictæ. Non ventiles te in omnem viam. Sic enim omnis peccator probatur in duplici lingua.

¶. Gyrum cœli circuivi , p. 498.

*Lectio iij.*

**ESTO** firmus in via Domini , et in veritate sensus tui et scientia , et prosequatur te verbum pacis et justitiæ. Esto mansuetus ad audiendum verbum , ut intelligas , et cum sapientia proferas responsum verum. Si est tibi intellectus , responde proximo ; sin autem , sit manus tua super os tuum , ne capiaris in verbo indisciplinato , et confundaris. Honor et gloria in sermone sensati ; lingua vero imprudentis subversio est ipsius. Non appelleris susurro , et lingua tua ne capiaris , et confundaris.

¶. Emitte , Domine , p. 498.

*IN II. NOCTURNO.*

Sermo S. Joannis Chrysostomi.  
Hom. 22. in 2. Cor. 10. in Moral.

**NE** tardes converti ad Dominum , et ne differas de die in diem : nescis enim quid paritura sit superventura dies. Periculum enim et metus est in differendo ; salus vero certa ac secunda , si nulla sit dilatio. Virtutem igitur cole : sic enim licet juvenis moriaris , secure discesseris. Quod si ad senectutem perveneris , cum multa facilitate et nulla molestia e vita discedes ; duplicemque habebis festivitatem , et quod a vitæ malitia abstinueris , et quod virtutem colueris. Ne dicas : Erit tempus , quando converti licebit : verba enim hæc Deum valde exasperant.

¶. Da mihi Domine , p. 498.

*Lectio v.*

**CURNAM** , cum ipse tibi æterna sæcula promisit , tu in præsentī vita laborare non vis , quæ parva et momentanea est ; sed sic ignavus ac dissolutus agis quasi hac breviorē aliam quamdam inquires ? Nonne illæ quotidianæ comessationes , nonne illæ mensæ , nonne scorta illa , nonne theatra illa , nonne divitiæ illæ testantur inexplebilem malitiæ concupiscentiam ? Cogita bene quod quoties scortatus es , toties condemnasti teipsum : peccatum enim ita se habet , ut mox atque patratum fuerit , sententiam ferat iudex.

¶. Initium sapientiæ , p. 498.

*Lectio vj.*

**INEBRIATUS** es ? ventri indulisti ? rapuisti ? siste jam gradum : verte te in diversum : confitere Deo gratiam , quod non in mediis peccatis te abstulit : ne quære aliud tibi prorogari tempus ut male opereris. Multum male ac vitiose viverent , subito perierunt , et in manifestam damnationem abierunt : time ne idem tibi accadat. Sed multis , inquis , dedit Deus spatium , ut in ultima senecta confiterentur. Quid igitur ? numquid et tibi dabitur ? Fortasse dabit , inquis. Cur dicis , fortasse ? Contigit aliquoties. Cogita quod de anima deli-

beras : proinde etiam de contrario cogita , et dic : Quid autem , si non det ? Quid autem si det , inquis ? Esto , dat quidem ipse : verumtamen hoc illo certius et utilius.

¶. Verbum iniquum , p. 498.

In III. Noct. ¶. vij. et viij. ut ibid.

## FERIA SECUNDA.

De libro Ecclesiastici.

Lectio j. Cap. 7.

**N**OLI facere mala , et non te apprehendent. Discede ab iniquo , et deficient mala abs te. Fili , non semines mala in sulcis injustitiæ , et non metes ea in septulum. Noli querere a Domino ducatum , neque a rege cathedram honoris. Non te iustifices ante Deum , quoniam agnitor cordis ipse est , et penes regem noli velle videri sapiens.

¶. Ne derelinquas me , p. 499.

Lectio ij.

**N**OLI querere fieri iudex , nisi valeas virtute irrumpere iniquitates ; ne forte extimescas faciem potentis , et ponas scandalum in æquitate tua. Non pecces in multitudinem civitatis , nec te immittas in populum , neque alliges duplicia peccata : nec enim in uno eris immunis. Noli esse pusillanimis in animo tuo : exorare , et facere elemosynam ne despicias.

¶. Magna enim sunt , p. 499.

Lectio iij.

**N**E dicas : In multitudine munerum meorum respiciet Deus , et offerente me Deo altissimo , munera mea suscipiet. Non irrideas hominem in amaritudine animæ : est enim qui humiliat et exaltat. Circumspecto Deus. Noli arare mendacium adversus fratrem tuum , neque in amicum similiter facias. Noli velle mentiri omne mendacium : assiduitas enim illius non est bona. Noli verbosus esse in multitudine presbyterorum , et non iteres verbum in oratione tua.

¶. Quæ sunt in corde , p. 499.

## FERIA TERTIA.

De libro Ecclesiastici.

Lectio j. Cap. 10.

**J**UDEX sapiens judicabit populum suum , et principatus sensati stabilis erit. Secundum iudicem populi , sic et ministri ejus ; et qualis rector est civitatis , tales et inhabitantes in ea. Rex insipiens perdet populum suum , et civitates inhabitabuntur per sensum potentium. In manu Dei potestas terræ , et utilem rectorem suscitabit in tempus super illam. In manu Dei prosperitas hominis , et super faciem scribæ imponet honorem suum.

¶. Præbe fili cor , p. 499.

Lectio ij.

**O**MNIS injuriæ proximi ne memineris , et nihil agas in operibus injuriæ. Odibilis coram Deo est et hominibus superbia , et execrabilis omnis iniquitas gentium. Regnum a gente in gentem transfertur propter injustias , et injurias , et contumelias , et diversos dolos. Avaro autem nihil est scelestius. Quid superbit terra et cinis ? Nihil est iniquius , quam amare pecuniam. Hic enim et animam suam venalem habet , quoniam in vita sua projecit intima sua.

¶. Initium sapientiæ , p. 498.

Lectio iij.

**O**MNIS potentatus brevis vita. Languor prolixior gravat medicum. Brevem languorem præcidit medicus : sic et rex hodie est , et cras morietur. Cum enim morietur homo , hæreditabit serpentes , et bestias , et vermes. Initium superbiæ hominis , apostatare a Deo , quoniam ab eo qui fecit illum , recessit cor ejus : quoniam initium omnis peccati est superbia : qui tenuerit illam , adimplebitur maledictis , et subvertet eum in finem. Propterea exhonora vit Dominus conventus malorum , et destruxit eos usque in finem.

¶. Verbum iniquum , p. 498.

**FERIA QUARTA.**

De libro Ecclesiastici.

*Lectio j.*

Cap. 13.

**Q**UI tetigerit picem, inquinabitur ab ea, et qui communicaverit superbo, induet superbiam. Pondus super se tollet, qui honestiori se communicat. Et ditiori te ne socius fueris. Quid communicabit cacabus ad ollam? quando enim se colliserint, confringetur. Dives injuste egit, et fremet; pauper autem læsus tacebit. Si largitus fueris, assumet te, et si non habueris, derelinquet te. Si habes, convivet tecum, et evacuabit te, et ipse non dolebit super te.

ñ. Domine Pater, p. 498.

*Lectio ij.*

**H**UMILIARE Deo, et expecta manus ejus. Attende ne seductus in stultitiam humilieris. Noli esse humilis in sapientia tua, ne humiliatus in stultitiam seducaris. Advocatus a potentiore, discede: ex hoc enim magis te advocabit. Ne improbus sis, ne impingaris; et ne longe sis ab eo, ne eas in oblivionem. Ne retineas ex æquo loqui cum illo, nec credas multis verbis illius. Ex multa enim loquela tentabit te, et subridens interrogabit te de absconditis tuis. Immitis animus illius conservabit verba tua, et non parcat de malitia et de vinculis.

ñ. Magna enim sunt, p. 499.

*Lectio iij.*

**C**AVE tibi, et attende diligenter auditui tuo, quoniam cum subversione tua ambulas. Audiens vero illa, quasi in somnis vide, et vigila. Omni vita tua dilige Deum, et invoca illum in salute tua. Omne animal diligit simile sibi: sic et omnis homo proximum sibi. Omnis caro ad similem sibi conjungetur, et omnis homo simili sui sociabitur. Si communicabit lupo agno aliquando, sic peccator justo. Quæ communicatio sancto homini ad canem? aut quæ pars diviti ad pauperem?

ñ. Quæ sunt in corde, p. 499.

**FERIA QUINTA.**

De libro Ecclesiastici.

*Lectio j.*

Cap. 14.

**B**EATUS vir qui non est lapsus verbo ex ore suo, et non est stimulatus in tristitia delicti. Felix qui non habuit animi sui tristitiam, et non excidit a spe sua. Viro cupido et tenaci siue ratione est substantia, et homini livido ad quid aurum? Qui acervat ex animo suo injuste, aliis congregat, et in bonis illius alius luxuriabitur. Qui sibi nequam est, cui alii bonus erit? et non jucundabitur in bonis suis.

ñ. In principio Deus, p. 497.

*Lectio ij.*

**Q**UI sibi invidet, nihil est illo nequius, et hæc redditio est malitiæ illius: et si bene fecerit, ignoranter et non volens facit, et in covissimo manifestat malitiam suam. Nequam est oculus lividi, et avertens faciem suam, et despiciens animam suam. Insatiabilis oculus cupidi in parte iniquitatis: non satiabitur donec consumat arefaciens animam suam. Oculus malus ad mala; et non satiabitur pane, sed indigens et in tristitia erit super mensam suam.

ñ. Gyrum cæli circuivi, p. 498.

*Lectio iij.*

**F**ILI, si habes, benefac tecum, et Deo dignas oblationes offer. Memor esto quoniam mors non tardat, et testamentum inferorum quia demonstratum est tibi: testamentum enim hujus mundi morte morietur. Ante mortem benefac amico tuo, et secundum vires tuas exporrigens da pauperi. Non defrauderis a die bono, et particula boni doni non te prætereat. Nonne aliis relinques dolores et labores tuos in divisione sortis? Da, et accipe, et justifica animam tuam. Ante obitum tuum operare justitiam, quoniam non est apud inferos invenire cibum.

ñ. Emitte Domine, p. 498.



**FERIA SEXTA.**

De libro Ecclesiastici.

*Lectio j.*

Cap. 21.

**F**ILI, peccasti? non adjicias iterum: sed et de pristinis deprecare ut tibi dimittantur. Quasi a facie colubri fuge peccata; et si accesseris ad illa, suscipient te. Dentes leonis, dentes ejus, interficientes animas hominum. Quasi rhomphaea his acuta omnis iniquitas, plagae illius non est sanitas. Objurgatio et injuriæ annullabunt substantiam, et domus, quæ nimis locuples est, annullabitur superbia: sic substantia superbi eradicabitur.

¶. Da mihi Domine, p. 498.

*Lectio ij.*

**D**EPRECATIO pauperis ex ore usque ad aures ejus perveniet, et judicium festinato adveniet illi. Qui odit correptionem, vestigium est peccatoris; et qui timet Deum, convertetur ad cor suum. Notus a longe potens lingua audaci, et sensatus scit labi se ab ipso. Qui ædificat domum suam impendiis alienis, quasi qui colligit lapides suos in hieme. Stuppa collecta synagoga peccantium et consummatio illorum flamma ignis.

¶. Initium sapientiæ, p. 498.

*Lectio iij.*

**V**IA peccantium complanata lapidibus, et in fine illorum inferi, et tenebræ, et pœnæ. Qui custodit justitiam, continebit sensum ejus. Consummatio timoris Dei, sapientia et sensus. Non erudietur, qui non est sapiens in bono. Est autem sapientia, quæ abundat in malo: et non est sensus, ubi est amaritudo. Scientia sapientis tanquam inundatio abundabit, et consilium illius sicut fons vitæ permanet.

¶. Verbum iniquum, p. 498.

**SABBATO.**

De libro Ecclesiastici.

*Lectio j.*

Cap. 32.

**R**ECTOREM te posuerunt? noli extolli: esto in illis quasi unus ex ipsis. Curam illorum habe, et sic confide, et omni cura tua explicita recumbe, ut læteris propter illos, et ornamentum gratiæ accipias coronam, et dignationem consequaris corrogationis. Loquere major natu: decet enim te primum verbum diligenti scientia, et non impedias musicam.

¶. Domine Pater, p. 498.

*Lectio ij.*

**U**BI auditus non est, non effundas sermonem, et importune noli extolli in sapientia tua. Gemmula carbunculi in ornamento auri, et comparatio musicorum in convivio vini. Sicut in fabricatione auri signum est smaragdi, sic numerus musicorum in jucundo et moderato vino. Audi tacens, et pro reverentia accedet tibi bona gratia. Adoloscens loquere in tua causa vix. Si bis interrogatus fueris, habeat caput responsum tuum.

¶. Magua enim sunt, p. 499.

*Lectio iij.*

**I**N multis esto quasi inscius, et audi tacens simul et quærens. In medio magnatorum non præsumas, et ubi sunt senes, non multum loquaris. Ante grandinem præibit coruscatio; et ante verecundiam præibit gratia, et pro reverentia accedet tibi bona gratia. Et hora surgendi non te trices: præcurre autem prior in domum tuam, et illic avocare, et illic lude, et age conceptiones tuas, et non in delictis et verbo superbo. Et super his omnibus benedicito Dominum, qui fecit te, et inebriantem te ab omni bonis suis.

¶. Quæ sunt in corde, p. 499.

**SABBATO**

*Proximo Kalendis Septembris.*

*Ad Magnif. Ant.* Cum audisset Job nuntiorum verba, sustinuit patienter, et ait: Si bona suscepimus de manu Domini, mala autem quare non sustineamus? In omnibus his non

peccavit Job labiis suis, neque stultum aliquid contra Deum locutus est.

## DOM. I. SEPTEMBRIS

### IN I. NOCTURNO.

Incipit liber Job.

*Lectio j. Cap. I.*

**V**IR erat in terra Hus, nomine Job, et erat vir ille simplex, et rectus, ac timens Deum, et recedens a malo. Nati sunt ei septem filii, et tres filiae. Et fuit possessio ejus septem millia ovium, et tria millia camelorum, quingenta quoque juga boum, et quingentae asinae, ac familia multa nimis: eratque vir ille magnus inter omnes Orientales.

¶ Si bona suscepimus de manu Dei, mala autem quare non sustineamus? \* Dominus dedit, Dominus abstulit: sicut Domino placuit, ita factum est; sit nomen Domini benedictum. †. Nudus egressus sum de utero matris meae, et nudus revertar illuc. Dominus.

*Lectio ij.*

**E**T ibant filii ejus, et faciebant convivium per domos, unusquisque in die suo. Et mittentes vocabant tres sorores suas, ut comederent, et biberent cum eis. Cumque in orbem transissent dies convivii, mittebat ad eos Job, et sanctificabat illos, con-surgensque diluculo offerebat holocausta pro singulis. Dicebat enim: Ne forte peccaverint filii mei, et benedixerint Deo in cordibus suis. Sic faciebat Job cunctis diebus.

¶. Antequam comedam, suspiro, et tanquam inundautes aquae, sic rugitus meus: quia timor quem timebam, evenit mihi, et quod verebar, accidit; nonne dissimulavi? nonne silui? nonne quievi? \* Et venit super me indignatio. †. Ecce non est auxilium mihi in me, et necessarii quoque mei recesserunt a me. Et.

*Lectio iij.*

**Q**UADAM autem die cum venissent filii Dei ut assisterent co-

ram Domino, adfuit inter eos etiam Satan. Cui dixit Dominus: Unde venis? Qui respondens, ait: Circuivi terram, et perambulavi eam. Dixitque Dominus ad eum: Numquid considerasti servum meum Job, quod non sit ei similis in terra, homo simplex, et rectus, ac timens Deum, et recedens a malo? Cui respondens Satan, ait: Numquid Job frustra timet Deum? nonne tu vallasti eum, ac domum ejus, universamque substantiam per circuitum, operibus manuum ejus benedixisti, et possessio ejus crevit in terra? Sed extende paululum manum tuam, et tange cuncta quae possidet, nisi in faciem benedixerit tibi.

¶. Quare detraxistis sermonibus veritatis, ad increpandum verba componitis, et subvertere nitimini amicū vestrum? \* Verumtamen quae cogitastis, explete. †. Quod justum est, judicate, et non invenietis in lingua mea iniquitatem. Verumtamen.

### IN II. NOCTURNO.

Ex lib. Moral. S. Gregorii Papae.

*Lectio iv. Lib. 2. c. 1.*

**S**CRIPURA sacra mentis oculis quasi quoddam speculum opponitur, ut interna nostra facies in ipsa videatur. Ibi etenim foeda, ibi pulchra nostra cognoscimus: ibi sentimus quantum proficimus, ibi a profectu quam longe distamus. Narrat autem gesta sanctorum, et ad imitationem corda provocat infirmorum; dumque illorum victricia facta commemorat, contra vitiorum praelia, debilia nostra confirmat; fitque verbis illius, ut eo mens minus inter certamina trepidet, quo ante se positos tot virorum fortium triumphos videt.

¶. Induta est caro mea putredine, et sordibus pulveris cutis mea aruit, et contracta est. \* Memento mei, Domine, quoniam ventus est vita mea, †. Dies mei velocius transierunt, quam a texente tela succiditur, et consumpti sunt absque ulla spe. Memento.

*Lectio v.*

**N**ONNUMQUAM vero non solum nobis eorum virtutes asserit, sed etiam casus innotescit: ut et in victoria fortium, quod imitando arripere, et rursum videamus in lapsibus quid debeamus timere. Ecce enim Job describitur tentatione auctus, sed David tentatione prostratus, ut et majorum virtus spem nostram foveat, et majorum casus ad cautelam nos humilitatis accingat; quatenus dum illa gaudentes sublevant, ista metuentes premant: et audientis animus illinc spei fiducia, hinc humilitate timoris eruditus, nec temeritate superbiat, quia formidine premitur; nec pressus timore desperet, quia ad spei fiduciam virtutis exemplo roboratur.

¶. Paucitas dierum meorum finietur brevi: dimitte me, Domine, ut plangam paululum dolorem meum, \* Antequam vadam ad terram tenebrosam, et opertam mortis caligine. ¶. Manus tuæ, Domine, fecerunt me, et plasmaverunt me totum in circuitu, et sic repente præcipitas me? Antequam.

*Lectio vj. Lib. I. Moral. c. I.*

**V**IR erat in terra Hus, nomine Job. Idcirco sanctus vir ubi habitaverit dicitur, ut ejus meritum virtutis exprimatur. Hus namque quis nesciat quod sit in terra Gentilium! Gentilitas autem eo obligata vitiis extitit, quo cognitionem sui Conditoris ignoravit. Dicatur itaque ubi habitaverit, ut hoc ejus laudibus proficiat, quod bonus inter malos fuit. Neque enim valde laudabile est bonum esse cum bonis, sed bonum esse cum malis. Sicut enim gravioris culpæ est, inter bonos bonum non esse: ita immensi est præconii, bonum etiam inter malos extitisse.

¶. Non abscondas me, Domine, a facie tua: manum tuam longe fac a me: \* Et formido tua non me terreat. ¶. Corripe me, Domine, in misericordia, non in furore tuo, ne

forte ad nihilum redigas me. Et. Gloria. Et.

¶. vij. Quis mihi tribuat, ut in inferno protegas me, et abscondas me, donec pertrauseat furor tuus, Domine, nisi tu, qui solus es Deus: \* Et constituas mihi tempus, in quo recorderis mei? ¶. Numquid sicut dies hominis, dies tui, ut quæras iniquitatem meam, cum sit nemo qui de manu tua possit eruere? Et.

¶. viij. Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. ¶. Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena.

**FERIA SECUNDA.**

De libro Job.

*Lectio j. Cap. I.*

**C**UM autem quadam die filii et filiae ejus comederent et biberent vinum in domo fratris sui primogeniti, nuntius venit ad Job, qui diceret: Boves arabant, et asinae pascebantur juxta eos, et irruerunt Sabæi, tuleruntque omnia, et pueros percusserunt gladio, et evasi ego solus, ut nuntiarem tibi. Cumque adhuc ille loqueretur, venit alter, et dixit: Ignis Dei cecidit e cælo, et tactas oves puerosque consumpsit, et effugi ego solus, ut nuntiarem tibi.

¶. Versa est in luctum cithara mea, et organum meum in vocem flentium. \* Parce mihi, Domine: nihil enim sunt dies mei. ¶. Cutis mea denigrata est super me, et ossa mea aruerunt. Parce.

*Lectio ij.*

**S**ED et illo adhuc loquente, venit alius, et dixit: Chaldaei fecerunt tres turmas, et invaserunt camelos, et tulerunt eos, necnon et pueros percusserunt gladio, et ego fugi solus, ut nuntiarem tibi. Adhuc loquebatur ille, et ecco alius intravit,



et dixit: Filiis tuis et filiabus vespertibus et bibentibus vinum in domo fratris sui primogeniti, repente ventus vehemens irruit a regione deserti, et concussit quatuor angulos domus, quæ corruens oppressit liberos tuos, et mortui sunt, et effugi ego solus, ut nuntiarem tibi.

¶. Utinam appenderentur peccata mea, quibus iram merui, \* Et calamitas, quam patior, in statera. ¶. Quasi arena maris hæc gravior appareret, unde et verba mea dolore sunt plena. Et.

*Lectio iij.*

**T**UNC surrexit Job, et scidit vestimenta sua, et tonso capite corruens in terram, adoravit, et dixit: Nudus egressus sum de utero matris meæ, et nudus revertar illuc. Dominus dedit, Dominus abstulit; sicut Domino placuit, ita factum est: sit nomen Domini benedictum. In omnibus his non peccavit Job labiis suis, neque stultum quid contra Deum locutus est.

¶. Quare detraxistis sermonibus veritatis: ad increpandum verba composuistis, et subvertere nitimini amicum vestrum? \* Verumtamen quæ cogitastis, explete. ¶. Quod justum est, judicate: et non inveniatis in lingua mea iniquitatem. Verumtamen. Gloria. Verumtamen.

### FERIA TERTIA.

De libro Job.

*Lectio j.*

Cap. 2.

**F**ACTUM est autem, cum quadam die venissent filii Dei, et starent coram Domino, venisset quoque Satan inter eos, et staret in conspectu ejus, ut diceret Dominus ad Satan. Unde venis? Qui respondens, ait: Circuivi terram, et perambulavi eam. Et dixit Dominus ad Satan: Numquid considerasti servum meum Job, quod non sit ei similis in terra, vir simplex et rectus, ac timens Deum, et recedens a malo, et adhuc retinens innocentiam? Tu autem com-

movisti me adversus eum, ut affligerem eum frustra. Cui respondens Satan, ait: Pellem pro pelle: et cuncta quæ habet homo dabit pro anima sua: alioquin mitte manum tuam, et tange os ejus et carnem, et tunc videbis quod in faciem benedicat tibi.

¶. Induta est caro, p. 318.

*Lectio ij.*

**D**IXIT ergo Dominus ad Satan: Ecce in manu tua est; verumtamen animam illius conserva. Egressus igitur Satan a facie Domini, percussit Job ulcere pessimo, a planta pedis usque ad verticem ejus. Qui testa saniem radebat, sedens in sterquilinio. Dixit autem illi uxor sua: Adhuc tu permanes in simplicitate tua? benedic Deo, et morere. Qui ait ad illam: Quasi uox de stultis mulieribus locuta es. Si bona suscepimus de manu Dei, mala quare non suscipiamus? In omnibus his non peccavit Job labiis suis.

¶. Paucitas dierum, p. 319.

*Lectio iij.*

**I**GITUR audientes tres amici Job omne malum quod accidisset ei, venerunt singuli de loco suo, Eliphaz Themanites, et Baldad Suhites, et Sophar Naamathites. Condixerant enim ut pariter venientes visitarent eum, et consolarentur. Cumque elevassent procul oculos suos, non cognoverunt eum: et exclamantes ploraverunt, scissisque vestibibus sparserunt pulverem super caput suum in cælum. Et sederunt cum eo in terra septem diebus et septem noctibus, et nemo loquebatur ei verbum. Videbant enim dolorem esse vehementem.

¶. Non abscondas me, p. 319.

### FERIA QUARTA.

De libro Job.

*Lectio j.* Cap. 3.

**P**OST hæc aperuit Job os suum, et maledixit diei suo, et locutus est: Pereat dies in qua natus sum, et nox in qua dictum est: Con-

ceptus est homo. Dies ille vertatur in tenebras, non requirat eum Deus desuper, et non illustretur lumine. Obscurent eum tenebræ et umbra mortis, occupet eum caligo, et involvatur amaritudine.

¶. Quis mihi tribuat, p. 319.

*Lectio ij.*

**N**OCTEM illam tenebrosus turbo possideat, non computetur in diebus anni, nec numeretur in mensibus. Sit nox illa solitaria, nec laude digna: maledicant ei qui maledicunt diei, qui parati sunt suscitare Leviathan. Obtenebrentur stellæ caligine ejus: expectet lucem, et non videat, nec ortum surgentis auroræ: quia non conclusit ostia ventris qui portavit me, nec abstulit mala ab oculis meis.

¶. Utinam appenderentur, p. 320.

*Lectio iij.*

**Q**UARE non in vulva mortuus sum, egressus ex utero non statim perii? Quare exceptus genibus? cur lactatus uberibus? Nunc enim dormiens silerem, et somno meo requiescerem cum regibus et consilibus terræ, qui ædificant sibi solitudines: aut cum principibus, qui possident aurum, et replent domos suas argento; aut sicut abortivum absconditum non subsisterem, vel qui concepti non viderunt lucem.

¶. Quare detraxistis, p. 318.

### FERIA QUINTA.

De libro Job.

*Lectio j. Cap. 4.*

**R**ESPONDENS autem Eliphaz Themanites, dixit: Si cœperimus loqui tibi, forsitan moleste accipies; sed conceptum sermonem tenere quis poterit? Ecce docuisti multos, et manus lassas roborasti, vacillantes confirmaverunt sermones tui, et genua tremientia confortasti. Nunc autem venit super te plaga, et defecisti: tetigit te, et conturbatus es. Ubi est timor tuus, fortitudo tua,

patientia tua, et perfectio viarum tuarum?

¶. Si bona suscepimus, p. 318.

*Lectio ij.*

**R**ECORDARE, obsecro te, quis unquam innocens periit? aut quando recti deleti sunt? Quin potius vidi eos qui operantur iniquitatem, et seminant dolores, et metunt eos, flante Deo, periisse, et spiritu iræ ejus esse consumptos. Rugitus leonis, et vox leonæ, et dentes catulorum leonum contriti sunt. Tigris periit eo quod non haberet prædam, et catuli leonis dissipati sunt.

¶. Antequam comedam, p. 318.

*Lectio iij.*

**P**ORRO ad me dictum est verbum absconditum, et quasi furtive suscepit auris mea venas susurri ejus. In horrore visionis nocturnæ, quando solet sopor occupare homines, pavor tenuit me, et tremor, et omnia ossa mea perterrita sunt: et cum spiritus, me præsentem, transiret, inhorruerunt pili carnis meæ. Stetit quidam, cujus non agnoscebam vultum, imago coram oculis meis, et vocem quasi auræ lenis audiui. Numquid homo, Dei comparatione justificabitur: aut factore suo purior erit vir? Ecce qui serviunt ei, non sunt stabiles: et in angelis suis reperit pravitatem.

¶. Quare detraxistis, p. 318.

### FERIA SEXTA

De libro Job.

*Lectio j. Cap. 6.*

**R**ESPONDENS autem Job, dixit: Utinam appenderentur peccata mea, quibus iram merui, et calamitas, quam patior, in statera. Quasi arena maris hæc gravior apparet: unde et verba mea dolore sunt plena: quia sagittæ Domini in me sunt, quarum indignatio exhibet spiritum meum, et terrores Domini militant contra me.

¶. Induta est caro, p. 318.

*Lectio ij.*

**NUMQUID** rugiet onager, cum habuerit herbam? aut mugiet bos, cum ante præsepe plenum steterit? aut poterit comedi insulsum, quod non est sale conditum? aut potest aliquis gustare, quod gustatum affert mortem? Quæ prius nolebat tangere anima mea, nunc præ angustia cibi mei sunt.

¶. *Paucitas dierum, p. 519.*

*Lectio iij.*

**QUIS** det ut veniat petitio mea, et quod expecto, tribuat mihi Deus? Et qui cæpit, ipse me conterat: solvat manum suam, et succidat me? Et hæc mihi sit consolatio, ut affligens me dolore, non parcat, nec contradicam sermonibus Sancti. Quæ est enim fortitudo mea, ut sustineam? aut quis finis meus, ut patienter agam? Nec fortitudo lapidum fortitudo mea, nec caro mea ænea est. Ecce non est auxilium mihi in me, et necessarii quoque mei recesserunt a me.

¶. *Non abscondas me, p. 519.*

**SABBATO**

*De libro Job.*

*Lectio j.**Cap. 7.*

**MILITIA** est vita hominis super terram, et sicut dies mercenarii, dies ejus. Sicut servus desiderat umbram, et sicut mercenarius præstolatur finem operis sui: sic et ego habui menses vacuos, et noctes laboriosas enumeravi mihi. Si dormiero, dicam: Quando consurgam? et rursum expectabo vesperam, et replebor doloribus usque ad tenebras.

¶. *Quis mihi tribuat, p. 519.*

*Lectio ij.*

**INDUTA** est caro mea putredine, et sordibus pulveris cutis mea aruit, et contracta est. Dies mei velocius transierunt, quam a texente tela succiditur, et consumpti sunt absque ulla spe. Memento quia ven-

tus est vita mea, et non revertetur oculus meus ut videat bona. Nec aspiciet me visus hominis: oculi tui in me, et non subsistam.

¶. *Utinam appenderentur, p. 520.*

*Lectio iij.*

**SICUT** consumitur nubes, et pertransit: sic qui descenderit ad inferos, non ascendet; nec revertetur ultra in domum suam, neque cognoscet eum amplius locus ejus. Quapropter et ego non parcam ori meo; loquar in tribulatione spiritus mei: confabulabor cum amaritudine animæ meæ. Numquid mare ego sum, aut cetus, quia circumdedisti me carcere?

¶. *Quare detraxistis, p. 518.*

*Ad Magnif. Ant.* In omnibus his non peccavit Job labiis suis, neque stultum aliquid contra Deum locutus est.

**DOM. II. SEPTEMBRIS.****IN I. NOCTURNO**

*De libro Job.*

*Lectio j.**Cap. 9.*

**ET** respondens Job, ait: Vere scio quod ita sit, et quod non justificetur homo compositus Deo. Si voluerit contendere cum eo, non poterit ei respondere unum pro mille. Sapiens corde est, et fortis robore: quis restitit ei, et pacem habuit? Qui transtulit montes, et nescierunt hi quos subvertit in furore suo.

¶. *Si bona suscepimus, p. 518.*

*Lectio ij.*

**QUI** commovet terram de loco suo, et columnæ ejus concutuntur. Qui præcipit soli, et non oritur: et stellas claudit quasi sub signaculo. Qui extendit cælos solus, et graditur super fluctus maris. Qui facit Arcturum, et Oriona, et Hyadas, et interiora Austri. Qui facit magna, et incomprehensibilia, et mirabilia, quorum non est numerus.

¶. *Antequam comedam, p. 518.*



*Lectio iij.*

**S**I venerit ad me, non videbo eum: si abierit, non intelligam. Si repente interroget, quis respondebit ei? vel quis dicere potest: Cur ita facis? Deus, cujus iræ nemo resistere potest, et sub quo curvantur qui portant orbem. Quantus ergo sum ego, ut respondeam ei, et loquar verbis meis cum eo? Qui etiam si habuero quidpiam justum, non respondebo, sed meum judicem deprecabor. Et cum invocantem exaudierit me, non credo quod audierit vocem meam. In turbine enim conteret me, et multiplicabit vulnera mea etiam sine causa.

¶. Quare detraxistis, p. 518.

IN II. NOCTURNO.

Ex libro Moral. S. Gregorii Papæ.

*Lectio iv.*

*Lib. 9. cap. 2.*

**V**ERE scio quod ita sit, et quod non justificabitur homo compositus Deo. Homo quippe Deo non compositus justitiam percipit, compositus amittit: quia quisquis se auctori bonorum comparat, bono se, quod acceperat, privat. Qui enim accepta bona sibi arrogat, suis contra Deum donis pugnat. Unde ergo despectus erigitur, dignum est ut erectus inde destruat. Sanctus autem vir, quia omne virtutis nostræ meritum, esse vitium conspiciit, si ab interno arbitro districte judicetur, recte subjungit: Si voluerit contendere cum eo, non poterit respondere ei unum pro mille.

¶. Induta est caro, p. 518.

*Lectio v.*

**I**N Scriptura sancta millenarius numerus pro universitate solet intelligi. Hinc etenim Psalmista ait: Verbi, quod mandavit in mille generationes; cum profecto constet, quod ab ipso mundi exordio usque ad Redemptoris adventum per Evangelistam non amplius quam septuaginta et septem propagines numerentur. Quid

ergo in millenario numero, nisi ad proferendam novam sobolem perfecta universitas præscitæ generationis exprimitur? Hinc et per Joannem dicitur: Et regnabunt cum eo mille annis, quia videlicet regnum sanctæ Ecclesiæ universitatis perfectione solidatur.

¶. Paucitas dierum, p. 519.

*Lectio vj.*

**Q**UIA vero monas decies multiplicata in denarium ducitur, denarius per semetipsum ductus in centenarium dilatatur: qui rursus per denarium ductus, in millenarium tenditur: cum ab uno incipimus ut ad millenarium veniamus, quid hoc loco unius appellatione, nisi bene vivendi initium? Quid millenarii numeri amplitudine, nisi ejusdem bonæ vitæ perfectio designatur? Cum Deo autem contendere est, non ei tribuere, sed sibi gloriam suæ virtutis arrogare. Sed sanctus vir conspiciat, quia et qui summa jam dona percepit, si de acceptis extollitur, cuncta quæ acceperat, amittit.

¶. Non abscondas me, p. 519.

In III. Noct. ¶. vij. et viij. ut ibid.

**FERIA SECUNDA.**

De libro Job.

*Lectio j. Cap. 27.*

**A**DDIDIT quoque Job, assumens parabolam suam, et dixit: Vivit Deus, qui abstulit judicium meum, et omnipotens, qui ad amaritudinem adduxit animam meam. Quia donec superest halitus in me et spiritus Dei in naribus meis, non loquentur labia mea iniquitatem, nec lingua mea meditabitur mendacium. Absit a me ut justos vos esse judicem: donec deliciam, non recedam ab innocentia mea.

¶. Versa est in luctum, p. 519.

*Lectio ij.*

**J**USTIFICATIONEM meam, quam capere tenere, non deseram, neque enim reprehendit me cor meum

in omni vita mea. Sit ut impius, inimicus meus; et adversarius meus, quasi iniquus. Quæ est enim spes hypocritæ, si avare rapiat, et non liberet Deus animam ejus? Numquid Deus audiet clamorem ejus, cum venerit super eum angustia? Aut poterit in Omnipotente delectari, et invocare Deum omni tempore?

¶. Utinam appenderentur, p. 320.

*Lectio iij.*

**D**OCERO vos per manum Dei quæ Omnipotens habeat, nec abscondam. Ecce vos omnes nostis: et quid sine causa vana loquimini? Hæc est pars hominis impii apud Deum, et hæreditas violentorum, quam ab Omnipotente suscipient. Si multiplicati fuerint filii ejus, in gladio erunt, et nepotes ejus non saturabuntur pane. Qui reliqui fuerint ex eo, sepelientur in interitu, et viduæ illius non plorabunt.

¶. Quare detraxistis, p. 318.

### FERIA TERTIA

De libro Job.

*Lectio j. Cap. 28.*

**S**APIENTIA ubi invenitur? et quis est locus intelligentiæ? Nescit homo pretium ejus, nec invenitur in terra suaviter viventium. Abysus dicit: Non est in me; et mare loquitur: Non est mecum. Non dabitur aurum obrizum pro ea, nec appendetur argentum in commutatione ejus. Non conferetur tinctis Indiæ coloribus, nec lapidi sardonycho pretiosissimo, vel sapphiro.

¶. Induta est caro, p. 318.

*Lectio ij.*

**N**ON adæquabitur ei aurum vel vitrum, nec commutabuntur pro ea vasa auri. Excelsa et eminentia non memorabuntur comparatione ejus: trahitur autem sapientia de occultis. Non adæquabitur ei topazius de Æthiopia, nec tincturæ mundissimæ componetur. Unde ergo sapientia venit? et quis est locus intelligentiæ? Abs-

condita est ab oculis omnium viventium, volucres quoque cæli latet. Perditio et mors dixerunt: Auribus nostris audivimus famam ejus.

¶. Paucitas dierum, p. 319.

*Lectio iij.*

**D**EUS intelligit viam ejus, et ipse novit locum illius. Ipse enim fines mundi intuetur, et omnia quæ sub cælo sunt, respicit. Qui fecit ventis pondus, et aquas appendit in mensura. Quando ponebat pluviis legem, et viam procellis sonantibus, tunc vidit illam, et enarravit, et præparavit, et investigavit. Et dixit homini: Ecce timor Domini, ipsa est sapientia: et recedere a malo, intelligentia.

¶. Non abscondas me, p. 319.

### FERIA QUARTA.

De libro Job.

*Lectio j. Cap. 31.*

**P**EPIGI sœdus cum oculis meis, ut ne cogitarem quidem de virgine. Quam enim partem haberet in me Deus desuper, et hæreditatem Omnipotens de excelsis? Numquid non perditio est iniquo, et alienatio operantibus injustitiam? Nonne ipse considerat vias meas, et cunctos gressus meos dinumerat? Si ambulavi in vanitate, et festinavi in dolo pes meus, appendat me in statera justa, et sciat Deus simplicitatem meam.

¶. Quis mihi tribuat, p. 319.

*Lectio ij.*

**S**I declinavit gressus meus de via, et si secutum est oculos meos cor meum, et si manibus meis adhæsit macula, seram, et alius comedat, et progenies mea eradicetur. Si deceptum est cor meum super muliere, et si ad ostium amici mei insidiatus sum, scortum alterius sit uxor mea, et super illam incurventur alii. Hoc enim nefas est, et iniquitas maxima. Ignis est usque ad perditionem devorans, et omnia eradicans genimina.

¶. Utinam appenderentur , p. 520.

*Lectio iij.*

**S**i contempsisti subire iudicium cum servo meo , et ancilla mea , cum disceptarent adversum me. Quid enim faciam , cum surrexerit ad iudicandum Deus ? Et cum quæsierit , quid respondebo illi ? Numquid non in utero fecit me , qui et illum operatus est , et formavit me in vulva unius : Si negavi , quod volebant , pauperibus , et oculos viduæ expectare feci : si comedi buccellam meam solus , et non comedit pupillus ex ea : quia ab infantia mea crevit mecum misratio , et de utero matris meæ egressa est mecum.

¶. Quare detraxistis , p. 518.

### FERIA QUINTA.

De libro Job.

*Lectio j. Cap. 38.*

**R**ESPONDENS autem Dominus Job de turbine , dixit : Quis est iste involvens sententias sermonibus imperitis ? Accinge sicut vir lumbos tuos , interrogabo te , et responde mihi. Ubi eras quando ponebam fundamenta terræ ? indica mihi , si habes intelligentiam. Quis posuit mensuras ejus , si nosti ? vel quis tetendit super eam lineam ? super quo bases illius solidatæ sunt aut quis demisit lapidem angularem ejus , cum me laudarent simul astra matutina , et jubilarent omnes filii Dei ?

¶. Si bona suscepimus , p. 518.

*Lectio ij.*

**Q**UIS conclusit ostiis mare , quando erumpebat quasi de vulva procedens : cum ponerem nubem vestimentum ejus , et caligine illud quasi pannis infantiae obvolverem ? Circumdedit illud terminis meis , et posui vectem , et ostia ; et dixi : Usque huc venies , et non procedes amplius , et hic confringes tumentes fluctus tuos. Numquid post ortum tuum præcepisti diluculo , et ostendisti auroræ locum suum ? Et tenuisti

concutiens extrema terræ , et excussisti impios ex ea ?

¶. Antequam comedam , p. 518.

*Lectio iij.*

**R**ESTITUETUR ut lutum signaculum , et stabit sicut vestimentum. Auferetur ab impiis lux sua , et brachium excelsum confringetur. Numquid ingressus es profunda maris , et in novissimis abyssi deambulasti ? Numquid apertæ sunt tibi portæ mortis , et ostia tenebrosæ vidisti ? Numquid considerasti latitudinem terræ ? Indica mihi , si nosti omnia , in qua via lux habitet , et tenebrarum quis locus sit : ut ducas unumquodque ad terminos suos , et intelligas semitas domus ejus.

¶. Quare detraxistis , p. 518.

### FERIA SEXTA.

De libro Job.

*Lectio j. Cap. 40.*

**R**ESPONDENS autem Dominus Job de turbine , dixit : Accinge sicut vir lumbos tuos : interrogabo te , et indica mihi. Numquid irritum facies iudicium meum , et condemnabis me , ut tu justificeris ? Et si habes brachium sicut Deus , et si voce simili tonas ? Circumda tibi decorem et in sublime erigere , et esto gloriosus , et speciosis induere vestibus.

¶. Induta est caro , p. 518.

*Lectio ij.*

**D**ISPERGE superbos in furore tuo , et respiciens omnem arrogantem humilia. Respice cunctos superbos , et confunde eos , et contemne impios in loco suo. Absconde eos in pulvere simul , et facies eorum demerge in foveam. Et ego confitebor quod salvare te possit dextera tua. Ecce Behemoth , quem feci tecum , fœnum quasi bos comedet. Fortitudo ejus in lumbis ejus , et virtus illius in umbilico ventris ejus.

¶. Paucitas dierum , p. 519.

*Lectio iij. Cap. 41.*

**R**ESPONDENS autem Job Domino , dixit : Scio quia omnia po-



tes, et nulla te latet cogitatio. Quis est iste, qui celat consilium absque scientia? Ideo insipienter locutus sum, et quæ ultra modum excederent scientiam meam. Audi, et ego loquar: interrogabo te, et responde mihi. Auditum auris audiui te, nunc autem oculus meus videt te. Idcirco ipse me reprehendo, et ago poenitentiam in favilla et cinere.

ñ. Non abscondas me, p. 519.

### SABBATO.

De libro Job.

*Lectio j. Cap. 42.*

**POSTQUAM** autem locutus est Dominus verba hæc ad Job, dixit ad Eliphaz Themanitem: Iratus est furor meus in te, et in duos amicos tuos, quoniam non estis locuti coram me rectum, sicut servus meus Job. Sumite ergo vobis septem tauros, et septem arietes et ite ad servum meum Job, et offerte holocaustum pro vobis. Job autem servus meus orabit pro vobis, faciem ejus suscipiam, ut non vobis imputetur stultitia: neque enim locuti estis ad me recta, sicut servus meus Job.

ñ. Quis mihi tribuat, p. 519.

*Lectio ij.*

**ABIERUNT** ergo Eliphaz Themanites, et Baldad Suhites, et Sophar Naamathites, et fecerunt sicut locutus fuerat Dominus ad eos, et suscepit Dominus faciem Job. Dominus quoque conversus est ad poenitentiam Job, cum oraret ille pro amicis suis. Et addidit Dominus omnia quæcumque fuerant Job, duplicia. Venerunt autem ad eum omnes fratres sui, et universæ sorores suæ, et cuncti qui noverant eum prius, et comederunt cum eo panem in domo ejus, et moverunt super eum caput, et consolati sunt eum super omni malo quod intulerat Dominus super eum, et dederunt ei unusquisque ovem unam, et inaurem auream unam.

ñ. Utinam appenderentur, p. 520.

*Lectio iij.*

**DOMINUS** autem benedixit novissimis Job magis quam principio ejus. Et facta sunt ei quatuordecim millia ovium, et sex millia camelorum, et mille juga boum, et mille asinæ. Et fuerunt ei septem filii, et tres filiæ. Et vocavit nomen unius Diem, et nomen secundæ Cassiam, et nomen tertiæ Cornustibii. Non sunt autem inventæ mulieres speciosæ sicut filiæ Job in universa terra deditque eis pater suus hæreditatem inter fratres earum. Vixit autem Job post hæc centum quadraginta annis, et vidit filios suos, et filios filiorum suorum, usque ad quartam generationem: et mortuus est senex, et plenus dierum.

ñ. Quare detraxistis, p. 519.

### SABBATO

*Ante Dom. III. Septembris.*

*Ad Magnif. Ant.* Ne reminiscaris Domine, delicta mea, vel parentum meorum; neque vindictam sumas de peccatis meis.

### DOM. III. SEPTEMBRIS.

IN I. NOCTURNO.

Incipit liber Tobie.

*Lectio j. Cap. 1.*

**TOBIAS** ex tribu et civitate Nephthali, (quæ est in superioribus Galilææ supra Naasson, post viam quæ ducit ad Occidentem, in sinistro habens civitatem Sephet,) cum captus esset in diebus Salmanasar regis Assyriorum, in captivitate tamen positus, viam veritatis non deseruit: ita ut omnia quæ habere poterat, quotidie concaptivis fratribus, qui erant ex ejus genere, impertiret. Cumque esset junior omnibus in tribu Nephthali, nihil tamen puerile gessit in opere.

ñ. Peto, Domine, ut de vinculo improperii hujus absolvas me, aut certe desuper terram eripias me. Ne reminiscaris delicta mea, vel parentum meorum, neque vindictam su-

mas de peccatis meis: quia eruis sustinentes te, Domine. *Ps.* Omnia enim judicia tua justa sunt, et omnes viæ tuæ misericordia et veritas: et nunc, Domine, memento mei. *No.*

*Lectio ij.*

**D**ENIQUE cum irent omnes ad vitulos aureos, quos Jeroboam fecerat rex Israel, hic solus fugiebat consortia omnium: sed pergebat in Jerusalem ad templum Domini, et ibi adorabat Dominum Deum Israel, omnia primitiva sua et decimas suas fideliter offerens, ita ut in tertio anno proselytis et advenis ministraret omnem decimationem. Hæc et his similia secundum legem Dei puerulus observabat. Cum vero factus esset vir, accepit uxorem Annam de tribu sua, genuitque ex ea filium, nomen suum imponens ei: quem ab infantia timere Deum docuit, et abstinere ab omni peccato.

*Ps.* Omni tempore benedic Deum, et pete ab eo ut vias tuas dirigat: *Ps.* Et in omni tempore consilia tua in ipso permaneant. *Ps.* Inquire ut facias quæ placita sunt illi in veritate, et in tota virtute tua. *Et.*

*Lectio iij.*

**I**GITUR cum per captivitatem devenisset cum uxore sua et filio in civitatem Niniven cum omni tribu sua (cum omnes ederent ex cibis Gentilium) iste custodivit animam suam, et nunquam contaminatus est in escis eorum. Et quoniam memor fuit Domini in toto corde suo, dedit illi Deus gratiam in conspectu Salmanasar regis; et dedit illi potestatem quocumque vellet ire, habens libertatem quæcumque facere voluisset. Pergebat ergo ad omnes qui erant in captivitate, et monita salutis dabat eis.

*Ps.* Memor esto, fili, quoniam pauperem vitam gerimus: *Ps.* Habebis multa bona, si timueris Deum. *Ps.* In mente habeto eum, et cave nequando prætermittas præcepta ejus. *Habebis. Gloria. Habebis.*

## IN II. NOCTURNO.

Sermo sancti Leonis Papæ.

*Serm. 9. de Jejunio vij. mensis.*

*Lectio iv.*

**S**CIO quidem, dilectissimi, plurimos vestrum ita in iis quæ ad observantiam Christianæ fidei pertinent esse devotos, ut nostris cohortationibus non indigeant admoneri. Quod enim dudum et traditio decrevit, et consuetudo firmavit, nec pietas prætermittit. Sed quia sacerdotalis officii est erga omnes Ecclesiæ filios curam habere communem, in id quod et rudibus prosit et doctis, quos simul diligimus, pariter incitamus, ut jejunium, quod nobis septimi mensis recursus indicit, fide alacri per castigationem animi et corporis celebremus.

*Ps.* Sufficiebat nobis paupertas nostra, ut divitiæ computarentur: nunquam fuisset pecunia ipsa pro qua misisti filium nostrum, *Baculum* senectutis nostræ. *Ps.* Ne me, fili mi! ut quid te misimus peregrinari, lumen oculorum nostrorum. *Baculum.*

*Lectio v.*

**I**DEO enim ipsa continentiae observantia quatuor est assignata temporibus, ut in idipsum totius anni redeunte decursu, cognosceremus nos indesinenter purificationibus indigere, semperque esse nitendum, dum hujus vitæ varietate jactamur, ut peccatum quod fragilitate carnis et cupiditatum pollutione contrahitur, jejuniiis atque eleemosynis deleatur. Esuriamus paululum, dilectissimi, et aliquantulum, quod juvandis possit prodesse pauperibus, nostræ consuetudini subtrahamus.

*Ps.* Benedicite Deum cœli, et coram omnibus viventibus confitemini ei: *Ps.* Quia fecit vobiscum misericordiam suam. *Ps.* Ipsum benedicite, et cantate illi, et enarrate omnia mirabilia ejus. *Quia.*

*Lectio vj.*

**D**ELECTRETUR conscientia benignorum fructibus largitatis, et

gaudia tribuens, quo es lætificandus, accipies. Dilectio proximi, dilectio Dei est, qui plenitudinem legis et Prophetarum in hac geminæ charitatis unitate constituit: ut nemo ambigeret, Deo se offerre, quod homini contulisset, dicente Domino Salvatore, cum de alendis juvandisque pauperibus loqueretur: Quod uni eorum fecistis, mihi fecistis. Quarta igitur et sexta Feria jejunemus: sabbato vero apud beatum Petrum Apostolum vigilias celebremus: cujus nos meritis et orationibus credimus adjuvandos, ut misericordii Deo jejuniis nostro et devotione placeamus.

¶. Tempus est ut revertar ad eum qui misit me: \* Vos autem benedicite Deum, et enarrate omnia mirabilia ejus, †. Confitemini ei coram omnibus viventibus, quia fecit vobiscum misericordiam suam. Vos. Gloria. Vos.

¶. vij. Tribulationes civitatum audivimus, quas passæ sunt, et defecimus: timor et hebetudo mentis cecidit super nos et super liberos nostros: ipsi montes nolunt recipere fugam nostram. \* Domine, miserere. †. Peccavimus cum patribus nostris, injuste egimus, iniquitatem fecimus. Domine.

¶. viij. Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. †. Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena.

## FERIA SECUNDA.

De libro Tobie.

Lectio j.

Cap. 2.

**P**OST hæc vero, cum esset dies festus Domini, et factum esset prandium bonum in domo Tobie, dixit filio suo: Vade, et adduc aliquos de tribu nostra, timentes Deum, ut epulentur nobiscum. Cumque abiisset, reversus nuntiavit ei unum ex filiis Israel jugulatum jacere in platea. Sta-

timque exiliens de accubitu suo, relinquens prandium, jejunus pervenit ad corpus: tollensque illud portavit ad domum suam occulte, ut, dum sol occubuisset, caute sepeliret eum.

¶. Peto Domine, p. 326.

Lectio ij.

**A**RGUEBANT autem eum omnes proximi ejus, dicentes: Jam hujus rei causa interfici jussus es, et vix effugisti mortis imperium, et iterum sepelis mortuos? Sed Tobias plus timens Deum quam regem, rapiebat corpora occisorum, et occultabat in domo sua, et mediis noctibus sepeliebat ea. Contigit autem ut quadam die fatigatus a sepultura, veniens in domum suam jactasset se juxta parietem, et obdormisset, et ex nido hirandinum dormienti illi calida stercorea inciderent super oculos ejus, fieretque cæcus. Hanc autem tentationem ideo permisit Dominus evenire illi, ut posteris daretur exemplum patientiæ ejus, sicut et sancti Job.

¶. Omni tempore, p. 327.

Lectio iij.

**N**AM cum ab infantia sua semper Deum timuerit, et mandata ejus custodierit, non est contristatus contra Deum quod plaga cæcitatatis eveniret ei: sed immobilis in Dei timore permansit, agens gratias Deo omnibus diebus vitæ suæ. Nam sicut beato Job insultabant reges, ita isti parentes et cognatie ejus irridebant vitam ejus dicentes: Ubi est spes tua, pro qua elemosynas et sepulturas faciebas? Tobias vero increpabat eos, dicens: Nolite ita loqui, quoniam filii sanctorum sumus, et vitam illam expectamus, quam Deus daturus est his, qui fidem suam nunquam mutant ab eo.

¶. Memor esto fili, p. 327.

## FERIA TERTIA.

De libro Tobie.

Lectio j.

Cap. 3. et 3.

**A**NNA vero uxor ejus ibat ad opus textrinum quotidie, et de labore manuum suarum victum, quem



consequi poterat, deferebat. Unde factum est ut hædum caprarum accipiens detulisset domi, cuius cum vocem balantis vir ejus audisset, dixit: Videte ne forte furtivus sit, reddite eum dominis suis, quia non licet nobis aut edere ex furto aliquid, aut contingere.

¶ Sufficiebat nobis, p. 327.

*Lectio ij.*

**A**d hæc uxor ejus irata respondit: Manifeste vana facta est spes tua, et eleemosynæ tuæ modo apparuerunt. Atque his et aliis hujuscemodi verbis exprobrabat ei. Tunc Tobias ingemuit, et cœpit orare cum lacrymis, dicens: Justus es, Domine, et omnia judicia tua justa sunt, et omnes viæ tuæ misericordia, et veritas, et judicium. Et nunc, Domine, memor esto mei, et ne vindictam sumas de peccatis meis neque reminiscaris delicta mea, vel parentum meorum.

¶ Benedicite Deum, p. 327.

*Lectio iij.*

**Q**UONIAM non obedivimus præceptis tuis, ideo traditi sumus in direptionem, et captivitatem, et mortem: et in fabulam, et in improprium omnibus nationibus, in quibus dispersisti nos. Et nunc, Domine, magna judicia tua, quia non egimus secundum præcepta tua, et non ambulavimus sinceriter coram te. Et nunc, Domine, secundum voluntatem tuam fac mecum, et præcipe in pace recipi spiritum meum: expedit enim mihi mori magis quam vivere.

¶ Tempus est, ut, p. 328.

## FERIA QUARTA

*Quatuor Temp. Septembris.*

Lectio sancti Evangelii secundum Marcum.

*Lectio j. Cap. 9.*

**I**n illo tempore: Respondens unus de turba, dixit ad Jesum: Magister, attuli filium meum ad te, habentem spiritum mutum. Et reliqua.

Homilia ven. Bedæ Presbyteri.

*Lib. 3. cap. 38. in Marc. 9.*

**D**EMONIACUM hunc, quem descendens de monte Dominus sanavit, Marcus quidem surdum mutumque, Matthæus vero lunaticum fuisse commemorat. Significat autem eos de quibus scriptum est: Stultus ut luna mutatur. Qui nunquam in eodem statu permanentes, nunc ad hæc, nunc ad illa vitia mutati, crescunt atque decrescunt. Qui muti sunt, non confitendo fidem: surdi, nec ipsum aliquatenus veritatis audiendo sermonem. Spumant autem, cum stultitia tabescunt. Stultorum namque, et languentium, atque hebetum est spumas salivarum ex ore dimittere. Strident dentibus, cum iracundiæ furore flammescunt: arescunt, cum otio torpente languescunt, et nulla virtutis industria confortati enerviter vivunt.

¶ Tribulationes, p. 328.

*Lectio ij.*

**Q**UOD autem ait: Et dixi discipulis tuis ut ejicerent illum, et non potuerunt: latenter Apostolos accusat, cum impossibilitas curandi, interdum non ad imbecillitatem curantium, sed ad eorum qui curandi sunt, fidem referatur, dicente Domino: fiat tibi secundum fidem tuam. Qui respondens eis, dixit: O generatio incredula, quamdiu apud vos ero? quamdiu vos patiar? Non quod tædio superatus sit mansuetus ac mitis, qui non aperuit sicut agnus coram tondeute os suum, nec in verba furoris erupit: sed quod in similitudinem medici, si ægrotum videat contra sua præcepta se gerere, dicat: Usquequo accedam ad domum tuam? quousque artis meæ perdam industriam, me aliud jubente, et te aliud perpetrante?

¶ Omni tempore, p. 327.

*Lectio iij.*

**E**t dixit illis: Hoc genus in nullo potest exire, nisi in oratione et jejunio. Dum docet Apostolos quo-

modo dæmon nequissimus debeat expelli, omnes instituit ad vitam, ut scilicet noverimus gravissima quæque vel immundorum spirituum vel hominum tentamenta, jejuniis et orationibus esse superanda: iram quoque Domini, cum in ultionem nostrorum scelerum fuerit accensa, hoc remedio singulari posse placari. Jejunium autem generale est, non solum ab escis, sed et a cunctis illecebris abstinere carnalibus, imo ab omnibus vitiorum continere se passionibus. Sic et oratio generalis non in verbis solum est, quibus divinam clementiam invocamus, verum etiam in omnibus quæ in obsequium nostri Conditoris fidei devotione gerimus.

¶ *Memor esto fili, p. 527.*

*Ad Bened. Ant.* Hoc genus dæmoniorum in nullo potest exire, nisi in oratione et jejunio.

*Preces ut in Psalt., p. 41.*

*Oratio.*

**M**ISERICORDIÆ tuæ remediis, quæsumus, Domine, fragilitas nostra subsistat: ut quæ sua conditione atteritur, tua clementia reparetur. Per Dominum.

*Et dicitur per Horas tantum. Ad Vesp., si sit de Feria, Preces fer. et Oratio Dom. præced.*

## FERIA QUINTA.

*De libro Tobiae.*

*Lectio j. Cap. 12.*

**V**OCAVIT ad se Tobias filium suum, dixitque ei: Quid possumus dare viro isti sancto, qui venit tecum? Respondens Tobias, dixit patri suo: Pater, quam mercedem dabimus ei? aut quid dignum poterit esse beneficiis ejus? Me duxit et reduxit sanum, pecuniam a Gabelo ipse recepit, uxorem ipse me habere fecit, et dæmonium ab ea ipse compescuit, gaudium parentibus ejus fecit, meipsum a devoratione piscis eripuit, te quoque videre fecit lumen cæli, et bonis omnibus per eum repleti sumus. Quid illi ad hæc pote-

rimus dignum dare? Sed peto te, pater mi, ut roges eum, si forte dignabitur medietatem de omnibus, quæ allata sunt, sibi assumere.

¶ *Peto Domine, p. 526.*

*Lectio ij.*

**E**T vocantes eum, pater scilicet et filius, tulerunt eum in partem, et rogare cœperunt ut dignaretur dimidiam partem omnium quæ attulerant, acceptam habere. Tunc dixit eis occulte: Benedicite Deum cæli, et coram omnibus viventibus confitemini ei, quia fecit vobiscum misericordiam suam. Etenim sacramentum regis abscondere bonum est, opera autem Dei revelare et confiteri honorificum est. Bona est oratio cum jejunio, et eleemosyna magis quam thesauros auri recondere: quoniam eleemosyna a morte liberat: et ipsa est quæ purgat peccata, et facit invenire misericordiam et vitam æternam. Qui autem faciunt peccatum et iniquitatem, hostes sunt animæ suæ.

¶ *Omni tempore, p. 527.*

*Lectio iij.*

**M**ANIFESTO ergo vobis veritatem, et non abscondam a vobis occultum sermonem. Quando orabas cum lacrymis, et sepeliebas mortuos, et derelinquebas prandiam tuam, et mortuos abscondebas per diem in domo tua, et nocte sepeliebas eos, ego obtuli orationem tuam Domino. Et quia acceptus eras Deo, necesse fuit ut tentatio probaret te. Et nunc misit me Dominus ut curarem te, et Saram uxorem filii tui a dæmonio liberarem. Ego enim sum Raphael Angelus, unus ex septem, qui astamus ante Dominum. Cumque hæc audissent, turbati sunt, et tremantes ceciderunt super terram in faciem suam. Dixitque eis Angelus: Pax vobis, nolite timere.

¶ *Memor esto fili, p. 527.*

## FERIA SEXTA

*Quatuor Temporum.*

Lectio sancti Evangelii secundum  
Lucam.

Lectio j. Cap. 7.

**I**N illo tempore : Rogabat Iesum quidam de Phariseis , ut manducaret cum illo. Et ingressus domum Pharisei , discubuit. Et reliqua.

Homilia sancti Gregorii Papæ.

Homil. 33. in Evangelia.

**Q**UEM Phariseus de falsa justitia præsumens , nisi Judaicum populum , quem peccatrix mulier ad vestigia Domini veniens et plorans , nisi conversam Gentilitatem designat ? Quæ cum alabastro venit , unguentum fudit , retro secus pedes Domini stetit , lacrymis pedes rigavit , capillis tersit , eosdemque quos infundebat et tergebat , pedes osculari non desiit. Nos ergo , nos illa mulier expressit , si toto corde ad Dominum post peccata redeamus , si ejus pœnitentiæ luctus imitemur. Quid namque unguento , nisi bonæ odor opinionis exprimitur ? Unde et Paulus dicit : Christi bonus odor sumus Deo in omni loco.

¶ Sufficiebat nobis , p. 827.

Lectio ij.

**S**I ergo recta opera agimus , quibus opinionis bonæ odore Ecclesiam respergamus , quid in Domini corpore , nisi unguentum fundimus ? Sed secus pedes Jesu mulier stetit ; contra pedes enim Domini stetimus , cum in peccatis positi ejus tineribus renitebamur. Sed si ad veram pœnitentiam post peccata convertimur , jam retro secus pedes stamus : quia ejus vestigia sequimur , quem impugnabamus. Lacrymis mulier pedes ejus rigat ; quod nos quoque veraciter agimus , si quibuslibet ultimis membris Domini per compassionis affectum inclinamur , si sanctis ejus in tribulatione compatimur , si eorum tristitiam , nostram putamus.

¶ Benedicite Deum , p. 827.

Lectio iij.

**C**APILLIS ergo pedes Domini tergimus , quando sanctis ejus , quibus ex charitate compatimur , etiam ex his , quæ nobis superfluent , miseremur : quatenus sic mens per compassionem doleat , ut etiam larga manus affectum doloris ostendat. Rigat namque lacrymis Redemptoris pedes , sed capillis suis non tergit , qui utcumque proximorum dolori compatitur , sed tamen eis ex his , quæ sibi superfluent , non miseretur. Plorat , et non tergit , qui verba quidem doloris tribuit , sed non ministrando quæ desunt , vim doloris minime abscindit. Osculatur mulier pedes , quos tergit : quod nos quoque plene agimus , si studiose diligimus , quos ex largitate continemus : ne gravis nobis sit necessitas proximi : ne ipsa nobis ejus indigentia , quæ sustentatur , fiat onerosa : et cum manus necessaria tribuit , animus a dilectione torpescat.

¶ Tempus est ut , p. 828.

*Ad Bened. Ant.* Mulier quæ erat in civitate peccatrix , stans retro secus pedes Domini , lacrymis cœpit rigare pedes ejus , et capillis capitis sui tergebat , deosculabatur pedes ejus , et unguento ungebat.

*Preces ut in Psalt. p. 41.*

*Oratio.*

**P**RÆSTA , quæsumus , omnipotens Deus , ut observationes sacras annua devotione recolentes , et corpore tibi placeamus et mente. Per Dominum.

*In Vesp. si fiat de Feria , Preces fer. et Oratio Dom. præced.*

**SABBATO**

*Quatuor Temporum.*

Lectio sancti Evangelii secundum  
Lucam.

Lectio j. Cap. 13.

**I**N illo tempore : dicebat Jesus turbis hanc similitudinem : Arborem fici habebat quidam plantatam in vi-



nea sua , et venit quærens fructum in illa , et non invenit. Et reliqua.

Homilia sancti Gregorii Papæ.

Homil. 31. in Evangelia.

**D**OMINUS ac Redemptor noster per Evangelium suum aliquando verbis , aliquando rebus loquitur ; aliquando aliud verbis , atque aliud rebus , aliquando autem hoc verbis , quod rebus. Duas etenim res ex Evangelio , fratres , audistis : ficulneam infructuosam , et mulierem curvam ; et utrique rei est pietas impensa. Illud autem dixit per similitudinem , istud egit per exhibitionem. Sed hoc significat ficulnea infructuosa , quod mulier inclinata , et hoc ficulnea reservata quod mulier erecta.

¶. Tribulationes , p. 528.

Lectio ij.

**Q**UID arbor fici , nisi humanam naturam designat ? Quid mulier inclinata , nisi eandem naturam significando denuntiat ? Quæ et bene plantata est sicut ficus , et bene creata sicut mulier : sed in culpam propria sponte lapsa , neque fructum servat operationis , neque statum rectitudinis. Ad peccatum quippe ex voluntate corruens , quia fructum obedientiæ ferre noluit , statum rectitudinis amisit. Quæ ad Dei similitudinem condita , dum in sua dignitate non perstitit , quod plantata vel creata fuerat , servare contempsit. Tertio dominus vineæ ad ficulneam venit , quia naturam generis humani ante legem , sub lege , sub gratia , expectando , admonendo , visitando requisivit.

¶. Omni tempore , p. 527.

Lectio iij.

**V**ENIT ante legem , quia per naturalem intellectum quid unusquisque exemplo sui , qualiter erga proximum agere debuisset , innotuit. Venit in lege , quia præcipiendo docuit. Venit post legem per gratiam , quia pietatis suæ præsentiam exhibendo monstravit. Sed tamen in tri-

bus annis fructum se non invenisse conqueritur : quia quorundam pravorum mentes nec inspirata lex naturalis corrigit , nec præcepta erudiant nec incarnationis ejus miracula convertunt. Quid vero per cultorem vineæ , nisi præpositorum ordo exprimitur ? Qui dum præsumt Ecclesiæ , nimirum Dominicæ vineæ curam gerunt.

¶. Memor esto fili , p. 527.

Ad Bened. Ant. Illuminare , Domine , iis qui in tenebris sedent , et dirige pedes nostros in viam pacis , Deus Israel.

Precès ut in Psalt. p. 41.

Oratio.

**O**MNIPOTENS sempiterne Deus , qui per continentiam salutarem corporibus mederis et mentibus , majestatem tuam supplices exoramus , ut pia jejunantium deprecatione placatus , et præsentia nobis subsidia tribuas et futura. Per Dominum.

## SABBATO

Ante Dom. IV. Septembris.

Ad Magnif. Ant. Adonai Domine Deus magne et mirabilis , qui dedisti salutem in manu feminæ , exaudi preces servorum tuorum.

## DOM. IV. SEPTEMBRIS.

IN I. NOCTURNO.

Incipit liber Judith.

Lectio j.

Cap. 1. et 2.

**A**RPHAXAD itaque rex Medorum subjugaverat multas gentes imperio suo , et ipse ædificavit civitatem potentissimam , quam appellavit Ecbatanis , ex lapidibus quadratis et sectis ; fecit muros ejus in latitudinem cubitorum septuaginta , et in altitudinem cubitorum triginta , turres vero ejus posuit in altitudinem cubitorum centum. Per quadrum vero earum latus utrumque vicenorum pedum spatio tendebatur , posuitque portas ejus in altitudinem turrium. Et gloriabatur quasi potens in poten-

lia exercitus sui, et in gloria quadrigarum suarum.

ā. Adonai Domine Deus magne et mirabilis, qui dedisti salutem in manu feminæ, \* Exaudi preces servorum tuorum. †. Benedictus es, Domine, qui non derelinquis præsumentes de te, et de sua virtute gloriantes humilias. Exaudi.

*Lectio ij.*

**A**NNO igitur duodecimo regni sui, Nabuchodonosor rex Assyriorum, qui regnabat in Ninive civitate magna, pugnavit contra Arphaxad, et obtinuit eum in campo magno, qui appellatur Ragau, circa Euphratem, et Tigrin, et Jadason, in campo Erioch regis Elicorum. Tunc exaltatum est regnum Nabuchodonosor, et cor ejus elevatum est; et misit ad omnes qui habitabant in Cilicia, et Damasco, et Libano, et ad gentes quæ sunt in Carmelo, et Cedar, et inhabitantes Galilæam in campo magno Esdreton, et ad omnes qui erant in Samaria, et trans flumen Jordanem usque ad Jerusalem, et omnem terram Jesse, quousque perveniatur ad terminos Æthiopæ.

ā. Tribulationes civitatum andivimus, quas passæ sunt, et defecimus: timor et hebetudo mentis cecidit super nos, et super liberos nostros: ipsi montes nolunt recipere fugam nostram. \* Domine, miserere. †. Peccavimus cum patribus nostris, injuste egimus, iniquitatem fecimus. Domine.

*Lectio iij.*

**A**D hos omnes misit nuntios Nabuchodonosor rex Assyriorum qui omnes uno animo contradixerunt, et remiserunt eos vacuos, et sine honore abjecerunt. Tunc indignatus Nabuchodonosor rex adversus omnem terram illam, juravit per thronum et regnum suum, quod defenderet se de omnibus regionibus his. Anno terdecimo Nabuchodonosor regis, vigesima et secunda die mensis primi,

factum est verbum in domo Nabuchodonosor regis Assyriorum ut defenderet se. Vocavitque omnes majores natu, omnesque duces, et bellatores suos, et habuit cum eis mysterium consilii sui; dixitque cogitationem suam in eo esse, ut omnem terram suo subjugaret imperio.

ā. Benedicat te Dominus in virtute sua, qui per te ad nihilum redegit inimicos nostros: \* Ut non deficiat laus tua de ore hominum †. Benedictus Dominus, qui creavit cælum et terram, quia hodie nomen tuum ita magnificavit. Ut. Gloria. Ut.

#### IN II. NOCTURNO.

Ex libro sancti Ambrosii Episcopi de Elia et jejunio.

*Lectio iv.* Cap. 9.

**P**POTENTES vinum prohibentur bibere, ne cum biberint, obviscantur sapientiam. Denique bibebant vinum in ebrietate potentes, qui Holoferni principi militiæ regis Assyriorum se tradere gestiebant; sed non bibebat femina Judith, jejunans omnibus diebus viduitatis suæ, præter festorum dierum solemnitates. His armis munita processit, et omnem Assyriorum circumvenit exercitum. Sobrii vigore consilii abstulit Holofernis caput, servavit pudicitiam, victoriam reportavit.

ā. Nos alium Deum nescimus præter Dominum, in quo speramus, \* Qui non despicit nos, nec amovet salutem suam a genere nostro. †. Indulgentiam ipsius fuis lacrymis postulemus, et humiliemus illi animas nostras. Qui.

*Lectio v.*

**H**ÆC enim succincta jejunio in castris prætendebat alienis: ille vino sepultus jacebat, ut ictum vulneris sentire non posset. Itaque unius mulieris jejunium innumeros stravit exercitus Assyriorum. Esther quoque pulchrior facta est jejunio; Dominus enim gratiam sobriæ mentis augebat. Omne genus suum, id est, totum

populum Judæorum a persecutionis acerbitate liberavit, ita ut regem sibi faceret esse subjectum.

¶. Dominator Domine cælorum et terræ, creator aquarum, rex universæ creaturæ, \* Exaudi orationem servorum tuorum, ¶. Tu, Domine, cui humilium semper et mansuetorum placuit deprecatio. Exaudi.

*Lectio vj.*

**I**TAQUE illa quæ triduo jejunavit continuo, et corpus suum aqua lavit, plus placuit, et vindictam retulit. Aman autem, dum se regali jactat convivio, inter ipsa vina pœnam suæ ebrietatis exolvit. Est ergo jejunium reconciliationis sacrificium, virtutis incrementum, quod fecit etiam feminas fortiores augmento gratiæ. Jejunium nescit fœneratorem, non sortem fœnoris novit; non redolet usuras mensa jejunantium: etiam ipsis jejunium convivii dat gratiam. Dulciores post famem epulæ fiunt, quæ assiduitate fastidio sunt, et diuturna continuatione vilescent. Condimentum cibi jejunium est. Quanto avidior appetentia, tanto esca jucundior.

¶. Domine Deus, qui conteris bella ab initio, eleva brachium tuum super gentes, quæ cogitant servis tuis mala: \* Et dextera tua glorificetur in nobis. ¶. Allide virtutem eorum in virtute tua: cadat robur eorum in iracundia tua. Et. Gloria. Et.

¶. vij. Conforta me, Rex, sanctorum principatum tenens, \* Et da sermonem rectum et bene sonantem in os meum. ¶. Domine Rex universæ potestatis, converte consilium eorum super eos. Et.

¶. viij. Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. ¶. Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena.

## FERIA SECUNDA

De libro Judith.

*Lectio j. Cap. 4.*

**F**ILII Israel, qui habitabant in terra Iuda, timuerunt valde a facie Holofernis. Tremor et horror invasit sensus eorum, ne hoc faceret Jerusalem et templo Domini, quod fecerat cæteris civitatibus et templis earum. Et miserunt in omnem Samariam per circuitum usque Jericho, et præoccupaverunt omnes vertices montium, et muris circumdederunt vicos suos, et congregaverunt frumenta in præparationem pugnae.

¶. Adonai Domine, p. 533.

*Lectio ij.*

**S**ACERDOS etiam Eliachim scripsit ad universos qui erant contra Esdrelon, quæ est contra faciem campi magni juxta Dothain, et universos per quos viæ transitus esse poterat, ut obtinerent ascensus montium per quos via esse poterat ad Jerusalem, et illic custodirent, ubi angustum iter esse poterat inter montes. Et fecerunt filii Israel secundum quod constituerat eis sacerdos Domini Eliachim. Et clamavit omnis populus ad Dominum instantia magna, et humiliaverunt animas suas in jejuniis, et orationibus, ipsi et mulieres eorum.

¶. Tribulationes, p. 533.

*Lectio iij.*

**E**T induerunt se sacerdotes ciliciis, et infantes prostraverunt contra faciem templi Domini, et altare Domini operuerunt cilicio, et clamaverunt ad Dominum Deum Israel unanimiter, ne darentur in prædam infantes eorum, et uxores eorum in divitionem, et civitates eorum in exterminium, et sancta eorum in pollutionem, et fierent opprobrium Gentibus. Tunc Eliachim, sacerdos Domini magnus, circuivit omnem Israel, allocutusque est eos, dicens: Scitote quoniam exaudiet Dominus preces vestras, si manentes permanseritis in jejuniis et orationibus in conspectu Domini.



q. Benedicat te, p. 533.

**FERIA TERTIA**

De libro Judith.

*Lectio j. Cap. 9.*

**ET** factum est, cum audisset hæc verba Judith vidua, quæ erat filia Merari, filii Idox, filii Joseph, filii Ozias, filii Elai, filii Jamnor, filii Gedeon, filii Raphaim, filii Achitob, filii Melchiam, filii Enan, filii Nathania, filii Salathiel, filii Simeon, filii Ruben: et vir ejus fuit Manasses, qui mortuus est in diebus messis hordeaceæ: instabat enim super alligantes manipulos in campo, et venit æstus super caput ejus, et mortuus est in Bethulia civitate sua, et sepultus est illic cum patribus suis. Erat autem Judith relicta ejus vidua jam annis tribus, et mensibus sex.

q. Nos alium Deum, p. 533.

*Lectio ij.*

**ET** in superioribus domus suæ fecit sibi secretum cubiculum, in quo cum puellis suis clausa morabatur, et habens super lumbos suos cilicium, jejunabat omnibus diebus vite suæ, præter sabbata, et neomenias, et festa domus Israel. Erat autem elegantissimi aspectu nimis: cui vir suus reliquerat divitias multas, et familiam copiosam, ac possessiones armentis boum et gregibus ovium plenas. Et erat hæc in omnibus famosissima, quoniam timebat Dominum valde, nec erat qui loqueretur de illa verbum malum.

q. Dominator Domine, p. 534.

*Lectio iij.*

**HÆC** itaque cum audisset, quoniam Ozias promississet quod transacto quinto die traderet civitatem, misit ad presbyteros Chabri et Charmi. Et venerunt ad illam, et dixit illis: Quod est hoc verbum, in quo consensit Ozias, ut tradat civitatem Assiriis, si intra quinque dies non venerit vobis adjutorium? Et qui estis vos, qui tentatis Dominum?

q. Domine Deus, p. 534.

**FERIA QUARTA.**

De libro Judith.

*Lectio j. Cap. 10.*

**FACTUM** est autem, cum cessasset clamare ad Dominum, surrexit de loco, in quo jacuerat prostrata ad Dominum. Vocavitque abram suam, et descendens in domum suam, abstulit a se cilicium, et exuit se vestimentis viduitatis suæ: et lavit corpus suum, et unxit se myro optimo, et discriminavit crinem capitis sui, et imposuit mitram super caput suum, et induit se vestimentis jucunditatis suæ, induitque sandalia pedibus suis, assumpsitque dextraliole, et lilia, et inaures, et annulos, et omnibus ornamentis suis ornavit se. Cui etiam Dominus contulit splendorem.

q. Conforta me Rex, p. 534.

*Lectio ij.*

**FACTUM** est autem cum descenderet montem, circa ortum diei, occurrerunt ei exploratores Assyriorum, et tenuerunt eam, dicentes: Unde venis? aut quo vadis? Quæ respondit: Filia sum Hebræorum; ideo ego fugi a facie eorum, quoniam futurum agnovi quod dentur vobis in deprædationem, pro eo quod contemuentes vos, noluerunt ultro tradere seipsos, ut invenirent misericordiam in conspectu vestro.

q. Tribulationes, p. 533.

*Lectio iij.*

**DUXERUNTQUE** illam ad tabernaculum Holofernis, annuntiantes eam. Cumque intrasset ante faciem ejus, statim captus est in suis oculis Holofernes. Dixeruntque ad eum satellites ejus: Quis contemnat populum Hebræorum, qui tam decoras mulieres habent, ut non pro his merito pugnare contra eos debeamus? Videns itaque Judith Holofernem sedentem in conopœo, quod erat ex purpura, et auro, et smaragdo, et lapidibus pretiosis intextum, et cum

in faciem ejus intendisset, adoravit eum prosternens se super terram.

ñ. Benedicat te, p. 533.

### FERIA QUINTA.

Si hæc fuerit ultima Hebd. Septembris, hæc nocte ponitur liber Esther cum sua historia, ut infra in Dom. V. hujus mensis, et legitur de eo etiam duobus seq. diebus. Quod si hoc triduo non occurrat Feria, in qua possint poni ññ., eo anno omittuntur.

Si vero non fuerit ultima Hebd. leguntur sequentes Lectiones.

De libro Judith.

Lectio j.

Cap. 12.

**ET** factum est, in quarto die Holofernes fecit cœnam servis suis, et dixit ad Vagao eunuchum suum: Vade, et suade Hebræam illam, ut sponte consentiat habitare mecum. Fœdum est enim apud Assyrios, ei femina irrideat virum, agendo ut immunis ab eo transeat. Tunc introivit Vagao ad Judith, et dixit: Non vereatur bona puella introire ad domum meum, ut honorificetur ante faciem ejus, ut manducet cum eo, et bibat vinum in jucunditate. Cui Judith respondit: Quæ ego sum, ut contradicam domino meo?

ñ. Adonai Domine, p. 533.

Lectio ij.

Cap. 13.

**UT** autem sero factum est, festinaverunt servi illius ad hospitia sua, et conclusit Vagao ostia cubiculi, et abiit. Erant autem omnes fatigati a vino, eratque Judith sola in cubiculo. Porro Holofernes jacebat in lecto, nimia ebrietate sopitus. Dixitque Judith puellæ suæ ut staret foris ante cubiculum, et observaret. Stetitque Judith ante lectum, orans cum lacrymis et labiorum motu in silentio, dicens: Confirma me, Domine Deus Israel, et respice in hac hora ad opera manuum mearum, ut, sicut promisisti, Jerusalem civitatem tuam erigas, et hoc quod credens per te posse fieri cogitavi, perficiam.

ñ. Tribulationes, p. 533.

Lectio iij.

**ET** cum hæc dixisset, accessit ad columnam, quæ erat ad caput lectuli ejus, et pugionem ejus, qui in ea ligatus pendeat, exolvit. Cumque evaginasset illum, apprehendit comam capitis ejus, et ait: Confirma me, Domine Deus, in hac hora. Et percussit bis in cervicem ejus, et abscidit caput ejus, et abstulit conopœum ejus a columnis, et evolvit corpus ejus truncum. Et post pusillum exivit, et tradidit caput Holofernis ancillæ suæ, et jussit ut mitteret illud in peram suam.

ñ. Benedicat te, p. 533.

### FERIA SEXTA.

De libro Judith.

Lectio j.

Cap. 15.

**CUMQUE** omnis exercitus decollatum Holofernem audisset, fugit mens et consilium ab eis, et solo tremore et metu agitati, fugæ præsidium sumunt, ita ut nullus loqueretur cum proximo suo: sed inclinato capite, relictis omnibus, evadere festinabant Hebræos, quos armatos super se venire audiebant, fugientes per vias camporum et semitas collium. Videntes itaque filii Israel fugientes secuti sunt illos. Descenderuntque clangentes tubis, et ululantes post ipsos.

ñ. Nos alium Deum, p. 533.

Lectio ij.

**MISIT** itaque Ozias nuntios per omnes civitates et regiones Israel. Omnis itaque regio, omnisque urbs electam juventutem armatam misit post eos, et persecuti sunt eos in ore gladii, quousque pervenirent ad extremitatem finium suorum. Reliqui autem qui erant in Bethulia, ingressi sunt castra Assyriorum, et prædam, quam fugientes Assyrii reliquerant, abstulerunt, et onustati sunt valde.

ñ. Dominator Domine, p. 534.

Lectio iij.

**JOACHIM** autem summus Pontifex de Jerusalem venit in Bethu-

liam cum universis presbyteris suis , ut videret Judith. Quæ cum exisset ad illum , benedixerunt eam omnes una voce , dicentes : Tu gloria Jerusalem , tu lætitia Israel , tu honorificentia populi nostri , quia fecisti viriliter , et confortatum est cor tuum , eo quod castitatem amaveris , et post virum tuum , alterum nescieris : ideo et manus Domini confortavit te , et ideo eris benedicta in æternum. Et dixit omnis populus : Fiat , fiat.

ñ. Domine Deus , p. 334.

### SABBATO.

De libro Judith.

Lectio j.

Cap. 16.

**ET** factum est post hæc , omnis populus post victoriam venit in Jerusalem adorare Dominum : et mox ut purificati sunt , obtulerunt omnes holocausta , et vota , et repromissiones suas. Porro Judith universa vasa bellica Holofernis , quæ dedit illi populus , et conopœum quod ipsa sustulerat de cubili ipsius , obtulit in anathema oblivionis.

ñ. Conforta me Rex , p. 334.

Lectio ij.

**ERAT** autem populus jucundus secundum faciem sanctorum , et per tres menses gaudium hujus victoriæ celebratum est cum Judith. Post dies autem illos unusquisque rediit in domum suam , et Judith magna facta est in Bethulia . et præclarior erat universæ terræ Israel. Erat etiam virtuti castitas adjuncta , ita ut non cognosceret virum omnibus diebus vitæ suæ , ex quo defunctus est Manasses vir ejus. Erat autem diebus festis procedens cum magna gloria.

ñ. Tribulationes , p. 333.

Lectio, iij.

**MANSIT** autem in domo viri sui annos centum quinque , et dimisit abram suam liberam , et defuncta est , ac sepulta cum viro suo in Bethulia. Luxitque illam omnis populus diebus septem. In omni autem

spatio vitæ ejus non fuit qui perturbaret Israel , et post mortem ejus annis multis. Dies autem victoriæ hujus festivitatis ab Hebræis in numero sanctorum dierum accipitur , et colitur a Judæis ex illo tempore usque in præsentem diem.

ñ. Benedicat te , p. 333.

### SABBATO

Ante Dom. V. Septembris.

Ad Magnif. Ant. Domine Rex omnipotens, in ditione tua cuncta sunt posita , et non est qui possit tuæ resistere voluntati.

### DOM. V. SEPTEMBRIS

IN I. NOCTURNO.

Incipit liber Esther.

Lectio j. .

Cap. I.

**I**N diebus Assueri , qui regnavit ab India usque Æthiopiam super centum viginti septem provincias , quando sedit in solio regni sui , Susa civitas regni ejus exordium fuit. Tertio igitur anno imperii sui fecit grande convivium cunctis principibus , et pueris suis , fortissimis Persarum , et Medorum iuclytis , et præfectis provinciarum coram se , ut ostenderet divitias gloriæ regni sui , ac magnitudinem , atque jactantiam potentiae suæ , multo tempore , centum videlicet et octoginta diebus.

ñ. Domine mi Rex omnipotens , in ditione tua cuncta sunt posita ; et non est qui possit resistere voluntati tuæ : \* Libera nos propter nomen tuum. †. Exaudi orationem nostram , et converte luctum nostrum in gaudium. Libera.

Lectio ij.

**CUMQUE** implerentur dies convivii , invitavit omnem populum , qui inventus est in Susa , a maximo usque ad minimum ; et jussit septem diebus convivium præparari in vestibulo horti , et nemoris , quod regio cultu et manu consitum erat. Et pñdebant ex omni parte tentoria aerii coloris , et carbasini ac hyacinthini ,



sustentata funibus byssinis atque purpureis, qui eburneis circulis inserti erant, et columnis marmoreis fulciebantur. Lectuli quoque aurei et argentei super pavimentum smaragdino et pario stratum lapide, dispositi erant: quod mira varietate pictura decorabat.

ñ. Conforta me, Rex, sanctorum principatum tenens, \* Et da sermonem rectum et bene sonantem in os meum. ý. Domine Rex universæ potestatis, converte consilium eorum super eos. Et.

*Lectio iij.*

**B**IBEBANT autem qui invitati erant, aureis poculis, et aliis atque aliis vasis cibi inferebantur. Vinum quoque, ut magnificentia regia dignum erat, abundans et præcipuum ponebatur. Nec erat qui nolentes cogeret ad bibendum, sed sicut rex statuerat, præponens mensis singulos de principibus suis, ut sumeret unusquisque quod vellet. Vasthi quoque regina fecit convivium seminarum in palatio, ubi rex Assuerus manere consueverat.

ñ. Spem in alium nunquam habui, præterquam in te, Deus Israel: \* Qui irasceris, et propitius eris, et omnia peccata hominum in tribulatione dimittis. ý. Domine Deus creator cœli et terræ respice ad humilitatem nostram. Qui. Gloria. Qui.

IN II. NOCTURNO.

Ex libro Officiorum S. Ambrosii  
Episcopi.

*Lectio iv.*

*Lib. 3. c. 15.*

**Q**UID Esther regina? nonne ut populum suum periculo erueret (quod erat decorum atque honestum,) morti se obtulit, nec immitis regis trepidavit furorem? Ipse quoque rex Persarum ferox atque tumido corde, tamen decorum iudicavit, indici insidiarum quæ sibi paratæ forent, gratiam repræsentare, populumque liberum a servitute eripere, eruere neci, nec parcere neci ejus qui tam inde-

cora suasisset. Denique quem secundum a se, ac præcipuum inter omnes amicos haberet, cruci tradidit, quod dehonestatum se ejus fraudulentis consiliis animadvertisset.

ñ. Memento mei, Domine Deus, in bonum: \* Et ne deleas miserationes meas, quas feci in domo Dei mei, et in cæremoniis ejus. ý. Recordare mei, Domine Deus meus. Et.

*Lectio v.*

*Cap. 16.*

**E**A enim amicitia probabilis, quæ honestatem tuetur, præferenda sane opibus, honoribus, potestatibus; honestati vero præferri non solet, sed honestatem sequi. Qualis fuit Jonathan, qui pro pietate nec offensam patris, nec salutis periculum refugiebat. Qualis fuit Achimelech, qui pro hospitalis gratiæ officiis necem potius sibi, quam prodicionem fugientis amici, subeundam arbitrabatur. Nihil igitur præferendum honestati: quæ tamen ne amicitia studio prætereatur, etiam hoc Scriptura admonet.

ñ. Tribulationes civitatum audivimus, quas passæ sunt, et defecimus: timor et hebetudo mentis cecidit super nos, et super liberos nostros: ipsi montes nolunt recipere fugam nostram: \* Domine, miserere. ý. Peccavimus cum patribus nostris, injuste egimus, iniquitatem fecimus. Domine.

*Lectio vj.*

**S**UNT enim pleræque Philosophorum quæstiones: Utrum amici causa quisquam contra patriam sentire, necne, debeat, ut amico obediat: utrum oporteat ut fidem deserat, dum indulget atque intendit amici commoditatibus. Et Scriptura quidem ait: Clava, et gladius, et sagitta ferrata: sic homo est testimonium dæus falsum adversus amicum suum. Sed considera quid adstruat. Non testimonium reprehendit dictum in amicum, sed falsum testimonium. Quid enim si Dei causa, quid si patriæ, cogatur aliquis dicere testimonium? Nunquid præponde-

rare debet amicitia religioni, præponderare charitati vitium?

¶. Benedicat te Dominus in virtute sua, qui per te ad nihilum redegit inimicos nostros: " Ut non deficiat laus tua de ore hominum. ¶ Benedictus Dominus, qui creavit cælum et terram, quia hodie nomen tuum ita magnificavit. — Ut. Gloria. Ut.

¶. vij. Nos alium Deum nescimus præter Dominum, in quo speramus: " Qui non despicit nos, nec amovet salutem suam a genere nostro. ¶ Indulgentiam ipsius fuis lacrymis postulamus; et humiliemus illi animas nostras. — Qui.

¶. viij. Duo Seraphim clamabant alter ad alterum: " Sanctus, Sanctus, Sanctus Dominus Deus Sabaoth: " Plena est omnis terra gloria ejus. ¶ Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. — Sanctus. Gloria. Plena.

## FERIA SECUNDA.

De libro Esther.

Lectio j. Cap. 1.

**ERAT** vir Judæus in Susan civitate, vocabulo Mardocheus, filius Jair, filii Semei, filii Cis, de stirpe Jemini, qui translatus fuerat de Jerusalem eo tempore, quo Jechoniam regem Juda Nabuchodonosor rex Babylonis transtulerat, qui fuit nutritius filiae fratris sui Edissæ, quæ altero nomine vocabatur Esther: et utrumque parentem amiserat: pulchra nimis, et decora facie. Mortuisque patre ejus ac matre, Mardocheus sibi eam adoptavit in filiam.

¶. Domine mi Rex, p. 537.

Lectio ij.

**CUMQUE** percrebuisset regis imperium, et juxta mandatum illius multæ pulchræ virgines adducerentur Susan, et Egeo traderentur Eunuchis; Esther quoque inter cæteras puellas ei tradita est, ut servaretur in numero seminarum. Quæ placuit ei, et invenit gratiam in con-

spectu illius. Et præcepit eunuchis, ut acceleraret mundum muliebre, et traderet ei partes suas, et septem puellas speciosissimas de domo regis, et tam ipsam quam pedissequas ejus ornaret atque excoleret. Quæ noluit indicare ei populum et patriam suam: Mardocheus enim præceperat ei, ut de hac re omnino reticeret. Qui deambulabat quotidie ante vestibulum domus, in qua electæ virgines servabantur, curam agens salutis Esther.

¶. Conforta me, Rex, p. 534.

Lectio iij.

**EVOLUTO** autem tempore per ordinem, instabat dies, quo Esther filia Abibail fratris Mardochei, quam sibi adoptaverat in filiam, deberet intrare ad regem. Quæ non quæsivit muliebre cultum, sed quæcumque voluit Egeus eunuchus custos virginum, hæc ei ad ornatum dedit. Erat enim formosa valde, et incredibili pulchritudine, omnium oculis gratiosa et amabilis videbatur. Ducta est itaque ad cubiculum regis Assueri mense decimo, qui vocatur Tebeth, septimo anno regni ejus. Et adamavit eam rex plus quam omnes mulieres, habuitque gratiam et misericordiam coram eo super omnes mulieres, et posuit diadema regni in capite ejus, fecitque eam regnare in loco Vasthi.

¶. Spem in alium, p. 538.

## FERIA TERTIA.

De libro Esther.

Lectio j. Cap. 3.

**POST** hæc rex Assuerus exaltavit Aman filium Amadathi, qui erat de stirpe Agag, et posuit solium ejus super omnes principes, quos habebat. Cunctique servi regis, qui in foribus palatii versabantur, flectabant genua, et adorabant Aman: sic enim præceperat eis imperator. Solus Mardocheus non flectebat genu, neque adorabat eum. Cui dixerunt pueri regis, qui ad fores palatii præsidebant. Cur præter cæteros non observas mandatum regis?

ñ. Memento mei , p. 538.

*Lectio ij.*

**CUMQUE** hoc crebrius dicerent , et ille nollet audire , nuntiaverunt Aman , scire cupientes utrum perseveraret in sententia : dixerat enim eis se esse Judæum. Quod cum audisset Aman , et experimento probasset quod Mardocheus non flecteret sibi genu , nec se adoraret , iratus est valde , et pro nihilo duxit in unum Mardocheum mittere manus suas.

ñ. Tribulationes , p. 533.

*Lectio iij.*

**AUDIERAT** enim quod esset gentis Judææ , magisque voluit omnem Judæorum , qui erant in regno Assueri , perdere nationem. Mense primo (cujus vocabulum est Nisan) anno duodecimo regni Assueri , missa est sors in urnam , quæ hebraice dicitur phur , coram Aman , quo die et quo mense gens Judæorum deberet interfici : et exivit mensis duodecimus , qui vocatur Adar.

ñ. Benedicat te , p. 533.

### FERIA QUARTA.

De libro Esther.

*Lectio j.*

Cap. 4.

**QUÆ** cum audisset Mardocheus , scidit vestimenta sua , et indutus est sacco , spargens cinerem capiti , et in platea mediæ civitatis voce magna clamabat , ostendens amaritudinem animi sui , et hoc ejulatusque ad fores palatii gradiens. Non enim erat licitum indutum sacco aulam regis intrare. In omnibus quoque provinciis , oppidis , ac locis , ad quæ crudele regis dogma pervenerat , pluctus ingens erat apud Judæos , jejunium , ululatus , et fletus , sacco et cinere multis pro strato utentibus. Ingressæ autem sunt puellæ Esther et eunuchi , nuntiaveruntque ei. Quod audiens consternata est , et vestem misit , ut ablato sacco , induerent eum : quam accipere noluit. Accitoque Athach eunucho , quem rex ministrum

ei dederat , præcepit ei , ut iret ad Mardocheum , et disceret ab eo cur hoc faceret.

ñ. Nos alium Deum , p. 533.

*Lectio ij.*

**EGRESSUSQUE** Athach ivit ad Mardocheum stantem in platea civitatis , ante ostium palatii : qui indicavit ei omnia quæ acciderant , quomodo Aman promisisset , ut in thesauros regis pro Judæorum nece inferret argentum. Exemplar quoque edicti , quod pendebat in Susan , dedit ei , ut reginæ ostenderet , et moneret eam ut intraret ad regem , et deprecaretur eum pro populo suo. Regressus Athach nuntiavit Esther omnia , quæ Mardocheus dixerat. Quæ respondit ei , et jussit ut diceret Mardocheo : Omnes servi regis , et cunctæ , quæ sub ditione ejus sunt , norunt provinciæ , quod sive vir , sive mulier , non vocatus interius atrium regis intraverit , absque ulla cunctatione statim interficiatur , nisi forte rex auream virgam ad eum tetenderit pro signo clementiæ , atque ita possit vivere. Ego igitur quomodo ad regem intrare potero , quæ triginta jam diebus non sum vocata ad eum ?

ñ. Conforta me Rex , p. 534.

*Lectio iij.*

**QUOD** cum audisset Mardocheus , rursus mandavit Esther , dicens : Ne putes quod animam tuam tantum liberes , quia in domo regis es præcunctis Judæis : si enim nunc silueris , per aliam occasionem liberabuntur judæi : et tu , et domus patris tui , peribitis. Et quis novit utrum idcirco ad regnum veneris , ut in tali tempore parareris ? Rursumque Esther hæc Mardocheo verba mandavit ; Vade et congrega omnes Judæos , quos in Susan repereris , et orate pro me. Non comedatis , et non bibatis tribus diebus , et tribus noctibus ; et ego cum ancillis meis similiter jejunabo , et tunc ingrediar ad regem contra legem faciens , non vocata , tradensque me morti et peri-



culo. Ivit itaque Mardocheus, et fecit omnia, quæ ei Esther præceperat.

¶. Spem in alium, p. 538.

### FERIA QUINTA.

De libro Esther.

Lectio j. Cap. 5.

**D**IE autem tertio induta est Esther regalibus vestimentis, et stetit in atrio domus regis, quod erat interius, contra basilicam regis: at ille sedebat super solium suum in consistorio palatii contra ostium domus. Cumque vidisset Esther reginam stantem, placuit oculis ejus, et extendit contra eam virgam auream, quam tenebat manu. Quæ accedens, osculata est summitatem virgæ ejus. Dixitque ad eam rex: Quid vis, Esther regina? quæ est petitio tua? etiam si dimidiam partem regni petieris, dabitur tibi. At illa respondit: Si regi placet, obsecro ut venias ad me hodie, et Aman tecum, ad convivium quod paravi. Statimque rex: vocate, inquit, cito Aman, ut Esther obediat voluntati.

¶. Domine mi Rex, p. 537.

Lectio ij.

**E**GRESSUS est itaque illo die Aman lætus et alacer. Cumque vidisset Mardocheum sedentem ante fores palatii, et non solum non assurrexisse sibi, sed nec motum quidem de loco sessionis suæ, indignatus est valde; et dissimulata ira, reversus in domum suam, convocavit ad se amicos suos, et Zares uxorem suam, et exposuit illis magnitudinem divitiarum suarum, filiorumque turbam, et quanta eum gloria super omnes principes et servos suos rex elevasset. Et post hæc ait: Regina quoque Esther nullum alium vocavit ad convivium cum rege, præter me: apud quam etiam cras cum rege pransurus sum. Et cum hæc omnia habeam, nihil me habere puto, quamdiu videro Mardocheum Judæum sedentem ante fores regias.

¶. Conforta me Rex, p. 534.

Lectio iij.

**R**ESPONDERUNTQUE ei Zares uxor ejus, et cæteri amici: Jube parari excelsam trabem, habentem altitudinis quinquaginta cubitos, et dic mane regi ut appendatur super eam Mardocheus, et sic ibis cum rege lætus ad convivium. Placuit ei consilium, et jussit excelsam parari crucem.

¶. Spem in alium, p. 538.

### FERIA SEXTA.

De libro Esther.

Lectio j. Cap. 6.

**N**OCTEM illam duxit rex insonnem: jussitque sibi afferri historias et annales priorum temporum. Quæ cum illo præsentem legerentur, ventum est ad illum locum ubi scriptum erat, quomodo nuntiasset Mardocheus insidias Bagathan et Thares eunuchorum, regem Assuerum jugulare cupientium. Quod cum audisset rex, ait. Quid pro hac fide honoris ac præmii Mardocheus consecutus est? Dixerunt ei servi illius ac ministri: Nihil omnino mercedis accepit. Statimque rex: Quis est, inquit, in atrio? Aman quippe interius atrium domus regis intraverat, ut suggereret regi, et juberet Mardocheum affigi patibulo, quod ei fuerat præparatum. Responderunt pueri: Aman stat in atrio. Dixitque rex: Ingredia-  
tur.

¶. Memento mei, p. 538.

Lectio ij.

**C**UMQUE esset ingressus, ait illi: Quid debet fieri viro, quem rex honorare desiderat! Cogitans autem in corde suo Aman, et reputans quod nullum alium rex nisi se vellet honorare, respondit: Homo, quem rex honorare cupit, debet indui vestibis regis, et imponi super equum, qui de sella regis est, et accipere regium diadema super caput suum, et primus de regis principibus ac tyrannis teneat equum ejus,

et per plateam civitatis incedens , clamet et dicat : Sic honorabitur , quemcumque voluerit rex honorare.

ñ. Tribulationes , p. 533.

*Lectio iij.*

**D**IXITQUE ei rex : Festina , et sumpta stola et equo , fac ut locutus es Mardochæo Judæo , qui sedet ante fores palatii. Cave ne quidquam de his quæ locutus es , prætermittas. Tulit itaque Aman stolam et equum , indutumque Mardochæum in platea civitatis , et impositum equo præcedebat , atque clamabat : Hoc honore condignus est , quemcumque rex voluerit honorare. Reversusque est Mardochæus ad januam palatii , et Aman festinavit ire in domum suam , lugens et operto capite , narravitque Zares uxori suæ et amicis omnia quæ evenissent sibi.

ñ. Benedicat te , p. 533.

### SABBATO.

De libro Esther.

*Lectio j. Cap. 7.*

**I**NTRAVIT itaque rex et Aman , ut biberent cum regina. Dixitque ei rex etiam secunda die , postquam vino incaluerat : Quæ est petitio tua , Esther , ut detur tibi ? et quid vis fieri ? Etiam si dimidiam partem regni mei petieris , impetrabis. Ad quem illa respondit : Si inveni gratiam in oculis tuis , o rex , et si tibi placet , dona mihi animam meam pro qua rogo , et populum meum pro quo obsecro. Traditi enim sumus ego et populus meus , ut conteramur jugulemur , et pereamus. Atque utinam in servos et famulas venderemur ; esset tolerabile malum , et gemeus tacerem : nunc autem hostis noster est , cujus crudelitas redundat in regem.

ñ. Nos alium Deum , p. 533.

*Lectio ij.*

**R**ESPONDENSQUE rex Assuerus , ait : Quis est iste , et cujus potentia , ut hæc audeat facere ? Dixitque Esther : Hostis et inimicus

noster pessimus iste est Aman. Quod ille audiens , illico obstupuit , vultum regis ac reginae ferre non sustinens. Rex autem iratus surrexit , et de loco convivii intravit in hortum arboribus consitum. Aman quoque surrexit , ut rogaret Esther reginam pro anima sua : intellexit enim a rege sibi paratum malum.

ñ. Conforta me Rex , p. 534.

*Lectio iij.*

**Q**UI cum reversus esset de horto nemoribus consito , et intrasset convivii locum , reperit Aman super lectulum corruisse , in quo jacebat Esther , et ait : Etiam reginam vult opprimere , me præsentem in domo mea. Necdum verbum de ore regis exierat , et statim operuerunt faciem ejus. Dixitque Harbona , unus de Eunuchis , qui stabant in ministerio regis : En lignum , quod paraverat Mardochæo , qui locutus est pro rege , stat in domo Aman , habens altitudinis quinquaginta cubitos. Cui dixit rex : Appendite eum in eo. Suspensus est itaque Aman in patibulo , quod paraverat Mardochæo , et regis ira quievit.

ñ. Spem in alium , p. 538.

### SABBATO

*Ante Dom. I. Octobris.*

*Ad Magnif. Ant.* Adaperiat Dominus cor vestrum in lege sua et in præceptis suis , et faciat pacem Dominus Deus noster.

### DOM. I. OCTOBRIŒ.

IN I. NOCTURNO.

Incipit liber I. Machabæorum.

*Lectio j. Cap. I.*

**E**T factum est , postquam percussit Alexander Philippi Macedo , qui primus regnavit in Græcia , egressus de terra Gethim , Darium regem Persarum et Medorum , constituit prælia multa , et obtinuit omnium munitiones , et interfecit reges terræ. Et pertransiit usque ad fines

terræ, et accepit spolia multitudinis gentium, et siluit terra in conspectu ejus. Et congregavit virtutem; et exercitum fortem nimis; et exaltatum est, et elevatum cor ejus: et obtinuit regiones gentium, et tyrannos, et facti sunt illi in tributum. Et post hæc decidit in lectum, et cognovit quia moreretur. Et vocavit pueros suos nobiles, qui secum erant nutriti a juventute, et divisit illis regnum suum, cum adhuc viveret.

ñ. Adaperiat Dominus cor vestrum in lege sua et in præceptis suis et faciat pacem in diebus vestris: \* Concedat vobis salutem, et redimat vos a malis, y. Exaudiat Dominus orationes vestras, et reconcilietur vobis, nec vos deserat in tempore malo. Concedat.

*Lectio ij.*

**E**T regnavit Alexander annis duodecim, et mortuus est. Et obtinuerunt pueri ejus regnum unusquisque in loco suo, et imposuerunt omnes sibi diademata post mortem ejus, et filii eorum post eos annis multis, et multiplicata sunt mala in terra. Et exiit ex eis radix peccatrix, Antiochus illustris, filius Antiochi regis, qui fuerat Romæ obses: et regnavit in anno centesimo trigésimo septimo regni Græcorum.

ñ. Exaudiat Dominus orationes vestras, et reconcilletur vobis, nec vos deserat in tempore malo \* Dominus Deus noster. y. Det vobis cor omnibus, ut colatis eum; et faciatis ejus voluntatem. Dominus.

*Lectio iij.*

**I**N diebus illis exierunt ex Israel filii iniqui, et suaserunt multis, dicentes: Eamus, et disponamus testamentum cum Gentibus quæ circa nos sunt: quia ex quo recessimus ab eis, invenerunt nos multa mala. Et bonus visus est sermo in oculis eorum. Et destinaverunt aliqui de populo, et abierunt ad regem: et dedit illis potestatem ut facerent justitiam Gentium. Et ædificaverunt gy-

mnasium in Jerosolymis secundum leges nationum, et fecerunt sibi præputia, et recesserunt a testamento sancto, et juncti sunt nationibus, et venundati sunt ut facerent malum.

ñ. Congregati sunt inimici nostri, et gloriantur in virtute sua: contere fortitudinem illorum, Domine, et disperge illos: \* Ut cognoscant quia non est alius qui pugnet pro nobis, nisi tu Deus noster. y. Disperge illos in virtute tua, et destrue eos, protector noster Domine. Ut. Gloria. Ut.

IN II. NOCTURNO.

Ex libro Officiorum S. Ambrosii  
Episcopi.

*Lectio iv. Lib. I. c. 40.*

**F**ORTASSE aliquos bellica defixos gloria tenet, ut putent solam esse præliarem fortitudinem, et ideo me ad ista deflexisse, quia illa nostris deforet. Quam fortis Jesus Nave, ut uno prælio quinque reges captos sterneret cum populis suis? Deinde cum adversum Gabaonitas urgeret prælium, et vereretur ne nox impediret victoriam, magnitudine mentis et fidei clamavit: Stet sol; et stetit sol, donec victoria consummaretur. Gedeon in trecentis viris de ingenti populo, et acerbo hoste revexit triumphum. Jonathas adolescens virtutem magnam fecit in prælio.

ñ. Impetum inimicorum ne timeatis: memores estote quomodo solvi facti sunt patres nostri: \* Et nunc clamemus in cælum, et miserebitur nostri Deus noster. y. Mementote mirabilium ejus, quæ fecit Pharaoni, et exercitui ejus in mari Rubro. Et.

*Lectio v.*

**Q**UID de Machabæis loquar? Sed prius de populo dicam patrum: qui cum essent parati ad repugnandum pro templo Dei, et pro legitimis suis, dolo hostium die lacessiti sabbati, maluerunt vulneribus offerre nuda corpora, quam repugnare, ne violarent sabbatum. Itaque omnes læti se obtulerunt morti. Sed Macha-



hæi considerantes quod hoc exemplo gens omnis posset perire, sabbato etiam, cum ipsi in bellum provocarentur, ulti sunt innocentium necem fratrum suorum. Unde postea stimulatus rex Antiochus, cum bellum accenderet per duces suos Lysiam, Nicanorem, Gorgiam, ita cum Orientalibus suis et Assyriis attritus est copiis, ut quadraginta et octo millia in medio campi a tribus millibus prosternerentur.

¶. Congregatæ sunt Gentes in multitudine, ut dimicent contra nos, et ignoramus quid agere debeamus: Domine Deus, ad te sunt oculi nostri, ne pereamus. ¶. Tu scis quæ cogitant in nos: quomodo poterimus subsistere ante faciem illorum, nisi tu adjuves nos. Domine.

*Lectio vj.*

**V**IRTUTEM ducis Judæ Machabæi de uno ejus milite considerate. Namque Eleazarus cum supereminentem cæteris elephantem lorica vestitum regia adverteret, arbitratus quod in eo esset rex, cursu concito in medium legionis se prorupit; et abjecto clypeo, utraque manu interficiebat, donec perveniret ad bestiam, atque intravit sub eam, et subiecto gladio interemit eam. Itaque cadens bestia oppressit Eleazarum, atque ita mortuus est. Quanta igitur virtus animi! primo, ut mortem non timeret: deinde, ut circumfusus legionibus inimicorum, in confertos raperetur hostes, medium penetraret agmen, et contempta morte ferocior, abjecto clypeo, utraque manu vulneratæ molem bestię subiret ac sustineret; post infra ipsam succederet, quo pleniori feriret ictu: cujus ruina inclusus magis quam oppressus, suo est sepultus triumpho.

¶. Tua est potentia, tuum regnum Domine: tu es super omnes Gentes: Da pacem, Domine in diebus nostris. ¶. Creator omnium Deus, terribilis et fortis, justus et misericors. Da. Gloria. Da.

¶. vij. Refulsit sol in clypeos aureos, et resplenduerunt montes ab eis: Et fortitudo Gentium dissipata est. ¶. Erat enim exercitus magnus valde, et fortis: et appropriavit Judas, et exercitus ejus in prælio. Et.

¶. viij. Duo Seraphim clamabant alter ad alterum: Sanctus, Sanctus, Sanctus Dominus Deus Sabaoth: Plena est omnis terra gloria ejus. ¶. Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria. Plena.

### FERIA SECUNDA.

De libro I. Machabæorum.

*Lectio j.*

Cap. I.

**E**T paratum est regnum in conspectu Antiochi, et crepit regnaret super duo regna. Et intravit in Ægyptum in multitudine gravi, in curribus, et elephantis, et equitibus, et copiosa navium multitudine, et constituit bellum adversus Ptolemæum regem Egypti; et veritus est Ptolemæus a facie ejus, et fugit, et ceciderunt vulnerati multi. Et comprehendit civitates munitas in terra Ægypti, et accepit spolia terræ Egypti.

¶. Dixit Judas Simoni fratri suo: Elige tibi viros, et vade, libera fratres tuos, in Galilæam: ego autem et Jonathas frater tuus, ibimus in Galaaditim: Sicut fuerit voluntas in cælo, sic fiat. ¶. Accingimini, filii potentes, et estote parati: quoniam melius est nobis mori in bello, quam videre mala gentis nostræ, et sanctorum. Sicut.

*Lectio ij.*

**E**T convertit Antiochus, postquam percussit Ægyptum in centesimo et quadragesimo tertio anno, et ascendit ad Israel, et ascendit Jerosolymam in multitudine gravi. Et intravit in sanctificationem cum superbia, et accepit altare aureum, et candelabrum luminis, et universa vasa ejus, et mensam propositionis, et libatoria, et

phialas, et mortariola aurea, et velum, et coronas, et ornamentum aureum quod in facie templi erat, et comminuit omnia.

*℟.* Ornauerunt faciem templi coronis aureis, et dedicaverunt altare Domino: \* Et facta est lætitia magna in populo. *℣.* In hymnis et confessionibus benedicebant Dominum. *Et.*

*Lectio iij.*

**E**T accepit argentum et aurum, et vasa concupiscibilia; et accepit thesauros occultos, quos invenit, et sublatis omnibus, abiit in terram suam. Et fecit cædem hominum, et locutus est in superbia magna. Et factus est planctus magnus in Israel, et in omni loco eorum: et ingemuerunt principes, et seniores, virgines et juvenes infirmati sunt, et speciositas mulierum immutata est. Omnis maritus sumpsit lamentum; et quæ sedebant in thoro maritali, lugabant: et commota est terra super habitantes in ea, et universa domus Jacob induit confusionem.

*℟.* In hymnis et confessionibus benedicebant Dominum: \* Qui magna fecit in Israel, et victoriam dedit illis Dominus omnipotens. *℣.* Ornauerunt faciem templi coronis aureis, et dedicaverunt altare Domino. *Qui.* Gloria. *Qui.*

### FERIA TERTIA

De libro I. Machabæorum.

*Lectio j.*

*Cap. 3.*

**I**N diebus illis surrexit Mathathias filius Joannis, filii Simeonis, sacerdos ex filiis Joarib ab Jerusalem, et consedit in monte Modin: et habebat filios quinque, Joannem, qui cognominabatur Gaddis: et Simonem, qui cognominabatur Thasi; et Judam, qui vocabatur Machabæus; et Eleazarum, qui cognominabatur Abaron: et Jonathan, qui cognominabatur Apphus. Hi viderunt mala, quæ fiebant in populo Juda, et in Jerusalem.

*℟.* Sic est fratrum amator, et populi Israel: \* Sic est qui multum

orat pro populo, et universa sancta civitate Jerusalem. *℣.* Vir iste in populo suo mitissimus apparuit. *Mic.*

*Lectio iij.*

**E**T dixit Mathathias: Vae mihi, ut quid natus sum videre contritionem populi mei, et contritionem civitatis sanctæ, et sedere illic, cum datur in manibus inimicorum? Sancta in manu extraneorum facta sunt, templum ejus sicut homo ignobilis. Vasa gloriæ ejus captiva abducta sunt, trucidati sunt senes ejus in plateis, et juvenes ejus ceciderunt in gladio inimicorum. Quæ gens non hereditavit regnum ejus, et non obtinuit spolia ejus?

*℟.* Tu, Domine universorum, qui nullam habes indigentiam, voluisti templum tuum fieri in nobis: \* Conserva domum istam immaculatam in æternum, Domine. *℣.* Tu elegisti, Domine, domum istam ad invocandum nomen tuum in ea, ut esset domus orationis et obsecrationis populo tuo. *Conserva.*

*Lectio iij.*

**E**T scidit vestimenta sua Mathathias, et filii ejus, et operperunt se ciliciis, et planxerunt valde. Et venerunt illuc qui missi erant a rege Antiocho, ut cogerent eos qui confugerant in civitatem Modin, immolare, et accendere thura, et a lege Dei discedere. Et multi de populo Israel consentientes accesserunt ad eos: sed Mathathias et filii ejus constanter steterunt.

*℟.* Aperi oculos tuos, Domine, et vide afflictionem nostram: circumdederunt nos Gentes ad puniendum nos: \* Sed tu, Domine, extende brachium tuum, et libera animas nostras. *℣.* Afflige opprimentes nos, et contumeliam facientes in superbiam, et custodi partem tuam. *Sed. Gloria. Sed.*

### FERIA QUARTA.

De libro I. Machabæorum.

**ET** respondit Mathathias, et dixit magna voce: Et si omnes gentes regi Antiocho obediunt, ut discedat unusquisque a servitute legis patrum suorum, et consentiat mandatis ejus, ego, et filii mei, et fratres mei, obediemus legi patrum nostrorum. Propitius sit nobis Deus: non est nobis utile relinquere legem et justitias Dei, non audiemus verba regis Antiochi, nec sacrificabimus transgredientes legis nostrae mandata, ut eamus altera via.

¶ Refulsit sol, p. 844.

Lectio ij.

**ET** ut cessavit loqui verba hæc, accessit quidam Judæus in omnium oculis sacrificare idolis super aram in civitate Modin, secundum jussum regis: et vidit Mathathias, et doluit, et contremuerunt renes ejus, et accensus est furor ejus secundum judicium legis, et insiliens trucidavit eum super aram: sed et virum, quem rex Antiochus miserat, qui cogebat immolare, occidit in ipso tempore, et aram destruxit, et zelatus est legem, sicut fecit Phinees Zamri filio Salomi.

¶ Ornauerunt faciem, p. 845.

Lectio iij.

**ET** exclamavit Mathathias voce magna in civitate, dicens: Omnis qui zelum habet legis, statuens testamentum, exeat post me. Et fugit ipse, et filii ejus in montes, et reliquerunt quaecumque habebant in civitate. Tunc descenderunt multi quærentes judicium et justitiam, in desertum: et sederunt ibi ipsi, et filii eorum, et mulieres eorum, et pecora eorum: quoniam inundaverunt super eos mala.

¶ In hymnis et, p. 845.

### PERIA QUINTA.

De libro I. Machabæorum.

Lectio j.

Cap. 2.

**ET** appropinquaverunt dies Mathathie mortendi, et dixit filiis

suis: Nunc confortata est superbia, et castigatio, et tempus eversionis, et ira indignationis. Nunc ergo, filii æmulatores estote legis, et date animas vestras pro testamento patrum vestrorum: et mementote operum patrum, quæ fecerunt in generationibus suis, et accipietis gloriam magnam et nomen æternum. Abraham nonne in tentatione inventus est fidelis, et reputatum est ei ad justitiam? Joseph in tempore angustiae suae custodivit mandatum, et factus est dominus Ægypti. Phinees pater noster zelando zelum Dei, accepit testamentum sacerdotii æterni.

¶ Adaperiat Dominus, p. 843.

Lectio ij.

**JESUS**, dum implevit verbum, factus est dux in Israel. Caleb, dum testificatur in ecclesia, accepit hereditatem. David in sua misericordia consecutus est sedem regni in sæcula. Elias, dum zelat zelum legis, receptus est in cælum. Ananias, et Azarias, et Misael credentes, liberati sunt de flamma. Daniel in sua simplicitate liberatus est de ore leonum. Et ita cogitate per generationem et generationem, quia omnes qui sperant in eum, non infirmantur. Et a verbis viri peccatoris ne timebitis, quia gloria ejus stercus et vermis est: hodie extollitur, et eras non invenietur, quia conversus est in terram suam, et cogitatio ejus perit.

¶ Exaudiat Dominus, p. 843.

Lectio iij.

**VOS** ergo, filii, confortamini, et viriliter agite in lege, quia in ipsa gloriosi eritis. Et ecce Simon frater vester, scio quod vir consilii est: ipsum audite semper, et ipse erit vobis pater. Et Judas Machabæus fortis viribus a juventute sua sit vobis princeps militiæ, et ipse agel bellum populi. Et adducetis ad vos omnes factores legis, et vindicate vindictam populi vestri. Retribuite retributionem Gentibus, et intendite in præceptum legis. Et benedixit eos,



et appositus est ad patres suos.

¶. Congregati sunt , p. 543.

**FERIA SEXTA.**

De libro I. Machabæorum.

*Lectio j. Cap. 2. et 3.*

**D**EFUNCTUS est Mathathias anno centesimo et quadragesimo sexto , et sepultus est a filiis suis in sepulchris patrum suorum in Modin , et planxerunt eum omnis Israel planctu magno. Et surrexit Judas , qui vocabatur Machabæus , filius ejus pro eo : et adjuvabant eum omnes fratres ejus , et universi qui se conjunxerant patri ejus , et præliabantur prælium Israel cum lætitia. Et dilatavit gloriam populo suo. Et persecutus est iniquos , perscrutans eos : et qui conturbabant populum suum , eos succendit flammis : et repulsi sunt inimici ejus præ timore ejus , et omnes operarii iniquitatis conturbati sunt : et directa est salus in manu ejus.

¶. Impetum inimicorum , p. 543.

*Lectio ij.*

**E**T exacerbat reges multos , et lætificabat Jacob in operibus suis , et in sæculum memoria ejus in benedictione. Et perambulavit civitates Juda , et perdidit impios ex eis , et avertit iram ab Israel. Et nominatus est usque ad novissimum terræ , et congregavit pereuntes. Et congregavit Apollonius Gentes , et a Samaria virtutem multam et magnam , ad bellandum contra Israel. Et cognovit Judas , et exiit obviam illi , et percussit , et occidit illum. Et ceciderunt vulnerati multi , et reliqui fugerunt : et accepit spolia eorum , et gladium Apollonii abstulit Judas , et erat pugnans in eo omnibus diebus.

¶. Congregatæ sunt , p. 544.

*Lectio iij.*

**E**T cecidit timor Judæ ac fratrum , et formido super omnes gentes in circuitu eorum : et pervenit ad regem nomen ejus , et de præ-

liis Judæ narrabant omnes gentes. Ut audivit autem rex Antiochus sermones istos , iratus est animo , et misit , et congregavit exercitum universi regni sui , castra fortia valde : et aperuit ærarium suum , et dedit stipendia exercitui in annum , et mandavit illis ut essent parati ad omnia.

¶. Tua est potentia , p. 544.

**SABBATO.**

De libro I. Machabæorum.

*Lectio j. Cap. 3.*

**E**T vidit Judas , et fratres ejus quia multiplicata sunt mala , et exercitus applicabant ad fines eorum. Et cognoverunt verba regis quæ mandavit populo facere in interitum , et consummationem , et dixerunt unusquisque ad proximum suum : Erigamus dejectionem populi nostri , et pugnemus pro populo nostro et sanctis nostris. Et congregatus est conventus , ut essent parati in prælium , et ut orarent , et peterent misericordiam et miserationes. Et Jerusalem non habitabatur , sed erat sicut desertum : non erat qui ingrederetur et egrederetur de natis ejus , et sanctum conculcabatur , et filii alienigenarum erant in arce , ibi erat habitatio Gentium : et ablata est voluptas a Jacob , et defecit ibi tibia et cithara.

¶. Refulsit sol , p. 544.

*Lectio ij.*

**E**T congregati sunt , et venerunt in Maspha contra Jerusalem : quia locus orationis erat in Maspha ante in Israel. Et jejunaverunt illa die , et induerunt se ciliciis , et cinerem imposuerunt capiti suo , et disciderunt vestimenta sua , et expanderunt libros legis , de quibus scrutabantur Gentes similitudinem simulacrorum suorum : et attulerunt ornamenta sacerdotalia , et primitias et decimas : et suscitaverunt Nazaraeos , qui impleverant dies , et clamaverunt voce magna in cælum , dicentes : Quid faciemus istis , et quo

eos ducemus? Et sancta tua conculcata sunt, et contaminata sunt: et sacerdotes tui facti sunt in luctum, et in humilitatem. Et ecce nationes convenerunt adversum nos, ut nos disperdant: tu scis quæ cogitant in nos. Quomodo poterimus subsistere ante faciem eorum, nisi tu, Deus, adjuves nos?

¶. Ornaverunt faciem, p. 343.

*Lectio iij.*

**ET** tubis exclamaverunt voce magna. Et post hæc constituit Judas duces populi, tribunos, et centuriones, pentacontarchos, et decuriones. Et dixit his qui ædificabant domos, et sponsabant uxores, et plantabant vineas, et formidolosis, ut redirent unusquisque in domum suam secundum legem. Et moverunt castra, et collocaverunt ad Austrum Emmaum. Et ait Judas: Accingimini et estote filii potentes, et estote parati in mane, ut pugnetis adversus nationes has, quæ convenerunt adversus nos disperdere nos et sancta nostra, quoniam melius est nos mori in bello, quam videre mala gentis nostræ et sanctorum. Sicut autem fuerit voluntas in cælo, sic fiat.

¶. In hymnis et, p. 343.

*Ad Magnif. Ant.* Refulsit sol in clypeos aureos, et resplenduerunt montes ab eis, et fortitudo Gentium dissipata est.

## DOM. II. OCTOBRIIS.

### IN I. NOCTURNO.

De libro I. Machabæorum.

*Lectio j.*

Cap. 4.

**DIXIT** autem Judas, et fratres ejus: Ecce contriti sunt inimici nostri, ascendamus nunc mundare sancta, et renovare. Et congregatus est omnis exercitus, et ascenderunt in montem Sion. Et viderunt sanctificationem desertam, et altare profanatum, et portas exustas, et in atriis virgulta nata, sicut in saltu vel in montibus, et pastophoria diruta. Et sciderunt vestimenta sua, et

planxerunt planctu magno, et imposuerunt cinerem super caput suum; et ceciderunt in faciem super terram, et exclamaverunt tubis signorum, et clamaverunt in cælum.

¶. Adaperiat Dominus, p. 343.

*Lectio ij.*

**TUNC** ordinavit Judas viros, ut pugnarent adversus eos qui erant in arce, donec emundarent sancta. Et elegit sacerdotes sine macula, voluntatem habentes in lege Dei, et mundaverunt sancta, et tulerunt lapides contaminationis in locum immundum. Et cogitavit de altari holocaustorum, quod profanatum erat, quid de eo faceret. Et incidit illis consilium bonum, ut destruerent illud, ne forte illis esset in opprobrium quia contaminaverunt illud Gentes, et demoliti sunt illud. Et reposuerunt lapides in monte domus in loco apto, quoadusque veniret Propheta, et responderet de eis.

¶. Exaudiat Dominus, p. 343.

*Lectio iij.*

**ET** acceperunt lapides integros secundum legem, et ædificaverunt sancta, et quæ intra domum erant intrinsecus, et ædem et atria sanctificaverunt. Et fecerunt vasa sancta nova, et intulerunt candelabrum, et altare incensorum, et mensam in templum. Et incensum posuerunt super altare, et accenderunt lucernas, quæ super candelabrum erant, et lucebant in templo. Et posuerunt super mensam panes, et appenderunt vela, et consummaverunt omnia opera quæ fecerant.

¶. Congregati sunt, p. 343.

### IN II. NOCTURNO.

Ex libro S. Augustini Episcopi de civitate Dei.

*Lectio iv.*

Lib. 18. cap. 45.

**POSTEAQUAM** gens Judæa cepit non habere Prophetas, procul dubio deterior facta est, eo scilicet tempore, quo se sperabat, instaurato templo, post captivitatem

quæ fuit in Babylonia, futuram esse meliorem. Sic quippe intelligebat populus ille carnalis quod prænuntiatum est per Aggæum Prophetam, dicentem: Magna erit gloria domus istius novissimæ plus quam primæ. Quod de novo Testamento dictum esse paulo superius demonstravit, ubi ait aperte Christum promittens: Et movebo omnes gentes, et veniet desideratus cunctis gentibus,

¶. Impetum inimicorum, p. 343.

*Lectio v.*

**T**ALIBUS enim electis gentium, domus Dei ædificatur per Testamentum novum lapidibus vivis, longe gloriosior, quam templum illud fuit, quod a rege Salomone constructum est, et post captivitatem instauratum. Propter hoc ergo nec Prophetas ex illo tempore habuit illa gens; sed multis cladibus afflicta est ab alienigenis regibus, ipsisque Romanis, ne hanc Aggæi prophetiam in illa instauratione templi opinaretur impletam. Non multo enim post, adveniente Alexandro, subjugata est: quando etsi nulla facta est vastatio, quoniam non sunt ausi ei resistere, et ideo placatum facillime subditi receperunt: non erat tamen gloria tanta domus illius, quanta fuit in suorum regum libera potestate.

¶. Congregatæ sunt, p. 344.

*Lectio vj.*

**D**EINDE Ptolemæus Lagi filius, post Alexandri mortem captivos inde in Ægyptum transtulit, quos ejus successor Ptolemæus Philadelphus benevolentissime inde dimisit: per quem factum est, ut Septuaginta Interpretum Scripturas haberemus. Deinde contriti sunt bellis, quæ in Machabæorum libris explicantur. Post hæc capti a rege Alexandriæ Ptolemæo, qui est appellatus Epiphanes, inde ab Antiocho rege Syriæ multis et gravissimis malis ad idola coleuda compulsi, templumque ipsum repletum sacrilegis superstitionibus Gen-

tium, quod tamen dux eorum strenuissimus Judas, qui etiam Machabæus dictus est, Antiochi ducibus pulsus, ab omni illa idololatriæ contaminatione mundavit.

¶. Tua est potentia, p. 344.

*In III. Noct. ¶. vij. et viij. ut ibid.*

## FERIA SECUNDA.

De libro I. Machabæorum.

*Lectio j.*

Cap. 4.

**A**NTE matutinum surrexerunt quinta et vigesima die mensis noni (hic est mensis Casleu) centesimi quadragesimi octavi anni: et obtulerunt sacrificium secundum legem super altare holocaustorum novum, quod fecerunt. Secundum tempus et secundum diem, in qua contaminaverunt illud Gentes, in ipsa renovatum est in canticis, et citharis, et cinyris, et in cymbalis. Et cecidit omnis populus in faciem, et adoraverunt, et benedixerunt in cælum eum qui prosperavit eis.

¶. Dixit Judas Simoni, p. 344.

*Lectio ij.*

**E**T fecerunt dedicationem altaris diebus octo, et obtulerunt holocausta cum lætitia, et sacrificium salutaris et laudis. Et ornaverunt faciem templi coronis aureis et scutulis, et dedicaverunt portas et pastophoria; et imposuerunt eis januas. Et facta est lætitia in populo magna valde, et aversum est opprobrium Gentium. Et statuit Judas, et fratres ejus, et universa ecclesia Israel, ut agatur dies dedicationis altaris in temporibus suis ab anno in annum, per dies octo, a quinta et vigesima die mensis Casleu, cum lætitia et gaudio.

¶. Ornaverunt faciem, p. 345.

*Lectio iij.*

**E**T ædificaverunt in tempore illo montem Sion, et per circuitum muros altos, et turres firmas, nequando venirent Gentes, et conculcarent eum sicut antea fecerunt. Et collocavit illic exercitum, ut serva-



rent eum; et munivit eum ad custodiendam Bethsuram, ut haberet populus munitionem contra faciem Idumææ.

¶. In hymnis et, p. 543.

### FERIA TERTIA.

De libro I. Machabæorum.

*Lectio j.*

Cap. 5.

**ET** factum est, ut audierunt Gentes in circuitu, quia ædificatum est altare et sanctuarium sicut prius, iratæ sunt valde, et cogitabant tollere genus Jacob, qui erant inter eos, et cœperunt occidere de populo et persequi. Et debellabat Judas filios Esau in Idumæa, et eos qui erant in Acrabathane, quia circumsedebant Israelitas, et percussit eos plaga magna. Et recordatus est malitiam filiorum Bean, qui erant populo in laqueum, et in scandalum, insidiantes ei in via. Et conclusi sunt ab eo in turribus; et applicuit ad eos, et anathematizavit eos, et incendit turres eorum igni, cum omnibus qui in eis erant.

¶. Hic est fratrum, p. 543.

*Lectio ij.*

**ET** transivit ad filios Ammon, et invenit manum fortem, et populum copiosum, et Thimotheum ducem ipsorum, et commisit cum eis prælia multa; et contriti sunt in conspectu eorum, et percussit eos, et cepit Gazer civitatem et filias ejus, et reversus est in Judæam. Et congregatæ sunt Gentes, quæ sunt in Galaad, adversus Israelitas, qui erant in finibus eorum, ut tollerent eos, et fugerunt in Dathemau munitionem.

¶. Tu Domine, p. 543.

*Lectio iij.*

**ET** miserunt litteras ad Judam, et fratrem ejus, dicentes: Congregatæ sunt adversum nos Gentes per circuitum, ut nos auferant, et parant venire, et occupare munitionem, in quam confugimus: et Timotheus est dux exercitus eorum. Nunc

ergo veni, et eripe nos de manibus eorum, quia cecidit multitudo de nobis, et omnes fratres nostri, qui erant in locis Tuhin, interfecti sunt et captivas duxerunt uxores eorum, et natos, et spolia, et percemerunt illic fere mille viros.

¶. Aperi oculos tuos, p. 543.

### FERIA QUARTA.

De libro I. Machabæorum.

*Lectio j.*

Cap. 5.

**IN** diebus quibus erat Judas et Jonathas in terra Galaad, et Simon frater ejus in Galilæa contra faciem Ptolemaidis, audivit Josephus Zachariæ filius, et Azarias princeps virtutis, res bene gestas, et prælia quæ facta sunt, et dixit: Faciamus et ipsi nobis nomen, et eamus pugnare adversus Gentes, quæ in circuitu nostro sunt. Et præcepit his qui erant in exercitu suo, et abierunt Jamuiam.

¶. Refulsit sol, p. 544.

*Lectio ij.*

**ET** exivit Gorgias de civitate, et viri ejus obviam illis in pugnam et fugati sunt Josephus et Azarias usque in fines Judææ: et ceciderunt illo die de populo Israel ad duo milia viri: et facta est fuga magna in populo, quia non audierunt Judam et fratres ejus existimantes fortiter se facturos. Ipsi autem non erant de semine virorum illorum, per quos salus facta est in Israel.

¶. Ornauerunt faciem, p. 545.

*Lectio iij.*

**ET** viri Juda magnificati sunt valde in conspectu omnis Israel, et gentium omnium, ubi audiebatur nomen eorum, et conveniunt ad eos fausta acclamantes. Et exivit Judas et fratres ejus, et expugnabant filios Esau in terra quæ ad Austrum est, et percussit Chebron, et filias ejus: et muros ejus et turres succendit igni in circuitu. Et movit castra ut iret in terram alienigenarum, et perambulabat Sama-

riam. In die illa ceciderunt sacerdotes in bello, dum volunt fortiter facere, dum sine consilio exeunt in prælium.

â. In hymnis et, p. 543.

### FERIA QUINTA.

De libro I. Machabæorum.

*Lectio j. Cap. 6.*

**E**T rex Antiochus perambulabat superiores regiones, et audivit esse civitatem Elymaidem in Perside nobilissimam, et copiosam in argento et auro, templumque in ea locuples valde; et illic velamina aurea, et lorice, et scuta, quæ reliquit Alexander Philippi rex Macedo, qui regnavit primus in Græcia. Et venit, et quærebat capere civitatem, et deprædari eam; et non potuit, quoniam innotuit sermo his qui erant in civitate, et insurrexerunt in prælium, et fugit inde, et abiit cum tristitia magna, et reversus est in Babyloniam. Et venit qui nuntiaret ei in Perside, quia fugata sunt castra quæ erant in terra Juda, et quia abiit Lysias cum virtute forti in primis, et fugatus est a facie Judæorum.

â. Adaperiat Dominus, p. 543.

*Lectio ij.*

**E**T invaluerunt armis, et viribus, et spoliis multis, quæ ceperunt de castris quæ exciderunt: et quia diruerunt abominationem quam ædificaverat super altare quod erat in Jerusalem, et sanctificationem, sicut prius, circumdederunt muris excelsis, sed et Bethsuram civitatem suam. Et factum est, ut audivit rex sermones istos, expavit et commotus est valde, et decidit in lectum, et incidit in languorem præ tristitia, quia non factum est ei sicut cogitabat. Et erat illic per dies multos, quia renovata est in eo tristitia magna, et arbitratus est se mori.

â. Exaudiat Dominus, p. 543.

*Lectio iij.*

**E**T vocavit omnes amicos suos, et dixit illis: Recessit somnus ab

oculis meis, et concidi, et corruui corde præ sollicitudine, et dixi in corde meo: In quantam tribulationem deveni, et in quos fluctus tristitiæ, in qua nunc sum, qui jucundus eram, et dilectus in potestate mea. Nunc vero reminiscor malorum quæ feci in Jerusalem, unde et abstuli omnia spolia aurea et argentea quæ erant in ea, et misi auferre habitantes Judæam sine causa. Cognovi ergo quia propterea invenerunt me mala ista, et ecce pereō tristitia magna in terra aliena.

â. Congregati sunt, p. 543.

### FERIA SEXTA.

De libro I. Machabæorum.

*Lectio j. Cap. 7.*

**A**NNO centesimo quinquagesimo primo exiit Demetrius Seleuci filius ab urbe Roma, et ascendit cum paucis viris in civitatem maritimam, et regnavit illic. Et sedit Demetrius super sedem regni sui, et venerunt ad eum viri iniqui et impii ex Israel, et Alcimus dux eorum, qui volebat fieri sacerdos. Et accusaverunt populum apud regem, dicentes: Perdidit Judas et fratres ejus omnes amicos tuos, et nos dispersit de terra nostra. Nunc ergo mitte virum, cui credis, ut eat, et videat exterminium omne quod fecit nobis, et regionibus regis, et puniat omnes amicos ejus, et adjuutores eorum.

â. Impetum inimicorum, p. 543.

*Lectio ij.*

**E**T elegit rex ex amicis suis Bacchidem, qui dominabatur trans flumen magnum in regno, et fidelem regi; et misit eum, ut videret exterminium quod fecit Judas: sed et Alcimum impium constituit in sacerdotium, et mandavit ei facere ultionem in filios Israel. Et surrexerunt, et venerunt cum exercitu magno in terram Juda, et miserunt nuntios, et locuti sunt ad Judam, et ad fratres ejus, verbis pacificis in dolo. Et non intenderunt sermonibus eorum:

viderunt enim quia venerunt cum exercitu magno.

¶. Congregatæ sunt, p. 344.

*Lectio iij.*

**ET** convenerunt ad Alcimum et Bacchidem congregatio Scribarum requirere quæ justa sunt: et primi, Assidæi, qui erant in filiis Israel, et exquirebant ab eis pacem. Dixerunt enim: Homo sacerdos de semine Aaron venit, non decipiet nos. Et locutus est cum eis verba pacifica, et juravit illis, dicens: Non inferemus vobis malum, neque amicis vestris. Et crediderunt ei. Et comprehendit ex eis sexaginta viros, et occidit eos in una die secundum verbum, quod scriptum est: Carnes sanctorum tuorum, et sanguinem ipsorum effuderunt in circuitu Jerusalem, et non erat qui sepeliret.

¶. Tua est potentia, p. 344.

### SABBATO.

De libro I. Machabæorum.

*Lectio j.*

Cap. 6.

**ET** audivit Judas nomen Romanorum, quia sunt potentes viribus, et acquiescunt ad omnia quæ postulantur ab eis, et quicumque accesserunt ad eos, statuerunt cum eis amicitias, et quia sunt potentes viribus. Et audierunt prælia eorum, et virtutes bonas quas fecerunt in Galatia, quia obtinuerunt eos, et duxerunt sub tributum, et quanta fecerunt in regione Hispaniæ, et quod in potestatem redegerunt metalla argenti et auri quæ illic sunt, et possederunt omnem locum consilio suo et patientia, locaque quæ longe erant valde ab eis, et reges qui supervenerant eis ab extremis terræ, contriverunt et percusserunt eos plaga magna: cæteri autem dant eis tributum omnibus annis.

¶. Refulsit sol, p. 344.

*Lectio ij.*

**ET** elegit Judas Eupolemum filium Joannis, filii Jacob, et Jasonem filium Eleazari, et misit eos Romam

constituere cum illis amicitiam et societatem, et ut auferrent ab eis jugum Græcorum, quia viderunt quod in servitutem premerent regnum Israel. Et abierunt Romam viam multam valde, et introierunt curiam, et dixerunt: Judas Machabæus, et fratres ejus, et populus Judæorum miserunt nos ad vos statuere vobiscum societatem et pacem, et conscribere nos socios et amicos vestros. Et placuit sermo in conspectu eorum. Et hoc rescriptum est, quod rescripserunt in tabulis æreis, et miserunt in Jerusalem, ut esset apud eos ibi memoriale pacis et societatis.

¶. Ornaverunt faciem, p. 345.

*Lectio iij.*

**BENE** sit Romanis, et genti Judæorum, in mari et in terra in æternum, gladiusque et hostis procul sit ab eis. Quod si institerit bellum Romanis prius, aut omnibus sociis eorum in omni dominatione eorum, auxilium feret gens Judæorum, prout tempus dictaverit, corde pleno: et præliantibus non dabunt, neque subministrabunt triticum, arma, pecuniam, naves, sicut placuit Romanis, et eustodient mandata eorum, nihil ab eis accipientes. Similiter autem et si genti Judæorum prius acciderit bellum, adjuvabunt Romani ex animo, prout eis tempus permiserit.

¶. In hymnis et, p. 345.

*Ad. Magnif. Ant.* Lugebat autem Judam Israel planctu magno, et dicebat: Quomodo cecidisti, potens in prælio, qui saluum faciebas populum Domini?

### DOM. III. OCTOBRIIS.

IN I. NOCTURNO.

De libro I. Machabæorum.

*Lectio j.*

Cap. 9.

**INTEREA** ut audivit Demetrius quia cecidit Nicanor et exercitus ejus in prælio, apposuit Bacchidem et Alcimum rursum mittere in Judæam, et dextrum cornu cum illis. Et abierunt viam, quæ ducit in Galga-



la, et castra posuerunt in Masaloth, quæ est in Arbellis: et occupaverunt eam, et peremerunt animas hominum multas. In mense primo anni centesimi et quinquagesimi secundi applicuerunt exercitum ad Jerusalem, et surrexerunt, et abierunt in Beream viginti millia virorum, et duo millia equitum. Et Judas posuerat castra in Laisa, et tria millia viri electi cum eo: et viderunt multitudinem exercitus quia multi sunt, et timuerunt valde: et multi subtraxerunt se de castris, et non remanserunt ex eis nisi octingenti viri.

¶. *Adaperiat Dominus, p. 543.*

*Lectio ij.*

**E**T vidit Judas quod defluxit exercitus suus, et bellum perurgebat eum, et contractus est corde, quia non habebat tempus congregandi eos, et dissolutus est. Et dixit his qui residui erant: Surgamus, et eamus ad adversarios nostros, si poterimus pugnare adversus eos. Et avertabant eum, dicentes: Non poterimus, sed liberemus animas nostras modo, et revertamur ad fratres nostros, et tunc pugnabimus adversus eos: nos autem pauci sumus. Et ait Judas: Absit istam rem facere, ut fugiamus ab eis, et si appropiavit tempus nostrum, moriamur in virtute propter fratres nostros, et non inferamus crimen gloriæ nostræ. Et movit exercitus de castris, et steterunt illis obviam: et divisi sunt equites in duas partes, et fundibulatii, et sagittarii præbant exercitum, et primi certaminis omnes potentes.

¶. *Exaudiat Dominus, p. 543.*

*Lectio iij.*

**B**ACCHIDES autem erat in dextro cornu, et proximavit legio ex duabus partibus, et clamabant tubis: exclamaverunt autem et hi qui erant ex parte Judæ etiam ipsi et commota est terra a voce exercitus: et commissum est prælium a mane usque ad vesperam. Et vidit Judas quod firmior est pars exerci-

tus Bacchidis in dextris, et convenerunt cum ipso omnes constantes corde; et contrita est dextera pars ab eis, et persecutus est eos usque ad montem Azoti. Et qui in sinistro cornu erant, viderunt quod contritum est dextrum cornu, et secuti sunt post Judam, et eos qui cum ipso erant a tergo: et ingravatam est prælium, et ceciderunt vulnerati multi ex his, et ex illis. Et Judas cecidit, et cæteri fugerunt. Et Jonathas et Simon tulerunt Judam fratrem suum, et sepelierunt eum in sepulchro patrum suorum in civitate Modin. Et fleverunt eum omnis populus Israel planctu magno.

¶. *Congregati sunt, p. 543.*

IN II. NOCTURNO.

*Ex libro Officiorum S. Ambrosii Episcopi.*

*Lectio iv.*

*Lib. i. c. 41.*

**Q**UIA fortitudo non solum secundis rebus, sed etiam adversis probatur, spectemus Judæ Machabæi exitum. Is enim post victum Nicanorem, regis Demetrii ducem, secusior adversus viginti millia exercitus regis, cum octingentis viris bellum adorsus, volentibus his cedere, ne multitudine opprimerentur, gloriosam magis mortem, quam turpem fugam suasit. Ne crimen, inquit, nostræ relinquam gloriæ. Ita commissio prælio, cum a primo ortu diei in vesperam dimicaretur, dextrum cornu, in quo validissimam manum advertit hostium, aggressus, facile avertit. Sed dum fugientes sequitur, a tergo vulneri locum præbuit: itaque gloriosiore triumphis mortem invenit.

¶. *Impetum inimicorum, p. 543.*

*Lectio v.*

**Q**UID Jonathan fratrem ejus attexam, qui cum parva manu adversus exercitus regios pugnans, desertus a suis, et cum duobus tantum relictus, reparavit bellum, avertit hostem, fugitantes suos ad societatem revocavit triumphi? Habes

fortitudinem bellicam, in qua non mediocri honesti ac decori forma est, quod mortem servituti præferat, ac turpitudini. Quid autem de martyrum dicam passionibus? Et ne longius evagemur, non minorem de superbo rege Antiocho Machabæi pueri revexerunt triumphum, quam parentes proprii, siquidem illi armati, isti sine armis vicerunt.

¶. Congregatæ sunt, p. 344.

*Lectio vi.*

**S**TETIT invicta septem puerorum robors, regiis cincta legionibus: defecerunt supplicia, cesserunt tortores, non defecerunt martyres. Alius corium capitis exutus, speciem mutaverat, virtutem auxerat. Alius linguam jussus amputandam promere, respondit: Non solos Dominus audit loquentes, qui audiebat Moysen tacentem. Plus audit tacitas cogitationes suorum, quam voces omnium. Linguae flagellum times, flagellum sanguinis non times? Habet et sanguis vocem suam, qua clamat ad Deum, sicut clamavit in Abel.

¶. Tua est potentia, p. 344.

*In III. Noct. ¶. vij. et viij. ut ibid.*

## FERIA SECUNDA.

De libro I. Machabæorum.

*Lectio j.*

Cap. 9.

**E**T congregati sunt omnes amici Judæ, et dixerunt Jonathæ: Ex quo frater tuus Judas defunctus est, vir similis ei non est, qui exeat contra inimicos nostros, Bacchidem, et eos qui inimici sunt gentis nostræ. Nunc itaque te hodie elegimus esse pro eo nobis in principem et ducem ad bellandum bellum nostrum. Et suscepit Jonathas tempore illo principatum, et surrexit loco Judæ fratris sui. Et cognovit Bacchides, et quærebat eum occidere.

¶. Dixit Judas Simoni, p. 344.

*Lectio ij.*

**E**T cognovit Jonathas, et Simon frater ejus, et omnes qui cum

eo erant; et fugerunt in desertum Thecæ, et consederunt ad aquam lacus Asphar. Et cognovit Bacchides, et die sabbatorum venit ipse et omnis exercitus ejus trans Jordanem. Et Jonathas misit fratrem suum ducem populi, et rogavit Nabuthæos amicos suos ut commodarent illi apparatus suum, qui erat copiosus. Et exierunt filii Jambri ex Madaba, et comprehenderunt Joannem, et omnia quæ habebat, et abierunt habentes ea.

¶. Ornaverunt faciem, p. 345.

*Lectio iij.*

**P**OST hæc verba, renuntiaturum est Jonathæ et Simoni fratri ejus, quia filii Jambri faciunt nuptias magnas, et ducunt sponsam ex Madaba, filiam unius de magnis principibus Chanaan, cum ambitione magna; et recordati sunt sanguinis Joannis fratris sui, et absconderunt se sub tegumento montis. Et elevaverunt oculos suos, et viderunt: et ecce tumultus, et apparatus multus: et sponsus processit, et amici ejus, et fratres ejus obviam illis cum tympanis, et musicis, et armis multis. Et surrexerunt ad eos ex insidiis, et occiderunt eos, et ceciderunt vulnerati multi, et residui fugerunt in montes: et acceperunt omnia spolia eorum.

¶. In hymnis et, p. 345.

## FERIA TERTIA.

De libro I. Machabæorum.

*Lectio j. Cap. 12.*

**E**T vidit Jonathas quia tempus cum juvat, et elegit viros, et misit eos Romam, statuere et renovare cum eis amicitiam: et ad Spartiatis, et ad alia loca misit epistolas secundum eandem formam. Et abierunt Romam, et intraverunt curiam, et dixerunt: Jonathas summus sacerdos, et gens Judæorum miserunt nos, ut renovaremus amicitiam et societatem secundum pristinum. Et dederunt illis epistolas ad ipsos per loca, ut deducerent eos in terram Juda cum pace.

¶. **Ecce est fratrum, p. 543.**

*Lectio ij.*

**E**t hoc exemplum epistolarum, quas scripsit Jonathas Spartiatis: Jonathas summus sacerdos, et seniores gentis, et sacerdotes, et reliquus populus Judæorum, Spartiatis fratribus salutem. Jampridem missæ erant epistolæ ad O. iam summum sacerdotem ab Ario, qui regnabat apud vos, quoniam estis fratres nostri, sicut rescriptum continet, quod subjectum est. Et suscepit Onias virum, qui missus fuerat, cum honore, et accepit epistolas, in quibus significabatur de societate et amicitia.

¶. **Tu Domine, p. 543.**

*Lectio iij.*

**N**os, cum nullo horum indigeremus, habentes solatio sanctos libros, qui sunt in manibus nostris, maluimus mittere ad vos renovare fraternitatem et amicitiam, ne forte alieni efficiamur a vobis: multa enim tempora transierunt, ex quo misistis ad nos. Nos ergo in omni tempore sine intermissione in diebus solemnibus, et cæteris quibus oportet, memores sumus vestri in sacrificiis quæ offerimus, et in observationibus, sicut fas est, et decet meminisse fratrum.

¶. **Aperi oculos tuos, p. 543.**

## **FERIA QUARTA.**

De libro I. Machabæorum.

*Lectio j. Cap. 13.*

**E**t cum cogitasset Tryphon regnare Asiæ, et assumere diadema, et extendere manum in Antiochum regem; timens ne forte non permitteret eum Jonathas, sed pugnaret adversus eum, quærebat comprehendere eum, et occidere. Et exurgens abiit in Bethsan. Et exivit Jonathas obviam illi cum quadraginta millibus virorum electorum in prælium, et venit Bethsan. Et vidit Tryphon quia venit Jonathas cum exer-

citu multo ut extenderet in eum manus, et timuit. Et excepit eum cum honore, et commendavit eum omnibus amicis suis, et dedit ei munera, et præcepit exercitibus suis ut obedirent ei, sicut sibi.

¶. **Refulsit sol, p. 544.**

*Lectio ij.*

**E**t dixit Jonathas: Ut quid vexasti universum populum, cum bellum nobis non sit? Et nunc remitte eos in domos suas: elige autem tibi viros paucos qui tecum sint, et veni mecum Ptolemaidam, et tradam eam tibi, et reliqua præsidia, et exercitum, et universos præpositos negotii, et conversus abiit: propterea enim veni. Et credidit ei, et fecit sicut dixit; et dimisit exercitum, et abierunt in terram Juda. Retinuit autem secum tria millia virorum, ex quibus remisit in Galilæam duo millia, mille autem venerunt cum eo.

¶. **Ornaverunt faciem, p. 543.**

*Lectio iij.*

**U**t autem intravit Ptolemaidam Jonathas, clausurunt portas civitatis Ptolemenses, et comprehenderunt eum, et omnes qui cum eo intraverant, gladio interfecerunt. Et misit Tryphon exercitum et equites in Galilæam, et in campum magnum, ut perderent omnes socios Jonathas. At illi, cum cognovissent quia comprehensus est Jonathas, et periit, et omnes qui cum eo erant, hortati sunt semetipsos, et exierunt parati in prælium. Et videntes hi qui insecuti fuerant, quia pro anima res est illis, reversi sunt: illi autem venerunt omnes cum pace in terram Juda. Et plauerunt Jonathan, et eos qui cum ipso fuerant, valde.

¶. **In hymnis et, p. 543.**

## **FERIA QUINTA.**

De libro I. Machabæorum.

*Lectio j. Cap. 13.*

**E**t audivit Simon quod congregavit Tryphon exercitum copiosum ut veniret in terram Juda, et attere-



ret eam. Videns quia in tremore populus est, et in timore, ascendit Jerusalem, et congregavit populum, et adhortans dixit: Vos scitis quanta ego, et fratres mei, et domus patris mei, fecimus pro legibus et pro sanctis praelia, et angustias quales vidimus: horum gratia perierunt fratres mei omnes propter Israel, et relictus sum ego solus. Et nunc non mihi contingat parcere animæ meæ in omni tempore tribulationis: non enim melior sum fratribus meis. Vindicare itaque gentem meam, et sancta, natos quoque nostros, et uxores: quia congregatæ sunt universæ Gentes conterere nos inimicitiae gratia.

ñ. *Adaperiat Dominus, p. 343.*

*Lectio ij.*

**E**T accensus est spiritus populi simul ut audivit sermones istos, et responderunt voce magna, dicentes: Tu es dux noster loco Judæ, et Jonathæ fratris tui: pugna praelium nostrum, et omnia quæcumque dixeris nobis, faciemus. Et congregans omnes viros bellatores, acceleravit consummare universos muros Jerusalem, et munivit eam in gyro. Et misit Jonathan filium Absalomi, et cum eo exercitum novum in Joppen, et ejectis his qui erant in ea, remansit illic ipse. Et movit Tryphon a Ptolemaida cum exercitu multo, ut veniret in terram Juda, et Jonathas cum eo in custodia. Simon autem applicuit in Addus contra faciem campi.

ñ. *Exaudiat Dominus, p. 343.*

*Lectio iij.*

**E**T ut cognovit Tryphon quia surrexit Simon loco fratris sui Jonathæ, et quia commissurus esset cum eo praelium, misit ad eum legatos, dicens: Pro argento, quod debebat frater tuus Jonathas in ratione regis, propter negotia quæ habuit, detinuimus eum. Et nunc mitte argenti talenta centum, et duos filios ejus obsides, ut non dimissus fugiat a nobis, et remitemus eum. Et cognovit

Simon quia cum dolo loqueretur secum; jussit tamen dari argentum et pueros, ne inimicitiam magnam sumeret ad populum Israel, dicentem: Quia non misit ei argentum et pueros, propterea periit. Et misit pueros, et centum talenta: et mentitus est, et non dimisit Jonathan.

ñ. *Congregati sunt, p. 343.*

## FERIA SEXTA

De libro I. Machabæorum.

*Lectio j. Cap. 14.*

**E**T auditum est Romæ, quia defunctus esset Jonathas, et usque in Spartiatis, et contristati sunt valde. Ut audierunt autem quod Simon frater ejus factus esset summus sacerdos loco ejus, et ipse obtineret omnem regionem, et civitates in ea, scripserunt ad eum in tabulis æreis, ut renovarent amicitias et societatem quam fecerant cum Juda et cum Jonatha fratribus ejus. Et lectæ sunt in conspectu ecclesiæ in Jerusalem. Et hoc exemplum epistolarum, quas Spartiatæ miserunt.

ñ. *Impetum inimicorum, p. 343.*

*Lectio ij.*

**S**PARTIANORUM principes, et civitates, Simoni sacerdoti magno, et senioribus, et sacerdotibus, et reliquo populo Judæorum, fratribus salutem. Legati, qui missi sunt ad populum nostrum, nuntiaverunt nobis de vestra gloria, et honore, ac lætitia, et gavisi sumus in introitu eorum. Et scripsimus quæ ab eis erant dicta in conciliis populi, sic: Numenius Antiochi, et Antipater Jasonis filius, legati Judæorum, venerunt ad nos, renovantes nobiscum amicitiam pristinam. Et placuit populo excipere viros gloriose, et ponere exemplum sermonum eorum in segregatis populi libris, ut sit ad memoriam populo Spartiatarum. Exemplum autem horum scripsimus Simoni magno sacerdoti.

ñ. *Congregatæ sunt, p. 344.*

*Lectio iij.*

**POST** hæc autem misit Simon Numenium Romam, habentem clypeum aureum magnum, pondo mna- rum mille, ad statuendam cum eis societatem. Cum autem audisset populus Romanus sermones istos, dixerunt: Quam gratiarum actionem reddemus Simoni et filiis ejus? Restituit enim ipse fratres suos, et expugnavit inimicos Israel ab eis? Et statuerunt ei libertatem, et descripserunt in tabulis æreis, et posuerunt in titulis in Monte Sion.

ñ. *Tua est potentia, p. 344.*

**SABBATO**

De libro I. Machabeorum.

*Lectio j. Cap. 16.*

**SIMON** autem perambulans civitates quæ erant in regione Judææ, et sollicitudinem gerens earum, descendit in Jericho ipse, et Mathathias filius ejus, et Judas, anno centesimo septuagesimo septimo, mense undecimo: hic est mensis Sabbath. Et suscepit eos filius Abobi in muniti- unculam, quæ vocatur Doch, cum dolo, quam ædificavit; et fecit eis convivium magnum, et abscondit illic viros. Et cum inebriatus esset Simon, et filii ejus, surrexit Ptolemæus cum suis, et sumpserunt arma sua, et intraverunt in convivium, et occiderunt eum, et duos filios ejus, et quosdam pueros ejus. Et fecit deceptionem magnam in Israel, et reddidit mala pro bonis.

ñ. *Refulsit sol, p. 344.*

*Lectio ij.*

**ET** scripsit hæc Ptolemæus, et misit regi ut mitteret ei exercitum in auxilium, et traderet ei regionem, et civitates eorum, et tributa. Et misit alios in Gazaram tollere Joannem, et tribunis misit epistolas, ut venirent ad se, et daret eis argentum, et aurum, et dona. Et alios misit occupare Jerusalem, et montem templi. Et præcurrens quidam, nuntiavit Joanni in Gazara, quia periit pater ejus,

et fratres ejus, et quia misit te quoque interfici.

ñ. *Ornaverunt faciem, p. 345.*

*Lectio iij.*

**UT** audivit autem, vehementer expavit; et comprehendit viros, qui venerant perdere eum, et occidit eos: cognovit enim quia quærebant eum perdere. Et cætera sermonum Joannis, et bellorum ejus, et bonarum virtutum quibus fortiter gessit, et ædificii murorum quos extruxit, et rerum gestarum ejus, ecce hæc scripta sunt in libro dierum sacerdotii ejus, ex quo factus est princeps sacerdotum post patrem suum.

ñ. *In hymnis et, p. 345.*

*Ad Magnif. Ant. Exaudiat Dominus orationes vestras, et reconcilietur vobis, nec vos deserat in tempore malo Dominus Deus noster.*

**DOM. IV. OCTOBRI8.**

IN I. NOCTURNO.

Incipit liber II. Machabæorum.

*Lectio j. Cap. I.*

**FRATRIBUS** qui sunt per Ægyptum Judæis, salutem dicunt fratres qui sunt in Jerosolymis Judæi, et qui in regione Judææ, et pacem bonam. Benefaciat vobis Deus, et meminerit testamenti sui quod locutus est ad Abraham, et Isaac, et Jacob, servorum suorum fidelium; et de vobis cor omnibus, ut colatis eum, et faciatis ejus voluntatem corde magno, et animo volenti. Adaperiat cor vestrum in lege sua et in præceptis suis, et faciat pacem. Exaudiat orationes vestras, et reconcilietur vobis, nec vos deserat in tempore malo. Et nunc hic sumus orantes pro vobis.

ñ. *Adaperiat Dominus, p. 343.*

*Lectio ij.*

**FACTURI** igitur quinta et vigesima die mensis Casleu purificationem templi, necessarium duximus significare vobis, ut et vos quoque agatis diem scenopegiæ, et diem ignis, qui datus est quando Nehe-

mias, ædificato templo et altari, obtulit sacrificia. Nam cum in Persidem ducerentur patres nostri, sacerdotes qui tunc cultores Dei erant, acceptum ignem de altari occulte absconderunt in valle, ubi erat puteus altus et siccus, et in eo contutati sunt eum, ita ut omnibus ignotus esset locus.

ñ. Exaudiat Dominus, p. 543.

*Lectio ij.*

**CUM** autem præterissent anni multi, et placuit Deo ut mitteretur Nehemias a rege Persidis, nepotes sacerdotum illorum, qui absconderant, misit ad requirendum ignem, et sicut narraverunt nobis, non invenerunt ignem, sed aquam crassam. Et iussit eos haurire, et afferre sibi, et sacrificia, quæ imposita erant, iussit sacerdos Nehemias aspergi ipsa aqua, et ligna, et quæ erant superposita. Utque hoc factum est, et tempus affuit quo sol refulsit, qui prius erat in nubilo, accensus est ignis magnus, ita ut omnes mirarentur.

ñ. Congregati sunt, p. 543.

IN II. NOCTURNO.

Ex Tract. S. Joannis Chrysostomi super psalmum quadragesimum tertium.

*Lectio iv.*

**DEUS**, auribus nostris audivimus, patres nostri annuntiaverunt nobis opus, quod operatus es in diebus eorum. Hunc psalmum dixit quidem Propheta; dicit autem non ex persona propria, sed ex persona Machabæorum, narrans et prædicens quæ futura erant illo tempore. Tales enim sunt Prophetæ: omnia tempora percurrunt, præsentia, præterita, futura. Quinam sint autem hi Machabæi, quidque passi sint, et quid fecerint, necessarium est primum dicere, ut sint apertiora quæ in argumento dicuntur. Hi enim, cum invasisset Judæam Antiochus qui dictus est Epiphanes, et omnia devastasset, et multos qui tunc erant, a patriis institu-

lis resilire coegisset, permanserunt illæsi ab illis tentationibus.

ñ. Impetum inimicorum, p. 543.

*Lectio v.*

**ET** quando grave quidem bellum ingruerat, nec quidquam possent facere quod prodesset, se abscondebant: nam hoc quoque fecerunt Apostoli. Non enim semper apparentes in media irruebant pericula, sed nonnunquam et fugientes, et latentes secedebant. Postquam autem parum respirarunt, tanquam generosi quidam catuli ex antris exilientes, et e latebris emergentes, statuerunt non se amplius solos servare, sed etiam alios quoscunque possent: et civitatem et omnem regionem obeuntes, collegerunt quotquot invenerunt adhuc sanos et integros, et multos etiam qui laborabant, et corrupti erant, in statum pristinum redegerunt, eis persuadentes redire ad legem patriam.

ñ. Congregati sunt, p. 544.

*Lectio vj.*

**DEUM** enim dicebant esse benignum et elementem, nec unquam adimere salutem, quæ proficiscitur ex pœnitentia. Hæc autem dicentes, habuerunt delectum fortissimorum virorum. Non enim pro uxoribus, liberis, et ancillis, patriæque eversione et captivitate, sed pro lege et patria republica pugnabant. Eorum autem dux erat Deus. Cum ergo aciem dirigerent, et suas animas prodigerent, fundebant adversarios, non armis fidentes, sed loco omnis armaturæ, pugnæ causam sufficere ducentes. Ad bellum autem euntes non tragœdias excitabant, non pœana canebant, sicut nonnulli faciunt: non adsciverunt tibicines, ut sit in aliis castris: sed Dei superne auxilium invocabant, ut adesset, opem ferret, et manum præberet, propter quem bellum gerebant, pro cuius gloria decertabant.

ñ. Tua est potentia, p. 544.

In III. Noct. ñ. vij. et viij. ut ibid.

**FERIA SECUNDA.**

De libro II. Machebæarum.



*Lectio j. Cap. 2.*

**I**NVENITUR autem in descriptionibus Jeremiæ Prophetæ, quod jussit eos ignem accipere qui transmigrabant, ut significatum est, et ut mandavit transmigratis. Et dedit illis legem, ne obliviscerentur præcepta Domini, et ut non exerrarent mentibus, videntes simulacra aurea et argentea, et ornamenta eorum. Et alia hujusmodi dicens, hortabatur ne legem amoverent a corde suo.

¶. Dixit Judas Simoni, p. 544.

*Lectio ij.*

**E**RAT autem in ipsa Scriptura quomodo tabernaculum et arcam jussit Propheta divino responso ad se facto comitari secum usquequo exit in montem, in quo Moyses ascendit, et vidit Dei hæreditatem. Et veniens ibi Jeremias invenit locum speluncæ, et tabernaculum, et arcam, et altare incensi intulit illuc, et ostium obstruxit. Et accesserunt quidam simul, qui sequebantur, ut notarent sibi locum, et non potuerunt invenire.

¶. Ornaverunt faciem, p. 545.

*Lectio iij.*

**U**T autem cognovit Jeremias, culpans illos, dixit: Quod ignotus erit locus, donec congreget Deus congregationem populi, et propitius fiat: et tunc Dominus ostendet hæc, et apparebit majestas Domini, et nubes erit, sicut et Moysi manifestabatur, et sicut cum Salomon petiit ut locus sanctificaretur magno Deo, manifestabat hæc. Magnifice etenim sapientiam tractabat; et ut sapientiam habens, obtulit sacrificium dedicationis et consummationis templi.

¶. In hymnis et, p. 545.

### FERIA TERTIA.

De libro II. Machabæorum.

*Lectio i. Cap. 3.*

**I**GITUR cum sancta civitas habitaretur in omni pace, leges etiam adhuc optime custodirentur, propter Oniæ Pontificis pietatem, et animos odio habentes mala, fiebat ut et ipsi

reges et principes locum summo honore dignum ducerent, et templum maximis muneribus illustrarent: ita ut Seleucus Asiæ rex de redditibus suis præstaret omnes sumptus ad ministerium sacrificiorum pertinentes. Simon autem de tribu Benjamin præpositus templi constitutus, contendebat, obistente sibi principe sacerdotum, iniquum aliquid in civitate moliri.

¶. Hic est fratrum, p. 545.

*Lectio ij.*

**S**ED cum vincere Oniam non posset, venit ad Apollonium Tarsæ filium, qui eo tempore erat dux Cælesyriæ et Phœnicis, et nuntiavit ei pecuniis innumerabilibus plenum esse ærarium Jerosolymis, et communes copias immensas esse, quæ non pertinent ad rationem sacrificiorum: esse autem possibile sub potestate regis cadere universa. Cumque retulisset ad regem Apollonius de pecuniis quæ delatæ erant, ille accitum Heliodorum, qui erat super negotia ejus, misit cum mandatis, ut prædictam pecuniam transportaret. Statimque Heliodorus iter est aggressus, specie quidem quasi per Cælesyriam et Pœnicem civitates esset peragraturus, revera autem regis propositum perfecturus.

¶. Tu Domine, p. 545.

*Lectio iij.*

**S**ED cum venisset Jerosolymam, et benigne a summo sacerdote in civitate esset exceptus, narravit de dato indicio pecuniarum, et cujus rei gratia adesset aperuit: interrogabat autem si vere hæc ita essent. Tunc summus sacerdos ostendit deposita esse hæc, et victualia viduarum, et pupillorum; quædam vero esse Hircani Tobia, viri valde eminentis, in his quæ detulerat impius Simon: universa autem argenti talenta esse quadringenta, et auri ducenta. Decipi vero eos qui credidissent loco, et templo, quod per universum mundum honoratur pro sui veneratione et sanctitate omnino impossibile esse.

¶. Aperi oculos tuos, p. 545.

**FERIA QUARTA.**

De libro II. Machabæorum.

*Lectio j.*

Cap. 3.

**HELIODORUS** autem, quod decreverat, perficiebat eodem loco ipse cum satellitibus circa ærarium præsens. Sed Spiritus omnipotentis Dei magnam fecit suæ ostensionis evidentiam, ita ut omnes qui ausi fuerant parere ei, ruentes Dei virtute, in dissolutionem et formidinem converterentur. Apparuit enim illis quidam equus terribilem habens sessorem optimis operimentis adornatus: isque cum impetu Heliodoro priores calces elisit. Qui autem ei sedebat, videbatur arma habere aurea.

¶. Refulsit sol, p. 344.

*Lectio ij.*

**ALII** etiam apparuerunt duo juvenes virtute decori, optimi gloria, speciesque amictu, qui circumsteterunt eum, et ex utraque parte flagellabant, sine intermissione multis plagis verberantes. Subito autem Heliodorus concidit in terram, cumque multa caligine circumfusum rapuerunt, atque in sella gestatoria positum ejecerunt. Et is qui cum multis cursoribus, et satellitibus prædictum ingressus est ærarium, portabatur nullo sibi auxilium ferente, manifesta Dei cognita virtute. Et ille quidem per divinam virtutem jacebat mutus, atque omni spe et salute privatus.

¶. Ornaverunt faciem, p. 345.

*Lectio iij.*

**CONSIDERANS** autem summus sacerdos, ne forte rex suspicaretur malitiam aliquam ex Judæis circa Heliodorum consummatam, obtulit pro salute viri hostiam salutarem. Cumque summus sacerdos exoraret, iidem juvenes eisdem vestibus amicti, astantes Heliodoro dixerunt: Oniæ sacerdoti gratias age: nam propter eum Dominus tibi vitam donavit. Tu autem a Deo flagellatus, nuntia omni-

bus magnalia Dei et potestatem. Et his dictis, non comparuerunt.

¶. In hymnis et, p. 345.

**FERIA QUINTA.**

*Si hæc Hebd. fuerit ultima Octobris, in tribus. seq. diebus leguntur Lect. Dom. V., et Ferie ij. et iij. ejusdem Hebd. Qui si fuerint impediti, eo anno omittantur illæ Lect., quæ his diebus legi non possunt. Si vero in seq. Hebd. hæ Lect. in suis Feriis legi non possint, ponantur in seq. Feriis ejusdem Hebd. juxta ordinem historiae et martyrii Machabæor.*

De libro II. Machabæorum.

*Lectio j.*

Cap. 4.

**SIMON** autem prædictus pecuniarum et patriæ delator, male loquebatur de Onia, tanquam ipse Heliodorum instigasset ad hæc, et ipse fuisset incentor malorum: provisoremque civitatis, ac defensorem gentis suæ, et æmulatorem legis Dei, audebat insidiatorem regni dicere. Sed cum inimicitie in tantum procederent, ut etiam per quosdam Simonis necesarios homicidia fierent, considerans Onias periculum contentionis, et Apollonium insanire, utpote ducem Coelesyriæ et Phœnicis, ad augendam malitiam Simonis, ad regem se contulit, non ut civium accusator, sed communem utilitatem apud semetipsum universæ multitudinis considerans.

¶. Adaperiat Dominus, p. 343.

*Lectio ij.*

**VIDEBAT** enim sine regali providentia impossibile esse pacem rebus dari, nec Simonem posse cessare a stultitia sua. Sed post Seleuci vitæ excessum, cum suscepisset regnum Antiochus, qui nobilis appellabatur, ambiebat Jason frater Oniæ summum sacerdotium: adito rege, promittens ei argenti talenta trecenta sexaginta, et ex redditibus aliis talenta octoginta, super hæc promittebat et alia centum quinquaginta, si po-

testati ejus concederetur gymnasium et ephebiam sibi constituere, et eos, qui in Jerosolymis erant, Antiochenos scribere.

¶. Exaudiat Dominus, p. 343.

*Lectio iij.*

**Q**UOD cum rex annuisset, et obtinisset principatum, statim ad Gentilem ritum contribules suos transferre cepit. Et amotis his, quæ humanitatis causa Judæis a regibus fuerant constituta, per Joannem patrem Eupolemi, qui apud Romanos de amicitia et societate functus est legatione legitima, civium jura destituens, prava instituta sanciebat.

¶. Congregati sunt, p. 343.

### FERIA SEXTA.

De libro II. Machabæorum.

*Lectio j.*

Cap. 5.

**E**ODEM tempore Antiochus secundam profectionem paravit in Ægyptum. Contigit autem per universam Jerosolymorum civitatem videri diebus quadraginta per aera equites discurrentes, auratas stolas habentes, et hastis, quasi cohortes, armatos, et cursus equorum per ordines digestos, et congressiones fieri cominus, et scutorum motus, et galeatorum multitudinem gladiis districtis, et telorum jactus, et aureorum armorum splendorem, omnisque generis loricarum. Quapropter omnes rogabant in bonum monstra converti.

¶. Impetum inimicorum, p. 343.

*Lectio ii.*

**S**ED cum falsus rumor exisset, tamquam vita excessisset Antiochus, assumptis Jason non minus mille viris, repente aggressus est civitatem; et civibus ad murum convolantibus, ad ultimum apprehensa civitate, Menelaus fugit in arcem: Jason vero non parcebat in cæde civibus suis, nec cogitabat prosperitatem adversum cognatos malum esse maximum, arbitrans hostium et non civium se trophæa capturum. Et prin-

cipatum quidem non obtinuit, finem vero insidiarum suarum confusionem accepit, et profugus iterum abiit in Ammaniten.

¶. Congregati sunt, p. 344.

*Lectio iij.*

**A**D ultimum in exitium sui conclusus ab Areta Arabum tyranno, fugiens de civitate in civitatem, omnibus odiosus, ut refuga legum et execrabilis, ut patriæ et civium hostis, in Ægyptum extrusus est: et qui multos de patria sua expulerat, peregre periit, Lacedæmonas profectus quasi pro cognatione ibi refugium habiturus: et qui insepultos multos abjecerat, ipse et illamentatus, et insepultus abjicitur, sepultura neque peregrina usus, neque patrio sepulchro participans.

¶. Tua est potentia, p. 344.

### SABBATO.

De libro II. Machabæorum.

*Lectio j.*

Cap. 6.

**S**ED non post multum temporis misit rex Antiochus senem quemdam Antiochenum, qui compelleret Judæos ut se transferrent a patriis et Dei legibus: contaminare etiam quod in Jerosolymis erat templum, et cognominare Jovis Olympi; et in Gizim, prout erant hi, qui locum inhabitabant, Jovis hospitalis. Pessima autem et universis gravis erat malorum incursio: nam templum luxuria et commensationibus Gentium erat plenum, et scortantium cum meretricibus; sacratisque ædibus mulieres se ultro ingerebant, intro ferentes ea quæ non licebat.

¶. Refulsit sol, p. 344.

*Lectio ij.*

**A**LTAIRE etiam plenum erat illicitis, quæ legibus prohibebantur. Neque autem sabbata custodiebantur, neque dies solemnes patrii servabantur, nec simpliciter Judæum se esse quisquam confitebatur. Ducebantur autem cum amara necessitate in



die natalis regis ad sacrificia : et cum Liberi sacra celebrarentur , cogeantur hedera coronati Libero circuire. Decretum autem exiit in proximas Gentilium civitates , suggerentibus Ptolemæis , ut pari modo et ipsi adversus Judæos agerent , ut sacrificarent : eos autem qui nolent transire ad instituta Gentium , interficerent : erat ergo videre miseriam.

¶. Ornaverunt faciem , p. 343.

*Lectio iij.*

**D**UÆ enim mulieres delatæ sunt natos suos circumcidisse : quas, infantibus ad ubera suspensis, cum publice per civitatem circumduxissent, per muros præcipitaverunt. Alii vero ad proximas coeuntes speluncas, et latenter sabbati diem celebrantes, cum indicati essent Philippo, flammis successi sunt, eo quod verebantur, propter religionem et observantiam, manu sibi auxilium ferre. Obsecro autem eos, qui hunc librum lecturi sunt, ne abhorrescant propter adversos casus, sed reputent ea quæ acciderunt, non ad interitum, sed ad correptionem esse generis nostri.

¶. In hymnis et, p. 343.

### SABBATO

*Ante Dom. V. Octobris, nisi sit dimittenda, quia hæc proximior sit Kalendis Novembris.*

*Ad Magnif. Ant. Tua est potentia, tuum regnum, Domine: tu es super omnes Gentes: da pacem, Domine, in diebus nostris.*

### DOM. V. OCTOBRIIS

IN I. NOCTURNO.

De libro II. Machabæorum.

*Lectio j. Cap. 6.*

**I**GITUR Eleazarus unus de primoribus Scribarum, vir ætate provectus, et vultu decorus aperto ore bians, compellabatur carnem porcina manducare. At ille gloriosissimam mortem magis quam odibilem vitam complectens, voluntarie præibat ad supplicium. Intuens autem quem-

admodum oporteret accedere, patienter sustinens, destinavit non admittere illicita propter vitæ amorem. Hi autem qui astabant, iniqua miseratione commoti, propter antiquam viri amicitiam, tollentes eum secreto rogabant afferri carnes, quibus vesci ei licebat, ut simularetur manducasse, sicut rex imperaverat, de sacrificii carnibus, ut hoc facto a morte liberaretur: et propter veterem viri amicitiam, hanc in eo faciebant humanitatem.

¶. Adaperiat Dominus, p. 343.

*Lectio iij.*

**A**T ille cogitare cepit ætatis et senectutis suæ eminentiam dignam, et ingenitæ nobilitatis canitiam, atque a puero optimæ conversationis actus; et secundum sanctæ et a Deo conditæ legis constituta respondit cito, dicens, præmitti se velle in infernum. Non enim ætati nostræ dignum est, inquit, fingere, ut multi adolescentium arbitantes Eleazarum nonaginta annorum transisse ad vitam alienigenarum, et ipsi propter meam simulationem, et propter modicum corruptibilis vitæ tempus decipiantur, et per hoc maculam atque execrationem meæ senectuti conquiram. Nam etsi in præsentī tempore supplicii hominum eripiar, sed manum Omnipotentis nec vivus nec defunctus effugiam. Quamobrem fortiter vita excedendo, senectute quidem dignus apparebo; adolescentibus autem exemplum forte relinquam, si prompto animo, ac fortiter pro gravissimis ac sanctissimis legibus honesta morte perfungar. His dictis, confestim ad supplicium trahabatur.

¶. Exaudiat Dominus, p. 343.

*Lectio iij.*

*Cap. 7.*

**C**ONTIGIT autem et septem fratres una cum matre sua apprehensos compelli a rege edere contra fas carnes porcinas, flagris et taureis cruciatis. Unus autem ex illis, qui erat primus, sic ait: Quid quæris, et quid vis discere a nobis? parati

sumtis mori, magis quam patrias Dei leges pravaricari. Iratus itaque rex jussit sartagine et ollas aeneas succendi: quibus statim succensis, jussit ei, qui prior fuerat locutus, amputari linguam, et cute capitis abstracta, summas quoque manus et pedes ei præscindi, cæteris ejus fratribus et matre insipientibus. Et cum jam per omnia inutilis factus esset, jussit ignem admoventi, et adhuc spirantem torreretur in sartagine: in qua cum diu cruciaretur, cæteri una cum matre invicem se hortabantur mori fortiter.

¶. Congregati sunt, p. 543.

IN II. NOCTURNO.

Sermo S. Gregorii Nazianzeni.

Oratione 20. de Machab.

Lectio iv.

**E**LEAZARUS primitivorum, qui hic ante Christum sunt passi, quemadmodum post Christum Stephanus. Is vir et sacerdos et senex, canis capillis, canis et prudentia, prius quidem pro populo sacrificabat et orabat: nunc autem semetipsum hostiam obtulit Deo perfectissimam, ad totius populi expiationem, faustum certaminis initium, ad quod loquens pariter ac tacens cohortabatur. Obtulit autem et filios septem, suæ fructus disciplinæ, hostiam viventem, sanctam, beneplacitam Deo, omni legali sacrificio splendidiorum et puriorum: quæ sunt enim filiorum, ad patrem referri, æquissimum ac justissimum est.

¶. Impetum inimicorum, p. 543.

Lectio v.

**I**BI tum generosi et magnanimi pueri, generosæ matris nobilis proles, gloriosi veritatis propugnatores, Antiochi temporibus excelsiores, veri Mosaicæ legis discipuli, paternorum rituum observantissimi, numerus apud Hebræos laudabilis, et propter septenariæ quietis mysterium venerabilis, unum spirantes, unum spectantes, unum illud ad vitam iter agnoscent-

tes, ut mortem Dei causa susciperent, non minus animis fratres quam corporibus, inter se mutum mortis æmuli: o rem admirandam! tormenta quasi thesauros præripientes, pro magistra lege pericula subeuntes, quæ non magis illata formidabant, quam relictæ requirebant: unum illud veriti, ne tyrannus a pœnis desisteret, ne quis ipsorum sine coronæ præmio discederet, ne inviti fratres alii ab alio sejungerentur, et ne in eo discrimine cruciatibus erepti, mala victoris superarent.

¶. Congregati sunt, p. 544.

Lectio vj.

**E**RAT ibi fortis et generosa mater, puerorum simul ac Dei amans, cujus materna viscera supra naturæ consuetudinem dilatabantur. Non enim filiorum, qui in tormentis erant, miserebatur; sed timore angebatur, ne non ea susciperent; neque magis eos, qui e vita migraverant, desiderabat, quam præcabatur, ut reliqui cum illis conjungerentur: de quibus filiis magis quam de mortuis erat sollicita. Horum enim dubium erat certamen, at illorum securus vitæ exitus: atque illos quidem jam Deo adjunxerat; de his vero, quomodo eos Deus susciperet, laborabat. O virilem animum in corpore muliebri! o admirabile magni animi incrementum!

¶. Tua est potentia, p. 544.

In III. Noct. ¶. vij. et viij. ut ibid.

**FERIA SECUNDA.**

De libro II. Machabæorum.

Lectio j.

Cap. 7.

**M**ORTUO itaque illo primo, hoc modo, sequentem deducebant ad illudendum: et cute capitis ejus cum capillis abstracta, interrogabant si manducaret prius quam toto corpore per membra singula puniretur. At ille respondens patria voce, dixit: Non faciam. Propter quod et iste sequenti loco, primi tormenta suscepit, et in ultimo spiritu constitutus, sic

ait : Tu quidem , scelestissime , in præsentī vita nos perdis : sed Rex mundi defunctos nos pro suis legibus in æternæ vitæ resurrectione suscitabit. Post hunc tertius illuditur , et linguam postulatus cito protulit , et manus constanter extendit , et cum fiducia ait : E cælo ista possideo ; sed propter Dei leges nunc hæc ipsa despicio , quoniam ab ipso me ea recepturum spero. Ita ut rex , et qui cum ipso erant , mirarentur adolescentis animum , quod tamquam nihilum duceret cruciatus.

¶. Dixit Judas Simoni ; p. 544.

*Lectio ij.*

**E**T hoc ita defuncto , quantum vexabant similiter torquentes. Et cum jam esset ad mortem , sic ait : Potius est ab hominibus morti datos , spem expectare a Deo , iterum ab ipso resuscitandos : tibi enim resurrectio ad vitam non erit. Et cum admovissent quintum , vexabant eum. At ille respiciens in eum , dixit : Potestatem inter homines habens , cum sis corruptibilis , facis quod vis : noli autem putare genus nostrum a Deo esse derelictum. Tu autem patienter sustine , et videbis magnam potestatem ipsius , qualiter te et semen tuum torquet. Post hunc ducebant sextum. Et is mori incipiens , sic ait : Noli frustra errare ; nos enim propter nosmetipsos hæc patimur , peccantes in Deum nostrum , et digna admiratione facta sunt in nobis : tu autem ne existimes tibi impune futurum , quod contra Deum pugnare tentaveris.

¶. Ornaverunt faciem , p. 545.

*Lectio iij.*

**S**UPRA modum autem mater mirabilis , et bonorum memoria digna , quæ pereuntes septem filios sub unius diei tempore conspiciens , bono animo ferebat propter spem quam in Deum habebat : singulos illorum hortabatur voce patria fortiter , repleta sapientia : et femineæ cogitationi masculinum animum inserens , dixit ad

eos : Nescio qualiter in utero meo paravistis : neque enim ego spiritum et animam donavi vobis et vitam , et singulorum membra non ego ipsa compegi ; sed enim mundi Creator , qui formavit hominis nativitatem , quique omnium invenit originem , et spiritum vobis iterum cum misericordia reddet et vitam , sicut nunc vosmetipsos despicitis propter leges ejus.

¶. In hymnis et , p. 545.

### FERIA TERTIA.

De libro II. Machabæorum.

*Lectio j.*

Cap. 7.

**A**NTIOCHUS autem contemni se arbitratus , simul et exprobrantis voce despecta , cum adhuc adolescentior superesset , non solum verbis hortabatur , sed et cum juramento affirmabat se divitem et beatum facturum , et translatum a patriis legibus amicū habiturum , et res necessarias ei præbiturum. Sed ad hæc cum adolescens nequaquam inclinaretur , vocavit rex matrem , et suadebat ei ut adolescenti fieret in salutem. Cum autem multis eam verbis esset hortatus , promisit suasuram se filio suo. Itaque inclinata ad illum , irridens crudelem tyrannum , ait patria voce : Fili mi , miserere mei , quæ te in utero novem mensibus portavi , et lac triennio dedi , et alui , et in ætatem istam perduxī.

¶. Ille est fratrum , p. 545.

*Lectio ij.*

**P**ETO , nate , ut aspicias ad cælum et terram , et ad omnia quæ in eis sunt , et intelligas quia ex nihilo fecit illa Deus , et hominum genus : ita fiet , ut non timeas carnificem istum , sed dignus fratribus tuis effectus particeps , suscipe mortem , ut in illa miseratione cum fratribus tuis te recipiam. Cum hæc illa adhuc diceret , ait adolescens : Quem sustinetis ? non obedio præcepto regis , sed præcepto legis , quæ data est nobis per Moysen. Tu vero , qui inventor omnis malitiæ factus es in Hebræos ,



non effugies manum Dei. Nos enim pro peccatis nostris hæc patimur. Et si nobis propter increpationem et correptionem Dominus Deus noster modicum iratus est, sed iterum reconciliabitur servis suis.

ñ. Tu Domine; p. 343.

*Lectio iij.*

**TU** autem, o sceleste, et omnium hominum flagitiosissime, noli frustra extolli vanis spebus in servos ejus inflammatus. Nondum enim omnipotentis Dei, et omnia inspicientis, judicium effugisti. Nam fratres mei, modico nunc dolore sustentato, sub testamento æternæ vitæ effecti sunt: tu vero judicio Dei justas superbie tuæ pœnas exolves. Ego autem, sicut et fratres mei, animam et corpus meum trado pro patriis legibus, invocans Deum maturius genti nostræ propitium fieri, teque cum tormentis et verberibus confiteri quod ipse est Deus solus. In me vero, et in fratribus meis desinet Omnipotentis ira, quæ super omne genus nostrum juste superducta est. Tunc rex accensus ira, in hunc super omnes crudelius desævit, indigne ferens se derisum. Et hic itaque mundus obiit, per omnia in Domino confidens. Novissime autem post filios et mater consumpta est.

ñ. Aperi oculos tuos, p. 345.

### FERIA QUARTA.

De libro II. Machabæorum.

*Lectio j.*

Cap. 3.

**CONSTITUIT** autem Nicanor, ut regi tributum, quod Romanis erat daudum, duo millia talentorum, de captivitate Judæorum suppleret, statimque ad maritimas civitates misit, convocans ad coemptionem Judaicorum Mancipiorum, promittens se nonaginta mancipia talento distracturum, non respiciens ad vindictam quæ eum ab Omnipotente esset consecutura. Judas autem ubi comperit, indicavit his qui secum erant Judæis, Nicanoris adventum. Ex quibus quidam formidantes, et non credentes

Dei justitiæ, in fugam vertebantur: alii vero, si quid eis supererat, vendebant, simulque Dominum deprecabantur, ut eriperet eos ab impio Nicanore.

ñ. Refulsit sol, p. 343.

*Lectio ij.*

**CONVOCATIS** autem Machabæus septem millibus, qui cum ipso erant, rogabat ne hostibus reconciliarentur, neque metuerent inique venientium adversum se hostium multitudinem, sed fortiter contenderent, ante oculos habentes contumeliam, quæ loco sancto ab his injuste esset illata, itemque et ludibrio habitæ civitatis injuriam, adhuc etiam veterum instituta convulsa. Nam illi quidem armis confidunt, ait, simul et audacia; nos autem in omnipotente Domino, qui potest et venientes adversum nos, et universum mundum uno nutu delere, confidimus. Admonuit autem eos et de auxiliis Dei, quæ facta sunt erga parentes, et quod sub Sennacherib centum octoginta quinque millia perierunt.

ñ. Ornaverunt faciem, p. 343.

*Lectio iij.*

**HIS** verbis constantes effecti sunt, et pro legibus et patria mori parati. Constituit itaque fratres suos duces utrique ordini Simonem, et Josephum, et Jonathan, subjectis unicuique millenis et quingentenis. Ad hoc etiam ab Esdra lecto illis sancto libro, et dato signo adjutorii Dei, in prima acie ipse dux commisit cum Nicanore. Et facto sibi adjutore Omnipotente, interfecerunt super novem millia hominum: majorem autem partem exercitus Nicanoris vulneribus debilem factam fugere compulerunt. Pecuniis vero eorum, qui ad emptionem ipsorum venerant, sublatis, ipsos usquequaque persecuti sunt; sed reversi sunt hora conclusi: nam erat ante sabbatum; quam ob causam non perseveraverunt insequentes. Arma autem ipsorum et spolia congregantes, sabbatum agebant, benedi-

centes Dominum, qui liberavit eos in isto die, misericordiae initium stillans in eos. Post sabbatum vero debilibus, et orphanis, et viduis diviserunt spolia, et residua ipsi cum suis habuere.

¶ In hymnis et, p. 545.

### FERIA QUINTA.

De libro II. Machabæorum.

*Lectio j. Cap. 9.*

**E**ODEM tempore Antiochus inhoneste revertebatur de Perside. Intraverat enim in eam, quæ dicitur Persepolis, et tentavit expoliare templum, et civitatem opprimere: sed multitudo ad arma concurrente, in fugam versi sunt; et ita contigit ut Antiochus post fugam turpiter rediret. Et cum venisset circa Ecbatanam, recognovit quæ erga Nicanorem et Timotheum gesta sunt. Elatus autem in ira, arbitrabatur se injuriam illorum, qui se fugaverant, posse in Judæos retorquere: ideoque jussit agitari eurrum suum, sine intermissione agens iter, coelesti eum judicio perurgente, eo quod ita superbe locutus est se venturum Jerosolymam, et congeriem sepulchri Judæorum eam facturum.

¶ Adaperiat Dominus, p. 544.

*Lectio ij.*

**S**ED qui universa conspiciat Dominus Deus Israel, percussit eum insanabili et invisibili plaga. Ut enim finivit hunc ipsum sermonem, apprehendit eum dolor dirus viscerum, et amara internorum tormenta: et quidem satis juste, quippe qui multis et novis cruciatibus aliorum torserat viscera, licet ille nullo modo a sua malitia cessaret. Super hoc autem superbia repletus, ignem spirans animo in Judæos, et præcipientes accelerari negotium, contigit illum impetu euntem de curru cadere, et gravi corporis collisione membra vexari.

¶ Exaudiat Dominus, p. 543.

*Lectio iij.*

**I**SQUE qui sibi videbatur etiam fluctibus maris imperare, supra hu-

manum modum superbia repletus, et montium altitudines in statera appendere, nunc humiliatus ad terram in gestatorio portabatur, manifestam Dei virtutem in semetipso contestans: ita ut de corpore impii vermes scaturirent, ac viventis in doloribus carnes ejus effluerent, odore etiam illius et fœtore exercitus gravaretur. Et qui paulo ante sidera cœli contingere se arbitrabatur, eum nemo poterat propter intolerantiam fœtoris portare.

¶ Congregati sunt, p. 543.

### FERIA SEXTA.

De libro II. Machabæorum.

*Lectio j. Cap. 10.*

**M**ACHABÆUS autem, et qui cum eo erant. Domino se protegente, templum quidem et civitatem recepit: aras autem, quas alienigenæ per plateas extruxerant, itemque delubra demolitus est. Et purgato templo, aliud altare fecerunt, et de ignitis lapidibus igne concepto, sacrificia obtulerunt post biennium, et incensum, et lucernas, et panes propositionis posuerunt. Quibus gestis, rogabant Dominum prostrati in terram, ne amplius talibus malis inciderent; sed et si quando peccassent, ut ab ipso mitius corriperentur, et non barbaris ac blasphemis hominibus traderentur. Qua die autem templum ab alienigenis pollutum fuerat, contigit eadem die purificationem fieri, vigesima quinta mensis, qui fuit Casleu.

¶ Impetum inimicorum, p. 543.

*Lectio ij.*

**A**T Timotheus, qui prius a Judæis fuerat superatus, convocato exercitu peregrinæ multitudinis, et congregato equitatu Asiano, adventit quasi armis Judæam capturus. Machabæus autem et qui cum ipso erant, appropinquante illo, deprecabantur Dominum, caput terra aspergentes, lumbosque cilicis præcincti, ad altaris crepidinem provoluti, ut sibi propitius, inimicis autem eorum esset inimicus, et adversariis adversaretur,

sicut lex dicit. Et ita post orationem, sumptis armis, longius de civitate procedentes, et proximi hostibus effecti, resederunt.

¶ Congregatæ sunt, p. 544.

*Lectio iij.*

**PRIMO** autem solis ortu utrique commiserunt, isti quidem victoriæ et prosperitatis sponsorem cum virtute Dominum habentes, illi autem ducem belli animum habebant. Sed cum vebemens pugna esset, apparuerunt adversariis de cælo viri quinque in equis, frænis aureis decori, ducatum Judæis præstantes: ex quibus duo Machabæum medium habentes, armis suis circumseptum incolumem conservabant, in adversarios autem tela et fulmina jaciebant: ex quo et cæcitate confusi, et repleti perturbatione cadebant. Interfecti sunt autem viginti milia quingenti, et equites sexcenti. Timotheus vero confugit in Gazaram præsidium munitum, cui præerat Chærens.

¶ Tua est potentia, p. 544.

### SABBATO.

De libro II. Machabæorum.

*Lectio j. Cap. 15.*

**MACHABÆUS** autem semper confidebat cum omni spe auxilium sibi a Deo affuturum. Et hortabatur suos ne formidarent ad adventum nationum, sed in mente haberent adjutoria sibi facta de cælo, et nunc sperarent ab Omnipotente sibi affuturam victoriam. Et allocutus est de lege et Prophetis, admonens etiam certamina quæ fecerant prius, promptiores constituit eos: et ita animis eorum erectis, simul ostendebat Gentium fallaciam, et juramentorum prævaricationem. Singulos autem illorum armavit, non clypei et hastæ munitione, sed sermonibus optimis et exhortationibus, exposito digno fide somnio, per quod universos lætificavit.

¶ Refulsit sol, p. 544.

*Lectio ij.*

**ERAT** autem hujuscemodi visus: Oniam, qui fuerat summus sacerdos, virum bonum et benignum, verecundum visu, modestum moribus, et eloquio decorum, et qui a puero in virtutibus exercitatus sit, manus protendentem, orare pro omni populo Judæorum. Post hoc apparuisse et alium virum ætate et gloria mirabilem, et magni decoris habitudine circa illum. Respondentem vero Oniam dixisse: Hic est fratrum amator, et populi Israel; hic est qui multum orat pro populo, et universa sancta civitate, Jeremias Propheta Dei. Extendisse autem Jeremiam dexteram, et dedisse Judæ gladium aureum, dicentem: Accipe sanctum gladium munus a Deo, in quo dejicies adversarios populi mei Israel.

¶ Ornaverunt faciem, p. 545.

*Lectio iij.*

**EXHORTATI** itaque Judæ sermonibus bonis valde, de quibus extolli posset impetus, et animi juvenum confortari, statuerunt dimicare et configere fortiter, ut virtus de negotiis judicaret, eo quod civitas sancta et templum periclitarentur. Erat enim pro uxoribus, et filiis, itemque pro fratribus, et cognatis, minor sollicitudo: maximus vero et primus pro sanctitate timor erat templi. Sed et eos qui in civitate erant, non minima sollicitudo habebat pro his qui congressuri erant.

¶ In hymnis et, p. 545.

### SABBATO

*Ante Dom. I. Novembris.*

*Ad Magnif. Ant.* Vidi Dominum sedentem super solium excelsum, et plena erat omnis terra majestate ejus: et ea quæ sub ipso erant, replebant templum.

**DOM. I. NOVEMBRIS.**

**IN I. NOCTURNO.**

*Incipit liber Ezechielis Propheta.*



*Lectio j.**Cap. I.*

**ET** factum est in trigesimo anno , in quarto, in quinta mensis, cum essem in medio captivorum juxta fluvium Chobar, aperti sunt coeli, et vidi visiones Dei. In quinta mensis, ipse est annus quintus transmigrationis regis Joachim, factum est verbum Domini ad Ezechielem filium Buzi, sacerdotem in terra Chaldaeorum, secus flumen Chobar, et facta est super eum ibi manus Domini. Et vidi, et ecce ventus turbinis veniebat ab Aquilone, et nubes magna, et ignis involvens, et splendor in circuitu ejus; et de medio ejus quasi species electri, id est, de medio ignis.

¶ Vidi Dominum sedentem super solium exelsum et elevatum, et plena erat omnis terra majestate ejus: Et ea quæ sub ipso erant, replebant templum. ¶ Seraphim stabant super illud; sex alæ uni, et sex alæ alteri. — Et.

*Lectio ij.*

**ET** in medio ejus similitudo quatuor animalium: et hic aspectus eorum, similitudo hominis in eis. Quatuor facies uni, et quatuor pennæ uni. Pedes eorum pedes recti, et planta pedis eorum quasi planta pedis vituli, et scintillæ quasi aspectus æris candentis. Et manus hominis sub pennis eorum in quatuor partibus, et facies et pennas per quatuor partes habebant. Junctæque erant pennæ eorum alterius ad alterum. Non revertebantur cum incederent: sed unumquodque ante faciem suam gradiebatur.

¶ Aspice, Domine, de sede sancta tua, et cogita de nobis: inclina, Deus meus, aurem tuam, et audi: ¶ Aperi oculos tuos, et vide tribulationem nostram. ¶ Qui regis Israel, intende, qui deducis velut ovem Joseph. Aperi.

*Lectio iij.*

**SIMILITUDO** autem vultus eorum facies hominis, et facies leonis a dextris ipsorum quatuor: facies autem bovis a sinistris ipsorum quatuor, et facies aquilæ desuper ipso-

rum quatuor. Facies eorum, et pennæ eorum extentæ desuper, duæ pennæ singulorum jungebantur, et duæ tangebant corpora eorum, et unumquodque eorum eorum facie sua ambulabat. Ubi erat impetus spiritus, illuc gradiebantur, nec revertebantur cum ambularent.

¶ Aspice, Domine, quia facta est desolata civitas plena divitiis, sedet in tristitia domina Gentium: ¶ Non est qui consoletur eam, nisi tu, Deus noster. ¶ Plorans ploravit in nocte, et lacrymæ ejus in maxillis ejus. — Non. Gloria. Non.

## IN II. NOCTURNO.

De Expositione S. Gregorii Papæ in Ezechielem Prophetam.

*Lectio iv. Lib. 1. Hom. 2.*

**USUS** propheticæ locutionis est, ut prius personam, tempus, locumque describat, et postmodum dicere mysteria prophetiæ incipiat, quatenus ad veritatem solidius ostendendam, ante historiæ radicem figat, et post, fructus spiritus per signa et allegorias proferat. Ezechiel itaque ætatis suæ tempus indicat, dicens; Et factum est in trigesimo anno, in quarto mense, in quinta mensis. Locum quoque denuntians, adjungit: Cum essem in medio captivorum juxta flumen Chobar, aperti sunt cæli, et vidi visiones Dei. Tempus etiam insinuat subdens, in quinta mensis, ipse est annus quintus transmigrationis regis Joachim. Qui ut bene personam indicet, etiam genus narrat, cum subditur: Et factum est verbum Domini ad Ezechielem filium Buzi, sacerdotem.

¶ Super muros tuos, Jerusalem, constitui custodes: ¶ Tota die et nocte non tacebunt laudare nomen Domini. ¶ Prædicabunt populis fortitudinem meam, et annuntiabunt Gentibus gloriam meam. Tota.

*Lectio v.*

**SED** prima quæstio nobis oritur, cur is qui nihil adhuc dixerat, ita exorsus est, dicens: Et factum

est in trigesimo anno. Et namque sermo conjunctionis est, et scimus quia non conjungitur sermo subsequens, nisi sermoni præcedenti. Qui igitur nihil dixerat, cur dicit, Et factum est; cum non sit sermo, cui hoc quod incipit, subjungat? Qua in re intuendum est quia sicut nos corporalia, sic Prophetæ sensu spiritualia aspiciunt, eisque et illa sunt præsentia, quæ nostræ ignorantie absentia videntur. Unde fit ut in mente Prophetarum ita conjuncta sint exterioribus interiora, quatenus simul utraque videant, simulque in eis fiat et intus verbum quod audiunt, et foris quod dicunt.

â. Muro tuo inexpugnabili circumrings nos, Domine: et armis tuæ potentie proteges nos semper: \* Libera, Domine Deus Israel, clamantes ad te. †. Erue nos in mirabilibus tuis, et da gloriam nomini tuo. Libera.

*Lectio vj.*

**P**ATET igitur causa, cur qui nihil dixerat, inchoavit, dicens: Et factum est in trigesimo anno; quia hoc verbum quod foris protulit, filii verbo quod intus audierat, conjunxit. Continuavit ergo verba quæ protulit, visioni intimæ, et idcirco incipit, dicens: Et factum est. Subjunxit enim hoc quod exterius loqui inchoat, ac si et illud foris sit quod intus vidit. Hoc autem quod dicitur, quia in trigesimo anno spiritum prophetiæ acceperit, indicat aliquid nobis considerandum; videlicet quia juxta rationis usum, doctrinæ sermo non suppetit, nisi in ætate perfecta. Unde et ipse Dominus anno duodecimo ætatis suæ in medio Doctorum in templo sedens, non docens, sed interrogans voluit inveniri.

â. Sustinuimus pacem, et non venit: quæsiuimus bonam, et ecce turbatio: cognovimus, Domine, peccata nostra: \* Non in perpetuum obliviscaris nos. †. Peccavimus, impie gessimus, iniquitatem fecimus, Do-

mine, in omnem justitiam tuam. Non. Gloria. Non.

â. vij. Laudabilis populus, \* Quem Dominus exercituum benedixit, dicens: Opus manuum mearum tu es, hæreditas mea Israel. †. Beata gens, cujus est Dominus Deus, populus electus in hæreditatem. Quem.

â. viij. Duo Seraphim clamabant alter ad alterum: \* Sanctus, Sanctus, Sanctus Dominus Deus Sabaoth: \* Plena est omnis terra gloria ejus. †. Tres sunt qui testimonium dant in cælo, Pater, Verbum, et Spiritus sanctus, et hi tres unum sunt. Sanctus. Gloria. Plena.

**FERIA SECUNDA.**

De Ezechiele Propheta.

*Lectio j. Cap. 2.*

**E**T audiui loquentem ad me, et dicentem: Fili hominis, mitto ego te ad filios Israel, ad gentes apostatrices, quæ recesserunt a me: ipsi et patres eorum prævaricati sunt pactum meum usque ad diem hanc. Et filii dura facie, et indomabili corde sunt, ad quos ego mitto te, et dices ad eos. Hæc dicit Dominus Deus: Si forte vel ipsi audiant, et si forte quiescant, quoniam domus exasperans est; et scient quia Propheta fuerit in medio eorum.

â. Redemit populum suum, et liberavit eum, et venient, et exultabunt in monte Sion, et gaudebunt de bonis Domini super frumento, vino et oleo: \* Et ultra non esurient. †. Eritque anima eorum quasi hortus irriguus. Et.

*Lectio ij.*

**T**U ergo, fili hominis, ne timeas eos, neque sermones eorum metuas, quoniam increduli et subversores sunt tecum, et cum scorpionibus habitas. Verba eorum ne timeas et vultus eorum ne formides, quia domus exasperans est. Loqueris ergo verba mea ad eos, si forte audiant, et quiescant: quoniam irritatores sunt.

ñ. Angustiae mihi sunt undique, et quid eligam ignoro: \* Melius est mihi incidere in manus hominum, quam dereliquere legem Dei mei. ¶ Si enim hoc egero, mors mihi est: si autem non egero, non effugiam manus vestras. Melius.

## Lectio iij.

**T**U autem, fili hominis, audi quaecumque loquor ad te, et noli esse exasperans, sicut domus exasperatrix est: aperi os tuum, et comede quaecumque ego do tibi. Et vidi, et ecce manus missa ad me, in qua erat involutus liber, et expandit illum coram me: qui erat scriptus intus et foris, et scriptae erant in eo lamentationes, et carmen, et vae.

ñ. Misit Dominus Angelum suum, et conclusit ora leonum: \* Et non contaminaverunt, quia coram eo iniustitia inventa non est in me. ¶ Misit Deus misericordiam suam, et veritatem suam: animam meam eripuit de medio catulorum leonum. Et. Gloria. Et.

## FERIA TERTIA.

De Ezechiele Propheta.

## Lectio j. Cap. 3.

**E**T dixit ad me: Fili hominis, quodcumque inveneris, comede; comede volumen istud, et vadens, loquere ad filios Israel. Et aperui os meum, et cibavit me volumine illo, et dixit ad me: Fili hominis, venter tuus comedet, et viscera tua complebuntur volumine isto, quod ego do tibi. Et comedi illud, et factum est in ore meo sicut mel dulce. Et dixit ad me: Fili hominis, vade ad domum Israel, et loqueris verba mea ad eos.

ñ. A facie furoris tui, Deus, conturbata est omnis terra: \* Sed miserere, Domine, et ne facias consummationem. ¶ Domine Dominus noster, quam admirabile est nomen tuum! Sed.

## Lectio ij.

**N**ON enim ad populum profundi sermonis et ignotae linguae tu mitteris, ad domum Israel: neque ad populos multos profundi sermonis et ignotae linguae, quorum non possis audire sermones; et si ad illos mittereris, ipsi audirent te. Domus autem Israel nolunt audire te, quia nolunt audire me. Omnis quippe domus Israel attrita fronte est, et duro corde. Ecce dedi faciem tuam valentiorum faciebus eorum, et frontem tuam duriorum frontibus eorum. Ut adamantem, et ut silicem dedi faciem tuam: ne timeas eos, neque metuas a facie eorum, quia domus exasperans est.

ñ. Civitatem istam tu circumda, Domine, et Angeli tui custodiant muros ejus. \* Exaudi, Domine, populum tuum cum misericordia. ¶ Avertatur furor tuus, Domine, a populo tuo, et a civitate sancta tua. Exaudi.

## Lectio iij.

**E**T dixit ad me: Fili hominis, omnes sermones meos quos ego loquor ad te; assume in corde tuo, et auribus tuis audi. Et vade, ingredi ad transmigrationem, ad filios populi tui, et loqueris ad eos: et dices eis: Haec dicit Dominus Deus: Si forte audiant, et quiescant. Et assumpsit me spiritus, et audivi post me vocem commotionis magnae: Benedicta gloria Domini de loco suo; et vocem alarum animalium percutientium alteram ad alteram, et vocem rotarum sequentium animalia, et vocem commotionis magnae.

ñ. Genti peccatrici, populo pleno peccato miserere, \* Domine Deus. ¶ Esto placabilis super nequitiam populi tui. Domine. Gloria. Domine.

## FERIA QUARTA.

De Ezechiele Propheta.

## Lectio j. Cap. 7.

**E**T factus est sermo Domini ad me, dicens: Et tu, fili homi-



terram, hæc dicit Dominus Deus terræ Israel: Finis venit, venit finis super quatuor plagas terræ. Nunc finis super te, et immittam furorem meum in te, et iudicabo te juxta vias tuas: et ponam contra te omnes abominationes tuas. Et non parces oculus meus super te, et non miserebor: sed vias tuas ponam super te, et abominationes tuæ in medio tui erunt: et scietis quia ego Dominus.

¶ Indicabo tibi: homo, quid sit bonum, aut quid Dominus requirat a te: Facere iudicium et justitiam, et sollicitum ambulare cum Deo tuo. ¶ Spera in Domino, et fac bonitatem, et inhabita terram. Facere.

*Lectio ij.*

**H**ÆC dicit Dominus Deus: Afflictio una, afflictio ecce venit. Finis venit, venit finis, evigilavit adversum te: ecce venit. Venit contritio super te, qui habitas in terra venit tempus, prope est dies occisionis, et non gloriæ montium. Nunc de propinquo effundam iram meam super te, et complebo furorem meum in te, et iudicabo te juxta vias tuas: et imponam tibi omnia scelera tua. Et non parces oculus meus, nec miserebor, sed vias tuas imponam tibi, et abominationes tuas in medio tui erunt: et scietis quia ego sum Dominus percutiens.

¶ Angustiae mihi sunt, p. 370.

*Lectio iij.*

**E**CCE dies, ecce venit; egressa est contritio, floruit virga, germinavit superbia. Iniquitas surrexit in virga impietatis: non ex eis, et non ex populo, neque ex sonitu eorum; et non erit requies in eis. Venit tempus, appropinquavit dies: qui emit, non lætetur; et qui vendit, non lugeat, quia ira super omnem populum ejus. Quia qui vendit, ad id quod vendidit non revertetur, et adhuc in viventibus vita eorum.

¶ Misit Dominus, p. 370.

## FERIA QUINTA.

De Ezechiele Propheta.

*Lectio j. Cap. 14.*

**E**T factus est sermo Domini ad me, dicens: Fili hominis, vaticinare ad prophetas Israel, qui prophetant: et dices prophetantibus de corde suo: Audite verbum Domini. Hæc dicit Dominus Deus: Vae prophetis insipientibus, qui sequuntur spiritum suum, et nihil vident. Quasi vulpes in desertis, prophetæ tui, Israel, erant. Non ascendistis ex adverso, neque opposuistis murum pro domo Israel, ut staretis in prælio in die Domini. Vident vana, et divinant mendacium, dicentes: Ait Dominus; cum Dominus non miserit eos, et perseveraverunt confirmare sermonem.

¶ Vidi Dominum, p. 368.

*Lectio ij.*

**N**UMQUID non visionem cassam vidistis, et divinationem mendacem locuti estis? et dicitis, Ait Dominus; cum ego non sim locutus. Propterea hæc dicit Dominus Deus: Quia locuti estis vana, et vidistis mendacium, ideo ecce ego ad vos, dicit Dominus Deus. Et erit manus mea super prophetas qui vident vana, et divinant mendacium: in consilio populi mei non erunt, et in scriptura domus Israel non scribebuntur, nec in terram Israel ingredientur: et scietis quia ego Dominus Deus. Eo quod deceiverint populum meum, dicentes: Pax, et non est pax; et ipse ædificabat parietem, illi autem lineabant eum luto absque paleis.

¶ Aspice Domine de, p. 368.

*Lectio iij.*

**D**IC ad eos, qui liniunt absque temperatura, quod casurus sit: erit enim imber inundans, et dabo lapides prægrandes desuper irruentes, et ventum procellæ dissipantem. Siquidem ecce cecidit paries: numquid non dicetur vobis: Ubi est litura, quam linistis? Propterea hæc dicit

Dominus Deus : Et erumpere faciam spiritum tempestatum in indignatione mea , et imber inundans in furore meo erit , et lapides grandes in ira in consumptionem. Et destruam parietem , quem linistis absque temperamento.

â. Aspice Domine quia , p. 368.

### FERIA SEXTA

De Ezechiele Propheta.

*Lectio j. Cap. 15.*

**E**T factus est sermo Domini ad me , dicens : Fili hominis , quid fiet de ligno vitis ex omnibus lignis nemorum , quæ sunt inter ligna silvarum ? Numquid tolletur de ea lignum , ut fiat opus , aut fabricabitur de ea paxillus , ut dependeat in eo quodcumque vas ? Ecce igni datum est in escam : utramque partem ejus consumpsit ignis , et medietas ejus reducta est in favillam : numquid utile erit ad opus ? Etiam cum esset integrum , non erat aptum ad opus ? quanto magis cum illud ignis devoraverit et combusserit , nihil ex eo fiet operis ?

â. Super muros tuos , p. 368.

*Lectio ij.*

**P**ROPTEREA hæc dicit Dominus Deus : Quo modo lignum vitis inter ligna silvarum , quod dedi igni ad devorandum , sic tradam habitatores Jerusalem. Et ponam faciem meam in eos : de igne egredientur , et ignis consumet eos : et scietis quia ego Dominus , cum posuero faciem meam in eos , et dederò terram inviam et desolatam , eo quod prævaricatores extiterint , dicit Dominus Deus.

â. Muro tuo , p. 369.

*Lectio iij. Cap. 16.*

**E**T factus est sermo Domini ad me , dicens : Fili hominis , notas fac Jerusalem abominationes suas , et dices : Hæc dicit Dominus Deus Jerusalem : Radix tua , et generatio tua de terra Chanaan : pater tuus Amorrhæus et mater tua Cethæa. Et quan-

do nata es , in die ortus tui , non est præcisus umbilicus tuus , et aqua non es lota in salutem , nec sale salita , nec involuta pannis. Non pepercit super te oculus , ut faceret tibi unum de his , misertus tui , sed projecta es super faciem terræ in abiectione animæ tuæ , in die qua nata es.

â. Sustinuimus pacem , p. 369.

### SABBATO.

De Ezechiele Propheta.

*Lectio j. Cap. 19.*

**E**T tu assume planctum super principes Israel , et dices : Quare mater tua læna inter leones cubavit , in medio leunculorum enutrivit catulos suos ? Et eduxit unum de leunculis suis , et leo factus est : et didicit capere prædam , hominemque comedere. Et audierunt de eo gentes , et non absque vulneribus suis ceperunt eum , et adduxerunt eum in catenis in terram Ægypti. Quæ cum vidisset quoniam infirmata est , et perit expectatio ejus , tulit unum de leunculis suis , leonem constituit eum. Qui incedebat inter leones , et factus est leo , et didicit prædam capere , et homines devorare ; didicit viduas facere , et civitates eorum in desertum adducere : et desolata est terra , et plenitudo ejus a voce rugitus illius.

â. Laudabilis populus , p. 369.

*Lectio ij.*

**E**T convenerunt adversus eum gentes undique de provinciis , et expandebant super eum rete suam , in vulneribus earum captus est. Et miserunt eum in caveam , in catenis adduxerunt eum ad regem Babylonis : miseruntque eum in carcerem , ne audiretur vox ejus ultra super montes Israel. Mater tua quasi vinea in sanguine tuo super aquam plantata est , fructus ejus et frondes ejus creverunt ex aquis multis. Et factæ sunt ei virgæ solidæ in sceptrum dominantium , et exaltata est statura ejus inter frondes , et vidit altitudinem suam in multitudine palmitum suorum.

q. Angustiae mihi sunt, p. 570.

Lectio iij.

**E**T evulsa est in ira, in terram-  
que projecta, et ventus urens  
siccavit fructum ejus: marcuerunt et  
aresactae sunt virgae roboris ejus; i-  
gnis comedit eam. Et nunc transplan-  
tata est in desertum, in terra invia  
et sitiendi. Et egressus est ignis de  
virga ramorum ejus qui fructum  
ejus comedit, et non fuit in ea vir-  
ga fortis, sceptrum dominantium.  
Planctus est, et erit in planctum.

q. Misit Dominus p. 570.

### SABBATO

Ante Dom. II. Novembris.

Ad Magnif. Ant. Aspice, Domine,  
quia facta est desolata civitas plena  
divitiis, sedet in tristitia domina Gen-  
tium: non est qui consoletur eam,  
nisi tu, Deus noster.

Si November habeat 5. Dom., tunc  
in II. Dom. leguntur seq. Lect. de  
Ezechiele: si vero 4. tantum, in Dom.  
II. legetur liber Danielis positus in  
III. Dom; et Sabbato ad Magnif. di-  
cetur Ant. Muro tuo, ut infra, p.  
577; et duabus seq. Dom. leguntur  
Prophetae minores.

### DOM. II. NOVEMBRIS.

IN I. NOCTURNO.

De Ezechiele Propheta.

Lectio j.

Cap. 21.

**E**T factus est sermo Domini ad  
me, dicens: Fili hominis, po-  
ne faciem tuam ad Jerusalem, et stil-  
la ad sanctuaria, et propheta contra  
humum Israel. Et dices terrae Israel:  
Hæc dicit Dominus Deus: Ecce ego  
ad te, et ejiciam gladium meum de  
vagina sua, et occidam in te justum  
et impium. Pro eo autem quod occidi  
in te justum et impium, idcirco egre-  
diatur gladius meus de vagina sua ad  
omnem carnem ab Austro usque ad  
Aquilonem, ut sciat omnis caro quia  
ego Dominus eduxi gladium meum de  
vagina sua irrevocabilem.

q. Vidi Dominum, p. 568.

Lectio ij.

**E**T tu, fili hominis, ingemisce in  
contritione lumborum, et in a-  
maritudinibus ingemisce coram eis.  
Cumque dixerint ad te: Quare tu ge-  
mis? dices: Pro auditu; quia venit,  
et tabescet omne cor, et dissolventur  
universae manus, et infirmabitur o-  
mnis spiritus, et per cuncta genua flu-  
ent aquae: ecce venit, et fiet, ait  
Dominus Deus. Et factus est sermo  
Domini ad me, dicens: Fili hominis,  
propheta, et dices: Hæc dicit Domi-  
nus Deus: Loquere: Gladius, gladi-  
us exacutus est, et limatus. Ut cæ-  
dat victimas, exacutus est: ut splen-  
deat, limatus est: qui moves sce-  
ptrum filii mei, succidisti omne li-  
gnum. Et dedi eum ad lævigandum,  
ut teneatur manu: iste exacutus est  
gladius, et iste limatus est, ut sit  
in manu interficientis.

q. Aspice Domine de, p. 568. | 4

Lectio iij.

**C**LAMA et ulula, fili hominis,  
quia hic factus est in populo  
meo, hic in cunctis ducibus Israel  
qui fugerant: gladio traditi sunt cum  
populo meo, idcirco plaude super fe-  
mur, quia probatus est: et hoc,  
cum sceptrum subverterit, et non  
erit, dicit Dominus Deus. Tu ergo,  
fili hominis, propheta, et percute  
manu ad manum, et duplicetur gla-  
dius; ac triplicetur gladius interfe-  
ctorum: hic est gladius occisionis ma-  
gnæ, qui obstupescere eos facit, et  
corde tabescere, et multiplicat ruinas.

q. Aspice Domine quia, p. 568.

IN II. NOCTURNO.

De expositione S. Hieronymi Presby-  
teri in Ezechielem Prophet.

Lectio iv. Lib. 7. in Ezech. c. 21.

**Q**UIA supra dixerat, Ipsi dicunt  
ad me: Numquid non per para-  
bolas loquitur iste? et apertam popu-  
lus flagitabat sententiam: idcirco id  
quod Dominus per metaphoram, sive  
parabolam, et ut alii vertere, pro-  
verbium, est locutus, nunc manife-



stius loquitur: saltus Nageb, et Darom, et Theman esse Jerusalem, et templum illius, sancta sanctorum, et omnem terram Judææ: flammamque quæ combustura sit saltum, intelligi gladium devorantem, qui eductus sit de vagina sua ut interficiat justum et impium. Hoc est enim lignum viride, et lignum aridum. Unde et Dominus: Si in ligno, ait, viridi tanta faciunt, in sicco quid facient?

¶ Super muros tuos, p. 368.

*Lectio v.*

**P**RIMUM dixerat: Vaticinare, vel stilla ad Austrum, Africum, et Meridiem, et ad saltum Meridianum. Quod quia videbatur obscurum, et dicta Prophetæ populus nesciebat secundo ponitur manifestius, saltum Meridianum esse Jerusalem, et omnes infructuosas arbores, ad quarum radices securis posita sit, intelligi habitatores ejus, gladiumque interpretari pro incendio. Tertio jubetur Prophetæ, ut tacentibus illis, nec interrogantibus cur ista vaticinatus sit, faciat per quæ interrogetur, et respondeat quæ Dominus locutus est.

¶ Muro tuo, p. 369.

*Lectio vj.*

**I**NGEMISCE, inquit, ejulare non levi voce, nec dolore moderato, sed in contritione lumborum, ut gemitus tuus ex imis visceribus et amaritudine animi proferatur. Et hoc facies coram eis, ut cum te interrogaverint cur tanto gemitu conteraris, et quid tibi mali acciderit ut sic ingemiscas, tu eis meo sermone respondeas: Idcirco plango, et dolorem cordis mei dissimulare non valeo, quia auditus, qui semper meis auribus insonuerat, opere completur, et venit, imminens videlicet Babylonii furentis exercitus: qui cum venerit, et valaverit Jerusalem, tunc tabescet omne cor, et dissolventur universæ manus: ut, occupante pavore montes hominum, nullus audeat repugnare.

¶ Sustinuimus pacem, p. 369.

*In III. Noct. q. vij. et viij. et ibid.*

## FERIA SECUNDA

De Ezechiele Propheta.

*Lectio j.*

Cap. 33.

**E**T factum est verbum Domini ad me, dicens: Fili hominis, loquere ad filios populi tui, et dices ad eos: Terra, cum induxero super eam gladium, et tulerit populus terræ virum novum de novissimis suis, et constituerit eum super se speculatorem, et ille viderit gladium venientem super terram, et cecinerit buccina, et annuntiaverit populo: audiens autem, quisquis ille est, sonitum buccinæ, et non se observaverit, veneritque gladius, et tulerit eum; sanguis ipsius super caput ejus erit. Sonum buccinæ audivit, et non se observavit, sanguis ejus in ipso erit. Si autem se custodierit, animam suam salvabit.

¶ Redemit populum, p. 369.

*Lectio ij.*

**Q**UOD si speculator viderit gladium venientem, et non insonuerit buccina, et populus se non custodierit, veneritque gladius, et tulerit de eis animam: ille quidem in iniquitate sua captus est, sanguinem autem ejus de manu speculatoris requiram. Et tu, fili hominis, speculatorem dedi te domui Israel: audiens ergo ex ore meo sermonem annuntiabis eis ex me. Si me dicente ad impium: Impie, morte morieris, non fueris locutus, ut se custodiat impius a via sua: ipse impius in iniquitate sua morietur, sanguinem autem ejus de manu tua requiram.

¶ Angustie mihi sunt, p. 370.

*Lectio iij.*

**S**I autem annuntiante te ad impium ut a viis suis convertatur, non fuerit conversus a via sua, ipse in iniquitate sua morietur: porro tu animam tuam liberasti. Tu ergo, fili hominis, dic ad domum Israel: Sic locuti estis, dicentes: Iniquitates no-

stræ et peccata nostra super nos sunt, et in ipsis nos tabescimus: quomodo ergo vivere poterimus? Dic ad eos: Vivo ego, dicit Dominus Deus, nolo mortem impii, sed ut convertatur impius a via sua, et vivat. Convertimini, convertimini a viis vestris pessimis, et quare moriemini, domus Israel?

¶ Misit Dominus, p. 570.

**FERIA TERTIA.**

De Ezechiele Propheta.

*Lectio j. Cap. 34.*

**ET** factum est verbum Domini ad me, dicens: Fili hominis, propheta de pastoribus Israel; propheta, et dices pastoribus: Hæc dicit Dominus Deus: Væ pastoribus Israel, qui pascebant semetipsos: nonne greges a pastoribus pascuntur? Lac condebatis, et lanis operiebamini, et quod crassum erat occidebatis; gregem autem meum non pascebatis. Quod infirmum fuit non consolidastis, et quod ægrotum non sanastis, quod confractum est non alligastis, et quod abjectum est non reduxistis, et quod perierat non quæsisistis: sed cum austeritate imperabatis eis, et cum potentia.

¶ A facie furoris, p. 570.

*Lectio ij.*

**ET** dispersæ sunt oves meæ, eo quod non esset pastor, et factæ sunt in devorationem omnium bestiarum agri, et dispersæ sunt. Erraverunt greges mei in cunctis montibus, et in universo colle excelso; et super omnem faciem terræ dispersi sunt greges mei, et non erat, inquam, qui requireret. Propterea, pastores, audite verbum Domini: Vivo ego, dicit Dominus Deus, quia pro eo quod facti sunt greges mei in rapinam, et oves meæ in devorationem omnium bestiarum agri, eo quod non esset pastor; neque enim quæsierunt pastores mei gregem meum, sed pascebant pastores semetipsos, et greges meos

non pascebant; propterea, pastores, audite verbum Domini.

¶ Civitatem istam, p. 570.

*Lectio iij.*

**HÆC** dicit Dominus Deus: Ecce ego ipse super pastores requiram gregem meum de manu eorum, et cessare faciam eos, ut ultra non pascant gregem, nec pascant amplius pastores semetipsos, et liberabo gregem meum de ore eorum, et non erit ultra eis in escam. Quia hæc dicit Dominus Deus: Ecce ego ipse requiram oves meas, et visitabo eas. Sicut visitat pastor gregem suum in die, quando fuerit in medio ovium suarum dissipatarum: sic visitabo oves meas, et liberabo eas de omnibus locis, in quibus dispersæ fuerant in die nubis et caliginis.

¶ Genti peccatrici, p. 570.

**FERIA QUARTA**

De Ezechiele Propheta.

*Lectio j. Cap. 40.*

**I**n vigesimo quinto anno transmigrationis nostræ, in exordio anni, decima mensis, quarto decimo anno postquam percussa est civitas, in ipsa hac die facta est super me manus Domini, et adduxit me illuc. In visionibus Dei adduxit me in terram Israel, et dimisit me super montem excelsum nimis, super quem erat quasi ædificium civitatis vergentis ad Austrum, et introduxit me illuc.

¶ Indicabo tibi, p. 570.

*Lectio ij.*

**ET** ecce vir, cujus erat species quasi species æris, et funiculus lineus in manu ejus, et calamus mensuræ in manu ejus: stabat autem in porta. Et locutus est ad me idem vir: Fili hominis, vide oculis tuis, et auribus tuis audi, et pone cor tuum in omnia quæ ego ostendam tibi; quia ut ostendantur tibi, adductus es huc: annuntia omnia, quæ tu vides, domui Israel.

¶ Augustiæ mihi sunt, p. 570.

*Lectio iij.*

**ET** ecce murus forinsecus in circuitu domus undique, et in manu viri calamus mensuræ sex cubitorum et palmo; et mensus est latitudinem ædificii calamo uno, altitudinem quoque calamo uno. Et venit ad portam, quæ respiciebat viam Orientalem, et ascendit per gradus ejus, et mensus est limen portæ calamo uno latitudinem, id est, limen unum calamo uno in latitudine.

¶. Misit Dominus, p. 370.

**FERIA QUINTA.**

De Ezechiele Propheta.

*Lectio j. Cap. 41.*

**ET** introduxit me in templum, et mensus est frontes, sex cubitos latitudinis hinc, et sex cubitos latitudinis inde, latitudinem tabernaculi. Et latitudo portæ decem cubitorum erat, et latera portæ quinque cubitis hinc, et quinque cubitis inde; et mensus est longitudinem ejus quadraginta cubitorum, et latitudinem viginti cubitorum. Et introgressus intrinsecus, mensus est in fronte portæ duos cubitos, et portam sex cubitorum, et latitudinem portæ septem cubitorum.

¶. Vidi Dominum, p. 368.

*Lectio ij.*

**ET** mensus est longitudinem ejus viginti cubitorum, et latitudinem ejus viginti cubitorum, ante faciem templi, et dixit ad me: Hoc est sanctum sanctorum. Et mensus est parietem domus sex cubitorum, et latitudinem lateris quatuor cubitorum undique per circuitum domus. Latera autem, latus ad latus, bis triginta tria; et erant eminentia, quæ ingrederentur per parietem domus, in lateribus per circuitum, ut continerent, et non attingerent parietem templi.

¶. Aspice Domine de, p. 368.

*Lectio iij.*

**ET** platea erat in rotundum, ascendens sursum per cochleam, et in

ecenaculum templi deferbat per gyrum: idcirco latius erat templum in superioribus, et sic de inferioribus ascendebatur ad superiora in medium. Et vidi in domo altitudinem per circuitum, fundata latera ad mensuram calami sex cubitorum spatio; et latitudinem per parietem lateris forinsecus quinque cubitorum: et erat interior domus in lateribus domus.

¶. Aspice Domine quia, p. 368.

**FERIA SEXTA**

De Ezechiele Propheta.

*Lectio j. Cap. 43.*

**ET** duxit me ad portam, quæ respiciebat ad viam Orientalem. Et ecce gloria Dei Israel ingrediebatur per viam Orientalem; et vox erat ei quasi vox aquarum multarum, et terra splendebat a majestate ejus. Et vidi visionem secundum speciem quam videram, quando venit ut disperderet civitatem; et species secundum aspectum quem videram juxta fluvium Chobar: et cecidi super faciem meam. Et majestas Domini ingressa est templum per viam portæ, quæ respiciebat ad Orientem. Et elevavit me spiritus, et introduxit me in atrium interius; et ecce repleta erat gloria Domini domus.

¶. Super muros tuos, p. 368.

*Lectio ij.*

**ET** audiui loquentem ad me de domo, et vir qui stabat juxta me, dixit ad me: Fili hominis, locus solii mei, et locus vestigiorum pedum meorum, ubi habito in medio filiorum Israel in æternum, et non polluent ultra domus Israel nomen sanctum meum, ipsi et reges eorum in fornicationibus suis, et in ruinis regum suorum, et in excelsis. Qui fabricati sunt limen suum juxta limen meum, et postes suos juxta postes meos; et murus erat inter me et eos: et polluerunt nomen sanctum meum in abominationibus quas fecerunt; propter quod consumpsi eos in ira mea.

¶. Muro tuo, p. 369.



*Lectio iij.*

**N**UNC ergo repellant procul fornicationem suam, et ruinas regum suorum a me, et habitabo in medio eorum semper. Tu autem, fili hominis, ostende domui Israel templum, et confundantur ab iniquitatibus suis, et metiantur fabricam, et erubescant ex omnibus quæ fecerunt. Figuram domus et fabricæ ejus, exitus, et introitus, et omnem descriptionem ejus, et universa præcepta ejus, cunctumque ordinem ejus, et omnes leges ejus ostende eis, et scribes in oculis eorum, ut custodiant omnes descriptiones ejus, et præcepta illius, et faciant ea.

ñ. Sustinuimus pacem, p. 369.

**SABBATO.**

De Ezechiele Propheta.

*Lectio j. Cap. 47.*

**E**T convertit me ad portam domus, et ecce aquæ egrediebantur subter limen domus ad Orientem. Facies enim domus respiciebat ad Orientem: aquæ autem descendebant in latus templi dextrum ad Meridiem altaris. Et eduxit me per viam portæ Aquilonis, et convertit me ad viam foras portam exteriorem, viam quæ respiciebat ad Orientem, et ecce aquæ redundantes a latere dextro.

ñ. Laudabilis populus, p. 369.

*Lectio ij.*

**C**UM egrederetur vir ad Orientem, qui habebat funiculum in manu sua, et mensus est mille cubitos, et traduxit me per aquam usque ad tallos. Rursumque mensus est mille, et traduxit me per aquam usque ad genua: et mensus est mille, et traduxit me per aquam usque ad renes. Et mensus est mille, torrentem quem non potui pertransire, quoniam intumuerant aquæ profundi torrentis, qui non potest transvadari.

ñ. Augustiæ mihi sunt, p. 370.

*Lectio iij.*

**E**T dixit ad me: Certe vidisti, fili hominis. Et eduxit me, et con-

vertit ad ripam torrentis. Cumque me convertissem, ecce in ripa torrentis ligna multa nimis ex utraque parte. Et ait ad me: Aquæ istæ, quæ egrediuntur ad tumulos sabuli Orientalis, et descendunt ad plana deserti, intrabunt mare, et exhibunt, et sanabuntur aquæ. Et omnis anima vivens quæ serpit, quocumque venerit torrens, vivet; et erunt pisces multi satis, postquam venerint illuc aquæ istæ, et sanabuntur; et vivent omnia, ad quæ venerit torrens.

ñ. Misit Dominus, p. 370.

**SABBATO***Ante Dom. III. Novembris.*

*Ad Magnif. Ant. Muro tuo inexpugnabili circumcinge nos, Domine, et armis tuæ potentie protege nos semper*

**DOM. III. NOVEMBRIS.****IN I. NOCTURNO**

Incipit liber Danielis Prophetæ.

*Lectio j. Cap. I.*

**A**NNO tertio regni Joakim regis Juda, venit Nabuchodonosor rex Babylonis in Jerusalem, et obsedit eam, et tradidit Dominus in manu ejus Joakim regem Juda, et partem vasorum domus Dei: et asportavit ea in terram Sennaar, in domum dei sui, et vasa intulit in domum thesauri dei sui. Et ait rex Asphenez præposito eunuchorum, ut introduceret de filiis Israel, et de semine regio: et tyrannorum, pueros in quibus nulla esset macula, decoros forma, et eruditos omni sapientia, cautos scientia, et doctos disciplina, et qui possent stare in palatio regis, ut doceret eos litteras, et linguam Chaldeorum.

ñ. Vidi Dominum, p. 368.

*Lectio ij.*

**E**T constituit eis rex ammonam per singulos dies de cibis suis, et de vino unde bibebat ipse, ut enutriti tribus annis, postea starent in conspectu regis. Fuerunt ergo inter eos

de filiis Juda, Daniel, Ananias, Misael, et Azarias. Et imposuit eis præpositus eunuchorum nomina Danieli, Baltassar; Ananiam, Sidrach; Misaeli, Misach; et Azariam, Abdenago. Proposuit autem Daniel in corde suo, ne pollueretur de mensa regis, neque de vino potus ejus, et rogavit eunuchorum præpositum ne contaminaretur. Dedit autem Deus Danieli gratiam et misericordiam in conspectu principis eunuchorum.

¶. *Aspice Domine de, p. 568.*

*Lectio iij.*

**E**T ait princeps eunuchorum ad Danielelem: Timeo ego dominum meum regem, qui constituit vobis cibum et potum, qui si viderit vultus vestros macilentiores præ cæteris adolescentibus cœvis vestris, condemnabit caput meum regi. Et dixit Daniel ad Malasar, quem constituerat princeps eunuchorum super Danielelem, Ananiam, Misaelem, et Azariam: Tenta nos, obsecro, servos tuos diebus decem, et dentur nobis legumina ad vescendum, et aqua ad bibendum, et contemplare vultus nostros, et vultus puerorum qui vescuntur cibo regio, et sicut videris, facies cum servis tuis. Qui, audito sermone hujusmodi, tentavit eos diebus decem; post dies autem decem apparuerunt vultus eorum meliores et corpulentiores præ omnibus pueris, qui vescabantur cibo regio.

¶. *Aspice Domine quia, p. 568.*

IN II. NOCTURNO.

Ex libro sancti Athanasii Episcopi ad Virgines.

*Lectio iv. L'b. 1. de Virg.*

**S**I accedant aliqui, et dicant tibi: Ne frequenter jejunes, ne imbecillior fias; ne credas illis, neque auscultes: per istos enim inimicus hæc suggerit. Reminiscere ejus quod scriptum est, quod cum tres pueri, et Daniel, et alii adolescentuli captivi ducti essent a Nabuchonosor rege Babylonis, jussumque esset ut

de ipsius mensa regia comederent, et de vino biberent, Daniel et tres pueri illi noluerunt pollui ex mensa regis, sed dixerunt eunuchis qui eos curandos susceperat: Da nobis de seminibus terræ, et vescemur. Quibus ait eunuchus: Timeo ego regem, qui constituit vobis cibum et potum, ne forte facies vestræ appareant regi squalidiores præ cæteris pueris, qui regia mensa aluntur, et puniat me.

¶. *Super muros tuos, p. 568.*

*Lectio v.*

**C**UI dixerunt illi: Tenta servos tuos dies decem, et da nobis de seminibus. Et dedit eis legumina ad vescendum, et aquam ad bibendum; et introduxit eos in conspectu regis: et visæ sunt facies ipsorum speciosiores præ cæteros pueros, qui regiæ mensæ cibis nutriebantur. Videsne quid faciat jejunium? Morbos sanat, distillationes corporis exsiccant, dæmones fugat, pravas cogitationes expellit, mentem clariorem reddit, cor mundum efficit, corpus sanctificat, denique ad thronum Dei hominem sistit. Et ne putes hæc temere dici, habes hujus rei testimonium in Evangeliiis a Salvatore prolatum. Cum enim quæisivissent discipuli, quonam modo immundi spiritus ejicerentur, respondit Dominus: Hoc genus non ejicitur, nisi in oratione et jejunio.

¶. *Muro tuo, p. 569.*

*Lectio vj.*

**Q**UISQUIS igitur ab immundo spiritu vexatur, si hoc animadvertat, et hoc pharmaco utatur, jejunio inquam, statim spiritus malus oppressus abscedet, vim jejunii metuens. Valde enim dæmones oblectantur crapula, et ebrietate, et corporis commodis. Magna vis in jejunio, et magna ac præclara fiunt per illud: alioqui unde homines tam mirifica præstarent, et signa per eos fierent, et sanitatem infirmis per ipsos largiretur Deus, nisi plane ob exercitationes spirituales, et humilitatem animi, et conversationem bo-

nam? Jejunium enim Angelorum elibus est, et qui eo utitur, ordinis Angelici censendus est.

¶ Sustinuimus pacem, p. 369.

In III. Noct. ¶ vij. et viij. ut ibid.

## FERIA SECUNDA.

De Daniele Propheta.

Lectio j. Cap. 2.

**TU**, rex, videbas, et ecce quasi statua una grandis: statua illa magna, et statura sublimis stabat contra te, et intuitus ejus erat terribilis. Hujus statuæ caput ex auro optimo erat, pectus autem et brachia de argento, porro venter et femora ex ære: tibie autem ferreæ, pedum quædam pars erat ferrea, quædam autem fictilis. Videbas ita, donec abscissus est lapis de monte sine manibus, et percussit statuam in pedibus ejus ferreis et fictilibus, et comminuit eos. Tunc contrita sunt pariter ferrum, testa, æs, argentum, et aurum, et redacta quasi in favillam æstivæ aræ, quæ rapta sunt vento; nullusque locus inventus est eis. Lapis autem qui percusserat statuam, factus est mons magnus, et implevit universam terram.

¶ Redemit populum, p. 369.

Lectio ij.

**HOC** est somnium: interpretacionem quoque ejus dicemus coram te, rex. Tu rex regum es, et Deus cæli regnum, et fortitudinem, et imperium, et gloriam dedit tibi, et omnia in quibus habitant filii hominum et bestie agri; volucres quoque cæli dedit in manu tua, et sub ditione tua universa constituit: tu es ergo caput aureum. Et post te consurgit regnum aliud minus te argenteum, et regnum tertium aliud æreum, quod imperabit universæ terræ. Et regnum quartum erit velut ferrum. Quo modo ferrum comminuit et domat omnia, sic comminuet et conteret omnia hæc.

¶ Angustie mihi sunt, p. 370.

Lectio iij.

**PORRO** quia vidisti pedum et digitorum partem testæ figuli, et partem ferream, regnum divisum erit, quod tamen de plantario ferri oriatur, secundum quod vidisti ferrum mixtum testæ ex luto. Et digitos pedum ex parte ferreos, et ex parte fictiles: ex parte regnum erit solidum, et ex parte contritum. Quod autem vidisti ferrum mixtum testæ ex luto, commiscebuntur quidem humano semine, sed non adhærebunt sibi, sicuti ferrum misceri non potest testæ. In diebus autem regnorum illorum suscitabit Deus cæli regnum quod in æternum non dissipabitur, et regnum ejus alteri populo non tradetur: comminuet autem et consumet universa regna hæc, et ipsum stabit in æternum.

¶ Misit Dominus, p. 370.

## FERIA TERTIA.

De Daniele Propheta.

Lectio j. Cap. 3.

**PRONUNTIANSQUE** Nabuchodonosor rex, ait eis: Verene, Sidrac, Misach, et Abdenago, deos meos non colitis, et statuam auream quam constitui, non adoratis? Nunc ergo si estis parati, quacumque hora audieritis sonitum tubæ, fistulæ, citharæ, sambucæ, et psalterii, et symphonie, omnisque generis musicorum, prosternite vos, et adorete statuam quam feci. Quod si non adoraveritis, eadem hora mittemini in fornacem ignis ardentis: et quis est Deus, qui eripiet vos de manu mea?

¶ A facie furoris tui, p. 370.

Lectio ij.

**RESPONDENTES** Sidrach, Misach, et Abdenago, dixerunt regi Nabuchodonosor: Non oportet nos de hac re respondere tibi. Ecce enim Deus noster quem colimus, potest eripere nos de camino ignis ardentis, et de manibus tuis, o rex, liberare. Quod si noluerit, notum sit tibi, rex, quia deos tuos non colimus, et statuam auream quam erexisti, non adoramus.



Tunc Nabuchodonosor repletus est furore, et aspectus faciei illius immutatus est super Sidrach, Misach, et Abdenago, et præcepit ut succenderetur fornax septuplum quam succendi consueverat.

¶. Civitatem istam, p. 370.

*Lectio iij.*

**E**T confestim viri illi vincti cum braccis suis, et tiaris, et calceamentis, et vestibus, missi sunt in medium fornacis ignis ardentis; nam jussio regis urgebat: fornax autem succensa erat nimis. Porro viros illos, qui miserant Sidrach, Misach, et Abdenago, interfecit flamma ignis. Viri autem hi tres, id est, Sidrach, Misach, et Abdenago, ceciderunt in medio camino ignis ardentis, colligati. Et ambulabant in medio flammæ laudantes Deum, et benedicentes Dominum.

¶. Genti peccatrici, p. 370.

### FERIA QUARTA.

De Daniele Propheta.

*Lectio j. Cap. 4.*

**R**ESPONDIT Baltassar, et dixit: Domine mi, somnium his qui te oderunt, et interpretatio ejus hostibus tuis sit. Arborem quam vidisti sublimem atque robustam, cujus altitudo pertingit ad cælum, et aspectus illius in omnem terram, et rami ejus pulcherrimi, et fractus ejus nimius, et esca omnium in ea, subter eam habitantes bestię agri, et in ramis ejus commorantes aves cœli, tu es, rex, qui magnificatus es, et invaluisti; et magnitudo tua crevit, et pervenit usque ad cælum, et potestas tua in terminos universæ terræ.

¶. Indicabo tibi, p. 370.

*Lectio ij.*

**Q**UOD autem vidit rex vigilem et sanctum descendere de cœlo, et dicere: Succidite arborem, et dissipate illam, attamen germen radicem ejus in terra dimittite, et vinciatur ferro et ære in herbis foris, et rore

cœli conspergatur, et cum feris sit pabulum ejus, donec septem tempora mutantur super eum; hæc est interpretatio sententiæ Altissimi, quæ pervenit super dominum meum regem: Ejicient te ab hominibus, et cum bestiis ferisque erit habitatio tua, et fœnum ut bos comedes, et rore cœli infunderis.

¶. Angustiæ mihi sunt, p. 370.

*Lectio iij.*

**S**EPTEM quoque tempora mutantur super te, donec scias quod dominetur Excelsus super regnum hominum, et cuicumque voluerit, det illud. Quod autem præcepit ut relinqueretur germen radicem ejus, id est, arboris, regnum tuum tibi manebit, postquam cognoveris potestatem esse cœlestem. Quamobrem, rex, consilium meum placeat tibi, et peccata tua elemosynis redime, et iniquitates tuas misericordiis pauperum: forsitan ignoscet delictis tuis. Omnia hæc venerunt super Nabuchodonosor regem.

¶. Misit Dominus, p. 370.

### FERIA QUINTA.

De Daniele Propheta:

*Lectio j. Cap. 5.*

**B**ALTASSAR rex fecit grande convivium optimatibus suis mille, et unusquisque secundum suam bibebat ætatem. Præcepit ergo jam temulentus ut afferrentur vasa aurea et argentea, quæ asportaverat Nabuchodonosor pater ejus de templo, quod fuit in Jerusalem, ut biberent in eis rex et optimates ejus, uxoresque ejus et concubinæ. Tunc allata sunt vasa aurea et argentea, quæ asportaverat de templo, quod fuerat in Jerusalem, et biberunt in eis rex et optimates ejus, uxores et concubinæ illius. Bibebant vinum, et laudabant deos suos aureos et argenteos, æreos, ferreos, ligneosque et lapideos. In eadem hora apparuerunt digiti, quasi manus hominis scribentis contra candelabrum in superficie parietis aulae

regis, et rex aspiciebat articulos manus scribentis. Tunc facies regis commutata est, et cogitationes ejus conturbabant eum.

¶. Vidi Dominum, p. 368.

*Lectio ij.*

**I**GITUR introductus est Daniel coram rege. Ad quem præfatus rex ait: Tu es Daniel de filiis captivitatis Judæ, quem adduxit pater meus rex de Judæa? Audivi de te quoniam spiritum deorum habeas, et scientia, intelligentiaque, ac sapientia ampliores inventæ sunt in te. Et nunc introgressi sunt in conspectu meo sapientes magi, ut scripturam hanc legerent, et interpretationem ejus indicarent mihi, et nequiverunt sensum hujus sermonis edicere. Porro ego audivi de te, quod possis obscura interpretari, et ligata dissolvere: si ergo vales scripturam legere, et interpretationem ejus indicare mihi, purpura vestieris, et torquem auream circa collum tuum habebis, et tertius in regno meo princeps eris. Ad quæ respondens Daniel, ait coram rege: Munera tua sint tibi, et dona domus tuæ alteri da: scripturam autem legam tibi, rex, et interpretationem ejus ostendam tibi.

¶. Aspice Domine de, p. 368.

*Lectio ij.*

**H**ÆC est autem scriptura, quæ digesta est: Mane, Thecel, Phares. Et hæc est interpretatio sermonis. Mane: numeravit Deus regnum tuum, et complevit illud. Thecel: appensus es in statera, et inventus es minus habens. Phares: divisum est regnum tuum, et datum est Medis et Persis. Tunc, jubente rege, indutus est Daniel purpura, et circumdata est torques aurea collo ejus; et prædicatum est de eo, quod haberet potestatem tertius in regno suo. Eadem nocte interfectus est Baltassar rex Chaldæus. Et Darius Medus successit in regnum, annos natus sexaginta duos.

¶. Aspice Domine quia, p. 368.

## FERIA SEXTA.

De Daniele Propheta.

*Lectio j. Cap. 6.*

**V**IRI ergo illi curiosius inquirentes, invenerunt Daniele orantem, et obsecrantem Deum suum. Et accedentes locuti sunt regi super edicto: Rex, numquid non constituisti, ut omnis homo, qui rogaret quemquam de diis et hominibus usque ad dies triginta, nisi te, rex, mitteretur in lacum leonum? Ad quos respondens rex, ait: Verus est sermo juxta decretum Medorum atque Persarum, quod prævaricari non licet. Tunc respondentes dixerunt coram rege: Daniel de filiis captivitatis Juda, non curavit de lege tua, et de edicto quod constituisti: sed tribus temporibus per diem orat obsecratione sua. Quod verbum cum audisset rex, satis contristatus est, et pro Daniele posuit cor ut liberaret eum, et usque ad occasum solis laborabat ut erueret illum. Viri autem illi intelligentes regem, dixerunt ei: Scito, rex, quia lex Medorum atque Persarum est, ut omne decretum, quod constituerit rex, non liceat immutari.

¶. Super muros tuos, p. 368.

*Lectio ij.*

**T**UNC rex præcepit; et adduxerunt Daniele, et miserunt eum in lacum leonum. Dixitque rex Danieli: Deus tuus, quem colis semper, ipse liberabit te. Allatusque est lapis unus, et positus est super os laci; quem obsignavit rex annulo suo, et annulo optimatum suorum, ne quid fieret contra Daniele. Et abiit rex in domum suam, et dormivit incoenatus, cibi que non sunt allati coram eo, insuper et somnus recessit ab eo. Tunc rex primo diluculo consurgens, festinus ad lacum leonum perrexit, appropinquansque lacui, Daniele voce lacrymabili inclamavit, et affatus est eum: Daniel serve Dei viventis, Deus tuus, cui tu servis semper, putasne valuit te liberare a leonibus?

q. Muro tuo, p. 369.

*Lectio iij.*

**E**T Daniel regi respondens, ait: Rex, in æternum vive. Deus meus misit Angelum suum, et conclusit ora leonum, et non nocuerunt mihi, quia coram eo justitia inventa est in me: sed et coram te, rex, delictum non feci. Tunc vehementer rex gavisus est super eo, et Daniele præcepit educi de lacu: eductusque est Daniel de lacu, et nulla læsio inventa est in eo, quia credidit Deo suo. Jubente autem rege, adducti sunt viri illi qui accusaverant Danielem, et in lacum leonum missi sunt, ipsi, et filii, et uxores eorum, et non pervenerunt usque ad pavimentum lacu, donec arriperent eos leones, et omnia ossa eorum comminuerunt.

q. Sustinuimus pacem, p. 369.

### SABBATO.

De Daniele Propheta.

*Lectio j. Cap. 9.*

**I**N anno primo Darii filii Assueri de semine Medorum, qui imperavit super regnum Chaldæorum, anno uno regni ejus, ego Daniel intellexi in libris numerum annorum, de quo factus est sermo Domini ad Jeremiam Prophetam, ut complerentur desolationis Jerusalem septuaginta anni. Et posui faciem meam ad Dominum Deum meum rogare et deprecari in jejuniis, sacco, et cinere. Et oravi Dominum Deum meum, et confessus sum, et dixi: Obsecro, Domine Deus magnæ et terribilis, custodiens pactum et misericordiam diligentibus te et custodientibus mandata tua. Peccavimus, iniquitatem fecimus, impie egimus, et recessimus, et declinavimus a mandatis tuis ac judiciis.

q. Laudabilis populus, p. 369.

*Lectio ij.*

**A**DHUC me loquente in oratione, ecce vir Gabriel, quem videram in visione a principio, cito-volans tetigit me in tempore sacrificii vesper-

tini. Et docuit me, et locutus est mihi, dixitque: Daniel, nunc egressus sum ut docerem te, et intelligeres. Ab exordio precum tuarum egressus est sermo: ego autem veni ut indicarem tibi, quia vir desideriorum es: tu ergo animadvertes sermonem, et intellige visionem. Septuaginta hebdomades abbreviatæ sunt super populum tuum, et super urbem sanctam tuam, ut consummetur prævaricatio, et finem accipiat peccatum, et deleatur iniquitas, et impleatur visio, et prophetia, et ungatur Sanctus sanctorum.

q. Angustiae mihi sunt, p. 370.

*Lectio iij.*

**S**CITO ergo, et animadvertes: Ab exitu sermonis, ut iterum ædificetur Jerusalem, usque ad Christum ducem, hebdomades septem, et hebdomades sexaginta duæ erunt: et rursum ædificabitur platea, et muri in angustia temporum. Et post hebdomades sexaginta duas occidetur Christus: et non erit ejus populus, qui eum negaturus est. Et civitatem et sanctuarium dissipabit populus cum duce venturo, et finis ejus vastitas, et post finem belli statuta desolatio. Confirmabit autem pactum multis hebdomada una, et in dimidio hebdomadis deficiet hostia et sacrificium, et erit in templo abominatio desolationis, et usque ad consummationem et finem perseverabit desolatio.

q. Misit Dominus, p. 370.

*Ad Magnif. Ant.* Qui cælorum continet thronum, et abyssos intueris, Domine Rex regum, montes ponderas, terram palmo concludis: exaudi nos, Domine, in gemitibus nostris.

### DOM. IV. NOVEMBRIS.

IN I. NOCTURNO.

Incipit liber Osee Prophetæ.

*Lectio j.*

*Cap. 1.*

**V**ERBUM Domini quod factum est ad Osee filium Beerî, in diebus Oziæ, Joathan, Achaz, Ezechiae, regum Judæ, et in diebus Jeroboam fi-



lii Joas regis Israel. Principium loquendi Domino in Osee; et dixit Dominus ad Osee: Vade, sume tibi uxorem fornicationum, et fac tibi filios fornicationum: quia fornicans fornicabitur terra a Domino. Et abiit, et accepit Gomer filiam Debelaim, et concepit, et peperit ei filium.

ñ. Vidi Dominum, p. 568.

Lectio ij.

**ET** dixit Dominus ad eum: Voca nomen ejus Jezrabel, quoniam adhuc modicum, et visitabo sanguinem Jezrabel super domum Jehu, et quiescere faciam regnum domus Israel. Et in illa die conteram arcum Israel in valle Jezrabel. Et concepit adhuc, et peperit filiam. Et dixit ei: Voca nomen ejus Absque misericordia, quia non addam ultra misereri domui Israel, sed oblivione obliviscar eorum. Et domui Juda miserebor, et salvabo eos in Domino Deo suo, et non salvabo eos in arcu, et gladio, et in bello, et in equis, et in equitibus.

ñ. Aspice Domine de, p. 568.

Lectio iij.

**ET** ablactavit eam quæ erat Absque Misericordia. Et concepit, et peperit filium. Et dixit: Voca nomen ejus non populus meus, quia vos non populus meus, et ego non ero vester. Et erit numerus filiorum Israel quasi arena maris, quæ sine mensura est, et non numerabitur. Et erit in loco ubi dicetur eis Non populus meus vos; dicetur eis, Filii Dei viventis. Et congregabuntur filii Juda, et filii Israel pariter, et ponent sibi caput unum, et ascendent de terra, quia magnus dies Jezrabel.

ñ. Aspice Domine quia, p. 568

IN II. NOCTURNO.

Ex libro sancti Augustini Episcopi de Civitate Dei.

Lectio iv.

Lit. 18. c. 38.

**O**SEE Propheta, quanto profundius quidem loquitur, tanto ope-

rosius penetratur. Sed aliquid inde sumendum est, et hic ex nostra promissione ponendum. Et erit, inquit, in loco, in quo dictum est eis, Non populus meus vos: vocabuntur et ipsi filii Dei vivi. Hoc testimonium propheticum de vocatione populi Gentium, qui prius non pertinebat ad Deum, etiam Apostoli intellexerunt.

ñ. Super muros tuos, p. 568.

Lectio v.

**ET** quia ipse quoque populus Gentium spiritualiter est in filiis Abraham, ac per hoc recte dicitur Israel, propterea sequitur, et dicit: Et congregabuntur filii Juda, et filii Israel in idipsum, et ponent sibi principatum unum, et ascendent a terra. Hoc si adhuc velimus exponere, eloquii prophetici obtundetur sapor. Reclatur tamen lapis ille angularis, et duo illi parietes, unus ex Judæis, alter ex Gentibus: ille nomine filiorum Juda, iste nomine filiorum Israel: eidem uni principatui suo in idipsum innitentes, et ascendent agnoscantur in terra.

ñ. Muro tuo, p. 569.

Lectio vj.

**I**STOS autem carnales Israelitas, qui nunc nolunt credere in Christum, postea credituros, id est, filios eorum, (nam utique isti in suum locum moriendo transibunt) idem Propheta testatur, dicens: Quoniam diebus multis sedebunt filii Israel sine rege, sine principe, sine sacrificio, sine altari, sine sacerdotio, sine manifestationibus. Quis non videat nunc sic esse Judæos?

ñ. Sustinuimus pacem, p. 569.

In III. Noct. ñ. vij. et viij. ut ibid.

**FERIA SECUNDA.**

De Osee Propheta.

Lectio j. Cap. 4.

**A**UDITE verbum Domini, filii Israel, quia judicium Domino cum habitatoribus terræ: non est enim veritas, et non est misericordia,

et non est scientia Dei in terra. Maledictum, et mendacium, et homicidium, et furtum, et adulterium innudaverunt, et sanguis sanguinem tetigit. Propter hoc lugebit terra, et infirmabitur omnis qui habitat in ea, in bestia agri, et in volucre cœli: sed et pisces maris congregabuntur.

q. Redemit populum, p. 569.

*Lectio ij.*

**VERUNTAMEN** unusquisque non iudicet, et non arguatur vir: populus enim tuus, sicut hi qui contradicunt sacerdoti. Et corrues hodie, et corruet etiam propheta tecum; nocte tacere feci matrem tuam. Conticuit populus meus, eo quod non habuerit scientiam: quia tu scientiam repulisti, repellam te, ne sacerdotio fungaris mihi: et oblita es legis Dei tui, obliviscar filiorum tuorum et ego.

q. Angustiae mihi sunt, p. 570.

*Lectio iij.*

**SECUNDUM** multitudinem eorum sic peccaverunt mihi: gloriam eorum in ignominiam commutabo. Peccata populi mei comedent, et ad iniquitatem eorum sublevabunt animas eorum. Et erit sicut populus, sic sacerdos, et visitabo super eum vias ejus, et cogitationes ejus reddam ei. Et comedent, et non saturabuntur; fornicati sunt, et non cessaverunt, quoniam Dominum dereliquerunt in non custodiendo.

q. Misit Dominus, p. 570.

### FERIA TERTIA.

Incipit Joel Propheta.

*Lectio j. Cap. I.*

**VERBUM** Domini quod factum est ad Joel filium Phatuel. Audite hoc, senes, et auribus percipite, omnes habitatores terræ: si factum est istud in diebus vestris, aut in diebus patrum vestrorum? Super hoc filiis vestris narrate, et filii vestri filiis suis, et filii eorum generationi alteri. Residuum cruce comedit lo-

custa, et residuum locustæ comedit bruchus, et residuum bruchi comedit rubigo.

q. A facie furoris, p. 570.

*Lectio ij.*

**EXPERGISCIMINI**, ebrii, et flete, et ululate, omnes qui bibitis vinum in dulcedine, quoniam periit ab ore vestro. Gens enim ascendit super terram meam, fortis et innumerabilis: dentes ejus ut dentes leonis, et molares ejus ut catulileonis. Posuit vineam meam in desertum, et ficum meam decorticavit nudans. spoliavit eam, et projecit: albi facti sunt rami ejus.

q. Civitatem istam, p. 570.

*Lectio iij.*

**PLANGE** quasi virgo accincta sacco super virum pubertatis suæ. Periit sacrificium et libatio de Thoro Domini; luxerunt sacerdotes ministri Domini. Depopulata est regio, lixit humus: quoniam devastatum est triticum, confusum est vinum, elanguit oleum. Confusi sunt agricolæ, ululaverunt vinitores super frumento et hordeo, quia periit messis agri.

q. Genti peccatrici, p. 570.

### FERIA QUARTA.

De Joele Propheta.

*Lectio j. Cap. 3.*

**IN** diebus illis, et in tempore illo, cum convertero captivitatem Judæ et Jerusalem, congregabo omnes gentes, et deducam eas in vallem Josaphat, et disceptabo cum eis ibi super populo meo, et hæreditate mea Israel, quos disperserunt in nationibus, et terram meam diviserunt. Et super populum meum miserunt sortem, et posuerunt puerum in prostibulo, et puellam vendiderunt pro vino ut biberent.

q. Indicabo tibi, p. 570.

*Lectio ij.*

**VERUM** quid mihi et vobis, Tyrus et Sidon, et omnis terminus Pa-

læstinorum? Numquid ultionem vos reddetis mihi? et si ulciscimini vos contra me, cito velociter reddam vicissitudinem vobis super caput vestrum. Argentum enim meum et aurum tulistis, et desiderabilia mea et pulcherrima intulistis in delubra vestra. Et filios Juda, et filios Jerusalem vendidistis filiis Græcorum, ut longe faceretis eos de finibus suis. Ecce ego suscitabo eos de loco, in quo vendidistis eos, et convertam retributionem vestram in caput vestrum.

¶. Augustiæ mihi sunt, p. 370.

*Lectio iij.*

**E**t vendam filios vestros et filias vestras in manibus filiorum Juda, et venundabunt eos Sabæis genti longinquæ, quia Dominus locutus est. Clamate hoc in gentibus, sanctificate bellum, suscite robustos: accedant, ascendant omnes viri bellatores. Concidite aratra vestra in gladios, et ligones vestros in lanceas. Infirmus dicat: Quia fortis ego sum. Erumpite, et venite, omnes gentes de circuitu, et congregamini: ibi occumbere faciet Dominus robustos tuos. Consurgant, et ascendant gentes in vallem Josaphat: quia ibi sedebo, ut judicem omnes gentes in circuitu.

¶. Misit Dominus, p. 370.

### FERIA QUINTA.

Incipit Amos Propheta.

*Lectio j. Cap. I.*

**V**ERBA Amos, qui fuit in pastoribus de Thecne, quæ vidit super Israel in diebus Oziæ regis Juda, et in diebus Jeroboam filii Joas regis Israel, ante duos annos terræmotus. Et dixit: Dominus de Sion rugiet, et de Jerusalem dabit vocem suam: et luxerunt speciosa pastorum, et exsiccatus est vertex Carmeli.

¶. Vidi Dominum, p. 368.

*Lectio ij.*

**H**ÆC dicit Dominus: Super tribus sceleribus Damasci, et super quatuor non convertam eum, eo quod trituraverint in plaustris ferreis Galaad.

Et mittam ignem in domum Azael, et devorabit domos Benadad. Et conteram vectem Damasci, et disperdam habitatorem de campo idoli, et tenentem sceptrum de domo voluptatis; et transferetur populus Syriæ Cyrenen, dicit Dominus.

¶. Aspice Domine de, p. 368.

*Lectio iij.*

**H**ÆC dicit Dominus: Super tribus sceleribus Gazæ, et super quatuor non convertam eum, eo quod transtulerint captivitatem perfectam, ut concluderent eam in Idumæa. Et mittam ignem in murum Gazæ, et devorabit ædes ejus. Et disperdam habitatorem de Azoto, et tenentem sceptrum de Ascalone: et convertam manum meam super Accaron, et peribunt reliqui Philistinorum, dicit Dominus Deus.

¶. Aspice Domine quia, p. 368.

### FERIA SEXTA.

Incipit Abdias Propheta.

*Lectio j.*

*Cap. I.*

**V**ISIO Abdias. Hæc dicit Dominus Deus ad Edom: Auditum audivimus a Domino, et legatum ad gentes misit. Surgite, et consurgamus adversus eum in prælium. Ecce parvulum dedi te in gentibus: contemptibilis tu es valde. Superbia cordis tui extulit te, habitantem in scissuris petrarum, exaltantem solium tuum; qui dicis in corde tuo: Quis detrahet me in terram? Si exaltatus fueris ut aquila, et si inter sidera posueris nidum tuum, inde detraham te dicit Dominus.

¶. Super muros tuos, p. 368.

*Lectio ij.*

**S**i fures introissent ad te, si latrones per noctem, quomodo contuissess? Nonne furati essent sufficientia sibi? Si vindemiatores introissent ad te, numquid saltem racemum reliquissent tibi? Quomodo scrutati sunt Esau, investigaverunt abscondita ejus? Usque ad terminum emiserunt te; omnes viri foederis tui illuserunt tibi; in-



valuerunt adversum te viri pacis tuæ : qui comedunt tecum , ponent insidias subter te : non est prudentia in eo .

q̄. Muro tuo , p. 369.

*Lectio iij.*

**N**UMQUID non in die illa , dicit Dominus , perdam sapientes de Idumæa , et prudentiam de monte Esau ? Et timebunt fortes tui a Meridie ut intereat vir de monte Esau. Propter interfectionem , et propter iniquitatem in fratrem tuum Jacob , operiet te confusio , et peribis in æternum. In die cum starcs adversus eum , quando capiebant alieni exercitum ejus , et extranei ingrediebantur portas ejus , et super Jerusalem mittebant sortem : tu quoque eras quasi unus ex eis.

q̄. Sustinuimus pacem , p. 369.

### SABBATO.

Incipit Jonas Propheta.

*Lectio j. Cap. I.*

**E**T factum est verbum Domini ad Jonam filium Amathi , dicens : Surge , et vade in Niniven civitatem grandem , et prædica in ea , quia ascendit malitia ejus coram me. Et surrexit Jonas , ut fugeret in Tharsis a facie Domini , et descendit in Joppen , et invenit navem euntem in Tharsis , et dedit naulum ejus , et descendit in eam , ut iret cum eis in Tharsis a facie Domini. Dominus autem misit ventum magnum in mare , et facta est tempestas magna in mari , et navis periclitatebatur conteri.

q̄. Laudabilis populus , p. 369.

*Lectio ij.*

**E**T timuerunt nautæ , et clamaverunt viri ad Deum suum , et miserunt vasa , quæ erant in navi , in mare , ut alleviaretur ab eis. Et Jonas descendit ad interiora navis , et dormiebat sopore gravi. Et accessit ad eum gubernator , et dixit ei : Quid tu sopore deprimeris ? Surge , invoca Deum tuum , si forte recogitet Deus de nobis , et non pereamus. Et dixit vir ad collegam suum : Venite , et mittamus

sortes , et sciamus quare hoc malum sit nobis. Et miserunt sortes , et cecidit sors super Jonam.

q̄. Augustiæ mihi sunt , p. 370.

*Lectio iij.*

**E**T dixerunt ad eum : Indica nobis cujus causa malum istud sit nobis ; quod est opus tuum ? quæ terra tua , et quo vadis ? vel ex quo populo es tu ? Et dixit ad eos : Hebræus ego sum : et Dominum Deum cæli ego timeo , qui fecit mare et aridam. Et timuerunt viri timore magno , et dixerunt ad eum : Quid hoc fecisti ? Cognoverunt enim viri quod a facie Domini fugeret , quia indicaverat eis. Et dixerunt ad eum : Quid faciemus tibi , et cessabit mare a nobis ? quia mare ibat et intumescibat. Et dixit ad eos : Tollite me , et mittite in mare , et cessabit mare a vobis : scio enim ego quoniam propter me tempestas hæc grandis venit super vos.

q̄. Misit Dominus , p. 370.

### SABBATO

*Ante Dom. V. Novembris.*

*Ad Magnif. Ant. Super muros tuos Jerusalem , constitui custodes : tota die et nocte non tacebunt laudare nomen Domini.*

### DOM. V. NOVEMBRIS.

IN I. NOCTURNO.

Incipit Michæas Propheta.

*Lectio j. Cap. i.*

**V**ERBUM Domini quod factum est ad Michæam Morasthiten in diebus Joathan , Achaz , et Ezechie , regum Juda ; quod vidit super Samariam et Jerusalem. Audite , populi omnes , et attendat terra et plenitudo ejus ; et sit Dominus Deus vobis in testem , Dominus de templo sancto suo. Quia ecce Dominus egredietur de loco suo , et descendet , et calcabit super excelsa terræ.

q̄. Vidi Dominum , p. 368.

*Lectio ij.*

**E**T consummentur montes subtus eum , et valles scindentur sicut

cera a facie ignis, et sicut aquæ quæ decurrunt in præceps. In scelere Jacob omne istud, et in peccatis domus Israel. Quod scelus Jacob? nonne Samaria? et quæ excelsa Judæ? nonne Jerusalem? Et ponam Samariam quasi acervum lapidum in agro, cum plantatur vinea, et detrahā in vallem lapides ejus, et fundamenta ejus revelabo.

¶. *Aspice Domine de, p. 568.*

*Lectio iiij.*

**E**T omnia sculptilia ejus concidentur, et omnes mercedes ejus comburentur igne, et omnia idola ejus ponam in perditionem, quia de mercedibus meretricis congregata sunt, et usque ad mercedem meretricis revertentur. Super hoc plangam, et ululabo: vadami spoliatus et nudus: faciam planctum velut draconum, et luctum quasi struthionum, quia desperata est plaga ejus quia venit usque ad Judam, tetigit portam populi mei usque ad Jerusalem.

¶. *Aspice Domine quia, p. 568.*

IN II. NOCTURNO.

De sermone S. Basilii Magni in psalmum trigesimum tertium.

*Lectio iv.*

**C**UM te appetitus invaserit peccandi, velim cogites horribile illud et intolerabile Christi tribunal, in quo præsidebit iudex in alto et excelso throno: astabit autem omnis creatura ad gloriosum illius conspectum contremiscens. Adducendi etiam nos sumus singuli, eorum quæ in vita gesserimus, rationem redditori. Mox illis qui multa mala in vita perpetrarint, terribiles quidam et deformes assistant Angeli, igneos vultus præ se ferentes, atque ignem spirantes, ea re propositi et voluntatis acerbilitatem ostondentes, nocti vultu similes, propter moerorem et odium in humanum genus.

¶. *Super muros tuos, p. 568.*

*Lectio v.*

**A**D hæc cogites profundum barathrum, inextricabiles tenebras,

ignem carentem splendore: urendi quidem vim habentem, sed privatum lumine; deinde vermium genus venenum immittens, et carnem vorans, inexplebiliter edens, neque unquam saturitatem sentiens, intollerabiles dolores corrosione ipsa infigens: postremo, quod suppliciorum omnium gravissimum est, opprobrium illud et confusionem sempiternam. Hæc time, et hoc timore correptus, animam a peccatorum concupiscentia tanquam fræno quodam reprime.

¶. *Muro tuo, p. 569.*

*Lectio vj.*

**N**UNC timorem Domini se doceturum Propheta promisit: docere autem non simpliciter promisit, sed eos qui eum audire voluerint: non eos qui longius prolapsi sunt, sed qui salutem appetentes accurrunt: non alienos a promissionibus, sed ex baptismo filiorum adoptionis, verbo ipsi conciliatos atque conjunctos. Propterea, Venite, inquit hoc est, per bona opera accedite ad me, filii, quippe qui per regenerationem filii lucis effici digni facti estis: audite, qui aures cordis habetis apertas, timorem Domini docebo vos: illum scilicet, quem paulo ante oratione nostra descripsimus.

¶. *Sustinuimus pacem, p. 569.*

*In III. Noct. ¶. vij. et viij. ut ibid.*

## FERIA SECUNDA

Incipit Nahum Propheta.

*Lectio j.*

Cap. i.

**O**NUS Ninive: Liber visionis Nahum Elcesæi. Deus æmulator, et ulciscens Dominus: ulciscens Dominus, et habens furorem; ulciscens Dominus in hostes suos, et irascens ipse inimicis suis. Dominus patiens, et magnus fortitudinis, et mundans non faciet innocentem. Dominus in tempestate et turbine viæ ejus, et nebulae pulvis pedum ejus. lucrepans mare, et exsiccans illud, et omnia flumina ad desertum deducens.

q. Redemit populum, p. 369.

*Lectio ij.*

**I**NFIRMATUS est Basan, et Carmelus, et flos Libani elanguit. Montes commoti sunt ab eo, et colles desolati sunt, et contremuit terra a facie ejus, et orbis, et omnes habitantes in eo. Ante faciem indignationis ejus quis stabit? et quis resistet in ira furoris ejus? Indignatio ejus effusa est ut ignis, et petrae dissolutae sunt ab eo.

q. Angustiae mihi sunt, p. 370.

*Lectio iij.*

**B**ONUS Dominus, et confortans in die tribulationis, et sciens sperantes in se. Et in diluvio praetercunte consummationem faciet loci ejus, et inimicos ejus persequentur tenebrae. Quid cogitatis contra Dominum? Consummationem ipse faciet: non consurget duplex tribulatio. Quia sicut spinæ se invicem complectuntur sic convivium eorum pariter potantium: consumentur quasi stipula ariditate plena.

q. Misit Dominus, p. 370.

### FERIA TERTIA.

Incipit Habacuc Propheta.

*Lectio j. Cap. i.*

**O**NUS quod vidit Habacuc Propheta. Usquequo, Domine, clamabo, et non exaudies? vociferabor ad te vim patiens, et non salvabis? Quare ostendisti mihi iniquitatem et laborem, videre praedam et injustitiam contra me? Et factum est iudicium, et contradictio potentior. Propter hoc lacerata est lex, et non pervenit usque ad finem iudicium: quia impius praevalet adversus justum, propterea egreditur iudicium perversum.

q. A facie furoris, p. 370.

*Lectio ij.*

**A**SPICITE in gentibus, et videte: admiramini, et obstupescite: quia opus factum est in diebus vestris, quod nemo credet cum

narrabitur. Quia ecce ego suscitabo Chaldaeos, gentem amaram et velocem, ambulantem super latitudinem terrae, ut possideat tabernacula non sua. Horribilis et terribilis est, ex semetipsa iudicium, et onus ejus egredietur.

q. Civitatem istam, p. 370.

*Lectio iij.*

**L**EVIORES pardis equi ejus, et velociores lupis vespertinis, et diffundentur equites ejus: equites namque ejus de longe venient, volabunt quasi aquila festinans ad comedendum. Omnes ad praedam venient; facies eorum ventus urens: et congregabit quasi arenam, captivitatem. Et ipse de regibus triumphabit, et tyranni ridiculi ejus erunt: ipse super omnem munitionem ridebit; et comportabit aggerem, et capiet eam.

q. Genti peccatrici, p. 370.

### FERIA QUARTA.

Incipit Sophonias Propheta.

*Lectio j. Cap. i.*

**V**ERRUM Domini quod factum est ad Sophoniam filium Chusi, filii Godoliae, filii Amariae, filii Ezechie, in diebus Josiae filii Amon regis Judae. Congregans congregabo omnia a facie terrae, dicit Dominus; congregans hominem et pecus: congregans volatilia caeli, et pisces maris: et ruinæ impiorum erunt: et disperdam homines a facie terrae, dicit Dominus.

q. Indicabo tibi, p. 370.

*Lectio ij.*

**E**T extendam manum meam super Judam, et super omnes habitantes Jerusalem, et disperdam de loco hoc reliquias Baal, et nomina ædituorum cum sacerdotibus, et eos qui adorant super tecta militiam caeli, et adorant et jurant in Domino, et jurant in Melchom. Et qui avertuntur de post tergum Domini,



et qui non quæsierunt Dominum : nec investigaverunt eum.

q̄. Angustiae mihi sunt, p. 570.

*Lectio iij.*

**S**ILETE a facie Domini Dei, quia juxta est dies Domini; quia præparavit Dominus hostiam, sanctificavit vocatos suos. Et erit: in die hostiae Domini, visitabo super principes, et super filios regis, et super omnes qui induti sunt veste peregrina: et visitabo super omnem, qui arroganter ingradietur super limen in die illa: qui complent domum Domini Dei sui iniquitate et dolo.

q̄. Misit Dominus, p. 570.

### FERIA QUINTA.

Incipit Aggæus Propheta.

*Lectio j. Cap. 4.*

**I**N anno secundo Darii regis, in mense sexto, in die una mensis, factum est verbum Domini in manu Aggæi Prophetæ, ad Zorobabel filium Salathiel, ducem Juda, et ad Jesum filium Josedei, sacerdotem magnum, dicens: Hæc ait Dominus exercituum, dicens: Populus iste dicit: Nondum venit tempus domus Domini ædificandæ.

q̄. Vidi Dominum, p. 568.

*Lectio iij.*

**E**T factum est verbum Domini in manu Aggæi Prophetæ, dicens: Numquid tempus vobis est, ut habitetis in domibus laqueatis, et domus ista deserta? Et nunc hæc dicit Dominus exercituum: Ponite corda vestra super vias vestras. Seminastis multum, et intulistis parum: comedistis, et non estis satiati: bibistis et non estis inebriati: operuistis vos, et non estis calefacti: et qui mercedes congregavit, misit eas in sacculum pertusum.

q̄. Aspice Domine de, p. 568.

*Lectio iij.*

**H**ÆC dicit Dominus exercituum: Ponite corda vestra super vias vestras: ascendite in montem, por-

tate ligna, et ædificate domum: et acceptabilis mihi erit, et glorificabor, dicit Dominus. Respexistis ad amplius, et ecce factum est minus: et intulistis in domum, et exsufflavi illud: quam ob causam, dicit Dominus exercituum? quia domus mea deserta est, et vos festinatis unusquisque in domum suam. Propter hoc super vos prohibiti sunt cœli ne darent rorem, et terra prohibita est ne daret germen suum.

q̄. Aspice Domine quia, p. 568.

### FERIA SEXTA.

Incipit Zacharias Propheta.

*Lectio j. Cap. I.*

**I**N mense octavo; in anno secundo Darii regis, factum est verbum Domini ad Zachariam filium Barachiae, filii Addo, Prophetam, dicens: Iratus est Dominus super patres vestros iracundia. Et dices ad eos: Hæc dicit Dominus exercituum: Convertimini ad me, ait Dominus exercituum, et convertar ad vos, dicit Dominus exercituum.

q̄. Super muros tuos, p. 568.

*Lectio iij.*

**N**E sitis sicut patres vestri, ad quos clamabant Prophetæ priores, dicentes: Hæc dicit Dominus exercituum: Convertimini de viis vestris malis, et de cogitationibus vestris pessimis: et non audierunt, neque attenderunt ad me, dicit Dominus. Patres vestri ubi sunt? et Prophetæ numquid in sempiternum vivent?

q̄. Muro tuo, p. 569.

*Lectio iij.*

**V**ERUNTAMEN verba mea, et legitima mea, quæ mandavi servis meis Prophetis, numquid non comprehenderunt patres vestros, et conversi sunt, et dixerunt: Sicut cogitavit Dominus exercituum facere nobis secundum vias nostras, et secundum adinventiones nostras fecit nobis.

q̄. Sustinuimus pacem, p. 569.

**SABBATO.**

Incipit Malachias Propheta.

*Lectio j. Cap. I.*

**O**NUS verbi Domini ad Israel in manu Malachiae. Dilexi vos, dicit Dominus, et dixistis: In quo dilexisti nos? Nonne frater erat Esau Jacob, dicit Dominus, et dilexi Jacob, Esau autem odio habui? et posui montes ejus in solitudinem, et hereditatem ejus in dracones deserti. Quod si dixerit Idumaea: Destructi sumus, sed revertentes edificabimus quae destructa sunt, haec dicit Dominus exercituum: Isti edificabunt, et ego destruam; et vocabuntur termini impietatis, et populus cui iratus est Dominus usque in aeternum.

ñ. Laudabilis populus, p. 369.

*Lectio ij.*

**E**T oculi vestri videbunt, et vos dicetis: Magnificetur Dominus super terminum Israel. Filius honorat patrem, et servus Dominum suum; si ergo Pater ego sum, ubi est honor meus? et si Dominus ego sum, ubi est timor meus? dicit Dominus exercituum. Ad vos, o sacerdotes, qui despicitis nomen meum, et dixistis: in quo despeximus nomen tuum? offertis super altare meum pa-

nem pollutum, et dicitis: In quo polluimus te? In eo quod dicitis, Mensa Domini despecta est.

ñ. Angustiae mihi sunt, p. 370.

*Lectio iij.*

**S**i offeratis caecum ad immolandum, nonne malum est? et si offeratis claudum et languidum, nonne malum est? Offer illud duci tuo, si placuerit ei, aut si susceperit faciem tuam, dicit Dominus exercituum. Et nunc deprecamini vultum Dei, ut misereatur vestri, de manu enim vestra factum est hoc, si quo modo suscipiat facies vestras, dicit Dominus exercituum. Quis est in vobis qui claudat ostia, et incendat altare meum gratuito? Non est mihi voluntas in vobis, dicit Dominus exercituum, et munus non suscipiam de manu vestra. Ab ortu enim solis usque ad occasum, magnum est nomen meum in Gentibus, et in omni loco sacrificatur, et offertur nomini meo oblatio munda, quia magnum est nomen meum in Gentibus, dicit Dominus exercituum.

ñ. Misit Dominus, p. 370.

*Ad Vesp. Ant. cum Psalmis de Psalt., p. 97. Capit. Hymnus, γ. Ant. ad Magnificat, et Oratio, ut in Sabb. ante Dom. I. Adventus.*



## HOMILIAE ET ORATIONES IN DOMINICIS

### PER ORDINEM DISPOSITAE

*A tertia post Pentecosten usque ad Adventum.*

#### DOM. III. POST. PENT.

*Oratio.*

**PROTECTOR** in te sperantium Deus, sine quo nihil est validum, nihil sanctum, multiplica super nos misericordiam tuam, ut te rectore, te duce, sic trauseamus per bona temporalia, ut non amittamus æterna. Per.

Lectio sancti Evangelii secundum  
Lucam.

*Lectio vij. Cap. 15.*

**I**N illo tempore: Erant appropinquantes ad Jesum publicani et peccatores, ut audirent illum. Et reliqua.

Homilia sancti Gregorii Papæ.

*Homilia 34. in Evangelia.*

**A**UDISTIS in lectione Evangelica, fratres mei, quia peccatores et publicani accesserunt ad Redemptorem nostrum, et non solum ad colloquendum, sed etiam ad convescendum recepti sunt. Quod videntes Pharisei dedignati sunt. Ex qua re colligitur quia vera justitia compassionem habet, falsa justitia dedignationem, quamvis et justi soleant recte peccatoribus dedignari. Sed aliud est quod agitur typho superbiæ, aliud quod zelo disciplinæ.

*Lectio viij.*

**D**EDIGNANTUR etenim, sed non dedignantes: desperant, sed non desperantes: persecutionem commovent, sed amantes: quia etsi foris increpationes per disciplinam exaggerant, intus tamen dulcedinem per charitatem servant. Præponunt sibi in animo ipsos plerumque quos corri-

gunt, meliores existimant eos quoque quos judicant. Quod videlicet agentes, et per disciplinam subditos, et per humilitatem custodiunt semetipsos.

*Lectio ix.*

**A**T contra hi qui de falsa justitia superbire solent, cæteros quosque despiciunt, nulla infirmantibus misericordia condescendunt; quo se peccatores esse non credunt, eo deterius peccatores fiunt. De quorum profecto numero Pharisei extiterant, qui dijudicantes Dominum quod peccatores susciperet, amenti corde ipsum fontem misericordiæ reprehendebant. Sed quia ægri erant, ita ut ægros se esse nescirent, quatenus quod erant agnoscerent, cælestis eos medicus blandis fomentis curat, benignum paradigma objicit, et in eorum corde vulneris tumorem premit.

*Ad Bened. Ant.* Quis ex vobis homo, qui habet centum oves, et si perdiderit unam ex illis, nonne dimittit nonaginta novem in deserto, et vadit ad illam quæ perierat, donec inveniat eam? alleluia.

*Ad. Magnif. Ant.* Quæ mulier habens drachmas decem, et si perdiderit drachmam unam, nonne accendit lucernam, et everrit domum, et quærit diligenter donec inveniat?

#### DOM. IV. POST PENT.

*Oratio.*

**D**A nobis, quæsumus, Domine, ut et mundi cursus pacifice nobis tuo ordine dirigatur, et Ecclesia tua tranquilla devotione lætetur. Per Dominum.

Lectio sancti Evangelii secundum  
Lucam.



*Lectio vij.*

Cap. 5.

**I**n illo tempore : Cum turbæ irruerent in Jesum , ut audirent verbum Dei , et ipse stabat secus stagnum Genesareth. Et reliqua.

Homilia S. Ambrosii Episcopi.

*Lib. 4. in Luc. cap. 5.*

**U**bi Dominus multis impartivit varia genera sanitatum , nec tempore , nec loco potuit ab studio sanandi turba cohiberi. Vesper incubuit , sequebantur : stagnum occurrit . urgebant : et ideo ascendit in Petri navim. Hæc est illa navis , quæ adhuc secundum Matthæum fluctuat , secundum Lucam repletur piscibus , ut et principia Ecclesiæ fluctuantis , et posteriora exuberantis agnoscas. Pisces enim sunt , qui hanc enavigant vitam : ibi adhuc discipulis Christus dormit , hic præcipit : dormit enim tepidis , perfectis vigilat.

*Lectio viij.*

**N**on turbatur hæc navis , in qua prudentia navigat , abest perfidia , fides aspirat. Quemadmodum enim turbari poterat , cui præerat is , in quo Ecclesiæ firmamentum est ? Illic ergo turbatio , ubi modica fides : hic securitas , ubi perfecta dilectio. Et si aliis imperatur ut laxent retia sua , soli tamen Petro dicitur : Duc in altum ; hoc est , in profundum disputationum. Quid enim tam altum , quam altitudinem divitiarum videre , scire Dei Filium , et professionem divinæ generationis assumere ? Quam licet mens non queat humana plene rationis investigatione comprehendere , fidei tamen plenitudo complectitur.

*Lectio ix.*

**N**am etsi non licet mihi scire quemadmodum natus sit , non licet tamen nescire quod natus sit. Seriem generationis ignoro , sed auctorem generationis agnosco. Non interfuimus cum ex Patre Dei Filius nasceretur , sed interfuimus cum a Patre Dei Filius diceretur. Si Deo non credimus , cui credemus ? Omnia enim quæ cre-

dimus , vel visu credimus vel auditu. Visus sæpe fallitur , auditus in fide est.

*Ad Bened. Ant.* Ascendens Jesus in navim , et sedens docebat turbas , alleluia.

*Ad Magnif. Ant.* Præceptor , per totam noctem laborantes nihil cepimus ; in verbo autem tuo laxabo rete.

**DOM. V. POST. PENT.***Oratio.*

**D**EUS , qui diligentibus te bona invisibilia præparasti , infunde cordibus nostris tui amoris affectum , ut te in omnibus et super omnia diligentes , promissiones tuas , quæ omne desiderium superant , consequamur. Per Dominum.

Lectio sancti Evangelii secundum Matthæum.

*Lectio vij.*

Cap. 5.

**I**n illo tempore : Dixit Jesus discipulis suis : Nisi abundaverit justitia vestra plus quam Scribarum et Phariseorum , non intrabitis in regnum cælorum. Et reliqua.

Homilia S. Augustini Episcopi.

*Lib. I. de Serm. Domini in monte , cap. 9.*

**J**USTITIA Phariseorum est , ut non occidant : justitia eorum qui intraturi sunt in regnum cælorum , ut non irascantur sine causa. Minimum est ergo , non occidere ; et qui illud solverit , minimus vocabitur in regno cælorum. Qui autem illud impleverit , ut non occidat , non continuo magnus erit ; et idoneus regno cælorum ; sed tamen ascendit aliquem gradum ; perficietur autem , si nec irascatur sine causa : quod si perfecterit , multo remotior erit ab homicidio. Quapropter qui docet ut non irascamur , non solvit legem ne occidamus , sed implet potius : ut et foris dum non occidimus , et in corde dum non irascimur , innocentiam custodiamus.

*Lectio viij.*

**GRADUS** itaque sunt in istis peccatis: ut primo quisque irascatur, et eum motum retineat corde conceptum. Jam si extorserit vocem indignantis ipsa commotio, non significantem aliquid, sed illum animi motum ipsa eruptione testantem, qua feriatur ille, cui irascitur: plus est utique, quam si surgens ira silentio premeretur. Si vero non solum vox indignantis audiat, sed etiam verbum, quo jam certam ejus vituperationem, in quem profertur, designet et notet: quis dubitet amplius hoc esse, quam si solus indignationis sonus ederetur?

*Lectio ix.*

**VIDE** nunc etiam tres reatus, iudicii, concilii, et gehennæ ignis. Nam in iudicio, adhuc defensionis datur locus. In concilio autem, quamquam et iudicium esse soleat, tamen quia interesse aliquid hoc loco fateri cogit ipsa distinctio, videtur ad concilium pertinere sententiæ prolatio, quando non jam cum ipso reo agitur utrum damnandus sit, sed inter se, qui iudicant, conferunt quo supplicio damnari oporteat, quem constat esse damnandum. Gehenna vero ignis nec damnationem habet dubiam, sicut iudicium; nec damnati poenam, sicut concilium: in gehennæ quippe ignis, certa est damnatio, et poena damnati.

*Ad Bened. Ant.* Audistis quia dictum est antiquis: Non occides; qui autem occiderit, reus erit iudicio.

*Ad Magnif. Ant.* Si offers munus tuum ad altare, et recordatus fueris quia frater tuus habet aliquid adversus te, relinque ibi munus tuum ante altare, et vade prius reconciliari fratri tuo: et tunc veniens offeres munus tuum, alleluia.

**DOM. VI. POST PENT.***Oratio.*

**DEUS** virtutum, cujus est totum quod est optimum, inserte pe-

ctoribus nostris amorem tui nominis, et præsta in nobis religionis augmentum, ut quæ sunt bona, nutrias, ac pietatis studio, quæ sunt nutrita, custodias. Per Dominum.

**Lectio sancti Evangelii secundum Marcum.***Lectio vij. Cap. 8.*

**IN** illo tempore: Cum turba multa esset cum Jesu, nec haberent quod manducarent, convocatis discipulis, ait illis: Misereor super turbam, quia ecce jam triduo sustinent me, nec habent quod manducent. Et reliqua.

**Homilia S. Ambrosii Episcopi.***Lib. 6. in Luc. c. 9.*

**POSTEAQUAM** illa, quæ Ecclesiæ typum accepit, a fluxu curata est sanguinis, posteaquam Apostoli ad evangelizandum regnum Dei sunt destinati, gratiæ cœlestis impartitur alimentum. Sed quibus impartitur, adverte: non otiosis, non in civitate, quasi in synagoga, vel sæculari dignitate residentibus, sed inter deserta quærentibus Christum. Qui enim non fastidiunt, ipsi excipiuntur a Christo, et cum ipsis loquitur Dei Verbum, non de sæcularibus, sed de regno Dei. Et si qui corporalis gerunt ulcera passionis, his medicinam suam libenter indulget.

*Lectio viij.*

**CONSEQUENS** igitur erat, ut quos a vulnere dolore sanaverat, eos alimoniis spiritalibus a jejuniis liberaret. Itaque nemo cibum accipit Christi, nisi fuerit ante sanatus, et illi qui vocantur ad cœnam, prius vocando sanantur. Si claudus fuit, gradiendi facultatem, ut veniret, accepit: si lumine oculorum privatus, domum utique Domini, nisi refusa luce, intrare non potuit.

*Lectio ix.*

**UBIQUE** igitur mysterii ordo servatur, ut prius per remissionem peccatorum vulneribus medicina tribuatur, post alimonia mensæ cœlestis exuberet: quamquam nondum validio-

ribus hæc turba reficiatur alimentis, neque Christi corpore et sanguine jejuna solidioris fidei corda pascantur. Lacte, inquit, vos potavi, non esca: nondum enim poteratis, sed nec adhuc quidem potestis. In modum lactis quinque sunt panes: esca autem solidior, corpus est Christi; potus vehementior, sanguis est Domini.

*Ad Bened. Ant.* Cum turba multa esset cum Jesu, nec haberent quod manducarent, convocatis discipulis, ait illis: Misereor super turbam, quia ecce jam triduo sustinent me, nec habent quod manducant, alleluia.

*Ad Magnif. Ant.* Misereor super turbam, quia ecce jam triduo sustinent me, nec habent quod manducant; et si dimisero eos jejunos, deficient in via, alleluia.

#### DOM. VII. POST PENT.

##### Oratio.

**D**EUS, cujus providentia in sui dispositione non fallitur, te supplices exoramus, ut noxia cuncta submoveas, et omnia nobis profutura concedas. Per Dominum.

Lectio sancti Evangelii secundum Matthæum.

Lectio vij.

Cap. 7.

**I**N illo tempore: Dixit Jesus discipulis suis: Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces. Et reliqua.

Homilia S. Hilarii Episcopi.

. In Comment. in Matth. cap. 6.

**B**LANDIMENTA verborum, et mansuetudinis simulationem admonet fructu operationis expendi oportere, ut non qualem quis verbis referat, sed qualem se rebus efficiat spectemus; quia in multis vestitu ovium rabies lupina contegitur. Ergo ut spinæ uvas, ut tribuli ficus non generant, et ut iniquæ arbores utilia poma non afferunt: ita ne in istis quidem consistere docet boni operis effectum, et idcirco omnes cognoscen-

dos esse de fructibus. Regnum enim cælorum sola verborum officia non obtinent; neque qui dixerit, Domine, Domine, hæres illius erit.

Lectio viij.

**Q**UID enim meriti est Domino dicere, Domine? Numquid Dominus non erit, nisi fuerit dictus a nobis? Et quæ officii sanctitas est, nominis nuncupatio, cum cælestis regni iter obedientia potius voluntatis Dei, non nuncupatio, repertura sit? Multi mihi dicent in illa die: Domine, Domine, nonne in tuo nomine prophetavimus? Etiam nunc pseudo-prophetarum fraudulentiam, et hypocritarum simulamenta condemnat, qui gloriâ sibi ex verbi virtute præsumunt, in doctrinæ prophetia, et dæmoniorum fuga, et istiusmodi operum virtutibus.

Lectio ix.

**A**TQUE hinc sibi regnum cælorum pollicentur; quasi vero eorum aliquid proprium sit, quæ loquantur aut faciant, et non omnia virtus Dei invocata perficiat; cum doctrinæ scientiam lectio afferat, dæmonia Christi nomen exagitet. De nostro igitur est beata illa æternitas promerenda, præstandumque est aliquid ex proprio, ut bonum velimus, malum omne vitemus, totoque affectu præceptis cælestibus obtemperemus, ac talibus officiis cogniti Deo simus; agamusque potius quod vult, quam quod potest, gloriemur, repudiâs eos ac repellens, quos a cognitione sua opera iniquitatis averterint.

*Ad Bened. Ant.* Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces: a fructibus eorum cognoscetis eos, alleluia.

*Ad Magnif. Ant.* Non potest arbor bona fructus malos facere, nec arbor mala fructus bonos facere: omnis arbor, quæ non facit fructum bonum, excidetur, et in ignem mittetur, alleluia.



## DOM. VIII. POST PENT.

Oratio.

**L**ARGIRE nobis, quæsumus, Domine, semper spiritum cogitandi quæ recta sunt, propitius et agendi, ut qui sine te esse non possumus, secundum te vivere valeamus. Per Dominum.

Lectio sancti Evangelii secundum Lucam.

Lectio vij. Cap. 16.

**I**N illo tempore: Dixit Jesus discipulis suis parabolam hanc: Homo quidam erat dives, qui habebat villicum; et hic diffamatus est apud illum, quasi dissipasset bona ipsius. Et reliqua.

Homilia S. Hieronymi Presbyteri.

Epist. 151. ad Algasiam.

**S**i dispensator iniqui mammonæ domini voce laudatur, quod de re iniqua sibi justitiam præpararit; et passus dispendia dominus laudat dispensatoris prudentiam, quod adversus dominum quidem fraudulenter, sed pro se prudenter egerit; quanto magis Christus, qui nullum damnum sustinere potest, et pronus est ad clementiam, laudabit discipulos suos, si in eos qui credituri sibi sunt, misericordes fuerint?

Lectio viij.

**D**ENIQUE post parabolam intulit: Et ego vobis dico: Facite vobis amicos de iniquo mammona. Mammona autem non Hebræorum, sed Syrorum lingua divitiæ nuncupantur, quod de iniquitate collectæ sint. Si ergo iniquitas bene dispensata vertitur in justitiam; quanto magis sermo divinus, in quo nulla est iniquitas, qui et Apostolis creditus est, si bene fuerit dispensatus, dispensatores suos levabit in cælum?

Lectio ix.

**Q**UAMOBREM sequitur: Qui fidelis est in minimo, hoc est, in carnalibus, et in multis fidelis erit,

hoc est, in spiritualibus. Qui autem in parvo iniquus est, ut non det fratribus ad utendum, quod a Deo pro omnibus est creatum, iste et in spirituali pecunia dividenda iniquus erit, ut non pro necessitate, sed pro personis doctrinam Domini dividat. Si autem, inquit, carnales divitias, quæ labuntur, non bene dispensatis, veras æternasque divitias doctrinæ Dei quis credet vobis?

*Ad Bened. Ant.* Ait dominus villico: Quid hoc audio de te? redde rationem villicationis tuæ, alleluia.

*Ad Magnif. Ant.* Quid faciam, quia dominus meus aufert a me villicationem? fodere non valeo, mendicare erubesco: scio quid faciam, ut, cum amotus fuero a villicatione, recipiant me in domos suas.

## DOM. IX. POST PENT.

Oratio.

**P**ATEANT aures misericordiæ tuæ, Domine, precibus supplicantium; et ut petentibus desiderata concedas, fac eos, quæ tibi sunt placita, postulare. Per Dominum.

Lectio sancti Evangelii secundum Lucam.

Lectio vij. Cap. 19.

**I**N illo tempore: cum appropinquaret Jesus Jerusalem, videns civitatem, flevit super illam, dicens: Quia si cognovisses et tu, et quidem in hac die tua, quæ ad pacem tibi: nunc autem abscondita sunt ab oculis tuis. Et reliqua.

Homilia sancti Gregorii Papæ.

Homilia 39. in Evangelia.

**Q**UOD a fiente Domino illa Jerosolymorum subversio describitur, quæ a Vespasiano et Tito Romanis Principibus facta est, nullus qui historiam eversionis ejusdem legit, ignorat. Romani etenim Principes denuntiantur, cum dicitur: Quia venient dies in te, et circumdabunt te inimici tui vallo. Hoc quoque quod additur, Non relinquent in te lapidem super lapidem; etiam jam ipsa ejus-

dem civitatis transmigratio testatur, quia dum nunc in eo loco constructa est, ubi extra portam fuerat Dominus crucifixus, prior illa Jerusalem, ut dicitur, funditus est eversa.

*Lectio viij.*

**C**UI ex qua culpa eversionis sum pena fuerit illata, subjungitur: Eo quod non cognoveris tempus visitationis tuæ. Creator quippe hominum per incarnationis suæ mysterium hanc visitare dignatus est; sed ipsa timoris et amoris illius recordata non est. Unde etiam per Prophetam in increpatione cordis humani aves cœli ad testimonium deducuntur, dum dicitur: Milvus in cœlo cognovit tempus suum, turtur, et hirundo, et ciconia custodierunt tempus adventus sui: populus autem meus non cognovit iudicium Domini.

*Lectio ix.*

**F**LEVIT etenim prius Redemptor ruinam perfidæ civitatis, quam ipsa sibi civitas non cognoscebat esse venturam. Cui a fiente Domino recte dicitur, Quia si cognovisses et tu; subaudi, fleres, quæ modo, quia nescis quod imminet, exultas. Unde et subditur, Et quidem in hac die tua, quæ ad pacem tibi. Cum enim carnis se voluptatibus daret, et ventura mala non prospiceret, in die sua, quæ ad pacem esse ei poterant, habebat.

*Ad Bened. Ant.* Cum appropinquaret Dominus Jerusalem, videns civitatem, flevit super illam, et dixit: Quia si cognovisses et tu; quia venient dies in te, et circumdabunt te, inimici tui vallo, et circumdabunt te, et coangustabunt te undique, et ad terram prosternent te; eo quod non cognovisti tempus visitationis tuæ, alleluia.

*Ad Magnif. Ant.* Scriptum est enim: Quia domus mea, domus orationis est cunctis gentibus; vos autem fecistis illam speluncam latronum: et erat quotidie docens in templo,

## DOM. X. POST PENT.

*Oratio.*

**D**EUS, qui omnipotentiam tuam parcendo maxime et miserando manifestas, multiplica super nos misericordiam tuam, ut ad tua promissa currentes, cœlestium honorum facias esse consortes. Per Dominum.

*Lectio sancti Evangelii secundum Lucam.*

*Lectio vij. Cap. 18.*

**I**N illo tempore: Dixit Jesus ad quosdam, qui in se confidebant tanquam justi, et aspernabantur cæteros, parabolam istam: Duo homines ascenderunt in templum ut orarent, unus Phariseus, et alter publicanus. Et reliqua.

*Homilia S. Augustini Episcopi.*

*Serm. 36. de Verb. Domini.*

**D**ICERET saltem Phariseus: Non sum sicut multi homines. Quid est, Cæteri homines, nisi omnes præter ipsum? Ego, inquit, justus sum, cæteri peccatores. Non sum sicut cæteri homines, injusti, raptores, adulteri. Ecce tibi ex vicino publicano majoris tumoris occasio. Sicut, inquit, publicanus iste. Ego, inquit, solus sum; iste de cæteris est. Non sum, inquit, talis qualis iste, per justitias meas, quibus iniquus non sum.

*Lectio viij.*

**J**ejuno bis in sabbato, decimas do omnium quæ possideo. Quid rogaverit Deum, quære in verbis ejus, nihil invenies. Ascendit orare, noluit Deum rogare, sed se laudare. Parum est, non Deum rogare; sed se laudare, insuper et roganti insultare. Publicanus autem de longinquo stabat, et Deo tamen ipse appropinquaret; cordis conscientia eum removebat, pietas applicabat. Publicanus autem de longinquo stabat, sed Dominus eum de propinquo attendebat.

*Lectio ix.*

**E**XCELSUS enim Dominus, et humilia respicit: excelsos autem,

qualis erat ille Phariseus, a longe cognoscit. Excelsa quidem Deus a longe cognoscit, sed non ignoscit. Adhuc audi humilitatem publicani. Parum est quia de longinquo stabat; nec oculos suos ad cælum levabat: ut aspiceretur, non aspiciebat; respicere sursum non audebat; premebat conscientia, spes sublevabat. Adhuc audi, Percutiebat pectus suum. Poenas a seipso exigebat: propterea Dominus confitenti parcebat. Percutiebat pectus suum, dicens: Domine, propitius esto mihi peccatori. Ecce qui rogat. Quid miraris, si Deus ignoscit, quando ipse agnoscit?

*Ad Bened. Ant.* Stans a longe publicanus, nolebat oculos ad cælum levare, sed percutiebat pectus suum, dicens: Deus, propitius esto mihi peccatori.

*Ad Magnif. Ant.* Descendit hic iustificatus in domum suam ab illo: quia omnis qui se exaltat, humiliabitur, et qui se humiliat exaltabitur.

#### DOM. XI. POST PENT.

##### Oratio.

**O**MNIPOTENS sempiternae Deus, qui abundantia pietatis tuæ et merita supplicum excedis et vota, effunde super nos misericordiam tuam, ut dimittas quæ conscientia metuit, et adjicias quod oratio non præsumit. Per Dominum.

Lectio sancti Evangelii secundum Marcum.

Lectio viij.

Cap. 7.

**I**N illo tempore: Exiens Jesus de finibus Tyri, venit per Sidonem ad mare Galilææ, inter medios fines Decapoleos. Et reliqua.

Homilia S. Gregorii Papæ.

Homil. 10. lib. 1. in Ezechielem.

**Q**UID est quod creator omnium Deus, cum sordum et mutum sanare voluisset, in aures illius suos digitos misit, et expuens linguam ejus tetigit? Quid per digitos Redemptoris, nisi dona sancti Spiritus de-

signantur? Unde cum in alio loco ejecisset dæmonium: dixit: Si in digito Dei ejicio dæmonia, profecto pervenit in vos regnum Dei. Qua de re per Evangelistam alium dixisse describitur: Si ego in Spiritu Dei ejicio dæmones, igitur pervenit in vos regnum Dei. Ex quo utroque loco colligitur, quia digitus Spiritus vocatur. Digitos ergo in aurículas mittere, est per dona Spiritus sancti mentem surdi ad obediendum aperire.

Lectio viij.

**Q**UID est vero quod expuens linguam ejus tetigit? Saliva nobis est ex ore Redemptoris, accepta sapientia in eloquio divino. Saliva quippe ex capite defluit in ore. Ea ergo sapientia, quæ ipse est, dum lingua nostra tangitur, mox ad prædicationis verba formatur. Qui suspiciens in cælum, ingemuit, non quod ipse necessarium gemitum haberet, qui dabat quod postulabat: sed nos ad eum gemere, qui cælo præsidet, docuit: ut et aures nostræ per donum Spiritus sancti aperiri, et lingua per salivam oris, id est, per scientiam divinam locutionis, solvi debeat ad verba prædicationis.

Lectio ix.

**C**UI mox, ephpheta, id est, adaperire, dicitur: et statim apertæ sunt aures ejus, et solutum est vinculum linguæ ejus. Qua in re notandum est, quia propter clausas aures dictum est, adaperire. Sed cui aures cordis ad obediendum apertæ fuerint, ex subsequenti procul dubio etiam linguæ ejus vinculum solvitur, ut bona quæ ipse fecerit, etiam facienda aliis loquatur. Ubi bene additur: Et loquebatur recte. Ille enim recte loquitur, qui prius obediendo fecerit, quæ loquendo admonet esse facienda.

*Ad Bened. Ant.* Cum transisset Dominus fines Tyri, surdos fecit audire et mutos loqui.

*Ad Magnif. Ant.* Bene omnia fecit; et surdos fecit audire, et mutos loqui.



## DOM. XII. POST. PENT.

Lectio ix.

Oratio.

**O**MNIPOTENS et misericors Deus, de cuius munere venit ut tibi a fidelibus tuis digne et laudabiliter serviatur, tribue, quæsumus, nobis, ut ad promissiones tuas sine offensione curramus. Per Dominum.

Lectio sancti Evangelii secundum  
Lucam.

Lectio vij.

Cap. 10.

**I**N illo tempore: Dixit Jesus discipulis suis, Beati oculi, qui vident quæ vos videtis. Dico enim vobis quod multi Prophetæ et reges voluerunt videre quæ vos videtis, et non viderunt. Et reliqua.

Homilia ven. Bedæ Presbyteri.

Lib. 3. c. 43. in Luc. 10.

**N**ON oculi Scribarum et Phariseorum, qui corpus tantum Domini videre, sed illi beati oculi, qui ejus possunt cognoscere sacramenta, de quibus dicitur, Et revelasti ea parvulis. Beati oculi parvulorum, quibus et se et Patrem Filius revelare dignatur. Abraham exultavit ut videret diem Christi: et vidit, et gavisus est. Isaias quoque, et Michæas, et multi alii Prophetæ viderunt gloriam Domini, qui et propterea Videntes sunt appellati: sed hi omnes à longe aspicientes et saluantes, per speculum et in ænigmate viderunt.

Lectio viij.

**A**POSTOLI autem in præsentiarum habentes Dominum, convalescentesque ei, et quæcumque voluissent interrogando discentes, nequaquam per Angelos aut varias visionum species opus habebant doceri. Quos vero Lucas multos Prophetas et reges dicit, Matthæus apertius Prophetas et justos appellat. Ipsi sunt enim reges magni: quia temptationum suarum motibus non consentiendo succumbere, sed regendo præessa, poterunt.

**E**T ecce quidam Legisperitus surrexit, tentans eum, et dicens: Magister, quid faciendo vitam æternam possidebo? Legisperitus, qui de vita æterna Dominum tentans interrogat, occasionem, ut reor, tentandi de ipsis Domini sermonibus sumpsit, ubi ait: Gaudete autem quod nomina vestra scripta sunt in cælis. Sed ipsa sua tentatione declarat, quam vera sit illa Domini confessio, qua Patri loquitur: Quod abscondisti hæc a sapientibus et prudentibus, et revelasti ea parvulis.

*Ad Bened. Ant.* Magister: quid faciendo vitam æternam possidebo? At ille dixit ad eum: In lege quid scriptum est? Quomodo legis? Diliiges Dominum Deum tuum ex toto corde tuo, alleluia.

*Ad Magnif. Ant.* Homo quidam descendebat ab Jerusalem in Jericho, et incidit in latrones, qui etiam despoliaverunt eum, et, plagis impositis, abierunt, semivivo relicto.

## DOM. XIII. POST. PENT.

Oratio.

**O**MNIPOTENS sempiterne Deus, da nobis fidel, spei, et charitatis augmentum, et, ut mereamur assequi quod promittis, fac nos amare quod præcipis. Per Dominum.

Lectio sancti Evangelii secundum  
Lucam.

Lectio vij.

Cap. 17.

**I**N illo tempore: Dum iret Jesus in Jerusalem, transibat per mediam Samariam et Galilæam. Et cum ingrederetur quoddam castellum occurrerunt ei decem viri leprosi. Et reliqua.

Homilia S. Augustini Episcopi

Lib. 2. quasi. Evang. c. 40.

**D**E decem leprosis, quos Dominus ita mundavit, cum ait: Ite, ostendite vos sacerdotibus: quæri potest, cur eos ad sacerdotes miserit, ut cum irent, mundarentur. Nullum

enim eorum, quibus hæc corporalia beneficia præstitit, invenitur misisse ad sacerdotes, nisi leprosos. Nam et illum a lepra mundaverat, cui dixit: Vade, ostende te sacerdotibus, et offer pro te sacrificium, quod præcepit Moyses, in testimonium illis. Quærendum igitur est quid ipsa lepra significet: non enim sanati, sed mundati dicuntur, qui ea caruerunt. Coloris quippe vitium est, non valetudinis, aut integritatis sensuum atque membrorum.

*Lectio viij.*

**LEPROSI** ergo non absurde intelligi possunt, qui scientiam veræ fidei non habentes, varias doctrinas profitentur erroris. Non enim abscondunt imperitiam suam, sed pro summa peritia proferunt in lucem, et jactantia sermonis ostentant. Nulla porro falsa doctrina est, quæ non aliqua vera intermisceat. Vera ergo falsis inordinate permixta, in una disputatione vel narratione hominis tanquam in unius corporis colore apparentia, significant lepram, tanquam veris falsisque colorum fucis humana corpora variantem atque maculantem.

*Lectio ix.*

**H**æc autem tam vitandi sunt Ecclesiæ, ut, si fieri potest, longius remoti, magno clamore Christum interpellent: sicut isti decem steterunt a longe, et levaverunt vocem, dicentes: Jesu præceptor, miserere nostri. Nam et quod præceptorem vocant, quo nomine nescio utrum quisquam Dominum interpellaverit pro medicina corporali, satis puto significare, lepram falsam esse doctrinam, quam bonus præceptor abstergit.

*Ad Bened. Ant.* Cum transiret Jesus quoddam castellum, occurrerunt ei decem viri leprosi, qui steterunt a longe, et levaverunt vocem, dicentes, Jesu præceptor, miserere nostri.

*Ad Magnif. Ant.* Unus autem ex illis, ut vidit quod mundatus est, regressus est cum magna voce magnificans Deum, alleluia.

## DOM. XIV. POST. PENT.

*Oratio.*

**CUSTODI**, Domine, quæ sumus, Ecclesiam tuam propitiatione perpetua, et quia sine te labitur humana mortalitas, tuis semper auxiliis et abstrahatur a noxiis, et ad salutaria dirigatur. Per Dominum.

*Lectio sancti Evangelii secundum Mattheum.*

*Lectio vij.*

*Cap. 6.*

**I**n illo tempore: Dixit Jesus discipulis suis: Nemo potest duobus dominis servire. Et reliqua.

*Homilia S. Augustini Episcopi.*

*Lib. 2. de serm. Domini in monte, cap. 14.*

**NEMO** potest duobus dominis servire. Ad hanc ipsam intentionem referendum est quod consequenter exponit, dicens: Aut enim unum odio habebit, et alterum diliget; aut alterum patietur, et alterum contemnet. Quæ verba diligenter consideranda sunt, nam qui sint duo domini deinceps ostendit, cum dicit: Non potestis Deo servire et mammonæ. Mammona apud Hebræos divitiæ appellatur. Congruit et Punicum nomen: nam lucrum Punice mammon dicitur.

*Lectio viij.*

**SED** qui servit mammonæ, illi utique servit, qui rebus istis terrenis merito suæ perversitatis præpositus, magistratus hujus sæculi a Domino dicitur. Aut enim unum odio habebit homo, et alterum diliget, id est, Deum, aut alterum patietur, et alterum contemnet. Patietur enim durum et perniciosum dominum, quisquis servit mammonæ: sua enim cupiditate implicatus, subditur diabolo, et non eum diligit. Quis enim est qui diligit diabolum? sed tamen patitur.

*Lectio ix.*

**IDEO**, inquit, dico vobis, non habere sollicitudinem animæ vestræ quid edatis, neque corpori vestro quid

induatia : ne forte quamvis jam superflua non querantur , propter ipsa necessaria cor duplicetur , et ad ipsa conquirenda , nostra detorqueatur intentio , cum aliquid quasi misericorditer operamur , id est , ut cum consulere alicui videri volumus , nostrum emolumentum ibi potius quam illius utilitatem attendamus ; et ideo nobis non videamur peccare , quia non superflua , sed necessaria sunt , quae consequi volumus.

*Ad Bened. Ant.* Nolite sulliciti esse , dicentes : Quid manducabimus , aut quid bibemus ? scit enim Pater vester quid vobis necesse sit , alleluia.

*Ad Magnif. Ant.* Querite primum regnum Dei et iustitiam ejus , et haec omnia adjicientur vobis , alleluia.

#### DOM. XV. POST. PENT.

*Oratio.*

**E**CCLESIAM tuam , Domine , miseratio continuata mundet et muniat , et quia sine te non potest salva consistere , tuo semper munere gubernetur. Per Dominum.

*Lectio sancti Evangelii secundum Lucam.*

*Lectio vij. Cap. 7.*

**I**N illo tempore : Ibat Jesus in civitatem , quae vocatur Naim ; et ibant cum eo discipuli ejus , et turba copiosa. Et reliqua.

*Homilia S. Augustini Episcopi.*

*Serm. 44. de Verbis Domini.*

**D**E juvene illo resuscitato gavisamur mater vidua : de hominibus in spiritu quotidie suscitatis gaudet mater Ecclesia. Ille quidem mortuus erat corpore ; illi autem mente. Illius mors visibilis visibiliter plangebatur ; illorum mors invisibilis nec querebatur , nec videbatur. Quaesivit ille , qui noverat mortuos : Ille solus noverat mortuos , qui poterat facere vivos. Nisi enim ad mortuos suscitandos venisset , Apostolus non diceret : Surge,

qui dormis , et exurge a mortuis , et illuminabit te Christus.

*Lectio viij.*

**T**RES autem mortuos invenimus a Domino resuscitados visibiliter , millia invisibiliter. Quot autem mortuos visibiliter suscitaverit , quis novit ? Non enim omnia , quae fecit , scripta sunt. Joannes hoc dixit : Multa alia fecit Jesus , quae si scripta essent , arbitror totum mundum non posse libros capere. Multi ergo sunt alii sine dubio suscitati , sed non tres frustra commemorati. Dominus enim noster Jesus Christus ea , quae faciebat corporaliter , etiam spiritaliter volebat intelligi. Neque enim tantum miracula propter miracula faciebat , sed ut illa quae faciebat , mira essent videntibus , vera essent intelligentibus.

*Lectio ix.*

**Q**UEMADMODUM qui videt litteras in codice optime scripto , et non novit legere , laudat quidem antiquarii manum , admirans apicum pulchritudinem : sed quid sibi velint , quid indiceant illi apices , nescit , et est oculis laudator , mente non cognitor. Alius autem et laudat artificium , et capit intellectum , ille utique , qui non solum videre , quod commune est omnibus , potest , sed etiam legere : quod , qui non didicit , non potest. Ita qui viderunt Christi miracula , et non intellexerunt quid sibi vellent , et quid intelligentibus quodammodo innucrent , mirati sunt tantum quia facta sunt : alii vero et facta mirati , et intellecta assecuti. Tales nos in schola Christi esse debemus.

*Ad Bened. Ant.* Ibat Jesus in civitatem , quae vocatur Naim : et ecce defunctus efferebatur filius unicus matris suae.

*Ad Magnif. Ant.* Propheta magnus surrexit in nobis , et quia Deus visitavit plebem suam.

#### DOM. XVI. POST PENT.

*Oratio.*

**T**UA nos , quaesumus , Domine , gratia semper et praeveniat et se-



quatur, ac bonis operibus jugiter præstet esse intentos Per Dominum.

Lectio sancti Evangelii secundum Lucam.

Lectio vij. Cap. 14.

**I**N illo tempore: Cum intraret Jesus in domum cujusdam principis Phariseorum sabbato manducare panem, et ipsi observabant eum. Et ecce homo quidam hydropicus erat ante illum. Et reliqua.

Homilia S. Ambrosii Episcopi.

Lib. 7. in Lucam c. 14.

**C**URATUR hydropicus, in quo fluxus carnis exuberans animæ gravabat officia, spiritus exinguebat ardorem. Deinde docetur humilitas, dum in illo convivio nuptiali appetentia loci superioris arcetur: clementer tamen, ut persuasio humanitatis asperitatem coercionis excluderet, ratio proficeret ad persuasionis effectum, et correctio emendaret affectum. Huic quasi proximo limine humanitas copulatur: quæ ita Dominicæ sententiæ definitione distinguitur, si in pauperes et debiles conferatur: nam hospitalem esse remuneraturis, affectus avaritiæ est.

Lectio viij.

**P**OSTREMO jam quasi emeritæ militiæ viro contemnendarum stipendium præscribitur facultatum: quod neque ille, qui studiis intentus inferioribus possessiones sibi terrenas coemit, regnum cæli possit adipisci, cum Dominus dicat: Vende omnia tua, et sequere me: nec ille, qui emit boves, cum Elisens occiderit, et populo diviserit quos habebat: et ille, qui duxit uxorem, cogitet quæ mundi sunt, non quæ Dei. Non quo conjugium reprehendatur, sed quia ad majorem honorem vocetur integritas: quoniam mulier innupta et vidua cogitat quæ sunt Domini, ut sit sancta corpore et spiritu.

Lectio ix.

**S**ED ut in gratiam, ut supra cum viduis, ita nunc etiam cum con-

jugibus revertamur, non refugimus opinionem, quam sequuntur plerique, ut tria genera hominum a consortio magnæ illius cænæ æstimemus excludi, Gentilium, Judæorum, Hæreticorum. Et ideo Apostolus avaritiam dicit esse fugiendam, ne impediti more Gentili, iniquitate, malitia, impudicitia, avaritia ad regnum Christi pervenire nequeamus. Omnis enim immundus aut avarus, quod est idolorum servitus, non habet hæreditatem in regno Christi et Dei.

*Ad Bened. Ant.* Cum intraret Jesus in domum cujusdam principis Phariseorum sabbato manducare panem, ecce homo quidam hydropicus erat ante illum: ipse vero apprehensum sanavit eum, ac dimisit.

*Ad Magnif. Ant.* Cum vocatus fueris ad nuptias, recumbe in novissimo loco, ut dicat tibi qui te invitavit: Amice, ascende superius: et erit tibi gloria coram simul discumbentibus, alleluia.

## DOM. XVII. POST PENT.

Oratio.

**D**A, quæsumus, Domine, populo tuo diabolica vitare contagia, et te solum pura mente sectari. Per Dominum.

Lectio sancti Evangelii secundum Matthæum.

Lectio vij. Cap. 22.

**I**N illo tempore: Accesserunt ad Jesum Pharisei, et interrogavit eum unus ex eis legis doctor, tentans eum: Magister, quod est mandatum magnum in lege? Et reliqua.

Homilia S. Joannis Chrysostomi.

Homilia 72. in Matth.

**S**ADDUCEIS confusis, Pharisei sursus aggrediuntur: cumque quiescere oporteret, decertare voluerunt, et legis peritiam profitentem præmittunt, non discere, sed tentare cupientes, ac ita interrogant: Quodnam primum mandatum in lege sit? Nam cum primum illud sit: Diliges

Dominum Deum tuum; putantes causas sibi allaturum ad mandatum hoc corrigendum, aliquid addendo, quoniam Deum se faciebat, hoc modo interrogant. Quid igitur Christus? Ut ostendat idcirco ad hæc eos devenisse, quia nulla in eis esset charitas, sed invidiæ livore tabescerent: Diliges, inquit, Dominum Deum tuum: hoc primum et magnum mandatum est. Secundum autem simile huic: Diliges proximum tuum sicut teipsum.

*Lectio viij.*

**Q**UAMOBREM simile est huic? quoniam hoc illud inducit, et ab illo rursus munitur. Quicumque enim male agit, odio habet lucem, et non venit ad lucem. Et rursus: Dixit insipiens in corde suo: Non est Deus. Deinde sequitur: Corrupti sunt, et abominabiles facti sunt in studiis suis. Et iterum: Radix omnium malorum avaritia est; quam quidam appetentes, erraverunt a fide. Et, Qui diligit me, mandata mea servabit: quorum caput et radix est, Diliges Dominum Deum tuum, et proximum tuum sicut teipsum.

*Lectio ix.*

**S**I ergo diligere Deum, diligere proximum est: (nam si diligis me, o Petre, inquit, pasce oves meas: ) si etiam dilectio proximi facit ut mandata custodias, merito ait in his totam legem et Prophetas pendere. Et quemadmodum in superioribus, cum de resurrectione interrogaretur, plus docuit quam tentantes petebant: sic in hoc loco de primo interrogatus mandato, secundum etiam non valde quam primum inferius, sponte attulit: secundum enim est primo simile. Ita occulte insinuavit, odio illos ad quærendum incitari. Charitas enim, inquit, non æmulatur.

*Ad Bened. Ant.* Magister, quod est mandatum magnum in lege? Ait illi Jesus: Diliges Dominum Deum tuum ex toto corde tuo, alleluia.

*Ad Magnif. Ant.* Quid vobis videtur de Christo? cujus filius est? Di-

cunt ei omnes: David. Dicit eis Jesus: Quomodo David in spiritu vocat eum Dominum, dicens: Dixit Dominus Domino meo, Sede a dextris meis?

**DOM. XVIII. POST PENT.**

*Oratio.*

**D**IRIGAT corda nostra, quæsumus, Domine, tuæ miserationis operatio, quia tibi sine te placere non possumus. Per Dominum.

*Lectio sancti Evangelii secundum Matthæum.*

*Lectio vij.*

*Cap. 9.*

**I**N illo tempore: Ascendens Jesus in naviculam, transfretavit, et venit in civitatem suam. Et reliqua.

*Homilia S. Petri Chrysologi.*

*Serm. 50.*

**C**HRISTUM in humanis actibus divina gessisse mysteria, et in rebus visibilibus invisibilia exercuisse negotia, lectio hodierna monstravit. Ascendit, inquit, in naviculam, et transfretavit, et venit in civitatem suam. Nonne ipse est, qui fugatis fluctibus, maris profunda nudavit, ut Israeliticus populus inter stupentes undas sicco vestigio velut montium concava pertransiret? Nonne hic est, qui Petri pedibus marinos vortices inclinavit, ut iter liquidum humanis gressibus solidum præberet obsequium?

*Lectio viij.*

**E**T quid est quod ipse sibi sic maris denegat servitutem, ut brevissimi lacus transitum sub mercede nautica transfretaret? Ascendit, inquit, in naviculam, et transfretavit. Et quid mirum, fratres? Christus venit suscipere infirmitates nostras, et suas nobis conferre virtutes; humana quærere, præstare divina; accipere injurias, reddere dignitates; ferre tædia, referre sanitates: quia medicus, qui non fert infirmitates, curare nescit; et qui non fuerit cum infirmo infirmatus, infirmo non potest conferre sanitatem.

*Lectio ix.*

**CHRISTUS** ergo, si in suis mansisset virtutibus, commune cum hominibus nihil haberet; et nisi implisset carnis ordinem, carnis in illo esset otiosa susceptio. Ascendit, inquit, in naviculam, et transfretavit, et venit in civitatem suam. Creator rerum orbis Dominus, posteaquam se propter nos nostra angustavit in carne, cepit habere humanam patriam, cepit civitatis Judaicæ esse civis, parentes habere cepit parentum omnium ipse parens; ut invitaret amor, attraheret charitas, vinciret affectio, suaderet humanitas, quos fugerat dominatio, metus disperserat, fecerat vis potestatis extorres.

*Ad Bened. Ant.* Dixit Dominus paralytico: Confide, fili, remittuntur tibi peccata tua.

*Ad Magnif. Ant.* Tulit ergo paralyticus lectum suum, in quo jacebat, magnificans Deum; et omnis plebs, ut vidit, dedit laudem Deo.

**DOM. XIX. POST PENT.***Oratio.*

**OMNIPOTENS** et misericors Deus, universa nobis adversantia propitiatus exclude, ut mente et corpore pariter expediti, quæ tua sunt liberis mentibus exequamur. Per Dominum.

Lectio sancti Evangelii secundum Matthæum.

*Lectio vij. Cap. 12.*

**I**n illo tempore: Loquebatur Jesus principibus sacerdotum et Phariseis in parabolis, dicens: Simile factum est regnum cælorum homini regi, qui fecit nuptias filio suo. Et reliqua.

Homilia sancti Gregorii Papæ.

*Homilia 38. in Evangelia.*

**SÆPE** jam me dixisse memini, quod plerumque in sancto Evangelio regnum cælorum præsens Ecclesia nominatur: congregatio quippe justorum, regnum cælorum dicitur. Quia

enim per Prophetam Dominus dicit: Cælum mihi sedes est; et Salomon ait: Anima justi sedes est sapientiæ, Paulus etiam dicit Christum Dei virtutem, et Dei sapientiam: aliquando colligere debemus, quia si Deus sapientia, anima autem justi sedes sapientiæ; dum cælum dicitur sedes Dei, cælum ergo est anima justi. Hinc per Psalmistam de sanctis prædicatoribus dicitur: Cæli enarrant gloriam Dei.

*Lectio viij.*

**REGNUM** ergo cælorum est Ecclesia justorum: quia dum eorum corda in terra nil ambiunt, per hoc quod ad superna suspirant, jam in eis Dominus quasi in cælestibus regnat. Dicatur ergo: Simile est regnum cælorum homini regi, qui fecit nuptias filio suo. Jam intelligit charitas vestra, quis est iste Rex Regis Filii Pater, ille nimirum, cui Psalmista ait: Deus, judicium tuum Regi da, et justitiam tuam Filio Regis. Qui fecit nuptias filio suo. Tunc enim Deus Pater Deo Filio suo nuptias fecit, quando hunc in utero Virginis humanæ naturæ conjunxit, quando Deum ante sæcula fieri voluit hominem in fine sæculorum.

*Lectio ix.*

**SED** quia ex duabus personis fieri solet ista nuptialis conjunctio, absit hoc ab intellectibus nostris, ut personam Dei et hominis Redemptoris nostri Jesu Christi ex duabus personis credamus unitam. Ex duabus quippe, atque in duabus hunc naturis existere dicimus: sed ex duabus personis compositum credi, ut nefas. vitamus. Apertius ergo atque securius dici potest, quia in hoc Pater Regi Filio nuptias fecit, quo ei per incarnationis mysterium sanctam Ecclesiam sociavit. Uterus autem Genitricis virginis hujus sponsi thalamus fuit. Unde et Psalmista dicit: In sole posuit tabernaculum suum, et ipse tanquam sponsus procedens de thalamo suo.



*Ad Bened. Ant.* Dicite invitatis: Ecce prandium meum paravi, venite ad nuptias, alleluia.

*Ad Magnif. Ant.* Intravit autem rex, ut videret discumbentes: et vidit ibi hominem non vestitum veste nuptiali, et ait illi: Amico, quomodo huc intrasti, non habens vestem nuptialem?

### DOM. XX. POST PENT.

*Oratio.*

**L**ARGIRE, quæsumus, Domine, fidelibus tuis indulgentiam placatus et pacem, ut pariter ab omnibus mudentur offensis, et secunda tibi mente deserviant. Per Dominum.

Lectio sancti Evangelii secundum Joannem.

*Lectio vij. Cap. 4.*

**I**N illo tempore: Erat quidam regulus, cujus filius infirmabatur Capharnaum. Et reliqua.

Homilia sancti Gregorii Papæ.

*Homilia 28 in Evangelia*

**L**ECTIO sancti Evangelii, quam modo, fratres, audistis, expositione non indiget; sed ne hanc taciti præterisse videamur, exhortando potius quam exponendo in ea aliquid loquamur. Hoc autem nobis solummodo de expositione video esse requirendum, cur is, qui ad salutem filio petendam venerat, audivit: Nisi signa et prodigia videritis, non creditis. Qui enim salutem quærebat filio, procul dubio credebatur: neque enim ab eo quæreret salutem, quem non crederet salvatorem. Quare ergo dicitur, Nisi signa et prodigia videritis, non creditis: qui autem credidit, quam signa videret?

*Lectio viij.*

**S**ED mementote quid petiit, et aperte cognoscetis, quia in fide dubitavit. Poposcit namque ut descenderet et sanaret filium ejus. Corporalem ergo Domini præsentiam quærebat, qui per spiritum nusquam deerat. Minus itaque in illum credidit, quem non putavit posse salutem dare, nisi præ-

sens esset et corpore. Si enim perfecte credidisset, procul dubio sciret, quia non esset locus ubi non esset Deus.

*Lectio ix.*

**E**X magna ergo parte diffusus est, qui virtutem non dedit majestati, sed præsentiae corporali. Salutem itaque filio petiit, et tamen in fide dubitavit: quia eum ad quem venerat, et potentem ad curandum credidit, et tamen morienti filio esse absentem putavit. Sed Dominus, qui rogatur ut vadat, quia non desit ubi invitatur, indicat: solo jussu salutem reddidit, qui voluntate omnia creavit.

*Ad Bened. Ant.* Erat quidam regulus, cujus filius infirmabatur Capharnaum: hic cum audisset quod Jesus veniret in Galilæam, rogabat eum, ut sanaret filium ejus.

*Ad Magnif. Ant.* Cognovit autem pater, quia illa hora erat; in qua dixit Jesus: Filius tuus vivit, et credidit ipse, et domus ejus tota.

### DOM. XXI. POST PENT.

*Oratio.*

**F**AMILIAM tuam, quæsumus, Domine, continua pietate custodi, ut a cunctis adversitatibus, te protegente, sit libera, et in bonis actibus tuo nomini sit devota. Per Dominum.

Lectio sancti Evangelii secundum Matthæum.

*Lectio vij. Cap. 13.*

**I**N illo tempore: Dixit Jesus discipulis suis parabolam hanc: Assimilatum est regnum cælorum homini regi, qui voluit rationem ponere cum servis suis. Et reliqua.

Homilia S. Hieronymi Presbyteri.

*Lib. 3. Comm. in Matth. c. 13.*

**F**AMILIARE est Syris, et maxime Palæstinis, ad omnem sermonem suum parabolas jungere: ut quod per simplex præceptum teneri ab auditoribus non potest, per similitudinem exemplaque teneatur. Præcepit itaque Dominus Petro sub compara-

tione regis et domini, et servi, qui debitor decem millium talentorum a domino rogans veniam impetraverat, ut ipse quoque dimittat conservis suis minora peccantibus. Si enim ille rex et dominus servo debitori decem millia talentorum tam facile dimisit, quanto magis servi conservis suis debent minora dimittere.

*Lectio viij.*

**Q**UOD ut manifestius fiat, dicamus sub exemplo. Si quis nostrum commiserit adulterium, homicidium, sacrilegium; majora crimina decem millium talentorum rogantibus dimittuntur, si et ipsi dimittant minora peccantibus. Sin autem ob factam contumeliam simus implacabiles: et propter amarum verbum perpetes habeamus discordias, nonne nobis videmur recte redigendi in carcerem, et sub exemplo operis nostri hoc agere, ut majorum nobis delictorum venia non relaxetur?

*Lectio ix.*

**S**IC et Pater meus cœlestis faciet vobis, si non remiseritis unusquisque fratri suo de cordibus vestris. Formidolosa sententia, si juxta nostram mentem sententia Dei flectitur, atque mutatur: si parva fratribus non dimittimus, magna nobis a Deo non dimittentur. Et quia potest unusquisque dicere: Nihil habeo contra eum, ipse novit, habet Deum judicem; non mihi curæ est quid velit agere, ego ignovi ei: confirmat sententiam suam, et omnem simulationem fictæ pacis evertit, dicens: Si non remiseritis unusquisque fratri suo de cordibus vestris.

*Ad Bened. Ant.* Dixit autem dominus servo: Redde quod debes. Proci-dens autem servus ille, rogabat eum, dicens: Patientiam habe in me, et omnia reddam tibi.

*Ad Magnif. Ant.* Serve nequam omne debitum dimisit tibi, quoniam rogasti me: nonne ergo oportuit et te misereri conservi tui, sicut et ego tui miserus sum? alleluia.

## DOM. XXII. POST PENT.

*Oratio.*

**D**EUS refugium nostrum et virtus, adesto piis Ecclesiæ tuæ precibus auctor ipse pietatis, et præsta, ut quod fideliter petimus efficaciter consequamur. Per Dominum.

Lectio sancti Evangelii secundum Matthæum.

*Lectio vij.*

## Cap. 22.

**I**N illo tempore: Abeuntes Pharisæi consilium inierunt, ut caperent Jesum in sermone. Et reliqua.

Homilia sancti Hilarii Episcopi.

*In Comm. in Matth. cap. 23.*

**F**REQUENTER Pharisæi conveniunt, et occasionem insimulandi eum habere ex præteritis non possunt. Cadere enim vitium in gesta ejus et dicta non poterat; sed de malitiæ affectu, in omnem se inquisitionem reperiundæ accusationis extendunt. Namque a sæculi vitiis, atque a superstitionibus humanarum religionum universos ad spem regni cœlestis vocabat. Igitur an violaret sæculi potestatem, de propositæ interrogationis conditione pertentant: an videlicet reddi tributum Cæsari oporteret.

*Lectio viij.*

**Q**UI interna cognitionum secreta cognoscens (Deus enim nihil eorum, quæ intra hominem sunt absconsa, non speculatur) afferri sibi denarium jussit, et quæsitivæ ejus et inscriptio esset et forma. Pharisæi responderunt, Cæsaris eam esse. Quibus ait, Cæsari redhibenda esse, quæ Cæsaris sunt: Deo autem reddenda esse, quæ Dei sunt. O plenam miraculi responsionem, et perfectam dicti cœlestis absolutionem! Ita omnia inter contemptum sæculi, et contumeliam lædendi Cæsaris temperavit, ut curis omnibus et officiis humanis devotas Deo mentes absolveret, cum Cæsari quæ ejus essent, reddenda decernit.

*Lectio ix.*

**S**I enim nihil ejus penes nos resederit, conditione reddendi ei quæ sue sunt, non tenebimur. Porro autem si rebus illius incubamus, si jure potestatis ejus utimur, et nos tanquam mercenarios alieni patrimonii procuratori subijcimus; extra querelam injuriæ est, Cæsari redhiberi quod Cæsaris est; Deo autem quæ ejus sunt propria, reddere nos oportere, corpus, animam, voluntatem. Ab eo enim hæc profecta atque aucta retinemus: proinde condignum est, ut ei se totum reddant, cui debere se recolunt et originem et profectum.

*Ad Bened. Ant.* Magister, scimus quia verax es, et viam Dei in veritate doces, alleluia.

*Ad Magnif. Ant.* Reddite ergo quæ sunt Cæsaris, Cæsari; et quæ sunt Dei, Deo, alleluia.

*Si sequens Dom. fuerit ultima post Pentec. ejus loco ponitur XXIV, ut infra: et Officium hujus Dom. ponitur in Sabbato præced. non impedito Festo ix. Lectionum: alioquin Feria vj. vel alia similiter non impedita.*

**DOM. XXIII. POST PENT.***Oratio.*

**A**BSOLVE, quæsumus, Domine, tuorum delicta populorum, ut a peccatorum nostrorum uexibus, quæ pro nostra fragilitate contraximus, tua benignitate liberemur. Per Dominum.

*Lectio sancti Evangelii secundum Matthæum.*

*Lectio vij. Cap. 9.*

**I**N illo tempore: Loquente Jesu ad turbas, ecce princeps unus accessit, et adorabat eum, dicens: Domine, filia mea modo defuncta est. Et reliqua.

*Homilia S. Hieronymi Presbyteri. Lib. I. Comm. in c. 9. Matth.*

**O**CTAVUM signum est, in quo princeps suscitari postulat filiam

suam, nolens de mysterio veræ circumcisionis excludi: sed subintrat mulier sanguine fluens, et octavo sapatur loco, ut principis filia de hoc exclusa numero, veniat ad nonum, juxta illud quod in psalmis dicitur: Æthiopia præveniet manus ejus Deo; et, Cum intraverit plenitudo Gentium, tunc omnis Israel salvus fiet.

*Lectio viij.*

**E**T ecce mulier, quæ sanguinis fluxum patiebatur duodecim annis, accessit retro, et tetigit fimbriam vestimenti ejus. In Evangelio secundum Lucam scribitur, quod principis filia duodecim annos haberet ætatis. Nota ergo, quod eo tempore hæc mulier, id est, Gentium populus ceperit ægrotare, quo genus Judæorum crediderat. Nisi enim ex comparatione virtutum, vitium non ostenditur.

*Lectio ix.*

**H**ÆC autem mulier sanguine fluens, non in domo, non in urbe accedit ad Dominum, quia juxta legem urbibus excludebatur, sed in itinere, ambulante Domino, ut dum pergit ad aliam, alia curaretur. Unde dicunt et Apostoli: Vobis quidem prius oportebat prædicari verbum Dei: sed quoniam vos judicastis indignos salute, transgredimur ad Gentes.

*Ad Bened. Ant.* Dicebat enim intra se: Si tetigero fimbriam vestimenti ejus tantum, salva ero.

*Ad Magnif. Ant.* At Jesus conversus, et videns eam, dixit: Confide filia, fides tua te salvam fecit, alleluia.

*Cum fuerint plus quam 24. Dominice post Pentec., post xxiij resumentur quæ eo anno supersuerunt post Epiph., hoc ordine: Si fuerint 25. vj. post Epiph. erit xxiv; si 26, v. et vj. erunt xxiv. et xxv. si 27, iv. v. et vj. erunt xxiv, xxv. et xxvj.; si 28, iiij. iv. v. et vj. erunt xxiv. xxv. xxvj. et xxvij. post Pentec.; et ultimo loco semper ponitur sequens.*



## DOM. XXIV. ET ULTIMA

POST PENTECOSTEN.

*Oratio.*

**EXCITA**, quæsumus, Domine, tuorum fidelium voluntates, ut divini operis fructum propensius exequentes, pietatis tuæ remedia majora percipiant. Per Dominum.

Lectio sancti Evangelii secundum Matthæum.

*Lectio vij.**Cap. 24.*

**I**N illo tempore, Dixit Jesus discipulis suis: Cum videritis abominationem desolationis, quæ dicta est a Daniele Propheta, stantem in loco sancto: qui legit, intelligat. Et reliqua.

Homilia S. Hieronymi Presbyteri.

*Lib. 4. Comm. in c. 24. Matth.*

**QUANDO** ad intelligentiam provocamur, mysticum monstratur esse quod dictum est. Legimus autem in Daniele hoc modo: Et in dimidio hebdomadis auferetur sacrificium et libamina: et in templo abominatio desolationum erit usque ad consummationem temporis, et consummatio dabitur super solitudinem. De hoc et Apostolus loquitur, quod homo iniquitatis, et adversarius elevandus sit contra omne quod dicitur Deus, et colitur: ita ut audeat stare in templo Dei, et ostendere quod ipse sit Deus: cujus adventus secundum operationem satanæ destruat eos, et ad Dei solitudinem redigat qui se susceperint.

*Lectio viij.*

**P**OTEST autem simpliciter aut de Antichristo accipi, aut de imagine Cæsaris, quam Pilatus posuit in templo, aut de Adriani equestri statua, quæ in ipso sancto sanctorum loco usque in præsentem diem stetit. Abominatio quoque secundum veterem scripturam idolum nuncupatur; et ideo additur, desolationis, quod in desolato templo atque destructo idolum positum sit.

*Lectio ix.*

**A**BOMINATIO desolationis intelligi potest et omne dogma perversum: quod cum viderimus stare in loco sancto, hoc est, in Ecclesia, et se ostendere Deum, debemus fugere de Judæa ad montes, hoc est, dimissa occidente littera, et Judaica pravitate, appropinquare montibus æternis, de quibus illuminat mirabiliter Deus, et esse in tecto, et in domate, quo non possint ignita diaboli jacula pervenire, nec descendere et tollere aliquid de domo conversationis pristinæ, nec quærere quæ retrorsum sunt: sed magis serere in agro spiritualium scripturarum, ut fructus capiamus ex eo: nec tollere alteram tunicam, quam Apostoli habere prohibentur.

*Ad Bened. Ant.* Cum videritis abominationem desolationis, quæ dicta est a Daniele Propheta, stantem in loco sancto: qui legit, intelligat.

*Ad Magnif. Ant.* Amen dico vobis, quia non præteribit generatio hæc, donec omnia fiant: cælum et terra transibunt, verba autem mea non transibunt, dicit Dominus.

## PROPRIUM SANCTORUM.

### Die 29 Novembris.

*Pro commemoratione*

S. SATURNINI, MARTYRIS.

*Ad Vesperas, Ant. et y. de Com. unius Martyris.*

*Et sic in aliis Festis, quæ non inveniuntur propriæ in Proprio Sanctorum, desumuntur ex variis Communibus pro qualitatē Sancti de Com. Apost., si fuerit Apostolus, de Com. unius Martyris, si fuerit martyr, et sic de cæteris.*

*Oratio.*

**D**EUS, qui nos beati Saturnini Martyris tui concedis natalitio perfrui, ejus nos tribue meritis adjuvari. Per Dominum.

*De festis occ. in Adv. non fit Officium, nisi fuerint Duplex vel Semid. Quod si venerit in Dom., transferetur in Feriam ij. imiliter non impeditam. De Simpl. autem fit tantum commemoratio.*

**IN. VIGIL. S. ANDRÆ, AP.**

*De ea nihil fit in Adventu.*

*In Laud. comm. S. Saturnini.*

**Die 30. S. Andræ,**

*Apostoli. Duplex. 2. Classis.*

**In I. Vesperis.**

*Ant. et Capit. de Laudibus.*

*Ad Magnif. Ant. Unus ex duobus, qui secuti sunt Dominum, erat Andreas, frater Simonis Petri, alleluia.*

*Oratio ut infra in Laudibus.*

*Deinde fit commemorat. Ferie.*

**IN I. NOCTURNO.**

*Ant. 1. Vidit Dominus Petrum et Andream, et vocavit eos.*

*2. Venite post me, dicit Dominus, faciam vos fieros piscatores hominum.*

**3. Relictis retibus suis, secuti sunt Dominum Redemptorem.**

*y. In omnem terram. a. Et in fines.*

**De Epistola beati Pauli Apostoli ad Romanos.**

*Lectio i.*

*Cap. 10.*

**F**INIS legis, Christus, ad justitiam omni credenti. Moyses enim scripsit, quoniam justitiam, quæ ex lege est, qui fecerit homo, vivet in ea. Quæ autem ex fide est justitia, sic dicit: Ne dixeris in corde tuo: Quis ascendet in cælum? id est, Christum deducere: Aut quis descendet in abyssum? hoc est, Christum a mortuis revocare. Sed quid dicit Scriptura? Prope est verbum in ore tuo, et in corde tuo: hoc est verbum fidei, quod prædicamus. Quia si confitearis in ore tuo Dominum Jesum, et in corde tuo credideris, quod Deus illum suscitavit a mortuis, salvus eris.

*a. Cum perambularet Dominus juxta mare Galilææ, vidit Petrum et Andream retia mittentes in mare, et vocavit eos, dicens: Venite post me, faciam vos fieri piscatores hominum. y. Erant enim piscatores, et ait illis. Venite.*

*Lectio ij.*

**C**ORDE enim creditur ad justitiam, ore autem confessio fit ad salutem. Dicit enim Scriptura: Omnis qui credit in illum, non confundetur. Non enim est distinctio Judæi et Græci: nam idem Dominus omnium, dives in omnes qui invocant illum. Omnis enim quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent

ei, quem non audierunt? Quomodo autem audient sine prædicante? Quomodo vero prædicabunt, nisi mittantur? sicut scriptum est: Quam speciosi pedes evangelizantium pacem, evangelizantium bonam!

4. Mox ut vocem Domini prædicantis audivit beatus Andreas, relictis retibus, quorum usu actuque vivebat, \* Æternæ vitæ secutus est præmia largientem. ʒ. Ille est qui pro amore Christi pendit in cruce, et pro lege ejus sustinuit passionem. Æternæ.

Lectio iij.

**S**ED non omnes obediunt Evangelio. Isaias enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum. Sed dico: Numquid Israel non cognovit? Primus Moyses dicit: Ego ad æmulationem vos adducam in non gentem: in gentem insipientem, in iram vos mittam. Isaias autem audet, et dicit: Inventus sum a non quærentibus me: palam apparui iis, qui me non interrogabant. Ad Israel autem dicit: Tota die expandi manus meas ad populum non credentem, et contradicentem.

4. Doctor bonus, et amicus Dei Andreas ducitur ad crucem, quam a longe aspiciens, dixit: Salve, crux, \* Suscipe discipulum ejus, qui pendit in te magister meus Christus. ʒ. Salve, crux, quæ in corpore Christi dedicata es, et ex membris ejus tanquam margaritis ornata. Suscipe. Gloria. Suscipe.

IN II. NOCTURNO.

Ant. I. Dignum sibi Dominus computavit martyrem, quem vocavit Apostolum, dum esset in mari, alleluia.

2. Dilexit Andream Dominus in odorem suavitatis.

3. Viduo vivens pendebat in cru-

ce beatus Andreas pro Christi nomine, et docebat populum.

ʒ. Constituens eos. 4. Memores erant.

Lectio iv.

**A**NDRÉAS Apostolus Bethsaidæ natus, qui est Galilææ vicus, frater Petri, discipulus Joannis Baptistæ, cum eum de Christo dicentem audisset, Ecce Agnus Dei: secutus Jesum, fratrem quoque suum ad eundem perduxit. Cum postea una cum fratre piscaretur in mari Galilææ, ambo a prætereunte Christo Domino ante alios Apostolos vocati illis verbis: Venite post me, faciam vos fieri pisces hominum; nullam interponentes moram, et relictis retibus secuti sunt eum. Post cujus passionem et resurrectionem, Andreas, cum in Scythiam Europæ, quæ ei provincia ad Christi fidem disseminandam obtigerat, venisset, deinde Epirum ac Thraciam peragrasset, doctrina et miraculis innumerabiles homines ad Christum convertit. Postea Patras Achaïæ profectus, et in ea urbe plurimis ad veritatem Evangelicam perductis, Ægeam proconsulem prædicationi Evangelicæ resistantem, liberrime increpavit, quod qui iudex hominum haberi vellet, Christum Deum omnium iudicem a dæmonibus elusus non agnosceret.

4. Homo Dei ducebatur ut crucifigerent eum: populus autem clamabat voce magna, dicens: \* Innocens ejus sanguis sine causa damnatur. ʒ. Cumque ducerent eum ut crucifigeretur, factus est concursus populorum clamantium, et dicentium. Innocens.

Lectio v.

**T**UM Ægeas iratus: Desine, inquit, Christum jactare, cui similia verba nihil profuerunt, quominus a Judæis crucifigeretur. Andream vero de Christo nihilominus libere prædicantem quod pro salute humani generis se crucifigendum obtulisset, impia oratione interpellat,



ac demum hortatur, ut sibi consulens, diis velit immolare. Cui Andreas: Ego omnipotenti Deo, qui unus et verus est, immolo quotidie; non taurorum carnes, nec hircorum sanguinem, sed immaculatum Agnum in Altari: cujus carnem posteaquam omnis populus credentium manduca-verit, Agnus qui sacrificatus est, integer perseverat et vivus. Quamobrem ira accensus Ægeas, jubet eum in carcerem detrudi; unde populus Andream facile liberasset, nisi ipse sedasset multitudinem, vehementius rogans ne se ad optatissimam martyrii coronam properantem impedi-  
rent.

ñ. O bona crux, quæ decorem et pulchritudinem de membris Domini suscepisti, accipe me ab hominibus, et redde me magistro meo: \* Ut per te me recipiat, qui per te me redemit. γ. Beatus Andreas, expansis manibus ad cælum, orabat, dicens: Salva me, bona crux. — Ut.

*Lectio vij.*

**I**GITUR paulo post in Tribunal productum, cum Ægeas crucis extollentem mysteria, sibi que suam impietatem exprobrantem, diutius ferre non posset, in crucem tolli, et Christi mortem imitari jussit. Adductus Andreas ad locum martyrii, cum crucem vidisset, longe exclamare cœpit: O bona crux, quæ decorem ex membris Domini suscepisti, diu desiderata, sollicite amata, sine intermissione quæsitā, et aliquando cupienti animo præparata, accipe me ab hominibus, et redde me magistro meo, ut per te me recipiat, qui per te me redemit. Itaque cruci affixus est: in qua biduum vivus pendens, et Christi fidem prædicare nunquam intermittens, ad eum migravit, cujus mortis similitudinem concupierat. Quæ omnia Presbyteri et Diaconi Achaïæ, qui ejus passionem scripserunt, se ita, ut commemorata sunt, audisse et vidisse testantur. Ejus ossa primum, Constantino Imperatore, Con-

stantinopolim, deinde Amalphim translata sunt. Caput, Pio Secundo Pontifice, Romam allatum, in Basilica sancti Petri collocatum est.

ñ. Expandi manus meas tota die in cruce ad populum non credentem, sed contradicentem mihi: \* Qui ambulant vias non bonas, sed post peccata sua. γ. Deus ultionum Dominus, Deus ultionum libere egit: exaltare, qui judicas terram, redde retributionem superbis. — Qui. Gloria. Qui.

IN III. NOCTURNO.

*Ant.* 1. Non me permittas, Domine, famulum tuum a te separari: tempus est ut commendetur terræ corpus meum, et me ad te venire jubeas.

2. Andreas vero rogabat populum, ut non impediret passionem ipsius.

3. Accipe me ab hominibus, et redde me magistro meo; ut per te me recipiat, qui per te me redemit, allelula.

γ. Nimis honorati sunt. ñ. Nimis confortatus est.

*Lectio sancti Evangelii secundum Matthæum.*

*Lectio vij. Cap. 4:*

**I**N illo tempore: Ambulans Jesus juxta mare Galilææ, vidit duos fratres, Simonem, qui vocatur Petrus, et Andream fratrem ejus, mittentes rete in mare. Et reliqua.

*Homilia sancti Gregorii Papæ.*

*Homilia 5. in Evangelia.*

**A**UDISTIS, fratres charissimi quia ad unius jussionis vocem Petrus et Andreas, relictis retibus, secuti sunt Redemptorem. Nulla vero hunc facere adhuc miracula viderant, nihil ab eo de præmio æternæ retributionis audierant, et tamen ad unum Domini præceptum, hoc quod possidere videbantur, obliti sunt. Quanta nos ejus miracula videmus, quot flagellis affligimur, quantis minarum asperitatibus deterremur! et tamen vocantem sequi contemnimus.

ñ. Oravit sanctus Andreas, dum

respiceret in cœlum, et voce magna clamavit, et dixit: Tu es Deus meus, quem vidi; ne me patiaris ab impio iudice deponi: \* Quia virtutem sanctæ crucis agnovi. †. Tu es magister meus Christus, quem dilexi, quem cognovi, quem confessus sum: tantummodo in ista voce exaudi me. Quis.

*Lectio viij.*

**I**N cœlo jam sedet, qui de conversione nos admonet: jam iugo fidei colla Gentium subdidit, jam mundi gloriam stravit: jam ruinis ejus crebrescentibus, districti sui iudicii diem propinquantem denuntiat: et tamen superba mens nostra adhuc non vult hoc sponte deserere, quod quotidie perdit invita. Quid ergo, fratres charissimi, quid in ejus iudicio dicturi sumus, qui ab amore præsentis sæculi nec præceptis flectimur, nec verberibus emendamur?

¶. Videns crucem Andreas exclamavit, dicens: O crux admirabilis, o crux desiderabilis, o crux quæ per totum mundum rutilas, \* Suscipe discipulum Christi, ac per te me recipiet, qui per te moriens me redemit. †. O bona crux, quæ decorem et pulchritudinem de membris Domini suscepisti. Suscipe. Gloria. Suscipe.

*Lectio ix.*

**S**ED fortasse aliquis tacitis sibi cogitationibus dicat: Ad vocem Dominicam uterque iste piscator quid aut quantum dimisit, qui pene nihil habuit? Sed hac in re, fratres charissimi, affectum debemus potius pensare, quam censum. Multum reliquit, qui sibi nihil retinuit: multum reliquit, qui quantumlibet parum, totum deseruit. Certe nos et habita cum amore possidemus, et ea quæ minimo habemus, ex desiderio quærimus. Multum ergo Petrus et Andreas dimisit, quando uterque etiam desideria habendi dereliquit.

*Ad Laudem*

*et per horas, Antiphonæ.*

1. SALVE, crux pretiosa, \* suscipe

discipulum ejus, qui pependit in te magister meus Christus.

2. Beatus Andreas \* orabat, dicens: Domine Rex æternæ gloriæ, suscipe me pendentem in patibulo.

3. Andreas Christi famulus, \* dignus Dei Apostolus, germanus Petri, et in passione socius.

4. Maximilla Christo amabilis, tulit corpus Apostoli, optimo loco cum aromatibus sepelivit.

5. Qui persequiebantur justum, \* demersisti eos, Domine, in inferno, et in ligno crucis dux justis fuisti.

*Capitulum. Rom. 10.*

**F**RATRES, Corde enim creditur ad justitiam, ore autem confessio fit ad salutem. Dicit enim Scriptura: Omnis qui credit in illum, non confundetur.

*Ad Bened. Ant.* Concede nobis hominem justum, redde nobis hominem sanctum; ne interficias hominem Deo charum, justum, mansuetum, et pium.

*Oratio.*

**M**AJESTATEM tuam, Domine, suppliciter exoramus, ut sicut Ecclesiæ tuæ beatus Andreas Apostolus extitit prædicator et rector, ita apud te sit pro nobis perpetuus intercessor. Per Dominum.

*Deinde fit commemorat. Feriæ.*

*Ad Tertiam.*

*Capit. Fratres Corde, ut supra.*

¶. br. In omnem terram. †. Constitues eos.

*Ad Sextam.*

*Capitulum. Rom. 10.*

**N**ON enim est distinctio Judæi et Græci: nam idem Dominus omnium, dives in omnes qui invocant illum. Omnis enim quicumque invocaverit nomen Domini, salvus erit.

¶. br. Constitues eos. †. Nimis honorati sunt.

**Ad Nonam.***Capitulum.* Rom. 10.

**I**SAIAS enim dicit : Domine, quis credidit auditui nostro ? Ergo fides ex auditu, auditus autem per verbum Christi. Sed dico : Numquid non audierunt ? Et quidem in omnem terram exivit sonus eorum, et in fines orbis terræ verba eorum.

℟. br. Nimis honorati sunt.

℣. Annuntiaverunt.

**In II. Vespertis.**

*Ant. et Capit. de Laudibus.*

*Ad Magnif. Ant.* Cum pervenisset beatus Andreas ad locum, ubi crux parata erat, exclamavit et dixit : O bona crux, diu desiderata, et jam concupiscenti animo præparata, securus et gaudens venio ad te ; ita et tu exultans suscipias me discipulum ejus, qui pependit in te.

*Et fit commemoratio Feriæ.*

**FESTA DECEMBRIS.**

**DIE 2. S. Bibianæ,**

*Virg. et Mart. Semiduplex.*

*Oratio.*

**D**EUS omnium largitor honorum, qui in famula tua Bibiana cum virginittis flore martyrii palmam conjuxisti, mentes nostras ejus intercessionem tibi charitate conjunge, ut amotis periculis, præmia consequamur æterna. Per Dominum.

*Et fit commemoratio Feriæ.*

*Lect. I. Noct. de Script. occ.*

**IN II. NOCTURNO.**

*Lectio iv.*

**B**IBIANA virgo Romana, nobili genere nata, Christiana fide nobilior fuit. Ejus enim pater Flavianus sub Juliano apostata impiissimo tyranno ex præfectus, servilibusque notis compunctus, ad aquas Taurinas deportatus, martyr occubuit. Mater Dafrosa, et filie primum conclusæ domi, ut inedia conficerentur ; mox relegata mater extra Urbem capite

plexa est. Mortuis autem piis parentibus, Bibiana cum sorore sua Demetria bonis omnibus expoliatur ; Apronianus Urbis Prætor, pecuniis inhians, sorores persequitur : quas humana prorsus ope destitutas, Deo mirabiliter, qui dat escam esurientibus, enutriende, cum vivaciores vegetioresque conspexisset, vehementer est admiratus.

*Lectio v.*

**S**UADET nihilominus Apronianus, ut venerentur deos Gentium, amissas ideo opes, Imperatoris gratiam, præclarissimas nuptias consecuturæ. Si secus fecerint, minatur carceres, virgas, secures. At illæ neque blanditiis, neque minis a recta fide declinantes, paratæ potius mori, quam sædari moribus Ethnicorum, Prætoris impietatem constantissime detestantur. Quare Demetria ob oculos Bibianæ repente corruens, obiit in Domino. Bibiana Ruinæ mulieri vaferrimæ seducenda traditur ; quæ ab incunabulis edocta Christianas leges, et illibatum servare virginittis florem, se ipsa fortior feminæ superavit insidias, et Prætoris astus delusit.

*Lectio vj.*

**N**IHIL autem proficiente Rufina, quæ præter dolosa verba illam, quotidie verberibus affligebat, ut de sancto proposito dimoveret, spe sua frustratus Prætor, accensus ira, quod in Bibiana perdidisset operam, a licitoribus eam denudari, vinctisque manibus columnæ alligari, eamque plumbatis cædi jubet, donec efflaret animam. Cujus sacrum corpus objectum cauibz biduo jacuit in foro Tauri, illæsum tamen, et divinitus servatum ; quod deinde Joannes Presbyter sepelivit noctu juxta sepulchrum sororis et matris, ad palatium Licinianum, ubi usque in præsens extat Ecclesia Deo, sanctæ Bibianæ nomine, dicata : quam Urbanus Octavus instauravit, sanctarum Bibianæ, Demetriæ, et Dafrosæ corporibus in



ea repertis, et sub ara maxima collocatis.

*In III. Noct. Homilia. Cœlorum regnum fratres, de Com. non Virg. p. 74. cum n. vij. et viij. de Com. Virg.*

*In Laud. fit commemor. Ferie.*

*Vesperæ de sequenti.*

## DIE 3. S. FR. XAVERII.

*Confess. Duplex.*

*In Hymno Iste Confessor mutatur tertius versus, quod servandum erit, quoties occurrent litteræ m. l. v.*

*Oratio.*

**D**EUS, qui Indiarum gentes beati Francisci prædicatione et miraculis Ecclesiæ tuæ aggregare voluisti, concede propitius, ut ejus gloriosa merita veneramur, virtutum quoque imitemur exempla. Per Dominum.

*Ei fit comm. præced. et Ferie.*

*Lect. I. Noct. de Script. oco.*

## IN II. NOCTURNO.

*Lectio iv.*

**F**RANCISCUS in Xaverio Diocesis Pampelonensis nobilibus parentibus natus, Parisiis sancto Ignatio sese comitem et discipulum junxit. Ipso magistro, eo brevi devenit, ut in rerum divinarum contemplatione delixus, a terra aliquando sublimis elevaretur: quod illi sacrificanti coram populi multitudine aliquoties evenit. Has animi delicias magnis sui corporis cruciatibus merebatur. Nam interdicto sibi, non carnis solum et vini, sed panis quoque triticeï usui, vilibus cibis vesci solitus, per bidduum subinde triduumque omni prorsus alimento abstinuit. Ferreis in se flagellis ita sævit, ut sæpe copioso cruore diffunderet, somnum brevissimum humi jacens carpebat.

*Lectio v.*

**V**ITÆ austeritate ac sanctitate Apostolico muneri jam maturus, cum Joannes Tertius Lusitanix rex aliquot nascentis Societatis viros a Paulo Tertio pro Indiis postulasset,

sancti Ignatii hortatu, ab eodem Pontifice ad tantum opus cum Apostolici Nuncii potestate deligitur. Eo appulsus, illico variarum gentium difficilissimis et variis linguis divinitus instructus apparuit. Quin cum quandoque unico idiomate ad diversas gentes concionantem unaquæque sua lingua loquentem audivit. Provincias innumeras pedibus semper, et sæpe nudis peragravit. Fidem Japoniæ, et sex aliis regionibus invexit. Multa centena hominum millia ad Christum in Indis convertit, magnoque principes, regesque complures sacro Fonte expiavit. Et cum iam magna pro Deo ageret, ea erat humilitate, ut sancto Ignatio, tunc Præposito suo, flexis genibus scriberet.

*Lectio vj.*

**H**UNC dilatandi Evangelii ardorem multitudine et excellentia miraculorum Dominus roboravit. Cæco visum reddidit. Tantum marinæ aquæ signo Crucis convertit in dulcem, quantum quingentis vectoribus, qui siti adigebantur ad mortem, dia suffecit; qua in varias quoque regiones asportata, ægri plurimi subito curati sunt. Plures mortuos revocavit ad vitam; inter quos pridie sepultum erui jussum e tumulo suscitavit, duosque alios, dum efferrentur, apprehensa eorum manu, parentibus e feretro vivos restituit. Prophetiæ spiritu passim afflatus, plurima et loco et tempore remotissima enuntiavit. Demum in Sanciano Sinarum insula, die secunda Decembris, obiit plenus meritis, laboribusque confectus. Demortui cadaver viva calce per multos menses bis obrutum, sed penitus incorruptum, odore et sanguine manavit; et ubi Malacam delatum est, pestem sævissimam confestim extinxit. Denique ubique terrarum novis maximisque fulgentem miraculis Gregorius Decimus quintus Sanctis adscripsit.

## IN III. NOCTURNO.

*Lectio sancti Evangelii secundum Marcum.*

Lectio vij.

Cap. 16.

**I**N illo tempore : Dixit Jesus discipulis suis : Euntes in mundum universum, prædicate Evangelium omni creaturæ. Et reliqua.

Homilia sancti Gregorii Papæ.

Homilia 19. in Evangelia.

**P**OTEST omnis creaturæ nomine, omnis natio Gentium designari. Ante enim dictum fuerat, in viam Gentium ne abieritis; nunc autem dicitur, Prædicate omni creaturæ; ut scilicet prius a Judæa Apostolorum repulsa prædicatio, tunc nobis in adiutorium fieret, cum hanc illa ad damnationis suæ testimonium superba repulisset. Sed cum discipulos ad prædicandum Veritas mittit, quid aliud in mundo facit, nisi grana seminis spargit? Et pauca grana mittit in semine, ut multarum messium fruges recipiat ex nostra fide.

Lectio viij.

**N**EQVE etenim in universo mundo tanta fidelium messis exurgeret, si de manu Domini super rationalem terram illa electa grana prædicantium non venissent. Sequitur: Qui crediderit, et baptizatus fuerit, salvus erit, qui vero non crediderit, condemnabitur. Fortasse unusquisque apud semetipsum dicat: Ego jam credidi, salvus ero. Verum dicit, si fidem operibus tenet. Vera etenim fides est, quæ in hoc quod verbis dicit, moribus non contradicit. Hinc est enim quod de quibusdam falsis fidelibus Paulus dicit: Qui confitentur se nosse Deum, factis autem negant.

Lectio ix.

**S**IGNA autem eos qui credituri sunt, hæc sequentur: In nomine meo dæmonia ejicient, linguis loquentur novis, serpentes tollent; et si mortiferum quid biberint, non eis nocebit; super ægros manus imponent, et bene hebeunt. Numquidnam, fratres mei, quia ista signa non facitis, minime creditis? Sed hæc necessaria in exordio Ecclesiæ fuerunt.

Ut enim ad fidem cresceret multitudo credentium, miraculis fuerat nutrienda. Quia et nos, cum arbusta plantamus, tamdiu eis aquam infundimus, quousque ea in terra jam coaluisse videamus: et si semel radicem fixerint, irrigatio cessabit. Hinc est enim quod Paulus dicit: Linguae in signum sunt, non fidelibus, sed infidelibus.

In Laud. sit commemor. Ferie.

Vespere a Capit. de sequenti.

Die 4. s. P. Chrysologi.

Episc. Conf. et Ecclesiæ Doctoris.

Duplex. ( m. t. v. )

In utrisq. Vesp. Ant: O Doctor.

Oratio.

**D**EUS, qui beatum Petrum Chrysologum doctorem egregium divinitus præmonstratum ad regendam et instruendam Ecclesiam tuam eligi voluisti, præsta, quæsumus, ut quem doctorem vitæ habuimus in terris, intercessorem habere mereamur in cælis. Per Dominum.

Et sit comm. S. Fr. Xaverii, Ferie, ac S. Barbaræ Virg. et Mart. Oratio Deus qui inter cætera p. 62°.

Lect. I. Noct. Fidelis sermo.

IN II. NOCTURNO.

Lectio iv.

**P**ETRUS, qui ob auream ejus eloquentiam Chrysologi cognomen adeptus est, Foro Cornelli in Æmilia honestis parentibus natus, a prima ætate animum ad religionem adjiciens, Cornelia Romano, tunc ejusdem urbis Corneliensis Episcopo, operam dedit: a quo et scientia, et vitæ sanctitate cum brevi profecisset, Diaconus creatus est. Postmodum contigit, ut Ravennates ob mortem Archipræsulis sui, alium ( ut moris erat ) ab eis electum Romam ad sanctum Sixtum Papam Tertium pro confirmatione miserint una cum Legatis suis, et cum prædicto Cornelio, qui eundem Levitam secum perduxit. Interim sanctus Petrus Apostolus, et

**Martyr** Apollinaris Summo Pontifici in somnis apparuerunt, mediumque habentes hunc juvenem jusserunt ut illum, et non alium, in Archiepiscopum Ravennæ crearet. Hinc Pontifex, mox ut vidit Petrum, cognovit eum a Domino Deo præelectum: propterea rejecto illo, quem ipsi offerebant, hunc solum, anno Christi quadringentesimo trigesimo tertio, illi Metropolitanæ præfecit Ecclesiæ. Quod cum Legati Ravennatenses ægre ferrent, audita visione, divinæ voluntati libenter acquiescentes, novum Archiepiscopum maxima cum reverentia susceperunt.

*Lectio v.*

**PETRUS** igitur licet invitatus in Archipræsulem consecratus, Ravennam deducitur: ubi a Valentiniano Imperatore et Galla Placidia ejus matre, ac ab universo populo maxima lætitia exceptus est. Et ille ab eis illud unum petere dixit, ut quando tantum oneris pro ipsorum salute subire non recusavit, studerent ipsi monitis suis obtemperare, divinisque præceptis non obsistere. Duorum Sanctorum tunc ibi defunctorum corpora optimis unguentis condita sepelivit; Barbatiani videlicet Presbyteri, et Germani Antisiodorensis Episcopi, cujus etiam cucullum et cilicium sibi vendicavit in hæreditatem. Projectum et Marcellium in Episcopos ordinavit. In Classe fontem extruxit magnitudinis vere admirabilis, et templa quædam magnifica ædificavit tum beato Andreæ Apostolo, tum aliis Sanctis. Ludos ab hominibus personatis cum variis saltationibus Kalendis Januarii fieri solitos concione cohibuit acerrima; ubi inter alia illud præclare dixit: Qui joculari voluerit cum diabolo, non poterit gaudere cum Christo. Jussu sancti Leonis Papæ Primi scripsit postea ad Chalcedonense Concilium adversus hæresim Eutychetis. Respondit præterea ad Eutychen ipsum et alia epistola, quæ eidem Concilio in novis editionibus præfixa,

et in annales Ecclesiasticos relata fuit.

*Lectio vj.*

**DUM** publice sermones haberet et ad populum, adeo vehemens erat in dicendo, ut præ nimio ardore vox illi interdum defecerit, sicut contigit in concione mulieris Hæmorrhoidis. Unde Ravennates commoti, tot lacrymis, clamoribus, et orationibus locum repleverunt, ut postea ipse gratias ageret Deo, quod in lucrum amoris verterit damnum ejusdem sermonis. Cum tandem annos circiter decem et octo eam Ecclesiam sanctissime rexisset, laborum suorum finem adesse divinitus prænoscebat, in patriam se contulit. Ubi sancti Cassiani templum ingressus, magnum diadema aureum, gemmis distinctum pretiosissimis, offerens, super altare majus posuit, necnon aureum craterem, et patenam argenteam, quam tum rabidi canis morsus, tum febres sanare sæpius expertum est, aqua inde demissa. Ex tunc Ravennates, qui eundem secuti fuerant, dimisit, admonens, ut in eligendo optimo Pastore invigilarent attente. Mox Deum humiliter precatus, et sanctum Cassianum patronum, ut benigne animam ejus exciperet, tertio Nonas Decembris placide ex hac vita migravit, anno Domini circiter quadringentesimo quinquagesimo. Sacrum illius corpus communi totius civitatis fletu ac pietate prope corpus ejusdem sancti Cassiani honorifice conditum nostris etiam temporibus religiose colitur: ejus tamen brachium auro et gemmis ornatum, Ravennam delatum, in Ursiana æde veneratur.

*In III. Noct. Homilia Ostendit Dominus, pro Doct. I. loco, p. 49.*

*In Laud. fit commemor. Ferie et s. Barbaræ.*

*In II. Vesp. comm. Ferie et seq.*

**Die 5. n. Sabbæ,**

**Abbatis,**

*Commemorat. in Vesp. et Laud. Oratio. Intercessio nos p. 81.*



**Die 6. S. Nicolai,**  
Episc. et Confess. Duplex  
*Oratio.*

**D**EUS, qui beatum Nicolaum Pontificem innumeris decorasti miraculis, tribue, quæsumus, ut ejus meritis et precibus, a gehennæ incendiis liberemur. Per Dominum.

*Deinde fit commemor. Feriæ.*  
*Lect. I. Noct. de Script. occ.*

**IN II. NOCTURNO.**

*Lectio iv.*

**N**ICOLAUM illustri loco Patarum in Lycia natum parentes a Deo precibus impetrarunt. Cujus viri sanctitas quanta futura esset, jam ab incunabulis apparuit. Nam infans, cum reliquos dies hac nutricis frequens sugeret, quarta et sexta feria semel dumtaxat, idque vesperi sugerat: quam jejunii consuetudinem in reliqua vita semper tenuit. Adolescens parentibus orbatu, facultates suas pauperibus distribuit. Cujus illud insigne est Christianæ benignitatis exemplum, quod, cum ejus civis egeus tres filias jam nobiles in matrimonio collocare non posset, earumque pudicitiam prostituere cogitaret, re cognita, Nicolaus noctu per fenestram tantum pecuniæ in ejus domum injecit, quantum unius virginis doti satis esset: quod cum iterum et tertio fecisset, tres illæ virgines honestis viris in matrimonium datæ sunt.

*Lectio v.*

**C**UM vero se totum Deo dedisset, in Palæstinam profectus est, ut loca sancta videret, et præsens veneraretur. Qua in peregrinatione navem conscendens sereno cælo, et tranquillo mari, horribilem nautis tempestatem prædixit, moxque ortam, cum essent omnes in summo periculo, orans mirabiliter sedavit. Unde cum domum reversus singularis sanctitatis omnibus documenta præberet, Dei admonitu, Myram, quæ Lyciæ metropolis erat, venit, quo tempore

ejus urbis Episcopo mortuo, provinciales Episcopi de successore deligendo consultabant. Itaque in ea deliberatione divinitus admoniti sunt ut eum eligerent, qui postridie mane primus in Ecclesiam ingrederetur, Nicolaus nomine. Qua observatione adhibita, in Ecclesiæ janua deprehensus est Nicolaus, et summo omnium consensu Myræ Episcopus creatur. In Episcopatu caritatem, quam semper coluerat, gravitatem, orationis assiduitatem, vigiliis, abstinentiam, liberalitatem, et hospitalitatem, in adhortando mansuetudinem, in reprehendendo severitatem perpetuo adhibuit.

*Lectio vj.*

**V**IDUIS et orphanis pecunia, consilio, opera non defuit: oppressis adeo sublevavit, ut etiam tres Tribunos, per calumniam a Constantino Augusto condemnatos, qui se propter famam ejus miraculorum orationibus longissime absentem commendarent, adhuc vivens, cum Imperatori, minaciter eum terrens, apparuisset, liberaverit. Cum vero contra edictum Diocletiani et Maximiani Christianæ fidei veritatem Myræ prædicaret, ab Imperatorum satellitibus comprehensus, et longissime abductus, in carcerem conjectus est; ubi fuit usque ad Constantinum Imperatorem: cujus jussu ex custodia ereptus, Myram rediit. Mox ad Nicænum Concilium se contulit, ubi cum trecentis illis decem et octo Patribus Arianam hæresim condemnavit. Inde reversus ad Episcopatum, non ita multo post, instante morte, suspiciens in cælum, cum Angelos sibi occurrentes intueretur, illo psalmo pronuntiato, in te Domine speravi: usque ad eum locum, in manus tuas commendo spiritum meum: in cælestem patriam migravit. Ejus corpus Barium in Apulia translatus, ibidem summa celebritate ac veneratione colitur.

*In III. Noct. Homilia in Evang.*

Homo peregre: de com. conf. Pontif.  
I. loco.

In Laud. fit commemor. Feriæ.  
Vesp. a Capit. de sequenti.

**DIE 7. S. Ambrosii,**  
Episc. Conf. et Eccl. Doctoris.

Duplex. ( m. t. v. )

In utrisq. Vesp. Ant. O Doctor.  
Orat. Deus, qui populo p. 39.  
Et fit comm. preced. et Feriæ.  
Lect. I. Noct. Fidelis sermo.

IN II. NOCTURNO.

Lectio iv.

**A**MBROSIIUS Episcopus Mediolanensis, Ambrosii civis Romani filius, patre Galliæ Præfecto natus est. In hujus infantis ore examen apum consedisce dicitur: quæ res divinam viri eloquentiam præmonstrabat. Romæ liberalibus disciplinis eruditus est. Post a Probo Præfecto, Liguriæ et Æmiliæ præpositus: unde postea ejusdem Probi jussu cum potestate Mediolanum venit: ubi, mortuo Auxentio Ariano Episcopo, populus de successore deligendo dissidebat. Quare Ambrosius, pro officii sui munere Ecclesiam ingressus, ut commotam seditionem sedaret, cum multa de quiete et tranquillitate reipublicæ præclare dixisset, derepente puero Ambrosium Episcopum exclamante, universi populi vox erupit, Ambrosium Episcopum deposcentis.

Lectio v.

**R**ECUSANTE illo, et eorum precibus resistente, ardens populi studium ad Valentinianum Imperatorem delatum est: cui gratissimum fuit, a se delectos iudices ad sacerdotium postulari. Fuit id etiam Probo Præfecto jucundum, qui Ambrosio proficiscenti quasi divinus dixerat: Vade, age, non ut iudex, sed ut Episcopus. Itaque cum ad populi desiderium Imperatoris voluntas accederet, Ambrosius baptizatus ( erat enim Catechumenus ) sacrisque initiatus, ac servatis omnibus ex insti-

tuto Ecclesiæ Ordinum gradibus, octavo die, qui fuit septimo Idus Decembris, Episcopale onus suscepit. Factus Episcopus, Catholicam fidem et disciplinam Ecclesiasticam acerrime defendit; multosque Arianos, et alios hæreticos ad fidei veritatem convertit, in quibus clarissimum Ecclesiæ lumen sanctum Augustinum Jesu Christo peperit.

Lectio vj.

**G**RATIANO Imperatore occiso, ad Maximum ejus interfectorem legatus iterum profectus est: eoque pœnitentiam agere recusante, se ab ejus communione semovit. Theodosium Imperatorem, propter eandem Thessalonicæ factam, ingressu Ecclesiæ prohibuit. Cui cum ille David quoque regem adulterum, et homicidam fuisse dixisset, respondit Ambrosius: Qui secutus es errantem, sequero pœnitentem. Quare Theodosius sibi ab eo impositam publicam pœnitentiam humiliter egit. Ergo sanctus Episcopus pro Ecclesia Dei maximis laboribus curisque perfunctus, multis libris etiam egregie conscriptis, antequam in morbum incideret, mortis suæ diem prædixit. Ad quem ægrotum Honoratus Vercelleus Episcopus, Dei voce ter admonitus, accurrit, eique sanctum Domini corpus præbuit: quo ille sumpto, conformatis in crucis similitudinem manibus, orans, animam Deo reddidit pridie Nonas Aprilis, anno post Christum natum trecentesimo nonagesimo septimo.

In III. Noct. Homilia Ostendit Dominus, pro Doct. I. loco, p. 49.

In Laud. fit commemor. Feriæ.  
Vesperæ de sequenti.

**DIE 8. In Conceptione**

BEATÆ Mariæ Virginis.

Duplex 2. Classis.

In I. Vesperis.

Ant. de Laud. Psalmi, Capit.,  
Hymnus et alia hic non propria ut in  
festis B. M. V., p. 93.

ŷ. Conceptio est hodie sanctæ Mariæ virginis. ♀. Cujus vita inclyta cunctas illustrat Ecclesias.

*Ad Magnif. Ant.* Gloriosæ virginis Mariæ Conceptionem dignissimam recolamus, quæ et genitricis dignitatem obtinuit, et virginalem pudicitiam non amisit.

*Oratio.*

**F**AMULIS tuis, quæsumus, Domine, cælestis gratiæ munus impertire, ut quibus beatæ Virginis partus extitit salutis exordium, Conceptionis ejus votiva solemnitas, pacis tribuat incrementum. Per Dominum.

*Deinde fit comm. S. Ambrosii, et FERIA.*

### *Ad Matutinos*

*Invit.* Conceptionem virginis Mariæ celebremus: \* Christum ejus Filium adoremus Dominum.

IN I. NOCTURNO.

De libro Ecclesiastici.

*Lectio j.*

Cap. 24.

**E**GO ex ore Altissimi prodivi, primogenita ante omnem creaturam. Ego feci in cælis ut oriretur lumen indeficiens, et sicut nebula texi omnem terram. Ego in altissimis habitavi, et thronus meus in columna nubis. Gyrum cæli circuivi sola, et profundum abyssi penetravi, in fluctibus maris ambulavi, et in omni terra steti: et in omni populo, et in omni gente primatum habui, et omnium excellentium et humilium corda virtute calcavi; et in his omnibus requiem quæsi, et in hæreditate Domini morabor. Tunc præcepit, et dixit mihi Creator omnium: et qui creavit me, requievit in tabernaculo meo, et dixit mihi: In Jacob inhabita, et in Israel hæreditare, et in electis meis mitte radices.

♀. Hodie concepta est beata virgo Maria ex progenie David: \* Per quam salus mundi credentibus apparuit, cujus vita gloriosa lucem dedit sæculo. ŷ. Conceptionem beatæ Mariæ virginis cum gaudio celebremus. Per.

*Lectio ij.*

**A**D initio et ante sæcula creata sum, et usque ad futurum sæculum non desinam, et in habitatione sancta coram ipso ministravi. Et sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea. Quasi cedrus exaltata sum in Libano, et quasi cypressus in monte Sion. Quasi palma exaltata sum in Cades, et quasi plantatio rosæ in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum et balsamum aromatizans odorem dedi; quasi myrrha electa dedi suavitatem odoris: et quasi storax, et galbanus, et ungula, et gutta, et quasi Libanus non incisus vaporavi habitationem meam, et quasi balsamum non mistum odor meus.

♀. Beatissimæ virginis Mariæ Conceptionem devotissime celebremus: \* Ut ipsa pro nobis intercedat ad Dominum Jesum Christum. ŷ. Cum jucunditate Conceptionem beatæ Mariæ virginis devotissime celebremus. Ut.

*Lectio iij.*

**E**GO quasi terebinthus extendi ramos meos, et rami mei honoris et gratiæ. Ego quasi vitis fructificavi suavitatem odoris; et flores mei, fructus honoris et honestatis. Ego mater pulchræ dilectionis, et timoris, et agnitionis, et sanctæ spei. In me gratia omnis viæ et veritatis, in me omnis spes vitæ et virtutis. Transite ad me, omnes qui concupiscitis me, et a generationibus meis implemini. Spiritus enim meus super mel dulcis, et hæreditas mea super mel et favum. Memoria mea in generationes sæculorum. Qui edunt me, adhuc esurient; et qui bibunt me, adhuc sitient. Qui audit me, non confundetur; et qui operantur in



me, non peccabunt. Qui elucidant me, vitam eternam habebunt.

¶ Gloriosæ virginis Mariæ Conceptionem dignissimam recolamus, \* Cujus Dominus humilitatem respexit, quæ Angelo nuntiante concepit Salvatorem mundi. †. Beatissimæ virginis Mariæ Conceptionem devotissime celebremus. Cujus. Gloria. Cujus.

## IN II. NOCTURNO.

Ex libro S. Ambrosii Episcopi de Virginibus.

Lectio iv. Cap. 7.

**SIT** vobis tanquam in imagine descripta virginitas, vitæque beatæ Mariæ, de qua velut in speculo resulget species castitatis, et forma virtutis. Hinc sumatis licet exempla vivendi, ubi tanquam in exemplari magisteria expressa probitatis, quid corrigere, quid effugere, quid tenere debeatis, ostendunt. Primus diceodi ardor, nobilitas est magistri. Quid nobilius Dei matre? Quid splendidius ea, quam splendor elegit? Quid castius ea, quam corpus sine corporis contagione generavit?

¶ Conceptio gloriosæ virginis Mariæ ex semine Abraham, ortæ de tribu Juda, clara ex stirpe David: \* Cujus vita inclyta cunctas illustrat Ecclesias. †. Modie concepta est beata virgo Maria ex progenie David. Cujus.

Lectio v.

**NAM** de cæteris ejus virtutibus quid loquar? Virgo erat non solum corpore, sed etiam mente, quæ nullo doli ambitu sincerum adulteraret affectum. Corde humilis, verbis gravis, animo prudens, loquendi parior, legendi studiosior, non in incerto divitiarum, sed in prece pauperis spem reponens: intenta operi, verecunda sermone, arbitrum mentis solita, non hominem, sed Deum querere: nullum lædere, bene velle omnibus, assurgere majoribus natu: æqualibus non invidere, fugere ja-

ctantiam, rationem sequi, amare virtutem.

¶ Cum jucunditate Conceptionem beatæ Mariæ celebremus, \* Ut ipsa pro nobis intercedat ad Dominum Jesum Christum. †. Corde et animo Christo canamus gloriam in hac sacra solemnitate præcelsæ genitricis Dei Mariæ. Ut.

Lectio vj.

**QUANDO** ista vel vultu læsit parentes? quando dissensit a propinquis? quando fastidivit humilem? quando derisit debilem? quando vitavit inopem? Eos solos solita cætus virorum invisere, quos misericordia non erubesceret, neque præteriret verecundia. Nihil torvum in oculis, nihil in verbis procax, nihil in actu inverecundum. Non gestus fractior, non incessus solutior, non vox petulantior: ut ipsa corporis species simulacrum fuerit mentis, figura probitatis.

¶ Conceptio tua, Dei genitrix virgo, gaudium annuntiavit universo mundo: \* Ex te enim ortus est sol justitiæ, Christus Deus noster: \* Qui solvens maledictionem, dedit benedictionem, et confundens mortem, donavit nobis vitam sempiternam. †. Benedicta tu in mulieribus, et benedictus fructus ventris tui. Ex. Gloria. Qui.

## IN III. NOCTURNO.

Lectio sancti Evangelii secundum Matthæum.

Lectio vij. Cap. I.

**LIBER** generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilia sancti Augustini Episcopi.

Lib. 2. de cons. Evang. cap. I.

**MATTHÆUS** Evangelista sic orsus est: Liber generationis Jesu Christi filii David, filii Abraham. Quo exordio suo satis ostendit, generationem Christi secundum carnem se suscepisse narrandam. Secundum hanc

enim Christus filius hominis est : quod etiam se ipse sæpissime appellat, commendans nobis quid misericorditer dignatus sit esse pro nobis. Nam illa superna et æterna generatio, secundum quam Filius Dei unigenitus est ante omnem creaturam, quia omnia per ipsum facta sunt, ita ineffabilis est, ut de illa dictum a Propheta intelligatur : Generationem ejus quis enarrabit ?

q. Beatam me dicent omnes generationes : \* Quia fecit mihi Dominus magna qui potens est, et sanctum nomen ejus. r. Et misericordia ejus a progenie in progenies timentibus eum. Quia.

*Bened.* Cujus festum colimus, ipsa Virgo virginum.

*Lectio viij.*

**E**XEQUITUR ergo humanam generationem Christi Matthæus, ab Abraham generatores commemorans, quos perducit ad Joseph virum Mariæ, de qua natus est Jesus. Neque enim fas erat, ut ob hoc eum a conjugio Mariæ separandum putaret, quod non ex ejus concubitu, sed virgo peperit Christum. Hoc enim exemplo magnifice insinuaturs fidelibus conjugatis, etiam servata pari consensu continentia, posse permanere, vocarique conjugium, non permixto corporis sexu, sed custodito mentis affectu : præsertim quia nasci eis etiam filius potuit sine ullo complexu carnali, qui propter solos gignendos filios adhibendus est.

q. Felix namque es, sacra virgo Maria, et omni laude dignissima : \* Quia ex te ortus est sol justitiæ, \* Christus Deus noster. r. Ora pro populo, interveni pro clero, intercede pro devoto femineo sexu : sentiant omnes tuum juvamen, quicumque celebrant tuam sanctam Conceptionem. Quia. Gloria. Christus.

*Lectio ix.*

**C**UM autem evidenter dicat Apostolus Paulus, ex semine David secundum carnem Christum, ipsam

quoque Mariam de stirpe David aliquam consanguinitatem duxisse dubitare utique non debemus. Cujus femine quoniam nec sacerdotale genus tacetur, insinuante Luca quod cognata ejus esset Elizabeth, quam dicit de filiabus Aaron, firmissime tenendum est carnem Christi ex utroque genere propagatam, et regum scilicet, et sacerdotum, in quibus personis apud illum populum Hebræorum etiam mystica unctio figurabatur, id est, chrisma unde Christi nomen elucet, tanto ante etiam ista evidentissima significatione prænuuntiatum.

*Ad Laudes.*

*et per Horas, Antiphonæ.*

1. Conceptio gloriosæ virginis Mariæ, ex semine Abraham, ortæ de tribu Juda, clara ex stirpe David.

2. Conceptio est hodie sanctæ Mariæ virginis, cujus vita inclita cunctas illustrat Ecclesias.

3. Regali ex progenie Maria exorta refulget : cujus precibus nos adjuvari mente et spiritu devotissime poscimus.

4. Cordo et animo Christo canamus gloriam in hac sacra solemnitate præcelsæ genitricis Dei Mariæ.

5. Cum jucunditate Conceptionem beatæ Mariæ celebremus, ut ipsa pro nobis intercedat ad Dominum Jesum Christum.

r. Conceptio est hodie sanctæ Mariæ virginis. q. Cujus vita inclita cunctas illustrat Ecclesias.

*Ad Bened. Ant.* Conceptionem hodiernam, perpetuæ virginis genitricis Dei Mariæ solemniter celebremus, quæ celsitudo throni processit, alleluia.

*Deinde fit commemor. Feriæ.*

*In II. Vespertis.*

*Omnia ut in I. præter*

*Ad Magnif. Ant.* Conceptio tua, Dei genitrix virgo, gaudium annuntiavit universo mundo : ex te enim ortus est sol justitiæ Christus Deus noster : qui solvens maledictionem, dedit benedictionem, et confundens

mortem; donavit nobis vitam sempiternam.

*Et fit commemorat. Ferial.*

**Die 9.**

**II. infra Oct. Conceptionis.**

**Lect. I. Noct. de Script. occ.**

**IN II. NOCTURNO.**

**De sermone S. Augustini Episcopi.**

*Lectio iv. Serm. 18. de Sanctis.*

**EXULTAT** Maria, matrem se læta miratur, et de Spiritu sancto se peperisse gaudet: nec quia peperit in-nupta, terretur; sed quia genuerit, cum exultatione miratur. O femina super feminas benedicta, quæ virum omnino non novit, et virum suo utero circumdedit! Circumdat virum Maria, Angelo fidem dando, quia Heva perdidit virum, serpenti consentiendo. O felix obedientia, o insignis gratia! quæ dum fidem humiliter dedit, celi in se Opificem incorporavit. Hinc promeruit gloriam, quam ipse postmodum auxit. Ecce, ait, ex hoc beatam me dicent omnes generationes.

*Lectio v.*

**O** beata Maria, quis tibi digne valeat jura gratiarum, ac laudum præconia rependere, quæ singulari tuo assensu mundo succurristi perduto? Quas tibi laudes fragilitas humani generis persolvat, quæ solo tuo commercio recuperandi aditum invenit? Accipe. itaque quascumque exiles, quascumque meritis tuis impares gratiarum actiones: et cum susceperis vota, culpas nostras orando excusa. Admitte nostras preces intra sacrarium exauditionis, et reporta nobis antidotum reconciliationis.

*Lectio vj.*

**SIT** per te excusabile, quod per te ingerimus; fiat impetrabile, quod fida mente poscimus. Accipe quod offerimus, redona quod rogamus, excusa quod timemus, quia tu es spes unica peccatorum. Per te speramus veniam delictorum, et in te, beatissima, nostrorum est expectatio præ-

miorum. Sancta Maria, succurre miseris, juva pusillanimes, refove flebiles, ora pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam Conceptionem.

**IN III. NOCTURNO.**

**Lectio sancti Evangelii secundum Matthæum.**

*Lectio vij.*

**Cap. I.**

**LIBER** generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

**Homilia S. Hieronymi Presbyteri.**

*Lib. I. Comment. in Matth.*

**I**N Isaia legimus: Generationem ejus quis enarrabit? Non ergo putemus Evangelistam Prophetam esse contrarium, ut quod ille impossibile dixit effatu, hic narrare incipiat: quia ibi de generatione divinitatis, hic de incarnatione est dictum. A carnalibus autem cœpit, ut per hominem, Deum discere incipiamus. Filii David, filii Abraham. Ordo præposterus, sed necessario commutatus. Si enim primum posuisset Abraham, et postea David, rursus ei repetendus fuerat Abraham, ut generationis series texeretur.

*Lectio viij.*

**I**DEO autem cæteris prætermis- sis, horum filium nuncupavit, quia ad hos tantum facta est de Christo repromissio. Ad Abraham: In semine, inquit, tuo benedicentur omnes gentes, quod est Christus: Ad David: De fructu ventris tui ponam super sedem tuam. Judas autem genuit Phares, et Zaram de Thamar. Notandum in genealogia Salvatoris nullam sacrarum assumi mulierum, sed eas quas Scriptura reprehendit: ut qui propter peccatores venerat, de peccatoribus nascens, omnium peccata dele-ret. Unde et in consequentibus Ruth Moabitidis ponitur, et Bethsabæ uxor Uriæ.



## Lectio ix.

**J**ACOB autem genuit Joseph. Hunc locum objecit nobis Julianus Augustus de dissonantia Evangelistarum, cur Evangelista Matthæus Joseph dixerit filium Jacob, et Lucas eum filium appellarit Heli: non intelligens consuetudinem Scripturarum, quod alter secundum naturam, alter secundum legem ei pater sit. Scimus enim hoc per Moysen, Deo jubente, præceptum, ut si frater aut propinquus absque liberis mortuus fuerit, alius accipiat uxorem ad suscitandum semen fratris, vel propinqui sui. Joseph virum Mariæ. Cum virum audieris, suspicio tibi non subeat nuptiarum, sed recordare consuetudinis Scripturarum, quod sponsi viri, et sponsæ vocentur uxores.

*Et sit comm. Ferie in Laud.*

*In Vesp. comm. Ferie et S. Melchiadis Papæ et Mart. Oratio infirmitatem p. 14°.*

## Die 10.

III. infra Oct. Conceptionis.

*Lect. I. Noct. de Script. occ.*

## IN II. NOCTURNO.

Sermo S. Bernardi Abbatis.

*Serm. in c. 12. Apocal.*

## Lectio iv.

**N**OVUM fecit Dominus super terram, ut mulier circumdaret virum, nec alium quam Christum, de quo dicitur: Ecce vir, Oriens nomen ejus. Novum quoque fecit in cælo, ut mulier sole appareret amicta. Denique et coronavit eum, et vicissim ab eo meruit coronari. Egredimini, filiæ Sion, et videte regem Salomonem in diademate, quo coronavit eum mater sua. Verum hoc alias. Interim sane ingredimini magis, et videte reginam in diademate, quo coronavit eum Filius suus. In capite, inquit, ejus corona stellarum duodecim.

## Lectio v.

**D**IGNUM plane stellis coronari caput, quod et ipsis longe clarius

micans, ornet eas potius, quam ornatur ab eis. Quidni coronent sidera, quam sol vestit? Sicut dies verni circumdabant eam flores rosarum, et lilia convallium. Nimirum læva sponsi sub capite ejus, et jam dextera illius amplexatur eam. Quis illas æstimet gemmas, quis stellas nominet, quibus Mariæ regium diadema compactum est?

## Lectio vj.

**Q**UID ergo sidereum micat in generatione Mariæ? Plane quod ex regibus orta, quod ex semine Abraham, quod generosa ex stirpe David. Si id parum videtur, adde, quod generationi illi ob singulare privilegium sanctitatis divinitus noscitur esse concessa, quod longe ante eisdem patribus cælitus repromissa, quod mysticis præfigurata miraculis, quod oraculis prænuntiata prophetis. Hanc enim sacerdotalis virga, dum sine radice floruit; hanc Gedeonis vellus, dum in medio siccæ aræ maduit; hanc in Exechielis visione Orientalis porta, quæ nulli unquam patuit, præsignabat.

## IN III. NOCTURNO.

Lectio sancti Evangelii secundum Matthæum.

*Lectio vij. Cap. I.*

**L**IBER generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilia sancti Hilarii Episcopi.

*Comment. in Matth. c. I.*

**N**ON refert quis in originis numero atque ordine collocetur, dummodo universorum familia cæpta esse intelligatur ab uno. Itaque cum ejusdem tribus sit Joseph et Maria, dum profectus esse ex Abraham genere Joseph ostenditur, profecta quoque docetur et Maria. Hæc enim in lege ratio servata est, ut si mortuus sine filiis familiæ princeps esset, defuncti uxorem posterior frater ejusdem cognationis acciperet, susceptosque fi-

Hos in familiam ejus qui mortuus esset , referret ; maneretque ita in primogenitis successionis ordo , cum patres eorum , qui post se nati essent ; aut nomine haberentur , aut genere.

*Lectio viij.*

**SEQUENS** illud est , ut , quia diximus secundum rerum fidem generationis istius ordinem , nec numero sibi , nec successione constare , hujus quoque rei ratio afferatur. Non enim levis causa est , ut aliud in narratione sit , aliud fuerit in gestis ; et aliud referatur in summa , aliud vero teneatur in numero. Namque ab Abraham usque ad David quatuordecim generationes numeratæ sunt , et a David usque ad transmigrationem Babylonis in quibusdam libris decem et septem deprehenduntur. Sed in hoc non mendacii , aut negligentiae vitium est : tres enim generationes præteritæ sunt. Nam Joras genuit Ochoziam , Ochozias vero genuit Joam , Joas deinde Amasiam , Amasias autem Oziam ; et in Matthæo Joras Oziam genuisse scribitur , cum quartus ab eo sit. Hoc ita , quia ex gentili femina Joras Ochoziam genuit , ex Achab scilicet , qui Jezabel habuit uxorem.

*Lectio ix.*

**DENIQUE** per Prophetam non nisi quarta generatione in throno regio Israelis quemquam de domo Achab esse sessurum dicitur. Purgata igitur labe familiæ gentilis , tribus quæ præteritis jam regulis in quarto generationum consequentium ordine numeratur , et usque ad Mariam generationes quatuordecim esse scribuntur , cum in numero decem et septem reperiantur , nullus error esse poterit scientibus non eam solum esse Domino nostro Jesu Christo originem , quæ cœpit ex Maria , sed in procreatione corpora nativitatæ æternæ significantiam comprehendi.

*In Laud. fit commemor. Ferie et S. Melchiadis.*

*Vesp. a Capit. de sequenti.*

**Die 11. S. Damasi,**  
Papæ et Confessoris. *Semid.*

*Oratio.*

**EXAUDI** , Domine , preces nostras , et interveniente beato Damaso Confessore tuo atque Pontifice , indulgentiam nobis tribue placatus et pacem. Per Dominum.

*Et fit comm. Oct. et Ferie.*

*Lect. I. Noct. de Script. occ.*

**IN II. NOCTURNO.**

*Lectio iv.*

**DAMASUS** Hispanus , vir egregius et eruditus in Scripturis , indicto primo Constantinopolitano Concilio , nefariam Eunomii et Macedonii hæresim extinxit. Idem Ariminensem conventum , a Liberio jam ante rejectum , iterum condemnavit : in quo ut scribit sanctus Hieronymus , Valentis potissimum et Ursacii fraudibus damnatio Nicænæ fidei conclamata fuit , et ingemiscens orbis terrarum , se Arianum esse miratus est.

*Lectio v.*

**BASILICAS** duas ædificavit , alteram sancti Laurentii nomine ad theatrum Pompeji , quam maximis muneribus auxit , eique domos et prædia attribuit : alteram via Ardeatina ad Catacumbas. Platoniam etiam , ubi corpora sanctorum Petri et Pauli aliquamdiu jacuerunt , dedicavit , et exornavit elegantibus versibus. Idemque prosa et versu scripsit de virginitate , multaque alia metro edidit.

*Lectio vj.*

**PENAM** talionis constituit iis , qui alterum falsi criminis accusassent. Statuit , ut ; quod pluribus jam locis erat in usu , psalmi per omnes Ecclesias die noctuque ab alternis canerentur , et in fine cujusque psalmi diceretur , Gloria Patri , et Filio , et Spiritui sancto. Ejus jussu sanctus Hieronymus novum Testamentum græcæ fidei reddidit. Cum Ecclesiam rexisset annos decem et septem , menses duos , dies viginti sex , et ha-

buisset Ordinationes quinque, mense Decembri, quibus creavit Presbyteros triginta unum, Diaconos undecim, Episcopos per diversa loca sexaginta duos, virtute, doctrina, ac prudentia clarus, prope octogenarius, Theodosio seniore imperante, obdormivit in Domino, et via Ardeatina una cum matre et sorore sepultus est in Basilica quam ipse ædificaverat. Illius reliquiae postea translatae sunt in Ecclesiam sancti Laurentii, ab ejus nomine in Damaso vocatam.

*In III. Noct. Homilia Ut ignorantiam, de Com. 2. loco, p. 47.*

*Vesp. a Capit. de Oct. cum comm. S. Damasi. Ant. Dum esset summus, et deinde Ferie.*

### DIE 12.

V. infra Oct. Conceptionis.

*Lect. I. Noct. de Script. ooc.*

IN I. NOCTURNO.

Ex libro S. Epiphanii Episcopi adversus hæreses.

*Lectio iv. Lib. 3. hæres. 78.*

**B**EATA mater Dei Maria per Hevam significatur, quæ per ænigma accepit, ut mater viventium vocetur. Illa etenim mater viventium vocata est, etiam postquam audivit: Terra es, et in terram reverteris, post transgressionem. Et mirum est quod post transgressionem hoc magnum cognomen habuit. Et quod quidem pertinet ad rem sensibilem, ab illa Heva omnis hominum generatio deducta est in terra: hic autem vere a Maria hæc vita Mundo genita est, ut viventem gigneret, et fieret Maria mater viventium. Per ænigma igitur Maria mater viventium appellata est.

*Lectio v.*

**H**EVÆ datum est operire corpus sensibile propter nuditatem sensibilem: Mariæ vero datum est a Deo ut pareret nobis Agnum et ovem, et ex gloria ipsius Agni et ovis fieret nobis velut a vellere in sapientia per virtutem ipsius indumentum incorru-

ptibilitatis. Heva etiam mortis causa facta est hominibus; per ipsam enim mors ingressa est in mundum: Maria vero causa vitæ, per quam genita est nobis vita, et per hanc Filius Dei advenit in mundum, et ubi abundavit peccatum, ibi superabundavit et gratia; et unde illata est mors, illinc processit et vita; ut vita pro morte fieret, et qui per mulierem nobis vita factus est, mortem ex muliere inductam excluderet. Et quoniam illic Heva, cum adhuc esset virgo, per inobedientiam transgressa est: e contrario per virginem obedientia gratiæ facta est, annuntiato adventu in carne de cælo, et vita æterna.

*Lectio vj.*

**D**E Maria accipitur ( licent mihi hoc dicere ) quod scriptum est de Ecclesia: Relinquet homo patrem suum et matrem suam, et adhærebit uxori suæ; et erunt duo in carne una. Sanctus autem Apostolus dicit: Mystrium hoc magnum est, ego autem dico in Christo et Ecclesia. Et vide Scripturarum accuratam dicendi proprietatem, quod de Adam quidem dixit, Formavit, de Heva vero, non formatam esse, sed ædificatam. Accepit enim, inquit, unam de costis ejus, et ædificavit ipsi in uxorem. Quo ostendat Dominum quidem de Maria efformasse sibi ipsi corpus, ab ipsa vero costa ædificatam esse Ecclesiam, in eo quod punctum et apertum est ipsius latus, et mysteria sanguinis et aquæ, pretia redemptionis facta sunt.

IN III. NOCTURNO.

*Lectio sancti Evangelii secundum Matthæum.*

*Lectio vij.*

Cap. 1.

**L**IBER generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilia S. Joannis Chrysostomi.



*Homilia 1. in Matth.*

**A**UDITU quidem mirabile est, quod ineffabilis Deus, et qui nec sermonibus explicari potest, nec cogitationibus comprehendere, Patrique per omnia cœqualis, per Virginis ad nos venit uterum, et fieri ex muliere dignatus est, et habere progenitores David et Abraham. Et quid dico David et Abraham? etiam illes, quod magis stupendum est, feminas, quas paulo ante memoravi. Hæc igitur audiens mente consurge, nihilque humile suspiceris, sed potius propter hoc ipsum maxime mirare, quia, cum verus et dilectus Filius sit sempiterni Dei, etiam filius David esse dignatus est, modo ut te filium faceret Dei: servum patrem habere dignatus est, ut tibi servo Patrem faceret ipsum Deum.

*Lectio viij.*

**V**IDES ab ipso statim principio quam læta sint hæc nuntia. Quod si ambigis de his quæ ad tuum spectant honorem, ab iis quæ illius sunt, etiam tua disce credere. Quantum enim consequi potest humana ratio, multo est difficilius Deum hominem fieri, quam hominem Dei filium consecrari. Cum ergo audieris quia Filius Dei filius sit et David et Abraham, dubitare jam desine quod et tu, qui filius es Adæ, futurus sis filius Dei. Non enim semetipsum ita humiliasset, nisi nos esset exaltaturus. Natus est enim secundum carnem, ut tu nascerere spiritu: natus est ex muliere, ut tu desineres filius esse mulieris.

*Lectio ix.*

**P**ROPTEREA duplex facta generatio est, hæc scilicet nostræ similis, illa nostram eminenter excedens. Quod enim natus ex femina est, et nobis competit; quod vero non ex sanguine, neque ex voluntate carnis, aut viri, sed ex Spiritu sancto, aliam nobis sublimiorem, futuramque, et spiritu consequendam generationem promittit. Sed alia quoque omnia ex

simili diversitate constabant. Nam et baptismum profecto tale suscepit, quod haberet quidem aliquid veteris, haberet et novi. Quod enim baptizatus est a Propheta, expressit vetus, quod autem descendit Spiritus, adumbravit novum.

*In Laud. fit comm. Ferie.**Vesperæ de sequenti.***DIE 13. S. Lucie,**Virginis et Martyris. *Duplex.**In I. Vesp. Ant. de Laud.*

*Ad Magnif. Ant.* In tua patientia possedisti animam tuam, Lucia sponsa Christi: odisti quæ in mundo sunt, et coruscas cum Angelis: sanguine proprio inimicum vicisti.

*Oratio.**Exaudi. de com. Virg. pag. 62.**Et fit comm. Oct. et Ferie.**Lect. I. Noct. De Virginibus.*

*q. j.* Lucia virgo, quid a me petis, quod ipsa poteris præstare continuo matri tuæ? nam et fides tua illi subvenit, et ecce salvata est: \* Quia jucundum Deo in tua virginitate habitaculum præparasti. *ψ.* Sicut per me civitas Catanensium sublimatur a Christo, ita per te Syracusana civitas decorabitur. *Quia.*

*q. ij.* Rogavi Dominum meum Jesum Christum, ut ignis iste non dominetur mei: \* Et impetravi a Domino inducias martyrii mei. *ψ.* Pro eo ut me diligerent, detrahebant mihi: ego autem orabam. *Et.*

*q. iij.* Grata facta est a Domino in certamine, quia apud Deum et apud homines glorificata est: in conspectu principis loquebatur sapientiam, \* Et Dominus omnium dilexit eam. *ψ.* Adjuvabit eam Deus vultu suo: Deus in medio ejus, non commovebitur. *Et. Gloria. Et.*

**IN II. NOCTURNO.***Lectio iv.*

**L**UCIA virgo Syracusana, genere et Christiana fide ab infantia nobilis, una cum matre Eutychia, quæ sanguinis fluxu laborabat, Cata-

nam ad venerandum corpus beatæ Agathæ venit. Quæ ad ejus sepulchrum cum suppliciter orasset, Agathæ intercessionem matri sanitatem impetravit. Statim vero matrem exoravit, ut quam dotem sibi datura esset, Christi pauperibus tribui pateretur. Ut igitur Syracusas rediit, omnem pecuniam, quam ex facultatibus venditis redegerat, pauperibus distribuit.

â. Veni, sponsa Christi, accipe coronam, quam tibi Dominus præparavit in æternum: pro cuius amore sanguinem tuum fudisti: Et cum Angelis in paradysum introisti.   
 ý. Veni, electa mea, et ponam in te thronum meum, quia concupivit Rex speciem tuam. Et.

*Lectio v.*

**Q**UOD ubi rescivisset is, cui eam parentes contra virginis voluntatem desponderant, apud Paschasium præfectum Luciam, quod Christiana esset, accusavit. Quam ille cum nec precibus, nec minis ad cultum idolorum posset perducere, imo tanto magis incensam videret ad celebrandas Christianæ fidei laudes, quanto magis ipse eam a sententia avertere conabatur: Cessabunt, inquit, verba, cum ventum erit ad verbera. Cui virgo: Dei servis verba deesse non possunt, quibus a Christo Domino dictum est: Cum steteritis ante reges et præsides, nolite cogitare quomodo aut quid loquamini; dabitur enim vobis in illa hora quid loquamini: non enim vos estis qui loquimini, sed Spiritus sanctus, qui loquitur in vobis.

â. Diffusa est gratia in labiis tuis: Propterea benedixit te Deus in æternum. ý. Specie tua et pulchritudine tua intende, prospere procedo, et regna. Propterea,

*Lectio vj.*

**Q**UAM cum Paschasius interrogasset. Estne in te Spiritus sanctus? respondit: Caste et pie viventes templum sunt Spiritus sancti. At

ille: Jubebo te ad lupanar duci, ut te Spiritus sanctus deserat. Cui virgo: Si invitam jusseris violari, castitas mihi duplicabitur ad coronam. Quare Paschasius ira inflammatus, Luciam eo trahi jussit, ubi ejus virginitas violaretur: sed divinitus factum est ut firma virgo ita consisteret, ut nulla vi de loco dimoveri posset. Quamobrem præfectus circum ipsam, pice, resina, ac ferventi oleo perfusam, ignem accendi imperavit: sed cum ne flamma quidem eam læderet, multis tormentis excruciatæ guttur gladio transfigitur. Quo vulnere accepto, Lucia prædicens Ecclesiæ tranquillitatem quæ futura erat, Diocletiano et Maximiano mortuis, Idibus Decembris spiritum Deo reddidit. Cujus corpus Syracusis sepultum, deinde Constantinopolim, postremo Venetias translatum est.

â. Specie tua et pulchritudine tua. Intende, prospere procedo, et regna.   
 ý. Diffusa est gratia in labiis tuis, propterea benedixit te Deus in æternum. Intende. Gloria. Intende.

*In III. Noct. Homilia Cælorum regnum, de Com. non Virg. p. 74.*

â. vij. Propter veritatem, et mansuetudinem, et justitiam: Et deducet te mirabiliter dextera tua. ý. Specie tua et pulchritudine tua intende, prospere procedo, et regna. Et.

â. viij. Dilexisti justitiam, et odisti iniquitatem: Propterea unxit te Deus, Deus tuus, oleo lætitiæ. ý. Propter veritatem, et mansuetudinem, et justitiam. Propterea. Gloria. Propterea.

### *Ad Laudes*

*et per Horas, Antiphonæ.*

1. Orante sancta Lucia, apparuit ei beata Agatha, et consolabatur ancillam Christi.

2. Lucia virgo, quid a me petis, quod ipsa poteris præstare continuo matri tuæ?

3. Per te, Lucia virgo, civitas

Syracusana decorabitur a Domino Jeſu Chriſto.

4. Benedico te , Pater Domini mei Jeſu Chriſti , quia per Filium tuum ignis extinctus eſt a latere meo.

5. Soror mea Lucia , \* virgo Deo devota , quid a me petis , quod ipſa poteris præſtare continuo matri tuæ ?

*Ad Bened. Ant.* Columna eſ immobilis , Lucia ſponſa Chriſti , quia omnis plebs te expectat , ut accipias coronam vitæ , alleluia.

*Deinde fit comm. Oct. et Ferie.*

*In II. Vesp. Ant. de Laudibus.*

*Ad Magnif. Ant.* Tanto pondere eam fixit Spiritus ſanctus , ut virgo Chriſti immobilis permaneret.

*Deinde fit Comm. Oct. et Ferie.*

Quando Feſtum S. Lucie incidit in Dom. III. Adv. , transferetur in diem ſequentem ; et tunc in II. Vesp. S. Lucie omnia dicuntur de die Oct. , ut in I. Vesp. Feſti cum comm. S. Lucie et Ferie.

## DIE 14.

VII. infra Oct. Conceptionis.

*Lect. I. Noct. de Script. occ.*

*In quatuor Temp. Ego ſapientia , ut in feſtis B. M. V. , p. 98. 1.*

### IN II. NOCTURNO.

Ex Epistoſa S. Ambroſii Episcopi ad Siricium Papam.

*Lectio IV.*

*Epist. 81. alias 7.*

**D**E via perversitatis produntur dicere : Virgo concepit , ſed non virgo generavit. Potuit ergo virgo concipere , non potuit virgo generare , cum ſemper conceptus præcedat , partus ſequatur. Sed ſi doctrinis non creditur ſacerdotum , credatur oraculis Chriſti , credatur monitis Angelorum dicentium : Quia non eſt impoſſibile Deo omne verbum. Credatur Symbolo Apoſtolorum , quod Eccleſia Romana intemeratum ſemper custodit et ſervat. Audivit Maria vocem Angeli , et quæ ante dixerat : Quomodo fiet iſtud ? non de fide generationis interrogans , reſpondit poſtea :

Eccc ancilla Domini : contingat mihi ſecundum verbum tuum.

Ex libro S. Hieronymi Preſbyteri adverſus Jovinianum.

*Ex Apol. ad Pammachium pro libro adverſus Jovinianum.*

*Lectio v.*

**C**HRISTUS virgo , mater virginis noſtri virgo perpetua , mater et virgo. Jeſus enim clauſis ingreſſus eſt oſtis ; et in ſepulchro ejus , quod novum et in petra duriffima fueret exciſum , nec antea quic , nec poſtea poſitus eſt. Hortus concludus , ſons ſignatus ; de quo fonte ille fluvius manat juxta Joel , qui irrigat torrentem vel ſunium , vel ſpinarum : ſunium peccatorum , quibus ante alligabamur : ſpinarum , quæ ſuffocant ſementem patriſfamilias. Hæc eſt porta Orientalis , ut ait Ezechiel , ſemper clauſa , et lucida , operiens in ſe , vel ex ſe proferens Sancta ſanctorum , per quam Sol juſtitie et Pontifex noſter ſecundum ordinem Melchisedech ingreditur et egreditur.

Ex libro S. Irenæi Episcopi et mart. adverſus hæreſes.

*Lectio vj.*

*Lib. 5. c. 19.*

**I**n ſua propria veniente Domino , et ſua propria eum bajulante conditione , quæ bajulatur ab ipſo , et recapitulationem ejus quæ in ligno fuit inobedientiæ , per eam quæ in ligno eſt obedientiam faciente , et ſeductione illa ſoluta , qua ſeducta eſt male illa quæ jam viro deſtinata erat virgo Heva , per veritatem evangelizata eſt bene ab Angelo jam ſub viro virgo Maria. Quemadmodum enim illa per angelicum ſermonem ſeducta eſt , ut effugeret Deum , prævaricata verbum ejus : ita et hæc per Angelicum ſermonem evangelizata eſt , ut portaret Deum , obediens ejus verbo. Et ſicut illa ſeducta eſt , ut effugeret Deum , ſic hæc ſuaſa eſt obedire Deo , ut virginis Hevæ virgo Maria fieret advocata ; et quemadmodum adſtrictum eſt morte genus huma-



num per virginem, solvatur per virginem, æqua lance disposita virginis inobedientia, per virginalem obedientiam.

### IN III. NOCTURNO.

Lectio sancti Evangelii secundum Matthæum.

Lectio vij.

Cap. I.

**L**IBER generationis Jesu Christi, filii David, filii Abraham. Abraham genuit Isaac, Isaac autem genuit Jacob. Et reliqua.

De Homilia S. J. Chrysostomi.

Unde supra, paulo post.

**C**UJUS vero rei gratia librum ipsum generationis Christi vocat, ubi non sola utique generatio, sed tota prorsus ipsius mysterii dispensatio continetur? quia totius scilicet dispensationis caput, radix atque principium omnium nobis in hoc consistit bonorum. Ut enim Moyses librum cæli appellavit ac terræ, cum certe non de cælo solum terraque loqueretur, sed de cunctis quæ inter ipsa subsistunt: ita etiam Evangelista ab ipso omnium fonte et capite bonorum librum vocavit.

Lectio viij.

**T**UA vero de causa non eum ante filium Abraham, et postea filium David nuncupavit? Non, sicut opinantur aliqui, ab inferioribus volens ad superiora conscendere. Cæterum fecisset quod fecit et Lucas; nunc autem e contrario facit. Cur ergo commemoravit priorem David? Quia ipse procul dubio in omnium versabatur ore, ob insigne honoris et gloriæ, ob ipsius quoque temporis spatia junctiora. Etsi enim utrique promiserat Deus, sed tamen illud quasi antiquum reticebatur, hoc vero quasi novum et recens ab omnibus celebrabatur.

In Quatuor Temp. Lectio ix. de Homilia Ferie.

Lectio ix.

**I**PSI namque Judæi dicunt: Nonne ex semine David, et Bethle-

hem castello, unde erat David, venit Christus? nemo igitur illum filium Abraham, sed omnes filium David nominabant; qui etiam honorabiliores quosque de sanctitate reges, qui post David fuisse referuntur, ab illo omnes vocabant. Nec ipsi solum, verum etiam Deus: nam et Ezechiel, et alii Prophetæ dicunt, David surrecturum esse eis, atque venturum, non de illo utique mortuo jam loquentes, sed de his qui illius virtutem erant imitaturi. Propterea igitur a notiore interim et celebratiore persona sumit exordium, et tum demum ad antiquiorem recurrit parentem.

In Laud. fit commem. Ferie.

Ad Vesp. Duplex: omnia ut in I. Vesp. diei cum comm. Ferie.

Si dies Oct. Concept. incidat in III. Dom. Adv., fit Offic. de Dom. hoc modo. Vesp. in Sabb. præced. dicuntur de Ferie, ut in Psalt., p. 97, et a Capit. fit de Dom. cum commemor. diei Octavæ, ut in I. Vesp. Festi, sine suffragiis nec precibus. Dis seq. fit de Dom. prædicta cum comm. Octavæ in Laud. et Vesp.

**Die 15.**

VIII. Conceptionis beatæ Mariæ.

Lect. I. Noct. de Script. occ.

In Quatuor Temp. Ego Sapientia, ut in festis B. M. V., p. 95.

IN II. NOCTURNO.

De Expositione S. Gregorii Papæ in libros Regum.

Lectio iv.

In I. Reg. I.

**F**UIT vir unus de Ramathaim Sophim, de monte Ephraim. Potest hujus montis nomine beatissima semper virgo Maria Dei genitrix designari. Mons quippe fuit, quæ omnem electæ creaturæ altitudinem, electionis suæ dignitate transcendit. An non mons sublimis Maria, quæ, ut ad conceptionem æterni Verbi pertingeret, meritorum verticem supra omnes Angelorum choros, usque ad solium Deitatis erexit? Hujus enim montis præcellentissimam dignitatem Isaias

vaticinans, ait: Erit in novissimis diebus preparatus mons domus Domini in vertice montium. Mons quippe in vertice montium fuit, quia altitudo Mariæ supra omnes Sanctos refulsit.

Ex Epistola sancti Leonis Papæ  
ad Pulcheriam Augustam.

Lectio v.

Epist. 13.

**S**ACRAMENTUM reconciliationis nostræ ante tempora æterna dispositum, nullæ implebant figuræ; quia nondum supervenerat Spiritus sanctus in Virginem, nec virtus Altissimi obumbraverat ei, ut et intra intemerata viscera, ædificante sibi Sapientis domum, Verbum caro fieret, et forma Dei ac forma servi in unam conveniente personam, Creator temporum nasceretur in tempore, et per quem facta sunt omnia, ipse inter omnia gigneretur. Nisi enim novus homo, factus in similitudinem carnis peccati, nostram susciperet vetustatem; et consubstantialis Patri consubstantialis esse dignaretur et matri, naturamque sibi nostram solus a peccato liber uniret, sub iugo diaboli generaliter teneretur humana captivitas.

De expositione S. Basilii Episcopi in  
Isaiam Prophetam.

Lectio vj.

In cap. 9.

**A**CCESSE, inquit, ad prophetissam, et in utero accepit, et peperit filium. Quod Maria prophetissa fuerit, ad quam proxime accessit Isaias per prænotationem spiritus, nemo contradixit, qui sit memor verborum Mariæ, quæ prophetico afflata spiritu elocuta est. Quid enim ait? Magnificat anima mea Dominum, et exultavit spiritus meus in Deo salutari meo, quia respexit humilitatem ancillæ suæ: ecce enim ex hoc beatam me dicent omnes generationes. Quod si animum accomodaveris universis ejus verbis, non utique contentiose negaveris eam fuisse prophetissam, quod Domini spiritus in eam

supervenerit, et virtus Altissimi obumbraverit ei.

### IN III. NOCTURNO.

Lectio sancti Evangelii secundum  
Matthæum.

Lectio vij.

Cap. I.

**L**IBER generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

De Homilia S. Joan. Chrysostomi.

Unde supra, paulo post.

**D**UO sunt quæ pariunt questionem: Unum, quæ causa sit, ut in generationum catalogo Virgo sileatur: alterum vero, quæ ratione Joseph memoretur, cui certe nihil cum Christi generatione est commune. Videtur enim et unum abundare, et alterum deesse. Quid ergo dicemus? quod utique primum illud necesse fuerit memorari, quemadmodum ex David Virgo descenderit. Unde hoc itaque discemus? Audi ad Gabriel loquentem Dominum: Vade ad virginem desponsatam viro, cui nomen Joseph, ex domo et familia David. Quid vis audire manifestius, cum ex domo et familia David illam virginem esse cognoscas?

Lectio viij.

**N**ON erat mos apud Hebræos generationum catalogum per feminas texere. Ut ergo et morem custodiret, ne in ipso statim principio videretur antiqua destruere, et nobis Virginem certius indicaret, parentes ejus reticens atque majores, de Joseph generatione non tacuit. Sive enim hæc fecisset in Virgine, novitatis non effugisset invidiam: sive Joseph reticuisset, non agnosceremus ex qua tribu Virgo subsisteret. Ut ergo et nos discernereamus quæ esset Maria, vel unde, et consuetudo legis permaneret immobilis, generationum catalogum usque ad sponsum ejus perduxit, ac de domo illum David esse monstravit.

*In Quatuor Tem. Lectio ix. de Homil. Feries.*

*Lectio ix.*

**H**OC enim declarato, illud quoque pariter ostendit, quod scilicet inde esset et Virgo; quia utique nequaquam justus iste pateretur uxorem sibi allunde, quam unde lex præcipiebat, eligere. Possumus vero aliam quoque et altiore quidem proferre rationem, ob quam parentes Virginis prætermissi sunt. Sed quæ ea est? Noluit Evangelista recenti adhuc tempore novi illius admirandique partus Judæis esse manifestum, quod Christus natus fuisset ex virgine. Neque proprius noster hic sermo est, sed a nobis de Patrum atque insignium virorum traditione susceptus.

*In Laud. fit commemor. Feries.*

*In II. Vesp. comm. sequentis et Feries.*

**DIE 16. S. EUSEBII**

Episcopi et Martyris. Senid.

*Oratio.*

**D**EUS, qui nos beati Eusebii Martyris tulatque Pontificis annua solemnitate lætificas, concede propitius, ut cujus natalitia colimus, de ejusdem etiam protectione gaudeamus. Per Dominum.

*Deinde fit commemor. Feries.*

*Lect. I. Noct. de Script. oco.*

*In Quatuor Temp. A Mileto.*

**IN II. NOCTURNO.**

*Lectio iv.*

**E**USEBIUS natione Sardus, Romanæ Urbis Lector, post Vercellensis Episcopus, ad hanc regendam Ecclesiam merito est creditus divino electus judicio: nam quem nunquam ante constituti electores cognoverant, posthabitis civibus, simul ut viderunt et probaverunt, tantumque interfuit ut probaretur, quantum ut videretur. Primus in occidentis partibus in eadem Ecclesia eosdem monachos instituit esse, quos Clericos, ut esset in ipsis viris et con-

temptus rerum, et accuratio Levitarum. Arianis impietatibus ea tempestate per Occidentem longe lateque traductis, adversus eas viriliter sic dimicavit, ut ejus invicta fides Liberium Summum Pontificem ad vitam solatium erigeret. Quare hic sciens in ipso fervere Spiritum Dei, cum ei significasset ut penes Imperatorem una cum suis legatis patrocinium fidei susciperet, mox cum illis profectus est ad Constantium: apud quem enixius agens, quidquid legatione petebatur, obtinuit, ut Episcoporum nempe cœtus celebraretur.

*Lectio ij.*

**C**OLLECTUM est Mediolani anno sequenti Concilium, ad quod a Constantio invitatum Eusebium, concupitumque, ac vocatum a Liberii legatis, tantum abest ut malignantium synagoga Arianorum contra sanctum Athanasium furentium in suas partes adduceret, ut potius diserte statim ipse declarans, e presentibus quosdam sibi compertos hæretica labe pollutos, Nicœnam imo fidem proposuerit illis subscribendam, antequam cætera tractarentur. Quod Arianis acerbè iratis negantibus, nedum in Athanasium recusavit ipse subscribere, quin sancti Dionysii martyris, qui deceptus ab ipsis subscripserat, captivatam simplicitatem ingeniosissime liberavit. Quamobrem illi graviter indignantes, post multas illatas injurias, exilio illum mulctarunt; sed sanctus vir, excusso pulvere, nec Cæsaris minas veritus, nec euses obstrictos, exilium veluti sui ministerii officium accepit, missusque Scythopolim: famem, sitim, verbera, diversaque supplicia perpassus, pro fide strenue vitam contempsit, mortem non metuit, corpus carnificibus tradidit.

*Lectio vj.*

**Q**UANTA in eum tunc Arianorum crudelitas fuerit, ac effrons inverecundia, ostendunt graves litteræ plenæ roboris, pietatis, ac religionis,



quas e Scythopoli scripsit ad Vercellensem Clerum, et populum; aliosque finitimos; e quibus etiam est exploratum, ipsorum nec minis, inhumanaque sævitia potuisse unquam eum deterreri, nec serpentina blanda subtilitate ad eorum societatem perducti. Hinc in Cappadociam, postremoque ad superiores Ægypti Thebaidas præ constantia sua deportatus, exilii rigores tulit ad mortem usque Constantii, post quam ad gregem suum reverti permissus, non prius redire voluit, quam reparandis fidei jacturis ad Alexandrinam Synodum sese conferret, postque, medici præstantis instar, peragrans Orientis provincias in fide infirmos ad integram valetudinem restitueret, eos instituens in Ecclesiæ doctrina. Inde salubritate pari digresso in Illyricum, tandemque in Italiam delato, ad ejus reditum lugubres vestes Italia mutavit: ubi postquam psalmorum omnium expurgatos a se commentarios Origenis edidit, Eusebiique Cæsariensis, quos verterat de græco in latinum: demum tot egregie factis illustris ad immarcescibilem gloriæ coronam tantis meritis promeritam sub Valentiniano et Valente Vercellis migravit.

In III. Noct. Homilia Quia Dominus ac Redemptor, de Com. 2. loco, p. 22.

q. viij. Domine prævenisti eum.

In Quatuor Temp. Lectio ix. de Homil. et comm. Feriæ in Laud.

**IN VIGILIA S. THOMÆ.**

Nihil fit de ea nisi in Missa.

**DIE 21. S. Thomæ**

Apostoli. Duplex 2. Classis.

Ad Magnif. in utrisque Vesp. et ad Bened. in Laud. Ant. Quia vidiisti me, Thoma, credidisti: beati qui non viderunt, et crediderunt, alleluia.

Oratio.

**D**A nobis, quæsumus, Domine, beati Apostoli tui Thomæ sollemnitatibus gloriari, ut ejus semper

et patrocinii sublevemur, et fidem congrua devotione sectemur. Per Dominum.

Pro comm. Adv. Ant. **Θ** clavis. Si autem Festum transferatur in ij. Feriam, Ant. **Θ** oriens.

Lect. I. Noct. Sic nos existimet.

## IN II. NOCTURNA

Lectio iv.

**THOMAS** Apostolus, qui et Didymus, Galilæus, post acceptum Spiritum sanctum in multas provincias profectus est ad prædicandum Christi Evangelium. Parthis, Medis, Persis, Hyrcanis, et Bactris Christianæ fidei et vitæ præcepta tradidit. Postremo ad Indos se conferens, eos in Christiana religione erudit. Qui ad extremum, vitæ doctrinæque sanctitate, et miraculorum magnitudine, cum cæteris omnibus sui admirationem, et Jesu Christi amorem commovisset, illius gentis regem, idolorum cultorem, magis ad iram accendit: cujus sententia condemnatus, telisque confossus, Calaminæ Apostolatus honorem martyrii corona decoravit.

Lectio v. et vj. Scriptum est, de Com. I loco, cum q. v. et vj.

## IN III. NOCTURNO.

Lectio sancti Evangelii secundum Joannem.

Lectio vij.

Cap. 20.

**I**N illo tempore: Thomas unus ex duodecim, qui dicitur Didymus, non erat cum eis quando venit Jesus. Et reliqua.

Homilia Sancti Gregorii Papæ.

Homilia 16 in Evangelia.

**Q**UID, fratres charissimi, quid inter hæc animadvertitis? Numquid casu gestum creditis, ut electus ille discipulus tunc deesset, post autem veniens audiret, audiens dubitaret, dubitans palparet, palrans crederet? Non hoc casu, sed divina dispensatione gestum est. Egit namque miro modo superna clementia, ut di-

scipulus ille dubitans, dum in magistro suo vulnera palparet carnis, in nobis vulnera sanaret infidelitatis. Plus enim nobis Thomæ infidelitas ad fidem, quam fides credentium discipulorum profuit: quia dum ille ad fidem palpando reducitur, nostra mens, omni dubitatione postposita, in fide solidatur.

*Lectio viij.*

**S**IC quippe discipulum Dominus post resurrectionem suam dubitare permisit, nec tamen in dubitatione deseruit: sicut ante nativitatem suam habere Mariam sponsum voluit, qui tamen ad ejus nuptias non pervenit. Nam ita factus est discipulus dubitans et palans, testis veræ resurrectionis, sicut sponsus matris fuerat custos integerrimæ virginitatis. Palpavit autem, et exclamavit: Dominus meus, et Deus meus. Dicit ei Jesus: Quia vidisti me, credidisti. Cum Paulus Apostolus dicat: Est autem fides sperandarum substantia rerum, argumentum non apparentium; profecto liquet quia fides illarum rerum argumentum est, quæ apparere non possunt. Quæ etenim apparent, jam fidem non habent, sed agnitionem.

*In Quatuor Tem, Lectio ix. de Homilia Ferie.*

*Lectio ix.*

**D**UM ergo vidit Thomas, dum palpavit, cur ei dicitur, Quia vidisti me, credidisti? Sed aliud vidit, aliud credidit. A mortali quippe homine divinitas videri non potuit. Hominem ergo vidit, et Deum confessus est, dicens: Dominus meus, et Deus meus. Videndo ergo credidit, qui considerando verum hominem, hunc Deum, quem videre non poterat, exclamavit. Lætificat valde quod sequitur: Beati qui non viderunt, et crediderunt. In qua nimirum sententia nos specialiter signati sumus, qui eum, quem carne non vidimus, mente retinemus. Nos signati sumus, sed si fidem nostram operibus sequimur.

Ille etenim vere credit, qui exercet operando quod credit.

*Pro comm. Adv. Ant. Nolite timere.*

*Si hoc Festum transferatur, tunc Ant. Nolite dicitur ad Bened. in Dom. loco Ant. Ave Maria, et in offic. S. Thomæ pro comm. Adv. ponitur Ant. Ferie ij. Dicit Dominus.*

## FESTA JANUARI.

*Prima die non impedita dicitur Officium defunctorum.*

**Die 11. S. Hygini,**

**Papæ et Martyris.**

*Commemorat. infra Oct. Epiph. in Vesp. et Laud. Oratio infirmitatem.*

**DOM. II. POST EPIPH.**

**IN FESTO 28. NOMINIS JESU.**

**Duplex 2. Classis.**

*Occurrente Dom. Septuag., reponitur hoc Festum quoad Offic. in diem 28 Januarii tanquam in sedem propriam, translato quovis alio Festo, nisi altioris sit ritus, et tunc omittitur Alleluia ubicumque occurrat, et legitur ix. Lectio de N. Agnete secundo, de qua comm. in Laud. tantum.*

**In I. Vesperto.**

**Ant. 1. Omnis qui invocaverit nomen Domini, salvus erit.**

*Psalmi de Dom. et loco ult. Credidi, p. 88.*

**2. Sanctum et terribile nomen ejus, initium sapientiæ timor Domini.**

**3. Ego autem in Domino gaudebo, et exultabo in Deo Jesu meo.**

**4. A solis ortu usque ad occasum laudabile nomen Domini.**

**5. Sacrificabo hostiam laudis, et nomen Domini invocabo.**

**Capitulum. Philip. 2.**

**F**RATRES, Christus humiliavit semetipsum, factus obediens usque ad mortem, mortem autem crucis. Propter quod et Deus exaltavit illum, et donavit illi nomen, quod est super omne nomen; ut in nomine Jesu omne genu flectatur.

## HYMNUS.

**J**ESU dulcis memoria,  
 Dans vera cordis gaudia :  
 Sed super mel et omnia  
 Ejus dulcis presentia.

Nil canitur snavius,  
 Nil auditur jucundius,  
 Nil cogitatur dulcius,  
 Quam Jesus Dei Filius.

Jesu spes penitentibus,  
 Quam pius es petentibus !  
 Quam bonus te querentibus !  
 Sed quid inventientibus ?

Nec lingua valet dicere,  
 Nec littera exprimere :  
 Expertus potest credere,  
 Quid sit Jesum diligere.

Sis, Jesu, nostrum gaudium,  
 Qui es futurus primum :  
 Sit nostra in te gloria,  
 Per cuncta semper secula. Amen.

1. Sit nomen Domini benedictum,  
 alleluia. 2. Ex hoc nunc et usque  
 in seculum, alleluia.

*Ad Magnif. Ant.* Fecit mihi magna qui potens est, et sanctum nomen ejus, alleluia.

*Oratio ut infra in Laudibus.*

*Et sit comm. Dom. II. post Epiph.*

*Ad Complet. et Horas in fine Hymnorum dicitur.*

Jesu, tibi sit gloria,  
 Qui natus es de Virgine.

*Ad Benedictioem.*

*Invit.* Admirabile nomen Jesu, quod est super omne nomen, \* Venite, adoremus.

## HYMNUS.

**J**ESU Rex admirabilis,  
 Et triumphator nobilis,  
 Dulcedo ineffabilis,  
 Totus desiderabilis :

Quando cor nostrum visitas,  
 Tunc lucet ei veritas,  
 Mundi vilescit vanitas,  
 Et intus fervet charitas.

Jesu dulcedo cordium,  
 Fons vivus, lumen mentium,  
 Excedens omne gaudium,  
 Et omne desiderium.

Jesum omnes agnoscite,  
 Amorem ejus poscite,  
 Jesum ardentem querite,  
 Querendo inardescite.

Te nostra, Jesu, vox sonet,  
 Nostri te mores exprimant,  
 Te corda nostra diligant,  
 Et nunc, et in perpetuum. Amen.

## IN I. NOCTURNO.

*Ant. 1.* Domine Dominus noster, quam admirabile est nomen tuum in universa terra !

*Psalmi ut in festis B. M. V.*

2. In nomine Jesu omne genu flectatur coelestium, terrestrium, et infernorum.

3. Confitemini Domino, et invocate nomen ejus : mementote quoniam excelsum est nomen ejus.

4. Propter nomen tuum, Domine, propitiaberis peccato meo.

5. Multum est enim.

De Actibus Apostolorum.

*Lectio j.*

*Cap. 3.*

**P**ETRUS autem et Joannes ascendebant in templum ad horam orationis nonam. Et quidam vir, qui erat claudus ex utero matris suae, bajulabatur : quem ponebant quotidie ad portam templi, quae dicitur Speciosa, ut peteret eleemosynam ab introeuntibus in templum. Is cum vidisset Petrum et Joannem incipientes introire in templum, rogabat ut eleemosynam acciperet. Intuens autem in eum Petrus cum Joanne, dixit : Respice in nos. At ille intendebat in eos, sperans se aliquid accepturum ab eis. Petrus autem dixit. Argentum et aurum non est mihi : quod autem habeo, hoc tibi do : In nomine Jesu Christi Nazareni surge, et ambula. Et apprehensa manu ejus dextera, allevavit eum, et protinus consolidatae sunt bases ejus et plantae. Et exiliens stetit, et ambulabat ; et intravit cum illis in templum ambulans, et exiliens, et laudans Deum.

6. Ecce concipies et paries filium, et vocabis nomen ejus Jesum : Ipse enim salvum faciet populum suum a



ne in hujus nominis luce Deus nos vocavit in admirabile lumen suum; quibus illuminatis, et in lumine isto videntibus lumen, dicat merito Paulus: Fuistis aliquando tenebræ, nunc autem lux in Domino?

¶. Sperent in te, qui noverunt nomen tuum: \* Quoniam non dereliquisti quærentes te, Domine. ¶. Exurge, Domine, adjuva nos, et libera nos propter nomen tuum. Quoniam.

*Lectio v.*

**H**OC denique nomen coram regibus et gentibus, et filiis Israel portare jussus est idem Apostolus, et portabat nomen tanquam lumen, et illuminabat patriam, et clamabat ubique: Nox præcessit, dies autem appropinquavit. Abjiciamus ergo opera tenebrarum, et induamur arma lucis, sicut in die honeste ambulemus. Et monstrabat omnibus lucernam super candelabrum, annuntians in omni loco Jesum, et hunc crucifixum. Quomodo lux ista resplenduit, ac perstrinxit eunctorum intuentium oculos, quando de ore Petri tanquam fulgur egrediens, claudi unius corporales plantas solidavit et bases, multosque spiritualiter cæcos illuminavit? Numquid non ignem sparsit, cum ait: In nomine Jesu Christi Nazareni surge, et ambula?

¶. Confiteamur nomini tuo magno, \* Quoniam terribile et sanctum est. ¶. Hi in curribus, et hi in equis, nos autem in nomine Domini Dei nostri invocabimus. Quoniam.

*Lectio vj.*

**N**EC tantum lux est nomen Jesu, sed est et cibus. An non toties confortaris, quoties recordaris? Quid æque mentem cogitantis impinguat? Quid ita exercitatos reparat sensus, virtutes roborat, vegetat mores bonos atque honestos, castas fovet affectiones? Aridus est omnis animæ cibus, si non oleo isto infunditur; insipidus est, si non hoc sale conditur. Si stribas, non sapit mihi, nisi legero ibi Jesum. Si disputes aut conferas, non

sapit mihi, nisi sonuerit ibi Jesus. Jesus mel in ore, in aure melos, in corde jubilus. Sed est et medicina. Tristatur aliquis nostrum? Veniat in cor ejus Jesus, et inde saliat in os. Et ecce ad exortum nominis lumen, nubilum omne diffugit, redit serenum. Labitur quis in crimen? currit insuper ad laqueum mortis desperando? Nonne si invocet nomen vitæ, confestim respirabit ad vitam?

¶. Latentur omnes, qui sperant in te, Domine; in æternum exultabunt, et habitabis in eis, et gloriabuntur in te omnes, \* Qui diligunt nomen tuum. ¶. Domine, in lumine vultus tui ambulabunt: et in nomine tuo exultabunt tota die. Qui. Gloria. Qui.

### IN III. NOCTURNO.

*Ant. 1.* Cantate Domino, et benedicite nomini ejus: annuntiato de die in diem salutare ejus.

2. Secundum nomen tuum, Deus, sic et laus tua in fines terræ: justitia plena est dextera tua.

3. Cantate Deo, psalmum dicite nomini ejus; iter facite ei qui ascendit super occasum, Dominus nomen illi.

¶. Afferte Domino gloriam et honorem. ¶. Afferte Domino gloriam nomini ejus.

*Lectio sancti Evangelii secundum Lucam.*

*Lectio vij.*

*Cap. 2.*

**I**N illo tempore: Postquam consummati sunt dies octo, ut circumcideretur puer, vocatum est nomen ejus Jesus. Et reliqua.

*Homilia sancti Bernardi Abbatis.*

*Serm. 1. de Circumcisione.*

**M**AGNUM et mirabile Sacramentum! Circumciditur puer, et vocatur Jesus. Quid sibi vult ista connexio? Circumcisio nempe magis salvandi, quam Salvatoris esse videtur, et Salvatorem circumcidere potius decet, quam circumcidi. Sed agnosce mediatorem Dei et hominum, qui ab ipso nativitatis suæ exordio divinis humana sociat, ima summis. Nasci-

● Jesu mi dulcissime,  
Spes suspirantis animæ!  
Te querunt piæ lacrymæ  
Te clamor mentis intimæ.

Mande nobiscum, Domine,  
Et nos illustra lumine;  
Pulsa mentis caligine,  
Mundum reple dulcedine.

Jesu, flos Matris virginis,  
Amor nostræ dulcedinis,  
Tibi laus, honor nominis,  
Regnum beatitudinis. Amen.

†. Adjutorium nostrum in nomine  
Domini. ♀. Qui fecit cælum et ter-  
ram.

*Ad Bened. Ant.* Dedit se ut libe-  
raret populum, et acquireret sibi no-  
men æternum, alleluia.

*Oratio.*

**D**EUS, qui unigenitum Filium tu-  
um constituisti humani generis  
Salvatorem, et Jesum vocari jussisti,  
concede propitius, ut cujus sanctum  
nomen veneramur in terris, ejus quo-  
que aspectu perfruamur in cælis. Per  
eundem.

*Et sit comm. Dom. II. post Epiph.*

*Ad Primam in ♀. br. †. Qui natus  
es de Maria virgine.*

*Ad Tertiam.*

*Capit. Fratres Christus.*

♀. br. Sit nomen Domini benedi-  
ctum, \* Alleluia, alleluia. Sit. †.  
Ex hoc nunc et usque in sæculum.  
Alleluia, alleluia. Gloria. Sit. †. Af-  
ferte Domino gloriam et honorem,  
alleluia. ♀. Afferte Domino gloriam  
nomini ejus, allel.

*Ad Sextam.*

*Capitulum. Philip. 2.*

**I**N nomine Jesu omne genu flecta-  
tur cælestium, terrestrium, et  
infernorum; et omnis lingua confi-  
teatur, quia Dominus Jesus Christus  
in gloria est Dei Patris.

♀. br. Afferte Domino gloriam et  
honorem, \* Alleluia, alleluia. Affer-  
te. †. Afferte Domino gloriam nomi-  
ni ejus. Alleluia, allel. Gloria. Affer-

te. †. Magnificate Dominum mecum,  
alleluia. ♀. Et exaltemus nomen ejus  
in idipsum, alleluia.

*Ad Nonam.*

*Capitulum.*

*Col 3.*

**O**MNE quodcumque facitis in ver-  
bo, aut in opere, omnia in no-  
mine Domini Jesu Christi facite, gra-  
tias agentes Deo, et Patri per i-  
psam.

♀. br. Magnificate Dominum me-  
cum, \* Alleluia, allel. Magnificate.  
†. Et exaltemus nomen ejus in idip-  
sum. Alleluia, alleluia. Gloria. Ma-  
gnificate. †. Adjutorium nostrum in  
nomine Domini, alleluia. ♀. Qui fecit  
cælum et terram, allel.

*In II. Vespere.*

*Omnia dicuntur ut in I. præter*

*Ad Magnif. Ant.* Vocabis nomen  
ejus Jesum: ipse enim salvum faciet  
populum suum a peccatis eorum, al-  
leluia.

*Et sit comm. Dom. II. post Epiph.*

**D**ie 14. S. Hilarii,

Episc. Conf. et Ecclesie Doct.

*Semiduplex. ( m. t. v. )*

*Ant. Sacerdos. †. Amavit.*

*Oratio.*

Deus qui populo ec. de com. Doct.  
pag. 39.

*Comm. S. Felicis Presb. et Mart.*

♀. Ant. Iste Sanctus. †. Gloria et  
honore.

♀. Et constituisti.

*Oratio.*

**C**ONCEDE, quesumus, omnipo-  
tens Deus, ut ad meliorem vi-  
tam, Sanctorum tuorum exempla nos  
provocent, quatenus quorum sole-  
mnia agimus, etiam actus imitemur.  
Per Dominum.

*Lect. I. Noct. de Scrip. occ.*

**IN II. NOCTURNO.**

*Lectio iv.*

**H**ILARIUS in Aquitania nobili  
genere natus, doctrina et elo-

quentia excelluit. Qui primum in matrimonio, quasi monachi vitam egit: deinde propter singulares virtutes Pictavorum Episcopus creatur: quod munus Episcopale sic gessit, ut a fidelibus summam laudem consequeretur. Quo tempore, cum terroribus, bonorum spoliatione, exilio, et omni crudelitate Constantius Imperator Catholicos vexaret, nisi ad Arianas partes transirent, Hilarius tanquam firmissimum murum se Arianis opponens, illorum furorem in se concitavit. Itaque multis petitis insidiis, tandem dolo Saturnini Arelatensis Episcopi, de Synodo Biterrensi in Phrygiam relegatus est: ubi et mortuum suscitavit, et libros duodecim scripsit de Trinitate contra Arianos.

*Lectio v.*

**QUADRIENNIO** post, coacto concilio ad Seleuciam Isauriae urbem, Hilarius adesse compulsus est, ac deinde Constantinopolim profectus, ubi extremum fidei periculum animadvertit, tribus libellis publice datis, audientiam Imperatoris poposcit, ut de fide cum adversariis coram disputaret. Verum cum Ursacius et Valens Ariani Episcopi, quos Hilarius scriptis confutarat, praesentis eruditionem pertimescerent, Constantio persuaserunt, ut specie honoris eum in suum Episcopatum restitueret. Tunc Hilarium e praelio haereticorum revertentem; ut inquit sanctus Hieronymus, Galliarum Ecclesia complexa est. Quem ad Episcopatum secutus est Martinus, qui postea Turonensi praefuit Ecclesiae; tantumque illo doctore profecit, quantum ejus postea sanctitas declaravit.

*Lectio vj.*

**MAGNA** deinceps tranquillitate Pictavorum Ecclesiam administravit, Galliamque universam adduxit, ut Arianorum impietatem condemnaret. Multos libros scripsit mira eruditione, quos omnes sanctus Hieronymus ad Laetam sine ulla erroris suspitione legi posse testatur illis

verbis: Hilarii libros inoffenso decurrat pede. Migravit in caelum Idibus Januarii, Valentiniano et Valente Imperatoribus, anno post Christum natum trecentesimo sexagesimo nono.

*In III. Noct. Homilia* Vos estis sal terrae *pro Doct. 2. loco, p. 49. Ex tribus Lect. sunt duae: prior desinit ad \**.

*Pro S. Felice Presb. et Mart.*

*Lectio ix.*

**FELIX** Nolanus Presbyter, cum in idola vehementius invehere-  
tur, ab infidelibus varie vexatus, in carcerem conjicitur. Unde ab Angelo nocte eductus, quærere jussus est Maximianum Nolæ Episcopum; qui, cum senio confectus desperaret se ferre posse supplicia persequentium, se abdiderat in silvam. Quo cum Felix Deo duce pervenisset, sanctum Episcopum humi jacentem pene mortuum videt: quem recreatum, ac sublatum in humeros apud fidelem vi-  
duam reficiendum curavit. Sed cum is iterum idolorum cultores impietatis argueret, facto in ipsum impetu, fugiens in angusto duorum parietum intervallo se occultavit. Qui aditus cum repente aranearum telis pertextus visus esset, nemini recentis latebrae suspicionem reliquit. Iude igitur evadens Felix, in ædibus piæ mulieris tres menses latuit. Cum vero Dei Ecclesia requiescere cœpisset, Nolam rediens, multisque ibi vitæ exemplis, et doctrinae præceptis, miraculisque ad Christi fidem conver-  
sis, constanter etiam recusato ejus urbis Episcopatu, obdormivit in Domino, sepultusque est prope Nolam, in loco, quem in Pincis appellabant.

*In laud. fit comm. S. Felicis.*

*Vesperæ de sequenti.*

**Die 15. S. Pauli,**

*Primi Eremitæ. Dupl. (m. 1. v.).*

*Orat. Deus, qui nos p. 51.*

*Fit comm. præced. Ant. Amavit.*

*f. Elegit eum Dominus sacerdotem sibi. q. Ad sacrificandum ei hostiam laudis.*



Deinde *S. Mauri Abbatis*, *Ant. Euge serve. ꝑ. Justum. Oratio Intercessio p. 51.*

*Sed si Festum S. Pauli transferatur, non variantur Ant. et ꝑ.*

*Lect. I. Noct. de Script. occ.*

## IN II. NOCTURNO.

### Lectio iv.

**PAULUS**, Eremitarum auctor et magister, apud inferiorem Thebaidem natus, cum quindecim esset annorum, orbatus parentibus, declinanda causa persecutionis Decii et Valeriani, et Deo liberius inserviendi, in eremi speluncam se contulit: ubi, palma ei victum et vestitum præbente vixit ad centesimum et decimum tertium annum, quo tempore ab Antonio nonagenario Dei admonitu in-visitur. Quibus inter se, cum antea non nossent, proprio nomine consulantibus, et multa de regno Dei colloquentibus, corvus, qui antea semper Paulo dimidiatum panem attulerat, integrum detulit.

### Lectio v.

**POST** corvi discessum, Eia, inquit Paulus, Dominus nobis prandium misit; vere pius, vere misericors. Sexaginta jam anni sunt, cum accipio quotidie dimidii panis fragmentum, nunc ad adventum tuum militibus suis Christus duplicavit annonam. Quare cum gratiarum actione ad fontem capientes cibum, ubi tantisper recreati sunt, iterum gratiis de more Deo actis, noctem in divinis laudibus consumpserunt. Diluculo Paulus de morte, quæ sibi instaret, admonens Antonium, hortatur ut pallium, quod ab Athanasio acceperat, ad involvendum suum corpus, afferret. Quo ex itinere rediens ille, vidit inter Angelorum choros, inter Prophetarum et Apostolorum cætus Pauli animam in cælum ascendere.

### Lectio vj.

**CUMQUE** ad ejus cellam pervenisset, invenit genibus compli-

catis, erecta cervice, extensisque in altum manibus corpus exanime: quod pallio obvolvens, hymnosque et psalmos ex Christiana traditione decantans, cum sarculum, quo terram foderet, non haberet, duo leones ex interiore eremo rapido cursu ad beatisenæ corpus feruntur, ut facile intelligeretur eos, quo modo poterant, ploratum edere: qui certatim terram pedibus effodientes, foveam, quæ hominem commode caperet, effecerunt. Qui cum abiissent, Antonius sanctum corpus in eum locum intulit, et injecta humo, tumulum ex Christiano more composuit: tunicam vero Pauli, quam in sportæ modum ex palmæ foliis ille sibi contexuerat, secum auferens, eo vestitu diebus solemnibus Paschæ et Pentecostes, quoad vixit, usus est.

*In III. Noct. Homilia Venite ad me omnes pro Abb. 2. loco, p. 60.*

*Pro S. Mauro Abbate.*

### Lectio ix.

**MAURUS** nobilis Romanus, puer a patre Eutychio Deo sub sancti Benedicti disciplina oblatus, brevi tantum divina gratia profecit, ut ipsi magistro admirationi esset, qui illum sæpe veluti regularis observantiæ et virtutum omnium speciem cæteris discipulis ad imitandum proponebat. Cujus adhuc adolescentis illud admirabilis obedientiæ exemplum a sancto Gregorio Papa commemoratur. Nam cum Placidus monachus in lacum prolapsus, aquarum impetu raperetur, sancti patris jussu accurrens Maurus, et super aquas incedens socium capillis apprehensum, ad terram attraxit. Missus in Galliam ab eodem sancto Benedicto, celebri monasterio extracto, cui annos quadraginta præfuit, monasticam disciplinam mirifice propagavit. Denique sanctitate et miraculis clarus, septuagenario major migravit in cælum, anno salutis quingentesimo sexagesimo quinto.

*In Laud. pro comm. S. Mauri.  
Ant. Similabo: ꝑ. Amavit.*

*In II. Vesp. fit comm. sequentis,*

**DIE 16. S. Marcelli,**

**Papa et Martyris. Semidupl.**

*Oratio.*

**P**RECES populi tui, quæsumus,  
Domine, clementer exaudi, ut  
beati Marcelli Martyris tui atque Pon-  
tificis meritis adjuvemur, cujus pas-  
sione lætatur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio vi.*

**M**ARCELLUS Romanus a Con-  
stantio et Galerio usque ad Ma-  
xentium Pontificatum gessit. Cujus  
hortatu, Lucina matrona Romana ho-  
norum suorum Dei Ecclesiam fecit  
heredem. Viginti quinque titulos in  
Urbe instituit, quasi dioceses quas-  
dam, et ad baptismum penitentiam-  
que eorum, qui ex infidelibus Chri-  
stianam religionem susciperent, et  
ad martyrum sepulturam. Quibus re-  
bus ira incensus Maxentius, Marcello  
gravia supplicia minatur, nisi, depo-  
sito Pontificatu, idolis immolaret.

*Lectio v.*

**Q**UI cum insanas hominis voces  
negligeret, misit eum in cata-  
bulum, ut bestiarum, quæ publico  
alebantur, curam sustineret. Ubi Mar-  
cellus assiduis jejuniis et precibus  
novem menses vitam duxit, parochi-  
as, quas præsens non poterat, visi-  
tans per epistolas. Inde ereptus a cle-  
ricis, hospitio recipitur a beata Luci-  
na: in cujus ædibus Ecclesiam dedi-  
cavit, quæ hodie titulo sancti Mar-  
celli nominatur. In qua et Christiani  
orabant, et ipse beatus Marcellus  
prædicabat.

*Lectio vj.*

**Q**UIBUS cognitis, Maxentius in  
eam Ecclesiam catabuli bestias  
transferi, et a Marcello custodiri ju-  
bet: ubi loci sceditate, multisque æ-  
rumnis afflictus, obdormivit in Do-

mino. Cujus corpus in cimiterio Pri-  
scillæ via Salaria a beata Lucina se-  
pultum est decimo septimo Kalendas  
Februarii. Sedit annos quinque, men-  
sem unum, dies viginti quinque. Scri-  
psit epistolam ad Episcopos Antioche-  
næ provincie de primatu Romanæ  
Ecclesie, quam caput Ecclesiarum  
appellandam demonstrat. Ubi etiam  
illud scriptum est, nullum Concilium  
jure celebrari, nisi ex auctoritate Ro-  
mani Pontificis. Ordinavit mense De-  
cembri Romæ Presbyteros viginti quin-  
que, Diaconos duos, Episcopos per  
diversa loca viginti unum.

*In III. Noct. Homilia, Quia Domi-  
nus ac Redemptor de Com. 2. loco  
p. 22°.*

*q. vij. Domine prævenisti.*

*Vesperæ de sequenti.*

**DIE 17. S. Antonii,**

**Abbatis. Duplex.**

*Orat. Intercessio nos, p. 51.°*

*Deinde fit comm. S. Marcelli.*

*Lect. I. Noct. de Script. occ.*

**IN II. NOCTURNO.**

*Lectio iv.*

**A**NTONIUS Ægyptius, nobilibus  
et Christianis parentibus natus,  
quibus adolescens orbatu est, cum  
ingressus Ecclesiam ex Evangelio au-  
divisset: Si vis perfectus esse, vade  
et vende omnia quæ habes, et da pau-  
peribus; tanquam ea sibi dicta essent,  
sic Christo Domino obtemperandum  
existimavit. Itaque, vendita re fami-  
liari, pecuniam omnem pauperibus  
distribuit. Quibus solutus impedi-  
mentis, cœlestis vitæ genus in terris  
colere instituit. Sed cum in periculo-  
sum illud certamen descenderet, ad  
fidei præsidium, quo erat armatus,  
adhibendum sibi putavit subsidium re-  
liquarum virtutum: quarum tanto  
studio incensus fuit, ut quemcumque  
videret aliqua virtutis laude excellen-  
tem, illum imitari studeret.

*Lectio v.*

**N**ihil igitur eo continentius, nihil vigilantius erat. Patientia, mansuetudine, misericordia, humilitate, labore, ac studio divinarum Scripturarum superabat omnes. Ab hæreticorum et schismaticorum hominum, maxime Arianorum, congressu et colloquio sic abhorrebat, ut ne prope quidem ad eos accedendum diceret. Humi jacebat, cum eum necessarius somnus occupasset. Jejunium autem adeo coluit, ut salem tantummodo ad panem adhiberet, sitim aqua exstingeret: neque se ante solis occasum cibo aut potu recreabat, sæpe etiam biduum cibo abstinebat, sæpissime in oratione pernoctabat. Cum talis tantusque Dei miles evasisset Antonius, sanctissimum juvenem hostis humani generis variis tentationibus aggreditur, quas ille jejunio et oratione vincebat. Nec vero frequens de satana triumphus securum reddebat Antonium, qui diaboli innumerabiles artes nocendi noverat.

*Lectio vj.*

**I**TAQUE contulit se in vastissimam Ægypti solitudinem, ubi quotidie ad Christianam perfectionem proficiens, dæmones (quorum tanto erant acriores impetus, quanto Antonius ad resistendum fortior evadebat) ita contempsit, ut illis exprobraret imbecillitatem: ac sæpe discipulos suos excitans ad pugnandum contra diabolum, docensque quibus armis vinceretur: Mibi credito, dicebat, fratres, pertimescit satanas piorum vigilias, orationes, jejunia, voluntariam paupertatem, misericordiam, et humilitatem, maxime vero ardentem amorem in Christum Dominum, cujus unico sanctissimæ crucis signo debilitatus aufugit. Sic autem dæmonibus erat formidolosus, ut multi per Ægyptum ab illis agitati, invocato nomine Antonii, liberarentur: tantaque erat ejus fama sanctitatis, ut per litteras se ejus orationibus Constantinus Magnus et filii commendarent. Qui

aliquando quintum et centesimum annum agens, cum innumerabiles sui instituti imitatores haberet, convocatis monachis, et ad perfectam Christianæ vitæ regulam instructis, sanctitate et miraculis clarus migravit in cælum, decimo sexto Kalendas Februarii.

*In III. Noct. Homilia Sancti Evangelii fratres de Com. I. loco.*

*Vesperæ de sequenti.*

**DIE 18. Cathedræ S. Petri,**

*Qua Romæ primum sedit.*

*Duplex majus.*

**In I. Vesperts.**

*Ant. Psalmi, Capit. et alia hic non propria de Com. Conf. Pont.*

**HYMNUS.**

**Q**UODCUMQUE in orbe nexibus  
revinxeris,  
Erit revinctum, Petre, in arce siderum:  
Et quod resolvit hic potestas tradita,

Erit solutum cæli in alto vertice:  
In fine mundi judicabis sæculum.

Patri perenne sit per ævum gloria,  
Tibique laudes concinamus inclytas,  
Æternæ Natæ; sit, superne Spiritus,  
Honor tibi decusque: sancta jugiter  
Laudetur omne Trinitas per sæculum.  
Amen.

†. Tu es Petrus. ḡ. Et super hanc petram ædificabo Ecclesiam meam.

*Ad Magnif. Ant. Tu es pastor ovium, princeps Apostolorum, tibi traditæ sunt claves regni cælorum.*

*Oratio ut infra in Laudibus.*

*Fit comm. S. Pauli, ut ibi; deinde S. Antonii Abbatis; postremo S. Priscæ Virginis et Martyris.*

*Oratio.*

**D**A, quæsumus, omnipotens Deus, ut qui beatæ Priscæ Virginis et Martyris tuæ natalitia colimus, et annua solemnitate lætemur, et tantæ fidei proficiamus exemplo. Per Dominum.



**Ad Manifestationem.**

*Invit.* Tu es pastor ovium, princeps Apostolorum: \* Tibi tradidit Deus claves regni cœlorum.

*Hymn.* Quodcumque, ut supra.

**IN I. NOCTURNO.**

Incipit Epistola prima beati Petri Apostoli.

*Lectio j.*

Cap. I.

**P**ETRUS Apostolus Jesu Christi, electis advenis dispersionis Ponti, Galatiæ, Cappadociæ, Asiæ et Bithyniæ, secundum præscientiam Dei Patris, in sanctificationem Spiritus, in obedientiam, et aspersionem sanguinis Jesu Christi, gratia vobis et pax multiplicetur. Benedictus Deus, et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hæreditatem incorruptibilem, et incontaminatam, et immarcescibilem, conservatam in cœlis in vobis, qui in virtute Dei custodimini per fidem in salutem, parati revelari in tempore novissimo.

¶. Simon Petre, antequam de navi vocarem te, novi te, et super plebem meam principem te constitui, \* Et claves regni cœlorum tradidi tibi. ¶. Quodcumque ligaveris super terram, erit ligatum et in cœlis; et quodcumque solveris super terram, erit solutum et in cœlis. Et.

*Lectio ij.*

**I**N quo exultabitis, modicum nunc si oportet contristari in variis temptationibus: ut probatio vestræ fidei multo pretiosior auro (quod per ignem probatur) inveniat in laudem, et gloriam, et honorem, in revelatione Jesu Christi, quem cum non videritis, diligitis: in quem nunc quoque non videntes creditis: credentes autem exultabitis lætitia inenarrabili et glorificata, reportantes finem fidei vestræ, salutem animarum.

¶. Si diligis me, Simon Petre, pascere oves meas. Domine, tu nosti quia

amo te, \* Et animam meam pono pro te. ¶. Si oportuerit me mori tecum, non te negabo. Et.

*Lectio iij.*

**D**E qua salute exquisierunt atque scrutati sunt Prophetæ, qui de futura in vobis gratia prophetaverunt, scrutantes in quod vel quale tempus significaret in eis Spiritus Christi, prænuntians eas quæ in Christo sunt passionem, et posteriores glorias. Quibus revelatum est quia non sibi metipsis, vobis autem ministrabant ea quæ nunc nuntiata sunt vobis per eos qui evangelizaverunt vobis, Spiritu sancto misso de cœlo, in quem desiderant Angeli prospicere.

¶. Tu es Petrus, et super hanc petram ædificabo Ecclesiam meam, et portæ inferi non prævalebunt adversus eam: \* Et tibi dabo claves regni cœlorum. ¶. Quodcumque ligaveris super terram, erit ligatum et in cœlis; et quodcumque solveris super terram, erit solutum et in cœlis. Et. Gloria. Et.

**IN II. NOCTURNO.**

Sermo S. Leonis Papæ.

Sermo I. de sanctis Apostolis Petro et Paulo.

*Lectio iv.*

**C**UM duodecim Apostoli, accepta per Spiritum sanctum omnium locutione linguarum, imbuendum Evangelio mundum, distributis sibi terrarum partibus, suscepissent; beatissimus Petrus princeps Apostolici ordinis ad arcem Romani destinatur Imperii, ut lux veritatis, quæ in omnium gentium revelabatur salutem, efficacius se ab ipso capite per totum mundi corpus effunderet. Cujus autem nationis homines in hac tunc urbe non essent? aut quæ usquam gentes ignorarent, quod Roma didicisset?

¶. Tu es pastor ovium, princeps Apostolorum; tibi tradidit Deus omnia regna mundi: \* Et ideo tibi traditæ sunt claves regni cœlorum. ¶. Quodcumque ligaveris super terram, erit

ligatum et in cælis; et quodcumque solveris super terram, erit solutum et in cælis. Et.

*Lectio v.*

**H**IC conculcandæ philosophiæ opinioniones, hic dissolvendæ erant terrenæ sapientiæ vanitates, hic confutandi dæmonum cultus, hic omnium sacrilegiorum impietas destruenda, ubi diligentissima superstitione habebatur collectum quidquid usquam fuerat vanis erroribus institutum. Ad hanc ergo Urbem tu, beatissime Petre Apostole, venire non metuis, et consorte gloriæ tuæ Paulo Apostolo, aliarum adhuc Ecclesiarum ordinationibus occupato, silvam istam frementium bestiarum, et turbulentissimæ profunditatis Oceanum, constantior, quam cum supra mare gradereris, ingrederis.

¶ Ego pro te rogavi, Petre, ut non deficiat fides tua: \* Et tu aliquando conversus confirma fratres tuos. ¶ Caro et sanguis non revelavit tibi, sed Pater meus qui est in cælis. Et.

*Lectio vj.*

**J**AM populos, qui ex circumcisione crediderant, erudieras: jam Antiochenam Ecclesiam, ubi primum Christiani nominis dignitas est orta, fundaveras: jam Pontum, Galatiam, Cappadociam, Asiam, atque Bithyniam legibus Evangelicæ prædicationis impleveras: nec aut dubius de propectu operis, aut de spatio tuæ ignarus ætatis, trophæum crucis Christi Romanis arcibus inferebas, quo te divinis præordinationibus anteibant et honor potestatis, et gloria passionis,

¶ Petre, amas me? Tu scis, Domine, quia amo te. \* Pasce oves meas. ¶ Simon Joannis, diligis me plus his? Tu scis. Domine, quia amo te. Pasce. Gloria. Pasce.

### IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 16.

**I**N illo tempore: Venit Jesus in partes Cæsareæ philippi, et interrogabat discipulos suos, dicens: Quem dicunt homines esse filium hominis? Et reliqua.

Homilia sancti Hilarii Episcopi.

*Comm. in Matth. c. 16.*

**D**OMINUS a discipulis requirit, quem se homines esse dicerent: et adjecit, Hominis filium. Hæc enim confessionis tenenda ratio est, ut sicut Dei Filium, ita et filium hominis meminerimus: quia alterum sine altero nihil spei tribuit ad salutem. Editis itaque, quæ diversæ de eo erant, hominum opinionibus, quid de se ipsi sentiant, quærit. Petrus respondit: Tu es Christus Filius Dei vivi. Sed Petrus conditiones propositionis expendit. Dominus enim dixerat: Quem me homines esse dicunt, filium hominis? Et certe filium hominis contemplatio corporis præferebat. Sed addendo, Quem me esse dicunt; significavit, præter id quod in se videbatur, esse aliud sentiendum: erat enim hominis filius. Quod igitur de se opinandi judicium desiderabat? Non illud arbitramur, quod de se ipse confessus est: sed occultum erat, de quo quærebatur, in quod se credentium fides debebat extendere.

¶ Quem dicunt homines esse filium hominis? dixit Jesus discipulis suis. Respondens Petrus, dixit: Tu es Christus Filius Dei vivi. \* Et ego dico tibi, quia tu es Petrus, et super hanc petram ædificabo Ecclesiam meam. ¶ Beatus es Simon Barjona, quia caro et sanguis non revelavit tibi, sed Pater meus qui est in cælis. Et.

Quando opus erit, ex seq. Lectione fiant duæ, quarum prior desinet ad.\*

*Lectio viij.*

**E**T dignum plane confessio Petri præmium consecuta est: quia Dei Filium in homine vidisset. Beatus hic est, qui ultra humanum oculos in-

tendisse et vidisse laudatus est : non id quod ex carne et sanguine erat contuens , sed Dei Filium cœlestis Patris revelatione conspiciens , dignusque judicatus , qui quod in Christo Dei esset , primus agnosceret . \* **O** in nuncupatione novi nominis felix Ecclesiæ fundamentum ! dignaque ædificatione illius petra , quæ infernas leges , et tartari portas , et omnia mortis claustra dissolveret ! O beatus cœli janitor , cujus arbitrio claves æterni aditus traduntur , cujus terrestre iudicium præjudicata auctoritas sit in cœlo ! ut quæ in terris aut ligata sint aut soluta , statuti ejusdem conditionem obtineant et in cœlo .

**R.** Elegit te Dominus sacerdotem sibi , ad sacrificandum ei \* **H**ostiam laudis . **Ÿ.** Immola Deo sacrificium laudis , et redde Altissimo vota tua . **H**ostiam . **G**loria . **H**ostiam .

*Pro S. Prisca Virg. et Mart.*

*Lectio ix.*

**P**RISCA nobilis virgo Romana , tredecim annos nata , Claudio Imperatore , Christianæ fidei accusata , ejusdem jussu ducta ad Apollinis templum , ut idolis immolaret , cum rem detestaretur , colaphis cæsa , in carcerem traditur ; atque inde emissæ , cum in fidei constantia perseveraret , affecta verberibus , ferventique adipe delibuta , rursus in carcerem includitur . Post triduum in amphitheatrum producta , leoni objicitur , qui suæ feritatis oblitus , humiliter se ad ejus pedes abjecit . Quæ postea in ergastulo triduo inedia afflicta , in equuleo suspenditur , et ungulis ferreis excarnificata in rogam inicitur ; unde etiam mirabiliter evasit incolumis . Denique extra Urbem capite abscisso , virginitatis palmam martyrii coronam cumulavit . Cujus corpus via Ostiensi , decimo ab Urbe milliario , a Christianis decimo quinto Kalendas Februarii sepelitur .

*Ad Laudes.*

**HYMNUS.**

**B**EATE pastor Petro , clemens accipe

Voces precantum , criminumque vincula

Verbo resolve , cui potestas tradita ,  
Aperire terris cœlum , apertum claudere .

Sit Trinitati sempiterna gloria ,  
Honor , potestas ; atque jubilatio ,  
In unitate quæ gubernat omnia  
Per universa æternitatis sæcula .

Amen .

**Ÿ.** Exaltent eum in Ecclesia plebis .

**Ŗ.** Et in cathedra seniorum laudent eum .

*Ad Bened. Ant.* Quodcumque ligaveris super terram , erit ligatum et in cœlis ; et quodcumque solveris super terram , erit solutum et in cœlis , dicit Dominus Simoni Petro .

*Oratio.*

**D**EUS , qui beato Petro Apostolo tuo , collatis clavibus regni cœlestis , ligandi atque solvendi pontificium tradidisti , concede , ut intercessionis ejus auxilio , a peccatorum nostrorum nexibus liberemur . Qui vivis .

*Deinde fit commemor. S. Pauli.*

*Ant.* Sancte Paule Apostole , prædicator veritatis , et Doctor Gentium , intercede pro nobis ad Deum , qui te elegit .

**Ÿ.** Tu es vas electionis , sancto Paule Apostole . **Ŗ.** Prædicator veritatis in universo mundo .

*Oratio.*

**D**EUS , qui multitudinem Gentium beati Pauli Apostoli prædicatione docuisti , da nobis , quæsumus , ut cujus commemorationem colimus , ejus apud te patrociniā sentiamus .

*Postea S. Priscæ Virg. et Mart.*

*In II. Vesperis.*

*Hymnus ut in I. Vesperis.*

**Ÿ.** Elegit te Dominus sacerdotem sibi . **Ŗ.** Ad sacrificandum ei hostiam laudis .



*Ad Magnif. Ant.* Dum esset summus Pontifex, terrena non metuit, sed ad cœlestia regna gloriosus migravit.

*Et sit comm. S. Pauli, ut supra. Deinde sequentis, etc. ut infra.*

**Die 19. S. Canuti,**

Martyris. *Semid. ad libitum.*

*Si venerit in Dom. vel infra aliquam Octavam, omittitur.*

*Oratio.*

**D**EUS, qui ad illustrandam Ecclesiam tuam beatum Canutum regem, martyrii palma et gloriosis miraculis decorare dignatus es, concede propitius, ut sicut ipse Dominicæ passionis imitator fuit, ita nos per ejus vestigia gradientes, ad gaudia sempiterna pervenire mereamur. Per eundem.

*Et SS. Marii et soc. Martyrum.*

*Oratio.*

**E**XAUDI, Domine, populum tuum cum Sanctorum tuorum patrocinio supplicantem, ut et temporalis vitæ nos tribuas pace gaudere, et æternæ reperire subsidium. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**C**ANUTUS Quartus Suenonis Esthritii Danorum regis filius, fide, pietate, et morum honestate conspicuus, eximiae sanctitatis a teneris annis specimen dedit. Paternum scriptum summa omnium acclamatione adeptus, religioni promovendæ sedulo incumbere, Ecclesias redditibus augere, et pretiosa suppellectili oruare cepit. Tum zelo propagandæ fidei succensus, barbara regna justo certamine aggressus, devictas subditasque nationes Christianæ legi subjugavit. Victoriis autem plurimis gloriosus, et divitiis auctus, regale diadema ad Christi crucifixi pedes abiecit, se et regnum illi subjiciens, qui Rex re-

gum est, et Dominus dominantium. Corpus suum jejuniis, ciliciis et flagellis castigavit. In oratione et contemplatione assiduus, erga pauperes profusus, erga omnes beneficus semper fuit, nec unquam a justitiæ divinæque legis semita deflexit.

*Lectio v.*

**H**IS aliisque virtutibus imbutus, ad supremum perfectionis apicem sanctus rex properabat. Accidit autem ut Angliæ regnum a Wilhelmo Normannorum duce, formidabili exercitu invaderetur. Anglis vero Danorum opem implorantibus cum succurrere rex decrevisset, belli expeditionem Olao fratri commisit. Qui regnandi cupiditate illectus, arma vertit in regis perniciem, militibus et populo contra illum concitatis. Nec defuerunt rebellionis fomenta, cum enim rex editis legibus Decimas Ecclesiis solvi, Dei et Ecclesiæ præcepta servari, transgressores puniri sanxisset, plerique perversi ac scelerati homines exacerbati, primum quidem tumultuari, tum plebem commovere, ac tandem sanctissimo regi necem moliri cœperunt.

*Lectio vj.*

**S**CIENS igitur rex, futurorum præscius, mortem sibi propter justitiam imminere, ea prænuntiata, ad Ecclesiam sancti Albani martyris Othoniæ, tanquam ad locum certaminis, profectus est, et Sacramentis munitus agonem suum Domino commendabat. Mox ibi adveniens conjuratorum multitudo, Ecclesiæ ignem admove, fores confringere, et in eam irrumpere tentarunt. Quod cum perficere non possent, ad fenestras accedentes, saxa et sagittas in sanctum regem, flexis genibus pro inimicis orantem, magno impetu jaculari non cessarunt, donec lapidum et telorum ictibus, ac tandem lancea confossus, glorioso martyrio, ante altare extensis brachiis procumbens, coronatus est, sedente in Apostolico

throno Gregorio Septimo. Multis postea miraculis Martyrem suum illustravit Deus, nam gravi penuria et diversis calamitatibus oppressa Dania, patrati sacrilegii pœnas luit. Plures etiam variis languoribus afflicti, ad ejus tumulum remedium et incolumitatem consecuti sunt. Cumque regina sacrum ejus corpus noctu clam surripere, et alio transferre conaretur, emissio cœlitus ingenti splendore perterrita a proposito cessavit.

*In III. Noct. Homilia* Quia Dominus ac Redemptor *de Com. 2. loco, p. 22.*

*Pro SS. Mario et Sociis Mart.*

*Lectio ix.*

**M**ARIUS Persa nobili loco natus cum Martha conjuge pari nobilitate, et duobus filiis Audiface et Abachum, Romam venit, Claudio imperatore, ut Martyrum sepulchra veneraretur. Ibi Christianos in vincula coniectos fovebant, et opera ac facultatibus suis sustentabant, et Sanctorum corpora sepeliebant. Quamobrem comprehensi omnes, cum nec impiorum minis nec terrore commoverentur ut diis sacrificarent, primum fustibus debilitati, deinde funibus attracti, tum admotis caudentibus laminis combusti, et ungulis ferreis excarnificati sunt. Postremo præcisis manibus, et ad collum alligatis, ducti per mediam Urbem, via Cornelia ad tertium decimum ab urbe miliarium in eum locum qui Nymphe dicebatur, necantur; ac primum Martha, quæ virum ac filios ad supplicia pro Jesu Christi fide constanter perferenda, vehementer fuerat cohortata: mox cæteris in eadem arena-ria cervices abscinduntur, eorumque corpora conjiciuntur in ignem. Quæ semiusta, Felicitas matrona Romana nobilis, colligenda, et in suo prædio sepelienda curavit.

*In Laud. comm. SS. Marii et sociorum Martyrum.*

*Vesperæ de sequenti.*

## **Die 20. SS. Fabiani**

**ET SEBASTIANI,**

**Martyrum. Duplex.**

*Oratio.*

**I**NFIRMITATEM nostram respice, omnipotens Deus, et quia pondus propriæ actionis gravat, beatorum martyrum tuorum Fabiani et Sebastiani intercessio gloriosa nos protegat. Per Dominum.

*Deinde fit comm. S. Canuti.*

*Lect. I. Noct. de Script. occ.*

**IN II. NOCTURNO.**

*Lectio iv.*

**F**ABIANUS Romanus a Maximino usque ad Decium regens Ecclesiam, septem Diaconis regiones divisit, qui pauperum curam haberent. Totidem Subdiaconos creavit, qui res gestas Martyrum a septem Notariis scriptas colligerent. Idem statuit ut quotannis Feria quinta in Cœna Domini, vetere combusto, Chrisma renovaretur. Denique Decimo tertio Kalendas Februarii in persecutione Decii martyrio coronatus, in cœmeterio Callisti via Appia sepelitur, cum sedisset annos quindecim, dies quatuor. Hic fecit ordinationes quinque mense Decembri, quibus creavit Presbyteros viginti duos, Diaconos septem, Episcopos per diversa loca undecim.

*Lectio v.*

**S**EBASTIANUS ex patre Narbonensi, matre Mediolanensi natus ob generis nobilitatem et virtutem Diocletiano charus fuit. Dux primæ cohortis, Christianos, quorum fidem clam colebat, opera et facultatibus adjuvabat, et qui ex eis tormentorum vim reformidare videbantur, cohortatione sic confirmabat, ut pro Jesu Christo multi se ultro tortoribus offerrent. In illis fuere Marcus et Marcellianus fratres, qui Romæ in custodia erant apud Nicostratum: cujus uxor Zoe vocem, quam amisserat, Sebastiani oratione recuperavit.

Quibus Diocletiano delatis, Sebastianum accersit, et vehementius objurgatum omnibus artificiis a Christi fide conatur avertere. Sed cum nihil nec pollicendo nec terrendo proficeret, ad palum alligatum sagittis configi jubet.

*Lectio vj.*

**Q**UEM omnium opinione mortuum, noctu sancta mulier Irene sepeliendi gratia jussit auferri; sed vivum repertum, domi suæ curavit. Itaque paulo post, confirmata valetudine, Diocletiano obviam factus, ejus impietatem liberius accusavit. Cujus aspectu cum ille primum obstupisset, quod mortuum crederet, rei novitate, et acri Sebastiani reprehensione excandescens, eum tamdiu virginis cædi imperavit, donec animam Deo redderet. Ejus corpus in cloacam dejectum, Lucina a Sebastiano in somno admonita ubi esset, et quo loco humari vellet, ad Catacumbas sepelivit, ubi sancti Sebastiani nomine celebris Ecclesia est ædificata.

*In III. Noct. Homilia Adverte omnia diligenter de Com. 2. loco, p. 37\*.*

*Vesperæ a Capit. de sequenti.*

**DIE 21. S. Agnetis,**

**Virg. et Mart. Dupl.**

*Quando I. Vesp. dicenda sunt integra, Ant. et Capit. de Laud. Psalmi de Dom. loco ult. Laudate Dominum omnes gentes.*

*Ad Magnif. Ant. Beata Agnes in medio flammarum expansis manibus, orabat: Te deprecor, omnipotens, adorando, colende, Pater metuende, quia per sanctum Filium tuum evasiminas sacrilegi tyranni, et carnis spurcicias immaculato calle transivi: et ecce venio ad te, quem amavi, quem quæsi, quem semper optavi.*

*Oratio ut infra in Laudibus.*

*Deinde sit comm. S. S. Fabiani et Sebastiani Mart.*

**IN I. NOCTURNO.**

**Ant. I. Discede a me, pabulum**

mortis, quia jam ab alio amatore præventa sum.

*Psalm. in I. et II. Noct. de Com. unius Mart.*

**2. Dexteram meam et collum meum cinxit lapidibus pretiosis, tradidit auribus meis inestimabiles margaritas.**

**3. Posuit signum in faciem meam, ut nullum præter eum amatorem admittam.**

*Ps. Specie tua. R. Intende.*

*Lect. I. Noct. Confitebor tibi Domine de Com. 2. loco, p. 70\*.*

**R. j. Diem festum sacratissimæ virginis celebremus, qualiter passa sit beata Agnes, ad memoriam revocemus: tertio decimo ætatis suæ anno mortem perdidit, et vitam invenit: Quia solum vitæ dilexit auctorem. Ps. Infantia quidem computabatur in annis, sed erat senectus mentis immensa. Quia.**

**R. ij. Dexteram meam et collum meum cinxit lapidibus pretiosis, tradidit auribus meis inestimabiles margaritas: Et circumdedit me vernantibus atque coruscantibus gemmis. Ps. Posuit signum in faciem meam, ut nullum præter eum amatorem admittam. Et.**

**R. iij. Amo Christum, in cujus thalamum introibo, cujus mater virgo est, cujus Pater feminam nescit, cujus mihi organa modulatis vocibus cantant: Quem cum amavero, casta sum; cum tetigero, munda sum; cum accepero, virgo sum. Ps. Annulo fidei suæ subarrhavit me, et immensis monilibus ornavit me. Gloria. Quem.**

**IN II. NOCTURNO**

**Ant. I. Induit me Dominus cyclade auro texta, et immensis monilibus ornavit me.**

**2. Mel et lac ex ejus ore suscepi, et sanguis ejus ornavit genas meas.**

**3. Ipsi soli servo fidem, ipsi me tota devotione committo.**

**Ps. Adjuvabit. R. Deus in medio.**



Ex libro S. Ambrosii Episcopi.  
de Virginibus.

Lectio iv.

Lib. I.

**H**ODIE natalis est virginis, integritatem sequamur. Natalis est martyris, hostias immolemus. Natalis est sanctæ Agnetis, mirentur viri, non desperent parvuli, stupeant nuptæ, imitentur innuptæ. Sed quid dignum ea loqui possumus, cujus ne nomen quidem vacuum laudis est? Devotio supra ætatem, virtus supra naturam: ut mihi videatur non hominis habuisse nomen, sed oraculum martyris, quod indicavit quid esset futura. Nomen virginis, titulus est pudoris. Appellabo martyrem, prædicavi satis. Prolixa laudatio est, quæ non quæritur, sed tenetur. Nemo est laudabilior, quam qui ab omnibus laudari potest. Quot homines, tot præcones, qui martyrem prædicant, dum loquuntur.

¶. Induit me Dominus vestimento salutis, et indumento lætitiæ circumdedit me: \* Et tanquam sponsam decoravit me corona.

¶. Tradidit auribus meis inestimabiles margaritas, circumdedit me vernantibus atque coruscantibus gemmis.  
**EL.**

Lectio v.

**H**ÆC tredecim annorum martyrium fecisse traditur. Quo detestabilior crudelitas, quæ nec minuscule pepercit ætati: imo magna vis fidei, quæ etiam ab illa testimonium invenit ætate. Fuitne in illo corpusculo vulnere locus? Et quæ non habuit quo ferrum reciperet, habuit quo ferrum vinceret. Hæc inter cruentas carnificum impavida manus, hæc stridentium gravibus immobilis tractibus catenarum, nunc furentis mucroni militis totum offerre corpus, mori adhuc nescia, sed parata: vel si ad aras invita raperetur, tendere Christo inter ignes manus, atque in ipsis sacrilegis focis trophæum Domini signare victoris: nunc ferratis colla manusque ambas inserere nexibus, sed

nullus tam tenuia membra poterat nexus includere. Novum martyrii genus. Nondum idonea poenæ, et jam matura victoriæ: certare difficilis, facilis coronari: magisterium virtutis implevit, quæ præjudicium vehebat ætatis.

¶. Mel et lac ex ejus ore suscepi, \* Et sanguis ejus ornavit genas meas. ¶. Ostendit mihi thesauros incomparabiles, quos mihi se daturum repromisit. Et.

Lectio vj.

**N**ON sic ad thalamum nupta properaret, ut ad supplicii locum, læta successu, gradu festina virgo processit. Flere omnes, ipsa sine fletu. Mirari plerique quod tam facile vitæ suæ prodiga, quam nondum hauserat, jam quasi perfuncta donaret. Stupere universi quod jam divinitatis testis existeret, quæ adhuc arbitra sui per ætatem esse non posset. Quanto terrore egit carnifex ut timeretur, quantis blanditiis ut suaderet, quantorum vota ut sibi ad nuptias proveniret! At illa: Et hæc sponsi injuria est, inquit, expectare placitum. Qui me sibi prior elegit, accipiet: quid, percussor, moraris? Pereat corpus quod amari potest oculis, quibus nolo. Stetit, oravit, cervicem inflexit. Cerneret trepidare carnificem, quasi ipse addictus fuisset, tremere percussoris dexteram, pallere ora alieno timentis periculo, cum puella non timeret suo. Habetis igitur in una hostia duplex martyrium, pudoris et religionis. Et virgo permansit, et martyrium obtinuit.

¶. Jam corpus ejus corpori meo sociatum est, et sanguis ejus ornavit genas meas, \* Cujus mater virgo est, cujus Pater feminam nescit. ¶. Ipsi sum desponsata: cui Angeli serviunt, cujus pulchritudinem sol et luna mirantur. Cujus. Gloria. Cujus.

IN III. NOCTURNO.

Ant. I. Cujus pulchritudinem sol et luna mirantur, ipsi soli servo fidem.

*Psalm. Domine quis , p. 18°.*

2. Christus circumdedit me vernantibus atque coruscantibus gemmis pretiosis.

*Psalm. Eructavit , p. 65°.*

3. Ipsi sum desponsata , cui Angeli serviunt , cujus pulchritudinem sol et luna mirantur.

*Psalm. Deus noster , p. 65°.*

ŷ. Elegit. A. In tabernaculo.

*Homilia Sæpe vos fratres de Com. I. loco , p. 68°.*

A. vii. Ipsi sum desponsata , cui Angeli serviunt , cujus pulchritudinem sol et luna mirantur : \* Ipsi soli servo fidem , ipsi me tota devotione committo. ŷ. Dexteram meam et colum meum cinxit lapidibus pretiosis , tradidit auribus meis inestimabiles margaritas. Ipsi.

A. viij. Omnipotens , adorande , colende , tremende , benedico te : \* Quia per Filium tuum unigenitum evasi minas hominum impiorum , et spurcitas diaboli impolluto calle transivi. ŷ. Te confiteor labiis , te corde , te totis visceribus concupisco. Quia. Gloria. Quia.

### *Ad Laudes*

*et per Horas , Antiphona.*

1. Ingressa Agnes \* turpitudinis locum , Angelum Domini præparatum invenit.

2. Mecum enim habeo \* custodem corporis mei , Angelum Domini.

3. Annulo suo \* subarrhavit me Dominus meus Jesus Christus , et tanquam sponsam decoravit me corona.

4. Benedico te , Pater Domini mei Jesu Christi , quia per Filium tuum ignis extinctus est a latere meo.

5. Congaudete mecum , \* et congratulamini , quia cum his omnibus lucidas sedes accepi.

*Capitulum.*

*Eccli. 51.*

**C**ONFITEBOR tibi , Domine Rex , et collaudabo te Deum Salvatorem meum. Confitebor nomini tuo , quoniam adjutor et protector factus

es mihi , et liberasti corpus meum a perditione.

*Ad Bened. Ant.* Ecce quod concupivi , jam video ; quod speravi , jam teneo : ipsi sum juncta in cœlis , quem in terris posita , tota devotione dilexi.

*Oratio.*

**O**MNIPOTENS sempiternæ Deus , qui infirma mundi eligis , ut fortia quæque confundas , concede propitius , ut qui beatæ Agnetis Virginis et Martyris tuæ solemnia colimus , ejus apud te patrocinia sentiamus. Per Dominum.

### *Ad Tertiam.*

*Capit. Confitebor , ut supra.*

A. br. Specie tua. ŷ. Adjuvabit eam.

### *Ad Sextam.*

*Capitulum*

*Eccli. 51.*

**L**IBERASTI me secundum multitudinem misericordiæ nominis tui a rugientibus præparatis ad escam , de manibus quærentium animam meam , et de multis tribulationibus quæ circumdederunt me.

A. br. Adjuvabit eam. ŷ. Elegit eam.

### *Ad Nonam.*

*Capitulum.*

*Eccli. 51.*

**L**AUDABIT usque ad mortem anima mea Dominum , quoniam eruis sustinentes te , et liberas eos de manu angustiarum , Domine Deus noster.

A. br. Elegit eam. ŷ. Diffusa est.

### *In. II. Vespertis*

*Ant. et Capit de Laud. Psalmi de Dom. loco ult. Lauda Jerusalem , p. 93°.*

*Ad Magnif. Ant.* Stans beata Agnes in medio flammæ , expansis manibus orabat ad Dominum : Omnipotens , adorande , colende , tremende , benedico te , et glorifico nomen tuum in æternum.

*Deinde fit comm. sequentis.*

**Die 22. SS. Vincentii**

ET ANASTASII ,

Martyrum. Semiduplex.

Oratio.

**A**DESTO , Domine , supplicationibus nostris , ut qui ex iniquitate nostra reos nos esse cognoscimus , beatorum martyrum tuorum Vincentii et Anastasii intercessione liberemur. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**V**INCENTIUS , Osee in Hispania citeriore natus ; a prima ætate studiis deditus , sacras litteras a Valerio Casaraugustano Episcopo didicit : cujus etiam partes suscepit prædicandi Evangelium , quod Episcopus , propter lingue impedimentum , prædicationis officio fungi non poterat. Ea re ad Dacianum , provinciam a Diocletiano et Maximiano præpositam , delata , Vincentius Casaraugustæ comprehenditur , et vinctus ad Dacianum Valentiam adducitur. Ubi verberibus et equuleo tortus , multis præsentibus , cum nulla aut tormentorum vi , aut acerbitate , vel lenitate verborum a proposito deterreri posset , in craticula impositus , prunis ardentibus suppositis , ac ferreis unguibus excarnificatus , candentibusque laminis exustus , iterum ducitur in carcerem stratum testaceis fragmentis , ut ejus nudum corpus somno oppressum , a subjectis etiam testarum aculeis torqueretur.

*Lectio v.*

**V**ERUM illo in tenebriosa inclusio custodia , clarissimus splendor obortus totum carcerem illustravit ; quæ lux cum summa admiratione omnes , qui aderant , affecisset , res a custode carceris ad Dacianum deferretur. Qui eductum in molli culeitra collocat , et quem cruciatibus in suam sententiam trahere non poterat , delictis perducere conatur. Sed invictus

Vincentii animus , Jesu Christi fide speque munitus vicit omnia , et ignis , ferri , tortorum immanitate superata , victor ad cœlestem martyrii coronam advolavit undecimo Kalendas Februarii. Cujus corpus , cum projectum esset inhumatum , corvus et a volucribus et a lupo , unguibus , rostro , alis mirabiliter defendit. Qua re cognita , Dacianus illud in altum mare demergi jubet : sed inde etiam divinitus ejectum ad litus Christiani sepeliunt.

*Lectio vj.*

**A**NASTASIUS Persa , monachus Heraclio Imperatore , cum sanctam Jerosolymorum terram visitasset , ad Cæsaream Palæstinæ pro Christi religione vincula et verbera constanter perpessus est. Mox a Persis ob eandem causam variis cruciatibus affectus , a rege Cosroa una cum septuaginta aliis Christianis securi percutitur. Cujus reliquæ primum Jerosolymam ad monasterium , in quo monasticam vitam professus erat , deinde Romam delatæ , collocatæ sunt in monasterio ad aquas Salvias.

*In III. Noct. Homilia Dominus ac Redemptor de comm. I. loco.*

*Vesperæ a Capit. de sequenti.***Die 23. S. Raymundi**

DE PEGNAPORT ,

Confess. Semidupl. ( m. t. v. )

Oratio.

**D**EUS , qui beatum Raymundum penitentis Sacramenti insignem ministrum elegisti , et per maris undas mirabiliter traduxisti , concede , ut ejus intercessione dignos penitentis fructus facere , et ad eternæ salutis portum pervenire valeamus. Per Dominum.

*Et sit comm. SS. Vincentii et Anastasii.*

*Deinde S. Emerentianæ Virg. et Mart. Oratio Indulgentiam p. 62.*

*Lect. I Noct. de Script. occ.*

IN II. NOCTURNO.



*Lectio iv.*

**BEATUS** Raymundus Barcinonensis ex nobili familia de Pegnafort, Christianæ religionis rudimentis imbutus, adhuc parvulus eximia animi et corporis iudole magnum aliquid portendere visus est. Nam adolescens humaniores litteras in patria professus, Bononiam se contulit, ubi pietatis officiis, ac Pontificio Civili-que juri sedulo incumbens, et doctoris lauream insignitus, ibidem sacros Canones magna cum hominum admiratione est interpretatus. Ejus virtutum fama percrebrescente, Berengarius Barcinonensis Episcopus, cum Roma suam ad Ecclesiam rediret, eum conveniendi causa Bononiam iter instituit, et tandem summis precibus, ut secum in patriam reverteretur, obtinuit. Mox ejusdem Ecclesiæ canonicatu et præpositura ornatus, universo Clero et populo, integritate, modestia, doctrina, et morum suavitate præfulsit, ac Deiparæ virginis, quam singulari pietatis affectu venerabatur, honorem, et cultum semper pro viribus auxit.

*Lectio v.*

**ANNUM** circiter quintum supra quadragesimum agens, in Ordine Fratrum Prædicatorum solemnem emissam professionem, ut novus miles, in omni virtutum genere, sed præcipue in charitate erga egenos, et maxime captivos ab infidelibus detentos, se exercuit. Unde cum ejus hortatu sanctus Petrus Nolascus (cujus ipse confessiones audiebat) suas opes plissimo huic operi conferret, tum eidem, tum beato Raymundo, et Jacobo Primo Aragoniæ regi apparens beatissima Virgo, gratissimum sibi, et Unigenito Filio suo fore dixit, si in suum honorem institueretur Ordo Religiosorum, quibus captivos ex infidelium tyrannide liberandi cura incumbere. Quare collatis inter se consiliis, Ordinem beatæ Mariæ de Mercede redemptionis Captivorum fundaverunt; cui beatus Raymundus certas

vivendi leges præscripsit ad ejusdem Ordinis vocationem accommodatissimas: quarum approbationem aliquot post annos a Gregorio Nono impetravit, et dictum sanctum Petrum primum Generalem Ordinis magistrum suis ipse manibus habitu eodem indutum creavit.

*Lectio vj.*

**A**d eodem Gregorio Romam accersitus, et Capellani, ac Pœnitentiarii, et Confessarii sui munere decoratus, ejusdem jussu Romanorum Pontificum decreta, in diversis Conciliis et Epistolis sparsa, in unum Decretalium volumen redegit. Archiepiscopatum Tarraconensem ab ipso Pontifice sibi oblatum constantissimo recusavit, et totius Ordinis Prædicatorum generale Magisterium, quod per biennium sanctissime administraverat, sponte dimisit. Jacobo Aragoniæ regi sacræ Inquisitionis officii suis in regnis instituendi auctor fuit. Multa patravit miracula, inter quæ illud clarissimum, quod ex insula Baleari majori Barcinonem reversurus, strato super aquas pallio, centum sexaginta milliaria sex horis confecerit, et suum cœnobium januis clausis fuerit ingressus. Tandem prope centenarius, virtutibus et meritis cumulatus obdormivit in Domino, anno salutis millesimo ducentesimo septuagesimo quinto. Quem Clemens Octavus in Sanctorum numerum retulit.

*In III. Noct. Homilia Sancti Evangelii fratres, de Com. I. loco.*

*Pro S. Emerentiana.*

*Lectio ix.*

**EMERENTIANA** virgo Romana, collectanea beatæ Agnetis, adhuc catechumena, fide et charitate flammans, furentes in Christianos idolorum cultores cum vehementius accusaret, a concitata multitudo lapidibus obruta est. Quæ in cruciatibus orans ad sepulchrum sanctæ Agnetis, proprio sanguine, quem pro Christo constanter effudit, baptizata, animam Deo reddidit.

*In Laud. fit. comm. S. Emerentianæ Virg. et Mart.*

*Vesperæ a Capit. de sequenti.*

**Die 24. S. Timothei,**

*Episcopi et Martyris. Semidupl.*

*Oratio.*

**I**NFIRMITATEM nostram respice, omnipotens Deus, et quia pondus propriæ actionis gravat, beati Timothei Martyris tui atque Pontificis intercessio gloriosa nos protegat. Per Dominum.

*Deinde fit comm. S. Raymundi.*

*Lect. I. Noct. de Script. occ.*

**IN II. NOCTURNO.**

*Lectio iv.*

**T**IMOTHEUS, Lystris in Licaonia natus ex patre Gentili et matre Judæa, Christianam colebat religionem, cum in ea loca venit Paulus Apostolus. Qui fama commotus, quæ de Timothei sanctitate percrebuerat, ipsum adhibuit socium suæ peregrinationis: sed propter Judæos, qui se ad Christum converterant, scientes Timothei patrem esse Gentilem, eum circumcidit. Cum igitur ambo Ephesum venissent, ibi ordinatus est Episcopus ab Apostolo, ut eam Ecclesiam gubernaret.

*Lectio v.*

**A**D quem Apostolus duas epistolas scripsit, alteram Laodicea, alteram Roma: quibus in pastoralis officii cura confirmatus, cum sacrificium, quod uni Deo debetur, fieri dæmonum simulacris ferre non posset, populum Ephesinum Dianæ in ejus celebritate immolantem, ab illa impietate remove conatus, lapidibus obrutus est, ac pene mortuus a Christianis ereptus, et in montem oppido vicinum delatus, nono Kalendas Februarii obdormivit in Domino.

*Lectio vj. Triumphalis beati de Com. I. loco, cum ñ. vj.*

*In III. Noct. Homilia Si consideremus fratres de Com. I. loco p. 19.*

*Vesperæ de sequenti.*

**Die 25. In Conversione**

**SANCTI PAULI,**

*Apost. Duplex majus.*

**In II. Vesperis.**

*Ant. et Capit. de Laud. Psalm. de Dom. loco ult. Laudate Dominum omnes gentes.*

**HYMNUS.**

**E**GREGIE Doctor Paule, mores instrue,

Et nostra tecum pectora in cælum trabe:

Velata dum meridiem cernat fides,  
Et solis instar sola reguet charitas.

Sit Trinitati sempiterna gloria,  
Honor, potestas, atque jubilatio,  
In unitate quæ gubernat omnia,  
Per universa æternitatis sæcula.

*Amen.*

†. Tu es vas electionis, sancte Paulus Apostole.

ñ. Prædicator veritatis in universo mundo.

*Ad Magnif. Ant. Wade, Anania, et quære Saulum: ecce enim orat: quia vas electionis est mihi, ut portet nomen meum coram Gentibus, et regibus, et filiis Israel.*

*Oratio ut infra in Laudibus.*

*Et fit comm. S. Petri, ut ibi; deinde S. Timothei Mart.*

**Ad Matutinum.**

*Invit. Laudemus Deum nostrum, in Conversione Doctoris Gentium.*

*Hymnus Egregie, ut supra.*

**IN I. NOCTURNO.**

*Ant. 1. Qui operatus est Petro in Apostolatum, operatus est et mihi inter Gentes: et cognoverunt gratiam, quæ data est mihi a Christo Domino.*

*2. Scio cui credidi, et certus sum quia potens est depositum meum servare in illum diem, justus judex.*

*3. Mihi vivere Christus est, et mori lucrum: gloriari me oportet in cruce Domini nostri Jesu Christi.*

†. In omnem terram. ñ. Et in fines.

*De Actibus Apostolorum.*

*Lectio j. Cap. 9.*

**S**AULUS adhuc spirans minarum et cædis in discipulos Domini, accessit ad principem sacerdotum, et petiit ab eo epistolas in Damascum ad synagogas; ut si quos invenisset hujus viæ viros ac mulieres, vinctos perduceret in Jerusalem. Et cum iter faceret, contigit ut appropinquaret Damasco, et subito circumfulsit eum lux de cælo. Et cadens in terram audivit vocem dicentem sibi: Saule, Saule, quid me persequeris? Qui dixit: Quis es, Domine? Et ille: Ego sum Jesus, quem tu persequeris. Durum est tibi contra stimulum calcitrare.

¶ Qui operatus est Petro in Apostolaturn, operatus est et mihi inter Gentes: \* Et cognoverunt gratiam Dei, quæ data est mihi. ¶ Gratia Dei in me vacua non fuit, sed gratia ejus semper in me manet. Et.

*Lectio ij.*

**E**T tremens ac stupens, dixit: Domine, quid me vis facere? Et Dominus ad eum: Surge, et ingredere civitatem, et ibi dicetur tibi quid te oporteat facere. Viri autem illi, qui comitabantur cum eo, stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trahentes, introduxerunt Damascum. Et erat ibi tribus diebus non videns, et non manducavit, neque bibit.

¶ Bonum certamen certavi, cursum consummavi, fidem servavi: \* Ideoque reposita est mihi corona justitiæ. ¶ Scio cui credidi, et certus sum quia potens est depositum meum servare in illum diem. Ideoque.

*Lectio iij.*

**E**RAT autem quidam discipulus Damasci, nomine Ananias; et dixit ad illum in visu Dominus: Anania. At ille ait: Ecce ego, Domine. Et Dominus ad eum: Surge, et

vade in vicum qui vocatur Rectus, et quære in domo Judæ Saulum nomine Tarsensem: ecce enim orat. (Et vidit virum, Ananiam nomine, introeuntem, et imponentem sibi manus ut visum recipiat.) Respondit autem Ananias: Domine, audivi a multis de viro hoc, quanta mala fecerit sanctis tuis in Jerusalem: et hic habet potestatem a principibus sacerdotum alligandi omnes, qui invocant nomen tuum. Dixit autem ad eum Dominus: Vade, quoniam vas electionis est mihi iste, ut portet nomen meum coram Gentibus, et regibus, et filiis Israel. Ego enim ostendam illi quanta oporteat eum pro nomine meo pati.

¶ Reposita est mihi corona justitiæ, \* Quam reddet mihi Dominus in illum diem, justus iudex. ¶ Scio cui credidi, et certus sum quia potens est depositum meum servare in illum diem. Quam. Gloria. Quam.

IN II. NOCTURNO.

*Ant. 1.* Tu es vas electionis, sancte Paule Apostole, prædicator veritatis in universo mundo.

*2.* Magnus sanctus Paulus vas electionis, vere digne est glorificandus, qui et meruit thronum duodecimum possidere.

*3.* Bonum certamen certavi, cursum consummavi, fidem servavi.

¶ Constitues eos. ¶ Memores erunt.

Sermo S. Augustini Episcopi.

*Serm. 14. de Sanctis.*

*Lectio iv.*

**H**ODIE nobis de Actibus Apostolorum lectio hæc pronuntiata est, ubi Paulus Apostolus ex persecutore Christianorum, annuntiator factus est Christi. Prostravit enim Christus persecutorem, ut faceret Ecclesiæ doctorem: percutiens eum et sanans, occidens et vivificans: occisus Agnus a lupis, et faciens agnos de lupis. Ita enim in præclara prophetia, cum Jacob Patriarcha benediceret filiis suis (præsentes tangens, futura pro-



accipiens) prædictum erat, quod in Paulo contigit. Erat autem Paulus, sicut ipse testatur, de tribu Benjamin. Cum autem Jacob benedicens filios suos, venisset ad benedictionem Benjamin, ait de illo: Benjamin lupus rapax.

¶. Tu es vas electionis, sancte Paule Apostole, prædicator veritatis in universo mundo: \* Per quem omnes gentes cognoverunt gratiam Dei. ¶. Intercede pro nobis ad Deum, qui te elegit. Per.

*Lectio v.*

**Q**UID ergo? lupus rapax semper? Absit; sed qui mane rapit prædicationem, ad vesperam dividit escas. Hoc in Apostolo Paulo impletum est, quia et de illo dictum erat. Jam, si placeat, audiamus illum mane rapientem, et ad vesperam escas dividentem. Mane et vespere posita sunt pro eo, ac si diceretur, prius et postea. Sic ergo accipiamus: Prius rapiet, postea dividet escas. Attendite raptorem: Saulus, inquit, acceptis epistolis a principibus sacerdotum, ibat, ut ubicumque inveniret Christianos, ad sacerdotes attraheret et adduceret, utique puniendos.

¶. Gratia Dei sum id quod sum: \* Et gratia ejus in me vacua non fuit, sed semper in me manet.

¶. Qui operatus est Petro in Apostolatam, operatus est et mihi inter Gentes. Et.

*Lectio vj.*

**I**BAT spirans et anhelans cædes, hoc est, mane rapiens. Nam et quando lapidatus est Stephanus primus martyr pro nomine Christi, evidentius aderat et Saulus, et sic aderat lapidantibus, ut non ei sufficeret si tantum suis manibus lapidaret. Ut enim esset in omnium lapidantium manibus, ipse omnium vestimenta servabat: magis sæviens omnes adjuvando, quam suis manibus lapidando. Audivimus, mane rapiet, videamus ad vesperam qualiter dividat escas. Voce Christi prostratus de cælo, et

accipiens desuper interdictum jam sæviendi, cecidit in faciem suam, prius prosternendus, postea erigendus; prius percutiendus, postea sanandus.

¶. Saulus, qui et Paulus, magnus prædicator, a Deo confortatus convalescebat, et confundebat Judæos. ¶. Ostendens quia hic est Christus Filius Dei. A Deo. Gloria. A Deo.

*IN III. NOCTURNO.*

*Ant. 1.* Saulus, qui et Paulus, magnus prædicator, a Deo confortatus convalescebat, et confundebat Judæos.

2. Ne magnitudo revelationum extollat me, datus est mihi stimulus carnis meæ, angelus sanctorum qui me colaphizet: propter quod ter Dominum rogavi, ut auferretur a me; et dixit mihi Dominus: Sufficit tibi, Paule, gratia mea.

3. Reposita est mihi corona justitiæ, quam reddet mihi Dominus in illa die, justus iudex.

¶. Nimis honorati sunt. ¶. Nimis confortatus est.

*In III. Noct. Homilia Perfectus ille est de Com. 2, loco, p. 11.*

¶. vij. Sancte Paule Apostole, prædicator veritatis, et doctor Gentium, \* Intercede pro nobis ad Deum, qui te elegit, ut digni efficiamur gratia Dei. ¶. Tu es vas electionis, sancte Paule Apostole, prædicator veritatis. Intercede.

¶. viij. Damasci, præpositus gentis Aretæ regis voluit me comprehendere: \* Et a fratribus per murum demissus sum in sporta: \* Et sic evasi manus ejus in nomine Domini. ¶. Deus et Pater Domini nostri Jesu Christi scit quia non mentior. Et a. Gloria. Et sic.

*Ad Laudes*

*et per Horas, Antiphonæ.*

1. Ego plantavi, Apollo rigavit, Deus autem incrementum dedit, alleluia.

2. Libenter gloriabor in infirmitatibus meis, ut inhabitet in me virtus Christi.

3. Gratia Dei in me vacua non fuit, sed gratia ejus semper in me manet.

4. Damasci, præpositus gentis Aretæ regis voluit me comprehendere; a fratribus per murum demissus sum in sporta, et sic evasi manus ejus in nomine Domini.

5. Ter virgis cæsus sum, semel lapidatus sum, ter naufragium peruli pro Christi nomine.

*Capitulum. Act. 9.*

**SAULUS** adhuc spirans minarum et cædis in discipulos Domini, accessit ad principem sacerdotum, et petiit ab eo epistolas in Damascum ad synagogas, ut si quos invenisset hujus viæ viros ac mulieres, viectos perduceret in Jerusalem.

†. Tu es vas electionis, sancte Paule Apostole. ♀. Prædicator veritatis in universo mundo.

*Ad Bened. Ant.* Vos, qui secuti estis me, sedebitis super sedes, judicantes duodecim tribus Israel, dicit Dominus.

*Oratio.*

**DEUS**, qui universum mundum beati Pauli Apostoli prædicatione docuisti, da nobis, quæsumus, ut qui ejus hodie Conversionem colimus, per ejus ad te exempla gradiamur. Per Dominum.

*Et sit commemoratio S. Petri. Ant.* Tu es pastor ovium, princeps Apostolorum, tibi traditæ sunt claves regni cælorum.

†. Tu es Petrus. ♀. Et super hanc petram ædificabo Ecclesiam meam.

*Oratio.*

**DEUS**, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti, concede, ut intercessionis ejus auxilio a peccatorum nostrorum nexibus liberemur. Qui vivis.

*Ad Tertium.*

*Capit. Saulus adhuc spirans.*

♀. br. In omni terram. †. Constitues eos.

*Ad Sextum.*

*Capitulum.*

*Act. 9.*

**SURREXIT** autem Saulus de terra, apertisque oculis nihil videbat. Ad manus autem illum trahentes, introduxerunt Damascum. Et erat ibi tribus diebus non viciens, et non manducavit, neque bibit.

♀. br. Constitues eos. †. Nimis honorati sunt.

*Ad Nonum.*

*Capitulum.*

*Act. 9.*

**SAULUS** autem multo magis convalescebat, et confundebat Judæos, qui habitabant Damasci, affirmans quoniam hic est Christus.

♀. br. Nimis honorati sunt. †. Annuntiaverunt.

*In II. Vespertis.*

*Ant. et Capit. de Laud. Psalmi ut in II. Vesp. Apost. Hymnus et †. ut supra in I. Vesperis.*

*Ad Magnif. Ant.* Sancte Paule Apostole, prædicator veritatis, et Doctor Gentium, intercede pro nobis ad Deum, qui te elegit.

*Et sit comm. S. Petri, ut in Laudibus; deinde sequentis.*

**DIE 26. S. Polycarpi,**

**Episc. et Mart. Semiduplex.**

*Oratio.*

**DEUS**, qui nos beati Polycarpi Martyris tui atque Pontificis annua solemnitate lætificas, concede propitius, ut ejus natalitia colimus, de ejusdem etiam protectione gaudeamus. Per Dominum.

*Lect. I. Noct. de Script. occ.*

**IN II. NOCTURNO.**

**Ex libro S. Hieronymi Presbyteri de Scriptoribus Ecclesiasticis.**

*Lectio iv.*

**POLYCARPUS** Joannis Apostoli discipulus, et ab eo Smyrnæ E-

piscopus ordinatus, totius Asiæ princeps fuit, quippe qui nonnullos Apostolorum, et eorum qui viderant Dominum, magistros habuerit, et viderit. Hic propter quasdam super die Paschæ quæstiones, sub Imperatore Antonino Pio, Ecclesiam in Urbe regente Aniceto, Romam venit: ubi plurimos credentium, Marcionis et Valentini persuasione deceptos, reduxit ad fidem. Cumque ei fortuito obviam fuisset Marcion, et diceret: Cognoscis nos? respondit: Cognosco primogenitum diaboli. Postea vero, regnante Marco Antonino et Lucio Aurelio Commodus, quarta post Neronem persecutione, Smyrnæ sedente Proconsule, et universo populo in amphitheatro adversus eum personante, igni traditus est. Scripsit ad Philippenses valde utilem epistolam, quæ usque hodie in Asiæ conventu legitur.

*Lectio v. et vj. Principes persecuti sunt de Com. 2. loco, p. 21<sup>a</sup> cum q. v. et vj.*

*In III. Noct. Homilia Dominus diem iudicii de eodem Com. 3. loco, p. 22<sup>a</sup>.*

*Vesperæ de sequenti.*

**DIE 27. S. J. Chrysostomi,**

Episc. Conf. et Eccl. Doct.

*Duplex. ( m. t. v. )*

*In utrisq. Vesp. Ant. O Doctor.*

*Oratio.*

**ECCLESIAM** tuam, quæsumus, Domine, gratia cælestis amplificet, quam beati Joannis Chrysostomi Confessoris tui atque Pontificis illustrare voluisti gloriosis meritis et doctrinis. Per Dominum.

*Deinde fit comm. S. Policarpi.*

*Lect. I. Noct. de Script. occ.*

**IN II. NOCTURNO.**

*Lectio iv.*

**JOANNES** Antiöchenus, propter aureum eloquentiæ flumen cognomento Chrysostomus, a forensibus et secularibus studiis ad divinas litteras summa cum ingenii et industriæ lau-

de se contulit. Itaque sacris initiatus, ac presbyter Antiöchenæ Ecclesiæ factus, mortuo Nectario, Arcadii Imperatoris opera, invitus Constantinopolitanæ Ecclesiæ præficitur. Quo suscepto pastoralis munere, depravatos mores, et nobiliorum hominum vivendi licentiam vehementius objur-gare cepit. Qua ex libertate magnam multorum subiit invidiam. Apud Eudoxiam etiam, quod eam propter Calitropæ viduæ pecuniam, et alterius viduæ agrum reprehendisset, graviter offendit.

*Lectio v.*

**Q**UARE aliquot Episcoporum acto Chalcedone conventu, quo ipse vocatus ire noluit, quod nec legitimum concilium, nec publicum esse diceret, nitente in primis ipsa contra Chrysostomum Eudoxia, ejicitur in exilium: sed paulo post propter ejus desiderium seditione populi facta, admirabili civitatis plausu ab exilio revocatur. Verum cum perditos mores increpare non desisteret, et ad argentæam Eudoxiæ statuam in foro sanctæ Sophiæ ludos fieri prohiberet, conspiratione inimicorum Episcoporum iterum exulare cogitur, viduis et egentibus omnibus communis parentis ejectionem lugentibus. In exilio Chrysostomus incredibile est et quanta mala perpessus sit, et quam multos ad Jesu Christi fidem converterit.

*Lectio vj.*

**V**ERUM dum Concilio Romæ habito, decreto Innocentii Primi Pontificis restituitur, a militibus, qui eum custodiebant, miris in itinere malis et calamitatibus afficitur. Cumque per Armeniam duceretur, sanctus Basiliscus martyr, in cujus templo antea oraverat, noctu sic eum affatus est: Joannes frater, crastinus dies nos loco conjunget. Quare postridie, sumpto Eucharistiæ Sacramento, seque crucis signo muniens, animam Deo reddidit decimo octavo Kalendas Octobris. Quo mortuo, horribilis grando Constantinopoli cecidit,



et quadriduo Augusta cessit e vita. Ejus corpus insigni pompa et hominum multitudine celebratum, Theodosius Arcadii filius Constantinopolim portandum, et honorifice sepeliendum curavit sexto Kalendas Februarii; cujus etiam reliquias veneratus, parentum suorum veniam petiit: quod deinde Romam translatum, in Basilica Vaticana canditum est. Multitudinem, pietatem, ac splendorem concionum, cæterorumque ejus scriptorum; interpretandi etiam rationem, et inherentem sententiæ sacrorum librorum explanationem omnes admirantur, dignumque existimant, cui Paulus Apostolus, quem ille mirifice coluit, scribenti et prædicanti multa dictasse videatur.

*In III. Noct. Homilia Attendite quid dixerit pro Doct. 3. loco, p. 80°.*

*In II. Vesp. comm. sequentis.*

**DIE 28. S. Agnetis,**

Virginis et Martyris Secundo.

*Ant. Stans a dextris ejus agnus nive candidior, Christus sibi sponsam et martyrem consecravat.*

*†. Specie tua. ♯. Intende.*

*Oratio.*

**DEUS**, qui nos annua beatæ Agnetis Virginis et Martyris tuæ solemnitate lætificas, da, quæsumus, ut quam veneramur officio, etiam piæ conversationis sequamur exemplo. Per Dominum.

*Ad Matut. Invit. et Hymnus de Communi.*

*Nocturnum Ferie occ. 7. et duo 88. ex Nocturnis Festi, eo ordine quo sumuntur 88. ex Communibus SS. in aliis Festis simpl.*

*Lectio iij.*

**BEATA** Agnes, parentibus ad ejus sepulchrum assidue vigilantibus, quadam nocte choro virginum comitata cum apparuisset, sic ad eos locuta dicitur: Ne me, parentes, mortuam lugeatis; nam una cum his virginibus vivo apud illum in cælis, quem in terris tota mente dilexi. Cum

aliquot post annos Constantia, Constantini Imperatoris filia, insanabili ulceri medicinam quærens, nondum Christiana ad idem sepulchrum accessisset, obdormiscens sibi audire visa est vocem hanc Agnetis: Constante age, Constantia: crede in Jesum Christum Filium Dei, qui te sanam faciet. Quæ sanata, paulo post una cum multis ex familia Imperatoris baptismum suscipiens, ibi Ecclesiam nomine beatæ Agnetis ædificavit.

*Ad Laud. et Horas Ant. et reliqua ut in die festo præter Orationem, et post Nonam nihil amplius fit de ea.*

**DIE 20. S. Francisci Salesii,**  
Episc. et Conf. Duplex. (m. t. v.)  
*Oratio.*

**DEUS**, qui ad animarum salutem beatum Franciscum Confessorem tuum atque Pontificem omnibus omnia factum esse voluisti, concede propitius, ut charitatis tuæ dulcedine perfusi, ejus dirigentibus monitis, ac suffragantibus meritis, æterna gaudia consequamur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**FRANCISCUS** in Oppido Salesio, unde familiæ cognomen, piis et nobilibus parentibus natus, a teneris annis futuræ sanctitatis indicia præbuit, morum innocentia et gravitate. Adolescens liberalibus disciplinis eruditus, mox Philosophiæ ac Theologiæ Parisiis operam dedit, et ne quid sibi deesset ad animi culturam, juris utriusque lauream summa cum laude Patavii obtinuit. In sacra æde Lauretana perpetuæ virginitatis votum, quo pridem Parisiis se obstrinxerat, renovavit. A cujus virtutis proposito nullis unquam dæmonum fraudibus, nullis sensuum illecebris potuit dimoveri.

*Lectio v.*

**RECUSATA** in Sabaudie Senatu amplissima dignitate, Clericali

militiæ nomen dedit : tum Sacerdotio initiatus , et Genevensis Ecclesiæ præposituram adeptus , ejus muneris partes adeo perfecte explevit , ut eum Granerius Episcopus vindicandis ab hæresi Calviniana Chaballicensibus , aliisque Genevæ finitimis populis , divini verbi præconem destinavit. Quam expeditionem alacri animo suscipiens , asperrima quæque perpessus est , sæpe ab hæreticis conquisitus ad necem , variisque calumniis et insidiis vexatus. Sed inter tot discrimina et agones , insuperabilis ejus constantia semper enituit ; Deique ope protectus septuaginta duo millia hæreticorum ad Catholicam fidem reduxisse dicitur , inter quos multi nobilitate , et doctrina insignes numerantur.

*Lectio vj.*

**M**ORTUO Granerio , qui cum sibi Coadjutorem decerni curaverat , Episcopus consecratus , sanctitatis suæ radios circumquaque diffudit , zelo Ecclesiasticæ disciplinæ , pacis studio , misericordia in pauperes , omnique virtute conspicuus. Ad divini cultus augmentum , novum Ordinem sanctimonialium instituit , a Visitatione beatæ Virginis nuncupatum , sub regula sancti Augustini , cui addidit constitutiones sapientiæ , discretionis , et suavitatis mirabiles. Suis etiam scriptis cœlesti doctrina refertis Ecclesiam illustravit , quibus iter ad Christianam perfectionem tutum et planum demonstrat. Annum denique agens quinquagesimum quintum , dum e Gallia Annesium regreditur , post Sacrum in die sancti Joannis Evangelistæ Lugduni celebratum , gravi morbo correptus , sequenti die migravit in cœlum , anno Domini millesimo sexcentesimo vigesimo secundo. Ejus corpus Annesium delatum , in Ecclesia monialium dicti Ordinis honorifice conditum fuit , cœpitque statim miraculis clarescere. Quibus rite probatis ab Alexandro Septimo Pontifice Maximo in Sanctorum numerum relatus est , assignata

ejus festivitati die vigesima nona Januarii.

*In III. Noct. Homilia Lectio sancti Evangelii de Com. I. loco.*

*In II. Vesp. comm. sequentis.*

**DIE 30. S. MARTINÆ,**

*Virg. et Mart. Semid.*

*In I. vel II. Vesp. quando dicendum sunt , dicitur Hymnus Martinæ celebri usque ad Quærit præmia , et in fine A nobis abigas. Ad Matutinum autem incipitur tantum a Non illam usque in finem.*

*Oratio.*

**D**EUS , qui inter cætera potentissimæ miracula etiam in sexu fragili victoriam martyrii contulisti , concede propitius , ut qui beatæ Martinæ Virginis et Martyris tuæ natalitia colimus , per ejus ad te exempla gradiamur. Per Dominum.

*Ad Matutinum.*

**HYMNUS.**

**M**ARTINÆ celebri plaudite nomini ,

Cives Romulei , plaudite gloriæ :

Insignem meritis dicite virginem ,

Christi dicite martyrem.

Hæc dum conspicuis orta parentibus

Inter delicias , inter amabiles

Luxus illecebras , ditibus affluit

Fauste muneribus domus :

Vitæ despiciens commoda , dedicat

Se rerum Domino , et munifica manu,

Christi pauperibus distribuens opes ,

Quærit præmia Cœlitum.

**N**ON illam crucians ungula , non feræ ,

Non virgæ horribili vulnere commovent :

Hinc lapsi e Superum sedibus Angeli Cœlesti dape recreant.

Quia et deposita sævitie leo

Se rictu placido projicit ad pedes :

Te , Martina , tamen dans gladius neci

Cœli cœtibus inserit.

Te thuris redolens æra vaporibus

Quæ fumat, precibus jugiter invo-  
cat,

Et falsum perimens auspiciū, tui  
Delet nominis omine.

A nobis abigas lubrica gaudia  
Tu, qui Martyribus dexter ades,  
Deus

Une et Trine: tuis da famulis jubar,  
Quo clemens animos beas.

Amen.

*Lect. I. Noct. de Script. occ.*

IN II. NOCTURNO.

*Lectio iv.*

**M**ARTINA virgo Romana, patre  
consulari, illustri genere nata,  
teneris adhuc annis orbata parenti-  
bus, Christianæ pietatis ardore suc-  
censa, divitias, quibus affluebat, mi-  
ra in pauperes liberalitate distribuit.  
Sub Alexandro Principe, cum deos  
inanes colere juberetur, immane fa-  
cinus summa libertate detestatur.  
Quapropter iterum atque iterum affe-  
cta verberibus, uncis, ungulis ferre-  
is, testarum fragmentis lacerata, a-  
cutissimis gladiis membratim concisa,  
adipe ferventi peruncta, demum in  
amphiteatro damnatur ad bestias: a  
quibus illæsa divinitus evadens, in  
ardentem rogam injecta, incolumis  
pari beneficio servatur.

*Lectio v.*

**E**x ejus tortoribus nonnulli, mi-  
raculi novitate correpti, Dei a-  
spirante gratia. Christi fidem ample-  
xi, post cruciatus gloriosam martyrii  
palmam capitis abscissione promerue-  
re. Ad ejusdem preces nunc terræ-  
motibus exortis, nunc ignibus e cælo  
tonante delapsis, deorum templa pro-  
strata sunt, et simulacra consumpta.  
Interdum ex vulneribus lac cum san-  
guine erupit, splendorque nitidissi-  
mus, ac suavissimus odor e corpore  
emanavit: interdum sublimis regia in  
sede divinis laudibus una cum Cæli-  
tibus interesse visa est.

*Lectio vj.*

**H**ISCE prodigiis, ejusque in pri-  
mis constantia, acriter permo-

tus Judex, caput virginis amputari  
præcepit. Qua perempta, auditaque  
de cælo voce, qua ad Superos evo-  
cabatur, Urbs tota contremuit, ac  
multi idolorum cultores ad Christi fi-  
dem conversi sunt. Sacrum Martinæ  
corpus, sedente sancto Urbano Pri-  
mo, martyrio affectum, Urbano O-  
ctavo Pontifice Maximo, in pervetusta  
ejusdem Ecclesia, ad Mamertinum  
carcerem, in Capitolini clivi radici-  
bus, cum sanctorum martyrum Con-  
cordii, Epiphani, et sociorum cor-  
poribus repertum, eodem loco in me-  
liorem formam redacto, atque decen-  
tius ornato, magno populi concursu,  
totius Urbis lætitia, solemnī ritu ac  
pompa repositum est.

*In III. Noct. Homilia Sæpe vos  
fratres de Com. I. loco.*

*Ad Laudes.*

HYMNUS.

**T**U natale solum protego, tu bo-  
næ

Da pacis requiem Christiadam plagis,  
Armorum strepitus, et fera prælia  
In fines age Thracios.

Et regum socians agmina sub crucis  
Vexillo, Solymas nexibus exime,  
Vindexque innocei sanguinis, hosti-  
cum

Robur funditus erue.

Tu nostrum columen, tu decus in-  
clytum,  
Nostrarum obsequium respice men-  
tium:

Romæ vota libens excipe, quæ pio  
Te ritu canit, et colit.

A nobis abigas lubrica gaudia  
Tu, qui Martyribus dexter ades Deus  
Une et Trine: tuis da famulis ju-  
bar,

Quo clemens animos beas.

Amen.

*Vesperæ de sequenti.*

**DIE 31. S. PETRI NOLASCI,**

*Confess. Duplex. ( m. t. v. )*

*Oratio.*

**D**EUS, qui in tuæ charitatis exem-  
plum, ad fidelium redemptionem



nem sanctum Petrum Ecclesiam tuam nova prole fecundare divinitus docuisti, ipsius nobis intercessione concede, a peccati servitute solutis, in cœlesti patria perpetua libertate gaudere. Qui vivis.

*Deinde fit comm. S. Martinæ.*

*Lect. I. Noct. de Script. occ.*

## IN II. NOCTURNO.

*Lectio iv.*

**P**ETRUS Nolascus. Recaudi prope Carcassonam in Gallia nobili genere natus, singulari erga proximum charitate excelluit. Cujus virtutis præsagium fuit, quod cum adhuc in cunabulis vagiret infans, examen apum ad eum convolavit, et favum mellis in ejus dextera construxit. Adolescens parentibus orbatus, Albigenis hæresim, quæ tunc in Gallia grossabatur, execrans, divendito patrimonio, in Hispaniam secessit, et apud beatam Virginem Montis Serrati votum, quo pridem se obstrinxerat, exolvit. Tum Barcinonam pergens, cum Christi fidelibus ab hostium servitute redimendis omnem pecuniam consumpsisset, se ipsum pro his liberandis venumire, aut in illorum vincula suffici cupere dictitabat.

*Lectio v.*

**Q**UAM gratum Deo fuerit hoc sancti viri desiderium, subsequens declaravit eventus. Nam noctu oranti, et de Christianorum in captivitate degentium subsidio multa animo volventi beata Virgo apparet, Filio suo sibi que acceptissimum fore suggessit, si ad sui honorem Religiosorum Ordo institueretur, quibus præcipue esset cura captivos ab infidelium tyrannide liberare. Huic cœlesti monito illico obtemperans, una cum sancto Raymundo de Pegnafort, et Jacobo Primo rege Aragoniæ de eadem re a Dei Genitrice ipsa nocte præmonitis, Religionem beatæ Mariæ de Mercede redemptionis Captivorum instituit, sodalibus suis quarto voto obstrictis manendi in pignus sub Paganorum

potestate, si pro Christianorum liberatione opus fuerit.

*Lectio vj.*

**L**EDITO virginitatis voto, illibatam perpetuo castitatem servavit. Patientia, humilitate, abstinencia, cæterisque virtutibus mirabiliter enituit. Prophetiæ dono illustris, futura prædixit; inter quæ maxime celebratur, quod Jacobus rex Valentiam a Mauris occupatam expugnaverit, accepta prius ab eo obtinendæ victoriæ securitate. Angeli Custodis, ac Deiparæ virginis frequenti apparitione recreabatur. Senio tandem confectus, de imminente morte certior factus, in morbum incidit, sanctisque relictis Sacramentis, fratres suos ad charitatem erga captivos cohortatus, et psalmum, Confitebor tibi Domine in toto corde meo, devotissime recitans, ad illa verba, Redemptionem misit Dominus populo suo, spiritum Deo reddidit, media nocte Vigilæ Nativitatis Domini, anno millesimo ducentesimo quinquagesimo sexto. Cujus festivitatem Alexander Septimus die trigesima prima Januarii celebrari præcepit.

*In III. Noct. Homilia Pusillum gregem electorum de Com. 2. loco, p. 60.*

*In II. Vesp. comm. sequentis.*

## FESTA FEBRUARII.

*Prima die non impedita dicitur Officium Defunctorum.*

**Die 1. S. Ignatii,**

**Episc. et Mart. Semiduplex.**

*Oratio. Infirmitatem p. 14.*

*Lect. I. Noct. de Script. occ.*

## IN II. NOCTURNO.

*Ex libro S. Hieronymi Presbyteri de Scriptoribus Ecclesiasticis.*

*Lectio iv.*

**I**GNATIUS Antiochenæ Ecclesiæ tertius post Petrum Apostolum Episcopus, commovente persecutionem Trajano, damnatus ad bestias,

Romam vinetus mittitur. Cumque navigans Smyrnam venisset, ubi Polycarpus auditor Joannis, Episcopus erat, scripsit unam epistolam ad Ephesios, alteram ad Magnesianos; tertiam ad Trallenses, quartam ad Romanos: et inde egrediens scripsit ad Philadelphios, et ad Smyrnicos, et propriam ad Polycarpum, commendans illi Antiochenam Ecclesiam: in qua et de Evangelio, quod nuper a me translatus est, super persona Christi ponit testimonium.

*Lectio v.*

**D**IGNUM autem videtur, quia tanti viri fecimus mentionem, et de epistola ejus, quam ad Romanos scribit, pauca ponere. De Syria usque ad Romam pugno ad bestias in mari et in terra, nocte dieque ligatus cum decem leopardis, hoc est militibus, qui me custodiunt; quibus et cum benefeceris, peiores fiunt. Iniquitas autem eorum mea doctrina est, sed non idcirco justificatus sum. Utinam fruor bestiis, quæ mihi sunt preparatæ: quas et oro mihi veloces esse ad interitum, et ad supplicia, et allici ad comedendum me, ne sicut et aliorum Martyrum, non audeant corpus attingere. Quod si venire noluerint, ego vim faciam, ego me urgebo, ut devorer. Ignoscite mihi, filioli: quid mihi prosit, ego scio.

*Lectio vj.*

**N**UNC incipio Christi esse discipulus, nihil de his, quæ videntur, desiderans, ut Jesum Christum inveniam. Ignis, crux, bestiae, confractio ossium, membrorum divisio, et totius corporis contritio, et tota tormenta diaboli in me veniant: tantum ut Christo fruor. Cumque jam damnatus esset ad bestias, et ardore patienti rugientes audiret leones, ait: Frumentum Christi sum, dentibus bestiarum molar, ut panis mundus inveniar. Passus est anno undecimo Trajani. Reliquiae corporis ejus Antiochiæ jacent extra portam Daphniticam, in cimiterio.

*In III. Noct. Homilia Ipse Dominus Jesus ut in die 10. Aug., cum q. vij. et viij. de Com.*

*Vesp. de seq. sine comm. præc.*

## DIE 2. in Purificatione

BEATÆ MARIE VIRGINIS.

*Duplex 2. Classis.*

*Si hoc Festum inciderit in aliquam Dom. privilegiatam, transfertur in Feriam ij. tanquam in sedem propriam, translato quocumque Festo etiam æqualis, non tamen altioris ritus.*

## *In I. Vesperts.*

*Ant. 1. O Admirabile commercium! Creator generis humani animatum corpus sumens, de Virgine nasci dignatus est; et procedens homo sine semine, largitus est nobis suam Deitatem.*

*Psalmi et alia hic non propria, ut in festis B. M. V., p. 94.*

*2. Quando natus es ineffabiliter ex Virgine, tunc impletæ sunt Scripturæ: sicut pluvia in vellus descendisti, ut salvum faceres genus humanum: te laudamus, Deus noster.*

*3. Rubum, quem viderat Moyses incombustum, conservatam agnovimus tuam laudabilem virginitatem: Dei genitrix, intercede pro nobis.*

*4. Germinavit radix Jesse, orta est stella ex Jacob, Virgo peperit Salvatorem: te laudamus, Deus noster.*

*5. Ecce Maria genuit nobis Salvatorem, quem Joannes videns, exclamavit, dicens: Ecce Agnus Dei, ecce qui tollit peccata mundi, alleluia.*

*Capitulum.*

*Malach. 3.*

**E**CCE ego mitto Angelum meum, et præparabit viam ante faciem meam. Et statim veniet ad templum sanctum suum Dominator, quem vos queritis, et Angelus testamenti, quem vos vultis.

*γ. Responsum accepit Simeon a Spiritu sancto. q. Non visurum se mortem, nisi videret Christum Domini.*

*Ad Magnif. Ant.* Senex puerum portabat, puer autem senem regebat: quem virgo peperit, et post partum virgo permansit, ipsum, quem genuit, adoravit.

*Oratio ut infra in Laudibus.*

*Ad Manifestationem.*

*Invit.* Ecce venit ad templum sanctum suum Dominator Dominus: Gaude et lætare, Sion, occurrens Deo tuo.

IN I. NOCTURNO.

De libro Exodi.

*Lectio j.*

*Cap. 13.*

**LOCUTUS** est Dominus ad Moysen, dicens: Sanctifica mihi omne primogenitum quod aperit vulvam in filiis Israel, tam de hominibus, quam de jumentis: mea enim sunt omnia. Et ait Moyses ad populum: Cum introduxerit te Dominus in terram Chanaan, sicut juravit tibi et patribus tuis, et dederit tibi eam, separabis omne quod aperit vulvam, Domino, et quod primitivum est in pecoribus tuis, quidquid habueris masculini sexus, consecrabis Domino. Primogenitum asini mutabis ove: quod si non redemeris, interficies. Omne autem primogenitum hominis de filiis tuis pretio redimes.

¶ Adorna thalamum tuum, Sion, et suscipe Regem Christum, \* Quem virgo concepit, virgo peperit, virgo post partum, quem genuit, adoravit. ¶ Accipiens Simeon puerum in manibus, gratias agens benedixit Domino. Quem.

De libro Levitici.

*Lectio ij.*

*Cap. 12.*

**LOCUTUS** est Dominus ad Moysen, dicens: Loquere filiis Israel, et dices ad eos: Mulier, si suscepto semine pepererit masculinum, immunda erit septem diebus, juxta dies separationis menstruae. Et die octavo circumcidetur infantulus: ipsa vero triginta tribus diebus manebit in sanguine purificationis suae. Omne sanctum non tanget, nec ingreditur in

Sanctuarium, donec impleantur dies purificationis suae. Sin autem feminam pepererit, immunda erit duabus hebdomadibus, juxta ritum fluxus menstrui, et sexaginta sex diebus manebit in sanguine purificationis suae.

¶ Postquam impleti sunt dies purificationis Mariae, secundum legem Moysi, tulerunt Jesum in Jerusalem, ut sisterent eum Domino: \* Sicut scriptum est in lege Domini: Quia omne masculinum adaperiens vulvam, sanctum Domino vocabitur. ¶ Obtulerunt pro eo Domino par turturum, aut duos pullos columbarum. Sicut.

*Lectio iij.*

**CUMQUE** expleti fuerint dies purificationis suae, pro filio sive pro filia, deferet agnum anniculum in holocaustum, et pullum columbae sive turturem pro peccato, ad ostium tabernaculi testimonii, et tradet sacerdoti, qui offeret illa coram Domino, et orabit pro ea, et sic mundabitur a profluvio sanguinis sui. Ista est lex parientis masculinum aut feminam. Quod si non invenerit manus ejus, nec potuerit offerre agnum, sumet duos turtures, vel duos pullos columbarum, unum in holocaustum, et alterum pro peccato; orabitque pro ea sacerdos, et sic mundabitur.

¶ Obtulerunt pro eo Domino par turturum, aut duos pullos columbarum, \* Sicut scriptum est in lege Domini. ¶ Postquam autem impleti sunt dies purificationis Mariae, secundum legem Moysi, tulerunt illum in Jerusalem, ut sisterent eum Domino. Sicut. Gloria. Sicut.

IN II. NOCTURNO.

Sermo S. Augustini Episcopi.

*Lectio iv. Serm. 13. de Temp.*

**SIC** olim praedictum est: Mater Sion dicit: Homo et homo factus est in ea, et ipse fundavit eam Altissimus. O omnipotentia nascentis! o magnificentia de coelo ad terram descendentis! Adhuc in utero portabatur, et



ex utero matris a Joanne Baptista salutabatur. In templo presentabatur et a Simeone senē, famoso, annoso, probato, coronato agnoscebatur. Tunc cognovit tunc adoravit, tunc dixit: Nunc, Domine, dimittis servum tuum in pace, quia viderunt oculi mei salutare tuum.

¶ Simeon justus et timoratus expectabat redemptionem Israel: Et Spiritus sanctus erat in eo. ¶ Responsum accepit Simeon a Spiritu sancto, non visurum se mortem, nisi videret Christum Domini. Et.

*Lectio v.*

**D**IFFEREBATUR exire de saeculo, ut videret natum, per quem conditum est saeculum. Agnovit infantem senex, factus est in puero puer. Innovatus in aetate, qui plenus erat pietate. Simeon senex ferebat Christum infantem, Christus regebat Simeonis senectutem. Dictum ei fuerat a Domino quod non gustaret mortem, nisi videret Christum Domini natum. Natus est Christus, et impletum est desiderium senis in mundi ipsius senectute. Ipse ad senem hominem venit, qui mundum inveteratum invenit.

¶ Responsum accepit Simeon a Spiritu sancto, non visurum se mortem, nisi videret Christum Domini: Et benedixit Deum, et dixit: Nunc dimittis servum tuum in pace, quia viderunt oculi mei salutare tuum, Domine. ¶ Cum inducerent puerum Jesum parentes ejus, ut facerent secundum consuetudinem legis pro eo: ipse accepit eum in ulnas suas. Et.

*Lectio vi.*

**I**N isto quidem saeculo diu esse nolebat, et Christum in hoc saeculo videre cupiebat, cantans cum Propheta, et dicens: Ostende nobis, Domine, misericordiam tuam, et salutare tuum da nobis. Denique, ut noveritis ita esse istius laetitiam, conclusit, dicens: Nunc dimittis servum tuum in pace, quia viderunt oculi mei salutare tuum. Propheta

eccinerunt Conditorem caeli et terrae in terra cum hominibus futurum: Angelus nuntiavit Creatorem carnis et spiritus in carne venturum: salutavit Joannes ex utero in utero Salvatorem: Simeon senex Deum agnovit infantem.

¶ Cum inducerent puerum Jesum parentes ejus in templum, ut facerent secundum consuetudinem legis pro eo, accepit eum Simeon in ulnas suas, et benedixit Deum, dicens: Nunc dimittis, Domine, servum tuum in pace. ¶ Susciciens Simeon puerum in manibus, exclamavit, dicens. Nunc. Gloria. Nunc.

IN III. NOCTURNO.

*Lectio sancti Evangelii secundum Lucam.*

*Lectio vij. Cap. 2.*

**I**N illo tempore: Postquam impleti sunt dies purgationis Mariae, secundum legem Moysi, tulerunt Jesum in Jerusalem, ut sisterent eum Domino, sicut scriptum est in lege Domini. Et reliqua.

*Homilia sancti Ambrosii Episcopi.*

*Lib. 2. Comm. in Lucam c. 2.*

**E**T ecce homo erat in Jerusalem, cui nomen Simeon, et homo iste justus et timoratus, expectans consolationem Israel. Non solum ab Angelis, et Prophetis, et a pastoribus, sed etiam a senioribus et justis generatio Domini accepit testimonium. Omnis aetas, et uterque sexus, eventorumque miracula fidem astruunt. Virgo generat, sterilis parit, mutus loquitur, Elisabeth prophetat, Magus adorat, utero clausus exultat, vidua confitetur, justus expectat.

¶ Susciciens Jesum in ulnas suas Simeon, exclamavit et dixit: Tu es vere lumen ad illuminationem Gentium, et gloriam plebis tuae Israel. ¶ Cum inducerent puerum Jesum parentes ejus, et ipse accepit eum in ulnas suas, et benedixit Deum, et dixit. Tu.

*Bened.* Cujus.... ipsa Virgo virginum.

*Lectio viij.*

**E**T bene justus, qui non suam, sed populi gratiam requirebat, cupiens ipse corporeis vinculis fragilitatis exolvi, sed expectans videre promissum: sciebat enim quia beati oculi qui eum viderent. Et ipse accepit eum in ulnas suas, et benedixit Deum, et dixit: Nunc dimitte servum tuum, Domine, secundum verbum tuum in pace. Vide justum, velut corporeis carcere molis inclusum, velle dissolvi, ut incipiat esse cum Christo. Dissolvi enim, et cum Christo esse multo melius est.

¶. Senex puerum portabat, puer autem senem regebat: \* Quem virgo concepit, virgo peperit; virgo post partum, quem genuit, adoravit. ¶. accipiens Simeon puerum in manibus, gratias agens benedixit Dominum. *Quem. Gloria. Quem.*

*Lectio ix.*

**S**ED qui vult dimitti, veniat in templum, veniat in Jerusalem, expectet Christum Domini, accipiat in manibus Verbum Dei, complectatur operibus velut quibusdam suae fidei brachiis: tunc dimittetur, ut non videat mortem, qui viderit vitam. Vides uberem in omnes gratiam, Domini generatione diffusam, et prophetiam incredulis negatam esse, non justis. Ecce et Simeon prophetat in ruinam et resurrectionem plurimorum venisse Dominum Jesum Christum: ut justorum iniquorumque merita discernat, et pro nostrorum qualitate factorum, iudex verus et justus aut supplicia decernat, aut præmia.

*Ad Laudes*

*et per Horas, Antiphonæ.*

1. Simeon justus et timoratus expectabat redemptionem Israel, et Spiritus sanctus erat in eo.

2. Responsum accepit Simeon a Spiritu sancto, non visurum se mortem, nisi videret Dominum.

3. Accipiens Simeon puerum in manibus, gratias agens benedixit Dominum.

4. Lumen ad revelationem Gentium, et gloriam plebis tuæ Israel.

5. Obtulerunt pro eo Domino par turturum, aut duos pullos columbarum.

*Capitulum. Malach. 3.*

**E**CCE ego mitto Angelum meum, et præparabit viam ante faciem meam. Et statim veniet ad templum sanctum suum Dominator, quem vos quæritis, et Angelus testamenti, quem vos vultis.

¶. Diffusa est gratia in labiis tuis. ¶. Propterea benedixit te Deus in æternum.

*Ad Bened. Ant.* Cum inducerent puerum Jesum parentes ejus, accepit eum Simeon in ulnas suas, et benedixit Deum, dicens: Nunc dimittis servum tuum in pace.

*Oratio.*

**O**MNIPOTENS sempiterne Deus, majestatem tuam supplices exoramus, ut sicut unigenitus Filius tuus hodierna die cum nostræ carnis substantia in templo est præsentatus, ita nos facias purificatis tibi mentibus præsentari. Per eundem.

*Ad Tertiam.*

*Capit.* Ecce ego mitto, ut supra. ¶. br. Specie tua. ¶. Adjuvabit eam.

*Ad Sextam.*

*Capitulum. Malach. 3.*

**E**CCE veniet, dicit Dominus exercituum, et quis poterit cogitare diem adventus ejus, et quis stabit ad videndum eum? Ipse enim quasi ignis conflans, et quasi herba fullonum.

¶. Adjuvabit eam. ¶. Elegit eam.

*Ad Nonam.*

*Capitulum. Malach. 3.*

**E**T placebit Domino sacrificium Juda et Jerusalem, sicut dies sæ-

culi, et sicut anni antiqui, dicit Dominus omnipotens.

*R. br. Elegit eam. t. Diffusa est.*

**In II. Vespertis.**

*Ant. de Laud. reliqua ut in I. Vespertis.*

*Ad Magnif. Ant. Hodie beata virgo Maria puerum Jesum præsentavit in templo, et Simeon repletus Spiritu sancto, accepit eum in ulnas suas, et benedixit Deum in æternum.*

*Deinde fit comm. sequentis.*

**Die 3. S. Blasii,**

Episcopi et Martyris.

*Oratio. Deus qui nos beati, p. 14.*

*Lectio iij.*

**BLASIUS**, Sebaste in Armenia cum virtutum laude floreret, ejusdem civitatis Episcopus eligitur. Qui, quo tempore, Diocletianus insatiabilem crudelitatem in Christianos exercebat, se in speluncam abdedit montis Argæi, ubi tamdiu latuit, dum ab Agricola Præsidis militibus venantibus deprehensus, et ad Præsidem ductus, ejus jussu conjectus est in vincula. Quo in loco multos ægrotos sanavit, qui ad Blasium, ejus fama sanctitatis adducti, deferabantur. In illis puer fuit, qui desperata a medicis salute, transversa spina faucibus inhærente, animam agebat. Productus autem ad Præsidem Blasius semel et iterum, cum nec blanditiis nec minis adduci posset, ut diis sacrificaret, primum virgis cæsus, deinde in equuleo ferreis pettinibus dilaniatus est, postremo dempto capite, illustre fidei testimonium Christo Domino dedit, tertio nonas Februarii.

**Die 4. S. Andr. Corsini,**

Episc. et Conf. Dupl. (m. t. v.)

*Oratio.*

**DEUS**, qui in Ecclesia tua nova semper instauras exempla virtutum, da populo tuo beati Andreæ

Confessoris tui atque Pontificis ita sequi vestigia, ut assequatur et præmia. Per Dominum.

*Lect. I. Noct. de Scrip. occ.*

*In Quadrag. Fidelis sermo et Lectio ix. de Homilia, et comm. Feria in Laud. et Vesp.*

*Quod servatur in aliis Festis Temp. Quadrag.*

**IN II. NOCTURNO.**

*Lectio iv.*

**ANDREAM** Florentiæ ex nobili Corsinorum familia natum, parentes precibus a Deo impetrarunt, et beatæ Virgini sponderunt. Qualis autem futurus esset, divino præsagio, antequam nasceretur, ostensum est: nam mater gravida sibi visa est per quietem lupum edidisse, qui ad Carmelitarum ædem pergens, in ipso templi vestibulo statim in agnum conversus est. Adolescens pie et ingenue educatus, cum sensim ad vitia declinaret, sæpe a matre increpatus fuit. Ubi autem cognovit se parentum voto Deiparæ Virgini dicatum fuisse, Dei amore succensus, deque visu matris admonitus, Carmelitarum Institutum amplexus est: in quo variis tentationibus a dæmone vexatus, nunquam tamen potuit a Religionis proposito dimoveri. Mox Lutetiam missus, emenso studiorum curriculo, et laurea donatus, in patriam revocatur, suique Ordinis regimini in Hetruria præficitur.

*Lectio v.*

**INTEREA** Fesulana Ecclesia suo viduata Pastore, cum sibi Episcopum elegit. Quo munere se indignum æstimans, diu latuit ignotus, donec pueri voce mirabiliter loquentis proditus, et extra urbem inventus, de divinæ contradiceret voluntati, Episcopatum suscepit. Ea dignitate auctus, humilitati, quam semper coluerat, impensius incubuit: et pastoralis sollicitudini misericordiam in pauperes, liberalitatem, orationis assiduitatem, vigilas, aliasque virtu-



tes adjunxit, et spiritu etiam prophético clarus fuit, adeo ut ejus sanctitas ab omnibus celebraretur.

*Lectio vj.*

**H**IS permotus Urbanus Quintus, ad sedandas Bononiæ turbas Andream legatum misit: quo in munere multa perpressus, civium odia, quæ ad internecionem exarserant, summa prudentia restinxit: tum restituta tranquillitate, ad propria reversus est. Nec multo post assiduis laboribus, et voluntaria carnis maceratione confectus, obitus die a beata Virgine sibi prædicto, ad coelestia regna migravit, anno Domini millesimo trecentesimo septuagesimo tertio, ætatis sue septuagesimo primo. Quem Urbanus Octavus multis magnisque miraculis clarum Sanctorum numero adscripsit. Ejus corpus Florentiæ in Ecclesia sui Ordinis quiescit, et maxima civium veneratione colitur, quibus non semel in præsentis discrimine præsidio fuit.

*In III. Noct. Homilia Lectio sancti Evangelii de Com. I. loco.*

*Vesperæ a Capit. de sequenti.*

**DIE 5. S. AGATHÆ,  
Virginis et Martyris. Duplex.**

***In I. Vesperis.***

*Quando dicuntur integræ, Ant. de Laud. Psalmi de Dom. loco ult. Laudate Dominum omnes gentes.*

*Capitulum de Laudibus.*

*Ad Magnif. Ant. Stans beata Agatha in medio carceris, expansis manibus orabat ad Dominum: Domine Jesus Christe, magister bone, gratias tibi ago, qui me fecisti vincere tormenta carnicum. Jube me, Domine, ad tuam immarcescibilem gloriam feliciter pervenire.*

*Oratio ut infra in Laudibus.*

*Et sit comm. præcedentis.*

**IN I. NOCTURNO.**

*Ant. 1. Ingenua sum, et ex spectabili genere, ut omnis parentela mea vestatur.*

*Psalmi de Com. unius Martyris.*

*2. Summa ingenuitas ista est, in qua servitus Christi comprobatur.*

*3. Ancilla Christi sum, ideo me ostendo servilem habere personam.*

*ŷ. Specie tua. ̃. Intende.*

*Lect. I. Noct. Confitebor tibi Domine de Com. 2. loco, p. 70.*

*̃. j. Dum torqueretur beata Agatha in mamilla graviter, dixit ad judicem: Impie, crudelis, et dire tyranne, non es confusus amputare in femina, quod ipse in matre suxisti? ŷ. Ego enim habeo mamillas integras intus in anima mea, quas ab infantia Domino consecravi. Impie.*

*̃. ij. Agatha lætissime et glorianter ibat ad carcerem, Quasi ad epulas invitata, et agonem suum Domino precibus commendabat. ŷ. Nobilissimis orta natalibus, ab ignobili gaudens trahebatur ad carcerem. Quasi.*

*̃. iij. Quis es tu, qui venisti ad me curare vulnera mea? Ego sum Apostolus Christi: nihil in me dubites, filia: ipse me misit ad te, Quem dilexisti mente, et puro corde. ŷ. Nam et ego Apostolus ejus sum, et in nomine ejus scias te esse curandam. Quem. Gloria. Quem.*

**IN II. NOCTURNO.**

*Ant. 1. Agatha sancta dixit: Si feras mihi promittis, audito Christi nomine, mansuescunt.*

*2. Si ignem adhibeas, rorem mihi salvificum de cælo Angeli ministrabunt.*

*3. Agatha lætissime et glorianter ibat ad carcerem, quasi ad epulas invitata, et agonem suum Domino precibus commendabat.*

*ŷ. Adjuvabit. ̃. Deus in medio.*

*Lectio iv.*

**A**GATHA virgo, in Sicilia nobilibus parentibus nata, quam Panormitani et Catanenses civem suam esse dicunt, in persecutione Decii Imperatoris, Catanzæ gloriosi martyrii coronam consecuta est. Nam cum pari pulchritudinis et castitatis laude com-

mendaretur, Quintianus Siciliae praetor, ejus amore captus est. Sed cum, tentata modis omnibus ejus pudicitia, Agatham in suam sententiam perducere non posset, Christianae superstitionis nomine comprehensam, Aphrodisiae cuidam mulieri depravandam tradidit. Quae Aphrodisiae consuetudine cum de constantia colendae Christianae fidei, et servandae virginitatis, removeri non posset, nuntiat illa Quintiano, se in Agatha operam perdere. Quare ille ad se virginem adduci jubet, et: Nonne, inquit, te pudet nobili genere natam, humilem et servilem Christianorum vitam agere? Cui Agatha: Multo praestantior est Christiana humilitas et servitus, regum opibus ac superbia.

¶. Ego autem adjuta a Domino, perseverabo in confessione ejus qui me salvam fecit, \* Et consolatus est me. †. Gratias tibi ago, Domine Jesu Christe, qui misisti ad me Apostolum tuum curare vulnera mea. Et.

## Lectio v.

**QUANOBREM** iratus Praetor hanc ei optionem dat, velitne potius venerari deos, an vim tormentorum subire. At illa constans in fide, primum colaphis caesa mittitur in carcerem, unde postridie educta, cum in sententia permaneret, admotis candentibus laminis in equuleo torquetur; tum ei mamilla abscinditur. Quo in vulnere Quintianum appellans virgo: Crudelis, inquit, tyranne, non te pudet amputare in femina, quod ipse in matre suxisti? Mox conjecta in vincula, sequenti nocte a sene quodam, qui se Christi Apostolum esse dicebat, sanata est. Rursum evocata a Praetore, et in Christi confessione perseverans, in acutis testulis, et candentibus carbonibus ei subjectis volutatur.

¶. Ipse me curavit, qui per Apostolum Petrum in custodia me confortavit, pro eo quod jussa sum suspendi in equuleo. \* Propter fidem castitatis adjuva me, Domine Deus

meus, in tortura mamillarum mearum. †. Ipse me dignatus est ab omni plaga curare, et mamillam meam meo pectori restituere. Propter.

## Lectio vj.

**QUO** tempore ingenti terramotu urbs tota contremuit, ac duo parietes corruentes Silvinum et Falconium intimos Praetoris familiares oppresserunt. Quare vehementer commota civitate, veritus populi tumultum Quintianus, Agatham semimortuam clam reduci imperat in carcerem. Quam sic Deum precata: Domine, qui me custodisti ab infantia, qui abstulisti a me amorem saeculi, qui me carnificum tormentis superiorem praestitisti, accipo animam meam. Ea in oratione migravit in caelum, nonis Februarii: cujus corpus a Christianis sepelitur.

¶. Vidisti, Domine, et spectasti agonem meum, quomodo pugnavi in stadio: sed quia nolui obedire mandatis Principum, \* Jussa sum in mamilla torqueri. †. Propter veritatem, et mansuetudinem, et justitiam. Jussa. Gloria. Jussa.

## IN III. NOCTURNO.

*Ant.* Nisi diligenter perfeceris corpus meum a carnificibus attrectari, non potest anima mea in paradisum Domini cum palma intrare martyrii.

*Psalm.* In Domino confido, p. 18.\*

*Ant.* Vidisti, Domine, agonem meum, quomodo pugnavi in stadio: sed quia nolui obedire mandatis Principum, jussa sum in mamilla torqueri.

*Psalm.* Domine quis, p. 18.\*

*Ant.* Propter fidem castitatis jussa sum suspendi in equuleo: adjuva me, Domine Deus meus, in tortura mamillarum mearum.

*Psalm.* Conserva me, p. 31.\*

†. Elegit. ¶. In tabernaculo.

*In III. Noct. Homilia Dominus noster de Com. 2. loco, p. 71.\**

¶. vij. Beata Agatha ingressa carcerem, expandit manus suas ad Deum,

et dixit: Domine, qui me fecisti vincere tormenta carnificum, \* Jube me ad tuam misericordiam pervenire. *℣.* Domine, qui me creasti, et tulisti a me amorem sæculi, qui corpus meum a pollutione separasti. Jube.

*℞. viij.* Medicinam carnalem corpori meo nunquam exhibui, sed habeo Dominum Jesum Christum. \* Qui solo sermone restaurat universa. *℣.* Qui me dignatus est ab omni plaga curare, et mamillam meam meo pectori restituere, ipsum invoco Deum vivum. Qui. Gloria. Qui.

### *Ad Laudes*

*et per Horas, Antiphonæ.*

1. Quis es tu, \* qui venisti ad me curare vulnera mea? Ego sum Apostolus Christi: nihil in me dubites, filia.

2. Medicinam carnalem \* corpori meo nunquam exhibui, sed habeo Dominum Jesum Christum, qui solo sermone restaurat universa.

3. Gratias tibi ago, \* Domine Jesu Christe, quia memor es mei, et misisti ad me Apostolum tuum curare vulnera mea.

4. Benedico te, Pater Domini mei Jesu Christi, quia per Apostolum tuum mamillam meam meo pectori restitui.

5. Qui me dignatus est \* ab omni plaga curare, et mamillam meam meo pectori restituere, ipsum invoco Deum vivum.

*Capitulum. Eccli. 51.*

**C**ONFITEBOR tibi, Domine Rex, et collaudabo te Deum salvatorem meum. Confitebor nomini tuo, quoniam adjutor et protector factus es mihi, et liberasti corpus meum a perditione.

*Ad Bened. Ant.* Paganorum multitudo fugiens ad sepulchrum virginis, tulerunt velum ejus contra ignem; ut comprobaret Dominus, quod a periculis incendii, meritis beatæ Agathæ martyris suæ eos liberaret.

### *Oratio.*

**D**EUS, qui inter cætera potentie tuæ miracula, etiam in sexu fragili victoriam martyrii contulisti, concede propitius, ut qui beatæ Agathæ Virginis et Martyris tuæ natalitia colimus, per ejus ad te exempla gradiamur. Per Dominum.

### *Ad Tertiam.*

*Capit. Confitebor tibi.*

*℞. br.* Specie tua. *℣.* Adjuvabit eam.

### *Ad Sextam.*

*Capitulum. Eccli. 51.*

**L**IBERASTI me secundum multitudinem misericordiæ domini tui a rugientibus præparatis ad escam, de manibus quærentium animam meam, et de multis tribulationibus quæ circumdederunt me.

*℞. br.* Adjuvabit eam. *℣.* Elegit eam.

### *Ad Nonam.*

*Capitulum. Eccli. 51.*

**L**AUDABIT usque ad mortem anima mea Dominum: quoniam eruis sustinentes te, et liberas eos de manu angustiarum, Domine Deus noster.

*℞. br.* Elegit eam. *℣.* Diffusa est.

### *In II. Vesperis.*

*Ant. de Laud Psalmi de Dom. loco ult. Lauda Jerusalem, p. 93.*

*Capit. Confitebor tibi.*

*Ad Magnif. Ant.* Stans beata Agatha in medio carceris, expansis manibus orabat ad Dominum: Domine Jesu Christe, magister bone, gratias tibi ago, qui me fecisti vincere tormenta carnificum: jube me, Domine, ad tuam immarcescibilem gloriam feliciter pervenire.

*Deinde fit comm. sequentis.*

### *Die 6. S. Dorotheæ*

*Virginis et Martyris.*

*Orat. Indulgentiam, p. 62.*



*Lectio iij.*

**D**OROTHEA virgo, ex Cæsarea Cappadociæ, propter Christi confessionem ab Apricio Præsidente comprehensa, Crystæ et Callistæ sororibus, quæ a fide defecerant tradita est, ut eam a proposito removerent. Sed contra factum est: nam eas Dorothea ad cultum Christianæ religionis reduxit, propter quam etiam martyrium susceperunt. Quare virgo equuleo diu torta, et palmis cæsa, ad extremum capitis damnata, duplicatam virginitatis et martyrii palmam accepit.

**Die 7. S. Romualdi,**Abbatis. *Duplex.* ( m. t. v. )*Oratio.* Intercessio nos, p. 81.\**Lect. I. Noct. de Script. occ.**In Quadrag. Beatus vir. p. 58.\****IN II. NOCTURNO.***Lectio iv.*

**R**OMUALDUS Ravennæ, Sergio patre, nobili genere natus, adolescens in propinquum monasterium Classense pœnitentiæ causa secessit: ubi religiosi hominis sermone ad pietatis studium vehementius incensus, viso etiam semel et iterum per noctem in Ecclesia beato Apollinari, quod Dei servus illi futurum promiserat, monachus efficitur. Mox ad Marinum, vitæ sanctitate ac severiore disciplina in finibus Venetorum eo tempore celebrem, se contulit, ut ad arctam et sublimem perfectionis viam eo magistro ac duce uteretur.

*Lectio v.*

**M**ULTIS satanæ insidiis, et hominum invidia oppugnatus, tanto humilior se assidue jejuniis et orationibus exercebat, et rerum cœlestium meditatione, vim lacrymarum profundeus, fruebatur: vultu tamen adeo læto semper erat, ut intuentes exhilararet. Magno apud principes et reges in honore fuit: multique ejus consilio, mundi illecebris abjectis, solitudinem petierunt. Martyrii quo-

que cupiditate flagravit, ejus causa dum in Pannoniam proficiscitur, morbo, quo afflictabatur cum progredere-  
tur, levabatur cum recederet, reverti cogitur.

*Lectio vj.*

**I**N vita et post mortem miraculis clarus, spiritu etiam prophetiæ non caruit. Scalam a terra cœlum pertinentem, in similitudinem Jacob Patriarchæ, per quam homines in veste candida ascendebant et descendebant, per visum conspexit, eoque Camaldulenses monachos, quorum Instituti auctor fuit, designari mirabiliter agnovit. Denique, cum annos centum et viginti ageret, et centum ipsos in summa vitæ asperitate Deo servisset, ad eum migravit anno salutis millesimo vigesimo septimo. Ejus corpus quinquennio postquam sepultum fuerat, integrum repertum, Fabriani in Ecclesia sui Ordinis honorifice conditum est.

*In III. Noct. Homilia Grandis fiducia de Com. Apost. I. loco, p. 7. cum q. vij. et viij. de Com.*

*Vesp. a Capit. de sequenti.***Die 8. S. Joan. De Matha,**Confessoris. *Duplex.* ( m. t. v. )*Oratio.*

**D**EUS, qui per sanctum Joannem Ordinem sanctissimæ Trinitatis, ad redimendum de potestate Saracenorum captivos cœlitus instituere dignatus es, præsta, quæsumus, ut ejus suffragantibus meritis, a captivitate corporis et animæ, te adjuvante, liberemur. Per Dominum.

*Deinde fit comm. S. Romualdi.**Lect. I. Noct. de Script. occ.**In Quadrag. Beatus vir p. 58.\****IN II. NOCTURNO.***Lectio iv.*

**J**OANNES de Matha, Ordinis sanctissimæ Trinitatis redemptionis Captivorum institutor, Falcone in Provincia natus est parentibus pietate et nobilitate conspicuis. Studiorum causa

Aquas Sextias, mox Parisios profectus, confectoque Theologiæ curriculo, magisterii lauream adeptus, doctrinæ et virtutum splendore euitit. Quibus motus Parisiensis Antistes, ad sacrum Presbyteratus ordinem præ humilitate reluctantem promovit, eo consilio, ut in ea civitate commorans, sapientia et moribus studiosæ juventutis præluceret. Cum autem in sacello ejusdem Episcopi, ipso cum aliis astante, primum Deo Sacrum offerret, cœlesti favore meruit recreari. Nam Angelus candida et fulgenti veste indutus, cui in pectore crux rubei et cœrulei coloris assuta erat, brachiis cancellatis, et super duos captivos ad latera positos, Christianum unum, alterum Maurum, extensis, apparuit. Qua visione in extasim raptus, intellexit protinus vir Dei, se ad redimendos ab infidelibus captivos destinari.

*Lectio v.*

**Q**UO vero maturius in re tanti momenti procederet, in solitudinem secessit, ibique divino nutu factum est, ut Felicem Valesium in ipsa eremo jam multis annis degentem reperit: cum quo inita societate, se per triennium in oratione, et contemplatione, omniumque virtutum studio exercuit. Contigit autem, ut dum secum de rebus divinis prope fontem colloquerentur, cervus ad eos accesserit, crucem inter cornua gerens rubei et cœrulei coloris. Cumque Felix ob rei novitatem miraretur, narravit ei Joannes visionem in prima Missa habitam, et exinde ferventius orationi incumbentes, ter in somnis admoniti, Romam proficisci decreverunt, ut a Summo Pontifice novi Ordinis pro redimendis captivis institutionem impetrarent. Electus fuerat eo tempore Innocentius Tertius, qui, illis benigne acceptis, dum secum de re proposita deliberat, in festo sanctæ Agnetis secundo, Laterani intra Missarum solemniam ad sacræ Hostiæ elevationem, Angelus ei candida veste, cruce bicolore, specie redimentis captivos apparuit. Quo viso,

Pontifex institutum approbavit, et novum Ordinem sanctissimæ Trinitatis redemptionis Captivorum vocari jussit, ejusque professoribus albas vestes cum cruce rubei et cœrulei coloris præbuit.

*Lectio vj.*

**S**IC stabilito Ordine, sancti Fundatores in Galliam redierunt, primoque cœnobio Cervi frigidi in diocesi Meldensi constructo, ad ejus regimen Felix remansit, et Joannes Romam cum aliquot sociis reversus est, ubi Innocentius domum, Ecclesiam, et hospitale sancti Thomæ de Formis in monte Cœlio eis donavit cum multis redditibus, et possessionibus: datis quoque litteris ad Miramolinum regem Marochii, opus redemptionis felici auspicio inchoatum fuit. Tum ad Hispanias, sub jugo Saracenorum magna ex parte oppressas, Joannes profectus est, regumque, principum, atque aliorum fidelium animos ad captivorum et pauperum commiserationem commovit. Monasteria ædificavit, hospitalia erexit, magnoque lucro animarum plures captivos redemit. Romam tandem reversus, sanctisque operibus incumbens, assiduis laboribus attritus, et morbo confectus, ardentissimo Dei et proximi amore exæstuans, ad extremum devenit. Quare fratribus convocatis, eisque ad opus redemptionis cœlitus præmonstratum efficaciter cohortatis, obdormivit in Domino sextodecimo Kalendas Januarii, anno salutis millesimo ducentesimo decimo tertio, ejusque corpus in ipsa Ecclesia sancti Thomæ de Formis condigno honore tumulatum fuit.

*In III. Noct. Homilia Sancti Evangelii fratres de Com. I. loco.*

*In II. Vesp. comm. sequentis.*

**DIE 9. S. Apolloniæ,  
Virginis et Martyris.**

*Oratio Deus qui inter, p. 62.*

*Lectio iij.*

**A**POLLONIA, virgo Alexandrina, sub Decio Imperatore, cum

ingravescente jam ætate ad idola sisteretur, ut eis venerationem adhiberet, illis contemptis, Jesum Christum verum Deum colendum esse predicabat. Quamobrem omnes ei contusi sunt et evulsi dentes, ac, nisi Christum detestata, deos coleret, accenso rogo combusturos vivam minati sunt impii carnifices. Quibus illa se quamvis mortem pro Jesu Christi fide subituram respondit. Itaque comprehensa ut combureretur, cum paulisper, quasi deliberans quid agendum esset, statisset, ex illorum manibus elapsa, alacris in ignem sibi paratum, majori Spiritus sancti flamma intus accensa, se iniecit. Unde, brevi consumpto corpore, purissimus spiritus in cælum ad sempiternam martyrii coronam evolavit.

**Die 10. S. Scholasticæ,**  
**Virginis. Duplex.**  
*Oratio.*

**DEUS**, qui animam beatæ Virginis tuæ Scholasticæ ad ostendendam innocentie viam, in columbe specie cælum penetrare fecisti, da nobis ejus meritis et precibus ita innocenter vivere, ut ad æterna mereamur gaudia pervenire. Per Dominum.

*Lect. I. Noct. de Script. occ.*  
*In Quadrag. De Virginibus. p. 64.*  
**IN II. NOCTURNO.**

*Ex libro secundo Dialogorum*  
*S. Gregorii Papæ.*

*Lectio iv. Cap. 33.*

**SCHOLASTICA** venerabilis patris Benedicti soror, omnipotenti Domino ab ipso infantie tempore dedicata, ad eum semel per annum venire consueverat. Ad quam vir Dei non longe extra januam in possessione monasterii descendebat. Quadam vero die venit ex more, atque ad eam cum discipulis venerabilis ejus descendit frater, qui totum diem in Dei laudibus sacrisque colloquiis ducentes, incumbens jam noctis te-

nebris, simul acceperunt cibum. Cumque adhuc ad mensam sederent, et inter sacra colloquia tardior se hora protraheret, eadem sanctimonialis femina soror ejus eum rogavit, dicens: Quæso te ut ista nocte me non deseras, ut usque mane de cælestis vitæ gaudiis loquamur. Cui ille respondit: Quid est quod loqueris, soror? manere extra cellam nullatenus possum. Tanta vero erat cæli serenitas, ut nulla in ære nubes appareret. Sanctimonialis autem femina, cum verba fratris negantis audivisset, insertas digitis manus super mensam posuit, et caput in manibus omnipotentem Dominum rogatura declinavit. Cumque levaret de mensa caput, tanta coruscationis et tonitruum virtus, tantaque inundatio pluvie erupit, ut neque venerabilis Benedictus, neque fratres qui cum eo aderant, extra loci limen, quo considerant, pedem movere potuerint.

*Lectio v.*

**SANCTIMONIALIS** quippe femina caput in manibus declinans, lacrymarum fluvium in mensam fuderat, per quas serenitatem aeris ad pluviam rtaxit. Nec paulo tardius post orationem inundatio illa secuta est; sed tanta fuit convenientia orationis et inundationis, ut de mensa caput jam cum tonitruo levaret, quatenus unum idemque esset momentum, et levare caput, et pluviam deponere. Tunc vir Dei inter coruscos, et tonitruos, atque ingentis pluvie inundationem, videns se ad monasterium non posse remeare, cœpit conqueri contristatus, dicens: Parcat tibi omnipotens Deus, soror; quid est quod fecisti? Cui illa respondit: Ecce rogavi te, et audire me noluisti: rogavi Deum meum, et audivit me: modo ergo, si potes, egredere, et me dimissa, ad monasterium recede. Ipse autem exire extra tectum non valens, qui remanere sponte noluit, in loco mansit invitus. Sicque factum est, ut totam noctem pervigilem ducerent,



atque per sacra spiritalis vitæ colloquia, sese vicaria relatione satiarent.

*Lectio vj.*

**CUMQUE** die altero eadem venerabilis femina ad cellam propriam recessisset, vir Dei ad monasterium rediit. Cum ecce post triduum in cella consistens, elevatis in aera oculis, vidit ejusdem sororis suæ animam de corpore egressam, in columbæ specie cœli secreta penetrare. Qui tantæ ejus gloriæ congaudens, omnipotenti Deo in hymnis et laudibus gratias reddidit, ejusdemque obitum fratribus denunciavit. Quos etiam protinus misit, ut ejus corpus ad monasterium deferrent, atque in sepulchro, quod sibi ipsi paraverat, ponerent. Quo facto contigit, ut quorum mens una semper in Deo fuerat, eorum quoque corpora nec sepultura separaret.

*In III. Noct. Homilia sæpe vos fratres de Com. I. loco.*

**Die 14. S. Valentini,**

Presbiteri et Martyris.

*Orat. Præsta ut qui p. 14.*

*Lectio iij.*

Triumphalis beati *de Com. I. loco*  
p. 18.

**Die 15. SS. Faust. et Jov.**

Martyrum.

*Orat. Deus, qui nos annua, p. 29.*

*q. ij. Hæc est vera fraternitas.*

*Lectio iij.*

**FAUSTINUS** et Jovita fratres, nobiles Brixiani, in multis Italiæ urbibus, quo victi, sæviante Trajani persecutione, ducebantur, acerbissima supplicia perpassi, fortes in Christianæ fidei confessione perstiterunt. Nam Brixie diu vinculis constricti, feris etiam objecti, in ignemque conjecti, et a bestiis et a flamma integri et incolumes servati sunt; inde vero iisdem catenis colligati, Mediolanum venerunt, ubi eorum fides tentata exquisitissimis tormentis,

tanquam igne aurum, in cruciatibus magis enituit. Postea Romam missi, ab Evaristo Pontifice confirmati, ibi quoque crudelissime torquentur. Denique perducti Neapolim, in ea etiam urbe varie cruciati, victis manibus pedibusque in mare demerguntur: unde per Angelos Mirabiliter erepti sunt. Quare multos et constantia in tormentis, et miraculorum virtute ad Christi fidem converterunt. Postremo reducti Brixiam, initio suscepti ab Adriano Imperii, securi percussi, illustrem martyrii coronam acceperunt.

**Die 18. S. Simeonis,**

Episcopi et Martyris.

*Oratio. Infirmitatem, p. 14.*

*Lectio iij.*

**SIMEON**, filius Cleophæ, post Jacobum proximus Jerosolymis ordinatus Episcopus, Trajano Imperatore, apud Atticum consularem est accusatus, quod Christianus esset, et Christi propinquus. Comprehebantur enim omnes eo tempore, quicumque ex genere David orti essent. Quare multis cruciatus tormentis, eodem passionis genere, quod Salvator noster subierat, afficitur, mirantibus omnibus quod homo ætate confectus (erat enim centum et viginti annorum) acerbissimos crucis dolores fortiter constanterque pateretur.

**Die 22. Cathedræ S. Petri**

ANTIOCHIÆ. *Dupl. maj.*

*Omnia ut in Cathedra Romana, p. 641. præter*

IN II. NOCTURNO.

Sermo S. Augustini Episcopi.

*Serm. 15. de Sanctis.*

*Lectio iv.*

**INSTITUTIO** solemnitatis hodiernæ a senioribus nostris Cathedræ nomen accepit, ideo quod primus Apostolorum Petrus hodie Episcopatus cathedram suscepisse referatur. Recte

ergo Ecclesiæ natalem sedis illius colunt, quam Apostolus pro Ecclesiarum salute suscepit, dicente Domino: Tu es Petrus, et super hanc petram ædificabo Ecclesiam meam.

*Lectio v.*

**P**ETRUM itaque fundamentum Ecclesiæ Dominus nominavit, et ideo digne fundamentum hoc Ecclesia colit, supra quod Ecclesiastici ædificii altitudo consurgit. Unde convenienter psalmus, qui lectus est, dicit: Exaltent eum in ecclesia plebis, et in cathedra seniorum laudent eum. Benedictus Deus, qui beatum Petrum Apostolum in Ecclesia exaltari præcepit, quia dignum est ut fundamentum hoc in Ecclesia honoretur, per quod ad cælum conscenditur.

*Lectio vj.*

**Q**UOD natalis ergo Cathedræ hodie colitur, sacerdotale honoratur officium. Sibi hoc Ecclesiæ invicem præstant, quia tanto necesse plus habet Ecclesia dignitatis, quanto sacerdotale officium plus honoris. Cum solemnitate hanc Ecclesiis merito religiosa observatio introduxerit, miror cur apud quosdam infideles hodie tam perniciosus error increverit, ut super tumulos defunctorum cibos et vina conferant, quasi egressæ de corporibus animæ carnales cibos requirant.

IN III. NOCTURNO.

*Lectio sancti Evangelii secundum Matthæum.*

*Lectio vij.*

Cap. 16.

**I**N illo tempore: Venit Jesus in partes Cæsareæ Philippi, et interrogabat discipulos suos: dicens: Quem dicunt homines esse Filium hominis? Et reliqua.

Homilia S. Leonis Papæ.

Serm. 3. in Annivers. ass. suæ.

**A**POSTOLOS Dominus, quid de se homines opinentur, interro-

gat et tamdiu sermo respondentium communis est, quamdiu humanæ intelligentiæ ambiguitas explicatur. At ubi quid habeat sensus discipulorum exigitur, primus est in Domini confessione, qui primus est in Apostolica dignitate. Qui cum dixisset: Tu es Christus Filius Dei vivi; respondit ei Jesus: Beatus es Simon Barjona, quia caro et sanguis non revelavit tibi, sed Pater meus qui in cælis est. Id est, ideo beatus es, quia Pater meus te docuit: nec terrena opinio te fefellit, sed inspiratio cælestis instruxit; et non caro et sanguis, sed ille me tibi, cujus sum unigenitus Filius, indicavit.

*Lectio viij.*

**E**T ego, inquit, dico tibi, hoc est, sicut Pater meus tibi manifestavit divinitatem meam, ita et ego tibi notam facio excellentiam tuam, quia tu es Petrus; id est, cum ego sim inviolabilis petra, ego lapis angularis, qui facio utraque unum, ego fundamentum præter quod nemo potest aliud ponere, tamen tu quoque petra es, quia mea virtute solidaris, ut quæ mihi potestate sunt propria, sint tibi mecum participatione communia. Et super hanc petram ædificabo Ecclesiam meam, et portæ inferi non prævalebunt adversus eam. Super hanc, inquit, fortitudinem æternum extruam templum; et Ecclesiæ meæ cælo inserenda sublimitas, in hujus fidei firmitate consurget.

*Si hoc Festum ante Quadrag. venerit in Sabbato, vel transferatur in ij. Feriam, et annus non fuerit bissextilis, legitur Lectio ix. de Homilia Vigilæ S. Mathiæ, et de ea fit comm. ad Laudes post comm. S. Pauli. In Quadrag. autem Lectio ix. erit de Homilia Feriæ occ. cum comm. de ea, et nihil fit de vigilia, nisi in Missa.*

*Lectio ix.*

**H**ANC confessionem portæ inferi non tenebunt, mortis vincula

non ligabunt : vox enim ista vox vitæ est. Et sicut confessores suos in cœlestia provehit , ita negatores ad inferna demergit. Propter quod dicit beatissimo Petro : Tibi dabo claves regni cœlorum. Et quæcumque ligaveris super terram , erunt ligata et in cœlis , et quæcumque solveris susuper terram erunt soluta et in cœlis. Transivit quidem etiam in alios Apostolos vis potestatis istius , et ad omnes Ecclesiæ principes decreti hujus constitutio commeavit : sed non frustra uni commendatur , quod omnibus intlmatur. Petro enim ideo hoc singulariter creditur , quia cunctis Ecclesiæ rectoribus Petri forma præponitur. Manet ergo Petri privilegium ubicumque ex ipsius fertur æquitate judicium. Nec nimia est vel severitas vel remissio , ubi nihil erit ligatum , nihil solutum , nisi quod beatus Petrus aut solverit , aut ligaverit.

*In II. Vesp. comm. sequentis,*

**Die 23. S. Petri Damiani,**

Episc. Conf. et Eccl. Doct.

*Duplex.*

*In utrisq. Vesp. Ant. O Doctor.*

*Oratio.*

**CONCEDE** nos , quæsumus , omnipotens Deus, beati Petri Confessoris tui atque Pontificis monita et exempla sectari, ut per terrestrium rerum contemptum æterna gaudia consequamur. Per Dominum.

*Lect. I. Noct. de script. occ.*

*In Quadrag. Fidelis sermo.*

**IN II. NOCTURNO.**

*Lectio iv.*

**PETRUS** , Ravennæ honestis parentibus natus , adhuc lactens a matre numerosæ prolis pertæsa abjicitur ; sed domesticæ mulieris opera semivivus exceptus ac recreatus, genitrici ad humanitatis sensum revocatur redditur. Utroque orbatus parente, tanquam vile mancipium sub aspera

fratris tutela duram servitutem exercuit. Religionis in Deum , ac pietatis erga patrem, egregium tunc specimen dedit : inventum siquidem forte nummum , non propriæ inedia sublevandæ , sed Sacerdoti , qui divinum Sacrificium ad illius expiationem offerret , erogavit. A Damiano fratre , a quo , uti fertur , cognomentum accepit , benigne receptus ejus cura litteris eruditur , in quibus brevi tantum profecit , ut magistris admirationi esset. Cum autem liberalibus scientiis floreret et nomine , eas cum laude docuit. Interim , ut corpus rationi subderet, sub molibus vestibus cilicium adhibuit, jejniis , vigiliis , et orationibus solerter insistens. Calente juvenia, dum carnis stimulis acriter urgeretur , insultantium libidinum faces , rigentibus fluvii mersus aquis , noctu exinguebat ; tum venerabilia quæque loca obire , totumque Psalterium recitare consueverat. Ope assidua pauperes levabat , quibus frequenter pastis convivio , propriis ipse manibus ministrabat.

*Lectio v.*

**PERFICIENDÆ** magis vitæ causa , in Avellanensi Eugubinae diocesis cœnobio , Ordini monachorum sanctæ Crucis Fontis Avellanæ a beato Ludolpho , sancti Romualdi discipulo , fundato , nomen dedit. Non ita multo post in monasterium Pomposianum , mox in cœnobium sancti Vincentii Petræ Pertusæ ab Abbate suo missus , utrumque asceterium verbo sacro, præclaris institutionibus, et moribus excoluit. Ad suos revocatus , post Præsidis obitum , Avellanitarum familiæ præficitur , quam novis variis in locis extractis domiciliis , et sanctissimis institutis ita auxit , ut alter ejus Ordinis parens ac præcipuum ornamentum jure sit habitus. Salutarem Petri sollicitudinem alia quoque diversi Instituti cœnobia , Canonicorum Conventus, et populi sunt experti. Urbinati diœcesi non uno nomine pro-



fuit. Theuzoni Episcopo in causa gravissima assedit, ipsumque in recte administrando Episcopatu consilio et opera juvit. Divinorum contemplatione, corporis macerationibus, cæterisque spectatæ sanctimonie exemplis excelluit. His motus Stephanus Nonus Pontifex Maximus eum licet invitum et reluctantem Sanctæ Romanæ Ecclesiæ Cardinalem creavit, et Ostiensem Episcopum. Quas Petrus dignitates splendidissimis virtutibus, et consentaneis Episcopali ministerio operibus gessit.

*Lectio vj.*

**D**IFFICILLIMO tempore Romanæ Ecclesiæ, Summisque Pontificibus doctrina, legationibus, aliisque susceptis laboribus mirifice adfuit. Adversus Nicolaitarum et Simoniacam hæreses ad mortem usque strenue decertavit. Hujusmodi depulsis malis, Mediolanensem Ecclesiæ Romanæ conciliavit. Benedicto et Cadolao falsis Pontificibus fortiter restitit. Henricum Quartum Germaniæ regem ab iniquo uxoris divortio deterruit: Ravennates ad debita Romano Pontifici obsequia revocatos sacris restituit: Canonicos Veliternos ad sanctioris vitæ leges composuit. In provincia præsertim Urbinate vix ulla fuit Episcopalis Ecclesia, de qua Petrus non sit bene meritus; Eugubinam, quam aliquando creditam habuit, multis levavit incommodis: alias alibi, quando oportuit, perinde curavit, ac sum essent tutelæ commissæ. Cardinalatu et Episcopali dignitate depositis, nihil de pristina juvandi proximos sedulitate remisit. Jejunium sextæ Feriæ in honorem sanctæ Crucis Jesu Chsisti, honorarias beatæ Dei Genitricis preces, ejusque die Sabbato cultum propagavit. Inferendæ quoque sibi verberationis morem ad patratorum scelerum expiationem provexit. Demum sanctitate, doctrina, miraculis, et præclare actis illustris, dum e Ravennate legatione rediret, Faventini octavo kalendas Martii migravit ad Christum.

Ejus corpus ibidem apud Cistercienses multis miraculis clarum frequenti populorum veneratione colitur. Ipsum Faventini non semel in præsentis discrimine propitium experti, Patronum apud Deum delegerunt. Leo vero Duodecimus Pontifex Maximus officium Missamque in ejus honorem tanquam Confessoris Pontificis, quæ aliquibus in diocesis, atque in Ordine Camaldulensium jam celebrabantur, ex sacrorum Rituum Congregationis consulto, addita Doctoris qualitate, ad universam extendit Ecclesiam.

*In III. Noct. Homilia Ostendit Dominus, pro Doct. I. loco, p. 49.*

*Lectio ix. extra Quadrag. et annum bissextilem de Homilia Vigiliæ S. Mathiæ, ut infra.*

*In Quadrag. autem de Homilia Feriæ, et nihil fit de Vigilia, nisi in Missa.*

DE VIGILIA SANCTI MATHIÆ

*In anno bissext. fit die 24.*

*Extra Quadrag. Homilia Cum sancta ut in Vigil. Apost., p. 1.*

*In Quadrag. nihil fit de Vigil. nisi in Missa.*

*Oratio.*

**D**A, quæsumus, omnipotens Deus, ut beati Mathiæ Apostoli tui, quam prævenimus, veneranda solemnitas, et devotionem nobis augeat, et salutem. Per Dominum.

**Die 24.**

*vel 25. anno bissext.*

**S. Mathiæ,**

*Apost. Duplex 2. Classis.*

*Oratio.*

**D**EUS, qui beatum Mathiam Apostolorum tuorum collegio sociasti, tribue, quæsumus, ut ejus interventione, tuæ circa nos pietatis semper viscera sentiamus. Per Dominum.

IN I. NOCTURNO.

De Actibus Apostolorum.

## Lectio j.

## Cap. I.

**I**N diebus illis exurgens Petrus in medio fratrum, dixit: (erat autem turba hominum simul fere centum viginti) Viri fratres, oportet impleri Scripturam, quam prædixit Spiritus sanctus per os David de Juda, qui fuit dux eorum qui comprehenderunt Jesum: qui connumeratus erat in nobis, et sortitus est sortem ministerii huius. Et hic quidem possedit agrum de mercede iniquitatis, et suspensus crepuit medius, et diffusa sunt omnia viscera ejus.

## Lectio ij.

**E**T notum factum est omnibus habitantibus Jerusalem, ita ut appellaretur ager ille lingua eorum, Haceldama, hoc est, ager sanguinis. Scriptum est enim in libro Psalmorum: Fiat commoratio eorum deserta, et non sit qui inhabitet in ea; et episcopatum ejus accipiat alter. Oportet ergo ex his viris, qui nobiscum sunt congregati in omni tempore, quo intravit et exivit inter nos Dominus Jesus, incipiens a baptismo Joannis usque in diem qua assumptus est a nobis, testem resurrectionis ejus nobiscum fieri unum ex istis.

## Lectio iij.

**E**T statuerunt duos, Joseph, qui vocabatur Barsabas, qui cognominatus est justus, et Mathiam. Et orantes dixerunt: Tu, Domine, qui corda nosti omnium, ostende quem elegeris ex his duobus unum accipere locum ministerii hujus, et Apostolatus, de quo prævaricatus est Judas, ut abiret in locum suum. Et dederunt sortes eis, et cecidit sors super Mathiam, et annumeratus est cum undecim Apostolis.

*Lect. II. Noct. Fundamenta ejus de Com. 2. loco, p. 11\*.*

*In III. Noct. Homilia Venite ad me omnes pro Abb. 2. loco, p. 60\*. cum q. vij. et viij. de Com. Apost.*

*In Quadrag. Lectio ix. et comm. Ferie in Laudibus et Vesperis.*

## FESTA MARTII

*Ante Quadrag. prima die non impedita dicitur Offic. Defunct.*

**DIE 4. S. Casimiri,**  
Confessoris. Semiduplex.

## Oratio.

**D**EUS, qui inter regales delicias et mundi illecebras, sanctum Casimirum virtute constantiæ roborasti, quæsumus, ut ejus intercessionem fideles tui terrena despiciant, et ad cœlestia semper aspirent. Per Dominum.

*In Quadrag. fit. comm. Ferie.*

*Deinde S. Lucii, Papæ et Martyris. Oratio Deus qui nos beati. p. 14\*.*

*Lect. I. Noct. de Script. occ.*

*In Quadrag. Justus si morte. p. 52\*.*

## IN II. NOCTURNO.

## Lectio iv.

**C**ASIMIRUS, patre Casimiro, matre Elisabetha Austriaca, Polonia regibus ortus, a pueritia sub optimis magistris, pietate et bonis artibus instructus, juveniles artus aspero domabat cilicio, et assiduis extenuabat jejuniis. Regii sprete lecti mollitie, dura cubabat humo, et clam intempesta nocte, præ foribus templorum pronus in terra divinam exorabat clementiam. In Christi contemplanda passione assiduus, Missarum solemnibus adeo erecta in Deum mente solebat adesse, ut extra se rapi videretur.

## Lectio v.

**C**ATHOLICAM promovere fidem summopere studuit, et Ruthenorum schisma abolere. Quapropter Casimirum patrem induxit, ut legem ferret, ne schismatici nova templa construerent, nec vetera collabentia restaurarent. Erga pauperes et calamitatibus oppressos beneficus et misericors, patris et defensoris egenorum nomen obtinuit. Virginitatem, quam ab incunabulis servavit illæsam, sub extremo vitæ termino fortiter asseruit, dum gravi pressus infirmitate, mori potius quam castitatis ja-

etiam ex medicorum conſilio ſubire, conſtanter decrevit.

*Lectio vj.*

**CONSUMMATUS** in brevi, virtutibus et meritis pleuus, prænuntiatio mortis die, inter Sacerdotum et Religioſorum choros ſpiritum Deo reddidit, anno ætatis vigesimo quinto. Corpus Vilnam delatum multis claret miraculis. Etenim, præterquam quod puella defuncta vitam, cæci viſum, claudi gressum, et varii infirmi ſanitatē ad ejus ſepulchrum recuperarunt, Lithuanis exiguo numero ad potentissimi hostis inſperatam irruptionem trepidantibus in ære apprens, inſignem tribuit victoriam. Quibus permotus Leo Decimus eundem Sanctorum catalogo adſcripſit.

*In III. Noct. Homilia Sancti Evangelii fratres de Com. I. loco.*

*In Quadrag. Lectio ix. de Homilia et comm. Feriæ et S. Lucii in Laudibus.*

**Die 7. S. Thomæ de Aquino,**

Conf. et Eccl. Doct. Duplex.

*In utriusq. Vesp. Ant. O Doctor.*

*Oratio.*

**DEUS**, qui Eccleſiam tuam beati Thomæ Confessoris tui mira eruditione clarificas, et ſancta operatione ſecundas, da nobis, quæſumus, et quæ docuit, intellectu conſpicere, et quæ egit, imitatione complere. Per.

*In Quadrag. ſit comm. Feriæ. Deinde SS. Martyrum Perpetuæ, et Felicitatis.*

*In Vesp. et Laud. Ant.* Iſtarum est enim regnum cælorum, quæ contempserunt vitam mundi, et pervenerunt ad præmia regni, et laverunt stolas ſuas in ſanguine Agni.

ŷ. Gloria et honore coronasti eas, Domine. ꝯ. Et conſtituiſti eas ſuper opera manuum tuarum.

*Oratio.*

**DA** nobis, quæſumus, Domine Deus noster, ſanctarum Martyrum tuarum Perpetuæ et Felicitatis palmas

inſeſſabili devotione venerari, ut quas digna mente non peſſumus celebrare, humilibus ſaltem frequentemus obsequiis. Per Dominum.

*Lect. I. Noct. Sapientiam, p. 48.*

**IN II. NOCTURNO.**

*Lectio iv.*

**THOMAS**, Landulpho Comite Aquinate, et Theodora Neapolitana, nobiles parentibus natus, quintum annum agens, monachis ſancti Benedicti Caſſinatibus custodiendus traditur. Inde Neapolim ſtudiorum cauſa miſſus, jam adoleſcens Fratrum Prædicatorum Ordinem ſuſcepit. Sed matre ac fratribus id indigne ferentibus, Lutetiam Parisiorum mittitur. Quem fratres in itinere per vim raptum, in arcem caſtri ſancti Joannis perducunt: ubi varie exagitatus, ut ſanctum propositum mutaret, mulierem etiam, quæ ad labefactandam ejus conſtantiam introducta fuerat, titione fugavit. Mox beatus juvenis, flexis genibus ante ſignum Crucis orans, ibique ſomno correptus, per quietem ſentire viſus est, ſibi ab Angelis conſtringi lumbos: quo ex tempore omni poſtea libidinis ſenſu caruit. Sororibus, quæ, ut eum a pio conſilio removerent, in caſtrum venerant, perſuaſit, ut, contemptis curis ſæcularibus ad exercitationem cœleſtis vitæ ſe conferrent.

*Lectio v.*

**EMISSUS** e caſtro per fenestram, Neapolim reducit: unde Romam, poſtea Parisium a fratre Joanne Teutonico, Ordinis Prædicatorum Generali Magistro ductus, Alberto magno doctore, Philoſophiæ ac Theologiæ operam dedit. Viginti quinque annos natus, magister est appellatus, publiceque Philoſophos ac Theologos ſumma cum laude est interpretatus. Nunquam ſe lectioni aut ſcriptioni dedit, niſi poſt orationem. In difficultatibus locorum ſacræ Scripturæ, ad orationem jejunium adhibebat. Quin etiam ſodali ſuo fratri Reginaldo dicere ſolebat, quidquid ſciret, non



tam studio aut labore suo peperisse, quam divinitus traditum accepisse. Neapoli cum ad imaginem Crucifixi vehementius oraret, hanc vocem audivit: Bene scripsisti de me, Thomas; quam ergo mercedem accipies? Cui ille: Non aliam, Domine, nisi teipsum.

*Lectio vj.*

**N**ULLUM fuit scriptorum genus, in quibus non esset diligentissime versatus. Collationes Patrum assidue pervolutabat: nec tamen a prædicatione divini verbi desistebat. Quod cum faceret per Octavam Paschæ in Basilica sancti Petri, mulierem, quæ ejus simbriam tetigerat, a fluxu sanguinis liberavit. Scripta ejus et multitudine, et varietate, et facilitate explicandi res difficiles, adeo excellunt, ut ob eam causam etiam nomen Doctoris Angelici jure sit adeptus. Ab Urbano Quarto Romam vocatus, adduci non potuit ut honores acciperet. Archiepiscopatum Neapolitanum, etiam deferente Clemente Quarto Pontifice, recusavit. Missus a Gregorio Decimo ad Concilium Lugdunense, in monasterio Fossæ novæ in morbum incidit, ubi ægrotus Cantica canticorum explanavit. Ibidem obiit quinquagenarius, anno salutis millesimo ducentesimo septuagesimo quarto, Nonis Martii. Miraculis et vivus et mortuus floruit. A Joanne Vigesimo secundo in Sanctorum numerum relatus est, anno millesimo trecentesimo vigesimo tertio: ejus corpus postea, Urbano Quinto summo Pontifice, Tolosam translatum est.

*In III. Noct. Homilia Ostendit Dominus pro Doct. I. loco, p. 49.*

*In Quadrag. Lectio ix. de Homilia et comm. Ferie in Laud. Deinde SS. Martyrum, ut supra.*

*Vesperæ a Capit. de sequenti.*

**DIE S. S. JOANNIS DE DEO**  
Confessoris. Duplex.

*Oratio.*

**D**EUS, qui beatum Joannem, tuo amore succensum, inter flammæ

innoxium incedere fecisti, et per eum Ecclesiam tuam nova prole sæcundasti, præsta, ipsius suffragantibus meritis, ut igne charitatis tuæ vitia nostra curentur, et remedia nobis æterna proveniant. Per Dominum.

*Et fit comm. S. Thomæ et Ferie in Quadrag.*

*Lect. I. Noct. de Scrip. occ.*

*In Quadrag. Beatus vir, p. 58.*

**IN II. NOCTURNO.**

*Lectio iv.*

**J**OANNES de Deo, ex Catholicis piisque parentibus in oppido Montis Majoris, junioris regni Lusitanie natus, quam sublimiter in sortem Domini fuerit electus, insuetus splendor super ejus domo refulgens, sonitusque æris campani sua sponte emissus, ab ipso ejus nativitatis tempore, non obscure prænuntiarunt? A laxiori vivendi ratione, divina operante virtute revocatus, magnæ sanctitatis exhibere specimen cœpit, et ob auditam prædicationem verbi Dei, sic ad meliora se excitatum sensit, ut jam ab ipso sanctioris vitæ rudimento consummatum aliquid perfectumque visus sit attingisse. Bonis omnibus in pauperes carceribus inclosos erogatis, admirabilis pœnitentiæ, sui que ipsius contemptus cuncto populo spectaculum factus, a plerisque ceu demens graviter afflictus, in carcerem amentibus destinatum conjicitur. At Joannes cœlesti charitate magis inceusus, gemino atque amplo valetudinario ex piorum eleemosynis in civitate Granatensi constructo, jactoque novi Ordinis fundamento, Ecclesiam nova prole sæcundavit Fratrum Hospitalitatis, infirmis præclaro animarum corporumque profectu inservientium, et longe lateque per orbem diffusorum.

*Lectio v.*

**P**AUPERIBUS ægrotis, quos propriis quandoque humeris domum deferabat, nulla re ad animæ corporisque salutem proficua deerat.

Effusa quoque extra nosocomium charitate, indigentibus mulieribus viduis, et præcipue virginibus periclitantibus clam alimenta subministrabat, curamque indefessam adhibebat, ut carnis concupiscentiam a proximis hujusmodi vitio inquinatis exterminaret. Cum autem maximum in regio Granatensi valetudinario excitatum fuisset incendium, Joannes impavidus prosiliit in ignem, huc illuc discurrens, quousque tum infirmos humeris exportatos, tum lectulos e fenestris projectos, ab igne vindicavit, ac per dimidiam horam inter flammam jam in immensum succrescentes versatus, exinde divinitus incolumis, universis civibus admirantibus, exivit, in schola charitatis edocens, segniorem in eum fuisse ignem, qui foris usserat, quam qui intus accenderat.

*Lectio vj.*

**M**ULTIPLICI asperitatum genere, demississima obedientia, extrema paupertate, orandi studio, rerum divinarum contemplatione, ac in beatam Virginem pietate mirifice excelluit, et lacrymarum dono enituit. Denique gravi morbo correptus, omnibus Ecclesie Sacramentis rite sancteque reffectus, viribus licet destitutus, propriis indutus vestibus e lectulo surgens, ac provolutus in genua, manu et corde Christum Dominum e cruce pendentem perstringens, octavo Idus Martii anno millesimo quingentesimo quinquagesimo obiit in osculo Domini, quem etiam mortuus tenuit, nec dimisit, et in eadem corporis constitutione sex circiter horas, quousque inde dimotus fuisset, tota civitate inspectante, mirabiliter permansit, odorem mire fragrantem diffundens. Quem ante et post obitum plurimis miraculis clarum, Alexander Octavus Pontifex Maximus in Sanctorum numerum retulit.

*In III. Noct. Homilia Sadducæis confusis ut in Dom. 17. post Pentec. p. 601. cum n. vij. et viij. de Com.*

*In Quadrag. Lectio ix. de Homi-*

*lia et comm. Ferie in Laud.*

*Vesperæ a Capit de sequenti.*

**Die 9. S. Franciscæ**

*Viduæ Romanæ Dupl.*

*Oratio.*

**D**EUS, qui beatam Franciscam famulam tuam, inter cætera gratiæ tuæ dona, familiari Angeli consuetudine decorasti, concede, quaesumus, ut intercessionis ejus auxilio, Angelorum consortium consequi mereamur. Per Dominum.

*Et sit comm. præced. et Ferie.*

*Lect. I. Noct. de Script. occ.*

*In Quadrag. Mulierem fortem. p. 72.*

*Lectio iv.*

**F**RANCISCA nobilis matrona Romana, ab ineunte ætate illustra dedit virtutum exempla. Etenim pueriles ludos et illecebras mundi respuens, solitudine et oratione magno opere delectabatur. Undecim annos nata, virginitatem suam Deo consecrare et monasterium ingredi proposuit. Parentum tamen voluntati humiliter obtemperans, Laurentio de Pontianis juveni æque diviti ac nobili nupsit. In matrimonio arctioris vitæ propositum, quantum licuit, semper retinuit, a spectaculis, conviviis, aliisque hujusmodi oblectamentis abhorrens, lanea ac vulgari veste utens, et quidquid a domesticis curis supererat temporis, orationi aut proximorum utilitati tribuens; in id vero maxima sollicitudine incumbens, ut matronas Romanas a pompis sæculi et ornatus vanitate revocaret. Quapropter domum Oblatarum, sub regula sancti Benedicti, Congregationis montis Oliveti, adhuc viro alligata, in Urbe instituit. Viri exilium, bonorum jacturam, ac universæ domus mærorem, non modo constantissime toleravit, sed gratias agens cum beato Job illud frequenter usurpabat: Dominus dedit, Dominus abstulit; sit nomina Domini benedictum.

*Lectio v.*

**V**IRO defuncto, ad prædictam Oblatarum domum convolans, nudis pedibus, fune ad collum alligato, humi prostrata, multis cum lacrymis earum numero adscribi suppliciter postulavit. Voti compos facta, licet esset omnium mater, non alio tamen quam ancillæ, vilissimæque feminae, et immunditiæ vasculi titulo gloriabatur. Quam vilem sui existimationem et verbo declaravit, et exemplo: sæpe enim e suburbana vinea revertens, et lignorum fascem proprio capiti impositum deferens, vel eisdem onustum agens per Urbem asellum, pauperibus subveniebat, in quos etiam largas eleemosynas erogabat: ægrotantesque in xenodochiis visitans, non corporali tantum cibo, sed salutaribus monitis recreabat. Corpus suum vigiliis, jeuniis, cilicio, ferreo cingulo, crebrisque flagellis in servitutem redigere jugiter satagebat: Cibus illi semel in die herbæ et legumina, aqua potum præbuit. Hos tamen corporis cruciatus aliquando Confessarii mandato, a cujus ore nutuque pendebat, modice temperavit.

*Lectio vj.*

**D**IVINA mysteria, præsertim vero Christi Domini passionem, tanto mentis ardore, tantaque lacrymarum vi, contemplabatur, ut præ doloris magnitudine pene confici videretur. Sæpe etiam, cum oraret, maxime sumpto sanctissimæ Eucharistiæ Sacramento, spiritu in Deum elevata, ac celestium contemplatione raptâ, immobilis permanebat. Quapropter humani generis hostis variis eam contumeliis ac verberibus a proposito dimovere conabatur; quem tamen illa imperterrita semper elusit, Angeli præsertim præsidio, cujus familiari consuetudine gloriosum de eo triumphum reportavit. Gratia curationum et prophetiæ dono enituit, quo et futura prædixit, et cordium secreta penetravit. Non semel aquæ,

vel per rivum decurrentes, vel e cælo labentes, intactam prorsus, dum Deo vacaret, reliquerunt. Modica panis fragmenta, quæ vix tribus sororibus reficiendis fuissent satis, sic ejus precibus Dominus multiplicavit, ut quindecim inde exsaturatis, tantum superfuerit, ut canistrum impleverit; et aliquando earundem sororum, extra Urbem mense Januario ligna parantium, sitim recentis uvæ racemis ex vite in arbore pendentibus mirabiliter obtentis, abunde expleverit. Denique meritis et miraculis clara migravit ad Dominum, anno ætatis suæ quinquagesimo sexto: quam Paulus Quintus Pontifex Maximus in Sanctorum numerum retulit.

*In III. Noct. Homilia Cælorum regnum fratres, de Com.*

*In Quadrag. Lectio ix de Homilia et comm. Feriæ in Laud.*

*In II. Vesp. comm. seq. et Feriæ.*

**DIE 10. SS. XL. Martyrum,**

*Semiduplex.*

*Oratio.*

**P**RÆSTA, quæsumus, omnipotens Deus, ut qui gloriosos Martyres sortes in sua confessione cognovimus, pios apud te in nostra intercessionem sentiamus. Per Dominum.

*Lect. I. Noct. Fratres debitores.*

**IN II. NOCTURNO.**

*Lectio ix.*

**L**ICINIO Imperatore, et Agricola Præside, ad Sebasten Armeniæ urbem, quadraginta militum fides in Jesum Christum, et fortitudo in cruciatibus perferendis enituit. Qui sæpius in horribilem carcerem detrusi vinculisque constricti, cum ora ipsorum lapidibus contusa fuissent, hiemis tempore frigidissimo nudi sub aperto aere supra stagnum rigens pernoctare jussi sunt, ut frigore congelati necarentur. Una autem erat omnium oratio: Quadraginta in stadium ingressi sumus, quadraginta item, Domine, corona donemur: ne una quidem huic numero desit. Est in ho-



nore hic numerus, quem tu quadraglota dierum jejunio decorasti, per quem divina lex ingressa est in orbem terrarum. Elias quadraginta dierum jejunio Deum quærens, ejus visionem consecutus est. Et hæc quidem illorum erat oratio.

*Lectio v.*

**C**ÆTERIS autem custodibus somno deditis, solus vigilabat janitor, qui et illos orantes, et luce circumfusus, et quosdam e cælo descendentes Angelos tanquam a Rege missos, qui coronas triginta novem militibus distribuerent, intuens, ita secum loquebatur: Quadraginta hi sunt, quadragesimi corona ubi est? Quæ dum cogitaret, unus ex illo numero, cui animus ad frigus ferendum defecerat, in proximum tepefactum balneum desiliens, sanctos illos summo dolore affecit. Verum Deus illorum preces irritas esse non est passus: nam rei eventum admiratus janitor, mox custodibus e somno excitatis, detractisque sibi vestibus, ac se Christianum esse clara voce professus, Martyribus se adjunxit. Cum vero Præsidis satellites janitorem quoque Christianum esse cognovissent, bacillis comminuta omnium eorum crura fregerunt.

*Lectio vj.*

**I**n eo supplicio mortui sunt omnes, præter Melithonem, natu minimum. Quem cum præsens mater ejus, fractis cruribus adhuc viventem vidisset, sic cohortata est: Fili, paulisper sustine, ecce Christus ad januam stat adjuvans te. Cum vero reliquorum corpora plaustreis imponi cerneret, ut in rogam inferrentur, ac filium suum relinqui, quod speraret impia turba puerum, si vixisset, ad idolorum cultum revocari posse, ipso in humeros sublato, sancta mater vehicula Martyrum corporibus onusta strenue prosequabatur: in cujus amplexu Melithon spiritum Deo reddidit, ejusque corpus in eundem illum cæterorum Martyrum rogam pia ma-

ter iniecit, ut qui fide et virtute conjunctissimi fuerant, funeris etiam societate copulati, una in cælum pervenirent. Cumbustis illis, eorum reliquiae projectæ in profluentem, cum mirabiliter in unum confluiscent locum, salvæ et integræ repertæ, honorifico sepulchro conditæ sunt.

*In III. Noct. Homilia Adverte omnia diligenter de Com. 2. loco, p. 37\*.*

*Lectio ix. de Homilia et comm. Ferie in Laudibus.*

**DIE 12. S. Gregorii,**

Papæ, Confess. et Eccl. Doct.

*Duplex.*

*In utrisq. Vesp. Ant. O Doctor.*

*Oratio.*

**D**EUS, qui animæ famuli tui Gregorii æternæ beatitudinis præmia contulisti, concede propitius: ut qui peccatorum nostrorum pondere premimur, ejus apud te precibus sublevemur. Per Dominum.

*Deinde fit commemor. Ferie.*

*Lect. I. Noct. Sapientiam, p. 48.\**

**IN II. NOCTURNO.**

*Lectio iv.*

**G**REGORIUS Magnus, Romanus, Gordiani senatoris filius, adolescens Philosophiæ operam dedit, et prætorio officio functus, patre mortuo, sex monasteria in Sicilia ædificavit, Romæ septimum sancti Andrea nomine in suis ædibus, prope Basilicam sanctorum Joannis et Pauli ad clivum Scauri, ubi Hilarione ac Maximiano magistris, monachi vitam professus, postea Abbas fuit. Mox Diaconus Cardinalis creatus, Constantinopolim a Pelagio Pontifice ad Tiberium Constantinum Imperatorem legatus mittitur: apud quem memorabile etiam illud effecit, quod Euty-chium Patriarcham, qui scripserat contra veram ac tractabilem corporum resurrectionem, ita convicit, ut ejus librum Imperator in ignem injiceret. Quare Euty-chius paulo post, cum in morbum incidisset, instante

morte, pellem manus suæ tenebat, multis præsentibus, dicens: Confiteor quia omnes in hac carne resurgemus.

*Lectio v.*

**ROMAM** rediens, Pelagio pestilentia sublato, summo omnium consensu Pontifex eligitur: quem honorem ne acciperet, quamdiu potuit, recusavit. Nam alieno vestitu in specula delituit: ubi deprehensus indicio igneæ columnæ, ad sanctum Petrum consecratur. In Pontificatu multa successoribus doctrinæ ac sanctitatis exempla reliquit. Peregrinos quotidie ad mensam adhibebat, in quibus et Angelum, et Dominum Angelorum peregrini facie accepit. Pauperes et urbanos et externos, quorum numerum descriptum habebat, benigne sustentabat. Catholicam fidem multis locis labefactatam restituit: nam Donatistas in Africa, Arianos in Hispania repressit: Agnoitas Alexandria eiecit; pallium Syagrio Augustodunensi Episcopo dare noluit, nisi Neophitos hæreticos expelleret ex Gallia; Gothos hæresim Ariam relinquare coegit. Missis in Britanniam doctis et sanctis viris Augustino et aliis monachis, insulam ad Jesu Christi fidem convertit, vere a Beda presbytero, Angliæ vocatus Apostolus; Joannis Patriarchæ Constantinopolitani audaciam fregit, qui sibi universalis Ecclesiæ Episcopi nomen arrogabat. Mauritium Imperatorem, eos qui milites fuissent, monachos fieri prohibentem, a sententia deterruit.

*Lectio vj.*

**ECCLESIAM** ornavit sanctissimis institutis et legibus. Apud sanctum Petrum coacta Synodo, multa constituit; in iis, Ut in Missa Kyrie eleison novies repeteretur; Ut extra id tempus, quod continetur Septuagesima et Pascha, Alleluia diceretur: Ut adderetur in Canone, Diesque nostros in tua pace disponas. Litanias, Stationes, et Ecclesiasticum officium auxit. Quatuor conciliis, Nicæno,

Constantinopolitano, Ephesino, Chalcædonensi, tanquam quatuor Evangeliiis, honorem haberi voluit. Episcopis Siciliæ, qui ex antiqua Ecclesiæ consuetudine Romam singulis trienniis conveniebant, quinto quoque anno semel venire indulsit. Multos libros confecit: quos cum dictaret, testatus est Petrus diaconus, se Spiritum sanctum columbæ specie in ejus capite sæpe vidisse. Admirabilia sunt quæ dixit, fecit, scripsit, decrevit, præsertim infirma semper et ægra valetudine. Qui denique, multis editis miraculis, Pontificatus anno decimo tertio, mense sexto, die decimo, quarto Idus Martii, qui dies festus a Græcis etiam propter insignem hujus Pontificis sapientiam ac sanctitatem præcipuo honore celebratur, ad cœlestem beatitudinem evocatus est. Cujus corpus sepultum est in Basilica sancti Petri, prope Secretarium.

IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 5.

**I**N illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia sancti Gregorii Papæ.

*Ex Homil. 17. in Lucæ 10.*

**CONSIDERANDUM** nobis est, ut qui una eademque exhortationis voce non sufficit simul cunctos admonere, studeat singulos, in quantum valet, instruere, privatis locutionibus ædificare. Debemus namque pensare continuo quod sanctis Apostolis dicitur, et per Apostolos nobis: Vos estis sal terræ. Si ergo sal sumus, condire mentes fidelium debemus. Vos igitur, qui pastores estis, pensate quia Dei animalia pasceitis; de quibus profecto animalibus Deo per Psalmistam dicitur: Animalia tua habitabunt in ea. Et sæpe videmus quod petra salis brutis anima-

libus anteponitur, ut ex eadem salis petra lambere debeant, et meliorari. quasi ergo inter bruta animalia petra salis, debet esse sacerdos in populis. Curare namque sacerdotem necesse est, quæ singulis dicat, unumquemque qualiter admoneat; ut quisquis sacerdoti jungitur, quasi ex salis tactu æternæ vitæ sapore condatur.

*Lectio viij.*

**S**AL etenim terræ non sumus, si corda audientium non condimus: quod profecto condimentum ille veraciter proximo impendit, qui prædicationis verbum non subtrahit. Sed tunc vere aliis recta prædicamus, si dicta rebus et exemplis ostendimus. Nullum, puto, fratres charissimi, ab aliis majus præjudicium, quam a sacerdotibus tolerat Deus, quando eos, quos ad aliorum correctionem posuit, dare de se exempla pravitalis cernit: quando ipsi peccamus, qui compescere peccata debuimus, nulla animarum lucra quærimus, ad nostra quotidie studia vacamus, terrena concupiscimus, humanam gloriam intenta mente captamus. Et quia eo ipso, quo cæteris prælati sumus, ad agenda quælibet majorem licentiam habemus, susceptæ benedictionis ministerium vertimus ad ambitionis argumentum, Dei causam relinquimus, ad terrena negotia vacamus, locum sanctitatis accipimus, et terrenis actibus implicamur.

¶ In medio Ecclesiæ p. 43.

*Lect. ix. de Homilia et com. Feriæ in Laud. et Vesp.*

*Si dies crastina vel alia ex sequentibus fuerit Feria vj. post Dom. Passionis, fiat Offic. septem Dolorum B. M. V. ut infra.*

*Si quid ex seq. Festis incidat in maj. Hebd., vel infra Oct. Paschæ, transferatur post Oct.*

**DIE 17. S. Patritii,**

Episcopi et Confessoris. *Semid.*

*Oratio.*

**D**EUS, qui ad prædicandam Gentibus gloriam tuam beatum Pa-

tritium Confessorem atque Pontificem mittere dignatus es, ejus meritis et intercessione concede, ut quæ nobis agenda præcipis, te miserante, adimplere possimus. Per Dominum.

*Et fit commemoratio Feriæ.*

*Lect. I. Noct. Fidelis sermo.*

IN II. NOCTURNO.

*Lectio iv.*

**P**ATRITIUS, Hiberniæ dictus Apostolus, Calphurnio patre, matre Conchessa sancti Martini Turo-nensis Episcopi, ut perbibent, consanguinea, majori in Britannia natus, puer in Barbarorum sæpius incidit captivitatem. Eo in statu pascendis gregibus præpositus, jam tum futuræ sanctitatis specimen præbuit. Fidei namque, divini que timoris, et amoris spiritu repletus, antelucano tempore per nives, gelu, ac pluvias, ad preces Deo fundendas impiger consurgebat; solitus centies interdum, centiesque noctu Deum orare. A servitute tertio exemptus, et inter Clericos relatus, in divinis lectionibus longo se tempore exercuit. Galliis, Italia, insulisque Tyrrheni maris labore summo peragratis, divino tandem monitu ad Hibernorum salutem advocatur, et facta a beato Cælestino Papa Evangelii nuntiandi potestate, consecratusque Episcopus, in Hiberniam perrexit.

*Lectio v.*

**E**O in munere mirum quot vir Apostolicus mala, quot ærumnas et labores, quot pertulerit adversarios. Verum Dei afflante benignitate, terra illa, idolorum antea cultrix, eum mox, prædicante Patritio, fructum dedit, ut Sanctorum insula deinde fuerit appellata. Frequentissimi ab eo populi sacro sunt regenerati lavacro, Episcopi, clericique plurimi ordinati; virgines ac viduæ ad continentiam leges institutæ. Armachanam Sedem, Romani Pontificis auctoritate, totius insulæ principem Metropolim constituit, Sanctorumque reliquiis ab



Urbe relatis decoravit. Supernis visionibus, prophetiæ dono, ingentibusque signis, et prodigiis a Deo exornatus adeo refulsit, ut longe lateque celebrior Patritii se fama diffuderit.

*Lectio vj.*

**P**RÆTER quotidianam Ecclesiarum sollicitudinem, invictum ab oratione spiritum nunquam relaxabat. Aiunt enim integrum quotidie Psalterium una cum canticis et hymnis, ducentisque orationibus consuevisse recitare; ter centies per dies singulos flexis genibus Deum adorare, ac in qualibet Hora diei Canonica centies se crucis signo munire. Noctem tria in spatia distribuens, primum in centum psalmis percurrendis, et bis centies genuflectendo, alterum in reliquis quinquaginta psalmis, algidis aquis immersus, ac corde, oculis, manibusque ad cœlum erectus, absolvendis insumebat, tertium vero super nudum lapidem stratus tenui dabat quieti. Humilitatis eximius cultor, Apostolico more a manuum suarum labore non abstinuit. Assiduis tandem curis pro Ecclesia consumptus, verbo et opere clarus, in extrema senectute divinis Mysteriis resectus, obdormivit in Domino, sepultusque est apud Dunum in Ultonia, a Christiana salute sæculo quinto.

*In III. Noct. Homilia Lectio sancti Evangelii de Com. I. loco.*

*Lectio ix. de Homilia et comm. Feriæ in Laud. et Vesp.*

**DIE 19. S. Josephi,**

Sponsi B. Mariæ Virg. Conf.

*Duplex 2. Classis.*

**In I. Vespertis.**

*Ant. I. Jacob autem genuit Joseph virum Mariæ, de qua natus est Jesus, qui vocatur Christus.*

*Psalmi de Dom. loco ult. Laudate Dominum omnes gentes.*

3. Missus est Angelus Gabriel a Deo ad virginem desponsatam viro, cui nomen erat Joseph, de domo David, et nomen virginis Maria.

3. Cum esset desponsata mater Jesu Maria Joseph, antequam convenirent, inventa est in utero habens de Spiritu sancto.

4. Joseph vir ejus, cum esset justus, et nollet eam traducere, voluit occulte dimittere eam.

5. Angelus Domini apparuit Joseph, dicens: Joseph fili David, noli timere accipere Mariam conjugem tuam; quod enim in ea natum est, de Spiritu sancto est: pariet autem filium, et vocabis nomen ejus Jesum.

*Capitulum. Prov. 28 et 27.*

**V**IR fidelis mutum laudabitur, et qui custos est Domini sui, glorificabitur.

**HYMNUS.**

**T**E, Joseph, celebrent agmina Cœlitum,

Te cuncti rosonent Christiadum chori:  
Qui clarus meritis junctus es inclytæ  
Casto fœdere Virgini.

Almo cum tumidam germine conjugem

Admirans, dubio tangeris anxius,  
Afflatu superi Flaminis Angelus  
Conceptum puerum docet.

Tu natum Dominum stringis, ad  
exteras

Ægypti profugum tu sequeris plagas;  
Amissum Solymis quæris et invenis,  
Miscens gaudia fletibus.

Post mortem reliquos mors pia  
consecrat,

Palmamque emeritos gloria suscipit;  
Tu vivens, Superis par, frueris Deo,  
Mira sorte beatior.

Nobis, summa Trias, parce precantibus,

Da Joseph meritis sidera scandere:  
Ut tandem liceat nos tibi perpetim,  
Gratum promere canticum.

Amen.

ÿ. Constituit cum dominum domus suæ. ♀. Et principem omnis possessionis suæ.

*Ad Magnif. Ant. Exurgens Joseph a somno, fecit sicut præcepit ei Angelus Domini, et accepit conjugem suam.*

*Oratio ut infra in Laudibus.  
In Quadrag. fit. comm. Ferie.*

*Ad Matutinum.*

*Invit.* Christum Dei Filium, qui  
putari dignatus est filius Joseph, \*  
Venite, adoremus.

**HYMNUS.**

**C**ÆLITUM Joseph decus, atque  
NOMINE

Certa spes vitæ, columenque mundi,  
Quas tibi læti canimus, benignus  
Suscipe laudes.

Te Sator rerum statuit pudicæ  
Virginis sponsum, voluitque Verbi  
Te patrem dici, dedit et ministrum  
Esse salutis.

Tu Redemptorem stabulo jacentem,  
Quem chorus Vatum cecinit futurum,  
Aspicias gaudens, humilisque natum  
Numen adoras.

Rex Deus regum, Dominator orbis,  
Cujus ad nutum tremunt inferorum  
Turba, cui pronus famulatur æther,  
Se tibi subdit.

Laus sit excelsæ Triadi perennis,  
Quæ tibi præbens superos honores,  
Det tuis nobis meritis beatæ  
Gaudia vitæ. Amen.

**IN I. NOCTERNO.**

*Ant. 1.* Ascendit Joseph a Galilæa de  
civitate Nazareth in Judæam, in civi-  
tatem David, quæ vocatur Bethlehem,  
ut profiteretur cum Maria.

*Psalmi de Com. Conf. non Pont.*

2. Venerunt pastores festinantes,  
et invenerunt Mariam, et Joseph, et  
infantem positum in præsepio.

3. Ecce Angelus Domini apparuit  
in somnis Joseph, dicens: Surge, et  
accipe puerum et matrem ejus, et  
fuge in Ægyptum.

4. Constituit eum dominum domus  
sue. 5. Et principem omnis posses-  
sionis sue.

De libro Genesis.

*Lectio j.*

*Cap. 39.*

**J**OSEPH igitur ductus est in Ægy-  
ptum, emitque eum Putiphar

Eunuchus Pharaonis, princeps exerci-  
tus, vir Ægyptius, de manu Ismae-  
litarum a quibus perductus erat. Fuit-  
que Dominus cum eo, et erat vir in  
cunctis prospere agens: habitavitque  
in domo domini sui, qui optime no-  
verat Dominum esse cum eo, et o-  
mnia, quæ gereret, ab eo dirigi in  
manu illius. Invenitque Joseph gra-  
tiam coram domino suo, et ministra-  
bat ei, a quo præpositus omnibus gu-  
bernabat creditam sibi domum, et  
universa quæ ei tradita fuerant; be-  
nedixitque Dominus domui Ægyptii  
propter Joseph.

¶ Fuit Dominus cum Joseph, et  
dedit ei gratiam in conspectu princi-  
pis carceris: \* Qui tradidit in manu  
illius universos viectos. 7. Quidquid  
fiebat, sub ipso erat: Dominus enim  
erat cum illo, et omnia opera ejus  
dirigebat. Qui.

*Lectio ij.*

*Genes. 41.*

**P**LACUIT Pharaoni consilium Jo-  
seph, et cunctis ministris ejus,  
locutusque est ad eos: Num invenire  
poterimus talem virum, qui Spiritu  
Dei plenus sit? Dixit ergo ad Joseph:  
Quia ostendit tibi Deus omnia quæ  
locutus es, nunquid sapientio-  
rem et consimilem tui invenire potero? Tu  
eris super domum meam, et ad tui  
oris imperium cunctus populus obe-  
diet; uno tantum regni solio te præ-  
cedam.

¶ Esuriente terra Ægypti, elama-  
vit populus ad regem alimenta petens.  
Quibus ille respondit: \* Ite ad Joseph, et  
quidquid vobis dixerit, facite. 7. Cre-  
scebat quotidie fames in omni terra,  
aperuitque Joseph universa horrea,  
et vendebat Ægyptiis. Ite.

*Lectio iij.*

**D**IXITQUE rursus Pharaon ad Jo-  
seph: Ecce constitui te super  
universam terram Ægypti. Tulitque an-  
nulum de manu sua, et dedit eum  
in manu ejus; vestivitque eum sto-  
la byssina, et collo torquem au-  
ream circumposuit. Fecitque eum a-

scendere super currum suum secundum, clamante præcone, ut omnes coram eo genuflecterent, et præpositum esse scirent universæ terræ Ægypti. Dixitque rex ad Joseph: Ego sum Pharao; absque tuo imperio non movebit quisquam manum aut pedem in omni terra Ægypti.

â. Fecit me Dominus quasi patrem regis, et dominum universæ domus ejus: nolite pavere: \* Pro salute enim vestra misit me Deus ante vos in Ægyptum. y. Venite ad me, et ego dabo vobis omnia bona Ægypti, et comedetis medullam terræ. Pro. Gloria. Pro.

#### IN II. NOCTURNO.

Ant. 1. Consurgens Joseph, accepit puerum et matrem ejus nocte, et secessit in Ægyptum: et erat ibi usque ad obitum Herodis.

2. Defuncto Herode, Angelus Domini apparuit in somnis Joseph in Ægypto, dicens: Surge, et accipe puerum et matrem ejus, et vade in terram Israel: defuncti sunt enim qui quærebant animam pueri.

3. Accepit Joseph puerum et matrem ejus, et venit in terram Israel.

y. Magna est gloria ejus in solutari tuo. â. Gloriam et magnum decorem impones super eum.

Sermo S. Bernardi Abbatis.

Hom. 2. super Missus.

Lectio iv.

**Q**UIS et qualis homo fuerit beatus Joseph, conjice ex appellatione, qua, licet dispensatoria, meruit honorari adeo, ut pater Dei et dictus et creditus sit: conjice et ex proprio vocabulo, quod augmentum non dubitas interpretari. Simul et memento magni illius quondam Patriarchæ venditi in Ægypto, et scito ipsius istum non solum vocabulum fuisse sortitum, sed et castimoniam adeptum, innocentiam assecutum et gratiam.

â. Ascendit Joseph a Galilæa de civitate Nazareth in Judæam, in ci-

vitatem David, quæ vocatur Bethlehem: \* Eo quod esset de domo et familia David. y. Ut profiteretur cum Maria desponsata sibi uxore. Eo.

Lectio v.

**S**I quidem ille Joseph, fraterna ex invidia venditus, et ductus in Ægyptum, Christi venditionem præfiguravit: iste Joseph, Herodianam invidiam fugiens, Christum in Ægyptum portavit. Ille domino suo fidem servans, dominæ noluit commisceri: iste dominam suam, Domini sui matrem, virginem agnoscens, et ipso continens, fideliter custodivit. Illi data est intelligentia in mysteriis somniorum: isti datum est consciunt fieri atque participem cœlestium sacramentorum.

â. Surge, et accipe puerum et matrem ejus, et fuge in Ægyptum: \* Et esto ibi usque dum dicam tibi. y. Ut adimpleretur quod dictum est a Domino per Prophetam dicentem: Ex Ægypto vocavi filium meum. Et.

Lectio vj.

**I**LLÆ frumenta servavit non sibi, sed omni populo: iste panem vivum e cœlo servandum accepit tam sibi, quam toti mundo. Non est dubium, quia bonus et fidelis homo fuerit iste Joseph, cui mater desponsata est Salvatoris. Fidelis, inquam, servus et prudens, quem constituit Dominus suæ matris solatium, suæ carnis nutritium, solum denique in terris magni consilii coadjutorem fidissimum.

â. Cum inducerent puerum Jesum parentes ejus, ut facerent secundum consuetudinem legis pro eo: \* Accepit eum Simeon in ulnas suas, et benedixit Deum. y. Et erat pater ejus et mater mirantes super his, quæ dicebantur de illo. Accepit. Gloria. Accepit.

#### IN III. NOCTURNO.

Ant. 1. Audiens Joseph quod Archelaus regnaret in Judæa pro Herode patre suo, timuit illam iram.



2. **U**dmonitus in somnis Joseph recessit in partes Galilææ, et veniens habitavit in civitate, quæ vocatur Nazareth, ut adimpleretur quod dictum est per Prophetas: Quoniam Nazareus vocabitur.

3. **E**rat pater Jesu et mater mirantes super his, quæ dicebantur de illo, et benedixit illis Simeon.

ÿ. **J**ustus germinabit sicut lilium.

â. **E**t florebit in æternum ante Dominum.

*In III. Noct. Hom. Quare non de simplici, ut in Vigil. Nativ. p. 136.*

*In Quadrag. Lectio ix. de Hom. et comm. Ferie in Laudibus.*

â. vij. **D**icit mater Jesu ad illum: Fili, quid fecisti nobis sic? \* Ecce pater tuus et ego dolentes quærebatimus te. ÿ. **E**t ait ad illos: Quid est quod me quærebatis? nesciebatis quia in his quæ Patris mei sunt, oportet me esse? **E**cce.

â. viij. **D**escendit Jesus cum eis, et venit Nazareth: \* Et erat subditus illis. ÿ. **P**roficiebat sapientia, et ætate, et gratia apud Deum et homines. **E**t. **G**loria. **E**t.

### **Ad Laudes**

*et per Horas, Antiphonæ.*

1. **I**BANT parentes Jesu \* per omnes annos in Jerusalem, in die solemni Paschæ.

2. **C**um redirent, \* remansit puer Jesus in Jerusalem, et non cognoverunt parentes ejus.

3. **N**on invenientes \* Jesum, regressi sunt in Jerusalem, requirentes eum; et post triduum invenerunt illum in templo sedentem in medio Doctorum, audientem, et interrogantem eos.

4. **D**ixit mater ejus ad illum, Fili, quid fecisti nobis sic? Ecce pater tuus et ego dolentes quærebatimus te.

5. **D**escendit Jesus \* cum eis, et venit Nazareth, et erat subditus illis.

*Capitulum. Prov. 28. et 27.*

**V**IR fidelis multum laudabitur; et qui custos est Domini sui, glorificabitur.

### **HYMNUS.**

**I**STE, quem læti colimus fideles,

Cujus excelsos canimus triumphos,  
Hac die Joseph meruit perennis  
Gaudia vitæ.

○ nimis felix, nimis o beatus,  
Cujus extremam vigiles ad horam  
Christus et Virgo simul astiterunt  
Ore sereno.

Nunc stygis victor, laqueo solutus

Carnis, ad sedes placido sopore  
Migrat æternas, rutilisque cingit  
Tempora sertis.

Ergo regnantem flagitemus omnes,  
Adsit ut nobis, veniamque nostris  
Obtinens culpis, tribuat supernæ  
Munera pacis.

Sint tibi plausus, tibi sint honores

Trine, qui regnas, Deus, et coronas

Aureas servo tribuis fidei

Omne per ævum. Amen.

ÿ. **O**s justi meditabitur sapientiam. â, **E**t lingua ejus loquetur judicium.

*Ad Bened. Ant. Ipse Jesus erat incipiens quasi annorum triginta, ut putabatur, filius Joseph.*

### *Oratio.*

**S**ANCTISSIMÆ Genetricis tuæ Sponsi, quæsumus, Domine, meritis adjuvemur, ut quod possibilitas nostra non obtinet, ejus nobis intercessione donetur. Qui vivis.

### **Ad Tertiam.**

*Capit. Vir fidelis.*

â, br. **C**onstituit eum, Dominum domus suæ. **C**onstituit. ÿ. **E**t principem omnis possessionis suæ. **D**ominum. **G**loria. **C**onstituit.

ÿ. **M**agna est gloria ejus in salutari tuo. â. **G**loriam et magnum decorem impones super eum.

**Ad Sextam.***Capitulum.* Eccli. 43.

**D**ILECTUS Deo et hominibus  
cujus memoria in benedictione  
est. In fide et lenitate ipsius sanctum  
fecit illum, et elegit eum ex omni  
carne.

ā. br. Magna est gloria ejus : In  
salutari tuo. Magna. ſ. Gloriam et  
magnum decorem impones super eum.  
In. Gloria. Magna. ſ. Justus ger-  
minabit sicut liliū ā. Et florebit  
in æternum ante Dominum.

**Ad Nonam.***Capitulum.* Sap. 10

**P**ROFUGUM justum deduxit Sa-  
pientia per vias rectas, et o-  
stendit illi regnum Dei, et dedit illi  
scientiam sanctorum, honestavit illum  
in laboribus, et complevit labores  
illius.

ā. br. Justus germinabit, - Sicut  
liliū. Justus, ſ. Et florebit in æ-  
ternum ante Dominum. Sicut. Gloria.  
Justus. ſ. Plantatus in domo Do-  
mini. ā. In atriis domus Dei nostri.

**In II. Vesperts.**

*Ant. de Laud. Psalmi, Capit. et  
Hymnus ut in I. Vesperis*

ſ. Gloria et divitiæ in domo ejus  
ā. Et justitia ejus manet in sæculum  
sæculi.

*Ad Magnif. Ant. Ecce fidelis ser-  
vus et prudens, quem constituit Do-  
minus super familiam suam.*

*In Quadrag. fit comm. Feria.*

**DIE 21. S. Benedicti,**  
Abbatis. Duplex.

*Oratio.*

**I**NTERCESSIO nos, quæsumus  
Domine, beati Benedicti Abbatis  
commendet, ut quod nostris meritis  
non valeamus, ejus patrocinio asse-  
quamur. Per Dominum.

*In Quadrag. fit comm. Feria.*

*Lect. I. Noct. Laudemus viros de  
Com. Conf. Pont. 2. loco, p. 46.  
cum āā. de Com.*

**IN II. NOCTURNO.***Lectio iv.*

**B**ENEDICTUS, Nursiæ nobili  
genere ortus, Romæ liberalibus  
disciplinis eruditus, ut totum se Je-  
su Christo daret, ad eum locum,  
qui Sublacus dicitur, in altissimam  
speluncam penetravit: in qua sic per  
triennium delituit, ut unus id sciret  
Romanus monachus, quo ad vitæ  
necessitatem ministro utebatur. Dum  
igitur ei quodam die ardentes ad li-  
bidinem faces a diabolo subjiceren-  
tur, se in vepribus, tamdiu voluta-  
vit, dum lacerato corpore, volupta-  
tis sensus dolore opprimeretur. Sed  
jam erumpente ex illis latebris fama  
ejus sanctitatis, quidam monachi se  
illi instituendos tradiderunt: quorum  
vivendi licentia cum ejus objurga-  
tiones ferre non posset, venenum in  
potione ei dare constituunt. Verum  
poculum ei præbentibus, crucis si-  
gno vas confregit, ac relicto mona-  
sterio, in solitudinem se recepit.

*Lectio v.*

**S**ED cum multi ad eum quotidie  
discipuli convenirent, duodecim  
monasteria ædificavit, eaque sanctis-  
simis legibus communiavit. Postea  
Cassinum migravit, ubi simulacrum  
Apollinis, qui adhuc ibi colebatur  
comminuit: aram evertit, et lucos  
succenlit: ibique sancti Martini sa-  
cellum, et sancti Joannis ædiculam  
extruxit: oppidanos autem et incolas  
Christianis præceptis imbuit. Quare  
augebatur in dies magis divina gratia  
Benedictus, ut etiam prophetico spi-  
ritu ventura prædiceret. Quod ubi  
accepit Totila Gothorum rex, explo-  
raturus an res ita esset, spatharium  
suum regio ornatu et comitatu præ-  
mittit, qui se regem simularet. Quem  
ut ille vidit: Depone, inquit, fili,  
depone quod geris: nam tuum non  
est. Totilæ vero prædixit adventum  
ejus in Urbem, maris transmissio-  
nem, et post novem annos mortem.

*Lectio vj.*

**Q**UI aliquot mensibus antequam  
e vita migraret, præmonuit di-

scipulos quo die esset moriturus, ac sepulchrum, in quo suum corpus condi vellet, sex diebus antequam eo inferretur, aperiri jussit: sextoque die deferri voluit in Ecclesiam, ubi sumpta Eucharistia, sublati in cœlum oculis orans, inter manus discipulorum efflavit animam. Quam duo monachi euntem in cœlum viderunt pallio ornatam pretiosissimo, circum eam fulgentibus lampadibus, et clarissima et gravissima specie virum stantem supra caput ipsius dicentem audierunt. Hæc est via, qua dilectus Domini Benedictus in cœlum ascendit.

*In III. Noct. Homilia Grandis fiducia de Com. Apost. I. loco, p. 7. cum. a. vij. et viij. de Com.*

*In Quadrag. Lectio ix. de Hom. et comm. Feriæ in Laud. et Vesp.*

## **DIE 23. In Annuntiat.**

BEATÆ Mariæ Virginis.

*Duplex 2. Classis.*

*Si hoc Festum venerit in Dom. privilegiata, transfertur in Feriam ij. seq., translato quocumque Festo etiam æqualis, non tamen altioris ritus. Si vero occurrerit in Hebd. maj. vel Paschali, trasfertur pari cum privilegio in Feriam ij. post Dom. in Albis.*

### **In I. Vesperis.**

*Ant. et Capit. de Laud. Psalmi et alia hic non propria ut in festis B. M. V. p. 92.*

ŷ. Ave Maria, gratia plena.

â. Dominus tecum.

*Ad Magnif. Ant. Spiritus sanctus in te descendet, Maria, et virtus Altissimi obumbrabit tibi.*

*Oratio ut infra in Laudibus.*

*In Quadrag. fit comm. Feriæ*

### **Ad Matutinum**

*Invit. Ave, Maria, gratia plena: Dominus tecum.*

**IN I. NOCTURNO.**

**De Isaia Propheta.**

*Lectio j.*

*Cap. 7.*

**ET** adjecit Dominus loqui ad Achaz, dicens: Pete tibi signum a Domino Deo tuo in profundum inferni, sive in excelsum supra. Et dixit Achaz: Non petam, et non tentabo Dominum. Et dixit: Audite ergo domus David: Numquid parum vobis est, molestos esse hominibus, quia molesti estis et Deo meo? Propter hoc dabit Dominus ipse vobis signum: Ecce virgo concipiet, et pariet filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum.

â. Missus est Gabriel Angelus ad Mariam virginem desponsatam Joseph, nuntians ei verbum, et expavescit virgo de lumine. Ne timeas, Maria: invenisti gratiam apud Dominum: \* Ecce concipies et paries, et vocabitur Altissimi Filius. ŷ. Dabit ei Dominus Deus sedem David patris ejus; et regnabit in domo Jacob in æternum. Ecce.

*Lectio ij.*

*Cap. II.*

**ET** egredietur virga de radice Jesse, et flos de radice ejus ascendet. Et requiescet super eum spiritus Domini: spiritus sapientiæ et intellectus, spiritus consilii et fortitudinis, spiritus scientiæ et pietatis, et replebit eum spiritus timoris Domini. Non secundum visionem oculorum judicabit, neque secundum auditum aurium arguet: sed judicabit in justitia pauperes, et arguet in æquitate pro mansuetis terræ: et perculiet terram virga oris sui, et spiritu labiorum suorum interficiet impium. Et erit justitia cingulum lumborum ejus. et fides cinctorium renum ejus.

â. Ave, Maria, gratia plena, Dominus tecum: \* Spiritus sanctus superveniet in te, et virtus Altissimi obumbrabit tibi: quod enim ex te nascetur sanctum vocabitur Filius Dei. ŷ. Quomodo fiet istud, quoniam virum non cognosco? Et respondens Angelus dixit ei. Spiritus.



*Lectio liij.*

## Cap. 35.

**L**ÆTABITUR deserta et invia , et exultabit solitudo , et florebit quasi liliū . Germinans germinabit , et exultabit lætabunda et laudans : gloria Libani data est ei , decor Carmeli et Saron , ipsi videbunt gloriam Domini , et decorem Dei nostri . Confortate manus dissolutas , et genua debilia roborate . Dicite pusillanimis : Confortamini , et nolite timere ; ecce Deus vester ultionem adducet retributionis : Deus ipse veniet , et salvabit vos . Tunc aperientur oculi cæcorum , et aures surdorum patebunt . Tunc saliet sicut cervus claudus , et aperta erit lingua mutorum : quia scissæ sunt in deserto aquæ , et torrentes in solitudine . Et quæ erat arida erit in stagnum , et sitiens in fontes aquarum .

ñ. Suscipe verbum , virgo Maria , quod tibi a Domino per Angelum transmissum est : concipies et paries Deum pariter et hominem ; \* Ut benedicta dicaris inter omnes mulieres . ý. Paries quidem filium , et virginitatis non patieris detrimentum , efficieris gravida , et eris mater semper intacta . Ut . Gloria . Ut .

## IN III. NOCTURNO.

De serm. sancti Leonis Papæ.  
*Serm. 2. de Nativitate Domini.*

*Lectio iv.*

**D**EUS omnipotens et clemens , cuius natura bonitas , cuius voluntas potentia , cuius opus misericordia est , statim ut nos diabolica malignitas veneno suæ mortificavit invidiæ , prædestinata renovandis mortalibus suæ pietatis remedia , inter ipsa mundi primordia præsignavit , denuntians serpenti futurum semen mulieris , quod noxii capitis elationem sua virtute contereret , Christum scilicet in carne venturum , Deum hominemque signans , qui natus ex Virgine , violatorem humanæ propaginis incorrupta nativitate damnaret .

ñ. Ecce virgo concipiet , et pariet

filium , dicit Dominus : \* Et vocabitur nomen ejus Admirabilis , Deus , Fortis . ý. Super solium David , et super regnum ejus sedebit in æternum . Et .

*Lectio v.*

**N**AM quia gloriabatur diabolus , sua fraude deceptum hominem divinis caruisse muneribus , et immortalitatis dote nudatum , duram mortis subiisse sententiam , seque in malis suis quoddam de prævaricatoris consortio invenisse solatium , Deum quoque , justæ severitatis exigente ratione , erga hominem quem in tanto honore condiderat , antiquam mutasse sententiam ; opus fuit , dilectissimi , secreti dispensatione consilii , ut incommutabilis Deus , cujus voluntas non potest sua benignitate privari , primam pietatis suæ dispositionem sacramento occultiore compleret , et homo diabolicæ iniquitatis versutia actus in culpam , contra Dei propositum non periret .

ñ. Egredietur virga de radice Jesse , et flos de radice ejus ascendet : \* Et erit justitia cingulum lumborum ejus , et fides cinctorium renum ejus . ý. Et requiescet super eum spiritus Domini , spiritus sapientiæ et intellectus , spiritus consilii et fortitudinis . Et .

*Lectio vi.*

**A**DVENIENTIBUS ergo temporibus , dilectissimi , quæ redemptioni hominum fuerant præstituta , ingreditur hæc intima Jesus Christus Dominus noster , de coelesti sede descendens , et a paterna gloria non recedens , novo ordine , nova nativitate generatus : novo ordine , quia invisibilis in suis , visibilis factus est in nostris : incomprehensibilis , voluit comprehendi : ante tempora manens , esse cœpit ex tempore : universitatis Dominus , servilem formam , obumbrata majestatis suæ dignitate , suscepit : impassibilis Deus , non dedignatus est homo esse passibilis ; et immortalis , mortis legibus subjacere .

ā. Sancta et immaculata virginitas, quibus te laudibus efferam, nescio: \* Quia quem cœli capere non poterant tuo gremio contulisti. †. Benedicta tu in mulieribus, et benedictus fructus ventris tui. Quia. Gloria. Quia.

In III. Nocturno Homilia Latent quidem divina, ut Feria iv. infra Hebdomadam tertiam: Adventus, p. 126.

ā. vij. Congratulamini mihi, omnes qui diligitis Dominum, quia cum essem parvula, placui Altissimo: \* Et de meis visceribus genui Deum et hominem. †. Beatam me dicent omnes generationes, quia ancillam humilem respexit Deus. Et.

ā. viij. Gaude, Maria virgo, cunctas hæreses sola interemisti, quæ Gabrielis Archangeli dictis credidisti: \* Dum virgo Deum et hominem genuisti, et post partum virgo inviolata permansisti. †. Beata es, quæ credidisti, quia perfecta sunt ea quæ dicta sunt tibi a Domino. Dum. Gloria. Dum.

In Quadrag. Lectio ix. de Homilia et comm. Feriæ in Laud.

### Ad Laudes

et per Horas, Antiphonæ.

1. Missus est Gabriel \* Angelus ad Mariam virginem desponsatam Joseph.

2. Ave, Maria, \* gratia plena, Dominus tecum: benedicta tu in mulieribus.

3. Ne timeas, Maria: \* invenisti gratiam apud Dominum: ecce concipies et paries filium.

4. Dabit ei Dominus sedem David patris ejus, et regnabit in æternum.

5. Ecce ancilla Domini: \* fiat mihi secundum verbum tuum.

Capitulum

Isaïæ 7.

**E**CCE virgo concipiet, et pariet filium, et vocabitur nomen ejus Emmanuel. Butyrum et mel comedet, ut sciat reprobare malum, et eligere bonum.

†. Ave, Maria, gratia plena.

ā. Dominus tecum.

Ad Bened. Ant. Quomodo fiet istud, Angele Dei, quoniam virum non cognosco? Audi, Maria virgo: Spiritus sanctus superveniet in te, et virtus Altissimi obumbrabit tibi.

Oratio.

**D**EUS, qui de beatæ Mariæ virginis utero Verbum tuum, Angelo nuntiante, carnem suscipere voluisti, præsta supplicibus tuis; ut qui vere eam genitricem Dei credimus, ejus apud te intercessionibus adjuvemur. Per eundem.

### Ad Tertiam.

Capit. Ecce virgo.

ā. br. Specio tua. †. Adjuvabit eam.

### Ad Sextam.

Capitulum.

Luc. I.

**D**ABIT illi Dominus Deus sedem David patris ejus, et regnabit in domo Jacob in æternum, et regni ejus non erit finis.

ā. br. Adjuvabit eam. †. Elegit eam.

### Ad Nonam.

Capitulum.

Isaïæ II.

**E**GREDIETUR virga de radice Jesse, et flos de radice ejus ascendet. Et requiescet super eum Spiritus Domini.

ā. br. Elegit eam. †. Diffusa est.

### In II. Vespertis.

Omnia dicuntur ut in I. præter

Ad Magnif. Ant. Gabriel Angelus locutus est Mariæ, dicens: Ave, gratia plena, Dominus tecum: benedicta tu in mulieribus.

In Quadrag. sit comm. Feriæ.

FERIA VI. POST DOM. PASS.

### OFFICIUM 7. DOLORUM.

BEATÆ MARIE VIRGINIS.

Duplex majus.

Si hæc Feria vj. fuerit impedita Festo altioris ritus vel dignitatis, transfertur in Sabbatum sequens, dum-

modo non fiat in eo de Festo altioris gradus; quia tunc illo anno omittitur.

Si ob aliquam causam omittendæ sunt *I. Vesperæ*, *Hymnus Stabat Mater* jungatur cum *Saucta Mater ad Matutinum*.

### *In I. Vesperis.*

*Ant. et Capit. de Laud. cum Psalmis* Credidi, Ad Dominum, Eripe me, Domine clamavi, Voce mea, p. 323.

#### HYMNUS.

**S**TABAT Mater dolorosa,  
Juxta crucem lacrymosa,  
Dum pendebat filius.

Cujus animam gementem,  
Contristatam, et dolentem,  
Pertransivit gladius.

Quam tristis et afflicta  
Fuit illa benedicta  
Mater unigeniti!

Quæ mœrebat, et dolebat,  
Pia Mater, dum videbat  
Nati pœnas inclyti.

Quis est homo, qui non fleret,  
Matrem Christi si videret  
In tanto supplicio?

Quis non posset contristari  
Christi Matrem contemplari  
Dolentem cum Filio?

Pro peccatis suæ gentis  
Vidit Jesum in tormentis,  
Et flagellis subditum.

Vidit suum dulcem Natum  
Moriendo desolatum,  
Dum emisit spiritum.

Eia, Mater fons amoris,  
Me sentire vim doloris  
Fac, ut tecum lugeam.

Fac ut ardeat cor meum  
In amando Christum Deum,  
Ut sibi complaceam. Amen.

†. Ora pro nobis, Virgo dolorosissima.

¶. Ut digni efficiamur promissionibus Christi.

*Ad Magnif. Ant.* Tuam ipsius animam (ait ad Mariam Simeon) pertransibit gladius.

*Oratio ut infra in Laudibus.*

*Et sit commemoratio Feriæ.*

*Ad Complet. et Horas in fine Hymnorum dicitur*

Jesu, tibi sit gloria,  
Qui natus es de Virgine.

### *Ad Matutinum.*

*Invit.* Dolores gloriosæ recolentes Virginis, Dominum pro nobis passum, Venite, adoremus.

#### HYMNUS.

**S**ANCTA Mater, istud agas,  
Crucifixi fige plagas  
Cordi meo valide.

Tui Nati vulnerati,  
Tam dignati pro me pati,  
Pœnas mecum divide.

Fac me tecum pie flere,  
Crucifixo condolere,  
Donec ego vixero.

Juxta crucem tecum stare,  
Et me tibi sociare  
In planctu desidero. Amen.

### IN I. NOCTURNO.

*Ant.* Astiterunt reges terræ, et principes convenerunt in unum adversus Dominum, et adversus Christum ejus.

*Psalm.* Quare fremuerunt, p. 3.

*Ant.* Voce mea ad Dominum clamavi, et exaudivit me de monte sancto suo.

*Psalm.* Domine quid, p. 3.

*Ant.* Factum est cor meum tanquam cera liquescens in medio ventris mei.

*Psalm.* Usquequo Domine, p. 6.

¶. Posuit me desolatam. ¶. Tota die mœrore confectam.

De Isaia Propheta.

*Lectio j.*

*Cap. 53.*

**Q**UIS credidit auditui nostro? et brachium Domini cui revelatum est? Et ascendet sicut virgultum coram eo, et sicut radix de terra siti-enti: non est species ei, neque decor: et vidimus eum, et non erat aspectus, et desideravimus eum: despectum, et novissimum virorum;



virum dolorum, et scientem infirmitatem: et quasi absconditus vultus ejus et despectus, unde nec reputavimus eum. Vere languores nostros ipse tulit, et dolores nostros ipse portavit, et nos putavimus eum quasi leprosum, et percussum a Deo, et humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, et livore ejus sanati sumus.

â. Dilectus meus candidus, et rubicundus, et totus desiderabilis: \* Omnis enim figura ejus amorem spirat, et ad redamandum provocat, caput inclinatum, manus expansæ, pectus apertum. †. Piis, o Virgo, spectas eum oculis, contemplanis in eo non tam vulnerum livorem, quam mundi salutem. Omnis.

*Lectio ij.*

**O**MNES nos quasi oves erravimus, unusquisque in viam suam declinavit: et posuit Dominus in eo iniquitatem omnium nostrum. Oblatus est, quia ipse voluit, et non aperuit os suum: sicut ovis ad occisionem ducetur, et quasi agnus coram tondeute se obmutescet, et non aperiet os suum. De angustia, et de judicio sublatus est: generationem ejus quis enarrabit? quia abscissus est de terra viventium: propter scelus populi mei percussi eum. \* Et dabit impios pro sepultura, et divitem pro morte sua, eo quod iniquitatem non fecerit, neque dolus fuerit in ore ejus.

â. Manus ejus tornatiles, clavorum cuspide terebratæ, \* Humanæ salutis pretio quasi hyacinthis reſertæ. †. Cornua in manibus ejus: ibi abscondita est fortitudo ejus: sunt enim manus ejus. Humanæ.

*Lectio iij.*

**E**T Dominus voluit conterere eum in infirmitate: si posuerit pro peccato animam suam, videbit semen longævum, et voluntas Domini in manu ejus dirigetur. Pro eo quod laboravit anima ejus, videbit et satu-

rabitur: in scientia sua justificabit ipse justus servus meus multos, et iniquitates eorum ipse portabit. \* Ideo dispartiam ei plurimos, et fortium dividet spolia, pro eo quod tradidit in mortem animam suam, et cum sceleratis reputatus est: et ipse peccata multorum tulit, et pro transgressoribus rogavit.

â. Diligebat Jesus Joannem, quoniam specialis prærogativa castitatis ampliori dilectione fecerat dignum: \* Quia virgo electus ab ipso, virgo in ævum permansit. †. In cruce denique moriturus huic matrem virginem virgini commendavit. Quia. Gloria. Quia.

IN II. NOCTURNO.

*Ant.* Inimici mei dixerunt mala mihi: Quando morietur, et peribit nomen ejus?

*Psalm.* Beatus qui intelligit, p. 43.

*Ant.* Deus, vitam meam annuntiavi tibi: posuisti lacrymas meas in conspectu tuo.

*Psalm.* 55. Miserere mei, p. 50.

*Ant.* Filii hominum, dentes eorum arma et sagittæ: et lingua eorum gladius acutus.

*Psalm.* 56. Miserere mei, p. 51.

†. Facies mea intumuit a fletu.

â. Et palpebræ meæ caligaverunt.

Sermo S. Bernardi Abbatis.

*Ex Sermone de 12. stellis.*

*Lectio iv.*

**M**ARTYRIUM Virginis tam in Simeonis prophetia, quam in ipsa Dominicæ passionis historia commendatur. Positus est hic, ait sanctus senex de puero Jesu, in signum cui contradicetur: et tuam ipsius animam (ad Mariam autem dicebat) pertransibit gladius. Vere tuam, o beata Mater, animam pertransivit: alioquin non nisi eam pertransiens, carnem Filii tui penetraret. Et quidem posteaquam emisit spiritum tuus ille Jesus, ipsius plane non attigit animam crudelis lancea, quæ ipsius aperuit latus, sed tuam utique animam pertransiit. Ipsius nimirum anima jam

ibi non erat, sed tua plane inde nequibat avelli.

¶. Tenebræ factæ sunt, cum crucifixissent Jesum Judæi, et circa horam nonam exclamavit Jesus voce magna: Deus meus, ut quid dereliquisti me? \* Et inclinato capite emisit spiritum. †. Quis tibi nunc sensus, dum cernis talia, Virgo? Et.

*Lectio v.*

**T**UAM ergo pertransivit animam vis doloris, ut plusquam martyrem non immerito prædicemus in qua nimirum corporeæ sensum passionis excesserit compassionis affectus. An non tibi plusquam gladius fuit sermo ille revera pertransiens animam, et pertingens usque ad divisionem animæ et spiritus: Mulier, ecce filius tuus? O commutationem! Joannes tibi pro Jesu traditur, servus pro Domino, discipulus pro magistro, filius Zebedæi pro filio Dei, homo purus pro Deo vero. Quomodo non tuam affectuosissimam animam pertransiret hæc auditio, quando et nostra, licet saxea, licet ferrea pectora, sola recordatio scindit?

¶. Passio Domini, \* Ipsam ejus matrem, carnali orbitate graviter percussam, vehementissime contristavit. †. Ferrum lanceæ militaris latus quidem Salvatoris, animam vero transivit virginis Matris. Ipsam.

*Lectio vj.*

**N**ON miremini, fratres, quod Maria martyr in anima fuisse dicatur. Miretur qui non meminerit se audivisse Paulum inter maxima gentium crimina memorantem, quod sine affectione fuissent. Longe id fuit a Mariæ visceribus, longe sit a servulis ejus. Sed forte quis dicat: Numquid non eum præscierat moriturum? Et indubitanter. Numquid non sperabat continuo resurrecturum? Et fideliter. Super hæc doluit crucifixum? Et vehementer. Alioquin quisnam tu, frater, aut unde tibi hæc sapientia, ut mireris plus Mariam compatiens, quam Mariæ Filium patientem? Ille

etiam mori corpore potuit, ista commori corde non potuit? Fecit illud charitas, qua majorem nemo habuit; fecit et hoc charitas, cui post illam similis altera non fuit.

¶. Quis mihi det te fratrem meum sugentem ubera matris meæ, et inhærendo lateri tuo, ut sanguis tuus sanguinem meum tangat, et tergat: \* Ut fons aquæ tuæ de scaturigine recti cordis, per venas boni operis, in finem æternæ felicitatis exiliat? †. Filii tui de longe venient, et filiæ tuæ de latere surgent. Ut. Gloria. Ut.

IN III. NOCTURNO.

*Ant.* Intenderunt arcum, rem amarum, ut sagittent in occultis immaculatum.

*Psalm.* 63. Exaudi Deus, p. 53.

*Ant.* Factus sum sicut homo sine adjutorio, inter mortuos liber.

*Psalm.* Domine Deus, p. 69.

*Ant.* Replevit me amaritudine, inebriavit me absynthio.

*Psalm.* Deus laudem, p. 82.

†. Deus, vitam meam annuntiavi tibi. ¶. Posuisti lacrymas meas in conspectu tuo.

Lectio sancti Evangelii secundum Joannem.

*Lectio vij.* Cap. 19.

**I**N illo tempore: Stabant juxta crucem Jesu mater ejus, et soror matris ejus Maria Cleophæ, et Maria Magdalene. Et reliqua.

Homilia S. Augustini Episcopi.

*Tract.* 19. in Joannem.

**H**ÆC nimirum est illa hora, de qua Jesus, aquam conversurus in vinum, dixerat matri: Quid mihi et tibi est, mulier? Nondum venit hora mea. Hanc itaque horam prædixerat, quæ tunc nondum venerat, in qua deberet agnoscere moriturus, de qua fuerat mortaliter natus. Tunc ergo divina facturus, non divinitatis, sed infirmitatis matrem velut incognitam repellebat. Nunc autem humana jam patiens, ex qua fuerat factus homo, affectu commendat humano; mo-

ralis igitur insinuatur locus. Facit quod faciendum admonet, et exemplo suo suos ministros instruxit præceptor bonus, ut a filiis piis impendatur cura parentibus: tanquam lignum illud, ubi fixa erant membra morientis, etiam cathedra fuerit Magistri docentis.

4. Doleo super te, fili mi, Jesu, decorus nimis, et amabilis super amorem mulierum: \* Sicut enim mater unicum diligit filium, ita ego te diligebam. †. Defecit in dolore vita mea, et anni mei in gemitibus. Sicut.

*Bened.* Cujus.... ipsa Virgo virginum.

*Lectio viij.*

**E**X hac sana doctrina didicerat Paulus Apostolus, quod docebat quando dicebat: Si quis autem suis, et maxime domesticis non providet, fidem negavit, et est infideli deterior. Quid autem tam cuique domesticum, quam parentes filiis, aut parentibus filii? Hujus itaque saluberrimi præcepti ipse Magister sanctorum de se ipso constituebat exemplum, quando non ut famulæ Deus, quam creaverat, et regebat, sed ut matri homo, de qua creatus fuerat, et quam reliquebat, alterum pro se quodammodo filium providebat.

â. Eia, mater fons amoris, fac nos sentire vim doloris, ut tecum lugeamus, \* Et Dominicæ passionis fructum sentiamus. †. Ut sicut filius tuus Jesus pro nobis mortuus est, et resurrexit: ita et nos commortui cum eodem resurgamus. Et. Gloria. Et.

*Lectio ix. de Homilia Ferie.*

*Ad Laudes.*

*et per Horas, Antiphonæ.*

1. Vadam ad montem \* myrrhæ, et ad collem thuris.

2. Dilectus meus \* candidus, et rubicundus, comæ capitis ejus sicut purpura regis vincta canalibus.

3. Quo abiit \* dilectus tuus, o pulcherrima mulierum? quo dilectus tuus declinavit?

4. Fasciculus myrrhæ dilectus meus mihi, inter ubera mea commorabitur.

5. Fulcite me floribus, \* stipate me malis, quia amore langueo.

*Capitulum.*

Isaiæ 53.

**Q**UIS credidit auditui nostro? et brachium Domini cui revelatum est? Et ascendet sicut virgultum eoram eo, et sicut radix de terra siti-  
tienti.

**HYMNUS.**

**V**IRGO virginum præclara,  
Mihi jam non sis amara,  
Fac me tecum plangere.

Fac ut portem Christi mortem,  
Passionis fac consortem,  
Et plagas recolere.

Fac me plagis vulnerari,  
Fac me cruce inebriari,  
Et cruore Filii.

Flammis ne urar succensus,  
Per te, Virgo, sim defensus  
In die judicii.

Christe, cum sit hinc exire  
Da per Matrem me venire  
Ad palmam victoriæ.

Quando corpus morietur,  
Fac ut animæ donetur  
Paradisi gloria. Amen.

†. Ora pro nobis, Virgo dolorosissima. †. Ut digni efficiamur promissionibus Christi.

*Ad Bened. Ant.* Cum vidisset Jesus matrem stantem juxta crucem, et discipulum quem diligebat, dicit matri suæ: Mulier, ecce filius tuus. Deinde dicit discipulo: Ecce mater tua.

*Oratio.*

**D**EUS, in cujus passione, secundum Simeonis prophetiam, dulcissimam animam gloriosæ virginis et matris Mariæ doloris gladius pertransivit, concede propitius, ut qui transfixionem ejus et passionem venerando recolimus, gloriosis meritis et precibus omnium Sanctorum cruci fideliter astantium intercedentibus, passionis tuæ effectum felicem consequamur. Qui vivis.

*Et fit commemoratio Ferie.*



*Ad Primam in a. br. y. Qui passus es pro homine.*

***Ad Tertiam.***

*Capit. Quis credidit.*

*a. br. Posuit me \* Desolatam. Posuit. y. Tota die mœrore confectam. Desolatam. Gloria. Posuit. y. Facies mea intumuit a fletu. a. Et palpebræ meæ caligaverunt.*

***Ad Sextam.***

*Capitulum. Isaïæ 53.*

**I**PSE vulneratus est propter iniquitates nostras, attritus est propter scelera nostra. Disciplina pacis nostræ super eum, et livore ejus sanati sumus.

*a. br. Facies mea \* Intumuit a fletu. Facies. y. Et palpebræ meæ caligaverunt. Intumuit. Gloria. Facies. y. Deus, vitam meam annuntiavi tibi. a. Posuisti lacrymas meas in conspectu tuo.*

***Ad Nonam.***

*Capitulum. Isaïæ 53.*

**G**ENERATIONEM ejus quis enarrabit? quia abscissus est de terra viventium: propter scelus populi mei percussus eum.

*a. br. Deus, vitam meam \* Annuntiavi tibi. Deus. y. Posuisti lacrymas meas in conspectu tuo. Annuntiavi. Gloria. Deus. y. Ora pro nobis, Virgo dolorosissima. a. Ut digni efficiamur promissionibus Christi.*

***In II. Vesperis.***

*Omnia dicuntur ut in I. præter*

*Ad Magnif. Ant. Cum vidisset Jesus matrem stantem juxta crucem, et discipulum quem diligebat, dicit matri suæ: Mulier: ecce filius tuus. Deinde dicit discipulo: Ecce mater tua.*

*Et fit commemoratio Feriæ.*

**FESTA APRILIS.**

**Die 2. S. Franc. de Paula, Confessoris. Duplex.**

***Oratio.***

**D**EUS humilium celsitudo, qui beatum Franciscum Confessorem Sanctorum tuorum gloria sublimasti, tribue, quæsumus, ut ejus meritis et imitatione promissa humilibus præmia feliciter consequamur. Per Dominum.

*In Quadrag. fit. comm. Feriæ.*

*Lect. I. Noct. Beatus vir, p. 38.*

*Extra Quadrag. de Script. occ.*

**IN II. NOCTURNO.**

*Lectio iv.*

**F**RANCISCUS Paulæ, quod est Calabriæ oppidum, loco humili natus est: quem parentes, cum diu prole caruissent, voto facto, beati Francisci precibus susceperunt. Is adolescens divino ardore succensus, in eremum secessit, ubi annis sex, victu asperam, sed meditationibus cœlestibus suavem vitam duxit. Sed cum virtutum ejus fama longius manaret, multique ad eum pietatis studio concurrerent, fraternæ charitatis causa e solitudine egressus, Ecclesiam prope Paulam ædificavit, ibique prima sui Ordinis fundamenta jecit.

*Lectio v.*

**E**RAT in eo mirifica loquendi gratia: perpetuam virginitatem servavit: humilitatem sic coluit, ut se omnium minimum diceret, suosque alumnos Minimos appellari voluerit. Rudi amictu, nudis pedibus incedens, humi cubabat. Cibi abstinentia fuit admirabilis, semel in die post solis occasum reficiebatur, et ad panem, et aquæ potum, vix aliquid ejusmodi obsonii adhibebat, quo vesci in quadagesima licet, quam consuetudinem ut fratres sui toto anni tempore retinerent, quarto eos voto adstrinxit.

*Lectio vi.*

**M**ULTIS miraculis servi sui sanctitatem Deus testari voluit; quorum illud in primis celebre, quod a nautis rejectus, Siciliæ fretum, strato super fluctibus pallio, cum socio

transmisit. Multa etiam futura prophetico spiritu prædixit. A Ludovico Undecimo Francorum rege expetitus, magnoque in honore est habitus. Denique annum primum et nonagesimum agens. Turonis migravit ad Dominum, anno salutis millesimo quingentesimo septimo: cujus corpus dies undecim insepultum ita incorruptum permansit, ut suavem etiam odorem efflaret. Eum Leo Papa Decimus in Sanctorum numerum retulit.

*In III. Noct. Homilia* Pusillum gregem *de com. 2. loco, p. 60.*

*In Quadrag. Lectio ix. de Homilia et comm. Ferie in Laud.*

#### **DIE 4. S. ISIDORI,**

Episc. Conf. et Eccl. Doct. *Duplex.*

*In utrisq. Vesp. Ant. O Doctor. Oratio.*

**DEUS**, qui populo tuo æternæ salutis beatum Isidorum ministrum tribuisti, præsta, quæsumus, ut quem doctorem vitæ habuimus in terris, intercessorem habere mereamur in cælis. Per Dominum.

*In Quadrag. fit comm. Ferie.*

*Lect. I. Noct. Sapientiam, p. 48.*

#### **IN II. NOCTURNO.**

*Lectio iv.*

**ISIDORUS** natione Hispanus, doctor egregius, ex nova Carthagine Severiano patre provinciæ duce natus, a sanctis Episcopis Leandro Hispalensi, et Fulgentio Carthaginensi fratribus suis, pie et liberaliter educatus, latinis, græcis, et hebraicis litteris, divinisque et humanis legibus instructus, omni scientiarum atque Christianarum virtutum genere præstantissimus evasit. Adhuc adolescens hæresim Arianam, quæ gentem Gothorum Hispaniæ latissime dominantem jam pridem invaserat, tanta constantia palam oppugnavit, ut parum abfuerit, quin ab hæreticis necaretur. Leandro vitæ functo, ad Hispalensem cathedram iovitus quidem, sed urgente in primis Recaredo rege,

magnoque etiam cleri populique consensu assumitur, ejusque electionem sanctus Gregorius Magnus, nedum auctoritate Apostolica confirmasse, sed et electum transmissio de more pallio decorasse, quin etiam suum et Apostolicæ Sedis in universa Hispania Vicarium constituisse perhibetur.

*Lectio v.*

**I**N Episcopatu quantum fuerit constans, humilis, patiens, misericors, in Christiana et Ecclesiastica disciplina instauranda sollicitus, eaque verbo et scriptis stabilienda indefessus, atque omni demum virtutum ornamento insignitus, nullius lingua enarrare sufficeret. Monastici quoque Instituti per Hispaniam promotor, et amplificator eximius, plura construxit monasteria: collegia itidem ædificavit, ubi studis sacris et lectionibus vacans, plurimos discipulos, qui ad eum confluebant, erudit: quos inter sancti Ildephonsus Toletanus, et Braulio Cæsaraugustanus Episcopi emicuerunt. Coacto Hispali Concilio, Acephalorum hæresim Hispaniæ jam minitantem, acri et eloquenti disputatione fregit atque contrivit. Tantam apud omnes sanctitatis et doctrinæ famam adeptus est, ut elapso vix ab ejus obitu sextodecimo anno, universa Toletana synodo duorum supra quinquaginta Episcoporum plaudente, ipsoque etiam sancto Ildephonso suffragante, doctor egregius, catholicæ Ecclesiæ novissimum decus in sæculorum fine doctissimus, et cum reverentia nominandus appellari meruerit; eumque sanctus Braulio non modo Gregorio Magno comparaverit, sed et erudiendæ Hispaniæ loco Jacobi Apostoli cœlitus datum esse censuerit.

*Lectio vj.*

**S**CRIPSIT Isidorus libros Etymologiarum, et de Ecclesiasticis officiis, aliosque quamplurimos Christianæ et Ecclesiasticæ disciplinæ adeo utiles, ut sanctus Leo Papa Quartus ad Episcopos Britanniæ scribere non

dubitaverit, sicut Hieronymi et Augustini, ita Isidori dicta retinenda esse, ubi contigerit inusitatum negotium, quod per Canones minime definiri possit. Plures etiam ex ejusdem scriptis sententiæ inter Canonicas Ecclesiæ leges relatæ conspiciuntur. Præfuit Concilio Toletano quarto, omnium Hispaniæ celeberrimo. Denique cum ab Hispania Arianam hæresim eliminasset, morte sua, et regni vastatione a Saracenorum armis publice prænuntiata, postquam quadraginta circiter annos suam rexisset Ecclesiam, Hispali migravit in cælum anno sexcentesimo trigesimo sexto. Ejus corpus inter Leandrum fratrem, et Florentinam sororem, ut ipse mandaverat, primo conditum, Ferdinandus Primus Castellæ et Legionis rex, ab Eneto Saraceno Hispali dominante, magno pretio redemptum, Legionem traustulit, et in ejus honorem templum ædificatum est, ubi miraculis clarus magna populi devotione colitur.

### IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 5.

**I**N illo tempore; Dixit Jesus discipulis suis: Vos estis sal terræ. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Et reliqua

Homilia S. Isidori Episcopi.

*Ex lib. 2. Officiorum ad S. Fulgentium, cap. 3.*

**Q**UI in erudiendis atque institutendis ad virtutem populis præerit, necesse est ut in omnibus sanctus sit, et in nullo reprehensibilis habeatur. Qui enim alium de peccatis arguit, ipso a peccato debet esse alienus. Nam qua fronte subjectos arguere poterit, cum illi statim possit correctus ingerere, Ante doce te quæ recta sunt? Primitus quippe semeti-

psum corrigere debet, qui alios ad bene vivendum admonere studet, ita ut in omnibus semetipsum formam vivendi præbeat, cunctosque ad bonum opus et doctrina et opere provocet. Cui etiam scientia Scripturarum necessaria est: quia si Episcopi tantum sancta sit vita, sibi soli prodest, sic vivens. Porro si et doctrina et sermone fuerit eruditus, potest cæteros quoque instruere, et docere suos, et adversarios repercutere, qui nisi refutati fuerint atque convicti, facile possunt simplicium corda pervertere.

*Lectio viij.*

**C**UJUS sermo debet esse purus, simplex, apertus, plenus gravitatis, et honestatis, plenus suavitatis et gratiæ, tractans de mysterio legis, de doctrina fidei, de virtute continentiae, de disciplina justitiæ: unumquemque admonens diversa exhortatione, juxta professionem morumque qualitatem, scilicet, ut prænoscat quid, cui, quando, vel quomodo proferat. Cujus præ cæteris speciale officium est Scripturas legere, percurrere Canones, exempla Sanctorum imitari, vigiliis, jejniis, orationibus incumbere, cum fratribus pacem habere, nec quemquam de membris suis discerpere, nullum dampnare nisi comprobatum, nullum excommunicare nisi discussum. Quique ita humilitate pariter et auctoritate præesse debet, ut neque per nimiam humilitatem suam subditorum vitia convalescere faciat, neque per immoderantiam severitatis potestatem exerceat: sed tanto cautius erga commissos sibi, quanto durius a Christo indagari formidat.

*A. In medio Ecclesiæ p. 43\*.*

*In Quadrag. Lectio ix. de Homilia et comm. Feriæ in Laud.*

*Lectio ix.*

**T**ENEBIT quoque illam supereminentem donis omnibus charitatem, sine qua omnis virtus nihil est. Custos enim castitatis charitas;



locus autem hujus custodis humilitas. Habebit etiam inter hæc omnia castitatis eminentiam: ita ut mens Christo dedita, ab omni inquinamento carnis sit munda et libera. Inter hæc oportebit eum sollicita dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas ac pupillos tueri, pervigilem in cunctis exhibere curam, providentiam habere distributione discreta. In quo etiam hospitalitas ita erit præcipua, ut omnes cum benignitate et charitate suscipiat. Si enim omnes fideles illud Evangelicum audire desiderant, Hospes fui, et suscepistis me, quanto magis Episcopus, cujus diversorium cunctorum debet esse receptaculum?

*Vesperæ a Capit. de sequenti*

**DIE 5. S. VINCENT. FERRERI,**

*Confessoris Duplex.*

*Oratio.*

**DEUS**, qui Ecclesiam tuam beati Vincentii Confessoris tui meritis et prædicatione illustrare dignatus es, concede nobis famulis tuis, ut et ipsius instruamur exemplis, et ab omnibus ejus patrocinio liberemur adversis. Per Dominum.

*Et fit comm. S. Isidori, et Ferie in Quadragesima.*

*Lect. I. Noct. Justus si morte p. 32.*

*Extra Quadrag. de Scrip. occ.*

IN II. NOCTURNO.

*Lectio iv.*

**VINCENTIUS** honesta stirpe Valentini in Hispania natus, ab ineunte ætate cor gessit senile. Qui dum caliginosi hujus sæculi labilem cursum pro ingenii sui modulo consideraret, Religionis habitum in Ordine Prædicatorum decimo octavo ætatis suæ anno suscepit, et emissa solemnæ professione, sacris litteris sedulo incumbens, Theologiæ lauream summa cum laude consecutus est. Mox obtenta a superioribus licentia,

verbum Dei prædicare, Judæorum perfidiam arguere, Saracenorum errores confutare, tanta virtute et efficacia cœpit, ut ingentem ipsorum infidelium multitudinem ad Christi fidem perduxerit, et multa Christianorum millia a peccatis ad pœnitentiam, a vitiis ad virtutem revocarit. Electus enim a Deo, ut movita salutis in omnes gentes, tribus, et linguas diffunderet, et extremi tremendique judicii diem appropinquare ostenderet, omnium auditorum animos terrore concussos, atque a terrenis affectibus avulsos, ad Dei amorem excitabat.

*Lectio v.*

**I**N hoc autem Apostolico munere hic vitæ ejus tenor perpetuus fuit. Quotidie Missam summo mane cum cantu celebravit, quotidie ad populum concionem habuit; inviolabile semper jejunium, nisi urgens adesset necessitas, servavit; sancta et recta consilia nulli denegavit; carnes nunquam comedit, nec vestem lineam induit, populorum jurgia sedavit, dissidentia regna pace composuit: et cum vestis inconsutilis Ecclesiæ diro schismate scinderetur, ut uniretur, et unita servaretur, plurimum laboravit. Virtutibus omnibus claruit, suosque detractores et persecutores, in simplicitate et humilitate ambulans, cum mansuetudine recepit, et amplexus est.

*Lectio vj.*

**P**ER ipsum divina virtus, in confirmationem vitæ et prædicationis ejus, multa signa et miracula fecit. Nam frequentissime super ægros manus imposuit, et sanitatem adepti sunt: spiritus immundos e corporibus expulit; surdis auditum, mutis loquelam, cæcis visum restituit, leprosos mundavit, mortuos suscitavit. Senio tandem et morbo confectus infatigabilis Evangelii præco, plurimis Europæ provinciis cum ingenti animarum fructu peragratis, Venetiæ in Britannia minori prædicationis et vitæ

cursum feliciter consummavit, anno salutis millesimo quadringentesimo decimo nono: quem Calixtus Tertius Sanctorum numero adscripsit.

*In III. Noct. Homilia Sancti Evangelii fratres de Com. 1. loco.*

*In Quadrag. Lectio ix. de Homilia et comm. Ferie in Laud.*

### **Die 11. S. Leonis,**

Papæ, Conf. et Eccl. Doct. *Dupl.*

*In utrisq. Vesp. Ant. O Doctor.*

*Orat Exaudi, quæsumus p. 39.*

*In Quadrag. fit comm. Ferie.*

*Lect. I. Noct. Incipit Epistola prima B. Petri, ut in Dom. v. post Pascha, p. 383.*

### **IN II. NOCTURNO**

*Lectio iv.*

**L**EO Primus, Hetruscus, eo tempore præfuit Ecclesiæ, cum rex Hunnorum Attila, cognomento Flagellum Dei, in Italiam invadens, Aquileiam trienni obsidione captam diripuit et incendit. Unde cum Romam ardenti furore raperetur, jamque copias, ubi Mincius in Padum influit, trajicere pararet, occurrit ei Leo, malorum Italiæ impendentium misericordia permotus: cujus divina eloquentia persuasum est Attilæ, ut regrederetur. Qui interrogatus a suis, quid esset quod præter consuetudinem, tam humiliter Romani Pontificis imperata faceret, respondit se astantem quemdam alium, illo loquente, sacerdotali habitu veritum esse, sibi stricto gladio minitantem mortem, nisi Leoni obtemperaret. Quare in Pannoniam reversus est.

*Lectio v.*

**L**EO autem Romæ singulari omnium lætitia exceptus, paulo post invadenti Urbem Genserico, eadem eloquentiæ vi, et sanctitatis opinione persuasit, ut ab incendio, ignominiiis, ac cædibus abstineret. Sed cum Ecclesiam a multis hæresibus oppugnari, maximeque a Nestorianis et Eutychianis exagitari videret, ad eam

purgandam, et in fide Catholica confirmandam, Concilium Chalcedonense indixit: ubi sexcentis triginta coactis Episcopis, Eutyches et Dioscorus, et iterum Nestorius condemnati sunt, ejusdem Concilii decreta sua auctoritate confirmavit.

*Lectio vj.*

**H**IS actis, sanctus Pontifex se ad reficiendas et ædificandas Ecclesias convertit. Cujus suasu Demetria, pia femina, sancti Stephani Ecclesiam construxit in suo fundo via Latina, tertio ab Urbe milliario. Ipse via Appia sub nomine sancti Cornelii alteram condidit. Multas præterea et sacras ædes, et sacra earum vasa restituit. In tribus Basilicis, Petri, Pauli, et Constantiniana, cameras extruxit: ædificavit monasterium vicinum Basilicæ sancti Petri: sepulchris Apostolorum custodes adhibuit, quos cubicularios appellavit. Statuit ut in actione mysterii diceretur, Sanctum sacrificium, immaculatam hostiam. Sanxit ne monacha benedictum capitulis velamen reciperet, nisi quadraginta annorum virginitatem probasset. His et aliis præclare gestis, cum multa sancte et luculenter scripsisset, tertio Idus Aprilis obdormivit in Domino. Sedit in Pontificatu annos viginti, menses decem, dies viginti octo.

### **IN III. NOCTURNO.**

*Lectio sancti Evangelii secundum Matthæum.*

*Lectio vij.*

*Cap. 16.*

**I**N illo tempore: Venit Jesus in partes Cæsareæ Philippi, et interrogabat discipulos suos, dicens: Quem dicunt homines esse Filium hominis? Et reliqua.

*Homilia sancti Leonis Papæ.*

*Serm. 2. in Anniv. assumpt. suæ.*

**C**UM, sicut Evangelica lectione reseratum est, interrogasset Dominus discipulos, quem ipsum (multis diversa opinantibus) crederent, re-

spondissetque beatus Petrus, dicens: Tu es Christus Filius Dei vivi; Dominus ait: Beatus es, Simon Barjona, quia caro et sanguis non revelavit tibi, sed Pater meus, qui in cœlis est: et ego dico tibi, quia tu es Petrus, et super hanc petram ædificabo Ecclesiam meam, et portæ inferi non prævalebunt adversus eam, et tibi dabo claves regni cœlorum, et quodcumque ligaveris super terram, erit ligatum et in cœlis; et quodcumque solveris super terram, erit solutum et in cœlis. Manet ergo dispositio veritatis, et beatus Petrus in accepta fortitudine petræ perseverans, suscepta Ecclesiæ gubernacula non reliquit.

*Lectio viij.*

**I**N universa namque Ecclesia, Tu es Christus Filius Dei vivi, quotidie Petrus dicit, et omnis lingua, quæ confitetur Dominum, magisterio hujus vocis imbutur. Hæc fides diabolum vincit, et captivorum ejus vincula dissolvit. Hæc erutos mundo, inserit cœlo, et portæ inferi adversus eam prævalere non possunt. Tanta enim divinitus soliditate munita est, ut eam neque hæretica unquam corrumpere pravitas, nec pagana potuerit superare perfidia. His itaque modis, dilectissimi, rationabili obsequio celebratur hodierna festivitas: ut in persona humilitatis meæ ille intelligatur, ille honoretur, in quo et omnium pastorum sollicitudo cum commendatarum sibi ovium custodia perseverat, et cujus etiam dignitas in indigno hærede non deficit.

ñ. In medio Ecclesiæ p. 48°.

*In Quadrag. Lect. ix. de Homilia et comm. Feria in Laud.*

*Lectio ix.*

**C**UM ergo cohortationes nostras auribus vestræ sanctitatis adhibemus, ipsum vobis, cujus vice fungimur, loqui credite: quia et illius vos affectu monemus, et non aliud vobis, quam quod docuit, prædicamus, obsecrantes, ut succincti lum-

hos mentis vestræ castam et sobriam vitam in Dei timore ducatis. Corona mea, sicut Apostolus ait, et gaudium vos estis, si fides vestra, quæ ab initio Evangelii in universo mundo prædicata est, in dilectione et sanctitate permanserit. Nam licet omnem Ecclesiam, quæ in toto est orbe terrarum, cunctis oporteat florere virtutibus, vos tamen præcipue inter cæteros populos decet meritis pietatis excellere, quos in ipsa Apostolicæ petræ arce fundatos, et Dominus noster Jesus Christus cum omnibus redemit, et beatus Apostolus Petrus præ omnibus erudit.

**Die 13. S. Hermenegildi,**

*Martyris Semiduplex.*

*Quando ob aliquam causam omituntur I. Vesp., Hymnus Regali solio ponitur ad Matut., et Hymnus Matut. dicitur in Laud.*

*In utrisque Vesp. et Laud.*

**HYMNUS.**

**R**EGALI solio fortis Iberiæ  
Hermenegilde jubar, gloria Martyrum,

Christi quos amor almis  
Cœli cœtibus inserit.

Ut perstas patiens pollicitum Deo  
Servans obsequium! quo potius tibi  
Nil proponis, et arces

Cautus noxia, quæ placent.

Ut motus cohibes, pabula qui parant

Surgentis vitii, non dubios agens

Per vestigia gressus,

Quo veri via dirigit!

Sit rerum Domino jugis honor Patri,

Et Natum celebrent ora precantium,  
Divinumque supremis

Flamen laudibus efferant.

Amen.

*Oratio.*

**D**EUS, qui beatum Hermenegildum Martyrem tuum cœlesti regno terreum postponere docuisti, da, quæsumus, nobis ejus exemplo



caduca despicere, atque æterna sectari. Per Dominum.

*In Quadrag. fit comm. Feriæ.*

**Ad Matutinum.**

**HYMNUS.**

**N**ULLIS te genitor blanditiis trahit,

Non vitæ caperis divitis otio,  
Gemmarumque nitore,

Regnandive cupidine.

Diris non acies te gladii minis,  
Nec terret perimens carnificis furor;  
Nam mansura caducis

Præfers gaudia Cœlitum.

Nunc nos e Superum protege sedibus

Clemens atque preces, dum canimus

Quæsitam nece palmam,

Pronis auribus excipe.

Sit rerum Domino jugis honor Patri,

Et Natum celebrent ora precantium,  
Divinumque supremis

Flamen laudibus efferaut.

Amen.

*Lect. I. Noct. in Quadrag. Fratres debitores de Com. pp. MM. l. loco, p. 20. cum & q. de Com. unius Mart.*

*Extra Quadrag. de Script. occ.*

**IN II. NOCTURNO.**

Ex libro Dialogorum S. Gregorii  
Papæ.

*Lectio iv. Lib. 3. Cap. 31.*

**H**ERMENEGILDUS rex, Leovigildi regis Visigothorum filius, Ab Ariana hæresi ad fidem Catholicam viro reverendissimo Leandro Hispalensi Episcopo, dudum mihi in amicitia familiariter juncto, prædicante, conversus est. Quem pater Arianus, ut ad eandem hæresim rediret, et præmiis suadere, et minis terrere conatus est. Cumque ille constantissime responderet, nunquam se veram fidem posse relinquere, quam semel agnovisset, iratus pater eum privavit regno, rebusque expoliavit omnibus. Cumque nec sic virtutem

mentis illius emollire valuisset, in arcta illum custodia concludens, collum manusque illius ferro ligavit. Cœpit itaque Hermenegildus rex juvenis terrenum regnum despicere, et forti desiderio cœleste quærens, in ciliciis vinculatus jacens, omnipotenti Deo, ad confortandum se, preces effundere, tantoque sublimius gloriam transeuntis mundi despicere, quanto et religatus agnoverat nihil fuisse, quod potuerit auferri.

*Lectio v.*

**S**UPERVENIENTE autem Paschalis festivitatis die, intempestæ noctis silentio ad eum perfidus pater Arianum Episcopum misit, ut ex ejus manu sacrilegæ consecrationis communionem perciperet, atque per hoc ad patris gratiam redire mereretur. Sed vir Deo deditus, Ariano Episcopo venienti exprobravit, ut debuit, ejusque a se perfidiam dignis increpationibus repulit: quia etsi exterius jacebat ligatus, apud se tamen in magno mentis culmine stabat securus. Ad se itaque reverso Episcopo, Arianus pater infremuit, statimque suos apparitores misit, qui constantissimum Confessorem Dei illic, ubi jacebat, occiderent: quod et factum est. Nam mox, ut ingressi sunt, securim cerebro ejus infigentes, vitam corporis abstulerunt; hocque in eo valuerunt perimere, quod ipsum quoque, qui peremptus est, in se constituerat despexisse. Sed pro ostendenda vera ejus gloria, superna quoque non defuere miracula. Nam cœpit in nocturno silentio psalmodiæ cantus ad corpus ejusdem regis et martyris audiri, atque ideo veraciter regis, quia et martyris.

*Lectio vj.*

**Q**UIDAM etiam ferunt, quod illic nocturno tempore accensæ lampades apparebant. Unde et factum est, quatenus corpus illius, ut videlicet martyris, jure a cunctis fidelibus venerari debuisset. Pater vero perfidus et parricida, commotus pœni-

tentia, hoc fecisse se doluit, nec tamen usque ad obtinendam salutem poenituit. Nam quia vera esset Catholica fides agnovit, sed gentis suae timore perterritus, ad hanc pervenire non meruit. Qui, oborta ægritudine, ad extrema perductus est, et Leandro Episcopo, quem prius vehementer afflixerat, Reccaredum regem filium suum, quem in sua hæresi relinquebat, commendare curavit, ut in ipso quoque talia faceret, qualia et in fratre suis exhortationibus fecisset. Qua commendatione expleta, defunctus est. Post cuius mortem Reccaredus rex non patrem perfidum, sed fratrem martyrem sequens, ab Arianæ hæreseos pravitate conversus est, totamque Visigothorum gentem ita ad veram perduxit fidem, ut nullum in suo regno militare permetteret, qui Regni Dei hostis existere per hæreticam pravitatem non timeret. Nec mirum quod veræ fidei prædicator factus est, qui frater est martyris, cuius hunc quoque merita adjuvant, ut ad omnipotentis Dei gremium tam multos reducat.

*In III. Noct. etiam temp. Pasch. Homilia. Si consideremus fratres de Com. I. loco, p. 19°.*

*In Quadrag. Lectio ix. de Homilia et comm. Ferie in Laud.*

*In II. Vesp. comm. Ferie et sequentis in Quadrag.*

*Commune Apost., Evang. et Mart. temp. Pasch. habetur, p. 27°.*

**DIE 14. SS. TIBURTII, VALERIANI ET MAXIMI, Martyrum.**

*Oratio.*

**P**RÆSTA, quæsumus, omnipotens Deus, ut qui sanctorum martyrum tuorum Tiburtii, Valeriani et Maximi solennia colimus, eorum etiam virtutes imitemur. Per Dominum.

*Lectio ij.*

**V**ALERIANUS, Romanus, nobili genere ortus, Alexandro Severo

Imperatore, hortatu beatæ Caciliæ virginis, quam sibi pari nobilitate uxorem desponderat, una cum Tiburtio fratre a sancto Urbano Papa baptizatur. Quos ubi præfectus Urbis Almachius Christianos esse cognovit, et patrimonio pauperibus distributo, Christianorum corpora sepelire, accersitos graviter reprehendit: atque ubi Christum Deum constanter confidentes, deos autem dæmoniorum inania simulacra prædicantes videt, virgis cædi jubet.

*Lectio iij.*

**S**ED cum verberibus cogi non possent ut Jovis simulacrum venerarentur, imo fortes in fidei veritate permanerent, ad quantum ab Urbe lapidem securi feriuntur. Quorum virtutem admiratus Maximus præfecti cubicularius, qui eos ad supplicium perduxerat, Christianum se esse professus est, cum multis præterea præfecti ministris: qui paulo post plumbeis contusi, omnes ex diaboli ministris, Christi Domini martyres evaserunt.

**DIE 17. S. ANICETI**

*Papæ Martyris.*

*Oratio. Deus qui nos beati. p. 14°.*

*Lectio iij.*

**A**NICETUS Syrus, imperatoris Marco Aurelio Antonino, præfuit Ecclesiæ. Decrevit ne Clerici comam nutrent. Quinquies mense Decembri ordinavit Presbyteros decem et septem, Diaconos quatuor, Episcopos per diversa loca novem. Vixit in Pontificatu annos octo, menses octo, dies viginti quatuor. Propter Christi fidem martyrio coronatus, sepultus est via Appia in cœmeterio, quod postea Callisti appellatum est, decimo quinto Kalendas Maii.

**DIE 21. S. ANSELMI,**

*Episc. Conf. et Eccl. Doct. Duplex.*

*In utrisq. Vesp. Ant. O Doctor.*

*Oratio.*

**D**EUS, qui populo tuo æternæ salutis beatum Anselmum mi-

nistrum tribuisti, præsta, quæsumus: ut quem doctorem vitæ habuimus in terris, intercessorem habere mereamur in cælis. Per Dominum.

*Lect. I. Noct. Sapientiam, p. 48\*.*

IN II. NOCTURNO.

*Lectio iv.*

**A**NSELMUS Augustæ Prætoriæ in finibus Italiæ Gundulpho et Hermemberga nobilibus et catholicis parentibus natus, a teneris annis assiduo litterarum studio, atque perfectioris vitæ desiderio, non obscurum futuræ sanctitatis et doctrinæ specimen dedit. Et licet juvenili ardore aliquando ad sæculi illecebras traheretur, brevi tamen in pristinam viam revocatus, patria et bonis omnibus derelictis, ad monasterium Beccense Ordinis sancti Benedicti se contulit: ubi emissa regulari professione sub Herluino Abbate observantissimo, et Lanfranco viro doctissimo tanto animi fervore, et jugi studio in litteris et virtutibus assequendis profecit, ut mirum in modum tanquam sanctitatis et doctrinæ exemplar ab omnibus haberetur.

*Lectio v.*

**A**BSTINENTIÆ et continentiae tantæ fuit, ut assiduitate jejunii omnis pene ciborum sensus in eo videretur extinctus. Diurno enim tempore in exercitiis monasticis, docendo, et respondendo variis de religione quæsitis, emenso, quod reliquum erat noctis, somno subtrahebat, ut divinis meditationibus, quas perenni lacrymarum imbre fovebat, mentem recrearet. Electus in Priorem monasterii, invidos fratres ita charitate, humilitate, et prudentia lenivit, ut, quos æmulos acceperat, sibi et Deo amicos, maximo cum regularis observantiae emolumento, redderet. Mortuo Abbate, et in ejus locum (licet invitatus) suffectus, tanta doctrinæ et sanctitatis fama ubique refulsit, ut non modo regibus et Episcopis venerationi esset, sed sancto Gregorio

Septimo etiam acceptus, qui tunc magnis persecutionibus agitatus, litteras amoris plenas ad eum dedit, quibus se et Ecclesiam Catholicam ejus orationibus commendabat.

*Lectio vj.*

**D**EFUNCTO Lanfranco Archiepiscopo Cantuariensi ejus olim præceptore, Anselmus, urgente Wilhelmo Angliæ rege, et instantibus clero ac populo, ipso tamen repugnante, ad ejusdem Ecclesiæ regimen vocatus, statim (ut corruptos populi mores reformaret) verbo et exemplo prius: dein scriptis et Conciliis celebratis, pristinam pietatem, et Ecclesiasticam disciplinam reduxit. Sed cum mox idem Willelmus rex vi et minis Ecclesiæ jura usurpare tentasset, ipse sacerdotali constantia restitit; bonorumque direptionem et exilium passus, Romam ad Urbanum Secundum se contulit, a quo honorifico exceptus, et summis laudibus ornatus est, cum in Barensi Concilio Spiritum sanctum etiam a Filio procedentem, contra Græcorum errorem, innumeris Scripturarum et sanctorum Patrum testimoniis propugnasset. E vivis Wilhelmo sublato, ab Henrico rege ejus fratre in Angliam revocatus, obdormivit in Domino, famam non solum miraculorum et sanctitatis (præcipue ob insignem devotionem erga Domini nostri passionem, et beatam Virginem ejus matrem) assecutus, sed etiam doctrinæ, quam ad defensionem Christianæ religionis, animarum profectum, et omnium Theologorum, qui sacras litteras scholastica methodo tradiderunt, normam cælitus hausisse ex ejus libris omnibus apparet.

*In III. Noct. Homilia Vos estis sal terræ pro Doct. 2. loco, p. 49\*.*

*In II. Vesp. sit comm. sequent.*

**DIE 23. SS. Soteris et Cai,**

Pont. et Mart. Semiduplex.

*Oratio.*

**B**EATORUM Martyrum pariterque Pontificum Soteris et Cai



nos, quæsumus, Domine, festa tueantur, et eorum commendet oratio veneranda. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**S**OTER, Fundis in Campania natus, sancivit ne sacræ virgines vasa sacra et pallas attingerent, neve thuris ministerio in Ecclesia uterentur. Idem statuit ut Christi Corpus in Cæna Domini sumeretur ab omnibus, iis exceptis, qui propter grave peccatum id facere prohiberentur. Sed in Pontificatu annos tres, menses undecim, dies decem et octo: martyrio coronatur sub Marco Aurelio Imperatore, et in cœmeterio, quod postea Callisti dictum est, sepelitur, more majorum, mense Decembri creatis Presbyteris decem et octo, Diaconis novem, Episcopis per diversa loca undecim.

*Lectio v.*

**CAIUS** Dalmata, ex genere Diocletiani Imperatoris, constituit ut his Ordinum et honorum gradibus in Ecclesia ad Episcopatum ascenderetur: Ostiarii, Lectoris, Exorcistæ, Acolythi, Subdiaconi, Diaconi, Presbyteri. Hic Diocletiani crudelitatem in Christianos fugiens, aliquamdiu in spelunca delituit, verum octo post annis una cum Gabino fratre martyrii coronam consecutus est, cum sedisset annos duodecim, menses quatuor, dies quinque, creatis mense Decembri Presbyteris viginti quinque, Diaconis octo, Episcopis quinque. Sepultus est in cœmeterio Callisti decimo Kalendas Maii. Ejus memoriam Urbanus Octavus in Urbe renovavit, dirutam Ecclesiam restituit, Titulo, Statione, et ipsius reliquiis decoravit.

*Lectio vj. Dignum et congruum ut in Com. Mart. temp. Pasch. I. loco, cum q. vj.*

*In III. Noct. Homilia Ne quisquam putaret de Com. Mart. temp. Pasch. 2. loco, p. 28.*

*Vesperæ a Capit. de sequent.*

**DIE 23. S. Georgii,**

Martyris. Semidupl.

*Oratio.*

**D**EUS, qui nos beati Georgii Martyris tui meritis et intercessione lætificas, concede propitius, ut qui tua per eum beneficia poscimus, dono tuæ gratiæ consequamur. Per Dominum.

*Et fit comm. SS. Mart. præced.*

*Lect. I. Noct. de Script. occ.*

*In II. Noct. Quibus ego vos de Com. Mart. 2. loco, p. 27.*

*In III. Noct. Homilia Iste locus Evangelicus ut ibid., p. 23.*

*Vesperæ de sequenti.*

**DIE 24. S. Fidelis**

A SIGHARINGA,

Martyris. Duplex.

*Oratio.*

**D**EUS, qui beatum Fidelem Sigharico spiritus ardore succensum in veræ fidei propagatione martyrii palma et gloriosis miraculis decorare dignatus es, ejus, quæsumus, meritis et intercessione, ita nos per gratiam tuam in fide et charitate confirma, ut in servitio tuo fideles usque ad mortem inveniri mereamur. Per Dominum.

*Et fit comm. S. Georgii Mart.*

*Lect. I. Noct. de Script. occ.*

IN II. NOCTURNO.

*Lectio iv.*

**FIDELIS** in oppido Sueviæ Sigharinga ex honesta Reyorum familia natus, ab incunte ætate singularibus naturæ et gratiæ donis ornatus præfulsit. Egregiam quippe sortitus indolem, morumque optima imbutus disciplina, dum Friburgi Philosophiæ et Juris utriusque lauream emeruit, in schola etiam Christi ad perfectionis apicem sedulo virtutum exercitio contendere cæpit. Nobilium exinde virorum, varias Europæ provincias lustrantium comes adscitus,

cos ad Christianam pietatem sectandam tam verbis quam operibus exortare non destitit. Quinimo in eodem itinere crebris austeritatibus desideria carnis mortificare, ac ita se ipsum regere studuit, ut in tanta rerum vicissitudine nullo unquam visus fuerit iræ motu perturbari. Juris præterea, et justitiæ strenuus propugnator, post reditum in Germaniam, celebre sibi nomen acquisivit in Advocati munere, in quo tamen cum Fori pericula esset expertus, tutiorem æternæ salutis viam ingredi deliberavit, et superna vocatione illustratus, paulo post Ordini Seraphico inter Fratres Minores Capuccinos adscribi petiit.

*Lectio v.*

**P**IÆ petitionis compos redditus, mundi sui que contemptor insignis in ipso statim tyrocinio, magisque cum solemnibus professionis votis in gaudio spiritus Domino nuncupasset, in regulari observantia omnibus admirationi fuit ac exemplo. Orationi maxime et sacris litteris vacans, in verbi quoque ministerio singulari gratia excellens, nedum Catholicos ad meliorem frugem, verum etiam heterodoxos ad veritatis cognitionem attraxit. Pluribus in locis cœnobii Præfectus constitutus, prudentia, justitia, mansuetudine, discretione, et humilitatis laude, munus sibi demandatum exercuit. Arctissimæ paupertatis zelator egregius, quidquid vel minus necessarium videretur, e cœnobio penitus eliminavit. Inter austera jejunia, vigilas, et flagella salutari seipsum prosequens odio, in alios amorem, quasi mater in filios, ostendit. Cum pestifera febris Austriacas militares copias dire affligeret, ipse in extremis infirmorum indigentibus ad assidua charitatis officia toto spiritu incubuit. In componendis etiam animorum dissidiis, aliisque proximis necessitatibus sublevandis, consilio et opere adeo præclare se gessit, ut Pater patriæ meruerit appellari.

*Lectio vj.*

**D**EIPARÆ Virginis, et Rosarii cultor eximius, illius præcipue, aliorumque Sanctorum patrocinis a Deo postulavit, ut in Catholicæ fidei obsequium vitam sibi, et sanguinem fundere liceret. Cumque ardens hoc desiderium in quotidiana Sacri devota celebratione magis accenderetur, mira Dei providentia factum est, ut fortis Christi athleta præses eligeretur illarum Missionum, quas Congregatio de Propaganda Fide pro Rhætia tunc temporis instituerat. Quod arduum munus prompto hilarique animo suscipiens, tanto fervore executus est, ut, pluribus hæreticis ad orthodoxam fidem conversis, spes non modica effulserit totius illius gentis Ecclesiæ et Christo reconciliandæ. Prophetiæ dono præditus futuras Rhetiæ calamitates, sibi que necem ab hæreticis inferendam sæpius prædixit. Postquam vero insidiarum probe conscius impendenti agoni se præparasset, die vigesima quarta Aprilis anno millesimo sexcentesimo vicesimo secundo, ad Ecclesiam loci, Sevisium nuncupati, se contulit; ubi ab hæreticis, qui pridie conversionem simulantes eum dolose ad prædicandum invitaverant, concione tumultuarie interrupta, per verbera et vulnèra eidem crudeliter inflicta, gloriosam mortem magno et alacri corde perpessus, primitias Martyrum memoratæ Congregationis proprio sanguine consecravit, pluribus signis et miraculis exinde clarus, præsertim Curiae et Veldkirchii, ubi summa populi veneratione illius reliquiae asservantur.

*In III. Noct. Homilia Iste locus Evangelicus de Com. Mart., p. 23.  
Vesperæ de sequenti.*

**DIE 23. S. Marci,**  
Evangelistæ. Duplex 2. Classis.

*Oratio.*

**D**EUS, qui beatum Marcum Evangelistam tuum Evangelicæ præ-

dicationis gratia sublimasti, tribue, quæsumus, ejus nos semper et eruditione proficere, et oratione defendi. Per Dominum.

*Et fit comm. S. Fidelis Mart.*

*Lect. I. Noct.* Incipit liber Ezechielis ut in Dom. I. Nov., p. 568.

#### IN II. NOCTURNO.

Ex libro S. Hieronymi Presbyteri de Scriptoribus Ecclesiasticis.

*Lectio iv.*

**M**ARCUS discipulus et interpres Petri, juxta quod Petrum referentem audierat, rogatus Romæ a fratribus, breve scripsit Evangelium. Quod cum Petrus audisset, et probavit, et Ecclesiæ legendum sua auctoritate dedit. Assumpto itaque Evangelio quod ipse consecerat, perrexit in Ægyptum, et primus Alexandriæ Christum annuntians, constituit Ecclesiam tanta doctrina et vitæ continentia, ut omnes sectatores Christi ad exemplum sui cogeret.

*Lectio v.*

**D**ENIQUE Philo, disertissimus Judæorum, videns Alexandriæ primam Ecclesiam adhuc judaizantem, quasi in laudem gentis suæ librum super eorum conversatione scripsit. Et quo modo Lucas narrat Jerosolymæ credentes omnia habuisse communia, sic et ille quod Alexandriæ sub Marco fieri doctore cernebat, memoriæ tradidit. Mortuus est autem octavo Neronis anno, et sepultus Alexandriæ, succedente sibi Aniano.

*Lectio vj. Sancta quatuor pro Evangelistis, p. 12. cum n. vj.*

*In III. Noct. Homilia Dominus et Salvator, p. 13.\**

*Hodie qui non intersunt Processionem Litaniarum, dicant illas privatim post Matut. cum suis Precibus et Orat. sine Psalmis Pœnit. etiamsi hoc Festum transferatur in aliam diem.*

*Si Litanie majores occurrunt in die Paschali, transferuntur in Feriam iij. sequentem.*

*In II. Vesp. fit. comm. sequent.*

#### DIE 26. SS. Cleti et Marcol.

Pont. et Mart. Semiduplex.

*Oratio.*

**B**EATORUM Martyrum pariterque Pontificum Cleti et Marcelini nos, Domine, soveat pretiosa confessio, et pia jugiter intercessio tueatur. Per Dominum.

*Lect. I. Noct. de Script. occ.*

*In Feria ij. Rogat. Fratres debitores, et Lectio ix. de Homilia Feriæ.*

*Similiter si quod ex seq. Festis venerit in dicta Feria vel in Vigil. Ascens., Lect. I. Noct. leguntur de Com. illius Sancti extra tempus Paschale.*

#### IN II. NOCTURNO.

*Lectio iv.*

**C**LETUS Romanus, patre Æmiliano, de regione quinta, e vi-co Patricio, Imperatoribus Vespasiano et Tito, Ecclesiam gubernavit. Is ex præcepto Principis Apostolorum in Urbe viginti quinque Presbyteros ordinavit. Primus in litteris verbis illis usus est: Salutem et Apostolicam benedictionem. Qui, Ecclesia optime constituta, cum ei præfuisset annos duodecim, menses septem, dies duos, Domitiano Imperatore, secunda post Neronem persecutione, martyrio coronatus est, et in Vaticano juxta corpus beati Petri sepultus.

*Lectio v.*

**M**ARCELLINUS Romanus, in immani illa Diocletiani Imperatoris persecutione, terrore perterritus, deorum simulacris thus adhibuit, Cujus peccati mox illum tauteopere pœnituit, ut Sinuessam ad Concilium plurimorum Episcoporum venerit cilicio indutus, ubi lacrymis profusis scelus suum palam confessus est. Quem tamen damnare ausus est nemo, sed omnes una voce clamaverunt: Tuo te ore, non nostro judicio, judica; nam prima sedes a nemine judicatur: Petrum quoque propter eandem animi



infirmi-  
tatem deliquisse, et a Deo ci-  
milibus lacrymis veniam impetrasse.

*Lectio vj.*

**MARCELLINUS** Romam rever-  
sus Imperatorem adit, gravi-  
ter eum accusans, quod se ad tan-  
tam impietatem impulisset. Quam ob  
rem ille Marcellinum, una cum tri-  
bus aliis Christianis, Claudio, Cyri-  
no, et Antonino, capite plecti jubet.  
Quorum projecta corpora cum triginta  
sex dies jussu Imperatoris sepultura  
caruissent, beatus Marcellus a sancto  
Petro in somnis admonitus, Presby-  
teris et Diaconis, hymnis ac lumini-  
bus adhibitis, honorifice sepelienda  
curavit in cœmeterio Priscillæ, via  
Salaria. Rexit Ecclesiam annos septem,  
menses undecim, dies viginti tres:  
quo tempore fecit Ordinationes duas  
mense Decembri, quibus creavit Pres-  
byteros quatuor, Episcopos per di-  
versa loca quinque.

*In III. Noct. Homilia Ne quisquam  
putaret de Com. Mart. temp. Pasch.  
2. loco, p. 27.*

**DIE 28. S. Vitalis,**  
Martyris.

*Oratio. Præsta.... ut qui, p. 14.*

*Lectio iij.*

**VITALIS** miles, sanctorum Ger-  
vasii et Protasii pater, una cum  
Paulino iudice Ravennam ingressus,  
cum vidisset Ursicinum medicum ob  
Christianæ fidei confessionem ductum  
ad supplicium, paululum in tormen-  
tis titubare, exclamavit: Ursicine me-  
dice, qui alios curare solitus es, ca-  
ve ne te mortis æternæ jaculo confi-  
cias. Qua voce confirmatus Ursicinus  
martyrium fortiter subivit. Quare  
Paulinus incensus Vitalem compre-  
hendi jubet, et equuleo tortum, at-  
que in profundam foveam demersum,  
lapidibus obrui. Quo facto, quidam  
Apollinis sacerdos, qui Paulinum in  
Vitalem incitabat, oppressus a dæmo-  
ne, clamare cœpit: Tu me nimium,  
Vitalis Christi martyr, incendis: et

illo æstu jactatus, se præcipitavit in  
flumen.

**DIE 29. S. Petri,**

Mart. Duplex.

*Oratio.*

**PRÆSTA** quæsumus, omnipotens  
Deus, ut beati Petri Martyris  
tui fidem congrua devotione sectemur,  
qui pro ejusdem fidei dilatatione mar-  
tyrii palmam meruit obtinere. Per  
Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**PETRUS**, Veronæ parentibus Ma-  
nichæorum hæresi infectis natus,  
ab ipsa pene infantia contra hæreses  
pugnabit. Puer annorum septem, cum  
scholas frequentaret, aliquando a pa-  
truo hæretico interrogatus, quid tan-  
dem in iis didicisset; Christianæ fidei  
Symbolum se didicisse respondit, ne-  
que ullis unquam patris patruive  
blanditiis aut minis, a fidei constan-  
tia dimoveri potuit. Adolescens Bo-  
noniam studiorum causa venit, ubi a  
Spiritu sancto ad sublimioris vitæ  
formam vocatus, Ordinis Prædicato-  
rum Institutum suscepit.

*Lectio v.*

**MAGNO** virtutum splendore in  
religione eluxit: corpus et ani-  
mam ab omni impuritate ita custodi-  
vit, ut nullius mortiferi peccati labe  
se inquinatum unquam senserit. Car-  
nem jejuniis et vigiliis macerabat:  
mentem divinis contemplationibus ex-  
ercebat. In salute animarum procu-  
randa assidue versabatur: peculiaris  
gratiæ dono hæreticos acriter confu-  
tabat. Tantam in concionando vim ha-  
buit, ut innumerabilis hominum mul-  
titude ad eum audiendum conflueret,  
multique ad pœnitentiam converte-  
rentur.

*Lectio vj.*

**TANTO** fidei ardore incensus erat,  
ut pro ea mortem subire opta-  
ret, eamque a Deo gratiam enixe præ-

caretur. Itaque hæretici necem, quam is paulo ante concionando prædixerat, illi intulerunt. Nam cum sanctæ Inquisitionis munus gereret, illum Como Mediolanum redeuntem, impius sicarius semel atque iterum in capite gladio vulneravit: jamque pene mortuus Symbolum fidei, quam infans virili fortitudine confessus fuerat, in ipso supremo spiritu pronuntiavit; iterumque latera mucrone transverberatus, ad martyrii palmam migravit in cælum, anno salutis millesimo ducentesimo quinquagesimo secundo. Quem multis illustrem miraculis Innocentius Quartus anno sequenti sanctorum Martyrum numero adscripsit.

*In III. Noct. Homiliæ Iste locus de Com. Mart. temp. Pasch., p. 23. Extra t. P. Si consideremus, p. 19.*

*Vesperæ a Capit. de sequenti.*

**DIE 30. S. Catharinæ Sen.,**  
Virginis. *Duplex.*

*Oratio.*

**D**A, quæsumus, omnipotens Deus, ut qui beatæ Catharinæ Virginis tuæ natalitia colimus, et annua solemnitate lætemur, et tantæ virtutis proficiamus exemplo. Per Dominum.

*Et sit comm. S. Petri Martyris.*

*Lect. I. Noct. de Script. occ.*

IN II. NOCTURNO.

*Lectio iv.*

**C**ATHARINA, virgo Senensis, piis orta parentibus, beati Dominici habitum, quem Sorores de Poenitentia gestant, impetravit. Summa ejus fuit abstinencia, et admirabilis vitæ austeritas. Inventa est aliquando a die Cinerum usque ad Ascensionem Domini jejunium perduxisse, sola Eucharistiæ communionem contenta. Luctabatur quam frequentissime cum dæmonibus, multisque illorum molestiis vexabatur: æstuabat febribus, nec aliorum morborum cruciatu carebat. Magnum et sanctum erat Catharinæ nomen, et undique ad eam ægroti, et malignis vexati spiritibus

deducebantur. Languoribus et febribus in Christi nomine imperabat, et dæmones cogebat ab obsessis abire corporibus.

*Lectio v.*

**C**UM Pisis immoraretur, die Dominico, refecta cibo cælesti, et in extasim raptâ, vidit Dominum crucifixum magno cum lumine advenientem, et ex ejus vulnerum cicatricibus quinque radios ad quinque loca sui corporis descendentes: ideoque mysterium advertens, Dominum precata, ne cicatrices apparerent, continuo radii colorem sanguineum mutaverunt in splendidum, et in formam puræ lucis pervenerunt ad manus, pedes, et cor ejus; ac tantus erat dolor, quem sensibilibus patiebatur, ut nisi Deus minuisset, brevi se crederet morituram. Hanc itaque gratiam amantissimus Dominus nova gratia cumulavit, ut sentiret dolorem illapsa vi vulnerum, et cruenta signa non apparerent. Quod ita contigisse cum Dei famula confessario suo Raymundo retulisset, ut oculis etiam repræsentaretur, radios in imaginibus beatæ Catharinæ ad dicta quinque loca pertingentes, pia fidelium cura pictis coloribus expressit.

*Lectio vj.*

**D**OCTRINA ejus infusa, non acquisita fuit: sacrarum litterarum professoribus difficillimas de Divinitate quæstiones proponentibus respondit. Nemo ad eam accessit, qui non melior abierit, multa extinxit odia, et mortales sedavit inimicitias. Pro pace Florentinorum, qui cum Ecclesia dissidebant, et interdicto Ecclesiastico suppositi erant, Avenionem ad Gregorium Undecimum Pontificem Maximum profecta est: cui etiam votum ejus de petenda Urbe soli Deo notum, sese divinitus cognovisse monstravit: deliberavitque Pontifex, ea etiam suadente, ad Sedem suam Romanam personaliter accedere, quod et fecit. Eidem Grego-

rio, et Urbano Sexto ejus successori, acceptissima fuit, adeo ut legationibus eorum fungeretur. Denique post innumera virtutum insignia, dono prophetiæ, et pluribus clara miraculis, anno ætatis suæ tertio circiter et trigesimo, migravit ad Sponsum. Quam Pius Secundus Pontifex Maximus sanctarum Virginum numero adscripsit.

*In III. Noct. Homilia Sæpe vos fratres de Com. I. loco.*

*Vesperæ de sequenti.*

### FESTA MAII.

*Prima die non impedita extra T. P. dicitur Offic. Defunct.*

**Die 1. SS. Phil. et Jac.,**  
Apostol. Duplex 2. Classis.

#### *In. I. Vesperis*

*Ant. de Laud. Psalmi et alia hic non propria de Com., p. 23.*

*Ad Magnif. Ant. Non turbetur cor vestrum, neque formidet. Creditis in Deum, et in me credite. In domo Patris mei mansiones multæ sunt, alleluia, alleluia.*

*Oratio ut infra in Laudibus.*

*Et fit comm. S. Catharinæ.*

*In I. Noct. si tunc temporis non legitur de Epist. B. Jacobi, ponitur initium ejus Epistolæ, ut in Dom. iv. post. Pascha, p. 377.*

*Si autem ea tunc legitur, ponitur de ea, quod illo die contigerit.*

#### IN II. NOCTURNO.

*Lectio iv.*

**PHILIPPUS** Bethsaidæ natus, unus ex duodecim Apostolis, qui primum a Christo Domino vocati sunt a quo cum accepisset Nathanael, venisse Messiam in lege promissum, ad Dominum deductus est. Quam vero Christus eum familiariter adhiberet, illud facile declarat, quod Gentiles Salvatorem videre cupientes, ad Philippum accesserunt: et Dominus, cum in solitudine hominum multitudinem pascere vellet, sic Philippum affatus est: Unde ememus panes, ut

manducent hi? Is, accepto Spiritu sancto, cum ei Scythia ad prædicandum Evangelium obtigisset, omnem fere illam gentem ad Christianam fidem convertit. Postremo cum Hierapolim Phrygiæ venisset, pro Christi nomine cruci affixus, lapidibusque obrutus est, Kalendis Maii. Ejus corpus ibidem a Christianis sepultum, postea Romam delatum, in Basilica duodecim Apostolorum una cum corpore beati Jacobi Apostoli conditum est.

*Lectio v.*

**JACOBUS** frater Domini, cognomento Justus, ab ineunte ætate vinum et siceram non bibit, carne abstinit, nunquam tonsus est, nec unguento nec balneousus. Huic uni licebat ingredi in Sancta sanctorum. Idem lineis vestibus utebatur: cui etiam assiduitas orandi ita callum genibus obduxerat, ut duritie cameli pellem imitaretur. Eum post Christi Ascensionem Apostoli Jerosolymorum Episcopum creaverunt: ad quem etiam Princeps Apostolorum misit, qui nuntiaret se e carcere ab Angelo eductum fuisse. Cum autem in Concilio Jerosolymis controversia esset orta de lege et circumcisione, Jacobus Petri sententiam secutus, ad fratres habuit concionem, in qua vocationem Gentium probavit, fratribusque absentibus scribendum esse dixit, ne Gentibus jugum Mosai-cæ legis imponerent. De quo et loquitur Apostolus ad Galatas: Alium autem Apostolorum vidi neminem, nisi Jacobum fratrem Domini.

*Lectio vj.*

**TANTA** autem erat Jacobi vitæ sanctitas, ut fimbriam vestimenti ejus certatim homines cuperent attingere. Nam is nonaginta sex annos natus, cum triginta annis illi Ecclesiæ sanctissime præfuisset, Christum Dei Filium constantissime prædicans, lapidibus primum appetitur, mox in altissimum templi locum adductus, inde præcipitatus est. Qui confractis crucibus jacens semivivus, manus ten-



debat ad cœlum , Deumque pro illorum ſalute deprecabatur his verbis : Ignosce eis , Domine , quia nesciunt quid faciunt. Qua in oratione graviter ejus capite fullonis fuste percusso , animam Deo reddidit , ſextimo Neronis anno , et juxta templum ubi præcipitatus fuerat , ſepultus eſt. Unam ſcripſit Epistolam , quæ de ſeptem Catholicis eſt.

IN III. NOCTURNO.

Lectio ſancti Evangelii ſecundum Joannem.

Lectio vij. Cap. 14.

**I**n illo tempore : Dixit Jeſus diſcipulis ſuis : Non turbetur cor veſtrum. Creditis in Deum , et in me credite. In domo Patris mei mansiones multæ ſunt. Et reliqua.

Homilia S. Auguſtini Episcopi.

Tract. 67. in Joannem.

**ERIGENDA** eſt nobis , fratres , ad Deum major intentio , ut verba ſancti Evangelii , quæ modò in noſtris auribus ſonuerunt , etiam mente capere utcumque poſſimus. Ait enim Dominus Jeſus : Non turbetur cor veſtrum. Creditis in Deum , et in me credite. Ne mortem tanquam homines timerent , et ideo turbarentur , conſolatur eos , etiam ſe Deum eſſe conſtans. Creditis , inquit in Deum et in me credite. Conſequens eſt enim , ut ſi in Deum creditis , et in me credere debeatis : quod non eſſet conſequens , ſi Chriſtus non eſſet Deus.

Lectio viij.

**CREDITIS** in Deum , et in eum credite , cui natura eſt , non rapina , eſſe æqualem Deo : ſemetipſum enim exinanivit , non tamen formam Dei amittens , ſed formam ſervi accipiens. Mortem metuitis huic formæ ſervi , non turbetur cor veſtrum , ſuſcitabit illam forma Dei. Sed quid eſt quod ſequitur , In domo Patris mei mansiones multæ ſunt , niſi quia et ſibi metuebant ? Unde audire debuerunt , Non turbetur cor veſtrum. Quis

eum eorum non metueret , cum Petro dictum eſſet fidentiori atque promptiori : Non cantabit gallus , donec ter me neges.

Lectio ix.

**TAMQUAM** ergo eſſent ab illo perituri , merito turbabantur ; ſed cum audiunt in domo Patris mei mansiones multæ ſunt , ſi quo minus diſiſſem vobis quia vado parare vobis locum ; a perturbatione recreantur , certi ac fidentes , etiam poſt pericula tentationum , ſe apud Deum cum Chriſto eſſe manſuros : quia etſi alius eſt alio fortior , alius alio ſapientior , alius alio juſtior , alius alio ſanctior , In domo Patris mei mansiones multæ ſunt. Nullus eorum alienabitur ab illa domo , ubi mansionem pro ſuo quiſque accepturus eſt merito.

Ad Laudes

et per Horas , Antiphona.

1. Domine , \* oſtende nobis Patrem , et ſufficit nobis , alleluia.

2. Philippe , \* qui videt me , videt et Patrem meum , alleluia.

3. Tanto tempore \* vobiscum ſum , et non cognoviſtis me ? Philippe , qui videt me , videt et Patrem meum , alleluia.

4. Si cognoviſſetis me , et Patrem meum utique cognoviſſetis , et amodo cognoscetis eum , et vidisti eum , alleluia , allel. allel.

5. Si diligitis me , \* mandata mea ſervate , alleluia , allel. allel.

Ad. Bened. Ant. Ego ſum via , veritas , et vita : nemo venit ad Patrem , niſi per me , alleluia.

Oratio.

**DEUS** , qui nos annua Apoſtolorum tuorum Philippi et Jacobi ſolemnitate lætificas , præſta , quaſumus , ut quorum gaudemus meritis , inſtruamur exemplis. Per Dominum.

In II. Vesperto.

Ant. de Laud. reliqua de Com.

*Ad Magnif. Ant.* Si manseritis in me, et verba mea in vobis manserint, quodcumque petieritis, fiet vobis, alleluia, allel. allel.

*Deinde fit comm. sequentis.*

**DIE 2. s. Athanasii,**

Episc. Conf. et Eccl. Doct. *Duplex.*

*In utrisq. Vesp. Ant.* O Doctor.

*Orat.* Exaudi, quæsumus, p. 39.

*Lect. I. Noct. de Script. occ.*

*In Feria iv. Rogat. Sapientiam, p. 48.*

**IN II. NOCTURNO.**

*Lectio iv.*

**ATHANASIUS** Alexandrinus, Catholicæ religionis propugnator acerrimus, ab Alexandro Episcopo Alexandrino Diaconus factus est, in cujus locum successit; quem etiam antea secutus fuerat ad Nicænum Concilium, ubi cum Arii impietatem repressisset, tantum odium Arianorum suscepit, ut ex eo tempore ei insidias moliri nunquam destiterint. Nam coacto ad Tyrum Concilio magna ex parte Arianorum Episcoporum, subornarunt mulierculam, quæ accusaret Athanasium, quod hospitio acceptus sibi stuprum per vim intulisset. Introductus igitur est Athanasius, et una cum eo Timotheus Presbyter, qui simulans se esse Athanasium: Egone, inquit, mulier, apud te sum diversatus? ego te violavi? Cui illa petulanter: Tu mihi vim attulisti: idque jurejurando affirmans, judicum fidem obtestabatur, ut tantum flagitium vindicarent. Qua cognita fraude, rejecta est mulieris impudentia.

*Lectio v.*

**ARSENIUM** quoque Episcopum ab Athanasio interfectum Ariani pervulgarunt: quem dum occulte detinent, manum mortui deferunt in judicium, ab Athanasio ad usum magicæ artis Arsenio amputatam criminantes. At Arsenius noctu aufugiens, cum se in conspectu totius Concilii statuisset, Athanasii inimicorum im-

pudentissimum scelus apernit. Quod illi nihilominus magicis artibus Athanasii tribuentes, vitæ ejus insidiari non desistebant. Quamobrem in exilium actus, in Gallia apud Treviros exulavit. Gravibus deinceps ac diuturnis, sub Constantio Imperatore Arianorum fautore, tempestatibus jactatus, et incredibiles calamitates perpessus, magnam orbis terræ partem peragravit, ac sæpe e sua Ecclesia ejectus, sæpe etiam in eandem et Julii Romani Pontificis auctoritate, et Constantis Imperatoris, Constantii fratris, patrocinio, decretis quoque Concilii Sardicensis, ac Jerosolymitani, restitutus est, Arianis interea illi semper infestis: quorum pertinacem iram, et summum vitæ discrimen fugiens, in sicca cisterna quinque annis se abdidit, ejus rei tantum conscio quodam Athanasii amico, qui eum clam sustentabat.

*Lectio vj.*

**CONSTANTIO** mortuo, cum Julianus apostata, qui ei in Imperio successit, exules Episcopos ad suas Ecclesias redire permisisset, Athanasius Alexandriam reversus, summo honore exceptus est. Sed non multo post, iisdem Arianis impellentibus, a Juliano exagitatus, rursus discedere cogitur. Cumque ab ejus satellitibus ad necem conquireretur, qua fugiebat navicula conversa in contrariam fluminis partem, iis, qui se insequiebantur, ex industria occurrit; et quærentibus quantum inde abesset Athanasius, respondit eum non longe abesse. Itaque illos contrarium tenentes cursum effugit, atque Alexandriam rediens, ibidem usque ad Juliani obitum occultus permansit. Qui paulo post Alexandriæ, alia exorta tempestate, quatuor menses in paterno sepulchro delituit. Ac denique ex tot tantisque periculis divinitus ereptus, Alexandriæ mortuus est in suo lectulo, sub Valente. Cujus vita et mors magnis nobilitata est miraculis. Multa pie et ad illustrandam Ca-

tholicam fidem præclare scripsit, sexque et quadraginta annos in summa temporum varietate Alexandrinam Ecclesiam sanctissime gubernavit.

IN III. NOCTURNO.

Lectio sancti Evangelii secundum Matthæum.

Lectio vij. Cap. 10.

**I**N illo tempore, Dixit Jesus discipulis suis : Cum persequentur vos in civitate ista, fugite in aliam. Et reliqua.

Homilia S. Athanasii Episcopi.

In Apol. de fuga sua.

**I**N lege præceptum erat ut constituerentur civitates refugiorum, ut qui quomodocumque ad necem quaererentur, servari possent. In consummatione porro sæculorum, cum advenisset illud ipsum Verbum Patris, quod Moysi antea locutum fuerat, rursus hoc præceptum dedit: Cum vos, inquit, persecuti fuerint in civitate ista, fugite in aliam. Pauloque post subjicit: Cum videritis illam abominationem desolationis, quæ dicta est per Daniele Prophetam, consistentem in loco sancto (qui legit, intelligat) tunc qui in Judæa sunt, fugiant ad montes, et qui in tecto est, ne descendat tollere aliquid de domo sua, et qui in agro est, non revertatur tollere tunicam suam.

Lectio viij.

**H**ÆC cum scirent Sancti, ejusmodi tenuerunt suæ conversationis institutum. Quæ enim nunc præcepit Dominus, eadem quoque ante suum in carne adventum locutus est in Sanctis, et hoc institutum homines ad perfectionem ducit. Nam quod Deus jusserit, id omnino faciendum est. Ideoque et ipsum Verbum propter nos homo factum, non indignum putavit, cum quaereretur, quemadmodum et nos, abscondere se; et cum persecutionem pateretur, fugere, et insidias declinare: cum autem a se definitum tempus ipse adduxisset, in quo corporaliter pro omnibus pati vo-

lebat, ultro seipsum tradidit insidiantibus.

â. In medio Ecclesiæ, p. 48°.

Lectio ix.

**A**T vero sancti homines cum hanc quoque formam a Salvatore didicissent (ab ipso enim et antea et semper omnes docebantur) adversus persecutores ut legitime certarent, fugiebant, et ab illis quæsi se abscondebant. Cum enim præstituti sibi a divina providentia temporis finem ignorarent, nolebant insidiantibus se temere tradere: sed contra, cum scirent quod scriptum est, In manibus Dei esse hominum sortes; et, Dominum mortificare et vivificare, potius in finem usque perseverabant, circumcunctes, ut ait Apostolus, in melotibus et pellibus caprinis, egentes, angustiati, in solitudinibus errantes, et in speluncis et cavernis terræ latentes, quoad vel definitum mortis tempus veniret, vel qui tempus ipsum definierat Deus, cum eis loqueretur, et insidiantes cohiberet, aut certe persecutoribus eos traderet, utcumque illi placuisset.

Vesperæ de sequenti.

**DIE 3. In Invent. S. Crucis**

Duplex 2. Classis.

**In I. Vesperis.**

Ant. et Capit. de Laud. Psalmi de Dom. p. 86°. loco ult. Laudate Dominum omnes gentes.

In hymno Vexilla Regis ut in Sabb. ante Dom. Pass., p. 294.

O Crux, ave, spes unica, Paschale quæ fers gaudium.

ÿ. Hoc signum Crucis erit in cælo, alleluia. â. Cum Dominus ad judicandum venerit, alleluia.

Ad Magnif. Ant. O Crux splendor cunctis astris, mundo celebris, hominibus multum amabilis, sanctior universis; quæ sola fuisti digna portare talentum mundi, dulce lignum, dulces clavos, dulcia ferens pondera: salva præsentem catervam in tuis ho-



die laudibus congregatam, alleluia, alleluia.

*Oratio ut infra in Laudibus.*

*Deinde fit comm. S. Athanasii.*

**Ad Matutinum.**

*Invit.* Christum Regem crucifixum,  
\* Venite, adoremus, alleluia.

*Hymnus.* Pange lingua, p. 293.

**IN I. NOCTURNO.**

*Ant.* Inventæ Crucis festa recolimus, cujus præconium universum per orbem micanti lumine fulget, allel.

*Psalmi de comm. unius Mart. p. 14.\**

ŷ. Hoc signum Crucis erit in cælo, alleluia. α. Cum Dominus ad iudicandum venerit, alleluia.

De Epistola beati Pauli Apostoli ad Galatas.

*Lectio j.*

*Cap. 3.*

**QUICUMQUE** ex operibus legis sunt, sub maledicto sunt. Scriptum est enim: Maledictus omnis, qui non permanserit in omnibus, quæ scripta sunt in libro legis, ut faciat ea. Quoniam autem in lege nemo iustificatur apud Deum, manifestum est, quia iustus ex fide vivit. Lex autem non est ex fide, sed, Qui fecerit ea, vivet in illis. Christus nos redemit de maledicto legis, factus pro nobis maledictum: quia scriptum est: Maledictus omnis qui pendet in ligno: ut in Gentibus benedictio Abraham fieret in Christo Jesu, ut pollicitationem Spiritus accipiamus per fidem.

α. Gloriosum diem sacra veneratur Ecclesia, dum triumphale reseratur lignum, \* In quo Redemptor noster mortis vincula rumpens, callidum aspidem superavit, allel, allel, allel. ŷ. In ligno pendens nostræ salutis semitam Verbum Patris invenit. — In.

De Epistola ad Philippenses.

*Lectio ij.*

*Cap. 2.*

**HOC** enim sentite in vobis, quod et in Christo Jesu; qui cum in forma Dei esset, non rapinam arbitratus est esse se æqualem Deo, sed semetipsum exinanivit, formam ser-

vi accipiens, in similitudinem hominum factus, et habitu inventus ut homo. Humiliavit semetipsum factus obediens usque ad mortem, mortem autem crucis. Propter quod et Deus exaltavit illum, et donavit illi nomen, quod est super omne nomen: ut in nomine Jesu omne genua flectatur cælestium, terrestrium, et infernorum, et omnis lingua confiteatur quia Dominus Jesus Christus in gloria est Dei Patris.

α. Crux fidelis, inter omnes arbor una nobilis, nulla silva talem profert, fronde, flore, germine: \* Dulce lignum, dulces clavos, dulce pondus sustinuit, alleluia. ŷ. Super omnia ligna cedrorum tu sola excelsior. — Dulce.

De Epistola ad Colossenses.

*Lectio iij.*

*Cap. 2.*

**IN** Christo inhabitat omnis plenitudo divinitatis corporaliter: et estis in illo repleti, qui est caput omnis principatus et potestatis: in quo et circumcisi estis circumcisione non manufacta in expoliatione corporis carnis, sed in circumcisione Christi: consepulti ei in baptismo, in quo et resurrexistis per fidem operationis Dei, qui suscitavit illum a mortuis. Et vos cum mortui essetis in delictis et præputio carnis vestræ, convivificavit cum illo, donans vobis omnia delicta: delens quod adversus nos erat chirographum decreti, quod erat contrarium nobis, et ipsum tulit de medio, affigens illud cruci: et expolians principatus et potestates, traduxit confidenter, palam triumphans illos in semetipso.

α. Hæc est arbor dignissima: in paradisi medio situata, \* In qua salutis auctor propria morte mortem omnium superavit, alleluia, allel. ŷ. Crux præcellenti decore fulgida, quam Helena Constantini mater concupiscenti animo requisivit. — In. Gloria. In.

**IN II. NOCTURNO.**

*Ant.* Felix ille triumphus sit salus

ægris, vitæ lignum, mortis remedium, alleluia.

ŷ. Adoramus te, Christe, et benedicimus tibi, alleluia. ̃. Quia per Crucem tuam redemisti mundum, alleluia.

*Lectio iv.*

**P**OST insignem victoriam, quam Constantinus Imperator, divinitus accepto signo Dominicæ Crucis, ex Maxentio reportavit, Helena Constantini mater in somnis admonita, conquirendæ Crucis studio Jerosolymam venit: ubi marmoream Veneris statuatam in Crucis loco a Gentibus collocatam ad tollendam Christi Domini passionis memoriam, post centum circiter octoginta annos evertendam curavit. Quod item fecit ad Præsepe Salvatoris, et in loco Resurrectionis: inde Adonidis, hinc Jovis sublato simulacro.

̃. Nos autem gloriari oportet in Cruce Domini nostri Jesu Christi, in in quo est salus, vita, et resurrectio nostra: \* Per quem salvati et liberati sumus, alleluia. ŷ. Tuam Crucem adoramus Domine, et recolimus tuam gloriosam passionem. Per.

*Lectio v.*

**I**TAQUE loco Crucis purgato, alte defossæ tres cruces erutæ sunt, repertusque seorsum ab illis Crucis Dominicæ titulus: qui cum ex tribus cui affixus fuisset, non appareret, eam dubitationem sustulit miraculum. Nam Macarius Jerosolymorum Episcopus, factis Deo precibus, singulas cruces cuidam feminæ gravi morbo laboranti admovit; cui cum reliquæ nihil profuissent, adhibita tertia Crux statim eam sanavit.

̃. Dum sacrum pignus cœlitus revelatur, Christi fides roboratur: \* Adsunt prodigia divina in virga Moy-si primitus figurata, alleluia, allel. ŷ. Ad Crucis contactum resurgunt mortui, et Dei magnalia reserantur. — Adsunt.

*Lectio vi.*

**H**ELENA salutari Cruce inventa, magnificentissimam ibi extruxit Ecclesiam, in qua partem Crucis reliquit thecis argenteis inclusam, partem Constantino filio detulit, quæ Romæ reposita fuit in Ecclesia sanctæ Crucis in Jerusalem, ædificata in ædibus Sessorianis. Clavos etiam attulit filio, quibus sanctissimum Jesu Christi corpus fixum fuerat. Quo ex tempore Constantinus legem sancivit, ne crux ad supplicium cuicumque adhiberetur: ita res, quæ antea hominibus probro ac ludibrio fuerat, venerationi et gloriæ esse cœpit.

̃. Hoc signum Crucis erit in cœlo, cum Dominus ad judicandum venerit: \* Tunc manifesta erunt abscondita cordis nostri, allel. allel. ŷ. Cum sederit Filius hominis in sede majestatis suæ, et cœperit judicare sæculum per ignem. — Tunc. Gloria. Tunc.

IN III. NOCTURNO.

*Ant.* Adoramus te, Christe, et benedicimus tibi, quia per Crucem tuam redemisti mundum, alleluia.

*Psalmi de III. Noct. Virginum p. 67°.*

ŷ. Omnis terra adoret te, et psallat tibi, allel. ̃. Psalmum dicat nomini tuo Domine, alleluia.

Lectio sancti Evangelii secundum Joannem.

*Lectio vij. Cap. 3.*

**I**N illo tempore: Erat homo ex Pharisæis, Nicodemus nomine, princeps Judæorum. Hic venit ad Jesum nocte, et dixit ei: Rabbi, scimus quia a Deo venisti magister. Et reliqua.

Homilia S. Augustini Episcopi.

*Tract. II. in Joannem.*

**N**ICODEMUS ex his erat, qui crediderant in nomine Jesu, videntes signa et prodigia quæ faciebat. Superius enim hoc dixit: Cum autem esset Jerosolymis in Pascha in die festo, multi crediderunt in nomine ejus. Qua-

re crediderunt in nomine ejus ? Sequitur , et dicit : Videntes signa ejus , quæ faciebat. Et de Nicodemo quid dicit ? Erat princeps Judæorum , nomine Nicodemus. Hic venit ad eum nocte , et ait illi : Rabbi , scimus quia a Deo venisti magister. Et iste ergo crediderat in nomine ejus. Et ipse unde crediderat ? Sequitur : Nemo enim potest hæc signa facere , quæ tu facis , nisi fuerit Deus cum eo.

*¶. Dulce lignum , dulces clavos , dulce pondus sustinuit : \* Quæ sola digna fuit portare pretium hujus sæculi , allel. ¶. Hoc signum Crucis erit in cælo , cum Dominus ad judicandum venerit. Quæ.*

*Bened. Divinum auxilium.*

*Lectio viij.*

**S**i ergo Nicodemus de illis multis erat , qui crediderant in nomine ejus , jam in isto Nicodemo attendamus quare Jesus non se credebatur eis. Respondit Jesus , et dixit ei : Amen , amen dico tibi , nisi quis renatus fuerit denuo , non potest videre regnum Dei. Ipsi ergo se credit Jesus , qui nati fuerint denuo. Ecce illi crediderant in eum , et Jesus non se credebatur eis. Tales sunt omnes catechumeni : ipsi jam credunt in nomine Christi , sed Jesus non se credit eis. Intendat et intelligat charitas vestra. Si dixerimus catechumeno : Credis in Christum ? Respondet : Credo ; et signat se cruce Christi : portat in fronte et non erubescit de cruce Domini sui. Ecce credit in nomine ejus. Interrogemus eum : Manducas carnem Filii hominis , et bibis sanguinem Filii hominis ? Nescit quid dicimus , quia Jesus non se credidit ei.

*¶. Sicut Moyses exaltavit serpentem in deserto , ita exaltari oportet Filium hominis : \* Ut omnis qui credit in ipsum , non pereat , sed habeat vitam æternam , alleluia. ¶. Non misit Deus Filium suum in mundum , ut judicet mundum , sed ut salvetur mundus per ipsum. Ut. Gloria. Ut.*

*Pro SS. Alexandro , Eventio , et*

*Theodulo Martyribus , ac Juvenale Episcopo et Confessore.*

*Lectio ix.*

**A**LEXANDER Romanus , Adriano Imperatore , regens Ecclesiam , magnam partem Romanæ nobilitatis ad Christum convertit. Is constituit ut tantummodo panis et vinum in mysterio offerretur : vinum autem aqua misceri jussit , propter sanguinem et aquam , quæ ex Jesu Christi latere profluxerunt : et in Canone Missæ addidit , Qui pridie quam pateretur. Idem decrevit , ut aqua benedicta sale admixto , perpetuo in Ecclesia asservaretur , et in cubiculis adhiberetur ad fugandos dæmones. Sedit annos decem , menses quinque , et dies viginti , vitæ sanctitate , et salutaribus institutis illustris. Martyrio coronatus est una cum Eventio et Theodulo Presbyteris , sepultusque est via Nomentana , tertio ab Urbe lapide , eodem in loco ubi securi percussus fuerat : creatis diverso tempore mense Decembri Presbyteris sex , Diaconis duobus , et Episcopis per diversa loca quinque. Eorum corpora postea in Urbem translata , in Ecclesia sanctæ Sabinæ condita sunt. In eundem diem incidit beata mors sancti Juvenalis Narniensis Episcopi , qui cum plurimos in ea urbe sanctitate et doctrina Christo peperisset , clarus miraculis in pace quievit , ibique honorifice sepultus est.

*Ad Laudes*

*et per Horas , Antiphonæ.*

1. **○** magnum pietatis opus ! \* mors mortua tunc est , in ligno quando mortua vita fuit , alleluia.

2. **Salva nos , Christe Salvator , per virtutem Crucis , \* qui salvasti Petrum in mari , miserere nobis , alleluia.**

3. **Ecce Crucem Domini , \* fugite , partes adversæ ; vicit leo de tribu Juda , radix David , alleluia.**

4. **Nos autem gloriari oportet in Cruce Domini nostri Jesu Christi , alleluia.**



5. Per signum Crucis \* de inimicis nostris libera nos, Deus noster, alleluia.

*Capitulum.* Philip. 2.

**FRATRES**, Hoc enim sentite in vobis, quod et in Christo Jesu, qui cum in forma Dei esset, non rapinam arbitratus est esse se æqualem Deo, sed semetipsum exinanivit, formam servi accipiens, in similitudinem hominum factus, et habitu inventus ut homo.

*Hymnus.* Lustra sex, p. 298.

ŷ. Adoramus te, Christe, et benedicimus tibi, alleluia. ♫. Quia per Crucem tuam redemisti mundum, alleluia.

*Ad Bened. Ant.* Super omnia ligna cedrorum tu sola excelsior, in qua vita mundi pependit, in qua Christus triumphavit, et mors mortem superavit in æternum, alleluia.

*Oratio.*

**DEUS**, qui in præclara salutiferæ Crucis Inventionem, passionis tuæ miracula suscitasti, concede, ut vitalis ligni pretio æternæ vitæ suffragia consequamur. Qui vivis.

*Et fit comm. SS. Martyrum.*

*Oratio.*

**PRÆSTA**, quæsumus, omnipotens Deus, ut qui sanctorum tuorum Alexandri, Eventii, Theoduli, atque Juvenalis natalitia colimus, a cunctis malis imminentibus, eorum intercessionibus liberemur. Per Dominum.

*Ad Tertiam.*

*Capit.* Fratres Hoc enim.

♫. br. Hoc signum Crucis erit in cælo, \* Alleluia, alleluia. Hoc. ŷ. Cum Dominus ad judicandum venerit. Alleluia, alleluia. Gloria. Hoc. ŷ. Adoramus te, Christe, et benedicimus tibi, alleluia. ♫. Quia per Crucem tuam redemisti mundum, alleluia.

*Ad Sextam.*

*Capitulum.*

Galat. 6.

**MIHI** autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo.

♫. br. Adoramus te, Christe, et benedicimus tibi, \* Alleluia, allel. Adoramus. ŷ. Quia per crucem tuam redemisti mundum. Alleluia, allel. Gloria. Adoramus. ŷ. Omnis terra adoret te, et psallat tibi, alleluia. ♫. Psalmum dicat nomini tuo, Domine, alleluia.

*Ad Nonam.*

*Capitulum.*

Philip. 2.

**HUMILIAVIT** semetipsum, factus obediens usque ad mortem, mortem autem crucis. Propter quod et Deus exaltavit illum, et donavit illi nomen quod est super omne nomen.

♫. br. Omnis terra adoret te, et psallat tibi, \* Alleluia, allel. Omnis. ŷ. Psalmum dicat nomini tuo, Domine. Alleluia, allel. Gloria. Omnis. ŷ. Hoc signum Crucis erit in cælo, allel. ♫. Cum Dominus ad judicandum venerit, allel.

*In II. Vesperis.*

*Omnia dicuntur ut in I. præter*

*Ad Magnif. Ant.* Crucem sanctam subiit, qui infernum confregit, accinctus est potentia, surrexit die tertia, alleluia.

*Et fit commemoratio sequentis.*

**DIE 4. S. Monicæ,**  
*Viduae Duplex.*

*Oratio.*

**DEUS** merentium consolator, et in te sperantium salus, qui beatæ Monicæ pias lacrymas in conversione filii sui Augustini misericorditer suscepisti, da nobis utriusque interventu peccata nostra deplorare, et gratiæ tuæ indulgentiam invenire. Per Dominum.

*Lect. I. Noct. de Script. occ.*

## IN II. NOCTURNO.

*Lectio iv.*

**MONICA**, sancti Augustini dupliciter mater, quia eum et mundo et cælo peperit, marito mortuo, quem senectute confectum Jesu Christo conciliavit, castam et operibus misericordiæ exercitam viduitatem agebat. In assiduis vero ad Deum orationibus pro filio, qui in Manichæorum sectam inciderat, lacrymas effundebat; quem etiam Mediolanum secuta est, ubi ipsum frequenter hortabatur, ut ad Episcopum Ambrosium se conferret. Quod cum ille fecisset, ejus et publicis concionibus, et privatis colloquiis Catholicæ fidei veritatem edoctus ab eodem baptizatus est.

*Lectio v.*

**MOX** in Africam redeuntes, cum ad Ostia Tiberina constitissent, incidit in febrem. Quo in morbo, cum eam quodam die anima defecisset, ut se collegit, Ubi, inquit, eram? Et astantes intuens: Ponite hic matrem vestram; tantum vos rogo, ut ad altare Domini memineritis mei. Nono autem die beata mulier animam Deo reddidit. Ejus corpus ibi in Ecclesia sanctæ Auræ sepultum est: quod postea, Martino Quinto Summo Pontifice, Romam translatum, in Ecclesia sancti Augustini honorifice conditum est.

*Lectio vj.*

*Ex lib. 9. Confess. cap. 12.*

**SUBDIT** vero Augustinus de matris morte disserens: Neque enim decere arbitrabamur funus illud questibus lacrymosis, gemitibusque celebrare, quia illa nec misere, nec omnino moriebatur. Hoc et documentis morum ejus, et fide non ficta, rationibusque certis tenebamus. Atque inde paulatim reducebam in pristinum sensum ancillam tuam, conversationemque ejus piam in te et sanctam, in nos blandam atque morigeram, qua subito destitutus sum, et

libuit flere de illa, et pro illa, et si quis peccatum inveuerit flevisse me matrem meam exigua parte horæ, matrem oculis meis mortuam, quæ me multos annos fleverat, ut oculis suis viverem, non irrideat; sed potius, si est grandi charitate, pro peccatis meis fleat ipse ad te Patrem omnium fratrum Christi tui.

*In III. Noct. Homilia De juvene illo ut in Dom. xv. post Pent., p. 600 cum a. vij. et viij. de Com.*

*Vesperæ a Capit. de sequenti.*

**DIE 3. S. PII V.,**

Papæ et Conf. *Dupl. ( m. t. v. )*  
*Oratio.*

**DEUS**, qui ad conterendos Ecclesiæ tuæ hostes, et ad divinum cultum reparandum, beatum Pium Pontificem Maximum eligere dignatus es, fac nos ipsius defendi præsiis, et ita tuis inhærere obsequiis, ut omnium hostium superatis insidiis, perpetua pace lætemur. Per Dominum.

*Et fit comm. S. Monicæ.*

*Lect. I. Noct. de Script. occ.*

## IN II. NOCTURNO.

*Lectio iv.*

**PIUS** in Oppido Insubriæ, quod Boschum vocant, natus, sed e Bononia oriundus ex nobili Ghisleriorum familia, cum quatuordecim esset annorum, Ordinem Prædicatorum ingressus est. Erat in eo admirabilis patientia, profunda humilitas, summa vitæ austeritas, continuum orationis studium, et regularis observantiæ ac divini honoris ardentissimus zelus. Philosophiæ vero ac Theologiæ incumbens, adeo in iis excelluit, ut illas docendi munus magna cum laude per multos annos exercuerit. Sacras conciones pluribus in locis cum ingenti auditorum fructu habuit. Inquisitoris officium inviolabili animi fortitudine diu sustinuit, multasque civitates non sine vitæ discrimine ab hæresi tunc grassante immunes servavit.

*Lectio v.*

**A** Paulo Quarto, cui ob eximias virtutes chariſſimus erat, ad Nepesinum et Sutrinum Episcopatum promotus, et post biennium inter Romanæ Ecclesiæ Presbyteros Cardinales adscriptus fuit. Tum ad Ecclesiam Montis Regalis in Subalpinis a Pio Quarto translatus, cum plures in eam abusus irrepsisse cognovisset, totam Diocesim lustravit, rebusque compositis, Romam reversus, gravissimis expediendis negotiis applicatus, quod justum erat, Apostolica libertate et constantia decernebat. Mortuo autem Pio, præter omnium expectationem electus Pontifex, nihil in vitæ ratione, excepto exteriori habitu, immutavit. Fuit in eo religionis propagandæ perpetuum studium, in Ecclesiastica disciplina restituenda indefessus labor, in extirpandis erroribus assidua vigilantia, in sublevandis egentium necessitatibus indeficiens beneficentia, in Sedis Apostolicæ juribus vindicandis robor iuvictum.

*Lectio vj.*

**S**ELIMUM Turcarum tyrannum multis elatum victoriis, ingenti comparata classe, ad Echinadas insulas, non tam armis, quam fusis ad Deum precibus, devicit. Quam victoriam ea ipsa hora, qua obtenta fuit, Deo revelante, cognovit, suisque familiaribus indicavit. Dum vero novam in ipsos Turcas expeditionem moliretur, in gravem morbum incidit, et acerbissimis doloribus patientissime toleratis, ad extrema deveniens, cum Sacramenta de more suscepisset, animam Deo placidissime reddidit, anno millesimo quingentesimo septuagesimo secundo, ætatis suæ sexagesimo octavo, cum sedisset annos sex, menses tres, dies viginti quatuor. Corpus ejus in Basilica sanctæ Mariæ ad Præsepe summa fidelium veneratione colitur, multis a Deo ejus intercessionem patratis miraculis. Quibus rite probatis, a Clemente Unde-

cimo Pontifice Maximo Sanctorum numero adscriptus est.

*In III. Noct. Homilia Lectio sancti Evangelii de Com. I. loco.*

*Vesperæ de sequenti.*

**DIE 6. S. JOANNIS**

ANTE PORTAM LATINAM,

Apost. Duplex majus.

*Ad Magnif. in utrisque Vesp.*

*Ant.* In ferventis olei dolium missus beatus Joannes Apostolus, divina se protegente gratia, illæsus exivit, alleluia.

*Oratio.*

**D**EUS, qui conspicias, quia nos undique mala nostra perturbant, præsta, quæsumus, ut beati Joannis Apostoli tui et Evangelistæ intercessio gloriosa nos protegat. Per Dominum.

*Pro comm. S. Pii, Ant. Dum.*

*Lect. I. Noct. de Script. occ. si tunc legitur de Apocalypsi vel de Epistolis S. Joannis. Alias, quod fuit ab initio ut in Dom. infra Octavam Ascensionis, p. 397.*

IN II. NOCTURNO

Ex libro S. Hieronymi Presbyteri contra Jovinianum.

*Lectio iv.*

*Lib. I.*

**J**OANNES Apostolus, unus ex discipulis Domini, qui minimus natu traditur fuisse inter Apostolos, et quem fides Christi virginem repererat, virgo permansit: et ideo plus amatur a Domino, et recumbit super pectus Jesu: et quod Petrus, qui uxorem habuerat, interrogare non audet, illum rogat ut interroget: et post resurrectionem, nuntiante Maria Magdalene quod Dominus resurrexisset, uterque cucurrit ad sepulchrum, sed ille prævenit: cumque essent in navi, et piscarentur in lacu Genesareth, Jesus stabat in littore, nec sciebant Apostoli quem viderent, solus virgo virginem agnoscit, et dicit Petro: Dominus est.

*Lectio v.*

**F**UIT autem Joannes et Apostolus, et Evangelista, et Propheta. A-



postolus, quia scripsit ad Ecclesias, ut magister; Evangelista, quia librum Evangelii condidit, quod, excepto Matthæo, alii ex duodecim Apostoli non fecerunt; Propheta, vidit enim in Patmos insula, in qua fuerat a Domitiano Principe ob Domini martyrium relegatus, Apocalypsim, infinita futurorum mysteria continentem. Refert autem Tertullianus quod Romæ missus in ferventis olei dolium, purior et vegetior exierit, quam intraverit.

*Lectio vj.*

**S**ED et ipsum ejus Evangelium multum distat a cæteris. Matthæus quasi de homine incipit scribere, Liber generationis Jesu Christi filii David, filii Abraham: Lucas a sacerdotio Zachariæ: Marcus a Prophetia Malachiæ et Isaïæ. Primus habet faciem hominis, propter genealogiam; secundus faciem vituli, propter sacerdotium; tertius faciem leonis, propter vocem clamantis in deserto: Parate viam Domini, rectas facite semitas ejus. Joannes vero noster quasi aquila ad superna volat, et ad ipsum Patrem pervenit, dicens: In principio erat Verbum. et Verbum erat apud Deum, et Deus erat Verbum.

IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 30.

**I**N illo tempore: Accessit ad Jesum mater filiorum Zebedæi cum filiis suis, adorans et petens aliquid ab eo. Et reliqua.

Homilia S. Hieronymi Presbyteri.

*Lib. 3. Comm. in Matth. c. 30.*

**U**NDE opinionem regni habet mater filiorum Zebedæi, ut cum Dominus dixerit: Filius hominis tradetur principibus sacerdotum et Scribis, et condemnabunt eum morte, et tradent Gentibus ad illudendum, et flagellandum, et crucifigendum; et ignominiam passionis timentibus discipulis nuntiaret, illa gloriam postu-

let triumphantis? Hæc, ut reor, ex causa, quia post omnia dixerat Dominus: Et tertia die resurget: putavit eum mulier post resurrectionem illico regnaturum, et hoc quod in secundo adventu promittitur, in primo esse complendum; et aviditate feminea præsentia cupit, immemor futurorum.

*Lectio viij.*

**M**ATER postulat, et Dominus discipulis loquitur, intelligens preces ejus ex filiorum descendere voluntate. Potestis bibere calicem, quem ego bibiturus sum? Calicem in Scripturis divinis passionem intelligenimus, juxta illud: Pater, si possibile est, transeat a me calix iste. Et in psalmo: Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo. Statimque insert quis iste sit calix: Pretiosa in conspectu Domini mors sanctorum ejus.

*Lectio ix.*

**Q**UÆRITUR quomodo calicem martyrii filii Zebedæi, Jacobus videlicet et Joannes, biberint, cum Scriptura narret Jacobum tantum Apostolum ab Herode capite truncatum, Joannes autem propria morte vitam finierit. Sed si legamus Ecclesiasticas historias, in quibus fertur quod et ipse propter martyrium sit missus in ferventis olei dolium, et inde ad suscipiendam coronam Christi athleta processerit, statimque relegatus in Patmos insulam sit, videbimus martyrio animum non defuisse, et bibisse Joannem calicem confessionis, quem et tres pueri in camino ignis biberunt, licet persecutor non fuderit sanguinem.

*In II. Vesp. comm. sequentis.*

**DIE 7. S. Stanislaus,**

Episcopi et Martyris. *Duplex.*

*Oratio.*

**D**EUS, pro cujus honore gloriosus Pontifex Stanislaus gladiis

impiorum occubuit, præsta, quæsumus, ut omnes qui ejus implorant auxilium, petitionis suæ salutarem consequantur effectum. Per Dominum.

*Lect. I. Noct. de Script. occ.*

## IN II. NOCTURNO.

*Lectio iv.*

**STANISLAUS** Polonus, apud Cracoviam nobili genere natus, et piis parentibus, qui antea per annos triginta steriles, illum a Deo precibus impetrarunt, ab ineunte ætate futuræ sanctitatis specimen dedit. Adolescens bonis artibus operam navavit, multumque in sacra Canonum et Theologiæ doctrina profecit. Parentibus mortuis, amplum patrimonium pauperibus distribuit, vitæ monasticæ desiderio. Sed Dei providentia Canonicus Cracoviensis, et concionator factus a Lamperto Episcopo, in ejus postea locum, quamvis invitus, sufficitur. Quo in munere omnium pastoralium virtutum laude, et præcipue misericordia in pauperes euituit.

*Lectio v.*

**ERAT** tum Poloniæ rex Boleslaus, quem graviter offendit, quod illius notam libidinem publice arguebat. Quare in solemni regni conventu Stanislaum per calumniam in judicium coram se vocari curat, tamquam pagum occuparet quem Ecclesiæ suæ nomine coemerat. Quod cum neque tabulis probare posset, et testes veritatem dicere timerent, spondet Episcopus se Petrum pagi venditorem, qui triennio ante obierat, intra dies tres in judicium adducturum. Conditione cum risu accepta, vir Dei toto triduo jejuniis et orationi incumbit: ipso sponsionis die, post oblatum Missæ sacrificium, Petrum e sepulchro surgere jubet, qui statim redi-vivus Episcopum ad regium tribunal euntem sequitur, ibique, rege et cæteris stupore attonitis, de agro a se vendito, et pretio rite sibi ab Epi-

scopo persoluto testimonium dicit, atque iterum in Domino obdormivit.

*Lectio vj.*

**AT** Boleslaum frustra sæpe admonitum Stanislaus tandem a fidelium communione removet. Ille iracundia furens, milites in Ecclesiam immittit, ut sanctum Episcopum confodiant: qui ter conati, occulta vi tertio divinitus sunt depulsi. Postremo impius rex Sacerdotem Dei, hostiam immaculatam ad altare offerentem sua manu obtruncat: corpus membratim concisum, et per agros projectum, aquilæ a feris mirabiliter defendunt. Mox Canonici Cracovienses sparsa membra nocturni de cælo splendoris indicio colligunt: et suis locis apte disponunt; quæ subito ita inter se copulata sunt, ut nulla vulnorum vestigia exstarent. Multis præterea miraculis servi sui sanctitatem Deus declaravit post ejus mortem; quibus permotus Innocentius Quartus Summus Pontifex, illum in Sanctorum numerum retulit. Clemens vero Octavus Pontifex Maximus, sancti Stanislai festo die in Romanum Breviarium relato, gloriosi Martyris memoriam duplici officio ubique celebrari jussit.

*In III. Noct. Hom. ( intra temp. Pasch. ) Iste locus Evangelicus de Com. Mart. temp. Pasch. I. loco, p. 28. ( extra temp. Pasch. ) Dominus ac Redemptor de Com. plur. Mart. I. loco, p. 38.*

*Vesperæ de sequenti.*

## DIE 8. In Apparitione

SANCTI MICHAELIS,

Archangeli. Duplex majus.

*Officium fit ut in die 29. Sept. præter Lect. 2. et 3. Noct.*

*Temp. Pasch. additur Alleluia in fine Ant. y. et añ. br. et Psalmi in Noct. dicuntur sub una Ant.*

*In I. Vesp. fit comm. præced.*

## IN II. NOCTURNO.

*Lectio iv.*

**BEATUM** Michaellem Archangelum sæpius hominibus apparuis-

se, et sacrorum librorum auctoritate, et veteri sanctorum traditione comprobatur. Quamobrem multis in locis facti memoria celebratur. Eum ut olim synagoga Judæorum, sic nunc custodem et patronum, Dei veneratur Ecclesia. Gelasio autem Primo Pontifice Maximo, in Apulia in vertice Gargani montis, ad cujus radices incolunt Sipontini, Archangeli Michaelis fuit illustris apparitio.

*Lectio v.*

**FACTUM** est enim ut ex gregibus armentorum Gargani cujusdam taurus longe discederet quem diu conquisitum, in aditu speluncæ hærentem invenerunt. Cum vero quidam ex illis, ut taurum configeret, sagittam emisisset, retorta sagitta in ipsum recidit sagittarium. Quæ res cum præsentibus, ac deinceps cæteros tanto timore affecisset, ut ad eam speluncam propius accedere nemo auderet, Sipontini Episcopum consulunt, qui, indicto trium dierum jejuniis et oratione, rem a Deo respondit quæri oportere.

*Lectio vj.*

**POST** triduum Michael Archangelus Episcopum monet, in sua tutela esse eum locum, eoque indicio demonstrasse velle ibi cultum Deo in sui et Angelorum memoriam adhiberi. Quare Episcopus una cum civibus ad eam speluncam ire pergit. Quam cum in templi cujusdam similitudinem conformata vidissent, locum illum divinis officiis celebrare cœperunt, qui multis postea miraculis illustratus est. Nec ita multo post Bonifacius Papa Romæ in summo Circo sancti Michaelis Ecclesiam dedicavit tertio Kalendas Octobris: quo die etiam omnium Angelorum memoriam Ecclesia celebrat. Hodiernus autem dies Archangeli Michaelis Apparitione consecratus est.

*In III. Noct. Homilia Nonnisi reversos, ut in die 2. Octobr.*

*In II. Vesp. comm. sequentis.*

**DIE 9. S. Gregorii Nazianz.,**

Episc. Conf. et Eccl. Doct.

*Duplex. ( m. t. v. )*

*In utrisq. Vesp. Ant. O Doctor.*

*Orat. Deus, qui populo tuo, p. 39\*.*

*Lect. I. Noct. de Script. occ.*

*In Feria iv. Rogat. Sapientiam, p. 48.\**

**IN II. NOCTURNO.**

*Lectio iv.*

**GREGORIUS**, nobilis Cappadox, ex singulari divinarum litterarum scientia Theologi cognomen consecutus, Nazianzi in Cappadocia natus, Atheois in omni disciplinarum genere una cum sancto Basilio eruditus, ad studia sacrarum litterarum se convertit, in quibus se in cœnobio per aliquot annos exercuerunt, illarum sententiam non ex proprio ingenio, sed ex majorum ratione et auctoritate interpretantes. Qui cum doctrina et vitæ sanctitate florerent, vocati ad munus prædicandæ Evangelicæ veritatis, plurimos Jesu Christo filios pepererunt.

*Lectio v.*

**GREGORIUS** igitur aliquando domum reversus, primum Sasi-morum Episcopus creatus est, deinde Nazianzenam Ecclesiam administravit. Tum Constantinopolim ad eam regendam Ecclesiam accersitus, cum civitatem hæresum purgatam erroribus ad Catholicam fidem reduxisset, quod ei summum omnium amorem conciliare debebat, multorum paravit invidiam. Itaque cum inter Episcopos magna propterea esset facta seditio, sponte cedens Episcopatu, illud Prophetæ dictum usurpavit: Si propter me commota est ista tempestas, dejicite me in mare, ut vos jactari desinatis. Quare Nazianzum reversus, cum illi Ecclesiæ Eulalium præficiendum curasset, totum se ad contemplationem et scriptionem divinarum rerum contulit.

*Lectio vj.*

**SCRIPSIT** autem multa et soluta oratione et versibus, mirabili pie-



tate et eloquentia : quibus doctorum hominum sanctorumque iudicio id assecutus est , ut nihil in illis , nisi ex veræ pietatis et Catholicæ religionis regula reperiat , nemo quidquam jure vocare possit in dubium. Consubstantialitatis Filii fuit acerrimus propugnator. Ut autem vitæ laude nemo ei præpositus est , sic et orationis gravitate omnes facile superavit. In iis scribendi ac legendi studiis ruri vitam monachi exercens , Imperatore Theodosio , ad cœlestem vitam senio confectus migravit.

*In III. Noct. Homilia Ostendit Dominus , pro. Doct. I. loco , p. 49\*.*

*In II. Vesp. comm. sequentis.*

**DIE 10. S. Antonini ,**

**Episc. et Conf. Duplex. (m. t. v.)**

*Oratio.*

**S**ANCTI Antonini , Domine , Confessoris tui atque Pontificis meritis adjuvemur , ut sicut te in illo mirabilem prædicamus , ita in nos misericordem fuisse gloriemur. Per Dominum.

*Deinde SS. Gordiani et Epimachi Martyrum.*

*Oratio.*

**D**A , quæsumus , omnipotens Deus , ut qui beatorum Martyrum tuorum Gordiani et Epimachi solemnia colimus , eorum apud te intercessionibus adjuvemur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**A**NTONINUS Florentiæ honestis parentibus natus , ab ipsa jam pueritia egregium futuræ sanctitatis specimen exhibuit. Annum agens sextum decimum , Religionem Prædicatorum amplexus , cepit exinde maximis clarere virtutibus. Otio perpetuum bellum indixit : post nocturnum brevem somnum primus matutinis precibus aderat ; quibus persolutis , reliquum tempus noctis orationibus , aut certe lectioni , et scriptioni libro-

rum tribuebat ; et si quando importunior fessis membris somnus obreperet , ad parietem paululum declinato capite , ac tantisper discusso somno , mox sacras vigilias avidius repetebat.

*Lectio v.*

**D**ISCIPLINÆ regularis sui ipsius severissimus exactor , carnes , nisi in gravi ægitudine , nunquam edit. Humi , aut in nudo tabulato cubabat ; cilicio semper usus , et interdum zona ferrea ad vivam cutem incinctus , virginitatem integerrime semper coluit. In explicandis consiliis tantæ dexteritatis fuit , ut communi elogio Antoninus consiliorum diceretur. Adeo autem in eo humilitas enituit , ut etiam cœnobii ac provinciis præfectus , abjectissima monasterii officia demississime obiret. Ab Eugenio Quarto Florentinus Archiepiscopus renuntiatus , ægerrime tandem , nec nisi Apostolicis minis perterrefactus , ut Episcopatum acciperet , acquievit.

*Lectio vj.*

**I**N eo munere vix dici potest , quantum prudentia , pietate , charitate , mansuetudine , et sacerdotali zelo excelluerit. Illud mirandum , tantum ingenio valuisse , ut omnes ferme scientias per se , nullo adhibito præceptore , absolutissime didicerit. Tandem post multos labores , multis etiam editis insignis doctrinæ libris , sacra Eucharistia et Uctione percepta , complexus Crucifixi imaginem , mortem lætus aspexit sexto Nonas Maii , anno millesimo quadringentesimo quinquagesimo nono. Miraculis vivens et post mortem conspicuus , Sanctorum numero adscriptus est ab Adriano Sexto , anno Domini millesimo quingentesimo vigesimo tertio.

*In III. Noct. Homilia Lectio sancti Evangelii de Com. I. loco.*

*Pro SS. Martyribus.*

*Lectio ix.*

**G**ORDIANUS iudex , cum ad eum Januarius Presbyter , ut condem-

naretur, sub Juliano apostata ductus esset, ab eodem in Christiana fide instructus, cum uxore et quinquaginta tribus aliis ex eadem familia Romæ baptizatur. Quare præfectus, relegato Januario, Gordianum a Clementiano vicario includi jubet in carcerem; qui postea eundem Gordianum vinctum catenis ad se accersitum, cum a fidei proposito deterere non posset, plumbatis diu cæsum, capite plecti imperat. Cujus corpus ante Apollinis templum canibus objectum, noctu a Christianis via Latina sepelitur in eadem crypta, in quam reliquæ beati Epimachi martyris translatae fuerant ab Alexandria: ubi is diu propter Christi confessionem constrictus in carcere, postremo combustus, martyrio coronatus est.

*In Laud. fit comm. SS. Mart.*

**DIE 12. SS. NEREI, ACHILLEI,**

**ET DOMITILLÆ, Virginis,**

**ATQUE PANCRAII,**

**Martyrum. Semiduplex.**

*Oratio.*

**S**EMPER nos, Domine, Martyrum tuorum Nerei, Achillei, Domitillæ, atque Pancratii foveat, quæsumus, beata sollemnitas, et tuo dignos reddat obsequio. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**N**EREUS et Achilleus fratres, eunuchi Flavie Domitillæ, a beato Petro una cum ipsa ejusque matre Plautilla baptizati, cum Domitillæ persuasissent, ut virginitatem suam Deo consecraret, ab ejus sponso Aureliano tamquam Christiani accusati, ob præclaram fidei confessionem, in Pontiam insulam relegantur: ubi ad quæstionem iterum vocati, et verberibus cæsi, mox Tarracinam perducti, a Minutio Rufo, equuleo et flammis cruciati, cum constanter negarent, se a sancto Petro Apostolo bap-

tizatos ullis tormentis cogi posse, ut idolis immolarent, securi percussi sunt: quorum corpora ab Auspicio eorum discipulo, et Domitillæ educatore, Romam delata, via Ardeatina sepulta sunt.

*Lectio v.*

**F**LA VIA Domitilla virgo Romana, Titi et Domitiani, Imperatorum neptis, cum sacrum virginitatis velamen a beato Clemente Papa accepisset, ab Aureliano sponso, Titi Aurelii Consulis filio delata quod Christiana esset, a Domitiano Imperatore in insulam Pontiam est deportata, ubi in carcere longum martyrium duxit. Demum Tarracinam deducta, iterum Christum confessa, cum semper constantior appareret, sub Trajano Imperatore, judicis jussu, incenso ejus cubiculo, una cum Theodora et Euphrosyna virginibus, et collectaneis suis, gloriosi martyrii cursum confecit, Nonis Maii, quarum corpora integra inventa, a Cæsario Diacono sepulta sunt. Hac vero die duorum fratrum ac Domitillæ corpora ex Diaconia sancti Adriani simul translata, in ipsorum Martyrum Basilicam, tituli Fasciolæ, restituta sunt.

*Lectio vj.*

**P**ANCRATIUS, in Phrygia nobili genere natus, puer quatuordecim annorum Romam venit, Diocletiano et Maximiano Imperatoribus: ubi a Pontifice Romano baptizatus, et in fide Christiana eruditus, ob eandem paulo post comprehensus, cum diis sacrificare constanter renuisset, virili fortitudine datis cervicibus, illustrem martyrii coronam consecutus est: cujus corpus Octavilla matrona noctu sustulit, et unguentis delibutum via Aurelia sepelivit.

**IN III. NOCTURNO.**

**Lectio sancti Evangelii secundum Joannem.**

*Lectio vij. Cap. 4.*

**I**N illo tempore: Erat quidam regulus, cujus filius infirmabatur

Capernaum. Et reliqua.

Homilia S. Gregorii Papæ.

*Ex Homil. 28. habita in Natali  
horum SS. Martyrum.*

**Q**UID est quod regulus Dominum rogat, ut ad ejus filium veniat, et tamen ire corporaliter recusat: ad servum vero centurionis non invitatur, et tamen se corporaliter ire pollicetur? Reguli filio per corporalem præsentiam non dignatur adesse, centurionis servo non dedignatur occurrere. Quid est hoc, nisi quod superbia nostra retunditur, qui in hominibus non naturam, qua ad imaginem Dei facti sunt, sed honores et divitias veneramur? Redemptor vero noster ut ostenderet quia quæ alta sunt hominum, despicienda sunt et quæ despecta sunt hominum, despicienda non sunt, ad filium reguli ire noluit, ad servum centurionis ire paratus fuit.

*Lectio viij.*

**I**NCREPATA est ergo superbia nostra, quæ nescit pensare homines propter homines. Sola, ut diximus, quæ circumstant hominibus, pensat, naturam non aspicit, honorem Dei in hominibus non agnoscit. Ecce ire non vult Filius Dei ad filium reguli, et tamen venire paratus est ad salutem servi. Certe si nos cujuscumque servus rogaret, ut ad eum ire deberemus, protinus nobis nostra superbia in cogitatione tacita responderet, dicens: Non eas, quia temetipsum degeneras, honor tuus despicitur, locus vilescit. Ecce de cælo venit, qui servo in terra occurrere non despicit, et tamen humiliari in terra contemnimus, qui de terra sumus.

*Lectio ix.*

**N**OLITE ergo intra vosmetipsos pensare quod habetis, sed quid estis. Ecce mundus qui diligitur, fugit. Sancti isti, ad quorum tumbam consistimus, florentem mundum mentis despectu calcaverunt. Erat tunc vita longa, salus continua, opulentia in

rebus, fecunditas in propagine, tranquillitas in diuturna pace, et tamen cum in seipso floreret, jam in eorum cordibus mundus aruerat. Ecce jam mundus in seipso aruit, et adhuc in cordibus nostris floret. Ubique mors, ubique luctus, ubique desolatio; undique percutimur, undique amaritudinibus replemur; et tamen cæcamento carnalis concupiscentiæ ipsas ejus amaritudines amamus, fugientem sequimur, labenti inhæremus.

**DIE 14. S. Bonifacii,**

**Martyris.**

*Oratio.*

**D**A, quæsumus, omnipotens Deus, ut qui beati Bonifacii martyris tui solennia colimus, ejus apud te intercessionibus adjuvemur. Per Dominum.

*Lectio ij.*

**B**ONIFACIUS, civis Romanus, quod cum Aglæ nobili matrona impudice versatus esset, tanto illius intemperantiæ dolore captus est, ut pœnitentiæ causa se ad conquirenda et sepelienda martyrum corpora contulerit. Itaque relictis peregrinationis sociis, cum Tarsi multos propter Christianæ fidei professionem variis tormentis cruciatos vidisset, illorum vincula osculatus, eos vehementer hortabatur, ut constanter supplicia perferrent, quod brevem laborem sempiterna requies consecutura sit. Comprehensus igitur, ferreis ungulis excarnificatus est: cui etiam inter manuum ungues et carnem acuti calami sunt infixi, plumbumque liquefactum in os ejus infusum. Quibus in cruciatibus ea vox tantum Bonifacii audiebatur: Gratias tibi ago, Domine Jesu Christe, Fili Dei.

*Lectio iij.*

**M**OX in ollam ferventis picis demisso capite conjectus est: unde cum inviolatus exisset, ira incensus judex eum securi percuti jubet. Quo tempore magnus terræmotus factus est, ita ut multi infideles ad



Christi Domini fidem converterentur. Eum sequenti die quærentes socii, cum martyrio affectum cognovissent, quingentis solidis ejus corpus redemerunt, et conditum unguentis, linteisque involutum, Romam portandum curarunt. Quod factum cum ab Angelo Aglae matrona, quæ et ipsa pœnitens se piis operibus addixerat, cognovisset, prodiens obviam sancto corpori, Ecclesiam ejus nomine ædificavit, in qua corpus sepultum est Nonis Junii, cum ejus anima pridie Idus Maii apud Tarsum Ciliciæ Urbem migrasset in cœlum, Diocletiano et Maximiano Imperatoribus.

**Die 16. S. Ubaldi,**

Episcopi et Confessoris. *Semid.*

*Oratio.*

**A**UXILIUM tuum nobis Domine, quæsumus, placatus impende, et intercessione beati Ubaldi Confessoris tui atque Pontificis, contra omnes diaboli nequitias dexteram super nos tuæ propitiationis extende. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**U**BALDUS Eugubii in Umbria nobili genere natus, a primis annis pietate et litteris egregie est institutus. Jamque adolescens, ut uxorem duceret, sæpe tentatus, nunquam tamen a proposito servandæ virginitatis recessit. Sacerdos effectus patrimonium suum pauperibus et Ecclesiis distribuit, et Canonorum Regularium Ordinis sancti Augustini Institutum suscipiens, illud in patriam transtulit, atque in eo aliquandiu sanctissime vixit. Cujus sanctitatis opinione evulgata, ab Honorio Secundo Summo Pontifice Ecclesiæ Eugubinæ invictus præficitur, et Episcopalis consecrationis munere decoratur.

*Lectio v.*

**A**d suam itaque revertens Ecclesiam, cum de consueta vivendi

ratione nihil admodum immutasset, in omni tamen virtutum genere, eo magis eminere cœpit, quo efficacius aliorum etiam salutem verbo et exemplo procuraret, factus forma gregis ex animo. Nam victu parco, vestitu moderato, lectulo aspero et pauperismo, crucis mortificationem jugiter in suo corpore circumferebat, dum inexplebili orationis studio spiritum quotidie recrearet. Hinc admirabilem illam mansuetudinem est adeptus, qua gravissimas injurias et contumelias non modo æquanimiter tulit, verum etiam mirifico dilectionis affectu persecutores suos omni benignitatis testimonio complectebatur.

*Lectio vj.*

**BIENNIO** antequam ex hac vita migraret; cum diutinis affligeretur infirmitatibus, inter accerbissimos corporis cruciatus, velut aurum in fornace purgatum, Deo gratias indesinenter agebat. Adveniente autem sacro Pentecostes die, cum multis annis Ecclesiam sibi commissam summa cum laude gubernasset, sanctis operibus ac miraculis clarus quievit in pace. Quem Cœlestinus Papa Tertius in Sanctorum numerum retulit. Ejus virtus præcipue in effugandis spiritibus immundis elucet; corpus vero per tot sæcula incorruptum magna fidelium veneratione in patria colitur, quam non semel a præsentis discrimine liberavit.

*In III. Noct. Homilia Lectio sancti Evangelii de Com. I. loco.*

*Vesperæ de sequenti.*

**Die 17. S. Pasch. Baylon,**

Confessoris. *Duplex.*

*Oratio.*

**D**EUS, qui beatum Paschalem Confessorem tuum mirifica erga corporis et sanguinis tui sacra Mysteria dilectione decorasti, concede propitius, ut quam ille ex hoc divino convivio spiritus percepit pinguedinem, eandem et nos percipere mereamur. Qui vivis.

*Et fit comm. S. Ubaldi.*

*Lect. I. Noct. de Script. occ.*

IN II. NOCTURNO.

*Lectio iv.*

**P**ASCHALIS Baylon, pauperibus piisque parentibus in oppido Turris Formosæ, Seguntinæ Diœcesis in Aragonia, natus, a teneris annis plura dedit futuræ sanctitatis indicia. Sortitus animam bonam, ac rerum cœlestium apprime studiosam, pueritiam atque adolescentiam in gregis custodia transegit. Quam ille vivendi rationem ideo præcipue diligebat, quod humilitati fovendæ, ac innocentie conservandæ in primis utilem atque opportunam judicaret. Erat in victu modicus, in oratione assiduus, tantaque apud cœvos et socios florebat auctoritate et gratia, ut eorum lites componens, errores corrigens, ignorantiam erudiens, ac desidiam excitans, velut omnium parens et magister maximo studio coleretur ac amaretur: Beatus etiam tum a plerisque appellatus.

*Lectio v.*

**Q**UI vero in sæculo, terra nempe deserta et inaquosa, adeo feliciter adoleverat, flos convallium, plantatus in domo Domini, mirum ubique sparsit sanctitatis odorem. Igitur Paschalis arrepto vitæ severioris instituto, atque in Ordine Minorum strictioris Observantiæ Discalceatorum cooptatus, exultavit ut gigas ad currendam viam suam, totumque se Domino excolendum tradens, dies noctesque cogitabat, qua se ratione magis ei magisque conformaret. Ita factum est brevi, ut eum, tanquam Seraphicæ perfectionis exemplar, ipsi quoque provectiones imitandum sibi proponerent. Ipse autem in humili servientium gradu constitutus, se velut omnium peripsema reputans, ardua quæque et abjecta domus ministeria, veluti jure quodam peculiari sibi debita, summa cum hilaritate suscipiebat, et exercebat humilitate ac patientia pari. Carnem spiritui quan-

doque reluctari nitentem jugi maceratione afflictauit, atque in servitutum redegit; spiritum vero assidua sui abnegatione ferventiorum in dies ad anteriora extendebat.

*Lectio vj.*

**D**EIPARAM Virginem, cujus clientelæ se ab ineunte ætate dicaverat, tanquam matrem quotidianis colebat obsequiis, atque filiali exorabat fiducia. Porro erga sanctissimum Eucharistiæ Sacramentum, difficile dictum est, quam ardendi teneretur devotionis affectu: quem defunctus etiam in cadavere retinere visus est, dum jacens in feretro, ad sacræ Hostiæ elevationem bis oculos rese-ravit et clausit, magna omnium qui aderant, admiratione. Ejusdem veritatem inter hæreticos publice palamque professus, multa et gravia ob eam causam perpessus est: crebro etiam ad necem petitus, sed singulari Dei providentia ab impiorum manibus ereptus. Sæpe inter orandum omnibus destituebatur sensibus, dulci-que languebat amoris deliquio: quo tempore cœlestem illam scientiam hausisse creditus est, qua homo rudis et illiteratus de mysteriis fidei difficillimis respondere, atque aliquot etiam libros conscribere potuit. Denique meritis plenus eadem, qua prædixerat hora, feliciter migravit ad Dominum, anno salutis millesimo quingentesimo nonagesimo secundo, sexto decimo Kalendas Junii, eodem, quo natus fuerat, festo Pentecostes recurrente, annum agens secundum supra quinquagesimum. Quibus aliisque virtutibus iusignem, ac miraculis tam in vita, quam post mortem clarum, Paulus Quintus Pontifex Maximus illum Beatum appellavit: Alexander autem Octavus Sanctorum catalogo adscripsit.

*In III. Noct. Homilia Sancti Evangelii fratres de Com I. loco.*

*Vesperæ a Capit. de sequenti.*

**Die 18. S. Venantii,**  
Martyris. Duplex,

*Hymnus sequens, quando non fuit dictus in I. Vesp., jungitur cum Hymno ad Matut. sub una conclusione. Sit laus Patri.*

**Ad Vesperas.**

**HYMNUS.**

**M**ARTYR Dei Venantius,  
Lux et decus Camertium,  
Tortore victo et iudice,  
Lætus triumphum concinit.

Annis puer, post vincula,  
Post carceres, post verbera,  
Longa fame frementibus  
Cibus datur leonibus.

Sed ejus innocentiae  
Parcit leonum immanitas,  
Pedesque lambunt martyris,  
Iræ famisque immemores.

Verso deorsum vertice  
Haurire fumum cogitur:  
Costas utrimque et viscera  
Succensa lampas ustulat.

Sit laus Patri, sit Filio,  
Tibique, sancte Spiritus,  
Da per preces Venantii  
Beata nobis gaudia. Amen.

*Oratio.*

**D**EUS, qui hunc diem beati Venantii Martyris tui triumpho consecrasti, exaudi preces populi tui, et præsta, ut qui ejus merita veneramur, fidei constantiam imitemur. Per Dominum.

*Et sit comm. præcedentis.*

**Ad Matutinum.**

**HYMNUS.**

**A**THLETA Christi nobilis  
Idola damnat Gentium,  
Deique amore saucius  
Vitæ pericla despicit.

Loris revinctus asperis,  
E rupe præceps volvitur:  
Spineta vultum lancinant,  
Per saxa corpus sciunditur.

Dum membra raptant martyris  
Languent siti satellites:  
Signo crucis Venantius  
E rupe fontes elicit.

Bellator o fortissime,

Qui perfidis tortoribus  
E caute præbes poculum,  
Nos rore gratiæ irriga.

Sit Laus Patri, sit Filio  
Tibique, sancte Spiritus;  
Da per preces Venantii  
Beata nobis gaudia. Amen.

*Lect. I. Noct. de Script. occ*

**IN II. NOCTURNO.**

*Lectio iv.*

**V**ENANTIUS Camers quindecim annos natus, cum Christianæ religionis accusaretur apud Antiochum, qui sub Decio Imperatore Camerino præerat, in porta civitatis Præsidi se obtulit: quem ille pollicitationibus ac terroribus diu tentatum, flagris cædi, et vinculis astringi jussit; sed iis mirabiliter ab Angelo solutus, lampadibus postea aduritur, atque inverso ore fumo supposito suspenditur. Ejus constantiam in tormentis demiratus Anastasius Cernicularius, et quod eum ab Angelo iterum solutum candida veste supra fumum ambulantem vidisset, in Christum credidit, et a beato Porphyrio Presbytero cum familia baptizatus, paulo post martyrii palmam cum eodem promeruit.

*Lectio v.*

**A**T Venantius Præsidi sistitur, et ab eo iterum frustra tentatus, ut Christi fidem desereret, in carcerem conjicitur, quo Attalus præcommittitur, qui ei dicat se quoque Christianum fuisse, et ei nomini propterea renuntiassse, quod cognovisset inane esse fidei commentum, quo Christiani præsentibus se abdicant ob vanam futurorum spem. Verum nobilis Christi athleta callidi hostis insidias non ignorans, diaboli ministrum a se penitus rejecit. Quare ad Præsidem iterum adducto omnes contusi sunt dentes, maxillæque confractæ, atque ita cæsus in sterquilinum dejicitur. Sed inde ab Angelo quoque ereptus, rursus stetit ante judicem, qui, Venantio adhuc loquente, e tri-



bunali cecidit, et in ea voce, Verus est Venantii Deus, nostros deos destruite, exclamans expiravit.

*Lectio vj.*

**Q**UOD cum Præsidi nuntiatum esset, extemplo Venantium leonibus objici jussit, qui, naturali feritate ommissa, ad ejus se pedes abjecerunt. Interim ille populum Christi fidem edocebat. Quare inde amotus, iterum in carcerem traditur. Cumque postridie Præsidi referret Porphyrius, se per visum noctu populos, quos Venantius aqua tingebat, clarissima luce fulgentes, ipsum vero Præsidem obscurissima caligine opertum vidisse, Præses ira incensus eum illico capite plecti imperat, deinde Venantium per loca vepribus et carduis consita trahi usque ad vesperam. Is cum semianimis relictus esset, mane se iterum Præsidi præsentavit, cujus jussu statim e rupe præcipitatur: sed inde etiam divinitus ereptus, denuo per loca aspera ad mille passus trahitur, ubi militibus siti æstuantibus, in proxima convalle, ex lapide in quo et genuum formam reliquit, sicut etiam nunc in ejus Ecclesia videre licet, crucis signo a Venantio facto, aquæ manarunt. Eo miraculo plures permoti in Christum crediderunt: quos omnes Præses eo loci una cum Venantio capite feriri jussit. Fulgura et terræmotus eo tempore ita magni fuere, ut Præses aufegeret; qui paucis tamen post diebus divinam haud valens effugere justitiam, turpissimam mortem oppetiit. Christiani interim Venantii et aliorum corpora honorifico loco sepelierunt, quæ Camerini in Ecclesia Venantio dicata, condita adhuc sunt.

*In III. Noct. Homil. (intra temp. Pasch.) Iste locus Evangelicus, de Com. Mart. temp. Pasch. I. loco, p. 23\* ; (extra temp. Pasch.) Si consideremus fratres, de Com. unius Mart. I. loco, p. 19\*.*

**Ad Laudes**

**HYMNUS.**

**D**UM nocte pulsa lucifer  
Diem propinquam nuntiat,  
Nobis refert Venantius  
Lucis beatæ munera.

Nam criminum caliginem  
Stygisque noctem depulit,  
Veroque cives lumine  
Divinitatis imbuit.

Aquis sacri baptismatis  
Lustravit ille patriam:  
Quos tinxit unda milites,  
In astra misit martyres.

Nunc Angelorum particeps,  
Adesto votis supplicum:  
Procul repelle crimina,  
Tuumque lumeningere.

Sit laus Patri, sit Filio,  
Tibique, sancte Spiritus;  
Da per preces Venantii  
Beata nobis gaudia. Amen.

*Vesperæ a Capit. de sequenti.*

**DIE 19. S. Petri Cælestini,**  
Papæ et Confessoris. *Duplex.*

*Oratio.*

**D**EUS, qui beatum Petrum Cælestinum ad summi Pontificatus apicem sublimasti, quique illum humilitati postponere docuisti, concede propitius, ut ejus exemplo cuncta mundi despiciere, et ad promissa humilibus præmia pervenire feliciter mereamur. Per Dominum.

*Et sit comm. S. Venantii.*

*Deinde S. Pudencianæ Virginis.*

*Orat. Exaudi nos, p. 62\*.*

*Lect. J. Noct. de Script. occ.*

**IN II. NOCTURNO.**

*Lectio iv.*

**P**ETRUS a nomine, quo Pontifex est appellatus, Cælestinus dictus, honestis catholicisque parentibus Æserniæ in Samnitibus natus, adolescentiam vix ingressus, ut animum a mundi illecebris custodiret, in solitudinem secessit. Ibi contemplationibus mentem nutriens, corpus in servitutem redigens, ferream catenam ad nudam carnem adhibebat. Congregatio-

nem, quæ postea Cælestinorum dicta est, sub regula sancti Benedicti instituit. Hinc quasi lucerna supra candelabrum posita, cum abscondi nequirit (Romana Ecclesia diu viduata Pastore) in Petri Cathedram ignorans et absens adscitus, magna novitatis admiratione non minus quam repentino gaudio cunctos affecit. Cum autem in Pontificatus sublimitate collocatus, variis distentus curis, assuetis incumbere meditationibus vix posse cognosceret, oneri pariter et honori voluntarie cessit, indeque priscam vitæ rationem repetens, obdormivit in Domino, ejusque pretiosam mortem crux præfulgens in aere ante cubiculi ostium reddidit amplius gloriosam. Miraculis multis tam vivens, quam post obitum claruit: quibus rite examinatis, Clemens Quintus, anno postquam decessit undecimo, Sanctorum numero adscripsit.

*Lectio v. et vj. Deridetur justus, de Com. Conf. 2. loco, p. 59<sup>a</sup> cum q. v. et vj. de Com.*

*In III. Noct. Hom. Perfectus ille est de Com. Apost. 2. loco, p. 11<sup>a</sup>.*

*Pro S. Pudentiana Virg.*

*Lectio ix.*

**P**UDENTIANA virgo, Pudentis Romani filia, parentibus orbata, cum admirabili pietate Christianam religionem coleret, una cum sorore Praxede pecuniam ex vendito patrimonio redactam pauperibus distribuit, seque jejuniis et orationibus dedit. Cujus etiam opera tota ejus familia, in qua erant nonaginta sex homines, a Pio Pontifice baptizata est. Quod autem ab Antonino Imperatore sancitum erat, ne Christiani publice sacrificia facerent, Pius Pontifex in ædibus Pudentianæ cum Christianis sacra celebrabat. Quibus illa benigne acceptis, quæ ad vitam necessaria essent, suppeditabat. Itaque in his Christianæ pietatis officiis migravit e vita, et in sepulchro patris ad cœmeterium Priscillæ via Salaria sepulta est, decimo quarto Kalendas Junii.

*In Laud. fit comm. S. Pudent.*

*In II. Vesp. ad Magnif. Ant. Dum. Et comm. sequentis.*

**DIE 20. S. Bernard. Sen.,**  
Confessoris. *Semiduplex.*

*Oratio.*

**D**OMINE Jesu, qui beato Bernardino Confessori tuo eximium sancti nominis tui amorem tribuisti, ejus, quæsumus, meritis et intercessionem, Spiritum nobis tuæ dilectionis benignus infunde: Qui vivis... in unitate ejusdem.

*Lect. I. Noct. de Script. occ.*

**IN II. NOCTURNO.**

*Lectio iv.*

**B**ERNARDINUS Albizesca nobili Senensi familia ortus, ab ineunte ætate non obscura sanctitatis dedit indicia. Nam a piis parentibus honeste educatus, neglectis puerilibus ludis, inter prima grammaticæ studia, pietatis operibus animum intendit, jejniis, orationi, et beatissimæ Virginis cultui præcipue addictus. Misericordia vero in pauperes fuit insignis; quæ quidem omnia, procedente tempore, quo melius posset excolere, eorum numero adscribi voluit, qui Senis in hospitali domo beatæ Mariæ de Scala Deo inserviunt, unde complures sanctitate celebres viri prodierunt. Ibi corporis afflictatione, et ægrorum cura, dum atrox pestilentia grassaretur, incredibili charitate sese exercuit. Inter cæteras autem virtutes, castitatem, egregia forma repugnante, sanctissime custodivit, adeo ut eo præsentem nemo unquam, ne impudentissimus quidem, verbum minus honestum proferre auderet.

*Lectio v.*

**G**RAVI morbo tentatus, eoque ad quatuor menses patientissime tolerato, demum incolumis, de religiosæ vitæ instituto capessendo deliberare cœpit: quo, ut sibi viam muniret, ædiculam in extrema urbe conduxit, in quam cum sese abdidisset,

asperrimam omni ex parte vitam trahebat, Deum assidue orans, ut quid sibi sequendum esset, ostenderet. Quare divinitus factum est ut beati Francisci Ordinem præ cæteris optaret, in quo humilitate, patientia, aliisque religiosi hominis virtutibus excelluit. Id cum cœnobii rector animadverteret, jamque antea Bernardini doctrinam et sacrarum litterarum peritiam perspectam haberet, prædicandi onus eidem imposuit: quo humillime suscepto, cum se minus idoneum agnosceret ob vocis exilitatem ac raucitatem, Dei ope implorata, non sine miraculo ejusmodi impedimento liberatus est.

*Lectio vj.*

**CUMQUE** ea tempora vitiis criminibusque redundarent, et cruentis factionibus in Italia divina humaneque omnia permixta essent, Bernardinus urbes atque oppida concursans, in nomine Jesu quem semper in ore et in pectore gerebat, collapsam pietatem moresque verbo et exemplo magna ex parte restituit; quo factum est ut præclaræ civitates eum sibi Episcopum a Summo Pontifice postularent: quod ille munus invieta humilitate constantissime rejectit. Denique vir Dei immensis laboribus exhaustus, multis magnisque editis miraculis, libris etiam pie doctique conscriptis, cum vixisset annos sex ac sexaginta, in urbe Aquila in Vestinis beato fine quievit. Quem novis in dies coruscantem signis, anno post obitum sexto, Nicolaus Quintus Pontifex Maximus in Sanctorum numerum retulit.

*In III. Noct. Homilia Grandis fiducia, de Com. Apost. I. loco, p. 7. cum q. vij. et viij. de Com.*

**DIE 23. S. Gregorii VII.**

Papæ et Confessoris. *Duplex.*  
*Oratio.*

**DEUS** in te sperantium fortitudo, qui beatum Gregorium Confessorem tuum atque Pontificem, pro

tuenda Ecclesiæ libertate, virtute constantiæ roborasti, da nobis ejus exemplo et intercessionem, omnia adversantia fortiter superare. Per Dominum.

*Comm. S. Urbani Papæ et Mart.*

*Oratio.*

**DA**, quæsumus, omnipotens Deus, ut qui beati Urbani Martyris tui atque Pontificis sollemnia colimus, ejus apud te intercessionibus adjuvemur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**GREGORIUS** Papa Septimus, antea Hildebrandus, Suanæ in Hetruria natus, doctrina, sanctitate, omnique virtutum genere cum primis nobilis, mirifice universam Dei illustravit Ecclesiam. Cum parvulus ad fabri ligna edolantis pedes, jam litterarum inscius luderet, ex rejectis tamen segmentis illa Davidici elementa oraculi. Dominabitur a mari usque ad mare, casu formasse narratur, manum pueri ductante Numine: quo significaretur ejus fore amplissimam in mundo auctoritatem. Romam deinde profectus, sub protectione sancti Petri educatus est. Juvenis Ecclesiæ libertatem a laicis oppressam, ac depravatos Ecclesiasticorum mores vehementius dolens, in Cluniacensi monasterio, ubi sub regula sancti Benedicti austerioris vitæ observantia eo tempore maxime vigeat, monachi habitum induens, tanto pietatis ardore divinæ majestati deserviebat, ut a sanctis ejusdem cœnobii patribus Prior sit electus. Sed divina providentia majora de eo disponente in salutem plurimorum, Cluniaco eductus Hildebrandus, Abbas primum monasterii sancti Pauli extra muros Urbis electus, ac postmodum Romanæ Ecclesiæ Cardinalis creatus, sub Summis Pontificibus, Leone Nono, Victore Secundo, Stephano Nono, Nicolao Secundo, et Alexandro Secundo, præcipuis muneribus et legationibus per-



functus est, sanctissimi et purissimi consilii vir a beato Petro Damiano nuncupatus. A Victore Papa Secundo legatus a latere in Galliam missus, Lugduni Episcopum simoniaca labe infectum ad sui criminis confessionem miraculo adegit: Berengarium in Concilio Turonensi ad iteratam hæresis abjurationem compulit: Cadolai quoque schisma sua virtute compressit.

*Lectio v.*

**MORTUO** Alexandro Secundo, lavitus et mærens unanimi omnium consensu, decimo Kalendas Maii, anno Christi millesimo septuagesimo tertio, Summus Pontifex electus, sicut sol effulsit in Domo Dei: nam potens opere et sermone, Ecclesiasticæ disciplinæ reparandæ, fidei propagandæ, libertati Ecclesiæ restituendæ, extirpandis erroribus et corruptelis, tanto studio incubuit, ut ex Apostolorum ætate nullus Pontificum fuisse tradatur, qui majores pro Ecclesia Dei labores molestiasque pertulerit, aut qui pro ejus libertate acrius pugnaverit. Aliquot provincias a simoniaca labe expurgavit. Contra Henrici Imperatoris impios conatus, fortis per omnia athleta, impavidus permansit, seque pro muro domui Israel ponere non timuit, ac eundem Henricum in profundum malorum prolapsam fidelium communionem, regnoque privavit, atque subditos populos fide ei data liberavit.

*Lectio vj.*

**CUM** Missarum solemnia perageret, visa est viris piis columba e cælo delapsa, humero ejus dextro insidens, alis extensis caput ejus velare: quo significatum est, Spiritus sancti afflatu, non humanæ prudentiæ rationibus ipsum duci in Ecclesiæ regimine. Cum ab iniqui Henrici exercitu Roma gravi obsidione premeretur, excitatum ab hostibus incendium signo crucis extinxit. De ejus manu tandem a Roberto Guiscardo duce Northmanno ereptus, Cassinum se con-

tulit, atque inde Salernum ad dedicandam Ecclesiam sancti Matthæi Apostoli contendit. Cum aliquando in ea civitate sermonem habuisset ad populum, ærumnis confectus, in morbum incidit, quo se interiturum præscivit. Postrema morientis Gregorii verba fuere: Dilexi justitiam, et odi vi iniquitatem, propterea morior in exilio. Innumerabilia sunt, quæ vel fortiter sustinuit, vel, multis coactis in urbe Synodis, sapienter constituit vir vere sanctus, criminum vindex, et acerrimus Ecclesiæ defensor. Exactis itaque in Pontificatu annis duodecim, migravit in cælum anno salutis millesimo octogesimo quinto, pluribus in vita et post mortem miraculis clarus, ejusdem sacrum corpus in Cathedrali Basilica Salernitana est honorifice conditum.

*In III. Noct. Homil. Ut ignorantiam illam, de Com. 2. loco, p. 47.*

*Pro S. Urbano Papa et Mart.*

*Lectio ix.*

**URBANUS** Romanus, Alexandro Severo Imperatore, doctrina et vitæ sanctitate multos ad Christi fidem convertit: in illis Valerianum, beatæ Cæcilie sponsum, et Tiburtium Valeriani fratrem, qui postea martyrium forti animo subierunt. Hic de bonis Ecclesiæ attributis scripsit his verbis: Ipsæ res fidelium, quæ Domino offeruntur, non debent in alios usus, quam Ecclesiasticos, et Christianorum fratrum, vel indigentium converti, quia vota sunt fidelium, et pretia peccatorum, ac patrimonia pauperum. Sedit annos sex, menses septem, dies quatuor: ac martyrio coronatus, sepultus est in cæmeterio Prætextati, octavo Kalendas Junii. Ordinationibus quinque habitis mense Decembri, creavit Presbyteros novem, Diaconos quinque, Episcopos per diversa loca octo.

*In Laud. comm. S. Martyris.*

*Vesp. a Capit. de sequenti.*

**DIE 26. S. Phil. Neri,**  
Confessoris. *Duplex.*

*Oratio.*

**D**EUS, qui beatum Philippum Confessorem tuum Sanctorum tuorum gloria sublimasti, concede propitius, ut cujus solemnitate lætamur, ejus virtutum proficiamus exemplo. Per Dominum.

*Et sit comm. præced. Ant. Dum. Deinde S. Eleutherii Papæ et Martyris.*

*Oratio Infirmis. p. 14.*

*Lect. I. Noct. de Script. occ.*

## IN II. NOCTURNO.

*Lectio iv.*

**P**HILIPPUS Nerius piis honestisque parentibus Florentiæ natus, ab ipsa ineunte ætate non obscura dedit futuræ sanctitatis indicia. Adolescens, ampla patrum hereditate dimissa, Romam se contulit: ubi philosophia ac sacris litteris eruditus, totum se Christo dicavit. Ea fuit abstinentia ut sæpe jejunos triduum permanserit. Vigiliis et orationibus intentus, septem Urbis Ecclesias frequenter visitans, apud cœmeterium Callisti in cœlestium rerum contemplatione pernoctare consuevit. Sacerdos ex obedientia factus, in animarum salute procuranda totus fuit, et in confessionibus audiendis ad extremum usque diem perseverans, innumeros pene filios Christo peperit, quos verbi Dei quotidiano pabulo, Sacramentorum frequentia, orationis assiduitate, aliisque piis exercitationibus enutrire cupiens Oratorii Congregationem instituit.

*Lectio v.*

**C**HARITATE Dei vulneratus languēbat jugiter; tantoque cor ejus aestuabat ardore, ut cum intra fines suos contineri non posset, illius sinum, confractis atque elatis duabus costulis, mirabiliter Dominus ampliavit. Sacrum vero faciens, aut ferventius orans, in æra quandoque sublatus, mira undique luce fulgere visus fuit. Egenos et pauperes omni charitatis officio prosequēbatur: dignus, qui et Angelo in specie pau-

peris eleemosynam erogaret, et dum egentibus noctu panem deferret, in foveam lapsus, inde pariter ab Angelo incolumis eriperetur. Humilitati addictus, ab honoribus semper abhorruit, atque Ecclesiasticas dignitates, etiam primarias, non semel ultro delatas, constantissime recusavit.

*Lectio vj.*

**P**ROPHETIÆ dono fuit illustris, et in animorum sensibus penetrandis mirifice enituit. Virginitatem perpetuo illibatam servavit, idque assecutus est, ut eos, qui puritatem colerent, ex odore, qui vero secus, ex fœtore dignosceret. Absentibus interdum apparuit, iisque periclitantibus opem tulit. Ægrotos plurimos, et morti proximos sanitati restituit. Mortuum quoque ad vitam revocavit; cœlestium Spirituum, et ipsius Deiparæ Virginis frequenter fuit apparitione dignatus; ac plurimorum animas splendore circumfusas in cælum conscendere vidit. Denique anno salutis millesimo quingentesimo nonagesimo quinto, octavo Kalendas Junias, in quem diem inciderat festum Corporis Christi, Sacro maxima spiritus exultatione peracto, cæterisque functionibus expletis, post mediam noctem, qua prædixerat hora, octogenarius obdormivit in Domino. Quem Gregorius Decimus quintus miraculis clarum in Sanctorum numerum retulit.

*In III. Noct. Homilia Sancti Evangelii fratres, de Com. I. loco.*

*Pro S. Eleutherio Papa et Mart.*

*Lectio ix.*

**E**LEUTHERIUS, Nicopoli in Græcia natus, Aniceti Pontificis Diaconus, Commodi Imperatore, præfuit Ecclesiæ. Huic initio Pontificatus supplices litteræ venerunt a Lucio Britannorum rege, ut se ac suos in Christianorum numerum reciperet. Quamobrem Fugatium et Damianum, doctos et pios viros, misit in Britanniam, per quos rex, et reliqui fidem susciperent. Hoc Pontifice, Irenæus

Polycarpi discipulus Romam veniens ab eo benigne acceptus est. Quo tempore summa pace et quiete fruebatur Ecclesia Dei, ac per totum orbem terrarum, maxime Romæ, fides propagabatur. Vixit Eleutherius in pontificatu annos quindecim, dies viginti tres. Fecit Ordinationes tres mense Decembri, quibus creavit Presbyteros duodecim, Diaconos octo, Episcopos per diversa loca, quindecim, sepultusque est in Vaticano prope corpus sancti Petri.

*Comm. S. Eleutherii in Laud.*

*In II. Vesp. comm. sequentis.*

## DIE 27. S. Maria Magd.

DE PAZZIS,

Virginis. Semiduplex.

*Oratio.*

**D**EUS virginitatis amator, qui beatam Mariam Magdalenam Virginem tuo amore succensam, cœlestibus donis decorasti, da, ut quam festiva celebritate veneramur, puritate et charitate imitemur. Per Dominum.

*Deinde S. Joannis Papæ et Mart.*

*Oratio Deus qui nos beati, p. 14.*

*Lect. I. Noct. de Script. occ.*

IN II. NOCTURNO.

*Lectio iv.*

**M**ARIA Magdalena illustriori Pazziorum genere Florentiæ nata, fere ab incunabulis iter perfectionis arripuit. Decennis perpetuam virginitatem vovit, susceptoque habitu in monasterio sanctæ Mariæ Angelorum Ordinis Carmelitarum, se omnium virtutum exemplar exhibuit. Adeo casta fuit, ut quidquid puritatem lædere potest, penitus ignoraverit. Quinquennium, Deo iubente, solo pane et aqua transegit, exceptis diebus Dominicis, quibus cibis quadragesimalibus vescebatur. Corpus suum cilicio, flagellis, frigore, inedia, vigiliis, nuditate, atque omni pœnarum genere cruciabat.

*Lectio v.*

**T**ANTO igne divini amoris æstuebat, ut ei ferendo impar, ingesta aqua pectus refrigerare cogerebatur. Extra sensus frequenter raptâ, diuturnas et admirabiles extases passa est, in quibus et arcana cœlestia penetravit, et eximiis a Deo gratiis illustrata fuit. His autem munita longum certamen a principibus tenebrarum sustinuit, arida, desolata, ab omnibus derelicta, variisque temptationibus vexata, Deo sic permittente, ut invictæ patientiæ, ac profundissimæ humilitatis exemplar præberet.

*Lectio vj.*

**C**HARITATE erga proximum singulariter enituit: nam sæpe noctes ducebat insomnes, vel obcundis sororum ministeriis, vel inserviando infirmis occupata, quarum aliquando ulcera lambens sanavit. Infidelium et peccatorum perditionem amare deslens, se ad quælibet pro illorum salute tormenta paratam offerebat. Multis ante obitum annis, universis cœli deliciis, quibus copiose affluebat, heroica virtute renuntians, illud frequenter in ore habebat: Pati, non mori. Tandem longa et gravissima infirmitate exhausta, transivit ad Sponsam die vigesima quinta Maii, anno millesimo sexcentesimo septimo, expleto anno quadragesimo primo ætatis suæ. Eam multis in vita et post mortem miraculis claram Clemens Novus sanctarum Virginum numero adscripsit: cujus corpus in præsentem diem incorruptum conservatur.

*In III. Noct. Homilia Sæpe vos fratres, de Com. I. loco.*

*Pro S. Joanne.*

*Lectio ix.*

**J**OANNES Hetruscus, Justino seniore Imperatore, rexit Ecclesiam: ad quem profectus est Constantinopolim auxilii causa, quod Theodoricus rex hæreticus divexabat Italiam: cujus etiam iter Deus miraculis illustravit. Nam cum ei nobilis vir ad Corinthus equum, quo ejus uxor man-



suelo utebatur, itineris causa commodasset, factum est, ut domino postea remissus equus ita ferox evaderet, ut fremitu et totius corporis agitatione, semper deinceps dominam expulerit, tanquam indignaretur mulierem recipere, ex quo sedisset in eo Jesu Christi Vicarius. Quamobrem illi equum Pontifici donaverunt. Sed illud majus miraculum, quod Constantinopoli in aditu portæ aureæ, inspectante frequentissimo populo, qui una cum Imperatore Pontifici honoris causa occurrerat, cæco lumen restituit. Ad cujus pedes prostratus etiam Imperator, eum veneratus est. Rebus cum Imperatore compositis, in Italiam rediit: statimque epistolam scripsit ad omnes Italiæ Episcopos, jubens eos Arianorum Ecclesias ad Catholicum ritum consecrare, illud subjungens: Quia et nos quando fuimus Constantinopoli, tam pro religione Catholica, quam pro regis Theodoricæ causa, quascumque illis in partibus eorum Ecclesias reperire potuimus, Catholicas eas consecravimus. Quod iniquissimo animo ferens Theodoricus, dolo accersitum Pontificem Ravennam in carcerem conjecit: ubi squalore inediaque afflictus, paucis diebus cessit e vita: cum sedisset annos duos, menses novem, dies quatuordecim, ordinatis eo tempore Episcopis quindecim. Paulo post moritur Theodoricus: quem quidam eremita, ut scribit sanctus Gregorius, vidit inter Joannem Pontificem et Symmachum patricium, quem idem occiderat, demergi in ignem Liparitarum: ut videlicet illi, quibus mortem attulerat, tanquam judices essent ejus interitus. Joannis corpus Ravenna Romam portatum est, et in Basilica sancti Petri sepultum.

### **DIE 30. S. Felice,**

Papæ et Martyris.

*Orat.* Infirmitatem nostram, p. 14\*.

*Lectio* iij.

**FELIX** Romanus, patre Constantio, Aureliano Imperatore, præ-

fuit Ecclesiæ. Constituit ut Missa supra memorias et sepulchra Martyrum celebraretur. Qui cum mense Decembri habuisset Ordinationes duas, et creasset Presbyteros novem, Diaconos quinque, Episcopos per diversa loca quinque, martyrio coronatus, via Aurelia sepelitur in Basilica, quam a se ædificatam dedicarat. Vixit in Pontificatu annos duos, menses quatuor, dies viginti novem.

### **DIE 31. S. Petronillæ,**

Virginis.

*Orat.* Exaudi nos Deus, p. 62\*.

*Lectio* iij. Nunc nobis ad virgines de Com. 2. loco. p. 70\*.

### **FESTA JUNII.**

*Prima die non impedita dicitur Officium Defunctorum.*

### **DIE 2. S. Marcellini,**

PETRI ET ERASMI,

Martyrum.

*Orat.* Deus qui nos annua, p. 29\*

*Lectio* ij.

**PETRUS** exorcista, Diocletiano Imperatore, Romæ a Sereno iudice propter Christianæ fidei confessionem missus in carcerem, Paulinam Artemii, qui carceri præerat, filiam a dæmone agitatam liberavit. Quo facto et parentes puellæ cum tota familia, et vicinos, qui ad rei novitatem concurrerant, Jesu Christo conciliatos ad Marcellinum Presbyterum adduxit, a quo omnes baptizati sunt. Quod ubi rescivit Serenus, Petrum et Marcellinum ad se vocatos asperius objurgat, et ad verborum acerbicatem minas ac terrores adjungit, nisi Christo renuntient. Cui cum Marcellinus Christiana libertate responderet, pugnis contusum, et a Petro se junctum, nudum includit in carcerem stratum vitri fragmentis, sine cibo ac sine lumine. Petrum item constringi imperat arctissimis vinculis. Sed cum utrique ex tormentis fides et animus cresceret, constanti

confessione, et abscisso capite, illustre testimonium Jesu Christo dederunt.

*Lectio iij.*

**ERASMUS** Episcopus, Imperatoribus Diocletiano et Maximiano, in campania plumbatis et fustibus cæsus, resina quoque, sulphure, plumbo liquefacto, et ferventi pice, cera, oleoque perfusus, inde tamen integer et inviolatus evasit. Quo miraculo multi se ad Christi fidem converterunt. Verum is iterum detrusus in carcerem, constrictus ferreis gravissimisque vinculis, inde ab Angelo mirabiliter ereptus est. Deinde Formiis a Maximiano variis affectus suppliciis, tunicaque ærea candenti indutus, illa etiam tormenta divina virtute superavit. Denique plurimis et in fide confirmatis et ad fidem conversis, insignem martyrii palmam adeptus est.

**Die 4. S. Francisci Caracci.**

Confessoris. *Duplex.*

*Oratio.*

**DEUS**, qui beatum Franciscum novi Ordinis institutorem, orandi studio, et pœnitentiæ amore decorasti, da famulis tuis in ejus imitatione ita proficere, ut semper orantes, et corpus in servitutem redigentes, ad cœlestem gloriam pervenire mereantur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**FRANCISCUS**, dictus antea Ascagnius, ex nobili familia Caracciolo in oppido sanctæ Mariæ de Villa in Aprutio ortus, a primis annis eximio enituit pietatis cultu. Adolescens unice Deo famulari exoptans, dum e gravi morbo convalesceret, sæculo valedixit. Mox Neapolim profectus, sacerdotio initiatus, sacroque adscriptus Sodalitio, contemplationi, lucrandisque animabus se totum devovit, ac extremo supplicio damnatus

hortatorem se præbuit assiduum. Contigit autem ut epistolum alteri destinatum ei per errorem redderetur, quo a piissimis viris Joanne Augustino Adorno, et Fabricio Caracciolo ad novi religiosi Instituti fundationem vocabatur. Rei novitate captus, et divinæ voluntatis demiratus consilia, alacri animo sese illis adjunxit. Conditis autem in Camaldulensium eremo, quo secesserant, novi Ordinis legibus, inde Romam simul profecti, confirmationem a Sixto Quinto impetrarunt, qui eosdem Clericos Regulares Minores appellari voluit, addito ad tria consueta altero de non ambiendis dignitatibus voto.

*Lectio v.*

**SOLENNI** emissa professione, ob singularem ejus in divum Franciscum Assissinatem cultum Francisci nomen assumpsit. Adorno bienio post vita functo, ipse toti Religioni quanquam invitus præficitur: quo in munere virtutum omnium præclara præbuit exempla. Instituti amplificandi studiosissimus, id assiduis orationibus, lacrymis, et jugi corporis maceratione enixe a Deo postulabat. Quamobrem tertio in Hispaniam se contulit peregrini habitu indutus, victumque ostiatim mendicans. In itinere asperrima quæque perpessus, Omnipotentis auxilium mirum in modum expertus, navim quam conscenderat ab imminente naufragio orationis præsidio servavit incolumem. Ut in regnis illis voti compos fieret, plurimum laboravit; sed ejus sanctitatis fama prælucente, amplissimaque Catholicorum regum Philippi Secundi et Philippi Tertii munificentia, adversariorum conatibus singulari animi fortitudine superatis, plura sui Ordinis domicilia fundavit: quod pari eventu per Italiam præstitit.

*Lectio vj.*

**HUMILITATE** adeo excelluit, ut Romam veniens, in pauperum hospitio receptus, se leproso sociaverit, et Ecclesiasticas dignitates

a Paulo Quinto sibi oblatas constan-  
tissime recusaverit. Illibatam perpetuo  
servavit virginitatem, effrontesque mu-  
lieres ejus castimoniam insidiantes Chri-  
sto lucrifecit. Erga divinissimum Eu-  
charistiae mysterium ardenti aestuans  
amore, noctes pene integras in ejus  
adoratione insomnes ducebat: quod  
pium exercitium, veluti sui Ordinis  
tesseram, in eo perpetuo servandum  
constituit. Deiparae Virginis cultum  
impense fovit. In proximum eximia  
exarsit charitate. Prophetiae dono, et  
cordium scrutatione ditatus fuit. Qua-  
dragesimum quartum aetatis suae an-  
num agens, dum in sacra Lauretana  
aede in oratione persisteret, sibi vitae  
finem imminere agnovit. Aprutium  
statim deflexit, et in oppido Agnoni  
apud alumnos sancti Philippi Nerii mor-  
bo correptus, Sacramentis Ecclesiae  
devotissime susceptis, pridie Nonas  
Junii anni millesimi sexcentissimi octa-  
vi, in pervigilio festi Corporis Chri-  
sti, placidissime obdormivit in Do-  
mino. Sacrum ejus corpus Neapolim  
delatum, in Ecclesia sanctae Mariae  
Majoris, ubi prima sui Ordinis jece-  
rat fundamenta, honorifice condi-  
tum fuit. Eum postea miraculis cla-  
rum Clemens Decimus quartus Pon-  
tifex Maximus solemniter inter Bea-  
tos: Pius vero Septimus pontifex Ma-  
ximus novis fulgentem signis, anno  
millesimo octingentesimo septimo San-  
ctorum albo adscripsit.

. In III. Noct. homilia Sancti Evan-  
gelii fratres de Com. I. loco.

**Die 6. S. Norberti,**  
Episcopi et Confess. Duplex.  
Oratio.

**DEUS**, qui beatum Norbertum  
Confessorem tuum atque Ponti-  
ficem verbi tui praekonem eximium  
effecisti, et per eum Ecclesiam tuam  
nova prole fecundasti, praesta, quaesumus,  
ut ejusdem suffragantibus  
meritis, quod ore simul et opere  
docuit, te adjuvante, exercere va-  
leamus. Per Dominum.

Lect. I. Noct. de script. occ.

IN II. NOCTURNO.

Lectio iv.

**NORBERTUS**, nobilissimis paren-  
tibus natus, adolescens libera-  
libus disciplinis eruditus, in ipsa post-  
ea imperatoris aula, spretis mundi  
illecebris, Ecclesiasticae militiae adscri-  
bi voluit. Sacris initiatus, rejectis  
mollibus ac splendidis vestibus, pel-  
licea melote indutus, praedicationi  
verbi Dei se totum dedit. Abdicatis  
Ecclesiasticis proventibus satis amplis  
et patrimonio in pauperes erogato, so-  
mel in die sub vesperam solo cibo  
quadragesimali utens, nudisque pe-  
dibus et lacera veste sub brumali  
rigore incedens, mirae austeritatis  
vitam est aggressus. Potens igitur  
opere et sermone innumeros haeretico-  
cos ad fidem, peccatores ad poeniten-  
tiam, dissidentes ad pacem et con-  
cordiam revocavit.

Lectio v.

**CUM** Lauduni esset, ab Episcopo  
rogatus, ne a sua Diocesi disce-  
deret, desertum in ea locum, qui  
Praemonstratus dicebatur, sibi dele-  
git, ibique tredecim sociis aggrega-  
tis, Praemonstratensem Ordinem iq-  
stituit, divinitus accepta per visum  
regula a sancto Augustino. Cum vero  
ejus fama sanctitatis in dies magis  
augeretur, ac plurimi ad eum quoti-  
die discipuli convenirent, idem Ordo  
ab Honorio Secundo, aliisque Sum-  
mis Pontificibus confirmatus, ac plu-  
ribus ab eo monasteriis aedificatis,  
mirifice propagatus est.

Lectio vj.

**ANTUERPIAM** accersitus, in ea  
urbe Tanchelini nefariam haere-  
sim profligavit. Prophetico spiritu et  
miraculis claruit. Archiepiscopus tan-  
dem (licet reluctans) Magdeburgensis  
creatus, Ecclesiasticam disciplinam,  
praesertim coelibatum, constanter pro-  
pugnavit. Rhemis in Concilio Inno-  
centium Secundum egregie adjuvit,  
et Romam cum aliis Episcopis profe-  
ctus, schisma Petri Leonis compres-



sit. Postremo vir Dei, meritis, et Spiritu sancto plenus, Magdeburgi obdormivit in Domino, anno salutis millesimo centesimo trigesimo quarto, die sexta Junii.

*In III. Noct. Homilia Lectio sancti Evangelii, de Com. I. loco.*

**Die 9. SS. Primi et Felice,**  
Martyrum.  
*Oratio.*

**F**AC nos, quæsumus, Domine, sanctorum Martyrum tuorum Primi et Feliciani semper festa sectari, quorum suffragiis protectionis tuæ dona sentiamus. Per Dominum.

*Lectio ij.*

**P**RIMUS et Felicianus fratres, in persecutione Diocletiani et Maximiani accusati Christianæ religionis, in vincula conjiciuntur: quibus soluti, inde eripiuntur ab Angelo. Mox ad Prætores adducti, cum Christianam fidem acerrime tuerentur, alter ab altero distracti sunt: ac primum varie tentata est constantia Feliciani. Sed cum suasores impietatis se posse quidquam verbis proficere desperarent, affixis stipiti manibus ejus et pedibus, ipsum sine cibo et potu inde triduum pendentem reliquerunt. Postridie ejus diei Prætor vocatum ad se Primum sic affatur: Vides quanto sit prudentior quam tu frater tuus, qui obsecutus Imperatoribus, apud ipsos est honoratus? Quem si tu quoque imitari volueris, particeps eris ejus honoris et gratiæ.

*Lectio liij.*

**C**UI Primus: Quid factum sit fratri meo cognovi ex Angelo. Utinam quemadmodum sum cum eo voluntate conjunctissimus, sic ab eodem ne martyrio disjungar! Quo dicto excanduit Prætor, et ad cæteros cruciatus, quibus Primum affecit, præsentem jam Feliciano, liquatum igne plumbum in os ejus jussit infundi. Mox utrumque perducere imperat in theatrum, in eosque immitti duos leones: qui prostrati ad eorum genua,

capite et cauda ipsis blandiebantur. Ad id spectaculum cum amplius duodecim millia hominum convenissent, quingenti cum suis familiis Christianam religionem susceperunt. Quibus rebus permotus Prætor eos securi percuti jussit.

**Die 10. S. Margaritæ,**  
Reginæ Scotorum, Viduæ. *Sem.*  
*Oratio.*

**D**EUS, qui beatam Margaritam Scotorum reginam eximia in pauperes charitate mirabilem effecisti, da ut ejus intercessione et exemplo tua in cordibus nostris charitas jugiter augeatur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio xv.*

**M**ARGARITA, Scotorum regina, paterno Angliæ regum, materno Cæsarum sanguine clarissima, illustrior adhuc fuit Christiana virtute. Hæc in Hungaria nata, ubi pater tunc temporis exulabat, post exactam summa cum pietate puerilem ætatem, una cum genitore, qui a sancto Eduardo patruo, Anglorum rege, ad paterni regni fastigium vocabatur, in Angliam venit. Mox alternante parentum fortuna, ex Angliæ littore solvens, vi tempestatis expulsa, seu verius divinæ providentiæ consilio deducta est in oram maritimam Scotiæ. Ibi cum ex matris imperio Malcholmo Tertio Scotorum regi, egregiis ejus dotibus capto, nupsisset, sanctimoniam et pietatis operibus triginta, quibus regnavit annis, toti regno mirifice profuit.

*Lectio v.*

**I**NTER regales delicias corpus afflictationibus ac vigiliis macerans magnam noctis partem piis precationibus extrahabat. Præter alia jejunia, quæ identidem usurpabat, integros quadraginta dies ante natalitia festa, tanta cum severitate jejunare consuevit, ut ne in gravissimis quidem doloribus intermiserit. Divino cultui addictissima, templa plurima

et cœnobia partim ex integro excitavit, partim resarcivit, et sacra suppellectili ac largo censu ditavit. Regem conjugem ad meliorem frugem, et ad similia suis exercitationibus opera saluberrimo exemplo traduxit, liberosque omnes tam sancto et feliciter educavit, ut eorum plerique, quemadmodum et Agatha mater, et Christina soror, sanctissimum vitæ genus amplexi sint. Universi demum regni felicitati consulens, a vitiis omnibus, quæ furtim irrepserant, populos expurgavit, eisque mores Christiana pietate dignos restituit.

*Lectio vj.*

**N**IHIL tamen æque in illa mirabile fuit, ac flagrantissima charitas erga proximos, præsertim egenos, quorum numerosis gregibus non modo stipem affatim suppeditare, verum etiam trecentis quotidie materna benignitate dapes præbere, flexis genibus in morem ancillæ ministrare, regius manibus pedes ablucere, et pressis etiam osculis ulcera fovere, solemne habuit. His porro aliisque piis sumptibus non regias tantum vestes, et pretiosa monilia distraxit, sed ipsum non semel exhaustit ærarium. Toleratis demum ad patientiæ miraculum acerbissimis doloribus, animam semestri corporis ægrotatione purgatam Auctori suo, quarto Idus Junii, reddidit. Quo temporis momento facies ejus diuturni morbi macie ac pallore fœdata, insolita quadam venustate reffloruit. Miris etiam post mortem prodigiis clara, et Clementis Decimi auctoritate in Scotiæ Patronam accepta, ubique terrarum religiosissime colitur.

*In III. Noct. Homilia Cœlorum regum, de Com.*

*Vesperæ de sequenti.*

**DIE 11. S. Barnabæ,**

*Apost. Duplex majus.*

*Oratio.*

**D**EUS, qui nos beati Barnabæ Apostoli tui meritis et interces-

sione lætificas, concede propitius, ut qui tua per eum beneficia poseimus, dono tuæ gratiæ consequamur. Per Dominum.

*Et sit comm. S. Margaritæ,*

**IN I. NOCTURNO.**

**De Actibus Apostolorum.**

*Lectio j. Cap. 13.*

**C**UM dimissa esset synagoga, secuti sunt multi Judæorum, et colentium advenarum, Paulum et Barnabam: qui loquentes suadebant eis ut permanerent in gratia Dei. Sequenti vero sabbato pene universa civitas convenit audire verbum Dei. Videntes autem turbas Judæi, repleti sunt zelo, et contradicebant his quæ a Paulo dicebantur, blasphemantes. Tunc constanter Paulus et Barnabas dixerunt: Vobis oportebat primum loqui verbum Dei, sed quoniam repellitis illud, et indignos vos judicatis æternæ vitæ, ecce convertimur ad Gentes. Sic enim præcepit nobis Dominus: Posui te in lucem Gentium, ut sis in salutem usque ad extremum terræ.

*Lectio ij.*

**A**UDIENCES autem Gentes gavissæ sunt, et glorificabant verbum Domini, et crediderunt quotquot erant præordinati ad vitam æternam. Disseminabatur autem verbum Domini per universam regionem. Judæi autem concitaverunt mulieres religiosas et honestas, et primos civitatis, et excitaverunt persecutionem in Paulum et Barnabam, et ejecerunt eos de finibus suis. At illi, excusso pulvere pedum in eos, venerunt Iconium. Discipuli quoque replebantur gaudio, et Spiritu sancto.

*Lectio iij. Cap. 14.*

**F**ACTUM est autem Iconii ut simul introirent in synagogam Judæorum, et loquerentur, ita ut crederet Judæorum et Græcorum copiosa multitudo. Qui vero increduli fuerunt Judæi, suscitaverunt et ad iracundiam concitaverunt animas Gen-

tum adversus fratres. Multo igitur tempore demorati sunt, fiducialiter agentes in Domino, testimonium perhibente verbo gratiæ suæ, dante signa et prodigia fieri per manus eorum.

## IN II. NOCTURNO.

### *Lectio iv.*

**BARNABAS** Levites, Cyprius genere, qui et Joseph, cum Paulo Gentium Apostolus ordinatus est ad prædicandum Jesu Christi Evangelium. Is agro vendito quem habebat, redactam ex eo pecuniam attulit Apostolis. Missus autem Antiochiam prædicationis causa, cum ibi multos ad Christi Domini fidem conversos esse comperisset, incredibiliter lætatus, eos hortabatur ut in Christi fide permanerent. Qua cohortatione multum proficiebat, quod ab omnibus vir bonus, et Spiritu sancto plenus habebatur.

### *Lectio v.*

**PROFECTUS** inde Tarsum, ut quæreretur Paulum, cum eo Antiochiam venit. In ejus urbis Ecclesia annum commorati, Christianæ fidei et vitæ illis hominibus præcepta dederunt: ubi etiam Jesu Christi cultores primum Christiani sunt appellati. Discipuli autem Pauli et Barnabæ suis facultatibus Christianos, qui in Judæa erant, sustentabant, eo mittentes pecuniam per Paulum et Barnabam. Qui perfuncti illo charitatis officio, adhibito Joanne, cui cognomen erat Marcus, redierunt Antiochiam.

### *Lectio vj.*

**CUM** autem Antiochiæ in Ecclesia cum cæteris Prophetis et Doctoribus, Paulus et Barnabas in jejunio et oratione Domino deservirent, dixit Spiritus sanctus: Segregate mihi Saulum et Barnabam in opus ad quod assumpsi eos. Tunc jejunantes et orantes, imponentesque eis manus, dimiserunt illos. Itaque Seleuciam venerunt, inde in Cyprum, ac multas

præterea urbes regionesque; prædicantes Evangelium summa cum audientium utilitate, peragrarunt. Postremo Barnabas digressus a Paulo, una cum Joanne; qui cognominatus est Marcus, navigavit in Cyprum, ibique circiter septimum Neronis annum, tertio Idus Junii, ad Apostolici muneris laudem martyrii coronam adjunxit. Ejus corpus, Zenone Imperatore, repertum est in insula Cypro, ad cujus pectus erat Evangelium Matthæi, Barnabæ manu conscriptum.

## IN III. NOCTURNO.

### *Lectio sancti Evangelii secundum Matthæum.*

#### *Lectio vij.*

#### *Cap. 10.*

**I**n illo tempore: Dixit Jesus discipulis suis: Ecce ego mitto vos sicut oves in medio luporum. Et reliqua.

### *Homilia S. Joannis Chrysostomi.*

#### *Homilia 34. in Matth.*

**CUM** Dominus omnem sollicitudinem a discipulorum cordibus eiecisset, et ostensione signorum armaverit, atque ab omnibus negotiis sæcularibus alienatos, et ab omni temporalium rerum cura liberatos, ferreos quodammodo atque adamantinos fecerit, tum denique, ventura illis adversa prædicit. Multa enim ex hac prædictione futurarum rerum commoda consequabantur. Primum, ut ejus præscientiæ vim edicerent. Deinde, ut nemo suspicaretur ex magistri infirmitate tam gravia mala descendere. Præterea, ne qui ea passuri erant, subito ac inopinato rerum eventu perturbarentur. Denique, ne, cum ista sub ipsum passionis suæ tempus audirent, nimium commoverentur.

### *Lectio viij.*

**JAM** vero, ut intelligant novum hoc esse belli genus, et insolitum præliandi morem, cum illos nudos mitteret, una indutos tunica, sine calceis, absque virga, et absque xopa et pera, et ab excipientibus ali



Juberet, non fecit hic dicendi finem, sed inexplicabilem virtutem suam proferens. Etiam sic euntes, inquit, mansuetudinem tamen ovium ostendite, quamvis ad lupos ituri, nec simpliciter ad lupos, sed etiam in medio luporum: neque vero ovium tantum mansuetudinem habere jubet, sed etiam columbæ simplicitatem; sic enim virtutem meam maxime ostendam, cum ab ovibus lupi superabuntur; et quamvis illæ sint in medio luporum, et innumeris morsibus lacerentur, non modo non consumptæ fuerint, verum etiam illos in sui naturam transmutaverint.

*Lectio ix.*

**M**AJUS certe atque admirabilius est, mentem adversariorum commutare, et animum in diversum transferre, quam illos occidere: præsertim cum duodecim tantum essent, et lupis plenus esset orbis universus. Erubescamus igitur, qui longe diversa facientes, tanquam lupi in adversarios ruimus. Nam quamdiu oves fuerimus, vincimus: etiam si mille circumstant lupi, superamus, et victores sumus: quod si lupi fuerimus, vincimur. Tunc enim a nobis pastoris auxilium recedit, qui non lupos, sed oves pascit.

*In II. Vesp. fit comm. sequentis.*

**Die 12. S. Joannis**

**A S. FACUNDO,**

**Confessoris. Duplex.**

*Oratio.*

**D**EUS auctor pacis et amator charitatis, qui beatum Joannem Confessorem tuum mirifica dissidentes componendi gratia decorasti, ejus meritis et intercessionem concede, ut in tue charitate firmati nullis a te tentationibus separemur. Per Dominum.

*Deinde SS. Mart. Basilidis et soc.*

*Oratio.*

**S**ANCTORUM Martyrum tuorum Basilidis, Cyrini, Naboris, atque Nazarii, quæsumus, Domine, nata-

litia nobis votiva resplendeant, et quod illis contulit excellentia sempiterna, fructibus nostræ devotionis accrescat. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**J**OANNEM Sabaguni in Hispania nobili genere natum, parentes, cum diu prole caruissent, piis operibus et orationibus a Deo impetrarunt. Ab ineunte ætate egregium futuræ sanctitatis specimen dedit: nam e loco superiori ad cæteros pueros crebro verba faciebat, quibus eos ad virtutem, et Dei cultum hortabatur, eorumque dissidia componebat. In patria monachis sancti Facundi, Ordinis sancti Benedicti, primis litterarum rudimentis imbuendus trahtitur. Dum iis operam daret, curavit pater, ut Parochus Ecclesiam administraret: quod munus juvenis nullis rationibus adduci potuit ut retineret. Inter familiares Episcopi Burgensis adscriptus, ob spectatam ipsius probitatem intimus ei fuit, ab eoque Presbyter, et Canonicus factus, multis beneficiis auctus est. Sed relicta aula Episcopi, ut Deo quietius serviret, omnibus Ecclesiæ proventibus abdicatis, se cuidam sacello addixit, ubi Sacrum quotidie faciebat, ac de rebus divinis magna cum auditorum ædificatione frequenter concionabatur.

*Lectio v.*

**P**OSTEA studiorum causa Salmanticam profectus, in celebre collegium divi Bartholomæi cooptatus, Sacerdotis munus ita exercuit, ut simul optatis studiis incumberet, et in sacris etiam concionibus assidue versaretur. Cum vero in gravissimum morbum incidisset, arctioris disciplinæ voto se obstrinxit, quod ut redderet, cum prius cuidam pauperi penæ nuda ex duabus, quas tantum habebat vestes, meliorem dedisset, ad cœnobium sancti Augustini severiori disciplina tum maxime florense contulit, in quo admissus, obe-

dientia, animi demissione, vigiliis, ac oratione provectiones anteibat. Triclinii cura cum ipsi demandata esset, vini doliolum, ipso attingente, omnibus monachis per annum abunde suffecit. Exacto tyrocinii anno, Præfectorum jussu munus concionandi suscepit. Salmanticæ id temporis adeo cruentis factionibus divina humanaque omnia permixta erant, ut singulis prope modum horis cædes fierent, et omnium ordinum, ac præsertim nobilium sanguine, non viæ solum et fora, sed templa etiam redundarent.

*Lectio vj.*

**A**T Joannes tum concionibus, tum privatis colloquiis civium animos demulcens, ad tranquillitatem urbem reduxit. Virum principem graviter offendit, quod illius in subditos sævitiam increpasset. Qua de causa equites duos immisit, qui eum in itinere confoderent. Jamque ad ipsum propinquaverant, cum, stupore divinitus immisso, simul cum equis immobiles steterunt, donec ad pedes sancti viri provoluti, sceleris veniam precarentur. Ipse quoque princeps repentino terrore percussus jam de salute desperaverat, cum, revocato Joanne, facti pœnitens incolumitati redditus est. Factiosi etiam homines, cum eum sustibus peterent, brachiis diriguere, nec ante redditæ vires, quam delicti veniam precarentur. Christum Dominum, dum Sacrum faceret, præsentem contueri, atque ex ipso divinitatis fonte cœlestia mysteria haurire solitus. Abdita cordis inspicere, ac futura raro eventu præsagire frequens illi fuit, fratrisque filiam septennem mortuam excitavit. Denique mortis die prænuntiato, et Ecclesiæ Sacramentis devotissime susceptis, extremum diem clausit, multis ante et post obitum miraculis gloriosus. Quibus rite probatis Alexander Octavus Sanctorum numero eum adscripsit.

*In III. Noct. Homilia Sancti Evangelii li fratres, de Com. I. loco.*

*Pro SS. Martyribus.*

*Lectio ix.*

**B**ASILIDES, Cyrinus, Nabor, et Nazarius, Romani milites, nobiles genere, et virtute illustres, Christiana religione suscepta, cum Christum Dei Filium, Diocletiano Imperatore, prædicarent, ab Aurelio præfecto Urbis comprehensi, et ut diis sacra facerent admoniti, ejus jussa contemnentes, missi sunt in carcerem. Quibus orantibus, cum subito clarissima lux oborta omnium oculis, qui ibidem essent, carcerem collustrasset, illo cœlesti splendore commotus Marcellus custodiæ præpositus, multique alii, Christo Domino crediderunt. Verum postea e carcere emissi, ab Imperatore Maximiano, cum ejus etiam neglecto imperio, unum Christum Deum et Dominum in ore haberent, scorpionibus cruciati, iterum conjiciuntur in vincula: unde septimo die educti, et ante pedes Imperatoris constituti, perstiterunt in irrisione inanum deorum, Jesum Christum Deum constantissime confitentes. Quamobrem damnati, securi feriuntur. Quorum corpora feris objecta, nec ab illis tacta, a Christianis honorifice sepulta sunt.

*In Laud. fit. comm. SS. Mart.*

*Vesperæ a Capit. de sequenti.*

**DIE 13. S. Antonii de Padua**

*Confessoris Duplex.*

*Oratio.*

**E**CCLESIAM tuam, Deus, beati Antonii Confessoris tui sollemnitates votiva lætificet, ut spiritualibus semper muniatur auxiliis, et gaudiis perfrui mereatur æternis. Per Dominum.

*Et fit commemor. præcedentis.*

*Lect. I. Noct. de Script. occ.*

**IN II. NOCTURNO.**

*Lectio iv.*

**A**NTONIUS, Ulyssipone in Lusitania honestis ortus parentibus,

et ab iis pie educatus, adolescens Institutum Canonorum Regularium suscepit. Sed cum corpora beatorum quinque martyrum Fratrum Minorum Conimbriam transferrentur, qui paulo ante apud Marrochium pro Christi fide passi erant, martyrii desiderio incensus, ad Franciscanum Ordinem transivit. Mox eodem ardore impulsus, ad Saracenos ire perrexit: sed adversa valetudine afflictus, et redire coactus, cum navi ad Hispaniæ littora tenderet, ventorum vi in Siciliam delatus est.

*Lectio v.*

**A**SSISIUM e Sicilia ad Capitulum generale venit: inde in eremum montis Pauli in Æmia secessit, ubi divinis contemplationibus, jejuniis, et vigiliis diu vacavit. Postea sacris Ordinibus initiatus, et ad prædicandum Evangelium missus, dicendi sapientia et copia tantum profecit, tantamque sui admirationem commovit, ut eum Summus Pontifex aliquando concionantem audiens, Arcam testamenti appellavit. In primis vero hæreses summa vi profligavit, ideoque perpetuus hæreticorum malleus est vocatus.

*Lectio vj.*

**P**RIUS ex suo Ordine, ob doctrinæ præstantiam, Bononiæ et alibi sacras litteras est interpretatus, fratrumque suorum studiis præfuit. Multis vero peragratis provinciis, anno ante obitum Patavium venit, ubi illustria sanctitatis suæ monumenta reliquit. Denique magnis laboribus pro gloria Dei perfunctus, meritis et miraculis clarus obdormivit in Domino, idibus Junii, anno salutis millesimo ducentesimo trigesimo primo. Quem Gregorius Nonus Pontifex Maximus sanctorum Confessorum numero adscripsit.

*In III. Noct. Homilia Sancti Evangelii fratres de Com. I. loco.*

*Vesperæ a Capit. de sequenti.*

**DIE 14. S. Basilii Magni,**  
Episc. Conf. et Eccl. Doct. Dupl.

( m. t. v. )

*In utrisq. Vesp. Ant. O Doctor.  
Orat. Exaudi, quæsumus p. 39.  
Deinde fit comm. S. Antonii.  
Lect. I. Noct. de Script. occ.*

## IN II. NOCTURNO.

*Lectio iv.*

**B**ASILIVS nobilis Cappadox, Athenis una cum Gregorio Nazianzeno ejus amicissimo sæcularibus litteris, deinde in monasterio sacris mirabiliter eruditus, eum brevi cursum fecit ad omnem doctrinæ et morum excellentiam, ut inde Magni cognomen invenerit. Is ad prædicandum Jesu Christi Evangelium in Pontum accersitus, eam provinciam a Christianis institutis aberrantem, ad viam salutis revocavit. Mox ab Eusebio Cæsarensi Episcopo ad erudiendam eam civitatem adjutor adhibetur: in cujus locum postea successit. Is Filium Patri consubstantialem esse in primis defendit ac Valentem Imperatorem sibi iratum miraculis adeo flexit, ut incumbentem ad voluntatem ejiciendi ipsum in exilium, a sententia discedere coegerit.

*Lectio v.*

**N**AM et Valentis sella, in qua facturus decretum de ejiciendo e civitate Basilio sedere volebat, confRACTA est, et tribus ab eo calamis adhibitis ad scribendam exilii legem, nullus eorum reddidit atramentum; et cum nihilominus in proposito scribendi impium decretum persisteret, ipsius dextera dissolutis nervis tota contremuit. His commotus Valens chartam utraque manu conscidit. Ea autem nocte, quæ ad deliberandum Basilio data est, Valentis uxor intimis est cruciata doloribus, et unicus filius in gravem morbum incidit. Quibus ille perterritus, iniquitatem suam recognoscens, Basilium accersit; quo præsentem, puer cepit convalescere: verum, vocatis a Valente ad visen-



dom puerum hæreticis, paulo post moritur.

*Lectio vj.*

**A**BSTINENTIA et continentia fuit admirabili: una tunica contentus erat; in jejunio servando diligentissimus, in oratione assiduus, in qua sæpe totam noctem consumebat. Virginitatem perpetuo coluit. Monasteriis extructis, ita monachorum institutum temperavit, ut solitariae atque actuosæ vitæ utilitates præclare simul conjungeret. Multa erudite scripsit, ac nemo, teste Gregorio Nazianzeno, sacræ Scripturæ libros verius aut uberius explicavit. Obiit Kalendis Januarii, cum tantum spiritu vivens, præter ossa et pellem, nulla præterea corporis parte constare videretur.

IN III. NOCTURNO.

Lectio sancti Evangelii secundum Lucam.

*Lectio vij.*

Cap. 14.

**I**N illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia S. Basilii Episcopi.

*Lib. Regul. fusius explicat.*

**P**ERFECTA quidem renuntiatio in eo consistit, ut id assequamur, ne ad ipsius etiam vitæ affectionem propensi simus, et responsum mortis habeamus, ut non simus fidentes in nobis ipsis. Hujusmodi autem renuntiatio initium sumit ab alienatione rerum externarum, veluti a possessionibus, ab inani gloria, a vivendi consuetudine, a rerum inutilium amore, quemadmodum etiam suo exemplo nobis ostenderunt sancti Domini nostri discipuli; Jacobus quidem et Joannes, relicto patre Zebedæo, et ipsa quoque navicula, de qua omnis illorum victus ratio pendebat; Matthæus vero cum ab ipso

telonio surrexit, ac Dominum secutus est.

*Lectio viij.*

**S**ED quid opus est nostris rationibus, aut sanctorum virorum exemplis, id quod dicimus, confirmare, cum ipsa Domini verba in medium liceat afferre, iisque ipsis religiosam ac Deum timentem animam commovere? Quibus ille perspicue et sine controversia protestatur, dicens: Sic igitur quicumque ex vobis non renuntiaverit omnibus quæ possidet, non potest meus esse discipulus. Et alio in loco, cum prius dixisset: Si vis perfectus esse, vade, et vende omnia quæ habes, et da pauperibus; postea subjunxit: Veni, sequere me.

¶ In medio Ecclesiæ, p. 46°.

*Lectio ix.*

**E**ST igitur renuntiatio, quemadmodum docuimus, vinculorum terrenæ hujus ac temporalis vitæ solutio, atque ab humanis negotiis liberatio, per quam ad ineundam viam, qua ad Deum pervenitur, aptiores et promptiores efficimur, et expedita ratio ad acquisitionem usumque rerum, quæ super aurum et lapidem pretiosum multum longe sunt pretiosiores, et in summa, cordis humani ad cœlestem conversationem translatio, ita ut dicere liceat: Nostra conversatio in cœlis est: et (quod maximum est) initium unde ad Christi similitudinem evadimus, qui cum dives esset, propter nos pauper est factus.

*In II. Vesp. comm. sequent.*

**DIE 15. SS. Viti, Modesti, atque Crescentiæ MM.**

*Oratio.*

**D**A Ecclesiæ tuæ, quæsumus, Domine, sanctis Martyribus tuis Vito, Modesto, atque Crescentia intercedentibus, superbe non sapere, sed tibi placita humilitate proficere, ut prava despiciens, quæcumque re-

eta sunt, libera exerceat charitate.  
Per Dominum.

*Lectio ij.*

**V**ITUS admodum puer in scio patre baptizatus est: quod cum illo rescivisset, nihil prætermisit, quo filium a Christiana religione removeret. Qua in voluntate permanentem, Valeriano judicis verberibus castigandum tradidit. Sed nihilominus in sententia persistens patri redditus est. Sed dum eum pater gravius punire cogitat, Vitus Angeli monitu, comitibus Modesto et Crescentia ejus educatoribus, migrat in alienas terras: ibique eam sanctitatis laudem adeptus est, ut ejus fama ad Diocletianum perlata, ipsum Imperator accerseret, ut filium suum a dæmone vexatum liberaret. Quo liberato, cum ei amplissimis præmiis ingratus Imperator, ut deos coleret, persuadere non potuisset, una cum Modesto et Crescentia, vinculis constrictum mittit in carcerem.

*Lectio iij.*

**Q**UOS ubi constantiores esse comperit, demitti jubet in ingens vas, liquato plumbo, ferventi resina ac pice plenum: in quo cum trium Hebræorum puerorum more divinos hymnos canerent, inde erepti, leoni obijciuntur: qui prosternens se, eorum pedes lambebat. Quare inflammatus ira Imperator, quod multitudinem videbat miraculo commoveri, eos in catasta sterni jubet, et ita cædi eorum membra, atque ossa divelli. Quo tempore tonitrua, fulgura, magnique terræmotus fuere: quibus templa deorum corruerunt, et multi oppressi sunt. Eorum reliquias Florentia, nobilis femina, unguentis conditas honorifice sepelivit.

**Die 18. SS. Marci et Marcel.**

*Martyrum.*

*Oratio.*

**P**RÆSTA, quæsumus, omnipotens Deus, ut qui sanctorum Martyrum tuorum Marci et Marcel-

liani natalitia colimus, a cunctis malis imminentibus, eorum intercessionibus liberemur. Per Dominum.

*q. ij. Hæc est vera fraternitas.*

*Lectio iij.*

**M**ARCIUS et Marcellianus fratres Romani, propter Christianam fidem a Fabiano duce comprehensi, ad stipitem alligati sunt, pedibus clavis confixis. Ad quos cum ita loqueretur iudex: Resipiscite, miseri, et vos ipsos ab his cruciatibus eripite, responderunt: Nunquam tam jucunde epulati sumus, quam hæc libenter Jesu Christi causa perferimus, in cujus amore nunc fixi esse cœpi-mus: utinam tamdiu nos hæc pati sinat, quamdiu hoc corruptibili corpore vestiti erimus. Qui diem noctemque in tormentis divinas laudes canentes, denique telis transfixi, ad martyrii gloriam pervenerunt. Quorum corpora via Ardeatina sepulta sunt.

**Die 19. S. Julian. de Fale.**

*Virginis. Duplex.*

*AD VESP. ET MATUT.*

**HYMNUS.**

**C**ÆLESTIS Agni nuptias,  
O Juliana, dum petis,  
Domum paternam deseris,  
Chorumque ducis virginum.

Sponsumque suffixum cruci  
Noctes diesque dum gemis,  
Doloris icta cuspide  
Sponsi refers imaginem.

Quin septiformi vulnere  
Fles ad genu Deiparæ;  
Sed crescit infusa Oetu,  
Flammasque tollit charitas.

Hinc morte sessam proxima  
Non usitato te modo  
Solatur et nutrit Deus,  
Dapem supernam porrigens.

Æterne rerum Conditor,  
Æterne Fili par Patri,  
Et par utrique Spiritus,  
Soli tibi sit gloria. Amen.

*Oratio.*

**D**EUS , qui beatam Julianam Virginem tuam extremo morbo laborantem , pretioso Filii tui Corpore mirabiliter recreare dignatus es , concede , quæsumus , ut , ejus intercedentibus meritis , nos quoque eodem in mortis agone relecti ac roborati , ad cœlestem patriam perducamur. Per eumdem Dominum.

*Deinde fit comm. SS. Mart. Gervasii et Protasii. Orat. Deus qui nos annua , p. 29°.*

*Lect. I. Noct. de Script. occ.*

IN II. NOCTURNO.

*Lectio iv.*

**J**ULIANA ex nobili Falconeria familia , clarissimo Patre , qui templum Deiparæ ab Angelo salutæ ære suo magnifico a fundamentis Florentiæ , ut nunc visitur , erexit , matre Reguardata , ambobus jam senescentibus , ac ad id tempus sterilibus , nata est anno millesimo ducentesimo septuagesimo. Ab incunabulis non exiguum futuræ sanctitatis specimen dedit : vagientibus quippe labris , suavissima Jesu et Mariæ nomina ultro proferre audita est. Pueritiam postmodum ingressa , totam se Christianis virtutibus mancipavit , in quibus adeo excelluit , ut beatus Alexius patruus , ejus institutis ac exemplis instruebatur , matri dicere non dubitaverit , ipsam non feminam peperisse , sed Angelum : nam ita modesto vultu , animoque ab omni vel levissima erroris macula pura fuit , ut oculos nunquam in toto vitæ cursu ad hominis faciem intuendam erexerit , auditoque peccati vocabulo contremuerit ; imo sceleris narratione perculsa , illico prope exanimis corruerit. Expleto nondum decimo quinto ætatis suæ anno , re familiari , licet opulenta , terrenisque posthabitis nuptiis . Deo virginitatem in manibus divi Philippi Benitii solemniter vovit , ab eoque omnium prima religiosum Mantellatarum habitum , ut dicunt , sumpsit.

*Lectio v.*

**J**ULIANÆ exemplum secutæ sunt plurimæ ex nobilioribus familiis feminae , ac mater ipsa filia sese religiose instituendam dedit , ita ut , aucto paulatim numero , Ordinem Mantellatarum instituerit , ac illi pie vivendi leges summa prudentia ac sanctitate tradiderit. Ejus virtutes cum optime perspectas divus Benitius haberet , morti proximus , nulli melius , quam Julianæ , non feminas tantum , sed et totum Servorum Ordinem , ejus propagator et moderator extiterat , commendatum voluit. Verum ipsa demisse semper de se cogitabat , et cum cæterarum esset magistra , in re quaque domestica , licet villi , sororibus famulabatur. Assiduitate orandi integros insumebat dies , in extasim sæpissime raptæ ; et si reliquum , in sedandis civium dissidiis , criminosis a via iniquitatis retrahendis , ac inserviendis impendebat ægrotis , quorum quandoque saniem ex ulceribus manantem admoto ore lambens , eos sanitati restituebat. Corpus suum flagris , nodosis funiculis , ferreis cingulis , vigiliis , humi nudæ cubando , terere solita fuit. Parcissimo cibo , et hoc vili , quatuor hebdomadæ diebus , et reliquis duobus , solo Angelorum pane contenta , excepto die sabbati , quo pane solo et aqua nutriebatur.

*Lectio vj.*

**D**URA hujusmodi vivendi ratione in stomachi morbum incidit , quo ingravescente , cum septuagesimum ætatis annum ageret , ad extremum vitæ spatium redacta est. Diuturnæ valetudinis incommoda hilari vultu , constantique animo pertulit. De uno tantum conqueri audita est , quod cum cibum capere , ac retinere nullo modo posset , ab Eucharistica mensa ob Sacramenti reverentiam , arceretur. Verum his in angustiis constituta , Sacerdotem rogavit , ut allatum divinum panem , quem ore sumere nequibat , pectori saltem exteriùs admoveret. Precibus illius mo-



rem gessit Sacerdos; et mirum! eodem temporis momento divinus panis disparuit, et Juliana sereuo ac ridenti vultu expiravit. Res supra fidem tamdiu fuit, donec virgineum de more enraretur corpus: inventa enim est circa sinistrum pectoris latus carni veluti sigillo impressa forma Hostiæ, quæ Christi crucifixi effigiem repræsentabat. Hujus prodigii fama, cæterorumque miraculorum non Florentiæ tantum, sed totius Christiani orbis venerationem illi conciliavit, ac per quatuor prope integra sæcula adeo aucta est, ut tandem Benedictus Papa Decimus tertius in ejus celebritate Officium proprium recitari ab universo Ordine beatæ Mariæ Virginis Servorum jussit. Clemens vero Duodecimus, munificentissimus ejusdem Ordinis protector, novis in dies miraculis coruscantem sanctarum Virginum catalogo adscripsit.

*In III. Noct. Homilia Sæpe vos fratres de Com. 1. loco.*

*Pro SS. Martyribus.*

*Lectio ix.*

**G**ERVASIUS et Protasius Vitalis et Valeriæ filii, quorum pater Ravennæ, mater Mediolani, pro Christi Domini fide martyrium subierunt, distributo pauperibus patrimonio, domesticos servos libertate donarunt. Quo facto Gentilium sacerdotes immane in illos conceptum odium habebant. Quare cum Astasius Comes in bellum proficisci vellet, hanc occasionem perdendi pios fratres se natos esse putaverunt. Itaque Astasio persuadent, se a diis admonitos esse, nullo modo eum in bello victorem futurum, nisi Gervasio et Protasio coactis Christum negare, eosdem ad sacra diis facienda compelleret. Quod cum illi detestarentur, Astasius imperavit Gervasium tamdiu cædi, dum inter verbera expiraret: Protasium fustibus contusum securi percuti jubet. Quorum corpora Philippus Christi servus clam sustulit, et in suis ædibus sepelivit: quæ postea sanctus

Ambrosius Dei monitu inventa, in loco sacro et insigni collocanda curavit. Passi sunt Mediolani decimo tertio Kalendas Julii.

*Comm. SS. Martyrum in Laud.*

*In II. Vesp. comm. sequentis.*

**DIE 20. S. Silverii,**

Papæ et Martyris.

*Oratio. Infirmitatem p. 14\*.*

*Lectio ij.*

**S**ILVERIUS Campanus, post Agapitum proxime Pontifex creatus est. Cujus doctrina et sanctitas illuxit in insectandis hæreticis, et constantis animi magnitudo perspecta est in tuendo judicio Agapiti. Nam Anthimum, quem, quia Eutychianam hæresim defendebat, Agapitus ab Episcopatu Constantinopolitano deposuerat, cum a Theodora Augusta sæpissime rogatus esset, restituere noluit.

*A. Domine prævenisti, p. 20\*.*

*Lectio iij.*

**Q**UAMOBREM irata mulier mandat Bellisario, ut Silverium mittat in exilium. Qui exulavit in Insula Pontia, unde his verbis scripsisse fertur ad Amatorem Episcopum: Sustentor pane tribulationis, et aqua angustiae; nec tamen dimisi, aut dimitto officium meum. Quod re ipsa probavit: nam ibi coacto Concilio multorum Episcoporum, quædam constituit, quæ ad integritatem fidei Catholicæ, et ad restituendam Ecclesiasticam disciplinam pertinebant. Ubi brevi incommodis, ærumnisque confectus, obdormivit in Domino, duodecimo Kalendas Julii: cujus sepulchrum multis miraculis illustratum fuit: cum Ecclesiæ præfuisset annos tres et amplius, creatis mense Decembri Presbyteris tredecim, Diaconis quinque, Episcopis per diversa loca decem et novem.

**DIE 22. S. Paulini,**

Episcopi et Confessoris.

*Oratio. Da quæsumus, p. 39\*.*

*Lectio ij.*

**PAULINUS** Nolæ Episcopus, eruditus studiis humanitatis, doctus etiam divinis litteris, multa eleganter et ornatè scripsit versibus et soluta oratione. Hujus viri charitas præcipue celebratur, quod vastata a Gothis Campania, omnem facultatem, ne relictis quidem sibi rebus ad vitam necessariis, in alendos pauperes, et captivos redimendos contulerit. Quo tempore, ut scribit sanctus Augustinus, ex opulentissimo divite voluntate pauperrimus, et copiosissimo sanctus, captus a Barbaris sic Deum precabatur: Domine, ne excrucier propter aurum et argentum: ubi enim sint omnia mea, tu scis. Postea vero Wandalis easdem regiones instantibus, cum ab eo posceret vidua, ut filium sibi redimeret, consumptis rebus omnibus in officio pietatis, seipsum pro illo in servitutem tradidit.

*Lectio iij.*

**IGITUR** in Africam profectus, domini sui, qui regis erat gener, hortum colendum suscepit. Verum cum prophetiæ dono, regis mortem ipsi domino prædixisset, et rex in somnis Paulinum sedentem medium inter duos judices, sibi que de manibus eripientem flagellum vidisset, tantus vir cognitus honorificentissime dimissus est, condonatis ei omnibus suis civibus, qui captivi fuerant. Nollam reversus ad Episcopale officium, cum verbo et exemplo omnes ad pietatem Christianam inflammaret, laterum dolore correptus est; mox cubiculum, quo jacebat, terræmotu contremuit, ac paulo post animam Deo reddidit.

**Die 23. in Vigilia**

SANCTI JOANNIS BAPTISTÆ.

Lectio sancti Evangelii secundum  
Lucam.*Lectio j.*

Cap. I.

**FUIT** in diebus Herodis regis Judææ, sacerdos quidam nomine Zacharias, de vice Abia; et uxor il-

lius de filiabus Aaron, et nomen ejus Elisabeth. Et reliqua.

Homilia S. Ambrosii Episcopi.

*Lib. 1. in Lucam.*

**DOCET** nos Scriptura divina, non solum mores in iis qui prædicabiles sunt, sed etiam parentes oportere laudari, ut veluti transmissa immaculatæ puritatis hæreditas, in iis quos volumus laudare, præcellat. Quæ enim alia intentio hoc loco sancti Evangelistæ, nisi ut sanctus Joannes Baptista nobilitetur parentibus, miraculis, moribus, munere, passione? Sic etiam sancti Samuel mater Anna laudatur: sic Isaac a parentibus nobilitatem pietatis accepit, quam posteris dereliquit. Sacerdos itaque Zacharias, nec solum sacerdos, sed etiam de vice Abia, id est, nobilis inter superiores familias.

*Æq. de Feria occurrente.**Lectio ij.*

**ET** uxor, inquit, illi de filiabus Aaron. Non solum igitur a parentibus, sed etiam a majoribus sancti Joannis nobilitas propagatur, non sæculari potestate sublimis, sed religionis successione venerabilis. Tales enim majores habere debuit prænuntius Christi, ut non repente conceptam, sed a majoribus acceptam, et ipso infusam jure naturæ prædicare fidem Dominici videretur adventus. Erant, inquit, ambo justis ante Deum, incedentes in omnibus mandatis, et justificationibus Domini sine querela. Quid ad hoc referunt, qui peccatis suis solatia præferentes, sine peccatis frequentibus hominem putant esse non posse, et utuntur versiculo, quia scriptum est in Job: Nemo mundus a sorde, nec si unius diei vita ejus sit in terra?

*Lectio iij.*

**QUIBUS** respondendum est, prius ut, quid sit hominem sine peccato esse, definiant: utrum nunquam omnino peccasse, an desiisse peccare. Si enim hoc putant sine peccato esse,

nunquam omnino peccasse, et ipse consentio. Omnes enim peccaverunt, et egent gloria Dei. Sin autem eum, qui veterem errorem correxerit, et in eam se vitæ transformaverit qualitatem, ut temperet a peccato, negant abstinere a delictis, non possum in eorum convenire sententiam, cum legamus: Quia sic Dominus dilexit Ecclesiam, ut exhibeat ipsam sibi gloriosam, et non habentem maculam, aut rugam, aut aliquid ejusmodi; sed ut sit sancta et immaculata.

*Ad Bened. Ant. ut in Psalt. et post Ant. Preces flexis genibus.*

*Oratio.*

**P**RÆSTA, quæsumus, omnipotens Deus, ut familia tua per viam salutis incedat, et beati Joannis præcursoris hortamenta sectando, ad eum, quem prædixit, secunda perveniat, Dominum nostrum.

*Si cras occurrat solemnitas Corporis Christi, Festum S. Joannis Baptistæ transfertur in diem 25. tanquam in sedem propriam, translato quocumque alio Festo post Octavam: sed si fuerit j. vel ij. classis, transfertur in primam diem infra Oct. Offic. duplici non impeditam.*

**Die 24. In Nativitate**

SANCTI JOANNIS BAPTISTÆ.

*Duplex 2. Classis.*

**In I. Vespertis.**

*Ant. 1.* Ipse præbuit ante illum in spiritu et virtute Eliæ, parare Domino plebem perfectam.

*Psalmi de Dom. loco ult.* Laudate Dominum omnes gentes.

*2.* Joannes est nomen ejus: vinum et siceram non bibit, et multi in nativitate ejus gaudebunt.

*3.* Ex utero senectutis et sterili Joannes natus est præcursor Domini.

*4.* Iste puer magnus coram Domino: nam et manus ejus cum ipso est.

*5.* Nazaræus vocabitur puer iste: vinum et siceram non bibit, et omne immundum non manducabit ex utero matris sue.

*Capitulum.*

Isaie 49.

**A**UDITE, insulæ, et attendite, populi de longe: Dominus ab utero vocavit me, de ventre matris meæ recordatus est nominis mei.

**HYMNUS.**

**U**T queant laxis resonare fibris  
Mira gestorum famuli tuorum,  
Solve polluti labii reatum,  
Sancte Joannes.

Nuntius celso veniens olympo,  
Te patri magnum fore nasciturum,  
Nomen et vitæ seriem gerendæ,  
Ordine promit.

Ille promissi dubius superni,  
Perdedit promptæ modulos loquelæ;  
Sed reformasti genitus peremptæ  
Organa vocis.

Ventris obstruso recubans cubili,  
Senserat Regem thalamo manentem,  
Hinc parens, nati meritis, uterque  
Abjita pandit.

Sit decus Patri, genitæque Proli,  
Et tibi, compar utriusque virtus  
Spiritus semper, Deus unus, omni  
Temporis ævo. Amen.

*Y.* Fuit homo missus a Deo.

*A.* Cui nomen erat Joannes.

*Ad Magnif. Ant.* Ingresso Zacharia templum Domini, apparuit ei Gabriel Angelus, stans a dextris altaris incensi.

*Oratio ut infra in Laudibus.*

**Ad Matutinum.**

*Invit.* Regem præcursoris Dominum, \* Venite, adoremus.

**HYMNUS.**

**A**NTRA deserti teneris sub annis,  
Civium turmas fugiens, petisti,  
Ne levi posses maculare vitam  
Crimine linguæ.

Præbuit durum tegumen camelus  
Artibus sacris, strophium bidentes,  
Cui latex haustum, sociata pastum  
Mella locustis.

Cæteri tantum cecinero Vatum  
Corde præago jubar affuturum:  
Tu quidem mundi scelus auferentem  
Indice prodis.

Non fuit vasti spatium per orbis



Sanctior quisquam genitus Joanne,  
Qui nefas sæcli meruit lavantem  
Tingere lymphis.

Sit decus Patri, genitæque Proli,  
Et tibi, compar utriusque virtus  
Spiritus semper, Deus unus, omni  
Temporis ævo. Amen.

IN I. NOCTURNO.

*Ant. I.* Priusquam te formarem in utero, novi te: et antequam progredieris, sanctificavi te.

*Psalmi de Com. Conf.*

2. Ad omnia quæ mittam te, dicit Dominus: ibis: ne timeas, et quæ mandavero tibi, loqueris ad eos.

3. Ne timeas a facie eorum, quia ego tecum sum, dicit Dominus.

℣. Fuit homo missus a Deo.

℟. Cui nomen erat Joannes.

Incipit Jeremias Propheta.

*Lectio j. Cap. I.*

**V**ERBA Jeremiæ filii Helciæ, de sacerdotibus, qui fuerunt in Anathoth, in terra Benjamin; quod factum est verbum Domini ad eum in diebus Josiæ filii Amon regis Juda, in tertio decimo anno regni ejus. Et factum est in diebus Joakim filii Josiæ regis Juda usque ad consummationem undecimi anni Sedeciæ filii Josiæ regis Juda, usque ad transmigrationem Jerusalem in mense quinto. Et factum est verbum Domini ad me, dicens: Priusquam te formarem in utero, novi te: et antequam exires de vulva, sanctificavi te, et Prophetam in Gentibus dedi te.

℟. Fuit homo missus a Deo cui nomen erat Joannes: \* Mic venit in testimonium, ut testimonium perhiberet de lumine, et pararet Domino plebem perfectam. ℣. Erat Joannes in deserto prædicans baptismum poenitentiae. Mic.

*Lectio ij.*

**E**T dixi, A a a, Domine Deus, ecce te nescio loqui, quia puer ego sum. Et dixit Dominus ad me: Noli dicere, Puer sum: quoniam ad omnia, quæ mittam te, ibis, et uni-

versa quæcumque mandavero tibi, loqueris. Ne timeas a facie eorum, quia tecum ego sum, ut eruam te, dicit Dominus. Et misit Dominus manum suam, et tetigit os meum, et dixit Dominus ad me: Ecce dedi verba mea in ore tuo: ecce constitui te hodie super Gentes et super regna, ut evellas, et destruas, et disperdas, et dissipes, et ædifices, et plantes.

℟. Elisabeth Zachariæ magnum virum genuit, Joannem Baptistam præcursorem Domini, \* Qui viam Domino præparavit in eremo. ℣. Fuit homo missus a Deo, cui nomen erat Joannes. Qui.

*Lectio iij.*

**T**U ergo accinge lumbos tuos, et surge, et loquere ad eos omnia quæ ego præcipio tibi. Ne formides a facie eorum: nec enim timere te faciam vultum eorum. Ego quippe dedi te hodie in civitatem munitam, et in columnam ferream, et in murum æreum, super omnem terram, regibus Juda, principibus ejus, et sacerdotibus, et populo terræ. Et Bellabunt adversum te, et non prævalerunt: quia ego tecum sum, ait Dominus, ut liberem te.

℟. Priusquam te formarem in utero, novi te: et antequam exires de ventre, sanctificavi te: \* Et Prophetam in Gentibus dedi te. ℣. Vir dilectus a Deo et hominibus, honoratus est. Et. Gloria. Et.

IN II. NOCTURNO.

*Ant. I.* Misit Dominus manum suam, et tetigit os meum, et Prophetam in Gentibus dedit me Dominus.

2. Ecce dedi verba mea in ore tuo: ecce constitui te super Gentes et regna.

3. Dominus ab utero vocavit me, de ventre matris meæ recordatus est nominis mei.

℣. Inter natos mulierum non surrexit major. ℟. Joanne Baptista.

Sermo S. Augustini Episcopi.

Sermone 20. de Sanctis.

*Lectio iv.*

**P**OST illum sacrosanctum Domini natalis diem , nullius hominum nativitatem legimus celebrari , nisi solius beati Joannis Baptistæ. In aliis sanctis et electis Dei novimus illum diem coli , quo illos , post consumptionem laborum , et devictum triumphatumque mundum , in perpetuas æternitates præsens hæc vita parturit. In aliis consummata ultimi diei merita celebrantur : in hoc etiam prima dies , et ipsa etiam hominis initia consecrantur : pro hac absque dubio causa , quia per hunc Dominus adventum suum , ne subito homines insperatum non agnoscerent , voluit esse testatum. Joannes autem figura fuit veteris testamenti , et in se formam prætulit legis ; et ideo Joannes prænuntiavit Salvatorem , sicut lex gratiam præcucurrit.

¶. Descendit Angelus Domini ad Zachariam , dicens : Accipe puerum in senectute tua : \* Et habebit nomen Joannes Baptista. §. Iste puer magnus coram Domino : nam et manus ejus cum ipso est. Et.

*Lectio v.*

**Q**UOD autem nondum natus , de secreto materni uteri prophetauit , et expertus lucis , jam testis est veritatis , hoc est intelligendum , quod latens sub velamine et carne litteræ , et Redemptorem mundo spiritu prædicavit , et nobis Dominum nostrum de quodam legis utero proclamavit. Ergo quia Judæi erraverunt a ventre , id est , a lege , quæ a Christo gravis erat , erraverunt a ventre , locuti sunt falsa. Ideo hic venit in testimonium , ut testimonium perhiberet de lumine.

¶. Hic est præcursor dilectus , et lucerna lucens ante Dominum : \* Ipse est enim Joannes , qui viam Domino præparavit in eremo : sed et Agnum Dei demonstravit , et illuminavit mentes hominum. §. Ipse præibit ante illum in spiritu et virtute Eliæ. Ipse.

*Lectio vj.*

**Q**UOD autem Joannes in carcere constitutus ad Christum discipulos suos ordinat , lex ad Evangelium transmittit. Quæ lex juxta typum Joannis , quasi ignorantie clausa carcere , in obscuro et in occulto jacebat , et Judaica cæcitate sensus intra litteram tenebatur inclusus. De hoc beatus Evangelista proloquitur : Ille erat lucerna ardens , id est , Spiritus sancti igne succensus , ut mundo ignorantie nocte possesso , lumen salutis ostenderet , et quasi inter densissimas delictorum tenebras , splendidissimum justitiæ solem lucis suæ radio demonstraret , de seipso dicens : Ego vox clamantis in deserto.

¶. Innuebant patri ejus , quem vellet vocari eum ; et postulans pugillarem , scripsit , dicens : \* Joannes est nomen ejus. §. Apertum est os Zachariæ , et prophetavit , dicens. Joannes. Gloria. Joannes.

IN III. NOCTURNO.

*Ant. I.* Posuit os meum Dominus quasi gladium acutum : sub umbra manus suæ protexit me.

2. Formans me ex utero servum sibi Dominus , dicit : Dedi te in lucem Gentium , ut sis salus mea usque ad extremum terræ.

3. Reges videbunt , et consurgent principes , et adorabunt Dominum Deum tuum , qui elegit te.

*Psalm. Benedicam , p. 34\*.*

¶. Elisabeth Zachariæ magnum virum genuit. ¶. Joannem Baptistam præcursores Domini.

Lectio sancti Evangelii secundum Lucam.

*Lectio vij.*

Cap. I.

**E**LISABETH impletum est tempus pariendi , et peperit filium. Et audierunt vicini et cognati ejus , quia magnificavit Dominus misericordiam suam cum illa , et congratulabantur ei. Et reliqua.

Homilia sancti Ambrosii Episcopi.

Lib. 2. Comm. in Lucæ cap. 1.

**P**EPERIT filium Elisabeth, et congratulabantur vicini. Habet sanctorum editio lætitiā plurimorum, quia commune est bonum. Justitia enim communis est virtus, et ideo in ortu justī futuræ vitæ insigne præmittitur, et gratia securæ virtutis exultatione vicinorum præfigurante signatur. Pulchre autem tempus, quo fuit in utero Propheta, describitur, ne Mariæ præsentia taceatur: sed tempus siletur infantie, eo quod præsentia Domini, matris in utero roboratur, qui infantie impedimenta nescivit. Et ideo in Evangelio nihil super eo legimus, nisi ortum ejus, et oraculum, exultationem in utero, vocem in deserto.

¶. Præcursor Domini venit, de quo ipse testatur: \* Nullus major inter natos mulierum Joanne Baptista. ¶. Hic est enim Propheta, et plus quam propheta, de quo Salvator ait. Nullus.

*Lectio viij.*

**N**EQVE enim ullam infantie sensit ætatem, qui supra naturam, supra ætatem in utero positus matris, a mensura cæpit ætatis plenitudinis Christi. Mire sanctus Evangelista præmittendum putavit, quod plurimi infantem patris nomine Zachariam appellandum putaverint: ut advertas matri non nomen alicujus displicuisse degeneris, sed id sancto infusum Spiritu, quod ab Angelo ante Zachariæ fuerat prænuntiatum. Et quidem ille mutus intimare vocabulum filii nequivit uxori: sed per prophetiam Elisabeth didicit, quod non didicerat a marito.

¶. Gabriel Angelus apparuit Zachariæ, dicens: Nascetur tibi filius, nomen ejus Joannes vocabitur: \* Et multi in nativitate ejus gaudebunt. ¶. Erit enim magnus coram Domino, vinum et siceram non bibet. Et. Gloria. Et.

*Lectio ix.*

**J**OANNES est, inquit, nomen ejus: hoc est, nos non ei nomen imponimus, qui jam a Deo nomen accepit. Habet vocabulum suum, quod agnovimus, non quod elegimus. Habent hoc merita sanctorum, ut a Deo nomen accipiant. Sic Jacob Israel dicitur, quia Deum vidit. Sic Dominus noster Jesus nominatus est antequam natus cui non Angelus, sed Pater nomen imposuit. Vides Angelos, quæ audierint, non quæ usurpaverint, nuntiare. Nec mireris, si nomen mulier, quod non audivit, asseruit, quando Spiritus ei sanctus, qui angelo mandaverat, revelavit.

*Ad Laudes*

*et per Horas, Antiphonæ.*

1. Elisabeth Zachariæ magnum virum genuit, Joannem Baptistam præcursorem Domini.

2. Innuebant patri ejus, \* quem vellet vocari eum; et scripsit dicens: Joannes est nomen ejus.

3. Joannes vocabitur \* nomen ejus: et in nativitate ejus multi gaudebunt.

4. Inter natos mulierum, \* non surrexit major Joanne Baptista.

5. Tu puer \* Propheta Altissimi vocaberis: præbis ante Dominum parare vias ejus.

*Capitulum.*

*Isaiæ 49.*

**A**UDITE, insulæ, et attendite, Populi de longe: Dominus ab utero vocavit me, de ventre matris meæ recordatus est nominis mei.

**HYMNUS.**

**O** NIMIS felix, meritique celsi,  
Nesciens labem nivei pudoris,  
Præpotens martyr, nemorumque cultor,

Maxime Vatum.

Serta ter denis alios coronant  
Aucta clementis, duplicata quosdam;  
Trina te fructu cumulata centum  
Nexibus ornant.

Nunc potens nostri meritis opimis  
Pectoris duros lapides revelle,



Asperum planans iter, et reflexos  
Dirige calles.

Ut pius mundi Sator et Redem-  
ptor,  
Mentibus culpæ sine labe puris,  
Rite dignetur veniens beatos  
Ponere gressus.

Laudibus cives celebrent superni,  
Te, Deus simplex pariterque Trine,  
Supplices et nos veniam precamur,  
Parce redemptis. Amen.

Ÿ. Iste puer magnus coram Do-  
mino.

¶. Nam et manus ejus cum ipso  
est.

*Ad Béned. Ant.* Apertum est os Za-  
chariæ, et prophetavit, dicens: Be-  
nedictus Deus Israel.

*Oratio.*

**D**EUS, qui præsentem diem ho-  
norabilem nobis in beati Joannis  
nativitate fecisti, da populis tuis  
spiritualium gratiam gaudiorum, et  
omnium fidelium mentes dirige in  
viam salutis æternæ. Per Dominum.

*Ad Tertiam.*

*Capit. Audite insulæ.*

¶. *br.* Fuit homo, \* Missus a Deo.  
Fuit. ¶. Cui nomen erat Joannes.  
Missus. Gloria. Fuit. Ÿ. Inter natos  
mulierum non surrexit major. ¶. Jo-  
anne Baptista.

*Ad Sextam.*

*Cap.*

Isaiæ 49.

**E**T nunc hæc dicit Dominus, for-  
mans me ex utero servum sibi:  
Dedi te in lucem gentium, ut sis sa-  
lus mea usque ad extremum terræ.

¶. *br.* Inter natos mulierum \* Non  
surrexit major. Inter. Ÿ. Joanne Ba-  
ptista. Non. Gloria. Inter. Ÿ. Elisa-  
beth Zachariæ magnum virum genuit.  
¶. Joannem Baptistam præcurso-  
rem Domini.

*Ad Nonam.*

*Capitulum.*

Isaiæ. 49.

**R**EGES videbunt, et consurgent  
principes, et adorabunt Domi-

num Deum tuum, et Sanctum Israel,  
qui elegit te.

¶. *br.* Elisabeth Zachariæ \* Magnum  
virum genuit. Elisabeth.

Ÿ. Joannem Baptistam præcurso-  
rem Domini. Magnum. Gloria. Elisa-  
beth. Ÿ. Iste puer magnus coram Do-  
mino. ¶. Nam et manus ejus cum  
ipso est.

*In II. Vesperis.*

*Ant. de Laud. reliqua ut in I.*

Ÿ. Iste puer magnus coram Domi-  
no. ¶. Nam et manus ejus cum ipso  
est.

*Ad Magnific. Ant.* Puer, qui natus  
est nobis, plus quam Propheta est:  
hic est enim de quo Salvator ait: Inter  
natos mulierum non surrexit major  
Joanne Baptista.

*Deinde fit comm. sequentis.*

**Die 25. S. Gulielmi Abb.**

*Duplex.*

*Oratio.*

**D**EUS, qui infirmitati nostræ ad-  
terendam salutis viam in Sanctis  
tuis exemplum et præsidium colloca-  
sti, da nobis ita beati Gulielmi Ab-  
batis merita venerari, ut ejusdem  
excipiamus suffragia, et vestigia pro-  
sequamur. Per Dominum.

*Lect. I. Noct. de script. occur.*

**IN II. NOCTURNO.**

*Lectio iv.*

**G**ULIELMUS, nobilibus parenti-  
bus Vercellis in Insubria natus,  
vix quartumdecimum ætatis annum  
expleverat, cum miro quodam pieta-  
tis ardore flagrans, Compostellanam  
peregrinationem ad celeberrimum san-  
cti Jacobi templum aggressus est.  
Quod iter una amictus tunica, ac  
duplici ferreo circulo præcinctus, nu-  
di-que pedibus prosecutus, asperri-  
ma frigeris et æstus, famis et sitis,  
summo cum vitæ discrimine perpes-  
sus est incommoda. Reversus in Ita-  
liam, novam ad sanctum Domini Se-  
pulchrum peregrinationem molitur.

Sed quominus propositum exequatur, varia atque gravissima intercedunt impedimenta, divino numine ad altiora et sanctiora religiosam juvenis indolem retrahente. Porro in Soliculo monte biennium inter assiduas preces, vigilias, chameunias et jejunia commoratus, divina subnixus ope, cæco lumen restituit. Cujus miraculi fama percrebrescente, jam Gulielmus latere non poterat; quare iterum Hierosolymam cogitat, et alacris se itineri committit.

*Lectio v.*

**D**EI autem monitu, qui eidem apparuit, a proposito revocatur, utilior ac fructuosior tam apud Italos, quam apud exterarum nationes futurus. Tum monasterium in Virgiliani montis cacumine, quod deinde Virginis est appellatum, loco aspero et inaccessu miranda exædificat celeritate. Socios deinde viros et religiosos adsciscit, eosque ad vivendi normam Evangelicis præceptis et consiliis summo opere accomodatam, tum certis legibus ex beati Benedicti institutis magna ex parte desumptis, tum verbo et sanctissimæ vitæ exemplis informat.

*Lectio vj.*

**A**LIIIS deinde monasteriis erectis, clarior in dies Gulielmi facta sanctitas multos ad eum undique viros perducit, sanctitatis odore, et miraculorum fama allectos. Nam muti loquelam, surdi auditum, aridi vigorem, varioque et immedicabili morbo laborantes sanitatem ipsius intercessionem receperunt. Aquam in vinum convertit, aliaque complura mirabilia patravit: inter quæ illud non silendum, quod muliercula ad ejus castitatem tentandam missa, in ardentibus prunis humi stratis illæsum se volutavit. De qua re certior factus Rogerius Neapolis rex, in summam viri Dei venerationem adducitur. Deinum tempore sui obitus regi aliisque prænuntiato, innumeris virtutibus et miraculis clarus, obdormivit in Do-

mino, anno salutis millesimo centesimo quadragesimo secundo.

*In III. Noct. Homilia Grandis fiducia, de Com. Apost. 1. loco, p. 7. cum n. vij. et viij. de Comm.*

*In Laud. fit comm. octavæ.*

*Vesperæ a Capit. de sequenti.*

**DIE 26. SS. JOAN. ET PAULI, Mart. Duplex.**

*In I. Vesp.; quando dicendæ sunt, Ant. de Laudibus.*

*Ad Magnif. Ant. Astiterunt justi ante Dominum, et ab invicem non sunt separati: calicem Domini bibesunt, et amici Dei appellati sunt.*

*Oratio ut infra in Laudibus.*

*Et fit comm. præc. et Oct.*

*Lect. I. Noct. Fratres debitores.*

*n. i. Isti sunt duo viri misericordiæ qui assistunt ante Dominum, Dominatorem universæ terræ. y. Isti sunt duæ olivæ, et duo candelabra lucentia ante Dominum. Dominatorem.*

*n. ij. Vidi conjunctos viros habentes splendidas vestes, et Angelus Domini locutus est ad me, dicens: Isti sunt viri sancti, facti amici Dei. y. Vidi Angelum Dei fortem, volentem per medium cælum, voce magna clamantem et dicentem. Isti.*

*n. iij. Tradiderunt, cum reliq. de commun.*

**IN II. NOCTURNO.**

*Lectio iv.*

**J**OANNES et Paulus fratres Romani, cum facultatibus a Constantia Constantini filia, cui pie fideliterque servierant, sibi relictis, Christi pauperes alerent, a Juliano apostata in numerum familiarium suorum invitati, libere negaverunt, se apud eum esse velle, qui a Jesu Christo defecisset. Quibus ille ad deliberandum decem dies præfinit, ut nisi ad eam diem ei adhærere, et Jovi sacrificare constituerint, sibi moriendum esse certo sciant.

*Lectio v.*

**I**LLI intra id tempus reliqua sua bona distribuerunt pauperibus,

quo expeditores ad Dominum migrare possent, et plures juvarent, a quibus in æterna tabernacula reciperentur. Die decima Terentianus prætoris cohortis præfectus, ad eos missus, cum allata Jovis effigie, ut eam venerarentur, Imperatoris mandatum eis exponit, ut nisi Jovi cultum adhibeant, moriantur. Qui, ut erant orantes, responderunt se pro Christi fide, quem Deum mente et ore venerabantur, non dubitanter mortem subituros.

*Lectio vj.*

**A**T Terentianus veritus ne, si publice interficerentur, populus commoveretur, domi ubi tunc erant, abscissis eorum capitibus sexto Kalendarum Julii, secreto eos sepeliendos curavit, rumoremque sparsit, Joannem et Paulum in exilium ejectos esse. Verum eorum mors a spiritibus immundis, qui multorum corpora vexabant, pervulgata est: in quibus Terentiani filius, et ipse oppressus a dæmone, ad sepulchrum Martyrum perductus, liberatus est. Quo miraculo et is in Christum credidit, et ejus pater Terentianus, a quo etiam horum beatorum Martyrum vita scripta esse dicitur.

*In III. Noct. Homilia De hoc fermento, de Com. 3. loco, p. 38°. cum q. viij. Hæc est vera.*

### **Ad Laudes**

*Et per horas, Antiphonæ.*

1. Paulus et Joannes \* dixerunt Juliano: Nos unum Deum colimus, qui fecit cælum et terram.

2. Paulus et Joannes \* dixerunt Terentiano: Si tuus Dominus est Julianus, habeto pacem cum illo; nobis alius non est, nisi Dominus Jesus Christus.

3. Joannes et Paulus \* agnoscen-  
tes tyrannidem Juliani, facultates suas pauperibus erogare cœperunt.

4. Sancti spiritus et animæ justorum, hymnum dicite Deo, allel.

5. Joannes et Paulus \* dixerunt

ad Gallicanum: Fac votum Deo cœli, et eris victor melius quam fuisti.

*Ad Bened. Ant.* Isti sunt sancti, qui pro Christi amore minas hominum contempserunt: sancti martyres in regno colorum exultant cum Angelis. O quam pretiosa est mors sanctorum, qui assidue assistunt ante Dominum, et ab invicem non sunt separati.

*Oratio.*

**Q**UÆSUMUS, omnipotens Deus, ut nos geminata lætitia hodiernæ festivitatis excipiat, quæ de beatorum Joannis et Pauli glorificatione procedit, quos eadem fides et passio vere fecit esse germanos. Per Dominum.

*Deinde fit comm. Octavæ.*

*In II. Vesp. Ant. de Laudibus.*

*Ad Magnif. Ant.* Isti sunt duæ olive, et duo candelabra lucentia ante Dominum: habent potestatem claudere cælum nubibus, et aperire portas ejus, quia linguæ eorum claves cœli factæ sunt.

*Et fit comm. Octav. S. Joannis.*

**Die 27.**

**IV. Inf. oc. Nat. S. Joan.**

*Lect. 4. Noct. de Script. occur.*

**IN II. NOCTURNO.**

*Sermo Sancti Basilii Magni.*

*Homilia 2. in Psalm. 28.*

*Lectio iv.*

**V**OX Domini super aquas? Qualis vox? super quas aquas? Velut prophetiam accipiamus quod dictum est. Memineris Joannis, qui interrogatus a Judæis, Tu quis es? quod responsum dabimus iis, qui miserunt nos? respondit: Ego vox clamantis in deserto. Igitur vox Domini est Joannes, angelus a Deo missus ante faciem Domini, ut pararet Domino plebem perfectam. Hæc igitur vox super aquas, erat super Jordanem, in quo baptizabat prædicans pœnitentium baptismum. Et non solum in Jordane, sed etiam in Ænon prope Salim, quia aquæ multæ erant illic.



*Lectio v.*

**IGITUR** vox Domini super aquas. Joannes est super baptismum. Illic et Deus majestatis intonuit. Venit enim vox de cœlo, dicens: Hic est Filius meus dilectus, in quo mihi complacui. Tunc etiam Dominus super aquas multas dignatus est descendere in baptismum Joannis, ut compleret omnem justitiam, quæ in lege est. Vox Domini in virtute. Aufert enim debilitates populi per pœnitentiæ baptismum, per ipsum baptizans in aqua ad pœnitentiam. In virtute est vox, dicens: Pœnitentiam agite, appropinquavit enim regnum cœlorum, et, Facite fructus dignos pœnitentiæ.

*Lectio vj.*

**VOX** Domini confringentis cedros. Potest dici, quod parans Domino populum perfectum, elatas impietates, et contra cognitionem Dei exaltata confringens ac conterens, obliqua faciebat recta. Qui enim omnem collem ac montem humiliat, hic erat qui confringebat cedros, et Domino viam adæquabat, per hoc quod ad pœnitentiam inducebat altum, et elatum, et superbum cor. Unde ejus præparationem suscipiens Dominus, suo adventu confregit opposita potentias, cedros Libani figurate dictas. Oportet enim Dominum regnare, donec ponat inimicos sub pedes suos, et cedros istas comminuat.

## IN III. NOCTURNO.

Lectio sancti Evangelii secundum  
Lucam.

*Lectio vij.*

## Cap. 1.

**ELISABETH** impletum est tempus pariendi, et peperit filium. Et audierunt vicini et cognati ejus, quia magnificavit Dominus misericordiam suam cum illa, et congratulabantur ei. Et reliqua.

De Homilia S. Ambrosii Episcopi.

Lib. 2. cap. 1.

**ET** Zacharias pater ejus impletus est Spiritu sancto, et prophetabat. Vide quam bonus Deus, et sa-

cilis indulgere peccatis. Non solum ablata restituit, sed etiam insperata concedit. Ille dudum mutus prophetat. Hæc enim gratia Dei maxima, quod eum qui negaverat, confitetur. Nemo ergo diffidat, nemo veterum conscius delictorum, præmia divina desperet. Novit Dominus mutare sententiam, si tu noveris emendare delictum.

*Lectio viij.*

**ET** tu, puer, Propheta Altissimi vocaberis. Pulchre, cum de Domino prophetaret, ad Prophetam sua verba convertit, ut hoc quoque beneficium esse Domini designaret: ne cum publice enumeraret sua, quasi ingratus tacuisse videretur quæ agnoscebat in filio. Sed fortasse aliqui quasi irrationabilem mentis excessum putent, quod octo dierum alloquitur infantem. Verum, si teneamus, intelligemus profecto quod potuit vocem patris natus audire, qui Mariæ salutationem, antequam nasceretur, audivit.

*Lectio ix.*

**SCIEBAT** profecto alias esse aures Prophetæ, quæ Spiritu Dei, non corporis ætate, reserantur. Habebat intelligendi sensum, qui exultandi habebat affectum. Simul illud adverte, quam paucis Elisabeth, quam multis Zacharias prophetet; et uterque sancto repletus Spiritu loquebatur, sed disciplina servatur, ut mulier discere magis, quæ divina sunt, studeat, quam docere.

Vesp. a cap. de sequenti.

**DIE 28. S. Leonis II. P. M.**

*Semiduplex.*

Si hoc Festum venerit in Dominica, transfertur post Octavam Apostolorum, et in Sabbato, in quo fit de Octava S. Joannis, legitur Lectio ix. de Homilia Vigil. Apost. cum com. ejusdem ad Laudes tantum.

*Oratio.*

**DEUS**, qui beatum Leonem Pontificem Sanctorum tuorum me-

ritis conquasti, concede propitius, ut qui commemorationis ejus festa percolimus, vitæ quoque imitemur exempla. Per Dominum.

*Et fit comm. Oct. S. Joannis.*

*Lect. I. Noct. de Script. occ.*

IN II. NOCTURNO.

*Lectio iv.*

**L**EO Secundus, Pontifex Maximus Sæculi, humanis et divinis litteris græce et latine doctus, musicis etiam eruditus fuit: ipse enim sacros hymnos et psalmos in Ecclesia ad concentum meliorem reduxit. Probavit acta sextæ Synodi, quæ Constantinopoli celebrata est, præsentibus Legatis Apostolicæ Sedis, præsentibus quoque Constantino Imperatore, et duobus Patriarchis, Constantinopolitano et Antiocheno, ac centum septuaginta Episcopis: quam et in Latium transtulit.

*Lectio v.*

**I**N eo Concilio Cyrus, Sergius, et Pyrrhus condemnati sunt, unam tantummodo voluntatem et operationem in Christo prædicantes. Hic fregit superbiam Antistitum Ravennatum qui exarchorum freti potentia, Sedi Apostolicæ non obtemperabant. Quamobrem decrevit, ut electio cleri Ravennatis irrita esset, nisi Romani Pontificis auctoritate comprobaretur.

*Lectio vj.*

**V**ERE pater pauperum fuit non enim pecunia solum, sed opera, labore, et consiliis egentium viduarum et pupillorum inopiam ac solitudinem sublevabat. Qui dum singulos, non magis prædicatione, quam vita, ad pie sancteque vivendum adhortaretur, mense sui Pontificatus decimo, et diebus decem et septem, obdormivit in Domino, sepultusque est in Basilica sancti Petri, quarto Kalendas Julii. Ordinatione una mense Junio creavit Presbiteros novem, Diaconos tres, Episcopos diversis in locis viginti tres.

*In III. Noct. Homil. Lectio sancti Evangelii, de Com. 1. loco.*

*Pro Vigilia SS. Apostolorum Petri et Pauli.*

Lectio sancti Evangelii secundum Joannem.

*Lectio ix.*

*Cap. xi.*

**I**N illo tempore: Dixit Jesus Simoni Petro: Simon Joannis, diligis me plus his? Et reliqua.

Homilia S. Augustini Episcopi.

*Tract. 123. in Joannem.*

**R**EDITUR negationi triam trina confessio, ne minus amoris lingua serviat, quam timori: et plus vocis elicuisse videatur mors imminens, quam vita præsens. Sit amoris officium pascere Dominicum gregem, si fuit timoris indicium negare pastorem. Qui hoc animo pascunt oves Christi, ut suas velint esse, non Christi, se convincuntur amare, non Christum; vel gloriandi, vel domnandi, vel acquirendi cupiditate, non obediendi, et subveniendi, et Deo placendi charitate.

*In Laud. fit comm. Octavæ; deinde Vigiliæ, pro qua Ant. et y. de Feria occurrente.*

*Oratio.*

**P**RÆSTA, quæsumus, omnipotens Deus, ut nullis nos perturbationibus concuti, quos in Apostolicæ confessionis petra solidasti. Per Dominum.

**Die 29. SS. Petri et Pauli**

*App. Dupl. 1. Clas.*

**In I. Vesperts.**

*Ant. et Capit. de Laud. Psalm de Dom. loco ult. Laudate Dominum omnes gentes,*

**HYMNUS**

**D**ECORA lux æternitatis, auream Diem beatis irrigavit ignibus, Apostolorum quæ coronat principes, Reisque in astra liberam pandit viam. Mundi Magister, atque cœli janitor,

Romæ parentes, arbitrique gentium,

Per edis ille, hic per crucis victor  
decem

Vitæ senatum laureati possident.

● Roma felix, quæ duorum prin-  
cipum

Es consecrata glorioso sanguine:  
Horum cruore purpurata cæteras  
Excellis orbis una pulchritudines.

Sit Trinitati sempiterna gloria,  
Honor, potestas, atque jubilatio,  
In unitate, quæ gubernat omnia,  
Per universa sæculorum sæcula.

Amen.

#### IN I. NOCTURNO.

De actibus Apostolorum.

*Lectio j. Cap. 3.*

**PETRUS** autem et Joannes ascen-  
debant in templum ad horam o-  
rationis nonam. Et quidam vir, qui  
erat claudus ex utero matris suæ,  
hæulabatur: quem ponebant quotidie  
ad portam templi, quæ dicitur spe-  
ciosa, ut peteret eleemosynam ab in-  
troeuntibus in templum. Is cum vi-  
disset Petrum et Joannem incipientes  
Introire in templum, rogabat ut elee-  
mosynam acciperet. Intuens autem in  
eum Petrus cum Joanne, dixit: Respi-  
ce in nos. At ille intendebat in eos,  
sperans se aliquid accepturum ab eis.

¶. Simon Petre, antequam de navi  
vocarem te, novi te, et super plebem  
meam principem te constitui: \* Et  
claves regni cælorum tradidi tibi. ¶. **Quodcumque** ligaveris super terram,  
erit ligatum et in cælis; et quodcum-  
que solveris super terram, erit solu-  
tum et in cælis. Et.

*Lectio ij.*

**PETRUS** autem dixit: Argentum  
et aurum non est mihi: Quod  
autem habeo, hoc tibi do: In nomine  
Jesu Christi Nazareni surge, et am-  
bula. Et apprehensa manu ejus dex-  
tera, allevavit eum, et protinus con-  
solidatæ sunt bases ejus et plantæ.  
Et exiliens stetit, et ambulabat, et  
intravit cum illis in templum ambu-  
lans, et exiliens, et laudans Deum.  
Et vidit omnis populus eum ambu-  
lantem, et laudantem Deum. Cogno-

scebant autem illum, quod ipse erat  
qui ad eleemosynam sedebat ad Spe-  
ciosam portam templi, et impleti  
sunt stupore et extasi, in eo quod  
contigerat illi.

¶. Si diligis me. Simon Petre, pa-  
sce oves meas: Domine, tu nosti quia  
amo te. \* Et animam meam pono  
pro te. ¶. Si oportuerit me mori to-  
cum, non te negabo. Et.

*Lectio iij.*

**CUM** teneret autem Petrum et Jo-  
annem, cucurrit omnis populus  
ad eos ad porticum, quæ appellatur  
Salomonis, stupentes. Videns autem  
Petrus, respondit ad populum: Viri  
Israelitæ, quid miramini in hoc, aut  
nos quid intuemini, quasi nostra vir-  
tute aut potestate fecerimus hunc  
ambulare? Deus Abraham, et Deus  
Isaac, et Deus Jacob, Deus patrum  
nostrorum glorificavit Filium suum  
Jesum, quem vos quidem tradidistis,  
et negastis ante faciem Pilati, judi-  
cante illo dimitti. Vos autem san-  
ctum, et justum negastis, et petistis  
virum homicidam donari vobis: aucto-  
rem vero vitæ interfecistis, quem De-  
us suscitavit a mortuis, cujus nos te-  
stes sumus. Et in fide nominis ejus,  
hunc, quem vos vidistis et nostis,  
confirmavit nomen ejus: et fides, quæ  
per eum est, dedit integram sanita-  
tem istam in conspectu omnium ve-  
strum.

¶. Tu es Petrus, et super hanc  
petram ædificabo Ecclesiam meam,  
et portæ inferi non prævalebunt ad-  
versus eam: \* Et tibi dabo claves  
regni cælorum. ¶. **Quodcumque** li-  
gaveris super terram, erit ligatum  
et in cælis; et quodcumque solveris  
super terram, erit solutum et in cæ-  
lis. Et. Gloria. Et

#### IN II. NOCTURNO.

Sermo S. Leonis Papæ.

Serm. 1. in Nat. SS. Petri et Pauli.

*Lectio iv.*

**OMNIUM** quidem sanctarum so-  
lemnitatum, dilectissimi, totus



mundus est particeps, et unius fidei pietas exigit, ut, quidquid pro salute universorum gestum recolitur, communibus ubique gaudiis celebretur. Verumtamen hodierna festivitas, præter illam reverentiam, quam toto terrarum orbe promeruit, speciali et propria nostræ Urbis exultatione veneranda est, ut, ubi præcipuorum Apostolorum glorificatus est exitus, ibi in die martyrii eorum sit lætitiæ principatus. Isti enim sunt viri, per quos tibi Evangelium Christi, Roma, resplenduit, et quæ eras magistra erroris, facta es discipula veritatis.

¶ Domine, si tu es, jube me venire ad te super aquas: \* Et extendens manum, apprehendit eum, et dixit Jesus: Modicæ fidei, quare dubitasti? ¶ Cumque vidisset ventum validum venientem, timuit: et cum cœpisset mergi, clamavit, dicens: Domine salvum me fac. Et.

## Lectio v.

**I**STI sunt patres tui, verique pastores, qui te regnis cœlestibus inserendam multo melius multoque felicius condiderunt, quam illi, quorum studio prima mœnium tuorum fundamenta locata sunt: ex quibus is, qui nomen dedit, fraterna te cæde sædavit. Isti sunt, qui te ad hanc gloriam provexerunt, ut gens sancta, populus electus, civitas sacerdotalis et regia, per sacram beati Petri Sedem caput orbis effecta, latius præsideres religione divina, quam dominatione terrena. Quamvis enim multis aucta victoriis, jussu imperii tui terræ marique protuleris, minus tamen est, quod tibi bellicus labor subdidit, quam quod pax Christiana subjecit.

¶ Surge, Petre, et indue te vestimentis tuis, accipe fortitudinem ad salvandas Gentes, \* Quia ceciderunt catenæ de manibus tuis. ¶ Angelus Domini astitit, et lumen refulsit in habitaculo carceris, percussoque latere Petri, excitavit eum, dicens: Surge velociter. Quia.

## Lectio vi.

**D**ISPOSITO namque divinitus operi maxime congruebat, ut multa regna uno confœderarentur imperio, et cito pervios haberet populos prædicatio generalis, quos unius teneret regimen civitatis. Hæc autem civitas ignorans suæ provectionis auctorem, cum pene omnibus dominaretur gentibus, omnium gentium serviebat erroribus; et magnam sibi videbatur assumpsisse religionem, quia nullam respuebat falsitatem. Unde quantum erat per diabolum tenacius illigata, tantum per Christum est mirabilius absoluta.

¶ Tu es pastor ovium, princeps Apostolorum, tibi tradidit Deus omnia regna mundi: \* Et ideo tibi traditæ sunt claves regni cœlorum. ¶ Quodcumque ligaveris super terram, erit ligatum et in cœlis; et quodcumque solveris super terram, erit solutum et in cœlis. Et. Gloria. Et.

## IN III. NOCTURNO.

Lectio sancti Evangelii secundum Matthæum.

## Lectio vij.

Cap. 16.

**I**N illo tempore: Venit Jesus in partes Cæsareæ Philippi, et interrogabat discipulos suos, dicens: Quem dicunt homines esse Filium hominis? Et reliqua.

Homilia S. Hieronymi Presbyteri.

Lib. 4. Comm. in Matth. c. 16.

**P**ULCHRE interrogat: Quem dicunt homines esse Filium hominis? quia qui de filio hominis loquuntur, homines sunt: qui vero divinitatem ejus intelligunt, non homines, sed dii appellantur. At illi dixerunt: Alii Joannem Baptistam, alii autem Eliam. Miror quosdam interpretes causas errorum inquirere singulorum, et disputationem longissimam texere, quare Dominum nostrum Jesum Christum alii Joannem putaverint, alii Eliam, alii Jeremiam, aut unum ex Prophetis, cum sic potuerint errare in Eliæ et Jeremia, quo modo Hero-

des erravit in Joanne, dicens: Quem ego decollavi Joannem, ipse surrexit a mortuis, et virtutes operantur in eo.

ñ. Ego pro te rogavi, Petre, ut non deficiat fides tua: \* Et tu aliquando conversus confirma fratres tuos. †. Caro et sanguis non revelavit tibi, sed Pater meus, qui est in cœlis. Et.

*Lectio viij.*

**V**OS autem quem me esse dicitis? Prudens lector, attende quod ex consequentibus textuque sermonis, Apostoli nequaquam homines, sed dii appellantur. Cum enim dixisset, Quem dicunt homines esse Filium hominis? subiecit: Vos autem quem me esse dicitis? illis quia homines sunt, humana opinantibus, vos qui estis dii, quem me esse existimatis? Petrus ex persona omnium Apostolorum profitetur: Tu es Christus Filius Dei vivi. Deum vivum appellat, ad distinctionem eorum deorum, qui putantur dii, sed mortui sunt.

ñ. Quem dicunt homines esse Filium hominis, dixit Jesus discipulis quis? Respondens Petrus, dixit: Tu es Christus Filius Dei vivi. \* Et ego dico tibi, quia tu es Petrus, et super hanc petram ædificabo Ecclesiam meam. †. Beatus es, Simon Barjona quia caro et sanguis non revelavit tibi, sed Pater meus, qui est in cœlis. Et. Gloria Et.

*Lectio ix.*

**R**ESPONDENS autem Jesus dixit ei: Beatus es, Simon Barjona. Testimonio de se Apostoli reddit vicem. Petrus dixerat, Tu es Christus Filius Dei vivi; mercedem recepit vera confessio: Beatus es, Simon Barjona. Quare? Quia non revelavit tibi caro et sanguis, sed revelavit Pater. Quod caro et sanguis revelare non potuit, Spiritus sancti gratia revelatum est. Ergo ex confessione sortitur vocabulum, quod, revelationem ex Spiritu sancto habeat, cujus et filius appellandus sit. Siquidem

Barjona in nostra lingua sonat filius columbæ.

### *Ad Laudes*

*et per Horas, Antiphonæ.*

1. Petrus et Joannes \* ascendebant in templum ad horam orationis nominam.

2. Argentum et aurum \* non est mihi: quod autem habeo, hoc tibi do.

3. Dixit Angelus \* ad Petrum: Circumda tibi vestimentum tuum, et sequere me.

4. Misit Dominus \* Angelum suum, et liberavit me de manu Herodis, alleluia.

5. Tu es Petrus, \* et super hanc petram ædificabo Ecclesiam meam.

### *Capitulum Act. 12.*

**M**ISIT Herodes rex manus, ut affligeret quosdam de Ecclesia. Occidit autem Jacobum fratrem Joannis gladio. Videns autem quia placeret Judæis, apposuit ut apprehenderet et Petrum.

### *HYMNUS.*

**B**EATE pastor Petre, clemens accipe.

Voces precantum, criminumque vincula.

Verbo resolve, cui potestas tradita.

Aperire terris cœlum, apertum claudere.

Egregie Doctor Paule, mores instrue.

Et nostram tecum pectora in cœlum trahe.

Velata dum meridiem cernat fides,  
Et solis instar sola regnet charitas.

Sit Trinitati sempiterna gloria,  
Honor, potestas, atque jubilatio,  
In unitate quæ gubernat omnia,  
Per universa æternitatis sæcula. Amen.

†. Annuntiaverunt opera Dei.

ñ. Et facta ejus intellexerunt.

*Ad Bened. Ant.* Quodcumque ligaveris super terram, erit ligatum et in cœlis; et quodcumque solveris super terram, erit solutum et in cœlis dicit Dominus Simoni Petro.

*Oratio.*

**D**EUS, qui hodiernam diem Apostolorum tuorum Petri et Pauli martyrio consecrasti, da Ecclesiæ tuæ eorum in omnibus sequi præceptum, per quos religionis sumpsit exordium. Per Dominum.

*Ad Tertiam.*

*Capit. Misit Herodes.*

*¶. br. In omnen terram. ¶. Constitues eos.*

*Ad Sextam.*

*Capitulum. Act. 12.*

**P**ETRUS quidem servabatur in carcere. Oratio autem fiebat sine intermissione ab Ecclesia ad Deum pro eo.

*¶. lr. Constitues eos. ¶. Nimis honorati sunt.*

*Ad Nonam.*

*Capitulum. Act. 12.*

**E**T Petrus ad se reversus, dixit: Nunc scio vere quia misit Dominus Angelum suum, et eripuit me de manu Herodis, et de omni expectatione plebis Judæorum.

*¶. br. Nimis honorati sunt.*

*¶. Annuntiaverunt.*

*In II. Vesperis.*

*Ubi non est faciendum Officium S. Pauli in propria Ecclesia.*

*Ant. et Psalmi de Com. Capit. de Laud. Hymnus, ut in I. Vesp.*

*¶. Annuntiaverunt opera Dei.*

*¶. Et facta ejus intellexerunt.*

*Ad Magnif. Ant. Hodie Simon Petrus ascendit crucis patibulum, alleluia: hodie clavicularius regni gaudens migravit, ad Christum: hodie Paulus Apostolus, lumen orbis terræ, inclinato capite, pro Christi nomine martyrio coronatus est, alleluia.*

*Et nulla fit commemoratio.*

*Ubi vero fit officium S. Pauli in propria Ecclesia.*

*Ad Vesperas*

*Ant. et Capit. de Laud. Psalmi de*

*Dom. loco ult. Laudate Dominum omnes gentes.*

*Hymnus Egregie Doctor, ut supra in hymno ad Laudes.*

*¶. Tu es vas electionis, sancte Paule Apostole.*

*¶. Prædicator veritatis in universo mundo.*

*Ad Magnif. Ant. Sancte Paule Apostole, prædicator veritatis, et doctor Gentium, intercede pro nobis ad Deum, qui te elegit.*

*Oratio ut infra in Laudibus.*

*Deinde fit comm. S. Petri tantum, ut ibi.*

*Si Comm. S. Pauli venerit in die Octava Corporis Christi, extra propriam Eccl. transfertur in primam diem infra Oct. Dominica vel Festo non impeditam, et totum Offic. fit ut in propria Eccl.*

*Die 30. in Com. S. Pauli Ap.*

*Duplex.*

*Ad Matut. Hymnus Egregie Doctor, ut supra.*

*IN I. NOCTURNO.*

*Ant. 1. Qui operatus est Petro in Apostolatum, operatus est et mihi inter Gentes; et cognoverunt gratiam, quæ data est mihi a Christo Domino.*

*2. Scio cui credidi, et certus sum, quia potens est depositum meum servare in illum diem, justus judex.*

*3. Mihi vivere Christus est, et mori lucrum: gloriari me oportet in cruce Domini nostri Jesu Christi.*

*¶. In omnem terram exivit sonus eorum. ¶. Et in fines orbis terræ verba eorum.*

*De Actibus Apostolorum.*

*Lectio j.*

*Cap. 13.*

**E**RANT autem in Ecclesia, quæ erat Antiochiæ, Prophetæ et Doctores, in quibus Barnabas et Simon, qui vocabatur Niger, et Lucius Cyrenensis, et Manahen, qui erat Herodis Tetrarchæ collactaneus, et Saulus. Ministrantibus autem illis Domino, et jejunantibus dixit illis Spiritus sanctus: Segregate mihi Saulum



et Barnabam in opus, ad quod assumpsi eos. Tunc jejunantes, et orantes, imponentesque eis manus, dimiserunt illos. Et ipsi quidem missi a Spiritu sancto abierunt Seleuciam, et inde navigaverunt Cyprum.

¶ Qui operatus est Petro in Apostolatam, operatus est et mihi inter Gentes; \* Et cognoverunt gratiam Dei, quæ data est mihi. Gratia Dei in me vacua non fuit, sed gratia ejus semper in me manet. Et.

*Lectio ij.*

**ET** cum venissent Salaminam, prædicabant verbum Dei in Synagogis Judæorum. Habebant autem et Joannem in ministerio. Et cum perambulassent universam iusulam usque Paphum, invenerunt quemdam virum magum pseudoprophetam, Judæum, cui nomen erat Barjesu, qui erat cum Proconsule Sergio Paulo viro prudente. Hic, accersitis Barnaba et Saulo, desiderabat audire verbum Dei. Resistebat autem illis Elimas magus (sic enim interpretatur nomen ejus) quærens avertere Proconsulem a fide.

¶ Bonum certamen certavi, cursum consummavi, fidem servavi: \* Ideoque reposita est mihi corona justitiæ. ¶ Scio cui credidi, et certus sum quia potens est depositum meum servare in illum diem. Ideoque.

*Lectio iij.*

**SAULUS** autem, qui et Paulus, repletus Spiritu sancto, intuens in eum, dixit: O plene omni dolo, et omni fallacia, fili diaboli, inimice omnis justitiæ, non desinis subvertere vias Domini rectas. Et nunc ecce manus Domini super te, et eris cæcus, non videns solem usque ad tempus. Et confestim cecidit in eum caligo, et tenebræ, et circuiens quærebat cui manum daret. Tunc Proconsul cum vidisset factum, credidit, admirans super doctrina Domini. Et cum a Papho navigassent Paulus et qui cum eo erant, venerunt Pergen Pamphyliae. Joannes autem discedens ab eis, reversus est Jerosolymam.

¶. Reposita est mihi corona justitiæ, \* Quam reddet mihi Dominus in illum diem, justus iudex. ¶. Scio cui credidi, et certus sum, quia potens est depositum meum servare in illum diem. Quam. Gloria. Quam.

IN II. NOCTURNO.

*Ant. 1.* Tu es vas electionis, sancte Paule Apostole, prædicator veritatis in universo mundo.

*2.* Magnus sanctus Paulus vas electionis, vere digne est glorificandus, qui et meruit thronum duodecimum possidere.

*3.* Bonum certamen certavi, cursum consummavi, fidem servavi.

¶. Constitues eos principes super omnem terram. ¶. Memores erunt nominis tui, Domine.

Ex libro S. Augustini Episcopi de gratia et libero arbitrio.

*Lectio iv. Cap. 6.*

**APOSTOLUS** Paulus, quem certe invenimus sine ullis meritis bonis, imo cum multis meritis malis Dei gratiam consecutum reddentis bona pro malis, videamus quid dicat, sua jam propinquante passione, scribens ad Timotheum: Ego enim jam immolor, inquit, et tempus resolutionis meæ instat. Bonum certamen certavi, cursum consummavi, fidem servavi. Ista utique jam merita sua bona commemorat, ut post bona merita consequatur coronam, qui post merita mala consecutus est gratiam. Denique attendite quid sequatur: Superest, inquit, mihi corona justitiæ, quam reddet mihi Dominus in illa die justus iudex. Cui redderet coronam justus Iudex, si non donasset gratiam misericors pater? Et quomodo esset ista corona justitiæ, nisi præcessisset gratia, quæ justificat impium? Quomodo ista debita redderetur, nisi prius illa gratuita donaretur?

¶. Tu es vas electionis, Sancte Paule Apostole, prædicator veritatis in universo mundo: \* Per quem omnes Gentes cognoverunt gratiam Dei. ¶.

Intercede pro nobis ad Deum, qui te elegit. *Per.*

*Lectio v.*

**PROINDE** consideremus ipsa merita Apostoli Pauli, quibus dixit coronam redditurum iudicem justum, et videamus utrum merita ipsius, tamquam ipsius, id est ex ipso ei comparata, an dona sint Dei. Bonum, inquit, certamen certavi, cursum consummavi, fidem servavi. Primo ista bona opera, si non ea præcessissent cogitationes bonæ, nulla essent. Attendite itaque quid de ipsis cogitationibus dicat. Ait enim scribens ad Corinthios: Non quia idonei sumus cogitare aliquid a nobis, tamquam a nobismetipsis; sed sufficientia nostra ex Deo est. Deinde singula inspiciamus.

1. Gratia Dei sum id quod sum: \* Et gratia ejus in me vacua non fuit, sed semper in me manet. 2. Qui operatus est Petro in Apostolatam, operatus est et mihi inter Gentes. Et.

*Lectio vj.*

**BONUM**, inquit, certamen certavi. Quæro qua virtute certaverit: utrum quæ illi ex semetipso fuerit, an quæ desuper data sit? Sed absit, ut tantus doctor ignoraverit legem Dei, cujus vox est in Deuteronomio: Ne dicas in corde tuo; Fortitudo mea, et potentia manus meæ fecit mihi virtutem magnam hanc; sed memoraberis Domini Dei tui, quia ipse tibi dat fortitudinem facere virtutem. Quid autem prodest bonum certamen, nisi sequatur victoria? Et quis dat victoriam, nisi ille, de quo dicit ipse: Gratias Deo, qui dat nobis victoriam per Dominum nostrum Jesum Christum?

3. Saulus, qui et Paulus, magnus prædicator, \* A Deo confortatus convalescebat, et confundebat Judæos. 4. Ostendens quia hic est Christus Filius Dei. A Deo. Gloria. A Deo.

IN III. NOCTURNO.

Ant. 1. Saulus, qui et Paulus, magnus prædicator, a Deo conforta-

tus convalescebat, et confundebat Judæos.

2. Ne magnitudo revelationum extollat me, datus est mihi stimulus carnis meæ, angelus satanæ, qui me colaphizet. Propter quod ter Dominum rogavi, ut auferretur a me; et dixit mihi Dominus: Sufficit tibi, Paule, gratia mea.

3. Reposita est mihi corona justitiæ, quam reddet mihi Dominus in illa die, justus iudex.

4. Nimis honorati sunt amici tui, Deus. 5. Nimis confortatus est principatus eorum.

Lectio sancti Evangelii secundum Matthæum

*Lectio vij.*

Cap. 10.

**I**n illo tempore: Dixit Jesus discipulis suis: Ecce ego mitto vos sicut oves in medio luporum. Et reliqua.

Homilia S. Joannis Chrysostomi.

Homilia 34. in Matth.

**SIC** dicere videtur: Nolite turbari, si cum vos inter lupos mitto, tamquam oves et columbas esse jubeo. Nam etsi possum contrarium quoque præstare, et non permittere ut grave aliquid patiamini, nec lupis tamquam oves subjecti sitis, sed efficere ut leonibus terribiliores evadatis: tamen sic expedit fieri: hoc et vos quoque illustriores faciat, et meam declarabit virtutem. Sic enim postea dixit Paulo: Sufficit tibi gratia mea: nam virtus mea in infirmitate perficitur. Ipse igitur vos, ut tales essetis, feci.

6. Sancte Paule Apostole, prædicator veritatis, et Doctor Gentium, \* Intercede pro nobis ad Deum, qui te elegit, ut digni efficiamur gratia Dei. 7. Tu es vas electionis, sancte Paule Apostole, prædicator veritatis. Intercede.

*Lectio viij.*

**S**ED inspiciamus quam prudentiam exigit: serpentis certe. Nam quemadmodum serpens totum

seipsum tradit, nec minimum curat, si ipsum quoque corpus incidi necesse sit, dummodo caput suum integrum servet: eodem tu quoque modo, præter fidem cætera perdere non cures, sive pecunias, sive corpus, sive etiam vitam ipsam profundere necesse sit. Fides enim caput est et radix, qua servata, etiam si omnia perdas, omnia tamen rursus majore cum gloria recuperabis. Idcirco nec simplices solum jussit esse, nec prudentes solum, sed ambo hæc in unum miscuit, ut ea in virtutem convertantur.

¶. **Damasci**, præpositus gentis Aretæ regis voluit me comprehendere: \* Et a fratribus per murum demissus sum in sporta, \* Et sic evasi manus ejus in nomine Domini. Deus et Pater Domini nostri Jesu Christi scit quia non mentior. **Et. Gloria. Et sic.**

*Lectio ix.*

**Q**UOD si rebus ipsis id ita fieri videre desideras, lege Actuum Apostolorum librum: perspicies profecto, cum sæpe Judæorum populus in Apostolos insurrexerit, ac dentes exacuerit, illos, columbæ simplicitatem imitando, et cum decenti modestia respondendo, iram ipsorum superasse, furorem extinxisse, impetum retardasse. Nam cum illi dicerent: Nonne præcipiendo præcepimus vobis, ne doceretis in nomine isto? quamvis innumera possent edere miracula, nihil tamen asperum neque dixerunt, neque fecerunt; sed summa cum mansuetudine respondentes, dicebant: Si justum est vos audire magis quam Deum, judicate. Perspexisti simplicitatem columbæ, vide nunc serpentis prudentiam. Non enim possumus, inquiunt, nos quæ vidimus et audivimus, non loqui.

**Ad Laudes**

*et per Horas, Antiphonæ.*

1. Ego plantavi, \* Apollo rigavit, Deus autem incrementum dedit, al-luluja.

2. Libenter gloriabor \* in infirmitatibus meis, ut inhabitet in me virtus Christi.

3. Gratia Dei \* in me vacua non fuit, sed gratia ejus semper in me manet.

4. **Damasci**, præpositus gentis Aretæ regis voluit me comprehendere: a fratribus per murum demissus sum in sporta, et sic evasi manus ejus in nomine Domini.

5. Ter virgis cæsus sum, \* semel lapidatus sum, ter naufragium pertuli pro Christi nomine.

*Capitulum.*

2. Tim. 4.

**B**ONUM certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die, justus judex.

*Hymn. Exultet orbis, de Com. 7. Tu es vas electionis, sancte Paule Apostole. ¶. Prædicator veritatis in universo mundo.*

*Ad Bened. Ant. Vos qui secuti estis me, sedebitis super sedes, judicantes duodecim tribus Israel, dicit Dominus.*

*Oratio.*

**D**EUS, qui multitudinem Gentium beati Pauli Apostoli prædicatione docuisti, da nobis, quæsumus, ut cujus natalitia colimus, ejus apud te patrocinia sentiamus. Per Dominum.

*Et fit commemor. S. Petri.*

*Ant. Tu es pastor ovium, princeps Apostolorum, tibi traditæ sunt claves regni cælorum.*

7. Tu es Petrus. ¶. Et super hanc petram ædificabo Ecclesiam meam.

*Oratio.*

**D**EUS, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti, concede, ut intercessionis ejus auxilio, a peccatorum nostrorum nexibus liberemur.

*Deinde Octava S. Joannis.*



**Ad Tertiam.***Capit. Bonum certamen.**q. br. In omnem terram ꝑ. Constitues eos.***Ad Sextam.***Capitulum. 2. Cor. 12.*

**N**E magnitudo revelationum extollat me, datus est mihi stimulus carnis meae, angelus satanae, qui me colaphizet. Propter quod ter Dominum rogavi, ut discederet a me; et dixit mihi: Sufficit tibi gratia mea.

*q. br. Constitues eos. ꝑ. Nimis honorati sunt.***Ad Nonam.***Capitulum. 1. Cor. 13.*

**E**GO enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei. Gratia autem Dei sum id quod sum, et gratia ejus in me vacua non fuit.

*q. br. Nimis honorati sunt.**ꝑ. Annuntiaverunt.***In II Vesperis.***Ant. et Psalmi ut in II. Vesp. Apostolorum.**A capit. fit de Octava S. Joannis, ut in I. Vesp. Festi.**Et fit comm. SS. Apost. Petri et Pauli, ut infr.**Sed in Eccl. propria S. Pauli. Vesperae integræ dicuntur de eo.**Ant. et Psalmi ut in II. Vesp. Apostolorum.**Capit. et reliqua ut in I. Vesp.**Et fit comm. S. Petri, ut supra in Laudibus.**Deinde Octava S. Joannis, ut in I. Vesp. Festi, p. 749.***FESTA JULII.***Prima die non impedita dicitur Officium Esauorum.***Die 1. Oct. S. Joan. Bapt.***Duplex.**Omnia ut in die Festi præter**Lect. I. Noct. de Script. occ.***IN II. NOCTURNO.***Sermo S. Maximi Episcopi.**Hom. 3. in Nat. S. Joannis Bapt.**Lectio iv.*

**F**ESTIVITATEM præsentis diei, fratres charissimi, venerandi Joannis Baptistæ genuina nativitas consecravit: qui idcirco in hoc sæculum superna dispensatione directus est, ut non solum ipse prophetali sublimaretur gloria, sed ut et omnium etiam per eum prophetarum præconia firmarentur. Nec immerito illum præcipuo honore nunc veneramur, qui speciali quadam gratia, ob hoc Redemptorem mundi novissimus prophetavit, ut ostenderet eum primus. Hic enim solus est Prophetarum, qui Dominum nostrum Jesum Christum, quem alii in longa tempora futurum præscierunt, propriis oculis videre meruit, et annuntiare præsentem.

*Lectio v.*

**H**IC est ille quem, inspirante Deo, præscius annuntiat Isaias, dicens: Vox clamantis in deserto, Parate viam Domini. Quam congrue, fratres charissimi, beatus Joannes prædicatus est vox, qui cœlestis Verbi et præco mittebatur et testis! Hic est ille, cujus per Angelum Gabrielem prænuntiatur nativitas, et nomen, et meritum. Hic est, qui judicio cœlestis sententiæ cunctis mortalibus antefertur, dicente Domino: Non surrexit inter natos mulierum major Joanne Baptista. Quam pulchre dictum est, inter natos mulierum non esse majorem, quia ille omnimodis major erat Joanne, qui de virgine nascebatur!

*Lectio vj.*

**Q**UIBUS perspectis, advertite, dilectissimi, quantam huic reverentiam, quantum devotionis debeamus impendere, qui ut honorabilis sit, a sancto est Spiritu prophetatus, promissus ab Angelo, laudatus a Domino, et perpetua sanctæ mortis gloria consecratus. Decebat namque ut mysticam nativitatem ejus mirabilis

vita sequeretur, et sanctam perfectamque vitam mors Deo devota concluderet. Propter quod, fratres, rectissime toto hodie orbe Christi Ecclesia primordia nativitatis ejus latissima festivitate concelebrat, qui æterna mortalibus adesse gaudia, stupenti mundo testis fidelissimus revelavit.

*In Laud. fit comm. SS. Apost. Petri et Pauli, ut infra p. 770.*

*Vesperæ de sequenti.*

## **Die 2. In Visitatione**

BEATÆ MARIE VIRGINIS.

*Duplex Majus.*

### **In I. Vespertis.**

*Ant. de Laud. Psalmi et reliqua hic non propria ut in festis B. M. V. p. 92.*

ŷ. Benedicta tu in mulieribus.

ñ. Et benedictus fructus ventris tui.

*Ad Magnif. Ant. Beata es, Maria, quæ credidisti: perficientur in te quæ dicta sunt tibi a Domino, alleluja.*

*Oratio ut infra in Laudibus.*

*Et fit comm. Oct. S. Joannis.*

*Deinde SS. Apost. Petri et Pauli. ut infra, p. 770.*

*Postremo SS. Mart. Processi et Martiniani.*

*Oratio.*

**DEUS**, qui nos sanctorum Martyrum tuorum Processi et Martiniani gloriosis confessionibus circumdas et protegis, da nobis et eorum imitatione proficere, et intercessione gaudere. Per Dominum.

### **Ad Matutinum.**

*Invit. Visitationem virginis Mariæ celebremus, \* Christum ejus filium adoremus Dominum.*

### **IN I. NOCTURNO.**

*De Canticis Canticorum.*

*Lectio j.*

*Cap. 2.*

**EGO** flos campi, et liliū convallium. Sicut liliū inter spinas, sic amica mea inter filias. Sicut malus inter ligna silvarum, sic dilectus meus inter filios. Sub umbra illius, quem

desideraveram sedi, et fructus ejus dulcis gutturi meo. Introduxit me in cellam vinariam, ordinavit in me charitatem. Fulcite me floribus, stipate me malis, quia amore langueo. Læva ejus sub capite meo, et dextera illius amplexabitur me. Adjuro vos, filiæ Jerusalem, per capreas cervosque camporum, ne suscitatis, neque evigilare faciatis dilectam, quoadusque ipsa velit.

ñ. Surge, propera, amica mea, formosa mea, et veni: jam enim hiems transiit, imber abiit, et recessit: \* Vox turturis audita est in terra nostra. ŷ. Intravit Maria in domum Zachariæ, et salutavit Elisabeth. Vox.

*Lectio ij.*

**VOX** dilecti mei; ecce iste venit saliens in montibus, transiliens colles: similis est dilectus meus capream hinnuloque cervorum. En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, propera amica mea, columba mea, formosa mea, et veni. Jam enim hiems transiit, imber abiit, et recessit. Flores apparuerunt in terra nostra, tempus putationis advēnit, vox turturis audita est in terra nostra, ficus protulit grossos suos, vineæ florentes dederunt odorem suum.

ñ. Quæ est ista, quæ processit sicut sol, et formosa tanquam Jerusalem? \* Viderunt eam filiæ Sion, et beatam dixerunt, et reginæ laudaverunt eam. ŷ. Et sicut dies verni circumdabant eam flores rosarum, et lilia convallium. Viderunt.

*Lectio iij.*

**SURGE**, amica mea, speciosa mea, et veni: columba mea in foraminibus petrae, in caverna maceris, ostende mihi faciem tuam, sonet vox tua in auribus meis: vox enim tua dulcis, et facies tua decorata. Capite nobis vulpes parvulas, quæ demoliuntur vineas: nam vinea nostra floruit. Dilectus meus mihi, et

ego illi, qui pascitur inter lilia, donec aſpiket dies et inclinentur umbræ. Revertere; ſimilis eſto, dilecte mi, capræ hinnuloque cervorum ſuper montes Bether.

¶ Repleta eſt Spiritu ſancto Eliſabeth, et exclamavit: Benedicta tu inter mulieres, et benedictus fructus ventris tui. \* Et unde hoc mihi, ut veniat mater Domini mei ad me? ¶ Ecce enim ut facta eſt vox ſalutationis tuæ in auribus meis, exultavit in gaudio infans in utero meo. Et. Gloria. Et.

IN II. NOCTURNO.

Sermo S. Joannis Chryſoſtomi.

*Apud Metaph. Menſe Julio.*

*Lectio iv.*

**CUM** ad nos advenisset Redemptor nostri generis, venit protinus ad suum amicum Joannem, dum adhuc esset in ventre matris. Quem cum ex utero in utero aspexisset Joannes, terminos naturæ concutiens, exclamat: Video Dominum, qui naturæ imposuit terminos, et non expecto tempus nascendi; novem mensium tempus mihi non est hic necessarium: in me est enim, qui est æternus; egrediar ex hoc tenebroso tabernaculo, rerum admirabilium compendiosam prædicabo cognitionem. Sum signum: significabo Christi adventum. Sum tuba: proferam Filii Dei in carne dispensationem. Tuba canam, eo ipso paternæ linguæ benedicam, et eam traham, ut loquatur. Tuba canam, et uterum maternum vivificabo.

¶ Ecce iste veniet saliens in montibus, transiliens colles. \* Similis est dilectus meus capræ, hinnuloque cervorum. ¶ Exultavit ut gigas ad currendam viam, a summo cælo egressio ejus. Similis.

*Lectio v.*

**VIDES**, o dilecte, quam sit novum et admirabile mysterium. Nondum nascitur, et saltibus loquitur; nondum apparet, et minas intendat; nondum ei permittitur clama-

re, et per facta auditur, nondum ducit vitam et Deum prædicat nondum aspicit lucem, et solem indicat: nondum paritur, et properat præcurrere: non fert enim præſente Domino, contineri, non sustinet naturæ expectare terminos, sed contendit rumpere carcerem ventris, et studet præsignificare venientem Salvatorem. Accessit, inquit, qui solvit vincula: et quid ego sedeo vinctus, et retineor ut maneam? venit Verbum, ut omnia constituat, et ego adhuc maneo detentus? Exibo præcurram, et prædicabo omnibus: Ecce Agnus Dei, qui tollit peccata mundi.

¶ Congratulamini mihi, omnes qui diligitis Dominum: quia, cum essem parvula, placui Altissimo: \* Et de meis visceribus genui Deum et hominem. ¶ Beatam me dicent omnes generationes, quia ancillam humilem respexit Deus. Et.

*Lectio vj.*

**SED** dic nobis, Joannes, cum adhuc in tenebroso matris utero continearis, quomodo intueris et audis? quomodo res divinas contempleris? quomodo exilis et exultas? Magnum est, inquit, quod peragitur mysterium, et actus ab humana remotus comprehensione. Merito innovo naturam propter eum, qui est innovaturus ea quæ sunt supra naturam. Video etsi adhuc in utero sim, quoniam in utero gestari video solem justitiæ. Auribus percipio, quoniam nascor vox magni Verbi. Exclamo, quoniam Filium Patris unigenitum considero carne indutum. Exulto, quoniam universi Effectorem video formam hominis suscipere. Exilio, quoniam mundi Redemptorem cogito incorporatum. Præcurro adventum ejus, et quodammodo vobis præeo confessione.

¶ Beata quæ credidisti, quoniam perficientur in te quæ dicta sunt tibi a Domino. Et ait Maria: \* Magnificat anima mea Dominum. ¶ Venite et audite, et narrabo quanta fecit.



Deus animæ meæ. Magnificat. Gloria.  
Magnificat.

IN III. NOCTURNO.

Lectio sancti Evangelii secundum  
Lucam.

*Lectio vij.*

Cap. 1. d.

**I**N illo tempore : Exurgens Maria ,  
I abiit in montana cum festinatione  
in civitatem Juda. Et intravit in do-  
mum Zachariæ, et salutavit Elisabeth.  
Et reliqua.

Homilia sancti Ambrosii Episcopi.

*Lib. 2. Comm. in Luc. cap. 1.*

**C**ONTUENDUM est , quia supe-  
rior venit ad inferiorem , ut in-  
ferior adjuvetur Maria ad Elisabeth,  
Christus ad Joannem. Denique etiam  
postea , ut sanctificaret baptismum  
Joannis, Dominus venit ad baptismum.  
Cito quoque adventus Mariæ, et præ-  
sentia divina beneficia declaran-  
tur. Vide distinctionem, singulorum-  
que verborum proprietatem. Vocem  
prior Elisabeth audivit , sed Joannes  
prior gratiam sensit. Illa naturæ  
ordine audivit , iste exultavit ratione  
mysterii. Illa Mariæ , iste Domini  
sensit adventum. Istæ gratiam loquun-  
tur , illi intus operantur , pietatis-  
que mysterium maternis adoriuntur  
profectibus, duplicique miraculo pro-  
phetant matres spiritu parvulorum.  
Exultavit infans , repleta est mater.  
Non prius mater repleta, quam filius  
sed cum filius esset repletus Spiritu  
sancto, replevit et matrem.

¶. Beatam me dicent omnes gene-  
rationes : " Quia fecit mihi Dominus  
magna qui potens est , et sanctum  
nomen ejus. ¶. Et misericordia ejus  
a progenie in progenie timentibus  
eum. Quia.

*Lectio viij.*

**E**T unde hoc mihi , ut veniat Ma-  
ter Domini mei ad me? Hoc est,  
quo tantum bonum mihi accidit , ut  
Mater Domini mei veniat ad me? Mi-  
raculum sentio , agnosco mysterium.  
Mater Domini verbo foeta, Deo plena  
est. Mansit autem Maria cum illa

mensibus tribus , et reversa est in  
domum suam. Bene inducitur sancta  
Maria et exhibuisse officium , et my-  
sticum numerum custodisse.\* **NON**  
enim sola familiaritatis est causa quod  
diu mansit , sed etiam tanti Vatis  
profectus. Nam si primo ingressu  
tantus profectus extitit , ut ad salu-  
tationem Mariæ exultaret infans in  
utero , repleretur Spiritu sancto ma-  
ter infantis : quantum putamus usu  
tanti temporis sanctæ Mariæ addidis-  
se præsentiam? Ungebatur itaque ,  
et quasi bonus athleta exercebatur  
in utero matris propheta: amplissimo  
enim virtus ejus certamini paraba-  
tur.

¶. Felix namque es , sacra virgo  
Maria , et omni laude dignissima : "  
Quia ex te ortus est sol justitiæ , "  
Christus Deus noster. v. Ora pro po-  
pulo , interveni pro clero , intercede  
pro devoto scemineo sexu , sentiant  
omnes tuum juvamen, quicumque ce-  
lebrant tuam sanctam Visitationem.  
Quia. Gloria. Christus.

*Pro SS. Martyribus.*

*Lectio ix.*

**Q**UO tempore Petrus et Paulus te-  
nebantur sub custodia Mamerti-  
ni in monte Tarpejo , duo custodes  
Processus et Martinianus cum aliis  
quadragesima, Apostolorum prædicatione  
miraculisque commoti , se ad Jesu  
Christi fidem converterunt : et cum  
repente fons e saxo ortus esset, ba-  
ptizati sunt. Qui permiserunt Aposto-  
lis , ut si vellent , abirent. Sed Pau-  
linus militum præfectus , re cognita,  
Processum et Martinianum a suscepto  
consilio revocare conatur. Qui cum  
frustra tempus contereret , ipsorum  
ora saxa contundi , dentesque com-  
minui jubet. Mox ad Jovis statuam  
adductos , cum eadem constantia ve-  
neraturos se idola negarent, impera-  
equuleo torqueri , caudentibus lami-  
nis ad eorum corpus admotis , ac-  
cædi fustibus. Quibus in cruciatibus  
una hæc illorum vox audiebatur: Sit  
nomen Domini benedictum. Denique

conjecti in carcerem, paulo post extra Urbem via Aurelia securi feriuntur. Quorum corpora Lucina in prædip suo sepelivit, sexto Nonas Julii: quæ postea in Urbem translata, in Basilica Principis Apostolorum condita sunt.

**Ad Laudes**

*et per Horas, Antiphonæ.*

1. Exurgens Maria \* abiit in montana cum festinatione in civitatem Juda.

2. Intravit Maria \* in domum Zachariæ, et salutavit Elisabeth.

3. Ut audivit \* salutationem Mariæ Elisabeth, exultavit infans in utero ejus, et repleta est Spiritu sancto, alleluja.

4. Benedicta tu inter mulieres, et benedictus fructus ventris tui.

5. Ex quo \* facta est vox salutationis tuæ in auribus meis, exultavit infans in utero meo, alleluia.

¶ Benedicta tu in mulieribus.

¶ Et benedictus fructus ventris tui.

*Ad Bened. Ant.* Cum audisset salutationem Mariæ Elisabeth, exclamavit voce magna, et dixit: unde hoc mihi, ut veniat mater Domini mei ad me? alleluja.

*Oratio.*

**F**AMULIS tuis, quæsumus Domine, cælestis gratiæ munus impertire, ut quibus beatæ Virginis partus exitit salutis exordium, Visitationis ejus votiva solemnitas pacis tribuat incrementum. Per Dominum.

*Et sit comm. SS. Apost. ut sequit.*

*Deinde SS. Mart. Processi et Martiniani.*

**In II. Vesperis.**

*Omnia dicuntur ut in I. præter*

*Ad Magnific. Ant.* Beatam me dicunt omnes generationes, quia ancillam humilem respexit Deus, allel.

*Deinde sit comm. SS. Apost. ut sequitur.*

*Infra Octav. SS. Apost. Petri et Pauli omnia dicuntur de Com. præter Lect. et*

*Ad Bened. Ant.* Gloriosi principes terræ, quomodo in vita sua dilexerunt se, ita et in morte non sunt separati.

¶ In omnem terram exivit sonus eorum.

¶ Et in fines orbis terræ verba eorum.

*Ad Magnific. Ant.* Petrus Apostolus, et Paulus Doctor Gentium, ipsi nos docuerunt legem tuam Domine.

¶ Constitues eos principes super omnem terram.

¶ Memores erunt nominis tui Domine.

*Oratio.*

**D**EUS, qui hodiernam diem Apostolorum tuorum Petri et Pauli martyrio consecrasti, da Ecclesiæ tuæ eorum in omnibus sequi præceptum, per quos religionis sumpsit exordium. Per Dominum.

**Die 3. Quinta**

INFRA OCTAV. SS. PETRI ET PAULI.

*Lect. I. Noct. de Scrip. occur.*

IN II. NOCTURNO

De Sermone S. Leonis Papæ.

*Ex Serm. I. in Natali SS. Apost. Petri et Pauli in fine.*

*Lectio iv.*

**P**RETIOSA est in conspectu Domini mors sanctorum ejus, nec ullo crudelitatis genere destrui potest sacramento crucis Christi fundata religio. Non minuitur persecutionibus Ecclesia, sed augetur; et semper Dominicus ager segete ditiori vestitur, dum grana quæ singula cadunt, multiplicata nascuntur. Unde duo ista præclara divini seminis germina in quantam sobolem germinarint, beatorum millia martyrum protestantur, qui Apostolicorum æmuli triumphorum, Urbem nostram purpuratis, et longe lateque rutilantibus populis amblerunt, et quasi ex

multarum honore gemmarum conserto uno diademate coronarunt.

*Lectio v.*

**D**E quorum præsidio, dilectissimi divinitus nobis ad exemplum patientiæ, et confirmatione fidei præparato, universaliter quidem in omnium Sanctorum commemoratione lætandum est: sed in horum excellentia Patrum merito est excellentius gloriandum, quos gratia Dei in tantum apicem inter omnia Ecclesiæ membra provexit, ut eos in corpore, cui caput est Christus, quasi geminum constitueret lumen oculorum. De quorum meritis atque virtutibus, quæ omnem loquendi superant facultatem, nihil diversum, nihil debemus sentire discretum: quia illos et electio pares, et labor similes, et finis fecit æquales.

*Lectio vj.*

**S**ICUT autem et nos experti sumus, et nostri probavere majores, credimus atque confidimus inter omnes labores istius vitæ ad obtinendam misericordiam Dei semper nos specialium patronorum orationibus adjuvandos, ut, quantum propriis peccatis deprimimur, tantum Apostolicis meritis erigamur: per Dominum nostrum Jesum Christum, cui est cum Patre et sancto Spiritu eadem potestas, una divinitas in sæcula sæculorum. Amen.

*In III. Noct. Homilia Perfectus ille est de Com. 2 loco p. 11'.*

**Die 4. Sexta.**

**INFRA OCTAV. SS. PETRI ET PAULI.**

*Lect. I. Noct. de Script. occur.*

**IN II. NOCTURNO.**

**De Expositione S. Joannis Chrysostomi in Epistolam ad Romanos.**

*Serm. 31 in moral. exhort.*

*Lectio iv.*

**C**UM Paulus Apostolus gratiam Domini nostri Jesu Christi matrem omnium bonorum nobis precetur,

reliquum est, ut nos tali patrocinio dignos exhibeamus, ut non hic solum vocem Pauli audiamus, sed et postquam illuc migraverimus, athletam Christi videre mereamur. Imo si hic audiverimus, et illic ipsum omnino videbimus; licet non e propinquo stantes, videbimus tamen prope regalem thronum splendentem ubi Cherubim Deum glorificant, ubi Seraphim volant, illuc Paulum videbimus cum Petro Sanctorum chori principem ac ducem, et ejus germana charitate fruemur.

*Lectio v.*

**S**I enim, cum hic esset, usque adeo diligebat homines, ut, cum dissolvi et cum Christo esse cuperet, elegerit tamen hic esse; multo magis illic ferventiorē charitatem ostendet. Ego et Romam propterea diligo, tametsi aliunde illam laudare queam, nempe, a magnitudine, ab antiquitate, a pulchritudine, a multitudine, ab imperio, a divitiis, et a rebus in bello fortiter gestis. Sed his omnibus omissis, ob id illam beatam prædico, quod erga illos Paulus, dum viveret, adeo fuit benevolus, adeo illos amavit, et coram disseruit, et postremo vitam apud eos finivit. Cujus sanctum corpus ipsi possident, et propterea civitas illa hinc facta est insignis magis quam ab aliis rebus omnibus; et tamquam corpus magnum ac validum duos habet oculos fulgentes, sanctorum videlicet horum corpora.

*Lectio vj.*

**N**ON ita cælum splendet, quando radios sol demittit, quemadmodum Romanorum Urbs duos istos fulgores ubique terrarum emittens. Hinc rapietur Paulus, hinc Petrus. Considerate, et horrete quale spectaculum visura sit Roma: Paulum videlicet repente ex theca illa cum Petro resurgentem, in occursum Domini sursum ferri. Qualem rosam Christo mittet Roma, qualibus coronis duabus oratur Urbs ista? qualibus catenis aureis cincta est? quales habet



fontes? Propterea admiror hanc Urbem, non propter copiam auri, non propter columnas, neque propter aliam quamcumque rerum speciem, sed propter columnas illas Ecclesiae. Quis mihi nunc dabit circumvolvi corpori Pauli, affigi sepulchro, videre pulverem corporis illius, quæ adhuc in Christo deerant adimplentis, stigmata illius gestantis, prædicationem Evangelii ubique seminantis?

*In III. Noct. Homil. Duo sunt ordines, pro Abb: 5. loco, p. 61.*

**Die 5. Septima.**

INFRA OCT. SS. PETRI ET PAULI.

*Lect. I. Noct. de Script. oco.*

IN II. NOCTURNO.

Sermo S. Maximi Episcopi.

Homil. 5. de SS. Petro et Paulo

*Lectio iv.*

**N**ON sine causa factum putemus. fratres charissimi, quod gloriosissimi Christianæ fidei principes Petrus et Paulus, una die, uno in loco, unius tyranni tolerare sententiam. Una die passi sunt, ut ad Christum pariter pervenirent; uno in loco, ut alteri Roma deesset; sub uno persecutore, ut æqualis crudelitas utrumque constringeret. Dies ergo, puto, pro merito, locus pro gloria, persecutor decretus est pro virtute. Et in quo tandem loco martyrium pertulerunt? In urbe Roma, quæ principatum et caput obtinet nationum, scilicet ut ubi caput superstitionis erat, illic caput quiesceret sanctitatis; et ubi Gentilium principes habitabant, illic Ecclesiarum principes morerentur.

*Lectio v.*

**C**UJUS autem meriti sint beatissimi Petrus et Paulus hinc possumus intelligere, quod, cum Dominus Orientis regionem propria illustravit passione, Occidentis plagam, ne quid minus esset, vice sui Apostolorum sanguine illuminare dignatus est. Et licet illius passio nobis sufficiat ad

salutem, tamen etiam horum martyrium nobis contulit ad exemplum. Hodierna igitur die beati Apostoli sanguinem profuderunt. Sed videamus causam, quare ista perpessi sunt: scilicet, quod inter cætera mirabilia etiam magum illum Simonem orationibus suis de aeris vacuo præcipiti ruina prostraverunt.

*Lectio vj.*

**C**UM enim idem Simon se Christum diceret, et tanquam Filium ad Patrem assereret volando se posse conscendere, atque elatus subito magicis artibus volare cœpisset, tunc Petrus fixis genibus precatus est Dominum, et precatione sancta vicit magicam levitatem. Prior enim ascendit ad Dominum oratio, quam volatus, et ante pervenit justa petitio, quam iniqua præsumptio; ante Petrus in terris positus obtinuit quod petebat, quam Simon perveniret in cœlestibus, quo tendebat. Tunc igitur Petrus velut victum illum de sublimi aere deposuit, et quodam præcipiti in saxo elidens: ejus crura confregit: et hoc in opprobrio facti illius, ut qui paulo ante volare tentaverat subito ambulare non posset; et qui pennas assumpserat, plantas amitteret.

*In III. Noct. Homil. Grandis fiducia de com. 1. loco.*

**Die 6. Octava.**

SANCTORUM PETRI ET PAULI

*Duplex.*

*In I. Vesp. omnia de commun.*

*Y. Constitues eos principes super omnem terram. A. Memores erunt nominis tui, Domine.*

*Ad Magnif. Ant: Petrus Apostolus, et Paulus doctor Gentium, ipsi nos docuerunt legem tuam Domine.*

*Oratio.*

**D**EUS, cujus dextera beatum Patrum ambulantes in fluctibus, ne mergeretur, erexit; et Coapostolum ejus Paulum tertio naufragantem,

de profundo pelagi liberavit, exaudi nos propitius, et concede, ut amborum meritis, æternitatis gloriam consequamur. Qui vivis.

*Lect. I. Noct. de script. occur.*

IN II. NOCTURNO.

Sermo S. Joannis Chrysostomi.

Apud Metaphrasten.

*Lectio iv.*

**Q**UASNAM vobis, o beati Apostoli, referemus gratias, qui tantum pro nobis laborastis? Memini tui, Petre, et obstupesco: recordor tui, Paule, et excedens mente, opprimor lacrymis. Quid enim dicam, aut quid loquar, vestras contemplans afflictiones, nescio. Quot carceres sanctificastis? quot catenas decorastis? quot tormenta sustinuistis? quot maledicta tolerastis? quomodo Christum portastis? quomodo prædicatione Ecclesias lætificastis? Sunt benedicta vestrae linguae instrumenta: sanguine conspersa sunt membra vestra propter Ecclesiam. Vos Christum imitati estis in omnibus. In omnem terram exiit vester sonus, et verba vestra in fines orbis terræ.

*Lectio v.*

**G**AUDEAS, Petre, cui datum est ut ligno crucis Christi fruereris. Et ad Magistri quidem similitudinem voluisti crucifigi, non recta quidem figura, ut Christus Dominus, sed capite in terram verso, tanquam qui a terra in cælum iter faceres. Beati clavi, qui sancta illa membra penetrarunt! Tu cum omni fiducia in manus Domini animam tradidisti, qui assidue ei et ejus sponsæ Ecclesiæ servisti, qui ferventi spiritu Dominum dilexisti omnium apostolorum fidelissimus.

*Lectio vj.*

**G**AUDEAS et tu, beate Paule, cui caput fuit gladio amputatum, cujus virtutes nullis verbis explicari possunt. Quisnam gladius sanctum guttur tuum pervasit, Dominicum, inquam, instrumentum, quod a cælo

habetur in admiratione, et quod terra reveretur? Quisnam locus tuum sanguinem excepit, lactis specie in ejus, qui te percussit, tunica apparentem? qui animam illius barbari supra modum dulciorem reddens, fidelem effecit cum sociis. Sit mihi gladius ille pro corona, et clavi Petri pro gemmis infixis in diademate.

IN III. NOCTURNO.

Lectio sancti Evangelii secundum Matthæum.

*Lectio vij. Cap. 14.*

**I**N illo tempore: Compulit Jesus discipulos ascendere in naviculam, et præcedere eum trans fretum, donec dimitteret turbas. Et reliqua.

Homilia S. Hieronymi Presbyteri.

*Lib. 2. Comment. in e. 14. Matth.*

**D**ISCIPULIS Dominus præcepit transfretare, et compulit ut ascenderent naviculam. Quo sermone ostenditur, invitos eos a Domino recessisse, dum amore præceptoris, non punctum quidem temporis ab eo volunt separari. Et, dimissa turba, ascendit in montem solus orare. Si fuissent cum eo discipuli Petrus et Jacobus et Joannes, qui viderant gloriam transformati, forsitan ascendissent in montem cum eo: sed turba ad sublimia sequi non potest, nisi docuerit eam juxta mare in littore, et aluerit in deserto.

*Lectio viij.*

**Q**UOD autem ascendit solus orare, non ad eum referas, qui de quaque panibus quinque millia saturavit hominum, exceptis parvulis et mulieribus; sed ad eum, qui, audita morte Joannis, secessit in solitudinem; non quod personam Domini separemus, sed quod opera ejus inter Deum hominemque divisa sint. Navicula autem in medio mari jactabatur fluctibus. Recte quasi invitati et retractantes Apostoli a Domino recesserant, ne illo absente naufragia sustinerent.

*Lectio ix.*

**D**ENIQUE Domino in montis cacumine commorante, statim ventus contrarius oritur, et turbat mare, et periclitantur Apostoli; et tandem imminens naufragium perseverat, quamdiu Jesus veniat. Quarta autem vigilia noctis venit ad eos ambulans supra mare. Stationes et vigiliæ militares in ternis horarum spatia dividuntur. Quando ergo dicit, quarta vigilia noctis venisse ad eos Dominum, ostendit tota nocte periclitatos, et extremo noctis, atque in consummatione mundi, eis auxilium præbiturum.

*Ad Laudes*

¶. In omnem terram exivit sonus eorum. ¶. Et in fines orbis terræ verba eorum.

*Ad Bened. Ant.* Gloriosi principes terræ, quomodo in vita sua dilexerunt se, ita et in morte non sunt separati.

*In II. Vesp. omnia de Com. præter ¶. et Ant. ad Magnif. quæ dicuntur ut in I. Vesperis.*

**DIE 8. S. Elisabeth**

Reginæ Portug. Viduæ Semidupl.

*In I. Vesp. Ant. de Laudibus.*

**HYMNUS**

**D**OMARE cordis impetus Elisabeth

Fortis inopsque, Deo  
Servire regno prætulit.

En fulgidis recepta cœli sedibus,  
Sidereæque domus  
Dilata sanctis gaudiis.

Nunc regnat inter Cœlites beatior,  
Et premit astra, docens  
Quæ vera sint regni bona.

Patri potestas, Filioque gloria,  
Perpetuumque decus

Tibi sit, alme Spiritus. Amen.

¶. Ora pro nobis, beata Elisabeth. ¶. Ut digni efficiamur promissionibus Christi.

*Ad Magnif. Ant.* Et nunc, reges, intelligite; erudimini, qui iudicatis terram.

*Oratio ut infra in Laudibus.*

*Ad Matut. Invit.* Laudemus Deum nostrum, \* In sanctis operibus beatæ Elisabeth.

*Hymn.* Domare cordis, ut sup.

**IN I. NOCTURNO.**

*Ant. 1.* Elevata est magnificentia Elisabeth super cœlos.

*2.* Veni, electa mea, ponam in te thronum meum, quia concupivit Rex speciem tuam.

*3.* Accepit benedictionem a Domino, et misericordiam a Deo salutari suo.

¶. Multæ filiæ congregaverunt divitias ejus. Tu supergressa es universas.

*Lect. I. Noct.* Mulierem fortem.

¶. ¶. Regali exorta progenie triumphat in cœlis Elisabeth triplici circumdata varietate meritorum: \* Nam in terra in triplici vitæ gradu posteris imitanda virtutum reliquit exempla.

¶. Virginali statum, conjugalem, et vidualem inoffenso pede cucurrit. Nam.

¶. ¶. Os suum aperuit sapientiæ, \* Et lex clementiæ in lingua ejus. ¶. Quoniam prævenisti eam in benedictionibus dulcedinis. Et.

¶. ¶. Desiderium animæ ejus tribuisti ei, \* Et voluntate labiorum ejus non fraudasti eam. ¶. Scuto bonæ voluntatis tuæ coronasti eam, Domine. Et. Gloria. Et.

**IN II. NOCTURNO.**

*Ant. 1.* Propter veritatem, et mansuetudinem, et justitiam deducet te mirabiliter dextera tua.

*2.* Arcum conteret, et confringet arma, et scuta comburet igni.

*3.* Justitia et misericordia plena est dextera tua.

¶. Virga tua et baculus tuus.

¶. Ipsa me consolata sunt.

*Lectio iv.*

**ELISABETH** Aragoniæ regibus ortam Christi anno millesimo ducentesimo septuagesimo primo. in præsagium futuræ sanctimonie parentes,



præter morem, relicto matris aviæque nomine, a magna ejus matertera, Turingiæ domina, sancta Elisabeth, in baptismo nominatam voluere. Ubi nata est, statim patuit, quam felix regum regnorumque esset futura pacatrix; natalitia enim ejus lætitia perniciosas avi patrisque dissensiones in concordiam convertit. Pater vero crescentis postea filiæ admiratus indolem, affirmabat fore, ut una Elisabeth reliquas Aragoniorum regum sanguine creatas feminas virtute longe superaret. Sic cœlestem ipsius vitam in contemnendo corporis ornatu, in fugiendis voluptatibus, in jejuniis frequentandis, in divinis præcibus assidue recitandis, in charitatis operibus exercendis, veneratus, rerum suarum regnique felicitatem unius filiæ meritis referebat acceptam. Tandem ubique nota, et a multis principibus exoptata, Dionysio Lusitanæ regi Christianis cæremoniis rite est in matrimonium collocata.

â. Audi filia, et vide, et inclina aurem tuam, et obliviscere populum tuum, et domum patris tui: \* Et concupiscet Rex decorem tuum. †. Specie tua et pulchritudine tua intende, prospere procedo, et regna. Et.

#### Lectio v.

**J**UNCTA conjugio, non minorem excolendis virtutibus, quam liberis educandis operam dabat, viro placere studens, sed magis Deo. Mediam fere anni partem solo pane tolerabat et aqua, quæ in quodam ipsius morbo divinitus versa est in vinum, cum id a medicis præscriptum bibere recusasset. Pauperis feminae ulcus horrendum exosculata, drepente sanavit. Pecunias pauperibus distribuendas, ut regem laterent, hiberno tempore in rosas convertit. Virginem cæcam a nativitate illuminavit; multos alios solo crucis signo a gravissimis morbis liberavit: plurima id genus miracula patravit. Monasteria, collegia, et templa non modo extru-

xit, sed etiam magnifice dotavit. In regum discordiis componendis admirabilis fuit, in privatis publicisque mortalium sublevandis calamitatibus indefessa.

â. Manum suam misit ad fortia: \* Manum suam aperuit inopi, et palmas suas extendit ad pauperem. †. Dispersit, dedit pauperibus, justitia ejus manet in sæculum sæculi. Manum.

#### Lectio vj.

**D**EFUNCTO rege Dionysio sicut virginibus in prima ætate, in matrimonio conjugibus, ita viduis in solitudine fuit omnium virtutum exemplar. Illico enim religiosæ sanctæ Claræ vestibus induta. regio funeri constanter interfuit, ac paulo post Compostellam proficiscens, multa ex holoserico, argento, auro, gemmisque donaria pro regis anima obtulit. Inde reversa domum, quidquid sibi charum aut pretiosum supererat, in sacros ac pios usus convertit: absolvendoque suo vere regio Conimbricensi virginum cœnobio, et alendis pauperibus, et protegendis viduis, defendendis pupillis, miseris omnibus juvandis intenta, non sibi, sed Deo, et mortalium omnium commodis vivebat. Reges duos, filium et generum pacificatura, Stremotium nobile oppidum veniens, morbo ex itinere contracto, ibidem a Virgine Deipara visitata, sanctissime obiit, anno millesimo trecentesimo trigesimo sexto, die quarta Julii. Post mortem multis miraculis claruit præsertim suavissimo corporis jam per annos fere trecentos incorrupti odore, semper etiam reginæ sanctæ cognomento celebris. Tandem anno jubilæi, et nostræ salutis millesimo sexcentesimo vigesimo quinto, totius Christiani orbis concursu et applausu, ab Urbano Octavo rite inter Sanctos adscripta est.

â. Regnum mundi, et omnem ornatum sæculi contempsi propter amorem Domini mei Jesu Christi: \* Quem vidi, quem amavi, in quem credidi, quem dilexi. †. Eructavit cor meum

verbum bonum; dico ego opera mea  
Regi. Quem. Gloria. Quem.

IN III. NOCTURNO.

*Ant. 1.* Confessio et pulchritudo in  
conspectu ejus, sanctitas et magni-  
ficentia in sanctificatione ejus.

*2.* Annuntiaverunt cœli justitiam  
ejus, et viderunt omnes populi glo-  
riam ejus.

*3.* Judicavit in justitia, et populos  
in æquitate.

*γ.* Ignis ante ipsam præcedet.

*η.* Et inflammabit in circuitu ini-  
micos ejus.

*Hom.* Cœlorum regnum, de Com.

*η. vij.* Os suum aperuit sapientiæ,  
et lex clementiæ in lingua ejus: con-  
sideravit semitas domus suæ, \* Et  
loquebatur de testimoniis Domini. *γ.*  
Gustavit, et vidit quia bona est ne-  
gotiatio ejus, non extinguetur in no-  
cte lucerna ejus. Et.

*η. viij.* Invocavi, et venit in me  
spiritus sapientiæ, et præposui illam  
regnis et sedibus: \* Et divitias nihil  
esse duxi in comparatione illius. *γ.*  
Melior est enim sapientia cunctis opi-  
bus pretiosissimis. Et. Gloria. Et.

*Ad Laudes.*

*et per Horas, Antiphonæ.*

*1.* Dum esset Rex \* in accubitu  
suo, nardus mea dedit odorem sua-  
vitatis.

*2.* Et concupiscet Rex \* decorem  
tuum, quia ipse est Dominus Deus  
tuus.

*3.* Potens in opere \* et sermone,  
lenivit iracundiam Domini, et concili-  
avit cor patris ad filium.

*4.* Quasi arcus refulgens inter ne-  
bulas gloriæ, et quasi flos rosarum  
in diebus vernis.

*5.* Quasi stella matutina \* in me-  
dio nebulae, et quasi luna plena in  
diebus suis.

HYMNUS.

**O**PES, decusque regium relique-  
ras,  
Elisabeth, Dei dicata numini:

Recepta nunc bearis inter Angelos;  
Libens ab hostium tuere nos dolis.

Præi, viamque dux salutis indica,  
Sequemur. O sit una mens fidelium,  
Odor bonus sit omnis actio, tuis  
Id innuit rosis operta charitas.

Beata charitas in arce siderum  
Potens locare nos per omne sæculum;  
Patrique, Filioque summa gloria,  
Tibique laus perennis, alma Spiritus.  
Amen.

*γ.* Meritis et precibus beatæ Elisa-  
beth. *η.* Propitius esto, Domine, po-  
pulo tuo.

*Ad Bened. Ant.* Tu gloria Jerusa-  
lem, tu lætitia Israel, tu honorifi-  
centia populi tui.

*Oratio.*

**C**LEMENTISSIME Deus, qui  
beatam Elisabeth reginam inter  
cæteras egregias dotes, bellici furoris  
sedandi prærogativa decorasti; da no-  
bis ejus intercessione, post mortalis  
vitæ, quam suppliciter petimus, pa-  
cem, ad æterna gaudia pervenire. Per  
Dominum.

*In II. Vesp. omnia ut in I.*

*Ad Magnif. Ant.* Elisabeth pacis  
et patriæ mater, in cœlo triumphans;  
dona nobis pacem.

**DIE 10. SS. 7. Fratrum,**

AC RUFINÆ ET SECUNDÆ.

Virg. et Mart. Semidupl.

*Officium de Com. plur. Mart.*

*Oratio.*

**P**RÆSTA, quæsumus, omnipo-  
tens Deus, ut qui gloriosos Mar-  
tyres fortes in sua confessione cogno-  
vimus, pios apud te in nostra inter-  
cessione sentiamus. Per Dominum.

*Lect. I. Noct. de Script. occ.*

IN II. NOCTURNO.

*Lectio I.*

**S**EPTEN fratres, filii sanctæ Fe-  
licitatis, Romæ in persecutione  
Marci Aurelii Antonini a Publico præ-  
fecto primum blanditiis, deinde ter-  
roribus tentati, ut Christo renunti-  
antes, deos venerarentur: et sua vir-

tute, et matre hortante, in fidei confessione perseverantes, varie necati sunt. Januarius plumbatis cæsus, Felix et Philippus fustibus contusi, Silvanus ex altissimo loco præceps dejectus est, Alexander, Vitalis, et Martialis capite plectuntur. Mater eorum quarto post mense eandem martyrii palmam consecuta est: illi sexto idus Julii spiritum Domino reddiderunt.

*Lectio v.*

**RUFINA** et Secunda, sorores, virgines Romanæ, rejecto conubio Armentarii et Verini, quibus a parentibus desponsæ fuerant, quod Jesu Christo virginitatem vovissent, Valeriano et Gallieno Imperatoribus, comprehenduntur. Quas cum nec promissis, nec terrore Junius præfectus a proposito posset abducere, Rufinam primum virgis cædi jubet: in cujus verberibus Secunda judicem sic interpellat: Quid est quod sororem meam honore, me afficis ignominia? Jube ambas simul cædi, quæ simul Christum Deum confitemur. Quibus verbis incensus judex imperat utramque detrudi in tenebricosum et foetidum carcerem. Quo loco statim clarissima luce et suavissimo odore completo, in ardente balnei solio includuntur. Et cum inde etiam integræ evasissent, mox saxo ad collum alligato, in Tiberim projectæ sunt: unde ab Angelo liberatæ, extra Urbem via Aurelia milliario decimo, capite plectuntur. Quarum corpora a Plautilla matrona in ejus prædio sepulta ac postea in Urbem translata, in Basilica Constantiniana prope Baptistarium condita sunt.

Sermo S. Augustini Episcopi.

Serm. 116. de diversis.

*Lectio vj.*

**MAGNUM** spectaculum, fratres, positum est ante oculos fidei nostræ. Aure audivimus, corde vidimus optantem matrem ante se finire istam vitam filios suos, longe contrariis votis consuetudini humanæ. Omnes enim homines filios suos,

ex hac vita migrando, præcedere volunt, non sequi; illa autem optavit posteriori mori. Non enim amittebat filios, sed præmittebat, nec intuebatur quam vitam finirent, sed quam inchoarent. Desinebant enim vivere, ubi quandoque fuerant morituri; et incipiebant vivere, sine fine victuri. Parum est fuisse spectatricem: mirati sumus potius hortatricem. Fœcundior virtutibus, quam foetibus, videns certantes, in quibus omnibus ipsa certabat, et in omnibus vincentibus ipsa vincebat.

IN III. NOCTURNO.

Leetio sancti Evangelii secundum Matthæum.

*Lectio vij.*

Cap. 12.

**I**N illo tempore: Loquente Jesu ad turbas, ecce Mater ejus et fratres stabant foris, quærentes loqui ei. Et reliqua.

Homilia S. Gregorii Papæ.

Homilia 3. in Evangelia.

**SANCTI** Evangelii, fratres charissimi, brevis est lectio recitata, sed magnis mysteriorum ponderibus graviora. Jesus etenim Conditor et Redemptor noster, matrem se nosse dissimulat, et quæ ei mater sit, et qui propinqui, non per cognationem carnis, sed per conjunctionem spiritus designat, dicens: Quæ est mater mea, et qui sunt fratres mei? quicumque enim fecerit voluntatem Patris mei, qui in cælis est, ipse meus frater, et soror, et mater est. Quibus nobis verbis quid aliud innuit, nisi quod obsequentes jussionibus suis multos ex Gentilitate colligit, et Judæam, ex cujus carne est genitus, non agnoscit?

*Lectio viij.*

**SED** cum is, qui voluntatem Patris fecerit, soror et frater Domini dicitur, propter utrumque sexum qui ad fidem colligitur, mirum non est: mirandum vero valde est quomodo etiam mater dicatur. Fideles enim discipulos fratres vocare dignatus est, dicens: Ite, nuntiate fratri-



bus meis. Qui ergo frater Domini fieri ad fidem veniendo potuerit, querendum est quomodo etiam et mater esse possit.

*Lectio ix.*

**S**ED sciendum nobis est, quia qui Christi soror et frater est credendo, mater efficitur prædicando. Quasi enim parit Domini, quem cordi audientis infuderit; et mater ejus prædicando efficitur, si per ejus vocem amor Domini in proximi mente generatur. Ad quam rem nobis idonee confirmandam adest Beata Felicitas, cujus hodie natalitia celebramus, quæ credendo extitit ancilla Christi., et prædicando facta est mater Christi. Septem quippe filios, sicut in gestis ejus emendationibus legitur, sic post se timuit vivos in carne relinquere, sicut carnales parentes solent metuere, ne mortuos præmittant.

*In II. Vesp. comm. sequentis.*

**DIE 11. S. PII.**

Papæ et Martyris.

*Oratio* Infirmitatem nostram, p. 14.

*Lectio iij.*

**P**IUS Aquileiensis, Imperatore Antonino Pio, Pontifex creatus, poenam statuit in sacerdotem, cujus negligentia de sanguine Domini aliquid stillaverit. Poenitentiam enim, inquit, agent quadraginta diebus, si in terram aliquid deciderit; si super altare tribus diebus; si super linteum superius, quatuor; si in inferius defluerit, novem diebus; si usque ad quartum, viginti diebus: ubicumque ceciderit, si recipi potest, lambatur: sin aliter, aut lavetur, aut radatur: quidquid lotum, aut rasum est, comburatur, et cinis in sacrarium reponatur. Multis præterea utiliter decretis, martyrio coronatur, et sepelitur in Vaticano, quinto Idus Julii, cum sedisset annos novem, menses quinque, dies viginti septem, et Presbyteros decem et octo, Diaconos viginti unum

Episcopos per diversa loca duodecim mense Decembri, quinque Ordinationibus creasset.

**DIE 12. S. JOAN. GUALB.**

Abbatis. *Duplex.*

*Oratio* Intercessio nos, p. 51.

*Deinde fit comm. SS. Nabor is et Felicis Martyrum.*

*Oratio.*

**P**RÆSTA, quæsumus, Domine, ut sicut nos sanctorum Martyrum tuorum Naboris et Felicis natalitia celebranda non desunt, ita jugiter suffragiis comitemur. Per Dominum.

*Lect. I. Noct. de Script. occ.*

**IN II. NOCTURNO**

*Lectio iv.*

**J**OANNES Gualbertus Florentiam nobili genere ortus, dum patri obsequens rem militarem sequitur, Ugo unicus ejus frater occiditur a consanguineo: quem cum solum et inermem, sancto Parasceves die, Joannes armis ac militibus stipatus obvium haberet, ubi neuter alterum poterat declinare, ob sanctæ Crucis reverentiam, quam homicida supplex mortem jamjam subiturus brachiis signabat, vitam ei clementer indulget. Hoste in fratrem recepto, proximum sancti Miniatis templum oraturus ingreditur, ubi adoratam Crucifixi imaginem caput sibi flectere conspicit. Quo mirabili facto permotus Joannes, Deo exinde, etiam invito patre, militare decernit, atque ibidem propriis sibi manibus comam totondit, ac monasticum habitum induit: adeoque piis ac religiosis virtutibus brevi coruscet, ut multis se perfectionis specimen ac normam præberet; ita ut, ejusdem loci Abbate defuncto, communi omnium voto in Superiorem eligeretur. At Dei famulus cupiens subesse potius, quam præesse, ad majora divina voluntate servatus, ad Camaldulensis eremi incolam Romualdum proficiscitur a quo coelicum sui instituti yaticinium accipit; tum

suum Ordinem sub regula sancti Benedicti apud Umbrosam vallem instituit.

*Lectio v.*

**DEINDE** plurimis ad eum ob ejus sanctitatis famam undique convolantibus, una cum iis in socios adscitis, ad hæreticam et simoniacam pravitatem extirpandam, et Apostolicam fidem propagandam sedulo incumbit, innumera propterea in se et suis incommoda expertus. Nam ut eum ejusque socios adversarii perdant, noctu sancti Salvii cœnobium repente aggrediuntur, templum incendunt, ædes demoliuntur, et monachos omnes lethali vulnere sauciant: quos vir Dei unico crucis signo incolumes protinus reddit. et Petro ejus monacho per immensum ardentissimumque ignem illæso mirabiliter transeunte, optatam sibi et suis tranquillitatem obtinet. Inde simoniacam labem ab Etruria expulit, ac in tota Italia fidem pristinae integritati restituit.

*Lectio vj.*

**MULTA** funditus erexit monasteria, eademque et alia ædificiis ac regulari observantia instaurata, sanctis legibus communivit. Ad egenos alendos sacram suppellectilem vendidit: ad improbos coercendos elementa sibi famulari conspexit: ad dæmones comprimendos crucem quasi ensen adhibuit. Demum abstinentiis, vigiliis, jejuniis, orationibus, carnis macerationibus, ac senio confectus, dum infirma valetudine gravaretur, Davidica illa verba persæpe repetebat: Sitivit anima mea ad Deum fortem vivum: quando veniam, et apparebo ante faciem Dei? Jamque morti proximus, convocatos discipulos ad fraternam concordiam cohortatur, et in breviculo, cui conselpeliri voluit, jussit hæc scribi: Ego Joannes credo, et confiteor fidem, quam sancti Apostoli prædicaverunt, et sancti Patres in quatuor Conciliis confirmaverunt. Tandem triduo An-

galorum obsequio dignatus, septuagesimum octavum annum agens, apud Passinianum, ubi summa veneratione colitur, migravit ad Dominum anno salutis millesimo septuagesimo tertio, quarto Idus Julii. Quem Cœlestinus Tertius innumeris miraculis clarum, in Sanctorum numerum retulit.

IN III. NOCTURNO.

Lectio sancti Evangelii eecundum Matthæum.

*Lectio vij.*

Cap. 5.

**IN** illo tempore: Dixit Jesus discipulis suis: Audistis quia dictum est: Diliges proximum tuum, et odio habebis inimicum tuum. Et reliqua.

Homilia S. Hieronymi Presbyteri.

*Lib. I. Comm. in cap. 5. Matth.*

**EGO** autem dico vobis: Diligite inimicos vestros: benefacite his, qui oderunt vos. Multi præcepta Dei imbecillitate sua, non sanctorum viribus æstimantes, putant esse impossibilia, quæ præcepta sunt, et dicunt sufficere virtutibus, non odisse inimicos: cæterum diligere, plus præcipi, quam humana natura patiatur. Sciendum est ergo Christum non impossibilia præcipere sed perfecta. Quæ fecit David in Saul, et in Absalom: Stephanus quoque martyr pro inimicis lapidantibus deprecatus est, et Paulus anathema cupit esse pro persecutoribus suis. Hæc autem Jesus et docuit, et fecit, dicens: Pater, ignosce illis: quod enim faciunt, nesciunt.

*Lectio viij.*

**IN** reliquis operibus bonis interdum potest aliquis qualemcumque excusationem prætere: ad habendam vero dilectionem nullus se poterit excusare. Potest mihi aliquis dicere: Non possum jejunare; numquid potest dicere, Non possum amare? Potest aliquis dicere, Virginitatem non possum servare, non possum res totas vendere, et pauperibus erogare; num-

quid potest dicere, Non possum diligere inimicos.

*Lectio 12.*

**N**ON enim ibi aut pedes laborant currendo, aures audiendo, aut manus operando laxantur, ut nos per ipsam excusationem liberare conemur. Non nobis dicitur: Ite ad Orientem, et quærite charitatem; navigate ad Occidentem, et invenietis dilectionem. Intus in nostro corde est, ubi redire jubemur, dicente Propheta: Redite, prævaricatores, ad cor. Non enim in longinquis regionibus invenitur, quod a nobis petitur.

*Et fit comm. SS. Mart. in Laud.*

*In II. Vesp. comm. sequentis.*

**DIE 13. S. ANACLETI P. M.**

*Semiduplex.*

*Oratio Deus qui nos beati, p. 14.*

*Lect. I. noct. de script. occurr.*

**IN II. NOCTURNO.**

*Lectio iv.*

**A**NACLETUS Atheniensis, Trajano Imperatore, rexit Ecclesiam. Decrevit ut Episcopus a tribus Episcopis, neque a paucioribus consecraretur; et clerici sacris Ordinibus publice a proprio Episcopo initiarentur, et ut in Missa, peracta consecratione, omnes communicarent. Beati Petri sepulchrum ornavit, Pontificumque sepulturæ locum attribuit. Pecit Ordinationes duas mense Decembri, quibus creavit Presbyteros quinque, Diaconos tres, Episcopos sex. Sedit annos novem, menses tres, dies decem. Martyrio coronatus, sepultus est in Vaticano.

*Lectio v. et vj. Principes de Com. 2. loco, p. 2. cum q. v. et vi.*

*In III. Noct. Homilia Si consideremus, de Com. I. loco.*

*Vesperæ de sequenti.*

**DIE 14.**

**S. Bonavent. Ep. C. Ec. D.**

*Duplex.*

*In utrisque vesp. Ant. O Doctor.*

*Oratio. Deus qui populo tuo, p. 39.*

*Deinde fit comm. præc.*

*Lect. I. Noct. Sapientiam, p. 48.*

**IN II. NOCTURNO.**

*Lectio iv.*

**B**ONAVENTURA Balneoregii in Hetruria natus, cum infans incidisset in vitæ periculum, mater ejus vovit, si inde evasisset, se eum Religioni beati Francisci dicaturam. Itaque adolescens in Ordinem fratrum Minorum adscribi voluit: ubi Alexandro de Ales magistro, ad eam doctrinæ perfectionem brevi pervenit, ut septimo post anno libros Sententiarum Parisiis publice summa cum laude sit interpretatus: quos etiam præclaris postea commentariis illustravit. Post sex annos, sui Ordinis generalis Minister Romæ factus, ea prudentiæ ac sanctitatis laude ministerium gessit, ut in omnium ore et admiratione esset.

*Lectio v.*

**M**ULTA scripsit, in quibus summam eruditionem cum pari pietatis ardore conjungens, lectorem docendo movet. Quem Gregorius Decimus, ejus sanctimonie et sapientiæ fama commotus, Cardinalem et Episcopum Albanensem creavit. Eundem adhuc viventem beatus Thomas Aquinas Sanctum appellavit. Cum enim vitam sancti Francisci scribentem comperisset: Sinamus, inquit, Sanctum pro Sancto laborare. Migravit e vita pridio Idus Julii, in concilio Lugdunensi, quinquaginta tres annos natus, multis editis miraculis. Quem Xystus Quartus Pontifex Maximus retulit in Sanctorum numerum.

*Lect. vi. Qui post Orionas, pro Doct. p. 48. cum q. vi.*

*In III. Noct. Hom. Attendite quid dixerit, pro Doct. 3. loco, p. 50.*

*In II. Vesp. comm. sequent.*

**DIE 15. S. Henrici Conf.**

*Semiduplex. (m. l. v.)*

*Oratio.*

**D**EUS, qui hodierna die beatum Henricum Confessorem tuum e



terreni culmina imperii ad regnum æternum transtulisti, te supplices exoramus, ut sicut illum gratiæ tuæ ubertate præventum illicibras sæculi superare fecisti, ita nos facias ejus imitatione mundi hujus blandimenta vitare, et ad te puris mentibus pervenire. Per Dominum.

*Lect. I. Noct. de Script. occur.*

IN II. NOCTURNO.

*Lectio iv.*

**H**ENRICUS, cognomento Pius, He duce Bavarie rex Germanie, ac postmodum Romanorum Imperator, temporalis regni non contentus angustiis, pro adipiscenda immortalitatis corona sedulam æterno Regi exhibuit servitutem. Adepto enim imperio, religioni amplificandæ studiose incumbens, Ecclesias ab infidelibus destructas magnificentius reparavit, plurimisque largitionibus et prædiis locupletavit. Monasteria, aliaque loca pia vel ipse ædificavit, vel assignatis redditibus auxit. Episcopatum Bambergensum, hæreditariis opibus fundatum, beato Petro, Romanoque Pontifici vectigalem fecit. Benedictum Octavum, a quo imperii coronam acceperat, profugum excepit, suæque Sedi restituit.

*Lectio v.*

**I**N Cassinensi Monasterio gravi detentus infirmitate, a sancto Benedicto, insigni miraculo sanatus est. Romanam Ecclesiam amplissimo diplomate muneratus, eidem tuendæ bellum adversus Græcos suscepit, et Apuliam diu ab illis possessam recuperavit. Nihil sine precibus aggredi solitus, Angelum Domini sanctosque Martyres tutelares pro se pugnantes ante aciem interdum vidit. Divina autem protectus ope, barbaras nationes precibus magis quam armis expugnavit. Pannoniam adhuc infidelem, tradita Stephano regi sorore sua in uxorem, eoque baptizato, ad Christi fidem perduxit. Virginitatem raro exemplo matrimonio junxit, sanctamque Cunegundam conjugem suam pro-

pinquis ejus morti proximus illibatam restituit.

*Lectio vj.*

**D**ENIQUE rebus omnibus, quæ ad imperii honorem et utilitatem pertinebant, summa prudentia dispositis, et illustribus per Galliam, Italiam, et Germaniam religiosæ munificentiae vestigiis passim relictis, postquam heroicæ virtutis, suavissimum odorem longe lateque diffuderat, sanctitate quam sceptro clarior, ad regni cœlestis præmia, consummatis vitæ laboribus, a Domino vocatus est anno salutis millesimo vigesimo quarto. Cujus corpus in Ecclesia beatorum Apostolorum Petri et Pauli Bambergæ conditum fuit, statimque ad ejus tumulum multa miracula, Deo ipsum glorificante, patrata sunt. Quibus postea rite probatis, Eugenius Tertius Sanctorum numero illum adscripsit.

*In III. Noct. Homilia Sancti Evangelii fratres, de Com. 1. loco.*

*Vesperæ de sequenti.*

**DIE 16. B. Mariæ Virgin.**

DE MONTE CARMELO.

*Duplex Majus.*

*Ut in Festis B. M. V. p. 92.*

*Oratio.*

**D**EUS, qui beatissimæ semper virginis et genitricis tuæ Mariæ singulari titulo Carmeli ordinem decorasti, concede propitius, ut cujus hodie Commemorationem solemniter celebramus officio, ejus muniti præsidii, ad gaudia sempiterna pervenire mereamur. Qui vivis.

*Deinde fit comm. S. Henrici.*

IN II. NOCTURNO.

*Lectio iv.*

**C**UM sacra Pentecostes die Apostoli cœlitus afflati, variis linguis loquerentur, et invocato augustissimo Jesu nomine, mira multa patrarent, viri plurimi (ut fertur) qui vestigiis sanctorum Prophetarum Eliæ ac Elisei iustiterant, et Joannis Baptistæ præconio ad Christi adventum compa-

rali fuerant, rerum veritate perspecta atque probata, evangelicam fidem confestim amplexati sunt, ac peculiari quodam affectu beatissimam Virginem (cujus colloquiis ac familiaritate feliciter frui potuere) adeo venerari cœperunt, ut primi omnium in eo montis Carmeli loco, ubi Elias olim ascendentem nebulam, Virginis typo insignem, conspexerat, eidem purissimæ Virgini sacellum construxerint.

*Lectio v.*

**A**D novum ergo sacellum sæpe quotidie convenientes, ritibus piis, precationibus, ac laudibus beatissimam Virginem, velut singularem Ordinis tutelam, colebant. Quamobrem fratres beatæ Mariæ de Monte Carmelo passim ab omnibus appellari cœperunt, eumque titulum Summi Pontifices non modo confirmarunt, sed et indulgentias peculiare illis, qui eo titulo vel Ordinem vel fratres singulos nuncuparent, concessere. Nec vero nomenclaturam tantum magnificentissima Virgo tribuit et tutelam, verum et insigne sacri Scapularis quod beato Simoni Anglico præbuit, ut cœlesti hac veste ordo ille sacer dignosceretur, et a malis ingruentibus protegeretur. Ac demum, cum olim in Europa Ordo esset ignotus, et ob id apud Honorium Tertium non pauci pro illius extinctione instarent, astitit Honorio noctu piissima virgo Maria, planeque jussit, ut institutum et homines benigne complecteretur.

*Lectio vj.*

**N**ON in hoc tantum sæculo ordinem sibi tam acceptum multis prærogativis beatissima Virgo insignivit, verum et in alio (cum ubique et potentia et misericordia plurimum valeat) filios in Scapularis societatem relatos, qui abstinentiam modicam, precesque paucas eis præscriptas frequentarunt, ac pro sui status ratione castitatem coluerunt, materno plane affectu, dum igne Purgatorii expiantur, solari, ac in cœlestem patriam obitu suo quantocumque pie creditur

efferre. Tot ergo tantisque beneficiis Ordo cumulatus, solemnem beatissimæ Virginis Commemorationem ritu perpetuo ad ejusdem Virginis gloriam quotannis celebrandam instituit.

*In Laud. Ad Bened. Ant. Caput tuum ut Carmelus, et comæ capitis tui sicut purpura regis vineta canalicibus, alleluia.*

*In II. Vesp. Ad Magnif. Ant. Gloria Libani data est ei; decor Carmeli et Saron, alleluia,*

*Deinde fit comm. sequentis.*

**DIE 17. S. ALEXII CONF.**

*Semiduplex.*

*Oratio. Deus, qui nos. p. 81°.*

*Lect. I. Noct. de script. occur.*

**IN II. NOCTURNO.***Lectio iv.*

**A**LEXIUS Romanorum nobilissimus, propter eximium Jesu Christi amorem, prima nocte nuptiarum, peculiari Dei monitu, relinquens intactam sponsam, illustrium orbis terræ Ecclesiarum peregrinationem suscepit. Quibus in itineribus cum ignotus septemdecim annos fuisset, aliquando apud Edessam Syriæ urbem per imaginem sanctissimæ Mariæ virginis ejus nomine divulgato, inde navi discessit. Ad portum Romanum appulsus, a patre suo tanquam alienus pauper hospitio accipitur: apud quem omnibus incognitus, cum decem et septem annos vixisset, relicto scripto sui nominis, sanguinis, ac totius vitæ cursus, migravit in cœlum, Innocentio Primo Summo Pontifice.

*Lectio v. et vj Deridetur justus, de Com. 2. loco, p. 89°. cum q. v. et vj.*

*In III. Noct. Homilia Grandis fiducia, de Com. Apost. 1. loco, p. 7°. cum qq. de Com.*

*Vesperæ de sequenti.*

**DIE 18. S. CAM. DE LELL. C.**

*Duplex.*

*Oratio.*

**D**EUS, qui sanctum Camillum, ad animarum in extremo agone

luctantium subsidium, singulari charitatis prerogativa decorasti, ejus, quæsumus, meritis spiritum nobis tuæ dilectionis infunde, ut in hora exitus nostri hostem vincere, et ad cælestem mereamur coronam pervenire. Per. in unitate ejusdem.

*Deinde fit comm. S. Alexii.*

*Postea S.S. Symphorosæ et filiorum ejus, Martyrum.*

#### *Oratio.*

**D**EUS, qui nos concedis sanctorum Martyrum tuorum Symphorosæ et filiorum ejus natalitia colere, da nobis in æterna beatitudine de eorum societate gaudere. Per Dominum.

*Lect. I. Noct. de Script. occ.*

#### IN II. NOCTURNO.

##### *Lectio IV.*

**C**AMILLUS Buccianici, Theatinæ Diœcesis oppido, ex nobili Lelliorum familia natus est matre sexagenaria, cui gravidæ visum est per quietem, puerulum Crucis signo in pectore munitum, et agmini puerorum idem signum gestantium præeuntem se peperisse. Adolescens rem militarem secutus, sæculi vitiis aliquandiu indulgit, donec vigesimum quintum agens ætatis annum, tanto supernæ gratiæ lumine, divinæque offensæ dolore correptus fuit, ut uberrimo lacrymarum imbre illico persusus, anteactæ vitæ sordes indesinenter abstergere, novumque induere hominem firmiter decreverit. Quare ipso, quo id contigit, purificationis beatissimæ Virginis festo die, ad fratres minores, quos Capuccinos vocant, convolans, ut eorum numero adscriberetur, summis precibus exoravit. Voti compos semel atque iterum factus est; sed sædo ulcere quo aliquando laboraverat, in ejus tibia iterato recrudescente, divinæ Providentiæ majora de eo disponentis consilio humiliter se subiecit, sui que victor, illius Religionis bis expetitum et susceptum habitum bis dimisit.

##### *Lectio V.*

**R**OMAM profectus, in Nosocomium, quod Insanabilem dicitur, receptus est: cujus etiam administrationem ob perspectas ejus virtutes sibi demandatam, summa integritate, ac sollicitudine vere paternæ peregit. Omnium ægrorum servum se reputans, eorum sternere lectulos, sordes tergere, ulceribus mederi, ægonique extremo piis precibus et cohortationibus opem ferre solemne habuit: quibus in muneribus præclara præbuit admirabilis patientiæ, invictæ fortitudinis, et heroicæ charitatis exempla. Verum cum animarum in extremis periclitantium, quod unica intendebat, levamini subsidium litterarum plurimum conferre intelligeret, triginta duos annos natus, in primis grammaticæ elementis tyrocinium inter pueros iterum subire non erubuit. Sacerdotio postea rite initiatus, nonnullis sibi adjunctis sociis, primæ jecit Congregationis Clericorum Regularium Infirmis Ministrantium fundamenta, irritò conatu obnitante humani generis hoste. Nam Camillus cœlesti voce e Christi crucifixi, manus etiam de ligno avulsas admirando prodigio protendentis, simulacro emissa mirabiliter confirmatus, Or. inem suum a Sede Apostolica approbari obtinuit, Sodalibus quarto obstrictis maxime arduo voto, infirmis, quos etiam pestis infecerit, ministrandi. Quod Institutum, quam foret Deo acceptum, et animarum salutis proficuum, sanctus Philippus Neri, qui Camillo a sacris confessionibus erat, comprobavit, dum ejus alumis decedentium agoni opem ferentibus Angelos suggerentes verba sæpius, se vidisse testatus est.

##### *Lectio VI.*

**A**CTIORIBUS hisce vinculis ægrotantium ministerio mancipatus, mirum est qua alacritate, nullis fractus laboribus, nullis deteritis vitæ periculis, diu noctuque ad supremum usque spiritum, eorum commodis vigilaverit. Omnibus



omnia factus, vilissima quæque officia demississimo obsequio, flexisque plerumque genibus, veluti Christum ipsum cerneret in infirmis, hilari promptoque animo arripiebat: utque omnium indigentis præsto esset, generalem Ordinis præfecturam, cœlique delicias, quibus in contemplatione defixur affluebat, sponte dimisit. Paternus vero illius erga miseros amor tum maxime effulsit, cum et Urbs contagioso morbo primum, deinde extrema annonæ laboraret inopia, et Nolæ in Campania dira pestis grassaretur. Tanta denique in Deum et proximum charitate exarsit, ut Angelus nuncupari, et Angelorum opem in vario itinerum discrimine experiri promereretur. Prophetiæ dono, et gratia sanitarum præditus, arcana quoque cordium inspexit: ejusque precibus nunc cibaria multiplicata sunt, nunc aqua in vinum conversa. Tandem vigiliis, jejuniis, et assiduis attritus laboribus, cum pelle tantum et ossibus constare videretur, quinque molestis æque ac diutinis morbis, quos misericordias Domini appellabat, fortiter toleratis, Sacramentis munitus Romæ inter suavissima Jesu et Mariæ nomina, ad ea verba. Mitis atque festinus Christi Jesu tibi aspectus appareat, qua prædixerat hora, obdormivit in Domino, pridie Idus Julii anno salutis millesimo sexcentesimo decimo quarto, ætatis suæ sexagesimo quinto. Quem pluribus illustrem miraculis Benedictus Decimus quartus solemni ritu Sanctorum fastis adscripsit.

IN III. NOCTURNO.

Lectio sancti Evangelii secundum Joannem.

Lectio vij. Cap. 15.

**I**N illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Et reliqua.

Homilia S. Augustini Episcopi.

Tract. 83. in Joann. Evang.

**Q**UID putamus, fratres mei? numquidnam solum ejus de ista di-

lectione mandatum est, qua diligimus invicem? Nonne est et aliud majus, ut diligamus Deum? Aut vero de sola Deus nobis dilectione mandavit, ut alia non requiramus? Tria certe commendat Apostolus, dicens: Manent autem Fides, Spes, Charitas, tria hæc: major autem horum Charitas. Et si in charitate, hoc est, in dilectione, concluduntur duo illa præcepta, major tamen dicta est esse, non sola. De Fide igitur nobis quam multa mandata sunt, quam multa de Spe! Quis potest cuncta colligere, quis enumerando sufficere? Sed intueamur quod ait idem Apostolus: Plenitudo legis Charitas.

Lectio viij.

**U**BI ergo Charitas est, quid est, quod possit deesse? Ubi autem non est, quid est quod possit prodesse? Dæmon credit, nec diligit; nemo diligit, qui non credit. Frustra quidem, sed tamen potest sperare veniam qui non diligit: nemo autem potest desperare qui diligit. Itaque ubi dilectio est, ibi necessario Fides, et Spes: et ubi dilectio proximi, ibi necessario etiam dilectio Dei. Qui enim non diligit Deum, quomodo diligit proximum tanquam seipsum, quandoquidem non diligit et seipsum? Est quippe impius, et iniquus: Qui autem diligit iniquitatem, non plane diligit, sed odit animam suam.

Pre SS. Martyribus.

Lectio ix.

**S**YMPHOROSA Tiburtina, Gentilii martyris uxor, ex eo septem filios peperit, Crescentium, Julianum, Nemesium, Primitivum, Justinum, Stacteum, et Eugenium, qui omnes propter Christianæ fidei professionem una cum matre, Adriano Imperatore, comprehensi sunt. Quorum pietas multis variisque tentata suppliciis, cum stabilis permaneret, mater, quæ filiis fidei magistra fuerat, dux eisdem ad martyrium extitit. Nam saxo ad collum alligato, in proflu-

entem dejicitur: cujus corpus conquisitum a fratre ejus Eugenio sepelitur. Postridie ejus diei, qui fuit decimo quinto Kalendas Augusti, septem fratres singuli ad palum alligati, varie sunt interfecti. Crescentio guttur ferro transfigitur; Juliano pectus confoditur, Nemesio cor transverberatur; Primitivo trajicitur umbilicus; Justinus membratim secatur; Stacteus telis configitur; Eugenius a pectore in duas partes dividitur. Ita octo hostiæ Deo gratissimæ sunt immolatæ. Corpora in altissimam foveam projecta sunt via Tiburtina, nono ab Urbe lapide: quæ postea Romam translata, condita sunt in Ecclesia sancti Angeli in piscina.

Si transferatur, legatur sequens

*Lectio ix.*

**H**OC ergo præceptum Domini tenemus, ut nos invicem diligamus, et quidquid aliud præcepit, faciemus: quoniam quidquid est aliud, hic habemus. Discernitur quippe ista dilectio ab illa dilectione, qua se invicem diligunt homines: nam ut discerneretur, adjunctum est, Sicut dilexi vos. Ut quid enim diligit nos Christus, nisi ut regnare possimus cum Christo? Ad hoc ergo et nos invicem diligamus, ut dilectionem nostram discernamus a cæteris, qui non ad hoc se invicem diligunt, quia nec diligunt. Qui autem se propter habendum Deum diligunt, ipsi se diligunt: ergo ut se diligant, Deum diligunt. Non est hæc dilectio in omnibus hominibus: pauci se propterea diligunt, ut sit Deus omnia in omnibus.

*In Laud. fit comm. S. Symphorosa et filiorum ejus Martyrum.*

*Vesperæ a Capit de sequenti.*

**DIE 19. S. Vinc. a Paul.**

*Confess. Duplex. ( m. t. v. )*

*Oratio.*

**D**EUS, qui ad evangelizandum pauperibus, et Ecclesiastici or-

dinis decorem promovendum, beatum Vincentium Apostolica virtute roborasti, præsta, quæsumus, ut cujus pia merita veneramur, virtutum quoque iustruamur exemplis. Per Dominum.

*Et fit commemor. S. Camilli.*

*Lect. I. Noct. de Scripi. occ.*

**IN II. NOCTURNO.**

*Lectio iv.*

**V**INCENTIUS a Paulo, natione Gallus, Podii non procul ab Aquis Tarbellis in Aquitania natus, jam tum a puero eximiam in pauperes charitatem præ se tulit. A custodia paterni gregis ad literas evocatus, humanas Aquis, divinas cum Dolosæ, tum Cæsaraugustæ didicit. Sacerdotio initiatus, ac Theologiæ laurea insignitus, in Turcas incidit, qui captivum in Africam adluerunt; sed in captivitate positus, herum ipsum Christo rursus lucrificavit. Cum eo igitur ex barbaris oris, opitulante Deipera, sese propiciens, ad Apostolica limina iter instituit: unde in Galliam reversus, Clippiaci primum, mox Castellionis Paræcias sanctissime rexit. Renuntiatus a rege primarius Sacrorum minister in Galliæ triremibus, mirum quo zelo et ducum et remigum salutis operam posuerit. Monialibus Visitationis a sancto Francisco Salesio præpositus, tanta prudentia per annos circiter quadraginta eam curam sustinuit, ut maxime comprobaverit judicium sanctissimi Præsulis, qui Sacerdotem Vincentio digniorem nullum se nosse fatebatur.

*Lectio v.*

**E**VANGELIZANDIS pauperibus, præsertim rusticis, ad decrepitam usque ætatem indefessus incubuit, eique Apostolico operi tum se, tum alumnos Congregationis, quam sub nomine Presbyterorum sæcularium Missionis instituit, perpetuo voto a sancta sede confirmato, speciatim obstrinxit. Quantum autem augendæ Cleri disciplinæ allaboraverit, testantur erecta majorum Clericorum

seminaria, collationum de divinis inter Sacerdotes frequentia, et sacræ Ordinationi præmittenda exercitia, ad quæ, sicut et ad pios laicorum secessus, Instituti sui domicilia libenter patere voluit. Insuper ad amplificandam fidem et pietatem, evangelicos misit operarios, non in solas Galliæ provincias, sed et in Italiam, Poloniam, Scotiam, Hiberniam, atque ad Barbaros, et Indos. Ipse vero, vita functo Ludovico Decimo tertio, cui morienti hortator adstitit, a regina Anna Austriaca, matre Ludovici Decimi quarti, in sanctius Concilium accitus, studiosissime egit, ut nonnisi digniores Ecclesiis ac monasteriis præficerentur; civiles discordiæ, singularia certamina, serpentes errores, quos simul sensit et exhorruit, amputarentur; debitaque judiciis Apostolicis obedientia præstaretur ab omnibus.

*Lectio vj.*

**N**ULLUM fuit calamitatis genus, cui paterne non occurrerit. Fideles sub Turcarum jugo gementes, infantes expositos, juvenes dyscolos, virgines periclitantes, moniales dispersas, mulieres lapsas, ad triremes damnatos, peregrinos infirmos, artifices invalidos, ipsosque mente captos, ac innumeros mendicos subsidiis, et hospitibus etiamnum superstitionibus excepit, ac pie fovit. Lotharingiam, Campaniam, Picardiam, aliasque regiones peste, fame, belloque vastatas, prolixè refecit. Plurima ad perquirendos et sublevandos miseros sodalitia fundavit: inter quæ celebris matronarum certus, et late diffusa sub nomine Charitatis puellarum societas. Puellas quoque tum de Cruce, tum de Providentia, ac sanctæ Genovefæ ad sequioris sexus educationem, erigendas curavit. Hæc inter et alia gravissima negotia Deo jugiter intentus, cunctis affabilis, ac sibi semper constans, simplex, rectus, humilis, ab honoribus, divitiis, ac deliciis semper abhorruit, auditus dicere: rem nullam sibi placere, præterquam in

Christo Jesu, quem in omnibus studebat imitari. Corporis demum afflictatione, laboribus, et quoque attritus, die vigesima septima Septembris, anno salutis supra millesimum sexcentesimo sexagesimo, ætatis suæ octogesimo quinto, Parisiis in domo sancti Lazari, quæ caput est Congregationis Missionis, placide obdormivit. Quem virtutibus, meritis, ac miraculis clarum, Clemens Duodecimus inter Sanctos retulit, ipsius celebritati die decima nona mensis Julii quotannis assignata.

*In III. Noct. Homilia Dominus et Salvator, pro Evangelistis, p. 13'. cum an. de Com.*

*Vesperæ a Capit. de sequenti.*

**DIE 20. S. Hieron. Emil.**

*Confess. Duplex. (m. l. v.)*

*Oratio.*

**D**EUS misericordiarum pater, per merita et intercessionem beati Hieronymi, quem orphanis adiutorem et patrem esse voluisti, concede, ut spiritum adoptionis, quo filii tui nominamur et sumus, fideliter custodiamus. Per Dominum.

*Et fit comm. præced. et S. Margaritæ Virg. et Mart. Oratio Indulgentiam, p. 62'.*

*Lect. I. Noct. de Script. occ.*

**IN II. NOCTURNO.**

*Lectio iv.*

**H**IERONYMUS e gente patricia Æmiliæ Venetiis ortus, a prima adolescentia militiæ addictus, difficillimis Reipublicæ temporibus Castro novo ad Quarum in montibus Tarvisinis præficitur. Arce ab hostibus capta, ipse in teterrimum carcerem detruditur, manibus ac pedibus victus: cui omni humana ope destituto beatissima Virgo, ejus precibus exorata, clemens adest, vincula solvit, et per medios hostes, qui vias omnes obsederant, in Tarvisii conspectum incolumem ducit. Urbem ingressus, ad Deiparæ aram, cui se voverat, manicas, compedes, catenas, quas serum detule-



rat, in accepti beneficii testimonium suspendit. Reversus Venetias, cepit pietatis studia impensius colere, in pauperes mire effusus, sed puerorum præsertim misertus, qui parentibus orhati, egeni et sordidi per urbem vagabantur, quos in ædes a se conductas recepit de suo alendos, et Christianis moribus imbueudos.

*Lectio v.*

**P**ER eos dies Venetias appulerant beatus Cajetanus, et Petrus Carafa postmodum Paulus Quartus. qui Hieronymi spiritu, novoque instituto colligendi orphanos probato, illum in Incurabilium hospitale adduxerunt, in quo orphanos simul educaret, atque ægrotis pari charitate inserviret. Mox eorumdem hortatu in proximam continentem profectus, Brixie primum, deinde Bergomi, atque Novocomi orphanotrophia erexit: Bergomi præsertim, ubi præter duo, pro pueris unum, et pro puellis alterum, domum excipiendis, novo in illis regionibus exemplo, mulieribus a turpi vita ad pœnitentiam conversis, aperuit. Somaschæ demum subsistens, in humili pago agri Bergomensis ad Venetæ ditionis fines, sibi ac suis ibi sedem constituit, formamque induxit Congregationis, cui propterea a Somascha nomen factum, quam subiinde auctam et propagatam, nedum orphanorum regimini, et Ecclesiarum cultui, sed ad maiorem Christianæ Reipublicæ utilitatem, adolescentium in litteris et bonis moribus institutioni, in Collegiis, Academiis, et Seminariis addictam sanctus Pius Quintus inter religiosos Ordines adscripsit. cæterique Pontifices privilegiis ornarunt.

*Lectio vj.*

**O**RPHANIS colligendis intentus Mediolanum proficiscitur, atque Ticinum, et utrobique collectis agminibus puerorum, tectum, victum, vestem, magistros, nobilibus viris faventibus, provide constituit. Inde Somascham redux, omnibus omnia

factus, a nullo abhorrebat opere, quod in proximi bonum cedere prævideret. Agricolis immixtus per agros sparsis, dum se illis adiutorem in metendis frugibus præbet, mysteria fidei explicabat, puerorum capita porrigine sœda abstergeus, et patienter tractans curabat, putridis rusticorum vulneribus medebatur eo successu, ut gratia curationum donatus censeretur. In monte, qui Somaschæ imminet, reperta specu, in illam se abdidit, ubi se flagellis cædens, dies integros jejunus transigeus, oratione in plurimam noctem protracta, super nudo saxo brevem somnum carpens, sui aliorumque noxarum pœnas luebat. In hujus specus interiori recessu ex arido silice extillat aqua precibus servi Dei, ut constans traditio est, impetrata, quæ usque in hodiernam diem jugiter manans, et in varias regiones delata, ægris sanitatem plerumque conciliat. Tandem ex contagione, quæ per omnem vallem serpebat, dum ægrotantibus inservit, et vita functos propriis humeris ad sepulturam desert, contracto morbo, annos natus sex et quinquaginta, quam paulo ante prædixerat, pretiosam mortem obiit anno millesimo quingentesimo trigesimo septimo. Quem pluribus in vita et post mortem miraculis illustrem Benedictus Decimus quartus Beatorum, Clemens vero Decimus tertius Sanctorum fastis solemniter adscripsit.

IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 19.

**I**N illo tempore: Oblati sunt Jesu parvuli, ut manus eis imponeret, et oraret. Et reliqua.

Homilia S. Joannis Chrysostomi.

*Homilia 26. in Matth.*

**C**UR discipuli pueros abigebant? Dignitatis causa. Quid ergo ille? Ut doceat illos modeste sapere, fastumque mundanum conculcare, et

suscipit, et ulnis complectitur, talibusque regnum cœlorum pollicetur, id quod etiam dixit superius. Et nos igitur, si volumus hæredes esse cœlorum, hanc virtutem cum diligentia magna sectemur. Hoc est enim philosophiæ culmen, simplicem esse cum prudentia: hæc vita est Angelica. Anima enim pueruli omnibus animi morbis vacua est: non memoriam retinet injuriarum, sed eas inferentes adit, ut amicos, ac si nihil factum esset. Et quamvis a matre verberibus cœdatur, eam semper quærit, et omnibus anteponebat.

*Lectio viij.*

**S**I reginam ipsi ostendas diademate sornatam, non præfert eam matri pannis detritis vestitæ malletque illam incultam videre, quam reginam mirifice amictam. Nam quod suum, quod alienum est, non ex paupertate, vel divitiis, sed ex amore existimare solet, et nihil plus requirit, quam necessaria, atque ut lacte repletus est, statim a mamma abscedit. Non eisdem, quibus nos, ærumnis premitur, nec pecuniarum jactura, rebusque similibus; nec iisdem, quibus nos, fluxis rebus lætatur, neque corporum pulchritudinem miratur. Ideo dicebat: Talium est enim regnum cœlorum, ut ex proposito voluntatis illa operemur, quæ natura sua pueri faciunt.

*Lectio ix.*

**Q**UIA enim Pharisei non aliunde, quam a nequitia, et arrogantia ad agendum ferebantur, ideo ubique discipulos suos simplices esse jubet, illosque subinducat, dum hos instituit. Nihil enim ita superbiam parit, ut principatus, et primi consessus. Quoniam igitur discipuli per totum terrarum orbem multum honoris consecuturi erant, ipsorum animos prævenit, nec sinit eos humanum quid pati, nec honorem a vulgo expetere, vel ante alios sese efferre. Nam etiam si hæc parva videntur esse, at malis ingentibus causam præbent. Sic enim

instituti Pharisei in malorum culmen ascenderunt; salutationes, primos consessus, et medios requirentes, hinc in ardentem gloriæ cupiditatem, inde vero in impietatem lapsi sunt.

*In Laud. sit comm. S. Margaritæ Virg. et Mart.*

*In II. Vesp. comm. seq.*

**DIE 21. S. Praxedis Virg**

*Oratio. Exaudi nos Deus, p. 62.*

*Lectio iij.*

**P**RAXEDES, virgo Romana, Pudentianæ virginis soror, Marco Antonino Imperatore Christianos persequente, eos facultatibus, opera, consolatione, et omni charitatis officio prosequabatur. Nam alios domi occultabat, alios ad fidei constantiam hortabatur, aliorum corpora sepeliabat; iis, qui in carcere inclusi erant, qui in ergastulis exercebantur, nulla re deerat. Quæ cum tantam Christianorum stragem jam ferre non posset, Deum precata est, ut si mori expediret, se e tantis malis eriperet. Itaque duodecimo Kalendas Augusti ad pietatis præmia vocatur in cœlum. Cujus corpus a Pastore Præsbytero in patris et sororis Pudentianæ sepulchrum illatum est, quod erati in cœmeterio Priscillæ, via Salaria.

**DIE 22.**

**S. Mar. Magd. nec V. nec M.**

*Duplex.*

**Ad Vesperas.**

**HYMNUS.**

**P**ATER superni luminis,  
Cum Magdalenam respicis,  
Flammas amoris excitas,  
Geluque solvis pectoris.

Amore currit saucia  
Pedes beatos ungere,  
Lavare fletu, tergere  
Comis, et ore lambere.

Astare non timet cruci,  
Sepulchro inhæret anxia,  
Truces nec horret milites:  
Pellit timorem charitas.

❶ vera, Christe, charitas,  
Tu nostra purga crimina,  
Tu corda reple gratia,  
Tu redde cœli prœmia.

Patri simulque Filio,  
Tibique, sancte Spiritus,  
Sicut fuit, sit jugiter  
Sæclum per omne gloria. Amen.

℣. Diffusa. ℞. Propterea,

*Ad Magnif. Ant.* Mulier, quæ erat  
in civitate peccatrix, ut cognovit quod  
Jesus accubuit in domo Simonis le-  
prosi, attulit alabastrum unguenti,  
et stans retro secus pedes Jesu, la-  
crymis cepit rigare pedes ejus, et  
capillis capitis sui tergebat, et oscu-  
labatur pedes ejus, et unguento un-  
gebat.

*Oratio.*

**BEATÆ** Mariæ Magdalenæ, quæ-  
sumus, Domine, suffragiis adju-  
vemur, cujus precibus exoratus,  
quatruiduanum fratrem Lazarum vivum  
ab inferis resuscitasti: Qui vivis.

*Ad Matutinum*

*Invit.* Laudemus Deum nostrum,  
\* In conversione Mariæ Magdalenæ.

**HYMNUS.**

**M**ARIA castis osculis  
Lambit Dei vestigia:  
Fletu rigat, tergit comis,  
Detersa nardo perlinit.

Deo Patri sit gloria,  
Ejusque soli Filio  
Cum Spiritu Paraclito  
Nunc et per omne sæculum. Amen.

**IN I. NOCTURNO.**

De canticis canticorum.

*Lectio j.* . . . *Cap. 3.*

**I**n lectulo meo per noctes quæsi-  
vi quem diligit anima mea: quæsi-  
vi illum, et non inveni. Surgam, et  
circuibō civitatem; per vicos et pla-  
teas quæram quem diligit anima mea:  
quæsi vi illum, et non inveni. Inve-  
nerunt me vigiles, qui custodiunt  
civitatem. Num quem diligit anima  
mea, vidistis? Paululum cum per-  
transissem eos, inveni quem diligit  
anima mea: tenui eum, nec dimit-

tam, donec introducām illum in do-  
mum matris meæ, et in cubiculum  
genitricis meæ.

℞. Maria Magdalene, et altera Ma-  
ria ibant diluculo ad monumentum.  
\* Jesus, quem quæritis, non est hic:  
surrexit, sicut locutus est; præce-  
det vos in Galilæam, ibi eum vide-  
bitis. ℣. Et valde mane una sabbato-  
rum veniunt ad monumentum orto  
jam sole, et introeuntes viderunt  
juvenem sedentem in dextris, qui di-  
xit illis. Jesus.

*Lectio ij*

*Cap. 8.*

**Q**UIS mihi det te fratrem meum  
sugentem ubera matris meæ, ut  
inveniam te foris, et deosculer te,  
et jam me nemo despiciat? Appre-  
hendam te, et ducam in domum  
matris meæ: ibi me docebis, et da-  
bo tibi poculum ex vino condito, et  
mustum malorum granatorum meo-  
rum. Læva ejus sub capite meo, et  
dextera illius amplexabitur me. Ad-  
juro vos, filiæ Jerusalem, ne susci-  
tetis, neque evigilare faciatis dile-  
ctam, donec ipsa velit.

℞. Congratulamini mihi, omnes qui  
diligitis Dominum: quia quem quæ-  
rebam apparuit mihi: \* Et dum fle-  
rem ad monumentum, vidi Dominum  
meum, alleluia. ℣. Recedentibus di-  
scipulis, non recedebam, et amoris  
ejus igne succensa, ardebam deside-  
rio. Et.

*Lectio iij.*

**Q**UÆ est ista quæ ascendit de de-  
serto, deliciis affluens, inuixa  
super dilectum suum? Sub arbore  
malo suscitavi te: ibi corrupta est  
mater tua, ibi violata est genitrix  
tua. Pone me ut signaculum super  
cor tuum, ut signaculum super bra-  
chium tuum, quia fortis est ut mors  
dilectio, dura sicut infernus æmula-  
tio: lampades ejus, lampades ignis  
atque flammarum. Aquæ multæ non  
potuerunt extinguere charitatem; nec  
flumina obruent illam.

℞. Tulerunt Dominum meum, et  
nescio ubi posuerunt eum. Dicunt ei



Angeli : Mulier, quid ploras, surrexit, sicut dixit : \* Præcedet vos in Galilæam, ibi eum videbitis. \* †. Dum ergo fletet, inclinavit se, et prospexit in monumentum, et vidit duos Angelos in albis sedentes, qui dicunt ei. Præcedet. Gloria. Præcedet.

IN II. NOCTURNO.

Sermo S. Gregorii Papæ.

Homilia 25. in Evangel.

Lectio iv.

**M**ARIA Magdalene, quæ fuerat in civitate peccatrix, amando veritatem, lavit lacrymis maculas criminis, et vox Veritatis impletur, qua dicitur: Dimissa sunt ei peccata multa, quia dilexit multum. Quæ enim prius frigida peccando remanserat, postmodum amando fortiter ardebat. Quæ a monumento Domini, etiam discipulis recedentibus, non recedebat: exquirebat, quem non invenerat: flebat inquirendo, et amoris sui igne succensa, ejus quem sublatum credidit, ardebat desiderio. Unde contigit, ut eum sola tunc videret, quæ remanserat ut quæreretur: quia nimirum virtus boni operis perseverantia est.

¶. Propter veritatem, cum reliq.

Lectio v.

**Q**UESIVIT ergo prius, et minime invenit: perseveravit ut quæreretur, unde et contigit ut inveniret: actumque est, ut desideria dilata crescerent, et crescentia caperent quod invenissent. Hinc est enim, quod de eodem sponsa Ecclesia in Canticis canticorum dicit: In lectulo meo per noctes quæsi vi quem diligit anima mea. Dilectum namque in lectulo quærimus, quando in præsentis vitæ aliquantula requie Redemptoris nostri desiderio suspiramus. Per noctem quærimus, quia etsi jam in illo mens vigilat, tamen adhuc oculus caligat.

Lectio vj.

**S**ED qui dilectum suum non invenit, restat ut surgat, civita-

tem circumbeat, id est, sanctam electorum Ecclesiam mente et inquisitione percurrat: per vicos eum et plateas quærat, id est, per angusta et lata gradientes aspiciat, ut si qua invenire in eis valeat, ejus vestigia exquirat: quia sunt nonnulli etiam vitæ sæcularis, qui imitandum aliquid habeant de actione virtutis. Quærentes autem nos vigilantes inveniunt, qui custodiunt civitatem: quia sancti Patres, qui Ecclesiæ statum custodiunt, bonis nostris studiis occurrunt, ut suo vel verbo vel scripto nos doceant. Quos cum paululum pertransimus, invenimus quem diligimus: quia Redemptor noster etsi humilitate homo inter homines, divinitate tamen super homines fuit.

IN III. NOCTURNO.

Lectio sancti Evangelii secundum Lucam

Lectio vij.

Cap. 7.

**I**N illo tempore: Rogabat Jesum quidam de Pharisæis ut manducaret cum illo. Et ingressus domum Pharisæi discubuit. Et reliqua.

Homilia S. Augustini Episcopi.

Lib. 50. Homil. 23. tom. 10.

**E**VANGELIUM cum legeretur, attentissime audistis, et res gesta narrata atque versata est ante oculos cordis vestri. Vidistis enim non carne, sed mente, Dominum Jesum Christum in domo Pharisæi recubentem et ab illo invitatum non fastidientem. Vidistis etiam in civitate mulierem famosam, mala utique fama, quæ erat peccatrix, non invitata irruisse convivio, ubi suus medicus recubebat, et quæsisse pia impudentia sanitatem: irruens, quasi importuna convivio, opportuna beneficio. Noverat enim quanto morbo laboraret; et illum ad sanandum esse idoneum, ad quem venerat, sciebat.

Lectio viij.

**A**CCESSIT ergo non ad caput Domini, sed ad pedes. Et quædiu male ambulaverat vestigia recta

querabat. Prius fundit lacrymas cordis, et lavit Domini pedes obsequio confessionis, capillis suis tersit, osculata est, unxit: tacita loquebatur, non sermonem promebat, sed devotionem ostendebat. Quia ergo tetigit Dominum rigando, osculando, tergendo, ungendo pedes ejus, Phariseus, qui invitaverat Dominum Jesum Christum, quia ex illo genere erat hominum superbiorum, de quibus Isaias Propheta dicit: Qui dicunt, Recede longe a me, noli me tangere, quoniam mundus sum: putavit Dominum nescisse mulierem.

*Lectio ix.*

**OPHARISÆE** invitator, et irrisor Domini, Dominum pascis, et a quo pasceus sis, non intelligis! Unde scis Dominum nescisse quæ fuerit illa mulier, nisi quia permissa est accedere, nisi quia, illo patiente, osculata est pedes ejus, nisi quia tersit, nisi quia unxit? Hæc enim non debuit permitti facere in pedibus mundis mulier immunda? Ad illius ergo Pharisei pedes si talis mulier accessisset, dicturus erat, quod Isaias de talibus dicit: Recede a me, noli me tangere, quoniam mundus sum. Accessit autem ad Dominum immunda, ut rediret munda; accessit ægra, ut rediret sana; accessit confessa, ut rediret professa.

**Ad Laudes  
HYMNUS.**

**SUMMI** Parentis Unice,  
Vultu pio nos respice,  
Vocans ad arcem gloriæ  
Cor Magdalensæ poenitens.

Amissa drachma regio  
Recondita est ærario;  
Et gemma, deterso luto,  
Nitore vincit sidera.

Jesu medela vulnerum,  
Spes una poenitentium,  
Per Magdalensæ lacrymas  
Peccata nostra diluas.

Dei parens piissima,  
Hevæ nepotes flebiles  
De mille vitæ fluctibus

Salutis in portum vehas.

Unī Deo sit gloria,  
Pro multiformi gratia,  
Peccantium qui crimina  
Remittit et dat præmia. Amen.

ſ. Elegit eam. ā. In tabernaculo.

*Ad Bened. Ant.* Maria unxit pedes Jesu, et extersit capillis suis, et domus impleta est odore unguenti.

*Vesp. a cap. de seq.*

**DIE 23. S. Apollinaris E. M.**

*Duplex.*

*Oratio.*

**DEUS** fidelium remunerator animarum, qui hunc diem beati Apollinaris sacerdotis tui martyrio consecrasti, tribue nobis, quæsumus, famulis tuis, ut cujus venerandam celebramus festivitatem, precibus ejus indulgentiam consequamur. Per.

*Et sit comm. S. Mariæ Magd.*

*Ant.* Mulier, quæ erat in civitate peccatrix, attulit alabastrum unguenti, et stans retro secus pedes Domini, lacrymis cæpit rigare pedes ejus, et capillis capitis sui tergebat.

ſ. Elegit eam. ā. In tabernaculo.

*Deinde S. Liborii Episc. et Conf.*

*Oratio* Da quæsumus, p. 39°.

*Lect. I. Noct. de Script. occ.*

**IN II. NOCTURNO.**

*Lectio iv.*

**A**POLLINARIS cum Principe Apostolorum Antiochia Romam venit, a quo ordinatus Episcopus, Ravennam ad Christi Domini Evangelium prædicandum mittitur: ubi cum ad Christi fidem plurimos converteret, captus ab idolorum sacerdotibus graviter cæsus est. Cumque, ipso orante, Bonifacius nobilis vir, qui diu mutus fuerat, loqueretur, ejusque filia immundo spiritu liberata esset, iterum est in illum commota seditio. Itaque virgis cæsus, ardentes carbones nudis pedibus premere cogitur: quem cum subjectus ignis nihil læderet, ejicitur extra urbem.

*Lectio v.*

**I**S vero latens aliquandiu cum quibusdam Christianis, inde profectus est in Æmiliam, ubi Rafini patricii filiam mortuam, ad vitam revocavit: ut propterea tota Rufini familia in Jesum Christum crederet. Quare vehementer incensus Præfectus accersit Apollinarem, et cum eo gravius agit, ut finem faciat disseminandi in urbe Christi fidem. Cujus cum Apollinaris jussa negligeret, equuleo cruciatur: in cujus plagas aqua fervens infunditur, saxoque os tunditur: mox ferreis vinculis constrictus includitur in carcere. Quarto die impositus in navem, mittitur in exilium, ac facto naufragio venit in Mysiam, inde ad ripam Danubii, postea in Thraciam.

*Lectio vj.*

**C**UM autem in Serapidis templo dæmon se responsa daturum negaret, dum ibidem Petri Apostoli discipulus moraretur, diu conquisitus inventus est Apollinaris: qui iterum jubetur navigare. Ita reversus Ravennam, ab iisdem illis idolorum sacerdotibus accusatus, Centurioni custodiendus traditur: qui cum occulte Christum coleret, noctu Apollinarem dimisit. Re cognita, satellites eum persequuntur, et plagis in itinere confectum, quod mortuum crederent, relinquunt. Quem cum inde Christiani sustulissent, septimo die exhortans illos ad fidei constantiam, martyrii gloria clarus migravit e vita. Cujus corpus prope murum urbis sepultum est.

IN III. NOCTURNO.

Lectio sancti Evangelii secundum Lucam.

*Lectio vij. Cap. 22.*

**I**N illo tempore: Facta est contentio inter discipulos, quis eorum videretur esse major. Et reliqua.

Homilia S. Ambrosii Episcopi.

*Lib. 10. in Lucæ cap. 22.*

**R**EGNUM Dei non est de hoc mundo. Non ergo æqualitatis homini

ad Deum, sed similitudinis æmulatio est. Solus enim Christus est plena imago Dei, propter expressam in se paternæ claritudinis unitatem. Justus autem homo ad imaginem Dei est, si propter imitandam divinæ conversationis similitudinem, mundum hunc Dei cognitione contemnat, voluptatesque terrenas verbi perceptione despiciat, quo alimur in vitam: unde et corpus Christi edimus, ut vitam æternæ possimus esse participes.

*Lectio viij.*

**N**ON enim victus et potus nobis præmii loco spondetur et honoris, sed communicatio gratiæ cœlestis et vitæ. Neque duodecim throni tanquam aliqua corporalis sunt receptacula sessionis; sed quia sicut secundum divinam similitudinem judicat Christus cognitione cordium, non interrogatione factorum, virtutem remunerans, impietatemque condemnans: ita et Apostoli in judicium spiritale formantur remuneratione fidei, et execratione perfidiæ, virtute errorem redarguentes, sacrilegos odio prosequentes.

*Lectio ix.*

**CONVERTAMUR** igitur, et caveamus, ne in perditionem aliqua inter nos de prælatione possit esse contentio. Si enim contendebant Apostoli, non excusationi obtenditur, sed cautioni proponitur. Si Petrus aliquando convertitur, qui ad primam Domini secutus est vocem: quis potest dicere cito se esse conversum? Cave ergo jactantiam, cave sæculum. Ille enim confirmare jubetur fratres suos, qui dixit: Omnia dimisimus, et secuti sumus te.

*In Laud. fit comm. S. Liborii.*

*In II. Vesp. fit comm. S. Christianæ Virg. et Mart. Oratio indulgentiam, p. 62.*

**DIE 24. In Vigil. S. Jacob.**

Apostoli.

*Homil. Cum cuncta sacra, p. 1.  
Dicuntur Preces flexis genibus.*



*Oratio.*

**D**A, quæsumus, omnipotens Deus, ut beati Jacobi Apostoli tui, quam prævenimus, veneranda sollemnitas, et devotionem nobis augeat et salutem. Per Dominum.

*Deinde fit comm. S. Christinæ.*

**DIE 25. S. Jacobi,**  
Apostoli. *Duplex 2. Classis.*

*Oratio.*

**ESTO**, Domine, plebi tuæ sanctificator et custos, ut Apostoli tui Jacobi munita præsidiiis, et conversatione tibi placeat, et secunda mente deserviat. Per Dominum.

*Lect. I. Noct. Sic nos existimet.*

## IN II. NOCTURNO.

*Lectio iv.*

**JACOBUS** Zebedæi filius, Joannis Apostoli germanus frater, Galilæus, inter primos Apostolos vocatus cum fratre, relictis patre ac retibus, secutus est Dominum, et ambo ab ipso Jesu Boanerges, id est, tonitruii filii, sunt appellati. Is unus fuit ex tribus Apostolis, quos Salvator maxime dilexit, et testes esse voluit suæ transfigurationis, et interesse miraculo, cum archisynagogi filiam a mortuis excitavit, et adesse cum secessit in montem Oliveti, Patrem oraturus, antequam a Judæis comprehenderetur.

*Lectio v.*

**POST** Jesu Christi ascensum in cælum, in Judæa et Samaria ejus divinitatem prædicans, plurimos ad Christianam fidem perduxit. Mox in Hispaniam profectus, ibi aliquos ad Christum convertit: ex quorum numero septem postea Episcopi a beato Petro ordinati, in Hispaniam primi directi sunt. Deinde Jerosolymam reversus, cum inter alios Hermogenem pagum fidei veritate imbuisset, Herodes Agrippa. Claudio Imperatore, ad regnum elatus, ut a Judæis gratiam iniret, Jacobum libere Jesum Christum Deum confitentem capitis

condemnavit. Quem cum is, qui eum duxerat ad tribunal, fortiter martyrium subeuntem vidisset, statim se et ipse Christianum esse professus est.

*Lectio vj.*

**AD** supplicium cum raperentur, petiit ille a Jacobo veniam, quem Jacobus osculatus: Pax, inquit, tibi sit. Itaque uterque est securi percussus, cum paulo ante Jacobus paralyticum sanasset. Corpus ejus postea Compostellam translatum est, ubi summa celebritate colitur, convenientibus eo religionis et voti causa ex toto terrarum orbe peregrinis. Memoria ipsius natalis hodierno die, qui translationis dies est, ab Ecclesia celebratur, cum ipse circa festum Paschæ, primus Apostolorum Jerosolymis profuso sanguine testimonium Jesu Christo dederit.

## IN III. NOCTURNO.

*Lectio sancti Evangelii secundum Matthæum.*

*Lectio vij. Cap. 26.*

**I**N illo tempore: Accessit ad Jesum mater filiorum Zebedæi cum filiis suis, adorans et petens aliquid ab eo. Et reliqua.

*Homilia S. Joannis Chrysostomi.*

*Homilia 66. in Matth.*

**NON** turbetur quisquam, si adeo imperfectos dicimus Apostolos fuisse; nondum enim mysterium crucis erat consummatum, nondum gratia Spiritus in corda ipsorum infusa. Quod si virtutem ipsorum discere cupis, quales post datam gratiam Spiritus fuerint, considera, et videbis omnem ab illis perversam affectionem fuisse superatam. Hac enim de causa eorum modo imperfectio revelatur, ut aperte percipere possis, quales subito per gratiam effecti fuerunt. Quod igitur nihil spiritale petebant, nec de cælesti regno quidquam cogitabant perspicuum est. Sed tamen inspiciamus etiam quomodo accedant, et quid dicant: Volumus, inquiunt, ut quod-

cumque petierimus , facias nobis. Ad quod Christus : Quid vultis ? respondit , non ignorans certe , sed ut eos respondere cogat , et ulcus detegat , et ita medicamentum apponat.

*Lectio viij.*

**I**LLI vero cum erubescerent , et verecundia prohiberentur , quoniam humano affectu eo devenerant , seorsum ab aliis discipulis Christum accipientes , interrogaverunt. Progressi sunt enim , inquit , ne illis manifesti fierent : et ita demum ea quæ volebant , dixerunt. Volebant autem , ut ego conjicio , quoniam super duodecim sedes sessuros discipulos audierunt , primatum hujus consessus impetrare : et præponi quidem se cæteris sciebant ; Petrum vero sibi præferri formidantes , dicere ausi sunt : Dic ut unus a dextris , alter a sinistris sedeat. Et urgent dicentes : Dic. Quid igitur ipse ? ut significaret eos nihil petere spiritale , sed nec scire quidem quid postulent : non enim petere auderent , si scirent : Nescitis , ait , quid petatis ; nescitis quam magnum hoc sit , quam mirabile , ac ipsas superiores excedens virtutes.

*Lectio ix.*

**E**T adjecit : Potestis bibere calicem , quem ego bibiturus sum , et baptismo , quo ego baptizor , baptizari ? Perpendis quomodo statim ab hac opinione ipsos removit , contraria eis disserens. Nam vos , inquit , de honoribus et de coronis mecum agitis , ego vero de luctamine atque sudore dissero. Non præmiorum hoc tempus est , nec illa gloria mea modo apparebit , sed cædis ac periculorum tempus præsens est. Perspice autem qualiter ipso interrogationis modo et hortatur et allicit. Non enim dixit : Potestisne cædem subire ? potestisne vestrum effundere sanguinem ? sed , Quoniam pacto potestis bibere calicem ? Deinde alliciens , inquit , Quem ego bibiturus sum ; ut ipsa cum eo com-

municatione laborum promptiores redderentur.

*Et fit commemoratio S. Christophori Mart. in Laus. tantum. Oratio Præsta quæsumus ut qui , p. 14.*

*In II. Vesp. fit commemoratio sequentis.*

**DIE 26. S. Annæ,**

Matris B. M. V.

*Duplex Majus.*

*Oratio.*

**D**EUS , qui beatæ Annæ gratiam conferre dignatus es , ut Genitricis Unigeniti Filii tui mater effici mereretur . concede propitius , ut ejus solemnia celebramus , ejus apud te patrocinii adjuvemur. Per eundem.

*Lect. I. Noct. Mulierem fortem , p. 72.*

**IN II. NOCTURNO.**

Sermo S. Joannis Damasceni.

*Orat. 2. de nativitate B. Mariæ.*

*Lectio iv.*

**P**ROPONITUR nobis Annæ thalamus , conjugalis vitæ simul et virginitatis formam referens , illam matris , hanc filiæ : quarum altera recens sterilitate liberata est , altera autem aliquanto post , Christi partum ad nostræ naturæ conditionem divino opificio formatum , supra naturam est editura. Merito igitur Anna divino spiritu plena , læto hilarique animo personat : Congaudete mecum , quæ promissionis germen ex sterili ventre peperit , ac benedictionis fructum uberibus meis , ut optaveram , nutrio. Sterilitatis mœstitiam exui , ac lætam fecunditatis vestem indui. Congaudeat mecum hodie Anna illa Phenennæ adversaria , et novum hoc atque inopinatum miraculum , quod in me gestum est , suo exemplo concelebre.

*Lectio v.*

**E**XULTET Sara senili gaudio gestiens , meumque ab sterilitate conceptum præfigurans. Concinant simul steriles et infecundæ visitationem meam admirabili modo cœlitus factam. Dicant item matres omnes hac fecun-

ditate præditæ : Benedictus qui orantibus id , quod optabant, largitus est, et fecunditatem sterili dedit , ac felicissimum illud germen Virginis concessit , quæ Mater Dei secundum carnem fuit, cujus venter cælum est , in qua habitavit is , qui nullo loco capi potest. Consonam his nos quoque ipsi , quæ vocabatur sterilis , nunc autem virginei thalami mater exitit , laudem offeramus. Dicamus ad eam cum Scriptura : Quam beata domus David , ex qua prodiisti, et venter in quo Deus sanctificationis arcam, hoc est , eam , a qua ipse sine semine conceptus est , fabricavit !

*Lectio vj.*

**V**ERE beata es, ac ter beata, quæ beatitudine donatam a Deo infantem, hoc est, Mariam, nomine quoque ipso magnopere venerandam peperisti , ex qua Christus vitæ flos exitit, cujus Virginis et gloriosus fuit ortus , et partus mundo sublimior. Nos quoque , o beatissima femina , tibi gratulamur. Etenim nostrum omnium spem divinitus concessam , hoc est, promissionis fœtum peperisti. Beata revera es, et beatus fructus ventris tui. Piorum autem lingua germen tuum magnificat , ac sermo omnis lætus partum tuum prædicat. Dignum sane quidem ac maxime dignum est eam laudare , quæ divina benignitate oraculum accepit , ac talem et tantum nobis fructum edidit, ex quo dulcis Jesus prodiit.

*In III. Noct. Homilia Cælorum regum, de comm. p. 74\*.*

*In II. Vesp. comm. sequentis.*

**DIE 27. S. Pantaleonis M.**

*Orat. Præsta . . . ut intercedente, p. 14\*.*

*Lectio iij.*

**P**ANTALEON Nicomediensis, nobilis medicus, ab Hermolao presbytero in Jesu Christi fide eruditus, baptizatus est ; qui mox patri Eustorgio persuasit , ut Christianus fieret. Quare cum Nicomediæ postea Christi

Domini fidem libere prædicaret, et ad ejus doctrinam omnes cohortaretur , Diocletiano Imperatore , equuleo tortus , et admotis ad ejus corpus laminis candentibus, cruciatus est : quam tormentorum vim æquo et forti animo ferens , ad extremum gladio percussus , martyrii coronam adeptus est.

**DIE 28. SS. Nazarii, Celsi,**

**ET VICTORIS , MARTYRUM ,  
AC INNOCENTII , PAPÆ ET CONF.**

*Semiduplex.*

*Oratio.*

**S**ANCTORUM tuorum nos , Domine, Nazarii, Celsi, Victoris , ac Innocentii confessio beata communiat, et fragilitati nostræ subsidium dignanter exoret. Per Dominum.

*Lect. I. Noct. de Script. occur.*

**IN II. NOCTURNO.**

*Lectio iv.*

**N**AZARIUS a beato Lino Papa baptizatus, cum in Galliam profectus esset, ibi Celsum puerum , a se Christianis præceptis prius instructum, baptizavit : qui una Trevirim euntes, Neronis persecutione, in mare uterque dejicitur , unde mirabiliter evaserunt. Postea Mediolanum venientes , cum ibi Christi fidem disseminarent , ab Anolino præfecto, constantissime Christum Deum confitentes , capite plectuntur : quorum corpora extra portam Romanam sepulta sunt. Quæ cum diu latuissent, Dei monitu a Beato Ambrosio conspersa recenti sanguine sunt inventa , tanquam si paulo ante martyrium passi essent : unde in urbem translata , honorifico sepulchro collecta sunt.

*Lectio v.*

**V**ICTOR in Africa natus , Severo Imperatore, rexit Ecclesiam. Confirmavit decretum Pii Primi , ut sacrum Pascha die Dominico celebraretur : qui ritus , ut postea in morem induceretur , habita sunt multis in locis Concilia; et in Niemna denique pri-



ma Synodo sancitum est, ut Paschæ dies festus post quartamdecimam lunam ageretur, ne Christiani Judæos imitari viderentur. Statuit, ut quavis aqua, modo naturali, si necessitas cogeret, quicumque baptizari posset. Theodotum Coriarium Bizantinum doctorem Christum tantummodo hominem fuisse, eiecit ex Ecclesia. Scripsit de questione Paschæ, et alia quædam opuscula. Creavit duabus Ordinationibus mense Decembri Presbyteros quatuor, Diaconos septem, Episcopos per diversa loca duodecim. Martyrio coronatus sepelitur in Vaticano, quinto Kalendas Augusti. Sedit annos novem, mensem unum, dies viginti octo.

*Lectio vj.*

**I**NNOCENTIUS Albanensis, sancti Hieronymi et Augustini ætate floruit. De quo ille ad Demetriadem virginem: Sancti Innocentii, qui Apostolicæ cathedræ, et beatæ memoriæ Anastasii successor et filius est, teneas fidem, nec peregrinam, quamvis tibi prudens callidaque videaris, doctrinam recipias. Eum tamquam justum Lot subtractum Dei providentia ad Ravennam servatum fuisse, scribit Orosius, ne Romani populi videret excidium. Is Pelagio et Cœlestio damnatis, contra eorum hæresim decretum fecit, ut parvuli ex Christiana etiam muliere nati, per baptismum renasci deberent, ut in eis regeneratione mundetur, quod generatione contraxerunt. Probavit etiam ut sabbato, ob memoriam Christi Domini sepulturæ, jejunium servaretur. Sedit annos quindecim, mensem unum, dies decem. Quatuor Ordinationibus mense Decembri creavit Presbyteros triginta, Diaconos quindecim, Episcopos per diversa loca quinquaginta quatuor. Sepultus est in cœmeterio ad Ursam pileatum.

*In III. Noct. Homilia Dominus ac Redemptor, de Comm. 1. loco, p. 33.  
Vesperæ a Capit. de sequenti.*

**Die 29. S. Marthæ V.***Semiduplex.**Oratio Exaudi nos, p. 62°.**Et sit comm. præcedent.**Deinde SS. Felicis, Simplicii, Faustini et Beatricis, Mart.**Oratio.*

**P**RÆSTA, quæsumus, Domine, ut sicut populus Christianus Martyrum tuorum Felicis, Simplicii, Faustini et Beatricis temporali solemnitate congaudet, ita perfruaturs æterna; et quod votis celebrat, comprehendat effectu. Per Dominum.

*Lect. I. Noct. de Script. occ.***IN II. NOCTURNO.***Lectio iv.*

**M**ARTHA, nobilibus et copiosis parentibus nata, sed Christi Domini hospitio clarior, post ejus ascensum in cœlum, cum fratre, sorore, et Marcella pedissequa, ac Maximino, uno ex septuaginta duobus discipulis Christi Domini, qui totam illam domum baptizaverat, multisque aliis Christianis, comprehensa a Judæis, in navem sine velo ac remigio imponitur, vastissimoque mari ad certum naufragium committitur: sed navis, Deo gubernante, salvis omnibus Massiliam impulsa est.

*Lectio v.*

**E**o miraculo, et horum prædicatione, primum Massilienses, mox Aquenses, ac finitimæ gentes in Christum crediderunt, Lazarusque Massiliensium, et Maximinus Aquensium Episcopus creatur. Magdalena vero assueta orationi et pedibus Domini, ut optima parte contemplandæ celestis beatitudinis, quam elegerat, frueretur, in vastam altissimi montis speluncam se contulit, ubi triginta annos vixit, ab omni hominum consuetudine disjuncta, quotidieque per id tempus ad audiendas cœlestium laudes in altum ab Angelis elata.

*Lectio vj.*

**M**ARTHA autem, mirabili vitæ sanctitate et charitate omnium

Massiliensium animis in sui amorem et admirationem adductis, in locum a viris remotum cum aliquot honestissimis feminis se recepit, ubi summa cum laude pietatis et prudentiæ diu vixit, ac demum, morte sua multo ante prædicta, miraculis clara migravit ad Dominum, quarto Kalendas Augusti. Cujus corpus apud Tarasum magnam habet venerationem.

### IN III. NOCTURNO.

Lectio sancti Evangelii secundum Lucam.

Lectio vij.

Cap. 10.

**I**N illo tempore: Intravit Jesus in quoddam castellum, et mulier quædam, Martha nomine, excepit illum in domum suam. Et reliqua.

Homilia S. Augustini Episcopi.

Serm. 26. de Verb. Domini.

**V**ERBA Domini nostri Jesu Christi, quæ modo ex Evangelio recitata sunt, admonent nos, esse unum aliquid quo tendamus, quando in hujus sæculi multitudinē laboramus. Tendimus autem adhuc peregrinantes, nondum manentes; adhuc in via, nondum in patria; adhuc desiderando, nondum fruendo. Tamen tendamus, et sine pigritia et sine intermissione tendamus, ut aliquando pervenire valeamus. Martha et Maria duæ sorores erant, ambæ non solum carne, sed etiam religione germanæ: ambæ Domino cohæserunt, ambæ Domino in carne præsentī concorditer servierunt.

Lectio viij.

**S**USCEPIT eum Martha, sicut solent suscipi peregrini: sed tamen suscepit famula Dominum, ægra Salvatorem, creatura Creatorem. Suscepit autem spiritu pascenda, in carne pascendum. Voluit enim Dominus formam servi accipere, et accepta forma servi, in illa pasci a servis, dignatione, non conditione. Nam et ista dignatio fuit, se præbere pascendum. Habebat carnem in qua esuriret quidem, et sitiret: sed nescitis, quia in

eremo esurienti Angeli ministrabant? Ergo quod pasci voluit, pascenti præstitit. Quid autem mirum, si et de sancto Elia præstitit viduæ, quem prius, corvo ministrante, pascebat? Numquid pascendo defecerat, quando ad viduam mittebat? Nequaquam, sed religiosam viduam per obsequium exhibitum servo suo, benedicere disponebat.

Lectio ix.

**H**IC ergo susceptus est Dominus tanquam hospes, qui in sua propria venit, et sui eum non receperunt: sed quotquot receperunt eum, dedit eis potestatem filios Dei fieri, adoptans servos, et liberos faciens: redimens captivos, et faciens cohæredes. Ne quis tamen vestrum forsitan dicat: O beati, qui Christum suscipere in domum propriam meruerunt! Noli dolere, noli murmurare, quia temporibus natus es, quando jam Dominum non vides in carne. Non tibi abstulit istam dignationem. Cum tui, inquit, ex minimis fecistis, mihi fecistis. Hæc de Dominopascendo in carne, sed pascente in spiritu, pauca pro tempore dixerimus.

Et fit comm. SS. Mart. Felicis et sociorum in Laudibus.

In II. Vesp. comm. sequentis.

**DIE 30. SS. ABDON,**

ET SENNEN, MARTYRUM.

Oratio.

**D**EUS, qui sanctis tuis Abdon et Sennen ad hanc gloriam veniendi copiosum munus gratiæ contulisti, da famulis tuis suorum veniam peccatorum, ut, Sanctorum tuorum intercedentibus meritis, ab omnibus mereantur adversitatibus liberari. Per Dominum.

Lectio iij.

**A**BDON et Sennen Persæ, Decio Imperatore, accusati quod corpora Christianorum, quæ inhumata projiciebantur, in suo prædio sepelissent, jussu Imperatoris comprehenduntur, et diis jubentur sacrificare.

Quod cum facere negligerent, et Jesum Christum Deum constantissime prædicarent, traditos in arctam custodiam, Romam postea rediens Decius, vinctos duxit in triumpho. Qui cum in Urbe ad simulacra attracti essent, ea detestati conspuerunt. Quamobrem ursis ac leonibus objecti sunt: quos feræ non audebant attingere. Demum gladiis trucidati, colligatis pedibus tracti sunt ante Solis simulacrum: quorum corpora clam inde asportata, Quirinus diaconus sepelivit in suis ædibus.

*Vesperæ de sequenti.*

**DIE 31. S. Ignatii.**

*Confess. Duplex.*

*Oratio.*

**DEUS**, qui ad majorem tui nominis gloriam propagandam, novo per beatum Ignatium subsidio militantem Ecclesiam roborasti, concede, ut ejus auxilio et imitatione certantes in terris, coronari cum ipso mereamur in cælis: Qui vivis.

*Lect. I. Noct. de script. occ.*

**IN II. NOCTURNO.**

*Lectio iv.*

**IGNATIUS** natione Hispanus, nobili genere Loyolæ in Cantabria natus, primo Catholici regis aulam, deinde militiam secutus est. In propugnatione Pampelonensi accepto vulnere graviter decumbens, ex fortuita piorum librorum lectione, ad Christi Sanctorumque sectanda vestigia mirabiliter exarsit. Ad Montem Serratum profectus, ante aram beatæ Virginis suspensis armis, nocte excubans sacræ militiæ tyrocinium posuit. Inde, ut erat indutus sacco, traditis antea mendico pretiosis vestibus, Manresam secessit: ubi emendicato pane et aqua victitans, exceptisque diebus Dominicis jejunans, aspera catena cilicioque carnem domans, humi cubans, et ferreis se flagellis cruentans, per annum commoratus est, claris adeo illustrationibus a Deo recreatus, ut postea dicere solitus sit: Si sacræ Litteræ non extarent, se tamen pro

fide mori paratum, ex iis solum, quæ sibi Manresæ patefecerat Dominus. Quo tempore, homo litterarum plane rudis, admirabilem illum composuit Exercitiorum librum, Sedis Apostolicæ judicio, et omnium utilitate comprobatum.

*Lectio v.*

**UT** vero se ad animarum lucra rite formaret, subsidium litterarum, a Grammatica inter pueros exorsus, adhibere statuit. Cumque nihil interim omitteret de studio alienæ salutis, mirum est quas ubique locorum ærumnas ac ludibria devoraverit, asperrima quæque, et vincula et verbera pene ad mortem usque perpessus: quibus tamen longe plura pro Domini sui gloria semper expetebat. Lutetiæ Parisiorum, adjunctis sibi ex illa Academia variarum nationum sociis novem, qui omnes Artium magisteriis, et Theologiæ gradibus insignes erant, ibidem in Monte Martyrum prima Ordinis fundamenta jecit, quem postea Romæ instituens, ad tria consueta, quarto addito de Missionibus voto, Sedi Apostolicæ arctius adstrinxit, et Paulus Tertius primo recepit, confirmavitque: mox alii Pontifices, ac Tridentina Synodus probavere. Ipse autem, misso ad prædicandum Indis Evangelium sancto Francisco Xaverio, aliisque in alias mundi plagas ad religionem propagandam disseminatis, ethnicæ superstitioni hæresique bellum indixit, eo successu continuatum, ut constans fuerit omnium sensus, etiam Pontificio confirmatus oraculo, Deum sicut alios aliis temporibus sanctos viros, ita Lutherum, ejusdemque temporis hæreticis, Ignatium, et institutam ab eo Societatem objecisse.

*Lectio vj.*

**SED** in primis inter Catholicos instaurare pietatem curæ fuit. Templorum nitor, Catechismi traditio, concionum ac Sacramentorum frequentia ab ipso incrementum accipere. Ipse apertis ubique locorum ad



juventutem erudiendam in litteris ac pietate gymnasiis, erectis Romæ Germanorum collegio, male nuptiarum et periclitantium puellarum cœnobiis, utriusque sexus tam Orphanorum, quam Catechumenorum domibus, aliisque pietatis operibus, indefessus lucrandis Deo animis instabat: auditus aliquando dicere, Si optio daretur, malle se beatitudinis incertum vivere, et interim Deo inservire, et proximorum saluti, quam certum ejusdem gloriæ statim mori. In dæmones mirum exercuit imperium. Vultum ejus cœlesti luce radiantem sanctus Philippus Neri, aliique conspexere. Denique ætatis anno sexagesimo quinto, ad Domini sui amplexum, cujus majorem gloriam in ore semper habuerat, semper in omnibus quæsierat, emigravit. Quem Gregorius Decimus quintus, magnis in Ecclesiam meritis, et miraculis illustrem Sanctorum fastis adscripsit.

*In III. Noct. Homilia Dominus et Salvator, pro Evang. p. 13. cum sqq de Com.*

*Vesperæ de sequenti.*

#### FESTA AUGUSTI.

*Prima die non impedita dicitur Officium Defunctorum.*

**DIE 1. S. PETRI AD VINULA.**

*Duplex majus.*

**In I. Vesperts.**

*Ant. et Capit. de Laud. Psalmi. et alia hic non propria de Com. Apostolorum.*

#### HYMNUS

**M**IRIS modis repente liber, ferrea,

Christo jubente, vincla Petrus exuit:  
Ovilis ille pastor et rector gregis  
Vitæ recludit pascua et fontes sacros,  
Ovesque servat creditas, arcet lupos.

Patri perenne sit per ævum gloria,  
Tibique laudes concinamus inclytas.  
Æterne Nate; sit, superne Spiritus.  
Honor tibi decusque: sancta jugiter  
Laudetur omne Trinitas per sæculum.

Amen.

Ÿ. Tu es Petrus. R. Et super hanc petram ædificabo Ecclesiam meam.

*Ad Magnif. Ant.* Tu es pastor ovium, princeps Apostolorum, tibi traditæ sunt claves regni cœlorum.

*Oratio ut infra in Laudibus.*

*Et sit comm. S. Pauli, ut ibi.*

*Deinde præced. et SS. Mart. Machabæorum.*

*Oratio.*

**F**RATERNÂ nos, Domine, Martyrum tuorum corona lætificet, quæ et fidei nostræ præbeat incrementa virtutum, et multiplici vos suffragio consoletur. Per Dominum.

*Ad Matutinum.*

#### HYMNUS

**Q**UODCUMQUE in orbe nexibus revinxeris,

Erit revinctum, Petre, in arce siderum:

Et quod resolvit hic potestas tradita,

Erit solutum cœli in alto vertice:

In fine mundi judicabis sæculum.

Patri perenne sit per ævum gloria,  
Tibique laudes concinamus inclytas,  
Æterne Nate; sit, superne Spiritus,  
Honor tibi decusque: sancta jugiter,  
Laudetur omne Trinitas per sæculum.

Amen.

IN 1. NOCTURNO.

De Actibus Apostolorum.

*Lectio j.*

*Cap 12.*

**M**ISIT Herodes rex manus, ut affligeret quosdam de Ecclesia. Occidit autem Jacobum fratrem Joannis gladio. Videns autem quia placeret Judæis, apposuit ut apprehenderet et Petrum. Erant autem dies Azymorum. Quem, cum apprehendisset, misit in carcerem, tradens quatuor quaternionibus militum custodiendum, volens post Pascha producere eum populo. Et Petrus quidem servabatur in carcere. Oratio autem fiebat sine intermissione ab Ecclesia ad Deum pro eo.

R. Simon Petre, antequam de navi vocarem te, novi te, et super ple-

hem meam principem te constitui :  
 \* Et claves regni cœlorum tradidi  
 tibi. †. Quodcumque ligaveris super ter-  
 ram, erit ligatum et in cœlis; et quod-  
 cumque solveris super terram, erit  
 solutum et in cœlis. Et.

## Lectio ij.

**CUM** autem producturus eum es-  
 set Herodes, in ipsa nocte erat  
 Petrus dormiens inter duos milites,  
 vinctus catenis duabus, et custodes  
 ante ostium custodiebant carcerem.  
 Et ecce Angelus Domini astitit, et  
 lumen refulsit in habitaculo; percus-  
 soque latere Petri, excitavit eum, di-  
 cens: Surge velociter. Et ceciderunt  
 catenæ de manibus ejus. Dixit autem  
 Angelus ad eum: Præcingere, et cal-  
 cea te caligas tuas. Et fecit sic. Et  
 dixit illi: Circumda tibi vestimentum  
 tuum, et sequere me.

†. Si diligis me, Simon Petre,  
 pasce oves meas. Domine, tu nosti  
 quia amo te, \* Et animam meam po-  
 no pro te. †. Si oportuerit me mo-  
 ri tecum, non te negabo. Et.

## Lectio iij.

**ET** exiens sequebatur eum, et ne-  
 sciebat quia verum est, quod  
 fiebat per Angelum; existimabat au-  
 tem se visum videre. Transeuntes au-  
 tem primam et secundam custodiam,  
 venerunt ad portam ferream, quæ  
 ducit ad civitatem; quæ ultro aperta  
 est eis. Et exeuntes processerunt vi-  
 cum unum, et continuo discessit An-  
 gelus ab eo. Et Petrus ad se rever-  
 sus, dixit: Nunc scio vere quia mi-  
 sit Dominus Angelum suum, et eri-  
 puit me de manu Herodis, et de om-  
 ni expectatione plebis Judæorum.

†. Tu es Petrus, et super hanc  
 petram ædificabo Ecclesiam meam, et  
 portæ inferi non prævalebunt adver-  
 sus eam. \* Et tibi dabo claves regni  
 cœlorum. †. Quodcumque ligaveris  
 super terram, erit ligatum et in cœ-  
 lis; et quodcumque solveris super  
 terram, erit solutum et in cœlis. Et.  
 Gloria. Et.

## IN II. NOCTURNO.

## Lectio iv.

**THEODOSIO** juniore imperante,  
 cum Eudocia ejus uxor Jeroso-  
 lymam, solvendi voti causa, venisset,  
 ibi multis est affecta muneribus: præ-  
 cæteris insigne donum accepit ferreæ  
 catenæ, auro gemmisque ornatæ, quam  
 illam esse affirmabant, qua Petrus  
 Apostolus ab Herode vinctus fuerat.  
 Eudocia catenam pie venerata, eam  
 postea Romam ad filiam Eudoxiam  
 misit, quæ illam Pontifici Maximo  
 detulit: isque vicissim illi monstravit  
 alteram catenam, qua, Nerone Im-  
 peratore, idem Apostolus constrictus  
 fuerat.

†. Domine, si tu es, jube me ve-  
 nire ad te super aquas. \* Et exten-  
 dens manum, apprehendit eum, et  
 dixit Jesus: Modicæ fidei, quare du-  
 bitasti? †. Cumque vidisset ventum  
 validum venientem, timuit; et cum  
 cœpisset mergi, clamavit, dicens:  
 Domine, salvum me fac. Et.

## Lectio v.

**CUM** igitur Pontifex Romanam ca-  
 tenam cum ea, quæ Jerosolymis  
 allata fuerat, contulisset, factum  
 est, ut illæ inter se sic connecterentur,  
 ut non duæ, sed una catena ab  
 eodem artifice confecta esse videretur.  
 Quo miraculo tantus honor sacris il-  
 lis vinculis haberi cœpit, ut propte-  
 rea hoc nomine sancti Petri ad Vin-  
 cula Ecclesia, titulo Eudoxiæ, dedi-  
 cata sit in Exquiliis, ejusque memo-  
 riæ dies festus institutus Kalendis  
 Augusti.

†. Surge Petre, et indue te vesti-  
 mentis tuis, accipe fortitudinem ad  
 salvandas Gentes: \* Quia ceciderunt  
 catenæ de manibus tuis. †. Angelus  
 Domini astitit, et lumen refulsit in  
 habitaculo carceris; percussoque la-  
 tere Petri, excitavit eum, dicens:  
 Surge velociter. Quia.

## Lectio vj.

**QUO** ex tempore honos, qui eo  
 die profanis Gentilium celebri-  
 tatibus tribui solitus erat, Petri vin-

culis haberi cæpit : quæ tacta ægros sanabant , et dæmones ejiciebant. Quo in genere anno salutis humanæ non-gentesimo sexagesimo nono accidit , ut quidam Comes , Othonis Imperatoris familiaris , occupatus ab immundo spiritu seipsum dentibus dilaniaret. Quare is jussu Imperatoris ad Joannem Pontificem ducitur , qui ut sacra catena Comitum collum attigit , erumpens nefarius spiritus hominem liberum reliquit : ac deinceps in Urbe sanctorum Vinculorum religio propagata est.

¶. Tu es pastor ovium , princeps Apostolorum , tibi tradidit Deus omnia regna mundi : Et ideo tibi traditæ sunt claves regni cælorum. ¶. Quodcumque ligaveris super terram , erit ligatum et in cælis ; et quodcumque solveris super terram , erit solutum et in cælis. Et. Gloria. Et.

### IN III. NOCTURNO.

Lectio sancti Evangelii secundum Matthæum.

Lectio vij. Cap. 16.

**I**N illo tempore : Venit Jesus in partes Cæsareæ Philippi , et interrogabat discipulos suos , dicens : Quem dicunt homines esse Filium hominis ? Et reliqua.

Homilia S. Augustini Episcopi.

Ex Serm. 29. de Sanctis.

**S**OLUS Petrus inter Apostolos meruit audire : Amen dico tibi , quia tu es Petrus , et super hanc petram ædificabo Ecclesiam meam. Dignus certe , qui ædificandis in domo Dei populis lapis esset ad fundamentum , columna ad sustentaculum , clavis ad regnum. De hoc ait sermo divinus : Et ponebant , inquit , infirmos suos , ut umbra saltem transeuntis Petri obumbraret eos. Si tunc opem ferre poterat umbra corporis , quanto magis nunc plenitudo virtutis ? Si tunc supplicantibus proderat aura quædam pertranseuntis , quanto magis gratia nunc permanentis ? Merito per omnes Christi Ecclesias auro pretiosius ha-

betur ferrum illud pœnarium vinculorum.

¶. Ego pro te rogavi , Petre , ut non deficiat fides tua : Et tu aliquando conversus confirma fratres tuos. ¶. Caro et sanguis non revelavit tibi , sed Pater meus , qui est in cælis. Et.

Lectio viij.

**S**I tam medicabilis fuit obumbratio visitantis , quanto magis catena vincientis ? Si inanis quædam species vacuæ imaginis habere potuit in se vim salutis , quanto plus de corpore meruerunt attrahere salubritatis ferreo pondere sacris impressa membris vincula passionis ? Si ad præsidia supplicantium tam potens fuit ante martyrium , quanto magis efficax post triumphum ? Felices illi nexus , qui de manicis et compedibus in coronam mutandi , Apostolum contingentes martyrem reddiderunt. Felicia vincula , quæ reum suum usque ad Christi crucem non tam condemnatura , quam consecratura miserunt.

¶. Quem dicunt homines esse Filium hominis ? dixit Jesus discipulis suis. Respondens Petrus , dixit : Tu es Christus Filius Dei vivi. Et ego dico tibi , quia tu es Petrus et super hanc petram ædificabo Ecclesiam meam. ¶. Beatus es Simon Barjona , quia caro et sanguis non revelavit tibi , sed Pater meus , qui est in cælis. Et. Gloria. Et.

Pro SS. Machabæis.

Lectio ix.

Sermo S. Gregorii Nazianzeni.

Orat. 20. in Machabæos.

**Q**UIDNAM Machabæi ? Illorum enim nominedies festus præsentifrequentia celebratur. Qui etsi apud multos non sunt in honore , quod illud certamen post Christum non susceperunt : tamen digni sunt qui ab omnibus honorentur , quia pro patriis legibus et institutis fortes constantesque se præbuerunt. Nam qui martyrium subiere ante Christi passionem , quid facturi e-



rant, si post Christum persecutionem passi fuissent, ejusque mortem nostræ salutis causa susceptam, ad imitandum propositam habuissent? Quorum enim, nullo proposito exemplo, talis tantaque virtus fuit, an non illud exemplum illud intuentes, fortius in certamen descendissent? Quia etiam mystica quædam et occulta ratio mihi quidem, atque omnibus Dei amatoribus valde probabilis est, neminem eorum, qui ante Christi adventum martyrio consummati sunt, id sine fide in Christum consequi potuisse.

### *Ad Laudes*

*et per Horas, Antiphonæ.*

1. Herodes rex \* apposuit ut apprehenderet et Petrum: quem cum apprehendisset, misit in carcerem, volens post Pascha producere eum populo.

2. Petrus quidem \* servabatur in carcere. Oratio autem fiebat sine intermissione ab Ecclesia ad Deum pro eo.

3. Dixit Angelus \* ad Petrum: Circumda tibi vestimentum tuum, et sequere me.

4. Misit Dominus Angelum suum, et liberavit me de manu Herodis, alleluia.

5. Tu es Petrus, \* et super hanc petram ædificabo Ecclesiam meam.

*Capitulum.*

*Act. 12.*

**M**ISIT Herodes rex manus, ut affligeret quosdam de Ecclesia. Occidit autem Jacobum fratrem Joannis gladio. Videns autem quia placeret Judæis, apposuit ut apprehenderet et Petrum.

### *HYMNUS.*

**B**EATE pastor Petre, clemens accipe.

Voces precantum, criminumque vincula

Verbo resolve, cui potestas tradita.  
Aperire terris cælum, apertum claudere,

Sit Trinitati sempiterna gloria,

Honor, potestas, atque jubilatio,  
In Unitate, quæ gubernat omnia  
Per universa æternitatis sæcula.

*Amen.*

ŷ. Tu es Petrus. a. Et super hanc petram ædificabo Ecclesiam meam.

*Ad Bened. Ant.* Quodcumque ligaveris super terram, erit ligatum et in cælis; et quodcumque solveris super terram, erit solutum et in cælis, dicit Dominus Simoni Petro.

*Oratio.*

**D**EUS, qui beatum Petrum Apostolum, a vinculis absolutum, illæsum abire fecisti, nostrorum, quæsumus, absolve vincula peccatorum, et omnia mala a nobis propitiatus exclude. Per.

*Et fit commemor. S. Pauli.*

*Ant.* Sancte Paule Apostole, prædicator veritatis, et Doctor Gentium, intercede pro nobis ad Deum, qui te elegit.

ŷ. Tu es vas electionis, sancte Paule Apostole. a. Prædicator veritatis in universo mundo.

*Oratio.*

**D**EUS, qui multitudinem Gentium beati Pauli Apostoli prædicatione docuisti, da nobis quæsumus, ut ejus commemorationem colimus, ejus apud te patrocinia sentiamus.

*Deinde SS. Muchabæorum.*

### *Ad Tertiam.*

*Capit. Misit Herodes.*

a. br. In omnem terram. ŷ. Constitues eos.

### *Ad Sextam.*

*Capitulum.*

*Act. 12.*

**P**ETRUS quidem servabatur in carcere. Oratio autem fiebat sine intermissione ab Ecclesia ad Deum pro eo.

a. br. Constitues eos. ŷ. Nimis honorati sunt.

### *Ad Nonam.*

*Capitulum.*

*Act. 12.*

**E**T Petrus ad se reversus, dixit: Nunc scio vere quia misit Domi-

nus Angelum suum, et eripuit me de manu Herodis, et de omni expectatione plebis Judæorum.

*q. br.* Nimis honorati sunt.

*ꝯ.* Annuntiaverunt.

### **In II. Vesperis**

*Ant. et Capit. de Laud. Psalmi ut in II. Vesp. Apost.*

*Hymnus et ꝯ. ut in I. Vesp.*

*Ad Magnif. Ant.* Solve, jubente Deo, terrarum, Petre, catenas, qui facis ut pateant cœlestia regna beatis.

*Deinde fit comm. S. Pauli, ut supra, et postea sequentis.*

### **Die 2. S. Stephani.**

Papæ et Martyris.

*Oratio.* Deus qui nos beati. p. 14\*.

*Lectio ij.*

**STEPHANUS** Romanus Pontificatum gessit, Valeriano et Gallieno Imperatoribus. Instituit ut Sacerdotes et Diaconi ousquam sacris vestibus, nisi in Ecclesia uterentur. Baptizatos ab hæreticis, iterum baptizari vetuit, rescribens sancto Cypriano verbis illis: Nihil innovetur, nisi quod traditum est. Multos etiam ad Christum convertit: in iis Olympium tribunum cum uxore Exuperia, et filio Theodulo; item Nemesium tribunum cum tota familia, oculis Lucillæ ejus filiæ restitutis: qui omnes Jesu Christi martyres fuerunt. Sed vehementius jam ingravescente persecutione Imperatorum, Stephanus, convocato clero, ad martyrium suos hortabatur, in cryptisque martyrum assidue Missas et Concilia celebrabat.

*Lectio iij.*

**QUI** cum aliquando raptus esset ab infidelibus ad templum Martis, ut ei sacrificaret, libere negavit se dæmonibus eum honorem velle tribuere, qui uni Deo deberetur. Quibus in verbis Martis statua terræmotu concidit, templumque contremuit. Quare omnibus aufugientibus, qui Stephanum tenebant, Pontifex ad suos revertitur in cœmeterium Lucinæ;

quos divinis præceptis instruens, sacramento Corporis Christi communicavit: ibique dum Missarum solemniora perficit, advenientibus iterum Imperatorum satellitibus, ei in sua sede caput abscinditur. Corpus cum eadem sede conspersa Martyris sanguine, a clericis sepultum est in cœmeterio Callisti, quarto Nonas Augusti. Vixit in Pontificatu annos tres, menses tres, dies viginti duos. Habuit Ordinationes duas mense Decembri, quibus creavit Presbyteros sex, Diaconos quinque, Episcopos tres.

### **Die 3. In Inventione.**

SANCTI STEPHANI,

Protomartyris. *Semiduplex.*

### **In I. Vesperis.**

*Ant. et Capit. de Laud. Psalmi de Dom. loco ult. Laudate Dominum omnes gentes.*

*Hymnus et ꝯ. de Communi.*

*Ad Magnif. Ant.* Stephanus autem plenus gratia et fortitudine, faciebat signa magna in populo.

*Oratio ut infra in Laudibus.*

*Lect. I. Noct.* Dura cervice, et æq. ut in Octava ejusdem Sancti, p. 173.

### **IN II. NOCTURNO.**

*Lectio iv.*

**SANCTORUM** corpora Stephani protomartyris, Gamalielis, Nicodemi, et Abibonis, quæ diu in obscuro ac sordido loco jacuerant, Honorio Imperatore, Luciano Presbytero divinitus admonito, inventa sunt prope Jerosolymam. Cui Gamaliel cum in somnis apparuisset gravi quadam et præclara senis specie, locum jaculentium corporum monstravit, imperans ut Joannem Jerosolymitanum Antistitem adiret, ageretque cum eo, ut honestius illa corpora sepelirentur.

*q.* Lapidabant Stephanum invocantem et dicentem: \* Domine Jesu Christe, accipe spiritum meum, et ne statuas illis hoc peccatum ꝯ. Positis autem genibus clamavit voce magna, dicens. Domine.

*Lectio v.*

**Q**UIBUS auditis, Jerosolymorum Antistes, finitimarum urbium Episcopis Presbyterisque convocatis, ad locum pergit; defossos loculos invenit, unde suavissimus odor efflabatur. Cujus rei fama commota magna hominum multitudo eo convenit, multique ex variis morbis aegroti ac debiles, sani et integri domum redierunt. Sacrum autem sancti Stephani corpus, quod summa tunc celebritate in sanctam Ecclesiam Sion illatum est, sub Theodosio juniore Constantinopolim, inde Romam, Pelagio Primo Summo Pontifice, translatum, in agro Verano, in sepulchro sancti Laurentii martyris collocatum est.

¶ Impetum fecerunt unanimiter in eum, et ejecerunt eum extra civitatem, invocantem et dicentem: Domine Jesu, accipe spiritum meum, &c. Et testes deposuerunt vestimenta sua secus pedes adolescentis, qui vocabatur Saulus; et lapidabant Stephanum invocantem et dicentem. Domine.

Ex libro S. Augustini Episcopi  
de Civitate Dei.

*Lectio vj. Lib. 17. c. 8.*

**A**D aquas Tibilitanas Episcopo afferente Projecto reliquias martyris gloriosissimi Stephani, ad ejus memoriam veniebat magnæ multitudinis concursus, et occursum. Ibi cæca mulier, ut ad Episcopum portantem pignora sacra duceretur, oravit: flores, quos ferebat, dedit: recepit, oculis admovit, protinus vidit. Stupentibus qui aderant, præibat exultans, viam carpens, et viam ducem ulterius non requirens. Memorati memoriam Martyris, quæ posita est in castello Synicensi, quod Hipponensi coloniarum vicinum est, ejusdem loci Lucillus Episcopus, populo præcedente atque sequente, portabat: fistula, cujus molestia jamdiu laboraverat, et familiarissimi sui medici, qui eam secaret, operiebatur manus, illius pie sarcinæ vectione, repente sanata est.

¶ Impii super justum facturam fecerunt, ut eum morti traderent: At ille gaudens suscepit lapides, ut mereretur accipere coronam gloriæ. &c. Continuerunt aures suas, et impetum fecerunt unanimiter in eum. At. Gloria. At.

In III. Noct. Homilia Hoc quod antea dixeramus, et hæc. ut in Festo S. Stephani, p. 180.

*Ad Laudes*

et per Horas Antiph.

Ant. 1. Lapidaverunt Stephanum, et ipse invocabat Dominum dicens: Ne statuas illis hoc peccatum.

2. Lapidēs torrentis illi dulces fuerunt: ipsum sequuntur omnes animæ justæ.

3. Adhæsit anima mea post te, quia caro mea lapidata est pro te, Deus meus.

4. Stephanus vidit cælos apertos vidit et introivit: beatus homo, cui cæli patebant.

5. Ecce video cælos apertos, et Jesum stantem a dextris virtutis Dei.

*Capitulum*

Act. 6.

**S**TEPHANUS autem plenus gratia et fortitudine faciebat prodigia, et signa magna in populo.

*Hymnus de communi.*

¶ Sepelierunt Stephanum viri timorati. ¶ Et fecerunt planctum magnum super eum.

Ad Bened. Ant. Stephanus autem plenus gratia et fortitudine, faciebat signa magna in populo.

*Oratio.*

**D**A nobis, quæsumus, Domine, imitari quod colimus, ut discamus et inimicos diligere, quia ejus Inventionem celebramus, qui novit etiam pro persecutoribus exorare Dominum nostrum Jesum Christum Filium tuum: Qui tecum vivit.

*Ad Tertium.*

Capit. Stephanus autem.

¶ br. Gloria et honore. &c. Posuisti Domine.



**Ad Sextam.***Capitulum.**Act. 6.*

**SURREXERUNT** autem quidam de synagoga, quæ, appellatur Libertinorum, et Cyrenensium, et Alexandrinorum, et eorum qui erant a Cilicia et Asia, disputantes cum Stephano: et non poterant resistere sapientiæ, et Spiritui, qui loquebatur.

*q. br.* Posuisti Domine. *ſ.* Magna est gloria.

**Ad Nonam.***Capitulum.**Act. 7.*

**POSITIS** autem genibus, clamavit voce magna, dicens: Domine, ne statuas illis hoc peccatum. Et cum hoc dixisset, obdormivit in Domino.

*q. br.* Magna est gloria. *ſ.* Justus ut palma.

*Vesperæ de sequenti.*

**Die 4. S. Dominici Conf.***Duplex. (m. t. v.)**Oratio.*

**DEUS**, qui Ecclesiam tuam beati Dominici Confessoris tui illuminare dignatus es meritis et doctrinis, concede ut ejus intercessione temporalibus non destituatur auxiliis, et spiritualibus semper proficiat incrementis. Per Dominum.

*Deinde fit comm. S. Stephani.*

*Ant.* Sepelierunt Stephanum viri timorati, et fecerunt planctum magnum super eum.

*ſ.* Stephanus vidit cælos apertos.

*A.* Vidit et introivit; beatus homo, cui cæli patebant.

*Lect. I. Noct. de Script. occ.*

IN II. NOCTURNO.

*Lectio iv.*

**DOMINICUS**, Calarogæ in Hispania, ex nobili Gusmanorum familia natus, Palentiæ liberalibus disciplinis et Theologiæ operam dedit. Quo in studio cum plurimum profecisset, prius Oxomensis Ecclesiæ Ca-

donicus regularis, deinde Ordinis Fratrum Prædicatorum auctor fuit. Hujus mater gravida sibi visa est in quiete continere in alvo catulum ore præferentem facem, qua editus in lucem orbem terrarum incenderet. Quo somnio significabatur, fore ut splendore sanctitatis ac doctrinæ, gentes ad Christianam pietatem inflammarentur. Veritatem exitus comprobavit: id enim et præstitit per se, et per sui Ordinis socios deinceps est consecutus.

*Lectio v.*

**HUJUS** autem ingenium ac virtus maxime enituit in evertendis hæreticis, qui perniciosis erroribus Tolosates pervertere conabantur. Quo in negotio septem consumpsit annos. Postea Romam venit ad Lateranense Concilium cum Episcopo Tolosano, ut Ordo quem instituerat, ab Innocentio Tertio confirmaretur. Quæ res dum in deliberatione versatur, Dominicus hortatu Pontificis ad suos revertitur, ut sibi regulam deligeret. Romam rediens, ab Honorio Tertio, qui proximus Innocentio successerat confirmationem Ordinis Prædicatorum impetrat. Romæ autem duo instituit monasteria, alterum virorum, mulierum alterum. Tres etiam mortuos ad vitam revocavit, multaque alia edidit miracula, quibus Ordo Prædicatorum mirifice propagari cepit.

*Lectio vj.*

**VERUM** cum ejus opera ubique terrarum monasteria jam ædificarentur, innumerabilesque homines religiosam ac piam vitam instituerent, Bononiæ anno Christi ducentesimo vigesimo primo supra millesimum, in febrem incidit: ex qua cum se moriturum intelligeret, convocatis fratribus et alumnis suæ disciplinæ, eos ad innocentiam et integritatem cohortatus est. Postremo charitatem, humilitatem, paupertatem, tanquam certum patrimonium, eis testamento reliquit: fratribusque orantibus, in illis verbis, Subvenite Sancti Dei, occurrere

Angeli, obdormivit in Domino, octavo Idus Augusti. Quem postea Gregorius Nonus Pontifex retulit in Sanctorum numerum.

*In III. Noct. Homilia Sancti Evangelii, fratres de Com. I. loco.*

*Vesp. de seq. comm. præced.*

**DIE 5. S. Mariæ Ad Nives.**

*Duplex Majus.*

*Omnia ut in Festis B. M. V. p. 92.*

IN II. NOCTURNO

*Lectio iv.*

**LIBERIO** Summo Pontifice, Joannes Patricius Romanus et uxor pari nobilitate, cum liberos non suscepissent, quos honorum hæredes reliquerent, suam hæreditatem sanctissimæ Virgini Dei Matri roverunt, ab ea summis precibus assidue petentes, ut in quod pium opus eam pecuniam potissimum erogari vellet, aliquo modo significaret. Quorum preces et vota ex animo facta, beata virgo Maria benigno audiens, miraculo comprobavit.

*Lectio v.*

**NONIS** igitur Augusti, quo tempore in Urbe maximi calores esse solent, noctu nix partem collis Exquilini contexit. Qua nocte Dei mater separatim Joannem et conjugem in somnis admonuit, ut quem locum nive conspersum viderent, in eo Ecclesiam ædificarent, quæ Mariæ Virginis nomine dedicaretur: se enim ita velle ab ipsis hæredem institui. Quod Joannes ad Liberium Pontificem detulit, qui idem per somnium sibi contigisse affirmavit.

*Lectio vj.*

**QUARE** solemni Sacerdotum et populi supplicatione, ad collem venit nive coopertum, et in eo locum Ecclesiæ designavit, quæ Joannis et uxoris pecunia extructa est, postea a Xysto Tertio restituta. Variis nominibus primum est appellata, Basilica Liberii, Sancta Maria ad Præsepe. Sed cum multæ jam essent in Urbe Eccle-

sie sub nomine sanctæ Mariæ virginis, ut quæ Basilica novitate miraculi ac dignitate cæteris ejusdem nominis Basilicis præstaret, vocabuli etiam excellentia significaretur, Ecclesia sanctæ Mariæ majoris dicta est. Cujus dedicationis memoria ex nive, quæ hac die mirabiliter cecidit, anniversaria celebritate colitur.

*Vesperæ de sequenti.*

**DIE 6. In Transfiguratione**

DOMINI NOSTRI JESU CHRISTI.

*Duplex Majus.*

**In I. Vesperts.**

*Ant. et Capit. de Laud. Psalm. de Dom. loco ult. Laudate Dominum omnes gentes.*

**HYMNUS.**

**QUICUMQUE** Christum quæritis,  
Oculos in altum tollite:

Illic licebit visere

Signum perennis gloriæ.

Illustre quiddam cernimus,

Quod nesciat finem pati,

Sublime, celsum, interminum,

Antiquius cælo et chao.

Hic ille Rex est Gentium,

Populique Rex Judaici.

Promissus Abrahamæ patri,

Ejusque in ævum semini.

Hunc et Prophetis testibus,

Iisdemque signatoribus

Testator et Pater jubet

Audire nos et credere.

Jesu, tibi sit gloria,

Qui te revelas parvulis,

Cum Patre et almo Spiritu,

In sempiterna sæcula. Amen.

*Sic terminantur Hymni per omnes Horas.*

†. Gloriosus apparuisti in conspectu Domini. ♯. Propterea decorem induit te Dominus.

*Ad Magnif. Ant.* Christus Jesus splendor Patris, et figura substantiæ ejus, portans omnia verbo virtutis suæ, purgationem peccatorum faciens, in monte excelso gloriosus apparere hodie dignatus est.

*Oratio ut infra in Laudibus.*

*Et sit eommem. S. Mariæ, ant. Beata-  
tam. y. Dignare.*

*Deinde SS. Xysti, Felicissimi et  
Agapiti Mart. Oratio Deus qui nos  
concedis, p. 29.*

**Ad Matutinum.**

*Inrit. Summum Regem gloriæ, \*  
Christum adoremus.*

*Hymn. Quicumque, ut supra.  
IN I. NOCTURNO.*

*Ant. Paulo minus ab Angelis mi-  
noratus, gloria et honore coronatus  
est, et constitutus super opera ma-  
nuum Dei.*

*Psalm. Domine Dominus, p. 4.*

*Ant. Revelavit Dominus condensa,  
et in templo ejus omnes dicent glo-  
riam.*

*Psalm. Afferte Domino, p. 33.*

*Ant. Speciosus forma præ filiis ho-  
minum: diffusa est gratia in labiis  
tuis.*

*Psalm. Eructavit cor, p. 45.*

*y. Gloriosus apparuisti in conspe-  
ctu Domini. a. Propterea decorem in-  
duit te Dominus.*

*De Epistola secunda Beati Petri  
Apostoli.*

*Lectio j.*

*Cap. I.*

**FRATRES**, magis satagite ut per  
bona opera certam vestram voca-  
tionem et electionem faciatis: hæc  
enim facientes non peccabitis aliquan-  
do. Sic enim abundanter ministrabi-  
tur vobis introitus in æternum regnum  
Domini nostri et Salvatoris Jesu Chri-  
sti. Propter quod incipiam vos sem-  
per commonere de his, et quidem  
scientes et confirmatos vos in præ-  
senti veritate. Justum autem arbitror,  
quamdiu sum in hoc tabernaculo su-  
scitare vos in commonitione: certus  
quod velox est depositio tabernaculi  
mei, secundum quod et Dominus no-  
ster Jesus Christus significavit mihi.

*a. Surge, illuminare, Jerusalem,  
quia venit lumen tuum: \* Et gloria  
Domini super te orta est. y. Et am-  
bulabunt Gentes in lumine tuo, et  
reges in splendore ortus tui. Et.*

*Lectio ij.*

**D**ABO autem operam et frequen-  
ter habere vos post obitum me-  
um, ut horum memoriam faciatis.  
Non enim doctas fabulas secuti, no-  
tam fecimus vobis Domini nostri Jesu  
Christi virtutem et præsentiam, sed  
speculatores facti illius magnitudinis.  
Accipiens enim a Deo Patre honorem  
et gloriam, voce delapsa ad eum hu-  
juscemodi a magnifica gloria: Hic est  
Filius meus dilectus, in quo mihi  
complacui, ipsum audite.

*a. In splendenti nube Spiritus san-  
ctus visus est, Paterna vox audita  
est: \* Hic est Filius meus dilectus,  
in quo mihi bene complacui, ipsum  
audite y. Apparuit nubes obumbrans,  
et vox Patris intonuit. Hic.*

*Lectio iij.*

**E**T hanc vocem nos audivimus de  
cælo allatam, cum essemus cum  
ipso in monte sancto. Et habemus fir-  
miorem propheticum sermonem, cui  
bene facitis attendentes, quasi lucer-  
næ lucenti in caliginoso loco, donec  
dies elucescat, et lucifer oriatur in  
cordibus vestris, hoc primum intel-  
ligentes, quod omnis prophetia Scri-  
pturæ propria interpretatione non sit.  
Non enim voluntate humana allata est  
aliquando prophetia: sed Spiritu san-  
cto inspirati, locuti sunt sancti Dei  
homines.

*a. Videte qualem charitatem dedit  
nobis Deus Pater, \* Ut filii Dei no-  
minemur, et simus. y. Scimus quo-  
niam cum apparuerit, similes ei eri-  
mus, quoniam videbimus eum sicuti  
est. Ut. Gloria. Ut.*

*IN II. NOCTURNO.*

*Ant. Illuminans tu mirabiliter a  
montibus æternis: turbati sunt omnes  
insipientes corde.*

*Psalm. Notus in Judæa, p. 61.*

*Ant. Melior est dies una in atriis  
tuis super millia.*

*Psalm. Quam dilecta, p. 68.*

*Ant. Gloriosa dicta sunt de te, ci-  
vitas Dei.*

*Psalm. Fundamenta ejus, p. 69.*



℣. Gloria et honore coronasti eum, Domine. ℞. Et constituisti eum super opera manuum tuarum.

Sermo S. Leonis Papæ.  
Serm. de Transfiguratione.

Lectio iv.

**A**PERIT Dominus coram electis testibus gloriam suam, et communem illam cum cæteris corporis formam tanto splendore clarificat, ut et facies ejus solis fulgori similis, et vestitus candori nivium esset æqualis. In qua transfiguratione illud quidem principaliter agebatur, ut de cordibus discipulorum crucis scandalum tolleretur, nec conturbaret eorum fidem voluntariæ humilitas passionis, quibus revelata esset absconditæ excellentiæ dignitatis. Sed non minore providentiæ spes sanctæ Ecclesiæ fundabatur: ut totum Christi corpus agnosceret, quali esset commutatione donandum: ut ejus sibi honoris consortium membra promitterent, qui in capite præfulsisset.

℞. Inebriati sunt ab ubertate domus tuæ: \* Et torrente voluptatis tuæ potasti eos. ℣. Quoniam apud te est fons vitæ, et in lumine tuo videbimus lumen. Et.

Lectio v.

**C**ONFIRMANDIS vero Apostolis, et ad omnem scientiam provehendis, alia quoque in illo miraculo accessit instructio. Moyses enim et Elias, Lex scilicet et Prophetæ, apparuerunt cum Domino loquentes: ut verissime in illa quinque virorum præsentia compleretur quod dictum est, in duobus vel tribus testibus stat omne verbum. Quid hoc stabilius, quid firmitus verbo, in cujus prædicatione veteris et novi Testamenti concinit tuba, et cum Evangelica doctrina antiquarum protestationum instrumenta concurrunt? Adstipulantur enim sibi invicem utriusque fœderis paginae, et quem sub velamine mysteriorum præcedentia signa promiserant, manifestum atque perspicuum præsentis gloriæ splendor ostendit.

℣. Præceptor, bonum est nos hic esse: \* Faciamus hic tria tabernacula; tibi unum, Moysi unum, et Eliæ unum. ℣. Non enim sciebat quid diceret. Faciamus.

Lectio vj.

**H**IS ergo sacramentorum revelationibus Petrus Apostolus incitatus, mundana spem, et terrena fastidians, in æternorum desiderium quodam mentis rapiebatur excessu: et gaudio totius visionis impletus: ibi cum Jesu optabat habitare, ubi manifesta ejus gloria lætabatur. Unde et ait: Domine, bonum est nos hic esse; si vis, faciamus hic tria tabernacula, tibi unum, Moysi unum, et Eliæ unum. Sed huic suggestioni Dominus non respondit, significans non quidem improbum, sed inordinatum esse quod cuperet, cum salvari mundus, nisi Christi morte non posset: et exemplo Domini in hoc vocaretur credentium fides, ut licet non opor-teret de beatitudinis promissionibus dubitari, intelligeremus tamen inter tentationes hujus vitæ prius nobis tolerantiam postulandam esse, quam gloriam.

℞. Si ministratio mortis litteris deformata in lapidibus fuit in gloria, ita ut non possent intendere filii Israel in faciem Moysi, propter gloriam vultus ejus, quæ evacuatur: \* Multo magis ministratio spiritus, quæ manet, erit in gloria. ℣. Amplioris enim gloriæ Christus præ Moyse dignus est habitus, quanto ampliorem honorem habet domo, qui fabricavit eam. Multo. Gloria. Multo.

IN III. NOCTURNO.

Ant. Tabor et Hermon in nomine tuo exultabunt, tuum brachium cum potentia.

Psalm. Misericordias, p. 70.

Ant. Lux orta est justo, et rectis corde lætitia.

Psalm. Dominus regnavit, p. 72.

Ant. Confessionem et decorem induit, amictus lumine sicut vestimento.

*Psalm. Benedic anima, p. 77.*

†. Magna est gloria eius in salutari tuo. ⁊. Gloriam et magnum decorem impones super eum.

Lectio sancti Evangelii secundum Matthæum.

*Lectio vij.*

*Cap. 17.*

**I**N illo tempore: Assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum, et transfiguratus est ante eos. Et reliqua

Homilia S. Joannis Chrysostomi.

*Homilia 37. in Matth.*

**Q**UONIAM multa de periculis, multa de passione sua, multa de morte, et de cæde discipulorum locutus est Dominus, et aspera complura atque ardua eis injunxit, et illa quidem in præsentī vita, et jam imminebant; bona vero in spe et expectatione erant: ut puta, quia servarent animam suam, si perderent eam; quia in gloria Patris sui venturus sit, et præmia redditurus: ut visu etiam certiores faceret, et ostenderet quidnam sit illa gloria cum qua venturus est, quantum capere poterant in hac præsentī vita, illis ostendit, eamque detegit, ne aut sua, aut Domini morte doleant, et maxime Petrus.

⁊. Vocavit nos Deus vocatione sua sancta secundum gratiam suam, quæ manifestata est nunc, \* Per illuminationem Salvatoris nostri Jesu Christi. †. Qui destruxit mortem, illuminavit autem vitam in incorruptionem. Per.

*Lectio viij.*

**E**T vide quid agit, cum de regno et de gehenna disseruerit. Nam in eo quod dixit, Qui invenit animam suam, perdet eam; et quicumque perdet eam gratia mei, inveniet ipsam; et in eo quod ait, Reddet unicuique secundum opera sua; et regnum et gehennam designavit. Cum igitur de utrisque disseruerit, regnum quidem ut oculis cernatur, concedit; gehennam autem minime, quoniam rudio-

ribus atque ineptioribus illud necessarium fuisset: sed cum illi probi essent ac perspicaces, satis fuit eos a melioribus confirmari. Hoc etiam multo magis ipsum decebat, non tamen omnino illud prætermisit, sed et aliquando atrocitatem gehennæ quasi ante oculos proponit, veluti cum Lazari imaginem descripsit, et ejus meminit qui denarios centum renetit.

⁊. Deus, qui fecit de tenebris lumen splendescere, illuxit in cordibus nostris, \* Ad illuminationem scientiæ claritatis Dei, in facie Jesu Christi. †. Exortum est in tenebris lumen rectis corde, misericors, et miserator, et justus. Ad. Gloria. Ad.

*Pro SS. Martyribus.*

*Lectio ix.*

**X**YSTUS Secundus, Atheniensis ex philosopho Christi discipulus, in persecutione Valeriani accusatus, quod publice Christum prædicaret, comprehensus trahitur in templum Martis, proposita ei capitali pœna, nisi illi simulacro sacrificaret. Qua impietate constantissime recusata, cum ad martyrium duceretur, occurrenti sancto Laurentio, et dolenter in hunc modum interroganti: Quo progredieris sine filio, pater? quo, Sacerdos sancte, sine ministro properas? respondit: Non ego te descero, fili: majora te manent pro Christi fide certamina: post triduum me sequeris, Sacerdotem Levita: interea si quid in thesauris habes, pauperibus distribue. Eodem igitur die interfectus est una cum Felicissimo et Agapito Diaconis, Januario, Magno, Vincentio, et Stephano Subdiaconis, et in cœmeterio Callisti sepultus octavo Idus Augusti: cæteri vero in cœmeterio Prætextati. Sedit menses undecim, dies duodecim. Quo tempore habuit Ordinationem mense Decembri, creatis Presbyteris quatuor, Diaconis septem, Episcopis duobus.

Ubi vero hoc Festum sit sub ritu duplici I. Classis, vel si transferatur in diem non habentem Lect. propriam, legitur sequens.

*Lectio ix.*

**T**U vero Matthæi philosophiam considera, qui non celavit nomina eorum qui præpositi fuerant. Quod et Joannes sæpius facit, cum eximias Petri laudes verissime ac diligentissime describat. Nullum enim in hoc Apostolorum consortio livor aut inanis gloria locum habebat. Primos igitur Apostolorum seorsum assumpsit. Quamobrem eos solos accepit? Quia excellentiores cæteris videlicet erant. Cur autem non illico, sed post sex dies hoc fecit? Ne cæteri scilicet discipuli seu homines moverentur: qua de re nec eos nominavit, quos accepturus erat.

*Ad Laudes**et per Horas, Antiphonæ.*

1. Assumpsit Jesus \* Petrum, et Jacobum, et Joannem fratrem ejus, et duxit eos in montem excelsum seorsum, et transfiguratus est ante eos.

2. Resplenduit facies ejus \* sicut sol, vestimenta autem ejus facta sunt alba sicut nix, alleluia.

3. Et ecce apparuerunt eis Moyses et Elias, loquentes cum Jesu.

4. Respondens autem Petrus, dixit ad Jesum: Domine, bonum est nos hic esse.

5. Adhuc eo loquente, \* ecce nubes lucida obumbravit eos.

*Capitulum. Philip. 3.*

**S**ALVATOREM expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ.

*HYMNUS.*

**L**UX alma, Jesu, mentium,  
Dum corda nostra recreas,  
Culpæ fugas caliginem,  
Et nos repleas dulcedine.

Quam lætus est, quem visitas!  
Consors Paternæ dexteræ,  
Tu dulce lumen patriæ,  
Carnis negatum sensibus.

Splendor Paternæ gloriæ,  
Incomprehensa charitas,

Nobis amoris copiam  
Largire per præsentiam.

Jesu, tibi sit gloria,  
Qui te revelas parvulis.  
Cum Patre et almo Spiritu,  
In sempiterna sæcula. Amen.

℣. Corona aurea super caput ejus.  
℞. Expressa signo sanctitatis, gloriæ,  
et honoris.

*Ad Bened. Ant.* Et ecce vox de nube, dicens: Hic est filius meus dilectus, in quo mihi complacui, ipsum audite, alleluia.

*Oratio.*

**D**EUS, qui fidei sacramenta in Unigeniti tui gloriosa transfiguratione, patrum testimonio roborasti, et adoptionem filiorum perfectam voce delapsa in nube lucida mirabiliter præsignasti, concede propitius, ut ipsius Regis gloriæ nos coheredes efficias, et ejusdem gloriæ tribuas esse consortes. Per eundem Dominum.

*Et sit com. S.S. Martyrum.*

*In ℞. br. ad Primam. ℣.* Qui apparuisti hodie.

*Ad Tertiam.**Capit. Salvatorem, ut supra.*

℞. br. Gloriosus apparuisti in conspectu Domini, \* Allel., allel. Gloriosus ℣. Propterea decorem induit te Dominus. Alleluia. Gloria. Gloriosus. ℣. Gloria et honore coronasti eum, Domine, alleluia. ℞. Et constituisti eum super opera manuum tuarum, all.

*Ad Sextam.**Capitulum. 2. Cor. 3.*

**N**OS omnes revelata facie gloriam Domini speculantes, in eandem imaginem transformamur a claritate in claritatem, tanquam a Domini Spiritu.

℞. br. Gloria et honore coronasti eum, Domine, \* Alleluia, allel. Gloria. ℣. Et constituisti eum super opera manuum tuarum. Alleluia, allel. Gloria Patri. Gloria. ℣. Magna est gloria ejus in salutari tuo, alleluia. ℞. Glo-



riam et magnum decorem impones super eum, alleluia.

**Ad Nonam.**

*Capitulum.* Apoc. 21.

**SUSTULIT** me in spiritu in montem magnum et altum, et ostendit mihi civitatem sanctam Jerusalem, descendentem de cœlo a Deo, habentem claritatem Dei: et lucerna ejus est Agnus.

â. br. Magna est gloria ejus in salutaris tuo, \* Alleluia, alleluia. Magna. y. Gloriam et magnum decorem impones super eum. Alleluia, allel. Gloria. Magna. y. Corona aurea super caput ejus, allel. â. Expressa signo sanctitatis, gloriæ, et honoris, alleluia.

**In II. Vespertis.**

*Omnia dicuntur ut in I. præter*

*Ad Magnif. Ant.* Et audientes discipuli ceciderunt in faciem suam, et timuerunt valde: et accessit Jesus: et tetigit eos, dixitque eis: Surgite, et nolite timere, alleluia.

*Deinde fit comm. sequentis.*

**Die 7. S. Cajetani Confes.**

*Duplex.*

*In utrisque Vesp. ad Magnif. Ant.* Querite primum regnum Dei, et iustitiam ejus, et hæc omnia adjicientur vobis.

*Oratio.*

**DEUS**, qui beato Cajetano Confessori tuo Apostolicam vivendi formam imitari tribuisti, da nobis ejus intercessionem et exemplo in te semper confidere, et sola cœlestia desiderare. Per Dominum.

*Deinde S. Donati Episc. et Mart.*

*Oratio.*

**DEUS** tuorum gloria sacerdotum, præsta, quæsumus, ut sancti Martyris tui et Episcopi Donati, cujus festa gerimus, sentiamus auxilium. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**CAJETANUS** nobili Thienæa gente Vicentiæ ortus, statim a matre Deiparæ Virgini oblatus est. Mira a teneris annis morum innocentia in eo eluxit, adeo ut Sanctus ab omnibus nuncuparetur. Juris utriusque lauream Patavii adeptus, Romam profectus est; ubi inter Prælatos a Julio Secundo collocatus, et sacerdotio initiatus, tanto divini amoris æstu succensus est, ut, relicta aula, se totum Deo mancipaverit. Nosocomis proprio ære fundatis, etiam morbo pestilenti laborantibus suis ipse manibus inserviebat. Proximorum saluti assidua cura incumbibat, dictus propterea Venator animarum.

*Lectio v.*

**COLLAPSAM** Ecclesiasticorum disciplinam ad formam Apostolicæ vitæ instaurare desiderans, Ordinem Clericorum regularium instituit, qui, abdicata rerum omnium terrenarum sollicitudine, nec redditus possiderent, nec vitæ subsidia a fidelibus peterent, sed solis eleemosynis sponte oblatis viverent. Itaque, approbante Clemente Septimo, ad aram maximam Basilicæ Vaticanæ, una cum Joanne Petro Carafa Episcopo Theatino, qui postea Paulus Quartus Pontifex Maximus fuit, et aliis duobus eximie pietatis viris, vota solemniter emisit. In Urbis direptione a militibus crudelissime vexatus, ut pecuniam proderet, quam dudum in cœlestes thesauros manus pauperum deportaverant, verbera, tormenta, et carceres invicta patientia sustinuit. In suscepto vitæ instituto constantissime perseveravit, soli divinæ providentiæ inhærens, quam sibi nunquam defuisse aliquando miracula comprobarunt.

*Lectio vj.*

**DIVINI** cultus studium, nitorem domus Dei, sacrorum rituum observantiam, et sanctissimæ Eucharistiæ frequentiores usum maxime promovit. Hæresum monstra et latebras non semel detexit, ac profligavit. Oratio-

nem ad octo passim horas jugibus lacrymis protraherat; sæpe in extasim raptus, ac prophetiæ dono illustris. Romæ nocte natalitia ad præsepe Domini infantem Jesum accipere meruit a Deipara in ulnas suas. Corpus inter gras noctes interdum verberationibus affligebat, nec unquam adduci potuit, ut vitæ asperitatem emolliret, testatus in cinere et cilicio velle se mori. Denique ex animi dolore concepto morbo, quod offendi plebis seditione Deum videret, cœlesti visione recreatus, Neapoli migravit in cœlum: ibique corpus ejus in Ecclesia sancti Pauli magna religione colitur. Quem multis miraculis in vita et post mortem gloriosum Clemens Decimus Pontifex Maximus Sanctorum numero adscripsit.

*In III. Noct. Homilia. Nemo potest duobus, ut in Dom. 14. post Pentec. p. 399. cum. ñ. vii. et viij. de com. Pro S. Donato Episc. et Mart.*

*Lectio ix.*

**DONATUS**, parentibus propter Jesu Christi fidem interfectis, Arretium in Hetruriam cum Hilarino monacho ex fuga se contulit: cujus etiam urbis Episcopus creatus est. Ubi cum a Quadratiano Præfecto in Juliani persecutione uterque idola venerari juberetur, negantibus illis se tam nefarium scelus commissuros, Hilarinus in oculis Quadratiani tamdiu fustibus cæsus est, dum efflaret animam. Donatus vehementer, et ipse cruciatus, gladio percussus est. Quorum corpora a Christianis prope eam urbem honorifice sepulta sunt.

*Ad Bened. Ant. Nolite solliciti esse, dicentes: Quid manducabimus, aut quid bibemus? scit enim Pater vester quid vobis necesse sit.*

*Et sit comm. S. Donati Mart.*

*In II. Vesp. comm. sequentis.*

**Die 8. SS. Cyriaci,**

**LARGI ET SMARAGDI,**

**Martyrum. Semiduplex.**

*Oratio.*

**DEUS**, qui nos annua sanctorum Martyrum tuorum Cyriaci, Largi, et Smaragdi solemnitate lætificas, concede propitius, ut quorum natalitia, colimus, virtutem quoque passionis imitemur. Per Dominum.

*Lect. 1. Noct. de Script. occ.*

**IN II. NOCTURNO.**

*Lectio iv.*

**CYRIACUS** Diaconus, cum Sisinio, Largo, et Smaragdo diutius inclusus in carcere, multa edidit miracula, in quibus Arthemiam Diocletiani filiam precibus a dæmone liberavit, missusque ad Saporem Persarum regem, Jobiam etiam ejus filiam a nefario spiritu eripuit. Rege vero ejus patre cum quadringentis ac triginta aliis baptizatis, Romam rediit: ubi Maximiani Imperatoris jussu comprehensus, catenis vinctus ante rhodam suam trahitur: et post dies quatuor e carcere eductus, pice liquata perfusus, et in catasta extensus, demum cum Largo, et Smaragdo, aliisque viginti securi percussus est via Salaria ad hortos Salustianos. Quorum corpora in eadem via, decimo septimo Kalendas Aprilis, sepulta a Joanne presbytero, postea sexto Idus Augusti a Marcello Pontifice et Lucia nobili femina lineis velis involuta, et prætiosis unguentis condita, in ipsius Lucinæ prædium, via Ostiensi, septimo ab Urbe lapide translata sunt.

*Lectio v. et vi. Nemo est qui nesciat de Comm. 2. loco, p. 37. cum ñ. v. et vi.*

*In III. Noct. Homilia Potest omnis creaturæ, ut in die 3. Dec., p. 614. cum. ñ. de Communi.*

*In II. Vesp. comm. S. Romani Mart. Oratio. Præsta quæsumus... ut intercedente, p. 14.*

**Die 9. In Vigilia**

**SANCTI LAURENTII, Mart.**

**Homilia Quia Dominus ac Redem-**

ptor, de Com. unius Mart. 2. loco, p. 22. cum. ññ. Ferie occ.

Et dicuntur Preces feriales.

Oratio.

**ADESTO**, Domine, supplicationibus nostris, et intercessionem beati Laurentii Martyris tui, cuius prævenimus festivitatem, perpetuam vobis misericordiam benignus impende. Per Dominum.

Et fit comm. S. Romani Mart.

**Die. 10. S. Laurentii,**

Martyris. Duplex 2. Class.

**In I. Vesperts.**

Ant. et Capit. de Laud. Psalmi de Dom. loco. ult. Laudate Dominum omnes gentes.

Hymnus et y. et reliqua hic non propria de Communi.

Ad Magnif. Ant. Levita Laurentius bonum opus operatus est, qui per signum crucis cæcos illuminavit, et thesauros Ecclesiæ dedit pauperibus.

Oratio ut infra in Laudibus.

**Ad Matutinum.**

Invit. Beatus Laurentius Christi martyr triumphat coronatus in cælis: Venite, Adoremus Dominum.

IN I. NOCTURNO.

Ant. 1. Quo progredieris sine filio, pater? quo, Sacerdos sancte, sine ministro properas?

2. Noli me derelinquere, pater sancte, quia thesauros tuos jam expendi, quos tradidisti mihi.

3. Non ego te desero, fili, neque derelinquo: sed majora tibi debentur pro Christi fide certamina.

v. Gloria et honore. ñ. Et constituisti.

De libro Ecclesiastici.

Lectio j.

Cap. 15.

**CONFITEBOR** tibi, Domine Rex. Get collaudabo te Deum salvatorem meum. Confitebor nomini tuo, quoniam adiutor et protector factus es mihi, et liberasti corpus meum a perditione, a laqueo linguæ iniquæ,

et a labilis operantium mendacium, et in conspectu astantium factus es mihi adiutor. Et liberasti me secundum multitudinem misericordiæ nominis tui a rogantibus præparatis ad escam, de manibus quærentium animam meam, et de portis tribulationum, quæ circumdederunt me; a pressura flammæ, quæ circumdedit me, et in medio ignis non sum æstus: de altitudine ventris inferi, et a lingua coinquinata, et a verbo mendacii, a rege iniquo, et a lingua iniusta.

ñ. Levita Laurentius bonum opus operatus est qui per signum crucis cæcos illuminavit, \* Et thesauros Ecclesiæ dedit pauperibus. y. Dispersit, dedit pauperibus: iustitia ejus manet in sæculum sæculi. Et.

Lectio. ij.

**LAUDABIT** usque ad mortem anima mea Dominum, et vita mea appropinquans erat in inferno deorsum. Circumdederunt me undique, et non erat qui adjuvaret. Respiciens eram ad adiutorium hominum, et non erat. Memoratus sum misericordiæ tuæ, Domine, et operationis tuæ, quæ a sæculo sunt: quoniam eruis sustinentes te, Domine, et liberas eos de manibus Gentium. Exaltasti super terram habitationem meam, et pro morte defluente deprecatus sum.

ñ. Puer meus, noli timere, quia ego tecum sum, dicit Dominus: \* Si transieris per ignem, flamma non nocebit tibi, et odor ignis non erit in te. y. Liberabo te de manu pessimorum, et eruiam te de manu fortium. Si.

Lectio. iij.

**INVOCAVI** Dominum Patrem Domini mei, ut non derelinquat me in die tribulationis meæ, et in tempore superbiorum sine adiutorio. Laudabo nomen tuum assidue, et collaudabo illud in confessione, et exaudita est oratio mea. Et liberasti me de perditione, et eripuisti me de tempo-



re iniquo. Propterea confitebor, et laudem dicam tibi, et benedicam nomini Domini.

¶. Strinxerunt corporis membra posita super craticulam: ministrantibus prunas insultat Levita Christi: Beate Laurenti martyr Christi, intercede pro nobis.

¶. Mea nox obscurum non habet, sed omnia in luce clarescunt. Beate. Gloria. Beate.

IN II. NOCTURNO.

Ant. 1. Beatos Laurentius orabat, dicens: Domine Jesu Christe, Deus de Deo, miserere mihi servo tuo.

2. Dixit Romanus ad beatum Laurentium: Video ante te juvenem pulcherrimum, festina me baptizare.

3. Beatus Laurentius dixit: Mea nox obscurum non habet, sed omnia in luce clarescunt.

¶. Posuisti Domine. ¶. Coronam.

Sermo S. Leonis Papæ.

In Natali S. Laurentii.

Lectio iv.

**CUM** furor Gentilium potestatum in electissima quæque Christi membra sæviret, ac præcipue eos, qui ordinis erant sacerdotalis, impeteret, in Levitam Laurentium, qui non solum ministerio Sacramentorum, sed etiam dispensatione Ecclesiasticæ substantiæ præmiuebat, impius persecutor efferboit, duplicem sibi prædam de unius viri comprehensione promittens, quem si fecisset sacræ pecuniæ traditorem, faceret etiam veræ religionis exortem. Armatur itaque gemina face homo pecuniæ cupidus, et veritatis inimicus: avaritia, ut rapiat aurum: impietate, ut auferat Christum. Postulat sibi ab immaculato sacrarii præsule opes Ecclesiasticas, quibus avidissimus inhiabat, inferri. Cui Levita castissimus, ubi eas repositas haberet, ostendens, numerosissimos sanctorum pauperum obtulit greges, in quorum victu atque vestitu inamissibiles condiderat facultates: quæ tanto integrius erant

salvæ, quanto sanctius probabantur expensæ.

¶. Quo progredieris sine filio pater? quo, Sacerdos sancte, sine diacono properas? Tu nunquam sine ministro Sacrificium offerre consueveras. ¶. Quid ergo in me displicuit paternitati tuæ? numquid degenerem me probasti? experire utrum idoneum ministrum elegeris, cui commisisti Dominici sanguinis dispensationem. Tu.

Lectio v.

**FREMIT** ergo prædo frustratus, et in odium religionis, quæ talem divitiarum usum instituisset, ardescens, direptionem thesauri potioris aggreditur, apud quem nullam denariorum substantiam reperisset: ut illud depositum, quo sacratius erat dives, auferret. Renuntiare Christo Laurentium jubet, et solidissimam illam Levitici animi fortitudinem diris parat urgere suppliciis: quorum ubi prima nil obtinent, vehementiora succedunt. Laceros artus, et multa verberum sectione conscissos, subjecto præcipit igne torreri: ut per cratem ferream, quæ jam de fervore continuo vim in se haberet ureodi, conversorum alterna mutatione membrorum, fieret cruciatus vehementior, et pœna productior.

¶. Noli me derelinquere, pater sancte, quia thesauros tuos jam expendi. Non ego te descero, fili, neque derelinquo; sed majora tibi debentur pro fide Christi certamina. ¶. Nos quasi serēs levioris pugnæ cursum recipimus: te autem quasi juvenem manet gloriosior de tyranno triumphus: post triduum me sequeris Sacerdotem Levita. Non.

Lectio vj.

**NIHIL** obtines, nihil proficis, nisi sæva crudelitas. Subtrahitur tormentis tuis materia mortalis, et Laurentio in cœlos abeunte, tu deficis flammis tuis. Superari charitas Christi flamma non potuit, et segnior fuit ignis, qui foris ussit, quam qui

intus accendit. Sævisti, persecutor, in Martyrem, sævisti, et auxisti palmam dum aggeras pœnam. Nam quid non ad victoris gloriam ingenium tuum reperit, quando in honorem transierunt triumphi etiam instrumenta supplicii? Gaudeamus igitur, dilectissimi, gaudio spiritali, et de felicissimo inclyti viri sine gloriemur in Domino, qui est mirabilis in Sanctis suis, in quibus nobis et præsidium constituit, et exemplum: atque ita per universum mundum clarificavit gloriam suam, ut a solis ortu usque ad occasum. Leviticorum luminum coruscante fulgore, quam clarificata est Jerosolyma Stephano; tam illustris fieret Roma Laurentio.

¶. Beatus Laurentius clamavit, et dixit: Deum meum colo, illi soli servio. \* Et ideo non timeo tormenta tua. †. Mea nox obscurum non habet, sed omnia in luce clarescunt. Et. Gloria. Et.

IN III. NOCTURNO.

Ant. Strinxerunt corporis membra posita super craticulam: subjicientibus prunas insultat Levita Christi.

Psalm. Domine quis, p. 7.

Ant. Igne me examinasti, et non est inventa in me iniquitas.

Psalm. Exaudi Domine, p. 8.

Ant. Interrogatus te Dominum confessus sum. assatus gratias ago.

Psalm. Domine in virtute, p. 11.

¶. Magna est gloria. n. Gloriam et magnum.

Lectio sancti Evangelii secundum Matthæum.

Lectio vij. Cap. 12.

**I**N illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

Homilia S. Augustini Episcopi.

Tract. 51. in Joannem.

**I**PSE Dominus Jesus erat granum mortificandum et multiplicandum: mortificandum infidelitate Judæorum,

multiplicandum fide populorum. Jam vero exhortans ad passionis suæ sectanda vestigia: Qui amat, inquit, animam suam, perdet eam. Quod duobus modis intelligi potest. Qui amat, perdet: id est, si amas, perdes. Si cupis vitam tenere in Christo, noli mortem timere pro Christo. Item alio modo: Qui amat animam suam, perdet eam; noli amare, ne perdas; noli amare in hac vita, ne perdas in æterna vita.

¶. In craticula te Deum non negavi, \* Et ad ignem applicatus, te Dominum Jesum Christum confessus sum. †. Probasti, Domine, cor meum et visitasti nocte. Et.

Lectio viij.

**H**OC autem, quod posterius, dixi, magis habere videtur Evangelicus sensus. Sequitur enim: Et qui odit animam suam in hoc mundo, in vitam æternam custodit eam. Ergo, quod supra dictum est, qui amat, (subintelligitur, in hoc mundo) ipse utique perdet: qui autem odit (utique in hoc mundo) in vitam æternam ipse custodit eam. Magna et mirra sententia, quemadmodum sit hominis in animam suam amor ut pereat, odium ne pereat. Si male amaveris, tunc odisti: si bene oderis, tunc amasti. Felices qui oderunt custodiendo, ne perdant amando.

¶. Hippolyte, si credideris in Dominum Jesum Christum, \* Et thesauros tibi ostendo, et vitam æternam promitto. †. Beatus Laurentius Hippolyto dixit: Si credis in Dominum Jesum Christum. Et. Gloria. Et.

Lectio ix.

**S**ED vide ne tibi subrepat, ut te ipsum velis interimere, sic intelligendo, quod debes odisse in hoc mundo animam tuam. Hinc enim quidam maligni atque perversi homines, et in se ipsos crudeliores et sceleratiores homicidæ, flammis se donant, aquis se præfocant, præcipitio se collidunt, et pereunt. Hoc Christus non

docuit : imo etiam diabolo præcipitum suggerenti respondit: Redi retro, satana; scriptum est: Non tentabis Dominum Deum tuum. Petro autem dixit, significans qua morte clarificaturus erat Deum: Cum esses junior, cingebas te, et ambulabas quo volebas: cum autem senueris, alter te cinget, et feret quo tu non vis. Ubi satis expressit, non a seipso, sed ab alio debere occidi, qui vestigia sequitur Christi.

### *Ad Laudes*

*et per Horas, Antiphonæ.*

1. Laurentius ingressus est \* martyr, et confessus est nomen Domini Jesu Christi.

2. Laurentius \* bonum opus operatus est, qui per signum crucis cæcos illuminavit.

3. Adhæsit anima mea \* post te, quia caro mea igne cremata est pro te, Deus meus.

4. Misit Dominus \* Angelum suum, et liberavit me de medio ignis, et non sum æstuatus.

5. Beatus Laurentius\* orabat, dicens: Gratias tibi ago, Domine, quia januas tuas ingredi merui.

*Capitulum. 2. Cor.*

**FRATRES**, qui parce seminat, parce et metet: et qui seminat in benedictionibus, de benedictionibus et metet.

†. Dispersit, dedit pauperibus.

¶. Justitia ejus manet in sæculum sæculi.

*Ad Bened. Ant.* In craticula te Deum non negavi, et ad ignem applicatus te Christum confessus sum: probasti cor meum, et visitasti nocte: ignem me examinasti, et non est inventa in me iniquitas.

*Oratio.*

**DA** nobis quæsumus, omnipotens Deus, vitiorum nostrorum flammæ extinguere, qui beato Laurentio tribuisti tormentorum suorum incendia superare. Per Dominum.

### *Ad Tertiam.*

*Capit.* Fratres qui parce.

¶. br. Gloria et honore. †. Posuisti Domine.

### *Ad Sextam.*

*Capitulum. 2. Cor.*

**UNUSQUISQUE** prout destinavit in corde suo, non ex tristitia aut ex necessitate; hilarem enim datorem diligit Deus.

¶. br. Posuisti Domine †. Magna est.

### *Ad Nonam*

*Capitulum. Cor. 2.*

**POTENS** est autem Deus omnem gratiam abundare facere in vobis, ut in omnibus semper omnem sufficientiam habentes, abundetis in omne opus bonum, sicut scriptum est: Dispersit, dedit pauperibus, justitia ejus manet in sæculum sæculi.

¶. br. Magna est. †. Justus ut palma.

### *In II. Vespertis.*

*Ant. et Capit. de Laud. Psalm. de Dom. loco ult. Credidi, p. 88.*

†. Leuita Laurentius bonum opus operatus est. ¶. Qui per signum crucis cæcos illuminavit.

*Ad Magnif. Ant.* Beatus Laurentius, dum in craticula superpositus ureretur, ad impiissimum tyrannum dixit: Assatum est jam, versa et manduca: nam facultates Ecclesiæ quas requiris, in cælestes thesauros manus pauperum deportaverunt.

*Deinde sit comm. SS. Tiburtii et Susannæ Martyrum.*

*Oratio.*

**SANCTORUM** Martyrum tuorum Tiburtii, et Susannæ, nos, Domine, foveant continuata præsidia; quia non desinis propitius intueri, quos talibus auxiliis concesseris adjuvari. Per Dominum.

### *Die 11. Secunda*

*Infr. Oct. S. Laurentii.*

*Lect. I. Noct. de Script. oec.*



## IN II. NOCTURNO.

Sermo S. Augustini Episcopi.

Sermone 30. de Sanctis.

Lectio iv.

**BEATISSIMI** Laurentii martyris  
cujus natalem hodie celebramus,  
passionem nosse vos credo; et quanta  
in persecutione pertulerit, dilectio-  
nem vestram scire posse non dubito.  
Tanta enim ejus martyrii gloria ex-  
stitit, ut passione sua mundum illu-  
minaverit universum. Illuminavit mun-  
dum plane Laurentius eo lumine, quo  
ipse accensus est; et flammis, quas  
ipse pertulit, omnium Christianorum  
corda calefecit.

Lectio v.

**QUIS** nolit ad horam uri Lauren-  
tii igne, ut æternum gehennæ  
non patiatur incendium? Beati igitur  
Laurentii exemplo provocamur ad  
martyrium, et accendimur ad fidem,  
incalescimus ad devotionem; et si in  
nobis persecutoris flamma deest, fi-  
dei tamen flamma non deest. Non ar-  
demus quidem corpore pro Christo,  
sed ardemus affectu. Non subjicit mi-  
hi persecutor ignem, sed subjicit mi-  
hi desiderium Salvatoris.

Lectio vj.

**ESSE** autem Salvatoris ignem legi-  
mus in Evangelio, dicente eodem  
Domino: Nescitis quia veni ignem mit-  
tere in terram; et quid volo nisi ut  
accendatur? Quo igne succensi illi  
duo discipuli dixerunt: Nonne cor  
nostrum ardens erat in nobis, dum  
loqueretur in via, et aperiret nobis  
Scripturas? Hoc igitur igne beatus  
Laurentius accensus, flammarum non  
sentit incendium: et dum Christi ar-  
det desiderio, persecutoris pœnam non  
sentit.

## IN III. NOCTURNO.

Lectio sancti Evangelii secundum  
Joannem.

Lectio vij.

Cap. 12.

**I**n illo tempore: Dixit Jesus disci-  
pulis suis: Amen, amen dico vobis,

nisi granum frumenti cadens in terram,  
mortuum fuerit, ipsum solum manet.  
Et reliqua.

De Homilia S. Augustini Episcopi.

Ex Tract. 50. in Joannem.

**CUM** ergo causæ articulus venerit,  
ut hæc conditio proponatur, aut  
faciendum esse contra Dei præceptum,  
aut ex hac vita emigrandum: quorum  
duorum homo si cogatur alterum eli-  
gere, comminante mortem persecuto-  
re, ibi eligat Deo dilecto emori, quam  
offenso vivere. Ibi oderit in hoc mun-  
do animam suam, ut in vitam æter-  
nam custodiat eam. Si quis mihi mi-  
nistrat, me sequatur. Quid est, Me  
sequatur, nisi, me imitetur? Chri-  
stus enim pro nobis passus est, ait  
Apostolus Petrus, relinquens nobis  
exemplum, ut sequamur vestigia e-  
jus.

Lectio viij.

**ECCE** quod dictum est: Si quis  
mihi ministrat, me sequatur. Quo  
fructu? qua mercede? quo præmio?  
Et ubi sum, inquit, ego, illic et mi-  
nister meus erit. Gratis ametur, ut  
operis, quo ministratur illi, pretium  
sit esse cum illo. Ubi enim bene erit  
sine illo? aut quando esse male po-  
terit cum illo? Audi evidentius: Si  
quis mihi ministraverit, honorificabit  
eum Pater meus. Quo honore, nisi  
ut sit cum filio ejus? Quod enim su-  
perius ait: Ubi ego sum, illic et mi-  
nister meus erit; hoc intelligitur ex-  
posuisse, cum dicit, Honorificabit  
eum Pater meus. Nam quem majorem  
honorem accipere poterit adoptatus,  
quam ut sit ubi est Unicus, non æ-  
qualis factus divinitati, sed consocia-  
tus æternitati?

Pro SS. Martyribus.

Lectio ix.

**TIBURTICUS** Chromatii præfecti  
Urbis filius, sancti Sebastiani o-  
pera Christianus, cum ob eam cau-  
sam ad Fabianum judicem adductus  
esset, multaque apud illum de Chri-  
sti fide prædicaret, excaudescens ju-

de pavimento candentibus carbonibus aeterni jubet. Mox, Tiburti, inquit, vel diis nostris sacrifices oportet, vel per istos carbones nudis pedibus tibi iocedendum est. At ille crucis signo se muniens, fidenterque ambulans in prona: Disce, inquit, ex hoc solum esse Deum, quem Christiani colunt: prona enim mihi flores videntur. Quod cum magicis artibus tribueretur, extra Urbem ductus Tiburtius, ac via Lavicana, tertio ab Urbe lapide, gladio percussus, ibi a Christianis sepelitur. Quo die Susanna virgo nobilissima, quod Galerii Maximiani, filii Diocletiani Imperatoris, conjugium recusaret, ut quæ virginitatem Deo reverat, post multa tormentorum genera, quibus varie tentatum est sanctum virginis propositum, domi suæ jussu imperatoris gladio percussa, ad duplex virginitatis et martyrii præmium migravit in cælum.

*In Laud. comm. SS. Mart.*

*Vesperæ de sequenti.*

**DIE 12. S. CLARÆ,**  
**Virginis. Duplex.**

*Oratio. Exaudi nos, p. 62°.*

*Et sit comm. Oct. S. Laurentii.*

*Lect. I. Noct. de Script. occ.*

IN II. NOCTURNO.

*Lectio iv.*

**CLARA**, nobilis virgo, Assisi nata in Umbria, sanctum Franciscum concivem suum imitata, cuncta sua bona in eleemosynas, et pauperum subsidia distribuit, et convertit. De sæculi strepitu fugiens, in campetrem declinavit Ecclesiam, ibique ab eodem beato Francisco recepta tonsura, consanguineis ipsam reducere conantibus fortiter restitit. Et denique ad Ecclesiam sancti Damiani fuit per eundem adducta, ubi ei Dominus plures socias aggregavit, et sic ipsa sacrarum Sororum collegium instituit, quarum regimen, nimia sancti Francisci devicta importunitate, recepit. Suum monasterium sollicitè ac prudenter in timore Domini, ac plena

Ordinis observantia, annis quadraginta duobus mirabiliter gubernavit: ejus enim vita erat aliis eruditio et doctrina, unde cæteræ viventi regulam didicerunt.

*Lectio v.*

**UT** carne depressa, spiritu convalesceret, nudam humum, et interdum sarmenta pro lecto habebat, et pro pulvinari sub capite durum lignum. Una tunica cum mantello de vili et hispido panno utebatur, aspero cilicio nonnunquam adhibito juxta carnem. Tanta se frænabat abstinentia, ut longo tempore, tribus in hebdomada diebus nihil penitus pro sui corporis alimento gustaverit: reliquis autem diebus tali se ciborum parvitate restringens, ut aliæ, quomodo subsistere poterat, mirarentur. Binas quotannis (antequam ægrotaret) quadragimas solo pane et aqua refecta jejunabat. Vigiliis insuper et orationibus assidue dedita, in his præcipue dies noctesque expendebat. Diutinis perplexa languoribus, cum ad exercitium corporale non posset surgere per se ipsam, sororum suffragio levabatur, et fulcimentis ad tergum apposis, laborabat propriis manibus, ne in suis etiam esset infirmitatibus otiosa. Amatrix præcipua paupertatis, ab ea pro nulla unquam necessitate discessit, et possessiones, pro sororum sustentatione a Gregorio Nono oblatae constantissime recusavit.

*Lectio vj.*

**MULTIS** et variis miraculis virtus suæ sanctitatis effulsit. Cuiusdam de sororibus sui monasterii loquelam restituit expeditam, alteri aurem surdam aperuit; laborantem febre, tumentem hydropisi, plagatam fistula, aliasque aliis oppressas languoribus liberavit. Fratrem de Ordine Minorum ab insanie passione sanavit. Cum oleum in monasterio totaliter defecisset, Clara accepit urceum, atque lavit, et inventus est oleo, beneficio divinæ largitatis impletus. Unius panis medietatem adeo multipli-

cavit, ut sororibus quinquaginta suffecerit. Saracenis Assisium obsidentibus, et Claræ monasterium invadere conantibus, ægra se ad portam afferri voluit, unaque vas, in quo sanctissimum Eucharistiæ Sacramentum erat inclusum, ibique oravit: Ne tradas, Domine, bestiis animas confitentes tibi, et custodi famulas, quas pretioso sanguine redemisti. In cuius oratione ea vox audita est: Ego vos semper custodiam. Saraceni autem partim se fugæ mandarunt, partim qui murum ascenderant, capti oculis, præcipites ceciderunt. Ipsa denique virgo, cum in extremis ageret, a candido beatarum Virginum cœtu (inter quas una eminentior ac fulgidior apparebat) visitata, ac sacra Eucharistia sumpta, et peccatorum indulgentia ab Innocentio Quarto ditata, pridie Idus Augusti animam Deo reddidit. Post obitum vero quam plurimis miraculis resplendentem Alexander Quartus inter sanctas Virgines retulit.

*In III. Noct. Homilia Sæpe vos fratres, de Com. 1. loco.*

*Et fit comm. Oct. in Laud.*

*In II. Vesp. comm. Oct. et SS. Hippolyti et Cassiani Mart.*

*Oratio.*

**D**A, quæsumus, omnipotens Deus, ut beatorum Martyrum tuorum Hippolyti et Cassiani veneranda sollemnitates, et devotionem nobis augeat et salutem. Per Dominum.

**Die 13. Quarta**

*Infra Oct. S. Laurentii.*

*Lect. I. Noct. de Script. occ.*

**IN II. NOCTURNO.**

**Ex libro Officiorum sancti Ambrosii Episcopi.**

*Lectio iv.*

*Lib. I. c. 41.*

**N**ON prætereamus sanctum Laurentium, qui cum videret Xystum Episcopum suum ad martyrium duci, flere cœpit non passionem illius, sed suam remansionem. Itaque his verbis appellare cœpit: Quo progredieris sine filio, pater? quo, Sacerdos sancte,

sine diacono properas? Numquam sacrificium sine ministro offerre consueveras. Quid in me ergo displicuit, pater? Num degenerem probasti? Experire certe utrum idoneum ministrum elegeris. Cui commisisti Dominici sanguinis dispensationem, cui consummandorum consortium, Sacramentorum, huic consortium tui sanguinis negas?

*Lectio v.*

*Lib. 2. c. 28.*

**A**QUO cum quærentur thesauri Ecclesiæ, promisit se demonstraturum. Sequenti die pauperes duxit. Interrogatus ubi essent thesauri quos promiserat, ostendit pauperes, dicens: Hi sunt thesauri Ecclesiæ. Et vere thesauri, in quibus Christus est, in quibus Christi fides est. Denique Apostolus ait: Habemus thesaurum in vasis fictilibus. Quos meliores thesauros habet Christus, quam eos in quibus se esse dixit? Sic enim scriptum est: Esurivi, et dedistis mihi manducare; sitivi, et dedistis mihi bibere: hospes eram, et collegistis me. Et infra: Quod enim uni horum fecistis, mihi fecistis. Hos thesauros demonstravit Laurentius, et vicit, quod eos nec persecutor potuit auferre.

*Lectio vj.*

**N**UMQUID dictum est sancto Laurentio: Non debuisti erogare thesauros Ecclesiæ, vasa Sacramentorum vendere? Opus est ut quis fide sincera et perspicaci providentia munus hoc impleat. Sane si in sua quis derivat emolumenta, crimen est: si vero pauperibus erogat, captivum redimit, misericordia est. Nemo enim potest dicere: Cur pauper vivit? Nemo potest queri, quia captivi redempti sunt. Nemo potest accusare, quia templum Dei ædificatum est. Nemo potest indignari, quia humanis fidelium reliquiis spatia laxata sunt. Nemo potest dolere, quia in sepulturis Christianorum, requies defunctorum est. In his tribus generibus vasa Ecclesiæ, etiam initiata, confringere, conflare, vendere licet.



IN III. NOCTURNO.

Lectio sancti Evangelii secundum Joannem.

Lectio vij.

Cap. 12.

**I**N illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

Homilia S. Augustini Episcopi.

Ex Tract. 51. in Joannem.

**MINISTER** est Christi usque ad illud opus magnæ charitatis, quod est animam suam pro fratribus ponere: hoc est enim et pro Christo ponere, quia et hoc propter sua membra dicturus est: Cum pro istis fecistis, pro me fecistis. De tali quippe opere etiam se ministrum facere et appellare dignatus est, ubi ait: Sicut Filius hominis non venit ministrari, sed ministrare, et animam suam ponere pro multis. Hinc est ergo unusquisque minister Christi, unde est minister et Christus. Sic ministrantem Christo honorificabit Pater ejus honore illo magno, ut sit cum Filio ejus, nec unquam deficiat felicitas ejus.

Lectio viij.

**CUM** ergo auditis, fratres, Dominum dicentem: Ubi ego sum, illic et minister meus erit, nolite tantummodo bonos Episcopos et clericos cogitare: etiam vos pro modulo vestro ministrare Christo, bene vivendo, elemosynas faciendo, nomen doctrinæque ejus quibus potueritis, prædicando: ut unusquisque etiam paternam affectum suæ familiæ se debere. Pro Christo, et pro vita æterna suos omnes admonent, doceat, hortetur, corripiat, impendat benevolentiam, exerceat disciplinam; ita in domo sua Ecclesiasticum, et quodammodo Episcopale implebit officium, ministrans Christo, ut in æternum sit cum ipso.

Pro SS. Martyribus.

Lectio ix.

**HIPPOLYTUS** a sancto Laurentio baptizatus, domi suæ dum Eucharistiam sumeret, comprehensus, et ad Valerianum Imperatorem adductus, ab eo de suæ religionis professione interrogatus, libere se Christianum professus est. Quamobrem fustibus cæditur: quibus in verberibus cum ejus fides constantior inveniretur, muneribus et honorum promissis tentatur. Quæ cum omnia frustra dicerentur, præfecto occidendus traditur. Qui domum Hippolyti veniens, ut ejus facultates publicaret, totam familiam Christianam esse cognoscit, atque iis a Christiana fide frustra deterritis, primum plumbatis cæsa Concordia Hippolyti nutrice, quæ cæteros confirmabat, reliquos extra portam Tiburtinam occidi jubet. Hippolytus indomitis equis raptatus per loca tribulis et carduis consita, lacerato corpore spiritum Deo reddidit, unaque cum reliquis a Justino Presbytero ad agrum Veranum sepultus est. Eadem die, ad Forum Syllæ, crudelissimo supplicio affectus est Cassianus martyr, qui vinctis post terga manibus, puerorum, quos erudiebat, ferreis stylis configendus excarnificandusque traditur. Quorum quanto erat infirmior vis, tanto ejus poena martyrii gravior ac diuturnior, palmaque illustrior.

Et sit comm. SS. Mart. in Laud.

In II. Vesp. comm. S. Eusebii Conf.

Oratio Deus qui nos beati, p. 51.

**DIE 14. Quinta**

Infr. Oct. S. Laurentii.

Lect. I. Noct. de Script. occurr.

IN II. NOCTURNO.

Sermo sancti Maximi Episcopi.

Homil. I. de S. Laurentio.

Lectio iv.

**SANCTUM** est, fratres, ac Deo placitum, ut natalem beati Laurentii præcipua devotione veneremur: cujus radiantibus flammis victrix in hunc quoque diem toto orbe Christi

coruscat Ecclesia. Qui cum in sede gloriosissimi Patriarchæ diaconatus fungeretur officio, puritate innocentis vitæ, fortissimæque mortis triumpho, Apostolico se consortio copulavit. Nec Inmerito eum Apostolorum supparem prædicamus, cui et castitas animi Leviticum ministerium dedit, et plenitudo fidei martyrii contulit dignitatem.

*Lectio v.*

**QUEM** venerabilis Xystus Romanæ urbis Antistes, cum impietatem sævientis mundi per tormenta superare, et regnis esset cœlestibus jam vicinus, videretque eum paterne de morte tristissimum, ita illum spiritu præscientiæ compellasse narratur: Noli, fili, mœstus esse, post triduum me sequeris. Unde apparet, charissimi, beatum Laurentium non de sacerdotis sui victoria habuisse tristitiam, sed doluisse quia non etiam ipse mundum cum suo pariter sacerdote vincebat. Noli, inquit, fili, mœstus esse, post triduum me sequeris: hoc est noli tristis esse, velut apud sæculum derelictus: nam nec te fides vitæque tua tali morte privabit.

*Lectio vj.*

**ERGO** ut comperit ore sacerdotis et martyris, se quoque omnimodis assumendum, congregatis inopum turbis, Ecclesiasticum censum religiosa liberalitate divisit. Quam profundum spiritalis viri, et quam cœleste consilium, ut et egenis consuleret, et multitudine consumente quæ dederat, inveniri non posset quod raperet persecutor, illam nimirum secutus sententiam: Dispersit, dedit pauperibus; justitia ejus manet in æternum.

IN III. NOCTURNO.

*Lectio sancti Evangelii secundum Joannem.*

*Lectio vij. Cap. 12.*

**I**n illo tempore: Dixit Jesus discipulis suis: Amen, amen dico vobis,

nisi granum frumenti cadens in terram, mortuum fuerit, ipsum solum manet. Et reliqua.

*Homilia S. Joannis Chrysostomi.*

*Homil. 65. in Joannem.*

**TALEM**, de resurrectione disputans, rationem Paulus etiam attulit. Quam igitur habebunt excusationem, qui resurrectionem non credunt, cum in seminibus et in plantis quotidie hoc videamus, ac etiam in nostro genere? Primum enim corrumpi semen oportet, inde fieri generationem. Omnino autem cum Deus aliquid facit, nulla opus est ratio. Quomodo nos ex nihilo fecit? Hoc ad Christianos dico, qui se dicunt credere Scripturis.

*Lectio viij.*

**EGO** autem et aliud dicam ex humanis rationibus. Alii malitiam, alii virtutem sectantur: sed malitiæ sectatorum multi feliciter in ultimam pervenerunt senectutem, virtutis autem contra. Quomodo ergo pro meritis unusquisque accipiet? quando? Certe, inquit; sed corpora non resurgent. Nonne audiunt Paulum dicentem: Oportet autem corruptibile hoc induere incorruptionem? Neque animam intelligit, quippe quæ non corrumpitur; et resurrectio de mortuo dicitur: Cecidit autem corpus.

*Pro Vigilia Assumptionis.*

*Lectio sancti Evangelii secundum Lucam.*

*Lectio ix. Cap. 11.*

**I**n illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit. Et reliqua.

*Homilia S. Augustini Episcopi.*

*Tract. 10. in Joannem.*

**BEATA** virgo Maria, quia fecit voluntatem Patris. Hoc in ea magnificavit Dominus, quia fecit voluntatem Patris, non quia caro genuit carnem. Intendat charitas vestra. Propterea cum Dominus in turba admi

rabilis videretur, faciens signa et prodigia, et ostendens quid lateret in carne, admiratæ quædam animæ, dixerunt. Felix venter, qui te portavit. Et ille: imo felices, qui audiunt verbum Dei, et custodiunt illud. Hoc est dicere: Et mater mea, quam appellatis felicem, inde felix, quia verbum Dei custodit; non quia in illa Verbum caro factum est, et habitavit in nobis, sed quia custodit ipsum Verbum Dei, per quod facta est, et quod in illa caro factum est.

*In Laud. fit comm. Vigiliæ. Ant. et y. de Feria occurrente.*

*Oratio.*

**D**EUS, qui virginalem aulam beatæ Mariæ, in qua habitares, eligere dignatus es, da, quæsumus, ut sua nos defensione munitos, jucundos facias suæ interesse festivitati.

*Et postea d. Eusebii Conf.*

## **Die 15. In Assumptione**

**BEATÆ MARIÆ VIRGINIS.**

*Duplex I. Classis.*

*In I. Vesperis.*

*Ant. et Capit. de Laud. Psalmi et reliqua hic non propria ut in festis B. M. V. p. 92\*.*

*y. Exaltata est sancta Dei Genitrix. a. Super choros Angelorum ad celestia regna.*

*Ad Magnif. Ant. Virgo prudentissima, quo progredieris, quasi aurora valde rutilans? Filia Sion, tota formosa et suavis es, pulchra ut luna, electa ut sol.*

*Oratio ut infra in Laudibus.*

*Et non fit comm. Oct. S. Laurentii in utrisq. Vesp. nec in Laud.*

*Ad Matutinum.*

*Invit. Venite, adoremus Regem regum: \* Cujus hodie ad æthereum Virgo mater assumpta est cælum.*

**IN I. NOCTURNO.**

*Ant. 1. Exaltata est sancta Dei Genitrix super choros Angelorum ad celestia regna.*

*2. Paradisi portæ per te nobis aperte sunt, quæ hodie gloriosa cum Angelis triumphas.*

*3. Benedicta tu in mulieribus, et benedictus fructus ventris tui.*

*y. Exaltata est sancta Dei Genitrix. a. Super choros Angelorum ad celestia regna.*

*Incipiunt Cantica canticorum,*

*Lectio j.*

*Cap. I.*

**O**SCULETUR me osculo oris sui, quia meliora sunt ubera tua vino, fragrantia unguentis optimis. Oleum effusum nomen tuum: ideo adulescentulæ dilexerunt te. Trahe me, post te curremus in odorem unguentorum tuorum. Introduxit me Rex in cellaria sua: exultabimus et lætabitur in te, memores ubi sum tuorum super vinum: recti diligunt te. Nigrum sum, sed formosa, filiæ Jerusalem, sicut tabernacula Cedar, sicut pellis Salomonis.

*a. Vidi speciosam sicut columbam, ascendentem desuper rivos aquarum, cujus inestimabilis odor erat nimis in vestimentis ejus: \* Et sicut dies verni circumdabant eam flores rosarum, et lilia convallium. y. Quæ est ista, quæ ascendit per desertum sicut virgula fumi, ex aromatibus myrrhæ et thuris? Et.*

*Lectio ij.*

**N**OLITE me considerare quod fusca sim, quia decoloravit me sol: filii matris meæ pugnauerunt contra me, posuerunt me custodem in vineis: vineam meam non custodivi. Indica mihi, quem diligit anima mea, ubi pascas, ubi cubes in meridie, ne vagari incipiam post greges sodalium tuorum. Si ignoras te, o pulcherrima inter mulieres, egredere, et abi post vestigia gregum, et pascce hædos tuos juxta tabernacula pastorum. Equitavi meo in curribus Pharaonis assimilavi te, amica mea. Pulchræ sunt genæ tuæ sicut turturis, collum tuum sicut monilia.

*a. Sicut cedrus exaltata sum in Libano, et sicut cypressus in monte Si-*



on : quasi myrrha electa<sup>1</sup>, \* Dedi suavitatem odoris, y. Et sicut cinnamomum et balsamum aromatizans. Dedi.

*Lectio iij.*

**M**URENULAS aureas faciemus tibi, vermiculatas argento. Dum esset Rex in accubitu suo, nardus mea dedit odorem suum. Fasciculus myrrhæ dilectus meus mihi, inter ubera mea commorabitur. Botrus Cypri dilectus meus mihi, in vineis Engaddi. Ecce tu pulchra es, amica mea, ecce tu pulchra es, oculi tui columbarum. Ecce tu pulcher es, dilecte mi, et decorus. Lectulus noster floridus : tigna domorum nostrarum cedrina, laquearia nostra cypressina.

q. Quæ est ista, quæ processit sicut sol, et formosa tanquam Jerusalem? \* Viderunt eam filie Sion, et beatam dixerunt, et reginæ laudaverunt eam. y. Et sicut dies verni circumdabant eam flores rosarum, et lilia convallium. Viderunt. Gloria. Viderunt.

#### IN II. NOCTURNO.

y. Assumpta est Maria in cælum, gaudent Angeli. q. Laudantes benedicunt Dominum.

Sermo S. Joannis Damasceni.

Orat. 2. de Dormit. B. Mariæ.

*Lectio iv.*

**H**ODIE sacra et animata arca Dei viventis, quæ suum in utero concepit Creatorem, requiescit in templo Domini, quod nullis est extractum manibus : et David exultat ejus parens, et cum eo choros ducunt Angeli, celebrant Archangeli, Virtutes glorificant, Principatus exultant, Potestates collatantur, gaudent Dominationes, Throni festum diem agunt, laudant Cherubim, gloriam ejus prædicant Seraphim. Hodie Eden novi Adam paradysum suscipit animatum, in quo soluta est condemnatio, in quo plantatum est lignum vitæ, in quo operta fuit nostra nuditas.

q. Ornata monilibus filiam Jerusalem Dominus concupivit : \* Et vi-

dentes eam filie Sion, beatissimam prædicaverunt, dicentes : Unguentum effusum nomen tuum. y. Astitit regina a dextris tuis in vestitu deaurato, circumdata varietate. Et.

*Lectio v.*

**H**ODIE virgo immaculata, quæ nullis terrenis inquinata est affectibus, sed cœlestibus educata cogitationibus, non in terram reversa est ; sed, cum esset animatum cœlum, in cœlestibus tabernaculis collocatur. Ex qua enim omnibus vera vita manavit, quomodo illa mortem gustaret? Sed cedit legi latæ ab eo quem genuit, et ut filia veteris Adam, veterem sententiam subiit : (nam et ejus Filius, qui est vita ipsa, eam non recusavit) ut autem Dei viventis Mater, ad illum ipsum digne assumitur.

q. Beatam me dicent omnes generationes : \* Quia fecit mihi Dominus magna qui potens est, et sanctum nomen ejus. y. Et misericordia ejus a progenie in progenies timentibus eum. Quia.

*Lectio vj.*

**H**EVVA, quæ serpentis suggestioni asseusum præbuit, partus dolore, et mortis sententia damnatur, et in inferorum collocatur penetralibus. Hanc autem vere beatam, quæ Dei verbo aures præstitit, et Spiritus sancti operatione repleta est, atque ad Archangeli spiritalem salutationem, sine voluptate et virili consortio, Dei Filium concepit, et sine dolore aliquo peperit, ac totam se Deo consecravit, quoniam modo mors devoreret? quomodo inferi susciperent? quomodo corruptio invaderet corpus illud, in quo vita suscepta est? Huic recta, plana, et facilis ad cœlum parata est via. Si enim, Ubi ego sum, illic et minister meus erit, inquit vita et veritas Christus, quomodo non potius Mater cum ipso erit?

q. Beata es, virgo Maria, quæ Dominum portasti Creatorem mundi : \* Genuisti qui te fecit, et in æternum

permanes virgo. *†. Ave, Maria, gratia plena: Dominus tecum. Genuisti. Gloria. Genuisti.*

### IN III. NOCTURNO.

*†. Maria virgo assumpta est ad æthereum thalamum. &. In quo Rex regum stellato sedet solio.*

*Lectio sancti Evangelii secundum Lucam.*

*Lectio vij.*

*Cap. 10.*

**I**n illo tempore: Intravit Jesus in quoddam castellum, et mulier quædam Martha nomine, excepit illum in domum suam. Et reliqua.

*Homilia S. Augustini Episcopi.*

*Serm. 27. de verbis Domini.*

**S**ANCTUM Evangelium cum legeretur, audivimus a femina religiosa susceptum esse Dominum hospitio, eaque Martha vocabatur. Et cum esset ipsa occupata in cura ministrandi, soror ejus Maria sedebat ad pedes Domini, et audiebat verbum ejus. Laborabat illa, vacabat ista. Illa erogabat, hæc implebatur. Verumtamen Martha laborans multum in illa occupatione et negotio ministrandi, interpellavit Dominum, et de sorore sua conquesta est, quod eam laborantem non adjuvaret.

*¶. Diffusa est gratia in labiis tuis, Propterea benedixit te Deus in æternum. †. Myrrha, et gutta, et casia a vestimentis tuis, a domibus eburneis, ex quibus delectaverunt te filie regum in honore tuo. Propterea.*

*Bened. Cujus..... ipsa Virgo.*

*Lectio viij.*

**D**OMINUS autem pro Maria respondit Martha; et ipse ejus factus est advocatus, qui iudex fuerat interpellatus. Martha, inquit, circa multa es occupata, quando unum est necessarium. Maria meliorem partem elegit, quæ non auferetur ab ea. Audivimus enim et interpellationem interpellantis, et sententiam judicis. Quæ sententia interpellati respondit, susceptam defendit.

Erat enim Maria intenta dulcedini verbi Domini. Intenta erat Martha quomodo pasceret Dominum, intenta Maria quomodo pasceretur a Domino. A Martha convivium Domino parabatur, in cujus convivio Maria jam mundabatur.

*¶. Beata es, Virgo Maria, Dei Genitrix, quæ credidisti Domino: perfecta sunt in te quæ dicta sunt tibi, ecce exaltata es super choros Angelorum: \* Intercede pro nobis ad Dominum Deum nostrum. †. Ave, Maria, gratia plena: Dominus tecum. Intercede. Gloria. Intercede.*

*Lectio ix.*

**C**UM ergo Maria suaviter audiret verbum dulcissimum, et corde intentissimo pasceretur, interpellato Domino a sorore sua, quomodo putamus eam timuisse: ne diceret ei Dominus: Surge, et adjuva sororem tuam? Mira enim suavitate tenebatur: quæ profecto major est mentis, quam ventris. Excusata est, sedit securior. Quomodo autem excusata? Attendamus, inspiciamus, perscrutemur quod possumus, ut pascamur et nos.

### *Ad Laudes*

*et per Horas, Antiphonæ.*

1. Assumpta est Maria in cælum, gaudent angeli, laudantes benedicant Dominum.

2. Maria virgo \* assumpta est ad æthereum thalamum, in quo Rex regum stellato sedet solio.

3. In odorem \* unguentorum tuorum currimus: adolescentulæ dilexerunt te nimis.

4. Benedicta filia \* tu a Domino, quia per te fructum vitæ communicavimus.

5. Pulchra es \* et decora, filia Jerusalem, terribilis ut castrorum acies ordinata.

*Capitulum.*

*Eccl. 24.*

**I**n omnibus requiem quæsi, et in hæreditate Domini morabor. Tunc præcepit, et dixit mihi Creator omnium: et qui creavit me, requievit in tabernaculo meo.

ſ. Exaltata est sancta Dei Genitrix.  
 R. Super choros Angelorum ad celestia regna.

*Ad Bened. Ant.* Quæ est ista, quæ ascendit sicut aurora consurgens, pulchra ut luna, electa ut sol, terribilis ut castrorum acies ordinata?

*Oratio.*

**F**AMULORUM tuorum, quæsumus, Domine, delictis ignosce, ut qui tibi placere de actibus nostris non valemus, Genitricis Filii tui Domini nostri intercessionem salvemur. Per eundem.

*Ad Tertiam.*

*Capit. In omnibus.*

*br.* Exaltata est, \* Sancta Dei Genitrix. Exaltata ſ. Super choros Angelorum ad celestia regna. Sancta. Gloria. Exaltata. ſ. Assumpta est Maria in cælum, gaudent Angeli. ſ. Laudantes benedicunt Dominum.

*Ad Sextam.*

*Capitulum.*

*Eccl. 24.*

**E**T sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

ſ. *br.* Assumpta est Maria in cælum, \* Gaudent Angeli. Assumpta. ſ. Laudantes benedicunt Dominum. Gaudent. Gloria. Assumpta. ſ. Maria virgo assumpta est ad æthereum thalamum. R. In quo Rex regum stellato sedet solio.

*Ad Nonam.*

*Capitulum. Eccl. 24.*

**I**N plateis sicut cinnamomum, et balsamum aromatizans odorem dedi: quasi myrrha electa dedi suavitatem odoris.

ſ. *br.* Maria virgo assumpta est, \* Ad æthereum thalamum. Maria. ſ. In quo Rex regum stellato sedet solio. Ad. Gloria. Maria. ſ. Dignare

me laudare te, Virgo sacra. R. Da mihi virtutem contra hostes tuos.

*In II. Vesperis.*

*Omnia dicuntur ut in I. præter*

*Ad Magnif. Ant.* Hodie Maria virgo cælos ascendit: gaudete, quia cum Christo regnat in æternum.

*Et sit comm. S. Hyacinthi conf. si cras agatur de eo. Oratio ut infra, p. 826.*

**DOMINICA**

**Infra oct. Assumptionis**

*S. JOACHIM, PATRIS B. M. V.*

*Conf. Duplex majus (m. t. v.)*

*Si hæc Dom. inciderit in diem 16.*

*in II. Vesp. Assumptionis fiat comm. S. Joachim et Dom. tantum. In Laud. S. Joachim, sit comm. Dom. Oct. Ass. et S. Laurentii. In II. autem Vesp. sit comm. de die oct. S. Laurentii cum Ant. et ſ. ex I. Vesp. Festi et Orat. ut infra, deinde Dom. et Oct. Assum. Festum vero S. Hyacinthi transfertur in aliam diem.*

*Si in diem 17, tunc Festum S. Joachim transfertur in Feriam ij. sequia agendum erit de die Oct. S. Laurentii, cum comm. Dom. et Octavæ Assumpt. in I. Vesp. et Laud. In II. autem Vesp. omnia dicuntur de S. Joachim cum comm. diei Octavæ S. Laurentii, Octav. Assumpt. et S. Agapiti Mart.*

*Si in diem 20. vel 21., translato Festo S. Bernardi vel S. J. Franciscæ de Chantal, fiat de S. Joachim, ut ponitur infra.*

*Si tandem in diem 22, tunc sit de die Octav. Assumpt. cum comm. Dom. Festum vero S. Joachim transfertur in j. diem non impedita.*

*In I. Vesperis, et Laudibus.*

ſ. Potens in terra erit semen ejus. R. Generatio rectorum benedicetur.

*Ant.* Laudemus virum gloriosum in generatione sua, quia benedictionem omnium gentium dedit illi Dominus, et testamentum suum confirmavit super caput ejus.



*Oratio.*

**D**EUS, qui præ omnibus Sanctis tuis beatum Joachim Genitricis Filii tui patrem esse voluisti, concede, quæsumus, ut cujus festa veneramur, ejus quoque perpetuo patrocinia sentiamus. Per eundem Dominum.

*Et fit comm. Dom. occ. et Oct. Assumpt. nisi hoc Festum transferatur post prædictam Oct.*

*Lect. I. Noct. Beatus vir, p. 58°.*

## IN II. NOCTURNO.

Sermo S. Epiphanii Episcopi.

*Lectio iv.*

**D**E radice Jesse ortus est rex David, et de tribu regis David sancta Virgo; sancta, inquam, et sanctorum virorum filia: cujus parentes fuerunt Joachim et Anna: qui quidem in vita sua Deo placuerunt, atque etiam fructum ejusmodi genuerunt, sanctam virginem Mariam, templum simul et matrem Dei. Joachim porro, Anna, et Maria, hi tres Trinitati palam sacrificium laudis offerebant. Joachim enim interpretatur præparatio Domini, eo quod ex illo præparatum sit templum Domini, nempe Virgo. Anna rursus similiter gratia interpretatur, propterea quod Joachim et Anna gratiam acceperunt, ut, accedentibus precibus, talem fructum germinarent, sanctam Virginem adepti. Joachim siquidem precabatur in monte, et Anna in horto suo.

Sermo S. Joannis Damasceni.

*Orat. I. de Nativ. B. M. V.*

*Lectio v.*

**Q**UONIAM futurum erat, ut Dei genitrix et virgo ex Anna oriatur, natura gratiæ foetum antevertere minime ausa est: verum tantisper expectavit, dum gratia fructum suum produxisset. Siquidem oportebat eam primogenitam in lucem edi, quæ rerum omnium conditarum Primogenitum, in quo omnia coagmentata sunt, paritura erat. O par bea-

tum, Joachim et Anna! Vobis omnis creatura obstricta est. Per vos enim donum, omnium donorum præstantissimum, Creatori obtulit, nempe castam Matrem, quæ sola Creatoro digna erat.

*Lectio. vj.*

**E**XULTA, Joachim, quoniam ex filia tua filius natus est nobis, et vocatur nomen ejus magni consilii, hoc est, salutis totius mundi Angelus. Pudore afficiatur Nestorius, ac manum ori imponat. Puer hic Deus est. Quoniam igitur modo ea Dei genitrix non sit, quæ peperit? Si quis sanctam Dei genitricem non confiteatur, a Deitate remotus est. Mea non est hæc oratio, quanquam alioqui mea: hanc enim divinissimam hæreditatem a Theologo patre Gregorio accepi. O beatum par, Joachim et Anna! Ac profecto ex ventris vestri fructu immaculati agnoscemini, quemadmodum Christus quodam loco dixit: Ex fructibus eorum cognoscetis eos. Ut Deo gratum erat ac dignum ea quæ a vobis orta est, vitæ vestræ rationes instituistis. Castæ enim ac sancte munere vestro functi, virginitatis thesaurum produxistis.

## IN III. NOCTURNO.

Lectio sancti Evangelii secundum Matthæum.

*Lectio vij. Cap. 1.*

**L**IBER generationis Jesu Christi, filii David, filii Abraham. Abraham genuit Isaac. Isaac autem genuit Jacob. Et reliqua.

Homilia S. Joannis Damasceni.

*Ex Lib. 4. de Fide orth.*

**Q**UOD Joseph ex Davidica tribu originem duxerit, sanctissimi Evangelistæ Matthæus et Lucas liquido demonstrarunt. Verum hoc inter eos discriminis est, quod Matthæus ex Davide per Salomonem Josephum deducit, Lucas autem per Nathan. At vero sanctæ Virginis ortum uterque silentio præterit. Quocirca scire operæ pretium est, nec apud Hebræos

nec apud Scripturam sacram hoc in more positum fuisse, ut mulierum genus recenseretur. Verum hoc deum lege cautum erat, ne tribus ulla uxores ex altera tribu accerteret. Ac proinde Joseph, qui ex tribu Davidica ortum trahebat, justitiamque colebat (hanc enim laudem ei tribuit divinum Evangelium) sanctam Virginem baudquaquam præter legis præscriptum despondisset, nisi ex eodem sceptro genus duxisset. Ob idque satis habuit Evangelista demonstrasse, unde Joseph ortum traxerit.

*Lectio viij.*

**IGITUR** ex stirpe Nathan filii David, Levi genuit Melchi, et Pantherem. Panther autem genuit Barpantherem (namque ita vocabatur.) Barpanther rursus genuit Joachim, Joachim denique genuit sanctam Dei genitricem. Rursus ex stirpe Salomonis filii David, Mathan ex uxore sua genuit Jacob. Mortuo autem Mathan, Melchi ex tribu Nathan, filius Levi, ac frater Pantheris, uxorem ipsius Mathan, quæ etiam Jacobi mater erat matrimonio sibi copulavit, atque ex ea genuit Heli. Ita uterini fratres erant Jacob et Heli: ille nimirum ex tribu Salomonis, hic ex tribu Nathan oriundus.

*Lectio ix. de Homilia Dom.  
Si transferatur, legitur seq.*

*Lectio ix.*

**PORRO** Heli, qui ex tribu Nathan erat, nullis liberis susceptis, e vita migravit: eaque de causa Jacob ipsius frater, qui ex tribu Salomonis fluxerat, ipsius uxorem accepit, fratrique suo semen excitavit, ac Josephum progenuit. Joseph itaque natura quidem filius Jacob erat a Salomone oriundus: legis autem ratione patrem habebat Heli, ex Nathan oriundum. Quæ cum ita sint, Joachim lectissimam illam ac summis laudibus dignam mulierem Annam matrimonio sibi copulavit. Verum quemadmodum præca illa Anna, cum

sterilitatis morbo laboraret, per orationem ac promissionem Samuelem procreavit, eodem modo hæc etiam per obsecrationem et promissionem Dei genitricem a Deo accepit, ut ne hic quoque cniquam ex illustribus matronis cederet, itaque gratis (nam hoc sonat Annæ vocabulum) Dominam parit: id enim Mariæ nomine significatur. Vere etenim rerum omnium conditarum Domina facta est, cum Creatoris mater extitit.

*In Laud. y. Potens, et Ant. ad Bened. Laudemus, ut in I. Vesp.*

*Et sit comm. Dom. occ. et Oct. Assumpt.*

*In II. Vesp. omnia de Com. præter Orationem.*

*Et sit comm. Dom. occ. et Oct. Assumpt.*

**DIE 16. S. Hyacinthi.**

Confessoris. Duplex. (m. t. v.)

Oratio. Deus, qui nos, p. 31.

*Lect. I. Noct. de libro Script. eo temp. curr. ut dictum est in Rubr. ante Dom. 5. Aug. p. 308.*

**IN II. NOCTURNO.**

*Lectio iv.*

**HYACINTHUS** Polonus, nobilibus et Christianis parentibus, in Camiensi villa Episcopatus Vratislaviensis natus est. A pueritia, litteris instructus, post datam jurisprudentiæ et sacris Litteris operam, inter Canonicos Cracovienses adscitus, insigni morum pietate, et summa eruditione cæteros antecelluit. Romæ in Prædicatorum Ordinem ab ipso institutore sancto Dominico adscriptus, perfectam vivendi rationem, quam ab ipso didicerat, usque ad finem vitæ sanctissime retinuit. Virginitatem perpetuo coluit, modestiam, patientiam humilitatem, abstinentiam, cæterasque virtutes, ut certum religiosæ vitæ patrimonium, adamavit.

*Lectio v.*

**CHARITATE** in Deum servens, Cintegras sæpe noctes fundendis precibus, castigandoque corpori in-

sumens, nullum eidem levamentum, nisi lapidi innixus, sive humi cubans adhibebat. Remissus in patriam, Frisaci primum in itinere amplissimum sui Ordinis monasterium, mox Cracoviae alterum erexit. Inde per alias Poloniae regni provincias aliis quatuor exaedificatis, incredibile dictum est quantum verbi Dei praedicatione, et vitae innocentia apud omnes profecerit. Nullum diem praetermisit, quo non praecelara aliqua fidei, pietatis, atque innocentiae argumenta praestiterit.

*Lectio vj.*

**S**ANCTISSIMI viri studium erga proximorum salutem maximis Deus miraculis illustravit. Inter quae illud insigne, quod Vandalum fluvium prope Visogradum aquis redundantem, nullo navigio usus trajecit, sociis quoque expanso super undas pallio traductis. Admirabili vitae genere ad quadraginta prope annos post professionem perducto, mortis die suis fratribus praenuntiato, ipso assumptae Virginis festo, Horis Canonicis persolutis, Sacramentis Ecclesiasticis summa cum veneratione perceptis, iis verbis: In manus tuas Domine, spiritum Deo reddidit, anno salutis millesimo ducentesimo quinquagesimo septimo. Quem miraculis etiam post obitum illustrem, Clemens Papa Octavus in Sanctorum numerum retulit.

*In III. Noct. Homil. Sancti Evangelii fratres, de Com. I. loco.*

*Et fit comm. Oct. Assumpt. et S. Laurenti, in Laudibus.*

*Vesp. a Capit. de die Octava S. Laurentii.*

### DIE 17. OCTAVA

SANCTI LAURENTII.

*Duplex.*

*Oratio.*

**E**XCITA, Domine, in Ecclesia tua Spiritum, cui beatus Laurentius Levita servavit, ut eodem uos repleti, studeamus amare quod amavit, et opere exercere quod docuit.

Per Dominum.... in unitate ejusdem.

*Et fit comm. S. Hyacinthi et Oct. Assumpt.*

*Lect. I. Noct. de libro Script. eo temp. curr., ut dictum est in Rubr. ante Dom. 3. Augusti, p. 506.*

### IN II. NOCTURNO.

Ex Tract. S. Augustini Episcopi in Joannem.

*Lectio iv.*

*Tract. 17.*

**C**ERTI sumus, fratres, quia omnes qui sumus in corpore Domini, et manemus in illo, ut et ipse maneat in nobis, in hoc saeculo necesse habemus usque in finem inter malos vivere: non inter illos dico malos, qui blasphemant Christum; raro enim jam inveniuntur, qui lingua blasphemant, sed multi, qui vita. Necesse est ergo ut inter illos usque in finem vivamus. Sed quid est quod ait, Qui manet in me, et ego in illo? Quid, nisi quod Martyres audiebant: Qui perseveraverit usque in finem, hic salvus erit?

*Lectio v.*

**Q**UOMODO mansit in illo sanctus Laurentius, cujus hodie festum diem celebramus? Mansit usque ad tentationem, mansit usque ad tyrannicam interrogationem, mansit usque ad acerrimam comminationem, mansit usque ad peremptionem. Parum est; usque ad immanem excruciationem mansit. Non enim occisus est cito, sed cruciatus est in igne. Diu vivere permissus est: imo non diu vivere permissus est, sed tarde mori compulsus est. In illa ergo longa morte, in illis tormentis, quia bene manducaverat, et bene biberat, tanquam illa esca saginatus, et illo calice ebrius, tormenta non sensit.

*Lectio vj.*

**D**IXERAT autem illi Xystus martyr sanctus, cujus diem quinto ab hinc retro die celebravimus: Noli morerere, fili, (Episcopus enim erat ille, iste Diaconus) noli morerere, inquit, sequeris me post triduum. Tri-



duum autem dixit, medium inter diem passionis sancti Xysti, et diem hodiernam passionis sancti Laurentii. Triduum est medium. O consolatio! Non ait. Noli mœrere, fili. desinet persecutio, et securus eris: sed, Noli mœrere; quo ego præcedo. tu sequeris, nec consecutio tua differtur. Triduum medium erit, et mecum eris. Accepit oraculum, vicit diabolum, pervenit ad triumphum.

### IN III. NOCTURNO.

Lectio sancti Evangelii secundum Joannem.

*Lectio vij. Cap. 12.*

**I**N illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum seculum manet. Et reliqua.

Homilia S. Joannis Chrysostomi.

*Homilia 66. in Joannem.*

**D**ULCIS præsens vita est, et multæ plena voluptatis, non tamen omnibus, sed iis tantum qui illi sunt affixi. Quod si quis in cælum suspexerit, et quæ ibi præclara sunt, contemplatus fuerit, statim hanc contemnet, ac nullius pretii existimabit. Nam et corporum pulchritudo, quoad pulchrius non deprehenditur, in admiratione habetur: cum vero aliud præstantius apparuerit, illa prior despicitur. Quod si illam pulchritudinem etiam nos intueri voluerimus, et cælestis regni speciem considerare, confestim nos hujus sæculi vinculis dissolvemus.

*Lectio viij.*

**V**INCULUM namque est terrenarum rerum affectio: ad cujus dissolutionem ut nos induceret Christus, quid dicat, attende. Qui amat animam suam, perdet eam, et qui odit animam suam in hoc mundo, in vitam æternam custodit eam. Ænigmati simile hoc dictum videtur: non tamen ita est, imo vero præcipuè sapientiæ plenum. Et quomodo qui amat animam suam, perdet eam? Qui

absurdus ejus cupiditatibus obtemperat, qui præter debitum ei indulget: quemadmodum e contrario, qui odit eam in hoc mundo, custodit eam; hoc est, qui non paret ei, cum noxia jubet.

*Lectio ix.*

**E**T non dixit: Qui non paret, sed, Qui odit. Sicut enim quos odio habemus, ne vocem quidem audire, nec vultum eorum videre æquo animo patimur: ita et animæ, si quid præter Dei voluntatem nobis imperat, vehementer aversari oportet. Cum enim jam de morte ad eos verba facturum esset, de morte videlicet sua, et prævideret eorum tristitiam et exanimationem, per excessum locutus est, inquit: Quid dico, si mortem meam generose non feretis? nisi vos ipsi moriamini, nullum vos sequetur emolumentum.

*In II. Vesp. comm. Oct. Assumpt. et S. Agapiti Mart.*

*Oratio.*

**L**ÆTETUR Ecclesia tua, Deus, beati Agapiti martyris tui confissa suffragiis, atque ejus precibus gloriosis, et devota permaneat, et securam consistat. Per Dominum.

### DIE 18. Quarta

*Infra Oct. Assumptionis.*

### IN I. NOCTURNO.

De Canticis canticorum.

*Lectio j. Cap. 4.*

**Q**UAM pulchra es, amica mea, quam pulchra es! Oculi tui columbarum, absque eo quod intrinsecus latet. Capilli tui sicut greges caprarum, quæ ascenderunt de monte Galaad. Dentes tui sicut greges tonsarum, quæ ascenderunt de lavacro, omnes gemellis fortibus, et sterilis non est inter eas. Sicut vitta coccinea, labia tua, et eloquium tuum dulce. Sicut fragmen mali punici, ita genæ tuæ, absque eo quod intrinsecus latet. Sicut turris David collum tuum, quæ ædificata est cum propugnaculis: mille

elypei pendent ex ea, omnis armatura fortium.

*Lectio ij.*

**TOTA** pulchra es, amica mea, et macula non est in te. Veni de Libano, sponsa mea, veni de Libano, veni: coronaberis de capite Amana, de vertice Sanir et Hermon, de cubilibus leonum, de montibus pardorum. Vulnerasti cor meum, soror mea sponsa, vulnerasti cor meum in uno oculorum tuorum, et in uno crine colli tui. Quam pulchræ sunt mammæ tuæ, soror mea sponsa! Pulchriora sunt ubera tua vino, et odor unguentorum tuorum super omnia aromata.

*Lectio iij.*

**FAVUS** distillans labia tua, sponsa, mel et lac sub lingua tua, et odor vestimentorum tuorum sicut odor thuris. Hortus conclusus soror mea sponsa, hortus conclusus, fons signatus. Emissiones tuæ paradisus malorum punicorum cum pomorum fructibus. Cypri cum nardo, nardus et crocus, fistula et cinnamomum cum universis lignis Libani, myrrha et aloë cum omnibus primis unguentis. Fons hortorum, puteus aquarum viventium, quæ fluunt impetu de Libano.

IN II. NOCTURNO.

De Sermonibus S. Joannis Damasceni.  
Orat. 1. de Dorm. Deiparæ.

*Lectio iv.*

**EX** antiqua accepimus traditione, quod tempore gloriosæ dormitionis beatæ Virginis, universi quidem sancti Apostoli, qui orbem terræ ad salutem Gentium peragrabant, momento temporis in sublime elati conveniunt Jerosolymis; cumque illic essent, eis visio apparuit angelica, et audita est psalmodia cælestium potestatum, et sic cum divina gloria in manus Dei sanctam tradidit animam. Ejus autem corpus, quod Deum ineffabili quadam ratione suscepit, cum Angelica et Apostolica hymnodia elatum, in loculo fuit depositum Geth-

semane: quo in loco Angelorum cantus mansit tres dies continuos.

*Lectio v.*

**POST** tres autem dies Angelico cantu cessante, qui adierant Apostoli, (cum unus Thomas qui abfuerat, post tertium diem, venisset, et quod Deum susceperat, corpus adorare voluisset) tumulum aperuerunt: sed omni ex parte sacrum ejus corpus nequaquam invenire potuerunt. Cum ea autem tantum invenissent, in quibus fuerat compositum, et ineffabili, qui ex iis proficiscebatur, essent odore repleti, loculum clauserunt. Ejus mysterii obstupefacti miraculo, hoc solum cogitare potuerunt, quod cui placuit ex Maria virginis carnem sumere, et hominem fieri et nasci, cum esset Deus Verbum, et Dominus gloriæ, quique post partum incorruptam servavit ejus virginitatem, eidem etiam placuit et ipsius, postquam migravit immaculatum corpus incorruptum servatum, translatione honorare ante communem et universalem resurrectionem.

*Lectio vj.*

**ADERANT** tunc cum Apostolis sanctissimus Timotheus primus Episcopus Ephesiorum, et Dionysius Areopagita, sicut ipse testatur in iis, quæ de beato Hierotheo, qui ipse quoque tunc aderat, scripsit ad prædictum Timotheum, sic dicens: Nam etiam apud ipsos a Deo afflatus sacrorum Antistites, quando nos quoque, ut nosti, et multi ex sanctis nostris fratribus, ad contuendum corpus, quod vitæ principium dedit, et Deum suscepit, convenissemus: (aderat autem et Domini frater Jacobus, et Petrus, suprema et antiquissima Theologorum summitas) et viso sacro corpore, placuit omnibus, prout quique poterat, hymnis celebrare infinitam bonitatem divinæ potentie.

IN III. NOCTURNO.

Lectio sancti Evangelii secundum Lucam.

*Lectio vij.**Cap. 10.*

**I**N illo tempore : Intravit Jesus in quoddam castellum, et mulier quædam Martha nomine, excepit illum in domum suam. Et reliqua.

Homilia S. Augustini Episcopi.

*Ex Sermo. 27. de Verbis Domini.*

**B**ENE Martha circa corporalem Domini, quid dicam, necessitatem, an voluntatem? ministrabat carni mortali. Sed quis erat in carne mortali? In principio erat Verbum, et Verbum erat apud Deum, et Deus erat Verbum. Ecce quod Maria audiebat. Verbum caro factum est, et habitavit in nobis. Ecce Martha cui ministrabat. Ergo Maria meliorem partem elegit, quæ non auferetur ab ea. Hoc enim elegit, quod semper manebit: ideo non auferetur ab ea.

*Lectio viij.*

**C**IRCA unum Maria se voluit occupari. Jam tenebat: Mihi autem adhærere Deo bonum est. Sedebat ad pedes Capitis nostri. Quanto humilior sedebat, tanto amplius capiebat. Confluit enim aqua ad humilitatem convallis, devatat de tumoribus collis. Non ergo Dominus opus reprehendit, sed munus distinxit. Circa multa es occupata; porro unum est necessarium. Jam hoc sibi Maria elegit.

*Pro S. Agapito Martyre.*

*Lectio ix.*

**A**GAPITUS Prænестinus, quindécim annos natus, Aureliano Imperatore, martyril cupidissimus, cum propter constantiam religionis, Imperatoris jussu primum nervis diutissime cæsus, deinde in tetrum carcerem conjectus esset, ut nihil omnino per quatuor dies gustaret, e custodia est eductus, et ardentibus carbonibus capiti ejus impositis, Deo agens gratias, iterum affectus verberibus, nudus ita pedibus suspensus est, ut ingens fumus e subiecto igne os ejus obrueret. Tum fervens aqua in ejus ventrem effusa est, maxillæ

que contractæ. Quo tempore iudex e tribunali lapsus, paulo post mortuus est. Ea re incenso Imperatore, sanctum juvenem jubente feris objici, cum illæ non auderent attingere, Præneste gladio percussus est.

*In Laud. fit comm. S. Mart.*

**DIE 19. Quinta**

*Infra Octavam Assumptionis.*

**IN I. NOCTURNO.**

**De Canticis canticorum.**

*Lectio j.*

*Cap. 5.*

**A**DJURO vos, filiæ Jerusalem, si inveneritis dilectum meum, ut nuntietis ei quia amore langueo. Qualis est dilectus tuus ex dilecto, o pulcherrima mulierum? qualis est dilectus tuus ex dilecto, quia sic adjurasti nos? Dilectus meus candidus et rubicundus, electus ex millibus. Caput ejus aurum optimum: comæ ejus sicut elatæ palmarum, nigra quasi corvus. Oculi ejus sicut columbæ super rivulos aquarum, quæ lacte sunt lotæ, et resident juxta fluentia plenissima.

*Lectio ij.*

*Cap. 6.*

**D**ILECTUS meus descendit in hortum suum ad areolam aromatum, ut pascatur in hortis, et lilia colligat. Ego dilecto meo, et dilectus meus mihi, qui pascitur inter lilia. Pulchra es, amica mea, suavis et decora sicut Jerusalem: terribilis ut castrorum acies ordinata. Averte oculos tuos a me, quia ipsi me avolare fecerunt. Capilli tui sicut grex caprarum, quæ apparuerunt de Galaad. Dentes tui sicut grex ovium, quæ ascenderunt de lavacro, omnes gemellis fœtibus, et sterilis non est in eis.

*Lectio iij.*

**U**NA est columba mea, perfecta mea, una est matris suæ, electa genitrici suæ. Viderunt eam filiæ, et beatissimam prædicaverunt: reginæ et concubinæ, et laudaverunt eam. Quæ est iste, quæ progreditur quasi



aurora consurgens, pulchra ut luna, electa ut sol, terribilis ut castrorum acies ordinata? Descendi in hortum nucum, ut viderem poma convalium, et inspicerem si florisset vinea, et germinassent mala punica. Nescivi: anima mea conturbavit me propter quadrigas Aminadab. Revertere, revertere, Sunamitis; revertere, revertere, ut intueamur te.

## IN II. NOCTURNO.

Sermo S. Bernardi Abbatis.

Sermo I. de Assumpt. B. Mariæ V.

Lectio iv.

**VIRGO** hodie gloriosa cœlos ascendens, supernorum gaudia civium copiosis sine dubio cumulavit augmentis. Hæc est enim cujus salutationis vox et ipsos exultare facit in gaudio, quos materna adhuc viscera claudunt. Quod si parvuli necdum nati anima liquefacta est, ut Maria locuta est: quid putamus quænam illa fuerit Cœlestium exultatio, cum et vocem audire, et videre faciem, et beata ejus frui præsentia meruerunt?

Lectio v.

**SED** et illud quis cogitare sufficiat, quam gloriosa hodie mundi Regina processerit: et quanto devotionis affectu tota in ejus occursum cœlestium legionum prodierit multitudo; quibus ad thronum gloriæ canticis sit deducta, quam placido vultu, quam serena facie, quam divinis amplexibus suscepta a Filio, et super omnem exaltata creaturam, cum eo honore, quo tanta Mater digna fuit, cum ea gloria, quæ tantum decuit Filium?

Lectio vj.

**FELICIA** prorsus oscula labiis impressa lactentis, cui virgineo mater applaudebat in gremio. Verum numquid non feliciora censebimus, quæ ab ore sedentis in dextera Patris hodie in beata salutatione suscepit, cum ascenderet ad thronum gloriæ, epithalamium canens, et dicens: Osculetur me osculo oris sui? Christi ge-

nerationem, et Mariæ assumptionem quis enarrabit? Quantum enim gratiam in terris adepta est præ cæteris, tantum et in cœlis obtinet gloriæ singularis.

## IN III. NOCTURNO.

Lectio sancti Evangelii secundum Lucam.

Lectio vij.

Cap. 10.

**IN** illo tempore: Intravit Jesus in quoddam castellum, et mulier quædam Martha nomine, excepit illum in domum suam. Et reliqua.

Homilia sancti Augustini Episcopi.

Serm. 17. de Verbis Domini.

**TRANSIT** labor multitudinis, et remanet charitas unitatis. Ergo quod elegit Maria, non auferetur ab ea: a te autem Martha, quod elegisti, utique hoc sequitur, utique hoc subintelligitur, a te, quod elegisti, auferetur: sed bono tuo auferetur, ut quod melius est, detur. Auferetur enim a te labor, ut requies detur. Tu navigas, illa jam in portu est.

Lectio viij.

**VIDETIS** ergo, charissimi, et quantum arbitror, jam intelligitis in his duabus mulieribus, quæ ambæ fuerunt Domino gratæ, ambæ amabiles, ambæ discipulæ: videtis ergo, et magnum aliquid intelligitis, quicumque intelligitis, quod audire et scire debetis etiam qui non intelligitis, in his duabus mulieribus duas vitas esse figuratas præsentem et futuram, laboriosam et quietam, ærumnosam et beatam, temporalem et æternam.

Lectio ix.

**DUE** sunt vitæ: de illis vos copiosius cogitate. Quid habeat hæc vita non dico mala, non iniqua, non nefaria, non luxuriosa, non impia; sed laboriosa, et ærumnis plena, timoribus castigata, temptationibus sollicita, hanc ipsam innocentem vitam

dico, qualem decebat habere Martham. Hanc ergo, quantum potestis, inspicite, et de hac, ut dixi, copiosius, quam loquimur, cogitate. Vita vero iniqua aberat ab illa domo, nec cum Martha erat, nec cum Maria, et si aliquando fuit, Domino intrante, fugit.

*Vesperæ de sequenti.*

**Die 20.**

**S. Bernardi Abb. et Doct.**

*Duplex.*

*In utrisque Vesp. Ant. O Doctor, p. 39.*

*Oratio. Deus, qui populo tuo, i. bid.*

*Et sit comm. Oct. Assumpt.*

*Lect. I. Noct. de lib. Script. eo temp. curr. ut dictum est in Rubr. ante Dom. 3. Augusti, p. 505.*

**IN II. NOCTURNO.**

*Lectio iv.*

**B**ERNARDUS, Fontanis in Burgundia honesto loco natus, adolescens propter egregiam formam vehementer sollicitatus a mulieribus, nunquam de sententia colendæ castitatis dimoveri potuit. Quas diaboli tentationes ut effugeret, duos et viginti annos natus Monasterium Cisterciense, unde hic Ordo incepit, et quod tum sanctitate florebat, ingredi constituit. Quo Bernardi consilio cognito, fratres summopere conati sunt eum a proposito deterrere: in quo ipse eloquentior ac felicior fuit. Nam sic eos, aliosque multos in suam perduxit sententiam, ut cum eo triginta juvenes eandem Religionem suscepissent. Monachus jejuniis ita deditus erat, ut quoties sumendus esset cibus, toties tormentum subire videretur. In vigiliis etiam et orationibus mirifice se exercebat, et Christianam paupertatem colens, quasi coelestem vitam agebat in terris, ab omni caducarum rerum cura et cupiditate alienam.

*Lectio v.*

**E**LUCEBAT in eo humilitas, misericordia, benignitas: contem-

plationi autem sic addictus erat, ut vix sensibus, nisi ad officia pietatis uteretur: in quibus tamen prudentiæ laude excellebat. Quo in studio occupatus, Genuensem ac Mediolanensem, aliosque Episcopatus oblatos recusavit, professus se tanti officii munere indignum esse. Abbas factus Claravallensis, multis in locis edificavit monasteria, in quibus præclara Bernardi institutio ac disciplina diu viguit. Romæ, sanctorum Vincentii et Anastasii monasterio ab Innocentio Secundo Papa restituto præfecit Abbatem illum, qui postea Eugenius Tertius Summus Pontifex fuit; ad quem etiam librum misit de Consideratione.

*Lectio vj.*

**M**ULTA præterea scripsit, in quibus apparet eum doctrina potius divinitus tradita, quam labore comparata instructum fuisse. In summa virtutum laude exoratus a maximis Principibus de eorum componendis controversiis, et de Ecclesiasticis rebus constituendis, sæpius in Italiam venit. Innocentium item secundum Pontificem Maximum in confutando schismate Petri Leonis, cum apud Imperatorem, et Henricum Angliæ regem, tum in Concilio Pisis coacto, egregie adjuvit. Denique trices et sexaginta annos natus obdormivit in Domino, ac miraculis illustris, ab Alexandro Tertio Papa inter Sanctos relatus est. Pius vero Octavus Pontifex Maximus ex Sacrorum Rituum Congregationis consilio sanctum Bernardum universalis Ecclesiæ doctorem declaravit et confirmavit, nec non Missam et Officium de Doctoribus ab omnibus recitari jussit, atque indulgentias plenarias quotannis in perpetuum Ordinis Cisterciensium Ecclesiæ visitantibus die hujus sancti festo concessit.

*In III. Noct. Homilia Ostendit Dominus pro Doctoribus I. loco, p. 49.*

*In Laud. sit comm. Octava.*

*Vesperæ a Capit. de seq.*

## Die 21. S. Joannæ Franc.

## Lectio v.

PREMIOT DE CHANTAL, VIDUÆ.

Duplex.

Oratio.

**O**MNIPOTENS et misericors Deus, qui beatam Joannam Franciscam tuo amore succensam admirabili spiritus fortitudine per omnes vitæ semitas in via perfectionis donasti, quique per illam illustrare Ecclesiam tuam nova prole voluisti, ejus meritis et precibus concede, ut qui infirmitatis nostræ conscii de tua virtute confidimus, cœlestis gratiæ auxilio cuncta nobis adversantia vincamus. Per Dominum.

Et fit comm. præced. et Octav.

Lect. I. Noct. de script. occur.

## IN II. NOCTURNO.

## Lectio iv.

**J**OANNA Francisca Premiot de Chantal, Divione in Burgundia clarissimis orta natalibus ab ineunte ætate eximie sanctitatis non obscuras edidit significationes. Eam enim vix quinquennem nobilem quemdam Calvinistam solida supra ætatem argumentatione perstrinxisse ferunt, collatumque ab eo munusculum flammis illico tradidisse in hæc verba: En quomodo hæretici apud inferos comburentur, qui loquenti Christo fidem detrectant. Matre orbata, Deiparæ Virginis tutelæ se commendavit, et famulam quæ ad mundi amorem eam alliciebat, ab se rejecit. Nihil puerile in moribus exprimens a sæculi deliciis abhorrens, martyriumque anhelans, religioni ac pietati impense studebat. Baroni de Chantal nuptui a patre tradita, virtutibus omnibus excolendis operam dedit, liberos, famulos, aliosque sibi subjectos in fidei doctrina, bonisque moribus imbueri satagens. Profusa liberalitate pauperum inopiam sublevabat, annona divinitus non raro multiplicata: quo factum est, ut nemini se unquam Christi nomine roganti stipem abnegaturam sponderit.

**V**IRO in venatione interempto, perfectioris vitæ consilium iniens, continentiae voto se obstrinxit. Viri necem non solum æquo animo tulit, sed, in publicum indultæ veniæ testimonium, occisoris filium e sacro fonte suscipere sui victrix elegit. Modica familia, tenui victu atque vestitu contenta, pretiosas vestes in pios usus convertit. Quidquid a domesticis curis supererat temporis, precibus, piis lectionibus, laborique impendebat. Numquam adduci potuit, ut alteras nuptias, quamvis utiles et honorificas, iniret. Ne autem a proposito castimoniam observandæ in posterum dimoveretur, illius voto innovato, sanctissimum Jesu Christi nomen candenti ferro pectori iosculpsit. Ardentius in dies charitate fervescens, pauperes, derelictos, ægros, teterrimisque morbis infectos ad se adducendos curabat; eosque non hospitio tantum excipiebat, solabatur, fovebat, verum etiam sordidas eorumdem vestes depurgabat, laceras reficiebat, et manantibus foetido putulceribus labia admoveere non exhorrebat.

## Lectio vj.

**A**SANCTO Francisco Salesio, quo spiritus moderatore usa fuit, divinam voluntatem edocta, proprium parentem, socrum, filium, denique ipsum, quem etiam vocationi obstantem, sua e domo egrediens, pedibus calcare non dubitavit, invicta constantia deseruit, et sacri Instituti Visitationis sanctæ Mariæ fundamenta jecit. Ejus Instituti leges integerrime custodivit, et adeo paupertatis fuit amans, ut vel necessaria sibi deesse gauderet. Christianæ vero animi demissionis, et obedientiæ, virtutum denique omnium perfectissimum exemplar se præbuit. Altiores in corde suo ascensiones disponens, arduissimo efficiendi semper id, quod perfectius esse intelligeret, voto se obstrinxit. Denique, sacro Visitation-



nis Instituto ejus potissimum opera longe lateque diffuso, verbo exemplo et scriptis etiam divina sapientia refertis, ad pietatem et charitatem sororibus excitatis, meritis referta, et Sacramentis rite susceptis, Molinis anno millesimo, sexcentesimo quadragesimo primo, die decima tertia Decembris migravit ad Dominum, ejusque animam, occurrente sancto Francisco Salesio, in coelos deferri sanctus Vincentius a Paulo procul distans aspexit. Ejus corpus postea Annecium translatum fuit: eamque miraculis ante et post obitum claram Benedictus Decimus quartus Beatorum, Clemens vero Decimus tertius Pontifex Maximus albo Sanctorum adjecit.

*In III. Noct. Homilia Cælorum regnum fratres. de Com. p. 74.*

*In Laud. fit comm. Oct.*

*Vesp. de die Oct. Assumpt.*

### **Die 22. Octava**

*Assumptionis B. Mariæ Virginis.*

*Duplex.*

*In I. Vesp. fit comm. præ. et SS. Timothei, Hippolyti, et Symphoriani Martyrum.*

*Oratio.*

**A**UXILIUM tuum, nobis Domine, quæsumus, placatus impende, et intercedentibus beatis Martyribus tuis Timotheo, Hippolyto, et Symphoriano, dexteram super nos tuæ propitiationis extende. Per Dominum.

### **IN I. NOCTURNO.**

*De Canticis canticorum.*

*Lectio j.*

*Cap. 8.*

**Q**UÆ est ista quæ ascendit de deserto, deliciis affluens, innoxia super dilectum suum? Sub arbore malo suscitavi te: ibi corrupta est mater tua, ibi violata est genitrix tua. Pone me ut signaculum super cor tuum, ut signaculum super brachium tuum: quia fortis est ut mors dilectio, dura sicut infernus æmulatio: lampades ejus, lampades ignis atque flammæ.

*Lectio ij.*

**A**QUÆ multæ non potuerunt extinguere charitatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam. Soror nostra parva, et ubera non habet: quid faciemus sorori nostræ in die quando alloquenda est? Si murus est, ædificemus super eum propugnacula argentea: si ostium est, compingamus illud tabulis cedrinis.

*Lectio iij.*

**E**GO murus, et ubera mea sicut turris, ex quo facta sum coram eo quasi pacem reperiens. Vineæ fuit pacifico in ea quæ habet populos: tradidit eam custodibus, vir affert pro fructu ejus mille argenteos. Vineæ mea coram me est. Mille tui pacifici, et ducenti his, qui custodiunt fructus ejus. Quæ habitas in hortis, amici auscultant: fac me audire vocem tuam. Fuge, dilecte mi, et assimilare capræ hinnuloque cervorum super montes aromatum.

### **IN II. NOCTURNO.**

*De Sermone S. Bernardi Abbatis.*

*Serm. 4. de Assumpt. B. M. V.*

*Lectio iv.*

**N**ON est equidem quod me magis delectet, sed nec est quod terreat magis, quam de gloria virginis Mariæ habere sermonem. Ecce enim si in ea laudavero virginitatem, mihi multæ virgines post eam videntur offerri. Si humilitatem prædicavero, invenientur forte vel pauci, qui ( docente Filio ejus ) mites facti sunt et humiles corde. Si magnificare voluero misericordiæ ejus multitudinem, sunt aliqui misericordiæ viri, etiam et mulieres. Unum est in quo nec primam similem visa est, nec habere sequentem, gaudia matris habens cum virginitatis honore. Mariæ privilegium est, non dabitur alteri; singulare est, sed continuo etiam indicibile invenitur.

*Lectio v.*

**V**ERUMTAMEN non hoc tantum, si diligenter attendas, sed cæte-

ras quoque virtutes singulares prorsus invenies in Maria, quæ videbantur esse communes. Quæ enim vel Angelica puritas virginitati illi audeat comparari, quæ digna fuit Spiritus sancti sacrarium fieri, et habitaculum Filii Dei? Quanta vero, et quam pretiosa humilitatis virtus cum tanta puritate, cum innocentia tanta, cum conscientia prorsus absque delicto, imo cum tantæ gratiæ plenitudine? Unde tibi humilitas, et tanta humilitas, o beata? Digna plane quam respiceret Dominus, ejus decorem concupisceret Rex, ejus odore suavissimo ab æterno illo Paterni sinus attraheretur accubitu.

*Lectio vj.*

**E**CCE jam quibus potuimus votis ascendente te ad Filiam deduximus, et persecuti sumus saltem a longe, Virgo benedicta. Sit pietatis tuæ ipsam, quam apud Deum gratiam invenisti, notam facere mundo, reis veniam, medelam ægris, pusillis corde robur, afflictis consolationem, periclitantibus adjutorium, et liberationem sanctis tuis precibus obtinendo. In hac quoque die solemnitatis et lætitiæ dulcissimum Mariæ nomen cum laude invocantibus servulis, per te, Regina clemens, gratiæ suæ munera largiatur Jesus Christus Filius tuus Dominus noster, qui est super omnia Deus benedictus in sæcula. Amen.

IN III. NOCTURNO.

Lectio Sancti Evangelii secundum Lucam.

*Lectio vij. Cap. ro.*

**I**N illo tempore: Intravit Jesus in quoddam castellum, et mulier quædam Martha nomine, excepit illum in domum suam. Et reliqua.

Homilia S. Bernardi Abbatis.

*Serm. 1. de Assumpt. B. M. V.*

**Q**UID introisse eum dicimus in castellum? Etiam in angustissimum virginalis uteri diversorium introivit. Denique et mulier quædam

excepit illum in domum suam. Felix mulier, ejus domus, Salvatore suscepto, inventa est munda quidem, sed plane non vacua. Quis enim vacuum dixerit, quam salutat Angelus gratia plenam? Neque hoc solum, sed adhuc quoque in eam superventurum asserit Spiritum sanctum. Ad quid putas, nisi ut etiam superimpleat eam? Ad quid, nisi ut adveniente jam Spiritu plena sibi, eodem superveniente, nobis quoque superplena et superrefluens fiat?

*Lectio viij.*

**I**N TRET ergo domum Salvator, et frequenter visitet eam, quam pœnitens Lazarus mundat, ornat Martha, et Maria replet internæ dedita contemplationi. Sed forte curiosus quisquam requirat, cur in præsentī Evangelica lectione nulla prorsus Lazari mentio fiat. Arbitror sane, ne id quidem a proposita similitudine dissidere. Virginalē etenim domum intelligi volens Spiritus, siluit non incongrue pœnitentiam, quæ malum utique comitatur. Absit enim, ut proprii quidquam inquinamenti domus hæc aliquando habuisse dicatur, ut in ea proinde scopa Lazari quæreretur.

Pro SS. Martyribus.

*Lectio ix.*

**T**IMOTHEUS Antiochenus, Romanam veniens, Melchiade Summo Pontifice, cum per annum ibi Christi fidem prædicasset, a Tarquinio Urbis præfecto conjicitur in vincula, et post diuturnas carceris ærumnas ad idola perducitur, ut eis sacrificet. Quam impietatem summa libertate detestatus, acerbissime cœditur, et excarnificatum corpus viva calce perfunditur. In quibus aliisque suppliciis constans martyr capite plectitur. Corpus via Ostiensi prope sepulchrum beati Pauli Apostoli sepelitur. Quo die etiam, Alexandro Imperatore, apud Ostia Tiberina, Hippolytus Episcopus Portuensis, ob præclaram fidei confessionem manibus pedibusque

ligatis. in altam foveam aquis plenam præcipitatus, martyrio coronatus est, et ibidem a Christianis sepultus. Quo item die, Aureliano Imperatore, propter eandem fidem Augustoduni Symphorianus adolescens varie tortus est. Qui dum ad ultimum supplicium duceretur, matrem ita clamantem audiens: Nate, nate, memento æternæ vitæ, cælum suspice, et ibi regnantem intueri: tibi enim vita non eripitur, sed mutatur in melius; fortiter Jesu Christi causa carnifici collum præbuit.

*Et sit comm. SS. Timothei et soc. Mart. in Laudibus.*

*In II. Vesp. comm. sequentis.*

**Die 23. S. Phil. Benitii.**

Confessoris. Duplex.

*Oratio.*

**DEUS**, qui per beatum Philippum Confessorem tuum, eximium nobis humilitatis exemplum tribuisti, da famulis tuis prospera mundi ex ejus imitatione despicere, et cælestia semper inquirere. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**PHILIPPUS** ex nobili Benitiorum familia Florentiæ natus, futuræ sanctitatis jam inde ab incunabulis indicium præbuit. Vix enim quintum ætatis mensem ingressus, linguam in voces mirifice solvit, hortatusque fuit matrem, ut deiparæ Servis eleemosynam impertiret. Adolescens, dum Parisiis litterarum studia cum pietatis ardore conjungeret, plurimos ad cælestis patriæ desiderium inflammavit. Reversus in patriam, et singulari visione a beatissima Virgine in Servorum suorum familiam nuper institutam vocatus, in Senarii montis autrum concessit, ubi asperam quidem jugi corporis castigatione, sed Christi Domini cruciatuum meditatione suavem vitam duxit: indeque per universam pene Europam,

magnamque Asiæ partem, quam Evangelicis prædicationibus obivit. sodalitia Septem Dolorum Dei Matris instituit, suumque Ordinem miro virtutum exemplo propagavit.

*Lectio v.*

**DIVINÆ** charitatis, et Catholicæ fidei dilatandæ ardore vehementer accensus, sui Ordinis Generalis reluctans atque invitus renuntiatus, fratres ad prædicandum Christi Evangelium in Scythiam misit: ipse vero plurimas Italiæ urbes concursans, gliscentes in eis civium discordias composuit, multasque ad Romani Pontificis obedientiam revocavit, nihilque de studio alienæ salutis omittens, perditissimos homines e vitiorum cæno ad pœnitentiam, ac Jesu Christi amorem perduxit. Orationi summo opere addictus, sæpe in extasim rapi visus est. Virginitatem vero adeo coluit, ut ad extremum usque spiritum voluntariis ac durissimis suppliciis illibatam custodierit.

*Lectio vj.*

**EFFLORUIT** in eo jugiter singularis erga pauperes misericordia, sed præcipue cum apud Camilianum agri Senensis vicum leproso nudo eleemosynam petenti propriam, qua indutus erat, vestem fuit elargitus, qua ille contectus, statim a lepra mundatus est. Cujus miraculi cum longe lateque fama manasset, nonnulli ex Cardinalibus, qui Viterbium, Clemente Quarto vita functo, pro successore deligendo convenerant, in Philippum, cujus etiam cælestem prudentiam perspectam habebant, intendunt. Quo comperto, vir Dei, ne forte Pastoralis regiminis onus subire cogeretur, apud Tuniatum Montem tamdiu delituit, donec Gregorius Decimus Pontifex Maximus fuerit renuntiatus: ubi Balneis, quæ etiam hodie sancti Philippi vocantur, virtutem sanandi morbos suis precibus impetravit. Denique Tuderti, anno millesimo ducentesimo octogesimo quinto, in Christi Domini e cruce pendentis ample-



ru, quem suum appellabat librum, sanctissime ex hac vita migravit. Ad ejus tumultum cæci visum, claudi gressum, mortui vitam receperunt. Quibus aliisque plurimis fulgentem signis Clemens Decimus Pontifex Maximus Sanctorum numero adscripsit.

*In III. Noct. Homilia Pusillum gregem, de Com. 2. loco, p. 69.*

*Lectio ix. pro Vigilia S. Bartholomæi, ubi illius Festum die seq. celebratur, Cum cuncta sacra, ut in Vigil. Apost. p. 1.*

*Et tunc in Laud. fit comm. Vigilia. Ant. et ſ. de Feria occ.*

*Oratio.*

**D**A, quæsumus, omnipotens Deus, ut beati Bartholomæi Apostoli tui, quam prævenimus, veneranda solemnitas et devotionem nobis augeat et salutem. Per Dominum.

*Vesperæ de sequenti.*

### **DIE 24. In Vigilia**

**SANCTI BARTHOLOMÆI Apost.**

*Ubi Festum hujus S. Apostoli die 23. celebratur, in ejus Vigilia legitur homilia Cum cuncta sacra, ut in Vigil. Apost., p. 1. cum kâ. de Feria occ.*

*In Laud. Preces feriales flexis genibus. Oratio ut supr.*

*Vesperæ de S. Bartholomæo.*

### **DIE 24. vel 25. S. Barthol.**

**Apost. Duplex 2. Classis.**

*Oratio.*

**O**MNIPOTENS sempiterne Deus, qui hujus diei venerandam sanctamque lætitiâ in beati Apostoli tui Bartholomæi festivitate tribuisti, da Ecclesiæ tuæ, quæsumus, et amare quod credidit, et prædicare quod docuit. Per Dominum.

*Ubi hoc Festum die 24. agitur, fit comm. S. Philippi Beniti.*

*Lect. I. Noct. Sic nos existimet.*

### **IN II. NOCTURNO**

*Lectio iv.*

**B**ARTHOLOMÆUS Apostolus, Galilæus, cum in Indiam cite-

riorem, quæ ei in orbis terrarum sortitione ad prædicandum Jesu Christi Evangelium obvenerat, progressus esset, adventum Domini Jesu juxta sancti Matthæi Evangelium illis gentibus prædicavit. Sed cum in ea provincia plurimos ad Jesum Christum convertisset, multos labores calamitatesque perpessus, venit in majorem Armeniam.

*Lectio v.*

**I**BI Polymium regem, et conjugem ejus, ac præterea duodecim civitates ad Christianam fidem perduxit. Quæ res in eum magnam invidiam concitavit illius gentis sacerdotum. Nam usque adeo Astyagem Polymii regis fratrem in Apostolum incendebant, ut is vivo Bartholomæo pellem crudeliter detrabi jusserit, ac caput abscindi: quo in martyrio animam Deo reddidit.

*Lectio vj.*

**E**JUS corpus Albani, quæ est urbs majoris Armeniæ, ubi is passus fuerat, sepultum est: quod postea ad Liparam insulam delatum, inde Beneventum translatum est: postremo Romam ab Othone Tertio Imperatore portatum, in Tiberis insula, in Ecclesia ejus nomine Deo dicata, collocatum fuit. Agitur autem Romæ dies festus octavo Kalendas Septembris, et per octo consequentes dies illa Basilica magna populi frequentia celebratur.

### **IN III. NOCTURNO.**

**Lectio sancti Evangelii secundum Lucam.**

*Lectio vij.*

**Cap. 6.**

**I**N illo tempore: Exiit Jesus in montem orare, et erat pernoctans in oratione Dei. Et cum dies factus esset, vocavit discipulos suos. Et reliqua.

**Homilia S. Ambrosii Episcopi.**

*Lib. 5. Comm. in Luc. Cap. 6.*

**O**MNES magni, omnes sublimes montem ascendunt. Non enim

cuicumque Propheta dicit: Ascende in montem excelsum, qui evangelizas Sion: exalta in virtute vocem tuam, qui evangelizas Jerusalem. Non vestigiis corporalibus, sed factis sublimioribus in hunc montem ascende, et sequere Christum, ut ipse esse mons possis. Montes enim in circuitu ejus. Quare in Evangelio invenies solos cum Domino montem ascendisse discipulos. Orat ergo Dominus, non ut pro se obsecret, sed ut pro me impetret. Nam etsi omnia posuerit Pater in potestate Filii: Filius tamen ut hominis formam impleret, obsecrandum Patrem putat esse pro nobis, quia advocatus est noster.

*Lectio viij.*

**ET** erat, inquit, pernoctans in oratione Dei. Species tibi, Christiane, datur, forma præscribitur, quam debeas æmulari. Quid enim te pro salute tua facere oportet, quando pro te Christus in oratione pernoctat? Quid te facere convenit, cum vis aliquod pietatis officium adoriri, quando Christus missurus Apostolos, oravit prius, et solus oravit? Nec usquam alibi, si non fallor, orasse cum Apostolis reperitur; ubique solus obsecrat. Dei enim consilium humana vota non capiunt, nec quisquam interiorum potest esse particeps Christi.

*Lectio ix.*

**VOC**AVIT, inquit, discipulos suos, et elegit duodecim ex ipsis, quos ad propagandum auxilium salutis humanæ per terrarum orbem satores fidei destinaret. Simul adverte cæleste consilium; non sapientes aliquos, non divites, non nobiles, sed piscatores et publicanos, quos dirigeret elegit: ne traduxisse prudentia, ne redemisse divitiis, ne potentiae nobilitatisque auctoritate traxisse aliquos ad suam gratiam videretur; ut veritatis ratio, non disputationis gratia prævaleret.

*In II. Vesp. comm. sequentis.*

**Die 25. vel 26. S. Ludov.**

Regis Franciæ, Conf. *Semiduplex.*

*In Gallia vero Duplex.*

*Oratio.*

**D**EUS, qui beatum Ludovicum Confessorem tuum de terreno regno ad cælestis regni gloriam transtulisti, ejus, quæsumus, meritis et intercessionem, Regis regum Jesu Christi Filii tui facias nos esse consortes: Qui tecum.

*Ubi vero Festum S. Bartholomæi celebratur die 25, de S. Ludovico fit die 26, et tunc in II. Vesp. S. Bartholomæi post comm. S. Ludovici fit etiam comm. S. Zephyrini, ut infra, et ad Matut. in hymno m. 1. v. Lectio ix. de S. Zephyrino, et comm. de eo in Laud.*

*Lect. I. Noct. de Sript. occ.*

**IN II. NOCTURNO**

*Lectio iv.*

**L**UDOVICUS Nonus, Galliæ rex, duodecim annos natus, patre amisso, et in Blanchæ matris sanctissima disciplina educatus, cum jam vigesimum annum in regno ageret, in morbum incidit: quo tempore cogitavit de recuperanda possessione Jerusalemorum. Quamobrem ubi convalescisset, vexillum ab Episcopo Parisiensi accepit; deinde mare cum ingenti exercitu trajiciens, primo prælio Saracenos fugavit. Sed cum ex pestilentia magna militum multitudo periisset, victus ipse, captusque est.

*Lectio v.*

**R**EBUS postea cum Saracenis compositis, liber rex exercitusque dimittitur. Quinque annis in Oriente commoratus, plurimos Christianos a Barbarorum servitute redemit, multos etiam infideles ad Christi fidem convertit; præterea aliquot Christianorum urbes refecit suis sumptibus. Interim mater ejus migrat e vita: quare domum redire cogitur, ubi totum se dedit pietatis officiis.

*Lectio vj.*

**M**ULTA ædificavit monasteria, et pauperum hospitia; beneficentia egentes sublevabat: frequens vi-sebat ægrotos, quibus ipse non solum suis sumptibus omnia suppeditabat, sed etiam, quæ opus erant, manibus ministrabat. Vestitu vulgari utebatur, cilicio ac jejunio corpus assidue affligebat. Sed cum iterum transmisisset, bellum Saracenis illaturus, jamque castra in eorum conspectu posuisset, pestilentia decessit in illa oratione: Introibo in domum tuam, adorabo ad templum sanctum tuum, et confitebor nomini tuo. Ejus corpus postea Lutetiam Parisiorum translata est, quod in celebri sancti Dionysii templo asservatur, et colitur; caput vero in sacra Æde sanctæ Capellæ. Ipse clarus miraculis a Bonifacio Papa Octavo in Sanctorum numerum est relatus.

## IN III. NOCTURNO.

Lectio sancti Evangelii secundum Lucam.

*Lectio vij.*

## Cap. 19.

**I**N illo tempore: dixit Jesus discipulis suis parabolam hanc: Homo quidam nobilis abiit in regionem longinquam accipere sibi regnum, et reverti. Et reliqua.

Homilia S. Ambrosii Episcopi.  
Lib. 8. in Luc.

**B**ONUS ordo, ut vocaturus Gentes, et Judæos jussurus interfici, qui noluerunt regnare supra se Christum, hanc præmitteret comparisonem, ne diceretur: Nihil dederat populo Judæorum, unde poterat melior fieri; ut quid ab eo, qui nihil recepit, exigitur? Non mediocris ista est mna, quam supra mulier Evangelica, quia non invenit, lucernam accendit, lumine quærit admoto, gratulatur inventam.

*Lectio viij.*

**D**ENIQUE ex una decem mnas alius fecit, alius quinque. Fortasse iste moralia habet, quia quin-

que sunt corporis sensus: ille duplicia, id est, mystica legis, et moralia probitatis. Unde et Matthæus quinque talenta, et duo talenta posuit. In quinque talentis ut sint moralia, in duobus utrumque, mysticum atque morale. Ita quod numero inferius, re uberius.

*Lectio ix.*

**E**T hic possumus decem mnas, decem verba intelligere, id est, legis doctrinam; quinque autem mnas, magisteria disciplinæ. Sed legis peritum in omnibus volo esse perfectum. Non enim in sermone, sed in virtute est regnum Dei. Bene autem, quia de Judæis dicit, duo soli multiplicatam pecuniam deferunt, non utique æris, sed dispensationis usuris. Alia est enim pecuniæ scænebris, alia doctrinæ cœlestis usura.

In II. Vesp. sit comm. sequentis.

**DIE 26. S. Zephyrini,**

Papæ et Martyris.

*Oratio.*

**P**RÆSTA, quæsumus, omnipotens Deus, ut beati Zephyrini Martyris tui atque Pontificis, cujus gaudemus meritis, instruamur exemplis. Per Dominum.

*Lectio iij.*

**Z**EPHYRINUS Romanus, Severo Imperatore, ad regendam Ecclesiam assumptus, sancivit, ut qui ordinandi essent, opportuno tempore et multis præsentibus clericis et laicis, de more sacris initiarentur: doctique ac spectatæ vitæ homines ad id officii munus deligerentur. Decrevit præterea, ut rem divinam facienti Episcopo sacerdotes omnes astarent. Idem instituit, ut Patriarcha, Primas, Metropolitanus adversus Episcopum non ferant sententiam, nisi Apostolica auctoritate fulti. Vixit in Pontificatu annos decem et octo, dies decem et octo. Habuit Ordinationes quatuor mense Decembri, quibus creavit Presbyteros tredecim, Diaconos septem, Episcopos per diversa lo-



ea tredecim. Antonino Imperatore, martyrio coronatus est, et sepultus via Appia prope cœmeterium Callisti septimo Kalendas Septembris.

*Vesperæ de sequenti.*

**DIE 27. S. Josephi Calas.**

*Conf. Duplex. ( m. l. v. )*

*Oratio.*

**DEUS**, qui per sanctum Josephum Confessorem tuum, ad erudiendam spiritu intelligentiæ ac pietatis juventutem, novum Ecclesiæ tuæ subsidium providere dignatus es, præsta, quæsumus, nos ejus exemplo et intercessione ita facere et docere, ut præmia consequamur æterna. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**JOSEPHUS** Calas sanctius a Matre Dei, Petraltæ in Aragonia nobili genere natus, a teneris annis futuræ in pueros charitatis, et eorum institutionis indicia præbuit. Nam adhuc parvulus eos ad se convocatos in mysteriis fidei et sacris precibus erudiebat. Humanis divinisque litteris egregie doctus, cum studiis Theologicis Valentini operam daret, nobilis potentisque feminæ illecebris fortiter superatis, virginitatem, quam Deo voverat, inoffensam insigni victoria servavit. Sacerdos ex voto factus, a compluribus Episcopis in Castellæ Novæ, Aragoniæ, et Catalauniæ regnis in partem laboris adscitus, expectationem omnium vicit; pravis ubique moribus emendatis, Ecclesiastica disciplina restituta, inimicitiis cruentisque factionibus mirifice extinctis. At cœlesti visione, et Dei voce frequenter admonitus, Romam profectus est.

*Lectio v.*

**IN** Urbe summa vitæ asperitate, vigiliis, et jejuniis corpus affligens, in orationibus et cœlestium rerum contemplatione dies noctesque versabatur, septem ejusdem Urbis Eccle-

sias singulis fere noctibus obire solitus: quem inde morem complures annos servavit. Dato piis sodalitatibus nomine, mirum quanto ardore pauperes, infirmos potissimum, aut carceribus detentos eleemosynis, omnique pietatis officio sublevaret. Iue Urbem depopulante una cum sancto Camillo, tanto fuit actus impetu charitatis, ut præter subsidia ægrotis pauperibus large collata, ipsa etiam defunctorum cadavera suis humeris tumulanda transferret. Verum cum divinitus accepisset, se ad informandos intelligentiæ ac pietatis spiritu adolescentulos, præcipue pauperes, destinari, Ordinem Clericorum Regularium pauperum Matris Dei scholarum piarum fundavit, qui peculiarem curam circa puerorum eruditionem ex proprio instituto profiterentur: ipsumque Ordinem Clementi Octavo, Paulo Quinto aliisque Summis Pontificibus magnopere probatum, brevi tempore per plurimas Europæ provincias et regna mirabiliter propagavit. In hoc autem tot labores perpessus est, ac tot ærumnas invicto animo toleravit, ut omnium voce miraculum fortitudinis, et sancti Jobi exemplum diceretur.

*Lectio vj*

**QUAMVIS** Ordini universo præseset, totisque viribus ad animarum salutem incumberet, nunquam tamen intermisit pueros, præsertim pauperiores, erudire, quorum scholas verrere, eosque domum comitari consuevit. In eo summæ patientiæ et humilitatis munere, valetudine etiam infirma, duos et quinquaginta annos perseveravit: dignus propterea, quem crebris Deus miraculis coram discipulis illustraret, et cui beatissima Virgo cum puero Jesu illis orantibus benedicente, appareret. Amplissimis interim dignitatibus repudiatis, prophetia, abdita cordium et absentia cognoscendi donis, et miraculis clarus, Deiparæ Virginis, quam singulari pietate et ipse ab infantia coluit, et suis maxime commendavit,

aliorumque Cœlitum frequenti apparitione dignatus, cum obitus sui diem, et Ordinis tunc prope eversi restitutionem atque incrementum prænuntiasset, secundum et nonagesimum annum agens, Romæ obdormivit in Domino, octavo Kalendas Septembris, anno millesimo sexcentesimo quadragesimo octavo. Ejus cor et lingua post saculum integra et incorrupta reperta sunt. Ipse vero multis post obitum quoque signis a Deo illustratus, primum a Benedicto Decimo quarto Beatorum cultu decoratus fuit, ac deinde a Clemente Decimotertio inter Sanctos solemniter est relatus.

IN III. NOCTURNO.

Lectio sancti Evangelii secundum Matthæum.

Lectio vij. Cap. 18.

**I**N illo tempore: Accesserunt discipuli ad Jesum dicentes: Quis, putas major est in regno cœlorum? Et reliqua.

Homilia S. Joannis Chrysostomi.

Homil. 60 in cap. 18. Matth.

**V**IDETE ne aliquem istorum contempseritis parvulorum, quia eorum Angeli Patris mei faciem semper aspiciunt, et quia ego propter eos veni, et hæc Patris mei voluntas est. Ad tuendos conservandosque pusillos diligentiores nos reddit. Perspicias quem ingentia in tutelam tenuium mœnia erexerit, et quantum studium, curamque habeat, ne perdantur, tum quia supreams decipientibus eos pœnas statuit, tum quia summam pollicetur mercedem his, qui curam eorum suscipiunt, idque tam suo, quam Patris exemplo corroborat.

Lectio vij.

**D**OMINUM igitur etiam nos imitemur, et nihil pro fratribus omitteremus, etiam eorum quæ humilia vilique nimium videntur: sed si administratione nostra etiam opus fuerit, quamvis tenuis atque abjectus quidem, cui administrandum sit, fuerit, quamvis ardua vobis res, atque laboris

plena esse videatur, omnia hæc pro fratris salute tolerabilia faciliorque, oro, videantur: tanto enim studio, tantaque cura Deus dignam esse animam ostendit, ut neque Filio suo percerit.

Lectio ix.

**S**I non est nobis satis ad salutem, quod virtuose ipsi vivamus, sed oportet aliorum salutem reipsa desiderare; cum neque nos recte vivamus, neque alios hortemur, quid respondebimus? Quæ nobis spes salutis reliqua erit? Quid majus, quam animis moderari, quam adolescentulorum fingere mores? Omni certe pictore, omni certe statuaria, cæterisque hujusmodi omnibus excellentiorem hunc duco, qui juvenum animos fingere non ignoret.

Vesp. a cap. de sequenti.

Die 28. S. Augustini

Episc. Conf. et Eccl. Doct. Duplex.

In utrisq. Vesp. Ant. O Doctor. p. 39.

Oratio.

**A**DESTO supplicationibus nostris, omnipotens Deus, et quibus fiduciam sperandæ pietatis indulges, intercedente beato Augustino Confessore tuo atque Pontifice, consuetæ misericordiæ tribue benignus effectum. Per Dominum.

Et sit comm. præced. et S. Hermetis, Mart.

Oratio.

**D**EUS qui beatum Hermetem Martyrem tuum, virtute constantiæ in passione roborasti, ex ejus nobis imitatione tribue pro amore tuo prospera mundi despiciere, et nulla ejus adversa formidare. Per Dominum.

Lect. I. Noct. Sapientiam, p. 48.

IN II. NOCTURNO.

Lectio iv.

**A**UGUSTINUS. Tagaste in Africa honestis parentibus natus, ac puer docilitate ingenii æquales longe superans, brevi omnibus doctrina an-

tecelluit. Adolescens, dum esset Carthagine, in Manichæorum hæresim incidit. Postea Romam profectus, inde Mediolanum missus ut Rhetoricam doceret, cum ibi frequens Ambrosii Episcopi esset auditor, ejus opera incensus studio Catholicæ fidei, annos natus triginta tres ab ipso baptizatur. Reversus in Africam, cum religione, vitæ sanctimoniam coniungens, a Valerio notæ sanctitatis Episcopo Hipponensi presbyter factus est. Quo tempore familiam instituit Religiosorum, quibuscum victu communi, eodemque cultu utens, eos ad Apostolicæ vitæ, doctrinæque disciplinam diligentissime erudiebat. Sed cum vigeret Manichæorum hæresis, vehementius in illam invehi cœpit, Fortunatumque hæresiarcham confutavit.

*Lectio v.*

**H**AC Augustini pietate commotus Valerius, eum adiutorem adhibuit Episcopalis officii. Nihil illo fuit humilior, nihil continentius. Lectus ac vestitus moderatus, vulgaris mensa, quam semper sacra vel lectione vel disputatione condiebat. Tanta benignitate fuit in pauperes, ut cum non esset alia facultas, sacra vasa frangeret ad eorum inopiam sustentandam. Feminarum, et in eis sororis, et fratris filiæ, contubernium familiaritatemque vitavit: quippe qui diceret, etsi propinquæ mulieres suspectæ non essent, tamen quæ ad eas ventitarent, posse suspicionem efficere. Nullum finem fecit prædicandi Dei verbum, nisi gravi morbo oppressus. Hæreticos perpetuo insectatus et coram, et scriptis, ac nullo loco passus consistere. Africam a Manichæorum, Donatistarum, Pelagianorum, aliorumque præterea hæreticorum errore magna ex parte liberavit.

*Lectio vj.*

**T**AM multa pie, subtiliter, et copiose scripsit, ut Christianam doctrinam maxime illustrarit. Quem in primis secuti sunt, qui postea Theologicam disciplinam via et ratione tradiderunt.

Wandalis Africam bello vastantibus, et Hipponem tertium jam mensem obsidentibus, in febrim incidit. Itaque cum discessum e vita sibi instare intelligeret, psalmos David, qui ad pœnitentiam pertinent, in conspectu positos profusis lacrymis legebat. Solebat autem dicere, neminem, etsi nullius sceleris sibi conscius esset, committere debere, ut sine pœnitentia migraret e vita. Ergo sensibus integris, in oratione defixus, astantibus fratribus quos ad charitatem, pietatem, virtutesque omnes erat adhortatus, migravit in cœlum. Vixit annos septuaginta sex, in Episcopatu ad triginta sex. Cujus corpus primum in Sardiniam delatum, deinde a Luitprando Longobardorum rege magno pretio redemptum, Ticinum translatum est, ibique honorifice conditum.

*In III. Noct. Homilia Ostendit Dominus, pro Doct. 1. loco, p. 49°.*

*In Laud. fit comm. S. Hermetis. Vesperæ de sequenti.*

**DIE 29. in decollatione**

S. JOANNIS BAPTISTÆ.

*Duplex Majus.*

**In I. Vesperts.**

*Ant. de Laud. Psalmi de Dom. loco ult. Laudate Dominum omnes gentes.*

*Capit. Hymnus, et alia hic non propria de Com. unius Mart.*

*Ad Magnif. Ant. Misso Herodes spiculatore, præcepit amputari caput Joannis in carcere. Quo audito, discipuli ejus venerunt, et tulerunt corpus ejus, et posuerunt illud in monumento.*

*Oratio ut infra in Laudibus.*

*Et fit comm. præced. et S. Sabina Mart. tantum. Oratio Deus qui inter cætera, p. 62°.*

*Lect. I. Noct. Incipit Jeremias Propheta, ut in die 24. Junii, p. 750°.*

*q. j. Misit Herodes rex manus, ac tenuit Joannem, et vinxit eum in carcere, quia metuebat eum, propter Herodiadem, \* Quam tulerat fratri suo Philippo uxorem. j. Arguebat*



Herodem Joannes propter Herodiadem. Quam.

*A. ij.* Joannes Baptista arguebat Herodem, \* Propter Herodiadem, quam tulerat fratri suo viventi uxorem. *V.* Misso Herodes spiculatore, præcepit amputari caput Joannis in carcere. Propter.

*A. iij.* Puellæ saltanti imperavit mater: Nihil aliud petas, nisi caput Joannis. \* Et contristatus est rex propter jusjurandum, et propter simul discumbentes. *V.* Ait puella matri suæ: Quid petam? At illa ait. Nihil. Gloria. Et.

IN II. NOCTURNO.

Ex libro sancti Ambrosii Episcopi de Virginibus.

*Lectio iv.*

*Cap. 3.*

**Q**UONIAM beati Joannis Baptistæ non strictim prætereunda est recordatio, interest ut quis, et a quibus, et quam ob causam, quo modo, et quo tempore sit occisus, advertere debeamus. Ab adulteris justus occiditur, et a reis in judicem capitalis sceleris pœna convertitur. Deinde præmium saltatricis, mors est Prophetæ. Postremo (quod etiam omnes barbari horrere consueverunt) inter epulas atque convivia consummandæ crudelitatis profertur edictum: et a convivio ad carcerem, de carcere ad convivium feralis flagitii circumfertur obsequium. Quanta in uno facinore sunt crimina!

*A.* Jurtus germinabit sicut lilium: Et florebit in æternum ante Dominum. *V.* Plantatus in domo Domini, in atriis domus Dei nostri. Et.

*Lectio v.*

**Q**UIS non, cum e convivio ad carcerem cursari videret, putaret Prophetam jussum esse dimitti? Quis, inquam, cum audisset natalem esse Herodis, solemne convivium, puellæ optionem eligendi quod vellet datam, missum ad Joannem ob solutionem non arbitraretur? Quid crudelitati cum deliciis? quid cum funeribus volu-

ptati? Rapitur ad prœnam Propheta convivali tempore, convivali præcepto, quo non cuperet vel absolvi: perimitur gladio, caput ejus offertur in disco. Hoc crudelitati ferculum debebatur, quo insatiata epulis feritas vesceretur.

*A.* Iste cognovit justitiam, et vidit mirabilia magna, et exoravit Altissimum: \* Et inventus est in numero sanctorum. *V.* Iste est, qui contempsit vitam mundi, et pervenit ad cœlestia regna. Et.

*Lectio vj.*

**I**NTUERE, Rex acerbissime, tuo spectacula digna convivio. Porrigo dexteram, ne quid sævitæ tuæ desit, ut inter digitos tuos rivi defluant sacri cruoris. Et quoniam non exsaturari æpulis fames, non restinguere poculis potuit inauditæ sævitæ sitis, bibe sanguinem scaturientibus adhuc venis exsecti capitis profluentem. Cerno oculos in ipsa morte sceleris tui testes, aversantes conspectum deliciarum. Clauduntur lumina non tam mortis necessitate, quam horrore luxuriæ. Os autem illud exangue, cujus sententiam ferre non poteras, conticescit, et adhuc timetur.

*A.* Monestum fecit illum Dominus, et custodivit eum ab inimicis, et a seductoribus tutavit illum: \* Et dedit illi claritatem æternam. *V.* Descenditque cum illo in foveam, et in vinculis non dereliquit eum. Et. Gloria. Et.

IN III. NOCTURNO.

Lectio sancti Evangelii secundum Marcum.

*Lectio vij.*

*Cap. 6.*

**I**N illo tempore: Misit Herodes, Iac tenuit Joannem, et vinxit eum in carcerem propter Herodiadem uxorem Philippi fratris sui, quia duxerat eam. Et reliqua.

Homilia S. Augustini Episcopi.

*Serm. 10. in novis serm.*

**C**UM sanctum Evangelium legetur, crudele spectaculum ante o-

culos nostros constitutum est : caput sancti Joannis in disco , feralis missus crudelitatis propter odium veritatis. Puella saltat , et sævit mater : et inter lascivias et delicias convivantium temere juratur , et impie quod juratur , impletur. Factum est Joanni quod ipse prædixerat. De Domino enim Jesu Christo dixerat : Illum oportet crescere , me autem minui. Iste minutus est in capite , ille crevit in cruce. Odium peperit veritas. Non potuit æquo animo tolerari , quod homo Dei sanctus monebat : qui utique salutem eorum quærebat , quos sic monebat. Responderunt illi mala pro nobis.

¶. Desiderium animæ ejus tribuisti ei , Domine , \* Et voluntate labiorum ejus non fraudasti eum. ¶. Quoniam prævenisti eum in benedictionibus dulcedinis , posuisti in capite ejus coronam de lapide pretioso. Et.

*Lectio viij.*

**Q**UID enim ille diceret , nisi quo plenus erat? Et quid illi responderent , nisi quo pleni erant? Ille triticum seminavit , sed spinas invenit. Dicebat regi. Non licet tibi habere uxorem fratris tui. Vincebat enim regem libido : tenebat apud se prohibitam uxorem fratris sui. Sed eum tamen sic libebat , ut non sæviret. Honora- bat eum , a quo verum audiebat : sed mulier detestabilis odium concipiebat , quod aliquando dato tempore pareret. Quando autem parturiebat , peperit filiam , filiam saltatricem.

¶. Stola jucunditatis induit eum , Dominus , \* Et coronam pulchritudinis posuit super caput ejus. ¶. Cibavit illum Dominus pane vitæ et intellectus , et aqua sapientiæ salutaris potavit illum. Et. Gloria. Et.

*Pro S. Sabina Martyre.*

*Lectio ix.*

**S**ABINA mulier Romana , Valen- tini viri clarissimi uxor , a Sera- phia virgine Christianæ fidei præcep- tis instituta , post sanctæ virginis

martyrium collectas ejus reliquias piis exequiis sepelivit. Quæ propter eam causam paulo post , Adriano Imperatore , comprehensa , Elpidio judici sistitur. Cui is : Tunc illa Sa- bina , et genere et matrimonio nobi- lissima ? At illa : Sum , inquit ; sed Domino meo Jesu Christo gratias ago , qui me intercessionem Seraphiæ famu- læ suæ , e dæmonum potestate libe- ravit. Quam varie tentatam , ut pro- positum mutaret , cum a fidei con- stantia movere non posset Præfectus , pronuntiata sententia quod deos con- temneret , capitis damnavit. Ejus cor- pus a Christianis in eodem sepulchro conditum est , in quo ipsa magistræ fidei suæ Seraphiam posuerat.

### *Ad Laudes*

*et per Horas , Antiphonæ.*

1. Herodes enim tenuit , \* et liga- vit Joannem , et posuit in carcerem propter Herodiadem.

2. Domine mi rex , \* da mihi in disco caput Joannis Baptistæ.

3. Puellæ saltanti \* imperavit ma- ter : Nihil aliud petas nisi caput Joannis.

4. Arguebat Herodem Joannes pro- pter Herodiadem , quam tulerat fra- tri suo Philippo uxorem.

5. Da mihi in disco \* caput Joan- nis Baptistæ : et contristatus est rex propter jusjurandum.

*Ad Bened. Ant.* Misso Herodes spi- culatore præcepit amputari caput Jo- annis in carcere. Quo audito discipu- li ejus venerunt et tulerunt corpus ejus , et posuerunt illud in monu- mento.

*Oratio.*

**S**ANCTI Joannis Baptistæ præcur- soris et Martyris tui , quæsumus , Domine , veneranda festivitas saluta- ris auxilii nobis præstet effectum. Qui vivis.

*Et fit comm. S. Sabina.*

*In II. Vespertis*

*Ant. de Laud. Psalm. de Dom. 86. et loco ult. Credidi , p. 88.*

*Ad Mag. Ant.* Misit Rex incredulus ministros detestabiles, et amputari jussit caput Joannis Baptistæ.

*Et fit comm. seq., etc. ut infra.*

**DIE 30. S. ROSÆ LIMANÆ V.**

*Duplex.*

*Oratio.*

**B**ONORUM omnium largitor omnipotens Deus, qui beatam Rosam cœlestis gratiæ rore præventam, virginitatis et patientiæ decore Indis florescere voluisti, da nobis famulis tuis, ut in odorem suavitatis ejus currentes, Christi bonus odor effici mereamur. Qui tecum vivis.

*Pro SS. Felice et Adaucto Mart.*

*Oratio.*

**M**AIESTATEM tuam, Domine, supplices exoramus, ut sicut nos jugiter Sanctorum tuorum commemoratione lætificas, ita semper supplicatione defendas. Per Dominum.

*Lect. I. Noct. de script. occur.*

IN II. NOCTURNO.

*Lectio iv.*

**P**RIMUS Americæ meridionalis flos sanctitatis virgo Rosa Christianis parentibus Limæ progenita, mox ab incunabilis claruit futuræ sanctimoniam indicium. Nam vultus infantis mirabiliter in rosæ effigiem transfiguratus, huic nomini occasionem dedit: cui postea Virgo Deipara cognomen adiecit, jubens vocari deinceps Rosam a sancta Maria. Quinquennis votum perpetuæ virginitatis emisit. Adultior, ne a parentibus ad nuptias cogeretur, clam sibimet venustissimam capitis cæsariem præscidit. Jejunii supra humanum modum addicta, integras quadragesimas transiegit paucæ abstinens, ac dietim solis quinque granulis mali citrini victians.

*Lectio v.*

**H**ABITU Tertii Ordinis sancti Domini assumpto, pristinas vitæ austeritates duplicavit: oblongo a-

sperrimoque cilicio sparsim minusculas acus innexuit: sub velo coronam densis aculeis introrsus obarmatam interdum noctuque gestavit, Sanctæ Catharinæ Senensis ardua premens vestigia, catena ferrea, triplici nexu circumducta, lumbos cingit. Lectulum sibi e truncis nodosis composuit, horumque vacuas commissuras fragminibus testarum implevit. Cellulam sibi angustissimam struxit in extremo horti angulo, ubi cœlestium contemplationi dedita, crebris disciplinis, inedia, vigiliis corpusculum extenuans, ac spiritu vegetata, larvas dæmonum, frequenti certamine victrix, impavide protrivit, ac superavit.

*Lectio vj.*

**A**EGRITUDINUM tormentis, domesticorum insultibus, linguarum morsibus dire agitata, nondum satis pro merito se affligi querebatur. Per quindecim annos ad plusculas horas desolatione spiritus et ariditate miserrime contabescens, forti animo tulit agones omni morte amariore. Exinde cœpit supernis abundare deliciis, illustrari visionibus, colliquescere Seraphicis ardoribus. Angelo tutelari, sanctæ Catharinæ Senensi, Virgini Deiparæ inter assiduas apparitiones mire familiaris, a Christo has voces audire meruit: Rosa cordis mei, tu mihi sponsa esto. Denique Sponsi hujus Paradiso feliciter invectam, plurimisque ante et post obitum miraculis coruscam, Clemens Decimus Pontifex Maximus sanctarum Virginum catalogo ritu solemni adscripsit.

*In III. Noct. Homilia Sæpe vos fratres, de Com. I. loco.*

*Pro SS. Martyribus.*

*Lectio ix.*

**F**ELIX, Diocletiano et Maximiano Imperatoribus, propter susceptam Christi religionem comprehensus, in Serapidis templum adductus est. Cui sacrificare cum juberetur, os simulacri conspuat. Quo facto, statim æ-



rea statua corruit. Quod cum iterum ac tertio in æde Mercurii Dianæque factum esset, impietatis et magicæ artis accusatus equuleo torquetur. Mox ad secundum ab Urbe lapidem via Ostiensi ducitur, ut securi feriretur. Cui inter viam oblatus quidam Christianus, cum Felicem agnoscens ad martyrium duci videret, Ego quoque, clara voce inquit, eadem, qua iste, lege vivo: ego eundem Jesum Christum colo. Itaque Felicem osculatus cum eo securi percutitur tertio Kalendas Septembris. Cujus nomen cum ignotum esset Christianis, is Adaucti nomine nobilitatus est, quod sancto martyri Felici adauctus sit ad coronam.

*Et fit comm. SS. Mart. in Laud.*

*Vesperæ a Capit. de sequenti.*

**DIE 31.**

**S. Raymundi Nonn. Conf.**

*Duplex. (m. t. v.)*

*Oratio.*

**D**EUS, qui in liberandis fidelibus tuis ab impiorum captivitate, beatum Raymundum Confessorem tuum mirabilem effecisti, ejus nobis intercessionem concede, ut a peccatorum vinculis absoluti, quæ tibi sunt placita liberis mentibus exequamur. Per Dominum.

*Et fit comm. S. Rosæ.*

*Lect. I. Noct. de Script. oce.*

**IN II. NOCTURNO.**

**R**AYMUNDUS, Nonnatus cognomento dictus (quia præter communem naturæ legem e mortuæ matris dissecto latere in lucem eductus fuit) Portelli in Catalonia piis et nobilibus parentibus ortus, ab ipsa infantia futuræ sanctitatis indicia dedit. Nam puerilia oblectamenta mundique illecebras respuens, ita pietati operam dabat, ut omnes in puero adultam virtutem admirarentur. Crescente vero ætate, litterarum studiis incubuit: sed mox, jubente patre, vitam ruri agens, Sacellum sancti

Nicolai in Portelli finibus situm crebro adibat, ut sacram Deiparæ imaginem, quæ in eo summa fidelium veneratione etiam nunc colitur, visitaret. Ibi effusus in preces, ipsam Dei parentem, ut se in filium adoptaret, viamque salutis ac scientiam Sanctorum edocere dignaretur, enixe deprecabatur.

*Lectio v.*

**N**EC defuit votis ejus benignissima Virgo. Ab ipsa enim intellexit gratissimum sibi fore, si Religionem sub titulo de Mercede, seu de Misericordia redemptionis captivorum, ea suggerente nuper fundatam ingrederetur. Qua monitione percepta, Barcinonam statim profectus, illud tam præcellentis erga proximum charitatis institutum amplexus est. Regulari igitur militiæ adscriptus, virginitatem quam pridem beatæ Virgini consecraverat, perpetuo coluit: cæterisque virtutibus enituit, charitate præsertim erga Christianos, qui sub potestate Paganorum miseram in captivitate vitam degebant. Hos ut redimeret in Africam missus cum jam multos a servitute liberasset, ne, consumpta pecunia, aliis item in proximo abnegandæ fidei discrimine constitutis deesset, seipsum pignori dedit: sed cum ardentissimo salutis animarum desiderio succensus, plures Mahometanos suis concionibus ad Christum converteret, in arctam custodiam a Barbaris coniectus, variisque suppliciis cruciatus, mox labiis perforatis, et sera ferrea clausis, crudele martyrium diu sustinuit.

*Lectio vj.*

**O**B hæc, et alia fortiter gesta, sanctitatis ejus fama longe lateque diffusa est. Qua permotus Gregorius Nonus, in amplissimum sanctæ Romanæ Ecclesiæ Cardinalium collegium Raymundum adscripsit: sed vir Dei in ea dignitate ab omni pompa abhorrens, religiosæ humilitatis tenacissimus semper fuit. Romam vero pergens, statim ac Cardonam

pervenit, extremo morbo confectus, Ecclesiasticis Sacramentis muniri summis precibus postulavit. Cumque morbus ingravesceret, et sacerdos diutius tardaret, Angelorum ministerio sub specie religiosorum sui Ordinis apparentium, salutari Viatico reffectus fuit. Quo sumpto, et gratias Deo peractis, migravit ad Dominum Dominica ultima Augusti, anno millesimo ducentesimo quadragesimo. Mortui corpus, cum circa locum sepulture contentio orta esset, arcæ inclusum, et mulæ cæcæ impositum, ad sacellum sancti Nicolai Dei nutu delatum fuit, ut ibi tumularetur, ubi prima jecerat sanctioris vitæ fundamenta. Illic constructo sui Ordinis cœnobio, a confluentibus voti causa ex universa Catalonia fidelibus populis honoratur, variis miraculis et signis gloriosus.

*In III. Noct. Homilia Sancti Evangelii fratres, de Com. I. loco.*

*In II. Vesp. comm. sequentis, etc. ut infra.*

### FESTA SEPTEMBRIS.

*Prima die non impedita dicitur officium Defunctorum.*

#### DIE 1. S. Egidii Abbatis.

*Oratio. Intercessio nos, p. 81°.*

*Pro comm. SS. duodecim Fratrum Martyrum.*

*Oratio.*

**F**RATERNA nos, Domine, Martyrum tuorum corona lætificet, quæ et fidei nostræ præbeat incrementa virtutum, et multiplici nos suffragio consoletur. **Per.**

*Lectio iij.*

**ÆGIDIUS** Atheniensis, regis stirpis, a prima ætate divinis literis, et charitatis officiis ita deditus fuit, ut nihil præterea curare videretur. Itaque parentibus mortuis, totum patrimonium in pauperes erogavit; quin etiam tunicam exuit, ut ægrotum egentem tegetet; qua ille indutus statim convaluit. Sed multis

deinceps clarior miraculis, timeus sui nominis celebritatem, Arelatem ad beatum Cæsarium contendit: a quo post biennium discedens, secessit in eremum, ubi diutina herbarum radicibus et cervæ lacte, quæ statis ad eum horis veniebat, admirabili sanctitate vixit. Quæ cerva, insequentibus quodam die canibus regiis, cum in antrum Ægidii refugisset, Gallie regem impulit, ut ab eo summis precibus peteret, ut in loco speluncæ monasterium extrui pateretur. Cujus administrationem, flagitante rege, invitatus suscepit, eoque munere aliquot annis prudenter pieque gesto, migravit in cælum.

*In Laud. comm. SS. duodecim Fratrum Mart.*

#### DIE 2. S. Stephani,

Hungariæ Regis, Confessoris.

*Semiduplex ( m. t. v. )*

*Oratio.*

**CONCEDE**, quæsumus, Ecclesiæ tuæ, omnipotens Deus, ut beatum Stephanum Confessorem tuum, quem regnantem in terris, propagatorem habuit, propugnatorem habere mereatur gloriosum in cælis. **Per Dominum.**

*Lect. I. Noct. de Script. occ.*

**IN II. NOCTURNO.**

*Lectio iv.*

**STEPHANUS** in Hungariam Christi fidem, et regium nomen invexit. Regia corona a Romano Pontifice impetrata, ejusque jussu in regem inunctus, regnum Sedi Apostolicæ obtulit. Varia pietatis domicilia Romæ, Jerosolymis, Constantinopoli in Hungaria Archiepiscopatum Strigoniensem, Episcopatus decem, admirabili religione et munificentia fundavit. Par in pauperes amor et liberalitas, quos veluti Christum ipsum complectens, neminem a se morientem ac vacuum unquam dimisit; quin ad eorum inopiam sublevandam, amplissimis facultatibus erogatis, dome-

sticam quoque supellectilem eximia benignitate frequenter distribuit: suis insuper manibus lavare pauperum pedes, noctu solus et ignotus nosocomia frequentare, decumbentibus inservire, ac cætera charitatis officia exhibere consuevit: quarum virtutum merito illius dextera, resoluta cætero corpore, incorrupta permansit.

*Lectio v.*

**O**RANDI studio noctes pene totas ducebat insomnes, atque in cœlestium rerum contemplatione defixus, interdum extra sensus raptus, sublimis in æra ferri visus fuit. Perduellium conspirationes, ac validorum hostium impetus, miro prorsus modo, non semel orationis præsidio, evitavit. Susceptum ex Ghisella Bavarica sancti Henrici Imperatoris sorore, quam sibi matrimonio junxerat, Emericum filium tanta morum disciplina, talique pietate enutrivit, quantum ejus postea sanctitas declaravit. Regni vero negotia ita disposuit, ut, accitis undique prudentissimis ac sanctissimis viris, nihil unquam sine illorum consilio moliretur. Humillimis interim precibus in cinere et cilicio Deum deprecans, ut universum Hungariæ regnum, antequam e vita migraret, Catholicum videre mereretur. Vere propter ingens dilatandæ fidei studium, illius gentis Apostolus nuncupatus, facta a Romano Pontifice ipsi posterisque regibus præferendæ crucis potestate.

*Lectio vj.*

**D**EI Genitricem, quam ardentissime venerabatur, amplissimo in ejus honorem constructo templo, Hungariæ Patronam instituit; ab eadem vicissim Virgine receptus in cœlum ipso suæ Assumptionis die, quem Hungari, e sancti regis instituto, Magnæ Dominae diem appellant. Sacrum ejus corpus suavissimo fragrans odore, liquore cœlesti scatens inter multa et varia miracula, Romani Pontificis jussu, nobiliorem in locum translatum est, atque honorificentius con-

ditum. Ejus autem Festum Innocentius Undecimus Pontifex Maximus quarto nonas Septembris, ob insignem victoriam ab exercitu Leopoldi Primi Romanorum electi Imperatoris, et Hungariæ regis eadem die in Budæ expugnatione, ope divina e Turcis reportatam, celebrandum instituit.

*In III. Noct. Homilia Bonus ordo ut in die 23. Aug, p. 779.*

**Die 3. S. Laurentii Just.**

Episc. et Conf. Sem. ( m. t. v. ).

*Oratio Da, quæsumus, p. 39.*

*Lect. I. Noct. de Script. occ.*

IN II. NOCTURNO.

*Lectio iv.*

**L**AURENTIUS ex illustri Justinianorum familia Venetiis natus, eximiam vel puer morum gravitatem præ se tulit. Exacta inter pietatis officia adolescentia, ad castum Verbi et animæ connubium a divina Sapientia invitatus, de religiosæ vitæ instituto capessendo deliberare cœpit. Novæ itaque militiæ clam proludens, præter alias corporis afflictationes super nudos cubabat asseres, sedensque velut arbiter hinc inter sæculi blandimenta, paratasque a matre nuptias, illinc claustrales inter austeritates, oculis in Christi patientis crucem conversis: Tu, inquit, es, Domine, spes mea, ibi posuisti certissimum refugium tuum; ad Canonico- rum sancti Georgii in Alga Congregationem convolvit: ubi novis excogitatis cruciatibus, acrius in seipsum veluti in hostem infensissimum, iustaurans bellum, nullam adeo sibi oblectationem indulgebat, ut ne in domesticum unquam hortum, nec in paternam quidem domum, nisi cum morienti matri extrema pietatis officia siccis oculis persolvit, exinde intraverit. Par erat obedientiæ, mon- suetudinis, ac præcipue humilitatis studium, cum abjectissima quæque ecenobii munia sibi ultro desumeret, celeberrima per urbis loca, non tam victum, quam ludibria emendicaret,



illatasque contumelias ac calumnias, immotus ac ſilens perferret; aſſiduum præſertim orationis ſubſidio, qua sæpe per mentis exceſſum rapiebatur in Deum, tantoque cor ejus æſtuabat ardore, ut nutantes etiam ſodales ad perſeverantiam, ac Jeſu Chriſti amorem inflammaret.

*Lectio v.*

**A** Eugenio Quarto patriæ Episcopuſ designatus, quem magna contentione honorem detrectaverat, majori gessit cum laude. Nam conſueta vivendi ratione nihil admodum immutata, paupertatem, quam ſemper coluerat, in menſa, ſuppellectili, ac lecto perpetuo retinuit. Modicam domi albat familiam, quod gaudem alteram ſibi eſſe diceret, pauperes Chriſti ſignificans. Quacumque adiretur hora, præſto omnibus erat, paterna omnes charitate allevabat, non renuens vel ære ſe alieno gravare, illorum ne inopiæ deeſſet. Rogatus qua ſpe id faceret? Domini mei, qui pro me diſſolvere facile poterit, reſpondebat. Spem autem non confundere divina providentia ſubmiſſis inopinato ſubſidiis jugiter declarabat. Plura virginum monaſteria conſtruxit, quas etiam ad perfectionis vitæ rationem ſua vigilantia compoſuit. Matronis a ſæculi pompis et ornatu vanitate revocandis, Eccleſiaſticæ diſciplinæ, ac moribus reformandis maximopere ſtudit; dignus ſane qui ab eodem Eugenio gloria et decus Præſulum coram Cardinalibus vocaretur, et qui a Nicolao Quinto ejus ſucceſſore, translato e Gradenſi civitate titulo, primus Venetiarum Patriarcha renuntiaretur.

*Lectio vj.*

**L**ACRIMARUM dono inſignitus, omnipotenti Deo placationis hoſtiam quotidie offerebat. Quod cum aliquando nocte Dominicæ Nativitatis perageret, Chriſtum Jeſum ſub pulcherrimi infantis ſpecie videre promeruit: tantumque in eo erat commiſſi gregis præſidium, ut cœlitus aliquan-

do acceptum fuerit, Pontificis ſui interceſſione ac meritis ſtetiſſe Rempublicam. Prophetiæ ſpiritu aſſatus, plura humanæ cognitioni prorsus impervia prædixit; morbos ac dæmones ſuis precibus sæpe fugavit; libros etiam cœleſtem doctrinam ac pietatem ſpirantes, grammaticæ pene rudis, conſcripſit. Denique cum lethalem incidiſſet in morbum, et commodiorem domeſtici lectum ſeni atque ægro pararent, averſatus ejusmodi delicias, tanquam a duriffima morienis Domini ſui cruce plus nimio abhorrentes, conſueto in ſtramine ſe juſſit deponi, et finem vitæ ſuæ adventare prænoſcens, ſublatis in cœlum oculis: Venio, inquit, ad te, o bone Jeſu: ac die octava Januarii obdormivit in Domino. Pretioſam ejus mortem teſtati ſunt Angelici concentus a Carthusianis quibuſdam monachis auditi, et ſacrum cadaver per duos ultra meſes inhumatum, ſuavi fragrans odore, et rubeſcente facie, integrum atque incorruptum, ac nova poſt mortem patrata miracula: quibus permotus Alexander Octavus Pontifex Maximus eum in Sanctorum numero adſcripſit. Innocentius vero Duodecimus quintam Septembris diem, qua vir ſanctus ad Pontificiam primo Cathedram fuerat evectus, celebrando illius feſto assignavit.

*In III. Noct. Homilia Lectio ſancti Evangelii, de Com. I. loco.*

**Die 8. In Nativitate**

BEATÆ MARIÆ VIRGINIS.

*Duplex 2. Classis.*

**In I. Vesperts.**

*Ant. de Laud. Psalmi et alia hic non propria ut in feſtis B. M. V. p. 92.*

†. Nativitas eſt hodie ſanctæ Mariæ virginis. ᲀ. Cujus vita inclyta cunctas illustrat Eccleſias.

*Ad Magnif. Ant. Glorioſæ virginis Mariæ ortum digniſſimum recolamus, quæ et genitricis dignitatem obtinuit, et virginelem pudicitiam non amiſit.*

*Oratio ut infra in Laudibus.*

**Ad Matutinum.**

*Inrit.* Nativitatem virginis Mariæ celebremus : \* Christum ejus Filium adoremus Dominum.

*Lect. I. Noct.* Osculetur me, ut in die 15. Aug., p. 762.

ñ. j. Hodie nata est beata virgo Maria ex progenie David : \* Per quam salus mundi credentibus apparuit, ejus vita gloriosa lucem dedit sæculo. *Ps.* Nativitatem beatæ Mariæ virginis cum gaudio celebremus. *Per.*

ñ. ij. Beatissimæ virginis Mariæ Nativitatem devotissime celebremus : \* Ut ipsa pro nobis intercedat ad Dominum Jesum Christum. *Ps.* Cum jucunditate Nativitatem beatæ Mariæ virginis devotissime celebremus. *Ut.*

ñ. iij. Gloriosæ virginis Mariæ ortum diguissimum recolamus, \* Cujus Dominus humilitatem respexit, quæ Angelo nuntiante concepit Salvatorem mundi. *Ps.* Beatissimæ virginis Mariæ Nativitatem devotissime celebremus. *Cujus. Gloria. Cujus.*

**IN II. NOCTURNO.**

Sermo S. Augustini Episcopi.

Serm. 18. de Sanctis.

*Lectio iv.*

**A**DEST nobis, dilectissimi, optatus dies beatæ ac venerabilis semper virginis Mariæ ; ideo cum summa exultatione gaudeat terra nostra, tantæ Virginis illustrata natali. Hæc est enim flos campi, de qua ortum est pretiosum lilium convallium, per cujus partum mutatur natura protoplastorum, deletur et culpa. Præcisum est in ea illud Hevæ infelicitatis elogium, quo dicitur : In dolore paries filios tuos ; quia ista in lætitia Dominum peperit.

ñ. Nativitas gloriosæ virginis Mariæ ex semine Abraham : ortæ de tribu Juda, clara ex stirpe David : \* Cujus vita inclyta cunctas illustrat Ecclesias. *Ps.* Hodie nata est beata virgo Maria ex progenie David. *Cujus.*

*Lectio v.*

**H**EVÆ enim luxit, ista exultavit : Hevæ lacrymas, Maria gaudium

in ventre portavit : quia illa peccatorem, ista edidit innocentem. Mater generis nostri pœnam intulit mundo, genitrix Domini nostri salutem intulit mundo. Aatrix peccati Hevæ, aatrix meriti Maria. Hevæ occidendo obfuit, Maria vivificando profuit. Illa percussit, ista sanavit. Pro inobedientia enim obedientia commutatur, fides pro perfidia compensatur.

ñ. Cum jucunditate Nativitatem beatæ Mariæ celebremus, \* Ut ipsa pro nobis intercedat ad Dominum Jesum Christum. *Ps.* Corde et animo Christo canamus gloriam in hac sacra solemnitate præcelsæ genitricis Dei Mariæ. *Ut.*

*Lectio vj.*

**P**LAUDAT nunc organis Maria, et inter veloces articulos tympana puerperæ concrepent. Concinant lætantes chori, et alternantibus modulis dulcisona carmina misceantur. Audite igitur quemadmodum tympanistria nostra cantaverit. Ait enim : Magnificat anima mea Dominum, et exultavit spiritus meus in Deo salutari meo. Quia respexit humilitatem ancillæ suæ : ecce enim ex hoc beatam me dicent omnes generationes. Quia fecit mihi magna qui potens est. Causam igitur invalescentis errati miraculum novi partus eviecit, et Hevæ planctum Mariæ cantus exclusit.

ñ. Nativitas tua, Dei Genitrix virgo, gaudium annuntiavit universo mundo : \* Ex te enim ortus est sol justitiæ, Christus Deus noster : \* Qui solvens maledictionem, dedit benedictionem, et confundens mortem, donavit nobis vitam sempiternam. *Ps.* Benedicta tu in mulieribus, et benedictus fructus ventris tui. — *Ex. Gloria. Qui.*

*In III. Noct. Homilia* In Isaia legimus ut in die 9. Dec., p. 621.

ñ. *vij.* Beatam me dicent omnes generationes : \* Quia fecit mihi Dominus magna qui potens est, et sanctum nomen ejus. *Ps.* Et misericordia ejus a progenie in progenies, timen-  
tibus eum. *Quia.*

ñ. viij. Felix namque es, sacra virgo Maria, et omni laude dignissima: " Quia ex te ortus est sol justitiæ, " Christus Deus noster. ¶ Ora pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam Nativitatem. Qula. Gloria. Christus.

*Pro S. Adriano Martyre.*

*Lectio iz.*

**A**DRIANUS jussu Maximiani Imperatoris apud Nicomediam persequens Christianos, cum sæpius eorum in fidei confessione et tormentorum perpeffione constantiam demiratus esset, vehementer ea re commotus, ad Christum sese convertit. Quamobrem cum aliis viginti tribus Christianis conjectus est in carcerem: ubi eum visitans Natalia uxor, quæ et ipsa antea in Christum crediderat, ad martyrium incendit. Itaque e custodia eductus, tamdiu flagellis cæsus est, donec intestina diffluerent. Postremo fractis eruribus, manibus pedibusque præcisis, una cum multis aliis martyrii certamen feliciter absolvit.

### *Ad Laudes*

*et per Horas, Antiphonæ.*

1. Nativitas gloriosæ virginis \* Mariæ, ex semine Abrahæ, ortæ de tribu Juda, clara ex stirpe David.

2. Nativitas est hodie \* sanctæ Mariæ virginis, cujus vita inclyta cunctas illustrat Ecclesias.

3. Regali ex progenie \* Maria exorta refulget, cujus precibus nos adjuvari mente et spiritu devotissime poscimus.

4. Corde et animo \* Christo canamus gloriam, in hac sacra solemnitate præcelsæ genitricis Dei Mariæ.

5. Cum jucunditate \* Nativitatem beatæ Mariæ celebremus, ut ipsa pro nobis intercedat ad Dominum Jesum Christum.

¶ Nativitas est hodie sanctæ Mariæ virginis. ñ. Cujus vita inclyta cunctas illustrat Ecclesias.

*Ad Bened. Ant. Nativitatem hodiernam perpetuæ virginis genitricis Dei Mariæ solemniter celebremus, qua celsitudo throni processit, alleluia.*

*Oratio.*

**F**AMULIS tuis, quæsumus, Domine, cælestis gratiæ munus impertire, ut quibus beatæ Virginis partus exitit salutis exordium, Nativitatis ejus votiva solemnitas pacis tribuat incrementum. Per Dominum.

*Et fit comm. S. Adriani Mart. in Laud. tantum. Oratio Præsta quæsumus...ut qui. p. 14.*

### *In II. Vesperis.*

*Omnia dicuntur ut in I. præter Ad Magnif. Ant. Nativitas tua, Dei genitrix virgo, gaudium annuntiavit universo mundo: ex te enim ortus est sol justitiæ, Christus Deus noster: qui solvens maledictionem, dedit benedictionem, et confundens mortem, donavit nobis vitam sempiternam.*

*Et fit comm. S. Gorgonii Mart.*

*Oratio.*

**S**ANCTUS tuus, Domine, Gorgonius suæ nos intercessionis lætificet, et pia faciat solemnitate gaudere. Per Dominum.

### **DOMINICA**

*Infra Octavam Nativitatis.*

**Festum s. nominis**

**BEATÆ MARIÆ VIRGINIS.**

*Duplex majus.*

*Si hæc Dom. immediate sequatur Festum Nativ., Vesp. dicuntur integræ de Nativ. sine comm. S. Nominis. Si autem Festum S. Nominis incidat in diem Oct. Nativ., Offic. fit de eo absque comm. diei Octavæ.*

*Omnia ut in Festis B.M.V. p. 92.*

*Oratio.*

**C**ONCEDE, quæsumus, omnipotens Deus, ut fideles tui, qui sub sanctissimæ virginis Mariæ Nomine et protectione lætantur, ejus pia



intercessione, a cunctis malis liberentur in terris, et ad gaudia æterna pervenire mereantur in cœlis. Per Dominum.

*Et sit comm. Dom. occ. in utrisque Vesp. et Laudibus.*

#### IN II. NOCTURNO.

Sermo S. Bernardi Abbatis.

Ex Homil. 2. super Missus est.

*Lectio iv.*

**E**T nomen, inquit, virginis Maria. Loquamur pauca, et super hoc nomine, quod interpretatum maris stella dicitur, et Matri virgini valde convenienter aptatur. Ipsa namque aptissime sideri comparatur. Quia sicut sine sui corruptione sidus suum emittit radium, sic absque sui læsione Virgo parturivit Filium. Nec sideri radius suam minuit claritatem, nec Virgini Filius suum integritatem. Ipsa est igitur nobilis illa stella ex Jacob orta, cujus radius universum orbem illuminat; cujus splendor et præfulget in supernis, et inferos penetrat, terras etiam perlustrans, et calefaciens magis mentes, quam corpora, fovet virtutes, excoquit vitia. Ipsa, inquam, est præclara et eximia stella super hoc mare magnum et spatiosum necessario sublevata, micans meritis, illustrans exemplis.

*Lectio v.*

**O** quisquis te intelligis in hujus sæculi profluvio magis inter procellas et tempestates fluctuare, quam per terram ambulare, ne avertas oculos a fulgore hujus sideris, si non vis obrui procellis. Si insurgant venti tentationum, si incurras scopulos tribulationum, respice stellam, voca Mariam. Si jactaris superbiam undis, si ambitionis, si detractionis, si æmulationis, respice stellam, voca Mariam. Si iracundia, aut avaritia, aut carnis illecebra naviculam concusserit mentis, respice ad Mariam. Si criminum immanitate turbatus, conscientie sceditate confusus, judicii horrore perterritus, barbatro incipias absorberi tristitiæ,

desperationis abysso, cogita Mariam

*Lectio vj.*

**I**N periculis, in angustiis, in rebus dubiis Mariam cogita, Mariam invoca. Non recedat ab ore, non recedat a corde; et ut impetres ejus orationis suffragium, non deseras conversationis exemplum. Ipsam sequens, non devias; ipsam rogans, non desperas, ipsam cogitans, non erras: ipsa tenente, non corruis; ipsa protegente, non metuis; ipsa duce, non fatigaris; ipsa propitia, pervenis: et sic in temetipso experiris quam merito dictum sit: Et nomen virginis Maria. Quod quidem venerabile Nomen, jam pridem in quibusdam Christiani orbis partibus speciali ritu cultum, Innocentius Undecimus Romanus Pontifex, ob insignem victoriam sub ejusdem virginis Mariæ præsidio de immanissimo Turcarum tyranno cervicibus populi Christiani insultante, Viennæ in Austria partam, et in perenne tanti beneficii monumentum, in Ecclesia universali singulis annis Dominica infra Octavam Nativitatis beatæ virginis Mariæ celebrari præcepit.

#### IN III. NOCTURNO.

Lectio sancti Evangelii secundum Lucam.

*Lecti vij.*

Cap. 1.

**I**N illo tempore: Missus est Angelus Gabriel a Deo in civitatem Galilææ, cui nomen Nazareth, ad virginem desponsatam viro, cui nomen erat Joseph de domo David, et nomen virginis Maria. Et reliqua.

Homilia S. Petri Chrysologi.

*Serm. 142. de Annuntiat.*

**A**UDISTIS hodie, fratres charissimi, Angelum cum muliere de hominis reparatione tractantem. Audistis agi, ut homo cursibus eisdem, quibus dilapsus fuerat ad mortem, rediret ad vitam. Agit, agit cum Maria Angelus de salute, quia cum Heva angelus egerat de ruina. Audistis Angelum de carnis nostræ limo, templum divinæ majestatis arte ineffabili

construentem. Audistis in terris Deum, in coelis hominem sacramento incomprehensibilicolligari. Audistis inaudita ratione in uno corpore Deum hominemque misceri. Audistis fragilem nostræ carnis naturam, ad portantem totam Deitatis gloriam, Angelica exhortatione roborari.

*Lectio viij.*

**D**ENIQUE ne tanto ponderi celestis fabricæ in Maria subtilis nostri corporis arena succumberet, et in Virgine totius generis humani portatura fructum, virga tenuis frangeretur, fugatura metum vox Angeli mox præcessit, dicens: Ne timeas Maria. Ante causam dignitas Virginis annuntiatur ex nomine: nam Maria hebræo sermone, latine Domina nuncupatur. Vocat ergo Angelus Dominam, ut Dominatoris genitricem trepidatio deserat servitutis, quam nasci et vocari Dominam ipsa sui germinis fecit et impetravit auctoritas: Ne timeas, Maria, invenisti enim gratiam. Verum est, qui invenit gratiam, nescit timere: invenisti gratiam.

*Lectio ix. de Homil. Dom. occ.*

*Si autem hoc Festum transferendum sit, Lectio ix. sumatur eo anno ex Officio B. Mariæ in Sabbato mensis Septembris.*

**Die 9. secunda**

*Infra Octav. Nativ. B. M. V.*

*Lect. I. Noct. de Script. occ.*

*In II. Noct. Exultat Maria, ut in die 9. Dec., p. 621. mutato Conceptionem in Nativitatem.*

**IN III. NOCTURNO.**

**Lectio sancti Evangelii secundum Matthæum.**

*Lectio vij.*

*Cap. i.*

**L**IBER generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

*De Homil. S. Hieronymi Presbyteri.*

*Lib. I. Comm. in Matth.*

**J**ACOB autem genuit Joseph. Hunc locum objecit nobis Julianus Augustus de dissonantia Evangelistarum; cur Evangelista Matthæus Joseph dixerit filium Jacob, et Lucas eum filium appellavit Heli: non intelligens consuetudinem Scripturarum, quod alter secundum naturam, alter secundum legem ei pater sit. Scimus enim hoc per Moysen, Deo jubente, præceptum, ut si frater aut propinquus absque liberis mortuus fuerit, alius accipiat uxorem ad suscitandum semen fratris vel propinqui sui. Joseph virum Mariæ. Cum virum audieris, suspicio tibi non subeat nuptiarum: sed recordare consuetudinis Scripturarum quod sponsi viri, et sponsæ vocentur uxores.

*Lectio viij.*

**E**T a transmigratione Babylonis usque ad Christum generationes quatuordecim. Numera a Jechonia usque ad Joseph, et invenies generationes tredecim. Quartadecima ergo generatio in ipsum Christum reputabitur. Christi autem generatio sic erat. Quærat diligens lector, et dicat: Cum Joseph non sit pater Domini Salvatoris, quid pertinet ad Dominum generationis ordo deductus usque ad Joseph? Cui respondebimus, primum, non esse consuetudinis Scripturarum, ut mulierum in generationibus ordo texatur: deinde, ex una tribu fuisse Joseph et Mariam, unde ex lege eam accipere cogeatur ut propinquam: et quod simul censetur in Bethlehæm, ut de una videlicet stirpe generati.

*Pro S. Gorgonio Martyre.*

*Lectio ix.*

**G**ORGONIUS, Nicomedie natus, Diocletiani Imperatoris cubicularius, Dorotheo collega suo adiutore, reliquos omnes cubiculi ministros ad Christi fidem perduxit. Uterque autem cum vidisset quodam die martyrem coram Diocletiano acerbissime

cruciari, ejus exemplo martyrii amore incensus est. Itaque amborum hæc vox erupit: Quid est, Imperator, quod hujus condemnata sententia, quæ nobis cum eo communis est, unum illum punis? Istius nostra etiam est fides, idem propositum. Eos igitur vinctos Imperator flagellis concidi jubet, ita ut toto corpore cutis dirumperetur, et in plagas acetum infundi sale permixtum: mox revinctis in craticula, subjici imperat vim candentium carbonum. Denique varie torti suspendio necati sunt. Ac sancti Gorgonii corpus aliquando Romam portatum, inter duas lauros via Latina sepultum, postea, Gregorio Quarto Summo Pontifice, in Basilicam Principis Apostolorum translatum est.

*In Laud. fit. comm. S. Mart.  
Vesperæ de sequenti.*

### **Die 10. S. Nicolai Tolent.**

*Confessoris. Duplex.*

*Oratio.*

**A**DESTO, Domine, supplicationibus nostris, quas in beati Nicolai Confessoris tui solemnitate deferimus, ut qui nostræ justitiæ fiduciam non habemus, ejus qui tibi placuit, precibus adjuvemur. Per Dominum.

*Et fit comm. Oct. Nativ. B. M.  
Lect. I. Noct. de Script. occ.*

### **IN II. NOCTURNO.**

*Lectio iv.*

**N**ICOLAUS, Tolentinas a diuturno illius civitatis domicilio appellatus, in oppido sancti Angeli in Piceno est natus piis parentibus, qui liberorum desiderio Barium voti causa profecti, ibique a sancto Nicolao de futura prole confirmati, quem susceperunt filium, de illius nomine appellarunt. Is ab infantia multarum virtutum, sed abstinentiæ in primis specimen dedit. Nam anno vix septimo, beatum ipsum Nicolaum imitatus, complures hebdomadæ dies jeju-

nare cœpit, eamque postea consuetudinem retinuit, solo pane et aqua contentus.

*Lectio v.*

**A**DULTA ætate jam clericali militiæ adscriptus, et Canonicus factus, cum quodam die concionatorem Ordinis Eremitarum sancti Augustini de mundi contemptu dicentem audisset, eo sermone inflammatus, statim eundem Ordinem est ingressus. In quo tam exactam religiosæ vitæ rationem coluit, ut aspero vestitu, verberibus, et ferrea catena corpus domans, atque a carne, et omni fere obsonio abstinens, charitate, humilitate, patientia, cæterisque virtutibus aliis præluceret.

*Lectio vj.*

**O**RANDI assiduum studium. Quamvis satanæ insidiis varie vexatus, et flagellis interdum cæsus, non intermittebat. Demum sex ante obitum mensibus, singulis noctibus angelicum concertum audivit; cujus suavitate cum jam paradisi gaudia prægustaret, crebro illud Apostoli repetebat. Cupio dissolvi, et esse cum Christo. Denique obitus sui diem fratribus prædixit, qui fuit quarto Idus Septembris. Miraculis multis etiam post mortem claruit, quibus rite et ordine cognitis, ab Eugenio Papa Quarto in Sanctorum numerum est relatus.

*In III. Noct. Homilia Pusillum gregem, de Com. 2. loco, p. 69.*

*Comm. Oct. Nativ. in Laud.*

*In II. Vesp. comm. Oct. Nativ. et SS. Proti et Hyacinthi Mart.*

*Oratio.*

**B**EATORUM Martyrum tuorum Proti et Hyacinthi nos, Domine, foveat pretiosa confessio, et pia jugiter intercessio tueatur. Per Dominum.

### **Die 11. Quarta.**

*Infra Oct. Nativ. B. M. V.  
Lect. I. Noct. de Script. occ.*



*In II. Noct. Novum fecit Dominus  
ut in die 10. Dec. p. 622.*

IN III. NOCTURNO.

Lectio sancti Evangelii secundum  
Matthæum.

*Lectio vij. Cap. 1.*

**L**IBER generationis Jesu Christi  
filii David, filii Abraham. Abra-  
ham genuit Isaac, Isaac autem genuit  
Jacob. Et reliqua.

Homilia sancti Hilarii Episcopi.

*Comment. in Matth. c. I.*

**G**RESSUS quem Matthæus in or-  
dine regie successionis ediderat,  
et quem Lucas per sacerdotalem or-  
dinem dinumerat, uterque agnatio-  
nem in Domino utriusque tribus si-  
gnificat, et recte generationis gra-  
dum ponit, quia sacerdotalis et regie  
tribus societas, per David ex conju-  
gio inita, jam a Salathiel in Zoro-  
babel confirmatur ex genere. Atque  
ita, dum Matthæus paternam origi-  
nem, quæ ex Juda proficiscebatur,  
recenset: Lucas vero acceptum per  
Nathan ex tribu Levi genus edocet: suis  
uterque partibus Domino nostro Jesu  
Christo, qui est æternus et Rex et  
Sacerdos, etiam in carnali ortu utri-  
usque generis gloriam probaverunt.

*Lectio viij.*

**Q**UOD vero Joseph potius quam  
Mariæ nativitas recensetur, nihil  
refert: eadem enim est totius tribus  
atque una cognatio. Exemplum au-  
tem etiam Matthæus et Lucas dede-  
runt, patres invicem appellantes, non  
tam genere, quam gente: quia ab una  
tribu coepta, sub unius successionis  
et originis familia continetur. Cum  
enim filius David atque Abraham sit  
ostendendus, ita Matthæus cepit:  
Liber generationis Jesu Christi filii  
David, filii Abraham.

*Pro SS. Martyribus.*

*Lectio ix.*

**P**ROTUS et Hyacinthus fratres,  
Beatæ Eugenïæ virginis eunuchi,  
una cum illa ab Heleno Episcopo bap-

tizati, ac studiis dediti divinarum  
litterarum, aliquandiu in Ægypto in  
monasterio mira humilitate, et vitæ  
sanctitate vixerunt. Sed postea san-  
ctam virginem Eugeniam Romam pro-  
secuti, Gallieno Imperatore, in Urbe  
propter Christianæ fidei professionem,  
comprehensi sunt. A quibus cum  
nullo modo impetrari posset, ut Chri-  
stianam religionem deserentes, deos  
colerent, acerbis verberibus cæsi,  
securi feruntur, tertio Idus Septem-  
bris.

*In Laud. fit comm. SS. Mart.*

**DIE 12. Quinta**

*Infra Oct. Nativ. B. M. V.*

*Lect. 1. Noct. de Script. occ.*

*In II. Noct. Dei Filius, ut in festis  
B. M. V. p. 97.*

*In III. Noct. Homilia Non refert  
quis, ut in die 10. Dec., p. 622.*

**DIE 13. Sexta**

*Infra Oct. Nativ. B. M. V.*

*Lect. I. Noct. de Script. occ.*

*In II. Noct. Beata Mater Dei, ut  
in die 12. Dec. p. 624.*

*In III. Noct. Homilia Matthæus E-  
vangelista, ut in die 8. Dec., p. 619.  
Vesperæ de sequenti.*

**DIE 14. In Exaltatione**

SANCTÆ CRUCIS.

*Duplex Majus.*

**In I. Vesperis.**

*Ant. et Capit. de Laud. Psalmi de  
Dom. loco ult. Laudate Dominum o-  
mnes gentes.*

*In Hymno Vexilla Regis, ut in Sab-  
bato ante Dom. Pass., p. 294.*

○ Crux, ave, spes unica,

In hac triumphî gloria.

ÿ. Hoc signum Crucis erit in cælo.

â. Cum Dominus ad judicandum ve-  
nerit.

*Ad Magnif. Ant. ○ Crux splendi-  
dior cunctis astris, mundo celebris,  
hominibus multum amabilis, sanctior  
universis, quæ sola fuisti digna por-  
tare talentum mundi, dulce lignum,  
dulces clavos, dulcia ferens ponde-*

ra : salva præsentem catervam in tuis hodie laudibus congregatam.

*Oratio ut infra in Laudibus.*

*Et sit comm. Oct. Nativ. B. M.*

*Ad Matutinum.*

*Invit.* Christum Regem pro nobis in Cruce exaltatum, \* Venite, adoremus.

*Hymnus Pange lingua, ut in Dom. Passionis, p. 293.*

IN I. NOCTURNO.

*Ant. 1.* Nobile lignum exaltatur, Christi fides rutilat, dum Crux ab omnibus veneratur.

*Psalmi de Com. unius Mart. p. 14°.*

*2.* Sancta Crux extollitur a cunctis regibus, virga regia erigitur, in qua Salvator triumphavit.

*3.* O crux venerabilis, quæ salutem attulisti miseris, quibus te efferam præconiis, quoniam vitam nobis cœliternam præparasti?

†. Hoc signum Crucis erit in cœlo.

¶. Cum Dominus ad iudicandum venerit.

De libro Numerorum.

*Lectio j.*

Cap 21.

**C**UM audisset Chanaanæus rex Amrad, qui habitabat ad Meridiem, venisse scilicet Israel per exploratorum viam, pugnavit contra illum, et victor existens, duxit ex eo prædam. At Israel voto se Domino obligans, ait : Si tradideris populum istum in manu mea, delebo urbes ejus. Exaudivitque Dominus preces Israel, et tradidit Chanaanæum : quem ille interfecit, subversis urbibus ejus, et vocavit nomen loci illius Ilorma, id est, anathema.

¶. Gloriosum diem sacra veneratur Ecclesia, dum triumphale exaltatur lignum : \* In quo Redemptor noster mortis vincula rumpens, callidum aspidem superavit. †. In ligno pendens nostræ salutis semitam Verbum Patris invenit. In.

*Lectio ij.*

**P**ROFECTI sunt autem de monte Hor per viam, quæ ducit ad ma-

re Rubrum, ut circumirent terram Edom. Et tædere cœpit populum itineris ac laboris, lecutusque contra Deum et Moysen, ait : Cur eduxisti nos de Ægypto, ut moreremur in solitudine ? Deest panis, non sunt aquæ : anima nostra jam nauseat super cibo isto levissimo. Quamobrem misit Dominus in populum ignitos serpentes.

¶. Crux fidelis, inter omnes arbor una nobilis ; nulla silva talem profert, fronde, flore, germine : \* Dulce lignum, dulces clavos, dulce pondus sustinuit. †. Super omnia ligna cedrorum tu sola excelsior. Dulce.

*Lectio iij.*

**A**D quorum plagas, et mortes plurimorum, venerunt ad Moysen, atque dixerunt : Peccavimus, quia locuti sumus contra Dominum et te : ora ut tollat a nobis serpentes. Oravitque Moyses pro populo, et locutus est Dominus ad eum : Fac serpentem æneum, et pone eum pro signo : qui percussus aspexerit eum, vivet. Fecit ergo Moyses serpentem æneum, et posuit eum pro signo : quem cum percussi aspicerent, sanabantur.

¶. Hæc est arbor dignissima, in paradisi medio situata, \* In qua salutis auctor propria morte mortem omnium superavit. †. Crux præcellenti decore fulgida, quam Heraclius Imperator concupiscenti animo recuperavit. In. Gloria. In.

IN II. NOCTURNO.

*Ant.* O Crucis victoria, et admirabile signum, in cœlesti curia fac nos captare triumphum.

*Psalm.* Cum invocarem, p. 16°.

*Ant.* Funestæ mortis damnatur supplicium, dum Christus in Cruce, nostra destruxit vincula criminum.

*Psalm.* In Domino, p. 18°.

*Ant.* Rex exaltatur in æthera, cum nobile trophæum Crucis ab universis Christicolis adoratur per sæcula.

*Psalm.* Domine in virtute, p. 18°.

†. Adoramus te, Christe, et bene-

medicimus tibi. *ñ.* Quia per Crucem tuam redemisti mundum.

*Lectio iv.*

**CHOSROAS** Persarum rex, extremis Phocæ Imperii temporibus, Ægypto et Africa occupata, ac Jerosolyma capta, multisque ibi cæsis Christianorum millibus, Christi Domini Crucem, quam Helena in monte Calvariæ collocarat, in Persidem abstulit. Itaque Heraclius, qui Phocæ successerat, multis belli incommodis et calamitatibus affectus, pacem petebat, quam a Chosroa victoriis insolente ne iniquis quidem conditionibus impetrare poterat. Quare in summo discrimine se assiduis jejuniis et orationibus exercens opem a Deo vehementer implorabat: cujus monitu exercitu comparato, signa cum hoste contulit, ac tres duces Chosroæ cum tribus exercitibus superavit.

*ñ.* Nos autem gloriari oportet in Cruce Domini nostri Jesu Christi, in quo est salus, vita, et resurrectio nostra: \* Per quem salvati et liberati sumus. *ŷ.* Tuam Crucem adoramus Domine, et recolimus tuam gloriosam passionem. *Per.*

*Lectio v.*

**QUIBUS** cladibus fractus Chosroas, in fuga, qua trajicere Tigrim parabat Medarsem filium socium regni designat. Sed eam contumeliam cum Siros Chosroæ major natu filius ferret atrociter, patri simul et fratri necem machinatur: quam paulo post utrique ex fuga retracto attulit, regnumquo ab Heraclio impetravit, quibusdam acceptis conditionibus, quarum ea prima fuit, ut Crucem Christi Domini restitueret. Ergo Crux, quatuordecim annis postquam venerat in potestatem Persarum, recepta est: quam rediens Jerosolymam Heraclius, solemniter celebritate suis humeris retulit in eum montem, quo eam Salvator tulerat.

*ñ.* Dum sacrum pignus cœlitus exaltatur, Christi fides roboratur: \* Adsunt

prodigia divina in virga Moysi primitus figurata. *ŷ.* Ad Crucis contactum resurgunt mortui, et Dei magnalia reserantur. *Adsunt.*

*Lectio vj.*

**QUOD** factum illustri miraculo commendatum est. Nam Heraclius ut erat auro et gemmis ornatus, insistere coactus est in porta, quæ ad Calvariæ montem ducebat. Quo enim magis progredi conabatur, eo magis retineri videbatur: Cumque ea re et ipse Heraclius et reliqui omnes obstupescerent, Zacharias Jerosolymorum Antistes: Vide, inquit, Imperator, ne isto triumphali ornatu, in Cruce ferenda parum Jesu Christi paupertatem et humilitatem imitere. Tum Heraclius, abjecto amplissimo vestitu, detractisque calceis, ac plebeio amictu indutus, reliquum viæ facile confecit, et in eodem Calvariæ loco Crucem statuit, unde fuerat a Persis asportata. Itaque Exaltationis sanctæ Crucis solemnitas, quæ hac die quotannis celebrabatur, illustrior haberi cœpit ob ejus rei memoriam, quod ibidem fuerit reposita ab Heraclio, ubi Salvatori primum fuerat constituta.

*ñ.* Hoc signum Crucis erit in cœlo, cum Dominus ad judicandum venerit: \* Tunc manifesta erunt abscondita cordis nostri. *ŷ.* Cum sederit Filius hominis in sede majestatis suæ, et ceperit judicare sæculum per ignem. *Tunc. Gloria. Tunc.*

IN III. NOCTURNO.

*Ant. 1.* Adoramus te, Christe, et benedicimus tibi, quia per Crucem tuam redemisti mundum.

*Psalmi ut in III. Noct. Virg. p. 67.*

*2.* Per lignum servi facti sumus, et per sanctam Crucem liberati sumus: fructus arboris seduxit nos, Filius Dei redimit nos, allel.

*3.* Salvator mundi salva nos, qui per Crucem et sanguinem tuum redemisti nos: auxiliare nobis, te deprecamur, Deus noster.



†. Omnis terra adoret te, et psallat tibi. ♀. Psalmum dicat nomini tuo, Domine.

Lectio sancti Evangelii secundum Joannem.

Lectio vij.

Cap. 12.

**I**N illo tempore : Dixit Jesus turbis Judæorum: Nunc Judicium est mundi, nunc princeps hujus mundi ejicietur foras. Et reliqua.

Homilia S. Leonis Papæ.

Homilia. 8. de Passione Domini.

**E**XALTATO, dilectissimi, per Crucem Christo, non illa tantum species aspectui mentis occurrat, quæ fuit in oculis impiorum, quibus per Moysen dictum est: Et erit pendens vita tua ante oculos tuos, et timebis die ac nocte, et non credes vitæ tuæ. Isti enim nihil in crucifixo Domino præter facinus suum cogitare potuerunt, habentes timorem, non quo fides vera justificatur, sed quo conscientia iniqua torquetur. Noster vero intellectus, quem Spiritus veritatis illuminat, gloriam Crucis cælo terraque radiantem, puro ac libero corde suscipiat, et interiore acie videat, quale sit quod Dominus, cum de passionis suæ loqueretur instantia, dixit: Nunc judicium mundi est, nunc princeps hujus mundi ejicietur foras. Et ego, si exaltatus fuero a terra, omnia traham ad meipsum.

♀. Dulce lignum, dulces clavos, dulce pondus sustinuit: \* Quæ sola digna fuit portare pretium hujus sæculi. †. Hoc signum Crucis erit in cælo, cum Dominus ad judicandum venerit. Quæ.

Bened. Divinum auxilium.

Lectio viij.

**O** admirabilis potentia Crucis, o ineffabilis gloria passionis in qua et tribunal Domini et judicium mundi, et potestas est crucifixi! Traxisti enim Domine omnia ad te, et cum expandisses tota die manus tuas ad populum non credentem et contradicentem tibi, consistendæ majestatis

tuæ sensum totus mundus accepit. Traxisti, Domine, omnia ad te cum in execrationem Judaici sceleris, unam protulerant omnia elementa sententiam, cum, obscuratis luminaribus cæli, et converso in noctem die, terra quoque motibus quateretur insolitis, universaque creatura impiorum usui se negaret. Traxisti, Domine, omnia ad te, quoniam scisso templi velo, sancta sanctorum ab indignis pontificibus recesserunt, ut figura in veritatem, prophetia in manifestationem, et lex in Evangelium vertetur.

R. Sicut Moyses exaltavit serpentem in deserto, ita exaltari oportet Filium hominis: \* Ut omnis qui credit in ipsum, non pereat, sed habeat vitam æternam. †. Non misit Deus Filium suum in mundum, ut judicet mundum, sed ut salvetur mundus per ipsum. Ut. Gloria. Ut.

Lectio ix.

**T**RAXISTI, Domine, omnia ad te, ut quod in uno Judææ templo obumbratis significationibus tegebatur, pleno apertoque sacramento universarum ubique nationum devotio celebraret. Nunc etenim et ordo clarior Levitarum, et dignitas amplior seniorum, et sacratior est unctio sacerdotum: quia Crux tua omnium fons benedictionum: omnium est causa gratiarum: per quam credentibus datur virtus de infirmitate, gloria de opprobrio, vita de morte. Nunc etiam carnalium sacrificiorum varietate cessante, omnes differentias hostiarum una corporis et sanguinis tui implet oblatio: quoniam tu es verus Agnus Dei, qui tollis peccata mundi, et ita in te universa perficis mysteria; ut sicut unum est pro omni victima sacrificium, ita unam de omni gente sit regnum.

**Ad Laudes**

et per Horas, Antiphonæ.

1. O magnum pietatis opus! mors mortuus tunc est, in ligno quando mortua vita fuit.

2. Salva nos, \* Christe Salvator per virtutem Crucis, qui salvasti Petrum in mari, miserere nobis.

3. Ecce crucem Domini, \* fugite, partes adversæ; vicit leo de tribu Juda, radix David, \*allel.

4. Nos autem gloriari oportet in cruce Domini nostri Jesu Christi.

5. Per signum Crucis, \* de inimicis nostris libera nos, Deus noster.

*Capitulum.*

Philip. 2.

**F**RATRES, Hoc enim sentite in vobis, quod et in Christo Jesu, qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, et habitu inventus ut homo.

*Hymnus Lustra sex. ut in Dom. Pass. p. 298.*

ŷ. Adoramus te, Christe, et benedicimus tibi. ā. Quia per Crucem tuam redemisti mundum.

*Ad Bened. Ant.* Super omnia ligna cedrorum tu sola excelsior, in qua vita mundi pependit, in qua Christus triumphavit, et mors mortem superavit in æternum.

*Oratio.*

**D**EUS, qui nos hodierna die Exaltationis sanctæ Crucis annua solemnitate lætificas, præsta quæsumus, ut cujus mysterium in terra cognovimus, ejus redemptionis præmia in cælo mereamur. Per eundem.

*Et sit comm. Oct. Nat. B. M.*

*Ad Tertiam.*

*Capit. Fratres hoc enim.*

ā. br. Hoc signum Crucis, \* Erit in cælo. Hoc. ŷ. Cum Dominus ad judicandum venerit. Brit. Gloria. Hoc ŷ. Adoramus, te, Christe, et benedicimus tibi. ā. Quia per Crucem tuam redemisti mundum.

*Ad Sextam.*

*Capitulum.*

Galat. 6.

**M**ihi autem absit gloriari, nisi in Cruce Domini nostri Jesu Christi: per quem mihi mundus crucifixus est, et ego mundo.

ā. br. Adoramus te, Christe, \* Et benedicimus tibi. Adoramus. ŷ. Quia per Crucem tuam redemisti mundum. Et. Gloria Adoramus. ŷ. Omnis terra adoret te, et psallat tibi. ā. Psalmum dicat nomini tuo, Domine.

*Ad Nonam.*

*Capitulum.*

Philip. 2.

**H**UMILIAVIT semetipsum, factus obediens usque ad mortem, mortem autem Crucis Propter quod et Deus exaltavit illum, et donavit illi nomen, quod est super omne nomen.

ā. br. Omnis terra adoret te \* Et psallat tibi. Omnis. ŷ. Psalmum dicat nomini tuo, Domine. Et. Gloria. Omnis. ŷ. Hoc signum Crucis erit in cælo. ā. Cum Dominus ad judicandum venerit.

*In II. Vesperis.*

*Omnia dicuntur ut in I. præter.*

*Ad Magnif. Ant.* O Cruce benedicta, quæ sola fuisti digna portare Regem cælorum, et Dominum, alleluja.

*Et sit comm. diei Oct. Nat. Ant. et ŷ. ex I. Vesp.*

*Deinde S. Nicomedis Mart.*

*Oratio.*

**A**DESTO, Domine, populo tuo, ut beati Nicomedis Martyris tui merita præclara suscipiens, ad impetrandam misericordiam tuam semper ejus patrocinis adjuvetur. Per Dominum.

**Die 15. Octava.**

*Nativitatis B. Mariæ Virginis.*

*Duplex.*

*Lect. I. Noct. Quæ est ista, ut in die 22. Aug. p. 834.*

**IN II. NOCTURNO.**

*Sermo Sancti Cyrilli Episcopi Alexandrini.*

Homilia contra Nestorium.

Lectio iv.

**H**ILAREM video cœtum sancto-  
rum omnium, qui convenerunt  
promptis animis, a sancta et Dei  
matre Maria semper virgine convo-  
cati. Laus et gloria sit tibi sancta  
Trinitas, quæ omnes nos ad hanc  
celebritatem convocasti. Sit etiam tibi  
sancta Dei mater, laus. Tu enim es  
pretiosa margarita orbis terrarum, tu  
lampas inextinguibilis, coroua virgi-  
nitatis, sceptrum orthodoxæ fidei,  
templum indissolubile, continens eum  
qui nusquam contineri potest; Mater  
et Virgo, per quam benedictus qui  
venit in nomine Domini, in sanctis  
Evangelii nominatur.

Lectio v.

**P**ER te Trinitas sanctificatur, per  
te crux pretiosa celebratur, et  
adoratur in toto orbe terrarum. Per  
te exultat cœlum, lætantur Angeli  
et Archangeli, fugantur dæmones, et  
homo ipse ad cœlum revocatur. Per  
te omnis creatura idolorum errore  
detenta, conversa est ad agnitionem  
veritatis, et fideles homines ad san-  
ctum baptismum pervenerunt, atque  
in toto orbe terrarum constructæ sunt  
Ecclesiæ.

Lectio vj.

**T**E adjutrice, Gentes veniunt ad  
pœnitentiam. Quid plura? Per  
te unigenitus Dei Filius, vera illa  
lux effulsit sedentibus in tenebris et  
umbra mortis. Per te Prophetæ præ-  
nuntiarunt, per te Apostoli salutem  
gentibus prædicarunt. Quisnam pote-  
rit tuarum laudum præconia explica-  
re, Maria mater et virgo? Hanc fra-  
tres dilectissimi celebremus; ejus  
Fillum Ecclesiæ sponsum immacula-  
tum adorantes, cui honor et gloria  
in sæcula sæculorum. Amen.

*In III. Noct. Homil. Auditum quidem  
mirabile, ut in die 12. Dec. p. 625.*

Pro S. Nicomede Martyre.

Lectio ix.

**N**ICOMEDES Presbyter, perse-  
quente Christianos Domitiano Im-

peratore, quod corpus Feliculae vir-  
ginis propter confessionem Christianæ  
fidei a Flacco Comite interfectæ se-  
pelisset, comprehendi jussus est,  
ductusque ad statuas deorum. Cum  
eis sacrificare velle, (quod facere ju-  
bebatur) constanter negavisset, pro-  
pterea quod sacrificium uni Deo vero  
qui regnat in cœlis deberetur, plum-  
batus cæsus, in eo martyrio animam  
Deo reddidit. Cujus corpus cum idem  
Comes in profluentem Tiberim projici  
imperasset, Justus Nicomedis cle-  
ricus diligenter conquisitum, ad mu-  
ros Urbis via Nomentana honorifice  
in sepulchro condidit.

In Laud. fit com. S. Martyr.

*In II. Vesp. comm. SS. Cornelii et  
Cypriani Mart.*

Die 16. SS. Cornelii

ET CYPRIANI, MARTYRUM.

Semiduplex.

Oratio.

**B**EATORUM Martyrum pariter-  
que Pontificum Cornelii et Cy-  
priani nos quæsumus, Domine, festa  
tueantur, et eorum commendet ora-  
tio veneranda. Per Dominum.

*Deinde SS. Euphemie, Lucie et Ge-  
miniani Mart.*

*Variantur Ant. et y. tam in Vesp.  
quam in Laud.*

Oratio.

**P**RÆSTA Domine, precibus no-  
stris cum exultatione proventum,  
ut sanctorum Martyrum Euphemie,  
Lucie, et Geminiani, quorum diem  
passionis annua devotione recolimus,  
etiam fidei constantiam subsequamur.  
Per Dominum.

Lectio I. Noct. de Script. occ.

*In Quatuor Temp. Fratres debito-  
res, et tunc Lectio ix. de Homilia et  
comm. Ferie in Laud. tantum.*

IN II. NOCTURNO.

Lectio iv.

**C**ORNELIUS Romanus, Gallo et  
Volusiano Imperatoribus, Ponti-  
ficatum gerens, cum Lucina femina



sapetissima , corpora Apostolorum Petri et Pauli e catacumbis in opportuniorē locum transtulit , ac Pauli corpus Lucina in suo prædio via Ostiensi , prope eum locum , ubi fuerat gladio percussus , collocavit : Cornelius Principis Apostolorum corpus non longe inde , ubi crucifixus fuerat , reposuit. Quod cum ad Imperatores delatum esset , et Pontifice auctore multos fieri Christianos. mittitur is in exilium ad Centumcellas : ubi cum sanctus Cyprianus Episcopus Carthaginiensis per litteras est consolatus.

*Lectio v.*

**H**OC autem Christianæ charitatis officium cum frequens alter alteri persolveret , deteriorem in partem id accipientes Imperatores , accersitum Roman Cornelium , tanquam de majestate reum plumbatis cædi , raptumque ad Martissimulacrum ei sacrificare jubent. Quam impietatem cum ille detestaretur , ei caput abscissum est decimo octavo Kalendas Octobris. Cujus corpus beata Lucina clericis adiutoribus humavit in arenaria prædii sui prope cæmeterium Callisti. Vixit in Pontificatu annos circiter duos.

Ex libro S. Hieronymi Presbyteri de Scriptoribus Ecclesiasticis.

*Lectio vj.*

**CYPRIANUS** Afer , primum gloriose Rhetoricam docuit : exinde suadente præbytero Cæcilio , a quo et cognomen sortitus est , Christianus factus , omnem substantiam suam pauperibus erogavit. Ac post non multum temporis electus in presbyterum , etiam Episcopus Carthaginiensis constitutus est. Hujus ingenii superfluum est indicem texere , cum sole clariora sunt ejus opera. Passus est sub Valeriano et Gallieno Principibus , persecutione octava , eodem die quo Romæ Cornelius , sed non eodem anno.

In III. Noct. Homilia Dominus ac Redemptor , de Com. 1. loco.

*Pro SS. Martyribus.*

*Lectio ix.*

**EUPHEMIA** , Lucia , et Geminianus , in persecutione Diocletiani , non eodem loco , sed eodem die , martyrio coronati sunt. Euphemia virgo apud Chalcedonem , Prisco Proconsule , varia tormentorum genera , virgarum , equulei , rotarum , ignis constanter passa , demum bestiis obiecta , una ex iis morsum sancto corpori infigente , cæteris pedes ejus lambentibus , immaculatum spiritum Deo reddidit. Lucia , vidua Romana , a filio Eutropio , quod Christum multos annos coluisset , accusata , in ollam pice ac plumbo ferventem demittitur : unde incolumis evadens , cum ferro plumboque onerata per Urbem duceretur , Geminianum , nobilem virum , constantia fidei et martyrii ad Christum convertit ; quem etiam cum multis aliis ad fidem perductis , varie tortum , gloriosi martyrii , abscisso capite , socium habuit. Quorum corpora Maxima , mulier Christiana , honorifice sepelivit.

*In Laud. fit comm. SS. Mart.*

*Vesperæ de sequenti.*

**Die 17. In Impensione**

STIGMATUM SANCTI FRANCISCI ,  
Confessoris. *Duplex.*

*In Hymno* Iste Confessor , dicitur  
Hac die lætus meruit beata

Vulnera Christi.

*In utrisque Vesperis.*

†. Signasti , Domine , servum tuum Franciscum. ⁊. Signis redemptionis nostræ.

*Oratio.*

**DOMINE** Jesu Christe , qui , frigescente mundo , ad inflammandum corda nostra tui amoris igne , in carne beatissimi Francisci passionis tuæ sacra Stigmata renovasti , concede propitius , ut ejus meritis et precibus crucem jugiter feramus , et dignos fructus pœnitentiæ laciamus : Qui vivis.

*Deinde fit comm. SS. Cornelii et Cypriani Martyrum.*

IN I. NOCTURNO.

De Epistola B. Pauli Apostoli ad Galatas.

*Lectio j.*

Cap. 5.

**S**I spiritu vivimus, spiritu et ambulemus. Non efficiamur inanis gloriæ cupidi, invicem provocantes, invicem invidentes. Fratres, et si præoccupatus fuerit homo in aliquo delicto, vos, qui spirituales estis, huiusmodi instruite in spiritu lenitatis, considerans te ipsum, ne et tu tenteris. Alter alterius onera portate, et sic adimplebitis legem Christi. Nam si quis existimat se aliquid esse, cum nihil sit, ipse se seducit. Opus autem suum probet unusquisque, et sic in semetipso tantum gloriam habebit, et non in altero. Unusquisque enim onus suum portabit. Communicet autem is, qui catechizatur verbo, ei qui se catechizat, in omnibus bonis.

*Lectio ij.*

**N**OLITE errare, Deus non irridetur. Quæ enim seminaverit homo, hæc et metet. Quoniam qui seminat in carne sua, de carne et metet corruptionem: qui autem seminat in spiritu, de spiritu metet vitam æternam. Bonum autem facientes, non deficiamus: tempore enim suo metemus, non deficientes. Ergo dum tempus habemus, operemur bonum ad omnes, maxime autem ad domesticos fidei. Videte qualibus litteris scripsi vobis mea manu. Quicumque enim volunt placere in carne, hi cogunt vos circumcidi, tantum ut crucis Christi persecutionem non patiantur. Neque enim qui circumciduntur, legem custodiunt: sed volunt vos circumcidi, ut in carne vestra glorientur.

*Lectio iij.*

**M**ihi autem absit gloriari, nisi in cruce Domini nostri Jesu Christi, per quem mihi mundus crucifixus est, et ego mundo. In Christo enim Jesu neque circumcisio aliquid

valet, neque præputium, sed nova creatura. Et quicumque hanc regulam secuti fuerint, pax super illos, et misericordia, et super Israel Dei. De cætero nemo mihi molestus sit: ego enim stigmata Domini Jesu in corpore meo porto. Gratia Domini nostri Jesu Christi cum spiritu vestro, fratres, Amen.

IN II. NOCTURNO.

Divus Bonaventura in Legenda S. Francisci.

*Lectio iv.*

Cap. 13.

**F**IDELIS vera famulus et minister Christi Franciscus, biennio antequam spiritum redderet cælo, cum in loco excelso seorsum, qui mons Alvernæ dicitur, quadragenarium, ad honorem Archangeli Michaelis, jejunium inchoasset, supernæ contemplationis dulcedine abundantius solito superflusus, ac cælestium desideriorum ardentiori flamma succensus, supernarum cœpit inmissionum cumulatus dona sentire. Dum igitur Seraphicis desideriorum ardoribus sursum ageretur in Deum, et affectus compassiva teneritudine in eum transformaretur, cui ex charitate nimia crucifigi complacuit, quodam mane, circa festum Exaltationis sanctæ Crucis, in latere montis orans, vidit quasi speciem unius Seraphim, sex alas tam fulgidas quam ignitas habentem, de cælorum sublimitate descendere; qui volatu celerrimo ad aeris locum viro Dei propinquum perveniens, non solum alatus, sed et crucifixus apparuit: manus quidem et pedes habens extensos, et cruci affixos: alas vero sic miro modo hinc inde dispositas, ut duas supra caput erigeret, duas ad volandum extenderet, duabus vero reliquis totum corpus circumplectendo velaret. Hoc videns, vehementer obstupuit, mixtumque dolori gaudium mens ejus incurrit, dum et in gratioso ejus aspectu sibi tam mirabiliter quam familiariter apparentis excessivam quandam con-

cipiebat lætitiā: et dira conspecta crucis affixio ipsius animam compassivi doloris gladio pertransiit.

*Lectio v.*

**I**NTELLEXIT quidem illo docente interius, qui et apparebat exterius, quod licet passionis infirmitas cum immortalitate spiritus Seraphici nullatenus conveniret, ideo tamen huiusmodi visio suis fuerat præsentata conspectibus, ut amicus ipse Christi prænosceret, se non per martyrium carnis, sed per incendium mentis totum in Christi Jesu crucifixi expressam similitudinem transformandum. Disparens itaque visio, post arcanum ac familiare colloquium, mentem ipsius Seraphico interius inflammavit ardore, carnem vero Crucifixo conformi exterius insignivit effigie, tanquam si ad ignis liquefactivam virtutem præambulam sigillativa quædam esset impressio subsecuta. Statim namque in manibus et pedibus ejus apparere cæperunt signa clavorum, ipsorum capitibus in inferiori parte manuum et superiori pedum apparentibus, et eorum acuminibus existentibus ex adverso. Dextrum quoque latus, quasi lancea transfixum, rubra cicatrice obductum erat: quod sæpe sanguinem sacrum effluens, tunicam et femoralia respergebat.

*Lectio vj.*

**P**OSTQUAM igitur novus homo Franciscus, novo et stupendo miraculo claruit, cum singulari privilegio retroactis sæculis non concesso insignitus apparuit, sacris videlicet Stigmatibus decoratus, descendit de monte secum ferens Crucifixi effigiem, non in tabulis lapideis vel ligneis manu figuratam artificis, sed in carneis membris descriptam digito Dei vivi. Quoniam sacramentum Regis Seraphicus vir abscondere bonum esse optime norat, secreti regalis conscius, signacula illa sacra pro viribus occultabat. Verum quia Dei est ad gloriam suam magna revelare, quæ facit Dominus ipse, qui signacula il-

la secrete impresserat, miracula quædam aperte per ipsa monstravit, ut illorum occulta et mira vis Stigmatum, manifesta pateret claritate signorum. Porro rem admirabilem, ac tantopere testatam, atque in Pontificiis diplomatibus præcipuis laudibus et favoribus exaltatam, Benedictus Papa Undecimus anniversaria solemnitate celebrari voluit: quam postea Paulus Quintus Pontifex Maximus, ut corda fidelium in Christi crucifixi accenderentur amorem, ad universam Ecclesiam propagavit.

*In III. Noct. Homilia Quia Dominus ac Redemptor, de Comuni Mar. p. 22.*

¶. vij. Iste qui ante Deum magnas virtutes operatus est, et de omni corde suo laudavit Dominum: " Ipse intercedat pro peccatis omnium populorum. ¶. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

¶. viij. Mihi absit gloriari, nisi in Cruce Domini nostri Jesu Christi: " Per quem mihi mundus crucifixus est, et ego mundo. ¶. Ego enim Stigmata Domini Jesu in corpore meo porto. Per. Gloria. Per.

*Ad Laud. in Hymno Jesu corona celsior, dicitur.*

¶. Anni reverso tempore  
Dies refulsit lumine,  
Quo Sanctus hic in corpore  
Christi recepit Stigmata.

*Vesperæ a Capit. de sequenti.*

**DIE 18. S. JOSEPHI A Cap.**  
Confessoris Duplex.

*Omnia ut in append. pro aliquib. loc. sub hac die p. 287.*

*Vesperæ a Capit. de sequenti.*

**DIE 19. SS. JANUARIi Episc.**  
ET soc. Mart. Duplex.  
*Oratio.*

**D**EUS, qui nos annua sanctorum Martyrum tuorum Januarii et sociorum ejus solemnitate lætificas, concede propitius, ut quorum gaude-



mus meritis, accendamus exemplis.  
Per Dominum.

*Et sit. comm. præced. Ant.* Existimo omnia detrimentum esse propter eminentem scientiam Jesu Christi Domini mei.

*Lect. I. Noct. de Script. occ.*

*In Quatuor Temp. Fratres debitores, et tunc Lectio ix. de Homilia et comm. Ferie in Laud. tantum.*

## IN II. NOCTURNO.

*Lectio iv.*

**JANUARIUS**, Beneventi Episcopus, Diocletiano et Maximiano in Christianos sævientibus, ad Timotheum Campaniæ Præsidentem ob Christianæ fidei professionem Nolam perducitur. Ibi ejus constantia varie tentata, in ardentem fornacem conjectus, ita illæsus evasit, ut ne vestimentum aut capillum quidem flamma violaverit. Hinc Præses accensus iracundia, martyris corpus imperat usque eo distrahi, quoad nervorum compages artuumque solvantur. Festus interea ejus Diaconus, et Desiderius Lector comprehensi, vinctique una cum Episcopo ante rhedam Præsidis Puteolos pertrahuntur, et in eundem carcerem, in quo Sosius Misenas, et Proculus Puteolanus Diaconus, Eutyches et Acutius Laici ad bestias damnati detinebantur, simul conjiciuntur.

*Lectio v.*

**POSTERO** die omnes in amphitheatro feris objecti sunt: quæ naturalis oblitæ feritatis, ad Januarii pedes se prostravere. Id Timotheus magicis cantionibus tribuens, cum sententiam capitis in Christi martyres pronuntiasset, oculis repente captus, orante mox beato Januario, lumen recepit: quo miraculo hominum milia fere quinque Christi fidem susceperunt. Verum ingratus judex nihilo placatior factus beneficio, sed conversione tantæ multitudinis actus in rabiem, veritus maxime Principum decreta, sanctum Episcopum cum sociis gladio percuti jussit.

*Lectio vj.*

**HORUM** corpora finitimæ urbes, pro suo quæque studio certum sibi patronum ex iis apud Deum adoptandi, sepellienda curarunt. Januarii corpus Neapolitani divino admonitu extulere: quod primo Beneventum, inde ad monasterium montis Virginis, postremo Neapolim translatum, et in majori Ecclesia conditum, multis miraculis claret. Sed illud in primis memorandum, [quod erumpentes olim e monte Vesuvio flammæ globos, nec vicinis modo, sed longinquis etiam regionibus vastitatis metum afferentes, extinxit. Præclarum illud quoque, quod ejus sanguis, qui in ampulla vitrea concretus asservatur, cum in conspectu capitis ejusdem Martyris ponitur, admirandum in modum colliquefieri et ebullire, perinde atque recens effusus, ad hæc usque tempora cernitur.

## IN III. NOCTURNO.

*Lectio sancti Evangelii secundum Matthæum.*

*Lectio vij.*

*Cap. 24.*

**IN** illo tempore: Sedente Jesu super montem Oliveti, accesserunt ad eum discipuli ejus secreto, dicentes: Dic nobis, quando hæc erunt? Et reliqua.

*Homilia sancti Hilarii Episcopi.*

*Comment. in Matth. c. 25.*

**DISCIPULI** Dominum interrogant quando hæc fierent, quodve signum et adventus sui et consummationis sæculi noscerent. Et quia tria hæc in unum quæsitæ sunt, distinctis et temporis et intelligentiæ significationibus separantur. Respondetur igitur primum de civitatis occasu, et confirmantur veritate doctrinæ, ne quis fallax ignorantibus posset obrepere. Venturi enim erant etiam eorum tempore, qui se Christum essent nuncupaturi. Ut igitur fides pestifero mendacio detrahi posset, admonitio præcessit.

*Lectio viij.*

**CONFIRMAT** igitur eos ad tolerantiam passionum, fugæ, verberationis, interitus, et publici in eos odii propter nomen ejus. Atque his quidem vexationibus multi turbabuntur, et tantis insurgentibus malis scandalizabuntur, et usque in mutuum odium excitabuntur. Et falsi prophetæ erunt (ut Nicolaus unus ex septem Diacombus fuit) multosque ementita veritate pervertent; et abundante nequitia, charitas refrigescet.

*Lectio ix.*

**SED** usque in finem perseverantibus salus reservata est; ac tum per omnes orbis partes viris Apostolicis dispersis, Evangelii veritas prædicabitur. Et cum universis fuerit cognitio sacramenti cœlestis invecta, tum Jerusalem occasus et finis incumbet: ut prædicationis fidem et infidelium pœna, et metus civitatis erutæ consequatur. Hæc igitur in eam, ut fuerant prædicta, perfecta sunt: et lapidatis, fugatis, peremptis Apostolis, fame, bello, captivitate consumpta est. Ac tum fuit digna non esse, cum, ejectis prædicatoribus Christi, indignam Dei prædicatione se præbuit.

*Vesperæ a Capit. de sequenti.*

**DIE 20. SS. Eustac. et Soc.**

*Martyrum. Duplex.*

*Oratio. Deus, qui nos concedis, p. 29.*

*Et fit commemor. præced.*

*Lect. I. Noct. de Script. occ.*

*In Quatuor Temp. Fratres debitores, et tunc Lectio ix de Homilia et comm. Feriæ in Laud. tant. De Vigilia autem nihil fit nisi in Missa.*

**IN II. NOCTURNO.**

*Lectio iv.*

**EUSTACHIUS**, qui et Placidus, genere, opibus, et militari gloria inter Romanos insignis, sub Trajano Imperatore magistri militum titulum meruit: cum vero sese ali-

quando in venatione exerceret, ac fugientem miræ magnitudinis cervum insequeretur, vidit repente inter consistentis feræ cornua excelsam atque fulgentem Christi Domini e cruce pendentis imaginem, cujus voce ad immortalis vitæ prædam invitatus, una cum uxore Theopista, ac duobus parvulis filiis, Agapito et Theopisto, Christianæ militiæ nomen dedit.

*Lectio v.*

**MOX** ad visionis pristinæ locum, sicut ei Dominus præceperat, regressus, illum prænuuntiantem audivit, quanta sibi deinceps, pro ejus gloria perferenda essent. Quocirca incredibiles calamitates mira patientia perpessus, brevi in summam egestatem redactus est. Cumque clam se subducere cogeretur, in itinere conjugem primum, deinde etiam liberos sibi miserabiliter ereptos ingemuit. Tantis obvolutus ærumnis, in regione longinqua villicum agens, longo tempore delituit; donec cœlesti voce recreatus, ac nova occasione a Trajano conquisitus iterum bello præficatur.

*Lectio vj.*

**ILLA** in expeditione, liberis simul cum uxore insperato receptis, victor Urbem ingenti omnium gratulatione ingreditur. Sed paulo post inanibus diis pro parta victoria sacrificare jussus, constantissimo renuit. Cumque variis artibus ad Christi fidem ejurandam frustra tentaretur, una cum uxore et liberis leonibus objicitur. Horum mansuetudine concitatus Imperator, æneum in taurum subjectis flammis candentem eos immitti jubet, ubi divinis in laudibus consummato martyrio, duodecimo Kalendas Octobris ad sempiternam felicitatem convolarunt. Quorum illæsa corpora religiose a fidelibus sepulta, postmodum ad Ecclesiam, eorum nomine erectam, honorifice translata sunt.

*In III. Noct. Homilia Adverte omnia diligenter, de Com. II. loco. p 37.*

*Pro Vigilia S. Matthæi.*

## IN II. NOCTURNO

*Lectio iv.*Lectio sancti Evangelii secundum  
Lucam.*Lectio xj.*

Cap. 5.

**I**N illo tempore: Vidit Jesus publicanum nomine Levi, sedentem ad telonium, et ait illi: sequere me. Et reliqua.

Homilia S. Ambrosii Episcopi.

*Lib. 5. Comm. in Luc. c. 5.*

**M**YSTICA est hæc vocatio publicani, quem sequi jubet non corporis gressu, sed mentis affectu. Itaque ille prius avara de mercedibus, dura de laboribus periculisque nautarum emolumenta convertens, verbo vocatus, propria derelinquit, qui rapiebat aliena; ac vile illud sedile destituens, toto post Dominum vestigio mentis incedit; convivii quoque magni exhibet apparatus. Qui enim domicilio Christum recipit interno maximis delectationibus exuberantium pascitur voluptatum.

*In Laud. pro com. Vigiliæ Ant. et p. de Feria occ.*

*Oratio.*

**D**A, quæsumus, omnipotens Deus, ut beati Matthæi Apostoli tui et Evangelistæ, quam prævenimus, veneranda solemunitas et devotionem nobis augeat et salutem. Per Dominum.

*Vesperæ de sequenti.***Die 21. S. Matthæi**

Apostoli et Evangelistæ.

*Duplex 2. classis.**Oratio.*

**B**EATI Apostoli et Evangelistæ Matthæi, Domine, precibus adjuvemur, ut quod possibilitas nostra non obtinet, ejus nobis intercessionem donetur. Per Dominum.

*Et fit. commemor. præced.*

*Lect. I. Noct. Incipit liber Ezechielis Prophetæ, ut in Dom. 1. Nov. p. 567.*

**M**ATTHÆUS, qui et Levi, Apostolus et Evangelista, Capharnai cum ad telonium sederet, a Christo vocatus, statim secutus est ipsum: quem etiam cum reliquis discipulis convivio excepit. Post Christi resurrectionem, antequam in provinciam proficisceretur, quæ ei ad prædicandum obtigerat, primus in Judæa, propter eos qui ex circumcisione crediderant, Evangelium Jesu Christi hebraice scripsit. Mox in Æthiopiam profectus, Evangelium prædicavit, ac prædicationem multis miraculis confirmavit.

*Lectio v.*

**I**LLO igitur in primis miraculo, quo regis filiam a mortuis excitavit, regem patrem, et uxorem ejus, cum universa provincia ad Christi fidem convertit. Rege mortuo, Hirtacus ejus successor, cum Iphigeniam, regiam filiam vellet sibi dari in matrimonium, Matthæum, cujus opera illa virginitatem Deo voverat, et in sancto proposito perseverabat, ad altare mysterium celebrantem jussit occidi. Qui undecimo Kalendas Octobris munus Apostolicum martyrii gloria cumulavit. Cujus corpus Salernum translatus, ac postmodum in Ecclesia ejus nomine dedicata, Gregorio Septimo Summo Pontifice, conditus, ibidem magno hominum concursu ac pietate colitur.

*Lectio vi. Sancta quatuor animalia, pro Evangel., p. 12. cum q. vi. de Com.*

## IN III. NOCTURNO.

Lectio sancti Evangelii secundum  
Matthæum.*Lectio vij.*

Cap. 9.

**I**N illo tempore: Vidit Jesus hominem sedentem in telonio, Matthæum nomine, et ait illi: sequere me. Et reliqua.

Homilia S. Hieronymi Presbyteri.

*Lib. 1. Comm. in Matth. c. 9.*

**C**ÆTERI Evangelistæ propter, verecundiam et honorem Matthæi,



noluerunt cum nomine appellare vulgato, sed dixerunt Levi: duplici quippe vocabulo fuit. Ipse autem Matthæus (secundum illud quod dicitur a Salomene: Justus accusator est sui in principio sermonis; et in alio loco: Dic tu peccata tua, ut justifieris) Matthæum se et publicanum nominat, ut ostendat legentibus, nulum debere salutem desperare, si ad meliora conversus sit, cum ipse de publicano in Apostolum sit repente mutatus.

*Lectio. viij.*

**ARGUIT** in hoc loco Porphyrius, et Julianus Augustus, vel imperitiam historici mentientis, vel stultitiam eorum, qui statim secuti sint Salvatorem, quasi irrationabiliter quemlibet vocantem hominem sint secuti: cum tantæ virtutes, tantaque signa præcesserint, quæ Apostolos antequam crederent, vidisse non dubium est. Certe fulgor ipse, et majestas divinitatis occultæ, quæ etiam in humana facie relucebat, ex primo ad se videntes trahere poterat aspectu. Si enim in magnete lapide, et succinis hæc esse vis dicitur, ut annulo, et stipulam, et festucas sibi copulent, quanto magis Dominus omnium creaturarum ad se trahere poterat quos vocabat?

*Lectio ix.*

**ET** factum est, discumbente eo in domo, ecce multi publicani et peccatores venientes discumbebant cum Jesu. Videbant publicanum a peccatis ad meliora conversum, locum invenisse pœnitentiæ, et ob id etiam ipsi non desperant salutem. Neque vero in pristinis vitiis permanentes veniunt ad Jesum, ut Pharisei et Scribæ murmurant; sed pœnitentiam agentes, ut sequens Domini sermo significat, dicens: Misericordiam volo, et non sacrificium: non enim veni vocare justos, sed peccatores. Ibat autem Dominus ad convivia peccatorum, ut occasionem haberet docendi,

et spirituales invitatoribus suis præberet cibos.

*In II. Vesp. comm. sequentis, etc. ut infra.*

**DIE 22. S. Thom. de Villan.,**

Episc. et Conf. Dupl. ( m. t. v. ).

*In utrisque Vesp. ad Magnif.*

*Ant.* Dispersit, dedit pauperibus, justitia ejus manet in sæculum sæculi.

*Oratio.*

**DEUS**, qui beatum Thomam Pontificem iusignis in pauperes misericordiæ virtute decorasti, quæsumus, ut ejus intercessione, in omnes qui te deprecantur, divitias misericordiæ tuæ benignus effundas. Per Dominum.

*Et SS. Mauriti et soc. Mart.*

*Oratio.*

**ANNUE**, quæsumus, omnipotens Deus, ut sanctorum Martyrum tuorum Mauriti et sociorum ejus nos lætificet festiva solemnitas, ut quorum suffragiis nitimur, eorum natalitiis gloriemur. Per Dominum,

*Lect. I. Noct. de Script. occ.*

*In Quatuor. Temp. Fidelis sermo, et tunc Lectio ix. de Homilia et comm. Feriæ in Laud. tantum.*

IN II. NOCTURNO.

*Lectio iv.*

**THOMAS** in oppido Fontisplani Toletanæ diœceseos in Hispania natus, anno Domini millesimo quadringentesimo octogesimo octavo, ab optimis parentibus, ineunte vitæ, pietatem et singularem in pauperes misericordiam accepit. Cujus adhuc puer complura dedit exempla, sed illud in primis nobile, quod ut nudos operiret, propriis vestibus non semel seipsum exuit. Exacta pueritia, Compuito, quo missus fuerat, ut alumnus in collegio majori sancti Ildephousi litteris operam daret, patris obitu revocatus, universam hæreditatem egenis virginibus alendis dicavit; eodemque statim reversus est, et sacræ Theologiæ cursu confecto, adeo

doctrina excelluit, ut in eadem Universitate cathedram ascendere jussus, Philosophicas Theologicasque quæstiones mirabiliter explanaverit: interim assiduis precibus scientiam Sanctorum, et rectam vitæ morumque normam a Domino vehementissime postulans. Quare divino instinctu Eremitarum sancti Augustini amplexus est institutum.

*Lectio v.*

**RELIGIONEM** professus, omnibus religiosi hominis virtutibus et ornamentis excelluit, humilitate, patientia, continentia, sed ardentissima charitate summe conspicuus; inter varios et assiduos labores, orationi rerumque divinarum meditationi invicto spiritu semper intentus. Prædicandi onus, utpote sanctimonia et doctrina præstans, subire jussus, cœlesti aspirante gratia, innumerabiles, e vitiorum cœno in viam salutis eduxit. Regendis deinde fratribus ad motus, prudentiam, æquitatem, et mausuetudinem pari sedulitate ac severitate conjunxit, adeo ut priscam sui Ordinis disciplinam multis in locis vel firmaverit, vel restituerit.

*Lectio vj.*

**GRANATENSIS** Archiepiscopus designatus mira humilitate et constantia iosigne munus rejecit. Verum non multo post, Valentinam Ecclesiam, Superiorum auctoritate coactus, gubernandam suscepit, quam annis ferme undecim ita rexit, ut sanctissimi et vigilantissimi pastoris partes expleverit. Cæterum, consueta vivendi ratione nihil admodum immutata, inexplebili charitati multo magis indulsit, cum amplos Ecclesiæ redditus in ægenos dispersit, ne lectulo quidem sibi relicto; nam eum, in quo decumbebat cum in colum evocaretur, ab eodem commodatum habuit, cui paulo ante eleemosynæ loco donaverat. Obdormivit in Domino sexto Idus Septembris, annos natus octo et sexaginta. Servi sui sanctitatem adhuc viventis, et exinde post

mortem miraculis Deus testatam voluit, præsertim cum horreum, frumento pauperibus distributo, penitus vacuum, repente plenum inventum est, et cum ad ejus sepulchrum puer mortuus revixit. Quibus aliisque non paucis fulgentem signis Alexander Septimus Pontifex Maximus Sanctorum numero adscripsit, atque ejus memoriam quartodecimo Kalendas Octobris celebrari mandavit,

*In III. Noct. Homilia Lectio sancti Evangelii de Com. I. loco.*

*Pro SS. Martyribus.*

*Lectio ix.*

**CUM** Maximianus Imperator, ducto in Galliam exercitu, in finibus Sedunorum sacrificii causa constitisset, Thebæorum legio, ne se impiorum sacrorum societate contaminaret a reliquis copiis discessit. Quare Imperator misit ad eos milites, qui suo nomine nuntiarent, ut, si salvi esse vellent, in castra ad sacrificia redirent. Qui se Christiana religione impediri responderunt. Quorum responsum ille indignissime ferens, majori iracundia, quam antea, exarsit. Itaque, immissa parte exercitus in Thebæos, decimum quemque eorum primum occidi jussit: quod martyrium sua sponte, maximeque hortatore Mauritio, ferre maluerunt, quam imperata facere nefarii Imperatoris: ac deinde reliquos omnes, constantissime Christum prædicantes, decimo Kalendas Octobris ab universo exercitu trucidari imperat.

*In Laud. ad Bened. Ant. Eleemosynas illius enarrabit omnis Ecclesia sanctorum.*

*Et fit comm. SS. Martyrum.*

*In II. Vesp. fit comm. sequentis, etc. ut infra.*

**Die 23. S. Linl.**

*Papæ et Martyris. Semiduplex.*

*Oratio. Deus qui nos, p. 14.*

*Deinde S. Theclæ Virg. et Mart.*

*Oratio.*

**D**A, quæſumus, omnipotens Deus, ut qui beatæ Theclæ Virginis et Martyris tuæ natalitia colimus, et annua ſolemnitate lætemur, et tantæ fidei proficiamus exemplo. Per Dominum.

*Lect. I. Noct. de Script. occ.*

*In Quatuor Temp. A Mileto, et tunc Lectio ix. de Homilia et comm. Feriæ in Laud.*

IN II. NOCTURNO.

*Lectio iv.*

**L**INUS Pontifex, Volaterris in He-  
truria natus, primus poſt Petrum  
gubernavit Eccleſiam. Cujus tanta fi-  
des et ſanctitas fuit, ut non ſolum  
dæmones ejiceret, ſed etiam mortuos  
revocaret ad vitam. Scripſit res ge-  
ſtas beati Petri, et ea maxime quæ  
ab illo acta ſunt contra Simonem  
magum. Saucivit ne qua mulier,  
niſi velato capite in Eccleſiam introi-  
ret. Huic Pontifici caput amputatum  
eſt ob conſtantiam Chriſtianæ fidei  
juſſu Saturnini impii et ingratiſſimi  
Conſularis, cujus filiam a dæmonum  
vexatione liberaverat. Sepultus eſt in  
Vaticano prope ſepulchrum Principis  
Apoſtolorum, nono Kalendas Octobris.  
Sedit annos undecim, meſes duos,  
dies viginti tres: creatis hiſ meſe  
Decembri Episcopis quindecim, Pres-  
byteris decem et octo.

*Lectio v. et vj. Principes perſecuti ſunt de Com. 2. loco, p. 21. cum n. v. et vj.*

*In III. Noct. Homilia Si Conſideremus de Co n. I. loco.*

Pro S. Thecla.

*Lectio ix.*

**T**HECLA virgo, ex illuſtribus  
parentibus Iconii, nata, a Paulo  
Apoſtolo fidei præceptis inſtituta, mi-  
ris ſanctorum Patrum laudibus cele-  
bratur. Quæ decimum octavum an-  
num agens, Thamiride ſponſo reli-  
cto, cum eam parentes, quod Chri-  
ſtiana eſſet, accuſaſſent, in ardentem  
rogum, qui, niſi Chriſto renuntiaret,

ei paratus erat, prius ſigno crucis  
armata ſeipſam iniecit. Sed igne pla-  
via, quæ repente exorta eſt, extincto,  
Antiochiam venit, ubi feris objecta,  
et tauris in diverſa incitatis alligata,  
mox conſecta in ſoſſam plenam ſer-  
pentibus, et omnibus Jeſu Chriſti  
gratia liberatur. Cujus ardore fidei,  
et vitæ ſauctitate multi ad Chriſtum  
converſi ſunt. Iterum in patriam re-  
diens, in montem ſola ſeceſſit: dein-  
de multis virtutibus, et miraculis  
inſignis nonagenaria migravit ad Do-  
minum, ac Seleuciæ ſepulta eſt.

*In Laud. com S. Theclæ.*

*Vesperæ de ſequenti.*

Die 24. B. V. M. De Merc.

*Duplex Majus.*

*Omnia ut in Feſtis B. M. V. p. 92.*

*Oratio.*

**D**EUS, qui per glorioſiſſimam  
Filii tui Matrem, ad liberandos  
Chriſti fideles a poteſtate paganorum  
nova Eccleſiam tuam prole ampli-  
ficare dignatus es, præſta, quæſumus,  
ut quam pie veneramur tanti operis  
inſtitutricem, ejus pariter meritis et  
interceſſione, a peccatis omnibus, et  
captivitate dæmonis liberemur. Per  
eundem Dominum.

*Et ſit commemor. præced.*

IN II. NOCTURNO.

*Lectio iv.*

**Q**UO tempore major feliciorque Hi-  
ſpaniarum pars diro Saracenorum  
opprimebatur jugo, innumerique fide-  
les ſub immani ſervitute, maximo cum  
periculo Chriſtianæ fidei abjurandæ,  
amittendæque ſalutis æternæ, infeli-  
citer detinebantur, beatiffima cœlorum  
Regina tot tantique benigniter occur-  
rens malis, nimiam charitatem ſuam  
in iis redimendis oſtendit. Nam ſancto  
Petro Nolaſco pietate et opibus floren-  
ti, qui ſanctis vacans meditationibus,  
jugiter animo recogitabat qua ratione  
tot Chriſtianorum ærumois ſub Mau-  
rorum captivitate degentium ſuccurri  
poſſet, ipſamet beatiffima Virgo ſe-



rena fronte se conspiciendam dedit, et acceptissimum sibi ac unigenito suo Filio fore dixit, si suum in honorem institueretur Ordo Religiosorum, quibus cura incumberet captivos e Turcarum tyrannide liberandi. Qua celesti visione vir Dei recreatus, mirum est quo charitatis ardore flagrare cœperit, hoc unum servans in corde suo, ut ipse ac instituenda ab eo Religio maximam illam charitatem sedulo exercerent, ut quisque animam suam poneret pro amicis et proximis suis.

*Lectio v.*

**E**A ipsa nocte eadem Virgo sanctissima beato Raymundo de Pegnafort, et Jacobo Aragoniæ regi apparuit, idipsum de Religiosis instituendis admonens, suadensque ut opem pro constructione tanti operis ferrent. Petrus autem statim ad Raymundi pedes, qui ipsi erat a sacris confessionibus advolans, ei rem omnem aperuit, quem etiam cœlitus instructum reperit, ejusque directioni se humillime subjecit. At superveniens Jacobus rex, quam et ipse acceperat a beatissima Virgine revelationem, exequi statuit. Unde collatis inter se consiliis, et consentientibus animis, in honorem ejusdem Virginis matris Ordinem instituere aggressi sunt, sub invocatione sanctæ Mariæ de Mercede Redemptionis Captivorum.

*Lectio vj.*

**D**IE igitur decima Augusti anno Domini millesimo ducentesimo decimo octavo, rex idem Jacobus eam institutionem jam pridem ab iisdem sanctis viris conceptam exequi statuit, sodalibus quarto voto adstrictis manendi in pignus sub paganorum potestate, si pro Christianorum liberatione opus fuerit. Quibus rex ipse arma sua regia in pectore deferre concessit, et a Gregorio Nono illud tam præcellens erga proximum charitatis Institutum, et Religionem confirmari curavit. Sed et ipse Deus per Virginem matrem incrementum dedit, ut talis institutio celerius ac felicius to-

tum per orbem divulgaretur, sanctisque viris floruerit charitate ac pietate insignibus, qui eleemosynas a Christi fidelibus collectas in pretium redemptionis suorum proximorum expenderent, seque ipsos interdum darent in redemptionem multorum. Ut autem tanti beneficii et institutionis debitæ Deo et Virgini matri referantur gratiæ, Sedes Apostolica hanc peculiarem Festivitatem celebrari et Officium recitari indulsit, cum alia fere innumera eidem Ordini privilegia pariter contulisset.

### **Die 26. SS. Cypriani**

ET JUSTINÆ, Martyrum.

*Oratio.*

**BEATORUM** Martyrum Cypriani et Justinæ nos, Domine, foveant continuata præsidia, quia non desinis propitius intueri, quos talibus auxiliis concesseris adjuvari. Per Dominum.

*Lectio ij.*

**CYPRIANUS**, primum magus, postea martyr, cum Justinam Christianam virginem, quam juvenis quidam ardentem amabat, cantionibus ac veneficiis ad ejus libidinis assensum allicere conaretur, dæmonem consuluit, quamnam id re consequi posset. Cui dæmon respondit, nullam illi artem processuram adversus eos, qui vere Christum colerent. Quo responso commotus Cyprianus, vehementer dolere cœpit vitæ superioris institutum. Itaque, relictis magicis artibus, se totum ad Christi Domini fidem convertit.

*Lectio iij.*

**QUAM** ob causam una cum virgine Justina comprehensus est, et ambo colaphis flagellisque cæsi sunt, mox in carcerem coniecti, si forte sententiam commutarent. Verum inde postea emissi, cum in Christiana religione constantissimi reperirentur, in sartaginem plenam ferventis picis, adipis, et ceræ injecti sunt. Demum Nicomediæ securi feriuntur. Quorum

projecta corpora cum sex dies inhumata jacuissent , noctu quidam nau-  
tæ clam ea in navem imposita Romam  
portaverunt : ac primum in prædio  
Rufinæ nobilis seminæ sepulta sunt ,  
postea translata in Urbem , in Basili-  
ca Constantiniana condita sunt prope  
Baptisterium.

**Die 27. SS. Cosmæ**

ET DAMIANI, Mart. Semiduplex.

*Oratio.*

**P**RÆSTA , quæsumus , omnipo-  
tens Deus , ut qui sanctorum  
Martyrum tuorum Cosmæ et Damiani  
natalitia colimus , a cunctis malis im-  
minentibus , eorum intercessionibus  
liberemur. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**C**OSMAS et Damianus fratres A-  
rabes , in Ægea urbe nati , no-  
biles medici , Imperatoribus Diocleti-  
ano et Maximiano , non magis medi-  
cinæ scientia , quam Christi virtute ,  
morbis etiam insanabilibus medeban-  
tur. Quorum religionem cum Lysias  
Præfectus cognovisset , adduci eos ad  
se jubet , ac de vivendi instituto , et  
de fidei professione interrogatos , cum  
se et Christianos esse , et Christianam  
fidem esse ad salutem necessariam ,  
libere prædicarent , deos venerari im-  
perat ; et si id recusent , minatur cru-  
ciatus et necem acerbissimam.

*Lectio v.*

**V**ERUM ut se frustra hæc illis  
proponere intelligit ; Colligate ,  
inquit , manus et pedes istorum ,  
eosque exquisitis torquete suppliciis.  
Quibus jussa exequentibus , nihilomi-  
nus Cosmas et Damianus in sententia  
persistebant. Quare ut erant vincti in  
profundum mare jaciuntur : unde cum  
salvi ac soluti essent egressi , magi-  
cis artibus Præfectus factum assignans ,  
in carcerem tradit , ac postridie edu-  
ctos , in ardentem rogam injici ju-  
bet : ubi cum ab ipsis flamma refu-

geret , varie et crudeliter tortos se-  
cui percuti voluit. Itaque in Jesu  
Christi confessione martyrii palmam  
acceperunt.

*Lectio vj. Quotiescumque , de Com.  
I. loco , cum q. vj.*

*In III. Noct. Homilia Adverte o-  
mnia diligenter de Com. 2. loco , p.  
37. q. viij. Hæc est vera fraternitas.  
Vesperæ a Capit. de sequenti.*

**Die 28. S. Wenceslai.**

Martyris. Semiduplex.

*Oratio.*

**D**EUS , qui beatum Wenceslaum  
per martyrii palmam a terreno  
principatu ad cœlestem gloriam trans-  
tulisti , ejus precibus nos ab omni  
adversitate custodi , et ejusdem tri-  
bue gaudere consortio. Per Dominum.

*Deinde fit commemor. præced.*

*Lect. I. Noct. de Script. occ.*

IN II. NOCTURNO.

*Lectio iv.*

**W**ENCESLAUS Bohemiæ Dux ,  
Wratislao patre Christiano ,  
Drahomira matre gentili natus , ab  
avia Ludmilla femina sanctissima pie  
educatus , omni virtutum genere in-  
signis , summo studio virginitatem  
per omnem vitam servavit illibatam.  
Mater per nefariam Ludmillæ necem  
regni administrationem assecuta , im-  
pie cum juniore filio Boleslao vivens ,  
concitavit in se Procerum indignatio-  
nem : quare tyrannici et impii regi-  
minis pertæsi , utriusque excusso ju-  
go , Wenceslaum in urbe Pragensi re-  
gem salutarunt.

*Lectio v.*

**I**LLE regnum pietate magis quam  
Imperio regens , orphanis , viduis ,  
egenis tanta charitate subvenit , ut  
propriis humeris aliquando ligna in-  
digentibus noctu comportarit ; pau-  
peribus humanis frequenter adfuerit ,  
captivos liberarit , carceribus deten-  
tos nocte intempesta visiterit , pecu-  
niis et consilio sæpissime consolatus.  
Miti animo Princeps vehementer do-  
lebat , quempiam , etsi reum , morti

adjudicari. Summa religione sacerdotēs veneratus, suis manibus triticum serebat, et vinum exprimebat, quibus in Missæ sacrificio uterentur. Nocte nudis pedibus super nivem et glaciem circuibat Ecclesias, sanguinea et terram calefacientia post se relinquens vestigia.

*Lectio vj.*

**A**NGELOS habuit sui corporis custodes: cum enim ad singulare certamen adversus Radislaum, ducem Curimensem, eo fine accederet, ut suorum saluti prospiceret, visi sunt Angeli arma ministrasse, et dixisse adversario: Ne serias. Perterritus hostis venerabundus procidens, veniam exoravit. Cum in Germaniam profectus esset, Imperator, conspectis duobus Angelis aurea cruce ad se accedentem ornantibus, e solio prosiliens brachiis excepit, regis insignibus decoravit, eique sancti Viti brachium donavit. Nihilominus impius frater, matre hortante, convivio exceptum, et postea in Ecclesia orantem, paratæ sibi mortis præscium, adhibitis sceleris comitibus, interfecit. Sanguis per parietes aspersus adhuc conspicitur, et, Deo vindice, matrem inhumanam terra absorbit: interfectores variis modis misere perierunt.

*In III. Noct. Homilia. Quid Dominus ac Redemptor. de Com. 2. loco, p. 22'.*

*Vesp. de seq. sine comm. præced.*

## **DIE 29. In Dedicatione**

**S. MICHAELIS ARCHANGELI.**

*Dupl. 2. Clas.*

### **In I. Vespertis.**

*Ant. et Capit. de Laud. Psalm. de Dom. loco ult. Laudate Dominum omnes gentes.*

### **HYMNUS.**

**T**U, splendor et virtus patris,  
Te, vita Jesu cordium,  
Ab ore qui pendent tuo,  
Laudamus inter Angelos.

Tibi mille densa millium  
Ducum corona militat:  
Sed explicat Victor crucem  
Michael salutis signifer.

Draconis hic dirum caput  
In ima pellit tartara,  
Ducemque cum rebellibus  
Cœlesti ab arce fulminat.

Contra ducem superbiam  
Sequamur hunc nos Principem,  
Ut detur ex Agni throno  
Nobis corona gloriæ.

Patri, simulque Filio,  
Tibique, sancte Spiritus,  
Sicut fuit, sit jugiter  
Sæculum per omne gloria. Amen.

*Y. Stetit Angelus juxta aram templi. A. Habens thuribulum aureum in manu sua.*

*Ad Magnif. Ant. Dum sacrum mysterium cerneret Joannes, Archangelus Michael tuba cecinit: Ignosce Domine Deus noster, qui aperis librum, et solvis signacula ejus, alleluja.*

*Oratio ut infra in Laudibus.*

### **Ad Matutinum.**

*Invit. Regem Archangelorum Dominum, \* Venite adoremus.*

*Hymnus Te splendor, ut supra.*

### **IN I. NOCTURNO.**

*Ant. Concussum est mare, et contremuit terra, ubi Archangelus Michael descendebat de cœlo.*

*Psalm. Domine Dominus, p. 4.*

*Ant. Laudemus Dominum, quem laudant Angeli, quem Cherubim et Seraphim, Sanctus, Sanctus, Sanctus, proclamant.*

*Psalm. In Domino, p. 3.*

*Ant. Ascendit fumus aromatum in conspectu Domini de manu Angeli.*

*Psalm. Domine quis, p. 7.*

*Y. Stetit Angelus juxta aram templi. A. Habens thuribulum aureum in manu sua.*

*Ex Daniele Propheta.*

*Lectio j.*

*Cap. 7.*

**A**SPICIEBAM donec throni positi sunt, et Antiquus dierum sedit: vestimentum ejus candidum



quasi nix, et capilli capitis ejus quasi lana munda: thronus ejus flammæ ignis: rotæ ejus ignis accensus. Fluvius igneus rapidusque egrediebatur a facie ejus. Millia millium ministrabant ei, et decies millies centena millia assistebant ei: judicium sedit, et libri aperti sunt. Aspiciebam propter vocem sermonum grandium, quos cornu illud loquebatur: et vidi quoniam interfecta est bestia, et periisset corpus ejus, et traditum esset ad comburendum igni.

q. Factum est silentium in cælo, dum committeret bellum draco cum Michael Archangelo: Audita est vox millia millium dicentium: Salus, honor, et virtus omnipotenti Deo. r. Millia millium ministrabant ei, et decies centena millia assistebant ei. Audita.

Lectio ij.

Cap. 10.

**D**IE autem vigesima et quarta mensis primi, etiam juxta fluvium magnum, qui est Tigris. Et levavi oculos meos, et vidi: et ecce vir unus vestitus lineis, et renes ejus accincti auro obrizo: et corpus ejus quasi chrysolithus, et facies ejus velut species fulguris, et oculi ejus ut lampas ardens: et brachia ejus, et quæ deorsum sunt usque ad pedes, quasi species æris candentis: et vox sermonum ejus ut vox multitudinis. Vidi autem ego Daniel solus visionem: porro viri qui erant mecum, non viderunt: sed terror nimius irrui super eos, et fugerunt in absconditum. Ego autem relictus solus vidi visionem grandem hanc, et non remansit in me fortitudo: sed et species mea immutata est in me, et emarcui, nec habui quidquam virium.

q. Stetit Angelus juxta aram templi, habens thuribulum aureum in manu sua, et data sunt ei incensa multa: Et ascendit fumus aromatum de manu Angeli in conspectu Domini. r. In conspectu Angelorum psallam tibi, adorabo ad templum san-

ctum tuum, et confitebor nomini tuo Domine. Et.

Lectio iij.

**E**T audiui vocem sermonum ejus; et audiens jacebam consternatus super faciem meam, et vultus meus hærebat terræ. Et ecce manus tetigit me, et erexit me super genua mea, et super articulos manuum mearum. Et dixit ad me: Daniel vir desideriorum intellige verba, quæ ego loquor ad te, et sta in gradu tuo: nunc enim sum missus ad te. Cumque dixisset mihi sermonem istum, steti tremens. Et ait ad me: Noli metuer, Daniel, quia ex die primo, quo posuisti cor tuum ad intelligendum, ut te affligeres in conspectu Dei tui, exaudita sunt verba tua, et ego veni propter sermones tuos. Princeps autem regni Persarum restitit mihi viginti et uno diebus, et ecce Michael, unus de Principibus primis, venit in adjutorium meum, et ego remansi ibi juxta regem Persarum. Veni autem ut docerem te quæ ventura sunt populo tuo in novissimis diebus, quoniam adhuc visio in dies.

q. In conspectu Angelorum psallam tibi, et adorabo ad templum sanctum tuum: Et confitebor nomini tuo, Domine. r. Super misericordia tua, et veritate tua; quoniam magnificasti super nos nomen sanctum tuum. Et. Gloria. Et.

IN II. NOCTURNO.

Ant. Michael Archangele, veni in adjutorium populo Dei.

Psalm. Cæli enarrant. p. 19.

Ant. Michael præpositus paradisi, quem honorificant Angelorum cives.

Psalm. Domini est terra, p. 21.

Ant. Gloriosus apparuisti in conspectu Domini, propterea decorem induit te Dominus.

Psalm. Benedicam, p. 35.

q. Ascendit fumus aromatum in conspectu Domini. q. De manu Angeli.

Sermo S. Gregorii Papæ.

Ex Homil. 34. in Evangelia.

*Lectio iv.*

**NOVEM** Angelorum ordines dicimus, quia videlicet esse, testante sacro eloquio, scimus Angelos, Archangelos, Virtutes, Potestates, Principatus, Dominationes, Thronos, Cherubim, atque Seraphim. Esse namque Angelos et Archangelos, pene omnes sacri eloquii paginae testantur: Cherubim vero atque Seraphim sæpe, ut notum est, libri Prophetarum loquuntur. Quatuor quoque ordinum nomina Paulus Apostolus ad Ephesios enumerat, dicens: Supra omnem Principatum, et Potestatem, et Virtutem, et Dominationem. Qui rursus ad Colossenses scribens, ait: Sive Throni, sive Potestates, sive Principatus, sive Dominationes. Dum ergo illis quatuor, quæ ad Ephesios dixit, conjunguntur Throni, quinque sunt ordines: quibus dum Angeli et Archangeli, Cherubim atque Seraphim adjuncta sunt, procul dubio novem esse Angelorum ordines inveniuntur.

ñ. Hic est Michael Archangelus, Princeps militiæ Angelorum: \* Cujus honor præstat beneficia populorum, et oratio perducit ad regna cælorum. †. Archangelus Michael præpositus paradisi, quem honorificant Angelorum cives. Cujus.

*Lectio v.*

**SCIENDUM** vero quod Angelorum vocabulum nomen est officii, non naturæ. Nam sancti illi cælestis patriæ spiritus, semper quidem sunt spiritus, sed semper vocari Angeli nequaquam possunt, quia tunc solum sunt Angeli, cum per eos aliqua nuntiantur. Unde et per Psalmistam dicitur: Qui facit Angelos suos spiritus. Ac si patenter dicat: Qui eos, quos semper habet spiritus, etiam cum voluerit, Angelos facit. Hi autem qui minima nuntiant, Angeli; qui vero summa annuntiant, Archangeli vocantur. Hinc est enim quod ad Mariam virginem non quilibet Angelus, sed Gabriel Archangelus mittitur. Ad hoc quippe ministerium,

summum Angelum venire dignum fuerat, qui summum omnia nuntiabat. Qui idcirco etiam privatis nominibus censeantur, ut signetur per vocabula etiam in operatione quid valeant. Michael namque, Quis ut Deus: Gabriel autem, Fortitudo Dei: Raphael vero dicitur Medicina Dei.

ñ. Venit Michael Archangelus cum multitudine Angelorum, cui tradidit Deus animas sanctorum, \* Ut perducatur eas in paradysum exultationis. †. Emitte, Domine, Spiritum sanctum tuum de cælis, Spiritum sapientiæ et intellectus. Ut.

*Lectio vj.*

**ET** quoties miræ virtutis aliquid agitur, Michael mitti perhibetur: ut ex ipso actu et nomine detur intelligi, quia nullus potest facere, quod facere prævalet Deus. Unde et ille antiquus hostis, qui Deo esse per superbiam similis concupivit, dicens: In cælum conscendam, super astra cæli exaltabo solium meum, similis ero Altissimo, dum in fine mundi in sua virtute relinquetur extremo supplicio perimendus, cum Michael Archangelo præliaturus esse perhibetur, sicut per Joannem dicitur: Factum est prælium cum Michael Archangelo. Ad Mariam quoque Gabriel mittitur, qui Dei Fortitudo nominatur. Illum quippe nuntiare veniebat, qui ad debellandas aereas potestates humilis apparere dignatus est. Raphael quoque interpretatur, ut diximus, Medicina Dei, quia videlicet dum Tobie oculos quasi per officium curationis tetigit, cæcitatis ejus tenebras tersit.

ñ. In tempore illo consurget Michael, qui stat pro filiis vestris: \* Et veniet tempus, quale non fuit, ex quo gentes esse ceperunt usque ad illud. †. In tempore illo salvabitur populus tuus omnis, qui inventus fuerit scriptus in libro vitæ. Et. Gloria. Et.

## IN III. NOCTURNO.

*Ant.* Angelus Archangelus Michael.

Dei nuntius pro animabus juſtis, alleluia, alleluia.

*Psalm.* Cantate Domino, p. 72.

*Ant.* Data ſunt ei incenſa multa, ut adoleret ea ante altare aureum, quod eſt ante oculos Domini.

*Psalm.* Dominus regnavit, p. 72.

*Ant.* Multa magnalia de Michael Archangelo, qui fortis in prælio fecit victoriam.

*Psal.* Benedic anima..et omnia, p. 77.

ſ. In conſpectu Angelorum psallam tibi, Deus meus. a. Adorabo ad templum ſanctum tuum, et conſitebor nomini tuo.

Lectio ſancti Evangelii ſecundum Matthæum

*Lectio vij.*

Cap. 18.

**I**N illo tempore: Accesserunt diſcipuli ad Jeſum, dicentes: Quis, putas, major eſt in regno cœlorum? Et reliqua.

Homilia S. Hieronymi Preſbyteri.

*Lib. 3. Comm. in c. 18. Matth.*

**P**OST inventum ſtaterem, poſt tributa reddita, quid ſibi vult Apoſtolorum repentina interrogatio, Quis, putas, major eſt in regno cœlorum? Quia viderant pro Petro et Domino idem tributum redditum, ex æqualitate pretii arbitrati ſunt Petrum omnibus Apoſtoliſ eſſe prælatum, qui in redditione tributi Domino fuerat comparatus: ideo interrogant quis major ſit in regno cœlorum. Vidensque Jeſus cogitationes eorum, et cauſas erroris intelligens, vult deſiderium gloriæ, humilitatis contentione ſanare.

a. In conſpectu Gentium nolite timere: vos enim in cordibus veſtris adorare et timere Dominum: Angelus enim ejus vobiscum eſt. y. Stetit Angelus juxta aram templi, habensthuribulum aureum in manu ſua. Angelus.

*Bened.* Quorum feſtum.

*Lectio viij.*

**S**I autem manus tua, vel pes tuus ſcandalizat te, abſcinde eum, et

projice abs te. Necesse est quidem venire scandala: vae tamen ei est homini, qui, quod necesse est ut fiat in mundo, vitio suo facit ut per se fiat. Igitur omnis truncatur affectus, et universa propinquitas amputatur, ne per occasionem pietatis unusquisque credentium scandalis pateat. Si, inquit, ita est quis tibi conjunctus, ut manns, pes, oculus, et est utilis atque sollicitus, et acutus ad perspicendum; scandalum autem tibi facit, et propter dissonantiam morum te pertrahit in gehennam: melius est, ut et propinquitate ejus, et emolumentis carnalibus careas, ne, dum vis lucrifacere cognatos et necessarios, causam habeas ruinarum.

a. Michael Archangelus venit in in adjutorium populo Dei: Stetit in auxilium pro animabus justis. y. Stetit Angelus juxta aram templi, habensthuribulum aureum in manu sua. Stetit. Gloria. Stetit.

*Lectio ix.*

**D**ICO vobis quia Angeli eorum in cœlis ſemper vident faciem Patris mei. Supra dixerat, per manum, et pedem, et oculum omnes propinquitates et neceſſitudines, quæ ſcandalum facere poterant, amputandas; auſteritatem itaque ſententiæ ſubjecto præcepto temperat, dicens: Videte ne contemnatis unum ex pusillis iſtis. Sic, inquit, præcipio ſeveritatem, ut commiſceri clementiam doceam, quia Angeli eorum in cœlis vident ſemper faciem Patris. Magna dignitas animarum, ut unaquæque habeat ab ortu nativitatſ in cuſtodiam ſui Angelum delegatum. Unde legimus in Apocalypſi Joannis: Angelo Ephesi, et reliquarum Eccleſiarum, ſcribe hæc. Apoſtolus quoque præcipit velari capita in Eccleſiis ſeminarum propter Angelos.

*Ad Laudes*

*et per Horas, Antiphonæ.*

1. Stetit Angelus \* juxta aram templi, habensthuribulum aureum in manu ſua.



2. Dum praeliaretur \* Michael Archangelus cum dracone, audita est vox dicentium: Salus Deo nostro alleluia.

3. Archangele Michael, \* constitui te principem super omnes animas suscipiendas.

4. Angeli Domini, Dominum benedicite in æternum.

5. Angeli, Archangeli, Throni et Dominationes, Principatus et Potestates, Virtutes cœlorum, laudate Dominum de cœlis, alleluia.

Capitulum. Apoc. 1.

**SIGNIFICAVIT** Deus quæ oportet fieri cito, loquens per Angelum suum servo suo Joanni, qui testimonium perhibuit verbo Dei, et testimonium Jesu Christi, quæcumque vidit.

#### HYMNUS.

**CHRISTE**, sanctorum decus Angelorum,  
Gentis humanæ Sator et Redemptor,  
Cœlitum nobis tribuas beatas

Scandere sedes

Angelus pacis Michael in ædes  
Cœlitus nostras veniat, serenæ  
Acutor ut pacis lacrymosa in orcum  
Bella releget.

Angelus fortis Gabriel, ut hostes  
Pellat antiquos, et amica cœlo,  
Quæ triumphator statuit per orbem,  
Templa revisat.

Angelus nostræ medicus salutis  
Adsit e cœlo Raphael, ut omnes  
Sanet ægrotos, dubiosque vitæ  
Dirigat actus.

Virgo dux pacis, Genitrixque lucis,  
Et sacer nobis chorus Angelorum  
Semper assistat, simul et micantis  
Regia cœli.

Præstet hoc nobis Deitas beata  
Patris ac Nati pariterque sancti  
Spiritus, cujus resonat per omnem  
Gloria mundum. Amen.

†. Stetit Angelus juxta aram templi.

â. Habens thuribulum aureum in manu sua.

Ad Bened. Ant. Factum est silen-

tium in cœlo, dum draco committeret bellum, et Michael pugnavit cum eo, et fecit victoriam, alleluia.

Oratio.

**DEUS**, qui miro ordine, Angelorum ministeria hominumque dispensas, concede propitius, ut a quibus tibi ministrantibus in cœlo semper assistitur, ab his in terra vita nostra muniat. Per.

#### Ad Tertiam.

Capit. Significavit, ut supra.

â. br. Stetit Angelus \* Juxta aram templi. Stetit. †. Habens thuribulum aureum in manu sua. Juxta. Gloria. Stetit. †. Ascendit fumus aromatum in conspectu Domini. â. De manu Angeli.

#### Ad Sextam.

Capitulum. Apoc. 8.

**AUDIVI** vocem Angelorum multorum in circuitu throni, et animalium, et seniorum; et erat numerus eorum millia millium, voce magna dicentium: Salus Deo nostro.

â. br. Ascendit fumus aromatum \* In conspectu Domini. Ascendit. †. De manu Angeli. In. Gloria. Ascendit. †. In conspectu Angelorum psallam tibi, Deus meus. â. Adorabo ad templum sanctum tuum, et confitebor nomini tuo.

#### Ad Nonam.

Capitulum. Act. 12.

**FACTUM** est prælum magnum in cœlo, Michael et Angeli ejus praeliabantur cum dracone, et draco pugnabat, et Angeli ejus: et non prævaluerunt, neque locus inventus est eorum amplius in cœlo.

â. br. In conspectu Angelorum \* Psallam tibi, Deus meus. In. †. Adorabo ad templum sanctum tuum, et confitebor nomini tuo. Psallam. Gloria. In. †. Adorate Deum. â. Omnes Angeli ejus.

#### In II. Vesperts.

Ant. et Cap. de Laud. Psalmi de

*Dom. loco ult. Confitebor tibi, p. 95.*

*Hymnus ut in I. Vesperis.*

Ÿ. In conspectu Angelorum psallam tibi, Deus meus. ű. Adorabo ad templum sanctum tuum, et confitebor nomini tuo.

*Ad Magnif. Ant.* Princeps gloriosissime, Michael Archangele, esto memor nostri: hic et ubique semper precare pro nobis Filium Dei, alleluia.

*Et fit comm. sequentis.*

### **Die 30. S. Hieronymi,**

*Presb. Conf. et Eccl. Doct. Dupl.*

*In utrisq. Vesp. Ant. O Doctor. p. 39\*. Oratio.*

**D**EUS, qui Ecclesie tue in exponendis sacris Scripturis beatum Hieronymum Confessorem tuum, Doctorem maximum providere dignatus es, presta, quæsumus, ut ejus suffragantibus meritis, quod ore simul et opere docuit, te adjuvante, exercere valeamus. Per Dominum.

*Lect. I. Noct. Sapientiam, p. 46\*.*

### **IN II. NOCTURNO.**

*Lectio iv.*

**H**IERONYMUS. Eusebii filius: Stridone in Dalmatia, Constantio Imperatore, natus, Romæ adolescens est baptizatus, et in liberalibus disciplinis, a Donato et aliis viris doctissimis eruditus. Tum discendi studio Galliam peragravit, ubi pios aliquot, et in divinis litteris eruditos viros coluit, multosque sacros libros sua manu descripsit. Mox se in Græciam conferens, philosophia et eloquentia instructus, summorum Theologorum consuetudine floruit: in primis vero Gregorio Nazianzeno Constantinopoli operam dedit: quo doctore se sacras litteras didicisse profitetur. Tum religionis causa visit Christi Domini incunabula, totamque lustravit Palæstinam: quam peregrinationem, adhibitis Hebræorum eruditissimis, ad sacræ Scripturæ intelligentiam sibi multum profuisse testatur.

*Lectio v.*

**D**EINDE secessit in vastam Syriæ solitudinem, ubi quadriennium in lectione divinorum librorum, cælestique beatitudinis contemplatione consumpsit, assidua se abstinence, vi lacrymarum, et corporis afflictatione discrucians. Presbyter a Paulino Episcopo Antiochiæ factus, Romam de controversis quorundam Episcoporum cum Paulino et Epiphauio ad Damasum Pontificem profectus, ejus Ecclesiasticis epistolis scribendis adjutor fuit. Verum cum pristinae solitudinis desiderio teneretur, in Palæstinam reversus, Bethlehem ad Christi Domini præsepe, in monasterio, quod a Paula Romana exstructum erat, cælestem quamdam vitæ rationem instituit: et quamquam varie morbis doloribusque tentaretur, tamen corporis incommoda piis laboribus, et perpetua lectione ac scriptione superabat.

*Lectio vj.*

**T**ANQUAM ad oraculum ex omnibus orbis terræ partibus ad ipsum divinæ Scripturæ quæstiones explicandæ referebantur. Illum Damasus Pontifex, illum sanctus Augustinus de locis Scripturæ difficillimis sæpe consuluit, propter ejus singularem doctrinam, et linguæ non solum latinæ, et græcæ, sed hebraicæ etiam, et chaldaicæ intelligentiam, et quod omnes peno scriptores, ejusdem Augustini testimonio, legerat. Hæreticos acerrimis scriptis exagitavit: piorum et Catholicorum patrocinium semper suscepit. Vetus Testamentum ex Hebræo convertit, novum jussu Damasi græcæ fidei reddidit; magna etiam ex parte explicavit. Multa præterea latine reddidit scripta doctorum virorum, et ipse aliis proprii ingenti monumentis Christianam disciplinam illustravit. Qui ad summam senectutem perveniens, sanctitate et doctrina illustris, Honorio Imperatore, migravit in cælum. Cujus corpus ad Bethlehem sepultum, postea Romam

in Basilicam sanctæ mariæ ad Præsepe translatum est.

### IN III. NOCTURNO.

Lectio sancti Evangelii secundum Matthæum.

Lectio vij.

Cap. 5.

**I**N illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia S. Hieronymi Presbyteri.

Lib. 1. Comm. in c. 5. Matth.

**S**AL appellantur Apostoli et Doctores, quia per illos universum hominum conditur genus. Quod si sal evanuerit, in quo salietur? Si doctor erraverit, a quo alio doctore emendabitur? Ad nihilum valet ultra, nisi ut mittatur foras, et conculcetur ab hominibus. Exemplum de agricultura sumptum est. Sal etenim sicut in ciborum condimentum, et ad siccandas carnes necessarium est, ita alium usum non habet. Certe legimus in Scripturis urbes quasdam ira victorum sale seminatas, ut nullum in ipsis germen oririatur.

Lectio viij.

**CAVEANT** ergo doctores et Episcopi, et videant potentes potenter tormenta sustinere, nihilque esse remedii, sed majorum ruinam ad tartarum ducere. Vos estis lux mundi. Non potest civitas abscondi supra montem posita: neque accendunt lucernam, et ponunt eam sub modio, sed super candelabrum, ut luceat omnibus, qui in domo sunt. Docet fiduciam prædicandi, ne Apostoli abscondantur ob metum, et sint similes lucernæ sub modio, sed tota libertate se prodant, ut quod audierunt in cubiculis, prædicent in tectis.

¶ In medio ecclesiæ.

Lectio ix.

**NOLITE** putare quoniam veni solvere legem, aut Prophetas: non veni solvere, sed adimplere. Sive quod de se per alios prophetata com-

pleverit, sive quod ea, quæ ante propter infirmitatem audientium rudia et imperfecta fuerant, sua prædicatione compleverit, iram tollens, et vicem talionis excludens, et occultam in mente concupiscentiam damnans. Donec transeat cælum et terra. Promittuntur nobis cæli novi, et terra nova, quæ facturus est Dominus Deus. Si ergo nova creanda sunt, consequenter vetera transitura.

In II. Vesp. comm. S. Remigii.

### FESTA OCTOBRIS.

Prima die non impedita dicitur Officium Defunctorum.

DOMINICA I. OCTOBRIS.

IN SOLEMNITATE

SS. ROSARII B. MARIE V.

Duplex Majus.

Omnia ut in festis B. M. V. p. 92.

In utrisque Vesperis et Laudibus fit comm. Dom. occ.

Oratio.

**D**EUS, cujus Unigenitus per vitam, mortem, et resurrectionem suam, nobis salutis æternæ præmia comparavit, concede, quæsumus, ut hæc mysteria sanctissimo beatæ Mariæ virginis Rosario recolentes, et imitemur quod continent, et quod promittunt assequamur. Per eundem.

IN II. NOCTURNO.

Lectio iv.

**C**UM Albigensium hæresis per Tolosatium regionem impie grassaretur, atque altius in dies radices ageret, sanctus Dominicus, qui nuper prædicatorum Ordinis fundamenta jecerat, ad eam convellendam totus incubuit. Id ut præstaret validius, auxilium beatæ Virginis, cujus dignitas illis erroribus impudentissime impetebatur, cuique datum est cunctas hæreses interimere in universo mundo, enixis precibus imploravit. A qua (ut memoriæ proditum est) cum monitus esset, ut Rosarium populis prædicaret, velut singulare adversus hæreses ac vitia præsidium,



mirum est quanto mentis fervore, et quam felici successu inunctum sibi munus sit executus. Est autem Rosarium certa precandi formula, qua quindecim Angelicarum salutationum decades, oratione Dominica interjecta, distinguimus, et ad earum singulas totidem nostræ reparationis mysteria pia meditatione recolimus. Ex eo ergo tempore pius hic orandi modus mirabiliter per sanctum Dominicum promulgari, augeri que cœpit; quem ejusdem institutorem, auctoremque fuisse Summi Pontifices Apostolicis litteris passim affirmarunt.

*Lectio v.*

**I**NNUMERABILES porro fructus ex hac tam salutari institutione in Christianam rempublicam dimanarunt: inter quos victoria illa merito numeratur, quam sanctissimus Pontifex Pius Quintus, et ab eo inflammati Christiani principes apud Echinadas insulas de Turcarum tyranno potentissimo reportarunt. Nam, cum illa ipsa die ea victoria relata sit, qua die sanctissimi Rosarii sodalitates per universum orbem consuetas supplicationes peragerent, statutasque preces de more funderent, iis precibus haud immerito refertur accepta. Quod quidem cum etiam Gregorius Tertiusdecimus testatus esset, ut pro tam singulari beneficio beatæ Virginis sub appellatione Rosarii perennes gratiæ ubique terrarum haberentur, in Ecclesiis omnibus, in quibus altare Rosarii foret, prima quaque Octobris Dominica Officium ritu duplici majori perpetuo celebrandum indixit: alique Pontifices Rosarium recitantibus, ejusdemque Rosarii sodalitatibus indulgentias pene innumeras concessere.

*Lectio vj.*

**N**UPER vero Clemens Undecimus animo reputans insignem pariter victoriam anno millesimo septingentesimo decimo sexto in Hungariæ regno a Carolo Sexto in Imperatorem Romanorum electo, de innumeris

Turcarum copiis relatam, eo die contigisse, quo festum Dedicationis sanctæ Mariæ ad Nives celebraretur, atque eodem ferme tempore, quo sanctissimi Rosarii confratres publicam solemnemque supplicationem in alma Urbe ingenti populi concursu, magaque religione peragentes, servidas ad Deum preces pro Turcarum depressione funderent, ac potentem opem Deiparæ virginis in auxilium Christianorum humiliter implorarent, eam ob rem, victoriam illam, necnon liberatam paulo post eorundem Turcarum obsidione Corcyrensem insulam ejusdem beatæ virginis patrocinio pio censuit adscribendam. Quamobrem, ut hujus quoque tam insignis beneficii perennis semper et memoria extaret et gratia, sanctissimi Rosarii festum eadem die, eodemque ritu celebrandum ad Ecclesiam universam extendit. Hæc autem omnia Benedictus Decimus tertius in Breviario Romano novissime apponi jussit. Sanctissimam ergo Dei Genitricem cultu hoc eidem gratissimo jugiter veneremur, ut quæ toties Christi fidelibus, Rosarii precibus exorata, terrenos hostes profligare dedit, ac perdere, inferuos pariter superare concedat.

*In III. Noct. Lectio ix de Homilia Dom. occ.*

**DIE 1. S. Remigii,**

Episc. et Conf. *Semid. ad libitum, vel Simpl. de præcepto.*

*Si hoc Festum occurrat in Dom. vel in die infra Oct. Lectio ix. erit Remigius Episcopus, ut infra, et sit comm. de eo in Laudibus.*

*Oratio. Da, quæsumus, p. 39.\**

*Lectio 1. Noct. de Script. occ.*

**IN II. NOCTURNO.**

*Lectio iv.*

**R**EMIGIUS, Episcopus Rhemensis, floruit, Clodoveo rege Francorum, quem etiam baptizavit, et

primus omnium doctrina et miraculis Francos ad Christi Domini fidem perduxit. Ejus oratione mortua puella revixit. Multos interpetratus est divinæ Scripturæ libros. Amplius septuaginta annos summa cum laude Rhemensem Ecclesiam administravit. Cujus vitæ et mortis sanctitatem multa, quæ consecuta sunt, miracula comprobarunt.

*Lectio. v. ei vj. Ad sancti, de Com. 1. loco cum q. v. et vj.*

*In II. Noct. Homilia Lectio sancti Evangelii de Com. 1. loco.*

*Vesperæ de sequenti.*

## **DIE 2. SS. Angelorum**

**CUSTODUM. Duplex.**

### **In I. Vesperts.**

*Ant. et Oapit. de Laud. Psalmi de Dom. loco ult. Laudate Dominum omnes gentes.*

### **HYMNUS**

**C**USTODES hominum psallimus  
Angelos,

Naturæ fragili quos Pater addidit  
Cœlestis comites, insidiantibus

Ne succumberet hostibus.

Nam quod curruerit proditor Ango-  
lus

Concessis merito pulsus honoribus,  
Ardens invidia pellere nititur

Quos cælo Deus advocat.

Nunc Custos igitur pervigil advola  
Avertens patria de tibi credita

Tam morbos animi, quam requie-  
scere.

Quidquid non sinit incolas.

Sanctæ sit Triadi laus pia jugiter,  
Cujus perpetuo numine machina

Triplex hæc regitur, cujus in omnia  
Regnat gloria sæcula Amen.

q. In conspectu Angelorum psal-  
lam tibi, Deus meus. x. Adorabo ad  
templum sanctum tuum, et confite-  
bor nomini tuo.

*Ad Magnif. Ant. Omnes sunt ad-  
ministratorii spiritus in ministerium  
missi propter eos, qui hæreditatem  
capiunt salutis.*

*Oratio ut infra in Laudibus.*

*Deinde comm. S. Remigii ubi fit  
de eo Duplex vel Semiduplex.*

### **Ad Matutinum.**

*Invit. Regem Angelorum Domi-  
num, \* Venite, adoremus.*

*Hymnus Custodes, ut supra.*

### **IN I. NOCTURNO.**

*Ant. Dominus Deus cœli et terræ,  
ipse mittet Angelum suum coram te.*

*Psalm. Domine Dominus, p. 4.*

*Ant. Deus meus misit Angelum  
suum, et conclusit ora leonum, et  
non nocuerunt mihi.*

*Psalm. In Domino, p. 5.*

*Ant. Bene ambuletis, et Dominus  
sit in itinere vestro, et Angelus ejus  
comitetur vobiscum.*

*Psalm. Domine quis, p. 7.*

γ. Stetit Angelus juxta aram tem-  
pli. q. Habens thuribulum aureum  
in manu sua.

*Lect. seq. eo anno omittuntur, quo  
in præced. diebus non potest legi  
intium libri Esther, quod ideo legi  
debet in hoc Festo.*

De libro Exodi.

*Lectio j.*

*Cap. 23.*

**E**CCE ego mittam Angelum me-  
um, qui præcedat, et custodiat  
in via, et introducat te in locum quem  
paravi. Observa eum, et audi vo-  
cem ejus, nec contemnendum putes:  
quia non dimittet eum peccaveris,  
et est nomen meum in illo. Quod si  
audieris vocem ejus, et feceris o-  
mnia quæ, loquor inimicus ero inimi-  
cis tuis, et affligam affligentes te,  
præcedetque te Angelus meus.

q. Angelis suis Deus mandavit de  
te, ut custodiant te in omnibus viis  
tuis: \* In manibus portabunt te, ne  
unquam offendas ad lapidem pedem  
tuum. x. Millia millium ministrabant  
ei, et decies millies centena millia  
assisteabant ei. In.

Ex Zacharia Propheta.

*Lectio ij.*

*Cap. I.*

**F**ACTUM est verbum Domini ad  
Zachariam, filium Barachæ, filii

Addo, Prophetam , dicens : Vidi per noctem , et ecce vir ascendens super equum rufum : et ipse stabat inter myrteta , quæ erant in profundo : et post eum equi rufi , varii , et albi. Et dixi : Qui sunt isti , Domine mi ? Et dixit ad me Angelus , qui loquebatur in me : Ego ostendam tibi quid sint hæc. Et respondit vir , qui stabat inter myrteta , et dixit : Isti sunt quos misit Dominus , ut perambulent terram. Et responderunt Angelo Domini , qui stabat inter myrteta , et dixerunt : Perambulavimus terram , et ecce omnis terra habitatur , et quiescit.

¶ Respondit Angelus Domini , et dixit : Domine exercituum , \* Usquequo tu non misereberis Jerusalem et urbium Juda , quibus iratus es ? ¶. Iste enim septuagesimus annus est. Usquequo.

*Lectio iij. Cap. 2.*

**E**T levavi oculos meos , et vidi : et ecce vir , et in manu ejus funiculus mensorum . Et dixit : Quo tu vadis ? Et dixit ad me : Ut metiar Jerusalem , et videam quanta sit latitudo ejus , et quanta longitudo ejus. Et ecce Angelus , qui loquebatur in me , egrediebatur , et Angelus alius egrediebatur in occursum ejus. Et dixit ad eum : Curre , loquere ad puerum istum , dicens : Absque muro habitabitur Jerusalem præ multitudine hominum , et jumentorum in medio ejus. Et ego ero ei , ait Dominus , murus ignis in circuitu , et in gloria ero in medio ejus.

¶. In conspectu Gentium nolite timere : vos enim in cordibus vestris adorare et timere Dominum : \* Angelus enim ejus vobiscum est. ¶. Stetit Angelus juxta aram templi , habens thuribulum aureum in manu sua. Angelus. Gloria. Angelus.

IN II. NOCTURNO.

*Ant.* Cum essem vobiscum , per voluntatem Dei eram : ipsum benedicite , et cantate ei.

*Psalm.* Cæli enarrant , p. 10.

*Ant.* Tollens se Angelus Domini , qui præcedebat castra Israel , abiit post eos.

*Psalm.* Domini est terra , p. 21.

*Ant.* Immittet Angelus Domini in circuitu timentium eum , et eripiet eos.

*Psalm.* Benedicam , p. 35.

¶. Ascendit fumus aromatum in conspectu Domini. ¶. De manu Angelis.

Sermo S. Bernardi Abbatis.

*Lectio iv. In Ps. Qui habitat.*

**A**NGELIS suis mandavit de te. Mira dignatio , et vere magna dilectio charitatis. Quis enim , quibus de quo , quid mandavit ? Studiose consideremus , fratres , diligenter commendemus memoriæ hoc tam grande mandatum. Quis enim mandavit ? Cujus sunt Angeli , cujus mandatis obtemperant , cujus obediunt voluntati. Nempe Angelis suis mandavit de te , ut custodiant te in omnibus viis tuis. Nec cunctantur quin etiam in manibus tollant te. Summa ergo majestas mandavit Angelis , et Angelis suis mandavit. Illis utique sublimibus , tam beatis , tam proximis sibi coherentibus , et vere domesticis mandavit de te. Tu quis es ? Quid est homo , quod memor es ejus , aut filius hominis , quoniam reputas eum ? Quasi vero non sit homo putredo , et filius hominis vermis. Sed quid , putas , mandavit de te ? ut custodiant te.

¶. Vivit ipse Dominus , \* Quoniam custodivit me Angelus ejus , et hinc euntem , et ibi commorantem , et inde huc revertentem. ¶. Et non permisit me Dominus ancillam suam coinquinari. Quoniam.

*Lectio v.*

**Q**UANTUM tibi debet hoc verbum inferre reverentiam , offerre devotionem , conferre fiduciam ! Reverentiam pro præsentia , devotionem pro benevolentia , fiduciam pro custodia. Cautè ambula , ut videlicet cui adsunt Angeli , sicut ejus mandatum est , in omnibus viis tuis. In quovis diversorio , in quovis angulo , Angelo



tuo reverentiam habe. Tu ne audeas illo præsente, quod vidente me non auderes. An præsente esse dubitas, quem non vides? Quid si audires? quid si tangeres? quid si olfaceres? Vide quia non solo visu rerum præsencia comprobetur.

â. Angelus Domini descendit cum Azaria et sociis ejus in fornacem, et excussit flammam ignis de fornace: Et non tetigit eos omnino ignis, neque contristavit. ð. Benedictus Deus eorum, qui misit Angelum suum, et eruit servos suos qui crediderunt in eum. Et.

*Lectio vj.*

**I**N ipso itaque, fratres, affectuose diligamus Angelos ejus, tanquam futuros aliquando coheredes nostros; interim vero actores et tutores a Patre positos, et præpositos nobis. Quid sub tantis custodibus timeamus? Nec superari, nec seduci, minus autem seducere possunt, qui custodiunt nos in omnibus viis nostris. Fideles sunt, prudentes sunt, potentes sunt, quid trepidamus? Tantum sequamur eos, adhæreamus eis, et in protectione Dei cœli commoremur. Quoties ergo gravissima cernitur urgere tentatio, et tribulatio vehemens imminere, invoca custodem tuum, ductorem tuum adiutorem, tuum in opportunitatibus, in tribulatione: inclama eum, et dic: Domine, salva nos, perimus.

â. In omni tribulatione eorum non est tribulatus, Et Angelus faciei ejus salvavit eos. ð. In dilectione sua, et indulgentia sua ipse redemit eos, et portavit eos, et elevavit eos cunctis diebus sæculi. Et. Gloria. Et.

IN III. NOCTURNO.

*Ant.* Misit Dominus Angelum suum qui percussit omnem virum robustum et bellatorem, et principem exercitus regis Assyriorum.

*Psalm.* Cantate Domino p. 72.

*Ant.* Adorate Dominum, omnes Angeli ejus: audivit et lætata est Sion.

*Psalm.* Dominus regnavit, p. 72.

*Ant.* Benedicite Domino, omnes Angeli ejus, potentes virtute, facientes verbum illius ad audiendam vocem sermonum ejus.

*Psalm.* Benedic anima...et omnia, p. 77.

â. In conspectu Angelorum psallam tibi, Deus meus. â. Adorabo ad templum sanctum tuum, et confitebor nomini tuo.

*Lectio sancti Evangelii secundum Matthæum.*

*Lectio vij.*

*Cap. 18.*

**I**N illo tempore: Accesserunt discipuli ad Jesum, dicentes: Quis putas major esse in regno cœlorum? Et reliqua.

*Homilia S. Hilarii Episcopi.*

*Comm. in Math. c. 18.*

**N**ON nisi reversos in naturam puerorum introire regnum cœlorum Dominus docit: id est per simplicitatem puerilem vitia corporum nostrorum animæque revocanda. Pueros autem, credentes omnes per audientiæ fidem nuncupavit. Hi enim patrem sequuntur, matrem amant, proximo velle malum nesciunt, curam opum negligunt; non insolescunt, non odeunt, non mentiuntur, dictis credunt, et quod audiunt verum habent. Revertendum igitur est ad simplicitatem infantium, quia in ea collocati speciem humilitatis Dominicæ circumferemus.

â. Machabæus, et qui cum eo erant, cognoverunt expugnari præsidia: Cum fletu et lacrymis rogabant Dominum, et omnis turba simul, ut bonum Angelum mitteret ad salutem Israel. ð. Cum pariter prompto animo procederent Jerosolymis, apparuit præcedens eos eques in veste caudida. Cum.

*Lectio viij.*

**V**Æ huic mundo ab scandalis. Humilitas passionis scandalum mundo est. In hoc enim maxime ignorantia detinetur humana, quod sub

deformitate crucis, æternæ gloriæ Dominum noluit accipere. Et quid mundo tam periculosum, quam non recepisse Christum? Ideo vero necesse esse ait venire scandala, quia ad sacramentum reddendæ nobis æternitatis, omnis in eo passionis humilitas esset explenda.

4. Tu, Domine, qui misisti Angelum tuum sub Ezechia rege Juda et interfecisti de castris Sennacherib centum octaginta quinque millia: \* Et nunc, Dominator cælorum, mitte Angelum tuum bonum ante nos in timore et tremore magnitudinis brachii tui. y. Ut metuant qui cum blasphemia veniunt adversus sanctum populum tuum. Et. Gloria. Et.

*Lectio ix.*

**V**IDEITE ne contemnatis unum de pusillis istis, qui credunt in me. Aptissimum vinculum mutui amoris imposuit, ad eos præcipue qui vere in Domino credidissent. Pusillorum enim Angeli quotidie Deum vident, quia Filius hominis venit salvare quæ perdita sunt. Ergo et Filius hominis salvat, et Deum Angeli vident, et Angeli pusillorum præsent fideliū orationibus. Præesse Angelos absoluta auctoritas est. Salvatorum igitur per Christum orationes Angeli quotidie Deo offerunt. Ergo periculose ille contemnitur, cujus desideria ac postulationes ad æternum et invisibilem Deum, ambitioso Angelorum famulatu ac ministerio pervehuntur.

### *Ad Laudes*

*et per Horas, Antiphonæ.*

1. Angelis suis \* Deus mandavit de te, ut custodiant te in omnibus viis tuis.

2. Laudemus Dominum, \* quem laudant Angeli, quem Cherubim et Seraphim, Sanctus, Sanctus, Sanctus, proclamant.

3. Angeli eorum \* semper vident faciem Patris mei, qui est in cælis.

4. Benedictus Deus, qui misit Angelum suum, et eruit servos suos, qui crediderunt in eum.

5. Laudate Deum, \* omnes Angeli ejus, laudate eum, omnes virtutes ejus.

*Capitulum.*

Exod. 23.

**E**CCE ego mittam Angelum meum, qui præcedat te, et custodiat in via, et introducat in locum quem paravi. Observa eum, et audi vocem ejus.

### HYMNUS.

**Æ**TERNE Rector siderum,  
Qui quidquid est potentia  
Magna creasti, nec regis  
Minore providentia:

Adesto supplicantium  
Tibi reorum cœtui,  
Lucisque sub crepusculum.  
Lucem novam da mentibus.

Tuusque nobis Angelus,  
Electus ad custodiam,  
Hic adsit, a contagio  
Ut criminum nos protegat.

Nobis draconis æmuli,  
Versutias exterminet  
Ne rete fraudulentia  
Incauta nectat pectora.

Metum repellat hostium  
Nostris procul de finibus,  
Facem procuret civium,  
Fugetque pestilentiam.

Deo Patri sit gloria,  
Qui, quos redemit Filius,  
Et sanctus noxio Spiritus,  
Per Angelos custodiat. Amen.

y. In conspectu Angelorum psallam tibi, Deus meus. n. Adorabo ad templum sanctum tuum, et confitebor nomini tuo.

*Ad Bened. Ant.* Reversus est Angelus qui loquebatur in me, et suscitavit me, quasi virum qui suscitatur a somno suo.

*Oratio.*

**D**EUS, qui ineffabili providentia sanctos Angelos tuos ad nostram custodiam mittere dignaris, largire supplicibus tuis, et eorum semper protectione defendi, et æterna societate gaudere. Per Dominum.

**Ad Tertiam***Capit. Ecce ego.*

ñ. br. Stetit Angelus \* Juxta aram templi. Stetit. ſ. Habens thuribulum aureum in manu sua. Juxta. Gloria. Stetit. ſ. Ascendit fumus aromatum in conspectu Domini. ñ. De manu Angeli.

**Ad Sextam.***Capitulum. Exod. 23.*

**N**EC contemnendum putes, quia non dimittet cum peccaveris, et est nomen meum in illo.

ñ. br. Ascendit fumus aromatum \* In conspectu Domini. Ascendit. ſ. De manu Angeli. In. Gloria. Ascendit. ſ. In conspectu Angelorum psallam tibi, Deus meus. ñ. Adorabo ad templum sanctum tuum, et confitebor nomini tuo.

**Ad Nonam.***Capitulum. Exod. 23.*

**Q**UOD si audieris vocem ejus, et feceris omnia quæ loquor, inimicus ero inimicis tuis, et affligam affligentes te, præcedetque te Angelus meus.

ñ. br. In conspectu Angelorum, \* Psallam tibi, Deus meus. In. ſ. Adorabo ad templum sanctum tuum, et confitebor nomini tuo. Psallam. Gloria. In. Adorate Deum. ñ. Omnes Angeli ejus.

**In II. Vespertis.**

*Ant. et Cap. de Laud. Psalm. de Dom. loco ult. Confitebor, p. 95.*

*Hymnus et ſ. ut in I. Vesp.*

*Ad Magnif. Ant. Sancti Angeli Custodes nostri, defendite nos in prælio, ut non pereamus in tremendo judicio.*

**DIE 4. S. Francisci Conf.**

*Duplex.**Oratio.*

**D**EUS, qui Ecclesiam tuam beati Francisci meritis sætu novæ pro-  
lis amplificas, tribue nobis ex ejus

imitatione terrena despicere et celestium donorum semper participatione gaudere. Per Dominum.

*Lect. I. Noct. Justus, de Com. 1. loco.*

**IN II. NOCTURNO.***Lectio iv.*

**F**RANCISCUS, Assisii in Umbria natus, patris exemplum secutus, a prima ætate mercaturam fecit. Qui quodam die pauperem, pro Christi amore flagitantem pecuniam, cum præter consuetudinem repulisset, repente eo facto commotus, large ei misericordiam impertivit, et ex eo die Deo promisit, se nemini unquam poscendi eleemosynam negaturum. Cum vero post in gravem morbum incidisset, ex eo aliquando confirmatus, cepit ardentius colere officia charitatis. Qua in exercitatione tantum profecit, ut Evangelicæ perfectionis cupidus, quicquid haberet, pauperibus largiretur. Quod ferens iniquius pater, eum ad Assisinatem Episcopum duxit, ut coram illo bonis cederet paternis, qui, rejectis etiam vestibus, patri concessit omnia, illud subjungens sibi in posterum majorem facultatem fore dicendi: Pater noster qui es in cælis.

*Lectio v.*

**C**UM autem illud ex Evangelio audisset: Nolite possidere aurum, neque argentum, neque pecuniam in zonis vestris, non peram in via, neque duas tunicas, neque calceamenta, sibi eam regulam servandam proposuit. Itaque detractis calceis, et una contentus tunica, cum duodecim socios adhibuisset, Ordinem Minorum instituit. Quare Romam venit anno salutis millesimo ducentesimo nono, ut sui Ordinis regula ab Apostolica sede confirmaretur. Quem cum accedentem ad se Summus Pontifex Innocentius Tertius rejecisset, quod in somnis postea sibi ille, quem repulerat, collabentem Lateranensem Basilicam suis humeris sustinere visus esset, conquisitum accersiri jussit,



benigneque accipiens omnem ejus institutorum rationem confirmavit. Franciscus igitur, dimissis in omnes orbis terræ partes fratribus ad prædicandum Christi Evangelium, ipse cupiens sibi aliquam dari martyrii occasionem, navigavit in Syriam: ubi a rege Soldano liberalissime tractatus, cum nihil proficeret, rediit in Italiam.

*Lectio vj.*

**M**ULTIS igitur exstructis suæ familiæ domiciliis, se in solitudinem montis Alverni contulit, ubi quadringenta dierum, propter honorem sancti Michaelis Archangeli, jejuniis inchoato, festo die Exaltationis sanctæ Crucis ei Seraphim Crucifixi effigiem inter alas continens apparuit, qui ejus et manibus, et pedibus, et lateri vestigia clavorum impressit: quæ sanctus Bonaventura, cum Alexandri Quarti summi Pontificis prædicationi interesset, narrasse Pontificem a se visa esse, litteris commendavit. His insignibus summi in eum Christi amoris maximam habebat omnium admirationem. Ac biennio post graviter ægotans, deferri voluit in Ecclesiam sanctæ Mariæ Angelorum, ut ubi gratiæ spiritum a Deo acceperat, ibi spiritum vitæ redderet. Eo in loco fratres ad paupertatem ac patientiam, et sanctæ Romanæ Ecclesiæ fidem servandam cohortatus, psalmum illum pronuntians: Voce mea ad Dominum clamavi, in eo versiculo: Me expectant justi, donec retribuas mihi, efflavit animam quarto Nonas Octobris. Quem miraculis clarum Gregorius Nonus Pontifex Maximus in Sanctorum numerum adscripsit.

*In III. Noct. Homilia Venite ad me omnes, pro Abb. 2. loco, p. 60\*.*

*In II. Vesp. comm. sequent.*

**DIE 5. SS. Placidi et Soc. Martyrum.**

*Oratio. Deus qui nos concedis, p. 29\*.*

*Lectio iij.*

**P**LACIDUS Romæ, Tertullo patre in primis nobili natus, puer Deo oblatus, et sancto Benedicto traditus, tantum ejus disciplina, et monasticæ vitæ institutis profecit, ut inter præcipuos illius discipulos numeretur. Ab eo in Siciliam missus, monasterium et Ecclesiam in honorem sancti Joannis Baptistæ prope Messanæ portum construxit, ubi cum monachis admirabili sanctitate vixit. Ejus visendi causa cum eo venissent Eutychius et Victorinus illius fratres, et Flavia virgo soror, eodem tempore illuc appulit immanis quidam pirata Manucha nomine, qui, capto monasterio, cum Placidum et cæteros nullo modo adducere potuisset, ut Christum negarent, ipsum fratresque illius ac sororem crudeliter necari jussit. Cum quibus etiam Donatus, Firmatus Diaconus, Faustus, alique triginta monachi, martyrii agonem feliciter consummarunt, tertio Nonas Octobris, anno salutis quingentesimo trigesimo nono.

**DIE 6. S. Brunonis, Confess. Duplex Oratio.**

**S**ANCTI Brunonis Confessoris tui, quæsumus, Domine, intercessionibus adjuvemur, ut qui majestatem tuam graviter delinquendo offendimus, ejus meritis et precibus nostrorum delictorum veniam consequamur. Per Dominum.

*Lect. I. Noct. de Script. occ.*

**IN II. NOCTURNO.**

*Lectio iv.*

**B**RUNO Carthusianæ Religionis institutor, Colonia Agrippinæ natus est. Ab ipsis incunabulis specimen futuræ sanctitatis præferens, morum gravitate, puerilia illius ætatis, divina favente gratia, declinans, adeo excelluit, ut jam inde monachorum pater, vitæque anachoreticæ futurus instaurator agnosceretur. A parentibus genere ac virtute claris, Lute-

tiam Parisiorum missus, tantum ibi in Philosophiæ ac Theologiæ studiis profecit, ut doctoris ac magistri munus in utraque facultate sit adeptus: nec multo post ob egregias ipsius virtutes, Ecclesiæ Rhemensis Canonatu potitus.

*Lectio v.*

**ELAPSIS** aliquot annis, cum sex aliis familiaribus mundo renuntiatis, sanctum Hugonem Episcopum Gratianopolitanum adiit. Qui, causa eorum adventus cognita, eosdemque intelligens esse, quos eadem nocte veluti septem stellas ad suos pedes corruentes in somnis viderat, montes suæ Diœcesis asperrimos, quos Carthusianos appellant, illis concessit. Illuc Bruno cum sociis, ipso Hugone comitante, secedens, cum per aliquot annos eremiticam vitam egisset, ab Urbano Secundo, qui ejusdem Brunonis discipulus fuerat, Romam accersitur. Ejus consilio ac doctrina Pontifex, in tot illis Ecclesiæ calamitatibus, per aliquot annos usus est: donec Bruno, recusato Rhegiensi Archiepiscopatu, discedendi facultatem obtinuit.

*Lectio vj.*

**IGITUR** solitudinis amore, eremum quamdam apud Squillacum in Calabriæ finibus petiit. Quo in loco, cum ipsum orantem Rogerius Comes Calabriæ inter venandum, latrantibus ad illius speluncam canibus, reperisset, sanctitate viri permotus, illum ac socios fovere et colere impense cepit. Nec liberalitas sine præmio fuit. Cum enim idem Rogerius Capuam obsideret, eumque Sergius quidam excubiarum magister prodere statuisset, Bruno adhuc in dicta eremo vivens, in somnis illi omnia aperiens, ab imminenti periculo Comitem liberavit. Tandem virtutibus ac meritis plenus, nec sanctitate minus quam doctrinæ fama clarus, obdormivit in Domino, sepultusque est in monasterio sancti Stephani ab ipso Rogerio

constructo, ubi hactenus honorifice colitur.

*In. III. Noct. Homilia Sancti Evangelii fratres, de Com. I. loco.*

*In II. Vesp. comm. seq. etc.*

**Die 7. S. Marci,**

Papæ et Confessoris.

*Oratio*

**EXAUDI.** Domine, preces nostras, et interveniente beato Marco Confessore tuo atque Pontifice, indulgentiam nobis tribue placatus et pacem. Per Dominum.

*Deinde SS. Sergii, Bacchi, Marcelli, et Apulei Mart.*

*Oratio.*

**SANCTORUM** Martyrum tuorum nos, Domine, Sergii, Bacchi, Marcelli et Apulei, beata merita prosequantur, et tuo semper faciant amore serventes. Per Dominum.

*Lectio iij.*

**MARCUS** Romanus, Constantino Magno Imperatore Pontifex, instituit ut Episcopus Ostiensis, a quo Romanus Pontifex consecratur, pallio uteretur. Duas Romæ Basilicas ædificavit, alteram in Urbe, alteram via Ardeatina: quas Constantinus auctas, magnis muneribus exornavit. Vixit in Pontificatu menses octo, sepultusque est in cæmeterio Balbinæ.

*In Laud. fit comm. SS. Mart.*

**Die 8. S. Birgittæ,**

Viduæ. Duplex.

*Oratio.*

**DOMINE** Deus noster, qui beatæ Birgittæ per Filium tuum unigenitum secreta cœlestia revelasti, ipsius pia intercessione da nobis famulis tuis, in revelatione sempiternæ gloriæ tuæ gaudere latantes. Per eundem.

*Lect. I. Noct. de Script. occ.*

**IN II. NOCTURNO.**

*Lectio iv.*

**BIRGITTA** in Suecia illustribus et piis parentibus orta, sanctis-

sime vixit. Cum adhuc in utero gestaretur, a naufragio propter eam mater erepta est. Decennis post auditum de passione Domini sermonem, sequenti nocte Jesum in cruce, recenti sanguine perfusum vidit, et de eadem passione secum loquentem. Quo ex tempore in ejusdem meditatione ita afficiebatur, ut de ea sine lacrymis cogitare deinceps nunquam posset.

*Lectio v.*

**ULFONI** Nericiæ Principi in matrimonium tradita, virum ipsum ad pietatis officia, tum optimis exemplis, tum efficacibus verbis adhortata est. In filiorum educatione piissima, pauperibus, et maxime infirmis, domo ad id muneris dicata, inserviebat quam diligentissime, illorum pedes solita lavare et osculari. Cum autem una cum viro suo rediret Compostella, ubi sancti Jacobi Apostoli sepulchrum visitaverant, et Atrebatii Ulfo graviter ægrotaret, sanctus Dionysius Birgittæ noctu apparuit, et de mariti salute, aliisque de rebus, quæ futuræ erant, præmonuit.

*Lectio vj.*

**VIRO** Cisterciensi monacho facto, et paulo post defuncto, Birgitta, audita Christi voce in somnis, arctiorem vitæ formam est aggressa. Cui deinde arcana multa fuerunt divinitus revelata. Monasterium Vastanense sub regula sancti Salvatoris, ab ipso Domino accepta, instituit. Romam Dei jussu venit, ubi plurimos ad amorem divinum vehementer accendit. Inde Jerosolymam petiit, ac iterum Romam. Qua ex peregrinatione cum in febrim incidisset, gravibus per annum integrum afflictata morbis, cumulata meritis, prænuntiato mortis die, migravit in cælum. Corpus ejus ad Vastanense monasterium translatum est, et miraculis illustrem Bonifacius Nonus in Sanctorum numerum retulit.

*In III. Noct. Homilia Cælorum regnum fratres, de Com. p. 74.*

*In II. Vesp. comm. sequentis.*

**DIE 9. SS. Dionysii,**

**RUSTICI ET ELEUTHERII,**  
Martyrum. Semid.

*Oratio.*

**DEUS**, qui hodierna die beatum Dionysium Martyrem tuum atque Pontificem virtute constantiæ in passione roborasti, quique illi, ad prædicandum Gentibus gloriam tuam, Rusticum et Eleutherium sociare dignatus es, tribue nobis, quæsumus eorum imitatione, pro amore tuo prospera mundi despicere, et nulla ejus adversa formidare. Per.

*Lect. I. Noct. de Script. occ.*

**IN II. NOCTURNO.**

*Lectio iv.*

**DIONYSIUS** Atheniensis, unus ex Areopagitis judicibus, vir fuit omni doctrinæ genere instructus. Qui cum adhuc in Gentilitatis errore versaretur, eo die, quo Christus Dominus cruci affixus est, solem præter naturam defecisse animadvertens, exclamasse traditur: Aut Deus nature patitur, aut mundi machina dissolvitur. Sed cum Paulus Apostolus veniens Athenas, et in Areopagum ductus rationem reddidisset ejus doctrinæ, quam prædicabat, affirmans Christum Dominum resurrexisse, et mortuos omnes in vitam redituros esse, cum alii multi, tum ipse Dionysius in Christum credidit.

*Lectio v.*

**ITAQUE** et baptizatus est ab Apostolo, ac Atheniensium Ecclesiæ præfectus. Qui cum postea Romam venisset, a Clemente Pontifice missus est in Galliam prædicandi Evangelii causa. Quem Lutetiam usque Parisiorum Rusticus Presbyter, et Eleutherius Diaconus persecuti sunt: ubi a Fescenuio Præfecto, quod multos ad Christianam religionem convertisset, ipse cum sociis virgis cæsus est: cumque in prædicatione Christianæ fidei constantissime persevera-



ret, in craticulam subjecto igne injicitur, multisque præterea suppliciis una cum sociis cruciatur.

*Lectio vj.*

**S**ED ea tormentorum genera omnibus forti ac libenti animo perferentibus, Dionysius annum agens supra centesimum, cum reliquis securi percutitur septimo Idus Octobris. De quo illud memoriæ proditum est, abscissum suum caput sustulisse, et progressum ad duo millia passuum in manibus gestasse. Libros scripsit admirabiles, ac plane cœlestes, de divinis nominibus, de cœlesti et Ecclesiastica Hierarchia, de mystica Theologia, et alios quosdam.

*In III. Noct. Homilia De hoc fermento, de Com. 3. loco, p. 38.*

*Vesperæ a Capit. de sequenti.*

**DIE 10. S. FR. BORGIAE,**

*Conf. Semid. (m. t. v.)*

*Oratio.*

**D**OMINE Jesu Christe, veræ humilitatis et exemplar et præmium, quæsumus, ut sicut beatum Franciscum in terreni honoris contemptu imitatore tuum gloriosum effecisti, ita nos ejusdem imitationis et gloriæ tribuas esse consortes: Qui vivis.

*Et fit commemor. præced.*

*Lect. I. Noct. de Script. occ.*

**IN II. NOCTURNO.**

*Lectio iv.*

**F**RANCISCUS Gandiæ Dux Quartus, Joanne Borgia et Joanna Aragonia Ferdinandi Catholici nepte genitus, post puerilem ætatem inter domesticos mira innocentia et pietate transactam, in aula primum Caroli Quinti Cæsaris, mox in Catalonia administratione admirabilior fuit, Christianæ virtutis, et vitæ austerioris exemplis. Ad Granatense sepulchrum Isabellam Imperatricem cum detulisset, in ejus vultu fœde commutato, mortalium omnium caducitatem relegens, voto se adstrinxit, rebus om-

nibus, cum primum liceret, abjectis, regum Regi unice inserviendi. Inde tantum virtutis incrementum fecit, ut inter negotiorum turbas religiosæ perfectionis simillimam imaginem referens, miraculum principum appellaretur.

*Lectio v.*

**M**ORTUA Eleonora de Castro conjuge, ingressus est Societatem Jesu, ut in ea lateret securus, et præcluderet dignitatibus adiutum, interposita voti religione: dignus quem et viri principes complures in amplectendo severiori instituto fuerint secuti, et Carolus Quintus ipse in abdicando Imperio hortatorem sibi, aut ducem extitisse non diffiteretur. In eo arctioris vitæ studio Franciscus jejuniis, catenis ferreis, asperrimo cilicio, cruentis longisque verberationibus, somno brevissimo, corpus ad extremam usque maciem redegit, nullis præterea parcens laboribus ad sui victoriam, et ad salutem animarum. Tot itaque instructus virtutibus, a sancto Ignatio primum generalis Commissarius in Hispaniis, nec multo post Præpositus Generalis Tertius, a Societate universa licet invitus eligitur. Quo in munere Principibus ac Summis Pontificibus prudentia ac morum sanctitate apprimè charus, præter complura vel condita vel aucta ubique domicilia, socios in regnum Poloniae, in insulas Oceani, in Mexicanam et Peruam provincias iovevit: missis quoque in alias regiones Apostolicis viris, qui prædicatione, sudoribus, sanguine, fidem Catholicam Romanam propagarunt.

*Lectio vj.*

**D**E se ita demisse sentiebat, ut peccatoris nomen sibi proprium faceret. Romanam purpuram, a Summis Pontificibus sæpius oblatam, invicta humilitatis constantia recusavit. Verrere sordes, emendicare victum ostiatim, ægris ministrare in nosocomiis, mundi ac sui contemptor, in deliciis habuit. Singulis diebus mul-

tas continenter horas, frequenter octo, quandoque decem dabat cælestium contemplationi. Centies quotidie de genu Deum adorabat. Nunquam a sacrificando abstinuit, prodebatque sese divinus, quo æstuabat, ardor, ejus vultu sacram Hostiam offerentis, aut concionantis interdum radiante. Sanctissimum Christi Corpus in Eucharistia latens, ubi asservaretur, instinctu cælesti sentiebat. Cardinali Alexandrino ad conjugendos contra Turcam Christianos principes, legato comes additus a beato Pio Quinto arduum iter, fractis jam pene viribus, suscepit ex obedientia, in qua et vitæ cursum Romæ, ut optarat, feliciter consummavit, anno ætatis suæ sexagesimo secundo, salutis vero millesimo quingentesimo septuagesimo secundo. A sancta Teresia, quæ ejus utebatur consiliis, vir sanctus, a Gregorio Decimo tertio fidelis administer appellatus. Demum a Clemente Decimo pluribus magnisque clarus miraculis, in Sanctorum numerum est adscriptus.

*In III. Noct. Homilia Grandis fiducia, de Com. Apost. I. loco, p. 7. cum. ã. vij. et. viij. de Com.*

**DIE 13. S. Eduardi,**

Regis, Conf. Semidupl. (m. t. v.).  
*Oratio.*

**DEUS**, qui beatum regem Eduardum Confessorem tuum æternitatis gloria coronasti, fac nos, quæsumus, ita eum venerari in terris ut cum eo regnare possimus in cælis. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**EDUARDUS** cognomento Confessor, nepos sancti Eduardi regis et martyris, Anglo-Saxonum regum ultimus, quem futurum regem Brihtualdo viro sanctissimo in mentis excessu Dominus demonstravit, decennis a Danis Angliam vastantibus quæsitus ad necem, exulare cogitur apud

avunculum Normanniæ ducem, ubi in mediis vitiorum illecebris talem se exhibuit integritate vitæ, morumque innocentia, ut omnibus admirationi esset. Eluxit in eo vel tum mira pietas in Deum ac res divinas, fuitque ingenio mitissimo, atque ab omni dominandi cupiditate alieno. Cujus ea vox fertur, Malle se regno carere, quod sine cæde et sanguine obtineri non possit.

*Lectio v.*

**EXTINCTIS** mox tyrannis, qui fratribus suis vitam et regnum eripuerant, revocatur in patriam, ubi summis omnium votis et gratulatione regno potitus, ad hostilium irarum delenda vestigia totum se convertit, a sacris exorsus, ac Divorum templis, quorum alia a fundamentis erexit, alia refecit, auxitque redditibus ac privilegiis; in eam curam potissimum intentus, ut refloresceret lapsa religio. Ab aulæ proceribus compulsus ad nuptias, constans est assertio scriptorum, cum virgine sponsa virginitatem in matrimonio servasse. Tantus in eo fuit in Christum amor et fides, ut illum aliquando inter Missarum solemnias videre meruerit, blando vultu et divina luce fulgentem. Ob profusam charitatem, orphanorum et egenorum pater passim dicebatur, nunquam lætior, quam cum regios thesauros exhausisset in pauperes.

*Lectio vj.*

**PROPHETIÆ** dono illustris, de Angliæ futuro statu multa cælitus prævidit, et illud in primis memorabile, quod Sweyni Danorum regis in mare demersi mortem, dum Angliam invadendi animo classem conscenderet, eodem quo accidit momento, divinitus intellexit. Joannem Evangelistam mirifice coluit, nihil cuiquam, quod ejus nomine peteretur, negare solitus. Cui olim sub lacera veste suo nomine stipem roganti, cum nummi decissent, detractum ex digito anulum porrexerat, quem Divus

non ita multo post Eduardo remisit, una cum nuntio secuturæ mortis. Quare rex, indictis pro se precibus, ipso ab Evangelista prædicto die, piissime obiit Nonis videlicet Januarii, anno salutis millesimo sexagesimo sexto. Quem sequenti sæculo Alexander Papa Tertius miraculis clarum Sanctorum fastis adscripsit. At ejus memoriam Innocentius Undecimus Officio publico per universam Ecclesiam eo die celebrari præcepit, quo annis ab obitu sex et triginta translatus ejus corpus incorruptum, et suavem spirans odorem repertum est.

*In III. Noct. Homilia Sancti Evangelii fratres, de Com. I. loco.*

*Vesperæ de sequenti.*

**DIE 14. S. Callisti,**  
Papæ et Martyris. *Duplex.*  
*Oratio.*

**DEUS**, qui nos conspicias ex nostra infirmitate deficere, ad amorem tuum nos misericorditer per Sanctorum tuorum exempla restaura. Per Dominum.

*Deinde sit comm. S. Eduardi.*

*Lect. I. Noct. de Script. occ.*

**IN II. NOCTURNO.**

*Lectio iv.*

**CALLISTUS** Romanus, præfuit Ecclesiæ, Antonino Heliogabalo Imperatore. Constituit quatuor anni tempora, quibus jejunium ex Apostolica traditione acceptum, ab omnibus servaretur. Ædificavit Basilicam sanctæ Mariæ Transtiberim, et in via Appia vetus cæmeterium ampliavit, in quo multi sancti Sacerdotes et Martyres sepulti sunt; unde ab eo Callisti cæmeterium appellatur.

*Lectio v.*

**EJUSDEM** pietatis fuit, quod beati Calepodii presbyteri et martyris corpus jactatum in Tiberim conquiri diligenter curavit, et inventum honorifice sepelivit. Palmatum Consulari, Simplicium Senatoria dignitate illustres, Felicem ac Blandam, qui deinde omnes martyrium subiere,

cum baptismo lustrasset, missus est in carcerem, ubi Privatum militem ulceribus plenum admirabiliter sanitati restitutum Christo adjuvit: pro quo idem, recens adhuc a fide suscepta, plumbatis usque ad mortem cæsus occubuit.

*Lectio vj.*

**SEDIT** Callistus annos quinque, mensem unum, dies duodecim. Ordinationibus quinque, mense Decembri, creavit Presbyteros sexdecim, Diaconos quatuor, Episcopos octo. Post longam famem crebrasque verberationes, præceps jactus in puteum, atque ita martyrio coronatus sub Alexandro Imperatore, illatus est in cæmeterium Calepodii via Aurelia, tertio ab Urbe lapide. pridie Idus Octobris. Ejus postmodum corpus in Basilicam sanctæ Mariæ Transtiberim ab ipso ædificatam, delatum, sub ara majori, maxima veneratione colitur.

*In III. Noct. Hom. Dominus diem judicii, de Com. 3. loco, p. 32.*

*Vesperæ a Capit. de sequenti.*

**DIE 15. S. Teresiæ,**  
Virginis. *Duplex.*

**IN UTRISQUE VESPERIS.**

**HYMNUS.**

**REGIS** superni nuntia,  
Domum paternam deseris  
Terris Teresa barbaris  
Christum datura, aut sanguinem.

Sed te mauet suavior  
Mors, poena poscit dulcior:  
Divini amoris cuspide  
In vulnus icta concides.

O charitatis victima,  
Tu corda nostra concrema  
Tibique gentes creditas  
Averni ab igne libera.

Sit laus Patri cum Filio,  
Et Spiritu Paraclito;  
Tibique, sancta Trinitas,  
Nunc et per omne sæculum. Amen.

*Oratio.*

**EXAUDI** nos, Deus salutaris noster, ut sicut de beatæ Teresiæ





exclamans peteret, beneficiis in se divinis modum imponi, nec tam celeri oblivione culparum suarum memoriam aboleri. Intolerabili igitur divini amoris incendio potius, quam vi morbi, Albæ cum decumberet, prænuntiato suæ mortis die, Ecclesiasticis Sacramentis munita, alumnos ad pacem, charitatem, et regularem observantiam adhortata, sub columbæ specie purissimam animam Deo reddidit. annos nata sexaginta septem, anno millesimo quingentesimo octogesimo secundo, idibus Octobris, juxta Kalendarium Romani emendationem. Ei morienti adesse visus est inter Angelorum agmina Christus Jesus, et arbor arida cellæ proxima statim effloruit. Ejus corpus usque ad hanc diem incorruptum, odorato liquore circumfusum, pia veneratione colitur. Miraculis claruit ante et post obitum, eamque Gregorius Decimus quintus in Sanctorum numerum retulit.

*In III. Noct. Homilia* Sæpe vos fratres, *de Com. 1. loco.*

*Ad Laud. Hymn. ut in I. Vesp.*

### **DIE 17. S. Hedwigis**

*Viduæ Semiduplex*

*Oratio.*

**D**EUS, qui beatam Hedwigem a sæculi pompa ad humilem tuæ crucis sequelam toto corde transire docuisti, concede ut ejus meritis et exemplo discamus perituras mundi calcare delicias, et in amplexu tuæ crucis omnia nobis adversantia superare: Qui vivis.

*Lect. I. Noct. de Script. occ.*

**IN II. NOCTURNO.**

*Lectio iv.*

**H**EDWIGIS regis clara natalibus, innocentia tamen vitæ longe clarior, sanctæ Elisabethæ filiæ regis Hungariæ matertera Bertoldi et Agnetis Moraviæ marchionum filia, animi ab ineunte ætate mederationem protulit. Adhuc enim puellula puerilibus abstinuit, et duodennis Henrico Poloniæ duci a parentibus nu-

ptui tradita, thalami fide sancte servata, prolem iude susceptam in Dei timore erudit. Ut autem commodius Deo vacaret, et pari voto, et consensu unanimi ad separationem tori virum induxit. Quo defuncto, ipsa in monasterio Trebnicensi, Deo, quem assiduis precibus exoraverat, inspirante, Cisterciensem devota sumpsit habitum, in eoque contemplationi intenta, divinis officiis et Missarum solemnibus a solis ortu ad meridiem usque assidua assistens, antiquum humani generis hostem fortis contempsit.

*Lectio v.*

**S**ÆCULI autem commercia, ni divina, vel animarum salutem attingerent, audire vel loqui non sustinuit. Prudentia in agendis sic emicuit, ut neque excessus esset in modo, nec error in ordine, comis alioqui, et mansueta in proximum. Grandem autem de se triumphum jejuniis, et vigiliis, vestiumque asperitate austeram carnem macerans, reportavit: hinc sublimioribus florens virtutibus Christianis, consiliorum gravitate, animique candore, et quiete in eximium religiosæ pietatis evasit exemplar: omnibus se ultro subjecero, atque viliora præ cæteris monialibus alacriter munia subire; pauperibus etiam flexo genu ministrare, leproso- rum pedes abluere et osculari, ipsi familiare erat, neque illorum ulcera sanie manantia sui victrix abhorruit.

*Lectio vj.*

**M**IRA fuit ejus patientia, animique constantia; præcipue vero in morte Henrici ducis Silesiæ, sui quem materne diligebat filii in bello a Tartaris cæsi enituit: potius enim gratias Deo, quam filio lacrymas reddidit. Miraculorum denique gloria percubuit: puerum enim demersum, et molendini rotis allisum, et prorsus attritum, invocata vitæ restituit, aliaque præstitit, ut rite iis Clemens Quartus probatis, Sanctorum numero eam adscripserit, ejusque festum in Polonia, ubi præcipua veneratione uti

Patrona colitur, die decima quinta Octobris celebrari concesserit; quod deinde ut decima septima in tota Ecclesia fieret, Innocentius Undecimus ampliavit.

*In III. Noct. Homilia Cælorum regnum fratres, de comm. p. 74\*.*

*Vesp. de seq. sine comm. præc.*

### **Die 18. S. Lucæ.**

*Evangelistæ. Duplex 2. Classis.*

*Oratio.*

**INTERVENIAT** pro nobis, quæsumus, Domine, sanctus tuus Lucas Evangelista, qui crucis mortificationem jugiter in suo corpore, pro tui nominis honore portavit. Per Dominum.

*Lect. I. Noct. Incipit liber Ezechielis Prophetæ, ut in Dom. 1. Nov., p. 319.*

#### **IN II. NOCTURNO.**

*Ex libro S. Hieronymi Presbyteri de Scriptoribus Ecclesiasticis.*

*Lectio iv.*

**LUCAS** medicus Antiochensis, ut ejus scripta indicant, græci sermonis non ignarus, fuit sectator Apostoli Pauli, et omnis peregrinationis ejus comes. Scripsit Evangelium, de quo idem Paulus: Misimus, inquit, cum illo fratrem, cujus laus est in Evangelio per omnes Ecclesias. Et ad Colossenses: Salutat vos Lucas medicus charissimus. Et ad Timotheum: Lucas est mecum solus. Aliud quoque edidit volumen egregium, quod titulo, Acta Apostolorum prænotatur: cujus historia usque ad biennium Romæ commorantis Pauli pervenit, id est, usque ad quartum Neronis annum. Ex quo intelligimus, in eadem urbe librum esse compositum.

*Lectio v.*

**IGITUR** periodos Pauli et Theclæ, et totam baptizati Leonis fabulam, inter apocryphas scripturas computamus. Quale enim est, ut individuus comes Apostoli, inter cæteras ejus res, hoc solum ignoraverit? Sed et Tertullianus, vicinus eorum tempo-

rum, refert presbyterum quemdam in Asia amatorem Apostoli Pauli, convictum a Joanne, quod auctor esset libri, et confessum se hoc Pauli amore fecisse, et ob id loco excidisse. Quidam suspicantur, quotiescumque in Epistolis suis Paulus dicit, Juxta Evangelium meum, de Lucæ significare volumine.

*Lectio vj.*

**LUCAM** autem non solum ab Apostolo Paulo didicisse Evangelium qui cum Domino in carne non fuerat, sed a cæteris Apostolis: quod ipse quoque in principio sui voluminis declarat, dicens: Sicut tradiderunt nobis qui a principio ipsi viderunt, et ministri fuerunt sermonis. Igitur Evangelium sicut audierat, scripsit: Acta vero Apostolorum, sicut viderat ipse, composuit. Vixit octoginta et quatuor annos, uxorem non habens: sepultus est Constantinopoli, ad quam urbem vigesimo Constantini anno ossa ejus cum reliquiis Andreæ Apostoli translata sunt de Achaia.

*In III. Noct. Homilia Dominus et Salvator noster, pro Evangelistis, p. 13\*.*

*In II. Vesp. comm. sequentis.*

### **Die 19. S. Petri de Alcant.**

*Conf. Duplex ( m. t. v. ).*

*Oratio.*

**DEUS**, qui beatum Petrum Confessorem tuum admirabilis penitentiae et altissimæ contemplationis munere illustrare dignatus es, da nobis, quæsumus, ut ejus suffragantibus meritis, carne mortificati, facilius cœlestia capiamus. Per Dominum.

*Lect. I. Noct. de Script. occ.*

#### **IN II. NOCTURNO.**

*Lectio iv.*

**PETRUS** Alcantaræ in Hispania nobilibus parentibus natus, a teneris annis futuræ sanctitatis indicia præbuit. Decimo sexto ætatis anno Ordinem Minorem ingressus, se om-



nium virtutum exemplar exhibuit. Tum munus concionatoris ex obedientia exercens, innumeros a vitiis ad veram poenitentiam traduxit. Primævum sancti Francisci Institutum exactissime reparare cupiens, ope divina fretus, et Apostolica munitus auctoritate, angustissimum et pauperrimum cœnobium juxta Pedrosam fundavit: quod vitæ genus asperrimum ibi feliciter cœptum, per diversas Hispaniæ provincias usque ad Indias mirifice propagatum fuit. Sanctæ Teresiæ, cujus probaverat spiritum, in promovenda Carmelitarum reformatione, adjutor fuit. Ipsa autem a Deo edocta, quod Petri nomine nihil quicquam peteret, quin protinus exaudiretur, ejus precibus se commendare, et ipsum adhuc viventem Sanctum appellare consuevit.

*Lectio v.*

**P**RICIPUM obsequia, qui ipsum velut oraculum consulabant, summa humilitate declinans, Carolo Quinto Imperatori a Confessionibus esse recusavit. Paupertatis rigidissimus custos una tunica, qua nulla deterior esset, contentus erat. Puritatem ita coluit, ut a fratre, in extremo morbo sibi inserviente, nec leviter quidem tangi passus sit. Corpus suum perpetuis vigiliis, jejuniis, flagellis, frigore, nuditate, atque omni genere asperitatum in servitum redegit, cum quo pactum iniecit, ne ullam in hoc sæculo ei requiem præberet. Charitas Dei et proximi in ejus corde diffusa tantum quandoque excitabat incendium, ut e cellæ angustis in apertum campum prosilire, aerisque refrigerio conceptum ardorem temperare cogeretur.

*Lectio vj.*

**G**RATIA contemplationis admirabilis in eo fuit, qua cum assidue spiritus reficeretur, interdum accidit, ut ab omni cibo et potu pluribus diebus abstinuerit. In aera frequenter sublatus, miro fulgore coruscare visus est. Rapidos fluvios sic-

co pede trajecit. Fratres in extrema penuria cœlitus delata alimonia cibavit. Baculus ab ipso terræ defixus, mox in viridem ficulneam excrevit. Cum noctu iter ageret, densa nive cadente, dirutam domum sine tecto ingressus est, eique nix in aere pendula pro tecto fuit, ne illius copia suffocaretur. Dono prophetiæ, ac discretionis spirituum imbutum fuisse sancta Teresia testatur. Denique annum agens sexagesimum tertium, hora qua prædixerat, migravit ad Dominum, mirabili visione, Sanctorumque præsentia confortatus. Quem eodem momento in cœlum ferri beata Teresia procul distans vidit; cui postea apparens dixit: O felix poenitentia, quæ tantam mihi promeruit gloriam! Post mortem vero plurimis miraculis claruit, et a Clemente Nono Sanctorum numero adscriptus est.

*In III. Noct. Homilia Pusillum gregem, de Com. 2. loco, p. 60.*

*Vesperæ a Capit. de sequenti.*

**DIE 20. S. Joan. Cantil.,**  
Conf. Duplex.

*In I. Vesperis*

**HYMNUS**

**G**ENTIS Polonæ gloria,  
Clerique splendor nobilis  
Decus Lycæi, et patriæ  
Pater, Joannes inclyte.

Legem superni numinis  
Doces magister, et facis:  
Nil scire prodest: sedulo  
Legem nitamur exequi.

Apostolorum limina  
Pedes viator visitas:  
Ad patriam, quam tendimus,  
Gressus viamque dirige.

Urbem petis Jerusalem;  
Signata sacro sanguine  
Christi colis vestigia,  
Rigisque fuis fletibus.

Acerba Christi vulnera,  
Hærete nostris cordibus,  
Ut cogitemus consequi  
Redemptionis pretium.

Te prona mundi machina,  
Clemens, adoret, Trinitas.

Et nos novi per gratiam  
Novum canamus canticum. Amen.

*Oratio.*

**D**A, quæsumus, omnipotens Deus,  
ut sancti Joannis Confessoris ex-  
emplo in scientia Sanctorum profl-  
icientes, atque aliis misericordiam ex-  
hibentes, ejus meritis indulgentiam  
apud te consequamur. Per Dominum.

*Et fit commemor. præced.*

*Ad Matutinum*

**HYMNUS.**

**C**ORPUS domas jejuniis,  
Cædis cruento verbere,  
Ut castra pœnitentium  
Miles sequaris innocens.

Sequamur et nos sedulo  
Gressus parentis optimi:  
Sequamur, ut licentiam  
Carnis refrænet spiritus.

Rigente bruma, providum  
Præbes amictum pauperi,  
Sitim famemque egentium  
Esca potuque sublevas.

Qui negasti nemini  
Opem roganti, patrium  
Regnum tuere, postulant  
Cives Poloni et exteri.

Sit laus Patri, sit Filio,  
Tibique, sancte Spiritus:  
Preces Joannis impetrent  
Beata nobis gaudia. Amen.

*Lect. I. Noct. de Sript. occ.*

**IN II. NOCTURNO**

*Lectio IV.*

**J**OANNES in oppido Kenty Cra-  
coviensis Diœcesis, a quo Cantii  
cognomen duxit, Stanislaus et Anna  
piis et honestis parentibus natus,  
morum suavitate, innocentia, gravi-  
tate ab ipsa infantia spem fecit maxi-  
mæ virtutis. In Universitate Cracovien-  
si Philosophiæ, ac Theologiæ primum  
auditor, tum per omnes Academiæ  
gratus ascendendo professor ac doctor,  
sacræ, quam annis multis tradidit,  
doctrina mentes audientium non illu-  
strabat modo, sed et ad omnem pie-  
tatem inflammabat, simul docens sci-

licet, et faciens. Sacerdos factus, nihil  
de litterarum studio remittens, stu-  
dium auxit Christianæ perfectionis.  
Utque passim offendi Deum maxime  
dolebat, sic eum sibi et popu-  
lo placare, oblato quotidie non sine  
multis lacrymis incruento Sacrificio,  
satagebat. Ilkusiensem parochiam an-  
nis aliquot egregie administravit,  
sed animarum periculo commotus po-  
stea dimisit ac postulante Academia,  
ad pristinum docendi officium rediit.

*Lectio V.*

**Q**UIDQUID temporis ab studio  
supererat, partim saluti proxi-  
morum sacris præsertim concionibus  
curandæ, partim orationi dabat, in  
qua cœlestibus quandoque visionibus  
et colloquiis dignatus fertur. Christi  
vero passione sic afficiebatur, ut in  
ea contemplanda totas interdum no-  
ctes duceret insomnes, ejusque causa  
melius recolendæ, Hierosolymam pe-  
regrinatus sit: ubi et martyrii desi-  
derio flagrans, Turcis ipsis Christum  
crucifixum prædicare non dubitavit.  
Quater etiam ad Apostolorum limina  
pedes, atque varia onustus sarcina,  
Romam venit, tum ut Sedem Aposto-  
licam, cui maxime addictus fuit,  
honoraret, tum ut sui (sic enim a-  
iebat) purgatorii pœnas, exposita il-  
lic quotidie peccatorum venia, redi-  
meret. Quo in itinere a latronibus  
olim spoliatus et num quid habe-  
ret præterea interrogatus, cum negas-  
set, aureos deinde aliquot suo insu-  
tos pallio recordatus, fugientibus hos  
etiam clamans obtulit latronibus: qui  
viri sancti candorem simul et largi-  
tatem admirati, etiam ablatos ultro  
reddidere. Alienæ famæ ne quis de-  
traheret, descriptis beati Augustini  
exemplo in pariete versiculis, se at-  
que alios perpetuo voluit admon-  
tos. Famelicos de suo etiam obsonio  
satiabat: nudos autem non emptis mo-  
do, sed detractis quoque sibi vestibus  
et calceis operiebat, demisso ipse in-  
terim usque ad terram pallio, ut vo-  
mum nudipes redire videretur.

*Lectio vj.*

**B**REVIS illi somnus, atque humi; vestis, quæ nuditatem, cibus, qui mortem dumtaxat arceret. Virginalem pudicitiam, velut lilium inter spinas, aspero cilicio, flagellis, atque jejuniis custodivit. Quin et per annos ante obitum triginta circiter et quinque ab esu carniū perpetuo abstinuit. Tandem dierum juxta ac meritum plenus, cum vicinæ, quam præsensit, morti se diu diligenterque præparasset, ne qua re amplius teneretur, si quid domi supererat, id omnino pauperibus distribuit. Tum Ecclesiæ Sacramentis rite munitus, dissolvi jam cupiens, et esse cum Christo, pridie Nativitatis ejus in cælum evolavit, miraculis ante et post mortem clarus. Mortuus ad proximam Academiæ Ecclesiam sanctæ Annæ delatus est, ibique honorifice sepultus. Auctaque in dies populi veneratione ac frequentia, inter primarios Poloniæ ac Lithuanie Patronos religiosissime collitur. Novisque coruscans miraculis a Clemente Decimo tertio Pontifice Maximo, decimo septimo Kalendas Augusti, anno millesimo septingentesimo sexagesimo septimo solemnī ritu Sanctorum fastis adscriptus est.

*In III. Noct. Homilia Sancti Evangelii fratres, de Com. 1. loco.*

*Ad Laud. Hymn. ut in I. Vesp.*

***In II. Vesperts.*****HYMNUS**

**T**E deprecante, corporum  
Lues recedit, improbi  
Morbi fugantur, pristina  
Redeunt salutis munera.

Phtisi, febrique et ulcere  
Diram redactos ad necem,  
Sacratas morti victimas,  
Ejus rapis è faucibus.

Te deprecante, tumido  
Merces abactæ flumine,  
Tractæ Dei potentia  
Sursum fluunt retrogradæ.

Cum tanta possis, sedibus  
Cæli locatus, poscimus,

Responde votis supplicum,  
Et invocatus subveni.

O una semper Unitas,  
O Trina semper Trinitas,  
Da, supplicante Cantio,  
Æterna nobis præmia. Amen.

*Et sit comm. seq. elo., ut infra*

**Die 21. S. Hilarionis,**

Abbatis.

*Oratio Intercessio nos, p. 31.*

*Deinde SS. Ursulæ et soc. ejus  
Virg. et Mart.*

*In Vesp. et Laud. Ant. Prudentes.  
ÿ. Adducentur. Oratio Da nobis quæsumus, de Com. p. 62.*

*Lectio ij.*

**H**ILARION ortus Tabathæ in Palæstina ex parentibus infidelibus Alexandriam missus studiorum causa, ibi morum et ingenii laude floruit, ac Jesu Christi suscepta religione, in fide et charitate mirabiliter profecit. Frequens enim erat in Ecclesia, assiduus in jejunio et oratione; omnes voluptatum illecebras, et terrenarum rerum cupiditates contemnebat. Cum autem Antonii nomen in Egypto celeberrimum esset, ejus videndi studio in solitudinem contendit. Apud quem duobus mensibus omnem ejus vitæ rationem didicit. Domum reversus, mortuis parentibus, facultates suas pauperibus dilargitus est. Necdum quintum decimum annum egressus, rediit in solitudinem, ubi, extructa exigua casa, quæ vix ipsum caperet, humi cubabat. Nec vero sacrum, quo semel amictus est, unquam aut lavit, aut mutavit, cum supervacaneum esse diceret, munditias in cilicio quærere.

*Lectio iij.*

**I**N sanctarum litterarum lectione et meditatione multus erat. Paucas ficus, et succum herbarum ad victum adhibebat, nec illis ante solis occasum vescebatur. Continentia et humilitate fuit incredibili. Quibus aliisque virtutibus varias horribilesque tentationes diaboli superavit, et innumerabi-



les dæmones in multis orbis terræ partibus ex hominum corporibus ejecit. Qui octogesimum annum agens, multis ædificatis monasteriis, et clarus miraculis, in morbum incidit: cujus vi cum extremo pene spiritu conflictaretur dicebat: Egredere, quid times? egredere, anima mea, quid dubitas? septuaginta prope annis serviisti Christo, et mortem times? Quibus in verbis spiritum exalavit.

**DIE 25. SS. Chrysanthi  
ET DARIÆ, Martyrum.**

*Oratio.*

**BEATORUM** Martyrum tuorum, Domine, Chrysanthi et Dariæ, quæsumus, adsit nobis oratio, ut quos veneramus obsequio, eorum pium jugiter experiamur auxilium. Per Dominum.

*Lectio ij.*

**CHRYSANTHUS** et Daria conjuges nobili genere nati, fide etiam clariores, quam Daria, mariti opera, cum baptismo suscepit, Romæ innumerabilem hominum multitudinem, hæc mulierum, ille virorum, ad Christum converterunt. Quare Celérinus præfectus comprehensos tradidit Claudio tribuno. Qui jussit a militibus Chrysanthum vinctum cruciatibus torqueri, sed vincula omnia resoluta sunt; mox compedes, in quos conjectus fuerat, confracti.

*Lectio iij.*

**DEINDE** bovis corio inclusum in ardentissimo sole constituunt, tum pedibus ac manibus catena constrictis, in obscurum carcerem detruunt: ubi solutus catenis, clarissima lux locum illustravit. Daria vero in lupanar compulsæ, leonis tutela, dum in oratione defixa est, a contumelia divinitus defensa est. Denique in arenariam, quæ est via Salaria, uterque ductus, effossa terra, lapidibus obruti, parem martyrii coronam adepti sunt.

**DIE 26. S. Evaristi,**

Papæ et Martyris.

*Oratio* Infirmitatem nostram, p. 14.

*Lectio iij.*

**EVARISTUS** Græcus ex Judæo patre, Trajano Imperatore, Pontificatum gessit. Qui Ecclesiarum titulos urbis Romæ Presbyteris divisit, et ordinavit, ut septem Diaconi Episcopum custodirent, dum Evangelicæ prædicationis officio fungeretur. Idem constituit ex traditione Apostolica, ut matrimonium publice celebretur, et Sacerdotis benedictio adhibeatur. Præfuit Ecclesiæ annos novem, menses tres, Presbyteris decem et septem, Diaconis duobus, Episcopis quindecim, quater mense Decembri ordinatis. Martyrio coronatus, prope sepulchrum principis Apostolorum in Vaticano sepultus est septimo Kalendas Novembris.

**DIE 27. In Vigilia**

SS. SIMONIS ET JUDÆ, Apost.

*Homilia* Iste locus Evangelicus, de Com. Mart. temp. Pasch. p. 25. cum RR. Feriæ occ.

*In Lau.* Precos flexis genibus.

*Oratio.*

**CONCEDE**, quæsumus, omnipotens Deus, ut sicut Apostolorum tuorum Simonis et Judæ gloriosa natalitia prævenimus, sic ad tua beneficia promerenda majestatem tuam pro nobis ipsi præveniant. Per Dominum.

**DIE 28. SS. Simon. et Judæ**

Apostol. Dupl. 2. Classis.

*Oratio.*

**DEUS**, qui nos per beatos Apostolos tuos Simonem et Judam ad agnitionem tui nominis venire tribuisti, da nobis eorum gloriam sempiternam et proficiendo celebrare, et celebrando proficere. Per Dominum.

*Lect. I. Noct.* Incipit Epistola Catholica B. Judæ Apost. ut in Vigilia Pentec. p. 400.

## IN II. NOCTURNO.

*Lectio iv.*

**S**IMON Chananæus, qui et Zelo-tes, et Thaddæus, qui et Judas Jacobi appellatur in Evangelio, unius ex catholicis Epistolis scriptor, hic Mesopotamiam, ille Ægyptum Evangelica prædicatione peragravit. Postea in Persidem convenientes, cum innumerales filios Jesu Christo peperissent, fidemque in vastissimis illis regionibus, et efferatis gentibus disseminassent, doctrina et miraculis, ac denique glorioso martyrio simul sanctissimum Jesu Christi nomen illustrarunt.

*Lectio. v. et vj. Scriptum est, de Com. 1. loco. cum n. v. et vj.*

## IN III. NOCTURNO.

*Lectio sancti Evangelii secundum Joannem.*

*Lectio vij. Cap. 15.*

**I**N illo tempore: Dixit Jesus discipulis suis: Hæc mando vobis, ut diligatis invicem. Si mundus vos odit scitote quia me priorem vobis odio habuit. Et reliqua.

*Homilia sancti Augustini Episcopi.*

*Tract. 87. in Joannem.*

**I**N lectione Evangelica, quæ hanc antecedit, dixerat Dominus: Non vos me elegistis; sed ego elegi vos, et posui vos, ut eatis, et fructum afferatis, et fructus vester maneat: ut quodcumque petieritis Patrem in nomine meo, det vobis. Hic autem dicit: Hæc mando vobis, ut diligatis invicem. Ac per hoc intelligere debemus, hunc esse fructum nostrum, de quo ait: Ego vos elegi, ut eatis, et fructum afferatis, et fructus vester maneat; et quod adjunxit, Ut quodcumque petieritis Patrem in nomine meo, det vobis. Tunc utique dabit nobis, si diligamus invicem, cum et hoc ipsum ipse dederit nobis, qui nos elegit non habentes fructum, quia non eum nos elegeramus, et posuit nos ut fructum afferamus, hoc est, invicem diligamus.

*Lectio viij.*

**C**HARITAS ergo est fructus noster, quam definit Apostolus, de corde puro, et conscientia bona, et fide non ficta. Hæc diligimus vicem, hæc diligimus Deum: neque enim vera dilectione diligeremus invicem, nisi diligentes Deum. Diligit enim unusquisque proximum suum tanquam seipsum, si diligit Deum: nam si non diligit Deum, non diligit seipsum. In his enim duobus præceptis charitatis, tota lex pendet et Prophetæ. Hic est fructus noster. De fructu itaque nobis mandans: Hæc mando, inquit, vobis, ut diligatis invicem. Unde et Apostolus Paulus, cum contra opera carnis commendare fructum spiritus vellet, a capite hoc posuit, Fructus, inquit, spiritus, charitas est. ac deinde cætera tanquam ex isto capite exorta et religata contexuit, quæ sunt, gaudium, pax, longanimitas, benignitas, bonitas, fides, mansuetudo, continentia, castitas.

*Lectio ix.*

**Q**UIS autem bene gaudet, qui bonum non diligit unde gaudet? Quis pacem veram, nisi cum illo potest habere, quem veraciter diligit? Quis est longanimis in bono opere perseveranter manendo, nisi ferveat diligendo? Quis est benignus, nisi diligat, cui opitulatur? Quis bonus, nisi diligendo efficiatur? Quis salubriter fidelis, nisi ea fide, quæ per dilectionem operator? Quis utiliter mansuetus, cui non dilectio moderetur? Quis ab eo continet unde turpatur, nisi diligat unde honestatur? Merito itaque magister bonus dilectionem sic sæpe commendat, tanquam sola præciplenda sit, sine qua non possunt prodesse cætera bona, et quæ non potest haberi sine cæteris bonis, quibus homo efficitur bonus.

**DIE 31. In Vigilia**

**OMNIUM SANCTORUM.**

*Homilia Adverte omnia diligenter,*

de Com. Plur. Mart. 2. loco p. 37.  
cum an. de Feria oce.

In Laud. Preces flexis genibus.

Oratio.

**DOMINE** Deus noster, multiplica  
super nos gratiam tuam, et quo-  
rum praevenimus gloriosa solennia,  
tribue subsequi in sancta professione  
laetitiam. Per.

## FESTA NOVEMBRIS.

Prima die non impedita dicitur of-  
ficium Defunctorum.

**Die 1. Omnium Sanctor.**

Duplex i. classis.

**In I. Vesperis.**

Ant. et Capit. de Laud. Psalmi de  
Dom. loco ult. Laudate Dominum o-  
mnes gentes.

### HYMNUS.

**PLACARE**, Christe, servulis,  
Quibus Patris clementiam  
Tuae ad tribunal gratiae  
Patrona Virgo postulat.

Et vos beata per novem  
Distincta gyros agmina,  
Antiqua cum praesentibus,  
Futura damna pellite.

Apostoli cum Vatibus,  
Apud severum Judicem,  
Veris reorum fletibus  
Exposcite indulgentiam.

Vos purpurati Martyres,  
Vos candidati praemio  
Confessionis, exules  
Vocate nos in patriam.

Chorae casta Virginum,  
Et quos eremus incolas  
Transmisit astris, Coelitem  
Locate nos in sedibus.

Auferte gentem perfidam  
Credientium de finibus;  
Ut unus omnes unicum  
Ovili nos Pastor regat.

Deo Patri sis gloria,  
Natoque Patris Unico,  
Sancto simul Paraclito,  
In sempiterna saecula. Amen.

1. Laetamini in Domino, et exul-

tate, justi. 2. Et gloriamini omnes  
recti corde.

Ad Magnific. Ant. Angeli, Archan-  
geli, Throni et Dominationes, Prin-  
cipatus et Potestates, Virtutes caelo-  
rum, Cherubim atque Seraphim, Pa-  
triarchae et Prophetae, sancti legis  
Doctores, Apostoli, omnes Christi  
Martyres, sancti Confessores, Virgi-  
nes Domini, Anachoritae, Sanctique  
omnes, intercedite pro nobis.

Oratio ut inf. in Laud.

### Ad Manifestationem

Invit. Regem regum Dominum,  
venite, adoremus, \* Quia ipse est co-  
rona Sanctorum omnium.

Hymnus Placare, ut supra.

IN I. NOCTURNO.

Ant. Novit Dominus viam iusto-  
rum, qui in lege ejus meditantur die  
ac nocte.

Psalm. Beatus vir, p. 2.

Ant. Mirificavit Dominus Sanctos  
suos, et exaudivit eos clamantes ad  
se.

Psalm. Cum invocarem, p. 101.

Ant. Admirabile est nomen tuum,  
Domine, quia gloria et honore coro-  
nasti Sanctos tuos, et constituisti  
eos super opera manuum tuarum.

Psalm. Domine Dominus, p. 4.

2. Laetamini in Domino, et exul-  
tate justi. 2. Et gloriamini omnes  
recti corde.

Ex libro Apocalypsis beati Joannis  
Apostoli.

Lectio j.

Cap. 4.

**ET** ecce sedes posita erat in caelo,  
et supra sedem sedens. Et qui  
sedebat, similis erat aspectui lapidis  
jaspidis et sardinis: et iris erat in  
circuitu sedis, similis visioni smarag-  
dinae. Et in circuitu sedis sedilia  
viginti quatuor; et super thronos  
viginti quatuor seniores sedentes,  
circumamicti vestimentis albis, et in  
capitibus eorum coronae aureae. Et  
de throno procedebant fulgura, et  
voces, et tonitrua: et septem lam-  
pades ardentes ante thronum, qui  
sunt septem spiritus Dei. Et in con-



aspectu sedis tanquam mare vitreum simile crystallo; et in medio sedis, et in circuitu sedis, quatuor animalia plena oculis ante et retro. Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. Et quatuor animalia, singula eorum habebant alas senas; et in circuitu, et intus plena sunt oculis: et requiem non habebant die ac nocte, dicentia: Sanctus, Sanctus, Sanctus, Dominus Deus omnipotens, qui erat, et qui est, et qui venturus est. *℣.* Vidi Dominum sedentem super solium excelsum et elevatum: et plena erat omnis terra maiestate ejus, \* Et ea, quæ sub ipso erant, replebant templum. *℣.* Seraphim stabant super illud; sex alæ uni, et sex alæ alteri. Et.

Lectio ij.

Cap. 5.

**E**T vidi in dextera sedentis supra thronum, librum scriptum intus et foris, signatum sigillis septem. Et vidi Angelum fortem prædicantem voce magna: Quis est dignus aperire librum, et solvere signacula ejus? Et nemo poterat neque in cælo, neque in terra, neque sub terra, aperire librum, neque respicere illum. Et ego flebam multum, quoniam nemo dignus inventus est aperire librum, nec videre eum. Et unus de senioribus dixit mihi: Ne fleveris: ecce vicit leo de tribu Juda, radix David, aperire librum et solvere septem signacula ejus. Et vidi: et ecce in medio throni et quatuor animalium, et in medio seniorum, Agnum stantem tanquam occisum, habentem coronam septem, et oculos septem: qui sunt septem spiritus Dei, missi in omnem terram. Et venit, et accepit de dextera sedentis in throno librum. Et cum aperuisset librum, quatuor animalia et viginti quatuor seniores ceciderunt coram Agno, habentes singuli citharas, et phialas aureas ple-

nas odoramentorum, quæ sunt orationes Sanctorum.

*℣.* Beata es, virgo Maria, Dei Genitrix, quæ credidisti Domino, perfecta sunt in te quæ dicta sunt tibi: ecce exaltata es super choros Angelorum: \* Intercede pro nobis ad Dominum Deum nostrum. *℣.* Ave, Maria, gratia plena, Dominus tecum. Intercede.

Lectio iij.

**E**T cantabant canticum novum dicentes: Dignus es, Domine accipere librum, et aperire signacula ejus, quoniam occisus es et redemisti nos Deo in sanguine tuo ex omni tribu, et lingua, et populo, et natione, et fecisti nos Deo nostro regnum et Sacerdotes, et regnabimus super terram. Et vidi, et audiui vocem Angelorum multorum in circuitu throni, et animalium, et seniorum: et erat numerus eorum millia millium, dicentium voce magna: Dignus est Agnus qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Et omnem creaturam, quæ in cælo est, et super terram, et sub terra, et quæ sunt in mari, et quæ in eo, omnes audiui dicentes: Sedenti in throno, et Agno benedictio, et honor, et gloria, et potestas in sæcula sæculorum. Et quatuor animalia dicebant: Amen. Et viginti quatuor seniores ceciderunt in facies suas, et adoraverunt viventem in sæcula sæculorum.

*℣.* In conspectu Angelorum psallam tibi, \* Et adorabo ad templum sanctum tuum, et confitebor nomini tuo, Domine *℣.* Super misericordia tua, et veritate tua: quoniam magnificasti super nos nomen sanctum tuum. Et. Gloria. Et.

IN II. NOCTURNO.

*Ant.* Domine, qui operati sunt justitiam, habitabunt in tabernaculo tuo, et requiescent in monte sancto tuo.

*Psalm.* Domine quis, p. 7.

*Ant.* Hæc eſt generatio quærentium Dominum, quærentium faciem Dei Jacobi.

*Psalm.* Domini eſt terra, p. 21.

*Ant.* Lætamini in Domino, et exultate, juſti, et gloriâmini, omnes recti corde.

*Psalm.* Beati quorum, p. 34.

*Ÿ.* Exultent juſti in conſpectu Dei.

*Ÿ.* Et delectentur in lætitiâ.

Sermo ven. Bedæ Presbyteri.

Serm. 18. de Sanctis.

Lectio iv.

**H**ODIE, dilectissimi, omnium sanctorum sub una ſolemnitatis lætitiâ celebramus feſtivitatem, quorum ſocietate cælum exultat, quorum patrociniiſ terra lætatur, triumphis Eccleſia ſancta coronatur, quorum confeſſio quanto in paſſione fortior, tanto eſt clarior in honore, quia dum crevit pugna, crevit et pugnantium gloria, et martyrii triumphus multiplici paſſionum genere adornatur, perque graviora tormenta, graviora ſuere et præmia; dum Catholica mater Eccleſia, quæ per totum orbem longe lateque diſſuſa eſt, in ipſo capite ſuo Chriſto Jeſu edocta eſt contumelias, cruceſ et mortem non timere, magis magisque roborata, non reſiſtendo, ſed perferendo, univerſis, quos agmine inclyto carcer pœnalis incluſit, pari et ſimili calore virtutis ad gerendum certamen, gloriam triumphalem inſpiravit.

*Ÿ.* Præcurſor Domini venit de quo ipſe teſtatur: \* Nullus major inter natos mulierum Joanne Baptiſta. *Ÿ.* Hic eſt Propheta, et plus quam Propheta, de quo Salvator ait. Nullus.

Lectio v.

**O** Vere beata mater Eccleſia; quam ſic honor divinæ dignationis illuminat, quam vincentium glorioſus Martyrum ſanguis exornat, quam inviolatæ confeſſionis candida induit virginitas. Floribus ejus nec roſæ, nec lilia deſunt. Certent nunc, chariſſimi, ſinguli, ut ad utroſque honores ampliſſimam accipiant dignita-

tem, coronas vel de virginitate candidas, vel de paſſione purpureas. In cœleſtibus caſtris pax et acies habent flores ſuos, quibus milites Chriſti coronantur.

*Ÿ.* Iſti ſunt qui viventes in carne, plantaverunt Eccleſiam ſanguine ſuo: \* Calicem Domini biberunt, et amici Dei facti ſunt. *Ÿ.* In omnem terram exivit ſonus eorum, et in fines orbis terræ verba eorum. Calicem.

Lectio vj.

**D**EI enim ineffabilis et immenſa bonitas etiam hoc providit, ut laborum quidem tempus et agonis non extenderet, nec longum ſaceret, aut æternum, ſed breve, et ut ita dicam, momentaneum, ut in hac brevi et exigua vita agones eſſent et labores; in illa vero quæ æterna eſt, coronæ et præmia meritorum: ut labores quidem cito finirentur, meritorum vero præmia ſine fine durarent: ut poſt hujus mundi tenebras viſuri eſſent candidiſſimam lucem, et accepturi majorem paſſionum cunctarum acerbitatibus beatitudinem, teſtante hoc idem Apoſtolo, ubi ait: Non ſunt condignæ paſſiones hujus temporis ad ſuperventuram gloriam, quæ revelabitur in nobis.

*Ÿ.* Sancti mei, qui in carne poſiti, certamen habuiſtis, \* Mercedem laboris ego reddam vobis. *Ÿ.* Venite, benedicti Patris mei, percipite regnum. Mercedem. Gloria. Mercedem: IN III. NOCTURNO.

*Ant.* Timeſte Dominum, omnes ſancti ejus, quoniam nihil deeſt timeſtibus eum; ecce oculi Domini ſuper juſtos, et aures ejus ad preces eorum.

*Psalm.* Benedicam, p. 33.

*Ant.* Domine ſpes Sanctorum, et turris fortitudinis eorum, dediſti hæreditatem timeſtibus nomen tuum, et habitabunt in tabernaculo tuo in ſæcula.

*Psalm.* 60. Exaudi Deus, p. 52:

*Ant.* Qui diligitis Dominum, lætâmini in Domino, et confitemini memoriæ ſanctitatis ejus.

*Psalm. Dominus regnavit, p. 72.*

†. *Iusti autem in perpetuum vivent. ♀. Et apud Dominum est merces eorum.*

Lectio sancti Evangelii secundum  
Matthæum.

Lectio vij.

Cap. 5.

**I**N illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

Homilia S. Augustini Episcopi.

Lib. 1. de Serm. Domini.

**S**I queritur quid significet mons, bene intelligitur significare majora præcepta justitiæ, quia minora erant, quæ Judæis data sunt. Unus tamen Deus per sanctos Prophetas et famulos suos, secundum ordinatissimam distributionem temporum, dedit minora præcepta populo, quem adhuc timore alligari oportebat; et per Filium suum majora populo, quem charitate jam liberari convenerat. Cum autem minora minoribus, majora majoribus dantur, ab eo dantur, qui solus novit congruentem suis temporibus generi humano exhibere medicinam.

♀. *Sint lambi vestri præcincti, et lucernæ ardentes in manibus vestris: \* Et vos similes hominibus expectantibus Dominum suum, quando revertatur a nuptiis. †. Vigilate ergo, quia nescitis qua hora Dominus vester venturus sit. Et.*

Lectio viij.

**N**EC mirum est quod dantur præcepta majora propter regnum cælorum, et minora data sunt propter regnum terrenum, ab eodem uno Deo, qui fecit cælum et terram. De hac ergo justitia, quæ major est, per Prophetam dicitur: Justitia tua sicut montes Dei. Et hoc bene significat, quod ab uno magistro, solo docendis tantis rebus idoneo, docetur in monte. Sedens autem docet, quod pertinet ad dignitatem magisterii. Et accedunt ad eum discipuli ejus, ut

audiendis illius verbis hi essent etiam corpore viciniore, qui præceptis adimplendis etiam animo propinquabant. Et aperiens os suum docebat eos, dicens. Ista circumlocutio, qua scribitur. Et aperiens os suum, fortassis ipsa mora commendat aliquanto longiorem futurum esse sermonem. Nisi forte non vacet, quod nunc eum dictum est aperuisse os suum, quod ipse in lege veteri aperire soleret ora Prophetarum.

♀. *Media nocte clamor factus est: \* Ecce sponsus venit, exite obviam ei. †. Prudentes virgines, aptate vestras lampades. Ecce. Gloria. Ecce.*

Lectio ix.

**Q**UID ergo dicit? Beati pauperes spiritu, quoniam ipsorum est regnum cælorum. Legimus scriptum de appetitione rerum temporalium: Omnia vanitas, et præsumptio spiritus. Præsumptio autem spiritus audaciam et superbiam significat. Vulgo etiam magnos spiritus superbi habere dicuntur; et recte, quandoquidem spiritus etiam ventus vocatur. Unde scriptum est: Ignis, grando, nix, glaciæ, spiritus procellarum. Quis vero nesciat, superbos inflatos dici, tanquam vento distentos? Unde est etiam illud Apostoli: Scientia inflat, charitas vero ædificat. Quapropter recte hic intelliguntur pauperes spiritu, humiles et timentes Deum, id est, non habentes inflantem spiritum.

*Ad Laudes*

*et per Horas, Antiphonæ.*

1. *Vidi turbam magnam, \* quam dinumerare nemo poterat, ex omnibus gentibus, stantes ante thronum.*

2. *Et omnes Angeli \* stabant in circuito throni, et ceciderunt in conspectu throni in facies suas, et adoraverunt Deum.*

3. *Redemisti nos, \* Domine Deus, in sanguine tuo ex omni tribu, et lingua et populo, et natione, et fecisti nos Deo nostro regnum.*



4. Benedicite Dominum, \* omnes electi ejus, agite dies lætitiæ, et confitemini illi.

5. Hymnus omnibus \* Sanctis ejus, filiis Israel, populo appropinquanti sibi: gloria hæc est omnibus Sanctis ejus.

Capitulum Apoc. 7.

**E**CCE ego Joannes vidi alterum Angelum ascendentem ab ortu solis, habentem signum Dei vivi: et clamavit voce magna quatuor Angelis, quibus datum est nocere terræ et mari, dicens: Nolite nocere terræ, et mari, neque arboribus, quoadusque signemus servos Dei nostri in frontibus eorum.

#### HYMNUS.

**S**ALUTIS æternæ Dator  
Jesu, redemptis subveni:  
Virgo parens clementiæ,  
Donna salutem servulis.

Vos Angelorum millia,  
Patrumque cætus, agmina  
Canora Vatum, vos reis  
Precamini indulgentiam.

Baptista Christi prævius,  
Summique cæli Claviger.  
Cum cæteris Apostolis,  
Nexus resolvant criminum.

Cohors triumphans martyrum,  
Almus Sacerdotum chorus,  
Et Virginalis castitas  
Nostros reatus abluant.

Quicumque in alta siderum  
Regnatis aula, Principes,  
Favete votis supplicum,  
Qui dona cæli flagitant.

Virtus, honor, laus, gloria  
Deo patri cum Filio,  
Sancto simul Paraclito  
In sæculorum sæcula. Amen.

γ. Exultabunt Sancti in gloria.  
α. Lætabuntur in cubilibus suis.

Ad Bened. Ant. Te gloriosus Apostolorum chorus, te Prophetarum laudabilis numerus, te Martyrum candidatus laudat exercitus, te omnes Sancti et electi voce constituentur unanimes, beata Trinitas, unus Deus.

#### Oratio.

**O**MNIPOTENS sempiternæ Deus, qui nos omnium Sanctorum tuorum merita sub una tribuisti celebritate venerari, quæsumus, ut desideratam nobis tuæ propitiationis abundantiam, multiplicatis intercessoribus, largiaris. Per Dominum.

#### Ad Tertiam.

Capit. Ecce ego Joannes.

α. br. Lætamini in Domino. \* Et exultate, justi. Lætamini. γ. Et gloriamini omnes recti corde. Et Gloria. Lætamini. γ. Exultent justi in conspectu Dei. α. Et delectentur in lætitia.

#### Ad Sextam.

Capitulum Apoc. 7.

**P**OST hæc vidi turbam magnam, quam dinumerare nemo poterat ex omnibus gentibus, et tribubus, et populis, et linguis, stantes ante thronum Dei, in conspectu Agni, amicti stolis albis, et palmæ in manibus eorum.

α. br. Exultent justi \* In conspectu Dei. Exultent. γ. Et delectentur in lætitia. In. Gloria. Exultent. γ. Justi autem in perpetuum vivent. α. Et apud Dominum est merces eorum.

#### Ad Nonam.

Capitulum Apoc. 7.

**B**ENEDICTIO, et claritas, et sapientia, et gratiarum actio, honor, virtus, et fortitudo Deo nostro in sæcula sæculorum. Amen.

α. br. Justi autem \* In perpetuum vivent. Justi. γ. Et apud Dominum est merces eorum. In. Gloria. Justi. γ. Exultabunt sancti in gloria. α. Lætabuntur in cubilibus suis.

#### In II. Vesperis.

Ant. et Capit. de Laud. Psalmi de Dom. loco ult. Credidi, p. 88.

Hymnus ut in I. Vesperis.

γ. Exultabunt sancti in gloria. α. Lætabuntur in cubilibus suis.

Ad Magnif. Ant. O quam gloriosum est regnum, in quo cum Chri-

sto gaudent omnes Sancti! amici stolis albis sequuntur Agnum quocumque ierit.

*Dicto Benedicamus Domino, dicuntur Vesp. Defunct. incipiendo ab Ant. Placebo, quæ integra dicitur ante et post Psalmum, similiter et aliæ Ant. ad modum Duplicis. Psalmus Dilexi, et reliqua omnia, ut in Vesp. Defunct. infra, p. 113\* excepto Psalmo Lauda anima, qui non dicitur post Pater noster; sed dicitur tantum Oratio Fidelium, cum sua longiori conclusione, et suis. Rr.*

*Si prima dies post Festum omnium Sanctorum fuerit Dominica, fit Officium de ea, et Officium Defunct. transfertur in ij. Feriam seq., ita ut post Vesp. Dom. dicantur Vesp. Defunct.; Matutinum vero post Laudes Ferie ij, quæ erit tertia dies infra Oct.*

### DIE 2. Secunda

*Infra Oct. omnium Sanctorum.*

*Lect. 1. Noct. de script. occur.*

#### IN II. NOCTURNO.

*De Sermone ven. Bedæ Presbyteri.*

*Serm. 16. de Sanctis.*

*Lectio iv.*

**Q**UAM laxo sinu de prælio revertentes civitas cælestis excipit, de hoste prostrato trophæa ferentibus occurrit! Cum triumphantibus viris et feminæ veniunt, quæ cum sæculo sexum quoque vicerunt, et geminata gloria militiæ, virgines cum pueris teneros annos virtutibus transeuntes: sed et cætera fidelium turba aulae perpetuæ regiam intrabit, qui sinceritatem fidei inconcussis præceptorum cælestium disciplinis unita pace observaverunt.

*Lectio v.*

**E**RGO agite nunc, fratres, aggrediamur iter vitæ, revertamur ad civitatem cælestem, in qua scripti sumus, et cives decreti. Non sumus hospites, sed cives Sanctorum et domestici Dei, etiam illius hæredes, cohæredes autem Christi. Hujus no-

bis urbis januas aperiet fortitudo, et fiducia latum præbebit ingressum. Consideremus ergo inclytam urbis illius felicitatem, in quantum considerare possibile est: ut enim vere est, comprehendere nullus sermo sufficit.

*Lectio vj.*

**D**ICITUR de ea in quodam loco sic: Quod aufugiet ibi dolor, et tristitia, et gemitus. Quid hac vita beatius, ubi non est paupertatis metus, non ægritudinis imbecillitas? Nemo lædetur, irascetur nemo; nemo invidet, cupiditas nulla exardescit, nullum ibi desiderium honoris pulsatur, aut potestatis ambitio. Nullus ibi diaboli metus, insidiæ dæmonum nullæ, terror gehennæ procul: mors neque corporis neque animæ erit, sed immortalitatis munere vita jucunda.

#### IN III. NOCTURNO.

*Lectio sancti Evangelii secundum Matthæum.*

*Lectio vij.*

*Cap. 5.*

**I**N illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

*De Homilia S. Augustini Episcopi.*

*Ex lib. 1. de Serm. Domini.*

**N**EC aliunde omnino incipere oportuit beatitudinem, quam a paupertate spiritus, siquidem perventura est ad summam sapientiam. Initium autem sapientiæ timor Domini, quoniam et e contrario, initium omnis peccati superbia scribitur. Superbi autem appetunt, et diligunt regna terrarum. Beati mites, quoniam ipsi hæreditate possidebunt terram. Illam credo terram, de qua in psalmo dicitur: Spes mea es tu, portio mea in terra viventium. Significat enim quamdam soliditatem et stabilitatem hæreditatis perpetuæ, ubi anima per bonum affectum, tanquam loco suo requiescit, sicut corpus in terra; et inde cibo suo alitur, sicut corpus ex terra: ipsa est requies, et vita sau-

giorum. Mites autem sunt, qui cedunt improbitatibus, et non resistunt malo, sed vincunt in bono malum.

*Lectio viij.*

**BEATI** lugentes, quoniam ipsi consolabuntur. Luctus est tristitia de amissione charorum; conversi autem ad Deum, ex quæ in hoc mundo chara amplectebantur, amittunt. Non enim gaudent his rebus, quibus ante gaudebant; et donec fiat in illis amor æternorum, nonnulla mœstitia sauciantur. Consolabuntur ergo Spiritu sancto, qui maxime propterea Paraclitus nominatur, id est consolator: ut temporalia amittentes, æterna lætitia perfruantur.

*Lectio ix.*

**BEATI** qui esuriunt, et sitiunt justitiam, quoniam ipsi saturabuntur. Jam istos amatores dicit veri et inconcussi boni. Illo ergo cibo saturabuntur, de quo ipse Dominus, dicit: *Meus cibus est ut faciam voluntatem Patris mei, quod est justitia: et illa aqua, de qua quisquis biberit, ut idem dicit, fiet in eo fons aquæ salientis in vitam æternam. Beati misericordes, quoniam ipsorum miserebitur Deus. Beatos esse dicit, qui subveniunt miseris: quod eis ita reppenditur, ut de miseria liberentur.*

*Post Laudes diei, dicto Benedicamus Domino, absolute incipitur Matutinum Defunctorum, p. 114. ab Inrit. cum Psalmo Venite exultemus et tribus Noct., in quibus duplicantur Ant. Dicitur A. ix. Libera me Domine de morte.*

*Ad Laudes similiter duplicantur Ant., et in fine Laudum non dicitur Psalm. De profundis, sed dicto Pater noster, dicuntur Preces et Oratio Fidelium Deus, tantum, ut supra in Vesperis.*

### **Die 3. Tertia**

*Infra Oct. omnium Sanctorum.*

*Lect. I. Noct. de Script. occ.*

**IN II. NOCTURNO**

*De Sermone ven. Bedæ Presbyteri*

*Ex Serm. 18. de Sanctis.*

*Lectio iv.*

**NULLA** erit tunc usquam discordia, sed cuncta consona, cuncta convenientia, quia omnium erit Sanctorum una concordia; pax cuncta et lætitia continet. Tranquilla sunt omnia et quieta, jugis splendor, non iste qui nunc est, sed tanto clarior, quanto felicior: quia civitas, ut legitur, illa non egebit lumine solis, sed Dominus omnipotens illuminabit eam, et lucerna ejus est Agnus. Ibi Sancti fulgebunt ut stellæ in perpetuas æternitates, et sicut splendor firmamenti, qui erudiunt multos.

*Lectio v.*

**QUA**PROPTER nox ibi nulla: nullæ tenebræ, concursus nubium nullus, nec frigoris, aut ardoris asperitas ulla: sed talis quædam erit rerum temperies, qualem nec oculus vidit, nec auris audivit, nec in cor hominis ascendit, nisi illorum, qui ea perfrui digni inveniuntur, quorum nomina scripta sunt in libro vitæ, qui et laverunt stolas suas in sanguine Agni, et sunt ante sedem Dei, serviuntque ei die ac nocte. Non est senectus ibi, nec senectutis miseria: dum omnes occurrunt in virum perfectum, in mensuram ætatis plenitudinis Christi.

*Lectio vj.*

**VERUM** super hæc omnia est, consociari Angelorum et Archangelorum cœtibus; Thronis etiam et Dominationibus, Principatibus et Potestatibus, omniumque cœlestium supernarum Virtutum contuberniis perfrui, et intueri agmina Sanctorum splendidius sideribus micantia, Patriarcharum fide fulgentia, Prophetarum spe lætantia, Apostolorum in duodecim tribubus Israel orbem judicantia, Martyrum purpureis victoriæ coronis lucentia, Virginum quoque choros candentia sarta gestantes inspicere.



## IN III. NOCTURNO.

Lectio sancti Evangelii secundum  
Matthæum.

Lectio vij.

Cap. 5.

**I**n illo tempore: Videns Jesus turbas ascendit in montem, et cum sedisset, accesserunt ad eum discipuli ejus. Et reliqua.

De Homilia S. Augustini Episcopi.

Lib. 1. de Serm. Domini.

**BEATI** mundo corde, quoniam ipsi Deum videbunt. Quam ergo stulti sunt, qui Deum istis exterioribus oculis quærunt, cum corde videatur, sicut alibi scriptum est: Et in simplicitate cordis quærите illum. Hoc est enim mundum cor, quod est simplex cor. Et quemadmodum lumen hoc videri non potest, nisi oculis mundis: ita nec Deus videtur, nisi mundum sit illud, quo videri potest. Beati pacifici, quoniam ipsi filii Dei vocabuntur. In pace perfectio est, ubi nihil repugnat; et ideo filii Dei pacifici, quoniam nihil in his resistit Deo; et utique filii similitudinem patris habere debent.

Lectio viij.

**PACIFICI** autem in semetipsis sunt, qui omnes animi sui motus componentes, et subicientes rationi, id est, menti et spiritui, carnalesque concupiscentias habentes edomitas fiunt regnum Dei. In quo ita sunt ordinata omnia, ut id, quod est in homine præcipuum et excellens, hoc imperet cæteris non reluctantibus, quæ sunt nobis bestiisque communia; atque id ipsum quod excellit in homine, id est, mens et ratio, subjiciatur potiori, quod est ipsa Veritas, unigenitus Filius Dei. Neque enim imperare inferioribus potest, nisi superiori se ipse subjiciat. Et hæc est pax, quæ datur in terra hominibus bonæ voluntatis: hæc vita consummati perfectique sapientis.

Lectio ix.

**DE** hujusmodi regno pacatissimo et ordinatissimo missus est foras

princeps hujus sæculi, qui perversis inordinatisque dominatur. Hac pace intrinsecus constituta atque firmata, quascumque persecutiones ille, qui foras missus est, forinsecus concitaverit, auget gloriam, quæ secundum Deum est, non aliquid in illo edificio labefactans, sed deficientibus machinis suis innotescere faciens, quanta firmitas intus extructa sit. Ideo sequitur: Beati qui persecutionem patiuntur propter justitiam, quoniam ipsorum est regnum cælorum.

Vesperæ de sequenti.

## Die 4. S. Caroli, Ep. C.

Duplex.

Oratio.

**ECCLESIAM** tuam, Domine, Esancti Caroli Confessoris tui atque Pontificis continua protectione custodi, ut sicut illum pastoralis sollicitudo gloriosum reddidit, ita nos ejus intercessio in tuo semper faciat amore serventes Per Dominum.

Et sit comm. Oct. et SS. Vitalis et Agricola Martyrum.

Oratio.

**P**RÆSTA, quæsumus, omnipotens Deus, ut qui sanctorum Martyrum tuorum Vitalis et Agricolaë sollemnia colimus, eorum apud te intercessionibus adjuvemur. Per Dominum.

Lect. I. Noct. de Script. occ.

## IN II. NOCTURNO.

Lectio iv.

**CAROLUS**, Mediolani nobili Borromæorum familia natus, quanta futurus esset sanctitate conspicuus, divina lux super parientis matris cubiculum noctu coruscans præsignavit. A pueritia clericali militiæ adscriptus, Abbatia postmodum insignitus, patrem admonuit, ne reditus in rem familiarem converterentur. Quorum ipse nactus administrationem, quidquid supererat, expendebat in pauperes. Adolescens liberalibus disciplinis Papie operam dedit. Castitatem adeo coluit, ut impudicas et

am mulieres, ad labefactandam ejus pudicitiam pluries immissas, invicta constantia fugaverit. Vigésimum tertium ætatis annum agens, a Pio Quarto ejus avunculo in sacrum Cardinatum collegium cooptatus, insigni pietatis ac virtutum omnium splendore præluxit. Mox ab eodem Mediolanensis Archiepiscopus creatus, in eo plurimam operam adhibuit, ut juxta sacrosanctum Tridentinum Concilium, quod ejus potissimum sollicitudine jam tum fuerat absolutum, Ecclesiam sibi commissam componeret: atque ut depravatos plebis suæ mores reformaret, præter iteratam sæpius Synodorum celebrationem, se ipsum eximie sanctitatis præbuit exemplar. In profligandis hæreticis et partibus Rhætorum et Helvetiorum, quorum plurimos ad Christianam fidem convertit, maxime laboravit.

*Lectio iv.*

**H**UJUS viri charitas præcipue venit, cum, Urinano principatu vendito, pretium universum ad quadraginta aureorum millia una die in pauperes erogavit. Nec minore pietate viginti millia, quæ sibi fuerant legata, distribuit. Ecclesiasticos proventus, quibus ab avunculo copiose fuerat cumulatus, dimisit, nonnullis retentis, quibus ad proprios usus, et egenorum necessitates utebatur. Quo tempore pestis Mediolani grassabatur, domesticam suppellectilem, ne relicto sibi lectulo, in eosdem alendos contulit, super nuda in posterum tabula decumbens: eoque morbo laborantes sedulo iuvans, paterno reficiebat affectu, et Ecclesiæ Sacramenta propriis ipse manibus administrans, mirum in modum solabatur: humillimis interim precibus reconciliator accedens, publica supplicatione indicta, fœne sibi ad collum alligato, nudis pedibus etiam offendiculo cruentatis, crucem bajulans, semetipsum pro peccatis populi hostiam offerens, divinam indignationem avertere satagebat. Ecclesiasticæ libertatis fuit

acerrimus propugnator. Disciplinæ vero restituendæ sollicitus, a seditiosis, dum orationi insisteret, tormenti bellici laxata rota, igneo globulo percussus, divina virtute servatur illæsus.

*Lectio vj.*

**A**BSTINENTIA fuit admirabili: jejunabat sæpissime pane tantum et aqua, solis quandoque lupinis contentus. Nocturnis vigiliis, asperrimo cilicio, assiduis flagellis corpus domabat. Humilitatis ac mansuetudinis studiosissimus fuit. Orationem, ac verbi Dei prædicationem, gravissimis licet curis occupatus, nunquam intermisit. Multas Ecclesias, monasteria, collegia ædificavit: plura scripsit, ad Episcoporum præsertim instructionem utilissima: cujus etiam opera Parochorum Catechismus prodit. Demum in solitudinem Varalli montis, ubi sculptis imaginibus Dominicæ passionis mysteria ad vivum repræsentantur, secessit: ibique diebus aliquot voluntaria castigatione asperam, sed Christi dolorum meditationibus suavem vitam ducens, in febrem incidit. Mediolanum reversus, ingravescente morbo, cinere ac cilicio coopertus, et oculis in Crucifixi imaginem defixis, migravit in cælum, ætatis anno quadragésimo septimo, Domini vero millesimo quingentesimo octogésimo quarto, tertio Novas Novembris. Quam miraculis clarum Paulus Quintus Pontifex Maximus in Sanctorum numerum retulit.

*In III. Noct. Homilia Lectio sancti Evangelii, de com. 1. loco.*

*Pro SS. Martyribus.*

*Lectio ix.*

**V**ITALIS, et Agricola ejus Dominus, in persecutione Diocletiani et Maximiani, Bononiæ ob Jesu Christi prædicationem comprehensi sunt, cumque Vitalis, quo magis precibus et minis tentaretur ut sententiam mutaret, eo magis se Christi cultorem ac servum profiteretur, vario tormentorum genere cruciatus,

constanter omnia perferens, in oratione spiritum Deo reddidit. Agricola vero, cum ejus supplicium dilatum esset, si forte tormentis servi permotus, Christo vellet renuntiare, ejus exemplo magis confirmatus est. Itaque cruci affixus, Vitali servo consors et socius fuit nobilis martyrii. Eorum corpora ad Judæorum sepulchra cum essent humata, a sancto Ambrosio inventa, in sacrum celebremque locum translata sunt.

*In Laud. fl. comm. Octavæ.*

*Deinde SS. Vitalis et Agricolæ.*

*Ant. Vestri capilli. y. Exultent.*

*In II. Vesp. comm. Octavæ.*

### **Die 5. Quinta**

*Infra Oct. Omnium Sanctorum.*

*Lect. I. Noct. de Script. occ.*

### **IN II. NOCTURNO.**

*De sermone ven. Bedæ Presbyteri.*

*Sermone 18. de Sanctis.*

*Lectio iv.*

**A**D hanc igitur operum salutarium delectet nos pervenire palmam. Libenter ac prompte certemus omnes in agone justitiæ, Deo et Christo spectante, curramus: et qui sæculo et mundo majores esse jam cœpimus, curam nostrum nulla sæculi cupiditate tardemus. Si expeditos, si celeres in operis agone currentes dies nos ultimus invenerit, nusquam Dominus meritis nostris deerit remunerator.

*Lectio v.*

**Q**UI coronam in persecutione purpuream pro passione donabit, ipse in pace viventibus pro justitiæ meritis dabit et candidam. Nam nec Abraham, nec Isaac nec Jacob occisi sunt, et tamen fidei et justitiæ meritis honorati inter Patriarchas primi esse meruerunt: ad quorum congregatur convivium quisquis fidelis et justus, et laudabilis invenitur. Memores esse debemus voluntatem non nostram, sed Dei facere debere, quia qui fecerit ejus voluntatem, manet in æ-

ternum, quo modo et ille manet in æternum.

*Lectio vj.*

**Q**UAPROPTER, charissimi mente integra, fide firma, virtute robusta, charitate perfecta, parati ad omnem voluntatem Dei simus, conservantes fortiter Dominica mandata, in simplicitate innocentiam, in charitate concordiam, modestiam in humilitate, diligentiam in administratione, vigilantiam in adjuvandis laborantibus, misericordiam in fovendis pauperibus, in defendenda veritate constantiam, in disciplinæ severitate censuram, ne aliquid ad exemplum bonorum factorum desit in nobis. Hæc sunt enim vestigia, quæ nobis Sancti quique revertentes in patriam reliquerunt, ut illorum semitis inhærentes, sequeremur et gaudis.

### **IN III. NOCTURNO.**

*Lectio sancti Evangelii secundum Matthæum.*

*Lectio vj.*

*Cap. 5.*

**I**N illo tempore: Vicens Jesus turbas, ascendit in montem, et cum sedisset, accesserunt ad eum discipuli ejus. Et reliqua.

*Homilia S. Augustini Episcopi.*

*Ltb. 1. de Sermone Domini.*

**I**TAQUE in hoc tertio gradu, in quo scientia est, lugeter amissio summi boni, quia inhæretur extremis. In quarto autem gradu labor est, ubi vehementer incumbitur, ut sese animus avellat ab eis, quibus pestifera dulcedine innexus est. Hic ergo esoritur et sititur justitia, et multum necessaria est fortitudo, quia non relinquitur sine dolore, quod cum delectatione retinetur. Quinto autem gradu perseverantibus in labore datur evadendi consilium, quia nisi quisque adjuvetur a superiore, nullo modo sibi est idoneus, ut sese tantis miseriarum implicamentis expediat. Est autem justum consilium, ut qui se a potentiori adjuvari vult,



adjuvet et infirmiore, in quo est ipse potentior. Itaque beati misericordes, quia ipsorum miserebitur Deus.

*Lectio viij.*

**S**EXTO gradu est cordis munditia de bona conscientia bonorum operum valens ad contemplandum summum illud bonum, quod solo puro et sereno intellectu cerui potest. Postremo est septima ipsa sapientia, id est, contemplatio veritatis, pacificans totum hominem, et suscipiens similitudinem Dei, quæ ita concluditur: Beati pacifici, quoniam ipsi filii Dei vocabuntur. Octava tanquam ad caput redit, quia consummatum perfectumque ostendit et probat. Itaque in prima et in octava nominatum est regnum cælorum; Beati pauperes spiritu, quoniam ipsorum est regnum cælorum; et Beati qui persecutionem patiuntur propter justitiam quoniam ipsorum est regnum cælorum.

*Lectio ix.*

**C**UM jam dicitur: Quis nos separabit a charitate Christi? Tribulatio, an angustia, an persecutio, an fames, an nuditas, an periculum, an gladius? Septem sunt ergo quæ perficiunt: nam octava clarificat, et quod perfectum est, demonstrat; ut per hos gradus perficiantur et ceteri, tanquam a capite rursum exordians. Videtur ergo mihi etiam septiformis operatio Spiritus sancti, de qua Isaias loquitur, his gradibus sententiisque congruere. Sed interest ordinis: nam ibi enumeratio ab excellentioribus cæpit, hic vero ab inferioribus. Ibi namque incipit a sapientia Dei, et desinit ad timorem Dei: sed initium sapientiæ timor Domini est.

**Die 6. Sexta**

*Infra Oct. Omnium Sanctorum.*

*Lectio 1. Noct. de Script. occ.*

**IN II. NOCTURNO.**

**Sermo S. Bernardi Abbatis.**

*Serm. 3. de festo omnium Sanct.*

*Lectio iv.*

**Q**UIA Sanctorum omnium festivam hodie, dilectissimi omnique dignissimam devotione memoriam celebramus, operæ pretium puto de communi eorum felicitate, in qua beata jam requie perfruuntur, et futura, quam præstolantur, consummatione, adjuvante Spiritu sancto, sermonem facere charitati vestræ. Fidelis quippe sermo, et omni acceptioni dignus, et quos solemni veneratione prosequimur, etiam simili conversatione sequamur quos beatissimos prædicamus, ad eorum beatitudinem tota aviditate curramus; quorum delectamur præconiis, sublevemur eorum patrociniis.

*Lectio v.*

**A**D quid ergo Sanctis laus nostra? Ad quid glorificatio nostra? Ad quid nostra hæc ipsa solemnitas? Quo eis terrenos honores, quos juxta veracem Filii promissionem honorificat Pater cælestis? Quo eis præconia nostra? Pleni sunt. Prorsus ita est, dilectissimi, honorum nostrorum Sancti non egent, nec quidquam eis nostra devotione præstatur. Plane, quod eorum memoriam veneramur, nostra interest, non ipsorum. Vultis scire quantum interest nostra? Ego in me (fateor) ex hac recordatione sentio desiderium vehemens inflammari, et desiderium triplex.

*Lectio vj.*

**V**ULGO dicitur: Quod non videt oculus, cor non dolet. Oculus meus, memoria mea: et cogitare de Sanctis, quodammodo eos videre est. Sic nempe portio nostra in terra viventium; nec modica sane portio, si tamen, ut decet, memoriam affectio comitetur: sic, inquam, conversatio nostra in cælis est. Verumtamen non sic nostra, sicut illorum. Ipsorum enim substantia ibi est, nostra autem desideria: ipsi per præsentiam, nos per memoriam ibi sumus.

**IN III. NOCTURNO.**

**Lectio sancti Evangelii secundum Matthæum.**

**I**N illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

Homilia S. Augustini Episcopi.

Lib. 1. de Serm. Domini

**Q**UAPROPTER, si gradatim tanquam ascendentes numeremus, primus ibi est timor Dei, secunda pietas, tertia scientia, quarto fortitudo, quintum consilium, sextus intellectus, septima sapientia. Timor Dei congruit humilibus, de quibus hic dicitur: Beati pauperes spiritu, quoniam ipsorum est regnum celorum; id est, non inlati, non superbi, de quibus Apostolus dicit: Noli altum sapere, sed time; id est, noli extolli. Pietas congruit mitibus. Qui enim pie querit, honorat sanctam Scripturam, et non reprehendit quod nondum intelligit, et propterea non resistit, quod est mitem esse. Unde hic dicitur: Beati mites, quoniam ipsi hereditate possidebunt terram.

Lectio viij.

**SCIENTIA** congruit lugentibus. Qui jam cognoverunt in Scripturis, quibus malis vincti teneantur, quæ tamquam bona et utilia ignorantes appetierunt; de quibus hic dicitur: Beati qui lugent nunc. Fortitudo congruit esurientibus, et sitiensibus. Laborant enim desiderantes gaudium de veris bonis, et amorem a terrenis et corporalibus avertere cupientes; de quibus hic dicitur: Beati qui esuriunt et sitiunt justitiam. Consilium congruit misericordibus: hoc enim unum remedium est de tantis malis evadendi, ut dimittamus, sicut nobis dimitti volumus, et adjuvemus in quo possumus, alios; sicut et nos, in quo non possumus, cupimus adjuvari; de quibus hic dicitur: Beati misericordes, quoniam ipsorum miseretur Deus.

**I**NTELLECTUS congruit mundis corde, tanquam purgato oculo, quo cerni possit quod corporeus oculus non vidit, nec auris audivit, nec in cor hominis ascendit; de quibus hic dicitur: Beati mundo corde, quoniam ipsi Deum videbunt. Sapientia congruit pacificis, in quibus jam ordinata sunt omnia, nullusque motus adversus rationem rebellis est, sed cuncta obtemperant spiritui hominis, cum et ipse obtemperet Deo, de quibus hic dicitur: Beati pacifici. Unum autem præmium, quod est regnum celorum, pro his gradibus varie nominatum est.

**Die 7. Septima.**

*Infra Oct. Omnium Sanctorum.*

*Lect. I. Noct. de Script. occ.*

IN II. NOCTURNO

Sermo S. Joannis Chrysostomi.

Lectio iv.

Serm. de Mart.

**Q**UI Sanctorum merita religiosa charitate miratur, quique justorum glorias frequenti laude colloquitur, eorum mores sanctos atque justitiam imitetur; quoniam quem delectat sancti alicujus meritum, delectare debet par circa cultum Dei obsequium. Quare aut imitari debet, si laudat; aut laudare non debet, si imitari detrectat: ut qui alium laudat, laudabilem se reddat, et qui Sanctorum merita admiratur, mirabilis ipse vitæ sanctitate reddatur. Nam si propterea justos fidelesque diligimus, quod in ipsis justitiam fidemque suspicimus, possumus nos quoque esse quod sunt, si faciamus ipsi quod faciunt.

Lectio v.

**NEQUE** enim difficile nobis est, quod ab ipsis geritur, imitari, cum sine præcedenti exemplo ab antiquis talia gesta conspiciamus; ut non ipsi aliorum æmuli redderentur, sed æmulandæ virtutis seipsos nobis præberent exemplum, ut dum nos

ex ipsis, et ex nobis alii proficiunt, sic Christus in suis semper servis in Ecclesia sancta laudetur. Unde ab origine mundi innocens Abel occiditur, Enoch Deo placens transfertur, justus Noe invenitur, Abraham fidelis probatur, Moyses mansuetus dignoscitur, Jesus castus, David lenis, Elias acceptus, Daniel Sauctus, tres pauci victores redduntur.

*Lectio vj.*

**A**POSTOLI discipuli Christi, credentium magistri habentur: e quibus eruditi Confessores fortissimi pugnant, Martyres perfecti triumphant, et Christiani semper exercitus diabolum Deo armati debellant. In istis semper pares virtutes, dissimiles pugnae, gloriosae victoriae. Unde tu, Christiane, delicatus es miles, si putas te posse sine pugna vincere, sine certamine triumphare. Exere vires, fortiter dimica, atrociter in praelio isto concerta. Considera pactum, conditionem attende, militiam nosce; pactum, quod spopondisti: conditionem, qua accessisti: militiam, cui nomen dedisti.

IN III. NOCTURNO.

Lectio Sancti Evangelii secundum Matthaeum.

*Lectio vij. Cap. 5.*

**I**N illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

Homilia S. Augustini Episcopi  
*Ex lib. 1. de Serm. Domini.*

**I**N primo gradu, sicut oportebat, positum est regnum caelorum quod est perfectae summaeque sapientiae animae rationalis. Sic itaque dictum est: Beati pauperes spiritu, quoniam ipsorum est regnum caelorum: tanquam diceretur: Initium sapientiae timor Domini. Mitibus haereditas data est, tanquam testamentum patris cum pietate quaerentibus. Beati mites, quoniam ipsi haereditate possidebunt terram. Lugentibus consolatio, tan-

quam scientibus quid amiserint, et quibus mersi sunt. Beati qui lugent nunc, quoniam ipsi consolabuntur. Esurientibus et sitientibus saturitas, tanquam refectio laborantibus, fortiterque certantibus ad salutem. Beati qui esuriunt, et sitiunt justitiam, quoniam ipsi saturabuntur.

*Lectio viij.*

**M**ISERICORDIBUS misericordia, tanquam vero et optimo consilio ut-ntibus, ut hoc eis exhibeatur a potentiore, quod invalidioribus ipsi exhibent. Beati misericordes, quoniam ipsorum miserebitur Deus. Mundi corde facultas est videndi Deum, tanquam purum oculum ad intelligenda aeterna gerentibus. Beati mundo corde, quoniam ipsi Deum videbunt. Pacificis Dei similitudo est, tanquam perfecte sapientibus, formatisque ad imaginem Dei per regenerationem renovati hominis. Beati pacifici, quoniam ipsi filii Dei vocabuntur. Et ista quidem in hac vita possunt compleri, sicut completa esse in Apostolis credimus. Nam illa omnimoda, et in Angelicam formam mutatio, quae post hanc vitam promittitur, nullis verbis exponi potest.

*Lectio ix.*

**B**EATI ergo qui persecutionem patiuntur propter justitiam, quoniam ipsorum est regnum caelorum. Haec octava sententia, quae ad caput redit, perfectumque hominem declarat, significatur fortasse et circumcisione octava die in veteri testamento, et Domini resurrectione post sabbatum, qui est utique octavus, idemque primus dies; et celebratione octavarum feriarum, quas in regeneratione novi hominis celebramus: et numero ipso Pentecostes: nam septenario numero septies multiplicato, quo fiunt quadraginta novem, quasi octavus additur, ut quinquaginta compleantur. Et tanquam redeatur ad caput, quo die missus est Spiritus sanctus; eo in regnum caelorum



ducimur, et hæreditatem accipimus, et consolamur, et pascimur, et misericordiam consequimur, et mundamur, et pacificamur. Atque ita perfecti omnes extrinsecas illatas molestias pro veritate et iustitia sustinemus.

*Ad Vesperas, Duplex Omnia ut in die Festi, cum commemor. SS. Mart. Quatuor Coronatorum.*

*Ant. Istorum. ꝑ. Exultabunt.*

*Oratio.*

**P**RÆSTA, quæsumus, omnipotens Deus, ut qui gloriosos Martyres fortes in sua confessione cognovimus, pios apud te in nostra intescessione sentiamus. Per Dominum.

### DIE 8. OCTAVA

*Omnium Sanctorum. Duplex.*

*Lect. I. Noct. de Script. occ.*

#### IN II. NOCTURNO.

*Ex libro S. Cypriani Episcopi et Martyris de mortalitate.*

*Lectio iv.*

**C**ONSIDERANDUM est, fratres dilectissimi, et identidem cogitandum, renuntiassse nos mundo, et tanquam hospites et peregrinos hic interim degere. Amplectamur diem, qui assignat singulos domicilio suo, qui nos istinc ereptos, et laqueis sæcularibus exsolutos, paradiso restituit, et regno cœlesti. Quis non peregre constitutus properaret in patriam regredi? Quis non ad suos navigare festinans, ventum prosperum cupidius optaret, ut velociter charos liceret amplecti?

*Lectio v.*

**P**ATRIAM nostram paradisum computamus, parentes Patriarchas habere jam cœpimus: quid non properamus et currimus, ut patriam nostram videre, ut parentes salutare possimus? Magnus illic nos charorum numerus expectat, parentum, fratrum, filiorum frequens nos et co-

piosa turba desiderat, jam de sua immortalitate secura, et adhuc de nostra salute sollicita. Ad horum conspectum et complexum venire, quanta et illis et nobis in commune lætitia est! Qualis illic cœlestium regnorum voluptas sine timore moriendi, et cum æternitate vivendi! quam summa et perpetua felicitas!

*Lectio vj.*

**I**L LIC Apostolorum gloriosus chorus, illic Prophetarum exultantium numerus, illic Martyrum innumerabilis populus ob certaminis et passionis victoriam coronatus. Triumphantibus illic Virgines, quæ concupiscentiam carnis et corporis continentiae robore subegerunt. Remunerati misericordes, qui alimentis et largitionibus pauperum, iustitiæ opera fecerunt, qui Dominica præcepta servantes, ad cœlestes thesauros terrena patrimonia transtulerunt. Ad hos, fratres dilectissimi, avida cupiditate properemus, et cum his cito esse, ut cito ad Christum venire contingat, optemus.

#### IN III. NOCTURNO.

*Lectio sancti Evangelii secundum Matthæum.*

*Lectio vij.*

*Cap. 5.*

**I**N illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

*Homilia S. Augustini Episcopi.*

*Ex lib. I. de Serm. Domini.*

**B**EATI eritis, inquit, cum vobis maledicent, et persequentur vos, et dicent omne malum adversum vos, mentientes, propter me: gaudete, et exultate, quoniam merces vestra multa est in cœlis. Animadvertat quisquis delicias hujus sæculi, et facultates rerum temporalium quærit in nomine Christiano, intrinsecus esse beatitudinem nostram, sicut de anima Ecclesiastica ore prophetico dicitur: Omnis gloria ejus filiæ Regis ab intus. Nam extrinsecus maledicta, et

persecutiones, et detractioes promittuntur: de quibus tamen magna merces est in cœlis, quæ sentitur in corde patientium, eorum qui jam possunt dicere: Gloriamur in tribulationibus, scientes quod tribulatio patientiam operatur, patientia autem probationem; probatio vero spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

*Lectio viij.*

**N**ON enim ista perpeti fructuosum est, sed ista pro Christi nomine non solum æquo animo, sed etiam cum exultatione tolerare. Nam multi hæretici nomine Christiano animas decipientes, multa talia patiuntur: sed ideo excluduntur ab ista mercede, quia non dictum est tantum: Beati qui persecutionem patiuntur; sed additum est, Propter justitiam. Ubi autem sana fides non est, non potest esse justitia: quia justus ex fide vivit. Neque schismatici aliquid sibi ex ista mercede promittant, quia similiter, ubi charitas non est, non potest esse justitia. Dilectio enim proximi malum non operatur: quam si haberent, non dilaniarent corpus Christi, quod est Ecclesia.

*Pro SS. Martyribus.*

*Lectio ix.*

**S**EVERUS, Severianus, Carphorus, et Victorinus fratres, in persecutione Diocletiani deorum cultum libere detestantes, plumbatis cæsi, in verberibus vitam pro Christi nomine profuderunt. Quorum corpora canibus objecta, cum ab illis intacta diu fuissent, sublata a Christianis, via Lavicana tertio ab Urbe lapide, in arenaria sepeliuntur prope sepulchrum sanctorum martyrum Claudii, Nicostrati, Symphoriani, Castorii, et Symplicii, qui, eodem Imperatore, passi erant, quod, cum essent summi sculptores, nullo modo adduci potuerant, ut idolorum statuas facerent, et ad solis simulacrum ducti

ut illud venerarentur, nunquam commissuros se dixerunt, ut adorarent opera manuum hominum. Quamobrem in carcerem coniecti, cum ibi multos dies in eodem proposito perstitissent, primum scorpionibus cæsi, deinde vivi plumbeis loculis inclusi, in flumen dejiciuntur. Extat in Urbe Ecclesia sub nomine sanctorum Quatuor Coronatorum, quorum diu ignota nomina divinitus postea patefacta sunt: ubi non solum illorum Quatuor, sed etiam horum quinque Martyrum corpora honorifice sepulta sunt, et eorum festivitas sexto Idus Novembris celebratur.

*In Laud. pro comm. SS. Mart. Ant. Vestri capilli. ꝑ. Lætamini.*

*Vesperæ a Capit. de sequenti.*

**DIE 9. In Dedicatione**

**BASILICÆ SALVATORIS. Duplex.**

*In I. Vesp. fit comm. Oct. omnium Sanctorum et S. Theodori Martyris.*

*Oratio.*

**D**EUS, qui nos beati Theodori Martyris tui confessione gloriosa circumdas et protegis, præsta nobis ex ejus imitatione proficere, et oratione fulciri. Per.

**IN I. NOCTURNO.**

**De libro Apocalypsis beati Joannis. Apostoli.**

*Lectio j.*

*Cap. 11.*

**E**T venit unus de septem Angelis habentibus phialas plenas septem plagis novissimis, et locutus est mecum, dicens: Veni, et ostendam tibi sponsam, uxorem Agni. Et sustulit me in spiritu in montem magnum et altum, et ostendit mihi civitatem sanctam Jerusalem descendentem de cœlo a Deo, habentem claritatem Dei, et lumen ejus simile lapidi pretioso, tanquam lapidi jaspidis, sicut crystallum.

*Lectio ij.*

**E**T habebat murum magnum, et altum, habentem portas duode-

cim : et in portis Angelos duodecim : et nomina inscripta, quæ sunt nomina duodecim tribuum filiorum Israel. Ab Oriente portæ tres, et ab Aquilone portæ tres, et ab Austro portæ tres, et ab Occasu portæ tres. Et murus civitatis habens fundamenta duodecim, et in ipsis duodecim nomina duodecim Apostolorum Agni. Et qui loquebatur mecum, habebat mensuram arundineam auream, ut metiretur civitatem, et portas ejus, et murum.

*Lectio iij.*

**ET** civitas in quadro posita est, et longitudo ejus tanta est, quanta et latitudo : et mensus est civitatem de arundine aurea per stadia duodecim millia : et longitudo, et altitudo, et latitudo ejus æqualia sunt. et mensus est murum ejus centum quadraginta quatuor cubitorum mensura hominis, quæ est Angeli. Et erat structura muri ejus ex lapide jaspide: ipsa vero civitas aurum mundum simile vitro mundo.

IN II. NOCTURNO.

*Lectio iv.*

**RITUS**, quos in consecrandis Ecclesiis et altaribus Romana servat Ecclesia, beatus Silvester Papa primus instituit. Nam etsi jam ab Apostolorum tempore loca fuerunt Deo dicata, quæ a quibusdam Oratoria, ab aliis Ecclesiæ dicebantur, ubi collectæ fiebant per unam sabbati, et Christianus populus orare, Dei verbum audire, et Eucharistiam sumere solitus erat : non tamen illa adeo solemnibus ritibus consecrabantur, nec in eis adhuc in titulum erectum erat altare, quod chrismate delibutum, Domini nostri Jesu Christi, qui altare, hostia. et sacerdos noster est, figuram exprimeret.

*Lectio v.*

**SED** ubi Constantinus Imperator, per baptismi sacramentum sanitatem salutemque consecutus est, tum primum lege ab eo lata concessum est toto orbe terrarum, Christiani ut

Ecclesias ædificarent : quos ille non solum edicto, sed etiam exemplo ad sacram ædificationem est cohortatus. Nam et in suo Lateranensi palatio Ecclesiam Salvatori dedicavit, et ei continentem Basilicam nomine sancti Joannis Baptistæ condidit, eo loco, quo ipse baptizatus a sancto Silvestro, a lepra mundatus est : quam idem Pontifex consecravit quinto Idus Novembris : cujus consecrationis memoria celebratur hodierno die, quo primum Romæ publice Ecclesia consecrata est, et imago Salvatoris in pariete depicta populo Romano apparuit.

*Lectio vj.*

**QUOD** si beatus Silvester postea in consecratione altaris Principis Apostolorum decrevit, ut deinceps nisi ex lapide altaria non ædificarentur, tamen Basilicæ Lateranensis altare fuit e ligno erectum, quod mirum non est. Nam cum a sancto Petro usque ad Silvestrum, propter persecutiones, Pontifices certo loco consistere non possent, quocumque eos necessitas compulisset, sive in cryptas, sive in cœmeteria, sive in ædes piorum, super illo altari ligneo ad arcæ similitudinem concavo, sacra faciebant. Quo altari sanctus Silvester, reddita Ecclesiæ pace, honoris causa Principis Apostolorum, qui in illo sacrificasse dicitur, et reliquorum Pontificum, qui usque ad id tempus ad mysteria conficienda eo usi fuerant, in Lateranensi prima Ecclesia collocato, sancivit ne quisquam in eo, præter Romanum Pontificem, Missam deinceps celebraret. Eandem Ecclesiam incendiis, vastationibus, terræ insuper motibus disjectam, eversamque, ac sedula Summorum Pontificum cura reparatam, nova postmodum molitione restitutam, Benedictus Decimus tertius Pontifex Maximus Ordinis Prædicatorum die vigesima octava Aprilis anni millesimi septingentesimi vigesimi sexti, ritu solemniori consecravit, ejusque celebritatis memoriam hac die recolendam statuit.



*In III. Noct. Homilia Zachæus  
statura pusillus, de Communi.*

*Pro S. Theodoro Martyro.  
Lectio ix.*

**T**HEODORUS, miles Christianus, Maximiano Imperatore, quod idolorum sanum incendisset, comprehensus, cum a Præfecto legionis pœna ei remitteretur, si pœnitens facti Christianam fidem execraretur, constanter in fidei confessione perseverans, missus est in carcerem: ubi ungulis excarnificatus, dum costæ nudarentur, lætus canebat: Benedicam Dominum in omni tempore. Quare in ardentem rogam injectus, in oratione et divinis laudibus animam Christo reddidit, quinto Idus Novembris. Cujus corpus Eusebia matrona sindone involutum sepelivit in suo prædio.

*In Laud. fit comm. S. Mart.  
Vesperæ a Capit. de sequenti.*

**DIE 10. S. Andreæ Avell.**  
Confessoris. Duplex.  
Oratio.

**D**EUS, qui in corde beati Andreæ Confessoris tui, per arduum quotidie in virtutibus proficiendi votum, admirabiles ad te ascensiones disposuisti, concede nobis ipsius meritis et intercessione, ita ejusdem gratiæ participes fieri, ut perfectiora semper exequentes ad gloriæ tuæ fastigium feliciter perducamur. Per Dominum.

*Et fit comm. præc. et SS. Mart.  
Tryphonis, Respicii, et Nymphæ.  
Oratio.*

**F**AC nos, quæsumus, Domine, sanctorum Martyrum tuorum Tryphonis, Respicii, et Nymphæ semper festa sectari, quorum suffragiis protectionis tuæ dona sentiamus. Per Dominum.

*Lect. I. Noct. de Script. occ.  
IN II. NOCTURNO.  
Lectio iv.*

**A**NDREAS Avellinus, dictus antea Lancellotus, apud Castrum

Novum Lucaniæ pagum natus, inter ipsa infantie primordia futuræ sanctitatis non obscura præbuit indicia. Adolescens ad litteras addiscendas paternam e domo egressus, lubricam illius ætatis semitam inter bonarum artium studia ita peregit, ut sapientiæ initium, quod est timor Domini, ob oculos potissimum habere nunquam prætermiserit. Cum egregia proinde forma eximium castitatis studium conjunxit, quo impudicas sæpe mulierum insidias elusit, interdum etiam apertam vim propulsavit. Clericali militiæ jampridem adscriptus Neapolim se contulit, ut legalibus disciplinis vacaret, ibique jurisprudentiæ lauream adeptus, atque interea ad sacerdotalem dignitatem electus, causarum patrocinia in foro dumtaxat Ecclesiastico proque privatis quibusdam personis juxta sacrorum Canonum sanctiones agere cœpit. Verum cum aliquando inter causam agendam leve ei mendacium excidisset, mox vero fortuita sacrarum Scripturarum lectione in illa verba incidisset: os quod mentitur, occidit animam; tanto ejus culpæ dolore, ac pœnitentia correptus est, ut statim ab ejusmodi vitæ instituto sibi, recedendum esse duxerit. Itaque, abdicatis forensibus curis, se totum divino cultui, sacrisque ministeriis mancipavit. Cumque Ecclesiasticæ virtutis exemplis emineret, sanctimonialium regimini a tunc existente Archiepiscopo Neapolitano præfectus fuit. Quo in munere cum pravorum hominum odia subisset, primo quidem intentatæ sibi necis periculum declinavit; mox vero per sicarium tribus in facie acceptis vulneribus, injuriæ atrocitatem æquo animo pertulit. Tunc perfectioris vitæ desiderio flagrans, ut inter Clericos Regulares adscriberetur suppliciter postulavit, votique compus factus, ob ingentem, quo æstuebat, crucis amorem, ut sibi Andreæ nomen imponeretur precibus impetravit.

*Lectio v.*

**A**CTIORIS itaque vitæ curriculum alacri studio ingressus, in eas maxime virtutis exercitationes incubuit, ad quas sese arduis etiam emissis votis obstrinxit, altero scilicet suæ ipsius voluntati jugiter obstendi, altero vero in via Christianæ perfectionis semper ulterius progrediendi. Regularis disciplinæ cultor assiduus, et in ea promovenda, cum aliis præset, studiosissimus fuit. Quidquid ab instituti sui officii, et regulæ præscripto supererat temporis, orationi et animarum saluti tribuebat. In confessionibus excipiendis mira ejus pietas et prudentia enituit, vicos et oppida Neapoli finitima Evangelicis ministeriis magno cum animarum lucro frequens lustrabat. Quam ardentem erga proximos sancti viri charitatem signis etiam Dominus illustravit. Cum enim intempesta nocte ab audita ægri confessione domum rediret, ac pluviae ventorumque vis prælucentem faciem extinxisset, non solum ipse cum sociis inter effusissimos imbres nihil madefactus est, verum etiam, inusitato splendore e suo corpore mirabiliter emicante, sociis inter densissimas tenebras iter monstravit. Abstinencia, et patientia, necnon abiectione, atque odio sui summopere præstitit. Necem fratris filio illatam imperturbato animo tulit, ac suos ab omni ulciscendi cupiditate commenscivit, imo etiam pro interfectoribus opem et misericordiam judicum imploravit.

*Lectio vj.*

**P**LURIBUS in locis Clericorum Regularium Ordinem propagavit, eorumque domicilia Mediolani et Placentiæ instituit. Illius operam sanctus Carolus Borromeus, et Paulus de Aretio clericus regularis, Cardinales, quibus erat acceptissimus, in pastoralis muneris curis adhibuerunt. Delparam Virginem singulari amore et cultu prosequabatur. Angelorum colloquio perfrui meruit, quos cum

divinas laudes persolveret, e regione concincentes se audisse testatus est. Denique post heroica virtutum exempla, prophetiæ quoque dono illustris, quo et secreta cordium, et absentia, et futura prospexit, annis gravis, et laboribus fractus, ad aram celebraturus, in verbis illis tertio repetitis: Introibo ad altare Dei; repentino apoplexiæ morbo correptus est; mox Sacramentis rite munitus, placidissime inter suos animam efflavit. Ejus corpus Neapoli in Ecclesia sancti Pauli ad hæc usque tempora eo frequentissimo populi concursu colitur, quo fuit elatum. Illum denique insignibus in vita et post mortem miraculis clarum Clemens Undecimus Pontifex Maximus solemniter ritu Sanctorum catalogo adscripsit.

*In III. Noct. Homilia Sancti Evangelii fratres, de comm. 1. loco.*

*Pro SS. Martyribus.*

*Lectio ix.*

**T**RYPHON, Decio Imperatore, cum Jesu Christi fidem prædicans omnes ad ejus cultum perducere conaretur, a Decii satellitibus comprehensus, primum equuleo torquetur, et ungulis ferreis excarnificatur: deinde sublimibus pedibus candentibus clavis confixus, fustibus cæditur, et admolis facibus ardentibus aduritur. Quæ cum omnia fortiter ferentem vidisset Respicus tribunus ad Christi Domini fidem conversus, statim se Christianum esse palam professus est. Qui varie cruciatus una cum Tryphone rapitur ad Jovis simulacrum: quæ statua, Tryphone orante, concidit. Quare plumbatis crudelissime contusi, nobilissimum martyrium consecuti sunt, quarto Idus Novembris. Eodem die virgo quædam, cui nomen Nympha, cum Jesum Christum verum esse Deum clara voce testaretur, martyrii palmam ad virginitatis coronam adjunxit.

*In Laud. fit comm. SS. Mart. Vesperæ a Capit. de sequenti.*

**Die II. S. Martini,**

Episc. et Conf. Dupl.

*Ad Magnif. Ant. O beatum, et Oratio ut infra in Laudibus.*

*Et fit comm. præced. et S. Men-  
næ Mart. Oratio Præſta quæſumus...  
ut qui. p. 14.*

**Ad Maieſtatem.**

*Invit. Laudemus Deum noſtrum  
\* In confessione beati Martini.*

**IN I. NOCTURNO.**

*Ant. 1. Martius adhuc catechu-  
menus hac me veste contexit.*

*2. Sanctæ Trinitatis fidem Marti-  
nus confessus est, et baptismi gra-  
tiam percepit.*

*3. Ego signo crucis, non clypeo  
protectus, aut galea, hostium cuneos  
penetrabo securus.*

*Lect. I. Noct. Fidelis sermo.*

*A. j. Hic est Martinus, electus  
Dei pontifex, cui Dominus post Apo-  
stolos tantam gratiam conferre digna-  
tus est, \* Ut in virtute Trinitatis  
Diciæ mereretur fieri trium mortuo-  
rum suscitator magnificus, y. Sanctæ  
Trinitatis fidem Martinus confessus  
est. Ut.*

*A. ij. Domine, si adhuc populo  
tuo sum necessarius, non recuso su-  
bire propter eos laborem: \* Fiat vo-  
luntas tua. y. Oculis ac manibus in  
cælum semper intentus invictum ab  
oratione spiritum non relaxabat Fi. t.*

*A. iij. O beatum virum Martinum  
Antistitem, \* Qui nec mori timuit,  
nec vivere recusavit. y. Domine, si  
adhuc populo tuo sum necessarius,  
non recuso laborem: fiat voluntas  
tua. Qui. Gloria. Qui.*

**IN II. NOCTURNO**

*Ant. 1. Confido in Domino, quod  
filia mea precibus tuis reddenda sit  
sanitati.*

*2. Tetradius, cognita Dei virtute,  
ad baptismi gratiam pervenit.*

*3. O ineffabilem virum, per quem  
nobis tanta miracula coruscant!*

*Lectio iv.*

**M**ARTINUS, Sabariæ in Panno-  
nia natus, cum decimum at-

tigisset annum, invitis parentibus ad  
Ecclesiam confugiens. in catechume-  
norum numerum adscribi voluit.  
Quindecim annos natus in militiam  
profectus, primum in Constantii, de-  
inde Juliani exercitu militavit. Qui  
cum nihil haberet præter arma, et  
vestimentum quo tegebatur, Ambiani,  
pauperi ac nudo ab eo petenti ut  
Christi nomine sibi eleemosynam tri-  
bueret, partem chlamydis dedit. Cui  
sequeuti nocte Christus dimidiata illa  
veste indutus apparuit, hanc mittens  
vocem: Martinus catechumenus hac  
me veste contexit.

*A. Oculis ac manibus in cælum  
semper intentus, \* Invictum ab ora-  
tione spiritum non relaxabat. y. Dum  
Sacramenta offerret beatus Martinus,  
globus igneus apparuit super caput  
ejus. Invictum.*

*Lectio v.*

**D**ECIM et octo annos cum habe-  
ret, baptizatus est. Quare relicta  
militari vita, ad Hilarium Pictavien-  
sem Episcopum se contulit, a quo  
in Acolythorum numerum redactus  
est. Post factus Episcopus Turonen-  
sis, monasterium ædificavit, ubi cum  
octoginta Monachis sanctissime alij-  
quandiu vixit. Qui cum postea ad  
Candaceusem vicum suæ Diocesis in  
gravem febrim incidisset, assidua De-  
um oratione precabatur, ut se ex il-  
lo mortali carcere liberaret. Quem  
audientes discipuli, sic rogabant: cur  
nos, pater, deseris? cui nos miseros  
derelinquis? Quorum voce commotus  
Martinus, ita Deum orabat: Domine,  
si adhuc populo tuo sum necessarius,  
non recuso laborem.

*A. Beatus Martinus obitum suum  
longe ante præscivit, dixitque fratri-  
bus, \* Dissolutionem sui corporis im-  
minere, quia judicabat se jam resol-  
vi. y. Viribus corporis cæpit repente  
destitui, convocatisque discipulis di-  
xit. Dissolutionem.*

*Lectio vj.*

**S**ED cum eum in illa vehementi fe-  
bre supinum orantem viderent



discipuli, suppliciter ab eo petierunt, ut converso corpore, tantisper, dum remitteret morbi vis, pronos conquiesceret. Quibus Martinus: Sinite me, inquit, cœlum potius quam terram aspicere, ut suo jam itinere iturus ad Dominum spiritus dirigatur. Instante jam morte, viso humani generis hoste: Quid, inquit, adstas, cruenta bestia? nihil in me funesti reperies. Ea in voce, unum et octoginta annos natus, animam Deo reddidit: quam Angelorum chorus excepit, eosque divinas canentes laudes multi, in primisque sanctus Severinus Coloniensis Episcopus, audierunt.

¶. **Dixerunt** discipuli ad beatum Martinum: Cur nos, pater, deseris, aut cui nos desolatos relinquis? Invadent enim gregem tuum lupi rapaces. ¶. Scimus quidem desiderare te Christum, sed salva sunt tibi tua præmia; nostri potius miserere, quos deseris. Invadent. Gloria Invadent.

#### IN III. NOCTURNO.

**Ant. 1.** Dominus Jesus Christus non purpuratum, aut diademate renotentem se venturum esse prædixit.

*Psalmi ex III. Noct. Com. unius Martyris p. 18\*.*

**2.** Sacerdos Dei Martine, aperti sunt tibi cœli, et regnum Patris mei.

**3.** Sacerdos Dei Martine, pastor egregie, ora pro nobis Deum.

Lectio sancti Evangelii secundum Lucam.

*Lectio vij.*

*Cap. 11.*

**I**N illo tempore: Dixit Jesus discipulis suis: Nemo lucernam accendit, et in abscondito ponit, neque sub modio, sed supra candelabrum, ut qui ingrediuntur, lumen videant. Et reliqua.

Homilia S. Ambrosii Episcopi.

*Lib. 7. Comm. in Luc. c. 11.*

**Q**UIA in superioribus Ecclesiam Synagogæ prætulit, hortatur nos ut fidem potius nostram ad Ecclesiam transferamus. Lucerna enim fides est,

juxta quod scriptum est: Lucerna pedibus meis verbum tuum, Domine. Verbum enim Dei, fides nostra est, verbum Dei lux est. Lucerna est fides. Erat lux vera, quæ illuminat omnem hominem venientem in hunc mundum. Lucerna autem lucere non potest, nisi aliunde lumen acceperit.

¶. **beatum** virum, in cuius transitu Sanctorum canit numerus, Angelorum exultat chorus, Omniumque cœlestium Virtutum occurrit psallentium exercitus. ¶. Ecclesia virtute roboratur, sacerdotes Dei revelatione glorificantur, quem Michael assumpsit cum Angelis. Omniumque.

#### Lectio viij.

**H**ÆC est lucerna quæ accenditur, virtus scilicet nostræ mentis et sensus, ut drachma illa possit, quæ perierat, reperiri. Nemo ergo fidem sub lege constituat. Lex enim intra mensuram est, ultra mensuram gratia; lex obumbrat, gratia clarificat. Et ideo nemo fidem suam intra mensuram legis includat, sed ad Ecclesiam conferat, in qua septiformis spiritus relucet gratia, quam princeps ille sacerdotum fulgore supernæ divinitatis illuminat, ne eam legis umbra restringat. Denique lucerna illa, quam matutinis vespertinisque temporibus ritu veteri, Judæorum princeps sacerdotum solebat accendere, vel ut sub modio sita legis evanuit: et civitas illa Jerusalem, quæ in terris est, quæ occidit Prophetas, quasi in convalle fletus posita delitescit: illa autem Jerusalem quæ in cœlo est, in qua militat fides nostra, in illo altissimo omnium locata monte, hoc est, Christo, non potest tenebris et ruinis hujus mundi abscondi, sed fulgens candore solis æterni, luce nos gratiæ spiritualis illuminat.

¶. Martinus Abrahamæ sinu lætus excipitur, Martinus hic pauper et modicus. Cœlum dives ingreditur, hymnis cœlestibus honoratur. ¶. Mar-

tinus Episcopus migravit a sæculo ,  
vivit in Christo gemma sacerdotum.  
Cælum. Gloria. Cælum.

*Pro S. Menna Martyre.*

*Lectio ix.*

**M**ENNAS Ægyptius, Christianus miles, in persecutione Diocletiani et Maximiani imperatorum, cum poenitentiae causa in solitudinem secessisset, natali die imperatorum, quo populus celebri spectaculo tenebatur, in theatrum prosiliens, libera voce Gentilium superstitionem insectabatur. Quamobrem comprehensus, et Pyrrho Præsidente, in metropoli Cottiensium Phrygiae vinctus, loris crudeliter cæditur, deinde equuleo tortus, lampadibus ardentibus ad corpus admotis, plagisque cilicio confrictis, tum per tribulos et virgas ferreas manibus ac pedibus colligatis tractus, plumbatis etiam contusus, demum gladio interficitur, in ignemque conjicitur. Corpus inde a Christianis ereptum sepultum est, ac postea Constantinopolim translatum.

*Ad Laudes*

*et per Horas, Antiphonæ.*

1. **Dixerunt discipuli** \* ad beatum Martinum: Cur nos, pater, deseris, aut cui nos desolatos relinquis? invadent enim gregem tuum lupi rapaces.

2. **Domine**, si adhuc populo tuo sum necessarius, non recuso laborem, fiat voluntas tua.

3. **Virum ineffabilem**, nec labore victum, nec morte vincendum, qui nec mori timuit, nec vivere recusavit.

4. **Oculis ac manibus in cælum** semper intentus, invictum ab oratione spiritum non relaxabat, allel.

5. **Martinus Abrahamæ sinu** \* lætus excipitur, Martinus hic pauper et modicus cælum dives ingreditur, hymnis cœlestibus honoratur.

*Ad Bened. Ant.* **Virum**, cujus anima paradisum possidet: unde exultant Angeli, lætatur Archan-

geli, chorus Sanctorum proclamat, turba Virginum invitat! Mane nobiscum in æternum.

*Oratio.*

**DEUS**, qui conspicias, quia ex nulla nostra virtute subsistimus, concede propitius, ut intercessionem beati Martini Confessoris tui, atque Pontificis, contra omnia adversa muniamur. Per Dominum.

*Et fit comm. S. Mennæ Mart.*

*In II. Vesp. Ant. de Laudibus.*

*Ad Magnif. Ant.* **Beatum Pontificem**, qui totis visceribus diligebat Christum Regem, et non formidabat imperii principatum! o sanctissima anima, quam etsi gladius persecutoris non abstulit, palmam tamen martyrii non amisit!

*Deinde fit comm. sequentis.*

**Die 12 S. Mart. Pap. et M.**  
*Semiduplex.*

*Oratio. Deus qui nos beati, p. 14.*

*Lect. I. Noct. de Script. occ.*

**IN II. NOCTURNO.**

*Lectio iv.*

**MARTINUS**, Tuderti in Umbria natus, initio Pontificatus et literis et legationibus missis operam dedit, ut Paulum Constantinopolitanum Patriarcham a nefaria hæresi ad Catholicæ fidei veritatem revocaret. Qui Constante Imperatore hæretico fretus, eo amentiae progressus fuerat, ut Sedis Apostolicæ Legatos varie in insulas relegarit. Quo ejus scelere commotus Pontifex, coacto Romæ Concilio centum quinque Episcoporum eum condemnavit.

*Lectio v.*

**QUÆ** causa fuit Constanti mittendi in Italiam Olympium Exarchum, ut Martinum Pontificem interficiendum, aut ad se perducendum curaret. Igitur Olympius Romam veniens, lictori mandat ut Pontificem, dum in Basilica sanctæ Mariæ ad Præsepe Missarum solemniter celebraret, occideret. Quod ubi lictor aggreditur, cæcus repente factus est.

*Lectio vj.*

**CONSTANTI** autem Imperatori Cæsar eo tempore multæ calamitates inciderunt: quibus nihilo melior factus, Theodorum Calliopam ad Urbem mittens, imperat ut Pontifici manus injiciat. A quo per fraudem captus Martinus, et Constantinopolim perductus, deinde in Chersonesum relegatus, ibi ob Catholicam fidem ærumnis confectus, pridie Idus Novembris cessit e vita, clarus miraculis. Cujus corpus Romam postea translatum, in Ecclesia conditum est, quæ sanctorum Silvestri et Martini nomine dedicata erat. Præfuit Ecclesiæ annos sex, mensem unum, dies viginti sex. Habuit Ordinationes duas mense Decembri, quibus creavit Presbyteros undecim, Diaconos quinque Episcopos per diversa loca triginta tres.

*In III. Noct. Homilia. Si consideremus fratres, de Com. I. loco.*

*A. viij. Domine prævenisti.*

*Vesperæ a Cap. de sequenti.*

**DIE 13. S. Didaci,**

Confessoris. *Semiduplex.*

*Oratio.*

**OMNIPOTENS** sempiternæ Deus, qui dispositione mirabili infirma mundi eligis, ut sortia quæque confundas, concede propitius humilitati nostræ, ut piis beati Didaci Confessoris tui precibus, ad perennem in cælis gloriam sublimari mereamur. Per Dominum.

*Et sit comm. præcedentis.*

*Lect. I. Noct. de Script. occ.*

**IN II. NOCTURNO.**

*Lectio iv.*

**DIDACUS** Hispanus ex oppido sancti Nicolai de Portu diocesis Hispalensis, ab ineunte ætate, pii sub Sacerdotis disciplina sanctioris vitæ, solitaria in Ecclesia, tirocinium exercuit. Deinde ut firmiter Deo se conjungeret, in conventu de Arizassa Fratrum Minorum (quos Observantes vocant) sancti Francisci regu-

lam in statu laicali professus est. Magna ibi alacritate humilis obedientiæ, et regularis observantiæ jugum subiens, contemplationi in primis deditus, mira Dei luce perfundebatur, adeo ut de rebus cælestibus, litterarum expertus, mirandum in modum, et plane divinitus loqueretur.

*Lectio v.*

**CANARIIS** in insulis, ubi fratribus sui Ordinis præfuit, multa perpassus, martyrii æstuans desiderio, plures infideles verbo et exemplo ad Christi fidem convertit. Romam veniens anno Jubilæi, Nicolao Quinto Pontifice, ægrotorum curæ in conventu Aræ cæli destinatus, eo charitatis affectu munus hoc exercuit, ut, Urbe annonæ inopia laborante, ægrotis tamen, quorum aliquando ulcera etiam lambendo abstergebat, nihil penitus necessarii defecerit. Eximia quoque fides, et gratia curationum in eo eluxit, cum lampadis, quæ collucebat ante imaginem beatissimæ Dei Genitricis, quam summa devotione colebat, oleo ægros inungens, signo crucis impresso, multorum morbos mirabiliter sanaverit.

*Lectio vj.*

**DEMUM** Compluti finem sibi vitæ adesse intelligens, lacera et obsoleta indutus tunica, coniectis in crucem oculis, singulari devotione illis verbis ex sacro hymno pronuntiatis: Dulce lignum, dulces clavos, dulcia ferens pondera, quæ fuisti digna portare Regem cælorum, et Dominum; animam Deo reddidit, pridie Idus Novembris, anno Domini supra millesimum quadringentesimo sexagesimo tertio. Ejus corpus cum menses non paucos (ut pio confluentium desiderio fieret satis) insepultum mansisset, quasi jam incorruptionem induerit, odorem suavissimum efflavit. Illum multis et illustribus miraculis clarum Sixtus Quintus Pontifex Maximus Sanctorum numero adscripsit.

*In III. Noct. Homilia Pusillum*



gregem, de Com. 2. loco, p. 60°.

**Die 15. S. Gertrudis,**  
Virginis Duplex.

*Oratio.*

**D**EUS, qui in corde beatæ Gertrudis Virginis jucundam tibi mansionem præparasti, ipsius meritis et intercessione, cordis nostri maculas clementer absterge, et ejusdem tribue gaudere consortio. Per Dominum.

*Lect. I. Noct. de Script. occ.*

IN II. NOCTURNO.

*Lectio iv.*

**G**ERTRUDIS Islebii in<sup>7</sup> Saxonia nobili genere nata, quinquennis in monasterio Rodardensi Ordinis sancti Benedicti, virginitatem suam ac seipsam Jesu Christo obtulit. Quo ex tempore a mundanis rebus prorsus aliena, virtutisque sedulo intenta, cælestis vitæ genus instituit. Ad humaniorum litterarum notitiam rerum divinarum cognitionem adjunxit. Quarum meditatione vehementius ad virtutem incensa, brevi Christianam perfectionem adeptæ est. De Christo, ejusque vitæ mysteriis sæpenumero pio cum animi sensu loquebatur, unamque Dei gloriam cogitans, ad illam vota sua omnia et actiones referebat. Quamvis autem multis eximiis naturæ et gratiæ donis a Deo aucta esset, ita tamen sibi ipsa vilescerebat, ut inter præcipua divinæ bonitatis miracula hoc item memoraret, quod se indignissimam misericorditer sustineret.

*Lectio v.*

**T**RIGESIMUM ætatis annum agens, primum Rodardensis monasterii, ubi religiosam vitam est professæ, deinde Elpediani Præses electa, quadraginta annorum spatio ea charitate, prudentia, et regularis disciplinæ studio munus obivit, ut cœnobium religiosæ perfectionis domicilium videretur. Utrobique vero licet esset omnium mater et magistra, omnium tamen minima haberi volebat, ac demissione pari ministram se exhibebat.

Quo liberius Deo vacaret, vigiliis, abstinentia, aliisque cruciatibus corpus afflixit: semperque sui similis, morum innocentiam, mansuetudinem, ac patientiam prætulit singularem. Proximorum salutem omni ope studuit, piæque curæ copiosum fructum retulit. Divini amoris vi frequentes patiebatur extases, altissimæque contemplationis, et divinæ unionis donum obtinuit.

*Lectio vj.*

**U**T meritum acceptissimæ sibi sponsæ Christus ostenderet, in corde Gertrudis jucundam sibi esse mansionem testatus est. Deiparam Virginem veluti matrem, et curatricem a Jesu acceptam pietate præcipua prosequabatur, ab eaque multa accepit beneficia. Erga divinissimum Eucharistiæ Sacramentum, et passionem Domini tanto amore cum grati animi sensu afficiebatur, ut interdum liberibus lacrymis perfunderetur. Justorum animas piacularibus flammis addictas quotidianis subsidiis et precibus juvabat. Multa ad fovendam pietatem scripsit. Divinarum etiam revelationum, et prophetiæ dono claruit. Denique flagrantissimo Dei amore potius, quam morbo languescens, anno Domini millesimo ducentesimo nonagesimo secundo vita decessit. Miraculis vivens et post mortem a Deo illustrata est.

*In III. Noct. Homilia Sæpe vos fratres, de Com. I. loco.*

**Die 17 S. Gregorii Thaum.**

Episc. et Conf. Semiduplex.

*Oratio Da quæsumus, p. 39°.*

*Lect. I. Noct. de Script. occ.*

IN II. NOCTURNO.

*Lectio iv.*

**G**REGORIUS, Neocæsareæ Ponti Episcopus, sanctitate doctrinæque illustris, signis vero ac miraculis multo illustrior, quorum multitudine atque præstantia Thaumaturgus appellatus est, et sancti Basilii testimonio cum Moyse, Prophetis, et Apostolis comparatus, montem, qui

Ecclesiæ ædificationem impediēbat, oratione alio transtulit. Item paludem, inter fratres causam discordiarum, exsiccavit. Lycum fluvium perniciose agros inundantem, defixo ad ripam, quo sustentabatur, baculo, qui statim virentem crevit in arborem, coercuit, ut postea ultra eum terminum non effluerit.

*Lectio v.*

**SÆPISSIME** dæmones ex idolorum simulacris, atque ex hominum corporibus ejecit: multaque alia mirabiliter effecit, quibus innumera-biles homines traxit ad Jesu Christi fidem, cum etiam prophetico spiritu futura prædiceret. Qui migraturus e vita, cum quæsisset quot in civitate Neocæsariensi reliqui essent infideles, responsumque esset tantum esse septendecim, Deo gratias agens, Totidem, inquit, erant fideles, cum cepi Episcopatum. Plura scripsit, quibus etiam, non solum miraculis, Dei Ecclesiam illustravit.

*Lectio vi. Beati Patris de Com. 2. loco, p. 47. cum a. vi.*

IN III. NOCTURNO.

Lectio sancti Evangelii secundum Marcum.

*Lectio vij.*

Cap. 2.

**I**N illo tempore: Respondens Jesus discipulis suis, ait illis: Habete fidem Dei. Amen dico vobis quia quicumque dixerit huic monti: Tollere, et mittere in mare, et non hæsitaverit in corde suo, sed crediderit quia quodcumque dixerit, fiat, fiet ei. Et reliqua.

Homilia ven. Bedæ Presbyteri.

*Lib. 3. Comm. in Marc. c. 11.*

**SOLENT** Gentiles, qui contra Ecclesiam maledicta scripsere, im-properare nostris, quod non habuerint plenam fidem Dei, quia nunquam montes transferre potuerint. Quibus respondendum est non omnia scripta esse, quæ in Ecclesia sunt gesta, sicut etiam de factis ipsius Christi et

Domini nostri Scriptura testatur. Unde et hoc quoque fieri potuisset, ut mons ablatum de terra mitteretur in mare, si necessitas id fieri poposcisset. Quo modo legimus factum precibus beati patris Gregorii Neocæsareæ Ponti Antistitis, viri meritis et virtutibus eximii, ut mons in terra tantum loco cederet, quantum incolæ civitatis opus habebant.

*Lectio viij.*

**CUM** enim volens ædificare Ecclesiam in loco apto, videret eum angustiores esse, quam res exigebat, eo quod ex una parte rupe maris, ex alia monte proximo coarctaretur, venit nocte ad locum, et genibus flexis admonuit Dominum promissionis suæ, ut montem longius, juxta fidem petentis, ageret. Et mane facto, reverso invenit montem tantum spatii reliquisse structoribus Ecclesiæ, quantum opus habuerant. Poterat ergo hic, poterat alius quis ejusdem meriti vir, si opportunitas exegisset, impetrare a Domino, merito fidei, ut etiam mons tolleretur, et mitteretur in mare.

*Lectio ix.*

**VERUM** quia montis nomine nunquam diabolus significatur, videlicet propter superbiam, qua se contra Deum erigit, et esse vult similis Altissimo; mons ad præceptum eorum, qui fortes fide sunt, tollitur de terra, et in mare projicitur, cum prædicantibus verbum doctoribus sanctis, immundus spiritus ab eorum corde repellitur, qui ad vitam sunt præordinati, et in turbulentis amarisque infidelium mentibus vesaniam suæ tyrannidis exercere permittitur.

*Vesp. de seq. comm. præced.*

**DIE 18. In Dedicatione**

BASILICARUM SS. APOSTOLORUM

Petri et Pauli. *Duplex.*

IN I. NOCTURNO.

De libro Apocalypsis beati Joannis Apostoli.

*Lectio j.*

Cap. 11.

**ET** erat structura muri ejus ex lapide jaspide: ipsa vero civitas

aurum mundum simile vitro mundo. Et fundamenta muri civitatis omni lapide pretioso ornata. Fundamentum primum, jaspis; secundum, sapphirus; tertium, chalcedonius; quartum, smaragdus; quintum, sardonyx; sextum, sardius; septimum, chrysolithus; octavum, beryllus; nonum, topazius; decimum, chrysoprasus; undecimum hyacinthus; duodecimum, amethystus.

*Lectio ij.*

**ET** duodecim portæ, duodecim margaritæ sunt, per singulas: et singulæ portæ erant ex singulis margaritis, et platea civitatis aurum mundum, tanquam vitrum perlucidum. Et templum non vidi in ea. Dominus enim Deus omnipotens templum illius est, et Agnus. Et civitas non eget sole, neque luna, ut luceant in ea. Nam claritas Dei illuminavit eam, et lucerna ejus est Agnus.

*Lectio iij.*

**ET** ambulabunt Gentes in lumine ejus, et reges terræ afferent gloriam suam et honorem in illam. Et portæ ejus non claudentur per diem: nox enim non erit illic. Et afferent gloriam et honorem Gentium in illam. Non intrabit in eam aliquod coinquinatum, aut abominationem faciens, et mendacium, nisi qui scripti sunt in libro vitæ Agni.

IN II. NOCTURNO.

*Lectio iv.*

**EX** locis sacris, qui olim apud Christianos venerationem habuerunt, illa celeberrima et frequentissima fuerunt, in quibus condita Sanctorum corpora, vel aliquod Martyrum vestigium aut monumentum esset. In quorum numero sanctorum locorum, in primis semper fuit insignis ea Vaticani pars, quam sancti Petri Confessionem appellabant. Nam eo Christiani ex omnibus orbis terræ partibus, tanquam ad fidei petram, et Ecclesiæ fundamentum convenientes

locum principis Apostolorum sepulchro consecratum, summa religione ac pietate venerabantur.

*Lectio v.*

**ILLUC** Constantinus Magnus imperator octavo die post susceptum baptismum venit, depositoque diademate, et humi jacens, vim lacrymarum profudit: mox sumpto ligone ac bidente, terram eruit; indeque duodecim terræ cophinis, honoris causa duodecim Apostolorum, ablatis, ac loco Basilicæ Principis Apostolorum designato, Ecclesiam ædificavit. Quam sanctus Silvester Papa decimo quarto Kalendas Decembris, eo modo, quo Lateranensem Ecclesiam quinto Idus Novembris consecraverat, dedicavit: et in ea altare lapideum chrismate delibutum erexit, atque ex eo tempore sancivit, ne deinceps altaria, nisi ex lapide fierent. Eandem Basilicam vetustate jampridem collabentem, ac propterea multorum Pontificum pietate latius ac magnificentius a fundamentis erectam, Urbanus Octavus eadem die recurrente anni millesimi sexcentissimi vigesimi sexti, solemni ritu consecravat.

*Lectio vj.*

**IDEM** beatus Silvester Basilicam sancti Pauli Apostoli via Ostiensi ab eodem Constantino Imperatore magnificentissime ædificatam dedicavit. Quas Basilicas Imperator multis prædiis attributis locupletavit, ac muneribus amplissimis exornavit. Cujus Imperatoris tantus fuit ardor religionis, ut deletis idolorum templis, multas ubique terrarum extruxerit Ecclesias, et præcipue Romæ: in quibus fuerunt Basilica sanctæ Crucis ad Jerusalem in agro Sessoriano, sancti Laurentii extra muros in agro Verano, sanctorum Petri et Marcellini via Lavicana, aliæque permultæ.

*In III. Noct. Homilia* Si veraciter sapientes, ut in die 4. infra Oct. Dedic. p. 87.

*Vesp. a Capit. de sequentis.*



**Die 19 S. Elisabeth,***Viduae. Duplex. Oratio.*

**TUORUM** corda fidelium, Deus miserator, illustra, et beatæ Elisabeth precibus gloriosis, fac nos prospera mundi despicere, et cœlesti semper consolatione gaudere. Per Dominum.

*Comm. præced. et S. Pontiani Papæ et Mart. Orat. Infirmis, p. 14.*

*Lect. I. Noct. de Script. occ.*

**IN II. NOCTURNO.**

*Lectio iv.*

**ELISABETH** Andream regis Hungariæ filia, ab infantia Deum timere cepit, et crescens ætate, crevit etiam pietate. Ludovico Lantgravio Hassiæ et Thuringiæ in conjugem copulata, non minori cura quæ Dei quam quæ viri sui erant, exequabatur. Surgens enim nocturno tempore orationi diu incumberebat, ac variis misericordiæ officiis dedita, viduis, pupillis, ægrotis, egentibus sedulo inserviebat, gravique fame urgente, domus suæ frumenta liberaliter erogabat. Leprosos hospitio suscipiens, manus eorum et pedes osculabatur. Curandis autem et alendis pauperibus insigne xenodochium construxit.

*Lectio v.*

**DEFUNCTO** conjuge, ut Deo liberius serviret, depositis omnibus sæcularis gloriæ indumentis, vili tunica induta est, atque Ordinem Pœnitentium sancti Francisci ingressa, patientiæ et humilitatis virtute maxime enituit. Nam bonis omnibus exuta, a propriis ædibus ejecta, ab omnibus derelicta, contumelias, irisiones, obrectationes invicto animo toleravit, adeo ut summopere gauderet se talia pro Deo pati. Ad infima quæque ministeria erga pauperes et ægrotos se abiciens, eis necessaria procurabat, solis oleribus et leguminibus pro suo victu contenta.

*Lectio vj.*

**CUM** vero in his, aliisque plurimis sanctis operibus vitam religio-

sisime transegisset, finis tandem suæ peregrinationis advenit, quem domesticis suis ante prædixit. Cumque defixis in cælum oculis divinæ contemplationi vacaret, a Deo mirabiliter recreata, et Sacramentis refecta obdormivit in Domino. Statimque plurima ad ejus tumulum miracula patrata sunt. Quibus auditis, et rite probatis, Gregorius Nonus Sauctorum numero eam adscripsit.

*In III. Noct. Homilia Cœlorum regnum fratres, de Com.*

*Pro S. Pontiano.*

*Lectio ix.*

**PONTIANUS** Romanus præfuit Ecclesiæ, Alexandro Imperatore, qui sanctum Pontificem propter Christianæ fidei confessionem, in Sardiniam insulam cum Hippolyto presbytero relegavit. Ubi is pro Christi fide multis calamitatibus afflictus, decimo tertio Kalendas Decembris e vita migravit. Ejus corpus Fabiano Pontifice cum clero Romam delatum, in cœmeterio Callisti via Appia sepelitur. Sedit annos quatuor, menses quatuor, dies viginti quinque. Fecit Ordinationes duas mense Decembri, quibus creavit Presbyteros sex, Diaconos quinque, Episcopos per diversa loca sex.

*In Laud. fit Com. S. Mart.*

*Vesp. a Capit. de sequenti.*

**Die 20. S. Felicis Valesii.**

*Conf. Duplex. ( m. t. v. )*

*Oratio.*

**DEUS**, qui beatum Felicem Confessorem tuum ex eremo ad munus redimeudi captivos cœlitus vocare dignatus es, præsta quæsumus, ut per gratiam tuam ex peccatorum nostrorum captivitate, ejus intercessionem liberati, ad cœlestem patriam perducamur. Per Dominum.

*Et fit comm. S. Elisabeth.*

*Lect. I. Noct. de Script. occ.*

**IN II. NOCTURNO.**

*Lectio ix.*

**FELIX**, Hugo antea dictus, ex regali Valesiorum familia ortus in

Gallia, ab ineunte ætate non levia dedit futuræ sanctitatis indicia, præsertim misericordiæ erga pauperes. Nam adhuc infantulus manu propria, ac si grandior esset, et iudicii maturitate polleret, nummos egenis distribuit. Jam grandiusculus solebat ex apposis in mensa dapibus ad ipsos mittere, et ferme eo, quod sapidius erat, obsonio pauperculos pueros recreabat. Adolescens non semel vestibus se spoliavit, ut inopes cooperiret. Ab avunculo Theobaldo Campaniæ et Blesii comite vitam reo mortis impetravit, prædicens hunc infamem, hactenus sicarium, mox sanctissimis præditum moribus evasurum: veridicum testimonium monstravit eventus.

*Lectio v.*

**P**OST exactam laudabiliter adolescentiam, cœpit ex cœlestis contemplationis studio solitudinem cogitare: prius tamen voluit sacris initiati, ut omnem regni, a cujus successione jure legis Salicæ non longe distabat, spem sibi præcideret. Sacerdos factus, et prima Missa devotissime celebrata, non multo post in eremum secessit, ubi summa abstinentia victitans, cœlestium charismatum abundantia pascebatur. Ibi cum sancto Joanne de Matha Parisiensi doctore, a quo ex divina inspiratione quæsitus et inventus, per aliquot annos sanctissime vixit, donec ambo per Angelum a Deo admoniti Romam petierunt, specialem a Summo Pontifice vivendi regulam impetraturi. Facta igitur Innocentio Papæ Tertio inter Missarum solemnia revelatione Religionis et Instituti de redimendis captivis, ab ipso Pontifice simul cum socio candidis vestibus bicolori cruce signatis induitur, ad eam formam, qua Angelus indutus apparuit: et insuper voluit Pontifex, ut nova Religio juxta triplicem colorem, quo habitus constat, sanctissimæ Trinitatis titulo decoraretur.

*Lectio vj.*

**R**EGULA propria ex summi Pontificis Innocentii confirmatione accepta, in diocesi Meldensi, apud locum qui Cervus Frigidus dicitur, primum Ordinis paulo ante a se et socio extractum cœnobium ampliavit ubi religiosam observantiam, et Redemptionis institutum mirifice coluit, ac inde per alumnos in alias provincias diligentissime propagavit. Illustrem hic a beata Virgine matre favorem accepit; dormientibus siquidem cunctis fratribus, et ad matutinas preces in pervigilio Nativitatis Deiparæ media nocte recitandas, Deo sic disponente, non surgentibus, Felix de more vigilans, et horas præveniens, chorum ingressus reperit beatam Virginem in medio chori habitu cruce Ordinis insignito indutam, ac Cœlitibus similiter indutis sociatam: quibus permixtus Felix, præcinente Deipara, laudes divinas concinuit, riteque persolvit. Et quasi jam a terrestri ad cœlestem chorum evocaretur, instanti mortis ab Angelo certior factus, filios ad charitatem erga pauperes et captivos adhortans animam Deo reddidit, ætate ac meritis consummatus, anno post Christum natum ducentesimo duodecimo supra millesimum sub eodem Pontifice Innocentio Tertio.

*In III. Noct. Homil. Pusillum gregem, de Com. 2. loco, p. 60\*.*

*Vesperæ de sequenti.*

**DIE 21. In Presentatione**

BEATÆ Mariæ VIRGINIS.

*Duplex Majus.*

*Omnia ut in Festis B. M. V. p. 92\*.*

*In utrisque Vesp. ad Magnif. Ant.*

Beata Dei genitrix Maria, virgo perpetua, templum Domini, sacrarium Spiritus sancti, sola sine exemplo placuisti Domino nostro Jesu Christo, alleluia.

*Oratio.*

**D**EUS, qui beatam Mariam semper Virginem Spiritus sancti habitaculum, hodierna die in templo

præsentari voluisti, præsta quæsumus, ut ejus intercessione, in templo gloriæ tuæ præsentari mereamur. Per Dominum.

*Deinde fit comm. S. Felicis.*

IN II. NOCTURNO.

Ex libro S. Joannis Damasceni de Fide orthodoxa.

*Lectio iv.*

*Lib. 4. c. 15.*

**J**OACHIM lectissimam illam, ac summis laudibus dignam mulierem Annam matrimonio sibi copulavit. Verum quemadmodum prisca illa Anna, cum sterilitatis morbo laboraret, per orationem ac promissionem Samuelem procreavit; eodem modo hæc etiam per obsecrationem et promissionem, Dei Genitricem a Deo accepit, ut ne hic quoque cuiquam ex illustribus matronis cederet. Itaque gratia (nam hoc sonat Annæ vocabulum) Dominam parit (id enim Mariæ nomine significatur): vere etenim rerum omnium conditarum Domina facta est, cum Creatoris mater extitit. In lucem autem editur in domo probaticæ Joachim, atque ad templum adducitur: ac demum in domo Dei plantata, atque per Spiritum saginata, instar olivæ frugiferæ virtutum omnium domicilium efficitur: ut quæ videlicet ab omni hujusce vitæ et carnis concupiscentia mentem abstraxisset, atque ita virginem una cum corpore animam conservasset, ut eam decebat, quæ Deum sinu suo exceptura erat.

Ex libro S. Ambrosii Episcopi de Virginibus.

*Lectio v.*

*Lib. 2.*

**T**ALIS fuit Maria, ut ejus unius vita omnium sit disciplina. Si igitur auctor non displicet, opus probemus: ut quæcumque sibi ejus exoptat præmium, imitetur exemplum. Quantæ in una virgine species virtutum emicant! Secretum verecundiæ, vexillum fidei, devotionis obsequium, virgo intra domum, comes ad ministerium, mater ad templum, O quantis illa virginibus oc-

curret! quantas complexa ad Dominum trahet, dicens: Hæc torum Filii mei, hæc thalamos nuptiales immaculato servavit pudore.

*Lectio vj.*

**Q**UID ergo exequar ciborum parcimoniam, officiorum redundantiam? alterum ultra naturam superfuisset, alterum pene ipsi naturæ defuisse; illic nulla intermissa tempora, hic congeminatos jejunio dies. Et si quando reficiendi successisset voluntas, cibus plerumque obvius, qui mortem arceret, non delicias ministraret. Dormire non prius cupiditas, quam necessitas fuit: et tamen cum quiesceret corpus, vigileret animus, qui frequenter in somnis aut lecta repetit, aut somno interrupta continuat, aut disposita gerit, aut gerenda prænuntiat.

*In II. Vesp. fit comm. sequentis.*

**DIE 22. S. Cæciliæ**

Virg. et Mart. *Dupl.*

*Ant.* Est secretum, Valeriane, quod tibi volo dicere: Angelum Dei habeo amatorem, qui nimio zelo custodit corpus meum.

*Oratio ut infra in Laudibus.*

IN I. NOCTURNO.

*Ant. 1.* Cæcilia virgo Almachium superabat, Tiburtium et Valerianum ad coronas vocabat.

*2.* Expansis manibus orabat ad Dominum, ut eam eriperet de inimicis.

*3.* Cilicio Cæcilia membra domabat, Deum gemitibus exorabat.

*Lect. I. Noct. de Virginibus.*

*¶. j.* Cantantibus organis Cæcilia virgo in corde suo soli Domino decantabat, dicens: \* Fiat, Domine, cor meum et corpus meum immaculatum, ut non confundar. *¶.* Biduanis et triduanis jejuniis orans, commendabat Domino quod timebat. Fiat.

*¶. ij.* O beata Cæcilia, quæ duos fratres convertisti, Almachium judicem superasti, \* Urbanum Episcopum in vultu Angelico demonstrasti! *¶.* Quasi apis argumentosa Domino deservisti. Urbanum.



¶. *ijj.* Virgo gloriosa semper Evangelium Christi gerebat in pectore, et non diebus neque noctibus vacabat. *A.* colloquiis divinis et oratione. *¶.* Expansis manibus orabat ad Dominum, et cor ejus igne cœlesti ardebat. *A.* Gloria. *A.*

IN II. NOCTURNO.

*Ant.* 1. Domine Jesu Christe, seminator casti consilii, suscipe seminum fructus, quos in Cæcilia seminasti.

2. Beata Cæcilia dixit ad Tiburtium: Hodie te fateor meum cognatum, quia amor Dei te fecit esse contemptorem idolorum.

3. Fiat, Domine, cor meum et corpus meum immaculatum, ut non confundar.

*Lectio iv.*

**C**ÆCILIA, virgo Romana, nobili genere nata, a prima ætate Christianæ fidei præceptis instituta, virginitatem suam Deo vovit. Sed cum postea contra suam voluntatem data esset in matrimonium Valeriano, prima nuptiarum nocte hunc cum eo sermonem habuit: Ego, Valeriane, in Angeli tutela sum, qui virginitatem meam custodit: quare ne quid in me committas, quo ira Dei in te concitetur. Quibus verbis commotus Valerianus, illam attingere non est ausus: quin etiam addidit, se in Christum crediturum, si eum Angelum videret. Cui Cæcilia cum sine baptismo negaret id fieri posse, incensus cupiditate videndi Angelum, se baptizari velle respondit. Quare hortatu virginis ad Urbanum Papam, qui propter persecutionem in Martyrum sepulchris via Appia latebat, veniens, ab eo baptizatur.

¶. Cilicio Cæcilia membra domabat, Deum gemitibus exorabat: Tiburtium et Valerianum ad coronas vocabat. *¶.* Hæc est virgo sapiens, et una de numero prudentum. Tiburtium.

*Lectio v.*

**I**NDE ad Cæciliam reversus, orantem, et cum ea Angelum divino

splendore fulgentem invenit. Quo aspectu obstupefactus, ut primum ex timore confirmatus est, Tiburtium fratrem suum accersit: qui a Cæcilia Christi fide imbutus, et ab eodem Urbano baptizatus, ipse etiam ejusdem Angeli, quem frater ejus viderat, aspectu dignatus est. Uterque autem paulo post, Almachio Præfecto, constanter martyrium subiit. Qui mox Cæciliam comprehendi imperat, ab eaque primum ubi Tiburtii et Valeriani facultates sint, exquirat.

¶. Cæciliam intra cubiculum orantem invenit, et juxta eam stantem Angelum Domini: *¶.* Quem videns Valerianus, nimio terrore correptus est. *¶.* Angelus Domini descendit de cœlo, et lumen refulsit in habitaculo. Quem.

*Lectio vj.*

**C**UI cum virgo omnia illorum pauperibus distributa esse respondisset, eo furore concitatus est, ut eam in ipsius ædes reductam, in balneo comburi jusserit. Quo in loco cum diem noctemque ita fuisset, ut ne flamma quidem illam attingeret, eo immissus est carnifex, qui ter securi ictam, cum caput abscindere non potuisset, semivivam reliquit. Illa triduo post, decimo Kalendas Decembris, Alexandro Imperatore, duplici virginis et martyrii palma decorata evolavit in cœlum. Cujus corpus ab ipso Urbano Papa in Callisti cœmeterio sepultum est, in ejus ædibus Ecclesia ipsius Cæcilie nomine consecrata. Ejus, et Urbani ac Lucii Pontificum, Tiburtii, Valeriani, et Maximi corpora a Paschali Primo Pontifice inde translata in Urbem, in eadem sanctæ Cæcilie Ecclesia condita sunt.

¶. Domine Jesu Christe, pastor bone, seminator casti consilii, suscipe seminum fructus, quos in Cæcilia seminasti. Cæcilia famula tua quasi apis tibi argumentosa deservit. *¶.* Nam sponsum, quem quasi leonem ferocem accepit, ad te quasi agnum mansuetissimum destinavit. Cæcilia. Gloria. Cæcilia.

## IN III. NOCTURNO.

*Ant. 1.* Credimus Christum Filium Dei verum Deum esse, qui sibi talem elegit famulam.

2. Nos scientes sanctum nomen ejus, omnino negare non possumus.

3. Tunc Valerianus perrexit, et signo quod acceperat, invenit sanctum Urbanum.

Lectio sancti Evangelii secundum Matthæum.

*Lectio vij. Cap. 25.*

**I**N illo tempore: Dixit Jesus discipulis suis parabolam hanc: Simile erit regnum cœlorum decem virginibus, quæ accipientes lampades suas, exierunt obviam sponso et sponsæ. Et reliqua.

Homilia S. Joannis Chrysostomi.

*Homil. 79. in Matth.*

**Q**UAM ob causam in persona virginum hanc parabolam profert, nec qualemcumque personam sine discrimine subjicit? Magna quædam de virginitate disseruerat: dicens: Sunt eunuchi, qui seipsos castraverunt propter regnum cœlorum; et, Qui potest capere, capiat. Nec ignorabat de virginitate magnam esse vulgo existimationem, quippe cum sit ea res natura sublimis, quod inde patet, quia neque in veteri testamento a patribus illis sanctisque viris culta fuit, et in novo nulla legis necessitate jubetur: non enim id imperavit, sed fidelium voluntati permisit. Unde et Paulus ait: De virginibus autem præceptum Domini non habeo; et laudo quidem eum, qui hoc sectatur institutum, nolentem autem non cogo, neque eam rem præceptum facio.

¶. Beata Cæcilia dixit Tiburtio: Hodie te fateor meum esse cognatum, quia amor Dei te fecit esse \* Contemptorem idolorum. ¶. Sicut enim amor Dei mihi tuum fratrem conjugem fecit, ita te mihi cognatum fecit esse. Contemptorem.

*Lectio viij.*

**Q**UONIAM igitur et magna res erat, ac de ea apud multos ma-

gna erat existimatio, ne quis, ea perfecta, se totum perfecisse putaret, ac cætera negligeret, hanc parabolam posuit, ut ostenderet virginitatem, quamvis cætera habeat, si misericordiæ bonis caruerit, cum fornicatoribus ejici, ac merito quidem inhumanum, ac misericordia carentem cum illis collocat. Fornicator enim corporum, istæ vero pecuniarum cupiditate vincuntur. Non est autem corporum et pecuniæ par cupiditas: sed acrior multo, atque vehementior illa corporum est. Quanto igitur cum imbecilliore luctantur, tanto minus venia dignæ sunt, si vincantur. Idcirco etiam fatuas appellavit, quoniam majori certamine superato, in faciliore totum perdidērunt.

¶. Cæcilia me misit ad vos, ut ostendatis mihi sanctum Antistitem: \* Quia ad ipsum habeo secreta, quam perferam. ¶. Tunc Valerianus perrexit, et signo quod acceperat, invenit sanctum Urbanum. Quia. Gloria. Quia.

*Lectio ix.*

**L**AMPADES autem hoc loco illud ipsum virginitatis donum appellat, et sanctimonie puritatem: oleum vero benignitatem, eleemosynam, impensum indigentibus auxilium. Tardante autem sponso, dormitaverunt omnes, et dormierunt. Non parvum temporis rursus spatium interjectum ostendit, ut discipulos regnum ipsius mox futurum expectantes, ab ea opinione deduceret: id enim illi sperabant: quapropter crebro ab hujusmodi eos spe revocat. Ad hoc, illud quoque indicat, somnum quamdam esse mortem: Dormierunt, inquit; media autem nocte clamor factus est, vel ut in eadem parabola persistat, vel rursus ostendit in nocte futuram esse resurrectionem. Clamorem etiam Paulus commemorat, dicens: In jussu, in voce Archangeli, in novissima tuba descendet de cœlo.

*Ad Laudes*

*et per Horas Antiphonæ.*

I. Cantantibus organis \* Cæcilia

Domino decantabat, dicens: Fiat cor meum immaculatum, ut non confundar.

2. Valerianus in cubiculo Cæciliam cum Angelo orantem invenit.

3. Cæcilia famula tua, Domine, quasi apis tibi argumentosa deservit.

4. Benedico te, Pater Domini mei Jesu Christi, quia per Filium tuum ignis extinctus est a latere meo.

5. Triduanas a Domino poposci inducias, ut domum meam Ecclesiam consecrarem.

*Ad Bened. Ant.* Dum aurora finem daret, Cæcilia exclamavit, dicens: Eia, milites Christi, abjicite opera tenebrarum, et induimini arma lucis.

*Oratio.*

**DEUS**, qui nos annua beatæ Cæcilie Virginis et Martyris tuæ solemnitate lætificas, da ut quam veneramur officio, etiam piæ conversationis sequamur exemplo. Per.

*In II. Vesp. Ant. de Laudibus.*

*A Capit. fit de sequenti.*

**DIE 23. S. Clementis,**

Papæ et Mart. Duplex.

*Ad Magnif. Ant.* Oremus omnes ad Dominum Jesum Christum, ut confessoribus suis fontis venam aperiat.

*Oratio.*

**DEUS**, qui nos annua beati Clementis Martyris tui atque Pontificis solemnitate lætificas, concede propitius, ut ejus natalitia colimas, virtutem quoque passionis imitemur. Per Dominum.

*Comm. præced. Ant.* Virgo gloriosa semper Evangelium Christi gerebat in pectore suo, et non diebus neque noctibus a colloquiis divinis et oratione cessabat.

*Et S. Felicitatis Mart. tantum.*

*Oratio.*

**PRÆSTA**, quæsumus omnipotens Deus, ut beatæ Felicitatis Martyris tuæ solemina recensentes, meritis ipsius protegamur et precibus. Per Dominum.

*Lect. I. Noct. A Mileto.*

q. j. Orante sancto Clemente, apparuit ei Agnus Dei, De sub cujus pede fons vivus emanat; fluminis impetus lætificat civitatem Dei. y. Vidi supra montem Agnum stantem. De.

q. ij. Omnes una voce dixerunt: Ora pro nobis, sancte Clemens, Ut digni efficiamur promissionibus Christi. y. Non meis meritis ad vos misit Dominus vestris coronis participem fieri. Ut.

q. iij. Dedisti, Domine, habitaculum martyri tuo Clementi in mari, in modum templi marmorei, Angelicis manibus præparatum; Iter præbens populo terræ, ut enarrent mirabilia tua y. Dedisti, Domine, sanctis tuis viam in mari, et in fluminibus semitam. Iter. Gloria. Iter.

**IN II. NOCTURNO.**

*Lectio iv.*

**CLEMENS** Romanus, Faustini filius, de regione Cœli montis, discipulus beati Petri, cujus meminit Paulus scribens ad Philippenses; Etiam rogo et te, germane compar, adjuva illas quæ mecum laboraverunt in Evangelio, cum Clemente et cæteris adjutoribus meis, quorum nomina sunt in libro vitæ. Hic septem Urbis regiones divisit septem Notariis, singulas singulis attribuens, qui passiones Martyrum, et res ab eis gestas diligentissime conquistas litteris mandarent. Multa scripsit et ipse accurate et salutariter, quibus, Christianam religionem illustravit.

q. Monestum, cum reliq. de Com.

*Lectio v.*

**CUM** autem doctrina ac vitæ sanctitate multos ad Christi fidem converteret, a Trajano Imperatore relegatus est trans mare Ponticum in solitudinem urbis Chersouæ, in qua duo millia Christianorum reperit, qui ab eodem Trajano condemnati fuerant. Qui cum in eruendis et secandis marmoribus aquæ penuria laborarent, Clemens, facta oratione, in vicium collem ascendit, in cujus jugo vidit Agnum dextro pede fontem aquæ dul-



cis, qui inde scatebat, attingentem; ubi omnes sitim expleverunt, eoque miraculo multi infideles ad Christi fidem conversi, Clementis etiam sanctitatem venerari cœperunt.

*Lectio vj.*

**Q**UIBUS concitatus Trajanus misit illuc, qui Clementem, alligata ad ejus collum anchora, in profundum dejicerent. Quod cum factum esset, Christianis ad littus orantibus, mare ad tria milliaria recessit, eoque illi accedentes, ædiculam marmoream in templi formam, et intus arcam lapideam, ubi Martyris corpus conditum erat, et juxta illud anchoram, qua mersus fuerat, invenerunt. Quo miraculo incolæ permoti, Christi fidem susceperunt. Ejus corpus postea Romam, Nicolao Primo Pontifice, translatum, in Ecclesia ipsius sancti Clementis conditum est. Ecclesia etiam in eo insulæ loco, unde divinitus fons manarat, ejusdem nomine dedicata est. Vixit in Pontificatu annos novem, menses sex, dies sex. Fecit Ordinationes duas mense Decembri, quibus creavit Presbyteros decem, Diaconos duos, Episcopos per diversa loca quindecim.

*In III. Noct. Homilia Ut ignorantiam, de Com. Conf. Pont. 2. loco, p. 47. cum R.R. de Com.*

*Pro S. Felicitate Martyre.*

*Sermo S. Gregorii Papæ.*

*Ex Homilia 3. in Evangelia.*

*Lectio ix.*

**B**EATÆ Felicitas, cujus hodie natalia celebramus, septem filios sic post se timuit vivos in carne relinquere, sicut carnales parentes solent metuere, ne mortuos præmittant. In persecutionis enim labore deprehensa, filiorum corda in amore supernæ patriæ prædicando roboravit, et parturivit spiritu, quos carne pepererat, ut prædicatione pareret Deo, quos carne pepererat mundo. Numquid ergo hanc feminam martyrem dixerim? Sed plus quam martyrem, quæ, septem pignoribus ad regnum

præmissis, tot ante se mortuos transmisit. Ad pœnam prima venit, sed pervenit octava.

### *Ad Laudes*

*et per Horas, Antiphonæ.*

1. Orante sancto Clemente, \* apparuit ei Agnus Dei.

2. Non meis meritis \* ad vos remisit Dominus, vestris coronis participem fieri.

3. Vidi supra montem \* Agnum stantem, de sub cujus pede fons vivus emanat.

4. De sub cujus pede fons vivus emanat, fluminis impetus lætificat civitatem Dei.

5. Omnes gentes \* per gyrum crediderunt Christo Domino.

*Ad Bened. Ant. Cum iter ad mare cepisset, populus voce magna clamabat: Domine Jesu Christe, salva illum, et Clemens cum lacrymis dicebat: Suscipe, Pater, spiritum meum.*

*Et sit comm. S. Felicitatis.*

*In II. Vesp. Ant. de Laudibus.*

*A Capit. sit de sequenti.*

**DIE 24. S. JOHANNIS A CRUCE,**  
*Conf. Duplex. ( m. t. v. )*

*Oratio.*

**D**EUS, qui sanctum Joannem Confessorem tuum perfectæ sui abnegationis, et Crucis amatorem eximium effecisti, concede, ut ejus imitationi jugiter inhærentes, gloriam assequamur æternam. Per Dominum.

*Et sit. comm. S. Clementis.*

*Ant. Dedisti, Domine, habitaculum martyri tuo Clementi in mari, in modum templi marmorei, Angelicis manibus præparatum, iter præbens populo terræ, ut enarret mirabilia tua.*

*Deinde S. Chrysogoni Mart.*

*Oratio.*

**A**DESTO, Domine, supplicationibus nostris, ut qui ex iniquitate nostra reos nos esse cognoscimus, beati Chrysogoni martyris tui intercessionem liberemur. Per.

*Lect. I. Noct. de Script. occ.*

IN II. NOCTURNO.

*Lectio iv.*

**JOANNES** a Cruce Fontiberi in Hispania piis parentibus natus, a primis annis certo innotuit, quam Deiparæ Virgini futurus esset acceptus: nam quinquennis in puteum lapsus, ejusdem Deiparæ manu sublatus, incolumis evasit. Tanto autem patiendi desiderio flagravit, ut novennis, spreto molliori lecto, super sarmentis cubare consueverit. Adolescens hospitio pauperum ægrotantium Metymnæ Campi famulum sese addixit, quibus magno charitatis ardore vilissima quæque compleciens officia, præsto aderat, cujus exemplo excitati cæteri, eadem charitatis munera ardentius obibant. Verum ad altiora vocatus, beatæ Mariæ virginis de Monte Carmelo Institutum amplexus est, ubi sacerdos ex obedientia factus, severioris disciplinæ, et arctioris vitæ cupidissimus, primitivam Ordinis Regulam ex Superioris licentia ita professus est, ut, ob jugem Dominicæ passionis memoriam, bello in se, tanquam in infensissimum hostem, indicto vigiliis, jejuniiis, ferreis flagellis, omnique prænarum genere, brevi carnem cum vitiis et concupiscentiis suis crucifixerit: dignus plane, qui a sancta Teresia inter puriores, sanctioresque animas, Ecclesiam Dei id temporis illustrantes, recenseretur.

*Lectio v.*

**SINGULARI** vitæ austeritate, et omnium virtutum præsidio munitus, præ assidua rerum divinarum contemplatione, diuturnas et mirabiles extases frequenter patiebatur: tantoque in Deum æstuabat amore, ut, cum divinus ignis sese intro diutius continere non posset, foras erumpere, ejusque vultum irradiare visus sit. Proximorum saluti summopere intentus, tum in verbi Dei predicatione, tum in Sacramentorum administratione fuit assiduus. Hinc tot meritis auctus, strictiorisque disciplinæ promo-

vendæ ardore vehementer accensus, sanctæ Teresiæ comes divinitus datus est, ut, quam ipsa inter sorores primævam Carmeli Ordinis observantiam instauraverat, eandem et inter fratres, Joanne adjutore, restitueret. Innumeros itaque una cum Dei famula in divino opere promovendo perpessus labores, cœnobia, quæ ejusdem sanctæ virginis cura per totam Hispaniam erecta fuerant, nullis vitæ incommodis et periculis territus, singula perlustravit, in quibus, aliisque quamplurimis ejus opera erectis, restauratam observantiam propagando, verbo et exemplo firmavit; ut merito primus post sanctam Teresiam Carmelitarum Excalceatorum Ordinis professor et parens habeatur.

*Lectio vj.*

**VIRGINITATEM** perpetuo coluit, impudentesque mulieres ejus pudicitiam insidiari conantes, non modo repulit, sed etiam Christo lucrificavit. In divinis explicandis arcanis æque ac sancta Teresia, Apostolicæ Sedis judicio, divinitus instructus, libros de mystica Theologia cœlesti sapientia refertos conscripsit. Semel interrogatus a Christo quid præmii pro tot laboribus posceret, respondit: Domine, pati, et contemni pro te. Imperio in dæmones, quos e corporibus sæpe fugabat, discretionem spirituum, prophetiæ dono, miraculorum gloria celebratissimus, ea semper fuit humilitate, ut sæpius a Domino flagitaverit eo loco mori, ubi omnibus esset ignotus. Voti compos factus, Ubedæ diro morbo, et in crure quinque plagis sanie manantibus, ad implendum patiendi desiderium constantissime toleratis, Ecclesiæ Sacramentis pie sancteque susceptis, in Christi crucifixi amplexu, quem semper in corde atque ore habuerat, post illa verba, In manus tuas commendo spiritum meum, obdormivit in Domino, die et hora a se prædictis, anno salutis millesimo quingentesimo nonagesimo primo, ætatis

quadragesimo nono. Migrantem ejus animam splendidissimus ignitus globus excepit: corpus vero suavissimum odorem spiravit, quod etiamnum incorruptum Segoviae honorifice colitur. Eum plurimis ante et post obitum fulgentem signis Benidictus Decimus tertius Pontifex Maximus in Sanctorum numerum retulit.

*In II. Noct. Homilia Sancti Evangelii fratres, de Com. 1. loco.*

*Pro S. Chrysogono.*

*Lectio ix.*

**CHRYSOGONUS**, Diocletiano Imperatore, Romae inclusus in carcere, ibi biennium sanctae Anastasiae facultatibus vixit, quam etiam afflictam propter Christum a viro suo Publio, propterea a suis orationibus per litteras auxilium postulantem, mutuis epistolis est consolatus. Sed cum Imperator Romam scripsisset, ut reliquis Christianis, qui in vinculis essent, interfectis, Chrysogonus Aquileiam ad se mitteretur, eo perductus est. Cui imperator: Accersivi, inquit, te, Chrysogone, ut honoribus augeam, si modo induxeris animum deos colere. At ille: Ego eum, qui vere est Deus, mente et oratione veneror, deos autem, qui nihil sunt nisi daemonum simulacra, odi et execror. Quo responso excandescens Imperator, ad aquas Gradatas eum securi percuti jubet, octavo Kalendas Decembris. Cujus corpus dejectum in mare, paulo post in litore inventum, Zoilus praesbyter in suis aedibus sepelivit.

*In Laud. fit comm. S. Mart.*

*Vesperae a Cap. de sequent.*

**DIE 25. S. Catharin. V. M.**

*Duplex.*

*Oratio.*

**DEUS**, qui dedisti legem Moysi in summitate montis Sinai, et in eodem loco per sanctos Angelos tuos corpus beatae Catharinae Virginis et Martyris tuae mirabiliter collocasti, praesta, quaesumus, ut ejus meritis

et intercessione, ad montem, qui Christus est, pervenire valeamus. Qui tecum.

*Et fit comm. praeced.*

*Lect. I. Noct. de Script. occur.*

**IN II. NOCTURNO.**

*Lectio iv.*

**CATHARINA**, nobilis virgo Alexandriae, a prima aetate studia liberalium artium cum fidei ardore conjungens, brevi ad eam sanctitatis et doctrinae perfectionem pervenit, ut decem et octo annos nata eruditissimum quemque superaret. Quae cum Maximini jussu multos, propter Christianae religionis professionem varie tormentis cruciatos ad supplicium rapi videret, non dubitanter ipsum adiit Maximinum, eique nefariam immanitatem objiciens, sapientissimis rationibus Christi fidem ad salutem necessariam esse affirmavit.

*Lectio v.*

**CUIUS** prudentiam Maximinus admiratus, retineri eam jubet, accersitis undique doctissimis hominibus, magnisque propositis praemiis, qui convictam Catharinam a Christi fide ad idolorum cultum perduxissent. Quod contra accidit: nam plures philosophi, qui ad eam coarguendam convenerant, vi ac subtilitate ejus disputationis, tanto Jesu Christi amore sunt incensi, ut pro illo mori non dubitaverint. Quamobrem Maximinus blanditiis ac promissis Catharinam de sententia deducere aggreditur, verum id frustra fieri intelligens, verberibus affectam, plumbatisque contusam, dies undecim sine cibo ac potu inclusam tenet in carcere.

*Lectio vj.*

**QUO** tempore Maximini uxor, et Porphyrius belli dux, visendae virginis causa, carcerem ingressi, et ejusdem praedicatione in Jesum Christum credentes, postea martyrio coronati sunt. Interim Catharina educitur e custodia, et rota expeditur crebris et acutis praefixa gladiis, ut



virginis corpus crudelissimo dilaceraretur Quæ machina brevi, Catharinæ oratione contracta est: eoque miraculo multi Christi fidem susceperunt. Ipse Maximinus in impietate et crudelitate obstinior, Chatarinam securi percussu imperat. Quæ fortiter dato capite, ad duplicatum virginitatis et martyri præmium evolavit, septimo Kalendas Decembris: cujus corpus ab Angelis in Sina, Arabiæ monte, mirabiliter collocatum est.

In III. Noct. Homilia Sæpe vos fratres, de Com. 1. loco.

In II. Vesp. comm. sequentis.

### Die 26. S. Petri

Episc. et Mart.

Orat. Infirmitatem nostram, p. 14.

Lectio iij.

**PETRUS** Episcopus Alexandriæ, post Theonam virum sanctissimum, sanctitatis et doctrinæ splendore, non solum illustravit Ægyptum, sed toti luxit Ecclesiæ Dei. Qui in persecutione Maximini Galerii illam temporum acerbiter ita pertulit, ut multi admirabilem ejus patientiam intuentes, plurimum in Christiana virtute proficerent. Is primus Arium Diaconum Alexandrinum propter schisma Meletianum, cui favebat, a fidelium communione sejunxit. Ad eum capitis ab eodem Maximino damnatum in carcere cum Achilles et Alexander presbyteri deprecatores Arian venissent, respondit, noctu apparuisse sibi Jesum veste discisso, causamque rei sciscitanti dixisse: Arius vestem meam, quæ est Ecclesia, dilaceravit. Quibus etiam prædicens fore, ut sibi in Episcopatu succederent, præcepit, ne unquam Arium in communionem reciperent, quem Deo mortuum esse sciret. Et hanc divinam præuotionem veram fuisse, non diu post rei probavit eventus. Denique duodecimo sui Episcopatus anno sexto Kalendas Decembris, abscisso capite, ad martyrii coronam evolavit.

### Die 29. Commemoratio

S. SATURNINI, Martyris.

Oratio.

**DEUS**, qui nos beati Saturnini Martyris tui concedis natalitio perfrui, ejus nos tribue meritis adjuvari. Per Dominum.

IN VIGILIA S. ANDRÆ APOST.

Si festum S. Andree venerit Feria ij. de Vigilia sit Offic. in Sabbato præcedenti, et comm. S. Saturnini in Dominica.

Offic. et Aq. de Feria occ.

Lectio sancti Evangelii secundum Joannem.

Lectio j.

Cap. 1.

**IN** illo tempore: Stabat Joannes, et ex discipulis ejus duo. Et respiciens Jesum ambulantiem, dicit: Ecce Agnus Dei. Et reliqua.

Homilia S. Augustini Episcopi.

Tract. 7. in Joannem.

**QUIA** talis erat Joannes amicus sponsi, non quærebat gloriam suam, sed testimonium perhibebat veritati. Numquid voluit apud se remanere discipulos suos, ut non sequerentur Dominum? Magis ipse ostendit discipulis suis quem sequerentur: habebant enim illum tanquam Agnum. Et ille: Quid me attenditis? Ego non sum Agnus. Ecce Agnus Dei. De quo et superius dixerat: Ecce Agnus Dei. Et quid nobis prodest Agnus Dei? Ecce, ait, qui tollit peccatum mundi. Secuti sunt illum, hoc audito, duo qui erant cum Joanne.

Lectio ij.

**VIDEAMUS** sequentia. Ecce Agnus Dei. Hoc Joannes. Et audierunt eum duo discipuli loquentem, et secuti sunt Jesum. Non sic illum sequebantur, quasi jam ut inhærent illi: nam manifestum est, quando illi inhæserunt, quia de navi eos vocavit. In his enim duobus erat Andreas, sicut modo audistis. Andreas autem frater Petri erat. Et novimus in Evangelio quod Petrum et Andre-

am Dominus de navi vocavit, dicens: Venite post me, et faciam vos pisces hominum. Et ex illo jam inhaerunt illi, ut non recederent.

*Lectio iij.*

**M**ODO ergo quod illum sequuntur isti duo, non quasi non recessuri sequuntur, sed videre voluerunt ubi habitaret, et facere quod scriptum est: Limen ostiorum ejus exerat pes tuus: surge ad illum venire assidue, et erudire praeceptis ejus. Ostendit eis ille ubi maneret: venerunt, et fuerunt cum illo. Quam beatam diem duxerunt! quam beatam noctem! Quis est, qui nobis dicat, quæ audierint illi a Domino? Aedificemus et nosmetipsi in corde nostro, et faciamus domum, quo

veniat ille, et doceat nos, et colloquatur nobis

*Ad Laud. preces flexis genibus.*

*Oratio.*

**Q**UESUMUS, omnipotens Deus, ut beatus Andreas Apostolus, cujus praevenimus festivitatem, tuum pro nobis imploret auxilium, ut a nostris reatibus absoluti, a cunctis etiam periculis eruamur. Per Dominum.

*Deinde fit comm. S. Saturnini.*

**Die 30. S. Andreae Apost.**

*Dupl. 2. Clas.*

*Si hoc Festum vel aliud ex sequentibus ante Adv. celebretur, fit Officium ut supra, p. 608., omissa comm. Adventus.*

## COMMÉMORATIONES COMMUNES.

### PRO UNO MARTYRE.

**IN I. VESP. Ant.** Iste sanctus pro lege Dei sui certavit usque ad mortem, et a verbis impiorum non timuit: fundatus enim erat supra firmam petram.

**℣.** Gloria et honore coronasti eum, Domine. **℟.** Et constituisti eum super opera manuum tuarum.

*Pro Martyre et Pontif. Oratio.*

Infirmi-  
tatem nostram respice, omnipotens Deus, et quia pondus propriae actionis gravat, beati N. Martyris tui atque Pontificis intercessio gloriosa nos protegat. Per Dominum.

*Alia Oratio.*

Deus, qui nos beati N. Martyris tui atque Pontificis annua solemnitate lætificas, concede propitius, ut cujus natalitia colimus, de ejusdem etiam protectione gaudeamus. Per Dominum.

*Pro Martyre tantum Oratio.*

Præsta, quæsumus, omnipotens Deus, ut qui beati N. Martyris tui natalitia colimus; intercessione ejus in tui nominis amore roboremur. Per Dominum.

### Alia Oratio.

Præsta, quæsumus, omnipotens Deus, ut, intercedente beato N. Martyre tuo, et acunctis adversitatibus liberemur in corpore, et a pravis cogitationibus mundemur in mente. Per.

**AD LAUD. Ant.** Qui odit animam suam in hoc mundo, in vitam æternam custodit eam.

**℣.** Justus ut palma florebit. **℟.** Sicut cedrus Libani multiplicabitur.

**IN II. VESP. Ant.** Qui vult venire post me, abneget semetipsum, et tollat crucem suam, et sequatur me.

**℣.** de Laud. et sic in sequent.

### PRO MARTYR. TEMP. PASCHALI

**IN I. VESP.** Lux perpetua lucebit sanctis tuis, Domine, et æternitas temporum, alleluia.

**℣.** Sancti et justi in Domino gaudent, alleluia.

**℟.** Vos elegit Deus in hæreditatem sibi alleluia.

**AD LAUDES.** Filie Jerusalem, venite et videte Martyres cum coronis quibus coronavit eos Dominus in die sollemnitis et lætitie, alleluia, alleluia. **℣.** Pretiosa in conspectu Do-

mini alleluia.

¶. Mors sanctorum ejus alleluia.

IN II. VESP. Sancti et justi in Domino gaudent, alleluia: vos elegit Deus in hæreditatem sibi alleluia.

*PRO PLUR. MARTYRIBUS.*

IN I. VESP. *Ant.* Istorum est enim regnum cælorum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

¶. Lætamini in Domino, et exultate, justi. ¶. Et gloriamini, omnes recti corde.

*Pro plur. Mart. Pont. Oratio.*

Beatorum Martyrum pariterque Pontificum N. et N. nos, quæsumus, Domine, festa tueantur, et eorum commendet oratio veneranda. Per Dominum.

*Si non fuerint Pont. Oratio.*

Deus, qui nos concedis sanctorum Martyrum tuorum N. et N. natalitia colere, da nobis in æterna beatitudine de eorum societate gaudere. Per Dominum.

*Alia Oratio.*

Deus, qui nos annua sanctorum Martyrum tuorum N. et N. solemnitate lætificas, concede propitius, ut quorum gaudemus meritis, accendamus exemplis. Per.

AD LAUD. *Ant.* Vestri capilli capitis omnes numerati sunt: nolite timere, multis passeribus meliores estis vos.

¶. Exultabunt sancti in gloria. ¶. Lætabuntur in cubilibus suis.

IN II. VESP. *Ant.* Gaudent in cælis animæ sanctorum, qui Christi vestigia sunt secuti; et quia pro ejus amore sanguinem suum fuderunt, ideo cum Christo exultant sine fine.

*PRO CONFESS. PONT.*

IN I. VESP. *Ant.* Sacerdos et Pontifex, et virtutum opifex, pastor bone in populo, ora pro nobis Dominum.

*Pro Doct. in utrisq. Vesp.*

*Ant.* ☉ Doctor optime, Ecclesiam

sanctæ lumen, beate N., divinæ legis amator, deprecare pro nobis Filium Dei.

¶. Amavit eum Dominus et ornavit eum. ¶. Stolam gloriæ induit eum.

*Oratio.*

Da, quæsumus, omnipotens Deus, ut beati N. Confessoris tui atque Pontificis veneranda solemnitas, et devotionem nobis augeat, et salutem. Per Dominum.

AD LAUD. *Ant.* Euge, serve bone et fidelis, quia in pauca fuisti fidelis, supra multa te constituam, dicit Dominus.

¶. Justum deduxit Dominus per vias rectas. ¶. Et ostendit illi regnum Dei.

IN II. VESP. *Ant.* Amavit eum Dominus, et ornavit eum, stolam gloriæ induit eum, et ad portas paradisi coronavit eum.

*Pro Summis Pontificibus.*

*Ant.* Dum esset summus Pontifex, terrena non metuit, sed ad cœlestia regna gloriosus migravit.

*PRO CONF. NON PONTIF.*

IN I. VESP. *Ant.* Similabo eum viro sapienti, qui ædificavit domum suam supra petram.

¶. Amavit eum Dominus et ornavit eum. ¶. Stolam gloriæ induit eum.

*Oratio.*

Deus, qui nos beati N. Confessoris tui annua solemnitate lætificas, concede propitius, ut cujus natalitia colimus etiam actiones imitemur. Per Dominum.

*Si fuerit Abbas Oratio.*

Intercessio nos, quæsumus, Domine, beati N. Abbatis commendet, ut quod nostris meritis non valemus, ejus patrocinio assequamur. Per Dominum.

AD LAUD. *Ant.* Euge, serve bone et fidelis, quia in pauca fuisti fidelis, supra multa te constituam, intra in gaudium Domini tui.

¶. Justum deduxit, ut supra.

IN II. VESP. *Ant.* Hic vir despiciens mundum, et terrena triumphans, divitias cœlo condidit ore, manu.



## PRO VIRGINE.

IN II. VESP. *Ant.* Veni, sponsa Christi, accipe coronam, quam tibi Dominus præparavit in æternum.

℣. Specie tua et pulchritudine tua.

℟. Intende, prospere procede, et regna.

*Oratio.*

Deus, qui inter cætera potentie tue miracula, etiam in sexu fragili victoriam martyris contulisti, concede propitius, ut qui beatæ N. Virginis et Martyris tue natalitia colimus, per ejus ad te exempla gradiamur. Per.

*Alia Oratio.*

Indulgentiam nobis, quæsumus. Domine, beata N. Virgo et Martyr imploret, quæ tibi grata semper extitit et merito castitatis, et tue professione virtutis. Per Dominum.

*Pro Virgine non Mart. Oratio.*

Exaudi nos, Deus salutaris noster, ut, sicut de beatæ N. Virginis tue festivitate gaudemus, ita piæ devotionis erudiamur affectu. Per Dominum.

AD LAUD. *Ant.* Simile est regnum cælorum homini negotiatori quærenti bonas margaritas: inventa una pretiosa, dedit omnia sua, et comparavit eam.

℣. Diffusa est gratia in labiis tuis.

℟. Propterea benedixit te Deus in æternum.

IN II. VESP. *Ant.* Veni sponsa ut supra. ℣. Diffusa est.

## PRO NON VIRGINE.

IN II. VESP. *Ant.* Simile est regnum, ut supra.

*Pro una Mart. tantum.*

*Oratio* Deus qui inter, ut supra, omissa voce Virginis.

*Pro nec Virg. nec Mart.*

*Oratio* Exaudi nos, ut supra, omissa voce Virginis.

AD LAUD. *Ant.* Date ei de fructu manuum suarum, et laudent eam in portis opera ejus.

℣. Diffusa est gratia, ut supra.

IN II. VESP. *Ant.* Manum suam aperuit inopi, et palmas suas extendit ad pauperem, et panem otiosa non comedit.

## PRO COMM. S. JANUAR.

AD LAUD. Igne me Domine examinasti et non est inventa in me iniquitas: propter hoc lætatum est cor meum et exultavit lingua mea. Posuisti. Coronam.

AD VESP. Liberasti me Domine a rogantibus præparatis ad escam, et a pressura flammæ quæ circumdedit me, et in medio ignis non sum æstuatus.

Magna est gloria. Gloriam et magnum.

*Oremus.*

Majestatem tuam Domine supplices exoramus, ut sicut nos iugiter B. Januarii martyris tui atque pontif. commemoratione lætificas, ita semper supplicatione defendas. Per Dominum.

## PLURES COMMEN. EJUSD. ORDINIS.

## PRO CONFESSOR.

AD VESP. 1. Euge serve bone .... Justum deduxit. Et ostendit.

2. *Nic* vir despiciens... Os justi meditabitur... Et lingua ejus...

3. Domine iste sanctus habitabit in tabernaculo tuo.. Lex Dei ejus in corde.

AD LAUD. 1. Similabo eum viro.. Amavit eum Dominus.

2. *Eadem ac* 3. vesp. ut supra.

3. *Eadem ac* 2. vesp. ut supra.

## PRO CONFESS. PONTIF.

AD VESP. 1. Euge serve bone.. dicit Dominus.

Justum deduxit.

2. Amavit eum Dominus.

Elegit eum Dom. sacerdot. sibi.

2. Domine iste sanctus habitabit...

Tu es sacerdos in æternum.

AD LAUD. 1. Sacerdos et Pontifex... Amavit eum Dominus.

2. *Eadem ac* 3. vesper. ut supra.

3. *Eadem ac* 2. vesper. ut supra.

# COMMUNE SANCTORUM,

## IN VIGILIIS APOSTOLORUM

*Officium fit de Feria, exceptis Lect., et Oratione, quæ in propriis locis notantur.*

*Ubi vero non sunt propria Lect., legitur Evang. cum Homilia seq.*

*Lectio sancti Evangelii secundum Joannem.*

*Lectio j Cap. 15.*

**I**N illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Et reliqua.

*Homilia sancti Gregorii Papæ.*

*Homilia 17 in Evangelia.*

**C**UM cuncta sacra eloquia Dominici plena sint præceptis, quid est quod de dilectione, quasi de singulari mandato, Dominus dicit: Hoc est præceptum meum, ut diligatis invicem; nisi quia omne mandatum de sola dilectione est, et omnia unum præceptum sunt? quia quidquid præcipitur, in sola charitate solidatur. Ut enim multi arboris rami ex una radice prodeunt: sic multæ virtutes ex una charitate generantur. Nec habet aliquid viriditatis ramus boni operis, si non manet in radice charitatis.

*¶. ¶. de Feria pro tempore.*

*Lectio ij.*

**P**RÆCEPTA ergo Dominica et multa sunt, et unum: multa per diversitatem operis, unum in radice dilectionis. Qualiter autem ista dilectio tenenda sit, ipse insinuat, qui in plerisque Scripturæ suæ sententiis et amicos jubet diligere in se, et inimicos propter se. Ille enim veraciter charitatem habet, qui et amicum diligit in Deo, et inimicum diligit propter Deum.

COMMUN. SS.

Nam sunt nonnulli, qui diligunt proximos, sed per affectum cognationis et carnis: quibus tamen in hac dilectione sacra eloquia non contradicunt: sed aliud est quod sponte impenditur naturæ, aliud quod præceptis Dominicis ex charitate debetur obedientiæ.

*Lectio iij.*

**H**ic nimirum et proximum diligunt, et tamen illa sublimia dilectionis præmia non assequuntur: quia amorem suum non spiritualiter, sed carnaliter impendunt. Proinde cum Dominus diceret: Hoc est præceptum meum, ut diligatis invicem: protinus addidit, Sicut dilexi vos: ac si aperte dicat: Ad hoc amate, ad quod amavi vos. Qua in re, fratres charissimi, solerter intuendum est, quod antiquus hostis, dum mentem nostram ad rerum temporalium dilectionem trahit, infirmiores contra nos proximum excitat, qui ea ipsa, quæ diligimus, auferre molliatur.

## COMMUNE

APOSTOLORUM ET EVANGELISTARUM.

### In I. Vespertis.

*Ant. de Laud. Psalmi de Dom. loco ult. Laudate Dominum omnes Gentes.*

*Capit. et Hymnus ut infra in Laud.*

*¶. In omnem terram exivit sonus eorum. ¶ Et in fines orbis terræ verba eorum.*

*Ad Magnif. Ant. Tradent enim vos in conciliis, et in synagogis suis flagellabunt vos, et ante reges et præsides ducemini propter me, in testimonium illis, et Gentibus.*

*Oratio propria.*

### Ad Matutinum.

*Invit. Regem Apostolorum Dominum, Venite, adoremus.*

A

*Psalm. Venite p. 1.*

**HYMNUS.**

**Æ**TERNA Christi munera ,  
Apostolorum gloriam ,  
Palmas et hymnos debitos  
Lætis canamus mentibus.

Ecclesiarum Principes ,  
Belli triumphales Duces ,  
Cœlestis aulæ milites ,  
Et vera mundi lumina.

Devota Sanctorum Fides ,  
Invicta Spes credentium ,  
Perfecta Christi Charitas  
Mundi tyrannum conterit

In his Paterna gloria ,  
In his triumphat Filius ,  
In his voluntas Spiritus ,  
Cœlum repletur gaudio.

Patri , simulque Filio ,  
Tibi que , sancte Spiritus ,  
Sicut fuit , sit jugiter  
Sæclum per omne gloria. Amen

**IN I. NOCTURNO.**

*Ant.* In omnem terram exivit sonus  
eorum , et in fines orbis terræ verba  
eorum.

**Psalmus 18.**

**C**ÆLI enarrant gloriam Dei , \* et  
opera manuum ejus annuntiat fir-  
mamentum.

Dies diei eructat verbum , \* et vox  
nocti indicat scientiam.

Non sunt loquelæ , neque sermo-  
nes , \* quorum non audiantur voces  
eorum.

In omnem terram exivit sonus eo-  
rum : \* et in fines orbis terræ verba  
eorum.

In sole posuit tabernaculum suum : \*  
et ipse tamquam sponsus procedens  
de thalamo suo.

Exultavit ut gigas ad currendam  
viam ; \* a summo cœlo egressio ejus.

Et occursum ejus usque ad summum  
ejus : \* nec est qui se abscondat a ca-  
lore ejus.

Lex Domini immaculata conver-  
tens animas : \* testimonium Domini fi-  
dele , sapientiam præstans parvulis.

Justitiæ Domini rectæ , lætificantes

corda : \* præceptum Domini lucidum ,  
illuminans oculos.

Timor Domini sanctus , permanens  
in sæculum sæculi : \* judicia Domini  
vera , justificata in semetipsa.

Desiderabilia super aurum et la-  
pidem pretiosum multum : \* et dul-  
ciora super mel et favum.

Etenim servus tuus custodit ea : \*  
in custodiendis illis retributio multa.

Delicta quis intelligit ? Ab occultis  
meis munda me : \* et ab alienis parce  
servo tuo.

Si mei non fuerint dominati tunc  
immaculatus ero : \* et emundabor a  
delicto maximo.

Et erunt ut complacent eloquia oris  
mei : \* et meditatio cordis mei in con-  
spectu tuo semper.

Domine , adjutor meus , \* et redem-  
ptor meus.

*Ant.* In omnem terram exivit sonus  
eorum et in fines orbis terræ verba  
eorum.

*Ant.* Clamaverunt justī , et Domi-  
nus exaudivit eos.

**Psalmus 33.**

**B**ENEDICAM Dominum in omni  
tempore : \* semper laus ejus in  
ore meo.

In Domino laudabitur anima mea : \*  
audiant mansueti , et lætentur.

Magnificate Dominum mecum : \* et  
exaltemus nomen ejus in idipsum.

Exquisivi Dominum , et exaudivit  
me : \* et ex omnibus tribulationibus  
meis eripuit me.

Accedite ad eum , et illuminamini , \*  
et facies vestræ non confundentur.

Iste pauper clamavit , et Dominus  
exaudivit eum : \* et de omnibus tri-  
bulationibus ejus salvavit eum.

Immittet angelus Domini in circuitu  
timentium eum : \* et eripiet eos.

Gustate , et videte quoniam suavis  
est Dominus : \* beatus vir qui sperat  
in eo.

Timeate Dominum , omnes sancti  
ejus : \* quoniam non est inopia timentibus eum.

Divites eguerunt et esurierunt : \* in-



quirentes autem Dominum non minuentur omni bono.

Venite, filii, audite me: \* timorem Domini docebo vos.

Quis est homo qui vult vitam: \* diligit dies videre bonos?

Prohibe linguam tuam a malo: \* et labia tua ne loquantur dolum.

Diverte a malo, et fac bonum: \* inquire pacem, et persequere eam.

Oculi Domini super justos: \* et aures ejus in preces eorum.

Vultus autem Domini super facientes mala: \* ut perdat de terra memoriam eorum.

Clamaverunt justii, et Dominus exaudivit eos: \* et ex omnibus tribulationibus eorum liberavit eos.

Juxta est Dominus iis, qui tribulati sunt corde: \* et humiles spiritu salvabit.

Multae tribulationes justorum: \* et de omnibus his liberabit eos Dominus.

Custodit Dominus omnia ossa eorum: \* unum ex his non conteretur.

Mors peccatorum pessima: \* et qui oderunt justum, delinquent.

Redimet Dominus animas servorum suorum: \* et non delinquent omnes qui sperant in eo.

*Ant.* Clamaverunt justii, et Dominus exaudivit eos.

*Ant.* Constitues eos principes super omnem terram: memores erunt nominis tui, Domine.

### Psalmus 44.

**ERUCTAVIT** cor meum verbum bonum: \* dico ego opera mea Regi.

Lingua mea calamus scribae \* velociter scribentis.

Speciosus forma praefiliis hominum, diffusa est gratia in labiis tuis: \* propterea benedixit te Deus in aeternum.

Accingere gladio tuo super femur tuum, \* potentissime.

Specie tua, et pulchritudine tua \* intende, prospere procede, et regna.

Propter veritatem, et mansuetudinem, et justitiam: \* et deducet te mirabiliter dextera tua.

Sagittae tuae acutae, populi sub te

cadent: \* in corda inimicorum regis.

Sedes tua, Deus, in saeculum saeculi: \* virga directionis, virga regni tui.

Dilexisti justitiam, et odisti iniquitatem: \* propterea unxit te Deus, Deus tuus oleo laetitiae praefconsortibus tuis.

Myrrha, et gutta, et casia a vestimentis tuis, a domibus eburneis: \* ex quibus delectaverunt te filiae regum in honore tuo.

Astitit regina a dextris tuis in vestitu deaurato, \* circumdata varietate.

Audi, filia, et vide, et inclina aurem tuam: \* et obliviscere populum tuum, et domum patris tui.

Et concupiscet Rex decorem tuum: \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur: omnes divites plebis.

Omnis gloria ejus filiae Regis ab intus: \* in fimbriis aureis circumamicta varietatibus.

Adducentur Regi virgines post eam: \* proximae ejus afferentur tibi.

Afferentur in laetitia et exultatione: \* adducentur in templum Regis.

Pro patribus tuis nati sunt tibi filii: \* constitues eos principes super omnem terram.

Memores erunt nominis tui, \* in omni generatione et generationem.

Propterea populi confitebuntur tibi in aeternum, \* et in saeculum saeculi.

*Ant.* Constitues eos principes super omnem terram: memores erunt nominis tui, Domine.

†. In omnem terram exivit sonus eorum. †. Et in fines orbis terrae verba eorum. **Pater noster.**

**Absol.** Exaudi. †. **Jube domne.**

**Bened.** Benedictione perpetua.

*Lect. de Script. posita in Comm. Sanctor. leguntur quando annotantur in Propr. Sanct. per annum, et quando contingit fieri Offic. de aliquo Sancto illis diebus, in quibus in Offic. ser. non ponuntur Lect. de Script., sed tantum de Homilia, et quan-*

do aliquod Festum solemniter celebratur in propria Ecclesia.

De Epistola prima B. Pauli Apostoli ad Corinthios.

Lectio j Cap. 4.

**S**ICNOSEXISTIMET homo ut ministros Christi, et dispensatores mysteriorum Dei. Hic jam quæritur inter dispensatores, ut fidelis quis inveniatur. Mihi autem pro minimo est ut a vobis judicer, aut ab humano die: sed neque me ipsum judico. Nihil enim mihi conscius sum; sed non in hoc justificatus sum: qui autem judicat me, Dominus est. Itaque nolite ante tempus judicare, quoadusque veniat Dominus: qui et illuminabit abscondita tenebrarum, et manifestabit consilia cordium: et tunc laus erit unicuique a Deo.

¶. Ecce ego mitto vos, sicut oves in medio luporum, dicit Dominus: \* Estote ergo prudentes sicut serpentes, et simplices sicut columbæ. ¶. Cum lucem habetis, credite in lucem, ut filii lucis sitis. Estote.

Bened. Unigenitus Dei Filius.

Lectio ij.

**H**ÆC autem, fratres, transfiguravi in me et Apollo propter vos, ut in nobis discatis, ne supra quam scriptum est, unus adversus alterum infletur pro alio. Quis enim te discernit? Quid autem habes, quod non accepisti? Si autem accepisti, quid gloriaris quasi non acceperis? Jam saturati estis, iam divites facti estis: sine nobis regnatis: et utinam regnetis, ut et nos vobiscum regnemus. Puto enim quod Deus nos Apostolos novissimos ostendit, tanquam morti destinatos: quia spectaculum facti sumus mundo, et Angelis, et hominibus.

¶. Tollite jugum meum super vos, dicit Dominus, et discite a me, quia mitis sum, et humilis corde: \* Jugum enim meum suave est, et onus meum leve. ¶. Et invenietis requiem animabus vestris. Jugum.

Bened. Spiritus Sancti gratia.

Lectio iij.

**N**OS stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cædimur et instabiles sumus, et laboramus operantes manibus nostris: maledicimur, et benedicimus: persecutionem patimur, et sustinemus: blasphemamur, et obsecramus: tanquam purgamenta hujus mundi facti sumus, omnium peripsema usque adhuc. Non ut confundam vos, hæc scribo, sed ut filios meos charissimos moneo. Nam si decem millia pædagogorum habeatis in Christo; sed non multos patres. Nam in Christo Jesu per Evangelium ego vos genui.

¶. Dum steteritis ante reges et præsidēs, nolite cogitare quomodo, aut quid loquamini: \* Dabitur enim vobis in illa hora, quid loquamini. ¶. Non enim vos estis qui loquimini: sed Spiritus Patris vestri, qui loquitur in vobis. Dabitur. Gloria. Dabitur.

IN II. NOCTURNO.

Ant. Principes populorum congregati sunt cum Deo Abraham.

Psalmus 46.

**O**MNES Gentes, plaudite manibus: \* jubilate Deo in voce exultationis.

Quoniam Dominus excelsus, terribilis: \* Rex magnus super omnem terram.

Subjecit populos nobis, \* et Gentes sub pedibus nostris.

Elegit nobis hæreditatem suam, \* speciem Jacob, quam dilexit.

Ascendit Deus in jubilo, \* et Dominus in voce tubæ.

Psallite Deo nostro, psallite: \* psallite Regi nostro, psallite.

Quoniam Rex omnis terræ Deus: \* psallite sapienter.

Regnabit Deus super Gentes: \* Deus sedet super sedem sanctam suam.

Principes populorum congregati sunt cum Deo Abraham: \* quoniam dii

fortes terræ vehementer elevati sunt.

*Ant.* Principes populorum congregati sunt cum Deo Abraham.

*Ant.* Dedisti hæreditatem timentibus nomen tuum, Domine.

**Psalmus 60.**

**EXAUDI**, Deus, deprecationem meam: \* intende orationi meæ.

A finibus terræ ad te clamavi: \* dum anxietur cor meum, in petra exaltasti me.

Deduxisti me, quia factus es spes mea: \* turris fortitudinis a facie inimici.

Inhabitabo in tabernaculo tuo in sæcula: \* protegar in velamento alarum tuarum.

Quoniam tu, Deus meus, exaudisti orationem meam: \* dedisti hæreditatem timentibus nomen tuum.

Dies super dies regis adjicies: \* annos ejus usque in diem generationis et generationis.

Permanet in æternum in conspectu Dei: \* misericordiam et veritatem ejus quis requirit?

Sic psalmum dicam nomini tuo in sæculum sæculi: \* ut reddam vota mea de die in diem.

*Ant.* Dedisti hæreditatem timentibus nomen tuum, Domine.

*Ant.* Annuntiaverunt opera Dei, et facta ejus intellexerunt.

**Psalmus 68.**

**EXAUDI**, Deus, orationem meam cum deprecor: \* a timore inimici eripe animam meam.

Protexisti me a conventu malignantium, \* a multitudine operantium iniquitatem.

Quia exacerunt ut gladium linguas suas: \* intenderunt arcum rem amarum, ut sagittent in occultis immaculatum.

Subito sagittabunt eum, et non timebunt: \* firmaverunt sibi sermonem nequam.

Narraverunt ut absconderent laqueos: \* dixerunt: Quis videbit eos?

Scrutati sunt iniquitates: \* defecerunt scrutantes scrutinio.

Accedet homo ad cor altum: \* et exaltabitur Deus.

Sagittæ parvulorum factæ sunt plagæ eorum: \* et infirmatæ sunt contra eos linguæ eorum.

Conturbati sunt omnes qui videbant eos: \* et timuit omnis homo.

Et annuntiaverunt opera Dei, et facta ejus intellexerunt.

Lætabitur justus in Domino, et sperabit in eo: \* et laudabuntur omnes recti corde.

*Ant.* Annuntiaverunt opera Dei, et facta ejus intellexerunt.

†. Constitues eos principes super omnem terram. ♀. Memores erant nominis tui, Domine.

**Pater noster.**

*Absol.* Ipsius. †. Jube domne.

*Bened.* Deus Pater omnipotens.

Sermo S. Gregorii Papæ.

*Homil.* 30 in Evang. post medium.

*Lectio iv.*

**SCRIPTUM** est: Spiritus Domini ornavit cœlos. Ornamenta enim cœlorum sunt virtutes prædicantium. Quæ videlicet ornamenta Paulus enumerat, dicens: Alii datur per Spiritum sermo sapientiæ, alii sermo scientiæ secundum eundem Spiritum, alteri fides in eodem Spiritu, alii gratia sanctorum in uno Spiritu, alii operatio virtutum, alii prophetia, alii discretio spirituum, alii genera linguarum, alii interpretatio sermonum. Hæc autem omnia operatur unus atque idem Spiritus, dividens singulis prout vult.

♀. Vidi conjunctos viros habentes splendidas vestes, et Angelus Domini locutus est ad me, dicens: \* Isti sunt viri sancti facti amici Dei. †. Vidi Angelum Dei fortem, volantem per medium cœlum, voce magna clamantem et dicentem. Isti.

*Bened.* Christus perpetua.



## Lectio v.

**Q**UOT ergo sunt bona prædicantium, tot sunt ornamenta cælorum. Hinc rursus scriptum est: Verbo Domini cæli firmati sunt. Verbum enim Domini Filius est Patris. Sed eosdem cælos, videlicet sanctos Apostolos, ut tota simul sancta Trinitas ostendatur operata, repente de sancti Spiritus divinitate adjungitur: Et Spiritu oris ejus omnis virtus eorum. Cælorum ergo virtus de Spiritu sumpta est: quia mundi hujus potestatibus contraire non præsumerent, nisi eos sancti Spiritus fortitudo solidasset. Quales namque Doctores sanctæ Ecclesiæ ante adventum hujus Spiritus fuerint, scimus: et post adventum illius, cujus fortitudinis facti sint, conspiciamus.

*℟.* Beati estis cum maledixerint vobis homines, et persecuti vos fuerint, et dixerint omne malum adversum vos, mentientes, propter me: \* Gaudete et exultate, quoniam merces vestra copiosa est in cælis. *℣.* Cum vos oderint homines, et cum separaverint vos, et exprobraverint, et ejecerint nomen vestrum tamquam malum propter Filium hominis. Gaudete.

*Bened.* Ignem sui amoris.

## Lectio vj.

**C**ERTE iste ipse pastor Ecclesiæ, ad cujus sacratissimum corpus sedemus, quantæ debilitatis, quantæque formidinis ante adventum Spiritus fuerit, ancilla ostiaria requisita dicat. Una enim mulieris voce percussus, dum mori timuit, vitæ negavit. Et pensandum, quia eum comprehensum Petrus negavit in terra, quem suspensum latro confessus est in cruce. Sed vir iste tantæ formidinis, qualis post adventum Spiritus existat, audiamus. Fit conventus magistratus atque seniorum, cæsis denuntiatur Apostolis, ne in nomine Jesu loqui debeant. Petrus magna auctoritate respondet: Obedire oportet Deo magis quam hominibus.

*℟.* Isti sunt triumphatores, et amici

Dei, qui contemnentes jussa principum, meruerunt præmia æterna: \* Modo coronantur, et accipiunt palmam. *℣.* Isti sunt qui venerunt ex magna tribulatione, et laverunt stolas suas in sanguine Agni. *Modo. Gloria. Modo.*

## IN III. NOCTURNO.

*Ant.* Exaltabuntur cornua justî, alleluia.

## Psalmus 74.

**C**ONFITEBIMUR tibi, Deus: \* confitebimur, et invocabimus nomen tuum.

Narrabimus mirabilia tua. \* cum accepero tempus, ego justitias judicabo.

Liquefacta est terra, et omnes qui habitant in ea: \* ego confirmavi columnas ejus.

Dixi iniquis: Nolite inique agere: \* et delinquentibus: Nolite exaltare cornu.

Nolite extollere in altum cornu vestrum: \* nolite loqui adversus Deum iniquitatem.

Quia neque ab Oriente, neque ab Occidente, neque a desertis montibus: \* quoniam Deus judex est.

Nunc humiliat, et hunc exaltat: \* quia calix in manu Domini vini meri plenus misto.

Et inclinavit ex hoc in hoc: verumtamen sax ejus non est exinanita: \* bibent omnes peccatores terræ.

Ego autem annuntiabo in sæculum: \* cantabo Deo Jacob.

Et omnia cornua peccatorum confringam: \* et exaltabuntur cornua justî.

*Ant.* Exaltabuntur cornua justî, alleluia.

*Ant.* Lux orta est justo, alleluia: rectis corde lætitia, allel.

## Psalmus 96.

**D**OMINUS regnavit, exultet terra: \* lætentur insulæ multæ.

Nubes et caligo in circuitu ejus: \* justitia et judicium correctio sedis ejus.

Ignis ante ipsum præcedet, \* et inflammabit in circuitu inimicos ejus.

Illuxerunt fulgura ejus orbi terræ : \* vidit , et commota est terra.

Montes sicut cera fluxerunt a facie Domini , \* a facie Domini omnis terra.

Annuntiaverunt cæli justitiæ ejus : \* et viderunt omnes populi gloriam ejus.

Confundantur omnes qui adorant sculptilia : \* et qui gloriantur in simulacris suis.

Adorate eum , omnes Angeli ejus : \* iudivit , et lætata est Sion.

Et exultaverunt filiæ Judæ , \* propter judicia tua , Domine.

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum , odite malum , \* custodit Dominus animas sanctorum suorum , de manu peccatoris liberabit eos.

Lux orta est justo , \* et rectis corde lætitia.

Lætamini , justi , in Domino : \* et constemini memoriæ sanctificationis ejus.

*Ant.* Lux orta est justo , alleluia : rectis corde lætitia , alleluia.

*Ant.* Custodiebant testimonia ejus , et præcepta ejus , alleluia.

### Psalmus 98.

**D**OMINUS regnavit irascantur populi : \* qui sedet super Cherubim , moveatur terra.

Dominus in Sion magnus : \* et excelsus super omnes populos.

Confiteantur nomini tuo magno , quoniam terribile et sanctum est : \* et honor regis judicium diligit.

Tu parasti directiones : \* judicium et justitiam in Jacob tu fecisti.

Exaltate Dominum Deum nostrum , et adorare scabellum pedum ejus : \* quoniam sanctum est.

Moses et Aaron in sacerdotibus ejus : \* et Samuel inter eos , qui invocant nomen ejus.

Invocabant Dominum , et ipse exaudiebat eos : \* in columna nubis loquebatur ad eos.

Custodiebant testimonia ejus , \* et præceptum quod dedit illis.

Domine Deus noster , tu exaudiebas eos : \* Deus , tu propitius fuisti eis et ulciscens in omnes adinventiones eorum.

Exaltate Dominum Deum nostrum , et adorare in monte sancto ejus : \* quoniam sanctus Dominus Deus noster.

*Ant.* Custodiebant testimonia ejus , et præcepta ejus , alleluia.

Ÿ. Nimis honorati sunt amici tui , Deus. Ÿ. Nimis confortatus est principatus eorum. Pater noster.

*Absol.* A vinculis. Ÿ. Jube domne.

*Bened.* Evangelica lectio.

Lectio sancti Evangelii secundum Matthæum.

*Lectio vij. Cap. 19.*

**I**N illo tempore : Dixit Petrus ad Jesum : Ecce nos reliquimus omnia , et secuti sumus te : quid ergo erit nobis ? Et reliqua.

Homilia sancti Hieronymi Presbyteri.

*Lib. 3. in Matth. c. 19.*

**G**RANDIS fiducia : Petrus piscator erat , dives non fuerat , cibos manu et arte quærebat : et tamen loquitur confidenter : Relinquimus omnia. Et quia non sufficit tantum relinquere , jungit quod perfectum est : Et secuti sumus te. Fecimus quod jussisti : quid igitur nobis dabis præmii ? Jesus autem dixit illis : Amen dico vobis , quod vos qui secuti estis me , in regeneratione , cum sederit Filius hominis in sede majestatis suæ , sedebitis et vos super sedes duodecim , judicantes duodecim tribus Israel. Non dixit : Qui reliquistis omnia : hoc enim et Crates fecit philosophus , et multi alii divitias contempserunt ; sed : Qui secuti estis me ; quod proprie Apostolorum est , atque credentium.

Ÿ. Isti sunt qui viventes in carne , plantaverunt Ecclesiam sanguine suo :

Calicem Domini biberunt , et amici Dei facti sunt.

Ÿ. In omnem terram exivit sonus eorum , et in fines orbis terræ verba eorum. Calicem.

*Bened. Cujus , vel Quorum festum colimus.*

*Lectio viij.*

**I**N regeneratione , cum sederit Filius hominis in sede majestatis suæ , quando et mortui de corruptione resurgent incorrupti , sedebitis et vos in solis judicantium , condemnantes duodecim tribus Israel : quia vobis credentibus , illi credere noluerunt. Et omnis qui reliquerit domum , vel fratres , aut sorores , aut patrem , aut matrem , aut uxorem , aut filios , aut agros propter nomen meum , centuplum accipiet , et vitam æternam possidebit. Locus iste cum illa sententia congruit , in qua Salvator loquitur : Non veni pacem mittere , sed gladium. Veni enim separare hominem a patre suo , et matrem a filia , et nurum a socru ; et inimici hominis domestici ejus. Qui ergo propter fidem Christi , et prædicationem Evangelii , omnes affectus contempserint , atque divitias et sæculi voluptates , isti centuplum recipient , et vitam æternam possidebunt.

â. Isti sunt viri sancti , quos elegit Dominus in charitate non ficta , et dedit illis gloriam sempiternam : Quorum doctrina fulget Ecclesia , ut sole luna. γ. Sancti per fidem vicerunt regna , operati sunt justitiam. Quorum. Gloria. Quorum.

*Bened. Ad societatem.*

*Lectio ix.*

**E**X occasione hujus sententiæ quidam introducunt mille annos post resurrectionem , dicentes tunc nobis centuplum omnium rerum , quas dimisimus , et vitam æternam esse reddendam : non intelligentes , quod , si in cæteris digna sit repromissio , in uxoribus appareat turpitudine : ut qui unam pro Domino dimiserit , centum recipiat in futuro. Sensus ergo iste est : Qui carnalia pro Salvatore dimiserit , spiritualia recipiet : quæ comparatione et merito sui ita erunt , quasi si parvo numero centenarius numerus comparetur.

*Te Deum laudamus , p. 12.*

*Ad Laudes.*

*et per Horas , Antiphonæ.*

1. Hoc est præceptum meum , ut diligatis invicem , sicut dilexi vos.

*Psalmi de Laud. Dom. et sic ita reliquis.*

2. Majorem charitatem nemo habet , ut animam suam ponat quis pro amicis suis.

3. Vos amici mei estis , si feceritis quæ præcipio vobis , dicit Dominus.

4. Beati pacifici , beati mundo corde : quoniam ipsi Deum videbunt.

5. In patientia vestra possidebitis animas vestras.

*Capitulum. Ephes. 2.*

**F**RATRES, Jam non estis hospites et advenæ , sed estis cives sanctorum , et domestici Dei : superædificati super fundamentum Apostolorum et Prophetarum , ipso summo angulari lapide Christo Jesu. â. Deo gratias.

**HYMNUS.**

**E**XULTET orbis gaudiis ,  
Cælum resultet laudibus :  
Apostolorum gloriam  
Tellus et astra concinunt.

Vos sæculorum judices ,  
Et vera mundi lumina ,  
Votis precamur cordium ,  
Audite voces supplicum.

Qui templa cæli clauditis  
Serasque verbo solvitis ,  
Nos a reatu noxios  
Solve jubete , quæsumus.

Præcepta quorum protinus  
Languor salusque sentiunt  
Sanate mentes languidas ;  
Augete nos virtutibus.

Ut , cum redibit Arbiter  
In fine Christus sæculi ,  
Nos sempiterni gaudii  
Concedat esse compotes.

Patri , simulque Filio ,  
Tibique , sancte Spiritus ,  
Sicut fuit , sit jugiter



Sæclum per omne gloria. Amen.

†. Annuntiaverunt opera Dei.

¶. Et facta ejus intellexerunt.

*Ad Bened. Ant.* Vos qui reliquistis omnia, et seculi estis me, centuplum accipietis, et vitam æternam possidebitis.

**Ad Tertiam.**

*Capit. Fratres Jam non.*

¶. *br.* In omnem terram, \* Exiit sonus eorum. In omnem. †. Et in fines orbis terræ verba eorum. Exiit. Gloria. In omnem. †. Constitues eos principes super omnem terram. ¶. Memores erunt nominis tui, Domine.

**Ad Sextam.**

*Capitulum. Act. 5.*

**P**ER manus autem Apostolorum fiebant signa et prodigia multa in plebe.

¶. *br.* Constitues eos principes, \* Super omnem terram. Constitues. †. Memores erunt nominis tui, Domine. Super. Gloria. Constitues. †. Nimis honorati sunt amici tui, Deus. ¶. Nimis confortatus est principatus eorum.

**Ad Nonam.**

*Capitulum. Act. 5.*

**I**BANT Apostoli gaudentes a conspectu concilii, quoniam digni habitati sunt pro nomine Jesu contumeliam pati.

¶. *br.* Nimis honorati sunt, \* Amici tui, Deus. Nimis. †. Nimis confortatus est principatus eorum. Amici. Gloria. Nimis.

†. Annuntiaverunt opera Dei.

¶. Et facta ejus intellexerunt.

**In II. Vesperts.**

*Ant.* Juravit Dominus, et non poenitebit eum: Tu es sacerdos in æternum.

**Psalmus 109.**

**D**IXIT Dominus Domino meo: \* Sede a dextris meis:

Donec ponam inimicos tuos, \* scabellum pedum tuorum.

Virgam virtutis tue emittet Domi-

nus ex Sion: \* dominare in medio inimicorum tuorum.

Tecum principium in die virtutis tue in splendoribus sanctorum: \* ex utero ante luciferum genui te.

Juravit Dominus et non poenitebit eum: \* Tu es sacerdos in æternum secundum ordinem Melchisedech.

Dominus a dextris tuis, \* confregit in die iræ sue reges.

Judicabit in nationibus, implebit ruinas: \* conquassabit capita in terra multorum.

De torrente in via bibet: \* propterea exaltabit caput.

*Ant.* Juravit Dominus, et non poenitebit eum: Tu es sacerdos in æternum.

*Ant.* Collocet eum Dominus cum principibus populi sui.

**Psalmus 112.**

**L**AUDATE, pueri, Dominum: \* laudate nomen Domini.

Sit nomen Domini benedictum, \* ex hoc nunc et usque in sæculum.

A solis ortu usque ad occasum, \* laudabile nomen Domini.

Excelsus super omnes gentes dominus, \* et super cælos gloria ejus.

Quis sicut Dominus Deus noster, qui in altis habitat, \* et humilia respicit in cælo et in terra?

Suscitans a terra inopem, \* et de stercore erigens pauperem.

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum lætantem.

*Ant.* Collocet eum Dominus cum principibus populi sui.

*Ant.* Dirupisti, Domine, vincula mea: tibi sacrificabo hostiam laudis.

**Psalmus 113.**

**C**REDIDI, propter quod locutus sum: \* ego autem humiliatus sum nimis.

Ego dixi in excessu meo: \* Omnis homo mendax.

Quid retribuam Domino, \* pro omnibus quæ retribuit mihi?

Calicem salutaris accipiam, \* et nomen Domini invocabo.

Vota mea Domino reddam coram omni populo ejus: \* pretiosa in conspectu Domini mors sanctorum ejus.

❶ Domine, quia ego servus tuus: \* ego servus tuus, et filius ancillæ tuæ.

Dirupisti vincula mea: \* tibi sacrificabo ostiam laudis, et nomen Domini invocabo.

Vota mea Domino reddam in conspectu omnis populi ejus: \* in atriis domus Domini, in medio tui, Jerusalem.

*Ant.* Dirupisti, Domine, vincula mea: tibi sacrificabo hostiam laudis.

*Ant.* Euntes ibant et flebant, mittentes semina sua.

### Psalmus 125.

**I**N convertendo Dominus captivitatem Sion, \* facti sumus sicut consolati.

Tunc repletum est gaudio os nostrum, \* et lingua nostra exultatione.

Tunc dicent inter Gentes: \* Magnificavit Dominus facere cum eis.

Magnificavit Dominus facere nobiscum: \* facti sumus lætantes.

Converte, Domine, captivitatem nostram, \* sicut torrens in Austro.

Qui seminant in lacrymis, \* in exultatione metent.

Euntes ibant et flebant, \* mittentes semina sua.

Venientes autem venient cum exultatione, \* portantes manipulos suos.

*Ant.* Euntes ibant et flebant, mittentes semina sua.

*Ant.* Confortatus est principatus eorum, et honorati sunt amici tui, Deus.

### Psalmus 135.

**D**OMINE, probasti me et cognovisti me: \* tu cognovisti sessionem meam, et resurrectionem meam.

Intellexisti cogitationes meas de longe: \* semitam meam, et funiculum meum investigasti.

Et omnes vias meas prævidisti: \* quia non est sermo in lingua mea.

Ecce, Domine, tu cognovisti omnia

novissima et antiqua: \* tu formasti me, et posuisti super me manum tuam.

Mirabilis facta est scientia tua ex me: \* confortata est, et non potero ad eam.

Quo ibo a spiritu tuo? \* et quo a facie tua fugiam?

Si ascendero in cælum, tu illic es: \* si descendero in infernum, ades.

Si sumpsero pennas meas diluculo, \* et habitavero in extremis maris:

Etenim illuc manus tua deducet me: \* et tenebit me dextera tua.

Et dixi: Forsitan tenebræ conculcabunt me, \* et nox illuminatio mea in deliciis meis.

Quia tenebræ non obscurabuntur a te, et nox sicut dies illuminabitur: \* sicut tenebræ ejus, ita et lumen ejus.

Quia tu possedisti renes meos: \* suscepisti me de utero matris meæ.

Confitebor tibi quia terribiliter magnificatus es, \* mirabilia opera tua, et anima mea cognoscit nimis.

Non est occultatum os meum a te, quod fecisti in occulto: \* et substantia mea in inferioribus terræ.

Imperfectum meum viderunt oculi tui, et in libro tuo omnes scribentur: \* dies formabuntur, et nemo in eis.

Mihi autem nimis honorificati sunt amici tui, Deus: \* nimis confortatus est principatus eorum.

Dinumerabo eos, et super arenam multiplicabuntur: \* exurrexi, et adhuc sum tecum.

Si occideris, Deus, peccatores: \* viri sanguinem, declinate a me:

Quia dicitis in cogitatione: \* Accipient in vanitate civitates tuas.

Nonne qui oderunt te, Domine, oderam? \* et super inimicos tuos tabescebam?

Perfecto odio oderam illos: \* et inimici facti sunt mihi.

Proba me, Deus, et scito cor meum: \* interroga me, et cognosce semitas meas.

Et vide si via iniquitatis in me est: \* et deduc me in via æterna.

*Ant.* Confortatus est principatus eorum, et honorati sunt amici tui, Deus.

*Capit. Fratres Jam non estis.*

*Hymnus Exultet orbis. pag. 8.\**

*Ÿ. Annuntiaverunt opera Dei.*

*Ŗ. Et facta ejus intellexerunt.*

*Ad Magnif. Ant. Estote fortes in bello, et pugnate cum antiquo serpente: et accipietis regnum æternum, alleluia.*

2.<sup>o</sup> ALIÆ LECTIONES

*pro Apostolis.*

IN II. NOCTURNO.

De Expositione sancti Augustini Episcopi super psalmum octogesimum sextum.

*Lectio iv. Ante medium.*

**F**UNDAMENTA ejus in montibus sanctis: diligit Dominus portas Sion. Quare sunt fundamenta Apostoli et Prophetæ? Quia eorum auctoritas portat infirmitatem nostram. Quare sunt portæ? Quia per ipsos intramus ad regnum Dei. Prædicant enim nobis: et cum per ipsos intramus, per Christum intramus. Ipse est enim janua. Et cum dicuntur duodecim portæ Jerusalem, et una porta Christus, et duodecim portæ Christus, quia in duodecim portis Christus: et ideo duodenarius numerus Apostolorum. Sacramentum magnum hujus duodenarii significatio est numeri. Sedebitis, inquit, super duodecim sedes, judicantes duodecim tribus Israel.

*Ŗ. Vidi conjunctos, p. 6.\**

*Lectio v.*

**S**i duodecim sellæ ibi sunt, non est ubi sedeat tertiusdecimus Paulus Apostolus, et non erit quomodo judicet: et ipse se judicaturum dixit, non homines tantum, sed et Angelos. Quos Angelos, nisi apostatas Angelos? Nescitis, inquit, quia Angelos judicabimus? Responderet ergo turba: Quid te jactas judicaturum? ubi sedebis? Duodecim sedes dixit Dominus duodecim Apostolos: unus cecidit Judas, in locum ipsius sanctus Mathias ordinatus est; impletus est duodenarius numerus sedium: primo locum inveni ubi sedeas, et sic te minare judica-

turum. Duodecim ergo sedes quid sibi velint, videamus. Sacramentum est cujusdam universitatis, quia per totum orbem terrarum futura erat Ecclesia: unde vocatur hoc ædificium ad Christi compagem.

*Ŗ. Beati estis, p. 6.\**

*Lectio vj.*

**E**T ideo quia undique venit ad judicandum, duodecim sedes sunt, sicut quia undique intratur in illam civitatem, duodecim portæ sunt. Non solum ergo illi duodecim, et Apostolus Paulus, sed quotquot judicaturi sunt, propter significationem universitatis ad sedes duodecim pertinent: quemadmodum quotquot intrabunt, ad duodecim portas pertinent. Partes enim mundi quatuor sunt, Oriens, Occidens, Aquilo, et Meridies. Istæ quatuor partes assidue nominantur in Scripturis. Ab istis quatuor ventis, sicut dicit Dominus in Evangelio, a quatuor ventis se collecturum electos suos; ab omnibus ergo istis quatuor ventis vocatur Ecclesia. Quomodo vocatur? Undique in Trinitate vocatur. Non vocatur nisi per baptismum, in nomine Patris, et Filii, et Spiritus sancti. Quatuor ergo ter ducta duodecim inveniuntur.

*Ŗ. Isti sunt triumphatores, p. 6.\**

IN III. NOCTURNO.

Lectio sancti Evangelii secundum Matthæum.

*Lectio vij. Cap. 19.*

**I**n illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia venerabilis Bedæ Presbyteri.

*Homilia in Natali S. Benedicti.*

**P**ERFECTUS ille est, qui abiens vendit omnia quæ habet, et dat pauperibus, ac veniens sequitur Christum: habebit enim thesaurum non deficientem in cœlis. Unde bene, interrogante Petro, dixit talibus Jesus: Amen dico vobis, quod vos qui se-



culi estis me, in regeneratione, cum sederit Filius hominis in sede maiestatis suæ, sedebitis et vos super sedes duodecim, judicantes duodecim tribus Israel. In hac quippe vita pro ejus nomine laborantes, in alia præmium sperare docuit: id est, in regeneratione; cum videlicet in vitam immortalem fuerimus resurgendo regenerati, qui in vitam caducam mortaliter eramus geniti.

¶ Isti sunt, qui, p. 7.\*

*Lectio viij.*

**E**T justa prorsus retributio, ut qui hic pro Christo humanæ gloriam celsitudinis neglexerunt, illic a Christo iudices glorificati singulariter cum eo assideant, qui a sequendis ejus vestigiis nulla ratione poterant avelli. Nemo autem putet duodecim tantum Apostolos, quia pro Juda prævaricante Mathias electus est, tunc esse iudicatos: sicut nec duodecim solæ sunt tribus Israel iudicandæ: alioquin tribus Levi, quæ tertiadecima est, in iudicata recedet.

¶ Isti sunt viri, p. 7.\*

*Lectio ix.*

**E**T Paulus, qui tertiusdecimus est Apostolus, iudicandi sorte privabitur, cum ipse dicat: Nescitis quoniam Angelos iudicabimus, quanto magis sæcularia? Sciendum namque est omnes, qui ad exemplum Apostolorum sua reliquerunt omnia, et secuti sunt Christum, iudices cum eo venturos, sicut etiam omne mortalium genus esse iudicandum. Quia enim duodenario sæpe numero solet in Scripturis universitas designari; per duodecim sedes Apostolorum, omnium numerositas iudicantium; et per duodecim tribus Israel, universitas eorum qui iudicandi sunt, ostenditur.

#### PRO EVANGELISTIS.

*In I. Noct. Incipit liber Ezechielis Prophetæ ut in Dom. I. Nov.*

#### IN II. NOCTURNO.

*De expositione S. Gregorii Papæ super Ezechielem Prophetam.*

*Homilia 3. lib. 1.*

*Lectio iv.*

**S**ANCTA quatuor animalia, quæ prophetiæ spiritu futura prævidentur, subtili narratione describuntur, cum dicitur: Quatuor facies uni, et quatuor pennæ uni. Quid per faciem, nisi notitia? et quid per pennas, nisi volatus exprimitur? Per faciem quippe unusquisque cognoscitur: per pennas vero in altum avium corpora sublevantur. Facies itaque ad fidem pertinet, penna ad contemplationem. Per fidem namque ab omnipotenti Deo cognoscimur, sicut ipse de suis ovibus dicit: Ego sum pastor bonus, et cognosco oves meas, et cognoscunt me meæ. Qui rursus ait: Ego scio quos elegerim. Per contemplationem vero, qua super nosmetipsos tollimur, quasi in aera levamur.

¶ Vidi conjunctos, p. 5.\*

*Lectio v.*

**Q**UATUOR ergo facies uni sunt: quia si requiras quid Matthæus de incarnatione Domini sentiat; hoc nimirum sentit, quod Marcus, Lucas, et Joannes. Si quæras quid Joannes sentiat; hoc procul dubio quod Lucas, Marcus, et Matthæus. Si quæras quid Marcus; hoc quod Matthæus, Joannes, et Lucas. Si quæras quid Lucas; hoc quod Joannes, Matthæus, et Marcus sentit. Quatuor ergo facies uni sunt: quia notitia fidei, qua cognoscuntur a Deo, ipsa est in uno, quæ est simul in quatuor. Quidquid enim in uno inveneris, hoc in omnibus simul quatuor cognosces.

¶ Beati estis, p. 6.\*

*Lectio vj.*

**E**T quatuor pennæ uni: quia Dei omnipotentis Filium Dominum nostrum Jesum Christum simul omnes concorditer prædicant: et ad divinitatem ejus mentis oculos levantes, penna contemplationis volant. Evangelistarum ergo facies ad humanitatem Domini pertinet, penna ad divinitatem: quia in eum, quem corporeum aspiciunt,

quasi facies intendunt: sed dum hunc esse incircumscriptum atque incorporeum ex divinitate annuntiant, per contemplationis pennam quasi in aera levantur. Quia itaque una est fides incarnationis ejus in omnibus, et par contemplatio divinitatis ejus in singulis, recte nunc dicitur: Quatuor facies uni, et quatuor pennae uni.

¶. Isti sunt triumphatores, p. 6.

IN III. NOCTURNO.

Lectio sancti Evangelii secundum Lucam.

Lectio vij. Cap. 10.

**I**N illo tempore: Designavit Dominus et alios septuaginta duos, et misit illos binos ante faciem suam in omnem civitatem, et locum, quo erat ipse venturus. Et reliqua.

Homilia sancti Gregorii Papae.

Homilia 17 in Evangelia.

**D**OMINUS et Salvator noster, fratres charissimi, aliquando nos sermonibus, aliquando vero operibus admonet. Ipsa etenim facta ejus praecepta sunt: quia dum aliquid tacitus facit, quid agere debeamus innotescit. Ecce enim binos in praedicationem discipulos mittit: quia duo sunt praecepta charitatis, Dei videlicet amor, et proximi: et minus quam inter duos, charitas haberi non potest. Nemo enim proprie ad semetipsum habere charitatem dicitur: sed dilectio in alterum tendit, ut charitas esse possit.

¶. Isti sunt qui, p. 7.

Lectio viij.

**E**CCE enim binos ad praedicandum discipulos Dominus mittit: quatenus hoc nobis tacitus innuat, quia qui charitatem erga alterum non habet, praedicationis officium suscipere nullatenus debet. Bene autem dicitur, quia misit eos ante faciem suam in omnem civitatem et locum, quo erat ipse venturus. Praedicatores enim suos Dominus sequitur: quia praedicatio praevēnit, et tunc ad mentis nostrae habitaculum Dominus venit, quando ver-

ba exhortationis praecurrunt: atque per hoc veritas in mente suscipitur.

¶. Isti sunt viri, p. 8.

Lectio ix.

**H**INC namque eisdem praedicatoribus Isaïas dicit: Parate viam Domini, rectas facite semitas Dei nostri. Hinc filiis Psalmista ait: Iter facite ei, qui ascendit super occasum. Super occasum namque Dominus ascendit: quia unde in passione occubuit, inde majorem suam gloriam resurgendo manifestavit. Super occasum videlicet ascendit: quia mortem, quam pertulit, resurgendo calcavit. Ei ergo, qui ascendit super occasum, iter facimus, cum nos ejus gloriam vestris mentibus praedicamus, ut eas et ipse post veniens, per amoris sui praesentiam illustret.

COMMUNE

UNIUS MARTYRIS

extra tempus Paschale.

In I. Vesperis.

Ant. de Laud. Psalmi de Dom. loco ult. Laudate Dominum omnes gentes.

Capitulum. Jac. I.

**B**EATUS vir, qui suffert tentationem: quoniam cum probatus fuerit, accipiet coronam vitae, quam repromisit Deus diligentibus se.

HYMNUS.

**D**EUS, tuorum militum  
Sors, et corona, praeium,  
Laudes canentes Martyris  
Absolve nexu criminis.

Hic nempe mundi gaudia,  
Et blanda fraudum pabula  
Imbuta felle deputans  
Pervenit ad caelestia.

Poenas cucurrit fortiter,  
Et sustulit viriliter;  
Fundensque pro te sanguinem,  
Aeterna dona possidet.

Ob hoc precatu supplici  
Te poscimus, piissime,  
In hoc triumpho Martyris  
Dimitte noxam servulis.

**Laus et perennis gloria**  
Patri sit, atque Filio,  
Sancto simul Paraclito  
In sempiterna sæcula. Amen.

ŷ. Gloria et honore coronasti eum,  
Domine. a. Et constituisti eum super  
opera manuum tuarum.

. *Ad Magnif. Ant.* Iste sanctus pro  
lege Dei sui certavit usque ad mortem,  
et a verbis impiorum non timuit: fun-  
datus enim erat supra firmam petram.

*Pro Martyre et Pontif. Oratio.*

**I**NFIRMITATEM nostram respi-  
ce, omnipotens Deus, et quia pon-  
dus propriæ actionis gravat, beati N.  
Martyris tui atque Pontificis interces-  
sio gloriosa nos protegat. Per Domi-  
num.

*Alia Oratio.*

**D**EUS, qui nos beati N. Martyris  
tui atque Pontificis annua sole-  
mnitate lætificas, concede propitius, ut  
cujus natalitia colimus, de ejusdem  
etiam protectione gaudeamus. Per Do-  
minum.

*Pro Martyre tantum. Oratio.*

**P**RÆSTA, quæsumus, omnipotens  
Deus, ut qui beati N. Martyris  
tui natalitia colimus, intercessionem  
ejus in tui nominis amore robaremur.  
Per Dominum.

*Alia Oratio.*

**P**RÆSTA, quæsumus, omnipo-  
tens Deus, ut, intercedente beato  
N. Martyre tuo, et a cunctis adversi-  
tatibus liberemur in corpore, et a pra-  
vis cogitationibus mundemur in mente  
Per Dominum.

*Ad Matutinum.*

*Invit.* Regem Martyrum Dominum,  
Venite adoremus.

*Psalm.* Venite. p. I.

*Hymnus ut supra.*

IN I. NOCTURNO.

*Ant.* In lege Domini fuit voluntas  
ejus die ac nocte.

## Psalmus 1.

**B**EATUS vir qui non abiit in con-  
silio impiorum, et in via pec-  
catorum non stetit, \* et in cathedra  
pestilentiae non sedit:

Sed in lege Domini voluntas ejus,\*  
et in lege ejus meditabitur die ac nocte.

Et erit tamquam lignum, quod plan-  
tatum est secus decursus aquarum, \*  
quod fructum suum dabit in tempo-  
re suo:

Et folium ejus non defluet: \* et omnia  
quaecumque faciet, prosperabuntur.

Non sic impii, non sic: \* sed tan-  
quam pulvis, quem projicit ventus a  
facie terræ.

Ideo non resurgent impii in iudicio: \*  
neque peccatores in concilio justorum.

Quoniam novit Dominus viam ju-  
storum: \* et iter impiorum peribit.

*Ant.* In lege Domini fuit voluntas  
ejus die ac nocte.

*Ant.* Prædicans præceptum Domi-  
ni, constitutus est in monte sancto  
ejus.

## Psalmus 2.

**Q**UARE fremuerunt gentes, \* et  
populi meditati sunt inania?

Astiterunt reges terræ, et prin-  
cipes convenerunt in unum \* adversus  
Dominum, et adversus Christum ejus.

Dirumpamus vincula eorum: \* et  
projiciamus a nobis jugum ipsorum.

Qui habitat in cælis, irridebit eos: \*  
et Dominus subsannabit eos.

Tunc loquetur ad eos in ira sua: \*  
et in furore suo conturbabit eos.

Ego autem constitutus sum Rex ab  
eo super Sion montem sanctum ejus: \*  
prædicans præceptum ejus.

Dominus dixit ad me: \* Filius meus  
es tu, ego hodie genui te.

Postula a me, et dabo tibi gentes  
hæreditatem tuam, \* et possessionem  
tuam terminos terræ.

Reges eos in virga ferrea, \* et tam-  
quam vas figuli confringes eos.

Et nunc, reges, intelligite: \* eru-  
dimini, qui judicatis terram.



Servite Domino in timore : \* et exultate ei cum tremore.

Apprehendite disciplinam, nequando irascatur Dominus , \* et pereatis de via justa.

Cum exarserit in brevi ira ejus,\* beati omnes qui confidunt in eo.

*Ant.* Prædicans præceptum Domini, constitutus est in monte sancto ejus.

*Ant.* Voce mea ad Dominum clamavi et exaudivit me de monte sancto suo.

**Psalmus 3.**

**D**OMINE , quid multiplicati sunt qui tribulant me ? \* multi insurgunt adversum me.

Multi dicunt animæ meæ : \* Non est salus ipsi in Deo ejus.

Tu autem, Domine, susceptor meus es , \* gloria mea , et exaltans caput meum.

Voce mea ad Dominum clamavi : \* et exaudivit me de monte sancto suo.

Ego dormivi , et soporatus sum : \* et exurrexi , quia Dominus suscepit me.

Non timebo millia populi circumdantis me : \* exurge , Domine , salvum me fac , Deus meus.

Quoniam tu percussisti omnes adversantes mihi sine causa : \* dentes peccatorum contrivisti.

Domini est salus : \* et super populum tuum benedictio tua.

*Ant.* Voce mea ad Dominum clamavi, et exaudivit me de monte sancto suo.

†. Gloria et honore coronasti eum , Domine. ⁊. Et constituisti eum super opera manuum tuarum. Pater noster.

*Absol.* Exaudi. ⁊. Jube, domne.

*Bened.* Benedictione perpetua.

*Lectiones seq. j Noct. leguntur in festo Mart. et Pontif. in festo autem Mart. non Pontif. leguntur quæ inferius positæ sunt in Comuni plur. Martyr. Fratres debitores.*

De Actibus Apostolorum.

*Lectio j. Cap. 10.*

**A**MILETO Paulus mittens Ephesum , vocavit majores natu Ec-

clesiæ. Qui cum venissent ad eum , et simul essent , dixit eis: Vos scitis a prima die , qua ingressus sum in Asiam , qualiter vobiscum per omne tempus fuerim, serviens Domino cum omni humilitate, et lacrymis, et temptationibus , quæ mihi acciderunt ex insidiis Judæorum: quomodo nihil subtraxerim utilium , quo minus annuntiarem vobis, et docerem vos publice et per domos , testificans Jidæis atque Gentilibus in Deum pœnitentiam, et fidem in Dominum nostrum Jesum Christum. Et nunc ecce alligatus ego Spiritu vado in Jerusalem, quæ in caventura sint mihi ignorans; nisi quod Spiritus sanctus per omnes civitates mihi protestatur , dicens , quoniam vincula et tribulationes Jerosolymis me manent. Sed nihil horum verior, nec facio animam meam pretiosiore quam me : dummodo consummem cursum meum , et ministerium verbi , quod accepi a Domino Jesu, testificari Evangelium gratiæ Dei.

⁊. Iste sanctus pro lege Dei sui certavit usque ad mortem , et a verbis implorum non timuit : \* Fundatus enim erat supra firmam petram. ⁊. Iste est qui contempsit vitam mundi, et pervenit ad cœlestia regna. Fundatus.

*Bened.* Unigenitus Dei Filius.

*Lectio ij.*

**E**T nunc ecce ego scio , quia amplius non videbitis faciem meam vos omnes , per quos transivi prædicans regnum Dei. Quapropter contestor vos hodierna die , quia mundus sum a sanguine omnium. Non enim subterfugi , quo minus annuntiarem omne consilium Dei vobis. Attendite vobis et universo gregi , in quo vos Spiritus sanctus posuit Episcopos regere Ecclesiam Dei , quam acquisivit sanguine suo. Ego scio quoniam intrabunt post discessionem meam lupi rapaces in vos , non parcentes gregi ; et ex vobis ipsis exurgent viri loquentes perversa, ut abducant discipulos post se. Propter quod vigilate , memoria retinentes, quoniam per triennium nocte

et die non cessavi, cum lacrymis monens unumquemque vestrum.

*ñ.* Justus germinabit sicut lilium: \* Et florebit in æternum ante Dominum.

*ŷ.* Plantatus in domo Domini, in atrii domus Dei nostri. Et florebit.

*Bened.* Spiritus sancti gratia.

*Lectio iij.*

**E**T nunc commendo vos Deo, et verbo gratiæ ipsius, qui potens est ædificare, et dare hæreditatem in sanctificatis omnibus. Argentum et aurum, aut vestem nullius concupivi, sicut ipsi scitis: quoniam ad ea, quæ mihi opus erant, et his qui mecum sunt, ministraverunt manus istæ. (Imnia ostendi vobis, quoniam sic laborantes, oportet suscipere infirmos, ac meminisse verbi Domini Jesu, quoniam ipse dixit: Beatius est magis dare, quam accipere. Et cum hæc dixisset, positis genibus suis oravit cum omnibus illis. Magnus autem fletus factus est omnium, et procumbentes super collum Pauli, osculabantur eum, dolentes maxime in verbo quod dixerat, quoniam amplius faciem ejus non essent visuri. Et deducebant eum ad navem.

*ñ.* Iste cognovit justitiam, et vidit mirabilia magna, et exoravit Altissimum: \* Et inventus est in numero sanctorum. *ŷ.* Iste est qui contempsit vitam mundi, et pervenit ad cælestia regna. Et inventus. Gloria. Et inventus.

## IN II. NOCTURNO.

*Ant.* Filii hominum, scitote quia Dominus sanctum suum mirificavit.

### Psalmus 4.

**C**UM invocarem, exaudivit me Deus justitiæ meæ: \* in tribulatione dilatasti mihi.

Miserere mei, \* et exaudi orationem meam.

Filii hominum, usquequo gravi corde? \* ut quid diligitis vanitatem, et quæritis mendacium?

Et scitote quoniam mirificavit Dominus sanctum suum: \* Dominus ex-

audiet me, cum clamavero ad eum.

Irascimini, et nolite peccare: \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. \* Multi dicunt: Quis ostendit nobis bona?

Signatum est super nos lumen vultus tui, Domine: \* dedisti lætitiā in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam.

Quoniam tu, Domine, singulariter in spe \* constituisti me.

*Ant.* Filii hominum, scitote quia Dominus sanctum suum mirificavit.

*Ant.* Scuto bonæ voluntatis tuæ coronasti eum, Domine.

### Psalmus 5.

**V**ERBA mea auribus percipe, Domine, \* intellige clamorem meum.

Intende voci orationis meæ, \* Rex meus, et Deus meus.

Quoniam ad te orabo., \* Domine, mane exaudies vocem meam.

Mane astabo tibi, et videbo: \* quoniam non Deus volens iniquitatem tu es.

Neque habitabit juxta te malignus: \* neque permanebunt injusti ante oculos tuos.

Odisti omnes, qui operantur iniquitatem: \* perdes omnes, qui loquuntur mendacium.

Virum sanguinum et dolosum abominabitur Dominus: \* ego autem in multitudine misericordiæ tuæ.

Introibo in domum tuam: \* adorabo ad templum sanctum tuum in timore tuo.

Domine, deduc me in justitiā tuā: \* propter inimicos meos dirige in conspectu tuo viam meam.

Quoniam non est in ore eorum veritas: \* cor eorum vanum est.

Sepulchrum patens est guttur eorum: linguis suis dolose agebant: \* judica illos, Deus.

Decidant a cogitationibus suis, secundum multitudinem impietatum eo-

rum expelle eos: \* quoniam irritaverunt te, Domine.

Et lætentur omnes, qui sperant in te: \* in æternum exultabunt, et habitabis in eis.

Et gloriabuntur in te omnes, qui diligunt nomen tuum: \* quoniam tu benedices justo.

Domine, ut scuto bonæ voluntatis tuæ \* coronasti nos.

*Ant.* Scuto bonæ voluntatis tuæ coronasti eum, Domine.

*Ant.* In universa terra gloria et honore coronasti eum.

### Psalmus 8.

**D**OMINE Dominus noster, \* quam admirabile est nomen tuum in universa terra!

Quoniam elevata est magnificentia tua \* super cælos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quoniam videbo cælos tuos, opera digitorum tuorum: \* lunam et stellas, quæ tu fundasti.

Quid est homo, quod memor es ejus? \* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum, \* et constituisti eum super opera manuum tuarum.

Omnia subiecisti sub pedibus ejus, \* oves et boves universas, insuper et pecora campi.

Volucres cæli, et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

*Ant.* In universa terra gloria et honore coronasti eum.

ŷ. Posuisti, Domine, super caput ejus. â. Coronam de lapide pretioso. Pater noster.

*Absol.* Ipsius. ŷ. Jube domne.

*Bened.* Deus Pater omnipotens.

Sermo S. Augustini Episcopi.

Sermone 44 de Sanctis.

COMMUN. SS.

### Lectio iv.

**T**RIUMPHALIS beati martyris N. dies hodie nobis anniversaria celebritate recurrit: ejus glorificationi sicut congaudet Ecclesia, sic ejus proponit sequenda vestigia. Si enim compatimur, et conglorificabimur. In ejus glorioso agone duo nobis præcipue consideranda sunt: indurata videlicet tortoris sævitia, et Martyris invicta patientia: sævitia tortoris, ut eam detestemur; patientia Martyris, ut eam imitemur. Audi Psalmistam adversus malitiam increpantem: Noli æmulari in malignantibus; quoniam tamquam fœnum velociter arescent. Quod autem adversus malignantes patientia exhibenda sit, audi Apostolum suadentem: Patientia vobis necessaria est, ut reportetis promissiones.

â. Honestum fecit illum Dominus, et custodivit eum ab inimicis, et a seductoribus tutavit illum: \* Et dedit illi claritatem æternam. ŷ. Descenditque cum illo in foveam, et in vinculis non dereliquit eum. Et dedit.

*Bened.* Christus perpetuus.

### Lectio v.

**C**ORONATA itaque est beati Martyris patientia, mancipata est æternis cruciatibus tortoris incorrecta malitia. Hoc attendens in agone suo gloriosus Christi athleta, non exhorruit carcerem. Ad imitationem capitis sui toleravit probra, sustinuit irrisiones, flagella non timuit: et quot ante mortem pro Christo pertulit supplicia, tot ei de se obtulit sacrificia. Quod enim propinante Apostolo biberat, alte retinebat: Quia non sunt condignæ passionibus hujus temporis ad futuram gloriam, quæ revelabitur in nobis: Et quia momentaneum hoc et leve nostræ tribulationis æternum gloriæ pondus operatur in cælis. Hujus promissionis amore a terrenis suspensus, et prægustata supernæ suavitatis dulcedine ineffabiliter affectus, dicebat cum Psalmista: quid mihi est in

B



cælo, et a te quid volui super terram? Defecit caro mea, et cor meum: Deus cordis mei, et pars mea Deus in æternum.

*ñ.* Desiderium animæ ejus tribuisti ei, Domine, \* Et voluntate labiorum ejus non fraudasti eum. *ŷ.* Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et voluntate.

*Bened.* Ignem sui amoris.

*Lectio vj.*

**C**ONTEMPLABATUR enim, quantum in ænigmate infirmitas humana oculum mentis in æternitate figere potest, quanta sint supernæ civitatis gaudia: et ea enarrare non sufficiens, admirando clamabat: Quid mihi est in cælo? Quasi diceret: Excedit vires meas, excedit facultatem eloquentiæ meæ, transcendit capacitatem intelligentiæ meæ illud decus, illa gloria, illa celsitudo, qua nobis a conturbatione hominum remotis, in abscondito faciei suæ Jesus Christus Dominus noster reformabit corpus humilitatis nostræ, configuratum corpori claritatis suæ. Hujus perfectæ libertatis contemplatione nullum vitabat periculum, nullum horrebat supplicium: et si millies posset mori, non putabat se hanc digne posse aliqua ratione promereri.

*ñ.* Stola jucunditatis induit eum Dominus: \* Et coronam pulchritudinis posuit super caput ejus. *ŷ.* Cibavit illum Dominus pane vitæ et intellectus, et aqua sapientiæ salutaris potavit illum. Et coronam. Gloria. Et coronam.

### IN III. NOCTURNO.

*Ant.* Justus Dominus, et justitiam dilexit: æquitatem vidit vultus ejus.

### Psalmus 10.

**I**N Domino confido; quomodo dicitis animæ meæ: \* Transmigre in montem sicut passer?

Quoniam ecce peccatores intendunt arcum, paraverunt sagittas suas

in phàretra, \* ut sagittent in obscuro rectos corde.

Quoniam quæ perfecisti, destruxerunt: \* justus autem quid fecit?

Dominus in templo sancto suo: \* Dominus in cælo sedes ejus.

Oculi ejus in pauperem respiciunt: \* palpebræ ejus interrogant filios hominum.

Dominus interrogat justum et impium: \* qui autem diligit iniquitatem, odit animam suam.

Pluet super peccatores laqueos: \* ignis, et sulphur, et spiritus procellarum pars calicis eorum.

Quoniam justus Dominus, et justitias dilexit: \* æquitatem vidit vultus ejus.

*Ant.* Justus Dominus, et justitiam dilexit: æquitatem vidit vultus ejus.

*Ant.* Habitabit in tabernaculo tuo, requiescet in monte sancto tuo.

### Psalmus 11.

**D**OMINE, quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam:

Qui loquitur veritatem in corde suo, \* qui non egit dolum in lingua sua:

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus: \* timentes autem Dominum glorificat:

Qui jurat proximo suo, et non decipit, \* qui pecuniam suam non dedit ad usuram, et munera super innocentem non accepit.

Qui facit hæc, \* non movebitur in æternum.

*Ant.* Habitabit in tabernaculo tuo, requiescet in monte sancto tuo.

*Ant.* Posuisti, Domine, super caput ejus coronam de lapide pretioso.

### Psalmus 20.

**D**OMINE, in virtute tua lætabitur rex: \* et super salutare tuum exultabit vehementer.

**Desiderium cordis ejus tribuisti ei: et voluntate labiorum ejus non fraudasti eum.**

**Quoniam praevenisti eum in benedictionibus dulcedinis: et posuisti in capite ejus coronam de lapide pretioso.**

**Vitam petiit a te, et tribuisti ei longitudinem dierum in saeculum, et in saeculum saeculi.**

**Magna est gloria ejus in salutari tuo: et gloriam et magnum decorem impones super eum.**

**Quoniam dabis eum in benedictionem in saeculum saeculi: et laetificabis eum in gaudio cum vultu tuo.**

**Quoniam rex sperat in Domino, et in misericordia Altissimi, non commovebitur.**

**Inveniat manus tua omnibus inimicis tuis: et dextera tua inveniat omnes, qui te oderunt.**

**Pones eos ut clibanum ignis in tempore vultus tui: et Dominus in ira sua conturbabit eos, et devorabit eos ignis.**

**Fructum eorum de terra perdes, et semen eorum a filiis hominum.**

**Quoniam declinaverunt in te mala: cogitaverunt consilia, quae non poterunt stabilire.**

**Quoniam pones eos dorsum: et in reliquiis tuis praeprabis vultum eorum.**

**Exaltare, Domine, in virtute tua: cantabimus et psallemus virtutes tuas.**

**Ant. Posuisti, Domine, super caput ejus coronam de lapide pretioso.**

**Ps. Magna est gloria ejus in salutari tuo. A. Gloriam et magnum decorem impones super eum. Pater noster.**

**Absol. A. vinculis. Ps. Jube, domne.**

**Bened. Evangelica lectio.**

**Lectio sancti Evangelii secundum Lucam.**

**Lectio vij. Cap. 14.**

**I**n illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et so-

rores, adhuc autem et animam suam, non potest meus esse discipulus. Et reliqua.

**Homilia sancti Gregorii Papae.**

**Homilia 17 in Evangelia.**

**S**i consideremus, fratres charissimi, quae et quanta sunt quae nobis promittuntur in coelis, vilescunt animo omnia, quae habentur in terris. Terrena namque substantia supernae felicitati comparata, pondus est, non subsidium. Temporalis vita aeternae vitae comparata, mors est potius dicenda, quam vita. Ipse enim quotidianus defectus corruptionis quid est aliud, quam quaedam prolixitas mortis? Quae autem lingua dicere, vel quis intellectus capere sufficit, illa supernae civitatis quanta sint gaudia: Angelorum choris interesse, cum beatissimis spiritibus gloriae Conditoris assistere, praesentem Dei vultum cernere, incircumscriptum lumen videre, nullo mortis metu affici, incorruptionis perpetuae munere laetari?

**A. Corona aurea super caput ejus. Expressa signo sanctitatis, gloria honoris, et opus fortitudinis. Ps. Quoniam praevenisti eum in benedictionibus dulcedinis, posuisti in capite ejus coronam de lapide pretioso—Expressa.**

**Bened. Cujus festum.**

**Lectio viij.**

**S**ED ad haec audita inardescit animus: jamque illic cupit assistere, ubi se sperat sine fine gaudere. Sed ad magna praemia perveniri non potest, nisi per magnos labores. Unde et Paulus egregius praedicator dicit: Non coronabitur, nisi qui legitime certaverit. Delectet ergo mentem magnitudo praemiorum, sed non deterreat certamen laborum. Unde ad se venientibus Veritas dicit: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus.

**A. Hic est vere martyr, qui pro Christi nomine sanguinem suum fudit:\***

Qui minas iudicium non timuit, nec terrenæ dignitatis gloriam quæsit, sed ad cœlestia regna pervenit. *ŷ.* Iustum deduxit Dominus per vias rectas, et ostendit illi regnum Dei. **Qui. Gloria. Qui.**

*Sequens a. dicitur ult. loco in festis sex SS. Martyrum Pont. Eusebii, Marcelli, Joannis, Silverii, Martini, et Pontiani. a.* Domine, prævenisti eum in benedictionibus dulcedinis: \* Posuisti in capite ejus coronam de lapide pretioso. *ŷ.* Vitam petiit a te, et tribuisti ei longitudinem dierum in sæculum sæculi. **Posuisti. Gloria. Posuisti.**

*Bened. Ad societatem.*

*Lectio ix.*

**S**ED percontari libet, quomodo parentes, et carnaliter propinquos præcipimur odisse, qui jubemur et inimicos diligere? Et certe Veritas de uxore dicit: Quod Deus conjunxit, homo non separet. Et Paulus ait: Viri, diligite uxores vestras sicut et Christus Ecclesiam. Ecce discipulus uxorem diligendam prædicat, cum magister dicat: Qui uxorem non odit, non potest meus esse discipulus. Numquid aliud iudex nuntiat, aliud præco clamat? An simul et odisse possumus, et diligere? Sed si vim præcepti perpendimus, utrumque agere per discretionem valemus: ut uxorem, et eos, qui nobis carnis cognatione conjuncti sunt, et quos proximos novimus, diligamus: et quos adversarios in via Dei patimur, odiendo et fugiendo nesciamus.

**Te Deum laudamus, p. 12.**

**Ad Laudes.**

*et per Horas, Antiphonæ.*

1. **QUI** me confessus fuerit coram hominibus, confitebor et ego cum coram Patre meo.

2. **Qui** sequitur me, non ambulat in tenebris, sed habebit lumen vitæ, dicit Dominus.

3. **Qui** mihi ministrat, me se-

quatur: et ubi ego sum, illic sit et minister meus.

4. **Si** quis mihi ministraverit, honorificabit eum Pater meus, qui est in cœlis, dicit Dominus.

5. **Volo**, Pater, ut ubi ego sum, illic sit et minister meus.

*Capitulum. Jac. 1.*

**BEATUS** vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se,

**HYMNUS.**

**INVICTE** Martyr, unicum Patris secutus Filium, Victis triumphas hostibus, Victor fruens cœlestibus.

Tui precatus munere Nostrum reatum dilue, Arcens mali contagium, Vitæ repellens tædium.

Soluta sunt jam vincula Tui sacrati corporis: Nos solve vinclis sæculi, Dono superni Numinis.

Deo Patri sit gloria, Ejusque soli Filio, Cum Spiritu Paraclito, Nunc et per omne sæculum. Amen.

*ŷ.* Justus ut palma florebit. *a.* Sicut cedrus Libani multiplicabitur.

*Ad Bened. Ant.* Qui odit animam suam in hoc mundo, in vitam æternam custodit eam.

*Pro Martyre et Pontifice. Oratio.*

**INFIRMITATEM** nostram respice, omnipotens Deus, et quia pondus propriæ actionis gravat, beati N. Martyris tui atque Pontificis intercessio gloriosa nos protegat. Per Dominum.

*Alia Oratio*

**DEUS**, qui nos beati N. Martyris tui atque Pontificis annua solemnitate lætificas, concede propitius; ut cujus natalitia colimus, de ejusdem etiam protectione gaudeamus. Per Dominum.



*Pro martyre tantum. Oratio.*

**P**RÆSTA, quæsumus, omnipotens Deus, ut qui beati N. Martyris tui natalitia colimus, intercessionem ejus in tui nominis amore robaremur. Per Dominum.

*Alia Oratio.*

**P**RÆSTA, quæsumus, omnipotens Deus, ut, intercedente beato N. Martyre tuo, et a cunctis adversitatibus liberemur in corpore, et a pravis cogitationibus mundemur in mente. Per Dominum.

*Ad Tertiam.*

*Capit. Beatus vir, ut supra.*

ñ. br. Gloria et honore \* Coronasti eum, Domine. Gloria et honore. ÿ. Et constituisti eum super opera manuum tuarum. Coronasti. Gloria. Gloria et honore. ÿ. Posuisti, Domine, super caput ejus. ñ. Coronam de lapide pretioso.

*Ad Sextam.*

*Capitulum. Eccli. 15.*

**C**IBAVIT illum pane vitæ et intellexit, et aqua sapientiæ salutaris potavit illum Dominus Deus noster.

ñ. br. Posuisti, Domine, \* Super caput ejus. Posuisti ÿ. Coronam de lapide pretioso. Super. Gloria. Posuisti. ÿ. Magna est gloria ejus in salutari tuo. ñ. Gloriam et magnum decorem impones super eum.

*Ad Nonam.*

*Capitulum. Eccli. 30.*

**J**USTUS cor suum tradidit ad vigilandum diluculo ad Dominum, qui fecit illum, et in conspectu Altissimi deprecabitur.

ñ. br. Magna est gloria ejus \* In salutari tuo. Magna est. ÿ. Gloriam et magnum decorem impones super eum. In salutari. Gloria. Magna est. ÿ. Justus ut palma florebit. ñ. Sicut cedrus Libani multiplicabitur.

*In II. Vespertis.*

*Ant. de Laud. Psalmi de Dom. loco ult. Credidi, p. 88.*

*Capit. et hymnus ut in I. Vesp.*

ÿ. Justus ut palma florebit. ñ. Sicut cedrus Libani multiplicabitur.

*Ad Magnif. Ant. Qui vult venire post me, abneget semetipsum, et tollat crucem suam, et sequatur me.*

**2.º ALIÆ LLECTIONES**

*pro uno Martyre.*

**IN II. NOCTURNO.**

De expositione sancti Ambrosii Episcopi in psalmum centesimum decimum octavum.

*Serm. 21. Lectio iv.*

**P**RINCIPES persecuti sunt me gratis, et a verbis tuis trepidavit cor meum. Bene hoc Martyr dicit, quod injuste persecutionum tormenta sustineat, qui nihil rapuerit, nullum violentus oppresserit, nullius sanguinem fuderit, nullius torum putaverit esse violandum: qui nihil legibus debeat, et graviora latronum sustinere cogatur supplicia: qui loquatur juste, et non audiat: qui loquatur plena salutis, et impugnetur; ut possit dicere: Cum loquebar illis, impugnabant me gratis. Gratis igitur persecutionem patitur, qui impugnatur sine crimine, impugnatur ut noxius, cum sit et tali confessione laudabilis: impugnatur quasi veneficus, qui in nomine Domini gloriatur, cum pietas virtutum omnium fundamentum sit.

ñ. Monestum fecit, p. 17 \*.

*Lectio v.*

**V**ERE frustra impugnatur, qui apud impios et infidos impietatis arcessitur, cum fidei sit magister. Verum qui gratis impugnatur, fortis debet esse et constans. Quomodo ergo subtexuit: Et a verbis tuis trepidavit cor meum? Trepidare infirmitatis est, timoris atque formidinis. Sed est etiam timor sanctorum. Timete Dominum, omnes sancti ejus: et, Beatus vir qui timet Dominum. Qua ratione beatus? Quia in mandatis ejus cupit nimis.

ñ. Desiderium, p. 18 \*

*Lectio vj.*

**P**ONE ergo Martyrem inter pericula constitutum, cum inde immanitas bestiarum ad incutiendum terrorem infremat, aliunde stridor candentium laminarum, et flamma fornacis ardentis exæstuet, ex parte alia personent tractus gravium catenarum, hinc carnifex cruentus assistat: pone, inquam, circumspectantem omnia plena suppliciiis, deinde cogitantem mandata divina, illum ignem perpetuum, illud sine fine incendium perfidorum, illam penæ reerudescantis ærumnam: trepidare corde, ne, dum præsentibus cedat, perpetuis se dedat exitiis: perturbari animo, dum futuri iudicii rhomphæam illam terribilem quadam conspectus specie contuetur. Nonne ad hanc trepidationem fiducia viri constantis, æqualis in eundem concurrat effectum confidentia cupientis æterna, et divina trepidantis?

ñ. Stola iucunditatis, p. 18 \*

## IN III. NOCTURNO.

Lectio sancti Evangelii secundum Matthæum.

*Lectio vij. Cap. 16.*

**I**N illo tempore: Dixit Jesus discipulis suis: Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Gregorii Papæ.

*Homilia 32 in Evangelia.*

**Q**UIA Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis et vitæ contrarietatem opposuit novitatis suæ. Quid enim vetus, quid carnalis homo noverat, nisi sua retinere, aliena rapere, si posset; concupiscere, si non posset? Sed cælestis medicus singulis quibusque vitiis obviantia adhibet medicamenta. Nam sicut arte medicina calida frigidis, frigida calidis curantur, ita Dominus noster contraria opposuit medicamenta peccatis, ut lubricis continentiam, tenacibus lar-

gitem, iracundis mansuetudinem, elatis præciperet humilitatem.

ñ. Corona aurea, p. 19\*.

*Lectio viij.*

**C**ERTE, cum se sequentibus nova mandata proponeret, dixit: Nisi quis renuntiaverit omnibus quæ possidet, non potest meus esse discipulus. Ac si aperte dicat: Qui per vitam veterem aliena concupiscitis, per novæ conversationis studium et vestra largimini. Quid vero in hac lectione dicat, audiamus: Qui vult post me venire, abneget semetipsum. Ibi dicitur, ut abnegemus nostra: hic dicitur, ut abnegemus nos. Et fortasse laboriosum non est homini relinquere sua: sed valde laboriosum est relinquere semetipsum. Minus quippe est abnegare quod habet: valde autem multum est abnegare quod est.

ñ. Hic est vere Martyr, p. 19 \*

*Lectio ix.*

**A**D se autem nobis venientibus Dominus præcepit, ut renuntiemus nostris: quia quicumque ad fidei agonem venimus, luctamen contra malignos spiritus sumimus. Nihil autem maligni spiritus in hoc mundo proprium possident: nudi ergo cum nudis luctari debemus. Nam si vestitus quisque cum nudo luctatur, citius ad terram dejicitur, quia habet unde teneatur. Quid enim sunt terrena omnia, nisi quædam corporis indumenta? Qui ergo contra diabolum ad certamen properat, vestimenta abjiciat ne succumbat.

3.º *Alia Homilia.*

Lectio sancti Evangelii secundum Matthæum.

*Lectio vij. Cap. 10.*

**I**N illo tempore: Dixit Jesus discipulis suis: Nihil est opertum, quod non revelabitur, et occultum, quod non sciatur. Et reliqua.

Homilia S. Hilarii Episcopi.

Comment. in Matth. can. 10. post medium.

**D**OMINUS diem iudicii ostendit, quæ abstrusam voluntatis nostræ

conscientiam prodeat: et ea, quæ nunc occulta existimantur, luce cognitionis publicæ detegat. Igitur non minas, non consilia, non potestates insectantium monet esse metuendas: quia dies iudicii nulla hæc fuisse atque inania revelabit. Et quod dico vobis in tenebris, dicite in lumine: et quod in auro auditis, prædicate super tecta. Non legimus Dominum solitum fuisse noctibus sermocinari, et doctrinam in tenebris tradidisse: sed quia omnis sermo ejus carnalibus tenebræ sunt, et verbum ejus infidelibus nox est.

¶. Corona aurea, p. 19\*.

*Lectio viij.*

**ITAQUE** id, quod a se dictum est, cum libertate fidei et confessionis vult esse loquendum. Idcirco quæ in tenebris dicta sunt, prædicari jussit in lumine: ut quæ secreto aurium commissa sunt, super tecta, id est, excelso loquentium præconio audiantur. Constanter enim Dei ingerenda cognitio est, et profundum doctrinæ Evangelicæ secretum in lumine prædicationis Apostolicæ revelandum: non timentes eos, quibus cum sit licentia in corpora, tamen in animam jus nullum est: sed timentes potius Deum, cui perdendæ in gehenna et animæ et corporis sit potestas.

¶. Sic est vero, p. 19\*.

*Lectio ix.*

**NOLITE** timere eos qui occidunt corpus. Nullus igitur corporum nostrorum casus est pertimescendus, neque ullus interimendæ carnis admittendus est dolor: quando pro naturæ suæ atque originis conditione resoluta, in substantiam spiritualis animæ refundatur. Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adjecit: negaturum se eum Patri in cælis, qui se hominibus in terra negasset; eum porro, qui confessus coram hominibus se fuisset, a se in cælis confitendum: qualesque nos nominis sui

testes hominibus fuisset, tali nos apud Deum Patrem testimonio ejus viros.

## COMMUNE

APOSTOLORUM, EVANGELISTARUM,  
unius et plur. Martyr., temp. Pasch.

*In I. Vesperis.*

*Ant. de Laud. Psalmi de Dom.*  
*loco ult. Laudate Dominum omnes*  
*Gentes.*

*Capitulum. Sap. 8.*

**STABUNT** justi in magna constantia adversus eos, qui se angustiauerunt, et qui abstulerunt labores eorum.

## HYMNUS.

*Pro Apostolis et Evangelistis.*

**TRISTES** erant Apostoli  
De Christi acerbo furore,  
Quem morte crudelissima  
Servi necarant impii.

Sermone verax Angelus  
Mulieribus prædixerat:  
Mox ore Christus gaudium  
Gregi feret Fidelium.

Ad anxios Apostolos  
Currunt statim dum nuntius  
Illæ micantis obvia  
Christi tenent vestigia.

Galilææ ad alta montium  
Se conferunt Apostoli,  
Jesuque, voti compotes,  
Almo beantur lumine.

Ut sis perenne mentibus  
Paschale, Jesu, gaudium,  
A morte dira criminum  
Vitæ renatos libera.

Deo Patri sit gloria,  
Et Filio, qui a mortuis  
Surrexit, ac Paraclito,  
In sempiterna sæcula. Amen.

*Pro uno Martyre.*

Deus tuorum militum, p. 13\*.

*Pro plur. Martyribus*

Rex gloriose Martyrum, p. 36\*.

¶. Sancti et justi, in Domino gaudete, alleluia. ¶. Vos elegit Deus in hæreditatem sibi, alleluia.



*Ad Magnif. Ant.* Lux perpetua lucebit sanctis tuis, Domine, et æternitas temporum, alleluia.

***Ad Matutinum.***

***Pro Apostolis et Evangelistis***

*Invit.* Regem Apostolorum Dominum, \* Venite, adoremus, alleluia.  
*Psalm.* Venite. I.

*Hymnus* Tristes erant, ut supra.

*Pro uno vel plur. Martyribus.*

*Invit.* Exultent in Domino sancti, \* Alleluia. *Psalm.* Venite. I.

***Hymnus pro uno Martyre***

Deus tuorum militum, p. 13.

***Pro plur. Martyribus***

Christo profusum sanguinem, p. 29.

**IN I. NOCTURNO.**

*Ant.* Stabunt justi in magna constantia adversus eos, qui se angustiarunt, alleluia.

*Sub una tantum Ant. in quolibet Noct. dicuntur Psalmi, de Com. Apost. si fiat de Apostolo vel Evangelista; de Com. unius Martyris, si de uno Martyre; de Com. plur. Martyrum, si de plur. Martyribus.*

Ÿ. Sancti et justi, in Domino gaude, alleluia. Æ. Vos elegit Deus in hæreditatem sibi, alleluia. Pater noster.

*Absol.* Exaudi. Ÿ. Jube, domne.

*Bened.* Benedictione perpetua.

*Lect. I Noct. de script. occ. vel ut in proprio annotatur.*

Æ. j. Beatus vir qui metuit Dominum, alleluia: \* In mandatis ejus cupit nimis, alleluia, allel., allel. Ÿ. Gloria et divitiæ in domo ejus, et justitia ejus manet in sæculum sæculi. In mandatis.

*Bened.* Unigenitus Dei Filius.

Æ. ij. Tristitia vestra, alleluia, \* Convertetur in gaudium, alleluia, alleluia. Ÿ. Mundus autem gaudebit, vos vero contristabimini, sed tristitia vestra. Convertetur.

Æ. iij. Pretiosa in conspectu Domini, alleluia, \* Mors sanctorum ejus,

alleluia. Ÿ. Custodit Dominus omnia ossa eorum, unum ex his non conteretur. Mors. Gloria. Mors.

**IN II. NOCTURNO.**

*Ant.* Ecce quomodo computati sunt inter filios Dei, et inter sanctos suis illorum est, alleluia.

Ÿ. Lux perpetua lucebit sanctis tuis Domine, alleluia. Æ. Et æternitas temporum, alleluia. Pater noster.

*Absol.* Ipsius. Ÿ. Jube, domne.

*Bened.* Deus Pater omnipotens.

Sermo S. Ambrosii Episcopi.

*Sermo 33. Lectio jv.*

**D**IGNUM et congruum est, fratres, ut post lætitiâ Paschæ, quam in Ecclesia celebravimus, gaudia nostra cum sanctis Martyribus conferamus: et iis annuntiemus Dominicæ resurrectionis gloriam, qui consortes sunt Dominicæ passionis. Qui enim socii sunt contumeliæ, debent et participes esse lætitiæ. Ita enim dicit beatus Apostolus: Sicut socii passionum estis, et resurrectionis eritis: si tolerabimus, inquit, et conregnabimus. Qui ergo toleraverunt mala propter Christum, debent et gloriam habere cum Christo.

Æ. Lux perpetua lucebit sanctis tuis Domine, \* Et æternitas temporum, alleluia, alleluia. Ÿ. Lætitia sempiterna erit super capita eorum: gaudium et exultationem obtinebunt. Et æternitas.

*Bened.* Christus perpetuus.

*Lectio v.*

**A**NNUNTIEMUS, inquam, sanctis Martyribus Dominicæ Paschæ gratiam: ut, dum sepulture illius prædicamus reserata claustra, et horum sepulchra reserentur: dum corpus illius mortuum dicimus tepentibus venis subito viguisset, horum quoque membra jam frigida immortalitatis calore foveantur. Eadem enim ratio Martyres suscitavit, quæ et Dominum suscitavit. Nam sicut viam passionis ejus experti sunt, ita experien-

tur et vitæ. Scriptum est enim in Psalmo: Notas mihi fecisti vias vitæ. Hoc utique in resurrectione ex persona dicitur Salvatoris, ut qui, dum post mortem ab inferis redit ad superos, incipiat notam habere viam vitæ, quæ ante habebatur ignota.

*Pro Apostolis et Evangelistis.*

ñ. Virtute magna reddebant Apostoli \* Testimonium resurrectionis Jesu Christi Domini nostri, alleluia, allel. ÿ. Repleti quidem Spiritu sancto loquebantur cum fiducia verbum Dei Testimonium.

*Pro uno vel plur. Mart.*

ñ. In servis suis, alleluia, \* Consolabitur Deus, alleluia. ÿ. Judicabit Dominus populum suum, et in servis suis. — Consolabitur.

*Bened.* Ignem sui amoris.

*Lectio vj.*

**I**GNOTA enim erat ante Christi adventum via vitæ, quæ nullius adhuc resurgentis fuerat temerata vestigio. At ubi Dominus resurrexit, nota facta, solo attrita est plurimorum. De quibus sanctus Evangelista ait: Multorum corpora sanctorum surrexerunt cum eo, et introierunt in sanctam civitatem. Unde, cum Dominus in resurrectione sua dixerit: Notas mihi fecisti vias vitæ: possumus et nos jam dicere Domino: Notas fecisti nobis vias vitæ. Ipse enim nobis vias fecit vias vitæ, qui nobis semitam manifestavit ad vitam. Notas enim mihi fecit vias vitæ, cum me docuit fidem, misericordiam, justitiam, castitatem: his enim pervenitur itineribus ad salutem.

*Pro Apostolis et Evangelistis.*

ñ. Isti sunt agni novelli, qui annuntiaverunt, alleluia: modo venerunt ad fontes: \* Repleti sunt claritate, alleluia, allel. ÿ. In conspectu Agni amicti sunt stolis albis, et palmæ in manibus eorum. Repleti.

*Pro uno vel plur. Mart.*

ñ. Filie Jerusalem, venite et videte Martyres cum coronis, quibus

coronavit eos Dominus: \* In die solemnitatis et lætitiæ, alleluia. ÿ. Quoniam confortavit seras portarum tuarum, benedixit filios tuos in te. In die. Gloria. In die.

IN III. NOCTURNO.

*Ant.* Lux perpetua lucebit sanctis tuis, Domine, et æternitas temporum, alleluia.

ÿ. Lætitia sempiterna super capita eorum, alleluia. ñ. Gaudium et exultationem obtinebunt, alleluia. Pater noster.

*Absol.* A vinculis. ÿ. Jube domne.

*Bened.* Evangelica lectio.

Lectio sancti Evangelii secundum Joannem.

*Lectio vij. Cap. 15.*

**I**N illo tempore: Dixit Jesus discipulis suis: Ego sum vitis vera, et Pater meus agricola est. Et reliqua.

Homilia S. Augustini Episcopi.

*Tract. 80 in Joannem.*

**I**STE locus Evangelicus, fratres, ubi se dicit Dominus vitem, et discipulos suos palmites, secundum hoc dicit, quod est caput Ecclesiæ, nosque membra ejus, mediator Dei et hominum homo Christus Jesus. Unius quippe naturæ sunt vitis et palmites. Propter quod cum esset Deus, cujus naturæ non sumus, factus est homo, ut in illo esset vitis humana natura, cujus et nos homines palmites esse possemus.

ñ. Ego sum vitis vera, et vos palmites: \* Qui manet in me, et ego in eo, hic fert fructum multum, alleluia, alleluia. ÿ. Sicut dilexit me Pater, et ego dilexi vos. Qui.

*Bened.* Cujus vel Quorum festum.

*Lectio viij.*

**Q**UID ergo est, Ego sum vitis vera? Numquid ut adderet vera, hoc ad eam vitem retulit, unde ista similitudo translata est? Sic enim dicitur vitis per similitudinem, non per proprietatem: quemadmodum dicitur

ovis, agnus, leo, petra, lapis angularis, et cætera hujusmodi, quæ magis ipsa sunt vera, ex quibus ducuntur istæ similitudines, non proprietates. Sed cum dicit: Ego sum vitis vera, ab illa se utique disceruit, cui dicitur: Quomodo conversa es in amaritudinem, vitis vera, quæ expectata est ut faceret uvam, fecit autem spinas?

¶. Candidi facti sunt Nazaræi ejus, alleluia: splendorem Deo dederunt, alleluia: \* Et sicut lac coagulati sunt, alleluia, alleluia. †. Candidiores nive, nitidiores lacte, rubicundiores ebore antiquo, sapphiro pulchriores, Et sicut. Gloria. Et sicut.

*Bened. Ad societatem.*

*Lectio ix.*

**E**go sum, inquit, vitis vera, et Pater meus agricola est. Numquid unum sunt agricola et vitis? Secundum hoc ergo vitis Christus, secundum quod ait: Pater major me est. Secundum autem id quod ait: Ego et Pater unum sumus, et ipse agricola est: nec talis, quales sunt qui extrinsecus operando exhibent ministerium: sed talis, ut det etiam intrinsecus incrementum. Nam neque qui plantat est aliquid, neque qui rigat: sed qui incrementum dat Deus. Sed utique Deus est Christus, quia Deus erat Verbum: unde ipse et Pater unum sunt: et, si Verbum caro factum est, quod non erat, manet quod erat.

*Te Deum laudamus, p. 12.*

*Ad Laudes.*

*et per Horas, Antiphonæ.*

1. **SANCTI** tui, Domine, florebunt sicut lilium, alleluia: et sicut odor balsami erunt ante te; alleluia.

2. In cœlestibus regnis sanctorum habitatio est, alleluia: et in æternum requies eorum, alleluia.

3. In velamento clamabant sancti tui, Domine, alleluia, alleluia, alleluia.

4. Spiritus et animæ justorum, hymnum dicite Deo nostro, alleluia, alleluia.

5. Fulgebunt justi sicut sol in conspectu Dei, alleluia.

*Capitulum. Sap. 3.*

**S**TABUNT justi in magna constantia adversus eos, qui se angustiaverunt, et qui abstulerunt labores eorum.

**HYMNUS.**

*Pro Apost. et Evangel.*

**P**ASCHALE mundo gaudium  
Sol nuntiat formosior,  
Cum luce fulgentem nova  
Jesum vident Apostoli.

In carne Christi vulnera  
Micare tamquam sidera  
Mirantur, et quidquid vident  
Testes fideles prædicant.

Rex Christe clementissime,  
Tu corda nostra posside,  
Ut lingua grates debitas  
Tuo rependat nomini.

Ut sis perenne mentibus  
Paschale, Jesu, gaudium,  
A morte dira criminum  
Vitæ renatos libera.

Deo Patri sit gloria,  
Et Filio, qui a mortuis  
Surrexit, ac Paraclito,  
In sempiterna sæcula. Amen.

*Pro uno Martyro*

*Invicte Martyr unicum, p. 19\**

*Pro plur. Martyribus*

*Rex gloriose Martyrum, p. 34\*.*

†. Pretiosa in conspectu Domini, alleluia. ¶. Mors sanctorum ejus, alleluia.

*Ad Bened. Ant. Filia Jerusalem, venite et videte Martyres cum coronis quibus coronavit eos Dominus in die solemnitatis et lætitiæ, alleluia, alleluia.*

*Ad Tertiam.*

*Capit. Stabant justi, ut supra.*

¶. br. Sancti et justi, in Domino gaudete, \* Alleluia, alleluia. Sancti



et justi. *ŷ.* Vos elegit Deus in hereditatem sibi. Alleluia, alleluia. Gloria. Sancti et justi. *ŷ.* Lux perpetua lucebit sanctis tuis, Domine, alleluia. *ā.* Et æternitas temporum, alleluia.

**Ad Sextam.**

*Capitulum.* Sap. 8.

**ECCE** quomodo computati sunt inter filios Dei, et inter sanctos sors illorum est.

*ā. br.* Lux perpetua lucebit sanctis tuis, Domine, Alleluia, alleluia. Lux perpetua. *ŷ.* Et æternitas temporum. Alleluia, allel. Gloria. Lux perpetua. *ŷ.* Lætitia sempiterna super capita eorum, alleluia. *ā.* Gaudium et exultationem obtinebunt, alleluia.

**Ad Nonam.**

*Capitulum.* Rom. 8.

**SCIMUS** quoniam diligentibus Deum omnia cooperantur in bonum, iis qui secundum propositum vocati sunt sancti.

*ā. br.* Lætitia sempiterna super capita eorum, Alleluia, alleluia. Lætitia. *ŷ.* Gaudium et exultationem obtinebunt. Alleluia, allel. Gloria. Lætitia. *ŷ.* Pretiosa in conspectu Domini, alleluia. *ā.* Mors sanctorum ejus, alleluia.

**In II. Vesperis.**

*Ant. de Laud. Psalmi pro Apost. et Evangel. ut in II Vesp. Apost.*

*Pro uno vel plur. Mart. de Dom. loco ult. Credidi, p. 88.*

*Capit. et Hymnus ut in. I. Vesp.*

*ŷ.* Pretiosa in conspectu Domini, alleluia. *ā.* Mors sanctorum ejus, alleluia.

*Ad Magnif. Ant.* Sancti et justi in Domino gaudent, alleluia: vos elegit Deus in hereditatem sibi, alleluia.

**2.<sup>o</sup> ALIÆ LECTIONES**

*pro Martyribus temp. Paschali.*

**IN II. NOCTURNO.**

*De Epistola S. Cypriani Episcopi et Martyris ad Martyres et Confessores*

*Lib. 2. Epist. 6.*

*Lectio iv.*

**QUIBUS** ego vos laudibus prædicem, fortissimi Martyres? Robur pectoris vestri, et perseverantiam fidei quo præconio vocis exornem? Tolerastis usque ad consummationem gloriæ durissimam quæstionem: nec cessistis suppliciis, sed vobis potius supplicia cesserunt. Finem doloribus, quem tormenta non dabant, coronæ dederunt. Laniena gravior ad hoc diu perseveravit, non ut stantem fidem dejiceret, sed ut homines Dei ad Deum velocius mitteret.

*ā.* Lux perpetua, p. 23.

*Lectio v.*

**VIDIT** admirans præsentium multitudo cæleste certamen, certamen Dei, certamen spiritale, prælium Christi: stetisse servos ejus voce libera, mente incorrupta, virtute divina, telis quidem secularibus nudos, sed armis fidei ardentis armatos. Steterunt torti torquentibus fortiores, et pulsantes ac laniantes ungulas pulsata ac laniata membra vicerunt. Inexpugnabilem fidem superare non potuit sæviens diu plaga repetita, quamvis, rupta compage viscerum, torquerentur in servis Dei jam non membra, sed vulnera. Fluebat sanguis, qui incendium persecutionis extingueret, qui flammam et ignem gehennæ glorioso cruore sopiret.

*ā.* In servis suis, p. 24.

*Lectio vj.*

**QUALE** illud fuit spectaculum Domino, quam sublime, quam magnum, quam Dei oculis sacramento ac devotione militis ejus acceptum! sicut scriptum est in psalmis, Spiritu sancto loquente ad nos pariter et monente: Pretiosa est in conspectu Domini mors justorum ejus. Pretiosa mors hæc est, quæ emit immortalitatem pretio sui sanguinis, quæ accepit coronam de consummatione virtutis. Quam lætus illic Christus fuit, quam libens in talibus servis suis et pugnavit, et vicit protector fidei, dans

credentibus tantum, quantum se credit capere qui sumit! Certamini suo adfuit, præliatores atque assertores sui nominis erexit, corroboravit, animavit. Et qui pro nobis mortem semel vicit, semper vincit in nobis.

¶. Filie Jerusalem, p. 25°.

IN III. NOCTURNO.

Lectio sancti Evangelii secundum Joannem.

Lectio vij. Cap. 15.

**I**N illo tempore: Dixit Jesus discipulis suis: Ego sum vitis, vos palmites. Qui manet in me, et ego in eo, hic fert fructum multum: quia sine me nihil potestis facere. Et reliqua.

Homilia S. Augustini Episcopi.

Tract. 81 in Ioan. sub medium.

**N**E quisquam putaret saltem parvum aliquem fructum posse a semetipso palmitem ferre, cum dixisset: Hic fert fructum multum; non ait: Quia sine me parum potestis facere; sed: Nihil potestis facere. Sive ergo parum, sive multum, sine illo fieri non potest, sine quo nihil fieri potest: quia etsi parum attulerit palmes cum purgat agricola, ut plus afferat. Tamen nisi in vite manserit, et vixerit de radice, quantumlibet fructum a semetipso non potest ferre. Quamvis autem Christus vitis non esset, nisi homo esset: tamen istam gratiam palmitibus non præberet, nisi etiam Deus esset.

¶. Ego sum vitis, p. 25°.

Lectio viij.

**V**ERUM quia ita sine ista gratia non potest vivi, ut et mors in potestate sit liberi arbitrii: Si quis in me, inquit, non manserit, mittetur foras sicut palmes, et arescet, et colligent eum, et in ignem mittent, et ardet. Ligna itaque vitis tanto sunt contemptibilia si in vite non manserint, quanto gloriosiora si manserint. Denique sicut de his etiam per Ezechielem prophetam Dominus dicit, præcisa nullis agricolarum usibus

prosunt, nullis fabrilibus operibus deputantur. Unum de duobus palmiti congruit, aut vitis, aut ignis: si in vite non est, in igne erit: ut ergo in igne non sit, in vite sit.

¶. Candidi facti sunt, p. 26°.

Lectio ix.

**S**I manseritis in me, inquit, et verba mea in vobis manserint, quodcumque volueritis, petetis, et fiet vobis. Manendo quippe in Christo, quid velle possunt, nisi quod convenit Christo? quid velle possunt manendo in salvatore, nisi quod non est alienum a salute? Aliud quippe volumus, quia sumus in Christo; et aliud volumus, quia sumus adhuc in hoc sæculo. De mansionem namque huius sæculi nobis aliquando subrepat, ut hoc petamus, quod nobis non expedire nescimus. Sed absit ut fiat nobis, si manemus in Christo, qui non facit quando petimus, nisi quod expedit nobis.

In Communi Confessorum, Virginum, et non Virginum, et Dedicacionis Eccl. temp. Pasch. Officium fit ut inferius in aliis temp. sed in fine ad Invit. Ant. Vers. et Resp. additur unum Allel. (duo vero ad ¶¶. br. Horarum; et tres Psalmi dicuntur in quolibet Noct. sub. j. Ant. illius Noct.

COMMUNE.

PLURIMORUM MARTYRUM.

extra tempus. Paschale.

In I. Vespertis.

Ant. de Laud. Psalmi de Dom. et loco ult. Laudate Dominum omnes Gentes.

Capitulum. Sap. 8.

**J**USTORUM animæ in manu Dei sunt, et non tanget illos tormentum mortis. Visi sunt oculis insipientium mori: illi autem sunt in pace.

HYMNUS.

**S**ANCTORUM meritis inclyta gaudia.

Pangamus, socii, gestaque fortia :  
Gliscens fert animus promere cantibus  
Victorum genus optimum.

Hi sunt, quos fatue mundus abhor-  
ruit :  
Hunc fructu vacuum, floribus ari-  
dum

Contempsero tui nominis assecleæ,  
Jesu, Rex bone cœlitum.

Hi pro te furias, atque minas tru-  
ces

Calcarunt hominum, sævaque verbera:  
His cessit lacerans fortiter ungula,  
Nec carpsit penetralia.

Cæduntur gladiis more bidentium:  
Non murmur resonat, non querimo-  
nia :

Sed corde impavido mens bene con-  
scia

Conservat patientiam.

Quæ vox, quæ poterit lingua re-  
texere

Quæ tu Martyribus munera præpa-  
ras ?

Rubri nam fluido sanguine fulgidis  
Cingunt tempora laureis.

Te, summa o Deitas unaque, po-  
scimus,

Ut culpas abigas, noxia subtrahas,  
Des pacem famulis, ut tibi gloriam  
Annorum in seriem canant.

Amen.

†. Lætamini in Domino, et exulta-  
te, justi. †. Et gloriamini, omnes re-  
cti corde.

*Ad Magnif. Ant.* Istorum est enim  
regnum cœlorum, qui contempserunt  
vitam mundi, et pervenerunt ad præ-  
mia regni, et laverunt stolas suas in  
sanguine Agni.

*Pro plur. Mart. Pont. Oratio.*

**BEATORUM** Martyrum, pariter-  
que Pontificum N. et N. nos,  
quæsumus, Domine, festa tueantur,  
et eorum commendet oratio veneran-  
da. Per Dominum.

*Si non fuerint Pont. Oratio.*

**DEUS**, qui nos concedis sancto-  
rum Martyrum tuorum N. et N.  
natalitia colere, da nobis in æterna

beatitudine de eorum societate gaude-  
re. Per Dominum.

*Alia Oratio.*

**DEUS**, qui nos annua sanctorum  
Martyrum tuorum N. et N. so-  
lemnitate lætificas, concede propitius,  
ut quorum gaudemus meritis, accen-  
damur exemplis. Per Dominum.

*Ad Manifestationem.*

*Invit.* Regem Martyrum Dominum,\*  
Venite, adoremus.

*Psalm.* Venite. I.

**HYMNUS.**

**CHRISTO** profusum sanguinem  
Et Martyrum victorias,  
Dignamque cœlo lauream  
Lætis sequamur vocibus.

Terrore victo sæculi,  
Pœnisque spretis corporis  
Mortis sacræ compendio  
Vitam beatam possident.

Traduntur igni Martyres,  
Et bestiarum dentibus  
Armata sævit ungulis  
Tortoris insani manus.

Nudata pendent viscera,  
Sanguis sacratus funditur :  
Sed permanent immobiles  
Vitæ perennis gratia.

Te nunc, Redemptor, quæsumus,  
Ut Martyrum consortio  
Jungas precantes servulos  
In sempiterna sæcula. Amen.

**IN I. NOCTURNO.**

*Ant.* Secus decursus aquarum plan-  
tauit vineam justorum, et in lege Do-  
mini fuit voluntas eorum.

**Psalmus 1.**

**BEATUS** vir qui non abiit in con-  
silio impiorum, et in via pec-  
catorum non stetit, et in cathedra  
pestilentie non sedit :

Sed in lege Domini voluntas ejus,\*  
et in lege ejus meditabitur die ac nocte.

Et erit tamquam lignum, quod plan-  
tatum est secus decursus aquarum,\*  
quod fructum suum dabit in tempo-  
re suo :



Et folium ejus non defluet: et omnia quaecumque faciet, prosperabuntur.

Non sic impii, non sic: sed tamquam pulvis, quem projicit ventus a facie terræ.

Ideo non resurgent impii in iudicio: neque peccatores in concilio justorum.

Quoniam novit Dominus viam justorum: et iter impiorum peribit.

*Ant.* Secus decursus aquarum plantavit vineam justorum, et in lege Domini fuit voluntas eorum.

*Ant.* Tamquam aurum in fornace probavit electos Dominus: et quasi holocausta accepit eos in æternum.

### Psalmus 2.

**Q**UARE fremuerunt gentes, et populi meditati sunt inania?

Astiterunt reges terræ, et principes convenerunt in unum adversus Dominum, et adversus Christum ejus.

Dirumpamus vincula eorum: et projiciamus a nobis jugum ipsorum.

Qui habitat in cœlis, iridebit eos: et Dominus subsannabit eos.

Tunc loquetur ad eos in ira sua: et in furore suo conturbabit eos.

Ego autem constitutus sum Rex ab eo super Sion montem sanctum ejus: prædicans præceptum ejus.

Dominus dixit ad me: Filius meus es tu, ego hodie genui te.

Postula a me, et dabo tibi gentes hæreditatem tuam, et possessionem tuam terminos terræ.

Reges eos in virga ferrea, et tamquam vas figuli confringes eos.

Et nunc, reges, intelligite: erudimini, qui iudicatis terram.

Servite Domino in timore: et exultate ei cum tremore.

Apprehendite disciplinam, nequando irascatur Dominus, et pereatis de via justa.

Cum exarserit in brevi ira ejus, beati omnes qui confidunt in eo.

*Ant.* Tamquam aurum in fornace probavit electos Dominus: et quasi holocausta accepit eos in æternum.

*Ant.* Si coram hominibus tormenta

passi sunt, spes electorum est immortalis in æternum.

### Psalmus 3.

**D**OMINE, quid multiplicati sunt qui tribulant me? multi insurgunt adversum me.

Multi dicunt animæ meæ: Non est salus ipsi in Deo ejus.

Tu autem, Domine, susceptor meus es, gloria mea, et exaltans caput meum.

Voce mea ad Dominum clamavi: et exaudivit me de monte sancto suo.

Ego dormivi, et soporatus sum: et exurrexi, quia Dominus suscepit me.

Non timebo millia populi circumdantis me: exurge, Domine, salvum me fac, Deus meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus: et super populum tuum benedictio tua.

*Ant.* Si coram hominibus tormenta passi sunt, spes electorum est immortalis in æternum.

℣. Lætamini in Domino, et exultate, justi. ℞. Et gloriamini, omnes recti corde. Pater noster.

*Absol.* Exaudi. ℣. Jube, domne.

*Bened.* Benedictione perpetua.

De Epistola beati Pauli Apostoli ad Romanos.

*Lectio j.* Cap. 8.

**F**RATRES, debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater); Ipse enim Spiritus testimonium reddit spiritui nostro, quod sumus filii Dei. Si autem filii, et hæredes: hæredes quidem Dei, cohæredes autem Christi: si tamen compatimur,

ut et conglorificemur. Existimo enim quod non sunt condignæ passiones hujus temporis ad futuram gloriam, quæ revelabitur in nobis. Nam expectatio creaturæ revelationem filiorum Dei expectat.

**ñ.** Absterget Deus omnem lacrymam ab oculis sanctorum, et jam non erit amplius neque luctus, neque clamor, sed nec ullus dolor : \* Quoniam priora transierunt. **ŷ.** Non esurient, neque sitient amplius, neque cadet super illos sol, neque ullus æstus. Quoniam.

*Bened. Unigenitus Dei Filius.*

*Lectio ij.*

**SCIMUS** autem quoniam diligentibus Deum omnia cooperantur in bonum, iis qui secundum propositum vocati sunt sancti. Nam quos præscivit, et prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos et vocavit: et quos vocavit, hos et justificavit: quos autem justificavit, illos et glorificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum: quomodo non etiam cum illo omnia nobis donavit? Quis accusabit adversus electos Dei? Deus qui justificat, quis est qui condemnet? Christus Jesus, qui mortuus est, imo qui et resurrexit, qui est ad dexteram Dei, qui etiam interpellat pro nobis.

**ñ.** Viri sancti gloriosum sanguinem fuderunt pro Domino, amaverunt Christum in vita sua, imitati sunt eum in morte sua : \* Et ideo coronas triumphales meruerunt. **ŷ.** Unus spiritus, et una fides erat in eis. Et ideo.

*Bened. Spiritus sancti gratia.*

*Lectio iij.*

**QUIS** ergo nos separabit a charitate Christi? tribulatio, an angustia, an fames, an nuditas, an periculum, an persecutio, an gladius? Sicut scri-

ptum est : Quia propter te mortificamur tota die, æstimati sumus sicut oves occisionis. Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a charitate Dei, quæ est in Christo Jesu Domino nostro.

**ñ.** Tradiderunt corpora sua propter Deum ad supplicia, \* Et meruerunt habere coronas perpetuas. **ŷ.** Isti sunt qui venerunt ex magna tribulatione, et laverunt stolas suas in sanguine Agni. Et. Gloria. Et.

IN II. NOCTURNO.

*Ant.* Dabo sanctis meis locum nominatum in regno Patris mei, dicit Dominus.

**Psalmus 14.**

**DOMINE**, quis habitabit in tabernaculo tuo? aut quis requiescet in monte sancto tuo?

Qui ingreditur sine macula, \* et operatur justitiam :

Qui loquitur veritatem in corde suo : \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timentes autem Dominum glorificat :

Qui jurat proximo suo, et non decipit, \* qui pecuniam suam non dedit ad usuram, et munera super innocentem non accepit.

Qui facit hæc, \* non movebitur in æternum.

*Ant.* Dabo sanctis meis locum nominatum in regno Patris mei, dicit Dominus.

*Ant.* Sanctis, qui in terra sunt ejus, mirificavit omnes voluntates meas inter illos.

**Psalmus 15.**

**CONSERVA** me, Domine, quoniam speravi in te. \* Dixi Domi-

no : Deus meus es tu , quoniam bonorum meorum non eges.

Sanctis, qui sunt in terra ejus, \* mirificavit omnes voluntates meas in eis.

Multiplicatæ sunt infirmitates eorum : \* postea acceleraverunt.

Non congregabo conventicula eorum de sanguinibus : \* nec memor ero nominum eorum per labia mea.

Dominus pars hæreditatis meæ, et calicis mei : \* tu es qui restitues hæreditatem meam mihi.

Punes ceciderunt mihi in præclaris : \* etenim hæreditas mea præclara est mihi.

Benedicam Dominum , qui tribuit mihi intellectum : \* insuper et usque ad noctem increpuerunt me renes mei.

Providebam Dominum in conspectu meo semper : \* quoniam a dextris est mihi , ne commovear.

Propter hoc lætatum est cor meum, et exultavit lingua mea : \* insuper et caro mea requiescet in spe.

Quoniam non dereliquis animam meam in inferno : \* nec dabis sanctum tuum videre corruptionem.

Notas mihi fecisti vias vitæ , adimplebis me lætitia cum vultu tuo : \* delectationes in dextera tua usque in finem.

*Ant.* Sanctis, qui in terra sunt ejus, mirificavit omnes voluntates meas inter illos.

*Ant.* Sancti , qui sperant in Domino, habebunt fortitudinem; assument pennas ut aquilæ , volabunt , et non deficient.

### Psalmus 23.

**D**OMINI est terra , et plenitudo ejus : \* orbis terrarum et universi qui habitant in eo.

Quia ipse super maria fundavit eum : \* et super flumina præparavit eum.

Quis ascendet in montem Domini ? \* aut quis stabit in loco sancto ejus ?

Innocens manibus , et mundo corde , \* qui non accepit in vano animam suam, nec juravit in dolo proximo suo.

**M**ic accipiet benedictionem a Domi-

no, \* et misericordiam a Deo salutari suo.

**M**æce est generatio quærentium eum, \* quærentium faciem Dei Jacob.

Attollite portas, principes, vestras, et elevamini , portæ æternales : \* et introibit Rex gloriæ.

Quis est iste Rex gloriæ ? \* Dominus fortis et potens, Dominus potens in prælio.

Attollite portas, principes, vestras, et elevamini , portæ æternales ; \* et introibit Rex gloriæ.

Quis est iste Rex gloriæ ? \* Dominus virtutum ipse est rex gloriæ.

*Ant.* Sancti, qui sperant in Domino, habebunt fortitudinem; assument pennas ut aquilæ , volabunt, et non deficient

†. Exultent justi in conspectu Dei.  
ñ. Et delectentur in lætitia.

Pater noster.

*Absol.* Ipsius. †. Jube domne.

*Bened.* Deus Pater omnipotens.

Sermo S. Augustini Episcopi.

*Sermo 47 de Sanctis. Lectio iv.*

**Q**UOTIESCUMQUE, fratres charissimi, sanctorum Martyrum solemnina celebramus, ita ipsis intercedentibus, expectemus a Domino consequi temporalia beneficia , ut ipsos Martyres imitando, accipere mereamur æterna. Ab ipsis enim sanctorum Martyrum in veritate festivitatum gaudia celebrantur , qui ipsorum Martyrum exempla sequuntur. Solemnitates enim Martyrum , exhortationes sunt Martyriorum: ut imitari non pigeat, quod celebrare delectat.

ñ. Sancti tui , Domine , mirabile consecuti sunt iter , servientes præceptis tuis, ut invenirentur illæsi in aquis validis. \* Terra apparuit arida, et in mari Rubro via sine impedimento. †. Quoniam percussit petram, et fluxerunt aquæ, et torrentes inundaverunt. Terra.

*Bened.* Christus perpetuus.

*Lectio v.*

**S**ED nos volumus gaudere cum sanctis , et tribulationem mundi



nolumus sustinere cum ipsis. Qui omnim sanctos Martyres, in quantum potuerit, imitari noluerit, ad eorum beatitudinem non poterit pervenire. Sed et Paulus Apostolus prædicat dicens: Si fuerimus socii passionum, erimus et consolationum. Et Dominus in Evangelio: Si mundus vos odit, scitote quia me priorem vobis odio habuit. Recusat esse in corpore, qui odium non vult sustinere cum capite.

¶ Verbera carnificum non timuerunt sancti Dei, morientes pro Christi nomine: \* Ut hæredes fierent in domo Domini. ¶ Tradiderunt corpora sua propter Deum ad supplicia. Ut hæredes.

*Bened.* Ignem sui amoris.

*Lectio vi*

**S**ED dicet aliquis: Et quis est qui possit beatorum Martyrum vestigia sequi? Huic ego respondeo, quia non solum Martyres, sed etiam ipsum Dominum cum ipsius adiutorio, si volumus, possumus imitari. Audi non me, sed ipsum Dominum generi humano clamantem: Discite a me quia mitis sum et humilis corde. Audi et Petrum Apostolum admonentem: Christus passus est pro nobis, relinquens nobis exemplum, ut sequamur vestigia ejus.

¶ Tamquam aurum in fornace probavit electos Dominus, et quasi holocausti hostiam accepit illos: et in tempore erit respectus illorum: \* Quoniam donum et pax est electis Dei. ¶ Qui confidunt in illum, intelligent veritatem: et fideles in dilectione acquiescent illi. Quoniam. Gloria. Quoniam.

IN III. NOCTURNO.

*Ant.* Justi autem in perpetuum vivent, et apud Dominum est merces eorum.

**Psalmus 32.**

**EXULTATE**, justi, in Domino: \* rectos decet collaudatio.

Confitemini Domino in cithara: \* in  
COMMUN. SS.

psalterio decem chordarum psallite illi.

Cantate ei canticum novum: \* bene psallite ei in vociferatione.

Quia rectum est verbum Domini: \* et omnia opera ejus in fide.

Diligit misericordiam et iudicium: \* misericordia Domini plena est terra.

Verbo Domini cæli firmati sunt: \* et spiritu oris ejus omnis virtus eorum.

Congregans sicut in utre aquas maris: \* ponens in thesauris abyssos.

Timeat Dominum omnis terra: \* ab eo autem commoveantur omnes inhabitantes orbem.

Quoniam ipse dixit, et facta sunt: \* ipse mandavit, et creata sunt.

Dominus dissipat consilia Gentium: \* reprobat autem cogitationes populorum, et reprobat consilia principum.

Consilium autem Domini in æternum manet: \* cogitationes cordis ejus in generatione et generationem.

Beata gens, cujus est Dominus Deus ejus. \* populus, quem elegit in hæreditatem sibi.

De cælo respexit Dominus: \* vidit omnes filios hominum.

De præparato habitaculo suo respexit super omnes, qui habitant terram.

Qui finxit singillatim corda eorum: \* qui intelligit omnia opera eorum.

Non salvatur rex per multam virtutem: \* et gigas non salvabitur in multitudine virtutis suæ.

Fallax equus ad salutem: \* in abundantia autem virtutis suæ non salvabitur.

Ecce oculi Domini super metuentes eum: \* et in eis, qui sperant super misericordia ejus.

Ut eruat a morte animas eorum, \* et alat eos in fame.

Anima nostra sustinet Dominum: \* quoniam adiutor et protector noster est.

Quia in eo lætabitur cor nostrum: \* et in nomine sancto ejus speravimus.

Fiat misericordia tua, Domine, super nos, \* quemadmodum speravimus in te.

*Ant.* Justi autem in perpetuum  
C

vivent, et apud Dominum est merces eorum.

*Ant.* Tradiderunt corpora sua in mortem, ne servirent idolis: ideo coronati possident palmam.

**Psalmus 33.**

**B**ENEDICAM Dominum in omni tempore: \* semper, laus ejus in ore meo.

In Domino laudabitur anima mea: \* audiant mansueti, et lætentur.

Magnificate Dominum mecum: \* et exaltemus nomen ejus in idipsum.

Exquisivi Dominum, et exaudivit me: \* et ex omnibus tribulationibus meis eripuit me.

Accedite ad eum, et illuminamini, \* et facies vestræ non confundentur.

Iste pauper clamavit, et Dominus exaudivit eum: \* et de omnibus tribulationibus ejus salvavit eum.

Immittet angelus Domini in circuitu timentium eum: \* et eripiet eos.

Gustate, et videte quoniam suavis est Dominus: \* beatus vir qui sperat in eo.

Timete Dominum, omnes sancti ejus: \* quoniam non est inopia timentibus eum.

Divites eguerunt et esurierunt: \* inquirentes autem Dominum non minuentur omni bono.

Venite, filii, audite me: \* timorem Domini docebo vos.

Quis est homo qui vult vitam: \* diligit dies videre bonos?

Prohibe linguam tuam a malo: \* et labia tua ne loquantur dolum.

Diverte a malo, et fac bonum: \* inquire pacem, et persequere eam.

Oculi Domini super justos: \* et aures ejus in preces eorum.

Vultus autem Domini super facientes mala: \* ut perdat de terra memoriam eorum.

Clamaverunt justis, et Dominus exaudivit eos: \* et ex omnibus tribulationibus eorum liberavit eos.

Juxta est Dominus iis, qui tribulati sunt corde: \* et humiles spiritu salvabit.

Multæ tribulationes justorum: \* et de omnibus his liberabit eos Dominus.

Custodit Dominus omnia ossa eorum: \* unum ex his non conteretur.

Mors peccatorum pessima: \* et qui oderunt justum, delinquent.

Redimet Dominus animas servorum suorum: \* et non delinquent omnes qui sperant in eo.

*Ant.* Tradiderunt corpora sua in mortem, ne servirent idolis: ideo coronati possident palmam.

*Ant.* Ecce merces sanctorum copiosa est apud Deum: ipsi vero mortui sunt pro Christo, et vivent in æternum.

**Psalmus 45.**

**D**EUS noster refugium et virtus: \* adjutor in tribulationibus, quæ invenerunt nos nimis.

Propterea non timebimus dum turbabitur terra, \* et transferentur montes in cor maris.

Sonnerunt, et turbatæ sunt aquæ eorum: \* conturbati sunt montes in fortitudine ejus.

Fluminis impetus lætificat civitatem Dei: \* sanctificavit tabernaculum suum Altissimus.

Deus in medio ejus, non commovebitur: \* adjuvabit eam Deus mane diluculo.

Conturbatæ sunt gentes, et inclinata sunt regna: \* dedit vocem suam, mota est terra.

Dominus virtutum nobiscum: \* susceptor noster Deus Jacob.

Venite, et videte opera Domini, quæ posuit prodigia super terram: \* auferens bella usque ad finem terræ.

Arcum conteret, et confringet arma: \* et scuta comburet igni.

Vacate, et videte quoniam ego sum Deus: \* exaltabor in Gentibus, et exaltabor in terra.

Dominus virtutum nobiscum: \* susceptor noster Deus Jacob.

*Ant.* Ecce merces sanctorum copiosa est apud Deum: ipsi vero mortui sunt pro Christo, et vivent in æternum.

†. Iusti autem in perpetuum vivent. ⁊. Et apud Dominum est merces eorum. Pater noster.

*Absol.* A vinculis. †. Jube domne.

*Bened.* Evangelica lectio.

Lectio sancti Evangelii secundum Lucam.

*Lectio vij. Cap. 21.*

**I**n illo tempore: Dixit Jesus discipulis suis: Cum audieritis praelia et seditiones, nolite terri: oportet primum hæc fieri, sed nondum statim finis. Et reliqua.

Homilia S. Gregorii Papæ.

*Homilia 35 in Evangelia.*

**D**ominus ac Redemptor noster perituri mundi præcurrentia mala denuntiat, ut eo minus perturbent venientia, quo fuerint præscita. Minus enim jacula feriunt quæ prævidentur: et nos tolerabilius mundi mala suscipimus, si contra hæc per præscientiæ clypeum munimur. Ecce enim dicit: Cum audieritis praelia et seditiones, nolite terri: oportet enim primum hæc fieri, sed nondum statim finis. Pensanda sunt verba Redemptoris nostri, per quæ nos aliud interius, aliud exterius passuros esse denuntiat. Bella quippe ad hostes pertinent, seditiones ad cives. Ut ergo nos indicet interius exteriusque turbari, aliud nos fatetur ab hostibus, aliud a fratribus perpeti.

⁊. Propter testamentum Domini, et leges paternas, sancti Dei perstiterunt in amore fraternitatis: \* Quia unus fuit semper spiritus in eis, et una fides. †. Ecce quam bonum et quam jucundum habitare fratres in unum. Quia.

*Sequens ⁊. dicitur post viij vel ij Lectionem in festo plur. Martyrum fratrum.*

⁊. Hæc est vera fraternitas, quæ nunquam potuit violari certamine: qui effuso sanguine secuti sunt Dominum: \* Contemnentes aulam regiam, pervenerunt ad regna cælestia. †. Ecce quam bonum et quam jucundum

habitare fratres in unum. Contemnentes. Gloria. Contemnentes.

*Bened.* Quorum festum colimus.

*Lectio viij.*

**S**ED his malis prævenientibus, quia non statim finis sequatur, adjungit: Surget gens contra gentem, et regnum adversus regnum: et terræmotus magni erunt per loca, et pestilentia, et fames, terroresque de cælo, et signa magna erunt. Ultima tribulatio multis tribulationibus prævenitur: et per crebra mala, quæ præveniunt, indicantur mala perpetua quæ subsequuntur. Et ideo post bella et seditiones non statim finis: quia multa debent mala præcurrere, ut malum valeant sine fine nuntiare.

⁊. Sancti mei, qui in carne positi, certamen habuistis: \* Mercedem laboris ego reddam vobis. †. Venite, benedicti Patris mei, percipite regnum. Mercedem. Gloria. Mercedem.

*Bened.* Ad societatem.

*Lectio ix.*

**S**ED cum tot signa perturbationis dicta sint, oportet ut eorum considerationem breviter per singula perstringamus: quia necesse est ut alia e cælo, alia e terra, alia ab elementis, alia ab hominibus patiamur. Ait enim: Surget gens contra gentem, ecce perturbatio hominum: erunt terræmotus magni per loca, ecce respectus iræ desuper: erunt pestilentia, ecce inæqualitas corporum: erit fames, ecce sterilitas terræ: terroresque de cælo et tempestates, ecce inæqualitas aeris. Quia ergo omnia consummanda sunt, ante consummationem omnia perturbantur: et qui in cunctis deliquimus, in cunctis ferimur, ut impleatur quod dicitur: Et pugnabit pro eo orbis terrarum contra insensatos.

Te Deum laudamus, p. 12.

*Ad Laudes.*

*et per Horas, Antiphonæ.*

1. OMNES sancti, quanta passi



sunt tormenta, ut securi pervenirent ad palmam martyrii!

2. Cum palma ad regna pervenerunt sancti; coronas decoris meruerunt de manu Dei.

3. Corpora sanctorum in pace sepulta sunt, et vivent nomina eorum in æternum.

4. Martyres Domini, Dominum benedicite in æternum.

5. Martyrum chorus, laudate Dominum de cœlis, alleluia.

*Capitulum* Sap. 3.

**IUSTORUM** animæ in manu Dei sunt, et non tanget illos tormentum mortis. Visi sunt oculis insipientium mori: illi autem sunt in pace.

#### HYMNUS.

**R**EX gloriose Martyrum,  
Corona consentium,  
Qui respuentes terrea  
Perducis ad cœlestia.

Aurem benignam protinus  
Intende nostris vocibus;  
Trophæa sacra pangimus,  
Ignosce quod deliquimus.

Tu vincis inter Martyres,  
Parcisque Confessoribus;  
Tu vince nostra crimina,  
Largitor indulgentiæ.

Deo Patri sit gloria,  
Ejusque soli Filio,  
Cum Spiritu Paraclito,  
Nunc et per omne sæculum. Amen.

℣. Exultabunt sancti in gloria.  
℞. Lætabuntur in cubilibus suis.

*Ad Bened. Ant.* Vestri capilli capitis omnes numerati sunt: nolite timere, multis passeribus meliores estis vos.

#### *Ad Tertiam.*

*Capit.* Justorum animæ.

℞. br. Lætamini in Domino, \* Et exultate, justi. Lætamini. ℣. Et gloriamini, omnes recti corde. Et exultate. Gloria. Lætamini. ℣. Exultent justi in conspectu Dei. ℞. Et delectentur in lætitia.

#### *Ad Sextam.*

*Capitulum.* Sap. 10.

**REDDIDIT** Deus mercedem laborum sanctorum suorum, et deduxit illos in via mirabili: et fuit illis in velamento diei, et in luce stellarum nocte.

℞. br. Exultent justi \* In conspectu Dei. Exultent. ℣. Et delectentur in lætitia. In conspectu. Gloria. Exultent. ℣. Justi autem in perpetuum vivent. ℞. Et apud Dominum est merces eorum.

#### *Ad Nonam.*

*Capitulum.* Sap. 3.

**FULGEBUNT** justi, et tamquam scintillæ in arundinetis discurrent. Judicabunt nationes, et dominabuntur populis: et regnabit Dominus illorum in perpetuum.

℞. br. Justi autem \* In perpetuum vivent. Justi. ℣. Et apud Dominum est merces eorum. In perpetuum. Gloria. Justi. ℣. Exultabunt sancti in gloria. ℞. Lætabuntur in cubilibus suis.

#### *In II. Vespertis.*

*Antiphonæ.*

1. **ISTI** sunt sancti, qui pro testamento Dei sua corpora tradiderunt, et in sanguine Agni laverunt stolas suas.

*Psalmi de Dom. loco ult.* Credidi, p. 88.

2. Sancti per fidem vicerunt regna, operati sunt justitiam, adepti sunt repromissiones.

3. Sanctorum velut aquilæ juvenus renovabitur: floreant sicut lili in civitate Domini.

4. Absterget Deus omnem lacrymam ab oculis sanctorum: et jam non erit amplius neque luctus, neque clamor, sed nec ullus dolor, quoniam priora transierunt.

5. In cœlestibus regnis sanctorum habitatio est, et in in æternum requies eorum.

*Capit. et Hymnus, ut in j. Vesp.* p. 28 \*.

7. Exultabunt sancti in gloria.

8. Lætabuntur in cubilibus suis.

*Ad Magnif. Ant.* Gaudent in cœlis animæ sanctorum, qui Christi vestigia sunt secuti; et quia pro ejus amore sanguinem suum fuderunt, ideo cum Christo exultant sine fine.

2.º ALIÆ LECTIONES

*pro pluribus Martyribus.*

IN II. NOCTURNO.

Sermo S. Joannis Chrysostomi.

Sermo 1. de Martyribus, tom. 3.

*Lectio iv.*

**N**EMO est qui nesciat, Martyrum glorias ad hoc divino consilio a Dei populis frequentari, ut et illis debitus honor dicetur, et nobis virtutis exempla, favente Christo, monstrantur: ut, dum hæc ita celebrari perspicimus, cognoscamus quanta eos gloria maneat in cœlis, quorum natalitia taliter celebrantur in terris, quo possimus etiam ipsi talibus provocari exemplis, virtute pari, devotione consimili ac fide: ut Christo præstante, dimicare et vincere hostem possimus: ut, parta victoria, cum iisdem sanctis in regnis cœlestibus triumphemus.

8. Sancti tui, p. 32\*.

*Lectio v.*

**Q**UIS est enim, qui eorum volens merito copulari, nisi prius constantiam eorum teneat, sectetur fidem, imitetur virtutem passionis, eorum gloriam paribus vitæ lineamentis aut inveniat, aut exquirat? Qui etsi martyrio par esse non possit, tamen muneris tanti dignitate se quisque bonis actibus dignum præbeat. Adest enim elementissimus Deus, qui desiderantibus suis aut martyrium præbeat, aut sine martyrio cum sanctis præmia divina retribuat.

8. Verbera carnificum, p. 33\*.

*Lectio vj.*

**U**T enim infirmatur peccator adversis, ita justus tentationibus roboratur. Sic dimicarunt adversus peccatum sancti; sic et laborando for-

tiores, et moriendo victores effecti sunt. Nullus athletes sine certamine fortior dici, nullus sine victoria poterit coronari. Nemo miles sine prælio hostem subiecit; nemo sine bello imperatorem promeruit. Habes, Christiane, competentia arma, quibus hostem expugnes: habes fortissima tela, quibus inimicum debelles.

8. Tamquam aurum, p. 33\*.

IN III. NOCTURNO.

Lectio sancti Evangelii secundum Lucam.

*Lectio vij. Cap. 6.*

**I**N illo tempore: Descendens Jesus de monte, stetit in loco campestri, et turba discipulorum ejus, et multitudo copiosa plebis ab omni Judæa, et Jerusalem, et maritima, et Tyri, et Sidonis. Et reliqua.

Homilia S. Ambrosii Episcopi.

*Lib. 5. in Lucæ cap. 6. post init.*

**A**DVERTE omnia diligenter, quomodo et cum Apostolis ascendat, et descendat ad turbas. Quomodo enim turba, nisi in humili Christum videret? Non sequitur ad excelsa, non ascendit ad sublimia. Denique ubi descendit, invenit infirmos: in excelsis enim infirmi esse non possunt. Hinc etiam Matthæus docet in inferioribus debiles esse sanatos. Prius enim unusquisque sanandus est, ut paulatim virtutibus procedentibus ascendere possit ad montem. Et ideo quemque in inferioribus sanat, hoc est, a libidine revocat, injuriam cæcitatatis avertit. Ad vulnera nostra descendit, ut usu quodam et copia suæ naturæ, participes nos faciat esse regni cœlestis.

8. Propter testamentum, p. 38\*.

*Lectio viij.*

**B**EATI pauperes, quia vestrum est regnum Dei. Quatuor tantum beatitudines sanctus Lucas Dominicus posuit, octo vero sanctus Matthæus: sed in illis octo istæ quatuor sunt, et in quatuor istis illæ octo. Hic e-

nim quatuor velut virtutes amplexus est cardinales: ille in illis octo mysticum numerum reseravit. Pro octava enim multi inscribuntur psalmi: et mandatum accipis octo illis partem dare, fortasse benedictionibus. Sicut enim spei nostræ octava perfectio est, ita octava summa virtutum est.

¶. Sancti mei, p. 33°.

*Lectio ix.*

**S**ED prius quæ sunt ampliora videamus. Beati, inquit, pauperes, quoniam vestrum est regnum Dei. Primam benedictionem hanc uterque Evangelista posuit. Ordine enim prima est, et parens quædam generatioque virtutum: quia qui contempserit sæcularia, ipse merebitur sempiterna: nec potest quisquam meritum regni cœlestis adipisci, qui mundi cupiditate pressus, emergendi non habet facultatem.

3 ° *Alia Homilia.*

*Lectio sancti Evangelii secundum Lucam.*

*Lectio vij. Cap. 12.*

**I**N illo tempore: Dixit Jesus discipulis suis: Attendite a fermento Phariseorum, quod est hypocrisis. Et reliqua.

Homilia venerabilis Bedæ Presbyteri.

*Lib. 4. in Lucam. c. 52.*

**D**E hoc fermento Apostolus præcipit: Itaque epulemur, non in fermento veteri, neque in fermento malitiæ et nequitiae, sed in azymis sinceritatis et veritatis. Nam sicut modicum fermentum totam farinam, cui injicitur, massam corrumpit, universamque mox conspersionem suo sapore commaculat; sic nimirum simulatio, cujus semel animum imbuerit, tota virtutum sinceritate et veritate fraudabit. Est ergo sensus: Attendite ne æmulemini simulatores, quia veniet profecto tempus, in quo et vestra virtus omnibus, et eorum reveletur hypocrisis.

¶. Propter testamentum, p. 33°.

*Lectio viij.*

**V**ERUM quod sequitur: Quoniam quæ in tenebris dixistis, in lumine dicentur: non solum in futuro quando cuncta cordium abscondita proferentur ad lucem, sed et in præsentī tempore potest congruenter accipi, quoniam quæ inter tenebras quondam pressurarum carcerumque umbras, vel locuti vel passi sunt Apostoli, nunc clarificata per orbem Ecclesia, lectis eorum actibus, publice prædicantur. Ne terreamini ab his, qui occidunt corpus. Si persecutores sanctorum, occisis corporibus, non habent amplius quid contra illos agant; ergo supervacua sunt insania, qui mortua Martyrum membra feris avibusque discerpenda projiciunt, cum nequaquam omnipotentiae Dei, quin ea resuscitando vivificet, obsistere possint.

¶. Sancti mei p. 33°.

*Lectio ix.*

**D**UO autem sunt genera persecutorum: unum palam sævientium, alterum fecte fraudulenterque blandientium. Contra utrumque nos munire atque instituere volens Salvator, et supra ab hypocrisi Phariseorum attendere, et hic a carnificum cæde præcipit non timere: quia videlicet post mortem nec horum crudelitas, nec illorum valeat simulatio durare. Nonne quinque passeress veneunt dipondio? Si minutissima, inquit, animalia, et quæ quolibet per aëra feruntur volatilia, Deus oblivisci non potest; vos, qui ad imaginem facti estis Creatoris, non debetis terreri ab his qui occidunt corpus: quia qui irrationabilia gubernat, rationabilia curare non desinit.

**COMMUNE**

CONFESSORIS PONTIFICIS.

*In I. Vespertis.*

*Ant. de Laud. Psalmi de dom. loco ult. Laudate Dominum omnes Gentes.*

*Capitulum. Eccl. 44.*

**E**CCE sacerdos magnus, qui in diebus suis placuit Deo, et inventus est



justus : et in tempore iracundiæ factus est reconciliatio.

**HYMNUS.**

**I**STE Confessor Domini, colentes  
Quem pie laudant populi per orbem,

Hac die lætus meruit beatas  
Scandere sedes.

*Si non est dies obitus, quod indicant in Proprio litteræ m. l. v. dicatur.*

Hac die lætus meruit supremos  
Laudis honores.

Qui pius, prudens, humilis, pudicus,

Sobriam duxit sine labe vitam,  
Donec humanos animavit auræ  
Spiritus artus.

Cujus ob præstans meritum, frequenter.

Ægra, quæ passim jacuere membra,  
Viribus morbi domitis, saluti  
Restituuntur.

Noster hinc illi chorus obsequentem  
Concinit laudem, celebresque palmas;  
Ut piis ejus precibus juvemur  
Omne per ævum.

Sit salus illi, decus, atque virtus,  
Qui super cæli solio coruscans,  
Totius mundi seriem gubernat,  
Trinus et unus. Amen.

ŷ. Amavit eum Dominus et ornavit eum.  
ñ. Stulam gloriæ induit eum.

*Ad Magnif. Ant. Sacerdos et Pontifex, et virtutum opifex, pastor bone in populo, ora pro nobis Dominum.*

*Oratio.*

**D**A, quæsumus, omnipotens Deus,  
ut beati N. Confessoris tui atque Pontificis veneranda solemnitas, et devotionem nobis augeat, et salutem. Per Dominum.

*Alia Oratio.*

**E**XAUDI, quæsumus, Domine, preces nostras, quas in beati N. Confessoris tui atque Pontificis solemnitate deferimus, et qui tibi digne meruit famulari, ejus intercedentibus meritis ab omnibus nos absolve peccatis. Per Dominum.

*Pro Doctoribus in utrisq. Vesp.*

*Ad Magnif. Ant. O Doctor optime, Ecclesiæ sanctæ lumen, beate N. divinæ legis amator, deprecare pro nobis Filium Dei.*

*Oratio.*

**D**EUS, qui populo tuo æternæ salutis beatum N. ministrum tribuisti, præsta, quæsumus, ut, quem doctorem vitæ habuimus in terris, intercessorem habere mereamur in cælis. Per Dominum.

*Ad Matutinum.*

*Invit. Regem Confessorum Dominum, \* Venite adoremus.*

*Psalm. Venite. I.*

*Hymnus Iste Confessor, ut sup.*

**IN I. NOCTURNO.**

*Ant. Beatus vir, qui in lege Domini meditatur : voluntas ejus permanet die ac nocte, et omnia quæcumque faciet, semper prosperabuntur.*

**Psalmus I.**

**B**EATUS vir, qui non abiit in consilio impiorum, et in via peccatorum non stetit, \* et in cathedra pestilentiae non sedit :

Sed in lege Domini voluntas ejus, \* et in lege ejus meditabitur die ac nocte.

Et erit tamquam lignum, quod plantatum est secus decursus aquarum, \* quod fructum suum dabit in tempore suo :

Et folium ejus non defluet : \* et omnia quæcumque faciet, prosperabuntur.

Non sic impii, non sic : \* sed tamquam pulvis, quem projicit ventus a facie terræ.

Ideo non resurgent impii in judicio : \* neque peccatores in concilio justorum.

Quoniam novit Dominus viam justorum : \* et iter impiorum peribit.

*Ant. Beatus vir, qui in lege Domini meditatur : voluntas ejus permanet die ac nocte, et omnia quæcumque faciet, semper prosperabuntur.*

*Ant.* Beatus iste sanctus, qui confisus est in Domino, predicavit præceptum Domini, constitutus est in monte sancto ejus.

**Psalmus 2.**

**Q**UARE fremuerunt gentes, et populi meditati sunt inania?

Aspicerunt reges terræ, et principes convenerunt in unum, adversus Dominum, et adversus Christum ejus.

Dirumpamus vincula eorum: et projiciamus a nobis jugum ipsorum.

Qui habitat in cælis, iridebit eos: et Dominus subsannabit eos.

Tunc loquetur ad eos in ira sua: et in furore suo conturbabit eos.

Ego autem constitutus sum Rex ab eo super Sion montem sanctum ejus, predicans præceptum ejus.

Dominus dixit ad me: Filius meus es tu, ego hodie genui te.

Postula a me, et dabo tibi gentes hereditatem tuam, et possessionem tuam terminos terræ.

Reges eos in virga ferrea, et tamquam vas figuli confringes eos.

Et nunc, reges, intelligite: erudimini, qui judicatis terram.

Servite Domino in timore, et exultate ei cum tremore.

Apprehendite disciplinam, ne quando irascatur Dominus, et pereatis de via justa.

Cum exarserit in brevi ira ejus, beati omnes qui confidunt in eo.

*Ant.* Beatus iste sanctus, qui confisus est in Domino, predicavit præceptum Domini, constitutus est in monte sancto ejus.

*Ant.* Tu es gloria mea, tu es susceptor meus, Domine: tu exaltans caput meum, et exaudisti me de monte sancto tuo.

**Psalmus 3.**

**D**OMINE, quid multiplicati sunt qui tribulant me? multi insurgunt adversum me.

Multi dicunt animæ meæ: Non est salus ipsi in Deo ejus.

Tu autem, Domine susceptor meus es, gloria mea, et exaltans caput meum.

Voce mea ad Dominum clamavi: et exaudivit me de monte sancto suo.

Ego dormivi, et soporatus sum: et exurrexi, quia Dominus suscepit me.

Non timebo millia populi circumdantis me: exurge, Domine salvum me fac, Deus meus.

Quoniam tu percussisti omnes adversantes mihi sine causa: dentes peccatorum contrivisti.

Domini est salus: et super populum tuum benedictio tua.

*Ant.* Tu es gloria mea, tu es susceptor meus, Domine: tu exaltans caput meum, et exaudisti me de monte sancto tuo.

ÿ. Amavit eum Dominus, et ornavit eum. â. Stulam gloriæ induit eum. Pater noster.

*Absol.* Exaudi. ÿ. Jube domne.

*Benel.* Benedictione perpetua.

De Epistola I. beati Pauli Apostoli ad Timotheum.

*Lectio j. Cap. 3.*

**FIDELIS** sermo: Si quis Episcopus tum desiderat, bonum opus desiderat. Oportet ergo Episcopum irreprehensibilem esse, unius uxoris virum, sobrium, prudentem, ornatum, pudicum, hospitalem, doctorem, non vinolentum, non percussorem, sed modestum; non litigiosum, non cupidum, sed suæ domui bene præpositum, filios habentem subditos cum omni castitate. Si quis autem domui suæ præesse nescit, quomodo Ecclesiæ Dei diligentiam habebit? Non neophytum, ne in superbiam elatus, in judicium incidat diaboli. Oportet autem illum et testimonium habere bonum ab iis, qui foris sunt, ut non in opprobrium incidat, et in laqueum diaboli.

â. Euge, serve bone et fidelis, quia in pauca fuisti fidelis, supra multa te constituam: Intra in gaudium Domini tui. ÿ. Domine, quinque talenta tradidisti mihi, ecce alia quinque superlucratus sum. Intra.

*Bened. Unigenitus Dei Filius.*

*De Epistola ad Titum.*

*Lectio ij. Cap. I.*

**O**PORTET enim Episcopum sine crimine esse, sicut Dei dispensatorem: non superbum, non iracundum, non vinolentum, non percussorem, non turpis lucri cupidum: sed hospitalem, benignum, sobrium, justum, sanctum, continentem, amplectentem eum, qui secundum doctrinam est, fidelem sermonem: ut potens sit exhortari in doctrina sana, et eos qui contradicunt, arguere. Sunt enim multi etiam inobedientes, vaniloqui, et seductores: maxime qui de circumcisione sunt, quos oportet redargui: qui universas domos subvertunt, docentes quæ non oportet, turpis lucri gratia.

¶. Ecce sacerdos magnus, qui in diebus suis placuit Deo: \* Ideo jurejurando fecit illum Dominus crescere in plebem suam. ¶. Benedictionem omnium gentium dedit illi, et testamentum suum confirmavit super caput ejus. Ideo.

*Bened. Spiritus sancti gratia.*

*Lectio iij. Cap. 1.*

**T**U autem loquere tuæ decent sanam doctrinam: senes ut sobrii sint, pudici, prudentes, sani in fide, in dilectione, in patientia. Anus similiter in habitu sancto, non criminatrices, non multo viro servientes, bene docentes: ut prudentiam doceant adolescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Juvenes similiter hortare ut sobrii sint. In omnibus teipsum præbe exemplum bonorum operum in doctrina, in integritate, in gravitate, verbum sanum, irreprehensibile: ut is, qui ex adverso est, vereatur, nihil habens malum dicere de nobis.

¶. Juravit Dominus, et non pœnitebit eum: \* Tu es sacerdos in æternum secundum ordinem Melchisc-

dech. ¶. Dixit Dominus Domino meo: Sede a dextris meis. Tu es, Gloria. Tu es.

IN II. NOCTURNO.

*Ant. Invocantem exaudivit Dominus sanctum suum; Dominus exaudivit eum, et constituit eum in pace.*

**Psalmus 4.**

**C**UM invocarem, exaudivit me Deus justitiæ meæ: \* in tribulatione dilatasti mihi.

Miserere mei, \* et exaudi orationem meam.

Filii hominum, usquequo gravi corde? \* ut quid diligitis vanitatem, et quæritis mendacium?

Et scitote quoniam mirificavit Dominus sanctum suum: \* Dominus exaudiet me, cum clamavero ad eum.

Irascimini, et nolite peccare: \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. \* Multi dicunt: Quis ostendit nobis bona?

Signatum est super nos lumen vultus tui, Domine: \* dedisti lætitiā in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam.

Quoniam tu, Domine, singulariter in spe \* constituisti me.

*Ant. Invocantem exaudivit Dominus sanctum suum; Dominus exaudivit eum, et constituit eum in pace.*

*Ant. Lætentur omnes, qui sperant in te, Domine: quoniam tu benedixisti justo; scuto bonæ voluntatis tuæ coronasti eum.*

**Psalmus 5.**

**V**ERBA mea auribus percipe, Domine, \* intellige clamorem meum.

Intende voci orationis meæ, \* Rex meus, et Deus meus.

Quoniam ad te orabo, \* Domine mane exaudies vocem meam.

Mane astabo tibi, et videbo: \* quoniam non Deus volens iniquitatem tu es.



Neque habitabit juxta te malignus: neque permanent injusti ante oculos tuos.

Odisti omnes, qui operantur iniquitatem: \* perdes omnes, qui loquuntur mendacium.

Virum sanguinum et dolosum abominabitur Dominus: \* ego autem in multitudine misericordiae tuae.

Introibo in domum tuam: \* adorabo ad templum sanctum tuum in timore tuo.

Domine, deduc me in justitia tua: \* propter inimicos meos dirige in conspectu tuo viam meam.

Quoniam non est in ore eorum veritas: \* cor eorum vanum est.

Sepulchrum patens est guttur eorum: linguis suis dolose agebant: \* judica illos, Deus.

Decidant a cogitationibus suis, secundum multitudinem impietatum eorum expelle eos: \* quoniam irritaverunt te, Domine.

Et laetentur omnes qui sperant in te: \* in æternum exultabunt, et habitabis in eis.

Et gloriabuntur in te omnes qui diligunt nomen tuum: \* quoniam tu benedices justo.

Domine ut scuto bonæ voluntatis tuæ \* coronasti nos.

*Ant.* Laetentur omnes, qui sperant in te, Domine: quoniam tu benedixisti justo; scuto bonæ voluntatis tuæ coronasti eum.

*Ant.* Domine Dominus noster, quam admirabile est nomen tuum in universa terra! quia gloria et honore coronasti sanctum tuum, et constituisti eum super opera manuum tuarum.

### Psalmus 8.

**D**OMINE Dominus noster, \* quam admirabile est nomen tuum in universa terra!

Quoniam elevata est magnificentia tua \* super cælos.

Ex ore infantium et lactentium perfecisti laudes propter inimicos tuos, \* ut destruas inimicum et ultorem.

Quoniam videbo cælos tuos, opera digitorum tuorum: \* lunam et stellas, quæ tu fundasti.

Quid est homo quod memor es ejus? \* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum, \* et constituisti eum super opera manuum tuarum.

Omnia subiecisti sub pedibus ejus, \* oves et boves universas, insuper et pecora campi:

Volucres cæli, et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

*Ant.* Domine Dominus noster, quam admirabile est nomen tuum in universa terra! quia gloria et honore coronasti sanctum tuum, et constituisti eum super opera manuum tuarum:

†: Elegit eum Dominus sacerdotem sibi. †. Ad sacrificandum ei hostiam laudis. Pater noster.

*Absol.* Ipsius. †. Jube domne.

*Bened.* Deus Pater omnipotens.

### Sermo S. Maximi Episcopi.

*Homil. 59 quæ est. 2 de S. Eusebio*

*Vercellens. Lectio iv.*

**A**D sancti ac beatissimi Patris nostri N., cujus hodie festa celebramus, laudes addidisse aliquid, decerpisse est: siquidem virtutum ejus gratia non sermonibus exponenda est, sed operibus comprobanda. Cum enim dicat Scriptura: Gloria patris est filius sapiens: quantæ hujus sunt gloriæ, qui tantorum filiorum sapientia et devotiore lætatur? In Christo enim Jesu per Evangelium ipse nos genuit.

†. Inveni David servum meum, oleo sancto meo unxi eum: \* Manus enim mea auxiliabitur ei. †. Nihil proficiet inimicus in eo, et filius iniquitatis non nocebit ei. Manus.

*Bened.* Christus perpetuæ.

## Lectio v.

**QUIDQUID** igitur in hac sancta plebe potest esse virtutis et gratiæ, de hoc, quasi quodam fonte lucidissimo, omnium rivulorum hæc puritas emanavit. Etenim quia castitatis pollebat vigore, quia abstinentiæ gloriabatur angustis, quia blandimentis erat præditus lenitatis, omnium civium in Deum provocavit affectum: quia Pontificis administratione fulgebat, plures e discipulis reliquit sui sacerdotii successores.

â. Posui adjutorium super potentem, et exaltavi electum de plebe mea: \* Manus enim mea auxiliabitur ei. ⁊. Inveni David servum meum, oleo sancto meo unxi eum. Manus.

*Bened.* Ignem sui amoris.

## Lectio vj.

**BENE** et congrue in hac die, quam nobis beati Patris nostri N. ad paradisum transitus exultabilem reddit, præsentis psalmi versiculum decantavimus: In memoria æterna erit justus. Digne enim in memoriam vertitur hominum, qui ad gaudium transiit Angelorum. Dicit sermo divinus: Ne laudes hominem in vita sua: tanquam si diceret, Lauda post vitam, magnifica post consummationem. Duplici enim ex causa utilius est hominum magis memoriæ laudem dare, quam vitæ, ut illo potissimum tempore merita sanctitatis extollas, quando nec laudantem adulatio moveat, nec laudatum tentet elatio.

â. Iste est qui ante Deum magnas virtutes operatus est, et omnis terra doctrina ejus repleta est: \* Ipse intercedat pro peccatis omnium populorum. ⁊. Iste est qui contempsit vitam mundi, et pervenit ad cœlestia regna. Ipse. Gloria. Ipse.

## IN III NOCTURNO.

*Ant.* Domine, iste sanctus habitabit in tabernaculo tuo; operatus est justitiam, requiescet in monte sancto tuo.

## Psalmus 14.

**DOMINE**, quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam:

Qui loquitur veritatem in corde suo, qui non egit dolum in lingua sua:

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus: \* timentes autem Dominum glorificat.

Qui jurat proximo suo, et non decipit, \* qui pecuniam suam non dedit ad usuram, et munera super innocentem non accepit.

Qui facit hæc, \* non movebitur in æternum.

*Ant.* Domine, iste sanctus habitabit in tabernaculo tuo; operatus est justitiam, requiescet in monte sancto tuo.

*Ant.* Vitam petiit a te, et tribuisti ei, Domine: gloriam et magnum decorem imposuisti super eum: posuisti in capite ejus coronam de lapide pretioso.

## Psalmus 20.

**DOMINE**, in virtute tua lætabitur rex: \* et super salutare tuum exultabit vehementer.

Desiderium cordis ejus tribuisti ei: \* et voluntate labiorum ejus non fraudasti eum.

Quoniam prævenisti eum in benedictionibus dulcedinis: \* posuisti in capite ejus coronam de lapide pretioso.

Vitam petiit a te, \* et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo: \* gloriam et magnum decorem impones super eum.

Quoniam dabis eum in benedictionem in sæculum sæculi: \* lætificabis eum in gaudio cum vultu tuo.

Quoniam rex sperat in Domino, \*

et in misericordia Altissimi, non commovebitur.

Inveniat manus tua omnibus inimicis tuis: \* dextera tua inveniat omnes, qui te oderunt.

Pones eos ut clibanum ignis in tempore vultus tui: \* Dominus in ira sua conturbabit eos, et devorabit eos ignis.

Fructum eorum de terra perdes, \* et semen eorum a filiis hominum.

Quoniam declinaverunt in te mala: \* cogitaverunt consilia, quæ non potuerunt stabilire.

Quoniam pones eos dorsum: \* in reliquiis tuis præparabis vultum eorum.

Exaltare, Domine, in virtute tua: \* cantabimus et psallemus virtutes tuas.

*Ant.* Vitam petiit a te, et tribuisti ei, Domine, gloriam et magnum decorem imposuisti super eum: posuisti in capite ejus coronam de lapide pretioso.

*Ant.* **N**ic accipiet benedictionem a Domino, et misericordiam a Deo salutari suo: quia hæc est generatio quærentium Dominum.

### Psalmus 23.

**D**OMINI est terra, et plenitudo ejus: \* orbis terrarum et universi qui habitant in eo.

Quia ipse super maria fundavit eum: \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus, et mundo corde, \* qui non accepit in vano animam suam, nec juravit in dolo proximo suo.

**N**ic accipiet benedictionem a Domino, \* et misericordiam a Deo salutari suo.

Hæc est generatio quærentium eum: \* quærentium faciem Dei Jacob.

Attollite portas, principes, vestras, et elevamini, portæ æternales: \* et introibit Rex gloriæ.

Quis est iste Rex gloriæ? \* Dominus fortis et potens, Dominus potens in prælio.

Attollite portas, principes, vestras, et elevamini, portæ æternales: \* et introibit Rex gloriæ.

Quis est iste Rex gloriæ? \* Dominus virtutum ipse est Rex gloriæ.

*Ant.* **N**ic accipiet benedictionem a Domino, et misericordiam a Deo salutari suo: quia hæc est generatio quærentium Dominum.

*℣* Tu es sacerdos in æternum.  
*℟.* Secundum ordinem Melchisedech.  
**P**ater noster.

*Absol.* **A** vinculis. *℣.* Jube domne.

*Bened.* Evangelica lectio.

Lectio sancti Evangelii secundum Matthæum.

*Lectio vij. Cap. 25.*

**I**N illo tempore: Dixit Jesus discipulis suis parabolam hanc: Homo peregre proficiscens, vocavit servos suos, et tradidit illis bona sua. Et reliqua.

Homilia sancti Gregorii Papæ.

*Homilia 9. in Evangelia.*

**L**ECTIO sancti Evangelii, fratres charissimi, sollicite considerare nos admonet, ne nos, qui plus cæteris in hoc mundo accepisse aliquid cernimur, ab auctore mundi gravius inde judicemur. Cum enim augentur dona, rationes etiam crescunt donorum. Tanto ergo esse humilior, atque ad servitendum Deo promptior quisque debet ex munere, quanto se obligationem esse conspicit in reddenda ratione. Ecce homo, qui peregre proficiscitur, servos suos vocat, eisque ad negotium talenta partitur. Post multum vero temporis positurus rationem revertitur. Bene operantes pro apportato lucro remunerat, servum vero a bono opere torpentem damnat.

*℟.* Amavit eum Dominus, et ornavit eum; stolam gloriæ induit eum, \* Et ad portas paradisi coronavit eum. *℣.* Induit eum Dominus lorica fidei, et ornavit eum. Et ad.

*Bened.* Cujus festum colimus.

*Lectio viij.*

**Q**UIS itaque iste homo est, qui peregre proficiscitur, nisi Re-



demptor noster, qui in ea carne quam assumpserat, abiit in cælum? Carnis enim locus proprius terra est; quæ quasi ad peregrina ducitur, dum per Redemptorem nostrum in cælo collocatur. Sed homo iste peregre proficiscens servis suis bona sua tradidit, quia fidelibus suis spiritualia dona concessit. Et uni quidem quinque talenta, alii duo, alii vero commisit unum. Quinque etenim sunt corporis sensus: videlicet, visus, auditus, gustus, odoratus, et tactus. Quinque ergo talentis donum quinque sensuum, id est, exteriorum scientia exprimitur. Duobus vero, intellectus et operatio designatur. Unius autem talenti nomine intellectus tantummodo designatur.

¶. Sint lumbi vestri præcincti, et lucernæ ardentes in manibus vestris: Et vos similes hominibus expectantibus Dominum suum, quando revertatur a nuptiis. ¶. Vigilate ergo, quia nescitis qua hora Dominus vester venturus sit. Et vos. Gloria. Et vos.

*Pro Doctoribus.*

¶. In medio Ecclesiæ aperuit os ejus, Et implevit eum Dominus spiritu sapientiæ et intellectus. ¶. Jucunditatem et exultationem thesaurizavit super eum. Et. Gloria. Et.

*Bened. Ad societatem.*

*Lectio 11.*

**S**ED is, qui quinque talenta acceperat, alia quinque lucratus est: quia sunt nonnulli, qui, etsi interna ac mystica penetrare nesciunt, pro intentione tamen supernæ patriæ docent recta quos possunt, de ipsis exterioribus quæ acceperunt, duplum talentum portant: dumque se a carnis petulantia, et a terrenarum rerum ambitu, atque a visibilium voluptate custodiunt, ab his etiam alios admonendo compescunt. Et sunt nonnulli, qui, quasi duobus talentis ditati, intellectum atque operationem percipiunt, subtilia de internis intelligunt, mira in exterioribus operantur. Cumque et intelligendo et ope-

rando aliis prædicant, quasi duplicatum de negotio lucrum reportant.

Te Deum laudamus, p. 12.

*Ad Laudes.*

*et per Horas, Antiphonæ.*

1. ECCE sacerdos magnus, qui in diebus suis placuit Deo, et inventus est justus.

2. Non est inventus similis illi, qui conservaret legem Excelsi.

3. Ideo jurejurando fecit illum Dominus crescere in plebem suam.

4. Sacerdotes Dei, benedicite Dominum: servi Domini, hymnum dicite Deo, alleluia.

5. Serve bone et fidelis, intra in gaudium Domini tui.

*Capitulum. Eccli. 44.*

**ECCE** sacerdos magnus, qui in diebus suis placuit Deo, et inventus est justus: et in tempore iracundiæ factus est reconciliatio.

**HYMNUS.**

**J**ESU Redemptor omnium,  
Perpes corona Præsulum,  
In hac die clementius  
Indulgeas precantibus.

Tui sacri qua nominis  
Confessor almus claruit:  
Hujus celebrat annua  
Devota plebs solemnias.

Qui rite mundi gaudia  
Hujus caduca respuens,  
Æternitatis præmio  
Potitur inter Angelos.

Hujus benignus annue  
Nobis sequi vestigia:  
Hujus precatu servulis  
Dimitte noxam criminis.

Sit, Christe Rex piissime,  
Tibi Patrique gloria,  
Cum Spiritu Paracrito,  
Nunc et per omne sæculum. Amen.

¶. Iustus deduxit Dominus per vias rectas. ¶. Et ostendit illi regnum Dei.

*Ad Bened. Ant.* Euge, serve bone et fidelis, quia in pauca fuisti fidelis, supra multa te constituam, dicit Dominus.

**Ad Tertiam.***Capit.* Ecce sacerdos , ut supra.

ñ. br. Amavit eum Dominus . \* Et ornavit eum. Amavit. ŷ. Stulam gloriæ induit eum. Et ornavit. Gloria. Amavit. ŷ. Elegit eum Dominus sacerdotem sibi. ñ. Ad sacrificandum ei hostiam laudis.

**Ad Sextam.***Capitulum.* Eccli. 44.

**N**ON est inventus similis illi , qui conservaret legem Excelsi : ideo jurejurando fecit illum Dominus crescere in plebem suam.

ñ. br. Elegit eum Dominus , \* Sacerdotem sibi. Elegit. ŷ. Ad sacrificandum ei hostiam laudis. Sacerdotem. Gloria. Elegit. ŷ. Tu es sacerdos in æternum. ñ. Secundum ordinem Melchisedech.

**Ad Nonam.***Capitulum.* Eccli. 45.

**F**UNGI sacerdotio, et habere laudem in nomine ipsius , et offerre illi incensum dignum in odorem suavitatis.

ñ. br. Tu es sacerdos , \* In æternum. Tu es. ŷ. Secundum ordinem Melchisedech. In æternum. Gloria. Tu es. ŷ. Justum deduxit Dominus per vias rectas. ñ. Et ostendit illi regnum Dei.

**In II. Vespertis.**

*Ant. de Laud. Psalmi de Dom. loco ult. Memento Domine David p. 92*

*Capit. et Hymn. ut in I. Vesp.*

ŷ. Justum deduxit Dominus per vias rectas. ñ. Et ostendit illi regnum Dei.

*Ad Magnif. Ant.* Amavit eum Dominus , et ornavit eum ; stulam gloriæ induit eum , et ad portas paradisi coronavit eum.

*Sequens Ant. dicitur ad Magnif. in ij Vesp. pro solis summis Pontif. Ant.* Dum esset summus Pontifex , terrena non metuit , sed ad cœlestia regna gloriosus migravit.

*Si occurrat celebrari Festum plur. Ponif. et Confess., Offic. fit ut supra; sed in Orat. et Sermones , quæ ponuntur in singulari, dicantur in plurali; et in j Noct. legantur seq. Lectiones.*

*De libro Ecclesiastici.**Lectio j. Cap. 44.*

**L**AUDEMUS viros<sup>2</sup> gloriosos , et parentes nostros in generatione sua. Multam gloriam fecit Dominus magnificentia sua a sæculo. Dominantes in potestatibus suis , homines magni virtute, et prudentia sua præditi, nuntiantes in Prophetis dignitatem Prophetarum , et imperantes in præsentī populo , et virtute prudentiæ populis sanctissima verba. In peritiā sua requirentes modos musicos , et narrantes carmina scripturarum.

ñ. Euge serve , p. 40 \*

*Lectio ij.*

**H**OMINES divites in virtute , pulchritudinis studium habentes, pacificantes in domibus suis. Omnes isti in generationibus gentis suæ gloriam adepti sunt , et in diebus suis habentur in laudibus. Qui de illis nati sunt, reliquerunt nomen narrandi laudes eorum : et sunt quorum non est memoria ; perierunt quasi qui non fuerint : et nati sunt quasi non nati , et filii ipsorum cum ipsis.

ñ. Ecce sacerdos , p. 40 \*.

*Lectio iij.*

**S**ED illi viri misericordiæ sunt , quorum pietates non defuerunt: cum semine eorum permanent bona, hæreditas sancta nepotes eorum : et in testamentis stetit semen eorum , et filii eorum propter illos usque in æternum manent : semen eorum et gloria eorum non derelinquetur. Corpora ipsorum in pace sepulta sunt , et nomen eorum vivit in generationem et generationem. Sapientiam ipsorum narrent populi , et laudem eorum nuntiet ecclesia.

ñ. Juravit Dominus , p. 41\*.

2.\* ALIÆ LECTIONES  
pro Pontifice et Confessore.  
IN II. NOCTURNO.

Sermo S. Maximi Episcopi.  
Ex Homil. 59, 2. de S. Eusebio.  
Lectio. iv.

**BEATI** Patris N. merita jam in tuto posita securi magnificemus: qui gubernaculum fidei viriliter tenens, anchoram spei tranquilla jam in statione composuit, et plenam cœlestibus divitiis et æternis mercibus navem optato in littore collocavit: qui contra omnes adversarios scutum timoris Dei tamdiu infaticabiliter tenuit, donec ad victoriam perveniret. Quid enim fuit totus vitæ illius cursus, nisi unus cum vigili hoste conflictus?

¶. Inveni David, p. 42\*.  
Lectio. v.

**QUANTIS** hic cæcis a via veritatis errantibus, et de summa jam in profundum rupe pendentibus, amissum reddidit visum, et illum, quo Christus videretur, reparavit intuitum? Quantorum auribus surdis, et infidelitatis obturatione damnatis, ad percipiendam vocem cœlestium mandatorum, pretiosum infudit auditum, ut vocanti Deo ad misericordiam responderent per obedientiam? Quantos intrinsecus vulneratos, Angelici oris arte et orationum, ab infirmitate curavit?

¶. Posui adjutorium, p. 43\*.  
Lectio. vj.

**QUANTOS** per longam incuriam peccati labe resolutos, et quadam lepræ contagione perfusos, castigationibus et exhortationibus expiando, Deo in se operante, munda- vit? Quantorum animas viventes in corpore jam defunctas, et delictorum mole obrutas ac sepultas, ad emendationem tamquam ad lucem vocando, Deo resuscitavit; ut Domini sui admirandus imitator, jam mortuas Deo, e contrario mortificet vitali morte peccato?

¶. Iste est qui ante Deum, p. 43\*.  
IN III. NOCTURNO.

Lectio sancti Evangelii secundum  
Matthæum.  
Lectio vij. Cap. 24.

**IN** illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Et reliqua,

Homilia S. Hilarii Episcopi.  
Comment. in Matth. c. 26. in fine.

**UT** ignorantiam illam diei omnibus taciti, non sine utilis silentii ratione esse sciremus, vigilare nos Dominus propter adventum furis admonuit, et orationum assiduitate detentos, omnibus præceptorum suorum operibus inhærere. Furem enim esse ostendit zabulum, ad detrahenda ex nobis spolia pervigilem, et corporum nostrorum domibus insidiantem; ut ea incuriosis nobis, et somno deditis, consiliorum suorum atque illecebrarum jaculis perfodiat. Paratos igitur esse nos convenit: quia diei ignoratio intentam sollicitudinem suspensæ expectationis exagitet.

¶. Amavit eum, p. 44\*.  
Lectio viij. c. 27.

**QUISNAM** est fidelis servus et prudens, quem constituit Dominus super familiam suam? Quamquam in commune nos ad indefessam vigilantiae curam adhortetur, specialem tamen populi principibus, id est, Episcopis, in expectatione adventuque suo sollicitudinem mandat. Hunc enim servum fidelem atque prudentem, præpositum familiæ significat, comoda atque utilitates commissi sibi populi curantem. Qui si dicto audiens, et præceptis obediens erit, id est, si doctrinæ opportunitate et veritate infirma confirmet, disrupta consolidet, depravata convertat, et verbum vitæ in æternitatis cibum alendæ familiæ dispendat, atque hæc agens, hisque immorans deprehendatur, gloriam a Domino tamquam dispensator fidelis, et villicus utilis consequetur,



et super omnia bona constituetur: id est, in Dei gloria collocabitur, quia nihil sit ultra, quod melius sit.

q. Sint lumbi, p. 43.

*Lectio. ix.*

**Q**UOD si contucus longam Dei patientiam, quæ in profectum humanæ salutis extenditur, adversum conservos insolescet, et sæculi malis vitiisque se tradet, præsentium tantum curam in cultu ventris exercens: desperata die Dominus adveniet, eumque a bonis, quæ spoponderat, dividet, portionemque ejus cum hypocritis in pænæ æternitate constituet; quia adventum desperaverit, quia mandatis non obtemperaverit, quia præsentibus studuerit, quia vita Gentium vixerit, quia desperatione judicii commissam sibi familiam fame, siti, cæde vexaverit.

#### PRO DOCTORIBUS.

*Officium fit de Confes. Pont. vel non Pont. pro eorum qualitate.*

IN I. NOCTURNO.

De libro Ecclesiastici.

*Lectio. j. Cap. 39*

**S**APIENTIAM omnium antiquorum exquiret sapiens, et in Prophetis vacabit. Narrationem virorum nominatorum conservabit, et in versutias parabolarum simul introibit. Occulta proverbiorum exquiret, et in absconditis parabolarum conversabitur. In medio magnatorum ministrabit, et in conspectu præsidis apparebit. In terram alienigenarum gentium pertransiet: bona enim et mala in hominibus tentabit.

*Lectio. ij.*

**C**OR suum tradet ad vigilandum diluculo ad Dominum, qui fecit illum, et in conspectu Altissimi deprecabitur. Aperiet os suum in oratione, et pro delictis suis deprecabitur. Si enim Dominus magnus voluerit, spiritu intelligentiæ replebit illum: et ipse tamquam imbres mittet eloquia sapientiæ suæ, et in o-

ratione confitebitur Domino: et ipse diriget consilium ejus et disciplinam, et in absconditis suis consiliabitur.

*Lectio. iij.*

**I**PSE palam faciet disciplinam doctrinæ suæ, et in lege testamenti Domini gloriabitur. Collaudabunt multi sapientiam ejus, et usque in sæculum non delebitur. Non recedet memoria ejus, et nomen ejus requiratur a generatione in generationem. Sapientiam ejus enarrabunt gentes, et laudem ejus enuntiabit ecclesia.

IN II. NOCTURNO.

Ex lib. Moralium S. Gregorii Papæ.

*Lib. 9. Cap. 6. Lectio iv.*

**Q**UI post Orionas Hyadum nomine, nisi Doctores sanctæ Ecclesiæ designantur? Qui subductis Martyribus, eo jam tempore ad mundi notitiam venerunt, quo fides clarius elucet: et repressa infidelitatis hieme, altius per corda fidelium sol veritatis calet. Qui remota tempestate persecutionis, expletis longis noctibus infidelitatis, tunc sanctæ Ecclesiæ orti sunt, cum ei jam per credulitatis vernum lucidior annus aperitur.

*Lectio. v.*

**NEC** immerito Doctores sancti Hyadum nuncupatione signantur. Græco quippe eloquio *hyetos* pluvia vocatur: et Hyades nomen a pluviis acceperunt, quia ortæ procul dubio imbres ferunt. Bene ergo Hyadum appellatione expressi sunt, qui ad statum universalis Ecclesiæ quasi in cæli faciem deducti, super arentem terram humani pectoris sanctæ prædicationis imbres fuderunt. Si enim prædicationis sermo pluvia non esset, Moyses minime dixisset: Expectetur sicut pluvia eloquium meum: et nequaquam per Isaiam Veritas diceret: Mandabo nubibus meis, ne pluant super eam imbrem: atque hoc, quod paulo ante protulimus: Quamobrem prohibitæ sunt stellæ pluviarum.

*Lectio vj.*

**D**UM ergo Hyades cum pluviis veniunt, ad cœli spatia altiora sol ducitur: quia, apparente Doctorum scientia, dum mens nostra imbre prædicationis infunditur, fidei calor augetur. Et perfusa terra ad fructum proficit, cum lumen ætheris ignescit, quia uberius frugem boni operis reddimus, dum per sacræ eruditionis flammam in corde clarius ardemus. Dumque per eos diebus singulis magis magisque scientia cælestis ostenditur, quasi interni nobis luminis vernum tempus aperitur: ut novus sol nostris mentibus rutillet, et eorum verbis nobis cognitus, se ipso quotidie clarior micet. Urgente etenim mundi fine, superna scientia proficit, et largius cum tempore excrescit.

IN III. NOCTURNO.

Lectio sancti Evangelii secundum Matthæum.

*Lectio vij. Cap. 5.*

**I**N illo tempore: Dixit Jesus discipulis suis: vos estis sal terræ. Quod si sal evanuerit, in quo salietur? Et reliqua.

Homilia S. Augustini Episcopi.

Lib. I. de Sermonibus Domini in monte. Cap. 6. Tom. 4.

**O**STENDIT Dominus fatuos esse judicandos, qui temporalium honorum vel copiam sectantes, vel inopiam metuentes, amittunt æterna, quæ nec dari possunt ab hominibus, nec auferri. Itaque si sal infatuatum fuerit, in quo salietur? id est, si vos, per quos condiendi sunt quodammodo populi, metu persecutionum temporalium amiseritis regna cœlorum; qui erunt homines, per quos a vobis error auferatur, cum vos elegerit Deus, per quos errorem auferat cæterorum?

*Lectio viij.*

**E**RGO ad nihilum valet sal infatuatum, nisi ut mittatur foras,  
COMMUN. SS.

et calcetur ab hominibus. Non itaque calcetur ab hominibus, qui patitur persecutionem; sed qui persecutionem timendo infatuatur. Calcari enim non potest nisi inferior: sed inferior non est, qui quamvis corpore multa in terra sustineat, corde tamen fixus in cœlo est.

*Lectio ix.*

**V**OS estis lumen mundi. Quomodo superius dixit sal terræ, sic nunc dicit lumen mundi. Nam neque superius ista terra accipienda est. quam pedibus corporeis calcamus: sed homines, qui in terra habitant, vel etiam peccatores, quorum condendis et extinguendis putribus Apostolicum salem Dominus misit. Et hic mundum, non cælum et terram, sed homines, qui sunt in mundo, vel diligunt mundum, oportet intelligi, quibus illuminandis Apostoli missi sunt. Non potest civitas abscondi super montem posita: id est, fundata super insignem magnamque justitiam, quam significat etiam ipse mons, in quo disputat Dominus.

2.º *Alia Homilia.*

Lectio sancti Evangelii secundum Matthæum.

*Lectio vij. Cap. 5.*

**I**N illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia S. Hilarii Episcopi.

Comment. in Matth. c. 5.

**V**OS estis sal terræ: quod si sal infatuatum fuerit, ad nihilum valet id quod salietur. Sal, ut arbitror, terræ nullum est. Quomodo ergo Apostolos sal terræ nuncupavit? Sed proprietas est querenda dictorum, quam et Apostolorum officium, et ipsius salis natura monstrabit. Sal est in se uno continens aquæ et ignis elementum, et hoc ex duobus est unum.

D

*Lectio viij.*

**H**IC igitur in omnem usum humani generis effectus, incorruptionem corporibus, quibus fuerit aspersus, impertit, et ad omnem sensum conditi saporis aptissimus est. Apostoli autem sunt rerum celestium prædicatores, et æternitatis velut saltores, immortalitatem omnibus corporibus, quibus eorum sermo aspersus fuerit, conferentes. Merito igitur sal terræ nuncupati sunt, per doctrinæ virtutem saliendo modo æternitati corpora reservantes.

*Lectio ix.*

**S**ED natura salis semper eadem est, nec immutari unquam potest. Verum quia conversioni homo subiacet, et solus beatus, qui usque ad finem in omnibus Dei operibus permanserit: ideo eos sal terræ nuncupatos monet in traditæ sibi potestatis virtute persistere, ne infatuati nihil saliant: et ipsi, sensu accepti saporis amisso, vivificare corrupta non possunt; et projecti de Ecclesiæ promptuariis, cum his quos salierint pedibus incedentium proterantur.

*3.º Alia Homilia.*

*Lectio sancti Evangelii secundum Matthæum.*

*Lectio vij.**Cap. 5.*

**I**N illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

*Homilia S. Joannis Chrysostomi.*

*Homilia 15. in Matth. sub med.*

**A**TTENDITE quid dixerit, Vos estis sal terræ: per quod ostendit, quam necessario ista præcipiat. Non enim de vestra, inquit, tantummodo vita, sed de universo orbe vobis ratio reddenda est. Non ad duas quippe urbes, aut decem, aut viginti, neque ad unam gentem vos mitto, sicut mittebam Prophetas: sed ad omnem terram prorsus ac mare, totumque mundum, et hunc variis criminibus oppressum.

*Lectio viij.*

**D**ICENDO enim, Vos estis sal terræ, ostendit universam hominum infatutam esse naturam, et peccatorum vi corruptam: et ideo illas ab eis virtutes requirit, quæ maxime ad multorum salutem procurandam necessariae sunt atque utiles. Nam qui mansuetus est ac modestus, et misericors et justus, non intra se tantummodo hæc recte facta concludit, verum in aliorum quoque utilitatem præclaros hos faciet effluere fontes. Igitur qui corde mundo est atque pacificus, et persecutionem pro veritate patitur, nihilominus in commune commodum vitam instituit.

*Lectio ix.*

**N**E igitur putetis, inquit, ad levissima vos ducendos esse certamina, neque exiguarum rerum vobis ineundam esse rationem. Vos estis sal terræ. Quid igitur? Ipsine putrefacta medicati sunt? Nequaquam: neque enim fieri potest, ut ea, quæ jam corrupta sunt, salis perfricatione reparentur. Non ergo hoc fecerunt, sed ante renovata, sibi que tradita, atque ab illa jam putredine liberata, aspergebant sale, et in ea novitate conservabant, quam a Domino susceperant. Liberare quippe a putredine peccatorum, Christi virtutis est: ut autem ad illa iterum non revertantur, Apostolorum curæ est ac laboris.

**COMMUNE**

**CONFESSORIS NON PONTIFICIS.**

*In I. Vespertis.*

*Ant. de Laud. Psalmi de Domino ult. Laudate Dominum omnes gentes.*

*Capitulum. Eccli. 31.*

**B**EATUS vir qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua.



HYMNUS.

**I**STE Confessor Domini, coelestes,

Quem pie laudant populi per orbem:

Hac die lætus meruit beatas  
Scaudere sedes.

Si non est dies obitus, quod indicant in Proprio litteræ m. l. v. dicatur:

Hac die lætus meruit supremos  
Laudis honores.

Qui pius, prudens, humilis, pudicus,

Sobriam duxit sine labe vitam.  
Donec humanos animavit auræ

Spiritus artus.

Cujus ob præstans meritum, frequenter

Ægra, quæ passim jacuere membra,

Viribus morbi domitis, salutem  
Restituuntur.

Noster hinc illi chorus obsequentem

Concinit laudem, celebresque palmas;  
Ut piis ejus precibus juvemur

Omne per ævum.

Sit salus illi, decus, atque virtus,

Qui super cæli solio coruscans,  
Totius mundi seriem gubernat

Trius et unus. Amen.

†. Amavit eum Dominus et ornavit eum. †. Stulam gloriæ induit eum.

*Ad Magnif. Ant.* Similabo eum viro sapienti, qui ædificavit domum suam supra petram.

*Oratio.*

**D**EUS, qui nos beati N. Confessoris tui annua solemnitate lætificas, concede propitius, ut cuius natalitia colimus, etiam actiones imitemur. Per Dominum.

*Alia Oratio.*

**A**DESTO, Domine, supplicationibus nostris, quas in beati N. Confessoris tui solemnitate deferimus, ut qui nostræ justitiæ fiduciam non

habemus, ejus qui tibi placuit, precibus adjuvemur. Per Dominum.

*Si fuerit Abbas. Oratio.*

**I**NTERCESSIO nos, quæsumus, Domine, beati N. Abbatis commendet, ut quod nostris meritis non valemus, ejus patrocinio assequamur. Per Dominum.

*Ad Matutinum.*

*Invit.* Regem Confessorum Dominum, \* Venite, adoremus.

*Psalm.* Venite I.

*Hymnus* Iste Confessor, ut sup.

IN I. NOCTURNO.

*Ant.* Beatus vir, qui in lege Domini meditatur: voluntas ejus permanet die ac nocte, et omnia quæcumque faciet, semper prosperabuntur.

**Psalmus I.**

**B**EATUS vir qui non abiit in consilio impiorum, et in via peccatorum non stetit, \* et in cathedra pestilentie non sedit:

Sed in lege Domini voluntas ejus, \* et in lege ejus meditabitur die ac nocte.

Et erit tamquam lignum, quod plantatum est secus decursus aquarum, \* quod fructum suum dabit in tempore suo:

Et folium ejus non defluet: \* et omnia quæcumque faciet, prosperabuntur.

Non sic impii, non sic: \* sed tamquam pulvis, quem projicit ventus a facie terræ.

Ideo non resurgent impii in judicio: \* neque peccatores in concilio justorum.

Quoniam novit Dominus viam justorum: \* et iter impiorum peribit.

*Ant.* Beatus vir, qui in lege Domini meditatur: voluntas ejus permanet die ac nocte, et omnia quæcumque faciet, semper prosperabuntur.

*Ant.* Beatus iste sanctus, qui confisus est in Domino, prædicavit præceptum Domini, constitutus est in monte sancto ejus.

**Psalmus 2.**

**Q**UARE fremuerunt gentes, \* et populi meditati sunt inania?

Astiterunt reges terræ, et principes convenerunt in unum \* adversus Dominum, et adversus Christum ejus.

Dirumpamus vincula eorum: \* et projiciamus a nobis jugum ipsorum.

Qui habitat in cœlis, irridebit eos: \* et Dominus subsannabit eos.

Tunc loquetur ad eos in ira sua: \* et in furore suo conturbabit eos.

Ego autem constitutus sum Rex ab eo super Sion montem sanctum ejus: \* prædicans præceptum ejus.

Dominus dixit ad me: \* Filius meus es tu, ego hodie genui te.

Postula a me, et dabo tibi gentes hæreditatem tuam, \* et possessionem tuam terminos terræ.

Reges eos in virga ferrea, \* et tamquam vas figuli confringes eos.

Et nunc, reges, intelligite: \* erudimini, qui judicatis terram.

Servite Domino in timore: \* et exultate ei cum tremore.

Apprehendite disciplinam, nequando irascatur Dominus, \* et pereatis de via justa.

Cum exarserit in brevi ira ejus, \* besti omnes qui confidunt in eo.

*Ant.* Beatus iste sanctus, qui confisus est in Domino, prædicavit præceptum Domini, constitutus est in monte sancto ejus.

*Ant.* Tu es gloria mea, tu es susceptor meus, Domine: tu exaltans caput meum, et exaudisti me de monte sancto tuo.

**Psalmus 3.**

**D**OMINE, quid multiplicati sunt qui tribulant me? \* multi insurgunt adversum me.

Multi dicunt animæ meæ: \* Non est salus ipsi in Deo ejus.

Tu autem, Domine, susceptor meus es, \* gloria mea, et exaltans caput meum.

Voce mea ad Dominum clamavi: \* et exaudivit me de monte sancto suo.

Ego dormivi, et soporatus sum: \* et exurrexi, quia Dominus suscepit me.

Non timebo millia populi circumdantis me: \* exurge, Domine, saluum me fac, Deus meus.

Quoniam tu percussisti omnes adversantes mihi sine causa: \* dentes peccatorum contrivisti.

Domini est salus: \* et super populum tuum benedictio tua.

*Ant.* Tu es gloria mea, tu es susceptor meus, Domine: tu exaltans caput meum, et exaudisti me de monte sancto tuo.

†. Amavit eum Dominus, et ornavit eum. â. Stolam gloriæ induit eum. Pater noster.

*Absol.* Exaudi. †. Jube domne.

*Bened.* Benedictione perpetua.

De libro Sapientiæ.

*Lectio j.*

*Cap. 4. et 5.*

**J**USTUS si morte præoccupatus fuerit, in refrigerio erit. Senectus enim venerabilis est, non diuturna, neque annorum numero computata: cani autem sunt sensus hominis, et ætas senectutis vita immaculata. Placens Deo factus est dilectus, et vivens inter peccatores translatus est. Raptus est, ne malitia mutaret intellectum ejus, aut ne fictio deciperet animam illius. Fascinatio enim nugacitatis obscurat bona, et inconstantia concupiscentiæ transvertit sensum sine malitia. Consummatus in brevi explevit tempora multa: placita enim erat Deo anima illius: propter hoc properavit educere illum de medio iniquitatum.

â. Euge, serve bone et fidelis, quia in pauca fuisti fidelis, supra multa te constituam: \* Intra in gaudium Domini tui. †. Domine, quinque talenta tradidisti mihi, ecce alia quinque superlucratus sum. Intra.

*Bened.* Unigenitus Dei Filius.

*Lectio ij.*

**P**OPULI autem videntes, et non intelligentes, nec ponentes in præ-

eordiis talia : quoniam gratia Dei, et misericordia est in sanctos ejus, et respectus in electos illius. Condemnat autem justus mortuus vivos impios, et juvenis celerius consummata longam vitam injusti. Videbunt enim finem sapientis, et non intelligent quid cogitaverit de illo Deus, et quare munierit illum Dominus. Videbunt et contemnent eum : illos autem Dominus irridebit. Et erunt post hæc decedentes sine honore, et in contumelia inter mortuos in perpetuum : quoniam disrumpet illos inflatos sine voce, et commovebit illos a fundamentis, et usque ad supremum desolabuntur.

*Ant.* Justus germinabit sicut lilium,\*  
Et florebit in æternum ante Dominum.  
*Y.* Plantatus in domo Domini, in atrii domus Dei nostri. Et florebit.

*Bened.* Spiritus sancti gratia.

*Lectio* iij.

**E**T erunt gementes, et memoria illorum peribit. Venient in cogitatione peccatorum suorum timidi, et traducent illos ex adverso iniquitates ipsorum. Tunc stabunt justi in magna constantia adversus eos, qui se angustiaverunt, et qui abstulerunt labores eorum. Videntes turbabuntur timore horribili, et mirabuntur in subitatione insperatæ salutis, dicentes intra se, poenitentiam agentes, et præ angustia spiritus gementes : Hi sunt quos habuimus aliquando in derisum, et in similitudinem improperii. Nos insensati vitam illorum æstimabamus insaniam, et finem illorum sine honore. Ecce quomodo computati sunt inter filios Dei, et inter sanctos sors illorum est.

*Ant.* Iste cognovit justitiam, et vidit mirabilia magna, et exoravit Altissimum : \* Et inventus est in numero sanctorum *Y.* Iste est qui contempsit vitam mundi, et pervenit ad cælestia regna. Et. Gloria. Et.

IN II. NOCTURNO.

*Ant.* Invocantem exaudivit Dominus sanctum suum ; Dominus ex-

audivit eum, et constituit eum in pace.

### Psalmus 4.

**C**UM invocarem, exaudivit me Deus justitiæ meæ : in tribulatione dilatasti mihi.

Miserere mei, \* et exaudi orationem meam.

Filii hominum, \* usquequo gravi corde ? \* ut quid diligitis vanitatem, et quæritis mendacium ?

Et scitote quoniam mirificavit Dominus sanctum suum : \* Dominus exaudiet me, cum clamavero ad eum.

Irascimini, et nolite peccare : \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino. \* Multi dicunt : Quis ostendit nobis bona ?

Signatum est super nos lumen vultus tui, Domine : \* dedisti lætitiā in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam et requiescam.

Quoniam tu, Domine, singulariter in spe \* constituisti me.

*Ant.* Invocantem exaudivit Dominus sanctum suum ; Dominus exaudivit eum, et constituit eum in pace.

*Ant.* Lætentur omnes, qui sperant in te, Domine : quoniam tu benedixisti justo, scuto bonæ voluntatis tuæ coronasti eum.

### Psalmus 5.

**V**ERBA mea auribus percipe, Domine, \* intellige clamorem meum.

Intende voci orationis meæ, \* Rex meus, et Deus meus.

Quoniam ad te orabo, \* Domine, mane exaudies vocem meam.

Mane astabo tibi, et videbo : \* quoniam non Deus volens iniquitatem tu es.

Neque habitabit juxta te malignus : \* neque permanebunt injusti ante oculos tuos.



Odisti omnes, qui operantur iniquitatem: \* perdes omnes, qui loquuntur mendacium:

Virum sanguinum et dolosum abominabitur Dominus: \* ego autem in multitudine misericordiae tuae.

Introibo in domum tuam: \* adorabo ad templum sanctum tuum in timore tuo,

Domine, deduc me in justitia tua: \* propter inimicos meos dirige in conspectu tuo viam meam.

Quoniam non est in ore eorum veritas, \* cor eorum vanum est.

Sepulchrum patens est guttur eorum: linguis suis dolose agebant: \* judica illos, Deus.

Decidant a cogitationibus suis; secundum multitudinem impietatum eorum expelle eos: \* quoniam irritaverunt te, Domine.

Et latentur omnes qui sperant in te: \* in æternum exultabunt, et habitabis in eis.

Et gloriabantur in te omnes, qui diligunt nomen tuum: \* quoniam tu benedices justo.

Domine, ut scuto bonæ voluntatis tuæ \* coronasti nos.

*Ant.* Latentur omnes, qui sperant in te, Domine; quoniam tu benedixisti justo, scuto bonæ voluntatis tuæ coronasti eum.

*Ant.* Domine Dominus noster, quam admirabile est nomen tuum in universa terra! quia gloria et honore coronasti sanctum tuum, et constituisti eum super opera manuum tuarum.

### Psalmus 8.

**D**OMINE Dominus noster, \* quam admirabile est nomen tuum in universa terra!

Quoniam elevata est magnificentia tua \* super cælos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quoniam videbo cælos tuos, opera digitorum tuorum: \* lunam et stellas, quæ tu fundasti.

Quid est homo, quod memor es ejus? \* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum, \* et constituisti eum super opera manuum tuarum.

Omnia subjecisti sub pedibus ejus, \* oves et boves universas, insuper et pecora campi.

Volucres cæli, et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

*Ant.* Domine Dominus noster, quam admirabile est nomen tuum in universa terra! quia gloria et honore coronasti sanctum tuum, et constituisti eum super opera manuum tuarum.

†. Os justi meditabitur sapientiam.  
R. Et lingua ejus loquetur judicium.  
Pater noster.

*Absol.* Ipsius. †. Jube domne.

*Bened.* Deus Pater omnipotens.

Sermo S. Joannis Chrysostomi.

In Orat. de S. Philogono, t. 3.

*Lectio* iv.

**B**EATI N. dies, cujus festivitatem celebramus, ad ipsius recte factorum enarrationem linguam nostram evocavit: siquidem hodie beatus iste ad tranquillam, omnisque perturbationis expertem vitam transiit: eoque navigium appulit, ubi deinceps non poterit metuere naufragium, nec ullam animi perturbationem, aut dolorem. Et quid mirum est, si locus ille purus est ab omni molestia animi, cum Paulus hominibus adhuc in hac vita degentibus loquens dicat: Semper gaudete, sine intermissione orate?

R. Honestum fecit illum Dominus et custodivit eum ab inimicis, et a seductoribus tutavit illum: \* Et dedit illi claritatem æternam. †. Justum deduxit Dominus per vias rectas, et ostendit illi regnum Dei. Et dedit.

*Bened.* Christus perpetuæ.

Lectio v.

**Q**UOD si hic, ubi morbi, ubi insectationes, ubi præmaturæ mortes, ubi calumniæ, ubi invidiæ, ubi perturbationes, ubi iræ, ubi cupiditates, ubi innumerabiles insidiæ, ubi quotidianæ sollicitudines, ubi perpetua sibi succedentia mala sunt, innumeros ex omni parte dolores afferentia, Paulus dixit fieri posse ut semper gaudeamus, si quis paululum ex rerum mundanarum fluctibus erexerit caput, vitamque suam recte composuerit: multo magis, postquam hinc demigraverimus, facile compotes erimus ejus boni, cum hæc omnia sublata fuerint, adversa valetudo, morbi, peccandi materia, ubi non est meum ac tuum, frigidum illud verbum, et quidquid est malorum in vitam nostram invehens, innumeraque gignens bella.

¶. Amavit eum Dominus, et ornavit eum, stolam gloriæ induit eum: \* Et ad portas paradisi coronavit eum.

¶. Induit eum Dominus loricam fidei, et ornavit eum. Et ad portas.

Bened. Ignem sui amoris.

Lectio vj.

**Q**UAMOBREM maximopere gratulor hujus sancti felicitati, quod quanquam translatus est, atque hanc, quæ apud nos est, civitatem reliquit, tamen in alteram adscriptus est civitatem, nempe Dei: et digressus ab hac Ecclesia, ad illam pervenit, quæ est primogenitorum descriptorum in cælis: ac relictis hisce festis, transit ad celebritatem Angelorum. Etenim quod et civitas sursum sit, et Ecclesia, et celebritas, audi Paulum dicentem: Accessistis ad civitatem Dei viventis, Jerusalem cælestem, et Ecclesiam primitivorum, qui conscripti sunt in cælis, et ad multorum millium Angelorum frequentiam.

¶. Iste homo perfecit omnia, quæ locutus est ei Deus, et dixit ad eum: Ingredere in requiem meam: \* Quia te vidi justum coram me ex omnibus gentibus. ¶. Iste est qui contempsit

vitam mundi, et pervenit ad cœlestia regna. Quia. Gloria. Quia.

IN III. NOCTURNO.

Ant. Domine, iste sanctus habitabit in tabernaculo tuo, operatus est justitiam, requiescet in monte sancto tuo.

Psalmus 11.

**D**OMINE, quis habitabit in tabernaculo tuo? aut quis requiescet in monte sancto tuo?

Qui ingreditur sine macula, \* et operatur justitiam:

Qui loquitur veritatem in corde suo: \* qui non egit dolum in lingua sua:

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus: \* fluentes autem Dominum glorificat:

Qui jurat proximo suo, et non decipit, \* qui pecuniam suam non dedit ad usuram, et munera super innocentem non accepit.

Qui facit hæc, \* non movebitur in æternum.

Ant. Domine, iste sanctus habitabit in tabernaculo tuo, operatus est justitiam, requiescet in monte sancto tuo.

Ant. Vitam petiit a te, et tribuisti ei, Domine: gloriam et magnum decorem imposuisti super eum: posuisti in capite ejus coronam de lapide pretioso.

Psalmus 20.

**D**OMINE, in virtute tua lætabitur rex: \* et super salutare tuum exultabit vehementer.

Desiderium cordis ejus tribuisti ei: \* et voluntate labiorum ejus non fraudasti eum.

Quoniam prævenisti eum in benedictionibus dulcedinis: \* posuisti in capite ejus coronam de lapide pretioso.

Vitam petiit a te, \* et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo : \* gloriam et magnum decorem impones super eum.

Quoniam dabis eum in benedictionem in sæculum sæculi : \* lætificabis eum in gaudio cum vultu tuo.

Quoniam rex sperat in Domino, \* et in misericordia Altissimi non commovebitur.

Inveniatyr manus tua omnibus inimicis tuis : \* dextera tua inveniat omnes, qui te oderunt.

Pones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

Fructum eorum de terra perdes, \* et semen eorum a filiis hominum.

Quoniam declinaverunt in te mala : \* cogitaverunt consilia, que non poterunt stabilire.

Quoniam pones eos dorsum : \* in reliquiis tuis preparabis vultum eorum.

Exaltare, Domine, in virtute tua : cantabimus et psallemus virtutes tuas.

*Ant.* Vitam petiit a te, et tribuisti ei, Domine; gloriam et magnum decorem imposuisti super eum : posuisti in capite ejus coronam de lapide pretioso.

*Ant.* Hic accipiet benedictionem a Domino, et misericordiam a Deo salutari suo : quia hæc est generatio querentium Dominum.

### Psalmus 23.

**D**OMINI est terra, et plenitudo ejus : \* orbis terrarum et universi qui habitant in eo.

Quia ipse super maria fundavit eum : \* et super flumina præparavit eum.

Quis ascendet in montem Domini ? \* aut quis stabit in loco sancto ejus ?

Innocens manibus, et mundo corde, \* qui non accepit in vano animum suum, nec juravit in dolo proximo suo.

Hic accipiet benedictionem a Domino, \* et misericordiam a Deo salutari suo.

Hæc est generatio querentium eum, \* querentium faciem Dei Jacob.

Attollite portas, principes, vestras, et elevamini, portæ æternales : \* et introibit Rex gloriæ.

Quis est iste Rex gloriæ ? \* Dominus fortis et potens, Dominus potens in prælio.

Attollite portas, principes, vestras, et elevamini, portæ æternales ; \* et introibit Rex gloriæ.

Quis est iste Rex gloriæ ? \* Dominus virtutum ipse est rex gloriæ.

*Ant.* Hic accipiet benedictionem a Domino, et misericordiam a Deo salutari suo : quia hæc est generatio querentium Dominum.

ÿ. Lex Dei ejus in corde ipsius. R. Et non supplantabuntur gressus ejus. Pater noster.

*Absol.* A vinculis. ÿ. Jube domne.

*Bened.* Evangelica lectio.

Lectio sancti Evangelii secundum Lucam.

Lectio vij. Cap. 13.

**I**N illo tempore : Dixit Jesus discipulis suis : Sint lumbi vestri præcincti, et lucernæ ardentes in manibus vestris. Et reliqua.

Homilia S. Gregorii Papæ.

Homilia 13 in Evangelia.

**S**ANCTI Evangelii, fratres charissimi aperta vobis est lectio recitata : sed, ne aliquibus ipsa ejus planities alta fortasse videatur, eam sub brevitate transcurramus, quatenus ejus expositio ita nescientibus fiat cognita, ut tamen scientibus non sit onerosa. Dominus dicit : Sint lumbi vestri præcincti. Lumbos enim præcingimus, cum carnis luxuriam per continentiam coarctamus. Sed quia minus est mala non agere, nisi etiam quisque studeat et bonis operibus insudare, protinus additur : Et lucernæ ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit : Luceat lux



vestra coram hominibus, ut videant opera vestra bona, et glorificent Patrem vestrum, qui in cælis est.

ñ. *Iste est qui ante Deum magnas virtutes operatus est, et de omni corde suo laudavit Dominum: \* Ipse intercedat pro peccatis omnium populorum. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.*

*Bened. Cujus festum colimus.*

*Lectio viij.*

**D**UO autem sunt, quæ jubentur; et lumbos restringere, et lucernas tenere: ut et munditia sit castitatis in corpore, et lumen veritatis in operatione. Redemptori etenim nostro unum sine altero placere nequaquam potest: si aut is, qui bona agit, adhuc luxuriæ inquinamenta non desinit: aut is, qui castitate præeminet, necdum se per bona opera exercet. Nec castitas ergo magna est sine bono opere, nec opus bonum est aliquod sine castitate. Sed et si utrumque agitur, restat ut quisquis ille est, spe ad supernam patriam tendat, et nequaquam se a vitiis pro mundi hujus honestate contineat.

ñ. *Sint lumbi vestri præcincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis. ý. Vigilate ergo, quia nescitis, qua hora Dominus vester venturus sit. Et vos. Gloria. Et vos.*

*Pro Doctoribus.*

ñ. *In medio Ecclesiæ aperuit os ejus, \* Et implevit eum Dominus spiritu sapientiæ et intellectus. ý. Jucunditatem et exultationem thesaurizavit super eum. Et. Gloria. Et.*

*Bened. Ad societatem.*

*Lectio ix.*

**E**T vos similes hominibus expectantibus dominum suum, quando revertatur a nuptiis: ut, cum venerit et pulsaverit, confestim ape-

riant ei. Venit quippe Dominus, cum ad judicium properat: pulsatur vero, cum jam per ægritudinis molestias esse mortem vicinam designat. Cui confestim aperimus, si hunc cum amore suscipimus. Aperire enim judici pulsanti non vult, qui exire de corpore trepidat: et videre eum, quem contempsisse se meminit, judicem formidat. Qui autem de sua spe et operatione securus est, pulsanti confestim aperit, quia lætus judicem sustinet: et cum tempus propinquæ mortis advenerit, de gloria retributionis hilarescit.

*Te Deum laudamus, p. 12.*

*Ad Laudes.*

*et per Horas, Antiphonæ.*

1. **DOMINE**, quinque talenta tradidisti mihi: ecce alia quinque superlucratus sum.

2. **Euge**, serve bone, in modico fidelis, intra in gaudium Domini tui.

3. **Fidelis servus et prudens**, quem constituit Dominus super familiam suam.

4. **Beatus ille servus**, quem cum venerit Dominus ejus, et pulsaverit januam, invenerit vigilantem.

5. **Serve bone et fidelis**, intra in gaudium Domini tui.

*Capitulum. Eccli. 31.*

**BEATUS** vir, qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua.

**HYMNUS**

**JESU**, corona celsior,  
Et veritas sublimior,  
Qui confitenti servulo  
Reddis perenne præmium:  
Da supplicanti cætui,  
Hujus rogatu, noxii  
Remissionem criminis,  
Rumpendo nexum vinculi.

Anni reverso tempore,  
Dies refulsit lumine,  
Quo Sanctus hic de corpore  
Migravit inter sidera.

Hic vana terræ gaudia ,  
Et luculenta prædia ,  
Polluta sorde deputans,  
Ovans tenet celestia.

Te , Christe Rex piissime ,  
Hic confitendo jugiter ,  
Calcavit artes demonum ,  
Sævumque averni principem.

Virtute clarus et fide ,  
Confessione sedulus ,  
Jejuna membra deferens  
Dapes supernas obtinet.

Proinde te , piissime ,  
Precamur omnes supplices ,  
Nobis ut hujus gratia  
Poenas remittas debitas.

Patri perennis gloria ,  
Natoque Patris unico ,  
Sanctoque sit Paraclito ,  
Per omne semper sæculum. Amen.

ÿ. Justum deduxit Dominus per vias  
rectas. Æ. Et ostendit illi regnum Dei.

Ad Bened. Ant. Euge , serve bone  
et fidelis , quia in pauca fuisti fi-  
delis , supra multa te constituam ,  
intra in gaudium Domini tui.

#### Ad Tertiam.

Capit. Beatus v'r, ut supra.

Æ. br. Amavit eum Dominus , \* Et  
ornavit eum. Amavit. ÿ. Stulam glo-  
riæ induit eum. Et ornavit. Gloria.  
Amavit. ÿ. Os justi meditabitur sa-  
pientiam. Æ. Et lingua ejus loquetur  
judicium.

#### Ad Sextam.

Capitulum. Eccli. 39.

**J**USTUS cor suum tradidit ad vi-  
gilandum diluculo ad Dominum  
qui fecit illum , et in conspectu Al-  
tissimi deprecabitur.

Æ. br. Os justi \* Meditabitur sa-  
pientiam. Os justi. ÿ. Et lingua ejus  
loquetur judicium. Meditabitur. Glo-  
ria. Os justi. ÿ. Lex Dei ejus in cor-  
de ipsius. Æ. Et non supplantabun-  
tur gressus ejus.

#### Ad Nonam.

Capitulum. Sap. 10.

**J**USTUM deduxit Dominus per  
vias rectas , et ostendit illi re-

gnum Dei, et dedit illi scientiam san-  
ctorum : honestavit illum in labori-  
bus , et complevit labores illius.

Æ. br. Lex Dei ejus \* In corde ip-  
sius. Lex Dei. ÿ. Et non supplant-  
abuntur gressus ejus. In corde. Glo-  
ria. Lex Dei. ÿ. Justum deduxit Do-  
minus per vias rectas. Æ. Et ostendit  
illi regnum Dei.

#### In H. Vesperis.

Omnia dicuntur ut in I. præter

ÿ. Justum deduxit Dominus per  
vias rectas. Æ. Et ostendit illi regnum  
Dei.

Ad Magnif. Ant. Hic vir despiciens  
mundum , et terrena triumphans ,  
divitias celo condidit ore , manu.

Si occurrat celebrari Festum plur.  
Conf. non Pont., Officium fit ut su-  
pra ; sed in Oratione et Sermone,  
quæ habentur in singulari, dicantur  
in plurali.

#### 2.º ALIÆ LECTIONES

pro Confessore non Pontifice.

#### IN I. NOCTURNO.

De libro Ecclesiastici.

Lectio j. Cap. 31.

**B**EATUS vir, qui inventus est si-  
ne macula , et qui post aurum  
non abiit , nec speravit in pecunia  
et thesauris. Quis est hic , et lauda-  
bimus eum ? fecit enim mirabilia in  
vita sua. Qui probatus est in illo , et  
perfectus est , erit illi gloria æterna:  
qui potuit transgredi , et non est trans-  
gressus ; facere mala , et non fecit :  
ideo stabilita sunt bona illius in Do-  
mino , et eleemosynas illius enarra-  
bit omnis Ecclesia sanctorum.

Æ. Euge , serve bone , p. 52 .º.

Lectio ij. Cap. 32. et 33.

**Q**UI timet Dominum , excipiet do-  
ctrinam ejus : et qui vigilave-  
rint ad illum , invenient benedictio-  
nem. Qui quærit legem , replebitur  
ab ea : et qui insidiosè agit , scan-  
dalizabitur in ea. Qui timent Domi-  
num , invenient judicium justum , et

justitias quasi lumen accendent. Qui credit Deo, attendit mandatis: et qui confidit in illo, non minorabitur. Timentis Dominum non occurrent mala; sed in tentatione Deus illum conservabit, et liberabit a malis. Sapiens non odit mandata et justitias, et non illidetur quasi in procella navis. Homo sensatus credit legi Dei, et lex illi fidelis.

¶ Justus germinabit, p. 53\*.

*Lectio iij. Cap. 34.*

**S**PIRITUS timentium Deum quaeritur, et in respectu illius benedictur. Spes enim illorum in salvatorem illos, et oculi Dei in diligentes se. Qui timet Dominum nihil trepidabit, et non pavebit, quoniam ipse est spes ejus. Timentis Dominum beata est anima ejus. Ad quem respicit, et quis est fortitudo ejus? Oculi Domini super timentes eum, protector potentiae, firmamentum virtutis, tegimen ardoris, et umbraculum meridiani, deprecatio offensiois, et adiutorium casus, exaltans animam, et illuminans oculos, dans sanitatem, et vitam, et benedictionem.

¶ Iste cognovit. p. 53\*.

## IN II. NOCTURNO.

**Ex lib. Moralium S. Gregorii Papæ.**

*Lib. 10. cap. 16. in cap. 12. Job.*

*Lectio iv.*

**D**ERIDETUR justus simplicitas. Hujus mundi sapientia est, cor machinationibus tegere, sensum verbis velare, quæ falsa sunt, vera ostendere; quæ vera sunt, falsa demonstrare. Hæc nimirum prudentia usu a juvenibus scitur, hæc a pueris pretio discitur: hanc qui sciunt, cæteros despiciendo superbiunt: hanc qui nesciunt, subjecti et timidi in aliis mirantur: quia ab eis hæc eadem dupliciter iniquitas nomine palliata diligitur, dum mentis perversitas urbanitas vocatur. Hæc sibi obsequentibus præcipit honorum culmina quaerere, adepta temporalis gloriæ vanitate gaudere, irrogata ab aliis mala

multiplicius reddere: cum vires suppetunt, nullis resistantibus cedere: cum virtutis possibilitas deest, quidquid explere per malitiam non valent, hoc in pacifica bonitate simulare.

¶ Monestum, p. 54\*.

*Lectio v.*

**A**T contra, sapientia justorum est nil per ostensionem fingere, sensum verbis aperire, vera ut sunt diligere, falsa devitare; bona gratis exhibere, mala libentius tolerare, quam facere; nullam injuriæ ultionem quaerere; pro veritate contumeliam lucrum putare. Sed hæc justorum simplicitas deridetur, quia ab hujus mundi sapientibus puritatis virtus fatuitas creditur. Omne enim quod innocenter agit, ab eis procul dubio stultum putatur: et quidquid in opere veritas approbat carnali sapientiæ fatuum sonat. Quid namque stultius videtur mundo, quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, pauperem quaerere, possessa relinquere, rapienti non resistere, percutienti alteram maxillam præbere?

¶ Amavit eum, p. 53\*.

*Lectio vj. Cap. 17. post. int.*

**L**AMPAS contempta apud cogitationes divitum. Sæpe contingit, ut electus quisque, qui ad æternam felicitatem ducitur, continua hic adversitate deprimatur: non hunc rerum abundantia fulciat, non dignitatum gloria honorabilem ostendat, nulla ei obsequentium frequentia suppetat, nulla hunc humanis oculis vestium pompa componat. A cunctis vero despicibilis cernitur, et hujus mundi gratia indignus æstimatur: sed tamen ante occulti iudicis oculos virtutibus emicat, vitæ meritis coruscat; honorari metuit, despicere non refugit: corpus continentia afficit, sola in animo dilectione pinguescit: mentem semper ad patientiam præparat, et erectus pro iustitia, de perceptis contumeliis exultat; afflictis ex corde compatitur, de honorum pro-



speritatibus quasi de propriis lætatur, sacri verbi pabula in mente sollicitus ruminat, et inquisitus quodlibet eloqui dupliciter ignorat.

ñ. Iste homo perfecit, p. 88.

IN III. NOCTURNO.

Lectio sancti Evangelii secundum Lucam.

Lectio vij. Cap. 12.

**I**N illo tempore : Dixit Jesus discipulis suis : Nolite timere pusillus grex, quia complacuit Patri vestro dare vobis regnum. Et reliqua.

Homilia ven. Bedæ Presbyteri.

Lib. 4. cap. 54. in Luc. 12.

**P**USILLUM gregem electorum vel ob comparisonem majoris numeri reproborum, vel potius ob humilitatis devotionem nominat : quia videlicet Ecclesiam suam quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire. Ideoque ejus labores blande consolatus, quam regnum Dei tantum quærere præcipit, eidem regnum a Patre dandum complacita benignitate promittit.

ñ. Iste est qui ante, p. 87.

Lectio viij.

**V**ENDITE quæ possidetis, et date eleemosynam. Nolite, inquit, timere, ne propter regnum Dei militantibus hujus vitæ necessaria desint : quin etiam possessa propter eleemosynam vendite. Quod tunc digne fit, quando quis semel pro Domino suis omnibus spretis, nihilominus post hæc labore manuum, unde et victum transigere, et eleemosynam dare queat, operatur. Unde gloriatur Apostolus, dicens : Argentum aut aurum, aut vestem nullius concupivi : ipsi scitis, quoniam ad ea, quæ mihi opus erant, et his qui mecum sunt, ministraverunt manus istæ. Omnia ostendi vobis, quoniam sic laborantes oportet suscipere infirmos.

ñ. Sint lumbi vestri, p. 87.

Lectio ix.

**F**ACITE vobis sacculos, qui non veterascunt : eleemosynas videlicet operando, quarum merces in æternum maneat. Ubi non hoc præceptum esse putandum est, ut nil pecuniæ reservetur a sanctis, vel suis scilicet, vel pauperum usibus suggerendæ : cum et ipse Dominus, cui ministrabant Angeli, tamen ad informandam Ecclesiam suam, loculos habuisse legatur, et a fidelibus oblata conservans, et suorum necessitatibus, aliisque indigentibus tribuens, sed ne Deo propter ista serviatur, et ob inopiæ timorem justitia deseratur.

PRO ABBATIBUS.

IN III. NOCTURNO.

Homilia Grandis fiducia, ut in Comm. Apost., p. 7.

2.º Alia Homilia.

Lectio sancti Evangelii secundum Matthæum.

Lectio vij. Cap. II.

**I**N illo tempore respondens Jesus dixit : Confiteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Et reliqua.

Homilia S. Augustini Episcopi

Serm. 10. de verbis Domini.

**V**ENITE ad me, omnes, qui laboratis. Quare enim omnes laboramus, nisi quia sumus homines mortales, fragiles, infirmi, lutea vasa portantes, quæ faciunt invicem angustias? Sed si angustiantur vasa carnis, dilatentur spatia charitatis. Quid ergo dicit : Venite ad me, omnes, qui laboratis, nisi ut non laboretis? Denique promissio ejus in promptu est, quoniam laborantes vocavit. Quærent forte qua mercede vocati sunt. Et ego vos, inquit, reficiam. Tollite jugum meum super vos, et discite a me, non mundum fabricare, non cuncta visibilia et invisibilia creare, non in ipso mundo mirabilia facere, et

mortuos suscitare ; sed, Quoniam mitis sum , et humilis corde.

¶. Iste est qui ante , p. 57.

*Lectio viij.*

**M**AGNUS esse vis? a minimo incipe. Cogitas magnam fabricam construere celsitudinis? de fundamento prius cogita humilitatis. Et quantum quisque vult, et disponit superimponere molem ædificii, quanto erit majus ædificium, tanto altius fodit fundamentum. Et fabrica quidem cum construitur, in superna consurgit; qui autem fodit fundamentum, ad ima deprimitur. Ergo et fabrica ante celsitudinem humiliatur: et fastigium post humiliationem erigitur.

¶. Sint lumbi vestri , p. 57\*.

*Lectio ix.*

**Q**UOD est fastigium construendæ fabricæ, quam molimur? quo perventurum est cacumen ædificii? Cito dico, usque ad conspectum Dei. Videtis quam excelsum est, quanta res est conspiciere Deum. Qui desiderat, et quod dico, et quod audit, intelligit. Promittitur nobis conspectus Dei, veri Dei, summi Dei. Hoc enim bonum est, videntem videre. Nam qui colunt falsos deos, facile illos vident; sed eos vident, qui oculos habent, et non vident. Nobis autem promittitur visio Dei viventis, et videntis.

3.\* *Alia Homilia.*

Lectio sancti Evangelii secundum Matthæum.

*Lectio vij.*

*Cap. 19.*

**I**N illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

De Homilia ven. Bedæ Presbyteri.

*In natall S. Benedicti.*

**D**UO sunt ordines electorum in judicio futuri: unus judicantium cum Domino, de quibus hoc loco memorat, qui reliquerunt omnia, et secuti sunt illum: alius judicandorum

a Domino, qui non quidem omnia sua pariter reliquerunt, sed de his tamen quæ habebant, quotidianas dare eleemosynas Christi pauperibus curabant; unde et audituri sunt in judicio: Venite, benedicti Patris mei, possidete præparatum vobis regnum a constitutione mundi. Esurivi enim, et dedistis mihi manducare: sitivi, et dedistis mihi bibere.

¶. Iste est qui, p. 57\*.

*Lectio viij.*

**S**ED et reproborum duos ibi futuros ordines, Domino narrante, comperimus: unum eorum, qui fidei Christianæ mysteriis initiati, opera fidei exercere contemnunt, quibus in judicio testatur: Discedite a me, maledicti, in ignem æternum, qui præparatus est diabolo, et angelis ejus: esurivi enim, et non dedistis mihi manducare: alterum eorum, qui fidem et mysteria Christi vel nunquam susceperunt, vel susceptam per apostasiam deseruere: de quibus dicit: Qui autem non credit, jam judicatus est, quia non credit in nomine unigeniti Filii Dei.

¶. Sint lumbi, p. 57\*.

*Lectio ix.*

**V**ERUM his cum timore et pavoris debito paulisper commemoratis, ad lætissima potius Domini et Salvatoris nostri promissa convertamur auditum. Videamus quæ tantæ gratia pietatis, non æternæ tantummodo vitæ præmia suis sequacibus, sed et præsentis munera pollicetur eximia. Et omnis, inquit, qui reliquerit domum, vel fratres aut sorores, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit. Qui enim terrenis affectibus sive possessionibus pro Christi discipulatu renuntiaverit, quo plus in ejus amore profecerit, eo plures inveniet, qui se interno suscipere affectu, et suis gaudeant sustentare substantiis.

## COMMUNE.

VIRGINUM.

*In I. Vesperis.*

*Ant. Capit. et Hymnus de laud.  
Psalmi ut in Festis. B. M. V., p. 92.*

ŷ. Specie tua et pulchritudine tua.  
ñ. Intende, prospere procede, et regna.

*Ad Magnif. Ant. Veni, sponsa Christi, accipe coronam, quam tibi Dominus præparavit in æternum.*

Oratio.

**D**EUS, qui inter cætera potentissimæ tuæ miracula, etiam in sexu fragili victoriam martyrii contulisti, concede propitius, ut qui beatæ N. Virginis et Martyris tuæ natalitia colimus, per ejus ad te exempla gradiamur. Per Dominum.

Alia Oratio.

**I**NDULGETIAM nobis, quæsumus Domine, beata N. Virgo et Martyr imploret, quæ tibi grata semper extitit et merito castitatis, et tuæ professione virtutis. Per Dominum.

Pro Virgine non Mart. Oratio.

**E**XAUDI nos, Deus salutaris noster, ut, sicut de beatæ N. Virginis tuæ festivitate gaudemus, ita piæ devotionis erudiamur affectu. Per Dominum.

*Si fuerint plures, in utrisq. Vesp. ad Magnificat, et in Laud. ad Benedictus, Ant. Prudentes Virgines, aptate vestras lampades ecce sponsus venit, exite obviam ei. ŷ. Adducuntur Regi virgines post eam. ñ. Proximæ ejus afferentur tibi.*

Oratio.

**D**A nobis, quæsumus Domine Deus noster, sanctarum Virginum et Martyrum tuarum N. et N. palmas incessabili devotione venerari, ut quas digna mente non possumus celebrare, humilibus saltem frequentemus obsequiis. Per Dominum.

*Ad Manifestationem.*

*Invit. Regem Virginum Dominum,\*  
Venite, adoremus.*

*Psalm. Venite. I.*

## HYMNUS.

**V**IRGINIS Proles, Opifexque Matris,  
Virgo quem gessit, peperitque Virgo;  
Virginis partos canimus decora  
Morte triumphos.

Hæc enim palmæ duplicis beata  
Sorte, dum gestit fragilem domare  
Corporis sexum, domuit cruentum.  
Cæde tyrannum.

Unde nec mortem, nec amica mortis  
Mille pœnarum genera expavescens,  
Sanguine effuso meruit serenum  
Scandere cælum.

Hujus oratu, Deus alme, nobis  
Debitas pœnas scelerum remitte,  
Ut tibi puro resonemus alnum  
Pectore carmen.

Sit decus Patri, genitæque Proli,  
Et tibi, compar utriusque virtus  
Spiritus semper, Deus unus, omni  
Temporis ævo. Amen.

*Si Sancta fuerit Virgo tantum,  
et non Martyr, dicitur Hymnus sequens.*

**V**IRGINIS Proles, Opifexque Matris,  
Virgo quem gessit, peperitque Virgo;  
Virginis festum canimus beatæ,  
Accipe votum.

Hujus oratu, Deus alme, nobis  
Debitas pœnas scelerum remitte,  
Ut tibi puro resonemus alnum  
Pectore carmen.

Sit decus Patri, genitæque Proli,  
Et tibi, compar utriusque virtus  
Spiritus semper, Deus unus, omni  
Temporis ævo. Amen.

## IN I. NOCTURNO.

*Ant. O quam pulchra est casta  
generatio cum claritate.*

## Psalmus 8.

**D**OMINE Dominus noster,\* quam  
admirabile est nomen tuum in  
universa terra!



Quoniam elevata est magnificentia tua \* super cœlos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quoniam videbo cœlos tuos, opera digitorum tuorum: \* lunam et stellas, quæ tu fundasti.

Quid est homo, quod memor es ejus? \* aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum, \* et constituisti eum super opera manuum tuarum.

Omnia subjecisti sub pedibus ejus, \* oves et boves universas, insuper et pecora campi:

Volucres cœli et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

*Ant. O* quam pulchra est casta generatio cum claritate!

*Ant. Ante* torum hujus Virginis frequentate nobis dulcia cantica dramatis.

### *Pro non Virgine.*

*Ant. Læva* ejus sub capite meo, et dextera illius amplexabitur me.

### **Psalmus 18.**

**C**œli enarrant gloriam Dei, \* et opera manuum ejus annuntiat firmamentum.

Dies diei eructat verbum, \* et nox nocti indicat scientiam.

Non sunt loquelæ, neque sermones, \* quorum non audiantur voces eorum.

In omnem terram exivit sonus eorum: \* et in fines orbis terræ verba eorum.

In sole posuit tabernaculum suum: \* et ipse tamquam sponsus procedens de thalamo suo.

Exultavit ut gigas ad currendam viam; \* a summo cœlo egressio ejus.

Et occursum ejus usque ad summum

ejus: \* nec est qui se abscondat a calore ejus.

Lex Domini immaculata convergens animas: \* testimonium Domini fidele, sapientiam præstans parvulis.

Justitiæ Domini rectæ, lætificantes corda: \* præceptum Domini lucidum, illuminans oculos.

Timor Domini sanctus, permanens in sæculum sæculi: \* judicia Domini vera, justificata in semetipsa.

Desiderabilia super aurum et lapidem pretiosum multum: \* et dulciora super mel et favum.

Etenim servus tuus custodit ea: \* in custodiendis illis retributio multa.

Delicta quis intelligit? Ab occultis meis munda me: \* et ab alienis parce servo tuo.

Si mei non fuerint dominati, tunc immaculatus ero: \* et emundabor a delicto maximo.

Et erunt ut complacent eloquia oris mei: \* et meditatio cordis mei in conspectu tuo semper.

Domine adjutor meus, et redemptor meus.

*Ant. Ante* torum hujus Virginis frequentate nobis dulcia cantica dramatis.

### *Pro non Virgine.*

*Ant. Læva* ejus sub capite meo, et dextera illius amplexabitur me.

*Ant. Revertere*, revertere, Sumeritis: revertere, revertere, ut intueamur te.

### **Psalmus 23.**

**D**omini est terra, et plenitudo ejus: \* orbis terrarum et universi qui habitant in eo.

Quia ipse super maria fundavit eum: \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus, et mundo corde, \* qui non accepit in vano animam suam, nec juravit in dolo proximo suo.

Mic accipiet benedictionem a Domino, \* et misericordiam a Deo salutari suo.

Hæc est generatio quærentium eum, \* quærentium faciem Dei Jacob.

Attollite portas, principes, vestras, et elevamini, portæ æternales: \* et introibit Rex gloriæ.

Quis est iste Rex gloriæ? \* Dominus fortis et potens, Dominus potens in prælio.

Attollite portas, principes, vestras, et elevamini portæ æternales: \* et introibit Rex gloriæ.

Quis est iste Rex gloriæ? \* Dominus virtutum ipse est Rex gloriæ.

Ant. Revertere, revertere, Sion: revertens, revertere, ut intueamur te.

ŷ. Specie tua et pulchritudine tua.

ñ. Intende, prospere procede, et regna. Pater noster.

Absol. Exaudi. ŷ. Jube domne.

Bened. Benedictione perpetua.

De Epistola prima beati Pauli Apostoli ad Corinthios.

Lectio j.

Cap. 7.

**D**E virginibus præceptum Domini non habeo: consilium autem do, tamquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: Tempus breve est: reliquum est, ut et qui habent uxores, tamquam non habentes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes: et qui utuntur hoc mundo, tamquam non utantur: præterit enim figura hujus mundi.

ñ. Veni, sponsa Christi, accipe coronam, quam tibi Dominus præparavit in æternum: pro cuius amore sanguinem tuum sudisti: \* Et cum

Angelis in paradisum introisti ŷ. Veni, electa mea, et ponam in te thronum meum, quia concupivit Rex speciem tuam. — Et cum.

Si non fuerit Martyr, dicitur seq.

ñ. Veni, electa mea, et ponam in te thronum meum; \* Quia concupivit Rex speciem tuam. ŷ. Specie tua et pulchritudine tua intende, prospere procede, et regna. — Quia.

Bened. Unigenitus Dei Filius.

Lectio ij.

**V**OLO autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divisus est. Et mulier innupta, et virgo cogitat quæ Domini sunt, ut sit sancta corpore et spiritu. Quæ autem nupta est, cogitat quæ sunt mundi, quomodo placeat viro. Porro hoc ad utilitatem vestram dico: non ut laqueum vobis injiciam, sed ad id, quod honestum est, et quod facultatem præbeat sine impedimento Dominum obsecrandi.

ñ. Diffusa est gratia in labiis tuis: \* Propterea benedixit te Deus in æternum. ŷ. Specie tua et pulchritudine tua intende, prospere procede, et regna. Propterea.

Bened. Spiritus sancti gratia.

Lectio iij.

**S**I quis autem turpem se videri existimat super virgine sua, quod sit superadulta, et ita oportet fieri: quod vult faciat: non peccat, si nubat. Nam qui statuit in corde suo firmus, non habens necessitatem, potestatem autem habens suæ voluntatis, et hoc judicavit in corde suo, servare virginem suam, bene facit. Igitur et qui matrimonio jungit virginem suam, bene facit: et qui non jungit, melius facit. Mulier alligata est legi quanto tempore vir ejus vivit. Quod si dormierit vir ejus, liberata est; cui vult nubat: tantum

in Domino. Beatior autem erit si sic permanserit, secundum meum consilium: puto autem quod et ego Spiritum Dei habeam.

*Ant.* Specie tua et pulchritudine tua\* Intende, prospere procede, et regna. *Y.* Diffusa est gratia in labiis tuis, propterea benedixit te Deus in æternum. Intende. Gloria. Intende.

IN II. NOCTURNO.

*Ant.* Specie tua et pulchritudine tua intende, prospere procede, et regna.

**Psalmus 44.**

**ERUCTAVIT** cor meum verbum bonum: \* dico ego opera mea Regi.

Lingua mea calamus scribæ,\* velociter scribentis.

Speciosus forma præ filiis hominum, diffusa est gratia in labiis tuis: \* propterea benedixit te Deus in æternum.

Accingere gladio tuo super femur tuum, \* potentissime.

Specie tua et pulchritudine tua\* intende, prospere procede, et regna.

Propter veritatem, et mansuetudinem, et justitiam: \* et deducet te mirabiliter dextera tua.

Sagittæ tuæ acutæ, populi sub te cadent, \* in corda inimicorum regis.

Sedes tua, Deus, in sæculum sæculi: \* virga directionis, virga regni tui.

Dilexisti justitiam, et odisti iniquitatem: \* propterea iuxit te Deus, Deus tuus, oleo lætitiæ præ consortibus tuis.

Myrrha, et gutta, et casia a vestimentis tuis, a domibus eburneis: ex quibus delectaverunt te filiæ regum in honore tuo.

Astitit regina a dextris tuis in vestitu deaurato,\* circumdata varietate.

Audi, filia, et vide, et inclina aurem tuam: \* et obliviscere populum tuum, et domum patris tui.

Et concupiscet Rex decorem tuum: \* quoniam ipse est Dominus Deus tuus, et adorabunt eum.

Et filiæ Tyri in muneribus \* vultum tuum deprecabuntur: omnes divites plebis.

COMMUN. SS.

Omnis gloria ejus filiæ Regis ab intus, \* in fimbriis aureis circumamicta varietatibus.

Adducentur Regi virgines post eam: \* proximæ ejus afferentur tibi.

Afferentur in lætitia et exultatione: \* adducentur in templum Regis.

Pro patribus tuis nati sunt tibi filii: \* constitues eos principes super omnem terram.

Memores erunt nominis tui, \* in omni generatione et generationem.

Propterea populi confitebuntur tibi in æternum, \* et in sæculum sæculi.

*Ant.* Specie tua et pulchritudine tua intende, prospere procede, et regna.

*Ant.* Adjuvabit eam Deus vultu suo: Deus in medio ejus, non commovebitur.

**Psalmus 45.**

**DEUS** noster refugium et virtus: \* adjutor in tribulationibus, quæ invenerunt nos nimis.

Propterea non timebimus dum turbabitur terra, \* et transferentur montes in cor maris.

Sonuerunt, et turbatæ sunt aquæ eorum: \* conturbati sunt montes in fortitudine ejus.

Fluminis impetus lætificat civitatem Dei: \* sanctificavit tabernaculum suum Altissimus.

Deus in medio ejus, non commovebitur: \* adjuvabit eam Deus mane diluculo.

Conturbatæ sunt gentes, et inclinata sunt regna: \* dedit vocem suam, mota est terra.

Dominus virtutum nobiscum: \* susceptor noster Deus Jacob.

Venite, et videte opera Domini, quæ posuit prodigia super terram: \* auferens bella usque ad finem terræ.

Arcum conteret, et confringet arma: \* et scuta comburet igni.

Vacate, et videte quoniam ego sum Deus: \* exaltabor in Gentibus, et exaltabor in terra.

Dominus virtutum nobiscum: \* susceptor noster Deus Jacob.

E



*Ant.* Adjuvabit eam Deus vultu suo : Deus in medio ejus, non commovebitur.

*Ant.* Aquæ multæ non potuerunt extinguere charitatem.

### Psalmus 47.

**M**AGNUS Dominus, et laudabilis nimis \* in civitate Dei nostri, in monte sancto ejus.

Fundatur exultatione universæ terræ mons Sion, \* latera Aquilonis, civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terræ congregati sunt : \* convenerunt in unum.

Ipsi videntes sic admirati sunt, conturbati sunt, commoti sunt : \* tremor apprehendit eos.

Ibi dolores ut parturientis : \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri : Deus fundavit eam in æternum.

Suscepimus, Deus, misericordiam tuam, \* in medio templi tui.

Secundum nomen tuum, Deus, sic et laus tua in fines terræ : \* justitia plena est dextera tua.

Lætetur mons Sion, et exultent filie Judæ, \* propter judicia tua, Domine.

Circumdate Sion, et complectimini eam : \* narrate in turribus ejus.

Ponite corda vestra in virtute ejus : \* et distribuite domos ejus, ut enarretis in progenie altera.

Quoniam hic est Deus, Deus noster in æternum, et in sæculum sæculi : \* ipse reget nos in sæcula.

*Ant.* Aquæ multæ non potuerunt extinguere charitatem.

*ŷ.* Adjuvabit eam Deus vultu suo.

*ŷ.* Deus in medio ejus, non commovebitur. *Pater noster.*

*Absol.* *Ipsius.* *ŷ.* Jube domne.

*Bened.* Deus Pater omnipotens.

Sermo S. Ambrosii Episcopi.

Lib. I de Virg. circa initium.

### Lectio iv.

**Q**UONIAM hodie natalis est Virginis, invitat nunc integritatis amor, ut aliquid de virginitate dicamus, ne veluti transitu quodam præstricta videatur, quæ principalis est virtus. Non enim ideo laudabilis virginitas, quia in martyribus reperitur; sed quia ipsa martyres faciat. Quis autem humano eam possit ingenio comprehendere, quam nec natura suis inclusit legibus? aut quis naturali voce complecti, quod supra usum naturæ sit? E cælo accersivit, quod imitaretur in terris. Nec immerito vivendi sibi usum quæsit e cælo, quæ sponsum sibi invenit in cælo.

*ŷ.* Propter veritatem, et mansuetudinem, et justitiam : \* Et deducet te mirabiliter dextera tua. *ŷ.* Specie tua et pulchritudine tua intende, prospere procede, et regna. *Et.*

*Bened.* Christus perpetuæ.

### Lectio v.

**H**ÆC nubes, aëra, Angelos, sideraque transgrediens, Verbum Dei in ipso sinu Patris invenit, et toto hausit pectore. Nam quis tantum, cum invenerit, relinquat boni? Unguentum enim exinanitum est nomen tuum: propterea adolescentulæ dilexerunt te, et attraxerunt te. Postremo, non meum est illud, quoniam quæ non nubunt, neque nubentur, erunt sicut Angeli Dei in cælo. Nemo ergo miretur, si Angelis comparentur, quæ Angelorum Domino copulantur.

*ŷ.* Dilexisti justitiam, et odisti iniquitatem : \* Propterea unxit te Deus, Deus tuus oleo lætitiæ. *ŷ.* Propter veritatem, et mansuetudinem, et justitiam. *Propterea.*

*Bened.* Ignem sui amoris.

### Lectio vj.

**Q**UIS igitur neget hanc vitam fluxisse de cælo, quam non facile invenimus in terris, nisi postquam Deus in hæc terreni corporis membra

descendit? Tunc in utero virgo concepit, et Verbum caro factum est, ut caro fieret Deus. Dicit aliquis: Sed etiam Elias nullius corporei coitus fuisse permixtus cupiditatibus invenitur. Ideo ergo curru raptus ad coelum, ideo cum Domino apparet in gloria, ideo Dominici venturus est præcursor adventus.

*q.* Afferentur Regi virgines post eam, proximæ ejus \* Afferentur tibi in lætitia et exultatione. *y.* Specie tua et pulchritudine tua intende, prospere procede, et regna. Afferentur. Gloria. Afferentur.

## IN III. NOCTURNO.

*Ant.* Nigra sum, sed formosa, filiæ Jerusalem: ideo dilexit me Rex, et introduxit me in cubiculum suum.

**Psalmus 95.**

**CANTATE** Domino canticum novum: \* cantate Domino, omnis terra.

Cantate Domino, et benedicite nomini ejus: \* annuntiate de die in diem salutare ejus.

Annuntiate inter Gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis: \* terribilis est super omnes deos.

Quoniam omnes dii Gentium dæmonia: \* Dominus autem cælos fecit.

Confessio et pulchritudo in conspectu ejus: \* sacramenta et magnificentia in sanctificatione ejus.

Afferte Domino, patriæ gentium, afferte Domino gloriam et honorem: \* afferte Domino gloriam nomini ejus.

Tollite hostias, et introite in atria ejus: \* adorete Dominum in atrio sancto ejus.

Commoveatur a facie ejus universa terra: \* dicite in Gentibus, quia Dominus regnavit.

Etenim correxit orbem terræ, qui non commovebitur: \* judicabit populos in æquitate.

Lætentur cæli, et exultet terra, commoveatur mare, et plenitudo ejus: \* gaudebunt campi, et omnia quæ in eis sunt.

Tunc exultabunt omnia ligna silvarum a facie Domini, quia venit: \* quoniam venit judicare terram.

Judicabit orbem terræ in æquitate, \* et populos in veritate sua.

*Ant.* Nigra sum, sed formosa, filiæ Jerusalem: ideo dilexit me Rex, et introduxit me in cubiculum suum.

*Ant.* Trahe me post te, in odorem curremus unguentorum tuorum: oleum effusum nomen tuum.

**Psalmus 96.**

**DOMINUS** regnavit, exultet terra: \* lætentur insulæ multæ.

Nubes et caligo in circuitu ejus: \* justitia et judicium correctio sedis ejus.

Ignis ante ipsum præcedet: \* et inflammabit in circuitu inimicos ejus.

Illuxerunt fulgura ejus orbi terræ: \* vidit, et commota est terra.

Montes sicut cera fluxerunt a facie Domini, \* a facie Domini omnis terra.

Annuntiaverunt cæli justitiam ejus: \* et viderunt omnes populi gloriam ejus.

Confundantur omnes qui adorant sculptilia: \* et qui gloriantur in simulacris suis.

Adorate eum, omnes Angeli ejus. \* audivit, et lætata est Sion.

Et exultaverunt filiæ Judæ, \* propter judicia tua, Domine.

Quoniam tu Dominus altissimus super omnem terram: \* nimis exaltatus es super omnes deos.

Qui diligitis Dominum, o lite malum: \* custodit Dominus animas sanctorum suorum, de manu peccatoris liberabit eos.

Lux orta est justo, \* et rectis corde lætitia.

Lætamini, justi, in Domino: \* et confitemini memoriæ sanctificationis ejus.

*Ant.* Trahe me post te, in odorem curremus unguentorum tuorum: oleum effusum nomen tuum.

*Ant.* Veni, sponsa Christi, ac-

\*

cipe coronam, quam tibi Dominus præparavit in æternum.

### Psalmus 97.

**C**ANTATE Domino canticum novum, \* quia mirabilia fecit.

Salvavit sibi dextera ejus, \* et brachium sanctum ejus.

Notum fecit Dominus salutare suum : \* in conspectu Gentium revelavit justitiam suam.

Recordatus est misericordiæ suæ, \* et veritatis suæ domui Israel.

Viderunt omnes termini terræ \* salutare Dei nostri.

Jubilare Deo, omnis terra, \* canate, et exultate, et psallite.

Psallite Domino in cithara, in cithara et voce psalmi : \* in tubis ductilibus, et voce tubæ cornæ.

Jubilare in conspectu Regis Domini : \* moveatur mare et plenitudo ejus; orbis terrarum, et qui habitant in eo.

Flumina plaudent manu, simul montes exultabunt a conspectu Domini, \* quoniam venit judicare terram.

Judicabit orbem terrarum in justitia, \* et populos in æquitate.

*Ant.* Veni, sponsa Christi, accipe coronam, quam tibi Dominus præparavit in æternum.

†. Elegit eam Deus, et prælegit eam. *Ant.* In tabernaculo suo habitare facit eam. Pater noster.

*Absol.* A vinculis. †. Jube domne.

*Bened.* Evangelica lectio.

Lectio sancti Evangelii secundum Matthæum.

*Lectio vij. Cap. 25.*

**I**N illo tempore : dixit Jesus discipulis suis parabolam hanc : Simile erit regnum cælorum decem virginibus, quæ accipientes lampades suas, exierunt obviam sponso et sponsæ. Et reliqua.

Homilia S. Gregorii Papæ.

*Homilia 12 in Evangelia*

**S**EPE vos, fratres charissimi, admoneo prava opera fugere, mundi hujus inquinamenta devitare ; sed

hodierna sancti Evangelii lectione compellor dicere, ut et bona quæ agitis, cum magna cautela teneatis ; ne per hoc, quod a vobis rectum geritur, favor aut gratia humana requiratur : ne appetitus laudis subrepat, et quod foris ostenditur, intus a mercede vacuetur. Ecce enim Redemptoris voce decem virgines, et omnes dicuntur virgines, et tamen intra beatitudinis januam non omnes sunt receptæ : quia earum quædam, dum de virginitate sua gloriam foris expetunt, in vasis suis oleum habere noluerunt.

¶. Hæc est virgo sapiens, quam Dominus vigilantem invenit, quæ acceptis lampadibus, sumpsit secum oleum : \* Et veniente Domino, introivit cum eo ad nuptias. †. Media nocte clamor factus est : Ecce sponsus venit, exite obviam ei. Et.

*Bened.* Cujus vel Quarum festum colimus.

*Lectio viij.*

**S**ED prius quærendum nobis est quid sit regnum cælorum, aut cur decem virginibus comparetur, quæ etiam virgines prudentes et fatuæ dicantur. Dum enim cælorum regnum constat quia reproborum nullus ingreditur, etiam fatuis virginibus cur simile esse perhibetur ? Sed sciendum nobis est, quod sæpe in sacro eloquio regnum cælorum præsentis temporis Ecclesia dicitur. De quo alio in loco Dominus dicit : Mittet Filius hominis Angelos suos, et colligent de regno ejus omnia scandala. Neque enim in illo regno beatitudinis, in quo pax summa est, inveniri scandala poterunt, quæ colligantur.

¶. Media nocte clamor factus est : \* Ecce sponsus venit, exite obviam ei. †. Prudentes virgines, aptate vestras lampades. Ecce. Gloria. Ecce.

*Bened.* Ad societatem.

*Lectio ix.*

**I**N quinque autem corporis sensibus unusquisque subsistit. Geminatus autem quinarium denarium perficit. Et quia ex utroque sexu fidelium multi-



tudo colligitur, sancta Ecclesia decem virginibus similis esse denuntiatur. In qua quia mali cum bonis, et reprobi cum electis admixti sunt, recte similis virginibus prudentibus et fatuis esse perhibetur. Sunt namque plerique continentes, qui ab appetitu se exteriori custodiunt, et spe ad interiora rapiuntur, carnem macerant, et toto desiderio ad supernam patriam anhelant, æterna præmia expetunt, pro laboribus suis recipere laudes humanas nolunt. Hi nimirum gloriam suam non in ore hominum ponunt, sed intra conscientiam contegunt. Et sunt plerique, qui corpus per abstinenciam affligunt, sed de ipsa sua abstinencia humanos favores expetunt.

Te Deum laudamus, p. 12.

**Ad Laudes**

et per Horas, Antiphonæ.

1. HÆC est virgo sapiens, et una de numero prudentum.

2. Hæc est virgo sapiens, quam Dominus vigilantem invenit.

3. Hæc est quæ nescivit torum in delicto: habebit fructum in resectione animarum sanctarum.

4. Veni, electa mea, et ponam in te thronum meum, allel.

5. Ista est speciosa inter filias Jerusalem.

Capitulum. 2. Cor. 10.

**FRATRES**, Qui gloriatur, in Domino gloriatur. Non enim qui seipsum commendat, ille probatus est sed quem Deus commendat.

**HYMNUS.**

**JESU**, corona Virginum,  
Quem mater illa concipit,  
Quæ sola virgo parturit,  
Hæc vota clemens accipe.

Qui pergis inter lilia  
Septus choreis Virginum,  
Sponsus decorus gloria  
Sponsisque reddens præmia.

Quocumque tendis, Virgines  
Sequuntur, atque laudibus  
Post te canentes cursitant,  
Hymnosque dulces personant.

Te deprecamur supplices,  
Nostris ut addas sensibus  
Nescire prorsus omnia  
Corruptionis vulnera.

Virtus, honor, laus, gloria  
Deo Patri cum Filio,  
Sancto simul Paraclyto  
In sæculorum sæcula. Amen.

ÿ. Diffusa est gratia in labiis tuis.  
â. Propterea benedixit te Deus in æternum.

Ad Bened. Ant. Simile est regnum celorum homini negotiatori quærenti bonas margaritas: inventa una pretiosa, dedit omnia sua, et comparavit eam.

**Ad Tertiam.**

Capit. Fratres, Qui gloriatur.

â. br. Specie tua \* Et pulchritudine tua. Specie tua. ÿ. Intende, prospere procede, et regna. Et pulchritudine. Gloria. Specie.

ÿ. Adjuvabit eam Deus vultu suo.  
â. Deus in medio ejus, non commovebitur.

**Ad Sextam.**

Capitulum. 2. Cor. 11.

**ÆMULOR** enim vos Dei æmulatione. Despondi enim vos uni viro virginem castam exhibere Christo.

â. br. Adjuvabit eam \* Deus vultu suo. Adjuvabit. ÿ. Deus in medio ejus, non commovebitur. Deus. Gloria. Adjuvabit. ÿ. Elegit eam Deus, et præelegit eam. â. In tabernaculo suo habitare facit eam.

**Ad Nonam.**

Capitulum Eccli. 51.

**DOMINE** Deus meus, exaltasti super terram habitationem meam, et pro morte defluente deprecata sum. Invocavi Dominum patrem Domini mei, ut non derelinquat me in die tribulationis meæ, et in tempore superbiorum sine adjutorio.

Si fuerit Virgo, et non Martyr, dicitur sequens Capitul. Sap. 4.

**O** quam pulchra est casta generatio cum claritate immortalis est

enim memoria illius : quoniam apud Deum nota est , et apud homines. \*

℟. *br.* Elegit eam Deus, \* Et præelegit eam. Elegit. ℣. In tabernaculo suo habitare facit eam. Et præelegit. Gloria. Elegit. ℣. Diffusa est gratia in labiis tuis. ℟. Propterea benedixit te Deus in æternum.

### In II. Vespertis.

*Ant. Capit. et Hymnus de Laud. Psalmi ut in festis B. M. V., p. 92\**

℣. Diffusa est gratia in labiis tuis. ℟. Propterea benedixit te Deus in æternum.

*Ad Magnif. Ant. Veni, sponsa Christi, accipe coronam, quam tibi Dominus præparavit in æternum.*

#### 2.º ALIÆ LECTIONES

*pro Virginibus.*

#### IN I. NOCTURNO.

*De libro Ecclesiastici.*

*Lectio i. Cap. 51. •*

**C**ONFITEBOR tibi, Domine Rex, et collaudabo te Deum Salvatorem meum. Confitebor nomini tuo, quoniam adiutor et protector factus es mihi, et liberasti corpus meum a perditione, a laqueo lingue iniquæ, et a labiis operantium mendacium, et in conspectu adstantium factus es mihi adiutor. Et liberasti me secundum multitudinem misericordiæ nominis tui a rugientibus præparatis ad escam : de manibus quærentium animam meam, et de portis tribulationum quæ circumdederunt me : a pressura flammæ quæ circumdedit me, et in medio ignis non sum æstuata : de altitudine ventris inferi, et a lingua coinquinata, et a verbo mendacii, a rege iniquo, et a lingua injusta.

℟. Veni sponsa, p. 64\*.

*Lectio ij.*

**L**AUDABIT usque ad mortem anima mea Dominum, et vita mea appropinquans erat in inferno deorsum. Circumdederunt me undique, et non erat qui adjuvaret. Respiciens etiam ad adiutorium homi-

num, et non erat. Memorata sum misericordiæ tuæ, Domine, et operationis tuæ, quæ a sæculo sunt : quoniam eruis sustinentes te, Domine, et liberas eos de manibus gentium.

℟. Diffusa est gratia, p. 64\*.

*Lectio iij.*

**E**XALTASTI super terram habitationem meam, et pro morte defluente deprecata sum. Invocaui Dominum patrem Domini mei, ut non derelinquat me in die tribulationis meæ, et in tempore superborum sine adiutorio. Laudabo nomen tuum assidue, et collaudabo illud in confessione, et exaudita est oratio mea. Et liberasti me de perditione, et eripuisti me de tempore iniquo. Propterea confitebor, et laudem dicam tibi, et benedicam nomini Domini.

℟. Specie tua p. 65\*.

#### IN II. NOCTURNO.

*Ex libro S. Cypriani Episcopi et martyris de disciplina et habitu virginum.*

*Lectio jv. Cap. 2.*

**N**UNC nobis ad virgines sermo est quarum quo sublimior gloria est, major et cura est. Flos est illo Ecclesiastici germinis, decus atque ornamentum gratiæ spiritualis, læta indoles, laudis et honoris opus integrum atque incorruptum, Dei imago respondens ad sanctimoniam Domini, illustrior portio gregis Christi. Gaudet per illas, atque in illis largiter floret Ecclesiæ matris gloriosa fecunditas : quantoque plus copiosa virginitas numero suo addit, tanto plus gaudium matris augecit. Ad has loquimur, has adhortamur affectione potius quam potestate : non quod extremi, et minimi, et humilitatis nostræ admodum conscii, aliquid ad censuram licentiæ vindicemus ; sed quod ad sollicitudinem magis cauti, plus de diaboli infestatione timeamus.

℟. Propter veritatem, p. 66\*.

*Lectio v.*

**NEQUE** inanis hæc cautio est, et vana formido, quæ ad salutis viam consulit, quæ Dominica et vitalia præcepta custodit, ut quæ se Christo dicaverint, et a carnali concupiscentia recedentes, tam carne, quam mente se Deo voverint, consumment opus suum magno præmio destinatum: nec oruari jam, aut placere cuiquam, nisi Domino suo studeant, a quo et mercedem virginitatis expectant, dicente ipso: Non omnes capiunt verbum, sed illi quibus datum est. Sunt enim spadones, qui ex utero matris sic nati sunt: et sunt spadones, qui coacti sunt ab hominibus: et sunt spadones, qui se ipsos castraverunt propter regnum cælorum.

¶. *Dilexisti justitiam, p. 66\*.*

*Lectio. vj.*

**DENUO** quoque per hanc Angeli vocem continentie munus ostenditur, virginitas prædicatur. Hi sunt, qui cum mulieribus se non coinquinauerunt; virgines enim permanserunt: hi sunt, qui sequuntur Agnum quocumque ierit. Neque enim tantum masculis continentie gratiam Dominus repromittit, et feminas præterit: sed quoniam femina viri portio est, et ex eo sumpta atque formata est, in Scripturis fere omnibus ad protoplastum Deus loquitur, quia sunt duo in carne una, et in masculo simul significatur et femina. Quod si Christum continentia sequitur, et regno Dei virginitas destinatur, quid est illis cum terreno cultu, et cum ornamentis, quibus dum hominibus placere gestiunt, Deum offendunt?

¶. *Afferentur Regi, p. 67\*.*

IN III. NOCTURNO.

*Lectio sancti Evangelii secundum Matthæum.*

*Lectio vij. Cap. 13.*

**I**n illo tempore: Accesserunt ad Jesum Pharisei tentantes eum, et dicentes: Si licet homini dimittere ux-

rem suam quacumque ex causa? Et reliqua.

*Homilia S. Joannis Chrysostomi.*

*Homil. 63. in Matth. sub med.*

**DOMINUS** noster, quia ad virginitatem hortari grave esse videbatur, a necessitate legis de non solvendo matrimonio, eos ad cupiditatem illius trahere studet. Deinde ut eam esse possibilem ostendat, sic inquit: Sunt eunuchi, qui ex ventre matris ita nati sunt, et sunt qui ab hominibus eunuchi facti sunt, et sunt qui seipsos castraverunt propter regnum cælorum. Quibus verbis latenter eos ad eligendam virginitatem inducit, dum eam virtutem esse possibilem adstruit.

¶. *Hæc est virgo, p. 68\*.*

*Lectio viij.*

**I**d autem hoc fere modo confirmat. Cogita tecum si aut a natura talis esses, aut ab hominibus eam injuriam passus, quid faceres, cum et ejusmodi voluptate careres, et nullam cærendo mercedem consequereris? Gratiâ igitur nunc Deo agas, quod cum mercede atque coronis idem sustines, quod illi sine coronis ac præmio tollerant: imo vero non idem, sed multo levius; tum quia spe erigeris, et conscientia recte facti, tum quia non ita ingentibus concupiscentiæ fluctibus jactaris.

¶. *Media nocte, p. 68.*

*Lectio ix.*

**CUM** ergo de illis eunuchis dixerit, qui nisi etiam ipsi mente se contineant, frustra et inutiliter tales sunt, ac de illis, qui ut regnum cælorum consequantur, se continent, subjunxit rursus, dicens: Qui potest capere, capiat: ut alacriores efficiat eo ipso, quod grave esse opus ostendit et ineffabili benignitate sua noluit eam intra necessitatem legis concludere: idque dicendo, adhuc magis possibilem esse demonstrat, ut voluntatis studium plus augeatur.



**COMMUNE**

**SANCTÆ MARTYRIS TANTUM,  
et nec Virginis nec Martyris.**

**In I. Vesperts.**

*Ant. Capit. et Hymnus de Laud.  
Psalmi ut in Festis B. M. V., p. 92°*

*ŷ. Specie tua et pulchritudine tua.  
ñ. Intende, prospere procede, et regna.*

*Ad Magnif. Ant. Simile est regnum  
cœlorum homini negotiatori, quæ-  
renti bonas margaritas: inventa una  
pretiosa, dedit omnia sua, et com-  
paravit eam.*

*Pro una Mart. tantum. Oratio.*

**D**EUS, qui inter cœtera poten-  
tiæ tuæ miracula, etiam in se-  
xu fragili victoriam martyrii contu-  
listi, concede propitius, ut, qui bea-  
tæ N. Martyris tuæ natalitia colimus,  
per ejus ad te exempla gradiamur.  
Per Dominum.

*Pro plur. Mart. tantum. Oratio.*

**D**A nobis, quæsumus, Domine De-  
us noster, sanctarum Martyrum  
N. et N. palmas incessabili devotione  
venerari, ut quas digna mente non  
possumus celebrare, humilibus sal-  
tem frequentemus obsequiis. Per Do-  
minum.

*Pro nec Virg. nec Mart. Oratio.*

**E**XAUDI nos, Deus salutaris no-  
ster, ut sicut de beatæ N. fe-  
stivitate gaudemus, ita piæ devotio-  
nis erudiamur affectu. Per.

**Ad Matutinum.**

*Invit. Laudemus Deum nostrum,*

*\* In confessione beatæ N.*

*Psalm. Venite. I.*

**HYMNUS.**

**H**UJUS oratu, Deus alme, no-  
bis

Debitas pœnas scelerum remitte,  
Ut tibi puro resonemus alnum  
Pectore carmen.

Sit decus Patri, genitæque Proli,  
Et tibi, compar utriusque virtus

Spiritus semper, Deus unus, omni  
Temporis ævo. Amen.

*Ant. Psalmi, et Vers. in quolibet  
Noct. ut in Com. Virginum.*

**IN I. NOCTURNO.**

*Pro Martyre tantum.*

*Confitebor tibi Domine, p. 70°.*

*Pro nec Virgine nec Martyre.*

*De Parabolis Salomonis.*

*Lectio j. Cap. 31.*

**M**ULIEREM fortem quis inve-  
niet? procul et de ultimis fi-  
nibus pretium ejus. Confidit in ea cor  
viri sui, et spoliis non indigebit. Red-  
det ei bonum, et non malum, omni-  
bus diebus vitæ suæ. Quæsit la-  
nam et linum, et operata est consilio  
manuum suarum. Facta est quasi na-  
vis institoris, de longe portans panem  
suum. Et de nocte surrexit, deditque  
prædam domesticis suis, et cibaria  
ancillis suis. Consideravit agrum, et  
emit eum: de fructu manuum sua-  
rum plantavit vineam. Accinxit forti-  
tudine lumbos suos, et roboravit bra-  
chium suum.

*ñ. Veni, electa mea, et ponam in  
te thronum meum: \* Quia concupivit  
Rex speciem tuam. ŷ. Specie tua et  
pulchritudine tua intende, prospere  
procede, et regna. Quia.*

*Lectio ij.*

**G**USTAVIT, et vidit quia bona  
est negotiatio ejus: non extingue-  
tur in nocte lucerna ejus. Manum su-  
am misit ad fortia, et digiti ejus ap-  
prehenderunt fuscum. Manum suam a-  
peruit inopi, et palmas suas extendit  
ad pauperem. Non timebit domui  
suæ a frigoribus nivis: omnes enim  
domestici ejus vestiti sunt duplici-  
bus. Stragulatam vestem fecit si-  
bi: byssus et purpura indumentum  
ejus. Nobilis in portis vir ejus, quan-  
do sederit cum senatoribus terræ. Sin-  
donem fecit, et vendidit, et cingu-  
lum tradidit Chananæo.

*ñ. Diffusa est gratia in labiis tuis: \*  
Propterea benedixit te Deus in æter-*

num. *Ÿ.* Specie tua et pulchritudine tua intende, prospere procede, et regna. **Propterea.**

*Lectio iij.*

**F**ORTITUDO et decor indumentum ejus, et ridebit in die novissimo. Os suum aperuit sapientiæ, et lex clementiæ in lingua ejus. Consideravit semitas domus suæ, et panem otiosa non comedit. Surrexerunt filii ejus, et beatissimam prædica-verunt: vir ejus, et laudavit eam. Multæ filiæ congregaverunt divitias; tu supergressa es universas. Fallax gratia, et vana est pulchritudo: mulier timens Dominum ipsa laudabitur. Date ei de fructu manuum suarum, et laudent eam in portis opera ejus.

*ñ.* Specie tua et pulchritudine tua. Intende, prospere procede, et regna. *Ÿ.* Diffusa est gratia in labiis tuis, propterea benedixit te Deus in æternum. Intende. Gloria. Intende.

IN II. NOCTURNO.

Ex lib. S. Ambrosii Episc., de Vid.

*Lectio iv. Prope finem.*

**A**GRUM hunc Ecclesiæ fertilem cerno, nunc integritatis flore vernantem, nunc viduitatis gravitate pollentem, nunc etiam conjugii fructibus redundantem. Nam etsi diversi, unius tamen agri fructus sunt: nec tanta hortorum lilia, quantæ aristæ segetum, messium spicæ, compluriumque spatia camporum recipiendis aptantur seminibus, quam redditis novales fructibus feriantur. Bona ergo viduitas, quæ toties Apostolico judicio prædicatur. Hæc enim magistra fidei, magistra est castitatis.

*ñ.* Propter veritatem, et mansuetudinem, et justitiam: \* Et deducet te mirabiliter dextera tua. *Ÿ.* Specie tua et pulchritudine tua intende, prospere procede, et regna. Et deducet.

*Lectio v.*

**U**NDE et illi, qui deorum suorum adulteria et picbra veneran-

tur, cœlibatus et viduitatis statuere pœnas, ut æmuli criminum mulcerent studia virtutum, specie quidem, qua fecunditatem quærerent, sed studio, quo propositum castitatis abolerent. Nam confectis et miles stipendiis arma deponit, et relicto officio quod gerebat, ad propria veteranus rura dimittitur, ut et ipse exercitiæ laboribus vitæ requiem consequatur, et alios spe futuræ quietis subeundis faciat operibus promptiores. Agricola quoque maturior torquendam aliis stivam committit, et juvenili gravatus opere providentiam curæ senilis explorat: vitem facilius tondere, quam premere, ut juvenescentem luxuriam reprimat, et adolescentem lasciviam falce succidat: parcorum quamdam partium castitatem docens etiam in vitibus expetendam.

*ñ.* Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. *Ÿ.* Propter veritatem, et mansuetudinem, et justitiam. **Propterea.**

*Lectio vj.*

**S**IMILIS huic vidua velut emeritis veterana stipendiis castitatis, etsi conjugii arma deponat, domus tamen totius pacem gubernat. etsi vehendis oneribus otiosa, maritandis tamen junioribus provida, ubi cultus utilior, ubi fructus uberior sit, quarum copulam aptiorem, senili gravitate disponit. Itaque si maturioribus quam junioribus committitur ager, cur putes utiliorem nuptam esse quam viduam? quod si persecutores fidei persecutores fuerunt etiam viduitatis; utique fidem sequentibus viduitas non pro supplicio fugienda est, sed tenenda pro præmio.

*ñ.* Fallax gratia, et vana est pulchritudo: \* Mulier timens Deum ipsa laudabitur. *Ÿ.* Date ei de fructu manuum suarum, et laudent eam in portis opera ejus. Mulier. Gloria. Mulier.

IN III. NOCTURNO.

Lectio sancti Evangelii secundum Matthæum.

*Lectio vij.**Cap. 13.*

**I**N illo tempore : Dixit Jesus discipulis suis parabolam hanc: Simile est regnum cœlorum thesauro abscondito in agro. Et reliqua.

Homilia sancti Gregorii Papæ.

*Homilia II. in Evangelia.*

**C**ÆLORUM regnum, fratres charissimi, ideoque terrenis rebus simile dicitur, ut ex his quæ animus novit, surgat ad incognita quæ non novit, quatenus exemplo visibilium se ad invisibilia rapiat, et per ea, quæ usu didicit, quasi confricatus incalcescat: ut per hoc, quod scit notum diligere, discat et incognita amare. Ecce enim regnum cœlorum thesauro abscondito in agro comparatur: quem qui invenit homo, abscondit, et præ gaudio illius vadit, et vendit universa quæ habet, et emit agrum illum.

¶ Os suum aperuit sapientiæ, et lex clementiæ in lingua ejus: consideravit semitas domus suæ, \* Et panem otiosa non comedit. ¶ Gustavit et vidit quia bona est negotiatio ejus: non extinguetur in nocte lucerna ejus. Et panem.

*Lectio viij.*

**Q**UA in re hoc quoque notandum est, quod inventus thesaurus absconditur, ut servetur: quia studium cœlestis desiderii a malignis spiritibus custodire non sufficit, qui hoc ab humanis laudibus non abscondit. In præsentem etenim vitam quasi in via sumus, qua ad patriam pergimus. Maligui autem spiritus iter nostrum quasi quidam latrunculi obsident. Depredari ergo desiderat, qui thesaurum publicè portat in via. Hoc autem dico, non ut proximi opera nostra bona non videant, cum scriptum sit: Videant opera vestra bona, et glorificent Patrem vestrum, qui in cœlis est: sed ut per hoc, quod agimus, laudes exterius non quæramus. Sic autem sit opus in publico, quatenus

intentio maneat in occulto: ut et de bono opere proximis præbeamus exemplum, et tamen per intentionem, qua Deo soli placere quærimus, semper optemus secretum.

¶ Regnum mundi, et omnem ornatum sæculi contempsisti propter amorem Domini mei Jesu Christi, \* Quem vidi, quem amavi, in quem credidi, quem dilexi. ¶ Eructavit cor meum verbum bonum: dico ego opera mea Regi. Quem. Gloria. Quem.

*Lectio ix.*

**T**HESAURUS autem cœlestis est desiderium: ager vero, in quo thesaurus absconditur, disciplina studii cœlestis. Quem profecto agrum venditis omnibus comparat, qui voluptatibus carnis renuntians, cuncta sua terrena desideria per disciplinæ cœlestis custodiam calcitrat, ut nihil jam quod caro blanditur, libeat; nihil quod carnalem vitam trucidat, spiritus perhorrescat.

Te Deum laudamus, p. 12.

*Ad Laudes*

*et per Horas, Antiphonæ.*

1. **DUM** esset Rex in accubitu suo, nardus mea dedit odorem suavitatis.

2. In odorem unguentorum tuorum currimus, adolescentulæ dilexerunt te nimis.

3. Jam hiems transiit, imber abiit, et recessit; surge, amica mea, et veni.

4. Veni, electa mea, et ponam in te thronum meum, alleluia.

5. Ista est speciosa inter filias Jerusalem.

*Pro Martyre tantum.*

*Capitulum. Eccli 31.*

**C**ONFITEBOR tibi, Domine Rex, et collaudabo te Deum salvatorem meum. Confitebor nomini tuo, quoniam adjutor et protector factus es mihi, et liberasti corpus meum a perditione.

*Pro nec Virgine nec Martyre*



*Capitulum. Prov. 31.*

**M**ULIEREM fortem quis inveniet? procul et de ultimis finibus pretium ejus. Confidit in ea cor viri sui, et spoliis non indigebit.

**HYMNUS.**

**F**ORTEM virili pectore  
Laudemus omnes sceminam,  
Quæ sanctitatis gloria  
Ubique fulget inclyta.

Hæc sancto amore saucia,  
Dum mundi amorem noxium  
Horrescit, ad cœlestia  
Iter peregit arduum.

Carnem domans jejuniis,  
Dulcique mentem pabulo  
Orationis nutrens,  
Cœli potitur gaudiis.

Rex Christe, virtus fortium,  
Qui magna solus efficis,  
Hujus precatu, quæsumus,  
Audi benignus supplices.

Deo Patri sit gloria,  
Ejusque soli Filio,  
Cum Spiritu Paraclito,  
Nunc et per omne sæculum. Amen.

ŷ. Diffusa est gratia in labiis tuis. â. Propterea benedixit te Deus in æternum.

*Ad Bened. Ant.* Date ei de fructu manuum suarum, et laudent eam in portis opera ejus.

**Ad Tertiam.**

*Pro Martyre tantum.*

*Capit.* Confitebor tibi, ut supra.

*Pro nec Virgine nec Martyre.*

*Capit.* Mulierem fortem, ut sup.

â. br. Specie tua \* Et pulchritudine tua. Specie. ŷ. Intende, prospere procede, et regna: Et pulchritudine. Gloria. Specie. ŷ. Adjuvabit eam Deus vultu suo. â. Deus in medio ejus, non commovebitur.

**Ad Sextam.**

*Pro Martyre tantum.*

*Capitulum. Eccli. 31.*

**L**IBERASTI me secundam multitudinem misericordiæ nominis

tui a rogantibus præparatis ad escam, de manibus quærentium animam meam, et de multis tribulationibus quæ circumdederunt me.

*Pro nec Virgine nec Martyre.*

*Capitulum. Prov. 31.*

**M**ANUM suam aperuit inopi, et palmas suas extendit ad pauperem. Non timebit domui suæ a frigoribus nivis.

â. br. Adjuvabit eam \* Deus vultu suo. Adjuvabit. ŷ. Deus in medio ejus, non commovebitur. Deus. Gloria. Adjuvabit. ŷ. Elegit eam Deus, et præelegit eam. â. In tabernaculo suo habitare facit eam.

**Ad Nonam.**

*Pro Martyre tantum.*

*Capitulum. Eccli. 31.*

**L**AUDABIT usque ad mortem anima mea Dominum: quoniam eruis sustinentes te, et liberas eos de manu angustiarum, Domine Deus noster.

*Pro nec Virgine nec Martyre.*

*Capitulum. Prov. 31.*

**M**ULTÆ filiæ congregaverunt divitias: tu supergressa es universas. Fallax gratia, et vana est pulchritudo: mulier timens Dominum ipsa laudabitur.

ŷ. br. Elegit eam Deus, \* Et præelegit eam. Elegit. ŷ. In tabernaculo suo habitare facit eam. Et præelegit. Gloria. Elegit. ŷ. Diffusa est gratia in labiis tuis. â. Propterea benedixit te Deus in æternum.

**In II. Vespertis.**

*Ant. Capit. et Hymn. de Laud.*

*Psalmi ut in festis B. M. V. p. 92.*

ŷ. Diffusa est gratia in labiis tuis. â. Propterea benedixit te Deus in æternum.

*Ad Magnif. Ant.* Manum suam aperuit inopi, et palmas suas extendit ad pauperem, et panem otiosa non comedit.

*Pro pluribus Virg. idem sit Offic.*

2. ALIÆ LECTIONES  
pro Martyre tantum.

IN II. NOCTURNO.

Sermo S. Joannis Chrysostomi.

Sermo 67. de div. Novi Test. locis.  
Lectio. iv.

**E**GO maxime commemorationes diligo Martyrum, diligo et amplector; atque omnes quidem, sed tum præcipue, cum mulierum certamina proponuntur. Quanto enim infirmius est vas tanto major est gratia, tanto illustrius est trophæum, tanto insignior est victoria, non ob imbecillitatem sexus athletarum, sed quod per ea, quibus vicerat inimicus, nunc etiam vincatur.

â. Propter veritatem, p. 73.

Lectio v.

**P**ER mulierem vicit, per mulierem superatus est. Hoc illius antea telum erat; hoc illius nunc cædis factum est instrumentum, hoc vas apparuit insuperabile. Peccavit illa prior, et mortua est: ista mortua est, ne peccaret. Illa tum futilis promissi spe inflata Dei leges violavit, hæc vitam præsentem contempsit, ne fidem in suum benefactorem ejuraret. Quam igitur deinceps sperare poterunt excusationem viri, si molles sint et ignavi? quam vero veniam, cum fortiter ac viriliter se gerant mulieres, cum adeo se generose ad certamina pietatis accingant?

â. Dilexisti justitiam, p. 73.

Lectio vj.

**F**UIT illi corpus imbecillum, et obnoxius sexus injuriæ: verumtamen omnium horum imbecillitatem adveniens gratia occultavit. Nihil enim est, nihil plane potentius est eo, qui magno cum studio Dei timorem habeat in mente defixum; sed quamvis ignes, quamvis ferrum, quamvis bestias, quamvis aliud quidvis minentur hostes, omnia nullo negotio contemnit; quod utique Beata ista etiam fecit.

â. Fallax gratia, p. 73.

COMMUNE

DEDICATIONIS ECCLESIAE.

In I. Vesperis.

Ant. et Capit. de Laud. Psalmi de Dom. loco ult. Lauda Jerusalem, p. 99.

HYMNUS.

**C**ELESTIS Urbs Jerusalem,  
Beata pacis visio,  
Quæ celsa de viventibus  
Saxis ad astra tolleris,  
Sponsæque ritu cingeris  
Mille Angelorum millibus.

● sorte nupta prospera,  
Dotata Patris gloria,  
Respersa Sponsi gratia,  
Regina formosissima,  
Christo jugata Principi,  
Cœli corusca Civitas.

Hic margaritis emicant.  
Patentque cunctis ostia:  
Virtute namque prævia  
Mortalis illuc ducitur,  
Amore Christi percitus  
Tormenta quisquis sustinet.

Scalpri salubris ictibus,  
Et tuusione plurima,  
Fabri polita malleo  
Hanc saxa molem construunt,  
Aptisque juncta nexibus  
Locantur in fastigio.

Decus Parenti debitum  
Sit usquequaque altissimo,  
Natoque Patris unico,  
Et inclito Parachito,  
Cui laus, potestas, gloria  
Æterna sit per sæcula. Amen.

ÿ. Hæc est domus Domini firmiter ædificata. â. Bene fundata est supra firmam petram.

Ad Magnif. Ant. Sanctificavit Dominus tabernaculum suum: quia hæc est domus Dei, in qua invocabitur nomen ejus, de quo scriptum est: Et erit nomen meum ibi, dicit Dominus.

In ipso die Dedicationis Ecclesiæ, et per Octav., et quando varianda est Oratio, ob concursum Dedicationis alterius Ecclesiæ.

*Oratio.*

**DEUS**, qui invisibiliter omnia continens, et tamen pro salute generis humani signa tuæ potentie visibiliter ostendis, templum hoc potentia tuæ inhabitationis illustra, et concede ut omnes, qui huc deprecaturi conveniunt, ex quacumque tribulatione ad te clamaverint, consolationis tuæ beneficia consequantur. Per.

*In Anniversario Dedicationis Ecclesie, et per Octavam.*

*Oratio.*

**DEUS**, qui nobis per singulos annos hujus sancti templi tui consecrationis reparas diem, et sacris semper mysteriis repræsentas incolumes, exaudi preces populi tui, et præsta, ut quisquis hoc templum beneficia petiturus ingreditur, cuncta se impetrasse lætetur. Per Dominum.

*Ad Matutinum.*

*Invit.* Domum Dei decet sanctitudo: \* Sponsum ejus Christum adoremus in ea.

*Psalm.* Venite. I.

*Hymnus* Cælestis, ut supra.

## IN I. NOCTURNO.

*Ant.* Tollite portas, principes, vestras, et elevamini, portæ æternales.

**Psalmus 23.**

**DOMINI** est terra, et plenitudo ejus: \* orbis terrarum et universi qui habitant in eo.

Quia ipse super maria fundavit eum: \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus, et mundo corde, \* qui non accepit in vano animam suam, nec juravit in dolo proximo suo.

Mic accipiet benedictionem a Domino, \* et misericordiam a Deo salutari suo.

Hæc est generatio quærentium eum: \* quærentium faciem Dei Jacob.

Attollite portas, principes, vestras, et elevamini, portæ æternales: \* et introibit Rex gloriæ.

Quis est iste Rex gloriæ? \* Domi-

nus fortis et potens, Dominus potens in prælio.

Attollite portas, principes, vestras, et elevamini, portæ æternales: \* et introibit Rex gloriæ.

Quis est iste Rex gloriæ? \* Dominus virtutum ipse est Rex gloriæ.

*Ant.* Tollite portas, principes, vestras, et elevamini, portæ æternales.

*Ant.* Erit mihi Dominus in Deum, et lapis iste vocabitur domus Dei.

**Psalmus 45.**

**DEUS** noster refugium et virtus: \* adjutor in tribulationibus, quæ invenerunt nos nimis.

Propterea non timebimus dum turbabitur terra, \* et transferentur montes in cor maris.

Sonnerunt, et turbatæ sunt aquæ eorum: \* conturbati sunt montes in fortitudine ejus.

Fluminis impetus lætificat civitatem Dei: \* sanctificavit tabernaculum suum Altissimus.

Deus in medio ejus, non commovebitur: \* adjuvabit eam Deus mane diluculo.

Conturbatæ sunt gentes, et inclinata sunt regna: \* dedit vocem suam, mota est terra.

Dominus virtutum nobiscum: \* susceptor noster Deus Jacob.

Venite, et videte opera Domini, quæ posuit prodigia super terram: \* auferens bella usque ad finem terræ.

Arcum conteret, et confringet arma: \* et scuta comburet igni.

Vacate, et videte quoniam ego sum Deus: \* exaltabor in Gentibus, et exaltabor in terra.

Dominus virtutum nobiscum: \* susceptor noster Deus Jacob.

*Ant.* Erit mihi Dominus in Deum, et lapis iste vocabitur domus Dei.

*Ant.* Edificavit Moyses altare Domino Deo.

**Psalmus 47.**

**MAGNUS** Dominus, et laudabilis nimis \* in civitate Dei nostri, in monte sancto ejus.



Fundatur exultatione universæ terræ mons Sion, \* latera Aquilonis, civitas Regis magni.

Deus in domibus ejus cognoscetur, \* cum suscipiet eam.

Quoniam ecce reges terræ congregati sunt: \* convenerunt in unum.

Ipsi videntes sic admirati sunt, conturbati sunt, commoti sunt: \* tremor apprehendit eos.

Ibi dolores ut parturientis: \* in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: \* Deus fundavit eam in æternum.

Suscepimus, Deus, misericordiam tuam, \* in medio templi tui.

Secundum nomen tuum, Deus, sic et laus tua in fines terræ: \* justitia plena est dextera tua.

Lætetur mons Sion, et exultent filiæ Judæ, \* propter judicia tua, Domine.

Circumdate Sion, et complectimini eam: \* narrate in turribus ejus.

Ponite corda vestra in virtute ejus, \* et distribuite domos ejus, ut enarretis in progenie altera.

Quoniam hic est Deus, Deus noster in æternum, et in sæculum sæculi: \* ipse reget nos in sæcula.

*Ant.* Ædificavit Moyses altare Domini Deo.

†. Domum tuam, Domine, decet sanctitudo. †. In longitudinem dierum. Pater noster.

*Absol.* Exaudi. †. Jube domne.

*Bened.* Benedictione perpetua.

De libro 2. Paralipomenon.

*Lectio j. Cap. 7.*

**CUM** complisset Salomon fundens preces, ignis descendit de cælo, et devoravit holocausta et victimas: et majestas Domini implevit domum. Nec poterant sacerdotes ingredi templum Domini, eo quod implesset majestas Domini templum Domini. Sed et omnes filii Israel videbant descendentem ignem, et gloriam Domini super domum: et corruentes proni in ter-

ram super pavementum stratum lapide, adoraverunt et laudaverunt Dominum: Quoniam bonus, quoniam in sæculum misericordia ejus. Rex autem et omnis populus immolabant victimas coram Domino. Mactavit igitur rex Salomon hostias, boum viginti duo millia, arietum centum viginti millia: et dedicavit domum Dei Rex, et universus populus.

℞. In dedicatione templi decantabat populus laudem: \* Et in ore eorum dulcis resonabat sonus. †. Fundata est domus Domini supra verticem montium, et venient ad eam omnes gentes. Et.

*Bened.* Unigenitus Dei Filius.

*Lectio ij.*

**SACERDOTES** autem stabant in officiis suis, et levitæ in organis carminum Domini, quæ fecit David rex ad laudandum Dominum: Quoniam in æternum misericordia ejus, hymnos David canentes per manus suas. Porro sacerdotes caneant tubis ante eos, cunctusque Israel stabat. Sanctificavit quoque Salomon medium atrii ante templum Domini: obtulerat enim ibi holocausta et adipēs pacificorum, quia altare æneum, quod fecerat, non poterat sustinere holocausta et sacrificia et adipēs. Fecit ergo Salomon solemnitatem in tempore illo septem diebus, et omnis Israel cum eo, ecclesia magna valde, ab introitu Emath usque ad torrentem Egypti. Fecitque die octavo collectam, eo quod dedicasset altare septem diebus, et solemnitatem celebrasset diebus septem.

℞. Fundata est domus Domini supra verticem montium, et exaltata est super omnes colles: \* Et venient ad eam omnes gentes, et dicent: Gloria tibi, Domine. †. Venientes autem venient cum exultatione, portantes manipulos suos. Et.

*Bened.* Spiritus sancti gratia.

*Lectio iij.*

**COMPLEVITQUE** Salomon domum Domini, et domum regis, et omnia quæ disposuerat in corde suo

ut faceret in domo Domini, et in domo sua, et prosperatus est. Apparuit autem ei Dominus nocte, et ait: Audivi orationem tuam, et elegi locum istum mihi in domum sacrificii. Si clausero cœlum, et pluvia non fluxerit, et mandavero et præcepero locustæ, ut devoret terram, et misero pestilentiam in populum meum; conversus autem populus meus, super quos invocatum est nomen meum, deprecatus me fuerit, et exquisierit faciem meam, et egerit penitentiam a viis suis pessimis: et ego exaudiam de cœlo, et propitius ero peccatis eorum, et sanabo terram eorum. Oculi quoque mei erunt aperti, et aures meæ erectæ ad orationem ejus, qui in loco isto oraverit. Elegi enim et sanctificavi locum istum, ut sit nomen meum ibi in sempiternum, et permaneant oculi mei et cor meum ibi cunctis diebus.

¶ **Benedic, Domine, domum istam, quam ædificavi nomini tuo. Venientium in loco isto. Exaudi preces in excelso solio gloriæ tuæ. ⁊. Domine, si conversus fuerit populus tuus, et oraverit ad sanctuarium tuum. Exaudi. Gloria. Exaudi.**

## IN II. NOCTURNO.

*Ant.* Non est hic aliud, nisi domus Dei, et porta cœli.

**Psalmus 82.**

**Q**UAM dilecta tabernacula tua, Domine virtutum! ⁊ concupiscit et deficit anima mea in atria domini.

Cor meum et caro mea ⁊ exultaverunt in Deum vivum.

Etenim passer invenit sibi domum: ⁊ et turtur nidum sibi, ubi ponat pullos suos,

Altaria tua, Domine virtutum, ⁊ Rex meus et Deus meus.

Beati, qui habitant in domo tua, Domine, ⁊ in sæcula sæculorum laudabunt te.

Beatus vir, cujus est auxilium abs te: ⁊ ascensiones in corde suo disposuit, in valle lacrymarum, in loco quem posuit.

Etenim benedictionem dabit legisla-

tor, ibunt de virtute in virtutem: ⁊ videbitur Deus deorum in Sion.

Domine Deus virtutum, exaudi orationem meam: ⁊ auribus percipe, Deus Jacob.

Protector noster aspice, Deus: ⁊ et respice in faciem Christi tui.

Quia mellor est dies una in atriis tuis ⁊ super millia.

Elegi abjectus esse in domo Dei mei, magis quam habitare in tabernaculis peccatorum.

Quia misericordiam et veritatem diligit Deus: ⁊ gratiam et gloriam dabit Dominus.

Non privabit bonis eos, qui ambulant in innocentia, Domine virtutum, beatus homo, qui sperat in te.

*Ant.* Non est hic aliud, nisi domus Dei, et porta cœli.

*Ant.* Vidit Jacob scalam, summities ejus cœlos tangebant, et descendentes Angelos, et dixit: Vere locus iste sanctus est.

**Psalmus 86.**

**F**UNDAMENTA ejus in montibus sanctis: ⁊ diligit Dominus portas Sion super omnia tabernacula Jacob.

Gloriosa dicta sunt de te, ⁊ civitas Dei.

Memor ero Rahab et Babylonis ⁊ scientium me.

Ecce alienigenam, et Tyrus, et populus Æthiopum, ⁊ hi fuerunt illic.

Numquid Sion dicet: Homo, et homo natus est in ea, ⁊ et ipse fundavit eam Altissimus?

Dominus narrabit in scripturis populorum et principum: ⁊ horum, qui fuerunt in ea.

Sicut lætantium omnium ⁊ habitatio est in te.

*Ant.* Vidit Jacob scalam, summities ejus cœlos tangebant, et descendentes Angelos, et dixit: Vere locus iste sanctus est.

*Ant.* Erexit Jacob lapidem in titulum, fundens oleum desuper.

**Psalmus 87.**

**D**OMINE, Deus salutis meæ, ⁊ in die clamavi et nocte coram te.

Intret in conspectu tuo oratio mea: \*  
inclina aurem tuam ad precem meam:

Quia repleta est malis anima mea: \*  
et vita mea inferno appropinquavit.

Æstimatus sum cum descendentibus  
in lacum: \* factus sum sicut homo  
sine adiutorio, inter mortuos liber.

Sicut vulnerati dormientes in sepul-  
chris, quorum non es memor am-  
plius: \* et ipsi de manu tua repulsi  
sunt.

Posuerunt me in lacu inferiori: \*  
in tenebrosis et in umbra mortis.

Super me confirmatus est furor tu-  
us: \* et omnes fluctus tuos induxi-  
sti super me.

Longe fecisti notos meos a me: \*  
posuerunt me abominationem sibi.

Traditus sum, et non egrediebar. \*  
oculi mei languerunt præ inopia.

Clamavi ad te, Domine, tota die: \*  
expandi ad te manus meas.

Numquid mortuis facies mirabilia? \*  
aut medici suscitabunt, et confitebun-  
tur tibi?

Numquid narrabit aliquis in sepul-  
chro misericordiam tuam, \* et veri-  
tatem tuam in perditione?

Numquid cognoscentur in tenebris  
mirabilia tua, \* et justitia tua in  
terra oblivionis?

Et ego ad te, Domine, clamavi: \*  
et mane oratio mea præveniet te.

Ut quid, Domine, repellis oratio-  
nem meam, \* avertis faciem tuam a  
me?

Pauper sum ego, et in laboribus  
a juventute mea: \* exaltatus autem,  
humiliatus sum et conturbatus.

In me transierunt iræ tuæ: \* et  
terrores tui conturbaverunt me.

Circumdederunt me sicut aqua to-  
ta die: \* circumdederunt me simul.

Elongasti a me amicum et prox-  
imum, \* et notos meos a miseria.

*Ant.* Erexit Jacob lapidem in titu-  
lum, fundens oleum desuper.

*℣.* Domus mea. *℟.* Domus orationis  
vocabitur. Pater noster.

*Absol.* Ipsius. *℣.* Jube domne.

*Bened.* Deus Pater omnipotens.

Sermo S. Augustini Episcopi.

Sermo 252 de Tempore.

Lectio iv.

**Q**UOTIESCUMQUE, fratres cha-  
rissimi, altaris vel templi festi-  
vitatem colimus, si fideliter ac dili-  
genter attendimus, et sancte ac iu-  
ste vivimus, quidquid in templis ma-  
nufactis agitur, totum in nobis spi-  
ritali ædificatione completur. Non e-  
nim mentitus est ille, qui dixit: Tem-  
plum enim Dei sanctum est, quod estis  
vos: et iterum: Nescitis quia corpora  
vestra templum sunt Spiritus sancti,  
qui in vobis est? Et ideo, fratres  
charissimi, quia nullis præcedentibus  
meritis per gratiam Dei meruimus fieri  
templum Dei, quantum possumus,  
cum ipsius adiutorio laboremus, ne  
Dominus noster in templo suo, hoc  
est, in nobis ipsis inveniat, quod o-  
culos suæ majestatis offendat.

*℟.* Orantibus in loco isto, \* Dimitte  
peccata populi tui, Deus, et o-  
stende eis viam bonam, per quam  
ambulent, et da gloriam in loco i-  
sto. *℣.* Qui regis Israel, intende, qui  
deducis velut ovem Joseph, qui se-  
des super Cherubim. Dimitte.

*Bened.* Christus perpetuæ.

Lectio v.

**S**ED habitaculum cordis nostri e-  
vacuetur vitiis, et virtutibus reple-  
atur: claudatur diabolo, et aperiatur  
Christo: et ita laboremus, ut nobis  
bonorum operum clavibus januam re-  
gni cœlestis aperire possimus. Sicut  
enim malis operibus quasi quibusdam  
seris ac vectibus vitæ nobis janua clau-  
ditur, ita absque dubio bonis ope-  
ribus aperitur. Et ideo, fratres charis-  
simi, unusquisque consideret con-  
scientiam suam, et quando se aliquo  
crimine vulneratum esse cognoverit,  
prius orationibus, jejuniis, vel ele-  
mosynis studeat mundare conscienti-  
am suam, et sic Eucharistiam præ-  
sumat accipere.

*℟.* O quam metuendus est locus  
iste! \* Vere non est hic aliud, nisi



domus Dei, et porta cœli. *ŷ.* Hæc est domus Domini firmiter ædificata, bene fundata est supra firmam petram. Vere.

*Bened.* Ignem sui amoris.

*Lectio* vj.

**S**I enim agnoscens reatum suum, ipse se a divino altari subtraheret, cito ad indulgentiam divinæ misericordiæ perveniet: quia, sicut qui se exultat, humiliabitur; ita e contrario, qui se humiliat, exaltabitur. Qui enim, sicut dixi, agnoscens reatum suum, ipse se humiliter ab altari Ecclesiæ pro emendatione vitæ remove voluerit, ab æterno illo et cœlesti convivio excommunicari penitus non timebit.

*ŷ.* Mane surgens Jacob erigebat lapidem in titulum, fundens oleum desuper, votum vovit Domino: *⁊* Vere locus iste sanctus est, et ego nesciebam. *ŷ.* Cumque evigilasset Jacob de somno, ait. Vere. Gloria. Vere.

### IN III. NOCTURNO.

*Ant.* Qui habitat in adjutorio Altissimi, in protectione Dei cœli commorabitur.

*Quando hæc Ant. dicitur integra, et illi non additur in fine Alleluia, tunc incipitur Psalm. idem a ij versu.*

### Psalmus 90.

**Q**UI habitat in adjutorio Altissimi, *⁊* in protectione Dei cœli commorabitur.

Dicet Domino: Susceptor meus es tu, et refugium meum: *⁊* Deus meus sperabo in eum.

Quoniam ipse liberavit me de laqueo venantium, *⁊* a verbo aspero.

Scapulis suis obumbrabit tibi: *⁊* et sub pennis ejus sperabis.

Scuto circumdabit te veritas ejus: *⁊* non timebis a timore nocturno.

A sagitta volante in die, a negotio perambulante in tenebris: *⁊* ab incursu, et dæmonio meridiano.

Cadent a latere tuo mille, et decem millia a dextris tuis: *⁊* ad te autem non appropinquabit.

COMMUN. SS.

Veruntamen oculis tuis considerabis: *⁊* et retributionem peccatorum videbis.

Quoniam tu es, Domine, spes mea: *⁊* Altissimum posuisti refugium tuum.

Non accedet ad te malum: *⁊* et flagellum non appropinquabit tabernaculo tuo.

Quoniam Angelis suis mandavit de te: *⁊* ut custodiant te in omnibus viis tuis.

In manibus portabunt te, *⁊* ne forte offendas ad lapidem pedem tuum.

Super aspidem et basiliscum ambulabis: *⁊* et conculcabis leonem et draconem.

Quoniam in me speravit, liberabo eum: *⁊* protegam eum, quoniam cognovit nomen meum.

Clamabit ad me, et ego exaudiam eum *⁊* cum ipso sum in tribulatione: eripiam eum, et glorificabo eum.

Longitudine dierum replebo eum: *⁊* et ostendam illi salutare meum.

*Ant.* Qui habitat in adjutorio Altissimi, in protectione Dei cœli commorabitur.

*Ant.* Templum Domini sanctum est, Dei structura est, Dei ædificatio est

### Psalmus 95.

**C**ANTATE Domino canticum novum: *⁊* cantate Domino, omnis terra.

Cantate Domino, et benedicite nomini ejus: *⁊* annuntiate de die in diem salutare ejus.

Annuntiate inter Gentes gloriam ejus, *⁊* in omnibus populis mirabilia ejus.

Quoniam magnus Dominus, et laudabilis nimis: *⁊* terribilis est super omnes deos:

Quoniam omnes dñi Gentium dæmonia: *⁊* Dominus autem cœlos fecit.

Confessio et pulchritudo in conspectu ejus: *⁊* sanctimonia et magnificentia in sanctificatione ejus.

Afferte Domino, patriæ gentium, afferte Domino gloriam et honorem: *⁊* afferte Domino gloriam nomini ejus.

Tollite hostias, et introite in atria

F

ejus : \* adorete Dominum in atrio sancto ejus.

Commoveatur a facie ejus universa terra : \* dicite in Gentibus, quia Dominus regnavit.

Etenim correxit orbem terræ, qui non commovebitur : \* judicabit populos in æquitate.

Lætentur cæli, et exultet terra, commoveatur mare, et plenitudo ejus : \* gaudebunt campi, et omnia quæ in eis sunt.

Tunc exultabunt omnia ligna silvarum a facie Domini, quia venit : \* quoniam venit judicare terram.

Judicabit orbem terræ in æquitate, \* et populos in veritate sua.

*Ant.* Templum Domini sanctum est, Dei structura est, Dei ædificatio est.

*Ant.* Benedicta gloria Domini de loco sancto suo, alleluia.

### Psalmus 98.

**D**OMINUS regnavit irascantur populi : \* qui sedet super Cherubim, moveatur terra.

Dominus in Sion magnus : \* et excelsus super omnes populos.

Confiteantur nomini tuo magno, quoniam terribile et sanctum est : \* et honor regis judicium diligit.

Tu parasti directiones : \* judicium et justitiam in Jacob tu fecisti.

Exaltate Dominum Deum nostrum, et adorete scabellum pedum ejus : \* quoniam sanctum est.

Moses et Aaron in sacerdotibus ejus : \* et Samuel inter eos, qui invocant nomen ejus.

Invocabant Dominum, et ipse exaudiebat eos : \* in columna nubis loquebatur ad eos.

Custodiebant testimonia ejus, \* et præceptum quod dedit illis.

Domine Deus noster, tu exaudiebas eos : \* Deus, tu propitius fuisti eis, et ulciscens in omnes adinventiones eorum.

Exaltate Dominum Deum nostrum, et adorete in monte sancto ejus : \* quoniam sanctus Dominus Deus noster.

*Ant.* Benedicta gloria Domini de loco sancto suo, alleluia.

†. Hæc est domus Domini firmiter ædificata, â. Bene fundata est supra firmam petram. Pater noster.

*Absol.* A vinculis. †. Jube domne.

*Bened.* Evangelica lectio.

Lectio sancti Evangelii secundum Lucam.

*Lectio vij.*

*Cap. 19.*

**I**N illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia sancti Ambrosii Episcopi.

*Lib. 8. in Lucam, prope finem.*

**Z**ACHÆUS statura pusillus, hoc est, nulla nobilitatis ingenitæ dignitate sublimis, exiguus meritis, sicut populus nationum, audito Domini Salvatoris adventu, quem sui non receperant, videre cupiebat. Sed nemo facile Jesum videt, nemo potest Jesum videre constitutus in terra. Et quia non prophetas, non legem habebat, tamquam formæ gratiam naturalis, ascendit in sycomorum, vanitatem scilicet Judæorum vestigio suo proterens, errata quoque corrigens superioris ætatis : et ideo Jesum in interioris domus recepit hospitio.

â. Domus mea, domus orationis vocabitur, dicit Dominus : in ea omnis qui petit, accipit, et qui quærit, invenit : \* Et pulsanti aperietur. †. Petite, et accipietis : quærite, et invenietis. Et.

*Bened.* Divinum auxilium.

*Lectio viij.*

**E**T bene ascendit in arborem, ut arbor bona bonos fructus faceret : ac naturali excisus oleastro, et contra naturam insertus in bonam olivam, fructum posset legis afferre. Radix enim sancta, etsi rami inutiles : quorum infructuosam gloriam plebs Gentium fide resurrectionis, quasi quadam corporis elevatione, transcendit. Zachæus ergo in sycomoro, cæ-

cus in via: quorum alterum Dominus miseraturus expectat, alterum mansionis suæ claritate nobilitat: alterum sanaturus interrogat, apud alterum se non invitatus invitat. Sciebat enim uberem hospitii sui esse mercedem. Sed tamen, etsi nondum vocem invitantis audierat, jam viderat affectum.

¶. Lapidēs pretiosi omnes muri tui: Et turres Jerusalem gemmis ædificabuntur. ¶. Portæ Jerusalem ex sapphiro et smaragdo ædificabuntur, et ex lapide pretioso omnis circuitus muri ejus. Et. Gloria. Et.

*Bened. Ad societatem.*

*Lectio iz.*

**V**ERUM ne cæcum illum tamquam fastidiosi pauperum cito reliquisse videamur, et transisse ad divitem, expectemus eum, quia expectavit et Dominus: interrogemus eum, quia interrogavit et Christus. Nos interrogemus, quia nescimus: ille, quia noverat. Nos interrogemus, ut sciamus unde iste curatus sit: ille interrogavit, ut in uno plures disceremus, unde Dominum videre mereamur. Interrogavit enim, ut crederemus neminem nisi confitentem posse salvari.

Te deum laudamus, p. 12.

### *Ad Laudes*

*et per Horas, Antiphonæ.*

1. **DOMUM** tuam, Domine, decet sanctitudo in longitudinem dierum.

2. **Domus** mea, domus orationis vocabitur.

3. **Hæc** est domus Domini firmiter ædificata, bene fundata est supra firmam petram.

4. **Bene** fundata est domus Domini supra firmam petram.

5. **Lapidēs** pretiosi omnes muri tui, et turres Jerusalem gemmis ædificabuntur.

*Capitulum. Apoc. 21.*

**V**IDI civitatem sanctam Jerusalem novam descendentem de cælo a Deo, paratam sicut sponsam ornata viro suo.

### **HYMNUS.**

**A**LTO ex Olympi vertice  
Summi Parentis Filius,  
Ceu monte desectus lapis  
Terras in imas decidens,  
Domus supernæ et infimæ,  
Utrumque junxit angulum.

Sed illa sedes Cœlitum  
Semper resultat laudibus,  
Deumque Trinum et Unicum  
Jugi canore prædicat:  
Illi canentes jungimur  
Almæ Sionis æmuli.

Hæc templa, Rex ecclestium,  
Imple benigno lumine:  
Huc o rogatus adveni  
Plebisque vota suscipe,  
Et corda nostra jugiter  
Perfunde cœli gratia.

Hic impetrent fidelium  
Voces, precesque supplicum  
Domus beatæ munera,  
Partisque donis gaudeant:  
Donec soluti corpore  
Sedes beatas impleant.

Decus parenti debitum  
Sit usquequaque altissimo  
Natoque Patris unico,  
Et inclito Paraclito,  
Cui laus, potestas, gloria,  
Æterna sit per sæcula. Amen.

¶. Hæc est domus Domini firmiter ædificata. ¶. Bene fundata est supra firmam petram.

*Ad Bened. Ant. Zachæe, festinans* descende, quia hodie in domo tua oportet me manere: at ille festinans descendit, et suscepit illum gaudens in domum suam. Hodie huic domui salus a Deo facta est, alleluia.

*In ipso die Dedicat. Eccl., et per Oct., et quando varianda est Oratio ob concursum Dedicat. alterius Ecclesiæ*

### *Oratio.*

**D**EUS, qui invisibiliter omnia continet, et tamen pro salute generis humani signa tuæ potentie visibiliter ostendis, templum hoc potentia tuæ inhabitationis illustre, et con-



cede, ut omnes, qui huc deprecaturi conveniunt, ex quacumque tribulatione ad te clamaverint consolationis tuæ beneficia consequantur. Per Dominum.

*In Anniversario Dedicationis Ecclesiæ, et per Octavam.*

*Oratio.*

**DEUS**, qui nobis per singulos annos hujus sancti templi tui consecrationis reparas diem, et sacris semper mysteriis repræsentas incolumes: exaudi preces populi tui, et præsta, ut quisquis hoc templum beneficia petiturus ingreditur, cuncta se impetrasse lætetur. Per Dominum.

*Ad Tertiam.*

*Capit. Vidi civitatem, ut supra.*

*â. br. Domum tuam, Domine, \* Decet sanctitudo. Domum. y. In longitudinem dierum. Decet. Gloria. Domum. y. Locus iste sanctus est, in quo orat sacerdos. â. Pro delictis et peccatis populi.*

*Ad Sextam*

*Capitulum. Apoc. 21.*

**ET** audiivi vocem magnam de throno, dicentem: Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus.

*â. br. Locus iste sanctus est, \* In quo orat sacerdos. Locus. y. Pro delictis et peccatis populi. In quo. Gloria. Locus. y. Hæc est domus Domini firmiter ædificata. â. Bene fundata est supra firmam petram.*

*Ad Nonam.*

*Capitulum Apoc. 21.*

**ET** absterget Deus omnem lacrymam ab oculis eorum, et mors ultra non erit, neque luctus, neque clamor, neque dolor erit ultra, quia prima abierunt: et dixit qui sedebat in throno: Ecce nova facio omnia.

*â. br. Hæc est domus Domini \* Firmiter ædificata. Hæc est. y. Bene fundata est supra firmam petram. Firmiter. Gloria. Hæc est. y. Bene funda-*

*ta est domus Domini â. Supra firmam petram.*

*In II. Vesperis.*

*Omnia dicuntur ut in I. præter y. Domum tuam, Domine, decet sanctitudo. â. In longitudinem dierum.*

*Ad Magnif. Ant. O quam metuentus est locus iste! vere non est hic aliud, nisi domus Dei, et porta cæli.*

**DIE 3. INFRA OCTAVAM.**

*Lect. I. Noct. de. Script. occ.*

**IN II. NOCTURNO.**

**Ex Tractatu S. Augustini Episcopi super Psalmos.**

*Lectio iv. In Psalm. 121.*

**JERUSALEM**, quæ ædificatur ut civitas. Fratres, quando dicebat ista David, perfecta erat illa civitas, non ædificabatur. Nescio quam ergo civitatem dicit, quæ modo ædificatur, ad quam currunt in fide lapides vivi, de quibus dicit Petrus: Et vos tamquam lapides vivi coædificamini in domum spiritalem, id est, templum Dei sanctum. Quid est, Lapidem vivi coædificamini? Vivis, si credis: si autem credis, efficieris templum Dei; quia dicit Apostolus Paulus: Templum enim Dei sanctum est, quod estis vos.

*Lectio v.*

**IPSA** ergo modo civitas ædificatur. Præciduntur de montibus lapides per manus prædicantium veritatem, conquadrantur, ut intrent in structuram sempiternam. Adhuc multi lapides in manibus artificis sunt: non cadant de manibus artificis, ut possint perfecti coædificari in structuram templi. Est ergo ista Jerusalem, quæ ædificatur ut civitas: fundamentum ipsius Christus est. Dicit Apostolus Paulus: Fundamentum aliud nemo potest ponere, præter id quod positum est, quod est Christus Jesus.

*Lectio vj.*

**FUNDAMENTUM** quando ponitur in terra, desuper ædificantur parietes, et pondus parietum ad ima ten-

dit, quia in imo positum est fundamentum. Si autem fundamentum nostrum in cœlo est, ad cœlum ædificemur. Corpora ædificaverunt istam structuram, quam videtis amplam surrexisse hujus Basilicæ: et quia corpora ædificaverunt, fundamentum in imo posuerunt. Quia vero spiritualiter ædificamur, fundamentum nostrum in summo positum est. Illuc ergo curramus, ibi ædificemur, quia de ipsa Jerusalem dictum est: Stantes erant pedes nostri in atriis tuis, Jerusalem.

IN III. NOCTURNO.

Lectio sancti Evangelii secundum Lucam.

Lectio vij. Cap. 19.

**I**n illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

De Homilia S. Ambrosii Episc.

Ex lib. 8. in Lucam, in fine.

**E**t confestim, inquit, vidit, et sequebatur illum, magnificans Dominum. Aliter non enim videret, nisi sequeretur Christum, nisi Dominum prædicaret, nisi sæculum præteriret. Cum divitibus quoque in gratiam revertamur. Nolumus enim offendere divites, qui volumus, si fieri potest, sanare omnes: ne in cameli comparatione præstricti, et in Zachæo citius, quam oportuit, derelicti, justæ habeant commotionis offensam.

Lectio viij.

**D**ISCANT divites, non in facultatibus crimen hæere, sed in iis qui uti nesciant facultatibus. Nam divitiæ, ut impedimenta improbis, ita bonis sunt adjumenta virtutis. Dives certe Zachæus, et electus a Christo; sed dimidium bonorum suorum pauperibus largiendo, reddendo etiam in quadruplum, quæ fraude sustulerat, (alterum enim non sat est, nec habet gratiam liberalitas, si injuria perseverat, quia non spolia, sed dona quaeruntur) uberiores mercedem, quam conferebat, accepit.

Lectio ix.

**E**t bene princeps inducitur publicanorum. Quis jam de se desperet, quando et iste, cui census ex fraude, ad salutem pervenit? Et ipse, inquit, dives. Ut scias non omnes divites avaros. Quia statura pusillus erat. Quid sibi vult, quod nullius alterius staturam Scriptura, nisi hujus, expressit? Vide ne forte malitiâ pusillus aut adhuc pusillus fide. Nondum enim reddere promiserat: nondum viderat Christum: merito adhuc pusillus, Joannes autem magnus, quia et Christum vidit, et Spiritum sicut columbam super Christum manentem, sicut ipse ait: Vidi Spiritum descendentem sicut columbam, et manentem super eum.

DIE 3. INFRA OCTAVAM

Lect. I. Noct. de Script. occ.

IN II. NOCTURNO.

Sermo S. Augustini Episcopi.

Serm. 256 de Tempore.

Lectio iv.

**C**ELEBRITAS hujus congregationis, dedicatio est domus orationis. Domus ergo nostrarum orationum ista, domus autem Dei nos ipsi. Si domus Dei nos ipsi, nos in hoc sæculo ædificamur, ut in fine sæculi dedicemur. Ædificium, imo ædificatio habet laborem, dedicatio exultationem. Quod hic fiebat, quando ista surgebant, hoc fit modo cum congregantur credentes in Christum. Credendo enim, quasi de silvis et montibus ligna et lapides præciduntur: cum vero catechizantur, baptizantur, formantur, tamquam inter manus fabricum et opificum dolantur, collineantur, complanantur. Veruntamen domum Domini non faciunt, nisi quando charitate compaginantur.

Lectio v.

**L**IGNA ista et lapides si non sibi certo ordine cohærent, si non se pacifice innectent, si non se invicem, cohærendo sibi, quodam-

modo amarent, nemo huc intraret. Denique quando vides in aliqua fabrica lapides et ligna bene sibi coherere, securus intras, ruinam non times. Volens ergo Dominus Christus intrare, et in nobis habitare, tamquam ædificando dicebat: Mandatum novum do vobis: Ut vos invicem diligatis. Mandatum, inquit, novum do vobis. Veteres enim eratis, domum mihi nondum faciebatis, in vestra ruina jacebatis. Ergo, ut eruamini a vestræ ruinæ vetustate, vos invicem amate.

*Lectio vj.*

**C**ONSIDERET ergo charitas vestra, ædificari adhuc istam domum toto, sicut prædictum est et promissum, orbe terrarum. Cum enim ædificatur domus post captivitatem, sicut habet alius psalmus, dicitur: Cantate Domino canticum novum, cantate Domino omnis terra. Quod ibi dixit canticum novum, hoc Dominus dixit mandatum novum. Quid enim habet canticum novum, nisi amorem novum? Cantare amantis est. Vox hujus cantoris, fervor est sancti amoris. Amemus, gratis amemus: Dominum enim amamus, quo nihil melius invenimus: ipsum amemus propter ipsum, et nos in ipso, tamen propter ipsum.

IN III. NOCTURNO.

Lectio sancti Evangelii secundum Lucam.

*Lectio vij. Cap. 19.*

**I**N illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

De Homilia S. Ambrosii Episc.

*Ex lib. 8. in Lucam, prope finem.*

**Q**UÆ autem turba, nisi imperitiæ confusio multitudinis, quæ verticem nequit videre sapientiæ? Ergo Zachæus, quamdiu in turba est, non videt Christum: supra turbam ascen-

dit, et vidit: hoc est, plebis jam transgressus inscitiam, meruit quem desiderabat aspicere. Pulchre autem addidit: Quia illa parte erat transi-turus Dominus, vel ubi sycomorus, vel ubi crediturus: ut et mysterium servaret, et gratiam seminaret. Sic enim venerat, ut per Judæos transiret ad Gentes.

*Lectio viij.*

**V**IDIT itaque Zachæum sursum. Jam enim sublimitate fidei inter fructus novorum operum, velut secundæ altitudine arboris eminebat. Et quoniam de typo ad moralia defleximus, inter tot credentium voluptates Dominica die relaxare animum, festivitatem admiscere delectat. Zachæus in sycomoro, novum videlicet novi temporis pomum, ut in hoc quoque compleretur illud: Arbor fici produxit grossos suos.

*Lectio ix.*

**A**D hoc enim Christus advenit, ut ex lignis non poma, sed homines nascerentur. Legimus alibi: Cum esses sub arbore fici, vidi te. Ergo Nathanael sub arbore, hoc est, supra radicem, quia justus: Radix enim sancta. Sub arbore tamen Nathanael, quia sub lege: Zachæus supra arborem, quia supra legem. Ille Domini occultus defensor, hic publicus prædicator. Ille adhuc Christum ex lege quærebat, iste jam supra legem relinquebat sua, et Dominum sequebatur.

**DIE 4. INFRA OCTAVAM.**

*Lect. I. Noct. de Script. occ.*

IN II. NOCTURNO.

De Sermonem S. Augustini Episc.

*Ex Serm. 256 de Tempore.*

*Lectio iv.*

**A**TENDITE in psalmo dedicationis, quem modo cantavimus ex ruina ædificiorum. Conscidisti saccum meum: hoc pertinet ad ruinam. Quid ergo ad ædificium? Et accinxisti me lætitia. Vox dedicationis: Ut



cantet tibi gloria mea , et non compungar. Quis est, qui loquitur? In verbis ejus agnoscite. Si expono, obscurum est. Ergo verba ejus dicam , continuo agnoscetis loquentem , ut ametis alloquentem. Quis est, qui dicere potuit: Eruisti, Domine, ab inferis animam meam?

*Lectio v.*

**C**UJUS anima jam ab inferis eruta est, nisi de qua dictum est alio loco: Non derelinques animam meam in inferno? Proponitur dedicatio, et cantatur liberatio, canticum dedicationis domus , et dicitur: Exaltabo te, Domine, quoniam suscepisti me: et non jucundasti inimicos meos super me. Attendite Judæos inimicos , qui se putabant occidisse Christum , vicisse tamquam inimicum , perdidisse quasi hominem cæteris similem atque mortalem.

*Lectio vj.*

**R**ESURREXIT tertia die , et ejus vox est: Exaltabo te, Domine, quoniam suscepisti me. Attendite Apostolum dicentem: Propter quod eum exaltavit. Et non jucundasti inimicos meos super me. Ipsi quidem in Christi morte jucundabantur, sed in ejus resurrectione, ascensione, prædicatione aliqui compungebantur. In ejus ergo prædicatione, et per Apostolorum constantiae diffamationem aliqui compungebantur, et convertebantur: aliqui obdurabantur, et confundebantur, nulli tamen jucundabantur.

## IN III. NOCTURNO.

Lectio sancti Evangelii secundum Lucam.

*Lectio vij. Cap. 19.*

**I**N illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum , et ipse dives. Et reliqua.

Homilia sancti Gregorii Papæ.

*Lib. 27. Moralium , cap. 27.*

**S**I veraciter sapientes esse atque ipsam sapientiam contemplari appetimus, stultos nos humiliter cognoscamus. Relinquamus noxiam sapientiam, discamus laudabilem fatuitatem. Hinc quippe scriptum est: Stulta mundi elegit Deus, ut confundat sapientes. Hinc rursum dicitur: Si quis videtur inter vos sapiens esse in hoc sæculo, stultus fiat, ut sit sapiens. Hinc Evangelicæ historiæ verba testantur, quia Zachæus, cum videre præ turba nihil posset, sycomori arborem ascendit, ut transeuntem Dominum cerneret. Sycomorus quippe ficus fatua dicitur.

*Lectio viij.*

**P**USILLUS itaque Zachæus sycomorum subiit, et Dominum vidit: quia qui mundi stultitiam humiliter eligunt, ipsi Dei sapientiam subtiliter contemplantur. Pusillitatem namque nostram ad videndum Dominum turba præpedit: quia infirmitatem humanæ mentis, ne lucem veritatis intendat, curarum sæcularium tumultus premit. Sed prudenter sycomorum ascendimus, si provide eam, quæ divinitus præcipitur, stultitiam mente tenemus. Quid enim in hoc mundo stultius, quam amissa non quærere, possessa rapientibus relaxare, nullam pro acceptis injuriis injuriam reddere, imo adjunctis aliis patientiam præbere?

*Lectio ix.*

**Q**UASI enim sycomorum nos ascendere Dominus præcipit, cum dicit: Qui aufert quæ tua sunt, ne repetas. Et rursum: Si quis te percusserit in dexteram maxillam, præbe illi et alteram. Per sycomorum Dominus transiens cernitur: quia per hanc sapientem stultitiam, etsi necdum, ut est, solide, jam tamen per contemplationis lumen Dei sapientia quasi in transitu videtur, quam videre nequeunt qui sibi sapientes esse videntur: quia ad conspi-

ciendum Dominum, in elata cogitationum suarum turba deprehensi, adhuc sycomori arborem non invenerunt.

### DIE 5. INFRA OCTAVAM

*Lect. I. Noct. de Script. occ.*

#### IN II. NOCTURNO

De Sermone S. Augustini Episc.

*Ex Serm. 256. de Tempore.*

*Lectio iv.*

**M**ODO, quando implentur Ecclesiæ, putamus jucundari Judæos? Ecclesiæ ædificantur, dedicantur, implentur? quomodo illi jucundantur? Non solum non jucundantur, sed etiam confunduntur, et impletur vox exultantis: Exaltabo te, Domine, quoniam suscepisti me: et non jucundasti inimicos meos super me. Non jucundasti super me: si mihi credant, jucundabis in me. Ne multa dicamus, ad illa, quæ cantavimus, aliquando veniamus. Quomodo dicit Christus: Conscidisti saccum meum, et accinxisti me lætitia? Saccus ejus erat similitudo carnis peccati.

*Lectio v.*

**N**ON tibi vilescat, quod ait, Saccum meum: ibi erat inclusum pretium tuum. Conscidisti saccum meum. Evasimus ad saccum istum. Conscidisti saccum meum. In passione conscissus est. Quomodo ergo Deo Patri dicitur: Conscidisti saccum meum? Quomodo Patri dicatur, vis audire, conscidisti saccum meum? Quia proprio Filio non pepercit, sed pro nobis omnibus tradidit illum. Fecit enim per Judæos nescientes, unde redimerentur scientes, et confunderentur negantes. Nesciunt enim quid boni nobis operati sunt malo suo. Suspensus est saccus, et quasi lætatus est impius. Conscidit saccum lancea persecutor, et fudit pretium nostrum Redemptor.

*Lectio vj.*

**C**ANTET Christus Redemptor, gemat Judas venditor, erubescat

Judæus emptor. Ecce Judas vendidit, Judæus emit; malum negotium egerunt, ambo damnati sunt, seipsos perdiderunt venditor et emptor. Dicat ergo caput nostrum, dicat pro corpore occiso, pro corpore dedicato. Dicat, audiamus. Conscidisti saccum meum, et accinxisti me lætitia: id est, conscidisti mortalitatem meam et accinxisti me immortalitate et incorruptione. Ut cantet tibi gloria mea, et non compungar. Quid est, non compungar? Jam contra me non ferat lanceam persecutor ut non compungar. Christus enim surgens a mortuis, jam non moritur, et mors illi ultra non dominabitur.

#### IN III. NOCTURNO.

Lectio sancti Evangelii secundum Lucam.

*Lectio vij. Cap. 19.*

**I**N illo tempore: Ingressus Jesus perambulabat Jericho. Et ecce vicinome Zachæus: et hic princeps erat publicanorum, et ipse dives. Et reliqua.

Homilia ven. Bedæ Presbyteri.

*Lib. 5, c. 77. In Luc. 19.*

**Q**UÆ impossibilia sunt apud homines, possibilia sunt apud Deum. Ecce enim camelus, deposita gibbi Sarcina, per foramen acus transit, hoc est, dives et publicanus, relicto onere divitiarum, contempto censu fraudum, angustam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu supplet arboris: atque ideo juste, quamvis ipse rogare non audeat, benedictionem Dominicæ susceptionis, quam desiderabat, accepit.

*Lectio viij.*

**M**YSTICE autem Zachæus, qui interpretatur justificatus, credentem ex Gentibus populum significat. Qui quanto curis sæcularibus occupator, tanto flagitiis deprimen-

tibus erat factus humilior. Sed ablutus est, sed sanctificatus, sed iustificatus in nomine Domini nostri Jesu Christi, et in Spiritu Dei nostri. Qui intrantem Jericho Salvatorem videre quærebat, sed præ turba non poterat: quia gratiæ fidei, quam mundo Salvator attulit, participare cupiebat: sed inolita vitiorum consuetudo, ne ad votum perveniret, obstiterat.

*Lectio ix.*

**E**ADEM namque turba noxiæ consuetudinis, quæ supra cæcum clamantem, ne lumen peteret, increpabat, etiam suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit: ita pusillus necesse est turbæ nocentis obstaculum altiora peterdo transcendat, terrena relinquat, arborem crucis ascendat. Sycomorus namque (quæ est arbor foliis moro similis, sed altitudine præstans, unde et a Latinis celsa nuncupatur) ficus fatua dicitur. Et eadem Dominica crux, quæ credentes alit ut ficus, ab incredulis irridetur ut fatua.

**DIE 6. INFRA OCTAVAM.**

*Lect. I. Noct. de Script. occ.*

IN II. NOCTURNO.

De Sermone S. Augustini Episc.

*Ex Serm. 256 de Tempore.*

*Lectio iv.*

**E**RGÓ, dum novam constructionem sanctæ hujus Ecclesiæ libenter attendimus, quam divino nomini hodie dedicamus, invenimus a nobis deberi et Deo nostro maximam laudem, et sanctitati vestræ congruum de divinæ domus ædificatione sermonem. Tunc autem sermo noster congruus erit, si in se aliquid ædificationis habeat, quod utilitati animarum vestrarum, Deo vos interiori ædificante, proficiat. Quod hic factum corporaliter videmus in parietibus, spiritaliter fiat in mentibus: et quod hic perfectum cernimus in lapidibus

et lignis, hoc, ædificante gratia Dei, perficiatur in corporibus vestris.

*Lectio v.*

**P**RINCIPALITER ergo gratias agamus Domino Deo nostro, a quo est omne datum optimum, et omne donum perfectum: et ejus bonitatem tota cordis alacritate laudemus, quoniam ad construendam istam domum orationis, fidelium suorum visitavit animum, excitavit affectum, surrogavit auxilium, inspiravit necdum volentibus ut vellent, adjuvit bonæ voluntatis conatus ut facerent: ac per hoc Deus, qui operatur in suis et velle et perficere pro bona voluntate, hæc omnia ipse cœpit, ipse perfecit.

*Lectio vj.*

**E**T quia opera bona in conspectu suo nunquam esse permittit inania, fidelibus suis, quibus operantibus præbuit virtutis suæ favorem, tribuet condignam pro tanta operatione mercedem. Adhuc amplius agenda sunt gratiæ Deo nostro. Hanc enim ecclesiam, quam fecit nomini suo construi, fecit etiam sanctorum Martyrum reliquiis amplius honorari.

IN III. NOCTURNO.

Lectio sancti Evangelii secundum Lucam.

*Lectio vij Cap. 15.*

**I**N illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

De Homilia ven. Bedæ Presbyteri.

*Lib. 5. c. 77. in Luc. 19.*

**E**T cum venisset ad locum, suspiciens Jesus vidit illum. Perambulans Jericho Salvator, venit ad locum, ubi præcurrens Zachæus sycomorum conscenderat: quia missis per mundum sui verbi præconibus, in quibus ipse nimirum et loquebatur et ibat, venit ad populum nationum, qui passionis ejus fide jam



sublimis existens, etiam divinitatis ejus ardebat agnita facie beari. Suspiciens vidit illum, quia per gratiam fidei a terrenis cupiditatibus elevatum turbisque infidelibus præminentem elegit. Videre enim Dei, eligere vel amare est. Unde est illud: Oculi Domini super justos. Nam et nos quæ amamus, videre; ab iis quæ execramur, intuitum festinamus avertere.

*Lectio viij.*

**V**IDIT ergo Jesus videntem se, quia elegit eligentem se, et amavit amantem. Hunc sane ordinem proficiendi, hoc est, per fidem Dominicæ incarnationis ad cognitionem divinitatis perveniendi, quasi per sycorum Jesu faciem speculandi Doctor egregius ostendit, cum ait: Non enim judicavi scire me aliquid inter vos, nisi Christum Jesum, et hunc crucifixum. Itemque aliis exprobrans: Facti estis, inquit, quibus lacte opus sit, non solido cibo. Lac infirma temporariæ dispensationis, solidum cibum ardua perpetuæ majestatis appellans.

*Lectio ix.*

**E**T dixit ad eum: Zachæe, festinus descende, quia hodie in domo tua oportet me manere. Et festinans descendit, et excepit illum gaudens. Menebat aliquando Dominus in domo principis Phariseorum, hoc est, in Judæorum synagoga docebat: sed quia non baptizatum ante prandium, sabbato curantem, publicanos et peccatores recipientem, contra avaritiam disputantem, et cætera digna Deo gerentem, lingua venenata carpebant, pertæsus eorum facinora, discessit et aufugit: dicens: Relinquetur vobis domus vestra deserta. Hodie autem in domo pusilli Zachæi oportet illum manere: hoc est, novæ lucis gratia coruscante, in humili credentium nationum corde quiescere.

**DIE 7. INFRA OCTAVAM**

*Lect. I. Noct. de Script. occ.*

IN II. NOCTURNO.

Sermo S. Joannis Chrysostomi.

Ex Homil. 33 in cap. 9. Matth.

*Lectio iv.*

**C**OMMUNIS omnium domus est Ecclesia, in quam, vobis prius ingressis, nos intramus, discipulorum formam retinentes: ideoque communiter omnibus statim atque ingressi fuerimus, ut illis datam legem sequamur, pacem offerimus. Nemo igitur socordia torpeat; nemo sæcularibus rebus suspensum animum habeat, cum jam ad prædicandum sacerdotes intraverint. Non enim parva huic rei imminet pœna. Equidem millies potius malim in domum alicuius vestrum ingressus destitui, quam hic prædicans non audiri. Hoc mihi molestius esset, quam illud, quandoquidem magis propria hæc est, quam illa.

*Lectio v.*

**N**AM hic magnæ illæ nostræ opes positæ sunt, hic spes nostra omnis. Quid enim hoc loco non magnum est et admirandum? Nam hæc mensa longe pretiosior est atque jucundior: et lucerna hæc, quam illa, ut norunt qui cum fide oleo peruncti, a morbis liberati sunt. Arca etiam hæc multo melior magisque necessaria. Non enim vestes, sed misericordiam inclusam continet: quamvis pauci sint, qui eam possideant. Hic et lectulus est valde illo præstantior: divinaram enim Scripturarum requies quovis lecto suavior est.

*Lectio vj.*

**E**T quidem si concordia perfecte servaretur a nobis, nullam aliam domum præter hanc haberemus. Hoc autem quod dixi, non esse durum, testantur illa tria millia et quinque millia hominum, quibus et domus una, et mensa una, et anima una erat. Multitudinis enim credentium, inquit, unum erat cor, et anima una. Sed quia longe ab illorum virtute absumus, et per domos disjuncti sumus, saltem quando huc convenimus, id

omni studio faciamus. Nam etsi in aliis rebus pauperes et inopes sumus, hoc loco saltem, cum huc ad vos intramus, cum charitate nos suscipite: cumque, Pax vobis, dico, Et cum spiritu tuo, non voce solum, sed animo quoque respondete.

## IN III. NOCTURNO.

Lectio sancti Evangelii secundum  
Lucam.

Lectio vij. Cap. 19.

**I**N illo tempore: ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

De Homilia ven. Bedæ Presbyteri.

Paulo post prædicta.

**E**T cum viderent omnes, murmurabant, dicentes, quod ad hominem peccatorem divertisset. Manifestum est Judæos semper Gentium odisse salutem. Scriptum est enim: Sequenti vero sabbato pene universa civitas convenit audire verbum Dei. Videntes autem turbas Judæi, repleti sunt zelo, et contradicebant iis, quæ a Paulo dicebantur. Et alibi, fideles etiam fratres adversus Apostolorum principem disceptabant, dicentes: Quare introisti ad viros præputium habentes, et manducasti cum illis?

Lectio viij.

**S**TANS autem Zachæus dixit ad Dominum. Ecce dimidium bonorum meorum, Domine, do pauperibus: et si quid aliquem defraudavi, reddo quadruplum. Aliis calumniantibus hominem peccatorem, ipse Zachæus stans, id est, in ea, quam cœperat, fidei veritate persistens, non solum se ex peccatore conversum, sed etiam inter perfectos probat esse conversatum. Dicente enim Domino: Si vis perfectus esse, vade, vende omnia quæ habes, et da pauperibus: quisquis ante conversionem innocenter vixit, omnia conversus potest dare pauperibus.

Lectio ix.

**A**T qui aliqua fraude sustulit, primo hæc juxta legem reddere, deinde quod sibi remanserit, debet dare pauperibus. Ac sic et ipse, quia sibi nil retinet, omnia sua dispergit, dat pauperibus, justitia ejus manet in sæculum sæculi. Et hæc est sapiens illa stultitia, quam de sycomoro publicanus quasi fructum vitæ legerat: rapta videlicet reddere, propria relinquere, visibilia contemnere, pro invisibilibus etiam mori desiderare, seipsum abnegare, et ejus qui necdum videatur, Domini vestigia sequi concupiscere.

## IN OCTAVA

DEDICATIONIS ECCLESIE.

Duplex.

Omnia ut in die, præter Lectiones  
II. Nocturni.

Ex Epistola I. S. Felicis Papæ IV.

De Consecr. dist. I. cap. 2.

Lectio iv.

**T**ABERNACULUM Moysen, Domino præcipiente, fecisse et sacrasse cum mensa et altari ejus, et cæteris vasis et utensilibus ad divinum cultum explendum, legimus: et non solum divinis precibus ea sacrasse, sed etiam sancti olei unctione, Domino jubente, perlinisse novimus. Qualiter autem hæc facta sint, et quomodo ipsa sacra non alii, quam sacerdotes sacra unctione delibuti, Dominoque cum vestibus sanctis sacrati, et Levitæ tractabant, ferebant, erigebant, et deponebant; in ipsis institutionibus, quæ, jubente Domino, conscriptæ sunt per Moysen, in lege Domini reperitur.

Lectio v.

**Q**UALITER ergo David regum piissimus amplificaverit cultum Dei, et templum Domino ædificare voluerit, sed propter multum sanguinem, quem effuderat, prohibitus est, et ipse collegerat expensas: Salomon

quoque filius ejus idipsum, quod ipse facere optaverat, jubente et auxiliante Deo, perfecit et templum cum altari, et reliqua ad divinum cultum peragendum consecravit. In libro Regum legitur: Fecit ergo Salomon in tempore illo festi vitatem celebrem, et omnis Israel cum eo, multitudo magna ab introitu Emath usque ad rivum Ægypti, coram Domino Deo nostro septem diebus, et septem diebus, id est, quatuordecim diebus, et in die octava dimisit populos.

Lectio vj. Ibidem c. 17.

**SOLEMNITATES** dedicationum Ecclesiarum et sacerdotum, per singulos annos solemniter sunt celebrandæ, ipso Domino exemplum dante, qui ad festum dedicationis templi, omnibus id faciendi dans formam, cum reliquis populis eandem festivitatem celebraturus venit, sicut scriptum est: Facta sunt encænna in Jerosolymis, et hiems erat, et ambulabat Jesus in templo in porticu Salomonis. Quod autem octo diebus encænna sint celebranda, in libro Regum, peracta dedicatione templi, reperietis.

## IN FESTIS BEATÆ Mariæ Virginis PER ANNUM.

### *In I. Vesperis.*

*Ant.* Dum esset Rex in accubitu suo, nardus mea dedit odorem suavitatis.

#### **Psalmus 109.**

**D**IXIT Dominus Domino meo: \*  
Sede a dextris meis:

Donec ponam inimicos tuos, \* scabellum pedum tuorum.

Virgam virtutis tuæ emittet Dominus ex Sion: \* dominare in medio inimicorum tuorum.

Tecum principium in die virtutis tuæ in splendoribus sanctorum: \* ex utero ante luciferum genui te.

Juravit Dominus et non pernitebit eum: \* Tu es sacerdos in æternum secundum ordinem Melchisedech.

Dominus a dextris tuis, \* confregit in die iræ suæ reges.

Judicabit in nationibus, implebit ruinas: \* conquassabit capita in terra multorum.

De torrente in via bibet: \* propterea exaltabit caput.

*Ant.* Dum esset Rex in accubitu suo, nardus mea dedit odorem suavitatis.

*Ant.* Læva ejus sub capite meo, et dextera illius amplexabitur me.

#### **Psalmus 112.**

**L**AUDATE, pueri, Dominum: \*  
laudate nomen Domini.

Sit nomen Domini benedictum, \*  
ex hoc nunc et usque in sæculum.

A solis ortu usque ad occasum, \*  
laudabile nomen Domini.

Excelsus super omnes gentes dominus, \*  
et super cælos gloria ejus.

Quis sicut Dominus Deus noster, qui in altis habitat, \* et humilia respicit in cælo et in terra?

Suscitans a terra inopem, \* et de stercore erigens pauperem.

Ut colloret eum cum principibus, \*  
cum principibus populi sui.



Qui habitare facit sterilem in domo, \* matrem filiorum lætantem.

*Ant.* Læva ejus sub capite meo, et dextera illius amplexabitur me.

*Ant.* Nigra sum, set formosa, filiæ Jerusalem: ideo dilexit me Rex, et introduxit me in cubiculum suum.

### Psalmus 121.

**L**ÆTATUS sum in his, quæ dicta sunt mihi: \* in domum Domini ibimus.

Stantes erant pedes nostri, \* in atriis tuis, Jerusalem.

Jerusalem, quæ ædificatur ut civitas: \* cujus participatio ejus in idipsum.

Illuc enim ascenderunt tribus, tribus Domini, \* testimonium Israel, ad confitendum nomini Domini.

Quia illic sederunt sedes in judicio, \* sedes super domum David.

Rogate quæ ad pacem sunt Jerusalem, \* et abundantia diligentibus te.

Fiat pax in virtute tua: \* et abundantia in turribus tuis.

Propter fratres meos, et proximos meos, \* loquebar pacem de te.

Propter domum Domini Dei nostri, \* quæsi vi bona tibi.

*Ant.* Nigra sum, sed formosa, filiæ Jerusalem: ideo dilexit me Rex, et introduxit me in cubiculum suum.

*Ant.* Jam hiems transiit, imber abiit, et recessit: surge amica mea, et veni.

### Psalmus 126.

**N**ISI Dominus ædificaverit domum, \* in vanum laboraverunt qui ædificant eam.

Nisi Dominus custodierit civitatem, \* frustra vigilat qui custodit eam.

Vanum est vobis ante lucem surgere: \* surgite postquam sederitis, qui manducatis panem doloris.

Cum dederit dilectis suis somnum: \* ecce hæreditas Domini, filii: merces, fructus ventris.

Sicut sagittæ in manu potentis, \* ita filii excussorum.

Beatus vir qui implevit desiderium

suum ex ipsis: \* non confundetur cum loquetur inimicis suis in porta.

*Ant.* Jam hiems transiit, imber abiit, et recessit: surge, amica mea, et veni.

*Ant.* Speciosa facta es, et suavis in deliciis tuis, sancta Dei genitrix.

### Psalmus 147.

**L**AUDA, Jerusalem, Dominum: \* lauda Deum tuum, Sion.

Quoniam confortavit seras portarum tuarum: \* benedixit filiis tuis in te.

Qui posuit fines tuos pacem: \* et adipe frumenti satiat te.

Qui emittit eloquium suum terræ; \* velociter currit sermo ejus.

Qui dat nivem sicut lanam: \* nebulam sicut cinerem spargit.

Mittit crystallum suam sicut buccellas: \* ante faciem frigoris ejus quis sustinebit?

Emittet verbum suum, et liquefaciet ea: \* flabit spiritus ejus, et fluent aquæ.

Qui annuntiat verbum suum Jacob, \* justitias et judicia sua Israel.

Non fecit taliter omni nationi; \* et judicia sua non manifestavit eis.

*Ant.* Speciosa facta es, et suavis in deliciis tuis, sancta Dei genitrix.

### Capitulum Eccli. 24.

**A**B initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

### HYMNUS.

**A**VE, maris stella,  
Dei Mater alma,  
Atque semper virgo,  
Felix cœli porta.

Sumens illud Ave  
Gabrielis ore,  
Funda nos in pace,  
Mutans Hevæ nomen.

Solve vincla reis,  
Profer lumen cæcis,  
Mala nostra pelle,  
Bona cuncta posce.

Monstra te esse matrem,

Sumat per te preces  
Qui pro nobis natus,  
Tulit esse tuus.

Virgo singularis,  
Inter omnes mitis,  
Nos culpis solutos  
Mites fac et castos.

Vitam præsta puram,  
Iter para tutum,  
Ut videntes Jesum  
Semper collætetur.

Sit laus Deo Patri,  
Summò Christo decus,  
Spiritu sancto,  
Tribus honor unus. Amen.

Ÿ. Dignare me laudare te Virgo  
sacrata. ♯. Da mihi virtutem contra  
hostes tuos.

*Ad Magnif. Ant.* Sancta Maria suc-  
curre miseris, juva pusillanimes, re-  
fove flebiles, ora pro populo, inter-  
veni pro clero, intercede pro devoto  
femineo sexu: sentiant omnes tuum  
juvamen quicumque celebrant tuam  
sanctam festivitatem.

*In fine hujus Ant. et ♯. vij loco*  
tuam sanctam festivitatem dicitur

*In festo B. M. V. de monte Car-*  
melo tuam solemnem Commemoratio-  
nem.

*In festo SS. Nominis B. M. V.*  
tui sancti Nominis commemoratio-  
nem.

*In festo SS. Rosarii B. M. V.*  
tuam sanctam Solemnitatem.

*In festo Præsentationis tuam san-*  
ctam Præsentationem.

#### Oratio.

**C**ONCEDE nos famulos tuos,  
quæsumus, Domine Deus, per-  
petua mentis et corporis sanitate ga-  
udere: et gloriosa beatæ Mariæ sem-  
per Virginis intercessione, a præsentis  
liberari tristitia, et æterna perfrui  
lætitia. Per Dominum.

*Ad Completorium et Horas in fi-*  
ne hymnorum dicitur.

Jesu, tibi sit gloria,  
Qui natus es de Virgine.

#### Ad Matutinum.

Invit. Sancta Maria Dei genitrix  
virgo. \* Intercede pro nobis.

Psalm. Venite. I.

#### HYMNUS.

**Q**UEM terra, pontus, sidera  
Colunt, adorant, prædicant,  
Trinam regentem machinam  
Clastrum Mariæ bajulat.

Cui luna, sol, et omnia  
Deserviunt per tempora,  
Perfusa cœli gratia  
Gestant puellæ viscera.

Beata Mater munere  
Cujus supernus Artifex  
Mundum pugillo continens,  
Ventris sub arca clausus est.

Beata cœli nuntio,  
Fœcunda sancto Spiritu,  
Desideratus gentibus  
Cujus per alvum fusus est.

Jesu, tibi sit gloria,  
Qui natus es de Virgine,  
Cum Patre, et almo Spiritu  
In sempiterna sæcula. Amen.

#### IN I. NOCTURNO.

*Ant.* Benedicta tu in mulieribus,  
et benedictus fructus ventris tui.

#### Psalmus 8.

**D**OMINE Dominus noster, \* quam  
admirabile est nomen tuum in u-  
niversa terra!

Quoniam elevata est magnificentia  
tua \* super cœlos.

Ex ore infantium et lactentium per-  
fecisti laudes propter inimicos tuos, \*  
ut destruas inimicum et ultorem.

Quoniam videbo cœlos tuos, opera  
digitorum tuorum: \* lunam et stel-  
las, quæ tu fundasti.

Quid est homo quod memor es e-  
jus? \* aut filius hominis, quoniam  
visitas eum?

Minuisti eum paulo minus ab An-  
gelis, gloria et honore coronasti eum, \*  
et constituisti eum super opera ma-  
nuum tuarum.

Omnia subiecisti sub pedibus ejus, \*

oves et boves universas, insuper et pecora campi:

Volucres cœli, et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

*Ant.* Benedicta tu in mulieribus, et benedictus fructus ventris tui.

*Ant.* Sicut myrrha electa odorem dedisti suavitatis, sancta Dei genitrix.

### Psalmus 18.

**C**ŒLI enarrant gloriam Dei, \* et opera manuum ejus annuntiat firmitamentum.

Dies diei eructat verbum, \* et nox nocti indicat scientiam.

Non sunt loquelæ, neque sermones, \* quorum non audiantur voces eorum.

In omnem terram exivit sonus eorum: \* et in fines orbis terræ verba eorum.

In sole posuit tabernaculum suum: \* et ipse tamquam sponsus procedens de thalamo suo.

Exultavit ut gigas ad currendam viam; \* a summo cœlo egressio ejus.

Et occursum ejus usque ad summum ejus: \* nec est qui se abscondat a calore ejus.

Lex Domini immaculata convertens animas: \* testimonium Domini fidele, sapientiam præstans parvulis.

Justitiæ Domini rectæ, lætificantes corda: \* præceptum Domini lucidum, illuminans oculos.

Timor Domini sanctus, permanens in sæculum sæculi: \* judicia Domini vera, justificata in semetipsa.

Desiderabilia super aurum et lapidem pretiosum multum: \* et dulciora super mel et favum.

Etenim servus tuus custodit ea: \* in custodiendis illis retributio multa.

Delicta quis intelligit? Ab occultis meis munda me: \* et ab alienis parce servo tuo.

Si mei non fuerint domati, tunc immaculatus ero: \* et emundabor a delicto maximo.

Et erunt ut complacent eloquia oris mei: \* et meditatio cordis mei in conspectu tuo semper.

Domine adjutor meus, et redemptor meus.

*Ant.* Sicut myrrha electa odorem dedisti suavitatis, sancta Dei genitrix.

*Ant.* Ante torum hujus Virginis frequentate nobis dulcia cantica dramaticis.

### Psalmus 83.

**D**OMINI est terra, et plenitudo ejus: \* orbis terrarum et universi qui habitant in eo.

Quia ipse super maria fundavit eum: \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus, et mundo corde, \* qui non accepit in vano animam suam, nec juravit in dolo proximo suo.

Hic accipiet benedictionem a Domino, \* et misericordiam a Deo salutari suo.

Hæc est generatio quærentium eum, \* quærentium faciem Dei Jacob.

Attollite, portas, principes; vestras, et elevamini portæ æternales: \* et introibit Rex gloriæ.

Quis est iste Rex gloriæ? \* Dominus fortis et potens Dominus potens in prælio.

Attollite portas, principes, vestras, et elevamini, portæ æternales: \* et introibit Rex gloriæ.

Quis est iste Rex gloriæ? \* Dominus virtutum ipse est Rex gloriæ.

*Ant.* Ante torum hujus Virginis frequentate nobis dulcia cantica dramaticis.

℣. Specie tua et pulchritudine tua. ℞. Intende, prospero procede, et regna. Pater noster.

*Absol.* Exaudi. ℣. Jube domne.

*Bened.* Benedictione perpetua.

De Parabolis Salomonis.

*Lectio j.* Cap. 8. et 9.

**E**GO sapientia habito in consilio, et eruditus intersum cogitationi-



bus. Timor Domini odit malum: arrogantiam, et superbiam, et viam pravam, et os lingue detestor. Meum est consilium et æquitas, mea est prudentia, et fortitudo. Per me reges regnant, et legum conditores justa decernunt. Per me principes imperant, et potentes decernunt justitiam. Ego diligentes me diligo: et qui mane vigilant ad me, invenient me.

ñ. Sancta et immaculata virginitas, quibus te laudibus efferam nescio: \* Quia quem cæli capere non poterant, tuo gremio contulisti. ŷ. Benedicta tu in mulieribus, et benedictus fructus ventris tui. Quia quem.

*Bened.* Unigenitus Dei Filius.

*Lectio ij.*

**M**ECUM sunt divitiæ et gloria,opes superbæ et justitia. Melior est enim fructus meus auro et lapide pretioso, et gemmina mea argento electo. In viis justitiæ ambulo, in medio semitarum judicii, ut ditem diligentes me, et thesauros eorum repleam. Dominus possedit me in initio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar.

ŷ. Congratulamini mihi, omnes qui diligitis Dominum, quia cum essem parvula, placui Altissimo: \* Et de meis visceribus genui Deum et hominem. ŷ. Beatam me dicent omnes generationes, quia ancillam humilem respexit Deus. Et.

*Bened.* Spiritus sancti gratia.

*Lectio iij.*

**B**EATUS homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino: qui autem in me peccaverit, lædet

animam suam. Omnes qui me oderunt, diligunt mortem. Sapientia ædificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas, ut vocarent, ad arcem et ad mœnia civitatis: Si quis est parvulus, veniat ad me. Et insipientibus locuta est: Venite, comedite panem meum, et bibite vinum, quod miscui vobis.

ñ. Beata es, virgo Maria, quæ Dominum portasti Creatorem mundi: \* Genuisti qui te fecit, et in æternum permanes virgo. ŷ. Ave, Maria, gratia plena, Dominus tecum. Genuisti. Gloria. Genuisti.

IN II. NOCTURNO.

*Ant.* Specie tua et pulchritudine tua intende, prospere procede, et regna.

**Psalmus 44.**

**E**RUCTAVIT cor meum verbum bonum. \* dico ego opera mea Regi.

Lingua mea calamus scribæ, \* velociter scribentis.

Speciosus forma præ filiis hominum, diffusa est gratia in labiis tuis: \* propterea benedixit te Deus in æternum.

Accingere gladio tuo super femur tuum, \* potentissime.

Specie tua et pulchritudine tua \* intende, prospere procede. et regna.

Propter veritatem, et mansuetudinem, et justitiam: \* et deducet te mirabiliter dextera tua.

Sagittæ tuæ acutæ, populi sub te cadent, \* in corda inimicorum regis.

Sedes tua, Deus, in sæculum sæculi: \* virga directionis, virga regni tui.

Dilexisti justitiam, et odisti iniquitatem: \* propterea unxit te Deus \* Deus tuus, oleo lætitiæ præ consortibus tuis.

Myrrha, et gutta, et casia a vestimentis tuis, a domibus eburneis: \* ex

quibus delectaverunt te filiae regum  
in honore tuo.

Astitit regina a dextris tuis in ve-  
stita deaurato, \* circumdata varie-  
tate.

Audi, filia, et vide, et inclina au-  
rem tuam: \* et obliviscere populum  
tuum, et domum patris tui.

Et concupiscet Rex decorem tuum: \*  
quoniam ipse est Dominus Deus tuus,  
et adorabunt eum.

Et filiae Tyri in muneribus \* vul-  
tum tuum deprecabuntur: omnes di-  
vites plebis.

Omnis gloria ejus filiae Regis ab-  
intus, in fimbriis aureis circumami-  
cta varietatibus.

Adducentur Regi virgines post e-  
am: \* proximæ ejus afferentur tibi.

Afferentur in lætitia et exultatio-  
ne: \* adducentur in Templum Regis.

Pro patribus tuis nati sunt tibi  
filii: \* constitues eos principes su-  
per omnem terram.

Memores erunt nominis tui, \* in  
omni generatione et generationem.

Propterea populi confitebuntur ti-  
bi in æternum; et in sæculum sæ-  
culi.

*Ant.* Specie tua et pulchritudine  
tua intende, prospere procede, et  
regna.

*Ant.* Adjuvabit eam Deus vultu  
suo: Deus in medio ejus, non com-  
movebitur.

#### Psalmus 45.

**D**EUS noster refugium et virtus: \*  
adjutor in tribulationibus, quæ  
invenerunt nos nimis.

Propterea non timebimus dum tur-  
babitur terra, \* et transferentur mon-  
tes in cor maris.

Sonuerunt, et turbatæ sunt aquæ  
eorum: \* conturbati sunt montes in  
fortitudine ejus.

Fluminis impetus lætificat civitatem  
Dei: \* sanctificavit tabernaculum suum  
Altissimus.

Deus in medio ejus, non commo-  
vebitur: \* adjuvabit eam Deus mane  
diluculo.

COMMUN. SS.

Conturbatæ sunt gentes, et incli-  
nata sunt regna: \* dedit vocem suam,  
mota est terra.

Dominus virtutum nobiscum: \* su-  
ceptor noster Deus Jacob.

Venite, et videte opera Domini,  
quæ posuit prodigia super terram: \*  
auferens bella usque ad finem terræ.

Arcum conteret, et confringet ar-  
ma: \* et scuta comburet igni.

Vacate, et videte quoniam ego sum  
Deus: \* exaltabor in Gentibus, et exal-  
tabor in terra.

Dominus virtutum nobiscum: \* su-  
ceptor noster Deus Jacob.

*Ant.* Adjuvabit eam Deus vultu  
suo: Deus in medio ejus, non com-  
movebitur.

*Ant.* Sicut lætantium omnium no-  
strum habitatio est in te, sancta  
Dei genitrix.

#### Psalmus 14.

**F**UNDAMENTA ejus in montibus  
sanctis: \* diligit Dominus portas  
Sion super omnia tabernacula Jacob.

Gloriosa dicta sunt de te, \* civi-  
tas Dei.

Memor ero Rahab et Babylonis \*  
scientium me.

Ecce alienigenæ, et Tyrus, et po-  
pulus Æthiopum, \* hi fuerunt illic.

Numquid Sion dicet: Homo, et  
homo natus est in ea, \* et ipse fun-  
davit eam Altissimus?

Dominus narrabit in scripturis po-  
pulorum et principum: \* horum, qui  
fuerunt in ea.

Sicut lætantium omnium \* habita-  
tio est in te.

*Ant.* Sicut lætantium omnium no-  
strum habitatio est in te, sancta Dei  
genitrix.

†. Adjuvabit eam Deus vultu suo.

¶. Deus in medio ejus, non commo-  
vebitur. Pater noster.

*Absol.* Ipsius. †. Jube domne.

*Bened.* Deus Pater omnipotens.

Sermo S. Joannis Chrysostomi.

*Lectio iv.*

*Apud Metaph.*

**D**EI Filius non divitem, aut lo-  
cupletem aliquam feminam si-

G

bi matrem elegit, sed beatam Virginem illam, cujus anima virtutibus ornata erat. Cum enim beata Maria supra omnem humanam naturam castitatem servaret, propterea Christum Dominum in ventre concepit. Ad hanc igitur sanctissimam Virginem et Dei Matrem accurrentes, ejus patrocinii utilitatem assequamur. Itaque, quæcumque estis virgines, ad matrem Domini confugite. Illa enim pulcherrimam, pretiosissimam, et incorruptibilem possessionem patrocinio suo vobis conservabit.

q. Sicut cedrus exaltata sum in Libano, et sicut cypressus in monte Sion: quasi myrrha electa, \* Dedi suavitatem odoris. y. Et sicut cinnamomum et balsamum aromatizans. Dedi.

*Bened. Christus perpetuæ.*

*Lectio v.*

**M**AGNUM revera miraculum, fratres dilectissimi, fuit beata semper virgo Maria. Quid namque illa majus aut illustrius ullo unquam tempore inventum est, seu aliquando inveniri poterit? Hæc sola cælum ac terram amplitudine superavit. Quidnam illa sanctius? Non Prophetæ, non Apostoli, non Martyres, non Patriarchæ, non Angeli, non Throni, non Dominationes, non Seraphim, non Cherubim, non denique aliud quidpiam inter creatas res, visibiles aut invisibiles, majus aut excellentius inveniri potest. Eadem ancilla Dei est et mater: eadem virgo et genitrix.

q. Quæ est ista quæ processit sicut sol, et formosa tanquam Jerusalem? \* Viderunt eam filie Sion, et beatam dixerunt, et reginæ laudaverunt eam. y. Et sicut dies verni circumdabant eam flores rosarum et lilia convallium. Viderunt.

*Bened. Ignem sui amoris.*

*Lectio vj.*

**H**ÆC ejus mater est, qui a Patre ante omne principium ge-

nitus fuit, quem Angeli et homines agnoscunt Dominum rerum omnium. Visne cognoscere quanto Virgo hæc præstantior sit cœlestibus potentiis? Illæ cum timore et tremore assistunt, faciem velantes suam: hæc humanum genus illi offert, quem genuit. Per hanc et peccatorum veniam consequimur. Ave igitur, mater, cælum, puella, virgo, thronus, Ecclesiæ nostræ decus, gloria et firmamentum, assidue pro nobis precare Jesum Filium tuum et Dominum nostrum: ut per te misericordiam invenire in die judicii, et quæ reposita sunt iis qui diligunt Deum, bona consequi possimus, gratia et benignitate Domini nostri Jesu Christi: cum quo Patri simul et sancto Spiritui gloria, et honor, et imperium nunc et semper in sæcula sæculorum. Amen.

q. Ornata monilibus filiam Jerusalem Dominus concupivit: \* Et videntes eam filie Sion, beatissimam prædicaverunt, dicentes: \* Unguentum effusum nomen tuum. y. Astitit regina a dextris tuis in vestitu deaurato, circumdata varietate. Et. Gloria. Unguentum.

IN III. NOCTURNO.

*Ant. Gaude, Maria virgo, cunctas hæreses sola interemisti in universo mundo.*

**Psalmus 95.**

**C**ANTATE Domino canticum novum: \* cantate Domino, omnis terra.

Cantate Domino, et benedicite nomini ejus: \* annuntiate de die in diem salutare ejus.

Annuntiate inter Gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis: \* terribilis est super omnes deos.

Quoniam omnes dii Gentium demonia: \* Dominus autem cœlos fecit.

Confessio et pulchritudo in con-



spectu ejus: \* sanctimonia et magnificentia in sanctificatione ejus.

Afferte Domino, patriæ gentium, afferte Domino gloriam et honorem: \* afferte Domino gloriam nomini ejus.

Tollite hostias, et introite in atria ejus: \* adorate Dominum in atrio sancto ejus.

Commoveatur a facie ejus universa terra: \* dicite in Gentibus, quia Dominus regnavit.

Etenim correxit orbem terræ, qui non commovebitur: \* judicabit populos in æquitate.

Lætentur cœli, et exultet terra, commoveatur mare, et plenitudo ejus: \* gaudebunt campi, et omnia quæ in eis sunt.

Tunc exultabunt omnia ligna silvarum a facie Domini, quia venit: \* quoniam venit judicare terram.

Judicabit orbem terræ in æquitate, \* et populos in veritate sua.

*Ant. Gaude, Maria virgo, cunctas hæreses sola interemisti in universo mundo.*

*Ant. Dignare me laudare te, Virgo sacrata: da mihi virtutem contra hostes tuos.*

### Psalmus 96.

**D**OMINUS regnavit, exultet terra: \* lætentur insulæ multæ.

Nubes et caligo in circuitu ejus: \* justitia et judicium correctio sedis ejus.

Ignis ante ipsum præcedet: \* et inflammabit in circuitu inimicos ejus.

Illuxerunt fulgura ejus orbi terræ: \* vidit, et commota est terra.

Montes sicut cera fluxerunt a facie Domini, \* a facie Domini omnis terra.

Annuntiaverunt cœli justitiam ejus: \* et viderunt omnes populi gloriam ejus.

Confundantur omnes qui adorant sculptilia: \* et qui gloriantur in simulacris suis.

Adorate eum, omnes Angeli ejus: \* audivit, et lætata est Sion.

Et exultaverunt filiæ Judæ, \* propter judicia tua, Domine.

Quoniam tu Dominus altissimus super omnem terram: \* nimis exaltatus es super omnes deos.

Qui diligitis Dominum, odite malum: \* custodit Dominus animas sanctorum suorum, de manu peccatoris liberabit eos.

Lux orta est justo, \* et rectis corde lætatis.

Lætamini, justi, in Domino: \* et confitemini memoriæ sanctificationis ejus.

*Ant. Dignare me laudare te, Virgo sacrata: da mihi virtutem contra hostes tuos.*

*Ant. Post partum, Virgo, inviolata permansisti: Dei genitrix, intercede pro nobis.*

*In Adventu et in Festo Annunt.*

*Ant. Angelus Domini nuntiavit Mariæ, et concepit de Spiritu sancto.*

### Psalmus 97.

**C**ANTATE Domino canticum novum, \* quia mirabilia fecit.

Salvavit sibi dextera ejus, \* et brachium sanctum ejus.

Notum fecit Dominus salutare suum: \* in conspectu Gentium revelavit justitiam suam.

Recordatus est misericordiæ suæ, \* et veritatis suæ domui Israel.

Viderunt omnes termini terræ \* salutare Dei nostri.

Jubilate Deo, omnis terra, \* cantate, et exultate, et psallite.

Psallite Domino in cithara, in cithara et voce psalmi: \* in tubis ductilibus, et voce tubæ cornæ.

Jubilate in conspectu Regis Domini: \* moveatur mare et plenitudo ejus; orbis terrarum, et qui habitant in eo.

Flumina plaudent manu, simul montes exultabunt a conspectu Domini, \* quoniam venit judicare terram.

Judicabit orbem terrarum in justitia, \* et populos in æquitate.

\*

†. Elegit eam Deus, et præelegit eam. ♀. In tabernaculo suo habitare facit eam. Pater noster.

*Absol. A. vinculis. †. Jube domne. Bened. Evangelica lectio.*

Lectio sancti Evangelii secundum Lucam.

*Lectio vij. Cap. II.*

**I**N illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit. Et reliqua.

Homilia ven. Bedæ Presbyteri.

*Lib. 4. cap. 49. in Luc. II.*

**M**AGNÆ devotionis et fidei hæc mulier ostenditur, quæ Scribis et Pharisæis Dominum tentantibus simul et blasphemantibus, tanta ejus incarnationem præ omnibus sinceritate cognoscit, tanta fiducia confiteatur, ut et præsentium procerum calumniam, et futurorum confundat hæreticorum perfidiam. Nam sicut tunc Judæi, sancti Spiritus opera blasphemando, verum consubstantialemque Patri Dei Filium negabant, sic hæretici postea negando Mariam semper virginem, sancti Spiritus operante virtute, nascituro cum humanis membris Unigenito Dei, carnis suæ materiam ministrasse, verum consubstantialemque matri filium hominis fateri non debere dixerunt.

♀. Felix namque es, sacra Virgo Maria, et omni laude dignissima: \* Quia ex te ortus est sol justitiæ, Christus Deus noster. †. Ora pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam festivitatem. Quia.

*Bened. Cujus festum colimus, ipsa Virgo virginum, etc.*

*Lectio viij.*

**S**ED si caro Verbi Dei secundum carnem nascentis a carne Virginis matris pronuntiatur extranea, sine causa venter qui eum portasset, et ubera quæ lactassent, beatifican-

tur. Dicit autem Apostolus: Quia misit Deus Filium suum factum ex muliere, factum sub lege. Neque audiendi sunt qui legendum putant: Natum ex muliere, factum sub lege; sed, Factum ex muliere: quia conceptus ex utero virginali, carnem non de nihilo, non aliunde, sed materna traxit ex carne: alioquin nec vere Filius hominis diceretur, qui originem non haberet ex homine. Et nos igitur his contra Eutychem dictis, extollamus vocem eum Ecclesia catholica, cujus hæc mulier typum gessit, extollamus et mentem de medio turbarum, dicamusque Salvatori: Beatus venter qui te portavit, et ubera quæ suxisti. Vere enim beata parens, quæ sicut quidam ait, Enixa est puerpera Regem, qui cælum terramque tenet per sæcula.

♀. Beatam me dicent omnes generationes: \* Quia fecit mihi Dominus magna qui potens est, et sanctum nomen ejus. †. Et misericordia ejus a progenie in progenies timentibus eum. Quia. Gloria. Quia.

*Bened. Ad societatem.*

*Lectio ix.*

**Q**UINIMO beati qui audiunt verbum Dei, et custodiunt. Pulchre Salvator attestationi mulieris annuit, non eam tantummodo quæ Verbum Dei corporaliter generare meruerat, sed et omnes qui idem Verbum spiritaliter auditu fidei concipere, et boni operis custodia, vel in suo vel in proximorum corde parere, et quasi alere studuerint, asseverans esse beatos: quia et eadem Dei genitrix, et inde quidem beata, quia Verbi incarnandi ministra facta est temporalis: sed inde multo beatior, quia ejusdem semper amandi custos manebat æterna.

*Te Deum laudamus, p. 12.*

*Ad Laudes.*

*et per Horas, Antiphonæ.*

1. **DUM** esset Rex in accubitu suo, nardus mea dedit odorem suavitatis.

2. *Læva* ejus sub capite meo, et *dextera* illius amplexabitur me.

3. *Nigra* sum, sed *formosa*, filia *Jerusalem*: ideo dilexit me *Rex*, et introduxit me in cubiculum suum.

4. *Jam* hiems transiit, imber abiit, et recessit: surge, amica mea, et veni.

5. *Speciosa* facta es et *suavis* in deliciis tuis, sancta Dei genitrix.

*Capitulum.* Eccli. 24.

**A** B initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

#### HYMNUS.

**O** GLORIOSA virginum  
Sublimis inter sidera,  
Qui te creavit, parvulum  
Lactente nutris ubere.

Quod Heva tristis abstulit,  
Tu reddis almo germine:  
Intrent ut astra flebiles,  
Cœli recludis cardines.

Tu Regis alti janua,  
Et aula lucis fulgida:  
Vitam datam per Virginem,  
Gentes redemptæ plaudite.

Jesu, tibi sit gloria,  
Qui natus es de Virgine,  
Cum Patre, et almo Spiritu  
In sempiterna sæcula. Amen.

ŷ. Diffusa est gratia in labiis tuis.  
â. Propterea benedixit te Deus in æternum.

*Ad Bened. Ant.* Beata es, Maria,  
quæ credidisti: perficientur in te, quæ  
dicta sunt tibi a Domino, alleluia.

#### Oratio.

**C**ONCEDE nos famulos tuos,  
quæsumus, Domine Deus, perpetua  
mentis et corporis sanitate gau-  
dere: et gloriosa beatæ Mariæ sem-  
per virginis intercessione, a præsentis  
liberari tristitia, et æterna perfrui læ-  
titia. Per Dominum.

*Ad Primam in â. br. dicitur. ŷ.*  
Qui natus es de Maria virgine, eti-  
am in Festis infra Octavas B.  
M. V.

#### Ad Tertiam

*Capitulum.* Ab initio, ut supra.

â. br. Specie tua \* Et pulchritu-  
dine tua. Specie. ŷ. Intende, pros-  
pere procede, et regna. Et pulchritu-  
dine. Gloria. Specie tua. ŷ. Adjuva-  
bit eam Deus vultu suo. â. Deus in  
medio ejus, non commovebitur.

#### Ad Sextam.

*Capitulum.* Eccli. 24

**E**T sic in Sion firmata sum, et in  
civitate sanctificata similiter  
requievi, et in Jerusalem potestas  
mea. Et radicavi in populo honorifi-  
cato, et in parte Dei mei hæreditas  
illius, et in plenitudine sanctorum  
detentio mea.

â. br. Adjuvabit eam\* Deus vultu  
suo. Adjuvabit. ŷ. Deus in medio  
ejus, non commovebitur. Deus. Glo-  
ria. Adjuvabit. ŷ. Elegit eam Deus,  
et prælegit eam. â. In tabernaculo  
suo habitare facit eam.

#### Ad Nonam.

*Capitulum.* Eccli. 24.

**I**N plateis sicut cinnamomum et  
balsamum aromatizans odorem  
dedi: quasi myrrha electa dedi sua-  
vitatem odoris.

â. br. Elegit eam Deus,\* Et præ-  
elegit eam. Elegit. ŷ. In tabernaculo  
suo habitare facit eam. Et prælegit.  
Gloria. Elegit. ŷ. Diffusa est gratia  
in labiis tuis â. Propterea benedixit  
te Deus in æternum.

#### In II. Vesperis.

*Omnia dicuntur ut in I. præter*

ŷ. Dignare me laudare te, Virgo  
sacrata â. Da mihi virtutem contra  
hostes tuos.

*Ad Magnif. Ant.* Beatam me di-  
cent omnes generationes, quia au-  
cillam humilem respexit Deus.

#### OFFICIUM

#### BEATÆ MARIE

#### In Sabbato

*Omibus Sabb. per Annum, præ-*



terquam in Adv. Quadrag. Quatuor Temp. et Vigiliis, et nisi Offic. fieri debeat de Feria propter Offic. aliqujus Dom. infra Hebd. ponendum, ac nisi Festum ix Lect. occurrat, fit. Offic. de S. Maria, modo infra-scripto.

In Vesp. Feriæ vj dicuntur Psalmi ser. in Psalt. positi, nisi fuerit Fest. ix Lect: quia tunc de S. Maria fit tantum comm. in dictis Vesp. cum Ant. Vers. et Orat. ut infra: quæ comm. omittitur quando Feria vj occurrit festum Purificat., vel aliud ejusdem B. M. V. Offic.

Capitulum. Eccli. 24.

**A**B initio, et ante sæcula creatus sum, et usque ad futurum sæculum non desinam, et in habitatione sancta coram ipso ministravi.

#### HYMNUS.

**A**VE, maris stella,  
Dei mater alma,  
Atque semper virgo,  
Felix cœli porta.

Sumens illud Ave  
Gabrielis ore,  
Funda nos in pace,  
Mutans Hevæ nomen.

Solve vincla reis,  
Profer lumen cæcis,  
Mala nostra pelle,  
Bona cuncta posce.

Monstra te esse matrem,  
Sumat per te preces  
Qui pro nobis natus,  
Tulit esse tuus.

Virgo singularis,  
Inter omnes mitis,  
Nos culpis solutos,  
Mites fac et castos.

Vitam præsta puram;  
Iter para tutum,  
Ut videntes Jesum  
Semper collatamur.

Sit laus Deo Patri,  
Summo Christo decus,  
Spiritus sancto,  
Tribus honor unus. Amen.

℟. Diffusa est gratia in labiis tuis.

℞. Propterea benedixit te Deus in æternum.

Ad Magnif. Ant. Beata Mater, et intacta Virgo, gloriosa Regina mundi, intercede pro nobis ad Dominum.

℟. Dominus vobiscum.

℞. Et cum spiritu tuo.

Oratio.

**C**ONCEDE nos famulos tuos, quesumus, Domine Deus, perpetua mentis et corporis sanitate gaudere: et gloriosa beatæ Mariæ semper virginis intercessione, a præsentis liberari tristitia, et æterna perfrui lætitia. Per Dominum.

Vel alia pro temp. varietate.

Post Orat. fiunt comm. consuetæ de Apost. et de Pace, ut sup. p. 100, vel de Cruce temp. Pasch., p. 99. Si autem occurrat Festum simplex, de eo fit comm. ante ipsa suffragia.

Complet. ut in Psalt. et in fine Hymni Te lucis ante terminum, dicitur Jesu, tibi sit gloria, Qui natus es de Virgine, etiamsi in Vesp. facta sit tantum comm. de B. Maria, nisi Hymni illius Festi, quod Feria vj. celebratum est, aliter concludendi sint, ut in Transfig. Domini.

#### Ad Matutinum.

Invit. Ave, Maria, gratia plena:  
Dominus tecum.

Psalm. Venite, I.

#### HYMNUS.

**Q**UEM terra, pontus, sidera  
Colunt, adorant, prædicant,  
Triam regentem machinam  
Clastrum Mariæ bajulat.

Cui luna, sol, et omnia  
Deserviunt per tempora,  
Perfusa cœli gratia  
Gestant puellæ viscera.

Beata Mater munere  
Cujus supernus Artifex  
Mundum pugillo continens,  
Ventris sub arca clausus est.

Beata cœli nuntio,  
Fœcunda sancto Spiritu,  
Desideratus gentibus  
Cujus per alvum fusus est.

Jesu , tibi sit gloria ,  
Qui natus es de Virgine ,  
Cum Patre, et almo Spiritu.  
In sempiterna sæcula, Amen.

*Nocturnum Sabbati, ut in Psalt.  
et in fine. ʒ. Diffusa est gratia in la-  
biis tuis. ʒ. Propterea benedixit te  
Deus in æternum. Pater noster.*

*Absolutio.*

**P**RECIBUS et meritis beatæ Ma-  
riæ semper virginis, et omnium  
Sanctorum, perducatur nos Dominus  
ad regna cælorum. ʒ. Amen.

ʒ. Jube, domine, benedicere.

*Pro 1. Lect. Bened.* Nos cum prole  
pia benedicat virgo Maria ʒ. Amen.

*Primæ duæ Lect. de Script. libri  
currentis: tertia, una ex inferius  
positis per ordinem.*

ʒ. j. Sancta et immaculata virgi-  
nitas, quibus te laudibus effera-  
m nescio: \* Quia quem cæli capere non  
poterant, tuo gremio contulisti ʒ. Be-  
nedicta tu in mulieribus, et bene-  
dictus fructus ventris tui. Quia quem.

*Pro 2. Lect. Bened.* Ipsa Virgo vir-  
ginum intercedat pro nobis ad Do-  
minum. ʒ. Amen.

ʒ. ij. Felix namque es, sacra vir-  
go Maria, et omni laude dignissima:  
\* Quia ex te ortus est sol justitiæ,  
\* Christus Deus noster. ʒ. Ora pro  
populo, interveni pro clero, inter-  
cede pro devoto femineo sexu: sen-  
tiant omnes tuum juvamen, quicum-  
que celebrant tuam sanctam comme-  
morationem. Quia ex te. Gloria. Chri-  
stus.

*Pro 3. Lect. Bened.* Per Virginem  
matrem concedat nobis Dominus sa-  
lutem et pacem. ʒ. Amen.

*Post 3. Lect. dicitur Te Deum lau-  
damus, p. 12.*

*Ad Laudes omnia ut in festis B.  
M. V., p. 100\*. præter*

ʒ. Benedicta tu in mulieribus.

ʒ. Et benedictus fructus ventris  
tui.

*Ad Bened. Ant.* Beata Dei genitrix  
Maria, virgo perpetua, templum Do-

mini, sacrarium Spiritus sancti, sola  
sine exemplo placuisti Domino nostro  
Jesu Christo: ora pro populo, inter-  
veni pro clero, intercede pro devoto  
femineo sexu.

*Vel alia pro varietate temporis, ut  
infra habetur.*

*Orat.* Concede, vel, alia ut inf.

*Deinde sunt Comm. ut supra.*

*Ad Horas omnia ut in festis B. M.  
V., p. 100.\**

*Ad Vesperas Ant. et Psalmi feria-  
les: Capit. et reliqua omnia, si non  
occurrat Festum duplex, de Dom.  
in fine Comm. consuetæ, ut in Psalt.  
p. 100.*

*Post Nativ. usque ad Purif., Offic.  
B. Mariæ dicitur ut supra, exceptis  
his quæ sequuntur.*

*Ad Magnif. Ant.* Magnum hæredi-  
tatis mysterium: templum Dei factus  
est uterus nescientis virum: non est  
pollutus ex ea carnem assumens:  
omnes gentes venient, dicentes: Glo-  
ria tibi, Domine.

*Oratio.*

**D**EUS, qui salutis æternæ, bea-  
tæ Mariæ virginitate secunda,  
humano generi præmia præstitisti:  
tribue, quæsumus, ut ipsam pro  
nobis intercedere sentiamus, per quam  
meruimus auctorem vitæ suscipere,  
Dominum nostrum Jesum Christum  
Filium tuum; Qui tecum.

*Ad Laudes*

*et per Horas, Antiphonæ.*

1. O admirabile commercium! Crea-  
tor generis humani, animatum cor-  
pus sumens, de Virgine nasci digna-  
tus est et procedens homo sine semi-  
ne, largitus est nobis suam Deita-  
tem.

2. Quando natus es ineffabiliter  
ex Virgine, tunc impletæ sunt Scri-  
pturæ: sicut pluvia in vellus descen-  
disti, ut salvum faceres genus hu-  
manum: te laudamus, Deus noster.

3. Rubum quem viderat Moyses  
incombustum, conservatam agnovi-  
mus tuam laudabilem virginitatem:

Dei genitrix, intercede pro nobis.

4. Germinavit radix Jesse, orta est stella ex Jacob, Virgo peperit Salvatorem: te laudamus, Deus noster.

5. Ecce Maria genuit nobis Salvatorem, quem Joannes videns exclamavit, dicens: Ecce Agnus Dei, ecce qui tollit peccata mundi, alleluia.

*Ad Bened. Ant.* Mirabile mysterium declaratur hodie: innovantur naturæ, Deus homo factus est: id quod fuit permansit, et quod non erat assumpsit: non commixtionem passus neque divisionem.

*Temp. Pasch. Invitatorio, Antiphonis, aā et yy additur alleluia, et ad Magnif. et Bened. dicitur Ant.* Regina cœli, lætare, alleluia: quia quem meruisti portare, alleluia: resurrexit, sicut dixit, alleluia: ora pro nobis Deum, allel.

*Oratio.* Concede nos famulos tuos, p. 101\*.

*Non sunt Comm. consuetæ, sed tantum de Cruce, p. 100.*

*Lectioes seq. dicuntur singulis mensibus in Offic. B. M. in Sabb. ordine subscripto.*

#### MENSE JANUARIO.

Ex Epistola S. Ambrosii Episcopi ad Siricium Papam.

*Lectio iij. Epist. 81 alias. 7.*

**D**E via perversitatis produntur dicere: Virgo concepit, sed non virgo generavit. Potuit ergo virgo concipere, non potuit virgo generare, cum semper conceptus præcedat, partus sequatur? Sed si doctrinis non creditur sacerdotum, credatur oraculis Christi, credatur monitis Angelorum dicentium: Quia non est impossibile Deo omne verbum. Credatur Symbolo Apostolorum, quod Ecclesia Romana intemeratum semper custodit et servat. Audivit Maria vocem Angeli, et quæ ante dixerat: Quomodo fiet istud? non de fide generationis interrogans, respondit postea:

Ecce ancilla Domini, contingat mihi secundum verbum tuum.

#### MENSE FEBRUARIO.

Ex libro S. Hieronymi Presbyteri adversus Jovinianum.

*Ex Apolog. ad Pammachium, pro lib. adversus Jovinianum, in fine.*

*Lectio iij.*

**C**HRISTUS virgo, mater virginis nostri virgo perpetua, mater et virgo. Jesus enim clausis ingressus est ostiis: et in sepulchro ejus, quod novum et in petra durissima fuerat excisum, nec antea quis, nec postea positus est. Hortus conclusus, fons signatus: de quo fonte ille fluvius manat, iuxta Joel, qui irrigat torrentem vel funium, vel spinarum: funium peccatorum, quibus ante alligabamur: spinarum, quæ suffocant sementem patris familias. Hæc est porta Orientalis, ut ait Ezechiel, semper clausa, et lucida, operiens in se, vel ex se proferens sancta sanctorum: per quam sol justitiæ et Pontifex noster secundum ordinem Melchisedech ingreditur et egreditur.

#### MENSE MARTIO.

*Ante Quadragesimam.*

Ex libro S. Irenæi Episc. et Martyris adversus hæreses.

*Lectio iij. Lib. 5. cap. 19.*

**I**N sua propria veniente Domino, et sua propria eum bajulante conditione, quæ bajulatur ab ipso, et recapitulationem ejus, quæ in ligno fuit inobedientiæ, per eam quæ in ligno est obedientiam faciente, et seductione illa soluta, qua seducta est male illa, quæ jam viro destinata erat virgo Heva, per veritatem evangelizata est bene ab Angelo jam sub viro virgo Maria. Quemadmodum enim illa per angelicum sermonem seducta est, ut efugeret Deum, prævaricata verbum ejus: ita et hæc per Angelicum sermonem evangelizata est, ut portaret Deum, obediens ejus verbo. Et sicut



illa seducta est, ut effugeret Deum: sic hæc suasa est obedire Deo, uti virginis Hevæ virgo Maria fieret advocata. Et quemadmodum adstrictum est morte genus humanum per virginem: solvatur per virginem: æqua lance disposita virginalis inobedientia, per virginelem obedientiam.

## MENSE APRILI.

De expositione S. Hieronymi Presbyteri in Ezechielem Prophetam.

*Lectio iij. Lib. 13. in cap. 44.*

**P**ORTA hæc clausa erit, et non aperietur. Pulchre quidam portam clausam, per quam solus Dominus Deus Israel ingreditur, et dux cui porta clausa est, Mariam virginem intelligunt: quæ et ante partum, et post partum virgo permansit. Etenim tempore quo Angelus loquebatur: Spiritus sanctus veniet super te, et virtus Altissimi obumbrabit te; quod autem nascetur ex te Sanctum, vocabitur Filius Dei: et quando natus est, virgo permansit æterna: ad confundendos eos, qui arbitrantur eam post natiuitatem Salvatoris habuisse de Joseph filios, ex occasione fratrum ejus, qui vocantur in Evangelio.

## MENSE MAIO.

Ex Tractatu S. Augustini Episcopi de Symbolo ad Catechumenos.

*Lectio iij. Lib. 3, c. 4, tom. 9.*

**P**ER feminam mors, per feminam vita: per Hevam interitus, per Mariam salus. Illa corrupta secuta est seductorem: hæc integra peperit Salvatorem. Illa poculum a serpente propinatum libenter accepit, et viro tradidit, ex quo simul mererentur occidi: hæc, gratia cœlesti desuper infusa, vitam protulit, per quam caro mortua possit resuscitari. Quis est qui hæc operatus est, nisi Virginis Filius, et virginum sponsus; qui attulit matri sæcunditatem, sed non abstulit integritatem?

## MENSE JUNIO.

Sermo S. Bernardi Abbatis.

De verbis Apocal. c. 12. Signum magnum.

*Lectio iij.*

**V**EHEMENTER quidem nobis, dilectissimi, vir unus et mulier una nocuere: sed gratias Deo, per unum nihilominus virum et mulierem unam omnia restaurantur, nec sine magno sænore gratiarum. Neque enim sicut delictum, ita et donum; sed excedit damni æstimationem beneficii magnitudo. Sic nimirum prudentissimus et clementissimus Artifex, quod quassatum fuerat, non confregit, sed utilius omnino refecit: ut videlicet nobis novum formaret Adam ex veteri, Hevam transfunderet in Mariam.

## MENSE JULIO.

Ex epistola S. Ambrosii Episc. ad Siricium Papam.

*Lectio iij. Epist. 81 ad. 7.*

**N**ON excedit fidem, quod homo exivit de virgine, quando petra fontem profluum scaturivit, ferrum super aquas natavit, ambulavit homo super aquas. Ergo si hominem unda portavit, non potuit hominem virgo generare, atque hominem, de quo legimus: Et mittet illis Dominus hominem, qui salvos faciet eos, et notus erit Dominus Ægyptiis? In veteri itaque testamento virgo Hebræorum per mare duxit exercitum: in novo testamento virgo generis aula cœlestis, electa est ad salutem.

## MENSE AUGUSTO.

De Expositione sancti Gregorii Papæ in Libros Regum.

*Lectio iij. In 1. Reg. 1.*

**F**UIT vir unus de Ramathaim Sophim, de monte Ephraim. Potest hujus montis nomine, beatissima semper virgo Maria, Deigenitrix designari. Mons quippe fuit, quæ omnem electæ creaturæ altitudinem, electionis suæ dignitate transcendit. An non mons sublimis Maria, quæ ut ad conceptionem æterni Verbi pertingeret, meritorum verticem supra omnes Angelorum choros, usque ad solium Deitatis erexit. Hujus enim montis præcel-

lentissimam dignitatem Isaias vaticinans, ait: Erit in novissimis diebus preparatus mons domus Domini in vertice montium. Mons quippe in vertice montium fuit, quia altitudo Mariæ supra omnes Sanctos refulsit.

#### MENSE SEPTEMBRI.

Ex Epistola sancti Leonis Papæ ad Pulcheriam Augustam.

*Lectio iij. Epist. 13. ante med.*

**S**ACRAMENTUM reconciliationis nostræ ante tempora æterna dispositum, nullæ implebant figuræ: quia nondum supervenerat Spiritus sanctus in Virginem, nec virtus Altissimi obumbraverat ei, ut et intra intemerala viscera, ædificante sibi Sapientia domum, Verbum caro fieret, et forma Dei ac forma servi in unam conveniente personam, Creator temporum nasceretur in tempore, et per quem facta sunt omnia, ipse inter omnia gigneretur. Nisi enim novus homo, factus in similitudinem carnis peccati, nostram susciperet vetustatem, et consubstantialis Patri consubstantialis esse dignaretur et matri, naturamque sibi nostram solus a peccato liber uniret, sub iugo diaboli generaliter teneretur humana captivitas.

#### MENSE OCTOBRI.

Sermo sancti Bernardi Abbatis.

Ex Sermone in cap. 12. Apocalip. ante medium. *Lectio iij.*

**A**MPECTAMUR Mariæ vestigia, fratres mei, et devotissima supplicatione beatis illius pedibus provolvamur. Teneamus eam, nec dimittamus, donec benedixerit nobis: potens est enim. Nempe vellus est medium inter rorem et aream; mulier inter solem et lunam; Maria inter Christum et Ecclesiam constituta. Sed forte miraris, non tam vellus opertum rore, quam amictam sole mulierem. Magna siquidem familiaritas, sed mira omnino vicinitas solis et mulieris. Quomodo enim in tam vehementi fervore tam fragilis natura subsistit?

Merito quidem admiraris, Moyses sancte, et curiosius desideras intueri. Verumtamen solve calceamenta de pedibus tuis, et involucra pone carnalium cogitationum, si accedere concupiscis.

#### MENSE NOVEMBRI.

De Expositione sancti Basilii Episcopi in Isaiam Prophetam.

*Lectio iij. In cap. 3. post init.*

**A**CCESSI, inquit, ad Prophetissam, et in utero accepit, et peperit filium. Quod Maria Prophetissa fuerit, ad quam proxime accessit Isaias per præmotionem spiritus, nemo contradixerit, qui sit memor verborum Mariæ, quæ prophetico afflata spiritu elocuta est. Quid enim ait? Magnificat anima mea Dominum: et exultavit spiritus meus in Deo salutari meo: quia respexit humilitatem ancillæ suæ: ecce enim ex hoc beatam me dicent omnes generationes. Quod si animum accommodaveris universis ejus verbis, non utique per dissidium negaveris eam fuisse Prophetissam, quod Domini Spiritus in eam supervenerit, et virtus Altissimi obumbraverit ei.

#### MENSE DECEMBRI.

*Ante Adventum.*

Ex lib. Offic. S. Ambrosii Episc.

*Lectio iij. Lib. I. cap. 8.*

**B**ONUS regendæ castitatis pudor est comes, qui primus in ipso cognitionis ingressu Domini matrem commendat legentibus, et tanquam testis locuples, dignam, quæ ad tale munus eligeretur, adstruit: quod in cubiculo, quod sola, quod salutata ab Angelo tacet, et mota est in introitu ejus: quod ad virilis sexus speciem peregrinam turbatur aspectus Virginis. Itaque quamvis esset humilis, præ verecundia tamen non resalutavit, nec ullum responsum retulit, nisi ubi de suscipienda Domini generatione cognovit: ut qualitatem effectus disceret, non ut sermonem refelleret.

**OFFICIUM PARVUM**

BEATÆ MARIE.

*Officium parvum B. M. non dicitur, quando fit Offic. ix. Lect. nec in Vigil. Nativ. Domini nec in Feriis majoris Hebdom., nec infra Oct. Paschæ et Pentec., nec in Sabbatis quando fit Offic. de S. Maria. Quibus diebus omittitur a j. Vesp., et in Vigil. Nativ. a Matutino. Cum dicitur in Choro, in Matut. et in Vesp. præponitur Officio diei, in aliis Horis postponitur. Prima dicitur post Benedicamus Domino antequam legatur Martyrol. Extra Chorum potest dici pro temporis opportunitate.*

**OFFICIUM B. MARIE***extra Adventum.**Ad Vesperas.*

*Ave Maria secreto, quæ dicitur semper in principio omnium Hor. B. M., quando non conjunguntur cum Offic. diei.*

*ŷ. Deus in adjutorium in cujus fine Alleluia vel Laus tibi Domine pro temp. varietate.*

*Ant. Psalm. Cap. et Hymnus ut supra infestis B. M. V., p. 94.*

*ŷ. Diffusa est gratia in labiis tuis. ñ. Propterea benedixit te Deus in æternum.*

*Ad Magnif. Ant. Beata Mater, et intacta Virgo, gloriosa Regina mundi, intercede pro nobis ad Dominum. Kyrie eleison. Christe eleison. Kyrie eleison. ŷ. Dominus vobiscum. ñ. Et cum spiritu tuo.*

*Oratio.*

**C**ONCEDE nos famulos tuos, quæsumus, Domine Deus, perpetua mentis et corporis sanitate gaudere: et gloriosa beatæ Mariæ semper Virginis intercessione, a præseni liberari tristitia, et æterna perfrui lætitia. Per Christum Dominum nostrum. ñ. Amen.

*Sequens comm. pro Sanctis fit tantum ad Vesp. et Laudes in Offic. S. M., præterquam in Adventu, cujus loco tunc alia dicitur ut infra., p. 110.*

*Ant. Sancti Dei omnes, intercedere dignemini pro nostra omniumque salute. ŷ. Lætamini in Domino, et exultate, justi. ñ. Et gloriamini, omnes recti corde.*

*Oratio.*

**P**ROTEGE, Domine, populum tuum, et Apostolorum tuorum Petri et Pauli, et aliorum Apostolorum patrocinio confidentem, perpetua defensione conserva.

**O**MNES Sancti tui, quæsumus Domine, nos ubique adjuvent: ut dum eorum merita recolimus, patrocinia sentiamus: et pacem tuam nostris concede temporibus, et ab Ecclesia tua cunctam repelle nequitiam: iter, actus, et voluntates nostras, et omnium famulorum tuorum, in salutis tuæ prosperitate dispone: benefactoribus nostris sempiterna bona retribue: et omnibus fidelibus defunctis requiem æternam concede. Per Dominum.

**AD COMPLETORIUM.**

*Ave Maria. Convertite nos. Deus in adjutorium.*

*Psalmi. Sæpe expugnaverunt, p. 91. De profundis, p. 92. Domine non est exaltatum, p. 92.*

**HYMNUS.**

**M**EMENTO, rerum Conditor, Nostri quod olim corporis Sacrata ab alvo Virginis Nascendo formam sumpseris.

*Maria, mater gratiæ,  
Dulcis Parens clementiæ,  
Tu nos ab hoste protege,  
Et mortis hora suscipe.*

*Jesu, tibi sit gloria,  
Qui natus es de Virgine,  
Cum Patre, et almo Spiritu  
In sempiterna sæcula. Amen.*

*Capitulum Eccli. 24.*

**E**GO mater pulchræ dilectionis, et timoris, et agnitionis, et sanctæ spei. ñ. Deo gratias.

*ŷ. Ora pro nobis, sancta Dei geni-*



trix. *ñ.* Ut digni efficiamur promissionibus Christi.

*Ad Nunc dimittis, Ant.* Sub tuum præsidium confugimus, sancta Dei genitrix : nostras deprecationes ne despicias in necessitatibus, sed a periculis cunctis libera nos semper, Virgo gloriosa et benedicta. *Kyrie eleison. Christo eleison. Kyrie eleison. ÿ. Dominus vobiscum. ñ. Et cum spiritu tuo.*

*Oratio.*

**B**EATÆ et gloriosæ semper virginis Mariæ, quæsumus, Domine, intercessio gloriosa nos protegat, et ad vitam perducatur æternam. Per Dominum.

*Ad Manifestationem.*

*Ave Maria.* Domine labia mea. Deus in adjutorium.

*Invit.* Ave, Maria, gratia plena: Dominus tecum.

*Psalm.* Venite. I.

*Hymn.* Quem terra, p. 94.\*

*In Noct. Ant. et Psalmi dicuntur*

FERIA II. ET V.

*de I. Noct. in festis B. M. V., p. 94.\**

FERIA III. ET VI.

*de II. Noct. ejusdem Offic., p. 96.\**

FERIA IV. ET SABBATO.

*de III. Noct. ejusdem Offic., p. 98.\**

*ÿ. Diffusa est gratia in labiis tuis.*

*ñ. Propterea benedixit te Deus in æternum. Pater noster.*

*Absolutio.*

**P**RECIBUS et meritis beatæ Mariæ semper virginis, et omnium Sanctorum, perducatur nos Dominus ad regna cælorum. *ñ. Amen.*

*ÿ. Jube, domne, benedicere.*

*Bened.* Nos cum prole pia benedicat virgo Maria. *ñ. Amen.*

*Lectio j. Eccli. 24.*

**I**N omnibus requiem quæsi, et in hæreditate Domini morabor. Tunc præcepit, et dixit mihi Creator omnium : et qui creavit me, requievit in

tabernaculo meo, et dixit mihi : In Jacob inhabita, et in Israel hæreditare, et in electis meis mitte radices. Tu autem, Domine, miserere nobis.

*ñ. Deo gratias.*

*ñ. Sancta et immaculata virginitas, quibus te laudibus efferam nescio : Quia quem cæli capere non poterant, tuo gremio contulisti. ÿ. Benedicta tu in mulieribus, et benedictus fructus ventris tui. Quia.*

*ÿ. Jube, domne, benedicere.*

*Bened.* Ipsa Virgo virginum intercedat pro nobis ad Dominum. *ñ. Amen.*

*Lectio ij.*

**E**T sic in Sion firmata sum, et in civitate sanctificata similiter requievi : et in Jerusalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea. Tu autem Domine.

*ñ. Beata es, Virgo Maria, quæ Dominum portasti Creatorem mundi : Genuisti qui te fecit, et in æternum permanes virgo. ÿ. Ave, Maria, gratia plena : Dominus tecum. Genuisti.*

*ÿ. Jube, domne, benedicere.*

*Bened.* Per Virginem matrem concedat nobis Dominus salutem et pacem. *ñ. Amen.*

*Lectio iij.*

**Q**UASI cedrus exaltata sum in Libano, et quasi cypressus in monte Sion. Quasi palma exaltata sum in Cades, et quasi plantatio rosæ in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi. Quasi myrrha electa dedi suavitatem odoris. Tu autem, Domine.

*ñ. Felix namque es, sacra virgo Maria, et omni laude dignissima : Quia ex te ortus est sol justitiæ, Christus Deus noster. ÿ. Ora pro populo, interveni pro clero, intercede pro devoto femineo sexu : sentiant omnes tuum juvamen, quicumque celebrant tuam sanctam commemorationem. Quia ex te. Gloria. Christus.*

**Ad Laudes.***et per Horas, Antiphonæ.*

1. **ASSUMPTA** est Maria in cœlum, gaudent Angeli; laudantes benedicunt Dominum.

2. Maria virgo assumpta est ad æthereum thalamum, in quo Rex regum stellato sedet solio.

3. In odorem unguentorum tuorum currimus: adolescentulæ dilexerunt te nimis.

4. Benedicta filia tu a Domino: quia per te fructum vitæ communicavimus.

5. Pulcra es et decora, filia Jerusalem, terribilis ut castrorum acies ordinata.

*Capitulum. Cant. 6.*

**VIDERUNT** eam filiæ Sion, et beatissimam prædicaverunt, et regiæ laudaverunt eam.

ñ. Deo gratias.

*Hymnus.* O gloriosa, p. 101.

ÿ. Benedicta tu in mulieribus.

ñ. Et benedictus fructus ventris tui.

*Ad Bened. Ant.* Beata Dei genitrix Maria, virgo perpetua, templum Domini, sacrarium Spiritus sancti: sola sine exemplo placuisti Domino nostro Jesu Christo: ora pro populo, interveni pro clero, intercede pro devoto femineo sexu. **Kyrie eleison. Christe eleison. Kyrie eleison.**

*Oratio.*

**DEUS**, qui de beatæ Mariæ virginis utero, Verbum tuum, Angelo nuntiante, carnem suscipere voluisti: præsta supplicibus tuis, ut qui vere eam genitricem Dei credimus, ejus apud te intercessionibus adjuvemur. Per eundem Christum Dominum nostrum. Amen.

*Pro Sanctis Ant.* Sancti Dei ut supra, p. 107.

**Ad Primam.**

*Ave Maria. Deus in adjutorium.*

*Hymn. Memento, p. 107.*

*Ant.* Assumpta est. *Psalmi* Deus in nomine tuo, p. 16. Benedixisti Domine, p. 68. Laudate Dominum omnes Gentes, p. 88.

*Capitulum. Cant, 6.*

**QUÆ** est ista, quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata? ñ. Deo gratias.

ÿ. Dignare me laudare te, Virgo sacrata. ñ. Da mihi virtutem contra hostes tuos. **Kyrie eleison. Christe eleison. Kyrie eleison.**

*Oratio.*

**DEUS**, qui virginalem aulam beatæ Mariæ, in qua habitares, eligere dignatus es: da, quæsumus, ut sua nos defensione munitos, jucundos facias suæ interesse commemorationi: Qui vivis et regnas.

**Ad Tertiam.**

*Ave Maria. Deus in adjutorium,*

*Hymn. Memento, p. 107.*

*Ant.* Maria virgo. *Psalmi* Ad Dominum, p. 89. Levavi oculos meos, p. 89. Lætatus sum, p. 89.

*Capitulum. Eccli. 24.*

**ET** sic in Sion firmata sum, et in civitate sanctificata similiter requievi, et in Jerusalem potestas mea. ñ. Deo gratias.

ÿ. Diffusa est gratia in labiis tuis. ñ. Propterea benedixit te Deus in æternum. **Kyrie eleison. Christe eleison. Kyrie eleison.**

*Oratio.*

**DEUS**, qui salutis æternæ, beatæ Mariæ virginitate fecunda, humano generi præmia præstitisti: tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum.

**Ad Sextam.**

*Ave Maria. Deus in adjutorium.*

*Hymn. Memento, p. 107.*

*Ant.* In odorem. *Psalmi.* Ad te

levavi, p. 89. Nisi quia Dominus, p. 89. Qui confidunt in Domino, p. 90.

*Capitulum.* Eccli. 24.

**ET** radicavi in populo honorificato, et in parte Dei mei hereditas illius, et in plenitudine sanctorum detentio mea.

ñ. Deo gratias.

ŷ. Benedicta tu in mulieribus. ñ. Et benedictus fructus ventris tui. Kyrie eleison. Christe eleison. Kyrie eleison.

*Oratio.*

**CONCEDE**, misericors Deus, fragilitati nostræ præsidium: ut qui sanctæ Dei genitricis memoriam agimus, intercessionis ejus auxilio a nostris iniquitatibus resurgamus. Per eundem Dominum.

*Ad Nonam.*

Ave Maria. Deus in adjutorium.

*Hymn.* Memento, p. 107.\*

*Ant.* Pulchra es. *Psalmi.* In convertendo, p. 90. Nisi Dominus ædificaverit, p. 91. Beati omnes, p. 91.

*Capitulum.* Eccli. 24.

**I**N plateis sicut cinnamomum et balsamum aromatizans odorem dedi, quasi myrrha electa dedi suavitatem odoris. ñ. Deo gratias.

ŷ. Post partum, Virgo, inviolata permansisti. ñ. Dei genitrix, intercede pro nobis. Kyrie eleison. Christe eleison. Kyrie eleison.

*Oratio.*

**F**AMULORUM tuorum, quæsumus, Domine, delictis ignosce: ut qui tibi placere de actibus nostris non valemus, genitricis Filii tui Domini nostri intercessionem salvemur. Per eundem Dominum.

**OFFICIUM B. MARIE**

*In Adventu.*

*In I. Vespertis.*

*Ant. de Laud. Psalmi ut in festis.* B. M. V. p. 94.\*

*Capitulum.* Isaïæ. II.

**EGREDIETUR** virga de radice Jesse, et flos de radice ejus ascendet: et requiescet super eum Spiritus Domini, ñ. Deo gratias.

*Hymn.* Ave, maris stella, p. 102°.

ŷ. Diffusa est gratia in labiis tuis.

ñ. Propterea benedixit te Deus in æternum.

*Ad Magnif. Ant.* Spiritus sanctus in te descendet, Maria: ne timeas, habebis in utero Filium Dei, alleluia. Kyrie eleison. Christe eleison. Kyrie eleison.

*Oratio.*

**DEUS**, qui de beatæ Mariæ virginis utero, Verbum tuum, Angelo nuntiante, carnem suscipere voluisti: præsta supplicibus tuis, ut qui vere eam genitricem Dei credimus ejus apud te intercessionibus, adjuvemur. Per eundem Christum Dominum nostrum.

ñ. Amen.

*Hæc Oratio dicitur ad omnes Horas, sed cum conclusione integra, scilicet, Per eundem Dominum nostrum Jesum Christum Filium tuum: qui tecum vivit, etc.*

*Pro Sanctis. Ad Vesp. et Laudes tantum, Ant.* Ecce Dominus veniet, et omnes Sancti ejus cum eo: et erit in die illa lux magna, alleluia.

ŷ. Ecce apparebit Dominus super nubem candidam. ñ. Et cum eo Sanctorum millia.

*Oratio.*

**CONSCIENTIAS** nostras, quæsumus, Domine, visitando purifica: ut veniens Jesus Christus Filius tuus Dominus noster cum omnibus Sanctis, paratam sibi in nobis inveniat mansionem. Qui tecum, etc.

**AD COMPLETORIUM.**

*Psalmi et Hymnus, ut supra ante Advent., p. 107.\**

*Capitulum.* Isaïæ 7.

**ECCE** virgo concipiet, et pariet filium, et vocabitur nomen ejus



Emmanuel. Butyrum et mel comedet, ut sciat reprobare malum, et eligere bonum.

ŷ. Angelus Domini nuntiavit Mariæ. â. Et concepit de Spiritu sancto.

*Ad Nunc dimittis. Ant. Spiritus sanctus, ut supra in Vesperis.*

**Ad Matutinum.**

*Omnia dicuntur ut extra Adv. præter iij Ant. iij Noct. et Lect.*

*Lectio f. Luc. I.*

**M**ISSUS est Angelus Gabriel a Deo in civitatem Galilææ, cui nomen Nazareth, ad virginem desponsatam viro, cui nomen erat Joseph, de domo David, et nomen virginis Maria. Et ingressus Angelus ad eam, dixit: Ave, gratia plena, Dominus tecum: benedicta tu in mulieribus. Tu autem.

â. Missus est Gabriel Angelus ad Mariam virginem desponsatam Joseph, nuntians ei verbum: et expavescit virgo de lumine. Ne timeas, Maria: invenisti gratiam apud Dominum. \* Ecce concipies et paries, et vocabitur Altissimi filius. ŷ. Dabit ei Dominus sedem David patris ejus, et regnabit in domo Jacob in æternum. Ecce concipies.

*Lectio ij.*

**Q**UÆ cum audisset, turbata est in sermone eius, et cogitabat qualis esset ista salutatio. Et ait Angelus ei: Ne timeas, Maria; invenisti enim gratiam apud Deum. Ecce concipies in utero, et paries filium, et vocabis nomen ejus Jesum. Hic erit magnus, et filius Altissimi vocabitur: et dabit illi Dominus Deus sedem David patris ejus: et regnabit in domo Jacob in æternum, et regni ejus non erit finis. Tu autem.

â. Ave, Maria, gratia plena, Dominus tecum: \* Spiritus sanctus superveniet in te, et virtus Altissimi obumbrabit tibi: quod enim ex te nascetur Sanctum, vocabitur Filius Dei. ŷ. Quomodo fiet istud, quoni-

am virum non cognosco? Et respondens Angelus, dixit ei. Spiritus.

*Lectio iij.*

**D**IXIT autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, et virtus Altissimi obumbrabit tibi. Ideoque et quod nascetur ex te Sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua: et hic mensis sextus est illi quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Tu autem.

â. Suscipe verbum, virgo Maria, quod tibi a Domino per Angelum transmissum est: concipies et paries Deum pariter et hominem: \* Ut benedicta dicaris inter omnes mulieres. ŷ. Paries quidem filium, et virginitatis non patieris detrimentum: efficiaris gravida, et eris mater semper intacta. Ut, Gloria. Ut.

**Ad Laudes.**

*et per Horas, Antiphonæ.*

1. **M**ISSUS est Gabriel Angelus ad Mariam virginem desponsatam Joseph.

2. Ave, Maria, gratia plena, Dominus tecum: benedicta tu in mulieribus, alleluia.

3. Ne timeas, Maria, invenisti gratiam apud Dominum: ecce concipies et paries filium, alleluia.

4. Dabit ei Dominus sedem David patris ejus, et regnabit in æternum.

5. Ecce ancilla Domini, fiat mihi secundum verbum tuum.

*Capitulum. Isaïæ II.*

**E**GREDIETUR virga da radice Jesse, et flos de radice ejus ascendet: et requiescet super eum Spiritus Domini. ŷ. Deo gratias.

*Hymnus O gloriosa, p. 101.*

ŷ. Benedicta tu in mulieribus.

**¶. Et benedictus fructus ventris tui.**

*Ad Bened. Ant. Spiritus sanctus, ut supra in Vesperis.*

*Ad Horas, Hymnus et Psalm. dicuntur sicut ante Adventum.*

### **Ad Primam**

*Ant. Missus est.*

*Capit. Ecce virgo, ut supra.*

**¶. Dignare me laudare te, Virgo sacrata. ¶. Da mihi virtutem contra hostes tuos. Kyrie, etc.**

### **Ad Tertiam**

*Ant. Ave Maria.*

*Capit. Egredietur. ut supra.*

**¶. Diffusa est gratia in labiis tuis. ¶. Propterea benedixit te Deus in æternum. Kyrie, etc.**

### **Ad Sextam.**

*Ant. Ne timeas Maria.*

*Capitulum. Luc. I.*

**D**ABIT illi Dominus Deus sedem David patris ejus, et regnabit in domo Jacob in æternum, et regni ejus non erit finis.

**¶. Benedictus tu in mulieribus.**

**¶. Et benedictus fructus ventris tui. Kyrie, etc.**

### **Ad Nonam.**

*Ant. Ecce ancilla Domini.*

*Capit. Ecce virgo. ut supra.*

**¶. Angelus Domini nuntiavit Mariam. ¶. Et concepit de Spiritu sancto. Kyrie, etc.**

*Post Nativ. usque ad Purif. inclusive Offic. B. Mariæ dicitur ut extra Adventum, exceptis his quæ sequuntur.*

### **Ad Laudes**

*et per Horas, Antiphonæ.*

**1. O admirabile commercium ! Creator generis humani, animatum corpus sumens, de Virgine nasci dignatus est : et procedens homo sine semine, largitus est nobis suam Deitatem.**

**2. Quando natus es ineffabiliter ex Virgine, tunc impletæ sunt Scripturæ : sicut pluvia in vellus descendisti, ut salvum faceres genus humanum : te laudamus, Deus noster.**

**3. Rubum, quem viderat Moyses incombustum, conservatam agnovimus tuam laudabilem virginitatem : Dei genitrix, intercede pro nobis.**

**4. Germinavit radix Jesse, orta est stella ex Jacob : Virgo peperit Salvatorem : te laudamus, Deus noster.**

**5. Ecce Maria genuit nobis Salvatorem, quem Joannes videns exclamavit, dicens : Ecce Agnus Dei, ecce qui tollit peccata mundi, alleluia.**

*Ad Bened. Ant. Mirabile mysterium declaratur hodie : innovantur naturæ : Deus homo factus est : id quod fuit permansit, et quod non erat assumpsit : non commixtionem passus, neque divisionem.*

*Kyrie elesion, etc.*

### *Oratio.*

**D**EUS, qui salutis æternæ, beatæ Mariæ virginitate fecunda, humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere, Dominum nostrum, etc.

*Et dicitur ad omnes Horas, et in eis additur, Qui tecum vivit, etc.*

*Deinde pro Sanctis, et reliquum Offic. in aliis Horis, ut extra Adv.*

### **Ad Vesperas.**

*Ant. de Laud. reliqua ut in festis B. M. V., p. 92. præter*

*Ad Magnif. et ad Nunc dimittis.*

**Ant. Magnum hæreditatis mysterium : templum Dei factus est uterus nescientis virum : non est pollutus ex ea carnem assumens : omnes gentes venient dicentes : Gloria tibi Domine.**

*Temp. Pasch. Offic. B. Mariæ dicitur sicut extra Adv., sed ad Benedictus, et ad Magnificat, et ad Nunc dimittis, dicitur sequens.*

*Ant. Regina cœli, lætare, alleluia: quia quem meruisti portare, alleluia: resurrexit, sicut dixit alle-*

*luia: ora pro nobis Deum, alleluia.*

*Antiphonis autem 1. et 4. non additur in fine alleluia.*

## OFFICIUM DEFUNCTORUM.

*Dicitur extra tempus Pasch. prima cujusque mensis die, non impedita Festo 12. Leet. alioquin alia seq. die similiter non impedita. In Adv. autem et Quadrag. Feria 1j cujuslibet Hebd. similiter non impedita, præterquam in majori Hebd. In Choro dicitur post Offic. diei, id est, Vesperæ post Vesp. et matutinum post Laudes diei, nisi alia sit consuetudo Ecclesiarum; extra Chorum vero pro opportunitate temporis.*

### *Ad Vesperas.*

*Absolute incipitur ab*

*Ant. Placebo Domino in regione vivorum.*

*Psalm. Dilexi quoniam, p. 88.*

*In fine Psalmorum dicitur*

*Requiem æternam \* dona eis, Domine.*

*Et lux perpetua \* luceat eis.*

*Ant. Mei mihi! Domine, quia incolatus meus prolongatus est.*

*Psalm. Ad Dominum, p. 89.*

*Ant. Dominus custodit te ab omni malo: custodiat animam tuam Dominus.*

*Psalm. Levavi oculos, p. 88.*

*Ant. Si iniquitates observaveris, Domine, Domine, quis sustinebit?*

*Psalm. De profundis, p. 92.*

*Ant. Opera manuum tuarum, Domine, ne despicias.*

*Psalm. Confitebor tibi, p. 96.*

*1. Audivi vocem de cœlo, dicentem mihi. 4. Beati mortui: qui in Domino moriuntur.*

*Ad Magnif. Ant. Omne quod dat mihi Pater, ad me veniet: et eum qui venit ad me, non ejiciam foras.*

**COMMUN. SS.**

*Preces infrascriptæ dicuntur flexis genibus, similiter et ad Laudes. Pater noster, secreto.*

*1. Et ne nos inducas in tentationem. 4. Sed libera nos a malo.*

*Deinde Psalm. Lauda anima mea Dominum, p. 98.*

*Cujus loco ad Laudes dicitur Psalm. De profundis, p. 92.*

*Alii Psalmi non dicuntur in die Comm. omnium Fidelium Defunct. neque in die obitus, seu depositionis Defuncti: alias, semper.*

*Post Requiem æternam in fine Psalmi, dicitur:*

*1. A porta inferi. 4. Erue, Domine, animas eorum.*

*1. Requiescant in pace. 4. Amen.*

*1. Domine, exaudi orationem meam. 4. Et clamor meus ad te veniat.*

*1. Dominus vobiscum. 4. Et cum spiritu tuo.*

### *Oratio.*

**D**EUS, qui inter Apostolicos sacerdotes, famulos tuos Pontificali seu Sacerdotali fecisti dignitate vigere: præsta, quæsumus, ut eorum quoque perpetuo aggregentur consortio.

**D**EUS veniam largitor, et humanæ salutis amator, quæsumus clementiam tuam, ut nostræ congregationis fratres, propinquos, et benefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpetuum beatitudinis consortium pervenire concedas.

**FIDELIUM** Deus omnium Conditor et Redemptor, animabus famu-

**H**



lorum famularumque tuarum, remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis et regnas in sæcula sæculorum. *ñ. Amen.*

*In die vero Comm. omnium Fidel. Defunct. quando dicitur hæc ultima tantum Oratio, dicitur Qui vivis et regnas cum Deo Patre in unitate Spiritus sancti Deus per omnia, etc.*

*In die depositionis Defuncti.*

*Oratio.*

**A**BSOLVE, quæsumus, Domine, animam famuli tui N. ut defunctus sæculo tibi vivat: et quæ per fragilitatem carnis humana conversatione commisit, tu venia misericordissimæ pietatis absterge. Per Dominum.

*Si fuerit femina, dicatur animam famulæ tuæ N. ut defuncta.*

*In anniversario die. Oratio.*

**D**EUS indulgentiarum Domine, da animabus famulorum, famularumque tuarum, quorum anniversarium depositionis diem commemoramus, refrigerii seclum, quietis beatitudinem, et luminis claritatem. Per Dominum.

*Si pro uno tantum sit Anniversarium, dicatur in singulari numero.*

*Similiter et pro uno Episc., vel Sacerd. in Oratione Deus qui inter Apostolicos sacerdotes, si fuerit Episc., omittitur seu sacerdotali; si tantum Sacerd., omittitur Pontificali seu.*

*Pro fratribus vero et familiaribus vel benefactoribus dicitur Oratio Deus veni largitor, ut supra.*

*Pro Patre et Matre. Oratio.*

**D**EUS, qui nos patrem et matrem honorare præcepisti, miserere clementer animabus patris ac matris meæ, eorumque peccata dimitte: meque eos in æternæ claritatis gaudio fac videre. Per Dominum.

*Si sit pro pluribus dicatur anima-*

*bus parentum nostrorum, et ubi dicitur meque, dicatur nosque.*

*Si pro patre tantum dicatur animæ patris mei, vel nostri.*

*Si pro matre tantum, dicatur animæ matris meæ, vel nostræ.*

*Pro uno Defuncto. Oratio.*

**I**NCLINA, Domine, aurem tuam ad preces nostras, quibus misericordiam tuam supplices deprecamur, ut animam famuli tui N. quam de hoc sæculo migrare jussisti, in pacis ac lucis regione constituas, et Sanctorum tuorum jubeas esse consortem. Per Dominum.

*Pro una Defuncta. Oratio.*

**Q**UÆSUMUS, Domine, pro tua pietate miserere animæ famulæ tuæ N., et a contagiis mortalitatis exutam, in æternæ salvationis partem restitue. Per Dominum.

*ñ. Requiem æternoam dona eis, Domine. ñ. Et lux perpetua luceat eis. ñ. Requiescant in pace. ñ. Amen.*

*Ad Matutinum.*

*Invit. Regem, cui omnia vivunt, Venite, adoremus.*

*Psalm. Venite, 1. Et in fine Requiem æternam, etc.*

*Hoc invit. dicitur tantum in die Comm. omnium Fidelium Defunct. et in die depositionis Defuncti: quibus diebus dicuntur tres infrascripti Nocturni, et Ant. duplicantur. Aliis temp. dicitur tantum unum Noct. cum Laudibus, hoc ordine: Feria ij et V, 1 Noct. Feria iij et vj, 2 Noct. Feria quarta et Sabbato, 3 Noct.*

*IN I. NOCTURNO.*

*Pro Feria ij et v.*

*Ant. Dirige, Domine Deus meus, in conspectu tuo viam meam.*

*Psalm. Verba mea, p. 40.*

*Ant. Convertere, Domine, et eripe animam meam: quoniam non est in morte qui memor sit tui.*

*Psalm. Domine, ne in furore tuo pag. 3.*

*Ant. Nequando rapiat ut leo ani-*

nam meam, dum non est qui redimat neque qui salvum faciat.

*Psalm. Domine Deus meus. p. 4.*

℟. A porta inferi. ℞. Erue, Domine, animas eorum. Pater noster, totum secreto.

*Lect. leguntur sine Absol. Bened. et Titulo.*

*Lectio i. Job. 7.*

**P**ARCE mihi, Domine: nihil enim sunt dies mei. Quid est homo, quia magnificas eum? aut quid apponis erga eum cor tuum? Visitas eum diluculo, et subito probas illum. Usquequo non parcis mihi, nec dimittis me, ut glutiam salivam meam? Peccavi: quid faciam tibi, o custos hominum? Quare posuisti me contrarium tibi, et factus sum mihimetipsi gravis? Cur non tollis peccatum meum, et quare non auferis iniquitatem meam? Ecce nunc in pulvere dormiam, et si mane me quæsieris, non subsistam.

*Lect. terminantur sine Tu autem, vel alia conclusione.*

℞. Credo quod Redemptor meus vivit: et in novissimo die de terra surrecturus sum: \* Et in carne mea videbo Deum Salvatorem meum. ℟. Quem visurus sum ego ipse, et non alius, et oculi mei conspecturi sunt. Et in carcerem.

*Lectio ij. Job. 10.*

**T**ÆDET animam meam vitæ meæ. dimittam adversum me eloquium meum: loquar in amaritudine animæ meæ. Dicam Deo: Noli me condemnare. Indica mihi cur me ita judices. Numquid bonum tibi videtur, si calumnieris me, et opprimas me opus manuum tuarum, et consilium impiorum adjuves? Numquid oculi carnei tibi sunt: aut sicut videt homo, et tu videbis? Numquid sicut dies hominis dies tui, et anni tui sicut humana sunt tempora, ut quæras iniquitatem meam, et peccatum meum scruteris? Et scias quia nihil impium fecerim, cum sit nemo qui de manu tua possit eruere.

℞. Qui Lazarum resuscitasti a monumento sordidum: Tu eis, Domine, dona requiem, et locum indulgentiæ. ℟. Qui venturus es judicare vivos et mortuos, et sæculum per ignem. Tu eis.

*Lectio iij.*

*Job. 10.*

**M**ANUS tuæ fecerunt me, et plasmaverunt me totum in circuitu, et sic repente præcipitas me? Memento, quæso, quod sicut lutum feceris me, et in pulverem reduces me. Nonne sicut lac mulsisti me, et sicut caseum me coagulasti? Pello et carnibus vestisti me: ossibus et nervis compegisti me, Vitam et misericordiam tribuisti mihi, et visitatio tua custodivit spiritum meum.

℞. Domine, quando veneris judicare terram, ubi me abscondam a vultu iræ tuæ? \* Quia peccavi nimis in vita mea ℟. Commissa mea paveco, et ante te erubesco: dum veneris judicare, noli me condemnare. Quia. Requiem. Quia.

*Postea ad Laudes, ut infra, p. 117\*, quando dicitur unum tantum Noct.*

## IN II. NOCTURNO.

*Pro Feria iij et vj.*

*Ant. In loco pascuæ ibi me collocavit.*

*Psalm. Dominus regit me, p. 22.*

*Ant. Delicta juventutis meæ et ignorantias meas ne memineris, Domine.*

*Psalm. Ad te, Domine, p. 22.*

*Ant. Credo videre bonam Domini in terra viventium.*

*Psalm. Dominus illuminatio mea, p. 32.*

℟. Collocet eos Dominus cum principibus, ℞. Cum principibus populi sui. Pater noster.

*Lectio iv.*

*Job. 31.*

**R**ESPONDE mihi: quantas habeo iniquitates et peccata, scelera mea et delicta ostende mihi. Cur faciem tuam abscondis, et arbitraris me inimicum tuum? Contra folium,

quod vento rapitur, ostendis potentiam tuam, et stipulam siccam persequeris. Scribis enim contra me amaritudines, et consumere me vis peccatis adolescentiæ meæ. Posuisti in nervo pedem meum, et observasti omnes semitas meas et vestigia pedum meorum considerasti: qui quasi putredo consumendus sum, et quasi vestimentum quod comeditur a tineâ.

℟. Memento mei, Deus, quia ventus est vita mea. \* Nec aspiciat me visus hominis. ♯. De profundis clamavi ad te, Domine: Domine, exaudi vocem meam. Nec.

*Lectio v. Job. 24.*

**HOMO** natus de muliere, brevi vivens tempore, repletur multis miseriis. Qui quasi flos egreditur et conteritur, et fugit velut umbra, et nunquam in eodem statu permanet. Et dignum ducis super hujuscemodi aperire oculos tuos, et adducere eum tecum in iudicium? Quis potest facere mundum de immundo conceptum semine? nonne tu qui solus es? Breves dies hominis sunt, numeros mensium ejus apud te est: constituisti terminos ejus, qui præteriri non poterunt. Recede paululum ab eo, ut quiescat, donec optata veniat sicut mercenarii dies ejus.

℟. Mei mihi! Domine, quia peccavi nimis in vita mea: Quid faciam miser? ubi fugiam, nisi ad te, Deus meus? \* Miserere mei, dum veneris in novissimo die. ♯. Anima mea turbata est valde, sed tu, Domine, succurre ei. Miserere.

*Lectio vj Job. 14.*

**QUIS** mihi hoc tribuat, ut in inferno protegas me, et abscondas me, donec pertransent furor tuus, et constituas mihi tempus, in quo recorderis mei? Putasne mortuus homo rursum vivat? Cunctis diebus, quibus nunc milito, expecto donec veniat immutatio mea. Vocabis me, et ego respondebo tibi: operi manuum tuarum porriges dexteram. Tu

quidem gressus meos dinumerasti, sed parce peccatis meis.

℟. Ne recorderis peccata mea, Domine, \* Dum veneris judicare sæculum per ignem. ♯. Dirige, Domine Deus meus, in conspectu tuo viam meam. Dum. Requiem. Dum.

*Postea ad Laudes, ut infra, p. 117\*, quando dicitur unum tantum Noct.*

### IN III. NOCTURNO.

*Pro Feria iv. et Sabbato.*

*Ant.* Complaceat tibi, Domine, ut eripias me: Domine, ad adjuvandum me respice.

*Psalm.* Expectans, p. 42.

*Ant.* Sana, Domine, animam meam, quia peccavi tibi.

*Psalm.* Beatus qui, p. 43.

*Ant.* Sitivit anima mea ad Deum vivum: quando veniam et apparebo ante faciem Domini?

*Psalm.* Quemadmodum desiderat cervus, p. 43.

℟. Ne tradas bestiis animas confidentes tibi. ℟. Et animas pauperum tuorum ne obliviscaris in finem. Pater noster.

*Lectio vij. Job 17.*

**SPIRITUS** meus attenuabitur, dies mei breviantur, et solum mihi superest sepulchrum. Non peccavi, et in amaritudinibus moratur oculus meus. Libera me, Domine, et pone me juxta te, et cujusvis manus pugnet contra me. Dies mei transierunt, cogitationes meæ dissipatæ sunt, torquentes cor meum. Noctem verterunt in diem, et rursum post tenebras spero lucem. Si sustinero, infernus domus mea est, et in tenebris stravi lectulum meum. Putredini dixi, Pater meus es; mater mea, et soror mea, vermibus. Ubi est ergo nunc præstolatio mea, et patientiam meam quis considerat?

℟. Peccantem me quotidie, et non me penitentem, timor mortis conturbat me: \* Quia in inferno nulla est redemptio, miserere mei, Deus, et



salva me. *Ÿ.* Deus, in nomine tuo saluum me fac, et in virtute tua libera me. *Quia.*

*Lectio viij.*

*Job 19.*

**P**ELLI meæ, consumptis carnibus adhæsit os meum, et derelicta sunt tantummodo labia circa dentes meos. Miseremini mei, miseremini mei, saltem vos amici mei, quia manus Domini tetigit me. Quare persequimini me sicut Deus, et carnibus meis saturamini? Quis mihi tribuat, ut scribatur sermones mei? Quis mihi det, ut exarentur in libro stylo ferreo, et plumbi lamina, vel celte sculpantur in silice? Scio enim quod Redemptor meus vivit, et in novissimo die de terra surrecturus sum: et rursum circumdabor pelle mea, et in carne mea videbo Deum meum. Quem visurus sum ego ipse, et oculi mei conspecturi sunt, et non alius: reposita est hæc spes mea in sinu meo.

*Ŗ.* Domine, secundum actum meum noli me judicare: nihil dignum in conspectu tuo egi: ideo deprecor majestatem tuam, \* Ut tu, Deus, deleas iniquitatem meam: *Ÿ.* Amplius lava me, Domine, ab injustitia mea, et a delicto meo munda me. Ut tu.

*Lectio ix.*

*Job Jo.*

**Q**UARE de vulva eduxisti me? qui utinam consumptus essem, ne oculus me videret. Fuissem quasi non essem, de utero translatus ad tumulum. Numquid non paucitas dierum meorum finietur brevi? Dimitte ergo me, ut plangam paululum dolorem meum: antequam vadam, et non revertar, ad terram tenebrosam, et operiam mortis caligine: terram miseriæ et tenebrarum, ubi umbra mortis, et nullus ordo, sed sempiternus horror inhabitat.

*Ŗ.* Libera me, Domine, de viis inferni, qui portas æreas confregisti, et visitasti infernum, et dedisti eis lumen, ut viderent te \* Qui erant in penis tenebrarum. *Ÿ.* Clamantes

et dicentes: Advenisti, Redemptor noster. Qui. Requiem. Qui.

*Sequens Ŗ. dicitur solummodo in die Comm. omnium Defunct. et quandocumque pro Defunctis dicuntur ix Lektionen.*

*Ŗ.* Libera me, Domine, de morte æterna, in die illa tremenda: \* Quando cœli movendi sunt et terra: \* Dum veneris judicare sæculum per ignem. *Ÿ.* Tremens factus sum ego, et timeo, dum discussio venerit, atque ventura ira. Quando. *Ÿ.* Dies illa, dies iræ, calamitatis et miseriæ, dies magna et amara valde. Dum veneris. *Ÿ.* Requiem æternam. Libera me, usque ad primum. *Ŗ.*

*Ad Laudes.*

*Absolut. incipitur.*

*Ant.* Exultabunt Domino ossa humilitata.

*Psalm.* Miserere mei, p. 39.

*Ant.* Exaudi, Domine, orationem meam: ad te omnis caro veniet.

*Psalm.* Te decet hymnus, p. 55.

*Ant.* Me suscepit dextera tua, Domine.

*Psalm.* Deus, Deus meus, p. 13.

*Ant.* A porta inferi erue, Domine, animam meam.

*Cant.* Ego dixi: In dimidio, p. 48.

*Ant.* Omnis spiritus laudet Dominum.

*Psalm.* Laudate Dominum de cælis, p. 14.

*Ÿ.* Audivi vocem de cælo dicentem mihi. *Ŗ.* Beati mortui qui in Domino moriuntur.

*Ad Bened. Ant.* Ego sum resurrectio, et vita: qui credit in me, etiamsi mortuus fuerit, vivet: et omnis qui vivit, et credit in me, non morietur in æternum.

*Deinde Pater noster.*

*Psalmi De profundis, p. 92, cum Precibus et Orationibus, ut supra in Vesp., p. 113.\**

PSALMI GRADUALES.

*Dicuntur in Quadrag. Feria iv. cujuslibet Hebdom. non impedita aliquo*

*Festo ix Lect. in Choro ante Matut. diei, extra Chorum pro opport. temporis.*

*Primi quinque Psalmi dicuntur sine Gloria Patri. Sed in fine ultimi Requiem æternam.*

*Incipiuntur absolute sine Ant.*

*Psalm. Ad Dominum cum tribulaver, p. 89. Levavi oculos meos, p. 89. Lætatus sum in his. p. 89. Ad te levavi oculos, p. 90. Nisi quia Dominus, p. 90.*

*Deinde dicitur flexis genibus Pater noster, secreto. ⁊. Et ne nos inducas in tentationem. ⁊. Sed libera nos a malo. ⁊. A porta inferi. ⁊. Erue, Domine, animas eorum. ⁊. Requiescant in pace. ⁊. Amen.*

*⁊. Domine, exaudi orationem meam. ⁊. Et clamor meus ad te veniat. ⁊. Dominus vobiscum. ⁊. Et cum spiritu tuo.*

Oremus.

Oratio.

**A**BSOLVE, quæsumus, Domine, animas famulorum famularumque tuarum, et omnium fidelium defunctorum, ab omni vinculo delictorum: ut in resurrectionis gloria inter sanctos et electos tuos resuscitati respirent. Per Christum Dominum nostrum.

⁊. Amen.

*Post Orationem statim dicuntur alii Psalmi Graduales qui sequuntur, et in fine cujuslibet Psalmi dicitur Gloria Patri.*

*Psalmi. Qui confidunt, p. 90. In convertendo, p. 90. Nisi Dominus ædificaverit, p. 91. Beati omnes, p. 91. Sæpe expugnaverunt me, p. 91.*

*Postea dicitur flexis genibus Kyrie eleison. Christe eleison. Kyrie eleison. Pater noster, secreto.*

*⁊. Et ne nos inducas in tentationem. ⁊. Sed libera nos a malo. ⁊. Memento congregationis tuæ ⁊. Quam possedisti ab initio. ⁊. Domine, exaudi orationem meam. ⁊. Et clamor meus ad te veniat. ⁊. Dominus vobiscum. ⁊. Et cum spiritu tuo.*

Oremus.

Oratio.

**D**EUS, cui proprium est miseri-ri semper et parcere, suscipe deprecationem nostram: ut nos, et omnes famulos tuos, quos delictorum catena constringit, miseratio tuæ pietatis clementer absolvat. Per Christum Dominum nostrum. ⁊. Amen.

*Post Orationem statim dicuntur alii Psalmi Graduales qui sequuntur, et in fine cujuslibet Psalmi dicitur Gloria Patri.*

*Psalm. De profundis, p. 92. Domine non est exaltatum, p. 92. Memento Domine David, p. 92. Ecce quam bonum, p. 93. Ecce nunc benedicite, p. 102.*

*Deinde dicitur flexis genibus Kyrie eleison. Christe eleison. Kyrie eleison. Pater noster, secreto. ⁊. Et ne nos inducas in tentationem. ⁊. Sed libera nos a malo ⁊. Salvos fac servos tuos. ⁊. Deus meus, sperantes in te. ⁊. Domine, exaudi orationem meam. ⁊. Et clamor meus ad te veniat. ⁊. Dominus vobiscum. ⁊. Et cum spiritu tuo.*

Oremus.

Oratio.

**P**RÆTENDE, Domine, famulis et famulabus tuis dexteram cælestis auxilii: ut te toto corde perquirant, et quæ digne postulant, consequi mereantur. Per Christum Dominum nostrum. ⁊. Amen.

SEPTEN

## PSALMI POENITENTIALES

Cum Litiis.

*Dicuntur flexis genibus in omnibus vj. Feriis Quadrag. quando Offic. fit de Feria. Litanie autem, omis- sis septem Psalmis, dicuntur in Litiis majoribus in festo S. Marci, et in tribus diebus Rogationum. Dicuntur autem in Quadrag. in Choro post Matut. et Laudes diei dicto Benedicamus Domino. extra Chorum pro opport. temporis.*

*Ant. Ne reminiscaris, Domine, delicta nostra vel parentum nostrorum,*

neque vindictam sumas de peccatis rostris.

*Psalm.* Domine ne in furore tuo, p. 3. Beati quorum, p. 34. Domine ne in furore tuo, p. 38. Miserere mei, p. 39. Domine exaudi orationem, p. 74. De profundis, p. 92. Domine exaudi, p. 73.

## LITANIÆ.

**K**YRIE eleison.

Christe eleison.

Kyre eleison.

Christe audi nos.

Christe exaudi nos.

Pater de cœlis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere.

Sancta Trinitas unus Deus, Miserere.

Sancta Maria, Ora pro nobis.

Sancta Dei genitrix, ora.

Sancta Virgo virginum, ora.

Sancte Michael, ora.

Sancte Gabriel, ora.

Sancte Raphael, ora.

Omnes sancti Angeli et Archangeli, orate pro nobis.

Omnes sancti beatorum spirituum ordines, orate.

Sancte Joannes Baptista, ora.

Sancte Joseph, ora.

Omnes sancti Patriarchæ et Prophetæ, orate.

Sancte Petro, ora.

Sancte Paule, ora.

Sancte Andrea, ora.

Sancte Jacobo, ora.

Sancte Joannes, ora.

Sancte Thoma, ora.

Sancte Jacobo, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathia, ora.

Sancte Barnaba, ora.

Sancte Luca, ora.

Sancte Marce, ora.

Omnes sancti Apostoli et Evangelistæ, orate.

Omnes sancti Discipuli Domini, orate.

Omnes sancti Innocentes, orate.

Sancte Stephane, ora.

Sancte Laurenti, ora.

Sancte Vincenti, ora.

Sancti Fabiane et Sebastianæ, orate pro nobis.

Sancti Joannes et Paule, orate.

Sancti Cosma et Damiane, orate.

Sancti Gervasi et Protasi, orate.

Omnes sancti Martyres, orate.

Sancte Silvester, ora.

Sancte Gregori, ora.

Sancte Ambrosi, ora.

Sancte Augustine, ora.

Sancte Hieronyme, ora.

Sancte Martine, ora.

Sancte Nicolae, ora.

Omnes sancti Pontifices et Confessores, orate.

Omnes sancti Doctores, orate.

Sancte Antoni, ora.

Sancte Benedicte, ora.

Sancte Bernarde, ora.

Sancte Dominice, ora.

Sancte Francisce, ora.

Omnes sancti Sacerdotes et Levitæ, orate.

Omnes sancti Monachi et Eremitæ, orate.

Sancta Maria Magdalena, ora.

Sancta Agatha, ora.

Sancta Lucia, ora.

Sancta Agnes, ora.

Sancta Cæcilia, ora.

Sancta Catharina, ora.

Sancta Anastasia, ora.

Omnes sanctæ Virgines et Viduæ, orate.

Omnes Sancti et Sanctæ Dei, intercedite pro nobis.

Propitius esto, Parce nobis, Domine.

Propitius esto, Exaudi nos, Domine.

Ab omni malo, Libera nos, Domine.

Ab omni peccato, libera.

Ab ira tua, libera.

A subitanea et improvisa morte, libera nos, Domine.

Ab insidiis diaboli. ... libera.



A flagello terræmotus , libera.  
 A ira , et odio , et omni mala voluntate. libera.  
 A spiritu fornicationis , libera.  
 A fulgure et tempestate , libera.  
 A morte perpetua , libera.  
 A peste , fame et bello , libera.  
 Per mysterium sanctæ incarnationis tuæ , libera.  
 Per adventum tuum , libera.  
 Per nativitatem tuam , libera.  
 Per baptismum , et sanctum jejunium tuum , libera.  
 Per crucem et passionem tuam , libera nos , Domine.  
 Per sanctam resurrectionem tuam , libera.  
 Per admirabilem ascensionem tuam , libera.  
 Per adventum Spiritus sancti Paracliti , libera.  
 In die iudicii , libera.  
 Peccatores , Te rogamus , audi nos.  
 Ut nobis parcas , te rogamus.  
 Ut nobis indulgeas , te rogamus.  
 Ut ad veram pœnitentiam nos perducere digneris , te rogamus.  
 Ut Ecclesiam tuam sanctam regere et conservare digneris , te rog.  
 Ut domum Apostolicum et omnes Ecclesiasticos ordines in sancta religione conservare digneris , te rogamus audi nos.  
 Ut inimicos sanctæ Ecclesiæ humiliare digneris , te rogamus.  
 Ut regibus et principibus Christianis pacem et veram concordiam donare digneris , te rogamus.  
 Ut cuncto populo Christiano pacem et unitatem largiri digneris , te rogamus , audi nos.  
 Ut nosmetipsos in tuo sancto servitio confortare et conservare digneris , te rogamus.  
 Ut mentes nostras ad cœlestia desideria erigas , te rogamus.  
 Ut omnibus benefactoribus nostris sempiterna bona retribuas , te rogamus , audi nos.  
 Ut animas nostras , fratrum , propinquorum , et benefactorum nostrorum ab æterna damnatione eri-

pias , te rogamus  
 Ut fructus terræ dare et conservare digneris , te rogamus.  
 Ut omnibus fidelibus defunctis requiem æternam donare digneris , te rogamus , audi nos.  
 Ut nos exaudire digneris , te rog.  
 Fili Dei , te rogamus.  
 Agnus Dei , qui tollis peccata mundi , Parce nobis , Domine.  
 Agnus Dei , qui , Exaudi nos Domine.  
 Agnus Dei , qui , Miserere nobis.  
 Christe audi nos. Christe exaudi nos.  
 Kyrie eleison. Christe eleison. Kyrie eleison. *Pater noster secretò.* *ŷ.* Et ne nos inducas in tentationem *q̃.* Sed libera nos a malo.

### Psalmus 69.

**D**EUS , in adiutorium meum intende : \* Domine , ad adjuvandum me festina.

Confundantur et reverantur , \* qui quærunt animam meam.

Avertantur retrorsum , et erubescant , \* qui volunt mihi mala.

Avertantur statim erubescences : \* qui dicunt mihi : Euge , euge.

Exultent et lætentur in te omnes qui quærunt te , \* et dicant semper : Magnificetur Dominus , qui diligit salutare tuum.

Ego vero egenus et pauper sum : \* Deus , adjuva me :

Adjutor meus , et liberator meus es tu : \* Domine , ne moreris

Gloria Patri. Sicut erat.

*ŷ.* Salvos fac servos tuos. *q̃.* Deus meus , sperantes in te.

*ŷ.* Esto nobis , Domine , turris fortitudinis. *q̃.* A facie inimici.

*ŷ.* Nihil proficiat inimicus in nobis , *q̃.* Et filius iniquitatis non apponat nocere nobis.

*ŷ.* Domine , non secundum peccata nostra facias nobis. *q̃.* Neque secundum iniquitates nostras retribuas nobis.

*ŷ.* Oremus pro Pontifice nostro N. *q̃.* Dominus conservet eum , et vivificet eum et beatum faciat eum in terra et non tradat eum in animam inimicorum ejus.

*ŷ.* Oremus pro benefactoribus no-

stris. *℟.* Retribuere dignare, Domine omnibus nobis bona facientibus propter nomen tuum vitam æternam. Amen.

*℣.* Oremus pro fidelibus defunctis.

*℟.* Requiem æternam dona eis, Domine, et lux perpetua luceat eis.

*℣.* Requiescant in pace. *℟.* Amen.

*℣.* Pro fratribus nostris absentibus.

*℟.* Salvos fac servos tuos, Deus meus sperantes in te.

*℣.* Mitte eis, Domine, auxilium da sancto. *℟.* Et de Sion tuere eos.

*℣.* Domine, exaudi orationem meam

*℟.* Et clamor meus ad te veniat.

*℣.* Dominus vobiscum. *℟.* Et cum spiritu tuo.

Oremus.

Oratio

**D**EUS, cui proprium est misereri semper, et parcere: suscipe deprecationem nostram: ut nos et omnes famulos tuos, quos delictorum catena constringit, miseratio tuæ pietatis clementer absolvat.

**E**XAUDI, quæsumus, Domine, supplicum preces, et confitentium tibi parce peccatis; ut pariter nobis indulgentiam tribuas benignus et pacem.

**I**NEFFABILEM nobis, Domine, misericordiam tuam clementer ostende: ut simul nos et a peccatis omnibus exuas, et a pœnis, quas pro his meremur, eripias.

**D**EUS, qui culpa offenderis, poenitentia placaris, preces populi tui supplicantis propitius respice: et flagella tuæ iracundiæ quæ pro peccatis nostris meremur, averte.

**O**MNIPOTENS sempiternæ Deus, miserere famulo tuo Pontifici nostro N. et dirige eum secundum tuam clementiam in viam salutis æternæ: ut te donante tibi placita cupiat, et tota virtute perficiat.

**D**EUS, a quo sancta desideria, recta consilia, et justa sunt opera: da servis tuis illam, quam mundus dare non potest, pacem: ut et corda nostra mandatis tuis dedita, et hostium

sublata formidine, tempora sint tua protectione tranquilla,

**T**URE igne sancti Spiritus renes nostros, et cor nostrum, Domine, ut tibi casto corpore serviamus, et muno corde placeamus.

**F**IDELIUM Deus omnium Conditor et Redemptor, animabus famulorum famularumque tuarum remissionem cunctorum tribue peccatorum, et indulgentiam, quam semper optaverunt, piis supplicationibus consequantur.

**A**CTIONES nostras, quæsumus, Domine, aspirando præveni, et adjuvando proseguere: ut cuncta nostra oratio et operatio a te semper incipiat, et per te cœpta finiatur.

**O**MNIPOTENS sempiternæ Deus, qui vivorum dominaris simul et mortuorum, omniumque misereris, quos tuos fide et opere futuros esse prænoscis: te supplices exoramus, ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus sanctis tuis, pietatis tuæ clementia omnium delictorum suorum veniam consequantur. Per Dominum.

*℣.* Dominus vobiscum.

*℟.* Et cum spiritu tuo.

*℣.* Exaudiat nos omnipotens et misericors Dominus: *℟.* Amen.

*℣.* Et fidelium animæ per misericordiam Dei requiescant in pace.

*℟.* Amen.

## ORDO COMMENDATIONIS

### ANIMÆ.

*Primum dicuntur Litanie breves in hunc modum.*

**K**YRIE eleison.

Christe eleison.

Kyrie eleison.

Sancta Maria,

Omnes sancti Angeli et Archangeli,

Sancte Abel,

ora pro eo.

orate pro eo.

ora.

Omnis chorus Justorum , ora.  
 Sancte Abraham , ora.  
 Sancte Joannes Baptista , ora.  
 Sancte Joseph , ora.  
 Omnes sancti Patriarchæ et Prophe-  
 tæ , orate pro eo.  
 Sancte Petre , ora.  
 Sancte Paule , ora.  
 Sancte Andrea , ora.  
 Sancte Joannes , ora.  
 Omnes sancti Apostoli et Evangeli-  
 stæ , orate pro eo.  
 Omnes sancti Discipuli Domini , orate.  
 Omnes sancti Innocentes , orate.  
 Sancte Stephane , ora.  
 Sancte Laurenti , ora.  
 Omnes sancti Martyres , orate.  
 Sancte Silvester , ora.  
 Sancte Gregori , ora.  
 Sancte Augustine , ora.  
 Omnes sancti Pontifices et Confesso-  
 res , orate.  
 Sancte Benedicte , ora.  
 Sancte Francisce , ora.  
 Omnes sancti Monachi et Eremitæ ,  
 orate pro eo.  
 Sancta Maria Magdalena , ora.  
 Sancta Lucia , ora.  
 Omnes sanctæ Virgines et Viduæ ,  
 orate pro eo.  
 Omnes Sancti et Sanctæ Dei , interce-  
 dite pro eo.  
 Propitius esto , parce ei , Domine.  
 Propitius esto , exaudi eum , Domine.  
 Propitius esto , libera eum Domine.  
 Ab ira tua , libera.  
 A periculo mortis , libera.  
 A mala morte , libera.  
 A pœnis inferni , libera.  
 Ab omni malo , libera.  
 A potestate diaboli , libera.  
 Per nativitatem tuam , libera.  
 Per crucem et passionem tuam , libe-  
 ra eum , Domine.  
 Per mortem et sepulturam tuam , li-  
 bera eum , Domine.  
 Per gloriosam resurrectionem tuam ,  
 libera eum , Domine.  
 Per admirabilem ascensionem tuam ,  
 libera eum , Domine.  
 Per gratiam Spiritus sancti Paracliti ,  
 libera eum , Domine.

In die judicii , libera.  
 Peccatores , Te rogamus , audi nos.  
 Ut ei parcas , te rogamus.  
 Kyrie eleison. Christo eleison. Kyrie  
 eleison.

*Deinde cum in agone sui exitus  
 anima anxiatur , dicantur sequentes  
 Orationes.*

*Oratio.*

**P**ROFICISCERE , anima Chri-  
 stiana , de hoc mundo , in nomi-  
 ne Dei Patris omnipotentis , qui te  
 creavit : in nomine Jesu Christi Filii  
 Dei vivi , qui pro te passus est : in  
 nomine Spiritus sancti , qui in te ef-  
 fusus est : in nomine Angelorum et  
 Archangelorum : in nomine Throno-  
 rum et Dominationum : in nomine Prin-  
 cipatum et potestatum : in nomine  
 Cherubim et Seraphim : in nomine Pa-  
 triarcharum et Prophetarum : in no-  
 mine sanctorum Apostolorum et E-  
 vangelistarum : in nomine sanctorum  
 Martyrum et Confessorum : in nomi-  
 ne sanctorum Monachorum et Eremi-  
 tarum : in nomine sanctarum Virgi-  
 num , et omnium Sanctorum et San-  
 ctarum Dei : hodie sit in pace locus  
 tuus , et habitatio tua in sancta Sion.  
 Per eundem Christum Dominum no-  
 strum. Æ. Amen.

*Oratio.*

**D**EUS misericors , Deus clemens,  
 Deus , qui secundum multitudi-  
 nem miserationum tuarum peccata po-  
 nitentium deles , et præteritorum cri-  
 minum culpas venia remissionis eva-  
 cuas : respice propitius super hunc fa-  
 mulum tuum N. et remissionem om-  
 nium peccatorum suorum tota cordis  
 confessione poscentem deprecatus ex-  
 audi. Renova in eo , piissime Pater,  
 quidquid terrena fragilitate corrup-  
 tum , vel quidquid diabolica fraude  
 violatum est : et unitati corporis Ec-  
 clesiæ membrum redemptionis anne-  
 cte. Miserere , Domine , gemituum ,  
 miserere lacrymarum ejus : et non ha-  
 bentem fiduciam , nisi in tua miseri-  
 cordia , ad tuæ sacramentum recon-



cillationis admitte. Per Christum Dominum nostrum. *ñ. Amen.*

nis divinæ dulcedine potiaris in sæcula sæculorum. *ñ. Amen.*

*Oratio.*

**C**OMMENDO te omnipotenti Deo, charissime frater, et ei, cujus es creatura, committo: ut cum humanitatis debitum morte interveniente persolveris, ad auctorem tuum, qui te de limo terræ formaverat, revertaris. Egredienti itaque animæ tuæ de corpore splendidus Angelorum cœtus occurrat: judex Apostolorum tibi senatus adveniat: candidatorum tibi Martyrum triumphator exercitus obviet: liliata rutilantium te Confessorum turma circumdet: jubilantium te Virginum chorus excipiat: et beatæ quietis in sinu Patriarcharum te complexus astringat: mitis atque festivus Christi Jesu tibi aspectus appareat, qui te inter assistentes sibi jugiter interesse decernat. Ignoret omne quod horret in tenebris, quod stridet in flammis, quod cruciat in tormentis. Cedat tibi teterrimus satanas cum satellitibus suis: in adventu tuo te comitantibus Angelis contremiscat, atque in æternæ noctis chaos immane difugiat. Exurgat Deus, et dissipentur inimici ejus: et fugiant, qui oderunt eum, a facie ejus. Sicut deficit fumus, deficiant: sicut fluit cera a facie ignis, sic pereant peccatores a facie Dei: et justi epulentur, et exultent in conspectu Dei. Confundantur igitur et erubescant omnes tartaræ legiones, et ministri satanæ iter tuum impedire non audeant. Liberet te a cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus Filius Dei vivi intra paradisi sui semper amœna virentia, et inter oves suas te verus ille Pastor agnoscat. Ille ab omnibus peccatis tuis te absolvat, atque ad dexteram suam in electorum suorum te sorte constituat. Redemptorem tuum facie ad faciem videas, et præsens semper assistens, manifestissimam beatis oculis aspicias veritatem. Constitutus igitur inter agmina beatorum, contemplatio-

**S**USCIPE, Domine, servum tuum in locum sperandæ sibi salvationis a misericordia tua. *ñ. Amen.*

**Libera**, Domine, animam servi tui ex omnibus periculis inferni, et de laqueis pœnarum, et ex omnibus tribulationibus. *ñ. Amen.*

**Libera**, Domine, animam servi tui, sicut liberasti Enoch et Eliam de communi morte mundi. *ñ. Amen.*

**Libera**, Domine, animam servi tui, sicut liberasti Noe de diluvio.

*ñ. Amen.*

**Libera**, Domine, animam servi tui, sicut liberasti Abraham de Ur Chaldeorum. *ñ. Amen.*

**Libera**, Domine, animam servi tui, sicut liberasti Job de passionibus suis.

*ñ. Amen.*

**Libera**, Domine, animam servi tui, sicut liberasti Isaac de hostia et de manu patris sui Abraham. *ñ. Amen.*

**Libera**, Domine, animam servi tui, sicut liberasti Lot de Sodomis, et de flamma ignis. *ñ. Amen.*

**Libera**, Domine, animam servi tui, sicut liberasti Moysen de manu Pharaonis regis Ægyptiorum. *ñ. Amen.*

**Libera**, Domine, animam servi tui, sicut liberasti Daniele de lacu leonum. *ñ. Amen.*

**Libera**, Domine, animam servi tui, sicut liberasti tres pueros de camino ignis ardentis, et de manu regis iniqui. *ñ. Amen.*

**Libera**, Domine, animam servi tui, sicut liberasti Susannam de falso crimine. *ñ. Amen.*

**Libera**, Domine, animam servi tui, sicut liberasti David de manu regis Saul, et de manu Goliath. *ñ. Amen.*

**Libera**, Domine, animam servi tui, sicut liberasti Petrum et Paulum de carceribus. *ñ. Amen.*

Et sicut beatissimam Theclam virginem et martyrem tuam de tribus atrocissimis tormentis liberasti, sic liberare digneris animam hujus servi

tui, et tecum facias in bonis congaudere cœlestibus. *ñ. Amen.*

*Oratio.*

**C**OMMENDAMUS tibi, Domine, animam famuli N. precamurque te, Domine Jesu Christe, Salvator mundi, ut propter quam ad terram misericorditer descendisti, Patriarcharum tuorum sinibus insinuare non renuas. Agnosce, Domine, creaturam tuam, non a diis alienis creatam, sed a te solo Deo vivo et vero: quia non est alius Deus præter te, et non est secundum opera tua. Lætifica, Domine, animam ejus in conspectu tuo, et ne memineris iniquitatum ejus antiquarum, et ebrietatum, quas suscitavit furor, sive fervor mali desiderii. Licet enim peccaverit, tamen Patrem et Filium, et Spiritum sanctum non negavit, sed credidit, et zelum Dei in se habuit, et Deum qui fecit omnia, fideliter adoravit.

*Oratio.*

**D**ELICTA juventutis, et ignorantias ejus, quæsumus, ne memineris, Domine: sed secundum magnam misericordiam tuam memor esto illius in gloria claritatis tuæ. Aperiantur ei cœli, collætentur illi Angeli. In regnum tuum, Domine, servum tuum suscipe. Suscipiat eum sanctus Michael, Archangelus Dei, qui militiæ cœlestis meruit principatum. Veniant illi obviam sancti Angeli Dei, et perducant eum in civitatem cœlestem Jerusalem. Suscipiat eum beatus Petrus Apostolus, cui a Deo claves regni cœlestis traditæ sunt. Adjuvet eum sanctus Paulus Apostolus, qui dignus fuit esse vas electionis. Intercedat pro eo sanctus Joannes, electus Dei Apostolus, cui relevata sunt secreta cœlestia. Orent pro eo omnes sancti Apostoli, quibus a Domino data est potestas ligandi atque solvendi. Intercedant pro eo omnes sancti et electi Dei, qui pro Christi nomine tormenta in hoc sæculo sustinuerunt: ut vinculis carnis exutus, pervenire me-

reatur ad gloriam regni cœlestis, præstante Domino nostro Jesu Christo: Qui cum Patre et Spiritu sancto vivit et regnat in sæcula sæculorum.

*ñ. Amen.*

*Si anxietur adhuc anima, dicuntur hi Psalmi, videlicet Confitemini Domino, p. 17. et totus Psalmus Beati immaculati per Horas distributus, pag. 17.*

*Egressa autem anima dicitur hoc ñ. Subvenite, sancti Dei, occurrite, Angeli Domini: "Suscipientes animam ejus: "Offerentes eam in conspectu Altissimi. ÿ. Suscipiat te Christus qui vocavit te, et in sinum Abraham Angeli deducant te. Suscipientes. ÿ. Requiem æternam dona ei, Domine: et lux perpetua luceat ei. Offerentes.*

*Deinde Kyrie eleison Christe eleison Kyrie eleison. Postea Pater noster, secreto. ÿ. Et ne nos inducas in tentationem ñ. Sed libera nos a malo. ÿ. Requiem æternam dona ei, Domine. ñ. Et lux perpetua luceat ei. ÿ. A porta inferi. ñ. Erue, Domine, animam ejus. ÿ. Requiescat in pace. ñ. Amen. ÿ. Domine, exaudi orationem meam. ñ. Et clamor meus ad te veniat. ÿ. Dominus vobiscum. ñ. Et cum spiritu tuo.*

Oremus *Oratio*

**T**IBI, Domine, commendamus animam famuli tui N. ut defunctus sæculo tibi vivat: et quæ per fragilitatem humanæ conversationis peccata commisit, tu venia misericordissimæ pietatis absterge. Per Christum Dominum nostrum, *ñ. Amen.*

BENEDICTIO MENSÆ.

*Ante prandium Sacerdos benedicturus mensam incipit Benedicite, et alii repetunt Benedicite, Deinde dicit ÿ. Oculi omnium, et alii prosequuntur. In te sperant, Domine, et tu das escam illorum in tempore opportuno. Aperis tu manum tuam, et imples omne animal benedictione. Gloria Patri. Sicut erat. Kyrie eleison. Christe eleison Kyrie eleison. Pater noster, secreto.*

℣. Et ne nos inducas in tentationem.

℞. Sed libera nos a malo.

*Postea Sacerdos dicit :*

*Oremus.*

**B**ENEDIC, Domine, nos et hæc tua dona, quæ de tua largitate sumus sumpturi. Per Christum Dominum nostrum. ℞. Amen.

*Deinde Lector, Jube, domne, benedicere.*

*Bened. Mensæ cœlestis participes faciat nos Rex æternæ gloriæ. ℞. Amen.*

*Post prandium aguntur gratiæ hoc modo. Dicto a Lectoris Tu autem, Domine miserere nobis.*

℞. Deo gratias. omnes surgunt. Sacerdos incipit ℣. Confiteantur tibi, Domine, omnia opera tua.

℞. Et sancti tui benedicant tibi.

℣. Gloria Patri. ℞. Sicut erat.

*Postea Sacerdos absolute dicit:*

**A**GINUS tibi gratias, omnipotens Deus, pro universis beneficiis tuis: Qui vivis et regnas in sæcula sæculorum. ℞. Amen.

*Deinde alternatim dicitur Psalmus Miserere, p. 39 vel Psalm. Laudate Dominum omnes Gentes, p. 88 In fine Gloria Patri. Sicut erat Kyrie eleison Christe eleison. Kyrie eleison.*

*Sacerdos dicit Pater noster.*

℣. Et ne nos inducas in tentationem.

℞. Sed libera nos a malo. ℣. Dispersit, dedit pauperibus. ℞. Justitia ejus manet in sæculum sæculi. ℣. Benedicam Dominum in omni tempore. ℞. Semper laus ejus in ore meo. ℣. In Domino laudabitur anima mea. ℞. Audiant mansueti, et lætentur. ℣. Magnificate Dominum mecum. ℞. Et exaltemus nomen ejus in idipsum ℣. Sit nomen Domini benedictum. ℞. Ex hoc nunc et usque in sæculum.

*Deinde sine Oremus.*

**R**ETRIBUERE dignare, Domine, omnibus nobis bona facientibus propter nomen tuum vitam æternam. ℞. Amen.

℣. Benedicamus Domino.

℞. Deo gratias.

℣. Fidelium animæ per misericordiam Dei requiescant in paco.

℞. Amen.

*Pater noster, secreto. Quo finito, dicit Sacerdos: Deus det nobis suam pacem. ℞. Amen.*

*Ante cœnam Sacerdos benedicturus mensam, incipit Benedicite et alii repetunt Benedicite.*

*Deinde Sacerdos incipit ℣. et alii prosequuntur.*

**E**DENT pauperes, et saturabuntur, et laudabunt Dominum qui requirunt eum: vivent corda eorum in sæculum sæculi. Gloria Patri. Sicut erat. Kyrie eleison. Christe eleison. Kyrie eleison Pater noster, secreto. Et nos.

*Oremus. Benedic, Domine, ut supra in prandio. Jube, domne.*

*Bened. Ad cœnam vitæ æternæ perducatur nos Rex æternæ gloriæ.*

℞. Amen.

*In fine cœnæ dicitur. ℣. Memoriam fecit mirabilium suorum misericors et miserator Dominus: escam dedit timentibus se. Gloria Patri. Sicut erat.*

*Sacerdos dicit:*

**B**ENEDICTUS Deus in donis suis, et sanctus in omnibus operibus suis: Qui vivit et regnat in sæcula sæculorum. ℞. Amen.

*Deinde alternatim dicitur Psalm. Laudate Dominum omnes gentes, p. 88: et reliqua ut supra.*

*Quando semel comeditur, omnia dicuntur ut in cœna.*

*Prædictus modus benedicendi mensam, et agendi gratias, servatur omni tempore, præterquam diebus infra-scriptis, quibus Versiculi et Psalmi tantum variantur.*

*In Nativitate Domini usque ad cœnam Vigiliæ Epiphaniæ exclusive, dicitur ℣. Verbum caro factum est, alleluia. Et habitavit in nobis, alleluia. Gloria Patri.*

*In fine dicitur ℣. Notum fecit Do-*



minus, alleluia, Salutare suum, alleluia.

*Alia ut supra. Psalm. Cantate p. 75. vel Laudate Dominum omnes gentes, p. 88. qui Psalm. semper ad beneplacitum dici potest etiam in aliis solemnitatibus.*

*In Epiphania, et per totam Oct. y. Reges Tharsis, et insulæ munera offerent, alleluia: Reges Arabum et Saba dona adducent, alleluia: Gloria Patri.*

*In fine dicitur y. Omnes de Saba venient, alleluia, Aurum et thus deferentes, alleluia. Gloria Patri.*

*Psalm. Deus iudicium, p. 59.*

*Feria quinta in Cæna Domini dicitur absolute et sine nota y. Christus factus est pro nobis obediens usque ad mortem.*

*Deinde Pater noster, totum secreto. Quo dicto, sine pronuntiatione aliqua, Sacerdos signo Crucis benedicit mensam nec dicitur Jube domine, nec Tu autem.*

*In fine repetitur y. Christus factus est, ut supra. Postea Psalm. Miserere mei Deus, p. 39.*

*Quo finito sine y. Gloria Patri, secreto dicitur Pater noster.*

*Deinde Sacerdos dicit absolute Orationem Respice quæsumus, ut in Officio, et non pronuntiatur Qui tecum, nec Fidelium animæ, sed secreto dicitur Pater noster, nec additur Deus det nobis suam pacem.*

*In Parasceve eodem modo fit sicut in Cæna Domini, sed additur ad y. Christus factus est..... Mortem autem crucis.*

*Sabbato sancto ad benedicendum mensam dicitur, Benedicite. y. Benedicite. y. Vespere autem Sabbati, quæ lucescit in prima Sabbati, alleluia: Venit Maria Magdalene, et altera Maria videre sepulchrum, alleluia. Gloria Patri. Sicut erat.*

*In fine repetitur. Vespere autem, ut supra, cum Gloria Patri. Sicut erat. Psalm. Laudate Dominum om-*

*nes gentes, p. 88. cum Gloria Patri. Kyrie eleison. Christe eleison. Kyrie eleison, et alia ut supra in prima Benedictione.*

*In die Paschæ, et deinceps usque ad cænam sequentis Sabbati, ad benedicendum mensam, dicitur y. Hæc dies quam fecit Dominus, alleluia, Exultemus et lætemur in ea, alleluia. Gloria Patri.*

*In fine repetitur Hæc dies quam. cum Gloria Patri. Psalm. Confitemini, p. 17.*

*In Ascensione Domini usque ad Vigiliam Pentecostes exclusive y. Ascendit Deus in jubilatione, alleluia, Et Dominus in voce tubæ, alleluia. Gloria Patri.*

*In fine dicitur y. Ascendens Christus in altum, alleluia, Captivam duxit captivitatem, alleluia. Gloria Patri.*

*Psalm. Omnes gentes plaudite manibus, p. 45. vel Laudate, p. 88.*

*In Pentecoste, a Vigilia ejusdem inclusive usque ad cænam sequentis Sabbati exclusive. y. Spiritus Domini replevit orbem terrarum, alleluia, Et hoc quod continet omnia, scientiam habet vocis, alleluia. Gloria Patri.*

*In fine dicitur y, Repleti sunt omnes Spiritu sancto, alleluia, Et cœperunt loqui, alleluia. Gloria Patri. Psalm. Magnus Dominus, p. 46, vel Laudate, p. 88. Alia ut supra.*

#### ITINERARIUM.

*Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.*

*Ant. In viam pacis.*

*Canticum. Benedictus Dominus Deus Israel, p. 16.*

*In fine Gloria Patri. Postea dicatur Ant. In viam pacis et prosperitatis dirigat nos omnipotens et misericors Dominus, et Angelus Raphael comitetur nobiscum in via, ut cum pace, salute, et gaudio revertamur*

ad propria. Myrie eleison. Christo eleison. Myrie eleison. Pater noster, secreto. *ŷ.* Et ne nos inducas in tentationem. *ñ.* Sed libera nos a malo. *ŷ.* Salvos fac servos tuos. *ñ.* Deus meus, sperantes in te. *ŷ.* Mitte nobis, Domine, auxilium de sancto. *ñ.* Et de Sion tuere nos. *ŷ.* Esto nobis, Domine, turris fortitudinis. *ñ.* A facie inimici. *ŷ.* Nihil proficiat inimicus in nobis. *ñ.* Et filius iniquitatis non apponat nocere nobis. *ŷ.* Benedictus Dominus die quotidie. *ñ.* Prosperum iter faciat nobis Deus salutarium nostrorum. *ŷ.* Vias tuas Domine, demonstra nobis. *ñ.* Et semitas tuas edoce nos. *ŷ.* Utinam dirigantur viæ nostræ. *ñ.* Ad custodiendas justificationes tuas. *ŷ.* Erunt prava in directa. *ñ.* Et aspera in vias planas. *ŷ.* Angelis suis Deus mandavit de te. *ñ.* Ut custodiant te in omnibus viis tuis. *ŷ.* Domine, exaudi orationem meam. *ñ.* Et clamor meus ad te veniat. *ŷ.* Dominus vobiscum. *ñ.* Et cum spiritu tuo.

Oremus.

Oratio.

**D**EUS, qui filios Israel per maris medium sicco vestigio ire fecisti, quique tribus Magis iter ad te stella duce pandisti, tribue nobis, quæsumus, iter prosperum, tempusque tranquillum, ut, Angelo tuo sancto

comite, ad eum quo pergimus locum, ac demum ad æternæ salutis portum pervenire feliciter valeamus.

**D**EUS, qui Abraham puerum tuum de Ur Chaldæorum eductum, per omnes suæ peregrinationis vias illæsum custodisti, quæsumus, ut nos famulos tuos custodire digneris: esto nobis, Domine, in procinctu suffragium, in via solatium, in æstu umbraculum, in pluvia et frigore tegumentum, in lassitudine vehiculum, in adversitate præsidium, in lubrico baculus, in naufragio portus, ut, te duce, quo tendimus, prospere perveniamus, et demum incolumes ad propria redeamus.

**A**DESTO, quæsumus, Domine, supplicationibus nostris, et viam famulorum tuorum in salutis tuæ prosperitate dispone, ut inter omnes viæ et vitæ hujus varietates tuo semper protegamur auxilio.

**P**RÆSTA, quæsumus, omnipotens Deus, ut familia tua per viam salutis incedat, et beati Joannis Præcursoris hortamenta sectando, ad eum quem prædixit, secunda perveniat, Dominum nostrum Jesum Christum Filium tuum: Qui tecum vivit et regnat in unitate.

*ŷ.* Procedamus in pace. *ñ.* In nomine Domini. Amen.







# APPENDIX

## CONTINENS OFFICIA ALIQUIBUS IN LOCIS

### EX INDULTO S. SEDIS RECITANDA

#### *Officia Mobilia.*

**FER. III. POST DOM. SEPT.**

**Orationis D. N. J. C.**

***in Monte Oliveti.***

*Duplex majus*

***In I. Vespertis.***

*Antiph. Venit Jesus etc. cum reliquis de Laud. Psal. Dixit Dominus cum reliquis de Dominica p. 86. et loco ultimi Laudate Dominum omnes gentes.*

*Capitulum.*

*Matth. 26.*

**V**ENIT Jesus ad discipulos suos , et invenit eos dormientes , et dicit Petro : Sic non potuistis una hora vigilare mecum ? Vigilate , et orate , ut non intretis in tentationem.

**HYMNUS.**

**A**SPICE , ut Verbum Patris a supernis

Sedibus clemens , et amore flagrans  
Perditis culpa genitis mederi

Pergit Adami.

Flebilem mundi miserans ruinam ,  
Et volens nostros reparare casus

Orat , et prona veniam precatur

Fronte Magister.

Fluctuat secum tot acerba volvens :  
Hunc , ait supplex , Calicem doloris ,  
Mi Pater , transfer : tua sed voluntas ,  
Non mea fiat.

Cum premat tristis pavor ima cordis ,

Deficit languens Dominus ; per artus  
Sanguinis sudor fluit , atque guttis

Terra madescit.

At celer summo veniens Olympo  
Angelus Jesum recreat jacentem ,  
Corpori vires redeunt , novoque

Robore surgit.

Laus , honor Patri , genitæque  
Proli ,

Cui datum Nomen super omne nomen ,

Et Paracletus decus , atque virtus

Omne per ævum. Amen.

†. Tristis est anima mea.

‡. Usque ad mortem.

*Ad Magnif. Antiph. Positis genibus orabat dicens : Pater , si vis transfer Calicem istum a me : verumtamen non mea voluntas , sed tua fiat.*

*Oratio.*

**D**OMINE Jesu Christe , qui in horto verbo , et exemplo nos orare docuisti ad tentationum pericula superanda : concede propitius , ut nos orationi semper intenti , ejus copiosum fructum consequi mereamur. Qui vivis , et regnas.

*Ad Matut. Invitat. Christum Jesum in Monte Oliveti orantem \* Venite , adoremus.*

*Psal Venite , exultemus. I.*

*Hymnus , ut supra in Vesp.*

**IN I. NOCTURNO.**

*Ant. Ante orationem præpara animam tuam : et noli esse quasi homo , qui tentat Deum.*

*Psalms 16. Exaudi Domine pag. 8.*

*Ant. Non impediaris orare semper ,*

et ne verearis usque ad mortem justificari.

*Psalmus 27. Ad te Domine p. 33.*

*Ant. Omnia quaecumque petieritis in oratione credentes, accipietis.*

*Psalm. 141. Voce mea p. 97.*

*℣. Tristis est anima mea.*

*℟. Usque ad mortem.*

*Lectio j.*

*De libro Tobiae. Cap. 12.*

**B**ONA est oratio cum jejuniis, et eleemosyna magis, quam thesauros auri recondere: quoniam eleemosyna a morte liberat, et ipsa est, quae purgat peccata, et facit invenire misericordiam, et vitam aeternam. Qui autem faciunt peccatum, et iniquitatem, hostes sunt animae suae. Manifesto ergo vobis veritatem, et non abscondam a vobis occultum sermonem. Quando orabas cum lacrymis, et sepeliebas mortuos, et derelinquebas prandium tuum, et mortuos abscondebas per diem in domo tua, et nocte sepeliebas eos, ego obtuli orationem tuam Domino. Et quia acceptus eras Deo, necesse fuit, ut tentatio probaret te.

*℟. In omnibus gratias agite: \* Sine intermissione orate. ℣. Haec est enim voluntas Dei in Christo Jesu in omnibus vobis. Sine.*

*Lectio ij.*

*De Epistola B. Jacobi Apostoli.*

*Cap. 5.*

**O**RATE pro invicem, ut salvemini: multum enim valet deprecatio. justis assidua. Elias homo erat similis nobis passibilis: et oratione oravit, ut non plueret super terram, et non pluit annos tres, et menses sex. Et rursum oravit, et caelum dedit pluviam, et terra dedit fructum suum. Fratres mei, si quis ex vobis erraverit a veritate, et converterit quis eum, scire debet, quoniam, qui converti fecerit peccatorem ab errore viae suae, salvabit animam ejus a morte, et operiet multitudinem peccatorum.

*℟. Cum stabitis ad orandum, \* Dimittite, si quid habetis adversus aliquem. ℣. Ut et Pater vester, qui in caelis est, dimittat vobis peccata vestra. Dimittite.*

*Lectio iij.*

*De Epistola B. Pauli Apostoli ad Hebraeos. Cap. 5.*

**C**HRISTUS non semetipsum clarificavit, ut Pontifex fieret, sed qui loquutus est ad eum: Filius meus es tu: ego hodie genui te. Quemadmodum et in alio loco dicit: Tu es Sacerdos in aeternum secundum ordinem Melchisedech. Qui in diebus carnis suae preces, supplicationesque ad eum, qui possit illum salvum facere a morte, cum clamore valido, et lacrymis offerens, exauditus est pro sua reverentia. Et quidem cum esset Filius Dei, didicit ex iis, quae passus est, obedientiam: et consummatus factus est omnibus obtemperantibus sibi causa salutis aeternae, appellatus a Deo Pontifex juxta ordinem Melchisedech.

*℟. Exaudivit Dominus deprecationem meam: \* Dominus orationem meam suscepit. ℣. Clamavi in toto corde meo, exaudi me Domine. Dominus. Gloria. Dominus.*

**IN II. NOCTURNO.**

*Antiph. Cum oratis, non eritis sicut hypocritae, qui amant in Synagogis, et in angulis platearum stantes orare, ut videantur ab hominibus.*

*Psalm. 42. Judica me Deus, p. 48.*

*Antiph. Tu autem, cum oraveris, intra in cubiculum tuum; et clauso ostio, ora Patrem tuum in abscondito.*

*Psalm. 63. Exaudi, Deus, p. 53.*

*Antiph. Factum est autem in illis diebus, exiit Jesus in montem orare, et erat pernoctans in oratione Dei.*

*Psalm. 120. Levavi oculos meos, p. 89.*

*℣. Pater mi, si possibile est.*

*℟. Transeat a me calix iste.*

*Lectio iv.*

Ex Tractatu S. Cypriani Ep. et Mart.  
De Oratione Dominica

**N**EC verbis tantum, sed et factis Dominus orare nos docuit, ipse orans frequenter, et deprecans, quid facere nos oporteret, exempli sui contestatione demonstrans, sicut scriptum est: Ipse autem fuit secedens in solitudinem, et adorans. Et iterum: Exivit in montem orare, et fuit pernoctans in oratione Dei. Quod si ille orabat, qui sine peccato erat; quanto magis peccatores oportet orare? Et si ille per totam noctem jugiter vigilans continuis precibus orabat; quanto nos magis in frequentanda oratione debemus nocte vigilare? Orabat autem Dominus, et rogabat, non pro se, (quid enim pro se innocens precaretur?) sed pro delictis nostris; sicut et ipse declarat, cum dicit ad Petrum: Ecce Sathanas expetivit, ut vos vexaret quomodo triticum: ego autem rogavi pro te, ne deficiat fides tua. Et postmodum pro omnibus Patrem deprecatur, dicens: Non pro his autem rogo solis, sed et pro illis, qui credituri sunt per verbum ipsorum in me, ut omnes unum sint, sicut tu Pater in me, et ego in te, ut et ipsi in nobis unum sint.

¶. Simon, Simon, ecce Sathanas expetivit vos, ut cribraret sicut triticum: \* Ego autem rogavi pro te, ut non deficiat fides tua. †. Et tu aliquando conversus, confirma fratres tuos. Ego autem.

*Lectio v.*

Ex Commentariis S. Anselmi  
Episcopi.

In Epist. ad Hebræos. Cap. 8.

**S**ICUT verus Pontifex obtulit preces: nam in Evangelio sæpe legitur orasse, et maxime apud Lucam, qui Sacerdotis in eo descripsit personam. Sed et quidquid ipse egit in carne, preces, et supplicationes fuerunt pro hominibus. Tota vita sua

Patrem oravit de resurrectione carnis suæ, ac de nostra salute: et instante jam Passione obtulit supplicationes, idest humillimas, et intentissimas orationes, cum summa devotione cordis, et affectione, quando factus in agonia prolixius orabat, et factus est sudor ejus, sicut guttæ sanguinis decurrentis in terram. Et has preces, supplicationesque obtulit, idest obviam tulit Patri per exauditionem sibi obvianti. Obtulit eas ad eum, qui posset illum a morte salvum facere, idest resuscitare; ad eum, quem scivit esse sufficientem, ut salvaret eum; idest, immortalem, et impassibilem faceret eripiendo a morte, ut nec anima remaneret in inferno, nec caro putresceret in sepulchro.

¶. Oratio humiliantis se nubes penetrabit: \* Et donec propinquet, non consolabitur. †. Et non discedet, donec Altissimus aspiciat. Et donec,

*Lectio vj.*

**E**T obtulit has cum clamore valido, idest cum intentione piæ devotionis vehementissima, et efficacissima, ut quando prolixius orabat, et etiam cum lacrymis; quia in illa proluxa oratione credendus est lacrymas effudisse, cum et guttæ sanguinis pro sudore decurrerent ab ejus Corpore, et exauditus est, quia, quod quesierat, accepit in resurrectione. Exauditus est; idest, extra numerum aliorum omnium auditus est, quoniam super omnem creaturam post laboris sui militiam a Patre sublimatus est, et hoc, pro sui reverentia, idest secundum hoc quod ipse, sicut Dei Filius, dignus est reverentia, et veneratione. Vel pro sua reverentia in Deum, idest, propter quod ipse super omnia Patrem reveritus est, et honoravit. Sive pro sua reverentia, idest, sicut sua religio meruit. Sanguinis quoque ejus effusio potest intelligi clamor validus, in quo exauditus est pro reverentia ejusdem Passionis. Reverentia est, quod sine peccato passus est pro sola charitate.



q. Fiant aures tuæ auscultantes, et oculi tui aperti, \* Ut audias orationem servi tui. †. Quam ego oro coram te hodie, nocte, ac die. Ut. Gloria. Ut.

### IN III. NOCTURNO.

*Antiph.* Tribulatio, et angustia invenerunt me: mandata tua meditatio mea est.

*Psalmus 5.* Domine quid multiplicati sunt, p. 3.

*Ant.* Sustinui qui simul contristaretur, et non fuit, et qui consolaretur, et non inveni.

*Psal. 42.* Usque quo Domine, p. 6.

*Ant.* Adhæsit pavimento anima mea: vivifica me secundum verbum tuum.

*Psal. 87.* Domine Deus salutis. p. 69.

†. Vigilate, et orate.

q. Ut non intretis in tentationem.

*Lectio vij.*

*Lectio sancti Evangelii secundum Lucam.*

*Cap. 22.*

**I**N illo tempore: Egressus Jesus ibat secundum consuetudinem in Montem Olivarum. Sequuti sunt autem illum et Discipuli. Et reliqua.

*Homilia S. Ambrosii Episcopi.*

*Libro. 10. Com. in Luc. Cap. 22.*

**T**RANSFER a me calicem hunc, quasi homo mortem recusans, quasi Deus sententiam suam servans. Oportet enim mori nos sæculo, ut corpore, juxta divinam sententiam, in terræ limum naturæ sine resolutio, spiritu resurgamus Deo. Quod autem ait, non mea voluntas, sed tua fiat: suam ad hominem retulit, Patris ad Divinitatem. Voluntas enim hominis temporalis, voluntas Divinitatis æterna. Non alia voluntas Patris, alia Filii. Una enim voluntas, ubi una Divinitas. Disce tamen Deo esse subiectus, ut non, quod ipse vis, eligas, sed quod Deo scias esse placitum.

q. Veni in altitudinem maris, \* Et tempestas demersit me. †. Sal-

vum me fac Deus, quoniam intraverunt aquæ usque ad animam meam. Et tempestas.

*Lectio viij.*

**D**EINDE verborum ipsorum proprietatem consideremus. Tristis est, inquit, anima mea. Et alibi: Nunc anima mea turbata est valde. Non ergo suscipiens, sed suscepta turbatur. Anima enim obnoxia passionibus, Divinitas libera. Etenim spiritus promptus, caro autem infirma. Tristis autem est, non ipse, sed anima. Non est tristis sapientia, non divina substantia, sed anima. Suscepit enim animam meam, suscepit corpus meum. Non me sefellit, ut aliud esset, et aliud videretur. Tristis videbatur, et tristis erat, non pro sua passione, sed pro nostra dispersione.

q. Intret in conspectu tuo oratio mea: \* Inclina aurem tuam ad precem meam. †. Quia repleta est malis anima mea, et vita mea inferno appropinquavit. Inclina. Gloria. Inclina.

*Lectio ix.*

**D**ENIQUE ait: Percutiam pastorem, et dispergentur oves gregis. Tristis erat, quia nos parvulos relinquebat. Ceterum, quam costanter se morti obtulerit, connexa declarant: quandoquidem quærentibus occurrit, turbatos confirmavit, trepidos provocavit. Proditorem osculi dignatione suscepit. Nec illud distat a vero, si tristis erat pro persecutoribus suis, quos sciebat immanis sacrilegii penas duros. Et ideo dixit: Transfer hunc calicem a me. Non quia Dei Filius mortem timebat, sed quia nec malos perire volebat.

Te Deum.

**AD LAUDES, ET PER HORAS.**

*Ant. 1.* Venit Jesus cum discipulis suis in villam, quæ dicitur Gethsemani, et dixit illis: Sedete hic, donec vadam illuc, et orem.

*Psal.* Dominus regnavit. etc. cum reliquis de Dominica.

**2.** Et assumpto Petro, et duo-

bus filiis Zebedæi, cœpit contristari, et mœstus esse

3. Tunc ait illis: Tristis est anima mea usque ad mortem: sustinete hic, et vigilate mecum.

4. Et progressus pusillum procidit in faciem suam orans, et dicens: Pater mi, si possibile est, transeat a me calix iste.

5. Pater mi, si non potest hic calix transire, nisi bibam illum, fiat voluntas tua.

*Capitulum. Matth. c. 26.*

**V**ENIT Jesus ad Discipulos suos, et invenit eos dormientes, et dicit Petro: Sic non potuistis una hora vigilare mecum? Vigilate, et orate, ut non intretis in tentationem.

#### HYMNUS.

**V**ENIT o cœlo Mediator alto,  
Quem sacri dudum cecinere Vates.

Parce mœrori, lacrymisque amaris  
Filia Sion.

Attulit mortem vetus hortus; unde  
Culpa prodivit: novus iste vitam  
Hortus en affert, ubi nocte Jesus  
Permanet orans.

Windicem placat Genitoris iram  
Reprimit forti jacienda dextra  
Fulmina: occurrit sceleri expiando  
Sponte Redemptor.

Sic toreret duros laqueos Averni;  
Et diu clausam reserabit aulam,  
Nos ad æterni revocans beata  
Gaudia regni.

Laus, honor Patri, genitæque  
Proli,  
Cui datum Nomen super omne nomen

Et Paracleto decus, atque virtus  
Omne per ævum. Amen.

†. Doce nos orare.

¶. Sic ergo vos orabitis.

*Ad Bened. Ant.* Factus in agonia  
prolixius orabat: Et factus est sudor  
ejus sicut guttæ sanguinis decurrentis  
in terram.

*Orat. ut supra.*

#### *Ad Tertiam.*

¶. *br.* Tristis est \* Anima mea.  
Tristis. ¶. Usque ad mortem. Anima.  
Gloria. Tristis.

¶. Pater mi, si possibile est.

¶. Transeat a me calix iste.

#### *Ad Sextam.*

*Capitulum. Luc. 21.*

**V**IGILATE itaque omni tempore  
orantes, ut digni habeamini fugere  
ista omnia, quæ futura sunt,  
et stare ante Filium hominis.

¶. *br.* Pater mi, \* Si possibile  
est. Pater. ¶. Transeat a me calix  
iste. Si. Gloria. Pater.

¶. Vigilate, et orate.

¶. Ut non intretis in tentationem;

#### *Ad Nonam.*

*Capitulum. Matth. 3.*

**O**RATE pro persequentibus, et  
calumniantibus vos, ut sitis filii  
Patris vestri, qui in cœlis est.

¶. *br.* Vigilate, \* Et orate. Vigilate.  
¶. Ut non intretis in tentationem.  
Et. Gloria. Vigilate.

¶. Factus est sudor ejus.

¶. Sicut guttæ sanguinis.

*In II. Vesperis omnia, ut in primis: et loc. ult. Psalm. Credidi, propter quod p. 88.*

¶. Factus est sudor ejus.

¶. Sicut guttæ sanguinis.

*Ad Magnif. Ant.* Ecce appropinquavit hora, et Filius hominis tradetur in manus peccatorum.

*Oratio, ut supra.*

#### FERIA TERTIA

POST DOMINICAM SEXAGESIMÆ

**In solenni commemor.**

DOMINICÆ PASSIONIS

*Duplex Prima Classis cum Octava.*

#### *Ad Vesperas.*

*Ant.* Calicem salutaris accipiam,  
et nomen Domini invocabo.

*Psalm. Credidi, propter quod p.*

323.

*Ant.* Cum his qui oderunt pacem,  
eram pacificus: cum loquebar illis  
impugnabant me gratis.

*Psalm.* 119. Ad Dominum cum  
tribularer clamavi, 324.

*Antiph.* Ab hominibus iniquis libera me Domine.

*Psalm.* 139. Eripe me, 324.

*Ant.* Custodi me a laqueo, quem  
statuerunt mihi, et a scandalis operantium iniquitatem.

*Psalm.* 140. Domine clamavi, 324.

*Ant.* Considerabam ad dexteram,  
et videbam, et non erat qui cognosceret me.

*Psalm.* 141. Voce mea ad Dominum, 325.

*Capitulum.* Philipp. 2.

**F**RATRES hoc enim sentite in vobis, quod et in Christo Jesu, qui, cum in forma Dei esset, non rapinam arbitratus est, esse se æqualem Deo, sed semetipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum factus obediens usque ad mortem, mortem autem Crucis.

#### HYMNUS.

**M**ERENTES oculi spargite lacrymas,  
Et luctu resonent intima cordium,  
Illatas refero Numini ab impiis  
Pœnas, et fera vulnera.  
Accincta heu! gladiis turba satellitum,  
Arreptum Dominum fustibus impetit,  
Nunc cædit colaphis, nunc quatit horridis  
Divinum Caput ictibus.  
Naud finis sceleri: traditur improbo  
Christus carnifici, nec mora, barbarus  
In Regem Superam abhinc timet, impio  
Ausu, vertere dexteram.  
Audite, o Populi. Numen amabile,  
Manante ex humeris undique sanguine,  
Lictoris rabidi sustinet impetum,  
Et vocem premit innocens.  
Quis non illacrymet! Jam nova condidit

Tormenta indomitæ gentis iniquitas:  
Infigit cerebro, proh dolor! efferis  
Sertum vepribus asperum.

Heu crimen! trahitur funibus improbis,

Funesti Dominus supplicii ad locum,  
Illic oppetiit funere spiritum

Patri restituens suo.

Passo pro miseris tam fera vulnera  
In terris resonet debita gloria:

Sacrumque assidue Nomen in æthera,  
Humanum genus efferat. Amen.

†. Oblatus est, quia ipse voluit.

¶. Et livore ejus sanati sumus.

*Ad Magnif. Ant.* ☉ vos omnes,  
qui transitis per viam, attendite, et videte, si est dolor, sicut dolor meus.

#### Oratio.

**O**MNIPOTENS, sempiternus Deus, qui humano generi, ad imitandum humilitatis exemplum, Salvatorem nostrum carnem sumere, et crucem subire fecisti; concede propitius, ut, sicut solemnem commemorationem Passionis ejus celebramus, ita et patientiæ ipsius habere documenta, et resurrectionis consortia mereamur. Per eundem.

*Ad Complet. et per Horas diei, ac etiam per totam Octavam in fœs Hymnorum dicitur:*

Patri sit, ac Paraclyto,  
Natbque Patris gloria,  
Nostræ dedit qui prodigis  
Pretium salutis sanguinem.

#### Ad Matutinum.

*Invitatorium.* Christum Regem Crucifixum, \* Venite adoremus.

*Psalm.* Venite exulemus. I.

#### HYMNUS.

**A**SPICE, infami Dens ipse ligno  
Pendet, effuso madidus cruore;  
Aspice, immitti manus alma clavo  
Finditur alto.

Nunc, velut pravi sceleris ministrum,

Inter indignos medium latrones,  
Cerne: crudelis fuit ista gentis

Dira voluntas.

Pallet heu! vultus; caput ecce lassum



Flectitur, clausis oculis, Redemptor  
Spiritus sacro meritis onustum  
Fundit ab ore.

● cor, res durum superas, ge-  
mendo  
Ni scelus tergas; tua culpa Christum  
Stipiti affixit, tua culpa morti  
Subdidit atræ.

Sit Deo æternum decus omne in  
ævum.

Qui pius nostri generis Redemptor  
Criminis labem miseris nocentem  
Sanguine tersit. Amen.

### IN I. NOCTURNO.

*Ant.* Astiterunt Reges terræ, et  
principes convenerunt in unum adver-  
sus Dominum, et adversus Christum  
ejus.

*Psalm. 2.* Quare fremuerunt gen-  
tes, p. 3.

*Ant.* Multiplicati sunt qui tribu-  
lant me, multi insurgunt adversus me

*Psalm. 3.* Domine, quid multipli-  
cati sunt, p. 3.

*Ant.* Diviserunt sibi vestimenta  
mea, et super vestem meam miserunt  
sortem.

*Psalm. 21.* Deus, Deus meus, re-  
spice in me, p. 23.

†. Oblatus est, quia ipse voluit.

¶. Et livore ejus sanati sumus

De Epist. B. Pauli Apost. ad  
Romanos.

*Lectio j.* Cap. 5. et 6.

**COMMENDAT** charitatem suam  
Deus in nobis, quoniam cum ad-  
huc peccatores essemus, secundum  
tempus, Christus pro nobis mortuus  
est; multo igitur magis nunc justifi-  
cati in sanguine ipsius, salvi erimus  
ab ira per ipsum. Si enim, cum ini-  
mici essemus reconciliati sumus Deo  
per mortem Filii ejus; multo magis  
reconciliati salvi erimus in vita ipsius.  
Non solum autem, sed et gloriamur  
in Deo, per Dominum nostrum Je-  
sum Christum; per quem nunc re-  
conciliationem accepimus. Si enim  
unius delicto, mors regnavit per u-  
num; multo magis abundantiam gra-

tiae, et donationis, et justitiæ acci-  
pientes in vita regnabunt per unum  
Jesum Christum.

¶. Vineam meam electam, ego te plan-  
tavi, dicit Dominus, et tu facta es  
mihi nimis amara, \* Quia parasti  
Crucem Salvatori tuo.

†. Popule meus, quid feci tibi,  
aut in quo contristavi te responde  
mihi. Quia.

*Lectio ij.*

**IGITUR**, sicut per unius delictum  
in omnes homines in condemna-  
tionem; sic et per unius justitiam in  
omnes homines in justificationem vi-  
tæ: sicut enim per inobedientiam u-  
nius hominis peccatores constituti  
sunt multi: ita et per unius obedi-  
tionem justii constituentur multi. Lex  
autem subintravit, ut abundaret de-  
lictum: ubi autem abundavit deli-  
ctum superabundavit gratia, ut sicut  
regnavit peccatum in mortem, ita et  
gratia regnet per justitiam, in vitam  
æternam, per Jesum Christum Do-  
minum nostrum.

¶. Ego eduxi te de Ægypto, de-  
merso Pharaone in mare rubrum, et  
ante te prævi in columna nubis; \*  
Et tu me tradidisti Principibus Sacer-  
dotum, et me duxisti ad Prætorium  
Pilati.

†. Popule meus, quid feci tibi,  
aut in quo contristavi te? responde  
mihi. Et tu.

*Lectio iij.*

**QUID** ergo dicemus? Permanebi-  
mus in peccato, ut gratia abun-  
det? Absit: qui enim mortui sumus  
peccato, quomodo adhuc vivemus in  
illo: An ignoratis, quia quicumque  
baptizati sumus in Christo Jesu, in  
morte ipsius baptizati sumus? Con-  
sepulti enim sumus cum illo per Ba-  
ptismum in mortem, ut quomodo  
Christus surrexit a mortuis per glo-  
riam Patris: ita et nos in novitate  
vitæ ambulemus. Si enim complacitati  
facti sumus similitudini mortis ejus;  
simul et resurrectionis erimus. Hoc  
scientes quia vetus homo noster si-

mul crucifixus est, ut destruat corpus peccati, et ultra non serviamus peccato. Qui enim mortuus est, iustificatus est a peccato. Si autem mortui sumus cum Christo, credimus, quia simul etiam vivemus cum Christo.

*¶* Ego propter te flagellavi Ægyptum cum primogenitis suis; \* Et tu me flagellatum tradidisti. \* Qui tamquam Agnus coram tondente se obmutui, et non aperui os meum.

*¶* Popule meus, quid feci tibi, aut in quo contristavi te? responde mihi. Et tu. Gloria. Qui.

## IN II. NOCTURNO.

*Ant.* Inimici mei dixerunt mala mihi, quando morietur, et peribit nomen ejus?

*Psalm.* 40. Beatus qui intelligit super egenum, et pauperem, p. 43.

*Ant.* Alieni insurrexerunt in me, et fortes quæsierunt animam meam.

*Psalm.* 83. Deus in nomine tuo salvum me fac, 16.

*Ant.* Conculcaverunt me inimici mei tota die, adversum me omnes cogitationes eorum in malum.

*Psalm.* 85. Miserere mei Deus, quoniam conculcavit me, p. 80.

*¶* Proprio Filio suo non pepercit Deus.

*¶* Sed pro nobis omnibus tradidit illum.

Sermo S. Augustini Episcopi.

Serm. 41. Domin. in Palmis  
de Passione Domini.

### Lectio iv.

**A**DMONET nos, Fratres charissimi, ad solemnitatem Dominicæ Passionis ipse Mundus, in quo eam nec muta elementa tacuerunt. Celebret eam lux fidei linguis hominum, quam conclamaverunt etiam silentia tenebrarum. Dominus noster in statera Crucis pretium nostræ salutis appendit, et una morte universum mundum, sicut omnium conditor, ita omnium Reparator absolvit. Indubi-

tanter enim credamus, quod totum mundum redemit qui plus dedit, quam totus mundus valeret. Meritum enim redemptæ mercedis dignitas insignis pretii supergressa est. Inter redemptum, et redimentem dispensatio fuit, compensatio non fuit. Qui ergo non habebat peccata propria, digne delevit aliena. Solus hic pia victima pro omnibus cecidit, ut omnes levaret; et quia debitum solus non habuit, recte fœnus misericordiæ pro debitoribus erogavit.

*¶* Ego propter te Chananæorum Reges percussi, et dedi tibi sceptrum regale; \* Et tu dedisti capiti meo spineam coronam, et percussisti arundine caput meum.

*¶* Popule meus, quid feci tibi, aut in quo contristavi te? responde mihi. Et tu.

### Lectio v.

**P**ERPENDERE inter hæc, qui talem pro nobis dedit pecuniam, qualem a nobis sit exacturus usuram. In hac itaque die fides prophetiæ annuntiationis impleta est, ita dicentis: Corpus meum dedi percutientibus, et genas meas vellentibus, faciem meam non averti a fœditate sputorum. Suscepit mala nostra, ut tribueret bona sua. Hinc intelligamus, quantum hominem diligere dignatus sit ante culpam, quem sic diligit post ruinam. Agnosce, homo, quantum valeas, et quantum debeas, et dum tantam redemptionis tuæ perspicias dignitatem, ipse tibi indicito peccandi pudorem. Ecce pro impio pietas flagellatur, pro stulto sapientia illuditur, pro mendace veritas necatur, damnatur justitia pro iniquo, misericordia affligitur pro crudeli, pro misero repletur sinceritas aceto, inebriatur felle dulcedo, addicitur innocentia pro reo, moritur vita pro mortuo.

*¶* Ego duxi te per desertum quadraginta annis, et manna cibavi te; \* Et tu me cecidisti alapis, et flagellis.

†. Popule meus, quid feci tibi, aut in quo contristavi te? responde mihi. Et tu me.

*Lectio vi.*

**EXPAVIT** scelus hominum natura rerum; et quem creatura rebellis non agnoscit, eum mundi Dominum tremens terra testatur, et Cœli Regem Sol fugiens confitetur. Clamyde coccinea induitur, quia sanguine Martyrum suorum Ecclesiæ corpus ornatur. Corona Spinea Capiti Ejus imponitur, quia punctio peccatorum nostrorum, quorum remissione Redemptoris gloria struitur, aridis tribulis comparatur. Studeamus nunc e diverso, ut membrorum vita Capitis sit corona. Quod vero sitire se in Cruce positus dicit, fidem incredulæ gentis concupiscit; sed contra acetum malitiæ porrigunt, quia vinum sapientiæ, quod a Deo acceperant, peccato corruperunt. Velum templi sciaditur, quia Synagoga honore nudatur, observatio antiqua dissolvitur, Ecclesiæ unitas præmonstratur. Monumenta aperiuntur, quia mortis jura jure superantur.

†. Ego exaltavi te magna virtute: \* Et tu me suspendisti in patibulo Crucis, \* In qua expandi manus meas ad Populum non credentem, et contradicentem.

†. Popule meus, quid feci tibi, aut in quo contristavi te? responde mihi. Et tu. Gloria. In qua.

IN III. NOCTURNO.

*Ant.* Filii hominum dentes eorum arma, et sagittæ, et lingua eorum gladius acutus.

*Psalm.* 56. Miserere mei, Deus, miserere mei, p. 51.

*Ant.* Intenderunt arcum rem amarum, ut sagittent in occultis immaculatum.

*Psalm.* 63. Exaudi Deus orationem meam cum deprecor, p. 53.

*Ant.* Factus sum sicut homo sine adjutorio, inter mortuos liber.

*Psalm.* 87. Domine Deus salutis meæ, 69.

†. Factus est obediens usque ad mortem.

†. Mortem autem Crucis.

Lectio sancti Evangelii secundum Joannem.

*Lectio vij.*

Cap. 19.

**I**N illo tempore: sciens Jesus quia omnia consummata sunt, ut consummaretur Scriptura dixit: Sitio. Et reliqua.

Homil. S. Joannis Chrysostomi.

*Hom.* 84. in cap. 19. Joannis. ante medium.

**SCIENS** Jesus omnia consummata, ait: Sitio: etiam hoc verbo prophetiam implens. Tu autem adstantium pravitatem intellige; nam licet innumeros habeamus inimicos, qui nos gravissime persecuti sunt, cum tamen interim eos videmus, flectimur misericordia. Hi vero nil moti, magis efferantur, et Irrident, acetumque in spongia porrigunt, ut bibat tamquam reus. Nam propter hoc hyssopum additur, quo gustato, mortuus est. Vides quam non perturbate, et quam potenter omnia transigentem? Quod et prosequens ostendit; cum enim omnia consummata essent, inclinato capite, quod affixum non erat, tradidit spiritum, hoc est expiravit.

†. Ego te potavi aqua salutis de petra: \* Et tu me potasti felle, et aceto.

†. Popule meus, quid feci tibi, aut in quo contristavi te? responde mihi. Et tu.

*Lectio viij.*

**A**TQUE non post inclinatum Caput expiratur sed post expirationem Caput inclinatur. Hic autem contra accidit per quod ostendit eum Evangeliste esse omnium Dominum. Judæi autem camelum devorantes, et culicem excolantes, tantum nefas ausi de die consultant: Quoniam Parasceve erat, ut non remanerent in Cruce corpora Sabbato, rogaverunt Pilatum; ut frangerent eorum Crura. Vi-



des quanti sit veritas? Per ea, quæ illi faciunt prophetia impletur, alia enim ex hoc manifestata est. Venerunt ergo Milites, et aliorum fregerunt crura non Christi: sed ad Judæorum gratiam conciliandam Latus ejus lancea aperuerunt, et mortuo adhuc insultant. O pessimam voluntatem, ac scelestissimam!

ñ. Ego autem te aperui mare: \* Et tu aperuisti lancea Latus Salvatori tuo: \* Qui redemit Mundum in sanguine suo.

γ. Popule meus, quid feci tibi, aut in quo contristavi te? responde mihi. Et tu. Gloria. Qui.

*Lectio ix.*

**N**OLI tamen perturbari, dilectissime, quæ enim malo illi animo patrarunt, veritati consentiebant. Prophetia hinc impleta est, inquiens: videbunt in quem transfixerunt; neque hoc tantum, sed non credituris fuit fidei argumentum, ut Thomæ, et qui cum eo erant. Ad hæc et arcanum mysterium consummatum est, exivit enim Sanguis, et Aqua, non casu, et simpliciter hi fontes scaturierunt; sed quoniam ex ambobus Ecclesia constituta est. Sciunt hoc initiatis per aquam enim regenerati, Sanguine, et Carne nutriti, hinc mysteria ortum habent, ut quoties ad admirandum Calicem accedis, tamquam ab ipso Latere hauriens accedas.

Te Deum laudamus. 12.

*Ad Laud. et per Horas Ant.*

**F**UI flagellatus tota die, et castigatio mea in matutinis.

*Psalm. Dominus regnavit, cum reliq. de Domin. p. 13.*

2. Veni ad montem myrrhæ, et ad Collem thuris; tamquam Agnus ad occisionem ductus, obmutui, et non aperui os meum.

3. Foderunt manus meas, et pedes meos, dinumeraverunt omnia ossa mea.

4. Consolantem me quæsi, et non inveni: Dederunt in escam me-

am fel, et in siti mea potaverunt me aceto.

5. Cum accepisset Jesus acetum dixit: Consummatum est, et, inclinato Capite, emisit Spiritum.

*Capit. Fratres, hoc enim sentite. ut in Vesper. p. 134\*.*

**HYMNUS.**

**S**ÆVO dolorum turbine  
Jactatur, atris obrutus  
Pœnis, acerbæ sustinens  
Redemptor affixus Cruci.

Pedes, manusque horribili  
Clavi cruentant vulnere,  
Cor, vultus, artus, pectora,  
Sacro redundant sanguine.

Flet, orat, et clamans obit;  
Cor Matris ictum concidit:  
Heu Mater! Heu Fili! dolor  
Ingrata frangat pectora.

Montes, sepulchra, saxaque,  
Scinduntur; arva flumina,  
Rupes, et æquor contremunt,  
Templique velum scinditur.

Sol, luna, cœlum, sidera  
Plangunt, et orbis ingemit;  
O vos viri, vos parvuli,  
Nuptæ, puellæ, plangite.

Adstate mœrentes Cruci:  
Pedes beatos ungite:  
Lavate fletu, tergite  
Comis, et ore lambite.

Tu charitatis victima,  
Ut nostra tollas crimina,  
Nobis salubri perficis  
Adoptionem Sanguine.

Nostra ergo pax, et gaudium  
Sis vita Jesu, et præmium,  
Sis ductor, et lux in via,  
Merces, corona in Patria. Amen.

γ. Ipse vulneratus est propter iniquitates nostras.

ñ. Et attritus est propter scelera nostra.

*Ad Bened. Ant.* Ad Jesum autem cum venissent, ut viderunt eum jam mortuum, non fregerunt ejus Crura; sed unus Militum lancea Latus ejus aperuit, et continuo exivit Sanguis, et Aqua.

*Oratio Omnipotens sempiterne Deus, ut in I. Vesp. p. 134\*.*

### **Ad Primam.**

*In A. brev. dicitur: y. Qui pro nobis pati dignatus es. Et sic per totam Octavam etiam in festis.*

### **Ad Tertiam.**

*Capitul. Fratres hoc enim sentite in vobis, ut supra. p. 134\*.*

*A. brev. Oblatus est. Quia ipse voluit. Oblatus. y. Et livore ejus sanati sumus. Gloria. Oblatus.*

*y. Proprio Filio suo non peperit Deus.*

*A. Sed pro nobis omnibus tradidit illum.*

### **Ad Sextam.**

*Cap. Zac. 13.*

**Q**UID sunt plagæ istæ in medio manuum tuarum? Et dicet: his plagatus sum in domo eorum, qui diligebant me.

*A. brev. Proprio Filio suo. Non peperit Deus. Proprio. y. Sed pro nobis omnibus tradidit illum. Non. Gloria. Proprio.*

*y. Factus est obediens usque ad mortem.*

*A. Mortem autem Crucis.*

### **Ad Nonam.**

*Capitul. Isai 53.*

**G**ENERATIONEM ejus quis enarrabit? Quia abscissus est de terra viventium: propter scelus populi mei percussus eum.

*A. br. Factus est obediens. Usque ad mortem. Factus. y. Mortem autem Crucis. Usque. Gloria. Factus.*

*y. Ipse vulneratus est propter iniquitates nostras.*

*A. Et attritus est propter scelera nostra.*

*In II. Vesp. omnia ut in primis, præter sequentia.*

*A. Ipse vulneratus est propter iniquitates nostras.*

*A. Et attritus est propter scelera nostra.*

*Ad Magnif. Ant. Deponens Joseph Corpus Jesu involvit Sindone, et posuit eum in monumento exciso; fuit planctus magnus in illa die, mulieres autem sedentes contra sepulchrum dolebant, sicut doleri solet in morte primogeniti.*

*Oratio. Omnipotens sempiterne Deus, ut supra p. 134\*.*

*Offic. per Octavam dicit. ut in die Festi, exceptis Lect. et Ant. ad Bened. et Magnif.*

## **FERIA QUARTA**

**POST DOMINICAM SEXAGESIMÆ.**

*Secunda die infra Octavam.*

**IN I. NOCTURNO.**

**De Libro Sapientiæ.**

*Lectio j. Cap. i.*

**D**IXERUNT impli, cogitantes apud se non recte: Circumveniamus justum; quoniam inutilis est nobis, et contrarius est operibus nostris, et improperat nobis peccata legis, et diffamat in nos peccata disciplinæ nostræ. Promittit se scientiam Dei habere, et Filium Dei se nominat. Factus est nobis in traductionem cogitationum nostrarum. Gravis est nobis etiam ad videndum, quoniam dissimilis est aliis vita illius, et immutatae sunt viæ ejus.

*A. Vineam meam electam, p. 133\*.*

*Lectio ij.*

**T**ANQUAM nugaces aestimati sumus ab illo, et abstinet se a viis nostris, tamquam ab immunditiis, et præfert novissima justorum, et gloriatur Patrem se habere Deum. Videamus ergo si sermones illius veri sint, et tentemus quas ventura sunt illi, et sciemus, quæ erunt novissima illius; si enim est verus Filius Dei suscipiet illum, et liberabit eum de manibus contrariorum.

*A. Ego eduxi te, p. 136\*.*

*Lectio iij.*

**CONTUMELIA**, et tormento interrogemus eum, ut sciamus reverentiam ejus, et probemus patientiam illius: morte turpissima condemnemus eum: erit enim ei respectus ex sermonibus illius. Hæc cogitaverunt, et erraverunt: excæcavit enim illos malitia eorum, et nescierunt Sacramenta Dei, neque mercedem speraverunt justitiæ, nec judicaverunt honorem Animarum Sanctarum.

q. Ego propter te, p. 136\*.

## IN II. NOCTURNO

Sermo Sancti Maximi Episc.

*Hom. 1. de Pass. et Cruce Domini.*

*Lectio iv.*

**SICUT** Moyses exaltavit Serpentem in deserto: ita exaltari oportet Filium hominis. Unde, si affixus Serpens ligno filiis Israel contulit sanitatem, quanto magis salutem præstat Populis Dominus in patibulo crucifixus; et si figura tantum profuit, quantum prodesse credimus veritatem? Serpens igitur primus crucifigitur. Recte plane, ut quia primus peccaverat Diabolus, primus Crucis sententia feriretur. In ligno enim crucifigitur, rationabiliter factum, ut quia homo in Paradiso per arborem concupiscentiæ, deceptus fuerat, nunc idem per arborem salvaretur: atque eadem materia, quæ causa mortis fuerat, esset remedium sanitatis.

q. Ego propter te, p. 136\*.

*Lectio v.*

**DEINDE** post Serpentem in Salvatore homo ipse crucifigitur, scilicet ut post auctorem puniatur et facinus. Per primam enim Crucem vindicatum est in Serpentem; per secundam in venena Serpentis. Hoc est, primum Auctor ipse punitur, deinde ejus malignitas condemnatur. Virus enim, quod persuasionem suam in hominem transfuderat, nunc rejicitur, nunc curatur. Nam cum homo passioni addicitur, non morti traditur, sed mor-

tis in eo facinus emendatur. Hoc enim egit Dominus per hominem, quem suscepit, ut dum innocens patitur prævaricationis illius diabolicæ in eo inobedientia corrigatur, et deinceps liber a culpa fieret, ac liber esset a morte.

q. Ego duxi te, p. 136\*.

*Lectio vj.*

**HABENTES** igitur Dominum Jesum, qui nos Passione sua liberavit, in ipsum aspicimus semper, et ipsius signo speremus nostris vulneribus medicinam; hoc est si forte in nos venenum avaritiæ se diffundit, ipsum consideremus, et sanat; si scorpionis nos libido compungat, ipsum rogemus, et curat; si terrenarum cogitationum nos morsus lace- rant, eundem precemur, et vivimus. Hi enim sunt spirituales Serpentes, animarum nostrarum, propter quos conculcandos Dominus crucifixus est, de quibus ipse ait: Super Serpentes, et Scorpiones ambulabitis, et nihil vobis nocebunt.

q. Ego exaltavi te, p. 137\*.

## IN III. NOCTURNO.

Lectio sancti Evangelii secundum Joannem.

*Lectio vij, Cap. 19.*

**IN** illo tempore sciens Jesus, quia omnia consummata sunt, ut consummaretur Scriptura dixit: Sitio. Et reliqua.

Homil. S. Ambrosii Episc.

*Lib. 10. in Evang. Luc. cap. 23.*

**CURRENS** unus spongiam implevit aceto, et dabat ei bibere, quod et bibit. Sic enim habes secundum Joannem: Cum ergo accepisset Jesus acetum; vinum vero cum felle mixtum non bibit. Sic enim habetur in Matthæo: Et dederunt ei vinum bibere cum felle mixtum; et cum gustasset noluit bibere. Acetum itaque bibitur, vinum cum felle non bibitur: non quia fel, sed quia admixtæ vino amaritudines recusantur; nam amaritudines vitæ nostræ pro corporis



utique conditione suscepit. Denique ipse ait: Dederunt in escam meam fel, et in siti mea potaverunt me aceto. Sinceritati namque non debuit amaritudo misceri, ut ostenderetur sine amaritudine immortalitas resurgentium futura: quæ quoniam in vase coacuerat humano, edulcatur in Christo. Ergo acetum bibitur, quod erat arundini impositum, hoc est vitium corruptæ per Adam immortalitatis absorbetur in calamo, ut de corpore aboleretur humano.

¶ Ego te potavi, p. 137\*.

*Lectio viij.*

**P**ATER, in manus tuas commendo Spiritum meum. Et bene commendatur Spiritus, qui servatur. Quod enim commendatur utique non amittitur. Bonum ergo pignus est Spiritus, bonum depositum custodi. Commendatur ergo Patri Spiritus, et ideo ait, quoniam non derelinques in inferno animam meam. Vide autem magnum Mysterium. Nunc commendat in manibus Patris Spiritum suum, nunc in Patris sinu sedet, quia totum alius non capit Christum. Denique ego, inquit, in Patre, et Pater in me. Commendatur ergo Patri Spiritus, sed cum sit in superioribus, illuminat et inferiora, ut universa redimantur. Etenim Christus omnia, et in Christo omnia, licet in singulis operetur.

¶ Ego ante te, p. 138\*.

*Lectio ix.*

**D**ENIQUE secundum Ioannem: Ad Jesum autem cum venissent, ut viderunt eum jam mortuum, non fregerunt ejus Crura, sed unus Militum lancea Latus ejus aperuit. Quæro ergo, cur ante mortem non inveniamus esse percussum, post mortem inveniamus? Nisi forte ut voluntarius magis, quam necessarius exitus ejus fuisse doceatur, et ordinem mysticum noverimus, quia non ante Altaris Sacramenta, quam Baptismum, sed Baptismum ante, sic poculum. Deinde ut advertamus, quia

licet Corporis ejus fuerit natura mortalis, licet qualitas similis, dissimilis tamen gratia. Nam utique post mortem sanguis in nostris corporibus congelascit, de illo vero inquit Joannes: Et continuo exivit Sanguis, et Aqua. Ex illo enim, incorrupto, licet Corpore, sed defuncto, omnium vita manabat. Aqua enim, et Sanguis exivit, illa quæ diluat, iste qui redimat. Bibamus ergo pretium nostrum ut bibendo redimamur.

Te Deum laudamus. p. 12.

*Ad Bened. Ant.* Pater mi, si non potest hic Calix transire, nisi bibam illum, fiat voluntas tua.

*Ad Magnif. Ant.* Traditor autem dedit eis signum, dicens: Quem osculatus fuero, ipse est: tenete eum, et ducite caute.

## FERIA QUINTA

POST DOMINICAM SEXAG.

*Tertia die infra Octavam.*

IN I. NOCTURNO.

De Isaia Propheta.

*Lectio j.*

Cap. 53.

**Q**UIS credidit auditui nostro? Et brachium Domini cui revelatum est? Et ascendet sicut virgultum coram eo, et sicut radix de terra siti-enti: Non est species ei, neque decor; et vidimus eum, et non erat aspectus, et desideravimus eum despectum, et novissimum virorum, virum dolorum, et scientem infirmitatem, et quasi absconditus vultus ejus, et despectus, unde nec reputavimus eum. Vere languores nostros ipse tulit, et dolores nostros ipse portavit. Et nos putavimus eum quasi leprosum, et percussum a Deo, et humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, et livore ejus sanati sumus.

¶ Vinca mea electa, p. 138\*.

*Lectio ij.*

**O**MNES nos quasi oves erravimus, unusquisque in viam suam de-

clinavit, et posuit Dominus in eo iniquitatem omnium nostrum. Oblatus est quia ipse voluit, et non aperuit os suum. Sicut ovis ad occisionem ducetur: et quasi agnus coram tondeute se obmutescet, et non aperiet os suum. De angustia, et de iudicio sublatus est: generationem ejus quis enarrabit? Quia abscissus est de terra viventium; propter scelus Populi mei percussi eum; et dabit impios pro sepultura, et divitem pro morte sua; eo quod iniquitatem non fecerit, neque dolus fuerit in ore ejus.

¶. Ego eduxi te, p. 133\*.

*Lectio iij.*

**ET** Dominus voluit contere eum in infirmitate. Si posuerit pro peccato animam suam, videbit semen longævum, et voluntas Domini in manu ejus dirigetur. Pro eo quod laboravit Anima ejus, videbit, et saturabitur; in scientia sua justificabit ipse justus servus meus multos, et iniquitates eorum ipse portabit. Ideo disperitiam ei plurimos, et fortium dividet spolia, pro eo quod tradidit in mortem animam suam, et cum sceleratis reputatus est; et ipse peccata multorum tulit, et pro transgressoribus rogavit.

¶. Ego propter te, p. 136\*.

IN II. NOCTURNO.

Sermo Sancti Petri Chrysologi.

Serm. 108 ante medium.

*Lectio iv.*

**CHRISTUS**, ait Apostolus, in hunc Mundum venit peccatores salvos facere, quorum primus ego sum, sed misericordiam sum consecutus, ad exemplum omnium, qui credituri sunt illi in vitam æternam. Obsecro, inquit, vos per misericordiam Dei. Rogat Paulus, immo per Paulum rogat Deus, quia plus amari vult, quam timeri. Rogat Deus, quia non tam Dominus esse vult, quam Pater. Rogat Deus per misericordiam, ne vindicet per rigorem.

Audi rogantem Dominum: tota die, inquit, expandi manus meas. Nonne qui expandit manus, ipso habitu rogat? Expandi manus meas. Ad quem? Ad populum. Et ad quem populum? Non tantum non credentem, sed et contradicentem, expandi manus meas.

¶. Ego propter te, p. 136\*.

*Lectio v.*

**DISTENDIT** membra, dilatat viscera, pectus porrigit, offert sinum, gremium pandit, ut Patrem se tantæ obsecrationis demonstret affectu. Audi, et aliter rogantem Deum: Popule meus, quid feci tibi? aut quid contristavi te? Nonne dicit: Si Divinitas ignota est, vel caro sit nota? Videte, videte in me corpus vestrum, membra vestra, vestra viscera ossa vestra, vestrum sanguinem; et si quod Dei est timetis, quare vel quod vestrum est, non amatis? Si Dominum fugitis, quare non recurritis ad Parentem? Sed forte vos Passionis meæ, quam fecistis, magnitudo contundit? Nolite.

¶. Ego duxi te, p. 136\*.

*Lectio vj.*

**CRUX** hæc non meus, sed mortis est aculeus. Clavi isti non mihi infigunt dolorem sed vestram mihi infigunt altius charitatem. Vulnera hæc non educunt gemitus meos, sed magis vos meis visceribus introducunt. Extensio Corporis mei dilatat in premium, non meam crescit in pœnam. Sanguis meus non mihi deperit, sed vestrum prorogatur in pretium. Venite ergo, redite, et vel sic probate Patrem, quem videtis pro malis bona, pro injuriis amorem, pro vulneribus tantis tantam reddere charitatem.

¶. Ego exaltavi te, p. 137\*.

IN III. NOCTURNO

Lectio sancti Evangelii secundum Joannem.

*Lectio vij. Cap. 19.*

**I**n illo tempore: sciens Jesus quia omnia consummata sunt; ut con-

summaretur Scriptura, dixit: Sitio. Et reliqua.

Homilia S. Hilarii Episcopi  
Comment. in Matth. c. 33. in medio.

**CUM** relinquitur Christus exclamat: dicens: Deus meus, Deus meus, quare me dereliquisti? Sed relinquitur, quia erat homo etiam morte peragendus. Quin etiam hoc, quod per calamum datum in spongia, acetum cum gustasset, proclamans spiritum reddidit, diligenter est contutendum. Vinum honor est immortalitatis, et virtus, quod per vitium aut incuriæ, aut vasis acescit. Hoc igitur, cum in Adam coacuisset, ipse accepit, et potavit ex gentibus. In calamo enim, ex spongia ut potaret, offertur, id ex corporibus gentium vitia corruptæ æternitatis accepit, et in se, atque immortalitatis communionem, ea, quæ in nobis erant vitiosa, transfudit.

ñ. Ego te potavi, p. 137\*.

Lectio viij.

**DENIQUE** in Joanne postquam perpotaverat, dixit: Consummatum est, quia omne vitium humanæ corruptionis hausisset. Et quia nihil agendum esset extrinsecus, Spiritum cum clamore, et voce magna emisit, dolens non omnium se peccata portare, et deinceps Velum Templi scinditur quia exinde populus est divisus in partes, et Veli honor cum custodia Angeli protegentis aufertur.

ñ. Ego ante te, p. 138\*.

Lectio ix.

**MOVETUR** terra; capax enim huius mortui esse non poterat. Petræ scissæ sunt; omnia enim tum valida, et fortia penetraus Dei Verbum, et potestas æternæ virtutis irruerat. Et monumenta aperta sunt erant enim mortis claustra reseranda. Et multa corpora Sanctorum dormientium surrexerunt, illuminans enim mortis tenebras, et infernorum obscura collustrans, in Sanctorum ad

præsens conspicatorum resurrectione mortis ipsius spolia detrahebat.

Te Deum.

Ad Bened. Ant. Ministri Judæorum comprehenderunt Jesum, et ligaverunt eum.

Ad Magnif. Ant. Unus assistens Ministrorum dedit alapam Jesu, dicens: Sic respondes Pontifici?

## FERIA SEXTA

POST DOM. SEXAGESIMÆ.

Quarta die infra Octavam Dominicæ  
Passionis.

IN I. NOCTURNO.

De Jeremia Propheta.

Lectio j. Cap. 11.

**QUID** est, quod dilectus meus in domo mea fecit scelera multa? num quid carnes sanctæ auferent a te malitias tuas, in quibus gloriata es? Tu autem Domine, demonstrasti mihi, et cognovi; tunc ostendisti mihi studia eorum, et ego quasi Agnus mansuetus, quia cogitaverunt super me consilia dicentes: Mittamus lignum in panem ejus, et eradamus eum de terra viventium, et nomen ejus non memoretur amplius. Tu autem Domine Sabaoth, qui judicas juste, et probas renes, et corda, videam ultionem tuam ex eis; tibi enim revelavi causam meam. Propterea hæc dicit Dominus Exercituum. Ecce ego visitabo super eos. Juvenes morientur in gladio, filii eorum morientur in fame, et reliquiæ non erunt ex eis.

ñ. Vineæ mea electæ, p. 136\*.

Lectio ij.

Cap. 17.

**EXPECTATIO** Israel, Domine; omnes, qui te derelinquant, confundentur; recedentes a te in terra scribentur, quoniam dereliquerunt venam aquarum viventium, Dominum. Sana me, Domine, et sanabor: saluum me fac, et salvus ero, quoniam laus mea tu es. Ecce ipsi dicunt ad me: ubi est Verbum Domini? Veniat, et ego non sum turbatus, te Pasto-



rem sequens, et diem hominis non desideravi, tu scis. Quod egressum est de labiis meis, rectum in conspectu tuo fuit. Non sis tu mihi formidini, spes mea tu in die afflictionis. Confundantur, qui me persequuntur, et non confundar ego; paveant illi, et non paveam ego; induc super eos diem afflictionis, et duplici contritione contere eos.

¶ Ego eduxi te, p. 135\*.

*Lectio iij.*

Cap. 18.

**Q**UIS audivit talia horribilia, quæ fecit nimis Virgo Israel? Quia oblitus est mei populus meus frustra libantes, et impingentes in viis suis, in semitis sæculi, ut ambularent per eas in itinere non trito, et dixerunt: Venite, et cogitemus contra Jeremiam cogitationes. Non enim peribit lex a Sacerdote, neque consilium a sapiente, nec sermo a Propheta. Venite, et percutiamus eum lingua, et non attendamus ad universos sermones ejus. Attende, Domine, ad me, et audi vocem adversariorum meorum. Numquid redditur pro bono malum, quia foderunt foveam animæ meæ? Recordare, quod steterim in conspectu tuo ut loquerer pro eis bonum, et averterem indignationem tuam ab eis. Tu autem, Domine, scis omne consilium eorum adversum me in mortem.

¶ Ego propter te, p. 136\*.

## IN II. NOCTURNO.

Sermo S. Basilii Magni.

In Psalm. 48. ad vers. 8.

*Lectio iv.*

**Q**UID tanti potest homo invenire, ut det pro redemptione animæ suæ? Sed unum inventum est pro omnibus simul hominibus sufficientissimum, quod in pretium redemptionis animæ nostræ datum est. Sanctus ille, ac pretiosus Sanguis Domini nostri Jesu Christi, quem pro nobis omnibus effudit; quam ob rem pretio etiam empti sumus. Itaque si frater non redimit, redimet homo. Si

vero redimere nos non potest homo, qui redimit nos, homo non est. Ne igitur propterea quod in similitudinem carnis peccati nobiscum diversatus est, hominem solum existimes Dominum nostrum, divinitatis potentiam ignorans; cui opus non erat Deo dare placationem suam, neque propriam redimere animam, quia peccatum non fecit, nec inventus est dolus in ore ejus.

¶ Ego propter te, p. 136\*.

*Lectio v.*

**N**EMO igitur se ipsum redimere potest, nisi veniat, qui captivitatem Populi convertat, non cum pretiis, neque cum donis, sicut in Isaia scriptum est, sed in suo Sanguine. Hic autem, cum non essemus fratres, sed essemus inimici facti ob peccata; neque ipse homo nudus, sed Deus, post libertatem, quam nobis largitur, etiam nos fratres suos appellat. Narrabo enim, inquit, nomen tuum fratribus meis.

¶ Ego duxi te, p. 136\*.

*Lectio vi.*

**I**TAQUE qui redimit nos, si naturam quidem ipsius perpendas, neque frater, neque homo est; si vero ipsius ad nos demissionem ex gratia factam, et nos fratres nominat, et ad humanitatem descendit, qui non dabit Deo placationem suam, sed totius mundi. Non enim indiget placatione, sed ipse propitiatio est; talis enim decebat, ut esset nobis Pontifex sanctus, innocens, impollutus, segregatus a peccatoribus, et excelsior cælis factus, qui non habet necessitatem quotidie, quemadmodum Sacerdotes, prius pro suis delictis hostias offerre, deinde pro populi ignorantibus.

¶ Ego exaltavi te, p. 137\*.

## IN III. NOCTURNO.

Lectio Sancti Evangelii secundum Joannem.

*Lectio vij.*

Cap. 19.

**I**n illo tempore: sciens Jesus, quia omnia consummata sunt, ut con-

summaretur Scriptura , dixit: Sitio. Et reliqua.

Homilia Sancti Isidori Episcopi.

*Lib. ad Florentiam Soror. cap. 39.*

**Q**UOD autem pendenti in Cruce acetum cum felle mixtum dederunt , hoc jam fuerat in psalmis prædictum a Domino. Dederunt in escam meam fel , et in siti mea potaverunt me aceto ; quod quidem et alias ad Jerusalem sic proclamat : Ego te plantavi vineam electam ; quomodo facta es in amaritudine vitis aliena? Deus enim bonam plantavit vineam, hoc est Judæorum gentem; illa vero vitio suo depravata Conditorum amaritudine potavit. Pro qua et Moyses , uva , inquit , eorum , uva fellis , et botri amarissimi. Unde et superius objurgans eos dicit : Sic plebs fatua , et non sapiens hæc Domino retribuisti?

¶. Ego te potavi, p. 137\*.

*Lectio viii. Cap. 47.*

**L**ANCEA Latus ejus percussum est. Sic prænuntiatum est ab ipso per Job : Confregit me , et posuit me quasi in signum , circumdedit me , lanceis suis , convulneravit lumbos meos , concidit me vulnere super vulnus , idest vulnere lanceæ super vulnus clavorum ; unde etiam et per David : Super dolorem vulnorum meorum addiderunt. Sic est ab eo prænuntiatum et per Jeremiam : Tenuit arcum suum , et posuit me quasi signum ad sagittam ; misit in reibus meis filias pharetræ suæ. Et iterum de ipso Populo , sic ait idem Dominus per Prophetam : Facti sunt mihi in sagittam reciprocam ; et Zacharias : Viderunt , in quem confixerunt , utique hominem , quem crucifixerunt. Quo etiam testimonio promissus est Christus in ea , qua crucifixus est , carne venturus.

¶. Ego ante te, p. 138\*.

*Lectio ix. Cap. 47.*

**E**X latere ejus sanguis , et Aqua manavit. Zacharias dicit : Tu quoque in Sanguine testamenti tui

emisisti vinctos tuos de lacu , in quo non est aqua. Et iterum : Cum egredietur Vir ab Oriente , ecce aquæ redundantes a latere dextero , scilicet Christi. Item de eadem Aqua , quæ ex Latere ejus profluit , Propheta alius sic dicit : Flumina aquæ viventis egredientur de ventre illius . aquæ scilicet Baptismatis , quæ credentes vivificant , et quæ sitientibus largiuntur , quando impletur , quod scriptum est : Lavamini , mundi estote , et : Lavabis me , et super nivem dealbabor.

Te Deum. 12.

*Ad Bened. Ant.* Veniebant milites ad Jesum , et dicebant : Ave , Rex Judæorum , et dabant ei alapas.

*Ad Magnif. Ant.* Exivit Jesus portans Coronam Spineam , et purpureum vestimentum ; quem cum vidissent Pontifices , et Ministri eorum , clamabant dicentes : Crucifige , crucifige eum.

## SABBATO

POST DOM. SEXAGESIMÆ.

*Quinta die infra Octavam Dominicæ Passionis.*

IN I. NOCTURNO.

*Lectiones. De Daniele Propheta ut in Festo S. Gabrielis Arch. 18. Martii, in append. ejusd. mens.*

*Responsoria ut in I. noct. diei festi. p. 135\*.*

IN II. NOCTURNO.

*Ex libro Moralium S. Gregorii Papæ.*

*Lib. 22. in Job cap. 16.*

*Lectio iv.*

**R**EDEMPTOR noster , quia Herodem vidit non perfectum querere , sed signa , vel scientiam velle mirari , requisitus ab eo tacuit ; et quia constanter tacuit , ab eo irrisus exivit. Scriptum namque est : Herodes autem , viso Jesu , gavisus est valde , erat enim cupiens ex multo tempore videre eum , eo quod audiret multa de illo , et sperabat signum aliquod videre ab eo fieri. Ubi sub-

K

ditur: Interrogabat autem illum multis sermonibus, at ipse illi nihil respondebat. Tacens vero Dominus, quam sit despectus ostenditur, cum illud protinus subinfertur: Sprevit autem illum Herodes cum exercitu suo, et illudit. Quod videlicet factum oportet nos audientes discere, ut quoties auditores nostri nostra volunt quasi laudanda cognoscere, non autem sua perversa mutare, omnino taceamus, ne si ostentationis studio Verbum Dei loquimur, et illorum culpa, quæ erat, esse non desinat, et nostra, quæ non erat fiat.

q. Ego propter te, p. 136\*.

*Lectio v. Lib. ut sup. cap. 17.*

**REQUISITUS** Jesus etiam a Pilato tacuit, atque inter persecutorum manus, et corpus passioni obtulit, quod pro electis assumpserat, et resistentibus noluit demonstrare, quod erat. Unde etiam per Psalmistam dicitur: posuerunt me in abominationem sibi; traditus sum, et non egrediebar. Cum enim despiceretur, quia homo videbatur, egressus esset, si occultam majestatem suam ostentare voluisset. Sed quia infirmitatem prodidit, potentiam abscondit; in eo quod persecutoribus suis incognitus mansit, ad eos minime exivit. Qui tamen ad electos exit, quia Divinitatis suæ suavitatem querentibus aperuit. Unde ei per Prophetam dicitur: Existi in salutem Populi tui, ut salvos facias Christos tuos.

q. Ego duxi te, p. 136\*.

*Lectio vj.*

*Idem lib. 3. Moral. cap. 17*

**MEMBRUM** Satanæ Pilatus extitit, qui usque ad mortis extrema venientem in Redemptionem nostram Dominum non cognovit. Corpus autem ejus Principes Sacerdotum extiterunt qui Redemptorem mundi a Mundo repellere usque ad Crucem persequendo conati sunt. Cum ergo se pro nostra Redemptione Dominus membrorum Satanæ manibus tradidit,

quid aliud, quam ejusdem Satanæ manum in se sævire permisit? ut unde ipse exterius occumberet, inde nos exterius, Interiusque liberaret. Si igitur Satanæ manus ejus potestas accipitur, ejus manum juxta carnem pertulit, cujus potestatem corporis usque ad sputa, colaphos, flagella, Crucem, lanceamque toleravit. Unde et Pilato, ejus videlicet corporis membro, ad Passionem veniens dicit: Non haberes in me potestatem ullam, nisi tibi data esset desuper.

q. Ego exaltavi te, p. 137\*.

IN III. NOCTURNO.

Lectio Sancti Evangelii secundum Joannem

*Lectio vij. Cap. 19.*

**I**N illo tempore: sciens Jesus, quia omnia consummata sunt, ut consummaretur Scriptura, dixit: Sitio. Et reliqua.

Homilia Sancti Hieronymi Presbiteri.

*Ex Commen. in Matth. lib. 4.*

*Cap. 27.*

**CIRCA** horam Novam clamavit Jesus voce magna: Eli, Eli, lamma sabacthani: hoc est, Deus meus, Deus meus, ut quid dereliquisti me? Principio vigesimi primi Psalmi usus est; illudque, quod in medio versiculo legitur, Respice in me, superfluum est. Legitur enim in Hebræo: Deus meus, Deus meus, quare me dereliquisti? Ergo impii sunt, qui Psalmum istum ex persona David, sive Esther, et Mardochei dictum putant? cum etiam Evangelistæ testimonia ex eo sumpta super Salvatorem intelligant, ut est illud: Diviserunt sibi vestimenta mea et super vestem meam miserunt sortem. Et aliud: Foderunt Manus meas, et Pedes meos. Ne mireris verborum humilitatem, et querimonias derelicti, cum formam servi accipiens scandalum Crucis videas. Quidam autem illic stantes, et audientes dicebant: Eliam vocat iste.

q. Ego te potavi, p. 137\*.



*Lectio viij.*

**ET** continuo currens unus ex eis acceptam spongiam implevit aceto, et imposuit arundini, et dabat ei bibere. Et hæc facta sunt, ut compleretur Prophetia: In siti mea potaverunt me aceto. Usque hodie Judæi, et omnes increduli Dominicæ Resurrectionis aceto, et felle potant Jesum, et dant ei Vinum myrrhatum, ut eum consopiant, et mala eorum non videat. Jesus autem iterum clamans voce magna emisit Spiritum. Divinæ potestatis indicium est emittere Spiritum, ut ipse quoque dixerat: Nemo potest tollere Animam meam a me, sed ego pono eam a me ipso, et rursum accipiam eam.

ñ. Ego ante te, p. 138°.

*Lectio ix.*

**ET** ecce velum templi scissum est in duas partes a summo usque deorsum. Velum templi scissum est, et omnia legis sacramenta, quæ prius tegebantur, prodita sunt, atque ad gentium Populum transierunt. In Evangelio, cujus sæpe facimus mentionem, superliminare templi infinitæ magnitudinis fractum esse, atque divisum legimus. Josephus quoque refert, Virtutes Angelicas præsidēs quondam templi tunc pariter conclamasse: Trauseamus ex his sedibus. Et terra mota est, et petra scissæ sunt. Nulli dubium est, quid significet juxta litteram magnitudo signorum, ut Crucifixum Dominum suum et Cælum, et Terra, et omnia demonstrarent. Sed mihi videtur, terræmotus, et reliqua typum ferre credentium, quod pristinis errorum vitis derelictis, et cordis emollita duritie, qui prius similes erant tumultis mortuorum, postea agnoverint Creatorem.

Te Deum laudamus. p. 12.

*Ad Bened. Ant.* Majulus Jesus sibi Crucem exivit in eum, qui dicitur Calvariæ, locum, ubi crucifixerunt eum, et cum eo latrones duos, unum a dextris, et alterum a sinistris.

*Ad Magnif. Ant.* Ait latro ad latronem: Nos quidem digna factis recipimus, hic autem quid fecit? Memento mei, Domine, dum veneris in regnum tuum.

**DOM. IN QUINQUAG.**

*Sexta die infra Octavam  
Dominicæ Passionis.*

*Officium fit de Dominica cum commem. Oct. in Laudibus, et Vesperis, ut infra.*

*Pro commemoratione Dominicæ  
Passionis.*

*Ad Bened. Ant.* Jesus autem dicebat: Pater dimitte illis, non enim sciunt quid faciunt.

*Ad Magnif. Ant.* Cum vidisset Jesus matrem, et discipulum stantem, quem diligebat, dicit Matri suæ: Mulier ecce filius tuus. Deinde dicit discipulo: Ecce Mater tua.

**FERIA SECUNDA.**

POST DOM. QUINQUAG.

*Septima die infra Octavam  
Dominicæ Passionis.*

IN I. NOCTURNO.

De Zacharia Propheta.

*Lectio j. Cap. 3.*

**ET** contestabatur Angelus Domini Jesum dicens: Hæc dicit Dominus Exercituum: Si in viis meis ambulaveris, et custodiam meam custodieris, tu quoque judicabis domum meam, et custodies atria mea, et dabo tibi ambulantes de his, qui nunc hic assistunt. Audi, Jesu Sacerdos magne, tu, et amici tui, qui habitant coram te, quia viri portentis sunt. Ecce enim ego adducam servum meum Orientem. Quia ecce lapis, quem dedi coram Jesu; super lapidem unum septem oculi sunt. Ecce ego cælabo sculpturam ejus, ait Dominus Exercituum, et auferam iniquitatem terræ illius in die una.

ñ. Vineæ mea, p. 138°.

*Lectio ij. Cap. 13.*

**I**n die illa proteget Dominus habitatores Jerusalem, et erit, qui

offenderit ex eis in die illa, quasi David, et Domus David quasi Dei, sicut Angelus Domini in conspectu eorum. Et erit in die illa: quæram conterere omnes gentes, quæ veniunt contra Jerusalem. Et effundam super Domum David, et super habitatores Jerusalem spiritum gratiæ, et precum, et aspicient ad me, quem confixerunt, et plangent eum planctu, quasi super unigenitum, et dolebunt super eum, ut doleri solet in morte primogeniti. In die illa magnus erit planctus in Jerusalem.

ñ. Ego eduxi te, p. 133\*.

*Lectio iij.*

Cap. 13.

**I**N die illa erit fons patens domui David, et habitantibus Jerusalem, in ablutionem peccatoris, et menstruati. Et erit in die illa, dicit Dominus Exercituum, disperdam nomina Idolorum de terra, et non memorentur ultra; et pseudoprophetas, et spiritum immundum auferam de terra. Et dicetur ei: Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. Framea suscitare super Pastorem meum, et super virum coherentem mihi, dicit Dominus Exercituum. Percute Pastorem, et dispergentur oves, et convertam manum meam ad parvulos.

ñ. Ego propter te flagellavi, p. 136\*.

## IN II. NOCTURNO.

Sermo Sancti Bernardi Abb.

*Fer. 4. hebd. sanct. de Pass. Dom.*

*Lectio iv.*

**I**N Passione Dominica, Fratres, tria specialiter convenit intueri; opus, modum, causam. Nam in opere quidem patientia, in modo humilitas, in causa charitas commendatur. Patientia autem singularis, quod videlicet cum supra dorsum ejus fabricarent peccatores, cum sic extenderetur in ligno, ut dinumerarentur omnia ossa ejus, cum fortissimum illud propugnaculum, quod custodit Israel, undique foraretur, cum

foderentur manus ejus et pedes, sicut Agnus ad occisionem ductus sit, et tamquam ovis coram tondente non aperuit os suum; non adversum Patrem murmurans, a quo missus fuerat; non adversus humanum genus, pro quo, quæ non rapuit, exolvebat; non denique, vel contra Populum ipsum peculiarem sibi, a quo pro tantis beneficiis tanta mala recipiebat.

ñ. Ego propter te, Chananeor. 136\*.

*Lectio v.*

**M**ODUM ipsum, si diligenter attendas, non modo mitem, sed et humilem corde cognosces. Namque in humilitate judicium ejus sublatum est, cum nec ad tantas blasphemias, nec ad falsissima, quæ sibi objiciebantur, crimina responderet. Vidimus, inquit, eum, et non erat ei aspectus, nec speciosum forma præ filiis hominum, sed opprobrium hominum, et tamquam leprosum, novissimum virorum, plane virum dolorum, a Deo percussum, et humiliatum; ita ut nulla esset ei species, neque decor. O novissimum, et altissimum! O humilem, et sublimem! O opprobrium hominum, et gloriam Angelorum! Nemo illo sublimior, nemo humilior. Denique sputis illitus est, opprobriis saturatus est, morte turpissima condemnatus est, cum sceleratis reputatus est. Nihil ne merebitur vel ista humilitas, quæ hunc habet modum, imo quæ tam est ultra modum? Sicuti est patientia singularis, sic et humilitas admirabilis, utraque sine exemplo.

ñ. Ego duxi te, p. 136\*.

*Lectio vj.*

**U**TRAMQUE tamen magnifice causa ipsa commendat, nimirum charitas est. Propter nimiam quidem charitatem suam, qua dilexit nos Deus, ut servum redimeret, nec Pater Filio, nec sibi Filius ipse pepercit. Vere nimiam, quia et mensuram excedit, modum superat, plane supereminens universis. Majorem, inquit, charitatem nemo habet, quam

ut animam suam ponat quis pro amicis suis. Tu majorem habuisti, Domine, ponens eam etiam pro inimicis. Cum enim adhuc inimici essemus, per mortem tuam, et Tibi reconciliati sumus, et Patri. Quænam alia videbitur esse, vel fuisse, vel fore huic similis charitati? Vix pro justo quis moritur. Tu pro injustis passus es, moriens propter delicta nostra, qui venisti justificare gratis peccatores, servos facere fratres, captivos cohæredes, exules Reges.

â. Ego exaltavi te, p. 137°.

### IN III. NOCTURNO.

Lectio Sancti Evang. secundum Joannem.

Lectio viij. Cap. 19.

**I**n illo tempore: sciens Jesus quia omnia consummata sunt, ut consummaretur, Scriptura dixit: Sitio. Et reliqua.

Homilia Sancti Cyrilli Episcopi Alexandrini.

Comment. in Joan. lib. 12. c. 33.

**Q**UUM truculenter omnia impietate Judæorum essent peracta, nec quidquam ad summam crudelitatem deesset, tandem sanctissima Caro Christi naturale quid patitur. Multis enim, ac variis doloribus exiccata siti torquetur. Multum enim possunt dolores ad commovendam sitim. Innatum enim calorem exagitant, vel quod in profunditate humidum est consumunt, et igneis ardoribus dolentis viscera urunt. Sicut igitur cæteras passiones, sic hanc etiam sponte Christus perpessus est. Bibere igitur petit. Illi autem adeo longe ab omni humanitate aberant, ut projuvante potu, atque jucundo, nocentem, et acerbum attulerint, et humanitatem, qua moveri videbantur, in impietatem converterent. Nam quum petenti dabant, charitatis habitum suscipere videbantur, sed non est possibile, mentiri Scripturam, in qua ex persona Christi dicitur: Et dede-

runt, in escam meam fel, et in siti mea potaverunt me aceto.

â. Ego te potavi, p. 137°.

Lectio viij. idem Cap. 36.

**Q**UUM ergo accepisset Jesus acetum, dixit: Consummatum est: et inclinato Capite, tradidit Spiritum. Consummatum jam esse Salvator dicit, quia sæviendi Judæorum potestas in ipsum per mortem suam terminum habuit. Quid enim non excogitarunt, aut quid supremæ inhumanitatis, relictum sibi est? Quis cædendi, quis contumeliandi modus non adhibitus? Merito igitur consummatum esse ait: cumque tempus jam esset, ut etiam spiritibus apud inferos prædicaret (venit enim, ut tam vivorum, quam mortuorum dominaretur) mortem pro nobis suscepit: et hanc naturæ nostræ propriam passionem sponte subiit secundum carnem, quamvis, ut Deus vita naturaliter sit, ut spoliatis inferis, primitiæ dormientium et primogenitus (ut Scripturæ dicunt) mortuorum factus recursum ad vitam naturæ nostræ largiretur.

â. Ego ante te, p. 138°.

Lectio ix.

**I**NCLINAVIT igitur Caput; accidit enim morientibus, vigore carnis jam consumpto, et anima, quæ corpus retinet, abeunte, inclinatio capitis. Quamobrem verbis hoc modo abusus Evangelista est. Sic et tradidisse Spiritum a consuetudine nostra sibi dictum est; multi enim sic extinguuntur, et mori dicuntur; quamvis mihi videatur ideo non simpliciter mortuum esse, sed tradidisse Spiritum Evangelistam dixisse, quia in manus Dei Patris, Animam suam commendavit; ut ipse dixit, Pater, in manus tuas commendo Spiritum meum. Quod nobis magnæ spei fundamentum, atque originem præbet.

Te Deum laudamus. 12.

Ad Bened. Ant. Clamans voce magna Jesus ait: Pater, in manus tuas



commendo Spiritum meum; et hæc dicens expiravit.

*In primis Vesp. Octavæ omnia dicuntur, ut in primis Vesp. Festi, excepta Orat. quæ dic. ut sequitur.*

*Oratio.*

**EFFUNDE** super nos, quæsumus Omnipotens Deus, spiritum gratiæ, et precum, ut Unigeniti Filii tui Passionem pio devotionis affectu jugiter recolere, et in populi tui corde monitis, et exemplo imprimere valeamus. Per eundem Dominum nostrum.

### FERIA TERTIA

POST DOM. QUINQUAGESIMÆ.

*In Octava Dominicæ Passionis.*

*Duplex.*

*Omnia dicuntur, ut in die Festi, exceptis Lectionibus, quæ sequuntur.*

#### IN I. NOCTURNO.

Incipit Epistola prima B. Petri Apostoli.

*Lectio j.*

*Cap. i.*

**PETRUS** Apostolus Jesu Christi electis Advenis dispersionis Ponti, Galatiæ, Cappadociæ, Asiæ, et Bythinæ secundum præscientiam Dei Patris in sanctificationem spiritus, in obedientiam, et aspersionem Sanguinis Jesu Christi; gratia vobis, et pax multiplicetur. Scientes, quod non corruptibilibus auro, vel argento redempti estis de vana vestra conversatione paternæ traditionis, sed pretioso Sanguine, quasi Agni immaculati Christi, et incontaminati; præcogniti quidem ante Mundi constitutionem; manifestati autem novissimis temporibus propter vos, qui per ipsum fideles estis in Deo, qui suscitavit eum a mortuis, et dedit ei gloriam, ut fides vestra, et spes esset in Deo.

*ñ. Vineam meam electam, p. 135\*.*

*Lectio ii*

*Cap. 2.*

**I**N hoc enim vocati estis, quia et Christus passus est pro nobis, vo-

bis relinquens exemplum, ut sequamini vestigia ejus, qui peccatum non fecit, nec inventus est dolus in ore ejus. Qui cum malediceretur, non maledicebat, cum pateretur non comminabatur, tradebat autem judicanti se injuste; qui peccata nostra ipse pertulit in Corpore suo super lignum, ut peccatis mortui justitiæ vivamus; cujus livore sanati estis. Eratis enim, sicut oves errantes, sed conversi estis nunc ad Pastorem, et Episcopum animarum vestrarum.

*ñ. Ego eduxi te, p. 135\*.*

*Lectio iii.*

*Cap. 3. vers. 18.*

**CHRISTUS** semel pro peccatis nostris mortuus est, justus pro injustis, ut nos offerret Deo, mortificatus quidem carne, vivificatus autem spiritu, in quo et his, qui in carcere erant spiritibus veniens prædicavit, qui increduli fuerant aliquando, quando expectabant Dei patientiam in diebus Noe, quum fabricaretur Arca, in qua pauci, id est octo animæ salvæ factæ sunt per aquam. Quod et vos nunc similis formæ salvos facit Baptisma, non carnis depositio sordium, sed conscientiæ bonæ interrogatio in Deum per resurrectionem Jesu Christi, qui est in dextera Dei, deglutiens mortem, ut vitæ æternæ hæredes efficeremur.

*ñ. Ego propter te flagellavi, p. 136\*.*

#### IN II. NOCTURNO.

Sermo Sancti Leonis Papæ.

*Sermo 4. de Pass. Domini post med.*

*Lectio iv.*

**EXALTATO**, Dilectissimi, per Crucem Christo, non illa tantum species aspectui mentis occurrat, quæ fuit in oculis impiorum, quibus per Moysen dictum est: Et erit pendens vita tua ante oculos tuos, et timebis diem, ac noctem, et non credes vitæ tuæ. Isti enim nihil in Crucifixo Domino, præter facinus suum, cogitare potuerunt; habentes timorem, non quo fides vera justificatur, sed quo conscientia iniqua torquetur. Noster

vero intellectus, quem spiritus veritatis illuminat, gloriam Crucis cœlo, terraque radiantem, puro, ac libero corde suscipiat, et interiori acie vident, quale sit, quod Dominus, cum de Passionis suæ loqueretur instantia, dixit: Nunc Judicium mundi est; nunc Princeps hujus mundi ejicietur foras, et ego, si exaltatus fuero a terra, omnia traham ad meipsum.

¶. Ego propter te Chauaneor. 136\*.

*Lectio v.*

**O** admirabilis potentia Crucis! O ineffabilis gloria Passionis, in qua et tribunal Domini, et judicium Mundi, et potestas est Crucifixi! Traxisti enim, Domine, omnia ad te, et cum expandisses tota die manus tuas ad Populum non credentem, et contradicentem tibi, confitendæ majestatis tuæ sensum totus mundus accepit. Traxisti, Domine, omnia ad te cum in execrationem Judaici sceleris, unam protulerunt omnia elementa sententiam; cum, obscuratis luminaribus Cœli, et converso in noctem die, terra quoque motibus quateretur insolitis, universaque creatura impiorum usui se negaret. Traxisti, Domine, omnia ad te, quoniam scisso Templi velo, Sancta Sanctorum ab indignis Pontificibus recesserunt, ut figura in veritatem, Prophetia in manifestationem, et lex in Evangelium verteretur.

¶. Ego duxi te, p. 136\*.

*Lectio vi.*

**TRAXISTI**, Domine, omnia ad te, ut quod in uno Judææ templo, obumbratis significationibus tegebatur, pleno, apertoque Sacramento, universarum ubique nationum devotio celebraret. Nunc etenim et ordo clarior Levitarum, et dignitas amplior Seniorum, et sacratior est unctio Sacerdotum, quia Crux tua omnium fons benedictionum, omnium est causa gratiarum; per quam credentibus datur virtus de infirmitate, gloria de opprobrio, vita de morte. Nunc etiam, carnalium Sacrificiorum varietate cessante, omnes differentias

hostiarum una Corporis, et Sanguinis tui implet oblatio; quoniam tu es verus Agnus Dei, qui tollis peccata Mundi; et ita in te universa perficis mysteria, ut sicut unum est pro omni victima Sacrificium, ita unum de omni gente sit regnum.

¶. Ego exaltavi te, p. 137\*.

IN III. NOCTURNO.

Lectio Sancti Evangelii secundum Joannem.

*Lectio vii.*

Cap. 19.

**I**n illo tempore: sciens Jesus, quia omnia consummata sunt, ut consummaretur Scriptura, dixit: Sitio. Et reliqua.

Homilia Ven. Bedæ Presbyteri.

Lib. 6. in *Evang. Luc. cap. 23.*  
in medio.

**P**ATREM invocando Filium Dei se esse Christus declarat. Spiritum vero commendando non defectum suæ virtutis, sed confidentiam ejusdem cum Patre potestatis insinuat. Amat enim dare gloriam Patri, ut nos ædificet dare gloriam Creatori. Commendat itaque Patri Spiritum juxta hoc, quod delectato corde, et exultantibus spe resurgendi labiis in alio psalmo loquitur: Quoniam non derelinques Animam meam in inferno, nec dabis Sanctum tuum videre corruptionem.

¶. Ego potavi, p. 137\*.

*Lectio viii.*

**Q**UIA ergo sexta die homo factus, et tota Mundi est Creatura perfecta, septima autem Conditor ab opere suo requievit, unde et hanc Sabbatum, idest requiem vocari præcepit; recte Dominus eadem die sexta crucifixus humanæ reparationis implevit arcanum. Unde cum accepisset acetum, dixit: Consummatum est, id est sexti diei, quod pro mundi refectione suscepi, totum est opus perfectum. Sabbato autem in sepulchro requiescens, resurrectionis, quæ octava die ventura erat, expectabat eventum.

ā. Ego ante te, p. 138\*.

*Lectio 12.*

**U**BI nostræ simul devotionis præ-  
lucet exemplum, quos in hac  
quidem sexta Mundi ætate pro Domi-  
no pati, et velut Mundo crucifigi ne-  
cesse est. In septima vero ætate, id  
est, cum lethi quis debitum solvit,  
corpora quidem in tumulis, animas  
autem secreta in pace cum Domino  
manere, et post bona oportet opera  
quiescere, donec octava tandem ve-  
niente ætate, etiam corpora ipsa re-  
surrectione glorificata cum animabus  
simul incorruptionem æternæ hæredi-  
tatis accipiant.

Te Deum laudamus. *Reliq. ut in  
Festo. p. 138\*.*

## **FEB. VI. POST CINERES.**

SACRATISS. CORONÆ SPINARUM

**D. N. JESU CHRISTI**

*Duplex. Majus.*

*Ad Vesp. Ant. Milites Præsidis ;  
cum reliquis de Laudibus, ut infra.*

*Psalm. Dixit Dominus, cum reli-  
quis de Dominica 86. et loco ulti-  
mi. Laudate Dominum omnes Gentes.*

*Capitulum.*

*Cant. 3.*

**E**GREDDIMINI, et Videte Filiam  
Sion, Regem Salomonem in dia-  
demate, quo coronavit illum mater  
sua in die desponsationis illius, et in  
die lætitiæ cordis ejus.

*In utrisque Vesperis.*

*Hymnus. Vexilla Regis prodeunt,  
p. 294.*

†. Tuam Coronam Spineam adora-  
mus, Domine. ā. Tuam gloriosam re-  
colimus Passionem.

*Ad Magnif. Ant. Apprehendit Pi-  
latus Jesum, et flagellavit. Et Mili-  
tes plectentes Coronam de Spinis im-  
posuerunt Capiti ejus, et veste pur-  
purea circumdederunt eum.*

*Oratio.*

**P**RÆSTA, quæsumus, omnipo-  
tens Deus, ut qui in memoriam  
Passionis Domini Nostri Jesu Christi,

Coronam ejus Spineam veneramur in  
terris, ab ipso gloria, et honore  
coronari mereamur in Cælis. Qui te-  
cum.

*Fit commem. FERIA.*

*Ad Matut. Invit. Summum Regem  
Gloriæ Christum pro nobis Spinis co-  
ronatum \* Venite adoremus.*

*Psalm. Venite exultemus. I.*

*Hymnus. Pange, lingua, gloriosi.  
p. 293.*

## **IN I. NOCTURNO.**

*Ant. 1. Maledicta terra in opere  
tuo : spinas, et tribulos germinabit  
tibi.*

*Psalm. I. et II. Noct. ut in comm.  
unius Martyr. p. 14\*.*

2. Ait Jesus Discipulis suis :  
Filius hominis tradetur, et damna-  
bunt eum morte, et illudent ei, et  
conspuent eum.

3. Coronans coronabit te tribu-  
latione, quasi pilam mittet te in  
terram : ibi morieris, et ibi erit cur-  
rus gloriæ tuæ.

†. Tuam Coronam spineam adora-  
mus, Domine. ā. Tuam gloriosam  
recolimus Passionem.

*De Isaia Propheta.*

*Lectio i.*

*Cap. 53.*

**Q**UIS credidit auditui nostro? et  
brachium Domini cui revelatum  
est? Et ascendet sicut virgultum co-  
ram eo, et sicut radix de terra si-  
tienti. Non est species ei, neque de-  
cor, et vidimus eum, et non erat a-  
spectus, et desideravimus eum; de-  
spectum, et novissimum virorum: vi-  
rum dolorum, et scientem infirmita-  
tem, et quasi absconditus vultus e-  
jus, et despectus; unde nec reputa-  
vimus eum.

ā. Ecce vidimus eum non habentem  
speciem neque decorem; aspe-  
ctus ejus in eo non est, hic peccata  
nostra portavit, et pro nobis dolet.  
Ipse autem vulneratus est propter in-  
iquitates nostras: \* Cujus livore sa-  
nati sumus. †. Vere languores no-  
stros ipse tulit, et dolores nostros  
ipse portavit. Cujus.



## Lectio ij.

**V**ERE languores nostros ipse tulit, et dolores nostros ipse portavit; et nos putavimus eum quasi leprosum, et percussum a Deo, et humiliatum. Ipse autem vulneratus est propter iniquitates nostras, attritus est propter scelera nostra; disciplina pacis nostræ super eum; et livore ejus sanati sumus. Omnes nos quasi oves erravimus, unusquisque in viam suam declinavit; et posuit Dominus in eo iniquitatem omnium nostrum.

ñ. Quid sunt plagæ istæ in medio manuum tuarum? \* Et dicet: Illis plagatus sum in domo eorum, qui diligebant me. †. Framea suscitare super pastorem meum, et super virum coherentem mihi. Et dicet.

De Zacharia Propheta.

Lectio iij.

Cap. 12. et 13.

**E**T erit in die illa; quæram contere omnes gentes, quæ veniunt contra Jerusalem. Et effundam super Domum David, et super habitatores Jerusalem spiritum gratiæ, et precum; et aspicient ad me, quem confixerunt, et plangent eum planctu quasi super unigenitum; et dolebunt super eum, ut doleri solet in morte primogeniti. In die illa magnus erit planctus in Jerusalem; et dicetur ei; Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. Framea suscitare super pastorem meum, et super virum coherentem mihi, dicit Dominus Exercituum: percutite pastorem, et dispergentur oves; et convertam manum meam ad Parvulos.

ñ. Tuam Coronam Spineam veneramur, Domine, tuam gloriosam recolimus passionem. \* Miserere nobis, qui passus es pro nobis. †. Salva præsentem calervam in tuis hodie laudibus congregatam. Miserere. Gloria. Miserere.

## IN II. NOCTURNO.

*Antiph.* 1. Pro frumento ortus est mihi tribulus; et pro hordeo Spina.

2. Egredimini, et videte, Filiæ Sion, Dominum Jesum Christum in diademate, quo coronavit illum Synagoga mater sua.

3. Vidimus eum, et non erat aspectus, et quasi absconditus vultus ejus: unde nec reputavimus eum.

†. Eripe me de inimicis meis, Deus meus.

ñ. Et ab insurgentibus in me libera me.

De Homilia S. Athanasii Episcopi.

In Passione Domini. Tom. 3.

Lectio iv.

**C**UM exueretur Dominus, eo ipso invisibiliter erigebatur de Diabolo trophæum; et quo illud manifestum fieret, narratur a Joanne, indutum fuisse purpura, a Matthæo vero et Marco, clamyde coccinea, coronamque illi ex Spinis super caput esse positam, et calamum in manus datum; et ita cum eum produxissent, genibus flexis adorasse. Miraculum novum, et incredibile, et magnæ sine dubio victoriæ in-igne: quem enim ut hominem condemnaverunt, eum mortuum deinde ut Deum adoraverunt: et quem aspernabantur ut vilem, et contemptibilem, eum confitebantur Regem: cui tunicam, et vestem detraxerant, eum purpura circumdederunt: et quem ignorantes contumeliis afficiebant, eum Prophetam etiam nolentes appellaverunt: et quem per ludibrium, subannationemque pulsabant, ei triumphalia addiderunt ornamenta, coccineam clamydem, et Coronam Spineam, et calamum. Nam tametsi ea quasi per contumeliam agebant, efficiebatur tamen inde, ut ab eo latenter spoliarentur.

ñ. Insurrexerunt in me viri iniqui; absque misericordia quæsierunt me interficere; et non pepercerunt in faciem meam spueri; et lanceis suis vulneraverunt me; et concussa sunt.

omnia ossa mea. \* Ego autem existimabam me tamquam mortuum super terram. †. Effuderunt furorem suum in me, fremuerunt contra me dentibus suis. Ego autem.

Sermo S. Ambrosii Episcopi.

*Sermo 72. de S. Cypriano, alias 18. vel 58. vel 63.*

*Lectio v.*

**V**IDEAMUS diligenter, ne ex palmitate operis nostri non nascatur dulcedinis uva, sed fellis; ne dicatur nobis, quod Judæis dictum est per Prophetam: Sustinui, ut faceret uvam, fecit autem Spinas, et non justitiam, sed clamorem. Quam dura conditio, ut possessio, quæ Domino suo suavitatis fructus afferre debuit, spinarum illum asperitate compunxerit: hoc est, cum Judæi Salvatorem debuerunt tota fidei devotione suscipere, Spinarum eum coronaverunt passione. Quæ Corona quidem, quantum in Judæis est, erat injuriarum contumelia, quantum in Domino, erat Corona virtutum. Compungunt ergo Judæi Dominum, dum coronant; compungunt, dum crucifigunt. Unde ait Scriptura Sancta: Videbunt in quem compunxerunt.

¶. Omnes amici mei dereliquerunt me, et prævaluerunt insidiantes mihi, tradidit me, quem diligebam. \* Et terribilibus oculis plaga crudeli percutientes, subsannabant mihi. †. Inter iniquos projecerunt me, et non pepercerunt Animæ meæ. Et terribilibus.

*Lectio vj.*

**I**GITUR, fratres, videte, ne et nobis dicatur: Sustinui, ut faceret uvam, fecit autem Spinas: hoc est, ne Spinas, quas Domino Judæi cruentis imposuerunt manibus, nos iniquis sensibus apponamus, et compungamus eum non asperitate sensuum, sed operum pravitate. Sunt enim Spinæ cordis, quæ Verbum Dei etiam vulnerare consueverunt, de quibus meminit in Evangelio Salvator

dicens: Seminantis semen cecidisse inter Spinas, et crevisse eas, ac suffocasse quod satum est. Ergo, fratres, videte ne vinea vestra non uvas, sed Spinas faciat; ne vindemia vestra non vinum afferat, sed acetum. Quisquis enim vindemiam legit, et pauperibus non largitur, ille acetum colligit, non vinum. Quisquis messes recondit, et indigentibus non ministrat, iste non alimonie fructus reposuit, sed tribulos avaritiæ congregavit. Nam propterea ait Scriptura de terra nostra: Spinas et tribulos germinabit tibi.

¶. Vineam meam electam ego te plantavi: \* Quomodo conversa es in amaritudinem, ut me Spina coronares? †. Sepivi te et lapides elegi ex te, et ædificavi turrim. Quomodo. Gloria. Quomodo.

IN III. NOCTURNO.

*Ant. 1.* Gravata est super me manus tua: conversus sum in ærumna mea, dum configitur Spina.

*Psalmi.* Cantate Domino. Dominus regnavit. Cantate Domino ut in III. Noct. com. Virg. p. 67.

2. Christus Jesus splendor Patris, et figura substantiæ ejus portans omnia verbo virtutis suæ, purificationem peccatorum faciens, Spinis coronatus apparere dignatus est.

3. Popule meus quid feci tibi, aut quid molestus fui? responde mihi. Tu imposuisti Coronam Spineam Capiti meo, et arundine percussisti.

¶. Deus meus eripe me de manu peccatoris. ¶. Et de manu contra legem agentis, et iniqui.

Lectio S. Evangelii secundum Joannem.

*Lectio vij. Cap. 19.*

**I**N illo tempore apprehendit Pilatus Jesum, et flagellavit; et milites plectentes Coronam de Spiuis imposuerunt Capiti ejus. Et reliqua.

Homilia S. Augustini Episcopi.  
*Tract. 116. in Joan.*

**H**OC Pilatus non ob aliud fecisse credendus est, nisi ut ejus in-

juriis Judæi satiati, sufficere sibi existimarent; et usque ad ejus mortem sævire desisterent. Ad hoc pertinet, quod idem Præses cohortem suam etiam permisit facere, quæ sequuntur, aut fortassis et jussit; quamvis hoc Evangelista tacuerit: dixit enim quid deinde fecerint milites, Pilatum tamen id jussisse non dixit; et milites, inquit, plectentes Coronam de Spinis imposuerunt Capiti ejus, et veste purpurea circumdederunt eum, et veniebant ad eum, et dicebant: Ave Rex Judæorum; et dabant ei alapas. Sic implebantur quæ de se prædixerat Christus.

¶. Christus passus est pro nobis, vobis relinquens exemplum, ut sequamini vestigia ejus. \* Qui peccatum non fecit, nec inventus est dolus in ore ejus. †. Qui cum malediceretur, non maledicebat: cum pateretur, non comminabatur. Qui peccatum.

*Lectio viij.*

**S**IC Martyres informabantur ad omnia, quæ persecutori libuisset facere, perferenda; sic paulisper occulta tremenda potentia commendabatur prius imitanda patientia; sic regnum, quod de hoc mundo non erat, superbum mundum non atrocitate pugnandi, sed patiendi humilitate vincebat; sic illud granum multiplicandum seminabatur horribili contumelia, ut mirabile pullularet in gloria. Exiit ergo Jesus portans Coronam Spineam, et purpureum vestimentum et dicit eis Pilatus: Ecce Homo. Hic apparet, non ignorante Pilato, hæc a militibus facta, sive jusserit ea, sive permiserit; illa scilicet causa, quam supra diximus, ut hæc ejus ludibria inimici libentissime biberent, et ulterius Sanguinem non sitirent. Egreditur ad eos Jesus portans Spineam Coronam, et purpureum vestimentum, non clarus imperio, sed plenus opprobrio, et dicit eis: Ecce Homo. Si regi invidetis, jam parcite, quia dejectum videtis. Flagellatus est, Spinis coronatus,

ludibriosa veste amictus est, amaris convitiis illusus est, alapis cæsus est; fervet ignominia, frigescat invidia: sed non frigescit, inardescit potius, et increascit.

¶. Milites Præsidis suscipientes Jesum in Prætorium, congregaverunt ad eum universam cohortem, et exuentes eum, chlamydem coccineam circumdederunt ei; \* Et plectentes Coronam de Spinis posuerunt super Caput ejus. †. Genuflexo ante eum, illudebant ei dicentes: Ave, Rex Judæorum. Et plectentes. Gloria. Et.

*Nona lectio erit Homil. fer., et in fine dicitur. Te Deum p. 12.*

### **Ad Laudes**

*et per Horas, Antiph.*

1. Milites Præsidis suscipientes Jesum in Prætorium, congregaverunt ad eum universam cohortem.

*Psal. Dominus regnavit cum reliq. de Dom. 13.*

2. Et exuentes eum, chlamydem coccineam circumdederunt ei.

3. Et plectentes Coronam de Spinis posuerunt super Caput ejus, et arundinem in dextera ejus.

4. Et genuflexo ante eum, illudebant ei dicentes: Ave Rex Judæorum.

5. Et exuentes in eum, acceperunt arundinem, et percutiebant Caput ejus.

*Cap. Egredimini ut in Vesp. p. 132\*.*

*Hymnus. Lustra sex qui jam per egit. 298. †. Avertantur retrorsum, et erubescant. ¶. Qui cogitant mihi mala.*

*Ad Bened. Ant. Milites induunt Jesum purpura, et imponunt ei plectentes Spineam Coronam; et cæperunt salutare eum: Ave Rex Judæorum.*

*Fit comm. Feriæ.*

### **Ad Primam**

*In ¶. brevi †. Qui passus es pro homine.*

### **Ad Tertiam.**

*Capit. Egredimini, ut supra.*



*ñ.br.* Tuam Coronam Spineam Adoramus Domine. Tuam Coronam Spineam *ŷ.* Tuam gloriosam recolimus Passionem. Adoramus. Gloria. Tuam.

*ŷ.* Miserere nostri, Domine.

*ñ.* Qui passus es pro nobis.

### *Ad Sextam.*

*Capitulum.*

*Isai. 53.*

**V**IDIMUS eum, et non erat aspectus, et desideravimus eum: despectum, et novissimum virorum, virum dolorum, et quasi absconditus vultus ejus, unde nec reputavimus eum.

*ñ. brev.* Miserere nostri, \* Domine. Miserere nostri, \* Domine. *ŷ.* Qui passus es pro nobis. Domine. Gloria Miserere.

*ŷ.* Tibi gloria, tibi triumphus et victoria.

*ñ.* Tibi summæ laudis, et honoris Corona.

### *Ad Nonam.*

*Capitulum.*

*Joan 19.*

**E**XIVIT Jesus portans Coronam Spineam, et purpureum vestimentum, et dicit eis Pilatus: Ecce Homo.

*ñ. brev.* Tibi gloria, \* Tibi triumphus et victoria. Tibi gloria. *ŷ.* Tibi summæ laudis, et honoris Corona. Tibi. Gloria. Tibi.

*ŷ.* Tuam Coronam Spineam veneramur, Domine.

*ñ.* Tuam gloriosam recolimus Passionem.

*In II. Vesp. omnia ut in I., cum comm. Feriæ.*

*Ad. Magnif. Ant.* O Coronæ miranda dignitas! mortis pœnas debitas repellis: tu spes lapsis, firmitas infirmis; tu restauras Coronas perditas.

### **ALIUD OFFICIUM**

**SS. Spineæ Coronæ,**

*Duplex Majus.*

*In I. Vespertis.*

*Ant. et Capit. de Laud. Psalmi de*

*Dom. 86. loco ult. Laudate Dominum omnes gentes.*

### **HYMNUS**

**E**XITE, Sion filiæ,  
Regis pudicæ virgines,  
Christi coronam cernite,  
Quam mater ipsa texuit.

Horret revulsis crinibus  
Spinis cruentatum caput,  
Et vultus ille decolor  
Mortem propinquam respicit.

Quæ terra sulcis invia,  
Dumis rigens et sentibus  
Lugubre manus protulit,  
Quæ sæva messuit manus?

Christi rubescens sanguine  
Aculeos mutat rosis,  
Palmasque vincens fructibus,  
Spina est triumphis aptior.

Culpis satæ mortalium  
Te, Christe, spinæ vulnerant:  
Evelle nostras, cordibus  
Tuasque nostris insere.

Virtus, honor, laus, gloria,  
Deo Patri cum Filio,  
Sancto simul Paraclito.  
In sæculorum sæcula: Amen.

*ŷ.* Plectentes Coronam de spinis.

*ñ.* Posuerunt super caput ejus.

*Ad Magnif. Ant.* Egredimini, et videte, filiæ Sion, Regem Salomonem in diademate, quo coronavit eum mater sua, parans crucem Salvatori suo.

*Oratio ut infra in Laudibus.*

### *Ad Matutinum.*

*Invit.* Christum Regem spinis coronatum, \* Venite, adoremus.

*Hymnus.* Exite, ut supra.

### **IN I. NOCTURNO.**

*Ant.* Erit tamquam lignum quod plantatum est secus decursus aquarum, et fructum suum dabit in tempore suo.

*Psalm.* Beatus vir, p. 2.

*Ant.* Convenerunt in unum adversus Dominum, et adversus Christum ejus.

*Psalm.* Quare fremuerunt, p. 3.

*Ant.* In tribulatione dilatasti mihi.

*Psalm.* Cum invocarem, p. 101.

Ÿ. Gloria et honore coronasti eum, Domine. ⁊. Et constituisti eum super opera manuum tuarum.

*Lect. I. Noct. Quis credidit ut in Festo 7. Dolorum R. M. V., p. 628, sed aliter divisæ. Prima ut ibi, secunda desinit ad \*; tertia inde incipiens terminatur ad duplicem \*\*.*

⁊. j. Maledicta terra in opere hominis, \* Spinas et tribulos genuit Christo: Ÿ. Quia comedit Adam de ligno, ex quo præceperat Deus ne comederet. Spinas.

⁊. ij. Apparuit Moysi Dominus in flamma ignis de medio rubi, \* Et videbat quod rubus arderet, et non combureretur. Ÿ. Dixit ergo Moyses: Vadam, et videbo visionem hanc magnam. Et.

⁊. iij. Ecce ignis et ligna: Deus providebit sibi \* Victimam holocausti. Ÿ. Levavit Abraham oculos suos, viditque post tergum arietem inter vepres hærentem. Victimam. Gloria. Victimam.

#### IN II. NOCTURNO.

*Ant. Domine, ut scuto bonæ voluntatis tuæ coronasti me.*

*Psalm. Verba mea, p. 40.*

*Ant. Minuisti eum paulo minus ab Angelis, gloria et honore coronasti eum.*

*Psalm. Domine Dominus, p. 4.*

*Ant. Peccatores intenderunt arcum; paraverunt sagittas suas in pharetra ut sagittent justum.*

*Psalm. In Domino, p. 3.*

Ÿ. Posuisti, Domine, super caput ejus. ⁊. Coronam de lapide pretioso

Sermo S. Bernardi Abbatis.

Sermo 2. in Epiph. Domini.

*Lectio iv.*

**E**GREDDIMINI, filiæ Sion; vobis dicimus Filiæ Sion animæ seculares, debiles, delicatæ, filiæ, et non filii, in quibus nihil est fortitudinis, nihil est virilis animi. Egredimini de sensu carnis ad intellectum mentis, de servitute carnalis concupiscentiæ ad libertatem spiritualis intelligentiæ. Egredimini de terra vestra, et de co-

gnatione vestra, et de domo patris vestri, et videte regem Salomonem in diademate, quo coronavit eum mater sua, in corona paupertatis, in corona miseriæ; siquidem coronatus est et a noverca sua corona spinea, corona miseriæ, coronatus a familia sua corona justitiæ, quando exhibunt Angeli, et tollent de regno ejus omnia scandala, quando veniet ad iudicium cum senioribus populi sui, cum pugnabit pro eo orbis terrarum adversus insensatos. Coronat eum et Pater corona gloriæ, sicut ait Psalmista: Gloria et honore coronasti eum, Domine; Videte eum, filiæ Sion, in diademate, quo coronavit eum mater sua.

⁊. Cum apparuerit Princeps pacis, quo percusso, dispersæ sunt oves gregis, \* Percipietis immarcescibilem gloriæ coronam. Ÿ. Cum fecerit grande convivium, ut ostendat divitias gloriæ regni sui. Percipietis.

*Lectio v. Serm. 41. in Cant.*

**E**GO, fratres, ab ineunte mea conversatione pro acervo meritorum quæ mihi deesse sciebam, mihi fasciculum collectum ex omnibus anxietatibus et amaritudinibus Domini mei colligare, et inter ubera mea collocare curavi. Memoriam abundantiae suavitatis horum eructabo; quoad vixero, in æternum non obliviscar miserationes istas, quia in ipsis vivificatus sum. Mihi hic salutaris fasciculus servatus est; nemo tollet eum a me, inter ubera mea commorabitur. Hæc meditari dixi sapientiam, in his divitias salutis, in his copias meritorum. Ex his mihi interdum potus salutaris amaritudinis; ex his rursum suavis unctio consolationis. Hæc me erigunt in adversis; in prosperis reprimunt, et inter læta tristiaque vitæ præsentis via regia incedenti tutum præbent utrobique ducatum, hinc iude mala imminetia propulsando. Hæc mihi conciliant mundi Judicem, dum tremendum potestatibus, mitem humilemque figurant, dum non so-

lum placabilem, sed et imitabilem repræsentant eum, qui inaccessibleis est principatibus, terribilis apud reges terræ.

*℟.* Accepit regnum decoris \* Et diadema speciei. *℣.* Deus exaltavit illum, et dedit illi nomen, quod est super omne nomen. *Et.*

*Lectio vi.*

**H**ÆC propterea mihi in ore frequenter, sicut vos scitis, hæc in corde semper, sicut Deus scit, hæc stylo meo admodum familiaria, sicut apparet: hæc mea sublimior interim philosophia, scire Jesum et hunc crucifixum. Non requiro, sicut sponsa, ubi cubet in meridie, quem lætus amplector mea inter ubera commemorantem. Non requiro ubi pascat in meridie, quem intueor Salvatorem in cruce. Illud sublimius, istud suavius: panis illud, hoc lac: hoc viscera reficit parvulorum, hoc replet ubera matrum, et ideo inter ubera mea commemorabitur. Hunc et vos, dilectissimi, tam dilectum fasciculum colligite vobis, hunc medullis inserite cordis, hoc munite aditum pectoris, ut et vobis inter ubera commoretur. Si enim ante oculos habueritis quem portatis, pro certo videntes angustias Domini, levius vestras portabitis, ipso auxiliante Ecclesiæ Sponso, qui est super omnia Deus benedictus in sæcula. Amen.

*℟.* Arcam de lignis Sethim deaurabis auro mundissimo intus et foris, \* Faciesque supra coronam auream per circum. *℣.* Pones in arcam testificationem, quam dabo tibi. *Faciesque. Gloria. Faciesque.*

IN III. NOCTURNO.

*Ant.* Ingressus sine macula, et operatus justitiam coronatus est in monte sancto tuo.

*Psalm.* Domine quis, p. 7.

*Ant.* Super caput ejus coronam de lapide pretioso posuisti, Domine.

*Psalm.* Domine in virtute, p. 11.

*Ant.* Adversus eos qui tribulant me, impinguasti in oleo caput meum.

*Psalm.* Dominus regit me, p. 22.

*℣.* Corona aurea super caput ejus.

*℟.* Expressa signo sanctitatis.

Lectio sancti Evangelii secundum Joannem.

*Lectio vij.*

*Cap. 19.*

**I**N illo tempore: apprehendit Pilatus Jesum, et flagellavit. Et milites plectentes coronam de spinis, imposuerunt capiti ejus. Et reliqua.

Homilia sancti Bernardi Abbatis.

*Ex serm. 50. de diversis.*

**V**IDETE, filiæ Sion, regem Salomonem. Non dicit Ecclesiasten, aut Ididam. Nam et his nominibus appellatus est rex ille, et significat Jesum Christum, nostrum verum Salomonem, qui est Salomon, id est, pacificus in exilio; Ecclesiastes, id est, concionator in judicio; Idida, id est, dilectus Domini in regno, ubique rex. In exilio mansuetus, in judicio justus, in regno gloriosus. In exilio amabilis, in judicio terribilis, in regno adorabilis. In diademate, quo coronavit eum mater sua. Est autem hæc corona misericordiæ, et in hac imitabilis. Coronavit eum et noverca sua corona miseriæ, et in hac contemptibilis. Synagogam loquor, quæ se ei non matrem exhibuit, sed novercam.

*℟.* Facies altare ad adolendum thymiana de lignis Sethim, \* Faciesque ei coronam aureolam per gyrum. *℣.* Ponesque altare contra velum coram propitiatorio. *Faciesque.*

*Lectio viij.*

**C**ORONABIT eum familia sua corona justitiæ, et in hac terribilis: coronat eum Pater suus corona gloriæ, et in hac desiderabilis. Videant ergo eum peccatores in corona miseriæ, id est spinæ, et compungantur: videant eum filiæ Sion animæ affectuosæ, in corona misericordiæ et imitentur. Videbunt eum impii in corona justitiæ et peribunt; videbunt eum Sancti in corona gloriæ, et perpetualiter gaudebunt. Co-



ronantur quidem et alii imitatores ipsius sed hoc ex industria adjuti per gratiam. Solus iste a matre coronatus est, quia solus cum ordinatis affectionibus tamquam sponsus e thalamo processit ex utero matris.

¶. Christus sciens dolorem et infirmitatem, spinis coronatus, \* Ipse est qui coronat vos in misericordia et miserationibus. ¶. Vulneratus propter iniquitates nostras, attritus propter scelera nostra, cujus livore sanati sumus. Ipse. Gloria. Ipse.

ix. *Lect. Homil. feriæ curr, de qua fit quoque comm. in Laud.*

### *Ad Laudes*

*et per Horas, Antiphonæ.*

1. Dilectus meus candidus, \* et rubicundus: comæ capitis ejus sicut purpura regis vineta canalibus.

2. Requievit super eum \* spiritus timoris Domini; corona sapientiæ et exultationis decoravit illum.

3. Induit eum \* Dominus vestimentis salutis et indumento justitiæ, quasi sponsum decoratum corona.

4. Fasciculus myrrhæ dilectus meus mihi, inter ubera mea commorabitur.

5. Rex æternæ gloriæ \* pro nobis coronatus, benedicet coronæ anni benignitatis suæ.

*Capitulum.*

*Cant. 3.*

**E**GREDDIMINI, et videte, filii Sion, regem Salomonem in diademate, quo coronavit illum mater sua.

### *HYMNUS.*

**L**EGIS figuris pingitur Christi corona nobilis; Implexa spinis victima, Ardensque testatur rubus.

Arcam corona cinxerat, Mensæque sacrum circulum; Aramque thure fumidam, Corona nectit ambiens.

Christi dolorum conscia, Salve, corona gloriæ, Gemmis et auro pulchrior,

Vincens coronas siderum.

Virtus honor, laus, gloria,  
Deo Patri cum Filio,  
Sancto simul Paraclito  
In sæculorum sæcula. Amen.

¶. Eris corona gloriæ in manu Domini. ¶. Et diadema regni in manu Dei tui.

*Ad Bened. Ant.* Exivit Jesus portans spineam coronam, et purpureum vestimentum.

### *Oratio.*

**P**RÆSTA, quæsumus, omnipotens Deus, ut qui in memoriam passionis Domini nostri Jesu Christi, Coronam ejus spineam veneramur in terris, ab ipso gloria et honore coronari mereamur in cælis. Qui tecum.

### *Ad Tertiam.*

*Capit. Egredimini, ut supra.*

¶. br. Eris corona gloriæ \* In manu Domini. Eris. ¶. Et diadema regni in manu Dei tui. In. Gloria. Eris. ¶. Gloria et honore coronasti eum, Domine. ¶. Et constituisti eum super opera manuum tuarum.

### *Ad Sextam.*

*Capitulum.*

*Apoc. 6.*

**V**IDI, et ecce equus albus, et qui sedebat super illum, habebat arcum, et data est ei corona, et exivit vincens ut vinceret.

¶. br. Gloria et honore \* Coronasti eum, Domine. Gloria. ¶. Et constituisti eum super opera manuum tuarum. Coronasti. Gloria Patri. Gloria. ¶. Tuam coronam adoramus, Domine. ¶. Tuam gloriosam recolimus passionem.

### *Ad Nonam.*

*Capitulum.*

*Isaie. 28.*

**I**N die illa erit Dominus exercituum corona gloriæ, et sertum exultationis residuo populi sui.

¶. br. Tuam coronam \* Adoramus, Domine. Tuam. ¶. Tuam gloriosam recolimus passionem. Adoramus. Gloria. Tuam. ¶. Plectentes coronam de spinis. ¶. Posuerunt super caput ejus.

*Psalm. 87. Domine Deus, p. 69.*

ŷ. Omnis terra adoret te, et psallat tibi.

q̃. Psalmum dicat nomini tuo Domine.

Lectio Sancti Evangelii secundum Marcum.

*Lectio vii.*

**I**N illo tempore, cum jam sero factum esset, quia erat Parasceve, quod est ante Sabbatum, venit Joseph ab Arimathæa nobilis Decurio, qui et ipse erat expectans Regnum Dei. Et reliqua.

Homilia Venerabilis Bedæ Presbyteri.

**P**ARASCEVE græce, latine præparatio dicitur, quo nomine Judæi, qui inter Græcos morabantur sextam Sabbati appellabant, eo quod in illa, ea quæ requiei Sabbati necessaria essent, præparare solerent. Juxta hoc, quod de manna quondam præceptum est. Sexta autem die colligetis duplum. Quia ergo sexta die factus est homo, et tota est mundi creatura perfecta, septima autem Conditor ab opere suo requievit, unde et hanc Sabbatum, hoc est requiem voluit appellari; recte Salvator eadem sexta die crucifixus humanæ restorationis implevit arcanum, ideoque cum accepisset acetum dixit: Consummatum est, hoc est sextæ diei, quod pro mundi refractione suscepi, jam totum est opus expletum. Sabbato autem in sepulchrum requiescens, resurrectionis; quæ octava die ventura erat, expectabat eventum.

q̃. Mercatus est Joseph Sindonem mundam, ut involveret in ea Corpus Domini: \* Venit ergo, et tulit Corpus ejus. ŷ. Rogavit Pilatum Joseph ab Arimathæa, ut tolleret Corpus Jesu. Venit.

*Lectio viii.*

**V**ENIT, inquit, Joseph ab Arimathæa nobilis Decurio, qui et ipse erat expectans Regnum Dei, et audacter introivit ad Pilatum, et petiit Corpus Jesu. Magnæ quidem Jo-

seph iste dignitatis ad sæculum, sed majoris apud Deum meriti fuisse laudatur. Talem namque existere decebat eum; qui et per justitiam meritorum tali ministerio dignus esset, et per nobilitatem potentie sæcularis facultatem posset obtinere ministrandi; non enim quilibet ignotus, aut mediocris ad Præsidentem accedere, et Crucifixi Corpus poterat impetrare.

q̃. Hæc est Sindon dignissima, in qua salutis Auctor de Cruce depositus involvi dignatus est: \* Ut nos consepulsi cum eo, veteris hominis exuviis depositis, innocentie Sindone tegeremur. ŷ. Felix Domus Sabaudie, quæ tanto pignore ditata sacro hoc munere gloriatur. Ut. Gloria. Ut.

*Lectio ix.*

**J**OSEPH autem mercatus est Sindonem, et deponens eum involvit Sindone. Possumus juxta intelligentiam spiritualem hoc sentire; Corpus Domini non auro, non gemmis, non serico, sed linteamine puro involvendum sit; quamquam et hoc significet, quod ille in Sindone munda involvat Jesum, qui pura mente suscepit. Hinc Ecclesiæ mos obtinuit, ut sacrificium Altaris non in serico, neque in panno tincto, sed in lino terreno celebretur.

Te Deum laudamus, p. 12.

### *Ad Laudes*

*et per Horas Antiph.*

1. Joseph nobilis Decurio vir bonus, et justus, et ipse dives erat expectans Regnum Dei.

*Psalm. Dominus regnavit, cum reliquis de Dom. p. 13.*

2. Hic audacter introivit ad Pilatum, et petiit Corpus Jesu.

3. Cum cognovisset Pilatus a Centurione, quod jam mortuus esset, donavit Corpus Jesu.

4. Joseph autem mercatus Sindonem, et deponens eum, involvit Sindone.

5. Posuit eum in monumento, in

**M**

quo nondum quisquam positus fuerat.

*Cap. Quis est iste. ut in Vesp.*

### HYMNUS.

**J**ESU, dulcis amor meus,  
Ac si præsens sis, accedo,  
Te complector cum affectu,  
Tuorum memor Vulnerum.

○ quam nudum hic te cerno,  
Vulneratum, et distensum,  
Inquinatum, involutum  
In hoc sacro tegmine.

Salve Caput eruentatum  
Spinis cujus dulcis vultus  
Inmutavit suum florem,  
Quem cœli tremit Curia.

Salve Latus Salvatoris,  
Salve mitis apertura,  
Super rosam rubicunda,  
Medela salutifera.

Manus sanctæ vos avele,  
Diris Clavis perforatæ,  
Ne repellas me, Salvator,  
De tuis sanctis Pedibus. Amen.

ŷ. Dominus regnavit, decorem induit.

ŷ. Induit Dominus fortitudinem,  
et præcinxit se virtute.

*Ad Bened. Ant.* Joseph nobilis Decurio,  
expectans et ipse Regnum Dei,  
mercatus est Sindonem, et deponens  
Corpus Jesu involvit illud in Sindone.

*Oratio ut supra.*

### *Ad Tertiam.*

*Capitulum. Isaïæ 63.*

**Q**UIS est iste, qui venit de E-dom,  
tinctis vestibus de Bosra;  
Iste formosus in stola sua, gradiens  
in multitudine fortitudinis suæ? Ego  
qui loquor justitiam, et propugnator  
sum ad salvandum.

ŷ. Tuam Sindonem \* Veneramur,  
Domine. Tuam. ŷ. Tuam recolimus  
Passionem. Veneramur. Gloria. Tuam  
Sindonem.

ŷ. Adoramus te, Christe, et benedicimus tibi.

ŷ. Quia per mortem tuam redemisti  
mundum.

### *Ad Sextam.*

*Capitulum. Isaïæ 63.*

**Q**UARE ergo rubrum est indumentum tuum, et vestimenta tua sicut calcantium in torculari? Torcular calcavi solus, et de Gentibus non est vir mecum.

ŷ. br. Adoramus te, Christe, \* Et benedicimus tibi. Adoramus. ŷ. Quia per mortem tuam redemisti Mundum. Et. Gloria. Adoramus.

ŷ. Omnis terra adoret te, et psallat tibi.

ŷ. Psalmum dicat nomini tuo, Domine.

### *Ad Nonam.*

*Capitulum. Isaïæ 63.*

**C**IRCUMSPEXI, et non erat auxiliator; quæsi, et non fuit, qui adjuvaret; et salvavit mihi brachium meum, et indignatio mea ipsa auxiliata est mihi.

ŷ. br. Omnis terra adoret te, \* Et psallat tibi. \* Omnis. ŷ. Psalmum dicat Nomini tuo, Domine. Et. Gloria. Omnis.

ŷ. Dominus regnavit decorem induit.

ŷ. Induit Dominus fortitudinem, et præcinxit se virtute.

### *Ad Vesperas*

*Omnia ut in I. Vesp. præter seq.*

*Psalm. Dixit Dominus, cum reliq. de Dom. et loco ultimi. Psalm. 141. Voce mea, p. 97.*

*Ad Magnif. Ant.* Homo quidam dives ab Arimathæa, nomine Joseph, accepto Corpore Jesu, involvit illud in Sindone munda.

### **DOM. II. POST PASCHA.**

**S. FRANCISCI DE PAULA CONF.**

*Duplex 2. class. cum octav.*

*Lect. 4. noct. Beatus vir de com. 88\*.*

*Lect II. et III. noct. ut in Brev. sub die 2. April. p. 696.*



**II. die infr. Oct.**

S. FRANCISCI DE PAULA.

*Lect. I. Noct. semper de script. occ.*  
**IN II. NOCTURNO.***Beati N. dies, ut in Comm. Conf. non Pont. 54. Quod si lectæ sint in die Festo, legantur hodie sequentes.*

Sermo S. Joannis Chrysostomi.

Serm. de Matl., l. 3.

Lectio iv.

**Q**UI Sanctorum merita, religiosa charitate miratur, quique justorum glorias frequenti laude colloquitur, eorum mores sanctos atque justitiam imitetur: quoniam quem delectat Sancti alicujus meritum, delectare debet par circa cultum Dei obsequium. Quare aut imitari debet, si laudat: aut laudare non debet, si imitari detrectat: ut qui alium laudat, laudabilem se reddat: et qui Sanctorum merita admiratur, mirabilis ipse vitæ sanctitate reddatur. Nam si propterea justos fidelesque diligimus, quod in ipsis justitiam fidemque suspicimus, possumus nos quoque esse quod sunt, si faciamus ipsi quod faciunt.

Lectio v.

**N**EQVE enim difficile nobis est, quod ab ipsis geritur, imitari, cum sine præcedenti exemplo ab antiquis talia gesta conspiciamus: ut non ipsi aliorum æmuli redderentur, sed æmulandæ virtutis seipsos nobis præberent exemplum: ut dum nos ex ipsis, et ex nobis alii proficiunt, sic Christus in suis semper servis in Ecclesia sancta laudetur. Unde ab origine mundi innocens Abel occiditur, Enoch Deo placens transfertur, justus Noe invenitur, Abraham fidelis probatur, Moyses mansuetus dignoscitur, Jesus castus, David lenis, Elias acceptus, Daniel sanctus, tres pueri victores redduntur.

Lectio vj.

**A**POSTOLI discipuli Christi, credentium magistri habentur: e quibus eruditi Confessores fortissimi pugnant, Martyres perfecti triumphant,

et Christiani semper exercitus diabolum Deo armati debellant. In istis semper pares virtutes, dissimiles pugnae, gloriosæ victoriae. Unde tu Christiane delicatus es miles, si putas te posse sine pugna vincere, sine certamine triumphare. Exere vires, fortiter dimica, atrociter in prælio isto concerta. Considera pactum, conditionem attende, militiam nosce: pactum quod spondidisti, conditionem qua accessisti, militiam cui nomen dedisti.

**IN III. NOCTURNO.**Lectio sancti Evangelii secundum  
Lucam.

Lectio vij. Cap. 12.

**I**N illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia sancti Fulgentii Episcopi.

Ex Sermone de Confessoribus.

**S**I non omnes possunt implere quod Dominus ait: Vendite quæ possidetis, illud tamen quod adjecit, dicens: Date eleemosynam, omnibus est possibile, si adsit bona voluntas; omnibus facile, si non adsit dira cupiditas; omnibus salubre, si ferveat charitas; cunctis debet esse commune, ut omnibus donetur æterna felicitas. Qui ergo tantam virtutem accepit a Domino, ut omnia quæ in mundo sunt, celestis regni amore contemnat: quæ habet, vendat, et egenis expendat: qui vero tantæ virtutis nondum est, de his quæ habet, in quantum habet, eleemosynam faciat.

Lectio viij.

**P**ERFECTUS possideat primum virtutis locum, imperfectus saltem perveniat ad secundum. Efficiatur ille gloriose dignus, sit iste laudabiliter largus. Sit ille sanctæ paupertatis ardentissimus amator, sit iste Sanctorum pauperum piissimus consolator. Habeat iste apud Deum patronos pauperes, quos ille se gaudet virtutis habere consortes. Sit ille talis, qui cum Domino judicaturus sedeat: sit

iste talis, qui ad dexteram judicandus assistat. Sit ille talis, qui æterna tabernacula perpetuo jure possideat; sit iste talis, quem ille recipiat.

*Lectio ix.*

**T**HESAURUM nostrum, fratres, in cœlis ponamus, ut etiam cor nostrum in cœlis habere possimus. Necesse est enim, ut quo præcesserit dilectionis thesaurus, illuc etiam cogitationis sequatur affectus. Ideo Veritas ait: Ubi enim thesaurus vester est, ibi et cor vestrum erit. Ut ergo in cœlis thesaurizemus, cœlestia diligamus. Vis nosse ubi thesaurizas? attende quid amas. Vis nosse quid amas? attende quid cogitas. Ita fiet, ut thesaurum tuum ex tuo amore cognoscas, et amorem tuum judicio tuæ cogitationis intelligas.

**III. Die infr. octav.**

S. FRANCISCI DE PAULA  
IN II. NOCTURNO.

De Sermone S. Joannis  
Chrysostomi.

*De S. Philogonio, ante medium.*

*Lectio iv.*

**A**d hanc beatam requiem transit beatus Franciscus. Quænam igitur oratio par sit viri laudibus, quem Deus tam felici sorte dignatus est? Non est ulla. Sed age, dic mihi, num idcirco silebimus? et cujus rei gratia convenimus? An dicemus nos haud posse magnitudinem gestorum oratione consequi? Atqui ob hoc ipsum necesse est dicere, quandoquidem hæc est præcipua laudum illius pars, quod factis verba æquiparari non possint. Nam quorum benefacta naturam etiam superant mortalem, perspicuum est, quod horum laudes excedunt linguam humanam. Haud tamen ob id aspernabitur officium nostrum, quod pro viribus præstamus, sed suum imitabitur Dominum: siquidem et illi viduæ duos tantum obolos dejicienti in gazophylacium, non tantum duorum obolorum mercedem, sed multo amplius reddidit.

*Lectio v.*

**P**ROINDE quamvis nostræ facultates exiguæ sint, minimique pretii, attamen, quæ possumus, offerimus. Et licet non respondeant magnitudini meritorum animæ præclari justique Francisci: tamen hoc ipsum celsitudinis illius maximum fuerit argumentum, quod nec pusilla repellat, sed idem faciat quod solent divites. Si quidem illi, cum acceperint a tenuibus exigua, quibus non egent, sua vicissim apponunt, remunerantes eos, qui, quod poterant, obtulerint. Idem et hic, cum acceperit a nobis laudem verbis peractam, qua nequaquam eget, redonabit nobis per ipsa facta benedictionem, qua semper uti possimus.

*Lectio vj.*

**U**NDE igitur laudationem illius aspiciamus? An a magistratu, quem spiritus illi tradidit gratia? Nam mundani Magistratus nequaquam possunt Christianorum demonstrare virtutes, quin potius frequenter habent accusationem malitiæ. Quam ob causam? quoniam et sollicitudines amicorum, et circumcursationes, et adulationes, et aliaque permulta his scœdiora tales Magistratus solent conciliare. Ceterum ubi Deus suo suffragio designarit aliquem, incorruptum suffragium, alienum ab omni suspitione judicium, indubitata fuerit delecti comprobatio, propter ejus, qui delegit, auctoritatem.

**IN III. NOCTURNO.**

Lectio sancti Evangelii secundum  
Lucam.

*Lectio vij.*

*Cap. 12.*

**I**N illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia S. Petri Chrysologi.

*Ex Sermone 32.*

**P**RÆMIA statuuntur iis semper, quibus certamina dura proponuntur: ac pro magnitudine certaminis, præmii proponitur magnitudo. Hinc

est, quod discipulis suis Christus regnum ponit in præmio, ut in certamine non cedant periculis, non timori. Pericula despicit qui tendit ad regnum: victoriæ cupidus nescit timere. Nolite timere, inquit, pusillus grex: quia complacuit Patri vestro dare vobis regnum. Grex pusillus mundo, magnus Deo: pusillus, quia gloriosos vocat eos, quos instituit ad ovium innocentiam, et mansuetudinem Christianam.

*Lectio viij.*

**A**DJECT quid faciendum sit regnaturis: Vendite quæ possidetis. Non potest dominari omnibus, nisi is, qui propriis non tenetur. Dejectæ mentis est, qui familiaris rei meminit, cum vocatur ad regnum; jacens animus plebejus nummulum thesauris regalibus anteponit. Pauper sensus parvis incubans, perdit magna; et inhians temporalibus, deserit sempiterna. Homo, tali monitu Christus te ditare voluit, non nudare: manere tibi tua voluit, non perire: perpetuari, non vacuari sacculos imperavit: jussit te transferre, non perdere.

*Lectio ix.*

**P**LUS consilio patris agit, quam jure dominantis. Inter insidias latronum et tinearum morsus quare tua recondas, objurgat: pervigiles noctes, dies anxios, sollicita tempora ne tibi ipse facias, commoneris. Auri custos, servator argenti, securitatem non habet, nescit quietem; et cui deest securitas, quies perit; pœna dives est ille, non censu. Thesaurum non deficientem in cœlo hoc est dicere, Ubi ego sum, ibi ponite: date mihi, ego servo. Homo, da Patri, crede Deo: quia et hæredi Pater, et Deus homini creditum non negabit: tenere tua non potest, quia sua dedit.

**IV. Die infr. octav.**

S. FRANC. DE PAULA

IN II. NOCTURNO.

De Sermone S. Joannis Chrysostomi

*Unde supra paulo post.**Lectio iv.*

**Q**UANTUM autem sit pietatis argumentum, quod Deus illum tanto magistratu dignum judicavit, audi. Christus excitatus a morte, quid dicit Petro? Postquam enim illum interrogasset, Petre amas me? isque respondisset, Tu Domine scis quod amo te; dicit illi: Si diligis me, pasco oves meas. Hoc autem dicebat, non solum ut nobis certissime declararet, quantopere ipsum diligeret Petrus: verum etiam, ut palam faceret, quantum haberet benevolentiam erga suas oves. Itaque si quis voluerit illi commendatus esse, curam habeat ovium illius, publicam quærat utilitatem, fratrum suorum salutem prospiciat.

*Lectio v.*

**N**ULLUM enim officium hoc Deo charius est, et ob id alicubi dicit: Simon, Simon, expetivit te Satanas, ut cribraret te tamquam triticum, sed ego rogaui pro te, ne deficiat fides tua. Quid igitur hujus sollicitudinis curæque præmium mihi rependis? eandem curam, quam nobis impendit, reposcit. Nam et tu, inquit, aliquando conversus confirma fratres tuos. Neque prorsus alia res est, quæ perinde declaret doceatque quis sit fidelis et amans Christi, quam si fratrum curam agat, proque illorum salute gerat sollicitudinem.

*Lectio vj.*

**H**ÆC omnes audiant et monachi, qui montium occuparunt cacumina, quique modis omnibus seipso mundo crucifixerunt, quo pro viribus Ecclesiarum præfectos adjuvent, horumque curas leniant precibus, concordia, charitate: scientes, quod nisi modis omnibus opitulentur his, qui tot periculis obiciuntur, per gratiam Dei, totque negotiorum curas sustinent, quibuscumque possunt rationibus auxiliantur, quamquam procul habitantes, et victus sors ipsis periisset, et tota in scopulum impegisset sapientia.



## IN III. NOCTURNO.

Lectio sancti Evangelii secundum  
Lucam.

Lectio vij.

Cap. 12.

**I**N illo tempore : Dixit Jesus discipulis suis : Nolite timere pusillus grex , quia complacuit Patri vestro dare vobis regnum. Et reliqua.

De Homilia S. Petri Chrysologi.

Ex Sermone 23.

**A**UDISTIS hodie , quemadmodum Dominus pastoralis iubilo clangorem tubæ cœlestis adjunxit , ut diu inclinatæ ovium mentes ad divina tolleret , cœleste protinus promoveret ad regnum. Acquisivit humilitas superbia quod amisit : et grex pusillus ac mitis , totas et varias edomuit propria mansuetudine feritates ; pusillus grex vicit ac fregit tot genera bestiarum , quot diversitates subdidit jugo Christi nationum.

Lectio viij.

**G**REX pusillus ac mitis diu contentus occidi , diu devorari passus est , donec gentilis sævitia sanguine satiata , vel carnibus , Evangelici pabuli suavitatem , et divini fontis fluentia degustans , totum contagium sæculi evitaret , et pastum : atque in hominem rediret ex bestia qui ex homine fuerat dilapsus in bestiam. Hoc sensit ante Prophetas , hoc Apostolos implese , hoc pertulisse Martyres constat , attestante illo qui dicit : Propter te mortificamur tota die , æstimati sumus ut oves occisionis. Ut vero iste grex novi ordinis aggrediretur prælium , ubi vivit ille qui fuit occisus : imitatus est suum Regem , illum secutus est Agnum , qui sicut ovis ad occisionem ductus est.

Lectio ix.

**T**IBI ergo Rex , tibi sacerdos , tibi pastor , tibi sacrificium , tibi ovis , tibi agnus , tibi totum factus est qui fecerat totum. Et qui sibi nunquam , tibi toties immutatur , propter te varias monstratur in formas , qui manet unica suæ majestatis in forma.

Et quid plura? dat se tibi Deus , homo , ut ferre potes : quia , ut est , tu non potes sustinere.

## V. Die infr. octav.

S. FRANC. DE PAULA.

## IN II. NOCTURNO.

*Tres Lect. S. Gregorii. Deridetur justis simplicitas , etc. ut in Brev. in eod. Comm. p. 89°. Quod si in die festo lectæ sint , earum loco ponantur Lect. S. Joannis Chrys. Qui Sanctorum merita , etc. ut in II. die infr. octav. 179°.*

## IN III. NOCTURNO.

Lectio sancti Evangelii secundum  
Lucam.

Lectio vij.

Cap. 12.

**I**N illo tempore : Dixit Jesus discipulis suis : Nolite timere pusillus grex , quia complacuit Patri vestro dare vobis regnum. Et reliqua.

De Homilia sancti Petri Chrysologi.

Unde supra

**S**ED audiamus jam quid pusillo gregi talis promiserit pastor. Nolite timere , inquit , pusillus grex , quia complacuit Patri vestro dare vobis regnum. O bonitas effusa ! o inaudita pietas ! o ineffabilis affectio ! In societate census pastor oves assumit , atque ad consortium dominationis servos Dominus adsciscit : ad principatum regni Rex gregem populi totius admittit. Sic , sic dat , cui deficere census , cui regnum minui , vacuari potestas non potest largiendo.

Lectio viij.

**E**CCE qui dat , dare loquitur Patrem. Numquid largitatem suam denegat , sic dicendo ? Absit ; non potestatem minuit , sed pendit affectum , sic dicendo : non distantiam facit , sed Patris suamque voluntatem monstrat , firmat unitatem. Quod autem dixit , Complacuit ; et non dixit , Placuit ; munus edocet Trinitatis quia quod erga nos Filio placuit , hoc complacuit Trinitati.

*Lectio ix.*

**P**OST tantam ergo Dominus largitatem, post suam gratiam tibi copiosius collatam, abjecta, et vilia peculia servitutis jubet abjicere regnatorum. Vendite quæ possidetis, et date eleemosynam. Plebejum cultum regia non admittit potestas, augustus honor non nisi diademate confertur et purpura. Abjicere ergo debet habitum servitutis, qui se regem credit divinitus consecratum. Est consuetudinis, est animi felicitas, ut adscitus ad regnum, quod fuit proprium, quod privatum, mox parentibus, mox propinquis, civibus indigentibus, liberaliter prorogare, ne sit mendicus animo, qui censu functus et honore.

**VI. die infr. octav.**

S. FRANC. DE PAULA.

IN II. NOCTURNO.

Ex libro Moralium S. Gregorii

*Lib. 10. c. 16. in cap. 12. Job.**Lectio iv.*

**B**ENE justis simplicitas, et lampas esse dicitur, et contempta: lampas, quia interius lucet; et contempta, quia exterius non lucet. Intus ardet flamma charitatis, foris nulla gloria resplendet decoris. Lucet ergo, et despicitur qui flagrans virtutibus abjectus aestimatur. Sed usquequo lampas ista contemnitur? usquequo despiciabilis habetur? numquid non fulgorem suum nullatenus exerit, et numquam quanta claritate candeat, ostendit? Ostendit plane; nam protinus additur: Parata ad tempus statutum. Statutum quippe contemptæ lampadis tempus, est extremi judicii prædestinatus dies, quo justus quisque, qui nunc despicitur, quanta potestate fulgeat demonstratur.

*Lectio v.*

**T**UNC enim cum Deo judices veniunt, qui nunc pro Deo injuste judicantur. Tunc eorum lux tanto latius emicat, quanto eos nunc manus persequentium durius angustat. Tunc reproborum oculis patescet, quod cæ-

lesti potestate subnixi sunt, qui terrena omnia sponte reliquerunt. Unde electis Veritas dicit: Vos, qui secuti estis me, in regeneratione, cum sederit Filius hominis in sede majestatis suæ, sedebitis et vos super duodecim sedes, judicantes duodecim tribus Israel. Neque enim plusquam duodecim judices illa interni consessus curia non habebit, sed nimirum duodenario numero quantitas universitatis exprimitur: quia quisquis stimulo divini amoris excitatus hic possessa reliquerit, illic procul dubio culmen judicariæ potestatis obtinebit.

*Lectio vj.*

**H**INC est enim, quod de sanctæ Ecclesiæ sponso per Salomonem dicitur: Nobilis in portis vir ejus, quando sederit cum senatoribus terræ. Hinc Isaias ait: Dominus ad judicium veniet cum senioribus populi sui. Hinc eosdem seniores Veritas non jam famulos, sed amicos denunciat, dicens: Non jam dicam vos servos, sed amicos meos. Quos Psalmista intuens, ait: Mihi autem nimis honorati sunt amici tui Deus. Quorum dum celsitudinem cordis aspiceret, mundi gloriam qua calce calcarent, protinus addidit: Nimis confortatus est principatus eorum. Ac ne paucos esse crederemus, quos proficere usque ad summam tantæ perfectionis agnoscimus, illico adjunxit: Dinumerabo eos, et super arenam multiplicabuntur. Quot itaque nunc pro amore veritatis sese libenter humiliant, tot tunc in judicio lampades coruscant.

## IN III. NOCTURNO.

Lectio sancti Evangelii secundum Lucam.

*Lectio vij. Cap. 12.*

**I**N illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua

De Homilia sancti Petri Chrysologi.

*Unde supra*

**T**ALI ergo providentia Dominus, consilio tali, vilia, et cada-

ca jubet ut vendamus, ut largiamur, ut donemus, qui in cœlesti regno omnia, quæ in cœlo et quæ in terra sunt volumus possidere. Sed si vis servare tuorum pretia prædiorum, et sacculorum forte condita te delectant; fac tibi sacculos quales ille præcepit, qui jam cupiditatis tuæ custos est et provisor. Denique ut vidit quod duriter dixit: Vendite quæ possidetis; mox adjecit: Facite vobis sacculos qui non veterascunt, thesaurum non deficientem in cœlis.

*Lectio viij.*

**ITERUM** contristatus es: quia quod habes, in cœlis cogis collocare. Rogo, crede Deo tuo qui servo credis: magis Deo, quam homini commenda. Sed si times ne quid inde præsumat, ne quid dispergat pietas largitoris, signa fidei annulo sacculos tuos, ut tali custode dormias tu securus: quia ubi ille est, ibi locus nullus est furi. Non poterit tibi tuam pecuniam denegare, qui tibi omnia sua contulit, qui te regni sui et honore ditavit et gloria.

*Ex Sermone 25. circa fin.*

*Lectio ix.*

**NOVO** modo, imo cœlesti modo, qui hunc audit, vendendo comparat, recondit erogando; dum amittit, acquirit. Quam cupit pecuniam perdurare, perpetuare sacculos divitiarum, condita permanere, qui dicit: Facite vobis sacculos qui non veterascunt. Ecce docet avaritiam, qui ceperat suadere contemptum. Et qui thesaurizantes temporaliter arguebat, ad totum cupiditatis fomitem jubet sacculos sine fine perquiri. Christe, quo te pertrahit amor tuorum! Ut avarum lucrifacias, facis eum quod desiderat, non quod oportet audire, sacculos imperas, ut avarus, dum consueta percurrit ad lucra, aut virtutem capiat, aut a virtute capiatur.

**VII. Die infr. octav.**

S. FRANC. DE PAULA.

IN II. NOCTURNO.

Sermo S. Bernardi Abbatis.

*Serm. 1. de S. Victore.*

*Lectio iv.*

**SANCTI** Francisci vita, et gloria specialis, non tam ad gloriam, quam ad virtutem provocat omnes, qui recto sunt corde. Non recti plane, sed perversi est animi, ante querere gloriam, quam exercere virtutem; et velle coronari, qui legitime non certaverit. Vanum est vobis, inquit, ante lucem surgere. Ita est: frustra ad celsitudinem nititur gloriæ, qui prius non claruit virtute. Frustra fatuæ virgines sponso obviam surgunt, quarum lampades extinguuntur: et ideo fatuæ, quia vacuis glorianitur lampadibus, virtutis oleum non habentes.

*Lectio v.*

**VIRTUS** gradus ad gloriam: virtus mater gloriæ est. Fallax gloria, et vana est pulchritudo, quam illa non parturivit. Sola est, cui gloria jure debetur, et secure impenditur. Sancto Francisco nec virtus, nec gloria deest: sed quemadmodum ambæ res, et quo ordine in homine processerunt, id operæ pretium intueri. Habemus enim, dilectissimi, in vita Francisci et quod digne miremur, et quod salubriter imitemur. Tutius sane æmulanda solidiora, quam sublimiora, et quæ magis virtutem redeant, gloriam minus. Studeamus proinde moribus conformari, cui in mirabilibus simili, etsi volumus, non valemus.

*Lectio vj*

**ÆMULEMUR** in viro sobrium victum, devotum affectum; æmulemur mansuetudinem spiritus, castimoniam corporis, oris custodiam, animi puritatem, ponere frænum iræ, et modum linguæ, dormire parcius, orare frequentius, commonere nosmetipsos psalmis, hymnis et canticis spiritualibus, diebus jungere noctes, et divinis laudibus occupare; æmulemur charismata meliora. Æmulemur, inquam, quod extitit libera-



lis in pauperes, patiens ad peccantes, benignus ad omnes. Hoc enim melius. In his forma est, cui imprimamur: in miraculis gloria, a qua reprimamur. Illa lætificent, ista ædificent: moveant illa, ista promoveant.

## IN III. NOCTURNO

Lectio sancti Evangelii secundum  
Lucam.

Lectio vij. Cap. 12.

**I**N illo tempore: Dixit Jesus discipulis suis. Nolite timere pusillus grex, quia complacuit Patri vestro dare vobis regnum. Et reliqua.

De Homilia S. Petri Chrysologi.

Post supradicta.

**V**ERE Pater, o Christe, qui cum tuis quibuscumque parvulis sic agis. Namque et nos interdum nostris parvulis petentibus noxia, ingerimus salutaria sub specie noxiorum, fallentes insipientiam, non decipientes affectum. Dixisti, Facite vobis sacculos qui non veterascunt. Sacculus cur paratur? quid ibi claustra, ubi ipsa custos est innocentia? ibi quid signaculum, ubi fraudis suspicio non habetur? si et in cœlo sacculis opus est, cura non amittitur, sed mutatur.

Lectio viij.

**D**OMINE, tu vidisti, quia in thesauris tota fides, tota spes in sacculis sit avaris; et ideo imputribiles in cœlo sacculos vis parari, ut qui te non sequitur ad cœlum, sequatur saltem sacculos suos. Avare, fac tibi sacculos et fac iubente Deo, quia votis tuis annuit divina majestas. Sed fac tibi sacculos erogando: quia quidquid pauper acceperit, Pater cœlestis suscipit. Et ubi recondit? in cœlo. Et ne forte perdidisse te doleas vel usuram, centuplum in cœlesti fœnore recipies, quidquid in cœlum paupere transmiseris perferente.

Lectio ix.

**U**SURA mundi centum ad unum,  
Deus unum accipit ad centum,

et tamen homines cum Deo nolunt habere contractum. Sunt forsitan de cautione solliciti. Quare? nonne homo homini exiguae chartulæ obligatione constringitur? Deus tot et tantis voluminibus cavet, et debitor non tenetur? Sed dicis: Esto quod debeat; quo exigente restituet? Se ipso, quia non potest ille mentiri: idem ipse est et executor et debitor. Non erit in reddendo durus qui profusus est in largiendo. Crede, homo, Deo quod tibi Deus dedit: majora reddere vult, cum vult debere largitor.

## IN DIE OCTAVA

S. FRANC. DE PAULA.

IN II. NOCTURNO.

De Sermone S. Bernardi Abbatis.

Serm. 2. de S. Victore.

Lectio iv.

**G**AUDETE in Domino, dilectissimi, qui inter continua sue pietatis beneficia indulset hominem mundo, ejus multi salventur exemplo. Iterum dico gaudete, quod factus de medio appropriavit Deo, ut multo plures ejus intercessione salventur. In terris visus est, ut esset exemplo: in cœlum levatus est, ut sit patrocinio. Hic informat ad vitam, illic invitat ad gloriam. Factus est mediator ad regnum, qui fuit incitator ad opus. Bonus mediator, qui sibi jam postulans nihil, totum in nos transferre desiderat, et supplicantis affectum, et supplicationis fructum. Quid enim quærat sibi qui nullius eget?

Lectio v.

**H**ÆC dies gloriosæ migrationis ejus, dies lætitiæ cordis ejus: exultemus, et lætemur in ea. Introivit in potentias Domini, gaudeamus: quia nunc potentior est ad salvandum. Hodie Franciscus, posito corpore, tanto alacrior, quanto expeditior penetravit in sancta, similis factus in gloria Sanctorum. Hodie despecto mundo, et mundi principe triumphato, supra mundum victor ascendit, accipiens de manu Domini coronam

victoriæ. Ascendit autem cum immensa suppellectili meritorum. clarus triumphis, miraculis gloriosus. Sedet veteranus miles, debita jam suavitate et securitate quietus: securus quidem sibi, sed nostri sollicitus. O venerandam etiam ipsis Angelis sanctitatem, quam pari studio, etsi dispari voluntate, et mali fugitant, et frequentant boni. Nec facile dixerim, quid virum adstruat sanctiorem, horum favor, aut pavor illorum.

*Lectio vi.*

**O** MILES emerite, qui Christianæ militiæ duris laboribus Angelicæ felicitatis requiem commutasti: respice ad imbelles et imbecilles commilitones tuos, qui inter hostiles gladios, et spirituales nequitias tuis laudibus occupamur. Quam pium, quam dulce, quam suave, o Francisce, in hoc loco afflictionis, et in hoc corpore mortis te canere, te colere, te precari! Nomen tuum, et memoriale tuum, favus distillans in labiis captivorum, mel et lac sub lingua eorum, qui tui memoria delectantur. Eja ergo fortis athleta, dulcis patronæ, advocate fidelis, exurge in adiutorium nobis; ut et nos de nostra ereptione gaudeamus, et tu de plena victoria glorieris.

In III. NOCTURNO.

Lectio sancti Evangelii secundum  
Lucam.

*Lectio vii.*

Cap. 12.

**I**N illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

De Homilia S. Petri Chrysologi.

*Ex Serm. 15. initio.*

**H**ODIE Dominus Evangelici gregis pusilla et tenera primordia quam blanda exhortatione sit consolatus, audistis. Aufert spes anxias, dubios tollit eventus, omnemque propellit et excludit timorem, quando in exordio ipso regnum nascentibus pollicetur. Quis de victu, quis de vestitu, quis de plebeio censu, et vernalis

cespitis vilitate suspirat; de regno certus, de dominatione securus? Satis sibi invidet qui elevatus ad summa, ipse se ad humilia dejecit, ad egena deponit.

*Lectio viij.*

**S**ED scire convenit, Pater iste quis est, vel qualis est, vel quod regnum suis filiis repromittit. Quis sit iste Pater, quotidie te confitente cognoscis, cum clamas: Pater noster, qui es in cœlis. Qualis autem sit, ipsa operum magnitudine pervidisti. Ex nihilo fecit cœlum, terram solidavit ex liquido, montes statuit ad stateram, maria intra legitimos terminos sola præcepti auctoritate conclusit. Verum si regni, quod promittit pusillis, desideras nosse qualitatem, ipse aperit, sic dicendo: Sinite parvulos venire ad me; talium est enim regnum cœlorum. Esse in cœlo mirum est: in cœlo vivere est majestatis.

*Lectio ix.*

**Q**UID ergo cum terra illi, qui possidet cœlum? quid illi cum humanis, qui adeptus est jam divina? Nisi forte placent gemitus, eliguntur labores, amantur pericula, pessima mors delectat, et illata mala bonis sunt gratiora collatis. Sed videamus quod dat Pater tantus consilium regnaturis: Vendite quæ possidetis, et date eleemosynam. Si victuros vos, si regnatorios, si vos jam divites esse creditis in supernis, ubi futuri, quo migraturi, ubi regnaturi estis: vos illa, quæ vestra sunt, jam præcedant: opes miseras misericordia compute: quæ humana sunt, in divina convertite.

**DOM. III. POST PASCHA**

**Patr. S. Joseph. Sp. B. V.**

*Duplex 2. Classis.*

*Ad Vesp. Ant. Jacob autem. cum reliq. de Laud.*

*Psalm. Dixit Dominus. cum reliq. de Dom. p. 86. et loco ultim. Laudate Dominum omnes Gentes.*

Capitulum.

Gen. 49.

**B**ENEDICTIONES Patris tui confortatæ sunt benedictionibus Patrum ejus : donec veniret desiderium collum æternorum : fiant in capite Joseph , et in vertice Nazaræi inter fratres suos.

*Hymnus. Te , Joseph ut die 19. Mart. p. 684.*

*A.* Constituit eum Dominum domus suæ , alleluia. *Ÿ.* Et Principem omnis possessionis suæ , alleluia.

*Ad Magnif. Ant.* Cum esset desponsata Mater Jesu Maria Joseph , antequam convenirent , inventa est in utero habens de Spiritu sancto , alleluia.

Oratio.

**D**EUS , qui ineffabili providentia beatum Joseph sanctissimæ Genitricis tuæ Sponsum eligere dignatus es : præsta quæsumus ; ut quem protectorem veneramus in terris , intercessorem habere mereamur in cælis. Qui vivis , et regnas.

*Et sit commem. Dominicæ.*

*Ad Matut. Invit.* Laudemus Deum nostrum , \* In veneratione beati Joseph Protectoris nostri , allel.

*Psalm.* Venite , exultemus. I.

*Hymn. Te , Joseph. ut ad Vesp.*

IN I. NOCTURNO.

*Ant.* Angelus Domini apparuit in somnis Joseph , dicens : Surge , et accipe Puerum , et Matrem ejus , et fuge in Ægyptum , et esto ibi , usque dum dicam tibi , alleluia.

*Psalmi de Communi Confessoris non Pontif. p. 51.*

*Si festum transfer. extr. temp. Paschal. tunc antiph. desumant. ex die 19. Martii.*

*Ÿ.* Confitebor nomini tuo alleluia.

*A.* Quoniam Adjutor , et Protector factus es mihi , alleluia.

De libro Genesis.

Lectio i.

Cap. 39.

**I**GITUR Joseph ductus est in Ægyptum , emitque eum Putiphar Eunuchus Pharaonis Princeps exerci-

tus , vir Ægyptius , de manu Ismaelitarum , a quibus perductus erat. Puitque Dominus cum eo , et erat vir in cunctis prospere agens : habitavitque in domo domini sui , qui optime noverat Dominum esse cum eo , et omnia quæ gereret , ab eo dirigi in manu illius. Invenitque Joseph gratiam coram domino suo , et ministrabat ei ; a quo præpositus omnibus gubernabat creditam sibi domum , et universa quæ ei tradita fuerant. Benedixitque Dominus domui Ægyptii propter Joseph , et multiplicavit tam in ædibus , quam in agris cunctam ejus substantiam , nec quidquam aliud noverat , nisi panem quo vescebatur. Erat autem Joseph pulchra facie , et decorus aspectu.

*A.* Clamavit populus ad regem alimenta petens. \* Quibus ille respondit : Ite ad Joseph , alleluia. *Ÿ.* Salus nostra in manu tua est : respice nos tantum , et læti serviemus Regi. Quibus.

Lectio ii.

Genes. cap. 41.

**P**LACUIT Pharaoni consilium , et cunctis ministris ejus : locutusque est ad eos : Num invenire poterimus talem virum , qui spiritu Dei plenus sit? Dixit ergo ad Joseph. Quia ostendit tibi Deus omnia quæ locutus es , numquid sapientiores , et consimilem tui invenire potero? Tu eris super domum meam , et ad tui oris imperium cunctus populus obediet , uno tantum Regni solio te præcedam. Dixitque rursus Pharaon ad Joseph : Ecce constitui te super universam terram Ægypti. Tulitque annulum de manu sua , et dedit eum in manu ejus : vestivitque eum stola byssina , et collo torquem auream circumposuit. Fecitque eum ascendere super currum suum secundum , clamante præcone , ut omnes coram eo genuflecterent , et præpositum esse scirent universæ terræ Ægypti.

*A.* Fecit me Deus quasi Patrem Regis , et Dominum universæ domus ejus : \* Exaltavit me , ut salvos fa-



ceret multos populos, alleluja. *ŷ.* Venite ad me, et ego dabo vobis omnia bona Ægypti, ut comedatis medullam terræ. Exaltavit.

*Lectio iii. Genes. cap. 41.*

**D**IXIT quoque Rex ad Joseph: Ego sum Pharao: absque tuo imperio non movebit quisquam manum, aut pedem in omni terra Ægypti. Vertitque nomen ejus; et vocavit eum lingua Ægyptiaca, Salvatorem mundi. Deditque illi uxorem Aseneth filiam Putipharis Sacerdotis Heliopoleos. Egressus est itaque Joseph ad terram Ægypti (triginta autem annorum erat, quando stetit in conspectu Regis Pharaonis) et circumvit omnes Regiones Ægypti. Venitque fertilitas septem annorum: et in manipulos redactæ segetes congregatæ sunt in horrea Ægypti. Omnis etiam frugum abundantia in singulis urbibus condita est. Tantaque fuit abundantia tritici, ut arenæ maris cœquaretur, et copia mensuram excederet.

*ŷ.* Jam lætus moriar, quia vidi faciem tuam, et superstitem te relinquo. Non sum fraudatus aspectu tuo. Insuper ostendit mihi Dominus semen tuum, alleluja. *ŷ.* Qui pascit me ab adolescentia mea benedicat pueris istis: et invocetur super eos nomen meum. Insuper. Gloria Patri. Insuper.

#### IN II. NOCTURNO.

*Ant.* Angelus Domini apparuit in somnis Joseph, dicens: Surge, et accipe Puerum, et Matrem ejus, et vade in terram Israel, defuncti sunt enim qui quærebant animam pueri, alleluja.

*ŷ.* Respice de cælo, et vide, et visita vineam istam, alleluja.

*ŷ.* Et perfice eam, alleluja.

Sermo sancti Bernardini Senensis.

Sermo 1. de S. Joseph.

*Lectio iv.*

**O**MNIUM singularium gratiarum alicui rationabili creaturæ communicatarum, generalis regula est,

quod quandocumque divina gratia eligit aliquem ad aliquam gratiam singularem, seu ad aliquem sublimem statum, omnia charismata donet, quæ illi personæ sic electæ, et ejus officio necessaria sunt, atque illam copiose decorant. Quod maxime verificatum est in Sancto Joseph, putativo Patre Domini nostri Jesu Christi, et vero Sponso Reginae mundi, et Dominae Angelorum, qui ab æterno Patre electus est fidelis Nutricius, atque Custos principalium thesaurorum suorum, scilicet Filii ejus, et sponsæ suæ, quod officium fidelissime prosecutus est. Cui propterea Dominus ait: Serve bone, et fidelis, intra in gaudium Domini tui.

*ŷ.* Dedisti mihi protectionem salutis tuæ, et dextera tua suscepit me: Protector meus, et cornu salutis meæ, et susceptor meus, alleluja. *ŷ.* Ego Protector tuus sum, et merces tua magna nimis. Protector.

*Lectio v.*

**S**I compares eum ad totam Ecclesiam Christi, nonne iste est homo electus et specialis, per quem, et sub quo Christus est ordinate et honeste introductus in mundum? Si ergo Virgini Matri tota Ecclesia sancta debitor est, quia per eam Christum suscipere digna facta est: sic profecto post eam huic debet gratiam et reverentiam singularem. Ipse enim est clavis veteris Testamenti, in qua Patriarchalis, et Prophetalis dignitas promissum consequitur fructum. Porro hic est solus, qui corporaliter possedit quod eis Divina dignatio repro-misit. Merito igitur figuratur per illum Patriarcham Joseph, qui populis frumenta servavit. Sed et hic illum præcellit, quia non solum Ægyptiis panem corporalis vitæ, sed omnibus electis panem de cælo, qui cœlestem vitam tribuit, cum multa solertia nutrit.

*ŷ.* Statuet filios suos sub tegmine illius, et sub ramis ejus morabitur: protegetur sub tegmine illius a fer-

vore. \* Et in gloria ejus requiescet, alleluja. †. Sperate in eo omnis congregatio populi, effundite coram illo corda vestra. Et in.

*Lectio vi.*

**P**ROFECTO dubitandum non est, quod Christus familiaritatem, reverentiam, atque sublimissimam dignitatem, quam sibi exhibuit, dum ageret in humanis, tamquam filius Patri suo, in cœlis utique non negavit, quin potius complevit, et consumavit. Unde non immerito in verbo proposito a Domino subinfertur: Intra in gaudium Domini tui. Unde, licet gaudium æternæ beatitudinis in cor hominis intret, maluit tamen Dominus ei dicere: Intra in gaudium; ut mystice innuatur, quod gaudium illud non solum in eo sit intra, sed undique illum circumdans, et absorbens, et ipsum velut abyssus infinita submergens. Memento igitur nostri, beate Joseph, et tuæ orationis suffragio apud tuum putativum Filium intercede, sed et Beatissimam Virginem Sponsam tuam nobis propitiam redde, quæ Mater est ejus, qui cum Patre, et Spiritu sancto vivit et regnat per infinita sæcula sæcul. Amen.

℟. Si consistent adversum me castra, non timebit cor meum: \* Si exurgat adversum me prælium, in hoc ego sperabo, alleluja. †. In te cantatio mea semper, quoniam tu adjutor fortis. Si. Gloria. Si.

IN III. NOCTURNO.

*Ant.* Consurgens Joseph accepit Puerum, et Matrem ejus, et venit in terram Israel, et habitavit in civitate, quæ vocatur Nazareth, alleluja.

℟. Invocavi Dominum Patrem Domini mei, alleluja.

℟. Ut non derelinquat me in die tribulationis, alleluja

*Lectio sancti Evangelii secundum Lucam.*

*Lectio vij.*

*Cap. 3.*

**I**n illo tempore: Factum est autem cum baptizaretur omnis po-

pulus, et Jesu baptizato, et orante, apertum est cœlum. Et reliqua.

Homilia sancti Augustini Episcopi.

*Lib. 2. de Consensu Evang.*

**M**ANIFESTUM est illud, quod ait, ut putabatur filius Joseph, propter illos dixisse, qui eum ex Joseph, sicut alii homines nascuntur, natum arbitrantur. Quos autem movet, quod alios progenitores Matthæus enumerat, descendens a David usque ad Joseph, alios autem Lucas ascendens a Joseph usque ad David, facile est, ut advertant, duos Patres habere potuisse Joseph: unum a quo genitus; alterum a quo fuerit adoptatus. Antiqua est enim consuetudo adoptandi etiam in illo populo Dei, ut sibi filios facerent quos non ipsi genuissent. Unde intelligitur Lucas Patrem Joseph, non a quo genitus, sed a quo fuerat adoptatus, suscepisse in Evangelio suo, cujus progenitores sursum versus commemorat, donec exiret ad David.

℟. Joseph fili David, noli timere accipere Mariam conjugem tuam, quod enim in ea natum est, de Spiritu sancto est; pariet autem filium, \* Et vocabis nomen ejus Jesum, allel. †. Ipse enim salvum faciet populum suum a peccatis eorum. Et vocabis.

*Lectio viij.*

**C**UM enim necesse sit, utroque Evangelista vera narrante, et Matthæo scilicet, et Luca, ut unus eorum ejus Patris originem teneret, qui genuerat; alter ejus, qui adoptaverat Joseph: quem probabilius intelligimus adoptantis originem tenuisse, quam eum, qui noluit Joseph genitum dicere ab illo, cujus eum filium esse narrabat? Matthæus autem dicens, Abraham genuit Isaac, Isaac genuit Jacob, atque ita in hoc verbo, quod est genuit, perseverans, donec in ultimo diceret: Jacob autem genuit Joseph, satis expressit ad eum patrem se perduxisse originem generantium, a quo Joseph non a-

adoptatus, sed genitus erat? Quamquam si etiam Lucas genitum diceret Joseph ab Heli, nec sic nos hoc verbum perturbare deberet, ut aliud crederemus, quam ab uno Evangelista gignentem, ab altero adoptantem Patrem fuisse commemoratum. Neque enim absurde quisque dicitur non carne, sed caritate genuisse quem filium sibi adoptaverit. At vero etiam nos, quibus dedit Deus potestatem filios ejus fieri, de natura atque substantia sua non nos genuit, sicut unicum Filium, sed utique dilectione adoptavit.

ñ. Surge, et accipe Puerum et Matrem ejus, et fuge in Ægyptum. Et esto ibi, usque dum dicam tibi, allel. γ. Ut adimpleretur quod dictum est a Domino per Prophetam dicentem: Ex Ægypto vocavi Filium meum. Et. Gloria. Et.

### *Ad Laudes*

*et per Horas, Antiphonæ*

**JACOB** autem genuit Joseph, virum Mariæ, de qua natus est Jesus, qui vocatur Christus Alleluia.

*Psalm. Dominus regnavit cum reliq. de Dom. 13.*

2. Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, alleluia.

3. Ascendit autem Joseph a Galilæa de civitate Nazareth, in Judæam in civitatem David quæ vocatur Bethlehem, alleluia.

4. Et venerunt festinantes et invenerunt Mariam, et Joseph, et infantem positum in præsepio, allel. alleluia.

5. Et ipse Jesus erat incipiens quasi annorum triginta, ut putabatur filius Joseph, alleluia.

*Capitulum ut ad Vesper.*

*Hymnus Cœlitum Joseph decus. ut in die 19. Mart. p. 685.*

γ. Dedisti mihi protectionem salutis tuæ, allel.

ñ. Et dextera tua suscepit me, allel.

*Ad Bened. Ant. Joseph fili David* noli timere accipere Mariam conjugem tuam, quod enim in ea natum est de Spiritu sancto est, allel.

*Oratio ut supra.*

*Et sit commem. Dominicæ.*

### *Ad Tertiam.*

*Cap. Benedictiones Patris tui. ut supra.*

ñ. br. Constituit eum Dominum domus suæ, Alleluja Allel. Constituit eum. γ. Et principem omnis possessionis suæ. Allel. Gloria. Constituit.

γ. Confitebor nomini tuo, allel.

ñ. Quoniam adjutor, et Protector factus es mihi, allel.

### *Ad Sextam.*

*Capitulum. Genesis 49.*

**DEUS** Patris tui erit adjutor tuus, et omnipotens benedicet tibi benedictionibus cœli desuper.

ñ. br. Confitebor nomini tuo, Alleluia. allel. Confitebor. Quoniam adjutor et protector factus es mihi. Allel. Gloria. Confitebor.

γ. Justus germinabit sicut lilium, allel.

ñ. Et florebit in æternum ante Dominum, allel.

### *Ad Nonam*

*Capitulum. Gen. 49.*

**FILIUS** accrescens Joseph, filius accrescens, et decorus aspectus; filiae discurrerunt super murum.

ñ. br. Justus germinabit sicut lilium, Allel. allel. Justus. γ. Et florebit in æternum ante Dominum. Allel. allel. Gloria. Justus.

γ. Plantatus in domo Domini, alleluja.

ñ. In atriis domus Dei nostri, allel.

*In II. Vesp. omnia ut in primis præter*

γ. Sub umbra illius, quem desideraveram, sedi, allel.

ñ. Et fructus ejus dulcis gutturi meo, allel.

*Ad Magnif. Ant. Fili, quid feci-*



sti nobis sic? ecce pater tuus, et ego  
dolentes quærebamus te, allel.

*Et sit comm. Dom.*

## DOMINICA I. MAII.

IN FESTO TRANSLATIONIS

**S. Januarii Ep. et Mart.**

**Præcipui Patroni Regni Neap.**

Duplex majus cum Octava.

*Serventur Rubric. de temp. Paschal.  
tum quoad 3y. Alleluia in Invit. Ant.  
et 4y. tum quoad tres Psalm. cujus-  
que noct. dicend. sub 1. Ant.*

**In I. Vesperts.**

*Ant. Suscitabo mihi, cum reliquis  
ex Laudibus. Psalmi de Dominica,  
p. 86. et loco ultimi. Laudate Domi-  
num omnes gentes.*

*Capitulum.*

**FRATRES:** Sancti per Fidem  
vicerunt regna operati sunt ju-  
stitiam, adepti sunt repromissiones:  
obturaverunt ora leonum, extinxerunt  
impetum ignis, effugerunt aciem gla-  
dii, convaluerunt de infirmitate, for-  
tes facti sunt in bello, castra verte-  
runt exterorum.

*Hymn. Deus tuorum militum de  
comm. un. Mart. p. 13\*.*

*y. Ne cesses pro nobis clamare ad  
Dominum.*

*a. Ut salvet nos de manu inimi-  
corum.*

*Ad Magnif. Ant. Beatus Januarius  
Præsul et Martyr inclytus extinxit  
impetum ignis, obturavit ora fera-  
rum, et in occisione gladii pro Chri-  
sto mortuus, legitimi certaminis coro-  
nam accepit.*

*Oratio.*

**DEUS,** qui in Translatione beati  
Januarii Martyris tui atque Pon-  
tificis, pretioso nos præsidii tui pigno-  
re locupletasti: quæsumus; ut ipso  
intercedente, populum tuum ab o-  
mnibus periculis eruas: ac de thesauris  
tuis divitias in nos ineffabilis miseri-  
cordiæ benignus effundas. Per Domi-  
num.

## HYMNUS

Præsulis Clerus, populusque no-  
meu

Martyris laudet, celebresque palmas;  
Et suo lætis modulis Patrono

Concinat hymnos.

Bestias, ignes, gladios minatur,

Ac necem judex furibundus ira:

Addit athletæ validas superna

Gratia vires.

Morret idolis adolere thura;

Dentibus, clamat, minuar ferarum,

Ignem consumar, feriar securi

Victima Christi.

Nunc vomit flammam metuenda for-  
nax;

Rugiunt illinc truculenta bruta;

Jussa lictores faciunt, eumque

Perdere certant.

Angelus cælo volitans ab alto

Imperat flammis crepitante in æstu;

Quos recedentes venerantur almi

Præsulis artus.

Inde procumbunt feritate missa

Ad pedes ejus placidi leones:

Strenuo optatam pugili coronam

Detulit ensis.

Sint tibi plausus, decus, atque virtus,

Cuncta qui nutu regis, et beatum

Martyrem claro decoras triumpho

Omne per ævum. Amen.

## IN I. NOCTURNO.

**1. Ant.** Sacerdos magnus, qui in  
ascensu altaris sancti gloriam dedit  
sanctitatis amictum.

*Seqq. Antiph. dicunt. tantum extr.  
temp. paschal.*

*Psalm. 1. Beatus vir etc. cum re-  
liq. de comm. un. Mart.*

**2.** Curavit gentem suam, et adeptus  
est gloriam in conversatione gentis.

**3.** Beati qui te viderunt, et ami-  
citia tua decorati sunt.

*y. Ne cesses pro nobis clamare ad  
Dominum.*

*a. Ut salvet nos de manu inimico-  
rum.*

*Lect. A Mileto, De comm. unius  
Mart. extr. temp. Pasch. p. 14\*.*

*a. Beatus Januarius in conspectu*

Præsidis bonum certamen fidei certans, \* Confessus est bonam confessionem coram multis testibus. *ŷ.* Nolite præcogitare quid loquamini; sed quod datum fuerit vobis in illa hora, id loquimini: non enim vos estis loquentes, sed Spiritus sanctus. Confessus.

*ŷ.* II. Hæc dicit Dominus: \* Quum ambulaveris in igne non combureris, et flamma non ardebit in te. *ŷ.* Magistratus et iudices, et potentes regis contemplantur virum illum, quoniam nihil potestatis habuisset ignis in corpore ejus, et capillus capitis ejus non esset adustus. Quum.

*ŷ.* III. Martyrem tuum, Domine, suspenderunt in equuleo: \* Et fecerunt in eo quæcumque voluerunt. *ŷ.* Tyrannus, et qui cum ipso erant mirabantur Martyris animum, quod tamquam nihilum ducebat et cruciatus. Et. Gloria. Et.

#### IN II. NOCTURNO.

*Ant. 1.* Fortitudo mea, et laus mea Dominus, et factus est mihi in salutem.

*Seqq. Antiph. dicunt. tantum extr. temp. Paschal.*

2. Persecutionem patimur, sed non derelinquimur: deijcitur, sed non perimus.

3. Zelo zelatus sum pro Domino Deo exercituum, et quærent animam meam, ut auferant eam.

*ŷ.* Hic est qui multum orat pro populo.

*ŷ.* Et universa sancta civitate.

#### IN II. NOCTURNO.

*Lectio iv.*

**Q**UO tempore beatus Pontifex Januarius pro Christi confessione Puteolis capite plexus est, venerabilis ejus Cruor, quem pro Christianæ Fidei veritate constantissime fuderat, pie collectus, atque in duabus vitreis ampullis reconditus est. Postea vero, pace Ecclesiæ reddita, sanctus Severus, ædificata jam prope Neapolim sancti Januarii Basilica, sacratissimum

Martyris Corpus cum magna Neapolitani Cleri, populique frequentia, iis etiam, qui de genere beati Januarii erant, comitantibus, Neapolim religiosissime transtulit: et Corpus quidem in ejus Basilica condidit; Cruoris vero ampullæ, ad hanc usque diem seorsum servatæ, illustre miraculum spectantibus exhibent. Nam cum eregione desecti pro Christo Capitis ponuntur, Cruor admirandum in modum colliquefieri, perinde atque recens effusus, ad hæc usque tempora cernitur.

*ŷ.* Manus Domini facta est super servum suum: accinctisque lumbis currebat ante rhedam Præsidis: \* Donec veniret ad locum martyrii *ŷ.* Neque iniquitas mea, neque peccatum meum, Domine: sine iniquitate curri et direxi. Donec.

Sermo sancti Joannis Chrysostomi.

Tom. 6. Orat. de Mart.

*Lectio v.*

**S**ÆPENIM RO, charissimi sub Aurora Soli exorientem vidistis et quasi croceos radios emittentem. Talia Sanctorum erant corpora, dum veluti crocei quidam radii, rivi sanguinis undique ex illis defluerent, eorumque corpus, multo, quam cælum Sol ipse, splendidius illustrarent. Hunc sanguinem Angeli contuentes oblectabantur, demones horrebant, et ipse diabolus tremebat. Non enim sanguis erat simpliciter, quod cernebatur, sed sanguis salutaris, sanguis sanctus, sanguis cælo dignus sanguis qui pulchras Ecclesiæ arbores perenni irrigatione fecundat.

*ŷ.* In sua simplicitate \* Liberatus est de ore leonum *ŷ.* Paveant omnes habitatores in universa terra Deum: ipse est salvator faciens signa et mirabilia, qui liberavit servum suum de lacu leonum. Liberatus.

*Lectio vj.*

**V**IDIT hunc sanguinem, horrui- que diabolus, recordatus est quippe alterius sanguinis Dominici. Propter illum sanguinem hic effluxit. Ex quo enim Domini latus apertum

est, sexcenta deinde latera effossa contueris. Quis enim non summa cum alacritate gaudiorum, sese ad agones istos ineundos, Dominicis passionibus communicaturus, et Christi morti conformis futurus accinget? Est enim sufficiens hæc retributio, et amplior merces, et, quod certamina excedit, præmium; vel illud etiam, quod ante ingressum cælorum regnum consequimur.

â. ① Timothee Januario gratias age: \* Nam propter eum tibi Dominus lumen donavit. †. Ecce manus Domini super te, et eris cæcus, et non videns solem usque ad tempus. Nam. Gloria. Nam.

## IN III. NOCTURNO.

Ant. 1. Dabo prodigia in cælo sursum, et signa in terra deorsum, sanguinem et ignem, et vaporem fumi.

Seq. Ant. dicuntur tantum extr. temp. Pasch.

2. Januarius Christi martyr per fidem defunctus, mortuum prophetavit corpus ejus: in vita sua fecit monstra, et in morte mirabilia operatus est.

3. Quum ignis egressus esset, et plaga desæviret, beatus Januarius pro populo deprecatus est, et plaga cessavit.

†. Sperate in eo omnis congregatio populi.

â. Effundite coram illo corda vestra.

Evang. et Homilia S. Joan. Chrysost. ut in festo S. Barnabæ Ap. die 11 Junii, p. 740.

â. VII. Exaudi me, Domine, exaudi me, ut discat populus iste, quia tu es \* Dominus Deus: Et tu convertisti cor eorum. †. Multi autem crediderunt, et factus est numerus virorum quinque millia. Et tu.

â. VIII. Vidi animas decollatorum propter testimonium Jesu, et verbum Dei \* Qui non adoraverunt bestiam, neque imaginem ejus. †. Æstimati sumus sicut oves occisionis; sed in

his omnibus superamus propter eum, qui dilexit nos. Qui. Gloria. Qui.

Nona Lect. de Dom. curr.

## Ad Laudes

et per Horas Ant.

1. Suscitabo mihi Sacerdotem fidelem, qui juxta cor meum, et animam meam faciet.

Psalm. Dominus regnavit, cum reliquis de Dominica, p. 13.

2. Esto fidelis usque ad mortem, et dabo tibi coronam vitæ.

3. Nihil horum timeas, quæ passurus es: ecce missurus est diabolus aliquos ex vobis in carcerem, ut tentemini.

4. Nihil horum vereor, nec facio animam meam pretiosiore quam me; dummodo consummem cursum meum, et ministerium verbi.

5. In omni opere dedit confessionem Sancto et Excelso in verbo gloriæ.

Capitulum ut in Vesperis.

## HYMNUS.

**M**IRA, quæ patras, tua, Januari, Civitas gaudens recolit: stupentes Advenæ cernunt: resonantque totum Nota per orbem.

Namque concretus diuturno ab ævo Sanguis ampulla vitrea liquescens Bullit: ac rebus populo est sinistris Dulce levamen.

Tu parens adsis; Patriæque custos Se fac insignem pietate avita Præbeat semper, Fideique vera Dogmata servet.

Tu probos mores docili juventæ, Tu senectuti placidam quietem, Alma tu Regno bona pacis omnes Impetra in annos.

Pelle tu pestem, furiasque belli, Tu famem, terræ subitosque motus, Atque Vesevi fera damna nostris Mœnibus arce.

Laus sit excelsæ Triadi perennis, Quæ tibi sertum tribuens coruscum, Te viam nobis famulis precante Pandat ad astra. Amen.

†. Protegam Civitatem istam.

â. Ut salvem eam.

N



*Ad Bened. Ant.* Igne me, Domine, examinasti, et non est inventa in me iniquitas: propter hoc lætatum est cor meum, et exultavit lingua mea.

***Ad Tertiam.***

*ā. brev.* Ne cesses pro nobis. *Clamare ad Dominum.* *ā.* Ne cesses. *ŷ.* Ut salvet nos de manu inimicorum. *Clamare.* *Gloria.* Ne cesses.

*ŷ.* Hic est qui multum orat pro populo.

*ā.* Et universa sancta civitate.

***Ad Sextam.***

*Cap.* Alii vero ludibria et verbera experti, insuper et vincula et carceres: lapidati sunt, secti sunt, in occisione gladii mortui sunt.

*ā. brev.* Hic est qui multum orat pro populo. *Hic.* *ŷ.* Et pro universa sancta Civitate. *Orat.* *Gloria.* *Hic.*

*ŷ.* Sperate in eo omnis congregatio populi.

*ā.* Effundite coram illo corda vestra.

***Ad Nonam.***

*Cap.* Et hi omnes testimonio Fidei probati inventi sunt in Christo Jesu Domino nostro.

*ā. brev.* Sperate in eo. *Omnis congregatio populi.* *Sperate.* *ŷ.* Effundite coram illo corda vestra. *Omnis.* *Gloria.* *Sperate.*

*ŷ.* Protegam civitatem istam.

*ā.* Ut salvem eam.

*In II. Vesperis omnia ut in primis; et loco ult. Psal.* Credidi, p.88.

*Ad Magnif. Ant.* Liberasti me, Domine, a rugientibus præparatis ad escam, et a pressura flammæ, quæ circumdedit me, et in medio ignis non sum æstuatus.

**IV. Die infr. octav.**

S. JANUARI EP. M.

*Lect. I. Noct. de Script. occ.*

IN II. NOCTURNO.

Sermo S. Petri Chrysologi.

De S. Apollinari.

*Lectio iv.*

**M**ERITO S. Januarius, quia juxta mandatum Dei sui perdidit animam suam, eam invenit in vitam sempiternam. Beatus, qui ita cursum consummavit, fidem servavit, ut vere primus a credentibus suo reperiretur in loco: nec eum quisquam Confessoris vocabulo minorem credat esse, quam Martyrem, quem Dei nutu, quotidianum, et multiplicem reversum conspicit ad agonem. Audi Paulum dicentem. Quotidie morior. Semel mori parum est eum, qui potest Regi suo gloriosam sæpe de hostibus referre victoriam.

*Lectio v.*

**N**ON tam mors, quam fides et devotio Martyrem facit: et sicut virtutis est in acie, in conflictu, pro regis amore succumbere; ita perfectæ virtutis est, diu agere et consummare certamina. Non ideo persecutus est Martyrem, quia non statim intulit mortem, sed probavit Martyrem, quia non elicuit fidem, iniecit tela quæ potuit, et omnia armorum suorum genera callidus exegit inimicus; nec tamen fortissimi ductoris movere mentem potuit, aut temerare constantiam.

*Lectio vj.*

**S**ED ut propugnatorem suum sibi Ecclesia sancta retineret, Christo vehementer occurrit: ut vincenti justitiæ reservaret coronam, et sibi belli tempore præliatoris sui præsentiam condonaret. Et quid plura, fratres? Egit egit Ecclesia sancta mater, ut nusquam a suo separaretur Antistite. Ecce vivit: ecce ut bonus pastor suo medius assistit in grege; nec unquam separatur spiritu, qui corpore præcessit ad tempus: Extinctus est diabolus, persecutor occubuit. Ecce regnat et vivit, qui pro rege suo desideravit occidi, qui vivit, et regnat Deus per omnia sæculorum sæcula.

IN III. NOCTURNO.

Lectio S. Evangelii secundum Matthæum.

*Lectio vij. Cap. 10.*

**I**n illo tempore : Dixit Jesus discipulis suis : Ecce Ego mitto vos sicut oves in medio luporum. Et reliqua.

De Homilia S. Joan. Chrysost.

Homil. 34. in Matt. longe post medium.

**S**ic dicere videtur : Nolite turbari, si cum vos inter lupos mitto tamquam oves, et columbas esse jubeo. Nam etsi possum contrarium quoque præstare, et non permittere, ut grave aliquid patiamini, nec lupis tamquam oves subjecti sitis, sed efficere, ut leonibus terribiliores evadatis; tamen sic expedit fieri : hoc et vos quoque illustriores faciet, et meam declarabit virtutem. Sic enim postea dixit Paulo : Sufficit tibi gratia mea : nam virtus in infirmitate perficitur. Ipse igitur vos, ut tales essetis, feci.

*Lectio viij.*

**S**ed inspiciamus quam prudentiam exigit: serpentis certe. Nam quemadmodum serpens totum seipsum tradit, nec minimum curat, si ipsum quoque corpus incidi necesse sit dummodo caput suum integrum servet : eodem tu quoque modo, præter fidem cetera perdere non cures, sive pecunias, sive corpus, sive etiam vitam ipsam profundere necesse sit. Fides enim caput est, et radix, qua servata, etiam si omnia perdas, omnia tamen rursus majore cum gloria recuperabis. Idcirco nec simplices solum jussit esse, nec prudentes solum; sed ambo hæc in unum miscuit, ut ea in virtutem convertantur.

*Lectio ix.*

**Q**uod si rebus ipsis id ita fieri videre desideras, lege Actuum Apostolorum librum, perspicies profecto, cum sæpe Judæorum populus in Apostolos insurrexerit, ac dentes exacuerit, illos columbæ simplicitatem imitando, et cum decenti modestia respondendo iram ipsorum superasse, furorem extinxisse, impetum retardasse. Nam cum illi dicerent :

Nonne præcipiendo præcepimus vobis, ne doceretis in nomine isto? quamvis innumera possent edere miracula, nihil tamen asperum neque dixerunt, neque fecerunt, sed summa cum mansuetudine respondentes dicebant : Si justum est vos audire magis quam Deum, judicate. Perspexisti simplicitatem columbæ, vide nunc serpentis prudentiam. Non enim possumus, inquit, nos quæ vidimus, et audivimus, non loqui.

Te Deum, p. 15.

### V. Die infra octav.

*In I. Noct. Lect. de Script. occur.*

IN II. NOCTURNO.

Sermo S. Augustini Episcopi.

Serm. 50. de Verbis Domini.

*Lectio iv.*

**P**ASTOR bonus Christus. Quid Petrus? nonne bonus paster? Nonne et ipse animam suam pro ovibus suis posuit? Quid Paulus? Quid ceteri Apostoli? Quid eorum tempora consequentes beati Episcopi Martyres? Quid etiam iste sanctus Januarius? Nonne omnes pastores boni, non mercenarii, de quibus dicitur: Amen dico vobis, perciperunt mercedem suam? Omnes ergo illi pastores boni, non solum quia sanguinem fuderunt, sed quia pro ovibus fuderunt: non enim fuderunt elatione, sed charitate.

*Lectio v.*

**N**am et apud hæreticos, qui propter iniquitates, et errores suos aliquid molestiarum perpessi fuerunt, nomine martyrii se jactant: ut hoc pallio dealbati facilius furentur, quia lupi sunt. Si autem vultis scire, in quò numero habendi sunt, pastorem bonum Paulum Apostolum audite; quoniam non omnes, qui corpora sua in passione etiam ignibus tradunt, æstimandi sunt sanguinem fudisse pro ovibus, sed potius contra oves. Si distribuero, inquit, omnia mea pauperibus, et tradidero corpus meum, ita ut ardeam, jam ipsi sunt. Sed vide, quid sequitur. Charitatem autem

non habeam, nihil mihi prodest. Ecce venit ad passionem, ecce venit et ad sanguinis effusionem, venit et ad corporum incensionem: et tamen nihil prodest, quia charitas deest. Adde charitatem, prosunt omnia: detrahe charitatem, nihil prosunt cetera.

*Lectio vj.*

**Q**UALE bonum est charitas ista, fratres? quid pretiosius? quid luminosius? quid firmitus? quid utilius? quid securius? quomodo autem habet vel exiguum charitatem, qui etiam convictus non amat unitatem? Hanc Dominus unitatem commendans, pastoribus bonis commendans pastores bonos, noluit multos appellare pastores. Neque enim ut dixi, jam non erat pastor bonus Petrus, Paulus, Apostoli ceteri, et posteriores sancti Episcopi beatusque Januarius? Omnes hi pastores boni et tamen ille pastoribus bonis non commendavit pastores bonos, sed pastorem bonum. Ego sum, inquit, Pastor bonus.

IN III. NOCTURNO.

Lectio sancti Evangelii secundum Matthæum.

*Lectio vij. Cap. 10.*

**I**N illo tempore: Dixit Jesus discipulis suis: Ecce ego mitto vos sicut oves in medio luporum. Et reliqua.

Homilia sancti Hilarii Episcopi.

Cap. 10. in Matth. circa medium.

**I**NSTRUCTOS nos serpentis prudentia monet esse oportere. Hunc, antequam Adam traduceret, jam sapientem Genesis nuncupavit; et prudentiam ejus malignantis consilii ordine docuit. Primum enim animam sexus mollioris aggressus est, spe deinde illexit, et communionem immortalitatis popondit, et per hæc tanta præmia, opus consilii, et voluntatis suæ gessit. Pari igitur opportunitate introspecta uniuscujusque et natura, et voluntate, verborum adhibenda prudentia est; spes bonorum futurorum revelanda, et cæ-

lestia perfectæ fidei præmia proferenda.

*Lectio viij.*

**E**T quod ille mentitus est, nos prædicemus ex vero, secundum sponsonem Dei, Angelis similes futuros esse, qui credent, ut mentes plebium faciles et absolutas, circumsvientibus licet lupis, et hæreticis, promissis regnorum cœlestium occupemus, et rerum fidem serpentis prudentia, et columbæ simplicitate tradamus.

*Lectio ix.*

**M**ONET etiam traditis abesso oportere curam responsionis, sed expectandum potius quid spiritus Dei suggerat. Quia fides nostra omnibus præceptis divini voluntatis intenta, ad responsionem scientiæ instruetur: in exemplo habentes Abraham, cui postulato ad hostiam Isaac, non defuit aries ad victimam.

Te Deum laudamus, p. 12.

**VI. Die infra Octav.**

In I. Noct. Lect. de Script. occur.

IN II. NOCTURNO.

Sermo sancti Maximi Episcopi.

De S. Cypriano, Homil. 2.

*Lectio iv.*

**I**N Translatione beatissimi Januarii, fratres charissimi universa nobiscum Christi exultat Ecclesia, quam in omne gaudium, et cœlestis eruditione sermonis instruxit, et munere triumphalis sanguinis decoravit. Fuit enim in eo, sicut compertum habemus, et contra errores diaboli spiritualis sapientiæ plenitudo, et adversum persecutiones mundi, Christiani pectoris infatigata constantia. Quis non hujusmodi virum, quantis valet præconiis prosequatur, cujus eloquentia inspirata divinitus et Ecclesias docuit, et sæculum confutavit?

*Lectio v.*

**V**ERE hic mirabilis, atque omnium ubique studiis celebrandus quem sanctitas Sacerdotem, peritia



Doctorem, fides Martyrem consecravit. Pretiosa, inquit David, in conspectu Domini mors Sanctorum ejus. Videte charissimi, in quantum venerabilis Januarius etiam propheticam supergressus est laudem, cujus in conspectu Domini non solum mors, sed et vita extitit pretiosa. Moriendo namque, proprium Christo sanguinem dedit, vivendo nihilominus cohortatione fortissima, innumeros cœlo Martyres acquisivit.

*Lectio vj.*

**Q**UID hoc clarius Sacerdote, qui inter hominum turbas gloria cœlestis conversationis emicuit, atque inter Angelicos cœtus, et sua factus est, et aliorum morte conspicuus? Justissime hic cum Patriarca David cantavit Domino Deo suo dicens: Cor meum, et caro mea exultaverunt in Deum vivum. Exultavit itaque cor ejus in Deo vivo, cum morientis, ac morituri sæculi vanitate despecta, totum se divinis mancipavit obsequiis. Exultavit et caro ejus in Deo, quæ de hoc mundo non miseri corruptione languoris sed piis pro religione suppliciis consecrata migravit.

## IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 10.

**I**N illo tempore: Dixit Jesus discipulis suis: Ecce ego mitto vos sicut oves in medio luporum. Et reliqua.

Homilia sancti Augustini Episcopi.

*Serm. 119. de divers.*

**A**UDISTIS, fratres, cum sanctum Evangelium legeretur, quemadmodum Dominus noster Jesus Christus disciplina sua Martyres suos corroboraverit, dicens: Ecce ego mitto vos sicut oves in medio luporum. Considerate, fratres mei, quid faciat, si unus lupo inter multas oves veniat: quantacumque sint ovium milia, uno lupo in medio, turbabuntur, et si non omnes laniantur, omnes ta-

men terrentur. Qualis ergo erat ista ratio, quale consilium, qualis potestas, nec lupo ad oves mittere, sed in lupos oves mittere? Mitto, inquit, vos in medio luporum: non ad limites luporum, sed in medio luporum.

*Lectio viij.*

**E** RAT ergo luporum agmen, oves paucæ. Cum enim multi lupi occiderunt paucas oves, conversi sunt lupi, et facti sunt oves. Audivimus ergo, quod monuit, qui coronas promisit, et agonem præmisit, et quia expectat certantes, adjuvat laborantes. Cujusmodi certamen indixit? estote, inquit, astuti ut serpentes, et simplices sicut columbæ. Hoc qui intellexerit, et tenuerit, securus moritur. Quis autem securus moritur, nisi qui se sic noverit moriturum, ut mors in illo moriatur, vita coronetur?

*Lectio ix.*

**Q**UAPROPTER, charissimi, exponendum est nobis, quamvis hinc jam sæpius dixerimus, quid sit, simplices esse sicut columbæ, astutos ut serpentes. Si jam simplicitas columbarum indicta est nobis, astutia serpentis quid facit in columbæ simplicitate? Amo in colamba, quod fel non habet, timeo in serpente, quod venenum habet. Noli ex omni parte horrere serpentem: habet quod oderis, habet quod imiteris. Serpens enim, cum fuerit senectute prægravatus, et senserit pondus vetustatis, coarctat se super cavernam; et ponit tunicam veterem, ut novus exultet. Imitare illum, Christiane, qui audis Christum dicentem: Intrate per angustam portam. Et Paulus Apostolus tibi dicit: Exuite veterem hominem cum actibus suis, et induite novum.

Te Deum laudamus. 12.

## VII. Die Infr. Octav.

In I. Noct. Lect. de script. occ.

## IN II. NOCTURNO.

De Sermone S. Maximi Episcopi.

Homil. 2. de S. Cypriano.

**H**IC est ille Evangelicus paterfamilias, proferens de thesauro suo nova, et vetera, qui veteris, novique Testamenti unum atque idipsum mysterium prædicans Ecclesias Christi locupletissima disputatione ditavit. In corruptibilis, atque indefessus illius est hodie thesaurus, qui pecuniam Domini sui nummulariis scenerans, quotidie in corde fidelium coelestium divitiarum sanctam conquirat usuram.

## Lectio v.

**Q**UID igitur, fratres, tanto speciosius Viro, cujus hæc est regula et mensura sermonis, ut inter varias hominum causas, motusque diversos, nunc affectione Patris, nunc auctoritate Doctoris consoletur humiles, superbos comprimat, negligentes arguat, increpet infideles? Tantoque denique decore sacerdotium, vitamque suam Vir fidelissimus adornavit, ut doctrinam suam subsequentibus confirmaret operibus, Dominicam illam sententiam tenens: Qui docuerit, et fecerit, hic magnus vocabitur in regno cælorum.

## Lectio vj.

**Q**UAM magnus hic, quamque præcipuus in regno cælorum est, quem in omnem gloriam sermo propheticus, vita mirabilis, et mors Deo devota sublimat! Nec immerito, fratres, tanto cum honore nominis ejus memoria per amplissima mundi spatia celebratur, quia per universum orbem ad firmamentum fidei nostræ et passio ejus et doctrina profecit.

## IN III. NOCTURNO.

Lectio sancti Evangelii secundum Matthæum.

## Lectio vij.

## Cap. 10.

**I**N illo tempore: Dixit Jesus discipulis suis: Ecce ego mitto vos sicut oves in medio luporum. Et reliqua.

Homilia sancti Augustini Episcopi.

**H**ABES ergo quod imiteris in Serpente: noli mori pro vetustate, sed pro veritate. Qui moritur pro commodo temporali, pro vetustate moritur; cum autem exutus fueris omni ista vetustate, imitatus es astutiam serpentis. Imitare et illum in hoc: serva caput tuum, tene apud te Christum. Si forte aliquis vestrum advertit aliquando, cum voluerit colubrum occidere, quomodo pro capite suo totum corpus objicit ictibus ferientis: illud in se feriri non vult, ubi se novit vitam habere. Et Christus vita nostra est: ipse enim dixit: Ego sum via, veritas, et vita. Audi et Apostolum: Caput viri Christus est. Qui ergo Christum servat in se, caput suum servat pro se.

## Lectio viij.

**J**AM vero quid opus est commendare multis verbis simplicitatem columbarum? Cavenda enim erant venena serpentis. Ibi imitatio periclitabatur, ibi erat quod timeretur. Columbam vero securus imitare, attendo columbas in societate gaudere: ubique simul volant, simul pascuntur, nolunt esse solæ, communionem gaudent, charitatem servant, gemitibus amoris murmurant, osculis filios generant: nam quando columbæ, quod plerumque advertimus, rixantur de cellulis suis, quodammodo pacata contentio est. Numquid quia rixantur, separantur? simul volant, simul pascuntur, et ipsa inter se pacata est rixa.

## Lectio ix.

**V**IDE rixam columbarum. Apostolus dicit: Si quis verbo nostro non obaudit per epistolam, hunc notate, et nolite commisceri cum eo. Ecce rixa; sed attendo, quoniam columbarum est rixa, non luporum. Continuo subiecit: Et non ut inimicum existimetis, sed corripite ut fratrem. Columba amat et quando rixatur; lu-

pus odit et quando blanditur. Columbarum ergo simplicitatem habentes, astutiam servate serpentum.

Te Deum laudamus, p. 12.

## Octava S. Januarii

*Duplex.*

*Lect. I. Noct. de script. occ.*

### IN II. NOCTURNO.

Sermo sancti Joannis Chrysost.

De S. Ignatio Mart. tom 5.

*Lectio iv.*

**T**EMPUS animadvertite, fratres, quo dignitatem Episcopalem beatus Januarius est assecutus. Neque enim est eadem nunc, quæ tunc erat Ecclesiam gubernandi conditio; non æqualis est labor viam tritam, et plane paratam post multos ingredi viatores, atque eam quæ nunc primo secunda est, quæque prærupta et saxosa, ferisque plena, nec ullum adhuc viatorem admisit. Tunc autem quocumque quis oculos verteret, ubique præcipitia, barathra, et bella, et pugnae, et pericula; Imperatores, et Reges, et Populi, et Civitates, et Gentes, et domestici, et alieni credentibus insidias tendebant.

*Lectio v.*

**Q**UEMADMODUM igitur gubernatorem admiramur, non quod vectores possit in portum incolumes ducere, cum mare tranquillum est, cumque navis fertur ventis secundis, sed cum insaniente pelago, ventisque sævientibus, qui in navi sunt, inter se dissentiunt, magna tempestate intus, et foris navigantes exagitante, navim tamen potest dirigere, et conservare. Sic eos, qui tunc Ecclesiam regebant multo magis, quam illos, qui eam in præsentī gubernant, suspicere debemus et admirari, quando multa bella intus et foris, quando fidei planta imbecillior erat adhuc, et diligentia magna indigebat: quando veluti modo genitus infans Ecclesiæ populus, magnam providentiam at-

que sapientiam animæ, a qua nutriendus esset, postulabat.

*Lectio vj.*

**V**ERUM, ne totum tempus in Episcopatus consideratione collocantes, ab iis, quæ ad eum uti Martyrem spectant, enarrandis excludamur; age, ad illius certamina contendamus. Versutus enim diabolus, et ad struendas aptus insidias, existimabat, si pastores sustulisset, ovilia se facile direpturum. Sed qui comprehendit astutos in eorum astutia, ostendens Ecclesias suas non ab hominibus gubernari, sed eos, qui in ipsum credunt, semper a se regi, id fieri permittebat, ut cum cerneret, rectoribus sublatis, non tamen religionem deleri, nec veritatis prædicationem extinguī, sed potius augeri: ex rebus ipsis, et ipse, et qui ei inserviebant, omnes intelligerent, Christianorum disciplinam non ab hominibus pendere, sed in cœlis radices agere, Deumque esse, qui ubique Ecclesias tueretur.

### IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 10.

**I**N illo tempore: Dixit Jesus discipulis suis: Ecce ego mitto vos sicut oves in medio luporum. Et reliqua.

De Homilia 9. Joannis Chrysostomi.

*Homil. 4. in Matth. longe post int.*

**D**ILIGENTER considera, qui sunt qui hæc ardua et laboriosa adeunt, formidolosi videlicet, et indocti, illiterati, rudes, obscuri quidam homines ut ignoti, qui nunquam Philosophorum perceperunt instituta, vixque umquam in forum descenderunt, piscatores, et publicani, multis repleti rebus, quæ jure animos eorum possent dejicere. Nam si magnos et claros viros tanta difficultas rerum



potuisset commovere; quomodo non potuisset imperitos homines, quibus nullius rei magni aliquid venit in mentem? sed non dejecit, neque turbavit: nec id injuria, dicet quispiam: cum se intelligerent posse leprosos mundare, dæmonia ejicere.

*Lectio viij.*

**E**GO autem dicere non dubitarim, quia videlicet idipsum jure debebat ipsos conturbare; quoniam qui tantam potestatem haberent, ut defunctos etiam a morte possent excitare, hi tanta pericula essent subituri, tanta bella gesturi, ad judices victi deducendi, communis denique totius orbis admonitio futuri. Quæ igitur in omnibus his erat consolatio? Sola mittentis virtus. Quocirca ita signanter incepit: Ecce ego mitto vos. Sufficiat hoc vobis ad omnem consolationem, satis sit ad confiteendum. Vides quanta ejus est auctoritas? Intelligis, quoniam maxima sit potestas? percipis inexpugnabilem ejus esse virtutem?

*IX. Lect. de Dom. occ. de qua fit etiam comm. in Laud.*

**FERIA SEXTA**

POST OCTAV. CORP. CHRISTI.

**SS. Cordis Jesu.**

*Duplex majus.*

**Ad Vesperas.**

*Ant. Discite a me, cum reliq. ut ad Laudes.*

*Psalmus. Dixit Dominus, cum reliquis, ut in Vesperis Festi SS. Corporis Christi. p. 431.*

*Cap.*

*Isaia 12.*

**E**CCE Deus Salvator meus, ficialiter agam, et non timebo, quia fortitudo mea, et laus mea Dominus, et factus est mihi in salutem. Haurietis aquas in gaudio de fontibus Salvatoris.

**HYMNUS.**

**A**UCTOR beate sæculi,  
Christe Redemptor omnium,

Lumen Patris de lumine,  
Deusque verus de Deo.

Amor coegit te tuus  
Mortale corpus sumere,  
Ut novus Adam redderes  
Quod vetus ille abstulerat.

Ille amor almus artifex  
Terræ, marisque et syderum,  
Errata Patrum miserans,  
Et nostra rumpens vincula:

Non corde discedat tuo  
Vis illa amoris inclyti:  
Hoc fonte gentes hauriant  
Remissionis gratiam.

Percussum ad hoc est lancea,  
Passumque ad hoc est vulnera;  
Ut nos lavaret sordibus  
Unda fluente, et sanguine

Decus parenti, et Filio,  
Sanctoque sit Spiritui,  
Quibus potestas, gloria,  
Regnumque in omne est sæculum. **A-**  
**men.**

*ſ. Ignem veni mittere in terram.*

*ñ. Et quid volo, nisi ut accendatur?*

*Ad Magnif. Ant. Improperium expectavit cor meum, et miseriam: et sustinui qui simul contristaretur, et non fuit; et qui consolaretur, et non inveni.*

*Oratio.*

**C**ONCEDE quæsumus, omnipotens Deus, ut qui in sanctissimo dilecti Filii tui Corde gloriantes, præcipua in nos Charitatis ejus beneficia recolimus: eorum pariter et actu delectemur, et fructu. Per eundem Dominum nostrum.

**Ad Matutinum.**

Christum pro nobis passum: **Venite adoremus.**

*Psalm. Venite exultemus. 1.*

**HYMNUS.**

**E**N, ut superba criminum,  
Et sæva monstrorum cohors  
Cor sauciavit innocens  
Merentis haud tale Dei.

Vibrantis hastam militis  
Peccata nostra dirigunt;

Ferrumque diræ cuspidis  
Mortale crimen acuit.

Ex corde scisso Ecclesia  
Christo jugata nascitur;  
Hoc ostium Arcæ in latere est  
Genti ad salutem positum.

Ex hoc perennis gratia,  
Ceu septiformis fluvius;  
Stolas ut illic sordidas  
Lavemus Agni in sanguine.

Turpe est redire ad crimina,  
Quæ cor beatum lacerent:  
Sed æmulemur cordibus  
Flammas amoris indices.

Hoc, Christe nobis, hoc Pater:  
Hoc Sancte dona Spiritus,  
Quibus potestas, gloria,  
Regnumque in omne est sæculum.

Amen.

#### IN I. NOCTURNO.

*Ant. 1.* Quid est homo, quia magnificas eum, aut quid apponis erga eum cor tuum?

*Psalm.* Domine Dominus noster.  
*cum reliq. in festis B. V. p. 92\**

*2.* Meditatio cordis mei in conspectu tuo semper.

*3.* Elevamini portæ æternales, et introibit Rex gloriæ.

ŷ. Domine dabis pacem nobis.

ñ. Omnia enim opera nostra operatus es nobis.

De Isaia Propheta.

*Lectio j.*

*Cap. 12.*

**C**ONFITEBOR tibi Domine, quoniam iratus es mihi: conversus est furor tuus, et consolatus es me. Ecce Deus Salvator meus, fiducialiter agam, et non timebo, quia fortitudo mea, et laus mea Dominus, et factus est mihi in salutem. Haurietis aquas in gaudio de fontibus Salvatoris. Et dicetis in die illa: Confitemini Domino, et invocate nomen ejus, mementote quoniam excelsum est Nomen ejus. Cantate Domino, quoniam mirifice fecit: annuntiate hoc in universa terra. Exulta, et lauda habitatio Sion, quia magnus in medio tui Sanctus Israel.

ñ. Ego sum panis vitæ, patres vestri manducaverunt manna in deserto, et mortui sunt: \* **Hic est panis** de cælo descendens, ut si quis ex ipso manducet, non moriatur. ŷ. **Ego sum panis vivus**, qui de cælo descendi: si quis manducaverit ex hoc pane, vivet in æternum. **Hic est panis.**

*Lectio ij.*

*Cap. 16.*

**I**n die illa cantabitur canticum istud in terra Juda. Urbs fortitudinis nostræ Sion Salvator, ponetur in ea murus, et antemurale. Aperite portas, et ingrediatur gens justa, custodietis veritatem. Vetus error abiit, servabis pacem, pacem quia in te speravimus. Sperastis in Domino in sæculis æternis, in Domino Deo forti in perpetuum. Quia incurvabit habitantes in excelso, civitatem sublimem humiliabit, humiliabit eam usque ad terram.

ñ. Ecce vidimus eum non habentem speciem, neque decorem: aspectus ejus in eo non est: hic peccata nostra portavit, et pro nobis dolet: ipse autem vulneratus est propter iniquitates nostras, \* **Cujus livore sanati sumus.** ŷ. Vere languores nostros ipse tulit, et dolores nostros ipse portavit. **Cujus livore.**

*Lectio iij.*

**S**EMITA justis recta est, rectus callis justis ad ambulandum: et in semita judiciorum tuorum, Domine, sustinuimus te: Nomen tuum, et memoriale tuum in desiderio animæ. Anima mea desideravit te in nocte, sed et spiritu meo in præcordiis meis de mane vigilabo ad te. Cum feceris judicia tua in terra, justitiam discent habitatores Orbis.

ñ. Benedictus Dominus Deus Israel, qui facit mirabilia magna solus, \* **Et benedictum nomen majestatis ejus in æternum.** ŷ. **Replebitur majestate ejus omnis terra, fiat fiat. Et benedictum. Gloria Patri. Et benedictum.**

## IN II. NOCTURNO.

*Ant.* 1. Afferentur in lætitia, et exultatione, adducentur in templum regis.

2. Sanctificavit tabernaculum suum Altissimus.

3. Sicut lætantium omnium habitatio est in te.

ŷ. Conversus est furor tuus.

q̃. Et consolatus es me.

Sermo S. Bern. Abb.

Serm. 3. de Pass.

Lectio iv.

**Q**UIA semel venimus ad Cor dulcissimum Jesu, et bonum est nos hic esse, ne sinamus nos facile avelli ab eo, de quo scriptum est: Recedentes a te in terra scribentur. Quid autem accedentes? Tu ipse doces nos. Tu dixisti accedentibus ad te: Gaudete, quia nomina vestra scripta sunt in cœlo. Accedamus ergo ad te, et exultabimus, et lætabor in te, memores Cordis tui. O quam bonum, et quam jucundum habitare in Corde hoc! Quia potius dabo omnia, omnes cogitationes, et affectus mentis commutabo, jactans omne cogitatum meum in Cor Domini Jesu, et sine fallacia illud me enutriet.

q̃. Qui manducat meam carnem, et bibit meum sanguinem \* In me manet, et ego in eo. ŷ. Non est alia natio tam grandis; quæ habeat Deos appropinquantibus sibi sicut Deus noster adest nobis. In me manet.

Lectio v.

**A**D hoc templum, ad hæc Sancta Sanctorum, ad hanc Arcam Testamenti adorabo, et laudabo nomen Domini, dicens cum David: Invenit cor meum, ut orem Deum meum. Et ego inveni cor Regis, fratris, et amici benigni Jesu. Et numquid non adorabo? Hoc igitur Corde tuo, et meo, dulcissime Jesu, invento, orabo te Deum meum: admitte tantum in sacrarium exauditionis tuæ preces meas, immo me totum trahe in Cor tuum. Omnium pulchritudine speciosissime Jesu, amplius lava me ab ini-

quitate mea, et a peccato meo munda me; ut purificatus per te purissimum, possim accedere, et in Corde tuo omnibus diebus vitæ meæ merear habitare, et ut videre simul, et facere tuam valeam voluntatem.

q̃. Sicut ovis ad occisionem ductus est, et dum male tractaretur, non aperuit os suum traditus est ad mortem, \* Ut vivificaret populum suum. ŷ. Tradidit in mortem animam suam, et inter sceleratos reputatus est. Ut vivificaret.

Lectio vj.

**A**D hoc enim perforatum est latus tuum, ut nobis patescat introitus. Ad hoc vulneratum est Cor tuum, ut in illo, et in te, ab exterioribus perturbationibus absoluti, habitare possimus. Nihilominus et propterea vulneratum est, ut per vulnus visibile, vulnus invisibile videamus. Quomodo hic ardor melius ostendi potest, nisi quod non solum Corpus, verum etiam ipsum Cor lancea vulnerari permisit? Carnale ergo vulnus vulnus spirituale ostendit. Quis illud Cor tam vulneratum non diligat? Quis tam amans non redamet? Quis tam castum non amplectatur? Nos igitur adhuc in corpore manentes, quantum possumus amemus, redamemus, amplectamur vulneratum nostrum, cujus impii agricolæ foderunt manus, et pedes, latus, et Cor: stemusque, ut cor nostrum durum adhuc, et impenitens, amoris sui vinculo constringere, et jaculo vulnerare dignetur.) Quam charitatem Christi patientis, et pro generis humani Redemptione morientis, atque in suæ mortis commemorationem instituentis Sacramentum Corporis, et Sanguinis sui, ut Fideles sub sanctissimi Cordis symbolo devotius, ac ferventius recolant, ejusdemque fructus uberius percipiant, Clemens decimustertius Pontifex Maximus ejusdem sanctissimi Cordis Festum quibusdam potentibus Ecclesiis celebrare permisit.

q̃. Magnus Dominus, et laudabilis



minis : \* Et sapientiæ ejus non est numerus. *ŷ.* Magnus Dominus , et magna virtus ejus , et sapientiæ ejus non est finis. Et sapientiæ. Gloria. Patri. Et.

## IN III. NOCTURNO.

*Ant.* 1. Annuntiate de die in diem salutare ejus.

2. Adorate eum omnes Angeli ejus, audivit, et lætata est Sion.

3. Viderunt omnes termini terræ salutare Dei nostri.

*ŷ.* Ex Sion species decoris ejus.

*ŷ.* Deus noster manifeste veniet.

Lectio Sancti Evangelii secundum Joannem.

*Lectio vij.*

*Cap. 19.*

**I**n illo tempore Judæi, quoniam Parasceve erat, ut non remanerent in Cruce corpora Sabbato (erat enim magnus dies ille Sabbati) rogaverunt Pilatum, ut frangerentur eorum crura, et tollerentur. Et reliqua.

Homilia sancti Augustini Episcopi.

*Tract. 120. in Joann.*

**U**NUS militum lancea latus ejus aperuit, et continuo exivit sanguis, et aqua. Vigilanti verbo Evangelista usus est, ut non diceret latus ejus percussit, aut vulneravit, aut quid aliud: sed aperuit, ut illud quodammodo vitæ ostium panderetur, unde Sacramenta manaverunt, sine quibus ad vitam, quæ vera vita est, non intratur. Ille sanguis, qui fusus est, in remissionem fusus est peccatorum. Aqua illa salutare temperat poculum, et hæc lavacrum præstat, et potum. Hoc prænuntiabat, quod Noe in latere Arcæ ostium facere jussus est, quo intrarent animalia, quæ non erant diluvio peritura, quibus figurabatur Ecclesia.

*ŷ.* Misit me, vivens Pater, et ego vivo propter Patrem: \* Et qui manducat me, vivet propter me. *ŷ.* Cibavit illum Dominus pane vitæ, et intellectus. Et qui.

De Homilia S. Joannis Chrysostomi.

*Ex Homilia 84.*

*Lectio viij.*

**V**IDET quanti sit veritas? per ea quæ Judæi faciunt prophetia impletur, alia enim ex hoc manifestata est. Venerunt ergo milites, et aliorum fregerunt crura, non Christi; sed ad Judæorum gratiam conciliandam, latus ejus lancea aperuerunt, et mortuo adhuc insultant. O pessimam voluntatem, ac scelestissimam! Noli tamen perturbari, o dilectissime; quæ enim malo illi animo patrarunt, veritati consentiebant, prophetia hinc impleta est, inquit: videbunt in quem transfixerunt. Neque hoc tantum, sed non credituris fuit fidei argumentum, ut Thomæ, et qui cum eo erant. Ad hæc et arcanum mysterium confirmatum est; exivit enim sanguis, et aqua. Non casu, et simpliciter hi fontes scaturierunt, sed quoniam ex ambobus Ecclesia constituta est.

*ŷ.* Necessit Pastor noster, fons aquæ vivæ, ad cujus transitum sol obscuratus est: \* **P**ortas mortis, et seras pariter Salvator noster dirupit. *ŷ.* Destruxit quidem claustra inferni, et subvertit potentias diaboli. **P**ortas. Gloria. **P**ortas.

De Homilia S. Bonaventuræ Episcopi.

*Lib. de lign. Vitæ.*

*Lectio ix.*

**P**ORRO ut de latere Christi dormientis formaretur Ecclesia, divina est ordinatione indultum, ut unus militum lancea latus sacrum illud aperiendo perfoderet, quatenus sanguine cum aqua manante, pretium effunderetur nostræ salutis, quod a fonte scilicet cordis arcano profusum, vim daret sacramentis Ecclesiæ, ad vitam gratiæ conferendam, essetque jam in Christo viventibus poculum fontis vivi, salientis in vitam æternam. Surge igitur anima amica Christi, vigilare non cesses, ibi os appone, ut haurias aquas de fontibus Salvatoris.

**Te Deum laudamus. 12.**

**Ad Laudes**

*et per Horas Antiphona.*

1. **Discite a me quia milis sum et humilis corde.**

*Psalm. Dominus regnavit, cum reliq. de Dominica. 13.*

2. **Sanctificavi locum istum ut sit nomen meum ibi in sempiternum, et permaneant oculi mei, et cor meum ibi cunctis diebus.**

3. **Et dixi: Ergo sine causa justificavi cor meum, et lavi inter innocentes manus meas, et fui flagellatus tota die.**

4. **Secundum multitudinem dolorum meorum in corde meo, consolationes tuæ lætificaverunt animam meam.**

5. **Pone me ut signaculum super cor tuum, ut signaculum super brachium tuum.**

**Capitulum.**

**Ecce Deus Salvator ut sup.**

**HYMNUS**

**COR**, Arca legem continens  
Non servitutis veteris  
Sed gratiæ, sed veniæ,  
Sed et misericordiæ.

Cor, sanctuarium novi  
Intemeratum Fœderis,  
Templum vetusto sanctius,  
Velumque scisso utilius.

Te vulneratum charitas  
Ictu patenti voluit;  
Amoris invisibilis,  
Ut veneremur vulnera.

Hoc sub amoris symbolo  
Passus cruenta, et mystica,  
Utrumque sacrificium  
Christus Sacerdos obtulit.

Quis non amantem redamet?  
Quis non redemptus diligit,  
Et Corde in isto seligat,  
Æterna tabernacula?

Decus Parenti, et Filio,  
Sanctoque sit Spiritui,  
Quibus potestas, gloria,  
Regnumque in omne est sæculum.  
Amen.

†. Vere languores nostros ipse tulit.

¶. Et dolores nostros ipse portavit.

*Ad Bened. Ant. Vulneratus est propter iniquitates nostras: attritus est propter scelera nostra: disciplina pacis nostræ super eum, et livore ejus sanati sumus.*

*Orat. Concede quæsumus, ut supra.*

**Ad Primam**

*In ¶. br. Christe Fili Dei vivi, dicitur. †. Qui passus es pro nobis.*

**Ad Tertiam.**

*Cap. Ecce Deus Salvator meus.*

¶. *br. Vere \* Languores nostros ipse tulit. Vere. †. Et dolores nostros ipse portavit. Languores. Gloria. Vere.*

†. *Posuit fines tuos pacem.*

¶. *Et adipe frumenti satiat te.*

**Ad Sextam.**

*Capitulum. Isaiæ. 12.*

**DICETIS** in illa die: Confite-  
mini Domino, et invocate no-  
men ejus: et mementote quoniam ex-  
celsum est nomen ejus.

¶. *br. Posuit \* Fines tuos pacem. Posuit. ¶. Et adipe frumenti satiat te. Fines. Gloria. Posuit.*

†. *Dirupisti Domine vincula mea.*

¶. *Tibi sacrificabo hostiam laudis.*

**Ad Nonam.**

*Capitulum. Isai. 12.*

**CANTATE** Domino, quoniam  
mirifice fecit, annuntiate hoc in  
universa terra. Exulta et lauda habi-  
tatio Sion, quia magnus in medio  
tui Sanctus Israel.

¶. *brev. Dirupisti Domine \* Vin-  
cula mea. Dirupisti. †. Tibi sacrifi-  
cabo hostiam laudis. Vincula mea. Gloria. Dirupisti.*

†. *Erit Dominus nominatus in si-  
gnum æternum.*

¶. *Quod non auferetur.*

**In II. Vespertis.**

*Omnia ut in primis, præter se-  
quentia.*

†. Maurietis aquas in gaudio.

¶. De fontibus Salvatoris.

*Ad Magnif. Ant.* Ad Jesum autem cum venissent, ut viderunt eum mortuum, non fregerunt ejus crura; sed unus militum lancea latus ejus aperuit, et continuo exivit sanguis, et aqua.

### DOMINICA III. JULII.

In Solemn. SS. Redempt.

*Duplex II. Classis.*

*In I. Vespertis.*

*Ant. 1.* Virgam virtutis suæ emit-  
tet Dominus ex Sion, et regnabit in  
sæculum sæculi.

*Psalm. Dixit etc. p. 86.*

*Ant.* Redemptionem misit Dominus  
populo suo: mandavit in æternum te-  
stamentum suum.

*Psalm. Confitebor etc. p. 86.*

*Ant.* Misericordia mea, et refugium  
meum Dominus: susceptor meus, et  
liberator meus.

*Psalm. Credidi etc. p. 88.*

*Ant.* Apud Dominum misericordia,  
et copiosa apud eum redemptio.

*Psalm. De profundis etc. p. 92.*

*Ant.* In quacumque die invocavero  
te, exaudies me: multiplicabis in  
anima mea virtutem.

*Psalm. Confitebor etc. p. 95.*

*Capitulum. Tobie 3.*

**B**ENEDICTUM nomen tuum,  
Deus patrum nostrorum: qui,  
cum iratus fueris, misericordiam fa-  
cies, et in tempore tribulationis pec-  
cata dimittis his, qui invocant te.

#### HYMNUS.

**C**REATOR alme siderum,  
Æterna lux credentium,  
Jesu Redemptor omnium,  
Intende votis supplicum.

Commune, qui Mundi nefas,  
Ut expiaret, ad Crucem  
E Virginis Sacrario  
Intacta prodixit Victimam.

Cujus potestas gloriæ,  
Nomenque cum primum sonat,

Et Cœlites, et inferi  
Tremante curvantur genu.

Qui Dæmonis ne fraudibus  
Periret orbis, impetu  
Amoris actus, languidi  
Mundi medela factus es.

Te deprecamur ultimæ  
Magnum diei Judicem,  
Armis supernæ gratiæ  
Defende nos ab hostibus.

Jesu, tibi sit gloria,  
Qui natus es de Virgine,  
Cum Patre, et almo Spiritu,  
In sempiterna sæcula. Amen.

*Sic terminantur Hymni ad omnes  
horas.*

†. Redemisti nos, Domine, in san-  
guine tuo.

¶. Et fecisti nos Deo nostro re-  
gnum.

*Ad Magnif. Ant.* Salus autem mea  
in sempiternum erit, et justitia mea  
in generationes generationum, allel.

*Oratio.*

**D**EUS, qui Unigenitum tuum  
Mundi Redemptorem constitui-  
sti, et per eum devicta morte nos  
misericorditer ad vitam reparasti;  
concede, ut hæc beneficia recolentes,  
tibi perpetua charitate adhærere, et  
ejusdem Redemptionis fructum per-  
cipere mereamur. Per eundem Do-  
minum.

*Ad Matut. Invit.* Redemptorem sæ-  
culorum, ipsum Regem Angelorum,

Adoremus Dominum.

*Psalm. Venite, exultemus. p. 1.*

#### HYMNUS.

**R**ERUM Creator optime,  
Rectorque noster aspice:  
Nos a quiete noxia  
Mersos sopore libera.

Mentes, manusque tollimus,  
Propheta sicut noctibus  
Nobis gerendum præcipit,  
Paulusque gestis censuit,

Te, Sancte Christe, poscimus,  
Igoosce culpis omnibus,  
Ad confitendum surgimus,  
Morasque noctis rumpimus.

Jesu, tibi sit gloria,



Qui natus es de Virgine,  
Cum Patre et almo Spiritu,  
In sempiterna sæcula. Amen.

IN I. NOCTURNO.

*Ant.* Voce mea ad Dominum clamavi, et exaudivit me de monte sancto tuo.

*Psalm.* Domine, quid multiplicasti, p. 3.

*Ant.* Domine Dominus noster, quam admirabile est nomen tuum in universa terra!

*Psalm.* 8. qui incipit a versu seq. Quoniam, p. 4.

*Ant.* Dominus in templo sancto suo: Dominus in cælo sedes ejus.

*Psalm.* In Domino confido, p. 5.

ñ. Redime me Domine, et misere-re mei. ý. In Ecclesiis benedicam te, Domine.

De Isaia Propheta.

Lectio j.

Cap. 51.

**A**UDITE me, qui sequimini, quod justum est, et quæritis Dominum: attendite ad petram, unde excisi estis, et ad cavernam laci, de qua præcisi estis. Consolabitur ergo Dominus Sion, et consolabitur omnes ruinas ejus, et ponet desertum ejus, quasi delicias, et solitudinem ejus quasi hortum Domini. Gaudium, et lætitia invenietur in ea, gratiarum actio, et vox laudis. Attendite ad me popule meus, et tribus mea me audite: quia lex a me exiet, et iudicium meum in lucem populorum requiescet. Prope est Justus meus, egressus est Salvator meus, et brachia mea populos judicabunt: me insulæ expectabunt, et brachium meum sustinebunt.

ñ. Vidi Dominum sedentem super solium excelsum, et elevatum: et plena erat omnis terra majestate ejus: \* Et ea, quæ sub ipso erant, replebant templum. ý. Seraphim stabant super illud: sex alæ uni, et sex alæ alteri. Et ea.

Lectio ij.

**L**EVATE in cælum oculos vestros, et videte sub terra deorsum:

quia cæli sicut fumus liquescent, et terra sicut vestimentum atteretur, et habitatores ejus sicut hæc interibunt. Salus autem mea in sempiternum erit, et justitia mea non deficiet. Audite me, qui scitis justum, populus meus: lex mea in corda eorum: nolite timere opprobrium hominum, et blasphemias eorum ne metoatis. Sicut enim vestimentum, sic comedet eos vermis: et sicut lanam, sic devorabit eos tinea: Salus autem mea in sempiternum erit, et justitia mea in generationes generationum.

ñ. Aspire Domine de sede sancta tua, et cogita de nobis: inclina Deus meus aurem tuam, et audi: \* Aperi oculos tuos, et vide tribulationem nostram. ý. Qui regis Israel, intende, qui deducis velut ovem Joseph: Aperi.

Lectio iij.

**C**ONSURGE, consurge, induere fortitudinem brachium Domini. Consurge sicut in diebus antiquis, in generationibus sæculorum. Numquid non tu percussisti superbum, vulnerasti dragonem? Numquid non tu siccasti mare, aquam abyssi vehementis: qui posuisti profundum maris viam, ut transirent liberati? Et nunc qui redempti sunt a Domino, revertentur, et venient in Sion laudantes, et lætitia sempiterna super capita eorum, gaudium, et lætitiā tenebunt, fugiet dolor, et gemitus. Ego, Ego ipse consolabor vos: quis tu, ut timeres ab homine mortali, et a filio hominis, qui quasi scenum ita are-scet? Et oblitus es Domini factoris tui, qui tetendit cælos, et fundavit terram: et formidasti jugiter tota die a facie furoris ejus, qui te tribulabat, et paraverat ad perdendum: ubi nunc est furor tribulantis? Cito veniet gradus ad aperiendum: et non interficiet usque ad internecionem, nec deficiet panis ejus. Ego autem sum Dominus Deus tuus.

ñ. Deus, qui sedes super thro-

num, et judicas æquitatem, esto refugium pauperum in tribulatione, \* Quia tu solus laborem et dolorem consideras. *ŷ.* Tibi enim derelictus est pauper, pupillo tu eris adjutor. Quia tu. Gloria Patri. Quia.

## IN II. NOCTURNO.

*Ant.* Suscepimus Deus misericordiam tuam in medio templi tui.

*Psalm.* 19. Exaudiat te Dominus, p. 11.

*Ant.* Tu es ipse Rex meus, qui mandas salutes in Jacob.

*Psalm.* Domini est terra, p. 21.

*Ant.* Immola Deo sacrificium laudis, et redde Altissimo vota tua.

*Psalm.* Deus noster refugium, p. 45.

*ŷ.* Memento nostri Domine in beneplacito populi tui.

*ŷ.* Visita nos in salutari tuo.

Sermo S. Leonis Papæ.

Serm. 1. de jejunio X. mensis et collectis.

## Lectio iv.

**S**I fideliter, dilectissimi, atque sapienter creationis nostræ intelligamus exordium, inveniemos hominem ideo ad imaginem Dei conditum, ut imitator sui esset auctoris: et hanc esse naturalem nostri generis dignitatem, si in nobis, quasi in quodam speculo, Divinæ benignitatis forma resplendeat. Ad quam quotidie nos utique reparat gratia Servatoris, dum, quod cecidit in Adam primo, erigitur in secundo. Causa autem reparationis nostræ non est, nisi misericordia Dei, quem non diligeremus, nisi prius nos ipse diligeret, et tenebras ignorantiae nostræ suæ veritatis luce discenteret.

*ŷ.* A dextris est mihi Dominus, ne commovear: \* Propter hoc dilatatum est cor meum, et exultavit lingua mea. *ŷ.* Dominus pars hæreditatis meæ, et calicis mei. Propter.

## Lectio v.

**D**ILIGENDO itaque nos Deus, ad imaginem suam nos reparat:

et ut in nobis formam suæ bonitatis inveniat, dat, unde ipsi quoque, quod operatur, operemur, accendens scilicet mentium nostrarum lucernas, et igne nos suæ charitatis inflammans, ut non solum ipsum, sed etiam quidquid diligit, diligamus. Nam si inter homines ea demum firma amicitia est, quam morum similitudo sociarit, cum tamen paritas voluntatum sæpe in reprobos tendat affectus, quantum nobis optandum, atque nitendum est, ut in nullo ab iis, quæ Deo sunt placita, discrepemus? De quo dicit Propheta: Quoniam ira in indignatione ejus, et vita in voluntate ejus: quia non aliter in nobis erit dignitas Divinæ Majestatis, nisi imitatio fuerit voluntatis.

*ŷ.* Intuere Domine, quia facta est desolata Civitas plena divitiis: sedet in tristitia Domina gentium: \* Non est, qui consoletur eam, nisi tu Deus noster. *ŷ.* Plorans ploravit in nocte, et lacrymæ ejus in maxillis ejus. Non est.

## Lectio vj.

**D**ICENTE itaque Domino: Diliges Dominum Deum tuum ex toto corde tuo, et ex tota mente tua; et diliges proximum tuum sicut teipsum, suscipiat fidelis anima auctoris sui, atque rectoris immarcescibilem charitatem, totamque se etiam ejus subiciat voluntati, in cujus operibus, atque judiciis nihil vacat a veritate justitiæ, nihil a miseratione clementiæ. Quoniam etsi magnis quis laboribus, et multis fatigetur incommodis, bona est illi causa tolerandi, qui se adversis, vel corrigi intelligit, vel probari.

*ŷ.* Ornaverunt faciem templi coronis aureis, et dedicaverunt altare Domino; \* Et facta est lætitia magna in populo. *ŷ.* In hymnis, et confessionibus benedicebant Dominum. Et. Gloria Patri. Et.

## IN III. NOCTURNO.

*Ant.* Ego autem ad Deum clavi, et Dominus salvabit te.

*Psal. 60. Exaudi Deus deprecationem, p. 52.*

*Ant. Deus meus Salvator meus, salutare meum, et spes mea in æternum.*

*Psal. 74. Confitebimur tibi Deus, p. 61.*

*Ant. Protector noster aspice Deus, et respice in faciem Christi tui.*

*Psal. 83. Quam dilecta, p. 68.*

*ŷ. Notam fecisti in Gentibus virtutem tuam.*

*ŷ. Redemisti in brachio tuo populum tuum.*

Lectio sancti Evangelii secundum Joannem.

*Lectio vij. Cap. 3.*

**I**N illo tempore: Dixit Jesus Nicodemus: Nemo ascendit in cœlum, nisi qui descendit de cœlo, Filius hominis, qui est in cœlo. Et reliqua.

Homilia S. Augustini Episcopi.

*Ex Tractatu in cap. 3. Joannis.*

**N**EMO ascendit in cœlum, nisi qui de cœlo descendit. Descendit enim, et mortuus est, et ipsa morte liberavit nos a morte. Morte occisus mortem occidit. Et nostis, Fratres, quia mors ista per diaboli invidiam intravit in mundum. Dens mortem non fecit; Scriptura loquitur: Nec lætatur, inquit, in perditione vivorum; creavit enim, ut essent omnia. Sed quid ibi ait? Invidia autem diaboli mors intravit in orbem terrarum. Ad mortem a diabolo propinatam non veniret homo vi adactus; non enim cogendi potentiam diabolus habebat, sed persuadendi versutiam. Si non consentire, nihil invexerat diabolus; consensio tua, o homo, te perduxit ad mortem. A mortali mortales nati, et ex immortalibus mortales facti. Ab Adam omnes homines mortales; Jesus autem Filius Dei Verbum Dei, per quod facta sunt omnia, unicus æqualis Patri, mortalis factus est, quia Verbum caro factum est, et habitavit in nobis. Si ergo mortem suscepit, et mortem suspendit in Cruce, de ipsa

morte liberantur mortales. Quod in figura factum est apud antiquos, commemoravit illud Dominus.

*ŷ. Laudabilis populus, " Quem Dominus exercituum benedixit, dicens: Opus manuum mearum tu es: hæreditas mea Israel. ŷ. Beata gens, cujus est Dominus Deus; populus electus in hæreditatem. Quem.*

*Lectio viij.*

**E**T sicut, inquit, Moyses exaltavit Serpentem in Eremo, ita exaltari oportet Filium hominis. Quis est serpens exaltatus? Mors Domini in cruce. Quia enim a serpente mors, per serpentis effigiem figurata est mors. Morsus serpentum lethalis, mors Domini vitalis. Attenditur serpens, ut nihil valeat serpens. Quid est hoc? Attenditur mors, ut nihil valeat mors. Sed cujus mors? Mors Vitæ. Nonne vita Christus? Et tamen mortuus est Christus. Interim modo, Fratres, ut a peccato sanemur, Christum Crucifixum intueamur: quia sicut Moyses, inquit, exaltavit serpentem in Eremo, ita exaltari oportet Filium hominis: ut omnis, qui credit in eum, non pereat, sed habeat vitam æternam. Quomodo qui intuebantur illum serpentem, non peribant morsibus serpentum: sic, qui intuentur fide mortem Christi, sanantur a morsibus peccatorum. Sed illi sanabantur a morte ad vitam temporalem: hic autem, ait, ut habeant vitam æternam. Hoc enim interest inter figuratam imaginem, et rem ipsam: figura præstabat vitam temporalem: res ipsa, cujus illa figura erat, præstat vitam æternam.

*ŷ. Duo Seraphim clamabant alter ad alterum: Sanctus, Sanctus, Sanctus, Dominus Deus Sabaoth: " Plena est omnis terra gloria ejus. ŷ. Tres sunt, qui testimonium dant in Cœlo, Pater, Verbum, et Spiritus Sanctus: et hi tres unum sunt. Sanctus. Gloria. Plena.*

*IX. Lect. de Hom. Domin. occurr.*



**Ad Laudes***Et per Horas Antiph.*

1. Cantate Domino, quoniam magnifice fecit: annuntiate hoc in universa terra.

*Psalm. Dominus etc. cum. reliq. de Domin. 13.*

2. Ecce Deus Salvator meus: fiducialiter agam; quia factus est mihi in salutem, alleluja.

3. Maurietis aquas in gaudio de fontibus Salvatoris, et dicetis: Confitemini Domino, et invocate nomen ejus.

4. Facta est salus, et virtus, et regnum Dei nostri, et potestas Christi ejus.

5. Exulta, et lauda habitatio Sion: quia magnus in medio tui Sanctus Israel.

*Capitulum. Tobiae 3.*

**BENEDICTUM** Nomen tuum, Deus Patrum nostrorum: qui cum iratus fueris, misericordiam facies, et in tempore tribulationis peccata dimittis his, qui invocant te.

**HYMNUS**

**S**ALUTIS humanæ Sator,  
Jesu voluptas cordium,  
Orbis Redempti Conditor,  
Et casta lux amantium.

Qua victus es clementia.  
Ut nostra ferres crimina?  
Mortem subires innocens,  
A morte nos ut tolleres?

Te cogat indulgentia,  
Ut damna nostra sarcias,  
Tuique vultus compotes  
Dites beato lumine.

Jesu, tibi sit gloria,  
Qui natus es de Virgine,  
Cum Patre, et almo Spiritu,  
In sempiterna sæcula. Amen.

Ÿ, Domine refugium factus es nobis.

Ÿ. A generatione, et progenie.

*Ad Bened. Ant.* Ecce Deus noster iste: expectavimus eum, et salvabit nos: sustinuvimus eum, exultabimus,

et lætabimur in salutaribus ejus, alleluja.

*Oratio ut supra in I. Vesp.*

*Deinde fit comm. Domin. occurr.*

**Ad Primam.**

*In ŷ. br. Ÿ. Qui redemisti mundum.*

**Ad Tertiam.**

ŷ. br. Redime me Domine, Et miserere mei. Redime. Ÿ. In Ecclesiis benedicam te, Domine. Et Gloria. Redime.

Ÿ. Memento nostri Domine in beneplacito populi tui.

ŷ. Visita nos in salutaribus tuis.

**Ad Sextam.**

*Capitulum. 1. Cor. 1.*

**E**X ipso autem vos estis in Christo Jesu, qui factus est nobis sapientia a Deo, et justitia, et sanctificatio et redemptio.

ŷ. br. Memento nostri Domine, In beneplacito populi tui. Memento. Ÿ. Visita nos in salutaribus tuis. In Gloria. Memento.

Ÿ. Redemisti nos Domine in sanguine tuo.

ŷ. Et fecisti nos Deo nostro regnum.

**Ad Nonam.**

*Capitulum. Apoc. 4. et 5.*

**D**IGNUS es Domine Deus noster accipere gloriam, et honorem, et virtutem: quoniam occisus es, et redemisti nos Deo in sanguine tuo, ex omni tribu, et lingua, et populo, et natione, et fecisti nos Deo nostro regnum.

ŷ. br. Notam fecisti in populis, Virtutem tuam. Notam. Ÿ. Redemisti in brachio tuo populum tuum. Virtutem. Gloria. Notam.

Ÿ. Domine refugium factus es nobis.

ŷ. A generatione, et progenie.

*In II. Vesp. omnia ut in primis præter*

*Ad Magnif. Ant.* Regnum tuum, Regnum omnium sæculorum, et Do-

minatio tua in omni generatione, et generationem, alleluja.

*Deinde fit comm. Domin. occur.*

### **DOM. INFR. OCT.**

*Assumpt. B. M. V.*

### **SS. Cordis B. M. V.**

*Duplex majus*

*Omnia ut in festis B.M.V.p.92\*.*

*In utrisque resp. et Laud. comm. Domin. currentis.*

### **DOM. III. SEPTEMB.**

### **Septem Dolorum B. M. V.**

*Duplex majus.*

*Si hodie occurrat Octava Nativ. B. M. aut Festum S. Matthæi, tunc Festum 7. Dolorum transfertur in primam ex Dom. sequentibus Officio 1. vel 2. Classis non impeditam.*

### **In I. Vesperis.**

*Ant. et Capit. de Laud. Psalmi ut in festis B. M. V. p. 92\*.*

### **HYMNUS.**

**O** QUOT undis lacrymarum,  
Quo dolore volvitur,  
Luctuosa de cruento  
Dum revulsum stipite.  
Cernit ulnis incubantem  
Virgo Mater Filium!

Os suave, mite pectus,  
Et latus dulcissimum,  
Dexteramque vulneratam,  
Et sinistram sauciam,  
Et rubras cruore plantas  
Ægra tingit lacrymis.

Centiesque milliesque  
Stringit arctis nexibus  
Pectus illud et lacertos,  
Illa figit vulnera;  
Sicque tota colliquescit  
In doloris osculis.

Eia, Mater, obsecramus  
Per tuas has lacrymas,  
Filiique triste funus,  
Vulnerumque purpuram,  
Nunc tui cordis dolorem

Conde nostris cordibus.

Esto Patri, Filioque,  
Et cœvo Flameni  
Esto summæ Trinitati  
Sempiterna gloria,  
Et perennis laus, honorque  
Hoc et omni sæculo. Amen.

Ÿ. Regina Martyrum, ora pro nobis. ♀. Quæ juxta crucem Jesu constisti.

*Ad Magnif. Ant.* Nolite me considerare, quod fusca sim, quia decoloravit me sol. Filii matris meæ pugnaverunt contra me.

*Oratio ut infra in Laudibus.*

*Deinde fit comm. Dom. occ.*

*Ad Complet. et horas in fine Hymnorum dicitur,*

Jesu, tibi sit gloria,  
Qui passus es pro servulis.

### **Ad Matutinum.**

*Invit.* Stemus juxta crucem cum Maria matre Jesu, \* Cujus animam doloris gladius pertransivit.

*Psalm.* Venite exulemus, p. 1.

### **HYMNUS.**

**J**AM toto subitus vesper eat polo,  
Et sol attonitum præcipitet diem,  
Dum sævæ recolo ludibrium pecis,  
Divinamque catastrophem.

Spectatrix aderas supplicio, Parens,  
Malis uda, gerens cor adamantinum,  
Natus funerea pendulus in cruce

Altos cum gemitus dabat.

Pendens ante oculos Natus, atrocibus

Sectus verberibus; Natus hiantibus.  
Fossus vulneribus, quot penetrantibus

Te confixit aculeis!

Eheu! sputa, alapæ, verbera vulnera,

Clavi, fel, aloë, spongia, lancea,  
Sitis, spina, cruor, quam varia pium

Cor pressere tyrannide!

Cunctis interea stat generosior  
Virgo martyribus, prodigio novo  
In tantis moriens non moreris, Parens,  
Diris fixa doloribus.

Sit summæ Triadi gloria, laus,  
honor,

A qua suppliciter, sollicita prece,  
Posco Virginei roboris æmulas

Vires rebus in asperis. Amen.

### IN I. NOCTURNO.

*Ant.* Multiplicati sunt qui tribulant  
me, multi insurgunt adversum me.

*Psalm 3.* Domine quid, p. 3.

*Ant.* Paraverunt sagittas suas in  
pharetra, ut sagittent in obscuro re-  
ctos corde.

*Psalm. 10.* In Domino confido, p. 8.

*Ant.* Defecit in dolore vita mea, et  
anni mei in gemitibus.

*Psalm. 30.* In te Domine, p. 34.

† Regina Martyrum, ora pro no-  
bis. †. Quæ juxta crucem Jesu consti-  
tisti.

De Jeremia Propheta.

*Lectio j.*

*Thren. I.*

**P**LOANS ploravit in nocte, et  
lacrymæ ejus in maxillis ejus:  
non est qui consoletur eam ex omni-  
bus charis ejus. Omnes amici ejus  
spreverunt eam, et facti sunt ei inimi-  
ci. Vide, Domine, quoniam tribulor,  
conturbatus est venter meus, subver-  
sum est cor meum in memetipsa, quo-  
niam amaritudine plena sum. Foris  
interficit gladius, et domi mors simi-  
lis est. Audierunt quia ingemisco ego,  
et non est qui consoletur me.

†. Simeon, vir justus et timoratus,  
dixit ad Mariam: \* Tuam ipsius ani-  
mam pertransibit gladius. †. Ne voce-  
tis me pulchram, sed amaram, quia  
amaritudine valde replevit me Omni-  
potens. Tuam.

*Lectio ij.*

*Thren. 2.*

**C**UI comparabo te? vel cui assimi-  
labo te, filia Jerusalem? cui exæ-  
quabo te, et consolabor te, virgo filia  
Sion? Magna est enim velut mare con-  
tritio tua: quis medebitur tui? Plau-  
serunt super te manibus omnes tran-  
senutes per viam: sibilaverunt, et mo-  
verunt caput suum super filiam Je-  
rusalem: Hæccine est urbs, dicentes,  
perfecti decoris, gaudium universæ

terræ? Aperuerunt super te os suum  
omnes inimici tui: sibilaverunt, et  
fremuerunt dentibus, et dixerunt:  
Devorabimus.

†. Surge, et accipe puerum et  
matrem ejus, et fuge in Ægyptum: \*  
Et esto ibi usque dum dicam tibi. †.  
Vocavi filium meum ex Ægypto, ut  
veniat salus in Israel. Et.

*Lectio iij.*

**F**ECIT Dominus quæ cogitavit,  
complevit sermonem suum, quem  
præceperat a diebus antiquis: destru-  
xit, et non pepercit, et lætificavit  
super te inimicum, et exaltavit cor-  
nu hostium tuorum. Clamavit cor eo-  
rum ad Dominum super muros filia  
Sion: Deduc quasi torrentem lacry-  
mas per diem et noctem: non des  
requiem tibi, neque taceat pupilla  
oculi tui.

†. Fili, quid fecisti nobis sic? \*  
Ego et pater tuus \* Dolentes quære-  
bamus te. †. Quid est, quod me quæ-  
rebatis? In his quæ Patris mei sunt,  
oportet me esse. Ego. Gloria. Do-  
lentes.

### IN II. NOCTURNO.

*Ant.* Factum est cor meum tam-  
quam cera liquescens in medio ven-  
tris mei.

*Psalm. 21.* Deus Deus meus, p. 22.

*Ant.* Deus, vitam meam annuntia-  
vi tibi, posuisti lacrymas meas in  
conspectu tuo.

*Psalm. 35.* Miserere mei, p. 30.

*Ant.* Fuerunt mihi lacrymæ meæ  
panes die ac nocte.

*Psalm. 41.* Quemadmodum, p. 43.

†. Fasciculus myrrhæ dilectus me-  
us mihi. †. Inter ubera mea commo-  
rabitur.

*Lect. II. Noct.* Martyrium Virgi-  
nis ut supra, p. 693.

†. iv. Jesum bajulantem sibi cru-  
cem \* Sequebatur turba mulierum,  
quæ plangebant, et lamentabantur  
eum. †. Filia Jerusalem, super vos  
ipsas flete, et super filios vestros.  
sequebatur.

†. v. Postquam venerunt in locum



qui dicitur Calvariae, ibi crucifixerunt eum: \* Stabat autem juxta crucem Jesu mater ejus. ⁊. Tunc beatam illius animam doloris gladius pertransivit. Stabat.

⁊. vj. Joseph ab Arimathæa \* Petiit corpus Jesu, quod de cruce depositum \* Suo complexu Mater excepit. ⁊. Dolens Sunamitis sinu et genibus suis sustinuit mortuum Filium. Petiit. Gloria. Suo.

### IN III. NOCTURNO.

*Ant.* Intenderunt arcum, rem amarum, ut sagittent in occultis immaculatum.

*Psalm.* 63. Exaudi Deus, p. 83.

*Ant.* Anima mea turbata est valde: sed tu, Domine, usquequo?

*Psalm.* 6. Domine ne, p. 3.

*Ant.* Deus adjutor in tribulationibus quæ invenerunt nos nimis.

*Psalm.* 43. Deus noster, p. 43.

⁊. Per te salutem hauriamus virgo Maria. ⁊. Ex vulneribus Christi.

Lectio sancti Evangelii secundum Joannem.

*Lectio vij.*

*Cap. 19.*

**I**n illo tempore: Stabant juxta crucem Jesu mater ejus, et soror matris ejus Maria Cleophæ, et Maria Magdalene. Et reliqua.

Homilia S. Ambrosii Episcopi.

*De Insti. Virg. cap. 7.*

**S**TABAT juxta crucem mater, et fugientibus viris stabat intrepida. Videte utrum pudorem mutare poterit Mater Jesu, quæ animum non mutavit. Spectabat piis oculis Filii vulnera, per quæ sciebat omnibus futuram redemptionem. Spectabat non degeneri Mater spectaculo, quæ non metueret peremptorem. Pendebat in cruce Filius, mater se persecutoribus offerebat.

⁊. Quis tibi sensus fuit, o Mater dolorum, \* Dum Joseph sindone Filium tuum involvit, et posuit eum in monumento? ⁊. Considerate, et videte, si est dolor sicut dolor meus. Dum.

*Ex ejusdem Epist. 25. ad Eccles. Vercell. prope finem. Lectio viij.*

**M**ARIA mater Domini ante crucem Filii stabat. Nullus me hoc docuit, nisi sanctus Joannes Evangelista. Mundum alii concussum in passione Domini conscripserunt, cælum tenebris obductum, refugisse solem, in paradysum latronem, sed post piæ confessionem, receptum. Joannes docuit quod alii non docuerunt, quemadmodum in cruce positus matrem appellaverit. Pluris putatur, quod victor suppliciorum, pietatis officia matri exhibebat, quam quod regnum cæleste donabat. Nam si religiosum est, quod latroni donatur venia, multo uberius pietatis est, quod a Filio mater tanto affectu honoratur.

⁊. In toto corde tuo gemitus matris tuæ ne obliviscaris, \* Ut perficiatur propitiatio et benedictio. ⁊. Ave Princeps generosa, martyrumque prima rosa, virginumque lilium. Ut. Gloria. Ut.

*Lectio ix. de Homilia Dom. occ.*

### Ad Laudes

*et per Horas, Antiphonæ.*

1. Quo ablit \* dilectus tuus, o pulcherrima mulierum? Quo declinavit dilectus tuus, et quæremus eum tecum?

2. Recedite a me, \* amare flebo; nolite incumbere ut consolemini me.

3. Non est ei \* species neque decor, et vidimus eum, et non erat aspectus.

4. A planta pedis usque ad verticem capitis non est in eo sanitas.

5. Falcite me floribus, \* stipate me malis, quia amore langueo.

*Capitulum Thren. 2.*

**C**UI comparabo te? Vel cui assimilabo te, filia Jerusalem? cui exæquabo te, et consolabor te, virgo filia Sion? Magna est velut mare contritio tua.

### HYMNUS.

**S**UMMÆ Deus clementiæ,  
Septem dolores Virginis,

Plagasque Jesu Filii  
Fac rite nos revolvere.

Nobis salutem conferant  
Deiparæ tot lacrymæ,  
Quibus lavare sufficis  
Totius orbis crimina.

Sit quinque Jesu vulnerum  
Amara contemplatio:  
Sint et Dolores Virginis  
Æterna cunctis gaudia.

Jesu, tibi sit gloria,  
Qui passus es pro servulis,  
Cum Patre et almo Spiritu,  
In sempiterna sæcula. Amen.

ŷ. Maria virgo, per virtutem tot  
dolorum. ʒ. Fac nos gaudere in regno  
cælorum.

*Ad Bened. Ant.* Venite, ascenda-  
mus ad montem Domini, et videte,  
si est dolor sicut dolor meus.

#### Oratio.

**D**EUS, in cujus Passione, secun-  
dum Simeonis prophetiam, dul-  
cissimam animam gloriosæ virginis et  
matris Mariæ doloris gladius pertran-  
sivit, concede propitius, ut qui Dolo-  
res ejus venerando recolimus, passio-  
nis tuæ effectum felicem consequamur.  
Qui vivis.

*In ʒ. br. ad Primam ŷ.* Qui passus  
es propter nostram salutem.

#### Ad Tertiam.

*Capit.* Cui comparabo.

ʒ. br. ① vos omnes, \* Qui transi-  
tis per viam. ① vos. ŷ. Attendite, et  
videte, si est dolor sicut dolor meus.  
Qui. Gloria. ① vos. ŷ. Defecerunt præ  
lacrimis oculi mei. ʒ. Conturbata sunt  
omnia viscera mea.

#### Ad Sextam.

*Capitulum* Thren. I.

**P**LOBANS ploravit in nocte, et  
lacrymæ ejus in maxillis ejus,  
non est qui consoletur eam ex omni-  
bus charis ejus.

ʒ. br. Defecerunt \* Præ lacrymis  
oculi mei. Defecerunt. ŷ. Conturbata  
sunt omnia viscera mea. Præ. Gloria.  
Defecerunt. ŷ. Fasciculus myrrhæ di-

lectus meus mihi: ʒ. Inter ubera  
mea commorabitur.

#### Ad Nonam.

*Capitulum* Thren. 2.

**D**EDUC quasi torrentem lacrymas  
per diem et noctem: non des re-  
quiem tibi, neque taceat pupilla ocu-  
li tui.

ʒ. br. Fasciculus myrrhæ\* Dilectus  
meus mihi. Fasciculus. ŷ. Inter ube-  
ra mea commorabitur. Dilectus. Glo-  
ria. Fasciculus. ŷ. Anima mea lique-  
facta est. Ut dilectus locutus est.

#### In II. Vesperis.

*Omnia dicuntur ut in I. præter*  
*Ad Magnif. Ant.* Oppressit me do-  
lor, et facies mea intumuit a fletu, et  
palpebræ meæ caligaverunt.

*Et fit comm. Dom. occ.*

#### DOM. II. OCTOBRIIS.

#### Maternitatis B. M. V.

*Duplex Majus.*

#### In I. Vesperis.

*Ant.* Beata es Virgo Maria, ʒ. cum reliq. de Laud. Psalmi ut in  
fest. B. M. V. p. 92\*.

*Capitulum.* Eccl. c. 24.

**Q**UI creavit me, requevit in ta-  
bernaculo meo; et dixit mihi:  
in Jacob inhabita, et in electis meis  
mitte radices.

*Hymn.* Ave maris stella, p. 93\*.

ŷ. Benedicta tu in mulieribus.

ʒ. Et benedictus fructus ventris tui.

*Ad Magnif. Ant.* Cum jucunditate  
Maternitatem Beatæ Mariæ semper  
Virginis celebremus.

*Oratio.*

**D**EUS, qui de Beatæ Mariæ Virginis  
utero Verbum tuum, Angelo nun-  
tiantem, carnem suscipere voluisti:  
præsta supplicibus tuis, ut qui vero  
eam Genitricem Dei credimus, ejus  
apud te intercessionibus adjuvemur.  
Per eundem.

*Deinde fit commem. Domin. occur.*

*Ad Horas hymn. termin. Jesu,*  
ubi sit gloria.

*Ad Matut. Inuit.* Maternitatem Beatæ Mariæ Virginis celebremus: \* Christum eius Filium adoremus Dominum.

*Psalm.* Venite, exultemus, 1.

### HYMNUS.

**C**ÆLO Redemptor prætulit  
Felicis alvum Virginis,  
Ubi caducum, fragile,  
Mortale corpus induit.

Hæc Virgo nobis edidit  
Nostræ salutis auspicem,  
Qui nos redemit Sanguine,  
Pœnas, Crucemque pertulit.

Spes læta nostro e pectore  
Pellat timores anxios:  
Hæc quippe nostras lacrymas,  
Precesque defert Filio.

Voces Parentis excipit,  
Votisque Natus annuit,  
Hanc quisque semper diligat,  
Rebusque in arctis invocet.

Sit Trinitati gloria,  
Quæ Matris intactum sinum  
Ditavit almo germine:  
Laus sit per omne sæculum. Amen.

*Ant. et Psalm. ut in festis B. V.*  
*p. 94.*

### IN I. NOCTURNO.

†. Specie tua, et pulchritudine  
tua.

¶. Intende, prospere procede, et  
regna.

De libro Ecclesiastici.

*Lectio j.*

Cap. 24.

**E**GO ex ore Altissimi prodivi primogenita ante omnem creaturam. Ego feci in cœlis, ut oriretur lumen indeficiens, et sicut nebula texi omnem terram. Ego in altissimis habitavi, et thronus meus in columna nubis. Gyrum cœli circuivi sola, et profundum abyssi penetravi: in fluctibus maris ambulavi, et in omni terra steti: et in omni populo, et in omni gente primatum habui: et omnium excellentium, et humilium corda virtute calcavi: et in his omnibus requiem quæsi, et in hæreditate Domini morabor.

¶. Felix es, sacra Virgo Maria, et omni laude dignissima. \* Ex qua ortus est Sol justitiæ, Christus Deus noster, per quem salvati, et redempti sumus. †. Maternitatem Beatæ Mariæ Virginis cum gaudio celebremus. Ex qua.

*Lectio ij.*

**T**UNC præcepit, et dixit mihi Creator omnium: et qui creavit me, requievit in tabernaculo meo; et dixit mihi: In Jacob inhabita, et in Israel hæreditare, et in electis meis mitte radices. Ab initio, et ante sæcula creata sum, ut usque ad futurum sæculum non desinam, et in habitatione sancta coram ipso ministravi. Et sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hæreditas illius, et in plenitudine sanctorum detentio mea.

¶. Sine tactu pudoris inventa es Mater Salvatoris: \* Qui cœlum, terramque regit, in tua se clausit viscera factus homo. †. Benedicta tu in mulieribus, et benedictus fructus ventris tui. Qui cœlum.

*Lectio iij.*

**Q**UASI cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio rosæ in Jericho: quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi: quasi myrrha electa dedi suavitatem odoris: et quasi storax, et galbanus, et ungula, et gutta, et quasi libanus non incisus vaporavi habitationem meam, et quasi balsamum non mixtum odor meus. Ego quasi terebinthus extendi ramos meos, et rami mei honoris, et gratiæ. Ego quasi vitis fructificavi suavitatem odoris.

¶. Multæ filiæ congregaverunt divitias: tu supergressa es universas: \* Speciosa facta es, et suavis in de-



licis tuis, Sancta Dei Genitrix. *ŷ.* Sentiant omnes tuum juvamen, quicumque celebrant tuam sanctam Maternitatem. Speciosa. Gloria Patri. Speciosa.

### IN II. NOCTURNO.

*ŷ.* Diffusa est gratia in labiis tuis.

*ŷ.* Propterea benedixit te Deus in æternum.

#### Lectio iv.

Ex Sermone Sancti Leonis Papæ.

*Serm. 1. de Nativ. Domini.*

**VIRGO** Regia Davidicæ stirpis eligitur, quæ sacro gravidanda fœtu, divinam, humanamque prolem prius conciperet mente, quam corpore: et ne superni ignara consilii ad inusitatos paveret affatus, quod in ea operandum erat a Spiritu Sancto, colloquio discit Angelico: Nec damnum credit pudoris, Dei Genitrix mox futura. Cur enim de conceptionis novitate desperet, cui efficientia de Altissimi virtute promittitur? Confirmatur credentis fides etiam præeuntis attestatione miraculi. Donatur Elisabeth inopinata fecunditas, ut qui conceptum dederat sterili, daturus non dubitaretur et Virgini. Verbum igitur Dei Filius, qui in principio erat apud Deum, per quem facta sunt omnia, et sine quo factum est nihil, propter liberandum hominem ab æterna morte factus est homo.

*ŷ.* Gloriosæ Virginis Mariæ Maternitatem dignissimam recolamus: \* Cujus Dominus humilitatem respexit, quæ, Angelo nuntiante, concepit Salvatorem mundi. *ŷ.* Christo canamus gloriam in hac sacra solemnitate mirabilis Genitricis Dei. Cujus.

#### Lectio v.

*Serm. 2. de Nativ. Dom.*

**INGREDITUR** hæc infima Jesus Christus Dominus noster de cœli sede descendens, et a paterna gloria non recedens, novo ordine, nova nativitate generatus. Novo ordine, quia invisibilis in suis, visibilis factus est in nostris: incomprehensibilis voluit

comprehendi: ante tempora manens, esse cœpit in tempore. Nova autem nativitate genitus est, conceptus a Virgine, natus ex Virgine, sine paternæ carnis concupiscentia, sine maternæ integritatis injuria: quia futurum hominum Salvatorem talis ortus decebat, qui et in se haberet humanæ substantiæ naturam, et humanæ carnis inquinamenta nesciret. Origo dissimilis, sed natura consimilis: humano usu, et consuetudine, quod credimus, caret: sed divina potestate subnixum est, quod Virgo conceperit, Virgo pepererit, Virgo permanserit.

*ŷ.* Benedicta filia tu a Domino, quia per te fructum vitæ communicavimus. \* Sola sine exemplo placuisti Domino nostro Jesu Christo. *ŷ.* Nostras deprecationes ne despicias in necessitatibus nostris, et a periculis cunctis libera nos, Sancta Dei Genitrix. Sola.

#### Lectio vj.

**OPORTUIT**, ut primam Genitricis integritatem nascentis Incorruptio custodiret, et complacitum sibi claustrum pudoris, et sanctitatis hospitium Divini Spiritus virtus infusa servaret, quæ statuerat dejecta erigere, confracta solidare, et superandis carnis illecebris multiplicatam pudicitiam donare virtutem: ut virginitas, quæ in aliis non poterat salva esse generando, fieret aliis imitabilis renascendo. Hoc ipsum autem, quod Christus nasci eligit ex Virgine, nonne apparet altissimæ fuisse rationis? ut scilicet humano generi natam salutem diabolus ignoraret, et spirituali latente conceptu, quem non alium videret, quam alios, non aliter crederet natum esse, quam ceteros. Quod ut fieret, editus est Christus ex Virgine quam Spiritus Sanctus fecundavit: et cum in omnibus matribus non fiat sine peccati sorde conceptio, hæc inde purgationem traxit, unde concepit.

*ŷ.* Benedicta tu inter mulieres, et benedictus fructus ventris tui: \* Unde

hoc mihi, ut veniat Mater Domini mei ad me? *℣.* Respexit humilitatem Ancillæ suæ; et fecit mihi magna, qui potens est. Unde. Gloria. Unde.

### IN III. NOCTURNO.

*℣.* Fecit mihi magna, qui potens est.

*℟.* Misericordia ejus a progenie in progenies timentibus eum.

*Lectio vij.*

Lectio Sancti Evangelii secundum  
Lucam. Cap. 2.

**I**N illo tempore. Cum redirent, remansit puer Jesus in Jerusalem, et non cognoverunt Parentes ejus. Et reliqua.

Homilia S. Bernardi Abbatis.

*Homil. 1. de laud. Virg. Matris.*

**D**EUM, et Dominum Angelorum Maria suum Filium appellat, dicens: Fili, quid fecisti nobis sic? Quis hoc audeat Angelorum? Sufficit eis, et pro magno habent, quod cum sint spiritus ex conditione, ex gratia facti sint, et vocati angeli, testante David: Qui facit Angelos suos spiritus. Maria vero Matrem se agnoscens, Majestatem illam, cui illi cum reverentia serviunt, cum fiducia suum nuncupat filium; nec dedignatur nuncupari Deus, quod esse dignatus est. Nam paulo post subdit Evangelista: Et erat subditus illis. Quis? quibus? Deus hominibus: Deus, inquam, cui Angeli subditi sunt, cui Principatus, et Potestates obediunt, subditus erat Mariæ.

*℟.* Beata es Virgo Maria Dei Genitrix, quæ credidisti Domino: perfecta sunt in te, quæ dicta sunt tibi: Propterea benedixit te Deus in æternum. *℣.* Diffusa est gratia in labiis tuis: intercede pro nobis ad Dominum Deum nostrum. Propterea.

*Bened.* Cujus festum colimus, ipsa Virgo Virginum.

*Lectio viij.*

**M**IRARE utrumlibet, et elige, quod amplius mireris, sive Fi-

lii benignissimam dignationem, sive Matris excellentissimam dignitatem. Utrunque stupor, utrinque miraculum. Et quod Deus feminae obtemperet, humilitas absque exemplo; et quod Deo femina principetur, sublimitas sine socio. In laudibus Virginum singulariter canitur, quod sequuntur Agnum, quocumque ierit. Quibus ergo laudibus judicas dignam, quæ etiam præit? Disce homo obedire, disce terra subdi, disce pulvis obtemperare. De Auctore tuo loquens Evangelista: Et erat, inquit, subditus illis. Erubescere, superbe cisis, Deus se humiliat, et tu te exaltas? Deus se hominibus subdit, et tu, dominari gestiens hominibus, tuo te præponis Auctori? Felix Maria, cui nec humilitas defuit, nec virginitas. Et quidem singularis virginitas, quam non temeravit, sed honoravit fecunditas. Et nihilominus specialis humilitas, quam non abstulit, sed extulit fecunda virginitas: et incomparabilis prorsus fecunditas, quam virginitas simul comitatur, et humilitas. Quid horum non mirabile? quid non incomparabile? quid non singulare? Mirum vero, si non hæsit in horum ponderatione, quid tua judices dignius admiratione; utrum videlicet potius stupenda sit fecunditas in Virgine, quam integritas: sublimitas in prole, an cum tanta sublimitate humilitas! Nisi quod indubitanter horum singulis præferenda sunt simul cuncta, et incomparabiliter excellentius est, atque felicius omnia percepisse, quam aliqua. Et quid mirum, si Deus, qui mirabilis cernitur, et legitur in Sanctis suis, mirabilem se exhibuit in Matre sua? Veneramini ergo, conjuges, in carne corruptibili carnis integritatem. Vos, sacræ Virgines, in Virgine fecunditatem. Imitamini omnes homines Dei matris humilitatem.

*℟.* Congratulamini mihi omnes qui diligitis Dominum, quia cum essem parvula, placui Altissimo; Et de meis visceribus genui Deum, et hominem. *℣.* Beatam me dicent omnes

generationes, quia Ancillam humilem respexit Deus. Et. Gloria. Et.

*Nona Lect. Hom. Dom. occur.*

*Te Deum Laudamus. 12.*

### **Ad Laudes**

*et per Horas Antiph.*

1. Beata es Virgo Maria, quæ omnium portasti Creatorem.

*Psalm. Dominus regnavit, etc. cum reliq. de Dom. 13.*

2. Genuisti, qui te fecit, et in æternum permanes Virgo.

3. Beatam me dicent omnes generationes, quia Ancillam humilem respexit Dominus.

4. Fecit mihi magna, qui potens est, et Sanctum Nomen ejus.

5. Viderunt eam filię Sion, et beatam dixerunt, et Regina laudaverunt eam.

*Capitulum. Eccl. Cap. 24.*

**Q**UI creavit me, requievit in tabernaculo meo; et dixit mihi: in Jacob inhabita, et in electis meis mitte radices.

### **HYMNUS**

**T**U, Mater alma Numinis,  
Oramus omnes supplices,  
A fraude nos ut Dæmonis  
Tua sub umbra protegas.

Ob perditum nostrum genus  
Primi parentis crimine,  
Ad inclytum Matris decus,  
Te Rex supremus extulit.

Clementer ergo prospice  
Lapsis Adami posteris:  
A te rogatus Filius  
Deponat iram vindicem.

Jesu, tibi sit gloria,  
Qui natus es de Virgine,  
Cum Patre, et almo Spiritu  
In sempiterna sæcula. Amen.

γ. Germinavit radix Jesse: orta est Stella ex Jacob.

η. Virgo peperit Salvatorem: te laudamus Deus noster.

*Ad Bened. Ant. Sancta Maria, succurre miseris, juva pusillanimes, re-*

fove debiles, ora pro populo, interveni pro Clero, intercede pro devoto femineo sexu: sentiant omnes tuum juvamen, quicumque celebrant tuam admirabilem Maternitatem.

*Oratio ut supra in I. Vesper.*

*Deinde fit commem. Dom. occur.*

*Ad Horas Ant. Cap. ad Tert. et Oratio, ut in Laud. reliq. ut in festis B. Mariæ V. p. 101\*.*

*Ad Primam in q. br. γ. Qui natus es de Maria Virgine.*

*In II. Vesp. omnia, ut in I.*

*Ad Magnif. Ant. Maternitas tua, Dei Genitrix Virgo, gaudium annuntiavit universo mundo: ex te enim ortus est Sol justitiæ Christus Deus noster.*

*Deinde fit commem. Dom. occur.*

### **DOMINICA III. OCTOB.**

**Puritatis Beat. Mariæ V.**

*Duplex Majus.*

*Ad Vesp. Ant. Sicut lilium inter spinas. cum reliq. de Laudibus.*

*Psalm. Dixit Dominus. cum reliq. ut in festis B. V. Mariæ. p. 92\*.*

*Capitulum. Sap. Cap. 4.*

**O** QUAM pulchra est casta generatio cum claritate! immortalis est enim memoria illius, quoniam et apud Deum nota est, et apud homines.

### **HYMNUS**

**P**RÆCLARA Custos Virginum,  
Intacta Mater Numinis,  
Cœlestis aulæ janua,  
Spes nostra, Cœli gaudium.

Inter rubeta lilium  
Columba formosissima:  
Virga e radice germinans  
Nostro medelam vulneri.

Turris Draconi impervia,  
Amica Stella Naufragis,  
Tuere nos a fraudibus,  
Tuaque luce dirige.

Erroris umbras discute,  
Syrtes dolosas amove,  
Fluctus tot inter deviis



Tutam reclude semitam.

Jesu, tibi sit gloria,  
Qui natus es de Virgine,  
Cum Patre, et almo spiritu  
In sempiterna sæcula. Amen.

*Hæc conclusio dicitur in fine omnium Hymnorum.*

Ÿ. Cum jucunditate Virginitatem  
beatæ Mariæ semper Virginis celebremus.

â. Ut ipsa pro nobis intercedat ad  
Dominum Jesum Christum.

*Ad Magnif. Ant.* Nihil inquinatum  
in eam incurrit: candor est lucis æ-  
ternæ, et speculum sine macula.

*Oratio.*

**D**A, quæsumus, omnipotens æ-  
terne Deus, ut purissimæ Vir-  
ginis Mariæ integerrimam Virginita-  
tem festiva celebritate venerantes, e-  
jus intercessione, puritatem mentis,  
et corporis consequamur. Per Dom.

*Deinde fit commem. Dominicæ oc-  
curr.*

*Ad Matutinum.*

*Invit.* Virginitatem Deiparæ cele-  
bremus: \* Christum ejus Filium a-  
doremus Dominum.

*Psalm.* Venite, exultemus. 1.

**HYMNUS.**

**O** STELLA Jacob fulgida,  
O Solis instar splendida  
Aurora qua nil purius  
Refulget inter sidera.

Stolis amictæ candidis  
Tibi catervæ cœlitum  
Plaudunt, sacræque Virgines  
Laudes perennes concinunt.

Quia obsequentes offerunt  
Ligustra, et alba lilia:  
Candor sed horum vincitur  
Candore casti pectoris.

Nostra Angelorum laudibus  
Abjecta tellus assonans  
Ad astra voces efferat,  
Et Virginis præconia.

Jesu tibi sit gloria,  
Qui natus es de Virgine  
Cum Patre et almo Spiritu  
In sempiterna sæcula. Amen.

*Antiph. et Psalm. ut in festis. B.*  
V. pag. 94\*.

IN I. NOCTURNO.

Ÿ. Venerunt mihi omnia bona pa-  
riter cum illa.

â. Et innumerabilis honestas per  
manus illius.

De Canticis Canticorum.

*Lectio j. Cap. 1.*

**E**GO flos campi, et liliū Conval-  
lium. Sicut liliū inter spinas,  
sic amica mea inter filias. Sicut ma-  
lus inter ligna silvarum, sic dilectus  
meus inter filios. Sub umbra illius,  
quem desideraveram, sedi, et fructus  
ejus dulcis gutturi meo. Introduxit  
me in cellam vinariam, ordinavit in  
me charitatem. Fulcite me floribus,  
stipate me malis, quia amore langueo.  
Læva ejus sub capite meo; et dexte-  
ra illius amplexabitur me. Adjuro vos  
filie Jerusalem, per capreas, cervos-  
que camporum, ne suscitetis, neque  
evigilare faciatis dilectam, quoadus-  
que ipsa velit. Vox dilecti mei, ecce  
iste venit saliens in montibus, tran-  
siliens colles, similis est dilectus meus  
capræ, hinnuloque Cervorum. En i-  
pse stat post parietem nostrum, respi-  
ciens per fenestras, prospiciens per  
cancellos. En dilectus meus loquitur  
mihi: Surge, propera, amica mea;  
Columba mea, formosa mea, et veni.

â. Dilectus meus mihi, et ego illi  
qui pascitur inter lilia: \* Pulchra  
es amica mea, suavis, et decora si-  
cut Jerusalem, terribilis ut castrorum  
acies ordinata. Ÿ. Una est Columba  
mea, perfecta mea. Viderunt eam fi-  
lie Sion, et Beatissimam prædicave-  
runt. Pulchra.

*Lectio ij.*

**Q**UAM pulchra es, amica mea,  
quam pulchra es! oculi tui Co-  
lumbæ, absque eo, quod intrin-  
secus latet. Capilli tui sicut greges  
caprarum, quæ ascenderunt de Mon-  
te Galaad, dentes tui sicut greges  
tonsarum, quæ ascenderunt de lava-  
cro, omnes gemellis fortibus, et ste-  
rilis non est inter eas. Sicut vitta coc-

cinea labia tua , et eloquium tuum dulce. Sicut fragmen mali punici, ita genæ tuæ. Sicut Turris David collum tuum , quæ ædificata est cum propugnaculis: mille clypei pendent ex ea, omnis armatura fortium. Duo ubera tua sicut duo hianuli capræ gemelli, qui pascuntur in liliis; donec aspiet dies, et inclinentur umbræ, vadam ad montem myrrhæ, et ad collem thuris. Tota pulchra es, amica mea, et macula non est in te.

¶. Surge propera, amica mea, columba mea formosa mea, et veni: Jam hyems transiit, imber abiit, et recessit. Flores apparuerunt in terra nostra. ¶. Surgam, et circuibo Civitatem: per vicos, et plateas quæram, quem diligit anima mea. Jam hyems.

## Lectio iij.

**V**ENI de Libano Sponsa mea, veni de Libano, veni: coronaberis de capite Amara, de vertice Sanin, et Hormon, de cubilibus leonum, de montibus pardorum. Vulnerasti cor meum, Soror mea Sponsa, vulnerasti cor meum in uno oculorum tuorum, in uno crine colli tui. Quam pulchræ sunt mammæ tuæ, Soror mea Sponsa! Pulchriora sunt ubera tua vino, et odor unguentorum tuorum super omnia aromata. Favus distillans labia tua, Sponsa, mel, et lac sub lingua tua: et odor vestimentorum tuorum, sicut odor thuris. Hortus conclusus, soror mea Sponsa, hortus conclusus, fons signatus.

¶. Adjuro vos, filiæ Jerusalem, si inveneritis dilectum meum, ut nuntietis ei, quia amore langueo.\* Qualis est dilectus tuus, o pulcherrima mulierum? ¶. Dilectus meus candidus et rubicundus, electus ex millibus. Talis est dilectus meus, ipse est amicus meus filiæ Jerusalem. Qualis. Gloria. Qualis.

## IN II. NOCTURNO.

¶. Post partum Virgo inviolata permansisti.

¶. Dei Genitrix intercede pro nobis.

Ex Libro S. Ambrosii Episcopi de Virginibus.

Lib. 2. post, initium.

Lectio iv.

**S**IT vobis tamquam in imagine descripta Virginitas, vitæque beatæ Mariæ, de qua, velut in speculo refulget species castitatis, et forma virtutis. Hinc sumatis licet exempla vivendi, ubi tamquam in exemplari, magisteria expressa probitatis, quid corrigere, quid effugere, quid tenere debeatis, ostendunt. Primus discendi ardor, nobilitas est magistri. Quid nobilius Dei Matre? Quid splendidius ea quam splendor elegit? Quid castius ea, quæ corpus sine corporis contagione generavit.

¶. Beatissima Virgo Maria, hortus conclusus, fons signatus, Regina Angelorum, Domina Mundi,\* Per quam Deus descendit in terras, ut homines ascendere mererentur ad Cœlos. ¶. Ad te clamamus exules filii Hevæ: recordare nostri sanctissima Virgo. Per quam.

## Lectio v.

**D**E cæteris ejus virtutibus quid loquar? Virgo erat non solum corpore, sed etiam mente, quæ nullo doli ambitu sincerum adulteraret affectum. Corde humilis, verbis gravis, animi prudens, loquendi parcius, legendi studiosior, non in incerto divitiarum, sed in preces pauperis spem reponens; intenta operi, verecunda sermone, arbitrum mentis solita non hominem, sed Deum quærere: nullum lædere, bene velle omnibus, fugere jactantiam, rationem sequi, amare virtutem.

¶. Beata Maria tantæ extitit puritatis, ut Mater Domini esse mereretur:\* Deus, quam elegerat creavit, de qua crearetur elegit. ¶. Ipsa est Stella ex Jacob cujus radius universum Orbem illuminat. Deus quam.

Ex S. Petro Chrysologo.

Lectio vj.

Serm. 143.

**H**ÆC dedit Cœlis gloriam, terris Deum, fidem gentibus finem

vitiis, vitæ ordinem, moribus disciplinam. Gratiam, quam detulit Angelus, accepit Virgo, salutem sæculis redditura. Vere benedicta Virgo, quæ et Virginitatis possidet decus, et Matris dignitatem: vere benedicta, quæ et superui conceptus meruit gratiam, et servavit integritatis coronam. Vere benedicta, quæ et divini germinis suscepit gloriam, et Regina extitit totius castitatis.

¶. Quomodo fiet istud, quoniam virum non cognosco? Spiritus Sanctus superveniet in te: Virtus Altissimi obumbravit tibi, ideoque, Quod nascetur ex te Sanctum, vocabitur Filius Dei. ¶. Dixit autem Maria: Ecce Ancilla Domini, fiat mihi secundum verbum tuum. Virtus. Gloria. Quod.

### IN III. NOCTURNO.

¶. Invenisti gratiam apud Deum.

¶. Sancta Dei Genitrix Virgo immaculata.

Lectio sancti Evangelii secundum Lucam.

Lectio vij.

Luc. 15

**I**N illo tempore: missus est Angelus Gabriel a Deo in Civitatem Galileæ cui nomen Nazaret, ad Virginem desponsatam viro. Et reliqua.

Homilia S. Bernardi Abbatis.

Homil. 2. supra Missus est.

**NOVUM** canticum illud, quod solis dabitur in Regno Dei cantare Virginiibus, ipsam Virginum Regiam, immo primam inter cæteras esse cantaturam, nemo est, qui ambigat. Puto autem illam, præter illud, quod solis licet, cum omnibus tamen Virginiibus ei, ut dixi, commune erit, dulciore quodam, atque elegantiori carmine lætificaturam esse Civitatem Dei. Hujus itaque dolceisonos depromere, vel exprimere modulos ne ipsarum quidem Virginum ulla digna invenietur: quia merito decantandum servabitur illi, quæ sola de partu, et de partu divino gloriatur. Gloriatur, dixi, de partu non in se, sed in ipso quem peperit. Deus siquidem, Deus enim

est, quem peperit, et qui Matrem suam in cœlestibus donaturus gloria singulari, in terris prævenire curavit et gratia, qua videlicet ineffabiliter, et intacta conciperet, et pareret incorrupta.

¶. Egredietur virga de radice Jesse, et flos de radice ejus ascendet: Ecce Virgo concipiet, et pariet Filium, et vocabitur nomen ejus Emmanuel. ¶. Joseph Fili David, noli timere accipere Mariam conjugem tuam, quod enim in ea natum est, de Spiritu sancto est. Ecce.

Benedictio. Cujus Festum colimus, ipsa Virgo Virginum.

### Lectio viij.

**DEUM** hujusmodi decebat natiuitas, qua non nisi de Virgine nasceretur. Talis congruebat et Virgini partus, ut non pareret, nisi Deum. Proinde Factor hominum, ut homo fieret nasciturus de homine, talem sibi ex omnibus debuit deligere, immo condere Matrem, qualem et se decere sciebat, et sibi noverat placituram. Voluit itaque esse Virginem, de qua immaculatus procederet, omnium maculas purgaturus. Voluit et humilem, de qua mitis, et humilis corde prodiret, harum in se virtutum necessarium omnibus, saluberrimumque exemplum ostensurus. Dedit Virgini partum, qui ei jam ante et virginitatis inspiraverat votum, et humilitatis prærogaverat meritum. Ut igitur, quæ Sanctum Sanctorum conceptura erat pariter, et paritura, Sancta esset corpore, accepit donum virginitatis, ut esset et mente, accepit donum humilitatis. O Admirabilem, et omni honore dignissimam Virginem! O Feminam singulariter venerandam, super omnes feminas admirabilem, Parentum reparatricem, posterorum vivificatricem. Missus est Angelus ad Virginem, virginem carne, virginem mente, virginem professione, virginem denique, qualem describit Apostolus mente, et corpore sanctam. Nec noviter, nec fortuito



inventam, sed a sæculo electam, ab Altissimo præcognitam, et sibi præparatam, ab Angelis servatam, a Patribus præfiguratam, a Prophetis promissam.

ñ. Beata Dei Genitrix Maria, templum Domini, sacrarium Spiritus Sancti: \* Sola sine exemplo placuisti Domino nostro Jesu Christo. †. Genuisti qui te fecit, et in æternum permanes Virgo. Sola. Gloria. Sola.

*Nona Lectio, Homilia Dominicæ. occur.*

### **Ad Laudes**

*et per Horas, Antiphonæ.*

1. Sicut lilium inter spinas, sic amica mea inter filias.

*Psalm. Dominus regnavit. cum reliq. de Dom. 13.*

2. Dilectus meus mihi, et Ego illi, qui pascitur inter lilia.

3. Quam pulchra es, amica mea, quam pulchra es!

4. Una est Columba mea, perfecta mea.

5. Viderunt eam Filie Sion, et beatissimam prædicaverunt.

*Capitulum. ut in I. Vesp.*

*Hymnus. O Gloriosa virginum, ut in Off. B. M. V. p. 101\*.*

†. Specie tua, et pulchritudine tua.

ñ. Intende, prospere procedo, et regna.

*Ad Bened. Ant. Sancta, et immaculata Mariæ Virginitas, quibus te laudibus efferam nescio, quia per te Redemptorem nostrum suscepimus Dominum nostrum Jesum Christum.*

*Oratio ut supra ad Vesp.*

*Deinde fit commemor. Domin. occur.*

*Ad Primam in ñ. br. †. Qui natus es de Maria Virgine.*

*Ad Tert. cap. ut supra ad Laud. Reliq. ut in festis B. V. p. 101\*.*

*In II. Vesp. omnia ut in primis.*

*Ad Magnif. Ant. Beata Dei Genitrix Maria, Virgo perpetua, Sacrum Spiritus sancti, sola sine exemplo placuisti Domino nostro Jesu Christo.*

*Deinde fit commemor. Domin. occur.*

## **DOMINICA IV. OCT.**

### **Festum B. Mariæ. Virg.**

**SUB TITULO AUXIL. AGONIZANTIUM**

*Duplex Majus.*

*Omnia ut in festis B. M. V. pag. 92\* præter orationem.*

*Oratio.*

**D**EUS, qui Unigenito tuo pendenti in Cruce pro animarum salute Genitricem Virginem Mariam adesse voluisti; fac, ut nos in extremæ vitæ periculo constituti ejus intercessionem adjuvemur, et æterna præmia consequi mereamur. Per eundem Dominum.

*In utrisque Vesperis et Laud. fit comm. Dom. curr.*

## **DOM. NOVEMBRIS**

**AB ORDINARIO ASSIGNANDA**

### **Festum Patr. B. M. V.**

*Duplex majus.*

*Omnia ut in festis B. M. V. p. 92\*.*

*In utrisq. vesp. et Laud. fit com. Dom. occur.*

**FESTA JANUARIi**

## **Die 14 S. Potiti M.**

*dupl. min.*

### **In I. Vesperis.**

*Ant. Potitum etc. cum reliq. de Laud.*

*Psalm. Dixit Dominus. cum reliq. de Dom. p. 86. et loco ult., Laudate Dominum omnes gentes.*

*Capitulum.*

*Jacob. 1.*

**B**EATUS vir, qui suffert tentationem, quoniam cum probatus fuerit, accipiet coronam vitæ, quam repromisit Deus diligentibus se.

### **HYMNUS**

**I**NVICTA virtus Martyrum,  
Et alme custos Virginum  
Jesu, Potiti laudibus  
Adsis Olympi e vertice.

Infirma mundi diligens,  
Ut conterantur fortia,  
Illum virili pectore

Adhuc replesti parvulum.

**M**inc ipse victor nobilis  
Domum, Parentes, omnia  
Vultu sereno despicit,  
Tibique adhæret arctius.

**H**onor decusque debitum  
Sit Trinitati jugiter,  
Quæ per Potitum Cœlica  
Nobis rependat munera.

Amen.

ŷ. Gloria et honore coronasti eum  
Domine.

ŷ. Et constituisti eum super opera  
manuum tuarum.

*Ad Magn. Ant.* Respexit Dominus  
humilem servum suum Potitum, et  
posuit diadema regni in capite ejus,  
atque ex hoc beatum illum dicent omnes  
generationes.

*Oratio.*

**D**EUS, qui nos B. Martyris tui  
Potiti annua celebritate lætificas;  
concede propitius, ut de cujus triumphali  
agone lætatur in terris, ad ejus  
gloriæ consortium pervenire feliciter  
mereamur in Cœlis. Per Dom.

*Ad Matut. ut in comm. unius Mart.*

#### HYMNUS.

**J**AM de Paterno carcere  
Sævi ad Tribunal Judicis  
Puero Potito protinus  
Certamen instat acrius.

**B**landis Tyrannus vocibus  
Frustra lacessit, postmodum  
Minis perurget, offerat  
Thus, aut daturus sanguinem.

**P**rinceps suorum militum  
Se Christus offert lauream,  
Interque cœtus Martyrum  
Sedem merenti destinat.

**H**onor, decusque debitum,  
Sit Trinitati jugiter,  
Quæ per Potitum Cœlica  
Nobis rependat munera. Amen.

*Antiph. 1.* Beatus Potitus non abiit  
in consilio impiorum, et in via pec-  
catorum non stetit, sed in lege Dei  
fuit voluntas ejus die, ac nocte.

*Psalm. de commun. Mart. p. 14°.*

2. Insurrexerunt impii adversus Do-

minum, et adversus Sanctum suum;  
qui habitat in Cœlis irrisit eos.

3. Factus est Dominus servo suo  
turris fortitudinis a facie inimici.

ŷ. Gloria et honore coronasti eum,  
Domine.

ŷ. Et constituisti eum super opera  
manuum tuarum.

*Lect. 1. Noct.* Confitebor tibi ut in  
*Com. virg. 2. loco, p. 70°.*

ŷ. 1. Verbera carnificum non ti-  
muit Sanctus Puer tuus moriens pro  
Christi nomine, \* Ut hæres fieret in  
domo Domini ŷ. Tradidit corpus su-  
um propter Deum ad supplicia. Ut.

ŷ. 2. Invictus Dei athleta agonem  
suum Domino precibus commendabat:  
\* Et mori pro Christo semper opta-  
vit, et votis omnibus expetivit. ŷ. Cer-  
tus sum, quia neque mors, neque  
vita, neque creatura alia poterit me  
separare a Charitate Dei. Et mori.

ŷ. 3. Puer meus noli timere, quia  
ego tecum sum: dicit Dominus: \*  
Liberabo te de manu pessimorum, et  
eruum te de manu fortium. ŷ. Bea-  
tus Potitus orabat dicens: Domine Je-  
su Christe, miserere mihi servo tuo.  
Liberabo. Gloria. Liberabo.

#### IN II. NOCTURNO.

*Antiph. 1.* Invocavit Dominum in  
medio tormentorum, et in tribulatio-  
ne dilatavit cor ejus Deus, et miri-  
ficavit eum.

2. Exaudisti Domine servum tuum,  
et Anima illius introivit sine macula  
in domum tuam.

3. Ex ore Pueri tui perfecisti lau-  
dem tibi, Domine, et destruxisti ini-  
micum, et ultorem.

ŷ. Posuisti Domine super caput  
ejus.

ŷ. Coronam de lapide pretioso.

*Lectio 17.*

**P**OTITUS Calæri antiquissima Sar-  
dinia Urbe natus, ab unguiculis,  
in scio Patre, Christiana Fide imbu-  
tus, ab eo postmodum ut eam dese-  
reret tentatur; proptereaque in cu-  
stodiam traditur. Sed tantum absuit,  
ut minis blanditiisque quidquam pa-

ter profecerit , ut filii sanctissimi monitis atque exemplis et ipse Christianam Fidem amplexus sit. Vinculis ergo solutus , divino consilio Patriam deseruit , et in Montem Epyrum secessit. Ibi Divini verbi prædicatione , vitæ sanctimonia , ac sanctissimis monitis præluxit et Dæmonum insidias , quibus crudelissime divexatus est , superavit. In Valeriana Urbe Agathonis Senatoris conjugem elephantiasi laborantem curavit ; quapropter Senator ipse cum tota familia , multisque civibus Christo adhæserunt. Romæ quoque Agnetem Antonini Imperatoris filiam , crudelissimo a Dæmone diris cruciatibus exagitatam , liberasse traditur. Sed duri cordis , et pervicax Imperator Diis volentis filiæ salutem referre , ac Potitum eorum sectatorem fieri , eum totis viribus in hanc sententiam pertrahere conatus est. Quare ad Idola perducto Potito , ejus precibus , atque virtute ficta Numina corruerunt. Iratus inde Imperator , atque ægre id ferens , eum exquisitis jubet tormentis torqueri.

¶. In tormentis te Deum non negavit : \* Et ad mortem perductus te Dominum Jesum Christum confessus est  
ÿ. Probasti Domine cor ejus , et visitasti nocte. Et.

*Lectio v.*

**I**N custodiam ergo arctissimam primum traditur , dire postmodum equuleo cruciatur , faciesque ardentes ejus lateribus admoventur. Hanc Principis immanitatem cum Sanctus Martyr exprobraret , unguibus manuum pedumque ei crudeliter detractis , feris objectus est : sed ab his nativæ feritatis oblitus nil læsus in ferventis olei ollam injicitur , liquato plumbo perfunditur , ac clavo ignito transfigitur ; quo cum divinitus Sanctus Martyr liberaretur extracto , illico Princeps maximo capitis dolore affectus est , et Potitum rogavit , ut sibi opem ferret : Agnetis tamen enixis precibus Principem Sanctus Martyr curavit , quam illi rem magicis artibus referens , cum

Impietatis a Potito argueretur , ut lingua ei amputaretur præcepit : qua etiam abscissa uberius concinens , Imperatorem ut laceraret , fieri ullis tormentis non posse , ut Romæ vitam amitteret , prænuntiat.

¶. In Domini Jesu confessione fundatus inter tormentorum supplicia stetit imperterritus , \* Ac demum triumphali morte Cælos petivit sanguine laureatus. ÿ. Felici commercio pro terrenis cœlestia , pro perituris æterna commutavit. Ac.

*Lectio vi.*

**Q**UARE Antoninus permotus , et populi conversionem subveritus , satellitibus , ut illum necarent , quo vellent , commisit. Itaque Roma eductus apud Asculum Apuliæ Idibus Januarii , secundo Christi sæculo , capite plectitur. Ejus corpus a Christianis sepultum tractu temporis Tricarici , ineunte sæculo decimo sexto , in Æde Sanctissimæ Trinitatis repertum est. Neapoli ad ejus nomen Templum dedicatum exstat , in quo a Sanctimonialibus Ordinis Sancti Benedicti memoria tanti Martyris die decima quarta Januarii jamdudum recolebatur : inde piis earundem Sanctimonialium precibus permotus Clemens Papa duodecimus præsens Officium eadem die , qua celebrare consueverant , illis benigne indulxit. Demum idem Clemens duodecimus Pontifex Maximus ab universo Clero Sæculari , et Regulari Neapolitanæ Civitatis eadem die celebrari mandavit.

¶. Qui vicerit vestiatur vestimentis albis , et non delebo nomen ejus de libro vitæ. \* Et confitebor nomen ejus coram Patre meo , et coram Angelis ejus. ÿ. Beatus Potitus dum torqueretur in tormentis , confessus est nomen Domini Jesu Christi Et confitebor. Gloria. Et.

IN III. NOCTURNO.

Ant. 1. Dum torqueretur in tormentis , oculi Domini super servum suum.

2. Potitus Christi Martyr locutus



est veritatem in corde suo, et non egit dolum in lingua sua.

3. **Prævenisti eum Domine in benedictionibus dulcedinis, et posuisti in capite ejus coronam de lapide pretioso.**

†. **Magna est gloria ejus in salutaris tuo.**

¶. **Gloriam et magnum decorem impones super eum.**

Lectio S. Evangelii secundum  
Matthæum.

Lectio vij. Cap. 10.

**I**N illo tempore dixit Jesus discipulis suis: Nolite arbitrari, quia venerim pacem mittere in terram, non veni pacem mittere, sed gladium. Et reliqua.

Homilia S. Hilarii Epis.

Cap. 10.

**Q**UÆ ista divisio est? Inter prima enim legis præcepta accepimus: Honora Patrem tuum, et Matrem tuam, et ipse Dominus ait: Pacem meam do vobis, pacem meam relinquo vobis: Quid sibi vult missus potius gladius in terram, et separatus a patre filius, et filia a matre, et nurus adversus socrum, et hominis domestici ejus inimici? Igitur exinde publica auctoritas impletati profertur. Ubique odia, ubique bella, et gladius Domini inter patrem et filium, et inter filiam matremque desævians. Gladius telorum omnium telum acutissimum est, in quo sit jus potestatis, et judicii severitas, et animadversio peccatorum. Et hujus quidem teli nomine novi Evangelii prædicationem appellatam frequens in Prophetis auctoritas est.

¶. **Corona aurea super caput ejus, Expressa signo sanctitatis, gloria honoris, et opus fortitudinis. †. Esto fidelis usque ad mortem, et dabitur tibi corona vitæ. Expressa.**

Lectio viij.

**D**EI igitur verbum nuncupatum meminerimus in gladio, qui gladius missus in terram est, idest præ-

dicatio ejus hominum cordibus infusa. Fitque gravis in domo una dissensio, et domestica novo homini erunt inimica; quia ille per verbum Dei divisus ab illis manere et interior, et exterior, idest et corpus, et anima in spiritus novitate gaudebit.

¶. **Christi Martyr succensus igne divini amoris sustinuit supplicia passionis: \* Et per immanitatem tormentorum pervenit ad societatem Angelorum. †. Hic est vere Martyr, qui pro Christi nomine sanguinem suum fudit. Et per. Gloria. Et per.**

Lectio IX. de S. Felice PP. et M. Si vero contiger. transfer. dic. seq. Lect. IX.

**P**ERGIT deinde eodem præceptorum, et intelligentiæ decursu. Nam posteaquam relinquenda omnia, quæ in sæculo carissima sunt, imperaverat, adjecit: non accipit Crucem suam et sequitur me, non est me dignus; quia qui Christi sunt, crucifixerunt corpus cum vitiis, et concupiscentiis. Et indignus est Christo, qui non Crucem suam, in qua compatimur, commorimur, consepelimur, coeresurgimus, accipiens, Dominum sit secutus, in hoc Sacramento Fidei spiritus novitate victurus. Te Deum.

**Ad Laudes**

et per Horas Antiph.

1. **Potitum Servum tuum Domine firmaverunt manus tuæ, et regnabit in æternum.**

2. **Tu scis, Domine, agonem meum recordare mei, et visita me, et tuere me ab his qui persequuntur me.**

3. **Recordatus sum tui, dicit Dominus, miserans adolescentiam tuam, et certamen forte dedi tibi, ut vinceret.**

4. **Deus Dominus fortitudo mea, et deducet me victor in Psalmis cænantem.**

5. **Consummatus in brevi explevit tempora multa, placita enim fuit Deo anima illius.**

Cap. Beatus vir, ut supr.

**HYMNUS.**

**I**GNESCIT ira Præsidis,  
Pudetque vinci a parvulo.  
Olim Gigantem Goliath  
David puer sic fregerat.

Probata tandem concidit  
Rotata ab ense victima,  
Columba qualis innocens  
Petivit astra spiritus.

Gaudens, Potite, gloria  
Victor bravium suscipe:  
Hinc nos, Patrone, Virgines  
Malis tuere ab omnibus.

Honor decusque debitum  
Sit Trinitati jugiter,  
Quæ per Potitum cœlica  
Nobis rependat munera. Amen.

Ÿ. Justus ut palma florebit.

Ŧ. Sicut cedrus Libani multiplicatur.

*Ad Bened. Ant.* In Sanctitate serviamus Domino, qui Puerum, et Martyrem suum Potitum elegit ad dirigendos pedes nostros in viam pacis.

*In II. vesp. omn. ut in I et loc. ult. Psalm. Credidi. p. 88.*

Ÿ. Justus, etc.

Ŧ. Sicut cedrus, etc.

*Ad Magnif. Ant.* Omnes gentes magnificate Dominum, fecit enim Martyri Potito magna, qui potens est, et sanctum nomen ejus. *Orat. ut supr.*

**DIE 19. Transl. Reliq.**

S. THOMÆ AQUIN. C.

*Duplex.*

*In 2. Vesp. Cathedræ S. Petri fit com. S. Pauli, et deinde S. Thomæ.*

*Ant.* O Doctor optime, p. 39\*.

Ÿ. Amavit eum Dominus, etc.

Ŧ. Stola gloria, etc.

*Oratio.*

**D**EUS, qui nos Beati Thomæ Confessoris tui annua solemnitate lætificas: concede propitius, ut cujus Translationem colimus etiam actiones imitemur.

*Deinde fit commemor. SS. Mariæ, et Sociorum. Mm.*

*In I. Noct. Lect. de Scr. oco. In II. Noct. ut in ejus die Festo 7. Martii, p. 667.*

*In III. Noct. Homil. in Evang. Vos estis sal, de comm. Doct. 1. loc. p. 49\*. Ŧ. viij. In medio Ecclesiæ. Lect. ix. et com. Ss. Mariæ, etc. Mm. ut in Breviar. In II. Vesp. a Capit. de Ss. Fabiano, etc. Mm. comm. S. Thomæ.*

*Ant.* O Doctor optime, ut supra.

Ÿ. Justum deduxit.

*Oratio ut supra.*

**DIE 23. Desponsationis**

B. V. Mariæ cum S. JOSEPH.

*Duplex Majus.*

*Ad Vesp. Ant.* Desponsatio glorioŒ cum reliquis de Laudib.

*Psalm. Capit. et Hymn. ut in festis B. M. V. p. 92.\**

Ÿ. Desponsatio est hodie sanctæ Mariæ Virginis.

Ŧ. Cujus vita inclyta cunctas illustrat Ecclesias.

*Ad Magnif. Ant.* Gloriosæ Virginis Mariæ Desponsationem dignissimam recolamus, quæ et Genitricis dignitatem obtinuit, et virginalem puritiam non amisit.

*Oratio.*

**F**AMULIS, tuis, quæsumus Domine, cœlestis gratiæ munus impertire: ut quibus beatæ Virginis partus exitit salutis exordium, Desponsationis ejus votiva solemnitas pacis tribuat incrementum. Per Dominum.

*Deinde fit commemor. S. Joseph, ubi concessa est, ante alias quascumque com. etiam Festi Duplicis, aut Dominicæ.*

*Ant.* Exurgens Joseph a somno fecit sicut præcepit ei Angelus Domini et accepit conjugem suam.

Ÿ. Constituit eum Dominum domus suæ.

Ŧ. Et Principem omnis possessionis suæ.

*Oratio.*

**S**ANCTISSIMÆ Genitricis tuæ Sponsi, quæsumus Domine, me-

P

ritis adjuvemur : ut quod possibilitas nostra non obtinet , ejus nobis intercessionem donetur.

*Postea S.S. Vincentii , et Anastasii Mm. nec non S. Emerentianæ , ut in Brev.*

*Ad Matut. Invit. Desponsationem Virginis Mariæ celebremus \* Christum ejus Filium adoremus Dominum.*

*Psalm. Venite , exultemus , p. 1.*

*Hymn. Ant. Psalm , et Vers. Noct. ut in festis B. M. V. p. 94\*.*

### IN I. NOCTURNO.

*Incipiunt Cantica Canticorum.*

*Lectio j. Cap. I.*

**O**SCULETUR me osculo oris sui : quia meliora sunt ubera tua vino , fragrantia unguentis optimis. Oleum effusum nomen tuum : ideo adolescentulæ dilexerunt te. Trahe me post te : curremus in odorem unguentorum tuorum. Introduxit me Rex in cellaria sua , exultabimus , et lætabimur in te : memores uberum tuorum super vinum ; recti diligunt te. Nigra sum , sed formosa , filiæ Jerusalem , sicut tabernacula Cedar , sicut pelles Salomonis.

*ñ. Modie desponsata est Beata Virgo Maria ex progenie David : \* Per quam salus mundi credentibus apparuit : cujus vita gloriosa lucem dedit sæculo. ý. Desponsationem beatæ Mariæ Virginis cum gaudio celebremus. Per quam.*

*Lectio ij.*

**N**OLITE me considerare quod fusca sim , quia decoloravit me sol : filii matris meæ pugnaverunt contra me , posuerunt me custodem in vineis , vineam meam non custodivi. Indica mihi quem diligit anima mea , ubi pascas , ubi cubes in meridie , ne vagari incipiam post greges sodalium tuorum. Si ignoras te , o pulcherrima inter mulieres , egredere , et abi post vestigia gregum , et pasce hædos tuos juxta tabernacula pastorum. Equitatu meo in curribus Pharaonis assimiliavi te , amica mea. Pulchræ sunt genæ tuæ si-

cut turturis , collum tuum sicut monilia.

*ñ. Beatissimæ Virginis Mariæ Desponsationem devotissime celebremus : \* Ut ipsa pro nobis intercedat ad Dominum Jesum Christum. ý. Cum jucunditate Desponsationem beatæ Mariæ Virginis devotissime celebremus. Et ipsa.*

*Lectio iij.*

**M**URENULAS aureas faciemus tibi , vermiculatas argento. Domus esset Rex in accubitu suo , nardus mea dedit odorem suum. Fasciculus myrrhæ dilectus meus mihi , inter ubera mea commorabitur. Botrus Cypri dilectus meus mihi in vineis Engaddi. Ecce tu pulchra es amica mea , oculi tui columbarum. Ecce pulcher es dilecte mi , et decorus. Lectulus noster floridus : ligna domorum nostrarum cedrina , laquearia nostra cypressina.

*ñ. Gloriosæ Virginis Mariæ Desponsationem dignissimam recolamus : \* Cujus Dominus humilitatem respexit , quæ Angelo nuntiante concepit Salvatorem mundi. ý. Beatissimæ Virginis Mariæ Desponsationem devotissime recolamus. Cujus. Gloria. Cujus.*

### IN II. NOCTURNO

*Sermo sancti Bernardi Abbatis.*

*Ex Homil. 1. super Missus est.*

*Lectio iv.*

**O**PORTEBAT a principe mundi aliquamdiu celari divini consilii Sacramentum : non quod Deus , si palam opus suum facere vellet , impediri posse ab illo metueret : sed quia ipse , qui non solum potenter , sed etiam sapienter , quæcumque voluit , fecit ; sicut in omnibus operibus suis quasdam rerum vel temporum congruentias propter ordinis pulchritudinem servare consuevit ; ita in hoc quoque tam magnifico opere suo , nostræ videlicet reparationis , non tantum potentiam suam , sed et prudentiam ostendere voluit.

*ñ. Desponsatio gloriosæ Virginis Mariæ ex semine Abraham , ortæ de tribu Juda , clara ex stirpe David \* Cu-*



jus vita inclſta cunctas illustrat Eccleſias. ꝑ. Hodie deſponsata eſt beata Virgo Maria ex progenie David. Cujus vita.

*Lectio v.*

**C**ONVENIENS ergo erat, ut ſuaviter quoque omnia , cœleſtia ſcilicet et terrena , diſponeret quatenus et illinc dejiciens inquietum , reliquos in pace firmaret ; et hic debellaturus invidum , nobis prius ſuæ humilitatis et manſuetudinis valde neceſſarium exemplum relinqueret : ſicque mirabili fieret moderamine ſapientię, ut et ſuis ſuavis, et hoſtibus fortis appareret.

¶ Cum jucunditate Deſponsationem beatę Marię celebremus : \* Ut ipſa pro nobis intercedat ad Dominum Jeſum Chriſtum ꝑ. Corde et animo Chriſto canamus gloriam , in hac ſacra ſolemnitate præcelſę Genitricis Dei Marię. Ut ipſa.

*Lectio vj.*

**Q**UID enim prodesset diabolum a Deo vinci , nobis manentibus ſuperbis ? Neceſſario igitur deſponsata eſt Maria Joſeph , quando per hoc et a canibus ſanctum abſconditur , et a Sponſo virginitas comprobatur , et Virginis tam verecundię parcitur, quam famę providetur. Quid ſapientius , quid dignius divina providentia ? Uno tali conſilio ſecretis cœleſtibus et admittitur teſtis , et excluditur hoſtis , et integra ſervatur fama Virginis Matris.

¶ Deſponsatio tua , Dei Genitrix Virgo , gaudium annuntiavit univerſo mundo : \* Ex te enim ortus eſt ſol juſtitię , Chriſtus Deus noſter : \* Qui ſolvens maledictionem , dedit benedictionem , et confundens mortem , donavit nobis vitam ſempiternam ꝑ. Benedicta tu in mulieribus , et benedictus fractus ventris tui. Ex te. Gloria. Qui.

IN III. NOCTURNO.

VII. et VIII. *Lectio ut in Vigil. Nativ. Domini p.136.* IX *Lectio de S. Emerentiana ut in Brev. ſub hac die. Quod ſi transferri contigerit IX Le-*

*ctio assumitur ex eadem Vigilia Nativ. Domini.*

¶ VII. Beatam me dicent omnes generationes : \* Quia fecit mihi Dominus magna , qui potens eſt , et ſanctum nomen ejus. ꝑ. Et miſericordia ejus a progenie in progenies timentibus eum. Quia fecit.

¶ VIII Felix namque eſ ſacra virgo Maria , et omni laude digniſſima : \* Quia ex te ortus eſt Sol juſtitię, Chriſtus Deus noſter. ꝑ. Ora pro populo , interveni pro clero , intercede pro devoto femineo ſexu : ſentiant omnes tuum juvamen quicumque celebrant tuam ſanctam Deſponsationem. Quia. Gloria. Chriſtus.

*Ad Laudes*

*et per Horas , Antiphonę.*

1. Deſponsatio glorioſę Virginis Marię ex ſemine Abraham , ortę de tribu Juda , clara ex ſtirpe David.

*Psalm. Dominus regnavit. cum reliqu. de Dom. 13.*

2. Deſponsatio eſt hodie Sanctę Marię Virginis, cujus vita inclſta cunctas illustrat Eccleſias.

3. Regali ex progenie Maria exorta refulget : cujus precibus nos adjuvari mente et ſpiritu devotiſſime poſcimus.

4. Corde , et animo Chriſto canamus gloriam in hac ſacra ſolemnitate præcelſę Genitricis Dei Marię.

5. Cum jucunditate Deſponsationem beatę Marię celebremus , ut ipſa pro nobis intercedat ad Dominum Jeſum Chriſtum.

*Capitul. Ab initio , etc.*

*Hymn. O glorioſa virginum.*

ꝑ. Deſponsatio eſt hodie sanctę Marię Virginis. ¶ Cujus vita inclſta cunctas illustrat Eccleſias.

*Ad Bened. Ant. Deſponsationem hodiernam perpetuę Virginis Genitricis Dei Marię ſolemniter celebremus , qua celſitudo throni proceſſit , alleluia.*

*Oratio ut ſupra.*

*Deinde ſit comm. S. Joſeph.*

*Ant. Ipſe Jeſus erat incipiens , qua-*

si annorum trigiula , ut putabatur filius Joseph.

ŷ. *Os justi.*

â. *Et lingua ejus.*

*Oratio ut supra.*

*Postea S. Emerentianæ ut in Brev.*

*Ad Horas , Antiph. sumunt ex Laudib. ut supra.*

*Capitul. et â. brev. ut in festis B. V. p. 101.*

*In II. Vesp. omnia ut in I. præter*

*Ad Magnif. Ant. Desponsatio tua , Dei Genitrix Virgo , gaudium annuntiavit universo mundo : ex te enim ortus est Sol justitiæ , Christus Deus noster , qui solvens maledictionem , dedit benedictionem : et confundens mortem , donavit nobis vitam sempiternam.*

*Oratio ut supra.*

*Deinde fit commem. S. Joseph.*

*Antiph. Ecce fidelis servus et prudens , quem constituit Dominus super familiam suam.*

ŷ. *Gloria, et divitiæ in domo ejus.*

â. *Et justitia ejus manet in sæculum sæculi.*

*Oratio ut supra.*

*Postea fit commem. S. Timothei , ut in Breviario.*

### **Die 23. S. Ildefonsi E. C.**

*Alicubi celebr. sub ritu semid. et dicitur Oratio. Exaudi , quæsumus, de Com. Conf. Pontif. p. 39.*

*Ubi vero celebratur sub ritu Duplici , dicitur Oratio*

**D**EUS , qui per gloriosissimam Filii tui Matrem beatum Ildefonsum Confessorem tuum atque Pontificem misso de thesauris cœlestibus munere decorasti : concede propitius , ut per ejus preces, et merita , munera capiamus æterna. Per eundem Dominum nostrum.

*Lect. I. Noct. Fidelis sermo p. 40.*

### **IN II. NOCTURNO.**

*Lectio iv.*

*Ex Sur. Tom. 1. et aliunde*

**I**LDEFONSUS , qui et Alfonsus dicitur , natione Hispanus , Toleti

nobilissimis Stephano , et Lucia parentibus ortus , omnique cura nutritus liberalibus disciplinis instructus est. Primum habuit præceptorem Eugenium Toletanum Antistitem , a quo miram ob indolem Hispalim ad Isidorum , mira tunc eruditione pollentem , est missus. Duodecim apud Isidorum commoratus annos , tandem fruge bona , doctrinaque sana imbutus , Toletum remeavit ad Eugenium. Postquam vero factus est ob vitæ candorem , peritiamque non vulgarem ab Eugenio Ecclesiæ Toletanæ Archidiaconus , mundi cupiens laqueos declinare , in Agaliensi monasterio , quod sanctis martyribus Cosmæ , et Damiano tunc erat dicatum , iusigne pietatis cucullum induit. Cui neque parentes , jam prece , jam vi , omnia tentantes , obsistere valuerunt , quia constanter in proposito permaneret.

### *Lectio v.*

**M**ONACHI non multo post Ildefonsus in demortui Abbatibus locum subrogarunt. Suspiciebant siquidem in eo ( præter virtutes reliquas ) æquitatem , morum facilitatem , prudentiam , raram sanctitudinem. Tantus itaque fulgor , tanta veræ pietatis lux ( quod ipse timebat ) latere non potuit. Eugenio namque vita functo , Cleri , senatus , totiusque populi decreto Toletanus Archiepiscopus est creatus. In quo quidem Præsulatu , quantum verbo Ildefonsus profecerit , quæ miracula ediderit , quam multis fuerit nominibus de Virgine matre bene meritus , non facile quis explicare quiverit. Cœnobium Virginum in Deilphensi villula ædificavit , ac magnis muneribus auxit. Hæreticos quosdam , qui in Hispania hæresim Elvidianam , tollentem perpetuam Mariæ Dei Genitricis virginitatem disseminabant , doctissime confutavit , ab Hispaniaque depulit : quam disputationem explicavit libro , quem scripsit de beatæ Mariæ virginitate , rem miraculo confirmante. Cum enim Ildefonsus ad preces Matutinas Ex-

pectationis beatæ Mariæ in EccleŒiam nocte descenderet, comites ejus in EccleŒiæ limine, fulgore quodam repentino deterriti, retroceŒerunt. Ille vero intrepidus ad aram progressus, Virginem ipsam vidit, et adoravit: ab eademque vestem, qua in sacrificiis uteretur, accepit.

*Lectio vj.*

**CUM** etiam dies sanctæ Leocadiæ festus ageretur, et Clerus, frequensque populus convenisset, Ildefonsus ad sepulchrum virginis Leocadiæ accedens, flexis suppliciter genibus precabatur. Et ecce reŒerato repente sarcophago, Leocadia sanctissima prodiit, videntibusque cunctis et audientibus, Ildefonsi merita de Virgine Maria commendavit, dicens: O Ildefonse, per te vivit Domina mea, quæ cæli culmina tenet. Et Præsule collaudato redibat. Ildefonsus, ne res sine testibus tanta posteris referretur, arrepto Recesvinthi regis, qui forte tunc aderat, gladiolo, velaminis partem, quo caput Leocadiæ tenebatur, reŒecuit, eamque cum regio simul cultro celebri pompa in sacrarium intulit, ubi usque hodie servatur. Scripsit multa luculentiori sèrmone, quorum, variis molestiarum occupationibus impeditus, aliqua cæpta, aliqua semiplena reliquit. Obiit tandem divus Ildefonsus feliciter ac sancte, cum sedisset in Episcopatu annos novem, menses duos; sepultusque est in Basilica Leocadiæ circa annum Domini sexcentessimum septuagesimum septimum, Recesvintho in Hispania regnante. Cujus corpus in generali a Saracenis Hispaniarum occupatione in civitatem Zamorensem translatum est: et in Ecclesia beati Petri honorifice quiescens magna illius populi religione colitur.

*In III. Noct. Homilia Ostendit Dominus. ut in Comm. Doct. p. 49.*

**DIE 28. S. Juliani E. C.**  
*Oratio.*

**EXCITA**, quæsumus Domine, in populo tuo Spiritum charitatis,

quo beatum Julianum Confessorem tuum atque Pontificem replere dignatus es. et concede, ut cujus festivitatem celebramus, per ejus ad te exempla gradiamur. Per Dominum... in unitate ejusdem.

*Pro S. Agnete secundo, in his Vesperis nulla fit commemoratio.*

*In I. Noct. Lect. de script. occur.*

IN II. NOCTURNO.

*Lectio iv.*

**JULIANUS**, EccleŒiæ Couchensis Episcopus, Burgis piis, et honestis parentibus natus est. Ejus ortum præclara illius sanctitatis, et Episcopalis dignitatis signa divinitus data nobilitarunt. Nam a deo formosus et pulcher in lucem editus est, ut omnes intuentes os ejus, cælesti quodam fulgore perfusum admirarentur. Multo magis vero, cum puer grandior palam super fontem Baptismalem tamdiu visus est mitra et baculo Episcopalibus insignibus ornatus, dum adstantes admonuit, ut infanti Juliani nomen imponerent. Postea pie sancteque educatus, liberalibusque disciplinis apprime eruditus, Theologiæ operam dedit, in qua plurimum profecit. Itaque probatæ vitæ exemplo, et divini verbi prædicatione toti Hispaniæ mirandum in modum profuit. Archidiaconi dignitate in Ecclesia Toletana ornatus, ab Alfonso deinceps nono Castellæ Rege Episcopale munus suscipere coactus est, quod summa cum laude obivit.

*Lectio v.*

**VERE** pater pauperum fuit quippe qui egentium, viduarum, et pupillorum inopiam pecunia et aliis pietatis officiis sublevavit. Redditus EccleŒiæ suæ tum sublevandis miseris, tum instaurandis ornandisque templis insumpsit, ipse tenui victu contentus, quem labore manuum suarum comparabat. In oratione assiduus erat: cujus vi, paterna charitate ardens, multa et magna pro salute populi a Deo impetravit. Quorum illa in primis illustra. Cum aliquando tota



Provincia rei frumentariæ laboraret inopia, nec quidquam amplius in Episcopatus horreis superesset, populi calamitatem miseratus, preces cum lacrymis ad Deum fudit. Tunc plurimum tritici ad ædes sancti Episcopi a permultis jumentis comportatum est, quæ deposito onere evanuerunt. Cumque item dira in populo lues grassaretur, sancti Episcopi oratione sedata est. Multos quoque variis insaniabilium morborum generibus affectos, in sanitatem restituit.

*Lectio vj.*

**SUPER** gregem suum tamquam bonus et sedulus pastor diligentissime vigilavit: lupos arcens ab ovibus, et oves pascens verbo vitæ, cibum cuique tribuens pro captu congruentem. Corpus suum jejuniis assidue castigans, seipsum bonorum operum exemplar omnibus præbuit. Denique cum annos fere octoginta maxima cum sanctitate vixisset, plenus dierum atque virtutum, in senectute bona migravit ad Dominum quinto Kalendas Februarii, anno millesimo ducentesimo octavo, et honorifice in Ecclesia sua sepultus, post mortem quoque miraculorum gloria clarus, magna populi veneratione colitur. Anno postmodum millesimo quingentesimo decimo octavo, Leone decimo Pontifice Maximo, corpus ejus e sacello, ubi multos jacuerat annos, effossum, ad locum prope aram maximam magnifice exornatum, tertio Idus Aprilis solemnî pompa ac maxima celebritate translatum est. Commemorationis ejus quoque festivitas Nonis Septembris, ex Julii tertii summi Pontificis concessione recolitur.

IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 5.

**I**N illo tempore: Dixit Jesus discipulis suis: Nolite thesaurizare vobis thesauros in terra, ubi ærugo, et tinea

demolitur, et ubi fures effodiunt, et furantur. Et reliqua.

Homilia sancti Petri Chrysologi.  
*Sermo 8. de jejuniis et elemos.*

**THESAURUS** cœli est manus pauperis: quod suscipit ne in terra pereat, reponit in cœlum. Manus pauperis est gazophylacium Christi, quia quidquid pauper accipit, Christus acceptat. Da ergo homo pauperi terram, ut accipias cœlum: da nummum, ut accipias regnum; da pauperi ut des tibi; quidquid pauperi dederis, habebis, quod pauperi non dederis, habebit alter. Clamat Deus: Misericordiam volo. Qui quod vult Deus, Deo negat, a Deo sibi, quod desiderat, vult negari. Homo, petit Deus, sed tibi, non sibi; humanam misericordiam petit, ut largiatur divinam. Est in cœlis misericordia, ad quam per terrenas misericordias pervenitur.

*Lectio viij.*

**DICTURUS** causam in judicio Dei, patronam tibi misericordiam per quam liberari possis, assume. Qui de patrocinio misericordiæ certus est, de venia sit securus; de absolutione non dubitet. Misericordia non solum causam prævenit, anticipat cognitorem, sed etiam sententiam revocat, absolvit addictos. Quod Ninivitæ probant, quos jam sententiæ subjectos, pœnæ traditos, ad victimam stantes, morti deditos misericordia sic rapuit, sic tenuit, sic prævenit, ut maluerit Deus deduci sententiam, ne misericordiæ quid negaret. Fratres, per misericordiam pauperum misericordiam paramus, ut possimus esse de pœna liberi, de salute securi. Beati, inquit, misericordes, quia ipsi misericordiam consequentur. Gratis misericordiam sperat ibi, qui hic non fecerit misericordiam.

*Lectio ix. de S. Agnete secundo, ut in Breviario.*

*In Diœcesi vero Conchensi, et ubi fuerit Patronus, vel Titularis*

Lectio ix. Serm. 22.

**HOMO**, tali monitu Christus te ditare voluit, non nudare: manere tibi tua voluit, non perire; perpetuari, non vacuari sacculos imperavit: jussit te transferre, non perdere. Plus consilio patris agit, quam jure dominantis. Inter insidias latronum, et linearum morsus, quare tua recondas, objurgat: pervigiles noctes, dies anxios, sollicita tempora, ne tibi ipse facias, commoneris. Auri custos, servator argenti, securitatem non habet, nescit quietem: et cui deest securitas, quies perit: poena dives est ille, non censu. Thesaurum non deficientem in cœlo hoc est dicere, ubi ego sum, ibi ponite: date mihi, ego servo. Homo, da patri, crede Deo, quia et hæredi pater, et Deus homini creditum non negabit; tenere tua non potest, qui sua dedit. An humanis indiget, qui divina largitur? An est nostrorum cupidus, qui nos suorum fecit hæredes?

*In Laud. tantum fit comm. S. Agnetis, et in ii. Vesp. S. Francisci Sales. B. C.*

Die 31. S. Cyri M.

Dup. min.

Oratio.

**DEUS** qui Beatum Cyrum ex solitudine ad proximi salutem eductum Martyrii palma decorasti, da ut ejus precibus et exemplo caducis contemptis, mundi adversitates jugi victoria superemus. Per Dominum.

*In I. Noct. lect. de script. occur.*

IN II. NOCTURNO.

Lectio iv.

**CYRUS** Civis Alexandrinus medicam artem, in qua peritissimus erat, non terrenæ sed supernæ mercedis intuitu mirandum in modum exercebat. Cum medicæ rei peritia modestæ et innocentis vitæ exemplum conjunxit. Ad ægros accedens, ut erat sacras litteras, sanctorumque Patrum institutiones egregie doctus, inter ipsa natu-

re et artis remedia, illud in primis tamquam omnium præstantissimum insinuare curabat; ut agnita vitiosa morborum omnium origiue, ad medicinalem Salvatoris Dei gratiam confugerent. Iis etiam, si egeni et inopes essent, necessaria charitatis subsidia libenter suppeditabat. neque divina magis quam humana medendi ratione tum corporum tum etiam animarum salutem operabatur. Sed et Christianæ Religionis studio vehementer incensus multos ab infidelitatis ac Dæmoniacæ superstitionis erroribus liberatos ad unius veri Dei cultum, veramque Christi fidem convertit. Quæ quum ad se delata rescivisset Syrianus sub Diocletiani imperio Urbis Alexandrinæ Præfectus, eum illico comprehendi mandavit.

Lectio v.

**AT** Cyrus, partim evitandæ persecutionis causa, partim ut inter austeritates deserti robur consilii et fortitudinis ad expectatum agonem pro Christo subeundum assiduæ orationis ope a Spiritu Sancto imploraret, in Arabiam Ægypto conterminam secessit, ibique monasticæ disciplinæ certamen ingressus, ad perfectæ dæmonum, sublimiorisque vitæ gradum pervenit. In hac solitudine quam charus Cœlo terræque fuerit, Deus ipso ostendit, qui eum multiplici charismatum genere illustrare voluit. Ut enim Cyri precibus sine medicamentorum usu curandorum corporum gratiam, ita et illius doctrinæ verbis virtutem contulit prorsus admirabilem, qua Christi assecclas firmos in fide continebat, et cæcis gentilium atque infidelium mentibus salutarem Evangelii lucem mirifice effundebat. Hac tanta rerum admirandarum fama commotus Joannes Edessenus, dimissa statim militari dignitate, cunctisque contemptis sæculi honoribus atque divitiis, avide convolavit ad Cyrum, ejusque mox factus contubernii et instituti particeps, non tamquam simplex Sancti Viri admirator, neque jam uti

discipulus, sed uti illius virtutis æmulator ardentissimus se ei omnino similem reddere conabatur.

*Lectio vj.*

**I**NTEREA temporis, ingravescente Diocletiani persecutione, ut audiuit Cyrus Theoctistem, Theodatam, et Eudoxiam Virgines una cum matre Athanasia, in odium Christiani nominis comprehensas, et jam in Canopum Alexandriæ proximum ductas, veritus, ne vel ætatis, vel sexus imbecillitate, aut suppliciorum terrore, aut etiam blanditiis victæ deficerent ad eas confirmandas illuc et ipse, comite Joanne, mire sollicitus ex Eremito perrexit. Tunc athleta Christi propter Virgines ad fidei constantiam instructas; cujus professione esset detectus, et quod libere Deorum cultum contemneret accusatus, impij Syriani jussu in vincula conjicitur, et mox Virginibus ipsis ad spectandum productis, sub earum oculis flagris cæsus fustibus contusus facibusque adustus; vulnerata membra aceto primum et sale sibi perfundi, asperrimoque deinde cilicio perfricari, ac pedes tandem ebulliente pice inungi, magno invictoque animo pertulit. Rursum tamen varie tentatus, quum immobilis in fide permaneret, pridie Kalendas Februarias securi percussus illustre martyrium fecit, in quo ipsum quoque Joannem consortem habuit.

*In III. Noct. Homilia in Evang. Nihil est opertum de com. un. Mart. 3. loco, p. 22.*

FESTA FEBRUARII.

**Die 3. S. Blasii Ep. M.**

*Duplex Majus.*

*Omnia de commun. un. Martyr.*

*Oratio.*

**D**EUS, qui B. Blasium Martyrem tuum, atque Pontificem in suis perferendis suppliciis, et in aliorum depellendis infirmitatibus admirabilem effecisti: concede propitius, ut il-

lius, et in fide constantiam imitemur, et in periculis, patrocinia sentiamus. Per Dominum.

*In I. Noct. lect. A Mileto, de commun. un. Mart. p. 15.*

IN II. NOCTURNO.

*Lectio iv.*

**B**LASIUS Cappadox, nobili genere ortus, Sebaste in Cappadocia ex Medico Episcopus creatus est, ut corporum curationi animorum cura succederet. Huic muneri cum sedulam ac piam operam navaret, dira tempestas adversus Christianos a Licinio Tyranno excitata fuit. Blasius divino instinctu, Christi consilio, et exemplo in montem Argæum se recepit, ac sese in speluncam abdidit, in qua rerum divinarum contemplationi vacans, ab ipsis feris, nativæ feritatis oblitus, quotidianum victum accepit, et multis obsequiis cultus est.

*Lectio v.*

**I**BI tamdiu latuit, dum ab Agricola Præsidis militibus casu deprehensus, inde abstractus; et ad Præsidem ductus, illius jussu in vincula coniectus est. Sed vinctus ipse, multos, quos ejus sanctimonie fama acciverat, a diversorum morborum vinculis liberavit. In his puer fuit, qui desperata a medicis salute, transversa spina faucibus inhærente, animam agebat. Illustris sane tum corporum, tum animorum medicus, non humana, sed divina arte, non paratis a natura remediis, sed Christi gratia comparatis, ægros pristinae saluti restituit. Omni fere miraculorum genere conspicuus; nam Christi super aquas ambulantis, et Eliæ Sareptanæ viduæ annonam multiplicantis miracula renovavit.

*Lectio vj.*

**A**TROCISSIMIS tormentis, crudelissimi Præsidis jussu, cruciatus fuit. Duris verberibus cæsus, tortus in equuleo, pectinibus ferreis dilaniatus, candenti lorica indutus, aliisque exquisitissimis suppliciis af-



fectus est. Sed ejus fides probari quidem potuit, non tamen vinci. Dilacerato corpore, infractus animus restituit. Tandem victo Tyranno, capite plexus, illustre fidei testimonium Ecclesiae reliquit tertio nonas Februarii, anno Christi trecentesimo decimosexto.

*In III. Noct. Lect. de Homil. Quia Dominus, unius Mart. p. 22\*.*

**Die 6. S. Leucii E. C.**

*Duplex.*

*In Hymn. m. t. v.*

*Oratio.*

**DEUS**, qui ad illustrandam Ecclesiam tuam Beatum Leucium Confessorem tuum atque Pontificem innumeris decorasti miraculis; concede propitius, ut sicut ipse fidelibus tuis caelesti, ac terreno auxilio adfuit, ita nos quoque ejus intercessionibus aeternum regnare possimus in caelis. Per Dominum.

*Lect. I. Noct. de script. occurr.*

**IN II. NOCTURNO.**

*Lectio iv.*

**LEUCIUS**, quem Euprescium quoque dixerunt, Theodosio Principe, Alexandriae natus est. In sancti Hermetis coenobium aliquandiu cum parente Eudechio secessit, ibique sacris literis sedulam operam navavit. Divino consilio sacerdotio initiatus, verbi Dei praedicatione Alexandrinae Ecclesiae fidelis administer fuit. Vitae sanctitate, ac morum innocentia praeluxit. Plures ad Christi fidem convertit; Aethiopemque energumenum liberavit.

*Lectio v.*

**PORRO** non Alexandriae solum, sed et alibi intra Aegypti fines sanctissimis moribus, ac virtutibus claruit. Pluribus Clericis sequentibus in navem conscendit, et mare longissimo tractu est metitus. Brundisium denique appulit, ibique sedem fixit et domicilium. Apud amphitheatrum in suburbio degens Christianam fidem

docebat, edoctosque sacris aquis illustrabat. Nec ad ejus doctrinam ac sanctitatem comprobandam defuerunt miracula; in iisque minime est praetereundum, siccitate biennium laborantes incolas, ejus precibus maximum imbrem habuisse; quo perpetrato miraculo, Antiochus urbis Praefectus cum viginti septem Ethnicorum millibus Christi fidem amplexatus est, hi vero omnes Christianae fidei praeclarius testimonium reddere voluerunt, templum construendo Dei Genitrici, ac Sancto Joanni Baptistae inscriptum atque dicatum.

*Lectio vj.*

**BRUNDUSINO** Pontifice vita functo, ipse sufficitur. Diu multumque susceptum munus sanctissime obivit, et tandem tertio Idus Januarii vivere desiit. Ejus corpus Trano, quo aliquando perlatum fuerat, Beneventum adsportarunt Longobardi Principes, ibique in Sanctae Sophiae templo honorificentissime condiderunt. Verum tractu temporis, ut bellorum calamitatibus subduceretur, pars maxima ad Monasterium Mortis Virginis delata est, et particulae quaedam in Transensium, ac Brundusinorum civitatibus coluntur. Ejus festum Archiepiscopi Cardinalis Ursini auctoritate octavo Idus Februarii quotannis renovatur. Et in Beneventana ditione non ignobile habetur oppidum ejus nomine insignitum; in cujus honorem erecta ibidem Parochialis Ecclesia conspicitur.

*In III. Noct. Homil. S. Gregorii Papae: in Evang. de comm. Conf. Pont. 1. loco, p. 44\*.*

**Die 13. S. Catharinae de Ricciis V.**

*Duplex.*

*Omnia de com. Virg. praeter ea quae seq.*

*Oratio.*

**DOMINE** Jesu Christe, qui B. Catharinam virginem tui amore succensam passionis contemplatione

clarescere voluisti; ejus intercessione concede, ut passionis mysteria devote recolentes ejus fructum percipere mereamur. Qui vivis etc.

#### IN I. NOCTURNO.

*Lectioes dicuntur de scriptura occurr., et si venerit in quadragesima erunt de epistola B. Pauli apostoli ad Corinthios. De virginibus. p. 64\*.*

#### IN II. NOCTURNO.

##### *Lectio iv.*

**C**ATHARINA nobili familia de Ricciis Florentiæ nata vel ab ineunte ætate piam indolem præmaturatione ostendit. In suburbano monasterio S. Petri de Monticulis, ubi morum disciplina imbueretur, collocata, quotidie ad Christi crucifixi imaginem orans non sine lacrymis, horis etiam animi relaxationi addictis, ejus passionem meditabatur. Ad monasterium postea sancti Vincentii ordinis S. Dominici in civitate Prati translata, paternos lares ad tempus repetere, nisi certa spe reditus habita, constanter recusavit. Tandem anno decimotertio, sæculi deliciis contemptis, ibidem religiosum institutum professæ est.

##### *Lectio v.*

**C**HARITATE in Deum servens oratione fere assidue vacabat: quidquid temporis necessariis occupationibus, et modicæ quieti supererat, in ea insumens: utque corpus in servitutem redigeret, ferrea catena, et flagellis illud macerabat. Cibi parcissima, octo supra quadraginta annis carnibus abstinuit; leguminibus plerumque, et herbis vescens, interdum vero solo pane, et aqua contenta. Proximorum æternam salutem exoptans ardentissimas ad Deum pro peccatorum conversione preces fundebat. Tanto etiam commiserationis sensu erga purgantem animam commota est, ut acerbissimos dolores sibi divinitus inflictos in pœnarum illi debitarum expiationem pertulisse visa sit. Eximia prudentia, et regularis

observantiæ zelo moniales diu rexit, eas non minus exemplo, quam adhortationibus ad omnem sanctimoniam informans: quo in officio humilitatem adeo coluit, ut abjectissima quæque opera sponte obiret, ac infirmis præcipue charitate, et summo studio inserviret.

##### *Lectio vj.*

**S**UPERIORUM charismatum copia singularis in ea enituit, annulo desponsationis, sacrisque stigmatibus; quæ non semel spectanda se exhibuerunt, acceptis. Plurimum annorum spatio, quinta, et sexta feria in altissimam contemplationem raptæ, singulos redemptoris cruciatus in passione toleratos ex ordine in corpore mirabiliter sentire consuevit. Præti degens sanctum Philippum Nerium Romæ commorantem videre promeruit, ejusque colloquio frui. Ecstasum, raptum, cælestium visionum, ac prophetici luminis dono illustris futura prædixit, ac simul occulta revelavit. Gravibus denique morbis decumbens, Ecclesiæ sacramentis munita anno a Christo nato millesimo quingentesimo nonagesimo, ætatis sexagesimo nono quarto nonas Februarii in cælum migravit. Quam Benedictus decimus quartus pontifex maximus solemnî ritæ sanctarum virginum fastis adscripsit anno salutis millesimo septingentesimo quadragesimo sexto.

*In III. Noct. Homil. Sæpe vos de Com. Virg. p. 68\*.*

#### **Die 28. S. Marg. de Cort. Semiduplex.**

*Omnia de comm. nec Virg. nec Mart. præter ea, quæ hic habentur propria.*

##### *Oratio.*

**D**EUS, qui famulam tuam Margaritam de perditionis via ad salutis tramitem misericorditer deduxisti; eadem nobis miseratione concede, ut quam prius errantem sectari non erubuimus, mox pœnitentem impigre

sequi gloriemur. Per Dominum nostrum.

*Lect. I. Noct. extr. Quadrag. de Script. occur.*

*In Quadrag. vero, Lect. Mulierem fortem. de communi non Virginum. p. 72.*

IN II. NOCTURNO.

*Lectio iv.*

**M**ARGARITA, a loco dormitionis Cortonensis appellata, Laviani in Tuscia ortum habuit. Primis adolescentiæ suæ annis mundi voluptatibus capta, in Montis Politiani civitate vanam et lubricam vitam duxit: sed cum Amasium ab hostibus foede transfossum indicio canis in fovea sub strue lignorum tumultum fortuito reperisset, illico facta est manus Domini super eam; quæ magno culparum suarum mœrore tacta, exiit foras, et flevit amare. Itaque Lavianum reversa, crine detonso, neglecto capite, pullaque veste connecta, erroribus suis mundique illecebris nuntium misit: inque ædibus Deo sacris, fune ad collum alligato, humi procumbens, ab omnibus, quos antea moribus suis palam offenderat, veniam exoravit. Mox Cortonam profecta in cinere et cilicio ab se læsam Dei Majestatem placare studuit: donec post triennale virtutum experimentum a Fratribus Minoribus, spiritualis vitæ ducibus, Tertii Ordinis habitum impetravit. Uberes exinde lacrymæ ei familiares fuerunt, atque ima suspiria tanta animi contritione ducta, ut diu elinguis consisteret. Lectulus nuda humus, cervical lapis aut lignum porrexit, atque ita noctes insomnes in cœlestium meditatione trahere consuevit; nullum amplius pravum desiderium perpessa, dum bonus spiritus promptior infirmam carnem ad subeundos labores erigebat.

*Lectio v.*

**A**DÆMONE insidiis funestisque conatibus lacessita, Mulier fortis hostem ex verbis detectum semel atque iterum invicta repulit. Ad elu-

dendum vanæ gloriæ lenocinium, quo a malo spiritu petebatur, præteritos mores suos per vicos et plateas alta voce accusare non destitit, omni supplicio se ream inclamans: nec nisi a Confessario deterrita in speciosam faciem olim impuri amoris causam servare abstinuit; ægre ferens suam formam longa carnis maceratione non aboleri. Quibus, aliisque magnæ poenitentiae argumentis suorum criminum labe expiata; atque ita de se triumphatrix, ut sensus plane omnes a mundi illecebris custodiret, digna facta est, quæ sæpe Domini consuetudine frueretur. Ejusdem quoque Christi, et Virginis Matris dolorum, quod ipsa ardentem expetierat, particeps facta, cunctis sensibus destituta, et vere mortua interdum visa est. Ad eam proinde veluti ad perfectionis magistratam ex dissitis etiam regionibus plurimi conveniebant: ipsa vero, cœlesti, quo erat perfusa, lumine, cordium secreta, conscientias hominum, imo et peccata in remotis licet partibus Deum offendentium cum dolore et lacrymis detegens, summaque in Deum et proximum charitate fervens, ingentem animarum fructum operata est. Aëgris ad se venientibus salutem, obsessis a dæmone liberationem impetravit. Puerum defunctum, lugente matre, ad vitam reduxit. Imminentes bellorum tumultus assiduis orationibus sedavit. Denique summæ pietatis operibus vivos, et mortuos sibi demeruit.

*Lectio vj.*

**T**OT sanctis operibus occupata, de rigore, quo assidue corpus suum exercebat, nihil remisit, neque a studio cœlestia meditandi se avelli passa est: in utroque vitæ genere plane admiranda, utramque sororem, Magdalenam et Martham referens. Tandem pro se Dominum orans, ut ex hac valle lacrymarum sursum in cœlestem patriam revocaretur, exaudita est oratio ejus, die atque hora dormitionis ei patefactis. Meritis itaque et laboribus plena, ac cœlesti-



bus donis cumulata, cœpit corporis viribus destitui, perque dies decem et septem nullo cibo, sed divinis tantum colloquiis refecta est: tum sanctissimis Ecclesiæ Sacramentis rite susceptis, vultu hilari atque oculis in cœlum conversis, octavo Kalendas Martias anno ætatis quinquagesimo, suæ conversionis vigesimo tertio, humanæ vero salutis millesimo ducentesimo nonagesimo septimo, felix migravit ad sponsum. Corpus in hanc usque diem vegetum, incorruptum, illæsum, et suaviter olens, summa religione colitur in Ecclesia Fratrum Minorum, quæ jam ab eadem Margarita appellatur. Miraculis continuo floruit: quibus permoti Romani Pontifices ad augendum ejus cultum plurima liberaliter indulserunt. Benedictus vero decimustertius in festo Pentecostes die sextadecima Maji anni millesimi septingentesimi vigesimi octavi solemnem ejus Canonizationem religiosissime celebravit.

### IN III. NOCTURNO.

*Homil. de Comm. non Virgin. p. 68.\**

*In anno non Bissextili, aut Quadrages. Lectio IX. legitur de Homil. Vigil. S. Mathiæ Ap. ut in Vigil. Apostolorum. p. 1.\**

*In Quadrages. vero Lectio ix. de Homil. Feriæ occur.*

*Ad Bened. Ant. Ut cognovit, respuit Seraphici Ordinis Magdalena, dimissa sunt ei peccata multa, quia dilexit multum.*

*Y. Diffusa est gratia.*

*Ante Quadrages. fit commun. Vigil. cum Antiph. et Y. de Feria occur.*

*Oratio Da Quæsumus: ut in Brev.*

*Si vero fuerit in Quadrag. fit commemor. Feriæ, de Vigil. autem S. Mathiæ nihil fit, nisi in Missa.*

*In anno communi, Vesp. erunt de S. Matthia Apost. sine comm. præced.*

*In anno vero Bissextili, tunc in ii. Vesp. S. Margaritæ, omnia sumuntur ex Com. non Virg. præter*

*Ad Magnif. Ant. Ego dilecto meo, et ad me conversio ejus: inveni quem*

*diligit anima mea, tenui eum, nec dimittam.*

*In Quadrag. fit com. Fer.*

FESTA MARTII.

**Die 5. S. Joannis.**

JOSEPHI DE CRUCE CONF.

*Duplex min.*

*Oratio*

**D**EUS, qui B. Joannem Josephum Confessorem tuum per arduas paupertatis, humilitatis, et patientiæ vias cœlesti gloria sublimasti, da nobis quæsumus, ut carne mortificati ejus imitemur exempla, et gaudiis perfruamur æternis. Per Dominum. *Lect. 1. Noct. Beatus vir. de com. Conf. p. 58\*.*

### IN II. NOCTURNO.

*Lectio j.*

**I**SCHIAE Regni Neapolis in Urbe apud Ænariam Insulam, Parentibus nobilitate sanguinis, morumque probitate præstantibus ortus est B. Joannes Josephus de Cruce. Christianæ pietatis semina, quæ in ejus animam, supernis benedictionibus præventam, cum lacte instillaverant, fructus mox uberrimos attulerunt. Tenerrima adhuc ætate, nedum a nugis puerilibus abhorruit, sed virtutes excolere cœpit illustriores, silentii potissimum, mortificationis, Mundi, suique ipsius abnegationis, quas assiduo orationis studio confovebat. Deiparæ cultum, quem ad obitum usque in dies auxit, interea temporis arripuit; Dominicæque Passionis, et Eucharistiæ Mysteria affectu peculiari prosequabatur. S. Petri de Alcantara Institutum, quod Joannes de S. Bernardo ex Hispanis Excalceatis, Clemente IX. approbante, nuperrime in Italiam invexerat, divino afflante Numine, anno vitæ suæ sextodecimo amplexus est Italicorum primus. Seraphico Patriarcha, fidissimoque ejus Alumno Petro de Alcantara in ipso tirocinio sibi ad imitandum propositis; mirum quam perfecte peniten-

tiam hujus, et contemplationem; humilitatem illius ac paupertatem jam tum fuerit adsecutus.

*Lectio ij.*

**TERTIO** vix decurso a solemnitate Professione sua anno, Pedemontani Aliphæ Cœnobii foundationi destinatur, quod ejus opera exiguum adeo evasit, ut alterius, quod olim in Pedroso Extremaduræ S. Petrus de Alcantara, Clericus ipse quoque excitaverat, imaginem similem referret. Sacerdotio ex obedientia inauguratus, disciplinis moralibus, quas numquam perdidicerat, improvise excultus visus est. Superiorum venia, non longe ab eo Cœnobia sacram Heremum extruere aggressus subter excelsi montis dejectu, ut absolveretur quam citissime, ligna, lapides, calcem humeris suis mordaci lorica contectis, exportabat; ita ut per calcanea cruor ubertim in terram deflueret. Fratrum rogatu leges quasdam pro sacro illo recessu peculiares condidit, dignas, quæ a Sede Apostolica confirmarentur. Novitiorum regimini præpositus, eorum ad vitam regularem componere mores eo profectu enixus est, ut illorum aliqui sanctitatis, et miraculorum fama ioclaruerint. Verum cum Clemens Papa XI. Sæculi hujus decimi octavi initio Fratres Italos exalceatos ab Hispanis in Regno Neapolis sejunxisset, illique nulla regiminis forma potirentur, ab eodem Pontifice, obsistente licet humani generis hoste Provinciæ Neapolitanæ S. Petri de Alcantara nuncupatæ, erectionem obtinuit.

*Lectio iij.*

**PRIMUS** novæ istiusmodi Provinciæ Minister renunciatus, regimen, quod abdicaverat, sacræ Congregationis Episcoporum, et regularium jussu adsumere coactus, difficile relatu est, quot qualesque calumnias Dei Famulo devorare opus fuerit, ut Italicam Exalceatorum Fratrum Familiam constabiliret. Rebus compositis, eo sese totum convertit, ut du-

plex ille Petri de Alcantara contemplationis, et penitentiae spiritus altas inter suos radices ageret. Quos præclarissimis virtutum exemplis antebat, humilitate inprimis, rigidaque claustralis disciplinæ custodia. Paupertate, et abstinence enituit admirabili. Unicum ad nudam carnem sexaginta quatuor annis habitum adhibuit; perque viginti quatuor annos, priscorum Heremicorum ritu, pane tantum, ac fructibus victitavit; quod edulii genus ex obedientia in nauseosum commutavit ferculum. Flagellis asperrimis, ciliciis, et cruce ferrea, acutis instructa claviculis, corpus suum dilaniabat. Illud etiam de eo fertur, quod creberrimas inter orandum extases passus est, quodque raptibus, prophetia, miraculis, aliisque hujusmodi supernaturalibus donis vivens claruerit. Denique zelo animarum absumptus, octogenarius apopleptico morbo correptus, tertio Nonas Martias in osculo Domini obdormivit in Cœnobia S. Luciae Montis Urbis Neapolis anno septingentesimo trigesimo quarto supra millesimum. Eundem novis miraculis coruscantem anno ab illius decursu quinquagesimo sexto Pius VI. P. M. Beatorum albo recensuit. Et Gregorius decimus sextus anno millesimo octingentesimo trigesimo nono solemniter Dominicæ SS. Trinitatis in canonem sanctorum retulit.

*Lect. III. Noct. Nolite timere etc. ut in eod. Comm. 2. loco. p. 60.*

**DIE 18. S. Gabriellæ Arch.**

*Duplex Majus.*

*Si celebretur in Quadrag. fit comm. et dicitur lectio de Feria occurr. Si vero celebretur post Pascha, additur Allel. et Psal. dicuntur sub antiph. illius Nocturni.*

*Ad Vesp. Ant. Ingresso Zacharia, cum reliq. de Laudib. Psalm. Dixit Dominus, cum reliq. de Dominica, p. 86. et loco ultimi. Laudate Dominum omnes gentes.*

*Capitulum.*

Dan. 9.

**E**CCE vir Gabriel, quem videram in visione a principio; cito volans, tetigit me in tempore sacrificii vespertini. Et docuit me, et locutus est mihi, dixitque: Daniel, nunc egressus sum ut docerem te, et intelligeres.

**HYMNUS.**

**C**HRISTE sanctorum decus Angelorum,

Gentis humanæ Sator, et Redemptor,  
Cœlitum nobis tribuas beatas  
Scandere sedes.

Angelus pacis Michael in ædes  
Cœlitus nostras veniat, serenæ  
Auctor ut pacis lacrymosa in orcum  
Bella releget.

Angelus fortis Gabriel, ut hostes  
Pellat antiquos, et amica cœlo  
Quæ triumphator statuit per orbem,  
Templa revisat.

Angelus nostræ medicus salutis  
Adsit e cœlo Raphael, ut omnes  
Sanet ægrotos, dubiosque vitæ  
Dirigat actus.

Virgo Dux pacis, Genitrixque lucis,  
Et sacer nobis Chorus Angelorum  
Semper assistat, simul et micantis  
Regia cœli.

Præstet hoc nobis Deitas beata  
Patris, ac Nati, pariterque sancti  
Spiritus, cujus resonat per omnem  
Gloria mundum. Amen.

Ÿ. Stetit Angelus juxta aram templi

¶. Habens thuribulum aureum in  
MANU SUA.

*Ad Magnif. Antiph.* Ingressus Gabriel Angelus ad Mariam Virginem, dixit: Ave gratia plena, Dominus tecum, benedicta tu in mulieribus.

*Oratio.*

**D**EUS, qui inter cæteros Angelos, ad annuntiandum Incarnationis tuæ mysterium, Gabrielem Archangelum elegisti: concede propitius, ut, qui festum ejus celebramus in terris, ipsius patrociniū sentiamus in cœlis. Qui vivis, et regnas etc.

*Deinde fit commem. Fer. nisi transferatur post Pascha.*

*Ad Matut. Invit.* Regem Archangelorum Dominum, \* Venite, adoremus.

*Psalm.* Venite, exultemus. 1.

*Hymnus.* Christe sanctorum, ut supra.

**IN I. NOCTURNO.**

*Antiph.* Dixit Angelus Gabriel ad Danielelem: Intellige fili hominis, quoniam in tempore finis implebitur visio.

*Psalm.* 8. Domine Dominus, pag. 4.

*Antiph.* Ecce vir Gabriel, quem videram in visione, cito volans tetigit me in tempore sacrificii vespertini, et docuit me.

*Psalm.* 10. In Domino confido, p. 5.

*Antiph.* Cumque Gabriel loqueretur ad me, collapsus sum pronus in terram, et tetigit me, et statuit me in gradu meo.

*Psalm.* 14. Domine quis, p. 7.

Ÿ. Stetit Angelus juxta aram templi.

¶. Habens Thuribulum aureum in manu sua.

*De Daniele Propheta.*

*Leclio j. Cap. I.*

**E**GO Daniel, cum adhuc loquerer, et orarem, et confiterer peccata mea, et peccata populi mei Israel, et prosternerem preces meas in conspectu Dei mei, pro monte sancto Dei mei: adhuc me loquente in oratione, ecce vir Gabriel, quem videram in visione a principio, cito volans tetigit me in tempore sacrificii vespertini. Et docuit me, et locutus est mihi dixitque: Daniel, nunc egressus sum ut docerem te, et intelligeres. Ab exordio precum tuarum egressus est sermo: ego autem veni ut indicarem tibi, quia vir desideriorum es: tu ergo animadvertes sermonem, et intellige visionem.

¶. Cum oraret Daniel, et confiteretur peccata sua, et peccata populi sui, \* Ecce Archangelus Gabriel, cito volans, tetigit eum in tempore sacrificii vespertini. Ÿ. Cumque proster-



neret preces suas in conspectu Dei sui. Ecce.

*Lectio ij.*

**S**EPTUAGINTA hebdomades abbreviate sunt super populum tuum, et super urbem sanctam tuam, ut consummetur prævaricatio, et finem accipiat peccatum, et deleatur iniquitas, et adducatur justitia sempiterna, et impleatur visio, et prophetia, et ungatur Sanctus sanctorum. Scito ergo, et animadvertite. Ab exitu sermonis ut iterum ædificetur Jerusalem, usque ad Christum ducem, hebdomades septem, et hebdomades sexaginta duæ erunt: et rursum ædificabitur platea, et muri in angustia temporum.

¶. Locutus est Gabriel Danieli, et dixit: Ab exordio precum tuarum egressus est sermo: "Ego autem veni, ut indicarem tibi, quia vir desideriorum es. ¶. Tu autem animadvertite sermonem, et intellige visionem. Ego.

*Lectio liij.*

**E**T post hebdomades sexaginta duas occidetur Christus: et non erit ejus populus, qui eum negaturus est. Et civitatem, et Sanctuarium dissipabit populus cum duce venturo, et finis ejus vastitas, et post finem belli statuta desolatio. Confirmabit autem pactum multis hebdomada una, et in dimidio hebdomadis deficiet hostia et sacrificium: et erit in templo abominatio desolationis: et usque ad consummationem et finem perseverabit desolatio.

¶. Ecce vir Gabriel, quem videram, cito volans tetigit me in tempore sacrificii vespertini, et docuit me, et dixit: "Daniel, nunc egressus sum, ut docerem te, et intelligeres.

¶. Gabriel fac me intelligere istam visionem: et venit, et stetit juxta ubi ego stabam, et ait ad me: Daniel, nunc egressus sum, ut docerem te, et intelligeres. Daniel. Gloria. Daniel.

IN II. NOCTURNO.

*Antiph.* Gabriel Angelus apparuit

Zachariæ, dicens: Uxor tua Elisabeth pariet tibi filium et vocabis nomen ejus Joannem.

*Psalm.* 18. Cæli enarrant, p. 10.

*Ant.* Et dixit Zacharias ad Angelum: Unde hoc sciam? ego enim sum senex, et uxor mea processit in diebus suis.

*Psalm.* 23. Domini est terra, p. 21.

*Ant.* Respondens autem Angelus dixit ei: Ego sum Gabriel qui esto ante Deum, et missus sum loqui ad te, et hæc tibi Evangelizare.

*Psalm.* 33. Benedicam, p. 35.

¶. Ascendit fumus aromatum in conspectu Domini.

¶. De manu Angeli.

Sermo sancti Bernardi Abbatis.

Ex Hom. de Laud. Virg. super Missus est.

*Lectio iv.*

**M**ISSUM est Angelus Gabriel a Deo. Non arbitror hunc Angelum de minoribus esse, qui qualibet ex causa crebra soleant ad terras fungi legatione. Quod ex ejus nomine palam intelligi datur, quod interpretatum Fortitudo Dei dicitur, et quia non ab aliquo alio forte excellentiore se (ut assolet) spiritu, sed ab ipso Deo mitti perhibetur. Propter hoc ergo positum est, a Deo. Vel ideo dictum est, a Deo, ne cui, vel beatorum spirituum, suum Deus antequam Virgini revelasse putetur consilium, excepto dumtaxat Archangelo Gabriele. Qui utique tantæ inter suos inveniri potuerit excellentiæ, ut tali et nomine dignus haberetur, et nuntio.

¶. Factum est, cum sacerdotio fungeretur Zacharias in ordine vicis suæ ante Deum, "Apparuit ei Angelus Gabriel stans a dextris altaris incensi. ¶. Cumque ingressus in templum Domini incensum poneret secundum consuetudinem sacerdotii sui. Apparuit ei.

*Lectio v.*

**N**EC discordat nomen a nuntio: Dei quippe virtutem Christum, quem melius nuntiare decebat, quam hunc, quem simile nomen honorat?

Nam quid est aliud fortitudo quam virtus? Non autem dedecens, aut incongruum videatur, Dominum et nuntium communi censi vocabulo, cum similis in utroque appellationis, non sit tamen utriusque similis causa. Aliiter quippe Christus fortitudo vel virtus Dei dicitur, aliter Angelus. Angelus enim tantum nuncupativo, Christus autem etiam substantive.

¶. Descendit Gabriel Angelus ad Zachariam, dicens: ne timeas, quoniam exaudita est deprecatio tua: et uxor tua Elisabeth pariet tibi filium, et vocabis nomen ejus Joannem. †. Et Zacharias turbatus est videns et timor irruit super eum: ait autem ad illum Angelus. Ne.

*Lectio vj.*

**C**HRISTUS Dei virtus et dicitur, et est, qui forti armato, qui suum atrium in pace custodire solebat, fortior superveniens ipsum suo brachio debellavit, et sic ei vasa captivitatis potenter eripuit. Angelus vero fortitudo Dei appellatus est, vel quod hujusmodi meruerit prærogativam officii, quo ejusdem nuntiaret adventum virtutis, vel quia Virginem natura pavidam, simplicem, verecundam, ne miraculi novitate expavesceret, confortare deberet, quod et fecit: Ne timeas, inquit, Maria; invenisti enim gratiam apud Deum. Convenienter itaque Gabriel ad hoc opus eligitur: immo, quia tale illi negotium injungitur, recte tali nomine designatur.

¶. Ego sum Gabriel, qui asto ante Deum: et missus sum loqui ad te, et hæc evangelizare. \* Ecce eris tacens, et non poteris loqui usque in diem, quo hæc fiant. †. Pro eo quod non credidisti verbis meis, quæ implebuntur tempore suo. Ecce eris. Gloria. Ecce eris.

IN III. NOCTURNO.

*Antiph.* Missus est Angelus Gabriel ad Mariam Virginem desponsatam Joseph.

*Psalm. 98. Cantate Domino, p. 72.*

*Ant.* Gabriel Angelus Mariæ dixit: Ecce Elisabeth cognata tua, et ipsa concepit filium in senectute sua.

*Psalm. 96. Dominus regnavit, exultet, p. 72.*

*Ant.* Suscipe verum virgo Maria, quod tibi a Domino per Angelum Gabrielem transmissum est.

*Psalm. 102. Benedic anima... et omnia, p. 77.*

†. In conspectu Angelorum psallam tibi, Deus meus.

¶. Adorabo ad templum sanctum tuum, et confitebor nomini tuo.

*Lectio sancti Evangelii secundum Lucam.*

*Lectio vij.*

*Cap. i.*

**I**N illo tempore: Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

*Homilia S. Juliani Archiepiscopi Toletani.*

*Lib. 2. contra Judæos.*

**S**ACRAMENTUM illud septuaginta hebdomadarum de Christi nativitate Daniel per Angelum didicit similiter et Zacharias, apparento sibi Angelo, Joannem filium de se gerendum audivit, et Maria Angelo sibi prædicenti Christum ex se nascendum, et credidit, et assensit. Hæc tria per Angelum dicta, et completa videmus. Jam ergo sollicite intueendum est, utrum Angelus iste, qui Zachariæ, et Mariæ apparuit, ipsi quoque Danieli illa prædixerit.

¶. Missus Gabriel Angelus ad Mariam Virginem desponsatam Joseph, nuntians ei verbum: et expavescit Virgo de lumine. \* Ne timeas Maria, invenisti enim gratiam apud Dominum; ecce concipies, et paries, et vocabitur Altissimi Filius. †. Quæ cum audisset, turbata est in sermone ejus, et cogitabat qualis esset ista salutatio: Et ait Angelus ei. Ne timeas.

*Lectio viij.*

**EQUIDEM** ipse Daniel in prophetiæ suæ volumine, quando illa sacramenta hebdomadarum de Christi nativitate per Angelum futura cognovit, sic ipsius Angeli nomen evidenter expressit. Dixit enim: Ecce vir Gabriel, quem videram in principio, cito volans tetigit me et dixit: Daniel, animadvertite sermonem: et reliqua, quæ ibi commemorantur. Item his temporibus secundum Evangelium, Angeli ipsius nomen mirificum sic invenitur expressum. Dixit enim idem Angelus Zachariæ: Ego sum Gabriel, qui asto ante Deum, et missus sum loqui ad te, et hæc tibi evangelizare.

¶ Gaude Maria Virgo, cunctas hæreses sola interemisti: Quæ Gabrielis Archangeli dictis credidisti, dum virgo Deum, et hominem genuisti, et post partum Virgo inviolata permansisti. ¶ Benedicta tu in mulieribus, et benedictus fructus ventris tui. Quæ. Gloria. Quæ.

*Lectio ix.*

**QUOD** etiam de beatæ Mariæ Virginis partu sic in eodem Evangelio legitur: Missus est inquit, Angelus Gabriel a Deo in civitatem Galilææ, cui nomen Nazareth ad Virginem desponsatam viro, cui nomen erat Joseph, de domo David, et nomen Virginis Maria. Jam ergo manifestum est, quod unus idemque Angelus Gabriel fuerit, qui et præfixa illa tempora Danieli de Christi nativitate aperuit, et partum Virginis præsentem esse monstravit. Ad tempus itaque præfinitum occurrit, et olim a se dicta, operis efficientia completa esse convincit, et illic fidelis in prophetia hebdomadarum, et hic fidelis per mysterium revelatum.

Te Deum Laudamus. 12.

**Ad Laudes**

*et per Horas Antiph.*

1. Ingresso Zacharia templum Domini, apparuit ei Gabriel Angelus, stans a dextris Altaris incensi.

*Psalm. Dominus regnavit, cum reliq. de Dom. p. 13.*

2. Ait autem Angelus: Ne timeas Zacharia, quoniam exaudita est deprecatio tua.

3. Ego sum Gabriel Angelus, qui asto ante Deum, et missus sum loqui ad te.

4. Gabriel Angelus locutus est Mariæ, dicens: Ecce concipies in utero, et paries filium, et vocabis nomen ejus Jesum.

5. Dixit autem Maria ad Angelum: Quomodo fiet istud, quoniam virum non cognosco? Et respondens Gabriel Angelus dixit ei: Spiritus sanctus superveniet in te, et virtus Altissimi obumbravit tibi.

*Capitulum ut supra ad Vesp.*

**HYMNUS.**

**PLACARE**, Christe, servulis,  
Quibus Patris clementiam  
Tux ad Tribunal gratiæ  
Patrona Virgo postulat.

Et vos beata, per novem  
Distincta gyros, agmina,  
Antiqua cum præsentibus,  
Futura damna pellite.

Auferte Gentem perfidam  
Credientium de sinibus,  
Ut unus omnes unicum  
Ovile nos Pastor regat.

Deo Patri sit gloria,  
Natoque Patris unico,  
Sancto simul Paraclito  
In sempiterna sæcula.

Amen.

¶ Stetit Angelus juxta aram templi.

¶ Habens thuribulum aureum in manu sua.

*Ad Bened. Antiph. Gabriel Angelus descendit ad Zachariam, et ait illi: Uxor tua pariet tibi filium, et vocabis nomen ejus Joannem, et multi in nativitate ejus gaudebunt: ipse enim præibit ante faciem Domini parare vias ejus.*

*Oratio ut supra.*

*Deinde fit commem. Feriæ, si facienda sit.*

Q



**Ad Tertiam.**

ñ. br. Stetit Angelus, \* Juxta a-  
ram templi. Stetit. ý. Habens thuri-  
bulum aureum in manu sua. Juxta.  
Gloria. Stetit.

ý. Ascendit fumus Aromatum in  
conspectu Domini.

ñ. De manu Angeli.

**Ad Sextam.**

Capitulum.

Dan. 9.

**E**GO autem veni ut indicarem ti-  
bi, quia vir desideriorum es. Se-  
ptuaginta hebdomades abbreviatæ  
sunt, ut finem accipiat peccatum, et  
impleatur visio et prophetia, et un-  
gatur sanctus sanctorum.

ñ. br. Ascendit fumus aromatum \*  
In conspectu Domini. Ascendit. ý. De  
manu Angeli. In conspectu. Gloria.  
Ascendit.

ý. In conspectu Angelorum psal-  
lam tibi, Deus meus.

ñ. Adorabo ad templum sanctum  
tuum, et confitebor nomini tuo.

**Ad Nonam.**

Capitulum.

Dan. 9.

**S**CITO ergo, et animadvertite: Ab  
exitu sermonis, ut iterum ædi-  
ficetur Jerusalem, usque ad Christum  
ducem hebdomades septem, et heb-  
domades sexaginta duæ erunt.

br. In conspectu Angelorum: \*  
Psallam tibi, Deus meus. In con-  
spectu. ý. Adorabo ad templum san-  
ctum tuum, et confitebor nomini tuo.  
Psallam. Gloria. In conspectu.

ý. Adorate Deum.

ñ. Omnes Angeli ejus.

In II. Vesp. omnia ut in primis,  
sed loco ultimi, dicitur

Psalm. 137. Confitebor tibi, p. 98.

ý. In conspectu Angelorum psallam  
tibi Deus meus.

ñ. Adorabo ad templum sanctum  
tuum, et confitebor nomini tuo.

Ad Magnif. Ant. Archangelus Ga-  
briel ait ad Mariam: Non erit impos-  
sibile apud Deum omne verbum. Dixit  
autem Maria: Ecce ancilla Domini:

fiat mihi secundum verbum tuum: et  
discessit ab ea Angelus.

Oratio ut supra.

Deinde fit commemor. S. Joseph, et  
Feriæ, si facienda sit.

FESTA APRILIS.

**Die 6. Transl. S. Athan. E.**

Semiduplex.

Omnia de Comm. Confess. Pont.  
præter sequentia. In Hymn. Iste Con-  
fessor. m. l. v.

Oratio.

**E**XAUDI, quæsumus Domine pre-  
ces nostras, quas in Beati Atha-  
nasii Confessoris tui, atque Pontifi-  
cis Translatione deferimus: et qui  
tibi digne meruit famulari ejus inter-  
cedentibus meritis, ab omnibus nos  
absolve peccatis. Per Dominum.

Lect. I. Noct. de Scrip. occur. In  
Quadrages. vero, Fidelis sermo,  
p. 40\*.

IN II. NOCTURNO.

Lectio iv.

**A**THANASIUS Neapolitanis Du-  
cibus natus, quem pii Parentes  
Sancti Athanasii Alexandrii precibus  
susceptum, ejusdemque postea invi-  
ctæ constantiæ æmulatorem, hoc ap-  
pellarunt nomine. A pueritia Clericali  
militiæ adscriptus Beato Joanni Nea-  
politano Antistiti erudiendus tradi-  
tus est: quo doctore, tanta enituit  
pietate, litterisque, ut merito a Leo-  
ne Quarto Pontifice, Civium precibus  
annuente, Neapolitanus Episcopus fue-  
rit renunciatus et consecratus. Eccle-  
siasticos proventus domesticumque  
patrimonium in Templorum, Paupe-  
rumque inopiam sublevandam erogavit:  
multas Saracenorum incursibus  
pene dirutas instauravit Basilicas,  
easque prædils, sacris vestibus, va-  
sisque pretiosis locupletavit. Ministros  
Altaris Hebdomadarios in Templo ma-  
ximo a se institutos, proprio ditavit  
ære. Pauperibus, et Peregrinis hos-  
pitium aperuit; multumque pecuniæ  
ad captivos e Barbarorum servitio vin-  
dicandos mira charitate profudit.

*Lectio v.*

**A**BSTINENTIA fuit incredibili, frugali mensa utens, esum carnis sibi perpetuo interdixit. Corpus non cilicio solum flagrisque, sed gravissimo etiam plumbi pondere a cer vice ad talos extenso affligebat, lapideque capiti supposito, in lectulo humi strato cubabat. A Nicolao primo pontifice Romam accersitus, magno honore est habitus, ac Lateranensi in synodo, una cum aliis patribus tertio loco assidens, Joannem Ravennatem insanientem antea contra Ecclesiam, qui postea resipuit, confutavit. Neapolim regressus a Sergio fratris filio, notæ impietatis homine, Athanasii objurgationes indignante, detrusus in carcerem: indeque cleri opera, cum universæ civitatis gaudio ereptus est.

*Lectio vj.*

**C**ONSTANTEM deinde obluctans iniquis contra ecclesiasticam libertatem postulationibus Sergii, ejus opera depulsus a sede, unumque mensem supra viginti coactus exulare, plurimas per id temporis ærumnas perpessus est: quibus confectus, Verulis obiens cœlestem in patriam receptus est ætatis anno quadragesimo primo, idibus Julii, post Christum natum octingentesimo septuagesimo secundo. Corpus miraculis clarum, Cassinum prius in montem, mox Neapolim, quinto post obitum anno, integrum adhuc repertum, solemnī supplicatione translatum est: cujus translationis memoria nonis Aprilis anniversaria festivitate recolitur.

*In III. Noct. Homil. Ut ignorantiam p. 47.*

**DIE 23. S. Georgii M.**

*Duplex.*

*Omnia de com. M.M. temp. Pasch. p. 24.*

*Oratio.*

**D**EUS, qui nos beati Georgii martyris tui meritis et intercessionē lætificas, concede propitius ut,

qui tua per eum beneficia poscimus, dono tuæ gratiæ consequamur. Per Dominum.

*Deinde fit commem. SS. Soteris ec.*

*In I. Noct. Lect. de Script. occur.*

IN II. NOCTURNO:

*Lectio iv.*

**G**EORGIUS, nobilibus parentibus in Cappadocia natus, sancte ab illis et religiose educatus est. Iis vita sanctis, adhuc adolescens tribunus militum factus et aliis insignitus honoribus, sub Diocletiano Cæsare militavit. Verum cum edictis imperialibus persecutionem in christianos cerneret acrius desævire, id indigne ferens, opportunum quoque fore illud tempus existimans ad salutem et ad martyrii gloriam, facultatibus suis in pauperes erogatis, servisque libertate donatis, zelo fidei ac religionis accensus, imperatorem adit: Christumque verum Deum libere confessus, ipsum de tam impia in christianos crudelitate constanter accusat.

*Lectio v.*

**A**D MIRATUM vehementer imperator quod Georgius, præter omnem opinionem, christianus esset, primo blandis illum verbis ac magnis pollicitationibus, deinde minis, prænarumque terroribus, a fidei sententia conatur avertere. Sed cum nihil proficeret nec ullo modo viri constantiam posset de pio et sancto proposito dimovere, jubet ipsum primo in carcerem trudi, ibique dire affligi: tum verberibus cæsum, rota mucronibus præfixa ad ejus corpus adamota, laniari; deinde torreri sartagine, varieque torqueri. Quam ille tormentorum vim ubi alacri ac forti animo tulisset indeque incolumis mirabiliter evasisset, plurimos suo exemplo ad fidei constantiam excitavit.

*Lectio vj.*

**I**MPIUS autem persecutor cum eximiam hujusmodi martyris fortitudinem non divinæ virtuti, ut par erat, sed magicis artibus adscriberet,

ipsum varie tortum atque in sententia nihilominus persistentem securi Percuti jubet. Georgius igitur, fortiter data cervice, martyrii corona dignatus est. Corporis ejus reliquiae, diversas in regiones delatae, maxime ab incolis habentur honore. Caput Romae in diaconia sancti Georgii ad Velabrum honorifice asservatur: et ipsius martyris nomen non solum in oriente, ubi passus est, sed et in occiduis oris ubique clarissimum est. Quam et implorantibus ejus auxilium propitius adesse consueverit, reges praesertim et principes saepius in militari conflictu experti sunt; frequentes etiam ejusdem martyris memoriae ubique testantur.

### IN III. NOCTURNO.

*Homilia, Iste locus Evangelicus, de Comm. mart. temp. pasch. p. 23.*

### **Die 24. S. Boni Latronis.**

*Duplex.*

#### **Ad Vesperas.**

*Ant. Latro Christum crucifixum. Cum reliq. de Laud.*

*Psal. Dixit Dominus cum reliq. de Dom. p. 86. et loco ult. Psal. Laudate Dominum.*

*Capitulum. Isaia 59.*

**E**CCE non est abbreviata manus Domini, ut salvare nequeat, neque aggravata est auris ejus, ut non exaudiat.

### **HYMNUS.**

**J**ESU corona celsior,  
Et veritas sublimior,  
Qui confitenti servulo  
Reddis perenne praeium;

Da supplicanti cœtui,  
Hujus rogatu noxii  
Remissionem criminis,  
Rumpendo nexum vinculi,

Auni reverso tempore,  
Dies refulsit lumine,  
Quo Sanctus hic de corpore  
Migravit inter sidera.

Ut sis perenne mentibus,  
Paschale Jesu gaudium:  
A morte dira criminum,  
Vitæ renatos libera.

Deo Patri sit gloria,  
Et Filio, qui a mortuis  
Surrexit, ac Paraclito,  
In sempiterna sæcula. Amen.

ŷ. Amavit eum Dominus, et ornavit eum, alleluja.

q. Stulam gloriæ induit eum, alleluja.

*Ad Magnif. Antiph. Ait Latro ad Latronem: Nos quidem digna factis recipimus. hic autem quid fecit? Memento mei Domine, dum veneris in regnum tuum, allel. allel.*

*Oratio.*

**O**MNIPOTENS, et misericors Deus, qui justificas impios, te supplices exoramus, ut nos benigno intuitu, quo Unigenitus tuus beatum traxit Latronem, ad dignam poenitentiam provoces, et illam, quam ei promisit, tribuas nobis gloriam sempiternam. Qui tecum vivit.

*Ad Matut. Invit. Christum Regem crucifixum qui Latroni in cruce Paradisum donat. Venite adoremus, alleluja.*

*Psal. Venite exultemus. 1.*

*Hymn. Jesu corona celsior, ut supra.*

### IN I. NOCTURNO.

*Ant. Beatus iste sanctus, qui confisus est in Domino, et exauditus est de monte sancto ejus, allel.*

*Psalmi de Com. Conf. non Pontif. p. 51.*

ŷ. Amavit eum Dominus, et ornavit eum, alleluja.

q. Stulam gloriæ induit eum, alleluja.

*Lectiones dicuntur de Script. occurr.*

q. I. Posui adjutorium super potentem: Manus enim mea auxiliabitur ei, et brachium meum confortabit eum alleluja. ŷ. Nihil proficiet inimicus in eo, et filius iniquitatis non nocebit ei. Manus enim.



q. II. Iste cognovit justitiam, et vidit mirabilia, et exoravit Altissimum: \* Ipse intercedat pro peccatis omnium populorum, alleluja. y. Iste inventus est in numero sanctorum. Ipse intercedat.

q. III. Amavit eum Dominus, et ornavit eum, stolam gloriæ induit eum: \* Et ad portas Paradisi coronavit eum, allel. y. Induit eum Dominus loricam fidei, et ornavit eum. Et ad portas. Gloria. Et.

## IN II. NOCTURNO.

*Antiph.* Invocantem exaudivit Dominus sanctum suum; Dominus exaudivit eum in pace, alleluja.

1. Induit eum Dominus loricam fidei et ornavit eum, allel.

q. Et ad portas Paradisi coronavit eum, allel.

*Lectio iv.*

Sermo sancti Joannis Chrysost.

*Homil. 2. de Cruce, et Latrone. 1. 3.*

**SCIO** et ante me dixisse de Latrone, sed habet diversas intelligentias Dei sermo. Iste Latro de ligno mercatur salutem: hic latro furatur cœleste imperium. Vim facit majestati, non virtute propria, sed fide vincens. Ipsius Domini vox est. Regnum cœlorum vim patitur, et violenti diripiunt illud. In cruce duo latrones imago Judæorum, et Gentilium; Latro qui pœnitet, imaginem obtinet populi ex Gentibus congregati, qui prius in errore ambulaverat, et post hoc veritatem agnovit. Imaginem vero latro ille obtinet Judæorum qui usque in finem perseverat latro. Et usque ad tempus quidem crucis viam malignitatis ierunt, crux autem divisit utrumque.

q. Velum templi scissum est, \* Et omnis terra tremuit: Latro clamabat de Cruce, dicens: Memento mei Domine, dum veneris in regnum tuum, alleluja. y. Petræ scissæ sunt, et monumenta aperta sunt, et multa corpora Sanctorum, qui dormierant, surrexerunt. Et omnis.

*Lectio v.*

**VIAM** namque cæcitatatis, et perditionis, qui non credidit, ingressus est: viam autem salutis, qui credidit ingressus est: viam salutis, qui credidit adeptus est. In cruce dicit Latro differentiam viarum, quoniam novit Dominus viam justorum: via autem impiorum peribit. Et vide Dei justum iudicium, ut dicas et tu cum Propheta. Justus es Domine, et rectum iudicium tuum. Propter unum peccatum damnatur Adam, et propter unam fidei vocem Latro salvatur. Unum peccatum ejecit illum, et una justitia introduxit istum, et Latro habitator factus est Paradisi. O admiranda rerum materies! Nec Abraham data est per vocem promissio Paradisi. Hereditatur quidem per fidem; repromissionem autem Paradisi nemo ante Latronem accepit.

q. Nemo repromissionem Paradisi ante Latronem accepit, cui Dominus in cruce dixit: \* Hodie mecum eris in paradiso, alleluja, alleluja. y. Domine memento mei; cum veneris in regnum tuum. Hodie.

*Lectio vj.*

**I**STE ergo vidit Salvatorem, non super throno regali, non adorari in templo, non loquentem de cœlis, non per Angelos disponentem; sed in pœna sociatum latroni: videt in tormentis, et tamquam in gloria adorat: videt in cruce, et rogat quasi in cœlis sedentem: videt condemnatum, et Regem invocatur, dicens: Domine: memento mei, cum veneris in regnum tuum: Crucifixum vides, et Regem prædicas? in ligno pendere cernis, et cœlorum regna meditaris? O admiranda Latronis conversio!

q. O admiranda Latronis conversio! \* Crucifixum videt, et Regem prædicat, alleluja. y. In ligno pendentem cernit, et cœlorum regna meditatur. Crucifixum. Gloria. Crucifixum.

## IN III. NOCTURNO.

*Ant.* Domine iste sanctus habitabit

in tabernaculo tuo, requiescet in monte sancto tuo, alleluia.

ŷ. Hic accipiet benedictionem a Domino, allel.

ŕ. Et misericordiam a Deo salutari suo, allel.

Lectio S. Evangelii secundum  
Lucam.

Lectio vij. Cap. 23.

**I**N illo tempore; Unus de his, qui pendebant latronibus blasphemabat Dominum dicens: Si tu es Christus, salvum fac te ipsum, et nos. Et reliqua.

Homilia Sancti Ambrosii Episcopi.  
Ser. 49. de S. Latrone.

**Q**UONIAM hodie Evangelii Lectio de Latrone fecit mentionem, videamus quis iste Latro sit, qui in cruce Domino constituto, non solum peccatorum suorum veniam consequitur, sed etiam paradisi amœnitate donatur; ut qui propter scelera damnatus fuerat ad pœnam, propter fidem transferretur ad gloriam: fueritque illi crux quam pertulit, non tam supplicii damnatio, quam salutis occasio. In cruce enim positus, in Christum Dominum nostrum credidit crucifixum. Et ideo qui consortio passionis utitur, consortio paradisi condonatur. Beatus enim Latro, dum supplicium patitur, regnum cœleste consequitur. Ecce reus dicitur, sicut cui damnari illud tempus expetivit. Non enim perveniret ad gloriam, si non contraditus esset ad pœnam. Videamus, inquam, cur tantorum criminum reus, tam cito a Salvatore Paradisum promeretur, cum alii multorum temporum lacrymis, frequentibusque jejuniis, vix delictorum suorum veniam consequantur.

ŕ. Iste est beatus, Latro, qui in cruce positus Christum Dominum nostrum credidit crucifixum: Et dum supplicium patitur, regnum cœleste consequitur, alleluia. ŷ. Quem Judas Iscariotes in hortulo Paradisi distraxerat; iste in patibulo confitetur. Et dum.

Lectio viij.

**M**AGNA, fratres, et multiplex causa est. Primum, quod iste Latro devotione fidei tam repente mutatus est, ut præsentem pœnam despiceret, ac de futura veniam precaretur: et magis crederet, utile sibi esse, de æterno judicio petere, quam de temporali supplicio postulare. Reminiscens enim scelerum suorum, et pœnitentiam gerens, plus incipit dolere quod sperat, quam sentire quod patitur. Potuit enim nisi de futuris amplius cogitasset, qui in Christum semel crediderat, de præsenti magis supplicio deprecari. Deinde illud ad gratiam ejus majoris est meriti, quod in Christum in cruce positum credidit, et passio, quæ aliis scandalum fecit, illi ad fidem profecit. Crucis enim passio multis scandalum fuit, sicut dicit Apostolus: Nos autem prædicamus Christum Crucifixum, Judæis quidem scandalum, Gentibus autem stultitiam. Recte ergo meretur Paradisum, qui crucem Christi non putavit esse scandalum, sed virtutem; dicit enim idem Apostolus: Ipsi autem vocatis Judæis, atque Græcis, Christum Dei virtutem, et Dei sapientiam.

ŕ. Iste est, qui crucem Christi non putavit esse scandalum sed virtutem; ideoque paradisum meretur: \* Ipse intercedat pro peccatis omnium populorum, alleluia. ŷ. Iste est qui honorificat patientem, quem Judas prodidit osculantem. Ipse. Gloria. Ipse.

Lectio ix.

**R**ECTE plane et Dominus huic donat Paradisum, quia quem Judas Iscariotes in hortulo Paradisi distraxerat, hic in crucis patibulo confitetur. Mira res! confitetur Latro, quem discipulus abnegavit. Mira, inquam res! Latro honorificat patientem, quem Judas prodidit osculantem; ab hoc pacis blandimenta venduntur, ab illo Crucis vulnera prædicantur. Ait enim: Memento mei

Domine, cum veneris in regnum tuum. Hæc est fidei plena devotio, ut cum de vulneribus Domini profluens sanguis cernitur, de potestate ejus venia postulatur. Cum videtur ejus humilitas, tunc magis timeatur ejus Divinitas: cum morti addictus putatur, tunc regis illi honorificentia deferatur. Iste enim fidelis Latro non credidit moriturum, quem annuntiat regnaturum: non putat subdendam inferis, quem dominaturum confitebatur in cælis: non arbitratur eum apud tartarum detineri, a quo se etiam postulat liberari. Cernat licet ejus hiantia vulnera, spectet ipsius sanguinem profluentem: Deum tamen credit, quem reum nescit: justum fatetur, quem non meminit peccatorem.

Te Deum laudamus, p. 12.

### **Ad Laudes**

*et per Horas Antiphonæ.*

1. Latro Christum crucifixum videbat, et Regem invocabat, dicens: Domine, memento mei, cum veneris in regnum tuum, alleluia.

*Psalm. Dominus regnavit, cum reliq. de Domin. p. 13.*

2. Qui me confessus fuerit coram hominibus, confitebor et ego eum coram Patre meo, alleluia.

3. Cum conturbata fuerit anima mea, Domine, misericordiæ memor eris, alleluia.

4. Salvum me fecit Christus Redemptor: quia dixit: Hodie mecum eris in Paradiso, alleluia, alleluia, alleluia.

5. Ille qui talis ad crucem venit ex culpa, ecce qualis ex cruce recedit ex gratia, alleluia, alleluia, alleluia.

*Capit. ut supra ad Vesp.*

### **HYMNUS**

**J**ESU Redemptor omnium  
Corona confitentium,  
In hac die clementius  
Indulgeas precantibus.

Tui sacri qua dominis  
Confessor almus claruit,  
Hujus celebrat annua

Devota plebs solemnia.

Hujus benignus annue  
Confessionem nos sequi:  
Hujus precatu servulis  
Dimitte noxam criminis.

Ut sis perenne mentibus  
Paschale Jesu gaudium;  
A morte dira criminum  
Vitæ renatos libera.

Deo Patri sit gloria,  
Et Filio, qui a mortuis  
Surrexit, ac Paraclyto,  
In sempiterna sæcula. Amen.

♫. Vitam petiit a te, et tribuisti  
ei Domine, alleluia.

♫. Gloriam, et magnum decorem  
imposuisti super eum, alleluia.

*Ad Bened. Antiph. ut in Vesp.*

### **Ad Tertiam.**

♫. br. Amavit eum Dominus et ornavit eum, \* Alleluia, allel. Amavit.

♫. Stulam gloriæ induit eum. Alleluia, allel. Gloria Patri. Amavit.

♫. Induit eum Dominus loricam fidei, et ornavit eum, alleluia.

♫. Et ad portas Paradisi coronavit eum, alleluia.

### **Ad Sextam.**

*Capitulum. Isaia 58.*

**T**UNC invocabis et Dominus exaudiet: clamabis, et dicet: Ecce adsum.

♫. br. Induit eum Dominus loricam fidei, et ornavit eum, \* Alleluia, alleluia. Induit. ♫. Et ad portas Paradisi coronavit eum. Alleluia, alleluia. Gloria Patri. Induit.

♫. Ille accipiet benedictionem a Domino, alleluia,

♫. Et misericordiam a Deo salutaris suo, alleluia.

### **Ad Nonam.**

*Capitulum. Isai. 38.*

**T**U autem Domine eruisti, animam meam, ut non periret: projecisti post tergum tuum omnia peccata mea.



*q. br.* Hic accipiet benedictionem a Domino,\* Alleluja, alleluja. Hic accipiet. *y.* Et misericordiam a Deo salutari suo. Alleluja, allel. Gloria. Hic accipiet.

*y.* Vitam petisti a te, et tribuisti ei Domine, alleluja.

*q.* Gloriam, et magnum decorem imposuisti super eum, alleluja.

*Vesperæ de S. Marco Evang. cum comm. Boni Latronis.*

*Quod si contingat Festum S. Marci alio die celebrari, in II. Vesp. S. Boni Latronis omnia dicuntur, ut in primis.*

*Ad Magnif. Antiph.* Impietas impij non nocebit ei, in quacumque die conversus fuerit ab impietate sua, alleluia, alleluia.

### **Die 26. Appar. B. M. V.**

DE BONO CONSILIO.

*Duplex Majus.*

*Omnia ut in festis B. M. V. p. 92.\* præter ea, quæ sequuntur.*

*Ad Magnif. Ant.* Sancta Maria succurre miseris, juva pusillanimes, refove flebiles, ora pro populo, interveni pro Clero, intercede pro devoto sæmineo sexu, sentiant omnes tuum juvamen, quicumque celebrant tuæ Sanctæ Imaginis Apparitionem.

*Oratio.*

**B**ONORUM omnium largitor Deus, qui Genitricis dilecti Filii tui speciosam imaginem mira Apparitione clarificare voluisti: concede quæsumus ut ejusdem B. M. Virginis intercessione ad cœlestem patriam feliciter perducamur. Per eundem Dominum.

*Ad Matutinum.*

**HYMNUS.**

**P**LAUDE festivo, pia gens, honore,  
Dum Genestani veneraris Ædem,  
Qua Dei Magnæ Genitricis alma  
Splendet Imago.  
Hæc ubi mira specie repente

Obtulit sese populis videndam,  
Multa mox secum bona ferre nostras  
Visa per oras.

Ipsa tunc ægris aderat, molestos  
Corporis morbos, animique pellens,  
Longe et ærumnas Latio imminentes  
Ipsa fugabat.

Virgo, quæ magnis decorata signis  
Nunc quoque effulges, miseris juva-  
men

Affer, et fuis patiens clientum  
Annue votis.

Sit salus illi, decus, atque virtus,  
Qui super Cœli solio coruscans  
Totius Mundi seriem gubernat  
Trinus et unus. Amen.

**IN I. NOCTURNO.**

*De Lib. Proverbiorum.*

*Lectio i.*

*Cap. 2.*

**S**I intraverit Sapientia cor tuum,  
et scientia animæ tuæ placuerit,  
consilium custodiet te, et prudentia  
servabit te, ut eruaris a via mala,  
et ab homine, qui perversa loquitur:  
qui relinquunt iter rectum, et am-  
bulant per vias tenebrosas; qui læ-  
tantur cum male fecerint, et exul-  
tant in rebus pessimis, quorum viæ  
perversæ sunt, et infames gressus  
eorum.

*Lectio ij.*

*Cap. 3.*

**F**ILI mi, ne effluant hæc ab ocu-  
lis tuis. Custodi legem atque con-  
siliū, et erit vita animæ tuæ, et  
gratia faucibus tuis. Tunc ambulabis  
fiducialiter in via tua, et pes tuus  
non impinget. Si dormieris non time-  
bis; quiesces, et suavis erit somnus  
tuus; ne paveas repentino terrore, et  
irruentes tibi potentias impiorum. Do-  
minus enim in latere tuo, et custo-  
diet pedem tuum ne capiaris.

*Lectio iij.*

*Cap. 8.*

**E**GO sapientia habito in Consilio,  
et eruditis intersum cogitationi-  
bus. Timor Domini odit malum, ar-  
rogantiam, et superbiam, et viam  
pravam, et os lingue detestor. Meum  
est consilium, et æquitas, mea est

prudencia, mea est fortitudo. Per me reges regnant, et legum conditores justa decernunt. Per me Principes imperant, et potentes decernunt justitiam. Ego diligentes me diligo: et qui mane vigilant ad me invenient me.

## IN II. NOCTURNO.

Lectio iv.

De sermone S. Augustini Episcopi.

In Natali S. Joann. Bapt.

**H**OMINEM concepit Elisabeth, hominem Maria: sed Elisabeth solum hominem, Maria Deum et hominem. Mira res est, quomodo potuerit concipere creatura Creatorem. Quid est ergo intelligendum, Fratres mei, nisi quia ipse sibi fecit carnem de sola Matre, qui fecit primum hominem sine patre, et matre? Primus ille noster casus fuit, quando foemina, per quam mortui sumus, in corde concepit venena serpentis, Persuasit enim serpens peccatum et admissus est male suadens. Si primus noster casus fuit, cum foemina concepit corde venena serpentis, non mirandum, quod salus facta est, cum foemina concepit in utero carnem Omnipotentis. Uterque ceciderat sexus: uterque fuerat reparandus. Per mulierem in interitum missi eramus: per mulierem nobis reddita est salus.

Lectio v.

De sermone S. Fulgentii Episcopi.

De Laud. Mariæ.

**Q**UONIAM diabolus per serpentem Hevæ locutus, per Hevæ aures mundo intulit mortem, Deus per Angelum ad Mariam pertulit Verbum, et cunctis sæculis vitam effudit. Angelus sermonem ejecit, et Christum Virgo concepit. Hoc splendore concipitur Dei Filius; hac munditia generatur. De cælis medicus transiens per Virginem, post transitum suum illæsam fecit Virginem permanere. Qui enim disrupta corporum membra in aliis poterat integrare tangeudo, quanto magis in sua Matre, quod invenit integrum, potuit non violare nascentem.

do? Crevit enim ejus partu integritas corporis potius, quam decrevit; et Virginitas ampliata est potius, quam fugata.

Lectio vj.

**M**ARIA quam præclarissimis tribus bonis sublimetur, ausculta: salutationis angelicæ, benedictionis divinæ, et plenitudinis gratiæ. Sic enim eam legitur salutasse: Ave Maria gratia plena, benedicta inter mulieres. Et ut nihil non sublime esset in hac Sanctissima Virgine, quam Angelus gratia plenam salutavit, non sine divino consilio factum est, ut ejus etiam imagines summo essent in honore, et prodigiis, miraculisque clarescerent. Quas inter ea tribus ab hinc sæculis præcipuo honore colitur, quæ, Paulo II. sedente, mirabiliter apparuisse in pariete Ecclesiæ Patrum Ordinis Eremitarum S. Augustini in Oppido Genestani Prænestinæ Diæcesis, ex Pontificiis diplomatibus, et supparibus monumentis comprobatur. Quibus permotus Pius Papa Sextus præfatis ejusdem oppidi Cœnobitis officium proprium concessit VII. Kalendarum Majas, ipso scilicet Apparitionis die recitandum; ac deinde illud, die, quæ immediate subsequitur, pro ejus recitatione in posterum assignata, ad universum prædictum Ordinem sub ritu duplicis majoris extendit.

## IN III. NOCTURNO.

Lectio S. Evangelii secundum Matthæum. Cap. 1.

Lectio vij. Cap. I.

**L**IBER generationis Jesu Christi, filii David, filii Abraham. Abraham genuit Isaac, Isaac autem genuit Jacob. Et reliqua.

Homilia S. Thomæ Ep.

In Nativ. B. M. V.

**C**OGITANTI mihi, ac diu hæsitanti quid causæ sit, quod cum Evangelistæ de Joanne Baptista, et aliis Apostolis tam longum fecere tractatum, de Virgine Maria, quæ vita, et dignitate omnes antecedit, ita

tis diem cum reliquis peregrinis Ecclesiam ingredi sæpe pertentat, divina virtute semper repulsa coepit cogitare, unde in tam libero aliorum ingressu sibi toties negaretur introitus.

*Lectio v.*

**ITAQUE** in atrio Templi divinitus edocta, propter peccatorum sordes se ab aspectu Sanctæ Crucis arceri; corde compuncta, Beatæ Mariæ Virginis, cujus imaginem ibidem conspexit, suffragia suspiriis, et lacrymis imploravit, firmiter promittens anteactæ vitæ pœnitentiam. Hac melioris vitæ data sponsione intra Templum recipitur, Sacrosanctum Crucis lignum adorat, et divina prospicit arcana, per quæ docetur, quanta sit pietas Dei erga pœnitentes. In atrium regressa eandem Dei Genitricem rogans, ut pœnitentiæ modum, et locum præscribat, vocem audit suadentis, ut Jordanis flumen pertranseat. Itineri extemplo accincta, tres nummos a quodam pertranseunte accepit, quibus totidem panes comparavit.

*Lectio vj.*

**SANCTISSIMIS** Sacramentis in Ecclesia Sancti Joannis Baptistæ ad ripam fluminis munita, sumpto panis dimidio, in vastam solitudinem trans Jordanem se recepit: ubi reliquo pane, crudisque herbis, annis quadraginta septem sub intenso Solis ardore, et hyemis inclementia, absque ullo corporis tegumento victavit, mirum quot dæmonum iusidias, et animi perturbationes invicta sustinuit. Visa tandem a Zosima Abbate viro sanctissimo per eandem solitudinem aberrante, curavit ei omnem vitæ suæ rationem enarrare. Mirabili tunc consolatione repleta, mortis præscia, ad ejus Monasterium, ambulans super aquas Jordanis, accessit; ubi Sacrosanctis refecta Sacramentis, in solitudinem regressa, sancto fine quievit. Illius corpus, ministerio leonis terram effodientis, Zosimas sepelivit, ejusque vitam, et mortem o-

mnibus propalavit, quam Sanctus Sophronius Patriarcha Jerosolymitanus graviter conscripsit.

*In III. Noct. Homil. Cælorum regnum, p. 74\*.*

**DIE 30. S. Severi Ep.**

*Duplex Majus.*

*Omnia de Comm. Conf. Pontif. præter sequentia.*

*Oratio.*

**DOMINE** Deus omnipotens, qui Beatum Severum Confessorem tuum, atque Pontificem, ita mirabilem effecisti, ut ad veritatis testimonium mortuum de sepulchro revocaverit: da quæsumus, ut ipsius intercessionem Majestati tuæ fideliter serviamus. Per Dominum.

*Lect. I. Noct. Fidelis sermo, p. 74\*.*

**IN II. NOCTURNO.**

*Lectio iv.*

**SEVERUS** Neapolitanus, post Beatum Maximum Patriæ præficitur Præsul. Eo in munere maxima sanctitatis argumenta, virtutumque præ se tulit. Sancto Ambrosio Mediolanensi, a quo accepit epistolam, charissimus: imo Ethnicis ipsis, teste Symmacho, Christianæ Religioni aliquin infenso, maxime laudabilis. Multas Neapoli construxit Basilicas; illamque precipue extra mœnia, Divo Januario sacram, in qua Corpus ipsius Beatissimi Præsulis, et Martyris, ex Marciano translatus, propriis condidit manibus, mortisque non immemor, sibi adhuc viveas construi mandavit sepulchrum.

*Lectio v.*

**MULTA** præterea Sanctus Episcopus admiranda edidit, quorum illud maxime memorandum, quod cum falsus creditor multum pecuniæ a quadam vidua repeteret, quod a defuncto ejusdem marito sibi debitam mentiebatur, ideoque mater illa cum filiis servituti esset addicenda, Severus, re cognita, commiseratione per-



motus, accersitum mendacem illum, una cum Clero, aliisque multis ad locum in quo defunctus jamdiu jacuerat, secum duxit; et post preces magna cum fide ad Deum profusas, mortuum revocavit, qui statim redi-vivus, se pecuniam ullam debere negavit; quo dicto, iterum obdormivit. Verum Sanctus Antistes, etiam in hunc scelestum pius, vetuit ne, ob hoc mendacii crimen, mali aliquid pateretur.

*Lectio vj.*

**T**OT, tantisque charitatis, ac pietatis operibus plenus gravem in morbum incidit. Morti propinquus conciliavit Deo anathemate sejunctos; peractisque sacris mysteriis in ejus conclavi a cuncto Clero ad id convocato, ipse in oratione defixus: ubi sunt inquit, fratres mei! Tunc qui aderant, arbitantes Sanctum Episcopum Diaconos accersere: ecce adsunt, responderunt; at ille non istos, sed Sanctos Januarium, et Agrippinum volo, qui modo hic adfuerunt, seque illico promissere redituros. Extensis deinde in cælum manibus, in illis verbis: Ad te levavi oculos meos, qui habitas in cælis, concusso per terræmotum cubiculo, ad eum, qui in cælis habitat, evolavit pridie Kalendas Maji. Corpus prius in sua crypta, postmodum in æde Divi Georgii honorifice conditum fuit.

*In III. Noct. Lect. de Homil. Ut ignorantiam, p. 47\*.*

## FESTA MAII.

**Die 11. S. Fr. de Hieron. C.**  
*Duplex Majus.*

*Oratio.*

**D**EUS, qui sanctum Franciscum, ad animarum salutem, eximium verbi tui præconem effecisti; ejus nobis intercessione concede, ut legis tuæ mandata et jugiter scrutemur in corde, et fideliter operibus exequamur. Per Dominum.

*Lect. I. Noct. Justus, p. 82\*.*

## IN II. NOCTURNO.

*Lectio iv.*

**F**RANCISCUS de Hieronymo in Tarentini Oppido, cui Cryptaleon nomen, honesto loco natus, pia parentum cura institutus, ac cæli benedictione præventus pueritiam egit innocentissimis moribus præstantem, et futuræ sanctitatis indiciis conspicuam. Duodecimo ætatis anno in quorundam Evangelicorum Operariorum contubernium admissus in catechizandis rudibus adhuc adolescens diligentem operam posuit, et Apostolico ministerio, ad quod Deus illum destinaverat, jam tum proficere visus est. Theologica studia Neapoli aggressus, et Sacerdotio initiatus, ita vitæ suæ rationes ad Evangelica consilia accomodavit, ut Sacerdotis sancti nomen adeptus fuerit. Societatem Josu ingressus, jactis in tirocinio religiosæ perfectionis, ardentissimæ in Deum, et proximos charitatis, insignis patientiæ, aliarumque virtutum fundamentis, quæ majus in dies singulos incrementum accipiebant. Theologiæ curriculum confecit, et solenni quatuor votorum professione sese obstringens, eximium regularis observantiæ exemplar evasit. Pro sacra expeditione ad Japoniam, quam martyrii cupidus in votis habuit, Neapoli retentus, præfecturam Missionum jussu Præsulum accepit, quod non sine Dei numine factum eventus comprobavit.

*Lectio v.*

**E**T SI enim corpore erat gracili, neque satis firma valetudine, ac præterea carnem assiduis jejuniis, vigiliis, verberibusque macerabat, tamen tot onera in se suscipiens, quot ferendis plures simul vix pares essent, incredibile dictu est, quanta pro gloria Dei, quam unice quærebat, egerit non solum Neapoli, sed in aliis quoque ejusdem regni provinciis, quot labores, ærumnas tulerit, quan-

to cum fructu in agro dominico excolendo plus quadraginta annis desudaverit. Frequentes, et sæpius plures eodem die habebat conciones per vi-  
cos, compita, et plateas, ad carce-  
ribus detentos, ad regiis triremibus  
mancipatos, ad milites, contra cir-  
culatores impudentes, contra publicos  
quosvis peccatores, contra famæ pro-  
stitutæ mulierculas. Accedebant mira-  
bilia signa, tremenda divini ultionis  
adversus perversos documenta. scru-  
tatio cordium, prædictio rerum futu-  
rarum, ejus corporis diversis in locis  
apparitio, gratia sanitarum, annona  
divinitus multiplicata, vox etiam ex  
ore meretricis subita morte correptæ  
extorta, quæ se apud inferos esse pa-  
lam denunciavit. Ex quo fiebat, vix  
ut unquam e superiori loco ad popu-  
lum diceret, quin insignem aliquem  
peccatorem Christo lucrifaceret. Inter-  
dam etiam decem, nonnumquam quin-  
decim meretriculæ simul sua crimina  
descentes in concione, ad pœnitentiam  
confugerunt.

*Lectio vj.*

**A**SSIDUA ejus opera fuit in æ-  
grotis invisendis, in moribundis  
ad mortem rite præparandis, in con-  
cordia animorum dissidentium conci-  
lianda, in pauperibus ope, ac sola-  
tio sublevandis. Communionem, quam  
dicunt generalem, singulis cujuslibet  
mensis tertiis diebus Dominicis usque  
adeo promovit, ut sæpe quindecim  
millia fidelium, aliquando viginti mil-  
lia, aut eo amplius ad Eucharisticam  
mensam convenerint. Exercitiis spiri-  
tualibus ex Sancti Ignatii institutoris  
præscripto Sacerdotum cœtus, viro-  
rum religiosorum, et virginum Deo  
devotarum monasteria, puellarum cœ-  
nobiaz, studentium juvenum collegia,  
et seminaria, atque omne hominum  
genus mirifice excoluit, gravissimas  
difficultates, et molestias quas illi  
Dæmon excitabat, invicta patientia  
superavit: nec semel maxillam percu-  
tientibus submisso animo alteram præ-  
buit: quin et acerbissimos dolores bra-

chio captivi Mahometani, qui eum  
percusserat, a Deo ultore inflictos si-  
gno crucis repente cessare fecit, ho-  
minemque ad Christianam religionem  
adduxit. Demum in cœlum a Deo e-  
vocatus placide efflavit animam in Nea-  
politana Professorum domo die unde-  
cima Maji anno millesimo septingente-  
simo decimo sexto, ætatis vero suæ  
septuagesimo quarto. Quem meritis,  
ac miraculis clarum Pius Septimus  
Pontifex Maximus in Beatorum nume-  
rum retulit. Novisque signis a Deo il-  
lustratum præsertim in Patria, quibus  
de more probatis, Gregorius Papa  
XVI. solemniter in festo SS. Trini-  
tatis anno millesimo octingentesimo  
trigesimo nono in Sanctorum album  
adnumeravit.

*In III. Noct. Homil. in Evang. Sint  
lumbi vestri, p. 36.*

**DIE. 14. S. Pomponii Ep.**

*Duplex.*

*Omn. de Comm. Conf. Pontif. præ-  
ter seq.*

*Oratio.*

**D**EUS, qui Beatum Pomponium  
Confessorem, atque Pontificem  
beneficiæ tuæ thesauris locupleta-  
sti: da, ut ejus auxilio, et imita-  
tione cœlestes misericordiæ tuæ divi-  
tias consequamur. Per Dominum.

*Et fit commemoratio S. Bonifacii Mart.*

*In I. Noct. Lect. de script. occur.*

**IN II. NOCTURNO.**

*Lectio iv.*

**P**OMPONIUS nobilitate generis,  
ac sapientia conspicuus, post  
Beatum Asprenum vigesimus ad Nea-  
politana sedem evectus, sollicitudi-  
ne quam maxima desudavit, ut com-  
missas sibi oves Christianæ pietatis  
pabulo uberius enutriret, ab Ariana  
contagione tutatus, ne perfidiæ lumen  
imbiberent. Cum Theodoricus Gotho-  
rum Rex hæreticus, Neapoli potitus,  
Catholicos insectaretur, ejus audaciæ  
Sanctus Antistes constantissime resi-  
stit; commendatus idcirco a Joanne Pon-  
tifice Maximo, qui ab eodem impio  
Rege Ravennæ mancipatus carceri,

vinentisque constrictus, Apostolicam scripsit epistolam, qua tum monitis, tum exemplis omnes Italiæ Præsules ad orthodoxam fidem propugnandam hortabatur.

*Lectio v.*

**RELIQUAS** inter virtutes, præcipuum erga Deiparam amorem, cultumque exhibuit, cui templum titulo Sanctæ Mariæ Majoris, a se excitatum, nuncupari voluit, tunc temporis in primis mole, et structura magnificentum: quod a Romano Pontifice consecratum, multisque locupletatum indulgentiis, magno semper in honore a Neapolitanis ipsis Regibus habitum est. Multum præterea gregi suo in publicis ærumnis profuit, ei-que præsentissimam opem precum suffragiis impetravit. Demum post Ecclesiam suam per annos octo supra viginti, magna prudentia, ac pietate gubernatam, pridie Kalendas Maji, quinto post Christum sæculo, ad cælestem vitam excessit.

*Lectio vj.*

**SACRUM** corpus sub Ara maxima ejusdem Basilicæ humatum miraculis effulsit: ex quo perhibent prodigiosum liquorem olim effluxisse, medendis animarum, corporumque morbis aptissimum. Vixit Hormisda, Joanne, Felice, ac Bonifacio Summis Ecclesiæ Pontificibus, imperante Justino. Festum diem solemnî ritu Neapolis pridie idus Majas celebrat. Et Clerici Regulares Minores fundatam a Sancto Antistite Basilicam, in recentiorem formam affabre redactam, incolentes, honorifico cultu quotannis piissime venerantur.

*In III. Noct. Lect. de Homil. Ut ignorantiam, p. 47. IX Lect. ex duabus una, et comm. S. Bonifacii.*

**Die 16. S. Joan. Nepomuc. M.**

*Duplex.*

*Omnia de comm. Mart. temp. Pasch. præter sequentia.*

*Oratio.*

**DEUS**, qui ob invictum beati Joannis Sacramentale silentium nova Ecclesiam tuam Martyrii corona decorasti: da nobis, ejus intercessionem et exemplo, linguam caute custodire, ac omnia potius mala, quam animæ detrimentum, in hoc sæculo tolerare. Per Dominum.

*In I. Noct. Lect. de script. occur.*

**IN II. NOCTURNO.**

*Lectio iv.*

**JOANNES** Nepomuci Bohemiæ Oppido, unde Nepomuceni cognomen duxit, a parentibus ætate pro-  
vectis, non sine futuræ sanctitatis præ-  
sagio, flammis supra nascentis domum  
mirabiliter collucentibus, ortus est. Cum  
infaus in gravem morbum incidisset,  
beatæ Virginiis ope, cui natum parentes  
referebant acceptum, e vitæ periculo  
evasit incolomis. Egregia iudole piaque  
institutione cælestibus iudiciis obse-  
quente, inter sanctas religiosasque  
exercitationes pueritiam egit. Nam  
Ecclesiam frequenter adire, ac Sacerdotibus  
ad aras operantibus ministrare in  
deliciis habebat. Zatecii politioribus  
litteris ad humanitatem informatus,  
Pragæ vero gravioribus disciplinis  
excultus, Philosophiæ, Theologiæ,  
sacrorumque Canonum magisterium  
et lauream emeruit. Sacerdotio  
initatus, atque a scientia Sanctorum  
ad lucra animarum rite comparatus  
ministerium verbi Dei se penitus  
addixit. Cum igitur in vitis  
extirpandis, et revocandis in  
viam salutis errantibus, eloquentiæ  
et pietatis uberes ederet fructus,  
inter Canonicos Metropolitanæ  
Ecclesiæ Pragensis cooptatus,  
mox sibi demandatam Evangelii  
coram Rege Wenceslao quarto  
prædicandi provinciam suscepit,  
eo successu, ut Joannis suasu  
multa Rex faceret, magnoque  
in honore ejus virtutes haberet.  
Conspicuas tamen, quas ille  
obtulit dignitates, Dei Servus,  
ne a Divini verbi præconio  
avocaretur, constantissime  
recusavit.



## Lectio v.

**R**EGIS illum eleemosynis in pauperes erogandis præfectum Joanna Regina conscientiam sibi moderatorem adscivit. Cum autem Wenceslaus ab officio institutoque decessisset, atque in vitia præceps abriperetur; piæ vero conjugis obtestationes et monita gravate ferret, contendere ausus est, ut in Sacramentali judicio Sacerdoti credita Reginæ arcana sibi a Joanne panderentur. At Dei Minister blanditiis primum, tormentis deinde, et carceris squalore tentatus, nefariæ Regis cupiditati fortiter obstitit. Parentem tamen Wenceslai animum cum ab execrando proposito nec humana nec Divina jura deterrent, supremum agonem, quem instare sibi athleta Christi noverat, populo in concione de impendentibus etiam Regni calamitatibus admonito, non obscure prænuntiavit. Mox Boleslaviam profectus, ad beatæ Virginis imaginem antiquo cultu celebrem, cœleste præsidium ad certandum bonum certamen effusis precibus imploravit. Inde vespere revertentem in pervigilio Dominicæ Ascensionis Rex e fenestra conspicatus arcessit; cumque vehementius urgeret, et proximam in aquis, si obluctari pergeret, submersionem intentaret, Joannes invicta constantia terrores minasque refutavit. Itaque Regis imperio in Moldavam flumen Pragmam interfluens noctu dejectus, illustrem Martyrii coronam est consecutus.

## Lectio vj.

**S**ACRILEGUM facinus clam patratum, et Martyris gloriam, insigne prodigium divinitus patefecit. Ubi enim exanime corpus secundo flumine vehi cœpit, ardentes faces aquis supernatantes et discurrentes apparuerunt. Quamobrem ex arena postridie mane Corpus elatum, Canonici deinde, Regis iram nihil timentes, in Metropolitanam Ecclesiam solemniter pompa intulerunt, et sepulturæ mandarunt. Cum autem in dies invicti Sacerdotis memoria miraculis, et ma-

xima fidelium, eorum præcipue, qui fama periclitantur, veneratione cresceret, post annos demum amplius tercentos, in juridica recognitione Corporis, quod sub humo tamdiu jacuerat, lingua ejus incorrupta et viva reperta est: quæ sexto post anno Judicibus a Sede Apostolica delegatis exhibita, novo prodigio repente intumuit, et subobscurum ruborem in purpureum commutavit. His itaque aliisque signis rite probatis, Benedictus Decimustertius Pontifex Maximus die decimanona mensis Martii, anno salutis millesimo septingentesimo vigesimo nono, primum hunc Sacramentalis Sigilli assertorem, arcani fidem sanguine obsignantem, Sanctorum Martyrum catalogo adscripsit.

*In III. Noct. Lect. de Homil. Dominus diem, p. 22.*

## Die 17. S. Restitutæ V. M.

## Duplex.

*Omn. de Comm. Virg. et Martyr. præter sequentia.*

## Oratio.

**D**EUS qui Beatam Restitutam Virginem, et Martyrem tuam illasam in flammis custodisti; ejusdem nobis intercessione concede; ut tua charitate succensi, ab ardoribus sempiternis arceamur. Per Dominum.

*In I. Noct. Lect. de Script. occur. In propria autem Ecclesia: Confitebor, p. 70.*

## IN II. NOCTURNO.

## Lectio iv.

**R**ESTITUTA Virgo Ponizarii in Africa nata, generis splendore non magis, quam divinæ sapientiæ charitate refulsit. Quod veram Religionem profiteretur delata, Carthaginem ad Proculum impietatis Præfectum adducitur, ac tum minis, tum blanditiis attentata, animum obfirmavit, certa potius mori, quam ut virginitatem, aut fidem proderet. Tum Præses rabie succensus, equuleo torqueri, capillis suspendi, pedesque

ingenti clavo defigi jubet. Cum tamen nihil evinceret, magicis artibus tribuens invictam constantiam, ad incendium in pelago paratum damnat.

*Lectio v.*

**V**INCULIS itaque constricta, in naviculam sarmentis, stupa, pice resinaque refertam immittitur, ac quindecim stadiis procul a littore ignis admotus, divino nutu nihil Virgini noxius, incendiarios omnes absumpsit, ac proximam, in qua erant, navim repente demersit. Ad spectaculum ardentior in Deum Restituta oculis ad cælum erectis exclamavit: O altitudo Potentiæ, et Clementiæ tuæ, Domine! ubi est superbia impiorum? Jube me, Domine, ad æternæ salutis portum pervenire. Qua in oratione duplicem consecuta Virginis, et Martyris palmam vivere desiit, decimosexto Kalendas Junias, Valeriano Imperatore. Tum navicula, qua vehabatur, sine velo, ac remige, ad Ænariam Insulam in Campania, salva divinitus appulit.

*Lectio vj.*

**E**JUSDEM Insulæ pia quædam Emulier Lucina, ab Angelo de his omnibus in somnis admonita, atque ut illibatum Virginis corpus decoro conderet tumulo, expergefata, in loco quem ad Ripas vocant, onerariam tanti Thesauri navem nacta est: accersitoque ad prodigium populo, non sine debito gratiarum obsequio, exequendis Dei jussis operam dedit. His permotus Constantinus inter Cæsares Magnus, sacras reliquias in Basilica a se erecta Neapoli Restitutæ titulo insignita honorifice translata deposuit. Festus dies a Clero, maximeque a venerabili Canonicorum Collegio solemni pompa celebratur ad patriæ tutelam, et gloriam.

*In III. Noct. Lect. de Comm. p. 68\*.*

**Dic 21. S. Felicis a Cantal,**  
*Semiduplex.*

*In Hymno. Iste Confessor. m. f. v.*

*Oratio.*

**F**AC nos, Domine Jesu, in simplicitate, et innocentia cordis nostri ambulare, quarum amore de sinu Matris inter beati Felicis Confessoris tui brachia descendisti. Qui vivis, et regnas.

*Et fit comm. S. Bernardini Senensis Conf.*

*In I. Noct. Lect. de Scrip. occur.*

**IN II. NOCTURNO.**

*Lectio iv.*

**F**ELIX a Cantalicio, in Sabinis humilibus, sed piis parentibus natus, a puero pascendis gregibus, mox et agro coleudo addictus, multo impensius rerum cœlestium meditatione animum nutrire, et corpus assiduus vigiliis, ac jejuniis domare cœpit, eremiticam agens vitam potius quam rusticam. Ferventior autem in Deum pietate incensus, cum non posset, quotidie, ut optabat, sacris Mysteriis interesse, grege ad loca solitaria compulso, ipse ante Crucem arborum corticibus incisam diu orare, seque acriter flagellare consueverat, sed et aliquando, glebas in agro vertere, simulque Sacris in Templo adesse visus est. Alias inter arandum furentibus, quos junxerat, indomitis juvencis, humi stratus, et aratro superducto plane proscindeudus, lacerata dumtaxat veste, surrexit illæsus. Quo periculo, ut ad tutiorem regularis disciplinæ palæstram vocanti jam pridem Deo pareret, admonitus; rustica suppellectili pauperibus distribui jussa, ad Fratres Minores, quos Cappucinos vocant, propere se contulit.

*Lectio v.*

**A**DHUC tyro, necdum vota solennis apicem jam attingisse videbatur. Obedientiæ sedulus cultor, ad præcipientis non modo verbum, sed etiam nutum præsto erat. Seque Cœnobii jumentum dictitans, vilissima quæque ministeria semper arripuit; ac ludibria, et contumelias hilari vultu

excipiebat. Paupertatis quam esset studiosus, illustri documento Deus ipse declaravit. Ostiatim enim per vicos, et plateas alendis Fratribus mendicans (quod ille munus per annos quadraginta nudis fere semper pedibus obivit) cum die quadam inusitato pondere se opprimi sentiret, manticam scrutatus, injectum clam nummum deprehendit: quo projecto, nec sine indignatione proculcato, alacer, et levis inde abiit. Castitatem, quam usque ad obitum servavit illibatam, (sanctus corpore, et spiritu a Paulo quinto propterea appellatus), vigili oculorum custodia, et voluntario corporis cruciatu communivit: asperrimo flagello se quotidie crucientans, ac ferreo cilicio constrictus septem etiam Urbis Basilicas identidem invisens. Jejunia Ordinis inedia quandoque cumulavit. Lectus ejus doloris potius, quam quietis erat; brevem quippe somnum, flexis nuda super tabula genibus, ac fasce sarmentorum capiti supposito, carpebat.

*Lectio vj.*

**V**ITÆ austeritate sibi asper, aliis charus acceptusque, sanctis præsertim Carolo, et Philippo Nerio, simplicitate, atque innocentia semper fuit. In oratione pernoctans, dulcissimam frequenter extasim est passus: et aliquando in ulnis suis reclinatum a Virgine Matre puerum Jesum suavissime complecti meruit: Prophetiæ gratia, et miraculorum clarus, demortuum etiam filium Matri vivum restituit. Meritis tandem in bona senectute cumulatus, secunda (ut prædixerat) feria Pentecostes, ad coelestem patriam, Deipara invitante, lætus abiit. Ejus corpus in Ecclesia sui Ordinis summa Urbis veneratione colitur, Domino crebris miraculis servi sui sanctitatem illustrante: quem propterea Urbanus Papa octavus Beatorum, Clemens vero undecimus Sanctorum fastis adscripsit.

IN III. NOCTURNO.

Lectio sancti Evangelii secundum Matthæum.

*Lectio vij.*

Cap. 11.

**I**N illo tempore: Respondens Jesus dixit: Confiteor tibi Pater, Domine cœli, et terræ quia abscondisti hæc a sapientibus, et prudentibus, et revelasti ea parvulis. Et reliqua.

Homilia sancti Augustini Episcopi.

Serm. 9. de Verbis Domini.

**O**MNIA sæva, et immania, prorsus facilia et prope nulla efficit amor. Quando ergo certius ac facilius ad veram beatitudinem charitas facit, quod ad miseriam, quantum potuit cupiditas fecit! quam facile toleratur quælibet adversitas temporalis, ut æterna pœna vitetur, et æterna requies comparetur! Non immerito ille vas electionis cum ingenti lætitia dixit: Non sunt condignæ passionibus hujus temporis ad superventuram gloriam, quæ revelabitur in nobis. Ecce unde illud jugum suave est, et sarcina levis, et si angusta est paucis eligentibus, facilis tamen omnibus diligentibus. Dicit Psalmista: Propter verba labiorum tuorum ego custodivi vias duras.

*Lectio viij.*

**S**ED quæ dura sunt laborantibus, eisdem ipsis mitescunt amantibus. Propter quod ita divinæ pietatis dispensatione dictum est, ut interior homo, qui renovatur de die in diem, non adhuc sub lege positus, sed jam sub gratia exoneratus sarcinis innumerabilium observationum, quod erat revera grave jugum, sed duræ cervici convenienter impositum, facilitate simplicis fidei, et bonæ spei, et sanctæ charitatis, quidquid molestiarum exteriori homini forinsecus intulisset ille Princeps, qui missus est foras, interiori gaudio leve fieret.

*Lectio ix.*

**N**IHIL enim tam facile est bonæ voluntati, quam ipsa sibi, et hæc sufficit Deo. Quantumlibet ergo

R



sæviat iste Mundus, verissime Angeli, nato in carne Domino, clamaverunt: Gloria in excelsis Deo, et in terra pax hominibus bonæ voluntatis; quia ejus, qui natus erat, suave jugum est, et sarcina levis. Et sicut dicit Apostolus: Fidelis Deus, qui nos non sinit tentari supra id, quod possumus ferre: sed facit cum tentatione etiam exitum, ut possimus sustinere.

Te Deum laudamus, p. 12.

**Die 23. S. Euphebi Ep. C.**

*Duplex Majus.*

*Omnia de Com. Conf. Pont. præter sequentia.*

*Oratio.*

**D**EUS, qui populo tuo in multis periculis constituto, Beati Euphebi Confessoris, atque Pontificis mira vigilantia providisti: concede propitius, ut cujus gloriosa veneramur merita, perennibus auxiliis muniamur. Per Dominum.

*Lect. I. Noct. Fidelis sermo, de eomm. Conf. Pont. p. 40.*

**IN II. NOCTURNO.**

*Lectio iv.*

**E**UPHEBIUS Neapolitanus, vitæ sanctimonia, et prodigiorum magnitudine illustris, post Eustachium illius Urbis Antistitem, omnium suffragiis, solus ipse reluctans, institutus Episcopus, Divini honoris tuendi zelo succensus, sedulo curavit, ne cultores idolorum, barbaræque nationes tunc temporis Campaniam incolentes, ad superstitionem novitium Christi gregem traducerent; si quas vero aberrantes oves reperisset, salutis in pascua reducebat.

*Lectio v.*

**E**CCLESIA sua sanctissime gubernata excessit e vita, decimo Kalendas Junii, septimus post Beatum Asprenum Antistes. Corpus admirando fragrans odore, extra mœnia conditum, mox post Barbarorum incursus, Salvatoris in Basilicam, deinde in alteram Divo Euphebio sacram

translatum est, quod longa post tempora, Sixto Quinto Pontifice, cum corporibus Beatorum Fortunati, et Maximi Neapolitanorum Antistitum ibidem repertum est. Caput vero in Sacro reliquiarum thesauro maximi Templi, pia civium veneratione collitur.

*Lectio vj.*

**N**EC vivens modo, sed defunctus quoque, ovibus suis mirifice profuit. Sacerdotem namque ad ejus Sacellum operantem sacris, servavit incolumem a districtis Saracenorum gladiis, qui ne adstantem quidem aspererunt; perjuro debitori, qui implo Sacramento ante ejus sepulchrum pecuniam debitam se redditurum adstrinxerat, in somnis apparens, acriter interminatus est; eique præcepit, ut creditori, qui eidem Sancto Antistiti se commendaverat, illico satisfaceret. Illud præcipue memorandum, quod Saracenos Neapolim obsidentes, mirum in modum fugaverit, immanemque cladem Patriæ impendentem averterit. Quem ideo Civitas universa, tanto obstricta beneficio, suum in Patronum elegit.

*In III. Noct. Homil. de Com. 1. loco.*

**Die 24. B. M. Virginis**

**TITULO AUXILIUM CHRISTIANORUM.**

*Duplex Majus.*

*Omnia ut in Festis B.M. V. p. 92, præter ea quæ sequuntur.*

**Ad Vesperas.**

**HYMNUS.**

**S**ÆPE dum Christi populus crucientis

Hostis infensi premeretur armis,  
Venit adjutrix, pia Virgo cœlo  
Lapsa sereno.

Prisca sic Patrum monumenta narrant.

Templa testantur spoliis opimis  
Clara votivo repetita cultu  
Festa quotannis.

En novi grates liceat Mariæ.  
Cantici lætis modulis referre

Pro novis donis, resonante plausu  
Urbis, et Orbis.

❶! dies felix memoranda fastis,  
Qua Petri Sedes Fidei magistrum  
Triste post lustrum reducem beata  
Sorte recepit.

Virgines castæ puerique puri,  
Gestiens clerus, populusque grato  
Corde Regina celebrare cæli  
Munera certent.

Virginum Virgo, benedicta Jesu  
Mater, hæc auge bonas fac, precamur,  
Ut gregem Pastor Pius ad salutis  
Pascua ducat.

Te per æternos veneremur annos,  
Trinitas, summo celebranda plausu:  
Te fide mentes, resonoque linguæ  
Carmine laudant. Amen.

†. Dignare me laudare te, virgo sa-  
crata.

‡. Da mihi virtutem contra hostes tuos.

*Ad Magnif. Ant.* Ecce Maria erat  
spes nostra, ad quam confugimus in  
auxilium, ut liberaret nos, et venit  
in adjutorium nobis.

*Oratio.*

**O**MNIPOTENS, et misericors De-  
us, qui ad defensionem populi  
Christiani in Beatissima Virgine Ma-  
ria perpetuum Auxilium mirabiliter  
constituisti: concede propitius; ut tali  
præsidio muniti certantes in vita,  
victoriam de hoste maligno consequi  
valeamus in morte. Per Dominum.

*Ad Matut. Hymn. ut in I. Vesp.*

*Lect. I. Noct ut in festis B. V. p. 94.*

IN II. NOCTURNO.

*Lectio iv.*

Sermo S. Bernardi Abbatis

*Ex Sermonibus de 12. Stellis.*

**V**EHEMENTER quidem nobis  
dilectissimi, vir unus, et mulier  
una nocuere: sed gratias Deo per  
unum nihilominus virum, et mulie-  
rem unam, omnia restaurantur, nec  
sine magno fœnore gratiarum. Et  
quidem sufficere poterat Christus:  
siquidem et nunc omnis sufficientia  
nostra ex eo est: sed nobis bonum  
non erat esse hominem solum. Con-  
gruum magis, ut adesset nostræ re-

parationi sexus uterque. Jam itaque  
nec ipsa Mulier benedicta in mulie-  
ribus videbitur otiosa: invenietur equi-  
dum locus ejus in hac reconciliatione.  
Opus est enim mediatore ad media-  
torem Christum: nec alter nobis uti-  
lior quam Maria. Crudelis nimium  
mediatrix Heva, per quam serpens  
antiquus pestiferum etiam ipsi viro  
virus infudit: sed fidelis Maria, quæ  
salutis antidotum et viris, et mulie-  
ribus propinavit. Illa enim ministra  
seductionis, hæc propitiationis, illa  
suggessit prævaricationem, hæc in-  
gessit redemptionem. Quid ad Mari-  
am accedere trepidet humana fragi-  
litas? Nihil austerum in ea, nihil ter-  
ribile, tota suavis est, omnibus offe-  
rens lac, et lanam. Revolve diligen-  
tius Evangelicæ historiæ seriem uni-  
versam: et si quid forte increpato-  
rium, si quid durum, si quod deni-  
que signum vel levis indignationis  
occurrerit in Maria, de cætero suspec-  
tam habeas, et accedere verearis.

*Lectio v.*

**Q**UOD si, ut vere sunt, plena  
magis omnia pietatis, et gratiæ,  
plena mansuetudinis, et misericordiæ,  
quæ ad eam pertinent, inveneris;  
age gratias ei, qui talem mediatricem  
benignissima miseratione provi-  
dit, in qua nihil possit esse suspec-  
tum. Denique omnibus omnia facta  
est, sapientibus, et insipientibus co-  
piosissima charitate debitricem se fa-  
cit. Omnibus misericordiæ sinum a-  
perit, ut de plenitudine ejus acci-  
pant universi, captivos redemptionem,  
æger curationem, tristis consolatio-  
nem, peccator veniam, justus gra-  
tiam, Angelus lætitiā. Ipsa præte-  
rita non discutit merita, sed omni-  
bus sese exorabilem, omnibus clemen-  
tissimam præbet, omnium denique ne-  
cessitates amplissimo quodam mise-  
ratur affectu. Ipsa est quondam a Deo  
promissa mulier serpentis antiqui ca-  
put virtutis pede contritura; cujus  
plane calcaneo in multis versutiis in-  
sidiatus est, sed sine causa. Sola enim

contrivit universam hæreticam pravitatem. Contriti sunt insidiantes, conculcati supplantatores, confutati derogatores, et beatam eam dicunt omnes generationes. Jam si Ecclesia Lunnæ intelligenda videtur vocabulo, habes mediatricem evidenter expressam; Mulier, inquit, amicta sole, et luna sub pedibus ejus. Amplectamur Mariæ vestigia, et devotissima supplicatione beatis illius pedibus provolvamur. Teneamus eam, nec dimittamus donec benedixerit nobis: potens est enim.

*Lectio vj.*

*Ex publicis Monumentis.*

**P**RÆSENTISSIMUM Deiparæ auxilium ad Religionis hostes profligandos sæpe Populus Christianus mirum in modum expertus est: ex quo factum, ut SS. Pontifex Pius V. post insignem Victoriam, intercedente Beatissima Virgine, a Christianis de Turcarum Tyranno apud Echinadas insulas reportatam in Litanis Laurentianis eandem Reginam cœlorum inter alia præconia Auxilium Christianorum appellari constituerit. Sed illud in primis memorabile est, atque explorati miraculi loco habendum, quod cum Romanus Pontifex Pius VII. impiorum consiliis, et armis ex Apostolica Petri Sede exturbatus, et arcta custodia, præsertim Savonæ per annos quinque, eoque amplius fuisset detentus, viis omnibus penitus interclusis, ne Dei Ecclesiam regere posset, nullo similis persecutionis in priscis annalibus exemplo; inopinato, et præter omnium expectationem contigit, ut ingenti plausu, ac veluti universi orbis manibus Pontificio Solio restitueretur. Quod et secundo accidit, dum iterum commoto turbine, ab Urbe discedens sacro comitante Cardinalium collegio Liguriam contendit. Verum, præsentissimo Dei beneficio, cessante procella, quæ grave minabatur excidium, Romam, plaudentibus præ novo gaudio Populis, reversus est. Antea tamen, quod in

votis habuerat, et captivitate detentus exequi nequiverat, aurea Corona insignem Savonæ Imaginem Deiparæ Virginis sub titulo Matris Misericordiæ sollemni ritu, propriisque manibus decoravit. Quam mirabilem rerum vicissitudinem idem Pontifex Maximus Pius VII. totius eventus intime conscius, cum intercessione SS. Dei Genitricis, cujus potentem opem et ipse impense imploraverat, et ab omnibus Christi fidelibus implorari curaverat, acceptam merito referret, in ejusdem Virginis Matris honorem sub appellatione Auxilii Christianorum sollemne festum indixit perpetuo celebrandum die mensis Maji vigesimo quarto, faustissimi sui in Urbem reditus anniversario, approbato etiam Officio proprio, ut tanti beneficii distincta, et perennis extet memoria et gratiarum actio.

IN III. NOCTURNO.

Lectio sancti Evangelii secundum Lucam.

*Lectio vij.*

Cap. 11.

**I**N illo tempore: Loquente Jesu ad turbas, extollens vocem quædam mulier de turba, dixit illi beatus venter, qui te portavit! Et reliqua.

Homilia S. Bernardi Abbatis.

*In Nativitate B. M. V.*

**I**NTUERE, o homo consilium Dei, agnosce consilium sapientiæ, consilium pietatis. Cœlesti rore aream rigaturus, totum vellus prius infudit. Redempturus humanum genus, pretium universum contulit in Mariam. Altius ergo intuemini, quanto devotionis affectu a nobis eam voluerit honorari, qui totius boni plenitudinem posuit in Maria: ut proinde si quid spei in nobis est, si quid gratiæ, si quid salutis, ab ea noverimus redundare, quæ ascendit deliciis affluens. Totis ergo medullis cordium, totis præcordiorum affectibus, et votis omnibus Mariam hanc venerationem, quia sic est voluntas ejus qui totum nos habere voluit per Mariam.



Hæc, inquam, voluntas ejus est sed pro nobis.

*Lectio viij.*

**I**N omnibus siquidem, et per omnia providens miseris, trepidationem nostram solatur, fidem excitat, spem roborat, diffidentiam abigit, erigit pusillanimitatem. Ad Patrem verbaris accedere, solo auditu territus, ad folia fugiebas; Jesum tibi dedit mediatorem. Quid non apud talem Patrem Filius talis obtineat? Exaudietur utique pro reverentia sua, Pater enim diligit Filium. Sed forsitan et in ipso majestatem vereare divinam, quod, licet factus sit homo, manserit tamen Deus. Advocatum habere vis et ad Ipsum? Ad Mariam recurre. Pura siquidem humanitas in Maria, non modo pura ab omni contaminatione, sed pura singularitate naturæ. Nec dubium dixerim exaudietur et ipsa pro reverentia sua. Exaudiet utique Matrem Filius, et exaudiet Filium Pater.

*Lectio ix.*

**F**ILIOLI hæc peccatorum scala, hæc mea maxima fiducia est, hæc tota ratio spei meæ. Quid enim! Potest ne filius aut repellere, aut sustinere repulsam? Non audire, aut non audiri Filius potest? Neutrum plane. Invenisti, ait Angelus, gratiam apud Deum feliciter. Semper hæc inveniet gratiam, et sola est gratia, qua egemus: nimirum sola est gratia, qua salvamur. Quid nos alia concupiscimus Fratres? Quæramus gratiam, et per Mariam quæramus, quia quod quærit invenit, et frustrari non potest. Quæramus gratiam, sed gratiam apud Deum; nam apud homines gratia fallax. Quærant alii meritum, nos invenire gratiam studeamus. Quid enim? Non gratiæ est quod hic sumus? Profecto misericordiæ Domini est, quod non sumus consumpti nos.

Te Deum laudamus, p. 12.

*Ad Laudes*

## HYMNUS.

**T**E Redemptoris, Dominique No-  
stri.

Dicimus matrem speciosa Virgo,  
Christianorum decus, et levamen  
Rebus in arctis.

Sæviant portæ licet inferorum,  
Hostis antiquus fremat, et minaces.  
Ut Deo Sacrum populetur agmen,  
Suscitet iras.

Nil truces possunt furia nocere  
Mentibus castis, prece quas vocata  
Annuens Virgo fovet, et superno  
Robore firmat.

Tanta si nobis faveat Patrona,  
Bellici cessat sceleris tumultus,  
Mille sternuntur, fugiuntve turme,  
Mille cohortes.

Tollit ut sancta caput in Sionne  
Turris, arx firmo fabricata muro,  
Civitas David. clypeis, et acri  
Milite tuta.

Virgo sic fortis Domini potenti  
Dextera, cœli cumulata donis,  
A piis longe famulis repellit  
Dæmonis ictus.

Te per æternos veneremur annos  
Trinitas, summo celebranda plausu,  
Te fide mentes, resonoque lingua  
Carmine laudent. Amen.

Ÿ. Diffusa est gratia in labiis tuis.

℟. Propterea benedixit te Deus in æternum.

*Ad Bened. Ant.* Ad Te, o Sancta  
Dei Genitrix, clamavimus, et per te  
venit Domini auxilium nobis.

*In II. Vesperis, Hymn. ut in I. Vesperis.*

*Ad Magnif. Antiph.* Sancta Maria,  
succurre miseris, juva pusillanimes,  
refove flebiles, ora pro populo, in-  
terveni pro clero, intercede pro de-  
voto femineo sexu: sentiant omnes  
tuum juvamen quicumque tuum san-  
ctum implorant auxilium.

**DIE 30. S. Ferdinandi C.**  
*Duplex.*  
*Oratio.*

**D**EUS, qui beato Confessori tuo  
Ferdinando præliari prælia tua, et  
Fidei inimicos superare dedisti, concede;

ut ejus nos intercessione muniti ab hostibus mentis, et corporis liberemur. Per Dominum.

*Deinde fit commemor. S. Felicis Pp. et M. ut in Brev.*

*In I. Noct. Lect. de Script accur.*  
IN II. NOCTURNO.

*Lectio iv.*

**F**ERDINANDUS Tertius Castellæ et Legionis Rex, cui Sancti cognomentum jam inde a quatuor sæculis ecclesiasticorum, et sæcularium consensus dedere, tantum prudentiæ adolescens adhuc specimen præbuit, ut Berengaria mater Castellæ Regina, a qua persancte educatus fuerat, abdicatum a se regnum in filium transtulerit. In eo adjunctis regni curis, regis virtutes emicuerunt: magnanimitas, clementia, justitia, et præ ceteris Catholicæ Fidei zelus, ejusque religiosi cultus tuendi, ac propagandi ardens studium. Id præstitit in primis hæreticos insectando, quos nullibi regnorum suorum consistere passus, propriis ipse manibus ligna comburendis damnatis ad rogam advehebat. Præstitit insuper in erigendis, dotandis, et consecrandis Christiano ritu Cordubensi, Giennensi, Hispalensi, et aliarum urbium Ecclesiis, ex Maurico ereptarum jugo, simulque in instaurandis primariis templis, Toletano, Burgensi, et aliis pia, et regia munificentia.

*Lectio v.*

**I**NTER hæc, per Castellæ, et Legionis Regnum, in quo patri Alfonso successerat, collectis magnis exercitibus annuas expeditiones contra Saracenos Christiani nominis hostes suscepit. In quibus ut semper vinceret, præcipui exercitus fuere preces piissimi Regis ad Deum susæ, et quod ante pugnam, ut sibi Deum propitiaret, flagris in se sæviebat, atque aspero cilicio muniebat corpus: sicque insignes contra inigentes Maurorum acies victorias reportavit, et plures urbes Christiano cultui imperioque restituit: et conquisitis Giennæ, Cordubæ et Mur-

tiæ regnis, ac Granatensi vestigali facto, ad expugnandam Hispalim, primariam Bæticæ urbem, hortante in visione (ut traditum est) beato Isidoro, olim illius urbis Episcopo, victricia signa transtulit. In ea obsidione (ut fertur) præsentem divinam opem habuit: nam ferream catenam, quæ super Bætim transversim extensa Mahometanis pro repagulo erat, coorto validiori vento, una ex navibus regis, Regis jussu eo delata, tanto impetu fregit, ut longius prætervecta, pontem quoque ligneum, et simul spes Maurorum obruperit, et ad deditionem coegerit.

*Lectio vj.*

**T**OT victorias beatæ Virginis Mariæ patrocinio ferebat acceptas; cujus imaginem secum in castris habens, peculiari cultu prosequabatur. Capta Hispali, prima Religionis cura fuit: nam templum Maurorum expiatum, et Christianorum dedicatum Sacris, insigni Archiepiscopatu, et honestissimo Canonorum et Dignitatum Collegio, regia et religiosa liberalitate exornavit; alia deinde in urbe templa et Cœnobîa erexit: inter quæ pietatis officia, dum trajicere in Africam parat, Mahometanum in ea imperium eversurus, ad cœlestem regiam vocatur. In extremo vitæ agone sacram Eucharistiam pro Viatico allatam, suæ ad collum alligato, et humi stratus, cum lacrymis ubertim fuis adorans, eaque dignis reverentiæ, humilitatis et Catholicæ Fidei obtestationibus accepta, obdormivit in Domino. Jacet ejus corpus incorruptum adhuc post quatuor sæcula in templo maximo Hispalensi, honorificentissimo inclusum sepulchro.

*In III. Noct. Homil. Pusillum gregem, p. 60°.*

*ix. Lect. et comm. S. Felicis Pp. M. in Laud.*

FESTA JUNII.

**DIE 15. S. Fortunati E. C.**  
*Oratio.*

**D**EUS, qui beatum Fortunatum Confessorem tuum, atque Pon-

tificem, cœlestis regni desiderio jugiter flagrantem, gloriæ tuæ illustratione voti compotem effecisti: ejus precibus concede; ut eodem nos, quo iste, amore succensi, et quæ sursum sunt in via quærere, et post hujus vitæ exitum in patria perpetuo possidere valeamus. Per Dominum.

*In I. Noct. Lect. de Scrip. occur.*

IN II. NOCTURNO.

*Lectio iv.*

**F**ORTUNATUS Neapolitanus Episcopus, tertio Ecclesiæ sæculo jam ferme labente ad salutem, et tutamen suorum Civium datus a Deo est, quo tempore Ariani, ut impias blasphemias liberius disseminarent, Orthodoxos divexabant. Et Præsul sanctissimus nihil labori, industriæque suæ reliquum fecit, quo verbo, et exemplis oves sibi commissas catholicæ doctrinæ præceptis informaret, ne de Christi caula discederent: et non sine peculiari Dei providentia factum, ut ne quidem una descisceret. Animi vero magnitudine, prudentia, ac robore vere sacerdotali magnam auctoritatem, et reverentiam est adeptus.

*Lectio v.*

**T**OT igitur, tantisque curis fortiter adhibitis, grege ab Ariatorum erroribus tutato, cœlestis Patriæ desiderium, quo æstuabat, in dies tam illi ferventius esse cœpit, ut numquam neque diu, neque noctu fundendis precibus abstinuerit, quo mercedem laboribus a Deo promissam reciperet, tamque vero simul constans animus ad quævis pro Christo, ejusque Ecclesia adversa ferenda, ut eum antiquitas Confessoris nomine appellare non dubitaverit.

*Lectio vj.*

**T**ANDEM laboribus detritus, in Christi pace extremum clausit diem; corpusque ejus primum Neapoli in sacram Ædem ipsius Fortunati nomine insignem inlatum est, deinde per Episcoporum manus ad Ste-

phaniam translatum, populo comitante, et patrocini ejus opem implorante: postremo ad Euphebianam, ibique sub ara maxima conditum est. Quæ omnia perpendens Gregorius XVI Pontifex Maximus, instante Cardinali Archiepiscopo Neapolitano, cultum, quem Beato Antistiti suo ab ejus die migrationis Neapolitanorum gens usque nunc attribuit, ex Sacræ Congregationis Rituum consulto auctoritate Apostolica confirmavit, ac de eodem Fortunato officium recitandi, ac Missam celebrandi in Civitate, ac Diocesi Neapolitana potestatem fecit.

*In III. Noct. Hom. Lectio sancti, p. 44\*. in Lectio de Ss. Vito, et Soc. Mm.*

**DIE 16. S. JOAN. FR. REGIS.**

*Conf. Duplex.*

*Oratio.*

**D**EUS, qui ad plurimos pro salute animarum perferendos labores Beatum Joannem Franciscum confessorem tuum mirabili charitate, et invicta patientia decorasti: concede propitius, ut ejus exemplis instructi, et intercessionibus adjuti æternæ vitæ præmia consequamur. Per Dominum.

*In I. Noct. Lect. de script. occur.*

IN II. NOCTURNO.

*Lectio iv.*

**J**OANNES Franciscus Regis nobili genere natus in oppidulo Narbonensis Galliæ cui nomen Fonscoopertus, eximie sanctitatis a teneris annis indicia præbuit, in eo jam tum eluxere mira morum innocentia, flagrans orationis studium, pudor, et modestia singularis. Societatem Jesu ingressus Tolosæ anno ætatis decimo nono, humilitate, obedientia, charitate, odio sui, cæterisque vitæ religiosæ virtutibus excelluit. Absolutis studiis, totum se procurandæ animarum saluti penitus devovit. Asperos Vivarientium, Velaunorum, et Forentium montes, et ingentes Helviorum tractus, glacie, nivibusque fere perpetuis horridos, eorumque colonas



inscitia, rusticitate, barbarie intractabiles suscepit excolendos, eo successu, ut innumerabiles homines aut calviniana lue infectos, aut perditis moribus corruptos ad catholicam fidem, et ad christianam pietatem traduxerit.

*Lectio v.*

**C**AMPESTRIBUS missionibus hi-berno tempore perfunctus, æstivo revertebatur Anicium, ibique in nosocomiis, et in carceribus, in privatis ædibus, in compitis ac templis omne hominum genus, omnibus omnia factus sublevabat. Pauperum greges, corrogatis undique subsidiis, præsertim cum sæviret fames, multiplicato etiam non semel per miraculum frumento sustentabat; unde illi patris pauperum cognomen inditum fuit. In flagitiosis hominibus, et perditis præsertim mulierculis, e vitiorum cæno educendis vix credibile est quot probra, ludibriaque pertulerit, erecto semper, et alacri vultu imperterritus, licet gladiis jugulo sæpe admotis, alapis ori impactis, et fustibus corpori. Grassante peste, infirmos eo morbo laborantes sedulo invisens, ardenti reficiebat charitate. Erga alios blandus, ac beneficus, in se ipsum sæviebat acerrime, asperis ciliciis, ferreis catenis, cruentis flagellationibus, somnum breviter in nuda tabula, aut humi carpens, semper abstemius, vilissimoque semper victitans cibo, et adeo tenui, ut arcendæ morti potius, quam sustentandæ vitæ sufficeret.

*Lectio vj.*

**D**IVINO amore sic erat incensus, ut illum unum spirare, loqui, cogitare videretur. Plures noctis horas orationi dabat, cœlestibus affluens deliciis, et extra se sæpe raptus. Rem divinam ea animi attentione, eo vultus ardore faciebat, ut sacrum, quo effervescebat, ignem etiam in adstantes diffunderet. Miraculis, aliisque donis supernaturalibus mire clauit. Tandem vocatus ad præmia la-

borum, in Viennensis diœcesis pagocui nomen est Lalovescus, correptus lethali morbo ex laboribus contracto, cum sæviret hyems frigidissima, cœlestibus recreatus illustrationibus, ad æterna gaudia invitatus, spiritum Creatori reddidit anno millesimo sexcentesimo quadragesimo, die trigesima prima Decembris. vitæ suæ quadragesimo quarto. Ejus sepulchrum incredibili populorum per asperrimos montes undique confluentium concursu, ob sanctitatis, et miraculorum famam, quæ maxime percrebrescebat, summa devotione est frequentatum. Quibus omnibus permotus Clemens undecimus Pontifex Maximus, Joannem Franciscum anno millesimo septingentesimo sexto beatorum fastis adscripsit. Clemens vero duodecimus anno millesimo septingentesimo trigesimo septimo, novis in dies fulgentem miraculis in sanctorum album ritu solemni retulit decima sexta Junii die, quam ejusdem postea celebrandæ festivitati Benedictus decimus quartus assignavit.

*In III. Noct. Homil. Sancti Evangelii, p. 56.*

**DIE 17. B. Pauli Buralis Ep. Oratio.**

**D**EUS, qui admirabiles vocationis tuæ tramites in beato Paulo multiformiter ostendisti; ejus nobis intercessionem concede, ut te vocantem, et intelligere, et fideliter sequi valeamus. Per Dominum.

*In I. Noct., Lect. de Script. occur.*

**IN II. NOCTURNO.**

*Lectio iv.*

**P**AULUS de Aretio ex prisca Buralium stirpe Itrii in Campania ortus, ab ineunte ætate omnigenæ virtutis non unum specimen dedit. Sæculi illecebras, et Neapolitani Fori jam sibi arridentem celebritatem in ipso juventutis flore contemnens, Itrium secessit; refugiensque Regium sanctæ Claræ Consilium in quo a Carolo quinto se cooptatum intellexerat,

rusticano habitu se abdidit in silvis. Sed ab immissa Equitum manu quæſitus, deprehenſusque, Neapolim regredi, impositumque munus capere cogitur. Verum Vir Dei aulicos, ac forenses strepitus fastidians, regularem potius vitæ ſtatum, ac recessum ardebat. Quem tandem pluribus humilitatis, et perseverantiæ præſtitis argumentis inter Clericos Regulares obtinuit.

*Lectio v.*

**DIUTURNI** atque exoptatiſſimi voti compos effectus in ipſo ſtatim tyrocinio mirum quantum in Regulari diſciplina, atque in omni virtutum genere profecerit. Cum ſociis, Andrea Avellino præſertim, de majori alacritate, et de duriori quolibet, ac ſædiori opere perſurgendo contendebat ſæpius, et præ viribus pugnabat. A quo humilitatis ſtudio ad viliffima quæque deducto, poſt repetitas ſui Ordinis præfecturas, poſt ampliffimam ad Philippum Hiſpaniarum Regem functam legationem, poſt habitas etiam de morum contriverſiſ lectiſſimas conſultationes, nunquam vel minimum diſceſſit. Ut ſtrenuo proinde non una Episcopali Sede recuſata, ad Placentinam, tum ad Neapolitanam non potuerit, niſi ſupremis adigi obedientiæ legibus, et inter ipſos Purpuratos Patres nonniſi anxio, ac reluctanti animo adſciſci.

*Lectio vj.*

**VERUM** in his omniſus nihil immutatus, charitatis atque religionis ſtudio vehementius exarſit. Tridentini decreta, morumque reformationem editis Synodiſ zelavit, induxitque. Chriſtianæ diſciplinæ ſcholas aperuit, religioſorum cœnobia, ſeminarum collegia, Clericorum ſeminaria excitavit non ſolum, ſed victu etiam fovit, et ſtiſpe frequenti. Hæreticis, Hebræis, Turcis, ſodalitatiſus, concionibusque ad eorum conversionem inſtitutiſ, conſuluit. Ac undique opera ejus, et exemplo inſtaurati mores, exciſæ corruptelæ,

uſuræ, blaſphemiæ, impudiciæ procul amandatæ. Quibus aliſque pluribus laboribus, ærumniſ, pœnitentiſque confectus, et præ virium imbecillitate corpore pene fatiſcens: in terram acerbo caſu, ſemore fracto, proſtratus eſt. Quo ex vulnere, anno ætatiſ ſexageſimo ſeptimo diris doloribus ad extremum uſque fortiter toleratiſ, evolavit in cœlum.

*In III. Nocturno, Lect. de Homil. Lectio ſancti Evangelii p. 44.\**

**DIE 17. B. Petri de Pisis C.**

*Duplex.*

*Oratio.*

**DEUS**, qui in Eccleſia tua nova ſemper iſtauras exempla virtutum: da nobiſ beati Petri Confectoriſ tui ita inhærere veſtigiis, ut aſſequamur et præmia. Per Dominum.

*In I. Noct. Lect. de Script. occurr.*

**IN II. NOCTURNO.**

*Lectio iv.*

**PETRUS** Gambacurta Piſiſ in Etruria nobili genere natus, in ipſo juventutiſ flore Patriam, parenteſ, atque divitiſ propter Chriſtum relinquens, in Eremum ſeceſſit ac in Ceſſanæ Monte agri Urbinatiſ aliquandiu intentam Diviniſ rebus vitam duxit. Ibi ex pia Chriſti fidelium ſtiſpe anno Domini milleſimo trecenteſimo octogefimo, cœnobio cum parva Eccleſia in honorem Sanctiſſimæ Trinitatiſ extructo, una cum duodecim ſociis, ad Mundi contemptum et eremiticæ vitæ cultum incenſiſ, prima ſuæ Congregationiſ jecit fundamenta; quam a ſancto Hieronymo, in quem præcipua veneratione affectuſ vixit, nuncupavit; ejusque virtuteſ imitari contendit. In idem propoſitum pioſ ſodaleſ potiſſimum eſt adhortatuſ: profecitque in dieſ morum ſanctimonia.

*Lectio v.*

**CHARITATE** in Deum flagrabat quam maxime; ita vero Proximoſ ſaluti ſtuduſ, ut ob illorum multitudinem, qui ad meliorem fru-

gem ipsius opera se receperant, brevi multa Monasteria sint constructa. Dei Genitricem singulariter coluit, ejusque patrocinium non uno obsequii genere meruit. In Divinorum meditatione assidue incumbens, media etiam nocte ad Deum laudandum surgebat. Corpus fere quotidie jejunis, et flagellis macerabat; super paleas, vel humi cubans duriter, ac vix necessarium carpebat somnum. Ad nudam carnem vestem asperam instar cilicii adhibuit. Paupertatis amans, et cultor nec quidquam habuit proprium, et Instituti sui assecras pauperes propter Christum appellari voluit. Suas, et Fratrum calamitates patienter tolerabat; benignitate, et animi demissione eminuit; singulorum vero indigentiam famulari, tum autem vilissima quæque obire munera in deliciis habuit.

*Lectio vj.*

**D**ONIS a Deo ob Sanctitatem actus, quam plurimos morbis gravibus afflictatos sanitati restituit. Dæmones ab humanis corporibus miserrime oppressis, et cruciatis decedere compulit: multis in extremo discrimine opitulatus est. Futura quoque prædixit. Romanis Pontificibus virtutum merito charus, et in pretio habitus ab ipsis multis cumulatus est beneficiis, quæ in institutam a se religiosam familiam redundarunt. Denique octogesimum annum agens, Veneriis, quo cætus sui causa concesserat, prænunciato mortis die, ac Sacramentis Ecclesiæ susceptis, decimoquinto Kalendas Julii anno Domini millesimo quadringentesimo trigesimo quinto migravit in Cælum, miraculis multis post obitum clarus.

*In III. Noct. Homil. Sancti Evangelii, p. 80\*.*

**Die 20. Oct. S. Ant. De Pad.**

*Duplex minus.*

*In I. Noct. Lect. de script. occurr.*

*In II. Noct. Gaudete, ut in die oct. S. Franc. de Paula p. 185\* muta-*

*to nomine Francisci in Antonii.*

**IN III. NOCTURNO.**

**Lectio sancti Evangelii secundum Lucam.**

*Lectio vij.*

*Cap. 12.*

**I**N illo tempore: Dixit Jesus discipulis suis: sint lumbi vestri præcincti, et lucernæ ardentes in manibus vestris. Et reliqua.

**Homilia S. Fulgentii Episcopi.**

*Ex Sermone de Confessoribus.*

**S**I istum Domini sermonem secundum litteram velimus accipere, nihil in eo commodi spiritualis possumus invenire. Quid enim proficit ad animæ salutem, si aliquis corporaliter aut lumbos præcingat, aut lucernam accendat? In lumbis itaque concupiscentia carnalis ostenditur, in lucernis vero fides, et charitas christiana monstratur. Jubens igitur Dominus: lumbos nostros præcingi, concupiscentias carnis sine dubio præcipit refrænari. Imperans autem ut lucernas ardentes habeamus, hoc utique jubet, ut et lumine veræ fidei splendamus, et sanctæ charitatis operibus serveamus.

*Lectio viij.*

**I**STA, quæ de Evangelio proposuimus, cum prophetis sermonibus conferamus. Utrumque enim testamentum Deus instituit, unus Dominus dedit; etsi sunt utriusque testamenti diversa pro temporibus sacramenta; concordat tamen in utroque salutis humanæ sententia, qua præcipitur ut non peccemus, et jubetur ut bonis operibus insistamus. Per Isaiam Dominus omnes his admonet verbis: Auferte malum cogitationum vestrarum ab oculis meis, quiescite perverse agere, discite benefacere. Quid est enim: Sint lumbi vestri præcincti, nisi, quiescite agere perverse? Quid est: Sint lucernæ ardentes, nisi, discite benefacere?

*ix. Lect. de S. Silverio.*



**Die 21. S. Aloisii.**

*Gonzagæ, Confess. Duplex majus.  
Oratio.*

**C**ÆLESTIUM donorum distribu-  
tor Deus, qui in Angelico Juve-  
ne Aloysio miram vitæ innocentiam  
pari cum pœnitentia sociasti: ejus  
meritis, et precibus concede; ut in-  
nocentem non secuti, pœnitentem imi-  
temur. Per Dominum.

*In I. Noct. Lect. Justus, p. 82°.*

**IN II. NOCTURNO.***Lectio iv.*

**A**LOYSIUS Ferdinandi Gonzagæ  
Castellionis Stiverorum Marchio-  
nis filius, festinato propter vitæ pe-  
riculum baptismo, prius cœlo, quam  
terris nasci visus; primam illam gra-  
tiam tam constanter retinuit, ut in  
ea confirmatus crederetur. A primo  
rationis usu, quo se Deo statim ob-  
tulit, vitam duxit quotidie sanctiorem.  
Novennis Florentiæ ante aram beatæ  
Virginis, quam parentis loco semper  
habuit, perpetuam virginitatem vo-  
vit: eamque insigni Dei beneficio,  
nulla mentis, aut corporis pugna ten-  
tatam servavit. Reliquas animi per-  
turbationes cœpit ætate illa tam for-  
titer comprimere, ut ne primo qui-  
dem earum motu deinde incitaretur.  
Sensus etiam, oculos præcipue, ita  
cobibuit, ut non modo illos nunquam  
in faciem intenderit Mariæ Austriacæ,  
quam plures annos inter honorarios  
Hispaniarum Principis ophæbos fere  
quotidie salutavit: sed a matris etiam  
vultu contineret. Homo propterea si-  
ne carne, aut Angelus in carne me-  
rito appellatus.

*Lectio v.*

**A**DJECIT sensuum custodiæ cor-  
poris cruciatum. Tria singulis  
hebdomadis jejunia, eaque plerum-  
que modico pane, et aqua tolerabat.  
Quamquam perpetuum fuisse per id  
tempus ipsius jejunium videri potest,  
cum ejus prandia ferme vix unciam  
æquarent. Sæpe etiam ter in die se

funibus, aut catenis eruentabat: fla-  
gella quandoque canum loris, cilicia  
equorum calcaribus supplevit. Mollem  
lectulum clam injectis asserum frag-  
mentis asperabat, eo etiam, ut citi-  
us ad orandum excitaretur. Magnam  
quippe noctis partem, summa etiam  
hieme solo tectus indusio, positus hu-  
mi genibus, vel præ languore jacens,  
ac pronus, in cœlestium contempla-  
tione traducebat. Interdum quoque tres  
quatuor, quinque horas in ea persta-  
bat immotus; donec unam saltem a-  
nimo nusquam distracto percurrisset.  
Cujus constantiæ præmium fuit sta-  
bilitas mentis inter orandum alio non  
vagantis, immo perpetua velut extasi  
in Deo defixæ. Ei demum ut unico  
adhæreret, victo post triennale acer-  
rimum certamen patre, et aviti Prin-  
cipatus jure in fratrem translato, So-  
cietati Jesu ad quam cœlesti voce Ma-  
triti fuerat accitus, Romæ se ad-  
junxit.

*Lectio vj.*

**I**N tyrocinio ipso virtutum omnium  
Magister haberi cœpit. Exactissi-  
ma in eo erat legum etiam minimarum  
custodia, mundi contemptus singula-  
ris, implacabile odium sui: Dei vero  
amor tam ardens ut corpus etiam sen-  
sim absumeret. Jussus propterea men-  
tem a divinis rebus tantisper averte-  
re, occurrentem sibi ubique Deum ir-  
rito conatu fugiebat. Mira etiam pro-  
ximos charitate amplexus, in publi-  
cis, quibus alacriter ministrabat, no-  
socomiis contagiosam luem traxit. Qua  
lento consumptus, die, quam prædi-  
xerat, undecimo Kalendas Julii, æ-  
tatis anno quarto et vigesimo jam in-  
choato, cum antea flagellis cædi, at-  
que humi stratus mori postulasset mi-  
gravit in cœlum. Ibi eum sancta Ma-  
ria Magdalena de Pazzis tanta frui  
gloria, Deo monstrante, vidit, quan-  
tam vix esse in cœlo credidisset: i-  
psamque sanctimonia insignem, et cha-  
ritate Martyrem incognitum fuisse  
prædicavit. Multis etiam, magnisque  
claruit miraculis. Quibus rite proba-

tis, Benedictus decimus tertius Sanctorum fastis Angelicum juvenem adscripsit, atque innocentiae, et castitatis exemplar simul, et patronum studiosae praesertim juventuti dedit.

### IN III. NOCTURNO,

Lectio sancti Evangelii secundum Matthaeum.

Lectio vij.

Cap. 22.

**I**N illo tempore respondens Jesus ait Sadducæis: Erratis nescientes Scripturas, neque virtutem Dei: in resurrectione enim neque nubent, neque nubentur: sed erunt sicut Angeli Dei in cælo. Et reliqua.

Homilia S. Joannis Chrysostomi.

Lib. de Virginit.

**V**IRGINITAS est bona: id ego quoque fateor. Atqui nuptiis etiam melior: et istud tibi assentior: ac si libet, illud adjungam, tanto nuptiis eam præstare, quanto cælum terræ, quanto hominibus Angeli antecellunt; ac, si quid præterea audendum est, etiam magis. Nam si neque nubunt Angeli, neque uxorem ducunt non etiam carne, et sanguine coagmentati sunt: in terris præterea non commorantur: non cupiditatum, aut libidinum perturbationibus sunt obnoxii; non cibi indigent, aut potus, non sunt ejusmodi, ut eos dulcis sonus, aut cantus mollis, aut præclara species possit allicere: nulla denique ejus generis illecebra capiuntur.

Lectio viij.

**A**T humanum genus cum natura beatis illis mentibus inferius sit, omni vi studioque contendit, ut quoad ejus fieri potest, illas assequatur. Quomodo? non nubunt Angeli; at neque etiam virgo. Assistentes illi semper ad Deum, eidem inserviunt; et istud ipsum virgo. Quod si virgines quandiu corporis onere deprimuntur, quemadmodum Angeli in cælum nequeunt ascendere; illud eo vel maximo solatio compensant, quod modo

spiritu, et corpore sancti sint, cæli Regem recipiunt. Videsne virginitatis præstantiam quomodo terrarum incolae sic efficiat, ut qui corpore vestiti sunt, eos incorporeis mentibus exæquet?

Lectio ix.

**Q**UA enim, quæso, re differebant ab Angelis Elias, Eliseus, Joannes, veri hi virginitatis amatores? nulla, nisi quod mortali natura constabant. Nam cetera si quis diligenter inquirat, hi nihilo minus affecti reperientur, quam beatæ illæ mentes: et ipsum, quo inferiore conditione videntur esse, in magna est eorum laude ponendum. Ut enim terrarum incolæ, et ii qui essent mortali natura possent ad illam virtutem vi, et contentione pervenire; vide quanta eos fortitudine, quanta vitæ ratione præditos fuisse oporteat.

Te Deum laudamus 12.

**Dic 22. S. Joannis E. Neap.**

Duplex.

Oratio.

**D**EUS qui Beatum Ioannem Confessorem, atque Pontificem, meritis onustum, ad cœleste Regnum, Beati Paulini vocibus advocasti: præsta ut ejusdem natalitia venerati, et recta vestigia secuti, ad æternæ vitæ pascua perducamur. Per Dominum

Deinde fit comm. S. Paulini Ep.

In I. Noct. Lect. de Script. occur.

IN II. NOCTURNO.

Lectio iv.

**J**OANNES Neapolitanus non virtutibus minus quam doctrinis ex cultus, a Gregorio quarto Pontifice Maximo, Cleri electioni, precibusque populi suffragante, Patriæ instituitur Antistes. Mira in pauperes et in ærumnosos charitate, omnium bono natus, exarsit. Nullius maleficia, nisi beneficiis vindicavit; neque in flagitiosos homines visus est unquam, sed in sola flagitia indignari. Tam de-missi animi oximia virtute præcelluit ut subditus omnibus maluerit videri.

quam Præsul: non alio, quam Justi, ac Sancti nomine nuncupatus. Cujus propterea intemeratæ fidei Neapolitanus Dux filium Athanasium, sacra insulæ, ac Sanctitatis hæredem, doctrinis imbuendum, et piis moribus tradidit.

*Lectio v.*

**T**OT, tantisque animi dotibus sapientia insignis, prudentiaque accessit. Codices plures, utilesque conscripsit. Civitatem a Saracenis terra, marique obsessam, opera, et consilio juvit; eique a Sicardo Longobardorum Principe pacem obtinuit. Maximum Templum sacra suppellectili aurea, et argentea dotavit, atque in vita functos etiam pius, decessorum Antistitum corporibus in Stephanie Basilicam translatis, et monumenta posuit, et imagines sepulchrales appinxit. Tot denique virtutibus, gestisque præclaram vitam obitu beatissimo terminavit.

*Lectio vj.*

**D**IGNUS namque in morte fuit, ut eadem nocte, quæ supremam Christi Cœnam antecedit, Beatum Paulinum Nolanum Antistitem in somnis oblatum prospiceret, et invitantem ad Cælum sereno vultu, et suavissimis his vocibus audiret: Ioannes frater, quid hic agis, exsolve jam vincula, et ad nos evola. Eo conspectu, et allocutione inflammatus, anhelans ad cœlestia, sabbati post Parascevem die, validus processit ad Templum, et oratione ad populum habita, ad Altare perrexit, indeque repente animam expirans ad Cœli Templum emigravit, anno octingentesimo quadragesimo nono. Sacrum corpus sub Ara maxima Ecclesiæ Sanctæ Restitutæ venerationi habetur.

*In III. Noct. Hom. in Evang. Vigilate p. 47. Lect. ix. ex duabus S. Paulini.*

**Commemorationes**

OMNIUM SS. APP. ET MM.

*Faciendæ in festo*

SS. APP. PETRI ET PAULI.

**In I. Vespertis.**

*Post. Orat. diei, pro omnibus SS. Apostolis*

*Antiph.* In hoc cognoscent omnes quia discipuli mei estis, si dilectionem habueritis ad invicem.

℣. Nimis honorati sunt amici tui Deus.

℞. Nimis confortatus et principatus eorum.

*Oratio.*

**E**XAUDI nos, Deus salutaris noster, et omnium sanctorum Apostolorum tuorum tuere præsidis, quorum donasti fideles esse doctrinis.

*Pro omnibus SS. MM.*

*Antiph.* Isti sunt sancti, quos elegit Dominus in charitate non ficta, et dedit illis gloriam sempiternam.

℣. Justi epulentur et exultent in conspectu Dei.

℞. Et delectentur in lætitia.

*Oratio.*

**D**EUS, qui glorificaris in concilio sanctorum Martyrum tuorum, respice ad preces humilitatis nostræ: ut quorum solemnia celebramus, eorum precibus adjuvari mereamur. Per Dominum.

**Ad Laudes**

*Pro omnibus SS. Apostolis.*

*Antiph.* Vos qui secuti estis me, sedebitis super sedes judicantes duodecim tribus Israel.

℣. In omnem terram exivit sonus eorum.

℞. Et in fines orbis terræ verba eorum.

*Oratio.* Exaudi, ut supra.

*Pro SS. Martyribus.*

*Antiph.* Sancti tui Domine semper benedicant tō, et gloriam regni tui dicant.

℣. Mirabilis Deus in sanctis suis.

℞. In sanctis ejus laudate Deum.

*Oratio.* Deus qui, ut supra.

**In II. Vespertis.**



*Pro omnibus SS. Apostolis.*

*Antiph.* Vos amici mei estis si feceritis, quæ ego præcipio vobis, dicit Dominus.

†. Gloriosus Deus in sanctis suis faciens mirabilia.

℞. Ille Deus meus et glorificabo eum.

*Oratio.* Exaudi, ut supra.

*Pro omnibus SS. Martyribus.*

*Antiph.* Dico autem vobis amicis meis, ne timeatis ab iis qui occidunt corpus, animam autem non possunt occidere.

†. Justi autem in perpetuum vivent.

℞. Et apud Dominum est merces eorum.

*Oratio.* Deus qui, ut supra.

FESTA JULII.

**Die 15. S. Athanasii E. C.**

*Duplex.*

*Oratio.*

**O**MNIPOTENS æternæ Deus, qui beatum Athanasium Confessorem tuum, atque Pontificem invicta constantia roborasti: te suppliciter exoramus; ut illo intercedente, ab exequendis mandatis tuis, nulla hostium oppugnatione desistamus. Per Dominum.

*Lect. I. Noct.* Fidelis sermo, p. 40\*.

*In II. Noct.* ut in festo Translationis, p. 242\*.

*In III. Noct.* Homilia in Evang. Homo peregre, p. 44\*.

**Die 21. S. Macrinæ Vir.**

*Duplex.*

*Oratio.*

**D**EUS veritatis amator, qui Beatæ Macrinæ Virginis ad tui nominis gloriam vota suscipere dignatus es: fac nos radios veræ lucis agnoscere, et ad perpetuos charitatis tuæ amplexus feliciter pervenire. Per Dominum.

*In I. Noct. Lect. de scrip. occur.*

IN II. NOCTURNO.

*Ex Epist. S. Gregorii Nyss.*  
*ad Olympium.*

*Lectio iv.*

**M**ACRINA Sanctorum Basilii, et Eumeliæ filia, magnique Basilii, et Gregorii Nysseni soror, ab ineunte ætate religiosæ vitæ moribus a beatis Parentibus diligenter instructa, pietatem egregie coluit. Hujus mater gravida somno correpta manu gestare sibi visa est id quod adhuc intra viscera continebat, et quemdam humanæ speciei, et formæ augustiorem intueri, qui Theclæ celeberrimæ Martyris nomine filiulam appellavit. Id autem cum ter reputans testatum reliquisset, discessit. Ea vero statim somno soluta est, et partu facile levata, ut et somno simul excitata sit, et quod in quiete viderat, effectum inspexit. Is autem qui per quietem apparuerat, eam vocem pronuntiavit, non tam, ut quo nomine appellanda esset, indicaret, quam ut similitudine nominis idem ostenderet vivendi studium et institutum. Duodecimum annum cum attigisset, a Basilio patre nobili cuidam, et honestissimo adolescenti despondetur, quo e vita (nuptiis nondum celebratis) abeunte, nunquam induci potuit, ut quæ virginitatem servare in animum induxerat, alium duceret. A matris latere, quam summa observantia reverebatur, ne momento quidem temporis discedebat, eique ancillæ instar ministrabat in omnibus.

*Lectio v.*

**P**ATRE mortuo, laborum Eumeliæ matris, quibus illa premebatur, se sociam præbens, sollicitudinumque partem subiens, eam gravi molestiarum onere levabat, cui post etiam suasit, ut relicta pristinæ vitæ consuetudine, elatiorique vivendi modo, quas subditas et ancillas ad usus proprios adhibuerat, secum ejusdem conditionis atque ordinis esse vellet, atque una cum illis vitam cum Virginibus traduceret. Basilium fratrem ante id tempus, a publicis

litterarum gymnasiis, in quibus diu versatus fuerat, domum redeuntem ad perfectionis studium adeo incendit, ut mundi posthabita claritate, despe-ctaque eloquentiæ gloria, laboriosum, operosumque vivendi genus per pau-  
pertatem perfectam amplexatus, ex-  
peditam sibi ad virtutem viam extru-  
xerit. Ipsa vero beata Macrina vitam  
victu asperam, sed assiduis contem-  
plationibus suavem ducens, humi  
cubabat, modico cibo contenta erat,  
delicias suas in temperantia colloca-  
verat, gloriam suam in eo putarat  
sitam quod nota esset nemini, divi-  
tias, quod nihil possideret.

*Lectio vj.*

**N**OVEM circiter mensibus a Basi-  
lii fratris obitu, quem illa forti  
animo tulerat, in morbum incidit;  
quo tempore a Gregorio Nysseno fra-  
tre invisitur, qui tamdiu apud eam  
fuit, quamdiu animam Deo reddidit.  
Sub mortem vero, sponsi caritate vul-  
nerata, ita Deum precari cœpit: Tu  
Domine mortis metum nobis abstersi-  
sti: Tu effecisti, ut hujusce vitæ fi-  
nis veræ nobis esset principium vitæ:  
Tu nostra corpora ad tempus somno  
tradis, rursumque e somno suscitans  
extrema tuba: Tu mihi adhibe Ange-  
lum lucis, qui me ducat ad locum  
refrigerii, ubi quietis est aqua, in  
sinu Sanctorum Patrum. Hæc dicens  
oculos, os, et cor Cruce signans,  
vitæ finem læta expectabat. Nocte do-  
mum adveniente, cum tota in agen-  
dis Deo gratiis esset, ad præmium  
abiit in Cælum. Cujus corpus in eo  
sepulchro, in quo beatorum Parentum  
reliquiæ quiescebant, conditum est.

In III. NOCTURNO.

*Lect. de Homil. Sæpe vos, p. 68.*

**Die 23. S. Liborii Ep. et C.**

*Semiduplex.*

*Oratio.*

**E**XAUDI, quæsumus, Domine,  
preces nostras, quas in beati Li-  
borii Confessoris tui, atque Pontificis  
solemnitate deferimus: et qui tibi di-

gue meruit famulari, ejus interce-  
dentibus meritis ab omnibus nos ab-  
solve peccatis. Per Dominum.

*In I. Noct. Lect. de Script. occur.*

IN II. NOCTURNO.

*Lectio iv.*

**L**IBORIUS honestis Parentibus in  
Gallia natus, et ab ineunte ætate  
educarum rerum illecebras aversa-  
tus, egregiam indolem præclaris mo-  
ribus, et humanarum, sacrarumque  
Litterarum studiis adeo diligenter ex-  
coluit, ut processu temporis, probi-  
tatis, ac sapientiæ proficiens incre-  
mentis, maturitatem virilis ornaret  
ætatis. Clero adscriptus, ac officiis  
functus Ecclesiasticis, amplius totum  
se Divino cultui mancipavit: studuit-  
que cunctos actus, cogitatusque suos  
ita ad rationis normam dirigere, ut  
nihil appareret pœnitendum. Modestia  
itaque, abstinentia, castimonia, aliis-  
que virtutibus conspicuus, Pavacio  
Cenomanensi Episcopo defuncto, una-  
nimi Civitatis consensu, quartus ejus-  
dem Sedis Antistes sufficitur.

*Lectio v.*

**E**A dignitatis accessione nihil inte-  
rius immutatus in concredita sibi  
Domini vinea excolenda totus fuit. As-  
sidua prædicatione, vitæ innocentis  
exemplo, et effusa in pauperes cha-  
ritate præcipue insignis, populi mores  
reformavit, ac potens in opere, et  
sermone, multos integritati vitæ, fi-  
dei que restituit. Domus Dei decorem,  
et cultum egregie promovit, ædifica-  
tis septemdecim Ecclesiis, in quibus  
pro jugi Divinorum Officiorum cele-  
bratione, et affluentibus populis sacro-  
rum dispensatione, diversi ordinis mi-  
nistros instituit. Tandem quadraginta  
novem annis in Episcopatu sanctissimo  
transactis, obdormivit in Domino de-  
cimo Kalendas Augusti. Eum in cili-  
cio decumbentem, et ad cœlestem pa-  
triam anhelantem, beatus Martinus  
Turonensis Episcopus, ab Angelo mo-  
nitus invisit, mortuumque in subur-  
bana Ecclesia honorifice sepelivit, et  
multis postea miraculis coruscavit.

*Lectio vj.*

**V**ERUM post debellatam a Carolo Magno Saxoniam et Christi jugo subactam, Raduradus secundus Paderbonæ in Westphalia Episcopus, cum adhuc rudem in fide populum ad avitas Gentilium superstitiones sese convertentem animadvertisset, quo illum ab ejusmodi erroribus per novum Patronum, ac Intercessorem apud Deum revocaret, divino monitu ab Aldrico Cenomanensi Antistite Liborii Corpus impetravit, et maxima cum celebritate suscepit anno salutis octingentesimo trigesimo sexto. Sacrae Reliquiæ cum transferrentur, omnes illas regiones mira signorum frequentia illustrarunt. Quorum fama in dies percrebrescente, magnum ubique Liborii nomen esse coepit. Sed ejus virtus contra nephriticos dolores, præcipue clarescit, continuis testata beneficiis ob quæ peculiari fidelium pietate multis in regionibus celebratur.

*In III. Noct. Homil. in Evang. Vigilate, p. 47\*.*

*In II. Vesp. fit comm. S. Christianæ Virg. et Mart.*

*Oratio. Indulgentiam, p. 62\*.*

**Die 24. III. Infr. Octav.  
S. M. Magdalene**

*Semiduplex.*

*Lect. I. Noct. de Scrip. occur. q. de comm. nec Virginis, nec Mart.*

**IN II. NOCTURNO.**

**Sermo S. Augustini Episcopi.**

*Sermo 45. de divers. c. 1.*

*Lectio iv.*

**P**RÆSTABIT nobis, qui diem istum commendavit in sanctis suis, ut infirmitas vocis nostræ sufficiat intentioni vestræ. Et hoc quod gestamus in manibus, Scriptura scilicet quam videtis, commendat nobis inquirendam, et laudandam mulierem quamdam habentem magnum virum, cum qui invenit perditam, ornavit inventam. Attendite cujus membra: inspicite cujus filii estis. Mulierem

fortem quis inveniet? Difficile est invenire eam; imo difficile est nescire eam. Nonne ipsa est civitas in monte, quæ abscondi non potest? Quare ergo dictum est, Quis inveniet? cum dici debuerit, Quis non inveniet? Sed tu civitatem in monte positam vides; ut autem in monte poneretur, inventa est, quæ perierat.

*Lectio v.*

**Q**UANDO illustrata est, quis eam non videt? quando latebat, quis eam inveniret? Ipsa enim civitas est, et una illa ovis, quam perditam quæsit ille pastor, et inventam gaudens in humeris reportavit. Ipse pastor mons est, ovis autem in humeris ejus, civitas in monte. Facile est ut videas eam collocatam in monte: quando eam invenires, cum lateret in vepribus, in spinis utique delictorum suorum? ibi enim quæsisse magnum est: ibi invenisse mirabile est. Hæc ejus difficilis inventio commendatur cum dicitur: Mulierem fortem quis inveniet? Quis enim, quia unus, non quia nec unus.

*Lectio vj.*

*Cap. 9.*

**P**RETIOSIOR est autem lapidibus pretiosis, quæ ejusmodi est. Quid magnum, quia pretiosior est mulier hæc lapidibus pretiosissimis? Pretiosi lapides ideo dicti sunt, quia charitate valent. Jam ille vilis est, pretium perdidit, qui non habet charitatem. Doctrinam suam jactet licet, linguam suam jactet licet: audiat æstimatorem verorum lapidum matronæ hujus: audiat, inquam, quemdam artificem ornamenti hujus inspectorem. Si linguis hominum loquar, inquit, et Angelorum, charitatem autem non habeam, factus sum æra-mentum sonans, aut cymbalum tinniens: jam non fulget, sed tinnit. Ergo discite lapides æstimare, negotiatores regni celorum: nullus lapis vobis placeat, præter hujus mulieris ornamentum.



IN III. NOCTURNO.

Lectio Sancti Evangelii secundum  
Lucam.

Lectio vij. Cap. 7.

**I**N illo tempore: Rogabat Jesum  
quidam de Pharisæis, ut mandu-  
caret cum illo. Et ingressus domum  
Pharisæi discubuit. Et reliqua.

Homilia S. Gregorii Papæ.

Homilia 33. in Evangelia.

**COGITANTI** mihi de Mariæ Mag-  
dalene pœnitentia, flere magis  
libet, quam aliquid dicere. Cujus e-  
nim vel saxeum pectus illæ hujus  
peccatricis lacrymæ ad exemplum pœ-  
nitendi non emolliant? Consideravit  
namque quid fecit, et noluit mode-  
rari quid faceret. Super convivantes  
ingressa est, non jussa venit, inter  
epulas lacrymas obtulit. Discite quo  
dolore ardet, quæ flere et inter e-  
pulas non erubescit.

Lectio vij.

**H**ANC vero quam Lucas peccatri-  
cem mulierem, Joannes Mariam  
nominat, illam esse Mariam credimus,  
de qua Marcus septem dæmonia eje-  
cta fuisse testatur. Et quid per se-  
ptem dæmonia, nisi universa vitia  
designantur? Quia enim septem die-  
bus omne tempus comprehenditur,  
recte septenario numero universitas  
figuratur. Septem ergo dæmonia Ma-  
ria habuit, quæ universis vitiis plena  
fuit.

Nona Lect. de Homil. Vigil. S.  
Jacobi Apostoli ut in Com. Apost.  
p. 1.

**DIE 27. S. Pantaleonis M.**

Duplex.

In II. Vesper. S. Annæ fit commem.  
S. Pantaleonis.

Ant. Gloriosus Pantaleon cœlestem  
Medicum toto dilexit corde, et mo-  
riens pro Christo vivit in cœlo coro-  
natus.

¶ Gloria et honore coronasti cum  
Domine.

q. Et constituisti eum super opera  
manuum tuarum.

Oratio.

**D**EUS, qui beatum Pantaleonem  
Martyrem tuum varia tormenta  
superare fecisti, et pro persecutoribus  
exorare: concede propitius, ut qui  
ejus imploramus auxilium misericor-  
diæ tuæ sentiamus effectum. Per Do-  
minum.

IN I. NOCTURNO.

Lectiones Confitebor, ut in festo S.  
Laurentii Martyris. 10. Augusti.

IN II. NOCTURNO.

Lectio iv.

**P**ANTALEON Nicomediensis fili-  
us Eustorgii Gentilis, et Eubulæ  
Christianæ, medicam artem ab Eu-  
phrosyno didicit, cum autem Hermo-  
laus Presbyter ex modestia vultus,  
incessu, et serenitate ocalorum alto  
de illo judicasset, illum accersivit,  
et cœpit in cor fluentia divinæ fidei  
infundere: crede mihi, dixit, Escu-  
lapii, et Hyppocratis medicamenta  
parva sunt, et parum prodesse pos-  
sunt: quinimmo ipsi dii, quos colit  
Maximianus, sunt vana omnino fabula:  
unus autem solus verus Deus est  
Christus, in quem si credideris, ejus  
sola invocatione omnes morbos fuga-  
bis: quæ verba servabat in corde,  
jugiter meditabatur, et suaviter al-  
lectus, ad Hermolaum ut ad ma-  
gistrum hilaris quotidie ventitabat.  
Cum autem quadam die videret pue-  
rum mortuum, et prope eum vipe-  
ram quasi ostendentem, quod ei mor-  
tem intulisset, intra se dixit: si vera  
sunt dicta Hermolai, invocato nomi-  
ne Christi, puer iste vivet, et bellum  
moriatur; quod uti cogitaverat acci-  
dit: et statim infusa luce securitatis  
omnis caligo discessit, et benedicens  
Deum, æstuansque desiderio sacri  
baptismi ab Hermolao gaudens, illum  
suscepit.

Lectio v.

**N**ON multo post cæco visum re-  
stituit, et patri Eustorgio tenebras  
S

impietatis solvit, qui idola calcans, et verum Deum confessus baptizatur. Mortuo patre, egenis opem, et languentibus sanitatem largiebatur: quare ad Maximianum deferunt, qui primum honore et blanditiis attrahere studet. deinde minatur mortem, et dura supplicia, si diis non offerat sacrificium. Sed cum omnia invicto animo respueret, in ligno suspenditur, ferreis laniatur ungulis, et lampades ignis lateribus ejus admoventur: at illi oranti apparuit Christus dulcibus verbis recreans et illico laxatæ sunt manus lictorum, extinctæ lampades, et plumbum liquatum, in quod postmodum tyranno jubente injectus fuit, in naturalem mutatur frigiditatem. Sed quid non tentat ingeniosa crudelitas! mandat ingentem lapidem collo alligari, sicque in mare demitti; sed lapsus non secus ac folium leve supernat, et Pantaleon firmiter super undas graditur. Non cessit tantis prodigiis tyranni obcecata mens, sed feris insanior jubet ad feras produci. Crudele spectaculum! sed spectabili cælo confluit tota civitas. Congregantur cum Athleta feræ, sed illæ tamquam ratione utentes et indutæ humanitatem, quam exuerat Imperator, reverenter ad Martyrem accedunt, blandiuntur, pedesque illius lingua tangentes veluti contendebant, quænam prima ad eum accederet, et non prius recederet quam Martyr ei manum imposuisset, ac benedixisset.

*Lectio vj.*

**Q**UO viso clamabant multi: dimitatur justus; magnus est Deus Christianorum, qui quidem solus et verus est. Sed Maximianus nec edoctus a feris pietatem, nec tanto luminis cedens, imperat Pantaleonem in locum editum ferri, et rotæ alligatum in præceps per declive demitti: ac rota ultrice, et plures Deorum opprimente cultores illæsus evasit; quare gladio occidi jussit. Accessit lictor, oleæ plantæ illum alligat, sed cum exequeretur ictum, conversa fuit

ferri acies ceræ similis; quo miraculo stupefacti lictores ad pedes Martyris provoluti veniam precantur, Christum aperte confitentes. Sed tandem ne periret gloria Martyrii caput abscinditur, et statim lac pro sanguine fluxit, et planta oleæ, cui alligatus fuerat, fructibus onusta apparuit. Cum autem quidam fideles convenissent, sacrum corpus in suburbano cujusdam Scholastici reverenter reponunt, et quem in vita tantis prodigiis Dominus illustraverat, post obitum innumeris decoravit: inter quæ præclarum illud, quod sacer ejus cruor qui in ampulla servatur Ravelli in Regno Neapolitano, et Romæ, a primis Vesperis festi usque ad diem sequentem, in quo Ecclesia celebrat ejus martyrium, cum coagulatus antea existat, mirum in modum liquefieri, et undequaque fluidum moveri cunctis cernentibus quotannis conspicitur: quod etiam accidit in portione Sanguinis, qui in Monasterio Regali Incarnationis Monialium sancti Augustini Matriti inter pretiosiora pignora asservatur.

*In III. Noct. Homil. in Evang. Nihil est opertum, ut in Comm. unius Mart. p. 22\*.*

*Ad Laudes*

*Et per horas, Antiphonæ.*

1. In tormentis apparuit Christus, Pantaleonem mira dulcedine perfundens.

*Psalm. Dominus regnavit, cum reliq. de Domin. p. 13.*

2. Ego enim (ait Christus in habitu Hermolai) tecum sum in omnibus, quæ propter me pateris.

3. Cum pro lictoribus exoraret, audivit de cælo: Ultra non vocaberis Pantaleon, sed Pantaleemon, idest misericors, quia multi per te misericordiam consequentur.

4. Lacte et cruore Martyris collum fluit, pro quo cruorem et aquam Christus fuderat.

5. Pantaleon varie cruciatus jugiter canebat: Sæpe expugnaverunt me

a juventute mea; etenim non potuerunt mihi.

*Capitulum, Hymnus, et r. ut in Laudib. de Comm. unius Martyr.*

*Ad Bened. Antiph. Dixit Maximianus Pantaleoni: quænam est ars præstigiæ, quæ tibi extinxit lampades, et satellitibus vires abstulit? ad quæ respondit: Meæ præstigiæ Christus est.*

*In II Vesperis, Ant. In tormentis, cum reliq. de Laud. ut supra.*

*Psalmus. Dixit Dominus, cum reliq. de Dom. p. 86. et loco ultimi Psal. Credidi p. 88.*

*Ad Magnif., Ant. Recordatus fuit misericordiæ Domini, et in conspectu astantium factus est illis adjutor.*

*Oratio ut supra.*

*Deinde fit commemor. SS. Nazarii, et Socior. MM.*

**DIE 29. In Oct. S. M. Magd.**

*Duplex.*

*Omnia ut in festo præter seq. Comm. SS. Felicis, et Socior. MM.*

*In I. Noctur. Lect. de Script. occ.*

**IN II. NOCTURNO.**

**De Sermone S. Augustini Episcopi.**

*Sermo 43. de diversis cap. 12.*

*Lectio iv.*

**D**UPLICIA pallia fecit viro suo. Jam acclamatis: credo quod agnoscitis quæ sunt duplicia pallia. Laudes sunt, laudes fidei; laudes confessionis, laudes prædicationis. Quare duplicia? Christum laudas, Deum laudas, et hominem. Dupliciter lauda, simpliciter lauda. Dupliciter, quia homo est, et Deus; simpliciter, ut non sis fictus. Confitere Deum, confitere hominem: lauda Deum in homine, lauda hominem in Deo. Texuit pretiosissimum illud pallium laudis: in principio erat Verbum et Verbum erat apud Deum, et Deus erat Verbum, hoc erat in principio apud Deum. Texuit et aliud pallium propter conversationem inter homines quotidiana-

nam: Verbum caro factum est, et habitavit in nobis.

*Lectio v. Cap. 16.*

**S**IC ergo ista laboriosa, vigilans, sollicita, severe castigans domum suam; surgens de noctibus, intuens lucernam ne extinguatur, in tribulatione fortis, nondum receptis promissis pavens, brachia sua in fenum confirmans, non pigrum panem manducans. Ob labores istos quasi paupertatis, et necessitatis sæcularis, quid erit, quia in diebus novissimis lætata est? Quid erit? Audite: propter quam spem ardeat lucerna nostra tota nocte; nunc audite: Surrexerunt filii ejus, et ditati sunt. Modo in paupertate vivimus, in paupertate vigilamus: et cum morimur in paupertate dormimus. Sed surgemus, et ditabimur: Quæ illæ divitiæ sunt Angelorum? unam vestem habent lucis; nunquam teritur, nunquam sordidatur. Si filius es mulieris hujus, attende quantæ tibi divitiæ promittantur. Surrexerunt filii ejus, et ditati sunt, parati resurrectionis divitias accipere. Noli has amare, ut mercaris ad illas venire.

*Lectio vj.*

*Cap. 17 et 18.*

**E**T vir ejus laudavit eam. Multæ filiae fecerunt potentiam. Laudes sunt, quibus eam laudat vir ejus. Quæ filiae, quibus hæc comparatur? Non comparatur. Tu autem superasti. Attendite ergo vos, jam in fine Lectionis sumus. Multæ filiae fecerunt potentias, multæ locutæ sunt linguis, scierunt omnia Sacramenta, fecerunt virtutes multas, dæmonia excluderunt, res suas pauperibus distribuerunt, corpora sua ignibus tradiderunt: inflatæ sunt, quia charitatem non habuerunt. Tu autem superasti, et superposuisti omnes, non solum flore, sed et fructu grvida abundans. Date illi de fructibus manuum suarum. Quid date? Venite benedicti Patris mei. De quibus fructibus manuum ejus? Esurivi enim, et dedistis mihi manducare. Et quod illi deinde



negotium erit, finitis laboribus? Et laudetur in portis vir ejus. Ipse erit portus laborum nostrorum, videre Deum, laudare Deum.

### IN III. NOCTURNO.

Lectio sancti Evangelii secundum Lucam.

Lectio vij.

Cap. 17.

**I**N illo tempore: Rogabat Jesum quidam de Phariseis, ut manducaret cum illo. Et ingressus domum Pharisei discubuit. Et reliqua.

Homilia S. Petri Chrysologi  
Sermone 93. post initium.

**V**ENIT mulier, et venit retro: quia reus animus post tergum stat ad veniam, quia per culpam novit se vultus fiduciam perdidisse. Venit satisfactura Deo, non homini, placitura, cum venit: venit pietatis illa, non voluptatis exhibitura convivium. Denique et poenitentiae ponit mensam, ferculum compunctionis apponit, panem doloris infert, potum lacrymis temperat in mensura, et ad delicias Deitatis totas, totam pulsat cordis sui, et corporis symphoniam, organi planctus dat clamorem, citharam per suspiria longa modulatur, gemitus aptat in fistulam: et dum pectus ipsam conscientiam arguens, saepe percutit, facit placitura Deo cymbala personare: dumque taliter apportat divinis oculis cibos, totas misericordiae copias sic reportat.

Lectio viij.

**E**CCE mulier, quae erat in civitate peccatrix. Exaggerat Evangelista mulieris facinus, ut accumulet indulgentiam largitoris. In civitate peccaverat, quia fama sua famam totius tetigerat civitatis: sicque jam non peccatrix solum, sed ipsius civitatis facta fuerat ipsa peccatum. Haec cognovit, quod nisi ab illo solo civitatis peccatum non posset auferri, qui solus mundi venerat abolere peccatum; et ut cognovit, quia accumberet Dominus in domo Pharisei, non ad stantem, non ad sedentem

audet venire peccatrix. Deus cum stat, corripit: cum sedet judicat; prostratis conjacet, cum decumbit.

Lectio ix.

**P**ORTAVIT oleum quia medicinam lethali vulneris superno medico perquirebat: ad pedes tendit semper, citam veniam qui requirit. Et bene stans, quia jam cadere non potest, qui ad pedes Christi meruit pervenire. Stans retro secus pedes ejus: ut Christi vestigiis innixa percurreret per viam vitae, quae per viam cucurrerat mortis. Lacrymis rigabat pedes ejus. En mutatur ordo rerum; pluviam terrae caelum dat semper. Ecce nunc rigat terra caelum: imo super caelos, et usque ad ipsum Dominum imber humanarum prosiliit lacrymarum, ut juxta psalmistam, et de aquis fletuum cantetur illud: et aquae omnes, quae super caelos sunt, laudent nomen Domini. O quanta vis in lacrymis peccatorum! rigant caelum, terram diluunt, extinguunt gehennam, delent in omne facinus latam divina promulgatione sententiam.

Te Deum laudamus.

FESTA AUGUSTI.

Die 2. S. Alph. M. De Ligor.

Conf. Patr. Duplex.

Ad Vesperas

HYMNUS

**E**N qui benigne nexibus  
Solvit revinctos criminum,  
Caelique callem deviis  
En qui relexit sedulus.

Oh quot labores pertulit,  
Æstusque mentis asperos,  
Ex ore prompte demonis  
Eos ut atro tolleret!

Pagos, et urbes permeat,  
Plagasque cultas rusticis,  
Ibique Christi dogmata  
Ardore multo seminat.

Et ut docere dissitos,  
Omnesque possit posteros,  
Edit libros multiplices  
Cunctis futuros sæculis.

Æterna Patri gloria,

Ejusque soli Filio,  
Tibique Sancte Spiritus,  
Sit in perenni tempore. Amen.

*Oratio.*

**D**EUS, qui per Beatum Alphonsum Mariam Confessorem tuum, atque Pontificem animarum zelo succensum Ecclesiam tuam nova prole fecundasti: quæsumus, ut ejus salutaribus monitis edocti, et exemplis roborati, ad Te pervenire feliciter valeamus. Per Dominum.

### *Ad Matutinum*

#### HYMNUS.

**D**UM corda plebis commovet,  
Eamque belle provocat  
Alphonsus, ut fiduciam  
In Matre ponat Numinis:

Monstrum novum, mirabile  
Stupore plena conspicit,  
Immensa quod suspiria,  
Dulcesque guttas excitat.

Imago namque Virginis  
Se luce vestit protinus,  
Jubarque vibrat, quod pium  
Loquentis os illuminat.

Probavit hoc miraculo  
Regina Cœli præpotens  
Verum fuisse, fervido  
Quod fudit ipse pectore.

Æterna Patri gloria,  
Ejusque soli Filio,  
Tibique Sancte Spiritus,  
Sit in perenni tempore. Amen.

*In I. Noct. Lect. de script. occur.*

#### IN II. NOCTURNO.

*Lectio iv.*

**A**LPHONSUS Maria de Ligorio Neapoli nobilibus Parentibus natus, ab ineunte ætate non obscura præbuit sanctitatis indicia. Eum adhuc infantem cum Parentes obtulissent S. Francisco de Hieronymo e Societate Jesu, is bene precatus edixit, eundem ad nonagesimum usque annum perventurum, ad Episcopalem dignitatem evectum iri, maximoque Ecclesiæ bono futurum. Jam tum a pueritia a ludis abhorrens nihiles e-

phebos ad Christianam modestiam verbo, et exemplo componebat. Adolescens, dato piis sodalitatibus nomine, in publicis nosocomiis ægrotis inservire, jugi in templis orationi vacare, ac sacra Mysteria frequenter obire in deliciis habebat. Pietatem litterarum studiis adeo conjunxit, ut sexdecim vix annos natus utriusque Juris lauream in patria universitate fuerit assecutus. Patri obtemperans, causarum patrocinia suscepit, in quo munere obeundo etsi magnam sibi laudem comparasset, fori tamen pericula expertus, ejusmodi vitæ institutum ultro dimisit. Spreto igitur præclaro conjugio sibi a Patre proposito, avita primogenitura abdicata, et ad Aram Virginis de Mercede ense suspenso, divinis ministeriis se mancipavit. Sacerdos factus tanto zelo irruit in vitia, ut Apostolico munere fungens, huc illuc pervolans, ingentes perditorum hominum conversiones perageret. Pauperum præsertim, et rusticularum miseratus Congregationem Presbyterorum instituit SS. Redemptoris, qui ipsum Redemptorem secuti per agros, pagos, et castella pauperibus evangelizarent.

*Lectio v.*

**N**E autem a proposito umquam diverteret, perpetuo se voto obstrinxit nullam temporis jacturam faciendi. Hinc animarum zelo succensus tum divini verbi prædicatione, tum scriptis sacra eruditione, et pietate refertis animas Christo lucrifacere, et ad perfectiorem vitam adducere studuit. Mirum sane quot odia extinxerit, quot devios ad rectum salutis iter revocaverit. Dei Genitricis cultor eximius, de illius laudibus librum edidit, ac de iis, dum ferventius concionando disserit, a Virginis imagine, in eum immisso miro splendore, totus facie coruscare, et in extasim rapi coram universo populo non semel visus est. Dominicæ Passionis, et sacre Eucharistiæ contemplator assiduus, ejus cultum mirifice propagavit.

Dum vero ad ejus Aram oraret, vel Sacrum faceret, quod nunquam omisit, præ amoris vehementia, vel seraphicis liquescebat ardoribus, vel insolitis quatiebatur motibus, vel abstrahatur a sensibus. Miram vitæ innocentiam, quam nulla umquam lethali labe fœdavit, pari cum pœnitentia socians, corpus suum inedia, ferreis catenis, ciliciis, cruentaque flagellatione castigabat. Inter hæc prophetiæ, scrutationis cordium, bilocationis, et miraculorum donis inclaruit.

*Lectio vj.*

**A** Ecclesiasticis dignitatibus sibi oblati constantissime abhorruit. At Clementis derimi tertii Pontificis auctoritate coactus S. Agathæ Gothorum Ecclesiam gubernandam suscepit. Episcopus externum dumtaxat habitum, non autem severam vivendi rationem immutavit. Eadem frugalitas, summus Christianæ disciplinæ zelus, impensum in vitiis coercendis, arcendisque erroribus, et in reliquis pastoralibus muneribus obeundis studium. Liberalis in pauperes, omnes Ecclesiæ proventus iisdem distribuebat, ac urgente annonæ caritate ipsam domesticam suppellectilem in alendis famelicis erogavit. Omuibus omnia factus, Sanctimoniales ad perfectionem vivendi formam redegit, suæque Congregationis Monialium Monasterium constituendum curavit. Episcopatu ob graves, habitualesque morbos dimisso, ad Alumnos suos, a quibus pauper discesserat, revertitur pauper. Demum quamvis senio, laboribusque, diuturna arthritide, aliisque gravissimis morbis fractus corpore, spiritu tamen alacrior de cœlestibus rebus disserendi, aut scribendi finem nunquam adhibuit, donec nonagenarius calendis Augusti anno millesimo septingentesimo octogesimo septimo Nucerinæ Paganorum inter suorum Alumnorum lacrymas placidissime expiravit. Eum inde virtutibus, et miraculis clarum, Pius septimus Pontifex

Maximus anno millesimo octingentesimo decimo sexto Beatorum fastis adscripsit. Novisque fulgentem signis Gregorius XVI. in festo SS. Trinitatis anno millesimo octingentesimo trigesimo nono solemni ritu sanctorum catalogo accensuit.

*Lect. III. Noct. in Evan. Designavit Dominus, p. 13.*

**Ad Laudes.**

**HYMNUS**

**A**LPHONSE carnem insecuta  
Herbis amaris inficis?

Corpus tuum durissimo  
Quare flagello percutis?

Rerum premens angustia,  
Frigus, calor, jejunium,  
Sitis, laborque pervigil  
Submisit illud affatim.

Intacta sint, hoc efflcis,  
Ut castitatis lilia

Tuæ, cibumque divitem  
Virtutibus des cæteris.

Sic in tumultu sæculi  
Vita fruentes accola  
Possunt Eremitæ consequi  
Gressus tuos Antistites.

Æterna Patri gloria,  
Ejusque soli Filio,  
Tibique Sancte Spiritus  
Sit in perenni tempore. Amen.

**Die 8. S. Aspreni**

*Primi Ep. et Patr. Neapol. Duplex.*

*Oratio.*

**D**EUS, qui beatum Asprenum ab Apostolo Petro baptismo lustratum, primum nobis Antistitem constituisti: præsta supplicibus tuis, ut Fidem, quam per eum accepimus, bonis operibus comprobemus. Per Dominum.

*In I. Noct. Lect. Fidelis, ut in Comm.*

**IN II. NOCTURNO**

*Lectio iv.*

**A**SPRENUM primus Neapolitanæ Ecclesiæ Antistes ab Apostolo



rum Principe constitutus fuit. Cum enim is Antiochia Romam proficiscens, Neapolim appulisset, invenit honestam mulierem Candidam nomine, quæ ab eodem ægritudine prius liberata, et lustrata baptisate, oravit deinde Sanctum Apostolum, ut Aspreno probo viro sibi consanguinitate conjuncto, diuturno jam morbo laboranti, idem quod sibi beneficium impertiretur, ut non tantum sanguinis, sed Religionis cognatione conjungerentur.

*Lectio v.*

**ANNUIT** Petrus Candidæ Precibus, eique injunxit, ut apprehensa ægri dextera suo nomine juberet incolumem e strato consurgere. Quod cum mulier fecisset, Asprenus illico sanus ad beatum Petrum accessit: a quo veræ Fidei mysteriis initiatus, salutari lavacro fuit ablutus, et cum Candida Missæ sacrificio interfuit, dum Apostolus ipse sacris operaretur in loco, quem postea Petri Aram nuncupatum, atque ob tantæ rei memoriam, maximo in honore semper habitum, tum Neapolitani Reges privilegiis plurimis, tum Pontifices summi amplissimis Indulgentiis locupletarunt.

*Lectio vj.*

**PETRUS** autem Romam discessurus Neapolitanæ Ecclesiæ Asprenum primum Episcopum præfecit, qui divinum magistrum imitatus, populum suæ curæ, et directioni traditum, exemplo, prædicatione, miraculisque sic erudit, excoluitque, ut Fidem, et Jesu Christi doctrinam, ab Apostolorum Principe acceptam, intactam semper, illibatamque constantissime servavit. Donec Asprenus annis plenus, ac meritis emigraret ad Dominum sub annum Christi nati septuagesimum nonum; sepultusque nunc colitur Maximo in Templo, ubi Sancti Petri baculus servatur.

*In III. Noct. Homilia in Evang. Homo peregre, ut in communi*

**DIE 9. Sexta Infr. Octav. S. Dominici C.**

*In I. Noct. Lect. de Script. occur.*

*Lect. II. Noct. Deridetur justis simplicitas, p. 89.*

**IN III. NOCTURNO.**

Lectio sancti Evangelii secundum Lucam.

*Lectio vij. Cap. 12.*

**IN** illo tempore: Dixit Jesus discipulis suis: Sint lumbi vestri præcincti, et lucernæ ardentes in manibus vestris. Et reliqua.

Homilia sancti Petri Chrysologi.

*Ex Sermone 24. post initium.*

**NOVUS** ordo vigiliarum, novus habitus imperatur. Sint lumbi vestri præcincti. Nil de vestitu, nil de calceamentis, nil de ipsius occursum apparatu servi vigiles admonentur, sed tota in præcingendis lumbis mandatur cura, tota in constringendis lumbis statuitur vis præcepti, addito lucernarum solatio tantum, sine quo nec noctis aperitur obscuritas, nec venientis diei clarescit aspectus.

*Lectio viij.*

**CINGULUM** quidem est proprium iudicium servitutis, quod et discursus expeditos reddat, et faciat obsequentes. Sed dixisse suffecerat: Estote præcincti; cur lumbos potissimum nominat? cur tanta jubentis reverentia lumborum facit magnopere mentionem? Quæris quare? Quia in lumbis est tota corporis causa; ex lumbis tota carnis negotia suscitantur; in lumbis tota est humani lapsus, humanæ fragilitatis occasio. Inde venit, quod virtutis igueros reddit, efficit segniores.

*IX. Lect. de Vigil. S. Laurentii M. 9. Aug. cum comm. S. Romani M.*

**DIE 11. Octav. S. Domini C. Duplex.**

*In I. Noct. Lect. de Script. occur.*

**IN II. NOCTURNO.**

*Lect. Gaudete, ut in die Octav. S.*

*Franc. de Paula p. 188\*. mutato nomine Francisci in Dominici.*

*In III. Noct. Homilia ut in die oct. S. Antonii de Padua p. 266\*.*

*Lect. IX. SS. MM. Tiburtii et Susannæ.*

**Die 14. BB. Ant. Primal. et Soc. Mm. Hydrunt.**

*Semiduplex.*

*Oratio.*

**P**RÆSTA quæsumus, omnipotens Deus, ut qui gloriosos Martyres Antonium, et Socios fortes in sua confessione cognovimus, pios apud Te in nostra intercessione sentiamus. Per Dominum.

*Lect. I. Noct. de script. occur.*

**IN II. NOCTURNO.**

*Lectio iv.*

**A**NTONIUS Primaldus, et octigenti circiter socii martyres Hydruntini, Christi fidem postremis hisce sæculis suo sanguine illustrarunt, et insigni fortitudinis exemplo primævam Ecclesiæ gloriam revocarunt. Anno siquidem reparatæ salutis millesimo quadragesimo octogesimo, cum Achomates Classis Mahumeti secundi Præfectus in perniciem tenderet Italiæ, Hydruntum devectus, urbem penitus imparatam facili negotio subigere ratus est. Tanto vero fuit Hydruntinorum virtus, ut cum hostibus Sanctæ Fidei pacisci, ne ferendis quidem conditionibus, passi sint. Per quindecim igitur dies acriter utrinque pugnatum est; sed jam disiectis mœnibus, tandem barbarorum numerus prævaluit, qui vi urbe potiti, cuncta cœdibus compleverunt, sic per diuturnos labores, multasque tribulationes Servos suos Dominus ad coronam disponebat.

*Lectio v*

**H**YDRUNTINORUM constantia, suorumque ingenti clade non leviter commotus Achomates crudelis homo, et Christiano nomini infensissimus, inter eos, quos servituti ad-

dixerat viros omnes secerni jubet decimo quinto anno majores, qui octigenti circiter inventi sunt. Nudi, manibusque post terga colligatis ex urbe ad clivum Minervæ (postea Martyrum dictum) coram barbaro Duce deducuntur; electo huic populo fides Christi ejuranda proponitur; libertas, et Patriæ salus dum pareant, promittitur; mors vero, si renuant, indicitur. At exemplo vere singulari, nemo unus in tanto numero repertus est, qui vel spe libertatis allectus, vel mortis timore percussus, a fide Christi descliverit. Omnes enim ab Antonio viro religione spectabili confirmati invocantes dulcia Jesu, et Mariæ nomina, seque invicem cohortantes, datis fortiter pro Christo cervicibus, Martyrii palmam assecuti sunt.

*Lectio vj.*

**M**ARTYRIUM hoc plurimis prodigiis Deus quoque confirmavit. Ferunt enim, Antonii corpus abscisso capite constitisse, nec nisi finita Sociorum cæde potuisse dejici; atque insuper omnia Beatorum corpora per tredecim menses diu exposita penitus integra, et incorrupta permansisse. Quare ab Alphonso Calabria Duce Ferdinandi Regis filio, urbe recuperata, summa religione ac pompa, ipsoque comitante ad reconciliatam Metropolitanam Ecclesiam importantur, et in egregio Sacello, quod regali munificentia Rex dotaverat, collocantur. Quadriennio fere post biscentum circiter quadraginta ex iisdem Martyrum corporibus idem Alphonsus Dux Neapolim asportavit, atque in Ecclesia Beatæ Mariæ Magdalænæ prope Castrum Capuanum collocavit; unde postea ad Ecclesiam Sanctæ Catharinæ ad Formellum nuncupatam translata sunt, ubi nunc etiam pie, sancteque recoluntur. Reliqua vero sacra pignora illorum Patria Hydruntum veneratur, Beatorum Martyrum præsentem opem sæpissime experta cultum ab immemorabili tempore iisdem

præstitum Clementis Decimiquarti Pontificis Maximi Apostolica auctoritate comprobandum curavit.

*In III. Noct. de comm. 1. loco.*

**DIE 13. S. Philum. V. M.**

*dupl. min.*

*Orat. Deus qui inter cætera potentiae tuæ miracula p. 62.*

*Lect. I. Noct. de Script. occur.*

IN II. NOCTURNO.

*Lectio iv.*

**I**NTER cætera Martyrum Sepulchra, quæ in Cæmeterio Priscillæ ad Viam salariam reperiri solent, illud extitit, quo repositum fuerat Sanctæ Philumenæ Corpus uti ex tumuli inscriptione tribus laterculis apposita perlegebatur. Licet vero inventa ibidem fuerit phiala sanguinis, et alia insculpta conspicerentur Martyrii insignia, dolendum tamen est, res ab eadem gestas, actaque ac genus Martyrii, quod ipsa fecit, obscura perstitisse. Cæterum ubi primum Sacrum hoc Corpus, ex beneficentia Pii VII. initio Pontificatus ejus acceptum, cultui fidelis Populi propositum fuit Mugnani in Nolana Diœcesi, ingens illico famæ celebritas ac religio erga Sanctam Martyrem percerebuit præsertim ob signa, quæ ejusdem præsidio accessisse undique ferebantur. Hinc factum est ut complurium Antistitum, Cultorumque Martyris postulationibus permotus Gregorius Decimus Sextus Pontifex Maximus, universa rei ratione mature perpensa, Festum ejusdem cum Officio, et Missa in memorata Nolana Diœcesi, et alibi agendum benigne permiserit.

*Lect. V. et VI. Sermo Sancti Ambrosii Episcopi. Quoniam hodie Natalis, p. 66.*

*Lect. III. Noct. de eod. Comm. 1. loco.*

**DIE 16. S. Rochi. C.**

*Oratio.*

**P**OPULUM tuum, quæsumus Domine, continua pietate custodi:

et beati Rochi suffragantibus meritis ab omni fac animæ, et corporis contagione securum. Per Dom.

*In I. Noct. Lect. de Script. occur.*

IN II. NOCTURNO.

*Lectio iv.*

**R**OCHUS in Monte Pessulano natus, quanta in Proximum Charitate flagraret, tum maxime ostendit, cum sævissima peste longe, lateque per Italiam grassante, patria relicta Italicam peregrinationem suscepit, urbesque, et oppida peragrans seipsum in ægrotantium obsequium impendere, animamque suam pro fratribus ponere non dubitavit. Quod beati viri studium quam gratum Deo fuerit, miris sanationibus declaratum fuit. Complures enim pestilentia infectos e mortis periculo signo Crucis eripuit, et integræ sanitati restituit. In patriam reversus, virtutibus et meritis dives sanctissime obiit, ejusque obitum statim subsecuta est veneratio Fidelium, quæ in Constantiensi deinde concilio magnum recepisse dicitur incrementum, cum ad propulsandam ingruentem luem, Rochi Imago solempni pompa, omni comitante populo per eandem civitatem, Episcopis approbantibus, est delata. Itaque ejus cultus mirifice propagatus est in universo Terrarum Orbe, qui eundem sibi apud Deum adversus contagiosam luem Patronum religioso studio adoptavit. Quibus accurate perpensis, Urbanus octavus Pontifex Maximus, ut ejus dies Festus lis in locis, in quibus forent Ecclesiæ sancti Rochi nomine Deo dicatæ, Officio Ecclesiastico celebraretur, indulxit.

*Ex Tractatu S. Augustini Episcopi in Epist. Joannis.*

*Tractat. 5. in cap. 3.*

*Lectio v*

**P**ERFECTA ista Charitas est, ut paratus sis mori pro fratre. Hanc ipse Dominus in se exhibuit mortuus pro omnibus, orans pro eis, a quibus



crucifigebatur, et dicens: Pater, ignosce illis, quia nesciunt, quid faciunt; sed si solus hoc fecit, non erat Magister, si Discipulos non habebat. Si quis tantam habuerit charitatem, ut paratus sit pro fratribus etiam mori, perfecta est in illo Charitas. Sed numquid mox, ut nascitur, jam prorsus perfecta est? Ut perficiatur, nascitur, cum fuerit nata nutritur, cum fuerit nutrita corroboratur, cum fuerit roborata, perficitur: cum ad perfectionem venerit, quid dicit? Mihi vivere Christus est, et mori lucrum. Optabam dissolvi, et esse cum Christo: Multo enim magis optimum, manere autem in carne necessarium propter vos. Propter eos volebat vivere, pro quibus paratus erat mori.

*Lectio vj.*

*Ex Tractatu 6.*

**H**ÆC est perfectio Charitatis et major omnino non potest inveniri: sed quia non in omnibus perfecta est, et desperare non debet, in quo perfecta non est, si jam nata est, quæ perficiatur, et utique si nata est, nutrienda est, et quibusdam suis nutrimentis ad perfectionem propriam perducenda. Quæsimus inchoationem Charitatis unde incipiat, et ibi continuo invenimus: Si quis habet facultates Mundi, et viderit Fratrem suum egentem, et clauserit viscera sua adversus eum, quomodo dilectio Patris manet in illo? Ergo hic incipit ista Charitas, fratres, ut de suis superfluis tribuat egenti in angustiis aliquibus constituto, ex eo quod sibi abundant, secundum tempus a tribulatione temporali liberet fratrem: hinc exordium est Charitatis. Hanc ita coeptam, si verbo Dei, et spe futuræ vitæ nutrieris, pervenies ad illam perfectionem, ut paratus sis animam tuam ponere pro Fratribus tuis.

*In III. Nocturno, Homil. in Evangel. Homo quidam nobilis, ut in Festo S. Ludovici Regis C. 25. Augusti.*

**Dic 10. S. Lnd. Ep. Tolos. C.**

*Duplex 2. Classis.*

*Oratio.*

**D**EUS qui beatum Ludovicum confessorem tuum, atque pontificem cœlestis regnum terreno præponere docuisti; ac puritate illibata, et eximia in pauperes charitate mirabiliter decorasti; concede, ut ejusdem virtutes æmulantes in terris, coronari cum ipso mereamur in cœlis. Per Dominum.

*In I. Noct. Lect. Fidelis sermo, de Com. 1. loco.*

**IN II. NOCTURNO.**

*Lectio iv.*

**L**UDOVICUS nobilissimo genere natus, patrem habuit Carolum secundum Siciliæ regem, matrem vero Mariam Hungariæ regis filiam. Adhuc puer in sortem Domini vocatus, posthabitis ætatis illius oblectamentis, divino se totum cultui mancipavit. Decimumquartum agens annum, una cum duobus fratribus pro genitoris libertate in bello navali a rege Aragoniæ capti obses ductus in Catalauniam, BarciNONE apud Minores Sancti Francisci fere septennio est commoratus; sub eorumque disciplina in scientiarum studiis, ac sacrarum litterarum comparanda eruditione eo progressus est, ut constans fuerit opinio, ipsi potius fuisse divinitus infusas, quam humanitus acquisitas. Verum majori conatu cœlestis magistri doctrina spiritum instruere anhelans, ciliciis, jejuniis, ferreis flagellis carnem afflixit. Assidua interim evangelicæ veritatis meditatione contemptibilia mundi spernere edoctus, regalis solii fastum calcare deliberavit, ac de seraphico amplectendo instituto, raro humilitatis exemplo, votum emisit.

*Lectio v.*

**E**CCLÉSIASTICÆ militiæ adscriptus, et ad sacros ordines deinde promotus, ut quod mente statuerat, opere firmaret, juri primo-

genituræ renunciavit, et regno: cumque votum, quod Barcinone voverat, in monte Pessulano frustra adimplere satageret, illius cœnobii fratribus timore regis patris eum recipere non audentibus, solemner illud renovavit. Mox ad ecclesiam Tolosanam a Bonifacio octavo, quamvis invitus, assumptus, Romamque accersitus, et ab eodem honorifice exceptus, electioni de se factæ nullatenus se assensurum vel declaravit, donec votum, quo se obstrinxerat, Deo reddidisset. Quare annuente Pontifice, habitu ordinis Minorum, quem semper postea retinuit, rite suscepto, in manibus generalis ministri professionem emisit: hisque peractis, apostolicis mandatis humiliter obtemperans, Episcopum Tolosanum passus est se consecrari.

*Lectio vj.*

**T**OLOSAM ad illius Ecclesiæ regimen profectus, spirituali animarum lucro totus incubuit; utque ministerium apostolicum integre ac diligenter impleret, salutaribus monitis illibatæque vitæ exemplo peccatores ad pœnitentiam revocavit, pluresque Judæos, atque Gentiles assidua verbi Dei prædicatione ad orthodoxam fidem convertit. Ecclesiasticam disciplinam ubique in commissa sibi diœcesi promovit, ac restauravit. Liberalis in pauperes, vigintiquinque ex eis quotidie domi aluit. Puritatem usque ad obitum a pueritia nitidissime custodivit. Humilitatis tandem, charitatis, atque omnium virtutum ornamento decorus, in juvenili ætate Brincolæ Provinciæ arce ardenti febre correptus, ad Domini sui amplexum, quem in votis semper habuerat, emigravit. Magnis deinde in Ecclesia meritis clarum, et miraculis illustrem, inter quæ plures mortui ejus intercessione ad vitam revocati enumerantur, Joannes vigesimus secundus in Sanctorum numerum retulit.

*In III. Noct. Lect. de Homil. Ut ignorantiam, p. 47.*

**DIE 26. S. PATRICIÆ VIRG.***Duplex.**Oratio.*

**D**EUS, qui beatam Patriciam Virginem terrena omnia contemnentem, cœlestis gloriæ corona decorasti: concede, ut ejus exemplo, temporalia cuncta despicientes, sempiternis gaudiis perfruamur. Per Dominum.

*Deinde fit comm. S. Zephyrini. Pp. et M. Lect. I. Noct. De Virginibus.*

**IN II. NOCTURNO.***Lectio iv.*

**P**ATRICIA Virgo Constantinopolitana, Imperatorum orta ex genere, a teneris annis Jesu Christi amore succensa, totam se Deo dedere illique perpetuam devovere virginitatem statuit. Invita a Constantino Imperatore, Viro apprimè nobili desponsata, inito cum Aglaja nutrice sua consilio, profusisque ad Deum precibus clam ex Urbe nuptiarum celebritatem fugiens, secessit; et cum Ancillis, et Eunuchis navim conscendit, Sanctorum Apostolorum limina castimoniam suam perfrugium adiuta. Cognita fuga, validæ triremes ab Imperatore, sed frustra expediuntur; navigium namque, in quo Patricia vehbatur, non longe remotum, oculos insequentium fugit, quos tempestas suborta Byzantium redire coegit.

*Lectio v.*

**A**B hoc discrimine divinitus erepta, Neapolim prius appulit: Templum omnia religiosissime invisit. Basilianum vero Cœnobium Sanctis Nicandro, et Marciano sacrum singulari pietate coluit; impressoque in pariete Crucis signo, ibidem se fore tumultandam, monachos alio commigraturos, prænuñciavit. Romam postea profecta, a Liberio Summo Pontifice virginitatis velo insignita, cœlestem vitam cum aliis virginibus duxit. Admonita de Constantii obitu non sine suorum civium admiratione, ac vene-

ratione Constantinopolim reecta, fortunis omnibus pompisque pro Christo a se abdicatis, domesticum patrimonium pios erogavit in usus: illaque tantum reservata pecunia, qua virginum Cœnobium conderetur.

*Lectio vi.*

**T**UM sacra Palæstinæ loca miro peragrandi desiderio flagrans, maritimum aggressa iter, ventorumque vi Neapolim appulsa, in Castrum Lucullanum e navi descendit, ubi supremo correpta morbo, anteactam sanctissimæ vitam felicissimo coronavit exitu, octavo Kalendas Septembris, circa annum tercentesimum sexagesimam quintum. Aglaja nutrix in somnis ab Angelo admonita, sacrum Virginis corpus currui a Tauris indomitæ tracto imposuit, qui duce nullo, ad Sanctorum Nicandri, et Marcelliani ædem steterunt, ibique fuit honorifice conditum, ubi constructum deinde angustum Templum, Sacrumque Virginum domicilium S. Patriciæ nomine nuncupatum. Sanguis ejusdem vitreo in vase concretus, e regione virginei dentis expositus, ebullire ad hoc usque tempus cernitur. Neapolitana Civitas tanto ditata thesauro, et munita patrocinio, sacram Virginem in reliquis suis Tutelaribus numeravit.

*In III. Noct. Homil. de com. 1. loco.*

**Die 30. S. Helenæ, Imp.**

*Duplex.*

*Oratio.*

**D**OMINE Jesu Christe, qui locum, ubi Crux tua latebat, beatæ Helenæ revelasti, ut per eam Ecclesiam tuam hoc pretioso thesauro ditares; ejus nobis intercessione concede, ut vitalis Ligni pretio, æternæ vitæ præmia consequamur. Qui vivis et regnas.

*In I. Noct. Lect. de Script. occur.*

**IN II. NOCTURNO.**

Ex sancto Ambrosio in Orat. de obitu Theodosii.

*Lectio iv.*

**V**ENIT ergo Helena, cœpit revivere Loca Sancta: infudit ei Spiritus, ut Lignum Crucis requireret, accessit ad Golgotham, et ait: Ecce locus pugnae, ubi est victoria? quaero vexillum salutis, et non invenio. Ego, inquit, in regnis, et Crux Domini in pulvere? Ego in aulis, et in ruinis Christi triumphus? Ille adhuc latet, et latet palma vitæ æternæ. Quomodo me redemptam arbitror, si redemptio ipsa non cernitur? Video quid egeris, Diabole, ut gladius, quo peremptus es, obstrueretur. Sed Isaac obstructos ab alienigenis puteos eruderavit, nec latere aquam passus est. Tollatur igitur ruina, ut vita appareat. Promatur gladius, quo veri Goliath caput est amputatum. Aperiat humus, ut salus fulgeat. Quid egisti, Diabole, ut absconderes Lignum, nisi ut iterum vincereris.

*Lectio v.*

**V**ICIT te Maria, quæ genuit triumphatorem, quæ sine imminutione Virginitatis edidit eum qui Crucifixus vinceret te, et mortuus subjugaret. Vincere et hodie, ut mulier tuas insidias deprehendat. Illa quasi Sancta Dominum gestavit, ego Crucem ejus investigabo. Illa generatum detulit, ego resuscitatum. Illa fecit, ut Deus inter homines videretur, ego ad remedium peccatorum Divinam de ruinis elevabo vexillum. Aperit itaque humum, decutit pulverem, tria patibula confusa reperit, quæ ruina contexerat, inimicus absconderat. Sed non potuit obliterari Christi triumphus. Incerto hæret, ut mulier: sed certam iudaginem Sanctus Spiritus inspirat.

*Lectio vi.*

**Q**UESIVIT clavos, quibus crucifixus est Dominus, et invenit. De uno clavo frænos fieri præcepit, de altero Diadema intexit, unum ad decorem, alterum ad devotionem vertit. Visitata est Maria, ut Hevram liberaret: visitata est Helena, ut Im-



peratores redimerentur. Misit itaque filio suo Constantino Diadema gemmis insignitum, quas pretiosiori ferro innexas Cruci Redemptionis Divinae gemmas connecteret. Misit et frænum, utroque usus est Constantinus, et fidem transmisit ad posteros Reges. Principium itaque credentium Imperatorum sanctum est, quod super frænum. Ex illo fides, ut persecutio cessaret, devotio succederet. Sapienter Helena egit, quæ Crucem in capite Regum levavit, et locavit, ut Cruz Christi in Regibus adoretur. Non insolentia ista, sed pietas est, cum defertur Sacrae Redemptioni. Bonus itaque Clavus Romani Imperatoris, qui totum regit Orbem, ac vestit Principum frontem, ut sint prædicatores qui persecutores esse consueverunt,

*In III. Noct., Homil. de Comm. nec Virg. nec Martyr.*

## FESTA SEPTEMBRIS

**Die 4. S. Candidæ Sen.**

*Semiduplex.*

*Omnia nec Virg. nec Mart. præter sequent.*

*Oratio.*

**D**EUS qui beatam Candidam per Apostolorum Principem Fidei lumine illustrare dignatus es tribue quæsumus, ut ejus suffragantibus meritis, æternæ gloriæ tuæ beato lumine perfrui mereamur. Per Dominum.

*In I. Noct. Lect. de Script. occur.*

## IN II. NOCTURNO.

*Lectio iv.*

**C**ANDIDA Neapolitana, claris exorta parentibus sed longe clarior, quia Principem Apostolorum susceptæ fidei Parentem sortita est Petrum, cui ex Antiochensi Sede ad fundandam Romanam Ecclesiam in Italiam naviganti, ubi Neapolim appulit, prima occurrit; et corporis ægritudine repente levata, vitali fonte Baptismatis regenerata est. Tam insigne

beneficium et Religionis, et salutis, non in se solam recipi, atque inarescere passa est, sed suos in Clives, et consanguineum Asprenum Neapolitanorum Antistitem beatum Antesignanum, ut abunde proflueret ab Apostolo Principe exoravit, cui etiam ad Aras operanti adfuit Candida, et ejusdem e manibus immortalis recepto Epulo recreata. Denique sanctitatis compendium nacta, devexa jam ætate et annis, et meritis plena, beatum vitæ finem imposuit pridie nonas Septembris, anno salutis septuagesimo octavo.

*Lectio v. Ex libro S. Ambrosii Epi. Agrum hunc p. 73°.*

*q. V. Dilexisti.*

*Lectio vi. Unde et illi, ibid.*

*q. VI. Fallax gratia.*

*In III. Noct. Homil. Comm. p. 74°.*

**Die 4. S. Rosaliæ Virg.**

*Semiduplex.*

*Oratio.*

**E**XAUDI nos Deus salutaris noster: ut sicut de beatæ Rosaliæ virginis tuæ festivitate gaudemus; ita piæ devotionis erudiamur affectu, et ejus intercessionem ab iracundiæ tuæ flagellis misericorditer liberemur. Per Dominum.

*Pro Regno Siciliae alia*

*Oratio.*

**D**EUS qui beatam Rosoliam virginem e regalibus mundi deliciis in montium solitudinem transtulisti: concede propitius, ut ejus meritis, et patrocinio a sæculi voluptatibus in cælestium amorem transferamur, et ab iracundiæ tuæ flagellis misericorditer liberemur. Per Dominum.

*In I. Noct. Lect. de Script. occur.*

## IN II. NOCTURNO.

*Lectio iv.*

**R**OSALIA virgo orta Panormi ex nobili genere, suam originem trahens a Carolo Magno, in Quisquiniæ montem quadraginta circiter mille passibus distantem sola secedens, pa-

ternæ domus opes, delicias, ac spem majoris amplitudinis ob propinquitatem, et benevolentiam Regum Siciliæ contemnens, cum tetricæ rupis horrore et asperitate commutavit: inque antrum, cui tunc unicus, et quidem angustus aditus e superiori loco patebat, intrepide descendit ea mente, quam characteribus saxo insculptis adhuc patentibus expressit: Ego Rosalia Sinibaldi Quisquinæ, et Rosarum domini filia, amore Domini mei Jesu Christi in hoc antro habitare decrevi. Qua inscriptione oculis obversante susceptæ vitæ propositum altius cordi infigere, ac Divinæ benevolentiae signa ad castissimæ mentis blandimenta vicissim provocare consuevit.

*Lectio v.*

**I**N hac specu subterranea sibi, et mundo emortua, consepultaque Jesu Christo, ut soli Deo viveret, diu, noctuque latuit, cavens præcipue in montibus paterni Principatus, ne forte agnita in domum, urbemque patriam adduceretur invita. Callidas dæmonum insidias, quæ asperæ vitæ tædium, et solitudinis horrorem animo ingerebant, acriter sæviendo in se ferrea catena, vigiliis, et humi cubatione, forti animo superasse antiquæ icones significant; cumque humanis destituta præsiidiis, nihil solatii aliunde hauriret, quam e cælo, Dominus, qui consolatur, et coronat Sanctos suos, Angelicis deliciis illam sæpius recreabat.

*Lectio vi.*

**C**ŒLESTI deinde consilio ex antro Quisquinensi in horridiorem speluncam Peregrini montis, tribus fere mille passibus procul Panormo Rosalia se transtulit; ut, quo difficiliorem pugnam secum ipsa committeret e conspectu domus paternæ, eo laudabilius de contemptis mundi illecebris triumpharet. Latebat ibi ad partem lævam angustus concavus, quem eadem post repertas ejus reliquias illuc venanti, cui se videndam præbuit, dixit esse suam cellam pe-

reginam, ubi multum ætatis exegisset. Hic tamquam columba in foraminibus petræ gemens, in cœlestium rerum contemplatione defixa, ad perfectissimam divini amoris normam in solitudine vitam traduxit, et sanctissime perennibus charitatis rosis, et virginitatis liliis coronata deposuit pridie Nonas Septembris. Cujus corpus Urbano octavo Pontifice Maximo divinitus anno Jubilæi totius Siciliæ plausu repertum illam a peste liberavit.

*In III. Noct. Homil. de Com. Virg. 4. loco.*

**DIE 5. S. CAND. JUN. P. Neap.**  
*Duplex.*

*Oratio.*

**D**EUS, qui beatæ Candidæ inter blandimenta sæculi candorem innocentiae conservasti, concede, ut nos quoque ejusdem exempla sectantes, cœlestis gloriæ consortium assequamur. Per Dominum.

*Deinde fit comm. S. Candidæ Sen. In I. Noct. Lect. Mulierem, p. 72.*

## IN II. NOCTURNO

*Lectio iv.*

**C**CANDIDA Junior, quingentis post seniore alteram annis, Neapoli in Campania e nobili Brancaciorum familia nata est, virtute tamen præstantior, quam genere. A prima ætate totam se Christianæ disciplinæ operibus addixit, summa in Parentes observantia, profusa in pauperes benevolentia: quod pietatis studium in connubio quoque constantissime retinuit, ceteris matronis integre, sancteque vivendi absolutum se præbens exemplar. Cœlestium rerum contemplationi, Templisque invisendis assidua, a corporis ornatu, vestiumque cultu maxime abhorruit. In dissidiis componendis arbitra; in seipsam tantum excandescere jejuniis, aliisque penitentiis visa, ut omnes carnis illecebras excinderet, atque animi innocentiam tueretur.

*Lectio v.*

**UNICO**, quem susceperat filio, et conjugii, diuturno gravique morbo laborantibus, quo minus morti maturos, ac paratos videret, nuncupatis Deo precibus, velut alienæ salutis victima, id impetravit, ut prodilato illis moriendi tempore, vivendi sibi tempus contraheretur. Voti igitur compos, in ægritudinem incidit; qua tandem interiit quinquagenaria, pridie nonas Septembris, eodem die, quo Senior Candida ad Cælum evocata, ut imitatione pietatis similis, ita consors et gloriæ. Demortuum corpus in sancti Andreæ Templo honorifice conditum est. Obiit Pelagio secundo Pontifice, Mauritio Imperatore.

*Lectio vj.*

**ESUS** sanctitatem diu reconditam, plurimis tandem miraculis testatam voluit Deus: liquor enim e sacro Corpore emanavit, variis morborum generibus utilis, atque vivificus. Præsentissimam opem in primis expertus paralyticus qui tremebundus, ac semimortuus ad ejus tumulum delatus, summa populi admiratione sanitati redditus, e vestigio domum incolumis regressus est. Usus etiam loquelæ mutus excepit, beneficium alta voce confessus, aliaque admiranda permulta ejus meritis a Deo patrata. Sacræ Reliquiæ in Æde quoque Divi Angeli ad Nilum nuncupata religiose anniversaria pompa coluntur.

*In III. Noct. Homil. de comm.*

**DIE 18. S. Joseph. a Cap. C.**

*In I. Vesperts.*

*Ad Magnif. Ant.* Mortuus sum, et vita mea est abscondita cum Christo in Deo.

*Oratio.*

**DEUS** qui ad Unigenitum Filium tuum exaltatum a terra omnia trahere disposuisti: perfice propitius, ut meritis et exemplo Seraphici Confessoris tui Josephi, supra terrenas o-

mnes cupiditates elevati, ad eum pervenire mereamur. Qui tecum vivit.

**IN I. NOCTURNO.**

*De Epistola secunda B. Pauli Apostoli ad Corinthios*

*Lectio j. Cap. 4.*

**DEUS**, qui dixit de tenebris lucem splendescere, ipse illoxit in cordibus nostris ad illuminationem scientiæ claritatis Dei, in facie Christi Jesu. Habemus autem thesaurum istum in vasis fictilibus, ut sublimitas sit virtutis Dei, et non ex nobis. In omnibus tribulationem patimur, sed non angustiamur: aporiamur, sed non destituimur: persecutionem patimur, sed non derelinquimur: dejicimur, sed non perimus: semper mortificationem Jesu in corpore nostro circumferentes, ut vita Jesu manifestetur in corporibus nostris. Semper enim nos qui vivimus, in mortem tradimur propter Jesum: ut et vita Jesu manifestetur in carne nostra mortali.

*Lectio li.*

*Cap. 5.*

**SCINUS** enim, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam æternam in cælis. Nam et in hoc ingemiscimus, habitationem nostram, quæ de cælo est, superindui cupientes: si tamen vestiti, non nudi inveniamur. Nam et qui sumus in hoc tabernaculo, ingemiscimus gravati: eo quod nolumus expoliari, sed supervestiri; ut absorbeat, quod mortale est, a vita. Qui autem efficit nos in hoc ipsum, Deus qui dedit nobis pignus spiritus. Audentes igitur semper, scientes quoniam dum sumus in corpore, peregrinamur a Domino, (Per fidem enim ambulamus, et non per speciem.) Audemus autem, et bonam voluntatem habemus magis peregrinari a corpore, et præsentem esse ad Dominum.

*Lectio iiii.*

*Cap. 12.*

**SI** gloriari oportet (non expedit quidem) veniam autem ad visio-



nes et revelationes Domini. Scio hominem in Christo ante annos quatuordecim (sive in corpore nescio, sive extra corpus nescio, Deus scit) raptum hujusmodi usque ad tertium cœlum. Et scio hujusmodi hominem (sive in corpore, sive extra corpus, nescio, Deus scit) quoniam raptus est in Paradisum: et audivit arcana verba, quæ non licet homini loqui. Pro hujusmodi gloriabor: pro me autem nihil gloriabor, nisi in infirmitatibus meis. Nam et si voluero gloriari, non ero insipiens: veritatem autem dicam: parco autem, ne quis me existimet supra id quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ angelus Satanæ, qui me colaphizet. Propter quod ter Dominum rogavi ut discederet a me: et dixit mihi: sufficit tibi gratia mea: nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

## IN II. NOCTURNO.

*Lectio iv.*

**JOSEPHUS** a Cupertino Oppido in Salentinis Diœcesis Neritonensis, anno reparate salutis millesimo sexcentesimo tertio, piis ibidem Parentibus ortus, Deique amore præventus, pueritiam, atque adolescentiam summa cum simplicitate, morumque innocentia transegit. A diuturno molestoque morbo patientissime tolerato Deiparæ Virginis ope liberatus, se totum pietatis operibus ac excolendis virtutibus dedit: utque Deo ad majora vocanti se intimius conjungeret, Ordini Seraphico nomen dare constituit. Post varios eventus voti tandem compos factus, apud Minores Conventuales in Cœnobio Cryptulæ, inter Laicos primum ob litterarum imperitiam, deinde inter Clericos divina dispositione connumeratus est. Sacerdotio post solemnia vota initatus, perfectus sibi vitæ institutum proposuit. Quamobrem mundanis quibuscumque affectibus, terrenisque re-

bus pene ad vitam necessariis illico a se abdicatis, ciliciis, flagellis, castenis, omni demum asperitatum ac poenarum genere corpus afflixit, spiritum vero sanctæ orationis, altissimæque contemplationis assiduitate dulciter enutrivit. Hinc factum est, ut Charitas Dei, quæ jam erat in ejus corde a prima ætate diffusa, miro, planeque singulari modo in dies concrescaverit.

*Lectio v.*

**ELUXIT** præcipue ardentissima ejus charitas in extasibus ad Deum suavissimis, stupendisque raptibus, quibus frequenter afficiebatur. Mirum autem, quod alienato a sensibus animo, statim ab extasi eum revocabat sola obedientia. Hanc quippe virtutem eximio studio prosequabatur, dicere solitus, se ab ea veluti cæcum circumduci, et mori potius velle, quam non obedire. Paupertatem vero Seraphici Patriarchæ ita æmulatus est, ut morti proximus Præfato suo asserere vere potuerit, se nihil habere, quod more Religiosorum resignaret. Itaque mundo sibi que mortuus, vitam Jesu manifestabat in carne sua, quæ dum in aliquibus ex turpitudine obscærum flagitium sentiebat, prodigiosum de se efflabat odorem, indicium nitidissimæ illius puritatis, quam immundo Spiritu vehementissimis tentationibus frustra obnubilare diu conante, servavit illæsam, tum arcta sensuum custodia, tum jugi corporis maceratione, tum denique speciali protectione purissimæ Virginis Mariæ, quam Matrem suam appellare consuevit; ac veluti Matrem dulcissimam intimo cordis affectu venerabatur, eamque ab aliis venerari exoptabat, ut cum ejusdem patrocinio, sicut ipse agebat, omnia bona consequerentur.

*Lectio vi.*

**HÆC** Beati Josephi sollicitudo a sua erga proximos charitate prodibat, tanto enim animarum zelo exardebat, ut omnium salutem modis omnibus instantissime procuraret. Ex-

tendens pariter charitatem suam in proximum, sive pauperem, sive infirmum, sive quacumque alia tribulatione vexatum, quantum in ipso erat, illum recreabat. Nec alieni erant ab ejus charitate, qui objurgationibus, probris, omnisque generis injuriis ipsum appeterent; nam eadem patientia, mansuetudine, vultusque hilaritate tales excipiebat, qua tot inter ac tantas vicissitudines resplenduit, dum vel Moderatorum Ordinis, vel Sacrae Inquisitionis jussu hac illac errare, versarique coactus est. Quamquam vero Populi non solum, sed Viri Principes eximiam ejus sanctitatem, et superna charismata admirarentur; ea nihilominus erat humilitate, ut magnum se peccatorem reputans Deum enixe deprecaretur, ut sua ab eo illustria dona removeret; homines vero exoraret, ut in eum locum mortuum ejus corpus injicerent, ubi memoria sui ipsius esset prorsus oblitterata. At Deus qui ponit humiles in sublimi, quique Servum suum dum viveret, coelesti sapientia, prophetia, cordium perscrutatione, curationum gratia, ceterisque donis cumulatissime exornaverat, ejus quoque mortem iis, quibus ipse antea prädixerat, loco, ac tempore, anno ætatis suæ sexagesimo primo, Auximi in Piceno pretiosam reddidit, sepulchrumque gloriosum. Illum denique etiam post obitum miraculis coruscantem Benedictus Quartusdecimus Beatorum, Clemens Tertiusdecimus Sanctorum fastis adscripsit; ejus autem officium, et Missam Clemens Quartusdecimus ejusdem Ordinis ad Universam Ecclesiam extendit.

## IN III. NOCTURNO.

Lectio S. Evangelii secundum  
Matthæum.

Lectio vij.

Cap. 22.

**I**N illo tempore loquebatur Jesus Principibus Sacerdotum, et Pharisæis in parabolis dicens: Simile factum est Regnum Cœlorum homini

Regi, qui fecit nuptias filio suo. Et reliqua.

Homilia S. Gregorii Papæ.

Lib. 2. Homiliar. Homil. 38. circa medium.

**Q**UIA jam largiente Domino, nuptiarum Domum, idest Sanctam Ecclesiam, intrastis, solerter, Fratres, aspiciite, ne aliquid de mentis vestrae habitu Rex ingrediens reprehendat. Cum magno enim cordis timore pensandum est, quod protinus subditur: Intravit autem Rex, ut videret discumbentes, et vidit ibi hominem non vestitum veste nuptiali. Quid Fratres charissimi, exprimi per nuptialem vestem putamus? Si enim vestem nuptialem Baptisma, vel Fidem dicimus, quis sine Baptismate, et Fide has nuptias intravit? Eo enim ipso foris est, qui necdum credidit. Quid ergo debemus intelligere nuptialem vestem, nisi charitatem? Intrat enim ad nuptias, sed cum nuptiali veste non intrat, qui in Sancta Ecclesia assistens fidem habet, sed charitatem non habet. Recte enim charitas nuptialis vestis vocatur quia hanc in se Conditor noster habuit, cum ad sociandam sibi Ecclesiam nuptias venit.

Lectio viij.

**S**OLA quippe dilectione Dei actum est, ut ejus Unigenitus mentes sibi electorum hominum uniret. Unde et Joannes dicit: Sic enim dilexit Deus Mundum, ut Filium suum Unigenitum daret pro nobis. Qui ergo per charitatem venit ad homines, eandem charitatem innotuit vestem esse nuptialem. Omnis ergo vestrum, qui in Ecclesia positus Deo credidit, jam ad nuptias intravit: sed cum nuptiali veste non venit, si charitatis gratiam non custodit. Et certe, Fratres, si quis ad carnales nuptias esset invitatus, vestem mutaret, congaudere se Sponso et Sponsæ ex ipso sui habitus decore ostenderet, inter gaudentes, et festa celebrantes despectis vestibus apparere erubesceret. Nos ad Dei nuptias venimus, et cordis vestem mu-

tare dissimulamus. Congaudent Angeli, cum ad Cælum assumuntur electi. Qua ergo mente hæc spiritualia Festa conspiciamus, quæ nuptialem vestem, id est charitatem, quæ sola nos speciosos exhibet, non habemus?

*Lectio ix.*

**S**CIENDUM vero est, quia sicut in duobus lignis, superiore videlicet, et inferiore vestis textitur: ita in duobus præceptis charitas habetur, in dilectione scilicet Dei, et Proximi. Scriptum quippe est: Diliges Dominum Deum tuum ex toto corde tuo, et ex tota anima tua, et ex tota virtute tua, et proximum tuum sicut teipsum. Qua in re notandum est, quia in dilectione Proximi mensura amoris ponitur: cum dicitur: Diliges proximum tuum sicut teipsum. Dei autem dilectio nulla mensura constringitur, cum dicitur: Diliges Dominum Deum tuum ex toto corde tuo, ex tota anima tua, ex tota virtute tua. Non enim jubetur quisque quantum diligat, sed ex quanto, cum dicitur, ex toto; quia ille veraciter Deum diligit, qui sibi de se nihil relinquit. Duo ergo necesse est ut charitatis præcepta custodiat, quisquis habere in nuptiis vestem nuptialem curat.

*Ad Bened. Ant.* Ostendit mihi Dominus fluxum aquæ vivæ, splendendum tamquam crystallum, procedentem de sede Dei, et Agni.

*In II. Vesperts.*

*Ad Magnif. Ant.* Existimo omnia detrimentum esse propter eminentem scientiam Jesu Christi Domini mei.

**Die 19. S. Jan. Ep. et M. Præcip. Patr. Regn. Neap.**

*Duplex 4. Classis cum octava.*

*Omnia ut in festo Translationis, p. 191. præter seq.*

*Oratio.*

**D**EUS, qui per beati Januarii Martyris tui atque Pontificis confessionem et sanguinem, admirabili testimonio ac triumpho Ecclesiæ tuæ

Fidem illustrare dignatus es: quaesumus; ut ejusdem nos Fidei consortio et patrocinio munitos triumphum et gloriæ participes efficias. Per Dominum.

*Lect. I. Noct. Confitebor, ec. de Com. Virg. 2. loco, p. 70.*

*In II. Noct. Lect. ut in Brev. sub hac die.*

*In III. Noct. Evang. et Homil. ut in Festo S. Barnabæ Ap. die 11. Junii, p. 740.*

**Die 25. B. M. de Socos,**

**DICTÆ DE CERVELLIONE, VIRG.**

*Duplex.*

*In I. Vesperts.*

*Ad Magnif. Ant.* Flagellis, et catena Maria corpus domabat: silentio, et abstinentia animum custodiebat: Orationibus incessanter instabat, docens Christi Sponsas vas corruptibile in sanctificatione, et honore possidere.

*Oratio.*

**D**EUS, qui nos conspicias in tot periculis constitutos pro nostra fragilitate non posse subsistere: concede propitius, ut, intercedente beata Maria famula tua, de præsentis vitæ fluctibus educti, ad æternæ salutis portum pervenire valeamus. Per Dominum.

*In I. Noct. Lect. de script. occur.*

**IN II. NOCTURNO.**

*Lectio iv.*

**M**ARIA nobili familia de Cervellione, Barcinone in Hispania nata, et a parentibus in Dei timore primis ab annis enutrita, virginitatem suam, cum decem et octo esset annorum, illi devovit. Ejus vivendi ratio erat: in publicum rarius prodire, ægrotantibus domesticis sedulo adesse; et in No-comio ter in hebdomada pauperibus ministrare. Annum trigessimum agens, defuncto Patre, habitum Ordinis sanctæ Mariæ de Mercede, prima ex feminis suscipiens,



Sanctimonialibus ejusdem Ordinis ducem, magistram, et exemplar se præbuit, ac distributo patrimonio in redemptionem Captivorum, professionem in eodem Ordine, una cum voto de laborando pro redimendis captivis, emisit.

*Lectio v.*

**M**ATRE e vivis sublata cum aliquot honestis feminis, ejusdem instituti piam sanctamque vitam peregit: solita quotidie mulierum a suis Fratribus redemptarum, ac Barcinonam advenientium pedes in Hospitali domo lavare; quinquies in hebdomada Sacra Eucharistia refici; terque jejunare solo pane, et aqua contenta: quotidianis flagellis insuper, et ferrea catena corpus suum affligens. Silentium, quod mira observantia colebat, inanibus verbis nunquam infregit, ac parcius indulgens somno expetebat ab hujusmodi necessitate liberari, ut illo solo frueretur incessanter, quo jucundantur Cœli, et Angeli lætantur. Quod diurni temporis supererat ab oratione, et pietatis exercitiis, in pauperes juvandos impendebat; nullum officii genus prætermittens, quo afflictos consolaretur, oppressos liberaret, et vinctos educeret de carceribus.

*Lectio vj.*

**F**UTURAS maris tempestates prænuntiabat, illasque sæpe suis orationibus sedavit: visa aliquoties super undas incedere, quo Fratres Captivorum redemptores, aliosque in Mari periclitantes servaret incolumes, unde ei Mariæ de subsidio, vulgo de Socos, nomen est inditum. Denique post multa virtutum insignia Barcinone migravit ad Dominum, decimo tertio Kalendas Octobris, anno salutis millesimo ducentesimo nonagesimo. Ejus corpus, ex quo suavissimus odor manabat, sepultum est in Ecclesia Fratrum Ordinis sui: quod nonagesimo post anno, Episcopo Barcinonensi, Petro Aragoniæ Rege, ceterisque Aulæ, et Civitatis primatibus ad-

stantibus, solempni pompa elatum, incorruptum repertum fuit, ac decentiori in loco, ubi religiose colitur, asservatum.

*In III. Noct. Homil. de Com. p. 68.*

*Ad Bened. Ant.* Adducentur in lætitia, et exultatione Regi Domino Virgines post Mariam ut in sanctitate et justitia serviant illi, et quocumque ierit, ipsum Agnum sequantur.

*In II. Vesperis.*

*Ad Magnif. Ant.* Mare et venti Mariæ obediunt, Angelici candoris virtute pollenti: aquæ multæ cesserunt ardori charitatis ejus.

FEſta Octobris.

**Die 1. S. Greg. Arm. E. et M.**

*Duplex.*

*Ad Vesp. Ant.* Gaude Mater Ecclesia, cum reliq. de Laud. Psal. de Domin. et loco ult. Laudate Dominum.

*Capitulum.* Jacobi 1.

**B**EATUS vir, qui suffert tentationem, quoniam cum probatus fuerit, accipiet coronam vitæ, quam repromisit Deus diligentibus se.

HYMNUS.

**L**UX o decora Gregori  
Nostris refulge mentibus.

Te prævio videbimus  
Solem perennem gratiæ.

Tu clara gemma Præsulum.  
Excellis inter Martyres.

Longos per anni circulos,  
Tormenta passus horrida.

Tu voce curans corpora,  
Cæcasque mentes inclytus.  
Illuminans miraculis,  
Nutu fugasti dæmones.

Bonis procul fugacibus  
Amplexus es cœlestia,  
Spretoque mundo, Cœlitum.  
Gaudes politus præmiis.

Deo Patri sit gloria,  
Ejusque soli Filio.  
Cum Spiritu Paraclito,  
Nunc, et per omne sæculum. Amen.

ꝑ. Gloria, et honore coronasti eum Domine.

ā. Et constituisti eum super opera manuum tuarum.

*Ad Magnif. Ant. O Lux Ecclesie,*  
 Doctor veritatis, Pontifex Armenie,  
 norma charitatis, prædicator gratiæ,  
 deprecare pro nobis Filium Dei. Al-  
 leluja.

*Oratio.*

**D**EUS, qui per beatum Gregorium  
 Pontificem, et Martyrem tuum  
 Armenie gentis populum, Regemque  
 veræ fidei lucem recipere tribulsti:  
 da Ecclesie tuæ de tantis gaudere  
 triumphis, et apud te meritis ejusdem,  
 et precibus adjuvari. Per Dominum.

*Deinde fit commemor. S. Hierony-  
 mi, ac S. Remigii Ep. et Conf.*

*Ad Mattheum*

*Hymnus. Lux o decora, ut supra.*

IN I. NOCTURNO.

*Ant. 1. Probatus in Christo, et per-  
 fectus inventus est, ideo data est illi  
 gloria æterna.*

*2. Præcepto Regis non obedivit  
 Gregorius, coronas aureas diis offerri  
 præcipientis.*

*3. Præco salutis doctrina Evange-  
 lica Armenos erudivit.*

*γ. Gloria, et honore coronasti eum  
 Domine.*

*η. Et constituisti eum super opera  
 manuum tuarum.*

*Lect. A Mileto, cum η. de Com.*

IN II. NOCTURNO.

*Ant. 1. Suspensus in equuleo Gre-  
 gorius laudabat Dominum Salvatorem.*

*2. Glorificavit eum Dominus in con-  
 spectu Regis, et ostendit illi gloriam  
 suam.*

*3. Quasi Sol refulgens, sic effulsit  
 Gregorius in Templo Dei.*

*γ. Posuisti Domine super caput ejus.*

*η. Coronam de lapide pretioso.*

*Lectio iv.*

**G**REGORIUS Armenie Regibus  
 ortus, cum Patris Anaci tota fa-  
 milia ad necem usque quæreretur,  
 infans clam ereptus, Cæsarem Cappa-  
 docie educatus est. Adolescens Chri-  
 stianam legem una cum baptismo su-  
 scepit, duosque ex legitima uxore ge-  
 nuit filios Orthanem, et Arostanem,  
 quos adeo in fide Christi erudivit, ut

sanctissime uterque vitam finierit. Se-  
 cesserat Cæsaream Teridates Cursari  
 olim Armenorum Regis ab Anaco do-  
 lose interempti filius, a Persis ditio-  
 ne paterna spoliatus, cui Gregorius,  
 non ignorans paternum scelus, se se  
 in servitutem tradidit, et cum eo in  
 Armeniam, restituto ei a Romanis  
 Regno, post multos annos rediit. Ibi  
 a Teridate sæpius tentatus, ut Idolis  
 sacrificare vellet, cum renuisset con-  
 stantissime, innumera tormentorum  
 genera subire coactus est, ut pene  
 incredibilia videantur.

*Lectio v.*

**N**AM primo deducitur in tetrum  
 carcerem: in os ejus lignum im-  
 mittitur, quod violentissime ab infe-  
 riori parte superiorem disjungeret:  
 onerantur humeri glebis salis, qui  
 apud Armenos est fossilis: funibus  
 sanctum corpus alligatum in sublime  
 trahitur: post diem septimum e su-  
 blimi demittitur, altero pede suspen-  
 so, et igne admoto, fumoque sup-  
 posito, virgis interea sævissime cædi-  
 tur: crura tabulis, et fune constri-  
 guntur, ita ut efflueret sanguis per  
 summos pedes: qui clavis confixi ce-  
 lerare gressus mox coguntur: caput  
 fabrili quodam instrumento interce-  
 ptum comprimitur: per fistulam e  
 naso ad cerebrum sal aceto mixtum,  
 et nitrum transfunduntur: calathio  
 fuligine pleno caput ipsum obruitur,  
 ut suffocetur: ferreis ungulis excar-  
 nificantur latera, et a subjectis mu-  
 ricibus ferreis immanissime crucian-  
 tur: genua tibialibus ferreis vestiun-  
 tur, quæ cuneis item ferreis obfir-  
 mantur: plumbum liquefactum in os  
 ejus infunditur: sed invictus Grego-  
 ri animus Christi fide, speque mu-  
 nitus, tormentis non cessit unquam,  
 et divina virtute sanatus, constantior  
 prædicabat Christum. Unde Teridates  
 actus in rabiem ob patris etiam ne-  
 cem, quam postea cognovit ab Anaco  
 factam, ligatum collo, manibus,  
 et pedibus, in lacum Artaxat eum  
 dejici jubet moriturum.

## Lectio vj.

**P**OST annos quatuordecim divina providentia factum est, ut Teridates, quasi alter Nabuchodonosor probatus, Gregorii velut redivivi se ad pedes abjecerit, quem cum Satrapis Regni, mysteriis initiatum, jejunio longo purgavit, narrata cœlesti visione recreavit; et miraculosa diversarum ægritudinum curatione confirmavit. Quare propriam detestatus Rex contra eum crudelitatem, ipsemet Deorum templa destruxit. Ecclesias vero Deo ædificavit, pretiosas vestes, prædia, thesauros pro divino cultu elargitus. Exposcebat Rex Gregorium Episcopum, quem dubitantem Angelus e Cœlo animavit ad onus, et a Leontio Cæsareæ Episcopo, rogante Rege, consecratus est. Armeniæ fines, cum rediret, vix ingressus, oratione sua templum Herculis a fundamentis evulsit, et alterum erexit, in quo sancti Joannis Baptistæ, et martyris Athenogenis sacras reliquias collocavit. Ingentem hominum multitudinem baptizavit, exorta in cujusque capite mirifica cruce. Aperuit sacrarum litterarum gymnasia. Persis, Assyriis, Hunnis, et Medis ad Christianam Rempublicam aditum fecit, quibus et Episcopos dedit, et Sacerdotes, et Monachos, multis ab eo ædificatis Monasteriis. Tandem quietis, et otii divini cupidissimus, Arostane filio, petente Rege, sibi suffecto, in solitudinem cum paucis alumnis abiit, ubi jejunio plane admirabili, et contemplationi deditus obdormivit in Domino plenus dierum, Constantino Magno Imperatore. Ejus sacras reliquias Christiani ex Armenia ab hostibus capta fugientes, in Italiam transtulerunt, et Neapoli sacrum ejus caput cum catenis, quibus vinctus, et virgarum fragminibus, quibus cæsus fuerat, deposuerunt in nobili Ecclesia in ejusdem honorem erecta. Brachium vero in Ecclesia Cathedrali Neritonensi, cujus Cives Sancti viri miracula sæpius experti, præ-

sertum in impetrandis a Domino pluviis, eundem sibi Patronum elegerunt.

## IN III. NOCTURNO.

*Ant. 1.* Fuit magnus in Armenia magna, maximus in salutem electorum Dei.

*2.* Directus est divinitus in poenitentiam gentis, et tulit abominationem impietatis.

*3.* Virtutes multas, et miracula per beatum Gregorium Dominus fecit, alleluia.

*†.* Magna est gloria ejus in salutaris tuo.

*¶.* Gloriam et magnum decorem impones super eum.

*In III. Noct. Lect. de Homil. in Evang. Si quis venit ad me, p. 19.*

*¶. VIII.* Gaudet in cœlis beatus Gregorius Armeniæ Pontifex, gloria, et honore coronatus: \* Qui pro Christi nomine varios, et graves sustinuit cruciatus *†.* Dedit illi Dominus fortitudinem, et usque in senectutem permansit illi virtus. *Qui. Gloria. Qui.*

*Nona Lectio de Sancto Remigio.*

**Ad Laudes**

*et per Horas, Antiphonæ.*

*1.* Gaude Mater Ecclesia, adsunt festa solemnia Armeniæ Pontificis, et martyris Gregorii.

*Psalmi de Laud. Dom. p. 13.*

*2.* Lapide ad collum ligato prædicabat Gregorius Dominum Jesum Christum.

*3.* Sollicitus Pastor gregis Christi fuit Gregorius ac strenuus dæmonum debellator.

*4.* Idolorum templa destruxit, et sanctis martyribus nobiles Basilicas ædificavit, alleluja.

*5.* O lux Armeniæ! qui martyrio coronari, et inter Pontifices numerari digne meruisti.

*Cap. et Hymn. ut in I. Vesp.*

*†.* Justus ut palma florebit.

*¶.* Sicut cedrus Libani multiplicabitur.

*Ad Bened. Ant. O pastor egregie Gregori, lux Armeniæ! qui radiantis lumine cum Angelorum agmine*



Regem vidisti gloriæ; vota precantium suscipe, qui laudes tuas hodie personant, alleluja.

*Deinde fit comm. S. Remigii.*

*In II. Vesp. omnia ut in primis.*

ÿ. Justus ut palma florebit.

κ. Sicut cedrus Libani multiplicabitur.

*Ad Magnif. Ant. O Gregori, martyr Christi, esto memor nostri, ut tuis precibus adjuti æterna gaudia mereamur consequi, alleluja.*

*Deinde fit comm. SS. Angelorum Custodum.*

### **Die 3. Ss. Festi et Soc. MM.**

*Semiduplex.*

*Oratio de comm. pl. MM. Deus qui nos annua, p. 29°.*

*In I. Noct. lect. de script. occur.*

#### **IN II. NOCTURNO**

*Lectio iv.*

**FESTUS** Sancti Januarii Beneventi Episcopi Diaconus, et Desiderius lector Diocletiano et Maximiano in Christianos sævientibus ad Timothæum Campaniæ Præsidentem, ob Christianæ fidei professionem. Nolam perducuntur. Ibi comprehensi vinotique una cum Episcopo, ante rhedam Præsidis Puteolos pertrahuntur, et in eundem carcerem, in quo Sosius Misenas, et Proculus Puteolanus diaconus, Eutyches et Acutius laici ad bestias damnati detinebantur, simul conjiciuntur.

*Lectio v.*

**POSTERO** die omnes in amphitheatro feris objecti sunt, quæ naturalis oblitæ feritatis, ad Januarii pedes se prostravere. Id Timotheus magicis cantionibus tribuens, cum sententiam capitis in Christi Martyres pronuntiasset, oculis repente captus, orante mox beato Januario, lumen recepit: quo miraculo hominum milia fere quinque Christi fidem susceperunt.

*Lectio vj.*

**VERUM** ingratus judex nihilo placatior factus beneficio, sed con-

versione tantæ multitudinis actus iracundiam, veritus maxime Principum decreta, sanctum Episcopum cum sociis gladio percuti jussit. Horum corpora finitimæ urbes, pro suo quæque studio certum sibi Patronum ex iis apud Deum adoptandi, sepelienda curarunt.

*In III. Noct. Homilia S. Hilari. Rp. in Evang. Sedente Jesu, ut in Prop. SS. die. 19. Septembr. in corpor. Brev.*

### **Die 9. B. M. Franciscæ**

**A VULNERIBUS D. N. I. C.**

*Virg. Duplex Minus.*

*Oratio.*

**DOMINE** Jesu, qui beatam Mariam Franciscam Virginem inter ceteras dotes in Mundi contemptu mirabilem effecisti, ejus quæsumus meritis, et intercessionem concede nobis terrena despicere, et cælestia semper inquirere. Qui vivis, et regnas etc.

*Lect. I. Noct. de script. occur.*

#### **IN II. NOCTURNO.**

*Lectio iv.*

**MARIA** Francisca a quinque Vulneribus Jesu Christi, honestis parentibus Neapoli orta ab ipsa pene infantia sanctitatis indicia præbuit. Adhuc enim puella Angelorum Panem esuriebat, et Christi Domini cruciatus mente revolvens grati animi sensu et mœrore afficiebatur. Septennis ex Sacerdotis consilio qui ei a sacris confessionibus erat, Eucharistia refecta Deo prorsus adhæsit. Quum sextum decimum annum ageret cælestem Sponsam anhelans, nulla vi nulla ratione adduci potuit, ut divites nuptias iniret. Igitur aliquanto post assentiente Patre domi suæ Tertii ordinis S. Francisci habitum induit ex Institutis S. Petri de Alcantera, ac religiosa vota nuncupavit.

*Lectio v.*

**SUSCEPTI** instituti leges quamvis rigidas perbelle implevit, et

corpus suum uti hostem dure habuit. Jejunii enim, vigiliis, flagellis asperimisque ciliciis ipsum atterebat, licet infirma valetudine, et aliquando etiam labori obnoxia, quo sibi, et sororibus consuleret. Neque noctu quieti se dabat, quum brevem somnum caperet super duas tabulas ovina tantum pelle contextas. Adeo vero pati exoptabat, ut ingravescente ætate, morbisque attrita ægre in commodiori lecto jacuerit, quo Medicorum, ac spiritus sui moderatoris jussu perficeret. Modico pane vescebatur, cui addebat absinthium. Æquo animo injurias hominum, et convicia, demonum vexationes perferebat.

*Lectio vj.*

**VIRGINITATEM** ita coluit, ut eam Dei ope suffulta ab impudentium insidiis, atque aperta vi intactam servaverit, et jucundum sæpe spiraret odorem. Ejus cor divini amoris igne ita æstuabat, ut duas costas perfregerit. Cœlestibus rebus intenta frequenter in extasim est raptâ, et quandoque a terra sublata. Deiparam Virginem uti matrem ex animo habebat, et impense venerabatur. Ægros, inopes, vexatos qua poterat ratione reficiebat, solabatur, ac flagitiosos homines qua hortatu, qua ad Deum effusa prece ad bonam frugem reducebat. Supernis licet cumulata donis ita de se abjecte sentiebat, ut multis culpis obnoxiam, ac se dignam profiteretur quam Deus in nihilum redigeret. Diutinis tandem absumpta morbis patientissime latis ad Cœlestem Sponsum migravit pridie nonas Octobris annos nata septuaginta septem. Eam post mortem prodigiis claram Gregorius XVI. Pontifex Maximus anno millesimo octingentesimo quadragesimo tertio inter Beatas Virgines recensuit.

*In III. Noct. Homil. de Com. I. loco, p. 68°.*

**DIE 10. S. Ludovici Ber. C.**  
*Oratio*

**DEUS**, qui beatum Ludovicum Confessorem tuum per corporis

mortificationem et fidei præconium, Sanctorum gloriæ cœquasti, præsta, ut quod fide profitemur, pietatis operibus jugiter impleamus. Per Dominum.

*In I. Noct. Lect. de script. occur.*

**IN II. NOCTURNO.***Lectio iv.*

**LUDOVICUS** Bertrandus, Valentini in Hispania Tarraconensi honestis, piisque parentibus natus, ab ipsa pene infantia sanctitatis, ac penitentiae tyrocinium inchoavit. Exacta pueritia interdum nuda cubabat humo, noctes sæpe ducebat insomnes, ac in pietatis et charitatis officia sedulus incumberebat. Mundi contemptu, ac Religiosæ vitæ ardore succensus, Parentum artes, quibus eum a sancto proposito dimovere conabantur, mira constantia superavit. Sui tandem voti compos effectus, Prædicatorum Ordini nomen dedit, ubi brevi tantum profecit, ut vel provectionibus ipsis, quamvis tyro, fuerit exemplo. Emissa professione, mirum, quot, et quantis virtutum incrementis priorem vitæ rationem cumularit. Jejunii, flagellis, ciliciis, vigiliisque carnem domans, mentem jugi orationis pabulo nutrebat; ex quo tantum internæ animi modestiæ, ac puritatis hauriebat, ut vel in ejus oculis, ac vultu appareret.

*Lectio v.*

**ADHUC** juvenis Novitiorum præfectus institutus, eos ad omnem verbo, et exemplo sanctimoniam efformabat. Ad Occidentales Indos Evangelicus Prædicator missus, quamvis uno tantum Hispanico uteretur idiomate, eum tamen diversæ, atque inter se dissitæ Nationes sua veluti loquentem lingua, singulæ audiebant, ex quibus innumeros ad Christianam Fidem adduxit; ibique venenum non semel sibi a Barbaris propinatum, innoxie hausit. Publicam vitiorum objurgationem, tamquam in se unum directam Nobilis quidam ulturus,

mortem Ludovico intentat, cum strictus in eum sclopus in Crucifixi formam repente convertitur. Quo miraculo nefarius aggressor permotus, ad sancti viri pedes provolutus, tanti facinoris veniam enixe deprecatur.

*Lectio vj.*

**H**UMILITATE, ac patientia insignis illud identidem usurpabat, Domine, hic ure, hic seca, hic non parcas, ut in æternum parcas. Prophetico afflatus spiritu multa prædixit. Ignem signo Crucis extinxit, tempestatem sedavit, ferarum impetus cohibuit, mortuis vitam, cæcis visum, claudis gressum, surdis reddidit auditum. Tandem durioris poenitentiae laboribus fractus, in morbum incidit, sacrisque Mysteriis rite expiatus, migravit in Cælum, septimo Idus Octobris, anno millesimo quingentesimo octogesimo primo, ætatis vero suæ quinquagesimo quinto. Quem multis etiam post obitum miraculis clarum Paulus quintus Beatorum, Clemens vero decimus Sanctorum numero adscripsit. Ejus demum festum Alexander octavus instante Rege Catholico, ab universo ditionis ipsius Clero sæculari, sub ritu duplici celebrandum decrevit, Sanctumque confessorem novi Regni Gravatensis Patronum Apostolica auctoritate declaravit.

*In III. Noct. Homil. ut de Commun. I. loco, p. 56°.*

**Die 12.8. Pulcher. V. Imp.**

*Duplex Majus.*

*Oratio.*

**D**EUS, qui beatam Pulcheriam Virginem tuam singulari castitatis prærogativa decorasti, quique illi ad defendendam Ecclesiam tuam summum Fidei amorem tribuere voluisti: concede, ut ejus intercessione tibi puris mentibus inhærentes, ab omnium hostium insidiis misericorditer liberemur. Per Dominum.

*Lect. I. Noct. De Virginibus, de Commun.*

**IN II. NOCTURNO.**

*Lectio iv.*

**Æ**LIA Pulcheria Augusta, Patre, Avo, Fratre, atque Viro Romanorum Imperatoribus maxime nobilis, profligatis sua præsertim opera Hæreticorum erroribus, et Catholico Dogmate circa Incarnationis Mysterium, et Divinam Maternitatem constituto multo nobilior, ab ipsa pueritia tanta sapientia divinitus prædita fuit, ut ii, quibus post Arcadii patris obitum Imperii procuratio, dum Theodosius adolēsceret, commissa fuerat, ejus arbitrata omnia facerent: essetque constans opinio, unius puellulæ virtute ac sapientia, quæ instare atque ingruere videbantur, pericula discussa, et felicitatem Imperio constitutam. Domi assidua disciplinæ exercebat eam vivendi formam induxit, ut illa jam non Aula Imperatorum, sed Asceterium vulgo diceretur. Theodosium fratrem, Eudoxiam, quam illi matrimonio conjungendam curavit, Flacillam, Arcadium, Marinam sorores ita imbuerat bonis moribus, exercebatque ad virtutem; ut quibus ætate non multum præstabat, eorum moderatrix ac propemodum Mater esse videretur. Qua institutione Sorores quantum profecerint, vel ex hoc uno intelligi potest, quod Pulcheriam imitaturæ se, suamque Virginitatem Deo devoverunt; utque Augusta Virgo ea, quæ decreverat, amplius confirmaret, omnesque voluntatis suæ testes haberet, ex auro, et pretiosis lapidibus Sacram mensam in Ecclesia Constantinopolitana pro Virginitate sua, et Fratris Imperio dedicavit, et in fronte ipsius mensæ hæc eadem scripsit.

*Lectio v.*

**P**OTIOR autem ejus in Theodosio instituendo eluxit cura; eumque, ubi opus esset, mira quadam dexteritate corrigebat; qui quidem talis est effectus, ut absolutissimum optimi, vereque Christiani Principis exemplar fuerit, dum Pulcheriæ consiliis est obsecutus. Post diuturnam



cum fratre concordiam, turbis malevolorum fraude, atque obrectatione in aula excitatis, tempus nacta quo sibi jam uni, Deoque vacare posset, secessit in Hebdomum, locum Byzantio suburbanum, ibique vitam agens pene monasticam aliquandiu se continuit. Cum vero felicitas Imperii nova cum ea exularet, a fratre accersita, ubi deesse vidit qui praelia Domini pugnaret, Deboram imitata, fide ac Religione armata processit, et missis in omnem partem Epistolis hortando, monendo, minitendo, non pecuniæ, non laboribus parcens, digna effecta est, quam Patres Concilii Chalcedonensis una omnium voce, atque præconio Custodem Fidei, pacis Conciliatricem, Expultricem Hæreticorum, Piam, Orthodoxam, novam Helenam (sicut Marcianum tunc Imperatorem, novum Constantinum) consalutarent; cuique sanctus Leo totius Romanæ Ecclesiæ nomine plurimum gratularetur, ejusque causa exultare se diceret, ac digna Deo vota persolvere, quod de Nestoriana primum impietate, mox de nefario Eutychetis errore perempto duplicem illi et palmam contulerat, et coronam.

*Lectio vij.*

**A**TQUE hæ tantæ curarum molles, quas præsertim in Ephesido ac Chalcedonensi Conciliis Romanorum Pontificum auctoritate convocatis necessario susceperat, nihilo illam ad cetera Christianæ pietatis officia obeunda fecere segniorum. Assidua cœlestium rerum contemplatione, Sacrorum Librorum lectione, corporis afflictationibus sponte susceptis se exercebat; psalmos de nocte surgens una cum Regiæ familiæ Principibus decantabat: Dei, ac Sanctorum (quorum et colloquio non semel dignata est) cultrix eximia; quæ etiam summo opere semper contendit, ut erga eorum Reliquias cultus augetur. Deiparam in primis coluit, cui hanc ipsam Deiparæ appellationem contra Nestorianorum blasphemias asseruit,

voluit namque summa Sapientiæ suæ dispositione Divina providentia, ut per Virginem summa Virginis dignitas inoffensa penitus servaretur; quam etiam est imitata servando perpetuam in ipso conjugio Virginitatem: cujus denique cultui amplificando complura Tempia regali plane magnificentia excitavit, donariis auxit, redditibus locupletavit. In placanda Divina Justitia mira pietate enituit. Fuit erga pauperes misericordia plane singulari: quos et materna quadam charitate complexa est quoad vixit, et moriens eorum, quæ assidua effusissimæ liberalitas reliqua fecerat, scripsit hæredes. Quod cautum ab ipsa testamento fuit, diligenter curavit Marcianus, quem pari Religionis studio, rebusque omnibus Imperio dignissimum ipsa evexerat ad Imperium, sibi que hanc ipsam ob causam, salva, quam Deo voverat, Virginitate, conjugem delegerat. Obiit anno quadringentesimo quinquagesimo tertio, magno omnium luctu, maximisque Sanctorum Patrum, ceterorumque ejus ævi Scriptorum laudibus celebrata.

IN III. NOCTURNO.

Lectio Sancti Evangelii secundum Joannem.

*Lectio vij.*

Cap. 17.

**I**N illo tempore: Dixit Jesus: Hæc est autem vita æterna ut cognoscant te solum Deum verum, et quem misisti Jesum Christum. Et reliqua.

Homilia sancti Cyrilli Alexandrini.

*De Fide ad Pulcheriam, et Sorores.*

**S**ANE vos sacras castissimasque Christi omnium nostrum Salvatoris sponsas, religiosissimæ, ac Deo dilectissimæ Imperatrices, orbis terrarum ornamentum, sanctissimarumque Ecclesiarum decus optimo jure quisquis appellaverit, in quibus nimirum omne virtutum genus, omnisque ornatus Divinæ Majestatis oculis gratus acceptusque mirifice splendet. Neque his opibus contentæ omnem quoque curam omneque studium adhibetis, quo fide recta nul-

Jamque in partem vacillante excellatis. Neque Christi regnum capessere, et ea, quæ illi grata sunt, facere, et sentire omittitis, partim quidem præclaris actionibus, partim rursum cum vestras, tum Principum quoque vestrorum aulas Virginitatis gloria condecorantes, partim denique sumptuosissima Tempia Christo Domino excitantes: nam et hoc quoque pietatis studium inter cetera ille sanctis vestris animis impertitus est.

*Lectio viij.*

**IGITUR** ex sacris litteris vobis vere sanctis Christi Sponsis ( quamquam ad quodvis opus bonum abunde instructæ videamini ) aliquid depromam. Hinc etenim et Emmanuelem verum ac naturalem Deum, et Virginem Matrem, quæ cum peperit, veram per ipsum Deiparam esse platum fiet. Ait Christus: Hæc est vita æterna, ut cognoscant te solum Deum verum, et quem misisti Jesum Christum. Si cum solius, verique Dei cognitione Jesu Christi cognitionem necessariam consociatamque esse oportet, et hoc ipsum æternam vitam conciliat; cui obscurum esse potest Christum verum esse Deum? Verbum sane caro factum est, sed mansit interim Verbum.

*Lectio ix.*

**ET** ego claritatem, quam dedisti mihi, dedi eis; ut sint unum, sicut et nos unum sumus. Qualem itaque gloriam Filius a Patre accepisse se narrat, quam nobis deinde communem fecerit? sane ipse ob hac questione nos liberat, dum ait; ut unum sint, sicut et nos unum sumus. Nam etsi Dei Patris Verbum, secundum propriam hypostasim, aliud a Patre esse dignoscatur; naturali tamen identitate unum plane et idem est cum illo. At quo pacto Verbum illud unum quoque nobiscum factum est? Ad eundem omnino modum, puta secundum essentialem, et naturalem identitatem. At cum Divina natura tanto a creatura distet intervallo, ut secundum

essentiam cum ea coire nequaquam valeat, ecquo, inquis, modo secundum naturam unum ille factus est nobiscum, qui omnem omnino creaturam excellit? Verbum factum est homo; ut quemadmodum in Deitate unum et idem est cum Patre, ita secundum naturæ humanæ habitudinem sit unum quoque nobiscum.

**Die 11. S. Fortunatæ V. M.**

*Duplex.*

*Oratio. Deus, qui inter cætera, de Com. Virg. p. 62\*.*

*In I. Noct. Lect. de Script. occur.*

**IN II. NOCTURNO.**

*Lectio iv.*

**FORTUNATA** virgo Cæsareæ in Palæstina nobili genere nata, Fratres habuit, eosdemque Fidei Magistros Carponium, Evaristum, et Priscianum, quibus una cum aliis in persecutione Diocletiani sub Urbano præside comprehensis, cum limina carceris pia Soror frequentaret, ut quaecumque valeret auxilium Christi confessoribus præberet, judici delata in vincula conjicitur. In iis, tum impiæ Matris coactus, precesque nefarias, tum Præsidis minas et oblatas filii nuptias velut hostes Fidei, ac Martyrii, quod unice concupiverat, constantissime superavit. Cum autem in interiora carceris penetralia, ubi Fratres, et Socios detineri cognoverat, a Custodibus admitti obtinuisset, ac mutuis se orationibus, rerumque Divinarum colloquiis, ad ultimum Fidei certamen confirmarent, vox de Cælo resonuit, qua omnium vota non liabantur exaudita, et aliis quidem per leviora tormenta. Fortunatæ vero per longe duriorem agonem Martyrii corona spondebatur.

*Lectio v.*

**SEVIENTE** igitur Urbano, fortissima Virgo capillis divulsis, et vestibis per ignominiam dilaceratis, per Urbem circumducitur: Moxque ferreis, acutisque serræ dentibus mediam secare, tortores aggressi,

carnem ejus Divinitus obduratam, nunquam lædere potuerunt. In Amphiteatro feris objecta, non modo illæsa permansit, sed leonem ferocissimum in Præsidem irruentem, solo imperio coercuit: quo tamen beneficio nihilo mitior redditus Tyrannus talos eidem terebrari, clavisque configi, ac tandem post equuleum, ignesque superatos, caput amputari præcepit. Ea sententia primum in fratres executioni demandata est. Sed cum ad Fortunatam lictor accederet, visis repente Angelorum, et Virginum Choris, terrefactus obrigit, animo simul, et viribus destitutus. Illa vero repetitis de Cælo vocibus, ad coronam evocata post brevem orationem invictum spiritum Deo reddidit, et ibidem una cum Sanctis fratribus a Christianis sepelitur.

*Lectio vj.*

**S**ANCTORUM Martyrum corpora clam inde subducta, transvehentibus quibusdam nautis, ecce Angeli de Cælo descendentes in prora navis consederunt, Davidicum illud concinentes: Gloria hæc est omnibus Sanctis ejus. Ad hæc mira consternati quotquot aderant, ab ipsamet Fortunata Beatissima inter Angelos apparente, bono animo jubentur esse, illos itineris duces a Deo missos habituri. Ipsis itaque præsentibus Campaniæ littus feliciter appulsi, sacra Martyrum Lipsana deposuere: quæ plurimis coruscantia miraculis ibidem tamdiu quievit, donec regione a Vandalis, Maurisque devastata, Stephanus Neapolitanus Episcopus ea Neapolim transferri curavit, Adriano Primo Summo Pontifice, Constantino et Irene imperantibus. Porro sedente Pio Quarto venerabiles Reliquiæ iterum inventæ sunt in Ecclesia Sanctimonialium Sancti Gaudiosi, in qua ad hanc usque diem pridie Idus Octobris magna populi veneratione coluntur.

*In III. Noct. Homil. in Evang. Simile erit, etc. de Comuni.*

**Die 17. S. Irenæ V. M.**

*Duplex minus.*

*Oratio Deus qui inter cætera, de Com. Virg. pag. 62. Lect. I. Noct. de script. occur. reliq. de eod. Com. I. loco.*

**Die 21. SS. Urs. et Soc. MM.**

*Duplex.*

*Antiph. in vesp. et laud. Prudentes virgines aptate vestras lampades: ecco sponsus venit, exite obviam ei.*

*Oratio.*

**D**A nobis, quæsumus Domine Deus noster, SS. Virginum et MM. tuarum Ursulæ et sociarum eius palmas incessabili devotione venerari, ut quas digna mente non possumus celebrare, humilibus saltem frequentemus obsequiis. Per Dominum.

*In I. Noct., Lect. de Script. occur.*

**IN II. NOCTURNO.**

*Lectio iv.*

**G**RATIANO imperatore, Flavius Clemens Maximus romani exercitus in Britannia dux, arrepta tyrannide imperator a militibus acclamatur. Inde copias in Gallias transmittens ab insensis Gratiano legionibus exceptus imperium sibi corroborat. Cumque Armoricorum uberem regionem, ejectis antiquis habitatoribus, britannicis militibus, quos secum junxerat, divisisset; quo novas colonias propagaret in posteros, Connani britannici reguli consilio (quem britannorum ducem habebat in exercitu) legatione missa in Britanniam singulis militibus novis colonis singulas virgines conjugio fœderandas postulat.

*Lectio v.*

**H**AUD visa Britanniae regulis absurda petitio, unde in gratiam novi imperatoris, et quod filias suas nonnisi gentilibus suis, iisque donatis nova provincia prædivitis honestissime collocandas scirent, pro numero militum totidem delectæ sunt



virgines, quarum princeps erat Ursula, Dionoci Cornubiæ Regis filia desponsata Connano duci britannorum militum in exercitu Maximi. Cunctæ igitur Londini collectæ impositæ sunt invitæ navigiis. Solventes nautæ dum Armoricarum regionem cogitant, æveva procella in Germanicum littus dejiciuntur.

*Lectio vj.*

**C**ONTIGIT adesse tunc ibi Hunnorum copias, quas a Gratiano imperatore adversus Maximum evocatas ferunt. Nacti igitur barbari præclarum illud virginum agmen, impotenti libidinis æstu furentes in eas irruunt. Sed cum hortante Ursula mortem potius oppetere, quam virginei pudoris jacturam pati invicto animi vigore decrevissent, Hunni in rabiem immanitatis conversi ad unam omnes trucidant. Sicque Ursula super comitum suarum, velut cœlestium margaritarum acervum, gloriosa victima procumbens, purpura pro Christo fusi sanguinis decorata, triumphatorem tot virginum exercitum, geminis nempe virginitatis et martyrii laureis insignem ducens, cœlum victrix intravit. Quarum corpora Colonienses summo honore condiderunt, earumque illustrem agnoscens Christianus orbis florenti semper memoria celebrat.

*In III. noct. lect. de homil. Sæpe vos, p. 68°.*

**Die 24. S. Raphael. Arch.**

*Duplex ii. classis.*

*Ad Vesperas Antiphona. Missus est Angelus, cum reliq. de Laud. ut infra.*

*Psal. Dixit Dominus, cum reliq. de Dom. p. 86., et loco ultim. Psalm. Laudate Dominum omnes gentes.*

*Capitulum Tob. 12.*

**Q**UANDO orabas cum lacrymis, et sepeliebas mortuos, et derelinquebas prandium tuum, et mortuos abscondebas per diem in domo tua et nocte sepeliebas eos, ego obtuli orationem tuam Domino.

### HYMNUS.

**T**IBI, Christo, splendor Patris,  
Vita, virtus cordium,  
In conspectu Angelorum  
Votis, voce psallimus,  
Alternantes concrepando,  
Melos damus vocibus.

Collaudamus venerantes  
Omnes cœli principes,  
Sed præcipue fidelem  
Medicum, et Comitem  
Raphaelem, in virtute  
Alligantem dæmonem.

Quo Custode procul polle,  
Rex Christe piissime,  
Omne nefas inimici,  
Mundo corde, et corpore:  
Paradiso redde tuo  
Nos sola clementia.

Gloriam Patri melodis  
Personemus vocibus:  
Gloriam Christo canamus,  
Gloriam Paraclyto,  
Qui trinus et unus Deus  
Extat ante sæcula. Amen.

†. Stetit Angelus juxta aram templi.

¶. Habens thuribulum aureum in manu sua.

*Ad Magnific. Antiphon. Ego sum Raphael Angelus, qui esto ante Dominum; vos autem benedicite Deum, et narrate omnia mirabilia ejus, alleluja.*

*Oratio.*

**D**EUS, qui Beatum Raphaelem Archangelum Tobiae famulo tuo comitem dedisti in via: concede nobis famulis tuis, ut ejusdem semper protegatur custodia, et muniamur auxilio. Per Dominum.

*Ad Matutinum, Invitatorium. Regem Archangelorum Dominum, Venite adoremus.*

*Psal. Venite exultemus. 1.*

*Hymn. Tibi, Christe, splendor, ut supra.*

*Ant. Ingressus Tobias invenit juvenem præcinctum, et quasi paratum ad ambulandum, et ignorans quod Angelus esset salutavit eum.*

*Psal. 8. Domine Dominus , p. 4.*

*Ant. Angelus Raphael seipsum occultans , ait: Ego sum Azarias magni Ananiam filius.*

*Psal. 10. In Domino confido, p. 5.*

*Ant. Sanum ducam filium tuum in regione Medorum , et sanum tibi reducam , allel.*

*Psal. 14. Domine quis, p. 7.*

*†. Data sunt Angelo incensa multa.*

*¶. Ut adoleret ea ante altare aureum , quod est ante oculos Domini.*

De libro Tobie.

*Lectio i.*

*Cap. 11.*

**V**OCAVIT ad se Tobias filium suum , dixitque ei: quid possumus dare viro isti sancto qui venit tecum? et respondens Tobias, dixit patri suo: Pater, quam mercedem dabimus ei, aut quid dignum poterit esse beneficiis ejus? Me duxit , et reduxit sanum , pecuniam a Gabelo ipse recepit , uxorem ipse me habere fecit, et dæmonium ab ea ipse compescuit, gaudium parentibus ejus fecit, meipsum a devoratione piscis eripuit, te quoque videre fecit lumen cæli, et bonis omnibus per eum repleti sumus. Quid illi ad hæc poterimus dignum dare? Sed peto te pater mi, ut roges eum , si forte dignabitur medietatem de omnibus, quæ allata sunt, sibi assumere.

¶. In illo tempore exaudite sunt preces amborum in conspectu gloriæ summi Dei; Et missus est Angelus Domini Sanctus Raphael , ut curaret eos ambos, quorum uno tempore sunt orationes in conspectu Domini recitatae. v. Tobias et Sara in tribulatione positi, cum lacrymis orare ceperunt. Et missus.

*Lectio ij.*

**E**t vocantes eum pater scilicet , et filius, tulerunt eum in partem et rogare ceperunt , ut dignaretur dimidiam partem omnium, quæ attulerant , acceptam habere. Tunc dixit eis occulte: Benedicite Deum Cæli , et coram omnibus viventibus confitemini ei , quia fecit vobiscum misero-

ricordiam suam. Etenim sacramentum regis abscondere , bonum est: opera autem Dei revelare, et confiteri, honorificum est. Bona est oratio cum jejunio , et eleemosyna magis quam thesauros auri recondere : quoniam eleemosyna a morte liberat , et ipsa est, quæ purgat peccata, et facit invenire misericordiam, et vitam æternam. Qui autem faciunt peccatum , et iniquitatem , hostes sunt animæ suæ. Manifesto ergo vobis veritatem, et non abscondam a vobis occultum sermonem. Quando orabas cum lacrymis, et sepeliebas mortuos, et derelinquebas prandium tuum, et mortuos abscondebas per diem in domo tua, et nocte sepeliebas eos, ego obtuli orationem tuam Domino. Et quia acceptus eras Deo , necesse fuit , ut tentatio probaret te.

¶. Egressus Tobias invenit juvenem splendidum, stantem præcinctum et quasi paratum ad ambulandum , et salutavit eum , et dixit: Unde te habemus , bone juvenis, allel. †. Et ignorans , quod domini Angelus esset, salutavit eum, et dixit. Unde te habemus.

*Lectio iij.*

**E**t nunc misit me Dominus, ut curarem te, et Saram uxorem filii tui a dæmonio liberarem. Ego enim sum Raphael Angelus , unus ex septem qui astamus ante Dominum. Cumque hæc audissent, turbati sunt et tremantes ceciderunt super terram in faciem suam. Dixitque eis Angelus: Pax vobis, nolite timere. Etenim cum essem vobiscum, per voluntatem Dei eram : ipsum benedicite , et cantate illi. Videbar quidem vobiscum manducare, et bibere, sed ego cibo invisibili, et potu, qui ab hominibus videri non potest , utor. Tempus est ergo, ut revertar ad eum , qui me misit : vos autem benedicite Deum , et narrate omnia mirabilia ejus. Et cum hæc dixisset, ab aspectu eorum ablatu est, et ultra eum videre non potuerunt. Tunc prostrati per horas

tres in faciem, benedixerunt Deum, et exurgentes narraverunt omnia mirabilia ejus.

¶ Ingressus Angelus ad Tobiam, salutavit eum, et dixit: Gaudium sit tibi semper: Forti animo esto, in proximo enim est, ut a Deo cureris, alleluja. ¶ Et respondens Tobias, ait: Quale gaudium mihi erit, qui in tenebris sedeo, et lumen cœli non video? Forti. Gloria. Forti.

#### IN II. NOCTURNO.

*Ant.* Dixit autem Angelus: Apprehende branchiam piscis, et trahe eum extra aquas.

*Psal.* 18. Cœli enarrant p. 10.

*Ant.* Obsecro te, Azaria frater, ut dicas mihi, quod remedium habebunt ista, quæ de pisce servare jussisti.

*Psal.* 23. Domini est terra. p. 21.

*Ant.* Lumina fel sanat; sed virtus cordis et jecoris, diaboli expellit potestatem.

*Psal.* 33. Benedicam, p. 35.

¶ Ascendit fumus aromatum in conspectu Domini, alleluja.

¶ De manu Angeli, alleluja.

Sermo S. Augustini Episcopi.

Serm. 1. in Dominica xv. de B.

Tobia, qui est. 126. de Temp.

#### Lectio iv.

**B**EATUS Tobias, qui panem suum noverat frangere esurienti, mercedem celerem mercenario præparat laboranti. Patienter lectione percepta, quæ nuper est recitata, admirabamur patris filiique tractatum, quemadmodum Angelus monet, quem æstimabant terrenum sub cœlesti gloria mercenarium. Ad hoc enim cæcitatis incurrit exitium, ut Angelum susciperet medicum, qui divinis facibus incensus, sic anhelavit. Honesta est oratio cum jejunio, et eleemosyna. Oratio! justis clavis est cœli: ascendit precatio et descendit Dei miseratio. Licet alta sit terra, altum cœlum, audit tamen Deus hominis linguam, si mundam habeat conscientiam. Cum sensibus loquimur, si sit solus noster gemitus. Sufficit auribus imber oculorum: fle-

tus citius audit, quam voces. Oratio invidi solet de auribus propulsari. Erat patris, et filii anima una; dum esset proprietas membrorum, erat illis singularis germanitas animorum. Fili, inquit, dimittamus istum hominem, adjicientes ad mercedem placitam; quia nobis multa operæ suo contulit bona. Et rogare cœpit mercenarium, ut mercedis suæ sumat effectum. Frater, inquit, accipe quod tuum est, et tunc vade salvus. Recipe mercedem tuam, quia mihi, et filio meo bonam præbuiisti misericordiam. Tolle ut dixi, substantiam, quam cum filio meo reportasti; nam gratia, quam tibi debemus, non potest ponderari.

¶ Interrogavit Tobias Angelum: De qua domo, aut de qua tribu es tu? qui respondens, ait: Ego sum Azarias Ananiæ magni filius, alleluja. ¶ Genus quæris mercenarii, an ipsum mercenarium, qui cum filio tuo eat? Sed ne forte sollicitus sis. Ego.

#### Lectio v.

**C**ONTINUO Angelus gaudet de cogitata mercede, qui missus fuerat gratis facere pietatem. Tobis, inquit, vel Tobias, quid de mea mercede satis superflue cogitatis? Habete, quod vobis donavit Pater ille cælestis. Ego minister sum curationis, ille est auctor sanitatis. Nescitis, cujus mercenarii ope perfrui meruistis. Defunctos captivitatis sepelire non timuistis. Tobis, ascenderunt ad Dominum opera tua, quia, relicto prandio, reddidisti mortuum sepulture. Ego Domino medullata intuli sacrificia pro venerabili sepultura. Ego directus sum operarius foris cælestis. Mortuum sepelistis, et mortis aculeum non timuistis. Ipse sepultus pro vobis voce tacita proclamavit: probationis fuerat cæcitas oculorum, unde patientia tua clarius meruisset de cælestibus ornamentum. Ego sum Raphael, unus ex septem Angelis, qui astamus ante claritatem Dei. Non indigeo fructu humanæ mercedis, divitem me facit conversatio majestatis. Dives est



ille, qui me misit: gratis jussit impendi, quod gratis ipse concessit. Nec ipsum honorem gratiarum mihi deputetis, quia nihil meis viribus percepistis. Deum benedicite, et illi confitemini, et ipsum glorificate, quia vobiscum fecit bona.

¶. Exivit Tobias, ut lavaret pedes suos, et ecce piscis immanis exivit ad devorandum eum, qui expavescens, clamavit voce magna, dicens: Domine, invadit me, et dixit ei Angelus: Apprehende branchiam ejus, et trahe eum ad te: \* Exentera hunc piscem, et cor ejus, et fel, et jecur repone tibi, sunt enim necessaria ad medicamenta utiliter. ¶. Attraxit autem Tobias piscem in siccum, et palpitare cepit ante pedes ejus; et ait Angelus ei. Exentera.

*Lectio vj.*

**S**UBITO patefacto mysterii celestis honore, voce Raphaelis Archangeli attoniti Tobis, et Tobias collapsi in terram proruerunt, vocem tremulam penitus occultaverunt, quia vocem insolitam audierunt. Quid metulistis pater Tobis, filiusque Tobias? mercenarium habere celestem, et tamquam operarium locare terrestrem? Celavit vobis Angelus nomen, Azarias sum, inquit, Ananiæ magni filius: et cum dixit: Ego sum Raphael Angelus, celavit in primo nomine dignitatem, ne faceret locatori terrorem. Si enim diceret: Ego sum Angelus, non esset Tobiae mercenarius: servata est dignitas nominis, ut postremo magnitudo claresceret dignitatis. Videte, charissimi, quantum sit eleemosynæ meritum; Angelum meruit habere operarium. Videtis quantum proficit mortuos sepelire, ut oblatio ejus per Angelum Raphaellem ad celestem ascenderet majestatem. Videtis, quia eleemosyna a morte liberat, et ipsa purgat peccata, facit purgationem oculorum, liberat a tenebris peccatorum. Tobis via sua deducitur, Sara tot viris contristata, per Angelum matrimonio copulatur.

¶. Ubi introieris domum tuam, dixit Angelus Raphael ad Tobiam, statim adora Dominum Deum tuum, et gratias agens ei, accede ad patrem tuum, et osculare eum; \* Statimque lini super oculos ejus ex felle isto piscis, quem portas tecum; scias enim, quoniam mox aperientur oculi ejus: et videbit pater tuus lumen cœli, et in aspectu tuo gaudebit. ¶. Tolle tecum ex felle isto piscis, erit enim necessarium. Statimque. Gloria. Statimque.

IN III. NOCTURNO.

*Ant.* Est hic Sara Raguelis filia, quæ tibi conjugio dabitur, et omnis substantia ejus.

*Psalm.* 95. Cantate Domino, p. 72.

*Ant.* Septem viros habuit, quos dæmonium oppressit: timeo, ne mihi simile contingat.

*Psalm.* 96. Dominus regnavit, exultet, p. 72.

*Ant.* Per tres dies orationi cum uxore tua vacabis, ut in semine Abraham benedictionem in filiis consequaris.

*Psalm.* 102. Benedic anima, p. 77.

¶. Apprehendit Angelus Raphael dæmonium.

¶. Et relegavit illud in deserto superioris Ægypti.

Lectio sancti Evangelii secundum Joannem.

*Lectio vj.*

Cap. 5.

**I**N illo tempore: Erat dies festus Judæorum, et ascendit Jesus Jerosolymam. Et reliqua.

Homilia sancti Augustini Episcopi.

*Tract.* 17. in cap. 5. Joann.

**M**IRUM non esse debet a Deo factum miraculum: mirum enim esset, si homo fecisset. Magis gaudere, quam mirari debemus, quia Dominus noster, et Salvator Jesus Christus homo factus est, quam quod divina inter homines Deus fecit. Plus est enim ad salutem nostram, quod factus est propter homines, quam quod fecit inter homines; et plus est,

quod vitia sanavit animarum, quam quod sanavit languores corporum moriturorum.

¶. Benedicite Deum cœli, dixit Angelus Raphael, et coram omnibus viventibus confitemini ei: \* Quia fecit vobiscum misericordiam suam. †. Ipsum benedicite et cantate illi, et narrate omnia mirabilia ejus. Quia.

*Lectio vii.*

**S**ED quia ipsa anima nec eum noverat, a quo sananda erat, et oculos habebat in carne unde facta corporalia videret; nondum habebat sanos in corde, unde Deum latentem agnosceret: fecit quod videri poterat, ut sanaretur unde videri non poterat. Ingressus est locum, ubi jacebat magna multitudo languentium, cæcorum, claudorum, aridorum.

¶. Tempus est ut revertar ad eum, qui me misit, dixit Angelus Raphael; \* Vos autem benedicite Dominum, et narrate omnia mirabilia ejus. †. Confitemini ei coram omnibus viventibus, quia fecit vobiscum misericordiam suam. Vos. Gloria. Vos.

*Lectio ix.*

**E**T cum esset medicus et animarum, et corporum, et qui venisset sanare omnes animas crediturorum, de illis languentibus unum elegit quem sanaret, ut unitatem significaret. Si mediocri corde, et quasi humano captu, et ingenio consideremus facientem, et quod ad potestatem pertinet, non magnum aliquid perfecit: et quoad benignitatem, parum fecit. Tot jacebant, et unus curatus est, cum posset uno verbo omnes erigere.

### *Ad Laudes*

*et per Horas Antiph.*

1. Missus est Angelus Raphael ad Tobiam, et Saram ut curaret eos.

*Psalm. Dominus regnavit, cum reliquis de Dominica, p. 13.*

2. Ingressus Angelus ad Tobiam salutavit eum: et dixit: Gaudium sit tibi semper.

3. Forti animo esto Tobias, in proximo enim est, ut a Deo cures.

4. Benedicite Deum cœli, et coram omnibus viventibus confitemini illi, quia fecit vobiscum misericordiam suam.

5. Pax vobis, nolite timere, Deum benedicite, et cantate illi, allel.

*Capitulum ut supra.*

### *HYMNUS.*

**C**HRISTE, sanctorum decus Angelorum,

Rector humani generis, et auctor  
Nobis sacratum tribue benignus  
Scandere cœlum.

Angelum nobis medicum salutis,  
Mitte de cœlis Raphael, ut omnes  
Sanet ægrotos, pariterque nostros  
Dirigat actus.

Hinc Dei nostri genitrix Maria,  
Totus et nobis Chorus Angelorum  
Semper assistat, simul et beata  
Concio tota.

Præstet hoc nobis Deitas beata  
Patris, ac Nati, pariterque Sancti  
Spiritus, cujus reboat in omni  
Gloria mundo. Amen.

†. In conspectu Angelorum psallam tibi, Deus meus.

¶. Adorabo ad templum sanctum tuum, et confitebor nomini tuo.

*Ad Bened. Antiph.* Ego sum Raphael Angelus, qui asto ante Dominum: vos autem benedicite Deum, et narrate omnia mirabilia ejus, alleluia.

*Oratio ut supra.*

### *Ad Tertiam.*

*Capit.* Quando orabas.

¶. br. Stetit Angelus: \* Juxta a-ram Templi. Stetit.

†. Habens thuribulum aureum in manu sua. Juxta. Gloria. Stetit.

†. Ascendit fumus aromatum in conspectu Domini,

¶. De manu Angeli.

### *Ad Sextam.*

*Capitulum.*

*Tob. 12.*

**E**T nunc misit me Dominus, ut curarem te, et Saram uxorem

filiŒ tui a dæmonio liberarem : Ego enim Œum Raphael Angelus, unus ex Œeptem, quia aŒtamus ante Dominum.

ñ. br. *Ascendit Œumus aromatum \**  
In conŒpectu Domini. *Ascendit. r. De*  
*mana Angeli. In conŒpectu. Gloria. A-*  
*Œcendit.*

Œ. In conŒpectu Angelorum psal-  
lam tibi, Deus meus.

ñ. Adorabo ad templum Œanctum  
tuum, et conŒitebor nomini tuo.

*Capitulum Tob. 12.*

**T**EMPUS est, ut revertar ad eum,  
qui me miŒit : vos autem bene-  
dicite Deum, et narrate omnia mira-  
bilia ejus.

ñ. br. In conŒpectu Angelorum  
Psallam tibi Deus meus. In conŒpe-  
ctu.

Œ. Adorabo ad templum Œanctum  
duum, et conŒitebor nomini tuo. Psal-  
lam. Gloria. In conŒpectu.

Œ. Adorate Deum.

ñ. Omnes Angeli ejus.

*In II. Vesperis, omnia ut in I. et*  
*loco ult. psal. 137. ConŒitebor tibi*  
*Domine in toto corde meo p. 93.*

*Ad Magnif. Antiph. Princeps glo-*  
*riosissime Raphael Archangelo, eŒto*  
*inemor noŒtri : hic, et ubique Œem-*  
*per precare pro nobis Filium Dei, al-*  
*leluja, alleluja.*

**DIE 25. SS. Gav. Prot. et Jan.**

*MM. Duplex.*

*Oratio.*

**D**EUS, qui per beatos Martyres  
tuos Gavinum, Protum, et Ja-  
nuarium EccleŒiam tuam mirabiliter  
illuŒtrare dignatus eŒ : concede nobis  
Œamulis tuis : ut quos Patronos vene-  
ramur in terris, interceŒŒores habere  
mereamur in cælis. Per Dominum.

*Et Œit commem. SS. ChryŒanthi,*  
*et Dariae Martyr. ut in brev.*

*In I. Noct. Lect. de Œcript. occurr.*

**IN II. NOCTURNO.**

*Lectio iv.*

**P**ROTUS Sacerdos, et Januarius  
Diaconus Turribus in Sardinia

nati, quo tempore Diocletianus Im-  
perator insatiabilem crudelitatem in  
Christianos exercebat, Romam profe-  
cti, et a Cajo ŒanctiŒŒmo Pontifice  
ordinati, atque in Sardiniam reversi,  
fidem ChriŒti Turribus prædicabant ;  
Deique gratia aspirante, plures Gen-  
tiles ad veri Dei cultum perduxerunt,  
inter quos maxime enituit Gavinus Ro-  
manus miles ex præclara (ut fertur)  
Sabellorum familia : qua de causa  
barbari PræŒidis jussu comprehenŒi,  
diuturno carcere macerati, in equuleo  
ŒuŒpenŒi, ferreis ungulis dilaniati,  
variisq; tormentorum generibus ve-  
xati Œunt, Œed Deo protegente, illæŒi  
ab illis evaserunt.

*Lectio v.*

**M**OX Protus Presbyter in Hercu-  
lis insulam, quæ Linaria vulgo  
dicitur, tunc noxiis animalibus refer-  
tam, jubente præŒide, deportatus  
fuit, ut a feris devoraretur : ubi ci-  
bo, atque omni humana ope penitus  
deŒtitutus, multis calamitatibus vo-  
xatus fuit. Sed divinis laudibus inteu-  
dens, ab eo, qui dat escam eŒurien-  
tibus, mirabiliter enutritus, hoc e-  
tiam Œuis precibus impetrasse dicitur,  
ut omnes noxiæ feræ in ea insula ac  
vicina Sardinia, usque in præŒentem  
diem extinctæ omnino fuerint. At ve-  
ro Januarius junior, donis et blandi-  
tiis tentatus, ut a fide deficeret, in  
ejus confessione immobilis persevera-  
vit. Quare PræŒes novis eum tormen-  
tis Œimul cum Proto quem ab exilio  
revocaverat, Œubjecti et Gavino mi-  
liti utrumque tradidit custodiendum,  
Porro Gavinus ab ipsis ad ChriŒtum  
converŒus, et aqua Œalutari ablutus,  
liberos illos dimiŒit, quod inŒontes  
eos, et Œine causa vinctos diceret.

*Lectio vj.*

**I**D cum Tyranno innotuiŒŒet, Œua-  
Œionibus, et illecebris ad idolorum  
cultum Gavinum revocare conatus eŒ ;  
quem in ŒuŒŒepta Religione conŒtan-  
tiŒŒimum repertum, capitali Œententia  
puniri mandavit in Porto Balagni. Quo  
loco etiam Protus, et Januarius qui

U



in Suburbano Turrium loco latentes, ab ipso Gavino in visu ad martyrii palmam invitati fuerant, decollati sunt die vigesima quinta Octobris: Horum corpora tyranno imperante, in mare projecta, mox ab incolis Christianis juxta littus reperta et in ecclesia magnificentissime extructa, ac eorum nomine consecrata, collocata fuerunt, ubi a toto Sardiniae regno, et praecipue a provincia Turritana, quae in honorem sancti Gavini mensem Octobris sanctum Gavinum appellat, ingenti concursu, et populi veneratione conluntur.

*In III. Noct. Homil. in Evang. Cum audieritis praelia, p. 38.*

*Nona Lect. de SS. Martyr. cum comm. in Laud.*

**Die 30. In comm. SS. Quor. Reliq. in Eccl. prop. ass.**

*Duplex.*

*Omnia de Comm. plurim. Mart.*

*Oratio.*

**A**UGE in nobis, Domine, resurrectionis fidem, qui in Sanctorum tuorum Reliquiis mirabilia operaris, et fac nos immortalis gloriae participes, cujus in eorum cineribus pignora veneramur. Per Dominum.

*In I. Noct. Lect. de Script. occur.*

**IN II. NOCTURNO.**

**Ex Tractatu S. Joannis Damasc. de Fide Orthod.**

*Lib. 4. cap. 16.*

*Lectio iv.*

**C**HRISTUS Dominus Sanctorum Reliquias velut salutiferos fontes praebuit, ex quibus plurima ad nos beneficia manant, suavissimumque unguentum profluit. Nec vero quisquam huic sermoni fidem detrahat. Nam si aqua in deserto ex aspera, et solida rupe, atque ex asini maxilla ad sedandam Sampsonis sitim, Deo ita volente, prosiliit; erit ne, cur cuiquam incredibile videatur, ex martyrum Reliquiis suave unguentum scaturire? Minime certe iis quidem, qui-

bus Dei potentia, honorque, quo Sanctos suos afficit, perspectus, et exploratus est: atque illud quidem veteri lege comparatum erat, ut quisquis mortuum contigisset, immundus censeretur. Verum hi mortuorum numero minime habendi sunt:

*Lectio v.*

**E**X quo enim ipsamet vita, ac vitae Auctor inter mortuos adscriptus est, eos, qui in spe Resurrectionis, fideque erga eum diem extremum clausurunt, mortuos haudquam appellamus. Qui enim mortuum corpus miracula edere queat? Per ea daemones expelluntur, morbi profligantur, aegroti sanantur, caeci prospiciunt, leprosi mundantur, tentationes ac mœrores discutiuntur: ac denique omne donum optimum a Patre luminum, eorum opera ad eos, qui fide minime dubia postulant, descendit. Quid non laboris suscipias, ut Patronum quemdam nanciscaris, qui te mortali Regi offerat, ac tuo nomine ad eum verba faciat? An non igitur hi honorandi sunt, qui totius humani generis Patronos se profitentur, ac Deo nostra causa supplicant?

*Lectio vj.*

**H**ONORANDI certe, et quidem ita ut in eorum nomine Deo Tempia extruamus, dona offeramus, eorum memoriam colamus, atque in ea spiritualiter oblectemur; quo nimirum lætitia nostra iis, a quibus invitamur, congruat; ac non, dum eos colere, et demereri studemus, offendamus potius, et iritemus. Quibus enim rebus Deus colitur, iisdem quoque servi ipsius oblectantur: quibus autem Deus offenditur, iisdem etiam ipsius milites offenduntur; quocirca in Psalmis, et Hymnis, et Cantibus spiritualibus, et compunctione, et eorum, qui in egestate versantur, commiseratione, (quibus obsequiis Deus potissimum conciliatur) Sanctos colamus, statuas ipsis, ac visibiles imagines erigamus, immo ipsi vir-

tutibus eorum imitandis hoc consequamur, ut vivæ eorum statum, atque imagines simus.

*In III. Noct. Homil. in Evang. Descendens Jesus de monte, de Com.*

FESTA NOVEMBRIS.

**DIE 9. S. Agrip. E. P. N.**

*Duplex.*

*Oratio.*

**DEUS**, qui Gregem tuum ab insidiis hostium Fidei, beati Agrippini Confessoris, atque Pontificis pastoralis sollicitudine præservasti: dignare quæsumus, ejusdem suffragantibus meritis, inter oves tuas nos perpetuo custodire. Per Dominum.

*In I. Vesp. fit commem. Octav. Omnium Sanctor. et S. Theodori Mart. ut in Brev.*

*In I. Noct. Lect. Fidelis Sermo.*

IN II. NOCTURNO.

*Lectio iv.*

**AGRIPPINUS** Neapoli in Campania natus, a prima ætate Christianis mysteriis, bonisque moribus imbutus, futuræ sanctitatis specimen dedit. Orhatus Parentibus, Christi consilium secutus, vix sibi necessariis retentis, bona pauperibus elargitus est; paterna etiam domo in oratorium conversa eo sita in loco, in quo postea extructa basilica beati Agrippini nomine dedicata est. In demortui Neapolitani Antistitis, Antonino Pio imperante, ad celsiorem locum evectus præclaris magis, magisque virtutibus emicuit, quibus antea in privata vita tam mire effulserat.

*Lectio v.*

**I**n pastoralis officio omnes conatus eo intendit, ut divinus cultus augetur, et christiana Religio illibata floreret, eo potissimum tempore, quo hæretici falsis doctrinis perdere animas et Christi oves mactare contendebant; ad quos confutandos Sanctus Soter Pontifex Maximus salutarem dedit epistolam, admonens Agrippinum, aliosque Campaniæ Præsules, ut pervigiles caverent, ne clandestina perfidiæ lues commissos in greges

grassaretur. Quod Sanctus Antistes et prædicatione Divini verbi, et exemplo integerrimæ vitæ solertissime præstitit; multique infideles divinitus permoti, ejus opera veri Dei cultum, puramque Religionem susceperunt.

*Lectio vj.*

**SIC** ætate, laboribus plurimis, mirisque virtutibus exacta, migravit ad Dominum, multis ante, et post obitum miraculis effulgens, quinto idus novembris, secundo post Christum natum sæculo, sepultusque in cœmeterio extra mœnia, unde in Sancti Salvatoris Templum translatus est, confluentibus ad ejus sepulchrum cultoribus fama sanctitatis, et prodigiorum adductis. Cum præsertim visus quandoque fuerit una cum Beato Januario adesse Sancto Severo morienti, et Civitati obsessæ auxilium ferre de Cælo. Idcirco Neapolitani Cives aliique liminimi Basilicas, et oppida insignita Agrippini nomine ædificarunt. Cujus sacrum Corpus sub ara maxima Principis Ecclesiæ nunc venerationi habetur.

*In III. Noct. Homilia in Evang. Vigilate, IX. Lect. de S. Theodoro et comm. in Laud.*

**DIE 13. S. Stanisl. Kost. Soc. J.**

*Conf. Duplex.*

*In Hymno. m. t. v.*

*Oratio.*

**DEUS**, qui inter cetera sapientiæ tuæ miracula etiam in tenera ætate maturæ sanctitatis gratiam contulisti: da quæsumus; ut beati Stanislai exemplo, tempus instantè operando redimentes, in æternam ingredi requiem festinemus. Per Dominum.

*In I. Noct. Lect. Justus, p. 32.*

IN II. NOCTURNO

*Lectio iv.*

**STANISLAUS**, senatoria Kostkorum gente ortus in Polonia, quam olim esset militiam secuturus, nomen Jesu prænuntiavit, parituræ matri

gremio divinitus inscriptum. Virginitatem adhuc puer ita coluit, ut paterna in mensa si quid minus pudice dictum audisset, præ horrore exanimis corrueret. Ad Viennense in Austria Seminarium studiorum causa missus, non minus exemplo sodalibus, quam venerationi fuit. Coactus inde in Luterani hospitii ædes migrare, ibique a Paulo fratre ad liberio-rem vitam omni etiam asperitatum genere incitatus, domesticum bellum toto biennio constantissime sustinuit; ad æterna se, non ad caduca natum affirmans. Itaque unicum illi erat rerum cœlestium desiderium, perpetua cum Deo consuetudo, cultus Deiparæ adeo tener, ut matrem suavissime appellaret.

*Lectio v.*

**Q**UOTIDIANÆ fratris vexationi Cerebra ipse jujunia, flagella, aliosque insontis corpusculi cruciatus adjiciens, lethalem in morbum incidit. Quo ingravescente, cum dæmonem horrendi canis specie insilientem signo Crucis ter fugasset, sacrum Viaticum, quod in hæretica domo decumbens frustra ab hominibus petebat, ab Angelis accepit. Mox ad pueri Jesu complexum a beatissima ejus Matre comiter admissus, ac Societati jussus nomen dare, subito convaluit. Sed cum aditum ad illam patris timor in Germania præcluderet, peregrini habitu solus, pedes, mendicus fugam arripuit, certus non sistere, nisi voti compos fiat. Iter non uno Dei beneficio prosperum fuit. Nam præter alia, Pauli profugum fratrem jam assequenti equi, immisso divinitus torpore, constiterunt. Et Stanislaus Angelorum pane iterum Angelico ministerio refectus, post duodecies centena passuum millia, tandem Romæ in Societatem Jesu a sancto Francisco Borgia Generali Præposito meruit cooptari.

*Lectio vj.*

**T**YRONIS emeriti virtutes in Religiosæ vitæ palæstra splendi-

dus eluxere; Charitas præsertim erga Deum, in quem assidue alienata a sensibus mente rapiebatur. Inde illi facies semper accensa, nonnunquam radians; perennes lacrymæ, ardor pectoris tantus, ut media quoque hieme foret ingesta identidem gelida temperandus. Itaque amore verius, quam febris æstuans, die Assumptæ in cœlum Virgini sacro, ad ejus triumphalem pompam propius, ut optaverat, spectandam, ab ipsa Beatarum Virginum choro stipata vocatus est ex Quirinali domo probationis, anno innocentis vitæ decimo octavo, operum plenior, quam dierum. Multis post obitum miraculis in sua præsertim Polonia enituit, cujus armis contra formidabiles Turcarum exercitus spectabilis e cœlo affuit non semel; et civitates alias peste, alias incendio liberavit. Quamobrem Clemens decimus eum inter primarios totius Regni Patronos constituit. Benedictus vero decimus tertius (quod a Clemente undecimo jampridem fuerat decretum) in Sanctorum numerum retulit.

IN III. NOCTURNO.

Lectio sancti Evangelii secundum Matthæum.

*Lectio vij. Cap. 19*

**I**N illo tempore: Oblati sunt Jesu parvuli, ut manus eis imponeret. Et reliqua.

Homilia sancti Augustini Episcopi.

*In Psalmum 118.*

**Q**UID parvulus nisi humilis? Hæc sunt mirabilia testimonia tua, Domine, quæ scrutata est anima parvuli hujus, et ideo invenit, quia humiliatus est, et parvulus factus est. Quis enim facit mandata tua sicut facienda sunt, idest ex fide, quæ per dilectionem Dei operatur, nisi ejus in corde per Spiritum sanctum ipsa dilectio diffundatur? Hoc etiam iste parvulus confitetur: Os meum, inquit aperui, et attraxi spiritum, quia man-



data tua desiderabam. Quid Desiderabat, nisi facere mandata divina? Sed non erat unde faceret infirmus fortia, et parvulus magna. Aperuit os, confitens, quod per se ipse non faceret, et attraxit unde faceret.

*Lectio viij.*

**JUNIOR** sum ego, inquit et contemptus, justificationes tuas non sum oblitus. Non sicut inimici mei, qui obliti sunt verborum tuorum. Videtur autem minor ætate non oblitus justificationes Dei dolere pro inimicis suis ætate majoribus, qui obliti sunt. Nam quid est, junior ego non sum oblitus, nisi illi majores obliti sunt? Sed contemptum se dicit hic junior: ideo factus est major: quia ignobilia et contemptibilia mundi elegit Deus, et ea, quæ non sunt tamquam sint, ut ea quæ sunt evacuentur. Et ecce sunt novissimi qui erant primi, et primi qui erant novissimi.

*Lectio ix.*

**I**STE autem junior non est oblitus, quia non suam voluit habere justitiam, sed Dei de qua etiam nunc dicit: Justitia tua justitia in æternum. Propter hanc passus est persecutionem junior a majore, ut diceret junior quod sequitur: Tribulatio, et necessitas invenerunt me: mandata tua meditatio mea est. Sæviant, persequantur; dum tamen mandata Dei non relinquantur, et ex ipsis mandatis etiam qui sæviunt diligantur. Intellectum da mihi, et vivam: Intellectum poscit iste junior, quem si non haberet, non super seniores intelligeret. Sed cum poscit in tribulatione et necessitate, quo intelligat, quam sit contemnendum, quod et possunt auferre persequentes inimici, a quibus se dicit esse contemptum.

**Die 15. S. Leopoldi C.**

*Duplex.*

*Oratio.*

**D**EUS, qui sanctum Leopoldum, Rex Principatu, et curis sæculi

hujus, immaculatum ad regnum cæleste traduxisti: concede propitius, tua clementia ita nos per hæc temporalia dirigi, ut æternæ vitæ consortes effici mereamur. Per Dominum.

*In I. Noct. Lect. de Script. occurr.*

**IN II. NOCTURNO.**

*Lectio iv.*

**L**EOPOLDUS Austriæ Marchio, singulari præconio pietatis, quæ in eo mirifice elucebat, Pius cognominatus, in primo statim ætatis flore ea virtutum initia concepit, quæ annorum progressu in insignem vitæ sanctitatem effloruerunt. Erat enim in juvene cum Dei timore præclara integritas, continentia, et humilitas: in viro justitia, misericordia, sapientia, et præcipuus Religionis cultus. Patre Leopoldo defuncto, et Principatus regimine suscepto, curis licet conjugalibus implicitus, et tam domesticis, quam publicis negotiis impeditus, sedulo tamen pietatis, et misericordiæ munera subiens, lapsos roborabat, oppressos sublevabat, inopes fovebat, inter multiplices regendi sollicitudines totque laborum studia, immaculatum sese ab hoc sæculo custodiebat, temporalia tractando æterna disponens.

*Lectio v.*

**H**IC Princeps Sacerdotes virosque religiosos admodum coluit, Summos quoque Pontifices tanta veneratione prosecutus est, ut ab Innocentio secundo Romano Pontifice peculiaris sancti Petri filius appellaretur. Duo monasteria celeberrima Claustro-neoburgense, et sanctæ Crucis in valle nemorosa construxit et amplissimis censibus dotavit. Melicense quoque a se instauratum magno cum sumptu illustravit. Post hujusmodi præclara sua erga Deum pietatis monumenta, cum Austriæ Principatum quadraginta annis laudabiliter rexisset, anno Domini millesimo centesimo trigesimo sexto, vita sancte functus, atque Sacramentis munitus, o

terris ad cœlestem Jerusalem transi-  
vit.

*Lectio vj.*

**EJUS** Corpus, Claustroneoburgi conditum, innumeris miraculis claruit: quibus Deus tanti viri sanctitatem mundo declaratam voluit. Nam ad Leopoldi invocationem, ejusdem meritis, et precibus, mortui suscitati, cæci illuminati, surdis audis, mutis loquendi facultas, claudis gressus, variis morbis laborantibus sanitas, vinctis libertas restituta: alii quoque alias ejusdem opem mirabiliter experti sunt. Quibus clarissimis sanctimoniarum documentis rite cognitis Innocentius octavus Leopoldum Sanctorum catalogo adscripsit. Ejus sacra ossa e tumulo, Maximiliano primo Imperatore, translata, in eadem Claustroneoburgensi Ecclesia cum debito honore asservantur.

IN III. NOCTURNO.

Lectio sancti Evangelii secundum  
Lucam

*Lectio vij.*

Cap. 19.

**I**N illo tempore: Dixit Jesus discipulis suis parabolam hanc: Homo quidam nobilis abiit in regionem longinquam, accipere sibi regnum, et reverti. Et reliqua.

Homilia venerabilis Bedæ Presbyteri.

**HOMO** nobilis ille est, cui superius cæcus clamabat: Fili David miserere mei: et venienti Jerosolymam concinebant: Hosanna filio David: Benedictus qui venit in nomine Domini, Rex Israel. Longinqua regio Ecclesia est ex gentibus, de qua eidem homini nobili, qui loquitur, Ego autem constitutus sum Rex ab eo, dicitur a Patre: Postula a me, et dabo tibi gentes hæreditatem tuam, et possessionem tuam terminos terræ. Quæ videlicet hæreditas, ac possessio, bifaria ratione regio longinqua vocatur; vel quia a finibus terræ clamat ad Dominum, vel quia longe est a peccatoribus salus: et cum Deus ubique sit præsens, longe tamen

ab eorum sensu, qui idola colunt, Deus verus est. Sed qui erant longe, facti sunt prope in sanguine Christi.

*Lectio viij.*

**VOCATIS** autem decem servis, dedit eis decem mnas; denarios numerus ad legem pertinet propter decalogum. Vocat igitur paterfamilias decem servos; quia elegit discipulos per litteram legis imbutos. Dat eis decem mnas, quia dicta legis spirititaliter intelligenda revelat. Post passionem quippe resurrectionemque aperuit illis sensum ut intelligerent scripturas. Mna namque, quam Greci moam vocant, centum dracmis appenditur, et omnis scripturæ sermo, qui vitæ cœlestis perfectionem suggerit, quasi numeri centenarii pondere fulgescit.

*Lectio ix.*

**ET** ait illis. negotiamini, dum venio; Verba, inquit, Legis ac prophetarum, mystica interpretatione discussa, populis offerte, atque ab eis fidei confessionem, morumque probitatem recipite, juxta quod Psalmista suis auditoribus præcipit, dicens: Sumite Psalmum, et date tympanum hoc est, laudem prædicationis in cordis intentione percipite, et devotionem operis in carnis castigatione reddite. Tympanum quippe est pellis in ligno extenta; pellis vero in ligno extenta, caro est nostra ad exemplum Dominicæ Crucis afflicta.

**Die 28 S. Jacob. de March.**

*Conf. Duplex*

*Oratio.*

**DEUS**, qui ad animarum salutem, et peccatores e vitiorum ceno ad viam virtutis revocandos, Beatum Jacobum Confessorem tuum Evangelii præconem eximium effecisti: concede propitius, ut ejus intercessionem a peccatis omnibus expiati, vitam consequamur æternam. Per Dominum.

*In I. Noct. Justus, de Com.*

IN II. NOCTURNO.

*Lectio iv.*

**J**ACORUS Monte Prandonum Piceni Oppido in Diœcesi Asculana piii Parentibus natus, ab ipsa pueritia bonarum artium, et literarum studia magna cum pietate conjunxit. Adolescens mundi vanitatem cogitans, Charthusianorum Instituto nomen dare constituerat; Deo tamen, qui eum ad animarum salutem, et fidei propagationem destinaverat, ducente, Minorum Familiam ingressus est. In ipso Tyrocinio, quod in Cœnobio Carcerum apud Assisium posuit, obedientia, paupertate, ceterisque virtutibus ita excelluit, ut religiosæ perfectionis exemplar absolutissimum ab omnibus haberetur. Virginitatem perpetuo illibatam servavit, trium horarum somno contentus, reliquam noctem Divinis in laudibus, cruentis flagellationibus, rerumque cœlestium contemplatione transigebat. Loricam ferream supra nudas carnes annis gestavit prope viginti, quam postea jussu Sacerdotis, qui ejus confessiones excipiebat, cilicio asperrimo commutavit. Semel in die pane, et aqua vescabatur, additis raro crudis fabis, herbisque silvestribus obsonii loco. Quam durissimam vivendi rationem tenuit, donec ætate provectum, et ob assiduos labores mala affectum valetudine, ut mitius aliquando secum ageret, Sancti Bernardini Senensis auctoritas impulit.

*Lectio v.*

**S**ACERDOS factus, et ad munus concionandi electus, vivo, et efficaci sermone flagitia hominum constanter et libere increpabat. Nec Viros nobiles, ac potentes reprehendere est veritus, si quos criminibus irritos offendisset: tantusque fiebat ad eum audiendum concursus, ut cum frequentiam capere vel magna templa non possent, in plateis, atque areis suggesta erigi passim oporteret. Hinc Imperatores, Reges, et Præsules amplissimi certatim apud se eum concionantem habere voluerunt.

Mediolani de Magdalene lacrymis diceos, sex et triginta impudicas mulieres a turpi quæstu avocavit; quibus etiam pecunia corrogata ad pio vivendum domicilium extruxit. Tum Sfortia Duce, ac Civibus vehementer instantibus, ut Archiepiscopale munus susciperet, eam dignitatem constantissime recusavit. Bis centena infidelium millia baptismi lavacro tinxisse, et in Hungaria brevi tempore quinquaginta Hæreticorum millia ad Ecclesiæ sinum reduxisse fertur. In Italia nequissimam Fraticellorum sectam iterum ac tertio reviviscentem, penitus extinxit. Ferrariensi Concilio, quod postea Florentiam translatum fuit, interfuit. Sigismundum, et Albertum Imperatores in maximis Regni difficultatibus, præsertim vero in expeditione in Turcas promovenda, et hæreticis debellandis, consilio, et opera adjuvit. Sancto Joanni a Capistrano sacri Socialis Belli adversus Turcas, Pontificiæ Legationis Consiliario in Hungaria defuncto, successus fuit.

*Lectio vj.*

**M**ARTINI Quinti, Eugenii Quarti, Nicolai Quinti, Callisti Tertii, Pii Secundi, Pauli item Secundi, et Sixti Quarti contra Hæreticos Fraticellos, Manichæos redivivos, Patarænos, Hussitas, Taboritas legationibus functus est. Quibus in expeditionibus Italiam universam non semel percurrit; Illyricum tertio, Pannoniam, Sarmatiam, Bohemiam finitimasque provincias peragravit. Tot autem itinera sine sacculo et pera, Apostolorum more, pedibus confecit, ope Divina unice fretus; quæ tum maxime patuit, cum rejectus a nauta Padum amnem, pallio super aquas instrato, cum socio pertransiit. Denique Neapoli, quo Sixti Quarti jussu instante Ferdinando Rege, profectus erat, extremo morbo correptus, Ecclesiæ Sacramentis rite susceptis, anno millesimo quadringentesimo septuagesimo sexto, ætatis octogesimo



quinto, quarto Kalendas Decembris spiritum Deo reddidit. Multis post obitum miraculis claruit, quibus rite cognitis Urbanus ejus Officium, et Missam ab Ordine Fratrum Minorum, et a Clero Neapolis celebrari permisit, quæ Jacobum inter alios Patronos cooptaverat. Corpus ejus in Æde Sacra Sanctæ Mariæ Novæ, incorruptum adhuc et flexibile permanet. Quod cum Vincentius Cardinalis Ursinus, qui post Benedictus Decimus tertius fuit, suis manibus contrectaret, et Philippo Quinto (Hispaniæ Regi venerandum offerret, odorem suavissimum expirare compertum est. Idem vero Pontifex anno millesimo septingentesimo vigesimo sexto Jacobum novis miraculis coruscantem in Sanctorum numerum retulit.

*In III. Noct. Homil. in Evang. Sint lumbi vestri, p. 36\*.*

**DIE 20. S. Emygdii E. M.**

*Duplex.*

*Oratio.*

**DEUS**, qui beatum Emigdium Martyrem tuum, atque Pontificem idolorum victoria, et miraculorum gloria decorasti; concede propitius, ut eo interveniente, malorum spirituum fraudes vincere, et coruscare virtutibus mereamur. Per Dominum.

*Deinde fit comm. SS. Cyriaci, et Socior. MM.*

*Postea S. Romani M.*

*Orat. Præsta, ut intercedente, p. 14.\**

*In I. Noct. Lect. de Script. occur.*

**IN II. NOCTURNO.**

*Lectio iv.*

**EMYGDIUS** e nobili Francorum prosapia Treviris natus, anno ætatis vigesimo tertio, Parentibus idololatriis frustra obstantibus, fidem Christi suscepit, et constantissime professus est. Cum tribus discipulis Euplo, Germano, et Valentino vitam duxit, humanis spretis oblectamentis, rebus divinis penitus incumbibat: erga Proximum charitatis ardore æ-

stuabat, idcirco ad procurandam multorum salutem Romam se contulit. Hospitio exceptus in Insula Tiberis, hospitis filiam per quinquennium jam immedicabili morbo languentem baptismo sanavit.

*Lectio v.*

**MOX**, oculis cæci coram populo signo Crucis apertis, a multitudine eum filium Apollinis credente in templum Æsculapii rapitur. Ibi Christi servum se professus, ejus invocatione magnum numerum ægrorum, nequidquam Idoli opem implorantium, valetudini restituit. Aras diruit, Æsculapii signum confractum in Tiberim projecit. Quibus rebus, et mille tercentorum Gentilium, præter Æsculapii Sacerdotes, conversione inde secuta, irritati Posthumii Titiani Præfecti Urbis minas, Angeli monitu declinans, sanctum Marcellum Pontificem adiit, a quo Episcopus ordinatus, et Asculum missus est.

*Lectio vj.*

**MULTIS** in itinere miraculis, ingenti multitudine Christo adjuncta, simul ac Asculum Emygdus pervenit, dæmones e simulacris idolorum per cuncta fana ejulatibus editis, Peregrinum doloris sui causam indicarunt. Quem cum concitata plebs ad cædem quæreret, excitus tumultu Polymius Civitatis Præses eum ad se vocatum multis, sed irritis verbis, ad Jovis, et Ancariæ Deæ Asculi Patronæ venerationem hortatur, promissis etiam in præmium nuptiis propriæ filiæ Polisiæ, quam Emygdus ad Christum conversam baptizavit, et post eam mille et sexaginta homines, educta e saxo per ingens miraculum aquarum copia. His in rabiem actus Polymius sancto Episcopo caput abscidit, quo facto, truncus ejus mirabiliter erectus objectum humo proprium caput attollens manibus per spatium tercentorum passuum ad Oratorium portavit, unde ad templum maximum translatus est, ubi magna religione Asculani populi,

et concursu externorum hanc usque in diem colitur. lucidit ejus beata mors, persecutione Diocletiani durante.

IN III. NOCTURNO.

*Hom. in Evang. Si quis venit ad me, p. 19.*

FESTA DECEMBRIS.

**DIE 4. S. Barbar. Virg. M.**

*Semiduplex.*

*Oratio.*

**I**NTERCESSIO, quæsumus Domine, beatæ Barbaræ Virgînis et Martyris tuæ ab omni nos adversitate protegat: ut per ejus interventum gloriosissimum Sacrosanti Corporis et Sanguinis Domini Nostri Jesu Christi Sacramentum ante diem exitus nostri per veram pœnitentiam et puram confessionem percipere mereamur. Qui tecum vivit, et regnat.

*Deinde fit comm. feriæ.*

*Lect. I. Noct. de script. occur.*

IN II. NOCTURNO.

*Lectio iv.*

**B**ARBARA, virgo Nicomedensis, Dioscori nobilis, sed superstitiosi hominis filia, per ea quæ visibilia facta sunt, ad invisibilia, divina opitulante gratia, facile pervenit. Quapropter soli Deo rebusque divinis vacare cœpit. Eam Pater, utpote forma venustiori nitentem a quocumque virorum occurso tutari cupiens, turri includit, ubi pia virgo meditationibus et precibus addicta, soli Deo, quem sibi in sponsum delegerat, placere studebat. Oblata a Patre pluries Nobilium connubia fortiter sprexit: pater vero per sui absentiam filiæ animum posse facilius emolliari confidens, jussit primo balneum extrui, ne quid ei deesset ad commoditatem, deinde peregrare in externas regiones profectus est.

*Lectio v.*

**A**BSENTE Patre jussit Barbara duabus fenestris, quæ in turri

erant, tertiam addi in honorem Divinæ Trinitatis, labiumque balnei Sacrosantæ Crucis signo muniri. Quod ubi rediens Dioscorus inspexit, audita novitatis causa, adeo in filiam excanduit, ut stricto ense eam appetens, parum abfuerit, quin eam dire confoderet: sed præsto adfuit Deus: nam fugienti Barbaræ saxum ingens se patefaciens, viam aperuit, per quam montis fastigium petero, et in specu latere potuit: sed paulo post cum a nequissimo Genitore reperta fuisset, ejus latera pedibus, dorsumque pugnis immaniter percussit, et crinibus per loca aspera, difficilesque vias raptatam, Marciano Præsidi puniendam tradidit. Itaque ab ipso omnibus modis, sed incassum tentata, nudam nervis cædi, et inflicta vulnera testulis confricari, deinde in carcerem trahi præcipit: ubi immensa luce circumdatus ei Christus apparens, mirifice confortatam in passionum tollerantia confirmavit: quod animadvertens Juliana Matrona ad Fidem conversa ejusdem palmæ particeps effecta est.

*Lectio vj.*

**B**ARBARÆ demum ferreis unguibus membra laniantur, facibus latera incenduntur, et malleolis caput contunditur: quibus in cruciatibus consortem solabatur, et hortabatur, ut ad finem usque constanter certaret. Præcisis tandem utrique uberibus, nudæ per loca publica tractæ, capite plectuntur, filiæque cervicem ipse scelestissimus Pater humanitatis expertis propriis manibus amputavit: cujus fera crudelitas non diu inulta remansit: nam statim eo ipso in loco fulmine percussus interiit. Corpus hujus beatissimæ Virgînis Justinus Imperator, Nicomedia auferens Constantinopolim primum transportavit. Illud idem, cum in progressu temporis ab Imperatoribus Constantino et Basilio impetrassent Veneti, Constantinopoli deductum in sancti Marci Basilica fuit deinde so-

lemniter collocatum. Postremo et ultimo, supplicantibus Torcellano Episcopo, ejusque sorore Abatissa, ad Ecclesiam Monialium sancti Joannis Evangelistæ Torcellanæ Diocesis anno salutis millesimo nono deferitur; ubi et honorifice conditum perpetuo cultu ad præsens usque tempus summo opere veneratur.

*In III. Noct. Homil. de Comm. 4. loco p. 68\*.*

### **Die 10. Translationis**

**ALMÆ DOMUS LAURETANÆ B. M. V.**

*Duplex Majus.*

*Ad Vesp. Ant. Domum tuam, cum reliq. de Laud.*

*Psal. Dixit Dominus, cum reliq. ut in Festis B. M. V. p. 92\*.*

*Capitulum. Eccli. 24.*

**I**n omnibus requiem quæsi, et in hæreditate Domini morabor. Tunc præcepit, et dixit mihi Creator omnium: et qui creavit me, requievit in tabernaculo meo.

*Hymnus Ave maris stella, p. 93\*.*

*ŷ. Hæc est Domus Domini firmiter ædificata.*

*q̃. Bene fundata est super firmam petram.*

*Ad Magnific. Antiph. Sanctificavit Dominus tabernaculum suum: quia hæc est Domus Dei, in qua invocabitur nomen ejus, de quo scriptum est: Et erit nomen meum ibi, dicit Dominus.*

*Oratio.*

**D**EUS, qui beatæ Mariæ Virginis Domum per incarnati Verbi mysterium misericorditer consecrasti, eamque in sinu Ecclesiæ tuæ mirabiliter collocasti: concede, ut segregati a tabernaculis peccatorum, digni efficiamur habitatores Domus sanctæ tuæ. Per eundem Dominum.

*Et sit comm. Fer., ac S. Melchiadis Papæ et M.*

*Ad Matutinum.*

*Invit. Salvatorem mundi in Domo*

Virginis de Spiritu Sancto conceptum,\*  
Venite adoremus.

*Hymnus. Cælestis Urbs Jerusalem, ut in Dedic. Eccl. p. 76\*.*

**IN I. NOCTURNO.**

*Ant. 1. Elevata est magnificentia tua super cælos.*

*Psal. ut in festis B. M. V. p. 94\*.*

*2. In sole posuit tabernaculum suum et ipse tamquam sponsus procedens de thalamo suo.*

*3. Quis ascendet in montem Domini? aut quis stabit in loco sancto ejus? innocens manibus et mundo corde.*

*ŷ. Domum tuam Domine decet sanctitudo.*

*q̃. In longitudinem dierum.*

*De libro tertio Regum.*

*Lectio j.*

*Cap. 8.*

**S**TETIT autem Salomon ante altare Domini in conspectu Ecclesiæ Israel, et expandit manus suas in cælum, et ait: Ergone putandum est quod vere Deus habitet super terram? Si enim cælum, et cæli cælorum te capere non possunt, quanto magis domus hæc, quam ædificavi? Sed respice ad orationem servi tui, et ad preces ejus, Domine Deus meus. audi hymnum et orationem, quam servus tuus orat coram te hodie, ut sint oculi tui aperti super Domum, de qua dixisti: Erit nomen meum ibi: ut exaudias deprecationem servi tui, et populi tui Israel, quodcumque oraverit in loco isto: et exaudies in loco habitaculi tui in cælo, et cum exaudieris propitius eris.

*q̃. Vidi speciosam sicut columbam, ascendentem desuper rivos aquarum: cujus inæstimabilis odor erat nimis in vestimentis ejus: \* Et sicut dies vernali circumdabant eam flores rosarum, et lilia convallium. q̃. Quæ est ista, quæ ascendit per desertum sicut virgula fumi, ex aromatibus myrrhæ et thuris? Et sicut.*

*Lectio ij.*

**S**I fugerit populus tuus Israel inimicos suos! quia peccaturus est



tibi) et agentes pœnitentiam, et confitentes nomini tuo; venerint et oraverint, et deprecati te fuerint in domo hac: exaudi in cœlo, et dimitte peccatum populi tui Israel, et reduces eos in terram, quam dedisti patribus eorum. Si clausum fuerit cœlum, et non pluerit propter peccata eorum, et orantes in loco isto, pœnitentiam egerint nomini tuo, et a peccatis suis conversi fuerint propter afflictionem suam: exaudi eos in cœlo, et dimitte peccata servorum tuorum, et populi tui Israel: et ostende eis viam bonam, per quam ambulent, et da pluviam super terram tuam, quam dedisti populo tuo in possessionem.

¶. Quæ est ista quæ ascendit sicut aurora consurgens, pulchra ut luna, electa ut sol: \* Terribilis ut castrorum acies ordinata? ¶. Filia Sion tota formosa, et suavis es, pulchra ut luna, electa ut sol. Terribilis.

*Lectio iij.*

**S**I quis cognoverit plagam cordis sui, et expanderit manus suas in domo hac, tu exaudies in cœlo in loco habitationis tuæ, et repropitiaberis, et facies ut des unicuique secundum omnes vias suas, sicut videris cor ejus (quia tu nosti solus cor omnium filiorum hominum) ut timeant te cunctis diebus quibus vivunt super faciem terræ, quam dedisti patribus nostris. Insuper et alienigena, qui non est de populo tuo Israel, cum venerit de terra longinqua propter nomen tuum (audietur enim nomen tuum magnum, et manus tua fortis, et brachium tuum extensum ubique) cum venerit ergo, et oraverit in hoc loco, tu exaudies in cœlo, in firmamento habitaculi tui, et facies omnia, pro quibus invocaverit te alienigena: ut discant universi populi terrarum nomen tuum timere, sicut populus tuus Israel, et probent quia nomen tuum invocatum est super domum hanc.

¶. Quæ est ista, quæ processit

sicut sol, et formosa tamquam Jerusalem? \* Viderunt eam filiæ Sion, et beatam dixerunt, et reginæ laudaverunt eam. ¶. Et sicut dies verni circumdabant eam flores rosarum, et lilia convallium. Viderunt. Gloria. Viderunt.

IN II. NOCTURNO.

*Ant. 1.* Diffusa est gratia in labiis tuis, propterea benedixit te Deus in æternum, et in sæculum sæculi.

2. Sanctificavit tabernaculum suum Altissimus.

3. Homo natus est in ea, et ipso fundavit eam Altissimus.

¶. Domine dilexi decorem Domus tuæ.

¶. Et locum habitationis gloriæ tuæ.

Sermo Sancti Bernardi Abbatis.

Sermo 52. de divers.

*Lectio iv.*

**S**APIENTIA, quæ Dei erat, et Deus erat, de sinu Patris ad nos veniens ædificavit sibi Domum, ipsam scilicet Matrem suam Virginem Mariam, in qua septem columnas excidit. Quid est in ea septem columnas excidere, nisi ipsam dignum sibi habitaculum fide et operibus præparare? nimirum ternarius numerus ad fidem propter sanctam Trinitatem, quaternarius pertinet ad mores propter quatuor principales virtutes. Quod autem in beata Maria sancta Trinitas fuerit, fuerit dico per præsentiam majestatis, ubi solus filius erat per susceptionem humanitatis, testatur Nuntius cœlestis, qui ei arcana mysteria reserans, ait: Ave gratia plena, Dominus tecum; et post pauca: Spiritus Sanctus superveniet in te, et virtus Altissimi obumbrabit tibi. Ecce habes Dominum, habes virtutem Altissimi, habes Spiritum Sanctum, habes Patrem, Filium et Spiritum Sanctum.

¶. Quam metuendus est locus iste! \* Vere non est hic aliud, nisi Domus Dei et porta cœli. ¶. Hæc est Domus Domini firmiter ædificata, be-

ne fundata est super firmam petram.  
Vere.

*Lectio v.*

**U**TRUM autem et quatuor principales virtutes, tamquam quatuor columnas possederit, inquisitione dignum videtur. Primum ergo videamus, an fortitudinem habuerit, quæ nimirum virtus quomodo illi abesse potuit, quæ, abjectis sæcularibus pompis, spretisque voluptatibus carnis, soli Deo in virginitate vivere proposuit? Ni fallor, hæc Virgo est, de qua apud Salomonem legitur: Mulierem fortem quis inveniet? procul et de ultimis finibus pretium ejus. Porro, quod temperans, et justa fuerit, ex Angeli colloctione, et sui ipsius responsione, luce clarius comprobamus. Salutata quippe tam venerabiliter ab Angelo: Ave gratia plena, Dominus tecum, non se extulit, quasi quæ ex singulari gratiæ privilegio benediceretur; sed siluit, et qualis esset insolita hæc salutatio secum cogitavit. Qua in re, quid nisi temperans fuit? at vero cum de cælestibus mysteriis ab eodem Angelo doceretur diligenter quæsivit, quomodo conciperet et pareret, quæ virum utique non cognosceret: et in hoc sine dubio prudens extitit.

¶ Fundata est Domus Domini supra verticem montium, et exaltata est super omnes colles: Et venient ad eam omnes Gentes et dicent: Gloria tibi Domine. ¶ Venientes autem venient cum exultatione, portantes manipulos suos. Et venient.

*Lectio vj.*

**J**USTITIÆ autem præsefert insigne, ubi se ancillam Domini confitetur: nam quod justorum sit confessio, testatur qui ait: Verumtamen justi confitebuntur nomini tuo. Fuit igitur beata Virgo Maria fortis in proposito, temperans in silentio, prudens in interrogatione, justa in confessione. His itaque quatuor morum columnis, et tribus fidei prædictis extruxit in ea sibi domum Sa-

piencia cœlestis, quæ adeo mentem ejus replevit, ut de plenitudine mentis secundaretur et caro. Ipsius autem Virginis natalis Domus divinis mysteriis consecrata, Angelorum ministerio ab infidelium potestate, in Dalmatiam prius, deinde in Agrum Lauretanum Picenæ Provinciæ translata fuit, sedente sancto Cœlestino quinto, eandemque ipsam esse, in qua Verbum caro factum est, et habitavit in nobis, tum Pontificiis diplomatibus, et celeberrima totius orbis veneratione, tum continua miraculorum virtute, et cœlestium beneficiorum gratia comprobatur. Quibus permotus Innocentius duodecimus, quo ferventius erga Matris amantissimæ cultum, Fidelium memoria excitaretur, ejusdem sanctæ Domus Translationem anniversaria solemnitate in tota Piceni provincia veneratam, Missa etiam et Officio proprio celebrari præcepit.

¶ Domus mea, domus orationis vocabitur, dicit Dominus: in ea omnis qui petit accipit, et qui quærere invenit: Et pulsanti aperietur. ¶ Petite, et accipietis: quærere, et invenietis. Et pulsanti. Gloria Patri. Et pulsanti.

In III. NOCTURNO.

*Ant. 1.* Tollite hostias, et introite in atria ejus, adorate Dominum in aula sancta ejus.

*2.* Viderunt omnes populi gloriam ejus.

*3.* Cantate Domino canticum novum, quia mirabilia fecit Dominus, allel.

¶ Domum tuam Domine decet sanctitudo.

¶ In longitudinem dierum.

Lectio sancti Evangelii secundum  
Lucam.

*Lectio vij.*

Cap. I.

**I**N illo tempore: Missus est Angelus Gabriel a Deo in civitatem Galilææ: cui nomen Nazareth, ad Virginem desponsatam viro, cui nomen erat Joseph, de domo David, et

nomen Virginis Maria. Et reliqua.

Homilia S. Bernardi Abbatis.

*Ex Homil. I. supra Missus est.*

**Q**UÆ est hæc Virgo tam venerabilis, ut salutetur ab Angelo? tam humilis, ut desponsata sit Fabro? Pulchra permixtio virginittis et humilitatis: nec mediocriter placet Deo illa anima, in qua et humilitas commendat virginittatem, et virginittas exornat humilitatem: sed quanta putas veneratione digna est, in qua humilitatem exaltat fecunditas, et partus consecrat virginittatem? Audis virginem? Audis humilem? laudabilis virtus virginittas, sed magis necessaria humilitas; illa consulitur, ista præcipitur.

¶ Diffusa est gratia in labiis tuis, Propterea benedixit te Deus in æternum. ¶ Myrrha, et gutta, et cassia a vestimentis tuis, a domibus eburneis, ex quibus te delectaverunt filiæ regum in honore tuo. Propterea.

*Ex Homil. II. supra eod. loc.*

*Lectio viij.*

**M**ISSUS est, inquit, Angelus ad Virginem, virginem carne, virginem mente, virginem professione, virginem denique, qualem describit Apostolus, mente et corpore sanctam; nec noviter, nec fortuito inventam, sed a sæculo electam, ab Altissimo præcognitam, et sibi præparatam, ab Angelis servatam, a Patribus præfiguratam, a Prophetis promissam, ut pauca loquar de pluribus, quam sibi aliam prædixisse Deus videtur, quando ad serpentem ait: Inimicitias ponam inter te et mulierem? Et si adhuc dubitas an de Maria dixerit: audi quod sequitur: Ipsa conteret caput tuum. Cui hæc servata victoria est, nisi Mariæ?

¶ Beata es Virgo Maria, Dei Genitrix, quæ credidisti Domino, perfecta sunt in te quæ dicta sunt tibi: ecce exaltata es super choros Angelorum: Intercede pro nobis ad Do-

minum Deum nostrum. ¶ Ave Maria, gratia plena: Dominus tecum. Intercede. Gloria. Intercede.

*Ex Homil. III. supra eod. loc.*

*Lectio ix.*

**E**T ingressus Angelus ad eam dixit: Ave gratia plena: Dominus tecum. Quo ingressus ad eam? Puto in sacrarium pudici Cubiculi, ubi illa fortassis clauso super se ostio orabat Patrem in abscondito. Solent Angeli adstare orantibus, et delectari in his, quos vident levare puras manus in oratione. Holocaustum sanctæ devotionis gaudent se offerre Deo in odorem suavitatis. Mariæ autem orationes quantum placuerint in conspectu Altissimi, Angelus indicavit, qui ingressus ad eam tam reverenter salutavit.

### *Ad Laudes*

#### *Et per Horas Antiph.*

1. Domum tuam Domine decet sanctitudo in longitudinem dierum.

*Psalm. Dominus regnavit, cum reliq. de Domin. p. 13.*

2. Domus mea, domus orationis vocabitur: in ea omnis qui petit, accipit: et qui quærit, invenit: et pulsanti aperietur.

3. Propter Domum Domini Dei nostri quæsi bona tibi.

4. Domine Deus exaltasti super terram habitationem meam.

5. Domum majestatis meæ, et locum pedum meorum glorificabo.

*Capitulum ut supra ad Vesp.*

*Hymnus. Alto ex Olympi vertice, ut in Dedic. Eccles. p. 83.*

¶ Introibimus in tabernaculum ejus.

¶ Adorabimus in loco, ubi steterunt pedes ejus.

*Ad Bened. Ant. Ecce tabernaculum Dei cum hominibus, et habitabit cum eis: et ipsi populus ejus erunt, et ipse Deus cum eis erit coram Deus.*

*Oratio ut supra ad Vesp.*

*Deinde fit contra feriæ.*



**Ad Primam.**

*In A. brevi dicitur. V. Qui natus es de Maria Virgine.*

**Ad Tertiam.**

*A. brev. Hic Domus Dei est, \* Et porta cœli. Hic Domus. V. Et vocabitur aula Dei. Et porta. Gloria. Hic Domus. V. Domine Dilexi decorem Domus tuæ. V. Et locum habitationis gloriæ tuæ.*

**Ad Sextam.**

*Capitulum. Et sic in Sion firmata.*

*A. brev. Domine \* Dilexi decorem domus tuæ. Domine. V. Et locum habitationis gloriæ tuæ. Dilexi. Gloria Patri. Domine. V. Domum tuam Domine decet sanctitudo. A. In longitudinem dierum.*

**Ad Nonam.**

*Capit. In plateis.*

*A. breve Domum tuam Domine, \* Decet Sanctitudo. Domum. V. In longitudinem dierum. Decet. Gloria. Domum.*

*V. Hic domus Dei est; et Porta Cœli.*

*A. Et vocabitur aula Dei.*

*In II. Vesp. omnia ut in I. præter*

*Ad Magnif. Ant. O quam metuentus est locus iste! Vere non est hic aliud nisi Domus Dei, et porta Cœli. Die 14. S. Agnelli Abbatis.*

*Duplex.*

*Oratio.*

**D**EUS, qui nos per Beatum Agnellum, salutiferæ Crucis vexillo, a Barbarorum incursibus liberasti: te humiliter deprecamur, ut ejusdem præsidio, ab omnibus invisibilium hostium insidiiservamur. Per Dominum.

*Lect. I. Noct. Justus, p. 52\*.*

*IN II. NOCTURNO.*

*Lectio iv.*

**A**GNELUM Neapolitanæ Urbis Tutelarem Parentes diu steriles

a Cœlitum Regina impetrarunt; a qua etiam in futuræ mansuetudinis præsagium, hoc nomine Puerum appellandum didicerunt. Editus in lucem, atque a Matre ad Ecclesiam allatus, post vigesimum a partu diem, Angelica Salutatione Beatam Virginem clara voce salutavit. Decimum quintum annum agens, relicta paterna domo, ad speluncam Urbi proximam se contulit; ut Deo liberius famularetur. Mortuis deinde parentibus, Xenodochium hereditario patrimonio construxit, et, ut erat charitate ferventissimus, se suaque omnia ægrotorum ministerio addixit.

*Lectio v.*

**C**UM autem ejus sanctitatis fama prodigiis illustrata longius diffunderetur, ac plurimi ad eum in dies confluerent, nominis sui celebritatem exosus, asperrimos in montes secessit, verus divini Agni sectator; ubi solis herbis, et aqua contentus aliquandiu vixit. Sed cœlesti monitu ad pristinum rediit Xenodochium; et in Cœnobio a Sancto Gaudio Episcopo Bithiniensi haud procul extructo, monasticam vitam duxit, cui etiam per aliquot annos sanctissime præfuit. Demum fama miraculorum, vitæque innocentia illustris; postquam ad Aras Sacris esset operatus, obdormivit in Domino, decimo nono Kalendas Januarii ætatis anno sexagesimo primo, Mauritio imperante.

*Lectio vj.*

**S**ACRUM corpus Fortunatus tunc temporis Neapolitanus Antistes, accersitis finitimis Episcopis, in Æde Beatissimæ Virginis, Sancti Agnelli nomine postea insignita, summo cum honore, maximæque populi frequentia, sepeliendum curavit. Porro ob innumera in suam Urbem collata beneficia, illud præcipue quod sæpe fuerit cum Crucis Vexillo visus Civitatem obsessam ab hostibus liberare, superque eam manum protendere, Neapolitani Cives quotannis, die illi sacro, ejus Ecclesiam sole-

mni ac publica supplicatione adueniunt; et Agnellum suum, ut vere Patriam Parentem ac Tutelarem, singulari celebratione venerantur.

*In III. Noct. Homil. in Evang. Ecce nos reliquimus, de commu. Abbatum. p. 61.*

### **Die 16. Patrocin. S. Jan.**

*Omnia ut in die festo 19. Sept. pag. 280.*

*Si autem fuerit in Quatuor Temp. Lect. erunt. A mileto, de commu. unius Mart.*

### **Die 18. Expectationis**

PARTUS B. VIRG. MARIAE.

*Duplex majus.*

*Ad Vesp. Antiph. Missus est, cum reliq. de Laud.*

*Psalm. Dixit Dominus. cum reliq. ut in festis B. M. V. p. 92.*

*Capitulum. Isaia 11.*

**EGREDIETUR** virga de radice Jesse, et flos de radice ejus ascendet. Et requiescet super eum Spiritus Domini.

*Hymnus. Creator alme siderum, ut in Sab. ante Dom. I. Adv. p. 106.*

*Hymni terminant. Virtus, honor, laus, gloria.*

*ŷ. Ave Maria, gratia plena.*

*ŷ. Dominus tecum.*

*Ad Magnif. Ant. Spiritus sanctus in te descendet Maria: ne timeas, habebis in utero Filium Dei, alleluja.*

*Oratio.*

**DEUS**, qui de beatæ Mariæ Virginis utero verbum tuum, Angelo nuntiante, carnem suscipere voluisti: præsta supplicibus tuis; ut qui vere eam Genitricem Dei Credimus, ejus apud te intercessionibus adjuvemur. Per eundem Dominum nostrum.

*Et sit com. Adv. Ant. O.*

*Ad Mutut. Invit. Ave Maria, gratia plena: Dominus tecum.*

*Psalmus. Venite exultemus 1.*

*Hymnus Verbum supernum, ut in Dom. I. Adv. p. 106.*

### **IN I. NOCTURNO.**

*Ant. 1. Ecce Dominus noster cum virtute veniet, et illuminabit oculos servorum suorum, alleluja.*

*Psal. I. et II. Noct. de Com. Virg. p. 62.*

*2. Rorate cæli desuper, ut nubes pluant justum, aperiatur terra, et germinet Salvatorem.*

*3. Ecce nomen Domini de longinquo: et claritas ejus replet orbem terrarum.*

*ŷ. Ex Sion Species decoris ejus.*

*ŷ. Deus noster manifeste veniet.*

*Lect. I. Noct. De Isaia Propheta ut in festo annunt. B. V. p. 689.*

*ŷ. IV. Non auferetur sceptrum de Juda, et dux de femore ejus, donec veniat qui mittendus est: Et ipse erit expectatio Gentium. ŷ. Pulchriores sunt oculi ejus vino: et dentes ejus lacte candidiores. Et ipse.*

*ŷ. V. Orietur stella ex Jacob, et consurget homo de Israel, et confringet omnes duces alienigenarum: Et erit omnis terra possessio ejus.*

*ŷ. De Jacob erit qui dominabitur, et perdet reliquias civitatis. Et erit.*

*ŷ. VI. Descendet Dominus sicut pluvia in vellus: oriatur in diebus ejus justitia, Et abundantia pacis.*

*ŷ. Et adorabunt eum omnes reges: omnes gentes servient ei. Et abundantia. Gloria. Et.*

### **IN II. NOCTURNO.**

*Ant. 1. De Sion exhibit lex, et verbum Domini de Jerusalem.*

*2. Ecce Deus noster, expectavimus eum, et salvabit nos, allel.*

*3. Dominus veniet, occurrere illi, dicentes: Magnum principium, et regni ejus non erit finis: Deus, Fortis, Dominator, princeps pacis, alleluja.*

*ŷ. Egredietur virga de radice Jesse.*

*ŷ. Et flos de radice ejus ascendet.*

*Sermo S. Ildefonsi Archiepiscopi Toletani.*

*Ex libro de virginitate B. Mariæ.*

*Lectio iv.*

**D**OMINA mea atque dominatrix mea, Dominans mihi, mater Domini mei, ancilla Filii tui, genitrix factoris mundi: te rogo, te oro, te quaeso, ut habeam spiritum Domini tui, spiritumque Filii tui, nec non et spiritum Redemptoris mei, ut de te vera et digna sapiam, vera et digna loquar, vera et digna quaecumque sunt, diligam. Tu enim es electa a Deo, assumpta a Deo, advocata a Deo, proxima Deo, adhærens Deo, conjuncta Deo; visitata ab Angelo, salutata ab Angelo, benedicta ab Angelo, beatificata ab Angelo; turbata in sermone, attonita in cogitatione, stupefacta in salutatione, admirata in dictorum annuntiatione.

q. Ecce Virgo concipiet, et pariet filium dicit Dominus: \* Et vocabitur nomen ejus Admirabilis, Deus, Fortis. y. Super solium David, et super regnum ejus sedebit in æternum. Et vocabitur.

*Lectio v.*

**I**NVENISSE te apud Deum gratiam audis, et, ne timeas, juberis. Unde et tu fiducia roboraris, cognitione miraculorum instrueris, ad novitatem inaudita gloriæ proveheris. De prole ab Angelo nuntiata es, et post factum integra et pudica manes. Certa virginitas nobis proponitur, et nasciturum ex te sanctum Dei Filium tibi ab Angelo evangelizatur; et quæ sit nascentis Regis potentia, mirabiliter intimatur. Quomodo fiat, quæris, de origine interrogas, de ratione perscrutaris, de experientia requiris, de ordine sciscitaris. Audi inauditum oraculum, considera inusitatum opus, animadvertite incognitum arcanum, attende invisum factum; Spiritus sanctus superveniet in te, et virtus Altissimi obumbrabit tibi.

q. Morate cœli desuper, et nubes pluunt justum: \* Aperiaturs terra, et germinet Salvatorem.

q. Emitte Agnum Domine Domina-

torem terræ, de Petra deserti ad montem filium Sion. Aperiaturs.

*Lectio vj.*

**T**OTA invisibiliter Trinitas conceptionem operabitur in te, sola persona Filii Dei in corpore tuo nascitura carnem assumet de te. Ideoque quod concipietur ex te, quod prodiet ex te, quod germinabitur ex te, Sanctum, vocabitur Filius Dei. Erit enim hic magnus, hic Deus virtutum, hic Rex omnium sæculorum, hic factor omnium rerum. Ecce beata tu inter mulieres, integra inter puerperas, Domina inter ancillas, Regina inter sorores. Ecce ex hoc beatam te dicent omnes generationes, beatam te noverunt omnes cœlestes Virtutes, beatam te prædicant omnes Vates, beatam te celebrant omnes Nationes. Beata tu fidei nostræ; beata tu animæ nostræ, beata dilectioni nostræ, beata præconiis et prædicationibus meis.

q. Docebit nos Dominus vias suas, et ambulabimus in semitis ejus: \* Quia de Sion exhibit lex, et verbum Domini de Jerusalem.

y. Venite, ascendamus ad montem Domini, et ad domum Dei Jacob. Quia Gloria. Quia.

## IN III. NOCTURNO.

Ant. 1. Dominus dabit benignitatem, et terra nostra dabit fructum suum.

Psalm. Benedixisti Domine, p. 68.

Ant. 2. Ecce veniet Deus et homo de domo David sedere in throno, alleluja.

Psalm. Fundamenta ejus, p. 69.

Ant. 3. Annuntiate populis, et dicite: Ecce Deus Salvator noster veniet.

Psalm. 98. Cantate Domino, p. 72

y. Egredietur Dominus de loco sancto suo.

q. Veniet ut salvet populum suum.

Si hoc Festum veneris in Feria iv. Quatuor Temp. Advent. loco sequentis Homiliæ leguntur tres Lect. Homiliæ ejusdem Ferie iv. cum q. quæ hic assignantur.



Lectio sancti Evangelii secundum  
Lucam.

Lectio vij.

Cap. 1.

**I**N illo tempore: Missus est Angelus Gabriel a Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de Domo David, et nomen Virginis Maria. Et reliqua. Homilia venerabilis Bedæ Presbyteri.

*In Evangel. Luc. cap. 1. et In Homiliis Hiemalibus de Tem. Fer. iv. Quatuor Temp. Mensis Decembris.*

**A**D Mariam Virginem Gabriel mittitur, qui Dei fortitudo nominatur: illum quippe nuntiare veniebat, qui ad debellandas aereas potestates humilis apparere dignatus est. De quo per Psalmistam dicitur Dominus fortis et potens. Dominus potens in prælio. Et rursum: Dominus virtutum ipse est Rex gloriæ. Per Dei ergo fortitudinem nuntiandus erat, qui virtutum Dominus et potens in prælio contra potestates aereas ad bella veniebat. Et ingressus Angelus ad eam, dixit: Ave gratia plena: Dominus tecum, benedicta tu in mulieribus. Bene gratia plena vocatur, quæ nimirum gratiam, quam nulla alia meruerat, assequitur: ut ipsum videlicet gratiæ concipiat et generet auctorem.

¶ Ave Maria, gratia plena, Dominus tecum: Spiritus sanctus superveniet in te, et virtus Altissimi obumbrabit tibi: quod enim ex te nascetur Sanctum, vocabitur Filius Dei. ¶ Quomodo fiet istud, quoniam virum non cognosco? Et respondens Angelus dixit ei. Spiritus.

*Bened. Cujus festum....ipsa Virgo Virginum.*

Lectio viij.

**E**CCE concipies in utero, et paries filium, et vocabis nomen ejus Jesum. Jesus, Salvator, sive salutaris interpretatur cujus sacramentum nominis alloquens Joseph Angelus exposuit: Ipse enim (inquens) sal-

vum faciet populum suum a peccatis eorum. Non ait, populum Israel, sed populum suum; hoc est in unitatem fidei ex præputio et circumcisione vocatum, quibus ex diversa parte vocatis fieret unus pastor, et unum ovile. Hic erit magnus, et Filius Altissimi vocabitur, et dabit illi Dominus Deus sedem David Patris ejus. Idem ergo Filius Altissimi, qui in utero virginali conceptus et natus est. Idem homo in tempore creatus ex matre, qui Deus est ante tempora natus ex Patre. Si autem idem homo, qui Deus est; omittat Nestorius, hominem tantum dicere ex Virgine natum.

¶ Suscipe verbum Virgo Maria, quod tibi a Domino per Angelum transmissum est, concipies et paries Deum pariter et hominem. \* Ut benedicta dicaris inter omnes mulieres. ¶ Paries quidem filium, et virginitalis non patieris detrimentum: efficiaris gravis, et eris mater semper intacta. Ut benedicta. Gloria. Ut benedicta.

Lectio ix.

**I**DEOQUE et quod nascetur ex te Sanctum, vocabitur Filius Dei. Ad distinctionem nostræ sanctitatis, Jesus sanctus singulariter nasciturus asseritur. Nos quippe, etsi sancti efficiamur, non tamen nascimur, quia ipsa naturæ corruptionis conditione constringimur, ut merito cum Prophetis gementes, singuli dicamus: Ecce enim in iniquitatibus conceptus sum, et in delictis peperit me mater mea. Ille autem solus veraciter sanctus est, qui ut ipsam conditionem naturæ corruptibilis vinceret, ex commixtione carnalis copulæ conceptus non est. Sanctum, inquit, vocabitur Filius Dei. Quid hic dicis Nestoriane, qui beatam Mariam Dei negans esse Genitricem, aperte niteris impugnare veritatem? Ecce Deym dixit super venturum, Dei Filium nasciturum. Quomodo ergo aut Dei Filius Deus non est; aut quæ Deum edidit, quomodo Theoto-

cos, id est, Dei Genitrix non esse potest?

### **Ad Laudes**

*et per Horas, Antiphonæ.*

1. Missus est Gabriel Angelus ad Mariam Virginem desponsatam Joseph.

*Psalmus.* Dominus regnavit. cum reliq. de Dom. p. 13.

2. Ave Maria, gratia plena: Dominus tecum: Benedicta tu in mulieribus, allel.

3. Ne timeas Maria, invenisti gratiam apud Dominum: ecce concipies, et paries filium, alleluja.

4. Dabit ei Dominus sedem David patris ejus, et regnabit in æternum.

5. Ecce ancilla Domini, fiat mihi secundum verbum tuum.

*Capit. ut in I. Vesp.*

*Hymnus.* En clara vox, ut in Dom.

*I. Adv. p. 109.*

γ. Spiritus sanctus superveniet in te.

α. Et virtus Altissimi obumbrabit tibi.

*Ad Bened. Antiph.* Super solium David et super regnum ejus sedebit in æternum.

*Oratio ut supra.*

## **OFFICIA VOTIVA**

### **OFFICIUM**

#### **SS. Sacramenti**

*per annum.*

*Omnia ut in die festi Corp. Christi omissis Alleluia extr. temp. Paschal.*

*Lect. I. Noct. de Script. occur.*

*Lect. II. Noct. ut sequitur.*

*JANUARIO ET FEBRUARIO.*

*In II. Noct. ut in Sabb. infr. oct. p. 442.*

*In III. Noct. ut feria vj. infr. oct. p. 440.*

*MARTIO ET APRILI.*

*In II. Noct. ut in Dom. infr. oct. p. 444.*

*In III. Noct. ut in Sabb. infr. oct. p. 442.*

*MAJO ET JUNIO.*

*In II. et III. Noct. ut fer. II. infr. oct. p. 446.*

*JULIO ET AUGUSTO.*

*In II. et III. Noct. ut in feria III. infr. octav. p. 449.*

*SEPTEMBRI ET OCTOBRI.*

*In II. et III. Noct. ut feria IV. infr. oct. p. 450.*

*NOVEMBRI ET DECEMBRI.*

*In II. et III. Noct. ut in die octava. p. 453.*

### **OFFICIUM**

#### **Conceptionis B. M. V.**

*Omnia ut in die festi omissis est hodie, hodiernam et mutatis solemnitas, solemnitate in commemoratio, commemoratione.*

*Lect. I. Noct. de script. occur.*

*In II. et III. Noct. ut sequitur.*

*JANUARIO ET FEBRUARIO.*

*Ut in die festi p. 619.*

*MARTIO ET APRILI.*

*Ut in die II. infr. oct. p. 621.*

*MAJO ET JUNIO.*

*Ut in die III. infr. oct. p. 622.*

*JULIO ET AUGUSTO.*

*Ut in die V. infr. oct. p. 624.*

*SEPTEMBRI ET OCTOBRI.*

*Ut in die VII. infr. oct. p. 627.*

*NOVEMBRI ET DECEMBRI.*

*Ut in die octava p. 628.*

### **OFFICIUM.**

#### **S. Januarii. Ep. et Mart.**

**PRIMI PATR. PRINC. CIV. ET ARCH.**

*Semid.*

*Semel in mense die non impedita recitandum in civit. et Archid. ex concess. Innoc. XII. 29. Sept. 1691.*

*Omnia ut in fine Brev. die 19. Sept. præter Lect. I. Noct. de Script. occur.*

# PRÆPARATIO

## A D M I S S A M

Pro opportunitate Sacerdotis facienda.



### Antiphona.

Ne reminiscaris Domine delicta nostra vel parentum nostrorum, neque vindictam sumas de peccatis nostris.

*Quæ Antiph. in Festis duplicibus tantum duplicatur.*

*Deinde dicuntur sequentes Psalmi.*

*Psalmus 83. Quam dilecta tabernacula.*

*In Psalterio 68.*

*Psalmus Benedixisti Domine. 69. Inclina Domine. 68. Credidi, propter quod. 88. De profundis clamavi 92.*

*Deinde repetitur Ant. Ne reminiscaris Domine delicta nostra, vel parentum nostrorum, neque vindictam sumas de peccatis nostris.*

*Et tempore Paschali additur in fine alleluja.*

*Deinde Sacerdos dicit. Kyrie eleison. Christo eleison. Kyrie eleison. Pater noster. secreto.*

*℟. Et ne nos inducas in tentationem.*

*℞. Sed libera nos a malo.*

*℟. Ego dixi, Domine, miserere mei.*

*℞. Sane animam meam, quia peccavi tibi.*

*℟. Convertere Domine aliquantulum.*

*℞. Et deprecare super servos tuos.*

*℟. Fiat misericordia tua Domine super nos.*

*℞. Quemadmodum speravimus in te.*

*℟. Sacerdotes tui induantur justitiam.*

*℞. Et sancti tui exultent.*

*℟. Ab occultis meis munda me Domine.*

*℞. Et ab alienis parce servo tuo.*

*℟. Domine exaudi orationem meam.*

*℞. Et clamor meus ad te veniat.*

*℟. Dominus vobiscum.*

*Oremus.*

**A**URES tuæ pietatis, mitissime Deus, inclina precibus nostris, et gratia sancti Spiritus illumina cor nostrum: ut tuis mysteriis digne ministrare, teque æterna charitate diligere mereamur.

**D**EUS, cui omne cor patet, et omnis voluntas loquitur, et quem nullum latet secretum, purifica per infusionem sancti Spiritus cogitationes cordis nostri, ut te perfecte diligere, et digne laudare mereamur.

**U**RE igni sancti Spiritus renes nostros, et cor nostrum, Domine, ut tibi casto corpore serviamus, et mundo corde placeamus.

**M**ENTES nostras, quæsumus Domine, Paraclitus, qui a te procedit, illuminet, et inducat in omnem, sicut tuus promisit Filius, veritatem.

**A**DSIT nobis, quæsumus Domine, virtus Spiritus sancti: quæ et corda nostra clementer expurget, et ab omnibus tueatur adversis.

**C**ONSCIENTIAS nostras, quæsumus Domine, visitando purifica: ut veniens Dominus noster Jesus Christus Filius tuus, paratam sibi in nobis inveniat mansionem. Qui tecum vivit et regnat in unitate Spiritus sancti Deus, per omnia sæcula sæculorum. Amen.



## GRATIARUM ACTIO POST MISSAM.

---

*Ant. Trium puerorum. In duplicibus duplicatur.*

*Cant. Benedicite, p. 14. Psalm. Laudate Dominum, p. 15.*

*Ant. Trium puerorum cantemus hymnum, quem cantabant sancti in camino ignis, benedicentes Domino. Temp. Pasc. Alleluia.*

*Kyrie eleison. Christe eleison. Kyrie eleison. Pater noster.*

*ŷ. Confiteantur, tibi Domine, omnia opera tua. ŷ. Et sancti tui benedicant tibi.*

*ŷ. Exultabunt sancti in gloria. ŷ. Lætabuntur in cubilibus suis.*

*ŷ. Non nobis, Domine, non nobis.*

*ŷ. Sed nomini tuo da gloriam.*

*ŷ. Domine exaudi orationem meam.*

*ŷ. Et clamor meus ad te veniat.*

*ŷ. Dominus vobiscum.*

*ŷ. Et cum spiritu tuo.*

*Oremus.*

**D**EUS, qui tribus pueris mitigasti flammam ignium, concede propitius, ut nos famulos tuos non exurat flamma vitiorum.

**A**CTIONES nostras, quæsumus Domine, aspirando præveni, et adjuvando prosequere, ut cuncta nostra oratio et operatio a te semper incipiat, et per te cœpta finiatur.

**D**A nobis, quæsumus, Domine, vitiorum nostrorum flammam ex-

tinguere, qui beato Laurentio tribuisti tormentorum suorum incendia superare. Per Christum Dominum nostrum. ŷ. Amen.

*Oratio S. Thomæ Aquinatis.*

**G**RATIAS tibi ago, Domine sancte, Pater omnipotens, æterne Deus, qui me peccatorem indignum famulum tuum, nullis meis meritis, sed sola dignatione misericordiæ tuæ satiare dignatus es pretioso Corpore et Sanguine Filii tui Domini nostri Jesu Christi, et precor ut hæc sancta Communio non sit mihi reatus ad penam, sed intercessio salutaris ad veniam: sit mihi armatura fidei, et scutum bonæ voluntatis: sit vitiorum meorum evacuatio, concupiscentiæ ac libidinis exterminatio, charitatis et patientiæ, humilitatis et obedientiæ, omniumque virtutum augmentatio, contra insidias inimicorum omnium, tam visibilium quam invisibilium firma defensio, motuum meorum tam carnalium quam spiritualium, perfecta quietatio, in te uno ac vero Deo firma adhesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo et Spiritu Sancto, Sanctis tuis es lux vera, satiety plena, gaudium sempiternum, jucunditas consummata et felicitas perfecta. Per eundem Christum Dominum nostrum. Amen.

# INDEX ALPHABETICUS

M. B. Numerus cui hoc signum \* appingitur Appendicis paginam designat.

## A

Abdon et Sennen Mm . . .	796
Adriani M. . . . .	851
Ægidli Abb. . . . .	847
Agapiti M. . . . .	828
Agatæ V. M. . . . .	666
Agnoelli Abb. . . . .	318*
Agnetis V. M. . . . .	647
Agnetis Secundo. . . . .	657
Agrippini C. P. . . . .	307*
Alexandri et Soc. Mm. . . .	716
Alexii C. . . . .	781
Aloisii Gonzagæ C. . . . .	267*
Alphonsi Maria de Ligorio P.C.	276*
Ambrosii C. P. D. . . . .	617
Anacleti Pp. M. . . . .	779
Andreas Ap. . . . .	608
Andreas Avell. C. . . . .	913
Andreas Corsini C. P. . . .	665
Angelorum Cust. . . . .	880
Aniceti Pp. M. . . . .	703
ANNÆ MATR. B. M. V. . . .	793
ANNUNT. B. M. V. . . . .	689
Anselmi P. C. D. . . . .	703
Antonii Abb. . . . .	640
Antonii de Padua . . . . .	742
Octav. ejusd. . . . .	266*
Antonii et Soc. Mm. Hydr. .	280*
Antonini C. P. . . . .	723
Apollinaris P. M. . . . .	790
Apolloniæ V. M. . . . .	670
Apparitio S. Michaelis Arch. .	721
Aspreni C. P. . . . .	278*
ASSUMPT. B. M. V. . . . .	821

Athanasii C. P. . . . .	270*
Athanasii C. P. D. . . . .	712
Augustini C. P. D. . . . .	841

## B

Barbaræ V. M. . . . .	313*
Barnabæ Ap. . . . .	739
Bartholomei Ap. . . . .	837
Basilidis et Soc. Mm. . . .	741
Basilii Magni C. P. D. . . .	743
Benedicti Abb. . . . .	688
Bernardi Abb. D. . . . .	832
Bernardini Senens. C. . . .	730
Bibianæ V. M. . . . .	612
Birgittæ Vid. . . . .	886
Blasii P. M. . . . .	665. 239*
Bonaventuræ P. C. D. . . .	772
Bonifacii M. . . . .	725
Boni Latrou. C. . . . .	244*
Brunonis C. . . . .	885

## C

Cæcilie V. M. . . . .	926
Cajetani C. . . . .	810
Callisti. Pp. M. . . . .	890
Camilli de Lellis C. . . . .	781
Candidæ Juniori . . . . .	286*
Candidæ Senior . . . . .	285*
Canuti M. . . . .	645
Caroli C. P. . . . .	906
Casimiri C. . . . .	676
Catharinæ V. M. . . . .	932
Catharinæ V. . . . .	409
Catharinæ Senen. V. . . . .	709
Catharinæ de Riccis V. . . .	233*

Cathedra S. Petri Antioch.	672
Cathedra S. Petri Rom.	641
Chrysanti et Darie Mm.	897
Chrysogoni M.	932
Christinæ V. e M.	791
Christoph. M.	793
Claræ V.	817
Clementis Pp. M.	929
Cleti et Marcell. Pont. Mm.	707
Comm. S. Pauli Ap.	761
Commemorationes Commun.	934
Comm. Omn. Apost. et Mm.	269*
Comm. Solemn. Passion. D. N.	
L. C.	133*
CONCEPTIO B. M. V.	617
Conversion. S. Paul. Ap.	682
CORDIS D. N. L. C.	200*
CORDIS B. M. V.	210*
Cornelii et Cyprian. Mm.	860
CORONÆ SPIN. D.N. L. C.	152*
CORONÆ SPIN. ALIUD. OFF.	156*
Cosmæ et Damiani Mm.	871
Cypriani et Iustin. Mm.	870
Cyri M.	231*
Cyriaci Largi ec. Mm.	811

**D**

Damasi Pp. C.	623
Decoll. S. Ioan. Bapt.	842
Dedicatio S. Mich. Arch.	872
Dedic. Basil. Salvat.	913
Dedic. Basil. SS. Apost. Petri et Paul.	922
Desponsat. B. M. V.	225*
Didaci C.	920
Dionysii et Soc. Mm.	887
Dominici C.	804
Octav. ejusdem.	279*
Donati P. M.	811
Dorotheæ V. M.	608

**E**

Eduardi Reg. C.	889
Egidii Abb.	847
Eleutherii Pp. M.	733
Elisabeth Reg. Hung. Vid.	924
Elisabeth Regin. port. Vid.	773
Emerentianæ V. M.	651
Emygdii P. M.	312*

Evaristi Pp. M.	897
Euphebi C. P.	258*
Euphemie et Socior. Mm.	861
Eusebii E. M.	630
Eusebii C.	819
Eustachii et Soc. Mm.	865
EXALTATIO S. CRUCIS	855
EXPECTATIO PART. B. M. V.	319*

**F**

Fabiani et Sebast. Mm.	646
Faustini et Iovitæ Mm.	672
Felicis Pp. M.	735
Felicis Presb. M.	637
Felicis a Cantal. C.	256*
Felicis Vales. C.	924
Felicis et Adaucti Mm.	845
Felicis, Simplicii etc. Mm.	930
Felicitatis M.	930
Ferdinandi Reg. C.	261*
Festi et Socior. Mm.	294*
Fidelis a Sigm. M.	705
Filumenæ V. M.	281*
Fortunatæ V. M.	298*
Fortunati C. P.	262*
Franciscæ Vid. Rom.	679
Francisci Assis. C.	881
Francisci Borgia C.	888
Franci Carac. C.	736
Franc. de Hieron. C.	252*
Franc. de Paula C.	696
Octav. ejusd.	178*
Franc. Sales C. P.	637
Franc. Xaver. C.	613

**G**

Gabrielis Arch.	237*
Gavini et Soc. Mm.	305*
Georgii M.	705. 243*
Gertrudis V.	921
Gervasii et Protas. Mm.	747
Gordiani et Epim. Mm.	723
Gorgonii M.	853
Gregorii VII. Pp. C.	731
Gregorii Pp. C. D.	681
Gregorii Arm. P. M.	291*
Gregor. Nazianz. C. P. D.	722
Gregor. Thaum. C. P.	921
Gulielm. Abb.	753



**H**

Hedwigis vid.	292
Helenæ Imperatr. Vid.	284*
Henrici C.	779
Hermenegil. M.	701
Hermetis M.	841
Hieron. Amil. C.	785
Hieron. Presb. C. D.	877
Hylarii C. P. D.	637
Hilarion. Abb.	896
Hyacinthi C.	826
Hygini Pp. M.	632
Hyppol. et Cassian. Mm.	818

**I**

Iacobi Apost.	792
Iacobi de March. C.	310*
Ianuarii E.M. Præc. Patr.	863
Octav. ejusd.	290*
Ignatii C.	797
Ignatii P. M.	660
Ildefonsi C. P.	228*
Impressio Stigm. S. Franc.	861
INVENT. S. CRUCIS	713
Invent. S. Steph. Protom.	802
Ioachim Patr. B. M. V.	824
Ioannæ Franc. Fremiot vid.	833
Ioann. Episc. Neap.	268*
Ioann. Pp. M.	734
Ioan. a Cruce	931
Ioann. Ioseph. a Cruce C.	236*
Ioann. Cantii C.	894
Ioann. a S. Facundo C.	741
Ioann. ante port. latin.	719
Ioann. Chrysost. C. P. D.	656
Ioann. de Deo C.	678
Ioann. de Matha C.	669
Ioann. Gualb. Abb.	777
Ioann. Nepomuc. M.	254*
Ioann. Franc. Regis C.	263*
Ioann. et Pauli Mm.	754
Iosephi Spons. B. M. V.	684
Iosephi a Cupertino C.	863. 287*
Iosephi a Calasant. C.	840
Irenes V. M.	299*
Isidori C. P. D.	697
Julianæ de Falcon. V.	748
Juliani C. P.	922*

**L**

LANCÆ ET CLAVORUM D.N.J.C.	160*
Laurentii M.	812
Laurent. Justinian. C. P.	848
Leonis Pp. C. D.	700
Leonis II. Pp. C.	756
Leuci C. P.	233*
Liborii C. P.	271*
Lini Pp. M.	868
Lucæ Evang.	893
Luciæ V. M.	625
Lucii Pp. M.	676
Ludovici Ep. Tolos.	282*
Ludov. Regis	838
Ludovici Bertr. C.	295*
Leopoldi C.	309*

**M**

Machabeor. Mm.	800
Macrinæ V.	270*
Marcelli Pp. M.	640
Marcel. Petri et Erasmi Mm.	735
Marci Evang.	706
Marci Pp. C.	886
Marci et Marcelliani Mm.	745
Margaritæ Reg. Scotor. Vid.	738
Margaritæ V.M.	783
Margaritæ de Corton.	234*
MARIÆ V. AD NIVES	805
MARIÆ V. AUXILIUM CHRISTIAN.	258*
MARIÆ V. AUXIL. AGONIZ.	221*
MARIÆ V. DE BONO CONSILIO	248*
MARIÆ V. DE MERCEDE	869
MARIÆ V. DE MONTE CARMELO	780
Mariæ Egyptiacæ	250*
Mariæ de Cervell.	290*
Mariæ Magd. de Pazzis	734
Mariæ Magd. Pœnit.	787
Octava ejusd.	276*
Mariæ Franc. a V. Vulner.	294*
Marii et Socior. Mm.	646
Marthæ V.	795
Martinæ V. M.	658
Martini P. M.	919
Martini C. P.	917
MATERNIT. B. M. V.	213*
Mathiæ Ap.	675
Matthæi Ap. Ev.	866

Mauri Abb.	639
Mauritii et Socior. Mm.	867
Melchiadis P. M.	612
Mennæ M.	919
Monicæ vid.	717

## N

Naboris et Felic. Mm.	777
NATIVITAS B. M. V.	849
Nativ. S. Joannis Bapt.	749
Nazarii, Celsi etc. Mm.	794
Nerei, Acbill. etc. Mm.	724
Nicolai C. P.	616
Nicolai de Tolent. C.	884
Nicomedis M.	859
NOMINIS JESU	632
NOMINIS B. M. V.	881
Norberti C. P.	737

## O

Orationis D. N. J. C.	129*
Omnium Sanctorum.	899
Officia Votiva.	322*

## P

Pantaleon M.	704
Aliud offic. ejusd.	273*
Pascal Baylon C.	726
Patriciæ V.	283
Patrizii C. P.	683
PATROCIN. B. M. V.	221*
Patroc. S. Joseph.	186*
Patroc. S. Januar.	319*
Pauli 1. Erem.	638
Pauli de Aretio C. P.	264*
Paulini C. P.	747
Perpet. et Felicit. Mm.	677
Petri ad Vincula.	798
Petri et Pauli App.	757
Petri Coelest. Pp. C.	729
Petri Chrysol. C. P. D.	614
Petri Damiani C. P. D.	674
Petri de Alcant. C.	893
Petri de Pisis C.	265*
Petri Alex. P. M.	893
Petri M.	708
Petri Nolasci C.	689
Petronillæ V.	736

Philippi Benit. C.	836
Philip. et Jacob. App.	710
Philippi Nerii C.	732
Pii V. Pp. C.	718
Pii Pp. M.	777
Placidi et Socior. Mm.	858
Polycarpi P. M.	688
Pomponii C. P.	253*
Pontiani Pp. M.	924
Potiti M.	221*
PRÆSENT. B. M. V.	923
Praxedis V.	787
Primi et Felician. Mm.	738
Priscæ V. M.	644
Proti et Hyacint. Mm.	835
Pudentian. V.	730
Pulcheriæ V. Imperatr.	296*
PURIFIC. B. M. V.	661
PURITATIS. B. M. V.	217*

## Q

Quadrage. Martyrum.	680
Quatuor Coronator Mm.	913
QUINQUE VULNER. D. N. I. C.	164*

## R

Raphaelis Arch.	300*
Raymundi de Pagnaf. C.	680
Raymun. Nonnati C.	846
REDEMPTORIS.	203*
Reliquiæ SS. Mm.	306*
Remigii C. P.	879
Restitutæ V. M.	285*
Rochi C.	281*
Romualdi Abb.	669
Rosæ Lim. V.	845
Rosalie V.	285*
ROSARI B. M. V.	879

## S

Sabbæ Abb.	613
SANGUINIS D. N. I. C.	168*
Saturnini M.	608
Scholast. V.	671
SEPTEM DOLOR. B. V.	691, 210*
Septem Fratr. etc. Mm.	775
Sergi Bacchi etc. Mm.	886



Severi et Soc. Mm.	913
Severi C. P.	231*
Silverii Pp. M.	747
Simeonis P. M.	672
Simonis et Judæ App.	897
SINDONIS D. N. I. C.	174*
Soteris et Caji Pont. Mm.	704
Stanislai P. M.	720
Stanislai Kostkæ C.	847
Stephani Pp. M.	802
Steph. Hungar. Reg. C.	847
Symphor. et Filiar. Mm.	783

**T**

Teresiæ V.	890
Theclæ V. M.	869
Theodori M.	915
Thomæ Ap.	631
Thomæ Aquin. C. D.	677
Thomæ de Villan. C. P.	867
Tiburtii et Susan Mm.	815
Tiburtii Valer. etc. Mm.	703
Timothei P. M.	632
Timoth. Hippol etc. Mm.	835
TRANSFIG. D. N. I. C.	805
TRANSLAT. DOMUS LAUR.	314*
Translat. S. Athan C. P.	242*
Transl. S. Januar.	191*

Octava ejusd.	194*
Transl. Reliq. S. Thom. Aquin.	225*
Tryphonis etc. Mm.	916

**V**


Valentini Presb. M.	672
Ubaldi C. P.	726
Venantil M.	727
Vincentii a Paulo C.	784
Vincentii Ferrer. C.	699
Vincent. et Anast. Mm.	650
VISIT. B. M. V.	766
Vitalis M.	708
Vitalis et Agric. Mm.	907
Viti, Modest. et Cresc. Mm.	744
Urbani Pp. M.	732
Ursulæ, et Sociar. Mm.	299*
Wenceslai M.	871
VULNERUM D. N. I. C.	164*

**X**

Xysti, Feliciss. etc. Mm.	808
---------------------------	-----

**Z**

Zephyrini Pp. M.	839
------------------	-----





# PSALMORUM INDEX.

Ad Dominum cum trib.	89	Deus noster, refugium,	43
Ad te, Domine, clamabo	33	Deus, quis similis	68
Ad te, Domine, levavi	22	Deus, repulisti,	32
Ad te levavi oculos	90	Deus stetit in synagoga	67
Afferre Domino, filii Dei	33	Deus, venerunt gentes,	64
Attendite, popule meus.	62	Deus ultionum	71
Audite hæc, omnes gentes.	46	Dilexi quoniam,	88
Beati immaculati in via.	17	Diligam te,	8
Beati omnes,	91	Dixi, custodiam.	42
Beati quorum,	34	Dixit Dominus	86
Beatus qui intelligit,	43	Dixit injustus	36
Beatus vir qui non abiit,	2	Dixit insipiens, Ps. 13.	6
Beatus vir qui timet,	86	Dixit insipiens, Ps. 32.	49
Benedic anima.... Benedic,	77	Domine, clamavi ad te,	96
Benedic anima.... Confessionem,	77	Domine Deus meus, in te,	4
Benedicam Dominum,	33	Domine, Deus salutis.	69
Benedictus Dominus,	97	Domine Dominus noster,	4
Benedixisti, Domine,	68	Domine, exaudi... auribus,	73
Bonum est confiteri,	83	Domine, exaudi... et clamor,	76
Cæli enarrant	10	Domine, in virtute tua,	11
Cantate... Cantate,	72	Domine, ne... Miserere,	3
Cantate... laus ejus	14	Domine, ne... Quoniam,	38
Cantate... quia mirabilia	75	Domine, non est exalt.	92
Confitebimur tibi, Deus	61	Domine, probasti me,	93
Confitebor tibi... narrabo	4	Domine, quid multiplicati,	3
Confitebor... in consilio	86	Domine, quis habitabit,	7
Confitebor... quoniam,	93	Domine, refugium	65
Confitemini... et invocate	78	Domini est terra,	21
Confitemini... Confitemini	94	Dominus illuminatio	32
Confitemini... dicant qui	81	Dominus regit me,	23
Confitemini... Dicat nunc	16	Dominus regnavit, decorem,	13
Confitemini... Quis loquetur,	79	Dominus regnavit, exultet,	72
Conserva me, Domine,	7	Dominus regnavit, irascantur,	75
Credidi propter quod,	88	Ecce nunc benedicite,	102
Cum invocarem,	101	Ecce quam bonum,	93
De profundis	92	Eripe me de inimicis,	51
Deus auribus	44	Eripe me, Domine,	96
Deus deorum	47	Eruclavit cor meum,	43
Deus, Deus meus, ad te	13	Exaltabo te, Deus,	98
Deus, Deus meus, respice,	22	Exaltabo te, Domine,	33
Deus, in adjutorium,	38	Exaudiat te Dominus,	11
Deus, in nomine tuo.	16	Exaudi, Deus depr. meam,	52
Deus, iudicium tuum,	39	Exaudi, Deus... et ne,	50
Deus, laudem meam,	82	Exaudi, Deus... cum depr.	53
Deus misereatur nostri.	13	Exaudi, Domine,	8

Expectans expectavi , . . .	42	Mis. mei , Deus, secundum, . . .	39
Exultate Deo, . . .	67	Misericordiam et iudicium, . . .	76
Exultate , iusti, . . .	35	Misericordias Domini . . .	79
Exurgat Deus , . . .	54	Nisi Dominus , . . .	91
Fundamenta ejus, . . .	69	Nisi quia Dominus , . . .	90
Inclina, Domine, . . .	69	Noli amulari . . .	37
In convertendo . . .	90	Nonne Deo , . . .	52
In Domino confido . . .	8	Notus in Judæa Deus , . . .	61
In exitu . . .	57	Omnes gentes , . . .	45
In te, Domine . . . libera me . . .	34	Paratum cor meum , . . .	82
In te, Domine, . . . et eripe . . .	58	Quam bonus Israel , . . .	59
Jubilare Deo , . . . Psalmum . . .	53	Quam dilecta . . .	68
Jubilare Deo, . . . servite, . . .	13	Quare fremuerunt . . .	3
Judica, Domine, . . .	36	Quemadmodum desiderat , . . .	42
Judica me, Deus , . . .	48	Qui confidunt . . .	90
Judica me, Domine, . . .	22	Qui habitat , . . .	102
Lætatus sum, . . .	90	Qui regis Israel . . .	64
Lauda, anima mea, . . .	98	Quid gloriaris . . .	47
Lauda, Jerusalem , . . .	99	Sæpe expugnaverunt . . .	91
Laudate Dominum de cœlis, . . .	14	Salvum me fac, Deus . . .	57
Laudate Dominum in sanctis, . . .	15	Salvum me fac , Domine . . .	6
Laudate Dominum omnes gentes . . .	88	Si vere utique . . .	51
Laudate Domin. quoniam bonus. . .	99	Super flumina . . .	94
Laudate nomen Domini . . .	93	Te decet hymnus . . .	55
Laudate , pueri , . . .	86	Venite, exultemus . . .	1
Levavi oculos meos, . . .	89	Verba mea . . .	40
Magnus Dominus , . . .	46	Voce mea . . . et intendit . . .	61
Memento , Domine . . .	92	Voce mea . . . deprecatus . . .	97
Misere mei , Deus , miserere , . . .	51	Usquequo , Domine , . . .	6
Mis. mei, Deus, quoniam , . . .	50	Ut quid, Deus, repulisti . . .	60

### CANTICORUM INDEX.

Audite, Cœli, . . .	84	Ego dixi , in dimidio . . .	48
Benedicite, omnia, . . .	14	Exultavit cor meum. . .	56
Benedictus Dominus , . . .	16	Magnificat , . . .	88
Cantemus Domino, . . .	66	Nunc dimittis . . .	103
Confitebor tibi , . . .	40	Quicumque vult . . .	18
Domine, audivi , . . .	73	Te Deum laudamus . . .	12

**FINIS.**

Sbn VA1-1532322







11. 11. 11

79. BB. 50



